

**HIEREMIAE  
DREXELII È  
SOCIETATE IESU  
OPERA CUM  
INDICE...**

---

Jeremias Drexel, Philipp  
Sadeler








B. 50







*Haroldine Germanica Sa. 1754*



*Apyd Melchiorum Segen Bibliopolam. eticolaum Henricum  
Electoralum Typographum. noj 629.  
Cum gratia et privilegio S. Caesaris Maiest.*

*Dom. Prof. Rom. S. I.*

# P R O G R A M M A

## T Y P O G R A P H I

### A D

# L E C T O R E M.

**R**EDDIMVS luci, mi Lector, Scripta P. Hieremiæ Drexelij, iam septuagesimis octauis curis; nec tamen omnibus accuratis. Explico mysterium. Intra hoc decennium è libris iam nominati auctoris septuaginta octo millia Exemplarium & hîc Monachij sunt excusa. Quicquid Mussiponti, Coloniae, Duaci, Parisijs, Moguntiae, & alibi locorum editum est, in nostrum hunc numerum non trahimus. Editiones illas tam diuersas auctor non prohibuit (nec enim potuit) voluisset tamen quasdam paullo castigatius, & pressiore vestigio prodire. Si ego P. Drexelium noui, sentit ille in hac parte cum Iusto Lipsio, qui præclare dixit: Reuerentior sum publici, quàm vt mea protrudam manu tam properante.

Hæ igitur curæ fortassis vltimæ, ab ipso auctore sunt additæ, quas tibi charactere non fugiente nec exeso, & formâ commodâ repræsentamus.

De Æternitatis Prodromo, Lector, non est quòd sollicitus sis: breuî eum tibi exhibebimus in altero Tomo Operum, in quem locum ob causas complures ipse auctor eum distulit: Typos autem hîc emendandos ijs commisit quorum oculos suis iam pridem hallucinantibus longè perspicaciores credidit. Hæc principio monuisse non obfuerit. Vale, mi Lector, & tuo bono nostris faue laboribus.

NICOLAUS HENRICVS  
Monacensis, Electoralis  
Typographus.

2 7800. Exemplaria, & plura, in quibus & Phaëthontem, sed præsens Opus non numeramus.



SERENISSIMO

ET

INVICTISSIMO

POLONIÆ, SVECIAE

GOTHORVM AC VANDALORVM

REGI

SIGISMUNDO III.

Magno Duci

LITHVANIAE, RVSSIAE, MASOVIAE,

PRUSSIAE, SAMOGITIAE, LIVONIAE,


SEVERIAE, FINLANDIAE &c.

THRACICI, MAHOMETANI

AGMINIS TERRORI,

Septentrionis, & Moscouiæ Domitori;

*Principi, Dominoque clementissimo.*



D Principes, aut ad Parthenios cætus, in quibus & Principum pietas venerationi est, ibant libelli mei hactenus. Nunc eos porro audere, Tua, Rex Ser<sup>m</sup>e regia iussit humanitas. Inter Reges, Te primum mihi, Rex Magne, supplici calamo venerandum duxi, nec vnâ solûm ob causam. Non nescio quantum inter Maiestatem Tuam, & Serenissimos nostros Boiariæ Duces candidissimæ amicitia sit fœdus. Itaque à Septemvirali purpurâ, recto putem ordine, ad Coronam Catholicis Principibus fauentissimam transiero. Huc me impellit famæ tuæ sanctitas, Rex pientissime, quæ pridem & nostras in terras se penetrauit. Iam crebrioribus triumphis Tuum se nomen per hominum ora inuexit. Non Tuam duntaxat Poloniam illu-

stras: fatetur Christianus Orbis se Tibi plurimum debere, qui toties Christianorum hostem sub iugum miseris. Victorias & Triumphos Tuos, quibus iam sæpius in Germaniâ applausimus, hæc charta non capit. Historiarum materiam das Orbi: prolixioribus Annalibus opus est, qui bella Tua recitent, futuris pòst sæculis decantanda. Virtute natus splendor æternat. Hoc vnum maximè miramur, Nobilissime Regum, Togam & Sagum, belli pacisque negotium plusquam regio artificio à Te solertissimè coniungi. Sic enim armorum studio vacas, tanquam si hoc vnum agas: Ita Religioni ac pietati studes, tanquam si lani ianuæ semper sint clausæ. Sic arma pietate temperas felici connubio. Neque enim ferro magis quàm Religionis studio regnum amplificas. In hæresin non tantùm felicissimè pugnas, sed & triumphas de hæresi. Tibi debet Polonia quòd Christo suo viuat. Per Te suus stat aris honor, per Te auita floret Religio, per Te templis reddita sacra, sacris Pontifices, Pontificibus securitas. Nimirum ad Tuum exemplum Tuus se Orbis componit, discitque à suo Rege cum priscis sapere. Arma Maiestatis Tuæ verè pia sunt, quæ & Turcicum ferrum, & quicquid aliunde hosticum minatur, nouis in dies victorijs retundunt. Ita tui virtutem Tuam amant, hostes felicitatem timent.

Verùm hîc Panegyryn texere, & epistolæ ratio, & Tua me vetat modestia, ô altum Ecclesiæ columen, ô magna Religionis Tutela, & luculenta Regum optimorum Imago! Quamuis enim Regiâ armorum voluptatè imbutus, Rex magne, Poloniam omnem trophæis ornes, nihilominus Religionis cura & Numinis cultus multò apud Te potiora censentur. Hinc eo precationis ac lectionis sacræ studio teneris, vt in Te, Sigismunde Augustissime, Theodosium Imperatorem ad vigilantissimæ lampadis excubias lectitantem, aut Alphonsum Aragoniæ Regem sacris voluminibus inhaerentem agnoscamus. Et qui Tuus est ad sacra hæc animus, Asceticos etiam libellos regijs oculis ac manibus dignaris, vnde calentem iam antè in diuina spiritum magis accendas. Da veniam, Rex Potentiss-



*POLONIÆ &c.*

tentissime, nunquam libelli mei tantum sibi sumpfissent audaciæ, vt Maiestatis Tuæ solum adire molirentur, nisi se ad regias manus Tuas admissos priùs vidissent, quàm admitti petijissent. Inde his libellis animus crescit: iamque adsunt & ad regias fores veneratione supplici procumbunt, rogântque submississimè, vt qui sibi separatim vocatis locus fuerat, is sit coniunctim & vltro accedentibus.

Appianus refert, in C. Marij etiamnum iuuenis togam septem aquilarum pullos delapsos. Quod in augurij confirmationem acceptum. nam Marius septimùm Romanus Consul iussus est. <sup>a</sup> Ego hîc, Ser<sup>me</sup> Rex, non Aquilarum, sed imbellium potius columbarum pullos, aut palumbulos; septem libellos iunctim editos fero. Et quemadmodum olim columbæ appensis litteris emittebantur tabellariæ; <sup>b</sup> ita libellos hocce velut nuntios præmitto, ad regiæ Maiestatis Tuæ vestigia sternendos; ego ipse demississimo gradu, hoc est, animo affectûque regiæ Maiestati Tuæ deuotissimo subsequor, & vel absens amplissimum sceptrum tuum venerabundus exosculor, & vnâ voueo: Numinis cura, de nostrâ singulorum vitâ, quicquid nobilissimum est, largiatur Tuæ.

Libellos quos diuersis inscriptionibus antea signaui, nunc vnâ omnes Tuo, Rex Ser<sup>me</sup> Magno nomine inscriptos configno; nec eis mali quidquam metuo, quos Tui sceptri ac purpuræ præsidium tuebitur. Hîc autem Regia Maiestas Tua facîle poterit exorari, quod submississimè, idque vnice rogo, vt Societatem nostram omnem, quam tot annis regiâ prorsus humanitate ac munificentia complexa est, fouere non desinat. Monachij 1. Augusti, Anno MDCXXIIX.

Regiæ Maiestati  
Tuæ

*deuotissimus*

HIEREMIAS DREXELIUS  
è Societate IESV.

<sup>a</sup> Hoc Vlysses Aldrouandus l. 1. Ornithol. de Aquilis pag. 36. inter apologos, aut partus monstrosos refert. Videri possunt Plutarch. Plin. Aristot. l. 6. hist. Animal. c. 6.      <sup>b</sup> Ita I. Lipsius docet lib. 2. Saturnal. c. 6.



S V M M A  
P R I V I L E G I I  
C Æ S A R E I.

**N**OS FERDINANDVS II. Dei gratiâ electus Romanorum Imperator &c. seriò vetamus, ne quis P. Hieremiæ Drexelij è Societate IESV, Opera spiritualia à Melchiore Segen Ciue & Bibliopolâ Monacensi coniunctim edita, intra proximum sexennium, à primâ editionis die computandum, intra sacri Imperij Regnorumque ac Dominiorum nostrorum fines, simili aut aliquo charactere, coniunctim edere, aut sic alibi edita vendere vel distrahere audeat. Qui secus faxit, præter Exemplarium confiscationem, pœnâ sex Marcharum auri puri, partim in fiscum Cæsareum redigendi, partim Melchiori Segen sine vllâ remissione dandi mulctabitur. Datum Viennæ, die 29. Ianuarij, Anno 1627.

Ferdinandus.

APPRO.

# APPROBATIO

R. P.

PROVINCIALIS.



*Q*UOD P. Hieremias Drexelius, Societatis nostræ  
Presbyter, iam annis aliquot scripsit, nominatim

ÆTERNITATEM.

ZODIACVM.

HOROLOGIVM.

NICETAM.

TRISMEGISTVM.

AMVSSIM.

HELIOTROPIVM.

*Que omnia ab aliquot nostræ Societatis Theologis censa probatâ-  
que sunt, ea ut in uno volumine coniunctim typis mandentur, Ego  
Gualterus Mundbrot, Societatis IESV per superiorem Germa-  
niam Prapositus Provincialis, Melchiori Segen Cui & Biblio-  
pole Monacensi potestatem facio; nemini tamen ademptâ liber-  
tate, nominatos libros iam editos, aut etiam edendos separatim  
ac seorsim excudendi, prout Casareum privilegium edicit, In  
cuius rei fidem, hoc ei Chirographum dedi, officij mei sigillo mu-  
nitum. Monachj, die 27. Iulij, Anno MDCXXVII.*

GVALTERVS MVNDBROT.

# BENEVOLO LECTORI BIBLIOPOLA.



OC quod agimus, Lector benevole, iam sæpius rogati sumus, vt quicquid hactenus P. Hieremias Drexelius scripserit, volumine vno comprehensum exhiberemus. En, annuimus, exhibemus. Et hæc vna causarum est huius operis suscepti.

**Altera:** Fuerunt qui diuersis locis P. Drexelij Ascetica scripta editionibus alijs atque alijs in lucem darent, auctore non refragante. Sed non omnium par fides aut industria fuit. Locis compluribus errores irreperunt, quos auctor cuperet emendatos: Quædam etiam secundis & tertijs curis ab ipso auctore sunt addita, quæ hic representamus.

**Tertia** huius voluminis causa est. Nonnulla in istis, quæ diximus, scriptis, sine imaginum symbolis, à nemine satis intelligi poterunt. Exemplo sit Æternitatis Consideratio septima, quæ proponit & explicat Æternitatis picturam, quam si non cernas, vix intelligas. Pari ratione Zodiacus, singula prædestinationis signa declarat symbolis, quæ difficulter intelligentiâ recipiantur. si non prius subijciantur oculis. Atqui hos defectus plurimum alibi editionum hic emendamus.

**Quarta** causa est, Ordinis inter hos libellos consequentia. Scriptionis totius fundamentum est ÆTERNITAS; viam ad Æternitatem monstrant duodecim Prædestinationis signa, quæ ZODIACVS ponit. Dux atque comes in hac viâ longè optimus est, cuiusque nostrum Custos Angelus, quem nosse discimus ex HOROLOGIO. Maximum in hac semitâ impedimentum, Incontinentia, quam NICTAS persequitur, Adiumenta in hoc itinere præcipua, Quotidianum examen Conscientiæ, Cultus & imitatio beatorum Calixtus, & Corporis non nimia cura, quæ tria TRISMAGISTVS docet. Omnium porro actionum, sed & dictorum atque cogitationum nostrarum regula non solum vtilissima sed & prorsus necessaria est RECTA INTENTIO, quam AMVSIS subministrat. At verò Intentionis Rectæ illustrissimum exemplar ac specimen est, Velle in omnibus, quod vult Deus, quod HELIOTROPIVM exacte tradit. En, mi optime Lector, quo ordine, & quibus subsidijs ad beatam Æternitatem suauiter ducaris.

**Sed & quinta** causa est, characteris æqualitas. Vario prorsus characterē Ascetes P. Drexelij sunt editæ, & alicubi locorum non adeò commendato. Nec defuerunt viri magni qui valde se cupere significarent, hæc talia edi characteribus paulo robustioribus. Itaque recens fufos & magis adultos adferimus, quos quibuscunque oculis speramus fore non ingratos. Si quæ aliâ insuper ab eodem illo auctore in lucem posthac dabuntur, pari gratificandi studio, formâ non dissimili typis mandabimus.

**Accedit** causa sexta. Nulli hactenus libellis, quos hic edimus, adiuncti sunt Indices, à pluribus desiderati. Hos hic adiungimus, & quidem quadruplices. Primi erunt Librorum & Capitulorum: His proximi, Rerum: Tertij, Historiarum: Vltimi Dominicis ac Festis diebus themata subijcient ex hoc volumine sumenda, concionibus & exhortationibus profutura. Causas alias taceo. Itaque, mi Lector, si non tibi non ingratam facimus, vtere, fructuere, ac bene vale.

MELCHIOR SEGEN  
Cuius & Bibliopola Monacensis.



# INDICVLVS CONSIDERATIONVM DE ÆTERNITATE.

## CONSIDERATIO I.

Quid sit Æternitas.

- §. 1. *Varij Sæterum de Æternitate sensus, & pictura.*
- §. 2. *Arcanus scriptura sensus aperitur.*
- §. 3. *Æternitatis locus, cur MAN- SIO dicitur.*

## CONSIDERATIO II.

In quibus natura repræsentet Æternitatem.

- §. 1. *Quantum apud inferos sint æterna.*
- §. 2. *Cur gehenna ipsa sit æterna.*
- §. 3. *Alij ad Æternitatem natura ductus.*

## CONSIDERATIO III.

In quo potissimum Æternitatem suam Romani veteres collocarint.

- §. 1. *Quantum Romani à verâ Æternitatis viâ aberrarint.*
- §. 2. *Melior priore ad Æternitatis viâ.*
- §. 3. *Hanc viam sollicitè esse indagandam.*

## CONSIDERATIO IV.

Quomodo B. David Æternitatem sit meditatus, & quæ illius in hoc imitandi ratio.

- §. 1. *Diuersa ad Æternitatem cogitandam admonitiuncula.*
- §. 2. *Omnes Arithmetica numeros & leges transiit Æternitas.*

- §. 3. *Considerata Æternitatis effectus.*

## CONSIDERATIO V.

Quomodo alij, etiam improbi Æternitatem sint meditati.

- §. 1. *Hominij & aranea labores collati.*
- §. 2. *Qua in mundo sit omnium optima questio.*
- §. 3. *Quomodo Deus hic puniat, & ibi parcat, inauditis exemplis.*

## CONSIDERATIO VI.

Quomodo Scriptura, sancti Patres, Ecclesia, Æternitatem meditandam ingerant.

- §. 1. *Sanctorum Patrum, & Ecclesie circa hoc responsa.*
- §. 2. *Scriptura diuina clara de Æternitate testimonia.*
- §. 3. *Omnia MODICVM præter Æternitatem.*

## CONSIDERATIO VII.

Quomodo Christiani pingant Æternitatem.

- §. 1. *Christus inuitans.*
- §. 2. *Adam lamentans.*
- §. 3. *Coruus crocians.*

## CONSIDERATIO VIII.

Quomodo Christianis non tam pingenda quàm meditanda sit Æternitas.

- §. 1. *Non rem tantum sed spem omnem præcendit Æternitas.*

§. 2. *Æternitas mare est, triceps hydra est, sed & fons est omnis gaudiij.*

§. 3. *Æternitatis gustus quanta sit, illustri exemplo declaratur.*

## CONSIDERATIO IX.

Conclusiones septem, circa has de Æternitate considerationes.

§. 1. *Æterna mortis supplicium.*

§. 2. *Æterna Vita pramium.*

§. 3. *Epilogus discipulorum omnium.*

## NOMENCLATURA

In

## Z O D I A C V M.

*Primum Symbolum, CERIVS ARDENS. I. Prædestinationis signum, LVX INTERNA.*

*Secundum Symbolū, CRANIVM. II. Prædestinationis signum, PROMPTITVDO AD MORTEM.*

*Tertium Symbolum, CALIX Eucharisticvs. III. Prædestinationis signum, FREQUENS SACRAMENTORVM VSVS.*

*Quartum Symbolum, ALTARE NVDV M, & deuclatum. IV. Prædestinationis signum. RENVTIATIO OMNIVM.*

*Quintum Symbolum, FRVTEX ROSARVM. V. Prædestinationis signum, AFFLICTIO PERPETVA, & exercitatio cum patientiâ.*

*Sextum Symbolū, FICVS. VI. Prædestinationis signum, AVDITIO VERBI DEI.*

*Septimum Symbolum, FRVTEX TABACI. VII. Prædestinationis signum, ELEEMQSY-*

*NA, illa præsertim, qua datur benigno affectu in egenos.*

*Octauum Symbolum, CVPRESSVS. VIII. Prædestinationis signū.*

*VILIS SVI ÆSTIMATIO.*

*Nonum Symbolū, HASTAE OLEAGINO SERTO CONIVNTAE. IX. Prædestinationis signum, DILECTIO INIMICORVM.*

*Decimum Symbolum, FLAGELLVM & VIRGAE. X. Prædestinationis signum, DETESTATIO PRÆTERITORVM, PEC-CATORVM.*

*Undecimum Symbolum, ANCHORA. XI. Prædestinationis signum, VOLVNTATIS IN BONVM PROPENSIO.*

*Duodecimum Symbolum, CITHARRA. XII. Prædestinationis signum, MODERATIO AFFECTVVM, seu, Victoria Tentationum.*

*Caronis signorum de Prædestinatione, & de Prædestinatorum Paucitate.*

## ELENCHVS

# E L E N C H V S in H O R O L O G I V M ANGELI TVTELARIS.

## P A R S   P R I M A.

*Primâ Horâ Diei proponitur, Mors certissima, & Lex patientiæ, & nâ cum orationibus, quæ horis omnibus recurrunt, sed alia semper atque alia.*

*Secundâ Horâ Diei proponitur, Moris incertissima hora, & Lex Obedientiæ, & nâ cum orationibus, quæ semper pari tertia sunt horarum.*

*Tertiâ Horâ Diei proponitur, Pœnitentia procrastinata, & Lex Temperantiæ.*

*Quartâ Horâ Diei proponuntur, Damnatorum inania vota, & Lex Fiduciæ in Deum.*

*Quintâ Horâ Diei proponitur, Assidua mortis rapina, & Lex Iustitiæ.*

*Sextâ Horâ Diei proponuntur, Quotidiana plurimorum funera, & Lex misericordiæ.*

*Septimâ Horâ Diei proponitur, Temporis iactura irreparabilis, & Lex Mansuetudinis.*

*Octavâ Horâ Diei proponitur, Imminentis metus Iudicii, & Lex Veritatis.*

*Nonâ Horâ Diei proponitur, Maximus debitorum numerus, & Lex Castitatis.*

*Decimâ Horâ Diei proponitur, Visceratus defunctorum psalmus, & Lex Humilitatis.*

*Undecimâ Horâ Diei proponuntur,*

*Repentiniæ Mortis insidiæ, & Lex Charitatis.*

*Duodecimâ Horâ Diei proponitur. Improvisa Mortis irruptio, & Lex Familiaritatis cum Deo.*

## P A R S   A L T E R A.

*Prima Noctis Hora docet MORI, & VIVERE, & ORARE, sicut & omnes hora.*

*Secunda Noctis Hora, similiter triplex documentum suggerit, & omnes alia hora, triplicem insuper quæstunculam ponit.*

*Tertia Noctis Hora, ter novenas de Angelis meditationunculæ præmittit.*

*Quarta Noctis Hora, Consideratio I. Sanctorum Angelorum natura & numerus.*

*Quinta Noctis Hora, Consideratio II. Quâ ratione pingantur Angeli: seu, Vestes, Habitus, Forma, assumptum schema Angelorum.*

*Sexta Noctis Hora, Consideratio III. Cantum Angelorum, & munia.*

*Septima Noctis Hora, Consideratio IV. Angelorum in homines officia.*

*Octava Noctis Hora, Consideratio V. Angelorum in Christis obsequia.*

*Nona*



*Nona Noctis Hora , Considera-  
tio VI. Angelus & Homo in-  
ter se collati.*

*Decima Noctis Hora , Considera-  
tio VII. Qua Angeli in ho-  
mine oderunt, mirentur, amēt.*

*Vndecima Noctis Hora , Considera-*

*tio VIII. Virtutes Angelo-  
rum.*

*Duodecima Noctis Hora , Conside-  
ratio IX. Cultus & Venera-  
tio sanctorum Angelorum.*

*Epilogus Tutelarum Angelis, ad com-  
missum sibi hominem.*

---

## B R E V I A R I V M

In

# N I C E T A M

&c.

### LIBER PRIMVS.

Cap. I. *Sermonis ingressus.*

C. II. *Illustrissimum NICETAE sa-  
crum, paullo fusius narratū.*

C. III. *Primum incontinentia inui-  
tamentum, OTIVM.*

C. IV. *Secundum Incontinentie in-  
uitamentum MENSA LAV-  
TIOR.*

C. V. *Tertium Incontinentia inui-  
tamentū, IMPVRI LIBRI.*

C. VI. *Quartum Incontinentia in-  
uitamentum, PICTVRAE  
INHONESTAE.*

C. VII. *Quintum Incontinentia in-  
uitamentum, OCULI VAGI,  
CVRIOSI, EMISSITII.*

C. VIII. *Sextum Incontinentia in-  
uitamentum, VERBA PRAE-  
TEXTATA & IMPVDICA.*

C. IX. *Septimum Incontinentia in-  
uitamentum, MALI SOCII.*

C. X. *In.ontsinentia primi effectus  
CORPVS DEBILITAT,  
OPES PERDIT.*

C XI. *Incontinentia effectus alteri,  
ANIMAM NECAT, INGE-  
NIVM IMPEDIT.*

C. XII. *Incontinentia effectus ter-  
tij, FAMAM INQVINAT,  
VIRTVTES OMNES EX-  
TIRPAT.*

### LIBER II.

Cap. I. *Geminus NICETAE Bene-  
dictus, illustrissimo istdem sa-  
cratore.*

C. II. *NICETAE pugna & victo-  
ria, Epiciis descripta.*

C. III. *Primum Incontinentia An-  
tidotum, LECTIO SACRA.*

C. IV. *Secundum Incontinentia An-  
tidotum, CORPORIS AF-  
FLICTATIO.*

C. V. *Tertium Incontinentia Anti-  
dotum, PRECES, & ORAN-  
DI STVDIVM.*

C. VI. *Quartum Incontinentia An-  
tidotum, CREBRA PECCA-  
TORVM, CONFESSIO.*

C. VII. *Quintum Incontsinentia  
Antidotum, Ieiunia, &  
ABSTINENTIAE EXERCITI-  
VUM.*

C. VIII.

C. VII. *Sextum Incontinentia Antidotum, LABORES, & AMOR EXERCITII.*

C. IX. *Septimum Incontinentia Antidotum, sollicita SENSIVM exteriorum CVSTODIA.*

C. X. *Octavum Incontinentia Anti-*

*dotum, assidue cogitata DEI  
PRAESENTIA in omni loco.*

C. XI. *Nonum Incontinentia Antidotum, Nouena AETERNITATIS supplicia.*

C. XII. *Diætorum de Triumphandâ Incontinentiâ EPILOGVS.*

## SYNOPSIS

In

# TRISMEGISTVM

&c.

## LIBER PRIMVS.

De

### Cultu Animi.

Caput I. *Ingressus ad sermonem de Animi cultu, & Examine Conscientiæ.*

Cap. II. *Examen Conscientiæ, quæ iam olim, & quomodo sece-*

Cap. III. *Examen Conscientiæ quan-*

Cap. IV. *Examen Conscientiæ quan-*

Cap. V. *Examinanda Conscientiæ*

Cap. VI. *Examinanda Conscientiæ*

Cap. VII. *Examinanda Conscientiæ*

Cap. VIII. *In Examine Conscientiæ quò potissimum collineandum: Et, Quanta humane*

Cap. IX. *Examen Conscientiæ com-*

*mendatur Religiosis; Beatissima Virginis Sodalesbus; Quibusunque demum alijs.*

## LIBER SECVNDVS.

De

### Cultu Cælitum.

Cap. I. *Ingressus ad sermonem de Cultu Cælitum.*

Cap. II. *Cultus Cælitum contra opiniones asseritur.*

Cap. III. *Quanam Cælitum praci-*

Cap. IV. *Quanam potissimum ra-*

Cap. V. *Origo mensurae sortitionis*

Cap. VI. *Cælitum nomen in mensura scheda expressum quid sibi velit?*

Cap. VII. *Quo fine mensuris Cælitibus sententiosum dictum ad-*

Cap. VIII. *Quo consilio preces indicantur in mensem proximum,*

Cap. IX.



- Cap. IX. *In chartâ mensurorû Calitum, adscripta Virtus quid moneat?*  
 Cap. X. *Inconstantia in cultu Calitum exemplo inaudito coarguitur.*

## LIBER TERTIVS.

De

### Cultu Corporis.

- Cap. I. *Animâne potius an corpori Cultus debeat?*  
 Cap. II. *Quid sit corpus, & unde tam dignum col?*  
 Cap. III. *Quantus noster hostis, sit CORPVS?*  
 Cap. IV. *Quantus labor impenda-*

*tur à nobis corpori, hostium nostrorum maximo?*

- Cap. V. *Quâm varius sit cultus corporis exterior?*  
 Cap. VI. *De cultu corporis, quid sacra pagina, & sancti Patres sentiant.*  
 Cap. VII. *Cultus Corporis superuacuis, quam à ratione, & praeceptis legibus alienus sit.*  
 Cap. VIII. *In cultu corporis, quantâ maximorum Virorum fuerit modestia.*  
 Cap. IX. *Cultus corporis, sanctissimis homines, quâm & oderint, & superent.*  
 Cap. X. *Cultus corporis, quantorum malorum causa sit.*  
 Cap. XI. *Discorum ratio, confirmatio, Coronis.*

## SYLLABVS

In

A M V S S I M

&c.

### LIBER PRIMVS.

- Cap. I. *Quid sit RECTA INTENTIO.*  
 Cap. II. *Qua sit INTENTIO RECTISSIMA.*  
 Cap. III. *Quâm necessaria sit RECTA INTENTIO.*  
 Cap. IV. *Nullam humanarum rerum actionem Deo placere, si ne RECTA INTENTIONE. Vos stricim de Vanâ gloriâ.*  
 Cap. V. *In quo potissimum RECTA INTENTIO consistat, & ubi ali- quid de actuali & virtuali Intentione.*  
 Cap. VI. *Virtus RECTA, seu bô-*

*na INTENTIO possit opus malum, facere bonum.*

- Cap. VII. *Quam gradus sint puta RECTAEQUE INTENTIONIS.*  
 Cap. VIII. *Quid sit MALA INTENTIO.*  
 Cap. IX. *Quâ ratione MALAM INTENTIONEM prodeus operis publicatio.*  
 Cap. X. *Quâm varia sit & multiplex MALA INTENTIO.*  
 Cap. XI. *Exemplar nobile INTENTIONIS MALAE, fuisse Herodem Magnum, Afsalonitam.*

Cap. XII.

Cap. XII. *Quid INDIFFERENS, quid NULLA INTENTIO à nobis Vocetur.*

## LIBER SECVNDVS.

Caput I. RECTAM INTENTIONEM, esse bonam illam *Voluntatem*, ab Angelis laudatam.

Cap. II. RECTAE INTENTIONIS actioni, à solo Deo per se soli posse primum.

Cap. III. RECTA INTENTIO quantum à Diabolis impugnatur.

Cap. IV. RECTAE INTENTIONIS hostem maximum à *condemnatione*, esse Vanam gloriam.

Cap. V. *Quid demum sit Vana gloria, & quàm ea RECTAM INTENTIONEM sedè ingulet, ni praueniatur.*

Cap. VI. *Aliquot super RECTA INTENTIONE Quaestiones.*

Cap. VII. *Edictis circa RECTAM INTENTIONEM qua consequantur: Vberius de Temerario Iudicio.*

Cap. VIII. *Quae sit RECTAE INTENTIONIS Praxis.*

Cap. IX. *Quae sint RECTAE INTENTIONIS Signa.*

Cap. X. *Aliquot de RECTA INTENTIONE Conclusiones.*

Cap. XI. *Adhortatio RECTAE INTENTIONI exercenda, Ad Religiosos, Ad Aulicos, Ad omnis Ordinis homines.*

Cap. XII. *Epilogus dictorum de RECTA INTENTIONE.*

## ARGVMENTVM scilicet

### Synopsis vtriusque Libri.

Liber I. *Noscendam proponit INTENTIONEM BONAM, MALAM, ADIAPHORAM, NULLAM.*

Liber II. *BONAE INTENTIONIS & fautores, & hostes, maxime VANAM GLORIAM & IVDICIUM TEMERARIVM; Eiusdem signa, Praxis, Praemia declarat.*

## EPITOME

EPITOME  
In  
HELIOTROPIVM  
&c.

LIBER PRIMVS

De

DIVINÆ VOLVN-  
tatis Cognitione.

- Cap. I. *Hypotyposis omnium quin-  
que librorum; Duplex etiam  
fundamentum ponitur, &  
omnes omnino pœnas à Volun-  
tate Dei provenire ostenditur.*  
Cap. II. *Quid, quomodo, quare,  
hoc illâque permittat Volun-  
tas Dei.*  
Cap. III. *Quomodo per arcanissima  
indicia Dei, cognoscenda sit  
Voluntas diuina.*  
Cap. IV. *Quomodo Dei Voluntas in  
rebus omnibus agnosce possit.*  
Cap. V. *In quibus præcipue consistat  
Voluntas Dei.*

LIBER SECVNDVS.

De

HVMANÆ VOLVN-  
tatis ad Diuinam Con-  
formatione.

- Cap. I. *Ingressus ad Conformatio-  
nem humana Voluntatis cum  
Diuinâ.*  
Cap. II. *Qua sollicitas hominis ad  
hanc cum Dei Voluntate Con-  
formationē sit maxime idonea.*  
Cap. III. *Quomodo Voluntas homi-  
nis ad Dei Voluntatem sit con-  
formanda.*

Cap. IV. *Quo animo pretandum i  
Fiat Voluntas tua, sicut in cæ-  
lo, & in terrâ.*

Cap. V. *Qua sint indicia & signa  
humana Voluntatis ad Diui-  
nam conformata.*

LIBER TERTIVS.

De

HVMANÆ VOLVN-  
tatis ad Diuinam con-  
formatæ Emolumentis.

- Cap. I. *Quantam animo tranquil-  
litatem concilet, humana Vo-  
luntatis ad diuinam conforma-  
tio.*  
Cap. II. *Fieri ne possit, Et quis nun-  
quam iristetur, & an ad arte  
illâ impetrandum, qua no-  
stram diuinâ Voluntati con-  
formamus.*  
Cap. III. *Humana Voluntatis cum  
Diuinâ conformitatem, Deo  
gratissimum esse sacrificium.*  
Cap. IV. *Omnem hominis perfectio-  
nem consistere in conformatio-  
ne humana Voluntatis ad Di-  
uinam.*  
Cap. V. *Conformationem humana  
Voluntatis cum diuinâ, sum-  
mum esse bonum esse.*  
Cap. VI. *Conformationem humana  
Voluntatis cum diuinâ, calum  
esse extra calum, & veram vi-  
ta beatitudinem.*

LIBER



## LIBER QVARTVS.

De

### HVMANÆ VOLVN- tatis ad Diuinam con- formandæ Impedimentis.

- Cap. I. *Conformationem humana  
Voluntatis cum diuinâ, quæ  
maximè impediunt.*
- Cap. II. *In quod existim pertrahat  
Voluntas propria, si non patia-  
tur se frangi.*
- Cap. III. *Voluntas propria quâ ra-  
tione subiungenda sit diuinæ,  
in rebus aduersis omnibus.*
- Cap. IV. *Exemplum illustrissimum  
hominis recusantis diuinæ Vo-  
luntatis suam subiungere.*
- Cap. V. *Qua Voluntatis propria con-  
tumaciam maximè confirmet.*
- Cap. VI. *Quam nihil propriæ Vo-  
luntatis retinendum, tam in  
omnibus rebus arduis ac diffi-  
cilibus, quam in ipsâ morte.*

## LIBER QVINTVS.

De

### HVMANÆ VOLVN- tatis ad Diuinam Con- formandæ Adiumentis.

- Cap. I. *Conformationem humana*

*Voluntatis ad diuinam confor-  
mere non posse sine magnâ in  
Deum Fiduciâ.*

- Cap. II. *In quo Fiducia in Deum  
consistat.*
- Cap. III. *Quâ ratione in aduersis  
firmanda & erigenda sit ad  
Deum Fiducia.*
- Cap. IV. *Quantâ in Deum Fiduciâ  
omnes sancti fuerint.*
- Cap. V. *Quantis premijs Deus hu-  
manam in se Fiduciam remun-  
neretur.*
- Cap. VI. *Fiduciam in Deum sine  
cognitione diuinæ Providentiæ  
sacillare.*
- Cap. VII. *Quanta Dei Providentiæ  
sit circa vitæ necessaria.*
- Cap. VIII. *Quanta Dei Providentiæ  
sit in amicis.*
- Cap. IX. *Quanta Dei Providentiæ  
sit tam in amicos quam in  
micos.*
- Cap. X. *Quanta nihilominus pluri-  
morum hominum de Deo sit  
diffidentia.*
- Cap. XI. *E cognitione diuinæ Proui-  
dentiæ, magnam in Deum Fi-  
duciam, è Fiduciâ veram cum  
Deo diuinâque Voluntate con-  
cordiam nasci.*
- Cap. XII. *Epilogus, seu vniuersum in  
his quique libris doctorem  
Compendium.*

B

ÆTER.



Æ T E R N I

T A S.

Sermis Principibus

MAXIMILIANO

S. R. I.

Archidapifero atque Electori,

Et Sermæ Coniugi

ELISABETHÆ

Comit. Palat. Rheni

Boiorum Ducibus,

*Dominis meis Clementissimis.*

**Æ**TERNITATEM, Serenissimi Principes, quam auribus accepistis, nunc etiam reuerente ac supplici manu, serenissimis manibus committo. nec id facerem, nisi credorem, cogitationibus vestris **ÆTERNITATEM** quotidie sic interesse, ut cælum sit in oculis, **ÆTERNITAS** in pectore. nec enim **PRINCIPES ANIMOS** alia vlla magis implere potest, quàm **Æternitatis** cogitatio. Breuius quidem opusculum suscipere nō potuissē, sed nec longius. Theologis vnum **NUNC & INSTANS** est **ÆTERNITAS**; quo quid esse potest breuius, ac contractius? at verò etiam, hoc **ÆTERNITATIS NUNC** tam longum est, ut nullis vnquam sæculorum tractibus sit finiendum; quo quid potest esse longius? quæcunque temporum diuturnitas ad **ÆTERNITATEM** collata, breue quid est, & simillimum momento. ita omnem annorum vel extensissimam seriem, non longissimis tantum, sed infinitis spatijs excedit **ÆTERNITAS**. Atque huius **ÆTERNITATIS** vmbra in vnus libelli angustias redacta, ad Serenitarum vestrarum genua, vltro sese atque ex debito submittit, sibi que lucem ab his geminis serenissimis sideribus perpetuam pollicetur. Permittite, Sermi Principes, huic vmbrae suum imperum. vmbra suum solem sequitur; hæc eò audaciùs ad Serenitates Vestras procurrit, quò certius geminos à se soles repertos credit, **ÆTERNITATIS** verè capaces. Serenissimæ stirpis in nostrum ordinem innumera mèrita, nunc idèd non attingo, quia hoc vno iam augeri rogo, ut pictam hanc **ÆTERNITATIS** vmbra, Serenitates Vestrae dignentur suâ clientelâ non excludere. Monachij sexto nonas Iulij. Anno à pariente Virgine **CDIOGXX**.

Serenitarum VV.

*Infimum cliens*

HIEREMIAS DREXELIUS

è Societate Iasv.



# LECTORI.

**N**EC DUM, beniuole Lector, scribendorum librorum finis est: alij alios excipiunt, & in amplissimas Bibliothecarum familias, quotidianis augmentis excrescunt: qui tamen hactenus hunc sibi laborem sumpserit, scio neminem. ÆTERNITAS velut in tabellâ hic proponitur, non legenda solum, sed multo magis cogitanda, perpendenda, diu nocturne vigilantissimâ mente versanda. In verbis harendum non esse præmoneo: penicillo volante & rudi, hac ÆTERNITATIS lineamenta ducta sunt, & compluribus locis plus sensui & pietati dandum erat, quàm Latinitati. Neque verò conuenit fugientes vocolas sectari, cum calum querimus, cum domum ÆTERNITATIS, breuè eam ingressuri, contemplamur. Itaque te rogo, mi Lector, ne hac tantum animi causâ, aut leuando fastidio inspicias. Hæc verè seria, ad animum, salutem, calum, immortalitatem spectant, in alijs iocari liceat aut nanscare: hic nemo satis vigilauerit. Vale, & viuere ÆTERNITATI.

---

## APPROBATIO

R. P.

### PROVINCIALIS.

**C**ONSIDERATIONES, quas P. Hieremias Drexelius Societatis nostræ Presbyter, de ÆTERNITATE scripsit, aliquot eiusdem Societatis Theologis censas probatasque; Ego CHRISTOPHORVS GRENZING Societatis IESV per Superiorem Germaniam Præpositus Prouincialis, factâ mihi potestate ab admodum R. P. N. Generali, MVITIO VITELLESKO, in lucem dari permitto: fidemque meâ manu facio, & more Societatis consigno. Monachij. x i v. Cal. Ianuar. Anno M DC XIX.

Christophorus Grenzing.



# ÆTERNITATE CONSIDERATIO

## PRIMA.

*Quid sit Æternitas?*

**I**NTERROGATVS Simonides ab Hierone rege Siculo, & quid Deus sit, diem vnum huic considerationi petijt, elapso illo, nondum sibi liquere dixit, & biduum in eandem deliberationem postulauit. elapso & biduo triduum sibi depoposcit. denique id vnum respondit, quò plus cogitaret, plus cogitandum occurrere; minus atque minus expediri se, quò diutius in hac cogitatione luctaretur. Cogitaturis nobis de Æternitate, primum omnium illud se offert, quærendorum principium, quid est Æternitas? Boëtius ait: b esse interminabilis vitæ totam simul & perfectam possessionem.

Nemo ægrè feret, si dicamus id sciri non posse, & quò plus indagetur, plus indagandum relinqui. & quomodo enim, definiri possit: quod nullos habet fines? si quis vrgeat & vel vmbatilem delineationem cupiat, negando id fieri facilius quàm affirmando putamus. ita de Deo Plato: c quid Deus sit, ait, non aui; quid non sit, noui. Ita Hipponensis Præsul Augustinus, d veram illam apud superos beatitudinem, depingit, omnem cuiuscunque mali contaginem, ab eâ remouendo: facilius, ait, inuenimus quid ibi non sit, quàm quid sit. in cælo non est dolor, non tristitia, nulla penuria, defectus, nullus, non morbus, non mors, nullum malum. Ita & de Æternitate loqui possumus. quicquid enim in hac vitâ videmus, & per exteriores sensus admittimus, Æternum non est. quæ enim videntur (ait D. Paulus e) temporalia sunt, quæ autem non videntur, Æterna sunt. ita dicere licet: hoc meum gaudium, hæc voluptas mea & delitiæ; hic thesaurus, honor iste; hoc superbum ædificium, hæc vita mea, fluxa sunt, caduca sunt, Æterna non sunt. ita quocunque digitum intendamus, moritura ostendimus. vulgi voces sunt: hæc structura æterna est, hoc monumentum immortale. ita & impatiens æternos suos dolores esse queritur. Sed breues nimium sunt æterna-

a Cic. lib. 2. de Nat. Deor. b Lib. 5. de consol. prof. 6. c Plato in Timæo. d Serm. 64. de verbis Domini. e 2 Cor. 4.

nitates istæ, quas facile est verbis comprehendere; de verâ Æternitate quicquid dicamus, minus dicemus. Sic Augustinus: *a* quicquid vis, inquit, dicis de Æternitate: ideo autem, quicquid vis, edicis, quia quicquid dixeris, minus dicis. Sed ideo necesse est aliquid dicas, ut sit unde cogites, quod non potest dici. Trismegistus in Asclepio suo; Anima, inquit, horizon est æternitatis & temporis; quæ enim immortalis, æternitatis est particeps, quæ verò corpori à Deo infusa, particeps est temporis. Antequam verò ulterius progrediamur, ordini seruando videamus quid prisce æui homines, quid Romani, Græci, Ægyptij, aliique de Æternitate senserint. Certè agnouerunt hanc, & variè depinxerunt.

*a* In Psal. 6.

### §. I.

*Varij veterum de Æternitate sensus & pictura.*

**P**rimò, repræsentârunt Æternitatem per Annulum, seu circumlun, qui principio caret & fine. nullâ sui parte incipit, nullâ desinit, quod diuinæ Æternitati proprium. ita cum Deus æternus, & ipsius duratio propriè dicatur æternitas, Ægyptijs circulus Deum significabat. Persæ olim putabant à se tunc quàm maximos honores deferri Deo, si editissimâ conscensâ turri, cæli circumlun, illum appellassent. quin & Turcis in more positum (uti Pierius fusiùs docet) manè ex altissimâ speculâ vociferari: Deus semper fuit semperque erit: simul & Mahometem suum salutare. Saraceni etiam Deum circumlun nominabant. Mercurius ille Trismegistus quem dixi nominatissimus philosophorum (qui tot libros scripsit quot nullus mortalium; Si Seleuco & Mæneco credimus) Deum sphaeram intellectualem esse dixit, cuius centrum sit vbique, circumferentia nusquam, quia nusquam Maiestas Dei & immensitas terminantur. eâ de causâ veteres Dijs suis templa struxerunt rotunda, sic Numa Pompilius Romæ rotundam ædem fertur sacrasse Vestæ, sic Augustus Cæsar, Agrippæ nomine Dijs omnibus templum rotundo ambitu dedicasse, & inscripsisse Pantheon. Hinc & Pythagoras ut Deum sempiternum ostenderet, à discipulis suis circumlun corporis adorari volebat, & à Numâ, teste Brissonio, statutum, ut Deum adoraturi in orbem sese conuerterent. Ergo Deus prisce est circumlun, sed circumlun sine peripheriâ seu circumferentiâ, cuius centrum est vbique, quoniam omnium principium simul & finis est Deus. Iob meritisimò exclamat: *a* Ecce Deus magnus, vincens scientiam nostram; numerus annorum eius inestimabilis.



Deinde repræsentârunt prisci Æternitatem per sphaeram & globum. ita Faustinae Imperatrici moneta cusa hac formâ & effigie globus erat cui infidebat Imperatrix, manu unam alteram protendens, sceptrum tenens alterâ cum inscriptione, Æternitas. hinc veterum multi, mundum, quia rotundus, æternum fuisse censuerunt, quibus aptè D. Basilius respondet: Circularis sit mundus, at circuli principium est centrum.

Tertiò Æternitatem priscis significabat & fella, quâ æternam quietem designabant. Nasamones Africæ populi, maiorem partem non tantum sedentes expirare, sed etiam hoc situ humari volebant, quasi iam Æternitatem & longam illam à laboribus cessationem adiissent. uti subinde hodièque Reges & Cæsares, in subterraneis mausoleis componuntur sedentes taciturnâ & lugubri maiestate. Romanis etiam vsitatum, mortuorum Imperatorum fusiles statuas, similibus sellis effulcire, ut qui iam fruantur æternitate. Sunt homines qui secum ipsi ratiocinentur sæpius in hunc modum: En ego à curis & laboribus tam malè adhuc habitus & oppressus, quin respiro, quin pauso non nihil, quin labores hos & molestos, & longos desino? diu satis laboratum est; laborent tantundem & alij, quantum ego. quiesco iam igitur, & cesso. Ita sellas sibi ponunt & ferias indicunt, sed ò non diu duraturas! sellam locant, & quietem amplexantur, sed nec loco suo, nec suo tempore. quàm verè & sanctè aureus ille de Christo imitando libellus aurem nobis vellicat his verbis: *a* *Dispone & ordina omnia secundum tuum Velle & videre, & non inuenies. nisi semper aliquid pati debere, aut spontè, aut iniuste, & ita crucem semper inuenies.* &c.; *Tota Vita Christi crux fuit & martyrium, & tu quaris requiem & gaudium?* Ergo fella in cælo locanda est, non hîc; inter tot turbas quæta non stabit, & ut parcant sellæ huic omnia, mors demum euertet. requies vera speranda nulla est, nisi æterna. si tamen vlla sit quies in hac vitâ, ista erit: totum se, suâque omnia Deo Deique voluntati penitus committere, illi ex toto fidere, cetera omnia vana ducere. ita nos instruens Ecclesiasticus: *b* *Confide, ait, in Deo, & mane in loco tuo, extra hanc animi quietem turbæ meræ, merum mare, & magni fluctus, & præsentis inferi. sed ad priscos redeo.*

Quartò, per solem & lunam adumbrata est priscis Æternitas. Sol semper reuiuiscit, tamen si quotidie videatur mori, & à seipso sepeliri, semper resurgit licet quotidie in præceptis eat, & occidat. ita & luna

luna nunquam non recrefcit & ditatur, poſt menſtruam ſuam paupertatem. Catullus bene monet in ſuis hendecafyllabis:

*Soles occidere & redire poſſunt;  
Nobis cum ſemel occidit brevis lux,  
Nox eſt perpetua ſoma dormienda.*

Apud inferos certè perpetua iſthæc nox erit, ſed ſine ſomno: nemo illic dormit, quia hîc dormierunt cùm vigilandum fuiſſet: Illic ergo vigilant poſt ſomnũ in peccatis non longum, quem ipſi tamen, ſi potuiſſent, longiſſimum feciſſent, imò æternum. Alia longè ratio in cælo. Eccleſia Romana canit de Chriſti martyribus: Lux perpetua lucebit ſanctis tuis, & æternitas temporum. hîc quies, hîc voluptas eſt, poſt labores & vigilias non diuturnas!

Quintò per Baſiliſcum monſtratur à veteribus Æternitas. animal hoc omnium venenatiſſimum eſt, & ſolum, ait Horus Niliacus, humanà vi manùque interfici nequit. imò tam virulentum eſt, vt herbas necet ſolo afflatu, animalia cetera fuget vel ſibilis ſuis, aues conticeſcere faciat quàm primum adeſſe auditur. Refert Ælianus, in Africæ ſolitudine iumentum defeciſſe, & ad illius cadauer, velut ad conuiuium complures ſerpentes conueniſſe, at ſolo Baſiliſci ſibilo fugatos, arenis ſeſe abdidiſſe. Æternitas quæ vel in gaudijs, vel in tormentis erit, à nullo præcidi, minuïque, multò minus tolli aut declinari poterit. nec mirum ſi omnes, quibus eſt integra ratio, perterrefaciat, vel leuiter cogitata. infinita ſunt huius Baſiliſci volumina, immenſi & ineuolubiles gyri orbéſque. heu tremendum draconem! Hîc ad nos paululùm diuertamus. Fit nonnunquam, cùm in ſemet ſcendit quiſpiam, & iſtituendæ confeſſioni conſcientiam rimatur, vt copioſos ſerpentum nidos, & tota viperarum agmina reperiatur, mireturque ſecum ipſe: Et quæſo vnde tantum veneni in meo pectore, vnde tot pingues colubri, tot grauia, tot mortalia peccata? vnde tantus lacertulorum exercitus, vnde tot ſcædæ & libidinoſæ cogitationes? horreo ipſe tam numeroſam peſtem: ne miſeris, cauſam rei facilè pandemus. generandis ſerpentibus valde aptus eſt locus & humidus, & neglectus. en, duplex cauſa, & humor loci, & negligentia eorum qui curare deberent. idem proſus eſt in animo humano. ſi pleraque omnis cura impendatur corpori, delicate id tractetur, laute nutriatur, epulis ſaginetur, voluptatibus mulceatur; animum, incolam illius in humido habitare fatendum eſt, ſi iam accedat incuria & neglectus diuinorum, vix vlla ſalutis ratio habeatur, modò ſaluum corpus, modò corpori bene ſit, quic-



quid fiat animo; si deinde confessio sit rara, & ferè perfunctoria, quid mirum plurimos hîc nasci serpentes, plurimas reperiri letales noxas? At, ô bone Christiane, immitte pectori tuo hunc Basiliscum, admitte cogitationem de Æternitate, & senties paullatim evanescere virosas has bestias. fateris ipse cor tuum scaterere his anguibus, signum ergo est te rarò hætenus aut nunquam de Æternitate cogitasse. emenda, & vel iam incipe assiduè illud in animo volvere: *Momentaneum quod deletat, æternum quod cruciet.*

Sextò, in hunc denique modum pingebatur Æternitas. Antrum statuebatur ingens, formidabile. hoc circumplexu suo cingebat, serpens, & in reuolutione istâ, caudam sibi admordebat. ad antri dextram stabat iuuenis, amœni & floridi vultûs, arcum dextrâ & duplices sagittas, læuâ citharam gerens. huic in ipso antri aditu senex sedet oppositus, & attentum in tabellam vultum defigens scriptitat, si quid vel cœlestis globi motus, vel adstans iuuenis dicter scribendum. ad læuam huius spelæi matrona sedet exercitato vultu & cano capite, ad ostium specûs quatuor sunt gradus, alius alio altior, primus ferreus, secundus æneus, argenteus tertius, aureus quartus. in his ludentes & vagabundi pueruli oberrant, lapsus & periculorum securi. hæc pictura est, picturæ sensus est iste. Antrum Æternitatis incomprehensibilitatem significat, vipera in orbem replicata, Tempus; iuuenis, Deum, in cuius manu cælum, terra, inferi: terra & tartarum tela Numinis excipit, cælum citharam duntaxat nouit & gaudia; senex ille fatum, seu, quod Deus ab æterno effatus est; femina, Naturam; distinctas ætates & sæcula, gradus distincti; puelli per gradus discursantes, res creatas designant; maximè hominem in rebus suæ salutis ludibundum, & in ipso Æternitatis ingressu iocantem. Eheu, mortales, diu satis lasimus in ipsis summis periculis: Æternitati proximi sumus, in illius aditu consistimus dum viuimus. leuissimo mortis impulsu fit, & iam in totâ sumus Æternitate. non opus est ut mors magnis viribus in nos pugnet aut longo tempore: inomento præcipitatur, & è gradibus istis deuoluimur in Æternitatis Oceanum. Cogitate, vos qui in gradibus his luditis, & omnia alia quàm Æternitatem cogitatis, forsan hodie aut cras in illâ futuri.

## S. II.

*Arcanus scripturae sensus aperitur.*

**C**Aput hoc de picturâ & typo Aternitatis, sacra pagina diuinâ veritate non incommode interpollabit. Nabuchodonosor Rex Babylonius, cum tres Hebræos iuvenes impia iussa detrectantes, in accensam fornacem conijci iussisset, flamma super fornacem effusa est cubitis quadraginta nouem. <sup>a</sup> Res omnino miranda, nec sine certo mysterio. ecquis rapacissimæ flammæ volatilem altitudinem tam accuratè mensus est, quis illuc ascendit & mensoriam regulam applicuit, & cubitos non quinquagenos, sed nouenos tantum supra quadragenosprehendit? neque verò ita loqui solemus, sed viginti, triginta, quinquaginta numeramus, etsi paullo plures sint aut pauciores quos numeramus. hîc vnicus cubitus ad quinquagesimum numerum deesse dicitur. mysterium hîc est & arcanus sensus. Numerus quinquagesimus Iubilæum olim significabat: at flammæ in Orciniana illâ Babylonîâ, etsi supra omnem modum tam in corpora quàm ipsas etiam animas sauiant, & immane quantum supra omnes huius vitæ cruciatus excrecant, nunquam tamen eò pertingent, vt Iubilæi gratiam attingant. apud inferos Iubilæum nullum est, nulla venia, tormentorum finis nullus. nunc illud Iubilæum est, non singulis tantum centenis aut quinquagenis annis; singulis diebus est, singulis horis, momentis. vna pars horulæ veniam nunc impetrare potest, quam non potest tota illic Aternitas. vna iam diecula plus debitorum potest dissoluere, quàm in lustralibus ignibus ipsi tot anni, aut sæcula.

Hic & aliam diuinæ paginæ explicationem addamus. Cum Jordanem Dei populus transfret, <sup>b</sup> aquæ inferiores in mare solitudinis ( quod nunc vocatur mortuum ) descenderunt, vsquequo omnino deficerent. & Ecclesiasticus: <sup>c</sup> *et* inquit, *qui multa redimat modico pretio.* duo hæc testimonia scripturæ coniungit Galfridus <sup>d</sup> & super ijs sic disserit: si perennis tibi amaritudo debetur, & euadere potes, percipiens temporalem, magna utique paruo pretio redemisti. Fateor, mare est in quo nauigas, sed mare mortuum, & quantas gratiarum actiones debes Deo, quòd mare salum, insanum, intransmeabile merueras, & ecce illud tibi mari mortuo misericorditer commutauit. vtinam per mare mortuum ad terram viuentium valeas pertransire. Comparat hic scriptor omnia huius vitæ ad-

uerfa

<sup>a</sup> Dan. 3.<sup>b</sup> Ios. 3.<sup>c</sup> Eccli. 20.<sup>d</sup> Clareuallensis Cant.



nerfa mari mortuo, æterna verò supplicia mari falſo & intransmeabili. nemo vtrumque euadit. aut hoc aut illud nauigandum eſt. Quid agis, ô homo (exclamat D. Chryſoſtomus) cælum paras aſcendere, & interrogas ne qua tibi difficultas occurrat. quicquid faciamus, hoc mare mortuum tranſeundum eſt. penes nos eſt an in tranquillum portum beatitudinis appellere velimus. Fons ſapientiæ, verbum Dei in excelsis, a & ingreſſus illius mandata æterna. Per mare hoc mortuum, in regionem viuorum, via alia non patet, quàm via mandatorum Dei. Oraculum liquidiffimum habemus: *Si quis ad vitam ingredi, ſerua mandata*: per hos fines aditur Æternitas. Quòd ſi ab huius æui Theologo b quaeratur. *Quid eſt ergo Æternitas?* Eſt circulus (dicit) in ſe recurrens, cuius centrum eſt SEMPER, circumferentia NVS QVAM, hoc eſt, NVNQVAM FINIRI. *quid eſt Æternitas?* eſt orbis vndique rotundus, ſuique ſimilis, in quo non eſt principium nec finis. *quid eſt Æternitas?* eſt rota quæ ſemper voluitur, & voluetur in omne volubilis æuum. *quid eſt Æternitas?* eſt annus iugiter reuolutus. qui vbi moritur & occidit, ibi & renaſcitur rurſumque oritur. *quid eſt Æternitas?* fons iugis, in quo per meandros, aquæ ad ſuam ſemper refluunt originem, vt iterum fluant. *quid eſt Æternitas?* perennis ſcaturigo, iuges emanans aquas, ſed aquas vel benedictionis ſuauiſſimas, vel amariſſimas maledictionis. *quid eſt Æternitas?* Labyrinthus innumeris ſeſe gyris intorquens, qui ingreſſos perpetuò circumducit, circumagit & perdit. *quid eſt Æternitas?* Eſt abyſſus ſpirarum & reuolutionum; eſt ſpira ſemper gyrans & circulans in immenſum. *quid eſt Æternitas?* anguis orbiculatim in ſe reflexus, caudam ore complectens, qui in ſui fine rurſum ſemper incipit, & incipere nunquam deſinet. *quid eſt Æternitas?* eſt duratio ſemper præſens, eſt vnum perpetuum HODIE, quod non tranſit in præteritum, aut futurum. *quid eſt Æternitas?* eſt æuum æuorum, ait Dionyſius, c quod non interit, ſed eodem modo ſemper ſe habet. *quid eſt Æternitas?* Eſt principium ſine principio, ſine medio, ſine fine, eſt iuge, interminatum, ſemperque inchoans principium: in quo beati beatam vitam continuo auſpicantur, nouiſque voluptatibus perpetuò affluunt: in quo damnati ſemper moriuntur, poſtque omnem mortem mortisque luctam, rurſum iugiter mori & cum morte luctari incipiunt. quamdiu Deus erit Deus, tamdiu beati erunt beati, tamdiu regnabunt & triumphabunt; tamdiu damnati, infandum ardebunt & clamabunt: *Cruciamur in hac ſemma*, cruciandi & torquendi Æternum.

§. III.

## §. III.

*Æternitatis locus cur mansio dicatur.*

**A**lexandrinus Pontifex Ioannes, summæ pietatis vir, ad ægros visebat sæpius, socium habebat quandoque Troilum Episcopum, numorum magis quàm ægrotorum amantem. huic in aurem insufflans Ioannes: amabo, inquit, frater, amicos Christi iuue- mus. callidus ad hæc Troilus & animi morbum vafre dissimulans, pecuniam omnem, quam tunc seruis rebus emendis alijs secum ferebat, egenis dari præcepit. nec ita multò post febriculâ cœpit tentari, quam ei creauit auaritia. Audiit hoc Alexandrinus Patriarcha, & morbi causam, quæ erat, facili coniecturâ affecutus, tantum- dem argenti, quantum nuper inter ægros distributum, secum ipso ad febrientem attulit. &, producto nonnihil sermone: iocabar, inquit, nuper, & à te stipem ægrotis rogabam, cùm ea seruo meo de- esset. & en bonâ fide mutuos Philippæos refero, & gratias ago. Vi- dit Troilus præsentem Monetam, & mox docilis illa febris remit- tere, æstus mitigari, & omnia iam meliùs habere, itaque & ad pran- dium valentior surgere, & vnâ ire ad mensam: secundum meridiem finitisque epulis Troilus domi dormire cœpit, & suauiter meridiari. vidit hic per somnium amplissimas ædes, & in illarum fronte supra ianuam, hunc titulum: *Mansio aterna & requies Troili Episcopi.* gaudet somnians, sed mox aliud videt & dolet. adest qui adductis secum operis seriò imperans: Tollite, inquit, hanc ædium inscriptionem, & istam eius loco suffigite: *Mansio aterna & requies Ioannis Archie- piscopi Alexandria, emptæ libris triginta argenti.* horruit ad somnium, istud Troilus, nec vanum esse voluit, & ex auaro atque inimici, multò liberalior, in egenos præsertim euasit. hoc illi vel in somnis, *Æterna illa mansio visa persuasit.*

O beatæ mansiones, & ideo beatæ quia æternæ! Quàm cupit Christus vt tabernulas nostras, & turguriola breuî ruitura fastidia- mus, illas amemus, ad illas properemus **MANSIONES ÆTERNAS:** *In domo patris mei,* inquit, *mansiones multa sunt:* b nemo hinc arcetur nisi à seipso; locus neminem excludit, longè quàm amplissimus; tempus neminem expellit, mansio illic est, & quidem **MANSIO ÆTERNA.**

O æterne misericors Deus: ô æterna veritas, ô vera charitas, ô chara Æternitas! cæcitati nostræ sic medere, vt è præsentibus & breuibus ærumnis, agnoscamus futuras, horribiles, æternas pænas.

a De quo Leonius Neap. Cypror. episc. in vitâ S. Ioannis elemos. duc  
c. 26. interprete Anastasio S. R. E. Bibliothecario. b Ioan. 14.



duc nos & doce nos, vt bona peritura sic possideamus, ne amittamus æterna; committas noxas sic lugeamus, vt supplicium euadamus æternum; sic nos geramus in hospitio, ne MANSIONIBVS ÆTERNIS excidamus; sic progrediamur in viâ, ne repellamur à patriâ.

## CONSIDERATIO S E C V N D A.

*In quibus natura representet Æternitatem.*

Æternitatem ergo agnouerunt etiam idololatræ, qualemcunque illam, quam & per certa signa descripserunt, Deus enim illis manifestauit, ita vt sint inexcusabiles. a quânto iam commendatior debet esse hæc cogitatio Christianis, quibus Æternitas aliter longè meliusque depingitur, propter quod inexcusabilis es, ô homo, quisquis saluberrimam hanc Æternitatis memoriam, etiam monitus, tradis tamen securæ obliuioni. Sæpe tibi in oculis sunt anuli & circuli, sphærulæ & globi, sellæ & sessorij lectuli; sol & luna oculos identidem incurrunt. & hæc aspecta Æternitatis tibi memoriam ingerunt. Sed & Natura ipsa, bona mater, ea in publicum proponit, quorum aspectu auditique ad Æternitatem meditandam inultaris.

Memorat Solinus, Arcadiæ lapidem (Asbestos dicitur) vbi flammæ semina conceperit, continuis pænè ignibus ardere. ideo in delubris olim & sepulchris ex illo lampades concinnabantur: cuius etiam D. Augustinus meminit. b Addo Plinium, Volaterranum, Dioscoridem, plures alios qui mira referunt de lini quodam genere. varij hoc nominis est, nam Asbestinum, Carystium, Indicum, sed & viuum vocatur. hoc igni non tantum non consumitur, sed lauatur & extergitur. Ideo Regum aliquot cadauera rogis iniijcienda & cremanda, tali linteo fuerunt obuoluta, vitandæ confusioni cinerum, & his ab illis distinguendis. Ex hoc lino mantile habuit Nero, quod contra gemmas atque aurum pretiosum æstimabatur. En tibi ducem & magistram naturam, quæ digito id monstret quod suam in ignibus mortem non reperiât. ita damnati omnes ardebunt & non deflagrabit, vrentur perpetuum, & nunquam consumentur, quærent in his flammis mortem, non reperient. rectè Amandus c exclamat: O vae æternum, nunquam finem habiturum!

a Ad Rom. 4.

b Lib. 21. de Civ. c. 5.

c Horolog. sapientiæ.

rum! O finis sine fine, mors grauior omni morte; semper mori, & non posse vnquam emori. ita diuinus Isaias: *a Ignis eorum non exstinguetur.* Et Apocalypcticus ille Angelus: *b desiderabunt mori & mors fugiet ab eis.*

Salamandram in ignibus viuam aliquanto certè tempore durare posse præter Aristotelem, Plinium, Galenum, Ælianum, Dioscoridem, etiam D. Augustinus credidit. frigidissimum hoc animal est, ex inbribus natum; sol & siccitas mors illi sunt, hinc in flammis, Plinij sensu, perinde vt glacies durat. è pelle illius lychni fiunt perpetuis lampadibus instruendis. Bonus Deus, qui Salamandram è terrâ & luto producit, formauit & hominem ex eodem scilicet auro, sed naturâ longè nobiliori; minuit eum paulò minus ab Angelis: *c* certè idem illis quod Angelis regnum assignauit, post vitæ tirocinium, habitandum. Sed homo cùm in honore esset, non intellexit; comparatus est iumentis insipientibus & similis factus est illis *d* suâ ipse malitiâ talem se fecit Salamandram, quæ in flammis æternis, seu viueret semper, seu semper moreretur. In Igneis illis inferorum ergastulis omnia æterna sunt, sex tamen præcipuè ista.

*a* Il. c. vi.

*b* Apoc. c. 9.

*c* Psalm. 8.

*d* Psalm. 49.

### §. I.

*Quanam apud inferos sint æterna.*

1. **D**amnatus ipse æternus, immortalis est. nullus alteruius, nec seipsum vllus poterit interimere. quærent mortem & non inuenient eam. *a* In hoc ipsum moriendi desiderium, quod scient nunquam explendum, ingens illis tormentum erit.

2. Carcer ipse æternus est. ruere non potest, non effringi, non suffodi. montibus atque rupibus obseratus est. hæ seræ atque repagula nimium firma sunt, nulli concessura egressum. Si quis damnatorum ante iudicij diem inde ad nos comineat, Deo id permittente fit, sed suos ille secum inferos circumfert, à cruciati non immunis. Occurrit hîc duorum Theologorum disputatio non vana, de situ locoque corporum apud inferos. Illorum alter Geometæ simul non rudis, in hunc ferè modum differebat. Certum est è Christi ore, maximam hæc minum partem damnandam, ita vt beatorum pauci fiant futuri, ac incredibile illum numerum damnandorum. Veritatis verba sunt: *b Intrate per angustam portam, quia lata porta & spatioſa via est, qua ducit ad perditionem, & MULTI sunt, qui intrant per eam,*

*a* Apocal. 9.

*b* Matth. 7.

*quàm*



quam angusta porta, *Et arcta via est qua ducit ad vitam*, & PAUCI sunt qui inueniunt eam? quæso te, crediturne hoc in mundo? num hæc Christi verba esse censentur? sed ad institutum terræ medium & centrum, inferorum sedes est, & quæ possit hæc (enimvero dimetiatur) tot milliones hominum satis capere, nisi dicamus corpus illic à corpore penetrari? Non hoc necesse est, ait alter, sed erunt sicut haleces in dolio, inter quos arctè compressos sal tantum medius est: ita inter damnatos ignis, aut erunt sicut lateres in calcaria fornace: alter alteri hæret, flammæ vis omnes penetrat, diuina scriptura clarè assentitur, alià tamen similitudine. *a sicut oues in inferno posite sunt, mors depascet eos*, non erunt ut oues in pascuis sed ut in macello iam iugulatæ, & in cumulum vnum proiectæ. Ergo & damnatorum locus æternus.

3. Non minùs æternum, est Ignis ille nullis vnquam sæculis extinguendus. Christus apud Matthæum nimis quàm clarè præmonet: *b Discedite à me maledicti, in ignem æternum*. audis? *ÆTERNVM*. hunc ira diuina suscitatur nunquam sopiendum; Isaias attestatur: *Flatus Domini sicut torrens sulphuris succendens eam, nocte & die non extinguetur, in sempiternum ascendet fumus eius*. Pariter relata sunt, inquit Augustinus, *d hinc supplicium æternum, inde vita æterna*: dicere ergo vita æterna sine fine erit, supplicium æternum habebit finem, valde absurdum est. Quis cunctabitur plenè conuerti?

4. Atquæ ac cetera æternum, Vermis est, & conscientia ob præteritam vitam afflictissima & desperatissima. Vermis eorum non moritur, prædicit Isaias. *e hoc olim poëtæ à sacris litteris in fabulas transtulerunt*: quid enim aliud Virgilianus ille Tytius qui quotidie aduolanti vulturi iecur præbet erodendum ac lacerandum, quodque proximâ semper nocte in nouam lanienam renascitur: quid hoc aliud nisi vermis iste, & conscientia perpetuis moribus discerpenda?

5. Ad eandem spectat æternitatem gehennæ, sententia vltima, & omnium nouissimum iudicis Christi decretum, decretum heu irreuocabile, immutabile, æternum. nulla ab hoc ad alium iudicem appellatio aut prouocatio, nulla quæ apud Iurisconsultos replica aut triplica, reuissio nulla, nullæ comperendinationes, aut induciæ. quod semel huius iudicis ore pronuntiatum est, reuocari non potest in omnes omnino æuiternitates. mater nostra Romana Eccle-

a Psal. 48.

b Matth. c. 23.

c Il. c. 30. & 34.

fia

d Lib. 12, de Ciuit. c. 23.

e Il. c. 66.

ſia a fideliter nos monet, ſapiuſque illud occinit: peccantem me quotidie, & non me pœnitentem timor mortis conturbat me. *quia in inferno nulla eſt redemptio, nulla, nulla,* ſed æterna deſperatio, ſanguis Chriſti, etiam recens fuſus in Golgothæo monte, & ad ſatisfaciendum efficaciffimus, ad damnatos tamen non pertigit. Si iugum Domini, inquit Bernardus, iugum pœnitentiæ, ſuaue non creditis in ſeipſo: vel hoc non ignoratis, quia ſuauiſſimum eſt compa- ratione illius, de quo dicitur: Ite in ignem æternum.

6. Quod ſine caret apud inferos, eſt, pœna damni, quam vo- cant, æterna diuini aſpectus priuatio, quæ cum omnibus alijs infe- rorum tormentis & cruciatibus ſinem nullum habebit, neque enim hîc vlla eſſe poteſt ſatisfactio, & quamuis hæc tormenta durent ali- quot mille millions annorum, tamen nec vnicus quidem dies, imò nec horula, nec momentum quieti & reſpirationi concedetur. tor- mentorum quidem varietas erit & viciffitudo, ſed in maiorem pœ- nam & dolorem. Chriſtus diſertiſſimè præmonuit per Matthæum, non ſemel: filij regni eiicientur in tenebras exteriores, ibi erit fletus & ſtridor dentium, fletus in igne, dentiũ ſtridor in frigore & glacie. Quâ ratione igitur homo tam ſui quàm Dei, obliuiſci, & quomodo adeò in pecudem degenerare, imò in ſaxum & rupem indureſcere poteſt, vt, cum inexplicabiles illos & infandos cruciatus æternitate totâ duraturos cogitat, nil formidet, non horreat, non ſibi ipſe di- cat: re ipſâ in viâ ſum ad æternitatem, & forſan via hæc breui- finietur: in gradibus æternitatis iam ſedeo, quouis leuiſſimo im- pulſu hinc præcipitor in immenſam voraginem. quòd ſi tam mo- leſtum & intolerabile videtur, vnica ſolum noctem vigilantibus & inconniuis oculis, in molli tamen lecto, ſuſpirare & gēnere, ob capitis aut alterius membri, ob dentium aut calculi dolores, cum ſerum manè vix expectari poteſt, cum ſol in viâ hædere creditur, cum nox vna, videtur hebdomas: & tamen in plumis cubatur, ſpes eſt manſuetioris diei, ſolatium & ſubſidium à medico expectatur. Ah! quid erit ergo in flammis, mille atque mille & iterum mille annis, noctes diēsque vigilare, eſurare, ſitire, ardere, membris omnibus extremè cruciari, refrigerium nullum, quietem nec mi- nimam ſperare, deſperare omnia, atque ſic uſtulari & torqueri per infinitas ſæculorum myriadas, & ſinem horum non tantum nul- lum eſſe, ſed nec vllum ſperari poſſe. Ibi, inquit Thomas de Chriſti imitatione, erit vna hora grauior in pœnâ, quàm hîc centum anni

C

in



in amarissimâ pœnitentiâ. Ibi nulla requies est, nulla consolatio damnatis. O Domine, ne in furore tuo arguas me, neque in irâ tuâ corripas me. <sup>a</sup> Delicta iuventutis meæ & ignorantias meas ne memineris. <sup>b</sup> Perij nisi parcas, ô Deus.

<sup>a</sup> Psal. 6.

<sup>b</sup> Psal. 24.

## S. II.

*Cur gehenna sit æterna.*

**H**ic ad rem nascitur quæstio à cunctis sciri dignissima, quomodo fieri possit, ut Deus misericors ille & bonus, & cuius misericordia super omnia opera eius, nihilominus tamen vel vnicum letale peccatum, vel momento, vel solâ etiam cogitatione patratum, iustissimè puniat in omnem p̃orsus æternitatem, ita quidem ut illud nunquam satis puniri queat, & quotquot annorum millia peragantur, tamen nunquam dici possit: iam satis punitum est hoc crimen, iam satisfecit reus iste, iam cogitationem malignam quâ Deum offenderat, eluit. Et hæc optimorum Theologorum mens est, solam morosam delectationem mortale peccatum esse. delectationem morosam vocant eam, cum quis impuram & libidinosam cogitationem animo voluens, non quidem statuit re patrare quod cogitat, sed cogitatu illo suo sciens & volens immoratur & delectatur. Ergo cogitationi vnicæ rogos æternos Deus decreuerit: & quæ hæc æqualitas est, peccato momentaneo, quod nemini noceat, supplicium æternum statuere: ut quid beatus David vociferatur: <sup>a</sup> Confitemini Domino, quoniam bonus, quoniam in æternum misericordia eius, ut quid hoc vices septies repetit, si Deus tam seuerus est: Ad hæc respondent D. Augustinus, D. Gregorius, D. Thomas Aquinas, <sup>b</sup> alij, culpam in quouis mortali peccato ex naturâ suâ esse infinitam, quia peccatum iniuria est in infinitam Dei maiestatem. accedit & illud, quod qui moritur peccati lethalis conficius, nec dolet admitti, tantundem facit ac si æternum peccasset, si quidem ei æternum vivere concessum fuisset. peccandi voluntatem non amisit iste, sed vitam, semper peccaturus, si semper victurus; ita non peccare desijt, sed vivere. Insuper & istud hic considerandum: damnatum hominem, quantumcunque debitorum persoluat, nunquam tamen satisfacere. cum enim ut hostis, apud Deum in gratiâ non sit, solutio eius digna non est quæ acceptetur, quando nec ipse homo est acceptus. sed nec debitorum quidquam persoluit

<sup>a</sup> Psalm. 13.

<sup>b</sup> S. Thom. 1.2. q. 87. art. 5. ad 2.

persoluit talis, cum nihil faciat, sed solum patiat, eas, quibus iniustus plectitur, poenas ab exemplo res magis patebit. Debet quis vicino mille philippéos, quos ab illo accepit, domum suam censui perpetuo subiciens, pensum quot annis soluturus. intra viginti annos, totidem philippéos persoluit vicino, quot ab eo accepit. num ergo ab omni iam debito liber, nil restat soluendum? totum omnino pecuniæ caput, quod tam integrè soluendum reinanet, ac si nil unquam fuisset exolutum. ea enim talium conuentorum lex est, vt numeratæ pecuniæ caput semper integrum permaneat, etsi reditus annuus semper persoluatur. sic prorsus damnati, quidquid de muni poenarum persoluant, ære tamen alieno nunquam exeunt. æterni debitores, perpetui Deo tributarij. Isaias vaticinatur: *Et erit fortitudo vestra vt fauilla struppæ, & opus vestrum quasi scintilla, & succendetur vtrumque simul, & non erit qui extinguat.*

Tiberium Cæsarem olim, narrat Suetonius, *in recognoscendis custodijs cuidam poenæ maturitatem precanti respondisse: Nondum tecum in gratiam redij.* Christus iustissimus iudex, non tyrannus, non Tiberius est, sed, etsi damnatus quispiam post mille annos in flammis exactos mortis maturitatem rogaret, idem tamen ei responderet: *Nondum tecum in gratiam redij.* roget hoc idem post alios mille annos; idem audiet: *Nondum tecum in gratiam redij.* roget hoc post centum millia annorum, non aliud respondebitur. roget hoc post aliquot milliones annorum, idem semper Christus iudex opponet: *Nondum tecum in gratiam redij, nec redibo; redire olim volui, gratiam meam millies atque millies tibi obtuli, sed tu repulisti eam. amicus esse volui, imò pater, sed tu noluisti esse filius. dissimulaui, tacui, expectaui quadraginta, quinquaginta, sexaginta annis, si forsitan mutares animum & vitam, sed nulla secuta est seria aut constans poenitentia; despexisti omne consilium meum, & increpationes meas neglexisti; exosam habuisti disciplinam & detraxisti vniuersæ correptioni meæ. comede igitur fructus viæ tuæ, tuisque consilijs saturare.* Ego in interitu tuo ridebo æternum, nec aliud tibi iustitia mea post infinita sæcula respondebit, quàm quod *nondum tecum in gratiam redierim.* O superi! ô Deus! ô peccatum, ô præcipitium humani generis, in barathrum tormentorum, in Æternitatis luctuosissimam abyssum! sed iustus es Domine & rectum iudicium tuum. *d* iustum est, æquum est, vt qui per poenitentiam oblata nunquam vti voluit misericordiâ, per poenam semper intentatâ puniatur iustitiâ.



*Alij ad Æternitatem nature ducti.*

**S**ed ad naturæ magisterium redeo circa æternitatis considerationem. Therinæ reperiuntur *a* in montibus & scopulis, tanto talique sonantium aquarum collisione & murmure, vt qui illuc valedudinem curaturi conueniunt, si primo therinarum ingressu, certum symphonix genus, & instrumenta sibi musica se audire imaginentur, tam assiduo fragore aures illis obtundantur, vt musica initio suauissima, imaginatione diuturnâ in fastidium & cruciatum abeat: ij verò qui tympanum sibi, aut sonorum magis instrumentum imaginati sunt, demum pænè insaniant, ob molestissimum assidue obturbantem strepitum. Etiam hîc ad cogitandam Æternitatem ducimur, sub montibus illis inferorum claustris, clamor ille, ploratus, fragor, vlulatus qui primo ingressu cæpit, nunquam desinet, aures & non imaginationem tantum cruciabit assidue, nec assuetudine quidquam horum mitigari poterit. ita contrâ inter beatos cæleste illud Trisagion, Sanctus, Sanctus, Sanctus, non tantum nec minimum tædij creabit, sed nouâ semper voluptate audietur.

Christus cum Samaritanâ feminâ collocutus, mentionem æternitatis æternæque vitæ ultra quàm vigesies iniecit. &, qui autem biberit ex aquâ quam ego dabo ei, non sitiet in æternum, sed fiet in eo fons salientis in vitam æternam. *b* vtinam & nos cum Samaritide hos fontes sitiremus, & serijs precibus rogaremus: O Domine, da mihi hanc aquam, vt non sitiam: *c* da, ô Christe, vel guttulam huius aquæ, vel aliquod saltem desiderium æternæ vitæ.

Sed aliud habet quod monstret Natura. Anno post Virginis partum octogesimo primo (vti Suetonius, *c* Dio & Plinius Secundus fusiùs memorant) Calendis Nouembribus, horâ septimâ ad montem Vesuium in Campaniâ horribilis flaminarum eruptio facta est, quam præcessit inusitata siccitas, & graues terræ motus: auditi etiam subterranei sonitus velut si tonitrua mugirent: dein mare fremere & magnum fieri, cælum omne resonare, quasi montes in conflictum corruerent, tum verò ingentia saxa subsilire, mistis fumo flammisque, aer omnis infici, sol ipse occultari. vnde plerisque persuasum, mundum in chaos redigendum, aut igne absumendum. tanta namque copia cineris effusa est, vt terram, mare, aërem compleret, hominibus, prædijs, pecoribus maximo illato damno, pisci-

*a* Felix Faber lib. 2. de rebus Sueuicis.*b* Ioan. 4.

bus

*c* Suet. in Tit. c. 9. Dio in Tito. Plin. ep. ad Tacit.



bus atque volucris necatis, duabus urbibus, Herculano & Pompeijs, dum populus in theatro spectaret, penitus obrutis. Atque hæc aliæque id genus cauernosa præcipitia & montium iuga, quæ continuis ignibus flagrant, nec tamen vnquam consumuntur aut deflagrant, viua exempla à Deo hominibus data esse, incendij apud inferos Æterni, quo fontium corpora semper vrentur, nunquam comburentur, Tertullianus imprimis, Minutius, & Pacianus declarant. Vide, mi homo, quàm etiam hîc natura solerter præeat & manu ducat ad contemplandam Æternitatem.

Ipsam denique tempus nostrum, signum est & quasi vestigium Æternitatis. Cuperet natura, è signo signatum disceremus, nostroque tempore Æternitatem illam metiremur. Augustinus: *b* Inter temporalia, inquit, & æterna hoc interest, quòd temporalia plus diligantur, antequam habeantur, vilescant autem cum aduenierint, non enim satiat animum, nisi incorruptibilis gaudij vera & certa Æternitas: Æternum verò ardentius diligitur adeptum, quàm desideratum; quia ibi plus adeptura est charitas, quàm fides credidit, vel spes desiderauit. Ah! quomodo non sordet nobis terra, breuî deferenda, cum cælum aspicimus, æterno dominio possidendum.

a Tertul. Apol. c. 48. Minut. in Octauio. Pacian. de poenit. & confess.

b In sent. sent. 270.

## CONSIDERATIO TERTIA.

*In quo potissimum Æternitatem suam Romani veteres collocarint.*

Plinius Secundus: beatos puto, ait, aut facere scribenda, aut scribere legenda; beatissimos verò quibus vtrumque. ita tribus modis censebant Romani, sui nominis famæque æternitatem ad posteros transmitti posse. Primò scripserunt, & præclara & multa, sed non præclara omnia, non casta & sancta vniuersa. n̄uos etiam suos, turpitudines & libidines chartis commiserunt, viâ ad Æternitatem non honestâ & regiâ. Quot etiam libri, auctores suos moriendo anteuerterunt, & ad Platonis animum, similes fuerunt hortis Adonidis, tam citò mortuis quàm natis: non diu placebant quæ citò placebant. At vivant sanè Romanorum omnium libri perpetuum, nemo tamen eorum à suo libro aliquid in se vitæ transferre poterit.

C 3

Deinde

a Epist. 2. ad Tacit.

Deinde non scripserunt tantum Romani, sed & fecerunt scribenda, facinora docto ac eloquenti calamo digna, & hæc varij discriminis. siquidem in plurimis æternitatem quæ fuerunt, in nullo inuenisse, fides nostra nos docet. magni fuerunt, non negamus, in rebus civilibus & bellicis, domi forisque; admirandi fuerunt in artibus & scientijs, magnifici & effusi in spectaculis & donis, obstupescendi in ædificijs, mausoleis, sepulchris, statuis. exemplo sint hæc paucula breuissimè perstricta.

Ludos fecit Augustus suo nomine & sumptu vices quater, expensis ærarij vices ter, nullus horum infra quingenties aut millies HS. stetit. sunt nostræ monetæ 2500000. philippæi, seu, bis millies quingenta millia coronatorum; sesquitercius millio. & hæc tanta pecuniæ vis in vnicum tale spectaculum effundebatur: infimus & parcissimus sumptus in singulos ludos ab Augusto editos, erat quingenties HS. ipsi 1250000. philippæi, hoc est, millies ducenta quinquaginta millia coronatorum. Nero totum theatrum illeuit auro; omne choragium & instrumenta comica fecit aurea. accedebant missilia seu sparsiones, hoc est, lignæ tesserae in vulgus spargendæ, quibus inscriptæ totæ domus, agri, fundi, prædia, mancipia, serui, iumenta, argenti & gemmarum sæpe maximus numerus. harum tesserarum aliquam quisquis exhibuit, mox id accepit, quod inscriptio designauit.

Idem Nero gregario militi in donatiuum numerari iussit centies HS. sunt 250000. philippæi, hoc est, ducenta quinquaginta millia coronatorum. Agrippina mater, in mensâ hunc tantum pecuniæ numerum expandi iussit, vt vel sic tacitè filij effusionem reprehenderet, & coërceret. Notauit Nero se moneri, & alterum tantum addi præcipiens; nesciebam, ait, me tam parum dedisse.

Idem Imp. Teridati regi vt hospiti, nouem mensibus Romæ agenti, in singulos dies constituit viginti millia philippæorum, sunt quinque milliones & quadraginta millia coronatorum in totos illos nouem menses constituta. abeunti dedit viaticum, millies HS. seu duos milliones & medium. de ædificijs quid memorem?

Caligula Imp. mari pontem fecit ad tria milliaria. Tempia Romæ fuerunt quadringenta viginti quatuor, pleraque magnifica. Domitianus in solam Capitolij inaurationem, ipsos septem milliones impendit.

In amphitheatro saxeis gradibus commodè sedere poterant spectatorum 87000. in superiore parte per ambitum stare 12000. vniuersum 99000.



Præter plurima alia, duodecim publica fuerunt balnea ab Imperatoribus structa, in quibus gratis lauabatur. In thermis Antoninæ fuerunt è polito lapide 1600. sellæ, & commodè tot homines simul lauare poterant. In balneo Hetrusci, ait Plinius, omnia fuisse argentea, canales, labra, solum ipsum. sed ad alia,

Romæ tot ferè statutz fuerunt quot homines. præter infinitas æreas, marmoreas, eburneas, etiam argenteæ & aureæ. Domitianus in Capitolio auream habuit centum librarū; Commodus & Claudius aureas, harum singulæ mille librarum. Claudius in rostris etiā argenteam habuit. hinc Præfectus certus, Comes Romanus dicebatur, & multus ei miles, vt tantum statuarum populum custodiret.

Viâ Appiâ vir expeditus, quinq; diebus habuit quod percurreret, ab vrbe Capuam vsque protendebatur hæc via tam lata, vt duo currus obuij liberè cominearent: tam firma, vt laxi nihil aut soluti appareretur, perinde ac si saxum esset vnicum. plures tales fuerunt viæ. Incredendum est quod de aquæ ductibus fide digni scribunt. Claudius Imperator impendit in aquæ ductum septem milliones auri & medium, sexcenti homines alebantur tuendis tantum aquis. Hæc certè magna, & quædam ob nimium luxum reprehendenda. fuit tamen quod ædificia illa splendidissima superaret, vix tamen honesti nominis. Cloacas Romæ habuerunt seu subterraneos fornices cum perfluentibus aquis, ad euehendas totius ciuitatis sordes. Cloacarum istarum tam multæ, tam amplæ & longæ, vt inter orbis miracula non immeritò cenferi possint. De his in specimen satis, quæ ei, scio, minimè sunt incredibilia, qui veterum Romanorum opes & potentiam primoribus labris libauit, & testes audiuit Suetonium, Dionem, Cassium, Plinium, Liuium, alios.

Et hæc quidem, quæ commemorauimus, ex se laudanda, administratio Reipub. tam prudens, quâ & in bellis maiorem partem inuicti, in scientijs & artibus eximij, virtute quoque illustres fuerunt, ita vt Cyneas Pyrrhi legatus homo facundus & intelligens cum frustra sollicitâ sset vrbein, ad fœdus Romanis non sat dignum, regressus suo regi dixerit; Vrbein sibi templū, Senatores reges videri. In his talibus ergo laudandi Romani. Sed in hoc grauissimè & toto cælo aberrârūt, quod homines adeo prudentes omnem suam æternitatē in rebus minimè æternantibus locârint. si Augustinū & Romani, ad æternitatē, viæ ductorem delegissent, viam eis multo certiorē ad ipsâ æternitatis regiā monstrâsset. Neq; enim nos, inquit ille, Imperatores eos felices dicim⁹, qui multos Imperij ac vitæ años, vel victo-



riæ triumphos, vel fortunæ thesauros numerârunt: hæc ijs etiam deferuntur munera, quibus nihil iuris est ad regnum illud æternum. Et quoniam ergo Augustine, tuo animo felices censendi? Audite Imperatores, Reges, Principes: Augustini sensu vera æternæque felicitas à vobis obtinebitur, observatione legum istarum:

*Lex 1. Iustitia.*

Iustè imperare: omnem iniustitiæ fucum & pigmenta odisse.

*2. Modestia in sensu.*

Tot honorantium & salutantium linguis non extolli, sed meminisse hominem se esse.

*3. Dei timor & amor.*

Ad Dei cultum maximè propagandum, humanam potentiam omnem maiestati diuinæ famulâ facere, timore Numinis & amore.

*4. Calis desiderium.*

Ardentiùs amare regnum illud æternum, in quo potestatis confortes nulli timentur.

*5. Ignoscendi facilitas.*

Ad veniam prouum & facilem esse, tardum ad vindictam, & illam solam quam tuendæ Reip. poscit necessitas.

*6. Misericors liberalitas.*

Asperiora decreta, misericordiæ lenitate, & largitate beneficiorum temperare.

*7. Continentia.*

Luxuriam quantum esse posset liberior, tantò castigatorem habere.

*8. Moderatio affectuum.*

Malle in affectus prauos, quàm in quasuis gentes dominari.

*9. Submissionis & orationis studium.*

Hæc omnia non inanis gloriæ, sed æternæ felicitatis studio facere: nobilissimum submissionis & orationis sacrificium nunquam negligere.

Has leges Augustinus ipse, « ad mundi valuas suffixit, velut omnium Principum illustre speculum. » Nunc vos, ô Romani, quantum à ianuâ harum legum aberrastis? ut taceam, pro vno ferme innumeros Deos in veneratione apud vos fuisse. Nam Roma & sibi magnam videbatur assumpsisse Religionem quod nullam respuebat falsitatem, & cum pænè omnibus dominaretur gentibus, omnium gentium seruiebat erroribus.

Sed

Sed vt hæc fileam omnia, quàm vanum illud & ridiculum, omnē suam æternitatē post se relinquere velle in membranīs & chartis, in marimoribus & saxis, in amphitheatris, pyramidibus, sepulchris æmausolæis. & vbi nunc faxea hæc est æternitas? Romæ pænè ideam quod Hierosolymis contigit. Apostolorum vnus, magistro Christo structuram Hierosolymæi templi demonstrans: Magister, ait, aspice, quales lapides & quales structuræ? respondit Christus: *Vides hæc omnes magnas adificationes? non relinquetur lapis super lapidem qui non destruitur.* ita nihil æternum in hoc orbe. Et vbi nunc vetus vrbs Roma? quæritur: & dici potest, hîc fuit. vbi qui eam ædificârunt? perierunt omnes: nec cineres illorum nouimus. Et nos ipsi eadem hac viâ sequemur, post aliquot annos vmbra, puluis, nihil. Heu res mortalium vel maximorum paruæ! heu validissimorum instabiles! quid enim illa omnia nunc, aut vbi sunt? euanuerunt. vbi supra fidem cumulata opes? defluerunt. vbi cælo certantia opera? non apparent. sic cuncta quæ nobis magna sunt, vmbra sunt & somnium, si cum æterno & æternitate comparentur. debile nimis & ex luto fundamentum est, super quo tota vanescentis gloriæ fabrica extruitur. non ita saxis & marimoribus æternitas inculpitur. rectè Lactantius: mortalia sunt opera mortalium. Babylonem, Troiam, Carthaginem, Romam fuisse credimus: oculis fidem quod faciat, vix cadaueris pars superest. ita septem orbis miracula, sic aureum Neronis palatium, Diocletianæ therinæ, Antoniniana balnea, Seueri Septizonium, Colissæum Iulij, Amphitheatrum Pompeij, vix sui vestigium & nomen in libris reliquerunt, & hoc quàm diu?

a Marci 13.

### §. I.

*Quantum Romani à verâ Æternitatis viâ aberrârint.*

**N**Azarethi in arcano sanctissimæ virginis conclauī mentionem iniicit Angelus de regno, *cuīus regni non erit finis.* a tale non fuit Salomonis, quod quadringentis tantum annis durauit. vsque ad cladem Babylonicam. tale Romanorum non fuit, sed nec Persarum, nec Græcorum fuit tale. Vbi enim nunc regna illa sunt, olim florentissima, vbi antiquissimæ illæ monarchiæ? quantus olim Nabuchodonosor in Chaldæâ & Syriâ, & post hunc Balthasar? ab his in Persiam migrârunt sceptrâ & Mediam, ad Cyrum & Darium. nec hîc diu permanserunt: in Græciam translata ad Alexandrum Macedonem, Magnum Regem & diu bellicosum, diu fortu-



natum, sed vbi bellica virtus cecidit, etiam fortuna defecit & hinc in Italiam cum sceptris inigrauit ad Iulium Cæsarem, & Octavianum Augustum. At vbi nunc hi omnes? tu, mi Christiane, regnum querere, *enim regni non erit finis*. Numantiam, Athenas, Carthaginem, Spartam suus deleuit finis; regni, quod supra nos, non erit finis. Rex illius æternus est, æterni incolæ. *Dominus regnabit in æternū. & Ultrā.* In quæ verba Origenes: putasne, ait, in sæculum sæculi Deum regnaturum? regnabit adhuc, vel vltra, & quodcunque dixeris, illud de regni eius spatijs semper tibi propheta dicit: Et adhuc, siue vltra. Et nunc, inquit Isidorus, *b* regnum hoc sempiternum, immensum, ex omni parte beatum, omni generi hominum promissum est, & tamen de illo altum inter nos silentium est, quotus enim quisque est, qui vel minimam diei particulam in hoc seculum expendendo impendat? de hoc commemoret? hoc vxori, hoc liberis, toti hoc familiæ inculcet? alia omnia garrimus; cæli vix vlla est mentio, aut certe rarissima. in laudando natali solo plerique omnes disertissimi; nostram illam verissimam patriam laudare pænè erubescimus: in eam nimirum piæ collocutionis desuetudinem multi deueniunt, vt nisi sterilissimas nugas, subinde etiam lasciuas spurcicias turgentibus buccis effundant, inurbanos se & infestiuos haberi putent. Hoc verè est toto cælo errare. æternis inhiandum est & corde, & ore, cogitationibus & colloquijs, nec vlla speranda est vera gloria, nisi æterna.

Hebræi proceres, vt contra Christi potentiam, ad politicam illam æternitatem, viam sibi sternerent, frequentem senatum adesse iusserunt, & stolidissimam prudentiam, quod maximè metuebant, in caput suum decreuerunt. de his in frequenti curiâ deliberantibus eleganter Augustinus: *d* Pontifices, inquit, & Pharisei sibi consulebant, nec tamen dicebant: Credamus. Plus perdit homines cogitabant, quomodo nocerent vt perderent, quàm quomodo sibi consulerent ne perirent. Et tamen timebant, & quasi consulebant, dicebant enim: Quid facimus, quia hic homo multa signa facit? si dimittimus eum sic, omnes credent in eum, & venient Romani, & tollent nostrum locum & gentem. *e* *Temporalia perdere timuerunt, & vitam æternam non cogitauerunt, ac sic vitrumque amiserunt.* Ita fit; hæc nostrarum cogitationum vanitas est & affectatum ludibrium. & qui sumus nos? quæ sunt nostra? Hodie floremus, commendamur, placemus. cras flos languescet; displicebimus tam ijs, quibus hætenus placuimus, quàm Deo cui nunquam placere studuimus, cælum negligimus,

*a* Exodi c. 15. *b* Isidor. Clarius.

terram

*c* Ioan. c. 11. v. 47. *d* Tract. 49. in Ioan. sub fin. *e* Ioan. c. 11. v. 48.



terram non retinemus; Dei fauorem non acquirimus, mundi perdimus, hinc & hinc deploratissimâ orbitate miseri. Si mors parceret felicibus in hoc orbe, reperirent fortasse hîc quandam gloriam, quandam inquam, nam vera nulla est, nisi quæ in cælo, & æterna: sed nulli mors parcit; in tenebris semper videt, nec videtur, expectat ut ex insidijs incautos inuadat. quò deducet, si malè viximus? ad sæuæ regna Proserpinæ & iudicantem Æacum. Ibi neminem liberabit nobilitas, neminem teget potentia, neminem eripiet hominum applausus, sed solius domini fauor & gloria illa, quæ per gloriæ fugam comparata est. Non est vera gloria, nisi æterna.

Hebræus sapiens, *a* Sapientiam reginam depingit, quam ponè comitantur duæ famulæ, dextrâ Æternitas, læuâ Gloria. nullius est pretij Gloria, si absit Æternitas, quam nos Christiani expectamus: manentem ciuitatem hîc non habemus, sed futuram inquirimus, æternam in cælis. *b* In memoriâ æternâ erit iustus. Stipem, mi Christiane, das pauperi, inhianti gulæ subducis escam, castitatis hosti resistis; non grandia sunt hæc opera, nec multi temporis; facti tamen memoria, sed & merces erit æterna.

Quantillum Magdalena Christi pedibus impendit, quàm citò id obsequij perfecit, & tamen orbi vniuerso innotuit. *c* alij alia in Magdalenâ suspexissent, roseam oris pulchritudinem, blandam formæ venustatem, aincenum iuuentutis florem; raram gratiam, opes magnas, fauores maximos, gratam affabilitatem, festiuos applausus: nullam hæc ei laudem, sed dedecus comparârunt. at officium vel pedibus præstitum, eleemosyna non grandis, æternam illi gloriam, inmortale nomen conciliârunt. *predicabitur in toto mundo*, Christo teste. non fuit opus hoc incisum marmori, non ære Cyprio efformatum, non in foro promulgatum, non ad tubas & tympana proclamatum, tamen hæcenus durauit, durabitque æternum. *Et predicabitur in toto mundo*. si actionem spectes, reprehendit eam auarus œconomus Hæriotes, culpauit & turgidus Pharisæus Simon; si matesiam, vnguentum erat, ut suminum 30. aureorum; si locum, priuatus; si testes, pauci; si personam, infamis femina; & tamen *predicabitur in toto mundo*, quot Imperatores victrices aquilas in hostiû castris plantârunt? quot bellicosi duces numerosissimos exercitus laudabiliter administrârunt? quot prouidi gubernatores, amplissimos populos sapienter rexerunt? quanti reges, insignia, statuas, castra, ciuitates condiderunt? quot viri eruditi omne cerebrum in nouas

uas inuentiones, per calamum instar chymicorum distillarent in chartas, vt inter memoriâ dignos reponerentur, qui tamen silentij nocte & obliuione inuoluti iacent. At opus iusti vnicum, æternam confert memoriam, ab omni vetustate & inuidiâ immune, à sapientibus, ducibus, regibus, Pontificibus reuerentiâ & silentio, auditur, legitur, *predicabitur in toto mundo.* solum itaque bene & viuere & mori, via est ad æternam immortalitatem. Ite nunc, mei Romani, & Æternitatem in statuis & marmoribus quærite, nunquam reperiuri. Ego potius opte & malim quod D. Hieronymus in rebus gestis Pauli Eremitæ optans: Hieronymi peccatoris, ait, meminertis, cui si Deus optionem daret, præferret tunicam Pauli, malletque eam cum meritis suis, quàm purpuram regum cum suis regnis. Nos Christiani ne pecuniæ nostræ iacturam faciamus, versurâ facimus, inò ante nos in alium orbem præmittimus, cælum illam recipit. & hoc tutò fit, & à fidissimis tabellarijs eò defertur, sed non alijs quàm mendicis, & pauperibus. pauca illis damus & vilia, pro his in cælo maxima recepturi. ita Christus promisit & præcepit: *Et ego dico vobis, facite vobis amicos de mammonâ iniquitatis, Et cum defeceritis, recipiant vos in æterna tabernacula, &c.* Sed à Romanis ad alios transeamus.

a Luc. c. 16.

## §. II.

### *Melior priore, ad Æternitatem via.*

**D**Arius, clade suâ notissimus ille Rex Persarum, in exercitu suo decem millia Persarum habuit, quos immortales vocauit, ideò (vti Cælius Rhodiginus explicat) non quòd planè nunquam morerentur (vbi enim illi tales?) sed si quis horum aut nece aut morbo numerum minuisset, confestim substituebatur alius, nec vnquam plures erant paucioré sue decem millibus. ita & Darius immortalitatem aliquam & muneris æternitatem, confinxit, sed breuis admodum hæc fuit, Dario totòque ipsius exercitu funditus per-eunte. Dario Medo, precantur olim satrapæ: b. Dari Rex in æternum viue. Ah! quàm inane hoc votum, & quàm curta hæc est Æternitas! annis septuaginta, aut octoginta summum viuimus, æternum tamen nos viuere inter somnia optamus. Non immeritò certe Xerxes, qui ex Asiâ subiugandæ Græciæ (Herodotus narrat) duos exercitus terrâ marique secum eduxit, nimirum ter & viciés centena millia, septemdecim millia, sexcentos, exceptis ijs, qui militi seruierunt: hos omnes cum è monte prospiciens oculis obiret,

a Lib. 8. c. 2. & lib. 23. c. 1. b Dan. c. 6.

in



in lacrimas solutus hoc aspectu, idcirco se flere dixit, quod post 50. aut 60. annos è tot centenis millibus, viris tam robustis & selectis, vix vllus esset superstes futurus.

*Æternitates nescio quas fingere nobis possumus, interea tamen omnes morimur & quasi aquæ dilabimur in terram.*

Alius & melior beatæ typus *Æternitatis* excogitatus est Constantinopoli. Anno post parientem Virginem 459. Ecclesia Constantinopolitana æuo Gennadij episcopi, aucta est nouo & nobilissimo D. Ioanni Baptistæ sacro cænobio Acœmetarum, hoc est, in somnium, qui iuges & peruigiles diu noctûque laudes Deo concinere consuêrant, hac ratione. cænobitæ omnes in tres classes diuisi sunt, vt ita cùm prima classis partem aliquam diuinarum laudum finijisset, secunda ordiretur, secundâ quoq; finiente, tertia inciperet. ex hoc pio instituto suum aliquod cælum vrbs habuit, sic illi repræsentata cælestis *Æternitas*, quâ totâ Deus sine vlllo fastidio & nauseâ inter summas voluptates laudabitur. quàm iure exclamat diuinus Psaltes: Beati qui habitant in domo tuâ Domine, in sæcula sæculorum laudabunt te. omnium tunc beatorum vox erit, quæ olim in rupe Taboreiâ Petri fuit: *Bonum est nobis hic esse.* nam vt D. Bernardus in Cantica; opulentiâ, inquit, multa nimis est *Æternitas*. sed & hoc addit: *Æternitas* nisi perseveranter quæsita non inuenitur. Sed à te, beatissime Bernarde, illius quærendæ modum flagitamus. Audite igitur patris optimi documentum: *b* PAUPERSTATE, MANSVETVDINE, FLETU, renouatur in animâ similitudo quædam & imago *Æternitatis* omnia tempora complectentis. PAUPERSTATE mereamur futura: beati pauperes spiritu, quoniam ipsorum est regnum cælorum. vbi pauperes spernuntur & deferuntur, vbi cor vnâ cum pecuniâ in arcâ concluditur, vbi numi ad auaritiæ regulas expenduntur, ibi paupertatis affectus & amor nullus est, sed nec vllus æternitatis. MANSVETVDINE verò præsentia nobis vindicamus: beati imites, quoniam hæreditabunt terram. Quærat hic quispiam, quid homo ille in quo nihil est mansuetudinis aut patientiæ, è quo vix vnquam mitius verbulum auditur, quid tandem lucri habeat è suâ illâ intractabili impatientiâ, quid illi incommodi ferat toties indignari, sæuire, fremere, vociferari, tumultuari, omnia velle pessundare, neminem vel paullò humaniùs affari. certè aut bonorum talis iacturam patitur, aut famæ, frequenter vtriusque. nam quod habet opum, non possidet, sed custodit vt molossus, cuius est tantum allatrare, inuadere, mordere. famam, si quam habet, impa-



tientiæ titulo, non augeat: cælum priusquam habeat, amittit. De-  
 mum *LVETV*, præterita quoque recuperamus, quæ prodigè amisi-  
 mus peccando. sed hic luctus non vnius horæ aut diei sit necesse  
 est. quid enim de filio illo sentiamus, qui matris funus deducit hu-  
 mentibus nonnihil oculis & atro pallio, eodem tamen aut altero sta-  
 tim diē, & siccis ridet oculis, & pullam vestem in prasinam viridē-  
 que commutat. hoc non est seriò lugere, tam breuī finire luctum.  
 simillimum nos facimus, ah, nimis frequenter. confelsione piacu-  
 lari nos hodie & communione sacrâ munimur, dolemus peccasse,  
 cras iterum hilariter peccamus, & sæpe grauius. priorem vitam de-  
 testamur, & tamen reuocamus; eiuramus commissæ scelera, & eo-  
 dem die iterum patramus. ita eādē omnino linguâ, quâ Christum  
 infantem proclamamus, hac eum cruci addicimus, germani fratres  
 Pontij Pilati, qui vno eodēque ore Messiam nostrum & vitâ do-  
 nandum pronuntiauit, & in crucem raptandum: homines prorsus  
 instabiles, nec in re vllâ constantiores quàm in vitiosâ vitæ consue-  
 tudine repetendâ. heu, plurimum lunæ in pectore gestamus. fabia-  
 de pietas tam seriò nobis placet, vt nulla pæne hilaritas intercedere  
 tam sanctis officijs possit. fronte deiectâ & ad omnem remissionem  
 irascente supercilium induimus, sed heu non duraturæ sanctitatis.  
 mox odisse incipimus hanc ipsam pietatem, & in contrarium actō  
 torrente, repetimus quem omiseramus & luctum & luxuriam. ita  
 tam faciles amicitiam cum Deo factam soluitus, quàm inuiti faci-  
 mus. dum hæc agimus, ecce tibi reuocata pietas adest, tristisque pœ-  
 nitentiâ lasciuiam rursus expellit, donec etiam illius pœnitentiæ  
 pœnitere nos incipiat. ita rarò continuis studijs Probitatis laborio-  
 sam imaginem intuemur; leui nutu ad pristinam immunditiam de-  
 fluimus. hinc omnium voluptatum ac vitiorum genera menti no-  
 stræ subijcit, hæc tanta vitæ inconstantia: palam quidem Virtutem  
 adorare videmur; intus & in animo, operoso cultu deueneramur  
 Vitium. hæc via ad æternitatem non est, nisi ad illam quæ meros  
 cruciatus, & tormenta habet perpetua, maxima.

Sed deligamus è Christianis Catholicis vnum aliquem corporis  
 voluptati deditissimum, deducamus ad succensum & flammis tu-  
 multuantem furnum, & ex eo hunc in modum quæramus: quan-  
 tum tibi voluptatis deposcis pro eo vt in hoc furno diem vnum nu-  
 dus consumas? respondebit indubiè: non totum ego mundum,  
 non omnes mundi voluptates mercede vel dono ferrem, vt in his  
 flammis diem vnum torqueri me permitterem. at paciscamur vltè-  
 rius:

rius: quid præmij petis, & medium duntaxat diem in hoc igne duras? pone, dicet, quicquid velis, deliciarum & pretij, tantis ego tormentis hoc non emo. at vt conueniamus tandem, quid præmij postulas aut voluptatis, & ardentem hunc clibanum ingrederis, in eo-que vel horam vnicam perseueras? respondebit vtique, da quicquid petere possit vel avarissimus, vel impudentissimus, comparandum id non est cum vnius horæ infandis eiusmodi vltulationibus & doloribus. Quod si rectè rationique congruenter responderit, quifit, ô Deus, quod ob lucrum exiguum & vile, ob honorem fallacem & fugitiuum, voluptatem spurcam & non longam, à tam multis parui pendatur supplicium æternum? vt horam vnâ in ignibus simus, persuaderi nobis non potest, posito in præmium terrarum orbis, & æternos inferorum ignes non formidamus, modò vel lucrum inuitet, vel honor arrideat, vel alliciat voluptas. meliora, inquis, spero, & infinita Dei bonitas non tam malè ominari me iubet de futuris & æternis. ita loqui solemus, nec impia hæc verba sunt, sed facta reclamant. temerarium hoc est & nimis periculosum, vitam in vitij traducere, & æternitatem inter beatos expectare. ad damnationem satis est vel vnicum peccatum. An nescis quid Christus commineatur? *a qui dixerit fratri suo, fatue, reus eris gehennæ ignis.* An nescis quid Christus prohibeat? *b qui viderit mulierem ad concupiscendum eam, tam machatus est eam in corde suo.* An nescis quid Christus præmoneat? *c non omnis qui dicit mihi, Domine, Domine, intrabit in regnum calorum, sed qui facit voluntatem patris mei qui in celis est.* An nescis, quàm multos Christus foras excludat? *d qui diligit patrem aut matrem plus quam me, non est me dignus: & qui non accipit crucem suam & sequitur me, non est me dignus.* An nescis, quàm apertè & seriò illud ingerat: *e Multi sunt Vocati, pauci Verò electi, PAUCI, PAUCI.* An nescis quoties ad vitæ emendationem hortetur: *f Nisi conuersi fueritis & efficiamini sicut paruuli, non intrabitis in regnum calorum. g Si manus tua vel pes tuus scandalizat te, absconde eum & proijce abs te, bonum tibi est ad vitam ingredi debilem vel claudum, quàm duas manus vel duos pedes habentem mitti in ignem æternum. h Si penitentiam non habueritis, omnes similiter peribitis.* & addit: *Contendite intrare per angustam portam, quia multi, dico vobis, querent intrare & non poterunt.* An nescis etiâ, quàm explicatè D. Paulus recenseat ea omnia, quæ beatam Æternitatem intercludunt: *i Manifesta sunt opera carnis, quæ sunt fornicatio, immunditia, impudicitia, luxuria, idolorum seruitus, Genetica, inimicitia, contentiones, amulationes, ira, rixa, dissensiones, seclia, inuidia, homicidia, ebrietas, comestiones, & his similia,*

*a Matth. 5. b Ibid. c Matth. 7. d Matth. 10.*

*e Matth. 20. f Matth. 18. g Matth. 18. h Luc. 13. i ad Gal. 5.*

*qua*



que prædico vobis, sicut prædixi, quoniam, qui talia agunt, regnū Dei non consequentur. quod si quis vel vnus ex enumeratis conscius sibi est, nec ita dolet vt modum omnem exquirat illius peccati deinceps vitandi; interea verò vanissimum illud SPERO, SPERO. sibi ipse occentet; huius spes nulla est, sed mera temeritas. Periculum adire plagarum & verborum, tolerabile malum est: centum aut mille florenos incertæ aleæ committere, non summa iactura est: caput & vitam in discrimen conijcere, non maximum damnum est: at verò salutem cum corporis tum animi æternam, periculo tanto exponere, adeo in incertum viuere, verbis sperare, factis huic spei contraria facere, hoc omnium malorum supremum malum est, hoc summa iactura, hoc damnum verè maximum; hoc audacia & temeritas perniciosissima, hoc stultitia & dementia extrema. Intelligite hæc qui obliuiscimini Deum: ne quando rapiat, & non sit qui eripiat.<sup>a</sup>

a Psal. 49.

### §. III.

*Hanc viam sollicitè esse indagandam.*

**I** Deo nullus sit Christiani sanguinis homo, qui non sæpius seipsum aliosque, quos Dei loco habet, interroget: quid faciam vt beatam Æternitatem consequar? istane vera est via quā eo, ad illam quam quæro, Æternitatem? operis quidem aliquid facio, sed illud quantum est quāque exiguum? aspiro quidem gaudia immortalia & æterna, sed num hæc opera mea adeo pauca, adeo languida & frigida, præmio digna sunt æterno? peruenire quidem ad portum cupio, sed viam horreo paullò molestiorem, cum tamen ea via ad cælum sit tutissima & optima, quæ asperrima & angustissima. hæc oris diuini Veritas pronuntiat; clamat Christus & monet: « Intrate per angustam portam, quia lata porta & spatiosa via est quæ ducit ad perditionem, & multi sunt (eheu multi sunt) qui intrant per eam. quā angusta porta & arcta via est, quæ ducit ad vitam, & pauci sunt (eheu pauci sunt) qui inueniunt eam. nec clamare desinit, aut monere: Contendite intrare per angustam portam, quia multi, dico vobis, quærent intrare, & non poterunt, & quā formidandum atque tremendum est illud, MULTI, & illud PAUCI? interea miseri & in rem æternam nimis temerarij, fallimus nosmet, & in PAUCIS illis cælo adnumerandos, nescio an speremus nos, an somniemus. Utinam dum dies sunt salutis & tempus acceptabile, attentiores oculum in Æternitatem subinde emittamus, atque hunc in modum

a Matth. 7. b Luc. 13.

nobiscum



nobiscum ipsi ratiocinemur: quid tandem est hoc omne quod ego patior, aut alios pati conspicio, quid est hoc totum ad Æternitatem? imò si cum D. Paulo enuenerare possim tot labores & pericula, quot exantlauit ipse, atque ijs, quæ ad Corinthios, litteris recensuit: si famem, sitimque, si graues inimicitias & iniurias, si morbos & egestatem tolerem: imò si cum Paulo lapidibus insternar, si virgis cædar, si naufrager; quid hæc omnia ad supplicia æterna? In omnibus igitur aduersis rebus cogitandum mihi erit: *Omnia consummationis & gloriæ finem. it*

Daniel vates, varijs recensitis calamitatibus, subdit: *Et hoc, & quæ ad tempus. b* Vbi, vbi estis æruinosi, afflicti, calamitosi, quid vestris vos lacrimis sepelitis, quid per vanos impatientiæ questus vitam vobis omnem acerbam redditis? solatium habetis & ingens, ab ipso tempore. diuersæ vos calamitates exercent: ne despondete animum: erit hoc solummodo *& quæ ad tempus*, contumeliæ vos lacerant, iniuriæ fatigant, mala plurima perturbant: lamenta mittite, erunt hæc omnia non nisi *& quæ ad tempus*; non vsque ad infinita, sæcula vestri sese gemitus extendent; ad exiguum tempus stillabunt lacrimæ, non æterna ducetis suspiria, breui dolore perfungemini, ad immortalem felicitatem transaturi. clarissimè id affirmat Ecclesiasticus: *& quæ in tempus* sustinebit patiens, & postea redditio incunditatis. *c* Sed & vos, ô beatuli, ô cara mundi progenies, ne cornua sumite, omnis vestra felicitas quàm breui carcere, quàmque angustis cancellis clausa est! *& quæ in tempus* triumphabitis, *& quæ in tempus* beata vestra durabunt somnia. post tempora non longa, iubebit vos Mors fortunæ laruam ponere, & inter turbam stare coget, tantò tunc verè miseres, quantò antea breui figmento beatiore. Ergo *& quæ in tempus* omnia. Sola nullas temporis leges admittit Æternitas. Siue ergo corpus meum patiatur siue animus; bona seu honores adimantur, dolores an tristitia, curæ vel alia me quæpiam afflictio, interior vel exterior exerceat, picta sunt hæc omnia, & momentanea ad æternas pœnas. nam vbi post extremum iudicii diem quinquagies milleni anni transierint, supererunt adhuc quinquagies milleni milliones annorum transaturi: ijs etiam, ad nostram numerandi rationem, transactis, alij atque alij, & denuò alij annorum milliones transigendi restabunt & hoc sine fine. Et quis hæc cogitat? quis perpendit ista? Conamur quidem aliquando æterna sapere, sed adhuc in præteritis & futuris rerum motibus cor nostrum

D

volitat

volitat, plenum vanitate. quis tenebit illud & affiget, vt paullulūm ſtet, & paullulūm ad ſe rapiat ſplendorem ſemper ſtantis Æternitatis? <sup>a</sup>

Optimè fecit Myrogenes, cū Eufthachius Hieroſolymorum archiepiſcopus ad eum munera miſſitaret, modèſtè recuſans: hoc, ait, vnum pro me ora, vt liberer ab æterno cruciatu. nec Tullius b à vero aberrans: ſapienti, inquit, nihil poteſt videri magnum in rebus humanis, cui æternitas omnis totiùſque mundi nota ſit magnitudo. ſed Tallio longè meliùs Franciſcus, paupertatis ſincerus amator, & verus Æternitatis contemplator: modica, inquit, hīc voluptas, ſed pœna poſt imenſa: modicus hīc labor, ſed gloria poſt æterna: Elige. multorum vocatio, paucorum electio, omnium retributio.

Quiſquis igitur peccato letali obſtrictus eſt vel vnico, maturet pœnitentiam; ſatiùs eſt & ſuauius, ait, Guerriſcus; c fonte purgari quàm igne. pœnitentiæ tempus nunc eſt; præoccupet pœnitentia pœnā. qui timet pruinam, irruet ſuper eum nix. d qui minora detrimenta metuit, ad maxima deueniet: qui leuem pœnitentiæ laborem fugit, grauiffimas tartari pœnas incurret. ita D. Gregorius: Nonnulli, ait, dum temporalia aduerſa pertimeſcunt, diſtinctioni ſe æternæ animaduerſionis obijciunt. huic D. Pacianus accedens: Mementote, ait, quia apud inferos exomologeſis non eſt, nec pœnitentia tunc tribui poterit, conſumpto tempore pœnitendi: feſtinate dum in viā eſtis. ſæculares ecce ignes timemus & carnificum, vngulas expaueſcimus. comparate cum hiſ æternas torquentium manus, apicēſque flammarum nullā ætate morientium. quæ pulchrè Ambroſius ad Virginem lapſam in hæc verba conſignat. e Pœnitentia non verbis agendum eſt, ſed actu. hæc autem ſic agitur. Si tibi ante oculos ponas de quantā gloriā rueris, & de quo libro vitæ nomen tuum deletum ſit; & ſi te iam credas prope ipſas poſitum, tenebras exteriores, vbi erit fletus oculorum, & ſtridor dentium ſine fine. cū hæc certā fide, ſicut eſt, animo conceperis, quia neceſſe eſt præuaricatricem animam tartareis pœnis & gehennæ ignibus tradi; nec aliud remedium conſtitutum eſt poſt baptiſmum, quàm pœnitentiæ ſolacium, quantumuis laborem, quantumuis afflictionē ſubire eſto contentus, dummodo ab æternalibus pœnis liberêris. Vrgent ægrum morbi corporis, ad corporis purgationem; vrgeant etiam nos morbi ad animi purgationem, vrgeat ſalutis auditas, vrgeat æternæ mortis, æternique cruciatus horror, vrgeat æternæ vi-

a Aug. lib. 11. conf. c. 11. b Cic. 3. Tuſc. qq.

tæ,

c Serm. 4. de Purific. d Iob. c. 6. e Amb. c. 8. ad Virg. lapſ.



te, æternæque gloriæ consequendæ spes. quicquid animum purgat id amplectamur, quicquid inquinat fugiamus. inquinat autem in primis luteum corpus. Fidelissîma prorsus hæc D. Ambrosij admonitio est.

Christe Iesu, da, vt omnia vana hæc & fluxa sic fugiamus, ne perdamus æternam: sed viam teneamus illorum, de quibus eximie Augustinus: Multi, ait, desiderio salutis, sub iugum liberi veniunt, & paullo ante sublimes ac elati, humilia affectant; cupiunt esse quod ante despexerant, & odisse incipiunt quod fuerant: præsentium hospites, futurorum appetitores, ÆTERNAM illam patriam suspirant: abstinentiam delictijs, somno vigilias, paupertatem diuitijs anteponunt; arduum contra vitia laborem, voluptatem computant: inimicos diligunt, nullis iniurijs franguntur, propter ÆTERNAM retributionem. Ecquis non extreme laboret, tui amore, ô ÆTERNA RETRIBUTIO!

## CONSIDERATIO

## Q V A R T A.

*Quomodo S. David Æternitatem sit meditatûs, & quæ illius in hoc imitandi ratio.*

QVOD Deus apostatas Angelos, & hominès in extremo iudicio damnatos, æternum sit puniturus, tam durum aliquibus & incredibile visum est, vt etiam Origenes tanti ingenij, tam præcellentis doctrinæ, tam peritus scripturarum, ausus sit in libris periarchon docere, damnatos & dæmones gratiæ restituendos, postquàm in ignibus contractam culpam satis eluissent, hunc præter cæteros D. Augustinus erroris damnat & conuincit. reperit hic error non paucos qui assentirentur. per Hispaniam Aniti hæretici eum disseminarunt, diuersis interpretationibus. Alij damnatos omnes, solos alij Christianos, isti Catholicos tantum, illi solos eos qui largiores fuissent in dandis eleemosynis, ex Orco liberandos putabant. quos tamen Augustinus erroris non argueret, nimis tamen apertè diuina pagina refutaret. *b Discedite à me maledicti in ignem æternum. Et ibunt hi in supplicium æternum. Et; Iussu autem in vitam æternam.* nulla hîc glossemata; nullæ opponi possunt explicationes. Vnde Psalter diuinus, rex David, duo maxime tempora cordi habuit, nec tam præteritum quàm futurum obseruans: *c Antisipanerunt, ait, Si-*



*gilia oculi mei, turbatus sum & non sum locutus. quid tibi somnum arripit, beatissime Propheta? quæ hæc antelueana negotia, unde hoc silentium & animi perturbatio? causam audite: cogitans dies antiquos, & annos æternos in mente habui.* En hoc est, quod illi somnum arripit, præteritos cum futuris æternisque annis contulit, neque hoc solum fecit interdium: *Et meditatus sum nocte cum corde meo, & exercitabar. & scopebam spiritum meum.* Et quod huius nocturni exercitij est incitamentum? *Nunquid in æternum projiciet Deus, aut non apponet & complacitior sit adhuc?* En, ut formidet & horreat æternitatem, ut diuina iudicia pertimescat, ne perpetuis in se pœnis Deus animaduertat. Et quis meditationis istius est finis, aut effectus? *Et dixi, nunc cœpi.* ita momento pænè, seipso factus est melior; non distulit, non procrastinauit, non in deteriores annos emendationem coniecit. nunc cœpi, nunc sanctius viuam, non post horam primum, aut diem. Si ita possem, dicat quis, meditari æternitatem, ut meditatus est beatus Dauid, forsan etiam illud, *Nunc cœpi*, promptus & hilaris pronuntiarem. at ego curis quotidianis inuolutus, laboribus impeditus, officijs distractus in mille partes, inter homines ago, multum mali video audioque, ita vix locus est apud me tam salubri de æternitate cogitationi; in circulis, in conuentibus, in symposijs, eius generis colloquia nostra non sunt, ut vagabundam per multa mentem ad æternitatis considerationem affigamus. in conuiujs quidem, nugis & cyathis res agitur; seria iam pridem hinc exulant: conuentus & circuli tam tetrica vix admittunt. noua ex Italiâ, Gallijs, Hispaniâ petuntur: nimis vetera sunt & sæpius decantata quæ e cælo, ex inferis feruntur noua; hæc iam scimus. quid opus talia ad fastidium toties repetere? sic æternitati cogitandæ vix aptus vsipiam locus, vix commodum vnquam tempus reperitur. Veritas te amet, mi Christiane, quàm hæc verè dixisti! vtinam culpam quam agnosceis, etiam emendes. nimis hoc clarum est, & oculis creditur, nullam pænè in mundo æternitatis curam esse, cum tamen non desint, quæ partim illius nos sæpius, partim quotidie moneant.

Rom. Ecclesiæ ritualis liber in Episcoporum inauguratione, hæc illis verba recitanda esse monet: *Annos æternos in mente habe.* Cum suminus Pontifex recens electus sollenni ritu ad sacellum deducitur, est qui præeat, & ardentem stuppam concutiens, ter hæc ingeminet: *Pater sancte, sic transit gloria mundi.* Quàm salubri piòque instituto, quotidie, ad omnium actionum initium & finem, nos ipsi nobis repetereimus: *Annos æternos in mente habe;* præsertim cum est peccandi

peccandi occasio, cum dæmonis suggestiones vrgent, cum lædenda conscientia instat periculum, o tunc ANNOS ÆTERNOS in mente habeo.

## §. I.

*Diuerse, ad Æternitatem cogitandam, admonitiunculae.*

**P**hilippus Rex Macedo, per nobilem ephebum quouis manè ter sibi dici iussit: *Philippe, homo es.* suæ mortalitatis nunquam obliuisci voluit, quò cautiùs ageret inter mortales. Censeo ego, nullum debere esse Christiani & Catholici sanguinis hominem, qui non suus ipse quotidianus sit monitor, dicatque sibi consideratiùs ter minimùm; ÆTERNVM, ÆTERNVM, ÆTERNVM. quare dispone domui tuæ, quia morieris tu, ait Ezechia regi propheta, & non viues. erit vespèr cuius tu posterum manè visurus non sis, aut erit manè, cuius non sis habiturus sequentem vesperem. ita ergo tu tua negotia perage, ne lædas conscientiam; eò te rebus perituris crede, ne per eas pereas perdásque æterna.

Mos est in Germaniâ, & bonus, vt cum sub crepusculum lumen infertur conclauì, simul etiam addatur Christianum illud: Deus det nobis lucem æternam. In templis ante sanctissimæ Eucharistiæ sacramentum, perpetui luminis lampas excubat, nuntiâtque adesse LVMEN GENTIVM, & luminis conditorem. quid hæc nisi admonitiunculæ ad cogitandam æternitatem? Est etiam aliqua in carceribus æternitas, sed infamis & horribilis. ad perpetuas triremes, ad perpetuos carceres damnari graue supplicium est, & multis ipsâ morte tristius videtur. morbis aliisque æruinis pressi, quandam itidem sibi æternitatem imaginantur, vnde & voces illas audimus sæpius: Nempe hoc assidue? siccine æternùm affigar lecto? perpetui dolores isti tolerandi? itane semper vexabor & cruciabor? æternitates istæ breues sunt, & suo fine clauduntur.

Sed ad carceres redeo eosque perpetuos, quos multi sponte & vltro ingrediuntur, & omnem illic vitam volentes consumunt. atq; hi, religiosi sunt viri feminæque, quibus non est difficile Dei causâ, æternùm mundo valedicere, & sacris sese ergastulis mancipare. Monasterium est Bauariæ, quod ab S. Altone nomen trahit, & in duas classes virorum & feminarum diuisum, vt sic distinctum & duplex cœnobium, illud Constantinopolitanum, de quo antea, ferè æquet, in continuis diu noctûque decantandis Dei laudibus. Hic ergo moris est, cum virgo sacrum velamen in templo accipit, &



Christo in sponsam initiatur, finitis publicè sacris omnibus, nouæ Christi nupta, in monasterium deducitur per sacrarium; præeunt illam quatuor è monialibus, & laudabili ceremoniâ feretrum præferunt; ingressis omnibus sacris virginibus, fores clauduntur & obserantur, perinde prorsus ac si nouæ Christi sponsæ diceretur: Vide, inea Virgo, vt quod iam incipis, ritè constanterque perficias. Cogita te nunc viuam hac ingredi, non regressuram nisi mortuam mundus, & quicquid est mundi, deserendum tibi est, & nec cogitationibus quidem illuc ampliùs reuertendum. tuus tibi Christus sit omnia. Et en, per hanc ianuam transis in domum obedientiæ, nec redibis per hanc, nisi in hoc, quod vides, feretro, cum vltimum iter facies ad sepulchrum, super humeros tuarum sororum, ad cælum tibi via semper aperta est, hac licet expatiari & excurrere, non ad mundum, non in patriam, non in paternam domum. viuam enim te iam sepelinus, & tu ipsa tuas is exequias. Hoc multis spectatoribus lugubre videtur & inæstum spectaculum. Hem, inquit, æternâ caueâ sic includi, vno semper loco delitescere, omnè ad parentes reditum esse præclusum, voluptatibus procul degere, ante mortem sic sepeliri? horremus nos; præcant alij atque aliæ, non sequimur. At dicite vos, quæso, Mundi alumni, est quod ex vobis sciscitetur Isaias vates: quis ex vobis poterit habitare cum ardoribus sempiternis? illud vobis videtur intolerabile, pau. ulis annis, ad vitam sanctè ducendam, ad cælum tutius & certius obtinendum, ad beatam in cælo Æternitatem promerendam, ad aspectum Dei æternum assequendum includi, cum tamen ij qui religiosè castèque viuunt, sincerius gaudium percipiunt, quàm qui quotidianis delicijs & voluptatibus abundant, & diffuunt. At dicite vos etiam, nunquid damnatis, sancta pila præferetur, quæ significet, illos iam ablegari ad rogos, & ignis supplicium, sed post aliquot annorum centurias, mortuos in feretro efferendos. ô quàm optata hæc esset & mitis sententia, at, *expectant mortem, & non veniunt*, b mille & mille atque iterum mille annis expectabunt, sed nec dum veniet, ipsi tamen expectant, etsi sciunt se frustra expectare. quisquis cælum & seipsum amat, mature ANNOS ÆTERNOS in mente habe.

De non absimili monasterio, si ingressus spectetur, narrat Rufinus Aquileiensis: « Apud Thebaidem, inquit, Isidori monasterium tam amplum quàm nominatum est, laxissimis incenibus septum, hortis, puteis, & omnia ad vitæ vsum necessarijs liberaliter instructum, ne vlla cuiquam ansa detur vel causa cogitandi excursus.



hæc enim cœnobij lex est immobilis, vt quâ quis semel pedem intulit, hæc nunquam efferat ampliùs. ad cælum & ad sepulchrum, solum, non aliò egressus patebat. Et mirum videatur, inquit Rufinus, quod hac lege ingressos, non legis necessitas, sed ipsius vitæ beatitudo retineat. opus eorum omne est, precari, Deum laudare, religiosi studijs nauare operam. quæ omnia eâ obeunt industriâ vitæque sanctimoniâ, vt multi inter eos thaumaturgi, & qui patrandorum miraculorum gratiâ polleant. Eâ verò viuunt temperantiâ & singulari vitæ prærogatiuâ, vt nullus inter eos morbus sit nisi vltimus, hoc est, ipsa mors, quæ omnium vbique claustrorum seras vectesque conuellit, nec se vllis quantumuis ferratis ostijs finit excludi. Et nunquid hoc etiam monasterium, aliquam Æternitatis vmbra præ se tulit? sed progrediamur.

## §. II.

*Æternitas, omnes Arithmetica numeros & leges transilit.*

Communis & notissima proponi solet circa Æternitatem Arithmetica, quam infantes in scholis docentur, & est hæc. fit mons, aiunt, è minutissimis arenulis, instar totius terrarum orbis, aut mole & magnitudine illo maior, singulis verò annis non nisi granulum vnicum dematur ab Angelo. quot annorum millia, & iterum millia, & denuò millia; quot centena millia; imò quot millia millionum abibunt, donec mons subsidere appareat & decrescere? sedeat iam Arithmetices magister, & calculum moueat, numerumque colligat, quot anni sint abituri, dum mons dimidius, & dum totus abeat, sic ab Angelo tam lentè ablatas. nos quidem vix aliter istud capimus, ac si nullus esset omninò futurus finis. sed errat grauissimè imaginatio nostra, & hallucinatur turpiter in eo, quod non satis potest assequi. re verà istius tanti montis vltimum tandem numeraretur granum. at Æternitas longitudine incomparabili excodit (nihil certius) quia finiti ad infinitum nulla est comparatio, proportio nulla. nullos admittit limites Æternitas, nullos fines. ergo damnati tam longo tamque incomprehensibili annorum spatio videntur in assiduis flaminis, dum mons tantæ magnitudinis, dicto modo posset aliò transferri. sed tantum abest vt eo tempore futurus sit tormentorū modus & finis, vt tunc dici possit, iam primum incipit Æternitas; nihil decessit Æternitati, adhuc est integra post mille annos, post centum millia annorū, post mille miliones anno-





difficile non sit dicere: tot maris guttæ sunt, & non plures. At verò damnatorum lacrimæ, & numerum omnem respuunt, & mensuram. Eheu, quàm non cogitamus ista, & quàm peccamus liberè, totiusque nos Æternitatis reos constituimus, breui plerunque, & spurcâ voluptatulâ.

Sed & hac ratione calculum ponamus, dum damnatorum annos expendimus. Sit è membranis scheda palmum lata, tam verò longa, vt totius terræ globum ambiendo complectatur: hæc continuis & arctè sibi iunctis nouenarijs perscribatur, ad omnem illam longitudinem, quis iam ille Arithmeticus, qui numerum hunc exprimat, quis mons qui tot grana contineat, quis Oceanus qui tot guttas possideat? & tamen hoc non est Æternitas, vltteriùs illa protenditur, neque sic circumscribi se patitur; est longior, est extensior: quousque tandem? IN INFINITVM. Si cor tuum, mi Christiane, nondum in lapideum atque saxum induruit, fieri non potest, vt hæc cogites, & immensum illud Æternitatis barathrum non horreas: si vllus in te sensus est, hic erit. at, quod supra demonstrauius, nimium pauci hæc cogitant, & inde salutis tam securi viuunt, ac si cælum nullum esset, nullus Deus, nulli inferi, æternitas nulla; nullum omittunt diem quem peccatis non onerent, quasi id solum laborent, vt vltimo vitæ suæ die, peccatorum summam reperiant quàm maximam. atque sic ludibundi adeunt æternitatem, non aliter atque si de carcere aliquot duntaxat hebdomadam ageretur. hi tales, inquit Gregorius, lacrimarum caussas tripudiantes peragunt & mortis suæ negotium, ridentes exequuntur. O verè cæcitas, & obliuiosa infania! pro vitâ breuissimâ, pro æternitatis umbrâ, supra vires laboramus, pro æternitate verâ vitæ felicissimæ, non dico supra vires, sed nec pro viribus laborare dignamur: hanc autem vitam non acquirere, est mortem sempiternam incurrere, quæ iuxta quòd sit tormentum tormentis omnibus huius vitæ grauius, simul etiam hoc habet, quòd æternitate totâ nulla sit futura horula quæ quietem, ne dum finem mali adferat.

## §. III.

*Considerata æternitatis effectus.*

ET hoc est quod tam multos Christianorum, tot sanctorum martyrum adeo paratos promptosque fecit ad quosuis cruciatus, ad quamcunque mortem, vt cum in summis doloribus, in suomet voluerentur sanguine, nihilominus tam animosi & hilares, tam con-

stante vultu, & ridente ore tortoribus insultarint: ANNOS ÆTERNOS in mente habuerunt.

Et hoc est quod tot hominum millia, & inter hæc tot prius impios in solitudines egit, in monasteria & cœnobîa conclusit, à vitâ molli & voluptuariâ, ad seueram rigidamque traduxit: ANNOS ÆTERNOS in mente habuerunt. Et possent nominari homines religiosi complures, qui etiamnum viuunt, & fatentur, ex hac vnâ Æternitatis cogitatione totum sibi mundum cœpisse desipere ac displicere. talis fuit beata Teresa, nouæ per terram Hispaniam religionis parens.

Et hoc est etiam quod religiosi viris ac feminis, omnibusque alijs seueras vitæ leges amplexantibus, facilia reddit omnia & iucunda. hæc Æternitatis cogitatio laborem omnem leuem esse persuadet & breuem: hæc eadem preces, studia, vigilias commendat, & amabilia efficit. hæc famem condit atque sitim, omnemque paupertatis defectum mitigat. hæc cilicia, rigidos lectos, flagella, & quamcunque vitæ asperitatem facit tolerabilem & gratam. quisquis ANNOS ÆTERNOS in mente habet, & quotidianis meditationibus altius atque altius illos sibi imprimit, nulli labori cedit, nullis frangitur incommodis. huic tu si regnum offeras, si delicias & voluptates maximas, ille tamen hæc omnia suo statu vel pauperrimo non mutat. & talis de nullâ re aut homine queritur, omnia perfert, omnibus se submittit, nam illud assidue cogitat: & quàm hoc atque hoc, & istud, & illud, modicum quid est! patiar itaque & durabo, non durabit hoc æternum. horula est quâ hostes mei me preiungunt: eia pergite detractores, lacerate me inuidi, non subtraham me vobis; hæc est hora vestra & potestas tenebrarum; ego diem Domini expecto; diem æternum. & quid lamentis me conficiam? tota hæc vita, vnus horula mors est; nec difficilis est victoria, triumphus æternus. quid furibundi maris expallescam minacias? iam portum video. Nunc quidem imbres & tempestatum furor in capita proborum detonant, at non & olim sic erit semper, nisi Dei hostibus. Vaticinatur Daniel: *Multi, ait, a de his qui dormiunt in terra puluere, euigilabunt: alij in vitam æternam, & alij in opprobrium. Et videant semper.*

In priscâ lege Deus Mosi præcipiens: Fac tibi, inquit, duas tubas argenteas ductiles. si semel clangueris, venient ad te principes & & capita multitudinis Israël. si autem prolixior atque concisus clangor increpuerit, mouebunt castra. duabus his tubis comparandæ



geminæ voculæ: *NUNC & SEMPER*. lex mundi est: nunc læti sumus, nunc carpatamus gaudia: nunc fruamur bonis dum sunt; venite, nunc coronemus nos rosis antequam marcescant, nunc ubique signa lætitiæ relinquamus. & qui vnum tantum hanc tubam attendunt, & ad solum *NUNC*, aurem vtramque arrigunt, ij sæpe viuunt perinde ac si illud *SEMPER* nunquam secuturum esset. idèd castra non mouent, peregrinos se esse suauissimè obliuiscuntur, quocunque lasciuia caro inuitat, beneuoli sequuntur, toti aut in struendis opibus, aut in fruendis voluptatibus. adeoque illius *NUNC* clangor aures illis obtundit, vt ad optima monita surdi, secuturum *SEMPER* non audiant. Ij verò qui vtramque hanc tubam, prout Ecclesia quotidie illis sexcenties clangit, auribus & animo admittunt, illudque breuissimum *NUNC* cum prolixissimo ac æterno *SEMPER* conferunt, non diu deliberant, castra mouent, viuunt vt peregrini, carnem stringunt, in itinere se esse meminerunt, diuitias & voluptates in patriam præmittunt, malunt illis *SEMPER* frui in cælo, quàm *NUNC* in terrâ. Certum est, quisquis concisum hunc & prolixiorum clangorem huius vtriusque tubæ, mente seriâ attentaque percipit, & præsentia futuris, transitura æternis confert, ille mox abitum parat, sepulchrum circumspicit, funebre linteum exponit, feretrum sibi locat, sua omnia componit ad iter, vbique meminit in viâ se esse ad Æternitatem, illudque eâ de causâ secum assidue pertractat: Poterone de omnibus dictis, factis, cogitatis, Deo rationem reddere? & quando redditurus sum? quam ille sententiam in me pronuntiabit? *NUNC* ergo mihi moriar, vt & mihi & Deo viuam *SEMPER*. Bene homini illi, qui maturè iam, idque quotidie, Æternitatem sic cogitat. quicquid agamus, hac viâ perueniemus, & forsân breuî, ad portam Æternitatis, vbi totam ante nos Æternitatem videbimus: mors supremâ vitæ horâ, ad hoc ostium nos sistet, cogètque ingredi. hoc nos moribundi sæpius & verbis & gestu docent.

Obijt Anno Christiano MDQVI. x. Calendas Apriles, Iustus Lipsius, vir eruditione & scriptis clarissimus. sæpe is sibi cum Augusto *εὐθανασία* & facilem mortem exoptare consueuerat, liberû etiam in illâ necessitate, & intrepidum animum, vtrumque votis accidit. nam vnus tantum quatuor diebus, summum hoc egit, *ΜΟΛΙ*, toto hoc tempore nec scriptorum à se, nec studiorum vllum omnino verbum fecit. Imò cum solacij à Stoicis magnam illi materiam superesse, quispiam insusurraret: Illa sunt vana, respondit, digitoque

in Christi crucifixi propè adstantem imaginem intento: *Hæc est, ait, vera patientia.* mox magno spiritu subiecit: Domine Iesu, da mihi patientiam Christianam. morbi inualescentis initio, prima illi cura fuit, sacris Pœnitentiæ, Eucharistiæ, Extremæ vnctionis, purgari, muniri, foueri sacramentis. piorum precibus assiduè ardentèrque expeditis, & in altum oculis manibûsque moribundis sublatis, sic piè ipse precatus est: O mater Dei, adsis famulo tuo cum totâ Æternitate decertanti, & non me deseras in hac horâ, à qua pendet animæ meæ salus æterna.

Habemus hîc, mi Christiane, viri Catholici exemplum nobile: nos itidem à Christo Deo, & à beatissimâ Virgine Dei parente, eadem quotidie efflagitemus, & ardente animo de die sæpius dicamus: O Christe Iesu, ô mater Dei, adsis famulo tuo cum totâ Æternitate luctaturo, & non me deseras in illâ horâ, à quâ pendet animæ meæ æterna salus.

## CONSIDERATIO QVINTA.

*Quomodo alij, etiam improbi, Æternitatem sint meditati.*

**V**etus Patrum historia narrat, hominē religiosum, super psalmo octogesimo nono meditatum, ad illa deinum verba deuenisse: *quoniam mille anni ante oculos tuos, tanquam dies hesternæ quæ præterijt,* atque hîc hæsisse, nec illud satis potuisse capere, quâ tandem ratione mille anni, & vna diecula conferri inter se possint. hîc submissam à Deo aiunt auiculam, quæ cantus dulcedine ita deliniuit hominem, vt longissimum, quo auscultârat, tempus, vix fuisse horam, putârit. Spiritus, vbi vult, spirat: non tantum proborum multum cum S. Dauide æternitatem meditati sunt, sed & improbi, & pænè contra quàm volebant.

Refert Benedictus Renatus, b hominem vanum & impium, & ad mundi leges ex amussi factum, cui Fulco nomen, qui vti ieiunijs, ita vigilijs inassuetus, & vt in alijs, sic & in somno nil sibi deesse patiebatur: vna tamen nox illum deprehendit, quâ, vt aliàs, in vtramque aurem stertere non poterat: vigilare illum cogebat inusitata prorsus insomnia. è latere in latus se vertit, nec tamen somnum conciliare potuit, diem esse voluisset. hîc spiritus domini flare cœpit, quamuis in ignotâ terrâ, nam cogitationes bonæ in isthoc ho-



minē admodum erant raræ. incipit ergo è tædio vigiliarum cogitare varia. occurrit hîc animo : ecquid præmij poscis, & sic decumbis biennio aut triennio continuo, in tenebris, sine amicis, in leni morbo, sine ludo & comestationibus, in vinculis istis, sed tamen plumeis, sed tamen etiâ sine conuiuiali & theatrâli hilaritate. Et certè solus ego eximius & immunis non abibo : in morbo cubare debebo, velim nolim, nisi morte repentinâ & subitâ obeam, quod Deus nolit ( bonus hic ventus, bonæ cogitationes ) quem autem lectum habiturus sum, cùm ex isto me mors deliciet? corpus putrescet sub terrâ; ita alios, ita omnes video tractari post mortem, quid autem fiet animâ, in altero mundo? non omnes, credo, mortales vno loco conueniunt. vbi ergo illi, vbi isti? an non præter cælum flammæ piaculares, an non & inferi sunt? ah, qualis ibi lectus erit damnatorum? quot annis illic iacebunt? quo, post initium, anno flammæ illæ cessabunt? Christus certè in ignem æternum non solum minatur mittendos impios, sed mittit: res nimis clara, nimis certa est. ergo æternum in flammis ardebunt? ergo mille & iterum & iterum mille anni non sufficient, ad eluenda brevis vitæ peccata? æternum ergo non videbunt solem, non cælum, non Deum, æternum miserrimi? ah! ah! His talibus cogitationibus adeò infornis est factus & vigil, eoque progressus, vt noctes diēsque ceteros, hæc cogitata æternitas illum sit infectata. voluit excutere molestos hos animi vermes; non potuit. ludos, pocula, sodales, symposia non intermisit: ita morosas conscientiæ querelas, cùm inter alios fuit, minus audijt, cùm solus ad se redijt, non effugit. inhærebat animo æternitas & vrgebat. tandem statuit emendare vitam, & melioribus se studijs dare. Et quid ego, ait ipse secum, miser hîc ago? fruor mundo, nec fruor, multa patior quæ nollem, multis careo quæ habere vellem. seruiō: sed quis mihi mercedem? facile vidi hætenus quæ sint mundi præmia, cùm diu seruiēris. & fac frui me delicijs quascunque optare possem. & quamdiu hoc durabit? nec in crastinum quidem certus sum vitæ; satis id probant quotidiana funera, ô æternitas si tu non esses! ô æternitas si extra cælum sis, vel in mollissimo lecto iniucunda eris & acerba. ægrè quidem abstrahimur ab ijs quibus insueuimus. durum est à lautioribus epulis, largioribus poculis, carioribus sodalibus sic auelli. at si cunctemur, mors præuenit, & rapit hæc omnia. quid ergo differs? quin honestam tibi necessitatem indicis? Age, alius ero, aut nullus. vita hæc nimis mihi brevis, nimis est longa Æternitas. alio

nunc eundum est. non muto : ita pergo : Salve nunc mihi , 3 *Ditta PERENNITAS.*

Fecit quod dixit. & sacre Cisterciensium familiæ se addicens, probè vixit, piè mortuus est.

O æternitas quàm pauci sunt qui sic serio de te cogitent, quàm multò pauciores qui perpendant & inhæreant ! omnia alia quærentur, sola vilis est æternitas. diuitiæ cogitantur, sed fluxæ & relinquendæ : honores ambiuntur, sed breuè adimendi : voluptates amantur, sed quæ malum & acerbum habent finem : quies desideratur, sed quæ non diuturna est : amicitia expetitur, sed quam mors dirimit : conuersatio pæssim in voto est, sed non ea quæ in cælo : abundantia quæritur, sed eo loco vbi defectura est. quod si æternitatem cogitemus sæpius, certè in res tam brevis æui, nostra minus calescerent desideria. testem do D. Bernardum : *Æternis inhianti, fastidio sunt transitoria.* »

Sunt autem qui nescio quàm æternitatem ore voluant, & quædam eurent æternum vitanda. audiuntur quandoque eiusmodi promissa. In æternum, suspectum hunc & peccati fautorem locum cauebo : hominem illum, illam feminam, illum in malo socium, æternum non adibo amplius, comestiones illas & istas choreas æternum euitabo ; satis est semel, satis est toties hîc & illic, cum his & illis peccasse. Bene, mi homo, proponis, & quia peccatum metuis, etiam peccati periculum iure fugis. sed vtinam tam sanctè serues, quàm facillè promittis. Aliquando vix dies aut horæ abeunt pauculæ, cum idem omnino facis quod adeo eiurasti, & execratus es. Consideratè hîc agendum est, & fortiter. nil temerè Deo promittendum ; quod verò promissum, sanctè constantèrque seruandum est. exemplis admodum luculentis docemur, quàm puniat Deus, si fidem illam datam frangamus.

a Bern. epist. 2.

### §. I.

#### *Hominiis & araneæ labores collati.*

**A**Lia est æternitas, sed pessima, quam sibi met pollicentur ij, qui cælum sibi struere volunt extra cælum, & beati esse antequam mortui. Propter hoc, ait Isaias, & audite verbum Domini, viri illiores : dixistis enim, percussimus fœdus cum morte, & cum inferno fecimus pactum. ô insani, quàm nulla est hæc vestra æternitas ! nil stabile aut perpetuum in hoc carcere. Regius Vates eleganter id



explicans : *Anni nostri*, ait, *sicut aranea meditabuntur*. & nō potuisset breuius & melius. quid enim aliud sunt omnes anni nostri, nisi continua exercitatio & laboriosa meditatio? totum vitæ nostræ tempus vanis laboribus, multis doloribus, varijs timoribus, crebris suspicionibus, sollicitudinibus pænè innumeris exercetur; sicut aranea cum fila filis nectit. catenatus & continuus est noster labor, continua suspiria, iam ut illo fruamur, iam ut istud amoliamur à nobis. multa facimus & laboriosa suscipimus, & heu nescimus quod aranearum telam teximus, grandi labore, raro successu, nullo effectu. *anni nostri sicut aranea meditabuntur*. Aranea laboriosè telam suam orditur, diu multumque discurrit, hac illac circuit, in idem sæpius redit, seipsam consumit, dum suam illam multiplicium filorum rotulam absoluat. exenterat & euiscerat b sese ut suum istud perflatile tentoriolum ex arte concinnet. quod ut sublime suspendat, affigat, firmetque, sexcenties it & redit, nec visceribus suis parcit, libenter ea in tenuissimam hanc texturam impendit. cum verò tralucidum hoc & subtilissimum conopeum iam pendet alligatum, & textile hoc opus absolutum est, ad leuem scoparum ductum, omnis labor intercidit & perit; misella verò aranea vel in telâ suâ interficitur, vel eâ velut laqueo trahitur ad mortem, pede obterenda. ita imprudens animalculum, aut funebre sibi ipsi linteum neuit quo inuolueretur, aut restim confecit quo necaretur. Ita prorsus homines, instar araneæ, multis sese laboribus exhauriunt, ut in altum emergant, ut voluptatibus affluant, ut opes struant, ut retineant, & augeant. hisce conatibus omne suum ingenium impendunt, & sæpe valetudinem. discurrunt, fatigantur, sudant, eneruantur; uti aranea viscerum egestu. & cum omnia fecerint, telas aranearum habent & textrinum opus, ad capiendas muscas. sæpe suo ipsi operi immoriuntur; dies quos geniales sperabant, fatales inveniunt; sepulchrum est, quod palatium esse censebant. sic anni nostri velut aranea meditantur: verè maximam partem meditantur tantum, plurima namque facturos nos proponimus, pauca facimus, & plerumque quæ rectius non faceremus nullam habent perpetuitatem, ad quæ tanto molimine tendimus, & plerumque non peruenimus. ita pactum cum morte, foedus cum inferno nullum est. tabescimus omnes & morimur. hoc pessimum, quod ita cæci adæamus æternitatem, quam nunquam exhibimus.

Guerricus, cum audisset in templo legi è libro Geneseos :  
Factum

Factum est omne tempus quod vixit Adam, nongenti triginta anni & mortuus est. Et facti sunt omnes dies Seth nongentorum duodecim annorum, & mortuus est. Factique sunt omnes dies Enos nongenti quinque anni, & mortuus est. Et facti sunt omnes dies Mathusalem nongenti sexaginta novem anni, & mortuus est &c. ita mortem concepit animo, & se quoque moriturum, tam validè impressit menti, vt demum in S. Dominici leges iurârit, quò mortem sanctiùs obiret, & tutiùs adiret beatam æternitatem, quando hâc nulla est reperienda Æternitas.

## §. II.

*Que in mundo sit omnium optima questia.*

**R**efert D. Matthæus, a venisse adolescentem ad Christum, qui quæstionem proponeret. probus fuit hic adolescens, quod ex D. Marco licet conijcere, nam genu flexo venit, & servatorem interrogavit in hæc verba: *b Magister bone, quid faciam, et vitam æternam percipiam?* Præcepta nosti, respondit Christus, si vis ad vitam ingredi, serva mandata. Philippis in vrbe Macedonia, custos carceris, Paulo & Silæ ad genua accidens, quærit: Domini, quid me oportet facere, vt saluus fiam? c optima quæstio; nil melius, nil & vtilius potuissent hi quærere: Sed, ô bone Deus, vbi hæc quæstio in mundo? perpetuæ vbique quæstiones volant, hæc vna ferè nusquam. & plerunque suis se quæstionibus produnt homines, protrahuntque in lucem vel simplicitatem, vel curiositatem, vel latentem alium animi morbum. qui adeò gnaue quærit, vbi venale sit vinum bonum, satis aperit, quid curæ sibi sit. quærit alius, ad quod non possit non erubescere auditor, satis hîc patet, cor plenum esse eo quo os abundat. plena sunt omnia quæstionibus, sed quàm rarum est, vt alter alterum interroget: putâsne hæc via ad cælum ducat? Omnia quidem vitiorum hoc est, maximæ libidinis & luxuriæ, vt cum quis profundum petit & incipit submergi, non facile serio sinceroque animo quærat: istone viuendi genere beatam æternitatem obtinebo, siccine itur ad astra? sed tamen ij omnium minimè hoc quærunt, quibus iucunda & suavis est vita; qui parum mœroris sentiunt & afflictionis, aut si sentiunt, omnia agunt, ne sentiant. **P**ARTI, apud illos extremum malorum est: modò ipsis nunc bene sit, quicquid fiat alijs, quicquid futurum sit in illâ, de quâ nil cogitant, æternitate. quotidianum illorum carmen est: Cælum cæli domino, terram autem dedit filijs hominum. nec desunt eis, corporis



& animi virēs, quibus hominū cōnatus ad momentū effugiant: sed vt in longas illas summi iudicis manus sine effugio incidant, & longissimās scelerū suorum luan̄ pœnas. quod si Deus arcāissimis suis iudicijs hominem rejiciat, reprobēque, & ex impotentis animi libidine permittat viuere, pleraque illi omnia prosperē & feliciter euenire finit, ne miser bis puniatur, hīc & illic, & si quid boni fecit, mercedem statim recipiat. de eiusmodi malē fortunatis hominibus, verē pronuntiāuit illud Psaltes Regius: *a* In labore hominum nō sunt, & cum hominibus nō flagellabuntur: ibunt in adinventionibus suis, & hic est miserrimus vitæ status, si quī esse potest. quia quem Deus destināuit ducere in viam beatæ illius æternitatis, huic certē non parcat, sed *asiduat illi flagella. b* Ex innumeris testibus sisto vnicū, sed magnum. nil simile multis retrō sæculis visum auditūque censeo.

*a* Psal. 72. *b* Eccl. 30.

### §. III.

*Quomodo Deus hic puniat, vt ibi parcat; inauditum exemplum.*

**A**Nno, post Virginis partum, millesimo centesimo octogesimo quinto, Andronicus Orientis Imperator, tertio Imperij sui anno, ab Isaacio Angelo victus, duabus grauib; ferreis catenis collo iniectis, & compedibus oneratus, verbis contumeliosissimis exceptus; ita demum ornatus ad Isaaciū perductus est. hic illi sæuities & tyrannis exprobrata, factā omnibus licentiā, quidlibet in illum audendi. iucundum fuit irritatis, ab hoste vindictam sumere: itaque impinguntur ei colaphi, tergum ignominiosē pulsatur, barba vellitur, capilli trahuntur, dentes excutiuntur: in publicum deinde protrahitur, omnium ludibrijs exponitur, etiā a mulierculis pugnis cæditur. post dextra ei præciditur, & sic mutilus in furum & latronum ergastulum detruditur, sine cibo, sine potu, sine cuiusquam officio. Paucis elapsis diebus, alter ei oculus effoditur, ipse sic fædè habitus, & vno tantū oculo vnaque manu deformis, curtā in superbreuique tunicellā malē amictus, capite raso & glabro infamis, scabioso camelo auersus imponitur, ludicrā ex alio coronā caput præcingitur, cameli cauda pro sceptro lætæ inseritur: sic per forum triumphi forinā, lentā pompā deducitur, hīc plebs petulantissima, & circumforanea sordida turba, efferatis animis in eum fecit impetum, nullā habitā ratione, quod is nudiustertius fuisset Imperator,

regio diademate redimitus, ab omnibus laudatus, cultus, celebratus, adoratus; quòdque & ipsæ iureiurando fidem suam & beneuolentiam erga illum obstrinxissent: furor omnibus ministravit arma. clauas alij in caput impeerunt, sordibus alij nares opplèrunt; alij spongas, hominum pecudumque excrementis & oleo plenas, in faciem expresserunt, veribus alij latera pupugerunt. illi lapidibus, hi luto petiuerunt; isti rabidum canem, fungum alij & bardum proclamârunt. Impudens muliercula, ollam è culinâ raptam bullientis aquæ plenam, in transeuntis istius Imperatoris caput effudit: nemo erat qui ei non inale faceret. Ita deum summo ludibrio in theatrum perductus, & innox camelo detractus, inter duas columnas pedibus suspensus est. qui sexcenta mala iam perpeffus fuerat, virum tamen & heroem se gessit planè Christianum. lamentari, & eiulare, aut fortunam accusare auditus non est: & frustra id fecisset. cum Deo cœpit rationes ponere, & noxarum veniam orare. illud enim solum itenditem ingeminabat: *Domine miserere, Domine miserere.*

Miser Andronice, quòd tanta ferre cogaris; felix, quòd patienter feras, & agnoscas peccata sic esse expianda. Sed nec suspenso furibunda turba, dum vixit, pepercit: direptâ tuniculâ, variè manibus agitârunt & lacerârunt. ferocior vnus ense per pendentis aluû ad intestina adegit. duo alij periculum facturi, vtrius gladius esset acutior, ambabus annixi manibus, auersim corpus transfixerunt. hîc miserrimus Imperator, mutilatam dexteram ægrè adinouit ori, calidum ex eâ sanguinem, vt multi purabant, ob recentem plagam, adhuc stillantem, exucturus; sic miserè vitam abruptit. Diebus aliquot interiectis, ex infami furcâ detractus, sub theatri fornicem pecudis instar proiectus est, dum humaniores aliqui in locum alium transfulerunt, eum tamen à nemine sepeliri permisit Isaacius. O Andronice, ô Imperator Orientis, quantam tibi Deus fecit gratiam, qui hæc te pati voluit paucis diebus, ne perires omnibus diebus; breui tempore miser fuisti, ne esses æternum. nec dubitem quin ANNOS ÆTERNOS in mente habueris, cum hæc tam fortiter tolerâris.

Scripsit hæc qui æuo illo vixit Nicetas Choniates, qui & Andronicum ab eo commendat, quod fidei Catholicæ tenacissimus fuerit, simul & deuotissimus D. Paulo Apostolo, cuius epistolas, præmanibus, & nunquam non apertas habere consuevit. Neque verò Apostolus istud obsequij gratis sibi deferri est passus; curam gessit  
sui



fui cultoris, Andronici, cui cū exitium immineret, imago Apostoli auro exornata & in æde sacra collocata, vbertim illacrimasse visa est. quod ostentum, ipse statim Andronicus, non aliter atque venturæ cladis nuntium accepit.

O Christiani, ANNOS ATERNOS in mente habete: sic, quicquid malorum ferendum est, longè facilius perferetis: breue videbitur, quicquid cum æternitate conferetur. *Id enim quod in presenti est momentaneum & leue tribulationis nostræ, supra modum in sublimitate, æternum gloriæ pondus operatur in nobis.* a hinc tam seriò clamat & precatur Augustinus: Domine, hîc vire, hîc seca, inodò in æternum parcas. & D. Fulgentius, etsi sanctissimus, morti vicinior, septuaginta diebus, antequàm finiret, itentidem clamabat: Domine, da mihi modò patientiam, & postea indulgentiam. hæc illius voces & vota fuerunt, vsque dum exhalaret. Certè Deus ijs omnium minimè parcat, quos per totam æternitatem secum retinere decreuit.

a 2. Cor. 4.

## CONSIDERATIO

## S E X T A.

*Quomodo sancti Patres, Ecclesia, Scriptura, Æternitatem meditantam ingerant.*

Ritus Catholicus est, statis anni diebus supplicare & circumire Dei & Diuorum honori augendo. Æmulatur id dæmon: habet & ipse suos qui supplicent & circumeant. Vidit hos regius vates: *Impij in circuitu ambulant.* a vitam suam sic instituunt, vt à voluptate transeant ad voluptatem, à conuiuio ad conuiuium, à delicijs ad delicias, à scelere in scelus. hic illorum circuitus est; & cū putant hunc nequitie circuitum pænè completum, & vtcunque circinarum libidinis suæ orbem, denuò incipiunt, ad priora & antiqua redeunt, dum mors ita circumeuntibus non vocata occurrat.

Liberi Iob hanc inter se legem statuerunt, vt in orbem transirent dies conuiuij; alteri ab alteris inuitarentur. Optimus illorum parens probè aduertit, orbicularem hunc conuiuiorum transitum, si ne peccatis vix futurum: *Propterea mittebas ad eos, & sanctificabas illos, surgensque diluculo offerebas holocausta pro singulis.* b Vti ergo impij voluptatum circuitione gaudent, & in bonis dies suos ducunt, ita Deus circuitum cū illis instituet, sed perpetuum, sed in tormentis, sed æternū. idem hoc beatus David præuidit: *Etenim sagittæ viue transiunt, & saxa tonitruis ins in rotâ.* c Pames, bellum, pestilentia, ærumnæ,

a Psal. 11. b Iob. 1. c Psal. 76.

morbi, calamitates, mors ipsa, aduersa denique omnia, quæ ante mortem primam nos premunt, Dei sagittæ sunt, sed transuolant: alatæ sunt, celerrimè ab his ad illos atque alios transfiliunt. At verò vox tonitruui, vox iræ & furoris diuini in inferorum ergastulis, velut rota circumagetur, idque æternis sæculis. rota hæc veluti si puluere tormentario stipata sit, vbi semel ignem conceperit, ardebit in omnes æternitates. *Ignis succensum est in furore meo, & ardebit & que ad inferos nouissima.* <sup>a</sup> est alius hîc circuitus, isque etiam æternus: ab inexplicabili frigore, ad immensos ardores, & ab his ad illud iterum regressus erit. ad nimium calorem, inquit Iob, ab aquis niuium transeat. <sup>b</sup> quod expressius & stridor dentium, & oculorum fletus designat. <sup>c</sup> Horribilem hanc & incomprehensibilem Æternitatis rotam, quò plenius depingamus, ordo postulat, vt quâ ratione sancti Patres cum Ecclesiâ, hæc cum diuinâ scripturâ in hoc conueniat, ostendamus. variz ab his admonitiones sunt, quas si attendamus, æternitatis non facîle obliuiscemur.

a Deut. 32. b Iob. 24. c Matth. 22.

### §. I.

*Sanctorum Patrum, & Ecclesiæ circa hoc responsa.*

**E**X omni numero sanctorum Patrum, quinque potissimum audiendi sunt qui diuersis temporibus vixerunt. Augustinus, Chrysostomus, Gregorius, Bernardus, Laurentius Iustinianus.

Prima hîc est quæstio, sed quæ vana & stulta videatur. quid facilius aut tolerabilius sit, triduo pati capitis, oculorum, dentium vel calculi dolores, vel viscerum tormina, vel (si qui alij sunt acuti dolores) noctes dièsque somnum non videre, sine omni panè respiratione torqueri; aut certè de pisce, in quo fel compressum est, frustillum edere. ridicula prorsus & otiosissima quæstio. multo quàm suauius est, totum eiusmodi felleum piscein deuorare, quàm diè duntaxat vnicum tantos perpeti dolores. illa piscis amarities nec vitam auferet, nec ex se morbos creabit; os solum, quod acerba respuit, maximè conqueretur. Rectè responsum est, interea verò quot hominum millia primum eligunt seu verbis, seu facto ipso. quoties in exhortationibus, in confessionibus, concionibus clamatur, quàm diserte & aperte prædicatur: En, agitur de animæ vestræ salute æternâ; æterni vos cruciatus manent, si hac viâ porro eatis: Christus aliam monstrauit, aliam iuit: redite, resipiscite, satis diu aberratum est. in voluntate vestrà situm est cælo frui, aut excludi: Deus volentibus



lentibus non deest. habent quidem amaroris aliquid abstinentia & ieiunium, criminum confessio & corporis castigatio, sensuum custodia & victoria sui; vita casta & continens, non est negotium cuius facillimum, quicquid id est, ferendum est aliquid. *Nonne oportuit & Christum pati, & sic intrare in gloriam suam?* ne terreat brevis labor: pauculis annis, aut forsan diebus tantum, fortia & AGERE & PATI necesse est, quies & gaudium erunt æterna. vincit omnia qui se vincit, qui se continet, qui pravis affectibus suis violenter resistit, idque propter cælum, propter Christum, propter beatissimam æternitatem: Christus suis post resurrectionem, apposuit piscem prunis impositum, quo doceret, quanta forent adhuc sustinenda: vitam amœnam & suauem non esse cogitandam; lapidandos, flagellandos, crucifigendos, excoiandos, hanc enim viam esse ad lætam olim resurrectionem, & æternitatem inter beatos ducendam: omnia quæ videmus modica esse & exigua, nec comparanda cum immortalibus, & quæ nondum videtur, beatitudine. Hæc dicuntur, sed hæc non curantur. Et hic ille felleus piscis est, qui toties in concionibus, in libris apponitur, nam hæc aliæque his similia sæpe sæpius ingeruntur & inculcantur, leguntur atque audiuntur, & tamen non creduntur, parui penduntur, curis alijs & obliuione sepeliuntur. & quoties ipsa etiam conscientia concionatoris vices agit, & salubria hæc monita obtrudit, instat, dehortatur, vellicat; nihil efficit: frustra omnia. nam multis nec concionator persuadet nec conscientia. contra obducunt illi, & sua etiam axiomata regerunt: *modo hic bene: futura sunt incerta: presentia modo commodè habeant: nullum mortuorum reuerſitur, non enim est qui agnitus sit reuerſus ab inferis: Genite ergo fruamur bonis.* hæ illorum sunt cantilenæ. Sed propositam quæſtionem definiat Augustinus: Melius est, inquit, modica amaritudo in faucibus, quam æternum tormentum in visceribus. ita prorsus, verè melius est in hoc, quam altero mundo contracta debita soluere: longè satius est sexaginta aut septuaginta hinc annis, corpus exercere continuis & quotidianis ieiunijs, flagellis, cilicijs; quam illic vel vno die in tormentis detineri. sed alius è SS. Patribus succedat.

S. Chrysostomus & secundam proponit quæſtionem. si quis, ait, intra centum annos, vnâ solùm nocte suave letumque somnium vidisset, & centenis ob id annis puniretur, an somnium hoc appetendum esset? quod autem, inquit, est somnium ad centum annos, hoc est præſens vita ad futuram, unò multò minus; & quod est gutta ad pelagus, hoc anni mille sunt ad futuram æternitatem. & alibi

hoc confirmans: *a* Tempori, ait, infinito quid conferes? quid sunt decem millia annorum cum sæcula cogitas infinita? nonne quantum est stillicidium minimum, abyſſo comparatum? Noli poſt hanc vitam ſpectare finem, ubi poenitentiae remedium nihil valet, ubi lacrimae cadunt, ſed nihil profuturae; verum etſi quis ibi dentibus fremit, etſi linguam ardentem exerat, digito guttam inſtillabit nemo, ſed audiet illa quae diues audiuit. detur igitur quod per totam vitam noſtram voluptati vacauerimus, ſed quid hoc ad ſæcula infinita? hinc enim & bona & mala finem habent, illic autem immortales poenae; hinc ſi ardeat corpus, egreditur anima, illic verò incorrupto corpore reſurgente, ſemper anima comburetur: peccatores enim incorrupti reſurgent, non vt honorentur, ſed vt immortaliter permaneant in tormentis.

Poſt Chryſoſtomum D. Gregorius, reſpondet ad illud cum quaeri ſolet, an non celerior ſeſe inſinuet ebrietas cum in cellâ bibitur ad dolia, quam cum in triclinio? Gloriatur caeleſtis ſponſa, Salomonis ore: introduxit me rex in cellam vinariam, ordinauit in me charitatem. *b* in qua verba S. Gregorius ita diſſerens: quid per cellam, inquit, vinariam congruentius quam ipſam arcanam aeternitatis contemplationem accipimus? Et certè quicumque cogitationem hanc de aeternitate paullo altius in animum demiſerit, gloriari poterit: ordinauit in me charitatem; nam meliorem ſeruabit ordinem amoris, ſeipſum minus, plus atque ſeruentiùs Deum, & propter Deum, ipſos etiam inimicos amando. Sed & hoc habet iſthac cogitatio, vt qui eam paullo largius delibat, ebriùs fiat, ſed ebrietate optimorum deſideriorum, quae non eant niſi ad emendationem vitae, ad caeleſtem patriam, ad aeternas voluptates. Apoſtoliſ exprobratum eſt, ebrios eſſe muſto. erant certè, ſed ex hac cellâ. quamuis autem D. Gregorius aeternitatis ſæpiùs meminerit; illud tamen ab ipſo breuiſſimè ſimul & veriſſimè dictum eſt: *momentaneam quod delectat, aeternum quod cruciat* hinc merito quiuſ optet cum Iobo: *c* quis mihi det vt exarentur in libro, ſtylo ferreo, nimirum; haec ipſa verba: *momentaneum quod delectat, aeternum quod cruciat*. liber huic ſcripturae aptuſ, cor hominis eſt; calamus aut ſtyluſ ferreus, ſeria meditatio; liquor purpureus, Chriſti ſanguis. & haec verba ſic iſculpta pectori, tum inaximè voluenda ſunt, & crebriùs iteranda, cum voluptas abblanditur, cum libido ſtimulat, cum inuitat luxuria, cum reſragatur caro, cum ſpirituſ flacceſcit, cum peccati occaſio eſt aut periculum.



S. Bernardus quarto loco venit, paullo post ad præmittendam quæstionem responsurus. Vita humana ea est, ut homines sint diversissimi sensûs, quemadmodum diversissimi sunt vultûs. reperiuntur qui continuè & graviter affligantur, ut pænè succumbendum putent afflictioni. hunc egestas, illum morbus, istum occulta debita, curæ alium, hunc iniuriæ aut calumniæ ita premunt & perturbant, ut qui pusillanimes sunt & impatientes, nonnunquam mortem sibi optent, ad flumen aut ad restum properent, sic enim miserum finem ærumnis imponendum arbitrantur, cum earum faciant initium, cui nullus concedetur finis. Contra probi alij & ad omnem Dei voluntatem paratissimi, nec citò mori cupiunt, nec diu vivere. vult Deus illos mori: idem volunt & ipsi. vult citò mori: hoc ipsum & illi volunt. vult diu vivere: non resistunt. ita idem illis cum Deo & *velle & nolle* est. Præter duo hæc hominum genera, pars maxima est, quæ longam vitam desiderat, nec ullus ferè tam senex, quin speret & cupiat annū adhuc vnum vivere. apud hos nulla ferè satietas est vitæ. mors istis nimirū properat, nimis adest matura, & ante tempus venire creditur. Hic iam quæri posset, quinam hominū vivant aut victuri sint diutissimè? D. Bernardus in diuinum hoc promissum: *a* Longitudine dierū replebo eum, admirabundus exclamat: quid tam longum, quàm quod æternum est, quid tam longū quàm quod nullo fine præceditur? bonus finis vita æterna, bonus finis qui finem non habet. Addit: Verus dies qui non novit occasum, æterna veritas, vera æternitas, ac proinde vera æternæq; societas. Ita dicendum est, illos solū vitā verè longā victuros, qui nunquā morientur in cælo: & illos morte eheu nimirū prolixā morituros, qui semper morientur, qui nunquam vivunt in tartaro, etsi semper vivant.

B. Laurentius Iustinianus ultimum nobis quæsitum explicabit. plurima sunt in hoc orbe, quæ natura ita vni assignavit loco, ut in alijs reperiri non possint, aut nonnisi pars illorum. de floribus novi orbis solum potest haberi semen: de multis animantibus sola pelticula. Æternitas, ita res est alterius Mundi propria, ut illius non nisi semen hic habere possimus. quod ergo semen est æternitatis? *Semina æternitatis*, ait Laurentius Iustinianus, sunt hæc: CONTEMPTVS SVI, CHARITATIS DONVM, OPERVM CHRISTI GVSTVS. contemnere alios, arbor est quæ totum tegit mundum, & pro inferorum incendijs excrescit amplissimè. contemnere seipsum, & minimum est semen, & ignotissimū mundo. istud è cælo attulit Chri-

stus, qui exinanivit semetipsum, formam servi accipiens & factus obediens, non tantum usque in stabulum, in præsepe; sed usque in Caluariam, usque in crucem, ad mortem, in sepulchrum, in limbum, propter quod & Deus exaltauit illum. En, creuit hoc semen in latissimam propaginem, in arborem omnium altissimam. de CHARITATE idem beatus Patriarcha mentionem faciens: a iuxta CHARITATIS, inquit, mensuram, æternæ retributionis est gloria. nam cui minus dimittitur, minus diligit, b minus obtinet gratiæ, qui minus habet charitatis: ubi verò minor est gratia, minor & erit gloria. ita omnino, quanto magis Deum amas, tanto magis æterna tibi præmia cumulas. tota lex, est AMOR, sed purus, castus, diuinus. Tertium erat, GUSTVS OPERVM CHRISTI. scitum est de ijs qui student Rhetoricæ: proficere censendos esse illos, quibus Cicero sapit, ita prorsus affirmari potest, in virtute progredi eos, quibus diuina Christi documenta non desipiunt. quisquis in Christi verbis, factis, vitâ, vix quidquam gustus inuenit, non afficitur, non delectatur, non mouetur ijs quæ ad animum & pietatem, quæ ad beatitudinem & diuina spectant: at verò comedere, bibere, ambulare, ridere, iocari, ludere, perquàm sapiunt; is tuto sibi ipse dicat: ô mi Deus, quàm nullum est in me semen æternitatis! cum enim in inemet descendendo, manifestè in me deprehendo, quos ego patiar manes, quò meus me inuiter affectus: choreas ducere, conuiujs hilarescere, ad pocula vigilare, fritillum & tesseras mouere, inanijs & fabulis auscultare, impuras pagellas lectitare, ad cantiunculas Venereas plaudere, socijs paria facere, hoc possum, hoc mihi iucundum est & volupe. at verò multa de Christo, de diuorum vigilijs & ieiunijs audire vel legere, hoc iniucundum est & insuaue: ægré totâ duro concione, vna illius horula, ceteris longior videtur, & ideo vel somno vel colloquio fallenda. de hoc tali homine sententiam pronuntiare facile est: OPERVM CHRISTI nullus est hîc GUSTVS. sed Ecclesiæ de Æternitate sensum videamus.

Tanti facit Ecclesia memoriam Æternitatis, vt nullus sit psalmus, precatio, hymnus, quem non finiat Æternitatis memoria. hinc perpetuæ & solennes psalmorum clausulæ: Gloria Patri, & Filio, & Spiritui sancto: Sicut erat in principio (ante omne scilicet principium ab æterno, absque omni principio) & nunc, & semper, & in sæcula sæculorum, infinita, innumera, incomprehensibilia. taceo vestes, ritus atque ceremonias sacras, quarum non pauca, eandem

Æterni-



*Æternitatis memoriam ingerunt, sed à riuulis ad ipsum fontem, progrediamur.*

## §. II.

*Scriptura diuina, clara de Æternitate, testimonia,*

**T**res solùm testes produco: Prophetam, Apostolum, Euangelistam.

Quanti quotidie gemitus eunt hominum abiectorum & despectorum ab omnibus? passim reperias qui dicat: miserum me, quàm paucos ego, quia pauper, amicos numero; apud omnes inhonoratus iaceo, vbique spernor, omnium pænè pedibus proteror, expecta, mi homo, paulisper, & patere, nondum omnium dierum, soles occubuerunt; promissum diuinum attende: Baruch pronuntiat: *a Circumdabit te Deus diptide iustitia, & imponet mitram capiti, honoris æterni.*

Sunt alij qui naturam accusent, & vitam cornicibus longam, breuem nimis concessam homini querantur. Audite queruli, adhuc alia superest vita, vbi brevis hæc & vana desierit; Beato Paulo credite testificanti: *b Scimus quoniam si terrestriam domum nostram huius habitationis dissoluatur, quòd adificationem ex Deo habemus, domum non manum factam æternam in celis.* quæ ergo tanta iactura est, si luteum hoc tuguriolum nostri corporis corruat, cum palatium aureum nobis paratum sit, nunquam ruiturum? Prophetæ & Apostolo, testis accedit Euangelista Matthæus, cuius ore in hæc verba Christus loquitur: *c Si manus tua vel pes tuus scandalizat te, abscinde eum & projice abs te: bonum tibi est ad vitam ingredi, debilem vel claudum, quàm duas manus vel duos pedes habentem mitti in ignem æternum. Et si oculus tuus scandalizat te, erue eum & projice abs te: bonum tibi est unum oculum habentem in vitam intrare, quàm duos oculos habentem mitti in gehennam ignis.* ô ignis! ô gehenna! ô Æternitas! quodcunque damnum temporis, ad damnum Æternitatis collatum, lucrum est, non damnum. hoc sensu dat Christus, oppignerationis seu stipulationis chirographum D. Matthæi verbis consignatum: *Et omnis, inquit, qui reliquerit domum, vel fratres, aut sorores, aut patrem, aut matrem, aut uxorem, aut filios, aut agros propter nomen meum, centuplum accipiet & vitam æternam possidebit.* d. an non hæc clara satis est promissio de beatâ æternitate, cum in pignus detur illud centuplum? Cum verò Christus apud eundem Euangelistam, de supremo iudicio præmonet, æternitatis ter facit distinctam mentionem; supplicij æterni, ignis æterni, & æternæ vitæ.

E 5

Expen.

Expendit hæc profundiore meditatione Pachomius, qui post tot labores in vastâ eremo susceptos, nouum dormiendi, inò potius vigilandi genus excogitauit. quindecim annis non admisit vnquam somnum, in tugurio suo decumbens aut iacens; neque vlli fulcro incumbens, sed in medio cellulæ sedens, vndequaque liber, adeò vt nec tergum aut latus parieti acclinaret, sed, si quidem somnus vincere vellet, sic vinceret non deiectum, non suauiter recubantem, & recusantem vinci. Plurimum quidem, hac vigiliarum obstinatione vir sanctus affligebatur, æquo tamen ferebat animo difficillimam hanc contra somnum luctam, spe prælibans æternam illam in cælo requiem. Eò Pachomium perpetuæ quietis meditatio deduxit, vt etiam humi cubare, & terram pro lecto habere, inter delicias numerârit.

Cùm ergo sancti Patres, Ecclesia, & Scriptura variè nobis Æternitatem proponant perpendendam; nostrarum nunc partium est, vt quisquis æternus esse vult in cælo, seriò cogitet: ô mi Deus, quàm rarò hætenus & quàm frigidè de Æternitate cogitauim, præterquam quod horis singulis Æternitati siam vicinior. deinceps in re tam seriâ minus ludam, & si quidem mihi multa ex voto fluere, resque meas prosperè & feliciter euenire aduerto, proximum erit, vt cogitem: & quàm diu hoc durabit? eritne semper tam serena tempestas, itane semper Phæbus & fortuna ridebunt? & quid mihi intercedis rependet, secutura mox Æternitas, pro hac suauis sed breui, pro gratâ hac sed periculosâ felicitate? quod si verò res meæ sint turbidæ, si multa contra votum eueniant; si affligar, si crucier, si hinc illinc mala & infortunia in me coniuvent, irruant, exagitent, illud vnicum assiduè cogitabo: Sine tantùm; sine, peragat mandata fatorum tempestas, inhorrescat hoc mare magnum & iratum, fremant afflictionis venti, impellant turbationum vndæ, nubes temptationum minentur, tenebræ mœroris inuoluant, fractus licet illabatur orbis: non semper ruinæ, non semper procellæ: hi venti aliquando ponent, subsident fluctus, nimbus & grando dispellentur; quicquid dein hinc patiar, non durabit æternum: cadet mea crux, saltem cùm ego morti cecidero victima. at verò procellis omnibus procellosius est flammis addici æternis, hoc longum tormentum est: alia omnia quæ extra Æternitatem sunt, breuia, volucra, inomentanea sunt. Vmbræ sunt & somnium (ait Chrysostomus) qualiacunque sint: illa speremus & expectemus. Et quomodo Christus discipulis suis illud MODICUM inculcat? omnes cruciatus suos, & acerbissimam



nam in cruce mortem MODICVM vocat, omnes Apostolorum labores & violentam per supplicia necein, MODICVM appellat. cur ergo non & mihi MODICVM videatur, quicquid patior, tamen si centum id annis patiar. *Adhuc enim modicum aliquantulumque quæ senturus est, veniet, & non tardabit.* a sic igitur pergā, & illud porro vnum iudicabo esse necessarium, vt nil agam contra conscientiam, nil contra Deum. omnia ei salua sunt, cui salua est beata ÆTERNITAS.

a ad Hebr. c. 10. v. 37.

### §. III.

*Omnia MODICVM sunt, præter Æternitatem.*

**V**ERè nimis quàm MODICVM est, quicquid hîc seu laboris seu doloris perferendum est. Augustinus: a hoc modicum, inquit, longum nobis videtur, quoniam adhuc agitur; cùm finitum fuerit tunc sentiemus quàm modicum fuerit.

Sapientissimus hominum, vt omnem humanæ vitæ periodum, vel ad centum annos ampliatam, proprio penicillo depingeret, minutissima rerum sibi sumpsit exprimenda; ita enim dilucidè affirmat Ecclesiasticus: b *Numerus dierum hominum, & multum centum anni: quasi gutta aquæ maris deputati sunt, & sicut calculus arena, sic exigui anni in die æui.* En, quid vobis, ô longæui & centum annorum senes plauditis? omnes anni nostri quid sunt? lapillus aranearius & marina guttula. & quid lapillus est ad altissimos arenæ montes? & quid est guttula ad profundissimam maris voraginein? ita quinquaginta, sexaginta, ita centum anni vestri, ô senes, MODICVM sunt, nihil sunt ad illum æui & æternitatis diem. Et tamen cum hoc lapillo, cum hac guttula sic triumphamus. ô vani & miseri! lapillus est vita nostra, at non pretiosus lapillus, non auri & gemmæ, sed arenæ; guttula est vita nostra, at non dulcis aquæ guttula, sed falsissimi maris: Cuncti dies eius doloribus & ærumnis pleni sunt, nec per noctem mente requiescit. ait Ecclesiasticus. c *Verè Augustinus: d Recole, inquit, annos ab Adam vsque in hodiernum diem; percurrere scripturas: heri pænè Adam ille de paradiso lapsus est. vbi enim sunt præterita tempora? si toto illo tempore viueres, ex quo Adam de paradiso dimissus est vsque in hodiernum diem: certè videres vitam tuam non fuisse diuturnam quæ sic auolâset. vnus autem cuiusque hominis vita quanta est? adde quantoslibet annos, duc longissimam senectutem, quid est? nonne aura est matutina? Verissima sunt hæc omnia. Dic enim quæ-*

a Tract. 101. in Ioannem. b Eccl. 1. 2. c Eccl. 3. d In Ps. 36. 10,

fo, vbi nunc Adam? vbi Cain iam? & vbi longæuus Mathusalem? vbi Noë? vbi Sem? vbi Heber? & vbi obedientissimus Abraham? vbi Iacob? vbi Ioseph? vixerunt: fuerunt Troës, sic transit vita, sic transit mundi gloria. ô ros! ô vanitas! quid ambis, quid longa speras? breue est, *MONICVM*, vile est, quicquid hîc vides. In iectu oculi clauduntur omnia: omnis consummationis vidi finem, latum mandatum tuum nimis. Quid ergo tempus vllum, dicimus esse *longum*? præteritum enim iam non est, futurum, nondum est, præsens verò quòdnam est? ipsa vna horula fugitiuis particulis agitur: quicquid eius auolauit, præteritum est; quicquid eius restat, futurum. Vbi est ergo tempus quod *longum* vocamus? non immerito suis Bernardus (& ego tibi, mi lector) inculcauit, verissimum illud Diui Hieronymi monitum: Nullus labor durus, nullum tempus longum debet videri, quo gloria Æternitatis acquiritur.

Quantumcunque verò modicum sit viuendi spatium & breue, ad æternitatem collatum, damnatorum tamen nemo Deum accusare poterit, quòd vitam non dederit longiorem: seipsos damnabunt quòd vitam non vixerint meliorem. *Non enim est in inferno accusatio vita, b* satis diu viuerent damnandi, si satis piè.

Hîc libet, mi Christiane, liberiùs paullo ac fidentiùs tecum agere, & rem oculis clarissimè cernendam subijcere. Ais, te cælum sæpius cogitare, & magnis votis Æternitatem aspirare. Ais tu hoc? ego verò nego & pernego id te facere. mihi ipsi hoc de me affirmanti iuberem te non credere. Et quî fieri possit, ô mi bone Christiane, vt ego túque cælum sæpiùs & seriò cogitemus, & tantis, vt nos iactamus, votis Æternitatem aspiremus, interim tamen viuamus tam torpidi & frigidi, tam lenti & fracti ad bonum, tam viuaces & feruidi ad malum, tam parati ac lubentes ad omnem petulantiam; homines, queruli & oscitabundi, nunquam minus segnes quàm cum irascendum est, nunquam magis pusilli animi quàm cum patiendum est: quauis afflictione, quouis verbulo turbamur & deijciimur, ad vnâ voculam, omnis nostra patientia liquefcit, & defluit; nunquam desperatiores quàm cum multa contra voluntatem accidunt tacebo, ceteras libidinis & inuidiæ latentes in animo vomicas. Et tamen nos tales, tam belli homines; tam audaces cum timendum esset, nihilo minus gloriamur, sæpe nobis Æternitatis gaudia in mente & in votis esse. Crede mihi, creditu hoc difficillimum est, nos cælum & Æternitatem in animo crebriùs voluere,

&amp;



& interim moribus non melioribus viuere: da veniam verbo, hoc impossibile est. Et istud iam demonstro.

Iacob Patriarcha auunculo suo Labano, pro filia Rachele septem annis seruiuit, & *videbantur illi pauci dies, præ amoris magnitudine*. a audis hoc, homo queribunde: tu seruis non impostori, qualis Laban, sed Deo conditori & promissori fidelissimo, nec pro vxorculâ seruis, sed pro toto cælorum regno, non pro vxoriâ formâ, sed pro æterno Dei aspectu, non pro vxorijs blandimentis, sed pro cælestibus, æternis delitijs. Et tamen vel vnus dieculæ molestia te sic enervat, vt subinde tuus omnis in cælum, in Deum amor, frigere incipiat: quàm priuim aduersa ingruunt, innox in fusissimas querelas prorumpis, cælum & terram inclamas, spiras vindictam, fortè nec ipsi semper diuinæ iustitiæ querimonia tua parcit: quandoque verò sic te abblandiens voluptas emollit, vt seruitij diuini oblitus, & peccati labyrinthum à fronte antænum ingressus, in letalem somnū resoluaris. En, hæc tua est vigilantia? En, hæc amoris tui heroica magnitudo est? vbinam arduum illud septennium in diuino seruitio exantlatum? O Simon, Simon! siccine non pòtes vnâ horâ vigilare cum tuo Domino? Sed audi plura de Iacob Patriarchâ. Deceptus hic à Labano per lippientis Liæ coniugium, pro desponsâ sibi Rachele, seruiuit apud eundem impostorem septem annis alijs. nec dubium, quin & hi septem anni, visi sint illi pauci dies, præ eâdem amoris magnitudine. & credibile est eum subinde ab opere fatigatum, in Rachelis formam obliquâsse oculos, secumque tacitè dixisse: digna est certè hæc forma, quamuis molestâ & Septenni seruitute; atque si necesse, alijs insuper septem annis, illius gratiâ duram hanc seruitutem seruire non recusabo. ita amoris impetus omnem laboris sensum mitigabat.

Capis ista delicatè Christi miles? & adhuc murmuras? tu Deo, pro Deo ipso seruire, pro æternâ quiete iuberis laborare; ad tolerantiam atque patientiam prouocaris pro immortali beatitudine, & adhuc ignauus dormitator conquereris? Numera sis quæso annos, quos in Dei famulatum totos expenderis: vide num annis viginti ita tu Deo, sicut Iacob Labano fideliter & industriè seruioris: vix totidem menses aut dies reperijs: numera peruigilatas in precibus noctes, recense dies in laboribus pijs exhaustos: poterisne tu Deo, quod Iacob socero dicere: die noctūque æstu vrebam & gelu, fugiebatque somnus ab oculis meis: sicque per viginti annos in domo tuâ seruiui tibi, quatuordecim pro filiabus, & sex pro gregi-

bus tuis: tunc ita, mi Christiane, annis viginti Deo seruijsti: nosti, quæ tui laboris futura sit merces; non filia Labani, non greges ouium: seruitutis tuæ præmium Deus ipse erit, animi corporisque beatitudo; vnde quaque tibi erit optimè, delicijs afflues innumeris, maximis, sine omni defectu, sine vlllo fastidio, sine fine; nabis quasi liquidissimis immersus voluptatibus. Et tamen, aspice manus tuas ad opus languidissimas, intuere pedes tuos ad templum lentissimos, inspicere cor tuum inuidiâ tabidum, irâ & vindictâ æstuans, spurcis cogitationibus verminans, socordiâ & impatientiâ ignauum. siccine Deo seruis pro cælo, pro immortalî vitâ, pro æternâ beatitudine? quin facis quod Iacob, & promissam tibi Rachelem aspicias, cum suscepti laboris tædium obrepit. quotiescunque igitur ægrè tibi est, & vel aduersa premunt, vel prospera seducunt, vel labores oneri sunt, oculos cælo attolle, & te ipsum sic solare: En, illa tua Rachel est, formosa nimis & decora: tota pulchra est, nec macula in eâ vlla est. en cælum, en domum quietis & voluptatis æternæ: sustine nunc paululum non summos dolores, non maximos labores, & breui illic eris, tantò tunc lætior & beatior, quantò nunc tristior & afflictior; tunc quies illa tibi erit iucundior, quò nunc vita fuerit operosior. ergo & AGE fortiter, & PATERE constanter; digna est his omnibus beata ÆTERNITAS. Si sic, mi Christiane, te ipsum sæpius animares, si talibus oculis cælum frequentius suspiceres, si hoc affectu Æternitatem quotidie cogitares, crede mihi, pauci tibi seruitutis dies viderentur, *pro amore in ÆTERNITATEM hanc magnitudinem*; laborem omnem tibi facilem diceres, molestias omnes gratiam computares, aduersa omnia inter lucra numerares. Vitam præsentem hoc quisque sanctius iustituit, quò attentius futuram Æternitatem expendit.

CON-



CONSIDERATIO VII. 57  
CONSIDERATIO  
S E P T I M A.

*Quomodo Christiani pingant Aeternitatem.*

Hæc dicit excelsus et sublimis, habitans  
ÆTERNITATEM. 1s. c. 57.



ÆTERNITATEM amittit Adam. reparavit Christus, ad hunc invitavit  
Angeli. ab hoc advocant diaboli: quas sequaris. 1102.

**P**ER tenebrosam domum pedetentim incedendum est, parietes  
que palpani. si humanus intellectus in æternitatem sese velit  
immittere, iter reperiet tenebris & caligine obseptum, nec vnquam  
in hac vitâ penetrandum. via quidem ad eam brevis est, sed exitus  
interminabilis. & quamvis nemo hominum Æternitatem sic ani-  
mo conceperit, vt quid ipsa sit, liquido possit dicere, eius tamen im-  
mensitatem similitudinibus & picturis, quasi quibusdam umbrarū  
lineis licet proponere. Umbra prorsus est & umbrarū umbra, quic-  
quid vel scribitur, vel pingitur de Æternitate. neque enim omnia  
tempora in vnum coaceruata, eius latitudinem exhaustient: non ho-  
re,

ra, non dies, non hebdomades, non menses, non anni; non lustrâ, non olympiades, non Indictiones, non Iubilæa, non sæcula, non anni Platonici, & tardissimi octauæ sphæræ motus. etsi hæc per quemuis numerum numerantem, millenariuin aut millionem multiplicentur, aut cuicumque numero numerato comparentur, vt stellis cæli, arenulis Oceani, herbulis terræ, fluuiorum guttulis, Æternitatis tamen numerus non indagabitur.

Nautæ demissâ bolide, maris profunditatem explorant; nos item submissâ & reuerenti cogitatione, impenetrabile profundum Æternitatis tentemus, & quò id melius expendamus, hæc à Christianis proposita imago iuuabit. ea sic habet.

Christus puerulus, quasi à præsepi & cunis pænè nudus & inuestis, stat inter nubes. aptam humeris suis fert crucem. nubibus vnicum hoc verbum inscriptum visitur, ÆTERNITIS. infra Christi pedes in terrâ, humi sedet cadauer ossium, pilis & cute nudum, solâ barbâ dignoscendum, læuâ membranam tenet in quâ per scriptum, MOMENTANEVM QVOD DELECTAT; dextrâ pomum extollit, iuxta coruus est, rostro cochleam admordens. sua illi vox adscripta, CRAS, CRAS. è terrâ hiantè flamina sese in altum emergit, in quâ voces illæ descriptæ ÆTERNVM QVOD CRUCIAT. Christum ex æthere prodeuntem, flexis genibus adorant è dispari sexu gemini homines, loco omnium hominum: pone hos fluens elephydra, & apertus geminâ facie liber est: alterâ pagellâ scriptum: *ducunt in bonu dies suos, & in puncto ad inferna descendunt.* a altera verò: *quis me liberabit de corpore mortis huius?* b iuxta stant cælestes genij & cernentium oculos in manu regunt, eosque ad diuinum puerum erigere iubent. hæc pictura est, sensus illius iste.

a Iob. c. 21.

b Ad Rom. 7.

## §. I.

### *Christus inuitans.*

CHRISTUS, æterni Dei æternus filius, non aliâ quàm nos Veste hoc est, nudus in hunc orbem ingressus est. vestem immortalitatis & innocentiae per inobedientiam nos amisimus. nunc omnes heu quàm malè vestiti, in hanc lucem prodimus? Christus nobiscum, imò pro nobis luit, quod non deliquit. Sed quid crux in humeris diuinissimi huius puelli? lectulus est, in quo in mortem obdormiuit; pro cubiculo Golgothæ, pro ceruicali spinæ, pro toro crux fuit. multi è sanctis hoc exemplo ducti, vltro per annos ali-

quot



Quot voluerunt incommode cubare, & male parcissimeque dormire, inodo læti ad diem æternum surgerent. Certè D. Bononius abbas, pro culcitra plumea terram, pro lodice cilicium, pro cervicali saxum habuit. S. Lupus Episcopus, viginti annis, S. Edmundus archiepiscopus triginta annis, extra omnem lectum dormierunt. tacebo Nicolaos, Basilios, Vdalricos, aliosque quàm plurimos, quibus operæ pretium visum non est, talibus delicijs somnum paucorum annorum fouere. alia illis quies & longior in mente fuit. ideo nec ad satietatem, nec ad delectationem, extra cælum quiescere placuit. quot feminis etiàm, idem animus fuit? S. Clara pro pulvillo ligneum trunculum capiti subiecit. S. Hedwigis culcitram stramentitiam non nisi pro delicijs admisit. S. Brigitta ab obitu mariti, triginta annis & cilicium assidue gestavit, & nunquam nisi humi dormiuit. omitto alias.

Et quid veteres narramus? quot hodièque viri religiosi, semel stramine libenter & suauiter indormiunt, nec plumas petunt cum beatam Eternitatem sperent, quàm quotidie cogitant. Sed ad Christum redeamus. inorte in is oppetijt, eamque & acerbissimam & ignominiosissimam, sed vt mortem æternam à nobis arceret. omnes quidem morimur, sed mors hæc breuissima est. ictu oculi, inomento à corpore diuellitur anima, & totum hoc factum est, quod MORI vocamus. non ita res agitur apud inferos. tormenta illa omnes mortis angores & dolores longissimè superant, non tantum quia multò grauiora, sed quia incomparabiliter diuturniora, cum sint æterna. itaque illic ista pati, est *continuè mori*. & ab hac perpetuâ morte liberauit nos puer illè. qui in nubibus pictus progreditur. sub pedibus diuini huius pueruli exesum cadauer sedet, quod primi omnium parentis esse, pluribus indicijs sciri potest. audite nunc posterì, & serì nepotes Adami, parentem vestrum, vos sic affantem.

## §. II.

*Adam lamentans.*

**O** filij, felices futuri, si parens vester sciisset felicitate vti: nunc verò miseri hoc ipso, quod mei filij. ego vos necaui prius quàm genui. propter me antè damnati estis, quàm nati. Deus esse volui, vix homo mansi. omnes in me periistis, antequàm perire possetis. ita nesciò, patrem me appelletis an parricidam & tyrannum. vitiosos vos esse quid miror, aut conqueror? à me tales esse

didicistis. inobedientes vos esse doleo, sed tamen esse docui, ipse Deo inobediens. intemperantes & gulosos vos auersantur superi: ah, paternum hoc est vitium. superbia vestra exosos vos Deo facit. ego primus vestrum, ab hoc monstro triumphatus cecidi, factaque est superbia à me victo superbior. hoc à me patrimonium habetis, miseriarum cumulum, cælum vobis magni Dei nutu transcriptum erat, & certissimâ sponcione. ego turbaui omnia, & hæreditatem omnium vestrum abliguriui bolo vnico. vxorem & pomum pluris ego feci quàm vos omnes, quàm cælum, quàm Deum: hem malum & execrandum prandium, post quod aliquot millibus annorum, mihi cenandum fuit apud inferos! In horto degebam supra quàm cogitari & fingi potest amœno: omnibus quæ animo collibuisse, frui licebat, vnicam si stirpem declinasse. omnium animantium rex eram, sapiens & pulcher, valens & robustus: delicijs innumeris affluebam. cælum æquabili clementiâ nouis coniugibus fauebat, & in cærulæ veste nitidum, continuè ridebat: soles non nisi purissimos illic vidimus. nil nisi amœnum & floridum incurrebat oculos. aures, suos habebant muscos, auiculas: terra crocum & cinnamomum halabat: vndique me voluptas incredibilis ambiebat: viuebam procul omni curâ, tædio, metu, labore, morbo, morte: Deus aliquis eram in terrâ, hanc felicitatem cælites ipsi mihi gratulabantur; ego vnus eam mihi maximè inuidebam. & quia diuinæ legi non parui, & vetitum malum adinordi, omnia in me mala irruerunt. paradiso exturbatus, & Deo profugus, pudore plenus latebras captaui. labor, dolor, mœror, pauor, lacrimæ, calamitates, mille miseriæ fatigare me cæperunt vos sentitis, quotquot ex meâ familiâ estis. & quod finis ærumnarum esse creditur, mors, sæpe est initium, & quidem æternarum. O mei filij, meo vestroque damno sapite, & vel vnum hoc à me discite, PECCATUM ODISSE. en prorumpentem iuxta me flaminam; hæc eodem quo peccatum tempore cæpit vrere, nunquam in æternum extinguenda. omnia alia supplicia in leui ponenda sunt: & breuî finiuntur, hæc reos semper cruciabit. sed eam euadere iam possumus, modò ipsi velinus. vltra quinque millia annorum, mihi meisque liberis omnibus, porta cæli occlusa fuit: nunc referata est per illum, qui, quod ego liber malè rapui ex arbore, ipse suffixus in arbore, totum liberalissimè persoluit, & nobis omnibus moriendo restituit rem. cunctis iam cælum patet, sed eò non ducit nisi via pœnitentiæ, non admittit nisi porta crucis. qui hac viâ, & per hanc portam ve-



uit ad gaudia, securus venit, & certus habitationis æternæ: non excludetur illinc amplius: neino illic lædi potest aut lædere. ô posteri, ÆTERNITATEM cogitare, breuî immortales futuri, aut inter damnatos, aut inter beatos. Hæc ad posteros monita sunt Adami, qui,

*Quam meruit plenam solus, digessit in omnes-*

Thomas Morus, Angliæ Cancellarius, vir quâ pleraque omnia suminus, cum re nullâ flecteretur ad assensum regis libidini præbendum, submissa est ad eum in carcerem vxor, si ea fortè virilem animum, quâ precibus quâ lacrimis emolliret. preces ergo quàm blandissimas adinouere cœpit, & per sacra omnia rogare, ne se, ne liberos, ne patriam & vitam, quâ multis annis insuper liceret frui, sic iret perditum. Cum verba lacrimis etiam commendaret, & plura de prolixiore vitâ ingereret, Et quamdiu (subiungit Morus) ô mea Aloysia, frui hac vitâ potero? Tum illa: ô mi optime marite, inquit, ipsis faciliè viginti annis. Cui Morus: Vis ergo, inquit, vt æternitatem viginti annis commutem? nâ tu imperita es meretrix. si viginti annorum millia dixisses, aliquid tu quidem dixisses & videri posses cum ratione insanire. sed hæc ipsa viginti millia annorum ad æternitatem quid sunt? *modicum* & breue quid, punctum, momentum, nihilum. Ided ego carcerem, & quicquid malorum in me coniurârit, totâ vitâ perpeti malo, quàm Æternitatis beatæ vel tantillam iacturam facere. Sic Æternitatis obiectu & hunc arietem inconcussus sustinuit. <sup>a</sup> Sed nigrum alitem iam consideremus.

<sup>a</sup> Thom. Stapleton. in vitâ illius c. 16.

### §. III.

*Coruus crocitanus.*

PROximè hoc protoplasti cadauer, coruus appictus est, qui non leuiter facit ad Æternitatem integrè repræsentandam. notum D. Augustini dictum est: *cras, cras, coruus & ox est, gemit & columba & tunc peccat.* hanc ferè ob causam beatam Æternitatem plurimi amittunt, quod illam hodie quærendam, cras quæsituros statuunt, nihil enim promptius in incertissimum CRAS reijcimus ac pœnitentiam, quam vt à nobis honesto nomine amoliamur, identidem promittimus:

*Cras hoc fiet. idem: cras fiet. quid, quasi magnum.*

*Nempe dsem, donas? sed cum lux altera venis,*

*Iam cras hesternum consumpsimus. ecce aliud cras*

*Egeris hos annos, & semper paulum eris & trâ. a*

ita CRAS illud tam longâ sponſione cunctatur, dum vitæ tempus eripitur, & repente miſeri ad *Æternitatem* ſed horrendam & ſubterraneam deuoluuntur. Ipa eſt res, ait Auguſtinus, quæ multos occidit, cùm dicunt: CRAS, CRAS, & ſubito clauditur oſtium. Salomon identidem inſclamat; *a non tardes conuerſi ad Dominum, & ne diſſeras de die in diem, ſubito enim Veniet ira illius, & in tempore vindictæ diſperdet te.* verè dixit Romanus ſapiens, Seneca: Magna pars vitæ elabitur, malè agentibus; maxima nihil agentibus; tota aliud agentibus. atque veluti Archimedes, dum Siracuſæ caperentur, domi ſuæ in puluere circinum ſecurus rotabat: ita pluriimi hominum, dum illorum æterna ſalus agitur puluerem illi ſuum tractant, vanis litibus, pecuniarijs negotijs, & non profuturis laboribus diſtenti. *Æternitatem* nunquam cogitant, aut rariſſimè, idque perfunctoriè tantùm, velut canes è Nilo bibunt, O Martha, Martha, quàm vanè turbaris & diſtraheris in plurima! porro *gratum eſt neceſſarium, beatitudo*, ſed non hæc brevis in terrâ, ſed illa in cælo *ÆTERNA*.

Antequam laborem ſumamus, notam illam regulam ſæpe applicamus, & nobiſcum ipſi quærimus: eſtne hic labor ad panem lucrandum? An non potiori iure Chriſtianus cuiuſcunque operis initio, ſeipſum ſerius interroget: eſtne hoc ad cælum lucrandum; conducitne iſtud ad beatam *Æternitatem* promerendam? ſed nos has tales curas in aliud atque aliud tempus reiſcimus, nimirum iſtud de labore noſtro tunc quæſituri, cùm non ampliùs poterimus laborare. Sed hoc omnium peccatorum eſt, ait Auguſtinus; omnis peccator dicit: *aliquando, ſed non modò.* Ah, cur non modò, ſi aliquando?

Dionyſius Rex Siculus, Apollini auream chlamydem abſtrahens: nec æſtati, inquit, nec hiemi veſtis hæc conuenit, in æſtu grauat, in frigore non calefacit, ſic multi, ait Ambroſius, cum animâ ſuâ ludunt, & cum Deo. iu ueni, dicunt, ad mundi leges viuendum eſt: ad calices & choreas, ad equos & palæſtram exercitatus ſit, aprico gaudeat & ſocijs: eremum & templa tetricis ſenibus permittimus, & cùm ſenectus adreperit frigida & morbida, non hæc, inquit, à ſenibus poſtulanda; per vires non licet: quies illis indulgenda: valetudinem curent, & ſatis agunt, ita & æſtas ætatis noſtræ tranſit & hiems, & ad futurum æternum ver nihil laboratur, ergo dum tempus habemus, operemur bonum, nec per coruinum illud, CRAS, CRAS, & hodiernum & craſtinum & æternum elabiſinamus. craſtina dies non eſt noſtra, ſed hodierna. *Eccè nunc*, inquit



Apostolus, *a* qui dicitis, *hodie aut crastino ibimus in illam civitatem, & faciemus ibi quidem annum, & mercabimur, & lucrum faciemus, qui ignoratis quid erit in crastino. quæ est enim Vita & æstra? Sapor est, ad modicum pareus, & deinceps exterminabitur.* Rectè Messodamus, quod Guido Bituricensis narrat, inuitanti ad epulum posterae lucis: mi amice, inquit, cur in crastinum vocas? ab aliquot iam annis, diem secuturam mihi nunquam polliceri sum ausus, quia in horas singulas mortem expecto. Nemo certè mortem satis cauet, nisi qui semper cauet. nimis ille temerarius est, & Æternitatis manifestus contemptor, qui cum letali peccato ita cubitum, & in plumas sese abijcit, totòque proflat de pectore somnum. ah! quanta est humanæ mentis & cæcitas, & temeritas? quàm frequens sit & crebra, mors repentina, scimus; ipsos etiam homines nouimus, qui pridie valentes & sani cubitum ierint, manè inuenti sint mortui, forsàn è phumis, Deus scit, in flammis tracti. ipsi etiam vidimus, qui subitè vi tacti, simul ægrotare cœperint & mori, intra partem horæ sani, ægroti, viui, mortui, & tamen adhuc procrastinamus, & de die in diem (parum est hoc) de anno in annum, emendationem vitæ differimus, interim mors adest non expectata, & toti nos tradit Æternitati.

Viriliter in se cunctabundam hanc lentitudinem expugnans Augustinus: Sentiebam, inquit, me ab eis teneri, & iactabam voces miserabiles. quamdiu, quamdiu cras & cras? quare non hac horâ finis turpitudinis meæ? dicebam hæc & flebam amarissimâ contritione cordis mei.

Magnus ille Antonius, teste D. Hieronymo, suos ad virtutem exhortatus, iugi meditatione aiebat retinendum esse monitum illud: Sol non occidat super iracundiam vestram. *b* neque tantùm super iracundiam, solem occidere non debere dicebat, sed & super peccata alia omnia, ne vnquam scelerum nostrorum testes Sol & Luna discedant.

Ioanni Alexandrino Patriarchæ, & litigij quid fuerat, cum Nicetâ Patricio vrbis primatè: ad forum res spectabat, in quâ ille potiùs pauperum, hic numorum magis curam gerebat. Fuit vt vnum in locum conuenirent, pacem, si quâ ratione possent, inituri. clamarum est diu acriter, nec sine stomachi aut bilis indicio; neuter, suas partes deferere, æquum censebat. ita in seras horas conflictus hic verborum abiit, nec ampliùs profectum est, quàm vt animi paullo

quàm antea essent offensiores. quando ergo neutrius animus ad alterius conditiones accedere voluit, discellum est lite pendente & integrâ. Patricius iure pecuniario cedere iniquum putabat, Patriarcha Dei causam sibi agere videbatur, nihilominus tamen, cum iam abiisset Patricius, pertinaciæ seipsum damnans integerrimus Præsul: nec in optimâ quidem causâ (ait ipse secum) hanc inflexibilem iræ contumaciam Deo placere putes: & iam etiam adulta nox imminet; itane solem super iracundiam nostram occidere sinemus? impiorum hoc est, & contra præceptum Apostoli, nec quieuit optimus antistes, & quàm primum sacerdotes primarios complures, ad Nicetam Patricium submisit, eique renuntiari iussit, hæc solum: *Domine, sol ad occasum est.* quæ paucula verba Patricij animum improviso aggressu sic immutarunt, & adeo peruicaciam omnem expugnarunt, vt turgentibus oculis prorupturas lacrimas, ægrè in statione contineret. nec distulit; abeuntes clericos è vestigio secutus, ad suum Pontificem Ioannem, quàm importunus tam gratus irruit. & statim: Sancte Pater, exclamat, in tuâ posthac ero potestate. quo dicto in mutuos amplexus, & vnâ in concordiam iuerunt ambo. ita pacem, quam longa verborum velitatio nequijt, vnicum hoc dictum integravit: *Sol ad occasum est.* Ita omnino, quicquid peccati mortalis conscius sibi est, vesperi hoc ipsum sæpius apud se animo reuoluat: *Domine, sol ad occasum tendit;* fortassis & vita tua. atque si hac nocte moriaris, quod nec nouum nec rarum est, in quâ te futurum putas *Æternitatem*? diuorum antidamnatorum? conscientia tibi tua hoc dicet. quare ago quod agis. *Sol ad occasum tendit,* caue occidat super libidinem & luxuriam tuam, super tuam inuidiam & blasphemiam, super detractionem tuam & furtum, super peccatum tuum mortale vel vnicum. Deus bone, si vestis, si vultus, si pileus leui sorde maculetur, mox abstergimus aut eluimus; ergo vestis aut pilei, ergo vultus maculam tolerare non possumus, & animi turpissimos nauios tam diu toleremus? is dies, ea hora expiationis esto, quæ est peccati. agenda est poenitentia, ait Ambrosius, non solum sollicitè, sed etiam maturè, ne fortè Euangelicus ille paterfamilias, qui arborem ficum plantauit in vineâ suâ, veniat & quærens fructum in eâ, si non inueniat, dicat cultori vineæ, *succide illam.* hoc vltimum vulnus arbori inflictum, prorsus est immedicabile. ergo quibus licet, & dum licet, medeamur. ipsæ animantes hoc docent. ceruus sagittâ confixus, ad clamoribus notam sibi herbam properat. hirundo si pullos excæ-



cauerit, nouit illos oculare rursus de suâ chelidoniâ. nos, heu, mi-  
feri pænè quotidie vulneramur, & sæpe letaliter, & tamen medici-  
næ cura nulla est. ad mensam, ad confabulationem, ad lectum vti  
assueuimus, properamus: & quis ad pœnitentiam, ac confessioe?

Si tutelarîs Angeli (nam & hi in hoc Æternitatis typo expressi  
adstant) monita audiremus, nunquam nisi prius Deo reconciliati,  
cubitum abiremus. custos hic noster sapius monet clepsydrae ad  
finem defluentis, monet iudicij iam imminuentis. at nos viâ quâ cœ-  
pimus, pergimus. fluat clepsydra, immineat iudicium, Orcus mine-  
tur, moneat Angelus, mors instet, nos verò pergimus, & in dulcem  
declinamus lumina somnum. ô miser, quisquis es.

——— *potes hoc sub casu ducere somnos: a*

potes conscientiam peccati mortalis ream ad lectum deferre, potes  
in tanto æternæ mortis periculo soporem, mortis fratrem admitte-  
re? possum, inquis, possum; nec aliquid inali mihi vnquam eue-  
nit. ne fidas, vnica horâ euenire potest, quod mille horis non eue-  
nit: nondum euasisti. & cogita obsecro, quanto spatio anima tuâ  
distet à morte, ab inferis, ab æternitate? vnico certè halitu. verissimè  
tu quoque dices: vno tantum gradu, ego, morsque diuidimur. non  
magno apparatu opus est, vt mors te sternat, neque tota telorum  
pharetra exhaustiunda, vt cor tuum transfigat: vnus sagittulæ mu-  
cro, vitâ te omni spoliabit. Ecce aura malignior & corruptior te  
afflat vel humor aliquis è cerebro in pectus subsidit, vel aliquod ali-  
cubi ostiolum in corpore obsepitur, aut cordis calor subito suffoca-  
tur, aut arteriæ pulsus intercipitur, & totum tuum viuere concidit,  
tûque te prius ad æternitatem abreptum esse miraberis, quàm me-  
tueres abripiendum. mille sunt non tantum tardæ, sed & repenti-  
næ mortis viæ. mors illa maximè improuisa est, cuius vita præce-  
dens non fuit prouida. mors impræmeditata, mors pessima. ideo  
salubriter consultum est omni ætati, vt omnem diem sibi credat vl-  
timum, imò omnem horam putet extremam. Quot hominum  
subito sunt extincti, lapsu, laqueo, veneno, gladio, flammis, vn-  
dis, leonis vnguibus, aprorum dentibus, equorum calcibus, mille  
mortis causæ, quotquot corpori sunt, non dicam sensus, sed & po-  
ri, tot & mortui sunt fenestræ, per quas irrepit & iugulet. Natus es,  
ait Augustinus, certum est, quia morieris: & in hoc ipso quia mors  
certa est, dies mortis incertus est. nemo nostrum scit, quàm propè  
versetur terminus. *nescio*, ait Iob, *b quamdiu subsistam, & si post modicum*  
*tollat me factor meus*. mediâ vitâ in morte sumus, quàm in sinu semper

a Virg. 4. Æneid. b Iob. 3. 1.

circumgestamus, & cui exploratum est se ad vesperam victurum. huic hominum latroni, Morti dico, mille nocendi artes, innumera fulmina, tonitrua, ignes Phrygiæ & Græci, sagittæ, gladij, falaricæ, falces, fundæ. exemplis opus non est quæ à priscis petamus, sat recentium habemus. nōne multi, nobis non ignoti, dum dormierunt, mortem ipsam obdormierunt, non excitandi ante supremum diem. non semper Mors nuncios aut Feciales mittit, qui aduentum suum significant; sæpissimè adest inexpectata, & sine omnibus ceremonijs inertem hominem inuadit, sternitque. vigilate itaque quia nescitis neque diem neque horam. Est quidem in inferno penitentia, sed non vera, & sera nimis. nunc tempestius clamor est: *Facite fructum dignum penitentia.* a venit nox, quando nemo potest operari; b operamini ergo dum dies est dies, inquit Origenes, c huius sæculi spatium est. qui quidem dies nobis longus, sed si cum Æternitate conferatur, est breuissimus, quam tamen diei breuitatem, infinita sequitur Æternitatis prolixitas. ô mi homo, tu præsertim, qui peccati grauioris conscius tibi es, Æternitatis ostium contemplare, & mortem cogita. incertissimum est quo te illa loco expectet, tu itaque illam omni loco expecta. qualem te inuenerit Dominus cum vocauerit, talem pariter & iudicabit.

a Matth. 3. b Ioan. 9. c Orig. hom. 10. in Matth.

## CONSIDERATIO OCTAVA.

*Quomodo Christianis non tam pingenda, quàm meditando  
sit Æternitas.*

**O**Rdo postulat, vt à p̄sente regio, alijsque Æternitatem meditantes, in nos ipsos descendamus; nobiscum ipsi habitemus, & saltem subinde domi, & apud nos simus; nimis procul à se suaque salute abit, qui quod transit, videt; æternorum obliuiscitur.

Nōrunt Iurisconsulti, ius illud quod de solis tribus obolis est, deferendum non esse, si ius sit perpetui & æterni census. magnum inesse censetur pretium tribus tantum quadrantibus, si singulis ij annis sint suo domino pendendi, tanti est rei vel vilissimæ perpetuitas. quod si ius trium obolorum persequeris, mi homo, & quī sit quod in hæreditate regni æterni adipiscendū, tam socors sis, & oscitabundus? De tribus obolis bellum alteri moues, & prolixum instituis litigium: cælum alijs rapiendum permittis: nimirum res vilis



*Ita est cælum*: certè apud te, qui tam parum pro cælo laboras. omnia alia tanto quæris ambitu, tanto conatu & sudore: de æternis, vt quæ procul distare videantur, vix cogitare vacat, & cum vacat, non libet. res morosa videtur, mentis oculum fatigare in ijs quæ peruideri nequeunt. vicina & præsentia magis delectant.

Hic, si sapiamus, mirabimur nostram ipsi cæcitatem, aut veriùs insaniam, quòd cum in plerisque omnibus, præsertim vbi pecuniaria causa est, velimus esse certi, at verò cum de thesauris æternis agitur, nulla quærat, cum haberi possit aliqua certitudo, vel, vt vocant, assicuratio. quis mutuas dat pecunias, qui non in vicem litteras postulet, aut pignora? omnium hoc in ore est: certus esse volo, cupio assicurari. viam ibo tutiorem, aleam subire non placet: præsentia & certa vbique præpollent incertis & longè disitis; melior est passer vnus in manu, quàm decem aut viginti in tecto: charior nobis est regulus in caueâ, quàm aquila in nubibus. nimirum cum Plauto sentimus, & tum credunt manus nostræ cum sunt oculatæ. Itane, ô mortales, certitudo vobis quæritur rerum incertissimarum, & tunc maxime fallentium cum manu tenentur; de vitâ æternâ tam non curatis esse certi: nôrunt Christiani quam hic assicurationem aut certitudinem posuerit Rex cæli, Christus: Si vis ad vitam ingredi, *serua mandata*. a qui seruat, ingreditur: res certissima, via securissima est: at verò qui vel in vnicum ex his præceptis peccat, poenitentiam insuper differt, nec eâdem quâ peccauit horâ, offenso se Deo reconciliat, is se suâque omnia, is corporis & animæ salutem æternam, aperto committit discrimini. tribus digitis (sed nec tantum) à morte abest, cum mille mortis causas, intra se contineat, & tamen in illo damnationis statu temerarius persistit, in quo si mortem obiret, periret in omnem æternitatem. an non hoc est temerariè agere, & alex periculosissimæ, quam faciliè vitare posset, æternas diuitias committere.

Quòd si tot anni in inferorum cruciatibus essent explendi, quot peccata quis patrasset, aut etiam quot horis vixisset, quàm id esset tolerabile? at reuera sic plures viuerent inimici & hostes Dei: si ad certos tantum annos ignis ille duraret: nam plurimi ne sic quidem terrentur, cum sciant supplicia illa æternum, & in infinitos annos duratura, eâque esse tanta tamque immania, vt pars horæ in ijs consumpta, videatur annus, nam si conflaretur in vnâ quasi massam id quod homo centenis annis in hac vitâ perpeti potest, putâne annum vnum apud inferos exigendum æquaret? siccarij, latrones,

parricidæ, & quoruncunque scelerum rei triduo aut quadriduo, omne sibi debitum supplicium exhauriunt: dirissimè quidem torquentur, sed intra paucos dies omnis hæc stat tortura, & tota vnus circumactû hebdomadis absoluitur. At verò damnatorum tormenta non vno anno, nec sæculo vno alteròue concluduntur: Deus hoc semper punit, neque vnquam satis punit, etsi totâ puniat Æternitate.

## §. I.

*Non rem tantum, sed & spem omnem Æternitas præscindit.*

**S**pes in hac vitâ sic habet, vt sæpe sola hominem, in miserijs solatur, ad subleuandam enim hominum lassitudinem, spe nihil est efficacius, & diuina lenitas plerunque aliquam in aduersis spem salutis reliquam facit. ægroto dum anima est, spes est. post hanc vitam, hoc vltimum rerum aduersarum solatium, damnatis penitus ademptum est: spe sublatâ, sola remanet æterna desperatio. Vidit & audiuit Daniel Propheta, clamantem Angelum: *a Succidite arborem, & præcidite ramos eius: excutite folia eius, & dispergite fructus eius. Geruntamen germen radicem eius in terrâ siniste.* florem, inquit Ambrosius, & folia decutit, radicem seruat. deliciæ hîc auferuntur, poenæ infliguntur: spes tamen non adimitur. en, radix seruatur: spes manet. Apud inferos, radicitus & stirpitis euulsa est. non relinquet eis germen, neque radicem, clamat Malachias. *b* Iobus etiam dolens: *Et quasi auulsa,* inquit, *arbori abstulisti spem meam.* *c* Spes impiorum peribit. *d* Ergo, dum possumus, sed simul etiam id quod debemus, speremus. Ouidius olim monet:

*Omnia sunt hominum tenui pendencia filo.*

*Et subito casu, quæ saluere, ruunt.*

His ergo fidendum non est, nec sperandum in his. Bernardus viam monstrat meliorem, his verbis *e* Dicit fides, parata sunt magna, inexcogitabilia bona à Deo fidelibus suis: dicit spes, mihi illa seruantur: nam tertia, charitas: curro ego, ait ad illa. spes vera, vti D. Gregorius affirmat, in æternitatem animum erigit, & idcirco nulla mala exterius, quæ tolerat, sentit. Spes vera, omnia *modicum* quid, & ~~momentum~~ esse non nescit. sed *ô momentum*, à quo tota pendet ÆTERNITAS! *ô hora mortis & extremi agonis dies* propriè momentum illud est, & illa pretiosa margarita, ob quam prudens mer-

*a* Dan. c. 41. *b* Malach. c. 4.

*c* Cap. 19. *d* Prou. c. 10. *e* Ser. m. 10. in Psal. 91.



ator omnia vendit, ut illam emat. sed pauci norunt huius unionis pretium. D. Hieronymus affirmat, & pro æternâ salute, inquit, omnis admodum homo negligens est. sed unde neglectus iste in re summi momenti? oculos, miseri, habemus imbecilles & malos. cominûs satis videmus, eminûs vix quidquam. de adultis & senibus non loquar: pueri puellæque à cunis recentes, & quibus nondum omnes dentes nati, vitiorum elementa accipiunt, & minimas auaritiæ sordes ediscunt: mox acquirendi docentur insatiabile votum; norunt itaque quid lucro, quid crumenæ, quid penori faciat; de mercimonijs loqui possunt, & vina iudicare, & vestium peregrinas formas dictare norunt, nimirum

*Hoc monstrant Setula pueris poscentibus assens,*

*Hoc discunt omnes ante alpha & beta puella;*

*Inde ferè scelorum caussa — a*

Inde etiam tanta rerum æternarum aut inscitia, aut obliuio; iuuenes senesque numi pretium probè intelligunt, cæli & Æternitatis ignorant. Sed pergamus vterius.

a Iuvenal. sat. 14.

## §. II.

*Æternitas mare est, triceps hydra est, sed & fons est  
omniū gaudij.*

EXte potissimum, mi Christiane, qui concioni sæpe interes, sed fortasse rarò attentus es, quæritur. si tu ad mare stes, illudque minuto cochleari exhaurire instituas, in proximum à latere vicino riuulum, qui tamen ipse etiam mare influat, & sic omnia quæ mari ademerat, à mari resorbeantur; dic iam, quamdiu in exhauriendo mari laborabis? quod si dolio haurire liceat, & in flumen aliorum derivatum effundere, quot annis vel hac ratione hauriendum tibi esset, dum in alium alueum mare transfunderes? interea temporis in flammis sedere, infandum esset tormentum, damnatis tamen gratissimum pactum, & moram dicerent non longam, modò demum sic finiendam, ut euadere liceret Æternitatem.

Finxerunt prisca tricipitem nescio quam hydram, cui reflecto vno capite, mox aliud atque aliud subnasceretur hydra hæc verè apud inferos est, si est vspiam, illic enim æternitas triceps, quæ ad pœnam damni, pœnam sensus, & verinem conscientie nunquam moriturum, velut trigemina capita præfert. heu miseros nos & rerum

rerum maximarum improuidos, qui viam habemus tam breuem quam periculofam, in eâ tamen adeò hilares fumus & petulanter læti, perinde atque si per paradifum & amœniffima tempe deambulemus, fecuri ab hoftibus, iam iam in patriâ tutò locandi. nescire tamen fine culpâ non possumus, peruenturos nos demum ad geminas portas duplicis Æternitatis, quarum illa beatorum, hæc damnatorum eft; per harum alterutram ingrediendum, prout nimirum in viâ nos gesserimus,

Laurentius Iuftinianus hanc hilarem viatorû infaniam miratus: *è mortuum, inquit, lugenda conditio. quæ cum fit exul à patriâ, exultat in viâ!* differamus ergo tantisper vaniffima gaudia, dum patriam contingamus, & hoc vnum agamus, vt per illam admittamur portam, quæ principium eft æternæ beatitatis. Creauit nos quidem Deus ad delicias potiùs quàm ad labores, verùm hîc neque locus neque tempus eft deliciarum, fed laborum. Æternitatem Deus delicijs assignauit, huius verò vitæ spatium ad delicias illas promerendas concefsit. Et quò, inquis, obfequio eas promerebor? Oraculum nôfti? Regnum cælorum vim patitur, & violenti rapiunt illud. Cogita tecum: Egône violentus ille? nimirum in plumis, in poculis, in tripudijs, in delicijs. Ah! certandum eft generosè, currendum strenuè, dum viuimus, & vigemus, vt in vltimo vitæ articulo, in ipfo Æternitatis horizonte, qui nos in perpetuum ab hac vitâ determinabit, & in aliam, quæ totius Æternitatis eft, transcribet, de vitâ tranfactâ gaudere, de futurâ optimè fperare possimus. Laboremus, ergo, laboremus, & vim nobis inferamus. fic latentem in tempore fempiternam quietem, & æternam sub paucis diebus occultatam gloriam afsequemur.

Verum solidumque gaudium non in vanis his delectatiunculis, fed in æternis voluptatibus quærendum eft. Ascendit hedera super caput Ionæ vt effet vmbra super caput eius. *Et latatus est Ionas super hedera, latitia magna.* b Et quid demum eft omnis huius Mundi seu voluptas, seu vanitas? an non virens hedera, quæ textili filuâ per parietem inferpit, lætâque supra caput vimbram explicat? Lætantur opulenti lætitiâ magnâ, sub vmbâ suæ hederæ, fuarum opum: lætantur gulosi & ebriosi sub vmbâ fuarum menfarum: voluptuosi sub vmbâ deliciarum fuarum, at extrema lætitie, luctus occupat. Parauit Deus vermem & percussit hederam, & exaruit. vbi nunc, mi Iona, tua eft hedera, & vbi lætitia tua? exaruit & illa, & ifta, ita prorsus hederæ noſtræ exareſcunt, ſimulque cum illis



omne illud umbratile gaudium. gaudium enim hypocritæ ad instar puncti est; æternorum bonorum gaudium est æternum.

a Iob. 20.

### §. III.

*Æternitatis gustus quanti sit, illustri exemplo declaratur.*

**V**Idit hoc, & maturè, Theodorus, æ annis adolescens, sed certè iudicio senex. Christianis ortus parentibus. Hic, die toti Ægypto festâ, cùm in amplissimâ parentum domo risus, cachinni, tripudia personarent, cùm geniales mensæ ad epulas inuitarent, ipse clauso sed casto ingemiscens vulnere, secum ipse sic expostulare cœpit: Infelix Theodore! & quod inde tibi lucrum, si inundum lucreris vniuersum? multa habes, & quamdiu habebis? abundas, epularis, tripudias: & quamdiu hæc omnia? equidem placeret & saperet hæc viuendi ratio, modò diu placere posset & sapere. ecquid autem? delicias has retineam, perdam æternas? dic Theodore, num hoc Christianæ legis est, in terrâ sibi cælum effingere, & per delicias ad delicias transire velle? aut ego me valdè fallo, aut Christus per spinas eundum dixit. Abrumpe, & breuibus gaudijs præfer æterna. Dixit, & inadentibus oculis in penetrale in domum se recipiens, ibique solo se absteruens, sic precari cœpit: Deus æterne, cor meum tibi patet, meus ad te orator, meus est gemitus. quid à te petam, aut quo modo, vix ipse satis scio. hoc vnum, ô mi Deus, vnicè deprecor, ne me mori sinas, æternâ morte. Domine, tu scis, quia amo te, & cupio esse apud te, & laudare te æternum: Domine miserere. Dum hæc orat, interuenit mater, & rubicundulos madidosque oculos, curiosa obseruatrice statim animaduertit, & vnde, inquit, hic mœror mi fili? & quæ hæc tua solitudo hoc die? iam mensa te vocat; tu vnus desideraris. cui Theodorus: quæso te mater, inquit, meam à mensâ absentiam honesto purga nomine: nauseanti stomacho cibum vel potum obtrudere, nec ipsa tu suaferis. Ita clementi dolo matrem à se remouit, ipse solus cum solo Deo penitiùs in æternitatis adyta est ingressus, cœpitque vitæ suæ statum omnem attentâ cogitatione rimari: & Quis (inquit ipse secum) hætenus fui, aut potius, quis deinceps esse volo, si quidem Æternitatis regno nolim excidere? varia ad cælum via est, alius hac it, alius aliâ. modò perueniatur, quid refert, quâ? quando tamen non omnes viæ similes, & nos quoque dissimiles, deligenda cuique ea est, quam sibi nouit commodam. Alia breuior, alia longior ac periculosior.

Si timeam in longâ ac periculosâ, superest brevis ac secunda, quam si eligam, sine dubio mecum gaudebunt Angeli. At mei tristabuntur? initio quidem, postea verò forsan & ipsi gaudebunt. Age Theodore, modo non in longum differ, & noli nimis cedere. Spero sanè me fore fortem, vbi fortes aduersarios inuenero. quid si habiturus sim molles, blandientes, illacrimantes? hîc plus mihi metuo: Sed, obfirma animum, & quem à naturâ flexilem habes, à Christo infractum impetra. At, quid si mater vbera ostendat? scis, quid S. Hieronymus dicat? ad vexillum crucis euola, virtus est in hac re esse crudelem. Aliam habes & maiorem matrem, quæ sua pariter ostendit, & est illa patrona tua beatissima Virgo, quæ tibi deinceps instar mille matrum erit, si tu fueris eius filius. At res ardua est, hæc vitæ mutatio, præsertim in ipso æui flore. Est ardua, fateor. Sed experientia loquitur: plerique hoc ipso malè Deo seruiunt, quòd serdè seruiant. rectissimè omnium illi, qui ab adolescentiâ Domini iugum portare deuicerunt. At, delicatè hætenus nutritus sum, nunc asperam vitam ingrediar? ferre potero? Spero. sed quam diu? in annum vnum alterumue? hoc satis non erit, vltra tendendum est, & ad finem vitæ. Perpende itaque, & aut non incipe, aut fini. Puto me in his superandis solum non fore sed cum socio Deo. Verum id quidem est, at contra assueta tendere difficillimum est. hætenus vitam duxi nobilem & liberam, nunc humilem & seruilem ducam? quamdiu ducam? non licet breuem hîc comœdiam cogitare, vt vnum aut alterum diem, hanc personam sustineam; hîc vltimus actus agitur, cum agitur anima. Longa erit theatri huius molestia, & ad sericum aut purpuram redire, non concessum, nisi vbi indueris immortalitatem & vestem gloriæ. ô Theodore, quid facies in hac tam diuturnâ scenâ? Ad alios actores attendam; inter ceteros video Christum Dei filium, ignobilem, humilem ac simplicem quæuis seruilis pati & agere. quid mihi faciendum, nunquid illo sum melior? At reuera durum est in has sese angustias redigere, & quendam quasi carcerem ingredi: Vide, voluntas tua in posterum erit alterius, & facies quod volet alter. Hîc quoque quem sequar Christum habeo, qui non venit suam facere voluntatē, sed patris qui in cælis est. Nec mihi difficile fuerit, alienum sequi ductum, si ducentem intuear. quis est, qui iubet? homo vocem profert, Deus imperat, cui si obedientiam non promitterem, deberem. At profectò nimis alta hæc philosophia est, à locuplete in pauperem transire vitam: quid facies? mendicandum.



dicandum tibi erit, qui mendicantibus dare poteras. delicias quas non habebis, noli querere.

Quid tamdiu mecum ipse litigo? quid fluctuo in hoc spei & timoris Euripo? exemplum domini mei non ante me cerno? non in oculis est Christus cruci suffixus, illusus, infanda passus? Ille, cælestibus relictis thesauris, in hanc inopem venit terram. quid habuit? ortus & occasus eius ostendunt; in illo non habuit, quod diuerteret, in hoc non habuit quo se tegeret: Nudus obijt. Per vitam qualis? in fugâ, in itinere, in siti, in æstu; quàm agendo indefessus, quàm patiens perferendo! quæ docuit, hæc & fecit. quis tam attentus ad paupertatem, tam promptus ad labores, tam mitis ad contumelias? Istius me ducis pudeat, inter huius me comites censerì erubescam? aut Theodorus non ero, aut ero talis, qualem me esse vult Dominus meus Iesus. paratus sum amore illius & algere, & esurire, & sitire; paratus contemni, vinciri, vri, secari: brevia sunt hæc, nec possunt esse diuturna: sola Æternitatis vel gaudia vel tormenta verè sunt diuturna. ite caduca, flocci vos facio, sola mihi in voto est ÆTERNITAS.

Adeo incaluit hoc cogitationum æstu, ut iam solam arderet Æternitatem in cælo. Itaque decreuit, numis, parentibus, delicijs, longum & æternum dicere VALE. firmando huic suo decreto non tam præcipitanter egit quàm constanter. non statim is fuit, qui esse cupiebat, sed tandem fuit, hoc est, Pachomij discipulus. Tragœdia hunc prologum non vna est secuta, sed contra morem tragœdiæ, post triste principium læto exitu. Ita Theodorus, ipsis Æternitatem medullis combiberat, ut mundo fieri fabula non recusaret, modo ille non crederet cum mundo, fabulam esse Æternitatem.

Vultis, mei Christiani, à Theodoro, imò à magno Paulò, imò ab ipso Christo audire verbum verum & serium? Sic plerique vivitis, ac si fabula sit omnis Æternitas. Lata porta est & spatiosa via, quæ ducit ad perditionem, & multi sunt qui intrant per eam: certe non intraturi per hanc, si crederent, illic quâ intrârunt, æternum se permansuros. ita vobis pia fabula est Æternitas. At credimus (dicetis) Æternitatem, speramus, cupimus. Quæso vos, quantilla hæc spes, aut fides, quàm frigida hæc est cupiditas? præsens voluptas, moneta in manu, blandimenta carnis tam ingeniosè fallunt multos, ut in eis omnem Æternitatis amorem suavi obliuione paulatim extinguant. Millies quidem clamatur: *Hæc dicit Dominus*, *hæc præcipit Deus*: millies hoc auditur, sed & millies negligitur. di-

eat Dominus, præcipiat Deus, hæc via nobis placet, *post cogitationem enim nostras ibimus, & sensusque prauitatem cordis sui mali faciemus.* Ideo hæc dicit Dominus: *Interrogate gentes, quæ audiunt talia horribilia:* an illi sine Deo populi, si hæc ÆTERNITATIS arcana scissent, eadem sic contempnissent? Bene est, mei mortales; clamaui, & non audistis, vocaui, & renuistis; extendi manus meas, & non aspexistis: ego quoque in interitu vestro ridebo, cum irruerit repentina calamitas, & interitus quasi tempestas ingruerit, *b* cum tota vos oppresserit ÆTERNITAS. Si vos hoc in statu mors feriat, iam lata est sententia, iam clausa est ianua: abite, æternum miseri, æternum damnati.

Euigilate itaque, Christiani, euigilate: ad ianuam stat iudex: momento fiet quod tota doleat Æternitas. Magnus ille Antonius in quadam ad suos concione: Hic, ait, mei fratres, sunt æqualia rerum pretia, in vendendis rebus & emendis. tu mihi decem das aureos, tantiuis pretij ego tibi do arcolnata. quinquagenos ego tibi florenos numero, tantidem tu mihi frumentum rependis. alia longè ratio est, in ijs quæ æterna sunt, comparandis. æterna vita, villi prorsus stat pretio. obolus vnicus, cum toto auri millione, iustius comparari potest, quàm omnis labor noster, cum cælesti beatitudine. in psalmis lego: *c* dies vitæ nostræ septuaginta anni, si multum, octoginta: quidquid reliquum est, labor & dolor. quocirca si octoginta, aut si centum, vt plurimum, annis, Deo fideliter & feruenter seruierimus. omnium sæculorum regnum obtinebimus, & non centum duntaxat annis regnabimus; cælum hæreditabimus: non terram. Ergo, filioli, non vos aut tædium fatiget, aut variæ gloriæ delectet ambitio. non enim sunt condignæ pansiones huius temporis, ad superuenturam gloriam, quæ reuelabitur in nobis. nemo, cum mundum deseruerit, ingentia se reliquisse arbitretur, omnia enim terrarum spatia, ad cælorum infinitatem comparata, breuiâ sunt & angusta. & licet opes nostras retineamus, lege mortis ab illis diuellemur inuiti. quin ergo virtutem teximus è necessitate, vel breui amittenda, sponte amittimus vti exigua, in maxima recepturi? hæc fusiùs narrat Athanasius. *d*

S. Pachomio vsitatissimum fuit, & perpetuum, vt quotiescunque mentem illicita titillaret cogitatio, eam Æternitatis memoriâ repelleret; recurrenti opponeret æternas pœnas, dolores sine fine, vrentes, ignem inextinguibilem, & vermem nunquam omnino morientem.



Temp. quare considerationem istam hic ipse D. Pachomius verbis suis finiat: ante omnia, inquit, præ oculis habeamus diem ultimum, & momentis singulis, supplicia timeamus dolorum **ÆTERNORVM.**

## CONSIDERATIO NONA.

*Conclusiones aliquot, dictorum de Æternitate.*

### I. Conclusio.

**N**ON tantum non eloqui, sed nec cogitatione satis assequi potest ullus hominum, infinitam **ÆTERNITATIS** longitudinem. inter hominem verum & sculptum, ignem verum & pictum, maxima est differentia, & tamen hæc etiam suo sibi modo simillima dicuntur. at inter nostrum & tartareum ignem, inter nostros & tartareos dolores, nulla est, nulla penitus comparatio, nam illorum mensura **TEMPVS** est, istorum **ÆTERNITAS**. Christus id in palmitē eleganter exprimens: *a* *Si quis*, inquit, *in me non manserit, mittetur foras sicut palmet. & arefcet, & colligent eum, & in ignem mittent*, **ET ARDET.** hinc **ÆTERNITAS** breuissimè, vnico nimirum verbo, & optimè descripta est. omnia alia Christi verba futuri habent discrimen: arefcet, colligent, inittent; non ardebit, sed **ARDET.** iste damnati hominis status erit. ibunt mille anni, **ET ARDET.** iterum mille anni transibunt, **ET ARDET,** sicut in principio. iterum atque iterum milleni anni præteribunt, **ET ARDET,** sicut cœpit. quod si post aliquot annorum milliones quærat: homo ille ante tot millia annorum damnatus, quid facit, quid eo fit? responderi aliud non poterit quàm hoc ipsum, **ARDET,** ardoribus continuis, infandis, æternis: ex æuo in æuum sic erit. In hunc locum pulchrè Augustinus: *b* *Vnum de duobus palmiti congruit, aut vitis aut ignis: si in vite non est, in igne erit. vt ergo in igne non sit, in vite sit.*

*a* Ioan. c. 15.

*b* Tract. 81. in Ioan.

### II. Conclusio.

**S**I scirent, qui in peccato mortali sunt, quàm vicini sint **ÆTERNITATI**, & tormentis æternis, cum possint vnico Dei nutu (sic loquimur) morti, & ab hac diabolo tradi, totum Hispaniarum regnum, omnes Asiæ thesauros, totum mundum donari sibi nollent: ea lege: vt vel vnica horam confessionem & pœnitentiam differ-

rent, multò minus vt cum peccato tali, cubitum facefferent<sup>a</sup>. quid enim prodest homini si totum mundum lucretur, animæ verò suæ detrimentum patiatur? <sup>a</sup> omnia si perdas, ô homo, animam seruare memento. Omnia pænè membra amisit, Arialdus Mediolani diaconus, homo patriâ nobilissimus, nam Marchionis frater fuit<sup>b</sup>, sed & vitâ sanctissimus, vt qui constantissimè hæreticis, aliisque flagitiosis hominibus restitit<sup>c</sup>, deinum ad necem ductus est: aures ei præfectæ, superiora labra mutilata, præcisæ nares, lingua sub gutture euulsa, oculi effossi, dextra amputata, taceo cetera. hic Diuus in corpore verè perditissimo, seruauit animam, & vitam vt acquireret, vitâ perdidit. <sup>b</sup> Anno à pariente virgine, millesimo sexagesimo sexto.

<sup>a</sup> Matth. 16. <sup>b</sup> Synus presbyt. in eius vitâ. ad Rudolph. abb. Vallis umbr.

### III. Conclusio.

**P**ARS magna Christianorum etiam Catholicorum, gehennæ & cæli ÆTERNITATEM esse, non credunt. certè aliter viuerent, si id verè crederent. in hos illud conuenit: <sup>a</sup> *Falsus hominû sensus, putas fidem inueniet in terrâ?* sunt qui videri velint id credere: verbis agunt, factis negant. hi ÆTERNITATEM aut nunquam, aut rarissimè cogitant, & cogitant tantum, non perpendunt, non inhærent, non examinant, intellectum & voluntatem non concitant, imaginationi nil imprimunt: vix incipiunt, & mox aliò euagantur, & si quid forsitan scintillæ bonæ ex hac cogitatione natum est, id omne protinus euris, negocijs, voluptatibus, velut aquâ suffocant. ita plurimi clausis oculis, & obturatis auribus, viam ineunt ÆTERNITATIS ad mortem. quod SS. Patres in Euangelico epulone obseruant, eum tunc primum leuâsse oculos, cùm esset in tormentis: totâ vitâ oculos habuit clausos, maxime pauperibus, sed & omni pietati: apud inferos primum aperuit, sed nimis serò. nec est quod miremur, multos ita cæcos, manibus & pedibus properare in domum æterni luctus. via admodum ampla est, amœna, lata, plana. in viâ hac nemo errat, sed in viæ fine. via pluribus placeret, sed displicet terrêque viæ terminus. ideo prudenter malunt viam aliquamdiu asperam, quæ tamen ducat ad hospitium perpetuò beatum, quàm viam breui amœnitate ridentem, sed quæ ducat ad carcerem, perpetuis lacrimis & cruciatibus destinatum. verè Iob: <sup>b</sup> *Sicut, inquit, consumisti nubes & pertransis, sic qui descenderis ad inferos non ascendet, nec reuersetur ultra in domum suam, neque cognoscat enim amplius locum eius.*

### IV. Conclusio.

<sup>a</sup> Luc. 18. <sup>b</sup> Iob. c. 7.



IV. *Conclusio.*

**Q**uiscunque subinde serio in *ÆTERNITATIS* cogitationem descendit, is non tantum non licenter & petulanter viuere, sed nec effuse sapius ridere & cachinnari deprehendetur. quotquot ex mortuis, alterius vitæ rationem inspexerunt, & rediuiui ad nos redierunt, non facile risisse visi sunt. id singulariter in illo Christianico, & Bethania Lazaro est obseruatum. potuerunt hi omnes cum Ecclesiaste de se affirmare: *a* *Risum reputaui errorem & gaudio dixi, quid frustra deciperis?* iure timidum in hoc fatetur se Cyrillus Alexandrinus, & gehennam, inquit, timeo, quippe interminatam, pestiferum vermem formido, quippe perennem. Vanam saperent & intelligerent ac nouissima prouiderent! *b* *Quem hæc ÆTERNITATIS cogitatio ad meliora non impellit* (dicam breuiter, sed dicam verè) aut is fidem non habet, aut, si fidem habeat, cor certè & sensum non habet. Non absurdè olim vir doctus affirmauit, nuptias esse breuem & lætam cationem, sed habere longum & inæstum epiphonéma. sic verissimè dicemus: peccati voluptas omnis, breuis & hilaris est cantiuncula, sed longissimum habet & tristissimum epiphonéma, tormentum *ÆTERNVM*: ô *Æternitas*, ô *Æternitas*, *Æternitas*!

*a* Eccl. 2. *b* Deut. 32.

V. *Conclusio.*

**C**um de *Æternitate* sermo est, nemo nimium dicere, aut rem nimium augere potest. quicquid dicatur, nulla est hinc exaggeratio, nulli nimis extensi numeri, semper minus dicitur, quod de infinito & æterno dicitur. nam hoc habet *ÆTERNITAS*, integra est quicquid inde demas. demantur tot anni quot sunt stellæ cæli, guttæ maris, arenæ granula, folia arborum, terræ gramina; adhuc tota est: addantur tot, non erit maior. quamdiu Deus erit, tamdiu damnatos puniet. hoc aliquot similitudinum umbris supra demonstrauimus; addamus nunc aliam è D. Bonauentura. *a* Si damnatorum quispiam ita ploraret, vt singulis centenis annis, non nisi vnâ lacrimulam funderet: hæc autem guttulæ tot annorum centurijs asseruarentur, vt demu in mare aliquod æquarent; eheu, quot annorum milliones erunt reuoluendi, dum vel riuius, ne dicam Oceanus fiat. & tamen tunc verè dici poterit, *ÆTERNITAS* primum incipit. sed fiat hoc iterum, & alius seu fluuius, seu mare, ex his tam raris guttulis colligatur, iterum toto illo tempore ex-

actō dicendum erit, nunc incipit ÆTERNITAS, & sic deinceps in infinitum. nihil hîc est quod quis addubitet, nam finiti ad infinitum nulla est proportio. At hoc nobis ideò mirabile videtur & incredibile, quia id imaginatio nostra non capit; nequit assequi tam remota; non penetrat hîc, infinitum est, impenetrabile est. & hæc etiam causa aliqua, quòd intellectus noster ad cogitandam ÆTERNITATEM tam difficulter adducatur, quia erubescit quodammodo, aut indignatur in eo se fatigari, quod penetrare non possit. sed huic malæ verecundiæ cedendum non est. impellendus & cogendus est intellectus, vt saluberrimam hanc cogitationem quotidie suscipiat, & saltem in his talibus similitudinibus perpendendis sese exerceat. nunquam errabit, nunquam nimis multos, nunquam tot annorum miliones cogitabit, quin sint plures atque plures in infinitum. res hæc certa est & extra controuersiam.

Daniel vates quò ÆTERNITATIS incomprehensibilem extensionem melius efferret, hoc pronunciauit: *a Qui autem docti fuerint, fulgebunt quasi splendor firmamenti, & qui ad iustitiam erudiunt multos, quasi stella in perpetuas æternitates.* quod ita enunciauit, ac si dixisset: ad explicandam ÆTERNITATEM verba non suppetunt; non possum plus dicere, etsi plus esset dicendum. in quo tamen, auxesin duplicem verbis addidit Propheta, cum ÆTERNITATES, dixit, & PERPETVAS. & quidem, si vna est interminabilis, quid erunt duæ, decem, centum, mille, imò perpetuæ? quod si annum, aut annos MAGNOS millies multiplicatos ÆTERNITATI conferamus, ecquam illius partem explicabimus? aiunt octauum cælestem orbem plusquam lentissimè moueri, & licet quotidie primi mobilis raptu circumuoluatur, suo tamen motu non nisi singulis triginta sex millibus annorum, in orbem plenè circumuoluendum, & hoc temporis spatium, *Annum magnum, annum vertentem & Platonium* appellant. comparemus hoc totum cum ÆTERNITATE, & ad illam nonnisi momentum, instans, horologij minutum erit. Verè dixit Boëthius: instans seu punctum temporis, & decem millia annorum, sibi similia sunt, quàm decem millia annorum & ÆTERNITAS. S. Ioannes: *b Folioli*, inquit, *nonissima hora est.* & tamen hoc ante mille sexcentos annos dixit. verissimè ergo, dixit D. Augustinus: *c omnis res quæ finem habet, brevis est.* ÆTERNITAS in verbo quatuor syllabis constat, in se sine fine est. Ama æternitatem; nullo fine regnabis cum Christo, si finis tibi Christus est.

a Dan. 12. b 1. Epist. c. 2. c In Ps. 145.

VI. Conclusio.



VI. *Conclusio.*

**C**redibile non est, hominem, præsertim pristâ religione imbutum, tam impotentis & effrænati animi reperiri (modò non viuat vt pecus & studio in præceptis eat; nam, impius cum in profundum peccatorum venerit, contemnit) a qui si semel de die, vel horulæ partem, huic ÆTERNITATIS meditationi tribuat, imò si quauis hebdomade vel semel de ÆTERNITATE seriò cogitet, non mutet vitam in longè meliorem, & homo fiat alius, è superbo submissus & modestus, ex iracundo mitis & mansuetus, ex impuro castus & continens, ex ebrioso temperans & sobrius. imò hic talis, verè religiosus fiet, animo certè, si non veste. Sed non raptim, non obiter & perfunctoriè hîc transeundum: trutinanda res est & perpendenda, affigenda est cogitatio, & animo reuoluendum identidem ÆTERNVM, ÆTERNVM, ÆTERNVM. quod nunquâ habebit finem, nunquam, nunquam; quod sæculis innumeris, incomprehensibilibus, infinitis durabit, & non cessabit vnquam durare. hoc, inquam, attentius considerandum, & velut cibus ruminandum. cibus etsi pretiosus & salubris, si non teratur dentibus, & digeratur, venenum est non alimentum; omnis generis morbos creat, hæret aliquamdiu in corpore, sed nil boni succi generat. ita prorsus, salubres sunt & sanctæ cogitationes de morte, de iudicio, de cælo, de inferis, longè tamen saluberrima est cogitatio de ÆTERNITATE, quæ meritiò dici potest quinta essentia: sed hæc veluti pretiosus cibus, non ingerenda tantum, sed & digerenda est. homo solus, curis vacuus, attentus, hæc talia inter se conferat. quod nisi fiat, panè omnis rerum diuinarum lætio, & auditio erit sine fructu, & in ventos dabitur. multi conciones multas audiunt, quædam & ipsi legunt, vix quidquam inde proficiunt, quia nec lecta nec audita expendunt. transeunt omnia, & antequam in opus prodeant, elabuntur. imemorandum est non nihil auditis & lectis, & voluntas ijs erudienda. hoc à beatissimâ virgine Dei matre discimus: *Maria autem conseruabat omnia verba hæc, conferens in corde suo.* b

a Prou. 18.

b Luc. c. 2.

VII. *Conclusio.*

**N**eimo credit, aut certè nemo intelligit & perpendit, hæc Christi clarissima verba: a. *Intrate per angustam portam, quia lata porta & spatiosa via est quæ ducit ad perditionem, & multi sunt qui intrant per eam, quàm angusta porta & arcta via est, quæ ducit ad vitam, & pauci sunt qui*

a Matth. 7.

G 3

inueniunt

*innensunt eam! & repetit hoc idem per os D. Lucæ. a Contendite intrare per angustam portam, quia multi, dico vobis, quarent intrare, & non poterunt. quicumque, ait Augustinus, b irridet hanc fidem, ut ideò putet non sibi esse credendum, quia non videt: quando venerit quod non credebat, erubescit, confusus separatur, separatus damnatur.*

Refert Hieronymus Platus, c non longè post institutam à D. Francisco nouam familiam, Bertoldum eiusdem familiæ virum insignem, eà dicendi vi atque libertate, contra certum quoddam vitium, pro suggestu diseruisse, ut femina eius sibi conscia, in mortuam conciderit; mox vniuersâ concione in preces procumbente, exanimem reuixisse, & cur in vitam redire sit iussa, & quid in orbe alio viderit, in hunc modum narrasse. Cum starem ad tribunal Dei, steterant vnâ mecum sexaginta millia animarum, quæ ex omnibus mundi partibus diuerso mortis genere ad iudicem euocabantur. ex omni hoc numero, tres solùm piacularibus flaminis sunt addictæ, in reliquas omnes, æterni supplicij lata est sententia. Eheu! huic feminae narranti non crederem, nisi prius credidissem Christo tam serio affirmanti: *d Spatiosa via est qua ducit ad perditionem, & multi sunt qui intrant per eam: arcta via est qua ducit ad vitam, & pauci sunt qui inueniunt eam.* quis verò credat, non sexagenis, sed tot alijs millenis millibus hominum æternum supplicium à Deo decretum esse, nisi hoc persuaderet summa & infinita Dei maiestas, & peccati contra hanc inexplicabilis malitia, & diuinæ scripturæ apertissima testimonia. Iobus trepidat: *e Vbi nullus ardo, sed sempiternus horror inhabitat.* Matthæus affirmat: *f Discedite à me maledicti, in ignem æternum.* Ecclesia pronunciat: *g Peccantem me quotidie & non me penitentem, timor mortis conturbat me, quia in inferno nulla est redemptio.* NULLA, NVLLA, sed nec vlla consolatio, nec aquæ guttula, extremo digito pendula, illuc inferri permittitur. Quod si & ij, qui in gratiâ Dei viuunt; bonæ mentis & voluntatis homines, satis caperent, quantis tormentis essent die iudicij, per iudicis sententiam liberandi, & quantis gaudijs æternum permanens cumulandi, nec horam quidem differrent, quin vana vanis, mortuos mortuis, & suis mundum amatoribus relinquerent, & ipsi eam potissimum religionem amplecterentur, in quâ Deo maxime placerent, Deumque plurimum & amarent & laudarent per omnem vitam, ob illud conferendum sibi æternum, duplex beneficium, in liberatione à gehennâ, in dona-

a Luc. 13. b Serm. 64. de verbis Dom.

c Lib. de bono stat. relig. c. 5. d Matth. c. 7. v. 13. e Iob. c. 16.

f Cap. 25. g Omnia mortu



tionē paradisi. Affirmat hoc D. Gregorius : « Mala, inquit, vitæ præsentis tantò durius animus sentit, quantò pensare bonum quod sequitur, negligit. & quia non vult præmia considerare quæ restant, gratia æstimat esse quæ tolerat. at si semel quisque ad æterna se erigat, atque in his quæ incommutabiliter permanent, oculum cordis figat, propè nihil esse hoc conspicit, quicquid ad finem currit. Idè : carmen in nocte, inquit, est lætitia in tribulatione. quia etsi pressuris temporalibus affligimur, spe tamen de Æternitate gaudemus.

Eodem prorsus modo ratiocinatus est disertè Augustinus : « cum attenderis, inquit, quid sis accepturus, omnia tibi erunt vilia quæ pateris, nec digna æstimabis pro quibus illud accipias. nam utique fratres pro æternà requie, labor æternus subeundus esset. æternam felicitatem accepturus, æternas passiones sustinere deberes. sed si æternum sustineres laborem, quando venires ad æternam felicitatem : ita fit ut necessariò temporalis sit tribulatio tua, quæ finitâ venias ad felicitatem infinitam. & appende mille annos contra æternitatem : quid appendis cum infinito quantumcunque finitum. decem millia annorum, decies centena millia, si dicendum est, & millia millium, quæ finem habent, cum æternitate comparari non possunt. Huc accedit, quia non solùm temporalem voluit laborem tuum Deus, sed etiam breuem : aliquot duntaxat diecularum est tota vita hominis. Licet ergo quis per omne vitæ spatium, laboribus, ærumnis, doloribus varijs atteratur, carcerem & plagas, famem & sitim nullo non die tolere, ad diem usque ultimam, exigui temporis molestiam subijsse dicendus est : pauci dies sunt tota vita hominis, & levis & brevis labor est, quo transacto, regnum æternum succedet, sine fine felicitas : veniet æqualitas angelorum, veniet hæreditas Christi, veniet cohæres Christus. pro quanto labore quantam mercedem accipimus.

Idem Augustinus & alibi : nimis profundæ factæ sunt cogitationes Dei. ubi est cogitatio Dei : ad præsens habenas laxat, sed postea astringet. noli gaudere ad piscem, qui in escâ suâ exultat, nondum traxit hamum piscator. nam ille iam habet hamum in faucibus, & quod tibi videtur longum, breue est : omnia citò transeunt. quid est longa vita hominis ad Æternitatem Dei : vis esse longanimis : vide Æternitatem Dei. nam attendis ad dies tuos paucos, & diebus tuis paucis vis impleri omnia : ut damnentur omnes impij, & coronentur omnes boni. istis diebus tuis vis hæc omnia imple-

ri :

a Lib. 10. moral. c. 12.

G 4

b Lib. 26. mor. 102. in c. 33. 103. c In Psal. 39. d In Psal. 91.

xi: implet ea Deus in tempore suo. æternus est, tardat, longanimitas est: tu autem dicis: ideo ego non sum longanimis, quia temporalis sum. sed in potestate habes: iunge cor tuum æternitati Dei, & cum illo æternus eris. Si iam Christianus es, & bene eruditus, dicis: Deus iudicio suo reseruat omnia. Boni laborant, quia flagellantur ut filij, mali exultant, quia damnantur ut alieni. Duos filios habet homo; alterum castigat, alterum dimittit. facit vnus malè & non corripitur à patre: alter mox ut se mouerit, colaphis cæditur, flagellatur. Vnde ille dimittitur, & ille cæditur: nisi quia huic cæso hæreditas seruetur, ille autem dimissus exhæredatus est. videt eum, non habere spem, & dimittit eum, ut faciat quod vult. puer autem qui flagellatur, si cor non habuerit, & imprudens fuerit & stultus, gratulatur fratri suo qui non vapulat, & gemit de se, & dicit in corde suo: tanta mala facit frater meus, quicquid vult facit, contra præcepta patris mei, & nemo facit illi durum verbum, ego mox ut me mouero, cædor. Stultus est, imprudens est: attendit quid patitur, & non attendit quid illi seruetur.

His ex eodem sanctissimo & doctissimo præfule, rectè coniungamus ista; tanquam hactenus dictorum epitomen. Qualis misericordia Dei? non dicit, decies centena millia annorum labora: non dicit, vel mille annis labora: non dicit, quingentos annos labora: cum viuis, labora, in paucis annis. inde iam requies erit, & finem non habebit. Et paucos annos laboras, & in ipsis laboribus non deest consolatio: non desunt gaudia quotidiana. Sed noli gaudere in sæcula: gaude in Christo, gaude in verbo eius, gaude in lege eius. Verum est ergo quod dixit Apostolus: Etenim quod ad præsens est, temporale est, & leue tribulationis nostræ, iuxta incredibilem modum, & in incredibilem modum, æternum gloriæ pondus operatur in nobis. Ecce quantum pretium damus, quodammodo vnam siliquam, ad accipiendos thesauros sempiternos: siliquam laboris, ad requiem incredibilem. Gaudes ad tempus? noli ibi fidere: tristis es ad tempus? noli desperare, non te corrumpat felicitas, & non frangat aduersitas, promittit Deus vitam æternam, contemne temporalem felicitatem: minatur ignem æternum, contemne dolores temporales.

Concludamus hæc cum eodem diuino scriptore: *b* Ergo amemus vitam æternam, & ex eo nouerimus quantum pro vitâ æternâ laborare debeamus, cum videmus homines amatores præsentis vitæ temporalis atque finiendæ, sic pro illâ laborare, ut quando ve-



nerit metus mortis, quicquid possunt, faciant, non vt auferant, sed vt differant mortem. quantum laborat homo, quando mors imminet, fugiendo, latendo, quicquid habet, dando, & se redimendo, laborando, cruciatus molestiaque sustinendo, medicos adhibendo, & quicquid aliud homo potest. Videte quàm consumptis laboribus & facultatibus suis, vt aliquantum viuat, potest facere, vt semper viuat, non potest. Si ergo labore tanto, tanto conatu, tantis impendijs, tantâ instantiâ, tantâ vigilantia, tantâ curâ agitur, vt aliquantulum plus viuat: quomodo agendum est vt SEMPER viuatur? Et si prudentes dicuntur, qui omnibus modis agunt vt differât mortem, & viuant paucos dies, ne perdant paucos dies: quàm stulti sunt qui sic viuunt, vt perdant diem æternum.

Cogitate hæc, ô mortales, & antequam æterni sitis, siue in gaudijs, siue in tormentis, ÆTERNITATEM prævidete. omnia transcunt, sola restat, nec transibit ÆTERNITAS.

## §. I.

*Æterna mortis supplicium.*

C Arcerem habuerunt Messenij subterraneum, auræ lucisque signarum, plenum stygij horroris sed vt locum funestissimum, eleganti velarent titulo, *Theſaurum*, is vocatus est, nullæ huic carceri fores erant, sed reus per funem demissus, immani saxo claudebatur. In hunc *Theſaurum* etiam magnus ille Græciæ Imperator Philopœmen reconditus est, ibique vitam veneno finijt. Et Deus *theſaurum* habet sub terrâ, sed heu qualem? sceleratorum, damnatorum, desperatissimorum hominum.

Actiolinus Patavinorum olim tyrannus (Iouius narrat) a multis habuit carceres, sed omni miseriarum & cruciatuum genere adeo infames, vt in ijs mors inter delicias haberetur, nec facile prius veniret, quàm sæpius vocaretur. quotquot eo detrusi, multo ferro onusti, foetore, fame, squalore, miserabilem in modum, & lentè necabantur: verè sentiebant se mori. hic nemo non miserrimus censebatur, nisi cui mori contigisset. morte grauius supplicium erat, cum cogerentur viui inter inortuos habitare. nam cumulabantur illic in acervos putrescentia cadauera, tantâ narium peste, vt verè diceretur, hic mortui viuos occidunt.

At horum carcerum teterrimus, cum inferorum ergastulis collatus, paradisus est & amœnum palatium. quæcunque tolere in Actiolini carcere, tolerabilia sunt omnia, quia breuia sunt, quia suum

*Sibi finem* prospiciunt, quia cum vitâ desinunt, quia in morte omnia evanescent. At verò ille *Theſaurus* damnatorum, qui Dei carcer est, nullum habet à cruciatuum breuitate solatium, mortem excludit, exitum nescit, nullum admittit finem, nullum, nullum, cheu nullum. Verissimè Cæsiodorus: Vti mortalium, inquit, nemo intelligit, quid præmium sit æternum, ita nemo capit, quid tormentum sit sine fine duraturum.

Apud Persas talis fuit carcer, vt in eum facilis quidem ingressus, egressus perdifficilis, aut nullus concederetur, ideòque Lethe dictus est. Ad inferos facilis descensus, sed semel ingressis, exitus nullus reperitur; graduin inde nemo vnquam reuocauit. hic Dei carcer, vero nomine *LETHE* dicitur; seu *OBLIVIO*, sic enim Deus damnatorum obliuiscitur, vt eorum ad gratiam recordaturus non sit, in omnem *ÆTERNITATEM*. Infernus verè obliuionis terra est, idque (quod pius & eruditus scriptor obseruat) a duplici de causâ. quia, inquit, qui illic sunt, non sunt amplius Dei memores in bonum, neque vllam habent priorum memoriam, nisi quæ affligat, omnium enim pompæ, voluptatum, deliciarum, aut obliuio est, aut non sine cruciatu recordatio. Sed & à Deo atque Angelis flamma hæc damnatorum regio obliuioni data est, quia qui illic degunt, nunquam inde sunt educendi. Inter nos & vos, clamat Abraham, chaos magnum firmatum est, vt hi qui volunt hinc transire, ad vos, non possint, neque inde huc transinere. *b* O chaos metuendum! o tormentorum æternitatem horrendam! Sepulchra eorum, domus illorum in æternum. *c* talia sibi ipsis struunt palatia impij: mortuus est autem & diues, & sepultus est in inferno. o profundum sepulchrum! hoc mausolæo, hic Lazari tortor est conditus, cui pro lectulo flamma, sitis pro nectare, pro dapibus sulphur, pro tripudijs est desperatio. Carcere dicuntur clausi sperare salutem; hic nulla salus, sed nec spes salutis vlla, sed desperatio *ÆTERNA*.

Concionem non tam longam quàm horrendam dictauit Ezechiel Deus, in hæc verba: *Et dices saltus meridiana: audi Verbum Domini, hac dicit Dominus Deus: Ecce ego succendam in te ignem, & comburam in te omne lignum verde, & omne lignum aridum: non extinguetur flamma succensionis. d* quot nunc cedri, quot impij homines in hac vitâ & virent fortunæ successu, & arent virtutum inopiâ. Audite ergo vos, & virentia, & arida ligna, succendetur ignis, & flamma succensionis non extinguetur. In gehennâ, quò vos properatis, nulli dies festi



festi sunt, quibus succensa fornax interquiescat. æternus dolor, æterna mors, æternus luctus, nullis intermiscendus vnquam solatijs, noctes atque dies, insopita, peruigil, inextincta in vos flamina vindicabit: viuetis ad assiduam, perpetuam mortem. Augustino id credite, tam disertè quàm grauius monenti: « Habebunt, inquit, impij in cruciatibus vitam: sed qui viuunt in tormentis, cupiunt (si fieri possit) finire talem vitam, & nemo eis dat interitum, vt nemo auferat cruciatum. Sed vide scripturam loquentem & discernentem, non est dignata talem vitam vocare vitam. In cruciatibus, in tormentis, in ignibus sempiternis, noluit appellare vitam, vt ipsum nomen vite laudis sit, non mœroris: vt vbicunque audis vitam, tormenta non cogites. nam in tormentis esse semper, æterna mors est, non aliqua vita. Ipsam vocant scripturæ mortem secundam, post hanc primam, quam omnes humanæ conditioni debemus. Etiam mors secunda, mors vocatur, & nemo tamen ibi moritur: satius & melius dixerim, nemo ibi viuit. In doloribus enim viuere, non est viuere. Ergo illa vita in tormentis, non est vita: & illa vita sola est, quæ beata; nec beata esse potest, nisi fuerit *ÆTERNA*. hoc ipsum alibi sic consignat: Si anima in pœnis viuit æternis, quibus & ipsi spiritus cruciabuntur immundi: mors illa potius æterna dicenda est, quàm vita: nulla quippe maior & peior est mors, quàm vbi non moritur mors.

Simillimum huic testimonium fert Gregorius: *6* In gehennâ miseris erit mors sine morte, finis sine fine, quia ibi mors viuit, & finis semper incipit. Idem submonens Innocentius. Tunc, inquit, erit mors immortalis. ô mors quàm multò dulcior esses, si vitam adinueres, quàm cum cogis sic viuere! Sic est: numerus annorum apud inferos, absque numero est, nulli numerabilis. Deus ipse annum eius vltimum, in numerando illo non inueniet. post mille millia millionum annorum numerata, totidem supererunt numeranda: his etiam enumeratis, non solum vltimus non inuenietur, sed singuli erunt, quasi essent primi. Caino post quinque millia annorum, quos illic vixit, assidue moriendo, tam adhuc integer restat luctuosorum annorum numerus, ac si hoc primum die, in flammeū istud ergastulū detruderetur. Et post aliquot annorum milliones, ex hoc numero consumptos, non magis decrescet ipse numerus, quàm si hac primum horâ inciperet ardere. Et quamuis Evangelici illius opulenti heluonis tormenta ad duo millia annorum accedant, tamen ardet adhuc & æternum ardebit, & nec guttulam, pridem postulatam, æstuantis lingue impetrabit vnquam.

Hæc

Hæc audimus, hæc cogitamus, & rideamus? nimirum res levis est, æternis flammis immori. Hic quæri posset non immerito: *Vbi lacrima sestra, ô ridiculi mortales?* tales certè sumus: ob paucos obolos, ob parvam iacturam, lacrimarum grandes guttas fundimus: inmensum, irreparabile damnum, hilari cachinno decoquimus. Ad iudicem hominem euocati, trepidamus; ad Dei tribunal, magnis quotidie passibus, vel nolentes imus, & in viâ liberè iocamur: mare nauigaturi, pericula formidamus; ad ipsam totam ÆTERNITATEM, ridibundi currimus.

Votum est B. Bernardi æquissimum: Vtinam, inquit, saperent, vtinam, vtinam. & quorsum hæc nobis, Bernarde, sapientia? Vt æternitatis imago reformetur in nobis: videlicet, vt præsentia moderemur per sapientiam, præterita per intelligentiam diiudicemus, nouissima prouideamus ad cautelam.

Diuini Pauli non votum hic habemus, sed præceptum, nec enim Ephesijs optat, sed imperat: *Videte itaque fratres, quomodo causè ambuletis: non quasi insipientes, sed sicut sapientes, redimentes tempus, quoniam dies mali sunt.* b. circumspectè, diligenter, accuratè negotium salutis curandum est; insipientissimi sunt, qui breue hoc tempus, felici Æternitati comparandæ concessum, non expendunt, sed prodigunt, in vanissimas oblectatiunculas; iocando, ludendo, otiando cælum mercaturi, non fabulis redimendum est tempus, non otio vel poculis, sed crebris precibus, serio labore, constanti industriâ. Augustinus, profanis etiam negotijs, non nihil temporis suffurandum docens: quando, inquit, aliquis tibi litem infert, perde aliquid, vt Deo vaces, non litibus; id enim quod perdis, pretium est temporis. Sicut enim das numos, & panem emis: sic perde numos, vt emas tibi quietem, & tempus vacandi Deo, hoc enim est tempus redimere.

Ita quarumvis rerum dispendio, bene agendi opportunitas est comparanda, quoniam dies mali sunt. dies vitæ huius plenissimi sunt doloribus, periculis, tentationibus, æruinis, quæ bene agendi occasionem vel adimunt, vel minuant, inquit Anselmus. quod si occasionem istam elabi, & vitam nostram in meris melioris vitæ propositis sinamus effluere, non erit vel in momentum amplius, quo neglecta reparemus. Vita nostra, inquit Nazianzenus, c. quasi mercatus est, cuius dies cum abierit, tempus amplius non erit emendi quæ velis. Nunc ergo emendum est, dum sunt nundinæ, nunc piè viuendum est, dum vires suppetunt. hoc ipsum Ecclesiastes identidem inculcat: *quodcumque facere potest manus tua, instanter operare.* d.

a Ser. de SS. Ap. Petro & Paul. b Eph. c. 5. c In sentent. d Eccl. c. 10. hoc



hoc ipso temporis & occasionis stimulo sæpius nos vrget Aposto-  
lus: *Dum tempus habemus, bonū operemur ad omnes, quia hora est iam nos  
de somno surgere.* Tu dormis, inquit Ambrosius, & tempus tuum  
non dormit, sed ambulat, imò volat, Bene illi, bene illis omnibus,  
qui hæc non cogitant tantum, sed & opus monstrant, & ita viuunt,  
vti vixisse se volent, cum moriendum erit, faciuntque ea, quæ in æ-  
ternitate constituti, fecisse se gaudebunt. LEVIS NVNC NEGLE-  
CTVS, ÆTERNVM FIT DISPENDIVM. semel cogitatum, dictum,  
factumque semel, ÆTERNVM est.

Gal. c. 6. Rom. c. 13.

## §. II.

### *Æternæ vitæ præmium.*

Vita in cælo verè vitalis, & perfecta vita est, quæ animalis, quæ hu-  
mana, quæ angelica, quæ diuina est. Viuit ibi memoria, recor-  
datione omnium præteritorum: viuit intellectus, cognitione & vi-  
sione Dei: Viuit ibi voluntas, omnique bono fruitor, idque sine  
omni amittendi metu. Pari modo viuit ibi appetitus tam concu-  
piscibilis, quem vocant, quàm irascibilis: viuunt sensus omnes, suis-  
que fruuntur delicijs: nullus illic gemitus, nullum lamenti aut lu-  
ctus indicium vel minimum est. merissimum ibi inel gaudiorum,  
omni tristitiæ felle eiecto. tacete hîc oculi, nil simile vidistis; tacete  
aures, nil simile audistis; tace cor, nil huic vitæ cogitasti simile.  
Hæc vitæ delicias omnes, opes, honores & omnium vitarum, sen-  
suum, potentiarum oblectamenta includit. Summo huius vitæ de-  
siderio æstuans Augustinus exclamat: *a Quanta erit illæ felicitas, & ibi  
nullum erit malum, nullum latebit bonum: Saccabitur Dei laudibus, qui  
erit omnia in omnibus. Beati qui habitant in domo tuâ, Domine, in sæcula  
seculorum laudabunt te. Omnia membra & viscera incorruptibilia corporu,  
proficient in laudibus Dei. Vera ibi gloria erit, & ibi laudantis nec erroris  
quisquam, nec adulatione laudabitur. Verus honor, qui nulli negabitur  
digno, nulli deferetur indigno, sed nec eum ambiet illius indignus, & ibi nullus  
permittetur esse nisi dignus. Præmium virtutis erit ipse, qui virtutem dedit,  
& qui seipsum, quo melius aut maius nihil possit esse, promissit, quid est enim  
aliud, quod per prophetam dixit? Ero illorum Deus, & ipsi erunt mihi plebs,  
ego ero quacunque ab omnibus honestè desiderantur & Vita, & salus, & vi-  
ctus, & copia, & gloria, & honor, & pax, & omnia bona: sic enim & il-  
lud rectè intelligitur, erit Deus omnia in omnibus, ipse finis erit desideriorum  
nostrorum. Atque id etiam beata ciuitas illa magnum in se bonum videbit,  
quod nulli superiori & illi inferiori inuidebit, sicut in corpore non vult oculus  
esse.*

esse, qui est digitus; cum membrum utrumque contineat totius carnis patella compago. & subdit: *Ibi vacantes in Sabbato requies, & videbimus, quoniam suaui est Deus, quo pleni erimus, quando ipse erit omnia in omnibus. O ergo chara Veritas, Vera Æternitas, æterna felicitas, Deus meus!*

Auctor libro de spiritu & animâ, « eandem hanc vitam sic compellat: *Non est in te corruptela, nec defectus, nec senectus, nec ira; sed pax perennis, gloria solennis, latitudo sempiterna, solennitas continua. Verè tantum gaudium & exultatio, flos & decus iuventutis, & perfecta salus. Non est in te heri nec hesternum, sed est idem hodiernum. Tibi salus, tibi Vita, tibi pax est infinita, tibi Deus omnia. Gloriosa dicta sunt de te, ciuitas Dei: sicut enim latantium omnium habitatio est in te, nullus in te timor, tristitia nulla: desiderium omne transit in gaudium; dum passio est quicquid optatur, & quicquid desideratur abundat. Inebriabuntur ab & ebrietate domus tue, & Deus, & torrente & oluptatis tue potabis eos, quoniam apud te est fons vite, & in lumine tuo & videbimus lumen, cum & videbimus te in te, & nos in te, & te in nobis, & visione continuâ & felicitate perpetuâ.*

Hæc tamen perpetua felicitas, breuissimo tempore, & labore non adeò magno, à quolibet hominum comparari potest. Ingemiscens Christus in plebem: *ô Misereor, inquit, super turbam, quia ecce iam triduo sustinent me. Suauissime Iesu, triduum nunc numeras, quo sustinemus te, & cur, Christe bone, non numeras æternitatem dierum, quibus in cælo, perpetuaturus es nobis immortale gaudium? en, quàm facillè sit, breui labore, æternam mereri gloriam: minima Deus obsequia numerat, & in pretio habet: pilos numerat per caput sparsos, & guttas sanguinis pro se fusi non numerabit?*

Liceat ergo cum B. Hieronymio proclamare: *O quanta beatitudo, pro paruis magna recipere, æterna pro breuibus, & habere Dominum debitorem! At durum est, inquis, tam multa quotidie pati, durum est mori, sint licet cetera facilia omnia. Quid, mi Christiane, & inaniter quæteris, & pueriliter? an nescis illud? scio me ascendere, ut descendam; vivere, ut arescam; adolescere, ut senescam; vivere, ut moriar; mori autem, ut sim beatus æternum: Spera ergo in Domino, in sæculis æternis, in Domino Deo forti in perpetuum.*

Augustinus adhuc mihi in mente est, qui de verbis Domini: *Conclusit, inquit, Dominus, cum hæc verba diceret, sic: Ibunt isti in ambustionem æternam, iusti autem in Vitam æternam. hæc est Vita æterna qua nobis promittitur, quia amant homines & vivere in hac terrâ, promissa est illis Vita: & quia multum timent mori, promissa est illis, æterna Vita. quid amas? & vivere, hoc habebis. quid times? mori, non patieris. Sed & illi*

a Tom. 3. operum S. Augustini c. 60.

b Marc. 8. c Ilc 26. c Serm. 64.



*q*ui torquebuntur in pœnis. Velle habent mori & non possunt. non ergo magnum est, diu vivere, aut semper vivere, sed magnum est BEATè VIVERE.

Ergo in cœlo viues, non moritûrus: illic beatè viues. nam nec mala patieris, nec pati poteris. Ibi quod optabis, possides, & possidere desiderabis; pelli possessione non poteris, & hoc te satiat. Eò certè famem & sitim suam omnem differens David: Satiabor, inquit, cùm apparuerit gloria tua, & noua & mira vox in rege: mensam tibi offertissimam habet, & quasi famelicus saturitatem sperat, ex mensâ non suâ. prorsus esuriebat David alienas dapes, & ardentè sitiebat cœleste nectar. quid enim est omnis regum omnium luxus: inopia merissima, & mendiculorum ollulæ, si cœleste cogitetur epulum. Comedite, dicet rex cœli, & bibite, & inebriamini charissimi. *b* Conuiuium hoc finem non habet; nihil illi triste succedet, quod hodie est, æternum erit. Neque hîc se continet Augustinus, quin iterum exclamet: *c* O Vita cœlestis, Vita sempiterna, & sempiternè beata, ubi gaudium sine mœrore, requies sine labore: opes sine amissione, sanctas sine languore (verè nil tale in hac vitâ) abundantia sine defensione, Vita sine morte, perpetuitas sine corruptione, beatitudo sine calamitate, ubi omnia bona in charitate perfecta, ubi plena scientia in omnibus & per omnia, ubi præsens maiestas Des conspicitur, & hoc Vita cibo, mens inuentum satiatur; vident semper, & videre desiderant, sine anxietate desiderant, & sine fastidio satiantur.

Et ut scias, mi Christiane, hanc tam excellentem gloriam, has tam sublimes opes, hoc regnum emi posse, audi eundem Augustinum. *d* Venale est, ait Augustinus, venale est, quod habeo, dicit tibi Deus: eme illud. Quid habes venale? Requiem, inquit, venalem habeo; eme illam. dicit ei: quantum valet? pretium eius labor est. quanto labore digna est requies qua non habet finem? Si verum sis comparare, & verum iudicare, aterna requies aeterno labore rectè emitur. Verum hoc est: sed noli timere, miser scors est Deus. Si enim haberes aeternum laborem, nunquam peruenires ad aeternam quietem. Ergo, ut aliquando peruenias ad id quod emis, non in aeternum laborandum est; non quia non valet tanti, sed ut possideatur quod emitur. Digna est quidem emi labore perpetuo, sed necesse est ut labore temporali ematur. Ergo, ad laborem ô Christiani, nos ipsos cum eodem exhortemur. *e*

Ponamus nobis ante oculos talem Vitam, cùm promittitur ÆTERNA. & remoueamus ab illâ, quidquid hîc molestum patimur: facilius enim inueniemus quid tibi non sit, quàm quid tibi sit. Et tamen venale est. eme, si vis. nec multum exastues de re magnâ, propter pretij magnitudinem. tantum valet,

quantum:

*a* Psal. 15. *b* Cant. c. 5. *c* Manual. c. 7. de gaud. parad.

*d* In Psal. 93. post ined. *e* De verbis Domini. Serm. 64. c. 2.

quantum habes. noli querere quid habes, sed qualis sis. Res ista te valet; tantum valet, quantum es tu. Te da, & habebis illum. quid exasluas? quid turbaris? numquid quesiturus es te, aut empturus esse? Ecce tu qui es, qualis es, date, & habebis illum. Sed malus sum, inquit, & forte me non accipit? Dando te illi, bonus eris. Ut huic fidei promissionique te des, hoc est bonum esse. Cum autem bonus fueris, pretium ipsius res eris, & habebis non quod dixi solum, salutem, incolumitatem, Vitam, & sine fine Vitam: non hoc solum habebis, adhuc alia tollo. Non enim tibi erit lassari & dormire, & surire & flere, crescere & senescere; quia nec nasci eris, tibi numeri integri manent. Numerus qui est, ipse est, nec opus est ut augeatur, quia non tibi sit ut minuat. Ecce quanta tui, & nondum dixi quid tibi erit; quia illud nec oculus vidit, nec auris audivit, nec in cor hominis ascendit. Unde enim ascenderet in cor meum, & dicere, quod in cor hominis non ascendit?

Et quia hic per Augustini libros, quasi per hortos ad cælestem paradysum deducti sumus, eiusdem disertissimi & sanctissimi doctoris verbis priora consignemus. Si quotidie, inquit, oportet omnia nos tormenta perferre, si ipsam gehennam longo tempore tolerare, & Christum in gloria sua videre possemus, & sanctis eius sociari, nonne dignum esset pati omne quod triste est, & tanti boni tantaque gloria participes haberemur? Insidentur ergo demones, parent suas tentationes, frangant corpus ieiunia, premant carnem & vestimenta, labores grauent, vigilia exiccent, clamet in me iste, inquietet me ille, frigus incuruet, conscientia murmuret, calor & grat, caput doleat, pectus ardeat, infletur stomachus, pallescat vultus, infirmet totus. deficiat in dolore Vita mea, & anni mei in gemitibus, ingrediatur puiredo in ossibus meis, & subter me scateat, & requiescam in die tribulationis, & ascendam ad populum accinctum nostrum. Quæ enim erit iustorum gloria & quàm grandis sanctorum latitudo, cum & unaquaque facies fulgebit & sol? cum ordinibus distinctis populum suum Dominus in regno patris sui cæperit recensere, & meritis atque operibus singulorum promissa premia restituet, pro terrenis cælestia pro temporalibus sempiterna.

Cogita ergo dies antiquos & Annos ÆTERNOS in mente habere: ÆTERNITATEM COGITA, o mi homo, COGITA, COGITA æternantes pœnas & æternantia gaudia, nec vnquam (securus polliceor) de vllâ re aduersâ conquereris; vox illa tibi nunquam excidet: hoc graue nimis, hoc intolerabile, hoc nimis durum est: omnia tolerabilia esse dices & facilia, nec vnquam tibi magis placebis, quàm cum eris afflictissimus.

Refert Ioannes Moschus, & Olympium singularis patientiæ senem, in cœnobio Gerasimi ad Iordanem quasunque molestias patientissimè tulisse, intuitu æternorum. cùmque eum de viâ nescio quis religiosus hospes conuenisset, nec sine admiratione obiecisset:



Et quomodo tandem, mi Olympi, in hac caueâ, in tanto æstu, inter cyniphes & muscarum exanimâ, durare potes? subiecit Olympius, &: fili, inquit, hæc leuia sunt: ista tolero, vt cruciatus illos intolerabiles, æternos euadam; cyniphes patior, vt verinem effugiam immortalem; hos æstus perferre facile est ei, qui ignem metuit æternum: hæc mea, etsi molesta sint, sunt tamen breuia, & finem habebunt, illa nullum. Veritas te amet, Olympi, & sapientia: tam enim hæc sapienter, quàm verè dixisti. Vtinam essent multi qui hæc tecum cogitarent, multi quoque forent qui hæc tecum tolerarent.

## §. III.

*Epilogus dictorum omnium.*

**Z**Euxes inter prisca æui pictores laudatissimus, operi sub morosius & diutius quàm artifice tam eximio conueniret, immorari dicebatur: cùmque interrogaretur; cur tam exactè quaquauiersum omnia, & tam moroso lentoque penicillo effingeret? Diu, respondit, pingo, quia aternitati pingo. Et nos quoque omnes aternitati pingimus, quidquid enim operum facimus, sic ad aternitatem spectat, vt quicuis verè dicere possit: *ÆTERNITATI* scribo, lego, canto, oro, laboro; quidquid facio, dico, quidquid etiam cogito, *ÆTERNITATI* cogito. quod si hæc nostrorum laborum omnium est ratio, non ergo volante aut oscitante, sed attentâ pingamus manu, vt perfectè elaborata opera, in *ÆTERNITATEM* transmittamus. omnia certò eò mittenda sunt, vel ad supplicium, vel ad præmium. Repeto, milles repetenda & inculcanda: semel cogitatum; dictum factumque semel, *ÆTERNVM* est.

S. Gregorius: a Vigilanti curâ, inquit, per cuncta opera, intentio nobis nostra pensanda est, vt nil temporale, in his quæ agit, appetat, sed totam se in soliditate *ÆTERNITATIS* figat. In omnibus ergo operibus tuis esto perfectus: ora, stude, patere, certa, labora *Æternitati*; viue Deo, viue cælo, viue *ÆTERNITATI*.

Verè D. Bernardus: b Non transeunt, inquit, opera nostra vt videntur, sed temporalia quæque, veluti *Æternitatis* semina iaciuntur: stupebit insipiens, cùm ex hoc modico semine, copiosam viderit exurgere messem, seu bonam seu malam, pro qualitate seminis. hoc qui cogitat, nullum paruum putat esse peccatum, eò quòd futuram messem potiùs æstimet quàm sementem.

O periculosam & miserabilem filiorum Adæ insaniam! ad infirmitatem

nitorum ac æternorum bonorum possessionem conditi sumus, ut quid nos ipsos toto affectu ad fugaces vanissimasque reculas abijcimus? Deus nos cæli hæredes, Æternitatis possessores scripsit, quid tam auidè terram inhiamus, in vanitatum nostrarum inuolucris miserè perituri? Sapiamus, dum licet & *conuenimus Æternitati*, magnisque quotidie passibus ad eam tendamus. Via breuis & angusta, terminus est amplissimus.

Sed ô miseros nos, aut fatuos! Æternam obtinere vitam volumus & nolumus viam insistere ad vitam: illic esse cupimus, illuc ire refugimus. Nemo est qui beatus esse nolit. Nemo est, inquit Augustinus, quocunque genere vitæ electo, qui non beatam vitâ cupiat. *Beata ergo Vita communis est omnium possessio, sed qua veniatur ad eam, quâ tendatur, quo itinere tento perveniatur, in controversia est: ac per hoc si queramus beatam Vitam in terris, nescio Stri inuenire possimus; non quia malum est, quod quarimus, sed quia non in loco suo querimus. Alius dicit: Beati qui militant. negat alius, & dicit: Beati qui agrum colunt. & hoc negat alius, & dicit: Beati qui in foro, populari claritate versantur, causâque defendunt. & hoc alius negat, & dicit: Beati qui iudicant & potestatem habent audiendi & discernendi. negat hoc alius & dicit: Beati qui nauigant multas regiones, discunt multa, colligunt lucra. Videtis, charissimi, in omni illa multitudine generum conueniendi, non placere unum omnibus, & tamen beata Vita placet omnibus.*

Beatitudo ergo non hîc expectanda, sed alibi quærenda, nec nisi per bonam mortem inuenienda. Etiam mali bonam mortem appetunt, sed bonam vitam fugiunt. bene mori felicitatis est: bene viuere, laboris: illud sine isto non obtinetur. Æternitas à morte pendet, mors à vitâ bonâ vel malâ. elige nunc: perijsse semel, Æternum est perijsse.

Anni sunt non multi, cum vir alti sanguinis, & perspicacis ingenij, sed religionis nouitiæ, interrogatus, quid de aulterâ religiosorum hominum, quid de aliorum licentiorè vitâ sentiret: respondit cum istis malletm viuere, cum illis mori malletm. argutè hoc quidem; sed etiam Christianè sic respondere potuisset: Cum ijs viuere volo, quibuscum moriturum me censeo. Sic & Balaami votum non inaleum fuit: *b Moriatur anima mea morte iustorum sed prudentius, sibi, que vtilius dixisset Balaam: Vivat anima mea Vita iustorum, et moriatur morte iustorum.* quisquis enim vitam piorum viuit, mortem quoque piorum obibit: quisquis vitam degit impiorum, eorundem & morte interibit, idque semel, & semper, & ÆTERNVM.

Lama.



Lamachus Centurio, & admissi erroris increpabat militem, qui ut culpam dilueret, deinceps nil tale admissurum se promisit. Cui Centurio: In bello, inquit, bone vir, non licet bis peccare. In morte, cheu, nec vel semel quidem peccare licet. nam hoc tale peccatum, est irreuocabile. semel mortuus es, semper mortuus es: semel malè mortuus es, semper damnatus es. hanc mortem corrigere, hanc damnationem excutere, per omnem Æternitatem non poteris.

Turpem, aiebat Iphicrates, Imperatoris esse hanc vocem: *non putaram*. Turpior est & longè damnosior hæc Christiani: *non putaram*, inter castam & voluptariam vitam tanti interesset: *non putaram*, ab eâ totam pendere Æternitatem; tam citò memorturum sanè *non putaram*. Eheu quàm somnolenter Æternitatis negotium agimus! cùm mortalis hæc vita nostra, nec momentum quidem sui certum habeat: certòque sit certius hinc esse emigrandum, & quidem incertissimâ horâ, cùmque hora illa venerit, non tam vixisse tibi videberis, quàm momento ad mortem euolâsse. Inquilinus es, non possessor: domus locata est tibi, non donata; etsi nolis, migrabis. non habemus hic manentem ciuitatem. b

Quærit Baruch diuinus vates: *Ubi sunt principes gentium, & qui dominantur super bestias quæ sunt super terram? qui argentum thesaurizant & aurum, & non est finis acquisitionis eorum? nunquid regna sua & gloriam adhuc retinent?* Et respondet ipse sibi Propheta: *Exterminati sunt, & ad inferos descenderunt, & alij loco eorum surrexerunt* migrârunt, inquit, nam inquilini erant, non possessores; domus eorum alijs locatæ sunt, illis eiectis, & ad inferos ablegatis. Si quærat, ubi sint cæli principes, qui empyreum illud sublimè palatium incolunt, responderi non potest, exterminatos esse, & alios eorum loco surrexisse, sed in regno cælesti permanere, nec ab vllis vnquam successoribus extrudendos.

Coronemus nos rosis & aiunt illi solutæ & deploratæ vitæ homines; nimirum rosis sese coronant perituri, quarum & decor & odor die vno euanescit. at geminis coronantur beati, & lapillis pretiosissimis, quarum venustas non perit. In capite admirandæ illius feminae corona est non rosarum ex horto, non geminarum è mari, sed stellarum è cælo. sicut ergo cælestes orbes sunt incorruptibiles, ita qui illos habitant, stabiles & immortales: *Iusti autem in perpetuum conuent. f* mundana omnia caduca, cælestia sunt sempiterna.

a Plutarch. in Lacon.

H 2

hic

b August. in Psal. 148. c Cap. 3. d Sap. 1. e Apoc. 12. f Sap. 3.

hic labor nos fatigat non longus, illic quies nos excipit æterna. Et quid quietem ambimus ante finem laboris? adhuc in arenâ, in puluere, in cursu sumus; sudandum, perrumpendum, eluctandum est.

Optimè D. Gregorius: *a* Si consideramus, inquit, quæ & quanta sunt quæ nobis promittuntur in cælis, vilescunt animo omnia quæ habentur in terris. Quæ autem lingua dicere, vel quis intellectus capere sufficit, illa supernæ ciuitatis quanta sint gaudia; Angelorum choris interesse, cum beatissimis spiritibus gloriæ conditoris assistere, præsentem Dei vultum cernere, incircumscriptum lumen videre, nullo mortis metu affici, incorruptionis perpetuæ munere lætari? Sed ad hæc audita inardescit animus, iamque illic cupit assistere, ubi se sperat, sine fine gaudere. Sed ad magna præmia perueniri non potest, nisi per magnos labores. Vnde & Paulus egregius prædicator dicit: *Non coronabisur nisi qui legitime certauerit.* Delectet igitur mentem magnitudo præmiorum, sed non deterreat certamen laborum. progrediendum est, & in progressu perseuerandum, nec viæ asperitas, sed patriæ beata æternitas consideranda. quod idem sanctus doctor eleganter explicans: *b* hoc, inquit, speciale specimen electorum esse solet, quod sic sciunt præsentis vitæ iter carpere, vt per spei certitudinem nouerint iam se ad alta peruenisse, quatenus cuncta quæ præterfluunt, sub se esse videant, atque omne quod in hoc mundo eminet, amore æternitatis calcent. hoc enim est quod sequenti se animæ dominus per Prophetam dicit: *Sustollam te super altitudines terræ.* nam quasi quædam inferiora terræ sunt: damna, contumeliæ, egestas, abiectio, quæ ipsi quoque amatores sæculi, dum per latæ viæ planitiem ambulant, vitando calcare non cessant. Altitudines autem terræ sunt, lucra rerum, blandimenta subditorum, diuitiarum abundantia, honor & sublimitas dignitatum, quæ, quisquis per ima adhuc desideria incedit, eo ipso alta æstimat, quo magna putat. At si semel cor in cælestibus figitur, mox quàm abiecta sint, cernitur, quæ alta videbantur. nam sicut qui in montem conscendit, eò paulisper cetera subiacentia despicit, quâ ad altiora gressum ampliùs tendit; ita qui in summis intentione figere nititur, dum annis ipso nullam præsentis vitæ gloriam esse deprehendit, super terræ altitudines eleuatur, & quod prius in imis desiderijs positus, super se credidit, post ascendendo proficiens, sibi subesse cognoscit.

Huic beati Gregorij ratiocinationi, aureum diui Augustini documentum



umentum non erit incongruens: *a* quod aliquando per necessitatem amittendum est, pro æterna remuneratione spontè distribuendum est. Diu vixit Moyses, *b* & sanus vixit, tandem viuere desijt. diutius vixit Mathusalem, sed & is tandem è viuis abiijt, & mortuus est. Hoc omnium nostrum epitaphium: *Et mortuus est.* Omnes morimur, & quasi aquæ dilabimur. *c* Animus immortalis est & æternus, in æternum viuet, vel ad præmium vel ad supplicium. Hic aleam iacimus, aleam *ÆTERNITATIS* irreuocabilem. ô felix æternitas, ô æterna felicitas! quî fit quòd tam rarò, tam modicè, tam obiter de te cogitemus. quî fit quòd tui causâ non magis laboremus, non magis solliciti simus? ô Deus meus & omnia, aperi oculos nostros, vt cognoscamus quid sit, quàm immensa sit, quàm felix vel misera *ÆTERNITAS*. Creâsti nos ad te, creâsti nos ad *ÆTERNITATEM*, quia tu es *ÆTERNITAS*, tuæ nos *ÆTERNITATIS* participes facere voluisti, iussisti, sanxisti. da vt momentum hoc temporis piè sanctèque expendamus, vt in eo laboremus *ÆTERNITATI*, patiamur & certemus *ÆTERNITATI*: útque idem omnibus inclameimus, & quotquot possumus, animas in æternum perituras, seruemus. Audite Christiani, audite Pagani, audite Reges, & Principes, audi Germania, audiat orbis:

*Nulla satis magna securitas, ubi periclitatur ÆTERNITAS.*

O longa, ô profunda, ô abyssalis, ô æterna *ÆTERNITAS*! Beati qui habitant in domo tuâ Domine, in montibus æternis. per infinitas sæculorum myriadas laudabunt te.

Moses funeri suo iam proximus, faustis Israëlém. precationibus Deo commendans, vltimo loco Aseritarum. genti sic valedixit: *d* *Benedictus in filijs Aser, sit placens fratribus suis, & tingat in oleo pedem suum, ferrum & as calceamentum eius: sicut dies iuuentutis tua, sic & senectus tua. Non est Deus alius, Et Deus rectissimus: Ascensor cali auxiliator tuus. Magnificentia eius discurrunt nubes, habitaculum eius sursum, & subter brachia sempiterna.* ita per cælum Deus, in immensum protendit potentia suæ brachia, & sub hisce eius brachijs, omnis hic mundus, omne tempus, omnesque res huius mundi continentur, decurrunt & diriguntur: Ita Deus ab initio, imò ab æternitate prædestinationis suæ, habitaculum fuit omnium proborum, quos & complectitur, protegitque quasi quibusdam æternis, & continuis brachijs. Ascende igitur & ingredi hoc habitaculum tuum, ô anima, quæ hîc cum glebâ & luto luctaris. extende & ascende ad ascensorem cæli, ad Deum tuum qui habitat in altissimis montibus

H 3

ÆTERNI

**ÆTERNITATIS.** Ibi in tuto locata, in terram despicere, & videre quàm modica sint, quæ hâc te sui vel cupiditate alliciunt, vel terrore percellunt. vide quàm exilia sint omnia, quæ hoc terræ puncto continentur. vide quàm præ Deo, præ ÆTERNITATE creata omnia sint vana, sint infirma, sint breuia, imò quàm vile & magnum inane, quàm imò *grande nihilum* sint OMNIA. vnum ergo summum & immensum bonum ambi, cetera parui æstima: Deo nitere, in Deo dilatare: pedibus tere quicquid sub sole, sub lunâ, vel blandum allicit, vel terribile minatur, æterna cogita, illudque beati Hieronymi apud animum tuum assidue reuolue: nullus labor durus, nullum æmpus longum debet videri, quo gloria Æternitatis acquiritur.

Cacodæmon olim Camelum obsidens, ad diuinum illum Hilarionem adductus, & terribilem in modum cœpit furere, quasi virum sanctum iamiam deuoraturus. Cui Hilarion: non me terres, inquit, diabole, tantâ mole corporis, in vulpeculâ & in camelo, idein & vnus mihi es. mox ferociens hic camelus, coram eo corruit, & in ridiculam mansuetudinem abiit omnis prior truculentia. Talia sunt omnia blandimenta, omnia tentamenta Mundi, & terricula omnia. quid speras? quid times? quid amas? Ascensor cæli auxiliator tuus: ipse brachijs suis sempiternis te complectitur, iisdem & hostes tuos qui te vel alliciunt vel territant, sic arcu stringit, vt omnes vno nutu, velut muscûlas possit elidere. Ergo libidinis aut gulæ voluptas te sollicitat? modica est, despice, æternam voluptatem cogita. terrent te minæ, premunt ærumnæ, contemptus affligit, infestat morbus, fatigat occulta paupertas? modica sunt hæc omnia, & quod acerbius in te sæuiunt, hoc & breuius: despice hæc, & cælum suspice, æternitatem cogita. *Non contristabis iustum quicquid ei acciderit, b si vel cælum ruat, impavidum illum ferient ruinæ.* Ergo nunquam tristis iustus: ergo nulla illum incurrat tribulatio? nequam: multæ tribulationes iustorum, c sed illi mala eiusmodi omnia, pro ludicris habent: solum illud verè malum existimant, quod æternum est, quod à Deo separat, vti separat peccatum, & peccati stipendium æterna mors. *Non contemplanis vobis, quæ videntur, sed quæ non videntur.* (ait doctor Gentium) d ea deinceps verè magna sunt, seu bona, seu mala.

At nos qui tam rarò contemplamur quæ non videmus, quàm adulti aut quàm senes pueri sumus? ob excussam manibus glaciem ploramus, quam retinere non possumus: circa vimbras attoniti

a Hieron. in vita Hilarion. c. 12.

stamus,

b Rom. 8. 12. c Psal. 13. d 2. Cor. 4.



**ſ**tamus, & in ſomnijs altum ſapimus; tabeſcimus in ijs, quæ non tantum tranſibunt paullo poſt, ſed & iam tranſeunt. non præteribit figura huius mundi, ſed iam præterit; in ipſo eſt tranſitu: & ſicut bona iſta omnia, quibus hîc afficimur, inſtabilia ſunt, ſic mala omnia, quibus preminur, non diuturna. ſola illa quæ non videntur, perennem habent ſtatum, finem ignorant, terminum non admittunt, mutationem nesciunt, ſtabilia, immota, æterna ſunt. Repeto, millies, & uſque millies repetendum Hieronymi monitum: Nullus labor durus, nullum tempus longum debet videri, quo gloria Æternitatis acquiritur.

Symphorianus, a Chriſtianus adoleſcens, non ſimplici flagrorum lanienâ defunctus, cum iam ad ultimum ſupplicium Auguſtodi ni duceretur, occurrit in viâ mater, ſed ſaluis capillis, ſed tecto pectore, nec muliebriter eiulans, verum prout heroidem decebat Chriſtianam: Nate, exclamat, mi nate, memento æternæ vitæ, cælum ſuſpice, & ibi regnantem intueri: non eripitur tibi vita, ſed mutatur meliore. Maternâ hac voce animatus iuuenis, ferro iugulum conſtanter præbuit.

Et nos, ô mei Chriſtiani, iam *ducimur*, ad mortem, ſupplicium ſupremum, omnes iam imus, ſed paſſu lentiore; cuncti nobis cœlites acclamant: *Memento æternæ vitæ, cælum ſuſpice; & hic regnantem intuemini.* hîc te Symphorianum gere, quiſquis Chriſtianus es; teipſum labori & luctu ne ſubtrahe, & vel ferrum, ſi opus, pro Chriſto tuo fortiter excipe. hîc aude, hîc animum oſtende, & cum tentaris. cum doles, triſtaris, angeris; cum contemneris, rideris, infamaris; cum ſpoliaris, variæque ſupra Iobum cruciaris, Symphorianum & mille Chriſtianos alios imitare, & conſtanti pectore, vel millies liberam hanc vocem erumpe: quicquid hoc eſt, Mo.

**B**REVEM eſt; BREVE eſt; valete mihi OMNIA.

tu ſola iam mihi ſalue Æ-

TERNITAS.

a Sur. 22. Auguſti.

*Finis libri;*

Æ T E R N I T A T I S  
nullus.





# ZODIACVS CHRISTIANVS

feu

Signa XII. Diuinæ.

PRÆDESTINATIONIS;

TOTIDEM

Symbolis explicata.

## ILLVSTRISSIMO PRINCIPI

A C

Domino, Domino

IOANNI  
COMITI IN HOHENZOL-

LERN, SIGMARING ET WÖRINGEN;

Domino in Haigerloch, &amp; Wehrstain:

SACRI ROM. IMPERII

Camerario hæreditario; Cæs. Maiest.

& Serm<sup>o</sup> Bauariæ Duci ac Electori à Con-

filijs secretis

E I V S D E M

*Supremo, & Prasecto Aula, & Camerario.*

EDITIONEM priorem Zodiaci Christiani, Illme Princeps, nomini tuo sacraui: hanc tertiam eidem consecro, idque lubens merito. Gracilis est hic libellus, & formâ quàm antè contractior, ratamen auctior & emendatior. De humanissimâ tuâ beneuolentiâ nil licet ambigere, quin ea, hoc etiam quantumcunque tenue obsequij genus, prono affectu prosecutura sit. Seneca ad Liberalem Æbucium: Neminem unquam vidi, ait, tam benignum, etiam leuissimorum officiorum aestimatorem. Idem ego de te, Illme Princeps, iure affirmem. Nimirum ea maximorum virorum indoles est, vt donantis tenuitatem, humanitatis suæ opulentiâ non grauatè locuplerent, neque enim nesciunt mores pauperum, qui cum nequeunt offerre thura, lac ferunt, aut idem etiam sæpius donant: istud ego hîc facio. Reuertor igitur ad illam Celitudinem tuam, & hoc prædestinationis arcanum, coram Serm<sup>o</sup> Electore Maximiliano, & Sermâ Coniuge Elisabethâ explicatum, denuò in tuas manus trado, tuis prius auribus acceptum. Atque hac ratione Zodiacum illustrissimi Nominis tui tutelâ defensum, in publicum reduco. Monachii, die Bmæ Virginis ab Angelo salutari. Anno MDCXXV.

Ill. Celût. Tuz

a. Sen. l. 5. de benef. c. 1.

*obsequentiſſimus cliens*

HIEREMIAS DREXELIVS

&amp; Societate IESV.



## LECTORI S.

**H**ABES, pie Lector, XII. Signa divina Prædestinationis, & SS. litteris & SS. Patribus, subsecino studio collecta, & memoria inuanda, totidem symbolis assignata. Permissi quidem antehac, rogantibus amicis, Zodiacum edi de his ipsis Prædestinationis signis: sed extemporalem illam & tumultuariam scripturam, nunc abolitam cupio & expunctā. Per te id liceat, mi Lector, obsecro: & abiecto priore illo Zodiaco, hunc non tantum correctiorem, sed & altera tanto auctiorem substitue. Et hoc tibi speculum sume quotidie inspiciendum. Tuum hic erit considerare, quot in te Prædestinationis signa deprehendas: an omnia, an nullum; vnum, an pauca. Ex quo proinde facilis erit coniectura, cui libro, Vitæ an Mortis, tuum nomen sit inscriptum. Supremo Mundi die, hi libri etiamnum clausi, aperientur. Et qui non fuerit inuentus in libro Vitæ scriptus, mittetur in stagnum ignis. <sup>a</sup> Hi verò quorum nomina scripta sunt in cælis, <sup>b</sup> immensum gaudebunt & æternum.

<sup>a</sup> Apoc. 20.<sup>b</sup> Luc. 19.

## APPROBATIO

R. P.

## PROVINCIALIS.

**Z**ODIACVM CHRISTIANVM LOCUPLETATVM, quem P. Hieremias Drexelius, Societatis nostræ Presbyter, de duodecim Prædestinationis signis conscripsit, aliquot eiusdem Societatis Theologis censum probatumque; Ego CHRISTOPHORVS. GRENZING Societatis IESV per Superiorem Germaniam Præpositus Prouincialis, factâ mihi potestate ab admodum R. P. N. Generali, MVTIO VITELLESÇO, in lucem dari permitto: fidemque meâ manu facio, & more Societatis consigno. Monachij 11. Idus Septembres. Año MDCXXI.

Christophorus Grenzing.

I<sup>um</sup> PRÆDESTINATIONIS  
SIGNVM.

## SYMBOLOVM PRIMVM.

**C**ereus ardens, quo designatur *Lux interna*, quæ beneficia Dei, vanitatem mundi, vitæ breuitatem, peccatorum cœnum, voluptatum omnium vanescentes umbras sic ostendit, vt qui hæc videre incipit, cælum iam suspiret & exclamet cum regio vate: sitiuit anima mea ad Deum fortem, viuum; quando veniam & apparebo ante faciem Dei. Multi dicunt, quis ostendit nobis bona? signatum est super nos lumen vultûs tui, ô Deus, & in hoc vultûs tui lumine ambulabimus. <sup>b</sup>

a. Psal. 41.

b. Psal. 4. &amp; 22.

## S. I.

Habemus magistrum intra nos, lumen rationis, quod liberalissimus Deus, à suomet vultu deriuatum, in meliore hominis parte collocauit. Hoc lumen non tantum à bestiis nos secernit, sed Deo iubet esse similes. Hoc lumen menti humanæ impressum, indelebilis



bilis est concio, quâ identidem monemur; *faciendum alteri non esse, quod nobis ab alijs fieri volumus.* ab altero enim sperandum, quod alteri fecerimus; quâ mensurâ mensi fueritis, remetietur vobis. *a* proinde nec vi nec dolo, neque bonâ, neque pudicitiam aliorum temerendam. Hoc lumen & creata omnia, & ipsum nobis (sub velo tamen) monstrat creatorem Deum habentem omnia, perfectum, beatissimum, æternum, ipsum sibi cunctisque sufficientem, principium & medium & terminum, qui lucem habitat inaccessam, qui operibus & muneribus tam amabilis, quàm potens, cuius idem sit & VELLE & FACERE; qui totus misericordia sit & bonitas; idem tamen sanctus, seuerus, incorruptus, inadulabilis iudex, idem totus iustitia; qui formâ & magnitudine nobis sit inenarrabilis, cui nihil simile nec videamus, sed nec suspicari aut conijcere possimus visuros, præ quo venusta omnia & pulchra, merissimæ sint tenebræ & vilis umbra: quæ quidem amabilissima & summa pulchritudo, nihil sibi gratius habeat quàm *a* *amari*. Hoc idem lumen, nostri nobis conditoris ostendit opera, æternum diei noctisque imperium, oculæ stellatamque cæli maiestatem, longissima solis lunæque itinera, florulentum terræ gremium, spatiosissimos fluminum errores, tremendum maris dominium, animalium nationes, prouentus fructuum, quæ omnia non inanibus nec labore vlllo fecerit Deus, sed quia voluerit hæc fieri, facta sint omnia.

Hoc quoque rationis & fidei lumen supremam hominis felicitatem in eo sitam com monstrat, si suo se opifici quàm maximè assimilet homo, gratum namque semper esse omne quod est simile: certè enim imagini nil fieri posse melius, quàm si exemplari suo sit quàm simillima, & hoc deinum etiam futurum, sed alijs in terris, in orbe alio, in regione viuorum, nondum apparuit, inquit Ioannes, quid erimus: scimus, quoniam cùm apparuerit, similes ei erimus, quoniam videbimus eum sicuti est. *b* Ex affulgente hoc lumine, è cogitatione tali, ingens existit in voluntate lætitia, spes sese in altum attollit, magnus in Deum calensque affectus consurgit. quid enim dulcius, quàm seipsum viam infinitæ pulchritudinis imaginem circumspicere: scire, suo se exemplari esse charissimum? quia verò non omnibus hoc lumen ita liberaliter affulget, beatus Dauid, non eandem etiam omnium esse lætitiam expertus, de prærogatiuo hoc munere sibi plurimum gratulatur, &: Signatum est, inquit, super nos lumen vultus tui Domine: dedisti lætitiam in corde meo. *c* non in corde omnium, sed in meo, eorūque qui à te, ô bonitas, præ-

destinati sunt ad vitam, ideò in hoc lumine vultus tui ambulabimus & in nomine tuo exultabimus totâ die, læti emerfisse nos e tenebris, vt quotidie magis ac magis in sanctissimæ voluntatis tuæ notitiâ erudiamur, & arcaniorem in dies tecum ineamus amicitiam. Beati sumus, ô Israël, quia quæ Domino placent, manifesta sunt nobis. <sup>a</sup> Iobus, cum ei omnia è terrâ, è cælo aduersarentur, huius tamen luminis iucundè recordatus; <sup>b</sup> splendebat, ait, lucerna eius super caput meum, & ad lumen eius ambulabam in tenebris. Ergo vos, inquit Ecclesiasticus, <sup>c</sup> qui timetis Dominum, diligite illum, & illuminabuntur corda vestra: <sup>d</sup> Lux vestra in tenebris orietur, & requiem dabit vobis Dominus semper & implebit splendoribus animas vestras. quòd si deflexeritis à Deo, Ægyptijs vndique tenebris inuoluemini. Nam error & tenebræ peccatoribus concreatæ sunt. <sup>e</sup>

a Baruch. c. 4. b Iob. c. 29. c Eccli. c. 2. d If. c. 58. e Eccli. c. 11.

## §. II.

**T**Alia, inquit diuinus spiritus, <sup>a</sup> dixerunt in inferno hi, qui peccauerunt. quænam illar: neque enim otiosa videtur aut inutilis curiositas, nosse, quæ apud inferos loquantur damnati. quæ apud exteras nationes, in regum palatijs, in principum curijs agantur, audi audimus; scire, quæ apud inferos fiant, si non ingratum, multò minus erit inutile; præsertim cum hæc non incerta sit, vti plerumque rerum nouarum narratio. qui ergo damnatorum sermones sunt? *Ergo errauimus à via veritatis, & iustitia lumen non luxit nobis.* <sup>b</sup> *Ergo errauimus.* hæc quidem consequentia est, sed vbi antecedens? *Venite & fruamur bonis, quæ sunt: Sino pretioso & inguento nos impleamus, & non prætereant nos slos temporis, coronemus nos rosis, antequam marcescant: nullum pratum sit, quod non pertransseat luxuria nostra.* Ad prata se inuitant; quid amplius facerent boues & vaccæ? En, istud est antecedens, quod fecerunt in mundo, *consequentia* primum facta est in inferno. Heu, pessimi dialectici! vbi enim antecedens posuerant, ibi & consequentiam debuissent subiungere: *Venite, fruamur bonis quæ sunt.* mox fuisset concludendum: *Ergo errauimus.* nam aut in hac vitâ pœnitendum, aut ardendum in alterâ; pœnitendum hîc est, non sine fine peccandum; cruces iam cogitandæ non delitiæ; cetandum hîc est, alibi triumphandum. *Ergo errastis:* consequentia bona est & vera, sed nimis sera: *& iustitia lumen non luxit nobis.* Et quòdnam hoc iustitiæ lumen? Si iustitia est, vt legumlatores volunt, ius suum cuique tribuere, iustitiæ quoque munus erit debitam rebus

a Sap. c. 5. b Ibid. v. 6.

omnibus



omnibus æstimationem non negare, illud ergo animi lumen, quod cuius rei congruam assignat æstimationem, iustitiæ seu intelligentiæ lumen meritò dicetur.

Et hoc est, quò se caruisse damnati queruntur. generosa vina dignoscere, corollas capiti, epulas ventri seligere, per vireta delitias sectari, hæc quidem omnia exactè sciuerunt; sed hæc eadem delitijs æternis, nequaquam esse præferenda, suauiter nescire voluerunt. pudendas & breues oblectatiunculas tanti fecerunt, vt præ illis omnia beatorum gaudia non magni viderentur esse pretij. vina sua, suas epulas, Veneres, rosas suas tam tenerè amarunt, vt audacter spernerent ipsas etiam cælestes delitias. adeò chara fuit illis peccandi libertas, vt vilis esset omnis æternitas. Sed hæc est iniquissima rerum æstimatio: contrarium docet intelligentiæ lumen, quod vnā & vnicā summi vult æstimari æternitatem, vili pendi cetera omnia. *Ergo errauimus?* Res ipsa loquitur. *Ergo insitit lumen non luxit nobis?* Nimis iam certum est. Multi sunt, qui nolunt intelligere vt bene agant: a Voluntariā sed blandā semet ignorantia decipiunt; omnem viam non bonā ingrediuntur. Ex horum numero & vos fuistis: noluitis intelligere vt bene ageretis. Ergo clamate iam, & ululate miseri; hæc vestra per totam æternitatem erit cantiuicula: *Ergo errauimus, ergo insitit lumen non luxit nobis.* hic inferorum psalmus est, hæc eorum flebilis carmina æternū ploranda.

a Psal. 35.

### §. III.

Attendite Christiani, & missos cælo radios ne excludite: det Dominus virtutem nobis, & illuminet oculos nostros, a hoc intelligentiæ lumine immisso, facile cuius patet, non pluris faciendos esse homines quàm Deum, nec diuitias quàm conscientiam, nec pluris humanum quàm diuinum fauorem: sed nec voluptatem quamcunque cælo præferendam, nec fluxa hæc æternis esse anteponenda. Et verè non habet (ait Chrysostomus) quod super terram amet, qui cælestem dulcedinem degustauit.

Hoc intelligentiæ lumen bonus Deus Augustino liberalissimè voluit allucere: Admonitus inquit, redire ad meipsum, intraui in intima mea, & vidi qualicunque oculo animæ meæ, lucem Domini incommutabilem; qui nouit eam, nouit æternitatem. b Ab hoc intelligentiæ ac iustitiæ lumine non multum discrepat lumen deuotionis,


a Baruch. c. 1. b lib. 1. confess. c. 10.

tionis,

tionis, de quo D. Bernardus: *a* Roga, inquit, dari tibi deuotionis lumen, diem serenissimam & sabbatum mentis, in quo tanquam emeritus miles in laboribus vniuersis viuas absque labore, dilatato nimirum corde currens viam mandatorum Dei, vt quod prius cum amaritudine & coactione tui spiritus faciebas, de cetero cum dulcedine peragas & delectatione. ad idem inuitans nos regius psalter: Accedite, inquit, ad eum, & illuminamini: gustate & videte, quoniam suavis est Dominus. *b* amœnum hoc cordis lumen est, & plena voluptatis flammula, quæ Deum homini maiorem in dies atque maiorem ostendit. Ad hoc lumen in humano peccatore accensum, quotidie crescit (res mira) incrementi omnis in capax, immensus Deus.

*a* Sermon. 3. de circum. Domini. *b* Psal. 33.

## II<sup>um</sup> PRÆDESTINATIONIS SIGNVM.



II

### SYMBOLVM SECVNDVM.

**C**RANIVM seu CALVA, quâ declaratur *animus ad mortem quando-  
cumque illam semper paratus*. Et vos, inquit Christus, similes esto-  
te hominibus expectantibus Dominum suum quando reuertatur à  
nuptijs,



nuptijs, ut cum venerit & pulsauerit, confestim aperiant ei. Pulsat Dominus, inquit Gregorius, cum per ægritudinis molestiâ mortem vicinam esse denuntiat. cui confestim aperimus, si eum cum amore suscipimus. aperire pulsanti iudici non vult, qui exire de corpore trepidat, & videre illum, quem contempsisse se meminit, iudicem formidat. qui verò spe & operatione securus est, pulsanti innox aperit, vocari se gaudet, & ob futuri præmij gloriam vel inter lacrymas hilarescit. quin ergo dissolui cupimus & esse cum Christo, multò id melius, quàm si prolongetur noster hic lugubris incolatus. Non potest malè mori qui benè vixerit, nec benè mori qui vixit malè. Et quid illud est, quod nobis eripi adeò formidemus? vita quid est? nisi ludibriorum scena & mare miseriarum. quacunque veharis naui, aureâ an argenteâ, gemmeâ seu ligneâ, assilientes fluctus non declinabis, in aduersantes scopulos sæpius impinges, in periculosis vadis crebrius obhæresces. beatus ille qui mare hoc transijt, beatus qui enauit, & iam in portu est. quòd si quis ad mortem ante seros annos perueniat, non magis conqueri debet, quàm qui citò nauigauit. Quid ergo mortem, laborum finem, præmiorum auspiciû metuamus? hoc iudiciû à Domino omni carnî prioribus sæculis nemo euasit, sed nec futuris euadet vllus: quot quot antecesserint, omnes sequentur; ad hanc legem nati sumus, & eò imus, quò eunt omnia: mors, omnibus est finis, multis remedium, probis etiam votum; ijs certè qui ad vitam prædestinati sunt: mors omnium dolorum & solutio est & terminus, vltra quem mala eorum non exeunt. insanix foret, optimi Domini decreto resistere, ac tributum nolle pendere quod pendunt omnes, libertatè que ambire, quæ nulli conceditur. Altior est Theologia Christianorum, quæ vitam in patientiâ, mortem habere nouit in desiderio. Cygnus, si Solino credimus, in vitâ gemit & tristatur, in morte lætatur & canit. itidem electi faciunt, dum viuunt, gemunt; cantant in morte, æternû in cælo lætaturi. ita octogenarius ille olor tecinit, Simeon: Nunc dimittis seruum tuum in pace. Et cur lamentemur ruente tuguriolo nostro? scimus quoniam si terrestris domus nostra huius habitationis dissoluatur, quòd ædificationem ex Deo habeamus, domû non manu factam, sed æternam in cælis.

a Hom. 13. in Euang. b Phil. 1. c Psal. 119. d Augustin. de doctr. Christ. e Solin. de mirabilib; mundi. f Luc. 2. g 2. Cor. 5.

## §. I.

Et quis è rigido strato non surgat promptius? ij solum cunctantur,

tur, qui in plumeo calore molliùs foti, difficulter deferunt calentem nidum. ægrè tibi est in hac vitâ: ergo non inuitus, puto, transibis ad meliorem. bene tibi est: ergo maturum omnino est vt mox finias, ne te prosperitas, vt multos, præcipitet serâ quidem, sed graui ruinâ. non ergo timendum est, inquit Tertullianus, quod nos liberat ab omni timendo. longum Deus adimit tormentum homini, cum vitam ei concedit breuem. ideo generosus martyr Cyprianus, auditâ Valeriani Imperatoris contra se sententiâ: *Thascium Cyprianum gladio ammaduerti placet*, elatis cælo manibus & oculis: DEO GRATIAS, respondit, *qui me à vinculis huius corporis dignatur absolueret*. Miratur Ambrosius, a quosdam, cum moriendum, extrudi velle potius è suo carcere quàm educi. &: quid, inquit, est in mundo & vitâ hac, nisi pugna cum irâ, libidine, gulâ? Eiusdem animi Chrysostomus: quid, inquit, dicis homo? ad regnum vocaris, ad regnum filij Dei, & oscitabundus es totus, ac desidum more scalpis ac torpes? Si namque singulis diebus vel in mille mortes insiliendum esset, an non omnia ferre oporteret? atqui principatus gratiâ nihil non faceres, cum verò consors futurus sis regni vnigeniti Dei, non obijcies te vel mille gladijs, non insilies in ignem? at tu luges etiam quòd abiturus hinc es, & præsentibus libenter immoraris, plus æquo corporis curam agens. quidnam hoc est? & mortem etiam horrendum quid esse putas. Horum verè caussa sunt delitiæ & vitæ remissio, alioqui qui vitam viuit acerbam, auolare quoque vellet & ab hac vitâ liberari. ita idem nobis euenit, quod pigrescentibus auium pullis, semperque in nido hædere cupientibus, sed quantò diutius hæserint, tantò redduntur imbecilliores: Nidus quidam est præfens hæc vita ex festucis & luto compactus. etsi magnificas mihi ostenderis ædes, etiam ipsas regias auro multo & lapidibus pretiosis splendidas: nihil tamen illas ab hirundinum nidis putabo differre. Ingruente namque hieme sponte suâ cadent OMNIA.

Ita fit prorsus, Chrysostome, auree orator: cadunt tandem omnia, & nos cum ipsis plerumque hoc ipso tutius quò citius. hinc gratulatur sapiens, raptum esse iustum, ne malitia mutaret intellectum eius. hinc & Angelus mori timentem increpans: pati, ait, timetis, exire non vultis, quid faciam vobis? Fidem resurrectionis non habet, qui ad meliora non festinat. Si domus ruinam minetur, nonne prompti ex eo migramus? si nauis inter procellas periclitetur, nunquid animo toti sumus in portu? mundus hic ingentibus



Vbique ruinas fatiscit, vbique fluctus & procellæ: quin ergo portum cogitamus, quin migramus ad patrem? vbi nos charorum turbæ expectat, de suâ salute secura, de nostrâ sollicita. O beati mortui qui in Domino moriuntur, quia in Domini sinu quasi morientes conquiescunt, & sic quiescendo suauiter in mortem obdormiscunt. ita Stephanus b inter ipsos saxorum nimbos, in tanto lapidantium tumultu & fremitu, obdormiuit tamen in Domino. ita Lazarum c amicum suum Christus obdormiisse dixit. ita & Moses d seruus Domini mortuus est iubente Domino. & sicut mater infantulum brachijs suis indormientem deosculatur & sic in lectulo, taciturnæ molliter reponit, ita sunt qui dicant, scripturæ sensu Moſen cœdormientem infantem à Deo per osculum & amplexum in sinu Abrahamæ quasi in lectulo collocatum. Nimirum, cùm dederit dilectis suis somnum, ecce hæreditas Domini. e Ter beati sunt hi mortui: amodò iam dicit Spiritus vt quiescant à laboribus suis, opera enim illorum sequuntur illos, f tanquam famuli suum Dominum, filij suum patrem, nobiles suum principem; sequuntur vsque ad tribunal Dei, deducunt & comitantur vsque ad supremam Dei curiam, quò solum nobiles hi famuli intromittuntur. quisquis ergo ad vitam prædestinatus est, mortem vt optimum naturæ inuentum prædicat, cùm non aliâ viâ illud se peruenturum sciat, & quia eiusmodi homo nunquam non paratus est mori; sic secunda ipse ratio cœnatur:

a Apoc. c. 13. b Act. c. 7. c Ioan. c. 11. d Deut. c. 34. e Psal. 126. f Apoc. c. 13.

## §. II.

Quid mori trepidem? iter patrum, imò omnium latam tritamque semitam ingredior, quid solus ego mihi nescio, quid aliud malum? libens faciam, quod facerem etiam nolens: sciò, quicquid fit à volente, fit leuius, & desinit esse necessitas, cùm accedit voluntas. Sed nec tergiuerfandi causam habeo, cùm esse desino, quod inuitus fui, mortalis, idè corpus hoc accepi vt redderem, & idè reddam, vt denuò recipiam cum fœnore. hætenus à conspectu Dei mei detentus sum per mortales hæc moras, quibus illi vitæ meliori præluditur. nam lux ista quam velut extremam multæ eformidant, æternæ natalis est: veniet iterum qui me in lucem reponat dies, & idè æquissimo animo, rediturus exhibo. ô quàm lætus amplectar diem, qui meo me domicilio assignet, qui me hinc ereptum, & omnibus laqueis exutum restituat paradiso! In multis me reuin

non nescio, sed misericordia tua, ô mi Domine, Oceanus est & immensissimum mare. In hunc ego me Oceanum, in hoc mare precipitabo, cum me voluerit mors de hoc vitæ colliculo deicere. sic vnico meipsum in sinum misericordiæ iactu, omnes vitæ molestias abrumpam. & vtinam mors nullas in viâ moras nectat: quodcumque veniat, volentem me inueniet, & paratum quiescere. non sic odi quietem, vt respuam in aliorum ferias. Et cur non potius tunc gaudeam, cum vitam hanc miseriarum innumerabilium officinam licebit claudere, mortis & fortunæ iugum excutere, diem ordiri nullâ nocte finiendum. Felix nuntius cum me Rex meus vocaturus est, & ex hoc carcere liberaturus: multa sciam solutus quæ victus nullo vnquam studio didicissem. Auiculâ, apertâ caueâ non eiicitur, sed euolat, sic ego in apertas illas & cæruleas plagas libens emigrabo, vitæ iam pridem satur. De loco mortis meæ, de tempore nil angor penitus. faciat ille qui me fecit, quicquid vult. *Voluntas* illius vnica mihi vitæ mortisque est regula: nil mali ab eo aut acerbi metuo qui ipsa est bonitas. Et nonne figuli in manu est, vasculum leui rotâ effingere, & idem frangere? Vasculum ego sum à magno illo Figulo: quid querar, si qui me finxit, velit frangere, imò refingere & ex misero reddere beatum? viuere me vult: quamdiu vult, volo. vult me mori: nullas mortis inducias nec ad momentum posco. initium meum & finis ab illo sunt, quicquid ille immiserit, excipiam non libenti tantum, sed & hilari fronte: mihi viuere Christus est & mori lucrum. *a* Amo te, ô mi amantissime Deus, cupioque ardentius amare: hac amoris flammâ cor meum penitus liquefiat: nihil extra te me beat. Et quando, mi Deus, & quando ad te hinc euolabo? sequor te, benigne parens, sequor, & eo promptius cum propius ad te vocas.

*a* Philip. c. 1.

### §. III.

Ita sentit qui alibi viuere, & cum Christo esse cupit: neque istud noui quid est, nam sicut medicus, inquit Theophylactus, cum videt ægrum fastidire cibos & pharimacæ, prior ea ipse sumit, vt ægrum ad eadem sumenda inducat: ita Christus prior ipse gustauit mortem, vt eam gustare non horreat Christianus. Cur iam, mi Christiane, etsi naturâ timidus sis, & mori te sentias, non priorem illum, quem loquentem audisti, æmuleris, & intrepido ac fidenti animo tu quoque in has voces erumpas: Calicem salutaris accipiam & nomen Domini inuocabo: *a* calix iste amarior quidem est,

*a* Mat. 23.



est, illum tamen bibit ipse meus Seruator & ex cruentâ cruce eundem mihi exhauriendum propinauit. Calix iste fatale mortis poculum est, quod Christus sponte, quod omnes omnino homines perhauriunt ineuitabili necessitate; cur ego hoc solus recusem? quisquis cœpit viuere, desinere debet, vt denuò incipiat, & quidem illam vitam quam nunquam desinat. quid ergo tibi vis vane timor, quid reuocas damnosa incœstitia? calicem, quem dedit mihi Pater, quem Christus mihi miscuit, & ipse bibit, non vultis vt bibam illum? mortalis ego sim, & mori non didicerim? Cùm apud Alexandrum Macedonem grauius decumbentem aliquot malè anxij amici Philippum medicum de veneno porrigendo insinulassent, Rex Philippum cum paratâ potione ad se venientem sic excepit: alterâ manu amicorû illi litteras porrexerat, alterâ pharmacum ab illo accepit: dùmque medicam potionem ori admoueret, oculos in Philippi vultu defixit, si quas fortè in illo, ob commissum toxicum, conscientia notas deprehenderet: cùm egregiam in se medici fidem è facie disceret, intrepidus porrectum poculum perhausit. ita & ego faciam: poculum quod me inquietem & longiorem somnum daret, Iesus meus medicus & Seruator meus mihi temperauit. & porrexit ebibendum: ego, dum illud exhaurio, oculos ab hoc meo medico non dimittam; vultum meum firmabo in crucifixi Domini mei vultu, in quo summum in me amorem inscriptum legam, simulque constans & imperterritus hunc calicem perhauriam, qui tantò plus habet salutis, quò plus amaroris. Ita, mi Christiane, mors ipsa cùm venerit, facile vincitur, si priusquam veniat, semper cogitetur, nunquam timeatur.

# III<sup>um</sup> PRÆDESTINATIONIS SIGNVM



## SIMBOLVM TERTIVM

**A**VREA EUCHARISTIAE HIROTHECA. quâ exprimitur. *Frangens Sacramentorum, Confessionis, & Communionis usus.* Olim, erant perseverantes in doctrinâ Apostolorum, & communicatione fractionis panis. *a* Observatum est autem luculenter, quò magis hic Ecclesiæ primævæ mos intepuit, eò magis ardor spiritûs, charitatis ignis, sanctitas omnis refrixit. Hic omnes cacodæmonis astus, & conatus mirificè defudant. Hoc agit, hoc laborat impigrè veterator, ut à frequenti Eucharistiæ usu quàm plurimos retrahat. Et quos ille non ponit obices: quæ non fingit impedimenta: quot obstacula molitur; nunc fidei dubia ingerit; ubi non auditur, fucatam reuerentiam persuadet, aut maiorem in eâ regustum, si rariùs fiat: nunc plurimorum consuetudinem in exemplum trahit, qui etiam boni Christiani sint, licet hic infrequentes. modò sermones hominum & dentes opponit, modò molem negotiorum, iam inusitatas evagationes animi, angores conscientia, iam inihicicias & alter-



na inflammatur odium. huic aridam reddit mentem, & ab omni cælesti sensu exsuccam, isti præparationem efficit molestant, difficilem, tædio plenam. in alium totos variarum cogitationum exercitus immittit, ut vel sic viam intercludat ad diuinum hoc epulum: sunt, quos nescio quo religionis prætextu decipit, ut saltem differant, quod non censent omittendum. ita mille fucos facit, & tricas tricis nectit malignus impostor; ita de die in diem confessionis & communionis sacramentum differtur, ita mora moræ nectitur, propositum proposito adiungitur, & dies alius post alium constituitur, ita hebdomades eunt & menses & anni, cum ad Christum non nisi rarissimè, & forè inuiti ac coacti venimus.

## S. I.

Et coeperunt simul omnes excusare. hic villam emit, hic boues: iste vxorem ducit: nemo vacat, cum ad Christum veniendum. palliolata hæc est & honesta titulo, sed re non parua infamia. Et cur nec ad horulam quidem, curas villæ, boues præsepi, vxorem fornaci relinquimus, & nos ea agimus, quæ salutis nostræ sunt? si ad colendos agros, aut ad vineas pastinandas vocaremur, esset cur dormire mallems quàm fodere, at iussi discumbere, & vnà cum Christo conuiuari, nec alium cibum quàm Christum ipsum sumere, quod fugâ tam agresti nos subducamus, hoc demum dementiæ est insignis aut impudentiæ. Deum iratum si fugeremus, Adami nepotes nos fateremur, sed Deum misericordem & placatum, Deum vocantem & ad paratissimam cælestiumque deliciarum plenissimam mensam suauissimè inuitantem sic auersari, hoc ferarum est non hominum. Sed ut excusationes nostræ suos habeant colores, culpam & torporem nostrum non fædis aut illicitis præteximus, non furta aut adulteria causæ nostræ, sed honestissima quæque obtendimus, quid enim mali, coniugium inire, rem familiarem curare, pecora aut prædia emere? & quid verò in his, mi homo, boni est, si nos hæc auocent à summo bono, ab animi salute? sic curandum est corpus, ne pessum eat animus; sic emenda est villa, ne perdatur cælum. Ad cenam magnam vocamur, tantisper seponenda sunt cetera omnia, dum adsumus vocati: quiescant interim & villa & boues, & vxor, negotia cuncta curæque sileant, dum nos in cenâ hac magnâ, cum Angelorum rege loquimur. at nos ed sæpè impudentiæ progredimur, ut non vereamur dicere:

*non possum Genire*. veriùs diceremus : *nolo Genire*. ita pergite, mei Christiani, ita vobis Deum conciliabitis. Ah, miserabiles & nemini quàm nobis inetipsis damnosiores ! Algetus & ignem fugimus, ægri sumus & medicum spernimus, cum tantò magis medico egeamus, quò minus ægros nos esse sentimus : nimirum cepas & allium ore patulo inhiamus, fastidimus suauissimum Manna. Edixit olim Deus per Moysen, & colligeret Manna populus per singulos dies, solo sabbato feriretur. & nos nostrum habemus Manna, idque longè præstantius : illo frui licet dum viuimus, & vsque dum mors nobis sabbatum indicat. Sed & hîc patristamus miseri. Adam, ait Gerson, è ligno vitæ edere noluit cum potuit : iure punitus est : non potuit cum voluit, sic & nos dum possumus, adedò contumaciter nolumus, vt ad aliorum conuiuatorum mensas alioqui promptissimi confluiamus, solum ad hanc diuinam Christi mensam, non nisi ægrè & rarò pertrahamur. sic in nullo ferme quàm in salutis nostræ negotio somniculosius agimus, in ceteris alacres, hîc pigramur. Ad formicas Deus pigritiam nostram ablegans : Vade, inquit, ad formicam ô piger, & discite sapientiam. illa cum naturæ ductu præsciat, cibos hieme non posse colligi, æstate quærit, quæsitamque annonam seruat hiemi. hoc & nos studiosius deceret facere. Immortalitatis alimoniam proponens Christus : si quis manducauerit, inquit, ex hoc pane, viuet in æternum. Ad æternam hanc vitam prædestinati, quamdiu mortis hiemem non superarunt, vitam hunc cibum assidue quæunt. Et hoc ipse voluit qui dedit sanctissimum istud Sacramentum, non tantum adorandum sed & manducandum, vt cibum cibo identidem repetito vitam tueamur corpori, alioquin ab insito nobis calore consumendi, cibo etiam frequentius sumpto animæ seruanda est vita, aliter ab impuro concupiscentiarum æstu pessimè depascendi. Ideò D. Innocentius monet : cauendum esse, ne si nitium huius Sacramenti sumptio differatur, mortis periculum incuratur. idem omnino monens D. Hilarius : timendum est, inquit, ne diu abstractus à Christi corpore, alienus remaneat à salute : qui peccare quieuerit, communicare non desinat. Sed hoc ipsum est quod volumus, hæc nostra sunt impedimenta : communicare potius desinimus, quàm peccare cessamus, hanc potius mensam vitamus, quàm petulantiam nostram ad sanctos castosque mores nec sic quidem suauissimè duci sustinemus. serpenti olim, Deos nos fore mentienti credidimus, nunc Deo nos in se mutandos affirmanti vix fidem habemus. promittit Chri-

stus,



**N**us, qui manducat meam carnem & bibit meum sanguinem, in me manet & ego in eo. 4 audimus promissum, at lentissimè credimus. præcipit Christus hoc faciendum in mortis suæ memoriam, nec dubium quin eam velit esse quàm creberrimam: præceptum nobis videtur æquum, sed, contra quàm Christus voluit, non crebrò exequendum. Suadent omnes sancti Patres, hanc mensam frequenter accedere; consilium illorum non displicet, sed præualet consuetudo nostra. Prælucent tot pij homines exempli sui faciem: videmus, non sequimur.

a Ioan. c. 6.

### §. II.

**S**i quoties Eucharistiam quis sumit toties mille nummum aureorum adijceretur auctarium, suavorijs verbis nil opus foret amplius, rationes has aureas nemo non caperet; arcenda esset multitudo non accersenda. heu humanam cæcitatem! aurum cernimus, & capimur; latentes Eucharistiæ thesauros quia non consideramus, spernimus. Arenularum paxillulum est omne aurum, si huic gemmæ conferatur; pretium illius nemo satis æstimauerit. Eucharistia peccata leuiora delet, grauiora cauet, impetus animi vitiosos enervat, intelligentiam illustrat, voluntatem incitat, conscientiam exhibet, contra cacodæmonem armat, in aduersis, ne deficiamus roborat; in prosperis ne cadamus adiuuat, in meliore tramite vt progrediamur confirmat: Eucharistia dat pignus futuræ gloriæ, & cum eo simul, mortis contemptum, cæli desiderium, affectuum moderationem, vitiorum horrorem, virtutum amorem, suiipsius victoriam, in rectè cœptis perseverantiam.

**S**ed animus, inquis, mihi aridus, vanus, frigidus, immundus est: non audeo accedere, aut nulla hæc est excusatio aut mala, eoque minus differendus accessus, quod magis est talis. imminendus es? accede; Eucharistia fons est puritatis. æger es? medicina est, & certissimum omnium animi morborum antidotum. esuris? en panem Angelorum. letali torpes gelu? ne differ, hîc ignis est. tui te hostes exercent? ne diffide, hîc panoplia & armamentarium est instructissimum. tristis es & morore contumescis? hîc vinum est, quod lætificat cor hominis. delitias quæris? nusquam veriores sunt, quàm in hoc epulo quod delitias præbet etiam regibus. patriam adspiras? en viaticum. pretiosior tibi datur viatica cena ad cælum tendenti, quàm filix ad montem Horebum eunti, quod si sanguinis fluxum stitit illic d, Christi veltis vel tacta tantum, quid Christi corpus non

poterit? Sed indignus sum, inquis, qui toties pasci tam diuino cibo, nec dignam aduersus illum reuerentiam exhibere possum. Obsecro, Christiani, pigritiam nostram reuerentiæ nomine ne coloremus: melius est ex amore accedere, quàm ex timore abstinere, inquit D. Thomas. <sup>a</sup> D. Ambrosius, verba Domini, *Panem nostrum quotidianum da nobis hodie*, de Eucharistiâ interpretatus: <sup>b</sup> si quotidianus, inquit, est panis, cur post annum illum sumis? accipe quotidie, quod quotidie tibi profit. sic viue vt quotidie merearis accipere: qui enim non meretur quotidie accipere, non meretur post annum accipere. Si enim quotiescunque (inquit loco alio <sup>c</sup>) sanguis Christi effunditur, in remissione peccatorum effunditur, debeo semper illam accipere, vt mihi peccata dimittantur; qui semper pecco, semper debeo accipere medicinam. Gennadius Mafsilienfis: <sup>d</sup> quotidie, inquit, accipere Eucharistiâ, nec laudo nec vitupero; omnibus tamen dominicis diebus communicandum suadeo & hortor, si tamen mens sine affectu peccandi sit. quæ præcipi posset facilior præparatio, quàm affectum ad flagitia ponere, hoc est, deinceps Deum odisse nolle. certè nimis illiberalis est in suum conditorem, qui hoc pestilenti ad turpitudinem affectu carere non vult, in gratiam sui conditoris. His talibus non immerito iratus paterfamilias: dico vobis, inquit, quod nemo virorum illorum gustabit cenam meam. quid ais, Domine? illimet ipsi sunt, qui cenam tuam gustare nolunt, & id tu eis in contumaciæ supplicium statuis? ita prorsus, id quod ipsi volunt, sit ipsis in pœnam, & pessimum eorum velle, sit ipsis in supplicium. Cùm graui fame laboraret Samaria, & Elisæus vilissimam annonam rei frumentariæ propediem futuram promitteret, vnus è regijs satrapis vt vatum hoc vaticinium irridens; <sup>e</sup> si nubes, inquit, prægnantissimæ frumento pluant, nunquid ided farina tam vilis erit pretij? Cui Elisæus: videbis, inquit, oculis tuis, & inde non comedes. omnia ex ordine sunt facta. Multorum hodièque pœna hæc est, vident diuini panis abundantiam, sed inde non comedunt. videbis, frigidissime Christiane, sub re diuinâ panem hunc in altum attolli, sed inde non comedes; videbis per plateas ad ægros deferri, sed inde non comedes; videbis plurimos illo in templis refici, sed tu inde non comedes: exclusus es ab hac mensâ, quia teipsum exclusisti.

## §. III.

<sup>a</sup> Par. 3. q. 80. a. 10. ad 3.    <sup>b</sup> Lib. 5. de sacram. c. 4.

<sup>c</sup> Lib. 4. de sacram. c. 6.    <sup>d</sup> Lib. de dogmat. Eccles. c. 53.

<sup>e</sup> Lib. 4. Reg. 7.



## §. III.

At verò prædestinati, velut germani Dei filij, hoc pane diu carente, grauissimam patris iram interpretarentur. ita nullam illius fruendi occasionem negligunt, non enim nesciunt quàm benignè providentissimus Deus cunctis animantibus suum cuique cibum pararit, aquilis aues, leonibus feras, equo aueram, boni fenum, gramen ouibus, ceto pisces, homini panem è terrâ; si qui hominum velint esse filij, panem è cælo. hunc illi cælestem, hunc filiorum, hunc Angelorum panem, magno desiderio, submissâ reuerentiâ, ardente affectu sumunt creberrimè, maluntque piè impudentes filij quàm male verecundi hostes videri. Ex horum prædestinatorum numero si quem Christus in magnâ hac cenâ sic alloquatur: Attende quid amore tui pro te fecerim. Spinas in capite meo numerabis, non item dolores alios in corpore. flagella & clauî corpus meum sauciarunt, at verò cor meum iniuriæ innumeræ. ipsam panem mortem pro te passus sum in horto: angores me prius flagellârunt quàm milites, tuum iam est cogitare, quid hostes fecerint, cum etiam amicissimi læderent. scis, in quàm duro lectulo pro te mortem obiecim. Amor meus (vt disceres, quantus fuisset) acerbissimâ omnium & ignominiosissimâ morte defungi voluit, sed ignominiosior illâ crucis & acerbior reperiri non potuit. En, pro te mortuus sum, & millies pro te mori non recusassem. Tu verò pro me quid patieris? si vis vt meus in te amor sit perpetuus, fac vt sit mutuus, amantem te ama. Ego te amaui ad mortem, ad crucem vsque, & quousque tu me amabis? Quis prædestinatorum illorum non sincerissimis infusus lacrimis respondeat? Etiam ad mortem vsque ô mi amantissime Domine, etiam ad ipsam vsque crucem te amabo, si sic tibi placeat. Et quis mihi tribuat, vt ego moriar pro te, mi Iesu, ô Iesu mi suauissime: quis ego sum, vt pro te mori sim dignus: & quis tuus hic est amor, vt hæc pati, vt sic mori pro me, sine me, ô vita mea, volueris? Hi tales gemitus, castissima hæc suspiria crebræ communionis epulatoria solent esse colloquia; sic animus Deo suo intimè vnitur.

Et idcirco communionem crebram (modò sinceros ea habeat affectus, etsi non ardentissimos) magnam prædestinationis signum ponimus. Verum, quidquid vel libri clament, vel cathedræ, pars magna Christianorum tam graui malæ consuetudinis veterno premitur, vt nullis piorum exemplis, nullis sanctorum monitis excitari queat, & ad frequentiores sacramentorum usum perinueni.

O Chri-

• O Christiani quæ glaciælis rupes, quod letale frigus pectora vestra constringit, vt sic refugiatis amœnissimum hunc solem: non aduertitis, hoc meras esse technas cacodæmonum, qui omnem diuini amoris ignem in nobis cupiunt extinctum, vt hoc animi pessimo frigore obrigescentes, viuamus velut mortui, pereamus in foribus, nec in illam viuorum regionem perueniamus. At qui perseueranter Christum amat, nil magis quàm sæpe cum Christo esse desiderat, vt verissimè dixerit Cassiodorus: inaudita est dilectio quæ amicum amat, & præsentiam eius non amat.

## IV<sup>um</sup>. PRÆDESTINATIONIS SIGNVM.



IV.

### SYMBOLVM QVARTVM.

ALTARE NVDVM ET DEVELATVM, per quod significatur *renuntiatio omnium*. proclamat seruator noster; qui non renuntiat omnibus quæ possidet, non potest meus esse discipulus. • Renuntiare iussit omnibus, sua sit relinquere omnia. ita dicat, qui Chri-



**Stiani sanguinis est: pauperrimus esse malo quàm Dei inimicus; malo bonis omnibus quàm diuinâ gratiâ spoliari.**

Paupertas multos fecit mercatores non aromatum aut panni, sed cæli. Simile est, inquit Christus, regnum cælorum homini negotiatori, quærenti bonas margaritas; inuentâ autem vnâ pretiosâ margaritâ, abiit & vendidit omnia quæ habuit, & einit eam. Mercator iste non damnum censeat, sed maximum quæstum, omnes opes suas amisisse. inò certè non amisit, sed vendidit, quia pro illis maximi pretij gemmam recepit. reculas suas dedit, & Christi chirographum acquisiuit, quo vno erit olim beatissimus: aurum contempsit, & totum sibi cælum iam habet oppigneratum: prædiola sua non deseruit, sed paratus erat deferere, & amplissimum sibi regnum comparauit. qui margaritam habet, inquit Chrysostomus, nouit se diuitem esse, etiam si ignotum illud sit, cum paruo in loculo margarita recondatur. Certè negotiandi causâ viuimus, non otianti. neque vllus tam rerum egenus est, qui hanc gemmarum mercaturam nequeat facere, nos enim quærit Deus, non sine nobis nostra, inquit Augustinus, neque verò etiam vllus tam abundans rerum est & diues, cui difficile videri debeat, emendis vnionibus illis parui facere sua omnia. Mercatus hic non exigit, vt opes amittat, sed vt paratus sit, si necesse, amittere; negotiationis huius ratio non est, vt pecuniam omnem erogat, sed vt si opus, malit animæ parcere quàm pecuniæ, & multò promptiùs mendicus esse velit quàm Dei inimicus. non enim animam pro pecuniâ, sed pecuniam pro animâ deponere conuenit, seu sponte largiendo, seu patienter amittendo. Et hoc esse signum prædestinationis affirmamus. huc nos non tantùm Christiana fides, sed & ratio ducit.

a Matth. 13. b Lib. euang. qq. in Matth. q. 35.

### §. I.

Scilpon captâ patriâ, ereptis liberis, amisâ vxore, cum ex incendio publico solus & tamen beatus exiret, interroganti Demetrio, nunquid omnia perdidisset? nihil, aiebat, perdidit; omnia mea sunt mecum. idem, amisiss omnibus, ausus est dicere Bias: pectore enim illa gestabat, non humeris, nec oculis videnda, sed animo æstima-  
manda. Hoc generosi pectoris nota sit in idololatrâ; in Christiano certæ prædestinationis signum est ad vitam. Ille Christo facit stipendia, qui cum amisit plurima, dicere tamen audet: omnia mea mecum porto: Deus meus, & omnia.

Sanctissimum virum, Franciscum Assisinateum accepimus, no-  
ctes

Ates ipsas quatuor verbulorū horum commendatione & creberri-  
mā repetitione, summā cum animi sui voluptate transegiſſe. ſanctiſ-  
ſimum hunc virum liceat imitari, & in omni egeſtate gloriari: *Deus  
meus, & omnia.* alij alia quærant, alia deſiderent, alijs oblectentur:  
vnum ego Deum quæro, Deum deſidero, Deo me delectabor.  
*ô Deus meus, & omnia!* opes alijs & honores, voluptates alijs vni-  
uerſas relinquo: Deum ego habeam, & omnia habeo. totos ego  
alijs mundos concedo; aureos & gemmeos montes non inuideo:  
exquiſitiſſimas eorum delicias non ambio; mihi Deus meus eſt  
omnia. nihil ita bonum, nihil ita pulcrum aut iucundum eſt, quin  
ſummum illud, & primum; ac ſupremum bonum, & melius, & pul-  
chrius, ac amœnitate incomparabili ſit iucundius, *ô Deus meus, &  
omnia!* quàm me varia ſæpe accendunt deſideria, quàm diuerſis  
quandoque ignibus ardeo, quàm multis æſtuo cupiditatibus? ita  
vt cum lunatico illo adoleſcente, a modò in ignem, modò in aquam  
rapiar. Sed quænam illa tanta bona ſunt, quæ ego tam anxie appeto?  
heu vana, fluxa, ſæpe turpia, & quæ non poſſunt eſſe diuturna,  
ſic vt ſuum Dominum & amatorem vel moriendo præuertant, vel  
deſerant morientem. Deus meus, amor meus, gaudium meum;  
& mea omnia, quid tandem eſt quod appetere poſſim, cuius loco  
non tu mihi ſis, *ô Deus,* & ſis omnia? mihi cibus, mihi potus, mihi  
quies, mihi gaudium & voluptas, meus mihi maximus honor eſt  
Deus, Deus mihi omnia, & pluſquam omnia. nam etſi cibus quos  
inhio, veſci: potu, quem cupio, reſci: voluptate quam ardeo, frui  
liceat: quid tamen iſtud veſci, quid iſtud frui eſt & reſci? *Deus meus  
& omnia.* te frui, à te reſci, eſt perfectiſſimè recreari, eſt frui omni-  
bus bonis. At interim premit labor, dolor affligit, cūræ diſtrahunt,  
opes minuunt, fauor ſubtrahitur, vita decreſcit; homines turbant  
& exagitant. Nihil horum vereor, proclamat Paulus, nec facio ani-  
mam meam pretioſiorem quàm me, dummodo conſumme cur-  
ſum meum. *b* neque enim hæc omnia, etiamſi ſimul ingruant, ma-  
la ſunt, ſi ſummum illud bonum opituſetur, Deus: *Deus meus, &  
omnia.* tu mihi *ô bone Deus, ô bonitas,* in iſtis laboribus eſ quies,  
in doloribus voluptas, in curis ſecuritas; in paupertate vera eſ opu-  
lentia; tu mihi ab omni hominum inſultu, propugnaculum eſ tu-  
tiſſimum, tu mihi, quicquid malorum fugiam, eſ refugium; tu mi-  
hi eſ omnia, quæcunque tandem deſiderare poſſum, vel optare.  
Omnis copia quæ Deus meus non eſt, egeſtas mihi eſt. quid  
impuros riuulos ſectemur, iſum fontem habemus etumque lim-



pidissimum: Deum habemus, omnia habemus, quæcunque habere concupiscimus. si quem paupertas flagellat, si cui fortuna irascitur, minus quidem is gaudet, sed & dolet minus: suum ab hoc fortuna repetere non potest, nec alienum mors auferre.

## §. II.

Huic tamen eo modo pauperi, felicitate non cedit diues ille, qui cum plurimum bonorum possideat, nihil amat: opes arcâ claudit, non corde, tristitiâ nequaquam extinguendus, etsi perdat vniuersam sine dolore amittitur, quicquid sine amore possidetur: quæ verò ardentè diligimus habita, grauiter suspiramus ablata, ait D. Gregorius. Bonum quo quis verè bonus est, nemo inuitus accipit, nemo amittit inuitus, bonum enim censendum non est quod eripi potest. I nunc Satan & tabellarium te finge, nondum omnis patientissimi Iobi familia est exdistincta, etiamnum viuunt qui renuntiare possint omnibus: Curre ergo, nuntia tali, clama altum: res tua & pecunia tua omnis est perdita. responsum nunc audi: Nisi ego illam, fortassis illa me perdidisset: iam in viam ad cælum ero expeditior. Exoneravit me Deus, charo quidem sed periculoso pondere, & tutiore posuit loco, damnum non putabo, quod Deus mihi voluit esse remedium. Et cur me frustra & vanè affligerem? habui ista tanquam perditurus: nunc ego magis meus sum, cum ista non sunt mea amplius. Auditis hæc Christiani, audis Orciniana vulpes? sic sentit, sic & loquitur, quisquis cælo prædestinatus est, nec vnquam tantum bonorum potest perdere, quin liberam hanc vocem retineat: lactura non est, sed versura, cum lucrum ingens dispendio leui comparamus, cum terræ glebulis mercamur cælum.

SIGNVM V.  
V<sup>um</sup> PRÆDESTINATIONIS  
SIGNVM.



V

SYMBOLVM QVINTVM.

**F**RVTEX ROSARVM, spiritus septus vndique per quem monstratur *Afflictio perpetua, & exercitatio cum patientiâ.* Abraham Evangelico epuloni in flammis hoc signum opponit: Recordare fili, quia recepisti bona in vitâ tuâ, Lazarus similiter mala; in vitâ lætabaris, Lazarus cruciabatur: nunc tu cruciaris, lætatur Lazarus. sic vertuntur vices certâ Dei lege. *Patiendum est, aut hic, aut ibi in alio prorsus orbe & verè nono.* Alterutrum nunc maturè eligendum; nemo euadit. D. Chrysostomus: *a* quem videris, inquit, virtutis studio. sum, innumeris tamen affligi molestijs, beatum hunc puta, vt qui commissa peccata hîc diluat, & illic paratam habeat mercedem.

Impossibile est vt qui malis indixerit bellum, pressuris careat. nefas est pugilem Dei vacare delitijs, non licet epulari luctantem; luctamen enim sunt præsentia omnia, certamen, bellum; pressuræ, angustia, stadium: aliud est quietis tempus, hoc ærumnis deputatum est atque sudoribus, nullus, vbi ad certamen se exiit, vnctusque est, requiem quærit. Si enim requiem quæris, cur te exuisti? cur libidinibus ac naturæ bellum indixisti? Nihil horum te perturbet,



bet, si quidem illi in quiete, tu in tentationibus viuas. <sup>a</sup> Alioquin erroris damnandum est beati Iacobi hortamen: Omne gaudium existimate, fratres mei, cum in tentationes varias incideritis. <sup>b</sup> Nihil eo infelicius, cui nihil euenit aduersi. argumentum est talem à Deo contemni vt imbellem & ignauum. <sup>c</sup> amphitheatrum honoris est, inter aduersa luctari. Certa beatitudinis tessera est, posse in perpersionibus gaudere, & circumlatrantibus vndique malis, hilarem cælo animum attollere, etsi per genas copiose fluant lacrimæ. Sciuit equidem Christus nos ingenti ærumnarum aceruo locupletes, gaudium solidum, præter spem futuræ mercedis habere nullum, & tamen tanquam beatis: GAUDETE, ait, ET EXULTATE. <sup>d</sup> At nos quoties vanè lamentamur cum affligimur: sæpe puerilem in modum querimur, ac ad omnem pænè ictum trepidi expauescimus, nec agnoscimus paternam Dei & medicam manum vulnerantis, cum tamen & pueri sciant, vulnus quod à chirurgo est, medicamentum esse & initium valerudinis. vt medeatur & sanet, vulnerat Deus, non vt iugulet. testis horum beatus Petrus: si quid patimini, ait, propter iustitiam, beati. hæc est enim gratia, si propter Dei conscientiam sustinet quis tristitias, patiens iniuste. quæ enim est gloria, si peccantes & colaphizati suffertis: sed si benefacientes patienter sustinetis, hæc est gratia apud Deum. <sup>e</sup> ita & beatus Gregorius: sæpe contingit, inquit, vt electus quisque, qui ad æternam felicitatem ducitur, continuâ hîc aduersitate deprimatur, à cunctis despicibilis cernitur, & huius mundi gratia indignus æstimatur: sed tamen ante occulti iudicis oculos virtutibus emicat, vitæ meritis coruscat; honorari metuit, despici non refugit; corpus continentia afficit, solâ in animo dilectione pinguescit; mentem semper ad patientiam præparat, & erectus pro iustitiâ de perceptis contumelijs exultat.

<sup>a</sup> Idem Chrys. in epist. 2. ad Tim. c. 3. <sup>b</sup> Iac. 1. <sup>c</sup> Senec. lib. de provid. Dei. <sup>d</sup> Matthæ. 5. <sup>e</sup> 1. Pet. 3.

## §. I.

Verè æterna providentia, hominem probum in delitijs non nutrit, experitur, indurat, sibi illum præparat, ita tamen vt simul ei promittat: Cum transieris per aquas, tecum ero, & flumina non operient te: cum ambulaueris in igne, non combureris & flamma non ardebit in te. Nimirum in vndas immittit nos Deus & in flammâs, vbi finit & mergi, æstu suos explorat & gelu, sed quos ad vitam prædestinauit, non comburi permittit aut submergi. Fidelis Deus

est, qui non patietur vos tentari supra id quod potestis, sed faciet etiam cum tentatione prouentum, ut possitis sustinere. *a*

Eximie, si quisquam de hac prædestinationis notâ videtur sensisse Ludouicus Blosius, *b* qui planissimè affirmans: non est vllum, inquit, certius signum diuinæ electionis, quàm si quis afflictionem, vel quicquid aduersorum à Deo immititur, non tantum non repugnanter, sed submissè atque patienter sustineat, cum homini vtilius nihil eueniat quàm AFFLIGI. Et hic est ille inæstimabilis gemmæ anulus quo Deus desponsam sibi animam donat. tanti est, vel minimam molestiam pro Deo perpeti, ut Chrysostomus velut decretum proclamet: *c* Nihil esse melius, quàm malè pati propter Deum. De torrente nunc electi bibunt in viâ, propterea caput exaltabunt in cælo: *d* nunc deprimuntur, & calcantur, ut olim assurgant & extollantur ad instar palmarum. Vult nos Deus probè scire, arduum esse bonum, & infinitum quod quærimus, pro quo obtinendo laboramus, ut verissimè dixerit Marcus anachoreta: Deus conscius imbecillitatis nostræ, nemini solet magni quid conferre, nisi præuiâ calamitate. Moïsem Deo vocanti obtemperantem & aulâ egressum, glomeratâ clade inuasit paupertas, ignominia, contemptus, insidiæ regis, pericula mortis, fuga, exilium. Electos Dei cernimus, inquit Gregorius, & pia agere, & crudelia pati: hinc ergo colligitur, districtus iudex quanta illic ferat distinctione quos reprobos, si sic cruciat quos amat. Erras, mi Christiane, erras, si cogitas te integrum & non bene contusum, peruenturum ad cælum. Circumspice, & videbis, quod plerumque qui ditiores sunt virtutum, locupletiores sint afflictionum: qui vitij opulenti, crebrò etiam numis & fortunæ fauore. nimirum pecudes macello destinatæ, liberrimè saltant per pascua, alijs in opere sudantibus: sic & homines cælo assignati, non lasciuunt in pratis, sed hinc illinc gemunt in angulis, adeo ut verissimè quoque Ludouicus Blosius ex magni viri ore pronuntiet: *Quemcumque Deus prioribus donis exornare sublimiterque transformare decreuit, eum non blandè & molliter lauare, sed totum in mare amaritudinis immergere consuevit.*

*a* 1. Cor. 10. *b* Instit. spirit. c. 8. *c* Rom. 8. in c. 4. ad Ephes. *d* Psal. 105.

## §. II.

Galenus & Hippocrates retinere docuerunt animam & fouere, Christus odisse docuit & perdere, ita ut quod dixisse fertur Themistocles, omnes olim cælites sint dicturi: perieramus, nisi perijssimus. plurius saluti est, perire: reuèrà multi malè perierant, nisi à

Deo



Deo perditū bene perijissent. hinc Paulus, cūm perditus alijs, sibi  
 nunc maxime restitutus videbatur: *a* placeo mihi, ait, in infirmitati-  
 bus, in contumelijs, in necessitatibus, in persecutionibus, in angu-  
 stijs pro Christo: cūm enim infirmor, tunc potens sum. Bernardus  
 querendo Deo quasi fatigatus: Circumire, inquit, possum Domi-  
 ne cælum & terram, mare & aridam, & nusquam te inueniam, nisi  
 in cruce: ibi dormis, ibi pascis, ibi cubas in meridie. Igitur Domi-  
 num serui sequamur. & breui molestia cruciatus æternos redime-  
 mus. Athanasius ab Iuliano Apostatā in exilium abire iussus, cūm  
 Alexandriæ illacrimantes circa se cerneret Christianos: Bono ani-  
 mo, inquit, estote; nebula enim est, quæ breui euanesceat. *b* verè ne-  
 bula solum est, quicquid horroris habet hæc vita, sed nebula breui  
 dissipanda, per æternam serenitatem. Prisci, si qui ex illis laboriosi,  
 nullū diem volebant esse sine linea: Christiani, quotquot probi  
 ex illis, nullū diem ire cupiunt sine nubecula, vt habeant semper  
 quod amore sui domini patiantur, Iobo cælum fuit non tantū nu-  
 bilum, sed & ferreum, & tamen omnem patientiæ speciem, vt Ter-  
 tullianus loquitur, & aduersus omnem diaboli vim expunxit, quem  
 non abacti greges, non filij vnō ruinæ impetu adeempti, non corpo-  
 ris cruciatus à patientiā exclusit; quale in illo viro feretrum Deus de  
 diabolo extruxit? quale vexillum gloriæ erexit? cūm ille homo ad  
 omnem acerbum nuntium nihil ex ore promeret, nisi DEO GRA-  
 TIAS? quid? ridebat Deus. quid? dissecabatur Sarai. hinc omnia  
 duplicia recuperauit. Itaque dum pauiur, grandi passuri patriam  
 proficiscimur.

*a* 2. Cor. 12. *b* Sozom. l. 3. c. 14. *c* lib. de patient. c. 13.

### §. III.

Diuersæ ad cælum viæ sunt, tutissima est omnium & certissima  
 Regia via *crucis*. Per multas tribulationes oportet nos intrare in re-  
 gnum Dei. *a* Et vt vasa figuli probat fornax, sic homines iustos  
 tentatio tribulationis, *b* sed in fornace ardet palea, aurum purgatur;  
 illa in cinerem vertitur, illud sordibus exuitur. Fornax est mun-  
 dus, aurum iusti, ignis tribulatio, artifex est Deus. quod si auro  
 vox sit & sensus, sic loquetur: quod vult ergo artifex, facio; vbi me  
 ponit artifex, tolero. ardeat licet palea ad incendendum & consu-  
 mendum me; illa in fumum abit, vt ego sordibus caream. *c* Vide-  
 te ergo paleæ, videte & vós qui aurum estis; in eodem igne palea fu-  
 mat, aurum rutilat; in eadem afflictione improbus blasphematur Deū  
 aut accusat, patiens laudat, & ex ipsis aduersis vires sumit, vt ignis

*a* Act. 14. *b* Eccl. 27. *c* August. in Psal. 60.

K 2

qui

qui flatu impetitur & crescit, atque vnde extinguendus creditur, inde roboratur. crescit aduersis agitata virtus. Numeram mihi ab orbis incunabilis omnes Dei amicos, & in omnibus hanc *predestinationis* notam reperies. Deus tentauit eos, & inuenit illos dignos *sc.* Abraham exercetur variè, & affligitur, Ioseph à fratribus venditur, Dauid à filio iniquissima patitur: Isaias ferrâ medius secatur, Ezechias eliso cerebro per saxa raptatur, lapidatur Hieremias, Michæas gladio feritur, Amos secundum tempora clauo transfigitur, Daniel leonibus obijcitur, Naboth saxi obruitur: Elisæus deridetur, Iob vlcerosus, etiam conspuitur, Tobias excæcatur, Susanna innocens damnatur. paucos dixi, & quid malorum non subiit Paulus? Apostolorum ceteri flagellantur, crucifiguntur. necantur. Nemini suorum parcit Deus, quem enim diligit Dominus castigat, flagellat autem omnem filium quem recipit, omnem, omnem. *b* Omnes enim qui piè volunt viuere in Christo Iesu, persecutionem patientur. *c*

*a* Sap. 3. *b* Hebr. 12. *c* 2. Tim. 3.

#### §. IV.

At hoc habet pro certo omnis qui te colit (ô Deus) quòd vita eius si in probatione fuerit, coronabitur, quia post tempestatem tranquillum facis, & post lacrimationem & fletum, exultationem infundis. *a* Ergo beatus homo qui corripitur à Deo. *b* si enim sustineamus & conregnabimus. *c* quare nemo flagellari timeat, sed timeat exhæredari. ad hæreditatem æternam flagellis erudimur, ne dum delectamur in viâ, obliuiscamur quod desiderabamus in patriâ. Si exceptus es, inquit Augustinus, à passione flagellorum, exceptus es à numero filiorum. Noli esse iniquo sensu & puerili, vt dicas: plus amat pater meus fratrem meum, cui permittit facere quicquid vult, quàm me, quia si me mouero contra eius iussionem, flagella inuenio. potiùs gaude sub flagellis, quia tibi seruatur hæreditas; illis ad tempus parcit, quos in æternum damnabit. *d* tanquam per amœna prata ad carcerem venit, qui per præsentis vitæ prospera ad interitum currit. Obseruant aliqui rosam iuxta allium plantatam reddi fragrantiorē. suas habet & cælestis hortulanus fragrantissimas rosas, homines paradiso destinatos. Has ipse rosas plerumque sic plantat, vt noxiarum herbarum vicinia illis sit toleranda, quò enim quisquē probior, hòc in eum improborum insultus audacior, hòc etiam variarum ærumnarum incurfus crebrior. sic fragrantia

*a* Tob. 3. *b* Iob. 7. *c* 2. Tim. 2. *d* S. Greg. in Iob. 5.



grantia rosarum, alij foetoribus est acuenda. quin & hoc aiunt, rosam quæ per artem sine spinis nascitur, etiam sine odore esse: virtutum odor, præsertim patientiæ fragrantia nulla est, vbi nulli sunt rerum aduersarum aculei. Nemo sanè quantum profecerit nisi inter aduersa cognoscit: nondum se nosse cœpit, qui necdum cœpit esse miser. noctu lucent stellæ, de die latent: sic vera virtus quæ sæpe in prosperis non apparet, in aduersis eminet. Nec tam placent cælesti Domino famuli rebus præclarè gerendis, quàm aduersis alacriter & cum fiducia perferendis. Aquila pullos suos obiectu solis explorat, metalla argentarius coticulâ, Christus famulos suos camino afflictionis. Præ Romanis ergo potiori nos iure dicimus: *Et facere & pati fortia, hoc Christianum est*: nam quâ viâ caput præcessit, hac subsequendum est membris.

## VI<sup>um</sup> PRÆDESTINATIONIS SIGNVM.



### VI. SYMBOLVM SEXTVM.

Flevis, quam Christus in suis concionibus non tantum nomina-

uit sapius, sed quæ diuino verbo iussa comas ponere & exarescere, momento paruit. fidelem diceres diuini verbi auditricem, idē hac designatur *Auditio Serbi Dei*. An non illustre hoc Prædestinationis signum ex ore Christi? Qui ex Deo est, verba Dei audit. *a* eximie id declarans Ambrosius: *b* Quomodo, inquit, possunt verba Dei dulcia esse in faucibus tuis, in quibus est amaritudo nequitiae? Facile agitur, quod libenter auditur, *c* sed illi veri sunt diuini verbi auditores, de quibus Seruator: Beati, inquit, qui audiunt verbum Dei, & custodiunt illud. frustra custoditur memoriâ, quod non custoditur & vitâ. Sunt qui audita sic retinent ne obliuiscantur, hoc tamen agunt viuendo ne corrigantur. *d* Mens prædestinati diuina & sacra cupide anhelat, seponi iubet negotia, ludos abrumpi, epulas etiam quandoque deferi præcipit, ad templum, ad concionem vrget, nec excusationes admittit, pluuium cælum non metuit, serenum etiam negligit, aprico & campis templorum fornices præponit, satagit audire, nec satiatur auditis. Auris bona audit cum omni concupiscentiâ sapientiam, *e* quæ vtrique certior haberi nequit quàm ē verbo Dei. Quærit anima verbum, inquit Bernardus, cui consentiat ad correctionem, quo illuminetur ad cognitionem, cui innitatur ad virtutem, quo reformetur ad sapientiam, cui conformetur ad decorē, quo fruatur ad iucunditatem. *f* Animus hoc cibo pascitur, quoties cum Hieremiâ Prophetâ succlamat? Inuenti sunt sermones tui, & comedi eos, & factum est mihi verbum tuum in gaudium & in lætitiā cordis mei. *g* Nam D. Chrysostomo teste, vti esurire signum est valetudinis in corpore, sic amare diuina eloquia, indicium maximum sanitatis in animâ. *h*

*a* Ioan. 8. *b* in Psal. 118. *c* Ilidor. soliloq. *d* August. in Psal. 118.

*e* Eccl. c. 3. *f* Ser. 85. in Cant. *g* Hierem. c. 14. *h* Chrys. hom. 14. in Gen.

### S. I.

Et quis eum credat valere animo, qui aduersas à veritate aures, ad fabulas laxissimè sinit excurrere, & dum in templis vitia verbis castigantur, ille factis domi exercet, & in piæ exhortationis vicem, vel calicem trahit, vel fritillum & tesseras mouet, aut otiosis ambulatiunculis diem imminuit, aut cum canibus agros & syluas pererrat, aut dum concionator in suggestu sudat, ipse languidissimus dormitator, adhuc dum inter plumas volutatur, nec erubescit somniculosus glis, à sole iam pene meridiano, in plumeo sepulchro deprehendi. turpe est de Christianis hoc scribere, sed longè turpius Christianos hoc facere. hæc signa non sunt nisi pereuntium: longē



gè alijs nō scūntur prædestinati. Factum est autem, ait Lucas, cum turbæ irruerent in eum, vt audirent verbum Dei &c. Non synagogis aut templo, sed nec ciuitatis mœnibus hæc audiendi sancta-  
tames coërceri poterat: in camporum amplissimam planitiem, sese effundebat. sed nec solitudines horrebant viri feminæque, modò liceret audire concionatorem eum quem sequebantur quoquò ibat. Nos templis vicini habitamus, & sæpe nec pedem mouemus audiendis ijs quibus meliores fiamus, ne dum vt impransi & incenati ad solitudines, ad mare properemus. ita fit vt plerumque nihil magis fastidiamus quàm diuina. hoc æuo sanè non desiderantur qui dicant, sed qui audiant: concionatorum satis est, non ita semper auditorum. sexcentas fingimus absentiaë causas: nec desunt qui audire nolint, idèò ne fortè dormientem excitent conscientiam: qui enim se reum nouit, etiam se iudicem formidat, & tribunal horret propriaë conscientiaë.

Desleuit Hieremias, vias Sionis lugere, eò quòd non sint qui veniant ad solennitatem: non minùs viæ ad templa, sæpe nunc lugent, dum in vijs ad tabernas plauditur. non densæ nimium concur-  
sationes fiunt ad auditionem diuinæ legis: at si ridiculus histrio, no-  
uam spectaculi venustatem promittat, si nuptialis pompa per vrbein incedat, si nundinalis curiositas alliciat, mox vsum pedum recipimus, & quicquid oculorū habemus, adferimus: concurritur insolita stipitatione. Dei verò nuntij si non vt olim subfannantur, certè parui penduntur sermones illorum, quòd grauiter pagina sacra queritur. b

Non quidem negandum est, multos esse qui conciones audiant, sed & illud tamen fatendum erit, paucos esse, qui animo desiderant, à concione audità redire emendatiores. Aures habent, manibus carent, audiunt & non faciunt. non abeunt indè vel tantillo meliores. sunt qui audiant, vt piæ curiositati non obsistant, alij vt tempus fal-  
lant, quidam ne peccent in consuetudinem: isti vt doctiores fiant, non vt meliores, hi vt charos oculos quos alibi minus commodè possent, in templis videant: at isti vt videantur, & aliorum in se oculi conuertantur: sunt qui dicentis vocolas excipiant in risum, aut calumniā: sunt etiam qui confabulaturi, aut certè dormituri accedant, aut aures præbituri, sed iam onustas. pauci sunt, & ij demum verè probi auditores, qui animum adferunt excipien-  
dis monitis paratissimum, nec aliam ob causam veniunt, quàm vt recedant seipsis meliores: non scholæ discunt, sed vitæ: audiunt vtrāque aure vincti, nec vnquam facillè audire desinunt, nisi

virtutì iam procliuiiores. Nemo adeò ferus est qui non mitescere possit, si modò culturæ patientem aurem accommodet. Et Christi ouiculæ ab alienis dignoscendæ, cauma seu signum in aure gestant, verbum diuinum auidè audiunt & obediunt.

## §. II.

Norunt prædestinati quàm sollicitè monuerit Augustinus: Non minus reum esse qui verbum Dei negligenter audierit, quàm qui corpus Christi in terram negligentia suâ cadere permisit. non ergo tam attendendus est, qui dicit, quàm qui dicat, & dicenda imperat Deus: Ego quid sum, inquit Augustinus, nisi cophinus seminatoris? Ille in me ponere dignatus est, quæ vobis spargo. nolite attendere ad vilitatem cophini, sed ad claritatem seminis, & potestatem seminatoris. Christianus vbique inuenit quod discat, semperque proficiat, atque hoc etiam suæ prædestinationis indicium, agnoscat, sedere ad pedes Domini, & cum Magdalenâ audire verbum Dei: neque ob domestica ministeria, nec ob sororis inuiriæ, non etiam ob amicissimorum auocamenta, ab ore loquentis pondentem auelli posse. Neque verò electionis nota est, audire tantum, sed & meminisse, sed & exequi. quorsum est comedere, si quod comestum, mox indigestum reuomat? in Christi matre maximæ laudis erat, quod conseruarit omnia verba hæc, conferens in corde suo, & In corde meo, ait Psaltes Regius, abscondi eloquia tua, vt non peccem tibi. Terræ bonæ conferuntur ij, qui in corde bono & optimo audientes verbum retinent, & fructum afferunt in patientiâ. <sup>c</sup> Nam vt legere & non intelligere, sic audire & audita memoriâ non custodire, ferme tantundem quod negligere est. otio abutitur pictor, qui lymphatis coloribus quidlibet in tabellâ, magno studio pingit, quod mox spongiâ detergat: sic turpe Christiano est, audire, & mox omnium obliuisci. sic meminisse conetur, vt memoria non sit ignaua, sed efficax & strenua, quæ fieri vigeat, quod meminit faciendum. Si hæc scitis, beati eritis, si feceritis ea. <sup>d</sup> Scivisse neminem ad cælum extulit, sed Fecisse: facere autem non vult, qui recusat scire facienda. Fons sciendi purissimus, libri diuini. Et quamuis ex eodem diuinæ scripturæ fonte diuersi hauriant, idque sæpius, nemo tamen vnquam poterit totas has opes eruere. Ea est huius opulentia natura, vt quò foderis altius, hoc magis exundent diuini sensus, fons est nunquam deficiens. <sup>e</sup> quemad-

<sup>a</sup> Hom. 26. in lib. 50. hom.

<sup>b</sup> Luc. 2. <sup>c</sup> Luc. 8. <sup>d</sup> Ioan. 13. <sup>e</sup> Serm. 4. de Lazaro.



quemadmodum verò formica pabulum in hiemem, æstate sibi colligit, sic Christianus in tranquillo verbum Dei excipit, vt inde in rebus turbidis pascatur. Constat, eos qui hac in re contemptores, sic quandoque puniri à Deo, vt & ipsi sentiant se puniri, & videant alij. Alium ab alio doceri; alterum alteri submitti vult Deus. Sapientissimus erat rex Dauid, præceptorem in plurimis habebat Spiritum sanctum, probè sciebat adulteria & homicidia esse vetita, & tamen poenitentiam prius non egit, quàm de eà differentem Nathanem audijt. Christus Paulo • è nubibus concionatus est, & tamen erudiendum illum ad Ananiam misit. Cornelio • nuntiavit Angelus, preces eius & eleemosynas Deo probari, sed simul ei Petrum à quo instrueretur, monstrauit. Regina Candaces quæstori Isaiam in curru legenti, non Angelus in præceptorem, sed Philippus à Deo assignatus est. • Moses, quem iure diceres Deo à secretis fuisse, & supremum intimumque Numinis consiliarium egisse, nihilominus à socero suo tametsi alienigenâ instituitur velut puer, nec sine acri verborum castigatione, modum docetur gubernandi populi. • Christus ipse, æterna sapientiâ, medius doctorum sedet & interrogat. • Nullus hominum sexus, nullus ordo & status, audiendarum concionum immunis est.

a Actor. 9. b Actor. 10. c Actor. 8. d Exod. 18. e Luc. 2.

### §. III.

At inter doctos, inquis, censeor: nil noui audiam; quæ dicturus est Ecclesiastes, iam antè scio. En humani ingenij eruditam superbiam! & quis eò peruenit ætatis & doctrinæ, vt non plura nesciret quàm didicisset? Sed fac, omnium te esse doctissimum, nec doctiorem è concione rediturum: ita quidem intelligentia antecelles omnibus. Sed quid voluntas & memoria? an non mouenda illa & inflammanda, monenda ista erit & iuuanda? memoriæ facillimum est falli, pronissimum voluntati errare, nisi quotidianis subsidijs dirigantur, illa vt firmetur, hæc vt ab erroribus liberetur. Ergo non vtile tantum, sed & necessarium est omnibus, conciones audire; malis, vt corrigantur; bonis, ne corrumpantur; ignaris, vt doceantur; doctis, vt commoneantur, & vt noua discant, aut certè vetera memoriâ recolant: audiens sapiens sapientior erit, & &, auris sapientium quærit doctrinam. • Herodes multis sceleribus clarus, tam barbarus tamen, aut fatuus non fuit, quin aulicum concionatorem suum, *Et libenter audiret, Et audito eo multa faceret.* • in Herode

a Prou. 1. b Prou. 18. c Marc. 6.

K 5

non

non libentia tantum audiendi fuit, sed & longa quoque patientia. multa enim ex Ioannis concionatoris sui præscriptione facere non potuisset, nisi concionatorem sapius, & de multis audisset. neque per catalogum duntaxat enumerando, vitia regis Ioannes castigasse censendus est, sed rationibus & copiosè egisse, ut non tantum indicaret mala, sed & potenter dissuaderet. Non poterant regis adulterium, & tot eius flagitia, vnica Ioannis concione satis elui. singula singulas conciones, imò singula plures exigebant; mens sceleribus obfirmata, crebro ariete quatienda erat: Et tamen *libenter eum audiebat*. Et quamuis ei Ioannes in os & in faciem objiceret publice: non licet tibi habere uxorem fratris tui, idque oratione indubiè longà probaret, tamen *libenter eum audiebat*, tantum in Herode fuit audiendi studium, nec destitit Ioannes; cetera omnia Herodis facinora silentio politico non inuoluit. clarus testis beatus Lucas: « Herodes autem, inquit, tetrarcha cum corripiretur ab illo, de Herodiade uxore fratris sui, & de omnibus malis quæ fecit. Itaque Ioannes in Herodis tyrannidem, in cædes, in tributa tam auarè collecta quam prodigè in omnem luxum dissipata inuehebatur liberè, & tamen *libenter eum audiebat*. tanta in Herode fuit concionatoriæ obiurgationis patientia, ut non primà illà vehementiore, non secundà, nec tercià, non multis concionibus sequentibus fuerit offensus, *libenter eum audiebat*. Herodi Ioannes nunquam neque nimis sæpe, neque nimis prolixè, neque nimis simpliciter aut populariter, neque seuerè nimis, aut acerbè visus est concionari, *libenter eum audiebat*, & *audito nonnulla faciebat*, modò facere perseuerasset, queri certè non potuit quòd fortuna sibi veritatem inuideret. queritur id olim Seneca, b. & c. monstrabo, inquit, tibi, cuius rei laborent magna fastigia, quid omnia possidentibus desit. Scilicet ille qui verum dicat. Non vides, quemadmodum illos in præceps agat extincta libertas, dum nemo ex animi sui sententià suadet dissuadetque, & vnum amicorum omnium officium est, vna contentio, quis blandissimè fallat. non fefellit Herodem Ioannes, tam candidi pectoris, tamque aperti oris monitorem se præstitit, ut nil minius posse sit visus, quam veritatem tacere. regias aures assidue vellebat, quibus & flagitium illud itentidem occinebat. Non licet tibi, Herodes, non licet tibi. Vbi mihi nunc illi delicatuli & prurientes auribus, qui si vno verbulo, etiam sæpe detorto & perperam intellecto, notatos se patent, & concionatorem execrantur, & cathedram. Herode parricidà & adulterò, nescio an in



hoc non deteriores sint, qui quamuis vitia, vt ipse, non fugiant, fugiunt tamen conciones quæ vitij in meliorem faciunt, quod non faciebat Herodes. Seductori dat manum qui dare dissimulat præceptor, & stulto discipulum committit, qui se solum pro præceptore agnoscit. quisquis iam adeo sibi sapit, vt neminem docentem audire, nisi se dignetur, plus elationis ostendit, quàm eruditionis. nec potest in eo virtutis esse amor, in quo cælestis doctrinæ odium est aut neglectus. Initium recedendi à Deo est, fastidium audiendi diuina, nec Deum diligit, qui pia monita non exurit. Lapis lydius explorat aurum, Euangelium Christi reuelat cogitationes hominum.

## VII<sup>um</sup> PRÆDESTINATIONIS SIGNVM.



VII

SIMBOLVM SEPTIMVM.

**F**RUET TABACI. saluberrimum hoc fruticis genus est, vlceribus præsertim & vulneribus curandis illustre. grande vlcus corporis est, paupertas: grandius animi, peccatum. vtrique persanando mirifice conducit eleemosyna, illa præsertim qua datur benigno affectu

*in egenos.* & hæc per Tabaci fruticem representatur. Ab Apostolo id discimus: Induite vos, inquit, viscera misericordiæ sicut electi Dei. *a* non dantis inanum duntaxat, sed & affectum requirit. Verè beatus qui intelligit super egenum & pauperem, in die malâ liberabit eum Dominus. *b* Diuinæ scripturæ syllogismo id firmatur. qui accipit mutuum, seruus est fœnerantis. *c* sed dirisissimus Deus per pauperem accipit mutuum. facilis est iam conclusio. alteram syllogismini partem confirmans Salomon: Fœneratur, inquit, Domino ( seu, quod idem, Dominus accipit mutuum ab eo ) qui miseretur pauperis. *d* Augustini ore Christus sic stipem mendicat: Da mihi ex eo quod dedi tibi, de meo quæro: da & redde; habuisti me largitorem, fac me debitorem, habeam te fœneratorem: temporalia mihi das, æterna tibi restituiam, te ipsum tibi reddam, quando te mihi reddidero. Gregor. Nazianz. orat. de amore pauperum: Fac calamitoso sis Deus, Dei misericordiam imitando, nihil enim tam diuinum homo habet, quàm de alijs bene mereri: tibi derelictus est pauper, velut Deo. talis in terrâ Deus Iob fuit: Pater eram pauperum, & causam quam nesciebam, diligentissime inuestigabam. Oculus fui cæco & pes claudò. *e* Tobias Deo charissimus: eleemosyna, inquit, ab omni peccato & à morte liberat, & non patitur animam ire in tenebras. Fiducia magna erit coram summo Deo eleemosyna, omnibus facientibus eam. *f*

*a* ad Coloss. 3. *b* Psal. 40. *c* Prou. 22. *d* Prou. 19. *e* Iob. 29.

*f* Tob. 4.

### §. I.

Chrysostomus melius: *a* Melius est, inquit, hanc artem dandi eleemosynam scire, quàm esse regem. hæc enim domos ædificat in cælis semper mansuras, hæc docet quomodo Deo possis similis fieri. Magna res est homo, & pretiosa, vir misericors. Qui pronus est ad misericordiam, benedicetur, de panibus enim suis degit pauperi. *b* Ergo beneficentia, vt eodem ore aureo loquar, Deo similes facit. & hæc charitatis mater, Christianæ virtutis proprium insigne, per quod discipuli Christi noscuntur: hæc nostrorum scelerum est medicina, hæc animæ sordes emundat, hæc scala quæ in cælum vsque porrigitur. *c* Christus præcipit: Thesaurizate vobis thesauros in cælo. *d* Audite, ô diuites, nouam è cælo artem: nouus colligendi thesauri modus est, SPARGERE. Errastis hactenus; nam dando discimus, non corradendo & seruando. Thesaurus in orbe illo

*a* Hom. 33. & hom. 36, ad pop.

supero

*b* Prou. 22. *c* Chrys. hom. 6. in c. 3. epist. ad Tit. *d* Matth. 6.



supero fruit, qui pauperibus eos in hoc infero distribuit. imò nec opus quidem, plenas auro manus in egenos excutere; date obolos & asses; date panis frustilla (modò beneuolus affectus accedat) & in fœnus recipietis plenissima horrea, opulentissimum ararium. Censores olim lustrabant ciuium ædes, & num si quæ tineæ in vestibus, vermes in carnibus, mures in panibus reperirentur, indagabant. non cassus hic labor, hodièque forsan inuenirentur qui malent hoc genus animalium pascere, quàm pauperes. Sed iam inuentus est locus, patètque cunctis ad eum aditus, vbi nulli mures, non tineæ, nulli vermes. thesaurizate vobis thesauros in cælo, vbi neque erugo neque tinea demolitur, & vbi fures non effodiunt nec furantur. <sup>a</sup> Manna non corrumpebatur nisi quod in diem alterum seruabatur; numi non amittuntur, nisi quos amittere nolumus: tutius seruari non potest, quàm quod perit inter manus mendiculorum. Ventres pauperum ampla sunt horrea, quicquid hinc reconditur, incendij securum augetur, multiplicatâ vsurâ. Si Absalomus auream cæsariem suam attondisset, crines capite, non funes gessisset: si fortunatiores rem suam in pauperum subsidium acciderent, tot amicos arcâ clauderent, quot numos; nihil dando hoc agunt, vt periculosiores sint insidiæ, quò plures pecuniæ. Perde pecuniam propter fratrem & amicum tuum, & non abscondas illam sub lapide in perditionem, suadet Ecclesiasticus. <sup>b</sup> Christus: <sup>c</sup> Date & dabitur vobis. Puteus, si sua non amittat, lutescit: vberior fluit, & purior, sæpe hauriendo. Cælo destinati cum stipein dant, si possent, cor adderent, adeò benigno sensu in egenos feruntur, idcirco beatos pronuntiauit Christus misericordes, non eos solum qui possent quàm plurimum elargiri, sed qui vellent omnium misereri. Pythagoras olim docuit, similia non nisi à similibus comprehendere: hoc vitæ mercatu, non nisi simile simili paratur, oleum emitur oleo. misericordiam vis consequi? hamum iace, misericordiae opus. At dando alijs, egebo ipse? Pusilli animi homo, & qui mauis diffidentiae tuæ credere, quàm syngraphæ Christi? quantos auaritia ad incitas redegit? nullos eleemosyna. certat Deus cum liberalitate nostrâ, nec munificentiam sinit se vinci: Date & dabitur vobis. <sup>d</sup> Sareptana vidua <sup>e</sup> non tantos fecit sumptus, in siccum prandiolum Eliæ, quantos lucrata est. Elisæi hospita plus recepit quàm hospiti suo contulit.

## §. II.

<sup>a</sup> Matth. 6. <sup>b</sup> Eccl. 29. <sup>c</sup> Luc. 6. <sup>d</sup> Ibid. <sup>e</sup> 3. Reg. 7. <sup>f</sup> 4. Reg. 4.

## §. II.

At sunt, non è numero prædestinatorum, qui rarò dant, nisi dent malignè. Malignè dant qui quæ nauseant, quibus carere malunt, quæ vix aut esui sunt, aut vsui ampliùs, pauperibus elargiuntur: si quid in domo verminosæ carnis, si quid mucidi panis, si quid fuggientis vini, aut morientis aceti; si quid putridi, si quid fætidum quod vix cani porrigas, mox ad pauperes abit, munificà donatione. Heu Christiani, quàm sæpe blandâ persuasione nos fallimus! hoc non est oleum, sed (quod Baruch <sup>a</sup> exprobrat) oliuarum ossa offerre. Deus ad Chai<sup>b</sup> & munera eius non respexit, quia vilissimâ de terræ fructibus offerebat, qui poterat meliora. Parum potes? sufficit multum voluisse. Multum potes? caue velis parum dare. Sire non potes, pauperem spe bonâ, & initi alloquio iuua: saltem animo miserere. Spreti non sunt Israelitæ illi qui similitam, setas, aut caprarum pilos obtulerunt; meliora deerant: sed si aurum habuissent, & ista obtulissent (ait Chrysostomus <sup>c</sup>) maledicti protinus fuissent. Quidam non malignè dant, sed oleum misericordiæ, sordibus luxuriæ vitiant; tam faciles ad eleemosynam quàm in libidinem proni. Anazarbæi Ciliciæ populi, optimam regionis oliuitatem, virginum suarum castimonie tribuunt, quæ solæ illic plantant oleas, & oliuas legunt. Christianis certissimum sit, oleam hanc nostram & Veneris myrtum, inimicissimas esse arbores, nec in eodem plantario iungi posse. ingrata est Deo eleemosyna, quàm fœda carnis voluptas comitatur, nec simul placere possunt, manus munifica, & libidinosus animus. Sunt alij, qui quidem hoc carnis luto non merguntur, sed quia videri amant & laudari, oleum suum sterilissimo labore effundunt. Et cur, mi Christiane, scit læua tua, quid dextera tua faciat? Iobus <sup>d</sup> oliuæ te comparat florem proijcienti. hæc enim arbor, inquit Gregorius, etsi largè floreat, si tamen immoderatâ stringatur nebulâ, fructum omnem desperari iubet. ita qui tunc maximè misericors est, cum spectatores habet, vel vt habeat, fructum operis perdit, ex nebulâ fauoris. Hominis prædestinati eleemosyna, vnicum obseruat oculum, sed omnia cernentem; nec laudem expectat, nisi à quo & præmium, ab vno solo Deo: Et quamuis aureas habeat alas eleemosyna, Chrysostomo <sup>e</sup> docente, non tamen pauonis instar, admiratores sibi deligit in terrâ, cum muneratorem habeat in cælo, eò suis aureis alis subuolat, & Christo se sistit, quem in mendico agnoscit. Eleemo-

syna

<sup>a</sup> Baruch. c. 6. <sup>b</sup> Gen. c. 4.<sup>c</sup> Hom. 31. in epist. ad Hebr. <sup>d</sup> Iob. c. 15. <sup>e</sup> Greg. l. 12. mor. c. 26. <sup>f</sup> Hô. 32.



**S**yna tam non cupit esse nota, vt si possit, etiam clam domino suo latere velit, nam homo verè misericors, non laborat vt à multis sciatur quantum dederit, inodò sciat is vnus, qui potest danti red-  
dere. ideo D. Cyprianus hunc beneuolum in egenos animum, se-  
curitatis nostræ salutare vocat præsidium, quo Deum debitorem  
constituimus, & Christum iudicem demeremur.

## §. III.

Supremo fatalis iudicij die, de misericordiâ rigidum examen  
erit, & quæstio, ij quibus cor immitte, durum, immisericors fuit, ter-  
ribile velut in tabellâ, decretum legent: *a* *Ite maledicti in ignem æter-*  
*num.* At ij quos iam ab æterno diuina destinatio Angelorum socie-  
tati adscripsit, fidentiùs loqui poterunt cum iudice: licebit illis dice-  
re: da quia dedimus; da te, quia tuâ causâ dedimus: miserti sumus  
aliorum, tu nostri miserere: fecimus quod iussisti, redde quod pro-  
misisti. non erubescit hæc postulata iudex, & debitorem se libenter  
fatebitur. Cernent electi patulum in Christi latere hiânsque & ro-  
seum vulnus, inque eo velut gemmis scriptum: *Venite benedicti, pos-*  
*sideret regnum.* impetrastis quicquid petitis, agnosco promissionem  
meam, laudo misericordiam vestram, quæ iure sistere se præmio  
potest; accipite præmium quod pretio æstinari non potest. quic-  
quid vlli meorum fecistis, mihi factum est. Vestra me commise-  
ratio cibo potuque sæpius refecit: vestris ego vestibus tegebar, ad  
vestras ego ædes peregrinus diuertebam; vester in me amor, ip-  
sos ad me carceres penetrauit; vestrâ misericordiâ vixi: *Venite*  
*benedicti.* fragmen panis famelico dedistis? En, mensam paratis-  
simam, venite æternum epulaturi. peregrinos tecto non exclu-  
sistis? Angelorum ciues vos esse iubeo. seminudorum algenti-  
bus membris lanam iniecestis? adeste, immortalitatis purpurâ ve-  
landi: *Venite benedicti.* O quæ hæc rerum commutatio pro cen-  
tonibus, pro obolis, pro mensarum miculis, paludamentum glo-  
riæ, thesauros cæli, delicias non finiendas recipere? omnis mi-  
sericordia faciet locum vniuique secundum meritum operum  
suorum, & secundum intellectum peregrinationis ipsius. *b* Hæc, si  
quàm vera, tam essent omnibus persuasa, nemo foret qui non tam  
vili vellet cælum emere. Verissimè dixit Augustinus: Si vis mer-  
cator esse optimus, da quod non potes retinere, vt recipias quod  
non poteris amittere; da modicum vt recipias centuplum, da pau-

perinumum, vt à Christo impetres regnum, da bucellam vt obtrineas peccatorum veniam, da vestem vt mereatis gloriæ stolam, da vilia vt consequaris æterna. quæ autem stultitia, inquit Chrysostomus, <sup>b</sup> illic tua relinquere vnde exiturus es, & illuc non præmittere, quò iturus es? Illic ergo tua reponere vbi tuam habes patriam.

<sup>a</sup> Caf. Arclat. hom. 13. <sup>b</sup> In Matth. 8.

## VIII<sup>um</sup>. PRÆDESTINATIONIS SIGNVM.



VIII.

### SYMBOLVM OCTAVVM.

**C**V PRESSVS. hæc perpetui viroris & iucundi odoris arbor putredinem in se non admittit, ab alijs etiam caduerosum foetorem prohibet; hac non immerito *Gilia sui assimulatio* significatur, quæ latentem superbiæ vermiculum interficit, nec hominem ita corrumpi sinit & putrescere, vt sibi placeat. mala certè sanies, placere sibi ipsi. Odi superbos & arceo, clamat Dauid; non habitabit in medio



in medio domus meæ qui facit superbiam. *a* Rarum aiunt esse generosum pharmacum, cui non insit veneni aliquid aut sacchari: nulum certe vitium est, in quo non aliquid superbiæ. percense omnia, & sic esse deprehendes. Initium omnis peccati est superbia, & qui tenuerit eam, replebitur maledictione, & subuertet eum in finem. *b* Superbia pessimi ingenij fomes, funestis ac multiplicibus vitijs in diuersa prorumpit, odij, amorisque & super omnia inuidiæ supplicij obnoxia. Nec alij magis anxij aut perpetui motus sunt, quam hominum non tam quærentium laudem, quam hanc sibi deberi credentium. Et contemni se facile suspicantur, & hanc aliorum, ut putant, contumaciam, in se acerbissimis curis vindicant. Iam sua vitia nesciunt, iam virtutes aliorum. Sic inflatis & turgentibus, pietas, fides & quicquid in hominibus sacrum, infra famam honorumque cupiditatem iacet. Et ceterorum quidem vitiorum materies sæpe vilissima, plerumque nobilissima est superbiæ, quæ quoduis præclarum facinus, eruditionem omnigenam & virtutem, omnem sanctitatem audet arroderere, prorsus ad instar vermium, qui non nisi optima pyra aut poma perrodunt. non est qui diaboli mores venustius exprimat superbo. ille altissimo par esse nitebatur, iste non exæquari vult alijs, sed præferri. Sed nusquam non resistit superbis Deus, & ut miles stans in pinnis mœnium, quotquot ascendunt, romphæa deturbat: quandoque tamen etiam vi nullâ superbus à Deo sternitur, perinde ac si regius olitor excrecentes in altum herbulas ludentibus digitis attondeat. Saul humilis in regem euectus, sublimis deiectus est. Sunt qui naturâ cepas, sunt qui araneas aut feles horreant natiuo odio: hæc naturâ Dei est, superbos horrere & execrari: Abominatio Domini *d* est omnis arrogans: Immundus est apud Deum omnis qui exaltat cor suum. *e*

*a* Psal. 110. *b* Eccl. c. 10. *c* Iac. 4. *d* Prou. c. 16. *e* Prou. c. 10.

### §. I.

Sed veluti pestifera lues, variâ corporis parte se prodit, sic superbia non vnâ moratur sede: quorundam occupat oculos, aliorum linguam. horum manus inuadit, pluriusmodum veste se inuoluit: sunt quorum collari tam pacata sedet & immobilis, ut illam nec centum concionatores loco moueant. Sunt quos sui negligentes, & iuratos superbiæ hostes dices, nisi suas epulas ædificia sua, liberos suos atque familiam, ipsam supellestem suam superbire docerent, arcano magisterio. Sic variè superbiam spiramus, subtili

L

prorsus

prorsus ventulo : quandoque ipsi nos deijcimus infra quamlibet vilitatem, rosas & mulla loquimur, aulae byssina verba iactamus, omnium genibus aduoluimur, vt malè super alios efferamur : in alto iam positi, nec superiorem ferimus, nec parem. Quid superbis puluis & cinis? leui te mors afflatu disperget. quid tibi places Suffe- ne? foetes hominibus, foetes Angelis, foetes Altissimo, terram spi- ras (ô lutum priscae Adami!) & Luciferi foctorem spargis. Si tibi non odor tantum cupressi, sed & altitudo placeat; age, ascende, sed præter te solum, neminem despice. hoc grande & præclarum est, in alto non altum sapere; cum extolleris, te ipsum deprimere, & (quod prædestinatorum est proprium) meritis cælum attingere, & opinione sua circa solum reperire. Bernardus: « semper, inquit, diuinæ gratiæ familiaris esse solet humilitas. quæ est hæc tam sublimis humilitas, quæ cedere non nouit honoribus, inolescere gloriâ nescit? non est magnum in abiectiōe esse humilem, magna & rara virtus est, *humilitas honorata*. Auditis hæc reges & principes, rerum Domini? Auditisne ista vos viri tam docti quàm superbi, vos tam fastuosi quàm numosi? rara virtus est, *humilitas honorata*. Veræ autem humilitatis hoc est proprium, vt quod quis, cælo teste sanctior, eo se iudice vilior censeatur. Abraham Deo commenda- tissimus, nonne sibi *cum & puluis*. b Petrus Ecclesiæ petra, nonne se palam & ex animo professus *hominem peccatorem*? c Paulus vas electiōis & Apostolorum princeps, nonne sibi *abortiuum & indignum vocari Apostolum*? d Verè aliud exaltationis principium non est quàm humilitas, & vilissima sui æstimatio. Ad rem dixit Gregorius: Eui- dentissimum signum reprobatorum superbia est, electorum humili- tas, proptereaquæ à Domino dictum est: Nisi efficiamini sicut paruuli, non intrabitis in regnum cælorum. e

a Hom. 4. super missus est. b Gen. 18. c Luc. 5. d 1. Cor. 5. e Greg. l. 34. mor. c. ult.

## §. II.

Superbia virtutum omnium ruina, & altissimum hominum & Angelorum præcipitium. qualis, ô Deus, inter cælum & terram facta est olim commutatio! pulcherrimus omnium angelus cælo præcipitatur, & miserrimus omnium mendiculus, in cælum ab angelis deportatur. nam vnde Lucifer superbus cecidit, eò vlcerosus Lazarus ascendit, quem credibile est sæpius sua vlcera numerasse, quàm suas virtutes, nec dubium quin cunctis patientior sit visus quàm sibi, genuino sui contemptu. non illepide & verè dixit San-  
ctorum



Etorum quispiam: parum valet, qui se aliquid valere censet; nil pe-  
 nitus valet, qui se multū valere autumat. huic assentitur Bernardus,  
 &: omnia, inquit, illi desunt, qui nihil sibi deesse putat. addi potest:  
 cælo natos non videri, quibus sua tantūm placent, qui alienę vitæ su-  
 perbissimī censores, suę vanissimī æstimatores, tam falluntur circa  
 aliena, quā in proprijs cæcutiunt, iucundā lippitudine. Abite, &  
 vani, cælum eiusmodi pauones non admittit: cælo prædestinati,  
 nullius vitam ita rigide censent ac suam, nullius mores toties da-  
 mnant quā suos; facile indulgent omnibus, nunquam sibi; in ne-  
 minem seueriores quā in seiplos. miseri mos, puluis sumus & um-  
 bra, breui ad plures abituri, & tamen origines nostras, & maiorum  
 imagines longā ostentatione percontemimus, tanquam si magis homi-  
 nes sint, qui plures auos numerant. Homo vanitati similis factus  
 est, dies eius sicut umbra prætereunt. quoquò vertamus oculos,  
 lacrimas nostras cernimus. cælum tuemur? patriam quidem emi-  
 nus videmus, sed in exilio nos esse sentimus. terram despiciamus?  
 foueam illa nobis minatur, & licet eam pedibus calcemus; caput ta-  
 men nostrum sibi ea pollicetur, pauld post pro libitu tractandum.  
 Nos ipsos aspiciamus? ô pulchrum & rubicundulum pomum! sed  
 vermiculus latet. putredo, sanies, mors penitis visceribus delitescit.  
 cor ipsum inspicimus? ô profundam specum, & fœdam! quantum  
 hîc anguium & colubrorum agmen? heu, vitijs scateamus, nobis ta-  
 men necdum vilescimus. miserijs, stultitiâ, peccatis obruti iacemus,  
 & tamen beati, sapientes, docti videri volumus, ac digito monstrari.  
 Prædestinatos vniuersa hæc ad maximam sui vtilitatem compel-  
 lunt, ita vt quò magis se suâque considerant, tantò magis in dies sibi  
 ipsis sordescant, & his ex facili, vt beato Paulo, tordent omnia, qui  
 sibi prius ipsis sordere incipiunt, nec difficulter omnia contemnūt,  
 qui ante omnia seipso. quisquis beatus esse vult, discat contemni,  
 &, præter Deum, contemnere vniuersa. Norunt prædestinati  
 quā verè sit dictum à Chrysostomo: *b* Minimum de se sensisse  
 tam magnum est, quā res maximas fecisse. Norunt clamantis  
 vocem: qui vestrum maior esse voluerit in regno cælorum (si ta-  
 men eò perueniat) minor est futurus. Viā humilitatis norunt esse  
 confragosam, & initio nonnihil difficilem, sed planiorem paulatim  
 & commodiorem: colliculum sibi esse superandum sciunt. hunc  
 quærent & ab alijs ostensum auidè scandunt: amant contemni, oc-  
 casiones arripiunt: cū se despici vident, lætantur, sibi quæ ipsis  
 plus quā vllus inimicorum insultant. horum nemo, sui despi-

cientiam gladio se vindicaturum minatur; nec verbo vindicant<sup>a</sup>: nemo manum, nemo pugionem intentat contemptori, vt qui plus commodi ferat quò plus contemptus. Prædestinati in scholâ Christi altè combiberunt, se hominum lannis non decreſcere, nec contemptu fieri minores. Tantus est vnusquisque, quantus est in oculis Dei, & non pilo maior, nec iuxta hominum intuitum Deus iudicat. <sup>b</sup> parui Deo ſuuius, ſi magni nobis: grandes ipſi, ſi nobis exiles. puteus quòd eſt profundior, hoc illius aqua purior: æſtimatio ſui quòd vilior, hoc Deo gratior. defodiendi ſunt immodici, ingentes animi deprimendi, atque vniuerſa noſtra ſuperbia, miſeriarum, inſcitiz, defectuum noſtrorum mole obruenda. moſchum aiunt in locis graueolentibus amiſſum odorem recuperare: ita nos ſi ſeriò nobis ob ſordes noſtras vileſcamus, non quem hæcenus dedimus, ſed quem oportuit, emendationis vitæ odorem exhalabimus.

<sup>a</sup> Imit. Chriſti lib. 3. c. 30. <sup>b</sup> 1. Reg. c. 16.

### §. III.

Rogatus vir religioſiſſimus, quam poſſiſſimum ad cælum viam inueniſſet, reſpondit: *ſi ſe homo ſemper accuſet*. Hoc pænè tota Chriſtianorum diſciplina eſt, inquit Auguſtinus. <sup>a</sup> Ambroſius: <sup>b</sup> ſignum, inquit, electorum eſt, male de ſe ſentire, & vulnus ſuum agnoſcere. Gregorius <sup>c</sup> reproborum ait, eſt proprium, ſemper praua agere, & nunquam quæ egerint retractare. Omne enim quod faciunt, cæcâ mente pertranſeunt, factumque ſuum niſi puniti, non agnoſcunt. Electi actus ſuos quotidie ab ipſo cogitationis fonte diſcutiunt, nec inde ſecuri ſunt, quia videri à Deo in ſe, quod ipſi non vident, agnoſcunt. Eccleſiaſtici <sup>d</sup> conſilium eſt: quantò magnus es, humilia te in omnibus, & coram Deo inuenies gratiam, quoniam magna potentia Dei ſolius, & ab humilibus honoratur. Verè maxima in omnibus perfectio, ſuæ imperfectionis cognitio: & longè laudabilior eſt animus, cui nota eſt infirmitas propria, quàm qui eâ non reſpectâ, incenia mundi, vias ſiderum, herbarum vires, fundamenta terrarum & cælorum ſaſtigia rimatur. Cogitas magnam conſtituere fabricam celſitudinis: de fundamento prius cogita humilitatis: omnes delectat celſitudo, ſed humilitas ad eam gradus eſt. Excelfa eſt patria, ſed humilis eſt via, qui ſeriò inquirat patriam, non recuſat viam. <sup>e</sup> At verò, quod D. Hieronymus merito deplorat: <sup>f</sup> multi humilitatis vmbra, veritatem pauci ſectantur: pauci ſed hi beati & cælo

<sup>a</sup> Lib. de virg. c. 31. <sup>b</sup> Apol. de Dan. c. 4. <sup>c</sup> in c. 3. Iob. <sup>d</sup> Eccl. c. 3. <sup>e</sup> S. Auguſt. de verb. Dom. <sup>f</sup> Hier. ep. 37.



cælo prædestinati, qui quò magis seiplos vident, tantò magis sibi ipsi displicent, tantò pretiosiores Deo, quantò sibi viliores: & qui minus se vident, minus sibi displicent. Multi sciunt multa, seiplos nesciunt, tantò minores in Dei oculis, quantò maiores in suis. Magnus & tutus ad Deum ascensus est, propriæ vilitatis agnitio. Et verissimè dixit Cassiodorus: *b* Descendendo, cælum ascenditur.

a Greg. lib. 35. mor c. 5. b In Psal. 6.

## IX<sup>um</sup> PRÆDESTINATIONIS SIGNVM.



### SYMBOLVM NONVM.

**H**ASTIS PER OLIAGINVM SERTVM CONIUNCTIS representatur *Dilectio inimicorum*. Oliuæ ramus, priscis notissimum pacis signum fuerat. Plexilis hîc oliua hastas hostiliter concurrentes conciliat, & in amplexum cogit, vti amor inimicos. Serium Christi præceptum est: ego autem dico vobis, diligite inimicos ve-

Tiros, benefacite his qui oderunt vos, & orate pro persequentibus & calumniantibus vos, vt sitis filij patris vestri qui in cælis est. <sup>a</sup> Opus hoc, inquis, arduum est & difficile. Sed quo difficilius, hoc Deo gratius & nobis vtilius. Multa sunt genera eleemosynarum, quæ cum facimus, adiuuamur vt nobis dimittantur peccata, sed eâ nihil est maius, quàm cum ex corde dimittimus peccata ijs qui offenderunt nos. <sup>b</sup> Christus iam in alto pendens, linguam solam à flagris & clauis habuit immunem, & hanc in ipsâ cruce primò omnium soluit, in patrocinium eorum qui se manu aut linguâ crucifixerunt. Disertus & potens fuisset hostibus aduocatus. Et discipulos in hoc habuit hic in cruce Magister, sed paucissimos. Stephano pro inimicis oranti cælum panditur, velut si ad nobile hoc spectaculum cælites omnes sint intenti. Idem sanctissimus protomartyr pro se, stans, pro inimicis utroque genu flexo precatur, & simul patefactum intuetur cælum, stantemque Iesum à dextris virtutis Dei. <sup>c</sup> Si liceat quærere: Domine, quid hoc agis? priusne præmium & triumphus, quàm prælium? nondum os Stephani aperitur, & iam cæli ianuæ referantur? nondum viuere desijt hic Leuita, & te iam videt? nunquid nemini bene meritorum te finis esse aspectabilem, nisi in supremo tui domicilij recessu? quid ergo est quod Stephano exeat obuiam beatitudo, & extra cæli ianuas procurrat? nondum ex arenâ hic miles abiit, adhuc in puluere luctatur, etiamnum orat, & quidem pro suis hostibus. O felix & potens oratio! sed perpendamus causam sic accelerantis præmij. Tam grata Deo est iniuriarum remissio, & seria deprecatio pro inimicis, vt micissimus Deus omnem hîc maiestatem ponat, amplissimam legis gratiam faciat, nec ad regium solum primùm coronare athletam velit, sed præueniat, iubeatque pulcherrimam beatitudinem ad ipsas palatij valuas, imò extra domus limina prodire, vt felicissimus hic pugil, qui hostes insensissimos ac ipsos interfectores suos amauit, proque eis & lacrymans & moriens supplicauit, præter legem honorificentissimè ad triumphos euocetur. & hoc est æterni Regis priuilegium, ijs qui iniuriarum volunt esse immemores, concessum; adeo non malè pati, sed malè facere est malum perpeti. Mirissimus David, qui cum vrsis & leonibus pugnabat, & vincebat, ille sic strenuus & nullo timore perterritus, cum hostem capitalissimum Saulem sub hastæ cuspide, non semel teneret, parcere tamen maluit quàm occidere, illudque veluti armorum suorum insigne cantabat: si reddidi retribuētibus mihi mala, dei-



dam meritò ab inimicis meis inanis. <sup>a</sup> Fortissimus Paulus qui armatorum cuneos, qui mortem, qui inferos ipsos in certamen vocabat, in inimicos adeò clemens erat & benignus, vt diceret: <sup>b</sup> maledicimur & benedicimus: persecutionem patimur & sustinemus: blasphemamur & obsecramus.

<sup>a</sup> Psal. 7. <sup>b</sup> 1. Cor. 4.

### §. I.

Nobilissimum & generosissimum vindictæ genus est, ignoscere cum possis vlisci: & longè gloriosius est tacendo vincere inimicum, quàm respondendo: honor est homini qui se separat à contentionibus. <sup>a</sup> Ambrosius: <sup>b</sup> Vindicare se, inquit, non est actus fortitudinis, sed abiectionis, & timiditatis: Vincitur ab inimico, non vincit, qui se vindicat. nec aliter sentit philosophorum princeps: <sup>c</sup> Sicut debilis est stomachi, ait, cibum duriorem non posse concoquere, ita hominis pusillanimis est, verbum duriusculum non posse sustinere. Nemo luculentius probat se Christianum esse, quàm qui amat inimicum. virtuti exercendæ aut sincerissimo amico est opus, aut asperrimo inimico, cui nemo vnquam sic nocuit, vt non magis sibi ipsi. Chrysostomus, <sup>d</sup> Vindicta, inquit, in corde posita, nocentior est viperâ, neque enim minus malum est, referre iniuriam quàm inferre. inimicum feris: te ipsum letaliter iam læsisti. & hoc est prunas è foco rapere, sed omnium primò sibi manus amburere, dein alios ijs perfundere. sic semper prima pars malorum in auctorem suum vertitur, interdum etiam nouissima, cum sæpe interim sit illæsus, in quem perniciēs parabatur. <sup>e</sup> quisquis alium odit, primum animæ suæ vulnus infligit. qui non diligit, manet in morte. <sup>f</sup> At durum est, quicquid dicant alij, durum est, inimicum amare: sed erit longè durius inter innumeros inimicos apud inferos ardere. Difficile est eum diligere quem vix odio dignum censeas: sed difficilius erit audire ab iride clamantem: *Abite maledicti in ignem æternum.* Nimis arduum est, illæsum eum sinere qui toties læsit: montem non scandet, qui vitat ardua: cælum fugit, quisquis inimicum odit. Peregrinabundi huc illuc sæpe currimus, subinde deteriores redimus: templorum aras cerâ cumulamus, nos interim saxea pectora gerimus: impetrando lubilæo satagimus, nec tamen vindictam vrgerē definimus. ô mi Christiane, lubilæum Deus in ædium tuarum vestibulo tibi statuit,

L. 4. *Dei tui*

<sup>a</sup> Prou. 20. <sup>b</sup> lib. 1. offic. c. 36. <sup>c</sup> Arist. lib. 4. ethic. c. 3.

<sup>d</sup> Hom. 41. in Act. Apost. <sup>e</sup> Lactant. de irâ Dei. <sup>f</sup> 1. Ioan. 3.

tuum facis vel verbulo. dic: *Ignosco*, & noxarum omnium veniam impetrasti: Dimitte, & dimittetur tibi, « nam si tradideris corpus tuum ita vt ardeas, charitatem autem non habueris, etiam erga inimicos, nihil tibi prodest. *b* Diues censetur, qui multos numerat debitores: inimici in te iniurij multa tibi debent, ideo ab illis dite sces si velis. Subduc modò ratiunculam, quantum tibi sit æris tui, quantumque alieni: diues es si non reddis ijs quibus debes. quot nomina apud Deum contraxisti? & iam negligentia tuâ factus es non soluendo. quin tu ergo Deum ad debitores tuos remittis, & tua nomina, quæ nunquam posses, per illos expungis? Dimitte & dimittetur tibi. Relinque proximo tuo nocente te, & tunc deprecanti tibi peccata soluentur. « ingentia tibi debita condonat Deus, si tu alijs parua. notum illud Hieronymi: O formidolosa sententia! si parua fratribus non dimittimus, magna nobis à Deo non dimittuntur. Veniam quam quis habet inimico, hanc à Deo speret.

a Luc. 6. b 1. Cor. 13. c Eccl. c. 28.

## §. II.

Ergo saltem tui miserere, ô homo, & ne te ipsum oderis, ama inimicum. Vltionis non longa est delectatio, misericordiae sempiterna. Noli, obsecro, vinci à malo, sed vince in bono malum. « si esurierit inimicus tuus, ciba illum: si sitierit, da ei aquam bibere, prunas enim congregabis super caput eius, & Dominus reddet tibi. *b* vince in bono malum. De hac victoriâ Chrysostomus: « In olympicis, ait, certaminibus Diabolo consecratis lex est, malè faciendo vincere: in stadio Christi, omnino lex est contraria: hic enim non eum qui percutit, sed qui percutitur, coronari decretum est. Si mansuetudinem exhiberemus, essemus omnibus insuperabiles: nec vlla ad nos iniuria perueniret. Ergo, ne dicas, reddam malum. expecta Dominum & liberabit te. « ne dicas, quomodo fecit mihi, sic faciam ei. « & cur damno tuo nocere cupis alteri? O canis quid lapidem mordet? cum manu age quæ misit lapidem. ô bubo, ô cæce, quid furis in aduersarium? dimitte eum vt maledicat: Dominus enim præcepit ei vt malediceret tibi. *f* Ad mortem damnatus carnifici non indignatur, sed iudici. & cur, miselle homo, carnificem tu tuum inuadis? iudicem attende. Deus est qui talem in te antagonistam immisit, sed bono tuo, plectendis delictis tuis. Iobo Diabolus nec vnâ quidem ouiculam admissit, nisi Deus id permisisset. Dominus dedit, & Dominus etiam abstulit, & non dia-

a Rom. 12. b Prou. c. 25.

c Luc. 12. ad Rom. d Prou. 20. e Prou. 24. f 2. Reg. 16. g Iob. c. 1.

bolus.



**bolus.** Non haberes potestatem aduersum me ullam, nisi tibi datum esset desuper, respondit Pontio Christus. *a* idem prorsus inimico tu tuo responde. Plurimis plus inimici profuere quàm amicissimi. tyrannos tolle, non erunt martyres: non sint inimici, tollentur plurimorum præmia. non minus Diocletianus Ecclesiam ampliavit immanitate & gladio, quàm Constantinus liberalitate & auro. Euangelicus ille paterfamilias, voluit frumentum & lolium vnà surgere: Sinite, inquit, vtraque crescere, sed vsque ad messem. *b* At nos præproperi & in perniciem nostram festinantis ingenij homines, vt primùm noxiam herbulam conspiciamur, mox clamamus: carduos ad ignem, ad flammam lolium, inimicos ad Orcum. Lentiùs, ô boni, lentiùs; non sic licet ante messem in agros grassari. tempore messis dicetur messoribus: Colligite primùm zizania, & alligate ea in fasciculos ad comburendum. Cur ergo vota nostra damnamus ipsi, tam malè festinato impetu, quid inimicos ad pœnas raptamus? hoc genus lolij, falcem & ignem non euadet, sed nondum est messis. Christus cùm suos orare, ac septemplex petitionem diuino patri offerre docuisset, *c* è septenis his petitionibus non sine causâ solam illam de condonandis iniuriarum debitis repetijt, explicauit, & quid explicatione hac aliud declarauit, quàm, quædam monstranda esse, quædam etiam inculcanda. nec enim vnquam nimis dicitur, quod nunquam satis discitur. Et vel inde diuinam legem dilaudans Dauid: Latum, inquit, mandatum tuum, nimis. *d* verè latissimum, quod notos ignotosque, tam benefactores quàm hostes, dignos & indignos, inimicos perinde atque amicos amari præcipit. Nemo torque aureâ collo affusâ, tam certò se vel diuitem, vel doctum, aut nobilem probat, quàm certò quis Dei se filium esse demonstrat, qui inimicos amat. *e* Sed quis ita semper apud se est, cùm iræ fluctus insurgunt, qui non pessimis execrationibus inimicum liberali ore deuoueat? At Christiani est, imperare iræ & motus eiusmodi fluctus componere. pulchrè Augustinus: *f* Audisti, ait, conuiuium? ventus est. iratus es? fluctus est vento igitur flante, fluctu surgente periclitatur nauis, periclitatur cor tuum, audito conuiuium vindicari vis, & ecce vindicando te, fecisti naufragium, & quare hoc? quia dormit in te Christus, oblitus es Christum. nimirum excidit tibi, Christum, cùm crucifigeretur, inimicit suis non crucem, sed veniam à patre lacrimis exorasse. En ergo Christus in te dormit, qui pro suis hostibus, non vigilare tantum,

*a* Ioan. c. 19. *b* Matth. 13.*l* 5

sed

*c* Matth. 6. *d* Psal. 118. *e* Chrysostom. 2. in epist. ad Phil. *f* Ser. 3. inter 17. hō

sed & mori te docuit. Excita ergo in te Christum, & dic tibi ipse. Et qui sum ego vt vlcisci me velim? forsan prius ego mortem, quàm inimicus vltionem meam sentiet. hinc verò migrantem animam repellat à se Christus, qui mansuetudinem docuit non furem; submissionis præceptor, non vltionis; charitatis atque veniæ magister, non odiorum & vindictæ.

## §. III.

Sed sine oculis, sine auribus est vltio, surda & cæca fertur, quæ eam rapit impetus, vt iure priscus poëta indignetur:

————— *Verum ita sunt isti nostri diuites*

*Si quid benefacias, lenior pluma est gratia;*

*Si quid peccatum est, plumbeas iras gerunt. a.*

Neimpe plumbeo plerique sunt obtusoque & iacente animo, qui rebus omnibus, præterquam iniurijs indormiunt. qualibet offensionis aurâ, gratiam auolare iubent & euanescere, contumeliam grandi odio, velut appenso plumbo in pectus altissimè demittunt. Date veniam, Christiani, ab ipsis idololâtris superamur: eorum & testimonia & exempla nos lapidant, vt supremo mundi die, nulla nobis futura sit excusatio. Sanè Pompeio magno non magis laudi datum lego, quòd tribus amplissimis triumphis tres orbis terrarum partes complexus sit, quàm quòd esset, vt Paterculus b scribit amicitiarum tenax, in offensis exorabilis, in accipiendâ satisfactione facillimus. Augustus Imperator Cinnam necem sibi machinanti vitâ donans: O Cinna, inquit, iterum tibi vitam do, prius hosti, nunc insidiatori ac parricidæ, ei que consolaturn obtulit. vis exitum? Cinnam habuit perpetuò amicissimum, & solus illi hæres fuit. Phocion innocentissimus, & Imperator, iam capite damnatus, cùm licitor ei venenatum calicem porrexisset, rogatus à cognatis, quidnam ad filium mandaret? Mando, inquit, vt obliuiscatur huius poculi, quod ab Atheniensibus propinatum nunc epoto. Iulius Cæsar nihil vnquam præter iniurias oblitus dicitur. At quis nostrum hîc videri aut esse vult obliuiosus? quàm firmâ plerique omnes memoriâ sumus, cùm iniuriarum res agitur? Beneficia pulueri, filici verò iniurias inscribimus, manet altâ mente repostum. nemo cedit, nec Deo quidem imperante. Iam olim Deus vindictam omnem præhibuit, & seuerè prorsus edixit: *Mea est vltio, & ego retribuam in tempore. c* nihilominus quotusquisque est, qui non impiè reclamet: *Mea, Domine, est vltio, & ego retribuam.* opponit ite-

a Plaut. in Pæn. Act. 3. scen. vii. b Lib. 2. hist. c Deut. 32.



rum Deus: *Mihi Sindriā: ego retribuam. a* oblectatur iterum homo: *Mihi Sindriā, Domine, ego retribuam: tu nimis es exorari facili, sera mercedis tua est ultio.* Sic improbissimo & plusquam temerario ausu, Dei munus inuadiamus; gladium in inimicos nostros ab ipso stringendum flagitiosè præripimus, pars læsa cum simus, iudicis seueritatem induimus.

a Rom. 12.

#### §. IV.

Narrat Rufinus Aquileiensis <sup>a</sup> (& complures alij Græcorum interpretes <sup>b</sup>) &: ad Sisoium, inquit, religiosissimum senem iniuriam quidam passus se contulit, & contumeliæ genus, ore, vt fit, tragico exponens: obsecro, inquit, permitte mihi pater, vt homo sim, & me vindicem. At senex multis apud eum precibus institit, ne sic homo esse vellet, vt diabolus fieret. Nimirum Deo id curæ futurum; Deo vindictam omnem permetteret, sat forte esse hunc ultorem; iniuriarum reum diuinas manus non euasurum. At ille: mihi certum est, inquit, hoc ei non condonare, nec desistam dum par pari reddidero. Cui senex: quæso te, inquit, homo sis, sed Christianus, & quid ratio dicet, non quid impetus velit, attende. Et verò ratio, inquit iste, hoc suadet, vt ei non parcatur, qui nec ipse pepercit alijs. Contra Sisoius: sed hoc tuum non est, inquit, aut velle, aut facere. ius gladij in hac causâ penes solum Deum est. Deus ultionum Dominus, Deus ultionum liberè egit. c nobis hæc agendi libertas negata est. Et nosti, credo, quid Christus non consilij sed præcepti dederit: inimicis non tantum veniam, sed & preces, amorem, beneficia deberi. Pater, inquit iste, animus meus commotum mare est, nec quieturum dum me vindicâro. Quandoquidem ergo, inquit Sisoius, obfirmasti animum, saltem non præcipita; obsecro prius oremus. Ambo simul submiserunt genua, & vocem præiuit senex, in hæc verba: Deus, tuum nobis auxilium iam non est necessarium, nec vt pro nobis sollicitus sis, rogamus: nos ipsi omnia curabimus; nostra est ultio, & nos retribuemus, iamque in eo sumus vt inimicos nostros ponamus scabellum pedum nostrorum. d Ad eò perculerunt hominis animum hæc verba, vt mox toto corpore ad senis genua prouolutus, humentibus oculis promiserit, illatam iniuriam nec verbulo à se vindicandam. Hoc iusti iustorum præceptum est: hæc germana filiorum

a Rufin. l. 3. n. 77.

b Paschasius c. 10. n. 2.

Pelagius libell. 16. n. 10.

Pallad. in appen. lausiac.

hist. n. 13.

c Psal. 93. d Psal. 109.

filiorum Dei nota, non grauât dare veniam offendenti, in super etiam offensam beneficio redimere: Videte, inquit Paulus, <sup>a</sup> ne quis malum pro malo, alicui reddat, sed semper quod bonum est sectamini inuicem & in omnes, nulli malum pro malo reddentes. <sup>b</sup> hæc Paulus, sed hæc Christus <sup>c</sup> apertius etiam, longéque seuerius iniungit: vobis, inquit, dico qui auditis, diligite inimicos vestros, benefacite his qui oderunt vos: benedicite maledicentibus vobis. Et prout vultis, vt faciant vobis homines, & vos facite illis similiter. Et si diligitis qui vos diligunt, quæ vobis est gratia? nam & peccatores diligentes se diligunt. Et si benefeceritis his qui vobis benefaciunt, quæ vobis est gratia? siquidem & peccatores hoc faciunt: Veruntamen diligite inimicos vestros, & erit merces vestra multa, & eritis filij altissimi, quia ipse benignus est super ingratos & malos. Hæc quidem iuste imperas, & liberaliter promittis, sed, ô bone Domine, quàm multi sunt qui te non audiunt, nec lex tua apud illos tanti est, vt finem ponant odijs: fatentur nolle se in istam ignoscendi facilitatem effeminari; nil sibi fore iucundius quàm præsentî & parî monetâ factam iniuriam persolvere: atque si optio illis, quæ Salomoni, <sup>d</sup> fieret postulandi quod vellent, non sapientiam peterent, sed vindictam. horum nemo non clamaret: da mihi Domine inimicorum meorum animas: cetera relinquam tibi. Hic germanus vindictæ spiritus est, Dei legem non curare, Dei minas parui ducere, iniuriam non tantum non perferre sed reddere, totam bilem ad vnum verbulum euomere, furentis ex dolore animi impulsus sequi, votis omnibus inimicum perdere. Hæc vlciscendi libido, inquit Tertullianus, <sup>e</sup> negotium curat, aut gloriæ, aut malitiæ: sed gloria vbique vana est, & malitia Domino odiosa, hoc quidem loco maximè, quia malum duplicat quod semel factum est. quid enim refert inter prouocantem & prouocatum, nisi quod ille prior in maleficio deprehenditur, iste posterior, vterque læsi Domini reus est. Dominus monet, verberanti te in faciem, etiam alteram genam obuertere. fatigetur aliena improbitas patientiæ tuæ: plus improbum illum cædis sustinendo, ab eo enim vapulabit cuius gratiâ sustines. Et quem honorem litabimus Domino, si nobis arbitrium defensionis arrogauerimus? Sequester patientiæ est Deus, si iniuriam deposueris penes eum, ultor est: si damnum, restitutor est: si dolorem, medicus est: si mortem, resuscitator est.

a 1. Thess. 5. b Rom. 12. c Luc. 6. d 3. Reg. 3.

e lib. de patientiâ c. 8. 9. 10. 15.



## §. V.

Sed obijcias: Semper ego auditor tantum, nunquamne reponam, vexatus toties? Ita, mi Christiane, tu nunquam repones, etsi centies, etsi millies vexatus. Si vis esse Dei filius, tuo patri hanc causam comitte: tu file & patere. Nocentes peribunt qui te vexauerunt, & qui gratulati sunt in tuâ ruinâ, punientur. *a* qui iniuriam fecit, recipiet id quod iniquè gessit. *b* Sed inquis: Iniuriam condono, non oblittero; non obliuiscor. Itâne? hæc tua liberalitas est? nec tu aliam apud Deum quære, homo homini, inquit Ecclesiasticus, *c* reseruat iram, & à Deo quærit medelam? in hominem similem sibi non habet misericordiam, & de peccatis suis deprecatur? ipse, dum caro sit, reseruat iram, & propitiationem petit à Deo? quis exorabit pro delictis illius? Clementiæ vanissimus fucus est, nolle vlscisci, nec tamen obliuisci velle: si quid donas, ex integro dona, aut cælum despera. nosti, quid minetur Christus: *d* sic & pater meus cælestis faciet vobis, si non remisistis vnusquisque fratri suo DE CORDIBVS VESTRIS. Sed dicas: Ego quidem non difficilis forem ignoscendo: at publicum mihi munus commissum est, impune nemo iniuriam mihi fecerit, honorem meum eo defensum. Obsecro, Christiani, non argutemur in tam serio salutis negotio: auferte hæc picta vocularum ludibria. Munus publicum gerebat & Stephanus, nullum lapidem in hostes regerebat, neque honorem suum ita defendebat, quin sincerissimo pectore clamaret: *Domine Iesu, ne statuas illis hæc peccatum*. Iesus crucifixus, non quâ hominis tantum, sed quâ Dei filius, supplices lacrimas pro hostibus ad patrem mittebat: *Pater dimitte illis*. tantæ maiestatis non est vllus mortalium, vt turpe sibi putet, iniurias præsertim proprias ex toto ignoscere. Non quæras vltionem, nec memor eris iniuriæ ciuium tuorum. *e* Sed nulla, inquis, offensionis causa illi nebuloni à me data est. Si causam dedisses, iniuria non esset quam tolerares; parilis vtrinq; foret læsio. quid de causâ disputas? quid Ioseph fratribus nocuit, cum somnium suum narrauit? & tamen iniuriam omnem iam Aegypti prorex generoso silentio concoxit. Sed non est, inquis, leuicula iniuria quæ illata mihi est. quid iam iniuriæ gravitatem exaggeras? nec præmium erit eximium, si dimissa offensio sit levis. virtute nunquam magnus eris, nisi magnis iniurijs exercearis. Hieronymum audi: *f* Deus faber est: inimici lima sunt & mallei, quibus nos ille expurgat sanctosque sculpit. Sed nunquid cum Paulo

*a* Baruch. c. 4. *b* Coloss. c. 3.

iam

*c* Eccl. 28. *d* Matth. 23. *e* Levit. c. 19. *f* Hier. in c. 5. Matth.

iam lapidatus, aut cum Christo flagellatus, & in crucem sublatus es? Sed nobilis sum ego, vilis ille homuncio est, & terræ filius. O testa Samia! de eodem luto es, de quo tuus inimicus, aut paululum melior. Si vindictæ libido te vincit, non nobilium es filius, sed peccati seruus. Ergo potius memento nouissimorum & desine inimicari. *a* Etsi non vindicem, inquis, vt tamen vindicare me nolim, eam mihi vim facere non possum. Potes, modò velis, sed quamdiu odijs alimentum in animo ministras, quicquid cogitas, merum est absynthium: vrticas, tribulos, sentes geris in pectore, quibus cruenta conscientia miserrimè vritur. Ardeo, inquis, vindictâ. Nisi maturè hunc ignem sopias & extinguas, cæli ianuam tibi iam obserasti, & magnis passibus ad ignes stygios tendis, vbi æternum ardeas. Porta cæli iniuriarum perpelsio est, at qui vindicari vult, à Domino inueniet vindictam, & peccata illius seruans serua-bit. *b* At nulla, inquis, quies mihi est, non somnus, non cibus, aut potus sapiunt, dum Mardochæum sedentem video & intactum, dum inimicum talia in me molientem cerno & indemnem. Pulchrè, mi homo, in caput tuum deciperis. Narrat Ezechiel de quibusdam militibus *c* qui posuerunt gladios suos sub capitibus suis, & descenderunt ad infernum cum armis suis. En nouum cervicalis genus, gladium! tali cervicali somnum suum fulciunt omnes vindictæ cupidi, qui nullam sibi quietem nisi à conuijs, à manu, à gladio petunt. Sic primus diaboli discipulus (ita Cainum vocat Basilius) in fratrem iugulatrice manu ibat, vt extinctâ fratris gloriâ, suam sibi stabiliret. contrarium euenit. Esau, Saul, Antiochus diuinam misericordiam non sine lacrimis implorarunt, non auditi. Esau non inuenit locum pœnitentiæ, quamuis cum lacrimis inquisisset eam, *d* ita Saul, ita & Antiochus, ab arâ misericordiæ, ad quam confugerant, reiecti, & iure: nec ipsi parcere volebant ijs quos inimicos sibi statuerant. Iudicium sine misericordiâ fiet ei, qui non fecerit misericordiam. *e* Rex Dauid fædo lapsu peccatum duplicauit, & libidinem sanguine miscuit, quamprimum tamen pœnitentiæ signum edidit, & vix geminas vuculas, *peccati Domino*, pronuntiauit, mox à Nathane audijt: *f* *Domine peccatum tuum transulit.* quoties Antiochus peccasse se fassus, non sine grandi eiulatu clementiam Numinis implorauit, templo donaria vouit, emendatissimos mores in reliquam vitam promisit, sed repulsam tulit. nec mirum: longè aliter Hebræus ille rex, & aliter Assyrius tyrannus iste,

*a* Eccl. c. 28. *b* Ibid.*c* cap. 32. *d* ad Hebr. 12. *e* Eccl. 28. *f* 2. Reg. 12.



iste, in aduersarios se gessit. Dauid nullo regum inferior bellando & vincendo; omnibus tamen longè superior parcendo, vt qui nihil minus sibi voluerit licere, quàm vlcisci, benignior vel in hostes suos, quàm in suos ciues Antiochus, qui non nisi gladios, ignes, sanguinem, vltionem, cædes spirabat.

## §. VI.

*Ægrotos medici non deserunt, donec videant prostratas vires ad tumbam fatiscere.* est tamen morbi genus, cuius primo intuitu medicus dicat: sepulchrum aperite; hic homo moritur. ita prorsus, licet nullius improbi hominis desperanda sit salus, dum exhalârit: in hoc tamen ægitudinis genere, cum putrida viscera felle natant, cum animus odijs & vindictæ cupidine laborat, apertè Ioannes & Apostolus pronuntiat: sepulchrum aperite huic misero; est peccatum ad mortem, non pro illo dico vt roget quis: rarò resipiscunt qui semel obstinarunt animum in vindictam. Non est sensus, vbi est amaritudo. *b* Sed etsi clament omnes sapientes, minentur omnes Prophetæ, hortentur omnes Angeli, vt sepultâ iniuriarum memoria, in mutuos amplexus ruamus, adhuc tamen audacissimè conciliationem omnem auersamur, adhuc talionem postulamus. Sapientum denique omnium sapientissimus homo, Prophetarum doctor, Rex Angelorum, auctoritate maximâ, potestate summâ venit, non vt suadeat hanc vnionem, sed vt præcipiat, non vt consilium offerat, sed vt legem figat, & adhuc impudentissimè refragmur. Audite Christum regem præcipientem, audite reluctantes subditos: Stat Christus & patris nomine imperat: *c* *Ego autem dico vobis, diligite inimicos vestros.* Stant rebelles subditi, & clament: *O* Christe, frustra hæc dicis, frustra imperas. *Vobis dico, vobis Christiani.* Nos ab Ethnicis in hoc stamus; non audiris Christe. *Diligite inimicos vestros.* Vix vllus est qui obtemperet, *Ego autem dico vobis non resistere malo.* Ignavi dicemur & imbelles. *Orate pro persequentibus & calumniantibus vos.* Rara est hæc oratio & nimis frigida. *Vt sitis filij patrum vestri qui in calis est.* Nimis cardè venalis est hic titulus. *Benefacite his qui oderunt vos.* Contra naturam, Domine, iuperas; manda faciliora. *Dimittite & dimittetur vobis.* Non possumus, vt id scias Christe, non possumus, hoc est, nolumus iram cohibere, dentes restringere, manum continere; & quis cogitationibus imperet? *Si dimiseritis hominibus peccata eorum, dimittet & vobis pater vester celestis delicta vestra.* parati sumus perire, modò simul pereat inimicus.

O Christiani, adeone cælum odistis, vt sic velis remissque ad inferos properetis? Vbi vestrum illud? Dimitte nobis debita nostra *sicut* & nos dimittimus? aut ergo inimici vobis vestri amandi sunt, aut toties vobis ipsi laqueum iniicitis, quoties hoc à Deo postulatis: sicut nos alijs dimittimus, ita tu nobis, ô Deus dimitte. Sed nos nihil condonamus, omnia vindicatum, omnia inius punitum, odio implacabili. Ergo & tu in nobis nil impunitum relinque. Impiorum est hoc ingenium non prædestinatorum, nam hi tam grauiter lædi non possunt cum clament: Pater dimitte illis, Ne statuas illis hoc peccatum; Ego omnia condono, omnia remitto, nihil ulturus. hæ voces prædestinatorum sunt. Sed priusquam finiam, obsecro vos omnes, qui hæc legitis, nec tamen inimicos diligitis, creditisne hæc vera esse? vera, dicetis, nisi Veritas mentiri & Christus decipere potuerit. Si ergo vera sint ista, vti sunt verissima: quæ tandem impia hæc est contumacia, quæ hæc tam obstinata diuinæ legis irrissio, quis iste tam proteruus iubentis Dei contemptus? Clamat Christus & præcipit: Ignoscite, dimittite, diligite non amicos tantum, sed & quoscunque inimicos. Adhuc vestra stat peruicacia, adhuc inimicos odistis? nondum ignoscitis, nondum maleuolos obrectatores amatis? nec tanti apud vos Christus? nec tanti est Deus? nec tanti cælum est, & æterna salus? & necdum extorqueri à vobis potest vel vnicum, sed serium & ex pectore promptum verbum: Ignosco, dimitto; condonet Deus, quicquid in me à quocunque peccatum est. Adhuc, saxa statis sine sensu, sine voce, sine motu vilo ad veniam? adhuc ferreus vester animus spirat vindictam? adhuc clamatis: inimico mala crux, inimico mala omnia? adhuc vociferamini: inimicis ultio, inimicis mors, inimicis omnes diræ? Ergo adhuc in inimicum durant odia? ergo necdum impetantem Christum auditis? Ite iam, ite vos tales Christiani, quacunque libet viâ, non errabitis: securè & certò, ad illud quò tenditis, diaboli regnum peruenturi. ite compressis oculis; ad inferos iam quæuis semita vos ducet: ad hunc viæ terminum non certius itur, quàm errando. & certissimum est effatum istud:

Non potest amare Deum, qui non cessat  
odisse inimicum.



X<sup>um</sup> PRÆDESTINATIONIS

SIGNVM.



X

## SYMBOLVM DECIMVM.

**F**LAGELLO ET VIRGIS monstratur *Detestatio præteritorum peccatorum.*  
 Facinus abominabile iudicat esse Augustinus, præteritorum  
 peccatorum meminisse, & inde gloriari ac gaudere, cum de illis  
 magnoperè dolendum sit, & contra nitendum; nam vt idem Au-  
 gustinus verè affirmat: qui pectus suum tundit, nec se corrigit, pec-  
 cata solidat, non tollit. *a* Lugens Dauid de se pronuntiat: Pecca-  
 tum meum contra me est semper, ideoque Deum tam efflictum ro-  
 gat: Cor mundum crea in me Deus, & spiritum rectum innoua in  
 visceribus meis. *b* Beati qui sic lugent & odio tam generoso pecca-  
 ta detestantur, hoc ipsum dolentes quòd non satis doleant; ex hoc  
 ipso tristes, quòd minus quàm par sit tristentur. Et hæc quæ secun-  
 dum Deum tristitia est, pœnitentiam in salutem stabilem operatur.  
 in stabilem salutem, inquit Apostolus, quod attentissimè conside-  
 randum. Multi salutem per pœnitentiam recuperant, sed heu non  
 stabilem salutem. Ideò Christus disertissime monet: *d* nisi pœni-  
 tentiam habueritis, omnes similiter peribitis. explicatè præcipit,

M

non

*a* Lib. 5. de lib. arbitr. *b* Psal. 50. *c* 2. ad Cor. 7. *d* Luc. 13.

non agendum tantum, sed habendam esse poenitentiam, eamque retinendam. Nec enim ut statim temporis mutuam, quaerenda est poenitentia, non transiolare permittenda, sed certo perseverandi proposito firmanda. Ita D. Thomas Aquinas: « Vera, inquit, & seria poenitentia, non tantum à peccatis praeeteritis expiat, sed etiam praeferuat à futuris. non habet poenitentiam, qui non habet propositum firmissimum non amplius in priores noxas relabendi.

a 3. par. q. 84. art. 8.

### §. I.

Christus paralytico, quem sanarat, praecepit lectulum ut tolleretur. Et mox sustulit grabatum suum, & ambulabat. « occasiones peccati cauendae, tollendae, remouendae sunt, & sic ad honesti rectique metam currendum. Euangelicus prodigus extremam fame tabescens: Surgam, inquit, & ibo ad patrem meum. Nec tantum dixit, sed iuit. Et surgens venit ad patrem suum. Hic plerique omnes & manuum & pedum usum, nostram culpam amittimus. linguam valemus, non opere: ore strenui, languidi manu. arcum intendimus, nec tamen sagittam emittimus: proponimus facturos, non facimus. post commissas noxas gemimus, sed ne committamus, oscitanter cauemus. nimirum vulnus obductum cupimus, & sanguinem non sistimus. peccatis medelam admouemus, & affectum ad ea non tollimus. differendo & procrastinando senescimus. ita dum proponimus & promittimus, abit vita, & inter merum & pigrum *velle*, tota euanescit. sic demum in longis nos propositis mors deprehendit, rideturque tot annis voluisse facere, fecisse nunquam. Augustinus olim talis, sed non diu talis, mature fecit idque ante senium, quod vidit sibi esse faciendum. Dicebam, inquit, apud me intus: ecce modo fiat, modo fiat. & cum verbo iam ibam in placitum, iam praene faciebam & non faciebam, nec tamen relabebam in pristina, sed de proximo stabam & respirabam. Retinebant me nugae nugarum & vanitates vanitatum, antiquae amicae meae, & succutiebant vestem meam carneam & submurmurabant. Diuittisne nos? Dimisit certe & excussit iugum: vitam priorem omnem sic detestatus est, ut aliam viueret.

a Ioan. 5. Marc. 2.

c Lib. 8. Confess. c. 11.

### §. II.

Nos saepe quidem meliorem vitam incipimus, sed hoc tantum, nec telam hanc perteximus, in coeptis non modo non pergimus, sed & in antiquam siluam redimus. Sunt, quis dubitet, multorum pij conatus,



natus, sanctæ cogitationes, optima consilia, castissima proposita: sed plerique Athenienses sumus, optime decernimus, pessime exequimur, aut certe in exequendo non persistimus. modos viuendi honestissimos ac plane salutare nobis præscribimus, sed cuius mox tædio molestiæque cedimus: sancta proponimus & grandia, sed ubi rebellem carnem, inuitantes socios, allicientem Dæmonem sentimus, non inuiti manus damus, & ad priores vitæ sordes, nos retrahi non prohibemus, instabili prorsus & nimium breui pœnitentiâ. Decreuisti, mi optime Christiane, vitam instituerè castiorem, occasiones cauere, oculis in amore ducibus imperare, carnis petulantiam edomare: rectè cœpisti verecundè loqui, paginas impuras auersari: pulchrè. proposuisti bilem substringere, & iræ moderari, omne odium deponere, inuidiam omnem animo pellere: optime. instituisti linguam coercere, filere cum alij verbis detrahunt, sustinere cum dicerijs laceffunt: omnia præclare, & ad normam veræ pœnitentiæ. quanto verò præclariùs, in hoc vitæ curriculo perseverare: quàm multi se heri continuerunt, linguam & libidinem represserunt, iram fregerunt, seipsos vicerunt, qui se hodie in priorem vitæ licentiam effundunt, linguae & libidinis iugum subeunt, ire habenas soluunt, vitijs vt antè seruiunt, non est vera, quæ non est firma & stabilis pœnitentia: inconstans hæc & desultoria mentis leuitas est. O quales gladiatores sumus, qui doctè quidem ventilamus, eruditè præludimus, sed cum mucrone pugatorio vtendum, cum in gradu standum, & celeres ictus eludendi sunt, ignaui recedimus, & vulnera in statu euitanda, in abitu accipimus. O quales cursores nos, qui primo itinere brachia iactamus, pedes incitamus, parè iam sudamus: paullo post, ante viæ medium hæremus, deficimus, succumbimus. Ah quoties præclara conamur, inchoamus cum laude, pergimus aliquamdiu spe bonâ, languemus paullatim, cadimus tandem, iacemus in fine. Arbor frustra flore suo triumphat, & fructus promittit, nisi & proferat. Architectus fundamenta incassum iacit, si ea non in parietes & muros excrescant. quid nauarchum iuuat malum erigere, antennis aptare, vela explicare, applicare remiges, si littore nauim non soluat, aut ad littus quàm priuim redeat: Ita nos cum architectis fundamenta iacimus, & nullum surgit ædificium: cum oratoribus crebrò exordimur, vix vnquam peroramus: sæpe vela damus cum nautis, sed ingruente procellâ, ad littus vnde soluimus, redimus. Illud nobis in ore continuū: volo facere, volo me emenda-

re: nihil facimus, nunquam seriò emendamus. per sacramenta ritè percepta carceribus quidem euolamus, sed in medio cursu frangimur, cadimus, iacemus. & iam nullum amplius extat argumentum promissi nostri quod fecimus, aut diuini epuli quod accessimus. ita quàm memores iniuriarum sumus, tam obliuiosi propositorum nostrorum. prudentissimum animalium censetur homo. at sibi stultissimum videri, aiebat Polybius. Nam ceteræ animantes vbi semel offenderint, cauent; non vulpes ad laqueum, lupus ad foueam, canis ad fustem temerè redibunt: solus homo ab æuo in æuum peccat ferè in iisdem incautum, obliuiosum animal.

## §. III.

Per Isaiam queritur Deus. *a* Non posuisti hæc super eorum tuum (ô anima) neque recordata es nouissimi tui. Et dixi, cum fecisset hæc omnia: ad me reuertere, & non est reuersa. *b* Pœnitudo, inquit Bernardus, sine correctione non proderit. Vnus ædificans & vnus destruens, quid prodest eis nisi labor? *c* qui enim baptizatur à mortuo, & iterum tangit eum, nihil proficit lauatio eius. *d* verè pœnitentiæ comes est correctio, vt iam coërceas gulam, iugules luxuriam, superbiam deprimas, & facias seruire corpus sanctitati, quod iniquitati antè seruierat. Hæc nos omnia facturos pollicemur; vix dies abit, sæpe nec hora; & iam pollicitorum obliti, redimus ad ingenium, & quod Isaias *e* deplorat, è salubri luctu malè hilarescimus: Venite sumamus vinum & impleamur ebrietate, & erit sicut hodie, sic & cras, & multò amplius. Simillimè sumus cum Pharaone ingenij: Videns autem Pharaon *f* quod cessasset pluuia; & grando & tonitrua, auxit peccatum. ita nos post impetratam veniam, sapissimè augemus culpam. quoties manè ouiculæ fuimus, leones vesperi, & sub humanâ fronte tigrides! quoties manè Angeli, vesperi vix homines esse deprehendimur: ita larvam aliam ex aliâ sumimus, & illa nobis sæpe familiarior est, quæ turpior: ita è vasis gloriæ in vasa contumeliæ mutamur, heu crebrâ nimium vicissitudine. Sicut autem ægotantes, inquit Chrysostomus, *g* nisi semper ordinatè vixerint, nulla ipsis disciplinæ per tres aut quatuor dies seruata vtilitas: sic & peccantes, nisi semper sobrij sint, nihil proderit ipsis duorum vel trium dierum correctio. Pulli gallinacei iam plumantes, sæpe per domesticum atrium musculas & vermiculos, pabuli sui delicias venantur, interim eos sublimis per aërem miluus curiosè numerat,

*a* Il. c. 47. *b* Hier. c. 3. *c* Eccl. c. 34.

atque

*d* Serm. 3. In vig. nat. Dom.

*e* Il. c. 56.

*f* Exod. 9.

*g* Hom. 3. ad pop.



atque cū iam volans ille fur, cunctabundo mōtu, eodem pænē loco pendulus circumtuetur, & quærit quorsum in prædam superne sese ruat fulminis vice, de cælo improuisus adest, & incuriosam ex his auem rostro transfodit, secūmque trepidantem sub vngue cibum auehit. at pulli ceteri, metu celeres sub matris alas coeunt, sed non diu latent; mox metum omnem obliti & tegi recusantes, è plumatili latibulo securè prouolant, totā areā in pastum, vt prius effusi. Sed adest iterum alatus prædo, & pullum alterum subitò abripit. diffugiunt iterum pauidi, & notum asylum, maternas alas repetunt. Sed hic mali metus nunquam est diuturnus, & tamdiu lusus iste, vtrunque luditur, dum pullis area vacuatur. non impari lusu nobiscum mors ludit: hīc vicinum nobis, illic cognatum, amicū ibi abripit. ingermiscimus, & quia propinquum malum non sine causā credimus, trepidamus etiā, inorēque sanctiores promittimus. Sed quamdiu hæc pia trepidatio, quamdiu hī gemitus? it vnus aut alter dies, & iterum vermiculos passim sequimur, iamque & lacrimarum & gemituum obliti, ad hilares cachinnos & calices, ad lucella iniusta, ad eiuratas libidines, ad vitiōrum nostrorum circulum redimus, & ad pristinam vitæ consuetudinem liberè prouolamus, tamdiu malè securi, dum vltimæ nobis fluant lacrimæ, & mortis vngues iam nostro hæreant pectore. tunc velle facere nimis serum; fecisse solum iuuat; & quod durum erat pati, tunc meminisse dulce est. Sed hæc neque alijs, neque nobis ipsis satis credimus: peccata detestamur quidem hodie, cras eadem, sæpe plura, & grauiora repetimus. ludimus cum bono Deo: vix facta defleuimus, mox iterum deflenda facimus. ita catenam nectimus è vitij. quod deflet Isaias & minatur: Væ qui trahitis iniquitatem in funiculis, & quasi vinculum plaustrī, peccatum, hic mos noster est, peccata alia atque alia, alijs atque alijs peccatis accumulare, ac plerunque in peius proficere. & quemadmodum Antiochus Epiphanes bonus puer, sed malus iuuenis, & vir pessimus fuit: sic iisdem pænē gradibus & nos abimus in profundum. deletis namque per pœnitentiam & exomologesin culpis, primā forsan hebdomade calemus, alterā tepescimus, frigemus tertiā, demum omnis bonus spiritus euanescit, & rursus morimur. O lunas, non vno duntaxat mense nec hebdomade vnā, sed vno quandoque die crescentes & decrescētes, opulentas & inopes. & quot Euripos in angusto pectore circumgestamus? quoties è bonā oliuā in oleastrum turpiter degeneramus? heu volubilitatem & inconstantiam, non fortunæ tantum,

sed & voluntatis humanæ, quæ sensim fit pessima, cum esse boni definit. impius facit opus instabile. <sup>a</sup>

Iustorum autem semita quasi lux splendens procedit & crescit usque ad perfectam diem, <sup>b</sup> prædestinati sic detestantur, ut ea penitus auerentur; non tutum arbitrantur, hunc cum Deo lusum recipere, ut peccata commissa desinant hodie, cras iterum deflenda committant. Dei semel offensi nunquam obliuiscuntur, nec sine gemitu recordantur condonatae offensæ. hinc amplissimam à Deo gratiam ineunt. Offensum se Deus obliuiscitur, si nos offensi cum dolore recordemur.

<sup>a</sup> Prov. c. 11. <sup>b</sup> Prov. c. 4.

## XI<sup>um</sup> PRÆDESTINATIONIS SIGNVM



XI.

### SYMBOLVM VNDECIMVM.

**A**NCHORA, est. *Voluntatis in bonum propensio*, quæ sese tunc demum exerit, cum quis firmissimè statuit, nullum unquam gravius peccatum committere, etsi bonorum omnium ipsiusque vitæ facienda sit iactura. Iuravi & statui custodire iudicia iustitiæ tuæ. <sup>a</sup>

quod



quodd si cor nostrum non reprehenderit nos, fiduciam habemus ad Deum. *a* Ludouicus Granatensis: reprobationis, inquit, signum mihi certum videtur, facilitas letaliter peccandi, sine doloris sensu. Nimis est malus, qui quod bonum est, nec serio quidem vult velle: magna pars bonitatis est, velle bonum fieri. Cælo prædestinati, vt nil vnquam mali velint, id volunt vnicè, quod vult Deus. omni horâ & momento clamant cum Paulo: Domine quid me vis facere? *b* non est quidquam quod pro te pati recusem: nihil mihi nimis acerbum aut arduum, nihil difficile nimis erit aut inexpugnabile: omnia superabo tolerando, peruinca & expugnabo omnia, Deo meo duce & adiutore, & quicquid viribus non potero, id ardentissimis desiderijs consequar: quocunque me pedes non tulerint, eò cogitationum alæ perducent: & vti solares herbæ ad suum solem, sic ego semper ad tuam, Domine, voluntatem me vertam. In capite libri scriptum est de me, vt facerem voluntatem tuam, *c* Deus meus volui & legem tuam in medio cordis mei, in medio memoriæ, intellectus, & voluntatis meæ illam reposui. Bernardus *d* ad hoc diuinæ voluntati præstandum obsequium promptissimus: Pauperculus ego, inquit, non habeo nisi vnum minutum, voluntatem meam, & non dabo illam ad voluntatem illius, qui toto se, totum me comparauit? *e* Equum omnino est, vt voluntas diuina regula sit humanæ voluntatis & anchora. Epictetus: *e* Constitui, inquit, & conformaui voluntatem meam diuinæ. vult me febricitare? & ego volo. aliquid aggredi? volo. potiri? volo. non potiri? nolo. mori? volo. quis iam igitur prohibere me aut cogere præter voluntatem potest, non magis quam ipsum Deum? Turpe, hæc olim à priscis in cæcâ nocte versantibus visa, à Christianis ad clarissimum solem cæcutientibus non videri. *Fiat voluntas tua; tua, o mi Deus, tua voluntas fiat, sicut in cælo & in terrâ.* Quare accingimini & estote filij potentes, vt pugnetis aduersus nationes (contra insultus vitiorum) sicut autem fuerit voluntas in cælo, sic fiat. *f*

*a* Ioan. 3. *b* Act. 9. *c* Psal. 39. *d* Scrm. de quad. deb. *e* diss. 3. c. 26. *f* 1. Machab. 3.

### §. I.

Horologia vrbica, primarium vnum sequuntur omnia, cur non & omnium hominum voluntates, velut minuta horologiola, ad illud cæleste magnum, ad vnicam diuinam voluntatem dirigantur? sicut fuerit voluntas in cælo, sic fiat. Dici non potest quam hoc Deo sit gratum. gratulatus ipse sibi Deus velut de re maximâ: In-

ueni, inquit, Dauid filium Iesse, virum secundum cor meum, qui faciet omnes voluntates meas. *a* Ergo diu quæsiuit Deus, quærir- que eius animi & voluntatis hominem, qui id solum, in omnibus, semperque aut nolit aut velit quod ipse. Hoc tali reperto homine, gaudium non dissimulat, benignissimus pater: Inueni qui faciet omnes voluntates meas. Ideo & ipse Dei filius omnem suam ad patris voluntatem composuit: Descendi de cælo, non ut faciam voluntatem meam, sed voluntatem eius qui misit me. *b* Ab hac bonæ rectæque voluntatis normâ nimis remotus est, qui non tantum non ad nutum, sed nec ad imperium obedit. Sapiens timet & declinat à malo, stultus transilit & confidit. *c* hoc est comedere, ac tergere os suum, & dicere, non sum operatus malum. *d* Qui huius animi est, oppignerat animum diabolo, & ridet; cælum perdit, nec damnum sentit, tanquam inter omnia damna leuissimum.

*a* Act. 13. *b* Ioan. 6. *c* Prou. 14. *d* Prou. 30.

## §. II.

At contra, cælo destinati sic animum in bono stabiliunt ut omnē mali speciem, & vel umbram peccati perhorrescant: non sinunt id sibi placere quod Deo displicet, in id solum totâ mentē pronissimi, quod, etsi displiceat omnibus, modò vni sciant placere Deo, hoc cogitant, hoc & loquuntur, nec dubium quin sæpius eorum voluntas sic ignescat, ut præ Epicteto longè religiosius exclament: Deus meus, amor meus! absit hoc à me, ut quod tu vis, ego nolim; aut quod tu non vis, velim ego, tua voluntas, mea est voluntas; imò, mea iam amplius mea non est, quia tua esse cœpit; & ideo tua mihi iam sequenda est, quia mea esse cœpit. idem ego velle debeo, quod tu, & verò etiam, ô Domine, volo. Ægrotare me vis? volo. pauperem esse? volo Domine. Doloribus affligi? hoc volo, contumelijs & iniurijs affici? etiam volo. contemni atque despici? & hoc volo, quantumvis id grauitèr sentiam. Vis me destitui solatijs? volo. animi angustijs premi? volo, etiamsi tu mi Domine id me velis ad extremũ vsque iudicium perpeti. Vis me rebus charissimis spoliari? difficile est quidem amata relinquere, tecum tamen hoc ipsum volo. Etiam mori me vis? inter difficilia omnia, difficillimum hoc est, tamen centies mori non recuso, modò diuinis sanctissimæ voluntatis tuæ brachijs immoriar. Vis me præmaturè mori? volo, vel reluctante naturâ. Vis me cælo adscribere? volo, ô Domine, volo, inferno addicere? Ah, bone Iesu, ut tu tuâ hoc velles senten-  
tiâ,



tiā, factis ego meis volebam & merebar, sed vt ego hoc nollem, & volebas tu & merebaris tuo sanguine. Atque si fieri posset (vti sanē non potest) alterutrum istorum, aut æquissimam tuam voluntatem esse irritam, vt ego beatus sim; aut me damnatum esse, vt iustissima tua voluntas sit rata; proclamo: melius est damnari me, & seruari quod tu vis, ô Deus. Sed ô bonitas, mortem meam, scio, non vis, qui filij tui mortem ideò volebas, vt posses non velle meam. per illam ergo filij acerbissimam mortem te rogo, ô pater, ab æternā morte me serua. en vulnera, en sanguinem quo tibi pro me litatum est: filio nolebas parcere, vt posses seruulo. Ego mancipium tuum. O rex immortalis, ad omnem arbitrij tui motum versari me patiar: suaue mihi erit quicquid à voluntate tuā euenerit. paratum cor meum, Deus, paratum cor meum. <sup>a</sup> Hos amat cæli monarcha famulos qui heriles nutus oculo tam vigilante obseruant, vt Domini voluntas, lex fiat serui, qui semper explicatā fronte dicat: Dominus est, quod bonum est in oculis suis faciat. Nihil enim melius est quàm timor Dei, & nihil dulcius quàm respicere in mandatis Domini. <sup>b</sup>

<sup>a</sup> Psal. 107. <sup>b</sup> Eccl. c. 23.

### §. III.

Suum illud nobile monitum commendent Græci: Ne quid nimis. Tu sanē, ô Deus, tu mundasti mandata tua custodiri *nimis*. <sup>a</sup> Seruos suos vult Deus ad omne præceptum, & ad omnem nutum paratos promptos, qui vel vno etiam die, vel etiam afflictissimi, millies tamen corde & ore dicant, *quod Deum vult*. ita quicquid hi tam bonæ mentis homines volunt, hoc vult & Deus, nam illi constantissimè nolunt, quod Deum auersari sciunt & nolle, ita hi tales, quicquid desiderant, impetrant, quandoquidem non aliud vnquam desiderant, quàm vt ad vnā & vnicā Dei voluntatem se conforment; sciunt enim quàm verè Hieronymus de obitu Blæsilæ scripserit ad Paulam: Bonus est Deus, & omnia quæ bonus facit, bona sint necesse est. nec illi bonæ voluntatis homines pro malo habent quicquid à bono Deo est. Sani sunt: gratias referunt conditori. languent: & in hoc Domini sui voluntatem agnoscunt & laudant. Charorum orbitas irrogatur: plangunt quod accidit: sed quia sic placere norunt Domino, animo sustinent æquissimo. Vnicus rapitur filius: durum quidem, sed tolerabile: quia sustulit ille qui dedit. Imminet dura pauperies, aut grauior pauperie morbus:

<sup>a</sup> Psal. 118.

M 5

con-

contemptus affligit aut contumelia: iniuriarum agmen lacescit: alias sibi voces elabi non sinunt quàm istas: *Sicut Domino placeat, ita factum est, ita bene factum est; etiam in hoc laudetur Deus.* Benedictus Deus in æternum: Hac bonâ voluntate, velut anchorâ, stabiles superpremam expectant horam & breue putant omne malum, quod finis melior subsequetur.

## XII<sup>um</sup>. PRÆDESTINATIONIS SIGNVM.



### SYMBOLVM DVODECIMVM.

**C**ITHARA, quâ exprimitur *moderatio affectuum*, seu *Gloria temptationum*. Qui Christi sunt, carnem suam crucifixerunt cum vitiis & concupiscentijs suis, liberè clamat Paulus. <sup>a</sup> Eleganter Bernardus de Christo nos ad se inuitante: Qui vult venire post me, abneget semetipsum, ac si dicat: qui me desiderat, se despiciat: & qui vult facere voluntatem meam, discat frangere suam. <sup>b</sup> Quod autem pugnantem fatigat, vincentem coronat. Ex hoc est lucrari vitam, quotidie sibi, suisque affectibus mori. Vbi affectus

<sup>a</sup> ad Gal. 3. <sup>b</sup> Serm. de S. Andrea.



vinunt, ibi aut cæca, aut mortua est ratio. ideo sanctissimus Dauid: Reuela oculos meos & considerabo mirabilia de lege tuâ, & scio Domine in lege tuâ magna & sublimia secreta contineri, sed ego homo sum, carne pressus, & varijs affectibus obnoxius, nec ignoro, quanta sit vis illorum qui mentem meam turbant, & excæcant: tuæ igitur pietatis sit aperire oculos meos, & offusam ab affectibus caliginem dispellere. Verè de affectibus Seneca. *b* Facilius est initia eorum prohibere, quàm impetum regere. nam sicut in præcepto dato corpori, nullum sui arbitrium est, nec resistere nec sistere deiectum potest, sed omne consilium irreuocabilis præcipitatio abscidit. ita animus si in iram, amorem, aliòsue affectus se proiecerit, non facilè reprimet impetum; rapiet illum ad inum, vitiorum proclius natura. Optimum igitur ipsis repugnare seminibus, cuiuscunque demum malignioris affectus. In confinibus arcendus est hostis, nam ubi portis se intulerit, modum à captiuis non accipiet. O quanto melior est patiens viro forti, & qui dominatur animo suo, expugnatore urbium. *c*

*a* Psal. 118. *b* Epist. 85, & 116. *c* Prou. 16.

### §. I.

Augustinus: *a* Beati pacifici, inquit, in seipsis, qui omnes animi motus componunt & rationi subiiciunt: beati qui carnis concupiscentijs edomitæ, regnum fiunt Dei, in quo nihil non ordine agitur, in quo mens imperat, non reluctantibus famulis, corporis sensibus. hæc illa pax ab Angelis, nascente Christo, proclamata, sed ea nonnisi per arma & pugnas obtinetur. Cur enim Deus *b* inter bellicos tubæ clangores Mosi legem in manus tradidit? num mitior & suauior musica, religioni Ecclesiasticæ, quò lex spectabat, non fuisset conuenientior? castris tuba quàm templis est aptior. Et nos, mi Christiane, ad castra vocamur, & ad conflictus ab eo, qui legem dedit. legem non seruabit, quisquis contra legis hostes pugnare detrectauerit. carnem suam nemo vicit blandiendo: suadentem Diabolum, Mundum seu blandientem seu sauientem sine pugna nemo superauit; resistendum est & luctandum cum omni affectu, quem hostes diuinæ legis concitant. qui suis solum noxis irascitur & affectibus indulget, is malæ arboris ramos amputat, sed saluam radicem: rami repullulabunt. ita Chrysostomus Christi verba expendens: qui viderit mulierem ad concupiscendum eam, iam mœchatus est eam in corde suo. non modo, inquit, morbum, sed & morbi radi-

gem euellit Christus. Radix adulterij concupiscentia est impudica, quare non solum plectit adulterium, sed & concupiscentiam, matrem adulterij. Ita non tantum cædes prohibet, sed & iram ad illas ducem, sed & contumeliosa verba iræ fomenta. Iracundia & amor, duo violentissimi affectus sunt, nec leges admittunt, nisi serias & seueras; blandis præceptiunculis vix emendantur. Ira non aliorum vitiorum more sollicitat animum, sed abducit, imò præcipitat. Et quamuis nemo velit tam grauius ferire hostem, vt manum in vulnere relinquat, seque ab ictu reuocare non possit: tale tamen telum est ira, vix retrahitur cum longius excurrere cœperit. Ira non abhorret ab vilo scelere, & si quem sibi destinari suo fulmine tangendum, non nisi letali plagâ lenitur. Iracundus, velut pyrites lapis, quacunque sui parte cum silice collidatur, ignem vomit. Vir iracundus prouocat rixas, & qui ad indignandum facilis est, erit ad peccandum procliuior. <sup>a</sup> Ira & furor vtraque execrabilia. <sup>b</sup> Et vix vlla pestis humano generi pluris stetit. nam virum stultum interficit iracundia, & paruulum occidit inuidia. <sup>c</sup> Itaque fratres amantissimi, inquit Augustinus, <sup>d</sup> ne obsecro tantum malum nobis inducamus: animæ morbum, rationis tenebras, à Deo alienationem, obliuionem familiaritatis, principium bellorum, plenitudinem calamitatum, dæmonem pessimum. qui quidem tantò magis cauendus est, quò plures quotidie inuadit. In omnes personas, inquit Seneca, <sup>e</sup> hic exardescit affectus: tam ex amore nascitur, quàm ex odio: non minus inter seria quàm inter lusus & iocos. Nec interest ex quàm magnâ causâ nascatur, sed in qualem perueniat animum. Sic ignis non refert quàm magnus, sed quò incidat. nam arida scintillam quoque fouent vsque in incendium. Atqui nihil est, ait, tam difficile & arduum s̄ quod non humana mens vincat, nullique sunt tam feri & sui iuris affectus, vt non disciplina perdomentur. quodcumque sibi imperauit animus, obinuit. quantum verò est effugere maximum malum, Iram & cum illâ rabiem, sæuitiam, crudelitatem, furorem, & alios comites eius affectus.

<sup>a</sup> Prou. 29. <sup>b</sup> Eccl. 27. <sup>c</sup> Iob. 5. <sup>d</sup> lib. 4. de ciuit. c. 6. <sup>e</sup> Epist. 18. <sup>f</sup> lib. 2. de irâ, c. 12.

## S. II.

Quod Romanus hic sapiens dixit de irâ, idem hoc de notissimis furij's Superbia & Inuidiâ, idem de nequissimis sororibus Luxuriâ & Gulâ, deque omni vitiosorum affectuum exercitu dicendum: quantum est, hæc mala maxima effugere, & ad beatam tranquillitatem,



tranquillitatem, & quandam quasi harmoniam, ac omnium cupiditatum concordiam, animum componere. Beatus ergo ille, qui tantò minorem affectibus libertatem indulget, quantò minus ipse vult seruire vitij: & vt rationi suum stabiliat sceptrum, cruce[m] statuit affectibus. Ad triremes damnati, certas habent, tametsi breues remorum ferias, subinde sua membris est quies: qui affectibus seruiunt, quieto nunquam viuunt animo: vnus ex alio cogitationum tumultus nascitur: Seruietis dijs alienis die ac nocte, qui non dabunt vobis requiem. *a* Idcirco Ecclesiasticus: *b* Post concupiscentias, inquit, tuas non eas. Equus refractarius fræno coercendus: deses, calcaribus vrgendus, idem affectibus faciendum, quorum aliquos impellendo, pleròsq[ue] retinendo meliùs regas. Nemo magis odisse se potest, quàm qui sic perditè se amat, vt in voluptates immodicè solutus, nec imperare sibi, nec negare quidquam possit. Sed sciant hi, quid eis vaticinetur Apostolus: *c* Si, inquit, secundum carnem vixeritis, moriemini: si spiritu facta carnis mortificaueritis, viuetis. Nemo maius obtinet imperium, quàm qui ipse sui est Dominus; non est inferior seruitus quàm suis seruire affectibus; nec illustrior est triumphus, quàm partà de seipso victorià. brevis hic conflictus, præmium æternum, affectus suos vicit qui eis seruire non vult. At seruit, ait Ambrosius, *d* quicunque metu frangitur, vel delectatione irretitur, vel cupiditatibus ducitur, vel indignatione exasperatur, vel incero[re] deiicitur. nec vlla seruitus turpior est, inquit Seneca, *e* quàm voluntaria, cum alius libidini, alijs auaritiæ, alius seruit ambitioni. Bonus, Augustino teste, etiã si seruiat, liber est: malus, etiã si regnet, seruus est: nec vnus hominis, sed quod grauius, tot dominorum quot vitiorum. Cupiditatum verò non magis vnum genus ac ratio est, quàm vultus humani & formarum, quæ, cum ex æquo homines simus omnes, maximam habent varietatem, sic alij alijs rebus afficimur, neque omnes iisdem æqualiter delectamur. hic in libidines exæstuat, ille auro capitur, hunc strangulat inuidia, iste potando sibi quærit exitium, alius otando aut ludendo. nemo eà quam sibi fingit, perire se putat beatitudine, perinde atque si minus suffocaretur qui in vino submergitur, quàm qui in aquis. Rectè diuus Gregoriusasserit: reprobæ menti valde placet quod concupiscit, sed in æternâ pœnâ, quod ei modò est dulce, amarescit. O miser, species te decipit, *g* & concupiscentia subuertit cor tuum, vt aquas fugaces ore decepto appetas. Et quæ

*a* Hier.c.16. *b* Eccl.c.13. *c* Rom.8.

hominis

*d* L.2.de Iacob. & vitâ beatâ. *e* Sen.epist.47. *f* L.4.in 1.Reg.8.4. *g* Dan.c.13.

hominis beatitudo sit libido: de quâ Ambrosius: febre, inquit, libido flagrantior est, grauiusque inflammat, & præcipitat: sed ubi quis resipuerit à furore, tunc conscientie visus aperitur, & sui vnusquisque facinoris pudendam turpitudinem erubescit. Tunc Deus timetur, & peccator se celare cupit, sed non potest; patet deformitas, nudum enim est Deo omne secretum, & peccator diuinum mente consciâ iudicium formidat. Pecunie fames, ad omne scelus egregium calcar, non sedatur lucro, sed incitatur, nec minus animum quæsitis torquet quàm quærendis, cùmque cetera vitia senescente homine senescant, sola iuuenescit avaritia. Odium porro & inuidia pertinacissimi morbi, nec quâ reliqui affectus facilitate sanabiles, nisi in cunabilis pereant. Gulæ verò qui seruiunt, malam certè dominam habent, quæ tantò fit imperiosior, quò fidiorem nacta est seruum, & quia cognatam habet Lasciuia Gula, tantò plus ea nocet castimonie, quò plus illecebris nutritur. Quis iam ille, & laudabimus eum, qui cum Tobia<sup>a</sup> gloriatur: mundam seruauit animam meam, ab omni concupiscentiâ: hoc enim est omnes citharæ fides in concordiam componere.

<sup>a</sup> Tob. c. 3.

### §. III.

Saul Agagum regem carcere damnavit, quem Dei iussu, capite debuisset. nos quoque non minus turpi clementiâ in affectus nostros statuimus, & iugulandos non necamus, sed solo mulctamus carcere, cùm id potissimum cauemus, non vt extirpentur, sed ne fædè prorumpant foras, licet intas sæuiant. ita dum latenti hosti parcimus, etiam in nos ipsos armamus, vt quod principio lapsus fuerat & error, paulatim mos fiat & consuetudo, ex quâ demum vitiosissima oriatur necessitas. ita sensim ab hoste domestico vndique oppressi, clamamus: non possum me hîc vincere: assuetis carere non possum, mori me cogit, qui hanc mihi delectationem eripit. sic errores nostri in mores abeunt: & quia malignos affectus non in herbâ opprimimus, sed crescere permittimus, tandem siluam creuisse cernimus, & ingens dumetum, quod nullis pænè viribus amplius conuelli possit. Sed neque hîc desperandum, cùm etiam consuetudo expugnari queat consuetudine meliori, & tantò futura sit corona pretiosior, quò difficilior pugna: volenti cum bono Deo vincere, certa est victoria. Modò Moses<sup>b</sup> in arinos fluctus



Etus virgâ increpet, cetera curabit Deus, & tutus transibit Israël, & tota inergetur Ægyptus. Amorrhæus & Chananæus nostris confinibus exterminabuntur, modò manus à capulo non recedat, modò discamus certare cum hostibus, & habere consuetudinem præliandi. *a* Militia est vita hominis super terram. *b* Nemo sibi ipsi fidat, periculosiorem etenim insidiatorem & hostem nemo habet, quàm seipsum, cum quo nullæ satis tutæ possunt esse induciæ: neque securum est, priùs claudi hoc hominis armamentarium, quàm aperiri sepulchrum. Semper in armis excubet, cui cordi est reportanda de tot hostibus victoria. pulchrè Cyprianus: *c* voluptatem, inquit, vicisse, voluptas est maxima; nec vlla maior est victoria, quàm ea quæ à cupiditatibus refertur. qui enim hostem vicit, fortior fuit, sed altero: qui verò libidinem repressit, fortior fuit seipso. Citharædus tamdiu discordes inter se chordas ad musicam legem attemperat, dum in symphoniam consentiant: Prædestinatus tamdiu turbatos inter se affectus conciliat, dum religiosæ paci non contradicant. Si Platoni credimus, corpus nostrum Cithara est, citharædus est animus, cui nunc hæ, nunc illæ fides tentandæ; modò lex oculis, modò linguæ ponenda; modò aures, modò manus astringendæ; nunc luxuriæ, nunc impatientiæ affectus, ad debitam normam reuocandi. peritus sanè citharædus fuit qui dixit: Castigo corpus meum & in seruitutem redigo. *d* Prædestinati princeps cura est, vt quotidie citharam suorum affectuum examinet: & iam cum iracundiâ suâ litigat, nunc inuidiam reprehendit, modò suam somnolentiam extimulat, mox lætitiâ refrænât, inde tristitiâ mitigat: semper his suis chordis oberrat, totièsq; vel remittit, vel seuerius intendit, donec in harmoniam conspirent. Nihil suis affectibus indulget prædestinatus, nemini minus parcat quàm sibi, deprehensam in se ream cupiditatem, non nisi ad crucem absol-

uit. Signum itaque prædestinationis est & istud: Qui,

Christi sunt, carnem suam crucifixerunt.

cum vitijs & concupiscen-

tijis suis.

*a* Iudic. 3. *b* Iob. 7. *c* l. de bono pudic. *d* 1. Cor. 9.

SIGNORVM

## SIGNORVM

DE

PRÆDESTINATIONE

ET

PRÆDESTINATORVM  
PAVCITATE

CORONIS.

**D**icitis addat coronidem mellifluis doctor, Bernardus: Nouit Dominus, inquit, qui sunt eius, & solus ipse scit quos elegerit à principio, quis verò scit hominum, si est dignus amore vel odio? quod si, vt certum est, certitudo nobis omnino negatur, nunquid non tantò delectabiliora erunt, si quã fortè electionis huius signa possimus inuenire? quam enim requiem habere potest spiritus noster, dum *prædestinationis* suæ nullum adhuc testimonium tenet? Fidelis proinde sermo & omni acceptione dignus, quo salutis testimonia commendantur. Hoc sanè verbo & electis consolatio ministratur, & subtrahitur reprobis excusatio. cognitis siquidem signis vitæ, quisquis hæc negligit, manifestè conuincitur, in vano accipere animam suam & pro nihilo habere terram desiderabilem. Iure nemini nisi sibiipso culpam impingit, qui nullum in se *prædestinationis* signum deprehendit. non cæcâ sortitione, cælo vel inferis, hos illos prædestinauit Deus. Notum à sæculo est Domino opus suum. *b* ita ex *præiis omnium meritis*; vel his præmium, vel supplicium illis decreuit, vt rectissimè dixerit D. Prosper: *c* Non ex eò necessitatem pereundi habuerunt, quia prædestinati non sunt; sed ideo prædestinati non sunt, quia tales futuri ex voluntaria præuaricatione præsciti sunt. consentit Augustinus: Non odit Deus Esau hominem, sed Esau peccatorem. *d* nihil enim in homine Deus aliud odit, nisi peccata. idem: *e* Solum, ait, peccatum viam obstruit ad cælum. Omnes quidem metam ad vnã properamus, sed heu quàm diuersis semitis & imus, & currimus, & perimus! arcta via Vitæ; mollis, rosea, & *lata perditionis*; asperitas montium illic, hîc vallium decliua. *facilis descensus Auerat*. Clamat Veritas, inonet & adhortatur: *Intrate per angustam portam, quia lata porta est spæ-*

a Serm. 2. de octau. Pasch. b Act. 15.

c Resp. 3. ad cap. obiect. Gallicar. d lib. 1. ad Simplic. q. 2. e epist. 105.



*visita via est, qua ducit ad perditionem, & MULTI sunt, qui intrant per  
eam: quàm angusta porta & arcta via est qua ducit ad vitam, & PAUCI  
sunt qui inveniunt eam! a idem denuò ingerit: Contendite intrare per  
angustam portam, quia multi, dico vobis, quarent intrare, & non poterunt.  
Verè angusta hæc est semita quâ non nisi vni & sine comite licet in-  
cedere: Vnusquisque nostrum pro se reddet rationem Deo: vnus-  
quisque onus suum portabit: vnusquisque propriam mercedem  
accipiet secundum suum laborem. b Et hoc est quod ingemiscens  
Christus: MULTI sunt, inquit, vocati, PAUCI vero electi. c Hoc vni-  
cum verbum, PAUCI, velut horrendum & inauditum tonitru,  
magnam orbis partem è vitiorum veterno excitauit; ex vrbibus in  
antra atque horridas solitudines, non paucos expulit: & quot cen-  
tena Martyrum millia in catastas & equuleos, in rotas atque rogos,  
in cruces & bestiarum fauces, in armatas tortorum manus egit:  
Vox vna erat illorum omnium: Mori nobis facile est, modò de-  
innum viuere liceat, inter PAUCOS illos ELECTOS: ludat gladius iugu-  
lis nostris, modò PAUCIS illis sed BEATIS annumeremur. Et quis  
eorum non ausus dicere? si vnus ego vel centum cruces vestire pos-  
sim, non abnuam: si vnus ego possim vel centum ceruices securi  
porrigere, nullam subtraham: centies mori, iocûs mihi erit, tor-  
menta pro fomentis habebam, modò ad illam PAUCORVM in paradi-  
so societate admittar. Hinc illa Ignatij martyris generosissima vox:  
*ignis, crux, bestia, rota in me tormenta diaboli veniant, tantum sit Christo  
fuar.* Hoc idem ore Christi missum tonitru, hæc eadem vocula  
PAUCI, tot impuræ vitæ homines è viridantibus luxuriæ pratis, in  
domum luctus & pœnitentiæ compegit: satius illis visum est inter  
paucos seruari, quàm cum plurimis perire, non enim minus perit  
qui perit in turbâ. Et hæc saluandorum paucitas, omni æuo pro-  
posita nobis in cautelam. De hac ipsâ, iustitiæ præco Noë (sic ap-  
pellatur à Petro Apostolo) d' centenis annis & amplius conciona-  
tus est ante diluuium, at omnibus in scelere obstinatis, octo solùm  
animæ ex omni hominum numero, in ligneo illo seu carcere, seu  
naugio sunt seruatae: & inter hos pauculos, impius Cham erat.  
Nam vti semper odoriferis proxima spina rosâ iungitur, ita raris-  
sima proborum societas est, sine mixturâ improborum. e Quod  
si Deus Sodomæam terram euersurus, vel decem probos reperis-  
set, ad Abrahami preces omnibus alijs depercisset, sed omnis illa  
terra nec denarium quidem iustorum aluit. Verè tunc sterilissima  
fuit*

N

fuit

a Matth. 7. v. 27. &amp; Luc. 13. v. 23. b Rom. 12. Gal. 6. 1. Cor. 3.

c Matth. 20. &amp; 22. d 2. pet. 2. e Genesi 7.

fuit probitatis annona. *a* Igitur Lotho ab Angelis præcipitur: *festina & saluare. b* Ita maximo huic incendio, quo florentissimæ Sodomorum & Gomorrhæorum ciuitates deflagrarunt, non nisi tres homines sunt subducti: iræ diuinæ signa hodièque illic locorū extant. Sed & illud seruandorum paucitatem clarè prænuntiabat: *c* Cùm Moses sexcenta millia virorum peditum, absque paruulis & mulieribus, educeret Ægypto, & vulgus promiscuum innumerable sequeretur, duo tantum è tanto numero in fertiles illas terras peruenerunt, ceteris omnibus eremus pro capacissimo tumulto fuit; in hoc velut vnicum conditorium tot millia mortuorum descendērunt. At verò Ægyptius tyrannus qui populum è fugâ retracturus insecutus est, cum vniuerso exercitu, rubri Oceani fluctibus sepultus est. *d* En, quot millia viuorū in vastissimo hoc sepulchro sint condita? quis non timebit te, ô rex Gentium! Porro propter adoratum idolum, proclamat Moses: Si quis est Domini, iungatur mihi, & eodem die cæsa sunt viginti tria millia hominum. *f* Magna profectò strages quam edidit vnicus ex auro vitulus. tanti est coram Deo vel vnicum peccatum. Cùm Iosue ciuitatem Hiericho, circumeundo & clamando expugnasset, quicquid & hominum & iumentorum in eâ fuit, flamina gladioque periit; vrbs ipsa demum quasi vnus cadaueris bustum, in altissimos cineres deflagrauit, *g* vnica domus à cæde vrbsque incendio seruata est immunis. Duce Gedeone Madianitas impugnaturo, è triginta duobus millibus militum, trecenti tantum selecti sunt ad pugnam, reiectis ceteris omnibus. *h* Nullum Deus numerum curat, nisi bonorum: nec via ad inferos longa est; vnico itur anhelitu, vnico letali crimine, rei læsæ Maiestatis efficimur, & digni æternis rogis. ita olim propter vnicum libidinosum facinus, *i* quadraginta millia Hebræorum; Beniamitarum quinquaginta millia & sexcenti iugulati sunt. Bethsamitæ arcam Domini curiosius tantum intuiti, quot millium strage hanc oculorum licentiam luerunt. *k* non minus clarè in sacrâ Regum historiâ, hæc prædestinatorum raritas oculis subijcitur. *l* Absalomo rebellem exercitum in patrem ducente, peruolat cursor, ad Regem David, nuntiâtque: *Toto corde vniuersus Israël sequitur Absalon.* Cùmque etiam Seba furiosam multitudinem in suum regem concitasset, mox alius superuenit rumor: *separatus est vnusquisque Israël à David, secutusque est Seba. m* Mundum inspicere, &

*a* Genes. 18. *b* Genes. 19. *c* Exod. 12.

idem

*d* Exod. 14. *e* Exod. 32. *f* Hierem. c. 10. *g* Iosue c. 2. & 6.

*h* Iud. 7. *i* Iud. 20. *k* 1. Reg. 6. *l* 2. Reg. 15. *m* 2. Reg. c. 20.



idem nunc pænè fieri dices. Christus, alter David, viam nobis signat suo sanguine cruentisque vestigijs, opertum spinis gerit caput, infame in crucis trabem fert humeris, sanguine mixtum lacrimisque natant moribundi oculi, & hoc habitu Calvariae montem conscendit, sed ut sequamur, hortatur. Sed heu, quam raros habet comites, qui cum ipso, eo quo possunt modo, velint crucifigi. liceat dicere: totus mundus in maligno positus, toto corde sequitur non Seba, sed Satanam: paucorum iter est in montem Golgotha cum Christo. Huc illud quoque pertinet, quod cum David Rex elatiore spiritu populum censeret iussisset, septuaginta hominum millia peste sunt consumpta. Et ista quidem omnia, futurorum vinbra, & velut prologus seu exordium fuerunt con- cionis illius, quam Christus de paucitate prædestinatorum erat habiturus. Iudæos iam mihi numera ab Abrahamo vsque ad diem mundo ultimam, & illa in Apocalypsi centum quadraginta qua- tuor millia, vix pars erunt millesima omnium simul numero- rum, ita ut ex omni eorum numero millesimus Iudæus inter præ- destinatos non veniat numerandus. Et quod de Hebræorum, idem de omnium aliorum hominum numero, saluâ proportio- ne, rectè astringitur, nam quod Christus b prædixit, Iudæis & omni- bus alijs commune est, nec enim paucos tantum ex Iudæis ar- cto trainite ad vitam iturus, sed absque discrimine pronuntiavit, *PAUCI inueniunt eam*. Huic veritati confirmandæ, Prophetæ ple- rique omnes acclamant. *Isaias: c Delatauit infernus animam suam, & aperuit os suum absque termino, quia succensa est sicut ignis impietatis, & septem & septuaginta vorabit & succendetur in densitate saltus, & innot- uentur superbia summi. d Vepres enim & spina erunt in vniuersâ terrâ. e* Et ubi quæso libidinis atque luxuriæ vepres non in filuam ex- crescunt? ubi non surgunt densissimæ spinæ curaram, & sollici- tudinum pro numis, non pro cælo; Verè terra infesta est ab habita- toribus suis, quia transgressi sunt leges, mutauerunt iura, dissipauerunt se- daus sempiternum, f omnes in viam suam declinauerunt, & unusquisque ad auaritiâ, à summo & usque ad nouissimum. g Hieremias non mi- nus flebili quæstu hanc proborum paucitatem deflens: h Circu- te, inquit, vias Hierusalem & aspice, & considera, & quarite in pla- teo eius, an inueniatur virum facientem iudicium, & quærentem fidem? i & ferrum, & inuersi corrupti sunt. i non diuites tantum, sed quod mireris, pauperes quoque superbire sciunt & lasciuire, iam

N 2

que

a 2. Reg. 24. b Matth. 7. Luc. 13. c Is. c. 5. d Is. c. 9. e Is. c. 24.  
f eod. c. 24. g Is. c. 56. h Hieb. c. 5. i Hieb. c. 6.

que etiam paupertas didicit cum vitijs habere amicitiam: vniuersi corrupti sunt, æs & ferrum, argentum & stannum. & vt mali originem exploraret Propheta: *Attendi, ait, & auscultavi, nemo quod bonum est loquitur* (nimis verum nostro hoc æuo) *nullus est qui agat penitentiam super peccato suo, dicens, quid feci? omnes conuersi sunt ad cursum suum, quasi equus impetu vadens in prælum.* Væ terræ, væ hominibus, adulteris repleta est terra. *b* Michæas æquè lamentatur hanc virtutis orbitatem; *c* *Va mihi, ait, non est botrus ad comedendum: perijt sanctus de terrâ, & rectus in hominibus non est.* Dauidi hæc consideranti, exundantes lacrimis oculi, ad instar foniculorum cœperunt fluere: *Deus, inquit, de calo respexit super filios hominum, ut videat si est intelligens aut requirens Deum. Omnes declinauerunt simul inuisiles facti sunt, non est qui faciat bonum, non est & sique ad vnum.* *d* Consideret quis lacrimabilem huius æui statum, variâinque morum corruptellam, & cum regio vate sentiet, dicetque redijisse Noëmi tempora, aut simillima illis, Nam, *sicut erant ante diluuium comedentes & bibentes, nubentes & nuptus tradentes, & sique ad eum diem quo intravit Noë in arcam, & non cognouerunt donec venit diluuium & tulit omnes* ita & nunc Virtus vbique terrarum aut exulat, aut vbi admittitur, non habitationis lege vt inquilina, sed hospitii gratiâ vt peregrina recipitur, non nimis diu retinenda. At vitium amplissimi iuris & dominii, regna sua non ampliùs numerat; latè nimis dominatur. Palliata iniustitia, oculatissima inuidia res suas audacter hîc agunt; & multò quàm audacissimè, exosum cælo vitium, spurcissima luxuria. Sic demum proborum numerus ad paucos redigitur, qui ad improborum inmyriadas collatus, Biantis dictum confirmat: *Rari boni, prauis plurimi.* huic accedens Ambrosius: In comparatione, inquit, reproborum, exigua est turba electorum. Nam vbique multitudo peccantium, vbique turba pereuntium. Verè lugent viæ Si-on, at rident semitæ Babylon. sprofectò, si quis mentis oculos in viam quæ præcipitio ad inferos imminet, intendar, aduertet eam tam esse viatoribus frequentem & celebrem, vt alius alium impellat ac trudat gratiosâ compressione. ita cuncti ad gehennæ flamas, velut ad nuptias alternis exemplis properant. Non pronum iter est tantum ad vitia, sed præceps. Ad virtutem via ducit ardua, sed viatores, hîc pauci, & ferè ignoti. Præfago luctu commonens Isaias: hæc erunt, inquit, in medio terræ, in medio populorum, quomodo si paucae oliuæ quæ remanserunt, excutiantur ex oleâ, & racemi,

a Hier. c. 8. b Hier. c. 23. c Mich. 7. d Psal. 13. & 52.  
e Matth. 24. f Thren. c. 1. g Il. c. 24.



mi, cūm fuerit finita vindemia. hoc vaticinio, bonorum raritas, racemulis & oliuis pauculis, quæ post copiosam oliuitatem & vindemiam pauperibus in prædam relinquuntur, improborum verò copia abundanti vuarum & oliuarum segeti conferri potest. Non est enim veritas, inquit Oseas, & non est misericordia, & non est scientia Dei in terrâ. a Maledictum, & mendacium, & homicidium, & furtum, & adulterium inundaerunt, & sanguis sanguinem tetigit. Nimis quàm apertè proborum paucitatem Prophetæ deplorauerunt.

Post Prophetarum lacrimas, eandem hanc beatorum paucitatem, in lege nouâ deplorant Apostoli. Ioanne affirmante: *b* *Mundus totus in maligno positus est.* Petrus quærit: *c* *Si iustus Sux saluabitur, peccator & impius vobis parebant?* Paulus luget: *d* *omnes quæ sua sunt querunt, non quæ sunt IESU Christi.* Hoc ipsum sæpius repetit. Christus ipse: *e* *Regnum eorum,* inquit, *sim patitur, & violenti rapiunt illud.* nec interim minari desinit: *f* *Va vobis diuitibus quia habetis consolationem vestram: Va vobis qui saturati estis, quia esuriatis: Va vobis qui videtis nunc, quia lugebitis & flebitis.* Nec auribus tantum quæ audiant, sed & oculis quæ videant, opponit B. Lucâ narrante, *g* pars boni seminis in saxa iacitur exiccanda, pars alia in dumos & vepres spargitur suffocanda, pars etiam in viam abiicitur conculcanda, quarta pars duntaxat terram bonam sortitur. Sic è decem leprosis iam curatis, vnicus regressus agit gratias. *h* Inuitati ad laudatissimam cœnam, cœperunt simul omnes excusare. Motâ piscina è tot morbidis vnicus sanatur. *k* Vnicus Nicodemus inter Hebræos senatores, liberiùs paullo pro Christo loquitur. *l* E tot diuitibus & auaris Hierichuntinis ciuibus, è tot scilicet onustis camelis, vnicus Zachæus depositâ gibbi sarcinâ (sic Beda loquitur) *m* hoc est, opū onere relicto & per angustam portam ingressus, rem iniuste partam restituit, è telonio vnicus Matthæus, vnica Magdalena è prostibulo ad vitæ innocentiam narrantur transiisse. *n* Paulus ante Philippos vrbe[m] Macedoniæ, concionatur, auditores multi, factores ferè nulli; vni Lydiæ Christiana lex placet. *o* Idem Paulus Athenis in curiâ de Christo differit: auditores non tantum multi, sed & docti, multi etiam irrisores, qui tamen Paulo crederet, non fuit nisi Dionysius & Damaris. *p* In celeberrimo septuaginta duorum concilio, vix vnus aut alter reperti, qui Christi sanguinem non siti-

N 3

rent.

a Os. c. 4. b epist. 1. c. 5.

c ep. 1. c. 4. d ad Phil. 2. e Matth. 11. f Luc. 6. g Luc. 8.

h Luc. 17. i Luc. 14. k Ioan. 5. l Ioan. 7. m lib. 5. c. 77. in Luc.

n Luc. 19. o Act. 16. p Act. 17.

rent. & Sic ante crucem Domini, spectatores multi, amatores crucis  
aut imitatores pauci. sic & hodie conciones multæ, mutationes  
morum raræ: tanguntur vitia, non extinguuntur: notari se vix fe-  
rent, ne dum eradicari: *MULTI vocati, PAUCI electi, cheu. PAUCI.*  
Ad fidem, inquit Gregorius, b multi veniunt, sed ad cæleste regnum  
pauci perducuntur. Ecce enim ad hodiernam festiuitatem, quod  
multi conuenimus: Ecclesiæ parietes implemus: sed tamen quis  
scit, quod pauci sunt, qui in illorum electorum Dei grege numeran-  
tur? Nimirum in aræa plus pælearum est quàm tritici, plura sunt ar-  
borum folia quàm fructus: multi in vite pampini, pauca vux, mul-  
ta in rosetis spinæ, pauca rosæ: multi vbique filices, pauca gem-  
inæ: sic & numerus eorum quos diuina prouidentia, ad beatitudinem  
prouehet, ad improborum multitudinē collatus, est exiguus. Quam  
verè vaticinatus est Hieremias: c *desolatione desolata est omnis terra.*  
*quia nullus est qui recogitet corde. qui corde scilicet, corde recogitet: nimis*  
*volatiles sunt cogitationes nostræ, nec bono honestoque affigi so-*  
*diu patiuntur: quæ lubet expatiantur. hinc exiguus gehennæ metus.*  
aut nullus, hinc frigidum cæli desiderium aut inconstans. In Christia-  
nos etiam hæc cadit accusatio: d *pro nihilo habuerunt terram desidera-*  
*bilem.* quid cælo desiderabilius? sed quia cogitationes nostræ, raro  
illuc comineant, hoc etiam beatorum regnum, vt rem ignotam fasti-  
dimus, aut certè frigidissimè appetimus. & hinc spes & vires crescunt  
tartareo giganti Behemoth, vt de eo Iob: e *Ecce absorbebit flumina, & non*  
*mirabitur, & habet fiduciam quod Iordanis influat in os eius.* Ideò idem  
iste patientissimus virorum: f *Verebar,* inquit, *omnia opera mea, sciens*  
*quod non parceres delinquenti:* Omnia dicta factaque mea, imò & co-  
gitata suspecta mihi fiunt, dum inexorabilem Dei iustitiam cogito.  
Et hoc est quod notus ille Hilarion (de quo Hieronymus) g in mor-  
te trepidat, & iam iam tribunali iudicis Christi sistendus, pauet. Mo-  
dicus adhuc calor tepebat in eius corpore, nec præter sensum quid-  
quam viui hominis supererat, & tamen apertis oculis loquebatur:  
Egredere, quid times? egredere anima mea, quid dubitas? septua-  
ginta propè annis seruiisti Christo, & mortem times? non tam mor-  
tem timuit animus, quæ imminens sibi iudicium expauit. Itē nunc  
mei Christiani, & dum sanctissimi viri de salute suâ trepident, vos se-  
curè delitiamini, auri argentique acervos struite: alternis inuidiæ  
morsibus vosmet lacerate, & consumite: honorum venationes &  
gloriarum aucupia institute: indulgete genio hilariter: cælum cæli  
Domino, terram autem dedit filiis hominum, hinc este ciues: sit sua

a Luc. 23. b Rom. 12. in Euang. c c. 12.

d Psal. 105. e Iob. c. 40. f c. 2. g in vita illius c. 37.



libertas oculis, sit & cogitationibus, sit omnibus affectibus: excurrant ij quò volunt: quicquid lubet, licere vobis credite, nullam corpori voluptatem negate, curate vt vobis hîc bene sit & suaue: Ambulate in vijs cordis vestri, & in intuitu oculorum vestrorum, & scitote quid pro omnibus hîs adduces vos Deus in iudicium. *a* Et quamuis annis multis vixerit homo, & in his omnibus latatus fueris, meminisse debet tenebrosi temporis, & dierum multorum, qui cum venerint, sanctis arguentur praterita. *b* Ergo potius satagite, & per bona opera, certam vesteram vocationem & electionem faciatis. *c* Diuinæ Prædestinationis signa quæ sint, audistis. 1. Non amici tantum, sed & inimici sunt amandi. 2. Subleuandi pauperes, non argentea tantum manu, sed & pleno misericordiæ affectu. 3. Aduersa omnia sic toleranda sunt, vt Dei voluntas, in his etiam laudetur, & patientia continuetur. 4. Fortunæ bona præ cælo nihili facienda. 5. & 6. Admonitiones autē siue interiores Dei, siue hominum exteriores parum est ei exaudire, qui obedire detrectat. 7. Porro prioris vitæ delicta sic detestanda sunt, ne nouis identidem cumulentur. 8. Neque vllus placere se putet Deo, qui sibi nondum displicet. 9. Nec Christum à se amari credat, qui in se Christi præsentiam non amat. 10. Affectibus vitiosis, principio præsertim fortiter obstitendum, nam hîc esse potest, quisquis vult, imperator. 11. Sic denique voluntas in bono firmabitur, alioqui semper vacillatura. 12. Sic & mors eò minus erit formidini, quò sæpius fuerit obiecta meditationi: non inuitus morietur, qui se moriturum quotidie & serio cogitauerit. Et hæc via est ad illam sine morte vitam. Suam nunc quisque conscientiam interroget, num hæc prædestinationis signa in se obseruarit, vnde sperare possit, se viâ proborum quæ ad cælum ducit, non errare. Via peccantiû complanata lapidibus, & in fine illorū inferi & tenebræ. *d* Et tamen hac sub initium facili, planâ & amœnâ viâ, densissimum agmen ita confertim ruit ad interitū, vt vel oculi testari cupiât, verissimè à Christo dictum esse: *lata porta & spatiosa via est quæ ducit ad perditionem, & multi sunt qui intrant per eam, multi, multi.* Complurium scriptis narratur anchoretæ per extasin visas animas, densæ niuis instar aut pluuiæ ad inferos delabi: adeo vt damnati manes (narrat id Lusitanus orator) *e* non immeritò quærere possint: nunquid mundus vt antea perseuerat? tot enim animæ in hunc locum tormentorum veniunt, vt vix credibile, tot homines in mundo esse posse.

Sanctus Vincentius Ferrarius Valentinus, è sancti Dominici fa-

*a* Eccl. 11. *b* Idem. *c* 2. Petr. 1. *d* Eccl. c. 21.

*e* Philip. Diez. tom. 5. con. 2. die B. Virg. ad Niu. S. Ant. 3. par. hist. tit. 2. c. 9. §. 2. Hier. Plat. 1. 1. de bono stat. rel. c. 15.

milîa religiosissimus, & verè igneus ecclesiastes de paucitate Prædicatorum publicè pro suggestu disseruit, dictaque confirmavit celebri exemplo. Tanti auctoris verba mutare religioni duximus; ea fideliter adnumerata, hæc sunt: Antequam Christus veniret in hunc mundum in humanâ carne, transierunt ultra quinque millia annorum. & totus mundus damnabatur, exceptis paucis de populo Israël, qui ibant ad limbum sanctorum Patrum. Item tempore legis Mosi, cogitate quod infantes mortui sunt absque circumcisione. Sic modò tempore legis Christi, quot moriuntur absque baptismo, & de his nullus saluatur. Item, quot Iudæi, quot Agareni, quot pagani & infideles. Item, quot mali Christiani, quia fides & baptismus cum bonâ vitâ saluat hominē, aliàs non. Quot Christiani sunt, qui licet habeant fidem, tamen sunt superbi, avari, luxuriosi, & sic de alijs peccatis &c. Nota hîc de Archidiacono Lugdunensi, qui per quadraginta annos fuit in eremo in magnâ poenitentia, postquam resignavit sua beneficia, qui post mortem apparuit Episcopo Lugdunensi, qui quæsiuit ab eo ut diceret sibi aliquid de alio Mundo, qui respondit, quod in die quâ ipse obiit, mortui fuerunt in Mundo triginta millia, de quibus solum quinque fuerunt saluati, scilicet ipse, & beatus Bernardus, qui etiam illâ die obierat, qui statim sine purgatorio ascenderant ad paradysum, & tres descenderant ad purgatorium. alij quidem descenderunt ad infernum. Propterea dicit Christus: Intrate per angustam portam. Angusta porta paradisi, Voluntas Dei est. Ad istam oportet se restringere, qui paradysum vult intrare. Lata porta est, Voluntas propria. Via spatiosa inferni, conuersatio mundanalis, bene comedere, bene bibere, luxuriari, delectari, vindicare se de iniurijs &c. Pauci sunt electi. Hæc cohortatio beati Vincentij, cui alium addimus Evangelicum oratorem. Bertoldum memorant de D. Francisci familiâ, disertum æuo suo per Germaniam concionatorem, cum pro suggestu certum quoddam vitium gravissimis verbis insectaretur, feminam eius sibi consciam, tantis animi doloribus haustam, ut in mediâ circumstantis populi coronâ, velut exanimis repente corruerit, mox tamen ad populi preces redierit ad se recenſueritque quæ ad Dei tribunal vidisset, illud cumprimis: adducta illuc sexaginta millia, vario mortis genere defunctorum, ex omni gente, Christianis, barbarisque, ac tres duntaxat animas ex ingenti

a Hic alij aliter sentiunt.

b d. Vincent. Dominica Septuag. Serm. 6. post initium. Sed plures hoc idem narrant. Quid hac in re sentiendum, vide Iacobum Granadum Theol. in 1. Partem D. Thomæ tom. 2. tract. 12. disp. 4. ubi pag. 719. Patet hic agitur de Christianis plures saluandos; à quo non dissentimus.



**G**enti hoc numero ad brevius supplicium relegatas, ceteras ignibus addictas æternis. O verè **MULTI** qui intrant per eam, per latâ & spatiosam viâ perditionis. Hoc sensu Christi, Ioannes Chrysostomus ausus est scribere & dicere: Multò sunt plures gehennam ingredientes, sed maius est Dei regnum, licet habeat paucos. Et: quot esse putatis in ciuitate nostrâ qui salui fiant? infestum quidem est quod dicturus sum, dicam tamen: non possunt in tot millibus centum inueniri qui saluentur: quin & de his Iubito, quanta enim in iuuenibus quæso malitia? quantus in senibus torpor? &c. hæc Chrysostomus, vir prudentissimus & sanctissimus, Ecclesiæ doctor, lumen orbis: idq; dixit de Antiochiâ vrbe longè populosissimâ, idq; eo tempore quo primæuæ Ecclesiæ spiritus nondum intepuerat. quis iam miretur, Paulum adeò sollicitum monere: *cum metu & tremore vestram salutem operamini*; b quando Christus ipse tam apertè præmonuit: *Contendite intrare per angustam portam*, c *Contendite*, clamat Veritas, contendite, enitimini, adlaborate, conamini omnibus viribus, vt hanc portam dignis pænitentiae fructibus penetretis, d Vacillantibus & ludibundis passibus huc non venit: vigilantissimo conatu opus est, & qui velit difficultates quasunque perfringere. nisi enim mentis intentio ferueat, ait ex Gregorio e Beda, & vim sibi ipse insigniter homo faciat, facile gradum reuocat, haud valens portæ angustias pertransire, præ eâ quam patitur effræniû carnis concupiscentiarum effusione: vt præteream tentationes persecutionesque, quos dæmon & mundus ijs mouent, qui portam hanc trajcere conantur. Et vti remiges aduersus flumen scaphâ impellentes, omni quo possunt conatu remis incumbunt: si quid contra tot hostium insultus animam ad cælum impellunt, toto pectoris annisu virtuti incumbere, impetumque impetu maiori vincere necesse est: si nolint, anima perinde vt scapha, vi fluminis in errorem irreparabilem abripietur. *Bugalate itaque iusti. & nolite peccare.* f is autem vigilare censendus est qui sic semper & vbique viuít, vt vnâquamque lucem tanquam vltimam & non rediturâ consumat: qui in omni cogitatu & facto sic suam obseruat conscientia, quasi hodie moriturus. **FACIAMUS** ergo dum possumus, quod fecisse vellemus, cum nò amplius poterimus: *quia seminauerit homo, hæc & metet: g quoniam qui seminat in carne sua, de carne & metet corruptionem: qui autem seminat in spiritu, de spiritu metet vitam æternam.*

a tom. 3. pag. 512. hom. 24. & tom. 6. pag. 248. hom. 40. in Act. Apost. tit. de pœn.

b ad Philip. 2. c Luc. c. 13. d 1. Cor. 9. Gal. 5. Col. 3. Matth. 3.

e lib. 11. mor. c. 20. in nou. exempl. f 1. Cor. 15. g Gal. 6.





# HOROLO- GIVM

AVXILIARIS, TVTELARIS

ANGELL

## LIBELLI ORDO

T H E M A

DEDICATIO PROPONITVR.

ANGELO SVO TVTORI,

A V C T O R.

**H**VNE ego libellum, ô mi optime, ô mi amantissime Custos, beatissime Angele, vniuersis in cælo Angelis; tibi præcipuè consecro, tibi inscribo, idque facio ex intimo pectore, è penitissimis animi mei medullis, pronissimo in te affectu, & primi grati animi censu. Et quid ni hoc ita faciam? innumeris me tibi beneficijs deuinxisti; nec dum deferis, pridem indignum & immerentem: viuere me cogis, & mori ingratum ô charissime Tutor, tametsi gratus esse assiduò conitar. Verè tu tantò melior es, quantò tuus cliens est deterior. Somnolentum prorsus & indocilem discipulum nactus es, ô custos vigilantissime. Sed hæc tuorum commilitonum & tua est bonitas, etiam de pessimis optimè mereri. Et quid ego rependam pro tot annorum fidissimis excubijs? meliora non habeo; tua tibi reddo pro munere. Docuisti me sæpe sæpius, variè instruxisti; admonuisti fideliter, correxisti frequenter, diu noctûque me defendisti, constanter rexisti: verbo dicam, planè perseueranter in me bonus es. En, ego tua hæc monita, quasi ab ore tuo, in consulam licet memoriam excepta, in chartam, vt potui, digessi, complurium bono. Tu verbis quidem meis, at ego sensu hîc tuo sæpius loquar. Ita perge, mi optime Tutor, me porrò docere: doce me, mecûmque alios ORARE; VIVERE nos doce; doce mori. Hæc scire, est omnem necessariam scientiam habere. In plerisque alijs, ignoratio vtilior est quàm scientia, & quid est, quod nescire nos pœniteat, si hæc sciamus? Quare, mi suauissime Angele, doce nos ORARE, VIVERE, MORI.



# ANGELVS TVTOR SVO CLIENTI.

**N**ONNE duodecim sunt horæ diei ? <sup>a</sup> aduerte igitur animum horis singulis, cum diurnis tum nocturnis, in tribus hisce postulatis, idque pro capto, quàm breuissimè te instruam sed prorsus inuerso, ac tu petijsti, ordine. Primum docebo te **MORI**: negotium hoc est negotiorum omnium maximum, in quo non nisi semel erratur, sed error semper luendus. neque verò etiam Deo unquam incipies viuere, nisi antè tibi moriaris. Deinde docebo te **VIVERE**: bene mori cupere, & malè viuere, ridiculum & puerile votum est. Sed nec unquam bene orare discet, qui non prius dediscat male agere: Inanis est oratio, ubi praua est actio. Postremo **ORARE** te docebo. Si Augustino credis: Verè nouit rectè viuere, qui nouit rectè orare. ita

Docebote	{	VIVERE	}	idque horis singulis.
		MORI		
		ORARE		

Hæc quisquis ignorat, alia frustra scit.

*Quòd verò libellum hunc mihi, cunctisque Angelis inscribis, honoris id nostro factum interpretor: sed cuius hic vsui cedit? Si me audis, volo sine iubeo, ut cum integerrimis adolescentibus, inuenibus, viris, MARIE filijs, in parthenium B. Virginis catum adscriptis, dices & inscribas. Plurima inter nos illòsque amicitia est; neque nobis alia vlla gratior, præ hac castissimâ cum illis familiaritate. Igitur pro more & lege amicitia, omnia nostra, illorum esse volumus. Si nos amant, quòd certe faciunt, & nostra hæc monita in amorem admittent.*

## ADOLESCENTIBVS, IUVENIBVS,

VIRIS,

OMNIBVS PER SUPERIOREM

GERMANIAM

Bmz Vis. MARIAE Sodalibus salus

a

*Domino & Domini matre, aeterna.*

**V**IRGINEM beatissimam, Domini matrem, vniuersi vos colitis, sancto & sanè antiquissimo instituto. Cultus vester & sodalicium sub Cruce Domini cepit in monte Golgothæ. Primum sodalem & filium hæc Virgo habuit Ioannem, charissimum Domino discipulum. Ab illo vos omnes, & sodales & filij estis, hulus & Virginis & matris, quia tamen eius præsentia, quâ Ioannes fruebatur, vobis subtracta, & magna hæc mater celsius cunctis Angelorum ordinibus sic euecta est, vt eam Ecclesia meritò Angelorum Reginam saluter, nec inuicundum vobis erit nec inutile, etiam in Angelorum familiaritatem vos quàm intimè insinuare. Sunt Angeli Magnæ matris (nec negare audemus) proximi filij: & pro magno nobis ducendum, si nos in fratres admittere non dedignentur. Illorum certè amicitia ijs est necessaria, qui & ipsi haberi volunt filij tam opulente matris. Ad hanc vos amicitiam, optimi sodales, aspirare, & vt pares ijs filij suis, Angelos esse cupere, nil dubito. Et hæc causa est, cui istud ANGELI TUTELARIS HOROLOGIVM, in omnium vestram manus promptissimè tradam. Quod si sepe, vt aiunt, in horti gratiam salutemus, Angelos ob Angelorum Reginam venerari, cuius pronissimum erit. Facile patronam sentiet, hæc celi Dominam, qui amicos habebit hos cæli aulicos. Itaque singulos ac vniuersos vos, integerrimi Sodales, obsecro, vt hanc Angelis & Angelorum Regi ac Reginæ sacram scriptionem, beneuolis oculis ac manibus admittere non grauemini. Gratis à vobis non colentur Angeli, nam & hæc amicitia si pares non accipiet, certè faciet. Monachij, ipso die S. MICHAELIS Archangelij. ANNO Christiano MDCXXI.

Omnia vestrum

*Seruum in Christo**Hieremias Dræxelinus, & Societate Iesv.*

## CHRISTIANO LECTORI.

**T**VVM, mi Lector, scotum esse reor, quod olim Poeta fuit, & nunc, credo, est omnium: quicquid dicas, quicquid scribas, dic breuiter, scribe compendio. Illud hic facere, in animo mihi est; atque breuiter, ordine, compendio docere te tria: bene MORI, VIVERE, ORARE. & hæc omnia in honorem sanctiorum Angelorum, præcipue Angeli Tutelaris, quæ quæ Angelos amas, hunc libellum, oro te, ne oderis. eius tibi usus hoc erit frequentior, quo tum amor in sanctos Angelos fuerit maior.



## DIEI HORÆ.

HORA I<sup>ma</sup> DIEI.*Disce MORI: id te doceat.*

MORS CERTISSIMA.

**M**EMENTO, homo-lutum, venturum manè illud (& forsan breui) cuius tu vespere victurus non sis, aut venturum vesperem, cuius tu manè non sis visurus. Quare, dic tibi ipse dormituro. Potes non expergisci: dic exprecto. Potes non dormire amplius. Dic exeunti, Potes non reuer- ti: dic redeunti, Potes non exire amplius. Mors vbique proximè te est. Statutum est hominibus, semel mori. Debeimur mortì nos, nostraque omnia. At verò discere qui vult MORI, omnibus id horis necesse est discat. Et quid longas spes præcipis, quid magnis cogitationibus animum imple? cras forsitan futurus fauilla & cinis. Cautos fige pedes, o homo: illa atra Diuā, Mors, cuique nostrum super caput quotidie adstat, & vltimas vitalis clepsydre arenulas, insopito & vigili oculo expectat. Age, si quid agis: abibis breui: virtus, si quam amasti; vitia, quæ patraſti, tecum ibunt, nec alios hinc habebis comites: memento mori.

a Hebr. 9.

*Disce VIVERE: id te doceat lex*

PATIENTIÆ.

**I**Vre prima hæc tibi virtus sit, quia summè necessaria. vitam hanc bene noueris; sunt vbique ferenda plurima. Bonam vitam ego puto, ait Bernardus, mala pati & bona facere, & sic perseverare vsque ad mortem. Qui pati non vult, vivere recusat. nostri ad Deum pædagogi sunt, MOEROR & DOLOR. Affligi & non murmurare, est cælum iam cominus salutare. Magnum sanè malum est, non posse perferre malum. vulneris feruorem, nihil tam exasperat, quàm ferendi impatientia. Deus si sæpe ferire, at sæpissime etiam mederi consuevit, præsertim si quis leniter, & cum gratiarum actione molestias perferat, nec eum, à quo immittuntur, oderit, aut cum Dei prouidentia expostulet; nec in secundis tantum rebus bonum se præbere didicerit. Sæpe protrahitur labor pugnae, vt crescat corona victoriæ. PATIENTIA thorax ferreus est, impenetrabilis & Virtus

Virtus dum patitur, vincit. Optimum, cum pateris, canticum est: SIT NOMEN DOMINI BENEDICTUM. Omnis impatientia hoc habet lucri, proprium malum auget, promissum præmium perdit, supplicium novum commeretur. Ergo tolera quod non vis, ut assequaris quod vis: tormentis præmia crescunt.

*Disce ORARE: id te doceat actus*

### CONTRITIONIS.

**D**omine 1 IESU Christe, verus Deus & homo, creator ac redemptor meus, poenitet 2 me ex toto corde, quod offenderim te Dominum meum & Deum meum, quem 3 amo super omnia. Et propono 4 firmiter, amplius non peccare, omnesque peccandi occasiones deuitare, confiteri, & implere poenitentiam, quæ mihi fuerit iniuncta. Et in satisfactionem peccatorum meorum, offero 5 tibi passionem tuam, merita B. MARIE semper Virginis, & omnium sanctorum tuorum, atque omnia opera mea, & totam vitam meam. Et confido 6 in bonitate & misericordiâ tuâ infinitâ, quod per merita pretiosi sanguinis ac mortis tuæ, mihi remissurus sis omnia delicta mea. & gratiam 7 vberem largiturus, quâ vitam sanctè instituere, tibi que perfectè usque in finem servire valeam. *Quicumque* patri sanctoque spiritui vivis ac regnas Deus in sæcula benedictus, Amen.

*Includuntur hac ratione.*

1. actus fidei. 2. dolor de peccatis. 3. amor Dei super omnia. 4. propositum de futuro. 5. oblatio sui per Christum. 6. spes veniæ per Christum. 7. petitio gratiæ & auxilij Dei.

### *Admonitiuncula*

IN

*Contritionis actum.*

**C**ONTRITIO adeo res est pretiosa, ut momento vel mille, gravissima etiam peccata extinguat. hominem Deo, homini Dei gratiam restituat, ac beatam æternitatem tribuat, si quem (sublata confessionis occasione) sic mori contingat. *Sacrificium Deo, spiritus contritus; cor contritum & humilatum Deus non despiciet.* 4. Contritio verò maxime nititur amore Dei super omnia, continetque tres actus.

1. **D**OLOR est ob offensum Deum, qui dignissimus est, ut ab omnibus, super omnia & ametur, & colatur: hinc, bonum quod quovis letali peccato perditur, infinitum est, maius est omnibus bonis: hinc, & malum quod quovis letali peccato incurritur, infinitum est, maius est malis omnibus, proinde tanti boni iactura, & mali tanti perperessio, maiorem dolorem merito inurat, quàm si bona cuncta, pecunia omnis, valetudo, fama, vita, cetera omnia sint per-



Vita. Interire millies, iocus est, si æternis inferorum ignibus conteratur, quibus nos peccatum vel vnicui obstringit.

IIus est PROPOSITVM, non ampliùs nec amore, nec timore delinquendi, atque si quid contra ius falsque sit acquisitum, restituenti. Ex hoc firmo animi decreto, ita paratum se quis offert ad omnes Dei leges seruandas, vt dicat: dixi, Domine, custodire legem tuam: quicquid præcepisti, ô mi Deus, faciam quàm possum integerrimè.

IIIus est SPES VENIÆ, & PETITIO GRATIÆ ad seriam vitæ emendationem. Accusare se & se non emendare, est Deum tentare: nec quidquam valet à malis veniam poscere, & mala de nouo iterare. Sanguis autem & mors Domini Iesu, hanc nobis fiduciam ingerit, vt hæc speremus, petamus tanta, seriam scilicet emendationem vitæ, post tam graues ac multiplices offensas.

## ACCUSATIO SVI

E T

## PROPOSITVM EMENDANDÆ VITÆ,

*vbi quis in culpam, quam sciuerat sibi maxime cauendam relapsus est.*

O Mi amantissime Deus, ego ingratus, ego perditus homo ad te redeo, postquam satis à te per illicita sum euagatus: nunc te amicum quæro, quem ipse mihi hostem feci. Iterum deliqui, & post mille iam casus, iterum cecidi. Ah! Domine, pessimas illas cogitationes, iterum in animum admisi; illa pessima verba iterum dixi. Ah, in culpam illam, quam sciebam tibi plurimum displicere, mihi maximè nocere, in hanc ipsam iterum relapsus sum. quantum mihi hæc cauenda esset, præsciebam, & tamen non cauebam. Ità Maiestatem tuam, ô Deus, offendi, gratiam tuam perdidici, cælum amisi meipsum damnaui, ob vilissimam delectatiunculam. Scio, Domine, tu mihi super omnia es amandus: agnosco, mi Deus, quòd lex tua & tuus honor, cariora mihi esse debeant rebus creatis omnibus: & tam perditè meipsum amo, vt meum honorem, lucellum meum, incamque libidinem, tibi, tuæ legi, tuoque honori prætulerim iam sæpissimè. Ah! quàm adhuc carnalis sum! & licet ego negem, opera mea loquuntur. Mundus non tantum mihi nondum crucifixus est, sed totus in me viuit & spirat. plenus sum prauis motibus, fœdis concupiscentijs & desiderijs; & tamen probus ac bonus haberi cupio. Vita mea merus est Euripus, merissima inconstantia, & mutabilitas, sensus mei exteriores, quòquò volūt, liberrimè expatiantur.

O

quàm

quàm variæ & quàm fœdæ imagines animo meo insident? quàm ego, ô mi Deus, dura & immobilis cautes sum, cùm de pœnitentiâ agitur! ad loquendû tam promptus sum, quàm incautus: surdus ad monita, ad fabulas & stultiloquium attentissimus; quæ de cælo, de Deo dicuntur, nimis peregrina mihi sunt & fastidiosa: ad lucri rationes satis vigilo. cùm orandû est, totus nauseo; cùm epulandum, totus anhelio & propero. ad cultum diuinum testudo sum, ad lusum & petulantias pernix aquila. ad honesta repo, ad vetita volo, ad inuidiâ & suspiciones pronissimus sum; vix tangor, & irascor & ferio, certè linguâ, cùm manu non possum. nemo me lædit, in quem non ultionem inedit & vindictam. Libidinis ignes, ô Deus tu nôsti, quàm mihi sunt vicini: hîc ergo quidē dissimulo & tego, tibi tamē, ô mundi oculo, aperta sunt omnia: nullum cordis secretum est, quod tibi celari possit. O quoties & quanta facturû me propono & spondeo! mox omnia in ridiculam, imò in flagitiosam obliuionē euanescent.

Iure igitur doleo, in e dolenda toties committere: imò vel hoc ipsum doleo, in e non magis dolere, nec satis vt par est, propriâ sentire miseriâ. Et quamuis hæcenus ad omnē pietatē lentissimus fuerim, & heu nimis alacer & festinus ad vitia, tamē talis deinceps non ero: *Disce, nunc, capi.* iter ad cælû nemo benè perficit, nisi qui quotidie incipit.

Igitur firmissimè statuo, ope tuâ, Domine, confisus, priores culpas illas, & omnem peccandi occasionem quàm diligentissimè cauere. Iam ero alius, ita me cælites iuuent. O Dominus meus, & Deus meus, cor mundum & castum in me crea; innoua, oro, in me spiritum rectum, vt tandem aliquando vitam seriò emendem, ex animo te amem, & ad finem vitæ sic perseuerem.

#### *Pro veniâ peccatorum.*

**M**ISERERE mei Deus, miserere mei miserrimi peccatoris, indigna agentis, & digna patientis; assidue peccantis, raro dolentis, & tua flagella impatienter ferentis. Iustus es Domine, & rectum iudicium tuum: grauius est quod commisi, leuius quod tolero, non iniuste nec crudeliter nos affligis, ô misericors Deus. Scio Domine & certus sum vitam nostram non temerarijs motibus raptari, sed à te Deo nostro disponi & gubernari: tibi cura est de omnibus, præcipue de seruis tuis, qui omne desiderium suum in sanctissimo beneplacito tuo collocarunt. Ideo ego ad aram misericordiæ tuæ confugio, & oro supplex, non me punias secundum peccata mea, sed parcas secundum magnam misericordiam tuam. flagellari, mi Deus, non recuso: tu modo da patientiam. sub ipsis, Domine, flagellis, & bonitatem tuam laudem, & vitam meam emendem. Miserere mei, Domine, miserere mei & adiuua me, sicut tu nôsti: scis omnia, Domine, potes omnia, qui viuus in sæculorum sæcula.

#### *Pro omnibus Dei beneficijs.*

**B**ENEDICANT te, Domine, omnes Angeli tui, Archangeli, & Principatus laudent & glorificent te in sæcula. Benedicant



Benedicant te Potestates, Virtutes, & Dominationes, laudent & glorificent te in sæcula.

Benedicant te Throni, Cherubim, atque Seraphim, laudent & glorificent te in sæcula.

Benedicite Patriarchæ & Prophete Dominum, laudate & glorificate eum in sæcula.

Benedicite Apostoli & Euangelistæ Dominum, laudate & glorificate eum in sæcula.

Benedicite Martyres & Confessores Dominum, laudate & glorificate eum in sæcula.

Benedicite Virgines & Sancti omnes Dominum, laudate, & superexaltate eum in sæcula.

Fideles tuos, Deus, benedictio desiderata confirmet, quæ eos & à tua voluntate nunquam faciat discrepare, & tuis semper indulgeat beneficijs gratulari, Per Christum Dominum nostrum.

H O R A II<sup>da</sup>

*Disce MORI: id te doceat*

MORTIS INCERTISSIMA HORA.

**M**EMENTO, homo vinbra, nullum esse in orbe artificem, qui tale concinnet horologium, quod tibi supremum vitæ diem aut horam indicet, *futura nullo scire potes nuntio.* a Mors ubique tibi iminatur, diabolus semper insidiatur, & tu tamen torpes & nugaris? quid annos proponis, & nescio quam vitæ seriè? nulla tibi horulâ à morte secura fuit. Incertum prorsus est, quo te mors loco expectet. itaq; tu illam expecta omni loco. Snauis sed periculosa est dementia, longam vitam sperare, & de bonâ vitâ vix unquam cogitare. Magna res est, & diu discenda, cum adueniat hora illa tam inevitabilis quàm incerta, æquo animo abire. *Nescit homo finem suum, sed sicut pisces capiuntur hamo, & sicut aues laqueo comprehenduntur, sic capiuntur homines in tempore malo, cum eis exemplo supervenit.* b Mors: memento mori.

a Eccl. c. 3. b Ecclesi. c. 9.

*Disce VIVERE: id te doceat lex*

O B E D I E N T I A.

**Q**ui resistit potestati, Dei ordinationi resistit: qui autem resistunt, ipsi sibi damnationem acquirunt. a Gratae olim erant victimæ Deo, sed multo gratior semper Obedientiâ. Qui suas à Deo preces audiri vult, vocem ipse imperantis audiat, & obedire discat: Citius exauditur

vna obediētis oratio, quàm decem millia contemptorū. Non attendit verus obediēs, quàm suaue sit quod præcipitur, hoc solo contentus, quia præcipitur, nisi quid contra Deum præcipiatur. Virtutibus cæteris dæmones oppugnamus; obediētiā vincimus. Parēre cū didiceris, imperare scies, certē in cælo.

*Disce ORARE: id te doceant tres istæ*

PRECATIONES TAM BREVISSIMÆ  
quàm optimæ.

1.

Benedictus Deus in æternum.

2.

Miserere mei Deus, secundū magnam misericordiam tuam; etsi, Domine, minor sum cunctis miserationibus tuis.

3.

O Dominus meus, & Deus meus, ego me tibi offero, in omne tuum beneplacitum: fiat voluntas tua.

*Observationes*

I N

*Tres illas oratiunculas.*

1<sup>ma</sup>

ORATIUNCULA prima sumpta est ex ore Dauid & Zachariæ, Prophetarum. 1. Reg. c. 25. & Luc. c. 1. Secunda ex ore Dauid regis & Iacob Patriarchæ. Psal. 50. & Gen. c. 32. Tertia ex ore Christi, & Thomæ Apostoli. Matth. c. 6. & Ioan. c. 20. Eadem compluribus alijs sacre scripturæ locis repetuntur.

2<sup>da</sup>

Omnem bonæ orationis perfectionem continent hæ tres oratiunculæ: Laudem Dei, gratiarum actionem, opis implorationem, veniæ petitionem, demissionem animi, oblationem sui, reuerentiam Numinis, voluntatis sacrificium, principem amoris effectum, omnium bonorum desideriorum summam.

3<sup>ia</sup>

Hæ oratiunculæ, tres sunt sagittæ aureæ, quæ vbi non è labris,  
non



non ab ore solo, sed ex ipso corde hominis auolârint, non feriantur nec cessant, dum ipsum Dei cor ( sic loquimur ) attingant & penetrent.

4<sup>ta</sup>

Folles sunt hæ præcatiunculæ, quibus ignis sincerissimi amoris in Deum, assiduis quasi flabris conseruari, foueri, excitari, augeri potest. Incredibile dictu est, quàm hoc Deo gratum, vtile homini, assiduis hisce talibus oratiunculis, mentem ad Deum erigere, ac cum Deo vnire.

5<sup>ta</sup>

De his verissimè dici potest: *quò crebrius, hoc melius.* millies de die iterumque millies non nimis crebrum sit: *quò crebrius, hoc melius.* si tamen cordis & oris dissidium non sit; modò cor consentiat, & non solius linguæ sit labor. nam vti fieri non potest, quin ignis exiliat, cum pyrius puluis & ignarius fomes conueniunt, ita harum orationum vel vnica, & cor humanum, nunquam simulerunt, quin diuini amoris igniculus subsultet.

6<sup>ta</sup>

Nec necesse est semper omnes tres simul, aut linguâ pronuntiare, aut animo cogitare: sæpè vnica harum sufficit, præsertim prima, quæ aliquod centenis per diem iterationibus assiduè ingeminanda est, præcipuè duæ hæ vculæ: *Benedictus Deus, Benedictus Deus, &c. &c.* nec etiam necesse, semper illas efferri linguâ ( quamuis id bonum ) sed satis animo eas identidem agitari.

7<sup>ma</sup>

Hominibus negotiosis, ægris, calamitosus, ærumnosis, conuenientissimæ sunt hæ piæ ad Deum præcatiunculæ: durum est longas ab eis preces exigere; preces tunc penitus intermittere, impium est, & Christus vetat: *quoniam oportet semper orare, & non deficere.* Luc. c. 18. Ergo hæc optima cuius hominum lex sit: quò plus labor vrget, dolor vrit, quò magis tædium aut mœror, aut ægritudo, aut afflictatio quæcunque premit, hoc & sæpius & ardentius clamandum: *Benedictus Deus, Benedictus Deus in æternum, &c vel, Miserere mei Deus, miserere.* vel, excellentissimum illud: *Fiat Voluntas tua; fiat, fiat: tua, Domine. Voluntas, tua fiat, tua non mea.* ô mi amantissime Domine, FIAT VOLUNTAS TUA. Hoc ardentè, tunc præsertim repetendum, cum nostræ voluntatis contumaciam aduertimus.

8<sup>ua</sup>

Sunt qui corde & ore assiduè hæc voluant, & quò rariùs, hoc sibi

O ;

peius ;

peius; quod frequentius repetunt, hoc sibi melius esse fateantur. Certe mirificum quid viri sancti in his talibus iaculatorijs, ut vocant, orationibus & ad Deum aspirationibus senserunt. Alatae sunt haec preces, quae mentem euehant, & in sereno locant, suavi amoris afflatu accendunt, diuinam humanamque voluntatem sic vniunt, ut tandem amarum sit homini, velle quod nolit Deus, aut nolle quod Deus velit. S. Chrysostomus (ut de eo Nicephorus l. 13. c. 37.) animam acturus, in haec vltima verba expirauit: *Gloria tibi Domine, de rebus omnibus.* Optima vox plebis fuit (Marc. c. 7.) *Bene omnia fecit.* Ergo, *Benedictus Deus in aeternum. Benedictus centies, Benedictus milies, infinities, Benedictus in aeternum.*

2<sup>na</sup>

Nemo terreatur, si haec initio aut non tam suauia videantur, aut non tam utilia. Nihil principio sui potest perfici. vsus & perpetua eiusdem iteratio, & faciem faciet & utilem hunc orandi modum, modo non solius linguae sit hoc officium; cordis solius esse potest. vox si adsit, ne desit cor: iunctae operae cordis & oris, nunquam non fructuosas preces Deo adinoueunt.

10<sup>ma</sup>

Et quia bona (quam vocant) intentio, in omnibus actionibus nostris summe necessaria est; potest triplici oratiunculâ illâ, triplex ad Deum eaque omnium optima intentio renouari. Prima est, omnia velle facere, ad maiorem Dei honorem & gloriam. Et hanc significat illud: *Benedictus Deus in aeternum.* Altera; omnia sua cogitata, dicta, facta, cum ijs quae Christus pro nobis cogitauit, dixit, fecit, cupere vni, & sic Deo Patri offerre. Et hanc designat istud: *Miserere mei Deus, secundum magnam misericordiam tuam, &c.* Verè maxima omnium misericordia Dei fuit, sibi unum dare vnigenitum. Tertia, sua omnia ad Dei voluntatem diuinamque beneplacitum referre. Cuius nos monet hoc: *O Dominus meus, & Deus meus, ego me tibi offero, in omne tuum beneplacitum: fiat voluntas tua.*

A. D.

*Omnes S. S. Angelos, pius gemitus.*

ANGELI, Archangeli, Throni, & Dominationes, Principatus, & Potestates, Virtutes caelorum, Cherubim atque Seraphim sanctique omnes, intercedite pro me, nunc & in hora mortis meae.

HORA



## HORA III.

*Disce MORI : id te doceat*

## POENITENTIA PROCRASTINATA.

**M**EMENTO, homo fœnum, & emendationem vitæ (vti facis) ne differ de die in diem, de hebdomade in hebdomadem, de mense in mensem, de anno in annum : sera nimis est crastina, incipe hodie. Pars magna sanitatis est, morbum agnouisse, & pars magna bonitatis est, velle bonum fieri. in morbis pessimum est, non habere mali sensum. ecquid miserius misero seipsum non miserante? Initium est salutis, notitia peccati. nam qui peccare se nescit, corrigi non vult. Rem tuam age maturè; mors tua non claudicat, sed volat, aderitque subitò. Crastinam diem suspectam habe, & nunc dole, nunc emenda. Hoc est ait Augustinus, quod multos in exitium trahit, cùm dicunt CRAS, CRAS; & subitò clauditur ostium: memento mori.

*Disce VIVERE : id te doceat lex.*

## T E M P E R A N T I Æ.

**M**ULTA sunt quæ *sustineas*, sed plura pænè, à quibus *abstineas*. peccatum semper in foribus est, nisi tu ipse aperias, non intrabit. Temperantia, suam rebus omnibus mensuram ponit, victum iubet esse sobrium, vestitum honestum, somnum non sine parimoniam, omnia cum modo. id namque in omnibus cautè obseruat: *ne quid nimis*. nil tutum est quod modum excedit: Optimus est modus cupidorum, non quantum velis, sed quantum debeas, sumere. Satiùs est indormire stramine, & conscientiam tranquillam tenere, quàm lecto aureo recubare, & perturbationibus agitari. guloso, modulus vitæ, culina & gula est; sobrietas, abstinenti. Mensam sumptuosam fortuna, frugalem apponit Temperantia. Temperanti, lex Deus est, & ratio; voluptas, aut venter, intemperanti.

*Disce ORARE : id te doceat*OFFICIUM PARVVM CVSTODIS  
ANGELI.

## AD MATVTINVM.

Verf. Angelis suis Deus mandauit de te, vt custodiant te in omnibus vijs tuis.  
Resp. Amen.

Domine labia mea aperies, & os meum annuntiabit laudem tuam.

Deus in adiutorium meum intende, Domine ad adiuuandum me festina.

Gloria Patri, & Filio, & Spiritui sancto: Sicut erat in principio, & nunc & semper, & in secula seculorum, Amen. Alleluia.

*A Septuagesima usque ad Pascha, loco Alleluia dicitur, Laus tibi Domine, Rex æternæ gloriæ.*

*Hymnus.*

Custodes hominum psallimus Angelos,  
Naturæ fragili quos Pater addidit  
Cælestis comites, insidiantibus  
Ne succumberet hostibus.

*Antiphona.*

Sancti Angeli custodes nostri, defendite nos in prælio, vt non pereamus in tremendo iudicio.

Vers. In conspectu Angelorum psallam tibi Deus meus.

Resp. Adorabo ad templum sanctum tuum & confitebor nomini tuo.

O R E M V S.

**D**EVS qui ineffabili prouidentia sanctos Angelos tuos ad nostram custodiam mittere dignaris: largire supplicibus tuis, & eorum semper protectione defendi, & æternâ societate gaudere. Per Dominum nostrum IESVM Christum filium tuum, qui tecum vivit & regnat in unitate Spiritus sancti Deus, per omnia secula seculorum, Amen.

A D P R I M A M.

Vers. Angelis suis Deus mandauit de te, vt custodiant te in omnibus vijs tuis.

Resp. Amen.

Deus in adiutorium meum intende, Domine ad adiuuandum me festina.

Gloria Patri, & Filio, & Spiritui sancto: Sicut erat in principio, & nunc, & semper & in secula seculorum, Amen. Alleluia.

*Hymnus.*

Nam quod corruerit proditor Angelus,  
Concessis merito pulsus honoribus,  
Ardens inuidiâ pellere nititur  
Quos cælo Deus aduocat.

*Antiphona.*

Sancti Angeli custodes nostri, defendite nos in prælio, vt non pereamus in tremendo iudicio.

Vers. In conspectu Angelorum psallam tibi Deus meus.

Resp. Adorabo ad templum sanctum tuum & confitebor nomini tuo.

O R E M V S.

**D**EVS qui ineffabili prouidentia sanctos Angelos tuos ad nostram custodiam mittere dignaris: largire supplicibus tuis, & eorum semper protectione defendi, & æternâ societate gaudere. Per Dominum nostrum IESVM Christum filium tuum, qui tecum vivit & regnat in unitate Spiritus sancti Deus, per omnia secula seculorum, Amen.



## A D T E R T I A M.

*Verf.* Angelis suis Deus mandauit de te, vt custodiant te in omnibus vijs tuis.

*Resp.* Amen.

Deus in adiutorium meum intende, Domine ad adiuuandum me festina.

*Gloria Patri, & Filio, & Spiritui sancto* : Sicut erat in principio, & nunc, & semper, & in sæcula sæculorum, Amen. Alleluia,

*Hymnus.*

Huc custos igitur peruigil aduola,  
Auertens patriâ de tibi creditâ,  
Tam morbos animi, quàm requiescere  
Quidquid non sinjt incolas,

*Antiphona.*

*Sancti Angeli custodes nostri, defendite nos in prælio, vt non pereamus in tremendo iudicio.*

*Verf.* In conspectu Angelorum psallam tibi Deus meus.

*Resp.* Adorabo ad templum sanctum tuum & confitebor nomini tuo.

## O R E M V S.

**D**EVS qui ineffabili prouidentia sanctos Angelos tuos ad nostram custodiam mittere dignaris : largire supplicibus tuis, & eorum semper protectione defendi, & æternâ societate gaudere. Per Dominum nostrum IESVM Christum filium tuum, qui tecum vivit & regnat in vnitrate Spiritus sancti Deus, per omnia sæcula sæculorum, Amen.

## A D S E X T A M.

*Verf.* Angelis suis Deus mandauit de te, vt custodias te in omnibus vijs tuis.

*Resp.* Amen.

Deus in adiutorium meum intende, Domine ad adiuuandum me festina.

*Gloria Patri, & Filio, & Spiritui sancto* : Sicut erat in principio, & nunc, & semper, & in sæcula sæculorum, Amen. Alleluia,

*Hymnus.*

Christe sanctorum decus Angelorum  
Rector humani generis & auctor,  
Nobis æternum tribue benignus.  
Scandere cælum,

*Antiphona.*

*Sancti Angeli custodes nostri, defendite nos in prælio, vt non pereamus in tremendo iudicio.*

*Verf.* In conspectu Angelorum psallam tibi Deus meus.

*Resp.* Adorabo ad templum sanctum tuum & confitebor nomini tuo.

## O R E M V S.

**D**EVS qui ineffabili prouidentia sanctos Angelos tuos ad nostram custodiam mittere dignaris : largire supplicibus tuis, & eorum semper protectione defendi, & æternâ societate gaudere. Per Dominum nostrum IESVM Christum filium tuum, qui tecum vivit & regnat in vnitrate Spiritus sancti Deus, per omnia sæcula sæculorum, Amen.

## HOROLOGIT

## A D N O N A M.

Verſ. Angelis ſuis Deus mandauit de te , vt cuſtodiant te in omnibus vijs tuis.  
Reſp. Amen.

Deus in adiutorium meum intende , Domine ad adiuuandum me feſtina.

Gloria Patri, & Filio, & Spiritui ſancto : Sicut erat in principio, & nunc, & ſemper, & in ſæcula ſæculorum , Amen, Alleluia.

*Hymnus.*

Angelum pacis Michaël ad iſtam.  
Cælitus miſſi rogitamus aulam ;  
Nobis vt crebro veniente creſcant.  
Proſpera cuncta.

*Antiphona.*

Sancti Angeli cuſtodes noſtri, defendite nos in prælio , vt non pereamus in tremendo iudicio.

Verſ. In conſpectu Angelorum pſallam tibi Deus meus.

Reſp. Adorabo ad templum ſanctum tuum & confitebor nomini tuo.

## O R E M V S.

**D**EVS qui ineffabili prouidentiâ ſanctos Angelos tuos ad noſtram cuſtodiam mittere dignaris : largire ſupplicibus tuis , & eorum ſemper protectione defendi, & æternâ ſocietate gaudere. Per Dominum noſtrum I E S V M Chriſtum filium tuum , qui tecum viuit & regnat in vnitare Spiritus ſancti Deus , per omnia ſæcula ſæculorum , Amen.

## A D V E S P E R A S.

Verſ. Angelis ſuis Deus mandauit de te , vt cuſtodiant te in omnibus vijs tuis.  
Reſp. Amen.

Deus in adiutorium meum intende , Domine ad adiuuandum me feſtina.

Gloria Patri, & Filio, & Spiritui ſancto : Sicut erat in principio, & nunc, & ſemper, & in ſæcula ſæculorum , Amen. Alleluia.

*Hymnus.*

Angelus fortis Gabriel , vt hoſtem  
Pellat antiquum , voliter ab alto.  
Sæpius templum veniens ad iſtud,  
Viſcere noſtrum.

*Antiphona.*

Sancti Angeli cuſtodes noſtri, defendite nos in prælio , vt non pereamus in tremendo iudicio.

Verſ. In conſpectu Angelorum pſallam tibi Deus meus.

Reſp. Adorabo ad templum ſanctum tuum & confitebor nomini tuo.

## O R E M V S.

**D**EVS qui ineffabili prouidentiâ ſanctos Angelos tuos ad noſtram cuſtodiam mittere dignaris : largire ſupplicibus tuis , & eorum ſemper protectione defendi, & æternâ ſocietate gaudere. Per Dominum noſtrum I E S V M Chriſtum filium tuum , qui tecum viuit & regnat in vnitare Spiritus ſancti Deus , per omnia ſæcula ſæculorum , Amen.





nis nostris laturus est sententiam. Quid ageris, tunc apparebit, cum animam ages: quid profeceris in vita, mors dicet. Ergo dum licet, operare & profice, est qui reddat labori tuo præmium. Habes operis tui perpetuum & attentissimum spectatorem Deum, qui sicut capillos, ita & minutissimos cognatus tuos numeratos habet: aut ad præmium, aut ad supplicium. Idcirco *Deum time, ne mentem non*

*Disce VIVERE: id te doceat lex*

F I D V C I T E R I N D E O V M.

**Q**Uò magis te ipsum diffidere necesse est, tantò minus Deo, cui semper, & in omnibus fidendum. *Qui confidunt in Domino sicut mons Sion non commovebuntur in ætatem.* a Fide Deo, fide affectu quam potes generosissimo. ecquid trepidas modicæ fidei? Deus providebit. b Dominus regit te, & nihil tibi deerit. quid angeris? etsi membra tua dilaceret inimicus, capillos tamen tuos dinumerat Deus. ne ergo timeas iacturam membrorum, quando securitatem accipis de numero capillorum. c Mihi hoc crede: proborum vita, etiam per singula rerum ac temporum momenta, à Deo sic temperatur ac regitur, ut omnia in eorum cedant bonum. Secure navigat, qui fiduciæ suæ anchoram in Deum iactat. Deoque fidit in omnibus.

a Psal. 124. b Gen. 22. c Aug. serm. quædam Mart.

*Disce ORARE: id te doceant*

SS. ANGELORVM LITANIAE.

**K**Yrie eleison, Christe eleison,  
Kyrie eleison, Christe audi nos,  
Christe exaudi nos.

Pater de cælis Deus, Miserere nobis.

Fili redemptor mundi Deus, Miserere nobis.

Spiritus sancte Deus, Miserere nobis.

Sancta MARIA regina Angelorum,

Sancte Michaël qui populo Dei semper defensor fuisti,

Sancte Michaël qui Luciferum cum complicitibus rebellibus de cælo deturbasti,

Sancte Michaël, qui accusatorem fratrum nostrorum in profundum inferni deiecisti,

Sancte Gabriël qui Danieli visionem patefecisti,

Sancte Gabriel qui Ioannis Baptistæ ortum & ministerium prænuntiasti,

Sancte Gabriel, qui Incarnationis Verbi diuini nuntius extitisti,

Sancte Raphaël, qui Tobiam saluum duxisti & reduxisti,

Sancte Raphaël, qui demonium à Sarâ depulisti,

Sancte Raphael, qui Tobiam seniore illuminasti,

Ora pro nobis.

Sancti



raphim  
cherubim  
hroni  
ominationes  
irtutes  
otestates  
inciparus  
rchangeli  
ngeli

Dei solium excelsum & eleuatum stas,  
 er Deo Sanctus, Sanctus, Sanctus, concinitis,  
 ussis tenebris mentem nostram illuminatis,  
 na hominibus nuntiatis,  
 unum custodiam à Deo accepistis,  
 per faciem Patris, qui in cælis est, videtis.  
 r vno peccatore poenitentiam agente gaudetis,  
 n de medio peccatorum eduxistis,  
 calam Iacob ascendistis & descendistis,  
 onte Sina diuinam legem Moyli tradidistis,  
 isto nato gaudium hominibus annuntiastis,  
 isto in deserto ministrastis,  
 arum in sinum Abraham deportastis,  
 ra Christi sepulchrum in albis sedistis,  
 isto in cælo ascendente, eius discipulis apparuistis,  
 istum ad iudiciũ venturum cum signo crucis præceditis,  
 tos in fine sæculi congregaturi estis,  
 os de medio iustorum separabitis,  
 ntium preces ad Deum desertis,  
 rientibus assistitis,  
 nās iustorum ab omni labe purgatas ad cælum deducitis,  
 digia & miracula virtute Dei perpetratis,  
 editatem salutis capientibus in ministerium mittimini,  
 er regna & prouincias constituti estis,  
 tium exercitus sæpe dissipastis,  
 famulos ex carceribus & alijs vitæ periculis sæpe liberaſtis,  
 tis martyribus in tormentis sæpe solatio fuistis,  
 cleſiæ Prælatos & Principes eiusdem nutritios peculiari curâ ſouere  
 oletis.  
 ſancti beatorum ſpirituum ordines,  
 tis periculis, per ſanctos Angelos tuos, Libera nos Domine.  
 lijs diaboli, Libera nos Domine.  
 ai hæreſi & ſchiſinate, Libera nos Domine.  
 fame & bello, Libera nos Domine.  
 anea & improuiſa morte, Libera nos Domine.  
 e perpetua, Libera nos Domine.  
 res, Te rogamus audi nōs.  
 ros Angelos tuos, Te rogamus audi nos.  
 s parcas, Te rogamus audi nos.  
 s indulgeas, Te rogamus audi nos.  
 eſiam tuam ſanctam regere & conſeruare digneris, Te rogamus audi nos.  
 num Apoſtolicum & omnes Eccleſiaſticos ordines, protegere digneris, Te  
 rogamus audi nos.

Orate pro nobis.

Vt Imperatori nostro, Regibus & omnibus Principibus Christianis pacem & unitatem largiri digneris, Te rogamus audi nos.

Vt fructus terræ dare & conservare digneris, Te rogamus audi nos.

Vt omnibus fidelibus defunctis requiem æternam donare digneris, Te rogamus audi nos.

Agnus Dei qui tollis peccata mundi, Parce nobis Domine.

Agnus Dei qui tollis peccata mundi, Exaudi nos Domine.

Agnus Dei qui tollis peccata mundi, Miserere nobis.

Christe audi nos, Christe exaudi nos.

Kyrie eleison. Christe eleison,

Kyrie eleison. Pater noster &c.

*Psalmus ex varijs Psalmis.*

**L**AUDATE Dominum de cælis, laudate eum in excelsis.

Laudate eum omnes Angeli eius: laudate eum omnes virtutes eius.

Benedicite Dominum omnes Angeli eius: potentes virtute, facientes verbum illius, ad audiendam vocem sermonum eius.

Benedicite Domino omnes virtutes eius: ministri eius qui facitis voluntatem eius.

Benedic anima mea Domino, & noli obliuisci omnes retributiones eius.

Qui redimit de interitu vitam tuam, qui coronat te in misericordia & miserationibus.

Quoniam Angelis suis mandavit de te: vt custodiant te in omnibus vijs tuis.

In manibus portabunt te: ne forte offendas ad lapidem pedem tuum.

Super aspidem & basiliscum ambulabis, & conculcabis Leonem & Draconem.

Inmittet Angelus Domini in circuitu timentium eum, & eripiet eos.

Gloria Patri, & Filio, & Spiritui sancto: Sicut erat in principio, & nunc & semper, & in sæcula sæculorum, Amen.

Vers. In conspectu Angelorum psallam tibi Deus meus.

Resp. Adorabo ad templum sanctum tuum & confitebor nomini tuo:

Vers. Domine exaudi orationem meam.

Resp. Et clamor meus ad te veniat.

**O R E M V S.**

**O**Mnipotens & misericors Deus, qui nos Angelicâ custodiâ munire dignatus es, concede quasumus, vt tantâ protectione secuti, & à pravis cogitationibus liberemur in mente, & ab omnibus aduersitatibus eruiamur in corpore. Per Dominum nostrum IESVM Christum filium tuum, qui tecum vivit & regnat in unitate Spiritus sancti Deus, per omnia sæcula sæculorum, Amen.



HORA V.<sup>a</sup>*Disce MORI: id te doceat*

ASSIDUA MORTIS RAPINA.

**M**EMENTO, homo vanitas, non moriturum te, sed MORI quouis die, quâvis horâ. Vitæ huius principium, mortis est exordium: prima hora quæ vitam dedit, eandem etiam carpsit & mutilauit; hunc ipsum quem agis diem, cum morte diuidis. quicquid facis, respice finem. Breues dies hominis sunt, numerus mensium eius apud Deum est: constituti sunt termini eius qui præteriri non poterunt; non poterunt eheu non poterunt. Et non tantum non præteriri, sed nec sciri possunt, quàm sint vicini. Vis esse immunis à morte subitâ? mortem assiduè cogita. semper discendum est, quod an sciamus, experiri non possumus: meditare mortem. Nemo improvisò moritur, qui semper se moriturum cogitauit: memento mori.

a Iob. c. 14.

*Disce VIVERE: id te doceat lex*

IUSTITIÆ.

**V**IRTUTIS est proprium, iniustitiam odisse, & omnem iniustitiæ commitatum, insidias, fraudes, iniurias: has accipere malis, quàm inferre. Non mundi, sed Christi lex est: Rapturo pallium, etiam tunicam adiiciendam in auctarium. & quod illud lucrum sit, argentum in arcâ, damnum in conscientia? lucro turpi iactura longè præferenda est: quid enim proderit homini, si lucretur mundum totum, & detrimentum anima sua faciat? a Sed ijs iam moribus viuatur, vt iustitiæ nomen religiose adoretur, res ipsa ad cuiusvis sensum aut commodum torqueatur: iusti haberi volunt plurimi, pauci esse. Pars magna iustitiæ est, vt, quod alijs vitio vertis, ipse non committas, & quod tibi fieri non vis, alteri non facias.

Discite iustitiam moniti (ô mortales) &amp; non temnere

Diuos.

Diuos.

a Marc. c. 8.

*Disce ORARE : id te doceant.*

## TRES ORATIONES ISTÆ

1<sup>a</sup>

**D**EVS, qui miro ordine Angelorum ministeria hominūque dispensas, concede propitius, vt à quibus tibi ministrantibus in cælo semper assistitur, ab his in terrâ, vita nostra muniat. Per Christum Dominum nostrum.

2<sup>a</sup>

**B**ENIGNISSIME Deus, cuius immensa bonitas & sapientia, in omnibus sanctis Angelis tuis mirificè relucet, te rogo suppliciter, vt Angelicis pro me interuenientibus suffragijs, omnia opera mea & placatus suscipias, & ad salutem meam prouenire concedas. Per Christum Dominum nostrum.

3<sup>a</sup>

**O**Æternè Deus, bonitatem tuam per omnium sanctorum Angelorum atque Archangelorum preces & merita, humiliter imploro, vt quod meo in te amorī deest, illorum in te ardentissimus amor compenset. Per eundem Dominum nostrum Iesum Christum filium tuum, qui tecum viuīt & regnat cum sancto Spiritu, in sæcula sæculorum.

H O R A V I<sup>a</sup>*Disce MORI : id te doceant.*QVOTIDIANA PLVRIMORVM  
funera.

**M**E M E N T O, homo putredo, quot hac non dicam die, sed horâ, è viuis citandi ad tribunal summi iudicis, & quot ex eis damnandi. ita non tantum sæpe, sed assidue mortalem te cogita. nil æquè tibi proderit ad temperantiam omnium rerum, quàm frequens cogitatio brevis æui huius & incerti. *Noli de mortuo inimico tuo gaudere, sciens quoniam OMNES morimur.* a attende ergo tibi & vitæ tuæ. Ortum quidquid habet, finem timet : *ibimus omnes, ibimus.* Illi, & isti, & isti præcedunt, nos singuli, quo quemque mors ordine vocauerit, sequemur. attende tibi : Vitam lucrari est, in singulos dies mori : memento mori.

a Egeles. c. 8.

*Disce VIVERE : id te doceat lex*

## MISERICORDIÆ.

**E**DICIT Veritas : *Misericordiam Solo, & non sacrificium.* a æquum est egentibus subueniri, non diuitibus. effundit, qui in plenum mittit;

a Math. c. 9.



mittit: illud potiùs reconditur, quod vasis vacuis commendatur. Laudent te esurientium viscera, non ructantium opulentia conuiuia. Ter mirum! in plenissimo resurgentium conuentu, coram vniuersis Angelis, tacet Christus quòd Abel primus martyr fuerit, quòd Abraham obedientiâ excelluerit, quòd Moyses legem tulerit, quòd Petrus crucem Iesu primus ascenderit, hæc inquam, tacet Iudex, & solùm proclamat, quis sibi pauperi cibum dederit, quis nudo vestem obtulerit, quis domo fouerit. En, quicquid datur pauperi, non est donum, sed mutuum; quicquid enim tribuitur, tam pulchro quàm magno fœnore recipitur. quæstuosissima omnium ars est, eleemosyna, & cæli ianitoribus notissima. Eleemosyna verò aurea, & summa est, INIMICOS DILIGERE.

*Disce ORARE: id te doceant.*

ORATIONES DE S. MICHAEL  
Archangelo.

1<sup>a</sup>.

**B**Eati Michaelis Archangeli tui, quæsumus Domine, intercessio gloriosa nos semper & vbique protegat, & ad vitam perducatur æternam. Per Christum Dominum nostrum.

2<sup>a</sup>.

**P**Princeps gloriosissime, Michaël Archangele, esto memor nostri, hic & vbique semper, precare pro nobis filium Dei.

3<sup>a</sup>.

**B**Eati Archangeli tui Michaelis, commemoratione lætantes, humiliter te Domine deprecamur, vt quod nostris meritis non valemus, eius intercessione consequamur. Per eundem Christum Dominum nostrum.

HORA VII.<sup>ma</sup>

*Disce MORI: id te doceat.*

TEMPORIS IACTURA IRREPARABILIS.

**M**EMENTO, homo fauilla, non verba solùm, sed & tempus volare, irreuocabile. in domus combustæ vicem, surgit alia: in temporis combusti pretium, nulli vniones sunt computandi. paleæ sunt, gemmæ omnes præ hoc temporis censu. nec furum vllus damnosior est, quàm qui hoc ipse sibi furatur, aut malè agendo, aut nihil agendo. Aliqua est rerum omnium recuperatio, nulla temporis:

Domine labia mea aperies, & os meum annuntiabit laudem tuam.

Deus in adiutorium meum intende, Domine ad adiuuandum me festina.

Gloria Patri, & Filio, & Spiritui sancto: Sicut erat in principio, & nunc & semper, & in secula seculorum, Amen. Alleluia.

*A Septuagesima usque ad Pascha, loco Alleluia dicitur, Laus tibi Domine, Rex æternæ gloriæ.*

*Hymnus.*

Custodes hominum psallimus Angelos,  
Naturæ fragili quos Pater addidit  
Cælestis comites, insidiantribus  
Ne succumberet hostibus.

*Antiphona.*

Sancti Angeli custodes nostri, defendite nos in prælio, vt non pereamus in tremendo iudicio.

Verf. In conspectu Angelorum psallam tibi Deus meus.

Resp. Adorabo ad templum sanctum tuum & confitebor nomini tuo.

O R E M V S.

**D**EVS qui ineffabili providentiâ sanctos Angelos tuos ad nostram custodiam mittere dignaris: largire supplicibus tuis, & eorum semper protectione defendi, & æternâ societate gaudere. Per Dominum nostrum I E S V M Christum filium tuum, qui tecum vivit & regnat in unitate Spiritus sancti Deus, per omnia secula seculorum, Amen.

A D P R I M A M.

Verf. Angelis suis Deus mandavit de te, vt custodiant te in omnibus vijs tuis.

Resp. Amen.

Deus in adiutorium meum intende, Domine ad adiuuandum me festina.

Gloria Patri, & Filio, & Spiritui sancto: Sicut erat in principio, & nunc, & semper & in secula seculorum, Amen. Alleluia.

*Hymnus.*

Nam quod corruerit proditor Angelus,  
Conciliis merito pulsus honoribus,  
Ardens invidiâ pellere nititur  
Quos cælo Deus aduocat.

*Antiphona.*

Sancti Angeli custodes nostri, defendite nos in prælio, vt non pereamus in tremendo iudicio.

Verf. In conspectu Angelorum psallam tibi Deus meus.

Resp. Adorabo ad templum sanctum tuum & confitebor nomini tuo.

O R E M V S.

**D**EVS qui ineffabili providentiâ sanctos Angelos tuos ad nostram custodiam mittere dignaris: largire supplicibus tuis, & eorum semper protectione defendi, & æternâ societate gaudere. Per Dominum nostrum I E S V M Christum filium tuum, qui tecum vivit & regnat in unitate Spiritus sancti Deus, per omnia secula seculorum, Amen.



## A D T E R T I A M.

Verſ. Angelis ſuis Deus mandauit de te, vt cuſtodiant te in omnibus vijs tuis.

Reſp. Amen.

Deus in adiutorium meum intende, Domine ad adiuuandum me feſtina.

Gloria Patri, & Filio, & Spiritui ſancto: Sicut erat in principio, & nunc, & ſemper, & in ſæcula ſæculorum, Amen, Alleluia,

*Hymnus.*

Huc cuſtos igitur peruigil aduola,  
Auertens patriâ de tibi creditâ,  
Tam morbos animi, quàm requieſcere  
Quidquid non ſinit incolas,

*Antiphona.*

Sancti Angeli cuſtodes noſtri, defendite nos in prælio, vt non pereamus in tremendo iudicio.

Verſ. In conſpectu Angelorum pſallam tibi Deus meus.

Reſp. Adorabo ad templum ſanctum tuum & confitebor nomini tuo.

## O R E M V S.

DEVS qui ineffabili prouidentia ſanctos Angelos tuos ad noſtram cuſtodiam mittere dignaris: largire ſupplicibus tuis, & eorum ſemper protectione deſcendi, & æternâ ſocietate gaudere. Per Dominum noſtrum I E S V M Chriſtum filium tuum, qui tecum uiuit & regnat in vnitate Spiritus ſancti Deus, per omnia ſæcula ſæculorum, Amen.

## A D S E X T A M.

Verſ. Angelis ſuis Deus mandauit de te, vt cuſtodiaot te in omnibus vijs tuis.

Reſp. Amen.

Deus in adiutorium meum intende, Domine ad adiuuandum me feſtina.

Gloria Patri, & Filio, & Spiritui ſancto: Sicut erat in principio, & nunc, & ſemper, & in ſæcula ſæculorum, Amen. Alleluia,

*Hymnus.*

Chriſte ſanctorum decus Angelorum  
Reſtor humani generis & auctor,  
Nobis æternum tribue benignus.  
Scandere cælum,

*Antiphona.*

Sancti Angeli cuſtodes noſtri, defendite nos in prælio, vt non pereamus in tremendo iudicio.

Verſ. In conſpectu Angelorum pſallam tibi Deus meus.

Reſp. Adorabo ad templum ſanctum tuum & confitebor nomini tuo.

## O R E M V S.

DEVS qui ineffabili prouidentia ſanctos Angelos tuos ad noſtram cuſtodiam mittere dignaris: largire ſupplicibus tuis, & eorum ſemper protectione deſcendi, & æternâ ſocietate gaudere. Per Dominum noſtrum I E S V M Chriſtum filium tuum, qui tecum uiuit & regnat in vnitate Spiritus ſancti Deus, per omnia ſæcula ſæculorum, Amen.

Verſ. Angelis ſuis Deus mandauit de te, vt cuſtodiant te in omnibus vijs tuis.  
Reſp. Amen.

Deus in adiutorium meum intende, Domine ad adiuuandum me feſtina.

Gloria Patri, & Filio, & Spiritui ſancto: Sicut erat in principio, & nunc, & ſemper, & in ſæcula ſæculorum, Amen, Alleluia.

*Hymnus.*

Angelum pacis Michaël ad iſtam.  
Exiit miſſi rogitamus aulam;  
Nobis vt crebro veniente creſcant;  
Proſpera cuncta.

*Antiphona.*

Sancti Angeli cuſtodes noſtri, defendite nos in prælio, vt non pereamus in iudicio.

Verſ. In conſpectu Angelorum pſallam tibi Deus meus.

Reſp. Adorabo ad templum ſanctum tuum & confitebor nomini tuo.

O R E M V S.

**D**EVS qui ineffabili prouidentiâ ſanctos Angelos tuos ad noſtram cuſtodiam mittere dignaris: largire ſupplicibus tuis, & eorum ſemper protectione defendi, & æternâ ſocietate gaudere. Per Dominum noſtrum I E S V M Chriſtum filium tuum, qui tecum viuit & regnat in vnitæte Spiritus ſancti Deus, per omnia ſæcula ſæculorum, Amen.

A D V E S P E R A S.

Verſ. Angelis ſuis Deus mandauit de te, vt cuſtodiant te in omnibus vijs tuis.  
Reſp. Amen.

Deus in adiutorium meum intende, Domine ad adiuuandum me feſtina.

Gloria Patri, & Filio, & Spiritui ſancto: Sicut erat in principio, & nunc, & ſemper, & in ſæcula ſæculorum, Amen. Alleluia.

*Hymnus.*

Angelus fortis Gabriel, vt hoſtem  
Pellat antiquum, voliter ab alto.  
Sapius templum veniens ad iſtud.  
Viſcere noſtrum.

*Antiphona.*

Sancti Angeli cuſtodes noſtri, defendite nos in prælio, vt non pereamus in iudicio.

Verſ. In conſpectu Angelorum pſallam tibi Deus meus.

Reſp. Adorabo ad templum ſanctum tuum & confitebor nomini tuo.

O R E M V S.

**D**EVS qui ineffabili prouidentiâ ſanctos Angelos tuos ad noſtram cuſtodiam mittere dignaris: largire ſupplicibus tuis, & eorum ſemper protectione defendi, & æternâ ſocietate gaudere. Per Dominum noſtrum I E S V M Chriſtum filium tuum, qui tecum viuit & regnat in vnitæte Spiritus ſancti Deus, per omnia ſæcula ſæculorum, Amen.





nis nostris laturus est sententiam. Quid agoris, tunc apparebit, cum animam ages: quid profeceris in vita, mors dicet. Ergo dum licet, operare & profice, est qui reddat labori tuo præmium. Habes operis tui perpetuum & attentissimum spectatorem Deum, qui sicut capillos, ita & minimos cogitatus tuos numeratos habet, aut ad præmium, aut ad supplicium, idcirco & te & tuos inuenit in omni.

*Disce VIVERE: id te doceat lex*

F I D E M D E O F I D E M D E O F I D E M

**Q**Uò magis te ipsum diffidere necesse est, tanto minus Deo, cui semper, & in omnibus fidendum. *Qui confidunt in Domino sicut mons Sion non commovebuntur in ætatem.* a Fide Deo, fide affectu quam potes generosissimo. ecquid trepidas modicæ fidei? Deus providebit. b Dominus regit te, & nihil tibi deerit. quid angeris? etsi membra tua dilaceret inimicus, capillos tamen tuos dinumerat Deus. ne ergo timeas iacturam membrorum, quando securitatem accipis de numero capillorum. c Mihi hoc crede: proborum vita, etiam per singula rerum ac temporum momenta, à Deo sic temperatur ac regitur, ut omnia in eorum cedant bonum. Secure nauigat, qui fiduciæ suæ anchoram in Deum iactat. Deoque fidit in omnibus.

a Psal. 124. b Gen. 22. c Aug. serm. 4. de ieiun. Mart.

*Disce ORARE: id te doceant*

SS. ANGELORVM LITANIÆ.

**K**Yrie eleison, Christe eleison,  
Kyrie eleison, Christe audi nos,  
Christe exaudi nos.

Pater de cælis Deus, Misere nobis.

Fili redemptor mundi Deus, Misere nobis.

Spiritus sancte Deus, Misere nobis.

Sancta MARIA regina Angelorum,

Sancte Michaël qui populo Dei semper defensor fuisti,

Sancte Michaël qui Luciferum cum complicibus rebellibus de cælo deturbasti,

Sancte Michaël, qui accusatorem fratrum nostrorum in profundum inferni deiecasti,

Sancte Gabriël qui Danieli visionem patefecisti,

Sancte Gabriel qui Ioannis Baptistæ ortum & ministerium prænuntiasti,

Sancte Gabriel, qui Incarnationis Verbi diuini nuntius extitisti,

Sancte Raphaël, qui Tobiam saluum duxisti & reduxisti,

Sancte Raphaël, qui dæmonium à Sarâ depulisti,

Sancte Raphael, qui Tobiam seniozem illuminasti,

Ora pro nobis.

Sancti



Sancti Seraphim  
 Sancti Cherubim  
 Sancti Throni  
 Sanctæ Dominationes  
 Sanctæ Virtutes  
 Sanctæ Potestates  
 Sancti Principatus  
 Sancti Archangeli  
 Sancti Angeli

Qui super Dei solium excelsum & eleuatum statis,  
 Qui iugiter Deo Sanctus, Sanctus, Sanctus, concinitis,  
 Qui discussis tenebris mentem nostram illuminatis,  
 Qui diuina hominibus nuntiatis,  
 Qui hominum custodiam à Deo accepistis,  
 Qui semper faciem Patris. qui in cælis est, videtis.  
 Qui super vno peccatore poenitentiam agente gaudetis,  
 Qui Loth de medio peccatorum eduxistis,  
 Qui per scalam Iacob ascendistis & descendistis,  
 Qui in monte Sina diuinam legem Moyse tradidistis,  
 Qui Christo nato gaudium hominibus annuntiastis,  
 Qui Christo in deserto ministrastis,  
 Qui Lazarum in sinum Abraham deportastis,  
 Qui iuxta Christi sepulchrum in albis sedistis,  
 Qui Christo in cælo ascendente, eius discipulis apparuistis,  
 Qui Christum ad iudicium venturum cum signo crucis prædicitis,  
 Qui electos in fine sæculi congregaturi estis,  
 Qui malos de medio iustorum separabitis,  
 Qui orantium preces ad Deum deferitis,  
 Qui morientibus assistitis,  
 Qui animas iustorum ab omni labe purgatas ad cælum deducitis,  
 Qui prodigia & miracula virtute Dei perpetratis,  
 Qui hæreditatem salutis capientibus in ministerium mittimini,  
 Qui super regna & prouincias constituti estis,  
 Qui hostium exercitus sæpe dissipastis,  
 Qui Dei famulos ex carceribus & alijs vitæ periculis sæpe liberaastis,  
 Qui sanctis martyribus in tormentis sæpe solatio fuistis,  
 Qui Ecclesiæ Prælatos & Principes eiusdem nutritios peculiari curâ solere  
 soletis.

Orate pro nobis.

Omnes sancti beatorum spirituum ordines,  
 A cunctis periculis, per sanctos Angelos tuos, Libera nos Domine.  
 Ab insidijs diaboli, Libera nos Domine.  
 Ab omni hæresi & schismate, Libera nos Domine.  
 A peste, fame & bello, Libera nos Domine.  
 A subitanea & improvisa morte, Libera nos Domine.  
 A morte perpetua, Libera nos Domine.  
 Peccatores, Te rogamus audi nos.  
 Per sanctos Angelos tuos, Te rogamus audi nos.  
 Vt nobis parcas, Te rogamus audi nos.  
 Vt nobis indulgeas, Te rogamus audi nos.  
 Vt Ecclesiam tuam sanctam regere & conseruare digneris, Te rogamus audi nos.  
 Vt domum Apostolicam & omnes Ecclesiasticos ordines, protegere digneris, Te  
 rogamus audi nos.

Vt Imperatori nostro, Regibus & omnibus Principibus Christianis pacem & unitatem largiri digneris, Te rogamus audi nos.

Vt fructus terræ dare & conseruare digneris, Te rogamus audi nos.

Vt omnibus fidelibus defunctis requiem æternam donare digneris, Te rogamus audi nos.

Agnus Dei qui tollis peccata mundi, Parce nobis Domine.

Agnus Dei qui tollis peccata mundi, Exaudi nos Domine.

Agnus Dei qui tollis peccata mundi, Miserece nobis.

Christe audi nos, Christe exaudi nos.

Kyrie eleison. Christe eleison,

Kyrie eleison. Pater noster &c.

*Psalmus ex varijs Psalmis.*

**L**AUDATE Dominum de cælis, laudate eum in excelsis.

Laudate eum omnes Angeli eius: laudate eum omnes virtutes eius.

Benedicite Dominum omnes Angeli eius: potentes virtute, facientes verbum illius, ad audiendam vocem sermonum eius.

Benedicite Domino omnes virtutes eius: ministri eius qui facitis voluntatem eius.

Benedic anima mea Domino, & noli obliuisci omnes retributiones eius.

Qui redimit de interitu vitam tuam, qui coronat te in misericordia & miserationibus.

Quoniam Angelis suis mandauit de te: vt custodiant te in omnibus vijs tuis.

In manibus portabunt te: ne forte offendas ad lapidem pedem tuum.

Super aspidem & basiliscum ambulabis, & conculcabis Leonem & Draconem.

Immittet Angelus Domini in circuitu timentium eum, & eripiet eos.

Gloria Patri, & Filio, & Spiritui sancto: Sicut erat in principio, & nunc & semper, & in sæcula sæculorum, Amen.

Vers. In conspectu Angelorum psallam tibi Deus meus.

Resp. Adorabo ad templum sanctum tuum & confitebor nomini tuo.

Vers. Domine exaudi orationem meam.

Resp. Et clamor meus ad te veniat.

**O R E M V S.**

**O**Mnipotens & misericors Deus, qui nos Angelicâ custodiâ munire dignatus es, concede quæsumus, vt tantâ protectione secuti, & à prauis cogitationibus liberemur in mente, & ab omnibus aduersitatibus eruiamur in corpore. Per Dominum nostrum IESUM Christum filium tuum, qui tecum viuit & regnat in unitate Spiritus sancti Deus, per omnia sæcula sæculorum, Amen.



## HORA V.

*Disce MORI: id te doceat*

ASSIDUA MORTIS RAPINA.

**M**EMENTO, homo vanitas, non moriturum te, sed MORI quouis die, quouis horâ. Vitæ huius principium, mortis est exordium: prima hora quæ vitam dedit, eandem etiam carpsit & mutilavit; hunc ipsum quem agis diem, cum morte diuidis. quicquid facis, respice finem. Breues dies hominis sunt, numerus mensium eius apud Deum est: constituti sunt termini eius qui præteriri non poterunt; non poterunt eheu non poterunt. <sup>a</sup> Et non tantum non præteriri, sed nec sciri possunt, quam sint vicini. Vis esse immunis à morte subitâ? mortem assidue cogita. semper discendum est, quod an sciamus, experiri non possumus: imitare mortem. Nemo improvisò moritur, qui semper se moriturum cogitavit: inemento mori.

*a Iob. c. 14.**Disce VIVERE: id te doceat lex*

IUSTITIÆ.

**V**IRTUTIS est proprium, iniustitiam odisse, & omnem iniustitiæ committatum, insidias, fraudes, iniurias: has accipere malis, quam inferre. Non mundi, sed Christi lex est: Rapturo pallium, etiam tunicam adiiciendam in auctarium. & quod illud lucrum sit, argentum in arcâ, damnum in conscientia: lucro turpi iactura longè præferenda est: *quid enim proderis homini, si lucretur mundum totum, & detrimentum anima sua faciat?* <sup>a</sup> Sed ijs iam moribus viuitur, ut iustitiæ nomen religiosè adoretur, res ipsa ad cuiusvis sensum aut commodum torqueatur: iusti haberi volunt plurimi, pauci esse. Pars magna iustitiæ est, ut, quod alijs vitio vertis, ipse non committas, & quod tibi fieri non vis, alteri non facias.

Discite iustitiam moniti (ô mortales) & non temnere

Diuos.

*a Marc. c. 9.*

mittit: illud potius reconditur, quod vasis vacuis commendatur. Laudent te esurientium viscera, non ructantium opulētia conuiuia. Ter mirum! in plenissimo resurgentium conuentu, coram vniuersis Angelis, tacet Christus quod Abel primus martyr fuerit, quod Abraham obedientiā excelluerit, quod Moyses legem tulerit, quod Petrus crucem Iesu primus ascenderit, hæc inquam, tacet Iudex, & solum proclamat, quis sibi pauperi cibum dederit, quis nudo vestem obtulerit, quis domo fouerit. En, quicquid datur pauperi, non est donum, sed mutuū; quicquid enim tribuitur, tam pulchro quā magno fœnore recipitur. quæstuosissima omnium ars est, eleemosyna, & cæli ianitoribus notissima. Eleemosyna verò aurea, & summa est, INIMICOS DILIGERE.

*Disce ORARE: id te doceant.*

ORATIONES DE S. MICHAEL  
Archangelo.

1<sup>a</sup>.

**B**Eati Michaelis Archangeli tui, quæsumus Domine, intercessio gloriosa nos semper & vbique protegat, & ad vitam perducatur æternam. Per Christum Dominum nostrum.

2<sup>a</sup>.

**P**Rinceps gloriosissime, Michaël Archangele, esto memor nostri, hic & vbique semper, precare pro nobis filium Dei.

3<sup>a</sup>.

**B**Eati Archangeli tui Michaelis, commemoratione lætantes, humiliter te Domine deprecamur, vt quod nostris meritis non valemus, eius intercessione consequamur. Per eundem Christum Dominum nostrum.

HORA VII.<sup>ma</sup>

*Disce MORI: id te doceat.*

TEMPORIS IACTURA IRREPARABILIS.

**M**EMENTO, homo fauilla, non verba solum, sed & tempus volare, irreuocabile. in domus combustæ vicem, surgit alia: in temporis combusti pretium, nulli vniones sunt computandi. paleæ sunt, gemmæ omnes præ hoc temporis censu. nec furum vllus damnosior est, quā qui hoc ipse sibi furatur, aut malè agendo, aut nihil agendo. Aliqua est rerum omnium recuperatio, nulla temporis.



mille florenos perdere, magnum damnum cepsetur: famam amittere, multò maius; tempus otio comburere, multò maximum. & quò plus temporis in vanum auolat, hòc mors formidabilior propinquat: inemento mori.

*Disce VIVEE: id te doceat lex*

MANSVETVDINIS.

**F**ILI, in mansuetudine opera tua perfice, & super hominum gloriam diligèris. a quicquid dicas, faciàsue, super omnia vultus & verba accedant bona: *Beati mites.* Cælestis vrbs Hierusalem non est spoliolum bellatorum, sed sperata hæreditas *mansuetorum*. Mites sunt, qui improbitati cedunt, & malo non resistunt, sed vincunt in bono malum. Sunt quidam mites, sed quamdiu cuncta fiunt pro eorum arbitrio: tange montem, mox cernes fumum. nimirum, qualis quisque apud se lateat, illata contumelia probat. Magni animi proprium illud est, vt sciat esse placitus, vt norit iram substringere, iniurias atque offensiones, serenâ semper fronte digerere. Verè mansuetus, est vt tractabilis cera, mitis columba, tranquillum oleum.

2 Eccl. c. 3.

*Disce ORARE: id te doceant Orationes*

A D

CUSTODEM ANGELVM, CHRISTI  
matrem, Christum.

I.

*Ad Angelum Custodem.*

**S**aluto te, ô sancte Angele Dei, Princeps nobilis, custos meus fidelis, cui me gubernandum diuina bonitas tradidit, quàm multa secundum Deum, tibi tuæque charitati debeo, quod indigno mihi tot annis, totque modis fideliter atque clementer assistis, & animi corporisque mei salutem procuras. Commendo me tibi hodie, vt aduersus malignum hostem, te duce illæsus conseruer, & in gratiâ Dei, ad extremum vsque halitum firmus & constans perseuerem, & tecum in cælo Dominum nostrum, laudem in æternum.

2.

*Ad Bmam Virginem MARIAM.*

Salutationes XII. totidem stellis assimilatz.

**A**ve mundi decus, lampas inextinguibilis.

Aue mundi Oculi, cælorum ianua, Seraphinorum gloria.  
 Aue mater purissima, quam nulla vnquam sequior inuasit cogitatio.  
 Aue ingens & portentosum mundi miraculum.  
 Aue ornatissimum supremi Regis palatium.  
 Aue armarium vitæ, pratum totius fragrantia Spiritus sancti.  
 Aue latens thesauri gratia, quæ sola portas Verbum, quod portat omnia.  
 Aue vas electionis admirabile; Aue Mater Filij, filia Patris, Sponsa sancti Spiritus.  
 Aue nubes lucida, Aue columna ignea, quæ populum Dei per desertum mundi deducis.  
 Aue vellus mundissimum de cælo humectatum, per quam & in quâ ouem induit pastor.  
 Aue doctrinae sceptrum, deuotionis templum, donorum omnium gazophylacium opulentissimum.  
 Aue noui Adam paradisi: Aue vtrius aurea cæleste manna continens.  
 Aue fax fidelium, infiniti circumdatrix, castarum animarum ara: Aue gaudium, semper & in æternum ineffabile.

## NOMINA PATRVM

è

*Quibus hæc stella sunt excerpta.*

CYRILLVS Alexandrinus, Epiphanius, Elias Crætensis, Fulgentius  
 Gregorius Nicomediensis, Gregorius Neocæsariensis, Hildephonus Toletanus,  
 Origenes, Proclus, Sophronius, Theonoretus, Methodius, Olympius.  
 Inter hos & decimus duodecim Apostolos, decimus tertius esse cupit Bernardus, & fuit  
 & Paulus. Nec se continet Bernardus, & ad DOMINI MATREM  
 iuculamat: Ex totis anima viribus te saluto ac compello:

Aue Virginum Regina: Aue mare gemmis plenissimum.

*Nec hoc ei satis; totum inuitans orbem, ad matris istius Generationem:*  
 Totis ergo, *inquit*, medullis cordis veneremur Mariam, quia sic est voluntas  
 eius, qui totum nos habere voluit per Mariam.

3.

*Ad Christum.*

IESV bone, ego nimis imperfectè tibi serui, nimis frigide te laudo & diligo.  
 Ah, quàm longè adhuc absum à verâ mei abnegatione; à verâ Humilitate, Pa-  
 tientia, & charitate. Te ergo rogo, vt quod nimis est in me, tu digneris supplere  
 pro me, & diuinum cor tuum amoris plenissimum, patri offerre pro corde meo,  
 amoris egentissimo.

Domine Iesu Christe, amem te solum propter te, & nihil amem nisi in te.

Domine Iesu Christe, auge mihi laborem & dolorem, modò augeas patientiam  
 & amorem.

Domine Iesu Christe, da mihi vt in diuino beneplacito tuo, & in sanctissima  
 qua voluntate vnice delecter, & in ea super omnia requiescam.



# HOROLOGII HORA VIII<sup>ua</sup>.

*Disce MORI : id te doceat*

IMMINENTIS METVS IVDICII.

**M**EMENTO, homo pulvis, conscientiamque tuam interroga : si hac te hora, ad tribunal suum euocaret Deus, num paratus fores reddendæ rationi? ne dicas : *cras ero*. emendationi tuæ indulgentiam promisit Deus, sed tuæ dilationi diem crastinum non promisit. Heu, heu, nos miseros, quàm totus homuncio nil est! **O** theatrum & ludum quidquid in hoc orbe **VIVERE** vocatur! Age, valedic rebus humanis, & ad reddendam rationem te para, tribunal te vocat. nullam hîc moram, nullas inducias, nullam comperendinationem quære. hinc abeundum est; nec tergiversare : ratio reddenda est, ne excusa. qualis vixeris, talis & iudicaberis : memento mori.

*Disce VIVERE : id te doceat lex*

V E R I T A T I S.

**A**NTE omnia opera, Verbum Verax precedat te. *a* Veritatem enim requirit Dominus. *b* Iurare & mentiri nesciat lingua tua. Veritati sic studeas, vt quicquid dixeris, iuratum putes. Non est sinceri, non est probi hominis, aliud pectore clausum, aliud linguâ promptum habere. Veritas, sicut vbique mater est sanctitatis, sic vbique amanda est. Nullæ duæ res tam inter se concordēs sunt & cognatæ, vt **VIRTUS & VERITAS**. Premi quidem solet veritas, non opprimi; emergit tandem : impugnatur sæpe, non vincitur. Veritatis amator nullus reprehensor est metuendus, aut enim reprehensurus, inimicus est, aut amicus : inimicus si insultat, ferendus; amicus si errat, docendus; si ipse doceat, audiendus est. Tegere, polire, fingere, comere, fucare Veritatem, est dehonestare : mentiri, est animam necare. *osenim quod mentitur, occidit animam. c*

*a* Eccl. c. 37. *b* Psal. 30. *c* Sap. c. 1.

*Disce ORARE : id te doceat*

**ORATIO, EXERCENDIS DIVINÆ  
amoris actibus.**

XIII.

*Actus amoris in Deum.*

**O**Mi amantissime Deus, *i* Ad te summum bonum, toto cordis affectu feror.

In

In 2 immensissima bonitate tua exulto, 3 & gaudeo, quod te omnes Angeli adorent, beati omnes honorent & laudent. 4. O mi Creator, quàm ego cupio, vt omnes homines te agnoscant & colant; tibi vni omnes seruiant! 5 Ah, quàm me poenitet omnium peccatorum meorum! 6 Et ideo firmissimè statuo legem tuam posthac in omnibus obseruare. 7 Omne solatium meum in sanctissimo tuo beneplacito quæram; 8 Auerlabor, quicquid tibi displicuerit. Mi 9 Deus, omnia mea tua sunt, tibi omnia consacro: Propter 10 te aduersa omnia libentissimè tolerabo: 11 Permissione & dispositione tua semper contentissimus ero. 12. O bonitas, tuum in me amorem adauge. 13 O Charitas, te nunquam amare desinam.

## Explicatio

*Præcedentis Orationis.*

Cùm virtutis laus omnis in actione consistat, amoris in Deum tendentis actiones interiores, à Theologis plerumque hæc fissent assignari.

- 1<sup>a</sup>. Deum, tanquam *SVM MVM BONVM*, videndum ac fruendum pronissimo affectu desiderare.
- 2<sup>a</sup>. Sua Deo omnia velle, nec aliam ob causam, nisi quia bona Dei sunt, vt sunt sapientia, bonitas, potentia, &c.
- 3<sup>a</sup>. Impensè gaudere, Deo ab Angelis beatis, probis omnibus, serui.
- 4<sup>a</sup>. Desiderare vnicè, vt res creatæ omnes, gloriæ honorique diuino sese impendant.
- 5<sup>a</sup>. Animo dolere ob omnes in Deum iniurias. & à se, & ab alijs commissas.
- 6<sup>a</sup>. Seriò constituere, omnem Dei legem exactè obseruare.
- 7<sup>a</sup>. Vnicam in omnibus Dei voluntatem sibi sequendam proponere.
- 8<sup>a</sup>. Auerfari omnia, quæ quis Deo displicere cognôrit.
- 9<sup>a</sup>. Omnia sua Deo liberalissimâ submissione offerre.
- 10<sup>a</sup>. In res aduersas omnes, Dei causâ tolerandas, promptum animum obfirmare.
- 11<sup>a</sup>. Diuini regiminis prouidentiam vbique agnoscere, & extollere.
- 12<sup>a</sup>. Fateri, se diuinis fauoribus minus respondere, & amoris augmentum poscere.
- 13<sup>a</sup>. Beatam in Dei amore perseverantiam, assiduis precibus efflagitare.



CIRCA HAS DIVINI AMORIS ACTIONES,  
duo maximè notanda.

1<sup>m</sup>. Letales animi plagas non perferant, nisi AMOR aut DOLOR, siue, vt Theologorum ore loquamur, duo tantùm sunt actus, qui perditam Dei gratiam recuperent, actus charitatis, & actus pœnitentiæ; quorum alter alterum includit. Publicanus dolendo potissimùm, Magdalena diligendo præcipuè omnem animi pestem derelict: *Remittuntur ei peccata multa, quoniam dilexit multum.* Luc. 7.

2<sup>m</sup> Primaria diuini amoris actio, est, seriò & ex animo velle omnibus Dei præceptis parere. *Qui habet mandata mea, & seruat ea, ille est qui diligit me.* Io. 14. *Hæc est enim charitas Dei, & mandata eius custodiamus.* 1. Io. 5. Ad hanc amoris diuini actionem exercendam, cuius hominum obstringitur, in triplici ferè periculo. Primùm cum quis grauiter à dæmone impugnatur, aut alijs ad vitia illecebris inuitatur, & hæc sint exemplo: videt quis auream sine custode monetam; deprehensum habet sub vnguibus inimicum; cernit oblatam explenda libidinis occasionem; hîc cacodæmon ingenti conatu suggerit: Sic elabi fines pulcherrimam hanc occasionem? ennumos aureos, en opportunitatem vltionis horam, en paratas delicias, aude aliquid frui, & opportunitate, dum licet vttere. Hîc necessarium omnino, vt qui letale crimen horret, suum in Deum amorem sic testetur: Domine Deus, lex tua & tuus honor, chariora mihi sunt, quàm lucrum meum, quàm turpis & vetita voluptas, quàm totus orbis. nisi is, qui in hoc lubrico stat, sic egerit, Deum perdidit, gratiâ Dei excidit, cælum amisit, aut ergo tunc Deum amabit, aut à Diabolo vincetur. quòd si hominem clandestinæ mentis, aut furtiue corporis libidini deditum interrogem: mi homo, amasne Deum? amare se affirmabit. Sed an decalogum nòstri noui, dicet. etiam præceptum sextum tenes? dicet, teneo. nunquid eo libidinem omnem prohiberi censes? censeo, respondebit, nec aliter poterit. Et tu tamen in hanc expressissimam Dei legem, nihilominus tam petulanter, toties peccare audes? ergo tua tibi muliercula, tui tibi furtui amores, tuæ tibi oblectatiunculæ præ Deo, præ Dei lege, præ honore Dei, longè sunt chariora: ergo in te nec scintilla viuit diuini amoris, quamdiu hos mores & impurum hunc anorem perseueras. *Hæc est enim charitas Dei, & mandata eius custodiamus.* quid est, inquit Augustinus, quòd diligo regem, si odio habeo eius legem? & verissimè Gregorius: Verè, inquit, amat, qui ad mandata eius à suis se voluptatibus coarctat: qui per  
illicita

illicita desideria diffluit, profectò Deum non diligit, quia ei suâ voluntate contradicit.

Deinde, ad eandem diuini amoris actionem, quemque obligat, alterum hoc periculum, cùm quis prudenter sibi inetuit, ne ratione loci quò iturus, aut hominum, quibuscum acturus, grauius delinquat, tunc sanè opus, animum Dei amore sic inflammet & inuuiat, vt cum Psalte regio sincerè pronuntiet: *Scrutabor legem tuam Domine, & custodiam illam in toto corde meo*, Psalm. 18. *Hac est enim charitas Dei, & mandata eius custodiamus.*

Postremum denique corporis animique periculum, idem quod dixi, diuini amoris, argumentum postulat, vt, cùm quis fatalem sibi horam imminere sentit, hoc ipso in suum conditorem amore feratur, idque non pœnæ formidine, non præmij spe, sed quòd agnoscat, hoc à se SUMMO BONO modis omnibus deberi. hac certè supremâ vitæ horâ, si vnquam, lex illa, quàm integerrimè potest, obseruanda: *Diliges Dominum Deum tuum, ex toto corde tuo, & ex totâ animâ tuâ, & ex omnibus viribus tuis, & ex omni mente tuâ*, Luc. c. 10. *Charitas nunquam excidit*. Ergo, *in charitate, crescamus in illo per omnia*, 1. Cor. 13. & Ephes. 4.

### Protestatio

*Ad Deum, saltem semel per hebdomadam dicenda.*

**S**i quidquam, ô mi Deus, cogitauero, dixero, fecero per imprudentiam, quod diuino beneplacito tuo repugnet: coram te, Domine, totâque curiâ tuâ celesti protestor, id præter & contra voluntatem meam fieri. Si aliter accidat, Miserrere, Domine, & errantem illicò reuoca cadentem subleua, & ne id contingat, per bonitatem tuam rogo te misericordissime Deus, vt benedictione tuâ me præuenire, & tanquam rem tuam possidere ac regere digneris. Arbitrij mei libertatem tibi sic subijcio, vt illam à te, si opus, etiam cogi cupiam, & vinciri, ne contra te rebellet, aut contra voluntatem tuam vel minimum quid committat. Vnicè velim, mi Deus, quod tu vis; & quod tu non vis, id & ego vnicè nolim. Hac mea vnica sit voluntas, voluntatis tuæ beneplacitum quærere, ac facere in omnibus. Si quid, Domine, à te petam, ne largiaris petenti, quod honori tuo deroget, quod tuæ voluntati repugnet. Scio, ô bonitas, scio: id mihi solum obest, quod tibi non placet. Ergo te, per omnes sanctos Angelos tuos oro, da mihi odium mei, & tui in omnibus amorem.

### Gemitus

*Deum anhelantes; amoris plenissimi.*

**A**Mo te, mi Deus, cupioque ardentius amare. Hac amoris flammâ, cor meum penitus liquefiat. Nihil extra te me beat. Et quando, mi Deus, & quando ad te hinc euolabo?



*Disce MORI : id te doceat.*

MAXIMVS DEBITORVM NUMERVS.

**M**EMENTO, homo spuma, in immenso ære alieno te laborare. cogita peccata tua omnia, & in vnum ea cumulum compone: tot lasciuas cogitationes, tot verba non otiosa tantum, sed contumeliosa, fœda, detractoria. tot facta improba nullo fūco excusanda. intueri hos tantos nozarum acervos, & fateri cogēris: Magnus debitor sum, multorum millium talentorum, & heu, si me sic obæratum mors meo aduersario tradat: certum est carcere non exibo, dum ad teruncium soluero. Maturè hæc cogita & alijs sæpe ignosco, tibi nunquam: qui se cognoscunt, vti semper peccant, ita semper plorant. Vis nunquam esse tristis? bene viuere. beatus ille homo, qui semper & vbique sic viuit, vt vnamquamque diem velut vltimam, & non redituram consumat: memento mori.

*Disce VIVERE : id te doceat lex*

CASTITATIS.

**F**rustus Spiritus est charitas, continentia, castitas: a omni autem ponderatio, non est digna continentis animæ. **b** Nemo iacet pudicum animum, si impudicum habeat oculum: nemo de casto corpore gloriatur, cuius casta non sit cogitatio. Optimus Iob, ideò cum oculis fāciebat fœdus, vt posset etiam cum cogitationibus: *Pepigi*, ait, *fœdus cum oculis meis, & ne cogitarem quidem de Virgine*. **c** quam enim partem haberet in me Deus desuper? Oraculum accipe à beato Hieronymo editum: quacunque, ait, virtute polleas, quibuscunque operibus niteas, si cingulo castitatis careas, omnia per terram trahis. Et crede mihi, mi homo, si te pestilens libidinis vrēdo adurat, nec resistas, perijsti. Corpus, animus, pecunia, fama, omnia tibi tua perierunt: valedic cælo, & morere. Ergo principijs obsta, & caput obtere huic colubro, ne caudā te venenet.

a Gal. c. 5. b Eccl. c. 26. a Iacob. c. 31.

*Disce ORARE : id te doceat.*

Oratio B. Francisci.

DEVS MEVS ET OMNIA.

**B.** Franciscum accepimus noctes ipsas quatuor verbulorum horum commendatione & creberrimā repetitione, non semel sumina

summa cum animi sui voluptate transegisse. Igitur voce præeuntem sequere, & dic:

## DEVS MEVS ET OMNIA.

**M**illies hoc dicam, millies hoc cogitabo, millies hoc, & vsque, & vsque, & vsque millies repetam. neque enim vel dicere vel cogitare maius possum aut melius, quàm hoc ipsum, DEVS MEVS, ET OMNIA. alij alia quærant, alia desiderent. vnum ego Deum meum quæro, Deum desidero: ô DEVS MEVS, ET OMNIA. opes alijs & honores; voluptates alijs vniuersas relinquo: Deum ego habeam, & omnia habeo. totos alijs ego mundos concedo: aureos & gemineos montes non inuideo; summas delicias permitto; mihi Deus meus est omnia. nihil ita bonum, nihil ita pulchrum aut iucundum, quin summum illud & primum bonum, & melius sit, & pulchrius sit ac iucundius. DEVS MEVS, ET OMNIA! quàm me varia sæpè accendūt desideria, quàm diuersis subinde æstuo cupiditatibus! ita vt cum lunatico illo adolescente, modò in ignem, modò in aquam rapiar. Sed quænam illa tanta bona sunt, quæ ego tam anxie appeto? num hoc vel illud genus edulij aut potionis? Deus meus, cibus meus, potus meus, & omnia. num hoc vel illud genus relaxationis aut voluptatis? Deus meus, gaudium meum, voluptas mea, & omnia. num hoc vel illud genus honoris aut dignitatis? Deus meus, honor meus, mea dignitas, & mea omnia: quid est tandem quod appetere possim; & cuius loco, mihi non Deus sit, & sit omnia? mihi epulatio, mihi oblectatio, mihi quies, mihi thesaurus Deus est, mihi Deus est omnia, & plus quàm omnia. nam etsi cibus, quibus inhio, vesci: potu, quem sitio, refici: voluptate, quam ardeo, frui: honores, quos ambio, assequi liceat: quid istud vesci est, quid illud refici, & frui, & assequi? DEVS MEVS, ET OMNIA: te frui, à te refici, est perfectissimè refici, est frui omnibus bonis: DEVS MEVS, ET OMNIA. at verò labor premit, dolor affligit, curæ distrahunt, homo turbat, & exagitat. Nil horum metuendum; neque enim hæc omnia, etiamsi simul ingruant, mala sunt, si summum istud bonum opituletur, Deus. DEVS MEVS, ET OMNIA. tu mihi, ô bone Deus, ô bonitas, tu in labore quies, in dolore voluptas, in curis securitas, tu mihi ab omni hominum insultu propugnaculum tutissimum; tu mihi ab omni malo refugium; tu mihi es OMNIA, quæcunque tandem desiderare possum. Ergo, quodcunque in posterum, & quodcunque bonum appetiero, hoc ipse mihi semper



occinam: DEVS MEVS, ET OMNIA. Desine, ô homo, impuros  
riuulos sectari, cùm fontem purissimum habeas; Deum habes,  
omnia habes, quæcunque habere concupiscis.

*Oratiuncula selecta.*

A D

*Christum Dominum.*

1<sup>ma</sup>

**D**A mihi obsecro, Domine, diabolica vitare contagia, & ad te meam, etiam re-  
bellem, compelle propitius voluntatem.

2<sup>da</sup>

**O**Mnipotens æterne Deus, fac me tibi semper, & deuotam gerere voluntatem, &  
maiestati tuæ, sincero corde seruire.

3<sup>ia</sup>

**T**Va, me, quæso, Domine, gratia semper & præueniat & sequatur, ac bonis ope-  
ribus iugiter faciat esse intentum, qui viuus in sæcula sæculorum.

*Vna voluntas*

Dei, aduersa, morbum, mortem inferentis.

&

*Hominis ista perferentis.*

**D**Eus meus, amor meus, absit, vt quod tu vis, ego nolim; aut  
quod tu non vis, velim ego. tua voluntas, mea voluntas: imò  
iam ampliùs mea non est, quia tua esse cœpit, imò tua iam mihi se-  
quenda est, quia mea esse cœpit. idem ego velle debeo, quod tu: &  
verò etiam, ô Domine, volo. vis me ægrotare? volo. vis me depau-  
perari? volo. tabescere? volo. doloribus affligi? volo. solatijs. desti-  
tui? volo. aduersis plurimis exerceri? volo. mori etiam? & hoc vo-  
lo. vis me cælo adscribere? volo. quàm maximè. inferis addice-  
re? Ah! bone Iesu, vt tu hoc velles, volebam ego merebar: vt ego  
hoc nollem, & volebas tu & merebaris. Atque si fieri posset (vti sa-  
nè non potest) horum alterutrum: aut sanctissimam tuam volun-  
tatem irritam esse, vt ego beatus sim; aut me damnatum esse, vt san-  
ctissima voluntas tua rata sit; proclamo: melius est damnari me; &  
seruari, quod tu vis, ô Deus. Sed, ô bonitas, mortem meam, scio,  
non vis, qui filij tui mortem ideò volebas, vt posses, non velle meam.  
Per illam ergo filij mortem te rogo, ô Pater, à morte æternâ me  
eripe. En vulnera, en sanguinem, quo tibi pro me litatum est. filio  
volebas parcere, vt posses seruulo. Quia ergo & potes, & vis mise-

rer,

veri, ô immensa, ô tremenda maiestas, miserere mei, parce mihi, peccaui; negare non possum; sed tu potes condonare, quicquid peccaui. Seruâ me Deus, quem creâsti: opus tuum sum, & te meum opificem videre & æternum laudare cupio. Potes quidem instar figuli, me luteum vasculum, & sub sui auctoris manu parum obsequens frangere, & ( pridem id meritus sum ) in flammâ abijcere, sed quia maior est tua bonitas, quàm malignitas mea, parce, Domine, parce, parce vitam amando te, quâ brevi moriar, hoc per ultimum halitum rogando te: MISERERE.

## Annotatiunculæ

De

*Divina & humana voluntatis conformatione.*1<sup>ma</sup>

PER omnem sacram paginam, nihil commendatius est, quàm hæc diuinæ & humanæ voluntatis unio. Christus utique omnium hominum optime orare nouit; sic autem orauit. *Pater, non mea, sed tua voluntas fiat.* Sed nec nos aliter orare docuit: *Fiat voluntas tua, sicut in celo, & in terrâ.* Mille alia biblicorum pro hoc testimonia sunt.

2<sup>a</sup>

Vnicam in omnibus Dei voluntatem attendere, est compendium & summa optimæ ac tranquillissimæ vitæ.

3<sup>a</sup>

Extra omnes tempestatum furias, supra nubes securus degit, quicunque sua omnia ad vnicam Dei voluntatem collineat. Amicis, summum precandi genus est VELLE: Deo amicum facit, idem in omnibus semper VELLE cum Deo.

4<sup>ta</sup>

Quæcunque in orbe fiunt, aut verè mala, & in Deum peccata sunt, aut certè mala non sunt, quia nec peccata sunt: in prioribus illis Dei permissio, in his dispositio semper admirabilis elucet. Nam omne malum poenæ, ut Theologi loquuntur, positivè & effectivè à Deo est, illius etiam quæ è peccatis nascitur. Ipse Deus harum poenarum omnium, clarissimè auctorem se fatetur, Isaiâ proclamante (c. 45.) *Ego Dominus & non est alter: formans lucem & creans tenebras, faciens pacem & creans malum: ego Dominus faciens omnia hæc.* Amos hoc ipsum confirmans: *Si erit malum, inquit, in ciuitate, quod Dominus non fecerit?* Ergo, quascunq; deum, subeamus poenas, æquo & fidenti animo dicamus: Dominus est, quod bonum est in oculis suis faciat,



5<sup>a</sup>

Ideò sapienter Epictetus : ne postules, inquit, ea quæ fiunt, ita fieri, vt tu vis : sed, si sapis, ita velis ea fieri, vt fiunt. sic omnia secunda tibi accident (Enchir. c. 13.) Sapientius Thomas à Kemp. Homo internus citò sese colligit, & sicut res eueniunt, sic se illis accomodat (lib. 2. c. 1.) Sapientissimè Salomon : Non contristabit iustum quicquid ei acciderit (Prou. c. 12.) quid enim tristetur ille, qui in omnibus summam Dei prouidentiam, & sanctissimam eius voluntatem agnoscit :

6<sup>a</sup>

In omni fortunâ, secundâ & aduersâ, in quavis turbatione aut tentatione, in quibuscunq; procellis, tutissimum & optimum, vnicam sibi Dei voluntatem sequendam proponere; vniuersa & singula, quæ facienda & ferenda, in vnâ Dei voluntatem reducere. hâc quisquis iuerit, tutissimus ibit.

7<sup>a</sup>

In morbo & morte non est vtilius exercitium vllum (Ludouico Blosio teste, in consol. pusill. pag. 328.) quàm vt quis seipsum ex integro diuinæ voluntati submittat, & immensam Dei bonitatem ac misericordiam, **HVMILITATIS & CHARITATIS** brachijs amplectatur.

## HORA X<sup>ma</sup>

*Disce MORI : id te doceat.*

### VSITATVS DEFUNCTO RV M PSALMVS.

**M**EMENTO, homo aura, quid tibi omnes è tumulis defuncti acclamant : **MIHI HERI, ET TIBI HODIE :** *Memor esto iudicij mei, sic enim erit & tuum. a* Hic ille communis mortuorum psalmus est, quo inuitamur ad tumulum. Imus huc omnes, nec seiungimur, sed leniter alter alterum anteimus. Hæc lex est vniuersi : nasci, surgere, languere, mori. *Omnes morimur, & quasi aquæ dislabimur in terram quæ non reuertuntur. b* Ideò sæpè cogitandum est, quod semel faciendum est. Quare sarcinulas collige, breui aderit qui te ducet ad **PLURES.** iter hoc nec auro, nec prece, nec pretio, arte nullâ redimes. Eundum est, eundum, & in alium orbem migrandum : si mortem metuis æternam, vide vt tua ante te vitia moriantur : memento mori.

*Disce VIVERE : id te doceat lex*

## HUMILITATIS.

**G**loriam præcedit Humilitas. *a* Et qui sine Humilitate virtutes congregat, in ventos puluerem iactat. Verè modestus & humilis, non vult modestus & humilis, sed vilis videri. cùm affligitur & contemnitur, sibi ipse identidem occinit: HIS OMNINO DIGNVS ES. Cadere vult, non ascendere, qui ad alta non per infima tendit: perire vult, qui se in superbiam & pretium sui præcipitat. *quantiò magis es, humilia te in omnibus. b* Et quæso cur spectatores tibi deligis in terrâ, cùm theatrum habeas constructum in cælo? quid sterilem gloriolam aucuparis, cui gloria æterna promittitur? Nihilominus Humilitatis umbram inulti, veritatem pauci sectantur. Humilem ostendit indefessa patientia, & generosus fuimet contemptus. Et hoc tibi longè sit certissimum de teipso: Tanto maior eris in oculis Dei, quantò minor fueris in tuis: tantò Deo pretiosior, quantò tibi ipse vilior.

*a* Prou. c. 15. *b* Eccl. c. 3.*Disce ORARE : id te doceat*COMMENDATIO ANIMÆ IN  
manus Creatoris.

I N

*Manus tuas, Domine, commendo spiritum meum.*

**I**Am commendo sanus & valens, vt commendatum habeas, ô Christe, quando illum commendare non potero ampliùs, etsi suis vinculis nondum solutum. Timeo tempus illud, quo inter viuos ero, nec esse me sciam. videmus in plerisque moribundis id fieri, spirant, viuunt, & viuere se nesciunt. quis palpitantem tunc spiritum & migrare trepidantem, tandem tamen ex amico carcere migrantem recipiat, si tu excludas, orbis Conditor? Christe patientissime recordare, etiam te in extremis illis angustijs lacrimatum, & deseri questum esse, spiritum Patri commendasse, exclamasse, expirasse. Ad te ego iam clamo, vt tu meus seruator spiritum meum suscipias, quocunque morbo, tempore, loco, è corpore abeuntem. Recordare, bone Iesu, in cruce te brachia expandisse, pectus aperuisse, caput inclinasse. Ecce anima mea à rebus creatis omnibus deserta, refugium quærit: in illa tua brachia sese immittit, in tuum illud pectus sese ingerit: admitte, obsecro, miseram, & ne inde ex-  
turba,



turba, donec ira Dei transeat. hîc secura, hîc ab inferorum satellitibus tuta lateat. Ergo, in manus tuas, Domine, commendo spiritum meum, in dō tuum, quia tu eum creāsti & reparāsti: Pigmentum tuum, o Deus, ne despice.

## ASPIRATIONES

A D

*Christum pro felici obitu.*

**N**on intres in iudicium cum seruo tuo, dulcissime IESV, quia non iustificabitur in conspectu tuo omnis vivens. Psal. 142.

Ne memineris, bone IESV, iniquitatum mearum, cito anticipent misericordia tua, quia pauper factus sum nimis. Psal. 78.

Illumina, mansuetissime IESV, oculos meos, ne quāquam obdormiam in morte, ne quando dicat inimicus meus, prevalet adversus eum. Psal. 12.

Domine IESV Christe, fili Dei vivi, pone passionem, crucem & mortem tuam, inter iudicium tuum & animam meam.

O mi amantissime Domine IESV Christe, ob honorem & virtutem tue benedicta passionis, iube me adscribi in numerum electorum tuorum.

A D

*Omnes SS. Angelos ardens suspirium.*

**S**uccurrite, subvenite, o vos omnes beatissimi Spiritus, sancti Angeli Dei, & cum in extremis, vestram opem non amplius implorare potero, ne me dereliqueritis.

HORA XI<sup>ma</sup>*Disce MORI: id te doceant.*

REPENTINÆ MORTIS INSIDIÆ.

**M**EMENTO, homo somnium, cum cubitum te confers, quā plurimos somnum inchoasse & vsque continuasse, morte subitā extinctos. ita Sisara, soporem morti socians defecti, & mortuus est, & quot sani cubitum ierunt, reperti mortui? quot inter colloquendum, cenandum, ridendum subitō abrepti? mille modi sunt Leto. vnica venenata herbula, vulnusculum neglectū, pustula vix conspicua, acinus vuæ, tecti tegula, piscis spinula, guttula medicata, tenuissimus pilus, ipsa etiam vel paullo corruptior aura, necat hominem: ad vitam rapiendam innumeros habet aditus, insidiosissima

MORS. ideò dies omnis & ordiendus cautissimè, & claudendus: optimus ordo est, à Deo diem incipere, & cum Deo finire: nec prius plumis se inungere, quàm rationes sint positæ, de luce transfactâ. nimium temerarius est, qui offenso & nondum propitiato Deo audet obdormire. Sic somnum semper inchoa, ac si quis auri insusurret: *Hæc nocte repetent à te animam tuam.* a Me mento mori.

a Luc. c. 12.

*Disce VIVERE: id te doceat lex*

C H A R I T A T I S.

Diligentibus Deum, omnia cooperantur in bonum, a omnia. Beatus, ô Domine, qui amat te, & amicum in te, & inimicum propter te. Causa diligendi Deum, Deus est; modus, sine modo diligere. Vbi thesaurus tuus, ibi & cor, & amor tuus est. vis nôsse, vbi tuus thesaurus sit? attende quid ames. vis nôsse quid ames? attende quid cogites. ibi thesaurum condis, quò crebras cogitationes mittis. Vbi Dei obliuio est, ibi Deus thesaurus non est. Sed nec Deum amat, qui vllum hominem odit. Paulinum dogma nôsti: *Si charitatem non habuero, nihil sum*, etsi habeam alia omnia. &: *super omnia autem charitatem habete.* b Licet ergo tota horrea, totas vineas, aureos montes, gemineas domos in stipem eroges, si vel vnicum hominem odisti, nihil dedisti Nunquam enim concordiam habebis cum Christo, si discors esse volueris cum Christiano. Tota lex Christi tribus literulis includitur: A M A. Deum ama & omnes leges seruasti.

a ad Rom. c. 8. b 1. Cor. 13. Col. 3.

*Disce ORARE: id te doceat Oratio*

P R O

*Felici Vita fine.*

Sanguine tuo, Christe Iesu, à peccatis omnibus laua me, & concede vt anima mea, cum è corpore migrauerit, ante tribunal tuum appareat munda. O bone Iesu, ne deferas me, in vltimis angustijs, in suprema mortis luctâ, à quâ tota pender ÆTERNITAS. O mi redemptor, in manus tuas spiritum meum iam commendo. Tua, ô mi Deus, sanctissima voluntas in me semper fiat, & in æternum,

A D



*Christum crucifixum.*

**A**doro te, Iesu Christe, & benedico tibi, quia per crucem tuam redemisti mundum: Saluator mundi salua me, qui per crucem & sanguinem tuum redemisti me. Trahe me ad te, ô bone Iesu, qui dixisti, cum exaltatus fuero à terrâ, omnia traham ad meipsum; deprecor per pretiosum sanguinem tuum, quem pro me peccatore effundere voluisti, ut abluas omnes iniquitates meas. Creator & redemptor meus, Christe Iesu, totum me tibi trado, non me reijcias; ad te venio, non me repellas. Ne proijcias me à facie tuâ, & Spiritum sanctum tuum ne auferas à me. Ne perdat me iniquitas mea, quem creauit omnipotens bonitas tua.

*Omnes SS. Angelos*

Hominis moribundi gemitus,



*Impendentis iudicij memoria.*

**O**Vos omnes, purissimi Spiritus, Sancti Angeli Dei, respicite in me. Hic ego iaceo gemens & suspirans, quia manus Domini tetigit me. mors mihi in oculis est: mortalium iam nemo amplius, vos soli potestis succurrere. iudicij dies mihi iam est indictus: cheu, comparandum est, coram summo Deo, & reddenda ratio de cogitatis, dictis, factisque omnibus. Scitis, ô beatissimæ mentes, me vilem terræ vernaculum quotidie honori vestro dicere aliquid aut facere conatum esse. Ah, ne me deserite, in his summis angustiis meis, in hac vltimâ necessitate, à quâ mihi tota pender **ÆTERNITAS**. Momentum illud iam imminet, in quo salus mea omnis, aut perenne stat exitium. Ah! iuuate, & ante regem regum pro me supplices procumbite, & meum mihi obsecro conciliate iudicem. Sententiam ego nunc expecto supremam; vos impetrate, ut ea mitis sit & ad vitam. Mortem quam ego meritis fuisset æternam, per vestras preces meritæque liceat deprecari. Subuenite sancti Angeli Dei, subuenite, succurrite, iam iam aderit iudex, Christus Iesus. Miserere, ô Iesu, miserere: per omnes sanctos Angelos tuos te rogo, Iesu

**MISERERE.**

**HORA**

HORA XII.<sup>ma</sup>*Disce MORI: id te doceat*

## IMPROVISA MORTIS IRRUPTIO.

**M**EMENTO, homo nihilum, uti fures in domum illam nuntiare non solent, quam hora noctis duodecimâ, aut primâ, aut secundâ effringere vel suffodere statuerunt: sic nec mortis inus est, certis nuncijs præmonere, se tali die aut horâ venturam. ubique mors est, & semper in propinquo. Vigilate itaque, ô mortales, omni die, omni horâ. *Ipsi enim diligenter scitis, quia dies Domini, sicut fur in nocte, ita veniet.* a Iacob moriturus, collegit pedes suos super lectulum, & mortuus est. Animum tu tuum, ô homo, tuum spiritum tu collige: ibis brevis, ibis in domum ÆTERNITATIS. Punctum est quod vivimus, & adhuc puncto minus. Vita quatin expectamus verè diuturna, æterna est: memento mori.

1. Thess. 5.

*Disce VIVERE: id te doceat lex*

## FAMILIARITATIS CVM DEO.

**A**ppropinquate Deo, *Et appropinquabit vobis.* a non metuenda est hic familiaritas nimia; quò quis Deo familiarior erit, hoc erit & Dei reuerentior. Amicos facit animorum coniunctio, & consiliorum communio. Amicus Deo nemo sit, nisi purgatissimis moribus. Hic ego, mi homo, summe oro, tracta causam tuam omnem cum tuorum amicorum optimo. cum Deo tuo bene tibi est? de hoc successu, Deum consule. malè tibi est? de hoc ipso, nil sine Deo tuo statue: omnia cum hoc amico tuo delibera; tam fidenter cum ipso loquere, quàm tu ipse tecum. Suavissimus est hic amicorum & fidelissimus, sed animæ solum Deum quærenti. Dei quotiescunque minùs fueris inemor, mox redi & clama. O mi Deus, ô meorum amicorum amantissime, diem perdidi, quia præsentiam tuam amisi, tui memoriam neglexi. Scio, eum qui amicus est, omni tempore diligere: nec ei quidquam esse suavius, quàm esse cum amico. Amicitia quæ vera est, est ÆTERNA. Nam *omni tempore diligit, qui amicus est.* b

Q

Disce



*Disce ORARE: id te doceat.*

## EXAMEN CONSCIENTIÆ.

*Quotidianum, practicum.*

**T**Antò, inquit Gregorius, securiùs quis Dominum expectat, quantò quotidie vitam suam suspectiùs examinat. Eleganter huius officij submonens Augustinus: in tribunal, inquit, mentis tuæ ascende contra te, & te reum constitue ante te: noli te ponere post te, ne Deus ponat te ante te.

Sapienter & Christianè Seneca. *a* Deprehendas, inquit, te oportet, antequam te emendes. Inquire in te: accusatoris primum partibus fungere, deinde iudicis, nouissimè deprecatoris. Ideò, quantum potes, teipse coargue. Aliquando te etiam offende.

Quotidianum examen conscientia, orationem esse longè utilissimam, omnium sapientum vox est. multi, quinque illius assignant capita, nemo est qui hunc orandi modum sic doceat, vt is nemini videri possit difficilis. at erit facillimus volenti doceri: tu modò sic ora, & hoc solùm obserua, vt post duas primas oratiunculas nonnihil subsistas, & quomodo diem expenderis, cogites.

Epist. 28.

## E R G O

*Si sic oraueris, rem penè omnem factam habebis.*

1.

**O** infinita bonitas, gratias tibi ago pro omnibus beneficijs tuis, quæ mihi hodie & totà vità meà contulisti. tibi laus & gloria in infinitas sæculorum myriadas.

2.

**O** immensa Maiestas, da vt quicquid tibi hodie in me displicuit, id mihi in memoriam integrè redeat.

3.

*Hic exacta dies cogitata, dicta, facta in memoriam reuoca, & quid in Deum peccaueris, expende.*

4.

**O** inexhausta Misericordia, ignosce mihi quicquid hodie peccaui contra te. Ego omnes offensas huius diei, & totius vitæ meæ, in abyssum misericordiæ tuæ depono, & per mortem filij tui te precor, ô Deus, dimitte mihi quicquid vnquam in te peccaui.

5.

**O** æterna sapientia, Christe Iesu, firmissimè propono non peccare amplius.

*Et hoc quotidianum est examen conscientie: Addi possunt hæc.*

Pater æternæ, per vitam & mortem filij tui, per omnem bonitatem tuam te rogo, concede mihi ut in bono perseverem, & in gratiâ tuâ moriar.

Bone IESU per extremas illas in cruce voces, quibus Patri spiritum commendasti, te rogo, suscipe spiritum meum in fine vitæ meæ.

Spiritus sancte Deus, miserere mei, & sanctâ inspiratione tuâ me semper, & potissimum in horâ mortis meæ adiuva.

Sanctissima Trinitas, vnus Deus, miserere mei, nunc, & in fine vitæ meæ.

A M E N.

## HORÆ NOCTIS.

**E**Xegimus HORAS DIEI; supersunt NOCTIS, quæ vti quietior, ita meditationi, quàm dies aptior est. Idcirco quem per diem docuimus orare, per noctem meditari & considerare docebimus: prius tamen causas assignabimus, quare Angeli tanto amore, totque officijs meritiissima sint colendi.

### C A V S S Æ

*Cur sancti Angeli, præ ceteris beatorum ordinibus, summè venerationis.*

#### I. CAUSSA, SACRA BIBLIA.

**P**Lenæ sunt diuinæ litteræ testimonijs & elogijs, de felicissimo statu, deque plurimis SS. Angelorum in nos beneficijs.

#### II. VETUS HISTORIA.

Omnis vetus historia, amantissima circa nos Angelorum ministeria, variè deprædicat.

#### III. NUMERVS ANGELORVM.

Angelorum numerus nobis infinitus, soli Dso est numerabilis. ita innumeros in cælo amicos habere poterit, quisquis eos sibi conciliare voluerit.

#### IV. ANGELI, DEI VICARII.

Tam in priscâ quàm in nouâ lege, vices Dei funguntur Angeli frequentissimè, promittit Deus: mittam Angelum meum: præcedet te Angelus meus: immittet Angelus Domini, &c.



## V. NOBIS ADDICTISSIMI.

Angeli nobis beneuolentissimi sunt : & hoc vnum omnibus suis officijs agunt, vt breuī eis quā simillimi simus.

## VI. NOSTRI SINE NUMERO PATRONI.

Vnico venerationis actu tot centena millia beatissimorum spirituum; innumeros nobis patronos conciliamus.

## VII. ADVERSARIORVM DE EIS TESTIMONIA.

Ipsi etiam aduersarij Lutherus, Caluinus, admodum honorificē de Angelis scripserunt. Caluinus, etsi neget alios Diuos & beatos; Angelos tamen expresse docet, inuocari posse, vt patronos & confidicos nostros. lib. 3. Institut. c. 20. §. 23.

## VIII. EXPERIENTIA QVOTIDIANA.

Multos hominum quotidiana docet experientia, quā assiduas pro nobis & fideles agant excubias beati Angeli, in nostrū omnium tutelam attentissimi.

## IX. VOLVNTAS DEI.

Deus Angelos curandæ nostræ saluti præfecit : prouinciā cū studiendi nos in omnibus vijs, Deus Angelis demandauit: Angeli sunt Pædagogi hominis, vt Basilii loquitur, & vt Augustinus, Angeli sunt domestici Dei, cæli Ciues, Principes Paradisi, scientiæ Magistri, Doctores sapientiæ. Angelis Ecclesia theatrum est, in quo & Dei sapientiā mirentur, & ignorantia nostræ opitulentur. Mille nos Angeli afficiunt beneficijs; mille nos Angelos afficiamus obsequijs.

a Tom. 10. pag. 284.

HORA I.<sup>ma</sup> NOCTIS.

*Disce MORI : & cogita*

Nunquid non & mihi inigrandum erit tandem, & inoriendum?  
Cur ergo vasa non colligo?

*Disce ORARE.*

**A**NIMA 1 Christi sanctifica me, Corpus Christi salua me, sanguis Christi inebria me; 2 Aqua lateris Christi laua me; passio 3 Christi conforta me. O bone 4 Iesu exaudi me; intra 5 vulnera tua absconde me; ne 6 permittas me separari abs te; ab hoste 7 maligno defende me; in hora 8 mortis meæ voca me, & 9 iube me venire ad te, vt cum 10 sanctis tuis laudem te in æternum; Amen,

*Brenis est hac oratio, sed exercenda Virtuti decem illustria documenta suggeruntur cogitanda, prout indicant numeri.*

1. Communio crebra. 2. Confessio frequens. 3. Passionis Dominicæ meditatio. 4. Oratio assidua. 5. Iudicij metus. 6. Perseuerantia. 7. Fortitudo in tentationibus. 8. Memoria mortis. 9. Desiderium cælestis patriæ. 10. Æternitatis meditatio. *Et hac ego tibi, Enâ cum adiunctis duobus alijs documentis, per duodecim Noctis horas, breuissimè explicabo. Faciamus initium hæc horâ.*

*Disce VIVERE : tua verò sit VITA.*

COMMUNIO CREBRA. Nisi manducaueritis carnem filij hominis &c. non habebitis vitam in vobis (Io. c. 6.) Amicum, non amat, qui eius præsentiam odit : nec sanè Christum diligit, qui eius conuiuium fugit.

## HORA II<sup>da</sup>.

*Disce MORI : & cogita :*

Quid me fiet post mortem? quo anima, deueniet? Incertum est. Cur ergo tam securus viuo, velut iam certus cæli?

CONFESSIO FREQUENS. Amplius laua me à peccatis meis. (Psal. 50.) Operum bonorum initium, est confessio malorum. quotidie peccamus, peccata si non quotidie, saltem crebrius eluamus : peccatum enim quod pœnitentia non diluit, suo pondere mox ad aliud trahit.

*Disce ORARE, & considerare.*

ORatio vera, est cordis, non oris, aut labiorum : neque enim verba deprecantis Deus intendit, sed orantis cor aspicit, ait Isidorus. Itaque paullatim, mi homo, & in minutioribus docebo te corde orare, hoc est, meditari, & quæuis, diuina maximè, attentius considerare : optimè orat, qui res suæ salutis hoc modo considerat. pro more sic orauerat Isaac : *Et egressus fuerat ad meditandum in agro, inclinatâ iam die* (Gen. c. 24.) Nihil est quod non assidua meditatio facillimum reddat. Primum quod tuæ considerationi subijciam, interrogatiunculæ sunt, quas tu ipse iam diu aues proferre. nunc licet tuarum partium sit quærere, mearum respondere.



*Tres quasiunculae.*

1<sup>a</sup>. Q. Omi Angele, cur Deus pro lapsis Angelis, non itidem factus est Angelus, ut pro lapsis hominibus factus est homo?

1<sup>um</sup> R. Ah, noli quærere: RVINAM Angelorum, & LAPSUM hominum tu nunquam satis intelliges, nisi cum hominem exueris & inter Angelos vixeris. quis fando explicet aut cogitando satis indaget, decretum illud quo iustissimus Deus, tot miliones nobilissimorum ac pulcherrimorum spirituum cælo proscripsit, in omnem æternitatem. & quis ille inter homines monarcha, qui inter trecentos Principum aut Regum filios, ad gladium damnet, & in ferale theatrum productos securi percuti iubeat, ob culpam, multorum iudicio, leuissimam? & quid sint, ignosce mihi, mille Cæsarum filij, ad Angelum vnicum? tot tamen centenis Angelorum millibus, ipsa bonitas recusauit parcere. & delictum quod erat: vnica cogitatio, vnicum NOLLE.

Verè vigilat rex noster, tam ad iustitiam quàm ad misericordiam, ut indulgeat, & ut puniat. Creauit quidem Deus tot pulcherrimos Angelos, eos tamen ab æterno præsciuit fore foedissimos diabolos. At sicut Deus (ut rectè Augustinus) naturarum bonarum est optimus conditor, ita malarum voluntatum est iustissimus ordinator, ut cum illi malè vtuntur naturis bonis, ipse bene vtatur voluntatibus etiam malis. Apostatarum Angelorum sedes iam hominibus decretæ sunt, si eas velint facere suas, bene viuendo: ita Luciferi ruina humanæ genti causa est sublimioris ascensus. non vanè Origenes: Si earum, inquit, virium essem, ut Luciferum vincerem, Luciferi in cælo solium obtinerem, quò quis enim fortio rem ac callidior em superauerit diabolum, hoc celsiore m inter Angelos occupabit locum. Quis autem hominum, in principis Angeli sede sit collocandus; tua non refert scire; hoc scias, eum illic sublimissimum fore, qui ante hîc fuerit veræ submisionis studiosissimus. Hæc sanctitatis regula non errat: Is apud Deum sanctissimus est, quisquis est apud seipsum humillimus.

2<sup>a</sup>. Q. Num, oro, mi Angele, tot hominum in cælum sunt euehendi, quot Angelorum inde præcipitati? extant libri qui hoc constanter, nec sine ratione affirmant.

2<sup>um</sup> R. Et hoc velim omittas quærere: pia malim tibi placeant, quàm curiosa. Sed est humanæ gentis vitium, CURIOSITAS: Verissime dixit Ecclesiastes: *Solummodo hoc inueni, quòd fecerit Deus hominem*

*hominem reſum; & ipſe ſe infinitis miſcuerit quaſtionibus.* Tu hoc potius quære, quibus aliis ad Angelorum cætus eueharis. E diuinis libris nôſti, nouem illorum eſſe ordines: infimum Angelorum, proximum Archangelorum, ſupra hos, Principatus, Poſteſtates, Virtutes, Dominationes, Thronos, Cherubim, Seraphim. Vni horum inferi cupias. Sed quæris, quomodo id poſſis? Beata Mechtildis diuinitus edoſta, in hunc ſenſum de hac re loquitur. Ad primos ANGELORVM ordines, viam ſibi ſternunt, qui egenis, ægris, peregrinis, Dei cauſſâ inferuiunt. Ad ſecundam ARCHANGELORVM coronam contendunt, qui orationi rerûmque diuinarum meditationi ſe dedunt. Ad PRINCIPATVS ſpectant, qui omnem in ſe noxiam cupidinem expugnant. Inter POTESTATES cenſentur, qui alijs eâ quâ par eſt curâ, amore, vigilantia præſunt. VIRTUTIBVS annumerantur, qui opibus paupertatem præferunt; qui ſe patientiæ ac obedientiæ totos emancipant. Ad DOMINATIONVM ehorum anhelant, qui deuotiſſimis ſtudijs, omnem ſuam voluntatem ad diuinam in omnibus conformant. THRONI dicendi ſunt, qui aſiduis rerum cæleſtium meditationibus, cor ſuum dignam Deo ſedem faciunt. Ad CHERUBINOS extollendi, qui, quod in Deo per meditationem vident; quod in operoſâ hac mentis quiete diſcunt, in aliorum animos ſermone transfundunt. Seraphinis accenſentur, qui Deum toto pectore amant, ardētque, & ipſos etiam, propter Deum, inimicos; ſi quid amant aliud, in Deo amant; ſolius Dei iniuriâ percelluntur. Et hæc via eſt ad ſublimes illas Angelorum Hierarchias.

3<sup>a</sup>. Q. Et cur, mi optime cuſtos, nullus vnquam ſanctorum Angelorum (quod ego ſciam) chari hominis corpus inſedit? quod tamen transfugæ Angeli ſæpe ſæpius ſunt auſi. quandoque multa millia diabolorum, vnius hominis membra, velut tabernam publicam ſubierunt, vix multâ vi pellendi. cur non ideim meliore humanitate audeant beati Angeli?

3<sup>um</sup> R. Homo, templum eſt Numini ſacrum; Angeli, reuerentiâ & amore ducti, principis ſui conclaue, ſuo ingreſſu nolunt temerare: impudentis famuli eſt, ſpectante Domino, aut ſellam, aut equum ſui Domini inſidere: Angeli verò conſeruos ſeſe non diffidentur. Accedit, quod cum Deus hominis originem adeo nobilitarit, admirando diuinæ & humanæ naturæ connubio, tam nihil ſibi in hominem licere volunt Angeli, vt non tantum Numinis, ſed & hominis ſeruos ſe dici tolerant, nihil niſi iuſſu Domini in hominem moliantur.



Angelus exul, Dei æmulus, modo Deus non abnuat, omnia vir-  
agit, & crudeli impudentiâ. Atque huic Deus sæpe annuit, punien-  
do homini, qui si Deo neget hospitium, hunc ab Orco hospitem,  
iubetur admittere. Gemina in corde hominis conclauia non sunt:  
vnicum est, in quo aut Deus hospitatur, aut diabolus: si Deo locus  
non sit, certè est Diabolo: sic vbi peccatum regnat, illic exulat.  
VIRTUS.

## HORA III.

*Disce MORI: & cogita:*

Quo morbo, quo tempore, quo loco, mors me in inuadet? Hæc  
nemini prænuntiantur. Cur ergo non quouis loco, & omni  
tempore expecto?

*Disce VIVERE: tua verò sit VITA.*

**M**EDITATIO DOMINICAE PASSIONIS. Christo passo in car-  
ne, & vos eadem cogitatione armamini (1. Petr. 4.) ab omni  
hoste tutus est qui in vulneribus Domini Iesu, se nouit abscondere:  
nec sentit sua deuotus miles, cum sui ducis intuetur vulnera:

*Disce ORARE: & considera.*

Meditatiuncula

**TER. NOVENÆ, QVIBVS COMPENDIO**  
è sacris paginis, aut benignus Angelorum  
Amor,

*Aut iusta in nos ira proponitur.*

**A N G E L I.**

1. *Liberant è carcere.*

**A**postolos in carcerem à principe sacerdotum coniectos, è vin-  
culis educens Angelus: *Ite, inquit, & stantes loquimini in templo*  
*plebi, omnia verba vite huius* (Act. c. 5.) Nec audiendus, nec timen-  
dus est homo, cum aliud iubet Deus.

2. *Seruant in flammis.*

Hebræos tres iuuenes in flammis Babylonis, quartus ipse ser-  
uauit

uauit illæfos Angelus ( Dan. c. 3. ) Innocentia vbique tuta est : innocentibus flammæ pro rore sunt leones pro agnis.

### 3. Vindicant à gladio.

Isaacum sub patris gladio constitutum, iam iam ferendum liberauit Angelus. *Et ecce Angelus Domini de celo clamauit dicens: Abraham, Abraham, qui respondit, adsum. dixitque ei: non extendas manum tuam super puerum, neque facias illi quidquam.* ( Gen. c. 22. ) Laudatissima est obedientia quæ in arduis præstatur.

### 4. Inter leones protegunt.

Agnellum vnum, septem impastis leonibus obiectum, Angelus defendit intactum, quod de se confirmat Daniel: *Deus meus misit Angelum suum, & conclusit ora leonum, & non nocuerunt mihi* ( Dan. c. 6. ) inter leones velut inter agnos secunda degit castitas, quam Angeli tuerentur.

### 5. In undis defendunt.

Mosen in fiscellâ scirpeâ, Nilo innatantem, ab exitio protexit Angelus, & educationem ei velut reginæ filio impetrauit ( Exod. c. 2. ) Pallio pro nauigio vitur per furibundum mare, qui Angelum habet nauarchum.

### 6. E vinculis educunt.

Ad Petrum Angelus geminis catenis vinctum, velut Sol irradians penetrauit, & dormientem impellens: *Surge, inquit, Velociter & circumda tibi Gessimentum tuum & sequere me* ( Act. c. 12. ) Omnium serarum clauēs habent Angeli, omnia penetrant: vinciri non potest, quem Angelus in libertatem asserit.

### 7. Incendio vicino subducunt.

Lorbum proximo iam Sodomæo incendio, educentes duo Angeli: *Salua, inquit, animam tuam: Noli respicere post tergum, nec stes in omni circa regione, sed in monte saluum te fac, ne & tu simul pereas.* ( Gen. c. 19. ) Bonis moribus nocentissimum venenum est, malorum societas: cum his versare, qui te meliorem facturi sunt.

### 8. A mortis supplicio eripiunt.

Angelus castissimam Susannam, cum iam duceretur, à morte liberauit, per spiritum innocentissimi adolescentis Danielis, qui in impuros senes publicè proclamauit: *Manet Angelus Domini gladium habens, ut faciat te medium & interficiat vos* ( Dan. c. 13. ) Nemo gratis fudit Deo: in summis periculis, quò minus humanum, eò præsentius habet diuinum auxillum.



9. *Imminentem cladem auertunt.*

Angelus velut Imperatorius caduceator, vt inferendam vastitatem cohiberet, proclamat: *Nolite nocere terra & mari, neque arboribus, quoadusque signemus seruos Dei nostri in frontibus eorum* (Apoc. c. 7.) Vasa etiam vacua honori sunt, quando sic signata sunt.

## A N G E L I.

1. *Contumacia resistunt.*

**B**Alaamum asinâ vehentem, stricto gladio inuasit Angelus, & : *Ego & gens, inquit, & aduersarer tibi, quia peruersa est scia tua, mihi que contraria.* iussitque eum aliud non loqui, quàm quod ei præceperit. (Num. 22.) Pronum est homini errare, modò errorem monitus, non recuset emendare.

2. *Inobedientiam reprehendunt.*

Vniuersum Israëlitis populum acerrimè obiurgans Angelus : *Noluistis, inquit, audire vocem meam, & cur hoc fecistis ?* concionem hanc non tantùm magnus omnium fletus, sed & magna morum emendatio secuta est (Iud. c. 2.) Noxas ridiculè plorat, qui deploratas mox iterum patrat.

3. *Superbiam puniunt.*

Angelus Herodem veste regiâ nitentem, pro tribunali sedentem, & concionantem ad populum, percussit eò quòd non dedisset hominem Deo, & consumptus à vermis exspirauit (Act. c. 12.) Exosa est superbia vel ipsis superbis, & quâ ratione superis placeret ?

4. *Hostium castra euertunt.*

Angelus vnicus, magnum mare Assyrij sanguinis fudit : *Deiecit castra Assyriorum, & contriuit illos Angelus Domini.* (Eccl. c. 48.) Vnica maledica lingua (qualem Senacherib habuit) & suum Dominum, & innumeros alios trahit in exitium.

5. *Plurimos peste perimunt.*

Angelus 70000. Israëlitarum, triduo peste necauit: cùmque Hierusalem etiam, eadem lue laboraret, *Miseratus Dominus super magnitudine mali: imperauit Angelo qui percutiebat: Sufficit, iam cesset manus tua.* Lenâsque Dauid oculos suos, vidit Angelum Domini stantem inter calum & terram, & enigmatum gladium in manu eius, & ceciderunt tam ipse, quàm maiores natu. Gessit calicis, prout in terrâ (1. Par. c. 21.) Quàm seuerus est Deus in peccantes, tam mitis est in dolentes de peccato.

6. *In bellis terrori sunt.*

Iudam Machabæum Angelus eques, candidatus, armis aureis coruscus, contra hostes præcessit, eumque militibus se sequentibus animum iniecit, ut in hostes leonum more irruerent, parati muros ferreos penetrare (2. Mach. c. 11.) Sub tali duce, quantumcunque parvis copiis, certa est victoria.

7. *Pro amicis se opponunt.*

Angeli in monte Dothain, aded formidandam & flammeam, aciem explicuerunt, ut Elisæus seruulo suo trepidanti dixerit: *Nolite mere, plures enim nobiscum sunt, quam cum illis, Ecce mons plenus equorum & currum igneorum, in circuitu Elisæ (4. Reg. c. 6.) Veniant Xerxis copiae, & inuadant me: veniant vniuersæ diabolorum cateruæ, & irruant in me: ridebo tutus, dum me vel vnicus tueatur Angelus.*

8. *Belli duces constituent.*

Angelus Gedeonem belliducem salutans: *Dominus, inquit, tecum, virorum fortissime: Vade in hac fortitudine tua, & liberabis Israel de manu Madsan. scito quod miserim te; Ego ero tecum (Iud. c. 6.) Per Angelos nemo non fortis est, si velit esse.*

9. *Futurum exitium prædicunt.*

Angelus fortissimus, saxum molare ingens sustulit (spectante id Ioanne) & in pelagus excussit, clamauitque: *Hoc impetu mittetur Babylon, ciuitas illa magna, & soluta iam non inuenietur. (Apoc. c. 18.)* Cauete Babylonij, vos balneum hoc expectat.

## A N G E L I.

1. *Facundiam donant.*

Isaïæ Prophetæ labra calculo ignito, quem forcipe tulerat de Altari, atrectauit Angelus (H. c. 6.) Facile est ei facundos ignes in frequens auditorium spargere, qui sub tali magistro Rhetoricam addiscit.

2. *Ægrotos sanant.*

Aquam Hierosolymis, intra Salomonis porticus conclusam, Angelus per annum sæpius (ut plerique censent) in gratiam tot ægrotorum mouit, ut qui primus in eam descendisset post motum, sanus exiret (Ioan. c. 5.) Non plebeius hic medicus est, qui aquam duntaxat turbat, & ægros sanat.

3. *Fatigatos*



3. *Fatigatos reficiunt.*

Eliam Prophetam sub vmbra iuniperi dormientem, è somno excitans, & cum fontana panem apponens Angelus: *Surge*, inquit, *comede: grandis enim tibi restat via* (3. Reg. c. 19. Valeant regum deliciae, valeat falernum omne, præ hac aquâ, quam talis è cælo pin-cerna ministrat.

4. *A caris vinci se sinunt.*

A Iacob Patriarchâ vinci se luctando permisit Angelus, & victorem suum à fratris intentatis minis tutatus est, (Gen. c. 32.) Dum viuimus, luctandum & pugnandum est: beatus es, si pugnando moriaris, quia mortuus mox coronaberis.

5. *Afflictos solantur.*

Angelus, Abrahami ancillam Agar, à desperatione reuocans: *quid agis*, inquit, *Agar? noli timere*, simul vicinum fontem desperatæ vitæ remedium monstrauit (Gen. c. 21.) Miser & infelix est, qui non fuerit infelicitate tentatus.

6. *Ad benefaciendum hortantur.*

Angelus Philippum hortatus: *Surge*, inquit, *& eade contra mercedianum*, &c. Voluit Angelus occasionem arripi, per quam Candaces Æthiopum reginæ quæstor, religione verâ imbueretur, (Act. c. 8.) Occasio bene de alijs merendi, non quærenda tantum, sed sæpe rapienda est.

7. *E cælo in terras commeant.*

Angeli tam in prisçâ quàm nouâ lege, officioso ascensu & descensu cælum terrâsq; petunt. *Vidit Iacob in somnis scalam stantem super terram, & cacumen illius tangens cælum: Angelos quoque Dei ascendentes & descendentes per eam* (Genes. c. 29.) Christus simillimum Angelorum huc illuc commeandi studium prædicens: *Videbitis*, inquit, *cælum apertum & Angelos Dei ascendentes & descendentes supra filium hominis* (Ioan. c. 1.) Errare cupit, qui viam ad cælum, ab his cæli tabellaris discere negligit.

8. *Orantes animant.*

Vxor Manue, simplici narratione viro referens: *Vir Dei*, inquit, *Genit ad me, habens cultum angelicum, terribilis nimis.* cùmque iterum utrique coniugi sese videndum exhiberet Angelus, ac de nomine interrogaretur: *Cur*, ait, *quæris nomen meum, quod est mirabile?* (Iudic. c. 13.) Et terret probos, & solatur Deus, omniâque in eorum bonum vult cedere.

9. *Castos ubique ardentissime amant, & propugnant.*

Castissima Iudith pudicitiam suam inter vngues Assyrii prædo-  
nis Holofernis seruata, nulli nisi Custodi Angelo in acceptis refe-  
rens: *Visit Dominus, inquit, quoniam custodivit me Angelus eius, & hinc  
euntem, & ibi commorantem, & inde huc reuerentem, & non permisit me  
Dominus ancillam suam coinquinari* (Iudith c. 13.) Amica Angelis est  
Obedientia, amica Patientia, amica Demissio, super omnia ami-  
ca illis est CASTITAS.

## HORA IV<sup>ta</sup>

*Disce MORI: & cogita:*

An non plurimi morte repentinâ sublati sunt? & quò migrârunt?  
Cur ergo ego mihi tam pacificam & lentam mortem polliceor?

*Disce VIVERE: tua verò sit VITA.*

ORATIO ASSIDUA, quoniam oportet semper orare, & non defi-  
cere, (Luc. cap. 18.) Meditatio docet quid desit: oratio, ne desit,  
obtinet.

*Disce ORARE: & considera.*

## CONSIDERATIO Imà

*Sanctorum Angelorum naturæ & numerus.*

### CAPVT I<sup>um</sup>

CONsidera mirificam in Angelis naturæ excellentiam, ob quam  
Angelus, perfectus homo, homo, imperfectus Angelus dici  
queat. Angeli beatissime viuunt, sine omni corporeâ fæce, corru-  
ptionis omnis expertes. Summâ insuper præditi sunt rerum omni-  
um notitiâ & abditissimâ cognitione, excepto solo cordis secreto.  
*Tu solus nosti corda filiorum hominum.* ô Deus. quamuis ad hoc pe-  
ctoris arcanum penetrare, facile est Angelis: è signis plurima ri-  
mantur; & signa non sint, Deum cuncta scientem & videntem vi-  
dent, & in Deo omnia. Patent eis vniuersa naturæ mysteria. nec v-  
num ex alio, vti nos, ratiocinando deducunt, momento & simul  
capiunt innumera. In gratiâ diuinâ firmati, intellectu suo Deum  
semper aspiciunt, idque sine velo, sicut illum nos olim (prout Pau-



lus loquitur) facie ad faciem videbimus. Voluntate Deum solum ardent, amoris diuini plenissimi. Hos, stellas matutinas recte dixeris, aut purissimos soles. quòd si solem, beatorum quilibet, septies auctiore splendore vincet, quòtò magis hi proximi Deo aulici, immenso radiabunt iubare? Verè tersissimo nitidissimoque speculo sunt simillimi, in quo æterna sapientia, bonitas, potentia, & amor conditoris clarissimè relucent. Hi, illa sunt candidissima lilia, inter quæ cælestis sponsus, & supra omnem amœnitatem pascitur. Hi, montes illi optimorum aromatum fertilissimi. b Hi sunt velut amœnissimum pratum, in quo mille millia florum, inter quos tamen (quod obstupescendum) duo eiusdem coloris, formæ, odoris nusquam reperiuntur. ita D. Thomas Aquinas existimat Par. 1. q. 50. art. 4. nec tamen secus sentientes rejiciendi.

a Cant. 2. b Cant. 9.

### C A P. I Ium

**N**umerus eorum tantus, vt (quod de eo verè Nazianz. orat. de natu. Dom.) mundum nouum constituent, qui nostrum numero longissimè superet. nam vti cælum ea omnia quæ complectitur, magnitudine; sic cælites, vniuersa numero excedunt. Et nunc Angelorum numerum nec intelligentiâ comprehendi, nec linguâ pronuntiari posse, è diuinis paginis liquet. Iob a quærit: *nunquid est numerus militum eius?* Lacedæmonum reges, trecentos selectissimorum militum; reges Macedonum, mille in corporis custodiam habuerunt. omnia hæc numerabilia. Sed nunquid est numerus militum Dei? Daniel conatur sub calculum vocare: b *Milia militum*, inquit, *ministrabant ei, & decies milles centena milia assistebant ei.* nimirum hoc affirmat Propheta: Angelorum numerum esse prorsus innumerabilem. ita clarè B. Gregorius: Supernorum, inquit, cœliuium numerus, apud sanctum Iob infinitus est, & apud Danielei definitus exprimitur, vt qui Deo numerabilis est, esse hominibus innumerabilis demonstretur. Accedit huic sententiæ regius Propheta: c *Currus Dei decem millibus multiplex:*

Christus in oliuarum horto præferuidum Petrum inhibiturus: d *An putas, inquit, quia non possum rogare Patrem meum, & exhibebit mihi modo plus quàm duodecim legiones Angelorum?* tuo, mi Petre; & sociorum tuorum auxilijs non indigeo. quiescant gladij Apostolorum, cùm respuam defensionem etiam Angelorum: ab alijs propugnari si velleim, non vos duodecim discipulos meos, sed duodenas An-

gelorum

angelorum legiones à Patre meo exorâsem: fuissent 72000 Angelorum, ut beatus Hieronymus numerat. Albertus Magnus eâdem ratione hoc supputans: in vnâ, inquit, legione sint Angeli 6000. Christus Dominus in monte oliuario, à septuaginta duobus millibus, utique satis defensus fuisset, si sic defendi voluisset. Christo nato, ait S. Lucas *a* factus est cum Angelo multitudo militiæ cælestis. milites vocat Angelos, quemadmodum Iob, ut qui semper ad prælium, & ad honorem Imperatoris sui defendendum, promptissimi ac paratissimi. Zacharia etiam teste: *b* Circumdabo domum meam ex his qui militant mihi, euntes & reuertentes. Hi milites tam cari sunt Deo, ut nomen sibi titulosque sumpserit, non ab aureo cæli palatio, non à terræ marisque thesauris, non à tremendo inferorum imperio, sed à suis militibus vocari voluerit: DOMINVS EXERCITVVM.

Paulus Apostolus in eandem it sententiam, &: *c* *Accessistis*, inquit, *ad ciuitatem Des ciuentis Hierusalem, & multorum millium Angelorum frequentiam.* Ioannes Apostolus, arcanissimorum conscius. *d* *Et cæcis*, ait, *& cæcis* *audis vocem multorum Angelorum in circum throni, numerus eorum millia millium.* Luculenta sunt hæc testimonia, numerum Angelorum maiorem esse quàm vel capere vel dicere possumus. Dionysius Pauli Apostoli discipulus, *e* tantam innuit esse Angelorum multitudinem, ut eam numeris nostris quamuis in immensum multiplicatis non facile finis definituri. Aliquot Thomæ Aquinatis discipuli, eam aiunt fuisse mentem magistri, ut asserant plures esse Angelos sideribus cæli, aëribus, Oceani guttulis, arenæ granulis, terræ herbulis & flosculis, plures inò ipsis atomis, minutissimis corpusculis; deinde plures quàm sint omnia in orbe, ut vocant, indiuidua. B. Gregorij Nysseni verba non discrepant: *f* *Sunt*, inquit, infinita millia Angelorum. Eiusdem prorsus animi est S. Bernardinus Senensis. *g*

Mediolanensis præsul, Ambrosius, *h* quosdam sentire, ait, numerum Angelorum nonagies nouies maiorem esse omni numero hominum, idque confirmari è capite decimo quinto D. Lucæ, ubi de pastore sermo, qui 99. oues deferit, ut errabundam vnicam reperiat. ita Christus, aiunt, Angelos deferuit, & in hanc inculcissimam cremum demigrauit, ut humanum genus ab errore reuocaret.

*a* Cap. 2. *b* Cap. 9. *c* ad Hebr. c. 12. *d* Apoc. 5.

*e* Cæl. Hier. c. 14. *f* l. de creat. hom. c. 12. *g* Tom. 4. serm. 49.

*h* Epist. ad Antioch.



caret. ita sentit D. Hilarius. *a* S. Brigita: *b* tot, inquit, millia millium seruiunt Deo, ut si ab Adamo primo, homines vniuersi, ad vsque vltimū numerentur, omnibus & singulis hominibus, plures quā decem Custodes Angeli assignari possent. Hoc certum videtur, & diuinis testimoniis congruum, multo maiorem esse numerum Angelorum quā hominum. quot eorum verò legiones, quot milliones sint, nouit rex ille *qui numerat multitudinem stellarum, & omnibus eis nomina vocat. c* Ipsi Angeli numerum suum in Deo, ut in speculo cernunt: inortalibus hæc arcana nondum scienda.

*a* c. 18. in Matth. *b* l. 4. reuel. c. 11. *c* Psal. 146.

### C A P. IIIum

**S**ubmittamus ergo curiosi ingenii alas & scire hoc nostrum tantisper differamus, dum in alium beatorum Orbem deueniamus. beata nos interim spes soletur, & extimulet, ut eò votis omnibus contendamus, vbi non tantum Angelorum numerum nosse, sed & Angelos, eorum medii videre possimus. Interea loci, numerosissimam hanc supremi Regis aulam, assidue vel sic eminens contemplemur, cui Salomonis effatum pulchre congruit: *a* *In multitudine populi dignitas est Regis.* Aequissimum prorsus, ut Rex Regum in immenso cæli regno, copiosissimam alat familiam, quā obstupescens Dauid exclamat: *b* *Deus qui gloriatur in concilio Sanctorum; Magnus & terribilis super omnes qui in circuitu eius sunt.* Mirum illud: in orbe nostro, à suâ Rex custodiâ defenditur; illic suam Rex defendit custodiâ: Regum nostrorum vires, in multo milite sunt; Rex summus, suis ipse dat vires militibus. Et quod obstupescendum, innumera hæc militiæ cælestis agmina, eo inter se amore vniuntur, ac si omnibus voluntas vna, vnictis sit intellectus. Heu! quā dispar cæli terræque facies! vbiq; hic lites, discordiarum & dissensionum vbiq; plurimum, omnia rixarum plena; turbæ è turbis, catenata bella, vndique bella. Pax in terrâ, pax sit, sed pax hominibus **BONAE VOLUNTATIS.**

*a* Prou. c. 14. *b* Psal. 88.

## HORA V<sup>ta</sup>

*Disce MORI; & cogita:*

Quid in ortem facit inaximè formidabilem? mala conscientia. Cur ergo nunc eam non tranquillam reddo, ac bonam?

*Disce*

*Disce VIVERE: tua verò sit VITA.*

**INDICIUM MITVS.** Omnes stabimus ante tribunal Christi. Itaque unusquisque nostrum pro se rationem reddet Deo (ad Rom. c. 14.) Omnia tempus habent, tempus nunc miserendi, tunc verò tempus erit vlciscendi; dies illa, dies iræ.

*Disce ORARE: & observa.*

## CONSIDERATIO II<sup>a</sup>

*Quà ratione pingantur Angeli: Seu*

**VESTES, HABITVS, FORMA, ASSVMPTVM**  
schema Angelorum.

CAP. I<sup>um</sup>

**F**aciem florentissimi ac formosissimi iuuenis, penicillum eis rectè assignat: iuuenes sunt, nec vllum eos senium, aut morbus, aut annorum series corrumpet. De feminis Christum vincturis Marcus: *a* *Introeuntes, inquit, in monumentum, viderunt iuuenem sedentem in dextris.* Forma eorum, omnium etiam venustissimorum hominum formas ita extinguit, vt sol stellas. Angelorum forma non fragile bonum est, rugis aut canis non fœdatur, superbiam, aut lasciuiam penitus ignorat: immortalis est, nec vnquam florere desinet. Duplicem hîc nobis cogitationem inspiret, noster in Angelos amor. Prima; si infimus atque minimus Angelorum, omnem humanam formam ita superet, vt illa cum hac nec conferri quidem velit; quæ olim in cælo voluptas erit, tot centena millia, tot milliones Angelorum, non eminens aut caligante oculo, sed perfectissimo intuitu æternum aspicere, nec vllum satietatis tedium sentire, ab hoc suauissimo aspectu: & tamen pars hæc beatitudinis erit minima. Secunda; cura nostra sit quotidie iuuenescere, non annis, sed castissimis desiderijs, ac sanctis propositis omni die spiritus innouandus est, & senium desidiosus languoris exuendum. Cadimus millies? millies resurgamus. David Rex quotidie factus seipso iunior: *Dixi, ait, nunc capi.* *b* Nobis ipsis idem de die sæpius occinamus: *Dixi, nunc capi, NUNC, NUNC.* quod intra decem, viginti, triginta aut quadraginta annos neglexi; hodie, hac hora: *NUNC* faciam. ita in nouam quotidie recoquemur ætatem, viginti, triginta, aut quadraginta annis iuniores. S. Carolus Boro-

R

maus



maeus, petenti è suis, quâ viâ optimè iretur ad cælum? hoc dedit documenti: Ad cælum sic eas, vt quotidie de integro ire incipias.

## CAP. I Ium

**V**Estis Angelorum rutilans, & plerunque niuei candoris visa, & talis etiam pingitur. Augustinus, a Angelum ad salutandam Bmam Virginem missum, ait venisse, facie rutilante, veste coruscante, ingressu mirabili. quid ni albam vestem gerant, innocentissimi, purissimi spiritus? decet illos hæc textilis & decora nix. neque verò atrati & in pullis vestibus prodire debent, cum summis semper affluant voluptatibus, cum eorum vita merissimum sit gaudium. Nocte quâ Christus natus, non sine lætissimo fulgore Angelus, opilionibus priuim ferens nuntium: *Euangelizo*, inquit, *vobis gaudium magnum*. Visi tamen etiam Angeli in armis, & vt nostri milites ferro, sic illi auro quandoque cataphracti. Machabæorum historia narrat: *b* Cum irruente Lysîa Iudas Machabæus, suis auxiliatum iret, *Apparuit precedens eos eques, in veste candida, armu aureu, hastam vibrans*. Contra Timotheum verò, Asiatici exercitus duceem cum pugnaretur, *apparuerunt de calo viri quinque in equis, frenis aureis decore, ducatum Indæ præstantes: ex quibus duo, Machabaum medum habentes, armis suis circumseptum incolumem conseruabant: in aduersarios autem tela & fulmina iaciebant*.

## Hic

Tuam, mi Lector, meditationem cum veniâ interpellare liceat, & recens Angelorum, (sic arbitror) in bellis subsidium, modesto compendio narrare: Angelis certè proprium semper, militiæ curare.

Cum Serenissimus Boiariæ Dux MAXIMILIANVS, Anno cIo 1550. in rebelles Bohemos moueret, non procul Bilsnâ, in vili pago (Lithiz ei nomen) per aliquot dies castra habuit, hoste satis vicino, & ad insidias variè procurrente. multis frustratentatis, noctem vnâ, quæ opportunior visa, delegit sibi hostis, forsitan non minimam cladem illaturus, si inferre illi tam concessum, quàm destinare. mens erat Serenissimi MAXIMILIANVM Ducem, & omnem illic militem, vi repentinâ opprimere; & vt cruenta hæc fraus certiore iret successu, selectissimos quosque milites ad signa euocabant primipili. ibat agminis caput, quod & belli, Fridericus, quondam Elector Palatinus, cuius regiam dignitatem, annum magistratum fuisse, euentus docuit: ibat Dux Anhaltinus, ibat &

Ducis Anhaltini filius, ibant præstanti animo & numero duces complures, cum suis quisque selectis copijs. Primum agmen Comes ab Hollach ducebat, coniunctis ex omni turmâ selectis equitibus & Mosquetarijs, ut essent mille trecenti. hos Ungari, illos Austrij, istos alij atque alij sequebantur. Principis Anhaltini filius (qui hæc suâ manu conscripsit) regem proximus antecedeat. Hi omnes castris suis, horâ septimâ primæ noctis, cœperunt egredi. Decem millium insidiosa hæc phalanx fuisse creditur. Euntibus nox fauebat, Seruum Ducem MAXIMILIANVM locus non defendebat, nec adeo numerosus, puto, miles qui hosti par esset, vigilabat; vigilabant tamen pro eo insomnes Angeli, qui (quod ipsis facile) confusissimum hostem, & iam insidias metuentem quas structurus venerat, in castra repulerunt; re non tantum infectâ, sed nec quidem inceptâ. Triplex hosti obiectum impedimentum. Primum: à viâ aberrârunt, qui apud illos, viæ duces peritissimi habebantur. facillimum est errare, cum Angeli seducunt. Alterum; tantæ viarum angustiae occurrebant, ut vniuersum agminis ordinem turbârint & soluerint. Tertium: terror planè Panicus viam omnem coëgit relegere, nam ex inter Ungarorum præsertim ordines ortæ sunt turbæ, ut hostem quem quæsierant oppressuri, iam fugerent velut proditi perditique. Atque hæc vel ipforum hostium testimonio vera esse comperta sunt. nam omnia quæ narraui, Principis Anhaltini filius, gallico idiomate accuratè perscripsit, sed in vltimo prælio & ipse & bellici ipsius commentarij sunt capti.

Attexo narrationem (in rem ipsam iudicis partes non sumo) & duorum colloquium, è quo pronum sit opinari, in vltimâ dicti anni & decretoriâ pugnâ, milites è cælo suppetias aduenisse, & luculentam opem tulisse Catholicis signis. Non ita diu post memorabilissimam illam cæsis rebellibus victoriam, Augustæ in eodem hospitio conuenerunt, miles vnus religione Catholicus, & gente nobilis; alter dux belli è Wirtembergiâ oriundus, qui rebellium Bohemorum castra sequebatur. Hic miles: quæso, inquit, strenue domine, fas mihi sit quærere, qui tandem fieri potuerit, ut omnis ad eò animus in pedes vobis conciderit? An non vobis æquè ac Catholicis copiosus exercitus? An nò vobis locus multò equior quàm Catholicis? An non pènes vos Morauî equitatus robur? An nò vos tormentorû curulium numero illic loci superiores? an non fessum Catholicorum agmen, vos iam disposita per quietem acie excepistis? an non vobis vrbs à tergo munimen? vicinũ pallatiũ? Stella



nomine, propugnaculum? Vnde ergo Catholicis victoria, vobis fuga? Ignoscat mihi, Domine, tuus genius pænè ausum dicere, feminae fuistis, quia nolulistis vincere. Audijs hæc è Wirtembergiâ militiæ dux. Et: si finisti, inquit, quæ in nos promere volebas, & me audi. Pugnae ratio hæc fuit: Nos nec nostras nec hostium vires ignorauimus; quis vtrimque numerus esset legionum, sciui-  
mus, & ita equitatum equitatu, turmas turmis, legionem legioni opposuimus, prout licuit; certè hîc ducum nec industria potest accusari, nec prudentia: arma nobis cum hoste paria fuerunt; locus, fateor, nobis æquior fuit, ac opportunior quàm hosti; ex edito pug-  
nabamus in subeuntes. Sed & alia, non nego, Bohemorum parti contra Bauarum militem fauebant. ideoque victoriæ iam ferè certi, non sicut illi, diu deliberandum de ineundo conflictu censuimus; è re nostrâ esse, visum est plerisque omnibus, **CONFELIGERE**. At  
verò post aliquod pugnae felix initium, noua nobis ex aduerso ca-  
stra stare, gens incognita, & nunquam visa se opponere, legio se ostendere de quâ nihil vnquam nobis innotuit. hic, mihi crede Do-  
mine, ea omnium animos inuasit consternatio, vt nemo nisi fugam cœperit circumspicere. nec est quòd quis adeò id nobis vitio ver-  
tat: ipsi equi stabant, & tremeabant. mox partes nostræ labare, dein multum inclinare, inde ruere, demum omnes apertissimè fugere; & sanè plures è nostris in fugâ cæsi, quàm pugnâ.

Et quæ autem hæc inuisa fuit legio, quæ acies illa incognita, quæ noua castra? nos qui præsentes fuimus, vetera nouimus, non noua hæc, nisi ea fuerint è cælo: certè nullus militum è formidandâ & fulminatrice hac legione, stipendium à nostris ducibus vllum exegit. Si Angelos à non nemine nostrorum visos, pro nobis pugnas-  
se dicamus, nimium in rem nostram honorificè locuti videbimur. Sed suum hosti testimonium non refutamus: nobilissimum veri-  
tatis argumentum est, quod aduersarius suppeditat.

— fas est, & ab hoste doceri.

Addo tertium, & recentius. Anno M D C XXII. Durlacen-  
sis Marchio, Georgius Fridericus, contra Bauaricam aciem ad Neccarum flumen inter Wimpffen & Hailbrun se ostendit, ma-  
gnis copijs, nec minoribus minis. nam prædam (vti fertur) à se Monachij in foro breuî diuidendam spondebat. Bauariam certè omnem, bonus Marchio spe iam deuorârât: nec vires deerant. mi-  
les ei copiosus; multorum millium censebatur. Atque hic illius ex-  
ercitus, planè instructissimus fuit ab omni apparatu bellico. Tor-

menta curulia, & maiores ballistas grandi numero secum aduexerat. Fuit qui vbi hæc omnia oculis spectasset, dicere non est veritus: ad urbem Parisiorum oppugnandam, hunc talem apparatus satis futurum. Ita Marchio hic, Poliorcetes dici potuisset, si ei successus perinde respondisset.

Porro Catholicum agmen gemino, sed non adeò numerofo constabat milite, Bauaro, & Hispano, illi Tillius supremus Dux, virtute suâ, nec vnâ victoriâ Orbi iam notus, huic Consaluus Corduba præerat. Et vt partes Catholicæ, vel ante pugnam vincerentur metu, ijs pridie commissi prælij, Durlacensis miles, victoriæ iam certus, nuntiari iussit: operirentur modò, diem crastini: cæsum iri ad vnum, omnes, & nec nuntium cladis euasurum.

Ergo pridie Nonas Maias, postridie ascendentis Domini in cælum, vtrinque velitationes præmissæ, consueta prælij exordia. Inde conflictus cœpit, acer, vehemens, cruentus, & qui ad sex horas tenuit. Diu anceps stetit Victoria: Demum ex equestrium numero vnus, vndeunde aduectus (*Albatum equitem dixere quod equo candido niueoque sit & su*) initium fecit victoriæ à parte Catholicâ staturæ. Admiranda in hoc equite fuerunt complura. Primum illud: equus ei non solùm niueus, sed adeò pernix & Pegaseus, vt hosti non tam currere quàm volare crederetur. Alterum: in hunc vnum equitem plures quàm quadringentæ plumbeæ glandes conuolabant, à Mosquetarijs aduersæ partis emissæ, nulla læsit, sed nec vlla tetigit. Tertium: ausu incredibili hostilem aciem omnem præteruectus, à tergo hostium, pulueri pyrio subiecit ignem. Atque ita victoriæ nobilissimæ prælusit. Nam vbi hostes volantem à tergo flammam viderunt, velut feræ indagine clausæ, collapsis metu animis, ad fugam animârunt pedes. Sed vindicem Numinis iram, non effugerunt, eoque tunc numero sunt cæsi, vt campi cadaueribus strati, lugubri spectaculo docerent, insultantem superbiam detumuisse, minas recidisse in auctorem: non armis & viribus fidentum esse, sed *Domino exercitum*, cui ludus est vel Xerxianas copias, vnico è suis milite debellare. Qui verò facinoris illius animosissimi auctorem se ferret, qui vnâ cum equo illo candido, duci se sisteret, qui præmium posceret, nullus fuit.

Hæc mihi visa sunt silentio non inuoluenda, quæ ipsorum hostium testimonijs sunt firmata. De re; plura ego non disputo, nec aduersariorum narrationem conuello, quæ si è solido vera est, facile liquet, *albatum*, illum, vt vocabant, *equitem* fuisse Angelum, qui Catholico exercitui aspectabilis venerit suppetias. R 3 An-



Angelis certè nil noui, militiæ gratuitis seruire stipendijs. felicia castra quæ vel vnico tali gaudent milite! & quantam olim nocte vnâ, Angelus vnicus, in castris Senacheribi regis stragem edidit: panè ducenta millia hominum iugulauit, vnicus talis è cælo architectus. Atque huius ipsius Angeli, qui Assyriorum castra tantis funeribus oppleuit, fusilem è cerâ statuam, ante mille ducentos & amplius annos Chrysostomus a spectauit, non sine suauis sensu, & pijs lacrimis. Ita pace bellôque Angeli suam nobis probant obedientiam & inuictam robur: neque tantum scipionem ferunt ut peregrini, sed & clauam ut milites, & duces; pacem offerunt & bellum, uti olim Q. Fabius Carthagine in Curia, sinu è togâ facto: PACEM, inquit, & BELLUM PORTA MUS; VTRUM PLACEAT? Pacem ferunt Angeli HOMINIBUS BONÆ VOLUNTATIS; bellum rebellibus.

Albat porro crebrius visi sunt Angeli, non quod eis alius coloris veste uti non liceat, quod nescio, quis Seuerus Antiochenus formauit, perinde ac si eis purpura, uti olim Romanis feminis, esset interdicta. ridiculum figmentum. Candor placet Angelis, & in veste, & in mente. Candidatos illos esse conuenit, apud quos perpetui festi ac nuptiales dies, continuum gaudium, æterna conuiuia. Sed laxius paullo euagati sumus: à FACIE & VESTE Angelorum ad ALAS deueniamus, quod tertium meditationis caput est.

a. Orat. quod vet. & noui testam. vnus sit legislator.

### C A P. II lum.

**A**Las appingi ait Angelis, diuinus ille Areopagita Dionysius, quod nihil in eis lutei aut sordidi è terræ facibus. Sed nec vltimum corporis pondus eos moratur, quin momento sint, vbi esse volunt. Eâ etiam amoris dulcedine inhærent Deo, ac si in aëre penderent indefessâ voluptate. Meminit alarum in Angelis Chrysostomus, a recteque Gabrielem Archangelum alatum pingi asserit, non quod Deus alatum creârit, sed ut nos grati semper recordamur, mirandi volatûs è cælo, in beatissimæ Virginis Nazarethanum conclaue; vbi legationem obiit Angelus, & Dei vice, assensum Virginis expetit, in orbis reparationem.

Pernices alas auium, sagittarum, ipforum etiam ventorum, cursus ceruorum, aut tigridum, volatus aquilarum, velocitatem nubium, rotatus orbium cælestium, si cum Angelorum alis conferamus, res tarda est & morarum plena. nimium quantum præuertunt Angeli, vel ipsos ventos. multo celerrimos habet tabellarios, ma-

gnus ille Dominus, Rex cæli. quæ Dei nutus viam designat, hæc momento eunt Angeli, in omnem obedientiam pronissimi. Obstat pſcit hoc pſalter regius : *a Dominus Deus meus magnificatus es & cetera* *mentes? qui ambulat super pennas ventorum : qui facit Angelos tuos spiritus, & ministros tuos, ignem & ventem!*

a Pſal. 103.

## C A P. IVum.

**G**EMMAS tribuunt Angelis, & SERTVM cruce insignitum imponunt capiti pictores. congruè id faciunt rationi, & litteris divinis. Ezechiel *a* de omnium Angelorum pulcherrimo locutus : *Omnis lapis pretiosus*, inquit, *operimentum tuum.* nobilis gemma est, Obedientia : at quia hanc Lucifer excussit, gemmas suas omnes perdidit. Constantinus Magnus, B. Damaso teste, in æde D. Ioannis ad Lateranum (Basilica Constantiniana olim dicebatur) præter innumeros ex auro & argento iconas, quatuor prægrandes ex argento Angelos, varijs gemmarum ignibus collucescentes statuit. horum singuli libras argenti centenas quinas pendebant. Donum prorsus regium.

Fronte crucem præferunt Angeli, quia hanc dierum ultimo, velut labarum ac trophæum sui Domini, ad iudicii locum devehent. prædixit hoc Christus : *b Et tunc parebit signum filij hominis* : signiferi erunt Angeli; qui crucem sui Domini amant, non quod cruce sic ab interitu servati, uti nos (quamvis sint optimæ notæ scriptores, qui dicant Christum etiam Angelis & gratiam & gloriam promeruisse) sed quia Rex illorum, cacodæmonem debellavit cruce. ideò & Seraphim à B. Francisco, non nisi crucifixus spectari voluit, ut eo nos spectaculo suaviter submoneret : Omnes amores nostros, ad crucifixum Iesum debere tendere, ut animo sæpius ingeminemus : AMOR MEVS, CRUCIFIXVS; imò nos à nobis ipsis quotidie crucifigi debere, neque enim divini amoris aurum, ad aliam coticulam certius exploratur, quàm ad crucem : IN AMORE, NON VIVITVR SINE DOLORE.

a c. 28. Ezechi. b Matth. c. 24.

## C A P. Vum.

**E**Xcalceati pinguntur Angeli, nubibus inambulantes. Nihil hoc insolitum in Dei legatis, hæc pedum onera abijcere. fecit id Moses, Isaias, Apostoli : sed & alij viri sancti, quorū mens cælo iam inerat, calceis potuerunt non egere, per annos aliquot nudis pedibus



incedentes, vti Nicolaus Tolentinas, & complures olim Christiani Angelorum per nubes ambulatio. modum edocet, quo aduersa tranquillè vincamus. leuissimum quid nubes est, & nonnisi densatus vapor, quem ventus agitat. omnis fulgurum & fulminum intemperies in nubibus luctatur, quæ igneos hos partus in inferiora eijciunt. vltra nubes ius nullum est tempestati. ij quorum *conuersatio in calis est*, adeò tenaci amore inhaerent Deo, vt eos inde nulla fortunæ serenitas, nulla tristitiæ tempestas auellat: Deum curant & conscientiam, cetera omnia non pluris quàm fungum æstimant. atræ nubes impatientiæ, iruidiæ, iracundiæ eos non turbant: ipsi supra nubes sunt, & calcant eas iunperio mentis. & hoc est cum Angelis, nubibus inambulare.

## CAP. V Ium

**Z**onam Angelorum vidit Daniel vates, esse non holosericam, sed aurum obryzum. Zona hæc castimonix nota est: *erunt*, inquit Christus, *sicut Angeli Dei*. D. Gregorius: a lumbos præcingimus, inquit, cum carnis luxuriam per continentiam coarctamus. Neque lumbos tantum, sed & pectus cingulo stringunt Angeli, neque enim corporis solum, sed & cordis est castitas. Sed heu, quàm sæpe vilem censemus huius vtriusque cinguli iacturam.

Sunt lufores, qui vbi pecuniolam omnem per lusum decoxerunt, eo aguntur ludendi libidine, vt vestes quoque committant alex, & plerumque priuum est cingulum, vt quo facilius carere se posse putant, quàm pallio aut pileo. Ita quicunque concupiscentiam, in societatem lusus admittit, iam pudicitix iacturam fecit: modò hoc, modò illud concupiscet miser; nunc hanc, nunc illam, & breuè aliam atque aliam indagabit oblectatiunculam, eò minus satur, quò plus animum impleuerit turpitudine. Peritissima ludendi est *Concupiscentia*, fraudem ex fraude struit, blandè trahit, suauiter illaqueat, retinetque planè viscosis manibus. nam è suggestione cogitatio, è cogitatione affectio, ex affectione delectatio, è delectatione consensus, è consensu operatio, ex operatione consuetudo, è consuetudine desperatio, è desperatione peccati defensio, è defensione gloriatio, è gloriatio demum damnatio. pulcher lusus! post multa, hoc lusu perdita, proxima est Zona pectoris, seu, castimonia mentis. hac amissâ, procliuè est, & lumborum cingulum, seu, castitatem corporis prodigere.

**E**udit mundus, mihi credite, cum hoc utroque cingulo castita-

**tis.** O Castitas, inquit Ephrem, mater pulchræ dilectionis, & angelicæ vitæ ratio! O verè beata Virginitas, quæ cum Angelis de gloriâ certat, imò superat, virtute non felicitate.

Radix est odorifera, inimica pesti, quam ANGELICAM vocamus: verè ANGELICA hæc, est Castitas, quæ venenum cordis, cogitationes impuras, altiùs non sinit imbibi; resistit & pellit hanc animi pestem, & Angelos nunquam non amicos habet. Ambrosius: quo quisque purior est, ait, eò magis est custoditus & circumdatus ab Angelis, qui ob similitudinem, quam virgines castique cum eis gerunt, plurimùm cum eis versari delectantur. oderunt discinctos Angeli, nec eorum societatem amare possunt, qui fluentem vestem per omne genus sordium trahunt. Repeto illud Hieronymi: quacunque virtute polleas, quibuscunque operibus niteas, si cingulo castitatis careas, omnia per terram trahis. fidelissimè de hoc admonens Christus: *b Sint*, inquit, *lumbi vestri præcincti.* Hanc FACIEM, VESTEM, ALAS, GEMMAS, SOLEAS, ZONAM pictura dat Angelis, quæ, nisi cæci sumus & surdi, formandis nostris moribus, taci-urna, sed erudita est concio.

a Lib. 1. de virg. b Luc. c. 12.

HORA VI<sup>ta</sup>

*Disce MORI: & cogita:*

Qualis tandem, quæ mores & vitam, à morte reperiri cupio? Car-  
ergo nunc talis non sum.

*Disce VIVERE: tua verò sit VITA.*

PERSEVERANDI STUDIVM. Esto fidelis vsque ad mortem, & dabo tibi coronam vitæ. (Apoc. c. 3.) Plus operis in eo est, v<sup>t</sup> proposita quis custodiat, quàm vt bona proponat: exiguum est bene incipere, nisi & bene finias. Scias diabolus soli semper Perseuerantiæ insidiari, quam solam virtutum scit coronari. Tolle Perseuerantiam, nec obsequium mercedem habet, nec beneficium gratias, nec laudem fortitudo. Non cœpisse, nec fecisse virtutis est, sed perfecisse.



Disce ORARE : & considera.

## CONSIDERATIO III.

*Canus Angelorum & officia.*

C A P. Ium

**C**ONCENTUM CABLI QVIS DORMIRE FACIET ? quærit Iobus. <sup>a</sup> Eam nos vitam viuimus, vt semper extrema gaudij luctus occupet. Subinde nostras aures, suauis moduli permulcent : putamus canere Sirenum concordiam, sed hoc quamdiu ? tandem satietas, tædium, nausea priorem suauitatem expellunt : aut certè dum musicos concentus auidissimè audimus, & adhuc integra est audiendi fames, cessatur, & omne illud mel aurium vanescit in ventum : sic sua perit vel inuitis auribus dulcedo, & tantò post durius cruciantur silentio, quantò plus antè fidium & vocum delectabantur inani sonitu.

Aliter in cælo canunt Angeli, & prolixiorein faciunt suæ musicæ voluptatem. incipiunt & nunquam finiunt ; satiant nec tædium creant : post aliquot millena millia annorum, symphonia hæc tam grata erit auditu, ac primâ fuit quâ cœpit audiri horâ : symphoniæ huius suauitas, mortalium aures nunquam attigit, immortalibus & iam beatis semet infundit. Sed quid canunt Angeli, quis audiit cantantes ?

Isaias audiit, & cælestis illius odarij verba descripsit : <sup>b</sup> *Seraphim clamabant alter ad alterum : Sanctus, Sanctus, Sanctus, Dominus Deus exercituum, plena est omnis terra gloria eius.* Hoc idem sacrum trifagion canunt irrequieta illa & insomnia animalia, quæ Apocalypcticus ille Angelus vidit & audiit clamantia : <sup>c</sup> *Sanctus Dominus Deus omnipotens, qui erat & qui est, & qui venturus est.* Conferat quis obsecro nobilissimos hos Dei cantores, & auletas, cum tot impijs in terrâ hominibus, tot damnatis sub terrâ diabolis, & spiritibus, qui nefarijs execrationibus & blasphemijs continuis, eundem optimum Deum incessent æternùm. Heu, quàm dispar est beatorum ac damnatorum psalmus !

<sup>a</sup> Iob. c. 33. <sup>b</sup> Isa. c. 6. <sup>c</sup> Apoc. c. 4.

C A P. IIum

**I**Oannes etiam, ille Domini oculus, ille carissimus discipulorum, hos Angelorum in cælo concentus audiens : <sup>a</sup> *Et vidi, ait, & gaudii suum multorum Angelorum in circum throni & animalium, & senio-*

<sup>a</sup> Apoc. c. 7.

*rum :*

*psalm*: *Et erat numerus eorum millia millium, dicentium* *Gloria magna: Dignus est Agnus qui occisus est accipere virtutem & diuinitatem & sapientiam, & fortitudinem & honorem, & benedictionem.* Sed & alibi narrat, quæ in celsissimâ illâ æternæ voluptatis arce viderit & audierit: *Et omnes Angeli stabant in circuitu throni, & sensorum, & quatuor animalium, & ceciderunt in conspectu throni in facies suas & adorauerunt Deum, dicentes, Amen. Benedictio & claritas, & sapientia, & gratiarum actio, honor, & virtus, & fortitudo Deo nostro in secula seculorum. Amen.* Neque dubium est, quin & Angelicum innumeris illis beatorum agminibus, lætissimum illud celestina cantent, *Alleluia.* O cælum, ô domus amœnitatis & gaudij! quis non nauseet vel etiam suauissimos hominum concentus, velut inconditos pecudum mugitus; cum de te tuæque cogitat, non dulcissimâ tantum, sed æternæ dulcedinis symphoniam! O mors veni, & transfer me è valle flentium, in arcem canentium, auelle me ab hominibus, vt coniungar Angelis.

*a Apoc. c. 7.*

### C A P. II lum

**O**fficium Angelorum ferè quintuplex. **SUNT CANTORES**, sunt **ORATORES**, **LEGATI**, **PROTECTORES**, **BELLI DVCES**. Primum & princeps eorum munus est, Deum semper amare, & nunquam non laudare. Sic amant vt ardeant Deum, sic amant vt perignili & insopita laudis harmoniam collaudent. En, aulicos cantores indefessis obsequijs, suo Domino adstantes! Et tanti Deus hoc aulae suæ officium facit, vt supremos Angelorum & nobilissimos, voluerit esse præcentores. Diuinum illud melos, **SANCTVS, SANCTVS, SANCTVS**. Seraphini præcinent, Isaia teste, & dum canunt volant, vti per aërem cantando alaudulae ascendunt. Summi hoc desiderij argumentum est, & ardentissimi affectus, Deum ardentius atque ardentius amandi, & sic quasi propius ac propius accedendi: interim alis conuelant pedes, & faciem, summæ reuerentiæ signo. Omnibus Deum precaturis, duo hæc maximè necessaria sunt: **REVERENTIA & AMOR**. Supremi hoc faciunt Angeli: & quid nos infirmi vermiculi? *Seruite Domino in timore, & exultate ei cum tremore*: hortatur Rex David. Laus sine amore friget: amor sine reuerentiâ sordet: amari vult Deus, sed castè & reuerenter.

Alterum Angelorum munus: **ORATORES** sunt. Preces & vota hominum, offerunt Deo. Testes sisto ipsos Angelos, è quibus vnus aliquis primarius Tobiae: *a Ego, inquit, obsecro orationem tuam Domine*

*a Tob. c. 12.*

hoc



hōc ipsum alius ex Angelis, Cornelio Centurioni affirmans : *Orationes tue, inquit, & eleemolyna tua ascenderunt in memoriam in conspectum Dei.* idem à se visum, narrat ille arcanissimorum conscius, & verè Dei primicerius Ioannes : *b Stetit Angelus ante altare, habens thuribulum aureum, & data sunt ei incensa multa. Et daret de orationibus sanctorum omnium.* In hunc modum & sancti Patres loqui didicerunt, è diuinis paginis. Vnus, omnium loco sit Bernardus : *c Solent, inquit, Angeli adstare orantibus & delectari in his, quos vident leuare puras manus in oratione.* Rabbinii fabularum pleni, & hīc nugas suas ingerunt : caput primum Geneseos sic exponunt : Firmamenti facies, aiunt, sunt volucres quæ Deo referunt omnia. Aliquid veritatis inuoluit deliramentum istud. Sed oculis Patriarchæ Iacob, clausis etiam & sopitis plus credimus. Vidit is *d ascendentes & descendentes Angelos negotioso sanè ministerio, quasi cæli & terræ internuntios, & regios cursores, vt qui è cælo litteras ferant in hanc vallem, & hinc ab hominibus illuc referant responsa, spectatores calamitatis nostræ, auditores suspiriorum ac gemituum, testes lacrimarum & precum nostrarum.* Sed quid descensus aut ascensus iste, quid hæ precum nostrarum oblationes ? an Deo nuntiant quod antè nesciat ? quæso te, mi homo, cum tu oras, cum tuam in precibus ægrimoniam deploras, nunquid Deo, quod antè ignoret, explicas ? sciuit hæc, antequam ordireris, & ab æterno sciuit. ergo non orandum, ergo tollendæ preces ? idem de Angelis cogita. Deo visum, sic ordine fieri, vt immensa Dei maiestas magis innotescat, dum in eius cultu operas iungunt, cæli terræque incolæ. ideò Deus omnes fecit *administratores spiritus, e bonitati ac potentiae suæ luculentius nobis demonstrandæ.* Mittam, inquit, *Angelum meum, qui precedat te, & custodiat in viâ, & introducat in locum quem præparauit. f* Aliam assignans causam Bernardus : *g quis, inquit, dabit mihi per vos, o benigni principes, petitiones meas innotescere apud Deum ? non Deo, cui etiam cogitatio hominis confitetur, sed ijs qui cum Deo sunt, beatis Virtutibus ac solutis carne spiritibus.* Sed & alia insuper huius est ratio : Precibus nostris suas iungunt Angeli, & hiemem nostrarum *orationum*, igne suo temperant. Hilarius affirmans : *h Angelis, inquit, non eget natura Dei, sed imbecillitas nostra : nihil eorum quæ agimus, ignorat Deus, sed infantia nostra ad rogandum & promerendum hos tales desiderat oratores. Sed cur preces tantum, non opera alia dicuntur offerre ?*

Inter

a Act. c. 10. b Apoc. c. 8. c Serm. 3. super Missus est &c. d Gen. c. 28. e ad Hebr. c. 1. f Exod. c. 23. g Serm. 7. in Cant. h In Psal. 129.

**Inter opera bona,** optimum est oratio, & aliorum principium. Ad-  
do & hoc: Ab Angelis orare discimus. Bernardus: Homines, in-  
quit, docent Deum quærere, Angeli adorare, Solus Spiritus san-  
ctus est qui doceat inuenire. Nec illud omittendum; non preces  
tantum, sed & eleemosynas ab Angelis offerri Deo, diuina testan-  
tur oracula. At quo tandem modo exhibent preces nostras, cum  
non videant cogitationes nostras? quid precemur? facillimè sciunt,  
aut nostri aspectu aut Dei. quis est qui oret, & non simul gemat, su-  
spiret, pectus tundat, etsi verba non formet? sagacissimis spiritibus  
hic facile est assequi, quid clausum sit animo. At nil penitus in nobis  
obseruent, in Deo certè rerum omnium obstupescendo speculo vi-  
dent omnia, ea præsertim quæ ad sui clientis curam pertinent. Gre-  
gorius: quid est, inquit, quod ibi nesciant, ubi scientem omnia,  
sciunt? Tempore eodem, diuersissimis locis orabant Tobias & Sa-  
ra, hæc in Rages vrbe Medorum, ille in Ninive vrbe Assyriorum,  
tamen vno hoc eodémque tempore vtriusque preces, Deo quasi  
prælectæ sunt, sic enim liber Tobia loquitur: *b Missus est Angelus  
Domini sanctus Raphaël, et curaret eos ambos, quorum & no tempore sunt  
orationes in conspectu Domini recitata.* quis recitauit, quis recitatas com-  
mendauit, quis commendatas obtulit, si non Angeli? Et hoc pro-  
bis omnibus summo est solatio: oratores suos, suæque causæ pa-  
tronos & actores habent in cælo; quicquid patiuntur aut agunt,  
quicquid precis aut stipis fundunt, hac Angeli commendatione  
Deo fit commendatus.

**Tertium Angelorum munus:** LEGATI sunt, idque in summi  
momenti negotijs. cum Dei filius hominem indueret, cum in cru-  
ce obiret, in sepulchro ad vitam rediret, cum à nobis in cælum abi-  
ret, prompti paratierant, ad omne obsequium Angeli. non egebat  
illorum ope & operâ, sed hoc agebat bonus Deus, vt animus nolter  
caperet, quantam ille nostræ salutis gereret curam. Solet nimirum  
amantissimus Deus, sic nostris conatibus quotidie interesse, vt ad  
nostros mores & ad nostram intelligendi rationem, sese quàm plu-  
rimùm attemperet, mirificis summi in nos amoris argumentis.

**Quartum Angelorum munus:** PROTECTORES sunt. Regius  
Psaltes: *c Angelus suus, inquit, mandauit de te, et custodiant te in omnibus  
vijs tuis:* in vijs, non in præcipitijs: gradientem, non volantem cu-  
stodiet te Angelus tuus: perire qui vult, pereat. Vti verò quiuus  
hominum; ita quæuis regio, prouincia, regnum suum habet tuto-  
rem Angelum. & sic duo reges in quouis regno, sic in quauis dia-



cessi, duo sunt episcopi, sed illi è cælo episcopi & reges, secretâ maiestâte, humanis sese oculis non exponunt.

Quintum munus Angelorum: **BELLI DVCES** sunt, & tales, vt quoties velint, à parte suâ stantem habeant victoriam. sine tormentis, sine comineatu, sine impedimentis, sine copijs pugnant, & copias quantumcunque maximas leui diffiant halitu. Cùm esset Iosue in agro Urbis Iericho, leuauit oculos, & vidit Virum stantem contra se euaginatium tenentem gladium, perrexitque ad eum & ait: noster es an aduersariorum? qui respondit. nequaquam; sed sum princeps exercitus Domini, & nunc venio. *a* O veni beatissime Angele; etiamnum bellorum turbines, modò hanc inodò illam prouinciâ inuoluunt. Populo suo promittens Deus: *Et mittam, inquit, præcursores tui Angelum, & eijciam Cananeum, & Amorream, & Heethæum, b* &c. Etiam nunc conferti malorum cunei in bonos irruunt, sed feliciter pugnat in quemcunque hostem, qui non legionem horum, sed vnicui legionarium talem pro se habet pugnantem.

*a* Iosue c. 5. *b* Exod. c. 33.

## HORA VII<sup>ma</sup>

*Disce MORI: & cogita:*

Si mihi hac ipsâ horâ moriendum esset, quid facerem? Cur ergo id ipsum iam non facio?

*Disce VIVERE: tua verò sit VITA.*

**FORTITVDO IN TENTATIONIBVS.** Resistite diabolo & fugiet à vobis (Iac. 4.) Viriliter agite, & confortetur cor vestrum, omnes qui speratis in Domino. (Psal. 30.) Ibi homo plus proficit, vbi magis seipsum vincit.

*Disce ORARE: & considera.*

## CONSIDERATIO IV<sup>a</sup>

*Angelorum, in homines officia.*

CAP. Ium

**A**ngelus tutelar, nascentes nos in suam fidem recipit. Videtur bonus Deus, præcipua Angelorum in nos beneficia, in Raphaelæ

phaële Archangelo, velut in imagine, oculis voluisse subijcere: duxit is Tobiam iuniorem, & reduxit incolumem ad parentes. Principium fidissimæ familiaritatis in Raphaëlem & Tobiam sic factum est. *Egressus Tobias, a iuueni iuuenem, splendidum, stantem, præcinctum, & quasi paratum ad ambulandum.* Infans materno vtero vix prodit, & en adest Angelus, quem ei Deus in tutelam assignauit ab æterno. Testis locuples Hieronymus: *b* Magna, inquit, dignitas est animarum, quod habeat vnaquæque ab ortu natiuitatis, in custodiam Angelum delegatum. hic ille splendidus iuuenis est, nostræ peregrinationis comes. splendorem vnus ex hoc numero iuuenis, describens Matthæus: *c* *Aspectus eius, inquit, sicut fulgur, & vestimentum eius sicut nix.* Stat iuuenis iste præcinctus, & paratus, ad ambulandum, iter monstraturus ad cælum.

*a* Tob. c. 5. *b* in c. 18. Matth. *c* Matth. c. 28.

## C A P. I Ium

**S**Vam nobis tutelam & fidem obligat. Tobiam seniore saluans: *Gaudium, inquit, tibi sis semper. a* Hoc sanè votum est custodis Angeli, hoc ipsi curæ & cordi, vt nunquam non gaudeamus, etiam cum lacrimæ fluunt oculis, cum lutor & mœror in ore sedet, etiam inter tormenta: *Non contristabit iustum, quidquid ei acciderit. b* ruat cælum, impavidum ferient ruinæ. Audisne Tobia, *gaudium tibi sis semper*, etsi te paupertas premat, etsi cæcitas affligat, vxor obturbet, irrideant cognati: *gaudium tibi sis semper.* idem Thessalonicensibus inculcat Paulus: *c* *Gaudete semper.* Quæ autem causa gaudij, præsertim continui? Fidem ego meam tibi obligo, ait Angelus: *Ego ducam & reducam.* Hæc illa sinceri causa gaudij est; suo se nobis chirographo deuincit Angelus, *ducturus & reducturus*, officiumque fidissimi comitis præstiturus. Fidamus huic sponsori: non fallet. ducet, modò non reluctemur: reducet, modò sequamur.

*a* Tob. c. 5. *b* Prou. c. 12. *c* 1. Thes. c. 5.

## C A P. II Ium

**S**olatur nos. Dum hîc degimus, & hanc seu vitalem mortem, seu mortalem vitam viuimus, solatio egemus assiduo. Nunquam deest quod patiamur. In singulos non tantum dies, sed & horas, in singula, præne dixerim, momenta, est qui nos vellicet vermiculus, & quandoque omnem spei ac gaudij nostri hederam depascitur. Sed sint tranquilla ac fausta omnia, fluant ad nutum vniuersa, solus tamen metus amittendi, sat grande est patibulum, felicitati nostræ torquendæ. Sic nunquam ex toto feriamur à malis, aut enim

corpori



corpori ægrè est, aut animo. Hæc vitæ lex, cui annexum dolere in omni sorte. Ideò perpetuum nobis solatij rorem instillans Angelus *Fortis animo esto, inquit, in proximo est, & à Deo cures.* Ne salutem despera, vicina est: vno solo fit halitu, & totam possides inter beatos **ÆTERNITATEM**. Neque tamen lacrimas semper abstergit Angelus, quandoque etiam elicit refractario Israël's populo, \* cui rebellem contumaciam exprobrauit. Verùm ad solandum & exhortandum prouiores sunt, quàm ad obiurgandum, cælestes hi sacerdotes, qui assidue illud nobis ingerunt: *fortes animo estote, in proximo est, & à Deo curemini.*

a Iudic. c. 2.

C A P. I V m

**C**Acodæmonis technas detegit, *Audi me* (ait Tobia Angelus) \* *Eg ostendam tibi, quis sunt, quibus præuolare potest demonium.* quantæ nobis quotidie, ab hoc optimo tutore nostro, sunt admonitiones: quoties blandè suggerit: hinc caue, omitte hoc; fuge illinc, & ictus cupidineos exi, fuge, fuge, hinc tibi periculum, hinc & exitium impendet. hac parte te muni, quâ debilior es: huc ne accesseris, latet anguis in herbâ; hunc lapideum ne tange, scorpius sub eo se occultit. abijce hoc, quod vides, non aurum est, sed lutum, non lux sed fumus: hac cautus gradere, aut senties pedicas, dimitte voluptatem hanc magno luendam, & c. ita centies, ita millies nos monet, at multi & centies & millies ad hæc monita obsurdescunt. Luemus miseri, studiosam hanc surditatem: non audiemur perituri, qui toties, ne periremus monentem, audire detrectauimus.

a Tob. c. 6.

C A P. V m

**A**Cacodæmonis insultu defendit. Vociferabatur Tobias, instare immanem cetum, perire se. cui acclamans Angelus: *apprehende*, inquit, *branchiam eius & trahere eum ad te.* adeò trepidabat Tobias, ad aquatilis huius belluæ occursum, vt se iam in eius faucibus hærare crederet. exenit metum Angelus, & voce iuuenem adeò animauit in cetum, vt quem horrebat aspicere, iam tangere non formidaret. Sapientissimè Apostolus Iacobus: *a resiste diabolo & fugiet à Tobia.* Diabolus simillimus est crocodilo, qui, vt aiunt, insequente fugit, & fugientem insequitur. ergo, mi Tobia, apprehende ceti branchiam: resiste diabolo, magno animo te illi oppone, & fugabis hunc formidabilem crocodilum, aut certè ille te, ni

præoccupes. Aude tantum, & socium atque adiutorem Angelum cogita; vicisti, si vnâ cum illo pugnes. neque enim Tobiam à ceto solum, sed & à diabolo illæsum vindicauit. *a Tunc Raphaël Angelus, apprehendit demonium, & reliquit illud in deserto superiorum in Aegypti.* ita & diabolum, optimus hic tutor noster compescit, vt iam non magis ab illo lædi possimus, quàm à cane catenis adstricto. latrare hic potest, mordere non potest, ni propius accedentem.

a Tob. c. 8.

C A P. VI Iuni

**V**T fratres nos habet, adedò tenerè amat. *Tobia frater, si placet itaque tibi, precedamus.* Sed & alius, probabili coniecturâ Angelus, gratulatus nobis: *Nunc, inquit, facta est salus, quia periculum est accusator fratrum nostrorum.* Obserua, viator, comitis tui, aut, tui fratris honestissimas blanditias: *si placet itaque tibi, precedamus frater.* Secum te vult præcedere, sed mente ac desiderio, & ad illam cælestem patriam. quis viatorum non præmittit oculos, ad viæ suæ terminum, etiam cum eum oculis nondum licet contingere? at vbi vel eminùs illum conspexerit, cor salit, & oculi præuolant, iamque ibi sunt, quò pedes contendunt. ita, mi frater, **PRAECEDAMVS**, mens nostra iam ibi sit, quò breuè secuturum & corpus speramus. Amemus nostram quietem, sed eam solam, quæ nos, finitis tumultibus, & turbis omnibus, exceptura est in cælo.

C A P. VI Iuni

**I**N periculis omnibus tuetur. Redux Tobias, narrauit patri ordine, quanta sanctus ille vir (sic etiam vocabat) in se beneficia contulisset, quantis à periculis liberasset: *dæmonium, inquit, compescuit meipsum à deuoratione piscis eripuit. quàm certi sint, hi cæli principes, amici nostri, quis est, qui non id expertus in rebus sæpe incertissimis? quoties manus, crura, ceruicem fregissemus, si horum amicorum nobis auxilia defuissent? Si bene calculum ponamus, vbique naufragium est, & periculum. quot pori corporis, tot ostiola mortis, per quæ improuisa irrepit, nec sudamus, nec algemus absque periculo; nec mensam, nec lectum à periculis securi adimus. cibus auidum strangulat; fames ieiunum necat. hunc bellum rapit, illum penatum suorum ruina sepelit. in equis, in naui, in filuis, domi, foris; terrâ & mari vndique pericula, & verè sub omni lapide scorpius dormit. At vigilant in rem nostram custodes Angeli: hi Ionam in ventre ceti, Paulum in vndis pelagi, Daniele in leonum*



fouea, in scirpea fiscella Mosen, Iuditham in hostium castris, Hebraeos tres iuvenes in ipsis flammis seruare norunt. Absque horum ope fuisset, centies & nos periissemus. Testor ego qui hæc scribo volare me nunquam didicisse, sed præcipitem è calis in saxa: præcipitem è cliuo & curru euerso in Danubium, penitus incolumem euasisse (vt alia pericula taceam) non sine opitulante Angelorum manu: Testor præsentissimam Angelorum opem me sexcenties expertum idem, aliorum quoque confessione constare credo. Verè integerrimos amicos habemus Angelos: tum inaximè præsentés, & sollicitos, cum plurimum vrgent pericula.

CAP. VII<sup>um</sup>

**A**lijs docet benefacere. Raphaël, exenterato pisce, fel tradidit Tobiaë, &: *a lino, ait, super oculos eius ex felle isto piscis, quod portat tecum. Scias enim quoniam mox aperientur oculi eius, & videbis pater tuus lumen calis.* Præterquam quòd à Gabelo pecuniam, à Raguele filiam, & omnem ex asse hæreditatem, suo Tobiaë impetràrit Angelus, etiam artem docuit, quâ parenti oculos restitueret. Verissimè dixit Nazianzenus: Nihil tam diuinum homo habet, quàm de alijs bene mereri. & scimus neminem sibi nasci, neque nos nobis tantum viuere. Sapientissimus hominum b venutè submonens: *Deriuemur, inquit, fontes sui foras, & in plateis diuide aquas tuas* Samaritis illa, cæteroqui non optimæ famæ femina, vbi à Christo meliores vitæ leges accepit, mox ciues suos ad eandem pertraxit concionem. Maximæ laudis est, cum Ecclesiastico d gloriari posse: *Raspicite, quoniam non mihi soli laborans.* Nemo gratis quamuis ingratissimum beneficijs afficit: quò minus mercedis ac laudis habet ab homine, tantò plus remunerationis ac præmij expectet à Deo. Ab Angelis discamus bene facere, vt Angeli fiamus.

a Tob. c. 13. b Proverb. c. 5. c Ioan. c. 4. d Eccl. c. 33.

CAP. I<sup>um</sup>

**A**D omnigenas virtutes inducit. Orandi, ieiunandi, ac largiendi studium, non vt mercator merces, quas vult extrudere, commendat Raphaël, sed suâ hoc vtilitate noscendum proponit, &: *Bona est, inquit, oratio cum ieiunio, & elemosyna, magis quàm thesauros auri recondere, quoniam elemosyna à morte liberat, & ipsa est qua purgat peccata, & facit inuenire misericordiam, & vitam æternam. qui autem faciunt iniquitatem & peccatum, hostes sunt animæ suæ.* a Libello breuiore, omnes omnino virtutes docere non potuisset. Hæc virtutum

a Tob. c. 12.

trias,

trias, omnes actiones bonas includit. Oratio nos Deo reddit: nos ipsos nobis ieiunium restituit: pauperes Dei amicos, & nostros esse eleemosyna facit. Oratio velut aquila est, quæ mentem ad Deum euehit, sed sine geminis ieiunij & stipis, seu, Temperantiæ ac Misericordiæ alis, conatu inani in altum se librat, & decidit, antequam incipiat ascendere. multum orare, & gulam non frenare, stipem egenis negare, est æthiopem lauare. *Bona est oratio, sed cum ieiunio & eleemosynâ.* thus sine prunis nec odores spargit, nec sublime petit: oratio friget, quam abstinentia & debita frugalitas, quam misericordia & pia liberalitas non commendat.

## C A P. Xum

**O**Mni bonorum genere nos cumulat. Tobias, tot sui comitis beneficia ordine patri enarrans, vt plurima compendio diceret: *a bonis, inquit, omnibus per eum repleti sumus.* idem dicere habuit & Cornelius de Angelo, *b* qui ei viam ad fidem & ad cælum patefecit, familiarissimo colloquio: *bonis omnibus per eum repletus est.* idem prorsus & nostrum quisque de suo tutore Angelo, ingenuè fateri cogitur: *bonis omnibus per eum repleor.* quid enim malè nos doceant, hi sanctissimi alites, hi oculi castissimi, hæ purissimæ flammæ, quæ identidem & exemplo suo & hortatu, dies noctesque illud vnicum nobis ingerunt: Deum ama, ama Deum, cetera omnia nisi ob Deum non amanda; mi homo, creatorem tuum ama, à quo tantis impendijs es amatus. Audiamus modò sapientissimos hos doctores nostros, *bonis omnibus per eos replebimur.* nil boni desiderabimus quod per eos non assequamur. Amicos quærimus? fideliores his non inueniemus. consiliarijs egemus? intelligentissimi sunt, perui- dent omnia. patronos desideramus? hi sunt, & disertissimi. propugnatores ambimus? Angeli sunt, & potentissimi. benefactores optamus? his liberaliores non habebimus: *bonis omnibus per eos replebimur.*

*a Tob. c. 12. b Act. c. 10.*

## C A P. XIum

**I**N mortis luctu defendit. Raphaël suo Tobiae valedicturus: *a Tem- pus est, inquit, et reuertar ad eum, qui misit me; pax vobis, nolite timere.* Non est quod quis addubitet, mendico Lazaro (cuius chirurgi & medici, canes erant) Angelos adfuisse in morte, qui eum post mortem tam honorificis exequijs detulerunt, in sinum optimi patris. *Facile est, et moreretur mendicus, & portaretur ab Angelis in sinum Abrahe, b*

S 2

Angelo.

*a Tob. c. 12. b Luc. c. 16.*



Angelorum ope nunquam magis egeamus, quàm cum mors instat; & iam tota in oculis est ÆTERNITAS. hîc gelidus sudor, hîc trepidæ conscientiæ vulnera, hîc omnis generis angustiae premunt. hîc frendet & furit dæmon, omnesque nequitiae suæ vires exerit. non nescit, si hoc horulae ultimo vincatur, aliam nullam de homine illo sperabilem esse victoriam. ideò ne tot annis actum egerit, tunc agit omnia, in omnem terrendi aut fallendi occasionem attentissimus. Sed æquo animo esto, mi moribunde, seu iuuenis, seu senex; tuus tibi defensor adstat: non expugnaberis, modò defendi velis. mille nos lupi cingant, hunc pastorem non mordebunt; multa diabolorum millia nos impugnent, sat defendet vnus Angelus. Aspice, mi homo, quò tibi tuus hic propugnator digitum intendat? In Christum crucifixum. huc oculi tui, huc tui gemitus, huc omne tuum suspirium eat. hic patientiam disce, huc fiduciam erige, huic Domino tuo, pro te in crucem acto, teipsum summâ submissione offer. dic centies, repete millies: fiat voluntas tua, Domine, fiat voluntas tua, fiat, fiat. paratus sum viuere, ægrotare, mori, sicut vis. peccata mea me turbant, sed sanguis tuus instaurat; mea vita me damnat, tua solatur: sicut vis, bone Iesu, sic fiat. Hæc animo assidue volue, & tuo te Angelo ac Angelorum regi committe: perire vix potest, qui hac viâ tendit ad Æternitatem.

## CAP. XI Ium

**P**ost mortem etiam inseruit. Est credibile Angelos ijs, quos flamma piacularis cælo parat, aliquid quandoque solatij affundere. Sed illud plurium testimonio firmatum est, supremi iudicij die, cineres omnium nostrum ab Angelis legendos, ita quidem vt singuli, eorum hominum ossa sint congesturi, quorum olim gesserunt curam. Sic demum à longo nos somno excitabunt, aut ad æternas in paradiso nuptias, aut ad perpetuas in flammis vigilias & pœnas. *Ipse Dominus in iussu & Voce Archangeli descendet de calo. b*

Vox erit tunc vna omnium Angelorum ad Iudicis amicos: c

*Benedicite Deum calis, & coram omnibus uiuentibus*

*(hic præsentibus & iudicandis) confite-  
mini ei, quia fecit vobiscum  
misericordiam  
suam.*

HORA VIII.<sup>ua</sup>*Disce MORI; & cogita:*

Quid me fecisse aut pertulisse optarem annis prioribus, si mors iam immineret? Cur ergo iam, & agere & pati fortia recuso.

*Disce VIVERE: tua verò sit VITA.*

MEMORIA MORTIS. seu, consideratio finis. Et vos estote parati, quia quâ horâ non putatis, filius hominis veniet (Luc. c. 12.) Potentissimum in omnia vitia pharmacum est, assidua mortis memoria. Quid egeris, tunc apparebit, cùm, animum ages: Mors de nobis pronuntiatura est.

*Disce ORARE: & considera.*CONSIDERATIO VI<sup>a</sup>*Angelorum, in Christum obsequia.*CAP. I<sup>um</sup>

DEum hominem futurum nuntiant. Gabriel in Galilæam, Nazarethum missus, castissimæ Virgini, illud è cælo AVE tulit, gratiâ plenam pronuntiavit, Dei in vtero concipiendi modum explicavit, filij nascituri nomen & stabile regnum prædixit, Elisabethæ cognatæ fecunditatem exposuit: *a O beati mundo corde! quoniam ipsi Deum videbunt.*

a. Luc. c. 1.

CAP. II<sup>um</sup>

CHRISTUM natum euulgant. Illustrius Angelorum gaudium, in Corbe nostro, nunquam nec auditum, nec visum, quàm cùm rex illorum, in eo est natus. Aliàs, aut vnus solùm, aut duo sese videntes exhibuerunt; hic ingens exercitus, & visus, & auditus est, illam de pace odam concinere: *Gloria in altissimis Deo, & in terrâ pax hominibus bonæ voluntatis. a* Sed & opiliones in colloquij societate adsciuerunt, nec erubuerunt regis sui tugurium, & viles panniculos. *O beati, spiritus pauperes! ipsorum est enim regnum celorum.*

a. Luc. c. 2.

CAP. III<sup>um</sup>

CHRISTO fugam adornant. Dixisses Angelos, nimium quantum



pro diuino hoc infante sollicitos. non tantum tres illos ex Oriente dynastas. Herodis hospitium, in reditu declinare iusserunt, sed & caelestem puerulum iam gladio destinatum, ab Herodianâ sicâ defenderunt. Iosephum porro ire, & in Ægyptum secedere, monens Angelus: *a Accipe, inquit, puerum, & matrem eius, & fuge in Ægyptum. & esto sibi, & que dum dicam tibi.* tantumdem fuit, ac si apertè diceret: Nos equidem pro rege nostro solliciti sumus. ne tibi graue sit, mi Ioseph, patriam terram exilio mutare; vtriusque orbis thesaurum tecum vehis. Sed ne longiorem in Ægypto moram sentias; opportunè iterum monebimus; inter Ægyptios, princeps hic noster, non consenesct. Extincto igitur Herode monitor redijt, & hostes pueri iam funeratos nuntiauit, viamque aperuit in terram Israël. *O beati, qui persecutionem patiuntur, propter iustitiam! illorum est enim regnum calorum.*

a. Matth. c. 2.

#### C A P. IVum.

**E**Surienti Christo ministrant. *a* Post DOMINI tam longum ieiunium, post tot esuriales dies in eremo exactos: post triplicem sui ducis cum cacodæmone congressum; post obtentam ter victoriam, post hostis recessum, præsto fuerunt fiderei hi ephebi, & velut dapiferi, esurienti suo Domino mensam posuerunt. Ah! quàm malim ego, ex hac quantulumcunq; frugali cenulâ, vel miculas contrahere, quàm in lautissimo Herodis vel Tiberij epulo, lætus conuiuia accumbere. *O beati, qui esuriunt, & sitiunt iustitiam! quoniam saturabuntur.*

a. Matth. c. 4.

#### C A P. Vum.

**M**Æstum, & orantem in horto Christum solantur. Cùm Dominus ad cliuam olearum, etiam ante crucem & flagra, suam iam sanguine inaderet, tristis, pauidus, tantum non exanimis, inter preces & mortem luctaretur, velut viuum funus, in terram se abijceret, angoribusque supremis circumflueret, *apparuit illi Angelus de celo, confortans illum* (ait Lucas *a*) illum ipsam à quo creatus, à quo in æternum beatus conseruatur. Heu, spectaculum! cæli Dominum, terræ affusum, viribus delinquentibus labantem, pallidum, suomet sanguine sudantem, tristitiâ oppressum, iam morti proximum cernere! *O beati qui lugent! quoniam consolabuntur.*

C A P.

**C**hristum rediuuuium annuntiant. Dum in cruce, rex cæli animam ageret, Angeli velut mærore absentes, inter impios ficiarios, in sceleratâ terrâ videri recusârunt. nec mirum: ipsa gemebant saxa, terra trepidabat, omne cælum exequias parabat, atratæ stellæ in funus prodibant & lugebant, sol ipse pudibundum à tanto flagitio vultum auertebat, & velo tegebat: ergo & Angeli, prout dignum erat, mœrebant. Sed enim Christo reuiuiscente, lugubri veste positâ, splendente & candidam sumunt, crucifixum Nazarenum ad vitam rediisse nuntiant, sepulti amictus lineos ostendunt, resurgentis locum monstrant, pauere vetant, discipulis lætæum nuntium afferri, & vt in Galilæam migrent, dici imperant. Liceat dicere: post grandem lætæum, inter varios applausus officiosissimi sunt Angeli.

*O beati, missi! quoniam terram possidebunt.*

CAP. VII<sup>um</sup>.

**C**hristum in cælum ascendentem comitantur. Admirandum, prorsus fuit hoc iter Domini ad cælum. Hominem per aëra seu volare, seu gradi posse, primi viderunt Apostoli, dūmqne fixissimis oculis obstupescendam hanc in cælum profectionem spectarent, & submissa nubes, velut tellus regia, suum Dominum exciperet, spectantiumque oculis subduceret: *Ecce duo Viri adstiterunt iuxta illos, in vestibus albis, qui & dixerunt: Viri Galilææ, quid statis aspicientes in cælum, hic Iesus, qui assumptus est à vobis, sic vides, quemadmodum eum vidistis euntem in cælum.* <sup>a</sup> En iterum duo Angeli (alios omnes in occursum sui regis occupatos cogita) in hilari festâque veste, triumphum sui Domini comitaturi adsunt, simul etiam indicunt reditum ad tribunal, & iudicium. *O beati pacifici! quoniam filij Dei vocabuntur.*

<sup>a</sup> Act. c. i.

CAP. VII<sup>um</sup>.

**V**enturum Christum iudicem stipabunt. Nil certius hoc iudicis aduentu, iudex ipse præmonuit: *Cum venerit filius hominis in maiestate sua, & omnes Angeli cum eo, tunc sedebis super sedem maiestatis sue.* <sup>a</sup> Nullus ergo Angelorum deerit, qui Christum non comitetur, *Omnes Angeli cum eo.* Aderunt vniuersi, & velut comitatus aulicus, parebunt. Coniectura est verisimillima, Angelos in corporibus supra humanam dignitatem & formam elegantibus, omnium se aspectui exhibituros. Cum enim iudicium hoc apparatu maximo, summâ gloriâ sit transigendum, equum erit vt assessores & ministri iudi-



cis, cum habitus splendorem præ se ferant, qui augendæ iudicij huius maiestati, omnium oculis cernatur. quodd si verè tubis vsuri sint Angeli, & Domino suo crucem prælaturi, credibile est in assumptis corporibus hæc facturos. *O beati tunc misericordes! quoniam misericordiam consequentur.*

a Francisc. Suar. tom. 2. disp. 17. Sect. 3.

## HORA IX.<sup>na</sup>

*Disce MORI : & cogita :*

Et quanti cum moriendum mihi erit, omnes orbis delitias ac voluptates æstimabo? Cur ergo illas tanti nunc æstimo?

*Disce VIVERE : tua verò sit VITA :*

PERPETVA MORS. Mortificate membra vestra, quæ sunt super terram (Coloss. c. 3.) Ille demum censendus est optimè vivere, qui quotidie vitij, sibi que ipsi magis magisque moritur.

*Disce ORARE, & considera.*

## CONSIDERATIO VI.<sup>a</sup>

*Angelus & Homo, inter se collati.*

Discrimen Ium

**A**ngelus, velut filius in arce regiâ natus, & educatus rex est, verus regni hæres: nunquam deliquit, parentem sibi nunquam habuit offensum. Homo, IRAE filius, heu quàm ignobili & fœdâ prodit origine! non sine ingenti labore, assiduâ luctâ, continuis miserijs ac ærumnis, Dei fauorem & cæli regnum emeretur. & nisi longos ac catenatos labores & dolores, finis optimus coronet, frustra tulit fecitque omnia. Ergo Angelis vt filijs, hominibus vt militibus obtingit regnum.

Discrimen IIum

**A**ngelus, vnico rerum intuitu, penetrat, peruidetque omnia. nos vnum ex alio colligimus, nec sine tædio & morosè rationamur: & adeò angusti oris est mens nostra & intelligentia, vt si quid plusculum sublimius, guttatim ei sit instillandum. Terra cælo comparata,

comparata, punctum: homo Seraphino collatus, fornicata est. Theologorum eruditissimi, ad infimum Angelum pueruli sunt balbutientes & alphabetarij. quàm verè Ecclesiastes: *a Cuncta res, inquit, difficles; non potest eas homo explicare sermone.* multa scrutamur & indagamus, & nec ea quidem penetramus cogitando, quæ oculos incurrunt. miselli, hæc infima non capimus, & qui tandem illa cæli arcana rimando peruestigabimus? blandâ & suavi cæcitate nosinet fallimus, & crebrò vanissimas coniecturas, aut ignorantias, pro venerandis scientijs adoramus. Scire nostrum nihil est, nisi pleraque omnia nescire nos sciamus.

*a Eccles. c. 11.*

### Discrimen IIIum

**L**Oco, ah, quàm dispari Angeli habitant & homines? Celsissimam illi arcem, ab omni hoste vndique securam incolunt; Nos paradisi exules, in sordente & vliginoso viculo; in combusto pago degimus, & tamen genus atque proauos nostros, nostras terras, & palatia iactamus. Animam Deus affixit corpori, vt suum illa carcerem, perpetuò secum circumferret, miserè compedita. Angelus è cælo in terram, inde in cælum, & quaquà vult, liberrimè com meat & celerrimè. Angelus à Deo conditore, primæuâ nobilitate donatus, sex minimum diebus præuenit hominem, cuius dimidia pars (erubescimus) merum lutum est, sed scitè compactum. Angelus ab omni tabe immunis, nullum pendit vectigal morti. homo, ipsa putredo, ad mortem sensim defluit; tandem fit cadauer, & abijcitur; nec antehac vllus restitit, quin sese præberet vermibus, expectatum epulum. Spes sola nos alit, tales futuros olim, quales nunc sunt Angeli: *Oportet mortale hoc induere immortalitatem. a*

*a 1. Cor. 15.*

### Discrimen IVum

**V**OLuntas Angeli efficacissima, memoria tenacissima, iudicium electioque rerum immobilis. hîc nos omni infante prorsus infantiores sumus, malè iudicamus, sæpe peius eligimus: numum aureum piro, equum fistulâ mutare, lucrum putamus: humana diuinis, caduca æternis anteferre, consuetam & facilem iacturam censemus. Velle nostrum, & pigrum, & instabile est: *Guli & non Guli piger. a* Memoria nostra, pænè dixerim, nulla est, in ijs planè labilior, quæ utilissimè retinerentur. quoties vix à sacro confessio- nis tribunali abimus, & eiurata mox repetimus; peccata sobriè de-

*a Prov. c. 31.*

S S

Reu.



fleta, breuī velut ebrij. denuō perpetrāmus, damnosissimā obliuio-  
ne. Ob hoc ipsum Chrysostomus, auditores suos non semel, ver-  
borum mordaci aceto perfudit. « Erant Antiochiæ frequentes ter-  
ræ motus: videbantur ijs etiam pectora moueri, & in poenitentiam  
flecti. Sed quamdiu durabat hæc morum emendatio: quamdiu  
ferè terræ motus. paucis post diebus, omnia in ventum & vanam  
obliuionem abibant; iterum vt antè passim omnes in vitium rue-  
bant. Sic viuimus; hæc memoriæ nostræ labes est: iam peccasse  
dolemus, mox iterum hilariter peccamus. Sic pigrum VELLE, fa-  
cillimè sepelit maligna obliuio. Accusare se, nec se tamen emen-  
dare, est Deum ad sumendum de se supplicium incitare.

a. Hom. 3. ad pop.

#### Discrimen Vm.

FORMAM nostram quandoque ipsi adeo suspicimus, veluti cælo  
delapso homines, aut instar Deorum vel Dearum, nos coli non  
indignemur. Sed heu quo purpurisso rubicundulas genas, vel le-  
uis tingit febricula: mors & morbus, omnem oris purpuram ex-  
tinguunt, & vultum vel venustissimum lare cereo sic fœdant, vt  
non tantum non alij, sed nec ipsi nos amplius nôrimus, & ad spe-  
ctaculum quæramus, QVIS ES TV? Vbi nunc quæso formosissi-  
mi Adonides, vbi laudatissimæ Helenæ: fuerunt. Non tantum  
fragile, sed breue quid est humana forma, & ad formam Angeli, ah  
neutiquam accedit. Confer in vnum humanas elegantias omnes,  
& vna fiat, nondum sat digna erit, vel infimo Angelo. Nitet qui-  
dem etiam aurichalcum, sed quàm illud exiguæ dignitatis est, auro  
collatum. Angelorum pulchritudini, cum hominum formâ mi-  
nus conuenit, quàm auro cum aurichalco. Narrat Guilielmus Bal-  
desanus, à Franciscâ Romanâ miræ sanctitatis & pudicitiae feminâ,  
tutores eius Angelos ( duos habuit ) visos sæpius. vestis illorum  
niuis aut cæli colorem habuit, brachia in crucem pectori appressa,  
oculi cælo elati, aurea cæsaries, vultus decorâ maiestate longè ful-  
gentissimus, & qui verè deceret Angelum. Si vlla Dei sit effigies,  
Angelus erit. De Lucifero Ezechiel: *a Tu signaculum, inquit, si-  
militudinis Dei, plenus sapientiâ & perfectus decore, in delictis paradisi  
Desisti.* Sic omnis hominum venustas, cinerea  
ac lutea deformitas est, Angelo-  
rum formæ col-  
lata.

## Discrimen VIum

**F**ortitudo & vires Angelorum eæ sunt, vt ipsi gigantes sint. nos imbecillissimi pumilliones. Sapiens quidem astris dominari dicitur, sed heu quàm debile hoc, & remotum est dominium. Stellis & orbibus cælestibus ius dicunt Angeli, qui vti Thomas Aquinas loquitur, admiranda possunt. facillimum illis, ventos, pluuias, tempestates, tenebras, terræ tremores, momento producere; flumina sistere, fontes durare, montes diluere, sidera extinguere, tartarum illuminare, cælum deponere, terram suspendere, possunt vnico, sic loquimur, digitali motu. elementorum certè partes, si non tota, de loco in locum transferre possunt. *Æquè facile illis est, homines, pecudes, sanare, necare; annonæ caritatem aut vilitatem inducere. incendia sine aquis præfocare, famelicos leones ieiunium docere, corpus ex aère formosissimum momento efformare, & æquè celeriter in auras dissoluere. clauces habent Angeli ad omnes seras & repagula: atque hæc omnia celeritate conficiunt incredibili. Vnicus Angelus summum cælum tot millibus annorum, velut per otium circumducit, rotatu tam assiduo ac præcipiti, vt sol horâ vnica 260000. ducenta, sexaginta millia milliarium Germanicorum percurrat, & hic supremi cæli cursus est, quo & orbes ceteros secum rapit. incredibili prorsus velocitate, quam ei confert Angelus, & quàm lacertosum hoc brachium sit, quod immensam hanc molem sic gyret! Et quæ nostræ sunt vires, quæ illa potentia nostra? Isaias exprobrans: a *Va, inquit, qui potentes estis ad bibendum vinum, & viri fortes admiscendam ebrietatem. Hæc fortitudo ac potentia humana, copiosum vinum dolij eurgitare in ventrem. cetera tam debiles sumus, vt Iob miratus dixerit: b contra solum, quod vento rapitur ostendis potentiam tuam, & stipulam siccam persequeris.**

a Isa. c. 5. b Iob. c. 13.

## Discrimen VIIum

**E**Rgo, quid nos homunculi, viles formiculæ, potentiam aut genus, aut scientiam nostram crepamus? delira vanitas est. & quæso ponamus cristas: Angelos cognatione proximâ sanè non attingimus, neque de nobis pronuntiauit illud rex Dauid: a *Minui. si cum paullo minus ab Angelis: Parum ad nos laus ista: propria Christi est. Paulus id disertissime affirmat: b Eum autem, inquit, qui modico quàm Angeli minoratus est, videmus lesum, propter passionem mortis, glo-*

*ria*

a Psal. 8. non desunt, qui sic interpretentur psalterium; nos tamen communem sententiam non reuocamus. b ad Hebr. c. 2.



*ria & honore coronatum.* Nos verò Angelis multò inferiores sumus, nihilominus tamen Angeli, nobis tanquam dominis suis, inferuiunt fidelissimè. Angelis toga candida, pacis ac lætitiæ signum; nobis gladius, galea, clypeus, lorica conuenit. *Militia est Vita hominis super terram.* a quotidie in acie standum, quotidie tela tentationum excipienda, nunquam non pugnandum. Angeli suo nectare & ambrosiâ fruuntur, gaudijs æternum non desituris. ob nostras dapes ingemiscens Dauid: *b Cibabis,* inquit, *nos pane lacrimarum, & potum dabis nobis in lacrimis, in mensurâ.* Isaias: *Dabit vobis Dominus, ait, panem arctum & aquam breuem.* c Certè nunc Angelis quàm plurimè dissimillimi sumus. Spes vnica solatur: olim in plurimis fore quàm simillimos. Veritatis oraculum est: *In resurrectione neque nubent, neque nubentur, sed erunt sicut Angeli Dei in calo.* Matth. c. 22.

a Iob. c. 7. b 2sal. 79. c Il. c. 30.

## HORA X<sup>ma</sup>

*Disce MORI: & cogita:*

Quos maximè hostes, & quos potissimum amicos habeo in morte? Diabolos & Angelos. Cur ergo nunc amicis istis non assentior? his hostibus non resisto?

*Disce VIVERE: tua verò sit VITA.*

DESIDERIVM CAELESTIS PATRIAE, quàm dilecta tabernacula tua, Domine Virtutum, concupiscit & deficit anima mea in atria Domini. (Psal. 83.) Ah, cui non sordeat terra, cum cælum cogitat? Mens, cælum, aut Deum, semper cogitans, quidquid affligit, requiem putat.

*Disce ORARE: & considera.*

## CONSIDERATIO VII<sup>ma</sup>

*Quæ Angeli in homine oderint, mirentur, ament.*

CAP. Ium

**A** Versantur quidem Angeli, quidquid vitium redolet, maximè tamen oderunt in vitijs CALOREM, FVMVM, FACTOREM. Calorem *Ira & Inuidia*, fumum *Superbia*, factorem *Luxuria*. *IRA* calor

lor quandoque tantus est, vt verè dicat Chrysostomus: Ira quasi fulmen in animam irruit, seruientemque sibi reddit amentem. Iratus nihil nisi crimina loquitur, & merum vomit venenum. Iratus (ait illud os aureum) dæmone plenus, dicenda & non dicenda effundit; quandoque etiam voces per iugulum redituras protrudit. Iracundus, ferrum semper in igne habet: vbi vel verbulo læditur, profilit, & impugnat. De irâ affirmatè dixit Seneca: Nulla pestis humano generi pluris stetit. Eiusdem animi Iob: *a Virum stultum*, inquit, *interficit iracundia, & parvulum occidit invidia*. Ira, vehemens & furibunda fera est, ferreos habet ungues & fauces igneo veneno plenas. Ideò suos Augustinus enixè rogans: Ne obsecro, inquit, fratres amantissimi, ne tantum malum nobis inducamus, animæ morbum, alienationem à Deo, principium bellorum, plenitudinem calamitatum, dæmonem pessimū. Paulus, & rogans & imperans: *b Omnis*, inquit, *amaritudo, & ira, & indignatio &c. tollatur à vobis: esto autem inuicem benigni*. Nam, sicut carbones ad prunas, & ligna ad ignem, sic homo iracundus suscitât rixas, & Malum calorem, pessimus ignis sequitur: illum & hunc oderunt Angeli.

Æquè calorificum & letale toxicum est INVIDIA, oculos & cor invidi consumit. Salomon: *d Vita carnis*, inquit, *sanitas cordis, putredo ossium*, INVIDIA. Hominum plerumque pessimi sunt, qui aliorum ærumnis læti, alienis iacturis diuites, calamitatibus locupletes, superibus immortales. Et quid alteri alteros flagellamus? Et cui tandem invidemus? bono? ergo & bonis dignus est malo? sua illi malitia laqueus est, & interitus: quid opus illum sapius perire? Qui liuoris & invidiæ peste carere vult, illam hæreditatem diligit, quam cohæredum numerus non minuit, quæ & omnibus vna est, & singulis tota: præstans invidiæ antidotum, est amor ÆTERNITATIS. Cælum vis ascendere? non his moribus illic vivitur: inferiores gaudent superiorum bono. ideò nec Angeli hanc à diabolo luem, in nobis tolerant, sibi quoque id dictum putant: *c neque cum invidia tabescente iter habeo, quoniam talis homo non erit particeps sapientia*. Aut ergo invidiam pone, aut Angelos & cælum amisisti.

a Iob. c. 5. b Ad. Ephes. c. 4. c Prou. c. 26. d Prou. c. 14. e Sap. 6.

## CAP. IIum

Nec SUPERBIE FVMVM ferunt Angeli, ne miremur; nec Dauid rex eum ferre potuit: *a Non habstabis*, inquit, *in medio domus meæ, qui facis superbiam*. Et vnde Angelos superbiam nostræ ami-

a Psal. 100.

COS

205



eos speramus? in regibus hanc oderunt, in aequalibus suis ~~etiam~~ non tulerunt. turpissimum monstrum est, superbus pauper. habuit Lucifer vnde superbiret, sed habuit etiam vnde superbus rueret. nos verò mendiculi, vnde turgemus? vnde tam altum nobis supercilium, miserijs & spurcitijs scateamus, & fastu extollimur? superbi pauperes, turpissima monstra sumus. quid lutum se iactat? quid homo superbit? cuius vita, naufragium; cuius esse, momentum; mors finis & exodium. Sic Angelorum non delitiae, sed nauseae erimus. Verissimè Augustinus: vix toleratur, inquit, superbus dives, pauperem superbum quis feret? & nemo miretur, adeò inimicos esse Angelos superbis: adhuc trepidant ob veterem suorum ruinam. Ex Angelo facit diabolum superbia, omnium malorum fecunda mater. hæc turres euertit, linguas confudit, Goliathum prostravit, Amanum suspendit, Nicanorem discepsit, interfecit Antiochum, Pharaonem submersit, iugulauit Sennacherib, Herodem pediculis confecit; omnes hæctenus filios suos præcipitavit, & malè perdidit SUPERBIA.

CAP. II<sup>um</sup>

**N**EC LUXVRIÆ FACTORES tolerare possunt Angeli; indignantur & horrent, quidquid in castitatem inuerecundè peccamus: oculi toti sunt, imò oculi iūque purissimi, qui sordes nostras celerimè, & cum indignatione notant. Asmodæus & Gabriel non bene conueniunt in vno cubiculo, multò minus in vno pectore. O homines, nolite fieri sicut equus & mulus. Tobiae arcanum hoc pandens Raphaël: *Audi me, inquit, & ostendam tibi quæ sunt, quibus praualescere potest demonium. qui Deum à se & suam mentem excludunt, & suæ libidini vacent, sicut equus & mulus: habet potestatem demonium superare eos.* Angeli verò homines in amicitiam adsciscunt, non pecudes: diuinus è cælo sponsus, nusquam suauius est, quàm inter odorifera castitatis lilia; eos solùm in amplexus admittit, qui omnem penitus à se Veneris & Cupidinis ignem excusserunt. castas amat & virgineas mentes, Virginis filius: abite impuri; odio estis, & Angelis & Angelorum regi. Narrat Antonius, Angelum humanâ specie tectum, iter fecisse cum anachoretâ. transferunt fortè cadauer in viam temerè proiectum: anachoreta nares pressit, non ita socius. paullo post obtinuit habuerunt hominem supra ornatissimas imagines cultum, sed qui occultâ libidine laborabat. cetera

polis.

politissimus, & incessu venusto pedes ad legem & numerum ponebat. quin & cinnama fragrans, & balsama vorans, odoros post se ventulos trahebat: optasset quis nasus fieri cum Catullo. Sed Angelus velut mephitim foedissimam declinaturus, vultum presatque nares auertit caussam à socio rogatus: Homo libidinosus, inquit, olentissimum cadaver est. Dixit & evanuit, LUXVRIÆ FAETORES non ferunt Angeli, procul ô procul Cupidinis ignes, à castissimis Angelorum sacris. neminem oderunt magis, quam quem in libidinis cœno volutari cernunt. O mi iuuenis, aut libidinis amicus non sis, aut hostes habebis omnes Angelos.

## CAP. I Vum

EST quod Angeli summe in nobis mirantur. Hoc Esdræ sacerdoti exponens Angelus: « transierunt, inquit, dolores, & ostensus est in fine thesaurus immortalitatis: Noli ergo adijcere, inquirendo de multitudine eorum, qui pereunt, nam & ipsi accipientes libertatem, spreuerunt Altissimum, *& quidem scientes quoniam moriuntur.* Hæc Angelorum summa admiratio est, quod sciamus, non tantum morituros nos, sed mori, nec tamen animæ interitum sentiamus, aut exitium horreamus aut mores corrigamus. Nil noui, si fur furetur, cum solus est, & extra liëtoris oculos, & tutam credit occasionem. Sed furem iam iam ducendum, in ipso carcere caliculum in manticam retrudere, hoc noui quid est. & certè reperi tales, qui, cum patibulum iam in oculis esset, imò sub ipsa furcâ, & riserint, & impiè iocati sint. Nos, tales sumus; grandi passu ad inortem imus, imò morimur, atque dum morimur, audacter peccamus, & aut furtiuas libidines animo agitamus, aut in alios linguam stringimus, aut manu nocemus. Eheu, iam in fatalibus scalis stamus, mox deturbandi, & necdum petulantiam nostram desinimus? *Scientes, quoniam morimur,* adhuc vitia in nobis viuere conuiuemus. Verè hoc Angelorum admiratione dignissimum est.

a A. Esdr. 8. quamuis hic liber non eiusdem cum ceteris, sit ordinis.

## CAP. Vum.

SED est etiam, quod Angeli, saltem in aliquibus nostrum, adinodum ament, SANOS OCULOS. Oraculum à Christo est, oculi sanitatem in totum corpus redundare: *a Si oculus tuus simplex fuerit, totum corpus tuum lucidum erit.* Angeli ubi deinum locorum sint, per uigili & nunquam interrupto obtutu Deum aspiciunt. Sunt inter homines, qui eo quo possunt modo, id æmulentur: Deus illis assi-



duè in oculis est. E Sanctis quidam monuit, pictori nos similes esse debere, qui dum farinam aquâ subigit, dum brachia iactat, dum totus formandæ massæ incumbit, nihilominus iucundè garrit, & in colloquentem subinde oculos reflectit. ita nobis, non idè, ut Deum videamus, labores desinendi, sed dum laboramus, oculi in Deum assiduè & suauiter emittendi. & hoc Tobias senex filium docens: *Omnibus*, ait, *diebus Geta tua in mente habete Deum.* a hoc David se fecisse gratulatus: *Prouidebam; b inquit, Dominum in conspectu meo* SEMPER nimirum sanilissimos oculos habuit Rex David. Lippientes sunt illi oculi, & multo puluere corrupti, qui in vijs, in domibus, in templis, in angulos omnes emissitij excurrunt, & interim mentis oculi, amissum Deum non quærunt. Tunc bona est actio, cum manus est in opere, oculus in Deo. Multa sæpe agimus, sed ignauè & oscitanter. Oramus: sed vbi attentio? Stipem damus: sed vbi affectus? ieiunamus: & vbi Deo placendi studium? nimirum uti nos Deum non videmus, ita nec videri nos à Deo ceteris: ita quædam segniter, alia turpiter, & incompositè facimus, quia Deum spectatorem nostrum non aspicimus. Attende tibi, o homo, & fixos semper oculos, intende Deo. *Non præterit illam omnia cogitatur, & non abscondit se ab eo illius sermo c* Lasciua cogitas, & non erubescis? *Deus videt.* impudica loqueris, nec te pudet? *Deus audit.* illuc rapacem, huc libidinosam manum extendis, nec cohorres? *Deus præsens est.* quidquid agas, quidquid cogites, quibuscumque te latebris condas, memento te vbique deprehensum. Epictetus: d Tamen etiam custodem, inquit, cuique nostrum addidit, & Genium curatorem. Cum igitur fores obduxeris, & tenebras intus feceris, ne succurrat dicere: Solus sum. non enim es: sed Deus intus est, & Genius noster intus est. quibus quid opus illo lumine, ut videant quid facias? Clemens Alexandrinus: e hæc solum, inquit, ratione fit, ut quis nunquam labatur, si Deum sibi ipsi semper adesse existimet. Dosithetum, optimum fecit monachum ex dissolutissimo milite, hoc vnicum beati Dorothei præceptum: *Cogita semper Deum præsentem, & te coram illo fide.* Verè in omni loco oculi Domini contemplantur bonos & malos: f Spirituum ponderator est Dominus; omnia nuda & aperta sunt oculis eius. g Supremi iudicij die quot abdita peccata, quot arcana scelera, quot monstra noxarum in lucem & publicum protrahentur, quæ nunc aut simulationis mantelo, aut arcanâ parietum fide, aut tenebrarum silentio

a Tob. c. 4. b Psal. 15. c Eccl. c. 42. d lib. 1. c. 14.  
e lib. 3. prædag. c. 5. f Prov. c. 15. g ad Hebr. c. 4.

noteguntur? omnia Deus audit, videtque omnia: & quomodo  
gratius vnquam delinquat, qui intuentem se Deum non desinit in-  
tueri? quid quid agis, o homo, videri te scias, & audiri; memento  
te in omnibus deprehensum.

HORA XI<sup>ma</sup>

*Disce MORI : & cogita :*

An non in extremo morbo, omnibus ignoscam, & omnes mihi cu-  
pnam ignoscere? Cur ergo nunc tam longas nutrio iras, tam  
implacabilem spiro vindictam?

*Disce VIVERE : tua verò sit VITA :*

CONSIDERATIO PRAESENTIAE DIVINAE opera omnis carnis  
coram illo, & non est quidquam absconditum ab oculis eius.  
(Eccli. c. 39.) Deo nihil clausum est: & verissima vox Augusti-  
ni: Deus, totus oculus est, quia omnia videt; totus manus est,  
quia omnia operatur; totus pes est, quia vbique est.

*Disce ORARE : & considera.*

CONSIDERATIO VIII<sup>ma</sup>

*Virtutes Angelorum.*

*Virtus Ima*

**P**Uritas, innocentia, castitas summa. Caelestes hi genij nullam  
vnquam labem contraxerunt, constantissimi Numinis amici.  
hos enim allocutus Deus: *a Venite, inquit, descendamus, & confun-  
damus ibi linguam eorum.* Angelos ad hunc descensum tam huma-  
niter inuitatos, Augustinus affirmat. *b Amat Deus suos hos inno-  
centissimos ephebos, post tot millium defectionem. Infans in cunis,  
innocens Angelus dicitur; tamen in paradiso, aliena manu deliquit,  
& primus eius atus, fur fuit. In nullum beatorum spirituum hoc di-  
ci potest, quos & Christus laudans: Erunt, inquit, sicut Angeli Dei,  
quod si nostram in alijs similitudinem amemus, Angelis hoc quis  
cior erit, quod castior, quia sic ijs similior. Ideo pudicissimam lu-  
dith in castris hostium singularis defenderunt; castissimam Su-*

**T**

*lannam*



sannam insidijs fenum eripuerunt: Cæcilijs, Agnetes, Theodoras luporum dentibus subtraxerunt. Vbi cor castum, ibi delitiæ Angelorum.

## Virtus IIIda

**O**bedientia promptissima. *Nōne omnes sunt administratorij Spiritus? a* cū iussa acceperint, dictum factum. confirmat hoc psaltes regius: *b* qui facit Angelos suos spiritus, & ministros suos, flammam ignis. ad nutum, eò quò mittuntur, celerrimè feruntur, ad instar volatilis ignis. *Nunquid mittes, ait Iob, c* fulgura, & ibunt, & reuerſentia dicent tibi: *Adsumus?* pluribus imperijs non fatigantur: parati sæpius ire & redire. *Videbitis, ait Ioannes, d* calum apertum, & Angelos Dei ascendentes & descendentes supra filium hominū. vti fulgura eunt redeuntque Angeli, & nouis sese officijs offerendo dicunt: **ADSV-  
MVS.** hæc omnium obedientium vox est: adsum, ecce me, præstò suū; paratus ire, promptus facere, quidquid imperabitur. Tardè velle, nolentis est. proprium est libenter facientis, citò facere. *a*

*a* ad Hebr.c.1. *b* Psal.103. *c* Iob.c.38. *d* Ioan.c.1. *e* Senec.l.2.de benef.

## Virtus IIIIda

**A**mor in Deum, & nos maximus. Angelus Isaacum à gladio vindicauit: ancillam vilissimam solatus est Angelus, luctatus cum Isaaci filio & vinci non indignatus. Angelus incendio LOTHUM eripuit: Tobiam incolumem velut tabellarius duxit & reduxit; Eliæ & Danieli Angelus à ferculis fuit, illi panem & fontem, huic delicias messorum apposuit. Angelus Philippum ad Reginæ Candacis quæstorem Æthiopem misit. bono ægrotorum pauperum Angelus aquam Hierosolymis turbauit. Angelos amor pænè vespillones fecit; mendiculum in sinum Abrahæ, non vnus tantum Angelus deportauit. Suis nos manibus portant, ne offendamus, vti maiores natu filij fraterculos suos minores brachijs quandoque circumgestant. Nemo tam impius est, quin gaudium creet Angelis, resipiscendo. Lacrimæ pœniter tium, vinum sunt Angelorum, ait Bernardus. Ab Angelis beatissimam Dei matrem, & Ioannem Baptistam cibos accepisse, scriptorum complures asserunt. *a* Amore nostri, vilissima ministeria nunquam recusant Angeli. O Caritas! quanta Virtutum Regina es, quàm tamen vbique passim, inhonora & contempta iaces!

Virtus

*a* Franc. Suar. disp. 24. sect. 3. in part. 3. D. Thomæ.

**S**ubmissio admiranda. In lege priscâ, adorari se passi sunt Angeli. aduoluit se ad illorum genua, pronusque imò humi abiectus adorauit ternos è cælo sibi parentes nuntios, ingens ille Abrahamus: non prohibuerunt. Binos adorauit & Lothus: non interdixerunt. Adorârunt eosdem Iosue, Tobias, Manue: non reprehenderunt. Sed & alij hos ipsos adorârunt: non obstituerunt. Sed neque in submissione in deliquerunt; temporis decoro paruerunt. In nouâ lege, sui Regis exemplo moti, & velut si profecissent, facti submissiores, post tantam Domini abiectionem, hunc sibi cultum deferri, seque adorari vetuerunt. Viderant enim summum Deum ad infimorum hominum pedes, non procumbentem tantum, sed & lauantem. Ad hoc nouum inuisumque cælitibus spectaculum, se quodammodo attemperârunt, infrâque suam naturam ac morem descenderunt. Ita Ioannem in Pathmo iam procumbentem, iam adorare molientem, è terrâ erigens Angelus: *a Vide, inquit, ne feceris, conseruum enim sum & fratrum tuorum habentium testimonium lesu; Deum adora.* En ipsos cæli principes, quodammodo seipsis factos esse meliores. miratur Gregorius, &: quid est, inquit, quod ante Redemptoris aduentum ab hominibus adorantur & tacent: postmodum verò adorari refugiunt? nisi quod naturam nostram, quam prius despexerant, postquam hanc supra se assumptam conspiciunt, prostratam sibi videre pertimescunt. Imò etiam à nobis mendicant iam Angeli, &, quod Cæsares & Reges subinde fecisse constat; veste peregrinâ ignoti, hospitium apud nos rogant. Sanctorum virorum complures (prout eorum res gestæ testantur) opulentissimos hos mendicos suâ mensâ non semel refecerunt. In beatissimis illis mentibus nec nauulus quidem hæret superbiæ. inde amor illorum & reuerentia in pauperes, nam Christi nati felicissimum nuntium, solis pauperculis opilionibus detulerunt. nec unquam in terris maiore numero visi, quam cum Rex illorum in extremâ egestate, inter bestias hospitaretur: non erubuerunt ætherei hi prætores, sui Domini viles panniculos, & stramineas cunas.

Prædixit Christus: *b qui me erubuerit & sermones meos, hunc erubescet filius hominis, cum venerit in maiestate suâ & patris, & sanctorum Angelorum.*



**T**olerantia constantissima. Illos etiam curandos suscipiunt Angeli, quos damnandos sciunt. neque idèd minus laborant in erudiendo homine, etsi nòrint se frustra laborare. *Curauimus Babylonem*, a iunt, *Et non est sanata; derelinquamus eam.* hominem autem prius non deserunt, quàm eum diabolus sui iuris factum, ad carceres abripiat æternos. Quis olitor in horto suo, quis vinitor in suâ vineâ colendâ tam patiens, vt cùm illum aut illam votis non responsuram sciat, nihilominus tamen & illum colendo, & istam fo-diendo exerceat? eius tamen tolerantia sunt Angeli, vel etiam in desperatissimos. ipse quoque Antichristus suum habebit monito-rem Angelum. Vidit quidem Iulianus Apostata suum à se Genium abire: sed hoc monendo illi factum, vti mater fugam simulat, vt infantis contumaciam frangat. Iulianus tamen ita monitus, non resipuit; vnâ & sanguinem & blasphemiam, & execrandam ani-mam eiecit. Nos, si quem officij bis tæue moneamus, abundè monitum censemus, & cessamus: Angelorum ingenium longè à nostro diuertit; Angeli & centies & millies monent: quæso te, omitte hoc; oro, fac hoc. & quò præfractè magis omittenda faci-mus, aut facienda omittimus, cò constantior est, eorum patientia, cuius tamen etiam imitatores habent.

Ammoni & seni & ægro, b Ioannes Thebæus, totis duodecim annis, mirabili & patientiâ & sedulitate seruijt. nunquam eum te-tricus senex vel initiore verbulo dignatus est: sed morti iam proxi-mus, coram alijs compluribus, prehensâ Ioannis manu: hic iuue-nis, inquit, non homo, sed Angelus est. fateor equidem, vix vnquam illum humaniùs sum affatus, tot annis tamen ægrotanti mihi, mirâ & industriâ & tolerantia inferuijt. Moses patientiâ, non Angelus tan-tum, sed & Deus, tam Pharaonis quàm Hebræorum est factus. An-geli quam exercent, hanc & amant in nobis tolerantiam.

Narrat Pelagius Diaconus è Græco, c quod mirificè roboret firmetque patientiam in rebus omnibus.

In horrenti vastâque solitudine habebat cælo notissimus senex & qui Dei causâ plurima iam didicisset & FACERE & PATI. Do-mus illius magnam partem cælum fuit, cubile terra, somnus vigi-liæ, cibus ieiunium, colloquia silentium, casula palatium. susten-tandæ vitæ defiebant illi pleraque omnia, maximè tamen aqua, ele-mentum publici quidem vsus, sed non vbiuis locorum adeundum.

Ergo

Ergo, si quando siti mederi voluit, extremè priùs fatigari debuit, & ad fontem, quasi in mercatum proficisci, ad emendum Falernum; neque ante aquam bibit, quàm viam longam deuorauit. Hoc illi sitim pretiosam valdè, inò & exosam faciebat, maluissètque esurire bis térue, quàm vel semel sitire, nam ita extra omnem aquæ viciniam habitabat, vt, quoties hydriam suam implere voluit, milliare priùs integrum pedibus emetiri debuerit: neque tamen recentem, & frigidam vnquam bibebat, nisi continuò illic bibissèt, vbi fontem reperissèt. Hæc virum cælitibus carum sæpius turbârunt, atque ad indignationem etiam concitârunt. Fuit vt assueto iam calle ad notum sibi fonticulum, instar sitientis cerui propèraret. pedibus alas addebat non timor, sed sitis, at viâ nonnihil vltra dimidiam decursâ, fauces arere, lingua faucibus hære, vox asperari, brachia languere, pedes succumbere, anhelitus deficere, corpus pænè totum corruere, & solo æterni. itaque fracto iam planè & fatigato gressu incedebat, meditationis, quàm antè, aptior. multa igitur secum disputare, partes in omnes versare animum, ita demum secum ipse confabulari cœpit: Et quis tandem, inquit, potum tibi ferret, cum te non ferent pedes ampliùs? Et fac immortalem te esse, neque vnquam morbo tentandum, quæ tamen hæc pænè quotidiana cum tantâ lassitudine excursio? vt taceam dispendium temporis, quo interim legere, meditari, precari commodiùs possem, dum ego toties, tam laboriosè, tantum itineris conficio. Cui Creticum suum tanto stat pretio, quanto mea mihi aqua? quàm me per æstatem æstus frangit, per hiemem frigus eneruat? Et cuius hîc duret patientia, in tantis tamquæ assiduïs molestiis? ignosce mihi, mi Deus, non possum non indignari, & irasci habitationi meæ tam incommodæ.

Sed an nihil consilij est, quo riuulum mihi aut salientem aquulam viciniorem efficiam? Sempérne tot mille passuum decurram, vt bibam? profectò huius vini cella nimium à me disita est. quid si ego illi fierem vicinior? illa certè mihi, non potest, neque enim nouo alueo ad me deriuatus fons curret. ita prorsus, ita agam. Sed ego meam migrabo, & iuxta scaturientes latices domicilium mihi figam: ita demum compendium reperero immensi laboris. quid necesse est, ita quòtidie fatigari? Et ò me infelicem, aut incoquantem, qui non pridem in hoc consilium iuerim.

Vix hæc effatus, cum à tergo leuissimum insequentis strepitum aduertit, & respicit in ipso ambulationis motu, videtque iuuenem



sequi, qui omnes, quotquot ipse passus faceret, accuratè numeraret. ad quem illicò senex: heus tu, inquit, quod fesso seni tacitum con-  
uitium facis, vt omnia vestigia mea passusque in digitos mittas? non  
sumus incesso pares, vt olim cum & mihi virent genua; desine  
hoc ludibrium. Ne sæui, (ait Angelus, quem ille iuuenem credebat)  
ne sæui, mi optime senex. cælo, missus sum, vt passus omnes & sin-  
gulos numerarem, quotquot facis ad fonticulum illum: simul &  
præmia in numerum cogere, pro his vel singulis passibus, sed  
olim, sed in cælo rependenda. Dixit & ex oculis se subduxit.  
Cum eremicola cælesti hoc affatu attonitus, in terram atque in  
preces funditur: & ô mi Deus, exclamat, quæ tua hæc bonitas in-  
seruulum vilissimum! egone impatiens ille, & iracundus; ego de-  
ses ille, & cessator famulus, tantò tibi vendam pretio, vestigia vel  
singula? ignosce, ô mi conditor, huic & iracundiæ, & impatientiæ  
meæ; sit venia fatuo prorsus consilio. reuoco & damno quod cogi-  
taui, quod & dixi, tuguriolum meum magis à fonte in posterum  
distabit quàm hætenus, vt cum viâ crescat patientia. Atque vt ver-  
bis manum adderet, mox ad demoliendam suam casam sese accin-  
xit, illamque dimidio insuper milliari à fonte remotam denuò ex-  
citauit, vt ita plus passuum numeraret Angelus, plus præmiorum  
redderet Deus.

Et te, mi homo, quisquis es, tuus semper Angelus insequitur;  
nunquam à te abit; omnein incessum tuum, passusque singulos ad  
numerum reuocat. passus tantum? cogitatus etiam, vel latentissi-  
mos; verba omnia, facta omnia, minima maxima, in numerato  
habet. En, quàm fidum tu habeas amanuentem! quidquid agas,  
æd onus ille omnes numerat: precaris tu? voces ille vel singulas di-  
numerat: stipein erogas? numerat obolos: flagellis te castigas? nu-  
merat verbera: ieiunijs te inaceras? numerat abstinentias, & omnes  
bolos, quibus genium fraudas: de somno quid subtrahis? numerat  
vigilias: Cupidinem Veneremque vincis: numerat victorias: carnè  
cilicio domas? numerat horas: animum meditatione piâ instruis?  
hic vel puncta horæ numerat: mentem confessione purgas? hic ille  
dies numerat: legis, deinum, scribis, laboras? nec hic ille suū nume-  
randi munus negligit: modò tu Deo laudando legas, scribas, labores.

At scito habere te lateronein etiam alium; inò verum ex Orco  
latronem, qui non pecuniæ tuæ, sed tuæ animæ insidiatur. hic ex-  
torris cælo ciuis, æquè atque tutelarîs Angelus, in suos pugillares re-  
fert omnia quæ facis, dicis, cogitas. Si iuras aut peieras, verba; si

lasciua loqueris, syllabas; si fœda meditaris, cogitationes; si rem diuinam negligis, horæ quadrantes; quando demum peccato letali te maculas, etiam momenta numerat, dum momentum illud veniat, quo te inimicum Dei, exhæredem cæli, Diuorum hostem, in suum regnum casu irreuocabili præcipitet. Ah! mi homo, per salutem tuam te oro, tu quoque ( si sapis ) numerare incipe, annos quos consumpsisti, dies quos neglexisti, horas quas perdidisti: sed & futuros dies horasque in numerum digere, si potes, cum nec hanc ipsam, quâ tecum loquor, horulam mortis securam habeas. demum *ÆTERNITATEM* quam numerare non potes, saltem cogita. Non absurdè dicebat olim vir doctus: *Nuptias esse breuem & latam cantiunculam, sed habere longum & triste epiphonema*. Sic nos verissimè dicemus: peccati cuiuscunque voluptas, brevis & hilaris est cantiuncula, sed longissimum habet & tristissimum epiphonema, tormentum *ÆTERNVM*. O aternitas, ô aternitas, aternitas! quàm sæpe turpiter peccamus, quia te vix vnquam seriò cogitamus! O *ÆTERNITAS*! aut in delitijs inter Angelos, aut in supplicijs inter diabolos ducenda, & nunquam finienda! Attende, mi homo, horum an illorû amicitiam nunc ambias: Et hoc scito, tum denique te fore Angelis amicum, cum tu fueris *TOLERANTIAE & CASTITATI*.

HORA XII.<sup>ma</sup>

*Disce MORI: & cogita:*

An non à mortis meæ momento, tota mihi pendet *ÆTERNITAS*? supremum halitum, aut æterna salus, aut exitium excipiet æternum. Puncto constat *Æternitas*. Cur ergo nunc per bonam vitam, ad optimam mortem me non dispono? tutissimum est, vt quicquid in extremo decessu, se quisque vellet fecisse, id modò sanus incipiat facere.

*Disce VIVERE: tua verò sit VITA.*

*CONSIDERATIO ÆTERNITATIS.* Cogitauî dies antiquos & annos æternos in mente habui. (Psal. 76.) Quidquid in mundo est, vanum, breue, merum nihilum est, *ÆTERNITATI* collatum. Et solus ille omnium sapit, qui caducis his spretis, vnâ atque vnicam sibi præfigit in terrâ cogitandam, in cælo assequendam *ÆTERNITATEM*.



Disce ORARE, &amp; considera.

CONSIDERATIO IX<sup>na</sup>*Cultus & veneratio sanctorum Angelorum.*

CAP. Ium

**T**obias pater filio & oculis sibi restitutus, Tobiam filium accersens: *quid possumus, inquit, dare & ro isti sancto? Cui filius: Pater, ait, quam mercedem dabimus ei, aut quid dignum poteris esse eius beneficijs?* & coepit ea narrando percurrere, deum iterum: *quid, inquit, illi adhuc poterimus dignum dare?* quicquid demus, minus quam promeruerit, dabimus. *Et vocantes eum rogare ceperunt & dignaretur dimidiam partem omnium qua attulerant, acceptam habere.* Et quid nos, nostro tutori Angelo rependimus, pro tantis beneficijs, per tot annos in nos collatis? Ecclesiasticus: *a Si es, inquit, tibi servus fidelis, sis tibi quasi anima tua.* & quo loco nobis erit, fidelissimus hic custos, qui curâ & fide sinceriore nos tuetur, quam reges & principes possit omne regium satellitium.

a Eccl. c. 33.

CAP. I Ium

**A**ngeli, eo honore cultuque possunt affici, quo ceteri Dignorum, quos precibus, stipe, ieiunijs; tanquam Dei amicos deveneramur. Angeli Deum assiduis frequentant laudibus; hoc crebrior apud nos æmuletur oratio: Angeli, criminis omnis purissimi, castissimam integritatem absque nævo traducunt; huic illorum virtuti æmulandæ, frequentiora nos iuvabunt ieiunia; Angeli beneficiorum in nos largissimi sunt; id eleemosynis nostris pie imitari conemur.

Constantinus Imperator verè pius, apud Constantinopolim in utroque maris Euxini littore, illustrissima duo templa condidit, Michaëlis Archangeli honori. Imperator Iustinianus, eidem Archangelo Michaëli, alijsque sanctis Angelis, sex magnifica templa à fundamentis erexit, rectè persuasus, si hunc alatarum legionum ducem, qui tot potentissimos perduelles in cælo sub iugum miserat, amicum haberet, bellum facile & felix se cum Vandalis habiturum. Seraphicus ille Franciscus, præter quadraginta diale ieiunium Ecclesiæ, alios insuper quadraginta dies inediâ se maceravit, pro honore & cultu sancti Michaëlis Archangeli. Anno à pariente Virgine, millesimo, Otho III. Imperator Romanus, teste Petro Damiano,

miano, a Româ in Apuliæ montem Garganum, ad ædëm sancti Michaelis, nudis pedibus contendit (sunt 50. milliaria Germanica) idque suâsu S. Romualdi, vt crimen paullo antè commissum, hac corporis afflictatione expiaret.

a In vitâ S. Romualdi.

## CAP. IIIum

Cum Angeli sint integerrimi spiritus, ab omni forde carnis eximij, vtiq; illis summo est gaudio & honori, cum quis eâdem sese castæ integritatis veste amicit, seque illis, quantum conando potest, reddit quàm simillimum, sitque castitate Angelus. Quot sanctorum hominum castam & cælibè vitam quasi cælitè agnouerunt: nec in alio etymo Grammaticis magis credendum. verè dixit Hieronymus: Esse Angelum, felicitatis est; esse virginem, virtutis. Narrat Basilus, a Diocletiano & Maximiano in Christianos seuientibus, Theophilam virginè, formâ & prosapiâ nobilissimam, cum à lictoribus in lupanar vi traheretur, in viâ sic esse precatam: Mi Iesu, amor meus, ô sponse mi, ô fons castitatis, matura opem, & sponsæ tuæ pudicitiam serua. Hoc cor, hoc os, & oculi lacrimis pleni loquebantur. prostibulum ingressa, Euangelium, vt mos erat Christianis, lectura protulit. Fuerunt quidem qui irruere auderent, nemo qui tangere. Sedebat Virgo & legebat, verecundissimo vultu ad omnem modestiam composito: adstabat iuuenis è cælo, pulchritudine inenarrabili, amœnissimos ignes oculis spirabat, itaque strictorum oculorum maiestate terrebat ingressos, vt impuram vim omnem à virgine arceret. Et hic adolescens, inquit Basilus, Virginis protector fuit, vti virgineus Daniel Susannæ. Nemo amat Angelos, qui castitatem oderit: vita casta, gratissimus Angelorum cultus est.

a Tract. de verâ virgine.

## CAP. IVum

Quo porrò cultu affici velint, æthereæ mentes, cælestes hi Legati, facile id suo nos exemplo docent. Beati Pauli sensu, omnes administratorij spiritus sunt, pleni officijs & obsequijs. tales & eos esse cupiunt, quos instrunt.

Ioannes Carrera, a castissimus iuuenis, inflammato semper studio, erga tutelarem Angelum rapiebatur. cum hoc tanto erat tamque familiari coniunctus vsu, vt velut intimo cum amico, sua consilia sermonesque conferret, sepe ad eum de rebus suis dubijs arduis.



que referret, sæpe interrogaret, exquireretque consilium. Denique in eam sancti Angeli familiaritatem venerat, ut ab eo quotidie horis antelucanis, ad orationem excitaretur e somno. quinquam hanc aliquando consuetudinem Angelus intermisit, quod excitatus a se, languore victus, non e cubili protinus surrexisset. Sed si hæc culpa fuit, certè per dies plurimos occultante se Angelo, pœnas dedit. cuius præsentiae desiderio multis ad Deum placandum precibus ac ieiunijs adhibitis, tandem aliquando quod amiserat, recuperavit. Receptum in pristinam familiaritatem Angelus monuit, idcirco suam se occultasse præsentiam, quod ad orationem se suscitantem, non protinus audisset: Deumque ab eo pœnas voluisse repetere, ut documentum ei esset in posterum, ne in surgendo moras neceret.

Non Musis tantum, sed & Angelis amica est aurora: manè cum Deo, interdiu de Deo loqui nos volunt: Nec tamen officiorum erga alios obliuisci. Sui cultum interpretantur, cum in alios obsequiosi sumus. vrgent merito, ut quod operæ alijs impendimus, id & *promptè & libenter* impendamus. iuuat & lenta ministeria vix meliora sunt turpi otio. Placere non potest obsequium, quod *alacritas & promptitudo* non commendat. duplicem fert opem, qui celerem fert.

## C A P. Vm.

Sunt qui templa, varijs muneribus colant. hi ceram, illi oleum, isti cereos; alij aras, pretiosam vestem, artificiosas imagines, calices aureos donant. Augustinus: « æquum est, inquit, monitos nos a psalte regio, & *VOVERE & REDDERE*: duplici modo id fiet. Sunt qui ceram, oleum, telam, similitam, odores, aurum dent. Sed hæc nisi a ditioribus non expectes. nobiliora his munera habemus, e pauperum etiam arculis depromenda, quæ Angelis oblata, non poterunt non esse gratissima. Ea verò sic ordine numerat Augustinus, auro prorsus & cedro scribenda.

1<sup>m</sup> Quicumque iram, in alterum conceptam, subtrinxerit, & Dei amore illatam iniuriam obliterarit; votum obtulit iste, oleum purissimum.

2<sup>m</sup> Si quis luxuriæ cæno volutari consuêrit, resipiscat tandem, & excutiat sordes suas, & animo ad Deum secretius clamet: Benignissime Domine, misericordissime Deus: sufficiat, hætenus luisse tecum: huc usque peccaui, te contempsi, legem tuam abiecti, carnis meæ foetoribus satisfeci: nunc, ô mi Deus, ad te redeo, &

voueo

voueo nequitiam meam me desitutum. Et hic obtulit candidissimam virginem ceram vtique carissimum munus Angelis.

3<sup>m</sup> Si quis inuidiâ laboret, ærumnis aliorum exhilaretur, felicitate alienâ tabescat, quod est peccatum, inquit Augustinus, vsque ad mortem. promittat & ipse animo, actus amoris potius, quàm liuoris & inuidiæ se meditaturum. Et iste votum obtulit, calice aureo donauit Angelos.

4<sup>m</sup> Si quis iniuriam intulerit alteri, aut etiam cædem fecerit, animum veneno plenum abstinentiâ cruciet & luctu, nec panem Angelorum tangat, dum se Deo, læsos sibi reconciliârit integrè. Et hic votum offert: collapsam restaurat aram Angelis.

5<sup>m</sup> Si quis aliorum actiones carpere, suas non inspicere, omnium honori detrahere, maledicos dentes nemini non infigere sit solitus; Deo & Angelis sic voueat. Huc vsque de alijs dixi, me non inspexi: ego eram inferior, & alios miseros existimabam. Satis, ô mea lingua, satis inique aliosque perdidisti: arctioribus te posthac vinculis constringam; seriò lasciuia tuam emendabo. Et hic obtulit votum: grandem ex optimo ære statuam locauit Angelis.

6<sup>m</sup> Si quis se obseruet eleemosynæ paruum, in egenos asperum, in domesticos tenacem, in omnes iracundum. voueat hic Deo & Angelis, mansuetam liberalitatem. Ille quoque munificum soluit votum, sacrificam ex auro vestem dedit Angelis.

7<sup>m</sup> Si quis se humanæ laudis percupidum, arrogantem, iactabundum, insolentem aduertat: voueat is submissionem & modestiam. Peristromata hic offert & tapetia, Angelorum æstimatione, pretiosissima.

8<sup>m</sup> Si quis vino plus æquo indulgeat, & caliculis epotandis studeat, voueat is sobriam & frugalem mensam. grande votum obtulit & iste: aliquot vini veteris urnas sacrauit Angelis.

9<sup>m</sup> Si quis languidum se fractumque, & ad exercitia pia enervum & lentum sentiat, alacritatem is voueat, & ad diuina feruorem. Pretiosum & hic votum obtulit: argenteam, balsamoque ardentem lampadem suspendit Angelis.

Deuota hæc Angelis munera, eiusdem Augustini verbis consigno. Et cum hæc omnia, inquit, feceritis charissimi, offertis Deo votum placitum, & quasi remuneratis Christum. Et post hæc veniet vobis benedictio, & vota vestra offerentur ante tribunal Christi. Putamus, quàm dulce erit, quando vota nostra talia, qualia dixi, Angeli ante conspectum diuinæ Maiestatis obtulerint.



**S**ingularis & Angelis conuenientissimus, eorūque alumnis vtilissimus cultus est, *praesentiam illorum plurimum semper Generari. rectissimè Bernardus: a* in quouis angulo, Angelo tuo reuerentiam habe. tūne audeas illo praesente, quod vidente me non auderes? Sanè cultos iste, castissimos oculos suos & aures (hominum more loquimur) peruigiles, semperque intentos habet, in omnia nostra facta, dicta, cogitata. Senecæ nil efficacius visum est, extirpandis vitijs, quàm viri grauis praesentiam assiduo cogitatu sibi proponere. *ijdem, mi homo, verbis te compello, quibus suum Lucilium Seneca: Accipe, inquit, & quidem vtilem, & salutarem clausulam, quam te affigere animo volo. Aliquis vir bonus (& quis melior custode Angelo?) nobis eligendus est, ac semper ante oculos habendus, vt sic tanquam illo spectante viuamus, & omnia tanquam illo vidente faciamus. Magna pars peccatorum tollitur, si peccaturis testis assistat. Aliquem habeat animus quem vereatur, cuius auctoritate etiam secretum suum sanctius faciat. O felicem illum, qui non actus tantum, sed & cogitatus emendat. Sapienter idem in aliâ epistolâ inculcans: b* Sic certè, ait, viuendum est, tanquam in conspectu viuamus: sic cogitandum, tanquam aliquis pectus intimum inspicere possit; & potest: quid enim prodest ab homine, aliquid esse secretum? nihil Deo clausum est; interest animis nostris, & cogitationibus medijs interuenit. Sic interuenit, dico, non tanquam aliquando discedat. Nil veriùs aut sapientiùs, à calamo hominis non Christiani, doceri potuisset. Verè omnium actionum, nostrarum Deum, Deique legatos Angelos & arbitros & testes habemus, & quid enim nesciant, aut non videant Angeli, qui videntem & scientem omnia, sciunt vidētque obtutu perspicacissimo, perenni?

a Serm. 12. in Psal. 90. b-Epist. 83.

**C**Vpiet fortassis, bonæ mentis homo, facili compendio nosse, quid operis quotidie fieri posset, sanctis Angelis honorandis. Vt huic satis fiat, breuem ei tabellam exhibemus eorum, quæ singulis diebus, aut certè crebriùs, honori sanctorum Angelorum praestanda.

*Iun* Quotidie Dominicam orationem, & Angeli salutationem nouies attentè pronuntiare.

2<sup>um</sup> Litánias, Officium, aliásue preces, SS. Angelis inscriptas, quotidie recitare.

3<sup>um</sup> Quotidie aliquid boni operis, aut aliquam sui victoriam, Angelis offerre.

4<sup>um</sup> Cùm è scripturis sacris constet, nouem esse Angelorum ordines, nouenarium numerum, in pijs præsertim exercitijs, studiosius attendere.

5<sup>um</sup> Castitati, ab Angelis commendatissimæ virtuti, singulariùs studere.

6<sup>um</sup> Cultum eorum & venerationem apud alios propagare.

7<sup>um</sup> Tempa ijs sacra frequentare, dies eisdem festos obseruare, præsertim octauum Maij, vigesimum nonum Septembris, & Dominicum diem Angelo custodi sacrum.

8<sup>um</sup> Odium atque inuidiam omnem, & quidquid in mente contra alios fellis, quicquid inuidiæ, quicquid odij atque alienationis est, in gratiam illorum ponere. pleni namque diaboli sunt inuidiæ, amore Angeli.

9<sup>um</sup> Præsentiam illorum assidue; sæpius saltem de die illam cogitare: in omnibus aduersis & periculis, Angelos atque Angelorum Reginam, Domini matrem, in subsidium ac patrocinium vocare.

De Angelorum apud nos præsentia opportunè hîc addo, quod in ruborem det Christianos, qui præsentem sibi Angelos veneratione vix vllâ prosequuntur. Ille à Madaurâ Philosophus Angelorum circa nos præsentiam his omnino verbis describit: Plato autumat singulis hominibus in vitâ agendâ testes & custodes singulos ad-ditos, qui nemini conspicui semper adsint (*Gora Voces*) arbitri omnium, non modò actorum, verum etiam cogitatorum. <sup>a</sup> At vbi vitâ editâ remeandum est, eundem illum, qui nobis præditus <sup>b</sup> fuit, raptare, & trahere custodiam suam ad iudicium, atque illic in causâ dicendâ assistere: Si qua commentiatur, redarguere: si qua verâ dicat, asseuerare, proinde illius testimonio ferri sententiam (*hoc nos particulare iudicium vocamus*) proinde vos omnes, qui hanc Platonis diuinam sententiam me interprete auscultatis, ita animos vestros ad quæcunque vel agenda, vel medidanda formate, vt sciatis nihil in homine præ istis custodibus nec intra animum, nec foris esse secreti, quin omnia curiosè ille participet, omnia visat, omnia intelligat, in ipsis penitissimis mentibus vice conscientiæ diuersetur. Hic

quem

<sup>a</sup> De cogitationibus, quid sentiendum, supra monuimus. <sup>b</sup> Præstitutus.



quem dico, prorsus custos, singularis præfectus, domesticus speculator, proprius curator, intimus cognitor, assiduus obseruator, indiuiduus arbiter, inseparabilis testis, malorum improbator, bonorum probator, si ritè animaduertatur, sedulò cognoscatur, religiosè colatur (*quid aliud dixerint Christiani?*) ita vt à Socrate iustitiâ & innocentîâ cultus est, in rebus incertis prospector, dubijs præmonitor, periculosis tutator, egenis opitulator: qui tibi queat tum in somnis, tum in signis, tum etiam fortasse coram, cum vsus postulat, mala auerruncare, bona prosperare, humilia sublimare, nuntantia fulcire, obscura clarare, secunda regere, aduersa corrigere. Hæc Maudarensis.

Vnde obsecro tam luculenta de custodibus Angelis cognitio ad eos penetrauit, qui nullam Christianæ religionis disciplinam acceperunt? Quanto iam firmitate assensu amplectimur quod præfati Patres, auctores locupletissimi, quod paginæ sacræ de Angelis loquuntur. Quanto iam proniore animo Bernardum audimus ita differentem: Angelis mandauit de te! Mira dignatio, & verè magna dilectio charitatis. Quis enim? Quibus? De quo? Quid mandauit? Studiosè consideremus, diligenter commendemus memoriæ hoc tam grande mandatum. Quis enim mandauit, cuius sunt Angeli? Cuius mandatis obtemperant: Cuius obediunt voluntati? Nempe Angelis suis mandauit de te, vt custodiant te in omnibus vijs tuis. Nec cunctantur, quin etiam in manibus tollant te. Summa ergo maiestas mandauit Angelis, & Angelis suis mandauit de te. Illis utique sublimibus tam beatis, tam proximis sibi coherrentibus, tam familiariter adherentibus & verè domesticis Dei mandauit de te. Tu quis es? Domine quid est homo, quod memor es eius, aut filius hominis quoniam reputas eum? Quasi verò non sit homo putredo, & filius hominis vermis. Sed quid putas, mandauit de te? vt custodiant te in omnibus vijs tuis. Quantum tibi debet hoc verbum inferre reuerentiam, afferre deuotionem, conferre fiduciam? reuerentiam pro præsentia, deuotionem pro beneuolentiâ, fiduciam pro custodia. Cautè ambula, vt videlicet cui adsunt Angeli, sicut eis mandatum est, in omnibus vijs tuis. *Addit:* An præsentem esse dubitas, quem non vides? Quid si audires? Quid si tangeres? Quid si olfaceres? Vide, quia non solo visu rerum præsentia comprobetur. Si fidem consulas, ea tibi Angelicam probat præsentiam non deesse. Nec dixisse piget, quoniam fides probat,

bat, quam nimirum Apostolus Argumentum non apparentium esse definit. Adfunt igitur, & adfunt tibi, non modò tecum, sed etiam pro te: Adfunt vt protegant, adfunt vt profint. « Quis iam dubitandi locus, Angelos nostrum singulis esse præsentissimos? Nunquam soli sumus, etiam cum nos maximè solos esse credimus. Quia illos igitur in actionibus omnibus, omni loco veneramur & obseruamus? Oraculum diuinum sic præcipit: <sup>b</sup> Obserua eum, & audi vocem eius, nec contemnendum putes, quia non dimittet cum peccaueris, & est nomen meum in illo. Quod si audieris vocem eius, & feceris omnia quæ loquor, inimicus ero inimicis tuis, affligamque affligentes te, præcedetque te Angelus meus.

<sup>a</sup> Bern. in psal. 90. ferm. 12. <sup>b</sup> Exodi 23. v. 22. & 23.

## EPILOGVS

T V T E L A R I S  
A N G E L I

A D

*Commisum sibi hominem.*

**D**OCVI te, mi homo, quam MORIENDI maximè, quam VIVENDI, quam etiam ORANDI legem sequereris. At nòsti; scire hæc, & non facere, est bis delinquere. nota vox Domini: servus, heri voluntatem intelligens, eam tamen negligens, vapulabit multis. Christiani hominis non est, de multitudine legum conqueri: paucas habet, imò vnicam: Deum amet, & omnes omnino leges servauit. quicquid ceterarum legum est, in vnâ illâ continentur omnes. Genti Hebrææ, numerosum præceptorum onus fuit impositum. Aiunt Hebræi Doctores, in illo quintuplici Mosis volumine, sexcenta tredecim præcepta comprehendì, sic diuisa, vt illorum, quæ imperant faciendum quid, tot sint, quot humani corporis partes à chirurgis assignantur, ducenta scilicet quadraginta octo: tot verò eorum, quæ fieri quid verant, quot annus dies numerat, nempe trecenta sexaginta quinque. sic vniuersæ sexcentæ tredecim leges Iudæis fuerunt constitutæ. Ex his omnibus, vnâ fecit Christus Dominus: AMA DEVM, & legibus vniuersis paruisti. qui diligit, legem impleuit. « Quare, mi homo, cum vnâ atque vnicâ habeas legem, eamque naturâ suauissimâ, cur auersus à Deo in voluntarium



ruis præcipitiū: *Miserere anima tua placens Deo, & contine, & congrua cor tuum in sanctitate eius, a* vel tuæ, inquam, ipsius animæ miserere multa quæris, multa ambis: vnum quære, vnum ambi, DEO PLACERE. & quæso te, delectatiunculæ quibus crebrò æstuas, quàm viles, quàm turpes, quàm & breues sunt? an cælum desperasti? vita hæc, momentum est: delitiæ sequuntur æternæ; illis te serua, & contine cor tuum à tot noxijs, tot impuris ac foedis, tot acerbis ac liuidis cogitationibus. at nunquam satis in officio continebis cor tuū, nisi & linguam, nisi & aures ac manus, nisi & oculos tuos contineas. pudicus animus, & impudicus oculus, mihi crede, nunquam conueniunt: verecunda mens, & lasciuia manus, amicitiam non contrahunt; petulantem linguam, & custoditum cor simul non reperies. Ergo, vt cor tuum continere possis, linguam tu tuam, tuas tu manus, tuos contine oculos, vigilantia, quantā potes, maximā. Vt scias: tibi tecum maximè luctandum est, sed ita luctandum, vt victoriam omnem in abstinendo & fugiendo, omne robur in patiando ponas. Fuge, quicquid libidinem, & vel leuem libidinis suspicionem olet; fuge, fuge. Vbiq̃ue fugere luxuriam, est vincere. Si quid verò molesti & turbidi te lædat. hîc vir esto, hîc dura: mala omnia superabis, tolerando: aduersa nemo vicit melius, quàm qui patientius tulit. quamdiu æquor hoc vitæ nauigas, tamdiu fluctus & procellas senties; & interdum serenum aliquod si blanditur, decipit, & ferè tempestas maior succedit; alia & alia tibi cogitanda. Vt flores quidam sunt, qui nonnisi ad solem se vertunt: sic tu mentem à nubilis istis auerte ad diuina, ad æterna.

Sed vnā hîc velim salutis tuæ remoram tollas, & si quidem ferio bonus esse vis, obsecro te, ne tardè velis; ne differas, ne procrastines. Fatuas virgines quid à cæli foribus excluderit, non ignoras: distulerunt, dormitârunt. horam ex horâ traxerunt. non malum erat consilium illarum, sed nimis tardum. ita plerosque cernes perire, qui mores emendare cogitant, sed nondum; vitiorum illecebras abdicare, sed nondum; diuina & æterna sapere, sed nondum; seruire Deo, prius tamen diabolo & Mundo. ita non tantum in antiquam, sed in infinitam siluam itur & reditur, & plerisque agitur vita per lusum, dum Mors occurrat improvisa, & subito præscindat longissimam procrastinationis telam. Historiam profanam consulis? hoc idem te docet.

O Alexander Macedo vbi es? cuius illud innotuit, victorem fuisse, *nihil differendo*. Tu ergo, *miserere anima tua*, & hoc ipso san-

Et tunc te moriturum crede, quò citius ad mortem te composueris. Cum vita tam brevis & contracta, mors tam incerta sit, temerarium prorsus & fatuum est, in negotio salutis tam periculoso differre, cunctari, procrastinare. Ah, miseri homines, de beatà vità in conspectu mortis agitis, & sæpe cum iam iam migrandum est, tunc primum, quò migrandum sit, quæritis. Aurem tibi iam sæpius vellicaui: memento mori, memento ô nimium obliuiose homo. mille tibi horæ si parcant, vna sternet, & ea quidem, quam tu nunc minimè suspectam habes. Vbique mors est, ab homine, ferâ, domo, tegulâ, arbore, aquâ, vento, aurâ, herbâ, cibo, potu, & quid excipiam? non ipsam te qui eam non cogitas. At nunquid vis, vt ea omnia, quibus te ad MORTEM meliorem, ad VITAM sanctiorem, ad puriores PRECES instruxi, in compendium conferam? Ergo,

Disce MORI, & esto paratus, quia nescis diem neque horam. Isboseth dum suauiter meridiatur, dormiente ad ostium ancillâ, trucidatur à sicarijs. <sup>b</sup> ita mors & peccatum iugulabunt te, si mortis in te dormiat memoria: audacissima quidem mors est, rarò tamen nisi incautos adoritur, & velut à tergo. Samson, dum Dalilæ gremio indorinit, vires omnes amittit. I, nunc voluptati te crede, & tuam, è Samsonis fortunâ, metire. Suis olim viribus mors pugnavit in homines, vt senectâ, peste, morbis alijs. nunc etiam alienis armis vitur, cibo, potu, crapulâ, libidine. multos in aquis submergit, sed multò plures in vinò: omni loco insidiatur. Tu ergo *disponere domus tua, quia morieris, c* & à rebus humanis toto alio orbe disiungèris. Et quàm seriò Christus Dominus præmonuit! *Sint lumbi vestri præcincti, & lucerna ardentes in manibus vestris, & vos similes hominibus expectantibus Dominum suum, quando reuertatur à nuptijs à* Morti paratus occurre, si tria hæc, Domini iussu, tibi maturè compares: Cingulum, Facem, Tintinnabulum. An recordaris, quæ de Castitatis cingulo, suprà te monuerim horis pluribus? sed millies inculcandum tibi est, beati Hieronymi monitum: *Si cingulo castitatis careas, omnia per terram trahis.* cinge lumbos: eorum mors turpis est & mala, quos discinxit luxuria. Facem manu præferes, si decalogum non solum scias, sed & serues. At verò Tintinnabulum tua tibi conscientia est: hæc sæpius imò quotidie velut campanula conculienda est, & quem sonum edat, an legi diuinæ consonum, exploranda. Descende in te, & vitam tuam inspicere, & te ipsum quotidie

V

die



dic ad tribunal cita, nec tantum quid facturus sis, sed & quid feceris, creberrimè cogita. ita tuum hoc tintinnabulum pulsa, conscientiam tuam de cogitatis per diem, dictis, factisque tecum quotidie rimare & excute. Sic inducijs, quas imminente morte, frustra peteres, nunc concessis utere: disce MORI: aut idem tibi cogar occinere, quod Angelorum vnus Carthaginienſi Episcopo grauius decumbenti obiecit. *a Pati timetis, exire non vultis, quid faciam vobis?* Ergo, *miserere animæ tuæ*, & mortem, quod illa venit insidiosius, hoc tu frequentius cogita.

Sed & VIVERE disce, castè & cautè viuendo. Si cautus non sis, nec castus eris. Iobus, tolerantia speculum, non tantum castimoniam noluit, nam & cum oculis fœdus pepigit, vt ne cogitarent quidem de virgine, sed & idem cautissimus vixit. magna in illo morum sanctitas elucebat, & tamen timebat, trepidabat, cauebat. *Verebar*, inquit, *omnia opera mea, sciens quod non parceres delinquenti: b* suspectum illi erat, quicquid faciebat, ne fortè faceret, quod Deo minus placeret. sciebat vir integerrimus, alia longè hominum, alia Dei esse iudicia. Hanc ob causam, opera sua omnia verebatur, verè & castus, & cautus. disce, & imitare, vt tantò viuas castior, quanto in omnibus cautior, & circumſpectior: *Miserere animæ tuæ, placentis Deo.*

Sed & ORARE disce. Rex noster Christus, non crebras tantum, sed & assiduas à te preces exigit: *quoniam oportet semper orare. c* & quàm fideliter sæpius exhortatur! *Videte, Vigilate, & orate; nescitis enim quando tempus sit; d sine intermissione orate. e* Ergo, non impediaris orare semper. *f* Excellentissimam hanc ORANDI artem non discas, nisi & sæpe ores, & feruidè. hoc ipso multorum languida est oratio, quia rara, fabri fiunt fabricando, veri coram Numine oratores, sæpius orando. satius tamen est, breues esse preces & feruidas, quàm longas & languidas. vix vllarum est virium oratio, quæ nihil habet igrei. oratio marcens & torpida, idem est ferè quod ignis frigidus. Paulus oraturus, calidos spirabat ignes. quibus suscitandis: *Orabo*, inquit, *spiritu, orabo & mente. g* quid prodest labiorum strepitus, vbi cor est mutuum? ignita verò censetur precatio, quàm ardentes gemitus, & ad Deum crebra comitantur suspiria: oratio vana & frigida est, vbi hoc tam graue negotiũ soli committitur linguæ. Ergo, vt rectius discas VIVERE, disce feruentius ORARE: neutrum difficile est, volenti.

Et

a S. Cypr. serm. 4. de mortalit. Baron. tom. 2. An. 256.

b Iob. c. 9. c Luc. c. 18. d Marc. c. 13. e 1. Thess. 5.

f Eccl. c. 18. g 1. Cor. 14.

Et vt compendiarîa prorsus te viâ ducam ad cælum, hanc verborum meorum summam teneto, & duplex hoc monitum, nullâ vnquam obliuione deletô.


Im Afsiduè cogita, te quotidie propiûs atque propiûs, ad ipsam totam immensam *ÆTERNITATEM* accedere, quæ tibi vel in flammis inter damnatos, vel in delitijs inter beatos agenda erit. sic bene *MORI* condifces.

I Im Deum tibi femper præsentem ex oculis nunquam dimitte. ita fcies rectè *VIVERE*.

*Ad maiorem Dei, Deiparaq<sup>3</sup> Virginis,  
 & omnium SS. Angelorum  
 honorem & glo-  
 riam.*

F I N I S.





NICETAS

feu

TRIVMPHATA

INCONTINENTIA.



B<sup>mx</sup> V<sup>nra</sup>

# M A R I Æ

## N O B I L I S S I M I S

### S O D A L I T A T I B V S.

INGOLSTADIANÆ  
MONAGENSIS  
DILINGANÆ  
AVGVSTANÆ  
RATISBONENSIS  
OENIPONTANÆ  
HALENSIS  
LVQERNENSIS

FRIBVRGENSIS HELV.  
BRVNTRVTANÆ  
CONSTANTIENSIS  
EYSTADIANÆ  
ENSISHEMIANÆ  
NEOBVRGENSIS  
FRIBVRGENSE BRISG.

à

DEO DEIQVE MATRE VIRGINE.

*Felicitas sempiterna.*

**E**TIAM V<sup>n</sup> mens in vos affectus calet (prospiciam, eruditionis, Virtute Nobilissimi Domini Sodales) nec est quod malim quam vobis quam plurimum prodesse, ut cum plurimum à vobis acceperim, id demum redeat ad suos fontes. Quicquid ego adolescens vel litterarum vel pietatis hausi, id B. Virginis Sodalitati acceptum refero, & hoc Orbi testor. Vobis debeo, & vestris curibus, quod Virginis filius IESVS, in suam me societatem prorsus indignum admiserit. Ingentem fateor, absque sodalio vestro fuisset, perissem & mecum plures alij. Sed perire vix potest inter vos, nisi pereundi cupidus animum à vobis in perniciam voluntariam abducatur. Nec in scholis quidem vtiliter quis discit, nisi à vestro consortio hoc ipsum discat, quemadmodum & quam sobrie discendum sit. Virtus & aliarum scientia est, & sui. Verissimè Romanus Sapiens, & Marianis curibus accommodare: Nulla res magis, inquit, animis honesta induit, dabiósque & inclinabiles reuocat ad rectum, quam bonorum virorum conuersatio. paullatim enim descendit in pectora, & vim praeceptorum obtinet, frequenter audiri, adspici frequenter, a Sanè vel ipse occursum vester & aspectus iuuat ad virtutem. & est aliquid quod quis à vobis vel tacentibus proficiat. Possim ego, in laudem de vestris Congregationibus iure optimo affirmare, quod priscus Poëta de vrbe Romæ per cauillum dixit:

*Hic sunt homines ——— b*

Et nisi quis inter vos discat hominem agere, & homo fiat verecundus, sapiens, pudicus, operam perdidit, & sub humanâ specie pecudem, sæpe non vnâ abscondet. Scholas & lycea occupabit iste, & inde vel bonus Grammaticus, vel disertus Rhetor, vel argutus Philosophus; aut etiam doctus Medicus, aut insignis Iureconsultus prodibit: At his omnibus valere, licet ad parandam satinam faciat; ad emendum cælum illa omnia sciuisse, cassus labor. Bonum Christianum, pro-

bum

bum sodalem fieri, hæc artis est & sapientiæ. In hæc rem vna virtus est, quam si quis inter B. Virginis sodales non didicerit, vitia sine Magistro discet audâ docilitate. Sanè in Marianis sodalitijs varia viget virtus, *hic sunt homines*, ad normam Virtutis. Illi in suum exitium pessimè cauti, & serè nunquam nisi casu boni, qui cætus hos fugitant, qui huic disciplinæ nomen suum dare recusant, aut vbi dederint, publicos congressus declinant, & nusquam minus quàm in conuentu sodalium conspiciuntur, perpetui emanfores, & nec ad numerum quidem augendum benouoli: Hi tales, inquam, hoc vnum agunt vt nullum habeant cum virtute commercium, tantò liberius vitiosi, quantò remotiores à castis oculis. Tanti est cum bonis consortium, cui quidem me omnia debere fateor; & vt hoc testato dicam per orbem, scriptionem hanc iam alteram, & nouam, ad vestra subsellia, Ornatissimi Domini Sodales, meâ voluntate animoque libentissimo depono, grati animi vel tenue monumentum.

Libello huic nomen est *Triumphata Incontinentia*. Hic nemo malè omittetur, eum nomini vestro inscribi. Non hoc agit libellus iste, perinde si vos adureret Incontinentia, sed ne adurat. Vti medicinam facimus, illis in remedium, istis in leuamentum, in antidotum alijs: sic etiam remotis vitij, quâ ratione caveri ea possint, discendum est. Et quia difficillimum, durum iam & veterem animis pestem extrahere, prouidè omnino facit qui præmedicatus, non hoc laborat vt ægrotus esse desinat, sed vt maneat sanus. In hunc finem ad vos libellus iste properat, non vt Incontinentiæ morbum adimat, sed vt non admittat.

Sed cur non librum mitto grandiozem, decentius inunus foret? Ignoscite, oro, æantis tenuitati, sed & vitij nostri xui. hoc si placeat inspicere, magnam morum euersionem, & Incontinentiæ plurimum vbique sparsum esse non negabitis; liberè dicetis: Ægrotat Orbis, & potissimum ab Incontinentiâ. Atqui ægrotto non grandes boli, aut in amplis patinis tuceta crassa sunt anteponenda; iusculis atque sorbitiunculis iuuandus est. Idem hic faciendum, atque si xui nostri genium confideremus, agrè aliter iuuari nunc Orbis poterit.

Volumina & prolixos codices nauseabundum hoc sæculum vix admittit; & iam salutaria, panè in transitu instillanda. Libelli & scriptiunculæ etsi minus perpolutæ, modò succinctæ, honestatis obliuionem facilius corrigent. Quicquid autem alij vel dixerint vel scripserint, hoc vitium Incontinentiæ sine modo, sine fine persequendum est, nam illi quoque nec finis est, nec modus. Et quoniam Incontinentia, voluptarium hoc sed pestilentissimum venenum, maximam orbis partem inficit, ad plurimos, optem, medicus hic libellus perueniat, qui ideo breuis esse debuit, ne malum quod sanare, vult, morosâ prolixitate potius offendat. Quòd si etiam Beatissimæ Virginis Sodales spectem, quorum honori & bono libellus hic scriptus est, ne sic quidem laciniosas adhortationes his obtudere debui. Sunt quidam ex hominibus tam egregiam sortiti indolem, vt in ea quæ tradi solent, perueniant sine longo magisterio, & honesta complectantur, cum primum audiunt. Hæc tam rapacia virtutis ingenia & ex se fertilia, in hac Beatissimæ Virginis familiâ minimè rara sunt. Quare, obsecro, Sodales integerrimi, huic libello, nouo hospiti locum præbere: non amplum petit nec lautum, sed quem libellis pijs negare non soletis. Et quia Castitatis ac Continentiæ amore vos ardere non dubito, hoc victæ ac triumphatæ Incontinentiæ spectaculum beneuolis oculis & auribus accepturos, prorsus confido. Vestram omnium castissimis precibus submissè me commendo. Monahij, die Beatissimæ Virginis lustratæ. Anno Christiano 1619 DCCXXIV.

Omnium vestrum.

*Servans in Christo*

HIEREMIAS DREXELIUS  
è Societate Iesv.



# BENEVOLO

## LECTORI.

**F**ACTVM mi Lector, ab omni seculo inauditum, omnibus post seculis obfuturum pascendum fero. NICETAS, Aegyptius iuuenis, sui & libidinis victor, singularis, admirabilis, stratagemate vicit in omne æuum admirando. Putem ego in omni re Christianâ nil reperiri simile. Possumus sanè, quod ille de Ulyssæ, de hoc iuvene longè verius affirmare: Scyllam præternauigauit, nec abreptus est; Charybdi conspectus est, nec consensius est; Carceres poculum bibit, nec mutatus est; ad Lotophagos accessit, nec remansit; Sirenes audiuit, nec accessit. Ad dam ego: vincit est, ligatus est, armis omnibus spoliatus est, nec vinci potuit. Unde Sitenem fallacissimam & audiit & accessit, seu, accedere coactus est, & tamen submersus non est. Linguâ pugnavit, linguâ vicit, quâ parè omnes vincimur; nec vicit concitando linguam in eloquium, sed mutilando in tormentum. Vis nosse, Lector, generosissimi stratagematis incomparabile consilium? hunc libellum lege: sed quæso te quietus lege, & animo proficiendi. Mores hic componimus, non verba, & animis hæc scripta sunt, non auribus. Scriptionis huius finis est, quem & tuum esse cupimus, illud extremum malorum, capitalissimam pestem, vitiorum omnium largissimam scaturiginem INCONTINENTIAM expugnare. Incontinentia omnium vitiorum fecunda mater, in omnes scelerum formas se diffundit. Qui castitatis hostis est, omnium propè vitiorum amicus est: nec vllus unquam pudicitia bellum indixit, qui non prius fœdera iunxisset cum non simplici nequitia. Cui mens est vitia per compendium discere, in Lasciuia disciplinam se tradat, & breui se magistrum ex discipulo mirabitur. Nemo sanctè vixerit, qui non & castè.

Et ne te fallas, ô mi optime Lector, non solis iuuenibus, non virginibus solis, nec tantum Parthenijs sodalibus hæc scripta sunt. Ad omnem statum, ordinem, sexum, ætatem attinet hæc scriptio, & multam quidem. Suam & viduæ suam coniugis, suam sponsi & sponsæ castimoniam colant necesse est. Coniugij leges male seruabit qui ignorat Castitatis, imò ausim dicere, Castitatis leges exactè scindas illi, qui seruare voluerit coniugij. Nulli hominum ordini, ætati nulli Pudicitia septa transilire fas est. Et quomodo ei bene conueniat cum Virtute, cui quidem sis sit cum Virtute, cui quidem sis sit cum Verecundiâ, Virtutis sede? Ita hæc quæ de vitandâ Incontinentiâ dicuntur, nemini non necessaria scitu sunt.

Addo: plurima hoc libello doceri quæ ad omnigenæ Virtutis cultum faciant. Et ut scias, mi Lector, quod hic sacra institutionis summariū tibi proponam: Quicquid Anno 1621. coram Ser. Electore MAXIMILIANO, & Ser. conjugæ ELISABETHA, de Dei Præsentia in omni loco, per sacros Dominici Aduentus dies disserui, eius tibi summam & velut expressum succum libro secundo, capite decimo propino. Et quicquid Anno 1623. coram iisdem Ser. Bauariæ Ducibus, & aulico comitatu de nouemplici ÆTERNITATIS inferre tormento pro suggestu dixi, eius tibi synopsis & epitomen do, eodem libro posteriore, capite vndecimo. Et quamuis hæc scriptio tantæ molis non sit, non tamen properata aut sesquidie elucubrata est. Horatij præceptum est, nouennio premendum, quod luci & publico velis committere. b. Seruavi, & auctarium adieci. Argumentum libelli & ordo, Ut iam ostendi, hic est.

Viginti quatuor omnino capita libris duobus assignantur. Liber primus per capita duodecim exponit, quæ sint cum inuitamenta tum effectus Incontinentiæ. Secundus per toridem capita eidem vitio præbet antidota. Origo & causa, sed & tenor ac clausula scripti NICETAS est, miraculum Continentiæ, & dignum cælo spectaculum. Hæc te scire volui, Lector, & cum lucro legere.

a Madaurenf. de Deo Sacr. fine. b De arte Poet. propius finem.

## LIBER PRIMVS

## CAP. I.

*Sermonis ingressus.*PARTHENIVS ET ÆDESIMVS  
colloquuntur.

**P**ARTHENIVS. In manu mihi erat his diebus Hieronymus, ille linguarum totiusque antiquitatis doctissimus scriptor, & orbis Oraculum, de quo non immeritò ferebatur illud: *Neminem fuisse, quod HIERONYMVS ignoraret.*

ÆDESIMVS. Breuiter simul & copiosè laudas, doctorem laude dignissimum, cuius si vel epistolas solùm euoluas, magnum eruditionis thesaurum inuenies eruendum. PARTH. Has ipsas legi, quibus ille libro tertio miscet res gestas Pauli, primi anachoretæ, ubi mentionem iniicit Ægyptij iuuenis, cuius heroicam virtutem, nulla, putem, vnquam sæcula satis obstupefcent. ÆDES. Hoc ipsum, non ita pridem, & legi, & pænè in saxum steti. quid nos, Partheni, ad Heroas istos? PARTH. ita est; sed quæso te, si quidem plura super hoc libet differere, hanc tu mihi sellam occupa, sedentes cœptum sermonem pertexemus. nam noui te è gente Peripatheticorum non esse, & Dion olim putat, uti arcum & lyram, ita & homines quiete vigere. & Stagyrizæ scitum est, sedendo & quiescendo animum fieri prudentem. ÆDES. Sed num Partheni de Callitate dissertaris quies aded est commendanda? nosti illud de Ægystho adultero: *desidiosus erat.* PARTH. Quietem, mi Ædesime, non otium, non desidiâ suasi. Sed ad rem, & NICETAS nostri palastram propius inspicimus. ÆDES. Sed hac lege, ut tu mihi Theseus sis per omnem hunc explicandi labyrinthum, ego Hieronymum sumo, & ad verbum lego, te auditurus interpretem.

a Aristot. l. 7. phys.

## §. I.

Alium iuuenili ætate florentem, in amœnissimos hortulos præcepit adduci: ibique inter cadentia lilia & rubentes rosas, cum leni murmure aquarum iuxtâ serperet riuus, & molli sibilo arborum, folia ventus præstringeret, super extructum pluinis lectam resupinari iussit: & ne se inde posset excutere, blandis serico nexibus ir-



retitum relinqui. quò cum, recedentibus cunctis, meretrix speciosa venisset, cœpit delicatis colla stringere complexibus, vt corpore in libidinem concitato, se victrix impudica superiaceret. Quid ageret miles Christi, & quò se conferret, nesciebat. Quem tormenta non vicerant, superaret voluptas? Tandem cœlitus inspiratus, præcisam morfu linguam, in-osculantis se faciem expuit: ac sic libidinis sensum, succedens doloris magnitudo superauit. **PARTH.** O factum, superi omnibus retrò sæculis inauditum! omnibus post sæculis obstupescendum! Hoc est pugnare, hoc vincere, hoc triumphare! Eandem ego historiam ex Nicephoro <sup>b</sup> verbis nonnihil alijs conscripsi nuper, exercendo stylo. libetne audire? **ÆDES.** libet quàm maximè: millies hoc mihi narra, nunquam satiabis has aures. **PARTH.** Ergo recitare iubes? **ÆDES.** Et iubeo & volo: recita, recita. **PARTH.** Ergo animum & aures aduerte.

<sup>a</sup> Hieron. in vitâ S. Pauli primi Erem. c. 3. Baron. Anno, 253. Decij Imp. primò.  
<sup>b</sup> lib. 7. c. 13.

## CAP. II.

## ILLUSTRISSIMUM NICETÆ

*facinus, paullo fusius narratum.*

**I**Actat priscum æuum sui Anaxarchi libertatem, qui in vinculis tortus, linguam dentibus præcisam in tyranni os expuit. Ne superbi, mi Anaxarche: Viros ego tecum vel cum Mutio, aut Aquilio, aut Regulo comparem? pueri & mulierculæ nostræ, vobis sæpe non pares tantum, sed superiores longè, & vel in arctissimis vinculis liberiores sunt. Satis id ostendit Ægyptius ille iuuenis, **NICETAS**, cuius plus quàm heroicam libertatem & fortitudinem, nemo satis, non dicam, laudet, sed nec miretur satis. Felicem te, dicebat Rex Macedo de Achille, qui virtutis tuæ præconem nactus es Homerum. idem ego de hoc iuvene veriùs: Felicem te, **NICETA**, qui tuæ virtutis panegyristen nactus es Hieronymum. Et videte mihi obsecro inter quot & quàm infidiosas catenas, libertatem suam sit professus, castissimus hic Achilles noster, cui longè periculosior scena fuit instructa quàm socio. Lectus erat supra omnem Sardanapali plumam & Heliogabali olorinam. culcitram mollis & delicatus; in hunc abiectus iuuenis, non ferreis sed bombycinis vinculis ligabatur. iam actum esse dixisses de retinenda pudicitia inter tot insidias. circum circa Voluptas sua inuitamenta disponebat, quibus pudica mens suæ castitatis propositum vix po-

mit non vendere. Stabant foliorum germine renidentes arbo-  
 res, quæ cum hilari odore, grates diffundebant umbras, & clemen-  
 ti brachiorum motu, dulces susurros obsibilabant. Has inter lo-  
 quax riuulus & omni crystallo nitidior errantibus ludebat aquis, &  
 querulo rore lapillos vexabat, vnde panè musico concentu pul-  
 sabatur: vtrinque flores & copiosa Zephyri familia. Hinc è viri-  
 di prato argentea ridebant lilia, illinc purpurascens rosæ promi-  
 cabant: istinc Narcissorum niuem & ebur, Hyacinthorum san-  
 guis & aurum acuebat: ventulus ab omni parte placidissimus aspi-  
 rabat. Heu! quid facies Christiana libertas? vndique ad volupta-  
 tem inuitaris, in tot florum lasciuia, in tantâ odoris fragrantia; &  
 inuitatrici huic voluptati resistes? & quomodo tot pedicas abrum-  
 pes? En, adrepit etiam petulanti vultu femina, quæ tot in te iacet  
 vincula, quot verba, & vt basiliscus, solis oculis necabit. Heu!  
 miserande iuuenis, quomodo ab hac te viperâ seruabis illæsum?  
 nulli vnquam sua magis captiua fuit libertas quàm tibi: oculos ape-  
 ris? à formâ tibi laqueus est. hos claudis? aures patent, per quas  
 veneni satis instilletur. sed neque manus pugnis, aut pedes calci-  
 bus castitati tuæ succurrere queunt. Ah! amissa videtur integri-  
 tas, & expugnatum tot machinis pudicum pectus. Credibilis vi-  
 detur Romanum parricidam in culeum cum cane, serpente, gal-  
 lo gallinaceo atque simiâ insutum, à vulnere seruari posse inno-  
 xium, quàm te, ô iuuenis miserande, à libidinis peste immunem.  
 quicquid agas, constrictus teneris, nec patet vel spes euadendi vlla.  
 Lasciuus Cupido ab omni parte tibi imminet, atque iam iam, quod  
 in te venenauit telum, emittet. At, at, ante victoriam cecinit trium-  
 phum Venus, reperit Consilium Christianus hic Athletes, in letali  
 hac arenâ. Inuenit sibi viam quâ victrix Castitas hostem suum  
 triumpharet. Nam, dum sic vndique oppressus iuuenis vicinissi-  
 mum periculum contueretur: Quin, ait ipse secum, exurgis læsc  
 pudor, & quibuscunque potes armis, teipsum defendis: sola lin-  
 gua vinculum non sentit. Rectè est: lingua mihi telum erit: malo  
 esse mutus, quàm parum castus. Dixit, & generosissimo vulnere,  
 mediam sibi linguam præmordit, eamque in frontem lupæ quæ  
 fronte caruit, sanguinolentam eiacularus est. O NICETA, ô macte  
 virtutis & animi iuuenis, qui tot ex Orco compedes rupisti, & vir-  
 ginei pudoris libertatem, in tutum asseruisti, fauce pro pharetrâ,  
 linguâ pro sagittâ fortissimè vsus.



## §. I.

**ÆDES.** O cælum, ô terra, & ô maria Neptuni! quid simile in omni historiâ, profanâ & sacrâ; veteri, nouâ; Romanâ, Græcâ reperire est: verè huic iuueni acclamari potuit: **FACTVM BONVM, factum admirandum, præsigne, obstupefendum.** Nihil ad hoc Lacon ille adolescens fecit, qui bello captus, identidem clamabat: *non serui sum*, & vt primum iussus seruili & contumelioso ministerio fungi, illisui parieti caput rupit. Quid Mutij dextera ardenti foculo castigata: sed neque sicam Lucretiæ sanguine stillantem miror: casta illa esse voluit, cum castitatem amisit. **PARTHEN.** Habuit quidem & priscum æuum magna Castitatis exempla: Xenocratem laudo, Scipionem prædico, Alexandrum Macedonem ob hoc veneror, Spurinam & Democlem admiror, solum **NICETAM** obstupefco. Xenocrates, illius fuisse dicitur verecundiæ, vt si quid vel in bestiis impudici videre contingeret, auersis illud & retortis oculis continuò damnaret: Scipio commendatissimæ formæ virginem sponso, vt eam acceperat, intactam restituit, tam sui quàm libidinis victor. Alexander Rex, Darij filias & coniugem, miræ elegantiæ feminas, nec oculis quidem voluit attingere. Spurina proprij vultus elegantiam vulneribus confudit, ne alios ea vreret: Democles in bulliens ahenum insiluit vt stuprum effugeret, vterque Castitatis generosus propugnator, neuter tamen cum **NICETA** nostro conferendus. Et quia Circum hunc ingressi sumus, libetne pedem protollere, & quâ possumus, hoc stadium emetiri? **ÆDES.** Vacamus ambo: nec est quod recusem, præsertim si tu manu ducas. **PARTH.** Sed si errem, veniam dabis. incidi nuper in versiculos, pauculos illos, atque si verba spectes, parum delicatos & teretes, sed sensu opulentos, & nescio an breuius quid legeris, & simul vtilius. triplex illis inscriptio, nec nisi sex vniuersæ sunt: En recito.

### INCONTINENTIÆ ET LIBIDINIS inuitamenta:

*Olia, Mensa, Libri, Gæga Lumina, Verba, Sedales;  
Hæc tolle, hanc minue, hos muta, hæc clande, hæc fuge, Gita hos.*

### INCONTINENTIÆ ET LIBIDINIS effectus:

*Corpus, Opes, Animam, Ingenium, Famam, Virtutes;  
Debilatat, perdit, necat, impedit, inficit, auferit.*

**INCON-**

## INCONTINENTIÆ ET LIBIDINIS

antidota:

*Leſio, Flagra, Preces, Confefſio, Lympha, Labores,**Portarum exubia, Chriſti præſentia, Pæna.*

ÆDES. Memoriz iuuandæ facti ſunt, nec diſplicant: ſed quia tu me hodie manu ducis: incipe Partheni, & explica illa tuorū verſuum ænigmata, ne cui Arabicè locutus videaris. PARTH. Admitte iam paucos hos Epicos: alios poſt ſubdam de NICETA in eo, qui, niſi luxuriæ malum ingens habuiſſet cognitum, non illud adeo fuiſſet deteſtatus, vt cum ſummo dolore balbus eſſe maluerit, quàm eum paratà voluptate impudicus:

## CAP. III.

## PRIMUM INCONTINENTIÆ

*inuitamentum OTIVM.*

Nihil ad vitia ſeu diſcenda, ſeu committenda procliuius, quàm otioſa vita. In ludo Vitij, OTIVM Magiſter eſt & primarius doctor. Et ne mireris: Draconis lege, qui Otij damnati eſſent, capite mulſtabantur. Ad libidinem maximè trahunt:

*Otia, menſa, libri, Saga lumina, Verba, Sodales.*

En, anteſignanum OTIVM. non eſt quòd hîc quidquam controvertamus; omnium vitiorum vſitatum pulvinar eſt Otium, quid ni etiam ſit luxuriæ? Et oraculum eſt, quod olim affirmatè Diogenes edens: Libido, inquit, eſt otioſorum negotium. portentum eſt profectò, homo otioſus & caſtus. atque vt cognata ſunt vitia, *mentiri & furari* illicò enim ego tibi furem oſtendam, ſi tu mihi mendacem; ita prorfus proxima ſibi ſunt *nihil agere, & malè agere*; tempus perdere, & Caſtitem non retinere; *otiaſari, & luxuriari*. Ovidianum illud tritiſſimum noſti:

*Quæritur Egiſſhus quare ſit factus adulter?**In promptu cauſſa eſt, deſidioſus erat,*

A deſidiâ, pleraque libidinum incendia excitantur. Otium fauilla libidinis. Atque utinam parentes & magiſtri hîc attenti vigilant, ſuis vt torporem omnem excutiant: exemplo præit, parens ille apud ſatyricum, a

*at hunc**Poſt finem autumni mediâ de nocte ſupinum**Clamoſus iuuenem pater excitat, accipe ceras.*

a Iuvenal. ſat. 14. verſ. 190.

Scribe



*Scribe puer, sigilla. causas ago, perlege rubricas  
Maiorum leges, aut Entem posce libello.*

Magni Imperatores, cum male parere militem vident, aliquo labore compescunt, & expeditionibus detinent. nunquam vacat lascivire districtis. *a* Reuerâ,

*Ossa si tollas periere Cupidinis arcus,*

*Contemptaq; iacent, & sine luce facit.*

siquidem eodem magistro monente:

*Quam Platanus riuus gaudet, quam Populus undâ,*

*Et quam limosa, canna palustris, humo:*

*Tam Venus ossa amat* ———

Otiosus enim, uti verissimè Romanus sapiens, *b* non sibi vivit, sed quod turpissimum est, ventri, somno, libidini.

*a* Senec. epist. 56. *b* Senec. epist. 55.

### §. I.

Sed grauiore tibi testes adduco. Mellifluus doctor, Bernardus: Sicut, inquit, per rimam sentinæ, aqua latenter intrat & excrescit, donec naus per nautarum incuriam demergatur: ita ex otio atque ignauia cogitationes prauæ, & concupiscentiæ multiplicantur, donec naus cordis eis succumbens, in peccato periclitetur. *a* Otij hostem capitalissimum scias fuisse Bernardum, qui seridè submouens: Omnium, inquit, tentationum & cogitationum malatū coluluus est otium, summa mentis malitia, malorum omnium sentina, mors animæ. *b* Et ut sciretur quàm cauendum esset Otium castitatis studio: Luxuria, inquit, citò decipit homines otio deditos, & grauius vrit si quem otiosum inuenit: industriæ & labori cedit. *c*

Laurentius Iustinianus, vir perinde sanctus ac doctus: sicut aqua, inquit, quæ caret decursu ac iacet in foueis, putrescit: ita & corpus otij tabe confectum concupiscentiarum ac voluptatum carnalium parit ac nutrit insaniam. *d* Id alibi confirmatis: e quemadmodum, inquit, ex temporato labore carnis incendia cohibentur, sic ex otio fouentur & crescunt. In magnatum culinis, pigritia coquorum id compendij reperit, cum ignis segnior est, butyrum affundunt, ut ad flammam irriterent. Idem panè diaboli calliditas facit: cum libidinum ignis in nobis fractior est, tunc & oleo, & pice, & butyro illum reddit viuacissimum: cibus potiusque copiosior est oleum, pix, libri obsceni; molle butyrum, turpe otium: ad hæc fomenta facilis exurgit flamma. Qui castitatem odisse vult, amet otium.

### §. II.

*a* Serm. de S. Andrea. *b* Epist. ad fratres de monte Dei.

*c* Ser. 51. de modo bene viu. *d* lib. de perfect. grad. c. 9. *e* lib. de ligno vitæ c. 5.

## §. II.

Otium & Reges simul, & beatas perdidit vrbes. <sup>a</sup> Otium iners & languidum, solam requiem complectitur, quo nil fædus, nil similius est sepulchro. Otium sine litteris, mors est & viui hominis sepultura. <sup>b</sup> Proximæ sanè agnitionis sunt OTIVM & VITIVM, *Multam enim malitiam docuit Otiositas*, c vt rectè mater nugarum, & omnium virtutum nouerca dicatur. Nullus fructus est Otij, sed dispendium semper maximum: Otium, res vna omnium disciplinæ inimicissima est. Otium non tantum non acquirit noua, sed etiam acquisita consumit: & vix quidquam est, quod viam ad gehennæ fauces æquè facilem planamque reddat atque Otium, quod etiam fortissimum quemque in diuersa vitia suauiter impellit, *Multam malitiam docuit Otiositas*.

Præclare scripsit Portius Cato, necesse est vt sua cuique vitæ ratio constet; id certè nisi operoso & laboris amanti contingere non potest. & sanctioris quidem vitæ ratio processu gaudet & crescit; cessatione torpescit & deficit. Cui verò vitam per dedecus placet exigere, Otium sectetur, & à scopo suo quàm minimè aberrabit. Decliuus & ad omne flagitium compendiosa via est Otium. Vis veram huius monstri descriptiunculam? Pulcherrimum omnium vitiorum breuiarium & epitoma est Otium. Mens otiosa in mille facinorum furias discurret; *Multam malitiam docuit Otiositas*. **ÆDES.** Plerique omnes contra OTIVM diserti sumus, & nunquam ore tragico in illud declamamus: at interim suauius nobis esse credimus, cum vacamus, Otium melius reprehendimus quàm fugimus. Videmus meliora & probamus; deteriora sequimur. **PARTH.** tantò peiores sumus, quantò dulcius nobis est hoc pessimum malum. Verè, *Multam malitiam docuit Otiositas*. Hætenus in otium dixisse, satis sit.

<sup>a</sup> Catull. ad Lesb. <sup>b</sup> Senec. epist. 82. <sup>c</sup> Eccl. c. 33. v. 29.

## CAP. IV.

## SECUNDVM INCONTINENTIAM

*inustamentum*, MENSA LAVTIOR, SATVRITAS, GVLA.

**R**Es in aperto est, & pridem certa: sine Cerere & Libero frigere Venerem. Cum enim totum illud domicilium interioris hominis, escâ stipatum, vino inundatum, decoquendis excrementis inæstuat, quid tam in propinquo superest, quàm ad Lasciuiam sapere?



sapere: tunc enim libidinosus nec tenebras expectat, tunc impudicus morbum publicat: tunc petulans nusquam manum continet: & licet omne vitium detegatur in ebrio, libido tamen plurimum. ita cum corpus fartum est, & cuticula bene curata, ante omnia vitia resurgit libido, quæ annis sæpe integris iacuerat emortua, aut certè sopita languerat, vires resumit, maximè dum adulterijs cælata vas propinant vinum, tanquam per se parum doceat libidinem temulentia, ut necessum proinde sit vinum ex libidine haurire, si lasciuire lubeat. Nec vulgi dictum hinc errat: *post epulas choreæ*, cui & sacra pagina adstipulatur: *Sedit populus manducare, & surrexerunt indere: a* sed lusum non bonum, lusum impium. ideo vigilanter monet gentium Doctor: Nolite inebriari vino, in quo est luxuria. *b* Et nosti, mi Aedefime, quod veteri & vero adagio dicimus: *Nunquam famet adultera genuit.* quod diuinus Ezechiel clarissimè pronuntians: *c* Hæc, inquit, fuit iniquitas Sodomæ: superbia, saturitas panis, & abundantia, & otium ipsius, & filiarum eius.

*a* Exod. c. 32. v. 6. *b* Ephes. c. 5. v. 18. *c* Ezech. c. 16. v. 49.

### §. I.

Ita plerumque post lautiores mensas, post saliares cenas, post epulas copiosiores, ab homine nonnihil diuertimus, & quandoque etiam in pecudes degeneramus: Impinguatus est dilectus & recalcitrauit. incrassatus, impinguatus, dilatatus, dereliquit Deum, factorem suum, & recessit à Deo salutari suo. *a* Ita lex vitiorum certa est, ut saginæ substructa sit lasciuia. ut non mireris apud eos incontinentiam, apud quos reperis offertam mensam. Et quæso te, vel rationem tu tuam interroga, famésne an saturitas Virginitati sit amicior. Tutius, puto, habitat pauperum tabernas Castimonia, quam Regum turres & aulas. Tibias scis tum maximè stridere, cum maximè instantur & plenæ sunt vento: ita prorsus corpus humanum habet: tunc potissimum in lasciuam petulantiam exæstuat, cum plurimum ab epulis vinoque calet. Optinè Gregorius: *b* Ex vno Gulæ vitio, innumera vitiorum agmina, ad conflictum animæ producuntur. Vnum quidem Gulæ vitium est, sed aculei libidinis innumeri sunt, qui præcedentem illum quasi regem sequuntur, qui læta quidem suggerunt, sed ad æterni fletus lamenta perducunt. Hoc totidem verbis Gregorius, qui, silere si velit, loquetur experientia. Quàm multi perdiderunt pudicitiam, quia noluerunt vincere Gulam. Vnde vox illa castissimi Hilarionis: *Paleis te pascam, aselle,*

*a* Deut. c. 32. v. 15. *b* In libris Reg. lib. 5. c. 1.

aselle, non hordeo. Itaque opimiores mensas adeò abhòrret Castitas, ut dum demum victoriam speret, cum corpori, velut iumento, delitiæ omnes negantur.

Verùm ab hac lege, nimium quantum recedit hoc ævum nostrum. Atque iam sæpe animum meum subiit cogitare, an non prisca illa sæcula, sanè non aurea, sed ferrea vel plumbea redierint, de quibus diuinus Lucas: In diebus Noë, ait, edebant & Libebant, vxores ducebant & dabantur ad nuptias usque in diem; quâ intrauit Noë in Arcam, & venit diluuium, & perdidit omnes, *a* Ævum hoc nostrum considera, & fateberis parissimum cum illo veteri Noëmi. Editur, bibitur passim, affluenter & salariter. neque hoc satis (venia sit à tuis auribus mi Ædesime) vomitur & luditur certatim, qualem scilicet lusum luserat, Vdo ille infelicissimus Magdeburgensis antistes. Nuptiarum etiam & chorearum vbique satis est (vrbes ingredere, & mecum senties) vbique Hymenæus & Thalassus personant. Hos mores, credo, perseverabit Orbis, dum veniat non Noëmus, sed Christus, & ab iridis tribunali decretoriam sententiam pronuntiet in omne humanum genus.

*a* Luc. c. 17. v. 27.

## §. II.

Ergo, si Veneream hanc flammam imminutum vis ire, mensas faginam minue, cibum potumque tibi adime. Luxuriam subinde videmur fugere, dum fouemus. Canem tibi molestum vis abigere, & patiem proijcis? Libidinem vis vincere, & ventrem refercis? Hoc est operam ludere, quid castimoniam inter epulas & delicias quæris quam Hieronymus inter prolixas abstinentias & plagas ægrè reperit. Ergo quantum potes, circumscribe corpus tuum, & animo locum laxa. *a* Id agere debemus, ut irritamenta vitiorum quam longissimè profugiamus. Indurandus est animus, & à blandimentis voluptatum procul abstrahendus. *b* Isæus Assyrius, teste Philostrato, interrogatus: ecquas epulas iudicaret suauissimas? ista, respondit, curare desij. Vtinam & nos, Ædesime, has curas corporis desierimus curare; mens rectius haberet. Imperio animi, corporis seruitio utendum, nec plus fidendum huic seruo quam hosti. Hieronymus certè sol ille solitudinis, integrarum hebdomadarum inedia, maligniorem in se flammam compressit; oculos cælo inhaerentes, & quasi caueâ suâ egressos, lacrimarum pluuie sequebantur. En tibi, & aquâ pugnavit in hunc ignem, & alimentum sub-

X

tractione



# BENEVOLO LECTORI.

**F**ACTUM mi Lector, ab omni seculo inaudium, omnibus post seculis ob-  
pescendum fero. NICTAS, Aegyptius iuuenis, sui & libidinis victor, singu-  
laris, admirabilis, stratagemate vicit in omne ævum admirando. Putem ego  
in omni re Christianâ nil reperiri simile. Possumus sanè, quod ille de Vlyssè, de  
hoc iuvene longè votis affirmare: Scyllam præternavigavit, nec abreptus est;  
Charybri conspectus est, nec consēptus est; Circes poculum bibit, nec mutatus  
est; ad Lotophagos accessit, nec remansit; Sirenes audiuit, nec accessit. a Ad-  
dam ego: victus est, ligatus est, annis omnibus spoliatus est, nec vinci potuit.  
Imò Sirenem fallacissimam & audiit & accessit, seu, accedere coactus est, & tamen  
submersus non est. Linguâ pugnavit, linguâ vicit, quâ panè omnes vincimur; nec  
vicit concitando linguam in eloquium, sed mutilando in tormentum. Vis nosse,  
Lector, generosissimi stratagematis incomparabile consilium? hunc libellum lege:  
sed quæso te quietus lege, & animo proficiendi. Mores hic componimus, non  
verba, & animis hæc scripta sunt, non auribus. Scriptionis huius finis est, quem  
& tuum esse cupimus, illud extremum malorum, capitalissimam pestem, vitiorum  
omnium largissimam scaturiginem INCONTINENTIAM expugnare. Incon-  
tinentia omnium vitiorum fecunda mater, in omnes scelerum formas se diffun-  
dit. Qui castitatis hostis est, omnium propè vitiorum amicus est: nec vllus un-  
quam pudicitia bellum indixit, qui non prius fœdera iunxisset cum non simplici  
nequitia. Cui mens est vitia per compendium discere, in Lasciivæ disciplinam se  
tradat, & brevi se magistrum ex discipulo mirabitur. Nemo sanctè vixerit, qui non  
& castè.

Et ne te fallas, ô mi optime Lector, non solis iuuenibus, non virginibus solis,  
nec tantam Parthenijs sodalibus hæc scripta sunt. Ad omnem statum, ordinem,  
sexum, ætatem attinet hæc scriptio, & multam quidem. Suam & viduæ, suam con-  
iuges, suam sponsi & sponse castimoniam colant necesse est. Coniugij leges male  
servabit qui ignoravit Castitatis, imò ausum dicere, Castitatis leges exactè scien-  
das illi, qui servare voluerit coniugij. Nulli hominum ordini, ætati nulli Pudici-  
tiæ septa transilire fas est. Et quomodo ei bene conveniat cum Virtute, cui qui-  
dem sis sit cum Virtute, cui quidem sis sit cum Verecundiâ, Virtutis sede? Ita hæc  
quæ de vitandâ Incontinentiâ dicuntur, nemini non necessaria scitu sunt.

Addo: plurima hoc libello doceri quæ ad omnigenæ Virtutis cultum faciant.  
Et ut scias, mi Lector, quod hic sacre institutionis summarium tibi proponam:  
Quicquid Anno 1621. coram Ser. Electore MAXIMILIANO, & Ser. coniuge  
• ELISABETHA, de Dei Præsentiâ in omni loco, per sacros Dominici Aduentus  
dies disserui, eius tibi summam & velut expressum succum libro secundo, capite  
decimo propino. Et quicquid Anno 1623. coram iisdem Ser. Bavariæ Ducibus, &  
aulico consatu de nouemplici ÆTERNITATIS inferre tormento pro suggestu  
dixi, eius tibi synopsis & epitomen do, eodem libro posteriore, capite vndecimo.  
Et quamvis hæc scriptio tantæ molis non sit, non tamen properata aut selsquidie  
elucubrata est. Horatii præceptum est, novennio premendum, quod luci & publi-  
co velis committere. b Servaui, & auctarium adieci. Argumentum libelli & or-  
do, Ut iam ostendi, hic est.

Viginti quatuor omnino capita libris duobus assignantur. Liber primus per  
capita duodecim exponit, quæ sint cum inuitamenta tum effectus Incontinentiæ.  
Secundus per toridem capita eidem vitio præbet antidota. Origo & causâ, sed &  
tenor ac clausula scripti NICTAS est, miraculum Continentiæ, & dignum ex-  
lo spectaculum. Hæc te scire volui, Lector, & cum sacro legere.

a Madaurens. de Deo Sacr. fine. b De arte Poet. propius finem.

## LIBER PRIMVS

## CAP. I.

*Sermonis ingressus.*

## PARTHENIVS ET ÆDESIMVS

colloquuntur.

**P**ARTHENIVS. In manu mihi erat his diebus Hieronymus, ille linguarum totiusque antiquitatis doctissimus scriptor, & orbis Oraculum, de quo non immerito ferebatur illud: *Neminem scisse, quod HIERONYMVS ignoraret.* ÆDESIMVS. Breuiter simul & copiosè laudas, doctorem laude dignissimum, cuius si vel epistolas solùm euoluas, magnum eruditionis thesaurum inuenies eruendum. PARTH. Has ipsas legi, quibus ille libro tertio miscet res gestas Pauli, primi anachoretæ, ubi mentionem iniicit Ægyptij iuuenis, cuius heroicam virtutem, nulla, putem, vnaquam sæcula satis obstupescunt. ÆDES. Hoc ipsum, non ita pridem, & legi, & pænè in saxum steti. quid nos, Partheni, ad Heroas istos? PARTH. ita est: sed quæso te, si quidem plura super hoc libet differere, hanc tu mihi sellam occupa, sedentes cœptum sermonem pertexemus. nam noui te è gente Peripatheticorum non esse, & Dion olim putat, vt arcum & lyram, ita & homines quiete vigere. & Stagyrizæ scitum est, sedendo & quiescendo animum fieri prudentem. ÆDES. Sed num Partheni de Castitate dissertaris quies adeò est commendanda? nosti illud de Ægystho adultero: *desidiosus erat.* PARTH. Quietem, mi Ædesime, non oriù, non desidiàm suasi. Sed ad rem, & NICETAR nostri palæstram propius inspiciamus. ÆDES. Sed hac lege, vt tu mihi Theseus sis per omnem hunc explicandi labyrinthum. ego Hieronymum summo, & ad verbum lego, te auditurus interpretem.

a Aristot. l. 7. phys.

## §. I.

Alum iuuenili ætate florentem, in amoenissimos hortulos præcepit adduci: ibique inter cadentia lilia & rubentes rosas, cum leni murmure aquarum iuxta serperet riuus, & molli sibilo arborum, folia ventus præstringeret, super extructum plumis lectam resupinari iussit: &, ne se inde posset excutere, blandis serico nexibus ir-



retinere relinquit, quò cum, recedentibus cunctis, meretrix speciosa venisset, cœpit delicatis colla stringere complexibus, ut corpore in libidinem concitato, se victrix impudica superiaceret. Quid ageret miles Christi, & quò se conferret, nesciebat. Quem tormenta non vicerant, superaret voluptas? Tandem cœlitus inspiratus, præcisam morfu linguam, in osculantis se faciem expuit: ac sic libidinis sensum, succedens doloris magnitudo superavit. **PARTH.** O factum, superi omnibus retrò sæculis inauditum! omnibus post sæculis obstupescendum! Hoc est pugnare, hoc vincere, hoc triumphare! Eandem ego historiam ex Nicephoro <sup>b</sup> verbis nonnihil alijs conscripsi nuper, exercendo stylo. libetne audire? **ÆDES.** libet quàm maximè: millies hoc mihi narra, nunquam satiabis has aures. **PARTH.** Ergo recitare iubes? **ÆDES.** Et iubeo & volo: recita, recita. **PARTH.** Ergo animum & aures aduerte.

<sup>a</sup> Hieron. in vitâ S. Pauli primi Erem. c. 3. Baron. Anno, 253. Decij Imp. primò.  
<sup>b</sup> lib. 7. c. 13.

## CAP. II.

*ILLVSTRISSIMUM NICETÆ  
 facinus, paullo fufius narratum.*

**I**Actat priscum ævum sui Anaxarchi libertatem, qui in vinculis tortus, linguam dentibus præcisam in tyranni os expuit. Ne superbi, mi Anaxarche: Viros ego tecum vel cum Mutio, aut Aquilio, aut Regulo comparem? pueri & muliereule nostræ, vobis sæpe non pares tantum, sed superiores longè, & vel in artissimis vinculis liberiores sunt. Satis id ostendit Ægyptius ille iuuenis, **NICETAS**, cuius plus quàm heroicam libertatem & fortitudinem, nemo satis, non dicam, laudet, sed nec miretur satis. Felicem te, dicebat Rex Macedo de Achille, qui virtutis tuæ præconem nactus es Homerum. idem ego de hoc iuvene veriùs: Felicem te, **NICETA**, qui tuæ virtutis panegyristen nactus es Hieronymum. Et videte mihi obsecro inter quot & quàm infidiosas catenas, libertatem suam sit professus, castissimus hic Achilles noster, cui longè periculosior scena fuit instructa quàm socio. Lectus erat supra omnem Sardanapali plumam & Heliogabali olorinam, culcitram mollis & delicatus; in hunc abiectus iuuenis, non ferreis sed bombycinis vinculis ligabatur. iam actum esse dixisses de retinenda pudicitia inter tot insidias. circum circa Voluptas sua inuitamenta disponebat, quibus pudica mens suæ castitatis propositum vix po-

tuit

nit non vendere. Stabant foliorum germinine renidentes arbo-  
 res, quæ cum hilari odore, grates diffundebant umbras, & clemen-  
 ti brachiorum motu, dulces susurros obsibilabant. Has inter lo-  
 quax riuulus & omni crystallo nitidior errantibus ludebat aquis, &  
 querulo rore lapillos vexabat, vnde panem musico concentu pul-  
 sabatur, vtrinque flores & copiosa Zephyri familia. Hinc è viri-  
 di prato argentea ridebant lilia, illinc purpurascentes rosæ promi-  
 cabant; illinc Narcissorum nivem & ebur, Hyacinthorum san-  
 guis & aurum acuebat; ventulus ab omni parte placidissimus aspi-  
 rabat. Heu! quid facies Christiana libertas? vndique ad volupta-  
 tem inuitaris, in tot florum lasciuia, in tantâ odoris fragrantia; &  
 inuitatrici huic voluptati resistes? & quomodo tot pedicas abrum-  
 pes? En, adrepit etiam petulanti vultu femina, quæ tot in te iaciet  
 vincula, quot verba, & ut basiliscus, solis oculis necabit. Heu!  
 miserande iuuenis, quomodo ab hac te viperâ seruabis illæsum?  
 nulli vnquam sua magis captiua fuit libertas quàm tibi. oculos ape-  
 ris? à formâ tibi laqueus est. hos claudis? aures patent, per quas  
 veneni satis instilletur. sed neque manus pugnâ, aut pedes calci-  
 bus castitati tuæ succurrere queunt. Ah! amissa videtur integri-  
 tas, & expugnatum tot machinis pudicum pectus. Credibilis vi-  
 detur Romanum patricidam in culeum cum cane, serpente, gal-  
 lo gallinaceo atque simiâ insutum, à vulnere seruari posse inno-  
 xium, quàm te, ô iuuenis miserande, à libidinis peste immunem.  
 quicquid agas, constrictus teneris, nec patet vel spes euadendi vlla.  
 Lasciuus Cupido ab omni parte tibi imminet, atque iam iam, quod  
 in te venenauit telum, emittet. At, at, ante victoriam cecinit trium-  
 phum Venus, reperit Consilium Christianus hic Athletes, in letali  
 hac arenâ. Inuenit sibi viam quâ victrix Castitas hostem suum  
 triumpharet. Nam, dum sic vndique oppressus iuuenis vicinissi-  
 mum periculum contueretur: Quin, ait ipse secum, exurgis læse  
 pudor, & quibuscunque potes armis, te ipsum defendis? sola lin-  
 gua vinculum non sentit. Rectè est: lingua mihi telum erit: malo  
 esse mutus, quàm parum castus. Dixit, & generosissimo vulnere,  
 mediam sibi linguam præmordit, eamque in frontem lupæ quæ  
 fronte caruit, sanguinolentam eiaculatus est. O NICETA, ô inacte  
 virtutis & animi iuuenis, qui tot ex Orco compedes rupisti, & vir-  
 ginei pudoris libertatem, in tutum asseruisti, fauce pro pharetrâ,  
 linguâ pro sagittâ fortissimè vsus.



**ÆDES.** O cælum, ô terra, & ô maria Neptuni! quid simile in omni historiâ, profanâ & sacrâ; veteri, nouâ; Romanâ, Græcâ reperire est: verè huic iuueni acclamari potuit: **FACTVM BONVM, factum admirandum, præsigne, obstupefendum.** Nihil ad hoc Lacon ille adolescens fecit, qui bello captus, identidem clamabat: *non seruis am.* & vt primum iussus seruili & contumelioso ministerio fungi, illisum parieti caput rupit. Quid Mutij dextera ardenti foculo castigata? sed neque sicam Lucretiæ sanguine stillantem miror: casta illa esse voluit, cum castitatem amisit. **PARTHEN.** Habuit quidem & priscum æuum magna Castitatis exempla: Xenocratem laudo, Scipionem prædico, Alexandrum Macedonem ob hoc veneror, Spurinam & Democlem admiror, solum **NICETAM** obstupefco. Xenocrates, illius fuisse dicitur verecundiæ, vt si quid vel in bestiis impudici videre contingeret, auersis illud & retortis oculis continuò damnaret: Scipio commendatissimæ formæ virginem sponso, vti eam acceperat, intactam restituit, tam sui quàm libidinis victor. Alexander Rex, Darij filias & coniugem, miræ elegantiæ feminas, nec oculis quidem voluit attingere. Spurina proprij vultus elegantiam vulneribus confudit, ne alios ea vreret: Democles in bulliens ahenum insiluit vt stuprum effugeret, vterque Castitatis generosus propugnator, neuter tamen cum **NICETA** nostro conferendus. Et quia Circum hunc ingressi sumus, libetne pedem protollere, & quâ possumus, hoc stadium emetiri? **ÆDES.** Vacamus ambo: nec est quod recusem, præsertim si tu manu ducas. **PARTH.** Sed si errem, veniam dabis. incidi nuper in versiculos, pauculos illos, atque si verba spectes, parum delicatos & teretes, sed sensu opulentos, & nescio an breuius quid legeris, & simul vtilius. triplex illis inscriptio, nec nisi sex vniuersæ sunt: En recito.

## INCONTINENTIÆ ET LIBIDINIS inuitamenta:

*Otia, Mensa, Libri, Saga Lumina, Verba, Sodales;  
Hac tollo, hanc minue, hos muta, hac claudes, hac fuge, Gita heri.*

## INCONTINENTIÆ ET LIBIDINIS effectus:

*Corpus, Opes, Animam, Ingenium, Famam, Virtutes;  
Debilisat, perdit, necat, impedit, inficit, aufert.*

**INCON-**

## INCONTINENTIÆ ET LIBIDINIS

antidota:

*Lectio, Flagra, Preces, Confessio, Lympha, Labores,  
Portarum excubia, Christi presentia, Pana.*

ÆDES. Memoriz iuandæ facti sunt, nec displicent: sed quia tu me hodie manu ducis: incipe Partheni, & explica illa tuorū ver-  
suum ænigmata, ne cui Arabicè locutus videaris. PARTH. Admit-  
te iam paucos hos Epicos: alios post subdam de NICETA meo,  
qui, nisi luxuriæ malum ingens habuisset cognitum, non illud adeo  
fuiſſet detestatus, ut cum summo, dolore balbus esse maluerit, quàm  
eum paratà voluptate impudicus:

## CAP. III.

## PRIMUM INCONTINENTIÆ

inuitamentum OTIVM.

Nihil ad vitia seu discenda, seu committenda proclivius, quàm  
otiosa vita. In ludo Vitij, OTIVM Magister est & primarius  
doctor. Et ne mireris: Draconis lege, qui Otij damnati essent, ca-  
pite mulctabantur. Ad libidinem maximè trahunt:

*Oña, mensa, libri, Saga lumina, Verba, Sodales.*

En, antesignanum OTIVM. non est quòd hîc quidquam contro-  
vertamus: omnium vitiorum vſitatum pulvinar est Otium, quid  
ni etiam sit luxuriæ? Et oraculum est, quod olim affirmatè Dioge-  
nes edens: Libido, inquit, est otiosorum negotium. portentum est  
profectò, homo otiosus & castus. atque uti cognata sunt vitia, *men-  
sari & furari* illicò enim ego tibi furem ostendam, si tu mihi menda-  
cem; ita prorsus proxima sibi sunt *nihil agere, & malè agere*; tempus  
perdere, & Castitatem non retinere; *otiosi, & luxuriari*. Ovidianum  
illud tritissimum nosti:

*Quæritur Egestas quare sit factus adulter?*

*In promptu causa est, desidiosus erat,*

A desidià, pleraque libidinum incendia excitantur. Otium favilla  
libidinis. Atque utinam parentes & magistri hîc attenti vigilant,  
suis ut torporem omnem excutiant: exemplo præit, parens ille  
apud satyricum, &

*at nunc*

*Post finem autumnus mediâ de nocte supinum*

*Clamorque juvenem pater excitat, accipe ceras.*

a Juvenal. sat. 14. vers. 190.

Scribe



*Scribe puer, sigila. causas ago, perlege rubras  
Maidrum leges, aut Euciem posce libello.*

Magni Imperatores, cum malè parère inilitem vident, aliquo labore compescunt, & expeditionibus detinent. nunquam vacat lasciuire districtis. <sup>a</sup> Reuerà,

*Otia si tollas periere Cupidinis arcus,  
Contemptaq; iacent, & sine luce faciet.*

liquidem eodem magistro monente:

*Quàm Platanus riuu gaudet, quàm Populus Gndâ,  
Et quàm limosa, canna palustris, humo:*

*Tam Venus otia amat* ———

Otiosus enim, vt verissimè Romanus sapiens, <sup>b</sup> non sibi viuît, sed quod turpissimum est, ventri, somno, libidini.

<sup>a</sup> Senec. epist. 56. <sup>b</sup> Senec. epist. 55.

### §. I.

Sed grauiores tibi testes adduco. Mellissimus doctor, Bernardus: Sicut, inquit, per rimam sentinæ, aqua latenter intrat & excrescit, donec nauis per nautarum incuriam demergatur: ita ex otio atque ignauia cogitationes prauæ, & concupiscentiæ multiplicantur, donec nauis cordis eis succumbens, in peccato periclitetur. <sup>a</sup> Otij hostem capitalissimum scias fuisse Bernardum, qui seriò submouens: Omnium, inquit, tentationum & cogitationum malarum coluuius est otium, summa mentis malitia, malorum omnium sentina, mors animæ. <sup>b</sup> Et vt sciretur quàm cauendum esset Otium castitatis studio: Luxuria, inquit, citò decipit homines otio deditos, & grauius vrit si quem otiosum inuenit: industriæ & labori cedit. <sup>c</sup>

Laurentius Iustinianus, vir perinde sanctus ac doctus: sicut aqua, inquit, quæ caret decursu ac iacet in foueis, putrescit: ita & corpus otij tabe confectum concupiscentiarum ac voluptatum carnalium parit ac nutrit insaniam. <sup>d</sup> Id alibi confirmans: e quemadmodum, inquit, ex temporato labore carnis incendia cohibentur, sic ex otio fouentur & crescunt. In magnatum culinis, pigritia coquorum id compendij reperit, cum ignis segnior est, butyrum affundunt, vt ad flammam irriterent. Idem pænè diaboli calliditas facit: cum libidinum ignis in nobis fractior est, tunc & oleo, & pice, & butyro illum reddit viuacissimum: cibus potusque copiosior est oleum, pix, libri obsceni; molle butyrum, turpe otium: ad hæc fomenta facilis exurgit flamma. Qui castitatem odisse vult, amet otium.

### §. II.

<sup>a</sup> Serm. de S. Andrea. <sup>b</sup> Epist. ad fratres de monte Dei.

<sup>c</sup> Sen. 51. de modo bene viu. <sup>d</sup> lib. de perfect. grad. c. 9. <sup>e</sup> lib. de ligno vitæ 4. 5.

## §. II.

Otium & Reges simul, & beatas perdidit vrbes. <sup>a</sup> Otium iners & languidum, solam requiem complectitur, quo nil fœdus, nil similis est sepulchro. Otium sine litteris, mors est & viui hominis sepultura. <sup>b</sup> Proximæ sanè agnitionis sunt OTIVM & VITIVM, *Multam enim malitiam docuit Otiositas, c* vt rectè mater nugarum, & omnium virtutum nouerca dicatur. Nullus fructus est Otij, sed dispendium semper maximum: Otium, res vna omnium disciplinæ inimicissima est. Otium non tantùm non acquirit noua, sed etiam acquisita consumit: & vix quidquam est, quod viam ad gehennæ fauces æquè facilem planamque reddat atque Otium, quod etiam fortissimum quemque in diuersa vitia suauiter impellit, *Multam malitiam docuit Otiositas.*

Præclare scripsit Portius Cato, necesse est vt sua cuique vitæ ratio constet; id certè nisi operoso & laboris amanti contingere non potest & sanctioris quidem vitæ ratio processu gaudet & crescit; cessatione torpescit & deficit. Cui verò vitam per dedecus placet exigere, Otium sectetur, & à scopo suo quàm minimè aberrabit. Decliuus & ad omne flagitium compendiosa via est Otium. Vis veram huius monstri descriptiunculam? Pulcherrimum omnium vitiorum breuiarium & epitoma est Otium. Mens otiosa in mille facinorum furias discurret; *Multam malitiam docuit Otiositas.* **ÆDES.** Plerique omnes contra OTIVM disertum sumus, & nonnunquam ore tragico in illud declamamus: at interim suauius nobis esse credimus, cùm vacamus, Otium melius reprehendimus quàm fugimus. Videmus meliora & probamus; deteriora sequimur. **PARTH.** tantò peiores sumus, quantò dulcius nobis est hoc pessimum malum. Verè, *Multam malitiam docuit Otiositas.* Hactenus in otium dixisse, satis sit.

<sup>a</sup> Catull. ad Lesb. <sup>b</sup> Senec. epist. 82. <sup>c</sup> Eccl. c. 33, v. 29.

## CAP. IV.

## SECUNDVM INCONTINENTIAM

inustamentum, MENSA LAVTIOR, SA-

TVRITAS, GVLA.

**R**Es in aperto est, & pridem certa: sine Cerere & Libero frigere Venerem. Cùm enim totum illud domicilium interioris hominis, escâ stipatum, vino inundatum, decoquendis excrementis inæstuat, quid tam in propinquo superest, quàm ad Lasciuiam sapere?



sapere : tunc enim libidinosus nec tenebras expectat, tunc impudicus morbum publicat; tunc petulans nusquam manum continet : & licet omne vitium detegatur in ebrio, libido tamen plurimum. ita cum corpus fartum est, & cuticula bene curata, ante omnia vitia resurgit libido, quæ annis sæpe integris iacuerat emortua, aut certe sopita languerat, vires resumit, maximè dum adulterijs cæolata vasa propinant vinum, tanquam per se parum doceat libidinem temulentia, ut necessum proinde sit vinum ex libidine haurire, si lasciuire lubeat. Nec vulgi dictum hîc errat : *post epulas chorea*. cui & sacra pagina adstipulatur : *sedit populus manducare, & surrexerunt ludere : a* sed lusum non bonum, lusum impium. ideò vigilanter monet gentium Doctor : Nolite inebriari vino, in quo est luxuria. *b* Et nosti mi Aedefine, quod veteri & vero adagio dicimus : *Nunquam famet adulteris agnus*. quod diuinus Ezechiel clarissimè pronuntians : *c* Hæc, inquit, fuit iniquitas Sodomæ : superbia, saturitas panis, & abundantia, & otium ipsius, & filiarum eius.

*a* Exod. c. 32. v. 6. *b* Ephes. c. 5. v. 18. *c* Ezech. c. 16. v. 49.

### §. I.

Ita plerumque post lautio rem mensam, post salsiorem cenam, post epulas copiosiores, ab homine nonnihil diuertimus, & quandoque etiam in pecudes degeneramus : Impinguatus est dilectus & recalcitrauit. incrassatus, impinguatus, dilatatus, dereliquit Deum, factorem suum, & recessit à Deo salutari suo. *a* Ita lex vitiorum certa est, ut saginæ substructa sit lasciuia. ut non mireris apud eos incontinentiam, apud quos reperis offertam mensam. Et quæso te, vel rationem tu tuam interroga, famésne an saturitas Virginitati sit amicior. Tutius, puto, habitat pauperum tabernas Castimonia, quam Regum turres & aulas. Tibias scis tum maximè stridere, cum maximè instantur & plenæ sunt vento : ita prorsus corpus humanum habet; tunc potissimum in lasciuam petulantiam exæstuat, cum plurimum ab epulis vinoque calet. Optimè Gregorius : *b* Ex vno Gulæ vitio, innumera vitiorum agmina, ad conflictum animæ producuntur. Vnum quidem Gulæ vitium est, sed aculei libidinis innumeri sunt, qui præcedentem illum quasi regem sequuntur, qui læta quidem suggerunt, sed ad æterni fletus lamenta perducunt. Hoc totidem verbis Gregorius, qui, silere si velit, loquetur experientia. Quam multi perdiderunt pudicitiam, quia noluerunt vincere Gulam. Vnde vox illa castissimi Hilarionis : Paleis te pascam, aselle,

*a* Deut. c. 32. v. 15. *b* In libris Reg. lib. 5. c. 1.

aselle, non hordeo. Itaque opimiores mensas adeo abhorret Castitas, ut dum demum victoriam speret, cum corpori, velut iumento, delitiæ omnes negantur.

Verum ab hac lege, nimium quantum recedit hoc ævum nostrum. Atque iam sæpe animum meum subiit cogitare, an non prisca illa sæcula, sanè non aurea, sed ferrea vel plumbea redierint, de quibus diuinus Lucas: In diebus Noë, ait, edebant & bibebant, vxores ducebant & dabantur ad nuptias usque in diem; quâ intrauit Noë in Arcam, & venit diluuium, & perdidit omnes, *a* Ævum hoc nostrum considera, & fateberis parissimum cum illo veteri Noëmi. Editur, bibitur passim, affluenter & saliariter. neque hoc satis (venia sit à tuis auribus mi *Ædesime*) vomitur & luditur certatim, qualem scilicet lusum luserat, Vdo ille infelicissimus Magdeburgensis antistes. Nuptiarum etiam & chorearum ubique satis est (vrbes ingredi, & mecum senties) ubique Hymenæus & Thalassus personant. Hos mores, credo, perseverabit Orbis, dum veniat non Noëmus, sed Christus, & ab iridis tribunali decretoriam sententiam pronuntiet in omne humanum genus.

*a* Luc. c. 17. v. 27.

## §. II.

Ergo, si Veneream hanc flammam imminutum vis ire, mensæ saginam minue, cibum potumque tibi adime. Luxuriam subinde videmur fugere, dum fouemus. Canem tibi molestum vis abigere, & panem proijcis? Libidinem vis vincere, & ventrem refectis? Hoc est operam ludere. quid castimoniam inter epulas & delitias quæris quam Hieronymus inter prolixas abstinentias & plagas ægrè reperit. Ergo quantum potes, circumscribe corpus tuum, & animo locum laxa. *a* Id agere debemus, ut irritamenta vitiorum quàm longissimè profugiamus. Indurandus est animus, & à blandimentis voluptatum procul abstrahendus. *b* Isæus Assyrius, teste Philostrato, interrogatus: ecquas epulas iudicaret suauissimas? ista, respondit, curare desij. Vtinam & nos, *Ædesime*, has curas corporis desierimus curare; mens rectius haberet. Imperio animi, corporis seruitio utendum, nec plus fidendum huic seruo quàm hosti. Hieronymus certè sol ille solitudinis, integrarum hebdomadum inedia, maligniorem in se flammam compressit; oculos cælo inhaerentes, & quasi caueâ suâ egressos, lacrimarum pluviæ sequebantur. En tibi, & aquâ pugnavit in hunc ignem, & alimenti subtractione

X

*a* Sen. epist. 15. *b* Sen. epist. 51.



# BENEVOLO LECTORI.

**F**ACI VULTI mi Lector, ab omni seculo inauditum, omnibus post seculis ob-  
pescendum fero. NICETAS, Aegyptius iuuenis, sui & libidinis victor, singu-  
laris, admirabilis, stratagemate vicit in omne tuum admirando. Putem ego  
in omni re Christiana nil reperiri simile. Possumus sanè, quod ille de Ulyssè, de  
hoc iuvene longe vetusta affirmate: Scyllam prater nauigauit, nec abreptus est;  
Charybdi conspectus est, nec consepitus est; Circes poculum bibit, nec mutatus  
est; ad Lotophagos accessit, nec remansit; Sirenes audiuit, nec accessit. a Ad-  
dam ego: victus est, ligatus est, armis omnibus spoliatus est, nec vinci potuit.  
Imò Sirenem fallacissimam & audiit & accessit, seu, accedere coactus est, & tamen  
submersus non est. Lingua pugnauit, lingua vicit, quâ panem omnes vincimur; nec  
vicit concitando linguam in eloquium, sed mutilando in tormentum. Vis nosse,  
Lector, generosissimi stratagematis incomparabile consilium? hunc libellum lege:  
sed quæso te quietus lege, & animo proficiendi. Mores hic componimus, non  
verba, & animis hæc scripta sunt, non auribus. Scriptionis huius finis est, quem  
& tuum esse cupimus, illud extremum malorum, capitalissimam pestem, vitiorum  
omnium largissimam scaturiginem INCONTINENTIAM expugnare. Incon-  
tinentia omnium vitiorum fecunda mater, in omnes scelerum formas se diffun-  
dit. Qui castitatis hostis est, omnium propè vitiorum amicus est: nec vllus vn-  
quam pudicitia bellum indixit, qui non prius fœdera iunxisset cum non simplici  
nequitia. Cui mens est vitia per compendium discere, in Lasciuia disciplinam se-  
tradat, & breui se magistrum ex discipulo mirabitur. Nemo sanctè vixerit, qui non  
& castè.

Et ne te fallas, ô mi optime Lector, non solis iuuenibus, non virginibus solis,  
nec tantum Parthenijs sodalibus hæc scripta sunt. Ad omnem statum, ordinem,  
sexum, ætatem atinet hæc scriptio, & multum quidem. Suam & viduæ, suam con-  
iuges, suam sponsi, & sponsæ castimoniam colant necesse est. Coniugij leges malè  
seruabit qui ignorat Castitatis, imò ausim dicere, Castitatis leges exactè scien-  
das illi, qui seruare voluerit coniugij. Nulli hominum ordini, ætati nulli Pudici-  
tia septa transilire fas est. Et quomodo ei bene conueniat cum Virtute, cui qui-  
dem sis sit cum Virtute, cui quidem sis sit cum Verecundiâ, Virtutis sede? Ira hæc  
quæ de vitandâ Incontinentiâ dicuntur, nemini non necessaria scitu sunt.

Addo: plurima hoc libello doceri quæ ad omnigenæ Virtutis cultum faciant.  
Et ve scias, mi Lector, quod hic sacræ institutionis summarium tibi proponam:  
Quicquid Anno 1621. coram Ser. Electore MAXIMILIANO, & Ser. coniuge  
ELISABETHA, de Dei Præsentia in omni loco, per sacros Dominici Aduentus  
dies disserui, eius tibi summam & velut expressum succum libro secundo, capite  
decimo propino. Et quicquid Anno 1623. coram iisdem Ser. Bauariæ Ducibus, &  
aulico comitatu de nouemplici ÆTERNITATIS inferæ tormento pro suggestu  
dixi, eius tibi synopsis & epitomen do, eodem libro posteriore, capite vndecimo.  
Et quamuis hæc scriptio tantæ molis non sit, non tamen properata aut sesquidie  
elucubrata est. Horatij præceptum est, nouennio premendum, quod luci & publi-  
co velis committere. b. Seruauit, & auctarium adieci. Argumentum libelli & or-  
do, Vt iam ostendi, hic est.

Viginti quatuor omnino capita libris duobus assignantur. Liber primus per  
capita duodecim exponit, quæ sint cum inuitamenta tum effectus Incontinentiæ.  
Secundus per toridem capita eidem vitio præbet antidota. Origo & causâ, sed &  
renor ac clausula scripti NICETAS est, miraculum Continentiæ, & dignum ca-  
lo spectaculum. Hæc te scire volui, Lector, & cum lucro legere.

a Atadurenf. de Deo Satir. fine. b De arte Poet. propius finem.

## LIBER PRIMVS

## CAP. I.

*Sermonis ingressus.*PARTHENIVS ET ÆDESIMVS  
colloquuntur.

**P**ARTHENIVS. In manu mihi erat his diebus Hieronymus, ille linguarum totiusque antiquitatis doctissimus scriptor, & orbis Oraculum, de quo non immeritò ferebatur illud: *Neminem scisse, quod HIERONYMVS ignoraret.*

ÆDESIMVS. Breuiter simul & copiosè laudas, doctorem laude dignissimum, cuius si vel epistolas solùm euoluas, magnum eruditionis thesaurum inuenies eruendum. PARTH. Has ipsas legi, quibus ille libro tertio miscet res gestas Pauli, primi anachoretæ, ubi mentionem iniicit Ægyptij iuuenis, cuius heroicam virtutem, nulla, putem, vtrquam sæcula satis obstupefcent. ÆDES. Hoc ipsum, non ita pridem, & legi, & pænè in saxum steti. quid nos, Partheni, ad Heroas istos? PARTH. ita est; sed quæso te, si quidem plura super hoc libet differere, hanc tu mihi sellam occupa, sedentes ceptum sermonem pertexemus. nam noui te è gente Peripatheticorum non esse, & Dion olim putat, vti arcum & lyram, ita & homines quiete vigere. & Stagyrity scitum est, sedendo & quiescendo animum fieri prudentem. ÆDES. Sed num Partheni de Castitate differtaris quies adeò est commendanda? nosti illud de Ægystho adultero: *desidiosus erat.* PARTH. Quietem, mi Ædesime, non otium, non desidiâ suasi. Sed ad rem, & NICETAR nostri palæstram propius inspiciamus. ÆDES. Sed hac lege, vt tu mihi Theseus sis per omnem hunc explicandi labyrinthum. ego Hieronymum sumo, & ad verbum lego, te auditorus interpretem.

a Aristot. l. 7. phys.

## §. I.

Alium iuuenili ætate florentem, in amoenissimos hortulos præcepit adduci: ibique inter cadentia lilia & rubentes rosas, cum leni murmure aquarum iuxta serperet riuus, & molli sibilo arborum, folia ventus præstringeret, super extructum plumis lectum resupinari iussit: &, ne se inde posset excutere, blandis serico nexibus ir-



retitum relinqui. quò cum, recedentibus cunctis, meretrix speciosa venisset, cœpit delicatis colla stringere complexibus, vt corpore in libidinem concitato, se victrix impudica superiaceret. Quid ageret miles Christi, & quò se conferret, nesciebat. Quem tormenta non vicerant, superaret voluptas? Tandem cœlitus inspiratus, præcisam morsu linguam, in osculantis se faciem expuit: ac sic libidinis sensum, succedens doloris magnitudo superauit. **PARTH.** O factum, superi omnibus retrò sæculis inauditum! omnibus post sæculis obstupescendum! Hoc est pugnare, hoc vincere, hoc triumphare! Eandem ego historiam ex Nicephoro <sup>b</sup> verbis nonnihil alijs conscripsi nuper, exercendo stylo. libetne audire? **ÆDES.** libet quàm maximè: millies hoc mihi narra, nunquam satiabis has aures. **PARTH.** Ergo recitare iubes? **ÆDES.** Et iubeo & volo: recita, recita. **PARTH.** Ergo animum & aures aduerte.

<sup>a</sup> Hieron. in vitâ S. Pauli primi Erem. c. 3. Baron. Anno. 253. Decij Imp. primò.  
<sup>b</sup> lib. 7. c. 13.

## CAP. II.

*ILLUSTRISSIMUM NICETÆ  
 facinus, paullo fufius narratum.*

**I**ACTat priscum æuum sui Anaxarchi libertatem, qui in vinculis tortus, linguam dentibus præcisam in tyranni os expuit. Ne superbi, mi Anaxarche: Viros ego tecum vel cum Mutio, aut Aquilio, aut Regulo comparem? pueri & mulierculæ nostræ, vobis sæpe non pares tantum, sed superiores longè, & vel in arctissimis vinculis liberiores sunt. Satis id ostendit Ægyptius ille iuuenis, **NICETAS**, cuius plus quàm heroicam libertatem & fortitudinem, nemo satis, non dicam, laudet, sed nec miretur satis. Felicem te, dicebat Rex Macedo de Achille, qui virtutis tuæ præconem nactus es Homerum. idem ego de hoc iuvene veriùs: Felicem te, **NICETA**, qui tuæ virtutis panegyristen nactus es Hieronymum. Et videte mihi obsecro inter quot & quàm infidiosas catenas, libertatem suam sit professus, castissimus hic Achilles noster, cui longè periculosior scena fuit instructa quàm socio. Lectus erat supra omnem Sardanapali plumam & Heliogabali olorinam, culcitram mollis & delicatus; in hunc abiectus iuuenis, non ferreis sed bombycinis vinculis ligabatur. iam actum esse dixisses de retinenda pudicitia inter tot insidias. circum circa Voluptas sua inuitamenta disponebat, quibus pudica mens suæ castitatis propositum vix po-

tuit

pait non vendere. Stabant foliorum germinine renidentes arbo-  
 res, quæ cum hilari odore, gratas diffundebant umbras, & clemen-  
 ti brachiorum motu, dulces susurros obsibilabant. Has inter lo-  
 quax riuulus & omni crystallo nitidior errantibus ludebat aquis, &  
 querulo rore lapillos vexabat, vnde panè musico concentu pul-  
 sabatur: vtrinque flores & copiosa Zephyri familia. Hinc è viri-  
 di prato argentea ridebant lilia, illinc purpurascentes rosæ promi-  
 cabant: illinc Narcissorum niuem & ebur, Hyacinthorum san-  
 guis & aurum acuebat: ventulus ab omni parte placidissimus aspi-  
 rabat. Heu! quid facies Christiana libertas? vndique ad volupta-  
 tem inuitaris, in tot florum lasciuia, in tantâ odoris fragrantia; &  
 inuitatrici huic voluptati resistes? & quomodo tot pedicas abrum-  
 pes? En, adreptæ etiam petulanti vultu femina, quæ tot in te iacet  
 vincula, quot verba, & vt basiliscus, solis oculis necabit. Heu!  
 miserande iuuenis, quomodo ab hac te viperâ seruabis illæsum?  
 nulli vnquam sua magis captiua fuit libertas quàm tibi. oculos ape-  
 ris? à formâ tibi laqueus est. hos claudis? aures patent, per quas  
 veneni satis instilletur. sed neque manus pugnis, aut pedes calci-  
 bus castitati tuæ succurrere queunt. Ah! amissa videtur integri-  
 tas, & expugnatum tot machinis pudicum pectus. Credibilius vi-  
 deretur Romanum patriciam in culeum cum cane, serpente, gal-  
 lo gallinaceo atque simiâ insutum, à vulnere seruari posse inno-  
 xium, quàm te, ô iuuenis miserande, à libidinis peste immunem.  
 quicquid agas, constrictus teneris, nec patet vel spes euadendi vlla.  
 Lasciuus Cupido ab omni parte tibi imminet, atque iam iam, quod  
 in te venenauit telum, emittet. At, at, ante victoriam cecinit trium-  
 phum Venus, reperit Consilium Christianus hic Athletæ, in letali  
 hac arenâ. Inuenit sibi viam quâ victrix Castitas hostem suum  
 triumpharet. Nam, dum sic vndique oppressus iuuenis vicinissi-  
 mum periculum contuetur: Quin, ait ipse secum, exurgis læse  
 pudor, & quibuscunque potes armis, teipsum defendis? sola lin-  
 gua vinculum non sentit. Rectè est: lingua mihi telum erit: malo  
 esse mutus, quàm parum castus. Dixit, & generosissimo vulnere,  
 mediam sibi linguam præmordit, eamque in frontem lupæ quæ  
 fronte caruit, sanguinolentam eiectus est. O NICETA, ô inacte  
 virtutis & animi iuuenis, qui tot ex Orco compedes rupisti, & vir-  
 ginei pudoris libertatem, in tuum asseruisti, fauce pro pharetrâ,  
 linguâ pro sagittâ fortissimè vsus.



**ÆDES.** O cælum, ô terra, & ô maria Nepruni! quid simile in omni historiâ, profanâ & sacrâ; veteri, nouâ; Romanâ, Græcâ reperire est: verè huic iuueni acclamari potuit: **FACTVM BONVM.** factum admirandum, præsigne, obstupescendum. Nihil ad hoc **Lacon** ille adolescens fecit, qui bello captus, identidem clamabat: *non seruis mi.* & vt primum iussus seruili & contumelioso ministerio fungi, illisum parieti caput rupit. Quid **Mutij** dextera ardenti foculo castigata: sed neque sicam **Lucretiæ** sanguine stillantem miror: casta illa esse voluit, cum castitatem amisit. **PARTHEN.** Habuit quidem & priscum æuum magna Castitatis exempla: **Xenocratem** laudo, **Scipionem** prædico, **Alexandrum Macedonem** ob hoc veneror, **Spurinam** & **Democlem** admiror, solum **NICETAM** obstupesco. **Xenocrates**, illius fuisse dicitur verecundiæ, vt si quid vel in bestiis impudici videre contingeret, auersis illud & retortis oculis continuo damnaret: **Scipio** commendatissimæ formæ virginem sponso, xti eam acceperat, intactam restituit, tam sui quàm libidinis victor. **Alexander Rex**, **Darij** filias & coniugem, miræ elegantiz feminas, nec oculis quidem voluit attingere. **Spurina** proprii vultus elegantiam vulneribus confudit, ne alios ea vreret: **Democles** in buhens ahenum insiluit vt stuprum effugeret, vterque Castitatis generosus propugnator, neuter tamen cum **NICETA** nostro conferendus. Et quia Circum hunc ingressi sumus, libetne pedem protollere, & quâ possumus, hoc stadium emetiri? **ÆDES.** Vacamus ambo: nec est quod recusem, præsertim si tu manu ducas. **PARTH.** Sed si errem, veniam dabis. incidi nuper in versiculos, pauculos illos, atque si verba spectes, parum delicatos & teretes, sed sensu opulentos, & nescio an breuius quid legeris, & simul vtilius. triplex illis inscriptio, nec nisi sex vniuersæ sunt: En recito.

## INCONTINENTIÆ ET LIBIDINIS inuitamenta:

*Olia, Mensa, Libri, Saga Lumina, Verba, Sodales;  
Hæc tolle, hanc minue, hæc muta, hæc clauda, hæc fuge, Sita hæc.*

## INCONTINENTIÆ ET LIBIDINIS effectus:

*Corpus, Opes, Animam, Ingenium, Famam, Virtutes;  
Debilital, perdat, necat, impedit, inficit, aufert.*

INCON-

## INCONTINENTIÆ ET LIBIDINIS

antidota:

*Leſſio, Flagra, Preces, Confefſio, Lympha, Labores,**Portarum excubia, Chriſti præſentia, Pæna.*

ÆDES. Memoriz iuandæ facti ſunt, nec diſpicient: ſed quia tu me hodie manu ducis: incipe Partheni, & explica illa tuorū verſuum ænigmata, ne cui Arabicè locutus videaris. PARTH. Admitte iam paucos hos Epicos: alios poſt ſubdam de NICETA meo, qui, niſi luxuriæ malum ingens habuiſſet cognitum, non illud adeo fuiſſet deteſtatus, vt cum ſummo dolore balbus eſſe maluerit, quàm eum paratà voluptate impudicus:

## CAP. III.

## PRIMUM INCONTINENTIÆ

*inuitamentum OTIVM.*

Nihil ad vitia ſeu diſcenda, ſeu committenda procliuius, quàm otioſa vita. In ludo Vitij, OTIVM Magiſter eſt & primarius doctor. Et ne mireris: Draconis lege, qui Otij damnati eſſent, capite mulſtabantur. Ad libidinem maximè trahunt:

*Oſia, menſa, libri, Saga lumina, Verba, Sodales.*

En, antesignanum OTIVM. non eſt quòd hîc quidquam controvertamus; omnium vitiorum uſitatum pulvinar eſt Otium, quid ni etiam ſit luxuriæ? Et oraculum eſt, quod olim affirmatè Diogenes edens: Libido, inquit, eſt otioſorum negotium. portentum eſt profectò, homo otioſus & caſtus. atque vt cognata ſunt vitia, *mentiri & furari* illicò enim ego tibi furem oſtendam, ſi tu mihi mendacem; ita prorfus proxima ſibi ſunt *nihil agere, & malè agere*, tempus perdere, & Caſtitate non retinere; *otiosi, & luxuriari*. Ovidianum illud tritiſſimum noſti:

*Queritur Agyſthus quare ſit factus adulter?**In promptu cauſſa eſt, deſidioſus erat,*

A deſidià, pleraque libidinum incendia excitantur. Otium fauilla libidinis. Atque utinam parentes & magiſtri hîc attenti vigilant, ſuis vt torporem omnem excutiant: exemplo præit, parens ille apud ſatyricum, \*

*at nunc**Poſt finem autumnus mediâ de nocte ſupinum**Clamoſus iuuenem pater excitat, accipe ceras.**a Iuvenal. ſat. 14. verſ. 190.**Scribe*



*Scribe puer, Sigila. causas age, perlege rubras  
Maidrum leges, aut Essem posce libello.*

Magni Imperatores, cum male parere militem vident, aliquo labore compescunt, & expeditionibus detinent. nunquam vacat lascivire districtis. *a* Reuerâ,

*Otia si tollas periere Cupidinis arcus,  
Contemptaq; iacent, & sine luce facit.*

liquidem eodem magistro monente:

*Quam Platanus riuus gaudet, quam Populus Unda,  
Et quam limosa, canna palustris, humo:*

*Tam Venus otia amat* ———

Otiosus enim, uti verissimè Romanus sapiens, *b* non sibi vivit, sed quod turpissimum est, ventri, somno, libidini.

*a* Senec. epist. 36. *b* Senec. epist. 55.

### §. I.

Sed grauiore tibi testes adduco. Mellissus doctor, Bernardus: Sicut, inquit, per rimam sentinæ, aqua latenter intrat & excrescit, donec naus per nautarum incuriam demergatur: ita ex otio atque ignauia cogitationes prauæ, & concupiscentiæ multiplicantur, donec naus cordis eis succumbens, in peccato periclitetur. *a* Otij hostem capitalissimum scias fuisse Bernardum, qui seridè submouens: Omnium, inquit, tentationum & cogitationum malatū coluluus est otium, summa mentis malitia, malorum omnium sentina, mors animæ. *b* Et ut sciretur quàm cauendum esset Otium castitatis studio: Luxuria, inquit, citò decipit homines otio deditos, & grauidis vrit si quem otiosum inuenit: industriæ & labori cedit. *c*

Laurentius Iustinianus, vir perinde sanctus ac doctus: sicut aqua, inquit, quæ caret decursu ac iacet in foueis, putrescit: ita & corpus otij tabe confectum concupiscentiarum ac voluptatum carnalium parit ac nutrit insaniam. *d* Id alibi confirmans: *e* quemadmodum, inquit, ex temporato labore carnis incendia cohibentur, sic ex otio fouentur & crescunt. In magnatum culinis, pigritia coquorum id compendij reperit, cum ignis segnior est, butyrum affundunt, ut ad flammam irriterent. Idem pænè diaboli calliditas facit: cum libidinum ignis in nobis fractior est, tunc & oleo, & pice, & butyro illum reddit viuacissimum: cibus potusque copiosior est oleum, pix, libri obsceni; molle butyrum, turpe otium: ad hæc fomenta facilis exurgit flamma. Qui castitatem odisse vult, amet otium.

§. II.

*a* Serm. de S. Andrea. *b* Epist. ad fratres de monte Dei.

*c* Sap. 31. de modo bene viu. *d* lib. de perfect. grad. c. 9. *e* lib. de ligno vitæ c. 5.

## §. II.

Otium & Reges simul, & beatas perdidit vrbes. <sup>a</sup> Otium iners & languidum, solam requiem complectitur, quo nil fœdus, nil similius est sepulchro. Otium sine litteris, mors est & viui hominis sepultura. <sup>b</sup> Proximæ sanè agnitionis sunt OTIVM & VITIVM, *Multam enim malitiam docuit Otiositas*, <sup>c</sup> vt rectè mater nugarum, & omnium virtutum nouerca dicatur. Nullus fructus est Otij, sed dispendium semper maximum: Otium, res vna omnium disciplinæ inimicissima est. Otium non tantum non acquirit noua, sed etiam acquisita consumit: & vix quidquam est, quod viam ad gehennæ fauces æquè facilem planamque reddat atque Otium, quod etiam fortissimum quemque in diuersa vitia suauiter impellit, *Multam malitiam docuit Otiositas*.

Præclare scripsit Portius Cato, necesse est vt sua cuique vitæ ratio constet; id certè nisi operoso & laboris amanti contingere non potest. & sanctioris quidem vitæ ratio processu gaudet & crescit; cessatione torpescit & deficit. Cui verò vitam per dedecus placet exigere, Otium sectetur, & à scopo suo quàm minimè aberrabit. Decliuus & ad omne flagitium compendiosa via est Otium. Vis veram huius monstri descriptiunculam? Pulcherrimum omnium vitiorum breuiarium & epitoma est Otium. Mens otiosa in mille facinorum furias discurret; *Multam malitiam docuit Otiositas*. **ÆDES.** Plerique omnes contra OTIVM diserti sumus, & nonnunquam ore tragico in illud declamamus: at interim suauius nobis esse credimus, cùm vacamus, Otium melius reprehendimus quàm fugimus. Videmus meliora & probamus; deteriora sequimur. **PARTH.** tantò peiores sumus, quantò dulcius nobis est hoc pessimum malum. Verè, *Multam malitiam docuit Otiositas*. Hætenus in otium dixisse, fatis sit.

<sup>a</sup> Catull. ad Lesb. <sup>b</sup> Senec. epist. 82. <sup>c</sup> Eccl. c. 33. v. 29.

## CAP. IV.

## SECUNDVM INCONTINENTIÆ

inustamentum, MENSA LAVTIOR, SA-

TVRITAS, GVLA.

**R**ES in aperto est, & pridem certa: sine Cerere & Libero frigere Venereim. Cùm enim totum illud domicilium interioris hominis, escâ stipatum, vino inundatum, decoquendis excrementis inæstuat, quid tam in propinquo superest, quàm ad Lasciuiam sapere?



aselle, non hordeo. Itaque opimiores mensas adeo abhorret Castitas, ut dum demum victoriam speret, cum corpori, velut iumento, delitiæ omnes negantur.

Verum ab hac lege, nimium quantum recedit hoc ævum nostrum. Atque iam sæpe animum meum subiit cogitare, an non prisca illa sæcula, sanè non aurea, sed ferrea vel plumbea redierint, de quibus diuinus Lucas: In diebus Noë, ait, edebant & libebant, vxores ducebant & dabantur ad nuptias usque in diem; quâ intrauit Noë in Arcam, & venit diluuium, & perdidit omnes, *a* Ævum hoc nostrum considera, & fateberis parissimum cum illo veteri Noëmi. Editur, bibitur passim, affluenter & salariter. neque hoc satis (venia sit à tuis auribus mi Ædesime) vomitur & luditur certatim, qualem scilicet lusum luserat, Vdo ille infelicissimus Magdeburgensis antistes. Nuptiarum etiam & chorearum ubique satis est (vrbes ingredi, & mecum senties) ubique Hymenæus & Thalassus personant. Hos mores, credo, perseverabit Orbis, dum veniat non Noëmus, sed Christus, & ab iridis tribunali decretoriam sententiam pronuntiet in omne humanum genus.

*a* Luc. c. 17. v. 27.

## §. II.

Ergo, si Veneream hanc flammam imminutum vis ire, mensæ saginam minue, cibum potumque tibi adime. Luxuriam subinde videmur fugere, dum fouemus. Canem tibi molestum vis abigere, & panem proijcis? Libidinein vis vincere, & ventrem refectis? Hoc est operam ludere. quid castimoniam inter epulas & delicias quæris quam Hieronymus inter prolixas abstinentias & plagas ægrè reperit. Ergo quantum potes, circumscribe corpus tuum, & animo locum laxa. *a* Id agere debemus, ut irritamenta vitiorum quam longissimè profugiamus. Indurandus est animus, & à blandimentis voluptatum procul abstrahendus. *b* Isæus Assyrius, teste Philostrato, interrogatus: ecquas epulas iudicaret suauissimas? ista, respondit, curare desij. Vtinam & nos, Ædesime, has curas corporis desierimus curare; mens rectius haberet. Imperio animi, corporis seruitio utendum, nec plus fidendum huic seruo quam hosti. Hieronymus certè sol ille solitudinis, integrorum hebdomadam inediâ, maligniorem in se flammam compressit; oculos cælo inhaerentes, & quasi caueâ suâ egressos, lacrimarum pluiæ sequebantur. En tibi, & aquâ pugnavit in hunc ignem, & alimenti sub-

X

tractione

tractione. Sed pertexamus cœptum versiculum; ita is habet: Otia,  
Mensa, libri — *ÆDES*. Attentum habes auditoré: securus perge.

## CAP. V.

## TERTIUM INCONTINENTIÆ

*inuitamentum*, IMPURI ET OBSCOENI

LIBRI.

**P**estis ipsissima sunt, hi tales libri, & certissimum venenum legentium. Et quod longè pessimum, ubique obuium est, hoc genus toxici, & liberalissimè quacunquè sparsum reperies, neque enim vno tantum idiomate obscœnitas in libros irrepfit; omnibus grassatur linguis: Germanicâ, Italicâ, Gallicâ, Hispanicâ, Belgicâ, Latinâ, Græcâ; solutâ & ligatâ oratione, suntque hoc fœdo scribendi genere, priscorum & recentium plurimi infames, è quibus alij historias texunt, alij satyras scribunt, alij poëmata pangunt, illi fabulas concinnant, isti alium scribendi Circum ingrediuntur, in quo cum veris, tum fictis narrationibus, historijs & fabulis hoc vnum agunt, vt lectorum animos Veneris lue venenent, & vt minimum ad cogitationes impuras, si non ad lasciuos sermones, & ipsos ausus pelliciant. In hos tales iure commotior Tullius: « Molliunt, inquit, animos nostros; neruos omnes virtutis elidunt. In horum albo sunt plerique omnes prisce poëtæ, fabulatores, satyrici: non nomino, ne nosse doceam. Horum omnium scripta si castigata non sint, & ab obscœnitatis sordibus eluta, lectori merissimum venenum sunt. non tanget hos, quisquis Castitatem cordi habet. Ouidius ipse ob hoc ab Augusto in exilium relegatus, nec à Tiberio reuocatus, cautè id monet:

*Eloquar innituit, teneros ne tange poëtas;*

*Submoneo dotes impius ipse meas.*

Audisne: ipse pestilens poëta vociferatur: ne me attingas, abi, recede. prædicit periculum, malum antè denuntiat, proclamâtque: fuge, procul esto, ne inficiaris. Tu verò infers te, & irruis; & nec amicorum reuocantium, nec hostium repellentium voces audis; tangis, legis, relegis, expendis magis serius quàm diuinas paginas. Ergo iure vox è cælo intonat: quis miserebitur incantatori à serpente percusso, & omnibus qui appropiant bestijs? <sup>b</sup> Tu igitur, ne tange hos, quisquis infici non vis, & perire. neque enim hi pestilentissimi codices aliud sunt Origeni, quàm ranæ Egyptiæ, Hieronymo

a Lib. 2. Tuscul. qq. b Eccli. c. 12. v. 12.



glandes & siliquæ porcorum, Augustino flumen Tartareum, in quo inferè deolvitur ad inferos, humanæ gentis pars magna.

## §. I.

At verò dicas : hinc verba disco, hinc stylum acuo, hinc eloquentiam haurio, & ritus veteres cognosco. Nimirum, discere vis bene loqui, & malè vivere; imò verò & malè loqui, & malè vivere. ex abundantia enim cordis os loquitur. & quid opus aurum in hoc luro quærere? Itane mi iuuenis, ex oleto isto tantum tibi eruditionis accedet? perinde atq; si Musæ natæ sint & denatæ cum his Veneris satellitibus. Et deinde, sit ita, mi iuuenis, sine his eruditionem parari non posse; nunquid satius est iacturam facere doctrinæ quàm pudicitia? & velle potius minus eruditum, quàm minus castum esse? At istud mantelum est & prætextus vanissimus, sine hoc obscænorum scriptorum lenocinio scientiam, stylum, eloquentiam non constare.

Si ego tibi, mi Ædesime, Falernum capaci auro vel gemmâ propinam, prius tamen scædum araneum in hoc generosi potus carthesio commoluissem: responderesne propinanti? tantine apud te esset Opimianum vinum, vel rari artificij Chrysendeton, ut oculis tuis certum periculū nuntiantibus non crederes, sed allicienti gulæ pareres? tam fungi te & fatuum non credo. simillimum prorsus in his libris est: phrasis, stylus, elocutio, velut aurea patera blandiuntur oculis: vestis insuper libri, purpurâ & auro nitens, icones in æs incisæ, dictio vernans & florida, fabulæ etiâ & facetiores historiolæ, ritus prisce ævi, velut vinum edentulum, & centum annorum Opimianū, inuitant ad hauriendū, ad legendum. Sed cogita quàm pinguis hæc innatet araneus: lasciuiæ, obscænitatis, libido hic latent: mors in hæc pocula ructavit: præstat hic sitim ferre, quàm mortem bibere.

Libri certè inhonesti quavis colubrinâ sanie pestilentiores sunt & perniciosiores. namque obscænus scriptor, omnium horarum leno est, nulloque non tempore ad impuros cogitatus motusque inuitat, & letali peste inficit, quos obsequentes habet, atque in exitium suum curiosos. Ita fit ut inultò maxima sit horum librorum, & turpium picturarum pernicies, cum illi tectæ sceditatis ingenioso inuolucro alliciant, istæ tenaci oculorum visco decipiant, & Castimoniam suauiter expugnent. Neque talium librorum auctores aliud faciunt, quàm qui fontes publicos veneno inficiunt, tot funerum rei, quotquot inde biberint.

## §. II.

Surena, Parthorum Dux, Crasso vnâ cum plurimo milite atque filijs interfecto, inter prædâ, Aristidis Milesia reperit, & ob id Romanis plurimum insultauit. Quid cacodæmon faciet in morte, cum Ouidios & Amadisios &c. moriturorum oculis ingeret, quos sani tantis studijs legebant, forsan etiam re diuinâ ob id facillè temerèque neglectâ. Scis, mi Ædesime, quid olim Hebræi ad Romanum tribunal succlamant: *Non hunc, sed Barrabam*. Itidem prorsus spurcorum scriptorum lectores faciunt, & grandi voce, hoc est, opere ipso succlamant: Non hunc, non libellum de Imitatione Christi, non stimulos Virtutum, non Claudium Viexmontium de Pœnitentiâ, non Dominicum Candelam de Virginitate, non Franciscum Brunum de Christo, aut Christi matre, non Ludouicum Granatensem pro pietate plurima scribentem, non Franciscum Arias de imitandâ beatissimâ Virgine differentem, non Ludouicum Richeomum de Peregrino Lauretano loquentem: non hos volumus; apage cum talibus. sed neque Didacum Stellam de Mundi contemptu, neque Gabriëlem Inchinum de omnium Nouissimis, non opus Marianum Martini Delrij, non sacras meditationes Ludouici de Ponte; nullum horum, sed Barrabam, sed Amadisium Gallicum, copiosum illum & illustrem scriptorem, qui vltra vicos quatuor libros conscripsit, da Heliodoros, Arbitros; da Mad Laurense, Paullos, hos volumus, non illos alteros morosos scriptores. itâne vos, Christum & Christianas lucubrationes tam facillè repudiare, admittere Barrabam, parricidas libros in exitium vestrum petere & fodere? Dixi iam suprâ, obscœnas has chartas ranis Ægyptijs similes, quæ absono carmine perstrepebant in omni domo, ipsas etiam mensas fœdabant, ipsa etiam cubicula turbabant. ita sacra pagina: « quæ ingredientur domum tuam, & cubiculum lectuli tui, & super stratum tuum &c. Rectè, in stratum, nam & dormituro, imò & dormienti hæc tales obscœnæ ranæ sese ingerunt. Et hinc, mi Ædesime, etiam cum dormimus, sæpe culpâ non caremus: somnus etiam in noxam nobis abit, quia cum vigilaremus, sine noxâ non fuimus. Et quæso, quæ tandem hæc nostra insania est? iam proximus ardet Vcalegon, ac flammæ vomit caminus noster, & nos resinam & oleum affusuri accurrimus, quid opus, libidinem his libris accendere? iam ante sæuit nimium quantum in humanis membris, à protoplasti letali morfu. satius profectò foret vel oculis carere, quàm illis tam malè vti.

## §. III.



## §. III.

Narrat Iosephus, a Theopompum mente motum fuisse, diebus triginta, quod fuisset circa legem diuinam curiosior: Theodectæ verò poëtæ, cum aliquid è sacro volumine tragœdiæ suæ inferere tentasset, oculos glaucomate suffusos caligasse. quod si nec sanctæ quidem (sic loquar) curiositati sit venia, quæ erit impiæ illi & scdæ? non bene conueniunt, nec in vnâ sede morantur, Virginitas & Curiositas, hæc præsertim in lasciuis paginis. Consuluit sibi Nonnus poëta, qui Dionysiaca sua discerpfit, & stylū ad sacra conuertit. Æneas Syluius, dein Pins II. Pont. Max. dum illi virebant genua, quædam licentioze calamo in lucem dedit, quæ maturioris iam æui, primus ipse iudex damnarit; plurimum etiam, vt ea omnia suppressum iret, laborauit, hinc eiusdem voces illæ & preces: Senimais quàm iuueni credite: & Pontificem pluris, quàm hominem priuatū facite; Æneam reijcite, Pium suscipite. Ioannes Picus Mirandula libros amorum ab se compositos exulsit. Noui ego, qui sub vitæ finem versiculos eiusmodi molliores hoc versu damnarit: *Ite mali versus animam qui perditis, ite. Æuo nostro Laurentius Gambara, Petrus Beinbus, Franciscus Petrarcha, Torquatus Tassus, Petrus Ronsardus; plures alij acerbè demum deplorarunt, quidquid olim calamo minus verecundo exarârunt. Ita hilibri nuspiam tutiore sunt loco, quàm cum in flammâ sunt. Sed ex te, quisquis eiusmodi chartas reuoluis quæro. admitterésne in ædes tuas lenonem aut lenoniæ artis vetulâ? apage tu mihi hos tales hospites in honestâ domo, respondebis credo. Atqui, mi iuuenis, obscœni libri & imagines omni lenone peiores sunt, vt qui omnibus horis pelliciant. Malus homo subinde boni consilij est auctor, at ex libro malo & lasciuo honestatem nunquam condisces. Hic, vti venenata bestia tolli potest, mutari non potest, idem semper & vbique sibi similis, pestilens, animorum corruptor, euerfor candoris, pudoris, sanctitatis, vniuersæ virtutis; doctor proteruiæ, inuerecundiæ, lasciuix, vitiorum omnium. nulla Circe, nullæ Sirenes, nulla Hydria aut Harpyia tam virosa aut noxia fingitur, atque sunt impura volumina. Quare Concilium Lateranense & Tridentinum, à Christianis oculis & manibus, ea meritò seuerâ lege arcent. Si enim sanctissimus vir Hieronymus ad Christi tribunal flagellatum se asserit, quod Ciceronianus esset, quid tu Catullianis, Propertianis, Amadisianis, futurum censes?* *ÆDES. Persuades,*

Partheni, nec differo quin hodiernâ aut crastinâ luce bibliothecam meam recenseam. si quos huius notæ libros reperero, expellam hospitio. sed quid de picturis censes, quæ cum veste honestam exuerunt.

## CAP. VI.

## QUARTVM INCONTINENTIÆ

imitationum PICTURÆ INHONESTÆ.

NESTÆ.

**P**ARTH. Quod de libris obscænis dixi, idem de picturis talibus affirmatissimè assero: pestem & venenum immittunt per oculos in animum. Cùm tentatio deest, pictura supplet. Multa olim idola proponebantur adoranda, quæ vel aspicere honesti oculi dedignarentur. Ideò diuina Sapientia clamat: *a. Institutum fornicationis est exquisitio idolorum. Et adinuentio illorum corruptio est.* Infani mortales, turpitudinem quam picti Dij Deæque præ se ferebant, eam ipsi honestatem interpretati sunt, nec sibi vetitum credebant quod Dijs licuisset. Ab his fontibus tales riuuli. Ab inhonestis picturis, facilis gradus est ad actus inhonestos. **ÆDES.** Nec tamen omnes eiusmodi picturas damnabis, mox ad Vulcanum ablegandas: quandoque artificio parcendum. Pictores & sculptores, hominem idè sæpe fingunt inuestem, vt humani corporis eniteat artificium, quâ structuram prorsus admirabile. **PARTH.** quid? tu his patrocinare? quasi verò artificium pereat, nisi pereat pudor, laudatissimi pictores fuerunt, qui tamen casto semper penicillo sunt vsi, quales Tutilianus & Tintoretus, Veneti; qualis Christophorus Schwarz Monacensis: eorum opera summi artifices etiam nū mirantur: ij nunquam inuerecundis coloribus pinxerunt. Tintoreti quidem opus, Christus à Romanis militibus crucifixus, in Venetâ Curia, sermone nuto hodièque concionatur. At verò Christophorus Schwarz, quicquid artis (vt ipse fassus) quicquid sensus, animi, affectus, venustatis habuit, in vnam Beatissimæ Virginis sedentis & puellum filium genibus fouentis imaginem ita consumpsit, vt sibi demum, satisfecerit. & hæc Monachij, in aulâ Scholarum Societatis Iesu etiam nū spectatur. sed (quod admirandum) nulli artificum est imitabilis, quamuis eximij pictores tentârint non semel parem effingere, successu tamen prorsus impari. Et hæc pictura eò nobilior, quò artifex ille ingenium omne atque artificium, non in amorum Deam, sed in *Domini* matrem pingendam impendit.



Pictores illi sine fronte, venatores simul sunt, sed diaboli; his talibus picturis velut retibus incautos oculos illaqueant. Incredibile, quantum malorum in orbem inuehant, lasciuæ hæc imagines, & tamen vbique pænè locorum, hoc oculorum virus reperire est. in cubiculis, diætis, cænaculis, in hortis, fontibus, in propylæis, vestibulis, triclinijs, in ipsis poculis, in vijs publicis; libros etiam cum eruditos, cum eos quos stemmatum vocant & amicitia, inficiunt. Et quot oculi ad hos scopulos fœdè impingunt?

## §. I.

Caligula Romæ, publico epulo, seruum ob detractam lectis argenteam laminam, carnifici confestim tradidit, vt manibus abscissis, atque ante pectus à collo pendentibus, præcedente titulo, qui causam pœnæ indicaret, per cætus epulantium circumduceretur. Sulpicius Galba numulario, non ex fide monetam versanti, manus etiam amputauit, & ad pecuniariam abacum affixit. Digni prorsus hoc supplicio sunt pictores, qui adeò verecundiæ obliuiscuntur, vt plurimorum oculos in eandem secum trahant inuerecundiam: Libros obscænos multi non legunt, quia non habent; imagines lasciuas plurimi aspiciunt, quamuis eas non habeant. Et velut auiculæ quæ viscatis virgis falluntur, quantò magis alas his applaudunt, tantò magis inhærescunt; sic oculi hoc diaboli visco tenaciùs retinentur, quò diutius spectant. Certè vel ipsis idololatræ picturæ tales minimè probabantur: si quis inter eos prudentior aut honestior, fœdas has oculorum illecebras plurimum semper detestatus est.

Aristoteles in suis politicis: Cum verò, inquit, dicere quidquam tale interdixerimus, clarum est quòd & aspicere, & picturas & æctus deformes prohibemus: sit igitur cura magistratibus, nullam neque picturam, neque statuam esse talium rerum imitatricem. Sed, o mi optime Aristoteles, iam pridem vapulas; philosophia tua moralis, dudum exulare iussa est; nos aliter mores instruimus. si hodièque fas tibi foret, o mi philosophe, Christianorum ædes obire & pictas in ijs tabellas inspicere, è plurimis ablegatam verecundiam omnem pronuntiares. Hæretici certè adeò iam depuduerunt, vt Christi crucifixi effigiem cubiculis & hypocaustis eijciant, Pannos pictosque Cupidines, Veneres & Fortunas ad mensæ parietem affigant, vt vnà prandeant & cenent libidines. Sed nec in tem-

plis, Christi Diuorūque icones tutæ sunt; illinc etiam exturbantur, à mansuetissimo Caluini spiritu. Imagines lasciuæ raram patiuntur proscriptionem; nec vnus alteriusue loci exilium horrent, cum alibi tanto ampliore hospitio recipiantur. At verò castissimæ Catharinæ certamen, integerrimæ Vrsulæ triumphus, verecundissimæ Agnetis victoria, tot mille fortissimorum martyrum depicta supplicia procul amandantur; euocantur contra ex inferis Deæ omnem impudicitiam professæ, earum imagines sub aspectum collocantur, vt perire volenti, vbique pateat pereundi occasio. Indignum dictum est, à Christianis talia ex Orco monstra in pretio haberi, & Seruatoris, Deiparæ, Diuorum imagines, velut nescio quam idololatriam sapiant, eliminari, & ex omni ædium loco proscribi: Beatissimæ Virginis effigiem nullâ domūs parte tolerari, foedissimæ Veneris imaginem loco editiore honorari.

## §. II.

Vnius è sodalibus Marianis Ingolstadij eximia virtus fuit in abolendo hoc malo. Compererat hic, clam per urbem venire, à nescio quo propolâ, obscenas imagines, quæ oculos honestos sequi ipsas erubescerent. Constituit eas adolescens tollere: abiit: coemptasque ad vnam omnes, ne quos aspectu vrerent, flammis combussit: testatus, nihil se neque lucro maiori emisisse, neque dispendio minori perdidisse. « O factum bonum, & ad leges Pudicitæ! Laceret, vrat inuerecundas imagines, qui discerpi non vult, & comburi animum. Tales picturæ, mihi crede, sæpe peiores multo sunt colloquijs impuris: dictio dicta perit, auolant leuissima verba; litteræ scripta manet, turpitudine picta perseverat, & ex his oculis in alios atque alios oculos sese insinuat. Ita imagines spurcæ, aræ sunt diaboli, in quibus oculi, cogitationes, & cor, huic Orci domino sacrificantur. Damnum, vix quispiam satis æstimet, quod ab impuris his simulacris infertur, tam illorum auctori quam spectatori. Narrauit mihi nuper celeberrimus calcographus & pæne catalogum, texuit eorum tantum pictorum atque sculptorum qui artificiosè quidem, sed inuerecundè pinxerunt aut scalpserunt; demum ad incidas redacti aut præmature funere sublati finierunt miserrimè. Adeo nemo impunè vel conficit vel aspicit hæc libidinum irritamenta. Procul ergo, procul Aristidis vel Pausaniæ, aut etiam Nicophanis infames labores, quos meretricios pictores antiquitas vocabat, qui votum suum in picturâ confitebantur. Apage hoc artifi-



cium quod oculis se vendit, & pudorem eripit. **ÆDES.** Pictorum caussam, Partheni, non agis. **PARTHEN.** Imò verò maxime, sed eorum quorum colores artificium monstrant, non lasciviam docent. **ÆDES.** Equidem tecum sensi, ut rem fatear, antequam ista in picturas inuerecundas differeres: nec quisquam est, puto, tam ferreæ frontis, qui non fateri cogatur, has tales imagines concitandæ libidini plurimum facere. Et hoc tibi de me persuade, si quid ego minus verecundè pictum in museo meo, aut inter meos libellos, aut in cetera supellectile reperero, hodie in igne erit. **PARTH.** Sic oportet: melius est ardere telam aut chartam, quàm animam. **ÆDES.** Sed promoueamus pedem, ad vagos oculos.

## CAP. VII.

*QVINTVM INCONTINENTIÆ**inuitamentum, OCULI VAGI, CVRIOSI,**EMISSITII.*

**PARTH.** Inter libidinis inuitamenta, posui *Vaga lumina*. Versiculum meum teneto:

*Oua, mensa, libri, & vaga lumina* —

Libidinis malum non vno tantum ostiolo in animum irrepit: sæpe per aurium patulas portas, at sæpius & perniciosius per oculorum geminas fenestras ascendit. Vix opus hinc testibus, malo nostro id experimur. Sanctissimum Prophetam David, in duo ingentia scelera præcipiârunt incauti oculi. Vidit & exarsit, factus adulter & homicida, solo lauantis mulieris aspectu. <sup>a</sup> Ideò Iob præcipitium hoc & metuens & cauens: Pepigi fœdus, inquit, cum oculis meis, ut ne cogitarem quidem de virgine. — quam enim partem in me haberet Deus desuper, & hæreditatem omnipotens de excelsis? <sup>b</sup> rectissime cum oculis fœdus pepigit, cum oculis enim paciscendum est ei, qui tueri vult Castitatem. nam nisi oculi certâ lege & fœdere obligati sint ac constricti, nullum erit tam firmum Castitatis propositum, quod oculorum fraus, vel importunitas, vel etiam negligentia, & leuitas non labefactet. Ephremi dictum est: Aquæ ductus confractus perdit aquas; oculorum distractio mentem castam destruit. <sup>c</sup> Hinc Christus ut oculorum procacitatem comprimere, legem tulit tam seueram: Qui viderit mulierem ad concupiscendum eam, iam mæchatus est eam in corde suo. <sup>d</sup> Per Moysen, inquit Gre-

<sup>a</sup> 2. Reg. c. 11. v. 2.

X 5

gorius,

<sup>b</sup> Iob. c. 31. v. 1.<sup>c</sup> tom. 2. tract. de Humil.<sup>d</sup> Matth. c. 5. v. 28.

gorius, luxuria perpetrata, per auctorem munditiæ Christum, etiam cogitata damnatur. « Hinc tot monita, tot præcepta oculis data: ne respicias mulierem &c. Virginem ne conspicias &c. Auerte faciem tuam à muliere comptâ, &c. b Hinc illa multò prudentior quàm seuerior Zaleuci Locrensiū legislatoris lex de eruendis oculis adultero, vt qui sint adulterij vel duces, vel suasores. Oculum, primam amoris viam esse, non absurdè dixit Lucianus. Oculus, Amoris principium est, Platoni: Amoris sedes, Philostrato.

*Si nescio, OCULI, sunt in amore duces. c*

Ea, inquit Nazianzenus, oculi impudici & auidi attingunt, quæ nefas est attingere: sunt enim Organum auidissimum atque promptissimum. hinc eleganter Basilii; Oculis, inquit, velut *manibus incorporis*, quicquid volumus, attingimus. d

a In Iob. c. 31. b Eccl. c. 9. v. 3. 5. 8. 9. c Propert. lib. 2. eleg. 15.

d lib. de vera virginitate.

### §. I.

Quod de Naphtâ, sulphureo bitumine Plinius: Huic, inquit, magna cognatio ignium, transiliuntque protinus in eam vndequeque visam: « hoc quoque de ardentibus oculorum tædis, & concupiscentiæ igne affirmare licet. ideo continenda omnino sunt lumina, ne alienam videant formam & pulchritudinem, est enim his oculorum ignibus cum pulchritudine maxima cognatio: transiliunt in illam vndequeque visam. Decor naturâ suâ, inquit Tertullianus, b libidinis inuitator est. *ÆDES.* At viri boni aut femine pudicæ forma non lædet me. *PARTH.* O mi *Ædesime*, multa bona sunt, multa sunt optima, sed non tibi, non mihi, non illi alteri. *Sufanna* bona erat, & sancta, sed non fenum illorum oculis: bona erat (puto) & honesta *Betsabee* sed non bona oculis *Dauid*: bonus erat, optimus erat *Hebræus Ioseph*, & tamen oculos dominæ adussit: bona erat arbor *Paradisi*, sed suos illic oculos amisit *Eua*. Infani hominis est, oculos eruendos præbere, eâ tamē lege, si gladiolo eruantur aureo, virginea forma gladiolus est aureus curioso spectatori, sed oculos non minus perdit, qui sic perdit. Magnus ad concupiscentiâ aditus est, hoc vnum, *VIDERE.* nam quod *Clemens Alexandrinus* sapienter monet: dum lasciuunt oculi, calescunt appétitiones. « Sic prima fornicationis sagitta, est oculus — vritque videndo, femina. d Non tam eleganter quàm verè multis sapius occinendum: Caue tibi, tuisque oculis: caue animo tuo: Est mulier tactu viscus, visu basiliscus. *ÆDES.* sed reuerà difficilè est, hos scintillantes capi-

a Plin. l. 2. c. 10. 5. b Tertul. l. de cult. fem.

c Clem. l. 3. pædag. c. 11. d Virg. 3. Georg.



sis nostri orbiculos, tam feueris semper legibus adstringere. Natura illos in capite, velut in animata turris vertice collocauit, tanquam speculatores, ut imminente malo reliqua membra præmonerent, & periculo subducerent. ita oculi aperti sint necesse est, custodes enim sunt nostri corporis. PARTH. Non nego esse, sed de his custodibus, cum Iuuenale sæpe quis quærat — sed quis custodiet ipsos Custodes? Ergo faciant officium oculi, corpus custodiant, sed ita, ne hosti prodant animum, quem clausi aut modestè depressi melius seruabunt, quam hiantes & aperti. erigere se volunt? cælum aspiciant, submittere? terram tueantur. ADES non adeò pulebrū censeam, sic deiecto semper vultu inter homines versari, quasi furti reum. PARTH. inò verò pulcherrimum; sed nec decentior alius Verecundiæ habitus est, quàm oculos deprimere, & in terram figere. & scisne sanctissimo viro Ephreimo, quid circa hoc documenti dederit muliercula? ADES. aueo scire, enarra sis.

a Iuuen. sat. 6. vers. 345.

## §. II.

PARTH. Edessam tendebat Ephreim, & in viâ Deum sic precabatur: Domine, tu meum hoc iter sic dirige, ut primo vrbs ingressu, in eum virum incidam, qui mecum disserat super ijs, quæ sint iuando & excolendo animo, cumque iam citatiore gressu portæ immineret, secum ipse cœpit disquirere, & quas viro illi quæstiones poneret, quæ primo, quæ loco vltimo interrogaret. dum sic suis mensus cogitationibus incedit, en tibi mulier leuicula, sub ipsam portam illi sit obuia. Ephreim fixis in eam oculis, quasi emotæ mentis substitit: turbabatur nimirū vir sanctus hoc feminæ occursum, dolebatque votis Deum non annuisse; ita tristes & indignantes oculos, in feminæ vultu statuit. non minus illa, eum sic stantem obtutu acerrimo cœpit contemplari. Vbi sic inter mutuos aspectus aliquamdiu silentium tenuit, demum prior Ephreim, pudorem femellæ incussurus: non erubescis, inquit, procacula, tam fixis oculis me petere? Non erubescō, inquit illa, mi bone vir: licere mihi reor te sic aspicere: ex te tuoque latere sumpta sum. Tibi verò conuenit, non feminas, sed terram, matrem tuam aspicere, è quâ sumptus es, & in quam reuersurus es. Audijs Ephreimus inexpectatam prorsus concionem, & ipse sibi tacitus dixit: Hoc habes, mi Ephreim, & nunc votis tuis satisfactum. Petijsti à Deo, vitæ magistrum, & nactus es. huic feminæ minerval debes, & gratias. idem Deus

Deus viri, idem feminæ ore loquitur, habes abundè fatis in hunc diem, habes in multos annos quod discas, & exerceas: oculos custodi, feminis eos claude, terræ aperi, & sepulchrum circumspice. Et nos, mi Ædesime, aut cælo attollamus oculos, aut terræ defigamus: ita *volare* docendi sunt oculi, & *reperere*; volare ad Deum, *reperere* ad sepulchrum. Grande bonum, oculus tranquille pudicus,

*Et castigata collecta modestia frontis.*

ÆDES. Permitte, vt te turbein, & interfari liceat. Et cur oculi in humani corporis formaturâ, vltimi omnium vitam accipiunt (sic fertur) & amittunt priimi, cùm moriendum? PARTH. Optime id constituit natura, vt quò maius est ipforum periculum, eò minus sit nocendi spatium; & sapientissimè Deus, oculos fletûs instrumentum esse voluit, vt quo vitiorum sordes hauriuntur, eodem per lacrimas diluantur. Nec enim amor tantum, sed & omnibus vitij in animum per oculos via est, vt rectè affirmat Fabius. « Huic adulterium monstrant, huic incestum, huic domum quam concupiscat; irritamenta vitiorum ducésque scelerum sunt oculi: adeoque pars innocentiae est cæcitas, quâ cupiditatibus innumeris via inciditur. Samson ille abstemius, & magno Dei dono natus, vt Dalilam vidit, periit; iam cæcus perditum robur reparauit, quod male oculatus perdidit. Homo libidinis amans, compedes gerit in oculis quibus vinciat, glutem quo affigat, hamum quo inuncet, flammam quibus adurat, sagittas quibus confodiat, & suum animum, & aliorum. his compedibus vinctus, hoc hamo inuncatus, his flammis adustus, his sagittis confossus est Assyrius Holofernes. vidit Iuditham, & vitam perdidit: *Cùmque intrasset ante faciem eius, statim captus est in suis oculis Holofernes.* b

a Quintil. declam. 1. b Iudith. c. 10. v. 17.

### §. III.

Alexandri Macedonis non tam miror inuictam dextram, quàm pudicos oculos: Darij vxorem, inquit Plutarchus, « quia formosissima dicebatur, noluit in suum venire conspectum. Oculorum pestem quia prudenter timuit, fortissimè cauit, magis victor, Darij coniugem non videndo, quàm Darium vincendo. Periclem Atheniensium principem hoc quoque nomine laudatissimum nō transco. Hic, cùm in præturâ collegam haberet Sophoclem, ac is publico officio vnâ districtus, prætereuntis pueri formam impensius laudasset, intemperantiam eius perstringens: Prætoris, inquit, non solum manus à pecuniæ lucro, sed etiam oculi à libidinoso aspectu

a Libell. de curiosit.

debent



debent esse continentes. *a* Væ nobis Christianis, supremi iudicii die: leges nostras tam exactè nouimus, quàm facillè in eas delinquimus. Clamat legislator Christus: Si oculus tuus scandalizat te, erue eum, & projice abs te; bonum tibi est vnum oculum habentem in vitam intrare, quàm duos oculos habentem mitti in gehennam ignis. *b* Seria lex: sed apud multos petulantia oculorum ab eâ non cadit; iocum putant, emissitios suos oculos, velut pecus suam, in omnem libidinem agere. Rari hodie Iobi viuimus, qui cum oculis fœdus ineamus, vt ne cogitent quidem de virgine: Salomones potiùs sumus, & oculos nostros penitus exleges facimus. Omnia, inquit Salomon, quæ desiderauerunt oculi mei, non negaui eis. *c* Et quam tu ab eo vitæ sanctimoniam speres, qui suos ipse oculos sic hortatur: Ite mei oculi; & quaquà lubet, expatiamini liberrimè; licet vobis, quidquid libet. Videte vt intuen- do exsatiemini, pro cupidine; nullius iucundæ rei conspectum vobis eripiam: vna vobis lex est, LIBERTAS. Vbi tanta oculis licentia per- mittitur, actum est de animo. Vetus Patrum dictum: Incustoditus visus, incustoditæ mentis est nuntius. Et sicut domus munda non erit, cuius effractæ fenestræ, omne genus auium admittunt: ita nec mens pura, si mentis fenestræ oculi, ad omnem pateant curiositatem.

*a* Valer. Max. lib. 1. c. 3. *b* Matth. c. 18. v. 9. *c* Eccl. c. 2. v. 10.

#### §. IV.

*ADES.* Si tanta sunt animo pericula ab oculis, non immeritò sollicitus precatur Danid: *Auerte oculos meos, ne videant Vanitatem.* *a* *PARTH.* Et nos, si Castitas & pudicitia nobis sit curæ, quotidie fœdus cum oculis inire, quotidie Deum rogare insistemus: *Auerte oculos meos, ne videant Vanitatem:* iquabit Deus iuuari volentes, sed seriò & constanter volentes. Scis quid Augustinus, de Alipio suorum sodalium optimo narret. *b* Auersabatur is omnem spectaculorum turpitudinem, sed cum ad amicorum blandissimos inuitatus & preces inuictus, iam etiam traheretur familiari violentiâ: Ad amphitheatrum, inquit, non totum Alipium pertrahetis: animus & oculi ibi non erunt: itaque absens adero. Venitur, confidetur, feruet opus: Alipius oculos, vt statuerat, comprimit; animum, quantum potest, auertit ad alia. vinam & aures obturasset. ita quidem cœpit, non ita finijt. subito ingens populi clamor coortus est: hinc bonus Alipius curiositate victus, noluit esse cæcus amplius, nec erat iam

iam ille qui venerat, sed vnus de turbâ, ad quam venerat, vita oculos diu pressos referauit, spectauit, clamauit, exarsit, abtulit inde secum insaniam, quâ stimulabatur, non redire tantum cum illis à quibus antè trahebatur, sed etiam præ illis, & alios secum trahere. Hanc tamen postea insaniam, ad Augustini monita, ope diuinâ correxit. Adeo nunquam non orandus Deus: *Auerte oculos meos, ne videant Vanitatem.* Solent medici, cum morbos habent curandos sæuiores, ægrum à quorundam ciborum non solum vsu, sed & aspectu arce-  
re, ne vlla inter os & oculos committatur proditio, putetque æger salubre sibi esse, quod suaue futurum credit. ita (è Cæsiani sententiâ) is secum ipse agat, quem blandiens Caro sæpius infestat, oculos à re gratâ quidem, sed noxiâ, constanter abducatur. Nam Augusti no teste, solus aspectus via recta est ad opus. Oculi raptores ad culpam, vt Gregorius loquitur, præuertendi sunt rationis imperio, & maturè, obductis quasi valuis, ab aspectu cohibendi.

## §. V.

Vxorem Lothi, vel etiam hac de causâ, exēmplo tam inusitatō punitam arbitratur Ambrosius, quod vrbeim impudicam & gentem lasciuam, regressis illuc oculis esset intuita. Quandoque non erueri-  
dus tantum est oculus, sed & proijciendus, *erue eum & proijce ab te.* Sunt qui petulantio rem oculum eruant; sed minimè abijciant: libidine aliquam diu intermittunt, sed libidinis occasiones non fugiunt. Non ita castissimus Ioseph, qui oculum eruisse non contentus, eum etiam à se proiecit: fauores dominæ atque minas, non tantum contempsit, sed & blandissimâ vi trahentem elusit, profugitque abiectâ veste. Quot castissimi homines, non tantum eruerunt, sed ita proiecerunt curiosiorem illum, & scandalizantem oculum, vt nec matrum quidem vel sororum conspectum sustinerent. Pior Ægyptius, ipsis quinquaginta annis solitudinem habitauit, Angelis quàm hominibus notior, vix demum Obedientiæ lege compulsus, ad speluncæ limen prodijt, & à sorore anu se conspici passus est. Huic complures alij, ob eandem oculorum verecundam noctem, annumerandi. Nec defuerunt qui oppidò seueras, & sanguine scriptas leges oculis suis dictârint.

Lucia, religiosissima virgo, facinus retro sæculis inauditum est ausa, & ob hoc NICETÆ nostro non multum inferior. Audijt illa, impurum amatorem à suis oculis pestem traxisse, & vri; nec diu cunctata: itane, inquit, meos ille oculos ardet? Rex Britannorum?



adeone illi placent mei oculi? oculos meos habebit. mox vtramque hanc lucentem stellam à cælo suo reuulsit: oculum vtrumque eruit, & proco transiussit, maluitque perire sua quàm se. <sup>a</sup> An non Domini legem, *erne eum. & projice abs te*, fortissimâ simplicitate seruauit? non eruit? non proiecit? nec vnum tantum, sed ambos oculos, etiam infantes, non quòd deliquerint videndo, sed ne vñ alios inuent delinquere. Amans Castitatis nec videre vult, ne videri; oculos cæcitate sanctâ castigat.

<sup>a</sup> Matth. Raderus plura de hac, par. 3. Viridarij SS. c. 9, de cæcis Sanctis, & Iacob. Bidermannus l. 2. epigram. ep. 28. & 29.

## §. VI.

ÆDES. Ah, quantis nos interuallis absumus à tam illustri & fortè pudiciâ oculorum? PARTH. sed nec opus vt ferro scrutemur, & eruamus oculos: *claude*, & eruiisti; *contine*, & proiecisti; præstabit olim, fuisse luscum & cælo recipi, quàm vagis oculis liberè vsum, & gehennæ addici. nimis quàm clarè legislator noster edicit: *Si oculus tuus dexter scandalizat te, erue eum & projice abs te: expedit enim tibi & pereat vnum membrorum tuorum, quàm totum corpus tuum mittatur in gehennam.* Lucie factum fortasse non sit mirabile, habemus & alia quæ imitemur. In rebus gestis S. Caroli Borromæi admiranda sunt multa, inter prima non immeritò numerem istud. Habitauit vir sanctus aliquanto tempore ad forum, vbi ob hominum frequentiam, largissimum semper pabulum habere potuisset curiositas, sed adeò ille fluentem ad omnia curiositatem auersatus est, vt non tantum totos dies ad fenestras non combusserit (qui plurimorum sæpe mos est) sed nec horas, nec horæ partes prospiciendo consumpserit, imò prospexit nunquam, ac si desertum aut carcerem habitaret, æternæ noctis damnatum. Hunc, mi Ædesime, hunc virum, oculorum suorum dominum appellemus, quem constat & affectuum fuisse, & magnum sui in omnibus victorem. Viris non cedit sexus infirmior.

Sara virginum sacrarum Antistita, in monasterio agebat Scythiotico, quod loco non inamœno situm limpidissimus fluuiolus alluebat. Amnis hic placido meatu ibat illinis, & perlucidus vñdis crystallinis, per quas numerabilis altè, calculus omnis erat; viridis margo mitissimum hunc amnem ad oculorum amœnitatem vestiebat: quisquis vidit; laudauit hoc tam leniter ambulans vitrum. Sara argenteam hanc aquam commendari sæpius audiuit, & vt fit, videndi cupiditatem ei fecit laudantium multitudo. At illa potens

fui, suorūque oculorum verè domina & imperatrix, hanc ipsa sibi legem statuit: Riuulum illum præterlabantem vt videas (aiebat illa secum) nulla necessitas cogit; ad perennes super astra fontes peruenire poteris, illo non viso. Sunt in orbe maioris amœnitatis plurima, quæ tamen tuos oculos nunquam attingent. inter hæc sit & iste riuulus. Quare seriò tibi edico, fenestram ad hunc prospectum nunquam aperies. Dixit, & fecit: atque annis sexaginta, proximè hanc aquam habitauit, eam tamen spectauit nunquam. Ab hoste non potente certamen longum & difficile, victoria illustris, quam obtinuit oculorum continentia. Hoc ferro fodiamus oculos, *Contioentiâ*. quæ tunc religiosior sit necesse est, quò maius ruinæ ac lapsus est periculum.

## §. VII.

Et nunquàmne audisti quid monostichon non inuentum moneat faciendum, cum oculis periculum est, ab illice mulierum formâ, Attende: cano.

*Quid facies, facies Veneris, si Veneris ante?*

*Non sed eas sed eas; ne pereas per eas.*

Capis? si virginei vultus elegantia oculos tuos incipiat laceßere, tu aut abi aut peris: qui abire non vult, vult perire. *ÆDES.* oculos claudam, & manebò. *PARTH.* claudere potes, quamdiu manes. bonum est operire oculos, optimum & tutissimum abire. Alipius cautè se gessit in spectaculis, sed non constanter. diu assedit cæcus cum laude, hanc tamen omnem perdidit, virtuosè oculatus in fine. Nimis, quàm sæpe Alipij sumus, oculis fidimus, & imminente periculo, modestè in latebras recessuros speramus. fallimur: hi proditores tunc inuicem seruant fidem, cum maxime deberent. Oculis ergo ne fide; bonum est illos claudere, & persuadere ne velint videre, sed melius est & longè tutius; illos abducere, ne possint videre, etsi velint. Bernardus, antequam Religioni se addiceret, feminam semel fixioribus oculis est intuitus: mox, vt ad se redijt, ad eò suam ipse curiositatem erubuit, itaque exarsit hanc in se quàm celerrimè vindicare, vt neglectà longiore deliberatione, rigente cælo, aquæ gelidissimæ stagnum infilerit. hîc collo tenus vsque eò constitit immersus, dum ex sanguis pænè congelaret. ita omnem in se libidinis calorem extinxit.

Habes, NICETÆ, sanctissimum tui facinoris æmulatorem, qui licet linguam dentibus non conuulserit, licet cruento bolo non pugnârit,



gnârit, Cupidinem tamen egregiè triumphauit, & ob vnicum molliorem flexum oculorum omnia corporis membra ad pœnam rapuit; seipsum fortiter expugnauit, & *exit*. Hoc est oculos docere alienâ formâ non lædi. sed ab oculis ad os descendamus,

## CAP. VIII.

## SEXTVM INCONTINENTIÆ

*inuitamentum*, VERBA PRÆTEXTATA ET  
IMPVDICA.

**N**olite seduci: corrumpunt mores bonos colloquia praua. *a* Ah, quanti iuuenes hac vnâ peste perierunt, qui venenum, quod fortè respuebant oculis, hauserunt auribus. & vt parum interest quâ parte letalis plaga veniat, si mortem inferat; ita non multum refert, per oculos an per aures pereas, inodò pereas. Ægyptij, Harpocrati facturi clamabant: *Lingua fortuna, lingua demon.* *b* *Vita & Mors* verè in manibus linguæ sunt; *c* & plerumque aut Angelus aut diabolus illam infidet.

Lingua lasciuia, sepulchrum patulum, spurcitiâ & foetoribus plenum: Sepulchrum patens est guttur eorum. *d* Miratur hîc Chrysostomus, quòd, cum cadauera terræ mandentur, & ne vicino putore nos lædant, altè defodiantur, verba tamen putida, lasciuia, obscœna toties eruantur è pectore; & sæpe pluribus audientibus, vt damnum latius serpat, in medium efferantur. Sepulchrum patens & foetens, os impurum. O mi Deus, quantus vbique horum sepulchrorum numerus! Orbem, Ædesime, percurre; domorum angulos rimare, vbique ferimè reperies procaciores linguas, quæ nō otiosa tantum, sed & foeda ac spurca instillant auribus; vbique sibilant hi colubri, vbique sermunculi, ad quos honesta frons se contrahat. Hieremias iam olim questus: *e* Attendi, ait, & auscultauî, nemo quod bonum est loquitur. Tale prorsus est nostrum hoc æuum: adeò vt si quis immundissimi mundi penitus deferendi causam non habeat aliam, hæc satis impellat ad fugam; scilicet exire tot impudicos ac spurcos sermones. Ab vrbibus iam pridem exulat Verecundia verborum; quandoque vix satis tuta in religionum penetralibus. quamuis in his nunquam putem audiri talia, & non puniri. Inter profanos verò tanta verborum turpitudine, quanta libertas; tanta obscœnitas, quanta licentia & impunitas: vix

*a* 1. Cor. 15. v. 33.

*Y*

*v* spiam

*b* Plutarch. de Is. & Osir. *c* Proroc. 18. v. 21. *d* Psal. 13. v. 3. *e* Hier. c. 8. v. 6.

vsipiam inuenias qui vel verecundo gemitu, aut seueriore aspectu flagellet has colloquiorum sordes.

## §. I.

**ÆDES.** O mi Partheni, tu nunquam in nouos mores refinges mundum, risum ferunt & plausum, non gemitus, nupta hæc & prætextata verba. **PARTH.** hoc est quod queror & doleo: latantur cum malè fecerint, & exultant in rebus pessimis. <sup>a</sup> Augustinus in seipso suisque sodalibus grauissimè hoc damnat: mutuis illi sese adhortationibus vrgebant: Eamus & faciamus, & pudet non esse impudentem. <sup>b</sup>

Diuina pagina, verborum alioqui parcissima, huic tamen sermonis petulantia castigandæ, omnem expromit facundiam: Lingua, inquit, constituitur in membris nostris, quæ maculat totum corpus, & inflammat rotam natiuitatis nostræ, inflammata à gehennâ. <sup>c</sup> Spurci sermones verè sulphuratæ tædæ sunt ex inferis, quæ mentes etiam castas & pudicas, nonnunquam prouocant ad impuros ignes. Cognata prorsus sunt, turpia dicere, & turpia facere; & properè agitur quod libenter auditur: Melleus scriptor Bernardus: <sup>d</sup> uti sunt, inquit, elingues & muti, sic etiam sunt facundi & loquaces diaboli, inter hos signifer est lasciuus dæmon, cuius officium est, colloquia his verborum spurcitijs aspergere, inuerecundos sales vbique miscere. Guilielmus Peraldus, vir egregiè doctus & sanctus, Lugdunensis Antistes, hos tales sermones, *diaboli sputa*, rectissimè vocat; nimirum suo rem titulo proponit. Omnino diabolorum vomitus, & sputa sunt, omnes hæc verborum foeditates. nec aliud agit impurus fabulator, quàm ut os suum diabolo locet pro nido; è quo quid boni speres, quid honesti? Verborum turpium licentia, omnis impudentiæ nutrix est, neque hoc in loquentis tantum perniciem vergit, sed eos etiam qui hæc talia loquentem audiunt, aspergine lutulentâ inficit: paullatim pudor omnis per verba discutitur. Vnus est, inquit Bernardus, <sup>e</sup> qui loquitur, & vnum duntaxat verbum profert, & tamen illud vnum verbum, vno in momento audientium dum aures afficit, animas interficit. Sed fortè Peraldos aut Bernardos non audias, alium oppono, cui nefas contradicere. Diuinus Paulus, seuerè hîc imperat. Omnis sermo malus ex ore vestro non procedat. <sup>f</sup> & ut scias quem maximè sermonem malum nominet: Pornicatio, & omnis immunditia, aut auaritia,

<sup>a</sup> Prou. c. 2. v. 14. <sup>b</sup> lib. 2. conf. c. 3. & 9. <sup>c</sup> Iac. c. 3. v. 6.

<sup>d</sup> Serm. de 7. Spirit. <sup>e</sup> Serm. 24. in Gaur. <sup>f</sup> ad Ephes. c. 4. v. 29.



ritia, nec nominetur in vobis, sicut decet sanctos, aut turpitudine, aut stultiloquium, aut scurrilitas quæ ad rem non pertinet. *a* Obserua: *nec nominetur in vobis.* nam uti optime Tullius: pudici, ait, etiam cum de pudicitia loquuntur, erubescunt; & si quidem rem odisse debemus, ipsa etiam rei nomina nobis sunt auersanda. quod enim loquimur, non inmerito & cogitare, & concupiscere arguimur. è labiorum scissurâ febris argumentum sumunt medici: è verbis turpibus mentem impudicam haud vanè coniectamus. Et quamvis omnis loquacitas pudori sit inimica, deuehit enim curiositatem libidinum vehiculum, ea tamen præcipue, quam Paulus immunditiam & turpitudinem vocat, simulque rogans: Et nolite, inquit, contristare Spiritum sanctum Dei. Obscæni oris homo tam est odio superis, ut vel ipsum lætitiæ auctorem Deum, afficeret tristitia, si eâ Deus posset affici.

*a* ad Ephes. c. 5. v. 7.

## §. II.

Caluinianam illam pietatem merito detestamur quæ sacros calices in profana pocula liquat, eaque impudicis ex Ouidiana metamorphosi fabellis insignit. Et putes tu, mi Aedese, Deo probari, si quis ore suo, per quod dominicus Angelorum panis toties infertur, petulanter abutatur ad narrationes, iocos, cantiones Veneras, & animi sui vestibulum quo diuina Eucharistia excipitur, in lupanar mutet & prostibulum diaboli. Pœdum piaculum: linguam cælestis epuli sedem, Veneris facere interpretem. Propter hæc venit ira Dei. *a* Et ferum nimis est in flammis clamare, *et refrigerat linguam meam.* *b* Neque tantum cruciatur lingua, quod nimium eduliorum admisit edendo, sed quod nimium verborum protulerit garriendo: nam prima, inquit Gregorius, malè conuulsiuibus famulatur culpa loquacitatis, & plerumque parum casta.

Petrus Damianus tam sanctus quam facundus, linguam lasciuam eleganter turdo confert, cui idem quod alimento, hoc etiam exitio est. nam ex eo quod edit & egerit, viscus prouenit, quo & ipse & aues ceteræ capiuntur: ita prorsus impudicè garrulus, viscum excernit ore, quo eum stygij aucupes affigant. Contemnabit te os tuum, inquit Iobus, & labia tua respondebunt tibi. Plinius sterilecere affirmat oleam, si eam capra lingua tondeat, aut lambat tantum. *d* Sare si olidus caper talis, illoti oris homo, colloquijs interueniat, iuuenû animos velut adolescentes oleas facillimè ita cor-

*a* ad Ephes. c. 3. v. 6.

Y 2

rumpit.

*b* Luc. c. 16. v. 24.

*c* Iob. c. 13. v. 6.

*d* Plin. lib. 15. c. 8. & 16. v. 24.

rumpit, ut quod semel malè audierunt, eius per omnem vitam pessimè recordentur. quod libenter auditur, celerrimè excipitur, eoque grauius nocet, quò suavius instillatur. & quamuis non statim officiat, semina tamen in animo relinquit, sequiturque auditorem, resurrecturum postea malum.

Bernardinus gente nobilis, patriâ Senensis, tam verecundus à puero fuit, ut quoties sordidum eiusmodi verbum audisset, non aliter colorem duceret, quàm si quis ei vultum colapho percussisset. vnde coæui pueri, si quando sordidè locuti, viso eo: tace-te, dicebant, tacete: Bernardinus venit. Utinam, ô utinam plures hoc æuo Bernardini sint, qui acetum porrigant, ore tam illoto garrientibus. Sed quod mireris, etiam inter idololatrias hoc acetum venale fuit. Epictetus: a periculosum est, inquit, ad oris obscœnitatem progredi: Cum igitur tale quippiam inciderit, obiurgabis eum qui talem sermonem iniecerit: aut taciturnitate saltem, & rubore vultûque ostendes, eam tibi orationem displicuisse.

*Nil diu sedum sisique hac limina tangat,*

*Intra qua puer est. procul hinc, procul inde puella*

*Lenonum, & cantus pernoctantis parasiti. b*

Et verissimè Plautus: Ego, inquit, illum perijsse duco, cui perijt pudor. Ergone, ô bone Iesu, ô iudex orbis, etiam ab idololatriis apud tribunal tuum damnabimur? ergo etiam hostes tui sententiam in nos dicent: perijmus, nisi nos vel hinc etiam perire sentiamus. Vicinum est exitium, ni illud caueamus omni verborum circumscriptione.

a Enchir.c.35. b Iuuenal.sat.13.v.44.

### §. III.

ÆDES. Partheni, rigidus censor es in has proteruiore linguas, & nefas per te, liberiores facetias ferere. PARTH. non per me, sed per Christianam legem. & quasi verò facetus esse nemo possit, nisi & lascivius sit? sæpe, dum facetias aut vrbanitatem affectamus, modestiam exijmus. At, ea deum iucunda nobis sint, quæ honesta. Sed multi, ut flagitium honesto nomine prætexant, istam oris spurcitiam, aulicam comitatem appellant. Hoc est bis peccare, peccatum virtutis titulo vendere. Paulinum, imò diuinum tibi edictum iterum occento: *Profana autem & inanis loquua denota, multum enim proficiunt ad impietatem.* a neque enim in hoc hæreticorum fustis & fallacijs, verborum spurcitijs multum impar est, sermo eorum, ut cancer serpit. Cancer, seu, gangræna, horribilis & edax morbus,

viuas



viuas carnes fædè depascitur; ita prorsus petulantiores hæ narratiunculæ, fabulæ, cantiunculæ nimium quantum serpunt, & quidquid casti pudoris reperiunt, vitiant. Abominations Domini, cogitationes malæ, & purus sermo pulcherrimus. *a* qui loquitur iniqua, non potest latere, nec præteriet illum corripiens iudicium. *b* non abscondit se ab eo omnis sermo. *c*

Refert Surius, *d* Wallericum abbatem iter fecisse hieme, & frigoris sæuitie compulsum, è viâ diuertisse in ædes hominis quem minimè profanum credebat. sed hîc multò acerbius frigus virum optimum excepit, vbi nec scintillam diuini amoris reperit. Paterfamilias & loci iudex, non in otiosos tantum, sed & obscenos sermones erumpere cæperunt. hîc Wallericus: utique, ait, Euangelij legem meministis? quoniam omne verbum otiosum quod locuti fuerint homines, reddent de eo rationem in die iudicij. *e* At effrontes illi monitorem cachinno eludere, audaciùs loqui, & fœdiora etiam effutire. cum iterum Wallericus: volebam, inquit, caloris hîc aliquid haurire corpori fouendo, sed lingue vestræ grauiùs adurunt quàm vllum frigus; expellor. vos videritis, qui hanc oris impuritatem ad Dei tribunal purgetis. At illi, iret inodò bonis auibus, vt qui etiam inuocatus venisset; nec vllus nostrum, inquit alter, penulam tibi scindet vt maneas. abi licet, abi. Sed & abeuntem dicterijs impuris impetebant. Non distulit vltor Deus, & obscœnam linguæ petulantiam vindictâ manifestariâ castigauit: illum quidem cæcitas, hunc inguinalia lues inuasit. vrgebant miseri, & iam reuocatum volebant, quem linguis eiecerant: frustra. hunc fœda corporis putredo citò extinxit, ille diutiùs vixit, sed productiore supplicio cæcus.

*a* Prou. c. 15. v. 26. *b* Sap. c. 1. v. 8. *c* Eccli. c. 4. v. 20.

*d* Sur. 1. April. de S. V. Wallerico. *e* Matth. c. 12. v. 36.

#### §. IV.

Non immeritò Rodolphus episcopus Eugubinus, *a* vir sanctissimus, fratrem suum natu iuniorem, Petrum, flagellari, & quadraginta diebus, omni vino abstinere iussit, quod in familiari colloquio verbum lasciuius protulisset. Elzearius Comes Ariani, *b* dynasta integerrimus, has aulae suæ leges condidit.

1. Diebus singulis, rei diuinæ interesse.
2. Singulis hebdomadibus, de peccatis confiteri.
3. Singulis mensibus, diuinam mensam accumbere.

Y 3

4. Aut

*a* Zach. Lipelbo. 26. Iunij de S. Rodolpho. *b* Idem 27. Septemb.

4. Aut castè viuere, aut domo cedere.
5. Non tesseris ludere, nec alio simili lusu se oblectare.
6. Iuramentis, verbisque inhonestis ac turpibus penitus abstinere.

O præclaræ leges & dignæ quæ ad omnium ædium Valuas fingantur, vnde & iuuenes senesque discant, & magis sapere, & cautiùs loqui. Maturè igitur, animū & os ad omnem verecundiæ is componat, cui curæ est Castitatis eminentissima nobilitas. ÆDES. Sed quid in mensâ, in conuiujs, in circulis, in plurimum confessu faciendum, cum hæ verborum sordes plenis faucibus sparguntur? PARTH. Nosti quid suadeat Siracides? Sepi aures tuas spinis, & linguam nequam noli audire. Claudendæ sunt aures impuris vocibus, & quidem primis, nam cum initium fecerunt admissæque sunt, plus audent. Qui sermones spurcos non inuitis auribus admittunt, ij castaneis similes sunt, sed in ignem coniectis & violatis, quæ veste iam scissâ non se produnt, non crepant, non subsiliunt, quod tamen faciunt integræ, & quarum tunica nondum rupta est. Ita prorsus ij quos libidinis ignis iam adussit, cum lasciuia audiunt, nihil obstre-punt, non reprehendunt, tacent, subrident, nec frontem contrahunt, & quàm hæc talia sibi non displiceant, improbo silentio satis ostendunt. His longè deteriores sunt, qui spurcè loquentem non tantum benignè audiunt, sed & iuuant, atque de suo addunt, faciuntque huic vesti propudiosam laciniam. Diogenes obseruans duos è scholasticis in viâ sermonem & capita conferentes, interrogauit alterum, in quod colloquium cum altero venisset: cum is quid sibi narratum esset, exponeret, vtrique plagas infligi iussit, alteri, quòd tale quid narrasset, alteri quòd audisset. rectè factum. Nec Christianis hoc ignarum, quandoque tam grauer delinquere audientem quàm recensentem. Et quod de obtreçtationis vitio, hoc etiam de impuro sermone verè dicetur: diabolum æquè in obtreçtatoris ore, quàm in auditoris aure desultare: idem hic, & dicere talia, & audire, piaculum est.

O Clitomache, ô nobilis athleta ubi es, qui, si quis sermones iniecisset amatorios, surgere solebas & abscedere. Ita, si quis importunior, prætextata verba iaciat, repercutias illum sæuiore vt minimum vultu, aut cum Clitomacho subtrahas te ab ore impuro, si quidem carcere velis hac aurium maculâ. In perpetuâ apud te itatione rubor excubet, verecundiæ signum, Castimonix præambula, certa que restatio: offende saltem & tibi displicere, quod Deo nun-



quam placere potest. Paulum tibi denuò huc sisto: Nunc autem, inquit, deponite & vos omnia: iram, indignationem, malitiam, blasphemiam, turpem sermonem de ore vestro. extremum hoc commendat, ut altius infigat. Mirum! erupturam tussim comprimimus, & foedissimam hanc saluam vi erumpimus, eaque omnium aures conspuimus. Aedefime, sicut censorius Dei oculus ubique nobis obseruandus, ita censoriae Dei aures nunquam non metuedae: sic loquamur, ut sermo noster, si non eloquentia, saltem pretiosus sit verecundia.

## CAP. IX.

## SEPTIMUM INCONTINENTIAE

*inuitamentum, MALI SOCI.*

**V**Ti speculum, etiam tersissimum, maculam trahit ab anhelitu sic homo cetera optimus & castissimus, à malorum societate nauos recipit. Qui comunicauerit superbo, induit superbiam. In quibusdam corporis morbis vehemens est contagio, sed nihil contagiosius est corruptis moribus: facillimè hi addiscuntur, adhærescunt, transfunduntur ab vno in alterum, mali mores, contagiosissima lues, nec vllus efficacius persuadet, quàm qui vitia docet exemplo. Verissimè Seneca: *b* versat nos, inquit, & præcipitat traditus per manus error, alienisque perimus exemplis. nemo sibi tantum errat, sed alij erroris causa & auctor est. Primæuum hoc malum est. vix Eva deliquit, & mox in societatem peccati attraxit maritum. Hæc omnium ferè vitiosorum natura est, nolle solum esse, sed velle cum socio atque comite perire. Age cum improbo, & breuè senties, quàm blandè inuitet ut sequaris, quò ille præit. Proclamat Moses: *c* Recedite à tabernaculis hominum impiorum, & nolite tangere quæ ad eos pertinent; ne inuoluamini in peccatis eorum. idem proclamat & Isaias: *d* recedite, recedite, exite inde, pollutum nolite tangere; exite de medio eius.

Ægyptius seruator Ioseph tam exosus est improborum societatem, ut nec mortuus quidem, inter eos morari sustinuerit. ideo suos ex Israël hæredes iureiurando adigit, ut si quando Ægyptum migrando defererent, secum inde cadaveris sui reliquias asportarent. Voluit magnus hic Ægypti prorex, nec cineres suos illaudatæ familiaritatis notam contrahere: & uti Ægyptios mores non probabat imitationi, sic nec terram sepulturæ: consortium ma-

Y 4. *inuitamentum* *lorum*

lorum omni modo fugiendum iudicabat. Certum, qui tetigerit pīcem, inquinabitur ab eā. <sup>a</sup> Vnicus prauæ vitæ iuuenis, quā plurimos potest corrumpere:

*sicut grex totus in agris  
Vnus scabie cauit, & porriginē porci:  
Vnūque conspiciēda luoreni dunt ab ōiā: b*

Pastoris est, morbidam ouem illicō separare, ne dum parcit ouiculæ, perdat gregem: cauti hominis est, omnem declinare amicum; omnes fugere socios, qui labem moribus affricare possint. ea enim rerum natura est, ut cum bonus improbo se iungit, non improbus à bono emendetur, sed bonus ab improbo contaminetur. Inter malos bonum esse, est contra torrentem natāre. quod quandoque fieri posse non negārim, sed tam difficulter quā rarō. Verissimē Romanus sapiens: <sup>c</sup> Sumuntur, inquit, à conuersantibus mores: & ut quædam in contactos corporis vitia transiliunt, ita animus mala sua proximis tradit. Ebriosus, conuictores in amore in vini traxit: impudicorum cætus fortem quoque & siliceum virum emolliit: auaritia in proximos virus transtulit.

*Dum spectant lasos, oculi, leduntur & ipsi. d*

Idcirco, mi Ædesime, melius est habere malorum odium quā consortium. Nemo vitiosus non aliquod nobis vitium aut commendat, aut imprimit, aut nescientibus allinit: sunt vitia quæ commendantur exemplo, alia imprimuntur sermone, plurima allinuntur conuersatione. tutissimum est omnes suspectæ vitæ amicos ac sodales cauere, & discessionem ab ijs maturē facere. proximus periculo, diu tutus non erit. qui amat periculum, in illo peribit. <sup>e</sup>

<sup>a</sup> Eccl. c. 13. v. 1. <sup>b</sup> Iuuenal. sat. 2. v. 80. <sup>c</sup> Senec. l. 3. de ira. c. 8.

<sup>d</sup> Ouid. l. 2. art. <sup>e</sup> Eccl. c. 3. v. 27.

## §. I.

Minuta quædam animalia, ut ait Phædon, cum mordent, non sentiuntur, adeo tenuis illis & fallens in periculum vis est: tumor morsum indicat. Idem plerisque omnibus in conuersatione malorum euenit. non deprehendunt quemadmodum, aut quando sibi nocuerint, nocuisse deprehendunt. Ideo beatus Paulus seuerē interdicens: Ne, inquit, commisceamini fornicarijs: scripsi vobis, cum huiusmodi nec cibum sumere. <sup>a</sup> Idcirco, antè circumspiciendum est, quibuscum edas aut bibas, quā quid edas aut bibas. Nescitis, addit Paulus, quia modicum fermentum totam massam corrumpit. <sup>b</sup> Omni tuo sic fuit: cum peruerso peruertēris. Salomon,

<sup>a</sup> 1. Cor. 5. v. 6. <sup>b</sup> Ibid. v. 9.

mon,



mon, patrem induens sapientissimè monet: « Fili mi, si te lactauerint peccatores, ne acquiescas eis. si dixerint: veni nobiscum &c. fortem mitte nobiscum, marsupium sit omnium nostrum. fili mi, ne ambules cum eis, prohibe pedem tuum à semitis eorum, pedes enim illorum ad malum currunt. Viua vox & conuictus ad docenda vitia, & suavis & potens est persuasio. habet enim vim præcepti frequenter aspici, audiri frequenter. Socium ergo improbum aut imiteris necesse est, aut insecteris. vtrumque vitandum est, ne aut malis similis, aut multis inimicus fias, malorum enim vbique plurimos inuenies. Cum his versare, qui te meliorem facturi sunt; hos admitte, quos tu potes facere meliores, aut illi te. Aequalium quidem vsus dulcior, sed senum aut hominum religiosorum tutior est. Mulierum familiaritatem damnat Basilus, non quia ipse sint malæ, sed quia earum familiaritas: danda, inquit, est opera, vt mulierum colloquia funditus fugiamus. *b* Memento semper, ait Hieronymus, *c* quòd paradisi colonum de possessione suâ eiecerit mulier. Remoue paleas, nondum extinctus est ignis, clamat Vrsinus. *d* **ÆDES.** Liceat interfari. Sæpe ardua nimis erit hæc discessio à coniunctissimis sodalibus. **PARTH.** Sit ardua, quia tamen necessaria, omnino facienda est. Arduum remedium est vt vitam serues, brachium aut crus dare præsecandum: Christi tamen præceptum esse non negabis: *Si manu tua vel pes tuus scandalizat te, absconde eum & proijce abs te.* *e* quid sibi coniunctius quis habet, quàm sua membra? ea tamen sæpe sunt amputanda. immedicabile vulnus ense recidendum est, ne pars sincera trahatur. Sic & amicus, *Ædesime*, sic & sodalis aut socius quicumque amputandus est, si tibi noxius est. & quid hîc cunctandum? multò melius est, familiaritatem amico quàm Christo renuntiare, & iacturam facere amicitiae potius quàm animæ.

*a* Prou.c.1.v.10.14.15.16. *b* Basil. in const.mon. c.4. *c* ad Negotian.

*d* S.Greg.1.4.dial.c.11. *e* Matth.c.18.v.8.

## §. II.

O Petre, Petre! ô Ecclesiæ Petra, nec inferorum machinis celsura, vnus tamen ancillæ voculâ quassata! nimirum petra erat Petrus, quoadiu erat inter bonos. vix ab ijs digressus, improborum contubernium adiit, & en tibi iam non petram, sed arundinem. verbulo sternitur, quæstiuncula vnicâ deijcitur, ad vocem feminæ virtum exiit, & ex animoso in timidissimum mutatur; negat eum sibi notum, pro quo paullo ante millies mori oblinârat; cuius ante

pauculas horas sanguineum hauserat in mensâ, cuius corpus epulatus fuerat, nosse tamen negat quem illâmet ipsâ horâ ferro propugnârat: tamen nosse negat eum cui illo ipso vespere lauandos ac tergendos pedes porrexerat, paratus etiam manus & caput offerre huic balneo; & tamen nosse negat, cui carceris & mortis societatem sanctissimè pollicitus fuerat, & tamen, eheu, & tamen hunc ipsum amantissimum omnium & notissimum hominem negat sibi notum, negando iurat, iurando detestatur. O Petre, inter Apostolos cordatissimus eras Domini defensor, inter facinorosos timidissimus es desertor. Nempe aliud est aula Caiphæ, aliud cænaculum Messîæ; aliud Apostolorum, aliud sunt colloquia sicariorum: inter illos nascitur Christus, inter hos negatur. Tantum habet momenti societas bonorum vel improborum; illa virtutis, vitiorum hæc magistra est & etiam nunc verissimum hoc: cum electis electi, cum peruerlis peruerfi sumus. Fugiamus, & illos tales moribus nigros, caueamus ardenti studio. Nominatim verò fugiendi nobis sunt, qui & ipsi fugiunt, sed conciones in templis, litterarias exercitationes in scholis; qui piorum librorum lectionem, sacramentorum frequentationem negligunt, qui popinas & ganeas, qui conuiuia & symposia, qui mulierum amicitias, saltationes, choreas sectantur, non sine certo tam studiorum quàm salutis dispendio, & ut verbo præcipiam, quisquis otium non fugit, hunc tu maxime fuge. Otiosus ad omne vitium tam discendum quàm docendum aptissimus est. otiosus nec pios libellos, nec sacras conciones, nec sacramenta curat, nec templum. pro libellis chartulas lusorias, pro concionibus comptotatiunculas, pro templis choreas frequentat: & ut tempus suauius fallat, nunc solem somno excludit, & mero meridie stertit, nunc ambulatiunculas instituit, muliercularum fabellas excipit: omnia agit ut nihil agat:

*hic niger est, hunc tu Romane caueo.*

Otiosus nemo est, qui non & vitiosus sit: hunc talem ut vicinam pestem consortio nostro excludamus mature.

### §. III.

Quod si etiam famæ nominisque rationem habeamus, deterior nota socios quàm maxime auersemur, nisi & tales habere velimus, quales illi sunt, aut illis contemptiores. Inualuit iam opinio, ab ijs viuendi nos accipere similitudinem, quibuscum versandi hauserimus cupiditatem. nec falluntur qui sic opinantur; testem habent



bent Salomonem: Qui cum sapientibus graditur, sapiens erit: amicus stultorum similis efficietur. <sup>a</sup> Et uti vinum dilutum colorem mutat, etsi nō omnem vini virtutem perdat: sic boni nominis ac famæ colorem amittit, qui admittit socios tam dilutæ probitatis. Hieronymus: <sup>b</sup> Tales, inquit, habeto socios quorum contubernio non infameris: non ornentur veste, sed moribus, non calamistro crispent comas, sed pudicitiam habitu polliceantur. Talis quisque censetur, qualis est, quicum versatur. Nostis aves concolores simul volant. Vis nosse hominem? attende quorum familiaritati assuescat. amicitia pares, aut accipit, aut facit. Ergo qui probus, qui honestus vult videri, & proborum & honestorum amicitiam amet, & ambiat: qui pensi non habet famam, & omnium indiscriminatim amicus sit, breuī plurimos numerabit titulos, sed parum speciosos.

Augustinus senex, de seipso iuvene queritur, &: <sup>c</sup> Præcepti ibam, inquit, tantâ cæcitate, ut inter cœtaneos in eos puderet me minoris dedecoris quàm audiebam eos iactantes flagitia sua, & tantò gloriantes magis, quontò magis turpes essent: libebat malum facere, non solum libidine facti, verum etiam laudis. quid dignum est vituperatione nisi vitium? ego ne vituperarer, vitiosior fiebam: fingebam me fecisse quod non feceram, ne viderer abiectionis quò eram innocentior, & ne vilior haberer, quò eram castior. Ecce cum quibus comitibus iter agebam platearum Babylonæ, & volutabar in cæno, tanquam in cinnamomo & vnguentis pretiosis. O nimis inimica amicitia! <sup>d</sup> *ÆDES.* Non adeò metuendi sunt, quia nisi me fallo, pauci sunt, nec ferè in numerum veniunt, qui tam professæ sint impietatis, ut primâ fronte flagitiorum licentiâ vendant. <sup>e</sup> *PARTH.* Ut ut est, eorum certè pauci non sunt, qui lupum ouinâ pelliculâ tegunt, & in quorundam familiaritatem eò blandiùs se primò insinuant, quò deinde perniciosiùs instigant ad pessimam libertatem. in hos aptè conuenit illud: *Homo, homini lupus.* Fugiamus, *Ædesime*, fugiamus blandientes hos lupos. turpis & plerumque sera nimis est cantilena: *Societas me perdit.* At ridebimur ut inhumani & agrestes? rideant, modò non noceant: carior nobis sit pudicitia & integritas, quàm ut ob eorum risum, fieri velimus fletu & lacrimis dignissimi. Qui vitare vult farinam, & vestium pullarum candidos næuos, nonne molam vitat? qui vultus atrorem metuit, nonne Cyclopum fornaces, & fabrorum ferrariorum officinas declinat? idem & nobis hîc faciendum, idque tantò magis, quia

vicia

vitia pelliciunt, serpunt, transfiliunt. Apollonius Thyanaeus sapien-  
ter hoc vnum à Dijs petijisse fertur: *a Noffe bonos, malos vitare, Opti-  
mæ preces.* Nos idem, sed à Deo preceimur: bonos & nosse &  
imitari, improbos & odisse & fugere.

a. Alex. ab Alex. l. 4. c. 7. Genial. dier.

## C A P. X.

### INCONTINENTIÆ PRIMI EFFECTVS:

CORPVS DEBILITAT, OPES PERDIT.

**F**iniui, Aedefime, primos duos versiculos, qui Incontinentiæ in-  
uitamenta continent:

*Orta, Mensa, Libri, Vaga Lumina, Verba Sodales:*

*Hec tolle, hanc minue, hos muta, hac clande, hac fuge, Vita hos.*

Versuum horum ænigmata & scrupos, vti petieras, in lucem dedi.  
Et si quidem ænigmatistes tuus esse debeam, etiam alteros illos  
versiculos aliquâ luce perfundam; sunt isti:

*Corpus, Opes, Animum, Ingenium, Famam, Virtutes:*

*Debitat, perdit, necat, impedit, inficit, aufert:*

Iubes pergere? **ÆDES.** quæso te, Partheni, ceremonias & delitias  
omite, si permittis, iubeo: si resistis, oro & obsecro. Et hoc de me  
scias velim, moras à me non sentiri, dum tu differis: ab ore narran-  
tis pendeo, nec tibi fastidio sit, auditorem habere vnicum: nos al-  
ter alteri sat amplum theatrum sumus, **PARTH.** Ergo deducamus  
sermonem, ad vsque umbilicum diei, post verbis saturi, è patinis  
pransuri.

*Primula Verba Striusque Versiculi, sunt.*

CORPVS DEBILITAT.

Non in animum tantum libidinis toxicum grassatur; ipsum etiam  
corpus enervat & fœdat, cui & vires & valetudinem bonam sub-  
ducit. Hic ego falcein ineam substringo: medicorum hæc res est,  
& illorum pronuntiatis affirmanda. Vnicum produco testem, qui  
vnus pro mille dicat, quàm Venus inimica sit valetudini. Hippoly-  
tus Guarinonius, vir inter medicos etiam scriptis clarus, Anno  
Christiano millesimo sexcentesimo decimo librum typis vulgavit,  
in quo humanæ gentis multiplicem, quàm vitam, quàm mores interi-  
tum deplorat: Hic libro quinto, sexagesimo capiti, hunc præfigit  
titulum: Naturalis demonstratio & confirmatio, nullam pestem ad  
corruptionem humanarum virium, deflorationem iuventutis, &  
inexpectatam humanæ vitæ præcisionem, æquè facere quàm Ve-  
nerem.



nerem. Eiusdem libri, capiti sexagesimo secundo, hanc præmittit inscriptionem: Præclara & illustria testimonia physices & Medicinæ Antistitum, quod maius in orbe malum non sit ad imminutam & præproperam mortem accelerandam, quàm Venus. Eiusdem libri quinti, capitis sexagesimi tertij hoc est proloquium: Continentiam & Castitatem ad diuturnam valetudinem & vitam, non optimum solum & præstantissimum esse remedium, sed multò nobilius quid, humanæque rationi conuenientiùs digniusque, quàm illicitam Venerem, aut etiam licitum coniugium. Audis, mi Aedefime, quod nominatissimus & regius olim medicus, pro calibe vitâ contra Veneream improbitatem testimonium dicat, vel in fronte solùm dictorum capitum? Rationum & argumentorum pondus hîc omitto.

## §. I.

Chrysostomum huic testem adiungo. agnosce illius verba: *a* Qui in delitijs & luxuriâ vitam ducunt, resoluta quidem corpora, & omni cerâ molliora circumferunt, atque agmine quodam infirmitatum repleta, & eis est vita semper cum medicis & medicamentis: sensus autem ipsi tardi, graues, obtusi, & quodammodo iam sepulti. Magnus testis in rem præsentem. Contra verò non animi tantùm bona, è limpidissimo pudicitiae fonte promanant, sed etiam flos, venustas, vires corporis, vita sanior, senectus tardior. Non immeritò & Continentia illud gloriatur: Flores mei, fructus honoris & honestatis; in me gratia omnis vitæ. *b* Ex te nunc, Aedefime, sciscitor, ecquid sentis de tot Anachoretis, qui in tantâ cibi potûsque & parsimoniâ & penuriâ, tot annis produxerunt vitam: non illis hanc longæuitatem à Castitate potissimum concessam censet?

Simeon Stylites, illud Orbis miraculum, ille perdius atque pernox stator, per continua ieiunia, ad annum centesimum nonum peruenit, at vt scias, vxorem nunquam habuit.

Antonius Magnus, cui Orbis pro libro fuit, centum & quinque annis vixit: at coniugem ignorauit.

Paulus, primus Eremita, centesimum decimum tertium annum attigit: at semper virgo permansit.

Hilarion, pauperrimus monachus, & à sole nunquam comedere visus, viræ annis octoginta quatuor, nullam vxorem duxit.

Panuphius,

Panuphius, qui plurimis annis solo pane victitauit, nonagenarius euasit, & coniugium nesciuit.

Macarius, annum nonagesimum excessit perpetuis ieiunijs : nuptias nunquam celebrauit.

Arsenius Arcadij & Honorij Imperatorum Præceptor, ad centum viginti annos ætatem detulit; epithalamium ei nemo cecinit.

Romualdus Italus gente, hanc ipsam ætatem attigit, cultu victuque asperissimo : virginitatem semper coluit, & animi candorem iugalibus illecebris longè prætulit,

Franciscus de Paulâ, semel de die, pane & aquâ se refecit, idque post occasum solem, nonagesimum tamen annum superauit, & iugi Castitate floruit.

Hieronymus Stridonensis laboriosam & exhaustam fame senectutem, ad octogesimum annum protulit, Castitatem tam seruauit integrè, quàm copiosè laudauit.

Beda ab ætatis suæ anno septimo, ad nonagesimum secundum, in Religione virgo vixit, coniugij penitus ignarus.

Remigius, Pontificis Rheimensis officium gessit ( quod rarum, & nescio an cuiquam alteri concessum ) annos totos septuaginta quatuor. Vnde Iubilæus nominabatur. vniuersè nonaginta sex annorum fuit, cum obiit; torum maritalem nunquam attigit.

Martinus Turonensis, octoginta sex ætates, Vdalricus Patatiensis Præsul centum quinque, Epiphanius centum quindecim autumnos vidit. crebra his sanctissimis viris obseruata ieiunia, Virginitas perpetua.

Longum, nominare sexcentos alios, quos parsimonia, & eorum quæ auiditatem euocant, modus, & Castimonia ad longam senectutem perduxerunt. Reperies hodièque non paucos qui venerandam suam eruditamque canitiem partim abstinentiæ, partim Castimoniæ, iure optimo adscribant. Cœniobla ingredi & hominum Religiosorum ædes, inuenies complures, qui sexaginta, septuaginta, octoginta, etiam nonaginta hiemès tolerârint, vitæ tantò longioris, quantò continentioris. Ante annos non multos, ad materteram meam in pauperrimo cœnobio monialem reuissi, & vt sermo ibat, quæsiui, quot iam annis illic seruissset Deo? respondit: quadraginta. obstupui ad hanc vocem, & mox eam seriò intui: rus, ex oculorum fide, viginti annorum virginem pronuntiassem. Igitur Deo, inquam ego, gratias amplissimas memineris: extra Religionem nec virium istarum, nec huius coloris esses; iam obiisses,



tes, aut tumbam proximè spectares. hoc etiam vitæ continentis merces est, quæ quos cælibes, hos & longæuos facit. Et quis enim ille, dic *Ædèfime*, tam ferreus & aheneus, qui coniugij vinculis implexus, inter tot quotidie recurstantes curas, mœrores, angores, infortunia, æquè sanus ac vegetus viuat, quàm is qui hoc vnum curat, vt Deo suo placeat. illis alijs tot corpora sunt vestienda, tot ventres saturandi, tot morbi curandi, tot calamitates deplorandæ, tot funera lugenda, toties panè moriendum, quoties liberorum aut nepotum vnus extinguitur.

Sed mittamus valetudinis & vitæ dispendia in coniugio: quot adolescentum & iuuenum sanitas & vita in hoc vno malignæ Veneris Euripo naufragata est? dic mihi, vnde bubo, scabies Gallica, aliique innumerabiles morbi in humanum genus, velut ex insidijs prorumpunt, nisi ex hoc vno libidinis latibulo?

## §. II.

De opibus, quas vti vires, licentior & libidiniosior vita ambedit, vix est quod addam. Verè, prout versiculus monet, *OPES PERDIT Incontinentia*. res liquet, peras & marsupia mirum quantum ab impuro amore exenterari. castus amor sine impensis est, gratuitus inter duos pluresque reciprocator: spurcus & Venerius, tam manus auro inijcit quàm animo. hîc illa cantilena occinitur: aut da, aut non ama. ah! quot miseri amatorculi pòst paupertati fecere stipendia, qui priùs Veneri. Euangelicus ille prodigus, quàm bellè & quàm facilè omne suum patrimoniũ, inter impuræ vitæ homines decoxit? Iacta ipsi est alea, cuncta absorpta sunt; perierunt vniuersa, non naufragio, non ægritudine, non sinistro casu, sed *vivendo luxuriosè*. non tot absorpsit rates charybdis vorax; non tot absorpsit noxios Atheniense barathrum, quot emunxerunt tales amicas aureos in eiusmodi luxu. ita bonus ille iuuenis, porcorum deum conuiuia factus est, vbi meretricum sympulo esse desijt. Prodigium est, quod addo. Fuit prisco ævo iuuenis, cui Mundus nomen (nihil minus ei conveniebat) qui Paulinam pudicam matronam ad inhonesta sollicitavit: eius pudicitiam vt auro expugnaret, viginti drachmarum myriadas, hoc est, viginti millia Philippeorum spondit, si votis suis haberet obsequentem. Vah! quod hoc inauratæ petulantia portentum est? Nosti quid Demosthenes prudentissimè, Lajdi pro nocte decem millia drachmarum stipulanti responderit? *tanti pansiere non emò* Quàm verè hoc à te dictum, mi facundissime

diffime orator, inhonestæ voluptati indiuiduum comitem ire  
 POENITENTIAM. Quis vnquam Veneri vel horam, vel inomen-  
 tum seruiuit, quem impuræ seruitutis huius non pœnituerit, & pu-  
 duerit? *ÆDES.* Oraculum fundis, Partheni: & priscis etiam illis  
 notum fuit, vbi mel est, ibi & fel esse; & vbi vber, ibi tuber reperiri.  
*PARTH.* Atque, vt est in fabulis, litigârunt olim Ioue iudice, Volu-  
 ptas & Dolor; neque illa huic, neque hic illi in vilo cessurus vide-  
 batur. Ad quos Iupiter: Bene est, inquit, ita vos componam, vt di-  
 rimi nequeatis. atque ita dissidentes adamantino & inenodabili  
 vinculo colliganit, velut fugitiuos seruos, vt neuter neutrum possit  
 effugere, inde nunquam non simul sunt. Mirum quàm eleganter  
 Mediolanensis Pontifex Ambrosius, Voluptatem producat, hunc  
 in modum facundam: Ille apud me primus, qui omnium perdi-  
 tissimus; ille meus est, qui suus non est; ille mihi gratior qui sibi  
 nequior. Calix aureus Babylonis in manu meâ, inebrians omnem  
 terram; ex poculo meo biberunt omnes gentes. Et Hipponensis  
 Præsul Augustinus quàm verè: O voluptates, inquit, quàm faciles  
 aditus habetis, dum suadetis! & quàm difficiles exitus habebitis,  
 cum perimetis? Dum suadetis, inungitis; sed postquam iuaseritis,  
 vsque ad mortem animæ pungitis. Habemus ergo iam illustria duo  
 præmia libidinis: Corpus effatum, & depletum exhaustumque  
 marsupium.

## CAP. XI.

*INCONTINENTIÆ EFFECTVS ALTERI:  
 ANIMAM NECAT, INGENIVM IMPDIT.*

**N**Ec sola hæc, nec summa mala sunt impuræ Veneris. Parùm  
 illi est vires & valetudinem corpori, crumenæ numos subtra-  
 here: Nobiliore prædâ, & verò spolijs opimioribus triumphat.  
 Animam impuri pessundat, & necat. Hoc illi quidem cum ceteris  
 vitijs commune est, animum *Æterna mortis* reum statuere. sed hoc  
 & facilius & celerius facit, quàm verè vllum vitiorum. Hic enim  
 vel vnâ atq; vnicâ cogitatiunculâ impurâ, eâque solâ quam nostra-  
 tes Theologi, delectationem morosam nominant, æternis flammis  
 obnoxij reddimur. Absit facinus, absit patrandi facinoris volun-  
 tas, æternæ tamen morti ille se obijcit, qui vel solum impuriorem  
 cogitatum, in oblectationem sciens volens admittit. Hoc Augusti-  
 no credes, apertissimè id pronuntianti: « Totus homo, ait, damna-  
 bitur, nisi hæc, quæ sine voluntate operandi; sed tamen cum vo-



lunitate animi talibus oblectandi, solius cogitationis sentiuntur esse peccata, per mediatoris gratiam remittantur.

Rectè castissimus Bernardus, cum flagitiosas per puellam insidias sibi strui aduerteret, *latrones, latrones*, exclamauit. Sanè latro est omnis Venerea libido; latronum ritu amplexatur ut perimat; osculum mentitur cum Ioabo, ut sicam infigat in Amasam quem salutat. Et Senecæ monitum est: *Voluptates præcipue exturba, & inuisissimas habe latronum more, in hoc nos amplexantur ut strangulent. Ah! quanti perierunt ab hac vnâ peste.* Et quod lacrimis dignum, etiam fortissimi, etiam sapientissimi, & quod mireris, vel etiam sanctissimi; Samsones, Salomones, Dauides, hoc vno telo corruerunt. Et nos qui stabimus qui nec Samstone fortiores, nec Salomone sapientiores, nec sanctiores Dauide sumus; præsertim cum pericula nostra sic amemus, ut in ea proni, magnoque nisu ruamus, & plerumque toti procumbamus in voluptatem.

Memini ego & horreo, quoties id memini, à Præceptore meo me audire, si centeni iuuenes inferorum flammis addicantur, & centenis istis nonaginta nouem, ob hoc, de quo loquimur, vitium Carnis damnari, centesimum demum ob aliam aliquam grauiorem noxam. *ÆDES.* Coniectura hæc mihi non incredibilis est. *PARTH.* nec mihi certè. immobilis stat sententia in impuros iam lata: Hoc enim scitote intelligentes, quod omnis fornicator, aut immundus, aut auarus, quod est idolorum seruitus, non habebant hereditatem in regno Dei.

<sup>a</sup> epist. 51. in fine. <sup>b</sup> ad Ephes. c. 3. v. 5.

### §. I.

Memoriam quoque & ingenium ab hac foedissima lue afflari & corrumpi, nimis quàm certum est. & verissimè Philosophorum Deus Aristoteles, *Venerem amentie præfectam* ait. Scholas obsecro & gymnasia lustremus: hinc tu mihi adolescentem aut iuuenem da, qui vnâ & Veneri litet & Apollini, qui sit ingeniosus simul ac eruditus, & tamen parum castus. monstrum hoc mihi foret, albo simillimum coruo. Non sine mysterio Musæ Virgines finguntur à Poëtis: malè simul habitant libido & eruditio. De talibus verissimè Comicus:

*Negue ius, neque bonum aut equum sciunt  
Melius, peius, prosit, obstit; nihil vident  
Nisi quod libido suggerit*

Z

Et

Et Claudianus meus, poetarum ocellus, assentitur:

*Luxuries prae dulce malum, quae dedita semper  
Corporis arbitrijs, hebetat caligine sensus.*

Et verò si lubet, bibliothecas obeamus, & gnauè indagemus, an plus librorum scripserint cælibes & casti, an verò vinctulis vxorijis attentii. Et quî possit, fac velle, Venereis facibus vel leuiter adustus, eâ tranquillitate animi & serenitate, quâ opus est, tractare libros: quid sani sensûs, aut eruditæ cogitationis, è tali cloacâ (da veniam verbo) effodias: in impuro & sordente vase malè seruaueris opobalsamum, & diuinæ paginæ oraculum est: In maleuolam animam non introibit sapientia, nec habitabit in corpore subdito peccatis. In fonte cænofo ac turbido, nil liquidò satis ac perspicuè cerni potest.

a Sap. c. i. v. 4.

## C A P. XII.

### INCONTINENTIÆ EFFECTVS TERTII: FAMAM INQUINAT, VIRTUTES OMNES EXTIRPAT.

**A**D gemini versiculi finem, & vnâ sermonis antemeridiani, tendimus. Incontinentia in famam & Virtutes grassatur; illam inquinat, has extirpat. Hieronymi voces hîc iure vsurpem: O luxuria, ô ignis infernalis, cuius materia gula, cuius flamina superbia, cuius scintillæ praua colloquia, cuius fumus infamia, cuius cinis immunditia, cuius finis gehenna. De iacturâ famæ non est quòd longè differam; res ipsa loquitur. nullum certè vitium est, quod plus erubescere nos cogat quàm hoc, de quo sermo est. Meritò plurimum pudoris habet & ignominia, quod plurimum habet infania & turpitudinis. nec ægrè credam, plurimos hominum, tum demum perfidè mutos esse incipere, cùm hoc genus flagitij in confessione prodendum est. nec crebriùs violari Pœnitentiæ sacramentum, quàm ab silentio commissæ obscœnitatis. O tetrum flagitiû! quod non tantùm letalem plagam imponit, vt alia, sed & medelam excludit, & hoc vnum agit, vt quem semel nexuit, nunquam manu mittat. Nec illi satis corpus læsisse, pecuniam abstulisse, ingenium fregisse, memoriam hebetasse, iugulasse animam, nisi demum & famam rapiat, probique nominis thesaurum interuertat crudeli prædatione. Neque hoc mirum in hoste omnigenarum Virtutum, & amico Virtutum omnium. **ÆDES.** Enimuero, Partheni, hoc vltimum non-  
dum



dum ex toto persuasisti. habent Virtutes suum quæque hostem, habent & Vitia suum quodlibet aduersarium. PARTH. At ego te, mi Aedime, hîc quidem inoffenso pede ire velim, nec quidquam subsistere, aut addubitare. non retracto quod dixi, idque leui operâ planum facio. Libido sic immutat hominem, ut nec homo quidem maneat, verè iam pecus, post exutum turpiter hominem. Da mihi iuuenem, eiusmodi spurcitiarum amantem, & vide quid in illo solidæ virtutis reperiās: exulant virtutes, ubi libido victrix imperat. Canit olim Venusinus vates, deiuene sui iuris factō:

*Cereus in vitium flecti, monitoribus asper.*

Verissimum id est de homine obscenarum sordium non puro: Cereus is est, non in vnum aliquod, sed in omne prorsus vitium. Principio quidem, non negabis, credo, si superbiæ eos studerodiciam qui lasciuis oculis probari se cupiunt; qui comptuli, qui munduli, & nitiduli è meris pigmentis & nitelis formam sibi adstruunt, & hoc maximè agunt ut placeant. At auari forsitan hi tales non esse videbuntur: non sint etiam; at erunt certè prodigi, quod æquè vitiosum est & turpe. imò quod monstruosissimum meritò dicas, frequenter isti, & auari sunt simul & effusi. Ab his pecunias auarissimè compilant, ut habeant quod in istos per prodigentiam effundant: parentibus rapiunt, meretricibus donant. Inuidiâ plenum esse anorem Venereum nemo nescit: veteres tibi tragœdias recantari vis? Troiæ labores & excidium, sed & plurimum ciuitatum, imò & regnorum euerfiones id satis loquuntur. De gulâ, non est quod multis astruam. in aperto est, monstrum esse libidinem sine gulâ. Sed neque familiares amicos reperiēs quàm desidiâ & luxuriâ, oriam & Venerem. Consigno cum Tullio, qui in Catone Maiore, Archytæ Tarentini verba sic refert: Nullam capitaliorem pestem, quàm corporis voluptatem hominibus à naturâ datam. Nec multo post subiungit: In Voluptatis regno Virtus consistere non potest. quocirca nihil tam detestabile, tamque pestiferum quàm voluptas, siquidem cum maior est & longior, omne animi lumen extinguit. At verò Salomoni magis credes quàm Ciceroni, aut Deo de Salomone. Hunc ubi libido triumphauit, vitiorum omnium mater idololatria turpissimè sub iugum misit. Quid virtutis remansit in Herode, postquam victas manus dedit Herodiadis petulantia, cuius incestum non lacrimis, sed cruoris riuulis deplorauit infontissimi Baptista præcisum caput. O luxuriâ! ô charybdin quæ omnes animæ vires, imò & corporis, quin &

omnem virtutem gulosè absorbet abliguritusque. *ÆDES.* persuades, Partheni, & me in tuam sententiam trahis vel inuitum.

## §. I.

*PARTH.* *Ædes* me, suboleo quid velis. Epilogum expectas, & vti loqui desinam. Dentes, credo, tibi pruriunt in cibum. nec mirum — sextâ iam linea tangitur umbrâ. meridiem esse, & mihi *Stomachi* mei horologium dicit. Sed quæso te, patere, vterque suam prius & memoriam & patientiam exerceat, quàm mensam accumbat. Reuocemus in cûmulum & synopsis, quicquid horis ante-meridianis super *NICETÆ* nostri victoriâ prorsus obstupescendâ differuimus. Et nisi me fallit memoria, ordinem hunc seruauimus.

Sermonis caput *NICETAS* fuit, verè victor, verè maior elogij nostris quibuscunque. Quidquid illecebrarum, quidquid artis aut fraudis, quidquid machinarum *Incontinentia*, seu, *Libido* habuit, in *NICETAM* expediuit. Omnia tentauit foedissimus *Cupido*, omnia superauit castissimus *NICETAS*, dolos, artes, fucos, fraudes, vim omnè expunxit; technas, illecebras, machinas elusit vniuersas. Nouo ausu & robore planè admirando suum debellauit hostem. Hanc ei victoriam dum mirabundi gratularemur, sermo nos suauiter ad *Incontinentiæ* armentarium deduxit. Hic duplicis generis arma reperimus, *Instrumenta* & *Effectus* *Incontinentiæ*: illis oppugnat, istis iugulat. Ita primum laceissentis *Incontinentiæ* telum est *OTIVM.*, horribilis catapulta contra omnè genus bonarum actionum. Alterum *Incontinentiæ* telum oleo litum, vt sit penetrabilius, *GULA* est. de hac notum illud *Ambrosij*: Saturitas Castitatem prodigit. & Et sanè plures occidit Gula quàm gladius, fuitque ea semper plurimorum malorum fomes. Tertium & Quartum *Incontinentiæ* telum, *LIBRI*, & *PICTURÆ* lasciuæ. Rarissimum est his tangi, & inuulneratū viuere. Quintum, *OCULORVM LIBERTAS*. abundè reor, demonstrauiumus, quantum veneni per oculos atrahamus in animum. Beatus ille, qui oculorum suorum dominus, seduci se ab illis non sinit. Sextum *Incontinentiæ* volatile illicitum *SERMO IMPVDICVS*. multiplex hîc malum, & audientium & loquentium. Septimum trabale telum *Incontinentiæ* *SOCIETAS PRAUA*. contra piceatam hanc tragulam, nemo nimium inuitus erit aut cautus. alienis exemplis & societate plurimi pereunt, qui perire se nesciunt.

## §. II.



## §. II.

Atque his armis oppugnauit *NICETAM* Libido. Initium pugnae ab illo hortensi Otio coepit, cum fortissimus iuuenis, ad mollissimum lectulum deduceretur, tanquam illic suauissimè meridiaturus; ubi hortus variam voluptatem velut offertam epulis mensam iam explicasset. Postquam ergo resupinus in toro iuuenis, blandè alligatus est, petulantissimæ mulieris compta facies, libris & picturis ad nocendum longè pestilentior, castissimis illius oculis sese impudenter ingessit. Hic, audire aut aspicere; hinc tangi aut tangere, extremi res erat periculi. ad fallendos oculos forma, ad inducendum animum verba incitabant compositissima. & quid societate hac poterat esse periculosius, quàm solum à solâ sic deprehendi? Vicit tamen, vicit *NICETAS* vniuersa hæc Incontinentiæ inuitamenta. in lectulo delicatissimo, etsi vincus, minimè tamen otiosus, voluptatem peratissimam penitus exosus, ad pictam supra omnes imagines feminam neutiquam curiosus, ad omnes oculorū illecebras cæcus, ad mellitos verborum globulos sardus, Venereæ huius societatis fortissimus aduersarius, inuictus, inexpugnabilis. Quia ergo Incontinentiæ tela, quibus expugnare solet, incassum ceciderunt, arma etiam, quibus solet iugulare, frustra fuerunt. Recordarisne, *Ædesine*, quos Incontinentiæ statuerimus *Effectus*? & hi arma sunt illius, quibus, quos expugnârit, necat. Primus ergo Incontinentiæ *effectus*, corpus viribus; alter, crumenam numis exhaurire: Tertius, animum occidere: Quartus, ingenium hebetare: Quintus, famam inquinare: Sextus demum, virtutes omnes extirpare. Atque de his, etsi strictim & ordine nonnihil inuerso, prout versiculi suggerebant, iam egimus.

Nunc mensa & prandium nos vocat: Adesdum, meus hodie conuiua eris, sed non asymbolus. Tres tibi questiuunculas ponam, quæ à proposito sermone, simul & à mensâ non abhorreant. Prima erit: cur Apiculæ volucres innubæ, & virgines auiculæ, Cereis famulæ vocentur; quos illæ flores non tangant, quos homines non pungant, quo flore maximè gaudeant? quo etiam spectat quid mel virgineum, quid charta virgo, quæ virginea sit membrana? *ÆDES*, num hæc vna est quæstio? *PARTH.* vna, sed conglobata. Altera: quæ herba, & oculos acuat, & Castitatem; & quæ auium tam viuæ quàm mortuæ, seu, tam naturâ suâ quàm esu nostro, sint castissimæ, & quid apud homines religiosos lactuca & hordeum,

quotidiana pene fercula sibi velint: *ÆDES*. vt video, mille me quaestionibus petes. *PARTH.* ne diffide: reperiemus responsa. Postrema, quæ rerum delicatissimæ, quæ irreparabiles: in utroque ordine numerabis, iam præscisco, Virginitatem. Eamus: nisi tu Chamaeleon sis, & aëre viuas. De ceteris, iam pransi colloquemur.

## LIBER SECVNDVS.

### CAPVT I.

#### GEMINVS NICETÆ BENEDICTVS.

*Illustrissimo isidem facinore.*

**P***ARTHEN.* In sanctuarijs Mithridatis maximi Regis deuicti (Plinius memorat <sup>a</sup>) *Cn. Pompeius* in peculiari commentario, ipsius manu compositionem antidoti, è duabus nucibus siccis, ficubus totidem, & rutæ folijs viginti, simul tritis, addito salis grano: & qui hoc ieiunus sumat, nullum ei venenum illo die nociturum. Satis veneni congestimus ante meridiem. vis, *Ædesime*, huic suum etiam antidotum quæramus? *ÆDES.* frustra hoc rogas: epulis tuis satus sum, nondum tuis verbis. Pertexe telam, mi *Partheni*, quam orsus es. Venena nosse, te auctore didici: discam etiam nosse obsistentia venenis *Pharmaca*. tu mihi *Mithridates* sis. *Marsos*, *Ophiogenes*, *Psyll*os terrori serpentibus fuisse, narrat idem *Plinius*, & tactu ipso suctuue medico percussos leuasse. Anguis est *Incontinentia*, fecundissima veneno, & quos non icit? *Partheni*, è *Psyllorum* familiâ te virum præsta, & icus aut iciendis tactu medico succurre. *PARTH.* blandè cogis.

Ergo progrediamur sermone cœpto, & iam alterum à *NICETÆ* exordium ducamus, cui nemo non acclamet:

Vicit *NICETAS*; exultat, triumphet *NICETAS*. Quod *Seneca* de suo *Mucio*, ego veriùs affirmârim de *NICETÆ* nostro: Confecit bellum inermis ac mancus, & linguâ truncâ totum *Veneris* exercitum profligauit. Vicit. *ÆDES.* Vicit excellentissimè; transcendit penè omnem laudum nostrarum apicem: inimitabilis est. Et quis talem pugnam expetat, vt talem coronam referat? nil periculosius, quàm sic pugnâsse: nil tamen etiam gloriosius, quàm sic vicisse.



Parem, puto, NICETAS, in hoc neminem habet: facinus illius est incomparabile.

PARTH. Sed habeat parem, conferri cum illo possint alij, hoc ipsum illius laudi accedit, quod sic pugnârit, ut & alios ad similem pugnam animârit, & pugnare docuerit exemplo. Benedictus, Magnus ille sanctissimæ familiæ Patriarcha, post NICETAM felicissimè pugnavit. Hostem ex aduerso stantem, & quem oculis designaret, non habuit: seipsum vicit, Cupidinem triumphauit, quem non vidit. Vis narrem & hoc prælium? ÆDES. & nisi sponte animi faceret, conarer cogere. Tu perge modò: quod diutius hæc audio, hoc audiuis. PARTH. Neque Benedictus sine sanguine pugnavit, in hoc pænè superior NICETA, quod non os solum, sed omne corpus cruentârit, magnanimo volutatu per spinas. Et quæso liceat per te, Ædesime, pugnam hanc Benedicti, penicillo paulò morosiore depingere.

## §. I.

Sed antequam gradum promoueam, non nemini satisfaciendum censeo. Quid? (dicat aliquis) viro sceleris tam puro, vitæ tam integro, aries tam impurus insultet? Benedictum etiam, spurcus Cupido lacestat? repugnat hoc tam sublimi sanctimonix. Imò propugnat hoc tam sublimem sanctimoniam, quæ nunquam fuisset tanta, nisi sic fuisset tentata. Ne mireris, ô bone, & si nescis, vel è prisco scriptore hoc discere. Hos itaque Deus, inquit Seneca, quos probat, quos amat: indurat, recognoscit, exercet: bonum virum in delitijs non habet: experitur, sibi illum præparat. quid miraris, bonos viros, ut confirmentur, conculci? non est arbor solida, nisi in quam frequens ventus incurrit. ipsâ enim vexatione constringitur, & radices certius figit. Et cuius virtus sine aduersario non marcet? lacecita verò, multum sibi adiicit: erigitur cum tangitur, & impellitur: omnia aduersa exercitationes putat.

Talis Benedictus, qui molliter habendus non fuit, quandoquidem in tantum belli ducem eligendus. Deinde, bella hæc & rebellionem carnis, vetare quî possumus? non magis quàm Pandari sagittam Menelaus arcere, quam ille furtim & à socijs tectus immisit. Et quamdiu duæ illæ partes, animus & corpus, iunctæ concordia quadam discordi, quamdiu diuinæ auræ, moles illa cibo tantum (ut Possidonius) recipiendo habilis adtexitur, tamdiu inter eas

malè conuenit, utique cùm de imperio agatur, aut seruitute Regnum, utraque pars exambit, & magis illa quæ non debet, terra attollere se supra ignem suum conatur, & cænum hoc supra cælum, hinc in homine dissidia, turbæ, & velut assidua quædam velantium inter se partium pugna, cui Duces & Imperatores, *Ratio & opinio*, illa pro animo, & in animo: hæc pro corpore, & in eo pugnat. Sensit hanc pugnam & Benedictus, quia homo, quia mortalis, quia vnus ex nobis. Sed sensit, non consensit, deprehendit intestini belli motus, sed nec è statu suo excessit, nec trepidus se vinci permisit. Stetit, pedè conculit, manus conseruit, & contra seipsum vires suas expertus est, quæ nunquam certam dare fiduciam sui possunt, nisi plurimæ difficultates hinc & illinc irruerint. Sic verus animus, & in hostis sui arbitrium non venturus, probatur: hæc eius obrussa est. Videte ergo, mihi quomodo Benedictus contra Benedictum, hoc est, seipsum pugnet: prælusionem attendite.

## §. II.

Adest auicula, sed nigella, & quales in Plutonis caueâ sunt, adest ex Orco submissa, tanquam vna ex velitibus, & quæ prælio exorsum daret, docta prius à nigro illo magistro, qui ipsi stygium *χαίρα* expediuit: exequitur ergo quæ iussa, & vices suas bellè fungitur. vultum viri sancti circumuolat, alis decorè reuigat, & nescio quid blandum susurrat. blandiri eam diceres, quæ insidias struebat, iugulum & salutem petebat. Pergit illa, & circa Benedicti caput, assiduo volatu auram circinat, coruam crederes qui esurienti Thesbitæ Cererem deportârat, nec sese ingerere cessat vel inuito, aded vt manu capi posset: sed cruce, quam manus bene cauta efformarat, cedere cogitur, & in infernas caueas, vnde subuolârat, remeare. Pugnam finitam creditis: nondum coepit. anteludium hoc fuit & initium pugnae: lusorijs tantum telis ater ille cornicen pulsus: & nondum vulnus, neque vera congressio, puræ solum à ferro hastæ, vt olim & obtusi gladij in auras iactati. Iam primum decretorios stylos & pugnatorios mucrones cernetis, & à ludicris transitum ad verâ & *seriâ* armam.

Vix auolauit illa cocyti merula, cùm Acherontis Imperator, classificum canere, omnem Veneris exercitum conuocare, inflammare in prælium, instigare in Benedictum: illatam sæpius ab illo iniuriam exaggerare, prædicare suorum vires, Benedicti extenuare, omnes dolis & fraudibus armare, tandem amandare, & victoriam pollice-



**xi.** Ruit immunda phalanx, ipsâ Cypride duce, & facibus Auernali sulphure stipatis, casti pectoris mœnia it expugnatum. Ah, Benedicite! in te vadit pedes iste Venereus, ni validus occurras, victus es. plures in te conuolant Cupidines, quàm olim Arcesilaus circa marmoream leenam effigiârit: E poësi hoc natum putas, A desine, & vnum aliquod è ceteris figmentis? rem dixi, de modo quo dixi, non laboro, nec aliud sacri codices loquuntur, qui sæpe plures cacodæmonas: quid aio? legiones totas in vnicum hominem immisas asserunt. Et certè in Benedictum non ab vno tantum impetus: acies totæ in illum videntur pugnasse, adeo enim faces illas tartareas sensit; adeo pectus exæstuaui flammis non puris. vt vix amplius durare sibi visus, contra tam latè populans incendium, & propè fuit vt loca illa deserta desertum iret, & in vrbein rediret.

## §. III.

Sed adest auxiliatrix manus, & qui voluit Benedictum impugnari, expugnari vetuit. adest Numen & animum fatiscentem, in prælium restaurat. mox ipse Diuus recepto animo, & quasi aquâ è languido refocillatus, semetipsum affatur, &: Benedicte, inquit, cedis? & potior tibi fugacissimæ voluptatis vmbra quàm cælum, quàm Deus? nec exitum spectas? quò ruis? hæc olim polliceris, nempe cessurum voluptati, quæ pænè antequam venit, aufugit. tam vile tibi cæli præmium? tam iucunda inferorum incendia? vbi robur? vbi per tot annos, sapientiæ meditata studia, vbi ille animus, qui possit dicere: *si fractus illabatur orbis*, non expauescam. & quæso, pudorem longâ inediâ, crebrâ insomnia, multâ tolerantia adhuc seruatum, momento perdes? Non ita. Et tu pecus (carnein suam compellat) hæc adfectes contra rationem, contra leges, contra Deum? hæc in me cudas pericula? tu me hosti prodere, cælo extrudere, infero draconi glutiendum obijcere? mercedem feres, ne dubita, te dignam. mulceberis: & curabo vt hodie bene tibi sit. Dum hæc fatur, obliquos vtrinque secus dimittit oculos, & arma circumspicit, quibus in rebellem carnein vindicet. Et en tibi proximè circumspicientem densi spinarum nexus, & crudele senticetum, quod sine contactu sauciet vel tantum spectantes oculos. Et bene est, inquit Benedictus, etiam de lectulo tibi prouisum, mea Caro; blanditer per illum volutaberis. quin ergo te, dignam hoc toro, molliusculè illic repono?

Præni quidem in omnibus prælijs vincuntur oculi: & sæpe prius

fugæ quàm pugnae locus quaeritur. At Benedicti oculi etsi dumorum aspectu pauidi, non tamen fugitivi. neque ullus cunctationi locus in eo consilio, quod non potest laudari nisi peractum. mox enim Benedictus, post amarulentos in carnem iocos, piè iratus & sanctè crudelis, vultum asseuerat, virum se gerit, & lacinijs deuexit, neque latus obdit, vt olim pugiles, sed toto corpore ad veprium ictus expositus, nullam partem spineto interdicit. Et videte quàm non hæreat, quàm secum non multa putet, quàm sibi non ignoscat: melius est, inquit, corpus ardeat quàm animus, laceretur illud quàm iste. Vix hæc fatus, inerme corpus & nudum, hilari iactu in horridum dumerum præcipitat, & sacros artus horrentibus vndique paluris fortissimè induit. Currunt ex omni parte cruoris riuuli, & virides spinarum gladios liberaliter purpurant.

## §. IV.

Huc iam oculos, & spectate mihi purpureum corpus in mucronato hoc lectulo. huc & aures, non quæ lamenta & questus, sed quæ herois inuictas voces audiant & adorent. Iacet inter spinarum scorpiones; non lacrimat, non eiulat: nec ingemit quidem. sed ipse sui tortor & spectator, quod olim gladiatoribus Romani: *Repete idem, repete*; hoc ipse sibi acclamat, & suæ voci obsecundans, transfixa membra magis versat, & quasi extricando se laboret, altius intricat, sentèsque toto & profundo corpore admittit, & noua vulnèra infligit. siue ampliat antiqua. Nec satis, corpus quod vepres, etiam verba lancinant: Iam, mi. care aqualicule, inquit heros, iam volutari licet & satiari. explica tenellos artus, amplexare hos flores, & petulantia tuæ hîc indulge, quantum satis. Tandem, vti solebant Quirites victo gladiatore, exclamat, *Hoc habet.*

Ah, Benedicte (sed quid triumphis ingemisco?) ô magne athleta, iam tibi licet vocem illam emittere: *Vici*; & quidem victores gentium, ardores prauos. Et tu ille sapiens es, qui licet vratur, crucietur, in Phalaridis tauro sit, dicat tamen: *Quàm suauis est hoc; quàm hæc non curo! beatus sum.* Hæ voces in ipsâ officinâ Voluptatis audita; cur ergo incredibiles sint apud eos qui virtutem colunt? Quàm benè Seneca: licet corpus, plenum bonâ conscientia, stiller, placebit illi ignis, per quem bona fides collucebit. verè:

*Latius est, quoties magno sibi constas HONESTVM.*



Et Christianus doctor hæc consignans Ambrosius: Non frangitur, inquit, sapiens doloribus corporis: sed etiam in ærumnis beatus manet. Etiam & tu Benedicte: imò beatus non mansisses, nisi quàm sibi corpus beatitudinem fingit, abiecisses: Vicisti peccatum, quia transtulisti incendium. O rubi, nulli minùs quàm Benedicto erubescendi! vos Veneri pudorem inculsistis & ruborem. illa in rubis victa, quæ rubos venerat satura. flammæ ex Idà tulit in Cassinatem, sed flammis pulsa est; æstuabat in voluptates Benedicti animus, sed hic æltus vrticarum incendio repressus, sentibus impune licuit venas rimari, ne mersa visceribus libido, penitas medullas sorberet.

## §. V.

Fingit Theocritus impurum Cupidinem ab apiculâ punctum, flentem ad Cytheren rediisse, & voces illas: Perij, mater, occidi: sæpius iterasse. Quàm veriùs ego: Cupidines omnes quotquot Benedicto insultârunt, à suo victore discessisse, nec sine amaro ploratu. Et hoc illud è carduis vallum est, in quo vir sanctus hostem suum seipsum, exarmavit: sanguinem suum senticeto gustandum propinauit, triumphavit Venerem turpémque ignem frigere iussit. Sic miles iste vulnerato corpore, animum reddidit invulnerabilem, incendium non quidem euitavit, sed mutavit, mentem servavit, cum calcavit carnem. quòd si huic pepercisset, tyrannus fuisset in illam, vulneribus ergo vulnera persanavit, & flammis restrinxit flammæ, iracundis tribulorum manibus corpus obiecit lacerandum, ut ab vredine integrum servaret animum. quòd si noluisset esse saucio corpore, fuisset animo, & hunc non effecisset sanum, nisi prius insanum illud. mirum & novum sanandi genus, sanitatè amittere, & ô novum artificium lucrandi, iacturam facere! quamvis hinc ne iacturâ quidem, nisi luti sanguine mixti, Corporis. Et sit damnû, corpus hoc, quod, Solone teste, cum oritur, putredo, cum vivit, bellua; cum moritur, vermium esca est: sit, inquam, damnum, hanc belluam, an escam belluarum? lædere: quantulum hoc est, & quàm nihil præ victoriâ quæ ex hoc nascitur. Bis vincit: qui se vincit; neque pulchrior, addo, neque opulentior est victoria, quàm de seipso. Innumerabiles sunt qui vrbes, qui populos habuere in potestate, paucissimi qui se. Neque mihi iactes vstulatam dexteram tuam Scævola. facesse: talis actor non fuisses, nisi tales spectatores habuisses. Benedictus, Nicetas, sexcenti alij, teste cælo, spectatore

Deo, & solo, non aspirarunt gloriam; sed profligârunt, tantò illâ digniores, quantò minus esse voluerunt: Ite Mutij, ite Lucretiæ, vos violentas vobis manus attulistis iam violatæ. nostri hi athletæ ne violarentur. non disputo, quo iure sibi vitam eripiat, qui non dedit. Benedictus, Nicetas, alij seruârunt vitam, vel rectius, viuam mortem membris intulerunt, vt animi mortem effugerent, tantò clariiores cunctis alijs, quantò fortiores. Secum luctati sunt; spinas & supplicium sibi attemperârunt; pigrum illis visum sudore acquirere, quod possent sanguine; verè petierunt.

— *Pulchram per Vulnere mortem,*

Mortem, aio, non corporis, sed Cupidinis impuri; mortem omnium vitiorum. viam ad cælum non voluptariam, non stratam rosas, non quæ plano pede aditur, sed dumis asperam ostenderunt: nec ostenderunt solum; sed iuerunt illam, peruenerunt per illam, quo plerique cupiunt peruenire, non ire. Sinitur nimirum per blandimenta corpus valescere, languescere animus. vegetandus est hic, frænandum illud atque vti pugio vetustate obtusus asperatur saxo, & mucro ardescere iubetur: sic corpus sæpe, quod non vult, stimulis adigendum. turpe certè est comitatui, vt rectè Tacitus, virtutem principis non adæquare. Factum Benedicti aut Nicetæ admiramur: & imitari possumus. neque vlli, Iobo sic proclamante, missio prius indulgetur ex hac militiâ, quàm è vitâ. Inquietus puer est, imò ipsa inquiet, cæcus ille Deus, quietos tamen & cæcos ferit, aut feriendos cæcos facit. impiâ sagittâ Benedictum tetigit, non prostrauit. infamem sibi repulsam tulit, telumque retulit retusum, imò fractum, & pro victoriâ lacrimas habuit & pudorem, qui illum extorquere voluit. At nimium durum est, inquis, rubos insilire, membra spinis amicire, excire sanguinem, vis leniora? *Auda hunc hostem, sero fugere, & viciisti.*

## C A P. II.

### PVGNA NICETÆ ET VICTORIA

*Epicis descripta.*

**Æ**DES, Illustrissima prorsus fuit, & hæc Benedicti de seipso victoria. Sed nescio quid maioris admirationis habeat, si vincat vnde quaque victus, quemadmodum vicit NICETAS. Benedictus cum pugnare cœpit pugnam illam, liber fuit & solutus, nec in eam bulliens iuuentæ sanguis, neque vlla tunc ei femina blandientes manus iniecit, sed nec vlla suis, oculos illius vlsit; nulla tunc impudica



pudica Siren, illius aures vulneravit: omnis hostis arietavit in ani-  
 mum. At contra NICETAE & oculi, & aures, & manus, & Nares, &  
 quicquid in NICETA vixit, pænè prius expugnatum fuit lenocinio  
 Voluptatis, quàm NICETAS arma circumspiceret. victus, ligatus  
 (obstupeſco) ab hoste oppressus vndique, vincendi spe præcisâ,  
 vicit tamen, & ausum dicere, plura potuit quàm posset. De milite  
 Lusitano qui dentem pro plumbeâ glande in hostem bombardâ  
 excusserit, legi: qui linguam dentibus præfectam in hostem blan-  
 disitum expuerit, nec legere me meministi, nec audire. Et quis vn-  
 quam suo sanguine pro armis usus? mirabile certamen, in quo ho-  
 stem conspuisse, vicisse fuit: mirabilis catapulta quæ ore potuit  
 abscondi: mirabilis Castitatis triumphus, quem cruentum linguæ  
 frustulum obtinuit. PARTH. Mira prorsus, ter mira hîc pleraque  
 omnia, & nescio an in omni Romanâ, Græcâ, barbarâ, Christianâ  
 historiâ, quidquam huic par inueniatur. Et hoc etiam mihi puero  
 stimulos addidit, hanc NICETAE pugnam metro & numeris inclu-  
 dere. Placet audire? aut potius tu lege, audiam ego. Carmen ge-  
 nerosi & sâni coloris ne expectes; à discipulo scriptum scias, non à  
 Magistro: Lege:

Ergone tanta animos subigit Gesania nostros  
 Castra movere foras, aliôſque innuadere fines;  
 Arma domi bellumque pati, atque in manibus hostem?  
 Hinc movet Idalias in nos Cytheræa phalanges,  
 Inde Cupidinei irrumpunt agmina peltis.

Ergo age quisquis adhuc desudat integer alma  
 Virgo pudicitia, Castumque tueris honorem,  
 Sub meâ signa veni; certam Victoria laurum,  
 Certa trophea dabis; solam me desine pugnâ,  
 Inq; hostes ferus esto tuos, ego bella docebo.  
 NICETAE, Sires Deus ingeret, arma voluntas.

Hic matutino surgebat nobili auro  
 Flosculus, atque alias juvenem spirabat odorem.  
 Ante rosas, nam Christe tuis nona plantula in hortis  
 Evrui, gratiam redolens è Virgine nardum  
 Perflore, cum toto diffusus in ore niteret  
 Integritatis honos, & pulchro in corpore Virtus  
 Dinâque Parthenijs regnaret gratia labris.

Quid memorem Verno conclusum flore Virilem  
 Caleſcitque animum? ipse suis excelsior annis  
 Ibat, & ingenio præsignis, & indole clarus,  
 Nec pœate minor: felix cum sorte procaces

*Eheu quàm malum Sitreis incumbere testis.*

*Hortus erat varijs Gessitus honoribus ; olim  
Ante Semiramios fortunatissimus hortos.  
Sive locum, seu dona loci tuearis, ameno  
Peruisa speculū ; rossi huc grata gemmis  
Nympharumque chorus, Venerumque exercitus Unam  
Deuenire domum. Cuius argentea pratis  
Sidera resplendent, Et mollis amaracus albis  
Crinistur Violis, rubras noua lilia lambunt  
Intermixta rosas, suauisque fruuntur amomo.*

*Hic passim pingues Panchaia nutrit odores  
Totaque mellifluis interuires Hybla rosetis ;  
Purpureas Narcissus opes, Hyacinthus eburnas  
Cernatim ostendunt, Et grato errore duellant.*

*Haud procul arboreis illudis blandula scenis  
Et pariter dulces obsibilat aura susurros.  
Passim hedera serpunt, granidaq; in collibus Quæ  
Maturantur, Et arboribus circum intexuntur :  
Celsior erectam contra decernat oliuam  
Cedrus, odoriferam diffundit amygdalus Umbram,  
Garrula quas inter ludentibus Undula lymphis  
Ambulat, Et querulos collidit rore lapillos  
Ductus aqua dulcis ; nec soli sacrapalato  
Fistula, demissis stat peruisus humor ocellis.  
Hic Zephyrique Eurique socos, hic bella fauoni,  
Æstatisque domos, Et Veris regna Videres,  
Heu loca grata alijs, sola loca iniqua Pudori.*

*Quippe Vbi NICETAS blandis cum fraude catenis  
Ductus in hortenses prosternebatur odores,  
Continuè totis florum lasciuia castris  
Militat in iuuenem, Et malè sano corpus amomo  
Afflat odoriferi redolens fragrantia lecti.  
In scelus aspirant auræq; Et stridula toris  
Flumina Vorticibus, pectus erratica riuus.*

*Quid facies tanto miles fortissime bello ?  
Arma aciemque Vides in te conuersa ; sed arma,  
Heu nulla arma Vides pro te ! Quæ machina blandas  
Abrumpet pedicas ? quæ Vis bombycina frangat  
Vincula facta dolis ? nullo manus obuia ferro est,  
Fune ligata manus ; Samsonis robur haberet,  
Rumperet irato fallacis fila lacerto,  
Non habet Et proprijs exusta eluditur armis.*

*Porro Vbi mentito iuuenis diademate Vinculus  
Es prope Vtilis erat, perulanti semina Vultu*

*Insuper*



Insuper adrepit, stygia non degener hydra  
 Femina, lascivus importunissima Verbis.  
 Monstrum horrendum, ingens, tot sancta spicula mentis  
 Quot mala Verba iacis: nunquam sic flamma noceret  
 Ausa oculis Basileis inus, quam mollis lena,  
 Hec scelus? alloquuta; occultum male fata Genenati  
 Parturit, Et presentem inspirat Vipera mortem.

Quid facis infelix? quibus amolire malignam  
 Pestem armis? quæque artes eram certabis in hydræ?  
 Nulli adeo extremo steis inter mortua bello  
 Quam tibi libertas; hem ludicra pascis inanes  
 Fabula Sirenes, Et nulla relinquitur orba  
 Virtutis species. oculos aperire, perire est,  
 Et laqueum reperire oculis. hos claudere, frustra;  
 Viraque reclusa est auris, satis ampla Geneno  
 Ianua femineo: nec ceram pauper Vlysses  
 Extremum medicamen habes; nec carcere vincula  
 Auribus auxilium spondent Et opercula palma.  
 Nulla manus pugnis, nullis pes calcibus hostes  
 Proturbare valent; ipsi inter byssina sudant  
 Vincula, compedibus ceu lætarentur ahenis.

Desperata tua inuenis castissime dixi  
 Serta pudicitia, tantisque his molibus onum.  
 Expugnari animum Et Cyprijs succumbere telis.

Non ita Romano Gecors homicida duello.  
 Angitur inter aquas, geminis dum morsibus urgent  
 Et canis Et serpens, cristatoque addita gallo  
 Simia: maiores (olim impenetrabilis) hostes  
 Sustinet integritas, nec spes super Vlla saluti.  
 Quidquid agat (cane pressa fera est, indagine cinctus)  
 Frustra agit, Ionio passim puer imminet arcu,  
 Atque Cupidineis admixta Genena sagittis  
 Proximus inforquet: solum Victoria plausum  
 Hactenus expectat, magnæque Venus fruiur spe.  
 Iamque suo iacet sese lasciva theatro,  
 Letheosque canit Versus, Et carmine dirum  
 Non ignara mali celebrat Victorix Hymenæum.

Atqui inconsultum mulier sine fronte triumphum  
 Turpis Erynnis agit, nam quæ vicisse superba  
 Crediderat, Victrix est, dubia prope sessus arena  
 Nobilis athletæ calo iutore secundum  
 Reperit auxilium, reperit quæ Victor iniquant  
 Arte triumpharet lascivo pectora leham.

*Namque tibi Sicinus obseptus tibi que periculis  
 Iam dare iamque manus mox cogeatur inermes:  
 Quin, ait ipse sibi, prorumpi & arma requiris  
 Laese pudor, dabis arma dolor, dabis arma voluntas.  
 At frustra in cinclis gladium quaesiveris; Enam  
 Fortè tibi teneris non fascinat improba filis  
 Linguam mollesces, ergo hac pudor sciere linguâ  
 Pro gladio quocunque potes, tibi maior honesta est  
 Cura pudicitia, quam vana gloria lingua.  
 Dixit, & ad morsam generoso vulnere linguam  
 Demetit, inque lupa tarpem comit oscula frontem  
 Oscula sanguineo effrontem pingentia riuo.  
 Maeste animis iuvenis magna q; amplissima fama  
 Materia, & sanctis nostrorum annalibus unus  
 Annunierande ducum, stygium qui viribus hostem  
 Et Phlegethonteos tanto in certamine funes  
 Inuictis rupisti animo, qui talibus ausis  
 Partheniisq; decus, libertatemque perennem  
 Servasti invocam, doctus pro senore tuam  
 Virgineo posuisse tuam, in specula torto  
 Librasti nervo, jamceque fœnere pharetra,  
 Lingua sagitta fuit Paphique diremptio belli,  
 Imo corona fuit, tanti fuit ansa triumphi.*

**ÆDES. O NICETA!** ô victor gloriosissime! qui omnibus retro  
 seculis obstupescendus, in omnem posthumam memoriam omni  
 post ævo colendus & venerandus, omnium vocibus es decan-  
 tandus.

Sed, ain' tu hoc carmen discipuli? cras credam, hodie non. In  
 os, mi Partheni, te laudare non cogito, ne palpem. somniasti feli-  
 citer in bicipiti Parnasso. **PARTH.** Mittamus hæc somnia, & ad  
 rem redeamus. nemo nostrum **NICETAS** erit, si sciamus solum, in  
 hoc Circo vicisse alios, nisi & artem calleamus, quâ & ipsi vinca-  
 mus. Disseruimus super *Inustamenti* & *Essestibus* Incontinentiæ, re-  
 stant *Antidota*. Tenes bellos illos & rotundulos versiculos? sed  
 non tales Nasoni aut Maroni. sunt illi:

*Lectio, Flagra, Preces, Confessio, Lympha, Labores,  
 Portarum excurbia, Christi presentis pœna.*

Ne videamur, vt iam suprâ monebas, Arabicè loqui, voces singu-  
 las exponamus. Hic omne Incontinentiæ pharmacum, velut in  
 nuce Ilias continetur: Ordiamur.



## QVINTVM INCONTINENTIÆ

Pharmacum LECTIO SACRA.

**P**ARum erit, Aedese, libros impuros amouisse, nisi & meliores substituamus: nec virtutis est, noxia non legere, si profutura spernamus. Piorum libellorum lectio, tam utilis quàm necessaria est. Cùm oramus, cum Deo loquimur; quando legimus, Deus loquitur nobiscum. <sup>a</sup> Lectio sacra pharmacopolium est, è quo suam cuique vitio medicinam petamus. Conciones, statim duntaxat, & non nisi festis diebus nos erudiunt: à libris, taciturnis his concionatoribus, quotidie doceri possumus, imò debemus. Segetem non colliget, qui per plures hebdomades, vnam alteramue tantum spiculam infert horreo: nec multum pietatis addiscent è libris, qui eos vix sæpius quàm menstruâ lectione consuluerit. quod si simplici vice parcius, sæpius tamen pij aliquid legendum est. Egrotis in hoc non absimiles sumus: ne bibant ij largiùs vno ductu, iubentur frequentius bibere. ita nos non multa simul ingeramus, sed multum. **ADES.** hoc non satis assequor. **PARTH.** breuî explicatiùs id tradam. hoc iam ago, crebram, imò quotidianam lectionem sacram esse utilissimam.

**D. Bernardus**, elegantis ingenij, & admirandæ doctrinæ antistes, multa illustria, quædam etiam pænè diuina scripsit; nullo aiunt magistro vsum: solâ precandi & lectitandi assiduitate, ad hoc eruditionis culmen ascendit. Vt legeret, intelligendi fecit cupiditas; vt intelligeret, oratio impetrauit; vt verò impetraret, quid nisi vitæ sanctitas promeruit? Sic cupiat, sic oret, sic & viuât, qui sic proficere desiderat. Soli ferè lectioni sacre debemus duos illustres Patriarchas, Dominicum & Ignatium; quorum ille sanctitatis suæ primordium, Collationibus Patrum; iste Vitæ Sanctorum iure adscribat. vtrumque non mutauit tantum pia lectio, sed alios fecit homines.

Audierat Magnus ille Antonius, ex Euangelio legi: <sup>b</sup> Vade, vende quæ habes & da pauperibus, & habebis thesaurum in cælo: & veni, sequere me. Hic ille cælesti oraculo sibi hoc dictum interpretatus, mox rebus caducis æternum Vale dixit, & Mundum res sibi suas habere iussit. Illud ingenij miraculum Augustinus, Augustinus certè nunquam fuisset, nisi talis esse cœpisset à sacra lectione.

Etione. ipse de se testis: « Sentiebam, inquit, me ab eis teneri (vita suae sordes accusabat) & iactabam voces miserabiles: quamdiu, quamdiu cras, & cras? quare non modo, quare non hac hora finis turpitudinis meae? Dicebam hæc, & flebam amarissimam contritione cordis mei. Et ecce audio vocem de vicinâ domo cum cantu dicentis & crebrò repetentis quasi pueri, an puellæ, nescio: TOLLE LEGE: TOLLE LEGE.

Nec distulit; arripuit sacrum codicem, aperuit, legítque quod primum coniecti erant oculi: Non in cubilibus & impuditijs, non in contentione & æmulatione: Sed induimini Dominum nostrum Iesum Christum, & carnis curam ne feceritis in desiderijs. <sup>b</sup> Hic legentis pectori lux admiranda sese infudit, & prior Augustinus esse desijt, vbi nouus cœpit.

O quoties otiosis illis fabulatoribus occinendum hoc ipsum: TOLLE LEGE: TOLLE LEGE. libellum pium arripe somniculose cessator, inspicere, lege aliquid, ostende sis te oculos nondum perdidisse. quid totos dies vanissimis colloquijs comburis?

<sup>a</sup> lib. 7. conf. c. 12. <sup>b</sup> ad Rom. c. 13. v. 13.

## §. I.

Commendat sacra pagina quæstorem Candaces Æthiopum Regina, ab industriâ sacræ lectionis: *Et reuertebatur sedens super currum suum, legensque Isaiam Prophetam* <sup>a</sup> Mirantur Chrysostomus & Hieronymus, <sup>b</sup> tam pium tamque sedulum legendi studium: En, aſunt, homo barbarus, distentus curis, septus vndequaque negotijs, cogitationibus innumeris inuolutus, legebat tamen, & quamuis non intelligeret quem legebat, nihilominus tamen legebat, idque in viâ, in curru. Si talis in ipso itinere, qualis in quiete domi fuisse credendus est? Nec defuere Principes, Reges, Imperatores, qui hanc ipsam viam præiuerint illustri exemplo. Nota est Theodosij Imperatoris iunioris vigilantissima lampas, e quam aded artificiosa concinnauit manus, vt certis libramētis inonita motaque, suum ipsa sibi pabulum sufficeret, nec alienas vocaret manus, quæ oleum affunderent, sed ad Domini sui peruigiles lectiones non interruptâ feruiret flammulâ. Noluit lectionis studiosissimus Princeps, ulli suorum famulorum somnū frangere, qui suum sibi in multam sæpe noctem omnino adimebat. Alphonsus Aragoniæ Rex, non minus sacræ lectionis audus, vtrunque Testamentum, vetus nouumque

a 2

que

<sup>a</sup> Act. c. 8. v. 28. <sup>b</sup> Chry. hom. de Lazaro. Hieron. epist. 13. ad Paulin.

<sup>c</sup> Niceph. l. 14. c. 3.



que quater decies ( *repeto* ) quater decies , neque cursim aut obiter , sed presso vestigio , & vnâ cum commentarijs euoluit. <sup>a</sup> Quid nos , Aedesine , quid simile præstamus ? in Regum & Cæsarum manibus sacros codices spectamus , & nos otiosuli , tot bonas horas tam malè perdimus , quas vtilissimæ lectioni piorum libellorum impenderemus.

Scripsit Magni Antonij res gestas Athanasius , ille per Orbem , Christi causâ , exul & profugus. Legit hoc scriptum & Augustinus , atque alto spiritu de eo id pronuntiauit : Quid est hoc ? quid audisti ? surgunt indocti & cælum rapiunt : & nos cum doctrinis nostris sine corde , ecce vbi volutamur in carne & sanguine : an quia præcesserunt , pudet sequi ? <sup>b</sup> Eiusdem , beati Antonij vitam , duobus ex Imperatoris Theodosij aulâ , sanctiorem vitam persuasit , tam celeri quàm admirabili prorsus metamorphosi. Mens ijs erat horas pomeridianas deambulando frangere . Atque dum hi duo apricis vagantur campis , æstui declinando ad monasterium egenum deflectunt . ingrediuntur , paupertinam supellectilem otiosè circumspectant . hic alter fortè fortunâ beati Antonij vitam languidâ manu prehendit . aperire , inspicere curiositas suasit : etiam legere cœpit fallendo tempori . miratur primò , subsistit aliquoties , meditatur nonnihil , delectari incipit , paullatim trahitur , sensum inflammatur , eâ deum lectione sic incaluit aulicus hic lector , vt defixis in socium oculis ; quæso te , inquit , quid ambiunt vniuersi labores nostri ? altius fastigium omnis spes nostra non habet , quàm gratiam Cæsaris , & istud quamdiu ? per quot pericula itur ad periculum grandius ? Mundi mancipia sumus , & sæpe diaboli Martyres fimus , & vbi ætatem , valetudinem , vitam impenderimus vanissimo huic otio , quod inde nobis præmium ? Amicus Dei si fieri volo , nunc esse queo . Dixit , iterumque legere cœpit , arduum quid voluens animo . Tandem exclamat : Abrupi , seruire Deo iam statui , idque hac ipsâ horâ , hoc ipso loco aggrediar . Et ad socium : libetne , inquit , Domine adiungi & imitari : saltem ne aduersari velis : non muto . Cui alter : Comes ero indiuiduus ; vsque sequar te . Cœperunt bene , sanctè perseuerarunt , optimè finierunt . Sponsas habebant ambo , quæ mutatione hac admirandâ & ipsæ mutatæ , deuotâ Deo Virginitate , in cælestes thalamos denupserunt . Hæc tantò credibilia , quantò testis locupletior Augustinus . <sup>c</sup>

## §. II.

En mi *Ædesime*, quid in mentem hominis possit pia lectio. Verissimum est effatum Augustini: Cùm legimus, Deus nobiscum loquitur. Qui legendo nil proficit, ne dicat, secum Deum non loqui, sed Deum loquentem à se non audiri. Qualis rerum lectio, talis legentium profectus: non tam multa legenda sunt quàm utilia. Maronem & Ciceronem non aio penitus abdicandos, sed Thomam à Kempis aliósque scriptores pios esse miscendos, ne ad Christi tribunal cum Hieronymo Ciceroniani accusemur potiùs, quàm Christiani. Augustinus inter Dialecticos Sophistas diu indagauit verum, quod non solum illic non reperit, sed in Manicheum etiam delirium incidit; nec ab hoc prius resipuit, quàm Pauli Tarsensis epistolas legit.

*ÆDES*. Quos ergo potissimum legendos suades? vix est, qui plurimi adolescentu atq; iuenum in librorum dilectu grauerent, neq; enim in libris idem esse puto quod in cibis, vt ij plurimum nutriant, qui maximè sapiant. *PARTH*. rectè sentis; non ad gustum sed fructum, legendum est, neque vt doctiores inde fiamus, sed vt meliores. Piorum librorum equidem hoc æuo magnus est numerus, & qui in dies auget. Sed en, breuissimum tibi syllabum de eorum librorum, quos ego adolescentibus, iuuenibus, Viris, præ milenis alijs utilissimos censeo:

I. Stimuli Virtutum.

II. Considerationes de Æternitate.

III. De imitatione beatissimæ Virginis Mariæ.

Vltimum horum scripsit Franciscus Arias, cuius viri alia itidem opuscula omnia tibi commendo. Sed primus sit, quem primo loco nominaui, *Stimuli Virtutum*; de quo hoc sentio, nescire me quis è plurimis Orbis bibliothecis videri debeat præ isto iuuenibus utilior. ita primus sit iste: ab hoc ad alterum progredere, & illi fundamento, *ÆTERNITATEM* impone. Verùm, cùm illos paucos suadeo, non nego alios itidem utilissimos lectu esse, vt sunt, Dux Pecccatorum Ludouici Granatæ, & ipsius alij eruditi sanè & pij libri: Praxis spiritualis Antonij de Sales; Imitatio Christi Thomæ de Kempis; Vitæ sanctorum à Zachariâ Lippello scriptæ; Zodiacus Christianus de XII. Prædestinationis signis; Horologium Auxiliaris tuzelaris Angeli; Ascensio mentis in Deum Roberti Cardinalis Bellarmini; Eiusdem de Æternâ felicitate Sanctorum; Eiusdem



de gemitu Columbar: Eiusdem ars moriendi; Albertus Magnus vel Iacobus Alvarez de Virtutibus; Lucae Pinelli pars prima & secunda Operum spiritualium; Manuale Sodalitatis à Francisco Veron editum; Francisci Bruni partes quatuor de beatissimâ Virgine, Vitâ, & morte Christi; Ludouici de Ponte partes sex Meditationum. En cumulum, & paucos nominaui: tu selige. Plerosque illorum & leui sumptu emes, & lectione breui euolues, ita fac Aedesime: mei te consilij non poenitebit. ADES. parebo: sed à te legendi leges, etiam expecto. PARTH. paucas dabo, nec plures, quàm libros. Tria mihi maximè in lectione sacrâ videntur cauenda.

I. CELERITAS.

II. VARIETAS.

III. VANITAS.

Et ne ænigmata putes esse hæc nomina, explico.

### §. III.

Pio lectori ante omnia, & primò cauenda est CELERITAS. dixi iam: non multa, sed multum legat, qui profectum amat. Apage mihi lectores illos qui per libros volant, uti gallus gallinaceus per prunas, raptim multa euoluunt, nusquam insiliunt, nihil meditatè legunt. Sacra lectio pensiculata sit, & crebrius interrupta, ut quod legeris, meditando, expendas, & recolendo melius intelligas. Sunt qui non edunt, sed vorant, & ut de ijs propriè Plautus, tuburcinantur; grandes bolos properanter ingerunt, nec mandunt, sed mox glutunt. his cibus non tam alimento est quàm detrimento: ita qui multum ingerit legendo, nihil autem digerit expendendo, vitiosè legit, & cum noxâ. Pluuia est quàm Stillam vocant, quæ cælo placidè & guttatim rorante, terram fecundo illapsu penetrat: nimbus vehemens, & subitus, plerumque parum fertilitatis adfert: ita lectio properata, meditationunculis non distincta, velut repentinus imber, animum ad fecunditatem non irrigat, sed obruit & non penetrat. Si quid legis, quod formandæ vitæ magis faciat, patere obsecro ut penetret: cogita num ad id temporis talis fueris, num futurus sis talis. frustra legis, si non pensiculatè legas.

Deinde VARIETAS, in omni pænè lectione improbanda. Perculorum multitudo, multis ceteroqui sanis valetudinem adimit; multitudo pharmacorum plurimis iam ægrotis, vitam præscindit: Sic omnino librorum fastidiosa varietas, solidum profectum impedit. Vagum & instabile quid habet, omnis generis voluminum lectio.

Nusquam.

Nusquam est qui ubique est; sed nec sanitati conducit remediorum crebra mutatio. Fastidientis est stomachi, multa degustare, quæ ubi varia sunt & diuersa, inquinant non alunt: multos morbos multa fercula faciunt: ita & lectoris vitium est voluptatem potius in libris quærere, quàm utilitatem. Hos tales Polybius catillonibus, & gulosis conuiuis æquiparat, qui appositos cibos variè & carptim delibantes, neque in præsentia voluptatem solidam, neque fructum aut alimoniam in posterum ferunt. Ita legamus, mi Aedesime, vt non quæ sapiunt, sed quæ instruunt & prosunt; vtilia magis quàm plausibilia sectemur.

Sed & VANITAS in legendis libris damnanda. Vanitatem voco, legere, non vt facias, sed vt scias; scholæ discere, non vitæ. Ah, mi Aedesime, *sic* nostrum cælo non probabitur, sed nostrum *facere*. quid multa lego, si facturus non sim, quæ legi. quid iuuat sacra lectio, si profana sit nostra omnis actio? quid pios codices terimus, si nullam in nobis pietatis imaginem exprimimus? quid præcepta Castitatis accipio, si ea sequi recuso? Sacra lectio nunquam ordiendæ est sine ingenuo firinoque animi decreto, exequendi quacunque in re, quicquid faciendum vel omittendum instinctus diuini per librum dictârint. Angelus coram Ezechiele & Ioanne, non solum *librum expandit*, a sed illos etiam comedere volumen iussit, & visceribus abdere. Vanissima lectio est quam opus non consignat, post lectionem tales incipiamus esse, quales esse præcepit liber. Alioqui copiosum spargimus semen, & nulla messis sequitur. Et malè illi, qui faciendæ sciuerit tantum, non fecerit. Hortatus nos Christus: Ille, inquit, seruus qui cognouit voluntatem domini sui, & non præparauit, & non fecit secundum voluntatem eius, vapulabit multis. 6

a Ezech. c. 3. v. 1. Apoc. c. 10. v. 2. b Luc. c. 12. v. 47.

#### §. IV.

Beatissima Virgo, Domini mater (cuius sanctissimos mores nullus vnquam satis laudauerit) à nonâ diei horâ, ad primam vsque facem diuinas paginas perlegit, plûsque profuit (vt Sabellicus loquitur) vni virgunculæ, singularis lectio ad beatitatem & decus, quàm omnibus sapientibus omnes bibliothecæ.

Syluia Ruffina Alexandriæ Præfecti filia in Thebaidis solitudine, id adepta est assiduâ lectione, vt non sola esse sibi videretur, cum maximè sola esset. & quorum virtutes legebat, illas ad profectum æmulata, in se conabatur effingere.

Alcibiades iuuenis (vti memorant) scholam olim ingressus, Illa-



dem Homeri à magistro petere institit. Negavit Magister eius libri copiam sibi esse. cui audax iuuenis non verba sed colaphum respondit atque abiit, hoc vnum apud se mussans: Ludimagister sit, & Homerum non habeat? Forſan, mi Aedeſime, Beatiffimæ Virginis ſodales reperias, quos ſi interroges, num libellum de Imitatione Chriſti lectitent, etiam habere ſe negabunt. An non & his iure obijcias: ſodales ſint, & ſacrum hunc ſcriptorem non habeant? Non poteſt eſſe maior vitioſitas, quàm optimis eſſe inimicum. Alphonſus olim eximius ille regum interrogatus, qui eſſent optimi conſiliarij? Mortui, reſpondit, libros ſcilicet intelligens, qui nihil blandientes, nihil celantes, veritatem, & institutionem ſinceris documentis exprimant.

Sanus eſſe vix poteſt qui ſalubres cibos auerſatus, gulam ſuam in ceraſa & omne genus pomi effundit: ita nec ſanctus erit, qui pios libellos exoſus, audiendis aut lectitandis fabellis ſe paſcit. Vtilia & pia legenda ſunt, & niſi ea crebrò legantur, nec utilitatem nobis, nec pietatem conciliabunt. Atque hoc dicere habui de primâ vculâ verſiculi (LECTIO) ſequitur altera (FLAGRA) ADES. Iam mihi tergum horret. Sed perge, mi Partheni: nondum deſij attentus eſſe.

## CAP. IV.

## SECUNDVM INCONTINENTIÆ

## antidotum, CORPORIS AFFLICTATIO.

**P**ARTH. *Reſiſtite diabolo. Et ſugiet à vobis.* a Aedeſime, Caſtimonia ſine bello nulla eſt, pugnare non vis? Caſtitem non amas. Reſgeſtas omnium Sanctorum inſpice, pugnas videbis admirabiles. Vix ulli non magno ſtetit ſua Caſtitas. Notum illud D. Chryſoſtomi: Virgo à bello nunquam ceſſat. b Hoſtis tam blandus & ſubdoluſ, quàm propinquuſ eſt. Quiſque ſibi non ſolùm viciniſſimuſ eſt hoſtis, ſed & peſſimuſ. Diabolus & Munduſ licet totis noſ caſtris oppugnent, fruſtra ſunt, ſi proditor inquilinuſ, eorum parti non faueat. Nec ignorat cacodæmon, victorias ſuas pænè omnes carni referendas in acceptis. Facili molimine vincit dominam, *Rationem*, ſi expugnauerit ancillam *Carnem*. Hæc ſui amore ſtultiſſimo decepta, vt aliquot mellis guttulas emat, cælum vendit: æternum perire non curat, modò ei ſuaue ſit pauxillo temporis. Infamiam hanc extremè damnâs Siracides: Quid, inquit, nequiùs quàm quod excogitauit caro & ſanguis? c

Hic

Hic mihi Iahalem, Cinæam feminam, tam dolis quàm manu robustam considera. <sup>a</sup> Ad tentorium illius venerat, militiæ Dux Sisara, bello iam fractus, & ex fugâ fessus. Iahel in occursum egressa, suavi verborum fuce, & blandissimis benevolentiae figmentis hominem inuitans: Ingredere, inquit, mi Domine, non est quod formides, ingredere. Ille, perinde si bos macellum subeat, ingressus, frigidam petere institit. Illa, velut in hospitem, ultra preces liberalior, etiam lac propinauit, & pellibus contextum, ad somnum suauiter composuit sic sopitum & iam altius dormientem aggressa, trabalem ei clauum trans tempora adegit. ita miser somnum quem coepit, necdum finijt. Iaheli simillima, imò peior illâ est *Caro* nostra, petulans, procax, fallaciarum plenissima, & mille versutij ad decipiendum instructissima, animo sitienti lacteam propinat promullidem, varias *Carnis* oblectationes & voluptates ingerit. Et quamvis hæc potio letali toxico sit mista, tamen est grata æstuanti animo, quem & pellibus cooperit conciliando sopori. hic genius *Carnis* est, mollia semper & delectabilia offerre, reijcere quidquid asperum aut laboriosum. His lenocinijs Magnus ille dux *Animus* in somnum datur; dum dormit, suisque rebus tam nihil inuigilat, trabali luxuriæ clauo, terram affigitur & occiditur. O Sisaram! O Animum miserrimum! ita & somnum, & mortem simul incipis, & quidem æternam.

O Edesime, non hic arripimus flagra, & nequissimam hanc deceptricem, prout meretur, contundimus? *Cibaria, & Virga, & opus asino: panis & disciplina, & opus seruo: operatur in disciplina & querit requiescere laxa manus illi, & querit libertatem.* <sup>b</sup>

<sup>a</sup> Iudic. c. 4. v. 18. & seqq. <sup>b</sup> Eccl. c. 33. v. 25.

## §. I.

Narrat Plutarchus, <sup>a</sup> agasinem ab irato iam iam percutiendum exclamasse: Atheniensis sum, Atheniensis sum. Ille irâ in asinum callidè versâ: Tu verò, inquit, Atheniensis non es. mox miserum iumentum liberali fustuario multauit. *Animus* noster originem è cælo trahit, hæc ei patria, hic ciuis est: *Caro* terræ filia, fordidissimis prodit natalibus. Et quid ei tamen parcimus? Atheniensis non est, è cælo non est, *Animus* est. Cur ergo in hoc iumentum tam faciles & benigni sumus? vitiosa hæc & fatua est mansuetudo. Sed, modò *Carnis* bene sit, modò huic iucunda & mollia non subtrahantur, modò plagas euadat *Caro*: sordescat *Animus*, pereat, quid refert?



Hic paria omnino facimus Neronis matri Agrippinæ. Confu-  
lenti huic super Nerone filio, responderunt Caldæi: fore ut impera-  
ret, matrēque occideret. Atque illa impiè: *Occidas, inquit, dum  
imperet. a* Ita nos in *Carnem* damno nostro indulgentes & placidi,  
scommate impio sanctissimos monitores eludimus. Monet Chri-  
stus, clamant Prophetæ, Apostoli hortantur, vrgent Ecclesiastæ,  
Diui omnes exemplo docent: non secundum carnem ambulan-  
dum, sed secundum spiritum. *b* prudentiam carnis mortem esse:  
sapientiam carnis inimicam esse Deo: eos qui in carne sunt, Deo  
placere non posse: debitores nos esse non carni, ut secundum car-  
nem viuamus: morituros nos, si secundum carnem vixerimus, si  
autem spiritu facta carnis mortificauerimus, victuros. Quid nos ad  
hæc? Moriar, peream, occidar; modò imperet *Caro*. modò sua  
omnia salua sint carni, quidquid fiat animo. Redeunt monitores il-  
li & contentius exhortantur: Carnis curam ne feceritis in deside-  
rijs: *c* caro & sanguis regnum Dei possidere non possunt. *d* mun-  
demus nos ab omni inquinamento carnis. *e* Spiritu ambulate, &  
desideria carnis non perficietis. Manifesta sunt opera carnis, quæ  
sunt fornicatio, immunditia, impudicitia, luxuria, &c. fructus spiri-  
tus est Charitas, Continentia, Castitas, &c. Qui autem sunt Chri-  
sti, carnem suam crucifixerunt cum vitijs & concupiscentijs. Hæc  
audimus, ô Aedesine, & adhuc differimus flagra, & Carnem mul-  
cemus? nimirum asinum misione donamus, & impunissimè di-  
mittimus: Angelorum ciuem, Animum, heu pessundamus nequis-  
simis blandimentis: *Virga, Es onus asino, Virga, Virga.*

*a* Tacit. l. 14. Annal. post initiū. *b* ad Rom. c. 8. v. 4. 6. 7. 8. 12. 13. *c* Ib. c. 13. v. 14.  
*d* 1. Cor. c. 15. v. 50. *e* 2. Cor. c. 7. v. 1. Gal. c. 5. v. 16. 19. 22. 24.

## §. II.

In mari si quando Nauarchus eminens prospiciat, aut Maurorum  
Liburnicam, aut Turcarum triremem celerrimo cursu contra se  
ferri, si se viribus imparem sentiat, & fugam capessendam cogitet,  
mox ad remiges aduolat, quos si lentiores deprehendat, aut remi-  
gare non velle, eorum seu flagellum quàm priuū corripit, & hor-  
ribili fremens voce, identidem clamat: *remiga Canis, remiga, remiga.*  
Si nec flagrorum metus, operis celeritatem persuadeat, ponit fla-  
grum Naclerus, & gladium stringit: nec multa præfatur, mox  
contumaciori manum aut brachium amputat. dein proximum,  
quemque priori carmine salutat: *remiga Canis, remiga, remiga.* Et  
nos, mi Aedesine, in mari sumus procelloso, furibundo, ventis &  
fluctibus

fluctibus in ludibrium expositi: hîc syrtes, hîc scopuli, hîc scyllæ & charybdes interitum minantur. cùm vndique eluctamur, piratæ eîngunt, qui hoc vnum agunt, vt viam ad cælum præcludant. Inter pericula hæc innumera, Caro contumax, perfida, quietis & otij amantissima, puluillos & lectulos circumspicit, non nisi ferias & delicias quærit, periculorum secura & incogitans, lusibus & nequitijs incumbit. Et cur hîc non viri sumus? quid cessamus? cur non flagellis & loris ad remigandum bestiam adigimus? cur non vociferamur? *Capula Caro, Capula pecus, Capula, Capula.* Aliter certè hoc vile mancipium tractandum non est. Parua corpori facta indulgentia, rapit & euertit dominium rationis. Discat ergo subesse & seruire: laborare discat, & Castimoniam tueri. sed hoc ei rationibus aut blanditijs non persuadebitur: verberibus & vi agendum est.

Indigna res, sanctissimi viri, Castitati tuendæ acerrimè luctantur: Benedictus inter vepres, inter niues Franciscus, in lacu frigidissimo Bernardus; sexcenti alij totas horas, dies pænè totos flagellis & loris se lacerant, a vt suam sibi castitatem defendant. Vnus Dominicus Loricatus, b vnâ solùm quadragesimâ (plures autem habebat annuas) toties & ad preces tam prolixas se virgis atque loris acerrimè cecidit, vt incussorum verberum numerus, ad quadraginta quinque millium excreceret. Et nos in periculis longè grauioribus, quàm illi tales, constituti, ad omnem inertiam & languorem proni diffluimus; cùmque ambabus manibus feriendum esset, timidissimè parcimus. ita ex facili à libidine triumphamur. Ah, mortales, hæc via non est ad astra, ad cælum non est. Et quæso te, Edesune, nomina mihi è tot millenis millibus Sanctorum vel vnicum, qui suo corpori non fuerit nouerca, qui non illud parcè ac duriter aluerit, & exercuerit ad omnem tolerantiam. Dominicus, quem dixi, Loricatus solebat dicere, se ad hos verberationis voluntaria fastigium paulatim ascendisse. idem cuius alteri, opitulante Deo, posse contingere. vt enim peruigilijs assuesceret, vigilare cœpisse: nam, somnus, aiebat, inuitat somnum, & ex vigilijs faciliùs trahuntur vigiliæ. sic abstinendo discimus abstinere. Ergo incipiendum est: difficilia sunt quidem initia, sed à cœptis non statim resiliendum; progressus est faciliior. Tu, ne cede malis — hîc aude, aut Castitatem perdis. Vfus, certè flagellorum duo habet eximia. Primum est: carnis petulantiam nimium subsultantem velut asperum frænū insigniter coërcet. Alterum: Christi flagellus cæsi, spinis redi-

a Vide Iacob. Gretser. de disciplin.

b Imit,

b Ex Pet. Dam. Surius tom. 5. ad 14. Octob. in vitâ.



miti, in crucem acti cruciatus nemo satis cogitat, qui flagella, dolorisque similes non gustat. quòd si funuculos nostros, nec iratâ quidem manu inculsos, adeò tamen sentimus, iam cogita quî hostiles dextræ hamatis loris armatæ, in Domini corpus sæuierint. Mare dolorum fuit; infandi cruciatus. Ergo licet morigeram quis carnem habeat, si tamen patientis Christi summos dolores seriò velit perpendere, exiguos ipse non respuet; vtetur flagris, quæ Dominus in nostros usus, suo iam sanguine sacrauit. Nobis dictum putemus à Salomone; « Noli subtrahere à puero disciplinam: si enim percusseris eum virgâ, non morietur. tu virgâ percuties eum, & animam eius de inferno liberabis.

a. Prou.c.23.v.13.

### §. III.

Quandoque tamen flagellis præferenda sunt cilicia. subinde caro lentis rigoribus frangenda est. hoc cameuniæ vestes & cilicia præstant. Hæ molestæ tunicæ, olim plurimi vsûs fuerunt, etiam in prisca lege. nec plebi tantum, sed & regibus vsitatæ. Achab, David, Ioram, & alique reges hanc hispidam vestem, ad carnem induitui gesserunt. Illud Hebræum sidus Iuditha, castitatem atque pudicitiam suam cilicio insigniorem fecit & tutiorem. In lege nouâ apud sanctissimos viros feminasque nil vsitatus his ipsis asperis indussit. Omnis ætatis, ordinis, statûs, conditionis, sexûs homines ea gestarunt, & etiamnum gestant domandæ & vexandæ carni. Fuerunt qui, viginti, triginta, octoginta continuis annis dies noctesque, hoc fetoso amictu, carnis rebellionem omnem in se compresserint.

S. Lupus Trecentis Pontifex, qui humi somnum capere, nec antîs vicenis ulli vnquam lecto indormire sustinuit, qui alternas noctes vigilijs & precibus exegit, qui vnâ solùm tunicâ se operuit, cilicium assidue gestauit, nec imitatoribus caruit. nam idem S. Maximus Rhegiensis Præsul, idem alij fecerunt. Abrahamus eremita, qui ex amplissimo patrimonio, patris ex asse heres, præter cilicium, storem, poculum ligneum, nihil sibi retinuit, vestem cilicinam quinquaginta annis gestauit, nec vnquam mutauit. S. Amatus abbas, non aliam quàm è cilicio culcitram admisit, eadem in morbo & morte usus. Comes Elzearius, serico thorace cilicium velauit. idem ad quinquagesimi psalmi (Miserere) singulos versus, tribus ictibus idque catenulis ferreis se cecidit. Notum Caroli Magni Imperatoris cilicium. Franciscus Borgias Dux Gandiæ, etiam-

num

rium sui iuris & extra Religionem, visitaturus feminas, cilicio se arinauit. S. Thomas Cantuariensis Archiepiscopus, pilosam vestem ad genua pertingentem gestans: si corpori meo, aiebat, præesse nequeam, & quî tot alijs præero? S. Edmundus, in eodem folio successor, cilicium extra quadragesimam, in quadragesimâ loricam ferream gestauit. Ad hoc eum mater assuefecit à puero, quæ, quoties ei Parisios recentia indusia, lotum simul misit ciliciolum, suadens biduo triduoque quot hebdomadibus vteretur. *ÆDES.* da veniam quæstiunculæ: & quis primum cilicium induit? *PARTH.* primus homo, Adam cum coniuge: *consuerunt folia ficu, & fecerunt sibi perizonia.* a Aspera sunt hæc folia, nec blanda nudis. sic cilicium ab arbore sumptum in paradiso cæpit esse vsui. Imitatus Iacob, qui cruentam filij tunicam cernēs, *scissus gestibus, indutus est cilicio.* b Imitati innumeralij, qui piloso hirtoque hoc texto in carnem pugnauerunt. Notum Ecclesiæ canticum: Cilicio Cæcilia membra domabat, Deum gemitibus exorabat. nec ipse nuptiarum dies hanc ei hispidam interulam potuit detrahere: aureis quidem radiabat vestibus, latente tamen cilicio mordebatur; dūmque Pescennini cernerentur, suam ipsa virginitatem Deo commendabat. Hac non inferior Editha Anglorum regis filia, quæ vt cilicij, quod dies noctesque gessit, vexationem sanctæ dissimularet, vestem cultumque regium non abhorruit. Vidit eam sic regiè comptam, S. Ethelwoldus, & substrictâ fronte: non sic, inquit, non sic, ô mea filia, ad cælum itur. cælestis sponsus hunc nitorem, hos radios non curat. Illa modestè: Sancte Pater, inquit, & hoc est quod me soletur, cor à Deo non vestem æstimari. Sensit vir sanctus mentem bonam, non semper à veste iudicandam. Radegundem Clotarij Regis, Kune-gundem Henrici Imp. coniugem omitto, quarum illa non indormire tantum, sed & ininori voluit cilicio.

a Gen. c. 3. v. 7. b Gen. c. 37. v. 34.

#### §. IV.

Quid multis? hoc vnum egerunt *omnes Sancti*, vt continuam corpori facerent iniuriam. Omnes in hanc rem mirè ingeniosi fuerunt, caueruntque vnicè, ne sub nomine necessitatis, subreperet voluptatis nequitia. Hinc prolixæ illorum vigilæ, humicubationes rigidæ, inedia perpetua, insulsi & insuaues cibi, acerbæ poriones, vestitus asperrimus, mira in rebus omnibus patientia. Ludebant cum corpore, ne ludus ei fieret animus: Vis, aiebant, ô mea Caro dormire?



dormire? hîc poteris, sed aut stando aut sedendo, proût vis: hic lectus pro te nimis durus est. aut si mauis iacendo quiescere, en hîc optimum puluinar, saxum. Vis prandere, cenare? & hoc potes. en herbas, en radices optimas, cum condimento etiam, cinere, acetum, sal, oleum tibi non conueniunt. Sitis, ô mea Caro: en aquam cristallinam, argenteam, licet nonnihil tepidam, ne gelu tibi noceat. Ita in corpus amarissimè iocati, redegerunt illud in seruitutem. Et assiduas has pugnas contra carnem summâ contentione aggressi sunt, sciebant enim bellum esse intutissimum, cum hostis est intra muros. Idcirco suum quisque corpus, velut beneuolum inimicum (ita Nazianzenus loquitur <sup>a</sup>) aut insidiosissimum amicum frangere laborauit precationibus, laboribus, vigilijs, inediâ, cilicijs, flagris, rigoribus alijs innumeris. Religiosissimâ in seipso tyrannide seruârunt illud Caligulæ: *sic feri, Et sentiat se mori*. sic tractârunt corpus, vt seruum se commemorasset, non dominum; sic carnem exercuerunt, vt ex aduerso pugnaret medicina cum morbo, dolor sensûs cum voluptate carnis.

At nos tenelli ac delicatuli (certè tales sumus, ad illos comparati) nos mollicelli hoc vnum agimus vt suauiter pereamus. id omne studiosissimè amolimur quod carni non blanditur. Ecquid parcimus huic asino? non est Atheniensis, cælestis ciuis non est, Animus est. ecquid hanc vermiuin prædam, tam blandis obsequijs in nostram perniciem demulcemus? an ignoramus, nullam pestem efficaciorrem esse ad nocendum, quàm hostem domesticum? <sup>b</sup> Carnem, capitalissimum nobis hostem imminere, quâuis, non dicam die experiri licet, sed horâ; si libeat explorare. Caro enim concupiscit aduersus spiritum, spiritus aduersus carnem: hæc enim sibi inuicem aduersantur. <sup>c</sup> Perpetuâ hîc rixa & lucta est. & quod crebrior Carnis est victoria, hîc maiores illius sunt vires. At ibi semper vincit, vbi nunquam creditur esse hostis. Ah vani, ah miseri! quantum mortalia pectora cæcæ noctis habent! quid delitias & voluptates quærimus, nec suo tempore, nec loco suo. In alium & meliorem orbem inigrandum est deliciarum auido. in orbe hoc nostro appetentia voluptatis, plena est anxietatis, satietas verò plenissima poenitentiae. Tristes esse voluptatum exitus, quisquis reminisci libidinum suarum volet, intelliget. hinc morbi & dolores quasi quidam nequitiae fructus referuntur. ita demum voluptas omnis in tormentum vertitur.

In

a Greg. Naz. de paup. curâ.

b Boëth. l. 3. de cons. phil.

c ad Gal. c. 5. v. 17.

In id verò solùm ingeniosa est *Caro*, vt *onus*, & *Virgata*, & *opus* à se remoueat, & quiete fruatur delicatâ & voluptabili. Ergo, mi *Aedefime*, ex æquo & iusto: *onus*, & *Virga*, & *opus* huic pecudi conuenit, aut illam profectò habebimus refractariam. Ad finem capitis huius, illustrissimæ & prorsus seueræ continentię admirandum speculum extollo. Adeste spectatores; huc & oculos & animum.

Ioannes Godefridus Bambergensis & Würzburgensis Pontifex, Anno MDCXXII. quarto Calendas Ianuarias, Ratisponæ in Comitijs defunctus, per omnem vitam adeò se totum Castitati consecrauit, vt homines libidinum suarum mancipia, velut ipsos diabolos auersaretur & fugeret; neque vnquam induci potuit, vt cum his talibus vel paullo familiarius ageret. Iam inde à paruulo Godefridus, cilicio consuevit vti totis diebus ac noctibus, integris etiam hebdomadibus; diebus Veneris, Sabbati, & pridie dierum. Christo, beatissimæ matri Virgini, aut patronis dicatorum, flagellis se acriter cæcidit. Omnibus annis, quibus Episcopum egit, stramine tantum, quod linteamine texerat, indormijt, multas noctes nudâ humo, rudi panno substrato, exegit: ad solidas preces mediâ nocte sæpissimè surrexit. Ad rem facit quod addo: Omnibus Veneris ac Sabbati diebus cibo abstinuit, vnicâ panis bucellâ & haustu modico contentus. Si quando his diebus hospitalitatis ius, aliâue causâ eum mensæ admouisset, vt abstinentię suæ constantem rigorem sanctè dissimularet, cibos ab opsonij magistro seu structore diuisos, tanquam cenaturus accipiebat, paullo post, alijs id minus obseruantibus, famulo intactos velut neglectum porrigebat. Die Christi patientis, & aliàs per annum crebrius omnis cibi abstinens, præter panem & aquam gustauit nihil. & hoc tunc maximè fecit, cum omne alieni oculi arbitrium vitare licuit. Quadragintadiali ieiunio nil è piscibus aut alijs animalibus esitauit, herbis solùm, leguminibus, & rapis contentus. Per omnes Dominici Aduentûs dies nil carniū in cibum admisit. Sanè non paruo ei stetit, Castitatis tam sincerus amor. Quod vel hinc etiam luculentè patefiat.

Adolescens etiamnum, liberali admodum & venustâ erat facie, ita tamen vt in eo nobilissimam fecerit mixturam Pudicitia & forma. Hoc eius virgineum decus cacodæmon isto sibi stratagemate sumpsit expugnandum. E gynecæo feminæ magni nominis, insigni iuuenis pulchritudine in beneuolentiam parum pudicam inflexæ, ad conuiuium Godefridum specie honoris vocarunt. Adest vocatus, nec tamen solus (vt res tam periculo careret, quàm suspi-

cione:



cione: sed vnâ secum vitæ suæ moderatorem adducit. Hunc præ omnibus benignæ inuitationes & crebra pocula petebant. hoc enim nequissimâ vafritie agebatur, vt is omnium minimè gressum è domo moliri possët, qui primus deberet, itaque cogeretur cum commisso sibi iuvene illic pernoctare. Res è voto successit, nam probe appotum & iam vacillantibus vestigijs, articulisque sub fidentibus labentem, in proximum conclaue, blandè cubitum trahi iusserunt. ita & iuuenis eâ nocte pedem domo efferre prohibitus est: & quia nil mali suspicabatur, ipse quoque ad lectum tali hospite dignum deduci se passus est. Cùm verò adultâ iam nocte quies & silentium teneret, cubiculum sopiti iuuenis furia illæ libidine accensæ laneo passu irrepunt, iamque proximæ lectum quâ verbis quâ gestibus, adolescentis innocentiam ad flagitium inuitant. Hic castissimus iuuenis, velut ad stygij monstri aspectum euigilat, & mox horrendum vociferans, è lecto, vt erat lineis solum femoralibus & indusio vestitus, profilit, impuris manibus semet extorquet, & omni veste aliâ relictâ, ex insidiosâ domo euolans, in vicini ædes, velut in asylum transfugit, vbi reliquum noctis inter preces & gratiarum actionem, pro obtentâ Castitatis palmâ exegit. O factum dignum æternis annalibus! O Niceta, sunt qui tecum saltem certare velint, si superare non possint! O Ægypti prorex Iosephe, tuæ virtutis æmulum agnosce! O Ædesine, pænè rediuium Nicetam tibi sisto in hoc iuvene. Pronissimum mihi est credere, Godefridum post tam nobilem victoriam, eum à Deo fauorem impetrasse, quem Thomas Aquinas, cui lumbos strinxerunt Angeli, vt aut nullam deinceps carnis rebellionem senserit, aut facili negotio represserit. Neque tamen noxiâ securitate castimoniz suæ sisus, diaboli technas timere desijt. sciuit, quod supra monuimus, virginem à bello nunquam cessare. Ideò in domum suspectæ pudicitiz aliàs inuitatus: Malim, inquit, leprotrophium subire, & cum leprosis cenare, quàm vel semel castitatis periculo, ædes illas ingredi, neque sponte in ignem præcipitare. Nec aliter fecit quàm dixit, & rigida virtutis exemplo perpetuam sibi Continentiam stabilivit, in sui corporis tormentum variè ingeniosus. Solebat namque cingulum ferreum, insuper aculeis asperum ad nudos lumbos appressum gestare. Armillæ ipsæ, si quando ijs vsus, non lasciuiæ instrumenta sed Castimoniz, ostentationem nullam præferebant, sed virtutem tegebant. Siquidem sub hoc tortili auro carnificina manuum latebat, quæ maluissent metallo tam nobili non indui, quàm

quàm abditis sub eo aciculis assidue compungi. Godefrido certè tua Castitas non gratis constabat: verberibus, ieiunijs, aliisque rigoribus, corporis animique florem & emeruit, & retinuit. <sup>a</sup> Sed Versiculus monet: Lectio, flagra, preces ——— diximus. Ad preces me verto.

<sup>a</sup> Ex funebribus orationibus Dn. D. Friderici Forneri &c. & P. Ioannis Salleri.

## CAP. V.

*TERTIUM INCONTINENTIAE  
antidotum, PRECES ET ORANDI  
STVDIVM.*

**A** Nachoretam senem (vti Pelagius refert è Græco <sup>a</sup>) consulens quispiam de animi sui latente malo: ecquid ego, inquit, faciam? cogitationes meæ non nisi ad libidinein me trahunt, nulla mihi ab eis est quies, nec per horulam quidem. & hoc non leniter me affligit. Cui senex: Quando, inquit, dæmones eiusmodi cogitationes ingerunt, ne colloquaris cum animo tuo, quia dæmonum est talia suggerere; tuum, suggesta identidem regerere. penes te est, hos hospites aut admittere, aut ingredi volentes eijcere. Modò resistas, inuito tibi consensum vi nullà extorquebunt. Ad quæ iuuenis: Atqui, mi pater, inquit, debilis sum, & tam potenti affectui vix resisto; vincor. Atqui nemo, inquit senex. hinc vincitur, nisi volens. Et scis quid fecerint Madianitæ? b filias suas ad omnem illecebram comptas & ornatas, in oculis Israëlitarum quasi venales proposuerunt. Ita quidem allicere potuerunt ad turpe nefas, neminem cogere. Israëlitis omnibus integrum erat, non perire. Multi, quibus lex diuina cordi fuit, non tantum Venereum hoc illicitum contempserunt, sed alios etiam, illecebroso spectaculo captos, ultione laudabili puniuerunt. Sic & nobis agendum. Fucatas tibi diabolus cogitationes prostituit? Contemne, non responde, despicue in illas sordes; surge, ora, & clama: Fili Dei miserere mei. Ad hæc iterum iuuenis: Ecce pater, inquit, & oro, & meditor, & clamo, sed sine omni gustu; lapis sum, non inoueor. Tu tamen, inquit senex, nihilominus & ora, & ineditare, & clama. Incantator sæpe vim verborum quæ pronuntiat, ignorat, at sentit eam incantatus serpens, & velit nolit, humanæ voci se subiicit. Ita nobis quantumvis saxum cor sit, & preces insensile, sentit tamen eas cacodæmon; terretur, & fugatur. Tu igitur ora, etsi silex tibi videaris.



Salomon, illud opulentia & sapientia prodigium, & si solus hic loquatur, satis persuadeat: Sciui, ait, quia aliter non possem esse continens, nisi Deus det, & hoc ipsum erat sapientia, scire cuius esset hoc donum: adij Dominum & deprecatus sum illum. *a* Nobilissima gemma est Castitas & pudicitia, tolerabili tamen & leui venditur pretio: emit, qui petit; pete illam à Deo, & iam emisti. Omnis quidem virtus, munus à Deo est, singulari tamen ratione Castitas, idcirco precibus ardentissimis petenda est à liberalissimo Domino, qui sic rogatus, menti allucet, ut vicina pericula prouideat; voluntatem afficit, ut congrua malo remedia constanter adhibeat; infrenem appetentiam sub legis imperium compellit, luctantem hominem confirmat ne ob pugnae difficultatem, vincendi spem despondeat, sed ope in caelo affuturam erecto animo confidat: qui denique novas identidem vires subministrat, ut is qui coepit, hoc Castitatis stadium decurrat, promissumque Castitati praeium obtineat. Hæc Augustino causa fuit, sic efflictim precandi: Deus meus, accende me. Continentiam iubes: da quod iubes & iube quod vis. *b*

Ille Paradisi hospes, castissimus Paulus, Virginitatis adeo erat amans, ut omnes sibi cuperet quam simillimos, tamen & ipse has feces luteas sensit: *c* Datus est, inquit, mihi stimulus carnis meae, Angelus Satanæ, qui me colaphizet, & quâ tandem ratione diuinus hic homo ab hac carnis iniuriâ se vindicauit? *Precibus*, & quidem ter repetitis: Propter quod ter Dominum rogaui, ut discederet à me. Ea demum oratio impetrat quæ perseuerat, quæ ignes spirat: Preces languidae, nec hominem quidem ad assensum flectunt, ne dum Deum. Spiritus est Deus, & eos qui adorant eum, in spiritu & veritate oportet adorare. *d* Falsitas est illa, & turpe dissidium, cum lingua preces & verba demurmurat, mens interim à precibus aliena, ad ludos & choreas euolat. precari putes hunc hominem; os certe occupat: cor otatur, aut peiora tractat otio, & nescio quid aliud nugatur. Atqui hoc non est *in spiritu adorare*: his precibus Castitatis gemmam nemo impetrauerit. Sanctissimus Dauid precationibus assiduus exæstuans: Ad te, inquit, leuaui oculos meos, qui habitas in caelis: Ecce sicut oculi seruorum in manibus domino- rum suorum; sicut oculi ancillæ in manibus dominæ suæ, ita oculi nostri ad Dominum Deum nostrum, donec misereatur nostri. *e* In manibus, inquit, domini, stant oculi seruorum, non in facie. nuni-

rum

*a* Sap. c. 8. v. 21. *b* lib. 19. conf. c. 29.

Cor. c. 12. v. 7. *d* Ioan. c. 4. v. 24. *e* Psal. 123. v. 1. & 2.

rum hic oculorum coniectus petit vt accipiat; ad heri dextram peruolat, vt eam aperiat ad dandum. Ita nos prorsus oculo, nostros in Dei manu statuamus, & Castitatis vnionem pretiosissimum, violentiâ Deo gratâ extorqueamus.

## §. II.

Militiæ Dux, cui castrum commissum est defendendum, & quando videat à vicinis iam hostibus castrum obsidione cingendum, litteras quàm primùm perscribit ad arcis dominum: hostem in propinquo esse, de arce agi, se cum suo milite in periculo versari, nisi quàm celerimè submitatur auxilium; proinde rogare se, vt si quidem Dominus arcem suam velit saluam, maiores copias & recentem militem, quàm citissimè possit, suppetiatum mittat. Militiæ viuimus, mi Ædesime, & castrum suscepimus propugnandum, Animum. varius hanc arcem incurrit hostis maximè Cupido, Venereus ille iaculator, qui secum ingentiâ trahit agmina, tot occasionum, illecebrarum, tentationum. heu cingimur saepe, ac vndique magnis copijs obsidemur. Quid hîc consilij? primum est, non differre. proximum, litteras exarare, & cum ijs tabellarium quàm primum amandare ad Dominum. Nuntius noster, nostra est oratio; litteras scribimus, cum ad Deum preces fundimus. Hîc iuuat, expeditum & celerem esse quàm primum in periculo est Castitas, cum occasiones inuitant, illecebræ blandiuntur, cum tentationes incitant, mox ad Deum peruolet epistola: mox ardentissimæ preces concipiendæ in hunc ferè modum: & satis est quandoque vel vnicâ tali precatiunculâ opem diuinam poscere.

Libera me de sanguinibus Deus, Deus salutis meæ. Psal. 50. v. 16.

O mi amantissime Domine, succurre, pereo serua me.

Deus in adiutorium meum intende, Domine ad adiuuandum me festina. Psal. 69. v. 2.

O Iesu castissime, de animæ meæ salute agitur, custodi me ne peream.

Ad te Domine leuavi animam meam: Deus meus in te confido, non erubescam. Psal. 24. v. 1.

O mi Iesu, O Iesu fortissime defende me; à Satanæ laqueis erue me.

Illustra faciem tuam super seruum tuum; saluum me fac in misericordiâ tuâ. Psal. 30. v. 17.



O mi Deus, fons puritatis, amator castitatis, crea in me cor mundum & castum.

In te Domine speravi, non confundar in æternum; in iustitiâ tuâ libera me. Psal. 30. v. 1.

O Iesu purissime, in cordis puritate conserua me.

Complaceat tibi Domine, vt eruas me; Domine ad adiuuandum me respice. Psal. 39. v. 14.

O Iesu desiderabilissime; totum me trahe ad te.

Potens est telum in cacodæmonein ardens oratio. quòd etiam hinc discas. Vnus è sodalitate Virginis beatissimæ fuit (mihi rebus omnibus coniunctus) qui clam adinotis facibus in flagitium agebatur. Ter illum nocturnâ molitione cacodæmon impetiuerat; iam in virum procerus; mox intra pusionis modum contractus; denique virgine asimulata nihil virgineum meditabatur. In his angustijs deprehensus adolescens, quicquid armorum habuit hosti obijcere, Præsidentem suam aliquando ingeminare; rursus cruce præcordia notare velle, sed irritò ferme conatu; nam torpebat ex animis pollex, & manus nihil virium retinebat. Ad vltimum lingua suppetias tulit, vt inclamato Numine redirent manus ad officium, & Sirenum ora in fumum dilaberentur. Nec restinctum tamen eâ fugâ incendium est; sed viuentibus adhuc flammis adolescens conflagrabat. Ergo lecto se corripit, abiectusque humi ipse plectere se incipit. Vbi cum per horam decubuisset, tandem ab incendio triumphauit. *a*

Christus, quotidie precari nos iussit; *Et ne nos inducas in tentationem.* sed & clausulam addi præcepit: *Sed libera nos à malo.* Tam rogandus est Deus ne incurramus periculum, quàm, vt euadamus. Et hæc oratio non à summis labris veniat, sed à pectore, & intimo sensu.

*a* Anno 1614. factum.

### §. III.

Hic mihi duos velim consideres, in extremis pudicitie periculis, precantes: Iosaphatum Regem, & Thomam Aquinatem tibi sisto. Decreuerat Thomas, primum ætatis florem Deo ac pudicitie dicare. Parentes, vt hoc animi decretum rescinderent, blanditijs, minis, promissis, inauditis artibus castissimum pectus sibi sumplerunt expugnare. Ictus vani, & in ventum abiire omnes. Obdurbat filius, destinati consilij tenax. Ergo validiore ariete quatiendus fuit hic paries, dum corrueret; nec consilio defuit vigilantissimus Satan.

**Satan.** Solum se agere putabat Thomas in conclaui, quod demum carcerem esse sensit periculosissimum. Eò enim iniuncta est puella, melioris formæ quàm pudicitia, ipso vultu petulantiam confessa. cœpit ea variè & blandè verecundissimum adolescentem, ad flagitium inuitare. Omnia in eâ loquebantur, vox, forma, gestus, oculi, vestes, vestium odor. quot verba, tot iacula; quidquid dixerat, venenum erat.

O Thoma, quot in te sagittæ volant? singulæ mortem ferunt: vel vnam admisisse, plaga letalis erit. Equidem sensit eximius adolescens ad cor penetrare blandissimum hoc toxicum. Hic, velut in arenâ gladiator, consilium capit, æmulator NICETAE, & mox ad Christum: Ne quæso finas, exclamat, Domine Iesu, & tu sanctissima Virgo Maria, vt in oculis tuis turpissimum scelus committam. O mi Castissime Iesu, ne permittas, vt ob spurcam libidinem, æternas cæli delicias vendam. Dixit, & è foco titiõnem rapuit, insidiatricem fugauit, cubiculo extrusit, occlusit ostium; *Sicut.* Opportunius hæc pugna subsidium non habuit, quàm preces ex ardenti pectore petitas.

## §. IV.

Scenam habuit periculosiorem Rex Iosaphat, Regis Abenneri filius, & nisi eximia illius virtus, in eodem quasi theatro bis vicisset, plausum ab Angelis non tulisset. Sacra Christiana regius hic iuuenis à Barlaamo eremitâ didicerat: iamque mores alios & castiores præ se ferebat, quàm dum idola coleret. Abennero patri seuerior hæc vita filij non probabatur, vt qui aliud cælum non nosset, quàm in fordibus volutari, & mergi voluptatibus. Cùmque filium non vnus machinis tentatum, sentiret inexpugnabilem, magorum suasu hoc eum stratagemate instituit adoriri. Remouit ab eo famulitium omne aulicum, & solas quæ iuueni ancillarentur, puellas substituit. Hic mihi Samsonem da; da Dauidem, da Salomonem, & videamus, num duret sceleris purus inter tot corruptelas. Nec Iosaphato pectus adamante aut chalybe stetit, cœpit sentire pellas, cœpit æstare; tale demum libidinis incendium pectore circumtulit, vt huic extinguendo se parem non crederet. Generosè quidem contra tot hostes luctatus est: & iam Deum obiectabat animo, iam Dei leges: modò inferos cogitabat, modò cæleste præmiũ; non minus tamen Venereæ faces animum incendebant. ita nec Deus, nec inferi, nec cælum, neque spes, neque metus impu-

b 3 ram



ram flammam multum adeò mitigabant. Vltimum & præsentissimum visum est mali remedium, in preces se sternere. Ergo manus oculosque caelo attollens: O Deus, inquit, spes desperatorum, respice & miserere: tu omnia potes, misericors in omnes. vide, Domine, quæ patiar: meæ me cogitationes occidunt. perij, nisi tu adiuues, cordis & corporis pudicitiam seruare cupio, sed expugnor, nisi tu defendas. O mi Deus, tuus sum; pereuntem à lapsu reuoca: tibi viuam, tibi moriar. Aduit benignus Deus sic calidè oranti, & impurarum cogitationum agnè subito euanuit. nec tamen precari desijt iam victor iuuenis, sed ab eo tempore ( valedicebat iam dies ) ad alterum vsque solem in precibus peruigilabat.

## §. V.

Sed nec dum omni periculo defunctus est Iosaphat. acerbior & longè periculosior instabat pugna. Abennero patri iam antè dono venerat puella, regis filia; bello capta, sed pulchritudinis tam eximiae, vt omnem eius æui formam extinguere, & pænè Dea esse crederetur. Et hæc tragædiæ caput statuebatur, mago regio strenuè adlaborante. hic, vt certior veniret victoria, carmine magico cacodæmonem in puellam immisit, vt sic iunctis operis instrueretur stratagemæ, nulli eludendum. Adest ergo personatus diabolus sub venulissimâ laruâ, & vt inimicius pugnaret, blandissimam prætendebat pacem. Puella ad omnem dolum ingenio versatili erudita, religionis Christianæ cupidissimam se dextrè simulabat. Volebat Orcinianus piscator, Satan, eam hamis escam imponere, quam sciebat appetituros hos tales pisciculos. Iosaphatus iuuenis, præclaram hanc ratus occasionem, seruandi ab Orco hominis: nihil quidem se malle aiebat, quàm vt plurimi secum ab idolis ad Christum transirent. In eam rem vtrinque prolati sermones. Puella sensim veritati cedere, & expugnari se callidissimè mentita, in se quidem nil futurum moræ, quin sacro fonte lustranda, in leges Christianas iuraret, si modò regis iuuenis, reginæ coniugium dignaretur non aspernari. fortunam sibi regiam, non sanguinem deesse. putare se verò, à Christianis non fortunam, sed virtutes & animum in dote numerari. parentes sibi, & atos, atque atavos, & horum maiores fuisse reges. opulentiam regiam bello non nihil accisam, aut mutam esse: credere se tamen, non sine dote venturam, si probitatem coniugi futuro adferret. ( Ah, Iosaphate, ah, ah! non periculo tantum, sed ruinæ viciniore nunquam fuisti. )

Stabat iuuenis, & venusti sermonis prudentiam non sine tacitâ commendatione mirabatur, & vt sit, oculos suæ stationis oblitus, in loquentis vultum subinde obliquabat. Et ne adeo alienus foret ab honestissimis nuptijs, cœpit fallacissima Siren, nescio quas Sententias (à magistro diabolo eas didicerat) ex Euangelijs in medium recitare, ipsius Christi præsentia nuptias commendatas asserere, honorabile coniugium & immaculatum torum extollere, multa demum in coniugij laudes garrere.

Ad aures & ad oculos talem oratorem admittere, & non persuaderi, diuinæ est potentia, non leuitatis humanæ. Forma vel multa, eloquentissima est oratio: quod vult, impetrat. vbi iam verborum mel affunditur, & eblandiens animum suada facundia coniungitur, sine vi, quidquid dicitur persuadetur. Saxum antea videri poterat Iosaphatus, & immota rupes ad omnem libidinis impetum, sed lascivus dæmon tantâ sordentium flammarum vi hanc rupem vallauit, vt & ipsa instar solutæ arenæ defluere cœperit, & minui. Nondum quidem prostratus Iosaphat, hoc vno tamen victoriâ sibi fecit ancipitem, quia cœpit dubitare. Decretum erat ei antea intactum seruare corpus ab omni feminâ; iam verò vacillare, turbari, anxius hæsitare, nec turbationi satis resistere, nec dubitationem expedire.

a ad Hebr. c. 13. v. 4.

## §. VI.

Digressâ ab se Oratrice illâ pestilentissimâ, quia ipse vnus, & accusatoris, & patroni partes sustinuit, ideo ipse sibi & obijcere, & obiecta diluere, secumque ipso plurimum luctari cœpit, & in vtramque partem fluctuare, demum se solum sic affari: Nil, inquit, inhoneſti à te petitur: coniugium proponitur, & quidem non dispar: Regina est quæ sponſum quærit, nec leges Christianæ contradicunt.

Id quidem verum est, sed meministi, quid te docuerit Barlaamus? Omnis ponderatio non est digna continentis animæ.

At hîc occasio est lucrandæ animæ, & puellæ regiæ ad Christum traducendæ.

O mi Iosaphat, hoc non est lucrari animas, tuam negligere, vt acquiras alienam. nosti illud: Quid prodest homini, si mundum vniuersum lucretur, animæ verò suæ detrimentum patiatur?

Sed non est omnium, viuere vt virginem, vt Angelum. Rectè hoc quidem dicitur, sed qui declinat virginum certamina, nec præmia desideret virginibus promissa.

b 4

At



At durum est in continuâ luctâ viuere: sibi ipsi semper contradicere. Durum est, sed gloriosum est, & res vna omnium Deo dignissima.

Credibile tamen est, multos sanctissimos homines in coniugio fuisse seruatos, qui alioqui periissent. At non minus credibile, multos in coniugio periisse, qui si casti vixissent, seruati fuissent.

Sed fac, prout destinaui, sic incipiam: quis scit an sic finiam? aliud est inchoare, aliud ad finem perseuerare. At istud Deo permittendum est, hoc ipsi erit curæ. qui suavit incipere, iuuabit etiam finire.

Sed repugnat natura. Corrupta, non integra: & Deus natura longè potentior est.

Sed quid faciam? vrer, ardeo: cogitationibus pessimis, iam diu mens incenditur: sæuit in medullis fax stygia. At hunc æstum, igne Christi superare potes: hoc tale incendium Christi sanguine potes extinguere.

Sed nunquid vnus aliquis ex Apostolis dixit? qui matrimonio iungit virginem suam, bene facit. Ita est, sed idem omnino Apostolus addidit: & qui non iungit, melius facit, & bonum est homini mulierem non tangere.

Sed an non aliqui Apostolorum, vxores habuerunt? Habuerunt, sed inter alia omnia quæ Christi causâ reliquerunt, etiam vxores fuerunt: sic Apostoli omnes, vel erant virgines, vel post nuptias continentes.

Sed an non Pauli vox est? melius est nubere quàm vri. Eiusdem tamen & hæ voces sunt: Volo autem omnes homines esse sicut meipsum: Dico autem non nuptis & viduis, bonum est illis si sic permaneant, sicut & ego.

Heu quid faciam? vtinam, virginem illam regiam nunquam ad aures, nunquam ad oculos admisissem. Hoc forsân melius fuisset, sed nec sic quidem omnis victoria desperanda est.

At forma illius animo meo identidem oberrat. At nunquid non formosior est Deus, à quo rerum omnium forma & pulchritudo, velut è mari stilla vnica, aut guttula est.

Ah, ferendo non sum, si diutius duret tam vehemens cogitationum pugna.

Hic Deus prouidebit; feramus hodie, quod nos ferre vult Deus, ipsi cura est de crastino.

Sed

Sed num misellam illam virginem in stygij draconis faucibus hæcere sinam?

Sed num etiam oblitus es, quantis te periculis obiecerit mulierum familiaritas? vix euasisti, & regressum cogitas? nemo veriùs periculum iudicat, quàm qui expertus est.

Sed Christianum est, alienæ salutis curam agere. Sux, ante omnia: speciosissimos titulos excogitat caro, quibus suam turpitudinem velet: mille versutias instruit vt fallat.

Diu secum ipse in hunc modum luctatus est, reciprocâ contentione. Demum, inuenit virtute viam, & ipsa sibi necessitas reperit exitum. Ad preces iterum, velut ad sacram anchoram confugit. Precibus & lacrimis diu intentus, in soporem soluitur. hic ea vidit, vt experrectas, & fleret præ lætitiâ, & præ Numinis reuerentiâ tremere. Inde omnis, inquit Damascenus, conspectæ mulieris pulchritudo, cæno & sanie fœdior ipsi visa est. Ita cacodæmonū insultus acerrimi repressi sunt precibus. Ergo, mi Deus, continentiam iubes, da quod iubes, & iube quod vis. Sed precibus rectè iungitur Confessio.

## CAP. VI.

## QUARTVM INCONTINENTIÆ

*antidotum*, CREBRA PECCATORVM

## CONFESSIO.

QVI diligit cordis munditiam, propter gratiam labiorum suorum, habebit amicum Regem.<sup>a</sup> Nihil æquè fauores diuinos emeretur, quàm nitidam semper ac tersam habere conscientiam. Conscientiam verò ita puram non facile conseruabit, nisi qui eam crebriùs emaculauerit. id frequens peccatorum confessio potest: hæc autem vix erit integra, si sit rara, vt verissimè dixerit Bernardus; *computatio delata, multa facit obliuisci*. Qui rationes suas rarò inspicit, vix est vt non aliquid pertranseat conuiuente oculo: & sicut accuratiores illi sunt, qui, si non quot diebus, quot hebdomadibus saltem suarum rationum libellum relegunt, ita vitæ plerunque puriores sunt, qui Conscientiæ næuos, singulis hebdomadibus ad sacerdotis aures deponunt: Velox confessio, velociter medicinam facit.<sup>b</sup> Et hæc prima frequentioris Confessionis causa est. Do & alteram:

Sunt quotidiana delinquendi pericula, quibus expositi viuimus.

b 5

Diabolus,



Diabolus, Caro, Mundus, noti hostes: tentant, vellunt, rogant, alliciunt: renitentes vrgent, trahunt, tantum non cogunt, & hoc vnum agunt ne *boni* finus, nec Conscientiæ maculas tam studiosè obseruemus, easque non nisi tardè & segniter eluamus. Quid tibi cum tam delicatâ & tenerâ conscientia (aiunt illi deceptores nostri) habebis semper quod agas. æternum tibi creas negotium, & simul molestissimam; semper erit quod abstergas, & nullum laboris reperies finem. Non subolet hîc tibi quid machinentur hostes tui: hæc consilia sunt secreta diaboli in amicum vestiti. si nolis ea tibi obesse, detege, qui denudat arcana amici, fidem perdit. *a* Amicitiam simulat eadodæmon; tu cuncta eius arcana pande, confessio ne quàm creberrimâ, & laruatim hunc amicum facillimè vitabis. Quod Bernardus de Communionis, idem ferè de sacramento Confessionis asseri potest: Duo illud sacramentum, inquit, operatur in nobis, vt videlicet & sensum minuat in minimis, & in grauioribus peccatis tollat omnino consensum. *b* Concilium Tridentinum affirmat eos qui hoc sacramentum debitâ præparatione obeunt, custodiri ne statim succumbant tentationibus, & multò facilius in viâ virtutis, cautiore iam & vigilantiores progrediantur. Ipsa verò (sunt verba Concilij) huiusmodi Confessionis difficultas, ac peccata detegendi verecundia, grauis quidem videri posset, nisi tot tantisque commodis & consolationibus leuaretur, quæ omnibus dignè ad hoc sacramentum accedentibus per absolutionem certissimè conferuntur. *c* Locuples testis experientia est, ijs in vrbibus, vbi crebrioris confessionis vsus, multos per omnem vitam sine grauioribus peccatis agere.

Sed & tertiam causam subiicio, cur conscientia crebriori confessione purganda sit. Id luminis hoc poenitentiae sacramento acquiritur, quo peccata eorumque origines longè facilius dignoscuntur. Initium est salutis, notitia peccati. nam qui peccare se nescit, corrigi non vult. deprehendas te oportet, antequam emendes, existimas tu, aliquid de remedio eos cogitare, qui mala sua virtutum loco numerent: quidam vitijs gloriantur. Ideò quantum potes, te ipse coargue. inquire in te. accusatoris primùm partibus fungere, deinde iudicis, nouissimè deprecatoris. aliquando & te offende. *d* Votum est vatis regij: Illumina oculos meos, ne vnquam obdormiam in morte, ne quando dicat inimicus meus: præualui aduersus eum. *e* Conciones publicæ si quos feriant ad emendationem,

*a* Eccl. c. 27. v. 17. *b* In canâ Dom. de Bapt. & ablut. ped.

*c* Sess. 14. c. 5 & 8. *d* Senec. epist. 28. fin. *e* Psal. 12. v. 4.

hoc ipso minus feriunt, quòd feriant multos: ea verò monita quæ à Confessario suggeruntur cauendis vitijs, in concionis vicem sunt, tantò efficaciora, quantò minus multis dicuntur, cùm vni soli dicantur. *Cum dispositione instat bellum, Ego, eris salus, tibi multa consilia.* a Bel- lum tibi pro pudicitia diu felix non erit, nisi ad illud te disponas ex- omologesi crebriore, in quâ etiam consilium capias de Castimonie hoste felicius vincendo. hostis certè vaferrimus est, & ferè inquilinus, nec in vllâ vspiâ arenâ, tam præsentis opus consilio quàm in hac.

a Prou.c.24.v.6.

## §. I.

His quarta accedat caussa. Piacularis confessio nunquam repetitur sine nouo diuinæ gratiæ augmento. Quantum Deo displicet impudentia peccantis, tantum ei placet verecundia confitentis. Verè Bernardus: Omnis, inquit, spes veniæ & misericordiæ in confessione est, nec potest quis iustificari à peccato, nisi prius fuèrit confessus peccatum. Ex eo enim vnusquisque iustus esse incipit, ex quo sui accusator extiterit. Idèd Pipinus sub Dagoberto Galliarum Rege, Maior Domus, hoc est, aulæ Præfectus, & à rege proximus, vir probatissimæ vitæ, famæque integerrimæ, & qui non immeritò *disciplina regum* vocaretur, quoties de noxis confessurus venerat, sacrum hoc tribunal, nudis pedibus accedere solebat, in signum seriæ pœnitentiæ. b

Vis etiam quintam caussam? Qui recusat esse cautus, nec castus erit. Castissimos plerosque videas quos cautissimos. Castitas & Pudicitia omni vitro Veneto tenerius quid sunt, & illis leui aut vi- tiantur, aut perduntur. At verò cautelas huic crystallino vasi ser- uando necessarias, maxime docet frequens Confessio, ideò caco- dæmon, ille technarum & mille artium magister, adeò laborat, vt confessionem faciat inuisam & grauem, tædia ingerit, negotia ob- trudit, varia caussatur, omnem mouet lapidem, vt confessio & rara sit, & frigida: Hæc, inquit veterator, exigua sunt: quid opus in mi- nutissimis trepidare? quam tu conscientie lanienam patieris, si tantâ scrupulositate obserues quæuis minutula? Tu verò, mi iuue- nis, etiam minutissima caue, ni ad maiora velis prolabi. Qui sper- nit modica, paulatim decidet: nec cauebit magna, si negligat ea, quæ videntur minuta.

Huic sextam etiam caussam adiungo. Quies & gaudium Con- scientiæ, non nisi à crebrâ confessione est. Omnia, inquit Bernar- dus,

a De inter.dom.c.1. b Stephanus abb.de eo lib.1.c.2. c Eccl.c.19.v.1.



dus, in confessione lauantur, conscientia mundatur, amaritudo tollitur, peccatum fugatur, tranquillitas redit, spes reuiuiscit, animus hilarescit; post baptismum nullum aliud nobis constitutum est remedium, quàm confessionis refugium. <sup>a</sup> Quotidie sordium aliquid contrahimus, quotidie inquinamur (ea huius vitæ ratio est) & nisi contractas sordes eluamus creberrimè, nimium quantum augent, & pænè in immensum excrescunt: fit è gravis non inultis, arena maris. Regum optimus fuerat & sanctissimus, Dauid, quia tamen pœnitentiam distulerat, seipso teste, ab innumeris malis deprehensus: Circumdederunt, inquit, me mala, quorum non est numerus: comprehenderunt me iniquitates meæ, & non potui videre. multiplicatæ sunt super capillos capitis mei. <sup>b</sup> Eius generis sunt hæ sordes animi, vt, nisi quàm primum expurgentur pœnitentiâ, mox aliæ atque aliæ ipsis accrescant. Inde fit, vt, qui in sordibus est, sordescat adhuc. <sup>c</sup> Et quæ Conscientiæ quies sit aut hilaritas in perpetuo harum sordium augmento? Puram effice Conscientiam, si eam ridere velis: tolle nubes tot noxiarum, si serenam eam cupias: tranquilla non erit, inter hos peccatorum morsus; tolle vermes qui eam lacerant, Sed: Leuia, inquis, peccata, pacem animi non disturbant.

Suas habet etiam leue peccatum morsuunculas: quamdiu has ferre mens cogitur, tamdiu suavis ei quies non erit, sed nec vnquam seriò hilarescet. Secura mens quasi iuge conuiuium. <sup>d</sup> At verò securam habebis nunquam (sanctissimè affirmo) nisi ab illo veræ securitatis præsidio, Pœnitentiæ sacramento, eoque quàm creberrimè repetito. Tum demum iucundo fruëris epulo, cùm vellicantes animi vermes occideris. si diu hos viuere sinas, perit tibi tuum hoc conuiuium. Vbi puncturæ, ibi molestiæ: nec seriò se hilarem credit conscientia, nisi ab omni verme, qui lancinat, ex integro sit libera. iugi conuiuio illo non fruitur, nisi *secura mens*. *secura* non erit, nisi pura sit, & quasi semper à confessione recens lota.

a I. med. c. 37. b Psal. 39. v. 13. c Apoc. c. 22. v. 11. d Prou. c. 15. v. 15.

## §. II.

Hic septimam attexo causam, priori affinem. Plurimi sanctorum hominum, viri feminæque, quibus cordi erat conscientiæ quies & tranquillitas, Confessionem, quantum licuit, creberrimè iterarunt. Fuerunt qui quotidianâ confessione animum lustrarent: sæpius voluissent, si per alios licuisset.

Birgerus, homo nobilis & potens, D. Birgittæ parens, singulis diebus Veneris ad sacerdotis pedes se abiecit, confessioni faciendæ. eamque facti rationem assignans: ita, inquebat, mea hodie cum bono Deo componam & transigam, vt quidquid molestiarum ceteris diebus in me ille immisit, æquo ego animo id perferam. Idem fecit per omnem vitam, & Birgeri filius, qui illam insuper clausulam adiunxit, vt confessionem voluntaria sui diuerberatio exciperet. Idem fecit & Birgitta filia, eumque sibi morem à teneris annis indixit. In eandem legem iurauit Birgittæ maritus Vlpho. Idem alij religiosissimæ huius familiæ præstiterunt. Idem prorsus beatæ Lydwinae auus in more habuit, qui vbi die Veneris animum Confessione purgasset, postero sabbato corpus ieiunijs exercuit, nec in cibum aliud, quàm panem & aquam admisit. Ea semper integerrimorum hominum mens fuit, aut nullam conscientia labem admittere, aut incuriâ qualicunque admissam, quàm primum abstergere.

Ab his in diuersum abeunt illi, quibus volupe & iucundum est, sordibus mergi, qui liberrimè peccant, quibus in vili frons est & pudor: at verò cum de peccatis instituenda est confessio, hinc illi frontem induunt aheneâ, & hoc *verecundiam* vocant, nimirum flagitiosè erubescunt fateri, quod patrare minimè verebantur: ad flagitia effrontes, ad noxium silentium pessimè verecundi.

Hic mihi in mentem est, nec sine gemitu recordor, quis ante annos centenos, Lutheri æuo, rerum status fuerit. O sæculum, planè non aureum! difficilè tunc erat ab hæreticis Catholicis dignoscere. Sacramentorum vsus vix vllus. Confessio quot annis erat vna, eaque frigidissima, aut Confessionis mera puta ceremonia. Hæc enim talia plerunque quò rariùs, hoc peius facimus. Ita tunc omnia inuaserat languor, vt sæpius quàm semel anno toto diuinum epulum accumbere, ad instar piaculi haberetur. In arcto, & velut in extremâ tegulâ stabat tunc temporis Religio & Pietas, & pudori erat nolle sapere cum insanis. Hæc planissima via erat, ad grassantiâ hæresin. Quid facilius plurimis, quàm nunquam ampliùs de noxis confiteri, qui antea semel tantum in anno id facere consueverant. Quod rarissimè fit, non difficulter penitus omittitur, illud præsertim quod plus tormenti habet quàm oblectamenti. Sed, propitio Deo, ita iam mutârunt tempora, vt affirmare audeam, quisquis nostro hoc æuo, annuam duntaxat confessionem instituit, hoc omnibus de seipso suadet, ne se alium esse credant quàm frigidissimum



disimum Christianum, qui, nisi lex vrgeret, nec semel quidem per annum, conscientiam expiaret, suis sordibus contentus. Fugiamus, *Ædesime*, fugiamus letalem hunc veternum sæpe peccamus, sæpe etiam peccasse doleamus.

## §. III.

*ÆDES.* Sed quò confessio tam crebra? an non abundè satis menstrua? *PARTH.* Vix est vt credam hîc te serium esse. Sed an non causas recitavi eius quod affirmo? Obsecro te, vel tantum humanæ voluntatis inconstantiam & prauitatem cogita; nisi ea no- uis quotidie stimulis agatur ad rectum, in obliqua tendit, ad vetitum abit, diffluit ad inhonesta & noxia. Vides hoc horologium continè & affabrè factum? nisi pondera quotidie attrahantur, otiabitur velut mutus & elinguis excubitor, nec indice nec tintinnabulo lo- quitur. Vides illic in angulo textilem rotam aranearum? parietis diu non absterfi argumentum hoc est. Vitant araneæ cubacula illa ditiorum quæ sedulitas ancillarum creberrimè deuerrit. Vides hanc citharam exasciatam dexterrimè? sed nisi fidium discordia, ad musicæ leges sæpius concilietur, dissonâ voce pulsanti respon- debit. Vides, hanc mei stropholi lineam niuem? vsu sordidatur, & in atrorem declinat, ni sæpius lauetur. Ea prorsus conscientia nostræ ratio est, nisi eam confessione sæpius laues, mox in eâ maculas, impuritatem, sordes videbis. Quare vitia sua nemo libenter confitetur? quia etiam nunc in illis est. Somnium narrare, vigilantis est: & vitia sua confiteri, sanitatis indicium est. Expergiscamur ergo, vt errores nostros coarguere possimus.

Sed, num libet audire, octauam etiam causam? breuissimè id perstringo, cuius iam suprâ mentionem feci. Diabolus, insomnis, peruigil, septiceps draco, monstrum inquietissimum, alijs atque alijs insultibus nostram præcipuè pudicitiam incurSAT, millies victus, aliquam tandem acquirendam victoriam non desperat: via verò quâ tot hostiles incursiones auertas aut etiam anteuertas, certior vix est vlla, quàm poenitentia sacramentum, & frequens Confessio. Cum proditur hîc hostis, vincitur; quâmdiu latet, victoriæ partem obtinet. Auo Ioannis Chrysostomi, horrificus leo magnam agris, pecori, villis, hominibus cladem intulisse fertur. venerunt ad optimum Pontificem qui suppetias peterent. ille pro suggestu respondit, non aliam sibi eius vastitatis causam fingerent, quàm diuinæ legis contemptum, qui passim inter ipsos inualeceret. Auertenda

autem huic cladi penitentiam & peccatorum confessionem suavit.  
 Volant quandoque per orbem querelæ: Num ergo diabolus  
 omnes rupit catenas, omnia fregit repagula? an omnibus vinculis  
 exutus liberè grassatur, & iam non rogat, sed imperat? ita videtur  
 fuisse eo tempore quo Dei filius in crucem actus est: ipse Christus  
 testatur: *Hæc est hora vestra, & potestas tenebrarum.* <sup>a</sup> Videri tunc po-  
 tuit cacodæmon omnes sui carceris clathros effregisse. Huius mali  
 præsciens bonus Iesus, discipulis pedes lavit, Eucharistiam porrex-  
 it, vigilare iussit, & orare. Tali certè tempore, talia sunt quærenda re-  
 media. Ergo, cum stygiæ procellæ in te ruunt sauiore impetu, pe-  
 des lava, affectus & conscientiam purga, ad Eucharistiam propere  
 vigila, & ora.

<sup>a</sup> Luc. c. 22. v. 53.

#### §. IV.

Finio, ad Nonam & ultimam crebræ confessionis causam.  
 Omnia nobis tuta sint, nunquam erit vita. Mors incertissima est,  
 & subiti casus, eo sæpe loci ac temporis, quò minimè veremur, nos  
 opprimunt, quoties, quàmque sollicitè prorsus, & omnium Evan-  
 gelistarum voce, Christus monuit: in omne temporis momentum  
 paratos nos esse. neque ferè aliud æquè inculcavit, quàm hoc  
 vnum, **VIGILATE.** Ore Matthæi clamat: Vigilate, quia nescitis  
 quâ horâ Dominus vester venturus sit. <sup>a</sup> Vigilate itaque, quia ne-  
 scitis diem neque horam. <sup>b</sup> Vigilate & orate, vt non intretis in  
 tentationem. <sup>c</sup> Per beatum Marcum, non minùs contentè nos in-  
 clamat: Videte, vigilate, & orate, nescitis enim quando tempus  
 fit. <sup>d</sup> Vigilate ergo, nescitis enim, quando Dominus domûs veniat,  
 an mediâ nocte, an galli cantu, an manè; ne cum venerit, inueniat  
 vos dormientes. quod autem vobis dico, omnibus dico, **VIGILATE.**  
 Quæso te, quî sincerius nos, & ardentius exhortetur ad indefes-  
 sas vigilias? At idem prorsus per sanctum Lucam impensissimè  
 commendat: Vigilate itaque omni tempore orantes, vt digni ha-  
 beamini fugerè ista omnia quæ futura sunt, & stare ante filium ho-  
 minis. <sup>e</sup> Quid crebriùs monet beatus Paulus, quàm hoc ipsum:  
 Propter quod vigilate. <sup>f</sup> Vigilate, stete in fide. <sup>g</sup> Igitur non dormia-  
 mus sicut ceteri, sed vigilemus & sobrii simus. <sup>h</sup> Quoties diuus Pe-  
 trus hoc ipsum admonuit: Vigilate in orationibus: Sobrii estote,  
 & vigilate, quia aduersarius vester diabolus, tanquam leo rugiens

<sup>a</sup> Matth. c. 24. v. 42.

<sup>b</sup> Matth. 25. v. 13. <sup>c</sup> Matth. c. 26. v. 41. <sup>d</sup> Marc. c. 13. v. 33. 36. & 37.

<sup>e</sup> Luc. 21. v. 36. <sup>f</sup> Act. c. 20. v. 31. <sup>g</sup> 1. Cor. 16. v. 13. <sup>h</sup> 1. Thess. 5. v. 6.

circuit,



circuit, quærens quem deuoret. *a* Nec aliud vigilantissimus Ioannes vociferatur: Esto vigilans: si non vigilaueris, veniam ad te tanquam fur, & nescies quâ horâ veniam ad te. *b* Beatus qui vigilat & custodit vestimenta sua. En, mi *Ædesime*, nihil tam necessarium nobis quàm *VIGILARE*. atqui malè in rem suam vigilat, qui tam rarò per Pœnitentiæ sacramentum, ad Mortis aduentum se parat. Non exhorret mortem; promptus paratus est migrare, qui de peccatis frequenter confessus, vitæ suæ rationes sæpius inspexit. *c* Produnt historiæ, sacerdotem quendam, virum admodum religiosum, quotidie confiteri solitum, antequam sacris operaretur. Hic ad extrema deductus monetur, vt ad exomologesin se paret, vitæ suæ vltimam. Ille, accepto hoc nuntio, sublatis in cælum quâ oculis quâ manibus: Ergo, inquit, benedictus sit Dominus meus Iesus: triginta iam annis sunt & plures, ex quo quotidie aliter confessus non sum, quàm si confessio alia non esset subsequutura; ac proinde satis mihi modo erit confiteri, tanquam innox à Confessione sacrum facturo. Hoc, *VIGILARE* est. Optimum Augustini consilium est: Præueni Deum: non vis vt ipse puniat, tu puni. puniendum est peccatum: si puniendum non esset, nec peccatum esset. *d* Non te pudeat coram vno dicere, quod te non puduit forsitan coram multis facere. Nam vt Bernardus loquitur, simulata confessio, non est confessio, sed duplex confusio. *e* *ÆDES*. Quod obducam, Partheni, sanè non habeo nisi meum vnicum & pigrum *NOLLE*. sed conitar vt id in me *VELLE* fiat. persuasum me tenes. *PARTH*. Ergo ad Lympham transéo.

*a* 1. Petr. 5. v. 9. & c. 4. v. 9. *b* Apoc. c. 3. v. 2. & c. 16. v. 14.

*c* Alphons. Rodriq. par. 1. tract. 2. de perfect. c. 5.

*d* Aug. in. Psal. 44. & l. 2. de visit. infirm. c. 5. tom. 9. *e* Bern. l. med. c. 73.

## C A P. VII.

### *QVINTVM INCONTINENTIÆ antidotum, IEIUNIA & ABSTINENTIÆ EXERCITIVM.*

**I**gnis qui valentem materiam occupauit, aquâ, & interdum ruinâ extinguendus est: ille qui alimentis deficitur, suâ sponte subsidit. Subtrahe ligna foco — & fugâ vix notabili euanesceat ignis. Ignis ex Orco est Luxuria, quæ ipsum etiam corpus inflamat. oppressam vis hanc flammam: pabulum corpori subtrahe, & licet extinguere non sentias hunc ignem, certè senties extinctum. Fames,

amica est Virginitati. Sputum ieiuni hominis fugat serpentem, & ieiunij virtus stygium draconem. Hæc vna omnium sanctorum Patrum vox est. Basilii: *b* Ieiunium, inquit, contra exercitum dæmonum dat armā. Chrysostomus: *c* Aduersus dæmonum naturam, inquit, constitutum est ieiunium. Hieronymus: *d* Pulchra res est, inquit, ieiunium quod dæmones terret. Origenes: *e* Cum ieiunatis, inquit, dæmones vincitis, omnē inque illius classē malignam retrorsum agitis, mala desideria effugatis. Athanasius: *f* Ieiunij virtū, ait, spiritus mali metuunt. Ambrosius: *g* Nullum, inquit, remedium malis contra inimicum serpentem poteris inuenire, quā ieiunium. Quid multa? diabolum nemo vicit sine ieiunio. Iobus, illud cæli spectaculum, iam vndique infelicissimus, ipse septem diebus ieiunauit, Origine affirmante. *h* Ioannes, Domini prodromus, venit non manducans, neque bibens, adeo enim parci tibi potiusque fuit, ut nec comedere nec bibere videri potuerit. De Apostolorum ieiunijs, prædixit Christus: Auferetur ab eis sponsus, & tunc ieiunabunt. *k* Paulus, non vnum alterūque ieiunij diem sibi met indixit, sed in ieiunijs multis, in fame & siti, & corporis rebellionem expugnauit. Antonius per omnem vitam (Athanasius id prædicat *m*) adeo pertinacis fuit ieiunij, ut nonnunquam biduo triduoque impransus & incenatus ageret, & quartā demum die, panis aliquid, sed parcissime gustaret: sal ei pro omni condimento, pro generoso cretico fuit frigida. Hilarion quindecim annorum iuuenis, ut omnem in se carnis petulantiam expungeret, eiusdem æmulus abstinentiæ, post occasum solem, quindecim caricis, nescio an famem fallere, an irritare sit solitus: cumque nec sic quidem omnē libidinis scintillam in se sopitam crederet, ieiunium adeo intendit, ut triduum & quadriduum sine omni alimento duceret, usque dum vix amplius spirare posset.

*a* Plin. l. 28. c. 4. *b* Hom. i. de ieiun. *c* Tom. 3. serm. 2. de ieiun.

*d* lib. 2. contra Iouin. *e* hom. 4. in diuers. in Matth. *f* lib. de Virginit.

*g* lib. 6. Hexam. c. 4. ad finem. *h* traet. 3. in Iob. *i* Matth. c. 11. v. 18.

*k* Matth. c. 9. v. 15. *l* 2. Cor. 11. v. 27. *m* In vitā Antonij.

### §. I.

Sunt morbi, in quos medici libere pronuntiant: inittatur ē venia sanguis, nec prius sistatur, dum linquatur animus. morbi vehementia lenē remedium contemnit. Hoc idem secum Hilarion egit, ita succurrendum putabat animo, dum deficeret caro, neque enim hæc saluā sanum sibi spiritum promittebat. Herbarum succo, in-



quit Hieronymus, & paucis caricis post triduum vel quatrimum, deficientem animam sustentabat, & ieiuniorum laborem labor operis duplicabat, sic attenuatus, & in tantum exeso corpore, ut vix ossibus hæreret. Verum est omnino beati Ambrosij effatum: quod nocet corpori, iuvat spiritum. & Christi verissimum: Hoc genus non eiicitur, nisi per orationem & ieiunium. *a* Acriora enim demonia (inquit Hieronymus *b*) docuit Dominus, non nisi oratione & ieiunio posse superari: Certè sic est: acerrimus ille Luxuriæ spiritus, hoc genere armorum enervatur, de quo Augustinus: *c* Videte, inquit, charissimi, quanta sit ieiunij virtus, ut id facere ieiunium valeat, quod Apostoli nequiverunt. Inde pulcherrimè atque validissimè ratiocinatus Ambrosius: *d* Videte ergo, ait, quæ sit ieiunij vis, quantam homini suo præstet gratiam, quod tantam præstat alteri medicinam: Videre quomodo propriū sanctificet hominem, quod ita purificat alienum. Mirum, ter mirum: alter ieiunat, & alteri prodest ieiunantis abstinencia; ille pharmacum sumit, & ille vi pharmaci curatur. Quod etiam D. Leo Pontifex admiratus: tam grata est, inquit, Deo, quàm terribilis diabolo ieiunantis oratio. Quod si ea est virtus ieiunij, ut qui illo munitur, in sefforem demonem ex alieno pellat corpore, quantò magis poterit impugnatorem è suo? alieni vim ieiunij, in eo quem iam occupat, non sustinet cacodæmon, & quomodo sustinebit proprii in eo quem tantum impugnat? Ecclesia ergo rectissimè canit: *Qui corporali ieiunio vitia comprimis*. Diabolus intemperantiâ & gulâ vitij omnibus pandit aditum, ideò gulam Ambrosius *e* vocat, *primum diaboli speculum*: Hieronymus: *f* *prima demonum arma*: Basilus: *g* *primam malorum causam*, & *universale venenum*: Chrysostomus: *h* *rem summè gratam demoni*. ideò Hieronymus: *i* cum cibo, inquit, abundanti carnem reficimus, oleum igni affundimus, ut maiores effundat flammæ. & notum illud Augustini: Affluentiam ciborum, comitari solet insolentia verborum: saturitatem ventris, sequitur leuitas operis, & vanitas mentis. Inter epulas & delicias intutissima est Castitas: esurire discat, qui Castitatem amat.

*a* Matth. c. 17. v. 21. *b* lib. 2. contra Iovin. *c* Serm. 65. de temp. *d* Serm. 25. *e* lib. de Eliâ c. 1. *f* epist. 22. ad Eustoch. *g* Hom. 1. de ieiun. *h* Hom. 71. ad pop. *i* Epist. ad Furiam.

## §. II.

*ÆDES*. Ingrata est concio quæ famem laudat. & quæ se te, comedere, bibere, satiari, quid deum mali est? *PARTH.* quid hoc mali

**M**ali fit nescio, omnium malorum initium fuisse sat scio. Noëmi  
*duo*, cum *omnis caro corripit* *etiam suam*, cum *corrupta est terra coram*  
*Deo*, *Expleta iniquitate*, a hoc ipsum omnis nequitiae principium  
 erat, *edere & bibere*. Christus clarissime testatur: *b* Sicut enim e-  
 rant in diebus ante diluvium comedentes & bibentes, nubentes &  
 nuptui tradentes. En, quam bene iunguntur mensæ & nuptiæ,  
 epulæ & nequitia, saturitas & libido, Bacchus & Venus. Mihi cre-  
 de, ubi ieiunium exultat, ibi nullo in pretio est Castitas. nam, uti ve-  
 rissime Seneca: *c* Honestum ei vile est, cui corpus nimis carum  
 est. qui famem odit, Castitatem vix amabit. Diui Ambrosij oracu-  
 lum est hoc: Pascitur libido convivijs, nutritur delictijs, vino ac-  
 cenditur, ebr. erate inflammatur. Sic est prorsus: lascivi corporis  
 illecebræ non aliunde quam ab immodicâ saturitate manant. Ap-  
 tam huic malo medicinam passim docet Hieronymus. Cum enim  
 virginem Eustochium doctor sanctissimus erudiret, dicere non  
 dubitavit, castitatem diuturnam firmamque esse non posse, nisi  
 temperantia eam defendat, ciborumque usus parcissimus, ut (ita  
 ipse loquitur) stomachum potius quam mentem dolere malimus,  
 & crura magis quam pudicitiam vacillare. Paleis asellum, paleis  
 pascendum esse non hordeo, monuit iam supra castissimus Hila-  
 rion.

Luxuriæ currus (vtri etiâ aliqui depingunt) quatuor habet rotas:  
*Vestrum molliem, Otij desidiam, Oculorum petulantiam, Ventrus ingluviem.*  
 à geminis equis trahitur, *Prosperitate vitæ, & abundantia rerum.* duo  
 his præsunt aurigæ, *Luxus & Languor.* Aristoteles hæc confirmans: *d*  
 Venus, inquit, comes & pedisequa est Satiæ. Ergo ieiunij & so-  
 brietatis comes erit Castitas. eadem enim est scientia contrariorum,  
 ut eidem philosopho placet. Verbum tam vetus quam verum repe-  
 to: Nunquam faures adulteria genuit. Nimirum sine Cerere &  
 Baccho friget Venus. *e*

Hoc est quod Israëlitis populum in libidines & vitia egit præcipi-  
 tem: Sedit populus manducare & bibere, & surrexerunt ludere. *f*  
 Hic ordo rerum est; post epulas choreæ. hæ enim lautioris mensæ  
 sunt appendices.

*ADES.* Ergo etiam choreas prohibes? *PARTH.* Non ego, sed  
 lex Pudicitiae. Nostri ævi choreas attende, & eas plerunque non  
 aliud esse dicēs, quam diaboli theatrum, & palæstram aut præludium  
 Veneris. Tripudia sæpe totius hilaritatis velut ultima scitamenta  
 sunt



sunt. Scilicet post mensam, etiam lasciuiæ sacra fiunt, temulento motu obeunda.

Corpus animam & tegit, & detegit; membris tegit, sed iisdem etiam detegit, nam manuum iactatio, pes mobilis, oculus vagus ac petulans tale aliquid arguunt esse in animo qui non cernitur, quale in ipsis est quæ cernuntur. In choreis multa fiunt vrbauitatis specie quæ Castitatis neruos incidunt. Liberæ hîc manus, liberi oculi, liberæ volant voces. hæc sunt quæ pudorem labefaciunt, hi sunt libidinis stimuli, hæc laxamenta licentiæ. Appositè quidam de choreis hæc pronuntiauit: Choreia est circulus cuius centrum est diabolus, & circumferentia omnes angeli eius. Sanè illic variè offenditur Castitas, & quandoque tam spectando quàm saltando, in illam delinquitur. Cum hoc exactè congruit dictum Chrysostomi: a vbi lasciuius saltus, ibi diabolus. Rex Alphonfus non illepidè aiebat, saltatorem & stultum eo tantùm distingui, quod ille totâ vitâ, iste dum saltet, stultescat, cum hoc vñum agat, vt ad numeros & tibiarum voces scite insaniat. Apud Iobum, petulantiam olet & libidinem, exultate lusibus. b Et cum liberior musica choreis applaudit, certè non spiritum sanctum, nec castas cogitationes animis instillat. Saltando, Aedesime, nec sancti fiemus, nec casti, nec si fuimus, tales manebimus. ludus vocatur, quod veriùs appellaretur scelus, aut sceleris festiuum irritamentum: & quis redit à choreis castior? Eo nomine choreas rectè quoque dixeris, diaboli aucupium, è quo auceps iste vix vnquam abit vacuus, & sine prædâ, ADES. Sed vereor, Partheni, ne frustra moneas, nec retrahas illos tam auidos saltationis. PARTH. si sic illis collubatum est, pergant, & ad Orcum descendant saltando. Ego foueam & præcipitium monstraui currentibus; si nolint hunc cursum sistere, sibi culpam impudent, qui sibi cupiunt perire. Ad institutum redeo.

a Hom. 29. in c. 13. Matth. b Iob. c. 21. v. 11.

### §. III.

Abstinentiâ & ieiunijs, lasciuiæ dediscit caro. Hieronymus mihi iterum in mente est: Omnis caro, inquit, a concupiscit quidem ea quæ carnis sunt, & quibusdam illecebris, ad mortiferas animam voluptates trahit. Sed nostrum est voluptatis ardorem maiore Christi amore restringere, & lasciuiens iumentum frænis inediæ subiugare, vt non libidinem sed cibos quærat, & sessorem spiritum moderato ac composito portet incessu.

Daniel ieiunus, inter septenos & quidem impastos leones, velut

a Epist. 9. ad Saluin. c. 5.

inter

inter agnellos, sex continuis diebus illæsus agit. <sup>a</sup> & ipsos etiam leones ieiunare docet, ait Basiliius. Hoc tu miraris? inquit Chrysostomus, ieiunium interroga, à quo hæc virtus. Ideò D. Petrus contra rugientem ex Orco leonem aliud non præcepit, quàm: Sobrii estote, & vigilate. <sup>b</sup> Ideò sanctissimus ille Hebræus rex: Operui, ait, in ieiunio animam meam. <sup>c</sup> Bonum animi operimentum, subiungit Ambrosius, <sup>d</sup> ieiunium, qui non ieiunat, nudus & intractus est: patet vulneri. Adam si ieiunio se texisset, nuditatem suam non erubisset. Cùm ieiunat Noë cunctis pereuntibus superstes est, cùm vini vim ignorat & potat, sui filij fit ludibrium. Loth sobrius incendium euadit, temulentus incestum incurrit. Dum Samson ieiunium seruat, leones sternit, mille militiæ cedit, ciuitatis portas velut plumam tollit, vincit & perrumpit omnia, ipse inexpugnabilis: iam vini & feminae illecebris captus, robur amittit, in hostium potestatem venit, oculos, vires, vitam, omnia perdit. Sciuit hæc Dauid, & idcirco pugnae se parauit, & ne cui hostium aditus pateret ad rapiendum, vulnerandum, occidendum, ieiunij operimentum arripuit, eoque se munijt: Operui in ieiunio animam meam, Castitatem defendere, & seruare vis? Operi te ieiunio: Abstinendo vinces. Illud Diui Ambrosij: sæpius iterandum: Fames amica est Virginitati, inimica lasciuia: Saturitas verò prodigit Castitatem, nutrit illecebram. Eâ de causâ, idem hic sanctissimus Præsul, ieiunium vocat, delictorum excidium, salutis remedium, fundamentum Castitatis. Et Diui Augustini præconio: Ieiunium purgat mentem, subleuat sensum, carnem spiritui subiicit, concupiscentiæ nebulas dispergit, libidinum ardores extinguit, Castitatis lumen accendit.

Audis hæc? & etiamnum Abstinentiam repellis? vel testium numero te obruam. Athanasius: Vide, inquit, quid faciat ieiunium: dæmones fugat, malas cogitationes expellit, cor reddit purgatius, corpus sanius. Petrus Rauennas: scimus, ait, ieiunium esse Dei arcem, Christi castrum, Castitatis signum, sanctitatis trophæum. <sup>f</sup> In aperto est & extra litem, Abstinentiam plurimum & *sanitati* & *Castitati* facere. id enim quod noxij & nimij est in corpore, absumit, caput serenat, animum ad saniores cogitationes disponit. Et hæc Salomoni causa fuit, de genio fraudando consilium capere: Cogitavi, inquit, in corde meo abstrahere à vino carnem meam,

c 3

transfer-

<sup>a</sup> Dan. c. 14. v. 30. <sup>b</sup> 1. Pet. c. 5. v. 8. <sup>c</sup> Psal. 68. v. 13. <sup>d</sup> de Eliâ. c. 4.

<sup>e</sup> Serm. de quadrag. <sup>f</sup> Serm. de ieiun.



transferrem ad sapientiam, deuitarémque stultitiam. Ita Enos, Henoch, Mathusalem, Noë, non minus sapientes fuerunt quàm abstinentes. ita Nazaræi ac Recabitæ à sapientiâ æquè ac abstinentiâ commendantur. Iuditha tam sapiens quàm casta. formam & pudicitiam suam cilicijs & ieiunijs propugnauit. Quid memorem illos Terræ Angelos, tot millia eremicolarum, monachorum, cœnobarum. quorum omnis vita fuit abstinere, & Deo sapere. Verè anima sicca & sobria, anima sapiens & casta.

a Eccl. c. 2. v. 3.

#### §. IV.

Nec idololatrias hoc latuit. Prisci Persæ, si Xenophonti credimus, ad panem nil nisi nasturcium adhibere soliti sunt, & variâ tunc virtute floruerunt, Orbis Domini per annos ducentos, à Cyro ad Darium, qui inter delitias & vinâ, imperium & vitam perdidit. Priscos Ægypti sacerdotes Chæredemus asserit, carne, ouis, vino & lacte semper abstinuissè, ut & libidinis ardorem restinguerent, & diuinis intentius puriusque vacarent. Iudæorum Essæni vino & carne sibi interdixerunt. Delitias, maximam hominis pestem iudicauit Socrates, ideò virtutis studiosos ad colendam abstinentiam crebrius hortabatur, eaque de re interrogatus, quid solus ipse à ceteris adeò discrepare mallet: Alij, respondit, viuunt ut edant, ego verò edo ut viuam.

At mittamus vetera: longè illustriora præ his sunt recentia. Sed nosti me: catalogum non texam, paucos nominabo, sed Magnos. Inter ipsas dapes abstinere aut esurire, mihi semper maximum fuit. Terror ille Romanorum Hannibal, sæpe tunc minimè bibit cum maximè sitijt. Et ut sitim suam redderet docilem, aquam quandoque spectauit, sed nec guttam libauit inde. Silius: Exercetque sitim, & spectato fonte recedit. Magnum hoc est, sed Hannibalem non ideò inter Magnos numero. alios & maiores spectro.

Notus ille cælo Daniel, quinquagesimus septimus Archiepiscopus Moguntinus, Elector quadragesimus primus, qui Anno Christiano MDLXXXII. obiit, vir sanè in omnibus Magnus, hoc multis superior. Ieiuniorum erat obseruantissimus. suaserant ei medici, aliique complures ad ieiunium vernum melius tolerandum, ut, quandoquidem pisce non vesceretur, carnes in mensam admitteret. Pontifex etiam, eum ieiunij lege soluerat. solus ille sibi minimè indulgebat, atque cum aulicam eamque exquisitam men-

sam

fam accumberet, ouis solùm & iusculis contentus, à ieiunij legibus nec latum vnguem abibat. <sup>a</sup> S. Ambrosius Mediolanensis Pontifex, annis compluribus nunquam prandit, de die semel duntaxat refectus. S. Carolus Borromæus, Romanæ Curie purpuratus senator, dignus Ambrosij in tam alto folio successor, delicate quidem educatus, eo tamen se assuefecit: vt vltimis vitæ annis solo pane & aquâ viueret; solis diebus festis aliquid obsonij addidit, nihil tamen eorum quæ gulam mulcerent; nam carne, pisce, ouis, vino semper abstinuit: per quadragintadie ieiunium etiam panem sibi negabat, fabis tantùm & ficibus famem mitigabat, non explebat, hebdomade sanctâ non nisi lupinis (amarorum pisorum genus est) victitabat. Hem, tantus Princeps, tam rigidas ieiunij leges ipse sibi statuat, & nos ad ipsum collati, mera mendicabula, iuuenes robusti & vegeti, quibus sanguis in variam petulantiam ebullit, abstinentiam & ieiunium sic horreamus? Nimirum, nisi venter bene fartus semper nobis turgeat, mox morbum & mortem somniamus, cum fames in omne morborum genus validissimè pugnet,

<sup>a</sup> Nicol. Serar. l. 5. hist. Mogunt. in Daniele. c. 22.

## §. V.

In Italiâ certè peritissimorum medicorum, primum in omni morbo pharmacum est, fames & inedia. Rationi hæc admodum conuenienter faciunt, primum enim omnium morborum seminarium est ingluuius & oppletio, cui sola abstinentia optimè medetur. Sicut ergo fames omnibus corporis affectibus conducit, sic eadem omnium in animo vitiorum est Antidotum. Non cernis, vt elato frangat ceruicem fames? Auaro, rubiginosos educere thesauros fames persuadet. Iracundus si egeat, fit mitior. Otio torpentem ad opus extimulat fames: qui enim vitat molam, vitat & farinam. & quia fames fastidiosa non est, gulosum à lautitijs ad frugalitatem, luxuriosum à spurcitijs ad continentiam perducit. Omnibus vitijs resistit fames, luxuriæ plurimùm. Perpersi sunt exercitus, inquit Seneca, <sup>a</sup> inopiam omnium rerum, vixerunt herbarum radicibus, & dictu fœdam tulerunt famem. hæc omnia passi sunt pro regno (quò magis mireris) alieno: & dubitabit aliquis ferre famem, vt animum libidine liberet?

Narrat Rufinus Aquileiensis, dignum memoratu. <sup>b</sup> Ad religiosum senem reuisit quispiam, & : Mi pater, inquit, quid faciam? non sum ampliùs sustinendo tot impuras cogitationes, adeò ani-

num

c 4

<sup>a</sup> Epist. 17. <sup>b</sup> lib. 3. apud Rosveid. n. 62. Pelag. libell. 5. n. 31.



num meum implent sordibus. Cui senex: ad similes cogitationum sordes non meministi me trahi. Ægrius id verbi accepit homo, & id fieri vix posse iudicavit. & quomodo, inquit, hoc fieri potuit, ut nunquam ab importunis hisce cogitationibus impugnareris? Senex ad ista: Ex quo, inquit, monachum indui, nunquam satis panis comedi, nunquam satis aquæ bibi, nunquam satis somni admisi. ita prorsus, quia nunquam satur, cibum potius aut somnum appeti: nihil molestiæ mihi facessit libido. Audijit iuuenis, & plurimum profecit ex modestissimâ hac Abstinentiæ commendatione. Repeto meum, & finio: Fames amica Virginitati.

## CAP. VIII.

## SEXTVM INCONTINENTIA

*antidotum, LABORES & AMOR EXERCITII.*

**ÆDES.** Satis multa de ieiunio. **PARHT.** plura debuissent. sed capere te puto, quàm cognata sit Castimonix Abstinencia. Sed num recordaris versiculi nostri?

*Leſio, Flagra, Preces, Confessio, Lympha, Labores.*

Lympham exposui. Sanè quod lympa est igni, hoc Abstinencia est libidini. Sed progrediamur, paucis te docebo, tam amicos Castitati labores esse, quàm inimicum otium. Reperias forsan, qui nequaquam ferant, otiosorum titulo insigniri sese, illi ipsi tamen sic laborent, ut dubium sit, otiosi præstet an sic laborare. Garrisunt, & fabulantur vanissima, & hoc colloqui vocant & seria conferre, ludunt deambulant, potant, libros non legunt sed lastrant, otio nauſeam demunt, sexcentis ineptijs diem frangunt, & omnia agendo, nihil agunt. Homines, inquit Seneca, « inter oleum & vinum occupati: quibus ad votum dies est actus, si bene defudauerunt; qui, quantum sudoris effluit, tantum potionis ingerunt. Et hoc illorum est **LABORARE**: hæc sterilissimæ confabulationes **CONVERSATIO** vocantur. O quanta pars vitæ nobis elabitur nihil agentibus, quanta malè agentibus! Ego verò alios tibi labores ingeram tuendæ Castitati.

Noſti Dianam ideò fingi virginem, quòd otium odiſſet, ſequum ſuis aſiduo venatu exercuiſſet. Apud virginem hunc cæcum malè audiſt, Salmacis Nympha, quòd ceteris perpetuo in opere deſudantibus, ſola illa ignauiffimas ſectaretur occupatiunculas,

& vel crines pecteret, vel vultum erugaret, vel genas stibio fucaret, vel speculum consuleret, vel in veste plicas emendaret, vel flores legeret; illa tamen sibi visa plus omnibus agere, & se neminem esse occupatiorem. Venustè de hac Ovidius: *a*

*Sape suas illi fama est, dixisse sorores:*

*Salmaci, Vel saculum Vel pietas sume pharetras,*

*Et tuæcum duris Venatibus ossa misce.*

*Nec saculum sumis, nec pietas illa pharetras,*

*Nec tuæcum duris Venatibus ossa misce.*

Eædem hæ voces, iuveni tam malè occupato sæpius ingerendæ: Quid cessas dormitator? Age aliquid, age, age: chartam explica, calamum fume, nota, stylum exerce, epistolas concinna, orationes compone, poëmata pange. Scripsisti? nunc librum arripe, lege, memoriæ manda. Legisti? Nunc ora, cum Deo age, pia & sacra meditare. Oraſti? Ad lectionem, ad scriptionem teipsum reuoca. Nil sine magno labore mortalibus natura dedit: assiduus labor, longaque exercitatio docent omnia.

Neque ego te iubeo assiduè imminere libro aut pugillaribus; dandum est aliquod interuallum animo, ita tamen vt non resoluitur, sed vt respiret, & remittatur. Respirasti? Ad labores redi: calamos, chartas, libros resume, vrge, opus. Hic vitæ nostræ circulus est, aut laborandum, aut à labore nonnihil respirandum, nec in ipsâ tamen respiratione penitus otiaudum, estque in ipso otio cauendum otium.

*a lib. 4. metamorph.*

### §. I.

Subijt aliquando eremitædium Antonium, dubiûsque clamasse fertur: Seruari cupio, sed meæ mihi cogitationes aduersantur. Dum sic animo fluctuat cernit in vicino hominem monachi veste, nunc calathos texentem, nunc ad preces in genua subsidentem, nunc alia facientem; simul & vocem audiit: ita & tu fac Antoni. Oraculum secutus Antonius, per has orationis & operationis vices, omnem solitudinis molestiam abstersit perseverantiâ inex-pugnabili. Instar refectionis est, inutatio laboris, & generosos animos nutrit labor. *ÆDES.* Et quorsum continua hæc cum laboribus lucta? *PARTH.* Vt *Cara* tam quietis quàm libidinis appetentissima, hoc stratagemate distineatur, ne quiescere incipiat, & simul lasciuire. Nimis ei pronum est, à quiete ad lasciuiam defluere. Plurunque enim, cum manus ab opere cessat, mens sese cogitationibus



bus impuris occupat. Eâ re Hieronymi monitum est, sanè sapientissimum: Nunquam te diabolus non occupatû inueniat. Eâ de causâ per totam Ægyptum nulli monachorum ferebantur otiosi; suum quisque sibi victum labore parabat, nemini grauis, cum nec oblata quidem ab alijs admittere liceret. Tu tibi labora, dicebant, tuæ te manus nutriant, nō alienæ: non est viri sudorem timere. Hinc eorū omnes industriæ fuerūt, vt nō solum sibi, sed & peregrinis atq; hospitibus cenulâ instruere possent. Imò etiam per loca Libyæ quæ famēs presserat, & per diuersos carceres plurimū alimoniz, liberalissimis subsidijs partirentur. quæ omnia labor illis subministravit.

Inde inter eos vulgarissimum erat, velut oraculum: Qui laborat, ab vno solum dæmone vellicatur: deses & cessator ab innumerabilibus exagitur. Ex illorum numero vnus, probatissimæ vitæ, Paulus Abbas, tametsi palmarum fructibus & hortuli sui prouentu abundè reficeretur, & ided colligendæ cenæ securus feriari posset, ne tamen innumeros in se diabolos conciret otiano, & castitatem periculo exponeret, sportulas texebat, & quotidianum à se pensum exigebat seuerissimè. Tam remotus autem ab vrbe degebat, vt si merces suas venum voluisset extrudere, maius vecturæ quàm omnium sportellarum pretium fuisset. Ita elapso anno cum antrum suum vimineis textis impleisset, ignem subiecit, & vnus anni laboriosam solertiam Vultano vendidit. Neque enim vllus, aiebat, aut castas habebit cogitationes, aut cor mundum retinebit, aut diabolus vincet feriando. <sup>b</sup>

<sup>a</sup> Cassian. l. 10. instit. c. 22. & 23. <sup>b</sup> Ibid. c. 24.

## §. II.

Iter pigrorum quasi sepes spinarum. & quaquâ it otiosus, spinas offendit; omnes elus semitæ impurarum cogitationum sentibus sunt obductæ, & hoc otiosi labor est, turpia cogitare: has ille corbes contextit, quas postea petulante lingua pro libitu quibuscunque venales obtrudit. vix enim à spurcis sermonibus temperat, qui eiusmodi cogitationes non refrænât. O Salmaci, O piger, sume pharetram, iaculum cape, & tua industrijs conatibus frange otia: Age aliquid, labora, opus adorna, aut te mille, aut te innumerabiles diaboli exagitabunt.

Pelagius memorat, <sup>b</sup> fuisse qui cupiuerit à molestissimis *Carnis* & *Diaboli* suggestionibus liberari, seriò tamen resistere nunquam animum induxerit. Hunc religiosissimus senex aggressus: O cursor,

for, inquit, testudinee, tantum nobis vacat: iam vivere, iam mori scimus: O athleta dormiens, vis saluari: vade, labora; vade, affligere: vade, vigila, pulsa. An nescis quid faciant Pancratiaſte: ad certamen vocari, proiectis altè brachijs conſiſtunt, caputque & os manibus oppoſitis quaſi vallo præmuniunt: membra eorum, omnia aut ad vitandos ictus cauta ſunt, aut ad faciendos parata. & calce, & pugno ferire nōrunt. Ita & nos oportet animo ſemper eſſe prompto atque intento: ſtandum eſt, modisq̃ue omnibus contra nitendum; cor ſanctioribus cogitationibus firmandum. faciamus nos quod in nobis eſt, & dominus pugnabit pro nobis.

Sic eſt: nobis laborandum eſt, nec vnquam ab opere ceſſandum, cetera bono Deo committenda. Quod ſi necdum, ô piger, ad laborem incaleſcas, vel Paulum ad opus ſtimulantem attende: ijs autem qui eiufcemodi ſunt, denunciamus & obſecramus in domino Ieſu Chriſto, vt cum ſilentio operantes, ſuum panem manducent, quoniam ſi quis non vult operari, nec manducet. Peritiſſimus medicus iſte, pharmaco vnico plurimorum morborum cauſas incidit, quot enim vlcera ab vna radice otij emergunt, tot vno illa omnia operis cataplaſmate curantur. Quam verò alijs legem tulerat, eius ille prior obſervantiſſimus fuit: Ipsi enim ſcitis, inquit, quemadmodum oporteat imitari nos: quoniam non inquieti fuimus inter vos, neque gratis panem manducauimus ab aliquo, ſed in labore & in fatigatione, nocte & die operantes, ne quem veſtrum grauaremus. <sup>b</sup>

En tibi Tarſenſem Paulum, vbi claſſicum illud inſtārat, quo partem multo maximam humanæ gentis ad Chriſti ſigna traduxit, alimenta manu quaſijt; funes texuit, ſcenas & tentoria concinnauit. Ipla Domini mater, quam nunquam otioſa fuit! nulli pulchrius diurna vitæ ratio conſtitit, quam Beatiffimæ huic Virgini, quæ à primâ luce ad tertiam diei horam placando Numini vacabat ſedulo, inde ad meridiem lanificio, mox à cibo, qui illi parciffimus fuit, reliquum diei diuinarum rerum lectionibus applicabat.

a 1. Theſſ. 2. v. 12. b Ibid. v. 7. & 8.

### §. III.

Quod ſi Apoſtoli, ait Hieronymus, habentes poteſtatem de Euangelio vivere, laborabant manibus ſuis, ne quem grauarent, cur tu in vſus tuos ceſſura non præpares? Facito aliquid operis, vt te ſemper diabolus inueniat occupatum.

O Salmaci, Salmaci! ô piger pecus! ad laborem nati ſumus, nec



vlla nobis sine labore obtingit virtus. Scis, dum se Dauid exercet in militiâ, non insultabat ei luxuria : cum cœpit abundare otio, cœpit etiam laborare adulterio : Salomon dum templum ædificat, luxuriam superat, ab opere quietus, & Astartem Deam colit, & Venerem. Agamus, Ædesime, agamus semper aliquid, vt nos diabolus nunquam non occupatos inueniat. Concessum nobis otium, vertamus in negotium, nulla nobis prætereat expers laboris, non dies duntaxat, sed nec hora, sed nec pars horæ, ij quibus vacare lubet & feriari, nondum didicerunt *nosse tempus*, quod Pittacus monebat.

Tempus, pretiosissimum est impendium, nec alterius vllius rei grauior est quàm temporis iactura. Perdi potest tempus, reparari non potest. aliquid temporis amisisse, damnum est irreparabile. Idcirco ipsi Parthorum reges ne desidiâ torpescerent, telorum cuspides acuere consueffe, seduloque id fecisse traduntur: vt non solum animi oblectationem ex eâ re sibi quæsierint, sed & laudem. Satiùs profectò est aliquid agere, quàm nihil agere, modò id quod agitur, honestè fiat. qui nihil agit, esse omnino non videtur, nisi cadauer calcitræ incumbens & torpore multo sepultum.

Plinius Maior, cum nepotem suum cerneret otiosè diem imminuere deambulando : Poteras, inquit, has horas non perdere. Ah (non sine dolore gemo) ah quoties videre est iuuenem aut virum his ipsis vocibus compellandum : poteras has horas, hos dies ; poteras imò has hebdomades, hos menses non perdere. Breue est vitæ huius curriculum, inquit Hieronymus, hoc ipsum quod loquor, quod dicto, quod scribo, quod emendo, quod relego, de tempore meo mihi aut crescit, aut deperit. Nihil æquè vitam hominum, aut aptius instruit, aut validius confirmat, quàm honesta operatio, & solers industria. ignauia hebescent animi, torpescunt corpora, fiuntque morbis impensius obnoxia : vtrumque tuetur diligens exercitatio. Omnis in actu virtus sita est, nec effugit diaboli pedicas, quisquis fugit laborem. Labor est materia virtutis & gloriæ ; illum qui reijcit, eijcit istas : non potest paruo res magna constare. <sup>a</sup> Ad rem nostram verissimè Laurentius Iustinianus : quemadmodum, inquit, temperato labore carnis incendia cohibentur, sic otio fouentur & crescunt. <sup>b</sup> Centies repetendum : Assiduè age aliquid, vt te diabolus semper inueniat occupatum. Sequitur : *Portarum Excubia.*

<sup>a</sup> Senec. epist. 19    <sup>b</sup> lib. de ligno vitæ c. 5.

## CAP. IX.

## SEPTIMUM INCONTINENTIAE

*antidotum, sollicita SENSVM exteriorum*

## CUSTODIA.

**O**Culos pudicè claudendos, supra demonstrauius. Verùm vrbs illa hostem non excludet, quæ vnâ obserauerit portam apertis ceteris: omnes claudendæ sunt. Pars magna innocentia est, opportunè velasse oculos, sed plures sunt ianuæ per quas illabatur hostis. nares odorem, sermonem aures, gustatus saporem admittunt, manus tactione gaudent. Ad omnes has portas intensissimis excubijs est opus. parùm est hîc vigilare ianitorem, nisi & pugnare sciat, atque hostiles ingressus vi arcere. De his quinque corporis sensibus nō inuenistè Nicetas Serronius. Sensus, inquit, nisi probè regantur, ad vitium faciles sunt viæ peccatiquæ ianuæ; per eos enim ad vitia nobis aditus pater, ac per eos in animum influit peccatum. Hi ipsi sensus humani sapissimè lenones sunt, qui blandis illecebris mentem in vitium flectunt; nuntij sunt, qui ad voluptatem inuitant; raptores sunt, qui animum ad res creatas abripiunt; fenestræ sunt, per quas omnium scelerum contagio irripit; ostia sunt, per quæ animus semet sibi suffuratus, clanculum euolat ad prohibitam pabulationem. Idcirco Gregorius Magnus, *b* ad custodiendam, inquit, cordis munditiam, exteriorum sensuum mundities seruanda est. Mors per fenestras ascendit, & domum ingreditur, cùm concupiscentia per sensus corporis habitaculum mentis inuadit. Sic perimus miseri: rimarum sæpe ac fenestrarum pleni sumus, & quacunque voluptas veniat & ingressum roget, beneuoli eam ac faciles admittimus, non aliter quàm Troiani fatalem illum equum, qui tunc demum cœpit esse exitium vrbs, cùm vrbe receptus est. Multa recipimus per exteriores sensus, quæ primâ fronte amicitiam præ se ferunt, recepta hostilem in nos sæuitiam exercent, & animum necant. Quis delicatas epulas, generosum vinum, bellaria exquisita non applaudente gustatu recipit? ingrediuntur blandè, sed in nouissimo mordent vt coluber, & sicut regulus venena diffundunt. *c* Quis suauissimam Sirenum symphoniam non auidis haurit auribus? At non semper pudica & casta est musica; aliquos quandoque ad bellum efferauit, alios tamen etiam ad libidinem incitauit. Quis Sabæos

odores

*a* In comment. in orat. 38. Nazianz. *b* Initio cap. 31. Iob. *c* Prou. c. 23. v. 32.



odores & fragrantia cinnama non patulis trahit naribus? Quis tactu mollia non promptis attrectat manibus? sæpe tamen hæc talia nescio quam mollitiem affricant animo, Quis elegantis formæ decus non benevolentissimis tuetur oculis? sed heu, quoties decepto lugendum fuit: Vt vidi, vt perij, vt me malus abstulit error!

## §. I.

Ita frequentissimè *Videre* nostrum, & *Audire*, nostrum, & *Odorari*, *Gustare*, *Tangere*, in apertum nos non periculum modò, sed exitium clandestinà, proditione perducit. Salomon monuit: Omni custodià custodi cor tuum, quia ex ipso vita procedit. <sup>a</sup> At cordis nulla erit custodia, nisi quinque illorum ad cor ostiorum custodita sint claustra. *ÆDES*, cui ergo clauēs ad quintuplex hoc ostium committendæ? *PARTH.* aut *Necessitati*, aut *Visitati*, alterutri sanè, nunquam *Voluptati*. Hoc assero: si quid videre velis, si quid audire, si quid alijs sensibus admittere, aut *Necessitas* te cogat, aut *Visitas* impellat; si ad solum *Voluptatis* nutum hæ portæ pandantur, vel etiam vnica illarum, non custodis cor tuum, sed prodis: proditorem tui te castri non gubernatorem fuisse, breuī senties. *Voluptas* enim vbi has clauēs nanciscitur ad cordis penetralia, turbam introinmittit promiscuam, & plures hostium quàm amicorum. inde animus heu quantis ineptijs, phantasijs, stultitijs impletur! omnium rerum imagines, pleræque vanæ, turpes, obscenæ ad cor cohuolant. ita *Voluptas* agit, cum clauium, ad illas quinque ianuas fit domina. omnia susque deque vertuntur, illudque vnum agitur, vt animus à *Voluptate* delinitus atque persuasus, suis se concupiscentijs vendat, nec abhorreat ab vllâ cogitationum turpitudine. Eò spectant beati Basilij verba: <sup>b</sup> oblectationis appetitus è carne, velut ex fonte manat & per omnes sensus, tanquam per flumina diffunditur. Idem: c aspectum, inquit, æquè ac auditum exæqua cum profectu inde consecuturo. Sic oportet: quisquis ad aurium voluptatem metitur audienda, innumeris noxijs vel solo auditu obstringet animum. Leuia forsan creduntur, arrigere aures ad vana, curiosa, ridicula, noua; ad nugas, fabulas, laudes proprias; & quis hîc surdus aut somniculosus est, cum talia in sermonem veniunt? vnica illa vox *nona*, *nona*, aures nobis longissimas facit. Sed ignoscat mihi tuus genius, qui rerum nouarum narratiunculis delectatur, mendacijs pascitur; qui nugis & fabulis tam benignas aures porrigit, ventos reti venatur, hinc quandoque gradus

<sup>a</sup> Prov. c. 4. v. 23. <sup>b</sup> lib. de verâ virginit. <sup>c</sup> serm. de abdicat.

gradus sit, ut auri s sponte pateant ad scurrilia etiam colloquia, lasciuos sermones, lœdas cantiones, infames detractiones, qualia non raro tam audisse noxium quàm dixisse. Nota est Bernardi censura in hos auditores: *a* Porro, inquit, detrahere & detrahentem libenter audire, quid horum damabilius sit, non facillè dixerim. Nec fallitur Hieronymus, *b* qui: Si desint, ait, audientes, non inueniuntur detrahentes. sapiens erit, qui passimæ huic turbæ verborum clauferit aures, quibus ceram parum est obdere. Firmiori spissamento opus est, quàm vsum in socijs Vlysses ferunt. Aures tuas non cereâ, sed spineâ sepe muni, & quandoque tui amantissimis surdum te præsta. *c*

*a* lib. 2. de consid. sine. *b* ad Celant. *c* Senec. epist. 31.

## §. II.

Odoratus etiâ suis eget custodibus. *ÆDES.* Quid si me hortorum flores, si templorum odores & thureæ nubes intuent, num vis ut nares obstruam? hîc ego totus cum Catullo cupiam nasci fieri. *PARTH.* Catullianum est hoc votum, scio, sed parum Christianum. dixi iam: sensuum exteriorum clauis, non *Voluptas*, sed aut *Necessitas* habeat, aut *Utilitas*. Si suos tibi aut templum, aut hortulus odores afflet, non ut nares constringas, iubeo, sed ut simul mentem dilates, & memineris dicti Paulini: Christi bonus odor sumus Deo. *a* & Daudici: dirigatur oratio mea sicut incensum in conspectu tuo. *b* Cogita phialas aureas plenas odoramentorum, quæ sint orationes Sanctorum. *c* Sic sine noxâ seu thuribula, seu florum agmina, suos tibi odores propinabunt. Alti hîc animi Augustinus: Dei illecebrâ odorum, inquit, non satago nimis; cum absumunt, non requiro, cum adsunt, non respuo, paratus etiam eis semper carere. *d* Quod si solius hîc negotium sit *Voluptatis*, si moschum, si muris peregrini folliculos, si ambram & cybettam vestis, chiroteceæ, manus, cubicula spirent, hic iam noxa, & irritamentum libidinis, & culpandæ deliciæ. Harum appetitus incontinentiæ notam subit, præsertim si vehemens. Et huius generis oblectamenta, plerunque videbis vel facta esse vel leuia. Assyrij, Arabes, & Sabæi nostris armis domiti, suis nos odoribus expugnant. Reuerâ omne hoc bene olendi artificium, non boni odoris argumentum, sed latentium signum est defectuum: turpius est enim artificiosis quàm simplicibus assueuisse: omne autem quod turpe est, quod sit artificiosius, eò sit turpius. Meministi iuuenis, qui cum Vespasiano Principi

pro



pro collatâ præfecturâ gratias acturus, factitijs eiusmodi odoribus halaret, stomachatus Imperator, acri supercilio & voce asperâ: Mallet, inquit, allium oboluisse, sic increpitum sine honore, rescisis concessæ iam gratiæ litteris, bene olidum dimisit. Itâ dedecori sunt odores eiusmodi; interdum etiam damno. Muleasses Rex Tunetorum; contra Amidam filium, regni recuperandi causâ pugnavit, sed infelicitè: cùmque inimicus fugientium turbæ Muleasses faciliè se regem dissimulasset, crude & pulueribus scædatus, solo vnguentorum odore agnitus, & è fugâ reprehensus est. Capto filius utramque oculorum pupillam candenti scalpello rimatus, miserum parentem æternæ noctis damnauit. Plura his non absimilia commemini. Horrificum illud quod Petrus Damianus pròdit de feminâ Venetâ. <sup>a</sup> non repeto; eius narrationi hoc vnum addo cum Poëta: Optimè olet, qui nihil olet. <sup>b</sup> Et ab experientiâ discimus, eorum cadauera grauissimè fætere, qui, dum viuerent, optimè olebant. Fugiat has delitias, qui rerum vilium & vltimarum dedignatur esse mancipium. Vnguenta quidem penetrabilia, sed penetrabiliora sunt vitia, quæ hac viâ celerrimè ad nos se penetrant.

<sup>a</sup> epist. ad Blancam comitiss. de institut. monial. c. 11. Baron. t. 6. p. 16. An. 898. h. 16.

<sup>b</sup> Cic. ad Attic. 2. Plaut. Mostel.

### §. III.

Vti ad visum, ad Auditum, atque Odoratum, sic ad Gustatum constituere nefas est clauigeram *Voluptatem*. De pernicioso mensarum lautitijs, & Abstinentiâ iam egimus. Quàm autem gustatui, eiusque appetentiæ, non ad *Voluptatis* leges agendum sit, insignissimè docens Augustinus: <sup>a</sup> Sicut æger, inquit, ad medicinam, sic ad sumendas dapes debet quisque accedere, nequaquam videlicet in illis *Voluptatem* appetens, sed *necessitati* succurrens. Et hanc gustatûs legem à Deo se accepisse gratulatus: <sup>b</sup> Hoc me, inquit, docuisti, ut quemadmodum medicamenta, sic alimenta sumpturus accederem. Non ego immunditiam opsonij timeo, sed immunditiam cupiditatis. Scio Esau lenticulæ concupiscentiâ deceptum, & Dauid propter aquæ desiderium à seipso reprehensum, & Regem nostrum non de carne, sed de pane esse tentatum. Et hæc illum philosophia non dicere docuit, sed facere. Nam Augustinus, esu carniū ferè abstinuit, sed & alijs ciborum lautitijs mensâ suâ interdixit, mensas alias & conuiuia studiosè declinauit, itaque se hîc in ordinem

<sup>a</sup> tom. 9. de consuet. vitiorum c. 19. <sup>b</sup> lib. 10. conf. c. 11.

*Ordinem* redegit, vt de seipſo teſtetur: Quotidianum bellum gero in ieunijs, ſæpius in ſeruitutem redigens corpus meum. <sup>a</sup> Vol-  
 ſtans, Wigornienſis antiſtes, <sup>b</sup> non minus guſtatum inſigni vi-  
 ctoriâ triumphauit. Fuit vt poſt rem diuinam in abdito loco proli-  
 xioribus præcibus vacaret. hic ad eius nares, aſſæ carnis delicatus  
 odor pertigit, & vnâ appetitus edendæ. turbari ſenſit animum vir  
 ſanctus, & à precibus in culinam ad ollas trahi. Tunc ipſe ſecum:  
 Hôccine, inquit, precari eſt? hôccine eſt cum Deo loqui? dum  
 lingua voces depromit, dum manus cælo attolluntur, mens per  
 culinam vagatur. lues hoc commiſſum, ne dubitâ. An non liben-  
 ter eſitares carnes aſſas? ego tibi eâs condiam, vt ſapiant. Sic ſta-  
 tuo: nec illas quarum ad te odor peruenit, nec vllas alias libabis in  
 poſterum vnquam. ſic ſancio lege irreuocabili. Dixit, & fecit: tam  
 tenax & perſeuerans exequendi propoſiti, quàm concipiendi. Hoc  
 vno guſtatûs triumpho maximum gradum fecit, ad omnem vitæ  
 ſanctitatem. miraculis illuſtris, obiit Anno Chriſtiano MLXVII.

Hoc ſanctiſſimorum quorumque hominum primum fuit nego-  
 rium, Gulam odiſſe, & Guſtatum velut proditorem, tam blan-  
 dum quàm noxium, modis omnibus perſequi. Non ſolus Iſido-  
 rus ſacerdos, nunquam ſatur è menſâ ſurrexit: plures hac lege  
 vixerunt, NVNQUAM SATIARI. Magnus, Daniel vates, magni  
 ſocij eius hoc ipſo, quod vino regio & ferculis delicatioribus ab-  
 ſtinuerint, contenti frigida & parabili victu. ita non Gula tantum,  
 ſed & ipſis flammis ſuperiores facti. Nos in contrarium nitimur,  
 quos tanto ſecurius Gula in preceps agit, quânto frequentius ho-  
 neſto neceſſitatis nomine ſe regit. ita ſæpe flammam flammæ addi-  
 mus, & oleum ardenti camino affundimus, qui calorem naturalem  
 in vitia ſponte protuberantem inulto vino animamus. Vinum lar-  
 gius hauſtum, malus eſt conſiliarius. Ergo gulam frena, & omnem  
 carnis appetitum facilius frenabis.

<sup>a</sup> lib. 10. conf. c. 31. <sup>b</sup> Sur. de eo. 19. Iunij. <sup>c</sup> Thom. de Kemp. lib. 1. c. 19.

#### §. IV.

Claues ad *Viſum*, *Auditum*, *Odoratum* & *Guſtatum* negauimus  
*Voluptati*, multò minus concedemus ad *Tactum*. Senſus hic totum  
 corpus permeat, omnium oblectationum vaſerrimus auctors,  
 frequenter alios ſenſus, quorum ille operâ ad ſuas voluptates ad-  
 cupandas vititur, vnâ ſecum trahit in exitium. Baſilius hoc ad-  
 uertens: Tactus, inquit, omnium ſenſuum deterrimus, ſocijs ab-  
 blandi-



blanditur, ut eos adiutores habeat ad sectandam vitiorum dulcedinem. Cautè hîc, cautè prorsus agendum, & pro normâ honesti, monitum hoc habendum: *quod non licet concupiscere, noli tangere*. Tactioni non satis est, corpus vestiri, nisi & molliter vestiatur; nec ei satis, cubare, cum dormit, nisi & molliter cubet. Hæc primæ tactionis euræ sunt, ut omnia ubique reperiât mollia, & blanda, idque, ut patet, ad voluptatem. At hoc pridem damnatum à Christo: Ecce qui mollibus vestiuntur, in domibus regum sunt, sed eorum qui in terrâ, non regis summi & æterni. Et Ioannem Zachariæ filium, Iordanis accolam, non à molli, sed ab asperâ & fetosâ veste commendavit. Neque diivinus Lucas purpuratum epulonem à vestium mollitie accusasset, nisi eam cælitè essent exosi, qui malè tecti Lazari funus frequentarunt, alterum in purpurâ mortuum, in Orco sepultum, nullo dignati sunt honore. Mollem & delicatum habitum Castitas certè non amat; hæc libidinis aut insignia sunt, aut incrementa.

Simplici cultûs munditie gaudet pudicitia, illic plerunque pretiosus est cultus & mollis, ubi pudor est vilis. Augustus Imperator licentiosiore habitu filiæ grauter offensus, comptam hanc in veste mollitiem, insigne vocabat superbiæ, & luxuriæ nidum. Sed hæc omnia sectatur tactionis sensus, nisi ad Christianas leges severius coërceatur. si quando indulgentius habetur tunc & mollem postulat vestem, & molliorem lectum, neque somnum sperat facilem, nisi plumis profundius mergatur. Ab his inijs vitiosorem licentiam proficit, & demum in leges verecundiæ impudenti audaciâ delinquit. vel nominasse, pænè nimium est, inuerecundos tactus, amplexus, oscula: satis dixi, & iuvabit forsan vel solo nomine perstrinxisse hæc dedecora. Cautè, mi Aedestime, cautissimè hîc agendum, si velis castè. è leui sæpe tactu, non levis secuta est turpitudine. Rogatus Aurelius Augustinus, quid esset quod nollet cum sorore habitare, ita occurrisse fertur: quia non sunt mihi sorores, quæ cum sorore meâ sunt. Enimvero malum est videre feminam, peius alloqui, pessimum attingere. Ideò Nicetius, ex optimo sacerdote, Lugdunensis Pontifex, amantissimus puritatis, suos assiduè monebat, & tactus & verba cauere obscœna: ipse sui maximè memor, vel infantium etiam membra nudâ manu tangere verebatur: neminem hîc nimis cautum censebat, ubi *voluptas* se

sefe tam celeri dolo insinueret. Cum ferrum tangit filicem, exi-  
liunt scintillæ; cum tangitur serpens, mox caput replicat, vt mor-  
deat tangentem: quod callior quis est, hoc & cautior est, ne carnem  
tangat, non suam, vnde sua vratur; neue serpentigena luxuria,  
mox vbi tactus impudicos senserit, morsum inferat, & vulnere ve-  
nenum instillet.

Editha « Edgari Angelorum Regis filia non solum regio san-  
guine, sed virtutibus illustrissima, post mortem Dunstano epis-  
copo per somnum visa, de corpore suo monuit. & ne hoc vanum  
duceret, addidit illud: etiamnum ab omni tabe illæsum reperien-  
dum, oculis solum, manibus atque pedibus in cineres solutis, qui-  
bus olim puellari leuitate esset abusa. dextrum verò pollicem quo  
toties crucem signasset, remansisse integrum, vt eluceret clemen-  
tiæ diuinæ benignitas in partibus seruatis: iustitiæ seueritas in ab-  
sumptis. Rectissimè ergo Basilus: <sup>b</sup> Sit virgo, inquit, virginis au-  
ditus, & visus, & gustus, & tactus: iugulando quidquid à verâ vir-  
ginitate degenerat.

<sup>a</sup> Sur. 16. Septemb. vixit circa an. 980. <sup>b</sup> lib. de verâ virgin.

## §. V.

Subimoneor hic beati Iacoponi, è S. Francisci familiâ, viri in-  
tegerrimi. hic perquam eleganter, quinque hominis sensus exte-  
riores in hunc modum descripsit. « Virgo erat, & huic quinque  
fratres. Primus Pictor: alter, Musicus: tertius, Cocus: quartus,  
Pharmacopola: Vltimus, Caupo, homines exigui censûs. horum  
sororem fecit opulentam nobilissimus vnio. Hæc pauperculi fra-  
tres precibus extorquere certatim insisterunt. Musicus: nosti, ait,  
rem meam esse tenuem; da gemmam tuam, & seruasti vitam  
meam. pro eâ ego modos musicos faciam quos laudes: Tu verò  
abi mi frater, inquit virgo, tantillo pretio gemma mihi mea ven-  
alis non est.

Pictor, vt gemmam impetraret, picturam promisit, quam habe-  
ret, elegantissimam. sed repulsam tulit. Idem tentauit & pharma-  
copola, nescio quid nouæ fragrantiae pollicitus, sed eadem re-  
pulsâ dimissus est.

Nec aliud tulit responsum cocus, etsi Iouis cerebrum, & deli-  
cias exquisitissimas sponderet. Caupo, homo impudens, scire se  
aiebat lectissimos iuuenes, qui omnes eius esse cuperent mariti:  
hac in re solertè se fore actorem recepit. Minimè placuit qui maxi-

d 2

inam



nam sperabat gratiam, ex templo reiectus. Hanc demum gemmam Optinas obtinuit, in cuius vnâ thalamum denupsit Virgo. Hoc, ita Iacoponus explicabat: Anima, Virgo est: Voluntas, gemma: Virginis fratres, sensus exteriores, visus Pictor, auditus Musicus, odoratus Pharmacopola, gustatus Cocus, tactus Causo. Sed an non insigniter delirâisset Virgo, si pro reculis vilissimis, suâ se gemmâ priuâisset? Optimati, Christo Domino erat seruanda. Atqui nos longè stultiores sumus, & vero nomine, insani, qui Arbitrij nostri, seu, nostræ Voluntatis pretiosissimum vnionem, pro delitijs escarijs, pro obscœnis narratiunculis, pro Veneris delectatiunculis, pro vitreis fractis & pupis, verè pro scarabæi vinbrâ, non vendimus, sed turpissimè abijcimus. Ille vt cupita sibi liceat videre, innocentiam perdit: iste, vt gulam saginet, Castimoniam offendit: hic, vt omnis generis sordes per aures recipiat, pudicitiam expellit: alij, vt omnem odorationi & tactioni libertatem permittant, verecundiæ leges negligunt. Ita nostram nobis gemmam, Voluntatem seu assensum, illi pessimi quinque fratres extorquent & subducunt. Ad extremam spiritûs inopiam deuoluimur odorando, tangendo, gustando, maxime videndo & audiendo.

Memini me legere de homine ægro, sed rectissimè sibi conscio, qui in mortis viciniâ, velut orator ad seipsum, omnibus corporis sensibus meritam gratiam retulit in hunc modum: O mei oculi, amo vos de hac re, quod passi estis noctem vobis & cæcitatem persuaderi, quotiescunque vanitatis aut lasciuiæ aspiciendæ fuit periculum: hæc mihi nox, hæc cæcitas sæpe fuit saluberrima. O meæ Aures, gratas vobis habeo, quod artificio extemporalibus obfurduistis, ad omnem inhonestum, obrectatorium, noxium sermonem: hæc mihi surditas sæpissimè fuit salutis. O Manus meæ, vobis memori mente adscribo, quod delicias & tactui iucunda potuerim aspernari: vestra mihi ad hoc profuit continentia.

O mi Olfactus, & tuis beneficijs respondeo; tuæ fuit virtutis, & odores gratos spernere, & ingratos perferre Dei causâ: multum me iuuat tua patiens industria. Et ô mi Gustus tibi quoque me gratum præbeo, tibi acceptas refero victorias plurimas; pars salutis meæ maxima in te stetit: potuisti & dapibus carere, & inter dapes esurire; potuisti & in copiâ abstinere, & sustinere inopiam: fateor, absque te fuisset, mei hostes me millies sub iugum misissent: abstinendo & sustinendo promouimus. Igitur, ô meum corpus, sine me breui temporis spatio à te abesse: iungemur iterum, & vnâ frue-

mun præmio inexplicabili, felicitate non finiendâ. Vtilissima monita, si sint qui ijs pareant.

Pelagius refert, <sup>a</sup> sanctam Syncreticam dicere solitam: Sobriè viuamus, quia per sensus corporis nostri fures ingrediuntur. Verè: & sæpe non vnus aliquis furunculus, sed furum & prædonum ingens turba, cogitationum & imaginum fœdarum magnus numerus. Hinc lugubris ille gemitus clamantis propheta: Deprædatus est oculus meus, animam meam. <sup>b</sup> Voce præeuntem sequamur; clamet pro se quisque: heu præda factus sum oris, & oculorum meorum, aurium, & manuum mearum! deprædatus est animam meam visus meus, auditus, tactus, gustatus meus. Cor sine sensuum custodiâ, vrbs est sine mœnibus, domus sine ostio, hortus sine sepe: illam hostes transiliunt, hanc fures expilant, istum conculcant feræ.

<sup>a</sup> libell. II. n. 32. <sup>b</sup> Thren. c. 3. v. 51.

## CAP. X.

## OCTAVVM INCONTINENTIAE

*antidotum, assidue cogitata DEI PRÆSENTIA,*

*in omni loco.*

**Æ**DES. Partheni, dimittis me plenum ingentis fiduciæ ad sanctiores mores. institutis, disputas, doces, aduersus omnem vim vitiorum me munis. **PARTH.** si laudare velis, hoc est, adulari, ego interrumpi nolo: pede quo cœpi, pergam, iam enim finem prospicio. restant pauca, at profecto, si rem spectes, non paucis explicanda. versiculum tenes.

*Portarum excubia, Christi praesentia, Pana.*

Suas portis excubias dedimus, nunc Dei praesentiâ contemplemur.

Et principio quidem mirari subit, nos in plurimis non circumspetiores esse, quos *oculus Domini* vigilantissimus, obseruat omni momento, omni loco. **ÆDES.** ergo hîc Deus ad linguam, ad oculos, ad manum meam? **PARTH.** dubitas? etiam intra oculos, linguam, manum tuam est, qui cor tuum vndequeque penetrat Deus. quid clariùs, quid crebrius inculcat sacra pagina, quàm hanc ipsam Numinis praesentiam in omni loco? digitum, pro more meo intendam ad pauculos fontes. Salomon, apertissimè pronuntiat. <sup>a</sup> In omni loco *oculi Domini* contemplantur bonos & malos. Insomnes sunt hi oculi, nullo temporis puncto clauduntur. Idem affirmat Siraci-



des. *a* Oculi Domini multò plus lucidiores sunt super solem; circumspicientes omnes vias hominum, & profundum abyssi; intuentes in absconditas partes. O verè nimium quàm lucidiores omni sole Oculos! sol excludi potest, sexcentis modis, nullo diuini oculi, qui omne profundum rimantur, qui parietes omnes vel etiam ferreos penetrant. nihil eis clausum est. Omnium luculentus testis, diuinus Paulus: Et non est vlla creatura inuisibilis in conspectu eius. omnia autem nuda & aperta sunt oculis eius. *b* Cuius oculi (verba sunt Hieremiæ Prophetæ *c*) super omnes vias filiorum Adam, vt reddat vnique secundum vias suas, & secundum fructum adinventionum eius.

*a* Eccli. c. 28. v. 28. *b* ad Hebr. c. 4. v. 13. *c* Hier. c. 32. v. 19.

### S. I.

Abimelechus Rex, cùm Sarām Abrahami coniugem mille argenteis donasset, istud moniti adiunxit: Et quocunque perrexeris, memento te deprehensam. *a* Auto prorsus hoc, & cedro scribendum: *Memento te deprehensam*. Nulla tam abscondita cogitatio, tam furtiua libido nulla est, nullum tam clandestinum furtum, quin & illam, & istam, & istud *Dei oculus* deprehendat. Quidquid dicas faciæ sue; quidquid vel arcanissimi secreti etiam cogites, *memento te deprehensam*. Vbi vbi locorum, & quidquid denique rerum agas; etsi tam solus sis, vt nec musca tecum sit, tamen *memento te deprehensam*, ab oculo omnia cernente.

Hæc ignorantie nostræ labes est, ad Deum velut longè dissitum suspirare. Proximè nos est, in dè in nobis est, & nos in ipso, velut piscis in mari, auis in aëre, in circulo punctum. quoquò istud se mouerit, clausum est, quoquò piscis natauerit, aquis circumfusus est, quoquò volauerit auis, ab aëre circumtecta est. Suum hunc errorem, qui Deus velut remotum fingit, damnans Augustinus. *b* Erraui, ait, & multum laboraui, quærens te extra me, & tu habitas in me; mecum eras, & tecum non eram; male quærebam, foris, quod erat intus. in ista formosa, quæ fecisti, ego deformis irruebam. ea me tenebāt longè à te, quæ esse non poterant nisi in te.

*ADES*. Sed num Deus sic præsens, etiam in impijs? *PARTH*. Te hominem albæ mentis! præsentissimus est, etiam in impijs, & quidem, vt Theologorum ore loquamur, per essentiam, per præsentiam, per potentiam suam, solùm non per suam gratiam. Deus cum omni sanctitate & sapientiâ suâ, cum omnibus suis thesauris, æquè totus ac præsens fuit in Iudâ Christi proditore,

*a* Gen. c. 20. v. 15. *b* Isai. c. 31.

quàm

quàm in Petro Christi defensore. Miseri nos & cæci, quàm non cogitamus ista! momentis singulis, diuinâ manu sustentamur, & quasi assidue recens creamur. cesset Deus vel puncto temporis benefacere, & omnia, quæ nostra vocamus, in tenue nihilum euanescant. Pulchrè Bernardus: Idcirco, inquit, sicut nullum est momentum, quo non fruamur Dei misericordiâ, sic nullum sit momentum, quo eum præsentem non habeamus in memoriâ. Momento nos Deus, vel ignibus æternis addicere, vel cælo adscribere potest. instillet modò vel vnicam scintillam luminis, quod gloriæ vocant, & in cælo iam erimus, etsi extra cælum simus. Nusquam à Deo nec latum vnguem recedimus. Et dic, quæso te, mihi: Si quis staret vndeque flammis præaltis, & in orbem cinctus, scirètque, illicò pereundum sibi, si scintillâ vel vnicâ tangeretur, quàm parcus ei risus foret, quàm modestus se contraheret, quàm pauidus trepidaret? atqui verè in Deo, igne illo immensissimo stamus, mouemur, deambulamus, quidquid rerum agimus, agimus in illo, ab illo vndique circumdati. nec nescire possumus, quòd vnicum Dei *velle*, nutus vnicus, aut in cineres redigere nos, aut ad inferos momento præcipitare possit: & tamen cum hoc igne intelligentissimo pugnamus, hunc conspuimus, hunc impio ferro fodimus, hunc nouis quotidie iniurijs lacessimus, & nequitijs nostras (quo quid dementius?) non obseruari credimus. Heu miseri, à Deo vndique deprehensi, tamque mortui, quàm inferis vicini, quid compressis oculis cæci ruimus in exitium? In omni loco *oculi Domini* contemplantur bonos & malos. Ah! quàm cautè & quàm submissè se gerere par est, in *oculis tanti Domini*, quos nec ad momentum vel exire licet, vel declinare. *Quocumque perrexeris, memento te deprehensum.*

## §. II.

Vnicus hîc, & ad omne flagitium acerrimus est stimulus, credere se non videri: I, modò, & furem interroga: quid hæc audeat? arbitrabar, dicet, me non videri. Sed & adulterum adi, & quære: Tunc alienam domum inuadere, coniugem non tuam violare impurissime? si Deum non metuis, etiam magistratûs vindictam negligis? trepidè respondebit: Putabam, neminem huius fore conscium. Sed ad plures te mittam. Accede silentiò, improbis funi oris hominem, & dum Dominum suum diris omnibus execratur, interroga: in quem hoc linguæ virus euomat: territus di-



et: credebam me solum esse, & à nemine audiri. Hæc via ad infæ-  
 ros rectissima est, ita viuere, tanquam si nullius oculo notetur, à  
 nemine videatur. Hinc impiorum voces illæ: quomodo scit Deus,  
 & si est scientia in excelsis? *a* Et dixerunt: non videbit Dominus:  
 nec intelliget Deus Iacob. Contra hos acriter insurgens regius  
 psaltes: Intelligite, inquit, insipientes in populo, & stulti aliquando  
 sapite. qui plantauit aurem, non audiet? aut qui finxit oculum, non  
 considerat? Dominus scit cogitationes hominum, quoniam variae  
 sunt. *b* En, cogitatus tuos nouit, vel latentissimos, & ignorabit au-  
 sus & facta? Sed hunc talem tenebrionem, qui humanos solum  
 oculos, amotos à se cupit, diuinos non curat, sic loquentem pro-  
 ducit Siracides: *c* Quis me videt? tenebrae circumdant me, & pa-  
 rietes cooperiunt, & nemo circumspicit me. quem vereor? deli-  
 ctorum meorum non memorabitur Altissimus. Impiis his vocibus  
 opponit istas: Et non intelligit quoniam omnia videt *Oculus* illius,  
 quoniam expellit à se timorem Dei, huiusmodi hominis timor.  
*ÆDES.* nostra nos fides docet, nihil clam Deo fieri, omnes & om-  
 nia ab ipso videri, æquum proinde est, vt quis omnibus seipsum  
 sic excitet: *ATTENDE TIBI. PARTH.* rectè: sed vide, mi *Ædesi-*  
*me,* quò hominem malignior affectus, aut lasciuior appetitus non  
 pertrahat, & abducatur ab illâ fide. Homo impurus & libidinis secta-  
 tor (eadem est omnium vitiorum ratio) ante se habet hæc duo:  
 Carnis petulantiam, & Fidei notitiam. fœda petulantia illa vult in  
 opus prodire quod cogitatur non vult Fides, & à Deo cupèta certi  
 affirmat. Ergo ne ille crimen deserat, deserit fidem, & vt adulter sit,  
 fit hæreticus factus. Idem vel solis fit cogitationibus. Cogitat quis  
 obscœna, nec tamen nescit has in se ipsas cogitationes à Deo videri.  
 En hîc fidem, quæ identidem pungit, vellicat, monètque: Deus  
 videt ista quæ cogitas; cor tuum Deus penitissimum peruidet: eij-  
 ce has & imaginum & cogitationum sordes. quid hîc miser? ne co-  
 gatur suas expellere cogitationes, expellit à se fidem, & tantundem  
 facit, ac si dicat: non cernit hæc Deus, quæ cogito, quæ mente a-  
 ipicio. ita pergit infelix, & eiectâ aut sepultâ fide, cogitationes &  
 imaginationes sordidissimas retinet, fouet, & quia ipsi pulchrae  
 sunt, cum ijs ludit, & sic obscœnâ suauitate seipsum perimit. Huc  
 malorum, huc deducit impium illud: *Nemo me videt.* Quàm nobile  
 fuit par illud nequissimorum senum, qui Susannæ pudicitiam tentâ-  
 runt? totum nequitiae pallium, quo scelus suum vellârunt, hoc ip-  
 sum

**S**um fuit: Ostia pomarij clausa sunt, *Es nemo nos videt.*<sup>a</sup> Hinc omne flagitium accenditur, & animos sumit, dum diabolus ad aures delinquentis suauiter occentat: *Nemo te videt*: Aude feliciter: *Nemo te videt*. ita perge constanter, *Nemo te videt*. ita etiam pergimus miseri, parietes nobis circumdatos iudicamus, vt non tutius viuamus, sed vt occultius peccemus. quid autem prodest recondere se, & oculos hominum auresq; vitare? si honesta sunt, quæ facis, omnes sciant, si turpia, quid refert neminem scire, cum tu scias. *b* Heu, stultissimi mortales, quàm hîc vltra bestias nihil sapimus! mugiles & lampretæ, pisces marini, qui, Plinio teste, c si caput vndis immergant, reliquum corpus patere oculis non putant. Eadem & perdicis ridicula stultitia est. hæc si solum abscondat caput, iam se totam credit oculis subductam. Eundem hunc lusum & infantes ludunt: ponè ianuam, mantili caput obuolunt, & licet pedes emineant, à nemine tamen videri se credunt, quando ipsi vident neminem. Tales nos infantes, tales imò bestię sumus, modò hominum oculos à nostro scelere amoliamur, oculos Dei parum curamus, & sic à nemine nos obseruari creditus. Hinc illæ voces: hoc meus Dominus, hoc parens meus, hoc meus magister non videt, istud ille non resciet, salua omnia. Erras, mi homo, nil saluum illi qui diuinos oculos non veretur, sui sceleris obseruatores. Neque cogitasti in corde tuo, quia ego tacens, & quasi non vident, & mei oblitus es. *d* ita per Isaiam queritur Deus. Ergo, *quocunque perrexeris, memento te deprehensum*. Videris, audiris: vbicunque es, totus in oculis Des es.

<sup>a</sup> Dan. c. 13. v. 20. <sup>b</sup> Senec. epist. 43. <sup>c</sup> Plin. l. 9. c. 19. & c. 23. <sup>d</sup> Isc. 57. v. 11.

## §. III.

**Q**uemadmodum verò, improborum plurimos, in vitijs audaces fecit, stultissimum illud: *Nemo te videt*. ita innumeros alios ad illu-  
stre vite sanctitatem prouexit, vnicum istud: *Deus videt omnia*. Primus & martyr, & Virgo, frater Caini Abel, ex hac vnâ præsentie diuinæ notitiâ, ad omnem virtutis cultum profecit. clarissimus testis Iosephus: Abel, inquit, iustitiam colebat, & omnibus actionibus suis Deum præsentem ratus, virtuti operam dabat. Hîc te verbulo monuerim: in biblijs, *ambulare cum Deo*, non aliter explicandum, quàm Deum vbique præsentem iugi memoriâ prosequi, neque enim solemus aut possumus cum alio, nisi cum præsentem ambulare. Hinc nobile illud priscorum Patrum encomium, *cum Deo ambulant*. Post mundi originem laudatissimus Henoch,

d s

*Ambulant*



*Ambulauit cum Deo.* & non apparuit, quia tulit illum Deus. *a* Noë vir iustus atque perfectus fuit in generationibus suis, *cum Deo ambulauit.* *b* Hoc ipsum Abrahamo iam nonagenario præcipitur: *Ambula coram me,* & esto perfectus. *c* Moses, ille Deus Pharaonis, qui & Numini à secretis consilijs fuit, dux infiniti populi, vatum maximus, non aliâ re magis diuinam in se liberalitatem emeruit, quàm assiduâ diuinæ præsentiae veneratione. Paulus id affirmans: fide, ait, reliquit *Aegyptum* (Moses) non veritus animositatem regis, inuisibilem enim tanquam videns sustinuit. *d* Hoc illi assiduò in mente fuerat: *Deus videt omnia.* hinc tantarum molestiarum patientissimus, inuictus perseverabat. Rex Ezechias (liceat dicere) hac arte vnâ, quindecim vitæ annos à Deo emendicauit, in paucis persuadens quod rogabat: Obsecro Domine, inquit, memento quæso, quomodo *ambulauerim coram te* in veritate, & in corde perfecto, & quod bonum est in oculis tuis fecerim. *e* Prophetæ omnes in priscâ lege, Reges aliquot, omnes virtutis studiosi, plurimum in omni pietate promouerunt, ex hoc vno effato: *Deus videt omnia.* Admirandus in hoc rex Dauid. regionum quidem negotiorum mole premitur, & tamen in hoc vno est assiduus: Oculi mei semper ad Dominum, *f* perinde atque si dicat: vix mihi quidquam abijt temporis, quo non meminerim præsentis Numinis. & affirmatiùs longè de seipso testatus: Prouidebam, inquit, Dominum in conspectu meo semper: *g* assiduus mihi in oculis est Deus. Inde ingentis animi ausu: Etsi ambulauero, inquit, in medio vmbrae mortis non timebo mala, *quoniam tu mecum es.* *h* Neque satis hoc illi, obtutu continuo in Dei præsentia oculos defigere, omnes alios ad hoc ipsum ardentè instigans: Quærite, inquit, Dominum, & virtutem eius; quærite faciem eius semper. *i* & idem ingeminat. quærite Dominum, & confirmamini, quærite faciem eius semper. *k* Cumque à seipso minus hoc obseruatum deprehendisset, largissimis lacrimis id deplorans: Tibi soli, ait, tibi soli peccaui, & malum coram te feci. mi Domine, præsentiam tuam non obseruaui, oculos tuos reueritus non sum, te inspectantem neglexi. Vriæ quidem oculos non admisi; cum flagitium illud commisi, sed tuos, ô conditor, excludere non potui. Tu, ô Deus, vides omnia: Tu adfueristi, & iudicasti, tabellis id tuis inscripsisti. ideo peccaui, sed *tibi soli* & coram te solo grande hoc malum feci: Ah: in oculis tuis, te inspectante

ausus

*a* Gen. 2.5. v. 22. *b* Gen. 12. v. 9. *c* Gen. 22. v. 2. *d* ad Hebr. c. 11. v. 17. *e* Psal. 138. v. 3. *f* Psal. 121. v. 15. *g* Psal. 15. v. 8. *h* Psal. 22. v. 4. *i* 1. Par. 16. v. 10. *k* Psal. 140. v. 4.

ausus sum hoc flagitium designare. si te præsentem cogitâsem, adulter non essem, parricida non vocarer. O mortales exemplo meo sapite, *Deus videt omnia*. Iobus, eiusdem prorsus animi: Nonne, inquit, ipse considerat vias meas, & cunctos gressus meos dinumerat? *a* & : obseruasti omnes semitas meas, & vestigia pedum meorum considerasti *b Deus videt omnia*, & capillos hominis numerat, & passus. Susanna castissima extremis angustijs conflictabatur: hinc probrosum facinus, illinc, ni consentiret, mors ei certa sic imminebat, vt exclamârit: Angustiae sunt mihi vndique. *c* assentior: letali me noxâ obstringo, resisto: capitis supplicium incurro. Et quâ tandem ex his syrtibus est eluctata? Ante Deum se stare cogitauit: Deum præsentem & sui certaminis spectatorem est intuita. inde tantum criminis horrorem hausit, vt liberrimam hanc vocem proruperit: Sed melius est mihi absque opere, incidere in manus vestras, quàm peccare *in conspectu Domini*, vos quidem pomarium clausum, nullum hîc arbitrum, à nemine vos videri dicitis: at: *Deus videt omnia*, malo subire mortem, quàm Deum omnia cernentem offendere. O voces cælo inscribendas, vt, quemcunque carnis lasciuia vellicare cœperit, cælum suspiciat, istudque legat: *Mori malo, quàm peccare in conspectu Domini; Deus videt omnia*. NICETAS, cum impugnaretur, solus erat, nec tamen solum se esse credit, Deum præsentem vidit, præsentis opem petijt, centies mori maluit, quàm vel semel coram Deo assentiri flagitio. Hinc cruenta pugna, hinc victoria gloriosa. *Deus hac vidit omnia*. Edesime, sunt qui museum aut cubiculum picturis impleant, tu tuum obsecro imple scripturis, & hoc vnum vel centies omnibus appinge parietibus *Deus videt omnia*.

*a* Iob. c. 31. v. 4. *b* c. 13. v. 26. *c* Dan. c. 13. v. 22.

#### §. IV.

Hoc ipsum: *Deus videt omnia*, homines etiam sceleratos quandoque attonuit, & retraxit à præcipitio vitiorum. Thais Alexandrina, *a* femina tam malè quàm bene nota, vt grauius periret, multos secum perituros in voraginem traxit libidinis. Pereuntium miles Paphnutius, & militem indutus, Thaidem adit, & vnum se simulat aduentorum, dein loci secretum stipulatur, nolle enim se à quoquam videri. Inducit illa in cubiculum, negat ille satis arcanum locum. itur in aliud interius; moram eandem obijcit. demum in domus penetrale perducitur, vbi personatus miles huc illuc circum.

*a* S. Antonin. part. 2. hist. tit. 15. c. 10. §. 3.



circumspiciens: quæso te, inquit, num hîc securi sumus, & sine omni arbitro? Quid dubitas, inquit illa, hîc nemo nos audiet, videbit nemo, nisi Deus aut diabolus. Excepit vocem Paphnutius, & tanquam ad eam exhorruisset, quærit: Credisne Deum? credo, ait illa. quærit ampliùs: etiâne credis, eum vbique præsentem, omnia cernentem? & hoc credo, respondit illa: subdit Paphnutius: an non improbis decreuit ignes æternos? ita, inquit illa. mox ille iterum: Ergo, ait, hæc credimus, & tamen in oculis iustissimi iudicis omnia spectantis tam turpiter peccemus? Et quid tu temeraria, impia, salutis æternæ prodiga, hoc vnum laboras, vt vnâ tecum tot alij æternum pereant? tantine est corporis spurcissima voluptas? an duos illos, Deum & diabolum, non vereris? iudicem illum, hunc accusatorem non times? an non *Deus videt omnia*? Icta mulier dicto, altum ingemiscere, excusationis nil reperire, sordes suas erubescere: iâque & oculi lacrimas parturire, ipsa demum in genua procumbens, pœnitentiam & emendationem promittere. Dixit, & fecit, nec multò post omnem muliebre mundum, libidinis suæ instrumentum combussit, ipsa in Virginum cœnobium transijt, arctissimo habitaculo clausa, fonte solum & pane vixit, Dei nomen pronuntiare non ausa, vnum hoc assidue repetijt: Tu qui creasti me, miserere mei. Triennio sic acto, simul & isto, & corporis carcere absoluta, in meliorem orbem migravit. Magni Antonij discipulus, Paulus, in cælo ei paratum torum conspexit. ita cælestem thalamum feliciter possedit, quia impudicum aliquando possedisse dolenter tulit. Mirum hoc, sed non semel duntaxat factum. Eodem illo pronuntiato, *Deus videt omnia*, beatus Ephrem, æquè profligati pudoris mulierculam ad pudicos mores traduxit.

Et certè nisi in bestias aut in saxa degeneremus, fieri non potest, quin, si sæpius serioque cogitemus, *Deus videt omnia*, in officio nos contineamus. Bernardus: quomodo, inquit, negligens potest fieri, qui intuentem se Deum non desinit intueri? Si negligentiam, quomodo non etiam luxuriam à se repellat, qui diuinos oculos in se defixos obseruat? Dorotheus vir religiosissimus, in familiam suam cooptauit iuuenem spei non magnæ. erat is libertati assuetus, vanus, vitijs plenus, & tamen monachum profiteri omnimodo contendebat. Facile erat Dorotheo cogitare, hunc talem iuuenem præceptis & legibus non obruendum; ita vnicam dedit, sed auro exarandam: *Cogita semper Deum tibi præsentem, & te coram illo stare.* Dositheus (hoc nominis accepit in cœnobio tiro ille) ex vnâ hac lege

lege, eos in virtute progressus fecit, vt elapso quinquennio, non in meliorem tantum, sed in alium prorsus hominem intrauerit, iam ceterorum non tardus imitator, sed antesignanus, & Virtutis speculum. tantum ei profuit, assidue cogitasse: *Deus videt omnia.*

## §. V.

Phengites, miri nitoris lapis, ea etiam quæ à tergo fiunt, monstrare dicitur. Domitianum Imperatorem eo usum affirmans Suetonius: « Tempore, inquit, suspecti periculi appropinquante, sollicitior in dies, porticum in quibus spatari consueuerat, parietes, Phengite lapide distinxit, è cuius splendore per imagines, quidquid à tergo fieret, prouideret. Eius generis lapidem habuisse fertur Maximilianus I. Imperator. Huic celeberrimam Germaniæ urbem ingresso, gratulatum aduenit Magistratus, & chrysendeton aureis plenum obtulit in monumentum debiti obsequij. Erat tum Imperator in conclau, non procul à foro, vbi spectacula parabantur. digresso inde Magistratû ciuico, initium est datum ludorum equestrium. Aulici famuli plerique omnes huc illuc dilapsi, occupando commodiore loco. Secutus Imperator cum paucis, cratere aureo in mensâ relicto, & ianuis per quas transierat, apertis. Iam omnibus in ludos intentis, familiarium vnus in cæsareum conclaue obrepit silentio, aureos credo, numeraturus, sed suæ crumenæ. Ergo poculum inuadit, nec parca manu extrahit partem aureorum, non minimam, ratus se à nemine videri. Interim Imperator Phengitem suam dissimulanter ante se mouet, omnia à tergo videt, & hunc furem. Reditur in conclaue: magna hinc omnium expectatio partiendi muneris. Iubet Cæsar singulos dominorum pro se quemque accipere. Etiam ille, qui ante inuocatus venerat, vocatus est & iussus extrahere, quantum manu prenderet. initio ille modestè tergiuersatus, tandem pauculos aureos verècundis digitis attollit. Hic Imperator: numera, sis, inquit, quot traxeris. numerat. Cæsar iterum: Iam, inquit, & illos prome quos nobis absentibus traxisti: videamus, num antea, an iam fueris cordatior. Fit funus miser, balbutit, contremiscit, vocè vix expedit, inussat, deprecatur. expromit tandem aureos è furtiuo sacculo, & numerat, sed longè plures esse comperti, quos prius clepserat, quàm quos iussus excerpserat. Tum Imperator: tolle, inquit, omne hoc, tuum est, sed sub oculos meos non redi. Tu, si sapis, cum magnatibus (multo minus cum Deo) non ludis: à tergo etiam habent oculos. Et an nescis lon-



gas Regibus esse manus, acutissimos oculos, plurimas aures an nescis, Deum merum esse *Oculum*, meram manum? dicit Augustinus: « Deus, inquit, totus oculus est, quia omnia videt; totus manus est, quia omnia operatur; totus pes est quia ubique est. Hoc nempe seruulorum linguas & manus coercet, ut nec flosculum carpant, nec pomulum ex horto rapiant, nec frustulum panis sublegant, si nullam sibi herilis absentiæ securitatem polliceri queant. hinc crebriores querelæ illæ: Dominus meus semper mihi à tergo hæret; loco quo minime formido, deprehendor. Et quis vspiciam unquam oculos Dei cuncta cernentis euitare potuit? *Deus videt omnia*. Ergo, quocunque perrexeris, memento te deprehensum.

Pausanias in Corinthiacis refert, Iouis simulacrum trinoculum celebrari, ob triplex in superos, medios, inferos, imperium. Mittamus figmenta. An non Deus noster triplices habet oculos, quibus omnia cæli, terræ, marisque, & inferorum vel minutissima peruidet? Augustinus: Oculos, inquit, Dei simul vniuersa cernentis, non abdita locorum, non parietum, septa secludunt; nec solum ei acta & cogitata, verum & agenda & cogitanda sunt cognita. *Deus videt omnia*, tam præterita & futura, quam præsentia.

a Epist. 111.

## §. VI.

Hoc altè animo imprimere, & in laboribus roborat, & in molestiis atque doloribus erigit mirificè. Eò quisque contentius laborare solet, quò plures habet & nobiliores sui laboris spectatores. In Hierosolymorum obsidione, nulla præmia Romanos æquè in hostem animare potuerunt, atque Titi Cæsaris in bello præsentis oculi. fidem facit Iosephus his verbis: Romanos hortabatur consuetudo vincendi, & quia vinci non assueuerant. Ante omnia verò Titus, semper, ubique præsens. nam & inertia, spectante atque opitulante Cæsare, grauissimum facinus videbatur, & ei qui bene decertasset, testis aderat qui rependeret præmium. Præterea fructus erat, vel cognosci solum Principi, virum fortem. idcirco multorum maior viribus alacritas demonstrata est. « En, oculus Domini

Domini saginat equum : En, oculus Titi magnanimos facit milites, qui velut viri ferrei, stant inexpugnabiles. Potuerunt hoc oculi Titi Cæsaris : multò magis id poterunt oculi præsentis ubique Numinis. De Iudâ Machabæo, eiusque copijs sacra historia hoc prodidit : Erant manu quidem pugnantes, sed Dominum cordibus orantes, prostrauerunt non minus triginta quinque millia, *præsentia Dei* magnificè delectati. <sup>a</sup> Vicerunt, quia Deum sibi præsentem fecerunt precando. & hæc illis cogitata Dei præsentia, famem sitimque, fatigationem & puluerem, vulnera, plagas, mortis pericula, facilia omnia reddidit. Quòd si milites hi inter tubas & tympana, inter armorum fragorem, inter vulneratorum, caesorum, morientium clamores & ululatus, ita sibi Deum statuerunt præsentem, ut eius præsentia *magnificè delectarentur* : nos quoque vel in turbatissimis etiam negotijs, præsentis Dei meminisse poterimus, si velimus. Proinde, si quis adeò delicatâ & parcente manu laboret, similis somnum meditantì, clumbis, lentus, fractus & oscitans, non immeritò illum proximus quisque sic eximulet : quid agis ignave ? ubi manus, ubi opus tuum ? num ideo sic solutè & segniter, sic remissè & perfunctoriè laboras, quia te solum putas, & à nemine videri ?  
 — Sed luna videt, sed sidera testes, Intendunt oculos  
 — sed vident Angeli, sed videt Deus. Dei oculos non reformidas ? non te pudet, spectatore Deo, eò languoris prolabi, ut instar brutæ pecudis, non festines nisi ad quietem & somnum ? Respice piger, & si quidem humanos negligis, diuinos saltem oculos reuerere : *Deus videt omnia*, tam alios industriè & feruenter, quàm te languidè & oscitanter laborantem : operosos Deus contempletur, & cessatores : ipse nouit & decipientem, & eum qui decipitur. <sup>b</sup> *Deus videt omnia*. Seneca de hoc non Christiana tantum, sed pænè (fas sit dicere) diuina scripsit. Et quàm hoc propriè ac verè ad Lucilium : Propè est, inquit, à te Deus, tecum est, intus est. Ita, dico, Lucili, sacer intra nos spiritus, sedet, malorum bonorumque nostrorum obseruator & custos, hic prout à nobis tractatus est, ita nos ipse tractat. Nihil Deo clausum est, interest animis nostris, & medijs cogitationibus

<sup>a</sup> Mach. c. 15. v. 27.<sup>b</sup> Iob. c. 12. v. 16.



nibus intèrvenit. Deus ubique & omnibus præsto est. *a* Obstat  
 pisco tantum lucis huic viro in tenebris alluxisse Idem: *b* Sic fac,  
 inquit, omnia, tanquam spectet aliquis. prodest sine dubio. custo-  
 dem sibi imposuisse, & habere quem respicias, quem interesse cogi-  
 tationibus tuis iudices, &: *c* Magna pars peccatorum tollitur, si pec-  
 caturis testis adsistat. Aliquem habeat animus, quem vereatur, cui-  
 us auctoritate, etiam secretum suum sanctius faciat. O felicem il-  
 lum qui non actus tantum (alij libri, aspectus, tactus; omnia rectè)  
 sed etiam cogitatus emendat! O felicem illum, qui sic aliquem  
 vereri potest, ut ad memoriam quoque eius se componat atque or-  
 dinet! Ergo, sic vive cum hominibus, tanquam Deus videat, sic  
 loquere cum Deo, tanquam homines audiant. *d* Præclarissime  
 omnia. & hoc homo non Christianus scripserit? Iesu bone, quid  
 in supremo iudicio respondendum Christianis? iam convicti su-  
 mus vel mille testibus. Scimus, Deum videre omnia; sed aliter non  
 vivimus, quam si nihil videret ex omnibus.

*a* Epist. 51. init.

*b* Epist. 24. med. ferè.

*c* Epist. 11. propius fin.

*d* Epist. 10. finè.

## §. VII.

Oculos hominum tantò magis observamus, quantò minus Dei.  
 Et hoc est, ex mente Chrysostomi, quod nos in exitium rapit. Hu-  
 manis nos oculis commendare, studiosissimè ambimus, oculos  
 divinos negligimus, perinde atque si nullus sit Deus qui nos videat.  
 In sceleribus (os illud aureum iure queritur *a*) Deo contempto  
 homines formidamus; homine præsentè nemo fornicaretur, sed  
 pudore hominum, affectus violentia vinceretur: cum autem Deus  
 videat, & hoc audemus, & longè graviora. Nonne hoc solum satis  
 esset, quò cælitus innumeris peteremur fulminibus? Hinc omnia  
 orta sunt mala, quò in rebus turpibus, non Dei oculos sed homi-  
 num timemus. Nihil est opertum, quod non reuelabitur, & occul-  
 tum quod non sciatur. *b* Ambrosius tam hinc disertus est & serius,  
 ut si quis vllum conscientia sensum retinuerit, non possit non mo-  
 tueri: Detur mihi, ait, captus adulterinae cupiditatis intemperatissi-  
 mo æstu, qui nolit repugnare suæ carnis appetentia, incuriosus iu-  
 stitiæ, tamen sollicitus famæ, erubescens testimonium erroris, qui  
 ipsum non erubescit errorem. Si quem fortè spectatorem noverit  
 facinoris sui, verècundia sequestrat intemperantiam, & pudore in-  
 coeptum scelus deserit. Ah! quantò magis, si consideret plena esse  
 Angelorum omnia; aërem, terras, maria, ecclesias quibus præfunt

*a* in epist. ad Corinthios. *b* Math. c. 10. v. 26.

Angeli.

Angeli. hominem vereris præsentem, Dei præsentiam non vereris? Sed cum tibi dicitur, quia Deus nouit occulta hominum, ideo non vis audire, ne incipias scire quod timeas, & timere ne pecces. Sed an putas, quod in lupanari te Christus non videat, quem videt lupanar ingredientem? in flagitio te non deprehendet, quem videt flagitium cogitantem? Sed fac (quod fieri non potest) quod nequitias tuas videre noluerit Deus: vidit Belial, vidit legio dæmonum, qui te impulerunt. Ne putes quod tibi præstet colludium silentij, qui tecum habebit consortium supplicij. studet plurimos sui similes videre, & hæc eius est gloria, quod plures perdat. Ergo, *quotunque perrexeris, memento te deprehensum, Deus videt omnia*

Humanis oculis fucum facere, & (vt Plautus loquitur) glaucoma obijcere, res est facillimi negotij; oculos Dei fallere nulla vnquam ars potuit. Hoc prisca explicabant apologo isto: Ceruus insequentes venatores fugiens, metu delatus est in stabulum. hic mulum rogauit: tantillum sibi spatij non inuideret, quo fugam linceret dissimulare, dum transuecti essent venatores. Cui mulus: Hic, inquit, parum eris securus; breui aderunt & herus, & famulus. Ceruus opinionis suæ tenax: Videbo, ait, quas fugæ meæ latebras captem, modò tu me non prodas. Vix in tutum se recipit, & famulus irrumpit, ceruum tamen profundiore fœno utcunque iam sepultum non obseruat; sicque abiit. Ceruus mirè sibi gratulatus, quod famuli oculos fefellerisset, iam pænè victor omnem periculum metum ponebat. Cui mulus: mi frater, inquit, hanc talpam decipisse, non artis fuit, sed fortunæ: vix tibi, si venerit herus, lynceosis habet oculos: hunc si fefelleris, triumphum cane.

Breui & ipse herus adest, dumque omnia sagaci lustrat oculo, ceruinum cornu è fœno prominens deprehendit, & simul fugitiuum hospitem. innox complois manibus, seruos inclamat. ita miser carcerem esse sensit, quod asylum putabat. Mens fabulæ ista est: Serui sunt, quotquot mortales viuunt; Dominus omnium solus Deus est, seruorum istorum oculos decipere, nimis quàm facile est; mille larvæ sunt quæ fraudem faciant; Dominum, qui merus est oculus, nemo fefellit vnquam. Scrutatur corda & renes Deus. a de quo-cunque homine dixeris: renum illius testis est Deus, & cordis illius scrutator est verus, & linguæ eius auditor. b Homo videt ea quæ parent, dominus autem intuetur cor. c Ergo, *quotunque perrexeris, memento te deprehensum, Deus videt omnia.*

e

§. VIII.



Rhetoricæ figura est, quæ *Conuersio* dicitur, hæc quæstiones complures vno responso diluit. Eâ vsus Basilius, & varium quæsitum verbo dissoluit. Quærebant Basilij discipuli: quis omnium facillimè & creberrimè irascitur? quis in re diuinâ censendus est pigerrimus? quis animo maximè vagus in precibus? quis leuissimus in gestu? ecquis omnium inquietissimus est dicendus? Verbo ad omnia respondebat Basilius: Qui non semper cogitat, suarum actionum & cogitationum inspectorem esse Deum.

Sed denuò quæritur, & qui fieri possit, vt quis irâ nunquam incalcescat? quis cogitationes sic cõhibeat, vt non euagentur? quis in tetrico negotio animi & spiritûs, æquè semper vegetus sit & alacer, atque in lusu & choreis? quis tam cautus in moribus, vt nullam stultitiæ inmixturam prodat? quis aded semper apud se & domi suæ, vt omnia dicta factaque composita habeat, & ad decorum expolita? Vnum iterum ad omnia responsum est Basilij: hæc omnia ei facilia sunt, qui Deum semper præsentem aspicit. Ecclesiasticus <sup>b</sup> Si non in timore Domini, inquit tenueris te instanter, citò subuertetur domus tua. Deum non metuit qui absentem credit. Idcirco Augustinus: <sup>c</sup> Deus, inquit, timendus est in publico; ipso in secreto. procedis? videris. intras? videris. lucerna extincta est? videt te. lucerna ardet? videt te. cubile ingrederis? videt te. in corde versaris? videt te. Illum ergo time, cui cura est vt videat, & vel timendo castus esto. Cognouit enim Dominus omnem scientiam (vt Siracides loquitur <sup>d</sup>) abyssum & cor hominum inuestigauit, & in astutiâ eorum excogitauit: tandem fraus omnis ad solis testimonium publicatur: *Deus videt omnia.*

Ferdinandus I. Imperator, mirè delectabatur horologioli affabre factis & rotundatis. erat ei magnus horum numerus, & artificiosa varietas. Fuit, vt animi gratiâ loquaci hoc auro mensam oppleret, & velut mercem venditurus, ordine collocaret, gratum aulico comitatu spectaculum. Vbi satis datum oculis, ad colloquium factus secessus. Vnus interim non spectator tantum sed emptor, furandi libidine an occasione impulsus, vnum ex horologijs raptim in caligas abdedit tagaci manu. Obliquo id oculo deprehendens Cæsar, hominem ad se vocatum, vario sermone, ad id horæ detinuit, dum sonorum illud aurum intra caligas loqueretur, & horam nunciaret. Erubuit miser vel inuitus, & totam faciem minio

perfusus

<sup>a</sup> in quæstion. fusè explicatis. q. 20.

<sup>b</sup> Eccl. c. 27. v. 3. <sup>c</sup> Serm. 46. de verb. Dom. <sup>d</sup> Eccl. c. 42. v. 18.

perfulsus, sine voce confessus est furtum. Cæsar ruborẽ contentus, liberalissimã conuiuentiã, reum furti absoluit. Et nos, mi Aedime, huic furi simillimi sumus: quoties nos aut fucata mendacia, aut clanculariæ confabulationes, aut furtiue mentis libidines oblectant? miseri, latere nos credimus. Tandem, tandem, elapsa vitæ horulâ, horologium nostrum, nostra conscientia loquetur: Oculus Dei non obliquus, sed rectissimus atque fixissimus, in nos assidue intentus factorum nos omnium conuincet. Nam, in omni loco, oculi domini contemplantur bonos & malos: a omnia videt Deus. Nunc temporis dissimulat, & hunc furari, & illum adulterari finit Deus: quid iste, quid ille, quid nos, quid omnes omnino homines cogitent, videt, & tacet. Erit tempus, cum singulis obiecturus hic iudex: hæc fecisti, & hæc, & hæc etiam, & illa, & ista etiam, & tacui. <sup>b</sup> nunc tua te prodit conscientia, nec teipso iudice absolui potes. Hæc, quid tunc miser sum ducturus, quem patrum rogaturus, cum vix iustus sit securus? Infernus & perditio coram Domino, quanto magis corda filiorum hominum? Si homini, ait Ambrosius, inficiaris, Deo fateris; etsi volueris negare, tuæ te cogitationes reuincunt. Lactantius huius rei optimè commemorans: <sup>d</sup> quid agis, inquit, quid machinaris, quid abscondis? Custos te tuus sequitur. Putas tibi contigisse vt oculos omnium effugas demens? quid tibi prodest non habenti consciũ, habenti conscientiam? *Patemus Deo Undique.* Ergo, *quocunque perrexeris, memento te reprehensum: Deus videt omnia.*

<sup>a</sup> Prou.c.15.v.3. <sup>b</sup> Psal.49.v.21. <sup>c</sup> Prou.c.15.v.11. <sup>d</sup> lib.6.de vero cult.c.24.

## §. IX.

ÆDES. Pålne mihi quærere? PARTH. iuberem, ni sponte faceres; interium respiro ego. ÆDES. Vnde obsecro tot, tam foeda, & tam quotidiana inter Christianos flagitia? an non ea omnia credunt, quæ de Deo vbique locorum præsente disseruisti? PARTH. credunt sanè, sed fide otiosissimã, nec plus faciunt quàm si non credant. Cursorem veredarium noui ego, proiectæ audaciæ hominem, qui assuetus diu noctuque iter facere, equum quandoque per inuia deuia, per saxa & sentes agebat; monitus periculi, & salutem vitæ suæ, si non suo equo, parceret. Irridens ille: oculos, inquit, comprimò, & omnia vbique plana sunt. Huic, & simillimi, qui Deum vbique præsente esse credunt, sed nil proorsus, diuinã præsentiã dignũ faciunt: oculos comprimunt, & quæ data porta ruunt: tales, nebulones illi vetuli, alieni matrimonij subseffores, Susannæ pudicitiam



pu-  
dicitiam sollicitantes, *enarserunt in concupiscentiam eam, & euerterunt sensum suum, & declinauerunt oculos suos, & non viderent calum, neque recordarentur iudiciorum iustorum.* a

David Salomoni filio, hoc ipsum grauissimè commendans: Tu autem Salomon, inquit, fili mi, scito Deum patris tui, & serui ei corde perfecto, & animo voluntario. omnia enim corda scrutatur dominus, & vniuersas mentium cogitationes intelligit. Si quæsieris eum, inuenies: si autem dereliqueris eum, proijcet te in æternum. b Concio, regum auribus dignissima. Sed Salomon paternæ disciplinæ immemor, alienigenarum mulierum libidines affectatus, eò delirij & impietatis prolapsus est, vt Deum patris sui cœperit nescire. Ita cuticula placet aliena, vt animula displiceat propria. Hæc vitæ labes inde est, quòd Deum aut nostra non videre, aut facile condonaturum visa, stultè & improbè persuadeamur. O tenebras humanæ mentis! Oculus ille qui videt omnia, & à nemine videtur, in lucem olim protrahet quæcunque arcana & abdita. Hic Oculus ostendet quos mortuos nocte sepelierit Tobias. Hic Oculus monstrabit, quot palàm, quot clam iugulauerit Herodes. Hic Oculus pandet Orbi, quis Nicolaus ille fuerit, qui furtiuis beneficijs, pudicitia periclitanti alienæ subuenerit. Hic Oculus humano generi prodet, non à Iosepho dominam, sed à dominâ Iosephum ad flagitium fuisse inuitatum. Oculus iste declarabit, Elisabetham Vngari regis filiam, in abdito horti sui angulo, scabiosi mendici caput lauisse. Secretissima omnia ad solem producet hic Oculus. Res nunc in orbe sæpe geruntur inæqualissimè, subinde etiam iniquissimè: illi ficus deuorant, & accusant istos: reis venia datur, vexat censura infontes; corui delinquant impunè, columbæ mulctantur. non latebit. non est occultum quod non manifestetur, nec absconditum quod non cognoscatur, & in palàm veniat. c Ideo Christus: Et Pater tuus, inquit, qui videt in abscondito, reddet tibi. d Ergo, quocunque perrexeris, memento te deprebensum; Deus videt omnia. non præterit illum omnis cogitatus, non abscondit se ab eo ullus sermo. e Vt verò huius nulla nos vnquam capiat obliuio, certa memoriæ statuenda sunt signa, quæ quotidie moneant, seu sit imago cubiculi, seu dictum illustrius museo inscriptum, seu pars vestis aspectui exposita, seu digito insertus annulus, seu quotidianum illud sacerdotis in sacro: *Dominus vobiscum.* quidquid illud sit, monendi sumus assiduò, Deum vbique præsentè videre omnia. Adde clau-

a Dan.c.13.v.9.

b 1.Par.c.28.v.9. c Luc.c.8.v.17. d Matth.c.6.v.18. e Eccli.42.v.20.

*Sulam viri docti, & sancti martyris Seuerini Boëthij qui aureum illud de consolatione Philosophiæ opusculum, his ipsis verbis consignauit: Magna vobis est, si dissimulare non vultis, necessitas indicta probitatis, cum ante oculos agitis, iudicis cuncta cernentis.*

*Aut saxa sumus, aut his mouemur: Deus videt omnia.*

*Anton. bl. m. a. lib. 5. consol. phil. fine libri.*

## CAP. XI.

## NONVM INCONTINENTIÆ

*antidotum, Nouena ÆTERNITATIS*

*supplicia.*

**H**ic flere malim quam loqui. quicquid dixerimus, minus æquod dicemus; verbis non assequemur, sed nec cogitationibus quidem, inexplicabilem illam damnatorum Æternitatem. Scio multos & multa de damnatorum tormentis scripsisse, sed vana est scriptio, inanis est omnis dictio, vbi non est attenta & profunda cogitatio: Legimus ista, audimus talia, cernimus picta, cogitamus futura, sed hæc omnia breuiter euanescent, nisi ea vigilantissimam mentem sæpius expendamus, & imaginationi seriæ infigamus. Eheu, quam multa sunt, inferorum infanda supplicia, quæ hîc mihi, Ædesine, tibi que meditanda subiiciam, compendioso ordine.

## PRIMUM

*Supplicium inferorum, tremendum, INFANDVM;*

**T**ENEBRÆ. primus hîc cruciatus est, & maximus omnium, & verè *infandum*. Sed audi quas ego tenebras dicam. Deum posse aspiciere per totam Æternitatem, o quantum erit liquidissimæ voluptatis: hominem formosum intueri, aliquam parit voluptatem, quæ mox ad amorem trahit. Creet iam Deus, vti potest, infinite formosiores, quam sit homo vel formosissimus in orbe; quam ille in sui spectatoribus amœnum amorem prouocabit: hunc tu mihi homunculum vnicum cum Angelo, Angelum, imò Angelos omnes cum Deo, eiusque infinitam pulchritudinem confer, ecquid iam sentis: omnis pulchritudo florum, hominum, Angelorum, & rerum omnium pulchrarum, ad Dei pulchritudinem collata nox est, & meræ tenebræ, & deformis caligo. Ab huius ergo immensæ pulchritudinis aspectu excludi, idque æternum, inexplicabile, infandum, incomprehensibile tormentum est, & hoc Theologi, *pœnam*



*damni* nominant. Chrysostomo mille gehennæ minus sunt, quàm sic à Deo reijci. Verba illius adnumero: hæc sunt. *a* Noui autem, quòd plurimi pertimescant tantum gehennam, ego tamen illius gloriæ amissionem, multò amarius, quàm ipsius gehennæ dico esse supplicium. *g* *pauculis interiectis.* Intolerabilis quidem res est etiam gehenna: quis nesciat, & supplicium illud horribile non perhorrescat? tamen si mille aliquis ponat gehennas, nihil tale dicturus est, quale est à beatæ illius gloriæ honore repelli, exosumque esse Christo, & audire ab illò: *Non novi vos.* Est enim satius vel mille fulmina sustinere, quàm vultum illum mansuetudinis pietatisque plenum, nos tamen auersantein videre, & illos placidissimos oculos nequaquam nos aspicere sustinentes. Quid ergo luctuosius esse poterit, quàm horrendum illud tonitru, vocem audire diuinam, sic repellentem: Discedite à me maledicti: Foris canes, & impudici. *b* Ah, quàm non capimus hoc irreparabilis damni supplicium, & interiores (sic vocemus) tenebras, quæ intelligentiam, voluntatem, memoriam hominis omnem foedâ cæcitate obruent. Quicquid memoria secum repetierit, affliget; quicquid cogitauerit intellectus, malum erit & execrabile, in tormentum cogitantis: voluntas obstinatione suâ stupebit, neque enim vnquam velle poterit quod Deus: ita in se semper suæ malignitatis habebit pœnam. Verè Augustinus: exterioribus, inquit, deputati tenebris, nullo illustrabuntur interiori lumine. O tenebræ forinidandæ!

His, exteriores illæ iunguntur, de quibus clarè Seruator: Inutilem, inquit, seruum eijcite in tenebras exteriores. & hæ, densissimas illas Ægyptiorum tenebras longè superabunt. Si quid luminis habebunt damnati, in grauiorem id pœnam erit, vt videant, vnde plus crucientur: parentes, filij, amici, cognati, fratres solatio non erunt, sed supplicio. O verè terram tenebrosam, & opertam mortis caligine! o terram miseræ & tenebrarum, vbi vmbra mortis, & nullus ordo, sed sempiternus horror inhabitat! Hic discant libidinosi oculi, ad salubres nunc tenebras seipsos vltro damnare, & omnem à se Veneris petulantiam excludere. Beati mundo corde, quoniam Deum videbunt.

*a* in c. 7. Matth. hom. 24. *b* Matth. c. 25. v. 41. Apoc. c. 22. v. 15.

*c* Matth. c. 25. v. 30. idem. Matth. c. 8. v. 12. & c. 22. v. 14. *d* Ioh. c. 19. v. 21. & 22.

## SECVNDVM.

FLETUS, & STRIDOR DENTIVM; vnlatus, & rugitus horribilis, lamentabilis. Post oculorum tormentum, sequitur aurium. Pro-

pone

pone hîc tibi omnes aurium cruciatus, clamores hominum, fremitus bestiarum, fragores nubium, deiectus aquarum, & quicquid in odium potest aures adducere, id omne damnatorum fletus superabit. Apertissimè præmonens Christus: Ibi erit fletus, inquit, & stridor dentium: multi enim sunt vocati, pauci verò electi. Hic damnatorum fletus, ululatus, rugitus velut pecudum ex acerbissimo dolore proueniet, qui vel faxeis pectoribus desperatissimam hanc complorationem excutiet.

His odis atque modulis, miserorum illorum aures assidue torquebuntur. Auctarium huius inusicæ erit *stridor dentium* à nimio frigore. Hæ vices erunt apud inferos, sed absque omni doloris lenimine: Ad nimium calorem transeunt ab aquis niuium. *6* O atrocissimam febrem damnatorum, quæ nullam habet declinationem! sempiternus hîc horror inhabitat. terror, tremor, ploratus, angor vndique opprimet captiuos illos. & quia hoc non aliquot annorum centurijs, non vicenis solum aut quinquagenis, aut etiam centenis annorum millibus patiendum erit, ideo Iobus *sempiternum horrorem* nominat. Annus videtur quandoque nox vnica, quam quis solus in tenebris, sine somno, dolore acuto compunctus, tamen inter plumas, transigit: & quàm is anxie horas numerat, quàm auidè finem expectat tam acerbæ noctis, qui sic insomnis peruigilat: & quid fictus hic annus, quid nox hæc, licet expers somni, licet plena dolorum: ecquid centum, quid mille noctes dolorum plenissimæ ad illam sint æternitatem in Orco, vbi mœror, vbi fletus & dolor sempiternus? Ah! quàm horrendum est incidere in manus Dei viuentis! O immittamus nos iam in manus & brachia Christi Domini in cruce mortui. Dolet aures, quicquid ad hoc temporis libidinum admisistis; deinceps vos spinis sepiri non recusate. Nihilis horrendum est, in manus Dei viuentis incidere.

a Luc. c. 13. v. 28. Matth. c. 22. v. 14.

b Iob. c. 24. v. 19.

c ad Hebr. c. 10. v. 31.

### T E R T I V M.

FAMES & SITIS incredibilis. Vbi culpa, ibi pœna. Quantas à gula noxas trahimus, heu fame sitique acerbissimâ luendas! Purpuratus epulo ardentem linguam exerens: Crucior, exclamat, in hac flammâ, & vel extremi digituli stillâ linguâ refrigerari postulat. non dolium frigidâ plenum petijt, sed guttulam, illam tamen nō impetrauit. En, eò deuenit inopiæ opulentus ille gulo, vt non calicem, sed digiti extremum; non Falernum, sed aquæ guttâ; non pin-

a Luc. c. 16. v. 24.

c 4

cernam



cernam nobilem, sed Lazarum mendicum flagitaret. hæc tamen ei negata omnia. ita omnis solatij spes illic præcisa est, quacunque vel manus vel oculos moueant damnati, nusquam à dolore quies est vel minima. velut qui in mare lapsus est, vndis vndeque inuoluitur, nec inuenit vbi pedem figat; frustra iacet brachia; fugitiuam aquam incassum captat, fallit illa miserum, & eludit; sic infelices illi in tormentorum pelago submersi, nullum vspiciam à tormentis effugium reperiunt. Nihil est eo loci quod famem aut sitim mitiget. Recepistis, o miseri, bona vestra, in vitâ vestrâ. nil vobis debetur amplius, nisi tormentum, idque æternum, olim epulati estis, iam dies sunt ieiunij; nunc epulantur alij, qui quondam ieiunârunt. Propter hoc, hæc dicit Dominus Deus. Ecce serui mei comedent, & vos esurietis; ecce serui mei bibent, & vos sitietis: ecce serui mei lætabuntur, vos confundemini: ecce serui mei laudabunt præ exultatione cordis, & vos clamabitis præ dolore cordis, & præ contritione spiritus ululabitis. <sup>a</sup> Vobis olim, sed surdis, prædicebatur centies, delicias supplicij luendas: Nemo audiit; vocaui & non respondistis; locutus sum, & non audistis; & faciebatis malum in oculis meis, & quæ nolui, elegistis. <sup>b</sup> Nunc longâ, nunc æternâ fame hilaris sed brevis insania digerenda est; voluptates fugacissimæ siti perpetuâ piandæ sunt. Numis iam serum est, huic fami sitique mederi velle. post tale prandium, talis cena sequitur: saturitatem merito fames excipit, temulentia iustissimè torquetur siti. Hæc gula debetur merces. O Deus! gehennam profecto euitat, qui gehennam sæpius cogitat.

<sup>a</sup> Isaia c. 65. v. 12.

<sup>b</sup> Ibid. v. 14.

## Q V A R T V M.

**Fœtor intolerabilis.** Omnes exteriores sensus peccatum inficit, omnes vindicta punit. Olim pluit Dominus super Sodomam, & Gomorrhæam sulphur & ignem. <sup>a</sup> His pluuijs extinguendus erat æstus libidinis. igni summus ardor, maximus fœtor inest sulphuri, qui ergo lasciuâ carnis concupiscentiâ fœtebant, igne & sulphure peribant, vt ex animaduersione iustâ discerent, quid spurcâ libidine commeruissent. Sic, pluit super peccatores laqueos: ignis, sulphur, & spiritus procellarum pars calicis eorum. <sup>b</sup> Duplex, libidinosus & impurus supplicium meretur: dum viuît, seipsum magis atque magis luxuriæ laqueis irretit; cum viuere desinit, in lacum sulphureum transit. Quantus est autem vel vnius cadaueris fœtor?

<sup>a</sup> Gen. 19. v. 24.

<sup>b</sup> Psal. 10. v. 6.

&

& quantus erit inter innumera damnatorum cadauera: omnis apud nos inephitis crocum spirat, si cum graueolente Auerno confertur. Apocalypticus ille Angelus, sapius minatur sulphureum stagnum: pars illorum erit in stagno ardenti igne, & sulphure. Itam, Christiani, & delitijs affluere supremam felicitatem credite, cras forsitan mergendi sulphureis his vndis. Et quid tunc proderunt delitiæ, cum vos inferorum sepelient flammæ? cum peregrinos odores sulphureus expellet foetor? Ah! sapiamus, dum licet, ne dulce momentum, amarissima comiterur Æternitas.

a Apoc.c.21.v.8.

## Q V N T V M.

IGNIS, nullo sæculorum tractu extinguendus. nimis quàm clara sunt quæ prophetæ, quæ magister prophetarum Christus, de hoc igne prædixit: Discedite à me maledicti, in ignem æternum. Paleas comburet igni inextinguibili. b Bonum est tibi claudum introire in vitam æternam, quàm duos pedes habentem mitti in gehennam ignis inextinguibilis, vbi vermis eorum non moritur, & ignis non extinguitur. c Omnis arbor non faciens fructum bonum, excidetur, & in ignem mittetur; dignem illum inextinctum, qui omnes tangendi sensus nimium quantum cruciabit. Non tantum mala est arbor, quæ verminosa fert poma, sed etiam quæ nulla. Sæpe culpandi sumus, non quòd grande malum patremus, sed quòd nihil boni. & plerunque citius ad ignem trahitur arbor, quæ nulla, quàm quæ calculosa fert pira, vti non tantum ille seruus vapulat qui nocuit, sed etiam qui otiano non profuit: non tantum pungentes spinæ, sed & virens lolium & Zizania colliguntur, & alligantur in fasciculos ad comburendum. e Sic erit in consummatione sæculi: exhibunt Angeli, & separabunt malos de medio iustorum, & mittent eos in caminum ignis: Ignis eheu, ignis, & quidem ignis æterni. Humana crudelitas in pœnas ingeniosa, exquisitissima inuenit supplicia, nullum tamen acutius, nullum vehementius est igne: Sed vti nullum est quod acrius torqueat, sic nullum est quod citius torquere desinat, & consumat. Quis ergo ignis ille, qui & acutissimè cruciat, & cruciare nunquam desinet? Sanè si hæc credantur, cogitentur attentius, nemo peccati letalis sibi conscius à gemitu & lacrimis temperabit, nemo procrastinabit pœnitentiam. A desine, nihil agimus, nisi flammis illas immortales, quantum

a Matth.c.25.v.42.

e 5

fas

b Matth.c.3.v.12. c Marc.c.9.v.45. d Luc.c.3.v.9. e Matth.c.13.v.30. & 49.



fas, velut libetnus atque tangamus, & oculis, & manibus. O quisquis es, cum te vrit libido, admoue, oro, extremum digitum gracili cereo, nec eum prius flammulæ illi subtrabe, quam orationem dominicam semel duntaxat pronuntiâris. quid cunctaris id experiri? ecquid iniectum digitum subito retrahis? vix duas voculas pronuntiâsti, & mox intolerabilem ais esse cruciatum. Perdura, & redde digitum igni. At negas id posse fieri, ob nimium dolorem. Ah, mi Deus, ah, ah, per centesimam aut millesimam horulæ partem, digiti extremum igniculo admouere, incredibilem, nimium, intolerabilem dolorem dicimus; & quis erit ille dolor, cum totum corpus non pictis his igniculis, sed in tremendis illis gehennæ flammis ardebit, non horæ partem, non tantum horam, non diem tantum; non tantum mensem vnum aut annum; nec sæculum tantum aut olympiadem, aut per decem millia, aut etiam per centum millia annorum tantum; sed nec per centum millia millionum annorum tantum, sed per annos innumerabiles, infinitos, in omne ævum, in æternum. Ah! ô mi Deus, & ô mi Edesime, quisquis hoc serio vel semel per hebdomadem cogitat, aut viuet vt hominem rationis compotem decet, aut iam in merum saxum dirigit, aut certè degenerauit in pecudem. Silex est, quem tremendum hoc, & verè infandum inferorum supplicium non percellit cogitatum. Sed communis insania, & sensum nobis eripit, & quidquid est sanæ cogitationis. Nam his sæpe non plus mouemur quam si pietas fabulas cerneremus, Communis, inquam, hæc hominum insania est, qui beatam vitam cum petunt, fugiunt; æternam mortem quam videntur fugere, non perhorrescunt, & fugiendi laborem reculant.

O ignes! ô gehennæ flammæ! ô inferorum incendia, nullis sæculis extinguenta! vnus membri, vnicus solum acutior dolor, seu ille stomachi sit, seu capitis, pedis, pectoris, seu dentis, oculi, quam inquietas noctes, quam dies efficit acerbos? Verum, sit æger qui varijs doloribus, membris omnibus torqueatur: suus sit omnibus corporis articulis cruciatus: sit homo vndequaque miserrimus & plenissimus dolorum, & qui vel silicem ad miserationis sensum emolliat: hîc tamen adeo diues tormentorum, nondum scit, quam infandi sit doloris gehennæ flamma ad quam noster ignis, pictus videri possit: præ quâ nostri dolores ludicrum quid, & leues mortifunculæ dicantur. Minimum apud inferos tormentum, maius est quam sit maximum in orbe nostro. Magnos cruciatus habent morbi,

morbi, sed hos tolerabiles interualla faciunt, quæ illic nulla. Summi doloris intentio, cito hîc inuenit finem, & tunc desinimus dolorem sentire, si nimium sentiamus: Nemo potest valdè dolere, & diu nisi apud inferos, sic enim natura disposuit, vt dolorem aut tolerabilem, aut breuem faceret. <sup>a</sup> In gehennâ, & intolerabilis est dolor, simul & longissimus, nunquam desiturus, æternus. Ignis eorum non exstinguetur. <sup>b</sup>

<sup>a</sup> Seneca. epist. 78. <sup>b</sup> II. c. 66. & ult. v. 24.

## S E X T V M.

LANIENA CONSCIENTIÆ miserabilis. Vermis eorum non morietur, affirmat Isaias. <sup>a</sup> iisdem verbis consignat hoc Christus: Vbi vermis eorum non moritur, & ignis eorum non exstinguitur. <sup>b</sup> & hoc ipsum pauculis interiectis (vt id stupor noster capiat) tertium repetit: Vbi vermis eorum non moritur, & ignis non exstinguitur. Rea hæc damnatorum conscientia, velut rabidus canis assiduo latratu & morsu, in desperatissimam rabiem aget miseros. Inde omnes illi; sceleratæ stultitiæ seipsos accusabunt: sua cuique conscientia identidem hoc exprobrabit: En, perditissime, inter iocos & lusus perdidisti regnum: potuisses esse felix æternum, modò voluisses: breui ac leui labore beatam immortalitatem tibi parâsses, sed noluisti. En stultissime, pro carnis voluptatula & spurcâ, & momentaneâ, immensas vendidisti voluptates: Nimirum, tua tibi caro quàm cælum carior erat. Sentis iam, quas delicias sectatus fueris? prædixi, monui, vellicaui, nihil profeci, nunc res & spes abs te segregant, sed tu â solius culpâ. En, impurissime, vt oblectatiunculas sordidissimas aliquamdiu retineres, perdidisti omnia. Procul nunc à te honores, thesauri, voluptates beatorum, ad quas omnis tibi via intercepta est. A cæli delitijs vndique exclusissimus es, quia esse voluisti. hæc tibi tormenta libidines tuæ parârunt, in hos ignes tua te præcipitauit Incontinentia: tuam illam hilarem sed breuem insaniam, nunc luis æterno luctu: Desperatè ploras paradisi gaudijs te priuatum? tu te priuâsti. Acerbissime doles, perenne, cæleste neglectum epulum? tu neglexisti. Obseratam tibi cæli ianuam lamentaris? tu eam ipse tibi obferâsti. ex toto beatissimus iam esses, modò esse voluisses. facili operâ cælum emereri licuit: sed differendo, & negligendo, huc sponte irruisti, cæcus & amens, hinc nunquam exiturus. nulla hîc libertas

<sup>a</sup> II. c. 66. v. 24. <sup>b</sup> Marc. c. 9. v. 44. & 45. & 49.



libertas, nulla salus: despera centies, milies, æternum desperaturus, æternum moriturus, & ad mortem nullis sæculis peruenturus. Tu vnus & solus, omnium quæ pateris tormentorum, caussa es: damnatus es quia damnari voluisti: à vultu Dei proiectus es, quia teipsum ab illo auertisti. non alienâ, sed tuâ culpâ peris, æternum periturus. Hæ conciones erunt conscientiæ, sed seræ nimis & acerbæ. Dum viuimus, oblatrantis conscientiæ morsus arte variâ eludimus, aut delinimus, nunc legendo, nunc colloquendo, nunc dormiendo; modò laborando, modò hilarius comessando. sed apud inferos non somnus, non quies, nulla lectio, nullæ comestationes, nulla consolatio; dies noctesque conscientiæ vermis laniatum vndique pectus corrodet. In seipsos furenter exardescunt damnati, & tabescent: assiduò sibi ipsis lugubrem hanc cantilenam occinent: O tempus, ô dies aureos, quò euauistis, non redituri æternum? O cæcos nos, & excordes, obstructis oculis & auribus, libidine furebamus, & mutuis nos exemplis trahebamus ad interitum. Huc properauimus infelicissimi, & spretis monitis cucurrimus ad mortem, heu mortem, heu mortem æternam. Quid tunc iuuant omnia quæ fallacissimus mundus offerebat: oblectationum priorum non sine dolore recordamur, voluptas omnis auolauit, & euauit. & quamuis eâ frui licuisset, aliquot annorum centurijs, quid fuissent vniuersa illa cum his tormentis comparata æternis? vmbra solùm captauimus amaræ voluptatis. Quis nos tam crudeliter fascinauit, vt huc certatim rueremus? O si annis singulis vel semel Æternitatem seriò perpendissemus! O vel dieculam, ô vel horulam vnicam impetrare liceat! sed frustra sunt hæc vota; actum est, spes omnis præcisa est. Maledictus ergo dies quo nati, maledictus Deus à quo conditi &c. Hic substringo calamum, & infandas blasphemias remitto sub Orcum. hoc vnum repeto. Verinis eorum non morietur, & ignis eorum non extinguetur. Mature sapiat, & caueat, quisquis hæc supplicia formidat.

## S E P T I M V M.

**LOCVS & SOCIETAS detestabilis.** Locus ille à sedibus beatorum nimium quantum remotus est. Clamat ex alto Abrahamus: Inter nos & vos, Chaos magnum firmatum est, vt hi qui volunt hinc transire ad vos non possint, neque inde huc transmeare. Et tamen Abraham in cælo nondum degebat.

Conclauia

Conclauia aut cubicula, sed nec ergastula, qualia nostra, Orcus habet. sepulchra eorum, domus illorum in æternum. & nec aliter illic habitant vel opulentissimi. Mortuus est autem & diues, & sepultus est in inferno. **O** sepulchrum nimis profundum! hoc illius nunc ædes, & arces, & arcus triumphales, hoc balnea, hoc theatra, & palatia. hîc tamen habitant non soluti & liberi, sed vincti & ligati. Christus imperans: Ligatis, inquit, manibus & pedibus eius, mittite eum in tenebras exteriores. & non ambulare, sed nec mouere se poterunt damnati quò volent; manus pedesque vincti, & velut infixi verubus ardebunt miserandum ignis pabulum. Quantum tormentum est ægroto, febri æstare, & loco se mouere non posse: quod supplicium illud fuit Marci Arethusij & sanctissimi martyris, qui arctissimè colligatus, & perunctus melle, ad ardentissimum solem expositus est nudus, mulcarum, culicum, vesparum morsibus sic pungendus, vt diu sentiret se mori. Sed, ô Christiani, picci sunt hi cruciatus ad illos inferorum. Sua fuit & huic tormento iucunditas: solabatur martyrem & breuitas temporis quo hæc passurus, & perennitas gaudij quod in cælo consecuturus. sciebat utique, id quod in præsentī est tribulationis nostræ, & leue, & momentaneum esse: ita durabat athleta Domini & quo plus doloris sentiebat, hòc maius præmium sperabat. At verò damnati nil penitus leuaminis habent, nec à præsentī tempore, nec à futuro loco. vbi torqueri cœperunt, illic semper torquebuntur; ab æuo in æuum sic erit. Accedit consortium execrabile: Apud superos, felicitatis pars magna est, inter Angelos degere: apud inferos, pars magna infelicitatis, inter diabolos ardere. Hæc diuinæ iustitiæ lex est, vt tortores illos & hostes sentiant improbi, quos suafores & amicos antè fuerant secuti.

a Psal. 48. v. 10. b Luc. 16. v. 22. c Matth. c. 22. v. 13.

d. refert S. Greg. Naz. orat. 1. in Iulian.

## OCTAVVM.

DESPERATIO extrema bonorum omnium. Beatitudo, compendium est omnium gaudiorum, sic Orcus suppliciorum & dolorum omnium summarium est, & epitome. quidquid vsquam acerbum, illætabile, luctuosum est, apud inferos inuenitur: quidquid vsquam est amoenitatis, gaudij, voluptatis, apud superos inter offerentissimas delitias reperitur. In orbe nostro nullum tam grande malum est, cui non aliquid possit esse leniminis: nunc ratio, nunc tem-



pus, nunc mensa, & somnus, nunc amici, nunc alij similia expecti, nunc denique spes finis, refrigerationis quiddam affundit afflictio. In Tartaro portæ solatijs omnes sunt occlusæ, omnes vel minimis leuatmentis aditus sunt intercepti. opem illi neque è cælo, neque è terrâ; non à rebus præsentibus, non à futuris ullam expectent: quocunque oculos vertunt, acerbissimæ mortis spicula in se torqueri cernunt: vndique luctus & angustia, mœror vndique & dolor, vndique innumeri cruciatus. Verè, *circumdederunt* eos dolores mortis: & verè, tribulationem & dolorem inuenerunt, & quidem tam varium ac multiplicem, vt suum cuique flagitio responsum sit supplicium.

Nemo sibi suæque carni plus æquo indulgeat. hæc ipsa caro prout deliquerit sic punietur. Hæc caro, corpus istud, si ampliora sibi atria quàm Deo templa struxerit, si laquearium, columnarum, specularium magnificentiam, si hortorum ac nemorum amœnitatem nimio studio quæserit, in terram relegabitur tenebricosam, & opertam mortis caligine. Huic carni, si balneis calidis ad voluptatem, vel cum vitæ aut pudoris periculo, frigido gurgite ad lasciuia abusa, *preparata est Tophet profunda, & dilatata; cuius nutrimenta ignis & ligna multa, statui Dominus sicut torrens sulphuris, succendens eam.* b Hanc carnem, si comendo & poliendo se, pretiosum manè iniunierit, si veste variâ superbierit, putredo & vermes hæreditabunt. c Hæc caro, si otio inertis, si somno disciplinarum hosti sic indulserit, vt pulchrum & suauè duxerit in medios dormire dies, vigilijs tunc perpetuis, insomniâ æternâ cruciabitur. Hæc caro, si choreis ac saltationibus impudicis ac libidinosis se oblectarit, omnium tunc membrorum contorsione, tractione, conuulsione, non ad suaves fidium modulos, sed ad terrificos dæmonum rugitus affligetur. Hæc caro, si ebrietati & temulentia se manciparit, si sic vixerit vt ederet & biberet, dirissimâ fame sitique torquetur. Hæc caro, quæ ocellos emisitios, turpitudinis & nequitia præcones, quaquâ lubebat, euolare permiserit, nullum tunc formæ aut pulchritudinis florem delibabit, sed terribilem Behemoth, formidandum Leviathan, foedam & truculentam draconis effigiem inuitis oculis spectabit. Hæc caro quæ florum delicias, & odorum illecebras naribus venabatur, cadauerum putore, sulphurisque graueolentiâ saturabitur: Hæc caro, quæ aures salubribus monitis, & sacris concionibus occlusas, scurrilibus verò fabellis, carminibus obscœnis,

obscænis, cantionibus impuris, lasciujs colloquijs apertas habuit, lætum epithalamium in flebilem lessum, iucundum Io & Euge, in Væ & Eheu perpetuum commutabit. Hæc caro, quæ tactum varijs libidinum formis collutulauit, foedissimorum monstrorum amplexibus obijcietur, liquatâ pice velut vnguento perfundenda. Hæc ipsa caro, & non alia vicaria, pro singulis quas contraxerit, noxis, cruciatus perferet inenarrabiles, innumerabiles, eheu æternos. Per quæ quis peccat, per hæc punietur. & pro mensurâ peccati, erit & plagarum modus. b

a Sap.c.11.v.17. b Deut.c.25.v.2.

## NON V M.

ÆTERNITAS, nullius intelligentiâ comprehensibilis. Hæc vna vel ex leuissimo tædiolo, intolerabile demû, & infandum facit tormentum. Æternitatis consideratio, tam serius labor est, vt in carminis leges ægrè transiturus videatur. Obseruat tamen prudenter Seneca, & : quemadmodum, inquit, spiritus noster clariorem sonum reddit, cum illum tuba per longi canalis angustias tractum, parentiore nouissimè exitu effudit : sic sensus nostros clariores carminis arcta necessitas efficit. Eadem negligentius audiuntur, minùsque percutiunt, quamdiu solutâ oratione dicuntur : vbi accessere numeri, & egregium sensum adstrinxere certi pedes, eadem illa sententia velut lacerto excussa torquetur. Sic prorsus credo fieri, & idcirco, quod tenaciùs animo hæreret Æternitatis immensitas impenetrabilis, eam nuperrimè versiculis, quâ licuit inclusi. Et ne amicus esse desinam, etiam Ædesinium meum ad huius carminis auditionem audeo inuitare. An aures vacant? ÆDES. Ambæ, quàm maximè. Lege, obsecro, lege, lege. Nunquam ista satis nec dicuntur, nec scribuntur, nec leguntur, nec cunctantur, nec pinguntur. PARTH. lego : sed tu verbis & metro ne nimium inhære ; rem & sensum expende. a SEN. CP. 110.

## LACRIMÆ

## ÆTERNITATI SACRÆ.

- I. *E* Fleat, quid hoc? cor afluat, II. *Fons emicat per limina.*  
*Elanguat ora terror,* *Genæ mutant in Gendæ.*  
*Concussa meâs percellat,* *Has lacrimas, hæc flumina*  
*Horrorque quassat arui.* *Vox una concitant.*

III. *Tremenda*



- III. Tremenda Vox horrenda Vox  
Ingens malum minatur.  
Quod nulla lux, quod nulla nox  
Quod astra nulla claudent.
- IV. Vox Æna, sed Vox ferrea,  
Immissorq;ue ferris,  
Grassatur hausta pectore  
Per ossa, per medullas.
- V. ÆTERNITAS, est illa Vox;  
Vox illa fulminatrix,  
Tonitruis minacior;  
Fragorib;que celi.
- VI. ÆTERNITAS, est illa Vox  
Mesa carens & orin,  
Mortalium qua pectora  
Ad æsterna ducit.
- VII. Hac Vox, totondit Casares,  
Et induit cucullu;  
Hec antra cata rupium,  
Impleuit inquilinis.
- VIII. Hac mille Lauras condidit,  
Sepsi;que mille Mandras;  
Strinxitque setis corpora,  
Et Gessit; camelis.
- IX. ÆTERNITAS, ÆTERNITAS  
Melancinat, necd;que.  
ÆTERNITAS, ÆTERNITAS  
Me torquet atque maculat.
- X. O tempus absque tempore,  
O finis absque fine!  
Perennis ben ÆTERNITAS,  
ÆTERNITAS perennis!
- XI. Descende sis ad Tartara  
Non sit coquare flammis,  
Sed mente flammis pensita,  
Ut exeat ab illis.
- XII. Voluam rotas Ixionis,  
Fini;que sustinebo,  
Pascamque fibrâ Cultures,  
Omnes subibo penas:
- XIII. Araneos, & Esperas  
Pleno ore deuorabo,  
Et Scorpis, & exetral;  
Et noxas rubetas.
- XIV. Misce cicutam toxico;  
Piscemque mi propina,  
Metalla da liquentia,  
Aurumque Crassiansem:
- XV. Succos draconis bauriam  
Caldas bibam famillas,  
Venena nulla respuiam;  
Pestem, Sygemque nullam.
- XVI. Quin tostus in sargagine  
Frigar, Seris;que figar,  
Rogd;que Siuui concremer  
Vel torrear caminis:
- XVII. Tauris, ahena, sulphura;  
Famem, sitim, gelis;que,  
Tunicas molestas indram,  
Vncis;que tulo;que;
- XVIII. Et saculis hac perferam  
Mille, alteri, que mille,  
Dum spes sequantur termini,  
Fini;que saculorum.
- XIX. Tormenta nulla territant,  
Que finiuntur annis;  
ÆTERNITAS, ÆTERNITAS  
Versar, coquis;que pectus:
- XX. Hac inferos, hac Tartara  
Facit, cruce;que tendis,  
Augēt;que penas in dies,  
Centuplicat;que flammis.
- XXI. Eheu quid est ÆTERNITAS?  
ÆTERNITAS perennis?  
Non hora, mensis, saculum,  
Centumue vel trecenta.
- XXII. Nec mille sunt, aut milles  
Millena secla Phabi,  
Cum claudis orbem temporum  
Orditur orbu orbem:
- XXIII. Sic stur in perennia,  
Cursus perennitatis,  
Æternitatis sacula:  
Sic istur, haud reditur.
- XXIV.

XXIV. Nam finis est exordium,  
Exordiumque finis:

O Vita morte tristior,

O mors, sed absque morte!

XXV. I, mæche nunc ad inferos,  
Sed inde non redibis;

I, Venter; I, lauernio,

Perennè sic peribis?

XXVI. Descensus est promissimas,  
Ascensus inde nullus,

Quos visctus hausit Tartari

In Tartaro manebunt.

XXVII. Relatus inter calites  
Hos inter & que plaudes;

Rescriptus inter inferos.

Hos inter eulabis.

XXVIII. Nec finis illas gaudia,  
Palmasque terminabis;

Nec finis illas lacrimas

Absterget, aut leuabit.

XXIX. Sed illud Orci pabulum  
Ardebit heu perennè,

Perennè cum torporibus.

Et flebis, & dolebis.

XXX. Visuant beati calites,

Visuant, canant, triumphent,

Plorent stygis catharmata

In ÆVITERNITATEM.

XXXI. Ad astra, ad astra tendite.  
Non semper hac patebunt:

Nunc sunt adhuc inducia,

In morte finienda.

XXXII. Foras Canes, cum Cerbero  
Cenate, Vel latrate.

Ad Castitatis regiam

Soli Vocantur Agni.

XXXIII. Vultur foras, Prometheus  
Prandeas in macello;

Paratur stud candelis

Communiis columbis:

XXXIV. Sed dum beatos hospites  
ÆTERNITAS saginat,

Exclusa turba prandio

Quid rodet in canino?

XXXV. Micam fami, guttam siti.  
Sed Enicam rogabit;

Calum tamen gulonibus

Hanc sportulam negabit.

XXXVI. ÆTERNITAS perennis  
Pincerna lacrimarum,

Has prater Undas flentibus

Nec gustulam propinat.

XXXVII. Hoc, hoc bibent, quod  
fleuerint,

O arida bibones!

Nam quot propinquum lacrima  
Siccantur ad caminum?

XXXVIII. Sed lacrimarum fon-  
tibus

Succedet Urna fellis,

Heu Urna nunquam ad Ultimam  
Exhaustiunda fundum!

XXXIX. Fellis bibent plus quàm  
Solent,

Urget Modimperator,

Et ingerit Somnibus;

Ah, suauis sitirent!

XL. Hæc sola Bacchanalia  
Sunt longiora Voto;

Bibes: abire non licet;

Cur symbolam dedisti?

XLI. Conuivialem tesseram  
Nunquam remisset hospes,

Hic nemo caupones stygis

Fadisi agos Vocabit.

XLII. Nec prima mensa tollitur,  
Nec ponitur secunda:

Pridem satur, nondum tamen

Promulsfidem ebibisti.

XLIII. Æterna Liberalia  
Dat Liberalis Orcus;

Malè, malè Liberalibus!

Malè Liberalitati!

XLIV. Procrastinator improbam  
Cane corne canislenam;

ÆTERNITATIS Ultimam

Cras corne non Videbis.



Ah! *Æternitas!* & quis te non dicam, capit, sed laborat capere? Ille immortalī memoriā dignissimus Godefridus Bambergensis & Würtzburgensis Præsul, quem supra diximus, ille vnus ex millibus, & pænè solus cepisse videtur, quid sit *Æternitas*, nam *Æternitatu* assiduè memor, dicere solebat: 'Omni momento sto ad ostium *Æternitatu*. In eum finem pictas, sculptas, cerâ fictas, tumulis etiam effossas cadauerum caluas habuit, per omnia conclauiā quæ habitabat, sic dispositas, vt certissimæ mortis & secuturæ post hanc *Æternitatu* nunquam liceret obliuisci.

Legistine libellum de *Æternitate*? tremendum est, quod ille asferit, & tamen verissimum est, nec negari potest. Si rectè memini, hæc habet ad verbum: a Cogita mille cubos mille millionum annorum, hoc est, millies, millies, millies, millies, millies millies, millies, millies millena millia annorum (tam horribile hoc cogitatu est quàm facile pronunciatu) Cogita ergo tot annos in igne transigendos; simul tamen etiam cogita, hoc omne temporis spatium etsi duplicatum, triplicatum, etsi centuplicatum, nec principium quidem esse *Æternitatis*: post tot annorum reuolutum tempus, necdum incepisse dici poterit *Æternitas*. *Ædesine*, nisi hæc cogitatio sanctiores nos reddat, pecudes, saxa, merus chalybs sumus: nil eum mouet, quem non mouerit *æternitas*, immensa illa, interminata, sine fine, perpetua, semper duratura, nullis nec innumeris desitura sæculis. Quamdiu viuet Deus tamdiu morientur damnati. Sed ô mortem immortalem, ô vitam mortiferam! nescio quo te nomine appellem, vitæ an mortis? si Vita es, cur crudelius morte afficis? si Mors, cur crudelitatem tuam non finis? neutro te dignabor nomine. Et vita & Mors boni quippiam habent: in vitâ requies in morte terminus est; solatio sunt hæc duo in malis omnibus. Tu verò nec requiem habes, nec habes finem quid igitur es? & vitæ malum es & inaleum es mortis: à morte cruciatus habes sine requie. O *Æternitas* damnatorum, ô mare amaritudinum!

Nec tamen Deus vllius crudelitatis est arguendus, quòd peccato letali vel vnico, supplicium decreuerit æternum. Deus, quia mitissimus, miserorum cruciatu non pascitur, quia tamen & iustissimus est, impiorum supplicijs non placatur. factus est malo dignus æterno, qui in se bonum peremit æternum. Pœnas dabunt in interitu æternas à facie Domini, & à gloriâ virtutis eius. b Iuriconsultorum scitum est: reprobata pecunia non liberat soluentem.

Pœnitentia,

*Pœnitentia*, pecunia est soluendis debitis apta: tamdiu durat pretium huius monetæ, quamdiu mercatus vitæ. hoc finito, *pœnitentia* omnis, reiecta, adulterina est pecunia. apud inferos est quidem *pœnitentia*, sed neutiquam vera, quia sera nimis, & plena blasphemiarum & furoris. Nec mirum damnatos semper torqueri: continue blasphemant, & sic quasi semper peccant, semper ergo plectuntur: dum viuerent, corrigi noluerunt, semper peccaturi, si semper victuri, ergo iam semper puniendi, æternum cruciandi. voluissent utique sine fine vivere, ut possent sine fine peccare. Ad iudicantis ergo iustitiam spectat, ut nunquam careant supplicio, qui dum viuerent, nunquam, volebant carere peccato. Quid viui dixerint, scimus: Venite, fruamur bonis, venite frangamus diem poculis; venite, choreæ nos vocant, inuitant horti, ludendi est occasio venite. Hæc viui loquebantur. Quid verò iam dicunt ad inferos deiectioni? aliæ illorum sunt voces: O *Æternitas*, inter intolerabilia omnia, intolerabilissimum! O *Æternitas* cælestis, breui tempore, leui labore redimenda! O *Æternitas* tartarea, solâ socordiâ, & spurcâ voluptatē quæsita! O *Æternitas* luctuosissima, & longè acerbissima, quàm facile te vitassemus, si te sæpius cogitassemus! O *Æternitas* modò post nongenta millena millia annorum, vel dimidium tui liceret cernere! O *Æternitas* in desperatione assiduâ desperatissima! O *Æternitas*, *Æternitas*, ô omnium tormentorum multò atrocissimum tormentum, *Æternitas*!

Quis, ô *Ædesine*, *Æternitatem* hanc capere, quis eam satis obstupescere, ecquis de eâ dignè disserere possit? nulla hæc suspiria, nulli gemitus, nullæ sufficiunt lacrimæ; verba omnia, quin & ipsæ hæc deficiunt altissimæ cogitationes.

*Æternum*, ô mi Deus, æternum in flammis vivere? tuo conspectu æternum priuari, infandis doloribus excruciarî æternum, ah æternum? Heu insaniam extremam hominum! quàm volucris decipimur bono, ô quàm doloso ludibundi poculo sensim venenum combibimus! ita velut ebrij, voluptatum auditi, beatitatis immemores, æternitatis obliti, velut per iocum mergimus nosmet in omnium æruinarum barathrum, in immensissimum æternitatis Oceanum.

In vanissimam gloriam, in aurum, in Venerem æstuamus miseri, & illos ignes, illos æternitatis rogos, heu non cogitamus: Nullus est, heu nullus est, qui recogitet corde. ædesine, si quid adhuc hominis retinemus, hoc vnicum assiduè cogitemus, *ÆTERNUM*.



*Triumphandâ Incontinentiâ Epilogus.*

**H**Orribile dictu est, quod sanctissimus Rhemenſis Præſul Remigius de Incontinentiâ & Libidine pronuntiauit: Dempſtis paruulis, inquit, ex adultis, propter carnis vitium, pauci ſaluantur. Conſidera iam mihi orbis ſtatum, & miraberis, totum pæne mundum hoc Aternali igne ardere. Vix eſt ullum vitium quod pluris ſtetit humano generi, quàm hoc libidinis & Incontinentiæ. Hydra eſt, aut draco, non trium, nec ſeptem tantum, ſed nouem capitum: ad ſingula tibi digitum iam intendo.

## I. C.

Libido & Incontinentia, vitium eſt **INSATIABILE**. Catenam ſtygiam rectè appelles, anulus ex anulo pendet; turpitudinis & cupiditatum hîc ſeries eſt, altera ex fine alterius naſcitur. ſi ſemel huius vitij iugum receperis, dura patiẽre imperia, quibus nec ullâ ſeruitute facies ſatis. nunquam expletur voluptas; plurimum licet ingeras, ſemper plus appetet: Ætriam montem æmulatur, perpetuis ardet ignibus, nec tamen decreſcit. Obſequeris voluptati hodie: maiora cras imperabiſ: negas? vim faciet: cælum proponis: diſtrahet: gehennam monſtras? aliò auertet. Ideò Princeps Apoſtolorum: Chariſſimi, ait, obſecro vos, tanquam aduenas & peregrinos, abſtinere vos à carnalibus deſiderijs, quæ militant aduerſus animam. *a Militant*, inquit, neque enim breui res hæc uelitatione conficitur, ſed ubi vel ſemel huic hoſti parueris, tam diuturno quàm miſerabili bello intricaberis. Canis, cùm in heri manu os videt, adulatur, lambit, blanditur caudâ, dum oſſe potiatur, ubi hoc obtinuit, i nunc, eripe, & minaces dentes videbis, non mulcentem caudam. Ita diabolus, cerberus ille triſaux, callidiſſimus, quantis blanditijs caſtimoniam ſollicitat? ubi hanc nobis extorſerit, heu quàm difficile fuit multis, denuò eâ potiri! Ergo canem hunc bene noueris, quò blandior hoc nequior, tunc maximè mulcet cùm turpiſſimè decepturus venit. Et hîc quoque facilius ſæpe fuit non labi, quàm ſurgere. Tenaciſſimum eſt hoc vitium, ubi ſemel inhæſerit, ægerrimè reuellitur.

Ergo principijs obſta, & primos aditus libidini omni conſtanter

nega.

*nega.* Quodd si collum ei submittas, tuam tibi libertatem tollet, rationem adimet. & vt verbo dicam, rapiet te tibi, & quidquid in te hominis est; omni verecundo sensu exuet te, & induet bestiam. Heu, quis hostis in quemquam tam contumeliosus fuit, quam in quosdam voluptates suæ sunt, obscenæ illæ, & vetitæ? quibus tamen miseri sic se mergunt, vt ijs in consuetudinem adductis carere vix posse videantur. & ob hoc miserrimi sunt, quodd eò perueniunt, vt illa quæ superuacua fuerant, facta sint panè necessaria. Seruiunt itaque putidæ carni, & mala sua, quod in aliorum est ultimum, amant. Tunc aut consummata est improbitas, vbi turpia non solum delectant, sed etiam placent; & desinit esse remedio locus, vbi quæ fuerant vitia mores fiunt. Fuge, ah fuge, fuge, quicquid aduersatur pudicitiae.

a Senec. epist. 39. in fine.

## II. C.

Vitium carnis ferme IMMEDICABILE est. Noëmi æuo, totus orbis in omne vetitum, maxime tamen in libidinem ruebat. hinc illæ Dei querelæ: Non permanebit spiritus meus in homine in æternum, *quia caro est.* a Vniuersi homines (Noëmo excepto) tantum carnem sapiebant, toti caro. Auersabatur Deus hanc illorum obscenitatem, & profusam intemperantiam. vindictam tamen quingentis annis distulit; interea temporis per Noëmum variè monuit, fabricandam Arcam dictauit, omnes extremæ malitiæ damnauit, omnium interitum prædixit; crebrius minatus est, vniuersum humanum genus, nisi resipiscerent, vndis extinguendum. Nemo resipuit, nec vnus quidem. ita omnes vitiorum dulcedini succubuerunt, vt quidquid diceret aut moneret Noë, omnia illi cachinnis & sibilis digererent, neminem suæ turpitudinis pœnituit, nemo doluit peccasse. Tandem Deus, vt decreuerat, signo datò imbres emisit, qui quadraginta continuis diebus & noctibus ruebant, dum terra omnis in faciem pelagi mutaretur. atque ita genus illud vniuersum libidini deditum aboleuit, vt aliud nouum & à vitijs purum instauraret. Hæc libidinis natura est, remedia spernere, monita contemptim proculcare. hinc eam Clemens Alexandrinus, b congruente titulo vocat *morbem immedicabilem*. Christus beati Marci ore: c Deceptio, inquit, diuitiarum, & circa reliqua concupiscentiæ introeuntes, suffocant verbum, & sine fructu efficitur. Cum siluam ignis corripit, nil opus est igni pabulum sug-

f 3

gerere



gerere, quo seipse pascat, abundè inuenit. Et nos siluæ instar sumus miseri, quos si libidinis ignis carpere incipiat, noua identidem in nobis fomenta reperit, quibus in nos magis ac magis inualescat.

Nullum profectò vitium tam pertinaciter & obstinatè diuino spiritui resistit. Siracides testatur luculentè: Verbum sapiens audiuit luxuriosus, & displicebit illi, & proijciet illud post tergum suum. Huic accedens Oseas: Non dabunt, inquit, cogitationes suas vt reuertantur ad Deum, quia spiritus fornicationum in medio eorum, & Deum non cognouerunt. <sup>b</sup> Ideò auersare, fuge, execrare, quidquid Venerem olet, aut libidinem: suspecta tibi sit omnis Incontinentia. Hæc est voluntas Dei sanctificatio vestra. <sup>c</sup>

a Eccli. c. 21. v. 18. b Ose. 5. v. 4. c 1. Thess. 4. v. 3.

### III. C.

Vitium carnis, vitium est COMMVNISSIMUM. non errâro, si orbem panè totum dixerò, hoc igne pestilentissimo ardere. non palatia duntaxat regumque turres luxuria subit, sed & tuguria pauperumque tabernas ingreditur, non in plūmis tantum, sed & in paucis infestat, non ætatem solum florentiorem, sed quandoque etiam effatam senectutem ad turpe probum instigat. Tantò ergo magis ab omni ætate ac sexu, ab omni hominum ordine cauendum, ac respiciendum hoc vitium, quanto magis apud omnem ætatem, sexum, hominumque ordinem sese insinuat. Sensus & cogitatio humani cordis, in malum prona sunt ab adolescentiâ suâ. <sup>a</sup> Nunquam autem senio libido moritur, nunquam crimen hoc temporibus obruitur, nunquam scelus istud obliuione sepelitur. Hoc vitium sine modo, sine fine persequendum est, nam illi quoque nec finis est, nec modus: & eò corruptela morum alicubi progressa est, vt detestanda verborum ac gestuum turpitudines, comitatis ac vrbانيتatis nomine insigniantur. Multi, vt oris spurcitiem honesto nomine prætexant, humanitatem aulicam appellant. Hoc est bis peccare, peccatum virtutis titulo vendere. Nimirum in laudem ex crimine crescimus, eoque festiuior quis vocatur, quò iudicatur turpior. Si possis, inquit Cyprianus, <sup>b</sup> in sublimi speculâ constitutus oculos inferere secretis, recludere cubiculorum occultas fores, occulta penetralia referare, conscientiam hominum rimari, aspicias ab impudicis geri, quod nec possit aspicere frons pudica: videas, quod crimen sit & videre. & quanta vbique libidinum probra domesticis parietibus obsepta, quorum quò secretior culpa, hoc maior est audacia. Ve-

re,

rè, Mundus totus in maligno positus est. & maximè in hoc impuritatis & libidinis maligno. O fugiat mundum, quisquis vult vivere mundus: impuritatem omnem excretur, quisquis affectat beatitatem. Sint lumbi vestri præcincti. *b*

*a* Ioan. 5. v. 19. *b* Luc. 12. v. 35.

## IV. C.

Vitium carnis, Angelis est INVISISSIMUM. O extingue Veneris ignes, & rebellantes carnis motus compesce, quisquis Angelos amas, & reuereris. Qui autem in carne sunt, Deo placere non possunt. Sed nec possunt placere Angelis Dei. Angelum & porcum in vnâ aliquam amicitiam compingere difficile est. At verò porcum induit, qui puritatem exosus in libidinis cœno volutatur: contrahendam cum Angelis societatem ne speret talis. Mentēs illæ castissimæ, purissimæque spiritus, quod sibi similiores cernunt, hoc integrius diligunt; oderunt & auersantur omnes impuros. nulla eis familiaritas, societas nulla, nisi cum castis & puritatis amatoribus: hircos illos & porcos extremè abominantur. si quem castitatis sciunt studiosum, hunc in suam, eamque intimam amicitiam cooperant, & Angelum faciunt: Tales sunt, sicut Angeli Dei in cælo *b* — melius nil cælibe vitâ. Quàm ei facile est fieri Angelum, quisquis se cupit præstare castum. Nam, si Chrysostomo credimus, Virtutem Angelorum tulit à cælo Christus. Et sanctorum Patrum scitum est: Vita casta, vita est Angelorum. nec errant: *Omnis ponderatio non est digna continentis animæ. d* Nota, mi Aedime, nota: Omnis ponderatio, omnis, omnis cum casto animo in comparatione venire non potest. Tu iam aureos & gemmeos Pompeij Magni triumphos, tu turres Basilij Imperatoris auro stipatas, tu omnes Persicas gazas, & Cræsi thesauros: aureos inò montes propone, nondum animæ castæ pretium vel leuiter expresseris. Non est digna continentis animæ omnis ponderatio. Nos tamen, stultissimi mercatores, quadrante vno aut teruncio, non tam vendimus quàm abijcimus castitatem, & breui voluptatula deliniti, perdimus pretium incomparabile. Nemo hîc Cypriano credit, cuius illud præclarum extat: Voluptatem vicisse, voluptas est maxima. Verè Christiani est, summam voluptatem in voluptatum fastidio, summam gloriam in carne inattainatâ ponere, & Angelos habere amicos: summum eiusdem dedecus est, ab Angelis, hominum alioqui amantiſsi-

*a* ad Rom. c. 8. v. 8. *b* Matth. c. 22. v. 30.

*c* Chrysostom. 23. in ep. ad Ephes. Ambros. l. 1. de virginib. Basilii de vera virgin. Cassian. l. 6. instit. c. 6. & lib. 12. c. 11. Bern. epist. 42. *d* Eccli. c. 26. v. 20.



mis non amari, & hostes experiri omnes cælites. Lasciuia nē amet, qui odium metuit Angelorum.

## V. C.

Vitium carnis FUGACISSIMUM est. Momentaneum est quod delectat, sed quod cruciat æternum. De hoc omnium turpitudinum fugacissimo transcurso, nemo signatiùs atque expressiùs mihi videtur locutus præ Tertulliano, qui: cogitant, inquit, interdum vnde cecidissent, & post libidinum *evaporata momenta* cælum suspirabant. *a* Quàm pulchrè putidas carnis voluptates *momentum* appellat, & *evaporatum* quod priùs evanescat, quàm quis illud satis aduertat. Diuinè hoc ipsum expressit in metris suis Boëthius. *b*

*Habet omnis hoc voluptas,  
Stimulus agit furentes, c  
Aptumque par volantum  
Vbi grata mella fudit,  
Fugit, & nimis tenaci  
Ferit ista corda morsu.*

Adolescentia & voluptas vana sunt, inquit Ecclesiastes, *d* Ioannes Apostolus: Mundus transiit, & concupiscentia eius. *e* Et Carnis, & Mundi gaudia, hoc sibi commune habent, celerrimè transire, & quandoque priùs finire, quàm plenè incipere; dulci vino similima, quod in annum alterum non fert ætatem, sed acescit antequam exhauriatur. Verè, & in puncto ad inferna descendunt. *f* Fuge ergo, fuge mi homo, fuge fugacissimas illas voluptates.

*a* lib. de mulier. hab. c. 1. & 2. *b* lib. de consol. phil. metro. 7. *c* Alij: fruentes. *d* c. 11. v. 10. *e* 1. Ioan. c. 2. v. 15. *f* Iob. c. 12. v. 21.

## VI. C.

Vitium carnis DAMNOSISSIMUM est. Hinc sanè damna & incommoda nata, qualia à nullo vitio. Quantas libido gentes, quàm validas, hostibus tradidit: quanta patefecit propugnacula: quantos ad ferrum ignemque impavidos fregit, & edomuit: ad quæ non pudenda, nec antè cogitata, compulerit viros magnos, ignorare non potest, nisi qui Samsonè, Dauidem, Salomonem ignorat.

Ob hoc vitium vrbs Sichimorum euertitur, vrbis princeps & omnes incolæ trucidantur. *a*

Ob hoc vitium è Beniamitis viginti quinque millia, ex Israëlitis quadraginta millia virorum in prælio cadunt. *b*

Ob

*a* Gen. c. 34. v. 25. *b* Iudic. c. 20. v. 21. & 25. & 45.

Ob hoc vitium sapientissimus mortalium, cultor fit idolorum. *a*

Ob hoc vitium potentissimus regum David innumeris plagis afficitur. *b*

Ob hoc vitium septem mariti Saræ à diabolo necantur. *c*

Ob hoc vitium improbi senes, Susannæ pudicitiam subuertere aggressi lapidantur, statò in tales supplicio. *d*

Ob hoc vitium viginti quatuor millia fornicantis populi in Moab, plagâ vnâ perimuntur. *e* Ad historias veteres te non reuoco: quotidianis exemplis sat discimus, quantum libido & Incontinentia singulis etiam hominibus obsit, quibus vires, valetudinem, opes, memoriam, ingenium, famam, vitam admutilat: & relinquat hæc omnia, animam tamen & cælum rapit; pro iacturâ horum omnium reddit infernum. Romæ olim Veneris & Libitinæ templa meritò coniuncta sunt, cum à Venere ad mortem, animi præsertim, vià curratur proximâ. Quot iuvenes, prius Angeli, post diabolo simillimi, castis moribus exutis in præceps vitiorum anhelò cursu ruerunt! Ideò Ecclesia rectissime, velut mater, filiorum salutem metuens, assidue precatur: *A spiritus fornicationis libera nos Domine.* Sed quæso te, Ædesime, quid iam diu files? dic etiam tu aliquid, vt duo simus. quâ lege omnes loquendi vices mihi tradis? Quid me loquente proficias, nescio: hoc scio; à te tacente me plurimum discere, cum primis insignem patientiam in me audiendo. Sed ne abutar illâ, iam iam dictioni finem impono. Et verò etiam ferus vesper, velut præco, suprema dicta pronuntiat: *Actum est, Illice.* ÆDES. Obsecro, per te liceat, etiam hoc tempus non perdere meis quæstiunculis. tu perge. PARTH. tria solum capita hydræ illius restant demonstranda.

*a* 3. Reg. c. 11. v. 14. *b* 2. Reg. c. 12. v. 10. *c* Tob. c. 6. v. 17.

*d* Dan. c. 13. v. 62. *e* Numer. c. 25. v. 10.

## VII. C.

Vitium carnis FALLACISSIMUM est, præterquam quòd vix vlla pestis exitiabilior sit humano generi. Luxuria dulcis Siren, venenum voluptarium, letale mel, felicissimus diaboli hamus, quo totum panè orbem & inescat, & trahit, vt perimat æternum. Concupiscentia cum conceperit, parit peccatum; peccatū verò, cum consummatum fuerit generat mortem. *a* Ideò voluptas non veniens sed abiens consideranda: accessus illius blandus est, recessus amarissimus; à fronte mulcet, à tergo viperat, peltis tam subdola, quàm noxia. Id Bernardus egregie demonstrans: Hæc pestis,

*a* Iac. I. v. 13.

f 5

inquit,



inquit, eò ad nocendum procliuior, quò ad repellendum difficili-  
 lior, quæ nolenti etiam se ingerit, blandè onerosa, displicendo pla-  
 cens. Subtiliter intrat, & mentem occupat, & nisi subito repella-  
 tur, allicit, & incendit, & quasi virus pestilentia, per totum cor-  
 pus paulatim se diffundit: cogitationes prauas multiplicat, affectio-  
 nes malas generat, mentem illicitâ delectatione afficit, & ad con-  
 sensum turpitudinis, animum inflectit; omnes animæ virtutes cor-  
 rumpit. Hac peste, qui adstrictus tenetur, diuelli ab eâ vix potest,  
 quoniam stimulos eius confiteri aut nescit, aut erubescit, tam sub-  
 tiles & tarpes sunt. Adiuua me Domine Deus, vt huic tam pesti-  
 ferro & mortifero vitio resistere possim. Scio, quod resistentem  
 fatigat, vincentem coronat: Scio, si mentem cogitatione immun-  
 dâ inquinâro, tibi qui munditiæ auctor es, placere non valeo. Cor-  
 mundum crea in me Deus. »

Iulius Solinus memorat, Phalangium (aranei genus est, quod  
 & Tarantulam dicimus) dirum esse animalculum, tactu pestilens  
 atque si nifum quæras, nulla ei vis est, si vim & potestatem læden-  
 di, hominem ictum veneno interficit. & cum æstu anni flagrantis-  
 simo assiduus sol campos Apuliæ torret, tum maximè seu afflatu  
 noxio, seu æstu accensa hæc phalangia, tam exitiali licentiâ in hu-  
 manos artus grassantur, vt, quotquot ab hac pestiferâ lue liban-  
 tur, irrequieti vel canant, vel lacrimant, vel delirant, aut tam letali  
 stupore pressi iaceant, vt membra omnia senescente tabo putifcant,  
 & sic animum extrudant. Phalangium est, libido, pestilentius nescio  
 an frandulentius, ijs maximè infestum, quibus minutum ma-  
 lum cenletur: blandè serpit, celerrimè inficit, suauiter occidit.  
 tacti ab hac peste in tam irrequietam insaniam prolabuntur, vt id  
 vnum assidue appetant, quod maximè noceat. Ita Phalangium  
 istud non tam vulnerare & lædere sentitur, quàm vulnerasse &  
 læsisse.

a de inter.dom. c.29.

### VIII. C.

Vitium carnis, probro plenum; TURPISSIMVM est. Præ cete-  
 ris vitijs omnibus tam singulariter foedum & turpe est, hoc de  
 quo agimus, peccatum, vt propriè, & suo nomine vocetur TUR-  
 PITUDO. Vnde quaque vitium hoc monstrosum & spurcum est,  
 ideò tenebras & angulos quærit, & pænè seipsam exhorrescit. Op-  
 timi parentes Susannæ, vt Danielis historia memorat, » Helcias &  
 vxor eius, laudauerunt Deum, pro filiâ suâ Susannâ cum Ioachim

marito

marito eius, & cognatis omnibus, quia non esset inuenta in eâ *res turpis*. Castissimus Paulus, Ephesijs præcepit, ne nominarent quidem hanc *turpitudinem*. <sup>a</sup> In eâ quam ad Romanos scripsit epistola, ubi de iniquitate & imunditiâ mentionem inieciſſet: quem ergo, inquit, fructum habuistis tunc in illis, in quibus nunc erubescitis? <sup>b</sup> Nullum est vitium quod adeo ruborem incutiat, & pudore suffundat, atque turpissima hæc bellua, quæ diem non fert, nocti amicissima.

Eximiè laudatur Hebræus rex Asa, quod inuerecundam idoli statuam, *simulacrum turpissimum* confregerit, combusserit, & submerſerit torrente cineres. <sup>c</sup> Vbi libido, ibi turpitudine; ubi pudicitia, ibi corporis mundities, & inentis pulchritudo. Deformis esse Castitas non potest, sicut nec formosa vnquam Incontinentia: illa rosas & lilia, vrticas hæc & spinas profeminat; illi nonnisi munda & sancta probantur, huic cænum & sordes placent. Christus Virginis filius, omnis generis tulit conuitia; at incontinentiæ noluit insimulari, tam hoc scædæ notæ probum est. E priscis ille sapienter dixit: Vti nec cælum respicit, nec margaritum quærit porcus, sic & animus dulcedine voluptatis captus, & in luxuriæ cænum delapsus, difficile potest cælestia cogitare, & aliquid Deo dignum sapere. Turpitudinis mater est Incontinentia; è sordibus nascitur, sordibus pascitur, inter sordes educatur, & moritur. Nimirum talis est riuus, qualis est fons & origo riuus, nec à lutosâ scaturigine limpidus amnis solet profluere: ita quidquid ab Incontinentiâ emanat, sordet, & notam post se trahit TURPITVDINIS.

<sup>a</sup> Ephes. c. 5. v. 4. <sup>b</sup> ad Rom. c. 6. v. 22. <sup>c</sup> 3. Reg. c. 15. v. 13.

## IX. C.

Vitium carnis, vitiorum omnium COMPENDIUM est. Nimis parum dixi, cum Phalangio etsi pestilentissimo animalculo libidinem contuli: bellua est, eaque truculentissima. Mantichora <sup>a</sup> (si Ctesia credimus) apud Indos fera est, cui omnium belluarum feritas inest, nec vnquam ab humanâ manu mansuescit: triplex ei ordo dentium pectinatim coeuntium, corpus & magnitudo leonis, auriculæ & facies humana, oculi cæsi & ardentes, cauda scorpionis bifida, missili aculeo armata, color sanguineus, vox fistulæ non dissimilis, velocitas cerui. & hæc fera humanæ carnis est appetentissima. Huic belluæ informi & horribili simillima est libido, ut quæ omnium verè vitiorum noxam & venenum participat; plerumque

<sup>a</sup> Vide Conz. Cef. l. 1. de quatrup. pag. 631.



nullâ cicuratur arte, quamdiu viuere permittitur. Triplex libidini series dentium; primâ crumenâ & corporis bona conficit, vires & opes; alterâ famam nominisque honestatem discerpit; terciâ omnia animi bona foedè commolit. Libidini leonina est truculentia; diuinas & humanas leges perrumpit, monita omnia pessundat. at verò faciem hominis habet; inter omnia vitia humanissimum videtur; initium illius blandum, suaue, iucundum, sed caudâ ferit vt scorpio, morsum conscientiae infigit acerbissimum. Oculos habet ardentes, quos in omnes sordes eiacularur videndo. Colore sanguineo est hoc vitium, neque enim aliud præ se fert, quàm quod sanguis & caro appetunt. Vox libidinis, vox fistulæ: fistula dulcè canit, volucrum dum decipit auceps: blanditur turpitudine, dum irretiat, idque facit celeritate incredibili, quandoque enim iactu oculorum vnico, in animum transilit libido. Qui viderit mulierem ad concupiscendum eam, iam mæchatus est eam in corde suo. Quod exponens Augustinus: Etiam si, inquit, non sequatur factum; rea tenetur in consensione conscientia.<sup>a</sup> Hem, quàm immanis, atrox bellua! hanc nisi cauisti, mi homo, perijisti. Optima tuadens Cyprianus: Primis, inquit, titillationibus diaboli obuianum, nec fouendus est coluber, donec in draconem formetur. Reperias non rarò, de quo dicere liceat: hic homo & frequenter orat, & stipem libenter erogat; non est potator, non lusor, non decoctor, non perfidus, non maledicus, non contumeliosus, non ebriosus; imò officiosus, industrius, obsequiosus est, sed simul est libidinosus. Ah, laudem priorem omnein perdidit. à diabolo satis captus est, quisquis libidine vinctus est: omnem virtutem vitiat libido; imò nullam habet virtutē, quisquis habetur ab hoc vitio. Quicumque totam legem seruauerit, offendat autē in vno, factus est omniū reus.<sup>c</sup> Nullâ sui parte liber est, quicumque in hæc vincula coniectus est.

Hoc carnis vitium, velut Pantominus, omnium sibi vitiorum, laruas aptabit, nisi ab illo maturè te vindices, & in libertatem asseras: Fors comere te nescis & superbire? hoc te Vitium istud docebit; calamistratos facit & comptulos, quos in familiaritatem recipit. Numis alienis insidiari, tuos dilapidare forsan nesciebas antea? hinc disces. Dies totos otiosâ vrbantate comburere, fortasè non solebas? iam assuesces & otiari, & in vtramque aurem securus stertere; si quid diei superfuerit à somno & otio, id sibi curiosa lectio deposcet. Bono animo; omnes vitiorum formas condisces, si magistram habueris Incontinentiam. Et licet horreas quodcun-

<sup>a</sup> Matth. c. 5. v. 29. <sup>b</sup> lib. 12 de Trin. c. 13. <sup>c</sup> Iac. c. 2. v. 10.

que turpe facinus, licet auerferis, sceditatem omnem quæ oculos incurrit, modo sordida cogitare non recuses, modò scintillam libidinis animo conceptam non extinguas, modò phantasijs & imaginationibus impuris hospitium non neges, hoc tibi satis erit ad interitum; satis perit, qui sic sine strepitu perit; satis malus est, qui sic occultè recusat esse bonus. nec sanè ad cælum aspirat, quisquis in his cogitationibus sese oblectat. Verbulum otiosum vel vnicum, in examen trahetur, & cogitationes obscenæ immunes erunt ab hoc tribunali? Animus puritatis amans vel leuissimas etiam cogitationunculas extinguit, quàm primum illas à Castitate alienas deprehendit. O Castitas (exclamat Ephrem \*) Angelicæ vitæ ratio, quæ homines Angelis reddit similes! O Castitas, cui delitiæ, cui luxus vestium, & cura corporis pudori sunt & odio. O Castitas oculorum frenum, quæ totum corpus è tenebris transfers in beatam lucem! O Castitas in quotidianis prælijs imperterrita, & in tuos hostes animosa atque vigilans! O Castitas, cælestis prudentia, & cælestium capax, O Castitas, currus igneus, cultores tuos in sublime euehens, O Castitas, & pulchra pretiosa possessio, donum Dei opulentissimum, O Castitas, mater innocentiae, morum ornamentum, quæ proborum omnium in te gratiam concilias, quæ vel hostibus tuis es venerationi aut admirationi! O Castitas, tuum ipsa decus, beata, & efficiens beatos, quæ in medio corporis animique velut rosa flores, & amœnum fragras! O Castitas, in quâ diuitias æternas recondidit, puritatis amator Deus!

His Cyrillus Hierosolymitanus subscribens: Non ignoremus, inquit, Castitatis gloriam; Angelica est corona. parcamus corporibus quæ lucere debent sicut sol. parua est ad horam voluptas, sed ex peccato æterna verecundia, & pœna.

Castitatem, mi Aedefine, docebunt nos tot millia virginum sub gladio, in patibulo, stipite, leone, axe, incendio & rōgis: ut virginitatem seruarent, vitam perdiderunt, ita quò sublimior virginū cura, maior gloria. Teclæ castimoniam adorat leo, Alciones impudiciā vindicat ciconia. Puellæ Romanæ non paucae, Vestæ de virginitate censebantur: sed & quæ Delphis insaniebant, nubere nesciebant: sed & quæ Dianæ Scythicæ, quæ Iunoni Achaicæ, quæ Cereri Eleusiq̃ pro sacerdotibus seruiebant, matrimonium à se abdicarunt. Erubescere Caro, quæ Christum in lauacro induisti: illis diabolus continentiam præcipit, & auditur: tibi Apostolus Castitatem prædicat, optatque Christianos omnes virgines esse, & negligitur. Ah, vel

a tom. I. in Enc. cast. b Catheches. I.

c 1. Cor. 7. v. 7. volo omnes homines esse, sicut me ipsam.



duas solūm has vōculas pensita improbē acturus, *quid ago?* ita castissimus Iosephus: quomodo possum, aiebat, hoc malū facere & peccare in Dominum meū? *a* ita confortabitur cor tuum, eō quod Castitatem amaueris, & eris benedictus in æternum. *b* Quoniam bonū est homini sic esse, *nam* mulier inūpta & virgo cogitat quæ Dominus sunt, vt sit sancta & corpore & spiritu. *c* O mi homo, quisquis Nicetam miraris, vel in hoc vno imitare, & Teipsum castum custodi. *d*

Fructus spiritus est Charitas, Continentia, Castitas. *e* Fructus carnis libido, *Incontinentia*, turpitudine. *Ædesime*, audisti hactenus *triumphantem* in horto *Incontinentiam*, audi, obsecro eandem in horto *triumphantem*; sed vnā tecum audiant, velim, omnes in orbe iuvenes, audiant viri, Orbis audiat, & *Incontinentiam* omnem, vt turpissimam vitæ labein, & animi pestem certissimam, modis omnibus detestari discat. Audi tragœdiam inauditam.

In celeberrimā ciuitate Lubecensi matrona erat venerabilis, & Consulix vxor, quæ vno partu tres filios edidit, quorum vnus elephantiasis, alter in aquis, tertius, de quo nobis sermo, suā manu periit. Sed quo is modo, quoue ordine tam tetram mortem obierit, sincerē conscripsit ille, qui & ipsum, & germanos ipsius, & omnem illam familiam optimē nouit.

Erat tertius hic iuuenis elegans formā, ingenio acer, auro diues, veste nitidus, nec incultus moribus, sed, quo scēdauit omnia, libidinosus. Vnde post variā Incontinentiam, inpegit in vnā earum, quæ formā vincere credebatur omnem Lubecensium feminarum pulchritudinem. Hæc miserum inuerecundi amoris vinculo nexum, in sua castra sic captiuum duxit, vt eum nec numorum dispendium, nec fractæ libidine vires nec Dei timor, nec terror gehennæ, nec publica honestas, nec amicorum priuata correptio, a turpi consuetudine potuerint abducere. Quā ex re factum, vt crumenā iam depletā, etiā necessarijs inciperet egere. Quod vbi mater aduertit (pater iam naturæ concesserat) filium indignam natalibus pauperiem incurrisse, materno affectu mota, bis terue, iterum atque iterum æs grande filio donauit, simulque monuit illacrimans, memor esset Dei, generis item & honoris: memor salutis æternæ, probrosam consuetudinem renuntiaret, atque de cetero lasciuiæ suæ impetus cohiberet virili animo. Sed heu! fulsere cæco lumina: surdo cecinit philomela. Voluit infelix, & non voluit; languidē conatus est, & ideo è libidinum cæno eluciatu non est.

*a* Gen. c. 39. v. 9.

*b* Iudith. c. 11. v. 17. *c* 1. Cor. c. 7. v. 26. *d* 1. Tim. c. 5. v. 22. *e* ad Gal. c. 5. v. 22.

Tandem

Tandem cum videret mater, quicquid largiretur, in filij pernitiem abire, animum obdurauit, & clausit manus. Iuuenis, animum & vultum matris mutatum obseruans, egestate & libidine confulticibus pelsumis vsus, stricto ense in matrem irruit non semel, & (horreo dicere) calcibus etiam protriuuit, seuerè minatus, iam confodiendam, ni ocyus promptâ pecuniâ duræ necessitati succurreret. Miterrima mater sub filij velut sub hostis gladio contremuit, & territa tam præsentis periculo, quicquid exigebatur, quamuis inuita, donauit. Neque ausa est sui parricidæ crudelitatem ad cognatos aut magistratum deferre, verita ne fortè primores ciuitatis, quorum rigida æquitas iam innotuisset Orbi, filium tantæ improbitatis reum seuerâ sententiâ fulminarent. Tacuit ergo, & quanto potuit silentio rem pressit. sed breuî nescio cuius linguae vitio, tanti facinoris fama per omnium aures spargebatur. Quocirca conuenerunt cognati, & consilij agitis, iuueni sub poenâ capitatis interdixerunt de simili ausu gladium vnquam amplius in matrem stringeret, aliâue iniuriâ eam afficeret. At ipse, effrons aliqui, ad Manlianum hoc edictum erubescens, statim maternis ædibus excedere, & vnâ matris oculos exire institit. Et ne solus erubesceret, in totius familiæ notam & dedecus, ipse cum infami mulierculâ in prostibulo habitare cœpit. Hic post sericas vestes consumptas, post dissimulatam diu famem, post marsupia omnia exhausta, æger animi, & dolore vix consolabili tabescens, sine re, & propè iam exspes, partim febris æstare, partim omnia desperare, & inferendæ sibi necis consilium coquere. Cumque malum in dies cresceret; nec mali remedium vllum occurreret, iam impar ægrimonix, morte decreuit tam acerbam vitam abrumpere. Verum ne quis tam funestæ tragædiæ epilogum impediret, mulierculam quam ad id temporis deperibat, cum fictis negotijs aliò amandauit. Illâ domum egressâ, ille iam solus & absque arbitris, è culinâ cultrum rapit, & secedit in hortum, vbi scilicet *Incontinentia* suum sibi triumphum statuerat. hic vagum lumen in vinne latus circumferens, in solitudine se deprehendit. Itaque diffubulato raptim thoracè, palladium morbo pectus nudauit, & cultri manubrium infixit parieti ligneo, tantoque sese impetu in aduersum mucronem impulit, vt ossèâ crate pectoris transfossâ, dorsi quoque spinam violaret. Hoc vulnere sauciùs in terram corruit, visoque sanguinis effluuio, læuioribus furijs agitabatur, quòd inuisum spiritum tam acerbis impulsibus exturbare non posset. Heu triste spectaculum!



Etaculum! Et en quo furore suimet carnifex hærentem etiamnum pectori cultrū in orbem rotet ( vt è signis in cadauere patuit ) viscera laceret, & sceleſtum animum non tam emittat, quàm eiiciat.

Redijt interim domum infelix femina, & in horto deumum repertiens amasium in ſuomet ſanguine volutari: expalluit & linquente animo humi collapſa eſt. Tandem, reſumptis viribus cū ad ſe rediſſet, omnem viciniā ſædo eiulatu conciuir. Vicinis in hortum cateruatim irruentibus, ipſa lacrimis infuſa, quo habitu cadauer reperiſſet, narrauit. Mox fama per vrbein, & ad matrem euolat. Ad hunc nuntium mater, velut læna raptis catulis irrugiens, pallore ſuffundi, & pænè alterum funus fieri, mox ad hortum non ire, ſed currere. hīc inter ſpirantes flores tam ſædè extinctum filium offendit, & mox primo aſpectu, animā deficiente, velut cum filio moritura in herbam procubuit. In ſletum adduxit ſpectatores iam pænè geminum, aut triplex funus. Mater è defectione recreata, vberimis perfuſa lacrimis, & madentes oculos in filij pellicem obuertens: O mulier, inquit, quid feciſti? meum mihi ſanguinem tu ſeduxiſti; horum omnium cauſſa tu es, infeliciffima.

Alterā luce cognati vix plurimā pecuniā impetrarunt, liceret ſibi miſerabile funus terræ mandare, quod leges flammis dari voluiſſent. ita hic iuuenis ſui ipſius carnifex in profano ſepulchreto humatus eſt. Nocte vnicā poſt ſepulturæ honorem exactā, tumuli terrā ita ſubſedit repentinā labe, vt non nemo conijceret, cacodæmones, qui animam rapuerant, etiam corpus abſtulſſet. Ipſe ego ( inquit ſcriptor rei geſtæ ) vidi congeſtam glebam in eminentiorum tumulum: at verò poſterā die, tantum terræ dehifcebat, vt difficile fuerit credere, hominem illic ſepultum eſſe.

Et hunc tam exitialem exitum habuit iuuenis illius libido & Incontinentia, in luculentum exemplum omni poſteræ memoriæ, vt norint omnes, quā malorum voragine ij ſeſe præcipites mergant, qui habenas libidini laxant.

Hoc illud nobile trophæum eſt Incontinentiæ in horto triumphantis, quæ pariter in horto à NICETÆ noſtro glorioſiſſimè & victa, & triumphata eſt. Diſcant iuuenes, diſcant viri, diſcat Orbis alienā clade ſapere, laſciuiæ cupiditates frenare, conſortium omne, quod libidini faueat, declinare.

Verū, quod nos in Libidinis labyrinthum inducit, quod in Luxuriæ abyſſum præcipitat, eſt noxarum quotidianarum & crebro repetitarum neglectus: *In pigritijs humiliabitur contigatio, & in infirmitate*

*infirmis* manitum perstillabit domus. a Cum domus rimas accipit, & stillas admittit, in ruinam vergit, nisi rimæ obducantur, auerantur stillæ.

Plurima sunt quæ nos minuta credimus, & quoniam ea per oscitantiam non cauemus, ab his minutis in maximum sæpe malum prolabimur. Non magni nobis est vna libidinosa cogitatio, aspectus feminæ curiosior, aliquot verba liberius prolata. res hæc, vt putamus, leuicula est. ita cogitationes augentur & crescunt, aspectus iterantur, verba non iam licentiam tantum, sed & lasciuiam olent: ab his paulatim transitus fit ad alia, quæ inter leuia quoque numeramus, vt sunt litteræ parum virgineæ, anuli, chirotheculæ, flosculi, bullæ aureæ, munuscula alia dono missa, aut accepta: inde lectioniculæ, & cantilenæ parum pudicæ, inde tactus inuerecundi, inde alia atque alia, mihi nec quidem nominanda: & vt cæno mergamur profundiorē, hæc omnia tanquam non maxima facinora in nobis leniter vindicamus. Nimirum per has rimas & stillas, ruinæ paratur domus. *Qui modica spernit, paulatim decidet.* b Quamuis illa minimè sint modica nisi contemptori, cui solenne est dicere: quid tuum postea? cogitationes sunt, aspectus & verba sunt, humanitatis indicia sunt. Per has rimas satis grandes, letale libidinis venenum instillatur. En, domum malignis imbris perfluentem, breuē & cadentem certēs,

Sanctus Iob, cum statuisset apud se, ne cogitare quidem de Virgine, mox huius propositi rationem reddens; *quam enim partem* inquit, *haberet in me Deus desuper?* c perinde ac si diceret: nisi ita seridè cauereim, nisi occasiones tam studiosè declinareim, nisi omnem malam cogitationem mox animo proscriberem, nisi denique parua magni facerem, aliquod haud dubiè lasciuum desiderium in me oriretur, per quod diem amitterem.

In quo cacodæmon exercitatum furem feliciter sæpe imitatur, hic namque clausam domum expilaturus si quod foramen vel fenestellam sibi patefaciat, quæ tamen hominem adultum non admittat, puerum per illam imittit, vt is hac ratione in domum illapsus, magistro suo ianuam referet, quod rem suam intus agat. Pari modo diabolus, cogitationes impuras, iactus oculorum curiosos, lectionem incautam, voces & gestus parum verecundos veluti furunculos præuios intromittit in animum, qui veluti ostium pandant, viamque faciant ingressuro. Vnde maximi refert, summa

g

hic



hîc cautione uti; occasiones etiam eminus cauere, nihil velut rem parua negligere, nec tantum libidinem omnem, sed & libidinis umbram auerfari, & fugere. *In pigritijs humiliabitur condignatio, & in infirmitate manuum perstallabit domus.* Verè, domini ignauia, est domus ruina, nam si facta tecta non conseruentur, fiet ut tandem arceri non possit pluuia. Par ratio est animi, quædam velut non magna negligentis; in eo his iniitijs libido crescit. Verissimè diuus Gregorius: Si, inquit, curare parua negligimus, insensibiliter seducti, audenter etiam maiora perpetramus. quia igitur à leuioribus malis incipitur, & ad grauiora peruenitur, vanitas mentem obnubilat, iniquitas cæcet. cognata prorsus sunt turpia cogitare aut dicere, & turpia facere; properè agitur quod libenter auditur. Adestime, qui incipit cogitationibus non resistere, incipit perire: cui suauē est, iam hoc, iam illud, & istud audere, huic durum non erit toto pectore libidinem haurire. Ita demum fædissimis imbribus *perstallabit domus* tota. Nemo ergo dicat: hoc non grande facinus est, hoc modicum quid est, modò grauioribus abstineam, tolerabile erratum hæc cogitatio, & hæc, & hæc etiam; ferri potest hîc oculorum, aut linguæ, aut etiam manuum error, possunt isthæc sic abire.

Non possunt, mi homo, non possunt, nam si ista sic abeant, alia atque alia sequentur, & semper grauiora ac fœdiora; tandem tota *perstallabit domus.* Illud Gregorij repetò: Si parua non curamus, insensibiliter seducti, maiora perpetramus: Ergo hîc omnia caue, etiam quæ videri minuta possent, aut nihil cauebis.

Sed ad te redeo, tecumque finio, ô Christiane Samson, castissime NICETÆ, qui victæ in horto Incontinentiæ trophæum & triumphum nobilissimum deportasti.

O NICETÆ reuiuifce in nobis; pugna & triumphus in nobis, ô Victor illustrissime. Tuum nos exemplum, tua nos pugna & victoria, in certamen animet, accendat, inflammet. Audeamus cum NICETÆ pugnemus, vincamus. Is certam hîc habet victoriam, qui seriam non detrectat pugnam. pugnandum est: nullâ hîc sine pugna obtinetur victoria, hic nullum sine luctâ venit præmium: pugnandum est. Inæstimabilis pretij thesaurus est Castitas, æternis muneranda præmijs. Nec potest gratis constare Castitas. Hanc si in magno æstimas, omnia paruo æstimanda sunt.

*Omnia autem ponderatio non est digna continentis animæ. b*

a Greg. l. 10. mor. c. 9. fine. b Eccl. c. 26. v. 20.

TRISMEGI-  
STVS CHRI-  
STIANVS,

SEV

TRIPLEX CVLTVS  
CONSCIENTIÆ  
CÆLITVM  
CORPORIS.



# M A R I Æ

## N O B I L I S S I M I S

### S O D A L I T A T I B V S .

INGOLSTADIANÆ

MONACENSIS

DILINGANÆ

AVGVSTANÆ

RATISBONENSIS

OENIPONTANÆ

HALENSIS

LVCERNENSIS

FRIBVRGENSI HELV.

BRVNTVTANÆ

CONSTANTIENSI

EYSTADIANÆ

ENSISHEMIANÆ

NEOBVRGENSI

FRIBVRGENSI BRISG.

DOMINO ET MATRE DOMINI  
*salus Aeterna.*

**E**xpromisso ad vos redeo ( Profapia , Eruditione , Virtute ornatissimi Domini Sodales ) vnaque adduco *Trismegistum Christianum*, in vno tres viros, aut in tribus vnum. Hic, meo iussu, tria vobis desert munera : LIBRVM vt Philosophus, THVRIBVLVM quia sacerdos, tanquam Rex CORONAM. Librum Sapientia, Thuribulum Pietatis, Coronam Regni symbolum esse non ignoratis. De triplici hoc symbolo, apud vos, bona venia vestra, Christianus hic *Trismegistus* disserere cupit. Opportune, puto, apud eos optima vitæ fundamenta iaciuntur, quibus omnis virtus amabilis est.

Verissime olim Romanus sapiens dixit: Non dat Natura virtutem. Ars est bonum fieri. a Hanc artem inter Christianos vix quisquam exacte discet, qui Libro illo, qui Thuribulo ac Coronâ illâ vti nesciet. E Libro hoc Conscientiam tractare, à Thuribuli vsu Calites venerari, ab vsu Coronæ Corpus regere, suavi compendio, quisquis voluit, didicit. Fabius hoc recte: Brevis est, inquit, institutio vitæ honestæ beatæque, si credas. Natura enim nos ad optimam mentem genuit: adeoque discere volentibus promptum est, vt verè intuenti illud magis mirum sit, malos esse tam multos. b Breuem hanc ad integerrimos mores institutionem vobis exhibet *Trismegistus*, qui ad triplex solum documentum aures & animos petit beneuolos.

Primum est: Conscientiam scienter discutere.

Alterum: Calites religioso cultu prosequi,

Tertium: Corpori nimium cultum detrahere.

Primam *Trismegisti* partem demonstrat Philosophi Liber, scrutandæ Conscientiæ signum, hac enim viâ ad veram Sapientiam itur. Res sanè maximi momenti est, seipsum non assidue fugere, statis horis à seipso inueniri, & cum Conscientia sua perire

a Sen. Epist. 90. b Fab. l. 12. Instit. 6. &lt.

petire loqui posse. Malorum hoc proprium est, alienam conscientiam declinare suam non timere. Nam, vt beatus Zeno Veronenſis Antistes dixit: Qui suam conscientiam non timet, is est qui Deum non timet. a Optime aureus orator Chryſoſtomus: Et si te, inquit, omnes accusauerint; tu vero teipsum non condemnaueris, neque ipsa conscientia reprehenderit, beatus es. itaque ne modicum & exile tibi videatur istud propriæ conscientiæ forum. b

Mihi credite, Sodales, nihil tam necessarium, neque magis eum cura dicendum est, quam qua ratione conscientiam ad examen quotidie vocemus. Ad omnia vitia perſananda, tam certum ac potens pharmacum vix est, quàm frequens diligensque sui disquisitio. Hanc quisquis temere negligit, vitiorum dulcedini non inuitus succumbit. nec enim praua emendat, nec noxia prospicit, nec pœnitenda præcauet, sed cæco quodam impetu in illa proruit, & ignorantia sui, velut atra nube inuolutus in præcipitium non vnum deuoluitur. Certè à quotidiani huius examinis neglectu certissima sequitur *Ignoratio sui*, quæ misero homini eas tenebras offundit, vt aciem in cælestia intendere vix valeat, sed perpetuis erroribus ac labyrinthis inerret, è quibus se vix vnquam explicabit, cælesti sole subtrahito. Facili negotio malus est, qui non quotidie serio vult esse bonus. nisi enim mens nostra hoc quasi continuo freno contineatur, identidem ad assueta & erubescenda dilabitur. Succumbunt vitij virtutes si illa non citò todisse properaueris. Nunquam ex integro sanus erit, qui morbos à superficie tantum curarit, nec ad mali fontes descenderit: ita nec vnquam ex solido probus erit, qui non sapius in seipsum redierit, atque à se dicta factaque, sed & cogitata ad vnguem explorarit. Ex habitu peccare facillimè discit, quicumque se perraro ac negligenter discit. hinc enim necesse est vitia habitusque prauī in dies augmentum sumant, & fœdorum moruum ac turbatarum causæ crescant, vnde proxima ruina est in varias vitæ labeſ.

At verò seria, & non perfunctoria conscientiæ discussio, & mala retegīt, & malorum causas. hinc cuius per facile ad eorum remedia deuenire. Hinc etiam sanctoris vitæ primum subsidium est *Notitia sui*. nemo autem fortuito se suæque cognoscet. Magnum hic studium assiduæque diligentia necessaria est, quam ij adhibent qui sua omnia ad quotidianam incudem reuocant. Persuadet deinde hæc conscientia discussio rem omnium difficillimam. *Contemptum sui*, magnamque animi submissionem, cum in miseriarum nostratum cognitionem nos deducat, milleque submissimæ mentis causas præbeat, ac quadam verecundiâ totum hominem perfundat.

Et hinc altera pars *Trismegisti* exurgit, pia *Calitum Generatio*, Sacerdotis Thuribulo designata. Quò quis enim egentiores se agnoscit, eò studiosius ditioribus amicis se commendat, & quò plus suæ causæ diffidit, hoc potentiores inuocat patronos. Ita qui conscientiam suam lustrans, à virtutibus inopem se deprehendit, ad illos cali thesauros, ad beatos calites confugit, suæ inopiæ consulitur. Quā in re diuinis honoribus nihil subtrahitur. Alexander Mecedo nil gloriæ suæ derogatum censebat, cum Sisylgambis Darij mater, Hephestionem corpore cultuque præstantem pro Alexandro ipso nunquam viso saluasset. cumque illa tandem ad Alexandri pedes prouoluta, ignorance nonnunquam antea visi Regis excusaret, Alexander manu eam alleuans: Non errasti mater, inquit, nam & hic Alexander est. c Nec Deo displicet, per amicos adiri & rogari, de quibus implet: Ego dixi, Dij estis. d Sanè sancti Angeli, ceterique Calites libellorum supplicum velut magistri, Deo preces nostras offerunt, suāsque addunt. Cuicumque igitur sua conscientia quodidianos errores & lapsus exprobrat, is merito in eam rem vnice sollicitus est, vt causæ suæ patronos apud Deum quàm plurimos inueniat,

g 3

a S. Zeno *serm. de Fide*. b Chrys *hom. 2 6. in epist. ad Rom*  
c *Cursum lib. 3. c. 24. d Psal. 81. 6.*



niat, quā diuinam largitatem *multiplicatis intercessoribus* (prout Ecclesia precatur) facilius in se deriuat. Ita *Notitia* sus prouocat *Generationem Calitum*. At seria, & quæ imitatione potissimum constat, Calitum veneratio, illud cumprimis exigit, vt, qui caelestes animos debito cultu velit prosequi, corpus suum non nimium colat, & heuile imperium seruo nequaquam committat.

Atque hinc Tertia *Trimegisti* pars emergit, quam Regis, Corona significat. Verè Rex est qui nouit regere seipsum, nec se ancillæ arbitrio permittit. Ancilla est, *Caro*, sed mala fidei, & in exitum sui domini nunquam non ingeniosa. Hic opus imperio seueriores: indulgere velle & parcere, sua bonitas, blandum & affabile odium est, neque hic aliud quis agit quā vt pessimè clemens sceptrum amittat, & carnem amando animum occidat. An illum dicamus Regem cui muliercula imperat, cui pecuniola, cui gloriola, & alij animorum tyranni? Ille verè Rex est, & sui potens dominus, qui imperat sibi & suæ Carnis malignis cupiditatibus. En tibi Regem: non vitij, non affectibus, non proprijs blanditijs subiectum, & qui omnium minimè seruiat corpori. Magnæ libertatis est, & verè Christianæ, audere corpori negare quæ iniquè petit. Corpus naturā querulā impudentiæ est, & hos modò cibos, has modò vestes sibi postulat. Si alterutrum, duntaxat adipisci liceat, mauult leuatiùs vestiri quā cenare. Et hæc aui nostri labes est, patrimonialia vestibus impendere. Obsecro, Sodales optimi, vrbium morum corruptissimos considerate, & vnā mecum liberè pronuntiabitis, vix quemquam vsquam reperiri, quem vestium luxus aut lusus tam varius nunquam deceperit. Sanè rarissima iam virtutis est, modestiæ leges non calcare, & intra fortunam suam vestiri velle. Olim forsā vestimentorum vsui præscripserit Temperantia fines terminosque; iam nulli sunt. A numis leges petimus. tam nitidam quisque nunc vestem habet, quā opulentam arcem, statim ordinis vix vllum à veste discrimen sibi constat. Cui plurimum numorum, sæpe plurimum & vestium est, erit nec sanguine is, nec eruditione inter ceteros emineat. Nec est ferè vllum genus virij, in quo tantā varietate, & lusu tam multiplici passim exorbitemus. Non enim multitudine tantum vestium, sed & pretio ac formā, sed & nouitate ac curiositate, aliisque modis delinquimus. Ita quandoque Calites nimis quā sobriè & parca manu colimus in nostri corporis cultum crumenas totas effundimus; tum demum nobis ipsi liberales viti, si in corporis ornamentum exhauserimus masculupium. Nec vllus ferè tam stupidus est, cui in stultam hanc solertiam non multum ingenij superfit. Hic *Trismegistus* coronam suam quatit, monetque Christianos, meminerint in quam spem nati sint, ne dum corpus tam operose colunt, perdant incul-tum animum.

Hæc ego ad vos, Nobilissimi domini Sodales, sub Trismegisti nomine scribo, non vt vllius hic culpæ vos arguam, sed vt illos quos castissimi vestri mores tacite arguunt, vnā vobiscum reprehendat publica voce. Hoc certè ago, vt quā plurimos alios, ad amulam vestræ virtutis modestiæ prouocem, idque diuersis monitis. Idco liber iste triplicem præfert faciem, Philosophi, Sacerdotis, Regis. Philosophus Conscientiam examinare, Sacerdos Calites venerari, Rex Corpori imperare docet. Ad omnigenam virtutem compendio discendam, triplex hæc facies mihi visa est semper momenti plurimum habere. Et id quoque est causæ, cur eam vobis potissimum proponere in animum induxerim: effugiem vestram ad virtutis leges compositam non inuiti agnosceatis. Atque, o vtinam, meum omnem in vos affectum vobis quā plenissimè possim impendere. nimis mihi exiguum est, quicquid vestræ aut honori aut vtilitati laboro. Imò dum vetus apud vos nomen conor expungere, nouum facio, *Horologium Tutelarum Angelum*, vestro nomini consecrari: plus reddidistis, quā acceperitis. Sacra liberalitati vestræ vt gratias agerem, *Nicetam* submisit, hic iterum plurima precum vestrarum remuneratio secu-

22. Sic iam minus quàm antè soluendo sum. nam & illud inter vestra in me beneficia numero, meas scriptiunculas tam beneuolè à vobis accipi. Neque mihi iam aliud superest, quàm ingenuè fateri. vos veris beneficijs, me panè solo affectu certare, atque adeo à vobis longè superari. Cedo facilis: suaue mihi est sic vinci, sed ne ingratus moriar, *Trismegistum Christianum*, quem scripsi, libens meritissimò iam vobis offero consecroque. Sit illi, oro, locus inter vos, qui prioribus meis libellis fuit. Scriptio non tantæ molis, nec ampla est. At hoc me solatur: Semen quamuis sit exiguum, cùm occupauit idoneum locum, vires suas explicat, & ex minimo in maximos auctus diffunditur. Idem, spero, facient hæc *Trimegisti* monita. eadem enim est horum quæ seminum conditio, non latè patent, sed in opere crescent: non multa sunt quæ traduntur, sed si illa animus vester planè idoneus exceperit, & in se traxerit, conualefcet & exurgent.

Itaque, Sodales optimi, scriptionem hanc obsecro, non ab eruditionis censu, sed ab affectu meo æstimate. Omnium vestrùm castissimis precibus submississimè me commendo. Monachij, die S. Michaelis Archangeli. Anno Christiano MDCXXIV.

Vestrùm omnium

*Seruus in Christo.*

HIEREMIAS DREXELIUS  
è Societate Iesv.

## BENEVOLO LECTORI.

Vidisti, Lector, in libri fronte Trismegisti nomen. Veniam dabis tam grandi titulo, si causam audieris. Nosti, Trismegistum prisco auctore celeberrimum & philosophum, & sacerdotem, & regem fuisse. Nam apud Ægyptios, sicut mos maiorum ferebat, ex omni numero philosophorum sacerdotum, è sacerdotibus reges legebantur. Trismegistus, vti philosophos sapientia, ita religione sacerdotes, ita & reges superiores omnes sustinuit superauit, doctus philosophus, religiosus sacerdos, æquus rex. Triplicem hanc personam ex decore agere, primæ laudis est, in hoc Orbis theatro. Ideò præcepta quæ huic instituto fauent, minime spernanda.

Et hoc, mi Lector, his tres libri agunt, Et te faciant & philosophum, & sacerdotem, & regem: Philosophum, arcana rimando; Sacerdotem calites Generando; Regem, corpus gubernando. Arcana philosophia est, conscientia recessus penetrare, & discere seipsum nosse. Arcanorum arcanissima arcana hic latent, nec Enquam deest quod scruteris. Præsum est cor hominis & inscrutabile: quæ cognoscet illud? a Sacerdotium est nemini non competens, supremum calis Dominum, beatòque calites religioso cultu prosequi. Eà ra-



tione diuinus Petrus, omnes Christiane professionis, genus electum, regale sacerdotium, gentem sanctam, populum acquisitionis appellat. b Regnum est omnibus regnis maius, in seipsum habere maximam potestatem. Et corpori non seruire. An non regem censes, qui liberrimâ voce proclamat: Castigo corpus meum Et in seruitutem redigo. c Non tibi rex videtur, qui generoso spiritu: Maior sum, inquit, Et ad maiora genitus, quam Et mancipium suis mei corporis. Nunquam me caro ista compellet ad metum, nunquam, ad indignam bono simulationem, nunquam in honorem huius corpusculi mentiar. Cum visum fuerit distrahâ cum illo societatem, Et nunc tamen dum habemus, non erimus aquis partibus socij: animus ad se omne ius ducet. Contemptus corporis sui, certa libertas est. d An non hæc voces sunt regia? Talem te regem, mi Lector, talem te sacerdotem, talem Et philosophum te formare mens est. Ita tripartita hæc dissertatio mihi prorsus non videbatur disiungenda, Et in uno hominis capite cultus triplex ostendendus. Calites perfundioris colet, qui sui negligens, aut nullum animo cultum, aut, quod tantumdem est, omnem impendit corpori, hæc omnino inter se nexa sunt.

Hoc ipse est eruditè philosophari, conscientia latebras explorare, Et in dies proficere notitia sui: hoc pie sacrificare est, Deum atque calites, ritè venerari: hoc regie imperare est, corporis seruitutem detrectare. Hunc talem Trismegistum sibi formandum sumpsit hæc scriptio. Summa illius, Et ordo, hæc est.

Primi Libri, Nonem capita, de cultu Animi, Et examina conscientia agunt.

Secunda, Decem capita, cultum Calitum exponunt.

Tertij, Undecim capita, cultum corporis nimium persequuntur.

Et tibi triginta vniuersæ capita, cultum Corporis, Animi, Calitum, complectuntur, Et quasi per tres gradus necessariè sibi coherentes eunt, Calitibus locum medium Et honoratiorem iure assignauimus; Vltimum corpori, Et seruo Et mancipio; Primum Animo, Et hero Et domino. Hoc te scire, Lector, sed, Et illud rogare solus; Et si tibi quandoque fastidire lubueris aut nauseare, non liberi hæc legere. In lectione sacrâ serium Et attentum lectorem multa effugiens, ne dum ostantem Et fastidiosum. Sacra, Et ea que ad Animum sunt, non tantum legi, sed Et capi ac intelligi, sed Et cogitare ac expendi solunt. Ita fac, mi Lector, Et bene vale.

a Hierem. c. 17. v. 9. b 1. Pet. 2. v. 9. c 1. Cor. 9. v. 27.  
d Seneca epist. 65. proxime finem.

Argumentum

## T R I S M E G I S T I

CHRISTIANI

LIBER I.

Animi cultum, & rationem docet erudiendæ conscientiæ, per quotidianum illius examen.

LIBER II.

Modum tradit colendorum cælitum, cum per menstruam illorum sortitionem, tum per alia pieratis exercitia.

LIBER III.

Corporis cultum superuacuum, & vestitus insolentiam castigat.

## LIBER PRIMVS.

CAPVT I.

Ingressus ad sermonem

De

Animi cultu, &amp; Examine Conscientiæ.

POLICHRONIVS

ET

GERARDVS

colloquuntur.

**P**OLICHRONIVS. Animi cultum is minimè negligit, qui conscientiæ curam religiose gerit: at verò conscientiam is optimè curat, qui quotidiano eam examine à vitijs assidue purgat. Porro examen conscientiæ, vti res est vna omnium vtilissima, virtuti per compendium assequendæ, sic forsan à paucis bene fit, ab innumeris omnino non fit. Quærere, quid



quid Examen conscientiae sit, quaestio mihi superflua censetur. optandum, eius usus tam notus nobis esset, quam est natura vel definitio, quid sit, scimus; quantum proffit, vix scire laboramus. Atque adeo qui conscientiam suam vesperi perfunctorie & quasi aliud agentes examinent, fortassis multos reperiās, eos qui examen hoc utilissimum penitus intermittant, difficile est numerare. Romanus sapiens queritur olim, & verè sic est: Hoc nos pessimos facit, quod nemo vitam suam respicit. quid facturi simus, cogitamus. & id raro: quid fecerimus, non cogitamus. atqui consilium futuri ex praeterito venit. <sup>a</sup> Atque eò iam incuriae plerique progredimur, ut examen istud, quod appellamus *quotidianum*, vocari possit *menstruum*, aut etiam *annuum*, quando id aliqui vix singulis mensibus semel, alij vix semel singulis annis instituunt. GER. Ne mireris, Polychroni: seipsum accusare insuaue negotium est, & tamen hoc examen aliter non constat. POL. Neglecti huius examinis plures sunt causae, non nego hanc vnam earum esse. Omnino *sus ipsius accusatio*, tam pulchra est quam rara virtus. Hinc sanctus ille senex, Pastor, omnes virtutes ad vnius domum coninigrasse aiebat, extra quam frustra quis desudet in quaerendis virtutibus. rogatus, quænam illa esset virtus? Seipsum, respondit, seriò ac iugiter accusare.

Et hoc docet examen conscientiae, in quo quisque reum se citat ad tribunal suae mentis, quod ad vitam probam compendiosa via est.

<sup>a</sup> Senec. epist. 83. initio.

### §. I.

D. Basilius, post documenta pluriuna suis tradita, demum sic concludit: Quæ quotidie feceris opera, vesperi tecum cominemora, & cum ijs, quæ fecisti pridie, conferto. <sup>a</sup> Ita voluit, ut omnes cum conscientia suâ prius loquerentur quam somno se permitterent. Ratus hoc vnum, optimum fore stimulum ad illa omnia, quæ ab ipso didicissent, in opus producenda.

D. Bernardus: <sup>b</sup> Multæ, inquit, scientiæ hominum, sed nulla melior est illâ quâ cognoscit homo seipsum. Beatus homo qui se potest cognoscere, probare, & improbare. Nam qui sibi displicet, Deo placet; & qui sibi vilis est, Deo carus est. Itaque tibi ipsi carus nō sis, accusa teipsum. Omnem animi morbum hoc emplastrum & malagma per sanat. Tardus es ad preces? in precibus vagus & oscitans? plumbeus es ad iussa? volas ad mensam? effusus es in risum & confabulationes, fractus ad laborem, studiosus libertatis, incurius tui officij?

<sup>a</sup> Basileus. commonit. ad mon: <sup>b</sup> Bern. de int. do. c. 28. & 29.

ficij? sæpius forsan de die auribus, linguâ & oculis peccas? huic malo remedium non est opportunius, quàm vesperi conscientiâ convenire, diei errores in numerum aut certè in cumulum redigere, & quid, quâue ratione sequenti luce sit cauendum, statuere, & nisi hoc modo, quotidie teipso fias melior, securè credas, aut conscientiam sæpius non examinatam, aut obiter tantum & perfunctoriè. Si ferueat hîc industria, non potest ei non par fructus respondere. Quod si leui brachio, anhelus ad lectum & semisopitus, oculis in somnû iam turgentibus, solum in ceremoniæ morem, hoc conscientiæ iudiciû instituas, non erit hoc verum, sed mentito nomine iudicium, aut iudicium, aut iudicij larua, socors & ignaua cogitationû discursatio. ex hoc fonte talis emanabit riuus: Eâdem post menses & annos in te viuent vitia quæ prius: æquè pronus in irâ, facilis ad impatientiâ, instructus ad superbiâ, æquè procax in verbis, asper & mordax in dictis, dissolutus & leuis in moribus, verbo, eris antiquus *Dormitanti*. Et in promptu causa est; nunquam domi tuæ es, nunquâ te deprehendis, nunquam te obseruas, teipsum nunquâ seriò accusas: viuus in tranquillo frigore, omnia fluere sinis, vt fluût. pacificus homo es, sed malo tuo. Vitijs tuis quietem non turbas, cum defectibus tuis nō litigas, cum concupiscentijs tuis non pugnas. quid multis? pacificus homo es, in tuam maximam perniciem. alges & torpes; tunc solum viuacissimus, cum aut comedendum est, aut ludendum, aut etiam irascendum. hîc in te viuunt omnia, hîc vir, hîc athleta es, & heros.

## §. II.

GER. In me hæc omnia declamas, an in absentem alium? POL. Gerarde, ne metuas. nihil hæc contra te: nisi tu binominis sis, & non tam *Gerardus*, quàm *Dormitanti*, audias. In *Dormitantium* omnia à me dicta sunt & dicuntur: illum, inquam, qui qualis olim fuit, talis est & hodie; qui in placido ignauiae statu perennat, qui nunquam obedientiorem habet somnum, quàm cum ei cum conscientiâ loquendum, qui in se nunquam aut rarò admodum descendit: qui omnia alia scire satagit, præter se, miserabili neglectu animi: verbo, qui dormit, cum vigilandum foret. At hac ratione nemini familiaris sit virtus. non enim natura dat virtutem, multò minus socordia: ars est, bonum fieri, hanc artem dat exacta sui notitia, & quotidiani profectûs ingens desiderium, istam autem & istud non docet nisi examen conscientiae nullo die neglectum. Initium salutis, notitia peccati. qui peccare se nescit, corrigi non vult.



vult. Ideò D. Bernardus tam sollicitus in suos paterfamilias : Vnde, inquit, rogo dilectissimi fratres, vt vnusquisque vestrum intret in cubiculum suum, scopet conscientiam suam, se quærat in angulis cordis, circumeat latebras mentis. <sup>b</sup> Idem inculcans alibi: Redeamus, inquit, ad nos & discutiamus conscientiam nostram. <sup>c</sup> GER. Sed quæ lex, à quo, & quibus lata est, conscientia diebus singulis examinanda? <sup>POL.</sup> Vt video, Gerarde, ex Volonibus non es, si lege vis cogi. Sed veniam da; sensim eò te ducam, vt ad solem cernas, quod etiamnum inter nubila videtur abditum. Primum erit scire, quàm hoc prorsus nouitium inuentum non sit. Certè ab omni æuo fuerunt, qui sicut vltimam, ita primariam diei actionem esse voluerunt, suam vesperi conscientiam excutere, eoque vel ipsius naturæ lege ac luce præeunte ducebantur. Paucos è priscis nominabo, tuendæ huic veritati.

a Sen. ep. 28. b Bern. serm. 11. in cæna Dom. c Proem. de int. do.

## C A P. II.

### EXAMEN CONSCIENTIÆ

*Qui olim, & quomodo fecerint.*

**R**atio prorsus & Natura huc impellunt. & ausim dicere, hoc naturæ scitum esse: acto die diei acta cum animo suo repetere, simulque despicere quid in lucem posteram aut omissu sit futurum optimum, aut factu. Indi sapientes quos Gymnosophistas dicebant, nullum suæ disciplinæ adolescentem ad mensam admittebant, nisi is prius conscientia suæ subiisset examen. imò quod pudorem nobis meritò incutiat, mensam ijs accumbere non licebat, qui in tertio huius examinis capite (ad morem nostrum loquor) non pulchrè stetissent. Impransus, impotus, incenatus eiciebatur domo, qui nil præclari à se gestum commeminisset. luculentè id testatur ille à Madaurâ philosophus. verba illius integra tibi admetiar: Igitur, vbi mensa posita, priusquam edulia apponuntur, omnes adolescentes ex diuersis locis & officijs ad dapem conueniunt. Magistri perrogant, quod factum à lucis ortu, ad illud diei, bonum fecerint: hîc, alius se commemorat inter duos arbitrum dilectum, sanatâ simultate, amicos ex infensis reddidisse: inde alius sese parentibus quippiam imperantibus obedisse: alius, aliquid meditatione suâ reperisse; vel alterius demonstratione didicisse. qui nihil habet afferre cur prandeat, impransus ad opus foràs extruditur.

O pulchrum institutum! & nunquid vel apud Christianos me-

ius possit? O legem saluberrimam, quæ si hodie vigeat, multi dies plurimis ieiuni forent ducendi, quod sese his iudicibus vel non sisterent, vel peius starent in iudicio. En legem, Gerarde, breuem & strictam: *aut non prande, aut prius conscientia rationem redde. Vis esse? ostende prius te laborasse. Et cur nos ipsi nobis non dicamus vespere: Vis dormire? antè cogita, quàm benè vigilaueris. Festinas ad lectum? prius tecum disquire, qualis in templo, in foro, in domo, qualis in mensâ, qualis alibi fueris. Adeone verò à recto sensu degeneramus, vt quod sciuerunt feceruntque idololatræ, id nesciant Christiani, aut (quod peius est) facere nolint quod faciendum sciunt.*

## §. I.

Phocylides, si stobæo a fides, primus omnium mortales docuit quotidie seipsum ad hoc conscientia tribunal citare. Pythagoras certè nominatus ille è porticu philosophus, tam occupatus non fuit aut somniculosus, quin prius in seipsum descenderet, quàm somnum caperet; & quicquid die toto egisset, se iudice damnaret vel absolueret. vnde apud Pythagoreos, pulcherrimum hoc institutum vsus quotidiani fuit, *quid quoque die dixeris, audiuersis, egeris, & sèpere commemorare.* Et hoc est apud conscientiam suam examen instituire, & seipsum sibi velut censorem aut iudicem ferre.

Quid prætergressus? quid gestum in tempore, quid non? b

Faciebat hoc idem conscientia examen, & P. Sextius, eo ipso vir optimus, & adeo sibi nihil indulgebat, adeo & somnum vincere, & negotia differre, & cogitationes in potestate habere potuit, vt consummato die, cum se ad nocturnam quietem recepisset (cum Senecâ loquor c) interrogaret animum suum: Quod hodie malum tuum sanasti? cui vitio obstitisti? quâ parte melior es? O Pythagora, ô Sexti! quàm nos Christiani non paria vobis facimus, in consuetudine tam Christianâ! Ah! quàm hîc congruè illud Christi vociferarer: Viri Niniuitæ (viri idololatræ) surgent in iudicio cum generatione istâ, & condemnabunt eam. d

Nosti, quid Vir bonus (hic titulus carminis est apud Maronem) de hoc quotidiano examine conscientia moneat. Ille igitur Vir bonus

*Index ipse sui, totum se explorat ad Enguem.*

*Quid procures, & anique seras quid opinio Vulgi*

*Securus; iusto trutina se examine pensat,*

a Stob. serm. 6.

b Laërt. in Phytag. S. Hieron. l. 3. apol. adu. Ruff. c. 10. Auson. Eydil. 8.

c lib. 3. de Ira c. 36. d Matth. c. 12. v. 41. Luc. c. 11. v. 32.



*Ne quid hies, ne quid protuberet, angulus aequis  
Partibus ut coëat, nil ut deliret* AMVSSIS  
*Sit solidum quodcumque subest: nec irania subitus  
Indiget admotus dignu pellexitibus scitus.*

*Non prius indulcem declinat lumina somnum  
Omnia quam longi reperiuerit acta dies:  
Qua prater gressus; quid gestum in tempore, quid non:  
Cur isti facto decus absuit, aut ratio illi.  
Quid mihi prateritum: cur hac sententia sedit,  
Quam melius mutare fuit. miseratus egentem  
Cur aliquem fracta persensi mente dolorem:  
Quid solui quod nolle bonum foret: utile honesto  
Cur malus ante tuli: num dicto aut denique cultu  
Perstrictus quisquam: cur me natura magis quam  
Disciplina trahit: sic dicta, & facta per omnia  
Ingrediens, oriôque à Despere cuncta reuoluens,  
Offensus prauus, dat palmam, & premia recti.*

En Virum, verè bonum: tales simus. Neque vnus tantum al-  
tèrue (quod quis obijciat) è Romanis Græcisque hoc fecit, &  
conscientiam vesperi discussit; plures in hac classe numeramus,  
inter quos & laudatissimus ille L. Annæus Seneca, qui viros reli-  
giosos multos, qui Sodales Parthenios plerosque, ausim dicere,  
aut æquauit in hoc, aut superauit.

### §. II.

Erat Seneca, potens in aulâ, Imperatoris doctor & moderator,  
inter strepitus & discursus aulicos, & tamen examen hoc conscien-  
tiæ non omittebat: erat in coniugio cum vxore; & tamen vesperi  
conscientiam suam super diei actis audiebat: erat in studijs semper  
aut negotijs, neque tamen studia aut negotia potiora habebat, hæc  
vtilissimâ in seipsum animaduersione: erat inter amplissimas  
opes, atque si voluisset, inter maximas voluptates & delitias, & ta-  
men sub noctem, sepositis omnibus, solius conscientiæ nego-  
tium tractabat. Ipsum tibi testem sisto locupletissimum. de fide  
non est quod quidquam ambigamus: malim ego Senecæ nar-  
ranti credere, quàm multis alijs iurantibus. Vtor, inquit, hac po-  
testate, & quotidie apud me caussam dico. cum sublatum è con-  
spectu lumen est, & conticuit vxor, moris mei iam conscia, to-  
tum diem mecum scrutor facta ac dicta mea remetior. Nihil mihi  
ipse abscondo, nihil transeo, quare enim quidquam ex erroribus

meis

meis timeam, cum possim dicere: Vide ne istud amplius facias, nunc tibi ignosco. <sup>a</sup>

Obstupeſco, quoties hæc lego, nec ſine admiratione & rubore vnquam legi. Homini tot negotijs, tot ſtudijs, nobili etiam vxore diſtricto, hæc tam arcta & quotidiana in ſeipſum inquiſitio fuerit? Et, obſecro te, Gerarde, conſidera mihi, quæ vir iſte incomparabilis, examinis huius capita ſibi ſtatuert, quos in ſeipſo errores notârît, quid in dictis ſuis factiſque culpârît. Sic ſeipſum accuſans: 1. In iſta, inquit, diſputatione pugnaciùs locutus es. Audite litigioſi. 2. Illum liberiùs admonuiſti quàm debebas: itaque non emendâſti ſed offendiſti. de cetero vide, non tantùm an verum ſit quod dicis, ſed an ille cui dicitur, veri patiens ſit. Audite critici, & omnium cenſores. 3. Minus honorato loco poſitus, irâſci cœpiſti conuiuatori, vocatori, ipſi, qui tibi præferebarur. <sup>b</sup> Audite ſuperbi & iracundi. 4. Non æquis quendam oculis vidisti, quia de ingenio tuo malè locutus eſt. <sup>c</sup> Audite Inuidi ac maleuoli, & oculos atque dentes continere diſcite. En, quantus vir, quàm opulentus, neque tam ad opes ſuas, quàm ad ſuam conſcientiam fuit attentus. Poſſedit Seneca ( quod ei Suillius opprobrat <sup>d</sup> ) ter millies HS. iſ modus nobis eſſet 7500000. hoc eſt, ſeptuagies quinquies centena millia philippicorum: ipſi ſeptem milliones auri cum dimidio. Opes pænè regiæ, fateor. Sed ô virum dignum optum vi maiore! qui diuitias, & quidem tantas in ſinu poſitas & circumfuſas ſibi potuit non adorare, potuit ridere, contemnere. ô virum omni laude maiorem, qui potuit in diuitijs paupertatem non odiſſe, ſemetipſo & ex ſe naſcentibus bonis contentus eſſe. Diuitiarum contubernio non corrupti, ſanè tam præclarum quàm rarum eſt, quod Annaus hic noſter habuit, qui non cum ſuis ruinis, ſed cum libellis ſuis, ſecum ipſe aſiduè locutus eſt, & quod nos alijs libentiſſimè facimus, hoc ipſe ſibi fecit, hoc eſt, de ſe apud ſe malè exiſtimauit.

Ita, mi Gerarde, Seneca examen conſcientiæ, perinde ac ſi lex cogeret, quotidianum ſibi eſſe voluit, nec ſine proſectu. Nam ipſe de ſe: Hoc mihi ſatis eſt, inquit, quotidie aliquid ex vitijs meis, demere, & errores meos obiurgare. <sup>e</sup> O virum vel hoc ipſo argumento non tantùm magnum, ſed verè bonum! & qui non ſcripſit ſenſitque ſolùm talia, ſed fecit. Et homines Chriſtiani, Sodales Parthenij, viri Religioſi hunc ſtimulum virtutis reiſciant: <sup>f</sup>

CAP.

<sup>a</sup> Sen. l. 3. de ira. c. 36. <sup>b</sup> loc. iam cit. c. 36. <sup>c</sup> & c. 37.

<sup>d</sup> apud Tacit. l. 13. Annal. <sup>e</sup> Sen. de vit. beat. c. 17.



## EXAMEN CONSCIENTIÆ

*Quanta utilitatis sit, & quàm id à sanctis  
impensè commendatum.*

**V**Tilitatem huius sanctissimæ in seipsum inquisitionis nescire non potest, nisi qui cæli & tartari securus, vivit in diem, & passim coruos sequitur; nec ullum post mortem tribunal aut iudicem pertimescit. Viri mali, inquit Salomon, & non cogitant iudicium. Talem mihi da, & videbis quàm is vel ab ipsis idololâtris longè superetur: da, inquam, talem & dices: hic homo non insistit viam quæ ducat ad cælum. iocando, ridendo, cachinnando totos dies traducit, securus mortis, & post illam secuturi iudicij. transacto die cenat idem hilariter, cenam confabulatio, confabulationem somnus excipit. hunc ille ordinem, hanc diei methodum servat.

O curæ in tetrīs animæ & cælestium inanes! 6

O mi homo, quid demum habes quod hic obducas? sanctissimos illos eremi angelos Antonios, Hilariones, Onuphrios imitari non vis? Senecas saltem & Sextios, & Pythagoras, te meliores esse non sinas. Et quæ tuæ occupationes tantæ, ut hoc non possis quod potuerunt occupatissimi? præcis illis persuasissimum fuit, diem pessimè finiri; nisi sic finiretur: pænè perijsse sibi censebant diurnas horas quæ non haberent hanc diei clausulam, hoc somni præludium. Nimirum hinc maximum ad probos mores emolumentum capiebant, hanc vnam ad virtutem viam compendiosissimam credebant, in hoc continuæ tranquillitatis portu persistebant. Ecquid enim pulchrius simul & utilius hac consuetudine excutiendi totum diem? qualis ille somnus post recognitionem sui sequitur? quàm tranquillus, altus, ac liber? cum aut laudatus est animus, aut admonitus, & speculator sui censorque secretus cognoscit de moribus suis. Detumescet sensum superbia; mens avara se latius expandet; libido frænum recipiet; mitescet ira eritque moderatior; omnia vitia minus sibi licere credent, si sciuerint sibi quotidie ad iudicem esse veniendum. Sed in digitos mitto huius examinis vespertini commoda.

a Prou. 28. v. 5. b Pers. sat. 2. c Sen. l. 3. de Ira. c. 36.

## §. I.

1. Somnus etsi tranquillus esse possit & placidus, tutus esse non potest, nisi præmittatur ei hoc conscientie examen: nam pænè  
idem

idem est, ignis in sinu, & peccatum in conscientia. is demum securè dormit, cui dicere licet: iam rationes posui cum Deo meo; promptus paratus sum ad omnem Dei nutum, nec viuere recuso, nec mori pertimesco; bonum *Dominum* habemus. Huic ego me, meaque omnia quàm integerrimè committo. Ades, somne, & fac officium; iam tuus sum. Hoc est, mi Gerarde, inter brachia Christi Domini suauiter obdormire.

2. Aurora insequens tantò erit iucundior, quantò fuerit compositior præcedens vespere. Nam posterum inanè felicitatis suæ partem trahit à præterito vespere. matutinas cogitationes nec latas habebit nec sanctas, quæ pridè cum tristibus aut prauis quietem auspicatur. Hinc in cœnobijs lex pia & perpetua, Completorio, quod vocant, finito, linguæ ferias indicare, & altum silere. quies & taciturnitas tunc omnibus imperatur. vult quis loqui? Deum habet, cum illo sermones misceat: vult quis deambulare? in cælo potest, sat amplum deambulationi hoc pratum est: cupit quis esse cum socijs? innumeros habet Angelos, illis se iungat, sed silendo & precando. si secus fiat, nec proximæ noctis nec secururæ diei preces succedent; quicquid enim pridiano vespere viderit quis, dixerit, egerit, recurret, & omne orationis & actionis bonæ vim turbabit & elidet. Ergo, ne inanè malus sis, vesperi bonus esse incipe.

3. In omne genus vitij nil æquè pugnat, quàm firmum animi decretum ac propositum *CAVENDI*, idque crebrius restauratum. Atqui animus nitoris sui amans, non opportunius hoc apud se statuet, quàm vbi vesperi errores suos ipse recens deprehenderit. Hic decernat, hinc sanciat ac proponat quàm firmissimè *CAVERE* in posterum, quæ toties malè non cauerat. iuret, hoc est, firmissimè statuat custodire iudicia iustitiæ Dei: non vno alteròque duntaxat die, sed per omnem vitam, æternum. Ad hanc animi destinationem facit, disquirere secum, quo loco, quâ societate, quibus occasionibus, ad noxas priores committendas, sit inductus, & has constanter euirare, conatu generosissimo insistat. Id si quotidie (inquit Chrysostomus *b*) diligenter facies, terribili futuri iudicis tribunali lætus affistes. Hoc modo Paulus seipsum mundauit, ac ideo dicebat: Quod si nosmetipsos dijudicarem, non vtique iudicaremur. *c*

*a* Psal. 118. v. 100. *b* in c. 12. Matth. hom. 43. *c* 1. Cor. 11. v. 21.

## §. II.

4. Maximi res momenti est, gratum esse Deo, idque si non singulis



gulis horis, diebus saltem singulis momento quouis in nos Deus beneficus est. quid magni reddimus, si nos in ipsum grati simus, quouis die semel sub velperê? Æstimare beneficium, magna hostimenti pars est, & referre cœpit, qui debere se confessus. Liberalissimus Deus est, nec vinci se patitur liberalitate; nouis nos beneficijs assidue cumulat, quoties nos ea gratè accipimus. Hic verissimè dicitur, *Gratia gratiam parit*; a neque nos vnquam meritam Deo gratiam referimus, quin nouam identidem gratiam obtineamus. Certat nobiscum Deus, sed armis imparibus; ille beneficia conferendo, nos solum gratias referendo, seu agendo, nec istæ vnquam tot ac tantæ sunt, quin illa & multò maiora sint & plura. Ita felicitatis nostræ est, hîc semper superari. Et quando autem commodius Deo gratos nos præbebitus, quàm in vespertino examine conscientia, cuius primum caput est GRATIAS AGERE.

5. Quoties dissensiones, lites, inimicitia planè letales oriuntur interdiu? iurgiorum sane & discordiarum vbique plurimū est, nec vllus finis rixandi. orto igitur incendio tali, & nondum sopito, cubitum ire & somno se committere, facinus est audacissimum, & exitiosa planè temeritas. Si hac nocte subito ( plurimis contigit ) mors te configeret, ah! quò iret miser? quò migraret animus?

Est veneni genus lente, & quod non statim læuiat, sed eo hausto somnus letalis est. Et tu, mi Christiane, venenum hausisti, quod tibi Rixa, quod Odium & Discordia, quod Libido & Incontinentia propinârunt, & iam dormis? nec prius pharmacum adhibes, nec prius hoc toxico conscientiam liberas? Num tibi videris in plumis cubare? Mihi crede, ad ipsas inferorum fauces dormis: leui fit impulsus, & in inuim præcipitaris. Ergo prius venenum expue, conscientiam purga; ingemisce, pete veniam, & sic demum somnum admitte.

6. Eadem est ratio omnium letalium noxarum. Conscium sibi esse vel vinci letalis criminis, nec illud pœnitentiâ delêsse, nihilominus se somno committere, extremæ temeritatis est, & periculum proximum morti, idque æternæ. Et quis magis mortuus eo ( vt Bernardus loquitur ) qui portat ignem in sinu, peccatum in conscientia? nec sentit, nec excutit, nec expauescit. Vide, mi homo, si tibi Hispaniarum regnum, si Turcarum imperium, si totius Orbis dominium offerretur in præmium, vt vel nocte vnicâ somnum caperes, letalis noxæ conscius, hæc tamen tibi omnia velut frustillū fungi, reiicienda forent, præ illo formidabili periculo quod

adires. Et discrimen non vides? aliquid quidem lucrari posses, sed infinitè plus posses perdere. Iam verò nullum tibi præmium ponitur, minæ ingeruntur, supplicium proponitur, idque æternum, tu tamen ludibundus, hilaris, iocabundus, potulentus in plumas te abijcis, asque villo Numinis pauore; nullâ conscientiæ curâ, nullo inferorum metu. ô crebram, sed nimis periculosam insaniam! At verò qui læsam conscientiam, prout par est, vesperi curandum submit, & malè acta deplorat, etsi fortè per diem letali næuo se inquinârit, eaque nocte vi subitâ extingatur, tamen *in refrigerio est*, a supplicium saltem æternum euadere censendus est. Et hoc verè est breui dolore, cruciatus æternos redimere.

a Sap. c. 4. v. 7.

### §. III.

Est ergo hæc conscientiæ exploratio, nostri in virtute profectus incitamentum primum, & vt tale sanctissimi quique ac doctissimi viri iam olim id nobis commendant. Hanc suis legem tulit Basiliius, a vt quouis vespere, suam quisque conscientiam rimaretur. Idem Antonius, idem Bernardus, Bonauentura, Cassianus, Ignatius auctor Societatis IESU, alique suis impensè commendarunt. b Cassiani verba sunt: *c Quamobrem ista nobis aduersus hæc arripienda sunt prælia, Et unusquisque suum quo maxime infestatur, explorans, aduersus illud arripit principale certamen, omnem curam mentis ac sollicitudinem erga illius impugnationem observationemque defigens.* At verò de vitij exploratè iudicare, nunquam sciemus, nisi in quotidiano conscientiæ examine naturam eorum nosse didicerimus. Mercator ad incitatas redigetur, nisi quâ damni, quâ lucri calculos celerrimè subducatur. & hic quidem si industrius sit, tam acceptæ quàm expensæ pecuniæ rationes quotidie inspiciet. ita prorsus Ephrem Syrus faciendum suadet ijs qui dum viuunt, lucrari cupiunt: *d diebus, inquit, singulis vesperi & inanè diligenter considera, quo pacto sese habeat negotiatio tua, ac mercimonij ratio, & vespere quidem ingressus cubiculum cordis tui, examina teipsum ac dicito: Putasne hodie Deum in aliquo exacerbaui? num in re aliquâ fratrem irritaui? num alicuius famam detractionibus laceravi? &c. deprehensis noxis gemitum, dolorem & lacrimas iubet superfundi.*

De matutino examine: facto iam diluculo, inquit, rursus eadem tecum meditare & dicito: Quomodo, putas, ista mihi nox præterijt? Lucratus sum in eâ mercimonium meum? numquid improba-

a hom. 1. de instit. monit.

h 2

ac

b L. 50. homiliar hom. 24. De int. dom c. 65. c collat. 5. c. 14.

d Ephrem tom. 3. serm. alacet.



ac sordidæ cogitationes inuaserunt me, atque illis libenter immoratus sum: Eodem prorsus modo Dorotheus: « quo pacto, inquit, per singulos dies, nos ipsos purgare & propemodum expiare debeamus exactissimè, docuerunt maiores & Patres nostri. Nempe ut vesperi sedulo quisque perquirat & inuestiget, quomodo pertransierit diem illum. Rursus manè examinet, quomodo exegerit noctem illam, & pœnitentiam agat ac resipiscat coram Deo, si quo pacto (ut fieri potest) peccatum aliquod admiserit. Chrysostomus, de hoc ipso conscientiae tribunali differens: Hæc, inquit, fiant singulis diebus, nec prius dormieris, ô homo, quam mente versaueris, quæ à te interdium perperam acta sunt: & die sequenti eris omnino tardior ad ea ipsa rursus aggredienda. *b* Post paucula interiecta: Singulis diebus, inquit, vesperi ab animâ rationem exige, & cogitationem quæ peccauit, condemna eam, veluti in ligno suspende, & torque, & iube ne amplius ea aggrediatur. *c* Quid clarius? Et an, Gerarde, notaſti, illud, *singulis diebus*, bis inculcari? Neque etiam nescis, hæc à Chrysostomo, non monachis, sed ciuibus, sed Christianis omnibus seriò dicta.

*a* Dor. ser. II. *b* Chrysost. tom. I. in Psal. 4. post med. *c* ib. tom. I. pag. 619.

#### §. IV.

Sed num vis, Gerarde, aliorum etiam Patrum testimonia recitem? GER. Satis me istis lapidasti Polychroni, & liquere puto, de huius exercitij utilitate; *in ore duorum vel trium testium stet omne verbum.* *a* Fateor, rem vnâ omnium utilissimam videri: modò ea etiam aut iucundior nobis videretur, aut facilior. Et quis enim est qui non in se deprehendat & maximam procliuitatem peccandi, & peccatorum facillimam obliuionem? vtrique malo, non dubitem, insigniter medetur quotidiana hæc conscientiae perscrutatio. POL. Rem dicis, Gerarde: hinc & hinc miseri sumus, hinc nimis temerè delinquendo, illinc properè nimis obliuiscendo delicta. Opus foret propemodum facere, quod illi apud Climacum, *b* qui pendentem à cingulo libellum chartaceum ferrebant, in quem suas etiam cogitationes quotidie referebant. Et hæc viris sanctissimis caussa fuit, non semel tantum de die in seipsum inquirere, & in istud conscientiae ius ambulare: vno die sæpius id faciunt. Societatis Iesu patriarcha, sanctus Ignatius, horis interdium singulis animum consuèrat colligere, ac sepositis curis examine conscientiam vrgeret. Tum, si vis afferretur, quæ horam ei consuetudini negasset,

proximâ

*a* Matth. c. 18. v. 16. *b* Clim. gr. 4.

proximâ confestim refarcire. <sup>a</sup> Ignatij sodalis, magistri sui felicissimus imitator, sanctus Franciscus Xauerus, eodem prorsus studio feruens, de die sæpius accuratâ perscrutatione intimos animi recessus inspiciebat, & ceteros ad idem faciendum magnoperè hortabatur, ratus in eo perfectæ vitæ cardinem verti. <sup>b</sup> Rari exempli fidus Franciscus Borgias, eodem magisterio eruditus, non satis habuit bis quotidie conscientiam pertentare, singulis horis diurnis seipse ad vnguem excutiens exploransque, memoriâ repetebat dicta, facta ac prætermissa; inquirens in se grauiter. <sup>c</sup> Ab his exemplis, in legem res transijt, vt omnes in Societatem Iesu adscripti, quotidie bis examinandæ conscientiæ accuratam nauent operam. Sunt & alij hodièque religiosi homines, qui hanc legem tam exactè obseruant, vt non tantum bis quotidie conscientiam examinent, sed huic soli examini horam integram diebus singulis impendant.

<sup>a</sup> Ribald. l. 5. vitæ S. Ign. c. 1. Maff. l. 3. c. 1. <sup>b</sup> Turfel. l. 6. vitæ Xauertij c. 6.

<sup>c</sup> Schot. l. 4. vitæ Borg. c. 4.

## §. V.

Reverâ, nisi quotidie animi nostri hortulum ingressi, subnascentes in eo steriles herbas quàm primùm extirpemus, breuî siluam non hortum habebimus. Quisque sibi dictum putet diuinum illud: Constitui te hodie, vt euellas & destruas, & disperdas, & dissipes, & ædifices & plantes. <sup>a</sup> Et nisi hoc semel minimum de die fiat, infelix lolium & steriles auenæ dominabuntur, surget gramen inexpugnabile. Nónne pigri & malè feriatî hominis domum stillicidia tandem demoliuntur? <sup>b</sup> Nónne cum dormiret Isbosech, à latronibus iugulatus est? <sup>c</sup> Nónne hoc pacto Zizania dormiente patrefamilias excreuerunt? <sup>d</sup> *Transiui*, inquit Hebræus sapiens, *per agrum hominis pigri, & per vineam stulti, & ecce totum repluerant ortica, & operuerant superficiem eius spina, & materies lapidum destructa erat.* <sup>e</sup> Talis est animus hominis, siluescit & fit desertum vepribus fertilissimum, nisi conscientia identidem & quotidiana industriâ repurgetur.

*Neglectis Grenda filix innascitur hortis. f*

Hic ligo nunquam manu mittendus, aut mox spinæ se prodent. Ligo iste aut sarculum, est examen conscientiæ, ad omne vitium, antequam ætatem & vires acquirat, ex animo euellendum. Bernardus: quamobrem, inquit, noueris te, vt inter angustias, quæ non desunt, fruaris conscientiæ bono magis autem vt scias quid desit

h 3

tibi.

<sup>a</sup> Hierem. c. 1. v. 10.

<sup>b</sup> Eccl. c. 10. v. 16.

<sup>c</sup> 2. Reg. 4. v. 3.

<sup>d</sup> Matth. c. 13. v. 28.

<sup>e</sup> Prov. c. 24. v. 30.

<sup>f</sup> Horat. serm. l. 1. sat. 3.



tibi. nam cui non desit: omnia illi desunt qui nihil sibi deesse putat. Neque satis, ut menstruum sit hoc examen, aut ut quot hebdomadibus, sed ut quot diebus fiat, quod Clareuallensis ille Antistes grauissimè vrgens: Disce, inquit, in eo secundum communis instituti leges tu tibi præesse, & vitam ordinare, & mores componere, & te metipsum iudicare: te ipsum apud te ipsum accusare, sæpe etiam condemnare, nec impunitum dimittere. Sedeat iudicans iustitia, stet rea & seipsam accusans conscientia. Nemo te plus diligit, nemo te fidelius iudicabit. Mane præteritæ noctis fac à te metipso exactionem, & venturæ diei tu tibi indicito cautionem. Vespere diei præteritæ rationem exige, & superuenientis noctis fac indictionem. Legem hanc quam alijs tulit Bernardus, eandem & ipse seruans: Propterea, inquit, statuam me ante me, & iudicabo meipsum, ut illius extremæ & tremendæ diei iudicium euadere possim. *b*

Et hæc examinis istius ingens est utilitas, in supremo iudicio beata securitas. Si nos ipsos iudicaremus, non iudicaremur à Domino, quem, uti D. Gregorius loquitur, c. tantò quis securius expectat, quantò quotidie vitam suspectius examinat.

a lib. 2. de consid. b de int. do. c. 31. c lib. 25. mor. c. 55.

#### CAP. IV.

### EXAMEN CONSCIENTIÆ

*Quanta sit necessitatis, & quod dispendium,  
illud negligere.*

**D**ixi iam de utilitate: atte xam paucula de neecessitate, quæ hîc tanta est, ut affirmare auserim, in plerisque omnibus frustra nos agere, nisi & hoc agamus. Potest concionator clamare & clamando rauescere; frangentur pulpita, rumpentur columnæ, trement sedilia: omnia frustra, nec in te quidquam ferè proficiet, nisi tu ipse tibi vesperi concioneris, tuam ipsius & reprehensionem & adhortationem audias. Frustra monetur, qui se vult negligere; frustra custoditur, qui se vult perdere. Sic & confessarius docebit te, sed frustra; monebit & incitabit, frustra & hoc; instabit & præscribet poenam, frustra omnia. sæpius tibi dicet: hoc vitium nominatim fuge; hos sodales, has ædes singulariter caue; hac viâ, ut scias, ad cælum non itur. hîc te ipsum vince, hîc abstine, hîc tuos impetus coerce; hîc autem generosè sustine, hîc dura, hîc te virum gere,  
hîc

hic te Christianum ostende, &c. omnia hæc futura sunt frustra, nisi tu ipse tui curam geras, nisi hoc ipsum velis aut nolis, quod velle aut nolle iuberis, nisi noctu quotidie tuam ipsius confessionem audias, & à te confessorio vel absoluaris vel damneris. Sic & magister in scholâ commendabit quidem diligentiam in studijs, parsimoniam temporis laudabit, probitatem in moribus maiorem desiderabit, pietatem in omnibus constantiorem à discipulo postulabit, sed quo effectû aut fructu? nisi tu tuus ipse sis præceptor vespere te met instruendo, examinando, puniendo, non hilum proficies: perdidisti mineruam.

Sic & prætor, aut iudex, seu alius quis magistratus, vinculis te addicet aut eximet; non tamen idè verè liber eris, aut nexus, nisi tu ipse tibi laxes carcerem, aut obseres; nisi causâ cadas vel vincas te ipso iudice. Atque ita conciones, correctiones, admonitiones, castigationes pleræque frustra sunt, nisi tuus ipse sis & concionator, & confessorius, & præceptor, & iudex, quod esse potes, & debes in quotidiano examine conscientiæ. Optima illa disciplina est quam quisque sibi ipse necessariò adhibet, saluberrima multa quam quis ipse sibi imponit. Multam, inquit Siracides, inueni in me ipso sapientiam, & multum profeci in eâ. Ah, quid tandem sapientiæ inuenit in se ipso vel sapientissimus, nisi se ipsum nosse, & ad æquam iudicij trutinam appendere? quod tum fit, cum quis suam conscientiam ad vsque fundum penetrat, & boni malique congeriem secernit districto examine. Hæc illa *multa sapientia* est, quam cuius in se ipso licet inuenire, in eaque quotidianis incrementis proficere. Vanum est in omnibus alijs altum sapere, absque hac sapientiâ.

a Eccl. c. 31. v. 22.

### §. I.

Refert è Græco, Pelagius a interpres, ascetam senem apud religiosum iuuenem de domo conscientiæ semper purgandâ sic discurrisse: Diabolus est inimicus, & tua conscientia domus. Igitur ingenium inimici tui nôris, nunquam non sordes tractat, gaudetque vnicè si illas, quas odit, domos sordibus oppleuerit. hoc ergo agit, ut quicquid potest immunditiarum, in te effundat. Tuarum verò partium est, immissas spurcitas continuo regere, & conscientiæ domû solertiâ quotidianâ conservare mundam. Si neglexeris, tua tibi domus illuue tantâ implebitur, ut ad eam vix ipse reperiās adiutoria.



Igitur principiis obsta, & sicut inimicus tuus quotidie aliquid for-  
dium in te conijcit, ita tu quotidie, quicquid inquinamenti per diem  
refederit, hac velut spongiâ deterge, suum illi cænum nullo non  
die remitte. sic nitidam seruabis domum: cesset hæc cura, mox  
hara fiet conscientia, & immundum cubile vitiorum. In nauigij  
sentinâ quid fiat, nôsti: vti ea semper aliquid aquarum recipit, ita  
est qui semper exhauriat, quod perstillantium vndarum receptum  
fuit, aut naui paulatim illabentibus & crescentibus aquis suauiter  
submergitur. Eodem prorsus modo cum quotidie aliquid prau-  
i operis, aut incauti sermonis, aut immundæ cogitationis, nobis  
etiam vigilantibus subrepat, necessarium omnino est, vt id quoti-  
die hoc velut haustro, in dies singulos egurgitemus, aut sanè in dul-  
cem succumbemus interitum. Ergo tuam vespere, mi homo sen-  
tinam exhauri: tempus est, exhauri sentinam. Imodò, & vide, re-  
peries semper aliquid illabentium aquarum. Bernardus, de hac  
ipsâ mentis sentinâ differens: In illud siquidem repositorium, in-  
quit, velut in sentinam aliquam tota decurrit abominatio, & im-  
munditia tota defluit. Tu itaque exhauri, ne per noctem proxi-  
mam, in nauim excurrat sentina & mergaris. Ergo exhauri, ves-  
per est, exhauri. Non facile peribit, qui quouis die seriò cauet, ne  
pereat.

a. Iad mil. de persecut. sust.

## §. II.

Si ligno aut saxo similes essemus, hoc lustrandæ toties consci-  
entiæ labore facilè supersedere possemus. Asser dolabrâ semel de-  
dolatus, lapis scalpro semel leuigatus permanent, quales eos vel  
ascia vel cauatorium ferramentum fabri formauit. At nos, hoc  
ipso miseri sumus, quia tam mutabiles sumus & varij. Vno anno,  
vnâ sæpe hebdomade, quandoque etiam die vno, & Virtuti & Vi-  
tio sacrificamus: eâdem frequenter horâ & in ridiculum furorem  
excandescimus, & ad mansuetudinem non duraturam descendi-  
mus: Stomachum subinde nobis mouet luxuria: citò tamen cum  
illâ redimus in gratiam. Sic arbori crescenti, aut luxurianti palmiti  
similes, sumus. hæc duo sæpius potanda, & circumcidenda sunt,  
ne nimium luxurient, ac in vitiosam sese amplitudinem diffundant,  
aut inutili fronde, aut pampino superfluo. Seipsam vermibus pro  
domo locat arbor, quæ nulla vnquam brachia olitoris cultro præ-  
ber præsecanda: in siluam degenerat vitis, quæ lacrimare non vult,  
quæ secari non sustinet. Legibus suis pareat hortulanus necesse est,  
& nec

& nec viri pascat nec arbori: secet, stringat, vulneret, incidat, amputet, quicquid vitiosi germinis subnascitur, nulli stirpium libertas sit à purgante ferro; si quidem non flores tantum desiderat olitor, sed & fructus. Sic & homo (nisi sui nimium sit amans) in seipso nunquam non reperit, quod purget, quod inferat, quod reseceat, quod excutiat. Et sicut humanis membris, inquit Theologus ille, ab euaporatione fuliginosi & mali humoris per poros, semper aliquid sordium accrescit, ita si caput non pectas, laborabis porrigine; si oculos non colluas, lemis; si dentes non defrices, scabritie; si faciem non laues, illuue; si ungues non reseces, in imo fient rediuio. si, à summo nigrescent & excrescent aquilarum more: si pedum curam negligas, pedore obsolescent. Sic animus & conscientia, ob concupiscentiæ fomitem perrenni scaturigine inhærentem, paullatim contaminabitur, & facies illius in carbonem mutabit. ita imago illa & similitudo Dei nobilissima, Christi sanguine lota & restaurata, sensum foedabitur, & prototypo suo fiet dissimillima. Tam necessaria est huius examinis cura: contra nihil perniciosius est eius negligentia & omissione, quæ reuera tabes quædam est animum, exedens; est quædam scabies, seu potius clancularia lepra, quæ minutâ sed crebrâ letalium pustularum congerie animum malè infectum conficit.

Facilis pereundi modus est, minuta non cauere, & paullatim prolabi ad grandiora: Nec ille vnquam nãuis carebit, qui seipsum raro aut nunquam reprehenderit.

a Delius sacrâ lect. 12. de sui not.

### §. III.

Rex Hebræus: Lauabo, inquit, per singulas noctes lectum meum. Lectus hic quotidie lauandus, conscientia est. nam vti lectulus fatigatis & sanis quies est & dulce fomentum, sic ægris ingens tormentum; hos vrit, hos affligit & cruciat, illos recreat & suauiter sopitos, molli gratoque calore circumtegit. Ita prorsus conscientia, ægro à vitijs animo vrens lectus. aut catasta & equuleus est, animo à vitijs libero & sano gratissimus thalamus est, cui ille quietem suam omnem in acceptis referat. Verissimè ille è D. Augustini familiâ: b Gaudebis, inquit, semper vespere, si diem expendas fructuosè. Vigila super teipsum, excita teipsum, admone teipsum: & quicquid de alijs sit, non negligas teipsum. Neque hoc nimis crebrum putes; quotidie lauanda sunt, quæ quot diebus for-

h 5

descunt.

a Psal. 6. v. 5. b Thomas à Kemp. l. 1. de unit. Christi. c. vii. fine.



descunt. Laus ergo hunc tuum lectulum quotidie, *per singulas noctes*, quouis vespere. Nisi hoc à te impetres, vt ille tuus lectulus semper quasi recens sit lotus, nunquam tu quietus eris. Et quæ illa conscientia quies sit, optimos dies totosque soles fabulis, iocis, poculis, nugis, deambulationibus frangere, noctu ad lectum, velut fessus equus ad stabulum, festinare, vix paucas vuculas precari, & in somnum defluere, conscientia frustra insusurrante: perdidisti diem, homo, diem perdidisti, iacturam cogita, fors sequenti die asportandus es ad tainulum. Hanc surdo fabulam occentat conscientia; non audit ille, iam somno sepultus stertit, de crastina luce securissimus. Hoc cene vivere est, & conscientia tranquillitati studere? vnam quamlibet rem vix ad perfectum adducit assidua vigilia & intentio, vbi iam in vtramque aurem dormire quis incipit, antequam ad rem suam vigilare, nil vnquam præclari operis prodibit. Statuarius aut lapicidam mihi considera, centies vno die regulam suam applicat, ne quid in artis suæ leges peccet, ne quid curui relinquat, ne quid debitam mensuram excedat: Et nos nec semel quidem de die ad conscientia nostræ lineam opera nostra reuocemus? Aspice mihi Chrysostomum & vide quàm solerter, ad suam ille regulam opus suum diurnum examinet! Expendimus, inquit, diem o anima, quid boni fecimus? aut quid mali operati sumus? Et si quid boni fecisti, gratias age Deo; si quid mali, de cetero ne facias. Nihil est, inquit Augustinus, quod sic quisque debeat cogitare, nisi vt in semetipsum oculos conijciat, se discat, se discutiatur, se inspiciat, se quærat, & se inueniat; & quod displicet, necet; & quod placet, optet & plantet.

Hoc est quod regius Psalter suaserit, *Et in cubilibus vestris compungimini.* *b* Spinis indormit, qui læsam conscientiam ad lectum desert.

a hom. 2. in Psal. 50. b Psal. 4. v. 5.

## C A P. V.

### EXAMINANDÆ CONSCIENTIÆ

*Quis sit modus.*

**D**iuinus vates Hieremias, modum examinis huius instituendi, breuissimo effato docens: statue, inquit, tibi speculam: pone tibi amaritudines: dirige cor tuum in viam rectam. Speculam principio vult collocari, è quâ Dei beneficia die illo nobis impenita contueamur, & pro iisdem gratias agamus, sed non cum Phari-

fæo illo, qui dum gratus fuit in suis, maledicus extitit in alienis. Verum de gratiarum actione postea.

## §. I.

Cenante *Domino* cum suis vltimùm, & iam iam suum corpus in cibum, in potum sanguineum porrecturo, cœptum est examen Conscientiæ. Nec enim quidquam dubitem, quin Apostolorum quilibet, excepto Iscariote, suam prius conscientiam, dein & Christum interrogarit: *Nunquid ego sum Domine?* a Perinde ac si pro se quisque diceret: Ego, mi Domine, modò meam conscientiam super vaticinio tuo examinaui; nil illa horum fatetur, nec me reum dicit. si quid tamen in me, me forsan inscio, prodicionis lateat, velim, Domine, mihi non parcas, sed proditoreum tuum, quisquis ille sit, palam nomines, etiamsi me nominâris: erubescere non recuso, si reus sum. si mihi tantum flagitium celarit conscientia, te, Domine loco conscientiæ appello, & fidenter interrogo: *Nunquid ego sum.*

En mi Gerarde, quâ ratione corpus Dominicum epulaturi Apostoli, suam prius conuenerint conscientiam, si quid occultæ prodicionis in eâ deprehenderent. Dixerat Seruator: Amen dico vobis, quia vnus vestrum me traditurus est. At illi ob hoc lugubre vaticinium tristes, se reos esse, nec fateri nec negare ausi, quæsiuerunt singuli: *Nunquid ego sum Domine?*

Ita nos vesperi cubitum ituri, à nobis ipsis quæramus: *Nunquid ego sum Domine*, qui hodie preces multas recitaui, & ad illas nihil auscultauì, linguâ garriente, corde absente: *Nunquid ego sum Domine?* qui hodie meas ipse laudes tam liberali ore decantaui, alios spreui, me cælo extuli: aliorum famæ detraxi, meam immodicè auxi, liuidos dentes alijs infixi, mihi met blandè indulsi, verbis incautus, leuis, sordidus, maledicus. *Nunquid ego sum Domine?* qui tot impuras hodie ac fœdas cogitationes hospitio non exclusi, cum ijs, tamquam id nemo cerneret, collusi, vetitæ delectationis avidus, & occultus castitatis hostis. *Numquid ego sum Domine?* qui diem hunc perdidi, & tam malè tot bonas horas, partim colloquijs vanissimis, partim lusu & otio sterilissimo combussi. *Numquid Domine ego sum?* qui Gulæ hodie ventriq; cibo potuque nimio sacrificauì; qui cæcus & furens irâ, in hos & illos fulmina misi, ad Orcum illos, si licuisset, detrusurus. Ah, mi Domine, numquid ego sum piger ille & plagis dignissimus seruulus? Multis quandoque sic interrogantibus, Christi nomine, respondebit conscientia: **Tu dixisti: agnosce & corrige.**

Hic



Hic occurrit, cuius primo loco videmur monendi, ut scilicet hoc cognoscendæ conscientiæ negotium conficiatur **INTEGRE**. suum illi tempus assignemus, & tantisper alia omnia mittamus, dum hoc perfecerimus. Optimus hic modus est, ut quisque totum diem secum scrutetur, factaque & dicta illius diei omnia noctu remetiatur, ut ubi viderit, quo maximè morbo laboret, ei potissimum inderi curet. Quicquid in se non sani deprehenderit, eò magis illud per sanare conetur, quò minus id videtur sanabile; & hoc ipsum fortius semper aggrediatur & quatiat, quo contumacius resistit. Nullum sit tam potens aut frequens & familiare nobis vitium, in quo dediscendo desperemus. modò id quod facimus, faciamus integrè, quàm modum; quàm tempus, quàm omnes huius examinis partes. Pleræque res hoc ipso non bene fiunt, quia fiunt non integrè.

Neque tamen integrè solùm, hæc vespertina in conscientiam quæstio instituenda, sed & accuratè, ut iam dicam.

## §. II.

Hebræorum regum optimus, Dauid, non solùm designauit tempus explorandæ conscientiæ, sed quàm accuratè id faciendum, exemplo suo docuit. Non ignorabat rex sapientissimus, quanti referret hic vigilare, ideò quæsitior sui quotidianus: *Meditatus sum*, inquit, *nocte cum corde meo*, & *exercitabar*, & *scopebam spiritum meum*. a Neque id feci obiter, non leui brachio, non incuriosè, non oscitanter aut perfunctoriè, sed intentus operi, attentè, & acuratione magnâ, omnes conscientiæ meæ angulos rimabar, & quicquid sordium ac minimi puluisculi reperiẽbam, id totum cum ramento euerrebam. *Nocte cum corde meo meditatus sum*, ita ut integras quandoque noctes consumpserim, mecum ipse colloquendo, & *exercitabar* cogitando, varièque super delictis meis ratiocinando, & *scopebam spiritum meum*, huc atque illuc quasi scopis cogitationum versabam illum, animùmque partes in omnes diuidebam, penitissimos mentis meæ recessus scrutabar. Non auri venas in suffolis montibus, sed animi noxas scrutatus est Dauid, de quo pulchrè Augustinus: quanta, inquit, homo habet intus, & non fudit. Scrutabatur iste spiritum suum, & cum spiritu suo loquebatur, seipsum enim interrogabat, seipsum examinabat, in se iudex erat. b Verè non blandiebatur sibi rex iste potentissimus, non excusabat, sed Catonianam in seipsum censuram instituebat, & omne

pectoris

pectoris sui arcanum rimabatur exactissimè, & quicquid hic latentium sordium deprehenderat, atroci conatu effodiebat. Censet Gregorius hoc nobis imperari ab Isaia, \* qui succlamans: Ingredere, inquit, in petram, abscondere in fossâ humo à facie timoris Domini. Petram ingreditur qui cordis sui duritiem penetrat: à facie timoris Domini defossâ humo absconditur, qui cogitationes terræ inhiantes egerens, in imo suæ vilitatis, magnâ subinissione se contrahit. O cor humanum! ô rupein Marpesiam! ô surdum, saxum & immobile! ô duram petram, præsertim cum monitis pulsatur! Vociferatur è cathedrâ ecclesiastes, instruit in pœnitentiæ tribunali sacerdos, hortantur prohi, exempla inuitant, funera monent, libri docent, leges vrgent, clamat Christus, & tamen cor hominis, velut durissima petra, ad hæc omnia obsurdescit. sic petra ista, nec voces, nec vociferationes illas, nec monita nec clamores hos audit, nisi quis hanc suam ipse petram subeat, & in omnia à se dicta, cogitata; cupita, omissa seuerus iudex inquireat. Et hoc alterum est, quod ad istius examinis motum pertinet, vt id fiat

ACCURATE.

a In Iob. l. 31. c. 21. b Ilc. 2. v. 20.

### §. III.

Tetium in huius examinis modo spectandum, vt id fiat cum sensu & DOLENTER. Hieremias propheta ad hoc cohortatus: *Pone, inquit, tibi amaritudines.* a Hoc iubet vates, vt cum quis præteritæ dñei noxas & errores deprehenderit, non illos tegere, non excusare, non defendere conetur, sed seipsum accuset, & omnem in se culpam deriuet, doléatque, toties, tam proteruè & petulanter, tam procaciter & impudenter, Deum offendisse. Et quæ animi nostri leuitas est? pecuniolam perdimus, aliquot obolorum aut rei vilissimæ iacturam facimus, & lacrimis maxime serijs damnum defleimus: Deum lædimus, tempus prodigimus, cælum amittimus, & etiamnum ludentibus oculis hilarissimè ridemus, nec damni magnitudinem sentimus; stat etiamnum exporrecta & serena frons, nec vllum luctûs indicium se prodit. O audacissime mortalium, *pone tibi amaritudines.* Deum offendisti? ingemisce, dole, pectus tunde, de teipso pœnam exige, & quantum ex immoderato vsu rerum habuisti delectationis, tantum tibi nunc doloris scias esse animo capiendum. Rex Ezechias accuratè hoc obseruans: Recogitabo, inquit, omnes annos meos in amaritudine animæ meæ. \* Ita quiuis vesperi seriò dicat: omnes horas quas per otium expendi, om-

a c. 31. v. 21. b Ilc. 3. v. 15.

nia



nia momenta quibus Deum offendi, in amaritudine animæ meæ recogitabo, nec antè lætitiā animi resumam, quā Deum peccatis meis propitiāuero. Iobus infensus sibi ipsi: *Nunc autem, inquit, oculus meus uidet te idcirco ipse me reprehendo, & ago pœnitentiā in fanillâ & cinere.* a Ah quoties, mi Gerarde, possim ego vesperi dicere: O mi Deus, tui oblitus sum die isthuc integro: vagabar huc illuc, quò me vel oculorum curiositas, vel mentis libido egit: hîc colloquijs miscendis, illîc pecunijs numerandis intentissimus, istîc libri & chartæ, hîc alueus lusorius & tesserae me sibi totum rapuerunt: tu mihi, ô mi conditor, nunquam in oculis, nunquam in memoriâ eras hac totâ die. *Nunc autem oculus meus uidet te; vix serò tandem; & sub exitum diei, recordor tui, ô mi amantissime Domine, idcirco ipse me reprehendo & ago pœnitentiā, ob tam turpem & prolixam tui obliuionem.*

De hoc conscientiae dolore præclarissimè sanè differit Bernardus, cuius verba omnia, prout omnino digna sunt, fidelissimè recitabo: De diuersis igitur mundi partibus, inquit, in quibus cor vagum & profundum tenetur, vel vanè occupatur, ad seipsum redeat, & seipsum discutiāt, cūque intuerent culpam, timeant pœnam. Quærendo autem culpam, nusquam illam nisi in se reperiāt: repertâ autem culpâ & pœnæ causâ, seipsum puniendo, se ante se statuāt, & tanquam alium se iudicet. Se equidem culpatum, ante se afflictum: se reum, ante se iudicem seuerum: se impium, ante se ad pietatem reuersum: proponat se ante se, decernat quid à se faciendum sit de se, iuste in se iniusto infligat iusta flagella. Loquatur etiam sic sibi: Quia pacem deseruisti apud Dominum Deum tuum, & bellum incurristi apud teipsum, scissuram pateris, vt tu à teipso condemneris, quia pactum pacis rupisti. Vis quod non vis, & non vis quod vis, à teipso condemnaberis. Nolendâ vis, volendâ non vis. Ecce de ore tuo te iudico serue nequam. Afflige itaque te, & statue contra faciem tuam, vt aspicias turpitudinem tuam, & recogites stultitiā tuam. Sic igitur in miserijs suis ad seipsum conuertitur cor, & sistitur cor ad cor. b

Audis, Gerarde? prius nobis miseriæ nostræ gustandæ quā quies. Nemo somnum suauius aut securius admittit, quā qui tale pœnitentiæ & doloris præmittit exordium. Ergo conscientiae nauis, cum sensu, & DOLENTER abstergendi: hic omnis ex animo gradenda est nequitia. ergo, vt idem Bernardus monet, baptize-

mus lacrimis conscientiam nostram : & abstergamus & eradamus, quicquid ei vitiositatis inhæret.

a Bern. serm. 10. de modo bene viu.

## §. IV.

Amaritudines sibi posuisse, vti Hieremias vates loquitur, satis non est, nisi & illud quod addit, sequatur : *Dirige cor tuum in viam rectam, in qua ambulasti.* a Præteritam culpâ horres? ergo & futuram caue. agnoscis morbum? ergo & de remedijs iam cogita. Deprehendisti forsitan cor tuum procul à cælò, procul à Deo in vias auarias euolâsse; retrahe, & dirige in viam rectam. erit fortassis cum accusante conscientia fateri cogëris: hodie bis litigavi, vnum aliquem in viâ prætereuntem irrisi, conuitia feci non pauca in domesticum, absentium nomen detractioibus laceraui quinquies, vni amicorum beneficium exprobraui, ter imprudenter & incautè respondi, diras omnes & deuotiones pessimas in alios deprecatus sum sexies; temerè iuravi vltra quàm decies, semel iterumque verbum lasciuius mihi excidit, in mensâ mihi contradicentem audaci dictorio mordidi, vt minimùm quater mentitus sum, ad morosius imperium eloquenter & copiosè obmurmuraui, in cenâ virtutes meas nescio quas vanissimâ ostentatione iactaui, & diues fui promissis quibus nunquam stare cogitaui: Sed & illud memini, quod in amici aures plaustrum querelarum exonerauerim, simul & susarronem egerim, atque ab vno audita ad alium detulerim amicitia dissociandæ. Sed & illud recordor, quod in colloquentium circulo duorum mores temeraria censurâ vituperari: porrò verborum otiosorum nullum est inire numerum.

Et hæc tot pestes à solâ lingua sunt: quid iam oculi, quid aures, quid manus, quid ingentia cogitationum agmina die vno non delinquent? Dirigam ergo cor meum, & cum eo meos oculos, aures, & manus meas, meamque linguam in viam meliorem. ita propono, ita sanctissimè statuo, neque solum memoriæ hoc tradam, sed & in opere tentabo. nunquam probus ero, si sciuerò tantum hæc cauenda, nisi & cauero, & fugero vitia. hoc est enim esse sanctum, non si à sceleribus abes, sed si ea refugisti. hunc laudemus, *qui potuit transgredi & non est transgressus, facere mala & non fecit.* b Ergo hoc vnum agam, vt in ea quæ iam detestor, non recidam, aut id poenâ præsentis luam: certè toties mentiri, iurare, malè imprecari, alijs detrahere, similiaq; vitia quæ me toties implicuerunt, posthac studiosissimè fugiam. & in hoc obstinabo animû: dixi custodire legem tuâ;



Iuravi & statui custodire iudicia iustitiæ tuæ. « Scio, tantum quicque proficit, quantum conatur, & vult. Huc ergo cunctas faciendi & non faciendi rationes dirigam. etiamsi laboriosum erit, faciam tamen, quod faciendum iam video, & quod facturum me recipio. Simili ratione, quicquid iam turpe iudico, etiam si pecuniam, etiamsi voluptatem ferat, tamen non faciam ab honesti amore nullâ deterrebor; ad turpia spe nullâ inuitabor. decretum est, non committere, ut in antiquas sordes reuoluatur. Dixi, statui, iuravi, huius tenoris mei permanere & hanc animi obstinationem quotidianis stimulis urgere. Et modò hoc exercitij genus seriò tentemus, usu ipso fiet facile. acerrimus quisque labor sæpe ad oblectationis dulcedinem mansuescit; nec quidquam est quod principio sui possit perfici. quod aliquanto tempore vix vllum successum habet, tandem succedit. Et quem vnquam ista destituere tentantem? cui non faciliora apparuere in actu? Non quia difficilia sunt, non audemus: sed quia non audemus, difficilia sunt. ergo audendum & incipiendum; ergo persistendum in cœptis & perdurandum. Et hoc est **CONSTANTER**, ac nouis quotidie sanctionibus animum ad optima quæque impellere. Alioqui desultoria est nostra probitas, & nos ridiculi iudices sumus, qui in dies mutamus & nostra decreta ipsi conuellimus; grandes poenas minamur, sed minamur tantum, & cum iam teneamus fatentem reum, mulsitamus occultè: *fit venia factò, dissimuletur hoc; cur meus ipse sim carnis scem?* Hoc non est **CONSTANTER** agere. Sed hoc ipsum paulò luculentius octauo capite demonstrabo.

a Pl. 118. v. 57. & 107.

### §. V.

Vltima est, sed primaria ratio examinandæ conscientiæ, ut illi vitio magis insistas, à quo magis infestaris. Et hoc ego appellem, conscientiæ **ACCOMMODATE** mederi. Quid digitum obligas, cum stomacho labores? quid pedi applicas malagmata, cum in pulmone sit vitium? quid pilos præscindis, cum membrum refecandum est, ne pars sincera trahatur. illam partem potissimum cura quæ æger es. quid tecum ipse litigas, quod incautus somno cesseris, quod die vetito in sculum è carne nescius sorbueris, quo leuo pede è lecto surrexeris, pransurus manus non laueris, die Veneris vngues secueris? quid in his tricaris? si te luxuria vrit, si te coquit inuidia, si accendit ira, si pungit auaritia, si inflat superbia. Medere tu prius tuæ libidini, aut ambitioni tuæ; malum expugna robustius. Quid

Gabao.

Gabaonitas obfides? Hethæos, Gergezæos, Amorrhæos. Chanaanæos, Pherecæos, Heuzæos & Iebulæos impugna, hos pete, hos ad internecionem cæde, hos extingue, sed paulatim & per partes.

Ego quidem minores noxas non aio negligendas, sed vitia maligniora potentiùs subigenda. qui omnem conatum confert ad extirpationem vnius capitalioris vitij, is vnâ etiam tollit radicem & fibras aliorum multorum. Quilquis itaque seriò vult proficere, ante omnia nôrit, cui vitio sit præcliuior, in quem animi morbum propensior. Nam vi sua cuique crux est, quam seruator commendat portandam, ita suum cuique est vitium, quod idem imperat superandum, In multis offendimus omnes.

*Nam vitij nemo sine nascitur: optimus ille est*

*Qui minimis ergetur* ————

Quotusquisque est, cuius inter illustria decora non aliquis næuus extet? Hic non penitus iracundiæ, ille non linguæ est potens. Alteri in curando corpore necessitatis imponit species, non nemini species diuinæ laudis in suis factis virtutibusque commemorandis. Vir vsquequaque sui Dominus, perrarus est. errare, labi, decipi humanum est. suus cuique næuus, suum cuique domesticum est vitium. Huc vires, huc conatum & industriam, huc machinas & arma transfer ad expugnandum in hoc vincendo & penitus extirpando quotidie teipso fias fortior. Ira te inflamat? ad iram ergo, sub imperium & potestatem rationis cogendam totus incumbes, crebrâ eam inanluetudine retundere, vires illius & impetum aliorum diuertere, omnia ei fomenta subtrahere illam denique quomocunque comprimere, idque quotidianis victorijs allequi stude. Superbia te tumefacit? ad superbiam ergo euertendam, quantus es insurge eamque frequenti submissione ex alto deijcere, & nullo non die sub iugum mittere conare. ad ima descende, vbicunque supercilium & fastus in altum te inuitat; in omnibus subesse disce. Libido te stimulat? ad libidinem ergo coërcendam omne consilium confer. hoc cogita, hoc meditare, quibus artibus hanc pestem à te penitus excutias: caue & fuge, quicquid vel libidinis suspicionem olet. Quæcunque pudica, quæcunque casta sunt, grata tibi sint & amabilia. sentiat te libido capitalem hostem, & sibi nusquam non aduersari. Quâ verò ratione contra libidinem vnoquoque die fias robustior, sub noctem cum tuâ ipse conscientiâ expende. Idem assero faciendum cum alijs vniuersis vitijs. Præclare dixit Musonius,



nus, & eos qui sani esse velint, ita viuere debere vt perpetuò curentur. Nisi hoc agimus, frustra agimus. Nunquam non intenti simus in hanc animi curam. qui animo valere vult, diligentiam assiduam conferat in hanc valetudinem. Illud autem caput reiest, nosse in quod quisque vitiū feratur procliuius. Si sic, Gerarde, inquilino malo inderi vellemus, è facili & breuī possemus sanari.

At nos sæpe decimamus mentham, & anethum, & cuminum, & relinquimus quæ grauiora sunt legis: excolimus culicem & glutimus camelum. *b* Terrores conscientiae nescio quos in minimis fouemus, & negligimus maxima, integro brachio emplastrum imponimus, cū exulcerati renes suppurent. Quid agis homo? tu tuum vlcus cura: tu tuam iracundiam persana, tu fastum & tumorem tuum deprime, tu tuam libidinem extingue: at tu inuidiam tuam digere, tu gulam substringe, & de hoc tecum ipse loquere. Quid autem, inquit Seneca, tecum loquaris? quod homines de alijs libentissimè faciunt, de te apud te malè existima. Assuesce & dicere verum, & audire (præsertim à teipso) Id autem maximè tracta, quod in te infirmissimum senties. *c* Nota, Gerarde, nota: ei parti præcipuè medendum iudicat Romanus sapiens, quam senserimus infirmissimam. Et hoc inde liquet, nota habet quisque corporis sui vitia: itaque alius medicamentis exterforijs leuat stomachum, alius frequenti cibo fulcit, alius interposito ieiunio corpus exhaurit & purgat. Hi quorum pedes dolor repetit, aut vino abstinent aut balneo, in cetera negligentes, huic à quo sæpè instantur, occurrunt. Sic in animo nostro sunt affectæ partes, in pectore collectio & vomica est, cui adhibenda curatio. Quales vomicae, quàm maligna vlcera, Superbia, Libido, Auaritia, Inuidia? Quocirca quotidie vlcus tuum cura, vomicam tuam exterge, aut crescente malo interibit animus. Et hic est modus sua dicta facta per diem exactè recognoscendi, si quis conscientiam suam INTEGRE, si ACCURATE, si DOLENTER, si CONSTANTER, si denique ACCOMMODATE, vt iam diximus, conetur excutere. Vnum hoc superest, non scire hæc tantum sed exequi, & vsu quotidiano facere facilia. GER. Etiam de partibus huius examinis dicturum te spero.

a Plutarch. de Ira cohib. b Math. c. 23. v. 24. c Sen. ep. 68.

## EXAMINANDÆ CONSCIENTIÆ

Quot, &amp; quæ sint partes,

§. I.

**P**OL. Res pridem nota; plerique omnes, quibus de hac re sermo, partes assignant QVINQUE, quas nunc pauldè explicatius proponemus.

Pars prima: *Gratias agere conditori, pro acceptis beneficijs.* D. Basilio teste, & optimus precum prologus est, gratiarum actio. Et hæc, vel eâ etiam de causâ, loco principe ponenda, vt nostra improbitas liberalitati diuinæ collata, vehementiorem nobis pudorem incutiat. Hac prorsus methodo diuinus Nathan, vnâ cum Hebræo rege Davide conscientiae examen orsus est. Primo loco quæ Deus in eâ beneficia confertâ manu effudisset, recensens: Rex, inquit, vinctus es, insidias Saulis euasisti, domum epulentissimâ nactus es, imperium tibi in Israele & Iudam commissum est: & si quidē tibi parua hæc videtur, paratus est Deus adijcere maiora. En, quâ in suauiter & aulicè (si dicam) rex iste inuitatur ad agendas gratias. Hoc primū istius examinis caput. Alterum: mox enim exciratis illum insinulans, & oculos adhuc clausos vi diducens: *quare, inquit, contempsisti Verbum Domini, et faceres malum in conspectu meo?* b Hoc secundum examinis caput, cui mox adiunctum & tertium hoc modo: Vriam occidisti, vxorē illius rapuisti, adulter & sicarius, gemini sceleris compendio. Ergo, primum in hac conscientiae tractandâ causâ, caput est, agere Deo gratias. Omnia faciēda sunt vt Deo quàm gratissimī simus. Et quid enim Numini magis debemus quàm gratiarum actionem. Dei beneficia nostris non tantum non vincere, sed nec exæquare; non tantum paria ijs, sed nec inferiora possumus reddere. Tanti nos non sumus, vt in Deū possumus esse beneficii. penes nos sola est potestas referendæ gratiæ. Quotidie, quauis horâ (quid dico?) quouis momento, alia atq; alia beneficia confert in nos Deus, qui singulis momenti hoc agit, perinde si nos recens & denuo creet, atque insuper donis augeat quàm plurimis. Et quod hoc monstrū ingrati animi, in tantorū beneficiorū mari natare, & nec semel quidē per diē benefactoris meminisse? in illi, nec digitū quidē mouemus, Deo nō iuante, à quo nobis cibus, potus, vestis, corp⁹, animus, bona omnia. Quid



autem hoc magni sit, semel per diem oculos cælo attollere, & benefactorem suum venerari his oculis, AGO GRATIAS. Num possumus liberalissimè danti, minus reddere? qui ineminit, sine impendio gratus est. Pluit in nos beneficijs Deus, idque sine mercede, & nobis grande quid videatur aut graue, vespere fateri & dicere: ACCEPIMVS. O mortales tam beneficiorum auidi quàm ijs in grati! quoties hominem exuitis & in bestias degeneratis? sit verbo venia, sic solent porci sub ilice pascentes: in deiectionis pabulum cupidissimè feruntur, quis deiecerit, curæ ipsis non est; quicquid oculorum habent, in glandibus hæret, ad pastorem suum in arbore non suspiciunt. ita nos nouis semper cupiditatibus occupati, non quid habeamus, sed quid petamus, inspicimus, non in eum qui dat, sed in illud quod datur, intenti. Nihil carius æstimamus quàm beneficium quam diu petimus: nihil vilius, cùm accepimus. Sæpe apud nos & gratia beneficij, & memoria omnis adeo intercidit, vt nec confessione quidem grati sumus. Quod in primâ parte animi positum esse deberet & semper occurrere, ita seponimus & abijcimus, vt in obliuionem ac ignorantiam vertatur. Inde non mirum, inter plurima maximæque vitia nullum esse frequentius, quàm ingrati animi crimen. GER. Putem ego, Polychroni, plurimos hominum non improbitate ingratos esse, sed obliuione. POL. Et hoc tibi videtur non grandis culpa? Ingratus est, si Senecæ credimus, qui beneficium accepisse se negat, quod accepit: ingratus est qui dissimulat: ingratus qui non reddit: ingratisimus omnium qui oblitus est. En obliuiosum infra omnes deprimit: & apparet, illum non sæpe de reddendo cogitare, cui quidem obrepit obliuio. Et hanc turpissimam obliuionem pars prima in examine conscientiae nobis exiunit, quæ hoc vnum apertissimè inonet: AGE DEO GRATIAS.

a Lib. 3. de benef. c. 1.

## §. II.

PETELVMEN A DEO, cernendis erroribus per diem illum commissis, pars altera est examinis istius, & quidem summè necessaria. In vitijs alienis lynces, in perspicendis proprijs talpæ sumus. Næuos nostros ab alijs videri aut notari non ferimus, nec eos ipsi videmus, nec tamen cæcutire nos fatemur. In his tenebris lumine è cælo nimis quàm egemus, vt cernamus tandem errasse nos. Eò hoc conscientiae iudicium instituitur, vt quis meliorem se ipse quotidie faciat, vt aliquid ex erroribus suis ponat, vt intelligat sua esse vitia, quæ putarat aliorum. Iucundè narrat Seneca

reditarium sibi in domo remansisse, vxoris suæ fatuam, Harpasten. hæc subito desijt videre, nesciebat tamen se cæcam esse, & subinde pædagogum suum rogabat vt migraret, neque oculis suis sed ædibus culpam impingebat, aiebat enim domum esse tenebrosam. Hoc, inquit Annæus, quod in illâ ridemus omnibus nobis accidere, liqueat tibi, nemo se auarum esse intelligit, nemo cupidum.

Crebræ sunt conciones, quæ in Auaritiam, in Superbiam, in Libidinem, in Iracundiam & Inuidiam, in Vsuram & improbum Fœnus, in fraudes & dolos disertissimè inuehuntur, sed quàm paucos reperiās qui sibi ipsis oggerant: Hæc tibi dicuntur, tu ille Auarus, tu Superbus ille es, tua Libido damnata est, tua Iracundia, Inuidia tua hodie flagellata est, tu es ille nequam, fœenerator: hoc sibi nemo infusurrat, nemo. Plerique omnes dicere solemus: Euclyonem illum sordidissimum hodierna concio insigniter perstrinxit; litigiosum vicinum meum optimè notauit Ecclesiastes; suis elogijs hodie ac titulis insigniti sunt superbi; contra Venerem acriter hodie dictum est, Iracundos hodie frigidâ perfudit concionator; certè Inuidis excussit dentes; notus ille in foro vsurarius non immeritò è cathedrâ vapulauit. Ita suauiter à nobis, saluberrimam concionis acrimoniam in alios deriuamus, nec fatemur nos tales esse quales depinguntur. & quis est qui in se commotior sibi dicat? *Tu es ille vir qui fecisti hanc rem.* a Cæci sumus, & tamen, cùm cæci ducem quærant, nos sine duce erramus, & dicimus: Non ego ambitiosus sum, nemo aliter Monachij, nemo Augustæ aliter potest viuere: vrbes ipsæ magnas impensas exigunt. non est meum vitium quòd iracundus sum, quod pessimos non laudo, quòd liberior viuo; illud natura, hoc adolescentia facit. ita difficillimè ad sanitatem peruenimus, quia nos ægrotare nescimus, aliena discutientes, vt loquitur Chrysostomus, b & propria non inspicientes. Dic tu iam, Gerarde, an non opus sit lumen à Deo petere, vt nostros ipsi errores deprehendamus, accusemus, puniamus? Et hæc vespertini examinis, vt dixi, pars altera est, cupere suum malum nòsse. GER. Veniâ tuâ, Polychroni, hæc inter prima litterarum rudimenta puer didici. Agendas Deo gratias, scimus: petendum à Deo lumen, & hoc scimus. sed, an solâ mente an conceptis verbis id faciendum, hoc, arbitror, multi nesciunt, quod tu tamen nondum docuisti; hanc à



te institutionem sperabam, cum de modo explorandæ conscientiæ differeres. POL. Num vidisti, obsecro, libellum, cuius frons hanc præfert inscriptionem, HOROLOGIVM TVTELARIS ANGELI? Hoc Opusculum, horâ diei duodecimâ (hæc eius est partitio per horas) verbis conceptissimis docet, quâ vtrunque illud sit præstandum. Repetam id in tuam gratiam. Deo agenda sunt gratiæ, hoc modo.

*O infinita Bonitas, gratias tibi ago pro omnibus beneficijs tuis, quæ mihi hodie & totâ vitâ meâ contulisti, tibi laus & gloria in infinitas seculorum myriadae.*

Lumen à Domino sic petendum:

*O immensa Mæstas, da sit quicquid tibi hodie in me displicuit, id mihi in memoriam integrè redeat.*

En tibi precandi formulas. Aut, si mauis, cum Iobo Deum sic alloquere: Quantas habeo iniquitates & peccata? scelera mea, & delicta mea ostende mihi. « habes meliores? vtere ijs. cupis prolixiores? inuentis addere, non magnæ artis est. vis breuioribus? hoc te velle vix puto, nisi omnino nolis precari satis breues sunt precarjunculæ istæ, sed & longæ satis, modò non in solis labris nascantur, sed magno & ardente affectu, è corde ad Deum rectâ euolent. idè enim tam breues proponuntur in exemplum, vt in eas minus possit licere vagis illis & importunis cogitationibus.

a. Iob. c. 13. v. 33.

### §. III.

Tertia pars in trutinandâ conscientiâ est, secum hoc disquirere: Quid Feci? quæstionem hanc sequatur altera: Quid Dixi? sed & vterius progrediendum interrogando: Quid Cogitavi? inò etiam quærendum: Quid Non Feci? quid omisi, quid neglecti faciendum? Vbi hæc tuam conscientiam interrogâris, audi & tace, attende quid illa respondeat, Conscientia naturâ suâ tam est facunda & impatiens silentij, vt iussa dicere, mox quicquid sciuerit, eloquatur. Citharædus aut fidicen si vel digitulo vno chelyn suam aut testudinem carpat, vocem illa protinus reddit: ita conscientia velut garrula & sonora chelys, vix tacta respondet, & suam homini malitiam exprobrat disertè. Reticere illa & cælare non nouit, nisi prolixa nequitia & scelere continuato exsordata, & iam propemodum extincta. Si sana sit, modò ei dicendi sit locus, non tacebit præsertim interrogata: modò ei vespere, loquendi detur spatium, fideli narratione totius diei gesta percenſebit: vbi dubitauerit, hoc ipsum, dubitare se, candidè fatebitur. Ergo suam quisque con-

scientiam

scientiam loqui sinat vespere, non experietur mutam. quod si vel sola Lingua & Oculi ad hoc conscientiae tribunal citarentur, satis esset rerum discutiendarum. Quid die vno vnica Lingua malorum aut etiam pessimorum verborum non effundit? quid non delinquant oculi, lenones omnium vitiorum, & raptores ad culpam? Et quantâ egent discussione vel tantum preces nostrae? An non hic quaerendum? Num me ad precandum disposui? an preces statas & debitas recitaui? an ad id quod precabar attendi? an cogitationibus meis liberam euagationem & excursum permisi? an oculos inter orandum continui? an verba praecipiti lingua depereraui? an voces fastidiosè & frigide pronuntiaui? an sub precibus in somnum declinaui? an instar somniantis, sine sensu & affectu, ore solo, quod cor nesciret, demurmuraui? Crede mihi, delicata res est, serium ac plenum formidinis negotium, cum Deo colloqui. Si vspiam in vllâ re, hic certè attentatione opus vigilantissimâ: Deus non irridetur. Ita longa satis & intricata est quaestio, QVOMODO ORASTI? Vbi iam ceteri errores per diem & lapsus? Ego quidem existimo, noxas quotidianas plerasque omnes hoc breuissimo indiculo contineri. En illum:

Qualis	{	In precibus, & re diuinâ,	{	fauisti?
		In occupationibus,		
		In verbis & sermone,		
		In mensâ,		

An nihil hodie temporis perdidisti?  
 An nulli detraxisti, neminem offendisti?  
 An nunquam iratus, nunquam impatiens exitisti?  
 An omnes malas, acerbas, impuras cogitationes repulisti?  
 An quod heri statueras tibi faciendum, aut cauendum, fecisti hodie, aut cauisti?

Si quæ grauiora sunt rixarum, periuriorum, furtorum, ebrietatis, libidinis & luxuriæ peccata, in memoriam facilè reuocabit conscientia; modo illa loqui permittatur, non dissimulabit has animi labe: producet in medium hæc monstra, vt plectantur. Conscientia, fidelissimus est antigraphus noster, à Deo assignatus, qui, quotiescunque postulatur, rerum à nobis gestarum commentarium producit. Ita pars tertia examinis vespertini hoc præcipit: EXPENDE QUID PECCARIS.



## S. IV.

Priorem illam ordine naturæ sequitur hæc quarta pars: PECCATORVM VENIAM PRECARE. Formulæ, quibus & antea acta deprecemur, & futura constituamus, hæc sunt.

*O inexhausta Misericordia, ignosce mihi quicquid hodie peccavi contra te. Ego omnes offensas huius diei, & totius vitæ meæ, in abyssum misericordiae suæ depono, & per meritum filij tui te precor, ô Deus, dimitte mihi quicquid unquam in te peccavi.*

Emendationis consilium & conatus sic restaurandus.

*O æterna sapientia, Christe Iesu, firmissimè propono, non peccare amplius.* Quarta ergo huius examinis pars est supplicium promeritum ab se deprecari. *Penitentiam itaque age ab hac nequitia tuâ, & roga Deum, si fortè remittatur tibi hac cogitatio cordis tui.* a Ah, quoties toti dies nobis effluunt, quibus nec semel quidem recordamur Dei, æquissimum prorsus ut vel serò tandem, sub finem diei, cum dolore & gemitu vagabunda mens redeat ad Deum. Moyses Deo familiarissimus, promittens: *Cumque quaesieris, inquit, ibi Dominum Deum tuum, inuenies eum, si tamen toto corde quaesieris eum, & totâ tribulatione animæ tuæ.* b

Quæri vult offensus Deus, vult & inueniri, sed ab ijs qui quantâ possunt industriâ quærent: inuenies eum, si tamen toto corde quaesieris eum, & totâ tribulatione animæ tuæ. Non ignorârunt hoc puræ conscientie amatores, quantis enim lacrimis sanctissimi homines deflêrunt nauos non grandes, crimina non summa, verbulum imprudentius, molliorem offensam, risum leuiorem, copiosior, cenulam, aspectum incautiorem, negotium solutiùs curatum, temporis exigui dispendium, cogitationem tardiùs expugnatam, sanctioris operis licet non imperati neglectum, aliâque eiusmodi piacula minora. Hinc ille manum, hic linguam, iste oculum poenis mulctat grauissimis post errorem non magnum. Euagrius sacerdos, ob nescio quod detractionis verbum semel prolatum, dies quadraginta, perdius & pernox sub dio perdurauit. Eusebius monachus ob oculos in agricolarum opus euagatos licentiùs, & hos & omne corpus seuerissimis legibus castigauit. c Moyses abbas responsam duriusculum horribili luit supplicio. d Maurilius episcopus, quod pueri mortem sacro fonte non præuenisset, seipsum sede suâ emouit, & peregrinationis pauperiimæ damnauit. Maria Ogniacensis, in commemorandis vesperi actionibus suis, si vel minimas noxas deprehendisset, acerrimo dolore in eas vindicauit. e

Timeri

a Act. c. 8. v. 22. b Deut. c. 4. v. 29. c Theodor. in hist. SS. PP. sect. 4.

d Cassel. 7. coll. c. 27. e Jac. de Vit. l. 1. vitæ illius c. 6.

*T*imēri vult Deus, etiam ab amicissimis. Proclamat David: *Ti-  
mete Dominum omnes Sancti eius.* a iniurię Deo illatę, etiam mi-  
nimę, dolore non perfunctorio expiandę sunt; ex imo pectore  
trahatur gemitus. quo peccatum abolere cupimus. Placari se finit  
Deus, sed *totā tribulatione animę.* Regij vatis monitum est: Et in cu-  
bilibus vestris compungimini. b Nisi dolor de diurnis lapsibus con-  
ceptus pungat animum atque fodiat, vanus est, & obtusus sine mu-  
crone gladius, non penetrat faxeam mentis duritiem. Tale seque-  
tur CRAS alterum, quale præcessit HODIE. sic multa agendo nihil  
proficimus, semper discentes, & nunquam ad scientiam veritatis  
peruenientes. c Dolor de offenso Deo sincerus & pungens, non  
solum noxas præteritas delet, sed & cauet futuras; Satis est, ait,  
lapsum esse, tu iam provide, ne lapsu repetito gemines malum; at-  
tende tibi, ne posthac tanti emas pœnitere. Nota vox Caligulę,  
cū occidendum iuberet lentiū torqueri: *sic fieri, ut mori se sentiat.*  
Idem & huic dolori esset imperandum: *sic punge, ut sentias se peccasse.*  
Idcirco non semper satis erit dolere, nisi & sentias vnde plus doleas.  
Adiungendus erit quandoque comes Dolori, afflictatio voluntaria.  
Fecerunt id integerrimę vitę homines. Fuit, qui vbi deprehendis-  
set vesperi crebrius se verbo lapsum, dentibus linguam acrius com-  
mordendam obijceret. Germanis verbum vetus est: tu suavius  
digitum admordeas, quā hęc talia linguā effutias, Fuit, qui erro-  
res suos, quos noctu obseruasset, flagris expiaret, & pœnam hanc  
ad delicti modum attemperaret. S. Agathon vt silere disceret, ipso  
triennio lapillum ore versauit. S. Ignatius Loiola circa initia sanctio-  
ris vitę, contra risum sic dimicauit, vt quoties per diem se risisse  
numeraret, tot sibi plagas ante somnium infligeret.

Non satis est, mi homo, vt tuus ipse sis accusator, & testis, & iu-  
dex, nisi sis ipse tuus & carnifex. Multi sunt errores, quos etsi de-  
fleas, eosdem tamen facillimē repetes, nisi & punias. Eius genij est  
Caro, vt vbi aliquid furtiui mellis gustārit, ad furtum identidem  
redeat, nisi flagellata discat, deinceps nolle furari. Mos erat priscis  
monachis, si quis silentij leges violāset, triduo sine mensā simul ei  
prandium & cenam (sed post quam non sunt lauandę manus) hoc  
est, panem cum frigidā apponere. Nimirum tacere citius non discit  
incontinens lingua quā ab hoc pharmaco.

His insuper afflictationibus voluntarijs, offenso Deo facile satis-  
facimus, & fauorem illius ad ampliora emeremur. Parum habet  
obsequij



obsequij & meriti, quod ab inuito, quod à coacto fit. Honestum voluntarium est: admisce illi pigritiam, querelam, tergiuersationem, metum, quod habet in se optimum, perdidit. *a* *Voluntariè sacrificabo tibi.* b Hoc nomine Daniel vates se suasque preces inire Deo commendauit. Nam & Angelus recreando illi submissus: *Noli*, inquit, *metuere Daniel: quia ex die primo, quo posuisti cor tuum ad intelligendum & te affligeres in conspectu Dei tui, exaudita sunt verba tua: impetrasti quod rogabas, quia precibus rogasti armatis.* Stauissimus Deus facillimè se finit expugnari, si preces armentur ieiunijs, aliisque corporis castigationibus. Infantulus, si lacteum fontem à matris vberè, signo solùm aut plaudentibus manibus poscat, sæpe fert repulsam, nam subinde aut negat mater, aut differt, at si ploratu & contentiosis lacrimis agat, ac seipsum affligat flendo, non continet se diutius materna viscera, iubent dari quod sic flagitat. Ita ferè nobiscum bonus Deus solet agere. Optimæ sunt preces illæ: Domine, da mihi constantem patientiam. Mi Domine, largire donum Castitatis. Da, ô Deus, victoriam in hoc prælio. Amein te, mi bone IESU. Q Christe, fac me mitem & humilem. Optimi desiderij sunt hæ petitiones, sed si solis constant verbis, interdum repulsam, frequenter dilationem patientur. Suos Deus impensissimè amat, tunc autem maximè, cùm cernit eos sponte afflictos. Hinc illam crebrò imperata: *c* *Affligetis animas vestras. Omnis anima qua afflicta non fuerit die hac, peribit de populis suis. Si conueris & iuramento se constrinxerit, & per ieiunium & ceterarum rerum abstinentiam affligat animam suam, &c.* In quæ verba Origenes: O mira, inquit, festiuitas! dies festus vocatur, animæ afflictio, vide ergo si vis diem festum agere, si vis ut lætetur Deus super te, afflige animam tuam, & humilia eam: non ei permittas explere desideria sua, nec concedas ei lasciujs euagari: cùm enim afflictà fuerit anima & humiliata in conspectu Domini, tunc repropitiatur ei Deus. Ita omnino solet optimus Deus; sibi charissimos in delicijs non nutrit, sed assidue mergit dolorum & amaritudinum mari. Ergo, cui animus est dolore peccata expungere seridò doleat, & ut sentiat se dolere, vltro subinde addat, quod fodicet refractariam Carnem. Videat reus ad hoc tribunal consistens, ut gemitibus, suspirijs, lacrimis, quandoque & flagellis, aut alijs ad institutum aptis supplicijs, quibus hîc decernendis proprius locus est, labes animi expientur: hoc agat vnice ut cum Deo suo in gratiam redeat & offensum placet, quacunque

*a* Gen. ep. 66. *b* Psal. 52. v. 8. *c* Leuit. c. 16. v. 29. & .31. & c. 23. v. 27. & 29. Num. c. 29. v. 7. & c. 30. v. 24.

eunque de seipso sumptâ vindictâ : non expectet ultorem Deum , sed volûtarijs pœnis sæuiora supplicia deprecetur. Nec prius in dulcem declinet lumina somnum, quàm Deum & cælites ex offensis propitiatos sibi habeat atque reconciliatos. Et hæc quarta pars huius examinis : PECCATORVM VENIAM PRECARE.

## §. V.

Sequitur vltima : EMENDATIONEM QVAM MAXIMÆ SERIAM PROPONE. Vis omnis & efficacitas nocturni huius iudicij, non in audiendis testibus sita est, sed in sanctâ erubescentiâ, in dolore legitimo, in seuerâ sui ipsius vindictâ, in solerti culparum castigatione, in generoso animi proposito, non deflectendi amplius à vero rectoque tramite Virtutis. Hic quisque cor suum dirigat in viam rectam : statuât apud sese, alius esse alijs atque alijs diebus, & in eam rem, pœnam sibi fanciat, si, quæ rectè proposuit, tardius aut nunquam exequatur. Deprehendit quis forsan hodie minus pudicum oculum, magis effrenem linguam, illi pudicitiam, huic silentium imperet, in vtroque membro nimiam libertatem castiget. Fuit fortasse alius quis in precibus somniculosus aut vagus, ad fabulas attentus & vigil : somni & cibi plus æquo liberalior, stipis erogandæ parcior : forsan obedire iussus non paruit, silere monitus non tacuit, ad meliora instructus non audiuit, ad diuina cogitanda incitatus, fastidiuit : iam ergo apud animum suum decernat, in precibus vigilare : aure surdâ fabulas & quicquid est obscœni colloquij transire, somnum & cibum ad dimensum sibi dare : stipem liberalius erogare : negotium salutis contentiùs curare, æterna præ his fluxis auidiùs aspirare. Quod si Atheniensem se esse obseruet, qui semper decernat, nunquam faciat quod decreuit, mulctam etiam addat, & à seipso pœnas exigit. Ita duo iuuenes illi Beatissimæ Virginis matris Sodales fecere, qui ante quindecim annos litteris atque Virtuti nauantes, examen conscientiae hunc in modum instituerunt, Ille quidem prior in minimas etiam labeculas seuerè vindicauit, nec sibi met ignouit, nec timidam censuram exercuit, rigidus in se testis, & accusator, & vindex. quotquot enim noxas in pugillares suos referebat, tot sibi reo colaphos infringebat generosâ manu. O dextram heroicam, & præ ambustâ illâ Sceuolæ robustam! Nam nisi Mutius spectatores habuisset, ad ardentem foculum dextram non rapuisset : iuuenis ille quia solus & sine teste, suâ in se manum armavit, spectatores habere meruit & laudatores superos Diuosq; omnes. Idcirco Poëta, suū illud de hoc verissimè pronuntiârît:



*Ille dolet Gerè, qui sine teste dolet. a*

Alter, huic non multum impar, quotquot vana seu otiosa verba per diem proximum excidisse sibi annotasset, tot terræ fixit oscula, simul & minatus sibi suæque dicacitati Virgilianum illud:

*Post mibi non similis pœnâ commissâ luetis.*

Et; redeas modò, aiebat ipse secum, cum tot linguæ delictis, non ea os tantum, sed & tergum sentiet. Hoc est seipsum gloriosè in triumphum ducere pompâ non magnâ. Addo & tertium, si libet audire. GER. totus iam auris sum. POL. Miles fuit, qui in pessimam iurandi, & quod huic vicinum, peierandi consuetudinem, deflexit: tandem adducto in consilium animo, sic ipse secum loquebatur: Vide, animam venalem circumfers, & mors tibi in oculis semper est; quocunque stes loco, sepulchrum tuum calcas: vel vnus tantum glandulæ sibilus te tangat, & totum hoc egisti, MORI. At quò ires si sic obires in tantâ viuendi, iurandi præsertim & peierandi licentiâ (ô bonam conscientiam propriam accusationem!) quid animâ tuâ fieret? Agedum, legem tibi figo, quam aut violes, nunquam, aut illicò violatæ des pœnam, Lex hæc erit: Nunquam in posterum iurare, aut terram toties osculo salutare, quoties iurare contigerit. Et hanc ego legem si vir, si miles sum, sanctissimè seruabo, ita me Deus amet & hoc meum decretum fortunet ac firmet. Sed audi, obsecro rei euentum admirabilem. Conflictus instabat cruentus & atrox, nec nisi multorum sanguine finiendus. Concurrunt tandem acies geminæ, & suas quisque vires in altero experitur: illi cominus acriter instare, isti haud timidi resistere, inter quos & noster hic miles fuit. Volant vtrinque glandes ferreæ, incerti ictus, vulnera improuisa, vtrinque cædes & funera plurima. Inter hæc miles ille, quem dixi, legis suæ immemor, deuotiones pessimas deprecari, diris hostem omnibus execrari, omnia demum alia contra animi sui propositum & dicere & agere. At en, in ipso prælij ardore, legis à se latæ recordatur, nec differt aut deliberat, sed mox pronus ruit in terram toto corpore, & matrem suam osculatur. Dum hoc facit, glans ignita ferrea supra tergum iacentis volat, ictu certissimo traiectura stantem, quem iacentem impunè transijt, & sine omni noxâ. Non multò post prælium inde diremptum, ille saluus è cruento campo digressus, & narrauit ipse, & ab alijs narrari audiijt quod in se obseruassent: Deum etiam miraculi prouidentissimum auctorem veneratus est, hancque sibi legem æternam esse voluit, vt toties pronus in terram rueret, eamque lingua lamberet,

quoties

quoties linguâ peccâſſet. Factum egregium, & conſcientiæ probum examen. imitari poſſumus, imò debemus, aut cælum fugimus. Nam Paulinum illud æternum & inconcuſſum manet: Quod ſi noſmetipſos dijudicaremus, non utique dijudicaremur. <sup>a</sup> Iudicis autem eſt, non tantum abſolvere, ſed & damnare, & mulctam dicere. Accuſatores & teſtes ridiculi ſumus, niſi ſimus & iudices in noſmetipſos, & plectamus quidquid malè delirauimus. Utique utiliſſimum eſt, & emendationis ſeriæ principium, pro noxarum modo & numero, etiam pœnam iniungere, exemplum nobis poſitum ſit huiusmodi, mulctam ſibimet irrogantis.

1. Orationem dominicam & Angeli ſalutationem iam quinques recita.
2. Pſalmum quinquageſimum (Miſerere, &c.) paſſis brachijs, & lentè, mox pronuntia.
3. Precum hodie ſegniter omiſſarum neglectum, nunc compenſa.
4. Ob tale delictum iam toties repetitum, cenâ ſemel abſtine.
5. Carnis petulantiam, aut nunc ſtagro, aut cras mitiga cilicio.
6. Grauiora meritis, terram nouies oſculare, & ſepulchrû cogita.
7. Quia famæ aliorum detraxiſti, nunc tuæ detrahe pecuniæ, & tot ſeſtertios cras in ſtipem expende.
8. Pro ijs quos offendiſti hodie, craſtinâ tot preces perſolue.
9. Inter tot oculorum, linguæ, aurium, cordis & operis noxas, confeſſionis & Eucharistiæ ſacramenta, ad illum aut illum diem repete.

Hæc verò in ſpecimen duntaxat propoſui monſtrandæ rationi, quâ quis ſeipſum ut reum ſuo bono puniat, ſi quidem proficere cupiat ad virtutem. Alia atque alia pro grauitate aut numero culparum, alijs atque alijs diebus ſibi quiſque imperet. Ita quinque ſunt partes, ut iam demonſtratum eſt, veſpertina huius iudicij.

1. Age Deo gratias.
2. Pete lumen à Deo.
3. EXPENDE QUID PECCARIS.
4. Peccatorum veniam precare.
5. Emendationem quàm maximè ſeriam propone.

Sed quæſo te, Gerarde, dic etiam tu aliquid, ut duo ſimus: nolo mihi tradas omnes loquendi vices. GER. Si ita vis, Polychroni, loquar equidem, ſed contra te: multa hîc habeo obducere. Examen conſcientiæ multa ſunt quæ ſuadeant, neque id nego, ſed æquè multa ſunt quæ impediunt. Sit hoc genus ſacri ſtudij utiliſſimum, ſit



omnino necessarium, quàm id autem multis sit factu difficile, facilis coniectura est. POL. Age, Gerarde, aduersare quantum placet oppositionum plauistro non terrebis.

## CAP. VII.

## EXAMINI CONSCIENTIÆ

*Obijci solita diluuntur.*

GER. Optimè te dixisse affirmarem, si ad examen conscientiae instituendum, tantum mihi semper otij esset, quantum animis. POL. Itane verò, Gerarde, tam occupati sumus? tam non vacat, parare se cælo? Et quis nostrum æquè multis districtus est, atque fuerat rex Dauid? & tamen mediâ nocte surgebat, singulis noctibus conscientiam excutiebat, septies de die preces fundebat. Sunt hodièque optimates, principes, reges, qui quotidie vesperi multum temporis huic curæ impendunt. Illis hoc tempus superest, & nobis desit? præ illis nos in otio sumus, & vacamus. Et quod illud negotiorum aut occupationum genus tam variuin ac multiplex, vt ante salutem animi curandum sit? Et quamuis tempus deforet ad petendum cordis sui secretum vesperi, pars tamen studijs potius aliisue negotijs detrahenda esset, quàm omittendum illud. Adeo vilis est nobis animi salus? ecquid ei minus demus? pretiosissima gemma est Fama bona, at si hanc retinere non possum nisi volum, perdere conscientiam, dico liberè; abi Fama, abi, abi: mea mihi carior est conscientia. Et hinc illud Annæi libenter exaudio: Nemo, inquit, mihi videtur pluris æstimare virtutem, nemo illi magis esse deuotus, quàm qui boni viri famam perdidit, ne conscientiam perderet. Verè magnum & malus bonis omnibus est TRANQUILLITAS ANIMI. Tranquilla conscientia est, inquit Bernardus, quæ omnibus dulcis est, & nulli grauis, vtens amico ad gratiam inimico ad patientiam, cunctis ad beneuolentiam, & quibus potest ad beneficentiam. Huic comparandæ non ego partem horulæ libens quotidie impendam? Abite literæ, si non possim esse doctus, nisi simul sim impius, Abite. Quid mihi cum Grammaticorum libris, quando meæ conscientiae librum inspicere oportet? illi de literis, accentibus, syllabis, dispuccionibus altercantur, iste me vitij docet obistere. quid mihi syllabarum enarratio, verborum diligentia fabularum memoria, quid versuum lex ac modificatio, si me ipsum ignorem? Quid mihi cum historicorum, poetarum, philosophorum

phorum libris, qui non raro vana, ridicula, spinosa, incerta, falsa, ob-  
scœna propinant. Procul, ô procul omnes hos codices, si propter il-  
los conscientia meæ liber sit negligendus. Quid mihi medicorum,  
quid iurisperitorum aut theologorû volumina, si nequeam con-  
scientia meæ inextricabile volumen quotidie inspicere: illa alia  
febrim pellere, aut litem componere, aut religionem propagare  
me docent, at verò hic conscientia codex docet me quî in ipsum  
nosse possim, & melior fieri. Clarissimè de hoc Bernardus: Vni-  
cuique, ait, liber est sua conscientia, & ad hunc librum discuti-  
endum & emendandum omnes alij libri inuenti sunt. Anima verò  
cùm de corpore egreditur, nullum alium librum præter librum  
conscientia secum poterit portare, atque in illo cognoscet quò de-  
beat ire, vel quid debeat recipere. Ex his quæ scripta erunt in libris  
nostris, iudicabimur. Illos ergo aliorum scriptorum libros rei-  
cere non debeo, sed hunc quem Deus scripsit in corde meo, præ-  
ferre. Ergo cedant alij, cùm iste mihi legendus & corrigendus est.

a Bern. lib. de consc.

### §. I.

GER. Legendum hunc librum non nego, sed legendum in quie-  
te, procul turbis & strepitu. At impediri multos & turbari sæpius, fa-  
cile crediderim, & ego id domi meæ satis experior. Po L. Quæ de-  
mum hæc impedimenta, quæ turbæ? Si conscientia sit locus, vt  
plurimum aut fabulæ nos impediunt, aut somnus, nam ita quidem  
cenare solent, vt mensam inter fabulas claudant, vbi fabularum sa-  
tis est, iamque somnus inuitat, & ocelli nictant ac clauduntur, tum  
verò rectissimâ viâ itur ad lectum. Hic raptim vnòque tractu diffi-  
bulatur thorax, volat collare, excutiuntur pedibus soleæ, fluunt re-  
liquæ vestes omnes, ita denique excussis abiectisque lacinijs, vno  
saltu lectus insilitur, operitque suû Curtium mollis hic & plumeus  
hiatus. O festinationem alibi malam, hinc pessimam! quis ita ad  
scholam vti ad mensam, ad templum vti ad lectum, ad laborem vti  
ad soporem properat? an non prius figendi humi poplites, cælo  
manus attendendæ, preces ad Deum fundendæ, elapsæ diei acta  
omnia repetenda sunt? ita bestia somnum ineunt, vt vbi notû cubi-  
le obtinent, primo ingressu terræ affundantur, membrisque proie-  
ctis, corpore toto somnum admittant. Vincere has debet, qui homo  
esse vult, ne dicam Christianus, Catholicus, Religiosus. Somnus li-  
cet vrgeat ac inuitet blandissimè, morâ tamen is ferre & pati impe-  
rium potest; diurna licet fatigatio lectû monstret, & quietem anhe-  
let, illa tamen ad horulæ partem dilata non succumbet.



## §. II.

GER. At difficilis est lucta contra blandientem somnum; fatigato protracta quies, crux est maxima. POL. Sed obsecro cogitemus, mi Gerarde, quotiescunque serus nobis obtingit vespere, ad stare tutelarem Angelum, adesse cæli Reginam, Christum ipsam in aurem dicere illud: *Non potuisti vnâ horâ vigilare mecum?* Tunc has voces audies, & in lectum ac somnum corrues? Angelum custodem contemnes, Domini matrem repelles, Christum monentem negliges? Itane non possis vigilare, non dicam vnâ horâ, sed parte horulæ vel vnicâ, cum tuo & in gratiam tui Angeli, tuæ dominæ, tui Principis, imò in gratiam tuam, tuique animi? Quin ergo in te ipsum excandescens, his temet ipse verbis alloqueris: Excute noctem dormitator; causa tibi dicenda est; ades dum, iudici te sitte; præteritæ lucis facta, dicta, cogitata tecum expende: differ pauxillum somnum: libellos profanos remoue; fabellas inutiles abrumpe; cum Deo colloquere, diuina beneficia recale, noxas tuas inspice, & ingemisce, emendationem promitte. Nisi tecum ipse sic egeris, verè dicere poteris cum Tito, imò veriùs quàm Titus: **AMICI DIEM HVNC PERDIDI.** multum enim perdit, imò perdit omnia, qui nunquam ad calculos sedet, cui ratio expensi & accepti non constat: multum perdit, qui quod lucrari potest negligit, multum perdit, qui debita cum potest, non dissoluit. Talis omnino is est qui dies, & menses, & annos ita traducit, vt ephemeridas & diaria sua rarò, & non hallucinante & conuiunte oculo inspicat, qui quotidie plurimum delinquit, nihil dolet de delictis, beneficia plurima accipit, nec gratias agit pro acceptis, plurimam ad exercendas virtutes occasionem habet, nec hanc arripit, nec illas acquirit, stertit ad commoda sua, in perniciem suam vigilat. Tale quid omnino examen conscientie est: ephemeris est & diarium vitæ, in quod redigenda sunt omnia quæ facimus, loquimur, cogitamus: codicillus est tam peccatorum quæ ipsi committimus, quàm beneficiorum, quæ à Deo accipimus; stimulus & instrumentum est ad omnem virtutem aptissimum. Is verò nusquam est, qui rarò domi suæ est: facultates perdit, qui conficiendas rationes negligit.

## §. III.

GER. Hominis conscientiam suam fugientis & somniculosi personam cœpi agere, hanc sustinebo, dum missionem dederis, Polychroni, ex hoc theatro. Vis vt ignauorum pulcherrima dicta congeram?

congeram: tuum erit ea dissoluere. POL. Placet; audiamus. Sed verbis, Gerarde, vapulabis, prædico. GER. non recuso. vapulem ego, modò alij sentiant. POL. Ergo hoc dico: Vesperi domi tuæ sis, in teipsum descende; inquire in teipsum, rationes collige & dispunge. GER. Vellem, modò possem. POL. Pigrorum hic clypeus est. Sed tuas tibi voces reddo: posses modò velles. *Nolle* in causâ est: *non posse* prætenditur. quid enim? occupationes impediunt? at hæ differri possunt. negotia remorantur? vix hæc tanta erunt, ut horæ partem tibi non relinquunt. GER. At tot preces nimium sibi temporis petunt. POL. si somno, si desidîæ, si sphæriterijs, si confabulationibus, si discursationibus, si iocis, lusibus, symposijs temporis partem subtraheremus, esset quod animo, quod huic examini, quod Deo daremus. GER. At quandoquæ imperium heri aut iussa patrisfamilias obsistunt. POL. fac quod iuberis; sed hoc non omitte: Dei iussa potiora sunt quàm hominum. GER. Domesticis parendum est. POL. Pare illis, magis tamen, & ante omnia Deo. GER. At socij quietem obturbant. POL. Tu tibi pessimus es socius. quod si socius hic velit esse frugi, nemo intercedet. Hic ego panè idem insusurreim tibi quod olim Diogenes iuueni se secum loqui affirmanti, tacitè ingesserat: Vide necum malo homine loquaris. GER. At turbæ domesticæ mea me agere non sinunt. POL. Inter ipsas turbas, in medio vrbiuin fremitu brevis tibi solitudo quærenda est: animus sibi sit intentus, & nulla vox te tibi excutiet; omnia licet foris resonent, dum intus nihil tumultûs sit, dum inter se vagæ cogitationes non rixentur. nam quid prodest totius regionis silentiû, si affectus freinunt? GER. Commodus locus deest. POL. Non multum ad hoc locus confert, nisi se sibi præstet animus. qui secretum, & in occupationibus medijs si volet, habebit. GER. At vnde mihi cera vel seuum? candelæ defunt. POL. Huccine rerum deuenimus, ut etiam noctem accusemus? in tenebris teipsum melius reperiēs, & sincerius iudicabis, ut olim Areopagitæ. GER. At tempus est eundi cubitum, & lectus iam vocat. POL. Responde tu; post horæ partem te venturum, modò tibi esse quod cum Deo transigas. GER. At somnus inuitat. POL. Excute somnum, & caue venientem annuentibus oculis excipias. GER. Obrepat incauto. POL. rectè dicis incauto: cauere hanc posses & vincere, si velles. GER. At oculos ex insidijs inuadit, & reluctantes claudit. POL. Paruâ hîc lucta est, vbi hostis ceremonijs tam blandis recipitur. GER. At opprimat me & terræ affundit. POL. Nimirum cedentem ipsi



& volentem vinci. Si vir sis, surges, stabis, in genua procumbes, ambulabis, pectus tundes, suspiria ducēs, de debitis soluendis, de noxis eluendis cogitabis, non de somno, non de lecto, nisi de eo qui apud inferos damnatis sternitur è flammæ purpurâ.

## §. IV.

Et quæso quæ illa temeraria securitas, & exitiabilis locordia est, cubitum facessere & somnum capere cum letali peccato? Sati-  
us esset noctem illam insomnem ducere, aut virulentissimam vi-  
peram ad dormituri latus applicare, quàm ita in stratum se abijcere,  
vt si somni soror Mors lectum inuadat, à somno transeundum sit  
ad vigilias, sed ærumnosas, sed tartareas, sed æternas. Ah! audax  
& temerarium hominum genus!

Mirabatur Augustus Imp. olim, equitem Romanum ducentes  
H. S. hoc est, quinquaginta millia philippicorum a debuisse, & dor-  
mire potuisse: adeo illi creditorum voces somnum non rumpe-  
bant. Quare, vbi supellex mortui, voci præconis & hastæ subiecta  
est, ex omni eâ Imperator solum sibi emi voluit cervical, cui con-  
suesset indormire tantus debitor. <sup>b</sup> Et quæso quodnam cervical,  
quinam puluilli sunt isti, quænam hæ culcitæ, quæ hominem post  
contractam, nec prius deletam letalem noxam, securum iubeant  
somnum ducere, nisi extrema salutis incuria, cæli obliuio, inferorū  
irrisio, mortis incogitantia, impia denique vitæ securitas, & Numi-  
nis contemptus? Hæ sunt illæ culcitæ, hi puluilli quibus indor-  
miunt, qui conscientiam per diem læsâ, nec per nocturnâ prænitentiam  
sanatâ, plumis sese immersos sepeliunt, & soporem in altissimâ  
lucem deducunt. At hoc cum Deo ludere est, & cælo per iocum  
valedicere. Neque tamen intereâ talis à conscientie stimulis & vul-  
ture cor fodicante penitus liber aget; recursabunt subinde domesti-  
ci testes, & à suis conscientia furijs infestabitur, quibus quidem  
subinde se subducere, eas tamen nunquam poterit omnino effuge-  
re, nisi per vnicum & summè necessarium hoc amuletum, vesper-  
tinam conscientie censuram. Pulchrè & verè Minucius Felix con-  
tra idololatrias differens: Apud nos, inquit, & cogitare peccare est!  
Vos, conscios timetis, nos etiam conscientiam solam, sine quâ esse  
non possumus. neque enim conscientiam suam decipit, qui fallit  
alienam. <sup>c</sup> Et ô felicem illum qui eam sic tractat quotidie, vt nec  
aliorum elogia desideret, nec monitis egeat aut reprehensio-

<sup>a</sup> Seu 500000. philip.

<sup>b</sup> Macrob. lib. 2. Saturn. c. 4.

<sup>c</sup> Minuc. in Octau. proprijs finem.

nibus, dum eam factis mereri laudem conatur, quàm etsi ab alijs non impetret, à conscientia tamen nunquam non obtineat, dumque ijs seipsum obiurgationibus vrget, quas etsi ab alijs non audiat, hæ tamen occultæ ad emendationem sufficiant. *Gloria nostra hæc est. testimonium conscientia nostra.* a

a 2. Cor. c. 1. v. 12.

## §. V.

GER. At si quis diem optime expendit, & nihil inuolutum reperiatur? POL. Si dixerimus, quoniam peccatum non habemus, ipsi nos seducimus; & veritas non est in nobis. a Nemo nostrum non peccat, neque enim est homo qui non peccet, b homines sumus. Septies in die cadet iustus, & resurget. c Verum sit ita, nullos die aliquo næus tibi videaris contraxisse, non tamē ideo superfluous hic labor, qui eo suscipitur, non ut semper reperiatur culpanda, sed ne reperiatur. GER. Sed sicut stulticia est, venatum ducere inuitos canes, aut inuitos boues plaustro inducere, quemadmodum nauseanti stomacho cibum obtrudere non expedit, ita hic prorsus patem, inuicem succedere quod à nolentibus extorquetur. quid in nausea & fastidio vexanda conscientia? POL. Etiam ij qui inari se credunt, nauseant & euerfi stomachi tributum fideliter mari pendunt, neque tamen exceptam viam desinunt; progrediuntur, & spe contingendi portus solantur stomachum, contemnunt nauseam. Virtutis est euictis fastidijs inchoatum opus pertexere. Triumphat diabolus si eam inducat nauseam, ut à precibus abducatur. Nondum precari didicit, qui cædio cedit. Quod resistente fatigat, vincentem coronat. GER. At subinde ingens & monitorum impatiens obrepit cædium. POL. Vincendum est, & illud prius exequendum quàm conscientia. Si precari nolis, nisi voluptatem inde trahas, & velut mel lingas, multi quandoque dies sine precibus abibunt. Si vesperti plura non possis, dic corde, & ex animo: Deus propitius esto mihi peccatori. Aut: Miserere mei Deus secundum magnam misericordiam tuam; deinceps ero alius, o mi Deus. GER. Sed quid opus præterita in mentem reuocare? quæ quidem retro sunt obliuiscens: inquit Paulus, ad ea verò quæ sunt priora, extendo in seipsum. d POL. quàm hoc argutè! vana est, fateor, præteritorum memoria, si nulla eis, aut ex eis fieri possit medicina. Hic verò errorum cum dolore meminisse, est errores tollere. An non sapientissimè Seneca, de quo iam supra: Hoc nos, inquit, pessimos facit quod nemo

a Ioan. c. 1. v. 8. b 2. Par. c. 6. v. 36.

k 2

vitam

c Rom. c. 24. v. 16. d Bern. 120. e int. Dom. e Phil. c. 3. v. 13.



vitam suam respicit: quid facturi finus, cogitamus, & id rarò: quid fecerimus non cogitamus. atqui consilium futuri ex præterito venit. GER. At pauci sunt, puto, qui quotidianâ hac censurâ se no- tent, & peractam diem ad calculos reuocent. POL. Vox ista, PAUCI, tantum abest vt hîc terreat, vt etiam animet. Quoties proclamat Christus: Arcta est via ad vitam, & PAUCI inueniunt eam. Præstat cum paucis cælo recipi, quàm cum plurimis perire. GER. At durum est, seipsum reprehendere & reprehensum insuper pœnis coërcere. POL. Durum sit; at pulchrum est & vtile, & via recta ad vitæ sanctimoniam. Vis esse sanctus? Circa tuam vitam esto au- sterus, circa alienam autem benignus & mitis: Ignosce alijs pluri- ma, tibi nihil. Sed discussæ videntur pigrorum voces & querelæ. Ignauorum personam, Gerarde, insigniter egisti, dignus cui lucar, persoluam. Superest videre, quo fine conscientia sit vrgenda, aut quò potissimum in examine conscientiæ animus sit attendendus.

## CAP. VIII.

IN

## EXAMINE CONSCIENTIÆ

*Quò potissimum collineandum,*

ET

*Quanta humanæ voluntatis sit inconstantia.*

**L**Amijs aiunt exemptiles esse oculos, quos tunc primum fronti inferant, cum foràs prodeundum est. Lanius, Gerarde, sæpe imitatur, & domi nostræ ad nostra vitia malumus carere oculis, quàm ea cernere, & dolere: at verò cum ædes alienæ sunt pene- trandæ, cum vitia non nostra sese offerunt, tunc tales fronti oculos imponimus, vt suos videri possit mutuos dedisse serpens Epidau- rius. Hinc tam promptè vitiositatem alienam damnamus, quàm callidè excusamus nostram. Vitia nostra quia amamus, defendi- mus, & malumus excusare illa quàm excutere. Quid culpis va- na nomina præteximus, miseri, & deformitatem nostram au- gemus, elegantiam affectando inconstantissimam? Homines su- mus, miserijs, defectibus, vitijs ditissimi, & hoc vno nomine verè miserabiles, quia non tantum vitiosi, sed & in vitijs cernen- dis cæci sumus, plurimæque lippis oculis transimus quæ stirpitibus sunt

**sunt euellenda.** Oculatam hanc cæcitatem emendat **EXAMEN**  
**CONSCIËNTIÆ**, si eo quo debet instituatursine, qui ferè triplex.  
**Primus** vt culparum numerus decrescat, fiantque ex multis defe-  
**ctibus** pauciores, & paulatim nulli. **Alter**, vt errores antea magni,  
**transeant** in minores, & sensim, quantum id fieri potest, in nullos.  
**Tertius** ne semper sint ijdem: eandem enim culpam iterum ite-  
**rumque** ac sæpius repetere, eodémque luto hædere, magnæ foci-  
**diæ** argumentum est. Hic, Gerarde, hic Rhodus, hic saltus; hoc  
**opus**, hic labor, vt non solum **VELLE** nostrum, sed & **FACERE** vi-  
**res** habeat. Sæpe multa proponimus facturos, at opus inter obli-  
**uionem** & tædium subinde breuiter euanescit.

## §. I.

Vult & non vult piger, inquit Salomon. <sup>a</sup> Nouum hoc auditu,  
 & quod vix capi possit. Si enim vult, & quomodo non velle affir-  
 matur? quòd si non vult, quâ ratione velle asseritur? Hieronymus  
 eleganter in hæc verba differens: Imperare vult, inquit, cum Chri-  
 sto, non subesse pro Christo; præmium amat, non prælium. Vult  
 ergo desidiosus ille, victoriam sine prælio, coronam sine certami-  
 ne, sine luctu præmium, sine sudore gloriam. Vis, ô bone (te com-  
 pello, qui nunquam talem geris, qualem promittis) vis cælo admit-  
 ti? Volo. Vis pecuniam non tuam reddere? Non possum. Rectius  
 dixisses, Volo. Vis beatis adscribi? Volo. Vis vitij finem impo-  
 nere, peccandi occasiones fugere? Volo, sed nondum. Vis vitam  
 immortalẽ auspicari? Volo. Vis palinodiam canere, & ereptam  
 famam restituere? Non audeo. Vis Christo placere? Volo. Vis  
 inimico parcere? Nec possum, nec volo. Vis virtutes adipisci? Vo-  
 lo. Vis adipiscendis illis neruos intendere, industriam omnẽ adhi-  
 bere? Nimis hoc operosum est. En tibi, vult & non vult piger, simi-  
 limus Balaamo sic optanti: Moriatur anima mea morte iustorum,  
 & fiant nouissima mea horum similia. <sup>b</sup> Improbis erat Balaam,  
 proborum tamen obitu decedere volebat: in vitij vitam agere,  
 cum virtute mortem obire cupiebat. Perinde vt ille qui olim inter-  
 rogatus, vter esse mallet, Cræsus an Socrates? in vitâ, inquit, Cræ-  
 sus; in morte Socrates. Vult & non vult piger; finem optimum,  
 non item ea quæ ducunt ad finem. Deus per Isaiam de his graui-  
 simè questus: Me etiam, inquit, de die in diem quærunt, & scire  
 vias meas volunt, quasi gens quæ iustitiam fecerit, & iudicium Dei  
 sui non dereliquerit: rogant me iudicia iusticiæ, appropinquare



Deo volunt. Sed nolunt cum labore, sed nec vitia, quibus assueverunt, deferere volunt. Hoc verè & velle, & nolle est. Tu quisquis hanc notam subire non vis, esto firmus in viâ Domini. <sup>b</sup> Sed scholasticæ inconstantia clarum paradigma tibi nunc subijciam, è quo facile erit perspicere, quantum noceat inconstantia in corrigendis moribus, si ea sic oblit in discendis litteris.

a. Il. c. 58. v. 2. b. Eccli. c. 5. v. 12.

## §. II.

Cernimus quotannis adolescentibus non paucis in studiorum instauratione, toto virium complexu disciplinas arripi, chartarum integra volumina, quasi totos musarum campos exaraturi sint, parari, stilos centum, calamos sexcentos exacui, aures arrigi, magistros attendi, dicta bibi, dictata feribi, multa extra ordinem notari, lecti, tati, scriptitari, vigilari, & propè perugilari, denique tantum improbo labore promitti, ut iures, vno die, eademque horâ Corinthum peruenturos, tanto discendi cæstro percussi ad studium ingrediuntur. Sed ubi labor & opera sensim crescunt, prælectiones geminantur, scriptiones, disputationes, exercitationes duplicantur, ubi magister vel poematis condendi hypothesein subijcit, vel orationi struendæ quæstionem proponit, vel suorum auditorum ingenia periclitari & tentare incipit, & nunc latinæ, nunc græcæ, nunc solutæ, nunc ligatæ scripturæ pensum exigit, iubetque suo quemque Marte quæ dicenda inuenire, inuenta loco & ordine componere, composita perpolire, tum discipulus in museo domi quærere, hærere, vngues rodere, caput scabere, libellos volvere, nihil reperire, fastidire, proijcere, surgere, testudinem aut chelyn arripere, fides tentare, an melius quàm libri respondeant: aut si indoctus lyra, pilam, vel lusorias chartulas promere, numos deponere, calicem, ducere, potare, ludere, ridere, dormire, & pro armis virisque canere.

Tityre tu patula stertens sub tegmine plûmæ.

Nec corpus leuare, donec clarum manè fenestras intret, & in lecto pandiculantem oscitantemque deprehendat. Siccine itur ad astra, o adolescentes, hoc studere est? hoc sudare, algere, vincere? Quid deinde cum in gymnasio classica canunt? Musis magistrisque morbos excusare, pedes, caput, dentes, oculos dolere; negotia prætere, heros, populares, parentes, ne ferulam subeant, adducere, de litteris & progressu nihil curare, alia omnia cogitare, imò desperare.

rare. Ita qui primis mensibus Cleanthes omnes & Demosthenes superaturi videbantur, tertio, quarto, quinto, & sequentibus, fracti animis, & luxu abducti, lurcones fiunt, Endymiones imitantur, glires ignaviâ vincunt. Nimirum, aliud est incipere, aliud incepto non abire: felix principium ducere, & finem non disparem subiungere. En, Gerarde, quàm breuî tempore scholasticus hic feruor elanguescat! Idem in moribus est obseruare. Par enim ferè ratio est vitæ & virtutis, piorumque operum & litterariæ palæstræ. Et quamquam hæc, quæ in bonis artibus inconstantia, ingens detrimentum inferat, tanti tamen non est, quanti ea, quæ in bonis moribus. A litteris cessare, tametsi turpe adolescenti, cuius hoc vnum est studium vt studeat, in eo tamen fortunæ Græciæ sitæ non sunt, non vita, non salus, non beata ac perennis immortalitas hîc periclitatur. Absque librorum comitatu viam ad cælum reperies, sed non absque virtute, vitæ sanctitate, morum innocentia; cuius elegantiam si corrumpas, & ab integritate deficias, simul spem & rem, & omnia perdas. Hîc opus constantia.

## §. III.

Verùm, ô quoties optimis desiderijs turgemus, velut prægnantes ac facti copiosâ prole videmur mira parituri, magnam morum emendationem, & seriam ad Deum conuersionem: tandem turpiter abortimus, & auram atque ventum parimus. Statuimus grandia, & nihil fit; promittimus multa, & æquè nihil fit. sancta sunt quidem proposita nostra, sed nullum sortiuntur effectum; proles abortiuæ quæ lucem non aspiciunt, sed ante partum extinguuntur. Iuramus Deo, hæc, & hæc & hæc etiam non ampliùs facturos, sed breuî frigefcente hoc iuramento redimus ad eiuratas sordes. Laudatur Israël's populus ab hoc facto: iuraueruntque Domino voce magnâ in iubilo & clangore tubæ; & in sonitu buccinarum, omnes qui erant in Iudâ, cum execratione: in omni enim corde suo iurauerunt, & in totâ voluntate suâ quæsierunt eum, & inuenerunt. a Iurant multi, sed non in omni corde suo; quærent Deum, sed non in totâ voluntate suâ; damnant peccatum, sed non cum execratione. nec istud seriò & ex animo detestantur, hinc facilis ad illud regressus. Agyptio tyranno Pharaoni simillimi sumus, hac tantâ voluntatis inconstantia. Quoties improbus ille ingemiscens: Peccaui, ait, in Dominum Deum vestrum, & in vos. Sed nunc dimitte peccatum mihi, etiam hæc dico. b Sunt qui sæpius in anno,



confessione piaculari se lustrent, eadem tamen vitia plerumque referant, & illud *etiam hac vice* sexcenties occentatum, identidem adhuc ingeminent, *etiam hac vice*. Condonat illis Deus delicta, *etiam hac vice*, sed illi ad ingenium redeunt *etiam hac vice*, & condonatam culpam omnem repetunt *vicibus innumeris*. Monuit quidem Pharaonem Moyses, & : Veruntamen, inquit, noli vltra fallere, vt non dimittas populum sacrificare Domino. *a* Veruntamen fefellit vltra non semel, sed sæpius. Monet & nos sacerdos auctoritate diuinâ : Veruntamen noli vltra fallere, vt toties repetita, & quæ pridem emendasse oportuit, repetas : Ecce sanus factus es ; iam noli peccare, ne deterius tibi aliquid contingat. *b*

At nos post paucos dies, post pauculas sæpe horas, & vltra fallimus, & noxas sexcenties condonatas repetimus, millies sanati, nos ipsos iterum iterumque vulneramus, & quicquid demum nobis accidat, ex integro animosè peccamus. O volubilem rotam, ô globum erraticum humanæ voluntatis ! Lunam mutabilitate vincimus, & modò tam nobis promptum est *Nolle*, quàm erat antea *Velle*.

*a* Exod. c. 8. v. 29. *b* Ioan. c. 5. v. 14.

#### §. IV.

Insistendum est cœptis, ne desit manus vltima ; vrgenda sunt\* sanctiora proposita ; magnis conatibus agendum vt in opus exeat, quod pulchrum erat statuere. Clauum per parietem adacturus, non cum semel duntaxat iterumque malleo leniter ferit, sed tamdiu ictus ingeminat, ac toties reducit malleum in caput clauī, dum is totus asserem penetrarit, & iam fixus firmusque hæreat. Ita non satis est qualecunque propositum obtinendæ virtuti. Proposuisse, ô mortales, non sufficit, vlteriùs tendendum est, & proposita persequenda. Parum est statuisse *facere*, nisi cum licuit, *fecisse* constet quod fuerat statutum. Eò spectet quotidianus conatus, vt è rebus omnibus quæ cernuntur, audiuntur, leguntur, cogitantur, maius atque maius in dies eruatur peccati odium. Hoc quantò magis creuerit, tantò feliciore incremento se prodet Virtus. Atque vt his vestigij stenacius insistamus, hoc sibi quisque certissimū periuadeat, si in libræ lancem vnā mala & supplicia simul omnia, quotquot adhuc ab Orbe condito fuerunt, si egestas, si æruinæ, carcer, catenæ, si cruces, rotæ, ignes, si membrorum lacerationes, si morbi, dedecus, dolores, si mors, si omnes humanæ vitæ formidines, si vniuersi inferorum cruciatus, in vnā, inquam, lancem componantur, in alteram verò vnū atque vnicū letale peccatum immitta.

immittatur, ab hoc vnico, illa prorsus omnia, immani pondere superanda. Eheu! ô Iesv iniamantissime! Et nobis tamen iocus est, peccato letali se obstringere. Parum est cæcos nos appellari, insanisumus, & cum insanientibus furimus. Atque vt nos ipsos amplissimè decipiamus, benignè persuademur, ad animi salutem satis id esse, si vel olim valetudinem redituros statuamus. Perinde atque si omnia vitæ nostræ momenta nostri sint arbitrij, vt quamdiu lubuerit, liceat insanire, & tum demum ad bonam mentem redire, cùm visum nobis fuerit, insaniam desinere. Ah! miseri, quid voluptatis est, sic eruditè falli, & solis se solari propositis? Qui nunc inodus peccatorum est, olim & suppliciorum erit.

a Ita Ludou. Granat. l. 2. Duc. Peccat. c. 3

## §. V.

GER. Liceat interfari. Bene proponere, & nunquam exequi, aut malè, cùm obliuionis, tum imbecillitatis humanæ signa sunt. POL. Verum te dicere credam, si addas, cùm pigritiæ tum malitiæ probra sunt. Aliquid, non negem, boni propositi decerpit obliuio, aliquid imbecillitas hominis & corruptior natura: non minus tamen honestum propositum subuertit pigritia; nequitia verò plurimum. Hinc mensibus, hinc annis singulis eadem atque eadem vitia, sæpe plura & grauiora ad sacerdotis aures redeunt, quia licet bene incipiamus, cœptis tamen desumus, aut nouo languore victi, aut veteri peruersitate.

Apologum tibi recitabo sapienter factum, in nostrorum propositorum vanitatē. Lupo in caulâ deprehenso mortem minatus est opilio. Lupus ad dolosæ facundiæ artes confugiens: Mi Domine, inquit, non redibo huc ampliùs, sed & greges tui posthac à me tutissimi erunt. ita promitto, ita spondeo, & fidem meam do. Cui pastor: non me, inquit, decipies nequissima bestia. & verò tunc non redibis ampliùs, cùm te iugulauero. nimis crebrò fefellisti fidem. Et cur ego tibi parcereim, cui non satis est meos agnos & oues in campis lacerare, sed & in stabulum clam subrepere, & solâ nocendi libidine, fame non vrgente, insontes pecudes discerpere. Nunc lues, non parco, Ad hanc vocem lupo: Agnosco, inquit, mi Domine vecordiam meam. & quid vis? habes confitentem reum, sed quem nequitiae suæ pœniteat ex animo. & patieris, scio, me bonum fieri. deinceps alijs viuam moribus, nec quidquam rapiam, nisi cōgente fame. & licet dira me fames coegerit, non tamen nisi septem obolos cenabo.



Morus pastor tam sincerâ confessione, tamque amplâ pollicitatione: Ergo abi, inquit, sed memento te vitam liberalitati meæ debere: vide stes promissis.

Abiit lupus; & iam dulcius ei erat viuere, post hanc vitæ factam gratiam. In itinere secum meditatur frugaliorem abstinentiam, & mensam septem obolorum. dumque cogitationibusmersus lentiore passu progreditur, en tibi veruex pinguiſſimus venit obuiam. O nimium potentes illecebræ! quis hic tam lapis sit, vt dentes saluâ natantes substringat? Ergone, inquit lupus, mihi vltro prandium occurrit? nefas videtur fortunam tam propitiam non salutare. Sed quâ palpum obtrudam opilioni in ius trahenti? quo nomine hanc culpam purgabo, si fidem frangam, si fœdus negligam? Ponamus ergo rationes: iste veruex, nihil valet: ego certè illum non emerim tribus obolis. hoc tantum triobolare est prandium. itaque prandere non differo. mox veruecem inuasit, discerpſit, deuorauit. Altero ab hoc die bouem & vnâ pascualem vitulum habuit obuium. Hic lupus priore facinore iam audacior: bene est, inquit, bos iste quatuor obolis cenſeri potest, vitulus tribus. hac ratione tota cena septem obolos non excedet. Hoc ioco & istud scelus prætexuit. Quid tibi videtur, Gerarde, an non mutato nomine de nobis fabula cantatur? An non multi sub humanâ specie lupo illi paria faciunt? Hos vbi arcanus iudex, sacerdos cauere iubet; exitium æternum his talibus imminere, ipsi omnia se facturos recipiunt; ille furtum, hic crapulam, iste adulterium detestatur: crederes eos iurare in leges sanctimoniz. Sed enim quid iam? pauculi dies abeunt, redeunt occasiones pristinz delinquendi, inuitant socij, blanditur caro, cacodæmon instigat; ita miseri paulatim audent antiqua omnia, & ne conscientia vehementius reclamet, repetitam culpam, vt lupus, varijs pigmentis extenuant. Est qui ad popinam aur choreas inuitet. Cui alter: comitarer, inquit, ni promississem, eò loci me non rediturum. Mox prior: Non, inquit, tabernam, sed crapulam, sed luxuriam inter prohibita numeremus. mens subinde à serijs auocanda est: eamus. Itur, & in seram noctem bibitur, dum

iam Vertigine tellum

Ambulet, & geminus exurgat mensa lucernis. 2

Multò latentiùs libido sollicitat; tenuissimis sæpe principijs inſerpiſit animo. Munuscula, cantiunculæ, epistoliz, picturæ & libelli molliores

molliores placere incipiunt : laudatur aliena forma, colloquia quærentur petulantiora, & insidiosa blandimenta aurium, & quò præuolant oculi, paullatim sequuntur manus. ita demum omne castimonie propositum corrumpit. Ita in alijs etiam vacillamus, & animi nostri decreta ipsi facillimè conuellimus.

## §. VI.

Hunc Iusum Hebræi millies luserunt cum Deo. quantam sapius promiserunt obedientiam : mox ad ingenium redierunt, & ad iam notam perfidiam : Cito fecerunt, obliui sunt operum eius, & non sustinuerunt consilium eius. a Cùm hostis hæreret à tergo, cùm serpentes ignei morderent, cùm varia eos necessitas premeret, quantis clamoribus apud Deum egerunt, vt seruarietur : Et clamauerunt ad Dominum cùm tribularentur, & de necessitatibus eorum eripuit eos, b Nihilominus : Exacerbauerunt eloquia Dei, & consilium Altissimi irritauerunt. tales post correctionem, quales antea. Ab hac tam flagitiosâ inconstantia non multum nos abludimus; nihilum frequenter Iudæi sumus. In morbo, vitiorum omnium inimici videri possumus : at vbi morbus valedixit, nos sensim cum vitijs in gratiam redimus, postliminio morbi, nouam iungimus amicitiam cum antiquâ Superbiâ, aut Libidine, aut Auariâ. Si facerent sani, quæ facturos statuunt ægroti, breuî Christianus Orbis faciem indueret meliorem.

Videns Pharaos quòd cessasset pluuia, & grando, & tonitrua; auxit peccatum. c Ita nos, cùm aduersis vrgemur, grande odium indicimus peccatis: cùm redit fortunæ serenitas, hilari cachinno peccatum resalutamus, & hostem toties eiectum, largiore, quàm antea, beneuolentiâ recipimus. Et hoc est non tantum parentum suorum, aut sui nominis obliuisci, vt Messala Coruinus, sed sui ipsius, quæ omnium est damnosissima obliuio.

Hebræis inter alia monimenta plurima, & fimbriæ violaceæ erant in veste, ne sui ipsorum Dei que obliuiscerentur. Ita Deus Mosi : Recordentur, inquit, omnium mandatorum Domini, nec sequantur cogitationes suas & oculos, per varias res fornicantes : sed magis memores præceptorum Domini, faciant ea, sintque sancti Deo suo. d Ilaias : His, inquit, qui habitaauerint coram Domino, erit negotiatio eius, & manducant in saturitate, & vestiantur, & que ad vetustatem. e Pœnitentiâ & sanctioris vitæ desiderijs

a Psal. 105. v. 13. b Psal. 106. v. 6. 13. 19. 28. c Exod. c. 9. v. 34.

d Num. c. 15. v. 38. &c. e 11. c. 23. v. ult.



desiderijs sapius bene vestimur, sed non *&sq;ue ad Getuflatem*. Non licet per nos his vestibus ad senium pertingere: vix eas induimus, innox petulanti manu laceramus. Inde meritò nobis obijcitur: *& nescis, quia tu es miser, & miserabilis, & pauper, & cecus, & miedus.* a Petulantia tuæ age gratias, quòd optimam vestem innocentia tam citò lacerâris, & hoc egeris, vt iam virtutum indumentis careas. Ita post initia sæpe bona, progressus malus, pessimus exitus.

a Apoc. c. 3. v. 17.

## §. VII.

Ah! quæ nostra est hodie rerum gerendarum inconstantia! Non sic, quicumque vllâ in re clari magnique fuere, sese tractauere. Philosophiæ princeps euasit ille Stagirita, sed viginti totos annos audiuit Platonem. Cèlebrati Pythagorèi, sed annis pluribus tacere prius quàm loqui didicere, quanquam rectius semper tacuissent, quàm post multos etiam annos ita locuti. Laudatur hodie Apelles, sed nullum abire diem sine ductâ lineâ passus est. Agesilai dictum mihi summoperè semper placuit. Hic admonitus, ipse sibi parceret ob incertam fortunam: at ego, inquit, inuisum assuefacio, vt in nullâ mutatione admittam mutationem.

Iusserat Dionysius, notus ille ab Sicilia tyrannus, vt omnes qui conuiuio interessent, in veste purpureâ saltarent. Recusauit Plato id facere, neque enim philosopho hoc tale vestimentum conuenire. At verò Aristippus & vestem eam induit, & imperatas choreas ingressus: Qui verè, inquit, pudicus est, nec inter bacchanalia corrumpitur. Vterque Christianè & constanter, iste dicendo, ille faciendo.

Atqui hæc ego profanis relinquo. In Christianâ Republicâ, Superi, quæ constantia suppeditant exempla? tacebo veteris memorie Abrahams, Iacobos, Moses, Iosephos, Iobos, Tobias, Iudithas. Paulum nostrum, Ecclesiæ columen, gloriantem audi, qui immensis laborum, ærumnarum, periculorum malis terrâ marique exantlatis exclamat: Cursum consummaui, fidem seruaui, de reliquo reposita est mihi corona iustitiæ, quam reddet mihi Dominus, in illâ die iustus iudex.

Fortissimas innumerabilium martyrum legiones, ad mortem & vltima supplicia decertantes intueri, ô vagi & inconstantis animi homo. Anachoretarum patientiam constantiamque vix credendam contemplare, videbis multos ad quinquagesimum, octogesimalium, centesimalium annum in summâ vitæ egestate, penuriâ, asperitate,

asperitate, labore, æstu, frigore, siti, fame constantissimè perdurasse. Noti nobis Pauli, Antonij, Macarij, Hilariones, Simeones, Danielles Stylitæ, quorum æternæ stationes, esuritiones, precationes, peruigilia omnem omnium sæculorum posteritatem in admirationem summam adducunt. Hæc magna, hæc præclara, hæc diuina sunt. Nos ægrè subinde per cineralia, per mensem, per diem, ne dicam per horam, prauos animi affectus in officio contineamus. Ita sæpe quidem inchoamus, initium ducimus, facienda destinamus, sed destinatis non insistimus. Non tantum in fine, sed & ante finem corrumpimus. <sup>a</sup>

<sup>a</sup> Psal. 74. v. 1. seu tit.

### §. VIII.

Hic te, Gerarde, velim esse prolixæ patientiæ. Nihil hîc nimium dicitur, quia, quod dicitur, vix vlli satis creditur; nil nimium inculcatur, ea est huius morbi pertinacia & malignitas. Et plerique omnes hoc malo corripimur: Sumus promissores grandi hiatus, hostes nostros debellamus super mensam vno halitu, at vbi constanti conatu & ardore progrediendum est, terga vertimus, & laborem exosi reuoluimur ad eandem segnitiam. Nosti quid dicat Thomas à Kempis: O quanta fragilitas humana, quæ semper prona est ad vitia! Hodie confiteris peccata tua, & cras iterum perpetras. Nunc proponis cauere, & post horam agis, quasi nihil proposuisses. <sup>a</sup>

Fingebant prisca Tithonum immortali æuo ab Aurorâ donatum, eum tamen & senuisse & defecisse; in cicadam denique mutatum esse. Et nos quandoque propositis nostris immortales nobis videmur & æterni. Est cum & nostrum quis audet has voces iactare: Non mouebor in æternum. <sup>b</sup> Ita Dauid tot victorijs clarus: Dixi, inquit, in abundantia meâ non mouebor in æternum. At mox subiecit: Auertisti faciem tuam à me, & factus sum conturbatus. Paulo antè serenitas, lux, decus, felicitas me circumdebant; fortissimus mihi videbar, & maximarum virium. Sed heu, robur hoc meum, à me non erat, à Deo erat: vertit ille se, & ego iam leui ventulo impugnor & deijcior. Princeps ille Apostolorum quantus erat ante pugnam, & quàm ingentibus promissis alacer: etiamsi oportuerit, inquit, me mori tecum, non te negabo. <sup>c</sup> Vix abierunt tres horulæ: cum iam plenus trepidatione, & ad ancillæ sibilum, exterritus, timidissimas voces spargit: Non sum, non noui hunc hominem, nescio quid dicis. Et ceteri quid? dilapsi sunt, fugerunt, latebras

<sup>a</sup> Imit. Christi l. 1. c. 22. n. 6.

<sup>b</sup> Psal. 29. v. 7. & 9.

<sup>c</sup> Matth. c. 26. v. 55. & 36.



latebras quæsiuerunt. Sed an non omnes in mortis societatem cum Domino coniurârunt? ita prorsus: *Similiter & omnes discipuli dixerunt.* <sup>a</sup> Sed aliud est dicere, aliud facere, aliud proponere, aliud quæ proposueris, in opus producere. Et ne miremur adeo sibi dissimiles fuisse discipulos Domini intra pauculas horas. Mortui erant & VIGILARE & ORARE; neutrum fecerunt hinc in pugna victi, quia ante pugnam imparati. Mala in pace securitas, incertam facit in bello victoriam.

Dicere solebat Cato: illum sibi militem, omnium minimè probari, qui ambulans manus moueret, pugnans pedes, clariùsque sterneret quàm inclamaret. Nunquid, Gerarde, nos tales sumus? qui antequam in conspectum hostis veniamus, grandia spiramus factura, & pænè iam cælum rapiunt magna proponendo: At ubi comminus salutandus hostis, ubi ardua fortitudinem, dura patientiam, abiecta submissionem, illecebrosa continentiam nostram desiderant, hem, non iam manus, sed pedes agitamur, & imbelli fugâ præcipites abimus ad impatientiam, ad Languorem, & Fastum, ad Luxuriam. O athlethas! ô milites, qui hostes suos inter pocula exartant! Non coronabitur, nisi qui legitimè certauerit. <sup>b</sup> At neminis vilius certamen legitimum fuisse dixeris, quod ad finem debitum non fuerit perductum.

<sup>a</sup> Matth. c. 26. v. 55. & 56. <sup>b</sup> 2. Tim. 2. v. 51

### §. IX.

Arbor, quamvis primo verè in frondes sese induat, florè triumphet, fructusque vberrimos polliceatur, nisi tamen ad maturitatem baccas prouehat, aut speratum cultori potum largiatur, inutilis habetur ac penitus extirpatur: Vites quamvis gemmantès spem lætam vinitori ostendant, nisi mites vuarum botros educerint, à radicibus conuulsæ Vulcanio consecrantur: Architectus quamvis alta palatiorum turriumque fundamenta rectè iaciat, substructiones inoliatur, parietes erigat, si deficiat in tecto, exponit se ludibrio. Par ferè ratio vitæ & virtutis; frondemus, floremus, fructus spondemus, nullos damus; fundamenta iacimus, sed domum ad tecti fastigium non perducimus; Cum Oratoribus sæpe exordimur; cum nautis sæpe vela damus, sed ingruente procellâ, ad littus, unde soluti sumus, redimus; carceribus euolamus cum cursoribus, sed medio in cursu frangimur, languemus, labimur, lacemus. Primus & vltimus est Cacodæmonis aries quem admouet, ut à bene cœptis

ceptis retardet, vbi hoc impetrauit, sensim sine sensu ad alia atque alia, & semper ad deteriora pertrahit. ita quouis die si non peiores, ad malum certè prouiores euadimus, nisi cœpta constantissimè vigeamus.

Quoties victrices manus cum Mose tollimus, <sup>a</sup> sed mox ad primam fatigationem, victas iterum demittimus, sic nunquam seriò vincimus. Heu vitam consumimus ædificando, destruendo, & saxum Sisyphi voluendo, quod vbi ad montis vmbilicum ascendit, quasi pœnitens tam ardui itineris, repentino lapsu ad inum reuoluitur. Ita nos identidem post breuem pietatem ad inolitas consuetudines reuertimur, velut diuturnioris sanctimoniz iurati hostes. Ita Penelopes telam semper teximus, ac reteximus; ita omnis ætas elabatur incipiendo, & nunquam finiendo.

Lædetur, inquit Iobus, quasi vinea, in primo flore botrus eius, & quasi oliua projiciens florem suum. <sup>b</sup> Flos oliuæ delicatissimus, quamcunque cæli iniuriam non sine grandi damno accipit. Reflorescimus nos, velut oliua, quoties peccasse ingemiscimus, & mores emendatiores promittimus; at vbi vel strictior malignæ impugnationis, vel mollior amœnæ occasionis aura nos tangit, mox omnè floris opulentiam excutimus, arbores nimis delicatæ. quæcunque temporis iniuria aut vicissitudo vrere nos aut deijcere potest. Vide mihi Daniele m vatem quotidie ter constantissimè orantem. non eum æmulorum insidiæ, non leges regiæ, non capitis periculum ab hoc vitæ instituto poterat abstertere. ita decreuerat facere, & quod rectè à se decretum fuerat, in eo constantissimè mente censuit esse perseverandum. Nos crebrò decernimus piè vivere, sed decretis nostris non diu, non pertinaciter inhæremus, corpus habemus, sed nervos non habemus: sidera sumus, sed errantia; manus quidem aratro, sed oculi tergo inhærent. Nimirum stultus sicut luna mutatur: homo autem sanctus in sapientiâ manet sicut sol. <sup>c</sup> Vox illa prisci de Christianis hæc verissima est: Mane psalterium, meridie conuiuium, vesperi conuiuium & propudium. Nimirum his gradibus ad cælum nos ascensuros somniamus. Sic stulti sumus vt cum spiritu cœperimus, carne consummemur. <sup>d</sup> Non sic, ô Christiani, non sic ad alta peruenitur; hoc non est ascendere. Attendite vobis, in disciplinâ perseverare; <sup>e</sup> est facilis descensus Auerni. Qui in viâ ad Æternitatem non continuò ascendit,

<sup>a</sup> Exod. c. 17. v. 11. <sup>b</sup> Iob. c. 15. v. 12. <sup>c</sup> Eccle. c. 27. v. 12.

<sup>d</sup> Gal. 2. 3. v. 3. <sup>e</sup> Heb. c. 12. v. 7.



latebras quæsiuerunt. Sed an non omnes in mortis societatem cum Domino coniurârunt? ita prorsus: *Similiter & omnes discipuli dixerunt.* <sup>a</sup> Sed aliud est dicere, aliud facere; aliud proponere, aliud quæ proposueris, in opus producere. Et ne miremur adeo sibi dissimiles fuisse discipulos Domini intra pauculas horas. Mortui erant & VIGILARE & ORARE; neutrum fecerunt hinc in pugna victi, quia ante pugnam imparati. Mala in pace securitas, incertam facit in bello victoriam.

Dicere solebat Cato: illum sibi militem, omnium minimè probari, qui ambulans manus moueret, pugnans pedes, clariùsque itereretur quàm inclamaret. Nunquid, Gerarde, nos tales sumus? qui antequam in conspectum hostis veniamus, grandia spiramus facinora, & pænè iam cælum rapimus magna proponendo: At vbi còminus salutandus hostis, vbi ardua fortitudinè, dura patientiam, abiecta submissionem, illecebrosa continentiam nostram desiderant, hem, non iam manus, sed pedes agitamur, & imbelli fugâ præcipientes abimus ad impatientiam, ad Languorem, & Fastum, ad Luxuriam. O athlethas! ô milites, qui hostes suos inter pocula exartant! Non coronabitur, nisi qui legitimè certauerit. <sup>b</sup> At neminis vllius certamen legitimum fuisse dixeris, quod ad finem debitum non fuerit perductum.

<sup>a</sup> Math. c. 26. v. 55. & 56. <sup>b</sup> 2. Tim. 2. v. 51

### §. IX.

Arbor, quatinus primò verè in frondes sese induat, florè triumphet, fructusque vberrimos polliceatur, nisi tamen ad maturitatem baccas prouehat, aut speratum cultori pomum largiatur, inutilis habetur ac penitus extirpatur: Vites quatinus gemmantès spem lætam vinitori ostendant, nisi mites vuarum botros educerit, à radicibus conuulsæ Vulcanio consecrantur: Architectus quatinus alta palatiorum turriumque fundamenta rectè iaciat, substructio- nes molitur, parietes erigat, si deficiat in tecto, exponit se ludibrio. Par ferè ratio vitæ & virtutis; frondeamus, floremus, fructus spondemus, nullos damus; fundamenta iacimus, sed domum ad tecti fastigium non perducimus; Cum Oratoribus sæpe exordimur; cum nautis sæpe vela damus, sed ingruente procellâ, ad littus, unde solutimus, redimus; carceribus euolamus cum cursoribus, sed medio in cursu frangimur, languemus, labimur, iacemus. Primus & vltimus est Cacodæmonis aries quem admouet, ut à beneceptis

ceptis retardet, vbi hoc impetrauit, sensim sine sensu ad alia atque alia, & semper ad deteriora pertrahit. ita quouis die si non peiores, ad malum certè proniores euadimus, nisi cœpta constantissimè vergeamus.

Quoties victrices manus cum Mose tollimus, <sup>a</sup> sed mox ad primam fatigationem, victas iterum demittimus, sic nunquam seriò vincimus. Heu vitam consumimus ædificando, destruendo, & saxum Sisyphi voluendo, quod vbi ad montis vmbilicum ascendit, quasi pœnitens tam ardui itineris, repentino lapsu ad imum reuoluitur. Ita nos identidem post breuem pietatem ad inolitas consuetudines reuertimur, velut diuturnioris sanctimonix iurati hostes. Ita Penelopes telam semper teximus, ac reteximus; ita omnis ætas elabitur incipiendo, & nunquam finiendo.

Lædetur, inquit Iobus, quasi vinea, in primo flore botrus eius, & quasi oliua proijciens florem suum. <sup>b</sup> Flos oliuæ delicatissimus, quamcunque cæli iniuriam non sine grandi damno accipit. Reflorescimus nos, velut oliua, quoties peccasse ingemiscimus, & mores emendatiores promittimus; at vbi vel strictior malignæ impugnationis, vel mollior amcenæ occasionis aura nos tangit, mox omnè floris opulentiam excutimus, arbores nimis delicatæ. quæcunque temporis iniuria aut vicissitudo vrere nos aut deicere potest. Vide mihi Daniele m vatem quotidie ter constantissimè orantem. non eum æmulatorum insidiæ, non leges regiæ, non capitis periculum ab hoc vitæ instituto poterat abstertere. ita decreuerat facere, & quod rectè à se decretum fuerat, in eo constantissimà mente censuit esse perseverandum. Nos crebrò decernimus piè vivere, sed decretis nostris non diu, non pertinaciter inhæremus, corpus habemus, sed neruos non habemus: sidera sumus, sed errantia; manus quidem aratro, sed oculi tergo inhærent. Nimirum stultus sicut luna inutatur: homo autem sanctus in sapientiâ manet sicut sol. <sup>c</sup> Vox illa prisci de Christianis hîc verissima est: Manè psalterium, meridiè conuiuium, vesperti cœnitium & propudium. Nimirum his gradibus ad cælum nos ascensuros somniamus. Sic stulti sumus vt cum spiritu cœperimus, carne consummemur. <sup>d</sup> Non sic, ô Christiani, non sic ad alta peruenitur; hoc non est ascendere. Attendite vobis, in disciplinâ perseverare; <sup>e</sup> est facilis descensus Auerni. Qui in viâ ad Æternitatem non continuò ascendit,

<sup>a</sup> Exod. c. 17. v. 17. <sup>b</sup> Iob. c. 15. v. 13. <sup>c</sup> Eccli. c. 27. v. 12.

<sup>d</sup> Gal. c. 3. v. 3. <sup>e</sup> Heb. c. 12. v. 7.



dit, atque de die in diem proficit, is sanè in decline fertur, & de die in diem deficit. In Dei obsequio non progredi, est regredi. Quatuor animalia illa Ezechieli visa, illuc gradiebantur, quò spiritus impetu ferebantur, & non reuertebantur. <sup>a</sup> In hoc itinere velle consistere, est velle reuerti. Luna crescit, dum ad plenum orbem distendat, flumina currunt dum in mare se prouoluunt, ascendit ignis dum ad suam sphaeram pertingat. Sic omnino dum viuimus, necessum est crescere, currere, ascendere constanti Virtutis cultu. Aristotele monitore, ad virtutem requiritur: firmiter & immobiler operari. <sup>b</sup> Qui monitis his parent, ibunt de virtute in virtutem. <sup>c</sup>

<sup>a</sup> Ezech. c. i. v. 12. <sup>b</sup> Ethic. c. 4. <sup>c</sup> Psal. 83. v. 8.

### §. X.

GER. Optimè dicis, Polychroni, & verissimè dicis. Sed quicquid dicas; Homines sumus, qui ad assueta vsque & vsque, & vsque relabimur. & quàm facile est conquiniscere, cum sic somnus vrget. POL. Hoc ipsum nos vrgeat vt hunc animi lethargum acrius expellamus, cum ille nos tam nullâ vi vincat. Si minus huic hosti pateremus, esset aliqua cessationi nostræ venia, nunc verò cum constet, nihil nobis facilius esse quàm à bene coeptis deficere, & malè agere, quid est quod adeò in nostram perniciem torpeamus? An genium nostræ voluntatis ignoramus? quæ vbi virtutis consortium declinare incipit, in vitiorum amicitiam mox transit. Putei situlam mihi considera. hæc etsi iam ad supremum os fontis ascenderit, si tamen manu ab eâ retinendâ subducas, mox impetu deorsum ruit in ignam scaturiginem: ita voluntas nostra sibimet permissa, sine duce ruit in vitium, pænè in dies aut peior aut certè ad bonum remissior. Idcirco illi Deo familiares viri quotidianis incrementis se vni constantiæ parabant. Isaacum, Mosem, Dauidem aspice seipsum quotidie fortiores. Non est bonus qui non vult esse melior, & vbi quis incipit nolle esse melior, ibi & bonus esse desinit. Quæ quidem retro sunt, inquit Apostolus, obliuiscens, ad ea verò quæ sunt priora, extendens meipsum, ad destinatum persequor. <sup>a</sup> Persequar inimicos meos (iurat Dauid) & comprehendam illos. & non conuertar donec deficiat. <sup>b</sup> O malè fundatos conatus nostros, quos aut robur aut constantia destituit. Vitia nostra, hostes nostros quandoque cædimus, sed non persequimur cædendo, non comprehendimus; conuertimur & deficimus. Pachomius suorum aures assidue obtundebat hoc monito: Frustra ad salutis brauium currimus, nisi sic curramus

curramus vt comprehendamus; frustra cum hoste configimus, nisi certemus vt vincamus. *a* Hoc ipsum nobis assiduissimè & quot horis occitemus: vrge negotium, vrge vrge: cœpisti mansuetus esse? persevera hanc mansuetudinem. cœpisti castus esse? lasciviam ne repete, retine castimoniam: cœpisti è pigro laboriosus fieri? perpetua laborem: multas vitiorum sordes euomisti? ne redi ad vomitum. Hoc negotium vrge, hîc tibi sis similis, hanc telam pertexe & in bene cœptis perdura. Petrum Aldobrandinum purpuratum Romanum senatorem ferunt solitum dicere: Perseuerantia est virtutum baculus, quo nisi nitantur omnes, corruunt. Pars certè magna profectus est, quotidie, idque seriò velle proficere. Bilanx aurifabri tam mobilis est, vt leuissimâ quavis festucula deprimatur: ita nos vel ipsa occasionis umbra, aut asperior iracundiæ ventulus ab honesti rectique viâ depellit, & iam iterum ad vitæ prioris sordes reuertimur, & cùm probè circumspexerimus, nos in ipsis principijs viæ bonæ deprehendemus, quos pridem longius progressos putabamus. Ita deinum fama de nobis non bona in cœlo inter Angelos spargitur: *Quia hic homo cepit ædificare*, & non potuit consummare. *b* exorsus est bene, progressus est aliquamdiu, collapsus est ad extremum. Geminæ illæ boues ad Arcam Domini trahendam iunctæ, nec dextrâ, nec læuâ declinabant per viam Betshames; & licet vituli matrum absentiam inclament, illæ tamen cœptum iter perseverabant. Iugum Domini ah quoties in nos recipimus, & virtutis viâ incedimus, sed heu breuî illud excutimus & ad vitulos nostros redimus. Quid agis, non bos, sed homo? progredere, non desiste; vt cœpisti, sic perge: mugiant licet concupiscentiæ, inuitet notum stabulum, tu perge: & quamuis consuetudo reclamet, focij aliò trahant, tu verò perge & nec responso dignare auocantes. Paulinum illud assiduè cogita: Fratres nolite deficere benefacientes. *d*

*a* Metaphrast. & alij *b* Luc. c. 14. v. 30. *c* 1. Reg. 6. v. 12. *d* 2. Thess. c. 3. v. 13.

## §. II.

Ergo, bonum facientes non deficiamus, tempore enim suo metemus non deficientes. *a* In morte, bonum fuisse, non sufficit, sed ad mortem bonum permanisse. Beatus seruus ille, quem tùm venerit Dominus, inuenerit ita facientem, & non ita fecisse. Si prudentia Samsonis & sapientia Salomonis ad suum finem ematuruissent: nec ille vires amisisset, nec iste regnum scidisset. *e*

1

In

*a* Gal. c. 6. v. 9. *b* Luc. c. 12. v. 43. *c* 2. Reg. 11. v. 11.



In Christianis non principium, sed finis attenditur. malè cœpit Paulus, bene finiit; bene cœpit Iudas & malè finiit. Currit incassum qui prius succumbit, quàm cursum absoluit. Ad desertum cum Hebræis perueniunt multi, in terras illas fertiles vix vllus. Monstruosum opus, cuius principium est ratio, finis libido. Centauros & chimæras enitumur, habent hi partus nostri caput humanum, sed pedes equinos & leoninos. Initia Saulis fuerunt optima, sed quia in rectè cœptis non perstitit, morte pessimâ finiuit. Vxor Lothi vitæ & saluti consuluit vrbe egrediendo, vitam & salutem & omnia perdidit ad vrbe respiciendo. « Sunt qui ic̃ti sapere incipiant, & fallacissimas mundi vanitates execrari; at mox cum Lothi coniuge curiosum oculum ad vetitas oblectatiunculas reflectunt: vident, ardent, vincuntur, pereunt. O miseri! brevis est labor, præmiu erit æternum; momento stat pugna, æternitate totâ permanet corona.

Narrat sacra pagina virum Leuiten apud socerum suum diuersatum, lautè & humaniter habitum esse triduo. quarto demum, die Leuites, ne hospitis sui liberalitate abuteretur, profectiorem adornauit. Cui valedicenti socer: *Gusta prius, inquit, pusillum panis, & conforta stomachum, & sic profisciscèris. Sederuntque simul, ac comederunt & biberunt.* Vesperascente die rogat iterum socer. *Quasote, & hodie hic maneat, pariterque latemur.* Leuites, cœpi quidem *velle proficisci*, sed non profectus est, sic eâ die, hospitali domo pedem non extulit: mansit, lætatus est. Postero manè; parabat rursus Leuites iter, quem denuo socer blandè detentans: *Oro te, inquit, & paululum cibi capias, & assumptis cibis dum increseat dies, postea profisciscèris.* Persuasus iuuenis blandissimâ hospitalitate, ientare cœpit, sed hoc ientaculum nec ad meridiem finiit. Atque vbi solem pomeridianum notauit, subito è mensâ confurgens itineris iam certus valedixit. Cui rursus socer: *Considera, inquit, quòd dies ad occasum declinior sit, & propinquat ad vesperum: mane apud me etiam hodie, & duc latum diem, & cras profisciscèris.* b Talis omnino est, Gerarde, profectio nostra in patriam, veram illam & beatam. moramur & tricamur dum dies abit. Iam hoc, iam illud vitium suauissimè inuitans: *Mane apud me, inquit, etiam hodie, & duc latum diem, & cras profisciscèris.* Quid nos ad hæc? incipimus *velle proficisci*, non tamen profisciscimur, manemus etiam hodie, & ducimus lætum diem. Altero manè profectiōis occasio vrget, confurgimus velut iam iam abituri, cum autem tan-

tâ

et humanitate ad ientandum inuitamur, non difficillimè persuademur; manemus iterum, etiam hodie; & cras (dicimus) proficiscemur. Ita crastino & perendino, ita quinto & septimo, ita multis diebus alijs manemus. Et licet quandoque pedem domo proferamus & in viam nos demus, mox redimus, & veterem noti hospitij benevolentiam inquirimus. Sic iter nullum absolvimus, etsi plurima ineamus, constanti seu rectius pertinaci inconstantia. Hoc illud voluntatis nostræ contagium est. O vacillantes animi! ô homines ventosissimi! Attendite, obsecro, ad extremam patientis Domini vocem: CONSUMMATUM EST. Hæc vox è cruce in paradysum iter aperuit. Standum, perseverandum, consummandum est. Patientie soror est Perseuerantia, illam sibi non conciliat, qui hanc à se procul amandat.

## §. XII.

Abrahamuin sacrificio intentum, subito aginine volucres aduolarant, turbaturæ virum, si ille se tutbari fuisset passus, sed enim in sacrificij parte ponebat Abraham, constantiam non perdere, aues abigere, & carnes ab ijs intactas seruare. Et quanta cogitationum agmina nos inuadunt, cum preces fundimus, & Numini supplicamus: Tu verò abige muscas, perge precari, orationis exordio suum epilogum annecte, quod inchoasti perface. Verum, IN IMAGINE PERTRANSIT HOMO. Imago hominis quem pictor sedentem aut stare parantem pinxit, nunquam surgit, nunquam stat, etiam si videatur velle surgere & stare. Millies hanc imaginem intueri, & nunquam surrexisse cernes, sed surgere tantum molientem. Tales plerique omnes pictæ imagines sumus, videmur velle surgere, velle stare, non surgimus, nec stamus. Surgere nos iubet dies Christi Nascentis, molimur surgere, non surgimus: surgere nos iubet dies Christi Resurgentis, nec iam aliud quàm antea facimus: surgere nos iubent & alij per annum sacratiores dies, sed nos moris nostri sumus, æquè lenta sunt nostra molimina ad surgendum, nec tum surgimus, aut certè mox iterum sedemus, cadimus, iacemus. ita sanè, *In imagine pertransit homo*: cadit vt viuus, surgit vt pictus.

Apud Ægyptias Thebas, Memnonis statuam olim fuisse aiunt è nigro lapide ad ortum solis conuersam. Hæc imberbem adolescentem referebat, cuius ambæ manus fedi sic innitebantur, vt hominis surgere volentis similitudinem exprimerent: videbatur enim faxeus ille adolescens orienti soli velle assurgere.



Oculorum autem & totius oris conformatio, hominem iam iam locuturum repræsentabat. Et sunt qui dicant ab hac statuâ sonum edi solitum, cum illam sol oriens radijs suis attigisset. *a* Huic simulacro nos prorsus simillimi sumus. In molli vitiorum sede, dies & annos velut clavis affixi hæremus. Et licet surgere velle videamur, & abitum moliri, nunquam tamen surgimus, à vitijis nunquam seriò abimus. Videmur etiam velle loqui, & commissas noxas velut non amplius repetendas efficacissimè detestari. Sed heu quàm fractè loquimur! inanis sonitus non ab imo pectore, sed à summis labris euolat. languidas aliquot vuculas ab ore fundimus: *Doleo, nollem fecisse, inconsideratè egi.* Vbi dicta illa robustiora? Ex animo me poenitet omnium noxarum, extremè damno quod feci, mallem fluxa hæc omnia perdidisse, quàm Deum offendisse: sed statuo, cum psalte iuro, firmissimè propono, iustificationes Domini custodire, & has noxas non amplius repetere: mori malo quàm talia denuò patrare: totis posthac viribus in mei emendationem incuinbam.

Paucorum hæ voces sunt, & sint licet, verbis tamen non respondent facta, nec sermo cum vitâ concordat; dicimus & non facimus, statuimus & nil perficimus, decernimus & non exequimur. Nimirum saxei homines sumus, in prauas consuetudines pessimè obstinati. & hoc ipso illi lapideo adolescenti non absimiles, quod ad maturam sanctioris vitæ senectutem vix vnquam pertingamus, atque ita maneamus lapides.

In vestis Aaronicæ orâ infimâ inter campanulas aureas, malapunica purpurascebant; hæc inter arborum fœtus excellunt, & rectè virtutum præmijs conferuntur, sed illa non ad supremum vestis marginem, non ad umbilicum sed imam simbriam appendebantur: ita præmium virtutis non inspicientibus, non progredientibus, nec in medio hærescentibus, sed finientibus cedit. *Estō fidelis usque ad mortem, & dabo tibi coronam vitæ. b*

Itaque in omni bene beatèque agendæ vitæ instituto constare nos nobis ipsis decet, vt semper ijdem simus, imò & meliores simus, eadēque animi & maiori semper alacritate curramus quâ cœpimus. Si quo fortè vitij diuerticulo iustitiæ iter fuerit interruptum, rursus ad illud per poenitentiam reuertamur. quoniam autem reuertendi facultas interdum mortē præciditur, diuertere periculosissimum, continuare semper tutissimum. Seruiamus illi

*a* Pausanias in Articicis l. 3 s. c. 7. Philostratus, Suidas, Strabo, alij.

*b* Apoc. c. 2. v. 10.

in sanctitate & iustitiâ coram ipso, *Omnibus diebus nostris.. a* At nos nescio quàm morosè vitæ nostræ seriè numeremus; longum nobis videtur triginta aut sexaginta annis, integros, castòsque mores perseuerare; pænè tot sæcula quot annos computamus. adeò leui morulâ nostra omnis elanguescit Constantia. O homines pusilli animi! Noëmum videte, iustum, perfectum, cum Deo ambulantem. *b* Hic cum moliendæ arcæ manum admoueret, quingentorum annorum erat. Finito sæculari opere illo, sexcentas iam æstas viderat; cùm morti concederet, annos vitæ numerabat non-gentos quinquaginta. Eò æui constantissimam innocentiam perduxerat maturus hic cælo senex. Vbi iam anni nostri pauculi, è quibus vel vnicum, innocentiae integrum donare, nimia nobis videtur liberalitas. A custodiâ matutinâ vsque ad noctem speret Israël in Domino. *c* melius est non cæpisse, quàm non finiuisse. *d* Nihil est quod non expugnet pertinax opera, & intenta ac diligens cura. *e* Hæc Christianorum vera demum est gloria, cum Christo posse dicere: opus consummaui, quod dedisti mihi vt faciam. *f*

*a* Luc.c.1.v.75. *b* Gen.c.6.v.9. *c* Psal.122.v.6. *d* Aug.de Contin.

*e* Sen.ep.66. *f* Ioan.c.19.v.30.

## CAP. IX.

## EXAMEN CONSCIENTIÆ

*commendatur*

## RELIGIOSIS.

## §. I.

**V**OS ego nunc maximè appello (sed reuerenter & submisè) quorum leges quotidianum esse volunt hoc conscientiae tribunal. Hic ego oro & obsecro (nihil enim in me imperij) si quid facitis, id rectè & integrè facite. Animus domi suæ sit, vigilant oculi, perseuerent genua, lingua suis partibus ne desit, opus suum faciant & manus, atque in pugillares, chartam, tabellas referant, si quid debitorum contractum, aut si quid rerum aliarum huc spectantium subnotandum est.

Inter profanissima veterum sacra clamabat olim præco: Hoc AGE. Hoc ipsum quisque sibi sub noctem seueriùs occlamitet: Hoc AGE, conscientiam tuam rimare, & omnes illius angulos excute. Neque vnquam deerit quod rimeris & excutias. Si Bernardo credimus, Conscientia tam nostra quàm aliena abyssus & nox est im-



perscrutabilis. *a* Ergo inquire in te ipsum, de teipso fer sententiam non conuiunte oculo, attentisque auribus, Hoc AGE. Sed actum te agere scias, nisi iam hoc unum, idque seriò agas. Ergo hunc diem tuum recognosce, affectus insolentiores compesce, marcentia in te excita, soluta constringe, contumacia doma, cupiditates tuas iugula: & istis dicentibus: Quousque eadem? responde, Ego debeo dicere, Quousque eadem peccabitis? remedia antè vultis quàm vitia desinere. ego verò eò magis dicam, & quia recusatis, perseuerabo. *b*

Hoc ergo agendum est, vt, quod censuram meretur, reprehendi & extirpari: quod laudem, commendari possit, & aliùs animo inferi. beatus, qui

Index ipse sui se totum explorat ad vnguem,

\_\_\_\_\_ nil vt deliret amissis:

Cogitat, & in isto trutinæ se examine pensat. *c*

Antequam veniat tibi somnus, inquit Chrysostomus, profer in medium, codicem Conscientiam tuam, & reminiscere peccata tua, si quid in verbo seu in facto, vel in cogitatione peccasti. *d* Cum Romano Sapiente hîc quisvis optimè dixerit: Hoc mihi satis est, quotidie aliquid ex vitijs meis demere, & errores meos obiurgare. *e* O quoties per diem nosmet amittimus, & vagâ licentiâ errantes, velut perditii aut in irâ, aut in Impatientiâ, vel in Socordiae dominium impingimus. Vesperis quisquis voluerit reuocare gradum, poterit, & à tam barbarâ seruitute se vindicare. Inestimabile bonum est, suum fieri, & in seipsum habere maximam potestatem, nec vlli rei affectu nexum esse, nisi vni Deo, cui an mens hominis se ita donârit, non otiosè ad conscientiae tribunal disquirendum. Hoc opus, hic labor, vt quod tunc faciendum, non oscitanter, non perfunctoriè, non somniculosè fiat. quis enim non dixerit stultiæ proprium esse, illud quod quis curâ & studio vix rectè faciat, hoc ignauè ac segniter facere, & aliò corpus impellere, aliò animum. Quicquid obsequij Deo deferitur, id quàm potest, studiosissimè & accuratissimè deferendum est: dignissimus est Deus, in cuius cultum nerui omnes, cùm animi tam corporis intendantur. neo in leui negligentia ponendum, quicquid hîc paullo negligentius curatur. Diuinus Paulus precaturus: Orabo, inquit, spiritu, orabo & mente. *f* Nimirum in alijs satis fuerit partem hominis fatigari, hic totus homo nunquam satis laborauerit. Sedulos ministros vult Deus, & qui id quod

*a* Bern. serm. 4. de adu. Dom. *b* Senec. epist. 89. propius fin. *c* Auson. Ecdyl. 2. *d* Rom. 2. in pñs. e post med. *e* Sen. de beatâ vitâ. c. 17. *f* 1. Cor. 14. v. 15.

quod agunt, toti agant. O Religiosi! an non sæpe hoc Conscientiæ negotium remissè agitur, cum tædium, nausea, fastidium se insinuunt, cum somnus & torpor obrepunt, cum cursim & obiter conscientia inspicitur? Gratia aguntur Deo, sed languidè; Lumen à Deo petitur, sed in oculis nictantibus & semisopitis iam nox est; Culparum venia rogatur, sed frigidè & mente alibi occupatâ; Emendationis in posterum fit promissio, sed ea nec firma nec valdè seria. Ita hæc Conscientiæ quæstio & causâ per transennam agitur, & dormitante iudice, à quo meritò prouocatio fiat ad vigilantem; ita rei accusatio, damnatio, castigatio somnulosâ celeritate deproperatur. iamque pedes ad lectum festinant. O Simon, dormis? ô serui Numinis, hæc actæ diei clausula est, hoc ineundæ noctis exordium? Aliquando ad vnumquemque horum talium, vox veniet non blanda: O Religiose, sic non potuisti, non dicam horâ, sed nec vnâ horulâ parte vigilare mecum? Nunc mors tibi dies & horas computat, tu cogita an non annis præteritis sexcenties & amplius, Conscientiæ causâ dormiens tractâris? difficile tibi non erat ad rerum nouarum narratiunculas attentissimis auribus vigilare, at mecum per horulâ partem rationes componere, fastidij plenum videbatur. O Religiose, rebus tuis consule, ne & illa vox te feriat: quia te non videns placuisti tibi, displicebis & mihi, cum iudicaberis & tibi cum ardebis.

Idcirco sui muneris esse quisque credat cum Isaiâ profiteri: Super speculam domini ego sum, stans iugiter per diem & super custodiam meam stans totis noctibus: Confitebor aduersum me iniustitiam meam, & dominus remittet impietatem peccati mei. <sup>b</sup>

Dorothei consilium est, non fibras tantum noxarum amputandas, sed ipsas etiam vitiorum radices indagandas & extirpandas, quod sanè nunquam fiet, nisi quotidiana Vigilantia Conscientiæ hoc examen quàm exactissimè instituatur. Ergo, ô Religiosi, Hoc AGITE quod agitis, non satis hîc inæqualem superficiem vtcunque complanâsse; ardentiore conatu opus, altius fodiendum est, & ad ipsas errorum origines penetrandum. Vigilijs hæc res agenda & solertissimâ curâ, nec parcendum operæ: Nemini vnquam sua probitas paruo stetit. Sanè dormiendo vitia non dediscimus. Summū vitæ gaudiū bona conscientia; summū vitæ supplicium mala conscientia; maximum vel in gaudijs tormentum, conscientia laniatus; maximum vel in dolore leuamentū, pax & tranquillitas conscientia. Hanc quisq; tanto curat impensius, quantò sincerius amat.



ET ? Filij hominum vsquequò graui corde ! \* Conscientiæ puritas tanti est, vt operæ pretium sit omnino, eam vel maximis laboribus, vel quantauis molestiâ redimere. Suppliciorum extremum est, in vitio sibi facere delicias, & mentem cauterio resectam gerere. Beatus Gregorius : quisquis, inquit, vitæ suæ custodiam negligit discutere, quæ agit, quæ loquitur, quæ cogitat, aut despicit aut nescit, sibi metipsum præsens non est, quia semetipsum quotidie exquirere, atque cognoscere sollicitus non est. Ille autem veraciter sibi in præsentem est, qui se in suis actibus tanquam alium attendit. Nam sunt multa peccata quæ committimus, sed idcirco grauiora nobis non videntur, quia priuato nos amore diligentes, clausis oculis in nostrâ nobis deceptione blandimur. †

E veteri memoriâ in vos testes non producam : videte obsecro vel tantum sodales vestros alios, quibus hoc vnicè curæ & cordi est, conscientiam quotidie in sincerum nitorem repurgare : nullum illi diem finiunt, cui hanc clausulam non apponant : nullam illi noctem inchoant, cui hanc præparationem non præmittant ; nunquam illi prius in lectum quàm in seipsum descendunt : errores suos quotidie obiurgant, quotidie aliquid ex vitijs suis demere conantur. De his optimè, quem modo dixi Gregorius : Electorum est, inquit, actus suos quotidie ab ipso cogitationis fonte discutere, & omne quod turbidum profluit, ab intimis exiccare. Metuunt in his quæ se egisse meminerunt, & puniunt flendo, quod perpetrasse se intelligunt : timent subtilia diuina iudicia etiam de his quæ in semetipsis intelligere fortasse non possunt. Vident enim videri diuinitus, quod ipsi in se per humanitatem non vident. Atque in hoc secreto interioris iudicij ipsâ mentis suæ executione constricti poenitendo feriunt, quod superbiendo commiserunt. Ibi namq; aduersum se, quicquid se impugnat, enumerant, ibi ante oculos suos omne quod defleant coaceruant : ibi quicquid per iram districti iudicis decerni possit intuentur : ibi tot patiuntur supplicia quot pati timent, nec deest in hoc iudicio mente concepto, omne ministerium quod punire reos suos plenius debeat. ‡

Mercatores sunt qui maria terrasque assiduè itineribus circulantur ; nunc Romæ, nunc Mediolani degunt ; iam Parisios, iam & Constantinopolim appellant, domi suæ vix vnquam sunt. Pace vestrâ dixerim tales & vos estis, vagâ curiositate omnium domorum incolæ, vnâ conscientiæ domo pertinaciter deuitatâ, ita vix vnquam

domi & apud vos ipsos estis. O Sodales, nusquam est qui ubique est, foris Argus, domi talpa. Quàm autem hoc congruum rationi, ut qui per diem cum tot alijs, vesperi secum ipse, & cum suâ conscientia loquatur. Ingredere & includere in medio domus tuæ, monet Ezechiel. *a* Tuta domus, arcanum conscientia: miser est & nec Deo nec sibi uiuit, qui hac domo habitare nescit, qui cum conscientia conuenienda est, inertissimum illud obijcit, **NON LVBET.** Sibi dictum putet vnusquisque sodalium, quod Hugo Victorinus in hæc verba submonet: Redi ad cor tuum, & subtiliter discute teipsum: considera vnde venis, quò tendis, quomodo viuis, quid agis, quid amittis, quantum quotidie proficis vel deficis, quibus cogitationibus magis incuraris, quibus affectibus rangeris, quibus tentationum machinis à maligno spiritu, acrius impugnaris: & cum totum interioris & exterioris hominis, statum plenè cognoueris non solum qualis sis, verum etiam qualis esse debeas de cognitione tui poteris subleuari ad contemplationem Dei. *b* Conscientia rationes quisquis bene vult subducere, quotidie subducatur: hoc ipso malè curatur conscientia quia rariùs. Ah, quàm malè est extra legem viuentibus, quicquid meruerunt semper expectant. *c* Nam conscientia accusat, ratio iudicat, timor ligat, dolor excruciat, quod iudicium eò certius punit, quò interiorius sæuit. *d* Præclarissimè Bernardus: Conscientia mala, inquit, contristat animam, eamque Deo exhibet immundam, angelisque & hominibus foedam & sibi ipsi turbatam & inquietam. Nulla enim pœna maior est malâ conscientia. Omnium siquidem delictorum nostrorum ipsa est testis, ipsa iudex, ipsa tortor, ipsa carcer. Ipsa accusat, ipsa iudicat, ipsa punit, ipsa damnat. At verò conscientia bona templum est Salomonis, ut idem Bernardus loquitur, ager benedictionis, hortus deliciarum, aureum reclinatorium, gaudium Angelorum, Aula Dei, habitaculum Spiritus sancti, liber signatus & clausus, & in die iudicij aperiendus. Nihil est iucundius, nihil tutius, nihil ditius bonâ conscientia: premat corpus, trahat Mundus, terreat diabolus, illa erit secura vsque  
in finem. *e*

## §. III.

*a* Ezech. c. 3. v. 24. *b* Hugo l. 3. de animâ. *c* Arb. satyr.  
*d* Greg. l. 25. mor. c. 6. *e* Bern. l. de consc. proximè finem.



## §. III.

*Idem**Alijs quibuscunque commendatur.*

**N**emo hîc præmolitur, se lege non teneri. Piacularis confessionis lex neminem habet eximium. Atqui verò huic ritè instituendæ, necessarium prorsus est, conscientiam excutere & in notitiam deducere delictorum. Istud sanè quò rariùs, hoc & peius fiet atque remissiùs: ipsâ exercitatione in hanc industriam roboramur. Qui in re familiari neglectum omnem cauere vult, expensarum rationes quotidie inspicit, vbi moræ & dilationes crescunt, rem familiarem decrescere necesse est. Idem prorsus hic seipsum nosse non discit, qui seipsum rarò inspicit. Horologij æquabilis ordo, directricem manum quotidie postulat: conscientiæ sanitas quotidianis vult subsidijs fulciri. Epictetus pulchrè submonens: quemadmodum, inquit, in ambulando caues ne clauum calces, pedemue distorqueas, sic in degendâ vitâ caue, ne gubernatricè actionum mentem tuam lædas. Quòd si in re vnaquaque obseruabimus, omnia cautiùs aggrediemur. At si spinam aut clauum pede indueris, an non eâ mox horâ, eo certè die extrahes ne pars læsa in malignum vlcus suppuret? ita pedi consulis. Et conscientiam si læseris (septies enim in die cadet iustus *a*) non eodem mox die medicinam facies? mucronem subtilissimum pedi eximis, & letale vulnus tolerabis in conscientiâ? Videte itaque fratres quomodo cautè ambuletis, *b* vt ambuletis dignè, Deo per omnia placentes. *c* In quæ verba insigniter Augustinus: Dicitis, inquit, quid est ambulare? Breuiter dico, *proficere*, ne fortè non intelligatis, & pigriùs ambuletis. Proficite, fratres mei, discutite vos sine dolo, sine adulatione, sine palpatione. Non enim est aliquis intus tecum, cui erubescas & iactes te. Est tibi, sed cui placet humilitas, ipse te probet. Proba te ipsum tu ipse. Semper tibi displiceas quod es, si vis peruenire ad id quod nondû es. Nam vbi tibi placuisti, ibi remansisti. Si autem dixeris, *sufficit*, & peristi. Semper adde, semper ambula, semper profice. Noli in viâ remanere, noli retro redire, noli deuiare. Remanet qui non proficit; retro redit qui ad ea reuoluitur vnde iam abscesserat; deuiat qui apostatat. Melius it claudus in viâ, quàm cursor præter viam, *d*

Laudata illa Moabitris Ruth, vt sacræ paginæ testantur, *e* collegit in agro & que ad vesperam, *e* que collegerat, virga cadens *e* excussens, inue-

*nit**a* Prou.c.24.v.16. *b* Ephes.c.5.v.15. *c* Coloss.c.1.v.10.*d* Aug. serm. 15. de verb. Apost. *e* Ruth.c.1.v.17.

*nit hordei tres modios.* Constantiæ monet pertinax hic labor, & exigendæ ab animo rationis sub serum vespereim. Quisquis es, hoc tibi met tutò persuade, non vsquequaque omnia ex amussi & ad vnguem te facturum, quin à te facta linam admittant, imò exigant: quantumcunque industrius & solers sit, tamen tam puri seminis acervum non colliges, quin collectum diligenter excutere oporteat, quando multa facimus, quæ velut cassa nux omni nucleo carent, & præter solam virtutis speciem nil habent in se pretiosi. Quàm multi quærunť scientiam, & pauci conscientiam! Verendum sanè, ne olim cùm reddenda erit ratio, eueniat nobis quod infelicibus illis Ephrætæis, Iordanem transire molientibus. Hi namque à Galaditis intercepti & interrogati an Ephrætæi essent, illis negantibus, imperatum porrò, vernaculi idiomatis notam ederent, pronuntiarentque vocem *Seibboleth*, hoc est, spica granis plena. Hic miseris inassueta lingua non parebat, neque illi aliud enuntiare poterant quàm, *Seibboleth*, hoc est, culmus grano vacuus. è vocali hoc signo, hostes esse noscebantur, ideòque *statim apprehensi iugulabantur in ipso Iordanis transitu.* Et nos in itu perpetuo atque transitu sumus, è nostro in orbem prorsus alium & nouum: neque fas transire vlli, quem non excipiat seuerum examen, in quo sola virtus non reijcitur. Animus à virtute vacuus, velut sterilissimus culmus ad incendia æterna deijcitur. At verò quemadmodum spicæ licet prægnantes granis, ob paleæ tamen sterilem societatem flagellis excutuntur, ita vix vlli actus humani tam puti puri ab omni defectu & sordide, quin & in his pretiosum à vili, sincerum ab impuro sit secernendum. Ergo te ipsum, tuasque actiones, mi Christiane, cæde & excute: reijce paleam, remoue omnia quæ maculant. Et sanè par esset, vt, quod Ruth fecit, trium modiorum mensuram quotidie comportares. Hos sacri interpretes aiunt esse cogitationis puritatem, locutionis veritatem, optimæ operationis sinceritatem, vt diem totum sibi rapiant & sanctæ cogitationes, & colloquia vtilia, & honestissimæ actiones vnius Numinis honori editæ. Et hoc ipsum nocturnę discussionis pars erit, videre, nū tres modios istos repleueris.

Omnes igitur cordis nostri recessus (inquit Cassianus) iugiter perscrutandi sunt, & ascendentium in eos vestigia indagatione sagacissimâ retractanda. Aureus ille orator ad ideim grauissimè suos hortatus: Et ne, inquit, ita simpliciter ieiuniorum hebdomadæ prætereant, scrutemur suam quisque conscientiam, & rationem exami-



examinemus, & consideremus quidnam in hac hebdomadâ probè actum sit, quid in aliâ, & quale augmentum fecerimus ad sequentē, quas in nobis affectiones correxerimus. quòd si vitam nostram non instituerimus, magnam animæ nostræ curam habentes, nihil nobis vñ erit ieiunium vel inedia quam toleramus, præsertim si comperti fuerimus inferiores his, qui tantum studium colligendis opibus impendunt. *a* Opus suum probet vnusquisque: vnusquisque enim onus suum portabit. *b* Suum opus, inquit Anselmus, non alterius examinet, vt Phariseus publicani. Neque tantum peccata, sed & actiones alias, quantumvis bonæ videantur, examinari vult Paulus. Deus quàm primùm lucem creauit, inspicere illam & experiri voluit: *Et vidit Deus lucem, quod esset bona.* *c* Quid luci cum huiusmodi experimentis? an non de bonitate illius constabat, maxime cum à Deo esset creata? Constabat omnino, sed ostendit hîc bonus Deus, quâ ratione nostra nobis opera tentanda sint & experienda, quantumcunque bona illa & lucida videantur. Sunt quæ nitorem, non tamen naturam auri habeant.

Christus discipulos suos super famâ suâ examinans: Quem, inquit, me dicunt esse turbæ? *d* Idem & nostrum quivis de se interroget: Et quem me aiunt esse ciues mei? Quem? expecta sis, mi homo, respondebo. Aiunt te esse hominem potentem & madidum, vini amantissimum, & in dies pænè singulos ebrium: & forsan tu solus hoc ignoras? Aut dicunt te Veneris esse mancipium, ad omnem petulantiam & libidinem proiectum, ore, oculis, manu inuerecundum: & forsitan tu solus hæc nescis? Aut non negant te cetera probum, sed deparcum, sordidum, avarum Euclionem qui multæ pecuniæ longè sit appetentior quàm puræ conscientiae, audior humi quàm cæli: & fortassis te solum hæc latent? Aut, constanter asserunt te hominem esse turgentis supercilij, ore asperum, gestu inflatum, ceremoniarum & pompæ cupidissimum, ostentatione & arrogantia plenum: & fortè tibi vni hæc ignota sunt? Aut, non equidem dissimulant te pacis & concordiae inimicum, omnis iniuriæ impatientem, ad arma & iram præcipitem ruere difficillimè placari: & tu forsan te talem ad hoc temporis non credebas?

Aut, plerique affirmant te dandis consilijs illustrem, politicum, comem: cetera te hominem tui sensûs & cerebri esse, pertinacem & æneæ ceruicis nec religionis aded tenacem: & fieri potest vt tibi soli hæc nunquam innotuerint. Aut vox verè omnium est, te quie-

*a* Chrysostom. 11. in Gen. ante med.

*b* Gal. c. 6. v. 4. & 6. *c* Gen. c. 1. v. 4. *d* Luc. c. 9. v. 18.

tis tam amantem, ut nihil tibi dulcius sit quam feriari & otio diffluere: & tu fortè hoc virtutis in te non notaras? Aut, fatentur plurimi, te pecuniæ quidem studiosum, sed patremfamilias incuriosum agere, & pecuniam utrâque manu insigniter dilapidare: & forte an tibi hæc à nemine obiecta? Aut, nemo est qui non accuset liuidos dentes tuos & oris mordacissimum acetum, quo omnium famam perfundi dicunt: & tu fors edentulum te credebas & mansuetæ linguæ hominem?

Quid ergo contra sermones hos obducis? omnēsne falsi? Sæpe fit, mihi crede, ut hominem sibi met ignotissimum, intus alij & in cute nôrint. Tu ergo tuam conscientiam quot diebus interroga, non mentietur: si illa te reum pronuntiârit, errores ne defende, sed emenda & corrige: si in fontem te absoluerit, rumores populi generosâ patientiâ contemne, Conscia mens recti, famæ mendacia ridet.

Augustinus olim intrepidè de seipso: Senti de Augustino, ait, quicquid lubet, sola me in oculis Dei conscientia non accuset. Idem, quicumque alius serenæ conscientiæ homo liberrimè dicat: Loquantur de me alij quod volunt, modò me ad Dei tribunal defendat conscientia. At quomodo defendet eum à quo neglecta, oppressa, vix unquam loqui permissa? Hic fortè dicās, quanti sunt, qui vix semel in anno, conscientiæ suæ potestatem faciunt loquendi: & nos quotidianas illius accusationes toleremus? Et quid oro, Christiani, malæ causæ argumentis peioribus patrocina-mur? Non est bonitas pessimis esse meliorem, aut effrenatissimis moderatiorem; non inde conscientia nostra erectior est, quòd ab alijs ea calcetur, neque nos culpæ eximit tantis aliorum neglectus. Iobus consilijs sanioribus vsus: Veruntamen, inquit, vias meas in conspectu eius arguam, & ipse erit saluator meus. & annexâ causâ: Verebar, inquit, omnia opera mea, sciens quòd non parceres delinquenti. Ut tuum, ô mi Deus, iudicium præuerterem, diebus omnibus meipsum iudicaui, & velut à deprehenso reo pœnas repetij.

Pulcherrimè & ex naturâ rei de hoc differens Chrysostomus: Est tibi tribunal, inquit, inultum habens emolumentum, & nullam referens accusationem. Constitue super conscientiâ iudicantem rationem, & in medium omnia tibi patrata propone, animæ tuæ peccata scrutare, & pœnas exige diligenter, & dic: Quamobrem hoc, & hoc ausa es? Et si hæc quidem fugiat, aliena discutiat, dic ad eam:



eam: Non de his te iudico, non pro his venisti te purgatura, quid enim si ille malus? quare tu hoc, & hoc amisisti? Responde, noli accusare, tua consideres, non aliena, & eam in hanc anxietatem agas continuè. Postea, si nihil quod dicat, habeat, sed refugiat: dilania flagellans eam quasi quandam ancillam insolentem, & fornicantem: & quotidie iudicium huiusmodi constitue (*quotidie, nota Gerarde, quotidie*) & ignis flumen designa, veneniferum vermem, tormenta reliqua: nec eam amplius sinas diabolo copulari, nec impudenter loquentem tolere: Ille venit ad me, ipse mihi tendit insidias, ipse me tentat, sed dic ei: Nisi tu velis, illa omnia superflua. Quod si rursum dicat: Corpori connexa sum, carnem induta, mundum habito, in terrâ commoror, dic ad ipsam: Hæc omnia sunt excusationes & prætextus. Nam & ille carnem erat indutus, & ille mundum habitans, & in terrâ conuersans, probabilis fuit: quin & tu ipsa, cum bene te gesseris, carne circumdata id facis. Quod si doleat hæc audiens, ne tollas manum: non enim morietur, si percusseris, sed eam ex morte erues. At si rursum dixerit, quod ille exacerbauit, ei responde: sed tibi licebat non exacerbari. certè frequenter iram compressisti. Si dixerit, quod illius species me subleuauit, dicas ei, sed tu poteras continere, propone victos, propone primam mulierem quæ dixit: Serpens decepit me, nec à crimine liberatam. Cum autem hæc examinaueris, adsit nemo, nemo tu multuetur: sed sicut iudices sub velis iudicant sedentes: sic & tu pro velis, quietis tempus & locum inquire. Et paruorum magnas exige pœnas, ne magnis vnquam approximes. Si per singulos hoc feceris dies (*obserua iterum Gerarde, singulos dies*) cum fiducia stabis ante tremendum illud tribunal. <sup>a</sup>

Ita verbum è verbo expressit Chrysostomus, qui vnâ grauissimè questus: Sed nos, inquit, non ita facimus, sed omne contrarium. nam simul atque reclinati sumus, omnia versamus sæcularia, & hi quidem immundas inferunt cogitationes, hi verò scœnora & commercia, & corruptibiles curas. <sup>b</sup> Ita somnū pessimè auspicamur, inter vanas, auaras, inuidas; inter impuras & sordidas cogitationes. ita nec dormimus quidem sine vitio, cum tam vitiosè obdormiscimus.

Hoc est quod Christus toties repetitis clamoribus inculcat: Vigilate & orate, quia nescitis diem neque horam, quâ Dominus vester venturus sit. <sup>c</sup> Et vos estote parati, quia quâ horâ non putatis, filius hominis veniet. <sup>d</sup>

<sup>a</sup> Chrys. tom. 5. hom. 46. ad pop. Antioch.

Peti.

<sup>b</sup> Chrys. Libid. <sup>c</sup> Matth. c. 24. v. 42. <sup>d</sup> Luc. c. 12. v. 40.

Pestilentis ~~onæ~~ incogitantia, & inexplicabilis audacia est, conscientiam agram, & leialis culpæ, vel vnica ream, ad lectum deducere, ac plumis se sepelire, nec prius Numinis offensas deprecari, & cum Deo in gratiam redire. O mortalium miserrime, perijisti, æternum perijisti, si nox hæc tibi sit vltima. Et cuius promissis securus, post hanc plures tibi noctes polliceris? Diebus pænè singulis immatura efferuntur funera: inorte subitâ hinc illinc plurimi rapiuntur ad tribunal, & tu nihilominus offenso & irato tibi Deo, lectum temerarius irruis? Ah, infelix, quàm non ludendum est cum *Aeternitate*! leni obstaculo aut concussu, momento vnico spiritus intercipitur, & omne tuum viuere consumptum est: cras cadauer tuum in sandapila, animus erit in gehennâ, si non prius peccatum excludas, quàm somnum admittas. His sese periculis subducit, qui sopori se permisurus, antè serio euigilat, & quicquid per diem noxarum nauorumque contraxit, dolore abstergit, & emendationis proposito.

Hic talis licet eâ nocte vitam finiat, vitâ tamen beatiore non exidet. Ergo vigilate, quia nescitis neque diem neque horam: Esto te parati, quia quâ horâ non putatis, filius hominis veniet.

Sermonem, Gerarde, vnâ cum die finiamus. Lux hæc abiit, sed non sine lineâ, quod tibi mihi que gratulor. Longus fui, fateor, sed prædixi hoc futurum, & ided longam à te patientiam postulaui. Ego quidem oppidò fessus sum dicendo, sed non dubitem, quin tu etiam audiendo. Vtrique fatigationem somnus eximet, sed somnus quem præcesserit Examen Conscientiæ, vt non doceamus tantum facere, sed & faciamus.

## LIBER SECVNDVS.

### CAPVT I.

### Ingressus ad Sermonem

*De*

### CVLTV CÆLITVM.

Polychronius, Gerardus.

**P**OLYCHR. Diem primum ad Conscientiæ tribunal exegimus: hunc alterum Diuis Cælitibus dicabimus. Ante omnia velim audire ex te, & quæso ignosce quæstioni, Gerarde: Christianus es?

GER.



GER. Sum. Po<sup>L</sup>. Catholicus? GER. Sum. Po<sup>L</sup>. Ergo iam per-  
trauimus magnam partem. Nemo Catholici sanguinis fuit vn-  
quam, qui Caelites negaret esse venerandos. An nos damnabimus,  
quicquid omnia retro annorum secula probârunt? Laus Sancto-  
rum, Laus Dei, qui omnis sanctitatis fons est & origo. Quicquid  
honorandum aut commendandum in Diuis est, Dei donum est.  
quicquid igitur honoris aut cultus Caelitibus impenditur, id omne  
in omnium auctorem Deum meritisimâ pensione refunditur.  
Laudatio serui, honor est domini. Quod beatus Hieronymus di-  
sertè affirmans: Honoramus, inquit, reliquias martyrum, vt eum  
cuius sunt martyres, adoremus. honoramus seruos, vt honor ser-  
uorum redundet in dominum, qui ait: qui vos suscipit, me susci-  
pit. <sup>a</sup> In eandem sententiam beatus Gregorius Nazianzenus con-  
cedit, &: Athanasium, inquit, laudans, virtutem laudabo, quoniam  
omnes virtutes complexu suo tenet. Virtutem autem laudans,  
Deum laudabo, à quo virtus ad homines promanat, cuiusque be-  
neficio nobis contingit, vt ad eum per cognatam illuminationem  
euehamur, vel potius reuehamur. <sup>b</sup>

<sup>a</sup> Hier. epist. 55. ad Ripar. <sup>b</sup> Greg. de laud. S. Athanas. Alex. Archiep.

## §. I.

Salomon humanæ sapientiæ miraculum, in eum errorem à fe-  
minis fasciatus est, vt pro vno, plurimos Deos venerari cœperit.  
Roma caput Orbis, & veræ religionis nunc Antistita, olim eò pro-  
lapsa est abominandæ pietatis, vt diuersorum Deorum ipsa tri-  
ginta millia percensuerit nominatim & coluerit. Proh quæ ista est  
& quàm vilis Deorum annona! alij longiùs etiam progressi infini-  
tos pænè Deos posuere; alij nullos: prouidentes alij, aliqui otio-  
los. Nos, quotquot Christiani sanguinis censemur, Deum vnum  
agnoscimus, Diuorum longè vltra triginta millia veneramur. Sed  
aliud est Deus, aliud Diuus, qui quicquid honoris habet & orna-  
menti, habet à Deo.

Prisco æuo diuersi generis amici numerabantur. Erant, quos  
*Prima admissio* amicos dixere: Alij secundæ, tertię alij vocaban-  
tur, scilicet ex ordine quo admittebantur. Tiberius Imperator, ipse  
amicos solitus describere in tres classes; & ab hoc more admissio-  
nes dictæ. Si hæc infima diuinis fas conferre, Deus etiam amicos  
numerat, ferè triplici classe distinctos. Amicos tertię admissio-  
nis dixeris, qui in gratiâ sunt apud Deum, sed etiamnum inter morta-

les degunt. Istos verò secundæ admisionis nuncupâris, qui vitæ functi & cælo destinati, sed nec dum cælo admissi. At illos velut primæ admisionis familiares iure veneramur, quos Deus cælo iam recepit, beatissimis sedibus locauit, & verè *admisit* in conspectum. Et hos sciamus auxiliari nobis & nôsse, & velle, & posse. Preces nostras audiunt, miseras & ærumnas nostras vident, idque in eo qui videt auditque omnia. Deus illis voluntarium speculum, & theatrum longè quàm amplissimum est, in quo eis vniuersa prout sunt, repræsentantur. Hæc illi assiduè contuendo, incredibili prorsus voluptate perfunduntur. Beati vtique immortali lumine circumfusi, & plura & clariùs cernunt in Deo, quàm vllus olim Prophetarum. Atqui Prophetæ ea viderunt quæ esse desierant, & præiuderunt quæ nondum erant.

## §. II.

Cur ergo Cælites, qui omnigenâ felicitate circumfluunt, ea nesciant quæ ad ipsos spectant, quæque ab ipsis sciri cupiunt ij, qui opem illorum implorant? Helias clarissimus Hebræorum vates iam in sublime curru igneo fuerat euectus, & tamen quid Ioramo Regi euenturum esset cognouit, & ad eum super futuro statu litteras scripsit. a Diuinus Paulus à Corinthijs corpore aberat, iisdem tamen præsens animo; & iste nunc cælestis gloriæ iubar indutus, rerum inscientiâ laboret? An non primus à Christo Pontifex Petrus Christianis promittit, non modò se dum viueret, sed & mortuum vniuscuiusque illorum memorem fore? Dabo autem operam, inquit, & frequenter habere vos POST OBITVM MEVM, vt horum memoriâ faciatis. b Istud promissi probè cœpit Chrysostomus, eaque de causâ, die Principibus Apostolis Petro & Paulo natali, suis Petrum verbis compellat, monétque fidei & pollicitationis, vt qui suis discipulis promississet, eorum se haud immemorem, post discessum è vitâ futurum. Ergo nôrunt beati quinam opem illorum implorent; ergo nil obstat quâ notitiâ hanc, quò minus auxiliari nobis possint. At iam cælo iniuriam fecerit, qui beatissimam illius familiam non quidem neget id nôsse, sed nolle affirmet: *Caritas nunquam excidit.* c Caritas apud illos nunc auctior, inuiolabili cursu Æternitatis manet intemerata. Et nos pronissimam eorum in mortales voluntatem in dubium vocemus? Verè & venuste Cyprianus: Magnus, ait, illic carorum numerus expectat, parentum,



ventum, fratrum filiorum, frequens nos & copiosa illic turba desiderat, iam de suâ immortalitate secuta, & adhuc de nostrâ salute sollicita. Quis autem cum ratione ambigat de amplissimâ eorum potestate gratiâque apud Deum, à quo, vt canit vates Regius, *Consistunt principes super omnem terram.* b Ita ijs ipsis olim per Ioannem arcanissimorum conscium promisit: Qui vicerit & custodierit vsque in finem opera mea, dabo illi potestatem super gentes, & reget eas. c Ergo iuare nos norunt, & volunt, & possunt.

a Cyp. lib. de mortalit. b Ps. 44. v. 17. c Apocal. 2. v. 16.

## CAP. II.

## CVLTVS CÆLITVM

*Contra opiniones asseritur.*

GERAR. Obsecro, Polychroni, bonâ tuâ veniâ, liceat mihi, sicut heri pigrum, sic hodie hæreticum agere, & quæ strictum in fundamentum à te prolata, tricorni ariete concutere.

Placidissimam quietem Diuorum turbari necesse est, si ad hominum vota vocêsque animum debeant attendere, cum alioqui immensissimæ voluptatis suauitudo sic absorbeantur, vt alio mentem nequeant auocare. Hoc primum: en & alterum cornu. In Christum Seruatorem eâ ratione iniurijerimus, si alijs insuper aduocationem nostram committamus. En & tertium. Nullum est in diuinis oraculis edictum quod ab eis opem & tutelam iubeat exposcere.

## §. I.

POLYCHR. Gossipio, non ferro præfixus est hic tutus aries. Et ð fatuam religionem! beatarum mentium, quæ Deo felicissimè potiuntur, vim & efficientiam eo modulo metiri velle, quo nostros animos corporum custodiâ & concretionē impeditos. Quid in mortalitatis mala superos adoptamus? hac quidem ratione Angelis, vix liberum vllum tempus aut solutum foret, si humanæ calamitates illorum continuæ felicitati obstruerent. Sic & alij Cælites æternis delicijs immerfi, vix mutuos in se aspectus flectere audent, si hac reciprocati amoris beneuolentiâ, à diuinis amplexibus abstraherentur. Somnia sunt hæc, quæ nostros mœurs affingunt cælo, & quod terra patitur, id fieri putant inter sidera. Alij mores supra nos sunt, & vitæ ratio nostræ longè dissimillima: Beatissimæ cum Angelorum tum hominum mentes, in eo quem

nunquam videre desinunt, dilucidè vident, quæ ad illos pertinent omnia, tanquam lineas in suum centrum coeuntes, cum inferior hic mundus perfectè contineatur & distinctè repræsentetur, in archetypo illo infinitæ capacitatis mundo. Gregorius de Angelis: Interius, inquit, exteriùsque sciendo diffusi sunt, quia ipsum scientiæ fontem contemplantur. quid enim de his quæ scienda sunt, nesciunt, qui scientem omnia sciunt? <sup>a</sup> Et de beatis alijs: Quia, inquit, in æternâ hæreditate omnes communi claritate Deum conspiciunt, quid est quod ibi nesciant, vbi scientem omnia sciunt? <sup>b</sup>

<sup>a</sup> Lib. 1. moral. c. 2. <sup>b</sup> Lib. 4. dial. 6. 33.

## §. II.

Sed tui arietis cornu alterum retundo. Palàm & liberrimè fate-  
mur cum doctore Orbis: Vnus Deus, vnus & mediator Dei &  
hominum, homo Christus Iesus. <sup>a</sup> Hic humanæ gentis Aduoca-  
tus, Mirabilis, Vnus, Absolutus est, qui suo & nomine & auctori-  
tate loquatur. Sed negare inferiores alios velut sequestres & pro-  
xenetas, quos eo produxerit suprema Christi auctoritas, diuinis  
paginis planè non repugnat. An non Moses suâ se voce diuulgans:  
Ego, inquit, sequester & medius fui inter Dominum & vos, in tem-  
pore illo. <sup>b</sup> Propter hanc eandem rationem Basilus in Nicæno  
Concilio secundo laudatus, Apostolos & Martyres vocat Media-  
tores, eorûnque opem implorandam docet his verbis: Qui aliquâ  
premitur angustia, ad hos confugiat; qui rursus lætatur, hos oret:  
hic vt à malis liberetur, ille vt duret in rebus lætis. <sup>c</sup> Eleganter Gre-  
gorius Nyssenus Theodorum clarissimum Martyrem obsecrat, vt  
immanitatem Scythicam armatosque cuneos Orienti iam immi-  
nentes suis precibus auertat: Vt miles, inquit, pugna pro nobis, vt  
martyr pro conseruis; vt ere libertate loquendi, &c. Admone Pe-  
trum, excita Paulum, Ioannem theologum ac discipulum dilectum,  
vt pro Ecclesijs quas constituerunt, sint solliciti. <sup>d</sup> Chrysostomus,  
Regum & Principum, Constantini Magni præcipuè pietatem in  
Diuos dilaudans: Et ille, inquit, qui purpuram gestat, ad sepulchra  
illa se confert, vt ea exosculetur, abiectisq; fastu stat supplex, sanctos-  
que obsecrat, vt ipsi apud Deum præsidio sint. <sup>e</sup> Sed mens mihi  
non est priscorum Patrum, qui lüculentè ideim testantur, syllabum  
hic texere. Quod si censura sit ingeniorum, ijs ego facillè credide-  
rim, quibus persuasum est neminem vllum Origenis aut Augustini  
ingenio

<sup>a</sup> 1. Tim. c. 2. v. 5. <sup>b</sup> Deut. c. 9. v. 5. <sup>c</sup> Basil. orat. 20. in 40. Martyres.

<sup>d</sup> Greg. Nyss. orat. in Theod. mart. <sup>e</sup> Chrys. hom. 26. in ep. ad Cor.



ingenio par vnquam habuisse. Igitur quid Origenes, quid Augustinus hac in re senserint, narratione breui, sed fidelissimâ pandam. Origenes: Incipiam, inquit, me genibus prosternere & deprecari vniuersos sanctos, &c. O sancti Dei, vos lacrimis & fletibus pleno dolore deprecor, vt procidatis misericordijs eius pro me misero &c. Heu mihi Pater Abraham deprecare pro me. *a* O beate Iob viuens in perpetuum apud Deum, & victor permanens in conspectu regis Domini, ora pro nobis. *b* Augustinus multò clarissimè hanc in Diuorum poscendâ ope religionem firmat, & Iobi verba sic interpretatur: Misere mini mei, saltem vos amici mei. Angelos videtur postulare, vt pro eo deprecantur, aut certè sanctos vt pro peccante orent. *c* Et Augustinus ipse diui Cypriani auxilium implorans: Adiuuet itaque nos, inquit, orationibus suis in istâ carnis mortalitate, tanquam in caliginosâ nube laborantes, vt donante Domino, quantum possumus, bona eius imitemur. *d* In opere illo nobilissimo de Ciuitate Dei, hanc formulam consuetæ precationis (ô Sancte, memor esto mei) ore omnium Christianorum vsurpari affirmat his verbis:

*Quique sui memores alios fecere merendo:*

Prorsus tanquam eis diceret, quod frequentatur ore Christiano, cum se cuique Sanctorum humilis quisque commendat & dicit, memor esto mei, atque vt id esse possit, promerendo efficit. *e* &c: Cum itaque recolit animus vbi sepultum sit carissimi corpus, & occurrit locus nomine martyris venerabilis, eidem martyri animam dilectam commendat recordantis & precantis affectus. *f* Ideò idem Augustinus, ad subsidium à constantissimo martyre Stephano petendum hortatur, facilius enim orationes illius pro orantibus quàm pro lapidantibus admittendas. *g* Et: Iniuria est, inquit, orare pro martyre, cuius nos debemus orationibus commendari. *h* Nam, sanctorum martyrum orationibus propitiatur Deus peccatis populi sui. *i* Omnes martyres qui cum Deo sunt interpellant pro nobis. Non transeunt eorum interpellationes, nisi cum transit gemitus noster. *k* Gaudeant de vobis qui orant pro vobis. *l* Num tibi, Gerarde, solem claro meridie illustrioribus radijs vis allucere? nihil capit qui hæc non capit.

m 3

§. III.

*a* In lament. ad finem *Περὶ ἀρχῶν*.

*b* lib. 2. in Iob.

*c* Aug. tom. 4. Annot. in c. 19. Iob. v. 21. *d* lib. 6. contra Donatist. c. 1.

*e* tom. 5. lib. 2. 1. de ciuit. Dei, c. 27. proximè finem.

*f* tom. 4. lib. 6. de curâ pro mortuis gerendis. c. 4. *g* serm. 1. de S. Stephano.

*h* serm. 17. de verb. Apost. *i* q. 102. in Exod. *k* tom. 2. in Ps. 85. paul. ante fin.

*l* in Psal. 88. in fine.

Quod tertio loco diuinas paginas requiris, en dictorum testes. Vates Hebræus Baruch: Domine omnipotens, inquit, Deus Israël, audi nunc orationem mortuorum Israël, & filiorum ipsorum qui peccauerunt ante te. <sup>a</sup> Obserua mihi verba, *orationem mortuorum*. Ergo etiam mortui orant? Vtique, sed ij qui iam viuunt supra cæruleas illas stellarum plagas. Laudatissimus dux, Iudas Machabæus per quietem vidit Oniam Pontificem passis manibus pro populo supplicantem. Proximè hunc alius senio & maiestate venerandus assisitebat, quem Onias velut digito designans: Hic est, inquit, qui multum orat pro populo, & vniuersâ sanctâ ciuitate, Hieremias Propheta Dei. <sup>b</sup> Quin & ipse purpuratus epulo in flammis pro fratribus rogat; ne & ipsi veniant in locum illum tormentorum: <sup>c</sup> Et Petrus ac Paulus in summis beatorum delitijs, iam ex toto securissimi, tacebunt? Hoc sensu Hieronymus ratiocinatus: Sanctus Paulus Apostolus, inquit, ducentas septuaginta sex animas sibi dicit in naui condonatas, <sup>d</sup> & postquam resolutus, esse cœperit cum Christo, nunc ora clausurus est; & pro ijs, qui in toto Orbe ad Euangelium suum crediderunt, mutire non poterit? <sup>e</sup> Diuino pariter imperio Iobi tres cognati ad Iobum sic ablegantur: Sumite vobis septem tauros, & septem arietes, & ite ad seruum meum Iob, & offerite holocaustum pro vobis, Iob autem seruus meus orabit pro vobis: faciem eius suscipiam, vt non vobis imputetur stultitia, <sup>f</sup> Ergo Numinis iram mitigabit homo, etiamnum sceleribus obnoxius, & ciuis iam cælo donatus, iam Numini proximus, id non possit? Tot in cælo potentissimi oratores nullam mortalitati nostræ gratiam exorabunt? tam copiosæ fragrantiae nubes fœtoribus nostris mederi non poterunt? quid autem sunt cælitum preces, nisi odorum suauissima congeries? Hoc eis nomen tribuit beatissimus Ioannes, &: Habentes, inquit, singuli citharas & phialas aureas plenas odorumamentorum, quæ sunt orationes Sanctorum. <sup>g</sup> Ergo, Gerarde, hæreticam laruam quam sumpseras, iam tutò ponere licebit iterum, & certam Diuorum opem agnoscere. GER. Si ergo Cælites colendi, an non cum delectu id faciendum? an non alijs præ alijs, veneratione afficiendi? num alius alio non sublimior est in sedibus beatorum.

CAP.

<sup>a</sup> Bar. c. 3. v. 4. <sup>b</sup> 2. Mach. c. 15. v. 12. <sup>c</sup> Luc. c. 16. v. 27.

<sup>d</sup> Act. c. 27. v. 24. & 37. <sup>e</sup> Hier. tom. 4. contra Vigilant.

<sup>f</sup> Iob. c. 41. v. 8. <sup>g</sup> Apoc. c. 7. v. 8.



## CAP. III.

*Quinam Calitum præcipuè colendi.*

**P**OLYCHR. Hic videri possumus in ipso limine offendere & errare, dum quærimus ne erremus. Audio scriptorem sacrum qui moneat: Noli etiam inquirere de meritis Sanctorum, quis alio sit sanctior, aut quis maior fuerit in Regno cælorum? Quidam Zelo dilectionis trahuntur ad hos vel illos ampliori affectu, sed humano potius quam diuino. Magnum est vel minimum esse in cælo, ubi omnes Magni sunt, quia omnes filij Dei vocabuntur. Sed pacetua, ô magne, & ô sancte scriptor, præceptis tuis nil refragatur nostra quæstio: Non illorum dignitates distinguere, sed nostrum obsequium instruere animus est. Nec malè hic credam, me omnium voce loqui, si dicam secundum Christum Iesum qui orbem restaurauit suo sanguine, matrem Christi, & beatissimas illas mentes Angelos, præcipuo cultu esse venerandos. Hoc ratio, hoc auctoritas sacræ paginæ, hoc priscorum Patrum volumina, hoc omnis antiquitatis consensus docet. Sit, qui neminem Diuorum nôrit, matrem Dei, Deoque proximum famulatum, Angelos ignorare non potest. Non nescio Chrysostomum in beati Pauli tutelam mirifico affectu transiisse, cuius & iconem in suo museo assiduè oculis voluit obuersari. Scio sanctos Philippum & Ioannem Baptistam à Theodosio Imperatore præcipuâ veneratione cultos. Noui, Paulum Elcanum sancto Nicolao & sanctæ Catharinæ deuinctiorem quàm Diuis alijs. Non me latet à beatâ Elisabetha Hafsia Landtgraviâ, Ioannem Euangelistam in Diuum tutelarem adscitum; & regem Anglorum Eduardum, nulli huius Apostoli nomine petenti, quidquam negare solitum. Non ignoro, Hungum regem Pictorum diuo Andreæ, Carolum Sicilia regem diuæ Magdalenæ, Constantiam Constantini Imperatoris filiam, diuæ Agneti virginis, Zimiscam Imperatorem diuis Georgio & Theodoro martyribus, Vrbanum II. Pontificem diuo Benedicto singulariter deuotum extitisse. Pari ratione alij alios sibi patronos delegerint. omnes bene & piè. Sed neque noster, puro, erabit amor, si præ Diuis alijs omnibus, ad Beatissimæ Virginis, Dei matris, sanctorumque Angelorum patrocinium confugiamus. Gerarde, si piè viuere & sanctè mori in animo nobis est, à matre Dei & ab Angelis deprecationem efflagitemus: perire non potest,

in 4

qui,

qui tales sibi conciliauerit patronos. Ita ego quidem inter Caelires Matrem Domini, & sanctos Angelos singularibus obsequijs censeo nobis in amorem deuinciendos, vtrumque paullo explicatius nunc docebo.

## §. I.

Virgo beatissima, Dei mater Maria, nullius preces aspernatur, in omnes beneficiorum diues est. Quò maior rogantis est miseria, hoc amplior dantis misericordia. Pulchrè & cum sensu Bernardus: Ipsam, inquit, sequens non deuias; ipsam rogans non desperas; ipsam cogitans non erras; ipsâ tenente non corruis; ipsâ protegente non metuis; ipsâ duce non fatigaris; ipsâ propitiâ peruenis. <sup>a</sup> Ille solus huius virginis laudes fileat, qui fideli prece appellatam, suis necessitatibus senserit defuisse. Illud in hac Virgine admirandum, & opulentissimæ gratiæ illustrissimum argumentum. Adeò in huius Virginis vultu & augusta Vebustas, & verecunda Maiestas certabant, vt vel solo aspectu, vel ipsis tantùm oculis etiam muta concionaretur, & aspicientis se animo castissimam flammam subijceret. neque solum omnes sui spectatores, ad pudicitiam mirificè accendebat, verùm etiam si quid obscœni ignis in spectantium mente sæuaret, protinus suo vultu, velut frigidâ, extingueret. Auctores huius & testes complures sunt. <sup>b</sup> Hinc forsant antiqui Patres, contra carnis maligniores illecebras, Virginis huius imaginem, velut Virtutis speculum, aspicere, tam potens quàm suauè remedium censebant. Hinc illa Claraualensis Præsulis assidua exhortatio: Respice Stellam, voca Mariam. Proxima Numini hæc Virgo est, quæ Numen peperit, quæ terris Deum dedit. Cùm hanc Virginem laudamus, feliciori encomio ad Deum assurgimus. Et quam laudem hæc Virgine dignam humani oris paupertas reperiatur? Sole clarior, Lunâ pulchrior; cælum premit, sideribus cingitur. Verè hortus conclusus, & paradysus voluptatis, imò horto floridior, & paradiso amœnior est. Propinquo Numine potentissima, virginitatis flore pulcherrima, in totâ rerum vniuersitate eminet; quàm pulchra tam benigna, quàm potens tam propitia. Vt Deum caperet, cælo maior esse debuit: sic Deum concepit vtero, & enixa est, vt cælum in terram traheret, & castissimis visceribus auream immensamque cæli maiestatem vinceret.

At cùm de Virgine hac dixerimus omnia, tacuisse plura videbimur:

<sup>a</sup> Bern. serm. 2. super Missus, &c. <sup>b</sup> S. Thom. part. 3. dist. 3. q. 1. art. 3. S. Bonau. q. 2. & 3. Gabriel. Halensis, alij post D. Ambrosium.



**mur** : innumeris & æternis virtutum facibus collucet. Quicquid præconij & laudis, quicquid ornamentorum & nominum per quoscunque titulos ingreſſi, in hanc Diuam congeſſerimus, maius tamen elogium non ſuppetet, quàm vnum illud naturæ ipſi obſtupescendum, Mater & Virgo, Mater Dei, Virgo perpetua, Virgo ſine exemplo, Virgo ſine pari, omnibus antiſtans, nec primam habere ſimilem viſa, nec ſequentem; inter ſanctas ſanctiſſima, inter puras puriſſima, cæleſte prodigium, Virtutis ſpeculum, mundi miraculum, Orbis vtriuſque gaudium.

## §. II.

Vaticinatur olim de ſe Virgo beatiffima: Beatam me dicent omnes generationes. Ab æuo in æuum ſic erit. Vel hoſtes tui, ô Virgo, præconium tuum augebunt. Tu illa Regina cæli, terræ, maris: Tu Angelorum hominumque Domina: Tu fons miſericordiæ vberriſſimus. Tu intemerata mater, & humani generis ſoſpitatrix perpetua, ſemper fouendis mortalibus munifica, dulcem matris affectionem miſerorum caſibus diſpenſas. Nec dies, nec quies vlla, ac ne vix moimentum quidem tenue tuis tranſcurrit beneficijs otioſum, quin eos qui tuam opem inſeclant, mari terræque protegas, & depulſis vitæ procellis ſalutarem porrigas dexteram. Te ſuperi colunt, obſeruant inferi. Tu ſolem luminas, Orbem exhilaras, tartarum calcas. Tibi reſpondent ſidera, ancillatur terra, ſeruunt elementa. Supra te nihil niſi Deus eſt, infra te eſt, quicquid Deus non eſt. Tu luna ab illo ſole proxima. *Beatam te dicunt omnes generationes.* Quot enim librorum volumina, quot per orbem templa, quot diuites templorum aræ, quot ſacundi titulis ac donis parietes, quot ſacrorum hominum cætus, quot piorum iuuenum ſodalitia te colunt, tuas laudes commemorant, tuis honoribus deſeruiunt? *Beatam te dicunt omnes generationes.* Omnibus retro ſæculis, omnes hominum ordines, vbique terrarum & locorum te Domini Matrem, religioſiſſimo cultu venerantur. Vna vbique Virgo es, ſed materni diuinique affectûs ignem locorum varietate multiplicas: templa ornas, ſcholas erudis, domos protegis, impleſ Orbem beneficijs, virtutibus, gratijs, miraculis. Nimirum ab vno iubare innumeri emanant radij. O ſtella maris, quot naufragos ſeruasti? quot perditos in ſalutis regnum reuocaſti? Mater es omniū qui cupiunt eſſe filij. O magna, ô admiranda! quæ in omnes eſſe benefica per te viſ, per filium autem potes: ô verè animatum cælum,

lum, ô abyssus gratiæ, ô Mater Dei! Nemo hanc matrem coluit, & seruus fuit; agnoscit illa nomen suum amabile, & in cultores deriuat: reddit affectum, & filios appellat.

Et hanc Diuam, Gerarde, præ Diuis omnibus colamus, assiduâ sed non perfunctoriâ pietatē. Totis, inquit Bernardus, inedullicordium, totis præcordiorum affectibus, votis omnibus *MARIAM* veneremur, quia sic est voluntas eius, qui totum nos habere voluit per *MARIAM*. « Si viæ duces hîc quæris, si exempla desideras, sanctissimos homines, augustissimos Imperatores, Reges, Principes, Virgini matri deuotissimos, his ipsis vestigijs præeuntes observa, & sequere.

At Angelorum Reginam tantò potentiùs nobis demerebimur, quantò studiosiùs & Angelos reuerēbimur. Huc Ambrosius digitum intendens: obseruandi sunt, inquit, Angeli pro nobis, qui nobis ad præsidium dati sunt. *b*

*a* Bern. serm. de Natiu. B. Virg. *b* Amb. t. 4. lib. de uidiis.

### §. III.

*GER.* Mihi sanè placet, quòd vnâ & Angelos, & Angelorum Reginam à nobis coli oportere doceas. Regina cæli supra omnes Angelorum ordines sublinis, illis præsidet, per Angelos ergo transeundum est ad eorum dominam sua vota contendenti. *POL.* Totus hoc sentio, beatissimam Virginem ab eo rectissimè coli, qui & Angelorum amicitiam ambiuerit: & quisquis Angelos amauerit, Reginam eorum vtique amore prosequetur. Guilielmus Balesanus, scriptor insigniter eruditus, & pius hoc ipsum disertè docet, ante Cælitēs alios omnes, beatissimam Matrem Virginem, & secundum hanc, purissimos illos genios, nobilissimos cæli ephēbos, Angelos, veneratione singulari afficiendos. « Multum debemus Angelis, multum supra omnem modum, & præsertim suo quisque tutelari Angelo. Hic nobiscum quasi nascitur, & ad cunabula nostra mox vigilare non dedignatur. Hic nutricee fidelissimam longè superat, & infantem sæpius, quem nutricee negligentia necaret, tutissimis manibus (sic loquar) excipit. Post cunas custoditas, pædagogum agere, vile sibi non putat. Semina maximè & veluti fundamenta virtutum, præalto affectu insinuare clientulo suo laborat. Simul vitiorum auerſandam fœditatem proponit; intemperantiæ, mendacij, fraudis, inobedientiæ, libidinis turpitudine, veluti insolentiâ prodigiorum exterret, fastigium præmiæque Virtutis monstrat: præcipuè viam Numinis venerari docet, nunc benefi-



cio, nunc vindictâ suspiciendam. Et hoc ipsum non atroci aut molestâ ratione vrget: Suauissimis impulsibus, hæc prima rectæ disciplinæ initia, in sui clientis animum stillatim transfundit. Vbi lenibus his rudimentis pueritiam initiauit, ad virilem cautâque virtutem exhortatur.

Quod verò admirandum, & in summis beneficijs æstimandum, quantumcunque indocilem & refractarium discipulum sit nactus, eum tamen magisterio suo non excludit, suâ ope non destituit, non subtrahit saluberrimos instinctus, diurnas nocturnasque excubias non laxat, non subducit se; hominē quantumuis improbum & contumacem ad vsq; supremū halitum constantissimè tuetur & erudit.

O mi Deus, o mi amantissime Tutor Angele, quantis beneficijs per momenta pænè singula obruimur, nec sentimus, incogitantis animi stupore defixi; morimur ingrati.

## §. IV.

Nos misellos, viles vermiculos, tanti Deus æstimat, vt iugi castrorum incinctu prouidissimè tueatur. Basilii Magnus, illud regij vatis, *Immittet Angelus Domini in circuitu timentium eum*, a sic exponens: Omni, inquit, in Christum credenti Angelus assistit. Considera igitur quanta sit Angelorum natura, quoniam vniuerso exercitui, & castris numerosæ hominum multitudinis vnus assimilatur Angelus. Ob magnitudinem itaque eius qui te custodit, castra tibi, munitionesque præbet Deus: propter Angeli verò virtutem, veluti circumuallat te vndique securitate, quæ est per illum.

Quot ergo nominibus huic castrorum vigilantissimæ fidelitati obstringimur? Et quinam Cælites in prisce nouæque legis sacris voluminibus crebrius laudantur quàm Angeli? Non est liber è diuinis, qui Angelorum elogia non recitet. Angeli per tota biblia largissimè commendantur. Vix quidquam olim patrauit Deus, quod effectum non sit actoribus Angelis, qui semper vigilantissimis studijs nostræ saluti curarunt. Et hæc, mihi crede, Gerarde, caussa fuit cur in ipsum Angelis arctissimâ deuotione in omnem vitam obstrinxerim. Non reperio per omne cælum nec plures numero, nec origine nobiliores seu ministros Numinis, seu amicos. Ab his mihi tibi que omnem beneuolentiam fidentissimè polliceor. Angelorum in nos beneficia & plurima sunt, & maxima sunt, & sunt perpetua. Nihil eis sordet in ministerijs & obsequijs erga nos, dum profint nobis.

Et num me periturum trepidem, si pro me in extremis consti-

tuto, iam iamque animam acturo, infinita pænè millia Angelorum admotis precibus Deo fiant supplices? Num in hoc tribunali salutarem mihi litteram non exorent, tot apud iudicem gratiosissimè deprecatores? Num causæ meæ alioqui non bonæ diffidam, tantos habeam aduocatos & Oratores? Ita dico: Beatissimæ Virginis & Angelis amicus, perire non potest, nisi quem ipsa pereundo libido præcipitat. Non perit illis, nisi qui prius ipse sibi.

## §. V.

Illud tamen vnum hîc monuerim, quòd à prisco philosopho dicimus. Epietetus ille origine quidem vilis, ac debilis corpore, sed mente nobilissimus, & qui inter omnis æui iumina refulsit: cuius lucerna fictilis, illo mortuo, mille drachmis, seu, centum philippèis vænijt, in memoriam & honorem viri, & ob diuinas scriptiones quas ad lucernam illam elucubrauit: non est sanè inter priscos illos qui bonam mentem magis aut trahat aut formet, tam docta scriptura, tam & salutaria. Hic, inquam, philosophus de tutelari Angelo differens: Procuratorem, ait, vnique addidit, genium cuiusque, eumque illi custodiendum tradidit: & tali quidem qui nec dormiat nec decipiatur. Cùm igitur fores clauseritis, & conclaue tenebrosam effeceritis, cauete, ne vnquam dicatis, vos esse solos; neque enim estis, sed Deus intus est, vester genius intus est. Non erubescimus ad has voces, Gerarde? hoc viderit philosophus in illius æui tenebris? ita Deum, ita custodem Angelum præsentem esse monuerit? Nos Christiani, nos Beatissimæ Virginis sodales, tam insanè libertate in vetitum ruamus, ac si Deus, ac si custos Angelus longissimè remoti, nihil nostri sceleris arbitrarentur? O temeritatem furialem! O impure, ô libidinoſe, quisquis es, quid impium illud SOLVS SVM, in lasciuam turpitudinem te animat? ah, cogita, vbicumque es, nusquam SOLVS ES. Quibuscunque vel tenebris vel latebris tegaris, nunquam SOLVS ES. Habes tui sceleris vel secretissimi spectatorem Deum, & custodem Angelum, & eum quidem custodem (vti Epietetus) qui nec dormiat nec decipiatur. Ergo attende tibi, & obscenarum cogitationum vel primos aspectus exhorresce: NON ES SOLVS, etiam cùm solas cogitationes animo verſas, Deus intus est, intra tuum animum præſens est, libidinem tuam omnem vel latentissimam cernit. Ah, non SOLVS ES, vbique DEPREHENSVS ES; ipsa te conscientia nusquam deserit, vbique comitatur, omnium actionum testis & accusatrix, nusquam SOLVS ES.



*Quanam potissimum ratione colendi Caliter.*

**N**ON est dignior litatio sanctis, quàm Sanctorum imitatio. Satis illos coluit, quisquis imitatus est. Augustino teste, summa religio est, imitari quod colimus. Atque: Si ad consortium, inquit, sanctorum martyrum peruenire volumus, de imitatione martyrum cogitemus: Sollennitates enim martyrum, exhortationes martyriorum sunt, ut imitari non pigeat quos celebrare delectat. « Neque arduum nimis videatur, eos qui hac viâ præcesserunt, eâdem & sequi. Illi ipsi iam beatissimi cælites ipsdem, quibus nos inijs creuerunt, ipsdem, quibus & nos elementis adoleuerunt, eâdem quas nos, molestias senserunt, & sæpe maiores; ab ipsdem hostibus impugnati, simillimis illicijs ad vitium inuitati, ipsdem nobiscum periculis obnoxij, nec alijs quàm nos supplicijs & pœnis castigati. neque ipsis pectus ferro aut chalybe stetit; corpus eorum æquè ac nostrum fragile, & ad omnem iniuriam proiectum; tam ipsos quàm nos Mundi rabies allatrauit; ipsis non minus refractaria fuit caro quàm nobis; Satanas in eos non mitior, quàm esse solet in alios omnes. At illi vincendis suis hostibus, rationem monstrarunt, quâ nostros & nos debellaremus, si velimus esse victores. Illisne Deus adfuit? aderit & nobis. Vim eis & robur sacramenta contulerunt? & nobis conferent. Aliorum illis Diuorum fauor auxilio fuit? nec nobis deerunt, tam illorum quàm horum coniuncti fauores. Diuos igitur venerari conemur potissimum *imitando*. Porro nobilissimum hoc venerationis genus ferè triplici capite constat, oratione, carnis castigatione, sacrâ lectione. de his, si ita tibi videatur Gerarde, libabo paucula, ut paulò copiosius differere liceat de menstrua Diuorum sortitione, de quâ hîc dicere institui. **G. & R.** Nihil contradico.

a Serm. 30. de Sanctis, & form. 47. qui Augustino tribuuntur.

§. I.

**P. & L.** Oratione nobis conciliamus Diuos, si tamen oratio è puro castoque pectore Deum anhelet. Nos sæpe generosum Creticum propinamus, sed poculo tam illoto & fædo, ut id etiam vehemens sitis auersetur. Quandoque optimas preces superis allegamus, sed animus interim suo hærescit luto. *Non est speciosa lana in peccatoris.* a Beatissima Virgo, Dei mater, uti narrant, b vni adolescentum

a Eccl. c. 75. v. 9. b Præcipue Albert. Castell. de rosario.

lescentium per quietem sese spectandam dedit hac ratione. Vinum ei, ut videbatur, generosissimum porrigebat, sed poculo immundo. miratus adolescens tam nobile donum in vase tam sordido. Cui Virgo: Vide, inquit, fili; rosarii tui preces mihi gratæ sunt & instar optimi potûs, sed Calix quo hunc offers, non placet. Oratio tua bona est, non item vita tua; pulchrè precaris, sed turpiter viuis: ut in utroque placeas, castius viuas. Motus adolescens tam salubri spectaculo, castiores mores induit, ut se cælo probaret tam viuendo quàm precando.

Illud autem frequentissimum, ut precantis quidem animum tam foedæ sordes non inuoluant, eum tamen cogitationes plurimæ plusquam Metium Suffetium distrahant, & à precibus amabili fraude abducant. ita sæpe animus nihil minus cogitat quàm quod orat, seque ipsum sibi blandissimâ vi suffuratur. *Appropinquat populus iste ore suo, & labijs suis glorificat me, cor autem eius longè est à me.* a Nec tantum puræ, neque attentæ tantum, sed & constantes sint preces nostræ. Heu, nimium lunæ in susceptâ pietate ostendimus. Sæpe die vnum alterumue, vnam alteramue hebdomadem magno precum numero fatigamus cælum: mox elanguescit ac hebescit pietas, & iam vel pauca tædet precari. Constantius obsecro, constantius, nec enim in re vllâ laudabilior est constans importunitas quàm in precibus. *Deus non faciet Sindictam electorum suorum clamantium ad se die ac nocte?* b *Et si ille perseverauerit pulsans,* ait Christus, *dico vobis, dabit illi quicquid habet necessarios panes.* c Ergo orationi instate vigilantes in eâ, & orantes omni tempore in spiritu. GER. Odi ego ineam ipse inconstantiam, nec tamen arceo: cœpi nuper Angelos quotidianis precibus venerari. Sed heu quod mihi antea quotidianum erat, iam vix est menstruum. POL. Nos ipsi nobis sæpe pessimo exemplo sumus, sed en meliora & maioris constantiæ.

Bernardinus patriâ Seriensis, qui iam à paruulo in Virtutis leges iurârat, annis compluribus, idque quotidie, & nudis genibus, ad Beatissimæ Virginis effigiem precare solitus est. Eadem fuit plurium aliorum sanctissima in his conatibus pertinacia. Sed vicina & recentia nescio delectent magis an moueant. Prodigium est pænè, quod nostri æui testimonium habet. S. Carolus Borromæus, Pij Quarti, Summi Pontificis nepos, è stirpe nobilissimâ, Romanus purpuratus senator, vir ad omnem virtutem à teneris factus,

a Il.c.29.v.13. b Luc.c.18.v.7. c Luc.c.11.v.8.

d Coloss.c.4.v.2. e Ephes.c.6.v.18.



factus, præter quotidianas prolixas sacerdotum preces, Officium & Coronam beatissimæ Virginis quotidie, idque flexis genibus recitare consuevit, & nec in itinere quidem moris sui negligens fuit. En, tantus præsul, Cardinalis, Archiepiscopus, tantâ mole negotiorum pressus, nihilominus velut otij abundans, diebus singulis, flexo poplite suas matri Virgini laudes liberalissimè adineitur. Idem sanctus Antistes, quodcumque æris campani signum ad Angeli salutationem audiret, quocumque loci esset, in vitâ etiam fractâ & cænosa, mox in genua ruebat, ab equo etiam desiliebat, & humo poplites ficebat, salutans cælestem Virginem. Pari pietatis officio, si quem per compita sacerdotem, qui ægro Angelorum ferculum deferret, offenderet, cœptum iter deserebat, & Christum Dominum per omnem viam deducebat, nec prius abscedebat, dum in templo Eucharistia in suum locum reciperetur.

GER. Quid nos, viles animæ, quid nos simile? est sanè quod colorein ducere & erubescere ad hæc talia velimus. POL. Iure merito, in quibus nec umbra tam magnificæ virtutis elucet. Nec tacentus nobis vir ille doctissimus, Martinus Nauarrus, qui sexaginta amplius annis rosarij quotidie recitandi consuetudinem habuit. Quis nostrum hoc vnquam fecit tamdiu, quis facturus? utinam longè faciliora non subterfugeremus. Sine incuriâ non præterierim, illum beatissimæ Virginis cultorem eximium, Ioannem Godefridum Bambergensem & Würzburgensem Episcopum, qui diuæ matris officium & rosarium, quantiscumque negotijs distineretur, etiam in itinere, præter statas sacerdotum preces quotidie recitauit, idque adeò constanter, ut illâ ipsâ quâ obiit nocte, Canonicas preces (Matutinum & Laudes) vnâ cum officio & rosario beatissimæ Virginis recitaret, quod & S. Carolus Borromæus morti iam proximus fecisse perhibetur.

Porrò Ioannes Godefridus ad diuæ Virginis Dettelbacensis ædem, duobus milliaribus dissitam, supplicationem crebrius instituit, nudis pedibus. Diui quoque Caroli Borromæi exemplo, quotidie horâ vnâ post cenam, æris campani signo omnem aulicam familiam conuocari iussit, ut in facello litanias vnâ recitarent, & examinarent conscientiam. En, quantihæc præeant, quin sequimur?

Sed hîc, Gerarde, velim vnâ mecum in saluberrimam consuetudinem non consentias tantum sed iures. Solent beatissimæ Virginis, & suæ salutis amantiore singulis horis, ad cuiusque horæ principium, verbis Gabriëlis Matrem *Domini* salutare, eidemque illud præsertim, *Nunc, & in horâ mortis nostræ*, ardentius commendare. Mos hîc vtilissimus quot horis Angelicam salutationem recitandi, etiam summorum Pontificum sacrâ liberalitate stabilitus est. Leo Decimus piæ memoriæ, Christianis omnibus mille dierum indulgentias impertijt, qui horæ signo audito, illam Angeli salutationem pronuntiarent. Idem, piæ memoriæ Paulus Quintus Pontifex Max. Anno millesimo sexcentesimo vndecimo confirmauit. Putem ego, decere admodum, si id loci ac temporis ratio ferat, submissis genibus hoc facere. Gerarde, est quod tibi hîc in aurem, imò è meo pectore in tuum mihi amicissimum pectus transfundam, si tamen silentium spondeas. GER. fidissimum. & saxo dictum credas, quod dicturus es. POL. Ego quodocunque domi in museo meo, aut alibi solus ago, mox atque horam audio, in genua procumbo, & oratiunculam Ave Maria &c. pronuntio; addo quæ ex Horologio Tutelaræ Angeli didici: Benedictus Deus in æternum. Miserere mei Deus, secundum magnam misericordiam tuam: etsi Domine minor sum cunctis miserationibus tuis. O Dominus meus, & Deus meus, ego me tibi offero in omne tuum beneplacitum: fiat voluntas tua. Ita Deo Deique matri, me, meam, meumque obitum horis singulis commendo. Hoc tu alios docere quidem poteris. de me nec verbum poteris effutire, quia fidem tuam mihi obligasti in silentium.

Ceterum piam hanc industriam etsi facillimam, multis alijs præcandi exercitijs prætulerim, modò quod instituimus facere, faciamus constanter. Et quid enim necessarium magis, aut magis optandum nobis, quàm bona vitæ clausula & felix obitus? Hunc vno die millies & vnicè à Deo flagitemus, neque enim aliter quàm precibus impetrari potest, hoc prorsus gratuitum donum. hunc ipsum obitum nostrum diuinæ matri quot horis ardentissimè commendemus: *& in horâ mortis nostræ*. Ah, ab hoc mortis momento tota nobis pendet *Æternitas*. Hoc ergo momentum, Gerarde, momentis singulis prospiciamus, & vel singulis saltem horis seriò precemur: *& in horâ mortis nostræ*. Vix malâ morte defungetur, qui  
omnibus



Sic statuo : hac horâ , & deinceps horis omnibus , ad usque horam ultinam , hoc vnum assidue rogare non desinam : ita me iuvent omnes Cælites.

Pol. Prima ergo ratio, Divos Caelites colendi, oratio est. Altera, Carnis castigatio. Haec nobis de Dei matre, & sanctis Angelis sermo est, de quibus & haec dicta volo quae subiungo. Divus Bonaventura memorat, Angelorum Reginam cum devota sibi matrona (is Elisabetham fuisse autumat) in haec fere verba locutam: Dico tibi filia, sine magno labore, continua oratione, ardenti desiderio, profunda devotione, multis lacrimis & afflictione, nihil gratiarum aut donorum me obtinuisse, gratia sanctificationis excepta. Scias igitur nullam gratiam caelo in animam descendere, nisi per orationem & corporis afflictionem.

S. Carolus Borromæus, quem paullo ante nominavi, non precibus tantum, sed & ieiunijs, ac insolitis alijs rigoribus gratiam divinæ matris ambiit. Et quamvis frugalitatem nunquam non amarit, hostis lautitiarum, insuper tamen, omnibus Deiparæ pervigilijs pane solum & aquâ ex more victitabat tantus princeps, velut pauperrimus mendicus. Nec in eo vno fuit hic abstinendi ardor. Non lubet hîc eorum catalogum texere qui singulis sabbati diebus, beatissimæ Virginis honori cenâ abstinuerunt, & etiamnum id faci-

a Bonan. c. 3. med. viz. Chisfi. b Leuit. c. 14. v. 29. & c. 23. v. 29. c Tob. c. 12. v. 8.

unt. Fecerunt hoc sanctissimi homines, potentissimi Principes. S. Nicolaus Myrensis Pontifex etsi quavis hebdomade diebus Lunæ, Mercurij, Veneris non cenaret, nihilominus tamen diuæ Virginis honorandæ, omni sabbato præter aridum panem & fontanæ hydriam in opsonium nil admittebat. Idem fecit iam inde à puero S. Bernardinus Senensis, idem S. Didacus Complutensis, qui pariter omne sabbatum ac peruigilium Virginis, fonte & modico pane traducebat. Illustrissimum illud sidus, in comitijs extinctum, a Ioannes Godefridus Bambergensis & Würtzburgensis Pontifex per omnem vitam, omnibus Sabbati diebus, beatissimæ Virginis honori, cibo abstinuit. Idem omnino fecit, qui in eodem solio præcessit Nythardus Bambergensis Antistes, qui quouis sabbato circa vesperam à negotijs iam magis vacuus esse voluit, ut Virginem Matrem impensioribus studijs coleret, Bono igitur omine, die sabbati natus, Pontifex creatus, inauguratus: eo demum die vitâ functus, eo sepultus est, singulari utique Beatissimæ Virginis fauore ac patrocinio. Beatus Aloysius Gonzaga castissimus iuuenis, è Societate Iesv, sabbato cenare nefas sibi duxit, ob amorem eiusdem sanctissimæ Virginis. Idem fecerunt alij complures, quorum exemplo ducti idem hodièque faciunt, non tantum religiosorum hominum plurimi, sed & reges, & principes maximi.

a Ratisbonæ, Anno 1622.

#### §. IV.

Hic ego nil arcani euulgo; vrbs tota Monachium eius rei conscia, iam pridem tacitâ veneratione suspicit, Serenissimum suum Ducem & Electorem Maximilianum cum Serenissimâ coniuge Elisabethâ, omnibus per annû sabbatis cenam reijcere solere, Virginum Virgini colendæ. Et quis Monachij nescit, omnibus itidem sabbatis, eosdem Serenissimos principes, cum aulicâ familiâ in hypogeum (Beatæ Virginis cryptam nominant) descendere consueisse, atque illic, dum res diuina fit, in pauimento humi genibus nictis locum ipsum etsi ab aulico Palatio remotiorem sæpe pedibus adire, ita diuinæ Matri se deuotissimos in rebus omnibus approbare. Quâ in re & illud illustri argumento est. Cùm Serenissimus Elector, Dux Boiariæ Maximilianus rebellis Austriæ ac Bohemiæ arma inferret, in labaro aulico, quod suum dominum fidelibus auspicijs præcedebat, Beatissimæ Virginis imago eleganter depicta visebatur, cum hac inscriptione: *Da mihi virtutem contra hostes tuos.* Verè dedit,



Dedit, toto expeditionis tempore, præcipuè ad urbem Pragam, fugatis, cæsis, debellatis hostibus, victoriâ æternum memorandâ; utrâque Austriâ, Bohemiâque iam domitâ & in Cæsaris potestatem redactâ. Possem plura tenerim in Dei matrem affectus symbola in medium dare, ab ipsidem Serenissimis Principibus petita: sed arcanum non temero.

En, Gerarde, quantis exemplis ad diuinæ Virginis & Virtutis cultum trahimur! Nec desunt aliorum principum, Regum, Imperatorum imitanda in hoc facinora.

Illâ cælo dignissima Lusitaniæ Regina Elisabetha, Petro Perpiniano teste, non tantum preces plurimas, sed & plurima ieiunia Angelorum Reginæ in obsequium deferbat. Incredibile pænè est, quàm illa in orando fuerit assidua. Siquidem diebus singulis sacerdotum preces ad omnes horas, Pontificum institutis comprobatas, septem Psalmos pœnitentiæ scriptos, Officium defunctorum, vnâ cum Officio Beatissimæ Virginis recitauit. Nec efatis erat annum vernum quadragintadiale ieiunium, huic insuper alterum duplex & geminatum, æquè diuturnum adiecit. Nam in honorem Matris Virginis à die festo D. Ioannis Baptistæ, usque ad diem Virginis in cælum assumptæ, quadraginta omnino diebus, & ab hac beatissimæ Virginis die ad S. Michaëlis Archangeli festum diem, diebus planè totidem, si dominicos deimas, pænè tantum & aquâ ieiunium perpetuauit. Idem omnibus diebus Dominici Aduentûs, omnibus S. Mariæ, & Apostolorum peruigilijs, idem diebus Veneris & Sabbati fecit, idem multis alijs diebus quos ipsa priuatâ quadam religione, propter certorum Sanctorum merita delegit. Præter hæc statâ definitaque anni tempora tribus hebdomadæ cuiusque diebus à cibo secontinuit. Ita Regina hæc, vt summam ieiuniorum incamus, post omnes Aduentûs dies ieiunio transactos, triplex insuper quadragintadiale ieiunium seruauit. Addidit per annum omnia beatissimæ Virginis & Apostolorum multorumque aliorum Sanctorum peruigilia, omnes dies Veneris & Sabbati, quibus diebus omnibus communi continentie more non contenta, non solum carnes lautioresque cibos remouit, sed nihil obtonij adhibuit, pænè tantum & aquâ vitam ægrè tolerauit. Tu iam numera, quibus diebus per annum non abstinerit, & eos pænè digitis computabis. GER. Repeto, quod antè dixi, iam

multò confirmatio: quid nos simile, quid obsecro tantæ virtutis as-  
fine facimus? nescio quid magni præstare nos credimus, cum leges  
non contemnimus. Illustrissima certè sunt illa, & magni nominis  
exempla, quorum nos nec umbram assequimur.

Pol. Quid iam aliorum voluntarias afflictationes memorem?   
Henricus Imperator verè pius, verè Diuus, quotiescunque Ro-  
mam adiit, primam semper noctem in basilicâ S. Mariæ maioris  
peruigil inter preces exegit. \* Maria de Oegnies quotannis ad æ-  
dem Deiparæ, duobus miliaribus domo disitam, vnicâ ancillæ  
comite, nudis pedibus, asperâ & rigente hieme reuifit, impransâ &  
incenata biduo illo durauit, noctem totam in Virginis templo pre-  
cando insumpsit. Eadem vnus diei noctisque spatio millies & cen-  
ties in genua procubuit Æternam Virginem salutatura: & hoc sa-  
lutandi officium subinde quadraginta diebus, ardore mirifico per-  
seuerauit. Sed ista me libaturum dixi. Orationi, & corporis affli-  
ctationi, sacram lectionem subiungo.

a Iob. Nauclet. genez. 34.

### §. V.

Quàm necessarium sit præ lectionis studium, id nos etiam Nix-  
etas, seu, Triumphata Incontinentia docet: notum tibi libellum  
nomino. Hic tantum, quos de beatissimâ Virgine & SS. Angelis  
legamus, digito monstrare instituo. Francisci Albertini de Custode  
Angelo libellum non ignotum tibi reor. Horologium Tutelarum  
Angeli, heri, me spectante manibus versabas. Hos perge crebrâ  
lectione terere, neque enim Ambrosios aut Augustinos, ingentia  
volumina præcipio legenda. Libelluli, quos dixi, nec lectoris fasti-  
dium obruunt, & virtutum radices quotidianis incrementis eri-  
gunt. Hac ergo suauiori lectione animum irriga quàm creberrimè,  
nunquam non eruditior, aut melior lectionem defines. De Matre  
*Dominæ* duos itidem scriptores præ ceteris tibi commendauerim:   
Franciscum Arias, & Petrum Antonium Spinellum: Ille Imitatio-  
nem, iste Amorem Deiparæ Virginis conscripsit, vterque magno  
emolumento legendus. Sed, quæso te, vidistine illud libri miracu-  
lum? Versus est vnicus, nec pluriùm quàm octo vocularum, & li-  
brum implet. In tenui scriptione ingens diuæ Virginis encomium  
est; in opere pusillo æternum argumentum. Poëta hic, totum ver-  
su vno complexus est cælum. GER. Hæc ænigmata tua, ego sanè  
non capio. Pol. Explico: Bernardus Bauhusius, versum scripsit  
vnicum, hunc ipsum quem recito:



*Tot tibi sunt dotes, Virgo, quot sidera cælo.*

Hunc versum quatuordecim syllabarum, millies, bis & vices mutavit, iisdem prorsus verbis, sensu, & metro servatis. Quis hoc scripti-  
onis prodigium non obstupescat? Versus quidem mille viginti  
duo numerantur, sed vnicus est: in vno mille, in mille vnus. Res in-  
audita & inuisa, versum pangi qui magnitudine suâ liber atque vo-  
lumen sit. Vulgus stellarum numerum, quem confusum cernit,  
infinitum facit, quia oculis credit. E doctis alij iam olim ad calcu-  
los cælum vocârunt, stellas numerare ausi, hodièque non plures  
quàm mille viginti duæ recensentur. Hunc stellarum numerum  
poëta expressit versu vnico, qui in mille viginti duos versus didu-  
citur, & planè in librum dilatatur. O admirandum voluminis com-  
pendium, nouo prorsus & inaudito carminis miraculo: faciem  
mutat & pulchritudinem seruat, numerum auget nec à monade re-  
cedit. Hic seu Versus, seu Liber, Proteus Parthenius inscribitur, &  
iure, nam mille viginti duas facies sustinet. Huic Erycius Puteanus  
vir eruditissimus, Thaumata pietatis adiunxit: scriptum tersum,  
elegans, admirabile. GER. Oro te, Polychroni, quæ officina ve-  
nalein habet hunc librum? non morabor vel centum assibus eime-  
re. POL. Hoc volui: capta est hæc auicula. decepi te, fateor, crede-  
bam enim hac offa te faciliè inescandum. Vbicunque noui quid aut  
curiosi emergit, huc manibus pedibûsque certatim aduolamus. O  
vitium humanæ gentis! O Curiositas! quàm blandè & suauiter re-  
bus planè omnibus te insinuas? Pietas ipsa technis tuis capitur.  
GER. Feci quod multi, & rei nouæ paullo appetentior fui. POL.  
Hic noster morbus est. In plerisque omnibus curiosa maioris  
apud nos pretij sunt quàm vtilia, quàm pia. Adolescentulis in lu-  
do litterario simillimi sumus, quibus non tam placent solida quàm  
picta, qui potiùs pulchra quàm docta sectantur, nec tam agentia di-  
ligunt quàm sonantia, & vt verè Chrysologus, magis gaudent fo-  
liorum amœnitate conspergi, quàm fructuum vbertate nutriri.  
Æqua est, & illius scriptoris querimonia: O quanti veritatem  
quærent non in veritate, sed in vanitate: quæsitam inueniunt non  
ad veritatem, sed ad vanitatem, & quod miserrimum est, in verbis  
vitæ, lucra mortis negotiantur! Ita, mi Gerarde, pij esse volumus,  
sed simul curiosi; eruditionem sectari, sed curiositatem non negli-  
gere; in libros studiosè incumbere, sed simul etiam curiosè: ama-  
mus pia, sed vana non satis odimus. Ergo vt famam hanc sequiorè

n 3

declinemus,

a Prolog. super Matth. b Richardi de S. Viêt.

declinemus, eos libellos nostræ lectioni destinemus, qui nos facturi sunt meliores. Historiam ad solam contemplationem legere, otiosa voluptas est; imitari autem laudatos olim viros, vera & publica eruditio. Da veniam libertati meæ: quærere, vbi Franciscus Arias de diuæ Virginis imitatione vendatur, hoc decet huius Virginis sodalem. Formandis moribus, non fallendo tempori hæc talia legenda sunt. Nec multa simul aut raptim lustranda, sed vitium bene mansum, in stomachum traicere, sanitati conducit; ita lecta bene expensa, in animum demittere, probitati. Vnica subinde sententia menti fidelius impressa, magna dedit incrementa Virtuti. Eo spectant gnomæ mensuris Diuis subscribi solitæ. Hic nobis ostium sponte referat: si placet, ingrediamur, & quia de Cælitum cultu dicere instituiamus, hoc agamus, obsecro, & de menstruâ Diuorum electione seu sortitione breuiter, ordine, compendio disseramus. GER. hoc ipsum audire expecto audire, etiam hic curiositatem pascere licebit; res est noua, nec mihi audita, nec ab alijs, puto, dicta. Et hoc spero, non leuiter faciet ad cultum Cælitum vberius promouendum. Sed agamus lege inter nos iam notâ: magistrum alium quàm te, Polychroni, hic neminem admitto; ex lingua tuâ prorsum captus sum. POL. Hoc quidem auribus das. Sed quæso, ostende ex intervallo, te linguæ vsum nondum perdidisse. PRIMIS stricte Pythagoreus es: loquere & tu interdum. GER. Pœnitet me audaciæ, quâ iam toties te loquentem interrupi. Incipe Diuis fauentibus. POL. Sed nunquid prius metas ducimus, & dictionem nostram septis includimus? Ordo & perspicuitas, vagum dicendi genus & extra suos limites effusum non amant. Certos ergo fines statuamus: & ne saltemus extra oleam, per hæc nobis capita eundum. Primum, quæ origo sit sortitionis istius menstruæ. Alterum, quid sibi velit Diui Cælitis nomen in menstruâ schedulâ expressum. Tertium, quo sine addatur sententiosum dictum. Quartum, quo consilio preces imperentur per mensem proximum. Quintum, adscripta Virtus quid moneat.

## CAP. V.

*Origo menstrua sortitionis Diuorum Cælitum.*

Inter complura colendorum Diuorum pia incitamenta, primum videri potest, menstrua sortitio Sanctorum, tam Partheniorum sodalium, quàm religioforum cætuum consuetudine recepta, Origo illius hæc.

Franciscus



Franciscus Borgias, Gandiæ Princeps, vir sanè magnus quacunque spectetur. Opibus florebat, doctrinâ non carebat, virtute præstabat, gratiâ pollebat. Nam à Carolo Quinto Imperatore Maximo in aulam adscitus, honoribus & latifundiorum terrarumque censu auctus est. Inter has ille diuitias atque delitias, inter has illecebras aulæ Sirenumque cantus, ieiuniorum famem, flagellorum sæuitiam, ciliciorum asperitatem non intermittebat, diuina frequentabat assidue, pius magis in aulâ quàm multi in cœnobio. Si quando ille aucupio vacabat, vincendi sui causâ, sæpius captas iam volucres generoso animo liberas rursus auolare permittebat, & missionem dabat: aut etiam dum alijs minorum gentium aibus casses & rezia intendebat, tantisper animo volutabat, quàm non dissimili fraude cacodæmon miseros homines in suas pedicas pertraheret. Inter hæc tam varia pietatis exercitia, illud etiam minimè neglexit. Erat solenne familiæ Borgiæ vetere instituto, ut è Diuorum numero aliquem quotannis sorte educerent. Hunc illi toto quidem anni spatio, sed illo præcipuè die què Diuo sacer esset, singularibus obsequijs colebant sibi que deinerebantur, adhibito ad lautas epulas certo mendicorum & pauperum numero, quos vicatim colligebant, iisdemque ad mensam ministrabant. Seruabat religiosè hunc morem, etiamnum adolescens Franciscus, qui postea felici ingenio reperit, ut quot mensibus Diuorum singuli, singulis schedis inscriberentur distribuendi.

Atque hanc sortiendorum Diuorum rationem Borgias, postquam in sancti Ignatii Loiolæ familiam transiuit, Societatem Iesu amplexus, in eandem secum migravit & omnium suffragijs hoc sanxit, ut eo quo dixi modo singulis mensibus suum quisque Diuum sorte caperet, vario cultu afficeret, eique se quotidie per mensem illum impensius commendaret & deuoueret. GER. Nescieram sanè tantum virum consuetudinis istius auctorem, qui olim Dux Gandiæ, Gotholaniæ Prorex, tertius in Societate Iesu Generalis fuit: vir magnæ virtutis & vel inde notus, quod cum iuuehis obeso admodum & crasso esset corpore, post assiduus ieiunijs ciborumque abstinentiâ, à cenâ temperans, adeò se ipse inacerauit, ut ventris cutem duplicaret, & pellem togæ instar, quò vellet, traheret: ut rem dixisses esse inanem. POL. Hanc tu abstinentiam miraris? nec inmerito: ego tamen magis animi demissionem miror & obedientiam, quæ utraque virtus in hoc viro verè admiranda. Habemus igitur auctorem mensuræ illius sortitionis, quæ suam nobilitatem suo debet inuentori.

*Cælitum nomen in menstrua schedâ expressum,  
quid sibi velit.*

**I**ndagauimus originem & caput piæ istius consuetudinis, nunc porro videamus, quid in his ipsis schedulis perscribatur.

Primum quod in oculos incurrit, est nomen Cælitum, seu, Patroni menstrui aut patronæ, appposito vnâ mensis die qui eidem dies mortis & vltimus fuit, seu natalis & primus vitæ quam adiit immortalem. Hic ego te, mi optime Sodalis, aut quisquis alius menstruum Sanctum capis, ad examen cito quæroque: Amabo te, mi iuuenis, mi vir, quid cogitas, cum in menstruali chartulâ (vt agamus de eo, in quo agimus mense) Diuum tibi in auxiliarem patronum designatû legis, & vel Misnensis Pontificis, & Monacensis Tutelarum Patroni Bennonis, vel Pontificis Augustani Vdalrici, vel magni Apostoli Iacobi, vel Christi amatricis Magdalénæ, vel Mundi deceptoris Alexij, vel nobilissimi medici ac martyris Pantaleonis nomen intueris, quæ hîc animi tui sensa, quæ tuæ cogitationes sunt? An verò satis esse putas Diuum menstruum accepisse, reuerenti osculo salutasse, nomen inspexisse, perlegisse reliqua: Mox, vbi domum ventum est, obuiis libello abdere, aut pulpito velut captiuum includere, aut etiam contemptum vt vilem chartam abijcere, mensem elabi sinere, nec mense toto vel semel porrecti sancti nomen aspicere, inò nec meminisse quidem accepti. Hoc non est honorare, non est hoc colere cælitis: satius esset hospitem hunc è cælo nunquam domo admittere, quàm sic habere irreuerenter, aut turpiter ejicere. Aliud sibi postulat menstrua sortitio Sanctorum. Atque ideo omnium primum in hunc modum cogitationes tuas formabis: En, nouam vitæ meæ mortisque tutelam. En, D. Christophorus, en D. Margarita, aut en D. Ignatius piâ sorte mihi assignatus est in patronum. Et hic quidem homo fuit perinde vt ego, quem fames sitisque excipere, quem frigus & calor vrere, quem humanæ miseriæ omnes, atque vt me affligere, quem mors denique superare, solum verò Peccatum expugnare non potuit. Non quòd ille ab omni prorsus labeclâ eximius vixerit, sed quòd prauorum affectuum, & sui ipsius victor insignis, nullum in se grauius delictum, admisit, aut admissum maturè gemitibus & oculorum fontibus eluerit. En (dices tibi ipsi) hic Diuus, aut hæc Diua iam supra est, in illo meliori orbe, in illo cæruleo palatio, in arce illâ stellatâ & aureâ,



auræ, in immenso Diuorum theatro, Angelorum cognatus, imò ipse Angelus, Deo fruitur, Christum videt, Christi matrem intuetur, ambrosiâ pascitur & nectare, vitam viuit immortalem & beatam. Ô quantum mutauit ab illo! non hoc futurum credebant qui illum olim contumelijs, irrisionibus, conuiitijs impetebant: mori videbatur, & ecce viuit non moriturus æternum. Hæ, mi Sodalis, mi Religiose, cogitationes tuæ primæ sint, quoties in manus sumis schediasina menstruum.

## §. I.

Proximum est, Sanctorum res gestas libris comprehensas adire, & in ijs, quem tuus ille Diuus vitæ tenorem seruauit, exquirere. Quæ in re Surios, Lipomanos, Baronios, aliosque complures habemus luculentos scriptores, & Diuorum disertos encomiastas, è quibus tu tibi vnum delige, qui omnia ex ordine, patroni tui acta & virtutes percenseat, ostendatque quæ illum imitari possis, quæ debeas. Vbi mores illius sanctissimos & omnem viuendi periodum peruidisti, tecum ita deinceps statue. Ergo huic aut constantissimo martyri, aut castissimæ Virgini, huic Cælitæ defensori meo, hoc mense has quotidie preces adnumerabo; hæc illi ieiunia, has illi flagellationes, has eleemosynas, hæc alia atque alia ipsius honori sacrobo, simulque certâ die quâ alioqui non solerem, vbi prius omnem animum per confessionem purgâro, diuinissimum epulum accumbam, in quo mihi eum in amicum & patronum magis conciliem atque propitiem, per illum ipsum cæli regem dominumque, quem linguâ meâ perinde vt alimoniam sum excepturus.

## §. II.

Hic ego te, Gerarde, rem vnâ bene & in solidum velim capere. De cultu Cælitum agimus & quidem tali, qui & ipsis placeat, & nobis proficit. In quo mihi videntur ij præclarissimè & sibi consulere, & Sanctis plurimum deferre, qui festis diebus omnibus Christi Domini, sanctorum Angelorum, diuorum Apostolorum, notiorum Martyrum, celebriorum Virginum, diuinam mensam frequentant, Regem Sanctorum omnium suscipiunt, & tam illum ipsum Dominum quem suscipiunt, quàm per illum, illius diei Diuum, ad vitæ suæ horam vltimam, ad supremam cum morte luctam inuitant. GER. Consilium mihi non displicet, sed quæso, explicatis hoc trade. POL. Obsequor quantum possum: ausculta. Sit dies Christo nascenti, aut è sepulchro Resurgenti, aut in cælum Ascen-

denti facer : sit dies Matri Virgini aut Natæ, aut Lustratæ, aut ab  
 Angelo salutatæ, aut cælo receptæ festus : sit dies Diuo Michaëli  
 Archangelo, aut sancto Bartholomæo Apostolo, aut generosissi-  
 mo martyri Laurentio, aut doctissimæ Virgini Catharinæ, aut cui-  
 cunque alteri è notioribus Diuis Natalis : hoc tali die, ita Christum,  
 ita & Cælites meo bono venerabor. Animi sordibus per confes-  
 sionem expiatis, sanctissimæ Eucharistiæ diuinum epulum acce-  
 dam, & vbi cælestem hunc panem iam in ipsam linguam recepero,  
 si dies sit Christo Nato sollemnis, sic precabor : *O mi amantissime*  
*IESU, ego te per teipsum, quem ore iam fero, & per hunc Natalem diem tuum*  
*humillimè rogo, sis mihi in ultimo decessu meo propitijs iudex.* Quod si  
 dies Diuo Michaëli Archangelo, & vniuersis in cælo Angelis sit fa-  
 cer, preces illas paululùm variabo in hunc modum : *O beatisima*  
*Archangele Michael, & O sanctissimi Spiritus, Angeli Dei, per hunc Do-*  
*minum meum & vestrum, vniuersos vos ad agonem meum ultimum inui-*  
*o, adeste tunc mihi, & in extremis meis iuuate me.* Hæc ego in specimen  
 solum propono : addi his potest quicquid tunc temporis melior  
 sensus aut affectus suggererit. Quod si dies festus sit, aut vni Apo-  
 stolorum, aut alicui è Martyrum, vel Virginum cætu, aut quibus-  
 cunque demum Diuis alijs, tum ego preces meas sic instruam :  
*O beati Apostoli Philippe & Iacobe, aut, O beate Georgi Martyr, aut, O beate*  
*Ioannes Baptista, per hunc ipsum Dominum, quem lingua gero, ardentissi-*  
*mè te precor, ad sis mihi morienti, & a bono Deo hanc vnam pro me gratiam*  
*impetra, ut in obitu meo cum Deo sim in gratiâ.* Vix vllus ab omni sensu  
 tam sterilis est, quin his & plura & meliora in rem suam precari pos-  
 sit, si animum attendat. Et hoc ego magni momenti duco, sic pijs  
 ac prouidis curis ad vltimum cum morte luctamen, ad fatalem il-  
 lam necessitatem, ad illum Æternitatis ingressum se suæque maturè  
 disponere. Si quid ego iudico, vix gratiâ diuinâ excidet, qui gra-  
 tiam illam tam laudabili ambitu quæserit; non pauebit ad Æter-  
 nitatis ostium, qui tot viæ duces ac comites habuerit; diabolorum  
 rabiem non formidabit, qui tot Angelos obtinuerit defensores; vix  
 causâ cadet ad vltimum tribunal, cui tot patroni suppetias vene-  
 rint; viuet, qui sic mori conabitur. Et hoc quoque arcanum è meo,  
 mi Gerarde, in tuum mihi carissimum cor libuit transferre. Scis;  
 consilia bona, tunc primum bona sunt eum fiunt. Nec ignoras, ne-  
 mine gratis seruire Deo, aut Diuis. quicquid officij Cælitibus  
 impenditur, amplissimo reddit fœnore. Audi rem miram & veram,  
 cui consignatæ tabulæ fidem tribuunt. Est certè, vt dixi : Cælitum  
 cultus nunquam indotatus, nec sine præmio abit.



## §. III.

Henricus ab Hajden Canonicus Treuirensis, pari morum elegantia & nobilitate iuuenis, cum ab extremâ pueritiâ septem annos in Collegio Germanico Romæ egisset, instantè requisitus à suis, reditum parabat in patriam: sed veram illi patriam Deo destinante incidit in febrem, quæ octauo die attulit mortem. Monitus à sacerdote de necessitate vltimâ (iam antè se generali confessione præmunierat) ad Apostoli Andreae corpus quod Malphi colitur, pro valetudine peregrinationem vouet: certam dein pecuniam ad crucem argenteam ponendam in æde S. Apollinaris, is est Collegij patronus: itémque ad pallium, quo altare operiretur Deiparæ Virginis, in cuius erat Sodalitio, reliquit. His rebus ita dispositis, cum somnus multis præsentibus oppressit. post paullo euigilans, accersito sacerdote, qui erat ei à confessionibus: O pater, inquit, ô mi pater, quæ ego vidi? Quæ? interrogat ille. Cui æger? Quæ nec oculis, inquit, nec auribus, sed nec vlllo sensu percipi possunt. Cum commouisset expectationem, & iungerentur omnium preces, subiecit inter attonitum lætumque, sed propior læto: Salus mea fuit in angusto: at benignitas MARIAE Virginis Sanctorumque Andreae, Apollinaris, & Martyrum nostrorum tutelarium in tempore succurrit. à dæmone sum ductus ad iudicem. magna vis (cum solus essem) circumstabat accusatorum, varia crimiua obiectantium, iam iamque exactor supplicij me pertrahebat ad gehennam. Cum abesset propè nihil quine essem miserrimus, adstetit misericordiæ parens, & ad illos conuersa: Quò vos istum? quid vobis cum illo, qui tot annos mihi in meâ Congregatione seruiuit? Consecutus deinde Andreas, idem indignans, titulum ostendebat mei patrocini, quam voueram ad eius tumulum peregrinationem. Sanctus postremò Apollinaris cum ceteris martyribus, quorum sacra lipsana in æde nostrâ sunt, vim inhibuit aduersariorum, memorans crucem, quam proximè mandauit faciendam. ita, quæ Deo est gratia, periculo simul somnòque solutus sum. Hæc cum dixisset exultans, quartâ ferè post horâ animam reddidit conditori.

Ita nemo gratis colit Cælites, quisquis eos animo colit sincero.

CAP.

*Quo fine mensuris Calitibus sententiosum dictum  
addatur.*

**A**lterum, quod post Diui nomen in menstrua hac tabellâ p  
scribitur, est pronuntiatum (nos, sententiam dicimus) vele  
ipsis diuinis biblijs aut è sanctorum Patrum monumentis, aut pie  
rum scriptorum libris. quod quidem dictum etsi vnum sit, & pl  
runque breue esse soleat, sæpe tamen ei cui sorte obtigit, plus attu  
lit emolumenti, quàm si is omnia Abulensis præfulis Tostati vole  
mina euoluisset. Pauca sæpius vculæ, miros in animis hominum  
effectus dederunt.

S. I.

S. Antonius etiam iuuenis, cùm in templo illud Christi promi  
sum decantari audisset: *Centuplum accipiet & vitam eternam posside  
bit*, a vix è sacrâ æde digressus patrimoniij sui rutilantem aceruum  
hilari ore inuasit, & maximam illius partem ambabus manibus in  
pauperes tribuit, totum daturus, ni soror obstitisset. breuî pos  
idem in templo, euangelico illo monito: *Nolite solliciti esse in crasti  
num*, b sic attonatur, vt nihil iam ampliùs cunctandum ratus, mo  
ræque omnis impatiens, continuo toti Mundo, rebus suis omni  
bus, sibique ipsi dixerit æternum Vale, multarum gentium in Æ  
gyptiâ cremo factus pater. Seraphicus Franciscus prima verba do  
minicæ precationis: *Pater noster qui es in calis*, attentius secum ex  
pendens, innox patri suo & matri, mox opibus & voluptatibus om  
nibus renunciauit, & ad trophæum crucifixi Regis peruolauit nu  
dus. Notum est & illud in eiusdem Diui ore frequentatissimum.  
*Deus meus, Deus meus & omnia*, S. Hieronymum assiduâ formidine  
perculsum tenebat vnica illa sententiola: *Surgite mortui, Genite ad iu  
dicium*. hoc illi epulas omnes perfudit amarissimo cinere. Chri  
stus, è rudi piscatorum plebe Orbis oratores, & cæli Principes fe  
cit, duabus solum vculis istis, *Sequere me*. Simeon Stylites audit  
in templo à sacerdote cani: *Beati qui lugent, quoniam ipsi consolabun  
tur*, & protinus opilionem exuens, monachum induit, vitamque  
egit omnibus post sæculis admirandam. S. Eucherius profapiâ no  
bilissimâ uiuendus, cùm legendo in illud D. Pauli dictum deuenis  
set: *Sapientia enim huius mundi, stultitia est apud Deum*, c loco quàm  
primum



niūm confurrexit, & suas Mundum res habere iussit, meliori  
se domino seruiturus. S. Paulinus, vir complurium voce lauda-  
ssimus, cū illud Christi dictum ad opulentum iuuenem: *Si vis  
perfectus esse, vende, vende omnia quæ habes, & da pauperibus, & habebis  
thesaurum in celo: & Veni sequere me*, a pensiculatiū cogitasset, vi-  
am priorem desijt, & ordiri nouam, meliorem, sanctam, aggres-  
sus est, atque in Gemetico cœnobio, cælesti philosophiæ se totum  
mancipauit. Quot hominibus salutem attulisse credendum est  
reuisissimum illud, *Nosce teipsum?* S. Ignatius Loiola, quantum sibi,  
his, Orbique toti profuit illo breui effato: *Omnia ad maiorem Dei  
gloriam*. Neque dubium est quin multos improborum vehementi  
epius horrore affecerit serium illud & seuerum de Euangelici  
Epulonis sepulturâ pronuntiatum. *Et sepultus est in inferno*. b O pro-  
undum sepulchrum! exclamat Augustinus. Et quis ille animus in  
noxum ita obriguit, vt ad tales voces & monita, non viuat ac sentiat?  
a Matth. c. 19. v. 21. b Luc. c. 16. v. 22.

## §. II.

Vir olim religiosus quispian ad mollissimum iuuenem, & pænè  
therum Smindyridem, vitijs vnâ & delitijs omnibus innutritum,  
quâ lege aditum sibi aperire non poterat, nisi prius promitteret, de  
rebus pijs, diuinis, cælestibus mentionem se nullam facturum: de  
morte nihil, multò minus de inferis quidquam locuturum: lex au-  
tem erat paribus poculis si certare collubitum esset, veniret, propi-  
naret, responderetque propinanti, diceret quæcunque vellet, tan-  
tū non pia aut sacra. conditionem etsi iniquam prudenter accepit  
iomo religiosus, nec dubitauit iuuenem illum parte aliquâ patere,  
quâ saluberrimè feriri posset. Adest ergo, & sano consilio multa  
disimulat, & vt pacta conuenta erant, nec de Deo, nec de diabolo  
quicquam sermoni aspergit. assidet lætus, ad risum etiam verba  
componit: iocatur simul, sed pudicè, meridiatur vnâ sed parcè,  
respondet propinanti sed sobriè. demum abeundi veniam extor-  
quet. Sub digressum, occasionem captat quâ in animo incauti vel  
nicum pietatis aculeum defigat. cūque bonâ fortunâ iuuenis  
lectum suum selectâ plumâ turgentissimum abituro monstra-  
et, tum Pater: Nobilis domine, inquit, Isaias vates nouam lecti-  
ationem describens: *Subter te, inquit, sternetur tinea, & operimen-  
tum tuum erunt vermes*. a Atque cum hoc dicto valedixit, & placidi  
omni propitiam noctem precatus est. Mox iuuenis, id verò con-  
tra

tra pacta & legem actum esse pronuntiat, alio se tempore de eo pœnas sumpturum, delicti piaculum fore prægrande saluatorium potulum, quod in mulctam ei vni foret exhauriendum. cetera iam valeret. atque ita hominem religiosum dimittit; voluisset quidem, iisdem foribus illud de vermibus dictum excludere, sed id nequam potuit. hærebat illi animo & reluctante trahebat, fodiebat, impellebat, stimulebat, vrgebat, miseris demum modis angebat; inquieti vermes omnem ei quietem turbabant. Hic iuueni tam insolentis & occulti concionatoris impatiens, remedium huius malo circumspicere: itaque ad solitas computationes redire, ambulaciones iterare, sociorum numerum etiam augere, novos lusus excogitare, choreis plus indulgere, iocis effusius hilarescere, hoc demum agere ut à sole nunquam sobrius conspiceretur, quò hærescentem animo molestiam detergeret, abigeretque importunissimum conscientiae monitorem, & vel sic tandem molestissimos hos vermes excuteret. non eualuit tamen, quidquid egit contra domesticum hunc carnificem. agmen hoc vermium insuperabile, animo expellere non potuit, quocunque conatu. Dum ridebat, dum bibe-  
bat, dum ludebat, vermes illi, & illæ tineæ conscientiam identidem peruellebant arrodebantque. Euigilauit tandem miser iuuenis, & prioris vitæ veternum excussit hoc secum instituto ratiocinio: Et quid, inquit ipse sibi, proficimus: dies noctesque contra importunissimam hanc & vermiculosam cogitationem pugno, nec inducias ullas aut quietem impetro, nec aliud hactenus egi resistendo, quam ut altius inhæreret; quo magis repugno, hoc minus excutio. Quod si sola de vermibus cogitatio animū ita compungit ac lacerat, quid vermes ipsi facient, præsertim stygij, & nunquam morituri? quid facient illi æterni mortis ministri vultures? Sed mittamus hæc morosa & tristia. Si possem, equidem vellem. Da te lætioribus & gaudijs cum gaudentibus. Sed ah, quàm vanis, & simul quàm breuibus gaudijs inhiamus? hodie genialiter viuimus, cras inter alienas lacrimas perimus. Ita eodem sæpe loco quo luserunt nauigia, forbentur. Et quis tandem finis, ubi amabili insaniā diu luserimus? & ipsi demum ludibrium sumus immittissimæ mortis. Ergo: Ergo: dixi; nunc cœpi. Alius fui, alius ero in posterum. Vela feci ad gehennam, nunc ad cælum remigabo. Munde vale; diu satis ludos me fecisti. habes alios quos ludificeris: ego me maturè subduco. dixit, & fecit. & eodem quo cœpit pede ex magno Mundi prostibulo in castra Christi transijt, vnicā illā breuissimā comminatione permotus.



## §. III.

En tibi quàm diserta fuerit & efficax concio, vel vnica sententia. Laudatissimus ergo Partheniorum cætuum mos est, singulis tutelaribus sanctis, singulas adscribere sententias, quas quiuís non semel tantum legat (hoc enim parum, hoc nihil est) sed toto illo mense accuratius in omnem partem sensumque secum exputer. Nunquam sine fructu est, quæ de talibus instituitur cogitatio, nec frustra scribitur quod ad pietatem est calcar. Testimonio est luculentum huius rei exemplum.

Ante annos certè non multos a Ingolstadij iuuenis fuit, qui vt vel morbi sæuitiem, vel certè Mundi blanditias euaderet, Deo sese deuouit & religioso statui. Morbus abiit, & breuî post bonum hoc propositum cum illo. Sensim enim quicquid pietatis in morbo hauserat, euauit. & ita iuuenis iste post restitutam corporis valetudinem ægrotare primùm cœpit animo, & post persanatum morbum peius habere. Principiò quidem feruebat & volebat, post paullo lentius ibat, deinde stabat, sed nec diu nec impigrè; mox languere incipiebat, tandem apertè vitiorum dulcedinî succumbebat. Nam mundi facies, quæ prius terrebat, iam arridere; religiosus status qui antea placebat, iam terrere; societas bona quæ gaudebat, displicere incœpit. ita miser tam suauiter & facile obliuisci potuit primùm voti sui, dein sui ipsius, postea cæli, demum ipsius Dei. ita paullatim per gradus ibat, sed non ad cælum: tendebat in præceps, sed viâ molli & clementer decliui. neque enim repente pessimus factus est, vt qui hodie fuit aureus, cras vix argenteus repertus est: breuî post æreus, exinde ferreus, denique factus est luteus, & ipsum cænum. Ita prodigus ille Euangelicus primò patrimonium repetijt: hoc impetrato in regionem longinquam abiit, parentisque oculis se subduxit: neque hîc stitit, prauæ etiam societati se iunxit. nondum finis. ea tandem fecit quæ socij & sociæ: gula & luxuria in quotidianos mores transierunt. Ita ad mentem Siracidæ, est processio in malis viro indisciplinato. Hoc planè modo, iuuenis ille de quo cœpi dicere, sensim seipso deterior factus est, & è sancto, progressu temporis in improbum, mutatus: hoc ferè solum retinuit boni, quòd beatissimam Virginem & Marianæ Congregationis cætum non penitus deseruerit, sed subinde se præsentem stiterit, saltem in ceremoniam. Ita factum est, vt statò die cum ceteris menstruum sanctum acceperit, & quidem forte

forte prorsus diuinâ. Nam sententia quæ pronuntiata est, dum ille ante crucifixi signum ex more flectit genua, è mellifluo doctore Bernardo transcripta erat, hisce omnino verbis: Quid tardas ipsum, quem iam dudum conceperas, spiritum parturire salutis? nil mortalibus vel morte certius, vel incertius horâ mortis. quomodo viuere potes, vbi mori non audes? Audisti hæc iuuenis, tacitus quidem, sed quasi fulmine ictus, monitorem è cælo agnouit, & illo instanti die fugam è lubrico in tutum parauit, alterâ verò luce hilaris & alacer ad Religiosam domum contendit, usque sese aggregauit quos diu fugerat, victurus illic vbi mori non trepidaret.

a Bern.ep. 105. ad Romanum Rom. curiæ subdiaconum.

#### §. IV.

En tibi vel vnica iterum sententiola, menstruo Diuo subscripta, apud iuuenem istum tantum euicit, quantum vicens aut tricens conciones non potuissent. Ergo probo instituto menstruis Cælitibus sacrum aliquod piûmque effatum subscribitur: sed illud malo contemptu sæpe non legitur, aut lectum non perpenditur. impius sanè neglectus hic est cum concio tam brevis non auditur, aut obliuione quàm primùm sepelitur. Hoc ergo sine, Diuorum nomini in menstruis illis chartulis, dictum aliquod de dictis melioribus subiungitur, vt aurem velicet legenti, eumque officij moneat, addatque stimulum ad vitam emendatiorem. Non multum absimili modo sortem olim captabant è diuinis oraculis, quod vel ex hoc pateat, quod subiungo. Meroueus Regis Francorum Chilperici filius, homo regij quidem sanguinis, sed probrosæ ambitionis, & qui scelus etiam per pietatem quæreret. Hic Turone D. Martini sepulchro tria sacra volumina, Psalmorum, Regum, & Euangeliorum imposuit, eaque nocte totâ illic peruigilans, sanctissimum Antistitem Martinum rogauit, ostenderet quid euenturum, & an regio potiri posset. Huic peruigilatæ nocti triduum insuper adiecit, quod ieiunijs, precibus, vigilijs exegit. O ambitio quid non mortalium cogis pectora! Exacto hoc triduo ad Diui tumultum regressus, sacram historiam Regum aperuit, primus autem explicatæ paginæ versus hic erat: *Pro eo quod dereliquisti Dominum Deum Sestrum, & ambulasti post Deos alienos, nec fecisti rectum ante conspectum Dei, ideo tradidit eos Dominus Deus Sester in manibus inimicorum Sestrorum.* Primus Psalmorum versus erat iste: *Veruntamen propter dolos posuisti eis mala: desecisti eos dum alienarentur. quomodo facti sunt in desolationem? subitus defecerunt: perierunt propter iniquitates suas.* Ex Euangelij,



gelijs, in capite paginæ hoc legendum occurrerat: *Scitis quia post biduum pascha fiet, & filius hominis tradetur & crucifigatur.* Ad hæc librorum responsa Meroueus, qui regnum iniquè affectarat, rubore & lacrimis confusus, assumptis in comitatum quingentis viris, discessit loco. in viâ ab Erpone Regis Gûthramni duce captus est, uti Gregorius Turonensis memorat. Quemadmodum verò sacri codices olim per vîsitatam sortem consulti, de futuris quandoque monuerunt, ita sit nonnunquam, ut in mensestruo Diuorum sortitu, & oraculi vim habeant & vaticiniij, quæ è sacris codicibus exscripta traduntur.

Vt ut sit, minime negligendum est breue illud monitum in charta mensestruâ perscriptum: quâto enim minoris est operæ, illud quotidianè perlegere, tantò maioris est negligentia, in re etiam tam facili torpere. Sed pergo.

a Hist. Franc. lib. 3. c. 14.

## CAP. VIII.

*Quo consilio præces indicantur in mensem proximum.*

**T**ertium, quod in schedâ mensestruâ visitur, est orandi scopus, nos intentionem dicimus, quæ aliud non est quam propositum & piâ voluntas pro istis atque illis præces ad Deum allegandi, quandoquidem in tabellâ mensestruâ cuius sodaliû suauiter imperatur, pro quibus illo potissimum mense debeat precari. Ita pro omni statu sexûque, pro ætate omni & ordine, pro regnis & prouincijs, pro amicis pariter & inimicis, probis improbis, viujs mortuis deprecationes instituuntur: ita ad omnem virtutem impetrandam, ad auertendam omnem noxam, & pestem quamcunque, certi precandi fines præscribuntur. Inter hos tamen ij singulariter obseruandi, qui præces nobis indicunt pro ijs in quorû incolumitate vel interitu maximarum rerum momenta vertuntur: Par est omnino, in precibus nobis cominendatissimè sint principes Christiani omnes, in quorû manu salus & exitium plurimorum sita sunt. ita vigilantissimos oratus à nobis postulant tota regna & prouinciæ, afflictæ bellis Hungaria, fecunda martyrum Iaponia, vexata hæresi Germania, reuocanda ad fidem Anglia. sic & pro magnis Regibus Hispaniæ, Galliæ, Poloniæ omni studio Numini supplicandum. Et quis obliuisci possit vel letaliter peccantium, vel manium in purgante flammâ luentium, vel infantium de lustrali fonte periclitantium? Pro his talibus precari quicunque mensis initio admonetur,

is certè sine culpâ sic imperatas preces penitus negligere non potest; quanti enim censendum est vel vni infantulo suis precibus cælum donare; animam vel vnicam ex igne lustrali euocare; ei qui delicto letali obnoxius est, resipiscendi gratiam impetrare, & sic è turpitudinis cæno extrahere? Quantæ item necessitatis est pro dono castitatis, sibi aliisque consequendo, Deum & frequenter & feruenter rogare, pacem & concordiam poscere, ad Indos & extremos Sinarum populos suspiria mittere, benefacta his gratijs referre, inimicis iniurias hac talione compensare, homines ad petulantiam & lasciuiam obstinatos cælitibus seriò cominendare, postulare denique perseuerantiam nobis maximè necessariam. Ita verè Antiochenus orator Chrysostomus dixit: a pro se precari necessitas cogit, pro alijs charitas hortatur; pro se orare, naturæ est, pro altero autem, gratiæ. Dulcior est autem ante Deum oratio, non quam necessitas rei transinittit, sed quam charitas fraternitatis commendat.

a Chrysostom. 2. hom. 14. in c. 6. Matth.

### §. I.

GER. Hic ego forsân non malè obiecerim: Quantulus sum ego vnus, aut quæ sunt precatiunculæ meæ, vt ijs vel vniuersam Galliam, vel latissimam Hispaniam, vel amplissimam Germaniam, aut Italiam totam, aut principes Christianos omnes fulciam? non earum sunt virium preces meæ, vt ego Atlas sim & humeros supponam ruenti cælo. POL. Atqui audi, mi Gerarde, non tuis solius precibus, sed aliorum etiam tribuendum est, si ijs toti alicui prouinciæ opituleris. Deus tam bonus est vt ad paucorum castas purasque preces maximis quandoque populis pepercerit: neque dici potest quantum virtus vnus etiam, & solius homunculi possit, si Deus eam posse velit. Recente mundo vnicus Abrahamus Deo supplicat pro quinque ciuitatibus, & benignissimè auditur. Et profana consideras? Vnus solusque erat Horatius Cocles qui bello contra Porsenam, in ponte sublicio toti exercitui se opposuit, magnâ sui gloriâ & suorum bono. Q. Mutius Scæuola vnus solusque & primus è trecentis coniuratis Hetruscum Regem à Romano Capitolio auertit. Vnus ac pænè solus Camillus fuit qui Romam iam propè bustum factam, de manu Brenni, & Gallorum ferro liberauit. a Vnus solusque Hercules fuit qui monstris Orbem inauditis repurgauit. Sed vt hos taceam. Vnus solusque Ioseph fuit qui fame perituram Ægyptum ab interitu seruauit. Vnus solusque Moses tot centenis millibus Hebrææ plebis toties saluti fuit, suis partim consilijs

a Linius Decad. 1. lib 3.

partim



partim precibus. Hierosolyina funditus euerſa in magnum cadauer corruiffent, ſed vnus ſolusque Mathathias cum lugendo & ſuadendo, tum hortando & agendo reſtituit rem. Iſraëlis populus vniuerſus idolis liſaſſet, niſi per vnum & ſolum Eliam Theſbiten à tam immani ſcelere fuiſſet reuocatus. Daniel vnus ſolusque fuit, & iuuenis, cum ſenum plebiſque decreta reſcidiſſet, & Suſannam paratæ neci eripuit, ipſosque iudices morte mulctandos æquiſimè iudicauit. Vnus ſolusque Dauid fuit, tunc etiam adoleſcentulus & contemptus, cum carneam illam & loquentem Philiſtæam turrim, & quaſi ſedem belli Goliathum, in oculis trepidantis exercitûs fundâ ſaxoque expugnauit. Vnus ſolusque Samſon fuit, tantum aſini mandibulâ, non ære aut ferro armatus, cum tot ſimul Philiſtæos trucidauit. Vnus ſolusque Ioannes Baptiſtes fuit qui tacentibus vniuerſis auſus eſt Herodem omnium facinorum quæ patrârat, arguere. Quid? etiam vna & ſola mulier Hebræa Holofernem, tunc terrorem Orbis, ſuo ſibi gladio iugulauit, itaque Aſſyriam militiam vniuerſam vna illa ſuperauit. Vnus Mardocheus & vna Eſther omnem Iudæorum gentem à certo interitu ſeruarunt. Vno Ambroſio ſublato florens Italiæ ſtatus magnam partem corruit. Vnus fuit ſolusque Leo Magnus, cum illud Dei flagellum, Attilam, Romanis arcibus iam iam imminentem, oratione non modò ſtitit, ſed & in Pannoniam redire perſuaſit.

## §. II.

At verò vt neque Danieleſ, neque Abrahami, neque Samſoneſ nos ſimul, certè ij eſſe poſſumus qui fuerunt ætæ etiam noſtro vel pueri & mulierculæ. Vnica ancillula, vt narrat illuſtriſſimus Baroniùs, ſuis precibus & cilicio, quo multos ſanârat, totam gentem Iberum ad Chriſti fidem perduxit. <sup>a</sup> Carolus V. Imperator, cum Thomam Morum, qui Regis Angli fuit Cancellariuſ, capite plenum inaudiſſet, dixiſſe fertur: Henricuſ Rex totius Angliæ caput præcidit. Tanti erat vniuerſo regno, virum hunc, vnicum amiſiſſe. Vna Ioanna, Tulliënſis virgo, pudica & ſancta, ab obſidione plurimos liberauit. <sup>b</sup> Melior eſt enim vnus timens Deum quam mille filij impij. Ab vno ſenſato inhabitabitur patria. <sup>c</sup> Vnuſ itidem & ſolus Laurentiuſ Iuſtinianuſ Venetorum urbem ab excidio ſuis precibus ſeruauit. nam quo tempore bellum inter Venetòſ & Mediolanenſeſ arſerat, in Corcyrano nemore Eremicola vatici-

o 2 nijs

<sup>a</sup> Baroni. tom. 3. An. 127. n. 11. <sup>b</sup> Aub. Myreus An. 1429. <sup>c</sup> Eccleſ. 16. v. 3. & 31.

nijis clarus degebat. Hunc è Venetis optimatibus vir nobilis adiit quæsiuitque, cui parti bellum illud feliciter cessurum esset: huic respondens Anachoreta: Deus, inquit, vrbi Venetorum vehementer iratus, quòd nulla morum emendatio post tot admonitiones, post tantos clamores sequatur, illam perinde vt Palæstinæ Pentapolin iam dudum deleffet, nisi vnicus illorum Patriarcha, suis precibus vindictam diuinam auertisset. « Idem præne de Simeone Sulo Leontius Neapolitanus Præful commemorat. Fuit enim, vt ciuis Emesanus Hierosolymam iret, quòd illic se precibus abbatis Ioannis commendaret. Ioannes Simeonis olim socius, cum illum Emesâ ad se venisse cognõsser: Atqui quàm maximè miror, inquit, te tantum viæ tam casso labore confecisse. Ecquid est, quòd me Hierosolymis quæras cum Emesæ habeas Simeonem, cuius precibus non ego solùm, sed & orbis totus indiget. Deus bone, quæ tua sunt iudicia! quem hominem vt fatuum & stultum mundus totus deridiculo habebat, huius precibus mundus totus egebat. Ergo vnus atque vnici hominis ad Deum emissæ preces, non tantum vnum aliquod regnum, sed & orbem terrarum vniuersum sustentare possunt. Ergo & sodalis ille, qui cum alios innumeros iuuare possit, tamen id tam temerè negligit, innumeris nocere censendus est. verè enim nocet, qui cum possit non prodest.

a Bern. Iustinianus orator, nepos illius apud Zach. Lippeloo tom. I. die 8. Ianuari.

### C A P. IX.

*In chartâ menstruorum Calitum adscripta Virtus  
quid moneat.*

**V**Ltimum denique quod menstruis schedis inscribitur, vna aliqua Virtus est per illum potissimum mensem crebriori actu exercenda. Campum dicendi hîc nullum ingrediar, cum exitum spectet mea dictio. hîc solùm mirari multa debeo, ac etiam indignari. Et quâ tu fronte, ô frigidissime Sodalis, quisquis es, quâ conscientiam sanctum menstruum domi tuæ sordescere sinis, & pulueribus situmque obduci, aut libello clausum & malè sepultum non colis vt sanctum, sed custodis tantum vt vinctum, totoque mense illius nomen nec semel quidem aspicias legisque?

Memoriæ mihi est, Gerarde, ante annos aliquot missas ad nos Oeniponto litteras, quæ defuncti Brixinensis Pontificis manes nobis commendarunt, simul etiam de huius Principis virtute illustra quædam narrarunt, inter quæ illud eximium & imitandum. Siqui-

dem



dem Brixinensis iste Præsul, suum sibi Diuum quot mensibus Oeniponto ad se mitti, eundemque nunquam nisi flexis genibus accipere voluit. quis ambigat quin religiosè coluerit, quem excepit tam piè. Noui ego, beatissimæ Virginis sodales, qui omnium Diuorum Cælitum, quos vnquam per menstruam sortitionem acceperunt, syllabum & litanias confecerunt, quas & ipsi singulis mensibus ordinatè percurrerunt, & in mortis viciniâ sibi ab alijs prælegi petierunt. Bona utique & iucunda est morituro hæc prælectio, si tamen eos quot nominari audit Cælites, in vitâ sibi familiares fecerit frequentiore cultu. Sed nobis nunc de virtute menstruis Cælitibus adscriptâ sermo est.

## §. I.

O Gerarde, quàm longè aliud est dicere aut docere, aliud facere. Quoties apud nos virtus laudatur, & alget? Omnis in actione consistit virtus, nec vlla est sine labore. Virtutem in chartulâ menstruâ notatam circumferre, virtutis sanè non est. Quid porrò de ijs dicendum, quibus in distributione menstruâ è virtutibus Patientia obtingit, ipsi verò vel asperiore verbulo afflati, velut vento pestilente correpti, fremunt, frendent, furunt, calcaturi omnia si possint, laceraturi & pessundaturi omnia, adeò largiter bilem effundunt. ô mi iuuenis, & ô mi vir, quid menstrua te schedula docet? an non illa hortatu tacito assiduè tibi occinit: *Patientia, Patientia, Patientia*. quid ais? an omnem adeò patientiam consumpsisti, vt nec leuem iniuriam, aut innocentem iocum, nec paucas vuculas, aut obliqui oculi minas possis concoquere? ô te heroëm, qui ad pulicis morsum, Herculem inclamas! Quis vnquam cælo se dignum fecit impatientiâ? quis non probè contusus in illam patriam peruenit? quis non omnia vincere potest silendo & patientiâ? quid indignaris, quid sæuis, quid minaris? hi mores cælo non conueniunt. Sapientiæ comes est Patientia, quæ dolori cuicunque fert remedium. Iter ad cælum sine patientiâ nunquam reperies. Ergo schedam tuam inspice, lege, & centies relege: hæc tuæ lectio voce vnicâ constat, PATIENTIA.

## §. II.

Et quid de ijs sentiendum, quibus in menstruis chartis Obedientia præscribitur, at ipsi nihil minus faciunt quàm quod imperatur: quibus ieiunium suadet, illi nec vnico bolo genium suum fraudant: quibus Veritas consulitur sequenda, at illi technas, fucos, fute-

las, mendacia confarcinant. Sic auditorum, ubique multos reperias, factores paucos. An non ij, auditores solum, apud quos pax publice laudatur, rixis illi ac iurgijs turbant omnia: ex animæ conscientie iubetur, illi toto mense nec semel quidem in seipso descendunt: quatuor nouissimorum, meditatio proponitur, illi mortis & iudicii immemores, cæli & inferorum securi viuunt: vigilantia præcipitur, illi venientem solem horâ septimâ in lecto salutant, vbi, vbi tandem sit sacrum: pia lectio commendatur, illi libellos pios nec habere quidem student, ne dum legere: frequens confessionis vsus inculcatur, vix illi ut hoc quouis bimestri semel faciant, adducuntur. Et de illis quid dicas, quibus Virginitas & pudicitia colenda indicitur, obscænos illi Catullos pro stimulo Virtutum legunt. O mi sodalis, an non iste mensis identidem tibi occentat *Castitas, Castitas, Castitas*. Vide obsecro quàm casti sint tui oculi, quàm verecundi gestus, quàm pudica verba, vide ante omnia quàm puræ & munde sint cogitationes tuæ; si hæc libidinis cænum admittant, ne mireris & oculos, & gestus, & verba eodem luto infici. vbi cor libidinem olet, vbi cogitationes castæ non sunt, nec lingua, nec vultus, nec oculi cordis indices castimoniam spirabuunt. Ergo & tu menstruam tabellam, tuam inspicce, lege atque relege centies, sexcenties; lectio tua finitur verbo, *Castitas, Castitas, Castitas*.

## §. III.

Quid porrò de ijs censendum qui menstruali scheda Sobrietatis monentur, illi diem mero frangere, & crumenam in calices student exhaurire. Quid de ijs videtur quos pia illa sors, ad desiderium Patriæ cælestis erigit, illi in variam curiositatem effusi, omnibus se Vanitatibus indulgent: Quos putes eos, quibus scripta traditur Carnis afflictatio, illi hoc vnum agunt, ut Carni faciant bene, ut corpus mulceant & saginent. Quid de his, inquam, omnibus sentiendum? qui prorsus in contrarium nituntur, & alia omnia faciunt quàm quæ sancti menstrui monent, suadent, iubentque. De te, Gerarde, tua me virtus meliora vult ominari. In eos dixi hætenus, qui torporem & desidiam nec alienis quidem degunt oculis, qui suo se officio functos credunt, cum consuetudini paruerunt, tamen si mense toto nec Diui cura, nec statæ preces, nec specimen virtutis vllum se prodat. Ita alios atque alios Sanctos, ita plurimos accipiunt colendos, nullum colunt, tunc maximè sensuri quàm malum sit Diuos Cælites negligere, cum seruum nimis erit velle coluisse, cumque



cūque nihil vltra restabit quàm vt tam profanæ socordiae frustra pœniteat. Non satis est, ô iuuenes; ô viri, nō satis est menstruas schedas flexo poplite, reuerenti manu, piōque osculo excipere, perlegere, retinere, nisi & Diuos in ijs descriptos colere, & virtutem in ijs notatam placeat exercere. Nemo virtuti fauet, nisi qui eam sequi potest, & Cælites nemo experitur propitios. cū moritur, qui eos sibi amicos non conciliat dum viuit.

GER. Sæpe cœpi, sed sæpe etiam desij Diuis menstruis honorem habere, nunc obliuione, nunc etiam tædio victus. POL. Vix est vbi altioribus clamoribus sit opus, quàm cū bene cœptorum Constantia docenda. Animus humanus ingenerato pondere nunquam non deflectit in praua, varius semper & mutabilis: virtutem præsentem sæpe non odimus, sed negligimus. ita virtutum radices non rarò antequam adulescant, sterili frigore exarescunt, vt iam supra demonstratum est. Sed quidquid dixerimus, minus semper quàm par erat, dixisse videbimur. Et quia de Conscientiæ, de Cælitum, de Corporis cultu agimus, hunc nobis laborem necessario sumemus, Gerarde, vt belluam istam huic triplici cultui infestissimam pro viribus impugnemus. Sanè ab hac animi leuitate & inconstantia admirandæ metamorphoses, & sæpe monstra vitiorum horrenda proueniunt, quæ ab ijs eduntur qui quandoque sanctissimè incipiunt, finiunt sceleratissimè, ab Angelis, suo vitio, in diabolos mutati. Hæc enim inconstantia, & lentus ad vitium descensus, non vnā aliquā virtutem enervat, sed vniuersas. Audi funestam tragœdiam, in quâ histrio seu actor, & conscientiam & Cælites religiosissimè cœpit colere. suum etiam corpori, qui conueniret, cultum tribuere: sed quàm sanctè incœpit, tam impiè finiuit. Audi miram, bis miram catastrophem.

## CAP. X.

## INCONSTANTIA.

*In Animi & Cælitum cultu, exemplo inaudito coarguitur.*

VNus quidam adulescens, & honesto loco natus, & à fortunis felix atque copiosus, melioris sanctiorisque vitæ studio incensus, parentem obnixè rogauit, liceret sibi rebus mortalibus abdicatione, Christum & immortalia sequi. Negauit hoc ei pater. Instat rursus ac sæpius filius: cū actum agere se putaret, propin-

quos in parentem inmisit, ut id à parente extorquerent. Impetrauit tandem ab inuito potestatem abeundi, & mox in cænobium se inclusit, in quo tam magna & illustria continentiae & abstinentiae quotidie documenta ceteris dedit, ut haberent omnes quod imitarentur. Cum aliquamdiu in cepto vitae cursu profecisset, ratus se perfectiorem quam erat, affectat solitudinem, & à Cænobiarchâ secedenti copiam flagitat. dehortatur iuuenem prudens hostilium technarum pater, pericula proponit, insidias exponit, enumerat damna ex eo discessu secutura, nec persuadet tamen iuueni, quem iam persuasit, imò abripuit affectus. Si ergo, inquit Præses, audendum est, dabo socios qui comitentur. ita discedenti comites geminos è contubernio suo adiungit, qui nouo eremicolæ locum opportunum quærant. Faciunt vnà iter diem vnum atque alterum, ac per vastam solitudinem fessi oberrant, æstusque tandem ac labore fracti in terram corpora abijciunt, somno paucillum vires refecturi. Cum aliquamdiu placidè omnes quieuisent, ecce tibi ales streperis aduolat pennis, è clangore alarum excitat sopitos. Hic comites: en, inquiunt, sociene, Dominus cælitum tibi misit, sequere ducentem. Ille de prouidentia Dei mirè lætus, salutatis comitibus, sequitur præuiam ductricem. Ales post pauca spatia semel atque iterum subsidit, ac vanescit, in quo loco nouus incola siluæ antrum reperit, iuxtaque salientem ad sedandam sitim, & dactylos ad pellendam famem. Intellexit eam sibi regionem à Deo per auem designatam, ubi Deo preces assiduas sterneret, & vitæ cursum feliciter perageret. Ergo totum sexenniū in summâ vitæ innocentia & sanctitate solus & vnicus traducit. Etiam de tironis felici progressu nō parum sollicitus erat cacodæmon, timebatq; ne tam altas virtutis radices ageret, quas non posset amplius conuellere. Aggrediendū itaque sibi militem aduocatis in consilium consuetis artibus decernit, personam inculti & horridi natūque grandis anachoretæ sumit, tironē adit, seseque spectandum primū exhibet. horret iuuenis, & aspectu inusitati hostis percellitur, nam intra sexennium mortalium neminem aspexerat. Dat ergo se in preces, precatur vnà in speciem vafferimus insidiator, surgentēque hortatur, ut denuò secum etiam votis Deum conueniat. Tum personatus ille dæmon: quamdiu, inquit, hic degis? Sexennium inquit iuuenis. O infelicitatem, inquit hostis; quā te tam vicinū tamdiu ignorauī! non amplius quatrimum est cum hic esse te cognouī, statimque confurrexi loco, & salutatum te perrexi, uti de ijs inter nos rebus, quæ ad vtriusque



que salutem pertinerent, ageremus. Quid agimus hîc in tam vastis & desertis ambo saltibus, à sacris Christi mysterijs, à diuino Eucharistiæ epulo exclusi? vereor equidem ne ab eius quoque regno excludamur. Ad decimum quintum hinc lapidem duo sita sunt cœnobîa, quæ licebit nobis festis diebus adire, ac perceptâ sacrâ synaxi redire. Visares imperito tironi salutaris ac necessaria, specum deferit cum ipso dæmone, quem virum sanctum existimabat, & dominico die monasteria petit. Templum ingressus, & in preces fusus cum paullo post circumspiceret, & socium ac ductorem suum requireret, nusquam inuenit. Quærit ex cœnobitis vbi comes suus & pater esset: neminem, inquit illi, nisi te & prorsus incomitatum huc aduentantem vidimus. Tum demum sensit se à veteratore circumuentum, & per dolum è cubili suo extractum, neque tamen nimium doluit, ad homines post tantum temporis, reuississe. Ergo ad latibulum suum reuersus progreditur in consueto vitæ instituto. Sed adest rursus stropharû fabricator dæmon, verum iam aliâ longeviâ pernicië incauto machinatur. Iuueuis formam induit, habitum ciuilem & patrium finxit, vt cui semel illuserat, eundem denuò falleret, ac tandem à loco, pietate, religione penitus auerteret, ac in sempiternum exitium præcipitaret. Adest ergo & in latebrâ sedentem ad sui spectaculum elicit, nihil effatus, sed perinde ac si è patriâ, quæsitum religiosum iuuenem venisset: adstat, intuetur curiosè, hæret & modò vultum, modò alias corporis patres respicit, vt ad sciscitandum prouocet tacentem. Nec frustra: rumpit silentium prior imperitus anachoreta, &: Quid, inquit, ades, quid me tam exquisitè contemplaris? Hîc architectus mendacij: haud videris me nosse amplius, religiosissime domine, post tantam temporis intercapedinem. Ego sum vicini patris tui filius, Pater tuus ita audiebat, hoc nomen erat matri, hoc sorori: Sed mater quidem ac soror ante biennium naturæ concessêre, pater hoc anno defunctus, te hæredem ex asse scripsit, vt tu veluti pius ac religiosus filius relictum aurum ac thesaurum omnem, pro vtriusque salute in egentes dispartias, misitque, qui te peruestigarent, nec hactenus ab vîllo reperiri potuisti, quod equidem vehementer gaudeo, mihi eam felicitatem diuinitus oblatam, vt in te inciderem. Respondet anachoreta religiosè, modò etiam constanter: Ego verò pecuniæ causæ locum hunc deserturus non sum. Et ille: Quid enim mali suadeo? non sum auctor tibi vt opes possideas, aut retineas, sed in pauperes tribuas, ac relictam solitudinem quàm primum repetas. Quid re-

spondebis, de neglectâ & direptâ tantâ pecuniæ summâ, summo iudici? quid patri? quid egenis ac miseris quos tantâ misericordiâ priuas? Huic anachoreta. Ego, inquit, hæcenus rerum caducarum curam penitus nullam habui: conscientiam solùm, & cælum atque Cælites curaui. Et hoc est (inquit larvata vulpes) conscientiam & cælum atque Cælites curare, parentibus in causâ præsertim tam piâ succurrere, pauperibus per occasionem tam bonam non deesse. qui hæc non curat, conscientiam negligit, & cælum atque Cælites contemnit. Ad hæc anachoreta iterum: An non sunt, inquit, alij, an nemo superest cognatorum qui me absente, bona hæreditaria in egenos diuidat? Si tu desis, inquit impostor, auarissimus quisque aduolabit, & prædam faciet pro libitu: interim mendicorum turba lugebit & abibit inanis, cuius culpam tu sustinebis. Ductus & victus his dolis simplex & stolidus iuuenis, surgit, pedem quem retulit nunquam, ex ædiculâ profert, solitudinem simul ac cælum Cælitesque deserit, viam init, patriam repetit. In viâ non pauca nec leuia nequitiae rudimenta accepit à viâ socio, à quo insigniter & cum fallaci venustate malus esse didicit, antequam id se doceri crederet. In patriam vbi peruenit, ecce domum paternam ingredienti pater ipse, quem dæmon finxerat mortuum, occurrit, miratur nouum hospitem, nec agnoscit filium, sed probè filius patrem. Quærit pater, quis, vnde de domo, quid adesset? Attonitus propè filius, quod videret viuum, quem audierat defunctum, fingit (tantum in itinere ex comitis societate profecerat) fingit inquam, se desiderio patris extremum videndi & salutandi adesse. agnitum pater in ædes admittit, & amicissimè vt filium tractat. Sed non diu in ædibus paternis versatus, Mundi mores & leges exactè addidicit, fortasse illas nunquam satis oblitus, tantò iam appetentior vanitatis, quantò antè pietatis studiosior, perinde si doleret tamdiu vitijs non seruasse, ita sapere cœpit misero peccandi licentia. Conscientiam quam antea quotidiano examine solebat explorare, iam opprimere, eique silentium imperare: Cælites quos prius assiduissimis obsequijs consueuerat colere, iam contemptim negligere, & fastidire: corpus quot aliquot annis laboribus & inedia macerarat, iam verè colere, & mollissimè procurare cœpit. his gradibus in præceps ibat, seipso deterior factus in dies. adeò dulcis ei erat vitiorum libertas, quâ tamdiu carere se potuisse mirabatur. Sic per summum scelus, pudorem & innocentiam amisit, turpissimisque sese flagitijs contaminauit, ira vt à parente plagis etiam multatus,



tus, tamen non resipisceret, sed infelicem animam in sceleratâ viâ exhalaret.

O prodigium! ô portentum! quis vnquam hoc sanctiûs incœpit, quis flagitosius finiuit? Mali origo esse solet: melioribus non parere, sibi fidere, seipsum non nosse. hinc istæ lacrimæ. Verùm quid huic misero irascor? mihi deberem. Et ego hunc lusum in alijs atque alijs quotidie ludo: Et hoc, & istud, & illud incipio, nullum finio.

## §. I.

Tales Protei sumus, hodie conscientiam lustramus, & purgamus, & vix crastinum expectamus, cùm eandem nouis sceleribus implemus: hodie Diuorum genua aduoluimur, iisdem cras tergum obuertimus. Isaiaë vaticinium in nos planè non quadrat: *current & non laborabunt; ambulabunt & non deficient.* a Nos ambulamus quidem, sed breuì deficimus; currimus, sed medio sæpe cursu lassescimus; quandoque etiam finem iam vicinum, iam proximum stultissimâ præcipitatione corrumpimus. Saul regum optimus, si eius principia spectes, à Samuele iussus septem diebus expectare, dum victimas simul immolarent. Expectauit omnino ad vsque septimæ diei ferum vesperem, cùmque populus ab eo dilaberetur, tanquam coactus sacrificauit. Et en eo ipso tempore aduolans Samuel: *stulte*, inquit, *egisti: nequaquam regnum tuum ultra consurgit.* b Heu lacrimabilem iacturam regni! sex diebus Saul expectauerat, & vñdecim horis septimi; angustijs tandem compulsus, & de Samuelis aduentu diffusus, ipsâ vltimâ horâ priorem perseuerantiam omnem corripit, defecit, itaque sibi posterisque regnum perdidit. ex quo tempore per eos scelerum gradus cœpit non ire sed ruere, vt post mortale regnum amissum, immortale quoque amiserit & æternum. c Quàm tutum est alienis malis sua dediscere, & aliorum ruinâ cognitâ, in statu firmiore se componere. Et sanè vltima vitæ perseuerantia plurimum ab eâ pendet quæ quotidianis actibus roboratur. Qui bene cœptæ tories tamque faciliè deserit, in supremo vitæ actu ægrè sibi constabit. Ideo sanctissimus Rex David: Inclinaui, ait, cor meum ad faciendas iustificationes tuas in æternum & : in æternum non obliuiscar iustificationes tuas. d Nil magis necessarium nobis, quàm quotidie firmissimè statuere ac proponere.

Quid

a Isc. 40. v. 31. b 1. Reg. 10. v. 1. & c. 13. v. 8

c Ita sentiunt Tostatus Abul. Thomas Aquin. Bernardus, Hieronymus, alij.

b Psal. 118. v. 112. & 93.

Quid autem iuuat quotidie proponere, si licet propositum quotidie deponere? Nihil hoc est aliud, quàm felici manu substructa, ridiculâ pœnitentiâ destruere, aut molem Sisyphæam in rupis fastigium educere, mox in infimam vallem rotatu præcipiti reuoluendam. GER. Hæc labes nostræ mortalitatis est, non diu eadem consilia probare. POL. Amamus mixtas pœnitentiæ voluptates, & bona semper placitura vix admittimus. GER. Statui iam sæpe, nullo die conscientiæ discussionem intermittere: proposui quot mensibus oblatos sorte Cælites studiosiore cultu prosequi: decreui iam crebrò corpori minus indulgere, oculorum incendia cauere, linguæ pestilentes impetus coercere: cœpi non semel insaniam amabilem nugarum & sordium mearum detestari. Et tamen, quæ statui non feci; quæ proposui neglexi; quod decreui violaui; quod detestatus sum, rursus amaui. quæso, vnde hic morbus, nunquam facere, toties statuere? POL. Mi Gerarde, forsan non satis firmè statuis. perfunctoriè ac leniter leuiterque velle, non animi decretum, sed impetus est, qui vti citò vires acquirit, sic citò amittit. subita cæli serenitas, subitis nimbis fœdatur, herbæ ac flores celeriter nati, celeri morte subducuntur. Firmum propositum non est, quod in cerâ aut arenâ scribitur: rigido metallo commendandum est quod diuturnum esse cupimus. Iobus hoc fecit; quod statuit, perinde si exarasset id ære, sic executus: donec, inquit, deficiam & moriar, non recedam ab innocentia meâ: iustificationem meam & virtutem quam cœpi tenere, non deseram. ■

a Iob. c. 27. v. 2.

## §. II.

Narrant hominem generosi sanguinis, sed vitæ profligatissimæ, latrocinij insuper infamem, ejus sibi consuetudinis inuiolabilem legem dixisse, vt nullus iret dies, quo se Matri Dei non commendasset Angeli salutatione. Quantula scintilla pietatis, in vasto mari flagitiorum! Habuit hic miræ & proluxæ fidelitatis famulum, qui ipsis quatuordecim annis industriè illi seruij. Patuit tandem famulatum hunc fuisse insidiosissimum. Siquidem vir sanctus qui in castro illo captiuus detinebatur, hunc famulum adegit IESU Christi nomine, fateretur quis esset. Ille vim imperij sentiens, demum se diabolum fassus est sub humanâ specie tot annis illic seruiss, idque in mandatis habuisse, vt si quo die herus salutandæ Virginis consuetudine momitteret, suffocatum abriperet



riperet ad impiorum carnificinam, verum ad id temporis nullum omnino diem abijisse quo herus Dei Matrem pro more non coluisset. Hæc ego fide complurium aliorum recitavi. Hoc liquet, misericè placere Deo cuiusque boni operis constantiam. Sicut natura indefessa operatrix ab exili plantâ arborem educit admirandæ altitudinis, non subitis incrementis, sed diu & continuè operando; aquæ guttulæ lapidem cauant, non vi sed sæpe cadendo; ignis immortalitas tamdiu durat, quamdiu subministrantur alimenta; semper vivit flamma, semper vorando: sic Deus, assiduè operatur beneficiando, sic homo probus ad immortale fastigium exurgit nunquam ignauè cessando.

Felicem Pilatum si quo pede cœperat, decurrisset. Turpe est cedere oneri, & luctari cum officio quod semel receperis. Posito fundamento, imponenda est & coronis. Virtus boni operis perseverantia est, quâ vbique est opus.

Orpheus Euridicen ab inferis reducturus accepit conditionem, ne inconstanti curiositate duci se sineret, & retro torqueret oculos. At miser,

*avidusque videndi*

*Flexit amans oculos, & protinus illa relapsa est. b*

Orphei & nos sumus (ingemisco cum cogito) & vix parta, mox iterum perdimus inconstantiâ miserabili. Et quoties suam quisque animam ab Orco reuocat poenitentia? verum quia ad pristinos amores cor iterum reflectimus, iterum etiam atque iterum, relapsam ad Orcum animam damnamus. Quid iuuat, hodie in castimonie leges iurare, cras iterum libidinis cæno se mergere? quid prod est, hodie infra omnes se submittere, cras grande supercilium resumere, & omnes alios despicere? quid magni, hodie præclarum patientiæ specimen edere, cras omne patiendi studium abijcere? hodie frugali quadrâ vivere, cras helluari & græcari; hodie agni mansuetudinem induere, cras in lupum efferari; hodie cælum atque Cælites sollicito cultu ambire, cras Veneri & Pluto ceterisque inferiorum monstris applaudere. Gerarde, si Dei Matrem, si Diuos alios venerari cœpimus, quæso, non hoc solum die aut hebdomade, non hoc tantum mense aut anno veneremur: constemus nobis, nostrisque cœptis, & cras simus quales hodie fuimus.

### §. III.

<sup>u</sup> Iacob. de Vorag. archiepisc. Ianuens. Hercules Vincemala lib. i. mirac. mir. 14.

Pet. Anton. Spinelli de Amore Deiparæ c. 5. fine.

<sup>b</sup> Ouid. l. 10. metam.

## §. III.

Equidem multa sunt quæ nos ad constantiam hanc accendant. Nota tibi non ingeram vel aliàs audita. Illustre & prorsus inauditum apponam pro clausulâ. Narrat is qui & auribus suis & oculis non immeritò vult credi. Nuperrimè in scriptoris huius notitiam deueni, è cuius fide hæc ego tibi fideli narratione pandam.

Franciscus Retzanus rerum diuinarum consultus, è S. Dominici familiâ, in Austriæ Academiâ Viennensi triginta sex annis sacras litteras docuit. Hic à teneris vnguiculis beatissimæ Virginis cultor tam feruidus quàm constans fuit. Quotiescunque Dei matrem vel nominari solùm audiit, vel eam ipse nominauit, mox occasione proximâ salutationem Angeli submisit pronuntiauit. Idem fecit, quotiescunque illius imaginem, & quocunque loco transiret. Eâ de causâ non tantùm in museo suo, sed & alibi diuinæ Matris iconem voluit esse frequentissimam. Preces, seu, Officium Mariæ Virginis vel vnico die intermittere nefas duxisset. Pecuniam omnem quam docendi munere fuisset promeritus, in beatissimæ Virginis cultum expendi voluit. Singulis Sabbati diebus diuini prælectionis partem decorè & cum gratiâ in laudem diuinæ huius Virginis deflexit, & frequenter eo sensu, vt vberes lacrimæ verba dicentis interciperent. In precibus, quas magno numero quotidie huic beatissimæ Matri adnumerauit, ingenti affectu animum omnem in hanc cæli Reginam intendit. Medullis ac visceribus eî hærebat pietas in istam matrem. Neque verò interim quæ sui muneris esse nòrat, negligebat. Sic ad annum octogesimum quartum ætatem prouexit, vir miræ abstinentiæ & hostis sui corporis, quo nudo telam lineam non attigit, culitræ non nisi laneæ indormijt, religiosi silentij semper obseruantissimus. Si quando è cubiculo in bibliothecam, aut triclinium, aut templum iret, aut domo ad scholas prodiret, ne tantilli temporis iacturam faceret, Dei parentem Angeli verbis assiduè salutabat. Post lucubrationes plurimas & libros à se compositos, in illa Salomonis verba: *Per me principes imperant* &c. digressus, tria bene magna volumina conscripsit in laudem cælestis Virginis Mariæ, cuius in cælum Assumptæ die, suum ipse laborem eliminare cœpit, & curis secundis perficere. Dum ergo manum habet ad tabulam, en febricula scribentem occupat. tantisper ergo calamiu ponit, dum impetus morbi solueretur. At vbi febris in dies recurrebat auetior & grauior, æger ad socium conuersus: quid hoc sibi vult, inquit, Virgo beatissima, quòd me suis



Octodialibus festis suoque opere distentum, æstu febrique iactantissinat? sed feramus, quicquid in nos Dei bonitas decernit. Et hoc etiam scribere est, hoc etiam est Deum Deique matrem laudare, non repugnanter pati. ergo patiamur. Fecit, ut dixit. Iamque dies beatissimæ Virginis Natæ aderat, cum sacramentis omnibus confirmatus Franciscus, visu tamen (quod rarum in hoc ætatis) auditu ac mente integrâ consisteret. Horam nouissimam præsentiens, more suo salutationem Angeli recitare cœpit, & licet in ultimis esset, iamque animam ageret, nihilominus tamen verba formabat, quantumvis exili spiritu ac intermortuis vocibus, illudque suum (sancta Maria mater Dei, ora pro nobis) continuè pronuntiabat, usque dum labra non amplius contrahere aut diducere valeret. sic extremum vitæ spiritum in ipso matris desideratissimæ affatu edidit. In extincti facie nil horro- ris, sed hilaritas & propè vitalis decor spirabat, qui ad gaudium inuitaret spectatores. « En, Gerarde, insignissimam in Deiparæ cultu constantiam per tot vitæ spatia ad ipsum usque quartum & octogesimum annum. Et quid miremur tam lenem & felicem exitum, post vitam in huius dominæ tam pio famulatu exactam? »

a Ioan. Nyder. l. 4. formic. c. 7.

#### §. IV.

Huic omnino geminum & planè recens addo, quod non ita pridem Pater quidam è Societate Iesu mihi narrauit, & ego nunc tibi. Paulus Hoffæus, quem incanum egomet sapissimè vidi, neque enim adeò multi anni sunt cum naturæ concessit. Hic in Societate Iesu sacerdotem egit ultra quinquaginta annos, muneribus & curis varijs exercitus. Cùmque à Collegij Rectore moneretur, pro veterum more, primum sacrum in templo publicè repeteret, vir modestus & submissi animi, omnisque honoris & applausus fugiens, priuatim & in suo Bethlehemo (sic appellarat extemporaneum sacellum, quod ipsius senio excitatum est) sacrum illud fecit. Post plurimos labores otiosus repertus est nunquam. Mā- nē diebus singulis ante horam tertiam surrexit: totum tempus usque ad sextam meditando & orando traduxit. meditationibus sacrum, sacro lectiones & scriptiones illius sacræ successerunt. Tam in verbis semper consideratus & cautus, quàm in cibo potuque omni abstinens & moderatus fuit, quo effecit ut infestam po-  
dagram

dagram ultra septuagesimum annum à se distinuerit. Et testati sunt medici, vitam ipsi in tot annos ideò prorogata, quòd tam contumaci & seuerà abstinentiâ sese exercuisset. Cibos delicatos etiam in morbo auersatus est, facile parabiles & communes alijs omnibus amauit. Patientiæ fuit tantæ vt sæuissimos dolores calculi & podagræ, subinde etiam iocularibus dictis tegetet. Paupertatis religiosæ sic amans, vt ob res leuissimas facultatem à maioribus petere sit solitus. Manes sapius (res ei iam nota erat) ad cubiculi fores auxilium ab ipso flagitârunt. Eundem vitæ terminum habuit magnus vir iste, quem prior ille, de quo dixi, nam pariter ad octogessimuin quartum annum ætate processit. Hæc ideò nosse interest vt sciamus quantæ virtutis viri in clientelam fidemque cælestis Reginæ confugerint. Quantum verò hic ipse Paulus Hoffæus beatissimam Virginem Matrem amaret & coluerit, vel ex eo solum conijcias. Omnibus diuæ Virginis peruigilijs ieiunium religiosissimè seruauit. & quem senem non facile vllus vnquam cantantem audijt, is ipse paucis diebus ante mortem carmen de beatissima Virgine præter omnem morem cecinit. Dixisses octogenarium olorem funeri suo præludere. Mortuus, subridenti similis, tamque amœno erat vultu, vt ab eo vocem expectasses.

## §. V.

En, mi Gerarde, adultos istos & propè nonagenarios Æternæ Virginis clientes, & cultores constantissimos. His, Francisco & Paulo, qui Angelorum Reginam præcipuè coluerunt, subiungo Franciscum & Philippum, qui Angelos. De S. Philippo Nerio facile est conijcere quo honore affecerit Angelos, cum eum tanto affecerint Angeli. Nam in eam sese humilitatem subinisit Angelus erga Philippum, vt ab eo etiam stipem petere, mendici habitu dedignatus non sit, dixeritque, cum personam aperiret; *Generam expectari, quid facturus esses*. Eundem hunc integerrimum virum in altissimam foueam noctu prolapsum, penitus illæsum eduxit Angelus. Idem vir sanctus lauissimè concinentes Angelos audiuit, vt in eius rebus gestis testatur Antonius Gallonius. At verò Franciscus Assisias, ille pænè vnus ex Angelis, ardentissimo simul ac constantissimo affectu complexus est Angelos. Atq; vt omnibus beatarum mentium ordinibus se verè deuotissimum probaret, à die beatissimæ Virginis in cælum euectæ quadraginta continuos dies ieiunio

&amp;



& inedia traduxit. Et quia Franciscus animorum salutem mirè ardebat, Michaëlem Archangelum, cui ius aliquod in animos corpore solutos, singularibus obsequijs sibi demereri studebat. Tutorum exemplis ducimur, ad præstantissimam in cultu Cælitum constantiam. Magni prorsus momenti est in omni actione nobiliori, non temerè ordiri, non leuiter & citò desinere. Atque hîc præclarissimi documenti loco sit, quod Mathois abbas dicere solitus: Malo, aiebat, aliquod leue opus & continuū, quàm graue & citò finiendum. Vt autem bene cœpta continuēmus, necessarius est planè in rebus agendis ordo. D. Ambrosius id significans: Animum, inquit, relaxaturi, videamus ne omnem harmoniam & quasi concentum bonorum operum soluamus. <sup>b</sup> Concentus iste, vt constans sit, plurimum refert, si omnes diei occupationes eo fiant ordine, vt primarijs hora conueniens assignetur, ad quam statim designati operis capiatur initium. Hunc diues ille Booz suorum messorum labori præfinit modum, vt horam nossent, quâ ad messem venirent, quâ cibum sumerent, quâ ad opus redirent, quâ quietem interponerent, quâ demum vesperi labores finirent. Ne turbulenter facias, quicquid facere vis constanter. ordine fiat quicquid diu faciendum est.

Sed meministi, Gerarde, de triplici nos cultu cœpisse differere. De Cultu Conscientiæ & Cælitum, ego meam tibi sententiam peregi: quàm bene, tui hoc arbitrij facio. Restat de cultu corporis agere. Sed hoc nostræ lucis opus erit. Iam Hesperus os cælo exiit, & dies flectit in noctem. Ego in crastinum promitto, vt quod cœpinus finiamus, & constantiam doceamus non verbis, sed re.

<sup>a</sup> Pelagius interpres è Græco, libell. 7. num. 11. apud Rosiveid.

<sup>b</sup> Ambr. l. 1. off. c. 20. c. Rut. c. 2. v. 14.

## LIBER TERTIVS

De

### CULTV CORPORIS.

#### CAPVT I.

*Animone potius, an Corpori cultus debeat.*

Polychronius, Gerardus.

POLYCHRON. Ergo nos diem auspicamur, ad solis occasum, cum  
p præcis

priscis Ægyptijs? GERARDVS. Quid hoc verbi, Polychroni? num tibi sol breuī obiturus est? mihi vix ortus est. POL. Hoc aio: diem hodiernum non hodie, sed heri exorsi sumus ad solem iam decumbentem. An non hesternus vesper hodierno sermoni dedit initium? si quidem vterque de *Cultu corporis* nos acturos condiximus. GER. Iam capio, & sic est: lucem hodiernam heri sub noctem inchoauimus, prorsus ad Ægyptium ritum. POL. Hoc igitur habemus: Cœpimus. vt autem amici finiamus, præmoneo, tuam à me patientiam explorandam variè. & timeo ne subinde feriam vitalia, & de viuo quid refecem. Sed nosti, Gerarde: Constans nunquam erit, qui non didicerit esse patiens. De *Culin corporis* agere, res tam delicata quàm seria est, quare ne in limine offendamus, & præmatūrè serij simus, Deo Fabulino prius hostiam feramus.

Fabula est, quam refert Lactantius, Cererem, cùm Proserpinam filiam quæreret, venisse ad Eleusium regem, cuius vxor Meganira puerum peperit Triptoleum, seque nutricem simulasse. Hanc regina libens filio suo recepit. Ceres cùm alumnum suum immortalem vellet, interdium lacte diuino nutriebat, noctu clam igne obruebat. itaque præterquam soliti erant mortales, crescebat. Cùm hoc pater miraretur, nocturno tempore obseruauit nutricem, & cùm Ceres puerum igne perfunderet, pater expauescens & filio metuens exclamauit. Irata illa Eleusium exanimauit, ac Triptolemo alumno suo æternum beneficium contulit: fruges ei propagandas & currum draconibus iunctum dedit, quibus ille victor orbem terrarum frugibus obseuit. Inest non rarò suarum fabulis sapientia. fictæ illæ sunt quidem, sed ad docendum, non ad decipiendum, si fictas esse intelligamus. Ego profectò, si hac de re sententiam rogarer, quòd Ceres hanc Triptolemo curam fecerit, factum bene, dicerem. Verum equidem est, illud primum quod curetur, occurrere, cui natura ipsa primum suum consecrauit laborem. Nam cùm animo constemus & corpore, animus aptum sibi domicilium à Naturâ vult extrui quod occupet. Idcirco natura primam corpori curam exhibet, animo tunc nondum præsentì non potest. At nos incipere debemus, vbi natura desijt: diuisam operam cum illâ habemus, vt sicut illa sedula fuit, fecitque quod debuit instar fidissimæ nutricis, ita nec nos desimus mulieri nostro: corpus illa aptauit animo, nos animum aptemus, vt rectè præsit corpori. Dignior est animus cui seruiatur, qui imperet, qui colatur. nam & ab ipso Naturæ conditore ho-



mini datus est tanquam rector. Venit ille ad corpus nudus ab ornamentis omnibus, & suppetias à nobis exposulat, ut ad immortalitatem, sublimem illam & beatam, crescat & ornatur. immortalitas nobis cum Cerere curanda, seu lacte sit opus seu igne, siue animus eruditione nutriendus, siue exercendus pietate. Ecquis rectè sentiens denegabit operam animo, quàm corpori non denegat? Magnificum est aulas principum seruitio colere: & cur nos nulla huius seruitutis gloria titillat? cur non magni facinus, si magnum seruitium præstemus animo? est ille à magno illo Deo verè magnus, & aliquo modo illum refert, ad cuius imaginem conditus est.

## §. I.

Nihilominus corpus origine suâ longè vilissimum, nimium sibi iuris tribuit in animum, eodem ferè dolo quo usus est Amasis. Hic Ægypti rex factus, ob natales obscuros ægrè tolerabatur ab incolis. maluissent illi vivere sub illustriori domino. Aduertit hoc Amasis, & ne qua fortè ob id oriretur seditio, cautum voluit eruditâ calliditate. Pelluium habebat aureum, ex eo hospitibus vestigia & manus abluebantur, immundumque reddebatur ab immundâ aquâ, hoc in ignem coniectum conflauit fecitque ex eo statuam, tum in publico tanquam Deum adorandum proposuit. Circumfluxit ingens venerabunda turba, & materiam eandem quam antea ut sordidam cum stomacho aspexerunt, iam osculis attriuerunt. Nec diu cunctatus Amasis, aduocatâ concione huiuscemodi verba fecit: Viri Ægyptij & qui habitatis regna nostra, quod videtis, etiam noscite. Peluis erat antè, receptaculum sordium, oculi vix ferebant nauseabundi, nemo coluit: at verò postquam arte purgatum, & formatum in hanc statuam est, induitque Dei similitudinem, omnibus esse honori cœpit meritisimò. Sic quoque mea nunc vitæ conditio est. fui olim vnus ex vobis, imò plerisque inferior, & meritò à vobis contemptus: at postquam ornamenta regia suscepi, & sceptro vestro potitus sum, alius esse cœpi, quod alia gestem insignia. similis iam sum alijs regibus: in eorum numero iam habete similem, quem alioqui iuste aspernari possetis.

Egregius hic regis sermo, etiam nobis Gerarde, utilis est, si attendamus. Si animus è facie hac terreâ concretus esset, si ex affi-

nitare & cognitione animorum mortalium prodiret, esset fortasse cur cunctaremur, esset fortasse cur tanquam plebeio denegaremus famulatum, sed cum supremi Regis gerat imaginem, omni officiorum genere colendus est. Corpus, quod luto proximâ cognitione iunctum, pro seruo tractandum est. At pænè simile quid contingi corpori nostro, quod Amasis pelluio. Corpus à naturâ ad seruitutem abiectum est, sed prauis amoris ignis, & nescio quis adscititius vestium splendor illud sic immutat, ut à multis pro Deo habeatur, & in animum dominetur. Sed verissimè dixit ille, nullos dominari deterius quàm quos ad seruendum natura creasset. GER. Sed antequam, quid corpus sit, explices, quæso quid est animus? quid enim colam hospitem ignotum?

## §. II.

POL. Heu quàm multa sunt quæ esse concedimus; quæ & qualia sint, ignoramus. Habere nos animum, cuius imperio & impellimur & reuocamur, omnes fatebuntur: quid tamen sit animus, ille rector dominusque nostri, priscorum philosophorum turba nunquam satis expediet. Alius illum dicet esse spiritum, alius concentum quemdam, alius vim diuinam & Dei partem, alius tenuissimum aërem, alius incorporalem potentiam. Non deerit qui sanguinem dicat, qui calorem. Adeo animo non potest liquere de ceteris rebus, ut adhuc ipse se quærat. Empedoclem tero, si negligat culturam animi, quem nihil aliud esse contendit, quàm cordi suffusum sanguinem. Zenoni ignosco, qui animum ignem esse docet, ignis autem colendus non est, nisi fortasse à Perlis qui illum pro Deo habent. Democrito quoque venia danda, si hac in parte hallucinetur, corpusque præponat animo, quem ex vilissimis atomis conflatum somniat. Pherecrates etiam pacatè viuat, imò hilariter, & cuticulam demulceat. quid enim ad animum attenderet, qui ut ipse eum definit, nihil est. At verò nos melius & peritius animum noscimus, rem diuinam & immortalem, originis nobilissimæ spiritum, & propè Deum in humano corpore hospitantem: par igitur erit eum pro dignitate colere, corpori autem tanquam seruo herilem maiestatem nunquam induere, aut id in solium attollere.

Habuit Socrates inter suos discipulum, quem aduertit horti colendi studiosissimum esse, ceterum in ornandis moribus languere, nec ferè quidquam in studijs proficere. Ideo aggrediendum sibi hominem ratus: Obsecro, inquit, ne hortum habeas cultiorem quam



quàm animum. Breuis exhortatio, sed seria, & omnium auribus ingerenda, eorum præcipuè qui suos hortos, qui domos suas, qui sua corpora, qui alia sua omnia colunt potius quàm animum. de quibus iure conquestus Demonax: Stultissimi mortalium, inquit, omnem sollicitudinem suam ponunt, in extruendis ædibus, & hominum qui ædes illas habitaturi, nullam penitus rationem habent. Et quid magis miremur, quàm cum omnes & cupiant optimè vivere, & sciant non aliâ re quàm animo sic viui, nec fieri posse, quin si optimè vivant, animus colendus sit, tamen animum suum minimè colant. « Sunt qui villas opiparè extruunt, & domos ditissimè exornant, & famillas numerosè comparant: sed in istis omnibus, in tantâ rerum affluentia, nihil est cuius illos minùs pudeat quàm inculti animi. Habent igitur omnia cumulata, omnia affluentia, omnia opulenta, culta omnia & ornata præter animum, quem velut alienum & rem non suam negligunt. ea contra quæ aliena sunt, inter laudes suas numerant. Et quid, mi homo, de bonis non tuis te iactas? Nobilis, generosus es? parentibus age gratias. Diues es? Fortunæ non credas. Honoratus es? ab honorante hoc habes. Validus es? ægritudine fatigaberis. Pernix es? abibis in senectutem. Formosus es? expecta paullisper, & non eris. Animus tibi cultus & eruditus est? Hoc tuum est. hoc enim nec à patre hæreditarium, nec à casu pendulum, nec à fortunâ mutuum, nec à suffragio annuum, nec ab ætate varium, nec à corpore caducum est. hoc à te, hoc verè tuum est. Animus cultus proprium cuiusque & reuera magnum ac solum bonum est. Animus neglectus & incultus, intima, inhærens nimis, & verè summa paupertas est.

a Madaur, de Deo Socratis, sine.

### §. III.

De modo colendi animi, vt video, Gerarde, quæsiturus es. An non nudius tertius abundè de hoc actum? conscientiam curare, est, animum colere. Hoc tu, siue conscientia, siue (quod fortè vsitatius) Animi cultum appelles: per me licet. Sed vt iam de cultu corporis sermo sit planior, de Animo colendo summam rem complectar. Ceres etiamnum mihi in animo est. quid fecit illa? alumnium suum, quom curauit, igne perfudit, vt immortalem redderet, nec Cereri duntaxat hæc ad immortalitatem visa fuit via. Nam & ipsam Thetis indignatam se Deam mortali Peleo in ma-

trimonium

rimonium collocatam, filios, quotquot oriebantur, in ignem exurendos conijcere solitam tradunt mythologi, quòd ita rebatur mortalitatem exuri, & quod immortale esset, perpurgari & conservari, ut aurum ære confusum ignis ope purgatur. atque ita sex iam filios consumpserat, donec ad Achillem ventum, quem pater superueniens ab igne exemi. Vtraque mulierum istarum animum curarunt per ignem, & eam hominis partem immortalem cupiuerunt, quæ esse poterat. Duæ nobis pariter pro excolendo animo constituendæ sunt nutrices, quænam illæ? Pallas & Pietas. Pallas se primam offert sed inerimis & onusta libris, hæc suos quos informandos recipit, igne perfundit, ut æternet. quis ille ignis quem affundit? Doctrina est, mente hominèque digna; nam cum omnis doctrina deriuetur ab æterno illo doctore, & cælestis quædam quasi flamma sit, quid ni mortalitatem in animo comburat, & ad illas beatorum sedes erigat? Sed tamen hic ignis satis pusillus est, quantus quantus est, si virtus eius spectetur; instar scintillarum duntaxat vrit, parum aut nihil in animis excoquit, nisi & Thetis, hoc est, Pietas accedat, quæ non solum stricuras nobis inspergat, sed totos in focum præcipitet. absque his flammis crudi manent animi & confusa massa. Pietas verum, ignem habet, & luminosum purumque, quo debiles & cæcas mentes roborat & illustrat. Ad cælestia & diuina animi nostri non aliter se habent quàm argillaceæ Promethei statuæ, quæ etiam solis radijs expositæ nec vigorem tamen habebant, nec mouebantur. At verò ubi conscenso olympto virgulam soli admoovit & incendit, redûxque in terras flaminam superis ereptam, statuis inseruit, illico in membris motus & in statuis gressus sequebatur. ita mentes nostræ vecordes & statuis immobilitate similes, etiam si doctrinæ igne perfundantur & collustrentur, tamen nisi cælestis & diuini illa lux superueniat, nullus animo vigor, nullæ sunt vires. Sed interuenit non nemo qui Thetin hanc impediat, qui culpet, qui exclamet & damnet. eam iam ætatem viuimus, in quâ nec pietatem apud alios ferimus, nec in nobis ipsis colimus, quam à nobis facimus per scelera extorrem. Tandem quid sumus? pulchræ statuæ, quemadmodum Stilpon interrogatus, quem statuis simillimum censeret? Hominem, inquit, & stupidum, & animi sui negligentem.

Verum, extra chorum salto. Recepi dicturum me hodie de corporis cultu, non de Animi. quamvis ille ab isto pendeat. Nos



eo ipso animum negligimus, quia nimium colimus corpus. ita cultum hero debitum, iniquissimâ permutatione transferimus in seruum. Quicquid sapientum voces moneant, nos sæpe in solius corporis curam intenti, mirè insanimus in exornando hoc mancipio. Et hoc est quod seuerâ castigatione dignissimum. Suum corpori cultum non eripiemus, sed nimias ei phaleras detrahare conabimur. Et quid est corpus, vt in illud potius quàm in animum, omnem benignitatem tantis blanditijs effundamus? Sit ergo nobis hæc altera quæstio: quid est Corpus?

## CAP. II.

*Quid sit corpus, & unde tam dignum colî?*

GER. An non hæc quæstio superuacua? quid quærimus, quod videmus, quod tangimus? POL. Equidem videmus, sed fallacibus oculis, equidem tangimus, sed manibus in adulationem corruptis, hinc hosti nostro etsi noxiosissimo, honestissimos tamen titulos imponimus, & pro amico colimus, odijs dignissimum. Auxiliator noster videtur esse Corpus, sed non minus insidiator est; adiutor censetur, magis tamen impugnat quàm vllus hostium. quid ergo est CORPVS?

## §. I.

Corpus hominis sepulchrum esse affirmabant prisci. GER. Itane sepulchrum? POL. Ita prorsus. GER. quid ergo nos ornamenta ei adijcimus, & speciosam facimus miseriam nostram? atra & tristitia illud melius decerent. POL. Corpus græcè σῶμα dicitur, quod rectè Plato <sup>a</sup> vocauit σῆμα, hoc est, sepulchrum, quasi animum in corpore delitescat sepultus. <sup>b</sup> Corpus certè simillimum sepulchro, mephitim exhalat vndique. Hem! quàm vanus est labor noster! popina vermium, taberna serpentum, bufonum hospitium, sordium sentina, ita splendeat, ita curetur, ita superbiat? infelix hæc terræ gleba tam sordida, tam putris ita tegatur? tanto labore inferuiatur famulæ carni, relicto hero Animo, nudo & intecto?

Qui corpus sepulchrum vocant, honestiore nomine id afficiunt. fuere qui tartarum & inferos illud appellarent. Cælius Rhodiginus: Corpus, inquit, esse velut tartarum scripsere; in quo fluxiones graues infestent, & perflatus tumultuentur non

absque æstuosis ardoribus, sitque planè mortuorum conceptaculum ac verius sepulchrum. Adjiciunt & illud auctores sanctissimi, multorum animas corpore tanquam mylone quodam, hoc est, pistrino esse obvolutas oclusasque. Et primi illi theologi nil aliud inferos putarunt quàm ipsa corpora, quibus inclusi animi, per omnium incommodorum, ægritudinum, dolorum species raptantur. <sup>a</sup> Auctor huius sententiæ Macrobius: Antequam, inquit, studium philosophiæ ad tantum vigoris adolesceret, qui per diuersas gentes auctores in constituendis sacris ceremoniarum fuerunt, aliud esse inferos negauerunt, quàm ipsa corpora, quibus inclusæ animæ, carcerem fœdum tenebris, horridum sordibus & cruore patiuntur. Hoc animæ sepulchrum, hoc Ditis concaua, hoc inferos vocauerunt. Obliuionis fluuium errorem dicebant animæ obliuiscantis, diuinæ originis maiestatem: Phlegethontem, ardores irarum & incendia cupiditatum: Acherontem humanæ varietatis dolorem & ægritudinem animi fluctuantis: Cocytum, quicquid homines in luctum lacrimasque compellit: Stygem, quicquid inter se humanos animos in gurgite mergit odiorum. <sup>b</sup>

<sup>a</sup> Rhodigin. lib. 7. antiq. lect. c. 9. <sup>b</sup> Macr. lib. 1. in som. Scip. c. 10. 11. & 12.

## §. II.

Neque verò hi adeò aberrarunt à vero, cum corpus hoc quàm mortale, & mille tam vitiorum illecebris, quàm incommodorum supplicijs obnoxium, animi carcerem & inferos nominarunt, quod & Hebræo Sapienti *animam aggrauans* vocatur. <sup>a</sup> Hoc corpus, quod nos palatium aut paradysum censemus, pro carcere habuit sapientissimus psaltes, nam velut carcerem hunc exosus in vinculis exclamat: Educ de custodiâ animam meam. <sup>b</sup> Num carcerem in quo Samson molebat, isto fuisse molestiorem putas? aut Iosephi lacum, aut Hieremiæ foueam, aut Danielis inter leones specum, aut Petri geminis catenis victi militarem custodiam, non arbitror.

Cur igitur sepulchro, carceri, pistrino, tartaro, inferis tam pretiosum cultum, tam delicatum pascum in nostram perniciem impendimus? Hoc sciamus, à nullo nostrorum hostium tam nobis cauendum esse, quàm à nostro corpore. Vis plura & speciosiora corporis elogia? Cælius, quem ante nominaui, sua corpori pigmenta conquirens: Imprimis verò, inquit, quam circumfers ve-

stem,



stem, exuere oportet ( corpus designat ) indumentum inicitiae, prauitatis fundamentum, corruptionis vinculum, velamen opacum, viam mortem, sensuum cadauer, sepulchrum circumuertile, domesticum denique furem, qui dum blanditur, odit; dum odit, inuidet, umbraculum inimicum, ad seipsum raptans deorsum, ne forte conspicias veritatis decorem, & eius oderis prauitatem. « Hoc est, CORPVS suâ laude ornare. Et tamen domesticum hunc furem tam operosè nos & vestimus, & alimus, ut, si fortè parcior sit aut lentior furando, nostris subsidijs crescat in maiorem audaciam. Hoc non est aliud quàm furi suam rapiendi licentiam non tam laudare quàm imperare, quin & modum docere quo pessimas artes facitet liberius.

a Cxl. antiqu. lect. c. 9.

## CAP. III.

*Quantus noster hostis sit CORPVS.*

**N**ON tantum rem nobis & excellentiâ nostrâ indignam facimus, cum corpori seruimus, sed etiam perniciosam. Nostine, Gerarde, ingenium Crocodili? Audi obsecro. Penes mulierem Ægyptiam crocodili catulus educabatur: hanc Ægyptij beatam putabant, quod scilicet Deum nutriret, ideoque & mulierem & alumnum demulcebant. mulieri huic erat filius cum crocodilo educatus & ludens: deus verò ille cicur erat, dum infirmis adhuc erat viribus, at aucto corpore ingenium detexit, puerumque illum occidit. atque hic finis fuit amicitiae illius infidæ. has scilicet gratias altrici suæ retulit perfida bestia, quæ, antequam puerum sorberet, lacrimas profudit sceleris futuri testes. Quid nos aliud curamus & educimus nisi crocodilum, si corpus tantum curamus? suppetias ferimus hosti, & cum postea pugnandum est, vincimur à subsidio nostro. Nec potest esse miserabilior clades quàm proprijs armis confici. Verè nullus maior hostis hominis est quàm CORPVS, cum illud amicum habemus & amicè tractamus: blanditur nobis, dum nos illi blandimur, & quanto nos magis candidè & fideliter, tanto magis subdolè illud atque perfidè, crocodilo animalium nocentissimo simillimum. Imò, quod peius, non suis tantum, sed & alienis pugnat viribus, ut iam ostendam.

Rem mihi dixisse visus est, qui CORPVS, diaboli Vallum, & propugnaculum dixit, è quo ille in nos pugnat opportunitate maximâ. Vnde quaque patemur hosti, ad omnem incursum, ad omnem ictum, & ne frustra sudet hostilis calliditas, corpus nostrum operam suam adiungit, & nos vinci, gratiam interpretatur.

Seiniramis olim regij vernæ apud Babylonios ancilla fuit: captus illius formâ rex Ninus, adeo eam deamauit, vt illa tandem temerè quiduis auderet petere, ille negare non auderet. Illa in hanc occasionem prona, velut leue quid postulans, vnicum sibi diem à rege indulgeri petijt, quo sceptri & solij ius penes se esset. Facile rex annuit, in preces, vt videri poterant, tam modestas. Itaque poscenti concessit, in solio suo ius diceret, eiusque iussis omnes parerent. Hæc, potestatis quidem auida, primò tamen leuiores imperat fieri. Fiunt. Dein seria magis mandat perfici. Perficiuntur. Tandem regem comprehendi iubet: comprehenditur. vinciri, vincitur, interfici, interficitur. Sic ancilla ex diurno diuturnum principatum adepta est. *a* Equè improbâ vafritie Corpus sceptrum eripit malè conniuenti rationi. Initium à blandimentis sumitur, his fraudes succedunt, inde vis & Manliana imperia. Nec facile est Corpus ab assuetis deducere, malè seruit hoc mancipium, postquam dominari assueuerit. Quicquid ei vel semel per indulgentiam concessum est, hoc vt debitum exigit. subinde morbos simulat aut inualetudinem, vt abstinentiæ legibus fraudem faciat: iam pisces recusat, & stomachum causatur; iam inedia non fert strictioris ieiunij; iam has iamque illas vestes exigit: & vt delicijs ac pompæ honestum titulum prætexat, id ad statûs sui decentiam spectare pertendit. Hoc agit CORPVS vt imperet, & rationem, quam tollere non potest, ad turpissimos assensus emolliat.

Iobus de homine corpori nimium indulgente differens: *Dulceda illius vermes*, inquit, *non sit in recordatione, sed conteratur quasi lignum infructuosum.* *b* In quæ verba Gregorius: Potest, inquit, apertius verinis nomine caro designari, vnde, *homo putredo, & filius hominis vermis* dicitur. *c* Sanè, quisquis putidas corporis voluptates anhelat, quid nisi vermes amat? corpus agnatione proximâ vermibus iunctum esse, sepulchra fatentur sincera veritate. Ita dul-

*a* Muret. lib. 6. var. c. 17. è Græcorum commentarijs.

*b* Iob. c. 24. v. 20. *c* Greg. l. 16. mor. c. 29.



*cedo illius Vermes.* Hinc fœdò cupidini vincendo plurimum facit, ut hoc quod viuum quis diligit, quale sit mortuum expendat. Fecit hoc Anachoreta, uti Hugo memorat, quoad abolendam memoriam mulieris, quam dæmon illius animo identidem repræsentarat, tumulum iam sepultæ & tabescentis clam reserauit, & ablata inde cadaueris partem toties naribus opposuit, quoties animum titillaret libido: & en, aiebat ipse sibi, *dulcedo tua Vermes.* Ita præsigni victoriâ seipsum triumphauit. Verè omnium luxuriæ dëditorum *dulcedo Vermes*, hoc est, corpus, breuî obijciendum verimibus pabulum. & quia homines impuri ac libidinum suarum serui, talem amant dulcedinem, & in eâ felicitatis suæ summam collocant, *non erunt in recordatione apud Deum*, ut ab eo præmium beatitudinis accipiant, *sed conterentur velut lignum infusum*, in flammis stygiis deljciendum.

a Hugo Cardin. in c. 24. Iobi.

## §. II.

Europa regis Agenoris filia, ut in fabulis est, ad littus Tyrij maris in prato nitidissimum taurum conspicata, quamuis primò contingere metueret, tamen ubi mitem & abblandientem nec minarum quidquam habentem vidit, dempto metu adire, tangere, manu demulcere sustinuit; herbas etiam & flores in pabulum porrexit. Taurus variè alludens, & nunc blandus stare, nunc in genua procumbere; modò collum & palearia manu palpanda præbere, modò cornua ferto impedienda offerre, iam etiam niueum tergum subijcere, & velut ad sessionem inuitare. Tam humanam pecudem experta virgo regia, ausa est etiam, nescia quem premeret, tergo considerare. Hic taurus sensim atque fallaciter à sicco littore abducere, & in primis vndis falsa vestigia ponere, inde subito impetu per medium æquor, cum insidente sibi prædâ natâre. Misella littus relictum frustra respicere, & serò nimis sui lusûs audaciam damnare. Verissima hæc effigies est hominis, carnis blanditijs iam capti, Plaro (uti Augustinus Cælius refert) Europam regis filiam, Animam Dei sponsam interpretatur. Nam, sicut regia illa virgo, etsi patriam humentibus oculis respectaret, tamen à tauro, cui nimium blandita fuerat, à patriâ abducebatur: eodem prorsus modo anima æterni Regis filia, maximo salutis periculo, per medios huius vitæ vortices, per procellosum hoc mare, ab indomito tauro, à suomet corpore

in vitiorum præcipitia abripitur; & licet illa cælum, suam patriam, licet illa Deum, conditorem & parentem suum sæpius respiciat, tamen à furente hac bestia, longè à patre abducitur. Sed sibi culpam illa imputet: cur tam facilis & blanda fuit in hoc pecus, cur se illi permisit, cur fictæ illius mansuetudini fidem habuit? sic agit corpus, vbi suis nequitijis vires acquirit, sic abducit miseram animam, sic ingemiscentem abripit per voluptatum; fluctus, in lacrimabile exitium. Caro & sanguis regnum Dei non possidebunt. <sup>a</sup> Nam, qui in carne sunt, Deo placere non possunt. <sup>b</sup> Huic ergo fallacissimo tauro, <sup>c</sup> regis filia ne fide, ne blandire, ne illum poppyfimis demulce, ne sagina, aut tuum in te hostem incitas beneficijs nusquam peius collocatis.

<sup>a</sup> 1. Cor. 15. v. 50. <sup>b</sup> Rom. 8. v. 9.

### §. III.

Elisabetha, sanctissima illa Lusitaniæ regina, quid non fecit tulitque (iam supra demonstratum est) vt huius tauri impetum frangeret, furorem frenaret, rabiem cõerceret, vt denique hanc bestiam immanitate teterrimam perdomaret. Neque verò aliud quàm hoc ipsum se fecisse diuinus Paulus tam animosè proclamat: Castigo corpus meum, & in seruitutem redigo. <sup>a</sup> Hic ei cultus, hæc illi beneficia debentur, his obsequijs cicuratur in melioris disciplinæ cautionem. eadem enim corpori conueniunt quæ mancipio, quæ asino, flagellum, onus, seuera castigatio. Nam, debitores sumus non carni, vt secundùm carnem viuamus. <sup>b</sup> Et certè, qui Christi sunt, carnem suam crucifixerunt cum vitijs & concupiscentijs suis, <sup>c</sup> quoniam qui seminat in carne suâ, de carne & metet corruptionem. <sup>d</sup> Ideo vel millies nobis ingerendum monitum illud saluberrimum: Si secundùm carnem vixeritis, moriemini: si autem spiritu facta carnis mortificaueritis, viuetis. <sup>e</sup> Nemo à vitijs liber est qui corpori seruit. nam vt alios dominos, quos nimia pro illo sollicitudo inuenit, transeas, ipsius corporis dominium quàm morosum & delicatum est! GER. Ergo negligendum est corpus, imò & iniurijs afficiendum? At tu, Polychroni, dicturum te promiseras, quâ ratione colendum sit corpus, non quâ vexandum aut affligendum. POL. Ergo tibi, mi Gerarde, agricola ille non censebitur agrum colere, qui eum aratro prosciderit, qui steriles herbas euulserit, qui effætum solum mille vulneribus sauciârit? Nunquid non hoc colere est terram, ferro eam subigere? hæc cultura debetur

<sup>a</sup> 1. Cor. 9. v. 27.

<sup>b</sup> Rom. 8. v. 12. <sup>c</sup> Gal. 5. v. 24. & c. 6. v. 8. <sup>e</sup> Rom. c. 8. v. 13.

agro,



agro, alijs alia, cuique sua. Certe vix quidquam est in orbe, quod non siluescat, si absit cultura. Sterilefcit ager nisi in exercendo illo assiduæ manus defatigentur: sordescit domus, nisi eam à sordibus cura peruigil defendat: obsolescit vestis, & turpes næuos contrahit, si illam aquæ non lauent, non purgent setæ. Desit cultura, plantæ non surgent, flores non erumpent, arbores in directum non crescent, segetes non emergent, pascua non virescent, lapidescent & siluescent omnia. Adsit cultura, plantæ stabunt, flores pululabunt, arbores triumphabunt, respondebunt mesles, ridebunt campi, virescent & gaudebunt omnia. Tanti est in plerisque omnibus cultura. Atqui si ista humanam & operosam manum postulent, à quâ colantur, homo ipse sine cultu erit? Primus est qui coli debeat, & ante alia omnia. At cùm homo corpore constet & animo, corpus autem animum degrauet, impediât, mille damnis afficiat, tu nihilominus illud præ animo & suauis quidem ac benignâ humanitate colendum censebis? Hic me sine non elinguem esse, & libere profari quæ ad natam quæstionem erunt, non omitam dicere quæ dedecent corpus, dum ea, quæ decent, dixerò. Ostendam hoc ipso coli corpus optimè, si non nimium colatur.

## CAP. IV.

*Quantus labor impendatur à nobis corpori, hostium nostrorum maximo.*

**H**erus fuit, qui duos in suo famulatu seruos numerabat, planè dispares; æthiops alter, noctis colorem æmulabatur corpore: genere obscurus, doctrinâ rudis, artificij omnis indoctus: contumax etiam, vecors, ignauus, & qui non semel de Domini nece cogitabat, iamque aliquoties impactâ sicâ grauiter sauciabat: Alter verò profapia nobilissimus, scientiarum amantissimus, elegantissimus formâ; natus ad omnia magna, & qui heri sui salutem curabat vt suam. & hic quidem ab hero extremè neglectus, non nisi laceris panniculis, & vix quidem tegebatur: cùm alter ille fœdus æthiops ab hero plurimum amatus, non nisi pinguibus & pretiosis tunicis superbiret, & iussu heri in formosum illum iuuenem exerceret iniquum imperium. Subolet tibi credo, quid velim, Gerarde. Duæ sunt homini partes tanquam seruiantes, Animus & Corpus, ille è cælo, hoc è cæno, & tamen cænum istud se supra cælum suum erigit, mancipium ingenuo, corpus animo præfertur. Ah! contra oportet,

oportet, & grandis iniuria est, Animi nobilitatem sic abiicere, vilitatem corporis sic attollere. Ornatus est corpus, quod minus ornatur, & tunc est longè cultius, quod magis præ illo colitur animus. GER. Atqui ego hic putem, centones & mendiculatorum tegetes, depexas & pertusas tunicellas, crines incoemptos & sine lege errantes, vultum fame corrugatum, exercitatum labore, pulvere & sudore madidum, illuviem, pædores, aliamque similem sorditudinem inter ea verè numerari quæ corpus dedeant. POL. O bone, quàm facis, quod ego sæpe, & erras! ista sint dedecora humani corporis, quæ quandoque etiam inter ornamenta illius numeranda? Ergo, tu idem ille purpuram auro crepantem, capillos surgentes & scitè contortos, vultum longâ saginâ nitidum, stibio & cerusâ perunctum, ad vitreum oraculum sæpius examinatum, vestes concinnas & ad omnem ostentationem factas: hæc, inquam, affirmas corporis esse decora? O quàm rem tetigisses, si contrarium dixisses. GER. Atqui, hic omnium sensus est, qui meus. POL. Atqui ego velim serio sciant omnes, nihil magnum aut præclarum esse quod omnibus placeat. Communis furoris mala est defensio, furentium multitudo.

## §. I.

Certè aliter de cultu corporis sentit Romanus sapiens, quàm sentiant isti tui omnes: Hanc sanam, inquit ille, & salubrem formam vitæ tene, ut corpori tantum indulgeas, quantum bonæ valetudini satis est. Durius tractandum est, ne animo malè pareat: cibis famem sedet, potio sitim extinguat, vestis arceat frigus, domus munimentum sit aduersus infesta corpori. Hanc utrum cesses erexerit, an varius lapis gentis alienæ, nihil interest. Scito hominem tam bene culino quàm auro tegi. Contemne omnia quæ superuacuis labor velut ornamentum ac decus ponit. Cogita in te præter Animum nihil esse mirabile, cui magno nihil magnum est. Animus certè si nobilitatem suam nosse velit, corporis velut oneris necessarij non amator sed procurator erit, nec se illi cui impositus est, sed illud sibi subijciat. Et hoc Senecæ iudicium est, cui qui ogganniunt, non è sapientiæ scholâ prodijisse censendi, sed è tabernâ illiteratæ plebis, quæ nihil minus hodie negligit quàm quod deberet maximè, quæ noctes & dies sudat pro corpore.

Conferamus nos paullisper in hoc magnum orbis theatrum, dispiciamus mortalium conatus, quid acutent inquieti. Hinc in-



undant milite campi, hinc infatorum turbâ feruent semitæ, hinc maria sternuntur classibus, hinc in montibus anxîâ & crudeli diligentiâ aurum effoditur; illinc concurrunt acies, & ferreis nubibus obtexunt cælum, vnde, vt Papinius canit

———— *stant ferrea calo*

*Nubila, & copiosa telorum grando solat.*

Vrbes ingrediamur, & videamus quæ non fiant in corporis gratiam, istic curiæ litigantium vocibus pænè rumpuntur, illinc opere assiduo æstuant officinæ, hinc summis contentionibus agitur, sudatur, curritur; omnia strepunt plena negotijs. nihil vacat ab operosis mortalibus; & moliantur, & satagunt, & contendunt. Quod verò tot labores, tanta rerum impendia pertinent nisi ad corpus? cui hoc terræ punctum ferro & igni inter tot gentes diuiditur.

## §. II.

Nunc verò parum ad nos redeamus, nosque ipsos nostrâ inque domum inspiciamus. Non edimus vt animus viuât, ipse immortalis est, sed vt corpus sustentetur; bibimus non vt mens madescat, ipsa non bibit, sed vt corpus refocilletur; dormimus non vt Animus perpetuetur, qui mori non potest, sed vt conseruetur corpus. Quæ verò alia nostra studia? quærimus gaudia, sed corporis; opes ambimus, sed corporis; ædificia struimus, sed corpori; thermas ædificamus, sed corpori; viuaria, piscinas, viridaria, hortos grandi sumptu molimur, sed omnia corpori. quicquid ferè in nobis vigilat curarum, id vigilat corpori, maxime pascendo, vestiendo, ornando, comendo. Quotidiana cura nostra omnis quò tendit nisi ad corpus? quò vestitus tam vanus, nisi ad hoc ipsum corpus, propter quod nouus dies nouas vestes videt. Ecquid vani ac miseri noctes & dies pro corpore sudamus? Quorsum omnis noster labor & molimentum spectat nisi ad corpus & corporis commoda cultumque? A naturâ luxuria pridem desciiuit, quæ quotidie seipsam incitat, & tot sæculis crescit, & ingenio adiuuat vitia. Primum superuacua cœpit concupiscere, inde contraria, nouissimè corpori animum addixit, & illius deferuire libidini iussit. Omnes illæ artes quibus aut exercitatur ciuitas aut strepit, corporis negotium gerunt, cui omnia olim tanquam seruo præstabantur, nunc tanquam domino parantur. Itaque hinc textorum, hinc fabrorum, illinc fartorum officinæ sunt, hinc odores coquentium, hinc molles corporis motus cantûsque docentium. Recessit enim ille

naturalis

naturalis modus desideria ope necessariâ finiens : iam rusticitatis & miseræ est, velle quantum Sat est. Sic multa concupiscendo, omnia amittimus, & necessaria ignoramus, quia non necessaria discimus. Ita dum corpori nimium indulgeamus, & corpus & animum perdimus.

Hic mihi in mentem est quod Reginaldetus narrat hunc ferè in modum. Duo fratres vnâ iter fecerunt, quorum vnus intelligens & prouidus, alter non sanæ mentis, hominè rudis & bardus. Delati ad biuium litigare cœperunt, quâ eundum esset. Amens ille viam primâ fronte delectabilem ingrediendam ratus : heus tu, inquit ad fratrem, hâc eamus ; inuitat iucundissimâ semita, en merum viridarium. At ille prouidus : Mi frater, inquit, hâc viæ facies notè displicet, amœna est : at exitus viæ me terret, ad pessimum hospitium deducit. itaque tibi mihiq̃ suaserim, hanc potius nonnihil asperam insistamus ; principij & progressûs molestiam hilari fine pensabit, ad hospitium ducet nobilissimum. At fatuus ille suæ sententiæ tenacissimus : Ego, inquit, oculis meis malo quàm tibi credere : hâc eo, sequere. Sic alter quamuis inuitus, ne fratrem desereret, comes iuit. Dum progrediuntur, in prædonum insidias deueniunt, ab his in carceres sed diuersos rapiuntur. Post aliquantum temporis, è vinculis educti, ad nescio quod tribunal sistuntur iudici. Hic alter fratrum, prudens ille & sanæ mentis : Mi domine, inquit, in has ærumnas frater iste meus, homo fatuus me coniecit. viam adiimus bonam & tutam, at ille stultitiæ suæ potius quàm verbis meis fidem habere maluit, & aliâ, per quam infesta sunt itinera, ingressus est. ita refractarium secutus sum alterâ viâ, amœnâ quidem sed intutâ, & hâc latronum nos prædam fecit. itaque si moriendum est, ille horum omnium causâ pro me moriatur. Contra fatuus : Imò, inquit, non mihi sed fratri meo moriendum. nam si tam sapiens est, qualem se gerit, cur me tam facile secutus est : cur persuaderi se passus est, cur reluctatus non est : cur viam iuit quam sciebat latronibus infestam : Ad hâc alter : O domine iudex, inquit, verba mea contumaciter reiecit ; nullâ ratione ab errore abduci potuit. Cui stolidus : Si me, ait, reclamante tu viam tenuisses tutiorem, ego vel inuitus rediissem, & te secutus fuisset : tu meæ mortis es causâ. Mox prudentior : Tu stolidus, inquit, tu causâ es meæ mortis. Ita vtrinq̃ verbis acriter certum est.

His auditis iudex sententiam in hâc ferè verba pronunciauit :

Tu



Tu fatue noluisti sapienti credere, & tu sapiens secutus es fatuum, ideo pœnas mihi dabit vterque. *a*

Ita prorsus, mi Gerarde, ita supremo iudicij die, cum *Corpus* & *Animus* ad Christi iudicis tribunal stabunt inter reos, in vtrunque sententia dicetur: Quia *Corpus* fatuum, omne consilium Animi spreuit, & *Animus* sapiens omnem petulantiam corporis tulit, damnationem vterque meruit: Ite maledicti, ite, ite: simul deliquistis, simul luetis: Ite, in ignem non vnus horæ, nec vnus diei vel anni, non vnus nec mille lustrorum, non vnus vel centum millium sæculorum, sed, Ite in ignem æternum. Verè de iudicis istius ore *gladius* utraque parte acutus exit, b qui & Corpus & Animum feriat: Corpus quod Animi monitiones non adiniserit, Animum quod Corporis libidines non coërcuerit. Ideo iudex ipse fidelissimè nos præmonens: Nolite, inquit, timere eos qui corpus occidunt, animam autem non possunt occidere: sed potius timere eum, qui potest & animam & corpus perdere in gehennam, ita dico vobis hunc timete. *c*

Sed ad Corporis curam redeo, quâ & Corpus perit & Animus.

*a* Petrus Reginald. in Speculo final. retrib. b Apoc. c. i. v. 16.

*c* Matth. c. 10. v. 28. Luc. c. 12. v. 5.

### §. III.

Chrysostomus, hanc pro corpore nimiam curam meritò castigans: Animæ, inquit, nobilitas quanta sit, nobis seriò cogitandum, ne quid eâ indignum operemur, ne coinquinemus eam illicitis operibus, ne sub carnis seruitutem eam subiugeamus, ac tam nobilem, tantæque dignitate sublimem sic crudeliter & inimicè recorditer tractemus. *a* Sed nos conciones istas tanti non facimus, vt hosti nostro minus faueamus: dulce nobis videtur cum corpore non rixari. & siue amicum illud alij dicant siue inimicum, id nobis curæ non est, sed hoc pænè solum laboramus, ne Corpori male sit. Idcirco Bernardus, nostrum hunc hostem ipsummet seriò allocutus: propterea, inquit, noli, o corpus, noli præripere tempora: potes enim impedire animæ tuæ salutem, tuam ipsius operari non potes. Omnia tempus habent. Patere vt nunc anima pro se laboret, magis autem etiam collabora ei, quoniam si compateris & conregnabis. Quantum eius impedis reparationem, tantum impedis tuam: quod nimirum antè reparari non poteris, donec suam in eâ Deus imaginem videat reformatam. Nobilem hospitem habes, o Caro, nobilem valde, & tota salus tua pendet de eius

salute. Da honorem hospiti tanto. Tu quidem habitas in regione tuâ: anima verò peregrina & exul apud te est hospitata. Quæso te, quis rusticus, si fortè nobilis & præpotens quispiam apud eum voluerit hospitari, non libenter in angulo domûs suæ, aut sub gradibus suis, vel in ipsis cineribus accubabit, cedens hospiti suo locum (sicut dignum est) potiozem? Et tu ergo fac similiter. <sup>a</sup>

Sed ô beate Bernarde, non facit hoc, Corpus, non facit, recusat subesse rusticiſſimum hoc mancipium, nec dat honorem hospiti, non cedit, non reueretur, non obedit; omnia turbat agitque pro libitu. Animus verò insipiens, tametsi satis ſciat vix vllū pernicioſiorem ſibi eſſe hoſtē quā Corpus, nihilominus & conuiuet, & blanditur, & indulget, ac hoſti ſuo in ſuum exitum benignè facit: nec grande damnum reputat, vnā cum perfidiſſimo ſeruo ſuauius perire: Quicquid vel cælum ſpondeat, vel inferi minentur, modò corpori bene ſit. hæc vnica pæne actionum omnium norma eſt & regula: modò corpori bene ſit. Animus quidē milles & ſuæ originis & officiij ſui monetur, ſed diſſimulat ille, & modò corpori bene ſit, malè ſibi eſſe tolerat Corpus ipſum, quicquid ei iminarū ingeras de morte, de domicilio poſt mortem; quicquid ei de diabolorum crudelitate, de cruciatuum atrocitate, de tormentorum æternitate proponas, hoc vnum contumaciter agit, ac ſi reſpondeat, id ſcilicet curat Corpus, modò corpori bene ſit. Sic viuimus, ſic obimus, ſic interimus.

<sup>a</sup> Bern. ſerm. 6. de Aduent. Dom.

#### §. IV.

Pachomius, Tabennēſis abbas, <sup>a</sup> nobiliſſimis olim præceptis Animum inſtituit, & velut dictat, quâ ratione is corpori ſuo quotidie concionetur: Cùm, inquit, veſperi venit ad lectum, ſingulis membris ſui corporis dicat: Suadenti mihi optima, obſecro, morem gerite, dum in loco meliore ſimul ſimus; Domino mecum alacriter ſeruite. Suis quoque manibus dicat: Erit tempus, cùm veſtra iactantia cadet, cùm pugnus ab irâ collectus ſoluetur, cùm digiti ad res furtiuas extenſi, rigeſcent. Dicat & pedibus: Erit, cùm omnia vobis itinera obſepientur, cùm ad omnem petulantiam excuſus negabitur, velitis, nolitis. Sed & alia membra ſua pariter alloquatur: Eia, quæſo, antequam mors nos dirimat, certemus fortiter, Itemus perſeueranter, viriliter dimicemus; ſeruiamus Deo ſine pigritiâ, vique dum abſterſis ſudoribus, ad beatam æternitatem nos euocet. Et quid mihi, vobis que proderit, omnem vitæ ſuauiſſimam

<sup>a</sup> In vitâ eius, c. 46.

gultaſſe,



gustasse, si qua tamen est vlla sincera suauitas, in tantis vitæ miserijs? Quid vultis vos labori subtrahere, nata & educata ad laborem? Quid recusatis pati? breuî vobis moriendum est, & sub terram eundum. Quid mollietiem & delitias quæritis? illic, illic in cælo reperietis, si tamen hæc prius velitis perdere. Iactura in loco, pro lucro habenda. Non hoc delitiarum tempus, non locus est, supra est inter beatos. Hoc velim vos exactissimè capere, per delitias iri ad flammæ non ampliùs extinguendas, at per spinas perueniri ad delitias non ampliùs finiendas, & æternas. Quid contra me toties querimini & tyrannum vocatis, cùm ieiunia, cùm vigilias, aut preces impero? Indulgentia mea præsentissima vobis pestis est. Nemo vnquam alteri sic nocuit sæuendo, quantum ego vobis parcendo. Hoc meum parcere, est & vos & me in exitium sempiternum conijcere. Si mitior essem, vestram vobis glariam & beatitudinem, quam mecum pariter habebitis, inuiderem. Vultis mecum vnà quiescere? vnà etiam laborate: vultis mecum simul gaudere? simul etiam pati & dolere ne recusate. quæ societas fuit in luctu & labore, ea etiam erit in gaudijs & honore. Rem vobis dicam: Si vos iussis meis reclamare & obistere, ego contumaciæ vestræ parcere velim ac indulgere, & me & vos supplicia manent æterna. Et quæ ista insania vestra est, breuissimo tempore, momento, laborem non summum, dolores patibiles sufferre nolle, & tormenta sempiterna non formidare? Quare obsecro patientiam ne rumpite. Laborum vix bene initium facietis, & beatus finis labores vestros excipiet. brevis est luctus, gaudium immortale; levis est pugna, præmiu[m] æternum.

Hanc membræ concionem ab Animo quotidie haberi, sapienter suadet Pachomius. Et sanè si hæc capiat pars ignobilior hominis, nullum quantumuis asperum imperium abnuet, nullum quantumuis vile tegumentum respuet.

Hæc generatim & vniuersè dicta sint de cultu qui corpori debetur. nunc manum propinquiorem admoueamus ad prauum, curiosum, perniciosum cultum, qui corpori planè non debetur. Sed vide, Gerarde, vt nec patientia tua deficiat, nec constantia.

## CAP. V.

*Quàm varius sit cultus Corporis exterior?*

**V**erissimè proclamat priscus poëta: \*

Auferimur cultu

Nec in alio magis assentior Augusto Cæsari, quàm eum insigniorem corporis cultum, & amictum plus æquo nitidiorem superbiae vexillum & Luxuriæ nidum vocauit. Verè sic est, Decipit hac oculos Ægide diues amor. Et vti orexin quantumlibet dormientem excitant odores, sàpores, colores, & exotica ciborum condimenta; sic libidinem quamuis languentem & sopitam resuscitant hæc ornamenta, lenocinia, pigmenta corporis. O quanta vbique & quàm incredibilis est vestium tam varietas quàm pretium! Christus ad Magnatum palatia nos amandans: Ecce, inquit, qui mollibus vestiuntur, in domibus regum sunt. *b* Aulas ingredi, & videbis illic nitere vestes Attalicas, vestes pictas, palmatas, cycladatas, polymitas, phrygias, vndantes, segmentatas, fimbriatas, patagiatas, rasiles, conchyliatas, surriculatas, auro virgatas. Et vtinam hæc vestium monstra inter aularum septa semodò continuissent: in alias etiam domus iam pridem imminigrant. Tàmque nos alij, etiam è plebe dociles sumus, vt quicquid in veste ingeniosa ostentatio inuenit, felici genio quàm primùm imitari sciamus, antequam didicerimus. Inde ingens & copiosissima supellex vel soli capiti comendo reperta. Nosti, Gerarde, Sycophantam Plautinum sic olim gloriari solitum: Tam longum est nomen meum, vt ab aurorâ ad concubiam noctem si ambules, vix ad finem perueneris. Cui aptè senex subiiciens: Opus est, inquit, face & viatico ad tuum nomen, vt tu prædicas. Hic ego prorsus idem dixerim, & iure meliore: viatico & face opus est ad iter tam longæ narrationis, quæ omnem colendi corporis instructum & mundum explicet. Singula panè membra suum sibi, eumque singularem cultum vendicant. Hinc modo lunulâs, modò torques, modò armillas & monilia poscimus: nunc mitellas, nunc murenullas, nunc discriminialia, nunc olfactoriola, nunc dextralia, nunc palliola depromimus: iam vestem sericam, subsericam, holosericam, iam byssinam, iam bombycinam, iam cymatilem, *c* prasinam, rufeam, xerampelinam, caltulam, crocotulam & carbasinam hosti nostro aptamus: iam & anulos, & inaures, & geminas fronti appendimus: iam & specula, & acus, & vittas, & sindones, iam theristra & Zonas, & fascias pectorales, & periscelides cum curâ & studio, nimirum ornando nostro carceri disponimus. Omnino face & viatico est opus, dum colores, formam, pretium, materiam, inò & odores vestium distinguimus. Infinita res est cum de corporis cultu



cultu agitur. Et sanè priscis in hoc genere non multum concedimus. Incredibile videri possit quod Athenæus & Plutarchus, & inter Græcos scriptores celeberrimi memorant, consueſſe Sybaritas ad conuiuia, aut etiam ad sacrificia, annum antè inuitare feminas, ne quid temporis deesset, corporis cultui parando. Nec Persæ Reges feminam admittebant, nisi per annum prius lotam, comptam, politam, pumicatam, delibutam, exornatamque. *b* Et id etiam sacra Estheris historia confirmat. *c* Nulla sunt apud nos hæc miracula; subinde audemus, maiora. Nec nostro æuø rarum, dies & annos, & pænè sæcula in vnius corporis cultum, vanissimis laboribus impendere.

*a* Athen. l. 12. Dypnosoph. c. 6. Plutarch. tom. 1. opusc. in conu. 7. sapient.

*b* Vide Perer. tom. 3. in Gen. disp. 3. c. 12. *c* Esth. c. 2. v. 12.

## §. I.

Et quantus olim vel in pedibus solum priscorum luxus fuit? Quantum veteres Romani steminata & profapiam lunatis calceis iactabant, quos aut elegans lunula insigniebat, aut corniculans fibula mordebat. Varius certè luxus veterum, vel in hac infimâ & vilissimâ parte humani corporis. Antiochi regis Syriæ cæcam & amentem luxuriam imitatus exercitus, magnâ ex parte aureos clauos calceis subiectos habuit. *a* Agnon Teius aureos quoque clauos crepidis suppectos solitus fuit gestare. *b* Fuerunt qui gemmas & vniones calceis adderent. Tertullianus testis; & in peronibus, inquit, vniones emergere de luto cupiunt. *c* Testis & tranquillus: Nec crepidarum tantum obstragulis, inquit, margaritas ponunt, sed totis focculis addunt. *d* Testis & Plinius: Tolerabiliorem tamen fecit (*Pompeius Magnus*) Caussam Caij Principis, qui super omnia muliebria, focculos induebat è margaritis. *e* Fuerunt qui pedi altiusculos calceos inducerent, vt incrementum darent staturæ. Et habuerint priscorum feminæ elegantes illos Sicionios calceos, habuerint mulleos patricij, foccos alij aut focculos, crepidas, cothurnos: Nos sanè neque huc cedimus, imò superare contendimus, qui hanc humani corporis partem ad lutum damnatam, sæpe sumptuosius tegimus quàm caput. Face mihi denuò sit opus & viatico ad commemorandas tot nouas, tot desitas formas calceorum. E rebus gestis complurium Diuorum discimus, quàm pertinaci luxu superioribus sæculis repandi & rostrati calcei passim

q 3

apud

*a* Valer. Max. l. 9. c. 1. *b* Ælian. l. 9. var. hist. c. 3. *c* Tert. l. 6. de pall.

*d* Suet. in Vitell. Imp. *e* Plin. l. 47. c. 2. initio.

apud omnes obtinuerint. Clamabant quidem contra hos à suggestione concionatores diuersi, sed multis clamoribus parum proficiebant, valentior erat ostentationis istius pertinacia quàm vt verbis cederet. <sup>a</sup> Huic tandem calceorum formæ, seu illa sponte displicere cœperit, seu placuerit noua, aliæ atque aliæ successerunt. Nec dum finis est cogitandi nouas in annos pænè singulos. Nam modo acuminati placent, modò lati à fronte, modò fenestrati & disiecti, modò illos sine vulnere malumus. Ante paucos annos è simplici solèâ depressi fiebant, nunc passim cothurnos, & frangendo cruri perquam aptos videas. hic nostri æui furor est, altiusculum lignum calceis addere, & vt audiaris quaquà incedis, & vt pedem nisi cautè figas facillè frangas.

Sed nec idem color in calceis placet: plerisque nigri, alijs candidi aut crocei præferuntur. tam varius est lusus, in hac pedum, vt Terullianus loquitur tutelâ. <sup>b</sup> Et vt non idem color omnibus, ita nec eadem omnibus placet materies. Aliquibus sordet corium, & pro eo holosericum substituunt. Taceo Tyrrhenicum & Hetruscum, sandalium. Italis Hispanisque feminis vsitatum. Eò iam luxus alicubi locorum abiit, vt aliqui, pænè phæcastiati, velut antistites & Præsules, incedant. Proximis annis vsque eò calceorum precium excreuit, vt olim totidem florenis vestem toti corpori velando, faciliùs præstinaßes, quàm nuper tale par calceorum. Neque verò luxus, remittente annonâ, remittit, & aliquibus vix menstruum militare stipendium in calceos sufficit, tot futuris & elegantijs est opus. Neque temerè & sine delectu omne corium admittimus, nam sæpe delicatâ curiositate tam corij patriam, quàm vini exquirimus. Et nisi calceus ad pedem strictus, sine rugâ & plicâ niteat, velut nostro pede indignum reijcimus: imò pedem vri & miserè torqueri malumus, quàm calceum paullo laxiorem admittere. Quid ni hos tales, tam stultæ patientiæ homines, diaboli martyres vocemus?

Quid iam de calceamentorum vinctulis dicam? olim ansulæ & polito ferro, aut etiam argento in vsu erant: his corrigiæ, obstrigula, ligulæ, successerunt. Iam verò & hæc euiluerunt. & quod mireris, periscelides à genibus migrarunt ad imum crus in calceos. nam sericas fascias quibus olim vtrumque poplitem vincire poteramus, nunc in calceis luculentius ostentamus: nonnunquam ex eodem serico rosas apponimus, & suam pedibus æstatem facimus. Vniuersè, superbiam & luxum non tantùm pedibus non calcamus, sed



sed in regnum & supra caput attollimus. Sed quæso, Gerarde, liceat ab imis vestigijs ad hominis verticem ascendere. GER. Sed & prius quæso, Polychroni, hoc discamus, num olim etiam has seu vestium seu calceorum ostentationes sic amarint? POL. Etiam olim, mi Gerarde, sed nec olim quoque deerant, qui vanam hanc elegantiam reprehenderent. Quantum aureus orator Chrysostomus contra hanc in calceis pompam stomachatus sit, audi, sed audi patienter: tam prolixus quàm disertus est. Ego nec verbulum Chrysostomi murabo.

## §. II.

Vultis igitur, inquit, vt largas orationi habenas mittamus, ac dedecus huius rei præ oculis ponamus? Sed nolite, oro, irasci, inò verò etiam si irascimini, parua mihi cura est, non enim ipse, sed vos huius molestiæ causâ estis, qui cùm nec peccata quidem ista putetis, ad reprehendendum acrius tale prodigalitatis genus impellitis. Age igitur diligentiori vfi examine quale malum hoc sit. Quantum vobis dedecus esse putatis, cùm serica licia calceamentis vestris, quæ nec vestibus quidem vir probus vnquam subtexerit, diligenter inseritis: quantis hoc dignum cachinnis arbitramur? Quòd si huic nostræ sententiæ non acquiescitis, audiat Paulum quantâ hæc cum acrimoniâ reprehendat, & auctoritate ipsius, turpitudinem rei cognoscite. Quid igitur hac de re Paulus scribit? Non in tortis crinibus, inquit, aut auro, aut margaritis vel veste pretiosâ. Quam igitur veniam habere poteris, cum neque vxori tuæ, iubente Paulo, pretiosæ vestes permittantur: tu calceos luxuriosissimè polias, ac ita construas, vt nimum attentus ad ridiculosa dedecora esse videaris? Nonne vides naues fabricari, eligi remiges ac gubernatores, vela dari ventis, maria nauigari, ac mercatores patriâ, vxoribus & liberis relictis, ac vitâ contemptâ & fluctibus commissâ; ad extremas barbarorum partes mille periculis peruenire propter serica hæc licia, vt tu scilicet calceis tuis ipsa inferas, & corium exornes? Dic, oro; quid hac absurditate peius? Non erant veterum talia indumenta, sed viris probè conuenientia. Quare ipse timeo ne tempus veniat, in quo adolescentes apud nos vestibus atque calceamentis sine pudore aliquo mulierum vtantur. Illud autem molestius differendum est, quòd iuuenum parentes, cùm indifferentem habere rem censeant, non increpent, non exoptulent. Vultis vt afferam quod grauissimum mihi videtur, quòd pecunijs ita abutimini,

cū multi inediā laborent, cū esuriens Christus ac nudus in medio vestri versetur, captus, catenis etiam vinctus nonnunquam: & quibus non ista digna sunt fulminibus? Illum quidem cibo necessario indigentem negligentes, vos sericum calceis inseritis. Ipse cū discipulos suos legibus instituebat, nullos illis calceos permittebat: nos autem non dico nudis pedibus, sed viriliter calceatis deambulare non sustinemus. Quā turpitudine atque ritu quid peius fiet? Magnam enim animi mollietatem hoc ostendit, atque etiam sceleratam & crudelitatem, magnam denique leuitatem vnā cum curiositate temerariā. Nam quando rebus poterit, qui tantis defluit luxurijs, diligenter vacare? quando animæ suæ curam habebit? imò verò, quando se omnino habere animum cognoscet? pusillanimis enim omnino est, atque abiectus qui hæc admiratur. Atrox etiam atque crudelis, qui hac de causā pauperes negligit. Virtutis quoque penitus expers, qui studium suum ad hæc contulit vniuersum. Nam qui gloriam serici, qui florem coloris, qui ad aureos intextus curiosè perspicit: quando in cælum suspiciet, quando illam pulchritudinem admirabitur, qui tincturas istas respiciens, & ad terram flexus altius se non potest erigere? Et Deus quidem cælum extendit, ac solem accendit, vt oculos tuos sursum erigat: tu verò ad terrena quasi porcus, diaboli artibus persuasus deuolueris. Hæc enim omnia ille excogitauit, vt illā tu beatitudine priuatus, ad hæc miserrima detrudaris. Ita Deus qui cælum tibi offert, à diabolo serica tibi licia offerente superatur: imò verò nec ista offert diabolus, opera enim hæc etiam Dei sunt ad mollietatem, luxum, atque inaleficas artes, quibus oppressi adulescentes aspicere terram coguntur, qui cælorum philosophiæ studere iussi sunt, magis calceis suis gloriantur, quàm si nouas res atque inauditas gessissent. Digitis enim pedum subleuatis deambulant in plateis, nimio plerunque indomaculo confecti, ne cæno in hieme, aut puluere in æstate, calcei sui maculentur.

a Chrysostomi. 2. hom. 50. in c. 14. Matth. pag. 373. & seq.

### §. III.

Pol. Hæc tota Chrysostomi dictio est, & studio prolixam hanc facundiam in medium expromere volui, vt euident & perspicuum nobis sit, quam ab illa æuo longè diuertamus. quæ olim vt pericula habebantur, nos velut inane ludicrum rideamus: nostro autem temporis vitio? Hinc liquet quædam à priscis patribus seuerissi-



mè castigata, quæ nos inter minuta numeramus. Chrysostomus hac ipsâ oratione, eius rei causam reddens : Nam etsi, ait, parua hæc peccata videantur, ac ideo negligantur, maiorum tamen delictorum causas nobis præbent. Quod hîc prorsus verissimum. Illud etiam iam clarum ex hac obiurgatione Chrysostomi, quàm non otiosè nos contra nimium & vitiosum corporis cultum agamus ; res digna est acerrimâ infectione. Sed permittes, credo, Gerarde, Chrysostomum quod cœpit, pertexere : sic in eundem luxum differendo pergit. Quid facis homo ? animam hac luxuriâ in cænum coniecisti. eam in terrâ negligis detineri, & calceamentorum tanto incœre angeris : discas vsum ipsorum, & tanti ea facere pudebit. Quod si tu ab huiusmodi labe munda cupis calceamenta seruare, ceruicibus tuis aut capiti connecte. Ridetis hoc audientes ; mihi autem lacrimandum potius videtur, cùm studia in his rebus vestra & vesaniam considero, cùmque intelligam corpus nos male luto, quàm calceos deturpare. Ita pusillanimi, ac penitus molles hinc iuvenes efficiuntur, erunt etiam aliâ ratione pecuniarum auidi. Nam qui vestibus, calceis, ceterisque huiusmodi valde inhiare soliti sunt, cùm multa in his rebus consumant, magno indigent pecuniæ cumulo : quod si acciderit, vt ambitiosum etiam & ostentatorem patrem quispiam habeat, tunc verò hac turpissimâ captus cupiditate, acrioribus seruitutis vinculis coardatur : sin verò avarum, cogitur ad alia peiora confugere, vt sibi pecuniam ad impendia ista conquirit. Hac ratione multi ex adolescentibus ætatis florem perdiderunt, & gnathones atque parasiti diuitum constituti, vt huiusmodi cupiditatem atque animum suum expleant, turpia nimium ministeria subierunt. Quod igitur avarus, effeminatus, pusillanimis atque otiosissimus sit, & ad omnem luxuriam pronior qui hæc optat, manifestum ex istis fecimus : quod autem etiam crudelis, ac inanis gloriæ cupidus, quis vnquam non insanus dubitabit ? Crudelis enim est, quia cùm videat pauperem, tantâ sui ornatus curâ detinetur, vt nec aspexisse quidem videatur : sed auro quidem atque serico seipsum ornat, pauperem autem fame deperire sinit. Inanis verò gloriæ cupidus est, qui vel minimarum rerum gloriam aucupatur. Ego quippe sic arbitror, Romanorum vnquam Imperatorem fuisse, qui se tantum propter trophæa sua iactaret, quantum luxu perditæ adolescentæ, ob calceorum ornatum, ob vestes scitè constrictas, ob Cæsariem in modum pilæ tonsoris opere circumductam : nec pudet alienis

artificum operibus gloriari. Adderem alia his grauiora &c. Et hæc Chrysoſtomi hac de re ſententia eſt. Cui noſtra diſſertatio, Gerarde, bilem mouerit, huic ego litem non intendam: id vnum à me audiet: Ad Chryſoſtomum abi, cum Chryſoſtomo litiga, Chryſoſtomus reſpondebit. Nunc, vt dixi, à pede & calcis, aſcendamus ad caput.

a Eod.tom.2.hom.50.in c.14.Matth.

#### §. IV.

Verum, omnia capitis ornamenta inſequi, mei inſtituti non eſt. Vix vlla fax aut viaticum ad tam longam narrationem ſufficiat. E capitis cultu id duntaxat ſumam, quod nos collare appellamus, tranſlatâ voce à canum vinculis. Collaria noſtra, vt ſcias, ferè cum lunâ mutant, ita vt ſingulis pænè menſibus, aliqua collarium notitas ſe prodat. Perpetua hîc mutatio, & ſæpe ridicula. Iam collare denſum, & multo ſindonis volumine impeditum, iam è ſimplici telâ collo affunditur, iam in orbem, iam pænè quadrangulum diſponitur: iam ferro aut chalybe à prunis calente, iam aſſerculis ligneolis in plicas & ſinus ordinatur, iam à lotione temerè plicatum collo iniicitur. Memini, etſi facies mea nondum computet annos, cum è ſimplici byſſo collaria in pectus vſque, geminum cornu protenderunt; nec ita multò poſt dempti ſunt apices, & cornua illa quaſi forſice præſecta: quamuis & hoc pridem deſitum. cœperunt deinde collaria nimium quantum in humeros expatiari, & tergum etiam veſtire, credidiſſes mantilia ceruicibus circumpoſita. Nec iſtud diu placuit. Vidimus dein è Galliâ aut Italiâ collaria aduolare, quæ velut alæ collum ambiebant, & linei candoris radijs cingebant. Sed neque iſta ætatem tulerunt, iamque alia atque alia, ſempërque nouæ formæ in conſuetudinem veniunt. Paſſim iam videas collare multiplici plicâ grauidum, quod inſtar valli collum ambiat. Pleraque ſegmentata, rugata, & ſtriata liberaliter.

Quid, quodd nec idem color in collaribus placeat qui olim. Ante annos aliquot nemini niſi candor in collari probabatur, & quò illa candidiora & magis niuea erant, hoc mundulis illis placebant magis. Iam verò & cærulea, & nigricantia & purpurea paſſim videas, ſeu filo, ſeu tincturâ ſic facta. GER. Equidem ſpero ad id ætatis me peruicturum, vt etiam praſina cernam & viridia collaria. POL. Olim pepla crocea, pulcherrima cenſebantur, quod æui ſui muliebre iudicium Guilhelmus Perakdus Lugdunenſis Antiſtes acriter perſtringit.



perstringint. Sed tædet me prorsus omnem huius insanix prodigiam percensere, & sæculi nostri pudorem tam multiplici delirio onerare. Illud constat, neque id ipsi rei inficiari possunt nimium laboris & pretij in hoc luxûs genere collocari. Femina fuit nostro ævo, numerum quàm pietatis ditior, quæ eò deliciarum & luxûs processit, ut in unicum collare laudandum, explicandum, & ad certas leges componendum, ipsos quinquaginta Philippeos expenderit solitâ mercede. Prodigium omnino nobile, & suspiciendum portentum in re tam parvâ tam magni luxûs! Sed navis & mulier nunquam satis ornantur, dicebat Cato. Ceterum maiorem partem videre est in viris feminisque protensa nimium & in humeros excurrentia collaria, nimis exquisitè & operosè fimbriata, in quibus nimium & operæ & pecuniæ ponitur: neque aliò nomine hæc culpa purgatur, nisi quòd plerunque dicant, ita moris esse; hos, & illos, & istos idem facere, se illis non æquales tantum sed & superiores esse tam consuetudine quàm sanguine, aut dignitate; si illis hæc & hæc liceant, eadem sibi potiori iure licitura. Sic ad aliorum mores pridem damnatos, componimus nostros; peccatis à peccantium multitudine patrocinium quærimus, atque per aliena exempla perire pulchrum ducimus.

## §. V.

Et quid de aliarum vestium fastu, lasciuiâ, luxu, novitatibus innumeris dicemus? Repeto; face iterum & viatico foret opus ad narrationem tam prolixam. Ausim iterare quod dixi: novus dies, novas vestes videt, aded nihil neque nimium, neque satis diu bellum & elegans nobis videtur; pænè quotidie novitia repertura emergit, quæ pretium sæpe à novitate metitur. Adjicit ornatus proxima quæque dies.

Pileus iam fastigiatus, caput circumtegit, iam depressus; iam acuminatus placet, iam in rotunditatem planus; iam cum spirâ, iam sine spirâ elegantior habetur; iam cinerei, iam candicantis, iam mustelini aut ceruini coloris præfertur. Pallium modò simplex, modò alarum est, iurares vespertilionis exuvias esse. Et an non istud infamioris luxûs nobile argumentum, cum pallium è lanâ, quantum quantum est holoserico subducitur, quasi tegere velimus expensarum superbiam, dum maximè ostendimus. Et quis thoracis patriam investigaverit, quem modò ex Galliâ, modò ex Italiâ, ex Hispaniâ modò petimus, iam dissectum, iam institis obductum, gerimus,

gerimus, quandoque singularem elegantiam censemus, vestis materiem omnem fimbriarum numero cælare. Manicæ quæ modò amplæ, modò arctissimæ, & ab brachium strictæ. Et quis omnes caligarum figuras explicet? Caligæ nunc ad genu, nunc infra, nunc supra genua clauduntur; nunc laxæ, nunc adstrictæ sunt: iam volitant & genibus illudunt, iam in globum aptantur: modò follicant, modò crassâ farcturâ intumescunt; aliqui Gallos caligis, alij Anglos ijs æmulantur. Ligulæ olim in eum duntaxat vsum, erant, vt caligas thoraci neclerent: nunc numerosa ligularum agmina, totis caligis sparsa, puerilem prorsus & ridiculam concinnitatem exhibent. Verè, vt vetus verbum habet, Afræ aues sumus. Omnia hîc varia & pænè in dies noua, infinita series est mutationum cum statim inquirurâ nouitate. Neque tantum se circumspicit qui has nouitates excogitare, sed & qui sequi scit & imitari. Sed & alius atque alius in veste color placet: ater, nimis lugubris est; lanæ natiuus, simplæ nimis. Luxuria, vestibus quoque prouocauit eos flores qui colore commendantur. Vestes quærimus non solum quæ muniant per pinguedinem, sed quæ mulceant per molitiem: nec solum quæ per molitiem tactum mulceant, sed quæ per colorem oculos seducant. Tertullianus eleganter & facetè, versicolorum vestium & purpuræ vsum perstringens: Nimirum Deus, inquit, demonstraui succis herbarum, & concharum alueis incoquere lanas. Exciderat illi, cum vniuersa nasci iuberet, purpureas & coccineas oues mandare.

Et ô quoties, vestium partim pondere, partim tormento miserè vexamur! Illum calceus vrit, tolerat tamen; istum thorax constringit, tamen dissimulat; hunc frigus vltro aduocatum contrahit, non tamen queritur, ne sua vesti pereat venustas.

O curas hominum! reliqua taceo, quæ ipsa per se oculis loquuntur: fileo aurium vulnera, olim vsitata, quasi satis anulorum digiti non caperent: omitto nebulas lineas, ventos textiles, togas vitreas, vt Arbiter & Varro loquuntur: oratione nemo satis euoluat tot tæniâs, tot redimicula, tot strias & fimbrias, tot vndas & vncinulos, tot globulos & clauos. Nam habitu ad omnem nouitatem mollis elegantiae assidue correcto, peregrina semper magis æstimamus quàm nostra: modò aliunde sit forma vestis quæcunque, mox in laudem trahitur. nec formam tantum, sed & materiam vestis peregrinam amamus, lanam, & rudioris naturæ bene-

ficiū



ficium spernimus. Peregrinitas vbique gratiam reperit, à quâ res quæque pretium possidet. Quis vestes parat in quod inuentæ sunt? victum cultumque ad noua identidem exempla componimus. Hinc luxus noster transalpino serico pretium fecit; hinc non mollissimis tantum pellibus contacti, sed serico splendore ad luxuriam vibrantes, vestium ambitiosa pretia mirè augeamus. Non est locus vt defleam satis, aut vt satis execrer ludibria hæc externorum habituum, quos nobis ab extreminis mundi finibus furibunda præsens ætas intulit, & etiamnum quotidie infert.

Minatur Deus per Sophoniam: Visitationo super principes, & super filios regis, & super omnes qui induti sunt veste peregrinâ. *a* Diuus Leo Pontifex de Româ vetere: Hæc ciuitas, inquit, ignorans suæ prouectionis auctorem, cum pænè omnibus dominaretur gentibus, omnium gentium seruiebat erroribus: & magnam sibi videbatur assumpsisse religionem, quia nullam respõdebat falsitatem. Idem ego pænè ausim dicere de Germaniâ, quæ cum suos in omnium nationum terras emittat, omnium nationum ritus recipit, & magnum sibi videtur adsciscere ornamentum, si nullum respuat peregrinum habitum. Vis videre vestitu Gallos, Italos, Hispanos, Anglos, Polonos, tantum Germaniam lustra, & videbis. Iusserat sibi, vt ferunt, Turcarum imperator, omnium gentium habitum vestitumque pingi. Pictor, vbi plurimarum nationum diuersissimas vestes expressisset, hominem indusio tectum statuit, & iuxta varij generis pannos. Hanc picturam suam interpretari iussus: Hi, inquit, Vngari sunt, hi Poloni, hi Galli, hi Britanni, Itali isti, ita & de alijs. vbi ad hominem illum inuestem detinuit, hic, inquit, Germanus est; certâ vestitis formâ pingi non potest, nam quotidie nouam excogitat. Rem dixit hic pictor. Hinc videre est peregrinas omnis stultitiæ ineptias, & exoticum lasciuix habitum ornatumque, vnde ferme nec in moribus quidquam patrij ac vernaculi super est. Tanquam originis pudeat, hoc vnum omnes agunt, vt videantur à maioribus descivisse. *b* Et hæc illa ornamenta sunt, quibus superbus cinis nescio quàm altum stemma mentitur, & pænè Adamum transilit.

*a* Sophon. c. I. v. 8. *b* Comus Etycij Put. pag. 137.

## §. VI.

Interiungamus hîc paullisper. Ecquid, Gerarde, hoc libri est quod manu tenes? GER. En nomen auctoris in fronte. POL. Non hoc quero. GER. quid ergo? POL. quod gaudeo me non reperire.

GER.

GER. ergo fuspicabaris mali quid latere? POL. metus potiùs quàm suspicio erat. & quid apud te dissimulem? mores æui nostri corruptissimos iam nosti; nihil non audemus. Hinc aliquibus non satis est domi, horas optimas pessimè conterere inspiciendo speculo, libellis etiã inferi, & vnà compingi curant speculum, vt vbi demum locorum sint, vitrei huius iudicis responsa in promptu habeant. Et quoties aliqui de die domesticum hoc oraculum consulunt, quantâ patientiâ responsum quamtuinuis prolixum præstolantur, quàm sollicitè oculos in omnem partem flectunt, ne quid næuuli industriam oculorum effugiat. Vah! vanitatem vanissimam! O vane quid speculum consulis? mores tuos intueri, conscientiam tuam inspicere, in Christum crucifixum oculos conijce. hoc tibi speculum & opifex splendor sit, in hoc non fabram læuitatem, sed cruenta tubera, & alta vulnera considera. Quid vis Speculum omni occasione consulere, anxie inspicere, cùm tamen cognito Deo & ademptâ placendi voluntate, per luxuriæ vacationem, omnia illa vt otiosa vt hostilia pudicitiae recusantur. Nam vbi Deus, ibi pudicitia, ibi grauitas adiutrix & socia eius. <sup>a</sup> Tertullianus, quasi pudicitiae nundinatrices eas feminas habet, quæ (vt loquitur) consilium formæ à speculo petunt. <sup>b</sup> Potiori iure & in viris hoc ipsum reprehendit. Verissimè Seneca: iam speculum, inquit, ornatus tantum causâ adhibitum, nulli non vitio necessarium factum est. <sup>c</sup> Scis, Gerarde, quid olim Pudens in oratione censoriâ velut grande crimen detestetur, & clamat? Habet speculum Philosophus, possidet speculum Philosophus. An nos non vehementiùs vociferemur? Habet speculum alumnus Parthenius, possidet speculum sodalis beatæ Virginis, inspicit speculum iuuenis Marianus. Quid hoc, mei iuuenes, ad pietatem aut litteras facit, formam suam spectaculo assiduo explorare? Socrates quidem philosophus, suis suasisse fertur, vt semet in speculo contemplarentur, sed in morum ac disciplinæ, non in formæ gratiam id suasit. hoc enim volebat vir sapiens, vt si quis suorum à pulchritudine commendaretur, impendio procuraret ne dignitatem corporis malis moribus dedecoraret: qui verò minus se commendabilem formâ putaret, sedulo operam daret, vt virtutis laude turpitudinem tegeret. Non iussit Socrates, ad speculum curiosius comam struere, non capillamentum in statione disponere, non crines velut suggestum ædificare, non

<sup>a</sup> Tertull. d.l.

<sup>b</sup> Text. de virg. vel. c. 12, & de cult. fem. c. 8. <sup>c</sup> Sen. l. 1. nat. qq. c. 17.



turres sublimibus cincinnis in occipitio excitare, non denique tempus nobilissimum apud vitreum hunc censorem perdere, quod nos iniussi sæpe facimus. Grauisimè queritur Seneca contra otiosos hos fucos, quibus apud tonsorem multæ horæ transmittuntur, dum decerpitur si quid proximâ nocte succreuit, dum de singulis capillis in consilium itur, dum aut disiecta coma restituitur, aut deficiens hinc atque illinc in frontem compellitur. Quomodo irascuntur si tonsor paullo negligentior fuit? quomodo excandescunt, si quid ex iubâ suâ decisum est, si quid extra ordinem iacuit &c. Quis est istorum qui non malit rempublicam turbari, quàm comam suam? qui non sollicitior sit de capitis sui decore, quàm de salute? qui non comptior esse malit quàm honestior? Hos tu otiosos vocas inter pectinem speculūque occupatos? <sup>a</sup> Si hæc Seneca non immeritò exprobrat, ignoscendum Cyrillo Alexandrino exclamanti: Væ calamistratis ad lædendas & vulnerandas animas. Crede mihi, hæc talia omnia, speculum, & ad speculi examen vibratus capillus, cirri, cincinni, gypsatisimæ chirotecæ, peregrini odores, inoschum, smigmata, tot quæsitæ elegantiae, tam diuersæ amictūs deliciae, hæc, inquam, omnia castitatis & pudicitiae amorem non olent. Qui castimoniam amat, hæc fugit & vitat omnia: optimus odor in corpore, est nullus. <sup>b</sup> Iam olim minatus Isaias: Et erit, inquit, pro suavi odore foetor, & pro Zonâ funiculus, & pro crispanti crine caluitium. <sup>c</sup> Mirabilis mutatio! illis ego carere malim, quàm cum istis mutare: alterutrum necessarium. Qui illis abstinere non vult, audiet tandem horrendum istud: Quantum se glorificauit, & in delitijs fuit, tantum date illi tormentum & luctum. <sup>d</sup> Neque tantum grauiorem censuram incurrunt hæc talia, vbi honestas Christiana viget, sed & ab idololatriis honesti amantibus damnantur. Flauio Vespasiano Imperatori iuuenis quidam gratias egit pro impetratâ præfecturâ. At hæc gratiarum actio minimè placuit Cæsari, eâ solum de causâ: iuuenis illi plus æquo comptus videbatur, & quia etiam vnguento fragrabat, Vespasianus seuerò eum nutu contemnens: maluisse, inquit, allium oboluisse, mox & litteras concessas reuocauit. Optimè olet, qui nil olet, & satis formosus est, qui formæ iudice speculo potest non eger.

## §. VII.

<sup>a</sup> Sen. l. de breuit. vitæ c. 12. <sup>b</sup> Sen. ep. 108. <sup>c</sup> Ilc. 4. v. 24.  
<sup>d</sup> Apoc. c. 18. v. 7.

GER. Si speculum damnes, Polychroni, multò magis pigmenti-  
ta damnabis, quæ ad speculum prælinuntur vultui. POL. Optimè  
mones; omiseram pænè nobilissimum genus colendi corporis.  
Fui tamen, fateor, in errore antehac: feminas nostri ævi fucò non  
vti credebam. GER. Errabas sanè, ô mi Polychroni, pridem reul-  
xit Iezabel, nec iam vna tantùm cerussatas buccas ostentat. In vr-  
bibus tales inuenire est, quæ sibi ipsæ non placerent, nisi purpuris-  
satum os speculo propinarent. Noui feminas quæ vt tutiore ne-  
quitiâ hanc artem factitent, maritos id velle fingunt. POL. Pulchrè  
conueniunt, fingere & stibio se pingere, quid enim figmentum, nisi  
falsitatis stibium? Sed ô miserae, & in propriam perniciem vasa:  
velint nolint, iubeant non iubeant mariti, cerussatam cutem nun-  
quam satis excusabitis. hîc ratio & Christianæ leges reclamant. Au-  
dite, oro, quid prisca æui Patres in pessimum hoc pingendi se stu-  
dium pronuntiarint.

Tertullianus non sine stomacho: In illum, inquit, delinquunt,  
quæ cutem medicaminibus vngunt, genas rubore maculant, ocu-  
los fuligine collinunt. displicet illis vimirum plastica Dei, in ipsi  
redarguunt, reprehendunt artificem omnium, reprehendunt enim  
cùm emendant, cùm adiiciunt, vtique ab aduersario artifice sumen-  
tes additamenta ista, id est, diabolo. Quod nascitur, opus Dei est,  
ergo quod fingitur, diaboli negotium est. Quantum autem à ve-  
stris disciplinis & professionibus aliena sunt, quàm indigna nomi-  
ne Christiano, faciem fictam gestare, quibus simplicitas omnis in-  
dicitur, effigiem mentiri, quibus linguâ non licet appetere quod  
datum non sit, quibus alienum abstinentiam in speciem exercere,  
quibus studium pudicitiae est.

Atque vtinam miserrimus ego in illo die Christianæ exultatio-  
nis vel inter calcanea vestra caput eleuem, videre, an cum cerussa,  
& purpurisso, & croco, & in illo ambitu capitis resurgatis, an tali-  
ter expictam Angeli in nebulâ subleuent obuiam Christo.

De cetero cultu corporis inoderando sic monet Tertullianus:  
Quamobrem erga vestitum quoque, & reliqua compositionis ve-  
stræ impedimenta, proinde vobis curanda est amputatio, & decus-  
sio redundantioris nitoris. Nam quid prodest, faciem quidem frugi,  
& expeditam, & simplicitate condignam diuinæ disciplinæ exhibe-  
re, cetera verò corporis, laciniosis pomparum & deliciarum ineptijs

occupare:



occupare? Hæ pompæ quàm de proximo curent luxuriæ negotium, & obstrepan pudicitæ disciplinis, dignoscere in facili est. <sup>a</sup>

Clemens Alexandrinus non minus acerbis in tam sterilem solertiam: Turpe est, inquit, pudicam facere flauentes pilos, sed & genas fucare, & oculos depingere. Non intelligunt autem mulieræ, se propriam perdere pulchritudinem dum externam inducunt. Summo itaque manè se lacerantes & extendentes, variisque ac confusis mixtionibus effingentes, viuum quidem cutis colorem refrigerant, carnem autem venenis effodiunt, curiosisque ac superfluis absterfionibus proprium decoris florem corrumpunt, & marcidum efficiunt. quocirca à cataplasmatibus quidem pallidæ certantur, à morbis autem faciliè arripiuntur, vt quæ adumbratam carnem venenis iam liquefactam habeant: hominum opificem contumeliâ afficientes, tanquam qui pro meritis non fuerit eis largitus pulchritudinem. Iure ergo quod ad domum seruandam & administrandam familiam attinet, ignauæ fiunt, vt quæ sedeant, veluti depictæ ad spectaculum, non natæ ad domûs custodiam familiaris administrationem. Quo autem nihil dici aut fingi potest absurdius, fictæ istius suæ formæ, perinde ac si res ab eis bene gesta & confecta sit, specula excogitarunt, cum huic fraudi esset potius adinuendum operculum. *Et paucis interiectis.* Si ergo naturalem corporis pulchritudinem minus quàm pulchritudinem animæ æstimat Dominus, quid sentiet de adulterinâ, qui quicquid falsum est, omninò expulit. <sup>b</sup>

Vt autem huius probrosæ artis primum magistrum fuisse diabolum sciamus, Cyprianus hoc fucandi artificium grauissimè detestatus: Quæ omnia, inquit, peccatores & Apostatæ angeli suis artibus prodiderunt. Illi, & oculos circumducto nigrore fucare, & genas mendacio ruboris inficere: mutare crinem adulterinis coloribus, & expugnare omnem oris & capitis veritatem corruptelæ suæ impugnatione docuerunt, *Addit:* Manus Deo inferunt, quando id quod ille formauit, reformare & transfigurare contendunt: nescientes quia opus Dei est omne quod nascitur, diaboli quodcunque mutatur. Quod ornari te putas, quod putas comi, impugnatio est ista diuini operis, præuaricatio veritatis. Et: Num sinceritas perseverat & veritas, quando quæ sincera sunt, polluantur colorum adulterijs, & medicaminum fucis in mendacium vera mutantur? Dominus tuus dicit: Non potes facere capillum vnum

r

album

album aut nigrum; & tu ad vincendam Domini tui vocem vis te esse potio- rem? Audaci conatu & sacrilego contemptu crines tuos inficis, &c. Non metuis, oro, quæ talis es, ne cum resurrectionis dies venerit, artifex tuus te non recognoscat, & ad sua præmia & promissa venientem remoueat & excludat; increpans vigore cen- foris & iudicis dicat: opus hoc meum non est, nec imago hæc no- stra est, cutem falso medicamine polluisti, crinem adultero colore mutasti; expugnata est mendacio facies, figura corrupta est, vultus alienus est. Deum videre non poteris, quando oculi tui non sunt, quos Deus fecit, sed quos diabolus infecit. Illum tu sectata es, ru- tilos atque depictos oculos serpentis imitata es; de inimico tuo compta, cum illo pariter & arsurus.

Seria sunt hæc, ô Deus, & altè cogitanda! Atque de corporis colendi studio, vniuersè sic sentit Cyprianus: ornamentorum, in- quit, ac vestium insignia, & lenocinia formarum non nisi prostitu- tis & impudicis feminis congruunt. Et; etsi ipsa non pereas, alios tamen perdas, & velut gladium te & venenum videntibus præbeas, excusari non potes, quasi mente casta sis & pudica, redarguit te cultus improbus, & impudicus ornatus.<sup>b</sup>

Gregorius Nazianzenus: Quod si ob adscititiam formam, in- quit, ita insolescis, nunquam certè pudicum animum habebis, vt- pote qui fucum auersatur.<sup>c</sup>

Chrysostomus, huic vitio verecundam honestatem opponens: quæ vnguentis, inquit, delibuta non pergit, quæ faciem nequaquam fucis atque coloribus pingit, quæ Dei contenta opificio nihil ex se addere quasi arte molitur. Quid enim studium tuum, quid artem consummato à Deo opificio admouere præsumis, atque ad aucto- ris iniuriam ornaris?<sup>d</sup>

Sed & profani scriptores hunc corporis cultum vituperant. Optimè dixit priscus satyricus: Color arte compositus, inqui- nat corpus, non mutat.

Theophylactus Sophista feminam ætate progressam, suavi vitu- perio abstracturus ab hac infantiâ: Naturale, inquit, ornamentum tibi præterijt, & ad rugas properat elegantia. Tu verò veritatem obscurare conaris ficti- tio ornatu. quid frontem sputo & cerussa si- gnas? obtempera temporis. Non enim decent prata in autumnis flores. Memineris etiam mortis, cui vicina es, & modestiam ex necessitate

<sup>a</sup> Cypri. de hab. virg.

<sup>b</sup> Cypri. l. de discipl. & hab. virg. medio ferè.

<sup>c</sup> Cassian. de orn. mul.

<sup>d</sup> Chrys. hom. 4. in i. epi. Trism.

<sup>e</sup> Arbitr in sat.



necessitate disce colere. Alioqui senium & iuuentam afficis iniuria: hanc enim promittens, frustraris, illud autem possidens adulterare conaris. \*

En, vndique vapulant purpurissatæ genæ: sacri iuxta & profani scriptores stibium & cerussam ab honestis matronis remouent. Ergo vilior ei honestas est, cui purpurissum & fucus tantopere commendatus est.

Finio cum Tertulliano qui hîc agmen duxit: Quare, inquit, meditemur duriora, & non sentiemus: relinquamus lætiora, & non desiderabimus. Stemus expediti ad omnem vim, nihil habentes quod relinquere timeamus. Retinacula ista sunt spei nostræ: projeciamus ornamenta terrena, si cælestia optamus. b

Multa dixi hoc capite, sed in summam colligam, quæ dixi. Quicquid carnem olet, nihil sanctimoniz spirat: quod Corpori iucundum & pulchrum, Animo plerumque noxium: Conscientiam non curat, Cælitè parum honorat, qui corpus nimium amat.

a Simocæthes Theano Euridicæ epist. 3. b Tertul. loc. cit.

## CAP. VI.

## De cultu Corporis

*Quid sacra pagina, & sancti patres sentiant.*

**E** Veste virum noueris. Nam, *amicus corporis, & risus dentium. & ingressus hominis enunciant de eo.* a Vt risus, vt sermo, vt incessus, animi cogitationumque character & nota sunt, sic & habitus non immerito esse perhibetur. Vestitus leuis, leuem; muliebris, effeminatum; monstrosus, monstrosum; plus æquo nitidus ostentationis amantem: ac vicissim grauis prudentem, modestus continentem arguit: atque vt ille probrum, sic iste laudem Domino suo conciliat. Minatur olim Deus seuerè, omnem cultum corporis auferendum, &: In illâ die, inquit Isaias, auferet Dominus ornamentum calceamentorum, & lunulas, & torques, & monilia, & armillas, & mitras, &c. b

Esther, quamuis reginarum amplissima, tamen imminente suis fatali periculo, vestem regiam omnemque mundum muliebrem ponens, & indumentis ad luctum vestita, has Numini preces supplex admouit: Tu scis necessitatem meam quod abominer signum superbiæ & gloriæ meæ, quod est super caput meum in diebus osten-

tationis meæ, & detester illud. <sup>a</sup> Quibus illa verbis luculentè testata est orbi, quantum oderit cultum corporis, qui verè signum est superbix. Hic ego non diffiteor, terreri me sæpius illo Christi monito, de Epulone purpurato: *Homo quidam erat diues, & induebatur purpurâ & bysso.* <sup>b</sup> Tantine res flagitij est, ô Christe, byssinâ & ostrinâ veste amiciri? neque enim aliena vi aut dolo rapuit, vt purpuram & byssum emeret, nec opifices manupretio fraudauit, nec mercedem famulis negauit, nec inuasit aliena; è suis oculis, ære suo hæc sibi comparauit, & vt videtur, dignitati & opibus congruè se vestijt. Et tamen sepultus est in inferno, in hoc ei sepulchrum viam strauit, è bysso & purpurâ vestitus. Horreo cùm cogito. hunc mihi horrorem augent Diui Gregorij verba: Sunt, inquit, non nulli qui cultum subtilium pretiosarumque vestium non putant esse peccatum. quòd si videlicet culpa non esset, nequaquam sermo Dei tam vigilanter exprimeret, quòd diues qui torquetur apud inferos, purpurâ & bysso indutus fuisset. Nemo quippe vestimenta pretiosa nisi ad inanem gloriam quærit, vt honoratior ceteris esse videatur. <sup>c</sup>

<sup>a</sup> Esth. c. 14. v. 16. <sup>b</sup> Luc. c. 16. v. 19. <sup>c</sup> Greg. hom. 40. in Euang.

### §. I.

GER. At decorum est egregiè vestiri. POL. Mos est, nec tu id ignoras, vilia & fæda coloribus & fucis venalia facere. Hoc illustrium vestium callidum munus est, vt viles & abiectos animos velent illustri fucis. Ita profundissimum canum vestit fragilis indignâ fronde cespes; ita finium niues induunt; nec ipsis anguibus pulchrum veneni tegmè versicolore tergo, & squamis fulgentibus deest. <sup>a</sup> GER. Honori est, exquisitè indui. POL. Pudebit te cultûs exterioris, quoties quid eo tegatur, cogitabis. insana enim est ambitio, finium operire purpurâ. GER. Ecquis reprehendat vestes quàm mundissimas habere? POL. Non audisti quid ille vir fortissimus apud Crispum dicat: Munditiem mulieribus, laborem viris conuenire. Et quamvis sequiori illi sexui diuus Paulus plusculum quid ornamenti concessit, aurum tamen & argentum & vestem pretiosam adimens: Non in tortis crinibus, inquit, aut auro, aut argento, aut margaritis, vel veste pretiosâ, sed quod decet mulieres promittentes pietatem per bona opera. <sup>b</sup> Eiusdem animi & diuus Petrus: Quarum, inquit, non sit extrinsecus capillatura, aut circumdatio auri, aut indumenti vestimentorum cultus. <sup>c</sup> GER. At

vestitus

<sup>a</sup> Madanensis. l. 1. Milesiar. <sup>b</sup> 1. Tim. c. 2. v. 9. <sup>c</sup> 1. Pet. c. 3. v. 3.



vestitus insignis auctoritatem addit. Pol. Sæpissimè minuit, dum suspitionem auget, eum vanissimâ curâ placendi laborare, qui has sibi phaleras circumdat. Et sæpe cultus corporis qui ad famam, quæritur, risum mouet: nec ullâ re peiùs sibi consulit deformis homo, quam cum formosus vult videri: quod si natura ei formam non inuiderit, quid adscititijs his pigmentis naturalem gratiam corrumpit? Ger. An non festi dies plus cultus indulgent corpori? Pol. Cadaueri, dicas. Pone in feretro aureo cadauer pallidum, gemmis illud ostróque circumda, quo plus ornatùs, plus & horro-  
ris erit. Et ne ad iniuriam trahas quod dixi, origo nominis inquirenda est. Cadauer à cadendo dicitur: mortui corpus cecidit, viui casurum est, caditque continuè, semper enim morimur quamdiu viuimus. ita exili discrimine, istud ab illo discedit. Hoc sensu Iacobus Apostolus: Agite nunc diuites, inquit, plorate, & ululate in miserijs vestris, quæ aduenient vobis. Diuitiæ vestræ putrefactæ sunt, & vestimenta à tineis comesta sunt. Factum dicit, quod certo & proximè futurum erat vt fieret.

Tertullianus interrogans: Quo pacto, inquit, pudicitiam sine instrumento eius, id est, sine grauitate tractabimus? quomodo autem grauitatem administrandæ pudicitie adhibebimus, nisi & in facie, & in cultu, & in totius hominis contemplatione seueritas circumferatur? Nam, vt idem testatur, pudicitie Christianæ satis non est, esse, verùm & videri. At verò quâ ratione in illo videatur, qui tantopere studet, vt Tertullianus loquitur, sese *expingere*.

a Iac. c. 5. v. 1.

## §. II.

Magnus Basilius, hîc velut legem condens saluberrimam: quicquid necessitatis, inquit, vsu excedit, vitandum, neque corpori plus ornatùs dandum est, quàm quantum animæ proficit. Non minus eleganter & verè Ambrosius: Neglecta, inquit, decoris cura plus placet, & hoc ipsum quod nos non ornamus, ornatus est. Eximius hac in re Bernardus nobilissimè de cultu corporis philosophatur, &: Serica, inquit, & Purpura, & tincturarum fucus, decorem habent, sed non præbent. quicquid tale applies corpori, exponit speciem suam, non deponit. Secum denique tollit, cum tollitur ipsum. Porro decor qui cum veste induitur, & cum veste deponitur, vestis procul dubio est, non vestiti. Tu ergo noli æmulari in malignantibus & mendicantibus pulchritudinem alienam, vbi  
r 3 perdidit.

a Bas. de leg. lib. gent. hom. 24. b Amb. l. 1. de virg.

perdiderint suam. *a* Eiusdem diuini doctoris sensu, mollia dicuntur vestimenta, quia mollem faciunt, aut esse ostendunt. Mollia, inquit, induimenta, animi molliem indicant. Mollibus vestimentis delectatur regis curia: asperis verò & humilibus delectatur Christi Ecclesia. Talia debent esse vestimenta seruorum & ancillarum Dei, in quibus nihil possit notari nouitatis, nihil superfluitatis, nihil vanitatis, nihil quod pertineat ad superbiam, aut ad vanam gloriam. Nam, quantò ampliùs in compositione corporis lætamur, tantò magis à superno amore disiungimur. *b*

Orabat sapientissimus Salomon, tantum victui suo tribui necessaria, non superflua. *c* Habentes (inquit Apostolus *d*) victum & vestitum, non ornatum. Alius quidam Sanctorum: si dederit, inquit, mihi Dominus panem ad manducandum, & vestimentum quo operiar. *e* Nota, quo operiar. Sic ergo & nos, inquit Bernardus, contenti sumus vestimentis quibus operiamur, non quibus lasciuiamus, non quibus superbiamus, non quibus mulierculis vel simulari vel placere studeamus. GER. Sed hoc faciunt ij, quibuscum habito: si non facio quod ceteri, notabor quasi numero velim eximi, & esse singularis. POL. Licetne, Gerarde, tu veniâ Bernardi responsum addere? GER. cur per me non liceat? non est auditoris, magistro legem dicere. POL. Addo ergo: querelæ tuæ Bernardus sic responder: Propterea exi de medio eorum, ne aut in vrbe notabiliter viuas, aut exemplo pereas aliorum. quid agis in vrbe delicate miles? Commilitones tui quos fugiens deseruisti, pugnant & vincunt, pulsant & intrant, cælum rapiunt & regnant, & tu sedens super ambulatorem tuum, indutus purpurâ & bysso, circuis plateas, vicos perambulas? Purpura non propulsat libidinem, non superbiam, non auaritiam repellit, & si qua sunt alia ignea inimici iacula non extinguit. Denique quos magis metuis, febrem non prohibet, mortem non arcet. Vbi sunt arma bellica, vbi scutum fidei, vbi galea salutis, vbi patientiæ lorica? Laurentius Iustinianus operosiores cultum corporis graui censurâ notans: Sicut, inquit, continens ac pudicus vilibus induitur vestimentis, vt se oculis diuinæ maiestatis exhibeat mundum: ita impudicus ac incontinens, vt videatur magnificus, fatagit vestiri pretiosioribus ac mollibus. Ephrem hic aptè interrogans: Quid

*a* Bern. epist. 113. ad Sophiam virg.

*b* Idem de modo bene viu. ser. 9. init. & sine plura in Apol. ad Guil. abb. ante fin.

*c* Prov. 310. v. 8. *d* 1. Tim. c. 6. v. 8. *e* Gen. c. 28. v. 20.

*f* Bern. epist. 2. ad Fulconem, *g* Laur. Iust. l. de ligno vitæ c. 3.



brabimur, inquit, vestimentorum cultu, & ornato elationis amictu nisi inextinguibilem? <sup>a</sup>

<sup>a</sup> Ephr. l. i. de luctu Spir. c. 2.

### §. III.

Gregorius Magnus originem indagans cultus qui corpori impenditur: Res ipsa, inquit, testatur, quod pro solâ inani gloria vestimentum pretiosius quærat. Nemo vult ibi pretiosis vestibus indui, vbi ab alijs non possit videri. <sup>a</sup> Diuus Hieronymus de Pauli defuncti Anachoretæ tunicâ, velut de opimis spolijs triumphans: Vos, inquit, in tunicis aurum textitis, ille ne vilissimum quidem vestimentum habuit mancipij vestri. Sed è contrario illi quidem pauperulo paradysus patet: vos auratos gehenna suscipiet: ille vestem Christi, nudus licet, tamen seruauit: vos vestiti sericis indumentum Christi perdidistis. <sup>b</sup> Aureus ille Constantino-politanus orator Chrysostomus, tam disertè quàm copiosè de cultu corporis hæc pronuntians: Audiant, inquit, opulenti & qui luxuriantur in vermium operibus, & vestiuntur sericis, discântque quomodo ab initio humanam naturam misericors Deus docuerit. Pelliceas vestes fecit eis vt confusionem tegerent, quò docuit nos vt mollem & dissolutam vitam fugiamus, nec interitum & remissam sectemur, sed magis austeram amplexemur. Itaque vestium amictus continuum nobis sit monumentum, quo memores simus quantis bonis exciderimus, & discamus quanto supplicio humanû genus ob inobedientiam sit affectû. Dicant igitur nobis qui tanto vtuntur apparatu, vt iam vsum lanæ prorsus audire nolint, sed serico vestiuntur, eoque insanitæ peruenere, vt aurum vestibus intexant. Inprimis autem mulieres huic mollietati deditæ sunt. Quare, dic obsecro, corpus ita ornas, & gaudes eiusmodi ambitu? Non cogitas quod pro magno supplicio, propter transgressionem, tegmen hoc excogitatum est? Et quare non audis Paulum dicentem: Habentes victum & amictum illis contenti simus? Vides quod vnius duntaxat rei habenda sit hîc cura, videlicet, ne corpus nudum sit, sed vt tegatur. Num adhuc de vestium varietate oportet sollicitum esse?

GER. O mi optimè Chrysostome, quàm apud multos tam sacros quàm profanos, tam Ecclesiasticos quàm politicos, antiqua nimis est & simplex hæc tua oratio. hæc illi monita, etiam millies ingesta, & occentata millies, non pensi habent. Te in cathedrâ

f. 4

clamant

<sup>a</sup> Greg. hom. vlt. in Euang. <sup>b</sup> Hier. t. i. in vita Pauli. sub finem.

<sup>c</sup> Chrys. tom. i. hom. 18. in c. 3. Gen.

clamantem non turbant; audiunt monita, ac interim domi, non quod tu mones aut iubes, sed quod illis lubet, faciunt, & pro more nostri æui dicunt: Fuit vehemens oratio. Hic omnis illorum profectus est, concionem frigidissimè laudare: cetera nec hilo meliores, in eodem hærent luto; nemo est qui dicat: rei sumus, emendemus nos. **Pol.** Sed non terretur Chrysostomus, qui omnem luxum perosus, sic pergit: Quali venia dignandi sunt, qui & in vestimentis multam vanitatem ostendunt, & quod grauissimum, in his superbiunt? Si omnia quæ intus reposita habent, indigentibus diuites distribuerent, neque sic supplicium effugerent eorum peccatorum (nota, Gerarde) quæ in delicijs vestium & conuiuiorum admittunt, quo enim supplicio non sunt digni, qui modis omnibus dant operam ut sericis & auro intertextis induantur; & post se pompam trahunt in foro, Christus verò nudus obambulat necessario alimentis destitutus. **Post pauca:** Quot pauperum ventres poterant inde pasci, & quot corpora nudè agentium poterant contegi ex his quæ à solo collo & humeris pendent, nullius alterius vsus gratiâ, quàm in damnata & nocumentum animæ? Et ut dictorum causam reddat: Hoc enim studium, inquit, in ornando corpore internam indicat deformitatem, & huius delitiæ illius manifestam faciunt famem, & huius vestium sumptus illius indicat nuditatem. Impossibile enim est aliquam agere curam animæ, & tanti facere corporis pulchritudinem ac ornatum: sicut & impossibile, in externo illo cultu tantopere occupatum, illius agere curam. Ita, Chrysostomi sensu fieri non potest, ut is exteriorem cultum adeò curet, cui quidem curæ sit animus. **Ger.** Chrysostomus hæc solis mulierculis obijcit. **Pol.** Ignoscat mihi tuus genius, mi Gerarde, erras luculente: etiam viros ob hanc colendi corporis insaniam acriter reprehendit. & en verba Chrysostomi tomo quarto, homiliâ vigesimâ octauâ in caput XII. epistolæ ad Hebræos. Lege, lege, hæc illius verba sunt: Non enim mihi sermo ad solas mulieres dirigitur, sed etiam ad viros. omnia enim reliqua quæ habemus, superuacua sunt. Soli pauperes superuacanea & vana non possident, fortassis autem etiam ipsi ex necessitate. ceterum si liceret, neque illi prorsus abstinerent. Ita Chrysostomus ad verbum. Si quis contradicat, huic ego non aliud, quàm quòd supra, insusurrem: Ad Chrysostomum abi, cum Chrysostomo age, Chrysostomus respondet. **Ger.** Do manus: magis à te victus sum quàm ab Apolline Marsyas. **Pol.** Ergo iam ad alia.



## CULTVS CORPORIS NIMIVS,

*Quàm à ratione, & præsci, nostrique aui legibus  
alienus sit.*

SOLEbant Indi Reges maiorum suorum cadauera igni siccare, & deinde in palatij penetrali pretiosis funibus suspendere, auro & geminis ornare, sic ornata seruare, & pænè adorare. Ridenda superstitio, sed an nos non etiam in illâ sumus, qui corpus in cadauerosam tabem breuî abiturum sic comimus, sic ornamus, sic excolimus? Num hoc cum ratione, & rectè fieri dicendum? Sed hîc opportunè monuerim, nullum mihi sermonem esse de habitu cuius hominum ætati & ordini conueniente. Sunt ceteræ inter homines (quis nescit) distinctiones & gradus ab ætate, ab nobilitate, ab eruditione & virtute, ab officijs & dignitate, sunt & certa pro his gradibus vestium discrimina, de quibus ego hîc nihil; neque illos philosophos audio, qui omnes attrito pallio suo amiciunt; hoc solum contendo, nec omnem, nec nimium cultum corpori esse indulgendum, quod probè solo rationis ductu intellexit Saladinus, ille Christianorum olim terror, qui cùm Syriam, Ægyptum, & Africæ bonam partem subegisset, morti iam vicinus in cogitationem hanc seriò descendit, & solam interiorem tunicam, pro omni pompâ funebri, in hastâ sublimem ferri iussit, cum acclamatione; *Hoc unum ex domitore Orientis restare.*

## §. I.

Obsecro te, quicumque corpori plus æquo faues, & rationi tam audacter insultas, intueri Adami purpuram; ouem habebat induitui, sed non ostro rubefactam. Non malè Demonax quondam purpurato alicui insolentiùs sese iactanti, ad aurem immurmurans: Heus tu, inquit, hoc antè gestabat ouis. Et quoties sub tali oue ferocia lupina, pigritia asinina, vulpina astutia, superbia pauonina delitescit? Sunt in Palæstinâ poma Gomorrhæa, quorum intrinsecus fauillaceam fuliginem, extimæ cutis, ambitus elegans & formosus quidem continet, at si hæc vel leui tactu premantur, fumum exhalant, & in vagum puluerem fatiscunt. Simillimum huic poma corpus humanum est, quod sæpe cinnama fragrans, balsama rorans, & vario compectu elegans est: sed prematur nonnihil sepulchro purpurascens hoc pomum, quid exprimetur præter puluerem, fœ-

tozem, faniem. Non immeritò castigat olim Athenienses suos Græcus Cicero, quòd cùm in Philippum Macedonem eundum esset, cùm aggeres muniendi, miles colligendus, exercitus instruendus, ipsi turres & mœnia dealbârint. Quid nos facimus aliud? carcerem nostrum dealbamus, cùm in stygium draconem iuratum & æternum hostem nunquam non sit pugnandum, cùm mille alia potius agenda sint. Num hoc rationi congruum? Refert è Seneca Augustinus, ille antistitum Antistes, apud Romanos in Capitolio idolis ex more lumina accensa, velut in tenebris agentibus, salutantium nomina pronuntiata tanquam audientibus, speculum quasi videntibus ostensum, capillamenta pexa, vti sentientibus; easdem etiam illas statuas aquis lotas, strigilibus frictas, vnguentis permultas, linteis extersas, velut veros homines. Quàm imitatur auidè hanc impiam religionem! Idolum habemus *Corpus*: hoc lauatur, hoc vngitur, hoc comitur, hoc colitur. Vbi speculum animo, vbi lauacrum, vbi vnguentum? Ah, sordescit Dominus, dum seruus bene nitidus incedit; herus calcatur, dum extollitur mancipium; princeps conspuitur, dum subditus adoratur; rex cruciatur, dum epulatur famulus; necatur imperator, dum triumphat gregarius miles. Et hoc prorsus contra omnem rationem. O improbum mancipium, ô execrandum idolum! quod in suum, Dominiq; sui malum tantis impendijs exornatur, quod videri vult & conspici, quod locum ambit eminentem, quod omnibus seruitijs vult coli; proximum est vt faces ei accendamus, & adoremus. An non hîc & ratio & veterum exempla grauissimè reclamant? GER. Optimè hæc quidem à ratione ducis, sed non æquè ab exemplis veterum, qui ab hac sapientiâ longissimè diuerterunt. & si quidem de corporis cultu sit sermo, quæ non hîc portenta habuit priscum æuum?

August. l. 6. de ciuit. Dei c. 10. Senec. epist. 105. post med.  
l. l. p. 1. 2. c. 18.

## S. II.

Feminae fuerunt, teste Antiphane, quæ crocodili excrementis faciem polirent. hem, eruditam insaniam, & ô dignas quæ hoc vultus sui medicamen etiam glutirent. Clemens Alexandrinus iure grauiter indignatur: Ter enim, inquit, non semel dignæ sunt vt pereant, quæ crocodilorum excrementis vuntur, quæ spumâ sepiarum vnguntur. Poppæa Domitij Neronis Imp. coniux quintas secum per omnia trahens fætas asinas, balnearum solio to-



tum corpus illo lacte macerabat, extendi quoque cutem & vulnus candorem seruari credens, aiunt enim ab hoc lacte faciem erugari & tenerescere, <sup>a</sup> Hæc eadem, etiam in exilium relegata, suas secum asinas trahebat. Affirmat Plinius, notum esse quosdam etiam à Romanis feminis, quotidie quingentas asinas custodito numero in hanc ipsam curam fouere. <sup>b</sup> O scyllas & charybdes patrimoniorum, quæ per hunc vnum corporis cultum profusissimâ luxuriâ sorbentur. Et quod illud monstrum, non femina, quæ, vt Vmber poëta canit

incedit census induta nepotum.

Plinius visam à se ait Lolliam Paullinam Caij Principis matronam, ne serio quidem ac solenni ceremoniarum aliquo apparatu, sed mediocrium etiam sponsalium cenâ. sinaragdis margaritisque operatam, alterno textu fulgentibus, toto capite, crinibus, spiris, auribus, collo, manibus, digitisque, quæ summa quadringenties HS colligebat: ipsam confestim paratam nuncupationem tabulis probare. <sup>c</sup> Portentum & prodigium in Oceanum deportandum! vna mulier, vno corporis cultu decies centena millia philippeorum, <sup>d</sup> gestet sibi circumposita? Queritur iure Seneca, &: Video, inquit, vaiones non singulos singulis auribus comparatos: iam enim exercitatae aures oneri ferendo sunt: iunguntur inter se, & insuper alij binis super ponuntur. non satis muliebris infania viros subiecerat, nisi bina ac æterna patrimonia auribus singulis pependissent. <sup>e</sup> De Christianis feminis Tertullianus: Aiunt & de frontibus draconum, inquit, gemmas erui, sicut & in piscium cerebris lapidositas quædam est. Hoc quoque deerit Christianæ, vt de serpente cultior fiat. sic calcabit diaboli caput, dum de capite eius, ceruicibus suis aut ipsi capiti ornamenta struit. <sup>f</sup> Neque hic sexus immodico tantum pretio subinde, sed & nimio studio animi ergastulum adornat, & hoc anxie agit vt omnia corporis æquabiliter sint ad regulam, vt incessus ad artem compositus, vestigia nihil extra mensuram aberrantia dirigat, vt caput aliquot horis ornatum decore emineat, vt denique omnia cultum præ se ferant & gratiam, velut si de arcâ prodirent, aut vt Seneca loquitur, de capsulâ totæ. <sup>g</sup>

## §. III.

<sup>a</sup> Plin. l. 11. c. 41. Nat. hist. <sup>b</sup> Plin. l. 28. c. 12. <sup>c</sup> Plin. l. 9. c. 35.

<sup>d</sup> 1000000. Silbertronen / sine gwaingig Bâgner. tanti enim philippeus, quod hic & alibi notandum. <sup>e</sup> Gell. l. 7. de benefic. c. 9.

<sup>f</sup> Tertul. de hab. mul. <sup>g</sup> Senec. ep. 115. initio.

## §. III.

At ne solæ feminæ in ius ambulent, & luxum luant, etiam viri olim in hac noxâ sunt. Quis nescit quàm sollicitè nitorem & venustatem vestitûs consecrati sint Demosthenes & Hortensius, quorum iste diem collegæ dixit, quod ei in loco angustiore fortè obuius, togæ structuram disturbauerat. « Ita, mi Polychroni, veteres ne nimium lauda: leges ijs non malæ sed victrix legum audacia, in colendi corporis studium certatim se effudit. **POI.** Quid cum prodigijs aut laruis luctemur? quod si à prisca æui moribus patrociniū quæras cultui corporis, frustra es, & tuo te iaculo sauciatum videbis. ijsdem tibi nominibus occurro. Constat, illum ipsum oratorem Græciæ Demosthenem propter nimis accuratum exquisitumque cultum, probris sæpe laceratum fuisse. fecit ergo quod nec illius quidem sæculi homines probabant. Hortensium item Censorum & reprehensorum vuculas ob nimiam munditiem, nimisque affectatum decorem haud effugisse. si rem æuo suo dignam Hortensius fecisset, in hanc reprehensionis notam non incurrisset. Quin & ipsis feminis Romæ lex Oppia, nec veste varij coloris uti, nec auri plus semiunciâ habere permittebat. Et nostro æuo an non bonæ leges, & prauī mores inter se pugnant? quàm præclare multarum urbium sanctiones sunt in hoc vestium luxu abolendo? Promulgantur, & non seruantur, tabulæ figuntur & negliguntur. Quàm seriò edixit Augustissimæ memoriæ Imperator Carolus V. ne quis fraudem faceret legi seu latæ seu ferendæ circa rem vestiariam. Edita est Augustæ Vindelicorum, Anno 1548. Reformatio politiæ Imperialis, quæ ut legis dicendæ causam exponat, vestitûs insolentiam his ipsis omnino verbis perstringit: *Modus autem Vestium ac ornamentorum, cum in tantum luxum degeneret creueritque inter dominos, equites, nobiles, ciues, & colonos seu agricolas, hoc pacto modoque, ut idcirco non solum priuata personas. Verum etiam nationes, & prouincias inde extenuentur, egentioresque efficiantur: Videlicet cum per aurea, argentea, sericaque indumenta, per Damascena, Attalascena, Byssina, aliosque peregrinos pannos, mitras, margaritas, Oniones, qui hodie abusus ad luxum magnus est multiusque in Germanicâ natione, ex quâ traieciuntur atque aueruntur in peregrinas & alienas regiones ingens pecuniarum copia: Et interim de linore, odio, atque inuidiâ in diminutionem ac detrimentum Christiana dilectionis conticescamus. Quandoquidem igitur in tantâ luxuriâ, & ut ita dicam, presiositate & prodigalitate immodestia exuberat, sic et inter Principem & Comitem, inter Comitem &*

*Nobilem,*



*Nobilem, inter Nobilem & ciuem, inter ciuem & colonum siue agricolam, nullam discrimen nullaque agnoscat differentia. Idcirco &c. Quid aliud diceret à cathedrâ religiosus Ecclesiastes? Ne igitur commune malum deflere solùm videatur Imperator, & inaniter queri, etiam imperat & coërcet: inter cetera & hoc quod inaximè mireris: Porro (verba legis sunt) Nobiles, sericas, aut carmasinas attasinas & sesles non gerant. Ergo Nobiles serico a abstineant? ergo natales suos corio aut panno patrio abdant? ergo nefas ijs veste sericâ aut holosericâ vti? certè sic lex iubet. Sed quis legi paret? iam enim textores, cerdones, sartores in totas sibi vestes holosericum conscindunt, quod viris nobilibus, in fimbriis solùm lex permittit, quæ & addit: Nobilibus torques aureos non nisi inuolutos, pro veteri ritu, nec vltra ducentorum florenorum licere gestare: euolutos torques & sine fasciâ, tantùm equestri dignitate auctis permitti. Eadem lex Baronibus & Comitibus vestes intertextas, seu, Attalicas penitus interdicit, & nec fimbrias quidem tales assui concedit. b Tu illic reliqua vide, & miraberis legibus tam probatis, mores tam corruptos inualuisse, quamuis etiamnum maximorum virorum modestia sibi constet, & communem furorem exemplis luculentis damnet. Sed hoc ipsum vberius iam demonstrainus.*

a Sammat. b Constit. Imperiales, in Reform. Polit. c. 9. 10. 11. 12. 13. ad finem tomi.

## CAP. VIII.

*In cultu corporis quanta maximorum virorum fuerit modestia.*

**M**odestiam cultûs appello eam virtutem, quæ decorem in cultu corporis, & alio rerum externarum apparatu seruat. a Alexander Rex Macedo, hoc etiam nomine magnus, & iure laudandus, quod ei cultus corporis habitûsque paullulum à priuato abhorrrens fuerit. Cùmque corpus à labore calidum adhuc & sudore perfusum, in Cydno ainne pararet abluere, decorum quoque futurum ratus est, si ostendisset suis, leui & parabili cultu corporis se esse contentum. b Augustus Imperator, vel hoc ipso nomine augustior, quod modestior in hoc cultu. Hic tantus monarcha, non verbis tantùm sumptuosas illas vestium elegantias exagitauit, sed & exemplis damnauit modestissimis. nam nec toro cubitauit nisi humili & modicè instrato, nec temerè aliâ quàm domesticâ veste, ab vxore, sorore, & filiâ neptibûsque confectâ vti consuevit. c Has

fartrices,

fartrices, ditissimus hominum, Romanorum Imperatorum maximus domi aluit, & compendio admirando eandem & coniugem suam & fartricem, easdem & filias & netrices suas habuit. En, eunctorum dominus, paucas quidem sibi iunctissimas feminas occupabat: nos, aliorum serui, disiunctissimas fatigamus gentes. Equidem nobis Christianis, addo, nobis & mendicis ad Augustum collatis, turpissimum est à tanto principe moderatione in hoc superari. Neque verò alij non secuti sunt post ipsum Imperatores. Hadrianus Cæsar frequenter vili tunicâ contextus processit in publicum, baltheo præcinctus in quo nihil esset auri. Septimius Seuerus Imp. humili amictu contentus, sic factum defendit: Imperatoria Maiestas virtute constat, non corporis cultu. Vespasianum etiam scimus veste & habitu neglecto fuisse, & vix à gregario milite distante. Nescio an non præcipuus adstricti moris auctor Aurelianus Imp. qui non modò vestem holosericam in vestiario suo non habuit, sed nec alteri vtendam dedit. Quid ni etiam Alexandrum Seuerum nominem, quem constat vestes holosericas nunquam induisse: subsericam nunquam donasse. Inò quod gemmarum ei fuit, vendidisse, aurum autem in ærarium contulisse, dicto addito: gemmas viris vsui non esse. Quid Tacitum Imperatorem memorem, qui holosericâ veste viris omnibus interdixit; togâ quâ ipse priuatus fuerat vsus, nonnunquam in Imperio utebatur. Verum, ne fabulas à me narrari putes, etiam nostri æui Principes, Reges, Imperatores in cultu corporis modestissimos, paulò post tibi sistam.

## §. I.

Nec omittendum illustre Cari Imperatoris exemplum, quia nec vulgatum. Narrat hoc Synesius, sed quod ille de Carinò homine ignauo per errorem affirmat, hoc ad Carum qui in Persas inquit, referendum. Carus ergo Imperator, cum ad Armeniorum limites peruenisset, militem corpus curare iussit, & cibum è suo com meatu capere, breuè ex hostico (simul elatâ manu Parthorum agros ostendebat) petendum. Dum id agit miles, ecce adsunt hostium legati, neque tamen sperant se illicò ad Imperatorem admittendos; opinabantur scilicet futurum, vt primò ad proceres quosdam aulicos deducerentur; deinde dierum aliquot interuallo ad ipsum belli ducem. At ille ad se rectâ iubet adduci. Cenabat tum casu, cum ingressi sunt. Et vido, mi Geraardè, quæ in victu vestitûque

tanti



tanti Imperatoris pompa fuerit. Iacebat in herbâ Carus, frequens miles circumstabat, sed argento vel auro nil cultus. Vestis Cari erat punicea chlamys; cibus, vetus aliquot & nigrum pulmentarium; & in eo frustula quædam falsæ suillæ carnis. Atque ut vidit oratores illos ad se ita iacentem ingressos, nihil omnino turbatus, & illos ad se ultro vocans: Scio, inquit, quid vester hic aduentus velit, hic ipse Carus est qui vobis quæritur. Sed redite, & iuueni vestro regi renunciate, nisi resipiscat, futurum ut intra vnam Lunam omnis illius ager, tam glaber sit & nudus, quàm hoc meum caput, & simul cum dicto pileum sustulit, & caput tam glabrum ostendit, quàm galea eius fuit quæ adiacebat. Vos verò manum in ollam mittite, & mecum pultem haurite, si quidem appetitis: sin minus, statim abite, & extra Romana castra este, tanquam legatione omni iam defuncti. Ita me Deus amet, ista virum olent, imò heroëm, qui in comitatu suo, qui in victu, qui in omni vitâ quàm minimum voluit esse tragædiæ & pompæ.

## §. II.

Neque Græcia viris caruit, qui cultum in animo, non in corpore posuerunt. Agesilaus dignus rex Spartâ, senex iam in Ægyptum. Regi Tacho suppetias iuit, & cum naui vehens propinquaret, ingens Ægyptiorum turba in portum se effudit, ad celebrem illum duce[m] spectandum. Præceperant animo, maiestatis plenum virum, veste, comitatu, ipso corpore spectabilem. At ille prodijt vili & defloccato palliolo, gregalibus suis non multum aspectu cultique absimilis. Non impar huic Philopæmenes, Achæorum præstantissimus dux, de quo non sine lepore Plutarchus hæc narrat. Megaram iuit hic Philopæmen ad quemdam suorum familiarium, cui se vespere affuturum conuiuiam prænunciari iussit. Cuius ille Megarensis lætus ob talem hospitem, curam vxori mandat ut quàm celerrimè domi paret, verrat, sternat, nec quicquam eorum omittat quæ tanto hospiti conueniant: ipse in forum officiosus properat ut obsonet. Dum abest & rerum suarum satagit, ad est Philopæmenes obsoletâ amictus chlamydula, & comitibus post se relictis, hospitalem inquietam salutat, illa resalutat, sed ut erat curarum plena, virum non agnoscit, sed de cultu eius & corpore vnum aliquem ex ministris & antecursorem suspicata: heus tu, inquit, manum admoue, & adiuta; festinamus. en, paratum tibi laborem, quæso te, hæc mihi ligna finde. & vnâ porrigit securim. neque

que ille moratur; chlamydem abiicit, & ut rogatus seu iussus, ligna scindit impiger. Superuenit interea ille de foro, & attonitus exclamavit: Quid hoc rei est, Philopæmen, ita te & me dedecoras? Subridens ille: pœnas, ait, do cultûs & vultûs mei. adeo non indignatus est se pro seruo habitum, ut ultro in se sit iocatus. <sup>a</sup>

Quàm nos, ad hunc virum delicati sumus! ubi vel suspicio est nostram dignitatem lædi, mox ira & impotens sui animus se prodit. superbire scimus exacte, quid sui dispicientia sit, planè nescimus. Auctoritate florere volumus inuiolabili: nemo nos tangant; honoris vel minimi derogationem non ferimus sine stomachi noxa. Verbo, belli homines sumus, & præterea nihil. Sed Cari & Philopæmenis modestiæ comites damus.

a Iust. Lipf. lib. 2. monit. Polit. c. 134.

### §. III.

Quinque & quadraginta magistratus gessit Phocion, ille Atheniensium clarissimus, sed quo sit vestis genere interim vsus, calceandi ratio in eo demonstrat. Nam, inter vrbanos in prouerbiū cecidit, ut cum immensum frigus & intolerabile significare vellent, Phocion, dicerent, calceatus est. Omitto hîc Synopæum Diogenem Cynicæ disciplinæ affectatorem, qui pallio vixit unico contentus, tantò rigidior Antisthene, qui eius sectæ princeps, pallium duplicauit. Reipsâ hitales viri docuerunt, etiam in hoc vestitus genere verissimum esse illud: Natura paucis contenta.

Portius Cato (ut Romana Græcis misceamus) qui à nobilissimâ censurâ quam gessit, Censorij cognomen tulit, nunquam togâ vsus est pluris quàm drachmis centum emptâ. <sup>a</sup> Apud nos mediastini & atrienses famuli lautius vestiuntur. Nec Catone sumptuosior esse voluit, Thebamus dux Epaminondas, tot victorijs clarus, qui tam exactæ fuit continentiæ, ut unicâ veste contentus ætatem fuerit, & si quando vetustate detritam refarcire opus foret, domi se clausum continere cogeatur, dū facta vestis rediret. Huic ram rerum inopi, quàm fortitudinis & prudentiæ diuiti, cum rex Persarum magnam vim auri dono misisset, modestè repudiavit. In quâ quidem munerum abstinentiâ, ut mea fert opinio, celsiore animo fuit is qui tantum auri potuit non accipere, quàm qui potuit offerre. <sup>b</sup> Epaminondâ & Catone ditior esse noluit Agesilaus, sextus Lacedæmoniorum rex, qui sub eâdem veste & æstiuos calores, & brumæ frigus pertulit. Porro Dionysius Siculorum tyran-

nus,

a Sunt tantum XIII. floreni, & X. sestertij b Alian. l. 5. var. hist. c. 5.



nus, cetera illaudatissimus, hoc vno tamen in præconij partem venit, quod cum sicarios aut depeculatores, grauibz supplicijs afficeret, ijs tamen qui splendidarum vestium aut ornamentorum fures essent, iram donare difficilis non esset, quò scilicet facilius Syracusani lasciuam habitûs elegantiam dediscerent.

Ergo iam satis liquet, prisco etiam æuo exquisitum corporis cultum vestiumque luxum, & exemplis præclarissimis, & honestissimis legibus damnatum fuisse. Neque tibi, Gerarde, ampliùs integrum negare, quòd vestium curiositas, vt Bernardus loquitur, & morum iudiciû sit, & mentium deformitas. \*

a Bern. lib. 3. de Confid.

#### §. IV.

Priscorum in habitu modestiam, etiam nostri æui magnates sanxerunt. Benedictus XI. summus Pontifex, humili loco natus, cum ad hoc dignitatis fastigium euectus esset, non erubuit suæ paupertatis rudimenta. Mater illius, dum is inter monachos ageret, pannos lauit. Hanc, creatus iam Pontifex ad se venire iussit. Venit illa, sed pænè alia quàm ante fuerat. Matronæ illam, vt Pontificis matrem, summis honoribus extulerunt, & vestibus in diuersam à priori feminam mutarunt, decere hoc ratæ, pro magnificentia summi principatûs in filio. Ita in conspectum filij producta est. Pontifex, ubi eam aspexit, agnoscere dissimulans: quid, inquit, facitis errando? meam mihi matrem adducite; hanc ego dominam non noui. mea mater lotrix est, cum hac colloquar: ite. Obruebantur pudore, qui honoris causâ matrem deduxerant. Detracto igitur omni mundo muliebri, pannuciam illi suam reddere, ac denuò reduxerunt. Tum eam amplexatus Pontifex: In hoc, inquit, vestium apparatu matrem meam reliqui, sic iam noui, sic recipio. \* O tempora, & o mores, nouos quidem sed malos! ab antiquis illis moribus quantum mutatum est? Quis iam è ditioribus illis non ruborem ducit, ad occursum pauperculorum parentum aut cognatorum? ita tenuitatis nostræ primordia erubescimus; vestes & numos humaniùs salutamus quàm cognatum sanguinem. Hos mores graui censurâ notans beatus Iacobus: Etenim, inquit, si introierit in conuentum vestrum, vir aureum anulum habens, in veste candidâ; introierit autem & pauper in sordido habitu, & intendatis in eum qui indutus est veste præclarâ, & dixeritis ei: Tu sede hîc bene: pauperi autem dicatis: Tu sta illic: aut

f

sede

sede sub scabello pedum meorum: nōne iudicatis apud vosmet ipsos, & facti estis iudices cogitationum iniquarum? <sup>a</sup>

a lac. c. 2. v. 2.

### §. V.

Post Pontifices, Imperatores & Reges maximi, maius sibi decus pararunt aspernando cultum corporis quàm vsurpando. Rudolphus I. Austriacus, Imperator, in vestitu adeò moderatus fuit, vt à plebeio nihil differret. & accidit vt Moguntiaci quodam mane solus egressus pistoris domum ingrederetur, & se ad prunas furno eiectas conferret, tremulas manus (aura frigidior erat) calefacturus. Hic à pistoris vxore, cùm pro milite haberetur, non tantùm audaces calumnias in Imperatorem iactas audiuit, sed tandem etiam vase aquario in prunas coniecto, vapore, fumo, cinere perfusus, domo eiectus est, nec re minimà vlus est. O verè virum qui adeò omnem corporis splendorem contempsit, vt ob illum etiam contemni non indignaretur. GER. Sed iste cultus eius priuatum fuit: non dubitem, quin publicè plus ostenderit Imperatorij splendoris. POL. Prorsus imperitè iudicas; parce dicto. Nec in publico quidem ornatioꝝ fuit Rudolphus. Quis dies lætior, & aptior pompæ, quàm cùm victum Ottocarum, Bohemiæ regem, ad se vocatum, excepturus erat, & fidem ab eo (homagium vocant) accepturus? Rex Ottocarus cum magno & splendido comitatu veniebat: viri & equi, auro, gemmis, serico nitebant. Dictum Rudolpho, talem, taliter aduentare, & sedulo à quibusdam additum: Pararet se, veste & cultu ornatiore, tantum Regem admissurus. Rudolphus renidens: Imò rex Bohemiæ, inquit, griseam <sup>b</sup> meam vestem sæpe derisit, nunc ipsum vestis mea grisea deridebit. At vos arina & equos expedite, & accincti instructique vt ad pugnam, stete. Decus Teutonicorum armorum, non vestium, aduenis illis ostendite: hoc me vobisque dignum est. Ottocarus certè illi vili cultui se & aurum suum submisit, & ad genua supplex accessit. Imperatorem nimirum, non vestem veneratus est.

Carolus Quintus Imperator Augustissimus, vt sanguinem ab eo, sic & hanc virtutem traxit, in omni vitâ temperans, maxime verò in cultu. Vestium adeò fuit incuriosus, vt non temerè aliâ quàm amiculo laneo plebeioque vteretur. Ostendit hoc in primo & solenni ingressu Mediolanum. Nam cùm viæ omnes aulæis, tabulis, frondibus superbirent, ciues verò vestibibus quàm cultissimi cum

a Anno 1277. b Latæis, cineream, aschenfarb.

aureâ



aurâ vmbellâ obuij venirent, ille & Imperator, & non semel Rex ac Princeps, in laneâ & nigrâ penulâ, vilique pileolo sub aureum illud cælum se dedit. Videbant illum & tamen quærebant quem videbant. passim audisses interrogari: Istène Carolus, iste Imperator est? cultu tam modicus? Vana plebs vestes auro illusas, & fulgentes in vestibus geminas expectabat.

Macti virtute Imperatores! magni fuistis, quò minus corporis cultu magni esse voluistis.

## §. VI.

Secundùm hunc, Carolus Alberti Neapolitani Regis parens tam eminuit hac modestiâ, vt præter restrictam, & subduclam vilem tunicam, tegumentum aliud non admiserit. Ludouicus secundus Rex Gallorum, gloriâ regnòque, imprimis liberalitate, quantum vllus superiorum regum, ingens, victorijs etiam clarus, lanâ aut bombyce induebatur, cum alij reges serico & auro radierent. Denique Ludouicus XI. Galliæ, Matthias Pannoniæ, & Alphonsus Neapolis ac Siciliæ, Reges, nihilo fuere à vulgo elegantiores hoc corporis mundo. Et Alphonsus quidem notatus à quopiam quòd parum regiè vestitus esset, respondit; Malle se inoribus & auctoritate regem videri, quàm diademate & purpurâ. Vox magna & rege digna. Fuitque hoc magnorum aliquot principum laus, plebi virtute eminere, cultu consentire.

Sed quàm dispares ab his, Imperatores Græcanici, quos luxus & deliciae ad cultum vix virilem traduxerunt, quod Nicetas Choniates narrat de Alexio Angelo Byzantino principe. Hic cum inuadijssset ab Henrico Quinto Imperatore legatos ad se mittere, suos omnes quàm ornatissimos, auratos & geminatos adesse imperauit, ipse à capite ad calcem nil nisi splendor & auctoritas fuit, rarum vel in templo aliquo spectaculum, quo legatorum oculos præstringendos putauit. Germani verò vt venerunt, Germanos se ostenderunt, hoc est, viros, & tantum absuit vt hoc aspectu in metum adducerentur, vt etiam ad prædæ cupidinem incitarentur, nihilque iam magis vellent quàm cum effeminatis istis quàm primùm manus conferere. Accedentes interim Græculi, cubitis eos tangebant, & loquente digito hortabantur: viderent gemineam Imperatoris vestem, quâ ille vt floridum pratum, variè nitebat. At Germani luculentè probarunt se his spectaculis minime terreri: tempus esse, vt Græci his sepositis aurum cōmutent ferro, nam & legatio sit ira,

rita, Græciæ pugnandum non cum pavonibus, sed cum viris verè Martijs & infracti animi. Hæc Germani ad Græcos iam tum verbis territos. quid si ad rem ventum fuisset? & fuisset, nisi mors Henrici Imp. subsecuta, consilia ista turbasset. Hæc, maiorem partē doctissimi Lipsij verbis percerere volui, qui aurum & gemmas non digna satis ornamenta magno Principe agnoscit. Et præcesserunt duo superiore, magni fastigij exempla, quæ doceant, ut dixi, virtute plebem vincere, non veste. Narravit mihi vir fide dignus, inuentas alicubi in vetustâ chartâ subductas rationes; in his inter expensa cetera, & istud studiosè annotatum: Item, Cæsaris thoraci reficiendo 6. cruciferi expensi. O Deus! hæc priscam frugalitatem sapiunt; hæc illa tantorum Principum adoranda modestia; hæc longè plus suspicienda posteris, quàm si legant: Pro pallio nuptiali expensa tria millia Philippeorum, pro cristis & pilei ornamento mille floreni, pro thorace & caligis mille ducenti aurei, pro cetero mundo corporis octingenti Philippei, præter vniones & gemmas sparsim additas. Et hæc erubescendi luxûs egregia sunt specimina: mirabuntur posteri lecturi talia, & ad audenda maiora animabuntur. Hæc forsan admirationi sint apud imperitos, laudi nunquam erunt apud prudentiores. Et sanè quisquis ferè laudari vult, non à veste, aut corporis cultu, sed aliunde laudem colligat. quod illustri facto, priusquam caput hoc finiat, ob oculos ponam.

a Lips. l. 2. Monit. Polit. c. 15.

## §. VII.

Elegans cum primis & scitu dignum est, quod Ioannes Damascenus vir miræ sanctitatis & eruditionis, in hunc ferè sensum commemorat. Iter faciebat Rex Magnus, numerosâ satellitum manu stipatus. In viâ viri duo sordente & lacero habitu, ora macie confecti, exangues & pallidi obuios se tulerunt. Non ignorabat rex à corporis voluntariâ afflictatione & laboribus, Dei causâ toleratis, hunc oris pallorem contractum. Ut igitur eos cominus vidit, è curru defiliens, & prono in terram corpore illos veneratus, mox humanissimè complexus salutauit. Iniquis oculis id tulerunt aulæ procures, alienum hoc rati à regio fastigio. Ita germanum regis subornarunt, moneret fratrem, ne diadematis maiestatem ad infirmorum hominum pedes deprimeret. Hæc à fratre monitus rex, verbis ambiguis & obscuris respondit. Mos autem illic locorum erat, ut si quis capite damnandus, mortis præco tubicen ante illius

fores



fores canere iuberetur. Rex igitur sub vesperem ad fratris ædes letalem hanc tubam, velut extremi supplicij nunciam misit. Audijt regis frater, & cohorrui ad fatale hoc clausicum. Proximo manè atratus & lacrimis perfusus, cum omni familiâ ad fores palatij adest. Rex ad se accitum asperius affatus: O demens, inquit, si fratris, cum quo idem tibi sanguis, & honor pænè par, præconem sic exhorruisti, quamvis nullius tibi criminis conscius, eccur mihi vitio vertebas, quòd supremi regis summique iudicis olim affuturi præcones, ego non vnus sceleris reus, nuper submissius salutarim? Tuæ ergo dementiæ castigandæ hoc factum: in posterum non è facie, non è veste iudicabis hominem: sed & illi faxo errorem suum intelligant, qui hanc tibi mentem iniecerunt. nunc saluus abi. Patre sic correcto, quatuor arcas ligneas fieri iussit, quarum duas auro vestiri, sed cadauerum ossibus referciri; duas alias pice & bitumine oblini, sed selectis vnionibus & vnguentis impleri præcepit, atque has ita compactas proceribus suis, intempestiuus illis monitoribus proposuit, vt suam vtrique æstimationem facerent. Illi duabus auro inductis pretium ingens imposuerunt, vt quæ indubiè coronam & ornamenta regia continerent, ijs verò quas bitumen obdlexerat, pretium leue fecerunt. Quibus Rex: O boni, inquit, erratis largissimè; nec me fugiebat hanc à vobis censionem statuendam. mox arcas omnes aperiri iussit. Et en, ait, stultitiæ vestræ præsens argumentum: oculis nimium credidistis, & hinc viros his diebus mihi obuios, ab exteriori habitu imperitissimè iudicastis. Sed ite iam, non sic feretis impunè tã impudentis iudicij errorem.

Sapienter prorsus rex ista. Quemadmodum enim stultus est qui empturus equum, non ipsum inspicit, sed stratum eius & frenum: sic errat qui hominem ex veste aut conditione, quæ modo vestis nobis circumdata est, æstinandum putat. <sup>b</sup> Hoc non philosophia tantum arguit, sed ratio, & Senecam testem adiungo: Equum empturus, inquit, solui iubes stratum; detrahis vestimenta venalibus, ne qua vitia corporis lateant: hominem inuolutum æstimas? Mangones, quicquid est quod displiceat, aliquo lenocinio abscondunt. Itaque einentibus ornamenta ipsa suspecta sunt: siue crus alligatum, siue brachium aspiceres, nudari iuberet & ipsum tibi corpus ostendi. Vides illum Scythiæ Sarmatiæue regem, insigni capitis decorum? si vis illum æstimare, totumque scire qualis sit, fasciam solue: multum mali sub illâ latet, quid de alijs loquor? si

perpendere te voles, sepone pecuniam, domum, dignitatem: intus te ipse considera. Nunc qualis sis, alijs cerdis. Imò, mi Seneca, vestibus & nostris & alienis credimus, & tunc demum nos, aut alios, quasi magnos suspicimus, cum lautè vestitos cernimus. Absurdè fallimur; & hoc est in emendis equis phaleras considerare, & baltei polimina inspicere, & ornatissimæ cervicis diuitias contemplari. Quoties sub sordido palliolo culta latet sapientia: quoties in vaginâ aureâ, plûbeus absconditur gladius: sed progrediamur.

a. Sen epist. 80. fine. b. Madaurensi de Deo Socr.

## C A P. IX.

*Cultum corporis, Sanctissimi homines quàm & oderint, & fugerint.*

**N**ATURA, omnium parens & opifex solertissima, abundè satis docuit hominem, si vnum id animal non seipsum obliuisceretur, quàm non operoso sit opus velamento ad tegendum corpus. Nisi quis hanc vocare malit nouercam (quod nefas dicere) ut quæ ceteris animantibus variè tegumenta tribuerit, testas, cortices, coria, spinas, villos, setas, pilos, plumam, pennas, squamas, vellera: truncos etiam arborésque cortice, interdum gemino, à frigoribus & calore tutata sit: soluin hominem nudum, & in nudâ humo natali die ad vagitus statim & ploratum abiecerit. Atqui sapientissimè hoc egit natura, velut solerter providens, non diu placitum homini quicquid demum teginis ei assignasset. Itaque nudum statuit hominem, docuit tamen quo fine, quibus legibus vestes sibi aptaret ipse, nimirum ut eæ tegerent & velarent, aërisque iniurias defenderent. At homo legibus naturæ procul relictis, eo processit, ut per furorem & insaniam, non iam vestitum qui tegat, sed qui oneret & torqueat humana corpora, inter ignotas feras, inter peregrinos vermes & maris belluas, tam stultè quàm laboriosè quærat.

Protoplastorum hominum prima vestis, è ficu folia fuerunt, huic crudæ pelles successere. Nec multò cultiùs vixit Ioannes Zachariæ filius, Iordanis accola, camelorum setis amictus, scortâ Zonâ cinctus. Christo, Regi summo, Mariæ Virginis filio, vestes quidem mundæ fuerunt & honestæ, sed, uti Isidorus Pelusiota loquitur, qualibus vsi sunt pauperes in Galilæâ. Si harum pretium spectassent Pilati milites, Christum ijs amictum crucifigere potuissent, tam non fuerunt pretiosæ. Sed altius hîc Æternæ Providentiæ



consilium, quæ in nostros vsque annos seruari voluit vestem illam quæ arte ineffabili contexta veriùs quàm facta; cuius magnum in opificio miraculum, maius in vsu, neque enim perpétuo vestitu atrita, neque minus habilis, sed ad corporis modulum augeſcebat: dignissima prorsus, quæ vaticinijs multò antè laudaretur, & in Caluariâ rupe in sortem abiret, ne scinderetur. Sed enim, hanc in cultu sobrietatem, quàm admirando spectaculo docuit Christus in cruce nudus, in præsepi linteolis obuolutus? Inuenietis, inquit Angelus, infantem pannis inuolutum, & positum in præsepio. Iam tum diuinus infans vel mutus concionabatur, & mortalium in vestitu vanissimas curas damnabat, sed eâ exhortationis dulcedine, vt delicatos illos iure pudeat nō persuaderi. Et en suauissimus puer, nostrum nobis luxum non exprobrat, nec amarulentis verbis fastum nostrum vt intolerabilem perstringit: hoc vnum agit vt ostendat pompam nostram sibi non placere.

Quid seruuli cunctamur, has Domini vestes minimè pretiosas, hunc regis habitum modestissimum æmulari? Clamant in stramineis cunis viles pannuli, clamat in cruentâ cruce nuda & extrema paupertas. heu nimis potenter inuitamur ad vestitum modestiorem. Sed confer mihi obsecro, Gerarde, has Christi fasciolas & inelaboratas telas cum vestium nostrarum lasciuo & subinde monstroso ambitu. Rem miram audi, & planè monstrum pretiosæ elegantiae. Fuit Anno à pariente Virgine millesimo quingentesimo decimo octauo Princeps sacri ordinis (nomen prætereo) qui talarum tunicam habuit, suffultam pellibus, quas pellio è carduelium seu acanthidum capitellis, opere prorsus incredibili, confecit. b Heu, quot centurijs, quot millibus auicularum, ad vnâ hanc togam conuolandum erat? nimirum vt vnicus homo ad raram venustatem vestiretur, totauium turmæ, suis vestibus erant spoliandæ. Adeò multum apud nos possunt Christi exempla & monita? Verissimè dixit Bernardus: In signum positi sunt panni tui, domine IESV, sed in signum cui à multis vsque hodie contradicitur. c Sed nos ad lineam.

a Luc. c. 2. v. 12. b Auß Stigelligen töpfen.

c Ber. serm. in Natali. Dom.

### §. I.

Nota lex Christi, quam discipulis tulerat, singuli singulas haberent vestes, non arcas vestiarias secum traherent, è quibus modò

has, modò illas indutui sumerent. Iacobus Alphæi filius, qui ob faciem similitudinis indiscretæ, Christi frater dictus, è matris utero sanctus, sanctior dein Christi disciplinâ factus, nunquam balneo usus, nec vnguento unctus, nunquam attonsus, qui esu carnum penitus abstinuit, vinum & liceram non bibit, de quo Chrysostomus: Aiunt, inquit, genua eius obduruisse callo, tantâque in eo carnis incuriam fuisse, ut adhuc viventis omnia ferè membra morerentur, atque orationis assiduitate, iugique ad pavimentum corporis prostratione, frontem quoque eius callo similiter (*quod in arduum*) obductam, ut nihil ferè à cameli genibus, si duritiem spectes, discreparet: hic sanctissimus vir, non laneis vestibus, sed amiculo lineo usus est, tam membris suis quàm membrorum tegumentis piè iratus. Petrus, ille Apostolorum Princeps & Ecclesiæ caput, ille primus à Domino Pontifex, nihil amplius tegumenti habuisse creditur, præter tunicam & pallium, nihil aliud calceamenti, præter caligas. Illud Clementis liber, hoc Apostolorum Actus testantur. Rideant hanc tenuitatem, qui ignorant Ecclesiam ab ipso fundatam, olim in paupertate gloriantem, postquam cumulari diuitijs cœperit, virtutibus decreuisse. Nemo diuitum nunc ægrotos verbo sanat, tunc autem seminudî Pontifices etiam mortuos reuiuiscere iusserunt. Nec alios Domini discipulos delicato aut eleganti serico vestitos crediderim. Nec multum ab his diuersus Aurelius Augustinus, gemina Præsulum, qui vestitu calceatûque indiscreto vixit cum ijs, quibus sanctitate, scientiâ, dignitate longissimè antistabat. Si quis ei vestem excultiorem obtulisset dono, acceptam venum iubebat dari, ut pecuniam inde exactam cum alijs communicaret, quandoquidem vestis ipsa communis esse non posset. itaque Clericis suis officio præstitit, habitu par fuit. Facile est ei vestium pompam spernere, qui purpuram immortalitatis ainbit.

Paulus, qui primus eremum habitauit pietatis studio, non laneam, non scorteam, non lineam habuit vestem, sed quàm inculta solitudo suppeditare poterat, è palmæ folijs contextam, illustri exemplo humanæ luxuriæ à naturâ repudiatæ, quando ipsa tam modicis contenta est. Antonius abbas, qui Paulum ope leonum velut vespillonum terræ reddidit, defuncti pallium adeò in delitijs habuit, ut illud festis duntaxat diebus indueret, tam memorabili exemplo quàm Hieronymi optatu clarum, qui maluisset in vilibus exuijs Pauli quàm in regum ostro conspici. Nam: si mihi Dominus, in-



quit, optionem daret, multò magis eligerem tunicam Pauli cum suis meritis, quàm regum purpuram cum regnis suis. Porro Timotheum anachoretam non folia, sed capilli texerunt, adeoque humanam ei speciem ademerunt, vt à Paphnutio in solitudine reperi- tus, immanis fera primò aspectu, non homo sit creditus. vox inde hominem aperuit, quem cultus efferatior inuoluit. Felix Timothee, cui sua vestis in capite nata est. Haud multum absimilis huic Onuphrius, & ipse eremi incola, qui consumptâ veste, quæ illi unica fuit, folijs se texit. Satis indutus est, qui sic cum Christo nudus est. Animam Onuphrij ab Angelis, aspectabili obsequio sideribus illatam tradunt. Quis nostrum rudiores pannos aspernetur, cum nudi etiam ab Angelis honorentur: Hilarionem taceo, totque alios viros sanctos, qui generosissimum, quo feruebant, spiritum sacco velabant. Patientissimus Iobus hoc exemplo illustris: Saccum, inquit, consui super cutem meam. <sup>a</sup> Non minus aspera fuit interior lorica illius Hebræi Regis, qui: Ego autem, inquit, cum mihi molesti essent, induebar cilicio. <sup>b</sup> Quo etiam vt veste vsus: Et posui, ait, vestimentum meum cilicium. <sup>c</sup> Sed hæc aliquantò vetustiora; nec recentioribus & notis destituimur. Franciscus Assisias rigidæ paupertatis cultor studiosissimus, non in eremo vastâ, vt illi, sed medio in luxu, crassi, natiuique panni tunicam nudo induxit corpori, inductam fune compressit, nudis pedibus ligneas subiecit so- leas, vt quantum liceret, animum à corporis contagione seduceret, & cælestibus donaret. Omitto innumeros Francisci cum virtute æmulatores.

<sup>a</sup> Iob. c. 16. v. 26. <sup>b</sup> Psal. 34. v. 13. <sup>c</sup> Psal. 68. v. 12.

## §. II.

Norbertus tam sanctitate quàm submissione singulari clarus, dictus iam Magdeburgensis Pontifex, quia aspernabili togulâ & ex- calceatus incessit, à sanitore velut mendicus repulsus est. <sup>a</sup> Clareuallensis abbas Bernardus, tenui etiam & despiciatiorè tunicâ est vsus, ceterum minimè sordida, cuius illud scitè dictum: Vestem fordibus obsoletam, socordix testem esse. Ad tantorum virorum tam eximiam in habitu modestiam, an non ruborem ducant, quibus parum est, si vestis munda sit, nisi sit & nitida. Hic veniam & pacem præfari oportet, neque verò aliena vineta cedere, aut cuiquam importuniùs insultare mihi mens est, sed monere solùm, id- que succinctâ modestiâ. Scio, admoneri bonus gaudet: pessimus

quisque correptorem asperimè patitur. « Reperias forsan, Gerarde, nostro hoc æuo viros sacros & ecclesiasticos, homines religiosos & Deo deuotos, Antistites & sacris titulis insignes, qui magistri morum audire velint, qui Christi paupertatem & Euangelium verbis amplissimis doceant, sed exemplis pænè contrarijs confutent, quibus panniculi Christi & stramineæ cunæ sordent, qui legum suarum obliti, paullatim in profanos cultus degenerant, qui communem accuratiùs struere, barbaram curâ & arte pectere, collari leges suas dicere, indumentum aut colore non congruum, aut filo nimis pretiosum, aut formâ parum religiosum, aut opere ultra quàm decet, sumptuosum gestare solent, qui nitorem à templis & aris in corporis cultum, aut mensarum apparatus, aut equorum phalaras transferre religioni non habent: qui inappas à cenis suis repudiarent, quas Dominico Corpori substerni nimis modestè ferunt, qui numos in pauperes erogandos, in pompam effundunt, variâ sed malâ liberalitate. Ego hîc quidem digitum labellis impono, sed clamat pro me Bernardus: audite sanctissimi viri iustas querelas: Nobis autem, inquit, est pro victu satietas, nec vestitum appetimus sed ornatum. quæritur ad induendum, non quod vtilius, sed quod subtilius inuenitur, non quod repellat frigus, sed quod superbire compellat: non denique (iuxta regulam) quod vilius comparari potest, sed quod venustius, iundè vanius ostentari. Et paucis interiectis: Ecce enim habitus noster (quod & dolens dico) qui humilitatis esse solebat insigne, à monachis temporis nostri, in signum gestatur superbiæ. Vix iam in nostris prouincijs inuenimus quo vestiri dignemur. Subijcit: Vanum cor vanitatis notam ingerit corpori, & exterior superfluitas interioris vanitatis indicium est. <sup>b</sup>

Indumenta molliora & animi molliem indicant. <sup>c</sup>

a Sen. l. 3. de Irâ c. 37. b Bern. Apol. ad Guilielm. abb. c Monost. Trochaic.

### §. III.

Hîc cum Bernardo non immeritò quis quærat: Vbi senatus principis Christi per urbem Hierosolymorum asinâ vehentis? Vbi sanctissimi Ioannis Baptistæ hirsuta tunica à camelo mutua? Vbi faccus Hilarionis, vbi melota Serapionis, vbi cilicium Benedi? Laudamus veteres, & nostris vtimur annis. Ex eiusdem diui Bernardi epistolâ vnica, quàm ad Henricum Senonensem archiepiscopum dedit, quid vetat paucula delibare, vbi de sacerdotum officio:

Honorifi.



Honorificabitis autem, inquit, ministerium vestrum, non cultu vestium, non equorum fastu, non amplis ædificijs, sed ornatis moribus, studijs spiritualibus, operibus bonis. *a* Quàm multi aliter? Cernitur in nonnullis sacerdotibus, vestium cultus plurimus, virtutum aut nullus, aut exiguus. Vide cum vacat, Gerarde, quæ sequantur. Illis addit: Verum tu sacerdos Dei altissimi, cui ex his placere gestis, mundo an Deo? Si mundo, cur sacerdos? si Deo, cur qualis populus, talis & sacerdos? Nam si placere vis Mundo, quid tibi prodest sacerdotium? nec enim potes duobus dominis seruire. qui autem vult amicus esse huius mundi, inimicus Dei constituitur &c. Sed etsi ego fileo, clamatur tamen in Ecclesiâ, non in veste pretiosa. Nunquid etsi ego non loquor, sua cuique non loquitur conscientia? quid si alius audacior me, illud gentilitium ingerat: Dicite Pontifices, non quidem in sancto, sed freno quid facit aurum? quàm tolerabilius cernitur in sancto, quàm in freno! Hoc inæ etiam tacente, etsi non curia regum, tamen penuria pauperum clamat: Sileat licet fama, sed non fames. clamant nudi, clamant famelici &c. nostrum est quod effunditis, nobis crudeliter subtrahitur, quod inaniter expenditis, nostris necessitatibus detrahitur, quicquid accedit vanitatibus vestris. Duo denique mala de vna prodeunt radice cupiditatis, dum & vos vanitando (*ignoscimus hanc vocem Bernardo*) peritis & nos spoliando perimitis. Plura addit Bernardus, & æquæ seria. & crede mihi, non sunt è pelui hæc tonitrua. Vera hæc esse, satis loquuntur oculi; improbanda esse, abundè testantur sacri codices. Hi tantum? etiam monita præscorum. Carolus IV. Imperator, cum Moguntia ageret, *b* fortè in colloquium venit cum Archiepiscopo Gerlaco. *c* Vna tum aderant, honoris causâ, aliquot è Canonicorum numero. Hic Imperator paullo attentius circumspiciens, observavit vnum aliquem profanæ elegantia hominem, cuius pileus maximè, auro & gemmis nitebat. Dicebatur is Cuno ab (*sed familiæ, quia notæ, parco*) hunc Imperator humaniter accedens pileum ei, velut per facetias blandâ manu detraxit è capite, & suo imposuit. & quæ comitas eius erat: mi Domine, inquit, dic obsecro, quis tibi nunc videor, sacerdoti an militi similior? Et ad Moguntinum Pontificem conuersus: Domine Archiepiscope, inquit, tempus & necessitas flagitat, vt disciplina Cleri, corrigatur, & hi vestium  
abusus

*a* Bern. epist. 42.

*b* Anno 1359. Naucler. volum. 3. generat. 46. Serarius hist. Mogun. l. 5.

*c* Qui Elector 26. Archiepiscopus 42. Episcopus 32.

abusus tollantur. Parere nolunt: nec sacerdotijs fruuntur. O Carole, Imperator Magne, ô veniant dies qui corrigant mores: qui tollant vestium abusiones, qui faciem meliorem restituant Orbi!

## §. IV.

**GIR.** Liceat hic paucula. Ergo nitelam omnem à veste proscrisbis, ergo nefas ornari? Et an non vestium mundities curanda? **POL.** Non ego ornatum omnem accuso, lasciuiam accuso. Eò iam ventum, ut munditiem solâ pompâ æstimemus, & vestis non velis sit, nisi pretiosa. In corporis cultu plerunque non sordes fugimus, sed aularum delitias adumbramus, nec tam vestiri volumus quàm ornari; non calorem in habitu, sed colorem quærimus. Diui Hieronymi monitum est: Elegantias & sordes pari modo fugiendas, quia alterum delitias, alterum gloriam redolet. <sup>a</sup> Nescis illud Augustini? Etiam in ipsis sordibus luctuosus posse esse iactantiam, & eò periculosiorem, quò sub nomine seruitutis Dei decipit. <sup>b</sup> Hoc nomine non immeritò reprehensus Antisthenes, qui cum depexum & pertusum palliolum spectatoribus vanius iactasset: aspicio, aiebat Socrates, per pallij scissuram, animi tui vanitatem. quin desinis teipsum ostentare? <sup>c</sup> Idem Diogeni fuit animus. hic cum Olympiam venisset, adolescentes quosdam Rhodios illic conspicatus, cum risu: hoc nihil est, inquit, nisi fastus. Rursus cum in Lacedæmonios incidisset, vilibus tuniculis ac sordibus opertos: En, inquit, alius fastus. tam enim Spartani squalore, quàm Rhodij ornatu sese iactabant: illi, se iusto plus colebant, isti se iusto plus negligebant. Nec affectatæ sordes, nec exquisitæ delitiæ laudem pariunt. pulcherrimum est, nec turpia velle, nec nimia. Itaque non culpauerim quod pulchrum, aut decenter ornatum, sed quod inane, quod redundans, quod fastum, mollitiem, delitias, luxum, lasciuiam, pompam præ se fert, hoc vitupero, & inecum sentit Bilbili-cus vates: Peccare te nolum, sed nec turbare capillos:

Splendida sit, nolo, sordida nolo cutis. <sup>d</sup> An nescitur medium à beatis teneri, virtutem in medio, & modum in rebus esse? Sed & hoc addo: Meminisse me apud Hieronymum legere, Sordes vestium candidæ mentis indicia esse. <sup>e</sup> & beatus Hilarion saccum quo semel amictus fuit, nec lauit vnquam, nec mutauit, superuacaneum asserens, munditias in cilicio quærere. Plures omnino inuenias, in

sacris

<sup>a</sup> Hier.epist.ad Nepor. <sup>b</sup> Aug.t.4.l.2.de serm.Dom.c.12.

<sup>c</sup> Ælian.l.9.var.hist.c.35. <sup>d</sup> Mart.l.2.epigr.in Pannicum.ep.29.

<sup>e</sup> Epist.ad Rust.mon.quæ incipit: Nihil Christiano felicius &c.



facris paginis, & sapientum libris, ab illo munditiei & lotionum contemptu laudari, quàm ab earundem studio. Et pars quædam pœnitentiæ est, neglectus polituræ, omniumque harum concinnitatum & elegantiarum. Isaias olim proclamât: Descende, sede in puluere virgo filia Babylon, sede in terrâ. <sup>a</sup> Lauat se Dauid, sed post fletum. Lauat faciem Ioseph, sed post lacrimas, quas viso Beniamino fuderat. Lauat se Iudith & ornat, sed Assyrium ducem Holofernem hoc laqueo deceptura. Sanè vestitus mollis & pumicata illa ac polita mundities, libidinum foies, oculorum rete, animorum suavis est pernicies. Hinc Ambrosius, serius hac in re censor ausus dicere, mulierem comptam, domum esse omnium infernalium dæmonum. <sup>b</sup> Hinc & Siracides clamat: Auerte faciem tuam à muliere comptâ, & ex hoc concupiscentia quasi ignis exardescit. <sup>c</sup> Hinc regina Esther has tales elegantias signum superbiæ nominat. <sup>d</sup> Hinc & Hieronymus: Ingrediuntur, inquit, expolitæ libidinum victimæ. <sup>e</sup> Hinc omnes sancti, & quibuscunque cordi fuit pœnitentia, hunc corporis cultum velut libidinis incitamentum, aded & oderunt & fugerunt, vt inter prima semper pœnitentiæ specimina fuerit, suas corpori plumas & ornatum detrahere, vestem mutare, sacco se operire.

<sup>a</sup> Is. c. 47. v. 1. <sup>b</sup> Ambr. l. de virgin. <sup>c</sup> Eccli. c. 9. v. 8. & 9. <sup>d</sup> Esth. c. 14. v. 16. <sup>e</sup> Hier. l. aduers. Heluid.

## §. V.

Sapiens illa mulier, & regum progenies Elisabetha, plerunque trita & panniculis fartâ veste amiciebatur, gestiebâtque magis mendici centonibus, quàm Regum ostro spectari. Fuit, vt hæc sollenniori die, publico se commissura, exquisitè in reginam ornaretur, & auro, gemmis, insuper regiâ coronâ irradians ad templum, rem diuinam auditura deduceretur à frequenti familiâ. Primò ferè ingressu templi, crux Dominica, & ex eâ pendentis Christi eruenta imago incurrit oculos. Hoc illa aspectu feriri grauiter, & animo fauciari, hinc altum ingemiscere & velut pudefacta erubescere, lacrimas demum vi prorumpentes non continere. Mox varij cogitationum æstus in animo se prodere: En creator, dicebat illa secum, en seruator meus Iesus, nudo corpore, flagris laceratus, spinis redimitus, sanguine perfusus, in altâ trabe mortem pro me obijt ignominiosissimam: At ego misera tot vitijs immunda, tot delictorum rea, bysso tamen auroque, purpurâ gemisque culta niteo. heu vitam diuinis beneficijs indignam perdo magis, quàm ago. Ah,

diuinum

diuinum illum verticem in Pilati domo sertum spineum perforauit: ah, Domini mei aures opprobria innumera saturarunt. At verò caput meum corona cingit aurea, me numerosum circumdat famulitium, cuncti venerantur, suspiciunt, panè adorant. Me mulierem infelicem! siccine præceptis Domini obtempero? itane Dei beneficia recogito? istane viâ Christi vestigia sequor? ô meum brum sub spinoso capite nimis delicatum! ô me nimis dissimilem meo Domino! Adeò mentem intimam cogitationes hæ penetrarunt, vt Elisahetha iam ægrius respirare, pallorem in ore trahere, animo linq̃ui, humi demum defectis viribus collabi. Nec priùs ad se redijt, quàm gelidæ aspersione fuisset recreata.

Vna hæc regia mulier altiùs alijs videtur cepisse, quis cultus corporis eos deceat, qui Christi disciplinam profitentur, regi Crucifixo auctorati. Elisabetham reginam sibimet irascentem intuemini vos expoliti pauones, cultissimæ imagines, vos pompæ fercula, quibus nil magis curæ est quàm speculorum, anulorum, inaurium, strophiorum, cycladum & huiusmodi nugarum vanissima supellex. Vobis, ô munduli, pectunt, vobis nent, vobis texunt, Belgæ, vobis Persæ, vobis Seres, vobis Indi: vobis Tyrius murex natat, vobis fragrans bacca hispidis pendet arbusculis, vobis oues Britannicæ albicant, vobis Indica sandix rubet, vterque vobis sudat Oceanus. Eò vsque decreuit apud vos virtus, creuitque superbia, vt iam pudor sit imitari sanctissimos viros feminasque Norbertos aut Elisabethas: iam optimis contemptis abire placet post pessimos: sed nec Augustum Imperatorem in vestitu frugalem prorsus & sobrium sequi lubet, sed Caium & reliquos quorum nec ciuilis vnquam, nec virilis, nec Romanus certè, nec humanus, sed insanus & nunc femineus, nunc diuinus, ab omni autem parte profusus atque monstrificus cultus fuit. Hæc societas est vitiorum, & nouæ cupiditati inhærentium oculorum, pèrque varios illecebrarum motus volitantis animi:

sic virtus atteritur, sic animi corporisque vires expugnantur.

Qui exemplis vult viuere, ne periculosa sit  
imitatio, honestissima se-

ctetur.

CAP.



## CAP. X.

## CVLTVS CORPORIS

*Quantorum malorum causa sit.*

**C**ultus corporis nimius, non solum peccatum est, sed multorum malorum vel causa vel effectus, & argumentum est. Peccatum esse arbitratus Gregorius: Nemo, inquit, existimet in luxu & studio pretiosarum vestium peccatum deesse: quia si hoc culpa non esset, nullo modo Dominus Ioannem de vestimenti ipsius asperitate laudasset: si hoc culpa non esset, nequaquam Apostolus feminas à pretiosarum vestium appetitu compesceret dicens: Non in veste pretiosa. *a* Isaias sanè Hierosolymorum vrbi inter grauiiores culpas, & hoc opprobrians: Et ornasti, inquit, te regio vnguento, & multiplicasti pigmenta tua. *b* Christus ipse hanc circa cultum corporis, sollicitudinem & curam manifestè damnans: Nolite, inquit, solliciti esse, dicentes: quid manducabimus, aut quid bibemus, aut quo opariemur? Et: *c* de vestimento quid solliciti estis? c Idololatrarum hoc est non Christianorum, diffidentiae hoc argumentum est non fiduciae. *hac enim omnia gentes inquirunt.* Quod quid aliud est quàm ordinem rerum turbare, & rei vanissimae curam diuino cultui anteponere: *Primum querite regnum Dei.* Quòd si Deo displicet sollicitudo circa necessaria, quantò magis curiositas circa superflua? Atque, si quidem theologos audiamus; peccatum etiam letale est, si quis corpus eo animo colat, vt ad libidinem spectatores pertrahat: aut si propter cultum hunc ita semet extolat, vt alios despiciat, salutem aliorum nihili pendat, ne curet perniciosum exemplum prodere: aut si quis alios idèd suppilare, debita non soluere, eleemosynam non erogare, aut alià deum ratione ob corporis ornatum grauius delinquere non detrectet. *d* Neque Deus in his puniendis tardus vindex. Prætextata matronæ nobilissimæ, cùm Eustochium virginem, coniuge Hyнетio etiam iubente, ad sui sæculi lasciuam venustatem componeret, manus arefactæ sunt, euidenti vindictâ Numinis. & vbi per quietem monita, necdum ornatrices manus à virgine abstineret, vincere cupiens & virginis propositum, & matris desiderium: entibi, quinto post mense, miserabili & præmaturo interitu sublata est. Huius rei narrationem Hieronymus in hæc verba concludit: Sic gemmas & pretiosa ornamenta Christus defendit. *e* Verissimum

*a* Greg. hom. 6. in Euang. & hom. ult. in ead.*b* Isc. 57. v. 9. *c* Matth. 6. v. 31. *d* Less. de Iure & Iust. l. 4. c. 4. dub. 14.*e* Hier. ep. ad Latam de infir. filia.

in hac causâ, quod de aliâ quapiam Cyprianus affirmat: Tormenta paucorum, exempla sunt omnium.

## §. I.

GER. Quid causæ est, hæc minuta sic puniri à Deo? POL. Causam rogas, & minuta vocas? Expecta sis, & grandia dices, & causarum satis, has ad digitos numeremus.

Prima: Exterior hic cultus corporis, animi neglecti pænè certum est indicium. Vti avis è pennis noscitur, sic homo è veste. Dilucidè Bernardus: Quanto ampliùs, inquit, corpus foris propter vanam gloriam componitur atque ornatur, tantò interiùs anima scœdatur & sordidatur. Non ita curaretur corporis cultus, nisi priùs neglecta fuisset mens inculta virtutibus. <sup>a</sup> Chrysostomus: difficile est, inquit, difficile, ô dilecti, fortasse autem etiam fieri non potest, ut sic ornato corpore, simul quoque ornatur anima. sed necesse est, ut si alterutrum curetur, alterum negligatur. non est enim eiusmodi eorum natura, ut simul fiant. <sup>b</sup> De Paulâ non minus sanctâ quàm nobili matronâ Hieronymus: Si vidisset, inquit, comptionem aliquam, contractione frontis & vultus tristitiâ arguebat errantem, dicens: Munditiam corporis atque vestitiûs, animæ esse immunditiam. Venustè & grauitè, ut solet, Ambrosius: Neglecta, inquit, decoris cura plus placet, & hoc ipsam quod nos non ornamus, ornatus est. His subscribens Cyprianus: Sericum, inquit, & purpuram indutæ, Christum induere non possunt: auro & margaritis & monilibus adornatæ, ornamenta cordis ac pectoris perdiderunt. Quis non id execretur & fugiat, quod alij fuerit exitio? quis id appetat & assumat, quod ad necem alterius pro gladio fuerit & telo? &c: Nullarum ferè pretiosior cultus est, quàm quarum pudor vilis est. <sup>c</sup>

Ita corporis cultus, animi parum culti signum est. Nec id veteres nescierunt. Philippus rex Macedo quendam ex Antipatri familiaribus in iudicium subsellia extulit: verùm ubi eum nescio quo furore barbam & capillos tingere resciuit, officio mouit, & causam hanc dedit, eum in rebus gerendis non videri dignum cui fidatur, qui in capillis fidus non esset. Augusto Imperatori, conuiuiorum & vestium luxus, ægotantis Reipublicæ signum fuit. Hic idem Imperator licentiore vestitu filiæ grauitè offensus, cùm illam postero die, veste mutata vidisset: quanto, inquit, probabilior est hic cultus

<sup>a</sup> Bern. in Apol. ad Guil. abb. & super Missus &c.

<sup>b</sup> Chrys. hom. 18. in ep. 1. ad. Cor. <sup>c</sup> Cyp. lib. de discipl. & hab. virg. med.



tus tam honestus in filiâ Augusti! Hanc ob causam Augustinus: Verus, inquit, ornatus Christianorum, non tantum nullus fucus mendax est, verum nec auri quidem vestisque pompa, sed mores boni. Ergo, plerumque ubi corpus sic nitet, squallet animus. Omnis gloria eius, filiæ regis ab intus. <sup>b</sup>

GER. Ne tamen, Polychroni, tot honestissimas feminas in turbam earum coniiciamus, quas parum laudauimus, feminæ factum audi prorsus illustre, nec ab antiquo sæculo petitum. Hoc ipso anno nobilissima matrona, non sanguine tantum & opibus, sed & ingenio florens, nouum vestimenti genus inuenit tantæ concinnitatis & elegantiae, ut omnium oculos in sui spectaculum raperet. mirabantur aliæ feminæ, non solum vestis pretium & artificium, sed tantam ingenij felicitatem quæ hoc artificij reperisset. Pallæ erat perquâ spatiosa & purpurâ sericâ: hanc acu pinxerunt ex auro tres Phrygiones, qui annum & amplius huic vesti assiduam operam impenderunt. Ad Cycladem hanc seu pallam, quam dixi, additus est thorax feminæ habilis, ex eodem purpureo serico, aureis filis pariter pictus. Primo autem die quo hanc vestem matrona illa induitui gerebat, obseruauit nimium in se oculos conuolare, timuitque ne aliæ atque aliæ noui artificij curiositate ductæ, imitari velent quod vidissent, peterentque eius conficiendæ modum sibi dictari. Itaque ne facere rogaretur quod recusare vix posset, hortante vehementer conscientia, omnem hanc imitationem maturè præcauit. Ergo vestem illam, vnico die spectatam & semel exutam, nunquam induit amplius, sed pio consilio, quod superbiz fuerat instrumentum, religiosæ liberalitatis & eleemosynæ ornamentum esse voluit, & illum omnem mundum Mariæ Magdalene in templo quodam obtulit sacrauitque. Porro ex hac vnâ tam pretiosâ veste, altari sacrum frontale seu pallium, sacerdoti sacrificanti indumentum, calici velum, libro missali tegumentum, sanctissimæ Eucharistiæ amiculum confectum est. En, Polychroni, etiam feminæ in triumphum ducunt superbiam. POL. Vtinam, quibus luxum illum sectari placet, norint & hanc frugalitatem suique victoriam imitari. Sed causam alteram addo.

a Macrob. l. 2. Saturn. c. 5. b Psal. 44. v. 14. c Anno 1624.

## §. II.

Alterâ causâ: Vestimentorum luxus, non tantum animi corrupti est index, sed & corruptor, fons, origo malorum multorum.

Apertè Chrysostomus : Nunc autem , inquit , multa etiam alia mala nascuntur ex nimia ornandi sui cura , manifestæ suspiciones , sumptus intempestiui , blasphemiae , avaritiae , & plura habendi cupiditatis occasiones. <sup>a</sup> Testem locupletem addo Tertullianum : Quid alteri periculo sumus , inquit , quid alteri concupiscentiam importamus : nescio an impune abeat , qui alicui fuerit causa perditionis. Perit enim ille simul in tuâ formâ , si concupierit , & admisit iam in animo quod concupiuit , & facta es tu gladius illi. <sup>b</sup> Ea causâ diuus Antonius Florentinus Archiepiscopus , feminas petulantiore habitu , velut illicitum diaboli , in templis non ferebat. <sup>c</sup> Appositè quærit Chrysostomus : Quid enim ornaris , dic quæso : ut viro placeas ? Igitur domi hoc facias. At verò contrarium fit , incultior domi , foras prodis cultissima. Vtinam hîc tam modestè peccaremus , ut culpa se domi contineret. Sed malum hoc publicari vult , ut pluribus noceat , quod plurimum oculis hanc vanitatem ingerit. Quis eam quam nulli ostenderet , induit purpuram : nemo oculis suis lautus est , sed alienis. His implendis , aut saltem in admirationem rapiendis tot hominum omnes pænè cogitationes laborant. Hoc mihi nemo persuaserit apud hos comptulos multum profundæ , aut piæ cogitationis reperiri ; prima virtus , quæ apud hos exulat , notitia sui est. Et sicut ligno putrido innati vermes , lignum magis corrodunt : sic è superbiâ , vanitate animi , cupiditate oculorum , superfluous cultus , & vestium luxus nascitur , idemque post luxum superbiam auget , erigit , consummat. Ab artifice diabolo sunt hæc irritamenta , quæ de proximo curant lasciuiae mercimonia , & obstrepunt pudicitiae disciplinis. Hinc illa Laconum seuera lex , cuius seruandæ curam gerebant Ephori ( supremus magistratus ) ut quotidie obirent inspectiones vestimentorum , si quid in illis fortè à decenti iustoque ornatu alienum inueniretur. <sup>d</sup> Eandem ob causam apud Syracusanos lege cautum erat , ne mulieres auro , veste floridâ , contextu purpureo vterentur , nisi quæ pudicitiam vulgassent. ne quis etiam vir superuacua veste modum excederet. Factum bonum : nam si Tertulliano credimus , pudicitia non tantum in carnis integritate , sed & cultus simplici munditie consistit. <sup>e</sup> Non nimis præclara lex illa veterum Francorum , quam totidem verbis exscribere non piguit. Hæc est :

Nemo

<sup>a</sup> Chryl. hom. in epist. ad Coloss. <sup>b</sup> Tert. l. de cultu fem.

<sup>c</sup> Sur. tom. 3. in vita illius. <sup>d</sup> Ælian. l. 14. var. hist. c. 7.

<sup>e</sup> Tert. l. de cult. fem. c. 1.



Neinō pluris vendito aut emito, quàm sagum optimum & duplum XX. solidis : simplex X. Vilnos autem minoris : Roccum Martrimum seu Lutrinum optimum XXX. solidis. Sifinusinum optimum X. solidis. Qui secus faxit XL. solidis multator, & delatori XX. solidos exfoluito.

GER. Prisca hæc sunt, & ad Euandri matrem pertinent. POL. Ergo etiam nostri sæculi vis specimen? Antuerpia Europæ oculus, inter plurimos laudum titulos, hunc quoque tulit à suo encomiastâ, qui de nobilissimâ hac vrbe : Magna, inquit, vbique maiestas oculorum, incessûs, oris, vestium : in quibus nihil quod libidinis negotium curet. nulla hîc purpura multo saturata conchylio, intexta auro, coloribus distincta; aut sanè non nisi perquam rara. Plurimum pullâ veste gaudent : & respondet innatæ morum gravitati & modestiæ. vestitus enim pudoris prænuntius est, nam mores ferè habitus prænuntiat. gravitatem ergo hic & quamdam maturitatem sapit. nihil leue, nihil quod matronalem, nihil quod virginalē pudicitiam dedeceat. Itaque honestatis exempla non desunt, sed imitatores.

a Carolus Scribanus in Antuerp. tit. 5.

### §. III.

Tertia causâ, dispendium temporis, quod corporis cultum sequitur. Notum illud Comici : Dum moliuntur, dum comuntur, annus est. Sanctus Nonnus Heliopolitanus Præful, cùm videret Pelagiam, mulierem vulgarem ad vnguem vndequaque geminis & auro cultissimam, fortè tum transeuntem, in eius contemplatione aliquantulum oculis defixus, dein ad circumstantes versus : Et quot, inquit, horas putatis hæc mulier expendit, dum se in cubiculo comit, lauat, vngit, componit, ornat, dum se omnium oculis quàm exactissimè polit? & nos quantillum temporis neque id siquē nausæ, insumimus, vt Deo placeamus? Cum dicto in lacrimas & preces solutus est. Et certè à Deo hoc impetrauit, vt Pelagia ex impurâ, in castam & pudicam mutata, longè aliter finierit quàm cœperit, vitæque pessimæ clausulam optimam apposuerit.

O temporis iacturam irreuocabilem! quanti horulam emerent vel vnicam ad inferos deiecti? & nos tot horas optimas prodigentiâ pessimâ perdimus magis quàm viuimus. Bernardi querela est æquissima : Tempore nihil esse pretiosius, sed eo nihil aut vilius haberi, aut peius expendi. Transeunt, inquit, dies salutis, & nemo

recogitat : nemo sibi non reditura momenta perisse caussatur. *a*  
 Cum re verâ tamen dispendium temporis vel modicum, damnum  
 sit grauissimum, damnum irreparabile, nec vlllo auro reconcinnan-  
 dum. Crede mihi, Gerarde, si cultus corporis aliud malum non  
 inureret, nisi hanc temporis amissionem nullo censu sat æstiman-  
 dam, dignus esset vtique quem modis omnibus detestaremur.  
 Thomas Morus, ille martyrum æmulus & Angliæ gemina, litte-  
 ris & pietate clarissimus vir dicere solebat : *Quam plurimos in hac vi-*  
*tâ eo labore infernum mercari, cussus vel dimidio calum lucrati fuissent.* *b*  
 Cùmque hic ipse vir sanctus interueniret virgini ad speculum stan-  
 ti, quæ multo cum labore, nec sine dolore comas nodo cogebat,  
 & tunicam, quò gracilior videretur, arctissimè stringebat, tam fe-  
 stiue quàm sapienter interpellans : *Nisi Deus*, inquit, *tibi pro hoc tuo*  
*tanto labore infernum reddat, magnam tibi profectò iniuriam faciet.* Ita  
 est; hi tales labores malo otio peiores sunt, nam & temporis pre-  
 tium auferunt, & pestem afferunt non vnius vitij.

Alexandriam contenderat Pambus *c* eremita, ab Athanasio  
 Episcopo accitus : occurrit in viâ mulier sumptuosius ac delicatius  
 ornata, quæ omnium oculos in sui spectaculum flexerat. Hanc vt  
 Pambus tacito stupore conspexit, attonito similis hæsit, vt Non-  
 nus, & protinus in lacrimas ijt. Rogantibus socijs, quid hæ lacri-  
 mæ sibi velint? duplex mihi caussa flendi, respondit : vna, quòd  
 videam hanc mulierem sibi alijsque exitio esse : altera, quòd ego  
 ah neutiquam tantum studij ac curæ adhibeam, vt mihi prosim &  
 Deo placeam, quantum femina illa, vt sibi obsit & Deo displiceat. *d*  
 Certè hoc paullò aliquid supra dementiæ malum est, fatigari in su-  
 am perniciem. Apage sis hunc impium laborem, si non possim  
 corpus colere, nisi velim tempus perdere.

*a* Bern. in Euang. Ecce nos reliquimus omnia &c. multum ante finem.

*b* Stapleton. in vita Mor. c. 12    *c* Alij; Pammon.

*d* Rufin. Aquil. apud Rosvveid. num. 164.

#### §. IV.

Quarta caussa: Cultus corporis non alium vllum aut fructum  
 quærit aut finem respicit, quàm *vanam gloriam*. Sæpe plus expen-  
 dimus vt oculos pascamus quàm vt ventrem. Verissimè Seneca :  
 Non sunt, inquit, homines ad popinam dentibus, & ventre, &  
 ore contenti, oculis quoque gulosi sunt. *a* Nec ille inscitè dixit :  
 Mundum esse animal mirabile, quod maiores habeat oculos  
 quàm ventrem. Ergo, vt os hominum meramur, oculis placere  
 cupi-

*a* Sen. Nat. qq. l. 3, c. 18.



eupinus, & vt laudatores habeamus, spectatores ambius, & tum demum operæ pretium fecisse credimus, cū voces illas audimus: En, quā scitē, quā eleganter, quā venustē vestitus est! en hominem ad omnem gratiam excultum! Nimirum tanti est Deum, lædere, vt ab homine lauderis. quā vnā re vti nihil in se vanius, ita diuinæ legi, & Christianæ disciplinæ nil repugnantius. Meo iudicio liberalissimè desipit, qui ob cultiores vestes vult aut ditior, aut doctior, aut ceteris dignior videri, quasi verò equum phaleræ faciant generosum? aut quasi verò interior domus idē speciosa sit, quòd foris magnificā se specie ostendet? Helenam olim pingebat vnus aliquis ē tironibus Apellis, eāque picturam auro liberaliūs quā artis erat obdlexerat: vidit hoc magister, & istud pingendi compendium minimè probans: O adolescens, inquit, cū non posses pingere pulchram, pinxisti diuitem. Tales sunt qui ab exteriore corporis cultu formam sibi quærunt, & nescio quod nomen vel auctoritatis splendorem venantur, simillimi templis Ægyptijs, de quibus eruditē Clemens Alexandrinus: Apud Ægyptios, inquit, templa, porticus, vestibula ac luci magnificè instructi, & atria multis columnis cincta sunt. Parietes autem lapidibus externis & artificiosè depictis resplendent, ita vt nihil desit. Ædes enim auro, argento & electo collucēt, & ex Indiā ac Æthiopiā varijs fulgentibus lapillis: adyta verò intextis auro adumbrātur peplis. Sed si penetralia templi ambitus subieris, & ad eius quod præstantius est, spectaculū properans, imaginem quē templum habitat, quæsieris, non inuenietur Deus qui quærebatur & expectabatur sub tanto apparatu, sed felis, vel crocodilus, vel serpens indigena, vel aliqua eiusmodi bellua, quæ templo quidem est indigna, sed antro speluncæ, ac cæno magis congruit. <sup>a</sup> Ita corpus nostrum, velut templum, variam sibi venustatem adsciscit à crine, à pigmentis, à veste, filix eorum compositæ, circumornatæ vt similitudo templi. <sup>b</sup> En templum, sed Deum intus quære huius ædis incolam, & reperiēs animum ignorantem, indoctum, rudem, pusillum, abiectum, sordidum, impurum: en crocodilum, en felem, en colubrum in cultissimā domo habitantem. Vir magnus & eruditus (nuperrimè mihi narratum) iuuenem cetera cultissimum, sed indoctum & Romani sermonis penitus ignarum, latinè instituit examinare. hīc misero nec vox erat nec sensus. Cum cantharo & poculis loqui didicerat bonus iuuenis, non cum viris doctis: Bacchum nouerat & Cupidinem, non

Musas, ita vel pisce magis mutus stabat, & ne omnino feriretur, terram pede terebat. Vbi hominem vir ille doctus tam amufum vidit: pulchra est, inquit, bestia; sed dolendum, eam nil didicisse quàm superbire. De hoc tali homine verissimè dixeris: ô pulchram statuam, modò ei cerebrum non deesset! ô plumbeum gladium in aureâ vaginâ! ô elegans templum, sed in quo Ignorantia pro Deâ colitur!

Innocentius Pontifex hoc ipsum sapienter adstruens: Quid, inquit, aliud est pretiosior ornatus, quàm sepulchrum foris dealbatum, intus spurcitia. <sup>a</sup> Cræsus rex Lydiæ regiè ornatus, sublimi folio residens, Solonem interrogavit, an pulchrius vnquam spectaculum vidisset? Vidi, respondit, in gallis gallinaceis, phasianis, atque pauonibus. <sup>b</sup> Certè pauones sumus; spectari volumus, & ab hoc spectaculo quod alijs præbemus, laudari. Xantippe olim, Socratis vxor, lautius se vestierat. à marito caussam eius rei interrogata, respondit se spectatum prodituram. ô mea coniux, inquit ille, non vt spectes, sed vt specteris, sic vestiris. Vanitas vanitatum, dixit Ecclesiastes (ostenduntur enim istæ res, non possidentur, & dum placent, transeunt) vanitas vanitatum, & omnia vanitas. <sup>c</sup> Ecquid vanius ijs hominibus, qui quò meliorem habent togam, eò sibi meliores & ipsi videntur. quâ vnâ in re bis errant. neque enim minus falluntur quòd meliorem putent togam suam quàm quòd se: Cur enim si vestis vsum spectes, tenuioris filii lana præstat crassiori? At illi tamen tanquam naturâ non honore præcellant, attollunt cristas, & sibi plus pretij credunt accedere ab ornatu, honorémque quem vilius vestiri sperare non essent ausi, elegantiori togæ, velut iure suo exigunt, & prætermissi negligentius, indignantur. <sup>d</sup> Vanitas vanitatum! Et hanc Anglus quipiam non è plebe, tam festiuè quàm opportunè oculis subiecit. Londini in Angliæ metropoli moris est, vt ciues primarij, præsertim exdecuriones, statis diebus apud Prætorem vrbs prandeant, etiam inuocati. Ad has ergo Prætoris ædes, ciuis honestè quidem, sed non delicatè vestitus venit, cum ceteris pransurus. Verùm à ianitore, velut è cætu indignus, repulsam tulit. Ille caussam erroris facile addiuinans, domum redijt, vestem mutauit, structius processit, & priorem aditum denuò tentauit. Iam notus, iam gratus hospes admittitur, accumbit, prandet. Prandio iam expirante, & ceteris gratiarum actionem parantibus, ille togam sibi detractam imponit mentæ, & obseruan-

a Lib. de vilit. condit. hum.

tiâ

b. Laert. l. de vit. Phil. c. 2. c Ecclesi. c. 1, v. 2. d Th. Morus Vtop. l. 2.



tiâ singulari venerabundus, suæ vesti ob prandium illud gratias agit amplissimas. Alijs insolentiam facti mirantibus, sui consilij rationem memoravit cum risu & applausu omnium. Vanitas vanitatum! quæ nos gloriæ sed vanæ, sed stultæ facit mancipia. Pulchre Chrysostomus: Gloriantur, inquit, in re quam vermes & gignunt, & perdunt. <sup>a</sup> Nosti, Gerarde, aues in nuptijs Aquilæ indignissimè tulisse, vpupam auem pastu aliàs obscœnam, tamen ob versicolores pennas & plicatilem cristam ceteris præferri. Non minus stultum est laudare vel honorare quempiam, ob vestem potiùs aut formam, quàm virtutem. Hinc ille, <sup>b</sup> non immeritò in suas ipse vestes sæuijt, quamuis ridiculâ crudelitate. Expertus is fuerat sibi in obsoletiore togâ ad forum descendenti, honorem illum minimè deferri, qui tamen in nitidâ veste prodeunti, magno ceremoniarum apparatu deferrebat ab omnibus. Idcirco cùm è publico domum redijt, vestem humi abiectam pedibus calcans: Esne tu honoratus ille vir, inquit, an ego? tibine honor iste tribuitur, an mihi? Vanitas vanitatum, & omnia vanitas.

<sup>a</sup> Chrys.hom.3. in epist. 1. ad Tim. <sup>b</sup> Germannus Buschius.

## §. V.

Causa quinta: Vestium luxus & numos dissipat, & rem domesticam frangit. Pecuniæ comparcere difficile est, vbi tam multiplex imperium iubet effundere. Crumena sæpius hiet necesse est, vbi corpus studiosius ornari captum est. Iam hoc iam illud deest, aut certè deesse fingitur, modò istud, modò aliud argento pensandum. Res tam nota quàm mira est, neminem egenum esse, cùm superbiæ negotium agitur. Petunt pauperes? non suppetunt numi. Corpus ornari postulat? iam abundamus. Opem pecuniariam rogant amici? iam pridem ipsi egemus. Nova vestis commetienda est? iam turget marsupium. Opificibus merces soluenda est? differri hoc potest in aliud tempus. Nouum collarium genus repertum? simile quàm primùm conficiatur. Necessarium quid domesticis emendum? expectent; pecunia deficit. Nuperus & nouitius corpori cultus parandus? paretur; superest loculis quod dent. Ita paupertatem nunquam penitus odimus, quàm cùm vestium nitori aduersum it. Tunc opulenti sumus, cùm sumptus faciendi in corporis lenocinium. Iure Bernardus queritur: Inueniunt curiosi quo delectentur, & non inueniunt miseri quo sustententur; cum periculo animæ acqui-

runt, vnde oculos hominum delectent. Neque hîc formidamus nomina facere, & æs alienum cogere, modo vestis splendeat, quisquis nomina expungat, aut ære alieno nos leuet. Fit quandoque vt quis in veste se iactet quam adhuc sartori & mercatori debet. neque iniuriarum agi posset qui accederet & inoneret: heus tu, hæc vestis nondum est tua, quid te in alienâ vendis? tuus creditor suam appellat. Et quàm turpe est corniculæ plumis non suis superbire? Sed ea est libido quorundam sumptuose se vestiendi, vt nullas expensas seu suas seu alienas vereantur. Hinc monstra illa & prodigia: Nero nullam vestem bis induit: Heliogabalus gemmas ab optimis artificibus sculptas in calceamentis ferebat, quæ nunquam iterabat; sed nec linteamen lotum vnquam attigit, mendicos dicens qui lotis vterentur. Nec nostro æuo talium monstrorum inopia est. Gualterus Raiolæus ille apud Anglicanam Cleopatram nimis graciosus homo, visus est in aulâ crepidas gestare ita gemmis distinctas, vt 6600. *hoc est*, sex millium sexcentorum aureorum & amplius æstimarentur. Ante annos non adeò multos, cùm feminarum firmata etiamnum in vsu essent, sed minimè laudabili, Comitissa quædam in materiam vnius huiusce firmatis, florenorum duo milia & quingentos, opifici verò in inanupretium & pro opere faciendo centum quinquaginta florenos numerauit liberali manu. Sunt, quibus fortunas omnes veste baiulare ac deterere pulchrum est, tantâ stultitiâ contemnere audent opes, qui iactant; qui gerere malunt quàm possidere. Sic aliquibus omne in ornatu patrimonium est. Et eò iam luxus vestiumque pretium excreuerunt, vt quo vestitu olim Comites, Marchiones, Duces vsi fuerunt, illo nunc noui homines & infimæ nobilitatis viri feminaque vtantur, & qui antea nobilium erat habitus, is iam plebeculæ & mechanicis vix approbetur. Hinc pretia rebus sic inflammantur, vt iam inter maximos sumptus numeretur, TEGI. Verissimè Satyricus etiam de nostro hoc æuo:

*Hic Gloria vires habitus nitor; hic aliquid plura  
Quàm satum est: interdum alienâ sumitur arcâ.  
Commune id vitium est, hic viuimus ambitiosâ  
Paupertate omnes ——— a*

Quando ergò Principes suum famulitium splendore & sumptu vestium agrè superare queunt, rectissimè sapiunt, qui sumptuosissimum hoc certamen detrectant, & quos luxu nequeunt, vincere conantur modestiâ. Olim qui mollibus vestiebantur, in domibus



Regum erant. Desierunt iam ista sæcula, alijs nunc moribus viuunt. Etiam in tabernis, tugurijs, casis sunt qui mollissimè vestiantur, quique potius sordidè & parcè cenare, quàm minùs sumptuosè vestiri velint. multi malunt malè esse, modò bene & opiparè vestiantur, adeò etiam gula inultum superatur à superbiâ. Mirum! saccus optimo tritico refertus, trioboli fune stringitur; saccus noster, corpus nostrum immunditijs plenum, non tam vestimentis quàm ornamentis sumptuosissimè vult cingi.

Vociferatur Amos Propheta: Væ vobis optimates capita populorum, ingredientés pompaticè domum Israël. « Quantis hodie clamoribus ageret vates, si cerneret quo apparatu, quantâ pompâ, non optimates solùm, sed è plebe vterque sexus in templa sese inferret. Numen suppliciter exoraturi, quantâ possunt ostentatione in ædes sacras, velut ad chorèum conueniunt; ad diuinum cultum properant, sed vt suum ostendant. Num hoc, Gerarde, mores Christianos sapit? Theophylactus velut templi custos, comptiorem feminam examinans: An saltatura, inquit, ad Ecclesiam pergis? nunquid hîc nuptias & lasciuiae oblectamenta conquiris? num vt tui spectaculum præbeas aduenisti? Non iste supplicis est habitus, accessisti vt Deum pro peccatis tuis depreceris, vt cum gemitu & lacrymis veniam petas; quid teipsam ornare improbo & in tempestiuo studio contendis? Profectò hæ curæ nec domos dilatant, nec templa ornant; illæ sumptibus exhauriuntur, hæc leuitatibus & petulantijs implentur.

a Amos. c. 6. v. 1.

## §. VI.

Causa sexta: Ostentatio hæc vestium sine modo est, nec finem inuenit. Audi obsecro musteum prorsus, recénsque prodigium. E Cæsaris nostri rebellibus, vnus aliquis Princeps (nomini parco) qui militiæ his annis occubuit, vestem sibi fieri iussit, sed eâ lege, ne similis in vllò aulicorum alio conspiceretur. Hîc iam frequens Senatus fartorum coijt; & de re omnium grauissimâ seriò, vt omnino par erat, deliberatum est. Id pro se quisque studuit in medium consulere, quod nouæ inuentionis auctorem faceret. In dicendis sententijs plurimæ vestium formæ sunt explicatæ, quæ vel arte, vel sumptu excellerent. quibus tamen hoc vnum deesse videbatur, quod non satis venustæ raritatis videri possent. Demum vnus è pedarijs his senatoribus fartor: Hoc, inquit, agamus viri, & vestem

conficiamus, quæ complurium sartorum manus fatiget: conficiendæ modus sit iste: sumamus, ait, holosericum seu purpurei, seu violacei coloris; sed hanc materiam omnem aurei teretes subtilisque funiculi sic tegant affuti, ut gratiosissimâ nouitate fallamus oculos, qui vestem holosericam, iurabunt esse auream. Omnium calculis in huius sententiam itum est. Ita pallio, thoraci, caligis, non limbos aut latiores regulas, sed ex auro funiculos assuere decretum, opere sic partito. huic quidem thorax, illi caligæ, pallium isti conficiendum celsit. sed necdum satis diuisus labor: ipsi sartorum Magistri, in alios iterum atque alios operosissimam hanc elegantiam, ita distribuerunt, ut huic pallij ala, isti thoracis manica vna, illi pars altera caligarum committeretur funiculis operienda. Exasciatum est denique venustum opus, & sanè dignum in quo tot hominum lassarentur manus. Tu iam addiuina, mi Gerarde, quot funiculorum vlnæ, in hanc vnâ vestem sint consumptæ? Sex millia vlnarum Viennensium. Et quæso, ne hoc incredibile videatur: nam miror ego numerum non fuisse grandiorem. & cogita amplissimum pallium, thoracem capaceum, & laxas caligas, quibus hi funiculi sic affuti, ut alter alteri proximus hæreret. Hinc mirè ponderosa fuit hæc vestis. neque nos tamen miramur, quòd dominum inuenerit, qui baiulus esset tam patiens: iam scimus suum sibi tormentum esse superbiam. O verè prodigium seu vestis, seu hominis qui hanc vestem dictauit, aut gestauit.

Hic dubites, quid hæc vestis sibi voluerit, an pecuniam perdere, an eius contemptum ostentare, an dominum suum onerare? Querimus nimirum non quò inuoluamur, sed quò numos proiciamus: usque adeò fortunas perdere magnum est. Ita lubet, & se & alios fallere, magnifico vestium nitore. O miseri! In paradiso inuestes viximus; ignorabat vestem innocentia; peccatum vestiuit; quid poenâ extollimur? Quàm frustra dixit Siracides: In vestitu ne glorieris vnquam. <sup>b</sup> Hæc maxima est nostra gloria, splendè vestiri. Et quis ille est, qui placendi studium per vestium decorem non quærat? à vestibus venerationem venamur, qui à virtute non possumus. Est ergo quod dixi: hæc vestium pompa & ostentatio sine modo est, & finem planè nullum inuenit. Quod præclare docuit Clemens Alexandrinus. Ebriosum esse, inquit, & vinosum, etsi sunt magna vitia, non tamen tanta, quantum est nimium

a 6000. elen glöbinder Schnürlein bey einem einzigen Alaid. Vlnæ Viennenses Monacensibus pares. b Eccl. c. 11. v. 14.



mium sui ornandi studium. Mensa plena & frequentes calices satis sunt implendam ingluuiem. Ac qui auri, purpuræ & gemmarum nimio studio tenentur, ijs nec quod super terram, nec quod sub terrâ est, aurum suffecerit. Dum ergo cupiditatis limites sibi non constituunt, in impudentiam impingunt. his enim opus est & theatro, & pompâ, & spectatorum multitudine, & errore in sacris, & diuturnâ morâ in triuijs, ut sint manifesti omnibus. Ita vitia nec finem habent nec modum, iuuâtque ludere impendijs, & lusus hos geminare, dum quotidie aliquid nouitatis sumptuosius adijcitur. Lintum aut byssum patriam pridem fastidimus, peregrinam quærimus, Belgicam aut Batavam quantouis pretio mercamur, muscus quo chirothecæ aut vestes imbuendæ, ab ultimâ Thule & terræ finibus apportetur necesse est: omnia vicina & quæ vilioris pretij sunt, sordent. Sic earum vestium summa commendatio est, quarum odor inuitet etiam aliud agentes. O Gerarde, malè olet quicquid carnem olet, etiamsi moschum oleat. Sed & hoc spectamus in cultu corporis, ut is plus artificio debeat quàm naturæ, & maius pretium sartor exigat quàm mercator, labore materiem superante. Notum virum doctum dicere solitum: à Iurisconsultis quibusdam minores sumptus fieri in libros & Iuris codices, quàm à multis feminis in mundum & concinnitudo. Finem non inuenit, & modo caret ambitiosus hic vestium cultus, qui iam olim excogitauit quâ ratione araneorum textura in amictum transiret. disertè Plinius affirmans: Telas, inquit, araneorum modò texunt, ad vestem luxumque feminarum, quæ bombycina appellatur. Telas illas raritate texturæ, & macularum peruiâ latitudine tralucidas, seu vestem Coam, cum araneorum opere confert Plinius. Sed an non hoc extra modum est, sic vestiri quasi araneos textores habueris, & eorum retia in vestem aptaris? O quantum à loricâ discessere mores, ut oneri sint etiam vestes! ô quàm commodè possemus vestiti esse sine commercio. Serum & exoticis his delicijs! Prudentius olim iure quærit & indignatur:

*Num pudet esse viros? quarunt vanissima quæque  
Quævis niteant: genuina lenes et robora soluant,  
Vellere non onium, sed Eo ex orbe petitis;  
Ramarum folijs fluitantes sumere amictus  
Gaudent, Et durum scutulis perfundere corpus:  
Additur ars, et fila herbis saturata recoctis  
Illudant varias distincto flamine formas.  
Ut quæque est lanugo serè mollissima tactu*

*Peñitur, hunc videas lascivas prapete curſe  
Venantem tunicas, aurum quoque Verſicolorum  
Indumenta novis texentem plumea telis.*

D. Hieronymus ad Lætiam de institutione filiae in eandem hanc nimiam & pellucidam mollitiem inuectus: Spernat, inquit, bombycum telas; Serum vellera, & aurum in fila lentescens. talia vestimenta paret, quibus pellatur frigus, non quibus vestita corpora nudentur. In Marcellae viduae epitaphio ad Principiam virginem: Solent enim, inquit, purpurisso & ceruſa ora depingere, sericis nitere vestibus, splendere gemmis, aurum portare ceruicibus. Nostra vidua talibus vsa est vestibus quibus arceret frigus non membra nudaret, aurum vsque ad anuli signaculum repudians. At nos plerunque omnia nostra, bona & pulchra esse malumus, quam nos ipsos & animum nostrum. Vir nobilis & opulens Aristippum philosophum in aedes suas introduxit, & circumduxit quaque versum. Varia vbique & pretiosa suppellex, summus in omni angulo nitor, & accuratissima vbique mundities. Et iam gratiae agendaerant ab eo qui sic humanè fuisset deductus: cum ecce philosophus sputum colligit, & in ipsius heri barbam iacit. Ille, quasi coniecto in se Tisiphones angue, totus in fermento esse & ardere irâ. Philosophus vt huic incendio, verborum lymphas affunderet: quæso te, inquit, ignosce; totam domum lustraui, nec angulum reperi qui immundior esset hac horrente tuâ barbâ. videbar ergo rectè facturus, si in locum domûs tuæ sordidissimum has oris sordes eijcerem. GER. Hic silentium rumpo, vel te inuito. Quanta & quam incredibilis huic philosopho fuerit audacia! POL. Longè maior est sed tectior diabolo. vaferrimus hic philosophus ex Orco, vbi in homine omnia compta videt & exulta, præterquam animum hominis, varijs eum suggestionibus conspuat, & hoc prolixè agit, vt tantò magis sordescat animus, quantò magis nitescit corpus. Erubescat ergo seipsum homo malum & turpem, inter res suas bonas & pulchras. Et sanè vestes pudori nobis sint potius quam honori. Nam vestis apertissimum signum est, primum omnium parentem fuisse furem. nisi vetitum malum è paradiso subleatum fuisset, natiuâ etiamnum pulchritudine gauderemus. Quis verò stigmaticorum, stellantem & cauterio inustam frontem in laude ponit? Neque ad claudi aut loripedis gloriam facit, ligneo pede gradi vel argenteo, cum defectûs fulcrum sit, non argumen-  
tum

a de hoc queritur Seneca l. 7. de benef. c. 9. & in Consol. ad Helu. c. 15. & epist. 90.

b Alij: Diogenem, quisquis fuerit.



tum roboris; neque est quòd scabiosus triumphet si scabiem paniculis nitidioribus velet. & quid ægrotus cataplasmatum aut medicamentorum copiâ superbit? Quid ergo nos vestes notissimi furti argumentum inter decora nostra numeramus? GER. At vestes ornant nos. POL. Hoc laudis esset, si nos illas ornaremus.

## §. VII.

Causa vltima: Iactura nominis & famæ. Nos laudem aucupamur ambitioso habitu; plerunque contra fit, & vituperium reportamus, aut in suspicionem sinistram venimus. Rex Ochozias, nuntios suos ad se redeuntes interrogauit, cur spe citius reuerterentur? At illi remissos se aiebant à viro, qui occurrerit in viâ. Institit porrò rex quærere, cuiusnam habitus esset vir ille qui occurrisset, & mox è viri veste colligens quis esset: Elias, inquit, Thesbytes est, hic ipse est. O mi Gerarde, si te viderint alij adeò comptum, & velut pumice expolitum, non te dicent Eliam, sed Thrasonem, sed pauonem, sed cultam statuam. Animum nostrum referamus ijs qui nos vident; defectus nostros aperimus spectatoribus nostris, eosque qui fortè nos frugales & sapientes censebant, errasse ostendimus. Latentis in animo vanitatis indicium est, ambitiosior corporis ornatus. quàm verò prona & facilis, post hæc indicia, suspicio? Salomon dum se tantopere in sui cultu occupat, Dei obliuiscitur, & sensum per tot corporis lenocinia ad gentium idola turpissimè defleat. Verè *dedit maculam in gloriâ suâ*, b & sapientiam stultitiâ confudit. Quando nux ante tempus corticem abiicit, intus se corruptam ostendit. Quando Christianus exteriorẽ habitum disciplinæ Christianæ congruum rejicit, hærescentis in animo vermiculi cariem prodit.

Vulgare feretrum efferendis cadaueribus assignatum, nunquam decentius vestitum cernitur, quàm cum cadauer in illo recumbit: ah multi tales, & huic feretro simillimi sunt, qui corpus suum tunc maximè ornant, cum animum letali culpâ emortuum circumgestant. In hunc talem Abacuc iam olim pronuntians: Ecce iste, inquit, coopertus est auro & argento, & omnis spiritus non est in visceribus eius. c Tam varia tamque disparia simul ex æquo curare non possumus; corpus comere, & animum excolere vix eiusdem hominis est. In nimium diuerfas curas hæc agunt, quantòque plus sollicitudinis huic impenditur, tantò plerunque minus alteri.

ita

ita dum corpus curâ & diligentia nostrâ complectimur, animum otiosi & negligentes ferè transimus: nimirum vt seruus niteat, herus in squalore est. Arca testamenti erat intus obducta auro, at foris cooperta cilicio: sit animus noster amore diuino plenus, parum interest, qualem se ostendat exterius. Cordis penetralia virtus occupet, nec anxius eris quâ veste corpus alienis oculis commendes. Commemorat Paulus probatissimos homines priscæ legis, camelorum & caprarum pelles vice vestium habuisse. <sup>a</sup> Sciebant se nudos in hunc orbem prodijisse, nec aliter discessuros.

Nescit natura diuites, inquit Ambrosius, quæ omnes pauperes generat. neque enim vestimentis induti nascimur, nec cum auro argentoque generamur. Nudos fudit in lucem egentes cibo, potu, amictu, nudos recipit terra quos edidit; nescit fines possessionum, sepulchro nos includit cespes angustus, qui & pauperi abundat & diuiti, & terra viuentis quem non cepit affectum, iam diuitem capit. <sup>b</sup> Eodem sensu Seneca: Nemo, inquit, nascitur diues: quisquis exit in lucem, visus est lacte & panno esse contentus. At ista non cogitat; alios mores sapit qui vestes lautiusculas tam prouidè quærit, atque hoc vnum agit vt placeat, sed plerunque hoc vnum minimè omnium impetrat: sæpissimè alia omnia dicuntur quàm sæpe in laudem. En, aiunt, politissimam statuam, en pauonem speciosè ingredientem; en, vestitûs insolentiam, en cultum, censu maiorem! Vnde huic homini ad hanc lautitiam tam diues crumena? tam magnificè non incederet, nisi & aliena marsupia emungeret. en ostentationem inanissimam. en pompam idoli! Et quis tandem est hic Thraso, quâ domo, quâ gente, quinam ipsius progenitores? homines è pago, rustici, gens aggrestit: ille ipse olim olus vendidit, & nares brachio absterfit, noluisse de manu eius panem accipere, nunc quantus, quàm sublimis est? Hæc illa sunt elogia, hi speciosi tituli, quibus liberalissimè afficiuntur ij qui sui statûs & ordinis rationem ignorantes, in vestitûs elegantias plus expendunt quàm laudari possit. Ita melioris notæ famam non auget, qui corporis cultui tam religiosè studet: malignas suspiciones non effugit, qui seipsum tam affectatè comit. Pulcherrima deformitatis excusatio est, vestitûs decentia & honestas.

CAP.

<sup>a</sup> Abac.c. 2.v. 19. <sup>b</sup> Hebr.c. 12.v. 37. <sup>c</sup> Ambr. tract. de Nabuchodon.



*Dictorum ratio, confirmatio, coronis.*

**G**ER. Et cur, mi Polychroni, aut vnde tam disertus es in vestitum luxum, & quidem facundiâ tam prolixâ? **POL.** In aurem tibi dicam ipsissimam veritatem: Hoc vitium multa secum trahit vitia, curiositatem, delitias, vanam gloriam, pessimam liberalitatem, temporis iacturam, & post hæc omnia, re verâ potens Libidinis fomentum est. Non venit de integrâ conscientia hoc studium placendi per decorem, quem naturaliter inuitatorem libidinis scimus. Ita Hieronymus sentit, &: Si vir, inquit, vel mulier se ornauerit, & vultus hominum ad se prouocauerit, etsi nullum inde sequatur damnum, iudicium tamen patietur, quia venenum attulit, si fuisset qui bibisset. Est ita, vt dicit: concinno vestitu alienos oculos vulnerare facillimum. **GER.** Absit hoc. **POL.** Ita loqui solemus, sed commune nobis vitium est, aliter dicere & aliter facere, vt merito idem Hieronymus moneat, aut loquendum nobis vt vestiti sumus, aut vestiendum vt loquimur. Linguâ castitatem iactamus, veste leuitatem aut impudicitiam sæpe non dissimulamus. **GER.** Modò in leges diuinas non peccemus. **POL.** Vbi politicæ calcantur, nec diuinæ in honore sunt. at politicas hîc sperni, vel oculi loquuntur. O Lex Oppia quàm dudum exulas! O leges vestiarie tot urbium & prouinciarum, quàm dudum expirastis! iam pridem nullos limites patiuntur effusissimi sumptus in vestium pompam. Et quos te, Gerarde, dic quæ biblia docent cineres serico velandos, cænum auro tingendum, finetum purpurâ operiendum? & an non corpus nostrum cinis, cænum, finetum? Cur istud, mi homo, sic operis, sic comis? subter te sternetur tinea, & operimentum tuum erunt vermes. b Pulchrè Ambrosius: Audi, inquit, omnes nascimur nudi & morimur: nulla distinctio inter cadauera mortuorum, nisi fortè quia grauius fatent corpora diuitum distenta luxurie.

Voluit bonus Deus, spiritum hominis, velut diuinæ particulam auræ, & sui simulacrum nullo pretio sat æstimandum, nihilominus vili sacco corporis abscondere: cui iam verosimile videatur, opificem hunc voluisse, corpus quod vilissimum est, pretioso tegmine inuolui, qui spiritû inæstimabilis pretij tam vili tegumento circumscriptus? Et cur ipse Deus protoplastis pelles in vestem dedit, si nos

a Hier. ad Nepot. b Ilc. 14. v. 11.

auro & geminis vestiri voluit? Aut igitur miserabili virtutis inſcitia laboramus, aut infaniam hilarem insanimus.

§. I.

Quæſijt nuper è Dionyſio cognato meo quiſpiam, quos ille in ſtultorum nauigio primâ ſede putaret honorandos? Hæſit non-nihil Dionyſius ad ſubitam quæſtionem, & res hæc, inquit, mul-tæ cogitationis eſt. At tu luce craſtinâ redi, & reſponſum à me au-feres: interim ego ſenatum in animum aduocabo, vt ſuis inome-tis quæſtio tam ſeria ponderetur. Redijt alter poſtero manè, & an reſponſum, inquit, reperifti meæ quæſtioni? Cui meus cognatus: Reperi, ait, & vt ſcias ſecretâ æſtimatione rem probè penſiculaui, demum hoc ſtatui: In ſtultorum triremi primos omnino videri aut primis proximos, qui à veſtium luxu magnum ſibi ornamentum crederent accedere. Cùmque alter eiufmodi reſponſionis ratio-nem ſibi non liquere dixiſſet, ſubiecit cognatus meus: tu ergo vide quid fieri dementitus poſſit, quàm operimenta, quæ dedecoris noſtri & infamiæ, à primis parentibus contractæ, certa ſunt indi-cia, in laudem & ornatum velle trahere? niſi verò tu dicas nebulo-nem numellis, aut furem ortari fune? Addo: cùm à lapſu proto-plaſti, libido & omnis generis foedæ concupiſcentiæ in membris noſtris iam antè nimium quantum exardeſcant, nos infami huic incendio pabulum inſuper ſufficimus, & ardenti catmino prælargè oleum affundimus; colimus & comimus nos, & ſic cultos comp-ròſque mutuis aspectibus propinamus, vt ſi fortè ſopita dormiat laſcinia, ad has illecebras reuiuifcat. Memini, etſi nondum ſenex, cùm non tantum corpora, ſed & veſtes ipſæ honeſtiſſimè tegeren-tur: Viri ſuas promiſſiore nigro pallio, ſuas matronæ nigrâ & per-totum corpus deſſuente pallâ tegebant. At nunc tantum abeſt vt veſtes tegantur, vt pænè etiam detegantur corpora, & initium ali-cubi iam factum eſt, ritu planè non Germano, ſed extero & inue-recundo. Non ſatis eſt pompaticæ oſtentationis curioſitatem, omnem oculis ingerere, iam etiam, quæ olim velata, nudamus, & paullatim pectus aperimus. quod quid aliud eſt quàm pudicitiam aperto Marte oppugnare? Quid hoc aliud quàm irritare cupidita-tes hominum iam antè incitatas? an non hoc nobile ſpecimen eſt flagitiſæ ſtultitiæ, & quæ primas mereatur? Quicquid dicas; hæc in veſte lenocinia non ſunt pudoris tegumenta, ſed irritamenta li-bidinis. Luculenta hæc eſt & manifeſtaria infania. ad mortem  
damnati



damnati sumus omnes, capitis supplicium nemini non impendet, ex quo natus est: iam ducimur, in viâ iam sumus ad supremum exitum, & tamen etiamnum de curiosiore cultu solliciti sumus! Et quàm illud solers sed grandis stultitia est, domum quæ iam vitium facit & ruinas minatur, foris magno sumptu depingere, intus nil opitulari ruituræ. Quid corpus, ruinosum hoc tugurium tam exquisito vestium nitore, tot pigmentis obducimus? iam ad ruinam inclinat; brue abijcietur in tumbam, terrâ obruendum. Cyprianus obiecturo hîc occurrens: At locupletem, inquit, te dicis & diuitem; & vtendum putas ijs quæ possidere te Deus voluit. vtere, sed ad res salutare: vtere, sed ad bonas artes: vtere, sed ad illa quæ Deus præcepit, quæ Dominus ostendit. Diuitem te sentiant indigentes. Patrimonium tuum Deo scænera, Christum ciba; com-menda illic thesauros tuos, vbi fur nullus effodiat, quò nullus insidiarius grassator irtumpat. <sup>a</sup>

<sup>a</sup> Cypr. l. de discipl. & hab. virg.

## §. II.

Vix credi potest, quantum post Apostolos viri doctissimi, Apostolorum imitatores laborarint, vt Christianos quâ cultum corporis, in modestiæ officio continerent, præsertim cum idololatræ in eos qui neglectioris habitûs erant, variè iocarentur & dicteria spargerent, vti diuus Hieronymus commemorat, cuius verba hæc sunt: si tunica non canduerit, statim illud è triuio: Impostor, aut Græcus est. <sup>a</sup> Laborandum ergo fuit ne Christiani vitandis his conuicijs, corpus potius excolerent quàm mores. Hinc Tertullianus de cultu feminarum, Cyprianus de habitu virginum scripsit; hinc Ambrosius, Hieronymus aliisque complures ad hanc ipsam in cultu corporis modestiam grauitè cohortati sunt. Sed ante hos omnes Iustinus martyr iam olim in eas declamat, quæ arte dolosâ tentarent quod feminis Christianis esset interdictum, atque has ita obiurgat: Vsu venit quibusdam seipsas fallentibus, vt cum apertè vultum pigmentis fingere non audeant, arte id faciant. Nam in vnam aut oleum facie inclinâtâ despicientes de seipsis iudicant, an aduersus castitatem belligerare possint. <sup>b</sup> E quibus facile est scire, Christianas pudicas feminas nec speculo quidem licenter vti solitas, cum eæ, quas Iustinus perstringit, legem eluderent arte. Nec dissentit Tertullianus, qui eas pudicitæ nundinatrices nominat (supra exposui) quæ consilium formæ à speculo pe-

u

tant

<sup>a</sup> Hier. ad Marcell. epist. 13. <sup>b</sup> Iust. ad Seren. de vit. Christian.

tunt. Et quæso quid Numinis & naturæ ordinem inuertimus? Cur seruum ornamus ad speculum comimus, & delitijs pascimus, dum herus & Imperator fœdâ macie tabescit? Bernardo, magna abusio est, & nimis magna, dominam ancillari, & ancillam dominari. Apud Romanos olim statim dies Saturnalium erant, quibus per ludum & iocum, ius herile serui occupabant: At nos Christi Saturnalia totis annis agimus, & corpus mancipium, supra dominum extollimus, ut & de nobis verum sit, quod Ecclesiastes notans: *Vidi seruos, inquit, in equis & principes ambulantes super terram quasi seruos.* *b* Incredibile dictum est quàm acriter pœnitentiæ studio, quantis oculorum fontibus, illud viduarum decus Romana Paula, hanc in se culpam expugnari, monita namque, parceret oculis, neue illos effleret, respondit: Turpanda est facies, quam contra Dei præceptum purpuris, & ceruisâ, & stibio sæpe depinxi; affligendum est corpus, quod multis vacauit delitijs; longus risus perpeti compensandus est fletu; mollia linteamina, & serica, & pretiosa, asperitate cilicij commutanda: quæ viro & sæculo placui, nunc Christo placere contendô. *c*

Eiusdem animi fuit Edildrida Anglorum Regis filia. Hæc, extremâ ætate sacrarum virginum antistita, è collitumore magnos dolores capiebat, quos non tantum moderatè & placidè, sed & egregiâ animi alacritate, & voluntate summâ tolerans, dicere solebat: Rectè omnino mecum agitur, rectissimè: quibus membris delinquimus, his punimur. Memini me iuenculam superuacua monilium pondera gestasse collo, iure igitur pœnas expendit sui peccati collum. Tuum hoc, ô mi Deus, beneficium austerum quidem est, sed saluberrimum: Animi pharimaca sunt, tua, mi *Is v* vulnera: his plagis docemur modestiam.

*a* Tert. de cult. fem. c. 8. lib. de virg. vetand. c. 12. *b* Eccles. 10. v. 7.

*c* Hieron. in epitaph. S. Paulæ.

### §. III.

Thomas Morus, fidus illud Anglicum, ille supremus Regis Henrici Cancellarius, tantò maiorem meretur laudem, quantò minorem ipse curam sui corporis gessit. Sileo, in mensâ eum vno tantum cibi genere, quod ut plurimum bubula caro fuerat, vesci solitum. Vestis ei simplex, & tunc solum serica, cum publici magistratus officium cogeret. Vnâ eademque semper utebatur, nisi cum famulus mutandam moneret diceretque: here, hodie curiam ingredimur; paullo melior vestis sumenda. Ita herilis habitus arbitrium



trium omne peres famulinerat, qui calceos, caligas, aliâque in hunc usum necessaria præstinebat. Hunc eâ de causâ *tutorem* suum solebat vocare Morus, cûmque die aliquo calceis admodum attritis & pænè pertusis prodiret, monitus est, veteres soleas novis emutaret: Et tu, inquit, meum tutorem roga, alios mihi emat. Denique in his quæ corporis curam cultûmque attinebant: maluit vir illustrissimus, religiosorum hominum more, alienis imperijs parere, quàm suo nutu agere, siue ut animus excelsissimus ad hæc tam minuta non devocaretur, siue ut principem hominis Christiani virtutē, submissionem & modestiam insignius in se exprimeret. Verè, nusquam in minore pompâ magnæ virtutes, quàm hîc habitarent. Saxoniæ Dux Guilielmus, honesti habitûs amantissimus; in aulicâ familiâ hominem habuit vetustæ stirpis, sed mentis vanæ, & qui novitio ritu, prout nunc verè mos est, vestem gerebat. Hunc affatus princeps: quæso te, inquit, ne recuses mihi gratificari: sartorem adi, & ex optimo panno vestiri te iube meo sumptu, sed morte meo, & scissas has vestes deponere. At ille aliquantulum præceps & biliosus: & cûr, inquit, illustrissime princeps, non meo me arbitrio vestiam? Et cur, subiungit dux, non meo te arbitrio aulâ submoueam? Atque mox missione datâ, alium sibi Dominum iussus est quærere. Non iniquum imperium, & ad priscei æui modestiam attemperatum. Certè & Lacedæmonij hospitem Milesium, in vestitu sumptuosiore, quàm pro Spartana consuetudine, iusserunt civitate excedere, & domi suæ, aut ubi demum vellent, modò extra urbem suam, Milesiam exercere. Augustus etiam Cæsar habitum vestitûmque pristinum reducere studuit. Ac visâ pro concione pullatorum turbâ indignabundus & clamitans: En, ait, Romanos rerum Dominos gentemque togatam! Itaque negotium ædilibus dedit, ne quem posthac paterentur in foro circûvenire nisi positis lacernis, togatum consilere. Optima pudicitie custodia, vestitûs honestas.

Epiætetus, philosophorum longè clarissimus, & pænè dixerim, Christianus, eleganter prorsus cum iuvene confabulatus: O adolescens, inquit, quem vis pulchrum facere? Cognosce prius quis sis; ac tum te ornato. Homo es, hoc est, animal mortale, quod vis cum ratione utitur. Ratio verò quid est? quod naturæ sit congruenter ac perfectè. quid ergo eximium habes? Animal? Non Mortale? Non. Vti visis? Non. Rationem habes eximiâ, hanc ornato & expolito; comam verò relinquito ei qui illam finxit, ut ipse

voluit. *Et ad capitis finem.* Sed vide quid Socrates dicat omnium pulcherrimo & elegantissimo Alcibiadi: Dato, inquit, operam ut formosus sis. Quid ei dicit: finge comam tuam, velli tuæ nitorem adde? Absit. Sed ornato voluntatem tuam, malas opiniones abijce. *a* In hanc Epicteti sententiam præclare dixit Iulianus Imperator: Turpe esse sapienti, cum animum habeat, captare laudes ex corpore. Quod si tantopere sericum, pigmenta, byssum, purpuram amemus, Tertullianum sequamur, qui, quâ ratione hæc in laudem venire possint, ingenuè docens: Vestite, inquit, vos serico probitatis, byssino sanctitatis, purpurâ pudicitiae, taliter pigmentati Deum habebitis amatorem. Nec est quod quis addubitet nitidas & numerosas vestes, ad animi profectum & ad cultum virtutis parum facere. Certum est enim vanitatis aut infirmitatis argumentum, *pluribus indigere.* Prorsus ad viuendum velut ad natandum, is melior, qui onere liberior. *b* Cui pulchrum est corpus, & animam mala, bonam habet nauim, sed malum gubernatorem.

*a* Epict. l. 3. dissert. c. 1. *b* Madauren. l. 1. Apol.

#### §. IV.

Sed vitij facile fucum inuenimus, vel quod peius est, ea quoque importuno patrocinio tueri non dubitamus. Passim responderi audias, diues sum, nobilis sum, in magistratu sum; sponsus, conuiua, paranympus sum, sum iuuenis. Quisquis demum sis, mi iuuenis, homo es, lutum es; & ad te mihi nunc potissimum sermo, nec indignaberis, si cum prisco pedestri Satyrico *a* pauca ex te quæram: Dic quæso, quò spectant flexæ pectine comæ? melius flectitur peruicacia: quò facies medicamine attrita? animus magis indiget: quo crines in fronte refugi, & in altum erecti? mens erigitur rectius: quid facit gemma in articulo? si nescis, in scriptis pulchriores sunt geminæ quàm in digitis: quid tot fasciæ pedes implicant? facilius ferrent suum truncum absque his impedimentis. Aspice mihi mendiculum disparibus & malè confarcinatis centunculis semiamictû, & purulentam manum ad excipiendam stipem porrigentem. squalent horrentque comæ, sine nitore vultus est, extant nuda & sole perusta membra; an ideò illum ex hominum cætu exturbabis, velut extremum busti cadauer, velut primum vitæ dedecus, solum Orci fastidium? Flecte oculos ad longa retro sæcula; primus homo inuestis & nudus stetit suo figulo, imò nudus non fuit, nam satis tectus est quem tegit innocentia. deinde sit nudus qui in ponte

*a* Arbitro.

mendicat,



mendicat, an nescis tales nec à decem quidem palæstritis spoliari posse, & sæpe tantò minus vitiorum habere, quantò minus numorum. Ade, pares omnes nasci, pares mori, licet quod temporis intercurrit, in illis purpura fulgeat, gemma niteat, aurum splendeat, alios vix trita tegat lacerna. Nemo tamen tam nudus fuit, tam vilibus tectus, quàm cùm nasceretur; illud momentum æquavit omnes. de morte quid dicam? Omnium idem exitus & idem domicilium. Corpus hoc sub quacunque purpurâ sudauerit, arescet in puluere; sub quacunque gemmâ suspirauerit, tenuabitur in cinerem; sub quocunque odore fragrauerit, in nidorem pudorémque laxabitur. Nunc ergo beatos censebis illos qui gemmâ bibunt, qui in ostro dormiunt, in argenteâ spondâ recumbunt, qui manus auro, ceruicem monilibus onerant, qui delectantur catenis & vinculis, dum in modò auro ligentur; nec putant onera esse si pretiosa sint, neque vincula esse putant, si in his thesauri corruscant: Apud quos & gemmæ sua habent pondera, & vestes sua habent frigora; qui in geminis sudant, in sericis algent: hos tu beatos dixeris? nil horum exterret mortem. tam certâ manu hos rapit, quàm infimæ fortunæ mendiculos. Mors nec blandiri didicit, nec blanditias admittere.

## §. V.

I, nunc conuerte calamistro crines, vultum vnguentis enubila, byssinis & hyacinthinis lænis corpus amici, ventos balsaminos post te trahe, & quaquà incedis, vias imple, idem tamen gurgustiolum fortieris, quod hominum postremissimi. Sepulchra eorum, domus illorum in æternum. <sup>a</sup> Specus subterranea, ad corporis modulum angustissima, breuî tuum palatium erit. Et scîsne, mi iuuenis, quam bestiam ita colas comâsque, cùm corpus colis comâsque? quale in oculis vix feras, foedum serpentem. Nam audi Plutarchum & Plinium, quorum iste affirmatè docet è medullâ quæ tergi spinâ clauditur in homine, serpentem enasci. Attende sis, caput integrum è Plinio recitabo. GER. Modò non longuin sit. POL. En iterum dolo te cepi. Hæc nostra legendi & audiendi patientia est: sæpe nauseamus, & damnamus antequam audire vel legere incipiamus. GER. Audio, mi Polychroni, audio, tu tantum recita. POL. vix sunt viginti vocolæ; sic Plinius loquitur. <sup>b</sup> Anguem ex medullâ hominis spinæ gigni, accepimus à multis. pleraque enim occultâ & cæcâ origine proueniunt, etiam in quadrupedum genere. Hoc totum caput est, & dignum scitu. Plutarchus verò in vitâ Cleome-

nis hæc habet: Cùm comperisset Ptolomæus, Cleomenem suâ ipsius violentâ manu trucidatum, cadauer detractâ pelle in crucein sustolli iussit, & cum curâ custodiri. Ponuntur aliquot dies in hac custodiâ, animaduertunt tandem milites circa suspensi caput, miræ magnitudinis serpentem repere, & saginam sibi ex adesis artibus instruere. Incelsit regi Ptolomæo trepidatio, & cum eâ quoque superstitione, ne fortassis innocentem & humanâ sorte maiorem in furcam extulerit. Alexandrini quoque ad supplicij locum confluent, & viperam illam per cadaueris caulas (ut loquitur Lucretius) liberè vagantem, curiosè spectant, Cleomenem heroem appellant, & Deorum filium. sed erepta illis hæc mens est ab eruditis aliquot viris, qui liquidò docuerunt, è putrescente boue apes, ex equo vespas, ex asino scarabæos, ex hominis medullâ serpentes progigni. En quantos thesauros vestes contegant: an non meritis pretiosæ sint, quæ semen tam pretiosum, nempe viperinum conuelant. Plutarcho & Plinio fidem vix negabis: sed alium doctorem & recentiorem.

#### §. VI.

Buit hoc nostro æuo nobilissimus iuuenis, & qui Hyacinthus aliquis, aut Damocles haberi poterat, ob eximiam oris venustatem. At cùm moriendum est, eximius nullus est: neque illè iuuenum formosissimus cæcum furorem mortis tam eleganti & luculento vultu à se abstulit; moriendum fuit. Hic locus induciarum nullus est. Venit ergo ad extrema in ipso ætatis flore, & dum nasceretur hæc rosa, consenuit: Adfunt cognati, lectum sepiunt, diuersa plorant, precantur multa, illud tamen maximè, uti posteris vultus sui vel sic exhausti & pallèscents effigiem velit non inuidere. ita rogant omnes, hoc sibi monumentum relinquere non grauetur.

Surdus est æger ad has preces (ut olim ad similes fuisse dicitur Agesilaus) hoc solum illis annuit, ut plusquam plusculos dies cum matre suâ Terrâ fuerit, sepulchrum aperirent, & eam quam tum reperirent formam, penicillo excipere ac depingi curarent. Maluissent equidem cognati obsecrationem suam non repudiari, pondus tamen & momentum habuit apud illos hæc iuuenis iussio quæ extrema. Faciunt ergo ut iussit, extinctum terræ inhumant, certosque dies, uti edixerat, expectant. Tandem vnam pandunt, sed heu quàm foedè mutatum offendunt! Illam paulò antè venustissimam faciem certatim vermes lacerant, diaphragma seu dorsi spi-



nam aliquot serpentes occupant; macellum dixisses è quo carnes emerent esurientes colubri. Horrent consanguinei tanquam ad reuelatam Persei parmam, & pænè lapideo frigore obrigescent, nec iam vel oculis vel naribus viciniore esse sustinent, & quia id morienti datis dextris promiserant, fidem verentur fallere. Pictorem ergo adducunt qui iuuenem non iuuenem sed sepulchralem laruam depingat. Extat adhuc hodie in illustri Germaniæ loco lacrimanda hæc effigies, quæ vt ætatem ferret, saxo etiam incisa est.

Etiannum dubitamus, cui impendamus seruitium & cultum, cum corpus colimus? Sed amor corporis ad illam subinde dementiam excrescit, vt malimus perire, quàm non seruire corpori. Et vt lignum occulta teredo consumit, sic animum viciat paullatim & exedit ignaua & se vnam contemplans luxuries. Hinc ad insaniam concupiscimus, quidquid corpori placet. Apud plerosque tandem piaculi loco est, corpori non in omnibus obsequi.

Sed antequam tertiam hanc vesperam claudamus, alter in alterius sinum, Gerarde, suauiter & candidè rem magnam confabulemur.

Ecquis est hodie, obsecro, qui cum insanientibus, non dico, insaniat, sed non insanierit aliquando? Contemplare mihi hominem non exquisitissimè cultum, quantum tamen etiam iste in cultu exhibet inaniarum. Vide pileum è pilo canis Pontici, vnà cum pilei cingulo sexcenties iam mutato: vide comam curiosè structam, barbam in peregrinos ritus attonsam, neque hîc tamen vlla constantia: collare, oculorum fabula, innumeris gaudet mutationibus, hoc solo venustum, quod nunquam idem, quod varium semper & mutabile: thorax suam patriam ignorat, nam in pluribus prouincijs domi est: caligæ toties in nouam formam transeunt, quoties hero suo delirare lubet. Et quid tibi, quæso, de ligulis videtur, quarum totus exercitus caligis illudit mirâ ridiculæ elegantiae vanitate. Ligularum harum ea lex est, vt solutæ caligis inuolitent, non adstrictæ. An hos tales, non dicas pueros, solutis ligulis iam paratos, ad excipiendam betulam? Alicubi his caligarum ligulis præfigunt aurum, vt fures escam habeant cui insidientur: tintinnabula ijs commodissimè appenderentur, ad conuocandos spectatores. Gerarde, fateor, improbum votum hîc mentem subit. Velim vrbes illas plenas esse furibus, sed qui tantum has auro armatas ligulas, & si quid harum nugarum est, dextrè præscindant, arrisuro vtique Mercurio. Sed post caligas tot ligulis non ligatas, sed

pænè ad volatum paratas, etiam periscelides inspicere, quæ modò ante genu dependent, iam ad latus, iam etiam pòne gēua in globum adstringuntur. De calceis nihil habeo dicere, cūm pænè nullus illorum ampliùs sit vsus, nisi inter pauperrimam plebem. Iam cothurnos gerunt viri feminaeque. Ignotum tibi esse haud potest nouum calceamenti genus, vtrinque liberaliter fenestratum, & basi ligneolâ suffultum. Ita cothurnati iam incedimus, & calceos caprinos ostentamus. Non absurdè, histriones & mimos nos dixeris, ad agendam in scenâ fabulam conductos. Ecquis non hodie, aut Heraclitum induat oculis iugi fonte rorantibus, aut Democritus fiat petulanti splene cachinno? adeò multum ridiculi, multum & lasciu habet vestitus noster.

In feminarum comptu res infinitæ obseruationis est. Ambitionis ligulae etiam per illarum capita iam serpunt, sed adstrictæ. Cetera quis narret? Illud cui risum non moueat? Olim collaria largiùs excurrentia filis ferreis aut argenteis fulciebantur, & iam nescio quis sericus paries à ceruice in obliquum sese attollit, iam collo geruntur propugnacula, quibus structissimum collare quietâ statione recumbat.

Hoc tam multiplex luxûs choragium innumera infert damna, vt iam demonstrauius. <sup>b</sup> Rem hîc in compendium conferam. Vestitus ad huius æui mollitiem factus, Castimoniam, Tempus, Pecuniam occultis, sed maximis viribus suffuratur, & vbique spargit nequitiae semina. De Castimoniâ res in aperto est: ad libidinem sæpe potentis inuitat petulantia adscititiae politurae, quàm præstantia formæ; imò hæc sine illâ quandoque spernitur. ita lasciuiae negotium maximè agit oculis blandiens vestitus. De Tempore quid controuersi? Ille omnium minimè temporis parcus est, qui sui corporis seruus est. Horæ integræ in otiosissimos hos labores insumuntur, nec id in damno ponitur, quod longè damnosissimum est. Quisquis horam aufert vel vnicam, nil dignum tanto impendio redditurus est. Pecuniam varijs meatibus illic disfluere, vbi vestium luxus in pretio est, nemo non experitur. Mihi nuper maximæ vrbis patricius ingenuè fassus est, se suosque ciues occultâ sed ambitiosâ paupertate incredibiliter laborare, atque si cui ciuium etiam primariorum mille antea floreni fuissent, iam nec centenos superesse. Hîc ego interpellans: Quo ergo, inquam, omne aurum disfluit? Non in mentas primas, nec secundas, respondit ille, sed in arcas vestiarias: quatinus & conuiuia apud nos olim



& rariora fuerint, & frugaliora, Tanti est VESTIRI. Hæc nostra est patientia; ne luxus decrescat, patimur decrescere diuitias.

Sed num scire cupis, Gerarde, quid Christianos Hierosolymis, quibus olim potiebantur, eiecerit? Compendio dicam. Princeps Saracenus, Adiniraldum vocant, in Christianos humanissimus; Canonico Traiectensi Guilielmo quondam narravit, Christianorum leges inde sibi notas, quod puer educatus esset Hierosolymis; in eâ tamen vrbe mores tunc viguisse corruptissimos: Gulae & Luxuriæ cognatis vitijs neminem non deditam; vestitus vero insolentiam fuisse tantam, vt verbis æquari vix possit, tam variè & formâ, & colore, & pretio exorbitatum. Quantum istud me offenderit, aiebat, vestes meæ pro me dicent. Eæ profectò nec auro nec serico virgatæ, sine plicis, sine artificiosis futuris, nihil curiositatis aut artis præferebant. Addidit: Ecce, hæc illa sunt vitia, ob quæ Deus Palæstinam Christianis denuò ereptam, alijs commiserit. Ita nos non tam nostris viribus vos illinc eiecimus, quàm vestris vitijs. Hæc Canonicus ille Traiectensis Guilielmus, qui postea sacræ Cisterciensium familiæ se adiunxit, fidei narratione aperuit.

En, Gerarde, etiam ab hostibus nostris sapere docemur, modò sint qui discere non recusent. At nos, post clades etiam nostras, cladium causas amamus, tam altè nobis hæret inepta & misera vanitas. Pedi ligneo in aureâ crepidâ, vt verbum est, simillimi sumus.

Fuit in Asiâ vir opulentus, cui calamitoso casu, cum per niuos iter faceret, putrefactus frigore vterque pes deperijt. Ille tam miserabilem fortunam expertus, vt infelicitatem suam solaretur, mutilo corpori aptauit pedes ligneos, quos & calceis textit; ipse famulis innixus, nouo sed ægro incessu sese inferebat. Vbi hoc insuper ridiculum comminiscabatur, vt crepidas pulcherrimas semper & nouas haberet, quibus scilicet speciosam taceret miseriam suam. *O nobilem compositionem! Pes ligneus in aureâ crepidâ.* Istud nos felicissimè æmulamur: Miseriarum, vitiorum, ignorantiarum scatemus, claudâ mente & sensibus ficulneis sumus, planè *pedes lignei.* vestibis tamen, supellectile, libris, ac ædibus speciosis studemus enitere. Nimirum, vt magis conspicua sit nostra infania, & miseria speciosior, libet cum ratione insanire. Ita humanæ stultitiæ præclarum stat trophæum & symbolum, *Pes ligneus in aureâ crepidâ.* Quid tu ad hæc, Gerarde?

a Fusè narrat Cæsius Heisterbach. l. 4. de mirac. c. 15.

b Lucianus aduersus indoctos.

**GER.** Tot ictus inferis, Polychroni, vt vel superbissimam quercum deieceris. Tam à me quàm ab alijs emendationem spera. **POI.** Si modò sperare liceat constantem. Mores nostros nosti; Apriles dies imitamur, quorum sæpe serenus ortus, occasus pluuius; id iam supra demonstrauius, de Conscientiæ & Cælitum cultu. Sed omnibus horis dicendum est, quod nunquam satis dici potest. Nimum flexibiles sunt hominum voluntates, instabiles nimum mobilisque. Leuiter incipimus, variè imus, inconstanter progredimur, dissimiliter finimus. Volaticus est sæpe conatus noster, qui à se ipso breuî desciscit. Itaque assiduissimè ingerendum nobis est illud: **CONSTANTER.**

Fons est in Idumæâ, vt refert Isidorus, qui ter in anno mutat colorem. Parum est hoc nostræ inconstantiae; ter in hebdomade, subinde ter in die sincerum Virtutis colorem mutamus, sicut lacus ille qui apud Troglodytas esse dicitur, ob maleficam vim insanus appellatus. Hic ter de die fit amarus salusque, ac deinde dulcis, totiesque noctu etiam mutat, scatetque albis serpentibus vicienum cubitorum. Ab huius aquæ genio non multum dissident mores nostri, qui tam inæquabili motu feruntur, vt iam blandi, iam asperi; aliquando profusi, mox sordidi finus; iam vehementer amemus, iam supra modum oderimus, nunc sanctimoniam induamus, iam toti prolabamur in vitium: omnis dies, omnis hora nos mutat. Sed non est quòd huius rei culpam aut diabolo impingamus, aut Mundo. Nemini alterius vitio mali sumus, sed nostro. Illud Spartani dictum mihi etiam nunc semper in animo hæret: Athenienses scire equidem quæ recta essent, sed nolle facere. Atheniensium nos prorsus sunillumi sumus, quæ agenda sint, exactè sciimus, sed agere ea nolumus: Noluit intelligere vt bene ageret, Ignorantiam culpæ prætexere non possumus, cum ignorantiam voluntariam laboremus: voluntariè ignorat, qui discenda discere non curat, aut si quæ rectè didicit, didicisse malè dissimulat. Atque his quidem decretum est non bene agere, sed modò hunc, modò illum voluntatis impetum sequi. Vt Chamæleon, quoniam aurâ (vt aiunt) non cibo vescitur, hianti semper est ore: sic illi variarum cupiditatum vento inflantur; hoc volunt, hoc nolunt; hoc hodie spernunt, cras appetunt. & vt rami aut tigilla quæ fluminibus innatant, temerè impingunt in hanc illamue partem: ita nos variè fluctuamus, & sæpe nec icti sapimus, vel bestiis magis excordes. Memini me le-



gere, & viro nobili in aulâ Wirtenbergenſi canem fuiſſe, qui vbi vel ſemel tantum ab aulicis canibus malè acceptus eſt, iniuriæ damni- que memor, deinceps herum ſuum ad veſtibulum tantum arcis au- licæ comitatus eſt, & mox domum ſe recepit in tutum. Obſeruauit Dominus ſui canis tam circumſpectum obſequium, & : verè, inquit, meus canis plus me ſapit: ego in aulâ toties peſſimè habitus, in dies tamen uſque redeo.

Et nos quoque, moniti toties, rogati, caſtigati toties in eaſdem iterum culpas impingimus, frequenter grauius quàm antè, *& mea- tur iniquitas ſibi.* b Ita fit ſubinde vt ad aliquam habitus ſobrieta- tem nos componamus, corporique detrahamus ſuperflua. Et quamdiu hoc? dum nos pœniteat fuiſſe hac in re ſobrios & fruga- les. tunc autem eiſcemodi pœnitentiæ obnoxij ſumus, cùm vide- mus alijs non eandem in veſte modeltiam placere, cùm veremur ne minus opulenti, aut parci ſordidique habeamur. Sic noſtra probitas ad aliorum oculos ſe fingit; ad ſermones aliorum huc il- luc ſe vertit, & quod erat, eſſe deſinit, ſic modò palliati, modò toga- ti, modò frugi ſumus & graues, modò prodigi & vani; mutamus ſubinde perſonam, & contrariam ei ſumimus quam exuimus; pla- nè multiformes ſumus. Magnam rem puta, vnum hominem age- re. c Malæ mentis indicium eſt hæc fluctuatio, ac inter ſimulatio- nem virtutum, & amorem vitiorum aſſidua iactatio. Uſquequò claudicatis in duas partes ( clamat Elias ) ſi Dominus eſt Deus, ſe- quimini eum, ſi autem Baal, ſequimini illum. d Quid ora hominum pauemus, quid mortalium oculos reformidamus, ſi Deus eſt Do- minus noſter, ſi modeltia in cultu placet, cur Deum offendere, mo- deltiam abijcere non veremur? Diui Bernardi ſoror, hac in re ani- mo fuit planè non femineo. e fortiter incœpit, conſtanter perfecit incœpta. Petiuerat illa in colloquium cum fratre admitti; ſed quia comptior erat quàm fratris oculis probari poterat, ab aditu mona- ſterij repellebatur. Hanc illa iniuriam mitiùs ferens, fratri renunciari iuſſit, ſi delinquentem reiſceret, ſaltem admitteret corrigi volentem. Admiſſa eſt. Hic ei Bernardus grauiſſimis verbis, & in os illum ve- ſtium luxum & vaniſſimum lenocinium obiecit: Chriſtianæ femi- næ non eſſe, corpus breuè in putredinem iturum ſic perornare. Pro- fuit illi hæc audiſſe; nec diſtulit ad frugem ſe corrigere: mox pre- tioſam veſtem, mitras, armillas, monilia, in aures, vittas, ſpeculum, diſ- cerniculum, anulos, gemmas, & omnem mundum exilio damnauit

a Io. Manl. rom. 3. collect. pag. 196.

æterno,

b Pal. 26. v. 22. c Sen. ep. 120. d 3. Reg. c. 18. v. 21. e Vita S. Bern. l. 1. c. 7.

æterno, iussitque Pompam & Voluptatem res sibi suas habere, ipsa Domino deinceps seruitura. modestiam quam cœpit, hanc & finijt. Non languidè ad virtutis difficultatem exurgendum: alacriter incumbendum est inchoatis. Vera modestia non tam principium inuenisse gaudet, quàm finem addidisse: in extremo actu non corruit, vsque ad *Plaudite* persistit; à carceribus ad metam decurrit.

### §. VIII.

At nos, ô arundines vento agitatas, ô homines mollibus vestitos! quibus tunc demum modestia in cultu placere incipit, cùm numi in fundo suspirant, inò sæpe ne tunc quidem. nam multis suauius est nomina contrahere, quàm aliquid pompæ vestium detrahere. O Iordanis accola, ô Ioannes Baptista! quàm constanter rigidissimam tui vestitûs modestiam, ad vsque vltimum vitæ actum retinuisti! cameli pellein, non purpurâ, non serico vnquam emutasti. Nos verò indociles discipuli, nec monita sequimur magistri, nec exempla: annis & sæculis in eâdem classe hæremus, aut si paullulum promouimus, mox ad eandem recurrimus.

Cleobulus in conuiuio septem sapientum appositè narrans apologum: Luna, inquit, à matre petijt, tunicam sibi suisque annis conuenientem texeret. Cui mater: Et quâ ratione id possim, ô mea filia; cùm te modò grandem & obesam, modò gracilem & perparuam videam? mutabilitatem eiura, & vestem à me spera. Lunæ nos germani fratres sumus, & iam decentem in veste modestiam sapimus, iam pompam & fastum spiramus, frequenter in hoc etiam expiramus. Indubiè, Gerarde, nosti, quem exitum sortita sit, nobilissima illa Campaniæ Comitissa, Maria Ludouici Pij Galliarum regis filia, sed moribus non perinde similis parenti. Hæc, licet vidua, nihilominus ambitiosissimum corporis cultum non desinebat, dum mors pulsaret fores, & irrueret importuna. Iam ergo moribunda Persaniæ abbatem acciri iussit, cui conscientiam aperiret. verùm cùm ille aduenisset, illa iam è vitâ discesserat. Neque hîc morati famuli; rerum suarum quisque satagebat, hic vestem, hic vasa; ille culcitrâs, iste tapetia diripuit. sed nec mortuæ parum est. nam infimæ fortis homo, dominæ suæ cadauer lecto euolutum, in terram prouum eiecit, & sibi linteamina in spoliū rapuit. Admissus, demum abbas in defunctæ conclaue, vbi miserabile hoc spectaculum vidit, & corpus illud, cultissimum olim, iam malè opertum & abiectum humi reperit, exclamauit: Venite, ceruite nobilissimæ Comitissæ pompam: En, hic rerum humanarum



exitus, hæc fides est fallacium voluptatum, hanc habent clausulam, mortalium triumphum. ô vanitas, ô ludibrium! <sup>a</sup> Ita, mi Gerarde, ita qui hodie florent, in autumnum suo decident, & fortassis etiam calcabuntur. Viderit, quem iuvat de carne gloriari.

<sup>a</sup> Thom. Cantiprat. l. 1. mirac. 7.

### §. IX.

GER. Licetne interrompere? huic non abfimilem euentum nuperrimè mihi recitari audij. POL. dic liberrimè. GER. Camberiae in prouinciâ Lugdunensi, anno millesimo quingentesimo octogesimo septimo, matrona nobilis, amœniore cultu, quàm decebat, delectabatur dum viueret. Admonebat eam frequenter sacerdos, qui ei à confessionibus fuit, meliori daret operam ornatui, quo placeret non humanis oculis, sed Deo. Illa, vt erat ingenio liberiore, serium sermonem familiari ioco eludens, solebat rogare, corporis colendi curam sibi relinqueret, aliud nunc æuum, alios esse mores, sciret, & sibi, animi sui salutem cordi esse, quare hoc vnum potius orare, vt in extremo vitæ tempore adesset morienti. Sacerdos, adfuturum se recepit, si quidem vlllo modo posset. Et verò etiam adfuit, sed illa sibi met non satis aderat, nam morbus miseræ audiendi vsum abstulit. ita æquo Dei iudicio factum videtur, vt quæ salutaria sacerdotis monita noluit audire cùm potuit, nec audire quidem posset, cùm velle debuit. POL. Igitur, vt audio, mortua est surda & tacens, sed nunc etiam viuunt exemplo & inclamat imitatores ac imitatrices, vt sint in cultu moderatiores.

Quin ergo ista contemnimus, propter quæ vulgus insanit? Satis paruius corpori, reddamus nos tandem in disciplinam Virtuti. Pæclarè Romanus sapiens: Fateor, inquit, insitam esse nobis corporis nostri charitatem; fateor nos huius gerere tutelam, nec nego indulgendum illi, seruiendum nego. Multis enim seruiet qui corpori seruit, qui pro illo nimium timet, qui ad illud omnia refert. Sic gerere nos debemus, non tanquam propter corpus viuere debeamus, sed tanquam non possimus sine corpore. Huius nos nimius amor timoribus inquietat, sollicitudinibus onerat, contumelijs obijcit. Et hoc ipsum tam verè quàm sapienter in hæc verba consignat: Honestum ei vile est, cui corpus nimis carum est. <sup>a</sup> Et sicut plerunque quorum corpora in saginâ, eorum animi in macie & veterno sunt, sic etiam quorum curæ adeò feruent in colendo corpore, horum in ornando animo studium ferè nullum est. Vt catuli ad venandum inepti sunt, qui saltare & eiusmodi delicias

<sup>a</sup> Senec. epist. 14 & 88.

norunt:

norunt: sic ad exercitia magis seria & sacra parum apti, qui in curiosiore sui cultu operam ponunt. Simplici curâ constant necessaria; in deliciis laboratur: sed labore non vano tantum, sed & noxio.

Dionysius olim rex Siculus, Archidami filias multi pretij veste donauit, quas tamen Archidamus modestè recusans aiebat: Vereri se ne suæ filiæ tam insolenti amictu turpes videantur. Intellexit vir prudens virgines nullo cultu meliùs ornari quàm simplici. Sanè vt luxur vestium animum parum sobrium arguit, sic spectatores ad libidinem suauis fallaciâ inuitat ac pertrahit. Decet autem vt homo castitatis amans & virgo, vndique virgo sit, nec vllâ ex parte significationem det corruptæ mentis. Cur ergo vitij iam antè in nos grassantibus subsidium feramus, labore tam sumptuoso? Optimè dixisse mihi videtur Musonius, qui eodem modo vtendum esse aiebat veste, quo armis, nimirum tutando corpori, non ostentando. Sicut igitur ea optima sunt arma quæ firmissima, non quæ nitidissima; sic optimus est amictus, qui corpori comodissimus, non qui splendidissimus, aut qui spectantium oculos in se rapiat, sed qui seueritatem redoleat, qui pudicitiam testetur.

Quid ergo vani agimus, quid corpori, hosti nostro splendorem quærimus tot sumptibus? quid ingeniosi sumus in perniciem nostram? Deum culpâ offendimus, hominibus exemplo nocemus, egenos subsidijs fraudamus, rem familiarem frangimus, tempus pretiosissimum, irrecuperabile, dilapidamus. Apage mihi hanc pestem, si aliter placere alijs nequeam, nisi displiceam Deo; malo displicere omnibus, vt vni placeam Deo. Gerarde, sanctè potiùs quàm scitè vestiri velimus, &, vt Augustinus loquitur, non affectemus vestibus placere, sed moribus.

Et hæc de cultu *Conscientiæ, Cælitum, Corporis* dicta sint. triplex funiculus est ruptu difficilis. hæc trias mihi visa est inseparabilis: Cælitum cultus illic exiguus est, vbi nullus est cultus conscientiæ vel animi, & multus corporis. Qui corpus tam studiosè colit, conscientiam profectò negligit; porro qui conscientiam siluescentem habet & incultam, quomodo colet Cælites? Ergo, mi optime Gerarde, vt non negligamus conscientiam, minus colamus corpus, & plus Cæ-

lites.

a In reg. tom. i. sine. b Eccl. c. 4. v. 12.



AMVSSIS

Omniū

HVMANARVM

ACTIONVM

RECTA INTENTIO.

Sermis Principibus

MAXIMILIANO

S. R. I.

Archidapifero, Electori;

Et Sermæ Coniugi

ELISABETHÆ

Comitibus Palatinis Rheni,

Boiorum Ducibus,

*Dominiis meis Clementissimis.*

CAPITIS ornamentum olim (si Suidæ credimus) fuit Tiara. Hanc soli Reges rectam ferebant apud Persas, Duces autem inclinatam. a Demaratus Rex Sparta, sed tunc exul, regum potentissimo Xerxi, quid e re foret suscepti belli prudenter suaserat. Xerxes iam non vnâ ciade sapere doctus, Demarato gratias egit, quod solus sibi verum dixisset, & permisit petere quod vellet. Petijt ille, vt Sardes maximam Asiæ ciuitatem curru vectus intraret, *rectam capite tiaram gerens*. Id solis datum Regibus. b Recta Intentio Ser. Principes, non solum offendit Reges. vti Tiara recta, sed & facit, nec tantum ornamentum est capitis, sed & caput humanarum actionum omnium. Sine hac Tiara, seu, Cidari recta, nemo beatum illud in alto regnum adibit.

Et quamuis non malè Recta Intentio, huic Regum insigni, rectæ Cidari conferri possit, eam tamen longè melius Seruator noster *Oculo* comparauit, & quidem *simplici*. Hic oculus instar regulæ est, quâ omne Rectum probari solet. Mille errores sunt, quibus inuoluimur, si vel inomento desectamus oculos ab hoc seu oculo, seu hac anussî & regulâ. Ab hac sanè pendent omnia, ad hanc omnia examinanda sunt. Eam ob causam necessaria prorsus est exactissima cognitio Rectæ Intentionis, seu, nostri finis in rebus agendis omnibus. Et Plato censuit *inutilem omnem scientiam, sine notissâ optimi finis*. c Et quamuis plurimi non nesciant, omnia ad Deum dirigenda, ijs tamen euenit quod aliquibus, qui nesciunt se scire quod sciunt, quemadmodum id sape quærimus quod manu tenemus: ita plerumque non tam ignoramus, quid Recta Intentio sit, quàm exercere illam negligimus. Hæc causâ fuit, quæ non impulit solum, sed coegit me pandè illud quod dixissem, etiam scribere, vt rei summè necessariæ vsus non solum optimè sciretur, sed etiam exactè & assidue adhiberetur. In plurimis errabit, imò in omnibus, qui aut nescierit quid Bona, quid Mala sit Intentio, aut illam actionibus omnibus applicare, hanc repudiare in omnibus neglexerit. Tanti est, non tam facere quod decet, quàm respicere quod oportet. Ad illum oculum omnia videntem, omnium oculi erigantur necesse est Nihil videt, aut certè cum noxâ videt, quisquis oculum illum non assidue intuetur. Inter illos in celo Reges nunquam censëbitur, qui Tiaram hanc

aut

a Suidas in histor. mihi pag. 266. b Seneca l. 6. de benef. c. 3. 1.

c Plato in Theat.



aut inclinātam gesserit aut recurvam : Intentio à recto detorta parum efficit ; quicquid contingit. Nec vaquam dici poterit Bonum, quod Intentione factum est Malū. Intentio actionum proflus omnium AM VSSIS est.

Et hanc Amussum, Ser. Principes, hunc simplicem Oculum, serenisimis oculis Vestris velut rem suam expectantibus, hic defero. Orbi liquere puto, quā Serenitates Vestrae hunc Rectae Intentionis Oculum, vel suis oculis longē habeant chātiorem, quā in omnibus Deum & Diuina spectare, quā sincere Dei honorem Quærere, quā denique sua omnia ad diuinā voluntatis nutum dirigere soleant. Hæc illa Rectæ Intentionis argumenta non fallacia sunt, hic ille *simplex Oculus* est, adeo commendatus ab ipsā Veritate. Hunc igitur oculum, cum Serenisimis oculis offero, non tam nica do, quā sua illis reddo, & ad se spectantia. Et vtinam hoc facere scirem congruē tantorum Principum fastigijs. Erubescit hic liber tam tenuiter extultus, Serenisimos oculos ac manus adire, atque, si liceat, suum auctorem non proderet. Verū à sua fronte sumit audaciā ; solatur illum & in spem erigit, præfixus sibi titulus *Recta Intentio*. Hæc enim vilissima etiam munuscula commendate nouit.

Norū ē veteri historia, sinatā, hominem pagānum regi Artaxerxi aquam ē Cyro flumine cauis manibus obtulisse. In auream phialam exceptum hoc munus, & in pretiosissimis numeratum est. a Tam tenue donum ; gratum vtique non fuit, nisi tam *Bona Intentio*. Regi Galliarum Ludouico XL Conon agricola rapam insigniorem obtulit. mutus fuit & hoc grātissimum, aurōque repensum. b Sed quis rapæ hoc pretium posuit ? *Bona Intentio*. Siquidem nec argentum nec aurum, nec quidquam eorum, quæ pro maximis accipiuntur, beneficium est, sed ipsa tribuentis voluntas. Et hoc est, Ser. Principes, quod mihi meoque libro animum addidit, vt mea se voluntas explicare auderet per tam tenue obsequium. Non enim refert quid detur, sed quā mente : quia non in eo quod fit aut datur, obsequium consistit, sed in ipso dantis aut facientis animo, seu *Bona Intentione*. Sicut nec in victimis ( ait Romanus Sapiens ) licet optimæ sint, aurōque præfulgeant, Deorum honos est, sed pia ac recta voluntate venerantissim. c Hæc ipsā, Ser. Principes, hanc ego Amussum, hunc Oculum simplicem Serenitatibus Vestris offero dicoque. Liceat, obsecro, Serenisimi nominis splendore frui & hunc librum, qui tum demum quorūcunque oculorum noctem non metuet, eū ei talium Principum oculi serenissimum diem suum non negauerint. Monachij Anno Christiano MDCXXVI.

Serenitatum VV.

*Infimus client*

Hieremias Drexelius ē Societate Iesv.

a *Relian. l. 1. Var. hist. c. 32.* b *Io. d Cock l. 2. Aphor. c. 17.*  
c *Ser. l. 1. de benefic. c. 6.*

## LECTORI

**D**E Oculis, Lector. literæ mihi non mouebis, spero, Hic sapiensculæ Val-  
lam inbennus Galere, seu quemcunque comptioris sermonis audiam.  
Animus est piè differere, quid refert, si minus scitè ? De RECTA INTEN-

loquimur; hanc alius finem appeller, aut scopum, mentem Vocet aut metam; nomen res tribuat quodcunque placuerit, nos rem curamus, neque enim hic discere cupimus loqui, sed sapere. Nec nescimus, non tantum scire esse, non intelligi, sed & agere intelligi. Ita minus compie loqui non refugimus, modo possumus clare. Et Sinam redeat Augusti Caesaris aum, quo hominibus Verba sua nondum periculo saerant. a

Dissertatio nostra, Summam rerum, omnium humanarum actionum regulam & caput complectitur, INTENTIONEM RECTAM. Hanc tibi Vocem, licet huc non è Latio adductam, milites ingerimus, Et, Christo memento, b importunitas saltem persuadeat, quod nequis ratio.

INTENTIO RECTA Virtutum omnium caput, & dux; castrum, & arx, & metropolis non male appelletur, Et qua omnes amplissimus Viribus defendat. Quia Verò nec ipsa suos ignorat hostes, idè duo ingentia mala humana genti, VANAM GLORIAM, & TEMERARIUM IUDICIUM bona Intentionis hostes capitalissimos iure infestamur. Hac Verò, mi Lector, coram Serenissimo Electore MAXIMILIANO, & coram Ser. eius consue ELISABETHA, Banaria Ducibus, Anno 1623. dicta; tuo autem bono, quicunque legis, scripta sunt. Si lubet, frui. Atque Et scias, RECTAE INTENTIONIS notitia, ars est, qua compendio doceat, nunquam errare. Artes cetera parit, hac calo lucrando facit. Hanc artem nescisse, est calum perdidisse.

Quare, mi optime Lector, in rem tuam sigila, & disce sine impensis calum emere: tanto melior erit omnis tua actio, quanto sanior INTENTIO. Hoc te Volui scire, & saluere.

a Senec. l. 3. de benef. c. 27. b Luc. c. 11. v. 3.

## APPROBATIO

R. P.

### PROVINCIALIS.

**D**Vos libros, quos P. Hieremias Drexelius, Societatis nostrae Praef. byrer, de RECTA INTENTIONE scripsit, ab aliquot eiusdem Societatis Theologis censos probatosque, Ego Gualterus Mundbro, Societatis IESU per Superiorem Germaniam Praepositus Prouincialis, facta mihi potestate ab admodum R. P. N. Generali Mutio Vitellesco, in lucem dari permitto.

In cuius rei fidem auctori chirographum hoc dedi, officij mei sigillo munitum. Landspergæ. 25. Aprilis. ANNO MDCXXV.

Gualterus Mundbro.

LIBER



LIBER PRIMVS.  
 INTENTIONEM  
 BONAM, MALAM, ADIA-  
 phoram, Nullam explicat.

## CAPVT I.

*Quid sit*

## RECTA INTENTIO.

**D**ARIVS, clade suâ & Alexandri Macedonis fortunâ, notissimus rex Persarum, acinacem habuit, cui ex geminâ erat vagina, quem Zonâ aureâ muliebriter cinctus suspenderat. Nobilis gladius modo virilem dexteram fuisset sortitus. Celebrerrimus est multorum scriptis gladius Georgij Castrioti, quem Scanderbegum vocabant, qui hominem medietim ictu transuerso vnico dissecare potuisse ferebatur. Noti sunt è sacris voluminibus Goliathi & Saulis gladij: Celebres sunt ab eruditis paginis complures alij equestrium virorum gladij, nonnunquam superstitiosâ religione culti.

At verò nullius herois gladius vnquam tam vitalis fuit famæ, atque Hebræi Mosis Virga: Illa tot miraculorum, tot stupendorum prodigiorum operatrix Virga. Quæsierat è Mose Deus, quid manu teneret? Virgam, respondit. Cui Deus: *Proijce eam, inquit, in terram. Proiecit, & versa est in colubrum.* Iusserat iterum Deus, extenderet manum, & apprehenderet caudam colubri. *Extendit, & tenuit, versaque est in Virgam.* b

Hic pulchrè subiecit oculis Deus, bonas & malas actiones sic à nobis esse, vt si terram & res terræ spectemus cum agimus, colubri fiant; actus malitiæ veneno tincti; sin animum cælo attollamus, virga Mosis, opera cælesti præmio digna existant. Tanti refert, quomodo Mosæus iste scipio tractetur, an manu teneatur, an humi proijciatur. Hic scipio, hæc Mosis virga omnium Magorum virgas deuorauit; hæc flumina in sanguinem mutauit; hæc rupem in fontem diluit; & è duri silicis venis subitum torrentem elicit; hæc marinos fluctus in tutissimos parietes diuisit. potuit dicere Mosis, hoc baculo duce, & saxa, & maria penetror: omnia mihi peruia sunt. Hac Mosis virgâ sacri Doctores designatam aiunt

a Curtius l. 3. post initium. b Exodi c. 4. v. 2. 3. 4.

RECTAM in omnibus humanis actionibus INTENTIONEM, cui penetrabilia sunt omnia. Hic autem, prima omnium quæstio, quid sit RECTA INTENTIO.

Christus Dominus RECTAM INTENTIONEM appellat OCULUM SIMPLICEM. Cur Oculum? cur simplicem? DEVM Theologi *substantiam simplicissimam* vocant, in quâ nulla sit compositio aut mixtura: nil aliunde collecti aut emendicati, nihil enim in Deo est, quod non est Deus. Sic oculus, sic & Intentio simplex dicitur, cui nihil impuri, nullus sui amor, non fatuus timor, non spes vana sit admixta, sed quæ pura, nec ullis eiusmodi sordibus turbata, ad Deum solum directâ, eo solo contenta sit.

Ergo, Intentio Recta est, quæ cum operatur, operis sui finem constituit Deum, seu, quæ omnia ad Dei gloriam & honorem reuocat. Explanat id sanctus Ambrosius Aquilæ solertiâ. Hæc pullos suos inuolucres exploratura, & à legitimis separatura spurios, vngue suspensos tenet in aëre, eosque opponit solaribus radijs: qui irretitis & hiantibus oculis excipiunt solem, ij agnoscuntur in filios, submittuntur in nidum, fouentur & aluntur. perinde si dicat mater: hi mei filij sunt; stirps Aquilina, digni quos nutriam. ceteros qui solem tremulis ac palpitantibus oculis, idque ægrè admittunt, vt degeneres nido præcipitat, & vt genus non suum exhæredat miserabili lapsu. Ita & ij prorsus qui Deum obtutu assiduo sic possunt respicere, vt omnes suos actus SINCERE ac INTEGRÉ ad Dei honorem dirigant, unicam voluntatem diuinam in omnibus sectentur, verissimi Dei filij sunt, his SIMPLEX OCULUS est.

## §. II.

Fuit è priscis Ascetis vnus aliquis, qui quotiescunque operis aliquid erat aggressurus, subsistebat aliquantisper cogitanti similis. Interrogatus quid hoc ageret: opera nostra, respondit, ex se nulla sunt, velut informis trabs, nisi recto fine sincerâque intentione velentur ac vestiantur. Et velut qui sagittis ad scopum eiiculandis certant, non emittunt antè sagittam, quàm oculo collinearint ad metam: sic & ego, quicquid demum acturus sim, ad Deum finem & scopum nostrum vltimum, intentionem meam dirigo. & hoc est, ait, quod ago dum subsisto, id enim Deus à nobis exigit. Optimè factum dictumque.

Rectè sentit Bernardus, inclusam esse Deo nostram omnem & obedientiam & patientiam, nisi omnium quæ agimus vel pati-



mur, ipse sit causa. Et quemadmodum qui proposito præmio bombardas explodunt in eundem orbem ligneum, quò minus ab orbis centro aberrant, oculum læuum plerumque claudunt, solo vsuri dextro, quò vegetior sit acies & certior feratur in umbilicum scopi: ita prorsus claudendus & nobis est sinister oculus tot humanorum respectuum, tot pessimarum obseruationum, tot inanum scientiarum, solus verò dexter largissimè aperiendus aspiciendo Deo per sinceram intentionem.

Sederat ad fontem Seruator noster à viâ fessus, fame sitique exhaustus, & vbi colloquium cum Samaritide finijt, discipuli ea quæ emerant, antepponentes: *Rabbi*, aiunt, *manduca*. Quibus Dominus: *Ego*, inquit, *cibum habeo manducare quem vos nescitis*. Nec tamen inter se quærere omittunt discipuli, &: *Nunquid*, aiunt, *aliquis attulit ei manducare?* Tandem apertè Christus, *Memo cibi est*, inquit, *Et faciam voluntatem eius qui misit me. Et perficam opus eius*. a Hic itidem cibus est omnium Deo seruire cupientium, *Et perficiant opus eius*.

Atque si rem ad calculos reuocemus, omnes ex eâdem patina cenamus, herus & famulus, opulentus & egenus, doctus indoctusque, vnus omnium cibus est, vnica Dei voluntas, vnicus Dei honor; tamque contentus sit sorte suâ primus & summus, quàm suâ postremus & infimus, quando omnium vna debet esse actio, vnam, atque vnicam Dei gloriam in omnibus spectare.

a Io. c. 4. v. 41. & seqq.

### §. III.

Ratio viuendi, inquit Basilii, in homine Christiano, verum sibi scopum habet propositum, Gloriam Dei. a Et diuini Pauli præceptum est: *Non ad oculum seruientes quasi hominibus placentes, sed Et seruis Christi, facientes voluntatem Dei ex animo*. Et vt hoc altius infigat animo, id ipsum ingeminat: *cum bonâ voluntate seruientes, sicut Domino & non hominibus*. b Amandus est Deus operando, & amando Deum, operandum est propter Deum. ab exemplo id patebit.

Honestæ vitæ matrona, cùm reducem habet è viâ maritum, sospitem & sanum, qui vtrum viueret ignorabat, à quo diu nullas acceperat litteras, cùm præsentem videt, ingentia edit lætitiæ signa: hîc famulæ vices obire, ocreas detrahare, pedes abluere, non infra sortem suam reputat. Scit quidem hoc ancillarum aut seruorum esse; sed illa seruilem hanc operam præoccupans, & amorem testari vult & gaudium. non vile videtur ei obsequium, quod amor

x 3

facit.

a Orat. 16. de ebriet. & ingluuie. b Ephes. c. 6. v. 6. & 7.

facit tam suauē: honori ducit sic à seipsâ abijci. Pari modo; si nos quicunque simus, nostrum duntaxat munus, laborem, officium, fortunam attendamus, facile obrepet tædium, & oneri erit etiam facillimus labor; grauiser queremur quoties non iucundè licuerit quiescere: At verò si oculos aliò mittamus, & Deum respiciamus, *seruientes sicut Domino, & non hominibus*, nullum nec vilem nimis, nec nimis grauem censebimus laborem: quies erit molestiæ. Opifices cum ipsis Dominis se laborare sciunt, solertiâ longè maiore id faciunt. thoracem accipit sartor reficiendum: hîc prima quæstio est, cui nam? si Domino, mox sepositis tantisper alijs, ipse magister hanc operam præstat, quam alioqui puero imperasset. Ergo, non nos, sed Dominum attendamus, *seruientes sicut Domino, & non hominibus*. Pura erit Intentio, inquit Bernardus, si in omni actione nostrâ aut honorem Dei, aut vtilitatem proximi, aut bonam conscientiam quæramus. *a*

Præclarissimè Seneca: Non potest, inquit, quisquam beatè degere, qui se tantum intuetur, qui omnia ad vtilitates suas conuertit: alteri viuas oportet, si vis tibi viuere. *b* Quodlibet vitium sic à Deo abducit hominem, ut is sibi viuatur, ad sua comoda vigilet, sternerat ad aliena. Vbi ergo Intentio anhelat ad æs & nummos, ibi carior hospes non est quàm pecunia: vbi intentio carnem sapit, illic voluptas inter intimos amicos numeratur: vbi verò in altum suspirat intentio ad honores & dignitates, istic anxîâ sedulitate colliguntur pennæ quæ euehant ad alta, nec vllus gratius fert munus, quàm qui alas donat huic ambitioso volatui idoneas. En, ut horum oculi auersi abeant à Deo in res vanissimas, quas oculât Intentione concupiscunt. ita sibi ipsis viuunt. At, nequit Deo viuere, qui vult viuere sibi.

Ergo, Oculi ad Deum perseueranter reflexi, hic demum *SIMPLEX*: Intentio Deum vbique obseruans, nec aspiciens quidquam nisi simul aspiciat Deum, hæc demum & *RECTA* & *SINCERA* est Intentio. Per hanc viuimus Deo, uti Hebræo psaltæ iucundissimum erat dicere: *Et anima mea illi viuet*. *c* Hinc pulcherrimum illud à seipso impetrans: *Non proponebam*, inquit, *ante oculos tuos rem inuisam*. *d*

CAP.

*a* Rom. in sentent. *b* Sen. epist. 48. initio.  
*c* Psal. 118. 31. & Psal. 100. 3. *d* Ibid.



*Quæ sit*

## INTENTIO RECTISSIMA.

**T**Riplici ferè modo Intentionem nostram dirigimus ad Deum. Primo: seruit quis Deo, & à noxis grauioribus se continet, formidine poenæ: inferorum ignes, æternos cruciatus metuit. hic talis subinde audet aliquid non carcere tantùm aut breuib. Gyaris, sed inferis dignum: audet, inquam, aliquid, & rem in casum dat, nam cogitat: nondum tam vicinus inferorum ergastulis sum, quin lætiusculè hoc aut illud audeam: debitum quo me forsan oblitururus, confessione piaculari tollere, noxam quam fortasse contracturus, iterum delere potero: audeamus ergo: perendie licebit redire ad officium. Ah, oculus iste simplex non est, nec, si sit, diu talis est, non enim solum Deum respicit. Si manes & inferi fabula essent homo ille cælum sibi extra cælum strueret, & beatum se crederet, si licenter & ad ventris curas abiectus viueret vt pecus. Hæc Intentio eorum est ferme, quos Paulus homines vocat *Animales*, qui non percipiunt ea quæ sunt spiritûs Dei. *a*

Altero modo, Intentio ad Deum dirigitur: Seruit quis Deo, quia cupit inter beatos viuere. cælum ei dulce: merces æterna, merces magna nimis. inclinât cor suum ad faciendas iustificationes propter retributionem. *b* Intentio hæc primâ multò melior est, nec tamen optima est: melior, inquam, nam iste qui cæli gaudia concupiscit, cautior est, quàm ille qui orei tormenta solum metuit, neque ea metuit semper, sed quandoque suæ formidinis oblitus, ruit in vetitum.

Tertio modo, Intentionem ad Deum rectissimè dirigit, qui sic animo sentit: Seruio Deo, & ideò seruio, quia hic Dominus dignissimus est, vt ei seruiatur ab omnibus, & quia me beneficijs eximijis, innumeris præuenit; omnia ipsi debeo. Huic placere capio, & propter hunc omnia facio, quæcunque facio: de præmio & mercede nihil omnino sollicitus sum: Ego Deo seruio, seruamque dum vixero, vbi vbi detum sit remuneratio.

Hæc omnium optima, hæc RECTISSIMA est Intentio, non sui, sed Dei: non Vtilis, sed solius Honesti aspectu facere omnia. De hac Intentione gloriatus Hebræus Rex David: Voluntariè, inquit, sacrificabo tibi, & confitebor nomini tuo, *quoniam bonum est.* *c*

Facun-

x 4

Facundissimè hîc Augustinus : Quare, inquit, voluntariè ? quia gratis amo quod laudo. Laudo Deum & in ipsâ laude gaudeo, ipsius laude gaudeo, quo laudato non erubesco. Gratuitū sit, & quod amatur, & quod laudatur. quid est gratuitum ? ipse propter se, non propter aliud. Quod præmium accepturus es à Deo, ô Auare ? Non tibi terrâ sed seipsum seruat, qui fecit cælum & terram. Voluntariè sacrificabo tibi : noli ex necessitate. Si enim propter aliud laudas Deum, ex necessitate laudas : si adesset tibi quod amas, non laudares Deum. Vide quid dicam. Laudas Deum, verbi gratia, vt tibi det amplam pecuniam. Si haberes aliunde amplam pecuniam, non à Deo, nunquid laudares Deum ? Si ergo propter pecuniam laudas Deum, non voluntariè sacrificas Deo, sed ex necessitate sacrificas, quia præter illum nescio quid aliud amas. Contemne omnia, ipsum attende, ipsum gratis dilige, quia melius ab eo non inuenis quod det quàm seipsum. Et confitebor nomini tuo, Domine, quoniam bonum est. Ob nihil aliud, nisi quia bonum est. Nunquid ait, Confitebor nomini tuo Domine, quia das mihi fructuosa prædia, quia das mihi aurum & argentum, quia das mihi latas diuitias, excellentissimam dignitatem : non. sed quid ? *quoniam bonum est.* Melius nihil inuenio quàm nomen tuum, ideo confitebor nomini tuo Domine, quia bonum est. <sup>a</sup>

<sup>a</sup> Aug. tom. 8. in Psal. 53.

### §. I.

En, seruire Deo propter Deum, hoc demum verè Deo seruire est. Sic enim & Deus nos amat, sic & ipse nobis seruit, vt per Oseam promittens : Diligam, inquit, eos spontaneè, <sup>a</sup> hoc est, merè gratis. Idem à nobis iure exigit, neque enim vult vt nos seruiamus sibi, sicut canis seruit suo Domino pro osse aut offâ. nam si Deo seruiamus pro cælo, cælum nobis charius esse Deo, satis monstramus. Appositissimè huc Seneca : Inueniuntur, inquit, qui honesta in mercedem colant, quibûsque non placeat virtus gratuita : quæ nihil habet magnificum, si quidquam habet venale, cùm virtus nec lucro inuitetur, nec absterreatur damno, adeoque neminem spe ac pollicitatione corrumpat. Calcatis vtilitatibus ad illam eundum est, quocunque vocauit, quocunque misit, nisi respectu rei familiaris : interdum etiam sine vllâ sanguinis sui parsimoniâ vadendum, nec vnquam imperium eius detrectandum. Quid consequar, inquis, si hoc fortiter, si hoc gratè fecero ? quod feceris. Nihil tibi extra promittitur. Si quid fortè obuenerit commodi, inter acces-

<sup>a</sup> Ose. 14. v. 13.

siones



siones numerabis. Rerum honestarum pretium in ipsis est. *a* Præclarissimus testis in hanc rem venit Ludouicus Blofius, qui hoc ipsum confirman: Dominus, inquit, ad ipsam Gertrudem virginem aliquando dixit: Vellem electis meis persuasum esse, quod eorum bona exercitia & opera mihi omnino placeant, quando ipsi seruiunt expensis suis. Illi autem expensis suis mihi seruitium præstant, qui licet saporem deuotionis minimè sentiant, fideliter tamen (vt possunt) orationes & alia pia exercitia sua peragunt: confidentes de pietate meâ, quod ego illa libenter & gratè suscipiam. Plerique sunt, quibus si sapor & consolatio interna concederetur, non eis prodesset ad salutem, & meritum ipsorum valdè minueretur. *b*

Hanc igitur Intentionem vt optimam & purissimam probamus, quâ quis facit quippiam, quia Deo sic placet, quia Deus vult, quia Deus ob immensam bonitatem suam dignissimus est, vt eius honori fiant omnia. Quare secum quisque sic statuat: Seruio Deo propter Deum, qui *TANTVS* est, vt si cælum non sit, nec sint inferi, solus tamen dignissimus sit, cui omnes Angeli, cui gens humana, cui quicquid creatum est, seruiat quàm accuratissimè.

Facile autem est deprehendere, num quis animo sic sentiat. Fit enim non rarò vt alteri alteros temere aspernemur, & contemptum dicamus: ecquid magni habet hæc scriptio, hæc dictio? quid egregij in hoc consilio, hac actione, hoc opere? mandetur hoc alijs, quiuis id possit. His cauillis Rectæ Intentionis homo minimè turbatur, sed generosâ mente: Domine mi, ait, parum ego laboro tibi hoc displicere. non hoc feci vt tu laudes; tibi & mille alijs non placeat, id mihi curæ non est, modò vni Deo non displiceat. Mihi maxima laus est & merces, rectè fecisse. Probet hoc Deus, etsi vniuersus Orbis improbet, id ego scilicet nec flocci facio; contemnere & contemni iam didici. Sciant homines eum me esse quem offendere sine periculo possint. Scio quem debitorem appellem post laborem; in sinu gaudere scio. Hæc Amulsis rectæ Intentionis docet.

Quòd si quis res suas ab alijs non magni fieri, grande supplicium putet, turbetur, doleat, tristetur & animo concidat, dicatque: ergo posthac penitus feriarbor, vt non habeant hi scioli quod damnent; otuari mihi suauius erit, quàm hæc tam iniqua iudicia subire. En, miser, hîc deprehenderis in flagranti delicto. nam si recta tibi esset ad Deum Intentio, in minimis poneres te tuâque ab alijs non commendari, aut sinistris iudicijs atque sermonibus flagellari. hæc puræ

Intentionis hominem nunquam deiciunt gradu: spernit se sperni, Deum respicit, cui vni se suaque probare cupit. Heu, quam essemus miseri (& sumus certè) qui aliorum iudicia in tormenta nostra vertimus, alijs displicere supremum malum credimus, laudem ex plurium assensione venientem maximum bonum censemus, nec vnquam nobis suaue est laborare, nisi cum alij nos incipiant laudare, aut certè laborem nostrum beneuolè spectare. An ignoramus, ægrè & rarò satisfieri humanis oculis, qui solum opus quod vident, æstuant, animum cæci prætereunt? Deo seruire & iucundum est, & facile. Deus enim cor, vt Gregorius loquitur, & non substantiam pensat, nec cogitat quantum, sed ex quanto quis operetur.

### §. II.

Arboris radix aut fructum dulcem facit, aut amarore inficit, nam prout radicis succus dulcis aut amarus est, sic & fructus. *Si radix sancta, & rami.* a Et sicut riualorum aqua eiusdem cum fonte saporis est: sic & humanæ actiones, eiusdem bonitatis aut malitiæ cum Intentione, quæ illarum & radix, & fons est. Optimè, simulque breuissimè Augustinus: Non, inquit, valdè attendas, quid homo faciat, sed quid, cum facit, aspiciat. b Donauit aliquis magnam pecuniam: sed diues, sed non sensurus impendium. Donauit alius: sed pauper, sed parte patrimonij cessurus. Summa eadem est; beneficium idem non est; Intentio variat. Seneca velut vnus ex integerrimis Christianis præclarissima hac de re monita ingerens: Quoniam quidem, inquit, non in facto laus est, sed in eo quemadmodum fiat. Exemplis hoc firmat: eadem res si gulæ datur, turpis est: si honori, reprehensionem effugit. c Amico ægro, aliquis assidet: probamus, at hoc si hæreditatis causâ facit, vultur est, cadauer expectat. Eadem & turpia sunt, & honesta: refert, quare, aut quemadmodum fiant. Ergo infigi debet persuasio (nos Intentionem vocamus) ad totam pertinens vitam: qualis hæc persuasio fuerit, talia erunt quæ agentur, quæ cogitabuntur: qualia autem hæc fuerint, talis vita erit. M. Brutus dat multa præcepta & parentibus, & liberis, & fratribus. Hæc nemo faciet quemadmodum debet, nisi habuerit quod referat. Proponamus oportet finem summi boni, ad quem nitamur, ad quem omne factum nostrum dictumque respiciat (nemo Christianorum magis Christianè hoc dixerit) veluti nauiganribus ad aliquod sidus dirigendus est cursus. Vita sine proposito vaga est. c Quid posset dici religiosius.

Publius

a ad Rom. c. 11. v. 17. b Aug. in Ps. 31. c Sen. longiss. sed aurea ep. 95. circa med.



Publius Manus succinctè quidem sed præclarè quoque dixit: Malus est vocandus, qui suâ causâ est bonus. Ergo non tantum non licet mihi esse inaleum propter me, sed nec bonum etiam propter me: propter Deum omnia. Ad finem summi boni, ut Seneca loquitur, omne factum dictumque nostrum respiciat.

## S. III.

*Iustum deduxit Dominus per vias rectas, & ostendit illi regnum Dei.* a Sed quâ id ratione verum? An non Paulus, cum orbis ecclesiastes esset, iustus fuit? quantas tamen per ambages, per quot anfractus, quàm curvis itineribus ductus est ad cælum? Principiò, Iudæus erat Phariseorum discipulus, sectæ ad quam formabatur tenacissimus. Dein è discipulo magister, feruens Phariseus, pertinax Rabinus. Tertio, factus est Christianorum insecutor & tortor, præses licitorum, *Et si quos inuenisset huius via viros ac mulieres, sanctos perduceret in Hierusalem.* b Quarto, fit denuò discipulus, sed Ananiæ optimi Christiani. Quintò, fit & ipse Christianus, & Christianorum Orator. Sextò, in omnem Orbis plagam emissus à Deo, terras transiliit & maria, terram ex terrâ, mare ex mari mutans. An non flexuosæ sunt hæc viæ? Quot præterea casibus, quantis quotidie periculis, quàm pænè innumeris vrgebatur ærumnis? nunc ei mortem iminatur mare, nunc falsi fratres, nunc latrones in Pauli caput conjurant; modò gentes infestant, modò Iudæi vexant, iam in naui, iam in carcere, iam in solitudine, iam in vrbibus contrarios experitur euentus: nunc virgis cæditur, iam lapidibus insternitur, quotidie ferè moritur. Septimò demum Romam venit, & illic caput amittit. Quis hæc semitas non dicat sinuosas? Sed audi, mi bone homo, via hæc tam tortuosa, recta via non est ad cælum. Potuisset alius, non Paulus, æquè multum & plus Paulo perpeti, & tamen aberrare à cælo. Ergo, rectissima via Pauli ad cælum, fuit eiusdem purissima ac sincerissima Intentio ad Deum: in illis perferendis omnibus, vnicum Dei honorem spectabat. Hæc amussitata ad cælum via est: hanc omnes Sancti tenuerunt, ab hac nullus proborum hominum obliquo tramite ingressus est: *Iustum deduxit Dominus per vias rectas.* At illi tam varij casus, tam multiplices ærumnæ, tam incerti ac mali euentus, quibus omnis vita plenissima est, militiæ morem à nobis obseruari volunt. In bello nil noui aut miri est tortuosos aggeres moliri. imò quodocunque dux belli ad vrbis mœnia vallum ducere instituit, non rectis lineis sed incuruis

flexuosum ducit. Hæc ad obsidendam urbem directæ via est, quæ tam curua est & impedita. Ita nos Deus per omnigenam calamitatum varietatem ad cælum ducit, at quoniam in hoc ipso tam flexuoso calle, rectissima est proborum ad Deum Intentio, verissimè affirmatur: *Iustum deducit Dominus per vias rectas.* & quod huic proximum: *Iusti in perpetuum viuent, & apud Dominum est merces eorum. & cogitatio eorum apud altissimum.* a Quia illi hoc assidue cogitant, hoc vincè curant, placere Deo, non hominibus; idè & à Deo præmiu[m] capient amplissimu[m]. Hæc ergo, vt Bernardus loquitur, puritas Intentionis est, vt quicquid feceris, propter Deum facias, & ad locum, vnde exeunt gratiæ, reuertantur, vt iterum fluant. <sup>6</sup>

a Sap.c.5.v.16. b Bern.in vig.Natiuit.Dom.ferm.3.med.

### C A P. III.

#### *Quàm necessaria sit*

#### RECTA INTENTIO.

**S**I diuinæ paginæ de necessitate rectæ Intentionis altum alibi fissent, ab vnico Seruatoris dicto abundè constaret, quàm illa omnibus sit necessaria. Apertissimè Christus: Si, inquit, oculus tuus fuerit simplex, totum corpus tuum lucidum erit. a Affirmat Augustinus, Christum Dominum hîc propriè locutum de RECTA INTENTIONE, vt qui pauldò antè de precibus, eleemosynis, ieiunio disseruerit. Ne quis ergo suarum precum, stipis, aut ieiunij vinum omnem elideret aucupandis rumusculis, addit Seruator saluberrimam institutionem de oculo, qui aut simplex & purus, aut multiplex & nequam est.

Sicut ergo, cum oculi nitidi sunt, clari, acres, atque vegeti, corpus sibi suum habet diem, & solem suum circumfert secum; quæquæ vult se mouet, & in luce est. At verò si oculi ægri & affecti, si pæti aut lusciosi, si lippientes aut tunicis obducti, omne corpus miserum est, & infra domesticas nebulas ingemiscit: Ita prorsus si Intentio sincera sit, & ab omnibus falsæ gloriæ umbris libera, preces, eleemosynæ, ieiunia à vitiorum facie sincera sunt; sicut mala sit Intentio, omnes hominis actiones tales sunt. Quid per oculum, inquit Gregorius, exprimitur, nisi opus suum præueniens cordis Intentio? quæ priusquam se in actione exerceat, hoc iam quod appetit, contemplatur. Et quid appellatione corporis designatur, nisi vnaquæque actio, quæ Intentionem suam quasi intuentem oculum



sequitur? Lucerna itaque corporis est, oculus, quia per bonæ Intentionis radium, merita illustrantur actionis. <sup>a</sup>

<sup>a</sup> Greg. l. 28, mor. c. 6. propè finem.

### §. I.

Optimè solitus dicere Ambrosius: Quantum intendis, tantum facis. Nimirum tanti pretij est tuus labor, quanti est tuus iste oculus qui laborem præcedit. Si recta sit Intentio, recta erit & actio, certè in oculis Dei, nam hîc millies oculi humani falluntur. De his pulchrè dixit Bernardus: Opera probant, quæ cernunt, sed vnde prodeant, non discernunt. <sup>a</sup>

Ita omnium actionum nostrarum Amulsis, & fundamentum, & basis est Intentio. Clarè de hoc Gregorius: Bases, inquit, vniuscuiusque animæ sunt Intentiones suæ. Nam sicut fabrica columnis, columnæ autem basibus innituntur: ita vita nostra in virtutibus, virtutes verò in intimâ Intentione subsistunt. Et quia scriptum est: Fundamentum aliud nemo potest ponere, præter id quod positum est, quod est Christus Iesus: tunc bases in fundamento sunt, cum Intentiones nostræ in Christo roborantur. <sup>b</sup> Tales omnino sumus, qualis est nostra Intentio: Virtutis laudem, aut vitij notam ab Intentione sortimur, si Intentio terram spectet, terrei finis; si cælum, cælestes. Et plerunque vbi deest finis Virtutis, ibi se miscet vanus, aut naturalis, aut vitiosus.

Præclare Laurentius Iustinianus: In cunctis operibus, inquit, quicunque animi salutem exoptat, Intentionis suæ componat obtutum & ad illum quem diuina lex mandat dirigat finem, ut non casso labore defudet. Addit: Parum prodest ardua tractare negotia, cum Principibus & Regibus familiariter conuersari, sanctitatis & scientiæ celebre nomen acquirere; & obliquâ Intentione hoc agere. <sup>c</sup> Richardus Victorinus: Quod est, inquit, corpus sine vitâ, hoc est opus sine Intentione bonâ. <sup>d</sup> Quælibet actio quamuis bona videatur, tamen quasi mortua iudicantur, si non per Intentionem bonam animatur.

<sup>a</sup> Bernardus tract. de grad. Humil. grad. 5. <sup>b</sup> Greg. d. l. in c. 38. Job. ad finem.

<sup>c</sup> Laur. iust. de Regim. Prælat. c. 22. <sup>d</sup> Rich. de statu inter hom. c. 7.

### §. II.

Quotiescunque ferè Christus illud suum, ATTENDITE, proclamat, uti cum monet; Attendite à Scribis, Attendite à fermento Phariseorum, Attendite à falsis Prophetis, <sup>a</sup> plerunque periculum graue

<sup>a</sup> Luc. c. 20. v. 46. Luc. c. 12. v. 1. Matth. c. 7. v. 15.

graue imminet, & cautissimè tunc agendum. Hac voce Christus nos omnes altum inelamans: **ATTENDITE**, inquit, ne iustitiam vestram faciatis coram hominibus. <sup>a</sup> Cautos pedes figite, ponè vos inferpit lauernio detractus pallium: vbi respexeritis, amicissimum se finget, manum deosculabitur, in ille obsequia simulabit. Equis fur ille, quis hic lauernio? Intentio, sed obliqua illa hominibus placendi, hominum oculos implendi, humanas laudes emerendi. Ideò Christus signatè addidit: *Et videamini ab eis.* Augustinus: Videant, inquit, bona facta vestra, & glorificent non vos, sed Deum. Nam si propter vos glorificandos facitis opera bona, respondetur vobis quod ipse dixit de quibusdam talibus: Amen dico vobis, perceperunt mercedem suam. Ergo, inquires, debeo abscondere opera mea, ne faciam coram hominibus? Non, ait Dominus, diuersa iubeo. Finem attende, in finem canta: quo fine facias, vide. Si ideò facis vt tu glorificeris, hoc prohibui: si autè ideò vt Deus glorificetur, hoc iussi. Psallite ergo non nomini vestro, sed nomini Domini Dei vestri. Vos psallite, ille laudetur: vos bene viuite, ille glorificetur. <sup>b</sup>

Sanctus Gregorius, illud Domini monitum de tegendâ stipe exponens: Sic sit opus, inquit, in publico, quatenus Intentio maneat in occulto: vt & de bono opere proximis præbeamus exemplum, & tamen per Intentionem, qua soli Deo placere quærimus, semper optemus secretum. <sup>c</sup> Ergo Intentio bona summè necessaria est, quæ sola manticularios hos eruditè nouit declinare. Ergo **ATTENDITE**.

<sup>a</sup> Matth. c. 6. v. 1. <sup>b</sup> Aug. tom. 8. in Psal. 65. <sup>c</sup> Greg. hom. 11. in Euang.

### §. III.

Inter prisca fœderis ceremonias, quas Deus ab Hebræis exigebat, commendandis sacrificijs, & illa è præcipuis erat, *vitulae manus imponere*. Ita lex imperabat: ponet manum suam super caput hostiæ, & acceptabilis erit. <sup>a</sup> Quærunť interpretes: Ad quid Deus hanc manūs impositionem exigat, quo sacrificium & sibi gratum, & offerenti foret vtile. Oleaster: Voluit Deus, inquit, vt sacrificaturus non solam hostiam offerret, sed seipsam insuper, cor, voluntatem, Intentionem adiungeret. Hoc omnino necessarium est, nam solæ pecudes nec Deo acceptæ, nec offerenti fructuosæ. Hinc Augustinus, in illud regij vatis, *In me sunt Deus & tota tua*: Quæris, ait, quid des Deo? non animalia aris oblata: de cordis arcâ, de celario bonæ conscientiæ, de teipso profer teipsum. <sup>b</sup> Ita prorsus, vo-

<sup>a</sup> Luth. c. 1. v. 4. <sup>b</sup> Aug. in Psal. 55. v. 13.

luntatem,



Intantem, animum, cor tuum offer; dic Deo: In me sunt, mi Deus, vota tua: quæ enim exigis à me intra meipsum sunt: hæc tu, mi Domine, in sacrificium tibi postulas, non illa exteriora cordis & Intentionis vacua.

Chrysostomi sensu, vera Christianorum sacrificia sunt eleemosynæ, oratio, temperantia. At Deus hæc non nuda vult, sed vt seipsum quis addat, vnde holocaustum fiat medullatum. Nam regius psaltes apud seipsum statuens: Holocausta, inquit, medullata offeram tibi. « Quid est, inquit Augustinus, medullata? Intrus teneam charitatem tuam: non erit in superficie, in medullis meis erit quod diligo te. Nihil enim interius medullis nostris. Carne interiora sunt ossa, medullæ interiores sunt ipsis ossibus. Quisquis ergo in superficie colit Deum, magis placere vult hominibus, quàm Deo. Aliud autem intus sentiens, non offert holocausta medullarum: cuius autem medullam inspicit, ipsum totum accepit. <sup>b</sup>

Illa igitur opera medullata sunt holocausta, quibus voluntas seu Intentio bona inest. Nullo modo vult Deus ossa exucca, arida, emedullata. Reperias multos qui frequenter orent, sacris etiam interfint, non rarò inediâ se inacerent, stipem dent, sed heu quàm nihil medullæ inest his operibus! sunt hæc quidem velut candida nitidæque ossa, sed deest medulla, spiritus, recta Intentio, pius affectus, qui hæc opera subuehat ad Deum.

Inter omnia sacrificia, primas habuit holocaustum; alia, in bonum etiam offerentium cedebant, istud Deo eitisque honori totum cremabatur. Et quemadmodum sacrificia olim erant distincta, ita nunc nostra opera: quædam & nobis etiam commoda sunt, vt esse, bibere, dormire, deambulare, legere, scribere, monetam numerare: bona sunt hæc opera si bene fiant, & vt debent: alia solum honori diuino institui solent, veluti holocausta, vt orare, inediâ tolerare, rei diuinæ interesse, confessione se lustrare, diuinum epulum accumbere. Illa primi generis apud plerosque rarò medullata sunt: nam cum hora vocat, ad mensam itur, nec ultra cogitatur; cum somnus inuitat, ad lectum properatur, nec aliud animo agitur quàm quies; cum cæli fauor in campos euocat, exitur, nec aliud in corde versatur quàm hilaris deambulatio: ita multi edunt, bibunt, garriunt, ad negotia incumbunt, nec aliud respiciunt: satis est illis hæc fieri, animum cum Deo in his non vniunt, Intentionem ad Deum non attollunt. Non sunt hæc sacrificia medullata, non sunt. Sed mirandum magis, & grauius culpandum, quòd

a Ps. 65. v. 15. b Aug. tom. 3. in dictum ps.

ipsa

ipſa holocauſta nihil habeant medullæ, quòd oratio ſine attentio-  
ne, ieiunium ſine emendatione, eleemoſyna ſine cominſeratione,  
Dominici corporis communio ſine deuotione; è labris preces, è  
cruinenâ ſtipem fundimus, ſed vbi calentes affectus, vbi mentis  
ardor, vbi Deo placendi ſtudium, vbi medulla? Ergo qui Numini  
gratum quid offerre vultis, holocauſta offerte medullata. Effundi-  
te coram illo corda veſtra: a Intentione plenâ totâque Deum ho-  
noratè.

Quærit Cyrillus Alexandrinus, cur Deus victimæ ſanguinem  
vetuerit edi, illûmque omnem iuſſerit ad aram effundi? b His ita  
reſpondet: Sanguis ſedes animi; qui ſanguinem, is & animum adi-  
mit. Voluit ergo Deus in omni ſacrificio voluntatem, cor, Inten-  
tionem velut ſanguinem effundi coram ſe, nec guttulâ in alios vſus  
reſeruâtâ. Cùm ergo ſacrificamus, cùm oramus, aut ieiunamus,  
eò ſolùm tendat Intentio vt Deo placeamus, & quicquid huic con-  
trarium, reiſciamus.

a Pſal. 61. v. 9. b Leuit. 17. v. 17.

#### §. IV.

Ex his Eusebius Emeseſenus duo hæc ſtatuit. Primum: Opus  
bonum quodcunque tanti eſt apud Deum, quanti hæc cordis effu-  
ſio, & Intentio in homine. Alterum: Nobis opus bonum aggreſ-  
ſuris ſumma ſit cura rectæ Intentionis, ſeu, Voluntatis bonæ. a Lex  
olim edicebat: Omnis æſtimatio ſiclo ſanctuarij ponderabitur. b  
hæc enim ſola pondera fallaciarum erant expertia. Ita prorsus &  
opera noſtra, non ponderanda nec æſtimanda ſunt ex opinione  
vulgi, aut nitore exteriori, aut oculorum fide & indiſijs ſæpe falſi-  
ſimis, ſed è ſolâ cordis Intentione. Quoties nobiliſſima opera vix  
vnius drachinæ cenſentur, quæ à Deo æquiſſimo rerum æſtima-  
tore velut centenarium argenti pondus recipiuntur? c Æra duo  
minuta Hebrææ viduæ quantilli pretij credebantur, ad illam argen-  
ti molem, quæ à Phariſæis iactabatur? & tamen hanc illa longè ſu-  
perabant. Quàm ponderoſæ videri poterant Phariſæi in templo ſe  
laudantis preces, ieiunia, eleemoſynæ? vix æquabant diſcolorem  
lapillum: frigidiffimis hominum elogijs omnia penſari poterant.

Non nescit hoc cacodæmon; exactiſſimè perſpectum habet,  
omne operi pretium à rectâ Intentione accedere, propterea omne  
mouet lapidem, & extreme laborat, vt Intentionem rectam vel  
ſubtrahat, vel inficiat, ſatis gnarus, tum nos incallum fatigari, &  
agendo

a Euseb. Emes. in c. 6. Matth. b Leuit. 19. v. 25.



agendo multa nil agere, ac frustra expectare præmium, vbi tam ingratus Deo labor præcessisset. Certè Deus hoc simplici oculo mirè se capi luculenter fassus: Vulnerasti, inquit, cor meum, soror mea sponsa, vulnerasti cor meum in vno oculorum tuorum, & in vno crine colli tui. *a* Idiomate Hebræo: rapuisti cor meum. Tertulianus hoc expendens: Salomon, inquit, morem mulierum in Oriente attendit, quæ honestati tuendæ prodibant opertâ facie, oculo vnico detecto. Sponsus ergo hunc morem tanquam honestatis argumentum commendans, ab vno hoc oculo in amorem se raptum fatetur. At verò alij hoc ministerium profundius eruentes, commendatam hâc aiunt admirabilem oculorum seu vnionem seu vnitatem, vterque enim pari semper passu graditur, nec iste ab illo vnquam diuersus abit, vnâ idem semper aspiciunt, nec potest esse inter eos tanta dissensio, vt ille cælum, hic terram contueatur: eadem & capillorum est vnitas, cum omnes in eum ordinem compositi sunt, vt vnus videri possit capillus. Oculi cordis, affectus & Intentio capilli, cogitationes sunt. Hic nil deformius quàm discors horum oculorum varietas, si huc iste, aliud feratur ille; si cupiamus placere Deo, sed & Mûndo non displicere; si hoc oculo cælum, isto lucrum aut luxuriam, aut aliud vetitum quid spectemus. Tunc amore Numinis cor vulneratur, cum hominis vnus est oculus, isque in Deo fixus; vna Intentio, eaque ad Deum erecta.

Et hoc Deus in Abrahami sacrificio pulcherrimè declarauit, in quo & aues & animantes alias iussus est offerre, has quidem diuisas & concisas in frustra, illas minimè. *b* quo significatum est, quamuis partiri quis possit curas suas in vxorem, liberos, familiam, subditos, Intentionem tamèn quam aues designabant, nullo modo diuidendam esse. Attendat pater filijs, merces cogitet mercator, oues pastor, ciues consul, pecuniam numularius; in omnium horum animis innumeræ cogitationes se prodent capillis densiores, hi tamen capilli sint vniti, hæ cogitationes omnes vnum quid spectent, Deum, Dei honorem, Dei obsequium. Vnus hic crinis, oculus vnus ante omnia necessarius. Hac ratione cor supre-

mi regis suauissimè vulneratur in vno oculorum,

*Est in vno crine colli.*

Y

CAP.

## NULLAM HUMANARVM RERVM

actionem Deo placere sine RECTA INTENTIONE:

*Vbi strictim de Vanâ gloriâ.*

Summi sacerdotis Aaronis vestis, in quâ diuino cultui operabatur, tanti pretij & pulchritudinis erat, non solum quâ materiâ, sed & quâ arte, vt omnium Regum ac Imperatorum vestes cum eâ nequaquam conferri possint. Beseleel, maximus artifex vestem illam confecit: sed maiorem se artificem habuit, Spiritum sanctum, qui dictauit, qui conficiendæ modum præscripsit, & ipsi magistro velut puero manum duxit. *a* De hac veste Siracides: *Sic pulchra*, inquit, *ante ipsum non fuerunt talia & sive ad originem. Gloria honoris & opus fortitudinis; desideria oculorum ornata.* *b* Quicquid in hoc genere venusti vel curiosissimus oculus desiderarit, id in vnâ hac veste spectare potuit: *Desideria oculorum.* Omnem vel auidissimi oculi cupidinem satiauit hæc vestis; nil pretiosius, nil & pulchrius in opere non maximo videre quisquam optarit.

Hoc bonus Deus eo fine voluit, vt summus sacerdos ad templum progressus, omnium ad se oculos raperet: eâ etiam de causâ ad huius vestimenti imum marginem, trecenta sexaginta sex aurea tintinnabula iussit appendi, vt ipso sacerdos incessu ad hoc spectaculum vndeque omnes conuocaret. Nec erat qui non oculos suos in hoc spectaculo libenter perderet. Interea tamen huic ipsi summo sacerdoti, qui omnium in se oculos conuertit, in neminem oculos emittere licuit; ab omnibus aspiciendus neminem ipse debuit aspicere. Voluit enim Deus, vt iuncti sacerdotis oculi in vnicum ineffabile Dei nomen irent, quod eâ de causâ sacerdos aureæ laminæ insculptum fronte præferebat.

Nobilissimum hoc paradigma est hominis ex asse probi. Homo ferè bonus in se spectandum præbeat, quicquid castis oculis videre in voto est: *In omnibus te ipsum prabe exemplum bonorum operum.* *c* In hoc tali homine opulenti videant exemplum piæ Liberalitatis; afflicti & pauperes, Patientiæ; Iracundi & pugnaces, Mansuetudinis; impuri & intemperantes, Continentiæ; Ignavi, & desides industriæ: sit denique talis, *desiderium oculorum sanctorum*: Sic luceat lux vestra coram hominibus, vt videant opera vestra bona.

Enimuerò qui aliorum oculos vitæ sanctioris exemplo ad se  
trahunt,

*a* Exod. c. 13. v. 2. & 3. *b* Ecclesiast. c. 45. v. 14. *c* Ad Tit. c. 2. v. 7.



trahunt, ipsi suos oculos nequaquam in sui spectatores emittant, ut ipsis placeant, sed ut ab ipsis discant: vnum atque vnicum Dei honorem spectent in omnibus, velut Aaron solum frontale suum oculis admittebat. Ita hi solum Deum obtutu assiduo contemplantes, laudem etiam oblatam respuant, & à se deriuent in Deum, quantumque sibi ipsis displicent, tantum soli Deo cupiant placere, per veram, sinceramque in omnibus Intentionem, de quâ proximo capite dictum, quàm sit necessaria, nunc porro demonstrabitur, quàm nulla nostrarum actionum sine hac Deo possit placere.

## §. I.

In epithalamio diuino, a regiae Virginis oculos mirificè commendat regius è cælo sponsus, sed per similitudines dissimillimas, ita ut homo cælestium arcanorum rudis, non immeritò quærat: quæso, an sponsus hic temulentus est, quibus verbis sponsam laudat? *Oculi tui*, inquit, *columbarum*: Et: *Oculi tui sicut piscine Hesebon*. Ecquid oculis columbinis cum piscinâ? quid minus sibi simile quam oculus & amplissimum stagnum? *Mysterium* textit diuinus Spiritus eleganti inuolucro. Oculi columbinis oculis sunt similes, ut videant; piscinis Hesebon conferuntur, ut videantur. Hesebon, vrbs regia, Hieronymo teste, viginti miliaribus distabat à Iordane. Ad huius portam vnâ duæ erant nobilissimæ piscinæ, crystalli æmulæ. Huc populus feriatis diebus cateruatim effundebatur animi causâ, ad spectaculum crystallini maris. His ergo piscinis pænè quotidianum erat, *videri*. Et hinc sanctus Spiritus oculos sibi placentes & piscinis confert, & columbarum oculis. Et principio quidem comparat oculis columbinis. Columba omnium gentium sensu symbolum erat mutæ fidelitatis coniugum, cum alter alterum pari fide respicit. Et hoc cælestis sponsus in animâ castè dilaudat, oculos eam habere columbinos: *Oculi tui*, ait, *columbarum*; oculi fideles & casti, quos in me solum deflectis, & quos ego solus expleo, neque enim agendo, alium quàm me respicis, *Et ad me conuersio tua*.<sup>b</sup> Et velut alteruter coniux oculos à coniuge diuertens, adulteræ mentis suspensionem mouet: sic Anima si oculum Intentionis in aliud quid quàm in Deum conijciat, fidem fallere, & alijs à Deo placere se velle ostendit. nam quæ fidelis est, illud assidue ingeminat: *Tibi dixit cor meum, exquisiuit te facies mea, suauitatem tuam Domine requirunt*.<sup>c</sup> oculi mei tam & amplæ simul & angustæ

y 2

capacitatis

a In Canticois canticorum sapius. b Cant. c. 7. v. 10. c Psal. 118. v. 3.

capacitatis sunt, vt præter te, mi Deus, capiant neminem, nec vilius oculis seruiant quàm tuis. Eam ob causam tam fideles columbarum oculi, etiam piscinis Hesebon conferuntur. vult enim Deus sibi caros ab omnibus videri, vult omnium oculos in illis defigi, vt superbus in ijs intuendis discat, quàm eximìa sit virtus Humilitas, vt auarus cernat, quid possit Liberalitas, vt impurus videatur quàm decora sit Castitas; vt iracundus norit quid præstet Mansuetudo & Placabilitas. Vult Deus amicos suos esse velut piscinas Hesebon, quas plurimi contemplantur, è quibus hauriant, à quibus virtutum exempla capiant. Et quamuis hæ piscinæ videantur, non tamen sentiant se videri, neque alios ita videant, vt ijs placere cupiant, prorsus vt Aaron qui omnium in se oculos recepit, ipse suos in neminem ausus emittere.

Ergo alijs placere non cupiat, qui cupit Deo; nec Intentionis oculum in rem creatam vllam defigat, qui creatoris in se amorem concitare desiderat. Hic rerum cardo vertitur, vt Deum omnium actionum suarum finem assidue obseruet homo. Certè officium Christianum non ab initijs metiendum est; potest quis è vilissimo tugurio Romam ire in Summi Pontificis palatium, ex hoc pariter ad pauperrimam casam tendere, & ab his viæ terminis æstimandum est & illud, & istud iter. Sicut autem viator Romam iturus, cum animo suo assidue voluit Romam, Romam diu noctūque secum agit, Romam somniat, hæc eum cogitatio & cubitum euntem & surgentem non deserit. Roma enim viæ terminus est: sic in omnibus nostris actibus finem nobis nostrum præstituamus: quis ipse sibi dicat quotidie, quo tendo? quid quaero? propter quid me fatigo?

Hæc Intentio tam necessaria est volenti piè viuere, atque necessarium est spiritum ducere volenti naturaliter viuere; idque duplici de causâ. Prima, arcendæ Vanæ gloriæ: Altera, augēdis meritis.

## §. II.

Vana gloria vitium simul & periculosissimum & subtilissimum, tam multiplici vasamento insidiosum, vt euitari possit difficillimè. Alia vitia insidiantur nobis in terrâ, hoc etiam in ipso panè cælo pedicas tendit, vndique virtutibus occupatum inuadit. Imò quod sanctius quis viuit, hoc maiorem illud sibi sumit licentiam tantoque irruit audacius, quânto plus contra se cernit præsidij; è virtutibus nostris crescit, & acquirit vires. Omne genus insectorum, velut



ranæ, scarabaræi, mures, cimices, vermes, & id genus animalculorum è putri materiâ nascuntur : at verò fœdissimus hic vermis, Vana gloria, semine prodit recenti & generoso, è largâ eleemosynâ, è rigido ieiunio, è feruidis precibus ortum ducit, & nulli loco, vt Hieronymus loquitur, nulli statui, ætati, ordini, aut sexui parcit, & victum in victorem insurgit vehementius. Vana gloria, vehemens hectica est medullas exugens, & vix vnquam, si quem occupauit, deferens, primum & vltimum vitium nobis superandum, Augustini sensu.

Quam suaue fuit Prophetæ Ionæ sub vmbrosâ hederâ meridiani? vnicus vermiculus omnem amœnitatem illam turbauit. Virent subinde opera nostra, velut arbor feracia diffundens brachia, sed quamprimum vermiculus superbix hanc arborem admordet, momento exarescunt omnia. Vermiculus iste sic se nouit abdere, sic furtim rodere, vt ij ipsi qui Vanâ gloriâ turgent, non tantum id non notent, sed nec credant notanti, & monenti : Vermiculus iste abigi se patitur, & cedit incantationi, sed mox redit. Non satis est Vanam gloriam semel effugisse, centies redit, millies redit, & sæpe impetu maiore. Ideò venenatus hic anguis quotidie, & sæpius sacris carminibus vrgendus est. Vera contra hanc pestem incantatio est illud regij vatis : Non nobis, Domine, non nobis, sed nomini tuo da gloriam. a Dum viuimus, monente b Bernardo, è corde & ore non abeat istud Hebræi regis sacrum carmen.

At quis semper ad hoc cantandum tam alacer? is qui in omnibus est sinceræ rectæque intentionis : hæc excitat & impigrum facit, hæc docet bene agere, & sibi assidue præcinere : Non nobis, Domine, non nobis, sed nomini tuo da gloriam : tuo, Domine, non nostro nomini, nec nostris meritis, sed tuis. Sanctus Ignatius Loiola, charissimum sibi symbolum habuit : *Omnia ad maiorem Dei gloriam.*

a Pl. 111. v. 9. b Bern. serm. 5. de Sanct.

### §. III.

Adeò necessaria est recta Intentio, vt sine hac nemo effugiat Vanam gloriam, quam rectè Cyprianus vocat subtilissimum malum, quod reconditiora cordis arcana penetrat, & spiritualioribus mentibus insensibiliter se infundit. a Eleganter Petrus Chrysologus : Vana gloria, inquit, secretum virus, virtutum fucus, tinea sanctitatis. b Optime Ioannes Chrysostomus : O nouæ, inquit, calamitatis

y 3

a Cypr. l. de Tent. & ieiun. initio. b Chrysol. serm. 7.

tatis genus, ô furiosam hanc turbationem, quæ tinea corroderet, non potest, nec fur violare, ea inanis gloria omnino dispergit. Hæc est tinea cælestis thesauri, hic est fur qui æterna regna furatur, qui immarcescibiles à nobis diuitias aufert, qui tanquam contagiosus morbus omnia corrumpit. Ita quoniam prospexit diabolus tam latronibus & vermibus, quàm alijs machinis inexpugnabile illud esse præsidium: per inanem gloriam hoc expugnat.

En etiam cælum ab his vermibus tutum non est. Suadet Christus: thesaurizate vobis thesauros in cælo. *b* & tamen ne sic quidem penitus secura sunt quæ illic reponuntur; Vana gloria furtiuo meatu surrepens, thesauros cælo iam repositos clanculum asportat, nisi custos apponatur recta Intentio, quæ nec latum vnguem abeat à commissis sibi diuitijs. Quicquid vnquam boni fecimus, quicquid facturi sumus, Intentione rectissimâ vndique comuniamus, nisi nos delectet frustra laborem sumere.

Nullius sunt meriti difficillima etiam & excellentissima opera, nisi accedat Intentio bona: vanus est omnis labor, quem non recta Intentio commendat. Hanc Deus spectat in omnibus actionibus nostris, huic daturus est præmium. Haud inanis, nec magis memorandum facinus est, quàm alterum alteri vitam impendere: sed etsi quis suo corpore centenas cruces vestiat, sexcentas rotas induat, mille secures purpuret, & moriatur millies, nisi id fiat pro Christo, Dei causâ, sanctâ Intentione, mori poterit, sed martyr nunquam erit, ad cælestem gloriam id ei nihil proderit. Non pœna, sed causa, sed Intentio facit martyres, vti Hieronymus testatur. *c*

Eadem est ratio, in alijs maximi momenti rebus; Intentio baptizat, Intentio consecrat &c. eum è mille panibus sacerdos in Dominicum corpus, verbis Domini cominuat, quem Intentione sibi destinat.

Omnis meriti nostri, quæ nos, fundamentum est Intentio, ideo Christus orationis Dominicæ caput esse voluit: *Sanctificetur nomen tuum*, ne scilicet vnquam alio agendi principio moueremur, quàm Dei honore. Cum ergo tantæ sit nobilitatis Intentio, iure in diuina paginis *COR* vocatur. *COR* initium est vitæ: talis vita, qualem *COR* homo in pecudem migrat, si ei *COR* pecudis inferatur; pecus in hominem transit, si ei *COR* humanum addatur.

Nabuchodonosorem Regem voluit Deus fieri *bestiam*, & inter illas velut vnâ ex illis agere. ideo iussit: *Cor eius ab humano commutetur*.

*a* Chrysin 6.22. Matth. hem. 72. propius finem.

*b* Matth. c. 6. v. 20.

*c* Hieron. e. 3. ad Gal.



*setur. & cor fera datur ei. a* Sed voluit bonus Deus vt hæc bestia de-  
nuo in hominem mutaret. factum est, & : *super pedes suos quasi homo*  
*fleuit, & cor hominis datum est ei. b* Talis est Intentio, cor omnium eo-  
rum, quæ agimus.

a Dan.c.4.v.13. b Dan.c.7.v.2.

## §. IV.

Considerate hîc mihi obsecro eandem sententiam in duabus cu-  
rijs pronuntiatam. In Curiâ Hierosolymitanâ, Præsîde Caiphâ  
summo Pontifice, pleno confesso Senatorum dictum est: Expe-  
dit nobis vt vnus moriatur homo pro populo, & non tota gens  
pereat. *a* Hoc summus Pontifex decreuit, subscripserunt cæteri.  
Idem prorsus in curiâ cælesti à sanctissimâ Trinitate decretum est :  
Expedi vt vnus moriatur homo pro populo. Hæc autem eadem  
decretoria sententia, in Hierosolymitano quidem concilio summæ  
fuit stultitiæ & iniustitiæ; in concilio cælesti summæ sapientiæ &  
iustitiæ; illic ferinum cor Caiphæ & Senatorû eius odio & inuidiâ  
incitabatur, *in hunc eundem hominem*, hîc verò cor diuinum *in eundem*  
*hominem* summo amore ferebatur. Ita cor principium vitæ; & sicut  
corde læso, vicina est mors omnibus cordis functionibus: ita nul-  
lum hominis opus dici potest viuum, quod non sit propter Deum:  
intermortuus est labor omnis, quicumque hac viuâ Intentione de-  
stituitur.

Rem miram narrat Appianus Alexandrinus de duplici victimâ  
excorde. Iulius Cæsar eo die quo in Curiâ occubuit, senatum in-  
gressurus, de more fecit: apertâ victimâ cor defuit. Extispice ne-  
scio quid vaticinante de Imperatoris obitu, irrifit Iulius, & aliam  
adimoueri iussit, sed & hæc corde caruit. *b* Mirum prorsus, bis mi-  
rum. Et quâ ratione viuât animal sine corde, an tunc primùm ab-  
sumpto, an verò antea desiderato? si antea, & quomodo vixit? si  
tunc, & quomodo consumptum est? Quicquid id est, victima sine  
corde, certus mortis nuntius: sic & opus sine Intentione rectâ opus  
mortuum, inutile, nullum.

Ergo, omni custodiâ serua cor tuum, quia ex ipso vita proce-  
dit. *c* Ergo quotiescunque laborem nobis sumimus, aut precatu-  
ri, aut rem diuinam audituri, aut eleemosynam daturi, aut quiduis  
aliud acturi, hoc vnice curemus & ante omnia, vt agentibus hoc  
tale cor non desit, vt per Intentionem rectam ad Dei honorem

y 4

agamus,

a Ioan.c.11.v.50. b Quamuis id Cicero l.2. de diuin. eludat. c Prou.c.4.v.23.

agamus omnia. Non est virtus, non est vitium rectè factum, cui deest pars optima, Intentio recta. Videte vosmetipsos ne perdatis, quæ operati estis, sed ut mercedem plenam accipiatis. \*

a Ioan. epist. 2. v. 8.

# C A P. V.

## IN QVO POTISSIMUM CONSISTAT RECTA INTENTIO: Vbi aliquid de actu & habitu Intentionis.

**N**Ouum pacti genus & panè inauditum; si quis cum altero sic paciscatur: Amicitiam coibitans, sed in mutui fœderis stabilitatem ego te denasabo: tuus mihi nasus loco litterarum, & signi, & subscriptionis erit. Hoc tamen cruentum & Scythicum pactum tolerabilius foret, quàm fuit illud Ammonitarum regis Naas cum viris Iabes. Galaad, qui rogarunt haberi se fœderatos, & sic seruituros regi. Quibus Naas Ammonites: In hoc, inquit, feriam vobiscum fœdus, ut etiam omnium vestrum oculos dextros. \* Volebat sæuus rex miseros ad bellum prorsus inutiles reddere, sinister enim oculus tegebatur scuto, dextrum volebat erutum. Itaque hoc agebat, ut non tantum nescirent vincere, sed & pugnare.

Rex inferorum Lucifer non aliâ lege amicitiam init cum homine, quàm ut sinat sibi erui oculum dextrum *bona Intentionis*, oculum illum simplicem, ad Deum dirigendum. Vbi fœdus hoc admittitur, triumphum canit Satan; hominem facillimè vincit, eumque sibi facit mancipem, nam oculo illo caret, quo solo utendum est contra hostem. De dextro hoc oculo, quem Christus simplicem vocat, hætenus actum, quid sit oculus ille simplex quàm necessarius, & quàm sine hoc nihil Deo placeat. Nunc porro explicabimus, quid huic oculo sit gratissimum, siue, in quo potissimum recta Intentio consistat.

a 1. Reg. c. 11. v. 2.

# §. I.

Fuit ut Christus reprehenderet suos, in quo minimè videbantur commervisse reprehensionem. Reversî sunt, inquit Lucas, septuaginta duo, cum gaudio, dicentes: etiam dæmonia subiiciuntur nobis. \* Nimirum præclare rem gesserant, & miracula quoque patrarant: num igitur eis tristandum ob hoc, aut stendum? subiicit tamen Christus illa narrantibus: *Veruntamen in hoc nolite gaudere: facta,*

a Lucæ 10. v. 17.



facta, & mei discipuli non improbo, sed hoc in factis sanè spectandum non est, huc vestra Intentio non eat, neque enim sat purus est iste fons gaudij, quamuis raru ac magnum sit hoc donum, mirabilis & magnifica hæc potestas in cacodæmones, non tamen vestrum hoc opus est, sed mea gratia; nec ad vestram salutem spectat spiritus vobis subiici, sed ad aliorum. alia sunt & potiora dona de quibus solidè gaudere liceat. Hoc vnum vobis maximi faciendum, vos bono loco esse apud patrem meum: *Gaudete autem, quòd nomina vestra scripta sunt in calis*; huc omnis actio vestra, huc vestrum gaudium collineet.

En vt cælestis medicus suorum oculos malignè humidos terferit, & fluxum Intentionis non commendandæ siccarit. Intentio mala semper caducum vacuumque spectat, eoque vitiosè contenta est. Intentio bona puraque, non nisi æternantia desiderat, atque si sit purissima, solum Deum.

Diximus capite secundo, cauere culpam eo tantum animo, ne culpà in flammis sit luenda, Intentionem esse non damnandam, sed nequaquam puram, nec adedè magni pretij æstimatori Deo. Et quemadmodum ciuis ille tam probæ notæ non est, qui ciuicam legem de symposijs extra urbem non instituendis religiosè quidem seruat, non tamen reuerentiâ legis, sed nummorum amore; crumenæ parcit non famæ. nam altero tanto cariùs potaret in paganis tabernis: itaque potiùs in vrbe helluatur: Ita nec illa omnino purissima Intentio est, diuinæ legi parere, idedè, vt vitam agere liceat æternam in gaudijs: Bona est quidem, & melior priore, sed aliquem sui amorem sapit. Optima & purissima est Intentio, & verè *simplex oculus*, qui Deum solum respicit tam fixè, vt qui habet hunc oculum, sincerissimè de se pronuntiet: seruiam Deo propter Deum. Hoc sensu vociferatur olim Hebræus rex, &: quid mihi est, inquit, in cælo, & à te quid volui super terram? Deus cordis mei, & pars mea Deus in æternum. & Propter te solum, mi Domine, omnia libenter vitabo, quæ vitari iusseris; omnia hilariter & faciam & patiar, quæ mihi facienda venient, aut patienda.

Illud vnicum, *propter te, Domine, propter te, & mi Domine, propter te*, vsque & vsque sexcenties, & vsque millies, unò assidue ingeminandum. Nullus dies abeat, sed nec horâ quâ non & labori, & cui-cunque demum molestiæ nos promptè submittamus; isthuc identidem per calentem affectum repetito: *propter te, Domine, propter te*, & ab hac abstinere, & sustinere illud: hoc agere & istud perpeti pa-

ratus sum, sed propter te, Domine, propter te. Nam propter te mortificatus sum totâ die. a

a Psal. 43. v. 22.

## §. II.

Rectè Bernardus, purus amor, inquit, non est mercenarius. Mercedem operis secuturam non nescit, sed eo nunquam respicit neque ideò bene loquitur vt bene pascatur, nec ideò sanctè agit vt copiosè id exsoluatur : Amor purus imitandum sibi proponit Deum, qui vniuersa propter semetipsum operatus est, & propter gloriam suam. b Equum omnino est, vt homo propter hunc eundem dominum, & conditorem suum nihil facere, aut ferre detrectet. Talis erat illa cælestis sponsa, quæ omnia poma, noua & vetera, dilecto se seruasse ait. Noui recentèsque fructus sunt, ea quæ in nouâ lege à diuinâ gratiâ oriuntur, vt sunt Deum amare, in Deum credere, sperare, precari, inedia & vigilias, aliæue aspera propter Deum tolerare, & hoc est vitiorum ex Adamo traduces crucifigere, & hi sunt fructus horni. Poma vetera sunt illa naturæ opera, edere, bibere, loqui, dormire &c. quæ tamen vnâ cum nouis offerenda, vt etiam hæc facturi nunquam non dicamus, propter te, Domine, edam & bibam, propter te, dormiam, propter te omnia faciam, vt tibi vni placeam, etsi hominibus vniuersis displiceam.

Et quamuis difficile non sit illa primi generis opera propter Deum facere, difficile tamen est illa generis secundi, cum vis animæ inferior, ac deprauatior natura, incredibili affectu ad se trahat quicquid nouit sibi esse commodum & suauē, huc tota festinat, & id vnum agit ne malè sibi sit : atque si ibi ipsa relinquatur, sibi met seruit fidelissimè. Itaque vi adigenda est, vt illa omnia Deo permittat fieri : vt quis ideò tantum velit edere, bibere, loqui, dormire, quod id placeat Deo. Et hoc est quod diuinus Paulus tam seriò commendans : siue ergo manducatis, inquit, siue bibitis ; siue aliud facitis, omnia in gloriam Dei facite. c Tertullianus apud Christianos in more positum fuisse asserit, ad principium cuiusque operis cruce se signare. d quod tantundem erat ac dicere : hoc fiat ad gloriam Dei, In nomine Patris, & Filij, & Spiritus sancti.

a Bern. serm. 83. b Prou. c. 16. v. 4. c 1. Cor. c. 10. v. 31.

d Tert. l. de Coron. mil.

## §. III.

Quærit Basilius, a quâ tandem ratione quis possit, edere, & bibere ad Dei gloriam ? Huic suæ quæstioni respondet in hunc modum :

a Bas. in reg. breuior. reg. 196.



dum: Mensam accedat animo non niuium soluto, & in solū cibum hiantē, qui tantū imperet: affer, affer, cibus est meus, meam quadrā lambo, ē meo penore uiuo, ideō curabo ut mihi bene sit, & sentiam me viuere. non sic loquendum, neq; sic edendum, sed istud animo uolendum: Inspectorem habeo Deum, ergo cibum ita sumam, ut nullus inde offendatur, Dei gloria non minuatur: nolo ventris mei esse mancipium, ut solam hīc voluptatem secler, neque enim uiuo ut edam, sed edo ut uiuam, & par sim ferendis laboribus. Verbo, qui refici vult sine culpā, nunquam edat & bibat, quin hoc ipsum in Dei laudem faciat. *Propter te, Domine, propter te comedam & bibam; te meum finem in omnibus quæram.*

Sed num hoc nobis cogitandum eo ipso tempore quo mensam accedimus? Notandum, hic aliam esse Intentionem, quæ dicitur ACTUALIS, aliam quæ VIRTUALIS. Actualis est, cum quis Deo offert quod facit dum facit, aut dum facere incipit. Hac certè Intentione omnis nobis dies est ordiendus, antequam quidquam agamus, offerendo diuinæ gloriæ, quicquid acturi sumus. Sed expedit non confusam operum turbam & conglobatim, sed explicatè & præmeditatè futuræ diei actiones sic Deo sistere: Mi Deus, quicquid ego hoc die dixerō, fecerō; quicquid etiam cogitauerō, id omne tibi offero. Ego has & has preces, illum & illum laborem, ista atque ista negotia mea tibi consecro, nec aliud cupio, quā ut quicquid hodie horis omnibus acturus sum, id omne cedat in tuum honorem, mi Deus. Hæc Intentio dum manè suscipitur *actualis* est, tunc enim voluntas est in opere. Hac ita susceptā abijt quis in templum, in forum, in curiam, in sphæristerium, nec amplius cogitat, pro Dei honore illuc aut illuc se iturum: atq; tunc Intentio quæ manè erat *actualis*, incipit esse *virtualis*, si tamen vis eius aliqua remotis illis actionibus hæreat impressa, sicut lapis manu excussus, sursum per aërem volitans, non suā mole, sed manūs impulsu regitur ac mouetur.

## §. IV.

Hic notandus perpetuus mos Sanctorum, qui minimè contenti matutinā illā Intentione, omnia opera velut in cumulum congregare, & sic Deo in plenum tradere, sed insuper quotiescunque noui operis aliquid sumunt, toties Intentionem illam restaurant, illud assidue secum ingeminantes: Domine, hoc propter te faciam;

eiam; propter te, Domine, orabo; propter te laborabo; hoc propter te cogitabo; nunc propter te tacebo, nunc & propter te loquar: Quemadmodum homo potulentus quoties ferè bibit, toties comibonum vni propinat, & plerumque poculum exsiccat; ita homo probus ad cuiuscunque operis initium, illam actionem suam quasi Deo propinans ait: Domine, omnis hic meus labor tuus est, hæc lectio, Domine, hæc scriptio, hæc mea meditatio tua est; tibi Domine, & propter te hæc omnia facio. Hæc proborum hominum perpetua est consuetudo, & sunt Theologi qui vnicam illam matutinam Intentionem negent sufficere, ad omnes diei actiones Deo consecrandas. Nam Intentio *virtualis* actionem saltem impellat & promoueat necesse est: at quis impulsus est à matutinâ Intentione, cum quis meridie ad mensam sine vllâ Dei aut diuini honoris memoriâ, à tempore, à fame, à consuetudine monitus venit? Non est in illo matutino proposito vis alia, quàm vt ex eo bona censeantur, quæ illius velut iussu fiunt, fiunt autem illa sola quæ hinc non interruptâ vi oriuntur: eam autem interrumpit obliuio, cogitatio, vel actio naturalis diuersa.

Hinc liquet non sufficere homini iusto ad promerendam singulis actionibus gratiam & gloriam, principio diei totum se Deo offerre, cum proposito omnia ad ipsius gloriam faciendi: sed necesse est vt hoc propositum efficax sit, & verè causa operum quæ postea fiunt, ad quod generalis Intentio non satis est, sed requiritur vt peculiariter constituatur, exempli causâ, summa pecuniæ danda pauperibus, quæ deinceps vi illius propositi erogetur: hæc Theologorum mens est. « Hinc etiam luculentum, cur Christus bonis actionibus mercedem gloriæ promiserit, non tamen sine hac appendice, si fiant propter nomen suum. Est quidem propositum initio hebdomadis aut diei conceptum, ob Dei amorem omnia ad eius gloriam agendi, actus Charitatis ac Religionis, tantò præstantior maiorisque meriti, quantò amplius & extensius obiectum habet, non tamen omnibus illius diei aut hebdomadis actionibus suam nobilitatem induit. Nam vt opera sequentia ex tali actu promereantur diuinam gratiam & cælestem gloriam, necesse est vt sint effectus illius. E bonâ Intentione seu actuali seu virtuali sunt, quæ vi illius prodeunt, velut arbor surgit è semine: Vt si quis peregrinationem instituat ad locum Deo sacrum, omnes actiones in viâ exercendæ, aut perferendi labores, præclari erunt meriti, si exer-

ceantur



ceantur illæ, isti perferantur ex vi ac necessitate propofiti illius nunquam reuocati. Et vt fummam dicamus : Opus hominis iusti, æternam gloriam tunc promeretur, si ab actu Charitatis seu Rectâ Intentione imperetur, atque in Deum vt finem vltimum referatur, siue per præsentem actum bonæ Intentionis ( quod est actu referri ) siue per præteritum, à quo tanquam causâ mouente opus procedat, quod est referri virtute.

Ergo, si proborum exempla æmulari, si ex virtute agere, si omnes actiones nostras Deo consecrare cupimus, huius operæ non laboriosa nos minimè tædeat, quin proposito matutino sæpius per diem instaurato, & Intentione actuali ( quæ certiori pedegraditur quàm virtualis ) omnia dirigamur ad Deum. Quoties mechanici opifices opus suum ad certam normam, amussim, regulam examinant : quoties de die faber lignarius, aut cæmentarius regulâ longitudines, normâ angulos, altitudines libellâ explorant : quoties statuarius, latomus, inarmorarius canonein applicant : quoties Architecti, pictores, Mathematici ad chorobatam aut lineam vndeque omnia mensurant : Ita Christiani singulos actus suos ad diuini beneplaciti perpendicularum exigant, ne fallantur aut errent neue obliqua Intentio subrepat, & optima quæque deprauet.

## §. V.

Gratissimum est Deo, actionibus omnibus & singulis, diuini honoris lineam dictâ ratione applicare. Refert Ludouicus Blofius, Gertrudem sanctam virginem à Christo monitam, sua sibi opera omnia minutatim consecraret, nec tantum lectionem omnem, aut scriptionem, sed voces quas lectura, characteres quos scriptura; neque tantum cibum aut potum quem sumptura, sed bolos quos comestura, verba omnia quæ locutura, gressus omnes quos positura, anhelitus omnes, quos & vigilans & dormiens ductura, singulari affectu offerret. <sup>a</sup> Quid hoc aliud est, quàm exigere, vt centum floreni, qui vt æs alienum debentur, per singulos asses aut obolos numerentur. Sed cur id Deus à nobis exigit? Nostrum non est quærere, cur hoc aut illud velit Deus ( quis enim dicere potest, cur ita facis? <sup>b</sup> ) Sed tamen ratio in promptu est: Vult Deus homines sui seruitij exquisitè sedulos, vigilantes, industrios, & in omne suum obsequium esse attentos, qui non obiter, perfunctoriè, & oscitanter faciant quod debent, qui nunquam in officio claudicent, nullamque

que rem dissolutè conficiant, sed qui studiosissimè omnia diligenti-  
tissimèque curent, qui noctes & dies nihil aliud agent, quàm vt Do-  
mino suo placeant, qui omnibus nervis ac facultatibus contenda-  
nt, vt ei se probent cui placere cupiunt.

Hæc hominis contenta industria, Deo accepta est, etiam in mi-  
nimis. Palladius Helenopoleos episcopus, de seipso iuvene: Quo-  
dam die, inquit, conueni Macarium Alexandrinum valdè anxius,  
dixique: Ecquid faciam, pater, affligunt me cōgitationes meæ, illud  
assiduè ingerentes: nihil facis, recede hinc, frustra sunt tua omnia:  
Ad hæc Macarius respondit: Dic tu tuis cogitationibus, propter  
Christum custodio parietes. \* Quid obsecro facilius quàm parietes  
custodire, qui non tantum non aufugiunt, sed nec asportari  
queunt, & tamen hæc ipsa parietum custodela magni æstimanda,  
ob simplicem illum oculum in Christum conuersum.

Duo sunt in omni peccato *Auersio & Conuersio*. Qui agit contra  
rationem, conscientiam, Dei legem, auertit se à Deo, vt degener fi-  
lius reluctante patre & altum reclamante: mane fili, mane hîc, ma-  
ne. Ille nihilominus domo excurrrens in tabernam à parente veti-  
tam se penetrat. Dupliciter delinquit refractarius hic iuuenis; à  
patre abit, & subit ganeam prohibitam. Eadem prorsus ratio est o-  
mnium grauius peccantium. Cui sua libido, aut dignitas, aut cru-  
mena potior est quàm Dei lex, hic è facili diuina iussa contemnit,  
rei amatae aditu arceri non vult, idèd auersus à Deo abit, & excur-  
rit ad illicita, hic quidem ad pecuniam, iste ad mulierculam, ille ad  
alias vetitas voluptates.

Sed vtrum in contemptoris filij delicto grauius est? num ex-  
cursus & fuga è paternâ domo, an ingressus tabernæ? grauior cer-  
tè videtur fuga hæc à patre, velut caussa culpæ sequentis: Ita prorsus  
in omni peccato, Auersio à Deo grauissimum malum, & in alio-  
rum omnium inde prouenientium origo.

Eodem planè modo in quauis virtute duo spectanda sunt, exem-  
plo sit pia liberalitas in pauperes, in quâ cernitur, & benefica ma-  
nus in egenum, & conuersa mens ad Christum, cui placere vult;  
& cuius legi satisfacere cupit is qui sic in egenos liberalis est. Atqui  
hæc ad Christum conuersio præ illo altero maioris est meriti, &  
plurimum gratiæ conciliat omni actioni. *Tantum ergo*

*facis, quantum intendis.*

a Pallad. c. 201



*UTRUM BONA, SEU, RECTA INTENTIO possit opus malum, facere bonum?*

**D**EVs Abrahamo sacrificium imperans: *Sume, inquit, mihî vaccam triennem, & capram trimam, & arietem annorum trium, turturem quoque & columbam.* a Columbam solam non vult Deus, nisi iungatur ei turtur, ea scilicet avis quæ spectet ad cognationem: non vulturem, non vpupam, non accipitrem in hanc societatem admittit, sed turturem. Nimirum exigit Deus, vt omnibus quæ ipsi offerimus, columbam addamus, sinceram Intentionem: at si quis huic columbæ iungat fatentem vpupam, sacrum faciet ingratisimum. Sit turtur cum columbâ; sit opus vt minimè non malum cum Intentione bonâ; alioqui columba & vpupa in coniugium conueniunt inæquale. Bona Intentio, & opus malum, exosum Deo sacrificium.

Hinc liquet quàm Deo non gratum munus veniat ab eo, qui auferat donandi gratiâ; qui pauperes vestit, sed pannum ac corium furatur pro his vestibus; exuijs diuo Petro detractis, diuo Paylo induuias præstat. Hoc aliud non est quàm columbam & vpupam in idem sacrificium cogere, opus malum bonâ Intentione vestire velle.

Sed non immeritò quæras: Cur bona Intentio non possit malum opus reddere bonum? cùm tamen mala Intentio possit opus bonum reddere malum? Vnde tantum quæso roboris intentioni malæ, vt opus etiam optimum corrumpat, cùm Intentio bona tantum viriû non sit, vt operi malo mederi possit? opus bonum intentione malâ contaminatur, & quî sit quod opus malum Intentione bonâ non emendatur? si nullius est pretij ieiunium ex avaritiâ, cur non alicuius sit meriti plagium ex misericordiâ? clarissimè Christus: si oculus tuus, inquit, fuerit simplex, totum corpus tuum lucidum erit: si autem oculus tuus nequam fuerit, totum corpus tuum tenebrosum erit. Videtur ergo ex æquo iure bonam Intentionem præstare posse in opere malo, quod mala potest intentio, in opere bono. Respondemus,

a Gen. c. 15. v. 9.

§. I.

E diui Bernardi sensu: Duo mala robustiora sunt vno bono. Vbi non bona est Intentio, etsi bonum sit opus, ibi duo sunt mala, mala sci.

la scilicet Intentio, & fallax error. Exempli gratia: triduum ferè à potu tempero, & quàm parcissimè bibo, venturus est enim ad me potator insignis, ut huic respondere possim viribus non imparibus, iam minus bibo, ut postea possim bibere largius. Hic duplex malum. Primum: Intentio mala, sitio in gratiam ebrietatis. Alterum: error fidei qui persuadet ut credam hanc potius temperantiam Deo non displicituram. Atque hic opus bonum est duplici malo coniunctum, intentioni & errori, quod Bernardus eleganter: Ut oculus, inquit, sit verè simplex, requiritur charitas in Intentione, & Veritas in electione. *a*

At verò ubi opus malum est, cum bonà Intentione, bonum vnicum est Intentio, cetera mala sunt omnia. Hinc fermentum istud etsi bonum, tam potens non est, ut massam malam penetret aut transmutet in meliorem. Notum illud: In asymbolis, uti sunt ignis & aqua, non facilis est transmutatio: bene opinari & malè facere, maximè sunt asymbola. Ad actionem bonam non satis est, putare illam bonam esse; necesse est etiam, absit & error, & dolus. Ad malam actionem satis est si pars eius vnica sit mala. Vulgatissimum est illud diui Dionysij: bonum constat ex integrâ causâ, malum verò è quouis defectu. Quod confirmans Seneca: Adijce nunc, inquit, quod nihil honestè fit, nisi cui totus animus incubuit atque affuit, cui nullâ parte sui repugnauit. *b* Ad bene ambulandum, inquit Hieronymus, mediâ tritâque viâ eundum est: bonum agere malâ intentione, est nimium ad dextram flectere; malè agere bonâ Intentione est nimium ad læuam declinare. Vtrum fiat, non multum curat diabolus, modò fiat alterutrum, modò viator abducatur à medio, cum sit ubique virtutis modus: æquè peccat quod excedit, quàm quod deficit. Paulus monet: Et non (sicut blasphemamur, & sicut aiunt quidam nos dicere) faciamus mala, ut veniant bona, quorum damnatio iusta est. *c*

*a* Bernul. de precept. & dispens. *b* Sen. ep. 82. propius finem. *c* ad Rom. c. 3. v. 8

## §. II.

Gregorius Nazianzenus confirmans dicta: quis dubitet, inquit, maioris esse artis valetudinem ægro restituere, quàm adimere sano; difficilius amarissimum liquorem dulcescere, quàm dulcissimum vinum amarescere, ad hoc enim paucis guttulis opus, ad illud grande dolium vix suffecerit. Dialecticis lex est: Conclusio sequitur debiliorem partem. ubi Intentio bona, & opus malum est, conclusio tota mala est. Ita



Ita fucus est, & mera fraus, actionem ex se malam bono fine honestare velle, Vitium bonâ Intentione sic cupere vestire, vt id DEVS velut virtutem probet. Optime Gilbertus: Quid cùm opus bonum prætenditur, inquit, & non ipsum bonum, sed aliud totum intenditur. Oculûsne iste tenebrosus dicetur ex toto, an ex parte caligans? Mihî quidem magis tenebrosus ex toto videtur. Nam etsi lux deputetur in opere, nulla tamen agnoscitur in Intentione. Quomodo autem Intentio bona, quæ bonum non optat: aut quomodo simplex, quæ sub boni velamine seipsam occultat? \*

Qui statum priorum annorum, ab 1618. ad 1625. annum in memoriam reuocat, perpenditque horribiles Romani Imperij turbas, & grauissimam tot prouinciarum rebellionem, in eam fortè sententiam benignè descendet, vt persuaderi se patiatur, multos rebellium honestissimo fine delusos fuisse. Quantus tunc clamor ad arma vocantium, seque mutuis adhortationibus animantium! sed quo fine, quâ Intentione? Quantos audisses dicere: *Et Verbum Dei crescat, Et Euangelium propagetur.* multi, non dubitem, sanctissimis sese vocibus sefellerunt, quibus hoc vnum in ore: *Deo pugnamus, & Euangelio.* Sed, ô boni, siquidem Deo pugnatis & Euangelio, cur in legitimum magistratum insurgitis? cur indictâ causâ, in hos & illos tam sæuè animaduertitis? Hoc contra Deum, contra Dei verbum est, hoc vetat Euangelium. Verbum Dei non gaudet seditionibus, non tumultibus, non rebellionibus. Neque mali quid patrandum, vt inde aliquid boni eueniat. Ergo speciosissimos titulos omitte, bonâ, vt putatis, Intentione opus pessimum nunquam satis velabitis. Malè iunguntur finis bonus, & medium malum: Vpupa & columba ingratum Deo sacrificium; malâ vi auferre vni quod des alteri, vetitum est. Operi malo bona Intentio veram honestatem nunquam induet\*.

a Gilbert. serm. 22. in Cantica. D. Bernardo in hoc labore succentutiatus.

### §. III.

Pari modo, an non & illi qui Apostolos iugulabant, Intentione optimâ factum purgabant? Christus clarissimo vaticinio præmonens: Venit hora, inquit, vt omnis qui interficit vos, arbitretur obsequium se præstare Deo. \* Nimirum ideò necabantur Apostoli, ne religio nouaretur, nèue peregrina sacra introducerentur in prouincias, ita grauissimum crimen honestissimo nomine prætexebant, vix enim vllum iniustitiæ genus est, quod honestatis mantelo

velari non possit. Clarissimè hoc videre est in Saule rege Hebræo. Iurasset quis à Samuele Prophetâ magis impetu quàm ratione regem obiurgatum esse, Saulem providè & bono animo egisse. res ita habuit. Præceptum est Sauli regi: *Vade & interfice peccatores Amalec, & demolire uniuersa eius.* a Volebat Deus homines & pecudes mixtim ad internecionem deleri. At, *pepercit Saul & populus, Agag, & optimis gregibus onitum, & armentorum, & vestibus, & aruibus, & conuersis que pulchra erant, nec voluerunt disperdere ea, quicquid verò iste fuit & reprobrum, hoc demoliti sunt.* b Adest ergo Samuel, & : *qua, inquit, est hæc vox gregum que resonat in auribus meis, & armentorum quam ego audio?* Cui Saul: *De Amalec adduxerunt ea, inquit, pepercit enim populus melioribus ouibus & armentis, & immolarentur Domino Deo tuo, reliqua verò occidimus.* Quid hîc obsecro mali? an non hæc optima Intentio, *et immolarentur ea Domino Deo tuo?* An non hoc prudenter est agere, melioribus parcere in vsum sacrificij, ceterorum vilissima quæque destruere?

At verò Samuel aliâ lance hoc factum trutinatus: *Quare, inquit, non audisti Vocem Domini, sed versus ad pradam es, & fecisti malum in oculis Domini:* Imò audisti Vocem Domini, ait Saul, *& ambulavi in via per quam misit me Dominus.* Cui Samuel: *Nunquid sciti Dominus holocausta & victimas, & non potius ut obediat Vocem Domini?* Timuisti populum? at Deum magis debuisses. Obtulisti ea Domino? at melior est obedientia quàm victimas. Putasti Dei iussa mitius interpretanda? At quasi peccatum ariolandi est repugnare. Arbitratus es Deum id non tam rigidè imperare? At quasi scelus idololatriæ est nolle acquiescere. Summa suminarum hæc est, stultè egisti, mi Saul: Inobedientia Intentione bonâ defendi nequit: corium sublegere, & calceos egenis diuidere, eleemosyna patibulo digna est.

Eiusdem generis est & hoc. Iubet herus accersiri ad se seruum, qui tunc crapulâ plenus, nec pedibus valet consistere. huic excusando seruorum alter: here, inquit, malè habet. Hic honestè, vt putat, mentitur. Num hoc licitum? nequaquam. mendacium veritatis hostis est, vitium est, etsi palliolum bonæ Intentionis ei iniicias. Verum quidem est, quod Bernardus monet, Intentio bonâ dictum factumque non adeò bonum excusat, si non à toto, saltem à tanto, vt minor culpa sit in eo, qui bonum diligit, & malum nescius agit. c Ita minus peccat, qui alterius honori seruando aliquid fingit, sed tamen peccat. Omne mendacium est peccatum, nec bonâ intentione penitus depurgari potest.

## §. IV.



## §. IV.

Quantis angustijs premebatur castissima Susanna, à subseffloribus vetulis deprehensa in horto sola? famæ vitæque amissio verfabatur ob oculos, neque tamen vt famam & vitam non perderet, committere potuit adulterium, & rectam ad Deum Intentionem amittere.

Eodem modo quærit quis relaxationem animi. rem quærit hic non illicitam: bona Intentio. sed si duos in mutuum iurgium & pugnam committat, factum malum bonâ Intentione non defendet. Idem facit, qui feras alit vt licitam venationem instituât, sed hoc cum damno vicini, & plurium aliorum, quorum segetes conculcat, & agros vastat: bona hîc quidem Intentio, sed actio mala nunquam excusabilis, perinde vt furtivum corium, & ex eo calcei pro stipe dati.

Disertè hæc omnia confirmans Augustinus: Inter est plurimum, inquit, quâ causâ, quo fine, quâ intentione quid fiat. Sed ea quæ constat esse peccata, nullo bonæ causæ obtentu, nullo quasi bono fine, nullâ velut bonâ Intentione facienda sunt. Et vt opera ex se mala, ab alijs neque bonis ex se, neque malis distinguat, subdit. Ea quippe opera hominum, sicut causas habuerint bonas seu malas, nunc sunt bona nunc mala, quæ non sunt per seipsa peccata. Cum verò iam opera ipsa peccata sunt, sicut furta, stupra, blasphemix, vel cetera talia, quis est qui dicat causis bonis esse faciendæ, vt vel peccata non sint, vel quod est absurdius, iusta peccata sint. Quis est qui dicat, vt habeamus quod demus pauperibus, faciamus furta diuitibus, aut testimonia falsa vendamus, maxime si non inde innocentes læduntur, sed nocentes potius damnaturis iudicibus eruantur? duo enim bona fiunt huius venditione mendacij, vt & pecunia sumatur vnde inops alatur, & iudex fallatur, ne homo puniatur. Testamenta etiam si possumus, cur non vera supprimimus & falsa supponimus: vt hæreditates vel legata non habeant indigni, qui nihil ex eis operantur boni, sed hi potius à quibus esurientes pascuntur, nudi vestiuntur, peregrini suscipiuntur, captivi redimuntur, ecclesiæ construuntur? Cur non fiant illa mala propter hæc bona, si propter hæc bona nec illa sunt mala? Quis ista dicat, nisi qui res humanas omnesque conatur mores legesque subvertere? 6

Ergo Augustini sensu, nihil mali faciendum est, etsi multiplex

inde speretur securum bonum. Sed ipse Augustinus sibi obijciens: Dicet aliquis, inquit, ergo æquandus est fur quilibet, ei furi qui misericordiæ voluntate furatur. Quis hoc dixerit? sed horum duorum non ideò est quisquam bonus, quia peior est vnus. peior est enim qui concupiscendo, quàm qui miserando furatur: sed si furtum omne peccatum est, ab omni furto abstinendum est. *a* Eodem prorsus modo cum Augustino dicere licebit: si mendacium omne delictum est, ab omni mendacio refugiendum est, seu mendacium honoris, seu officij, seu commiserationis sit. Nam, eodem Augustino teste, si hanc peccatis aperimus viam, vt committamus minora, ne alij maiora committant, lato limite, imò nullo, sed conuulsis & remotis omnibus terminis, infinito spatio cuncta intrabunt atque regnabunt vitia. Hoc sapere, quid est aliud nisi desipere, vel potius insanire?

*a Ibid. c. 8*

### §. V.

Quàm ergo parentes sibi suisque liberis malè consulunt, dum in omne genus lucri inhiant, ne prolem minus opulentam relinquunt. Bonus finis, liberorum facultates augere, sed actio mala, pauperum reculas diripere, publica valetudinaria spoliare, varium vsuræ genus exercere, omne lucrum venari.

Anno nongentesimo quadragésimo nono, Taxis Rex Vngarorum ingenti exercitu Italiam inuasit. Berengarius rex Italiam terram liberare, & hostem repellere cogitabat. bonus finis, optima Intentio, modò bonum etiam modum huic rei adhibuisset. Rationem certè iniit non bonam: templa & egenorum domos adeò exhaustit, vt imensum thesaurum vndeque corraferit, è quo Vngaris, decem modios nummorum facillè potuit admetiri. Quicquid remanebat, sibi retinebat, factus vel ab hoste ditior. *a*

Sic etiam, cum quis sanari cupit, & à morbo reualescere, finis optimus: sed mittit ad fatiloquos & vaticinatores, ad diuinos & hariolos, ad coniectores & magos, hoc iam pessimè agit, nec peccatum purgabit honesto fine. Sic ambit quis officium, munus, dignitatem; cupit emergere, finis in se non malus: *si quis episcopatum desiderat, bonum opus desiderat.* *b* at si hoc satagat ne pauperior, et si aptior præueniat, si monetam & munera spargat, si post plurima data, plura promittat, & ita per argenteos gradus in sublime ascendat, aut si etiam alium loco moueat, vt ipse in eum succedat, actus sunt pessimi, tamen illud quod cupit malum non sit.

*a* Luitprand. Ticin. l. 5. hist. c. 15. *b* 1. Tim. c. 3. v. 1.

Sic



Sic alius quis causæ iudiciariæ finem appetit, rem certè bonam appetit, sed quia his atque illis manus argento oblini, & donis in suam partem trahit, idè bonum finem pessimâ liberalitate corrumpit & destruit. Non sunt facienda mala, vt eueniant bona : in conclaue ingredi, licitum mihi, sed non per fenestras.

Sic omnes actiones quæ Christianâ prudentiâ carent, veræ virtutis honestatem nunquam induent, etsi optimâ Intentione fiant. Sine prudentiâ nullus actus bonus : Estote prudentes, sicut serpentes. <sup>a</sup> Nec excusat dicere : putavi sic agendum, non putavi secuturum hoc damnum, putavi hunc hominem castigandum. Erat omnino, vt dicis, castigandus, sed non infamandus, non tam insolenter tractandus. Multi, *emulationem Dei habent, sed non secundum scientiam.* <sup>b</sup> Iudæi eo ardore ferebantur in legem Mosaicam, vt ubique possent, honorem Christi extinctum vellent : en sub magno Zelo legis, odium latebat legislatoris. Hæresiarchæ, & horum affectu habuerint Zelum Ecclesiæ in pristinum nitorem reformandæ : Bonus erat hic finis, bona Intentio. At verò in omnis ordinis & statûs homines maledicta congerere, magistratum contumelijs lacerare, minuere maiestatem, odio insaturabili in Pontificem pugnare, plebem in procures armare, concitare bella, alia ex alijs mala profeminare, non erat hoc aliud facere quàm quod fecit Thracius rusticus, qui cum vicinum putantem vites oleasque vidisset, ipse à stirpe omnes incidit : ita illi ; neque excusari poterunt hæc talia, vel millies ingerendo : putavi omnia melius cessura, non putavi tantum damni secuturum.

Frigidissimum hoc, *Non putavi*, Virtutis patrocinium suscipere non potest. Turpissimam aiebat Fabius Imperatori excusationem esse, *non putavi* : ego turpissimam censeo homini Christiano, cuius est talem imprudentiam omnem cauere.

Quod si bona Intentio malam actionem nequeat in solidum corrigere, quid erit Intentioni malæ malum opus addere ? si bonis malè vt malum est, malis malè vt pessimum erit. Laudatur cælestis sponsa à genarum pulchritudine : Pulchræ sunt genæ tuæ. <sup>c</sup> Nemo pulcher, Bernardi æstimatione, cui altera gena nimium tumet, aut ceræ similis est, vtraquæ necesse est amabili colore viuat : Stude, inquit, ambas speciosas habere has genas tuæ Intentionis. <sup>d</sup> Nam satis non est Intentionem esse bonam, sed & actio insuper bona requiritur, aut quæ saltem mala non sit. Huc nobis collineandum, vt

<sup>a</sup> Matth. c. 10. v. 16.

<sup>z</sup> 3

omnia

<sup>b</sup> ad Rom. c. 10. v. 2. <sup>c</sup> Cant. c. 1. v. 10. <sup>d</sup> Bern. serm. 40. in Cant. post med.

omnia fiant à nobis Intentione quàm sincerissimâ. nec decipi a-  
 mus tam speciosis nominibus: *Tamen bona Intentionu sum, esse res  
 rationes mihi sunt & causa; istud aut illud, hoc illud induit facio.*  
 Quæso non fallamus nos ipsos; actionibus nostris honestatem ver-  
 bis non conciliabimus. parum bonus est, qui ore tantum est bonus.  
 Et verendum certè, ne sæpenumero præter blandam nobisque il-  
 ludentem assentationem, nihil virtutis sit. Nimis quàm frequenter  
 iudicium affectus interpellat. Et quoties vel consuetudine, vel im-  
 petu non bono, in hoc aut illud ferimur, nihilo minus vanè iacta-  
 mus istud: *Ad Dei gloriam.* Scrutare quæso, te ipsum, mi Christia-  
 ne, verène Dei gloria ad hoc te impulit? an non aliunde id voluisti?  
 an non consuetudo aut tuus te affectus huc duxerunt? Et quæ sit  
 te ad mensam, ad ambulationes, ad animi relaxationes sic prope-  
 rare, imò & currere; ad ea verò quæ tui muneris, quæ virtutis sunt,  
 vix ire, imò & serpere: siccine omnia pari passu ad Dei gloriam  
 aggredieris? Crede mihi, hæc tales loquendi formulæ sæpe meri  
 sunt pretextus, quibus malè facta Deo nunquam purgabimus. Re-  
 peto quod dixi: Deus columbæ vult iungi turturem, non vpupam.

## CAP. VII.

QUINAM GRADVS SINT PURÆ  
 RECTÆQUE INTENTIONIS.

EXperientia docet aquam ex alto defluentem, quamvis multis  
 ambagibus cursum suum exerceat, tandem tamen ad primam  
 originis altitudinem ascendere, & cum ortu suo æquari. Idem præ-  
 tè observare est in humanis actionibus, quæ omnes ab Intentione  
 dimanant, hæc illarum scaturigo & fons est, nam cum ratione ne-  
 mo agit qui sine Intentione, quò iam altior est Intentio, hoc & actio.  
 Enimverò actiones nostræ quandoque in unam voragine se de-  
 mittunt, decurruntq; in profundam vallem, & velut seipsas amittunt.

Quot hodièque sunt homines religiosi, qui delicatè nutriti, vesti-  
 bus non nisi pretiosis, mensæ non nisi lautæ, actionibus solùm ho-  
 norificis assueti, scopas antea tractare, pavimentum verrere, ollu-  
 lam vel vnicam tergere, grandissimum duxissent piaculum. At  
 eùm religiosam vitam amplexi sunt, illa omnia & longè abiectiora  
 promptissimè facere, honori ducunt & voluptati. Ita sanctus Ioan-  
 nes Damascenus, regius antè præfectus aulæ, post pannosus mon-  
 achus, etiam latrinas purgare deprehensus est à magno viro. En in  
 quam



quam profundam altitudinem hæc aqua sese præcipitarit: Verùm, sicut torrens ex edito delapsus, ad suum fontem recurrit, sic & actiones istæ licet vilissimæ, quia originem habent altissimam, quia propter Deum suscipiuntur (ex hac enim Intentione promanant) ideo suam originem repetunt, redeuntque ad primum fontem: à Deo à quo sumpserunt exordium, etiam finem capiunt & præmium. Tanti refert actionibus etiam abiectissimis ad maximam nobilitatē extollendis, altissimam habere Intentionem, ipsum Deum. Atque de hac locuti sumus hætenus: superest certos in eâ gradus, & quidem tres ostendere, supremum horum, omniumque celsissimum ascendere, difficile non erit *volenti*. Hos gradus nunc ordine asigno.

## §. I.

Primus est: In omnibus rebus vnicum Dei honorem sic attendere, ut omnis affectus ad caduca hæc iuguletur, id solum spectando, quid placeat Deo. Qui sudo cælo, itinere longo fatigatus domum redit, omne vestium onus defluere finit, pileum deponit, pallium excutit, thoracem aperit, collare & cingulum soluit, soleas destrinxit, ita captandæ auræ se exponit. Pari modo, cuius animus Deo æstuat, is facile affectum exuit, quem in hæc fluxa prius gerebat. Bernardus de domo interiore: quomodo enim, inquit, perfecte diligis, aut diligeris, si in summorum desiderio ad superna non raperis? Collige teipsam ad teipsam, & in solo diuinitatis desiderio requiesce. <sup>a</sup> Atque hic dictum Augustini verissimum: Minus te amat, Domine, qui tecum aliquid amat.

Esther illa imperatrix potentissima, quæ Assuerum centum viginti septem prouincijs imperantem suæ potestatis habuit, quæ omni voluptatum genere (inodò voluisset) affluere potuit, nihilominus tamen: Tu scis Domine, inquit, quod nunquam lætata sit ancilla tua, ex quo huc translata sum, vsque in præsentem diem, nisi in te Domine Deus Abraham. <sup>b</sup> Atque hic primus est puræ Intentionis gradus, *verum conditarum obliuio*.

<sup>a</sup> Bern. de Do. int. c. 69. fine. <sup>b</sup> Esth. c. 14. v. 12.

## §. II.

Secundus est, *obliuio sui ipsius*. Hæc docet quâ ratione quis possit suimet non meminisse, & solam inter voluptates numerare in solâ Dei voluntate acquiescere. Sicut enim beatis in cælo summæ voluptati est, videre Dei voluntatem per vniuersum Orbem perque

pfos inferos velut inoffenso pede progredientē, nec vsquam quidquam reperiri, quod diuinę possit resistere voluntati. Imo, quod mirissimū, voluptas illa non sic eos afficit, quod bona possideant nunquam amittenda, quā quod Deus in illos beneuolentissimus sit, illis maximē cupiat, illorum gaudijs plurimum faueat. Et hoc est, quod rex Hebræus Dauid exclamat: Confitemini Domino, *quoniam bonus.* a Confitemini Domino, non quia me regem fecit ex opilio-  
ne, non quia me pauperem ditauit, nec ideo quia tanta insuper da-  
turum se mihi promisit, sed, Confitemini Domino, *quoniam bonus.*  
quoniam in sæculum misericordia eius. Hic alter purę Intentionis  
gradus est, ab illo tamen non facile superandus, quem regium car-  
men sic notat: *Confitebitur tibi cum benefeceris ei.* b In hoc ergo gradu  
& relinquit, & obliuiscitur quis seipsum, quod non omnibus tam in-  
expedito est. Non enim arduum relinquere sua, sed valde arduum  
relinquere se. Virtute constat, hæc *sus obliuio.*

a Psal. 117. v. 1. b Psal. 48. v. 19.

### §. III.

Tertius est, cum quis seruit Deo, non solum ut id Deo placeat, hoc enim nescio quid humani etiamnum retinet, sed quod sibi sic seruienti placeat Deus, vel quia Deus tam bonus est, ut nostrum obsequium dignetur approbare, eoque se capi ac deliniri ostendat. Diuinus psalter: Introibo, inquit, in potentias Domini, memora-  
bor iustitiæ tuæ solius. Deus docuisti me à iuuentute meā, & vs-  
que nunc pronuntiabo mirabilia tua. a Ego quidem homo doctus  
non sum, *quoniam non cognouit litteraturam,* sed Dei omnipotentiam  
ac iustitiam ita capio, ut nil aliud crebrioribus vsurpare possim ser-  
monibus. Huic igitur Domino tam bono, tam potenti, tam iusto  
promptissimè seruiam, & ideo seruiam, quia tam & bonus, &  
potens, & iustus est. Bernardus: O pura, inquit, & defæcata In-  
tentio voluntatis! eò certè defæcator, quo in eā de proprio nil iam  
admixtum relinquitur. Sic affici deificari est. b

Christus primum Pontificem iussurus, quā accuratè purissi-  
mam hanc Intentionem in eo excitans: Petre, inquit, amas me? Hoc iam ago, ut tibi mei muneris vicariam operam commendem,  
measque oues committam pascendas; at hoc officio fungi, & meas  
partes suscipere non poteris, sine purissimā Intentione. Ergo, mi  
Petre, amas me? Nec ei Christus antè hoc munus assignauit, quā  
Petrus ter apertè pronuntiasset, quò suum cor, oculi, Intentio

a Ps. 70. v. 16. & 17. b Bern. de dil. Deo.

irent,



irent, dixissetque : Domine, tu scis, quia amo te. Demum Christus : Ergo, mi Petre, si ego tibi adeò placeo, & seruire mihi vis propter me, nunc tibi meum gregem committo, Pisce oves meas. *a*

O Præsides, ô Episcopi & Antistites, ô Principes, ô magistratus & Præsides, ô Iudices & populi Pastores, attendite, quò vestri oculi, quò mens & Intentio vestra feratur; videte quid quæritis, an vos ipsos & prædam è subditis, an verò salutem & bonum subditorum; aduertite an vestram potius causam agatis, an Reipublicæ: considerate, obsecro, num Deum Deique gloriam Intentione purissimâ in omnibus spectetis. *Et nunc Reges intelligite: erudimini qui iudicatis terram.* *b*

*a* Ioan. c. 21. v. 15. & seqq. *b* Psal. 2. v. 10.

## §. IV.

Augustus Imperator iuueni olim non optimè se gerenti missionem dedit è bello, cùmque iuuenis quæreret, quid domi respondendum esset parenti? Augustus ei iterum: Dic, inquit, me tibi non placere. voluit dicere: tu mihi non places, ideò tuâ operâ carere possum. Nos Christiani sic agamus cum Deo, vt pro se quisque sic sentiat: Domine, seruire tibi cupio, & seruiam tibi pro viribus, quia mihi places in omnibus eximiè; ideò, mi Domine, ideò prorsus, & hac omnino Intentione tibi seruiam, quo ad vixero, atque in hoc vnū nervos omnes contendam, vt seruitijs tuis omnem affectum meum, inèque totum impendam, quia tu mihi non potes non placere.

Hæc verè sincera puraque Intentio, hæc Midæ virgula, inaurans omnia quæ tangit. Sed hæc Intentio quia tam pura, ideò etiam tam delicata & omnis mixturæ impatiens est. Norunt hortulani quosdam fructus solo ad terram casu vitari. formosum pomum pirumue vix vllum ex arbore decidit, quin næuum contrahat, & læsum se monstret. Intentio sincera tener fructus est, & vni-co ad terram illisu corrumpitur. Seruire Deo, metu supplicij æterni, non vetitum, nec metus hic malus est, sed tamen seruilis est. nisi bonus esset. Dauid non bene rogasset: Confige timore tuo carnes meas. *a* Aiunt tamen Theologi, peccatum eum qui sic sentiret; si inferi non essent, peccatum hoc committerem: talis enim voluntatis esset peruersæ. Seruire Deo spe præmij æterni, melior est Intentio priore illâ, nec tamen optima, Inclinaui cor meum ad faciendas iustificationes tuas in æternum propter retri-

butionem. *a* Seruire Deo propter Deum, hæc omnium optima & purissima est Intentio: Confitemini Domino, quoniam bonus, quoniam in sæculum misericordia eius. *b* Hæc postrema Intentio continuò inculcanda est omnibus, summi enim refert, quâ quis Intentione sua omnia faciat; hîc agitur de mercede ac præmio inexplicabili, æterno.

*a* Psal. 118. v. 120. *b* Psal. 117. v. 1.

## §. V.

Fuit qui amicorum optimo bene suafurus, ex eodem prius quæreret: Quæso te habesne argentum infectum & purum? Cui amicus: Habeo, inquit, plus minus quingentorum florenorum. Ille iterum: si me audias, ait, non id in monetam cudes, sed parabis in dona. Donem? ait iste, non hoc mearum opum est. Ille denuò: Mi optime amice, inquit, hac ratione donabis, & donando ditesces. Crede mihi, scenerari est, donare in loco. Hoc tu ages, meo consilio, mallusium vnà cum perfusorio fieri curabis è tuo argento, & donabis huic Principi. Primâ à dono hebdomade, quinque millia philippeorum ad te redibunt, vnà cum gratiâ & amplis fauoribus. nisi sic fiat, domum meam oppignero: dominus iste nil minus ferre potest, quàm gratis sibi aliquid donari, omnemque in se liberalitatem tanto fenore compensat, vt donum ipsi oblatum deculpo tanto pluris, quàm quanti est, æstimari possit. Huic ergo dona, si vis rem tuam augere amittendo. Ilte ingentes egit gratias, & eius consilij se vsurum promissit. Intellexistis hoc? Eadem prorsus est ratio Intentionis: Aliqui Deo seruiunt, & vt viles abiectæque animæ plagas metuunt, gehennam formidant, verè mancipia. Alij faciunt quod alimentarij, qui vt cibaria sibi publicè locentur, omnem pecuniam expendunt, sic enim alimenta perpetua sibi comparant: ita plurimi spe præmij Deo seruiunt pro cælo tanquam mercede, propriè serui. Alij denique Deo seruiunt amore, vt parentiamantissimo filij. Filius impuber cum parens conuiuium celebrat, inter vernas quidem adstat, & conuiuis ministrat, non tamen vllam mercedem cogitat, nam filius est, qui à patre suauissimū illud sæpius audit: *Fili, tu semper mecum es, & omnia mea tua sunt. a*

Tales, ô Christiani, tales omnino & nos sumus in Deum, non mancipia, non serui, sed filij, quando Deus ipse nos homunculos, terræ vermiculos honore tanto dignatur, Nam, Videte qualem charitatem dedit nobis pater, vt filij Dei nominemur & simus. *b*

*a* Luc. 9. 35. v. 31. *b* 1. Ioan. 3. v. 1.

Nunquid



Nunquid non & seruus qui plusculum ingenuitatis habet, maximè æstimat, domino suo à se satisfieri, & famulatum suum probari? Hoc illi contra aurum carum est. filius ergo non maximas opes censeat, placere patri? Chrysostomus: Aliam adhuc, inquit, præter hoc ipsam quod placere meruisti, mercedè requiris? verè ignoras, quantum bonum sit, placere Deo. <sup>a</sup> Estote igitur imitatores Dei sicut filij charissimi. <sup>b</sup> Lucundum vobis sit, omne argentum bonorum operum Deo non vendere sed donare, nec mercedem pro ijs aut præmium exigere: ita non tantum mille floreni pro centenis, sed & pro obulo tot & plures redibunt. Aptissimè monens Chrysostomus: Ne putemus, inquit, nos præmio carituros, si pro præmio non laboremus, inò ob hoc ipsum, præmium erit maius. <sup>c</sup> Omne enim opus, quò minus operantis lucrum spectat, hòc puriorem habet Intentionem, ipsumque est perfectius. *s. filij & heredes. heredes quidem Dei, coheredes autem Christi. d*

Deus promptior est vt donum pro dono reddat, quàm vt argentariam faciat & nummum commutet.

Pharaonis Ægypti regis filia, mercede conduxit matrem Mosis, vt paruulum illum sibi educaret, at illa non nummis persuasa, sed amore materno inducta promptissimè fecit quod rogabatur. Hos tales oculos, hanc amoris Intentionem vult Deus. Nam qui Deo seruiunt præmij spe, aut supplicij terrore, sic ei seruiunt, vt nos pani & vino, non propter ipsa, sed propter nos. hinc se miscet plurimus sui amor, quem Christus suis coloribus depingens: Quæritis me, inquit, non quia vidistis signa, sed quia manducaistis ex panibus, & saturati estis. <sup>e</sup>

<sup>a</sup> Chrys. l. 2. de compunct. cord. <sup>b</sup> ad Ephes. c. 5. v. 1. <sup>c</sup> Chrys. hom. 5. in ep. ad Rom. <sup>d</sup> ad Rom. c. 8. v. 17. <sup>e</sup> Ioan. c. 6. v. 26.

## §. VI.

Diabolus hac in re nihil non tentat vt Intentionem aut vitiet, aut quam vitare non potest, saltem terreat. Duo quidam in cremo Deo magis viuebant quàm sibi, magnà concordia, nec minore profectu. Inuidit illis cacodæmon has vitæ diuitias in tantâ paupertate, & vt tragulam inijceret, Angelum induit nitidissimi vultus. ita se seniori sistens, vt rectius falleret: Nuntij non boni, inquit, baiulus tibi sum, aut certè socio tuo. Nam iuuenis ille, tuus in hac Dei palæstrâ commilito & socius, à Deo præscitus, æternis flammis iam destinatus est, ideo quantumcunque bene agat, frustra agit omnia. Cohorruit ad hanc vocem senex, & ô terribilem, inquit, nuntium!

nuntium! Ergone pessum eant huius iuuenis conatus & labores tam præclari? ah, animo misereor. Hic iterum angelus ex Orco: Sciebam, inquit, non sine dolore ac gemitu te auditurum ista; verum diuina decreta rescindi non possunt. ita oculis se subduxit venustissima larua. Inde factum ut senex iste socium iuuenem nunquam sine præfago suspirio intueretur. Obseruauit id tandem iuuenis, nec distulit quærere, quid causæ esset, quod, quotiescunque se aspiceret, simul etiam ingemisceret: ad quæ denuò altum ingemiscens senex: quid iubes, inquit, infandum dolorem renouare? hic me potius tacere velis quam loqui. Ipsa hæc senis tergiversatio stimulabat iuuenem ad extorquendum responsum. Multis ergo precibus fatigatus senex, ut quicquid id esset eloqueretur, non sine gemitu tandem: significatum mihi est, inquit, te damnandum, frustra pro cælo laborare. Hic iuuenis singulari alacritate: ô mi pater, inquit, hoc te non turbet neque affligat: Ad hoc temporis Deo seruij, non ut mercenarius pro cælo, sed ut filius ex debito, quia ipse summum bonum est, cui ego me totum debeo, quicquid demum ille in me statuatur. Admiratus senex tam sinceræ Intentionis animum: Seruiamus, inquit, Deo quàm possumus fidelissimè: bonus ille pater non poterit patrem exuere: ipsi curæ est de nobis.

Neque verò distulit Deus paternum animum monstrare in filios tam obsequentes. Breuî post submisit verum Angelum qui moneret senem, impostoris diaboli mendacijs ne crederet, iuuenem illum æternis præmijs à Deo destinatum esse, Deoque singularissimè placere tam generosum illius in seruiendo animum.

Vult ergo Deus sibi à nobis serui, non ideò ut æternos carceres euadamus, neque ideò ut cælestia tempe habitemus, sed quia ipse dignissimus est omnium hominum & Angelorum obsequijs. Quapropter maxima rectè factorum merces est, *Deo placuisse*. Est quidem tantæ bonitatis atque liberalitatis Deus, ut etiam mancipiorum inferos timentium, & seruorum cælum sperantium officia non reijciat, sed si qui seruiant voluntariam prorsus & gratuitam seruitutem, hos ut verè amantissimos filios complectitur, horum singulis amabilissimum illud respondet: *Fili, omnia mea tua sunt.*

## CAP. VIII.

## QVID SIT MALA INTENTIO.

**E**xile animalculum est crabro, illud tamen membrum quod leſit, quàm dolet & ardet, quàm vritur! multò exilius volatile est cullex;



lex; quàm illi rostellum gracile: eo tamen velut siphunculo fugit sanguinem, & pars quam vulneravit, mox intumescit. Quid subtilius scorpionis aculeo: vix oculis deprehenditur, illo tamen velut gladiolo vix visibili totus homo iugulatur. Exiguum fermenti quantam farinæ massam permeat paucis horis: vnicus aceti caliculus, aut modicum fellis, totum generosi vini dolium corrumpit.

Intentio MALA venenum tam potens est & malignum, vt optimam quainque actionem deprauet. Egimus hæctenus de Intentione bonâ, quid ea sit, & quàm necessaria: Nunc porro agemus de Malâ, & ostendemus, quâ ratione hoc fermentum, & fel istud pessimum optima quæque vitiet, quomodo subtilissimus hic scorpionis aculeus sine tumultu occidat.

## §. I.

Statua Nabuchodonosori regi visa, prodigium erat quâ pretij, materiæ magnitudinis, inuisa prorsus turris ex auro, argento, ære, ferro. Sed quia imum statuæ firmum non erat, quia pedes erant lutei ac fictiles, ideò pretiosam hanc molem lapillus vnicus sic contriuit, vt nec testula quidem fuerit relicta, quæ posset esse vsui: *Tunc contrita sunt pariter ferrum, testa, æs, argentum & aurum, & redacta quasi in saeuillam astuta arca, quæ raptæ sunt cento.* a Ita prorsus MALA Intentio bonum opus quodcunque sic conterit, vt ei nil penitus relinquat boni. Cuius finis malus est, & ipsum quoque malum est.

Seditiosi illi ducenti quinquaginta procures synagogæ thus obtulerunt; quilibet horum suum habuit thuribulum. Dixisses tot esse sacerdotes, quot erant factionis huius capita. è regione horum vnicus stabat Aaron. Ita vtrinque idem fecerunt, tanquam si certarent quis melius hoc officio fungeretur. Vtra pars ergo vicit? vtra magis Deo placuit? Illos omnes extremè auersatus est Deus, non quòd eorum thuribula parum pretiosa, b aut thus minus fragrans, sed quòd Intentio illorum fuerit pessima, quâ Mosen & Aaronem in odium populi trahere conabantur. Quocirca omnes hausti sunt à terrâ vindice, *descenderuntque eius in infernum operis humo, & perierunt de medio multitudinis.* c Thuribula eorum in laminas producta & altari affixa, vt hoc æternum monimentum esset Israëlitis, quo commonerentur, Deum non ad actionem, sed ad Intentionem respicere. Cuius finis malus est, & ipsum quoque malum est.

a Dan.c.2.v.35.

b Nam Aaronis thuribulum ex auro purissimo erat, horum autem ænea. Vide Iacob. Salianum tom.2. Annal.vet.test. Anno mundi 2547. etc.

c Num.c.16.v.33.

Ab omni ævo quanta sunt facta, & quanta etiam nunc fiunt per Orbem, quæ humanis oculis videantur optima, sanctissima, cum eadem ut pessima damnent oculi diuini cernentes omnia. Et videte mihi, obsecro, regium iuuenem Absalonem, quàm is humanus, quàm obsequiosus, quàm & modestus fuit? primo diluculo stetit ad portam regiam velut ianitor, & ubi quispiam accessit salutaturus illum, extendebat Absalon manum suam, & apprehendens osculabatur eum. *a* Quis vnquam regij sanguinis iuuenem æqualis vidit esse humanitatis? nam si quis & negotia in aulâ tractaturus venisset, eum humanissimè ad se vocatum interrogabat, è quâ ciuitate adesset? quod ubi cognouisset, familiarissimè solatus hominem: videntur mihi, aiebat, sermones tui iusti & boni, sed non est qui te audiat constitutus à rege. O mitem, ô & benignum Dominum, & quàm olim idoneus erit qui ad regni gubernaculum sedeat, & imperet! Nam audite: quis me, inquit, constituat iudicem super terram, ut ad me veniant omnes qui habent negotium, & iustè iudicem? *b* En, tam laboris quàm iustitiæ amantissimum.

Sed quis non videat sub hoc lapide scorpionem latere, qui vniuersas Absalonis actiones insidiosissimè venenet. Quorsum enim omnis illa mansuetudo, & proluxa humanitas, quorsum tot blanda obsequia? quorsum tam inanè surgit, aduentores & hospites manu prensos osculatur, se iudicem promittit, nisi ut coronam regiam parentis capiti decutiat, & imponat suo? Cuius finis malus est, & ipsum quoque malum est.

Quid porro sanctius quàm vouere Deo & reddere? hoc ipsum fecit probus iste, sic dicam, veterator Absalon. sacrificium & peregrinationem vouit, eaque de causâ à domino parente abundi veniam petens: Vadam, inquit, & reddam vota mea quæ voui domino in Hebron. vouens enim vouit seruus tuus, cum esset in Gessur Syriæ dicens: Si reduxerit me Dominus in Hierusalem, sacrificabo Domino. Nunquid non eximius hic est actus, quis illo melior? *Gouens, ait, Goui. & sacrificabo Domino.* Omnia laude dignissima videntur. Sed quæ horum omnium Intentio? Furtiua, peruersa, impia: Ut optimum patrem solio pelleret, & ipse imperaret, ista excogitauit; nimirum huc ibant omnia. Hinc votum pessimum, pessima peregrinatio, sacrificium pessimum. Cuius finis malus est, & ipsum quoque malum est.



## §. II.

Eiusdem pictæ nequitiae fuit illa vulpes Galilæa Herodes. Peregrinationem quoque rex iste simulavit à se instituendam Bethlehæmum, nouo regi Iudæorum adorando. Vt & ego, inquit, veniens adorem eum. « Nunquid non sanctum hoc iter fuisset? imò verò, sed quâ Intentione venisset? ut infantulum recens natum in cunis iugularet. Cuius finis malus est, & ipsum quoque malum est.

Quàm verò istud in aulis Principum frequens, quàm pænè quotidianum est, simulare & dissimulare, manus osculari & amplissimè porrigere, ad aliorum gentia se submittere, mille delicias facere, ceremoniarum nil omittere, omne obsequium polliceri, amicissimum se fingere, verba sesamo & papauere sparsa ingerere, merum mel loqui. Sed ubi cor & Intentio? Lingua in melle, cor in felle; manus quidem beneuolæ sunt, plenum obsequijs os, vultus amicitiam promittit, sed aliud susurrat Intentio. hæc sæpe patibulum, laqueos, diabolum, & omni ei malæ fortunæ comitatum apprehendit. Lingua quidem humanissimè salutat: non est, mi frater, quem alium malim cernere, quàm te. Intentio addit, sed in patibulo. Lingua, prout docetur, familiarissimè garrit: nil magis cupio quàm Domino meo seruire. Intentio subdit: sed meo commodo. Lingua officiosissimè optat: Vtinam fratri meo amantissimo quàm plurimum gratificari possim. Intentio explicat: sed sine labore meo. O Herodes, ô vulpes! quàm longè aliud est, dicere, aliud etiam sentire quod dixeris. Verba vendere facile est, Intentionem bonam dictis factisque omnibus adiungere, hoc virtutis est.

Optimè Publius Mimus: Non aspicias, inquit, quàm plenas quisque manus Deo, sed quàm puras admoueat. In huius rei testimonium, duos simul Oratores propono, Ezechiam & Pharisæum, qui ex eodem precatorio libello Nutnini supplicant. Rex Ezechias: Obsecro, Domine, inquit, memento quæ sô quomodo ambulauerim coram te in veritate & in corde perfecto, & quod placitum est coram te, fecerim. <sup>b</sup> Pharisæus: Deus gratias ago tibi, inquit, quia non sum sicut ceteri hominum. Quid hoc aliud est dicere, quàm ambulasse se coram Deo, in veritate & corde perfecto, quod & Ezechias de se dixit. Pergit Pharisæus: ieiuno bis in sabbato, decimas do omnium quæ possideo. <sup>c</sup> Vterque se laudat, eadem vtriusque precatio. Cur ergo illius placuit, huius displicuit? Hoc dubium diuus Gregorius explicans: Sæpe, inquit, contingit ut iusti

&amp;

& iniusti habeant verba similia, sed tamen cor semper dissimile: & ex quibus dictis Dominus ab iniustis offenditur, in eisdem quoque à iustis placatur. Ecce Phariseus iustificat se in opere, Ezechias etiam in cogitatione, vnde ergo hic offendit, & iste placat? Omnipotens Deus singulorum verba à cogitationibus pensat, & in eius auribus superba non sunt, quæ humili corde proferuntur.

## §. III.

Sed duos alios propono simillimè facientes, dissimillimè sentientes, Thomam Aquinatem virum sanctissimum, & Troianum adulterum Paridem. Beatus Thomas, vti de eo memorant, assidens in conuiuio, feminam venusti vultûs fixioribus oculis aspexit. Eius rei causam rogatus à socio nonnihil ob hoc offenso: Admirabar, inquit, mundi creatorem: si enim rebus creatis tantum est formæ ac pulchritudinis, ipse opifex & creator, infinitè pulchrior sit, & formosior necesse est. Si caduci homunciones adeò vultu præstant in hoc Xenodochio, quales erunt beati post Resurrectionem in cælo? Ita Thomas Aquinas, conscientia illæsâ, & bonâ Intentione surrexit è mensâ, creuitque Dei amore. Et fortè hic sanctus vir, non minus egit ex virtute quàm Pior Abbas, qui contrarium fecit, qui nec suam quidem sororem, ægotam & viduam anum in oculos voluit admittere, sed se illi spectandum præbuit clausis oculis. Thomæ Aquinati similis fuit factio, non Intentione, Paris lasciuus iuuenis, qui vix aliud fecit quàm Thomas, in Menelai mensâ, vbi Helenam coniugem non suam continuo aspexit, sed oculis non castis, sed in dedecus suum suorumque æternum, nam raptum, nequitiam, adulterium cogitauit. Cuius finis malus est, & ipsum quoque malum est.

Propono tres alios homines, Matrem Christi, discipulum Christi, quem ipse diabolum vocauit, & Christi hospitam, quorum actio eadem pænè, Intentio fuit dissimillima. Mater Christi millies vtique in cunis filium reuerenti oculo salutauit: Magdalena pari reuerentiâ pedes Domini osculata est, cùm Simon Phariseus, ob neglectum hoc officium reprehensus est: sed & Iudas Iscariotes ori Dominico fixit osculum. Tam hîc impar meritum, quàm Intentio. Mater diuini fauoris & amoris ingens augmentum obtinet: Magdalena delictorum veniam, Iudas gehennam. Vnde hæc tanta inæqualitas in matre, discipulo, famulæ, eundem prorsus hominem osculantibus? Mater, amore castissimo: Magdalena,



daletia, affectu religiosissimo; Iudas, prodendi studio nequissimo hoc fecit. Cuius finis malus est, & ipsum quoque malum est. Idem in alijs plurimis videre est. Absidet quis ægrotanti amico, non quia bonus amicus est, & officij memor, sed quia captator, imò quia vultur est, qui lassa morbo pecora & castra è proximo speculatur; imminet morti & hæreditatem expectat. En vt bonam actionem fœdissimè corrumpat Intentio mala. Pari modo, & Herodes & Zachæus, Christum videre cupijt; eadem fuit vtriusque actio, dispar Intentio. Chirurgus hominem ægrum arctè alligat, brachium ei vulnerat, manum amputat, pedem secat, illi tamen gratiæ aguntur, & rependuntur aurei: prædo hominem etiam mutilat, sed in præmium ei debetur rota. & ratio est, ille vt læsum sanet, hic vt sanum lædat, ferrum expedit. Eadem ratione homo pius lapidem tollit, vt ad templi structuram conferat; homo iratus tollit & ipse lapidem, sed vt illum, cui stomachatur, eo feriat: Duo vnà Romani eunt, ille religionis exercendæ, iste inimici iugulandi causâ; illi merces è cælo, isti ab Orco debetur. Mercèdis discrimen facit Intentio. Puit, qui alterum ferro læsurus, tuber aperiret. Num ideo huic gratiæ agenda, aut reddendum præmium, quod vomitum quam medicorum inanus reformidauerant, diuiserit, & eum, cuius exitij cupidus erat, sanarit nocendo? Vides? non esse magnum in actione ipsâ momentum, sed in agentis Intentione. Ita non videtur dedisse beneficium, qui malo animo profuit. Casus enim beneficium est, iniuriâ hominis. *a*

*a* Vide Senec. l. 2. de benefic. c. 19. initio. Ciceronem l. 3. de Nat. Deor. Valer. Max. l. 1. c. 8. Plutarch. de Vilitate ex inimicis capiendâ.

## §. IV.

Inobedientia ex obliuione, negligentia, errore, plagas meretur non ita multas. At verò cum accedit Intentio & repugnandi studium, hoc plagis vix centenis expiabitur. Istud enim pertinaciæ & contumaciæ, ariolandi peccatum est. Pulchrè & verè Bernardus: Elatio, inquit, contemnentis, & obstinatio impænitentis, in minimis quoque mandatis, culpam facit non minimam. *a* Hic admodum cauendum ne in vilo delicti genere ad negligentiam, incuriam, inobedientiam accedat superbia, contemptus, pertinaciâ, hæc enim ratione vitia mirè se multiplicant, & in immensum excrefcunt. & quandoquidem illa, quæ dixi, latentia sunt crimina, mirâ celeritate grauitatem eis addit fœdissimam Intentio mala. Ideo diabolus non tam curat quid boni vel mali faciamus, modò hoc ob-

*a* Bern. l. de præcept. & disp.

tineat, vt bonum faciamus Intentione malâ. De hac diaboli *vafr* tie Gregorius: Totam arborem, inquit, fructus sibi ferre conspici- cit, quam veneni dente in radice vitiauit. Et Bernardi sensu bo- num hominem prorsus condemnat Intentio praua. Christus ipse clarissimè: Si oculus tuus, inquit, fuerit nequam, totum corpus tuum tenebrosum erit. <sup>a</sup>

Sed est personatorum grex, vbique terrarum reperiendus, quem Deus cælo nunquam admittet, scilicet Opera bona malam Inten- tionem induta. De his diaboli larvis dici potest: Lupus sub pelle ouinâ fuit, Vitium virtutis palliolo incedit, Satanas Angelum lucis se gerit.

Iobus: Abominabuntur, inquit, me vestimenta mea. <sup>b</sup> Tam- foedus sum & purulentâ tabe plenus, vt ipsæ me vestes meæ horre- ant, velut tangere recusent tam impurum hominem. Vestes, ex- teriora sunt opera bona, hæc illum, qui intus & in animo tam vlce- rosus est, malisque intentionibus scatet, abominantur, damnant, refugiunt, velut si doleant hominem foris tam esse nitidum, intus plenum fordibus. *Si oculus tuus nequam fuerit, totum corpus tuum tene- brosum erit*: etsi ouinam pellem, aut Virtutis palliolum, etsi Angeli vestem ei circumponas. Gregorius: Cum peruersâ intentione, in- quit, vel rectum quid agitur, etsi splendere coram hominibus cer- nitur, apud examen tamen interni iudicis obscuratur. <sup>c</sup>

<sup>a</sup> Luc. c. 11. v. 34. Matt. c. 6. v. 23. <sup>b</sup> Iob. c. 9. v. 31. <sup>c</sup> Greg. lib. 28. mor. c. 6.

### §. V.

Et hoc DEVS, quandoque luculentè ostendit. Rem miram nar- rat idem sanctissimus scriptor Gregorius, in hunc modum. Tuder- tinus Pontifex Fortunatus vir miræ sanctitatis, diabolum humani corporis infessorem precibus expulit. Diabolus hospitio pulsus, vt iniuriam suam sarciret, Deo sic annuente, habitum hominis pe- regrini induit, quem ex arte simulans urbem obiit sub crepuscu- lum, & velut exul egensque contra Fortunatum episcopum quere- las cœpit spargere, &: En, inquit, quàm sanctus vir sit Fortunatus episcopus vester; ecce quid fecerit. hominem peregrinum, & à fortunâ pessimè habitum hospitio insuper exclusit. quò tendam? non est qui miserum domo recipiat. Dum hæc queritur, audijt ea cuius, ad prunas cum vxore & filiolo confidens, & mox inuidâ cu- riositate sciscitatus est pressius, quid iniuriæ illi fecisset episcopus? Vbi vaferrius peregrini querelas audijt, liberaliter ei domum suam



In hospitium oblatit, non tam ut peregrino faceret bene, quam ut episcopum, cui pessimè volebat, traduceret. Sic larvatum dæmonem vnâ secum pertraxit ad prunas. Hic ubi multa confabulati, exiliens subito peregrinus, filium hospitis arripuit, & vi maximâ in ignem excussit, elisitque animam. <sup>a</sup> Heu miserrime parens agnosce demum, vel quem tu domo receperis, vel quem Antistes tuus domo exegerit. Laudatissima virtus est Hospitalitas, sed si eam Intentio deprauet mala, à virtute degenerat in vitium; peregrinos hospitio suscipere, etiam in magno illo Abrahamo commendatissimum fuit, sed si bona desit Intentio, tam facile diabolus recipitur quam Angelus. Eadem est ratio virtutum aliarum omnium, quibus si praua sese infinuet Intentio, cacodæmon aperiam inuenit tabernam, quam occupet pro libitu, facitque hominem idololatram, ut suum ipse ventrem, pecuniam suam, suam arcam numariam, aut escariam mensam adoret, quod fieri constat in omni lethali noxâ.

Si oculus tuus fuerit nequiam, totum corpus tuum tenebrosum erit. <sup>b</sup> Ah, quàm hîc circumspectè attendendum, ne frustra nos fatigemus, & operam ludamus, ne meritum bonis actionibus obtinendum perdamus omne, Intentione non bonâ. Ideò cum Hebræo psalte precandum assidue: Cor mundum crea in me Deus, & spiritum rectum innova in visceribus meis: <sup>c</sup> ut tibi seruire cupiam, tibi in omnibus placere.

<sup>a</sup> Greg. l. i. Dial. c. 9. <sup>b</sup> Matth. c. 6. v. 23. <sup>c</sup> Psal. 50. v. 12.

## CAP. IX.

## QVA RATIONE MALAM INTENTIONEM prodat operis publicatio.

Exploratores Hebræi, à militiæ duce Iosue missi, urbem Hiericho ingressi, notissimæ feminæ Rahab hospitium subierunt. Excepit illa, abscondit, aluit. Illi ut hospitæ suæ gratias meminisset, rem magni momenti promiserunt, eam tamen lege: *Servamen, inquit, non prodideris nos. quod si nos prode solueris: Et sermonem istum proferre in medium, erimus mundi ab hoc iuramento, quo adiurasti nos.* <sup>a</sup> Norant homines prudêtes fieri vix posse, ut penitus lateret. Et certè vicini latebras has odorati, rem ad magistratam mox detulerunt. At Iosuani plus non exigebant, quàm hoc ipsum: *tu ne prodideris nos, nam si euulgetur per te, nos hîc esse, tuum tibi hospitium nec quadrante solvemus, promissis neutiquam stabimus.*

<sup>a</sup> Ios. c. 2. v. 14. & 20.

222

Opera

Opera bona exploratores sunt, & ad cælum tabellarij, qui in orbe hoc peregrini ciuibus omnibus exosi sunt. Inter ciues suos Mundus numerat Dolum, Iniquitatem, Vitium, Fraudem. Porro exploratores illi promittunt nobis inaudita & inuisa præmia, à magno illo Iosue Christo tunc danda, cùm Hiericho, hoc est, orbem succensus aduenerit: Eam tamen illa conditionem requirunt: *Si non prodideris nos.* Cùm facis eleemosynam, monet Christus, noli tubâ canere ante te. *a* Virtutes proditæ euanescent.

Enimuerò tam garrula est lăcantia & Inanis gloria, vt nihil non simul, & prodat & perdat. Huic ergo tam garrulo monstro non tantum os, sed manus pedesque sunt ligandi, ne vllum dare possit signum cælestium nunciorum, operum bonorum latentium. Hoc, Christi præceptum crebrius ingerit: Attendite ne iustitiam vestram faciatis coram hominibus, vt videamini ab eis. *b* Cùm tamen in eadem concione imperet: Sic luceat lux vestra coram hominibus, vt videant opera vestra bona. *c* Quâ ratione ista conueniant, & quis nostrorum operum bonorum proditor sit, nunc exequemur.

*a* Matth. c. 6. v. 2. *b* Matth. c. 6. v. 1. *c* Matth. c. 5. v. 17.

### §. I.

Quærit è Iobo, cognatorum vnus, &: Nunquid viuere, inquit, potest scirpus absque humore, aut crescere carectum sine aquâ? *a* Scirpi in paludibus & piscinis virent, neque enim sine humore scirpus, neque sine aquâ carectum proficit. Sed inutiles sunt hæ stirpes; nullæ inde ficus colliguntur, nec quidquam quod in humanos vsus sit. Ita multos reperias, quorum habitus exterior planè decens & compositus, qui multa præclare & dicunt & faciunt, sed ided quia & auditores & spectatores habent: itaque crescunt & virent dum videntur & laudantur. hoc scirpum facit virere, humor humanæ laudis: cùm hi tales desinunt laudari, desinunt & virere. Quia enim, inquit Gregorius, sine Intentione rectæ cogitationis bonum studuit agere, indicat se sine radice floruisse. *b* Idcirco ingemiscens hic idem vir sanctissimus: Magna, inquit, vecordia est, laboriosa agere, & auræ laudis inhiare, forti opere præceptis cælestibus inferuire, sed terrenæ retributionis præmium quærere. Vt enim ita dixerim, qui pro virtute quam agit humanos fauores desiderat, rem magni meriti vili pretio venalem portat. Vnde cæli regnum mereri potuit, inde numinum transitorij sermonis quærit. Vili ergo pretio opus vendit, quia magna agit, sed minima recipit. *c*

Plato,

*a* Iob. c. 8. v. 11. *b* Greg. l. 8, mor. c. 24. ante finem. *c* Greg. ib. c. 25. initio.



Plato, cùm nobiliores aliquot amicos ad cenam inuitasset, tricliniũque ornari iussisset non omnino sordidè, irrupit Diogenes Cynicus, & spurcis suis cænosisque pedibus cœpit lectulos conculcare. Ingressus cum cõuiuis Plato: Quid agis, inquit, ô Diogenes? Calco, ait ille, Platonis fastum. Calcas, respondit Plato, sed alio fastu maiore. Iactantia certè in Diogenis animo impotentior erat, quòd inops esset, quàm in Platonis, qui cultum illum amicorum oculis dabat, non sibi. Ita inuenias superbos plurimos simul & egenos, qui hoc tantùm nomine meliores & sanctiores bonis sed diuitibus sibi videantur, quòd nihil habeant: ceu verò modicum censum laudarit Dominus, non modicum animum, & tanquam virtutis sit egere, & non potiùs egestatem æquanimiter ferre.

Idem ille Diogenes perpeffu aspera tolerabat multa, sed eo animo, vt omnium oculos ad se suspiciendum raperet. Idcirco cùm mediâ hieme frigidissimâ lauaret aquâ, frequensque populus ad id spectaculi conflueret, & verò etiam aliqui hominis miserti rogarent vt sibi parceret, Plato inter spectatores exclamauit: *Si Sultis miserari, abite*. Nouerat Plato ingenium huius morbi, qui tunc suis viribus destituitur, cùm alienis oculis aut auribus caret.

## §. II.

Attendite ne iustitiam vestram faciatis coram hominibus, Vt VIDEAMINI AB EIS: quantum alij humanos oculos quærunt, tantùm vos fugite. Aristoteles quidem magnanimum putat eum, qui nec maiore nec minore vult honore, quàm sibi conueniat, affici. At in Christi Academiâ hæc præceptio exploditur: Christus magnanimum iudicat: qui omnem honorem potest spernere, insuper & seipsum. Certè honor quicunque, non sat dignum virtutis præmium erit. Volucres fugaxque bonum est honor, & inter res extrarias euanescit, nec in honorati potestate, sed in honorantis est. Idèò Christus infantie nostræ miseresceus, tam sollicitè monet: Attendite, ne virtutes vestras vilissimo pretio vendatis: Si VIDERI vultis ab hominibus, oculos à vobis auertat Deus, Attendite, alioqui mercedem non habebitis apud patrem vestrum, qui in cælis est. Ergo, ne velitis decipi: Maximus honor pro opere bono minimo, impar prorsus & indigna merces est.

Equidem Seneca hoc probè intellexit, idque in epistolis vrgens: Virtutum, inquit, omnium pretium in ipsis est: rectè facti merces est, fecisse. Nemo mihi videtur plurius aestimare virtutem, nemo

illi magis esse deuotus, quàm qui boni viri famam perdidit, ne conscientiam perderet. <sup>a</sup> Maximè quidem est bonum nomen, at pluris bona conscientia. At dicas, commendari à folis hominibus non cupio, sed à Deo hominibusque. O mi bone, Deum nondum nosti, si tibi non sufficit laudari à solo Deo. En, ne fallaris, terrarum orbis & Deus, non maius quid sunt Deo. Arca Dei & idolum Dagonis non plus sunt quàm arca: Tantum ergo tibi sit Deus, quantum Deus & alia simul omnia. Scis etiam Christum & mundum amicos non esse, quid ergo ditari vis aut commendari ab inimico Christi? neque nescis Deum tui curam habere, si tibi id proffit, spoliabit is Ægyptum vt te honoret: Virtutis maximum præmium est, quòd latere suos non sinit; producit illos ad gloriam, sed suo tempore. Interim patere omnem tibi noxium honorem submoueri, & ne queraris: *non honoror, prout meritus sum, alia me deceret Veneratio*, <sup>c</sup> Ecce, vanissimæ sunt hæ querelæ; *Attendite*. Imò tam non vult Deus humanos fauores & honores à nobis amari, vt permiserit suum etiam filium dici Beelzebub; nec ferè vllum est contemptus aut iniuriæ genus, quo affectus non sit seruator Mundi, qui vt omnem humanam laudem nobis redderet inuississimam, illà nobilissimâ concione, quam Matthæus descripsit, hoc pænè vnum persuadere conatus: *Tu autem, inquit, faciente eleemolynam, nesciat sinistra tua, quid faciat dextra tua.* <sup>b</sup> Vultus Christiani totus introrsum respiciat, nunquam curiosè foràs exeat cum Dinà, non quærat alienigenam cum Samsone, non Ægyptiam cum Salomone. Eccur humanis laudibus, tanquam ridentibus hæredibus nostrarum virtutum opes permittamus? ridendo rapiunt omnia. *Nesciat ergo sinistra tua, quid faciat dextra tua.*

<sup>a</sup> Sen.ep.31. <sup>b</sup> Matth.c.6.v.34

### §. III.

Contendit Christus, & pluribus modis inculcat, Omne opus Intentione purissimâ propter Deum esse faciendum, neque hîc quærendum, quid nobis sapiat, quid placeat, aut adlubescat: *Nesciat sinistra tua*. Plurimum sanè laborum nostrorum perdimus, dum in ijs solummodo gustum & sensum sectamur, & vt vocamus, deuotionem nostram quærimus: Si hæc desint, & nostras preces, & functiones nostras, & hoc atque illud temere omitimus, quia gustum operis non habemus; at verò cum hic adest, cum sapit quod facimus & oramus & laboramus, hoc est sibi sacrificare, non Deo.

Si



Si pueri discere nolint, nisi butyrum & similagineus panis ad scholas ferendus detur, serò doctores fient. Opera nostra plerumque tum plurimum habent meriti, cum minimum delectationis, cum nosmet ipsi vi ad ea adigimur, cum in ijs molestiam & nauseam sentimus, illam tamen vincimus.

*Nesciat sinistra tua quid faciat dextra tua.* Subinde & ipse qui iuatur fallendus est: ut habeat, nec tamen à quo acceperit, sciat. Optimus quisque cælo & Deo teste contentus est, & cum Iobo se solatur: Ecce enim in cælo testis meus, & conscius meus in excelsis. <sup>a</sup> Hoc nostræ stultitiæ pars est, cum videmur nobis frustra laborare, nisi sint multi spectatores, & testes laboris nostri. Deus, ô vani, theatrum suum in tenebris habet, quid vos lucem & publicum ambitis? Sed quærat quis: quid malè est, si seruus suo domino placere, seque illi probari cupiat? Aio, quiuis suo munere sic fungatur, quemadmodum iubetur: cum ambigit, quid velit dominus, facienda quàm accuratissimè potest, faciat: de cetero anxius non sit, placuerit an displicuerit, alioqui humanis tantum oculis seruuisse censebitur.

Gedeonis milites in Madianitas pugnaturi, læuâ lagenam, in quâ lumen, dextrâ buccinas tenebant. Ac ubi res congressum & prælium spectabat, buccinis clangebant, & lagenas frangebant, atque vnâ conclamabant: DOMINO & GEDEONI. <sup>b</sup> Nos itidem, cum lagenam frangimus, & de cropore supplicium sumimus: cum buccinis clangimus, & Christi religionem in templis extollimus, lux effulget: præclare hæc omnia, modò nemo clamat: MIHI & GEDEONI. Non ita, sed DOMINO & GEDEONI. Non nobis Domine, non nobis, sed nomini tuo da gloriam: non mihi, sed CHRISTO: non mihi, & meo gustui, sed GEDEONI. & aliorum plurimorum salutem. Solam Dei gloriam, & Deo soli quæramus, non nobis: tam alieni à nostrâ, ut *nesciat sinistra quid faciat dextra nostra*: Petrus Rauennas: Si teipsum, inquit, vult nescire, quanto magis alium? Augustinus, dextram appellat amorem & puram Intentionem ad Deum; læuam, obliquum oculum ad umbras falsæ gloriæ. <sup>c</sup> Hebræus psalter: Si oblitus fuero, inquit, tui Hierusalem, obliuioni detur dextera mea. <sup>d</sup> Cum cæli non meminimus, obliuiscitur nostri dextra nostra, nec iquat nos, perinde ac si eâ prorsus careamus: cum dextra hæc vacat, tunc

aa 4

viget

<sup>a</sup> Iob. c. 16 v. 20. <sup>b</sup> Iudic. c. 7. v. 20. <sup>c</sup> Aug. serm. 60.

<sup>d</sup> Psal. 136. v. 5.

viget sinistra. Sed nunquid infantes corripiunt cum salutanti lænam porrigunt, cum læuâ cibum eximunt; quis illis non obijcit? pudeat te non manu honestiore uti. sed nec in adultis id dissimulamus, cum Scæuolas esse cernimus. At verò in rebus animi, læuâ uti & rumorem aucupari, longè turpius est, neque solam post se trahit turpitudinem, sed & noxam. At sicut infantibus ligatur læua, dextrâ liberâ: sic qui obseruat Intentionem suam in multis sinistram, liget illam consideratione damni, quod inde maximum & æternum emergit.

#### §. IV.

Pulcherrimè Petrus Chrysologus: Iustitia, inquit, quæ se humanis oculis locat, diuini Patris mercedem non expectat. Voluit videri, & visa est: voluit hominibus placere & placuit; habet mercedem quam voluit; præmium quod habere noluit, non habebit. Et quàm congruè Christianæ legi Seneca: Pacem, inquit, deinus animo, quam dabunt actus boni, & intenta mens ad vnius honesti cupiditatem. Conscientiæ satisfiat, nihil in famam laboremus, sequatur vel mala, dum bene merearis. *b* An non hæc eadem diuinus Paulus sæpius inculcat? Sed iam passim (quod Plinius annotat) multi famam, conscientiam pauci verentur. Plerique non attendunt, quàm ipsi bene agant, sed quàm alij de ipsis bene sentiant: quàm promptè applaudant; modò in ore hominum sint, modò laudentur, quàm laudanda faciant, hæc apud illos curarum minima est.

Longè aliter sponsa cælestis: Læua eius, inquit, sub capite meo: & dextra illius amplexabitur me. *c* Centum hîc mysteria, sed nostrum hoc est: Læua sub capite cerni non potest, amplexantem verò dexteram cernit is qui amplexu stringitur. Læuam ergo sponsa non videt, videt tamen dextram. In sponsi læuâ diuitiæ sunt & gloria, sed cum tempore peritura; in dextrâ longitudo est dierum, beatissima æternitas. Hinc fidelis sponsa oculos suos in æternitatem à se defixos; opes autem & honores, veluti læuam manum à se non aspici affirmat. Quod ergo Christus imperat, Nesciat sinistra tua, hoc & sponsus mandat: Læuam meam sub capite habeto, dextram in oculis.

Quemadmodum autem ille fidelis seruus est, qui multa millia florenorum numerat suo domino tantâ fide, ut nec vnicus quidem

*a* Chrysostomus. *b* Seneca. l. 3. de ira. c. 41. *c* Cant. c. 2. v. 6.



dem quadrans piceatis vnguibus adhærescat : ita is optimâ fide agit cum Deo, qui quicquid humanæ laudis accipit, huic domino suo in solidum adnumerat, nec sibi vel minimum inde reſeruat. De quo insigniter Chrysostomus : Maxima virtus est, inquit, omnia Deo adscribere, nihil suum esse ducere, nihil suæ gloriæ causâ facere, sed ad Dei voluntatem perpetuò intentam oculorum aciem habere. Hic enim est qui vitæ actæ rationes exacturus est. Nunc verò rei ordo inuersus est : atque illum quidem qui pro tribunali fessurus ac rationes repetiturus est, non valdè metuimus, eos autem qui nobiscum stabunt, ac iudicium subituri sunt, expauescimus. <sup>a</sup>

Fit quandoque vt litteræ reddantur non illi domino ad quem scriptæ sunt, sed alteri. has si prudentior quis accipiat, quam primum litterarum frontem inspexerit, statim : hæ litteræ, dicet, ad me non pertinent; hæc tituli præfatio non me alloquitur, nec mihi tam grandia nomina conueniunt : ita prorsus facit qui laudes non sibi sed Deo deberi agnoscit, qui omnem à se gloriam in Deum deriuat, hic demum fidelis seruus, Deo sincere seruit, huius sinistra ignorat, quid dextra faciat.

<sup>a</sup> Chryſt. hom. 5. in ep. 2. ad Cor.

### §. V.

Sic autem nesciat sinistra nostra, quid faciat dextra, non vt nihil in publico faciamus, nec vllum nostrorum operum ab alijs videri, sed vt non velut nostrum commendari velimus. Non est ingrata Deo, inquit Chrysostomus, quæ visa fuerit ab hominibus elemosyna, sed quæ idcirco facta est vt visa sit. <sup>a</sup> inò ij quibus eminens & publica persona imposita est, quædam publicè faciant, eoque exemplo alios animent ad audenda similia. Neque hîc timidi sint aut pusilli animi : Nam, vt præclare Augustinus, si times spectatores, non habebis imitatores : videri debes, sed non ad hoc facere, vt videaris; opus publicum, Intentio secreta. <sup>b</sup> Vt glorificent patrem vestrum qui in cælis est. <sup>c</sup>

At qui debili est virtute, huic Propertianum illud ingerendum :  
 \_\_\_\_\_ disce manere domi, <sup>d</sup>

Quod & Gregorius optime monens : Sed valdè perfectorum est, inquit, sic ostenso opere, Auctoris gloriam quærere, vt de illatâ  
 aa 5 laude,

<sup>a</sup> Chryſt. in Matth. hom. 9.    <sup>b</sup> Augustini. 9. tract. 8. in Ep. S. Ioan.  
<sup>c</sup> Matth. 6. 5, v. 6.    <sup>d</sup> Propert. l. 2. eleg. Hesternâ, mea lux &c.

laude, priuatâ nesciant exultatione gaudere. Tunc solûm namque innoxie hominibus laudabile opus ostenditur, cûm per despectum mentis veraciter laus impensa calcatur. Quam quia infirmi quique perfectè contemnendo non superant, restat necesse est, vt bonum hoc quod operantur, abscondant. Sæpe enim ab ipso ostensionis exordio, propriam laudem quærunt, sæpe verò in ostensione operis, Auctoris patefacere gloriam cupiunt, sed excepti fauoribus, in laudis propriæ cupiditatem rapiuntur: cûmque semetipsos diiudicare interius negligunt, sparsi exterius ignorant quid agunt, eorûmque opus suæ elationi militat, atque hoc se inpendere obsequio Largitoris putant. <sup>a</sup>

Atque his quidem triplex hoc documentum seruandum. Primum: in Deum vbique præsentem mentis oculos intendant, siue priuatim quid agant, siue publicè: Optent soli Deo placere, quasi solus Deus in Orbe sit. quamuis infirmioribus istis difficile sit Dei præsentiam in publico non amittere. Alterum: non edant signa, rectè factorum: publicare virtutem, est perdere. publicatio hæc est tuba conuocans spectatores, qui spectent & laudent. Christus hoc prohibens: Cûm facis, inquit, eleemosynam, noli tubâ canere ante te. <sup>b</sup> Sic & ieiunia vult tegi, ne illa tanquam in vultu describantur: Tu autem cûm ieiunas, vnge caput tuum, & faciem tuam laua, ne videaris hominibus ieiunans, sed patri tuo qui est in abscondito, & pater tuus qui videt in abscondito, reddet tibi. <sup>c</sup> Sic bona nostra introrsus spectent. Tertium: non tantum publicum fugiant hi tales, & sua laudatoribus oculis occultent, sed fugiant seipsos, & operis sui obliuiscantur, ne fortè sibi ipsis placeant: Nesciat sinistra tua quid faciat dextra. Optimè Iobus: Etiam si, inquit, simplex fuero, hoc ipsum ignorabit anima mea. <sup>d</sup> Spiritus, mi Christiane, spiritus bonus & rectus sciat quid factururus sis, hic opera tua dirigat, nec multum super ijs cum Carne deliberet, alioqui mille repugnantij & pertinacij implicaberis, aliæque intentiones carnem & terram olentes miscebunt se innumeræ, ita te potiùs quæres quàm Deum. Sic ergo opus tuum perfice, Carne illius non consciâ, & hoc vnum specta vt velis quod vult Deus.

Nesciat ergo sinistra tua, quid faciat dextra tua: eleemosyna tua, & alia tua opera bona, sint secretissima, prorsusque ostentationis expertia. Manus autem tunc quasi stipis est conscia, quando ad erogandam

<sup>a</sup> Greg. l. 8. mor. c. 30. post med. <sup>b</sup> Matth. c. 6. v. 2.

<sup>c</sup> Ibid. v. 17. & 18. <sup>d</sup> Iob. c. 2. v. 21.



erogandam illam adhibetur. Quare si dexteram eius rei consciam fieri sufficiat, non adhibeatur etiam sinistra. Usque adeo ergo absis ab omni ostentationis studio, istoque hypocritarum affectu, qui actiones suas hominum oculis ingerunt, ut tu, quantum ad te, prorsus velis ea quæ facis latere, neque desideres testes; sed & ipse scire nolis quæ rectè agis, neque memineris eorum diutius quam dum operi incumbis, moxque tradas obliuioni quod fecisti, ne tibi ipsi hoc nomine placeas quod feceris, *ea qua retro sunt obliuiscens, ad ea qua sunt prorsum, tempus extendens.* <sup>a</sup> Quod si maior quam par sit boni operis nostri consideratio in animum admittatur, si res facta voluatur verseturque mente, nobis ipsis nostrorum operum spectatoribus, admiratoribus, laudatoribus oblectabimur, quod aliud non est, quam si altera, quâ minimè opus est, manus adhibeatur. Ad rem planè Chrysostomus: Nihil, inquit, æquè inania reddit benefacta disperditque, atque eorum quæ nos rectè fecimus, memoria, duo enim parit mala; negligentiores facit, & in arrogantiam tollit. <sup>b</sup>

Præcepit olim Deus altare sibi strui è lapidibus non sectis: Quod si, inquit, altare lapideum feceris mihi, non ædificabis illud de sectis lapidibus. Si enim leuaueris cultum super eo, polluetur. <sup>c</sup> Ecce quid hęc tantæ religionis? multum sanè. Lapidēs secantur ut videantur; intra parietis firum locandi, hoc ferri polimine non egent: ita Deus in hominis animâ velut arâ sibi structâ, illas virtutes probat, quæ simplici & purâ Intentione fiunt. quæ verò idè fiunt ut videantur, seu secti lapides ad hanc aram idonei non sunt. Omnibus bonæ mentis hominibus, satis est, satis superque sua rectè facta extremo die iudicij scienda ab omnibus & Angelis, & hominibus. Hic demum verus erit honor, bene egisse, idque laudari ab Orbe vniuerso.

<sup>a</sup> ad Phil.c.3.v.13. <sup>b</sup> Chrylhom.12.in ep.ad Philip. <sup>c</sup> Exod.c.20.v.5.

## CAP. X.

QUAM VARIA SIT ET MULTIPLEX  
MALA INTENTIO.

**S**alamandra non grandis fera, sed variegatæ & versicoloris pelli-  
sculæ animalculum est, ut stellio, tantum tamen veneni thesau-  
rum secum vehit, ut si radicem arboris contingat, fructus omnes in  
radice

radice iugulet, & arbori adimat omnem vitam. Diabolus, Orcinianus serpens, verissima Salamandra, nullo igne consumenda, si fecundæ arboris radicem adimordeat, totam corrumpit. Radix omnium operum nostrorum est Intentio nostra, hanc si contingat diabolus, & prauæ Intentionis veneno inficiat, tota sterilefcit arbor; omne opus inutile, peruersum, venenatum redditur, quodcunque hac cacodæmonis fraude læditur. Notum est illud: Cùm peruersa est Intentio quæ præcedit, prauum est omne opus quod sequitur. Si oculus tuus fuerit nequam, totum corpus tuum tenebrosus erit.

Ostendimus proximo capite quàm affine sit Malæ Intentioni, opus suum publicare: nunc explicandum, quàm varia sit Mala Intentio, & quàm è diuersis fontibus hoc veneni genus scaturiat.

### §. I.

Vix quidquam è terrâ nascitur, quod adeò contra hiemem se muniat & inuoluat atque cæpe: septem ei tunicæ non sufficiunt, insuper etiam caput defigit terræ. His ita tunicatis cæpis, non absumiles sunt illorum oculi, de quibus Siracides: Oculi insipientium septemplexes: multas habent tunicas, vti cæpæ. Tales oculi minime simplices sunt, prout eos Christus esse voluit. His oculis, & his tam bene vestitis cæpis simillima est Intentio Mala, huic si vnam tunicam ademeris, adest mox alia. hanc etiam demis? continuò alia atque alia se prodit. Et vti cæpæ se abdunt, sic & Mala Intentio: nemo mortalium hanc satis excusserit, aut penetrarit. Mala Intentio, mala videri non vult; omnigeni colores & prætextus ei non desunt. Reprehendit Christus Phariseos quòd stipem daturi iuberent ante se tubâ cani. illi honestissimæ excusationis tunicam obijcientes: Non hæc, aiebant, facimus, vt eleemosynam nostram commendemus, sed vt pauperes conuocemus, non vt nos alij liberales dicant, sed vt egeni ad stipem confluant: Oculi insipientium septemplexes: Intentio mala multiplex, versicoloris & variegati tergoris est, vt Salamandra.

Scire naturâ omnes cupimus, quàm est autem varia & multiplex Intentio in hoc vnico sciendi desiderio? Pulcherrimè Bernardus: Sunt, inquit, qui scire volunt, eo fine tantum, vt sciant, & turpis curiositas est. Sunt qui scire volunt, vt sciantur ipsi, & turpis vanitas est. hi profectò non euadent subfannantem satyricum, & illis talibus occurrentem: Scire tuum nihil est, nisi te scire

hoc



hoc sciat alter? <sup>a</sup> Et sunt qui scire volunt; ut scientiam suam vendant, verbi causâ, pro pecuniâ, pro honoribus, & turpis quæstus est. Sed sunt quoque qui scire volunt, ut ædificent, & charitas est. Et sunt item qui scire volunt, ut ædificentur, & prudentia est. Horum omnium solum ultimi duo non inveniuntur in abusione scientiæ, quippe qui ad hoc volunt intelligere, ut bene faciant. <sup>b</sup>

En, quàm sit multiplex in re vnâ Mala Intentio; en, quàm multi non vitæ sed crumenæ discant! & quantos vanitas ac voluptas, quæstus ac curiositas ad libros trahat? Idem obseruans Seneca: Quidam, inquit, veniunt ut audiant, non ut discant, sicut in theatrum voluptatis causâ ad delectandas aures, oratione vel voce, vel fabulis ducimur. Magnam auditorum partem videbis, cui philosophiæ schola, diuersorium otij sit. Non id agunt ut aliqua illic vitia deponant, ut aliquam legem vitæ accipiant, ad quam mores suos exigant, sed ut oblectamento auriuin perfruantur. Aliqui tamen & cum pugillaribus veniunt, non ut res excipiant sed verba, quæ tam sine profectu alieno discant, quàm sine suo audiant. <sup>c</sup>

<sup>a</sup> Pers. sat. 1. <sup>b</sup> Bern. serm. 36. in Cant. med. <sup>c</sup> Sen. epist. 108. post init.

## §. II.

Æquè propemodum diuersa est Intentio eorum qui concionem audituri in templo coeunt. Quidam veniunt non ut discant, nec ut meliores euadant, sed tantum ut audiant. Alij ut tempus fallant, & moram ad prandium minus sentiant: alij ut consuetudini satisfaciant, isti ut dormiant, & ante meridiem suauiter merdientur; concionator illis pro tibicine est, somnum blandè conciliante: Porro alij concionibus intersunt ut garriant, & commodius modò cum hoc, modò cum illo confabulentur: alij ut imperio herili pareant, neque enim aliter possunt; velint, nolint, adiguntur ad hoc genus obsequij. Si quis iam quærat: Vnde obsecro post tot conciones, post tantos clamores, post tot serias exhortationes, non aliam probitatis faciem Orbis induit? facile est respondere. Plurimi ad conciones omnino non veniunt, plurimis alijs, etsi veniant, deest Intentio; curiositate, consuetudine, necessitate trahuntur, nam multi, si sui iuris essent, penitus emanerent. & ex illis ipsis qui conciones frequentant, quotusquisque est, qui animû vacuum adferat, qui aure vitâque audiat, qui non innumeris phantasijs scateat, qui auditis animum seriò aduertat, qui denique velit esse

de piaculum, modò sit occultum, cui innocentia fucum allinere non possit variegata illa & multicolor Salamandra. Habet Intentio mala suos prætextus, colores, nomina, titulos, larvas, quibus se pulchram fingat. Et ubi se quaeso non ostentat Avaritia sub palliolo Parsimoniae? Sub Necessitatis nomine vestium pompa, & mensarum affluentia, & omnis Intemperantia se vendidat: sub schemate officij, muneris, auxilij Ambitio proserpit: de iustissimæ indignationis titulo Invidia sibi met gratulatur. Mala Intentio temper rimam reperit quâ euadat, est enim subtilissima. Sed exemplis rem demonstramus.

## §. IV.

Principiò, ob humanos respectus, ah quantum boni sæpissime omittitur, & quantum committitur mali? Quotusquisque est qui non alios potius attendat quàm se, nec tam quid sui officij, quàm quid alieni sit iudicij, perpendat. Quàm multi cetera non vitiosi, alijs tamen ad probitatem plus adiumenti adferre deberent, sed his ipsis respectibus impediuntur: Et quid iste & ille diceret, aiunt, quàm illi & isti hoc non probarent, quàm torvis oculis me peterent? mille talia sunt in quæ oculi septemplexes assiduo volatu feruntur. Oculus simplex vnum atque vnicum Dei honorem spectat. Is qui simplicem habet oculum: hoc, ait ipse sibi, Iustitia, hoc conscientia mea: hoc curæ, & hoc officij mei est: quicquid hic aut ille obiecit, huic aut illi placeat, id ego parum moror. hoc faciendum est, & ideò aliorum iudicium circa hoc curandum non est: Deum respicio, non homines. quicquid dixerint mortales, si aliud Rex immortalis iubeat, hunc sequor.

Deinde & quod secundo loco ponendum: Ob solum lucrum quanta non fiunt? Pauperiem fugiens Mercator currit ad Indos. Taceo cædes innumeras & latrocinia. Mundi lex est: Lucri odor bonus est, ex qualibet re, & quolibet modo. Vnius lucelli gratiâ infinita facinus, quæ si Intentione rectâ, Dei causâ faceremus, cæli centies promereremur. Verissimè dixit sanctus ille vir: Pro modicâ præbendâ longa via curritur, pro æternâ vitâ, à multis vix pes semel à terrâ leuatur. Vile pretium quæritur, pro vno numismate interdum turpiter litigatur: pro vnâ re & parvâ promissione die noctuque fatigari non timetur. « Iethro Moſen olim generum suum increpans: Non bonâ, inquit, rem facis: stulto labore consumeris. <sup>b</sup> Idem prorsus

<sup>a</sup> Thom. à Kemp. l. 3. c. 3. n. 2.    <sup>b</sup> Exod. c. 12. v. 12.



prorsus omnibus illis lucrationibus quæstui seruientibus ingerendum est; vnusquisque horum sic monendus: Quid agis, ô homo, stulto labore consumeris: non bonam rem facis. sed vt facias bonam, bonâ Intentione vtere. vt lucreris, dimitte lucrum, præsertim omne non honestum, aut quod bonâ conscientia odisse solet.

## §. V.

Tertiò, quantum toleratur in gratiam superbiam? Verissimum illud: Aut superbus non sis: aut sis patiens, Multi frigere se dissimulant, ne venustam gracilitatem vestium turbent; nolunt vt rustici fartas & pingues tunicas induere. Calceus modò niteat & sine rugis pedi strictus hæreat, etsi vrat, non refert. Hunc è superbis collare stringit, illum thorax. Ille vt superbiam suam genium exprimat, etiam onera vestium non recusat, hic vt ad æui luxum se vestiat, etiam famem tolerat. Quin inò & cretam vorare iam didicimus, vt vultui decorum pallorem persuadeamus. quid cetera narrem huius insaniam tormenta? Hæc aliâque infanda patiens suffert Superbia, sed sibi suffert, & in sui gratiam, quæ si propter Deum rectâ Intentione perferrentur, quanta inde rediret merces? Sed & huic tali ad superbiam leges patienti verè occinitur: Stulto labore consumeris. Thomas Morus æquè sanctus ac doctus vir, Angliæ magnum decus, fortè fortunâ virginem in conclauis reperit coram vitreo iudice, speculo, quæ multo labore atque etiam dolore comas plicabat, vt frons lata; & mammillare amictorium stringebat, vt ipsa gracilis videretur. huic Morus: Nisi Deus, inquit, tibi pro hoc tuo tanto labore infernum reddat, magnam tibi profectò iniuriam faciet. Affirmabátque seriò, persuasissimum sibi esse, quàm plurimos in hac vitâ eo labore infernum mercari, cuius vel dimidio cælum lucrati fuissent. Cuiusnam rei defectu hoc fieri censendum, nisi solius Intentionis bonæ?

## §. VI.

Quartò, quid non sit acquirendæ, retinendæ, augendæ gratiæ? hîc nulli labori parcitur, nulla molestia recusatur, nihil intolerabile æstimatur, totos dies dominorum obsequio apparere, graue non censetur. Viri sancti olim in columnis stabant annis compluribus, inde & nomen traxerunt Simeon Stylita, Daniel Stylita, Alipius & Theodulus Stylitæ. Hi dies noctesque stabant colendo Deo, & corpori affligendo. Hæc religio Stylitarum annis aliquot

cont.

continuis stantium desijt, non item eorum qui continuis horis aliquot perstant, & sæpe solam gratiam expectant, quæ tamen in saxo lubrico & vestigium fallente sita est, & longè citius perdi potest, quàm acquiri.

Ioseph Ægypti prorex in summâ gratiâ fuit apud suum Pharaonem, ab illo proximus, sed successit rex alius qui Iosephum nosse recusavit. Quàm charus Dario Daniel, & tamen omnis Darij gratia Daniele à leonum foueâ seruare non potuit. Achitophel Absalonis topanta, gratissimus consiliarius fuit, sed hæc gratia collo eius non aureum torquem, sed laqueum iniecit. Aman gratiâ potentissimus: & pænè alter Assuerus, sed per hos aureos gratiæ gradus altissimum patibulum conscendit. Et quis Belisarius sub Iustitiano, tot victorijs illustrissimus Dux? tandem non gratiam tantum, sed & otulum vtrumque perdidit, ad extremam mendicantem deuolutus. Quis sub Tiberio Seianus? iam pænè alter Tiberius, & gratiam simul & vitam amisit, vnco tractus & in Tiberim abiectus est. Dies prius finiat, quàm ego tragœdiarum istarum vel tantum nomina expressero. Habeat Argus mille oculos: Gratiam nemo negauerit mille habere alas quibus auolet. Et tamen hæc tam fallax & incertissimæ fidei gratia, tantis desiderijs ac votis expetitur, tot laboribus ambitur, tantis sudoribus quæritur, tot solitudinibus & curis, vix tandem & ægrè obtinetur: vt obtenta retineatur, non minus laborum & solitudinum impenditur, mente semper pauidissimâ, & in omnem partem se torquente, ne, quod tantis impendijs impetratum est, leui flatu dissipetur. Ita videas hos gratiæ aucupes semper trepidos & anxios, semper sollicitos, & gratiæ iacturam, velut supremum malum, formidantes; terret eos sonitus folij volantis: pænè vt lepores apertis dormiunt oculis, adeò ad omnè gratiæ auram trepidant. Nam (quod magnum malum est) incipit illis opus esse fortunâ: sequitur vita anxia, suspiciosa, casuum patiens, temporumque suspensa motuentis. Nunquam dant virtuti fundamentum graue, immobile, sed iubent illam in loco volubili stare. Hæc obsecro notate Aulici. Et quæ ista tam rigida seruitus est, hæc diu noctûque & pati, & agere, in vnus Gratiae gratiam? Qui hæc & pateretur & ageret Intentione bonâ, Dei causâ, quantum is præmij reportaret? Dum hoc autem & iste, & ille, & alius, atque alius negligit, vnicuique illorum occinendum est: Non bonam rem facis; stulto labore consumeris, stulto prorsus, stultissimo, hoc enim agis vt tibi ipse importunè noceas, & cum rædio.



Quintò, quid non tolerant alij extra aulas famuli, & ancillæ? non ijs verba tantum sed & colaphi sæpè glutendi sunt. Quoties herus aut hera stomachosi clamant, furcifer, trifurcifer, stulte, bestia, flagrio, asine, flagitium. post hæc vocum tonitrua frequenter & fulmina sequuntur à manu venientia, volant fustes, & quicquid armorum ira furorque ministrat. Et quid miseris inde lucri est? merces exigua, victus tenuis & plerumque intempestivus, sæpissimè & frigidus. Qui hæc ideo fert, tantum ut viuat, stulto pariter, stultissimo labore consumitur. Quodd si ancilla vel famulus generoso animo hæc omnia offerat Deo, dicatque: Domine, propter te fatigari me patiar & vexari, propter te, mi Domine, hæc feram omnia, scio equidem te mitiorem & liberaliorem esse Dominum, quam cui me mancipaui: à te, mi Deus, expectabo præmium. Hic profectò sapit, qui suos labores sic vendit, quemadmodum diuinus Paulus hoc genus hominum præclarissimè his instruit: Non ad oculum seruientes, quasi hominibus placentes, sed ut serui Christi, facientes voluntatem Dei ex animo. 4

Sextò, quid mechanici opifices non ferunt miseriarum? Ad grauissimos labores summo manè redeunt, eosque vrgent in seram & adultam noctem, sæpe tamen vix mucidum panem pro se suisque extundunt: æstum, fætores, gelu, incommoda plurima tolerant modici lucelli gratiâ, quis pauperior istis, si solum spectemus corpus? & quis ipsè ditior, si quis horum subinde animò dicat: mi Deus, hunc sudorem meum in tuam manum effundo, labores meos omnes tibi offero; tibi fatigor, mi bone Domine. tu diues ille paterfamilias es, qui tuorum famulorum labores nunquam non superas mercede, nec gratis tibi quidquam fieri permittis: opellas nostras præmijs excedis infinitè. Omnes ergo meos cum filij tui laboribus tibi consecro & dono. De his talibus sua omnia Deo sic offerentibus verè Paulus: Diuites, inquit, facti estis in illo, in omni verbo. 6

a ad Ephes. c. 6. v. 6. b 1. Cor. c. 1. v. 5.

## §. VIII.

Si omnes hominum status ordinésque lustremus, in omnibus sanè perferenda plurima reperiemus. Et vos ipsi, quos ut diuites & beatos salutamus, & pænè adoramus, an non molestiarum, & ærum.

terminarum satis abunde habetis : quis vestrum queritur deesse  
 sibi quod patiatur : Virtutis est, cum sanctissimus quisque licet affli-  
 ctissimus, audet generoso spiritu dicere : Domine, da plura, im-  
 mite grauiora quæ patiar. Apud hunc hominem res optime ha-  
 bent, hæc talis postulatio puræ Intentionis luculentum iudicium  
 est. Sed vos alij, o beatuli, o Magni & omni opulentiâ instructi, & quâ  
 ratione vos afflictiones vestras toleratis : variè vos affigi, nil penitus  
 dubito, et si negent id oculi, quibus hîc nulla fides habenda. Imò  
 persuasum habeo, vos sæpe acerbius, licet occultius, torqueri  
 quàm illos religiosos homines, quorum vitæ tenor, merus est pœ-  
 nitentiæ labor : Vobis quidem molliores sunt lecti quàm religiosi,  
 sed quæstio fit, vos an illi quietius dormiant, non enim dormitum  
 imus, vt bene cubemus, sed vt bene dormiamus : Somnium vestrum  
 prolixiorẽ esse, quàm illorum sit, non negem, sed nescio an cre-  
 dam esse tranquilliorẽ, & suauiorẽ : plurima sunt quæ vestrum,  
 illorum verò soporem minimè turbant.

Cibi vobis & multo plures, & longè meliores, sed iterum quæ-  
 rio sit, quibus hi melius sapiant, neque enim dubitem quin religio-  
 forum hominum plurimis oluscula sua & auenacæ pulciculæ,  
 lixum hordeum & lactucula iucundiùs sapiant, quàm vobis galli  
 spadones merâ similitagine & lacte pasti, ac ipsum Iouis cerebrum.  
 Vestes vobis pulchriores quàm illis & plures, sed & hîc interro-  
 gem, quibus sint habiliiores, qui in ijs minus frigeant, minus strin-  
 gantur : Religiosos viros rarissimè premunt calcei, vos sapius : ac-  
 cedunt occulta cilicia, vobis etiam inuitis iniecta, quæ animum  
 vexent, fodiant, lacerent.

Vobis largius otium & plures sunt feriæ, sed forsàn multi suavi-  
 us laborant, quàm vos oriemini. Vobis denique libertas longè  
 maior est quàm religiosi, sed vestram libertatem multa comitati-  
 tur vincula, morsus animi, & laniena conscientie incredibilis. In  
 summa, cruces quas feratis minimè desunt, sed fortasse deest Pati-  
 entia & Intentio recta, quæ cruces sunt perferendæ.

Hîc igitur, obsecro, attendite an propter Christum, an verò pro-  
 pter Lazarum Bethaniam veniatis : an quæ vobis sustinenda, et  
 quo par est animo sustineatis.

In monte Golgothæo duo iuxta Christum vtrîque pendebant,  
 vterque latro, vterque crucifixus, vterque in vno hoc eodẽq; sup-  
 plicio mortuus est : at ille paradiso, iste tartaro receptus est. Quid  
 quæso æquè reos, æquali supplicio affectos tam inæquali sorte se-



Ad Salomonis tribunal duæ feminæ litigabant de infante: vtræque quidem prolem habuit, sed illa viuam, hæc mortuam, vt quam dormiens oppresserat. Nos instruit lis ista, si aduertimus. Nos quidem oramus, stipem damus, consilijs aut manu iuuamus, inedia aliaque toleramus; hos velut liberos gignit bona Actio, sed nisi ad hæc omnia vigilemus, nisi semper Intentio sincerissima liberos istos defendat, incurioso somno eos opprimimus, orationem nostram, & eleemosynam, & inedia, & omnem tolerantiam nostram somnolentiâ perdimus, & ita quicquid illis virium & vitæ inerat, adimimus. Nam, vt præclare Richardus Victorinus: Quod est, inquit, corpus sine animâ; hoc est opus sine Intentione bonâ. Si ergo hi liberi nostri nobis sint chari, si nolumus frustra laborare, ita semper laboremus, vt illa faciamus, non quia sic nobis placet sapitque, nec solum quia sic moris est, aut quia fit ab alijs, sed quia sic placet Deo. Oculi simplex ad vnum atque vnicui Dei honorem collineet in omnibus, in quibus errare refugit. Deus in causâ sit, quare hæc faciamus, ista fugiamus, illa perferamus. Si iam, quod sæpe fit, operam nostram alijs locatam, parcius illi quàm par est, compensent, Deum vadem & sponsores habemus. Quod Deus Abrahamo dixit, hoc omnes bonæ Intentionis sibi à Deo dictum censeant: Ego protector tuus sum, & merces tua magnanimis, <sup>b</sup>

a Rich. tract. 1. de statu inf. hom. b Gen. c. 15. v. 1.

## CAP. XI.

## EXEMPLAR NOBILE INTENTIONIS. MALE fuisse Herodem Magnum, Aſcalonitam.

A DIVO Ludouico Galliarum Rege missus est ad Damasci Sultanum Orator è sancti Dominici familiâ Iuo, vir doctus & religiosus. Huic in itinere mirum quid contigit, & quod credibile, studio id adornatum est, complurium instructioni, hac ratione. Anus Iuoni loco quodam occurrit, alterâ manu hydriam aquâ plenam, alterâ vas cupreum prunis refertum gestans. Miratus Iuo insolitum occursum vetulæ, aquam & ignem gestantis, quærit quid hæc sibi velint. Cui mulier: Prunas, inquit, fero vt ijs paradisum incendam & comburam: aquam defero, vt eâ flammam inferorum extinguam, & Orcum aboleam. Iamque magis miratus Iuo responsum tam insperatum, interrogat vltra, quid hæc moliri cogit,

tet, & cui bono? Illa, ut in posterum, inquit, omnis Intentio non recta aut non pura cesset, ut nemo probus sit solum spe cæli & præmij; nemo etiam peccare oderit formidine pœnæ & inferorum, horrore, sed solo Dei amore, & desiderio placendi Deo.

Ad Christi pueri præsepe atque stramineas cupas, tres ab Ortu magni Principes venerunt: Itinere toto tam apud Herodem hospitem, quàm alibi nihil æquè frequenter audiebantur respondere, quàm illud rectissimæ Intentionis: *Et Venimus adorare eum.* Sed & Herodes idem prorsus grandi ore pronuntiabat: *Ut & Ego. Veniens adorem eum.* Hic nulla spes præmij, nullus pœnæ metus semiscuit, nec enim vlla vel inferorum vel cæli fit mentio: Vnicus itineris Bethlehemitici finis est, diuinus cultus & adoratio. Tam Herodes quàm illius hospites, in vnam illam verè sanctam Intentionem conspirasse videntur. Adsunt adoraturi, nec metu supplicij vllò, nec spe præmij prouocati. Et quis Herodem non, idem sentire dixerit, quod pios illos aduenas? Verum, iam demonstrabimus, inter Herodis & trium hospitem Intentionem, tantum esse discriminis quantum inter cælum terramque. Et apparebit Herodem Malæ Intentionis egregiam ideam existere.

### §. I.

Philosophorum scitum est: Vltimum in actione, primum est in Intentione. Finis est ad quem referuntur omnia. Ab experientia quotidiana id constat. Sumit sibi quis diuersissimos labores: hac hebdomade calcem conuehit, altera lateres & saxa, arenam tertiâ, asseres quartâ, dein cum amicis deliberat, modò hoc modò illud ad regulam reuocat, iam circinum rotat, iam & nummos numerat, modò cum architectis agit, iam cæmentarios accersit, modò vitriarium, & ferrarium, fabrum conducit. Et quorsum hæc omnia? Ad domum. Finis omnium domus est, prima quidem Intentione, sed Actione vltima.

Narrat Matthæus, tres ex Oriente dynastas iter ingressos Hierosolymam versus. iter hoc longum, difficile, laboriosum, & magnarum impensarum fuit. Ecquis huius itineris finis & scopus? Novi Regis adoratio. *Et Venimus adorare eum.* Hoc, toto itinere agitabant secum, *Venimus adorare eum.* Hæc illorum Intentio iter indixit, hæc diuersa munera congeisit, hæc in viam necessaria præscripsit, hæc Hierosolymam Iudææ metropolim duxit, hæc hospitium Herodis quaesivit, hæc præeunti fideri fidelissimè obtempe-



rauit: Finis hæc omnia dictauit, finis sanè optimus ac laudatissimus.  
*Et Genimus adorare eum.*

Sed & Herodes idem ait, & quidem verbis ijsdem: *Vi & ego.* inquit, *Geniens adorem eum.* Quis non credat Herodem, & illius regios. hospites vnus esse animi, æqualis propositi, eiusdem prorsus Intentionis? Sed videte, obsecro, quantum tellus & astra dissident, tantum Herodis & trium Magorum animus, propositum, Intentio discrepant. Horum longè optimus, illius longè pessimus finis fuit. Argumenta huius clarissima hæc sunt.

Principiò, *Audiens autem Herodes rex turbatus est.* a Res iam suspecta, & en primum Malæ Intentionis argumentum, turbari. Homo bonæ Intentionis, nunquam totus turbatur, vt vt res eueniant, etsi omnia teterrimè cadant, sibi constat, sui similis est. Non contristabit iustum, quicquid ei acciderit. b Nam bonâ, quàm habet, Intentione non potest excidere. Herodes idèò turbatus est, quia regno pelli metuebat. Sed vnde hic metus? sibi ipsi nimium amicus, seipsum nimis ardentè & amabat & quærebat.

Anno 1414. tres erant Pontifices (ea erat æui labes) Ioannes, Benedictus, Gregorius. In his turbis è purpuratorum Patrum numero Ioannes Dominicus, vir integerrimus, animum suum Intentionemque verè optimam dissimulare non potuit. Nam licet is vnus omnia apud Gregorium posset, ab eo etiam ad illud fastigij euectus fuisset, nihilominus tamen Gregorium monere non desijt, descenderet sponte suâ ipsemet de tam sublimi solio, in quod viâ negatâ & non legitimâ peruenisset. Paruit tam sincerè monenti Gregorius: Alij duo hac sedè vi submoti sunt. Quo facto Ioannes Dominicus purpuratus senator, & ipse sese in ordinem redigere aggressus, Concilium Constantiense adiit, purpuram suam digniori dandam exiit, & infra episcopos se locauit. En, quàm variè & quàm feliciter Ambitionem triumpharit recta Intentio! Herodes quia tam ambitiosus, hinc etiam tam turbatus. Si quis illius auribus dies noctesque ingessisset, natum esse quidem Messiam, non tamen vel minimâ ex parte nociturum, neque enim venisse vt regna eriperet, sed vt daret: nihilominus Herodes turbatissimus assidue timuisset, nec aliud animo voluisset, quàm regis infantuli prope ratam cædem. Quòd si Herodi vel vnica bonæ Intentionis venula fluxisset, sic secum fuisset ratiocinatus: Si natus puer verè Messias

bb 4 &

& Christus sit, aderit illi Deus; sin autem, Deum à me staturum confido. Sed nihil tam sanæ cogitationis admisit rex impius: hoc vnum ei erat in animo: Moriatur hic puer, moriatur; & etsi per mille, etsi per quatuordecim millia corpora a mihi configendus sit, configatur, trucidetur, moriatur. Et tamen hunc parricidam animum tam pijs vocibus vultuque velans: *V: & ego*, inquit, *veniens ad orem eum*. Bene locutum, pessimè cogitasse, primum signum prodidit, Turbatio: *Audiens autem Herodes rex turbatus est.*

a Tot occisorum infantium fuisse, optimorum auctorum assertio est.

## §. II.

Secundò, *Et congregans omnes Principes sacerdotum & scribas populi, sciscitabatur ab eis, ubi Christus nasceretur.* a Quæ hîc Herodis Intentio? Nosse locum nati pueruli. Quid verò hoc mali? Istud certè, quod nihil hîc boni sit. Scire velle, ex se quidem indifferens, vt vocatur, Intentio est, quæ nec bona nec mala; huic si iungatur actio, mala, neutrum bonum dici poterit. Et cur Herodes Christi nati patriam nosse voluit? an vt salutaret, munera ferret, adoraret? Vt iugularet. Hæc mens illius, hæc erat Intentio.

Tertiò, *Tunc Herodes clam Vocatis Magis, diligenter didicit ab eis tempus stelle.* b Neque hoc bonæ Intentionis signum est. Vocare Magos, nil vitij erat: clam vocare, parum virtutis, & vitio proximum est. Omnis enim qui malè agit, odit lucem, & non venit ad lucem, vt non arguantur opera eius. c Hoc cuius certum sit signum Intentionis non bonæ, si quid adeò laboret occulere, contegere, suppressere, vt nullo modo ab alijs sciri velit: odit lucem iste, & latere cupit non se, sed sua vitia.

Multa quidem clam fiunt, quæ fido silentio committuntur: sua sunt arcana curiæ, sua & militiæ, & tamen in his ipsis conscium habere nemo reformidat, si id expedire sciat. Quantum elemosynæ clam datur, auctore vix vni, sæpe nemini noto? piè hoc, sanctè, & ad Christi mentem. Si tamen ij qui dant, scirent ad maiorem Dei honorem facere, sciri se, vtique non suppresserent has voces: ego sum, ego do. Non eadem in vitij est ratio. sunt enim recessus & latebræ vbi luditur, vbi potatur, vbi furtivè amatur, vbi contra leges laboratur: hi latebricolæ, lusores isti, potatores, aut amatores nequaquam sciri volunt. Quis Orator his talibus persuaserit fore ad Dei honorem sciri, quinam ipsi sint, qui socij illorum. Nihil audiunt, sed omnibus minaciter imperant, aut sile, aut peri. Nemo

est

a Ibid. v. 4. b Ibid. v. 7. c Ioan. c. 3. v. 20.



est illorum, cui vocem illam extorseris: Ego sum lusor, ego sum porator, ego procus & decoctor. Hæc furtum & clam fieri consue-  
runt. Sed hoc ipsum CLAM, euidentis est indicium, hæc omnia fie-  
ri Intentione non bonâ. Testa, plerumque suspecta. Herodes er-  
go dum Magos clam accersit, se palam malæ Intentionis suspectum  
reddidit. Ab hac vitiatâ radice similes enati sunt rami. Quicquid hîc  
egit Herodes, vitiosè egit. Cùm peruersa est Intentio quæ præce-  
dit, prauum est opus omne quod sequitur. Vbi ergo clam Magos  
vocasset, tempus stellæ ab eis diligenter didicit, amandauit eos in  
Bethlehem, de singulis solerter interrogari, & sibi renuntiari man-  
dauit; omnia malignè & cum noxâ, nam addidit fucatisimam ac  
nequissimam Intentionem: *Vt ego veniens adorem eum.* En dia-  
bolum, sed pulchrum, & Angeli veste decorum! O vulpes callidissi-  
ma, non sine causâ Herodianæ stirpi hoc nomen tribuit Serua-  
tor. Vulpinâ vafritie cruentum, immanem, scelestum animum,  
posse tegi sperabant.

## §. III.

Herodis verò sacri senatores & Patres conscripti, cuiusnam ani-  
mi & Intentionis fuerunt? Variæ. Cùm enim senatus indiceretur  
extra ordinem, credibile est ex ijs fuisse qui dicerent: Quis diabo-  
lorum exteros hos homines ab orientis oris adduxit, tanquam si  
absque illis non satis negotiorum nobis esset? Alium audisses dice-  
re: Velim idololatræ isti domi maneant, & nostram nobis pacem  
non turbent. Alius pessimè precatus, forsan dixerit: In malam rem  
abeant hi homines, pudore nos affecerunt maximo: in Arabiâ hoc  
sciant, & nos nesciamus in Iudæâ? Alij, paullò modestius: Ex of-  
ficio, aiebant, hoc Regi debemus, cui nos in omnem hanc ope-  
ram obligauimus. ergo libros adire, & inquirere oportet, quæ  
Christi sit terra patria. Sed neque hi aded erant laudandæ Inten-  
tionis. Nam Intentio bona rarò impellit, cùm vis & necessitas co-  
git. Non est virtutis bene iubenti dicere: Nolo quidem, sed debeo.  
Licet ergo curiam Herodis omnem scrutemur, vix vllam Intentio-  
nem rectam in eâ inueniemus, & quod sequitur nullam actionem  
bonam. Illa enim omnia, conuenire, inquirere, libros consulere,  
responsa dare, sunt politicum quid, & actiones adiaphoræ, quibus  
si non iungatur Intentio bona, nil cælestis præmij assequuntur.

Porrò illa Herodis turbatio, Rabbiorum consultatio, trepidatio  
Vrbis, tres illos ex Oriente reges admodum dubios reddere, imò

in errorem trahere, & re infectâ regressum eis persuadere potuisset. Promptum enim illis fuisset dicere: Quàm nos infantes sumus, & digni regum cachinnis! En in ipso Iudææ meditullio, de hoc Iudæorum rege quem quærimus, nihil scitur, & nos tam temerè mutum ignem secuti, nostris regionibus desertis, in peregrinas has oras nosmet eiecimus: turbauimus Herodem regem, regijs consiliarijs negotium facessiuimus, vrbem Hierosolimam frustra commouimus: quid vani hoc itinere nobis voluimus? Nihil harum cogitationum, nihil admisierunt, sed quo cœperunt pede, Intentione bonâ quâ orsi, eâ etiam constanter progressi, hoc vnum omnibus responderunt: *Venimus adorare eum*. Si quis illorum aliquem in antro Bethlemitico interrogasset: Et quid hæc vestra sibi munera volunt? quid humilis procidentium habitus, quid prona in terram corpora? non aliud vnquam respondissent, quàm hoc ipsum: *Venimus adorare eum*. huc nos neque metus, neque vis, aut vlla necessitas adegit, non spes opum vlla impulit, hoc vnum nos domo exciuit: *Venimus adorare eum*. Et quem illum ô viri, quem venistis adorare? Illum ipsum, aiunt, cuius stellam vidimus, cui parent sidera, qui nobis faciem cælo extulit, hunc *Venimus adorare*.

Tandem assecuti suum finem, & *procidentes adorauerunt eum*. Poterat pro se quisque dicere: Ego gloriam meam non quæsiui, sed nati Regis Hebræi, huc animum intendi, eâ de causâ hoc iter suscepi, hoc fine munera hæc attuli: vna mens & vox vna omnium: *Venimus adorare eum*. Delati demum, fidere duce, ad vilissimum tuguriolum, ad pecudam ædes, ad puerulum pauperrimum, nec diuini quidquam præ se ferentem, nihilominus, *procidentes adorauerunt eum*.

En, mi Christiane, quid mala, quid bona doceat Intentio: En, quàm fucata illa & trepida, quàm hæc constans & erecta sit, & quàm sese vtraquesuis vtcunque prodat indicijs! Herodes, licet homo abstrusus & tectus, ex arte truculentum animum dissimulare nouerit, vitiatæ tamen Intentionis signa edidit satis aperta. Tres ab exortu Magi aberrarunt nonnihil, hospitem quærendo Herodem, sed hic ipse error bono eis fuit, ob bonam Intentionem: profuit sic errasse. Quando ergo Intentione optimâ ferebantur ad Christi nati cunabula, non tantum stellam ducem habuerunt, sed & Angelum monitorem; qui fidelissimè instruxit, perfidum hospitium studiosè declinarent, ad Herodem ne redirent, aliâ viâ domum

remea-



reinearent, ne Intentionem optimam, quâ venerant, deprauarent. Neque enim Magi aliâ mente secuti sunt stellam, quâm vt illius se voluntati ac nutui, qui stellam in ducem miserat, ex integro submitterent.

Hæc vera & prorsus pura est Intentio, *Dei voluntatem in omnibus sequi*. De hac nostri æui Theologus: « Qui sic animatus est, inquit, vt nihil aliud expetat, nisi Dei voluntatem explere, eum DEVS nunquam potest deferere. Ingens promissum.

Hæc ergo hominis Christiani sit Intentio in rebus agendis omnibus, vt sincero corde hoc apud se assidue voluat: Domine, tuo honori facio omnia, tuæ voluntati parere cupio in omnibus, siue illa mihi facilia sint factu, siue difficilia, aspera an iucunda, *Venio adorare te*, non vt Herodes, sed vt tres ab Ortu reges, te Domine semper, & omnibus actionibus meis adorare cupio; eam ob causam vivo, ideò edo, bibo, dormio, labero vt tibi seruiam, tibi placeam, tuæ voluntati obsecundem vbique, semper, in omnibus: sic viuam, sic moriar.

¶ Math. Tymp. in spec. episc. signo 117.

## CAP. XII.

*QVID INDIFFERENS, QVID NULLA INTENTIO à nobis vocetur.*

Quamuis nulla sit actionum voluntariarum, quæ non originem trahat ex Intentione aliquâ; quicquid enim volentes & scientes agimus, desiderio alicuius consequendi finis agimus: nihilominus multa tam ambiguè, plurima tam oscitanter, incuriosè, propter facimus, vt in multis adiaphoram vel indifferentem, in plurimis nullam habere Intentionem videri possimus. Quam autem Intentionem vocemus Indifferentem, quam Nullam, dilucidè iam explicabimus.

## §. I.

INDIFFERENS appellatur Intentio, seu Adiaphora, quæ nec bona est in se, nec mala, nec ad probitatem, nec ad improbitatem confert, & hæc plerunque actiones merè naturales pro fine habet, vt sunt, edere, bibere, ambulare, dormire. Lucem hic allucebit Seneca, qui sensu prorsus Christiano: Indifferentia, inquit, esse dico, nec bona, nec mala, tanquam morbum, dolorem, paupertatem, exilium, mortem: nihil horum per se gloriosum est, nihil tamen sine his. Laudatur enim non paupertas, sed is quem non sub-

mittit,

mittit, nec incuruat: Laudatur non exilium, se qui hoc non doluit: laudatur non dolor, sed quem nihil coëgit dolor. Nemo mortē laudat, sed eum cui mors antē abstulit animum quā conturbauit. Omnia ista per se non sunt honesta, nec gloriosa: sed quicquid virtus ex illis adiit tractauitque, honestum & gloriosum facit. Illa in medio posita sunt: interest, vtrum malitia illis, an virtus manum admouerit. <sup>a</sup> Et vt liquidò sciamus quid Indifferens, quid bonum, quid malum sit, Addit Annæus: Omnis res quod non habuit decus, virtute additā sumit. Cubiculum lucidum dicimus; hoc idem obscurissimum est nocte: dies illi lucem infundit, nox eripit. Sic istis quæ à nobis indifferentia ac media dicuntur, diuitijs, viribus, formæ, honoribus, regno: & contra morti, exilio, malæ valetudini, doloribus, quæque alia aut minus aut magis pertinuimus, aut malitia aut virtus dat boni vel mali nomen. Massa per se nec calida nec frigida est: in fornacem coniecta concaluit, in aquam remissa refrigit. <sup>b</sup>

Ergo, sola virtus, bonum: sola malitia, malum: Indifferentia, per se nec bona, nec mala: vsus dat ijs nomen, siue cū virtus, siue cū malitia accessit. Ita ingenium, ars, scientia, fanitas, vires, opes, gloria, nobilitas, indifferentia sunt, quia naturalia sunt, nec aliū exurgunt quā quò ea erigit bona Intentio, quæ si & ipsa intra naturæ fines se contineat, nec ad Deum subuolet, indifferens manet & sine præmio. Hinc ire, stare, sedere, currere, loqui, laborare &c. bona non sunt, nec promeriti nomen acquirunt, nisi à bonâ Intentione, quæ actiunculam etiam minimam ac vilissimam, in altissimum dignitatis gradum extollit. quod vt optimè capiamus, Ludouicus Blosius præclare nos instruit hunc in modum: Quæ agenda sunt (etiam dum manducare, bibere, dormire, vel quoduis aliud solatium carni indulgere oportet) tu tali consideratione præueni, vt ea ipsa purè ad Dei honorem facere desideres. Nam, quemadmodum opus quod ex se grande ac magni momenti videtur, Deo prorsus displicet, si operantis Intentio impura fuerit: ita opus quod ex se frigidum, nulliusque momenti iudicatur, Domino plurimum placet, si operantis Intentio fuerit recta. Etiam si pietate ductus ceruicem tantum inclinaueris ante crucifixi IESV imaginem, vel ad altare Dei genitricis Mariæ flosculos obtuleris, aut pedem moueris propter charitatem, non frustraberis à spe iustæ mercedis. <sup>c</sup> Et hoc potest Intentio bona; Intentio indifferens horum nihil potest, sed actionem, cui iungitur, nec deteriorem reddit, nec meliorem, vt infra pluribus dicemus. §. II.

<sup>a</sup> Senec. epist. 82. med. <sup>b</sup> Idem Ibid. <sup>c</sup> Blos. in Can. vitæ spirit. c. 30. initio.



## §. II.

**I**ntentio **N**ULLA, vocatur à nobis ea, cum quis ex consuetudine temere hoc illudue facit, nec sibi vllum actionis suæ finem proponit, & quasi casu viuit. Ingens hoc vitæ malum est, & omnium laborum cæca vorago. Iustissimè queritur olim Seneca, &: Necesse est, inquit, multum in vitâ nostrâ casus possit, quia viuimus casu. Quoties, quid fugiendum sit, aut quid petendum, voles scire, ad summum bonum, & propositum totius vitæ respice. Illi enim consentire debet quicquid agimus. non disponet singula, nisi cui iam vitæ suæ summa proposita est. Nemo, quamuis paratos habeat colores, similitudinem reddet, nisi iam constet quid velit pingere. Ideò peccamus, quia de partibus vitæ omnes deliberamus, de totâ nemo deliberat. Scire debet quid petat ille, qui sagittam vult mittere: & tunc dirigere, & moderari manu telum. errant consilia nostra, quia non habent quo dirigantur. Ignoranti quem portum petat, nullus suus ventus est, a Omnia præclarissimè: & verè ignorat quem portum appellat, qui Intentione Nullâ incassum se fatigat. Vbi certus actionis scopus & finis deest, illic confusio, & omnia indigestum ac rude chaos.

Deus olim præcipiens: *Omnis adest, inquit, Domini erit iure perpetuo in generationibus, & cunctis habitaculis & esset.* b Quid mirum, inquit Iſychius, aruinam & adipem tam seuerè à Deo exigi: Adest iste, recta est Intentio, in omnibus ad Deum dirigenda: hanc Deus nemini remittit. Qui verò nullam suis actionibus Intentionem præstituit, is quod optimum est sacrificij, Deo subtrahit hic talis, quicquid facit, aut ex inclinatione, aut ex consuetudine facit, nescit enim quare faciat, aut quorsum, & cui faciat. Miserrimum est hoc genus hominum, quibus post varios labores, nulla speranda est merces.

a Sen. epist. 71. initio. b Leuit. c. 3. v. 16.

## §. III.

**P**ueris trimulis aut quadrimulis quis inquietior? totos dies huc illuc oberrant, nec vnquam vno loco diu consistunt: nunc equitare se putant, nunc volentem plumam agitant, iam domunculas ædificant, iam per sedilia sursum deorsum saltant. ita sese plurimum fatigant, in summo otio nunquam otiosi. & vbi totum diem ad lassitudinem, diu multumque semet agitauerint, quid tandem est omnis hic labor & lassitudo? Nugas egerunt, muscas depulerunt,

caligamus, inò nobis omnia tenebras facimus, & subinde nihil videmus, nec quid noceat, nec quid expediat. totâ vitâ incursumus, nec ob hoc resistimus, aut circumspicius pedē ponimus. Quis verò nescit quàm sit furiosa res, impetus in tenebris? At nos certè id agimus vt longius reuocandi simus: & cùm ignoremus quò feramur, velociter tamen huc illuc, quocunq; demum, cæco impetu ruimus.

## §. IV.

Fidelissimè Deus per Aggæum prophetam commonefaciens: Ponite, inquit, corda vestra super vias vestras. Seminaſtis multum & intulistis parum: Comediſtis, & non estis satiati, bibistis & non estis inebriati: operuiſtis vos, & non estis calefacti. & qui mercedes congregauit, misit eas in ſacculum pertuſum. Hæc dicit Dominus exercituum: Ponite corda vestra super vias vestras. « En, quàm vrgeat Deus illud: *Ponite corda vestra super vias vestras*, quàm velit considerari quâ viâ, & quò eamus; En, quàm vbique Intentionē bonam requirat: Omnibus verò hoc negligentibus occinitur: *Seminaſtis multum & intulistis parum*. Sunt qui nummos ſeminant, tantum ſcilicet pecuniæ in menſam erogant, tantum in veſtes & ſupelleſtilem, tantum in recreationes, luſus, conuiuia, tantum etiam in rerum nouarum auditionem, tantum in varias animantes, tantum in libros quos nec ipſi legunt, nec alijs legendos permittunt, ſed cuſtodiuſ vt canis præſepe: tantum æris inſuper expendant in adulatores, ſanniones, mimos, paraſitos, moriones; tacebo aliam hominum impuram faciem; tantum etiam inſumunt in artificioſa curioſa, & ſæpe pernicioſa, tantum in alias vaniſſimas inſanias, tantum denique in ſtipem & eleemoſynam exponunt, & modò id Intentione ſanâ fiat. Hi ſanè plurimum argenti ſeminant: de vnoquoque horum rectè dixeris, DISPERSIT, non autem *dedit pauperibus*, ſed iam antè diuitibus; aut dedit ſartoribus, dedit cocis, cupedinarijs, palponibus, gesticulatoribus, ſufurrionibus: dedit his, & illis, & iſtis vt eos in ſuam cauſam traheret, vt corrumpere, vt os illorum ſibi emeret. O miſeri! *ſeminaſtis multum, & intulistis parum*, quia Intentione non debitâ ſeminaſtis, hinc meſſis tam modica, tam nulla: dimidio pecuniæ veſtræ cælum emiſſetis, ſed altero tanto maluiſtis timere gehennam.

*Comediſtis, & non eſtis ſatiati; bibiſtis & non eſtis inebriati*. Sunt qui comedant & bibant, ſunt qui de rebus diuinis multa & præclara audiant,



audiant, virtus eis variè suadetur : & ut coci solent qui modò lixa, modò assa, modò frixa; iam sicca, iam iusculis perfusa, iam frigida, iam fumantia & calida apponunt, ut edendi appetitum acuant : sic fastidiosus his rerum sacrarum auditoribus, amabili varietate virtus commendanda est; audiunt illi, & velut audita comedunt, auidos se ostendunt, sed mox aliud esuriunt, audita celeri obliuione se peliunt, & animum aliò conuertunt. inde nec habitiores nec robustiores fiunt, nam sacris admonitionibus non eà Intentione auscultant ut meliores sanctioresque euadant. O miseri ! *comeditis, & non estis satiati.*

*Operiistis vos & non estis calefacti.* Sunt qui etiam virtuti quandoque operentur; templum frequentant, orant, exomologeseos & Eucharistiæ sacramentis se muniunt, nec tamen inde calefiunt, partim quia hæc per sinceram & feruidam Intentionem ad Deum non dirigunt, partim quia se frigori mox iterum exponunt : & templo, ab oratione, à confessione vix digressi, ad antiquum libidinis volutabrum redeunt, pristinam iurandi & imprecandi consuetudinem repetunt, pessimas occasiones non fugiunt. Ita mores inolitos nunquam deponunt, in assuetis noxis frigidi, ut antè, persistunt. O miseri ! *Operiistis vos, & non estis calefacti.*

*Et qui mercedes congregauit, misit eas in sacculum pertusum.* Liberalissimus est Deus in tribuendis muneribus, quæ nos sacculo nostro excipimus, sed sæpe pertuso. Mens nostra velut sacculus tot habet foramina per quæ cælestes dotes excidant, quod occasiones non vitat, quæ ad nequitiam inuitant. Hæc omnia pulchrè complexus Gregorius : Multum, inquit, cordi suo seminatur, qui de mandatis cælestibus, vel legendo, vel etiam audiendo multa cognoscit, sed negligenter operando pauca fructificat. Comedit & non satiatur, qui verba Dei audiens, lucra vel gloriam sæculi concupiscit. Bene autem non satiari dicitur, quia aliud mandit, & aliud esurit. Bibit, & non inebriatur, qui ad vocem prædicationis aurem inclinat, sed mentem non mutat. //

Deus olim Ezechieli : Fili hominis, inquit, venter tuus comedet, & viscera tua replebuntur volumine isto, quod ego do tibi. <sup>b</sup> Ventrīs autem viscera, inquit, Gregorius, quid sunt aliud nisi meritis interna, id est, recta Intentio, sanctum desiderium, humilis ad Deum, pia ad proximum voluntas ? Pensemus, charissimi fratres mei, quàm sit pia ista promissio. Multi enim legunt, & ab ipsa

lectione

lectione ieiunii sunt. multi vocem prædicationis audiunt, sed post vocem vacui recedunt. quorum etsi venter comedit, viscera non replentur: quia etsi mentem intellectum sacri verbi percipiunt, obliuiscendo & non seruando quæ audierint, hæc in cordis visceribus non reponunt. *a* O miseri! *mercedes congregatis, sed eas in sacculum pertusum misistis.* Hic idem beatus Gregorius: In sacculo, inquit, pertuso videtur, quando pecunia mittitur, sed quando admittitur non videtur. qui ergo quanta largiuntur aspiciunt, sed quanta rapiunt non perpendunt, in pertusum sacculum mercedes mittunt: quia profecto has in spem suæ fiduciæ intuentes congerunt, sed non intuentes perdunt. *b*

Ita deum frustra laboramus, quia laboris animam INTENTIONEM non curamus. Id quod boni facimus, ante oculos nobis statuimus, Intentionem rectam quam negligimus, nihili pendimus: ita *mercedes congregamus, & in sacculum pertusum mittimus.*

*a* Greg. loco proxime cit. *b* Greg. par. 3. curæ pastoral. c. 22. fine.

## §. V.

Non est molestior labor, quam labor irritus & sine effectû: nemo est qui velit operam ludere. Enimuero aliqui ut asini laborant, multa grauiâque in se onera recipiunt, & omnem laudem in eo ponunt, ut operæ quam plurimum sumant: Issachar asinus fortis &c. supposuit humerum suum ad portandum, factusque est tributis seruus. *a* At hi non sibi laborant sed alijs, cum Intentione careant, quâ Deo laborem suum vendant. Aliqui porro patiuntur ut Martyres, sed non cantabitur de illis: Gaudent in cælis animæ Sanctorum qui Christi vestigia sunt secuti. *b* Miserandi prorsus, & fletu tanto digniores, quanto numero plures. Ah, quanti sunt qui ponderosis crucibus premuntur, & tamen in viâ ad cælum vix quidquam promouent, solo Intentionis defectu. Grandia patiuntur, sed ideo, quia pati coguntur. Tergiuersantur quidem, torquent se misere, resistunt ut possunt, quia verò impositam crucem excutere nequeunt, vacillando pergunt. Hoc non est pati pro Christo: hoc est in aëre remigare, frigido fumo panes immittere, in arenâ ædificare.

Baalathi Sacerdotes quid tandem laboris omiserunt, ut Eliam sacrificando vincerent? bouem imposuerunt aræ, & inuocarunt Deum suum à primo mane vsque ad meridiem, continuo vociferantes, Baal exaudi nos, Baal exaudi nos &c. *transiliebantque altare*

cc

quod

*a* Gen. c. 49. v. 15. *b* Ecclesiæ offic. in 2. vesp. de mart:



quod fecerant. Cúmque esset iam merdies, illudēbat illis Elias, dicens: Clamare voce maiore. Clamabant ergo voce maiore, & incidebant se iuxta ritum suum cultros & lanceas, donec perfunderentur sanguine. a Nulla tamen Baalami vox, nullus igniculus, successus rei nullus se prodidit. Debuissent amentes sacrificuli prius ignem excitasse in animo (quod fecit Elias) Intentionem extimulasse ad Deum, hac ratione ignem euocassent e cælo. Mundus velut alter Baal variè suos exercet, fatigat, vexat; istos ad omnem nequitiam, illos ad quamcunque seruitutem rapit: exagitantur miser eundo, stando, currendo: laboribus sæpe odiosis, difficilibus, molestis, improbis, insanis, indignis exercentur. qui mundo seruiunt debent glutire posse omnis generis inuectiuas, conuitia, reprehensiones, vituperia, morsus acerbos, crebros despectus: & sicut histriones arte gesticulatoriâ deuorant cultros, ita hi tolerare coguntur & glutire, velint, nolint, acerba multa & admodum aculeata dicta. Habent hi suos obtrectatores, æmulos aduersarios, maleuolos, & inuidos antagonistas, nihilominus tamen horum genibus aduolui, manus osculari, mille ceremonijs & delitijs hos ipsos venerari adiguntur, aut Mundo seruitium obnuntiare. neque verò defunt curæ, sollicitudines, perturbationes, rei familiaris angustię. Hæc omnia simul sumpta instar obeli & in frustra dissecti bouis essent, modò non deesset ignis, modò Intentio recta, velut cælestis flamma, ea delibaret. Verùm quia multi talia ferunt, sed impatienter; ferunt, sed Deo illa non offerunt, patiuntur ista, sed sine Intentione rectâ; patiuntur non propter Christum, sed propter se, in suam & Mundi gratiam. hinc nihil hîc promeriti aut mercedis cogitandum: nebulas diuerberant, & in faxis seminant, nullam à Deo gratiam merentur.

De his eleganter & verè Bernardus: Væ, inquit, portantibus crucem, non sicut Saluator suam, sed sicut ille Cyrenæus alienam. Duplici quippe contritione conteruntur, qui huiusmodi sunt, quando & hîc pro temporali gloriâ temporaliter se affligunt, & in futuro pro internâ superbiâ ad supplicia æterna pertrahuntur. Laborant cum Christo, sed non regnant cum Christo. De torrente bibunt, in viâ, sed non exultabunt caput in patriâ: lugent nunc, sed tunc non consolabuntur. b Ita maledictus ille latro iuxta Christum quidem crucifixus, sed e cruce in paradysum cum Christo non migravit. Pari ratione multi multum laborant, sed frustra; multa sustinent, sed & frustra; virtutes etiam, vt videtur, exercēt, sed frustra hæc omnia, imò cum damno, quia rectâ in his omnibus Intentione carent.

a 3. Reg. c. 18. v. 26. & seqq. b Bern. in Apol. ad Guil. abb. initio. Oseas

Oſcas vates Hebræus hos ipſos designans: Vitula, inquit, docta triturai. <sup>a</sup> Qui absque Intentione certâ & rectâ laborant, bobus ſimiles ſunt qui tritulant. hi etſi ab opere ſoluantur, redeunt tamen vltro: iam aſſueverunt huic operi, quo etiâ fruuntur, nam ſubinde os mergunt auenâ, & ſic lubentes perpetuant hunc laborem, iugumq; facillimè recipiunt. Non aliter agunt illi Mundi alumni, quos inſigniter notans Gregorius: Pro Mundi gloriâ, inquit, cunctis ſudoribus libenter ſerviunt, & grauiû laborum iugo colla deuotiſſimè ſubmittunt. Et quæ merces operis? os plenum auenâ, marſupiû non adeò turgens pecuniâ. Certè vituli docti triturai, laborant vt iumenta plauſtralia aut molaria, vel vt equi cæci in ſullonicâ. hi ab vnico puero voce & flagello aguntur, curruntque toto die. & quò tandem veſperi perueniunt? in eodem omnino loco ſunt, quia in orbem acti ſunt: Sic qui rectâ carent Intentione, verè cæci ſunt, & in virtutibus progreſſum nullum faciunt; hodiernus, craſtinus, perendinus dies nullo illis diſcrimine veniunt. Hi boues ſemper in eadem areâ tritulant, & hunc laborem ſuum pro mercede habent, idèd à Deo aliam non expectent. Hæc eſt cauſa, cur Paulus tam contentè præcipiat: Omne quodcunque facitis, in verbo & in opere, omnia in nomine Domini Ieſu Chriſti, gratias agentes Deo & Patri per ipſum. <sup>b</sup> Idem æquè grauiter inculcans: ſiue ergo, inquit, manducatis, ſiue bibitis, ſiue aliud quid facitis, omnia in Dei gloriâ facite: <sup>c</sup> Omnia, omnia. Sic edendum, ſic bibendum, ſic aliud quiduis faciendum, vt Deus honoretur, nullus hominum lædatur, aut offendatur. Chryſoſtomus Paulinum hoc præceptum explicans: Etiamſi, ait, ſpirituale quid fuerit, ſi tamen propter Deum non fiat, cum primis illum lædit qui facit. <sup>d</sup> Et ſicut cæmentarij amuſſim ſuam ab Angulo ad angulum ducunt, ſic noſtrarum actionum amuſſis ſit diuinum illud Pauli effatum: ſiue manducatis, ſiue bibitis, ſiue aliud quid facitis, omnia in gloriâ Dei facite.

Itaque rectiſſimè Laurentius Iuſtinianus: Prima vox, inquit, prima cogitatio, primus affectus diuinam reſonet laudem, ignitam ad Deum dirigat ſupplicationem. <sup>e</sup> Dimidium facti, qui bene cœpit, habet.

<sup>a</sup> Oſc. 10. v. 11. <sup>b</sup> ad Coloſſ. c. 3. v. 17.

<sup>c</sup> 1. Cor. c. 10. v. 31. <sup>d</sup> Chryſ. rom. 5. orat. Calendis dicta.

<sup>e</sup> Laur. Iuſt. de diſcipl. & perfect. mon. c. 10. ſine.



## LIBER SECVNDVS.

BONÆ INTENTIONIS  
ET FAVTORES ET HOSTES,  
maximè verò Vanam gloriam, & Iudi-  
cium temerarium; Eiusdem signa, praxin,  
præmia declarat.

## CAPVT I.

RECTAM INTENTIONEM ESSÊ

*bonam illam voluntatem, ab Angelis  
laudatam.*

**B**ONA voluntas, actionis anima est, bona voluntas nunquam non diues est, bona voluntas omnia potest. Nocte nascentis Christi nouam, inauditam oden cecinerunt in terrâ cælestes genij. Horum è cælo cantorum auditores erant opiliones; odeum, campus; ode ipsa: *Et in terrâ pax hominibus bonæ voluntatis.* a Et quid est Bona Voluntas? Obsecro, tantûm nobis otij sumamus, vt ex omnibus illis qui ad Christi nati stramineas cunas obsequiosè sese stiterunt, hoc ipsum quæramus, quid sit Bona Voluntas? Interrogationis nostræ initium petamus ab ipsis Angelis.

a Luc. c. 2. v. 15.

## §. I.

O purissimi, beatissimi que Spiritus, quid agmine facto ad tuguriola nostra descenditis, quid in terrâ quæritis, quod deesse possit in cælo? nullum apud nos est dignum vobis hospitium. Ad hanc quæstionem nostram Angelorum omnium vna vox est:

O mortales, loci genium & incolas probè nouimus, neque hoc aduentu nostro illustria facinora, raras inuentiones, exoticas artes, artificia peregrina, neque aurum aut gemmas quærimus, sed Bonam Voluntatem, quæ & auro, & gemmis omnibus pretiosior est, nobisque charior.

Et in hoc quidem fecisse mihi videntur angeli, quod magnates aliquando solent in pauperculam cereuisariam cauponam peregrè delati. Caupo namque si generosum Baronem aut illustrem Co-

mitem

mitem videat suum esse hospitem, primum omnium instituit hospitij tenuitatem excusare, cupedias & delitias apud se nullas reperiri, lectos tanto hospite non sat dignos esse, panem & Zythum, suppetere, cetera pænè omnia negari, neque verò aliam ruri viuendi rationem esse: si tamen libeat manere, dominus modò imperet, se quidem promptissimè daturum, quicquid omni domo possideat. Comes homini animando modestè & placidè: Scio, ait, mi vir, quas ædes ingressus sim; si mihi par ouorum, & tuæ cereuisiæ haustum tuleris, in hanc cenam satis apposuisti. neque ego huc comessaturus veni; ignotus hospes latere cupio, & te relinquere ditiozem. vis hoc? Caupo lætitiæ plenus, & renidenti ore: quid nī velim, inquit, ō mi domine, quid nī velim hoc votis omnibus? manda, iube, impera; ego, meique iussa faciemus pro viribus. Hanc animi promptitudinem, paratissimam hanc voluntatem potentissimi illi ab æthere dynastæ Angeli quæsierunt in Orbe hoc inferiore, idque nostro commodo vt nos relinquerent, longè quàm antea ditiores. *Et in terrâ pax hominibus bonæ voluntatis.* Sic Otho Imperator ad Romualdum visere, cellulam illius non tantum ingredi, & vnà cibum sumere, sed etiam in Romualdi paupere ac duro lectulo cubare voluit tanta Maiestas. Sic alij Reges, & Principes, desertissimas quandoque casas ingressi, fonte solo & panepænè saxeo in cenam vsi sunt non sine voluptate. Sic & Angelorum apud nos voluptas, est bona voluntas, rectaque Intentio. Sed & ex Iosepho quæramus, quâ ipse Intentione Bethlehemum venerit.

a Hier. Platus l. 2. de bono stat. rel. c. 37.

## §. II.

O sanctissime Paterfamilias, castissime Ioseph, quid hoc itinere quæris, tam & longo, & difficili tempore præsertim tam alieno? quid Bethlehemum migras, omnia vbique hospitia occupata sunt, tibi nec angulus patet, exclusissimus es vndique; mille domos adeas locum requiemque petens, mille domos occludent seræ, te tuamque coniugem nulla recipiet. Ergo potiùs iter relege, & Nazarethi habita: hîc nemo te hospitè salutabit, multò minus honorario vino donabit. Iosephus Intentionis sanctissimæ plenus: Non refert, inquit, nullam mihi patere habitationem hominum: ergo pecudum subibimus, neque enim huc migrauimus, vt laxè commodèque habitemus, sed vt voluntati diuinæ obtemperemus, id



quod quæritus, est obedientia, huic omnem animum intendimus. sequemur, quacunque nos vocauerit voluntas diuina.

Sed cum bonâ veniâ tuâ, ô mi-optime Ioseph, videris errare à limine: non hæc voluntas est Dei, sed superbia Imperatoris Romani. Cuperet Augustus Cæsar nosse vires ac potentiam suam. eâ de causâ regiones & prouincias omnes turbat, vt quantus sit sciat, & inde magis superbiat.

Iosephus contra: Hanc ipsam, inquit, superbiam hominis idolatræ, Deus suæ voluntati perficiendæ aptum reperit instrumentum. *Dominus est: quod bonum est in oculis suis faciat.* a Quandoquidem ergo Augustus Cæsar, summus magistratus, Dei nutu edixit per Orbem, vt quiuis in suæ tribus ciuitatem se conferret, ideò & nos hoc iter suscepimus, vt huic edicto pareremus. Hæc mea, & commissæ mihi Virginis est Intentio, quam æquè commodè in humillimâ casâ, in vilissimo angulo, in stabulo exequemur, quàm in Herodis Regis, aut Annæ Pontificis palatio. Sed ipsam etiam beatissimam Virginem matrem super hac ipsâ re interrogemus.

a I. Reg. c. 3. v. 18.

### §. III.

O Virgo beatissima, te si matrem Dei dixerò, omnem in te laudem congesse. Tu verè dignissima mater es, ad cuius virgineum puerperium è cælo descendant Angeli: quid obsecro, Virgo diuina, quæris in natali loco profapiæ? An nescis? cognatos pauperes nemo nouit. Et valde verendum, ne hoc tuum iter frustra susceptum sit, nam ditiores è stirpe Dauidicâ, omne vrbis diuersorium præoccuparunt, vobis aut in publico habitandum, aut redeundum est. Gentiles vestros vobis loco cessuros ne sperate, nemo erit ex his qui ad vos reuisat, qui cibum potumque honorarium mittat, qui vllum honorem deferat; cognationem nemo agnoscat. humanitas omnis hinc pridem exulat, nec vllum vos diuersoriolum recipiet. Contemnuntur qui pauperes sunt, etsi optimi sint. Et verè dicitur: Mortuus viuos frequentat, pauper inter diuites. a Quare, ô Virgo integerrima, aut publica platea domus tibi erit, aut via quâ venisti, erit repetenda.

Adhæc virgo puerpera: Meus Iosephus, inquit, & ego, non quærimus cognatos, nec nostri stemmatis reuerentiam, neque commodum habitationis locum, sed vnâ atque vnicâ Dei voluntatem, quam nobis Deus declarauit per Augustum Cæsarem.

a Vte. monest. Troachic.

Sed,

Sed, ô beatissima Mater, sit verbo venia, non hæc videtur esse voluntas Dei, sed hominis Deo inimici: nam quod pauperes tam misere & sine causâ fatigentur, iussu Cyrini præsidis fit, hic vir hic est qui vniuersam Syriam inquietat, & obturbat, iste est qui vniuersos suis sedibus huc illuc euocat. Ad quæ Virgo: sed quis, inquit, Cyrino id permisit? Putem, inquam ego, Augustum Cæsarem. Virgo iterum: Ecquis permisit Augusto Cæsari? **DEVS** utique, respondi. Hic demum Virgo cælestis: Huius ergo, inquit, permissum diuinum sequimur, huius voluntati paremus, hac Intentione iter istud suscepimus. De diuersorio iam anxij non sumus: Deus prouidebit. **a** Si locum negent homines, forsitan pecudes non recusabunt: Fiat voluntas Dei. Sed & ex ipso diuinissimo infante istud quærere iucundum sit.

**a** Gen. c. 22. v. 8.

## §. IV.

O infans omni Salomone sapientior, ô Rex Angelorum, quid tandem hîc quæris inter exules, quod non millies melius reperiās inter tuos ciues Angelos? num animi gratiā peregrinum & pagannam panem gustare placet? num cælestia tempe cum horridissimâ hac siluâ commutare delectat? O Domine, Mundus non nouit te, & nisi te aliter patefacias, omnigeno contemptu te calcabit.

Adhæc Christus puer, vel solo nutu oculorum, vel lacrimis solis, responsionis sat dedit hoc sensu: Honores ego non quæro, nec voluptates, nec vllam mensæ lauticiam desidero, Cibus meus est, vt faciam voluntatem eius qui misit me, vt perficiam opus eius. **a** Alijs cibus omnibus carere, facile mihi erit, illum verò cibum gratissimum, cibum verè meum auidissimè confector, hunc quæro. hic meus est finis, hæc Intentio. Vti verò nunc cernitis præsepi me incumbere, ita olim cernetis cruci. Et hoc omne ad paternæ voluntatis regulam fiet. Nam sicut Pater meus Imperatoris Romani superbiâ, & meorum cognatorum inclementiâ eò vtitur, vt iam in fædissimum hoc antrum detrudat, ita vtetur Hebræorum Pontificum inuidiâ, vt olim in trabem ignominiosissimam extollar. Meus cibus est vt faciam voluntatem eius qui misit me. **b** quia non quæro voluntatem meam, sed voluntatem eius qui misit me. **c** quia descendi de cælo, non vt faciam voluntatem meam, sed voluntatem eius qui misit me. **d** Hoc Christi ad nos responsum est.

cc 4

§. V.

**a** Io. c. 4. v. 34. **b** Io. c. 4. v. 34. **c** Io. c. 5. v. 30. **d** Io. c. 6. v. 38.



Quid ergo est, Voluntas bona, cui Angeli pacem imprecantur? Optimè ad hoc quæsitum sanctus Leo: Christiano, inquit, vera pax est, à Dei voluntate non diuidi. Horis omnibus ex animo dicendum: Domine, fiat voluntas tua: fiat, & in me, & in omnibus hominibus, perfectissimè, omni tempore, sicut in cælo. Hæc, ô Christiani, bona voluntas est, in rebus omnibus toto pectore hoc vnum velle: Domine fiat voluntas tua. Hanc voluntatem, Intentionem hanc animi commendant Angeli. de hac verè D. Gregorius: Nil ditius, inquit, offertur bona voluntate. Hæc voluntas veram conciliat pacem. Voluntatem hanc ad Christi cunas attulerunt pastores: Voluerunt ire & quærere, iuerunt & quæsiuerunt illum ipsum infantem, quem quærendum suasis Angelus, hinc illorum mutua cohortationes: Transeamus vsque Bethlehem, & videamus hoc verbum quod factum est, quod Dominus ostendit nobis. Et venerunt festinantes. Hæc voluntate penitus caruit callidissima vulpes illa, Herodes Ascalonita, qui & se venturum, imò & adoraturum promisit: nimiram pueri iugulum petiturus, non genua osculaturus venisset.

In hac demum bonâ voluntate rectaque Intentione quies & pax vera consistit. Quicquid agas, ô Christiane, mille turbas in rebus alijs omnibus inuenies: nihil vspiam satis pacati extra hanc bonam voluntatem: inquietatio & molestiæ innumera à corpore, ab animo, ab amicis, à consanguineis, à liberis, à subditis, à seruis, ab officio, à negotijs; turbæ domi, foris, in templo, in publico, in aquis, in siluis, turbæ in ipsis relaxationibus & voluptatibus; turbarum, vbique affatim te circumfistet. Et licet omnia componas ad pacem, nihilominus nusquam reperies pacem nisi in hac tantum bonâ voluntate, quæ voluntati diuinæ vinculo insolubili seipsam alligat. Et hoc cælum est extra cælum, seu cæli vestibulum. Pax hominibus bonæ voluntatis, pax bona, constans, tuta: pax vera, & nemini poenitenda.

In plurimis alijs illud vulgi vsurpare quis possit: Malo bonam guerram, quàm malam pacem, si spiritus velit cum carne pacem inire, cupiditatibus illius indulgere, omnem contumaciæ noxam dissimulare, pax pessima, & longè peior bello & discordiâ. Pax ergo nemini aut tuta aut bona esse potest, nisi hominibus bonæ voluntatis, rectæque Intentionis.

## RECTÆ INTENTIONIS ACTIONI

à solo Deo persolui posse pramium.

**G**emmarius olim accessit homo pretiosæ illius mercis imperitissimus, & avidè quærens: Quanti æstimas, inquit, hunc lapillum bone vir? Gemmarius ad hæc promptè in hunc modum respondit: Hæc margarita meritò vænit, centum & quinquaginta millibus coronatorum. <sup>a</sup> (Hanc gemmam donavit Iulius Cæsar Sequiliæ, matri Bruti à quo occisus est; <sup>b</sup> & hæc, vt dictum, æstimabatur sexagies H.S.) Miratus supra modum ille qui interrogarat, &, O superi, ait, quid virtutis aut fortunæ in hoc lapide? Sed & denuò quærens de alio cimelio: Quanti ergo, inquit, hos simul lapillos æstimas? Cui Gemmarius: Pretio, inquit, exsolui vix possum: dimidium regni dederis, nondum tamen persolueris: cimelium est inæstimabilis pretij. Hic ille primum seriò in admirationem rapi, & non capere, tanti vænire lapides.

Stephanus, flos martyrum, *Vir plenus fide & spiritu sancto*, c merces proposuit solos lapides & quamvis nec pyropos, nec adamanthes, nec topazios venales habuerit, sed meros silices sanguine tinctos, eo tamen pretio indicauit, vt tam diues emptor repertus non sit, qui pretio vel minimum lapillum potuerit facere suum. Quis non miretur cum imperito illo, ad hoc dignitatis & pretij peruenire potuisse silices, vt etiam contra gemmas sint chari. Siliceos hos lapides Stephani, Bethlehemitici infans præsentem demum monetâ emit, omniumque pretium liberalissimè persoluit.

Sub hac Stephani protomartyris, & Christi diuinissimi infantis imagine nunc explicabimus, omnem actionem bonam etiam vilissimam, rectâ tamen Intentione susceptam, tanti esse pretij, vt id solus Deus infinitè diues possit persolvere.

<sup>a</sup> Sunt 1,0000 Silbextronen seu Swainzigbâner.

<sup>b</sup> Sueton. Budæus de Asse. c Act. c. 6. v. 5.

## §. I.

Ad hoc lapidum mercimonium, quod Stephanus Leuita venale proposuit, principio matrona graui vultu, & honestissimo habitu accessit, PHILOSOPHIAM nominant. Hæc Stephanum miris argutijs fatigauit, vt suos illi lapides extorqueret. *Surrexerunt quidam de Synagoga que appellatur Libertinorum, Cyrenensium, Alexandrinorum, &c. disputantes cum Stephano, a in suas illum partes pertrahere conabantur.*

<sup>a</sup> Act. c. 6. v. 9.

cc 5



conabantur. Sed frustra. Suos Stephanus lapides acerrimè defendit, certò eos amissurus, si cum illis sentire voluisset. *Et non poterant resistere sapientia & spiritui qui loquebatur.* Ita ab emptione abiit *Philosophia*, de quâ Paulus optimè inonet: Videte ne quis vos decipiat per Philosophiam, & inanein fallaciam. *a*

Secuta PUSILLANIMITAS, anus rugosâ fronte, exangui & mortuali vultu, tremulis manibus, tamque pauidè videbatur emere, ac si assem porrigeret elephantò. Hæc vt purpuratos illos lapides sui iuris faceret: O mi Stephane, inquit, mille testibus conuictus es, omnium sententiæ contra te eunt. Nunquid vniuerso senatui te oppones? Causam licet optimam tuearis, non sat tibi virium est, vt institutæ rei exitum expedias. Dogmata quæ propugnas, nimium noua sunt, permitte illa tempore adolescere & firmari: Initia hæc lentè volunt tractari; aliquanto tempore hos impetus tuos dissimula. Sed nihil obtinuit trepida hæc anus, *Stephanus, autem plenus gratia & fortitudine:* b Tamen si, ait, senatorum altero tanto plures sint, animo non cadam. Hæc Domini causa est, hîc non licet esse pauidum; facesse à me Pusillanimitas.

Hac vix digressâ, adfuit INCONTINENTIA procax femina, ipso vultu lasciuia professâ, & facilè apparebat non seriò illam empturam. Ne tamen Stephani lapidibus nullum pretium posuisse videretur, hoc vnum anxie agebat, vt iuueni persuaderet coniugium. Quid tergiteraris, mi Stephane, inquebat, quin tu more priscorum Patrum matrimonium contrahis? æmulare sanctissimos maiores tuos Abrahamum, Isaacum, Iacobum, Moysen, Aaronem, & ne sperne nuptias. Ad maiora natus es, quàm vt solùm mensis seruias. Hæc, vt eam decuit, breue responsum tulit: Procul inde facesseret, stare animo, non nubere, sed virgineam integritatem tueri. *Et inuidentes eum omnes qui sedebant in concilio, viderunt faciem eius tanquam faciem Angeli.* c

Post illam, mox adrepsit VANA GLORIA, omnium oculos suis deuorans, alijs omnibus præmercatura. Hæc, contra morem emptorum, merces quas emptura videbatur, impensissimè laudauit, garrulam mercatricem dixisses, nam post copiosè recitata Stephani elogia: O sanctissime iuuenis, inquit, tota Hierosolymorum vrbs in te vnum conuersa, te spectat, te veneratur; omnium ciuium ora de te loquuntur. In luce sunt prodigia quæ patras (*faciebat prodigia & signa magna in populo.* d) At nostri te tibi maximum esse debitorum,

bitorem, infamâ præsertim & nomine seruando. Ergo Spartam quam actus es, tuere, & orna. Fauentissimum tibi senatum habes, si potes illi esse non inimicus. Non tulit Stephanus loquacissimæ fernellæ fabulam, sed eâ protinus reiectâ: Fallacissima est, inquit, omnis gloria, quæ à mortalibus offertur: Cor meum, meosque oculos aliorum defixos teneo, gloriam cælestem iam etminus prospicio, in Christum Dominum omnis mea fertur Intentio: *Intendens in caelum vidit gloriam Dei.* a

Prioribus illis repulsis, VIOLENTIA nota furia ex Orco irruit, non tam emptura lapides, quam ereptura. varijs istud machinis aggressa est. 1. *Tunc submisserunt viros qui dicerent, se audire eum dicentem verba blasphemiae in Moysen & Deum.* b En testes: veri an falsi, nil interest. 2. *Conmouerunt itaque plebem, & seniores, & scribas: & concurrentes raperunt eum.* Et hæc quidem vis expugnabit iuuenem; patietur Stephanus frangi pertinaciam suam. 3. *Audientes autem hæc, dissecabantur cordibus suis, & stridebant dentibus in eum.* c Conclusus est Stephanus inter fulmineos apros; non euadet. 4. *Et impetum fecerunt & animiserunt in eum.* d Stephane quid agis? tu toto senatu sis sapientior? cede sententiâ. 5. *Et eicientes eum extra civitatem lapidabant.* Ita vincendus est, qui nescit cedere.

Sed frustra fuere omnia. O imbecillem VIOLENTIAM, nec vnico quidem iuveni expugnando satis robustam! merces venisti raptura Stephano, imò dedisti.

a Act. c. 7. v. 55. b Act. c. 6. v. 11. c Ibid. v. 12. d Act. c. 7. v. 54 & 57. & 58.

## §. II.

Ita seruauit Stephanus suos sibi lapides, à pessimis his nundinatricibus; nulla eos, nec vi, nec pretio, potuit extorquere. Demum paruulus ex oppido Bethlechem, ad istas merces accessit, & hos ipsos lapides sanguine pictos liceri cœpit. Cui Stephanus: Mi diuinissime puer, inquit, placētne tibi? accipe, tui sunt. Noui equidem, parentem habes opulentissimum, qui solus potest & hos lapides aestimare, & dignum ijs pretium rependere; omnes ergo tibi dono: *Ecce video calos apertos, & filium hominis stantem à dextris Dei.* a Ad illam Dei oculum insomnem, & omni momento peruigilem me affixi sunt oculi. Pro veritate, & pro Christo hunc saxorum nimbum sustineo, hos lapides Deo, eiusque honori confesco.

Ita PATI, ita & AGERE oportet, ô Christiani; bonæ actionis cuiuscunque pretium, omnibus alijs, etiam Angelis, præterquam Deo



Deo est insolubile. Loquimur hîc de ijs tantùm actionibus, à quibus, vt suprà docuimus, abest malitia, quibus adest gratia, nec deest Intentio recta. Et huiuscemodi quidem actiones, cetera vilissimæ tanti sunt pretij, vt sermone nemo vnquam expresserit vel minimi boni operis valorem. Terrarum orbem da, imò da cælum, nondum satis dederis, nisi des Deum. Imperium in cælestes orbis & sidera, in omnes omnino Angelos, non æquat dignitatem actionis cum virtute coniunctæ. Exempli gratia: Obolus mendico porrectus, sed sanâ rectæque Intentione, quanti, putas, in cælo æstimatur? Confer in vnum regna omnia, & Turcicum, & Sinese, & Persicum; Hispanicum & Gallicum, cum omni eorum opulentiâ, cum omnibus imò voluptatibus, & nondum obolo illo dignum pretium statuisti. Ratio huius euidentissima est: vniuersa illa vt principium habuerunt, sic & finem suum reperient; suis vtrinque terminis vrgentur: At obolus ille mendiculo datus pretium acquisiuit æternum. Momentaneum & leue tribulationis nostræ; supra modum in sublimitate, æternum gloriæ pondus operatur in nobis. <sup>a</sup> Quid minus dixeris, quàm, *momentaneum & leue*? Ita vnicum ad Deum suspirium, serius ob priores noxas gemitus, acus fracta pauperi data, frigida calix sitienti propinatus (an vilius quid dicam) mercedem emerentur supra omnem modum maximam, æternam: *æternam gloria pondus operantur*. Omnium regum aurum in vnum locum congestum, vnus hebdomadis spatio facile totum ad libram examinetur, neque enim infinitæ molis est: At verò illud oboli, quod diximus, pretium, per omnem æternitatem appendi non potest, infinitum est.

Sed vnde hic obolus tam pretiosus? A diuinâ gratiâ quod verissimè affirmans Augustinus: Omne, inquit, meritum nostrum in nobis non facit, nisi gratia: Et cùm Deus coronat merita nostra, nihil aliud coronat quàm munera sua. <sup>b</sup> Dei gratia animam Deo iungit vt sponsam. Assuerus regum potentissimus, centum viginti septem prouinciarum Imperator Estherei pauperculam, parentibus orbam, captiui Iudæi cognatam, suam tamen coniugem esse voluit, & reginam fecit. Nec caussam pete: Sic illi placuit. Quis iam Assueri & Estheris filios, regni hæredes neget? Mens nostra à se pauperrima (*cum non sufficientes simus cogitare aliquid à nobis, quasi ex nobis*). <sup>c</sup> eam tamen Deus in sponsam sibi adsciscit admirandâ gratiæ benignitate. Et hinc regni hæreditas in liberos nostros,

nostros, hoc est, in actiones nostras deriuatur; hinc nos olim futuri  
*lumen a consortes natura.* a Ipse enim spiritus, testimonium reddit spi-  
 ritui nostro, quod sumus filij Dei. si autem filij; & hæredes. b

a 2. Pet. c. 1. v. 4. b ad Rom. c. 8. v. 17.

## §. III.

Solus ergo Deus, illi quem diximus, obolo persolvere potest  
 præmium, nec vult aliâ solutione, quàm seipso. Ille Theologiæ sol  
 Thomas Aquinas, inter preces olim è terrâ elatus, voces illas au-  
 diuisse dicitur: *Bene scripsisti de me Thomæ. quam ergo recipies pro tuo la-  
 bore mercedem?* Ad quæ Thomas promptissimè: *Domine, non aliam  
 præter te.* Vtique probè cepit vir sanctissimus, dignum actione  
 bonâ præmium, Deum esse. Ideo diuinus Paulus accuratissimè  
 commonefaciens: Non cesso, inquit, gratias agens pro vobis, vt  
 Deus Domini nostri IESU Christi, pater gloriæ, det vobis spiritum  
 sapientiæ & reuelationis in agnitionem eius, illuminatos oculos  
 cordis vestri, vt sciatis quæ sit spes vocationis eius, & quæ diuitiæ  
 gloriæ hæreditatis eius in sanctis. *a* Hæc Apostolus assiduè preca-  
 batur, daret illis Deus *spiritum sapientiæ & reuelationis.* siquidem  
 ale præmium à Deo assignatum est cuius bonæ actioni, vt id o-  
 mnis philosophorum sapientiæ non capiat. *Quicumque potum dederit  
 mihi ex minimis istis, calicem aquæ frigida, tantum in nomine discipuli,  
 nomen dico vobis, non perdet mercedem suam.* b Proponit Dominus per-  
 sonas abiectissimas, & rem vilissimam, calicem aquæ non calidæ,  
 hæc enim sine impensis non calefieret; sed frigida sic è fonte ma-  
 nantis: *Non predet mercedem suam,* quæ gaudeat æternum.

Maxima fuerunt munera quæ duo Reges, sed iam temulenti  
 promiserunt. Assuerus à vino calidus: Quæ est, inquit, petitio tua  
 Esther, vt detur tibi? etiam si dimidiam partem regni mei petieris,  
 impetrabis. c Herodes pænè idem saltatriculæ pollicitus: Quicquid  
 petieris, inquit, dabo tibi, licet dimidium regni mei. d En, maxi-  
 mum regis donum, dimidium regni, sed perituri. Deus liberalior  
 Rex, in operis boni vel minimi, in vnus oboli præmium, daturus  
 est totum regnum suum, nunquam periturum, seipsum. *Vocauit  
 os in suum regnum, & gloriam.* e Nunc temporis Deus plerâque  
 omnia tribuit per res creatas, per cælum, sidera, terram, terræ  
 termina, per ministros Angelos. At verd, *cum euacauerit omnem  
 principatum, & potestatem, & virtutem.* f tunc rerum creaturarum  
 ministeria cessabunt, tunc Deus omnigenas voluptates beatis affe-

ret

a ad Ephes. c. 1. v. 16. b Matth. c. 10. v. 42. c Esth. c. 7. v. 2.

d Marci c. 6. v. 23. e 1. Thess. 2. v. 13. f 1. Cor. c. 13. v. 14.



ret seipſo, in bonarum actionum præmium; *Erit omnia in omnibus*. Ideo Chryſoſtomus, illum in ſeipſum crudelem tyrannum iudicat, qui poteſt alio contentus eſſe præmio, quàm Deo. *b* Et ſanè hie talis multò ſtultior eſt illo qui nobiliſſimum adamantem quinque ſeſtertijſ, aut aliquot pomis commutat.

*a* 2. Cor. c. 15. v. 18. *b* Chryſ. hom. 21. in Matth.

#### §. IV.

Si ergo præmium cuius bonæ actioni decretum eſt infinitum, inexplicabile, æternum, Deus ipſe: vel, ut clariùs loquamur, ſi pro quouis opere bono vel minimo, ſperanda merces æterna: Nil iam miri quòd Stephanus ſuos lapides, neque Vanæ gloriæ, neque Violentiæ, nec ex illis empticibus ulli vendere voluerit, nemo enim eos digno pretio ſolvere poterat, niſi Pater illius infantis, cuius cunæ Bethlehemi, præſepe & palææ fuerunt. At nos, infantes ſtuliſſimi (parùm dixi) tyranni in noſmet atrociffimi, tot præclaras actiones, pro pomiculo, pro teſtulâ, pro vitreis fractis aut pictis apinis, imò pro breui gloriolæ fumo, pro leui fauoris aurâ vendimus vel oculis, vel auribus, aut linguis eorum quibus placere cupimus. Ita tota merces eſt, viſum eſſe, auditum eſſe, laudatum eſſe. Quàm verè ſanctus Gregorius: Qui pro virtute, inquit, quam agit, humanos fauores deſiderat, rem magni ac ingentis valoris vili pretio venalem portat: Vnde cæli regnum mereri potuit, inde nummum tranſitorij ſermonis quærit. *a* Eâ de cauſâ tam ſerio hortatus Paulus: Serui obedite per omnia, inquit, dominis carnalibus, non ad oculum ſeruientes, quaſi hominibus placentes, ſed in ſimplicitate cordis timentes Deum. Quodcunque facitis, ex animo operamini ſicut Domino, & non hominibus: Scientes quod à Domino accipietis retributionem hæreditatis: Domino Chriſto ſeruite. *b* Hoc igitur vnicè caueamus ne noſtra obſequia hominibus duntaxat probare ſtudeamus, eorūque præſentiæ ſolùm atque oculis ſeruiamus, ſed animi potiùs ſingulari quodam candore, cum diuino timore coniuncto, omnes noſtri muneris partes expleamus. Quocirca quicquid fecerimus, verè atque ex animo agamus, certòque nobis perſuadamus, non nos hominibus ſed Deo bonorum omnium auctori ac Domino ſeruitutem ſeruire. Et quoniam certum nobis atque exploratum eſſe debet, ſempiternam illam beatorum ſedem, noſtris laboribus ac conatibus, tanquam palam, præmium, ac mercedem eſſe propoſitam, æquum proſectò eſt.

*a* Greg. l. 8. mor. c. 28. ad finem. *b* ad Col. c. 3. v. 23.

Et, vt in vnum Christum nostra omnis feratur Intentio, in Christum hi nostri eant oculi, Christo liberalitate tantâ emere volenti, nostra omnia quàm promptissimè vendamus.

## CAP. III.

RECTA INTENTIO QUANTVM  
à diabolis impugnetur.

IOANNES ille Apocalypticus Angelus, vidit feminam sole vestitam, lunâ calceatam, coronatam sideribus, & hanc parturientem. Coram hac stabat draco septiceps, & expectabat dum peperisset, vt abreptum filium glutiret; sed expectauit frustra, & inani natiu. Nam femina illa, peperit filium masculum, & raptus est filius eius ad Deum, & ad thronum eius: & mulier fugit in solitudinem, vbi habebat locum paratum à Deo, a. Ita famelicus draco elusus est.

Incredibile est, quantum diabolus draco peruigil laboret, quàm subtili artificio hoc vnum agat, vt bonam Intentionem in prauam, aut inutilem detorqueat: hic expectat hians bestia, dum edatur in lucem fetus, vt eum innox glutiat. Vix Petro nouum Pontificis officium detulit Christus, cùm statim conuersus Petrus: Domine, inquit, hic autem quid? b O Petre, quid hæc obsecro ad te? te ipsum assidue obserua, te ipsum respice. Est qui in insidijs obseruet, vt munus delatum turbet: Quid ad te, tu me sequere: tui oculi attendant meos; tui pedes meis hæreant, tu me sequere.

Vt ergo bonam Intentionem ab huius septicipitis draconis vitueamur, diui Ioannis visum iam explicandum est, & vnâ demonstrandum, quàm variè, quàmque sollicitè cacodæmon neruos omnes in eo contendat, vt rectam Intentionē aut adimat, aut vitiet.

a Apoc. c. 12. v. 5. b Ioan. c. 21. v. 20.

## §. I.

Mulier illa prægnans à Ioanne visa, Animam designat, quæ in gratiâ est apud Deum. Huic Animæ omnia seruiunt, ipsa ei sidera famulantur, sol & luna obsequium ferunt, cælum ei transcriptum est. Talis Anima nunquam non parturit optima desideria, fidelius & accuratius Deo seruiendi, neque tantum parturit, sed & partum emittit, & sanctissima proposita in opus deducit, enititur feliciter, & præclarissima quæque opera in lucem edit. Et velut femina prægnans delicatissimi fastidij est, nausæatque sæpe quæ antea merum ei inel videbantur, appetitque quæ prius iudicabat felicia.



fellea. Ita mens hominis castis desiderijs grauida, omnes carnis voluptates, Mundum omnem fastidit; At verò aduersa quaecunque & vniuersum patiendi apparatus magno affectu amplectitur. Hic vigilat draco septiceps, & omni momento insidiatur, vt mentem illam inficiat vel occultâ superbiâ, vel subtili avaritiâ, vel cæcâ inuidiâ, vel clandestinâ luxuriâ, aut etiam pietate sed fucatâ, aut aliâ quauis piêtâ quidem, sed sinistrâ Intentione. Sic armatus coluber ex Orco ante parturientem feminam, excubat. Quid ergo hîc agendum Animæ, si vel minimo indicio, læua Intentio se prodât, quâ ratione resistendum? Rapiatur filius *ad Deum & ad thronum eius*, Intentio ad creatorem se sustollat his precum alis: Mi Domine, tui solius amore hoc fecerim, & facturus sim. *Et mulier fugiat in solitudinem.* Dicat huius filij parens: Non cupio, mi Domine, videri, non sciri, non laudari affecto: nolo in foro id proclametur, nolo tanquam magnū aut rarum cointinendetur: sic istud factum volo, velut si fecissem in extremâ solitudine, in eremo desertissimâ: modò tu, mi Deus, id scias, vti scis omnia: tu solus satis amplum theatrum es omnibus meis actionibus.

Cornelius Centurio, ille notus superis miles, omnes filios suos filiasque, hoc est, opera bona sua omnia, ante se præmisit in cælum; ideò Angelus eum humanissimè affatus: *Orationes tuæ, inquit, & elemosynæ tuæ ascenderunt in memoriam in conspectu Dei.* a Vir enim erat religiosus ac timens Deum, & deprecans Deum semper. Ita filij eius omnes rapiebantur *ad Deum, & ad thronum eius*, eluso dracōne stygio, qui prædones, piratas, latrones omnes longè superat. Hic enim prædator nunquam non in insidijs subsidet, viatorem obseruat atque requam transeat, & in ipso quoque transitu. Indefessi laboris est diabolus, sæpe initio actionis, quandoque medio; non rarò in fine Intentionem rectam conuellere nititur, quod disertè Gregoriū exponens: Sciendum est, inquit, quod bona nostra tribus modis antiquus hostis insequitur, vt videlicet hoc quod rectum coram hominibus agitur, in interni iudicis conspectu vitietur. Aliquando namque in bono opere Intentionem polluit; vt omne quod in actione sequitur, eò purum mundūque non exeat, quod hîc ab origine perturbat. Aliquando verò Intentionem boni operis vitare non præualet, sed in ipsâ actione se quasi in itinere opponit, vt cum per propositum mentis securior quisque egreditur, subiuncto latenter vitio, quasi ex insidijs perimatur. Aliquando verò nec Intentionem vitiat, nec in itinere supplantat, sed opus bonum in fine actionis

actionis illaqueat: quantòque vel à domo cordis, vel ab itinere operis longius recessisse se simulat, tantò ad decipiendum bonæ actionis terminum astutiùs expectat: & quò incautum quemque quasi recedendo securum reddiderit, eò illum repentino nonnullam vulnere duriùs insanabiliùsque transfigit. Intentionem quippe in bono opere polluit, quia cùm facilia ad decipiendum corda hominum conspiciat, eorum desiderijs auram transitorij fauoris apponit, vt in his quæ recta faciunt, ad appetenda ima, fortitudine Intentionis inclinentur. Vnde rectè sub Iudææ specie de vnaquaque animâ misere Intentionis laqueo captâ, per Prophetam dicitur: Facti sunt hostes eius in capite. <sup>a</sup> Ac si apertè diceretur: Cùm bonum opus non bonâ Intentione sumitur, huic aduersantes spiritus ab ipso cogitationis exordio principantur, tantòque eam plenius possident, quantò & per initium dominantes tenent. <sup>b</sup>

Imò, quod Chrysostomus <sup>c</sup> annotauit, diabolus quandoque reposita iam apud Deum opera, per malam Intentionem etiam nunc vitiat. Arque si opus obiectis difficultatibus nequeat impedire, Intentionem lacepsit eamque vitare conatur. Necdum astus succedit: actionem ipsam varijs perturbationum machinis adortur. Nec sic quidem quod vult, efficit: actionis finem studet pervertere.

<sup>a</sup> Thren. c. i. v. 5. <sup>b</sup> Greg. l. i. mor. c. 19. initio.

<sup>c</sup> Chrys. hom. i. in illud: Vidi Dominiuum.

## §. II.

Narrat Horatius de comite importunissimo, quem vt à se amandaret, varia negotia hic illic conficienda simulauit. At ille importunissimè illud vnum respondit — vsque sequar te. Nil habeo quod agam, & non sum piger: vsque sequar te. <sup>a</sup> Sic diabolus, qui non habet aliud quod agat, quàm vt nos impugnet ac vexet, & verè non est piger: hic velut comes indiuiduus, assiduè illud inuffat — vsque sequar te, vsque, & vsque te insectabor: vsque tenebo te, & persequar: non interquiescam, non cessabo, non desinam dum Intentionem tuam aliò deflectam, ne sic recta tendat ad Deum: vsque sequar te. Certò sic agit, quem inani gloriâ nequit fallere, hunc decipit per Irain aut per tristitiam, aut impatientiam, aut etiam per lætitiā, aut immoderatum feruorem, aut nimium languorem. Mille nocendi viæ. Si labor malè succedat, reddit pusillanimum: et quid dicetur de te? nihil fies, rideberis ab omnibus, hoc certè tibi

dd

damno

<sup>a</sup> Horat. l. i. sarm. Sat. p. post init.



damno erit. Sin è voto succedat labor, adest iterum vulpes Orciniana: En artificem, en artificium! bellè, præclarè, eximiè; non potuit melius, quid iste aut iste simile? nemo est qui hoc opus imitetur; omnes laudabunt. Ita cæcus homo tam bellus sibi videtur, tam sibi placet insigniter: aures vt aper, vbique arrigit quid alij de se sentiant, quàm laudent auditurus: nempe vanissimo homini magnū est, & pulchrum est digito monstrari, & dicier, hic est. <sup>a</sup>

O miserum! verè, *facti sunt hostes eius in capite*. Principium & caput operis est Intentio, huc diabolus collineat, in hanc frontem saxum dirigit, quod Dauid Goliatho fecit. Si caput hoc læsum, si bonus affectus ad Deum corruptus aut extinctus sit, ruit omnis reliqua moles. Hoc caput sibi defensum gloriatus Dauid: Domine, inquit, Domine, virtus salutis meæ, obumbrasti super caput meum in die belli. <sup>b</sup>

Narrat Plinius, Erodium astutissimam auem ad aquas raptu vivere hoc modo. Ad illas aues, quæ se mari mergunt, aduolat, & capita illarum morsu corripit, donec capturam extorqueat. <sup>c</sup> Homines probi volucris non absimiles, in edito quidem habitant, pabulum tamen ad aquas descendunt, iisque sese immittunt: curas, sollicitudines, labores, exercitationes varias non refugiunt; his sese fluminibus mergunt, neque enim aliter opera bona constant: sudore opus & industriâ: nemo cum virtute in ediam tolerat, nisi corpus id sentiat; nemo prout oportet, orat, nisi vigilet, animūque excitet ad attentionem: Ita probi, sui spiritus alimenta sibi comparant. At diabolus, instar Erodij, harum volucrum caput, *Intentionem* impetit. Cernit orantem: Intentionis rectæ regulam conuellit, &: Multi, ait, te vident, cant nunc & dicant te orationis non esse amantem. Videt stipem in manu? Hic oculos ad eleemosynæ spectatores rapit, aut aures ad mendici clamores importunos trahit, vt dum stipem dat, conuiuium addat, dicatque en, improbe canis, cessa latrare. *Multi homines misericordes, eorum autem fidelem quis inueniet?* Obseruat in te aliquid patientiæ, charitatis, obediendiæ: Mox commendatitias litterulas quærit, laudantium vocus excipit, & tibi in aures instillat: en, bono es nomine, placuit huic domino tua submissio; profectò hoc in laude ponendum. Mille tales morsus infigit hic ex orco Erodus, dum caput vulneret, Intentionem rectam confodiat. Ideò in omnibus actionibus, illud obuerfetur

<sup>a</sup> Pers. sat. 1. v. 28. <sup>b</sup> Psal. 139. v. 9. <sup>c</sup> Alijs Pelecan, Platea, Platalæa nominatur.  
<sup>d</sup> Plin. l. 10. Nat. hist. c. 40. <sup>e</sup> Prou. c. 20. v. 6.

Obuerfetur animo: *ad Deum, & ad thronum eius.* alioqui stygium  
 Erodium non effugiemus, niſi omnis factus noſter, omnes bonæ  
 actiones noſtræ, rapiantur *ad Deum, & ad thronum eius.*

## §. III.

Mirandum eſt quod in rebus geſtis ſancti Seuerini Colonienſis  
 Pontificis memoratur. \* Fuit æuo Seuerini præſulis eremicola &  
 principum ſtirpe oriundus, delitijs omnibus innutritus iuuenis, qui  
 cum ad nuptias contrahendas iam ematuruiſſet, ſponſam opibus  
 & ſanguine non imparẽ accepit. Iamque totis ædibus perſona-  
 bat Hymenæus, iamque nouos coniuges nuptialis thalamus voca-  
 bat, cum ſponſus ſubitò pauore correptus, vidit iuuenem forſitho-  
 ſiſſimum lateri ſuo hærentem, qui eum hilari vultu affatus: Si ego,  
 inquit, maiores tibi delitias, & gloriam longè illuſtriorẽ ſponde-  
 rem, vellẽſne præeuntem me ſequi? Vellem, ait ſponſus, ſi ſpon-  
 deas his ampliora. Cui perſonatus Angelus: Spondeo, inquit, de-  
 litias cæleſtes & immortalem gloriam, ſi tamen tu vir ſis, & præ-  
 illis iſta noris contemnere. Mox ſponſus, totâ ambitione promiſ-  
 ſis inhians, & ſponſoris amore captus: En, inquit, virum: ſponde,  
 & duc quò lubet, ſequor. Dixit, & fecit: nec aliud quidquam ex  
 omni theſauro ſuo, præter vaſculum lignetum, aſportauit. Tam ge-  
 neroſè ſequentem Angelus, in remotum ab omni humano conſor-  
 tio locum perducens: Hic, inquit, Deo & tibi vaca: cetera curare  
 omitte. Ita ſe oculis illius ſubduxit. In hoc theatro nouus hic actor  
 perſonam quam ſuſcepit, præclare diu egit, & Deo Angelique  
 ſpectatoribus, auſteram vitæ rationem annis compluribus perſe-  
 uerauit, precandi aſſiduitatẽ, inediã, vigilijs admodum exhaũſtus.  
 Tandem inceſſit hominem cupido cognoscendi quis æquale ſe-  
 cun præmiũ eſſet accepturus in cælo, vitam enim vivebat penẽ  
 inimitabilem. Reſponſum eſt ei cælitus, Colonienſem episcopum  
 parẽ ipſi futurum in ſedibus beatorum. Admiratus eremicola  
 hanc præmiij æqualitatẽ in vitæ ſtatu tam inæquali. Oſtendi ergo  
 ſibi hunc virum, ſummis precibus contendit. Nec mora, idẽ ille  
 qui eum illuc duxerat, ſe ſtitit, monſtrauitque viam quã ad illum  
 metipſum episcopum perueniret. Ita inſtructus eremicola ſollenni  
 die Coloniam venit, & rei diuinæ interfuit, è templo digreſſus, in  
 episcopi triclinium etiam ſpectatũ admiſſus eſt. Vidit hic anacho-  
 reta, epulum, tametiſi non ad noſtri æui geniũ ſaliare, tamen lau-

dd 2

tum



tum & liberale. hoc vrbis proceribus Coloniensis Pontifex dedit. Ferculorum copia, deliciarum varietas, argentæ suppellectilis opulentia, illo ævo rari luxûs exemplum censebatur. Hic ipse securum in animo fabulari cœpit religiosus spectator: Ergone ego cum hydriolâ meâ, inquit, cum pane arido, radiculis & olusculis insulsis ieiunijs quotidianis, precibus pæne continuis, & hanc lauticiem omnem sponte deferendo, non plus apud Deum emeruerim gratiæ, quàm hic episcopus in tanto luxu? quid ago, si non plus ago, quàm rerum & deliciarum diues hic Præsul? O mi optime Anachoreta, sapienter forsan ratiocineris, sed non sanctè; audi, obsecro, & responsum admitte à tuo ductore Angelo, cuius hæc sunt verba: Hic quem cernis, episcopus, minus afficitur omni ferculorum pompâ, quàm tu ligneo tuo vasculo. Capis ista? Magnus ille est, qui fictilibus sic vitur, quemadmodum argento: nec ille minor est, qui sic argento vitur, quemadmodum fictilibus. Agnouit hic prudens Asceta, quâ ratione Deus non tam actiones, quàm agentium Intentiones ponderaret, nec æstimaret quantum quisque faceret, sed ex quanto. Sic est prorsus:

*Quicquid agant homines, Intentio iudicat omnes.*

Eten, vt Acheronticus Erodus Seuerino, per omnem luxum extorquere nequiuert, affectum & Intentionem optimam ad Deum: Coloniensis hic Antistes, omnes actiones suas, tanquam suos liberos, ante se præmisit *ad Deum & ad thronum eius*. Atque hoc stratagemate, vigilantissimo draconi subduxit, quicquid pietatis exercuit. Sed quis est qui imitetur? Rarissimæ virtutis est, inter delicias & delitias non corrumpi, cum etiam rigidissima Paupertas inueniat quo bonam Intentionem nonnihil ostendat. Nam huic alteri, eremi cultori cetera sancto, & qui vitæ fuit laudatissimæ, aliquid tamen bonæ Intentionis, & melioris affectûs in ligneum illud vasculum exciderat. Adeò in rebus etiam minimis, non minimum quid aut amittimus aut acquirimus, prout scilicet ad Creatorem, aut ad res creatas nostra vergit Intentio. Habet Satan plurimas & pæne inobseruabiles pedicas, quas irretiendæ rectæ Intentioni latentè recondit. His sese retibus implicandos deliciarij sensus nostri, & sui amor immodicus offerunt ultro. suaue illis est sic capi. Quicquid ergo actionum nostrarum non quàm primùm *ad Deum & ad thronum eius* emittitur, mox à celerrimo dracone irretitum gluitur.

## §. IV.

Hebræus vates Ezechiel, quatuor vidit animalia, quorum & alæ & capita attollebantur cælo: *Et facies eorum, & penna eorum extenta desuper.* *a* Non aliud monet erectus hic animalium & vultus, & volatus, quàm hoc ipsum, à dracone illo nil satis tutum esse, quicquid non mox subuolet ad Deum, alis bonæ rectæque Intentionis. Perit, quicquid non hac ratione draconi se subtrahit. Ideò Richardus Victorinus, eum qui bona quidem opera malâ tamen Intentione patrat, filiorum suorum homicidam appellat. Hic duo notatu dignissima occurrunt.

Primum: In quæstione sit, in quo medulla, nucleus, vis & robur, seu nervus Intentionis bonæ consistat: quò hic maximè collineandum, aut quis vnquam hominum optimam habuerit Intentionem? Christus humanæ gentis reparator, de quo Pater ab æthere pronunciauit: Audite illum. *b* Hic præceptor noster, tres potissimum habuit Intentiones. Prima fuit *Obedientia*. Hoc mandatum, inquit, accepi à Patre meo. *c* Nam primo momento quo in virginis visceribus hominem induit, Patris præceptum ei propositum fuit: *Crucifigendus es*, ita Pater imperat. Huic imperio paterno Christus obedientissimè se subiecit. Hinc verè dici potest: Servator Mundi triginta quatuor annis pependit in Cruce. Nam Intentio Christi per omnem vitam ibat ad crucem, hærebat in cruce: *Hoc mandatum accepi à patre.* Altera fuit *Reuerentia in paternum honorem*. Ego autem, inquit, non quæro gloriam meam, sed honorifico patrem meum. *d* Tertia fuit *Dilectionis & amoris in paternam Voluntatem*. Ego, inquit, quæ placita sunt ei, facio semper: Ita pater, quoniam sic fuit placitum ante te. Veruntamen, non sicut ego volo, sed sicut tu, fiat voluntas tua. Triplex hæc Intentio re quidem pænè eadem est, sed tamen in eâ etiam differentia videri potest. Aliud enim est, idèd quid facere, quia sic imperatur: aliud, quia in alterius honorem cedit: atque aliud demum quia alteri sic placet. Qui huius animi est, vt alterius voluntatem & nutum etiam obseruet, ac paratissimum se offerens, dicat: Quid opus est, iuberi? non vi, non imperio, non legibus cogendus sum, vltro hoc faciam, eo solo persuasus, quia scio id illi Domino placere, illius voluntatem eò ferri. siquidem illius *velle*, est meum *facere*, voluntas illius mihi instar mille mandatorum est. Et hic, arbitror, apex & culmen est omnis bonæ Intentionis. Atque ista fuit Christi Domini Intentio

dd 3

in



in vitâ, in cruciatibus, in morte, in rebus omnibus, *Voluntas Patris*. Sicut mandatum dedit mihi Pater, sic facio. *a* Qui misit me Pater, ipse mihi mandatum dedit quid dicam, & quid loquar. Et scio quia mandatum eius vita æterna est. quæ ergo ego loquor, sicut dixit mihi Pater, sic loquor. *b*

Hinc nec ab ore, nec à corde nostro illud abeat : *O Dominus meus, & Deus meus, ego me & mea omnia tibi offero, ad omne beneplacitum tuum.* *c* Vel illud : *Ita Pater, quoniam sic fuit placitum ante te, Ita Pater, Ita Pater &c.* Vel istud : *Veruntamen, non sicut ego Solo; sed sicut tu, fiat voluntas tua.*

Alterum etiam quæstionis est, & quidem creberrimæ, inter homines pauidæ conscientiæ, quos illa variè angit pungitque. Sæpe audias dicentem : Modò scirem quo loco res meæ essent apud Deum, an ego in gratiâ, & seruus Deo charus, num illi sapientissimo cordium scrutatori actiones meæ placerent : modò hoc mihi constaret, libentissimè, quidquid à me exigitur, præstarem. *O mi Christiane, auésne hoc scire?* Intentionem tu tuam interroga : expende tantum qualis tua sit Intentio, quàm sincera & pura, quantum enim hæc sincerior est & purior, quantum voluntati diuinæ conformior ac coniunctior, tantò tu melior es, tantò Deo gravior & charior, ne dubita. An nescis? quicquid agant homines, Intentio iudicat omnes. Fieri non potest, ut tu sinceræ sis Intentionis, & optimo animo in Deum, Deo tamen non placeas, nisi Deum velis esse iniustum. Dei vox est : *Ego diligentes me diligo* : *d* & non contineo me, nec aliter possum, quin tam bene erga me affectos, benigno itidem affectu complectar.

*a* Ioan. c. 14. v. 31. *b* Ioan. c. 12. v. 50. *c* De quo vide Horolog. Angeli tute-  
laris, editione secundâ pag. 12. *d* Prou. c. 3. v. 17.

### §. V.

Tu ergo, mi Christiane, hoc vnum age, ut ad omnem diuinæ voluntatis naturam, semper sis paratissimus; Dei VELLE, sit tuum & VELLE, & FACERE. Ita vulnerabis cor diuinum aureo amoris telo. *a* Hoc enim adeo diuinos fauores emeretur, ut lucrari plurimum possimus, non tantum dicendo & agendo, sed & omittendo ac feriendo. Ludouicus Blossius, verè pius scriptor : Si quis, inquit, propter DEVM, voluntati suæ in rebus etiam minimis reluctetur, rem ipsi Deo gratiorem præstat, quàm si multos mortuos (Notetur) ad vitam reducat. Et ut rem firmet exemplo : Duo, inquit, vnà iter faciunt, in viâ vterque elegantem flosculum

tēnit. & alter quidem iam in eo est, vt illum carpat, deliberans tamen, ipse sibi imperat: manus ab hoc flore, propter Deum abstine. Alter, nihil præmeditatus, florem illum carpit. Et hic quidem nil delinquit decerpendo, sed ille prior eundem non attingendo, tantum præ altero promeritus est, quanta est distantia cæli à terrâ. Quòd si Deus pro tantillo obsequio tantum daturus est præmium, quantum dabit ijs qui maiora fuerint ausi pro Deo? <sup>a</sup>

Ita paratus promptus sit necesse est in alijs omnibus, qui voluerit esse bonæ Intentionis, vt si norit Deum quippiam velle, hoc ipsum & ille velit, quantumcunque voluntati suæ aduersetur. Idcirco frequenter (vti Blossius instruit) secum ipse dicat: Propter te, Domine, nolo illud videre, cùm necesse non sit, vt id videam: propter te nolo illud audire, nolo illud gustare, nolo illud loqui, nolo illud tangere. Domine, si tibi mea vestis, si mensa, si negotia, labores, aut negotiatio mea displiceant, non recuso crasso sabano vestiri, pane & aquâ victitare, hæc & illa procul à me amandare.

Sed nos, ô quoties longè aliter & agimus, & loquimur? audias quandoque qui dicat: Mei iuris & arbitrij sum, quem Dictatorem timeam? ita ego soleo; hoc meæ consuetudinis est: è meâ crumena hic sumptus; meam quadram lambo: quid ego morer alios? sic ego volo; hîc mihi nemo modum constituerit &c. Hoc non est ad diuinæ voluntatis nutum sese attemperare. O ergo ter beatum qui vnâ atque vnicâ in omnibus Dei voluntatem, Intentione sincerissimâ sectatur, iste demum peruigilis draconis oculos & ungues exit, & quicquid cum virtute agit, saluo com meatu præmittit *ad Deum & ad thronum eius*,

## CAP. IV.

RECTÆ INTENTIONIS HOSTEM  
*maximum a cacodemone, esse Vanam Gloriam.*

**H**ic hostis rectæ Intentionis, iure omnibus metuendus est: Omnium virtutum præmia subducit Vana gloria, & supplicijs damnat grauissimis.

Herodes Agrippa, non degener nepotulus à maiorum suorum flagitijs, Iacobum Zebedæi filium, virum sanctissimum occidit, dissimulauit id Deus: Petrum in vincula rapuit, neque ob hoc à

dd 4

Deo



Deo punitus est: alia prioribus flagitia iunxit, necdum vindicauit id Deus: At cum concionaretur, veste regiâ coruscus, non populi docendi, sed sui ostentandi causâ, plêbique acclamaret: *Dei Voces, & non hominû, Confessum percussit eum Angelus, eò quòd non dedisset honorem Deo: & consumptus à Vermibus expirauit.* HABET: homini vitam ademit, & tacuit Deus, Deo gloriam rapere voluit, hîc defendit se Deus. *& consumptus à Vermibus expirauit.* Tanti constabat ventus. In Herodem rectè pronunciat Augustinus: Qui laudari vult Domine de tuo dono, & non quærit in illo tuam gloriam sed suam, hic licet propter tuum donum laudetur ab hominibus, à te tamen vituperatur, quia de dono tuo suam non tuam gloriam quæsiuit. Qui autem ab hominibus laudatur vituperante te, non defenditur ab hominibus iudicante te, nec liberabitur condemnante te. <sup>a</sup>

a Aug.in medit.

### §. I.

In cunctis Dei operibus duo quædam reperienda sunt, Vtilitas & dignitas: homini Deus vtilitatem cedere voluit, dignitatem sibi serauit. Veluti pictor celeberrimus, imaginem à se factam facili cedit alteri, vnum illud suum esse ducit quod subscribit, Protogenes inueniebat, Timanthes faciebat, Apelles pingebat. Ita Deus: eâ etiam de causâ sacrificia olim sic iussit fieri, vt cum carnibus, frugibus, panibus, simul thus illucidissimum offerretur, partitione tam benignâ, vt quicquid hîc commodi esset, in sacrificantium vtilitatem abiret, sibi thuris suffitum solummodò deposcebat. Et velut cum duo mercatores societatem coeunt, vterque in negotiationem expendit, quod facultates suggerunt. Subinde vnus expensas omnes, alter industriam; quandoque pares aut pecuniæ aut mercium portiones exhibent, lucrum quod negotiatio facit, diuidunt; neutri totum debetur. Ioannes DOMINI oculus, affirmat sanctos habere societatem cum Deo. a hæc societas eò coitur, vt æterna beatitudo, tanquam lucrum obtineatur. Non solus Deus hanc mercaturam facit, nec homo solus. Notum Augustini dictum: Qui enim fecit te, sine te, non saluabit te, sine te. Ad hanc negotiationem Deus expensas omnes tribuit, Deus est enim qui operatur in nobis & velle, & perficere, pro bonâ voluntate, homo solam adfert industriam quicquid ex hac negotiatione lucri prouenit, inter Deum & hominem diuidendum est: Deus solo honore & gloriâ contentus, quicquid beatitudinis & opum est, homini

a 1.Ioan.c.I.v.7. b ad Phil.c.2.v.13.

homini assignat'. Fiat igitur bona diuisio: Gloria sit in altissimis Deo, homini pax, & omnium bonorum possessio. Qui iam sibi arrogat quod Deo debetur, iniquissimè agit, & societate hac eiici, ac priuari bonis vniuersis meretur. Vniuersa propter seipsum operatus est Dominus. <sup>a</sup> Hic rerum omnium opifex, honorem velut tributum ab omnibus suis operibus exigens: Gloriam meam, inquit, alteri non dabo. <sup>b</sup> Hoc Deo vectigal fidelissimè reddit Intentio recta: hoc idem nequissimè rapit inanis gloria.

Ecquis autem ferat vanissimè se iactantem de suo ædificio, quod tamen è marsupio non suo eduxit. quid gloriaris superbe, qui nec lapillum contulisti è tuo, ad hanc structuram; alienis sumptibus ædificare cuius facile est. Pari modo quid nos miselli, actiones & promerita nostra, velut grandia ædificia iactamus? à Deo sunt omnes impensæ quibus ædificamus, in vsum nostrum, non in præconium. Clarissimè Christus: Sine me, inquit, nihil potestis facere. <sup>c</sup> Quid ergo gloriamur? ædificium habitare permittimur, honor qui ædificij fabricam sequitur, solius Dei est. Ergo, Attendite ne iustitiam vestram faciatis coram hominibus, vt videamini ab eis, alioquin mercedem non habebitis apud patrem vestrum qui in cælis est. <sup>d</sup> Ideò autem tam sollicitè monet Christus, quia hoc vitium Cenodoxiæ, seu inanis gloriæ, & subtilissimum est, & ipsâ suâ subtilitate nocentissimum. Climacus: Omnibus, inquit, studijs Cenodoxia aggaudet. Verbi gratia: ieiuno? inaniter glorior. si latendi causâ soluo ieiunium, tanquam prudens iterum glorior. Si splendidè vestitus; vincor eâ peste. Si vilius induar, denuò glorior. Si loquar, hac superior, si taceam, iterum superatus sum. quocunque hunc tribulum ieceris, erecto persistit aculeo. <sup>e</sup> Eiusmodi verò gloriosus, est fidelis idolorum cultor, qui Deum quidem colere & venerari videtur, hominibus verò non Deo placere studet.

Dixi iam, subtilissimum esse hoc vitium, & prorsus sic est. Persæpe gloria vt acquiratur spernitur, & ab ipso gloriæ contemptu inanis gloria enascitur, & eos quandoque qui omnem gloriam iam pridem videntur proculcasse, fortissimè aggreditur. Nihil hîc meo sensu definiam. Vir maximus, nostri æui Theologus, <sup>f</sup> hac de re

dd 5 sic

<sup>a</sup> Prou.c.16.v.4. <sup>b</sup> Ilc.42.v.8.&c.48.v.12. <sup>c</sup> Ioan.c.15.v.5.

<sup>d</sup> Math.c.6.v.1. <sup>e</sup> Climac.Grad.21.de Cenodox.initio.

<sup>f</sup> Hieron.Bapt. de la Nuza Theologiæ Doctor, in S. Domini familia Prouincialis, nunc episcopus Barbastensis tom.1. Tract.2.part.2. §.5. de recto affectu in Deum.



fic differit: Fit sapius, vt cultissima femina ex omni muliebri mundo; aut eques torquatus ex omni suarum vestium nitore tantopere sibi non placeat, quantum monachus pauper, pannosus, in pauper-tini monasterij angulo desidens, è pannis, è cucullo lacero & malè facto, à nudis pedibus, à vacuâ cellulâ, & ab ipsâ pomparum omnium victoriâ, sibi met placet & applaudit. O verè miser, quem Cenodoxia honoribus nequiu it fallere, per ipsam decipit humili-tatem.

Ita nemini parci t Inanis gloria, omnes hominum ordines inua-dit, sed, vt diuus Basilius loquitur, leniter, blandè, suauiter, insensi-biliter, & antequam aduertatur, omne bonum opus inficit, totâm-que illius pulchritudinem consumit. Imperitis dulce quid est, Va-na gloria, dulcis animorum prædo. *a* Multi occultè seipso s quæ-runt, in rebus quas agunt, & nesciunt. *b* Et sæpe, inquit Gregorius, bono operi dum laus huinana obuiat, mentem operantis immutat, quæ quamuis quæ sita non fuerit, tamen oblata delectat. cuius dele-ctatione cùm mens bene operantis resoluitur, ab omni Intentionis intimæ vigore dissipatur. nam qui bona agere videtur, & per hæc non Deo, sed hominibus placere desiderat, Intentionis suæ faciem deorsum premit. *c* Eâ de causâ sanctissimi quique homines vigi-lantissimè in illam pugnarunt.

*a* Basil. de Constit. Mon. c. 11. *b* Thom. de Kemp. l. 1. c. 14. n. 2.

*c* Greg. l. 1. mor. c. 10. post initium, & l. 1. in Ezech. hom. 4.

## §. II.

Narrat Laurentius Surius, &: Cùm fortè, inquit, Pachomius inter sui Ordinis senes consideret, monachus duas storeas eo die à se confectas attulit, posuitque è regione sedentium, vt cominodè spectarentur, sperabat enim à Pachomio se auditurum: En fratris diligentiam, diurnum opus sibi met duplicantis, duasque storeas te-xentis, cùm alij die vno non nisi vnâ conficiant. At verò Pachomius ob vanissimum hoc laudis aucupium, seriò ingemiscens: Pa-tres, inquit, iste frater à summo manè ad hoc diei multum labora-uit, sed omnem suum laborem diabolo consecrauit, siquidem lau-dein humanam prætulit diuinæ. Hominem igitur ad se accersitum grauiſſimis verbis obiurgans: Alijs, inquit, ad orationem euntibus, tu tuas storeas in humeros recipe, & clama: Obsecro Patres Fra-trèsque, Deum mihi miserrimo homuncioni exorate, quia duas storeas pluris feci quàm cælum. Fecit vt iussus. Præcepit deinde Pachomius, vt alijs ad cenulam vocatis, iste plus æquo sedulus ho-mo,

mo, incenatus medio trichinio staret cum suis storeis: Sed neque dum satisfactum arbitratus Pachomius, hominem cellæ includi iussit, & quinque totis mensibus solo pane, sale & aquâ parcè refici. simul etiam quotidie duas storeas plecteret, imperavit, vetuitque sic clausum ab ullo adiri aut salutari. <sup>a</sup> His machinis expugnanda est Cenodoxia, malum alioqui ferè inexpugnabile, & quod post omnia vitia expugnata, valentiùs insurgit, & ab ipsis virtutibus sumit incrementum. Rectè Climacus: Gaudet desperationis spiritus, inquit, cum videt multiplicari vitia, Cenodoxia verò cum virtutem multiplicari videt. Obserua diligenter, & vsque ad mortem & sepulchrum inuenies hanc nefariam labem vestigijs tuis hærerè. <sup>b</sup> Addit: Qui in prærogatiuis naturalibus, puta acumine, peritiâ, lectione, pronuntiatione, ingenio, ceterisque omnibus, quæ nobis sine labore nostro proueniunt, extollitur, hic nunquam eis, quæ supra naturam sunt, bonis potietur. qui enim in modico infidelis est, in multo quoque infidelis erit. Eiusmodi verò est seruus inanis gloriæ.

Pulchrè Gregorius hoc sensu dixit: Quisquis se, beneficus in alterum extollit, maiorem culpam superbiendo incurrit, quàm mercedem largiendo acquirit, fitque nudus dum nudum vestit, & dum se meliorem putat, deterior euadit. minus quippe inops est, qui vestem non habet, quàm qui Humilitatem. <sup>c</sup> Græcus & sanctus Orator Chrysostomus, in hanc pestem facundissimus, & pro cathedrâ eam sapissimè flagellans: Et quomodo, inquit, non hoc extremæ stultitiæ est, hominum mente adeò corruptorum, & temerè omnia agentium, gloriam quærere? cum oporteat ad oculum qui semper est insomnis confugere, & ad illius sententiam aspicientes, omnia facere & dicere. Nam isti quidem etiam si laudauerint, nihil nos iuuare poterunt. Ille autem si ea, quæ fiunt, fueriat ei accepta, & hîc reddit claros & illustres, & in die futuro impertietur bonis ineffabilibus. <sup>d</sup> Eiusdem & hæc sunt: Quare, si gloriam adipisci studes, repelle gloriam. quòd si eam aucuperis, eâ excides. Ac si lubet, hunc sermonem in ijs quoque, qui promiscuum huius vitæ genus sequuntur, ventilemus. Ecquos enim cauillis incesimus? An non eos qui ipsam experunt? Itaque ipsi maxime sunt, qui eâ carent, vt qui innumeras reprehensiones habeant, atque ab omnibus contemnantur. Ecquos rursus, dic quæso, suspicimus ac prædicamus? An non eos qui hanc spernunt ac pro nihilo putant? Ergo hi sunt qui gloriâ afficiuntur. Quemad-

modum

<sup>a</sup> Sur. tom. 3. die 14. Maij. <sup>b</sup> Clim. d. l. Grad. 21. de Cenod.

<sup>c</sup> Greg. l. 21. mor. c. 14. <sup>d</sup> Chrys. hom. 12. in 1. ep. ad Cor. fine.



modum enim is demum diues est, non qui multis, sed qui nullâ re indiget: sic clarus ille & celebris est, non qui gloriæ cupiditate æstuat, sed qui eam contemnit, ac nihili ducit. Umbra enim gloriæ est hæc gloria. Nemo autem picto pâne conspecto, etiamsi millies fame teneatur, picturam attinget. Eodem igitur modo tu quoque minimè committe, ut umbram confecteris. umbras enim sequi hominis est insaniâ laborantis. <sup>a</sup> Fieri non potest, ut quisquam magnus, & excelsus ac strenuus sit, qui non ab inani gloriâ immunem se præstat, verùm humi serpat, ac multa labefactet necesse est, dum scelestæ Dominæ, ac barbaro quouis crudeliori ancillatur. Et quid enim eâ truculentius esse queat, quæ tum maximè sæuit & effertur, cum maximè colitur atque obseruatur? Atqui hoc ne feræ quidem habent, sed multo obsequio deliniuntur. At contra prorsus inanis gloria: <sup>o</sup> contempta enim mitescit, honore affecta exasperatur, atque aduersus eum à quo honore afficitur, arma sumit. <sup>b</sup> Qui est in seruitutem redactus inanis gloriæ, non solum non poterit videre, quod alijs, sed nec quod sibi est vtile. <sup>c</sup> Et ut hæc omnia à se dicta consignet Chrysostomus: Mater gehennæ, inquit, est inanis gloria, ignemque illum vehementer accendit, verinèque pestiferum confouet. Et huius rei rationem assignans: alia, inquit, vitia finiuntur morte, hæc & in mortuis vires obtinet. <sup>d</sup> Aspice sepulchrum plus æquo sumptuosum, & obseruabis quàm id subtili flatu spiret inanem gloriam. O demens, quid tibi prodest tam ambitiosè quæsita memoria? si vbi es, torqueris; & vbi non es, laudaris.

<sup>a</sup> Hom. 29. in ep. 2. ad Cor. <sup>b</sup> Ibid. <sup>c</sup> Hom. 25. in ep. 1. ad Cor.

<sup>d</sup> Hom. 17. in ep. ad Rom.

### §. III.

Non minus eleganter sanctus Valerianus, Massiliensis Antistes: Stultitiæ genus est, inquit, ut cum alij debeas vitæ beneficium, tibi adscribas ornamenta virtutum. Ecce hic honore extollitur, ille sibi de corporis integritate blanditur: hic diuitias labori suo imputat, ille scientiam doctrinæ vigilijs adsignat. O miseri, vacillat humanum studium, vbi non requiritur Dei auxilium: nostrum est bonum velle, Christi verò perficere. Totum perdidit quod laborauit, qui proprijs virtutibus fructum sanctitatis adscripserit. <sup>a</sup> Ita prorsus est, nam ut summa omnia habeas, eruditionem, eloquentiam, ingenium, prudentiam, munificentiam, formam imperio dignam, si res tantas inani gloriâ, tanquam sale condias, arbitreris stillicidia mellis de canali venenato fluere, ut omnis venustas, opi-

<sup>a</sup> Valerian. hom. 11. sine huius serm.

nio, amor priorum pereat, vñâ gloriæ vanitate tanquam toxico in mortem temperato. Sis licet bonus cantor, bonus scriba, bonus pictor, bonus pugil, bonus poëta, bonus orator &c. si horum omnium malus sis æstimator, omnia perdidisti: at verò malè hæc æstimat, qui ea inani gloriâ deprauat. Et quamuis ita se vitia nonnunquam prodant, vt nullus sit negandi locus, superest tamen fucus quem illinamus nostræ famæ: hñc nemo tam tardi oris est, quin promptè oggerat: Ille me magis claudicat, balbutit, delirat, cæcurit, atrior est. Ita nobis formam astrui putamus, si non numeremur inter deformissimos.

Plebs Israëlīs Ægypto educta, impio consilio vitulum aureum quem fecit, pro Deo colendum proposuit cum acclamatione: Hi sunt Dñi tui Israël, qui te eduxerunt de terrâ Ægypti. *a* Vix aliud ab his faciunt, qui se suorum operum magistros magnifico supercilio circumspiciunt, & quicquid consilio, arte, industriâ efficiunt, velut pro Dijs haberi volunt. O idololatræ! Soli Deo honor & gloria, proclamat Paulus: *b* Soli Deo, soli, soli honor & gloria: *c* nostra est operum vtilitas, Dei est dignitas.

Agasicles ab Halicarnasseis extorris factus est, quòd tripodem, quem ipse ludis obtinuerat, non dedicasset Deo, sed donum hoc domum retulisset. *d* Omnis gloria rectè factorum à Deo est, & soli Deo tribuenda.

*Dñs te minorem quòd geris, imperas.*

*Huc omne principium, huc refer exitum. e*

Nihilominus omni infante infantiores sumus, sicut enim pueri tam se alios credunt in nouis vestibus, vt sibi persuadeant notissimos etiam oculos ab ornatu suo decipi: ita nos quinquaginta aut centum annorum pueri, rebus etiam minimis ac vilissimis ambitionem induimus. Ille se iactat, quòd ceremoniam venustiùs adhibeat, iste quòd cibos elegantius carpat, hic quòd alijs erectior incedat. infinita sunt ostentationum genera. Sed & ad probra & pudendas artes descendimus, atque dedecore nostro superbumus:

*Malus numerat scelestè facta in gloriam. f*

Ille se vnum ex omni numero plurimum vini capere gloriatur: iste cuiuscunque lusùs peritissimum asseuerat: hic se omnium nequitiarum magistrum ostentat. Verè infantes, sed nequissimi, & qui Zabulo sacrificant. Zabulus aleam fertur inuenisse primus. Hic

*a* Exod.c.32.v.4. *b* 1.Tim.c.1.v.17.

non

*c* Omnis enim honor & gloria quâ homines afficiuntur, solidè in Deum vt in autorem & vltimum finem referenda est.

*d* Herod.l.1. *e* Horat.l.3.odc.6. *f* Vet.Iamb.



non modò insigni se statuâ consecrauit, cuius in grëmio tabula lutoria cernebatur, sed sibi quoque sacrificari ab aleatoribus voluit, antequam ludum aggredierentur. *a* Nimirum improbi, non solum vitiorum fomites nefariâ quærunt solertiâ, sed ijs inuentis triumphant, *Exultant in rebus pessimis.* *b* Alij paullo altiùs se credunt sapere, peccântque modestiùs, à quibus voces illas spargi audias: Hoc consiliùm à me est, bardis illis id nunquam occurrisset: hoc prudentiæ meæ, istud meæ fuit vigilantiae: Absque me fuisset, negotium hoc finem nullum vidisset: est quod mihi agantur gratiæ, hoc ego effectum dedi: hoc quidem artis est, sed à me repertæ: officio meo, si quisquam alius, fungi scio: noui equidem neminem mihi in hoc genere parem: operam meam, sat scio, quanti desiderent. Est qui clamet: Omnes voco gladiatores contra: Ille, & ego consiliarios omnes: Hic, & ego omnes doctores: Ille, omnes ego torquatos equites: Alius, & ego cunctos voco artifices contra. O vanitas, ô somnia, ô quantum est in rebus inane! Amore inanis gloriæ quid inanius? Optime Siracides de vanissimis his ostentatoribus: Vana spes, inquit, & mendacium viro insensato, & somnia extollunt imprudentes. *c* Omnis hominum laus, fauor, gratia, honor, commendatio, quid nisi ventus, aura, flatus, bulla, fumus, vanitas, merum somnium? Nam, si quis existimat se aliquid esse, cum nihil sit, ipse se seducit. *d* Cum exiguntur mella, fumo abiguntur apes. Fumus est vana gloria quo sparso dæmon liquentia bonorum operum mella diripit, vt verè dixerit Basilus: Odium quo apes fumum prosequuntur; significat, eos qui Deo mellificant, re nullâ æquè offendi quàm humanarum laudum fumo. *e* Eò dixit Isidorus: Pompa & fastus, & inanis gloria, cum cælesti luce non bene congruunt. *f* Supremo omnium die, non tantum non proderunt ista, sed multis plurimum oberunt. quoniam tu benedices iusto. *g* In quæ verba Chrysostomus: Quid enim, inquit, damni accipit, si homines contemnant, & vniuersus Orbis terrarum, quando Dominus Angelorum eum laudat, & prædicat? quemadmodum, si ipse non benedicat, etsi omnes laudent qui terram & mare habitant, ei nihil prodest. Nam etiam beatus Iob, & in sterquilinio sedens, & vulnere sanie exulceratus, & innumerabilibus scatenis vermium fontibus, & illa indignissima patiens, vt qui à seruis conspueretur, etque ab amicis & inimicis, & ab vxore infidiæ tenderentur,

*a* Cyprianus, de Aleatoribus. *b* Prov. c. 5. v. 14. *c* Ecclesiast. c. 34. v. 1.

*d* Gal. c. 6. v. 3. *e* Basil. in Affect. *f* Isid. Relatiua epist. 197. *g* Psal. 5. v. 13.

rentur, & ad inopiam, famem, & in medicabilem ægritudinem illam esset reductus, erat omnium beatissimus, quoniam Deus ei benedicebat, dicens: Homo à reprehensione alienus, iustus, verus, pius, ab omni re malâ abstinens. *a*

*Diuinam minimè assequitur, qui humana seruit gloria.*

*Esse quæris gloriosus? gloriam omnem despicere.*

*a* Chrysostom. i. in Pl. s. propius finem.

## §. IV.

CHRISTVS Dominus non habuit in more positum, ad risum aut ad vultus hilaritatem suos auditores prouocare, multò minus luxum ijs suadere, nihilominus tamen permisit, imò præcepit, dissimulando ieiunio, vnguentis ritu patrio vti; *Vnge caput tuum;* *a* vt odore & nitore vultûs ieiunium tegas, *ne videaris hominibus ieiunans.* Pharisei cum ieiunium obseruarent, omnia sibi hilaritatis signa interdicebant, vt omnibus testatum facerent, se voluptatum contemptores, luctuoso asperoque ieiunio dare operam. Seruator in contrarium iubet, ne quidquam insolitâ vitæ ratione mutemus, ostendendo ieiunio, quin potius pro more regionis, vultu simus læto, hilari, amœno, ad occultandum ieiunium, vt secreti sincerique operis à Deo referamus præmium. Ne igitur alij nostram laudent continentiam, hanc potius præ nobis feramus lætitiâ: præstat vngi & nitere, quàm abstinentiam præ se ferre, & videri velle. sæpissime namque virtutum officia publicare est perdere: præsentium laudes, adulationes sunt, laudes non sunt.

Inter prodigia recensens Plinius: Inuenimus, inquit, natas sine folijs vitem & malum punicam, stirpe fructum tulisse, non palmitate aut ramis. *b* Hoc viri boni, & Humilitatis studiosi faciunt: fructus, hoc est, actiores sanctas occultant, cauëntque maximè ne in publicum emanent. Ita virtus eorum est tutior, & minus obnoxia insidijs dæmonum, qui ad explicatas merces vno agmine profiliunt. Vis virtutes tuas augere? noli prodere. Viue tibi, & longè nomina magna fuge.

Viatores, vt, quod portant aurum, custodiant, an non illud calcis etiam, aut caligis, cingulo, thoraci, pileo insuunt, aut baculo infundunt; in ipsum denique ventrem, vt olim Iudæi, in obsidione Hierosolymis, recondunt? ecquid opus metallum tam pretiosum sic abdere? Hoc ipso quia pretiosum, ab hoste nunquam tutum est: vt seruetur, occultatur: Gregorius: Qui in itinere,



nerē, inquit, de prædari formidat, abscondat necesse est bona quæ portet. <sup>a</sup> Ita prorsus actiones cum pietate susceptas longè intutissimum est oculis aut auribus, non dicam alienis, sed & suis exponere: nesciat sinistra tua quid faciat dextra tua. Sic Hebræus rex Ezechias, thesauros suos perdidit, quia ostendit.

Præclarissimè monet Hieronymus, &: Conueniat, inquit, vnusquisque cor suum, & in omni vitâ inueniet, quàm rarum sit fidelem animam inueniri, vt nihil ob gloriæ cupiditatem, nihil ob rumculos hominum faciat. neque enim statim qui ieiunat, Deo ieiunat; aut extendens pauperi inanum, Deo fœnerat: vicina sunt vitia virtutibus. difficile est Deo tantùm iudice esse contentum. <sup>b</sup> Hieronymo accedit Ioannes Sarisberiensis, <sup>c</sup> Carnotensis Præsul, vir eximiè doctus, qui Vanæ gloriæ profapiam describens: Si quempiam, inquit, inanis gloria stimulat, necesse est vt per abrupta vitiorum præceps ruat. hoc est autem quod nobile censetur vitium, adeoque humanæ fragilitatis demulcet ingenium, vt vix sit vel à præclaris mentibus alienum, nam & ortum nobilem habet, sui que dispendij processum nescit, antequam à fastigio corruat quod optauit. nam & de se inuicem vitia oriuntur. At inanis gloria etiam in virtute originis suæ figit radicem, in quo enim quisque præ ceteris pollet, in eo, nisi adsit moderatrix gratia, facilius intumescit. Vix tamen est qui Vanæ gloriæ non insistas, & eam quæ ab hominibus est, non concupiscat laudem. Ad hanc alij virtute, alij virtutis imagine, alij naturæ aut fortunæ beneficio proficiuntur. <sup>d</sup>

*Gloria ambitio, errorum morbus est felicitum.*

<sup>a</sup> Greg. l. 8. mor. c. 30. <sup>b</sup> Hier. contra Lucif. c. 6. <sup>c</sup> Obijt An. 1182.

<sup>d</sup> Sarisb. l. 8. Polierat. c. 2.

## §. V.

Deplorauit hunc morbum secum ipse Gregorius Magnus, ille oculus Ecclesiæ, nec eum sine lacrimis deplorans: Dum ipsam, inquit, subtiliter radicem inæ Intentionis inspicio, Deo quidem ex eâ me summo opere placere voluisse cognosco. Sed eidem Intentioni quâ Deo placere studeo, furtim se, nescio quomodo, Intentione humanæ laudis interfert. quod cum iam postmodum tardèque discerno; inuenio me aliter agere, quod scio me aliter inchoasse. Sic etenim sæpe Intentionem nostram, dum ante Dei oculos rectè incipitur, occultè sibi subiuncta, & eam velut in itinere comprehendens, Intentio humanæ laudis assequitur: sicut pro necessitate quidem

Quidē cibis sumitur, sed in ipso esu, dum furtim gula subrepat, edendi delectatio permiscetur. Vnde plerunquē contingit, vt refectiōnem corporis, quam salutis causā cōepimus, causā voluptatis expleamus. Fatendum est igitur, quod rectam Intentionem nostram, quæ soli Deo placere appetit, nonnunquam Intentio minus recta, quæ de donis Dei, placere hominibus quærit, insidiando committatur. Si autem de his diuinitus dillicite discutimur, quis inter ista remanet salutis locus, quando & mala nostra, pura mala sunt, & bona quæ nos habere credimus, pura bona esse nequaquam possunt.

Obijcias: Quid ergo Deus homini appetitum dedit gloriæ, si gloria omnis ab homine sit repudianda? quid viri maximi frustra se fatigant in obtinendâ gloriâ, si eam obtinuisse piaculum sit? Non omnem, mi homo, gloriæ appetitum damnamus, sed inordinatum & illicitum, qui suauis sed furtiuo illapsu vbique miscere se solet. Inordinatum aio & illicitum, qui hoc agit, vt homo gloriæ cupidus, gloriam quærat è virtute quâ caret, aut è re cui tale præmium non conuenit. Vt noris; Gloria vmbra virtutis est: inuitos etiam comitatur. At nos hanc vmbra & sollicitè nimis quærimus, & nimis cupidè amplexamur: gloriam non à Deo, sed ab hominibus expectamus, acquisitam non ad Dei honorem, sed ad nostrum conuertimus. Verissimè dixit Seneca: O quàm ignorant homines gloriæ cupidi, quid illa sit, aut quomodo petenda. Et quæso, dic quibus in terris, & inter quos homines inueniendus est honoris appetitus vndeque moderatus? Res rara prorsus — coruo quoque rarior albo. Facilius, gloriam omnino fugere, quàm rite quærere.

Ita sanctissimos etiam viros feminasque inanis hæc aura quandoque afflauit, sed afflauit tantum, non infecit, non prostrauit. Dominicus certè, illud amplissimæ familiæ sidus illustre, acriter in pestilentem hanc auram pugnauit. Nam cum Tolosæ plures Christo adiunxisset, Carcosiæ tamen potius figebat domicilium. Eius rei causam rogatus: Quia, inquit, plures ibi me honorant; hîc verò me omnes impugnant. Credidit vir sanctus, inter odia hominum tutius habitari, quàm inter blandimenta & encomia, maluitque se vexationis, quàm inanis gloriæ stimulis conficiendum exponere. Honoris repulsa, magna est gloriæ eminentia. Raræ virtutis est, magna facere, & magnum se nescire; sanctitatem omnibus inane

ee

stam

Greg. l. 35. moral. c. 16. & vlt. b Sen. ep. 79. fine. c Sen. ep. 95. fine.

d Vita ipsius l. 4. c. 10.



Nam solum latere auctorem. Nil difficilius quàm omnem calcare gloriam. Ea tamen etiam à feminis insignitè triumphata est.

Sara sacrarum virginum Antistita, admirandæ sanctitatis virgo, tredecim annis ab impuro cacodæmone impugnabatur assidue, nec aliud volebat lascivus Satan, quàm vt se hominem fateretur Sara, vellètque suauissimè vulnerari. At virgo constantissimè obstitit, nec hostem vnquam intra portas recepit, illæso semper Castitatis propugnaculo. Idcirco diabolus alio stratagemate rem agendam ratus, vt, quam lasciuia non potuisset, Cenodoxia saltem expugnaret. Nec dubitauit vaferrimus hostis, quin animum huius teli non metuentem occultissimâ plagâ sauciaret. Itaque ei Parthorum more, à fugâ placuit petere victoriam, vt, quam stando nequisset, fugiendo vinceret. Idè visendam se Orciniana larua præbuit, & velut iam abutum desperatâ victoriâ moliretur, horrendum vociferari cæpit: Vicisti me, Sara, vicisti, vicisti. At virgo non ignara hoc etiam telum exire: Non ego, inquit, te vici, sed Dominus meus Iesus: Hæc est vera gloria, gloriam omnem velut rem minimè suam ad Deum remittere: Soli Deo, soli; soli honor & gloria. Hinc sibi nemo prædam sine crimine pollicetur.

#### §. VI.

Accipiter olim, vt est in fabulis, irrisit Trochilum, illam litoralem auem, quod cum sibi colore non absimilis, tam angustis tamen pectoris sit, vt vermiculis & vilissimo pastu malit viuere, quàm suauibus aliarum auium carnibus vesci. Cui Trochilus: Non est, inquit, quod tibi tantopere gratuleris, mi frater, de cibis non tuis, & quos iniquissimum tibi aucupium parat. ego viliorè mensâ contentus, maiore quàm tu pace fruor, & erit forsan cum gulam tam delicatam malè lues, & serò nimium te poenitebit, venationes has nullo iure licitas instituisse. Vates videri potuit hæc auis. Nam paucis post diebus Accipiter, in ipsâ venatione à rustico, cuius columbas insectabatur, captus, & more ceterorum, ex altâ turri, alijs in terrorem suspensus est. Trochilus, pendulum funus vel eminus vidit, & mox aduolans: O mi frater, inquit, quàm vitæ tuæ longè fuisset consultius, vna mecum vermiculos in cibum legere, quàm alienas aues insectari, & omnium auium ludibrium fieri. si venari noluisses, iam viuere posses.

O miser, o inanis gloriæ venator! mutato nomine de te, fabula cantatur. Tu ille Accipiter es: sed quid rumusculos & præconia, quid

quid applausus & gratulationes, quid fauorem & gratiam, quid blandientes voculas & cominendatiunculas, quid popularem famam, & speciosos titulos venaris? nullo tibi iure permissa est hæc venatio, o Accipiter. Non est hæc gloria quam quæris, non est; umbras confectaris gloria, & quidem falsæ, idque in tuum exitium. Quamto tibi satius foret Trochilum æmulari, & viciitare vermibus; illis, inquam, quos sepulchrum tuum, quo properas, claudit. hos tu vermes cogita, & aues alienas, laudes humanas facile spernes. Pulcherrimè Augustinus: Melius est, inquit, vel de paruo Dei dono gratias ipsi agere, quam sibi agi velle de magno. « Ecquid in orbe hoc magni speras aut æterni? nulla hîc dititurna possessio est. Armis, eruditione, opibus, solertiâ, fraudibus, etiam virtute paratus honos verè prius euanescit, quam in plenum eo fruaris. Floris instar solstitialis est tota humana gloria. ecquid sudorem sudore cumulas? fugitiua adeoque & volatica omnis laus & gratia est; non tenetur corpore, ac ne pennâ quidem, sed neque inuita teneri potest, non magis quam rapidissimum flumen. Quid ergo cogitationes in elogia & famam iacularis? nescis mortalium cuncta incerta esse, quantoque plus adeptus fueris, tanto te magis in lubrico ac fragili versari?

Vitam agit leporis quicumque vanus auceps gloriæ est.

Et ut votis responderit euentus, ac in possessionem te fortuna; speratorum immiserit, quanta hæc erunt, & quamdiu? fors cras, fors hodie, fors hac ipsâ horâ posteritati fabula iacebis, & præda vermibus.

Narrat Plinius, ad extremos fines Indiæ gentem Astomorum degere sine ore, corpore toto hirtam, vestiri frondium lanugine, halitu tantum viuentei & odore quem naribus trahant. <sup>b</sup> Cenodoxi seu inanis gloriæ studiosi, os nullum habent, quo vel Deo laudes debitas pendant, vel homines bene meritos serio laudent, à veri honoris ornamentis inuestes sunt, nec quidquam habent præter pilos & folia, hoc est, humanarum laudum quiskuilias; halitu tantum viuunt, aurâ scilicet vanæ gloriolæ quam naribus trahunt; cum ore careant, & nunquam cenent lautiis, quam dum laudantur. Alij, quibus os & frons est, tunc plurimum erubescunt & verrecundantur, cum eis hæc aura largius in cibum apponitur. Optimè religiosissimus ille scriptor: Qui veram, inquit, & æternam gloriam desiderat, temporalem non curat. Et qui temporalem

ec 2

requirit

a August. epist. 32. ad Paulinum.

b Plin. l. 7. nat. hist. c. 2. proprius finem



requirit gloriam, aut non ex animo contemnit, minus amare conuincitur cælestem. Magnam habet cordis tranquillitatem, qui nec laudes curat, nec vituperia. *a*

*Gloria Sombra, est parua magnis, pusillis maxima:*

*Si compendio assequi vis gloriam, contemnit. b*

In theatro es vacuo eoque angustissimo, quid hic plausum expectas? altum illud & amplissimum cæli theatrum suspice, & frigidissimos hos plausores ridebis.

*Auctor redit, spreta in tempore gloria.*

Quid? quod sicut temerarijs indicijs, ita inanibus elogijs peccant homines frequentissimè, quorum hic solennis error est, laudanda vituperijs, vituperanda laudibus afficere. Inde Christianus sapiens: Nolo, inquit, ab his laudari, quorum laus vituperium est: nec ab his culpari vereor, quorum criminatio laus est. Quid? quod ijs sæpe minimè placemus, quibus placituros nos maximè speramus. Refert Herodotus, c Agaristam Clisthenis filiam vario ambitu plurimorum, in coniugem postulatain. Certabat inter florentissimos Græciæ iuuenes, Tisandri filius Hippoclidès, qui saltandi peritissimâ venustate se nemini secundum sibi persuadebat. Itaque impetrandæ coniugi, omnem artem in illud tripudium consumendam censuit, & mirè gesticulatus est. Displicuit inultis, cum primis Agaristæ parenti, qui desaltato cantico: O Hippoclide, inquit, perdidisti coniugem saltando. Cum tamen stultus iuuenis se omnium crederet scitissimum, & sibi vni virginem deberi. Ita nos vani frequentissimè credulâ persuasione fallimur, quando alijs nos admodum placere credimus, quia ipsi nobis adeo placemus prius, ut sibi quisque sit miraculum. Ecclesiastes quispiam insigniter se dixisse autumat, & nulli placuit: Musicus, omnes sibi applausuros opinatur, & nemo laudat: Pictor sibi mirè gratulatur de sui operis elegantia, & plurimi reprehendunt: Dux militiæ coronas & triumphos expectat, & vix æquis oculis aspicitur: Palatinus, miros principis fauores somniat, & proximè abest, ut excludatur aulâ: Choragus nescio quem plausum sperat, & nauseam ostendunt spectatores: Parasitus, adulator, sannio omnes à se hilarandos putant, & nemo ridet: Calamistratus aliquis Iopas, aut ad omnem venustatem excultus Hortensius, admirationem ac laudes sibi promittit, & omnes irident, ita miseri sæpissimè ijs nauseam mouemus, quos inanijs nostris maximè deliniendos sperabamus: coniugem perdimus saltando.

*Demothe.*

*a Thom. de Kemp. l. 2. c. 6. n. 2.*

*b Monost. Trochaic.*

*c Herod. l. 6. ante fin.*

Demosthenes antequam eloquio Græco innotuisset, operosioris cultûs nitorem appetiisse dicitur. sciebat enim à purpurâ vendi caussidicum. At postquam facundiæ famam assecutus est, togâ vi- liore contentus dictitabat, se velle sibi à se potius quàm à veste aut cultu exquisito constare gloriam. quem enim suus attollit honor, vilitas aliena non deprimit; sed nec alienus erigit honor, quem sua vilitas humo affligit. Emendicatum nec vlli honestum laudis suf- fragium est, quod totum extrinsecus accersitur. Chrysostomi ver- bis hæc consigno: Præsentis temporis gloria & nulla est, & insta- bilis fluctuat; & si aliquamdiu permaneat, repente tandem extin- guitur. \*

*Sequitur supientes gloria, sequentes fugit.*

a Chryl. hom. 3. in 1. ep. ad Tim.

### S. VII.

At, difficile est, inquis, non amare, non sequi gloriam, etiam- vanam hanc & inanem. Omnibus insidet opinio sui & pretium, vi- uitque etiam in optimis quibûsque viris nescio cuius gloriæ acu- leus, quippe rarò ita in plenum emoritur, vt nulla supersint semina, quæ fota in herbam & fruticem non exurgant. Ah, quoties ad fa- mam potius, quàm ad conscientiam laboramus? Ah, quanti acer- ba omnia superarunt, turpissimè superati ab inani gloriâ? Identi- dem ad nos redimus, & in nostrum honorem reuoluimur. Gloriæ cupido hominibus exuitur nouissima. \*

Et vbi quæso reperias eos, qui laudem omnem auerfentur? Su- perbiam palàm omnes detestamur, nostra tamen encomia sine au- rium vulnere audimus. Vanæ gloriæ studium nemini probatur, cùm interim hoc pænè omnibus hæreat, quod omnibus displicet. Et sæpe dum laudari nos prohibemus, tacitè inuitamus, ne qui cœ- pit, tam citò desinat: difficile est odisse gloriam, laudem omnem & laudantis fauorem spernere, difficillimum. Nemo suæ vnquam refragatus gloriæ est.

Hic mihi Chrysostomus etiamnum in mentem est: Quomodo ergo, inquit, ab hac durâ seruitute liberabimur? Si aliam gloriam adamauerimus, nempe eam quæ vera est gloria. quemadmodum enim eos qui corpora amant, alia splendidior facies visa, à priore separat: sic & eos qui gloriam hanc depereunt, splendida illa cœlestis gloria conspecta si fuerit, ab istâ abducere poterit. Vanæ gloriæ cupidus, similis illis est qui tempestates ferunt, semper tremens,



semper timens, innumerósque dominos obseruans. Qui verò extra illam est tyrannidem, rectè comparatur ijs, qui in portu constituti, integrâ iam libertate potiuntur. Alius verò non item, sed quàm multis est cognitus, tam multos habet dominos, omnibus seruire coactus. <sup>a</sup>

*Vniuersis singulisque seruit seruus gloriæ b.*

Inter hos non postremus ille ab aulâ Dominus. <sup>c</sup> Obuium is habuit quendam è regiâ domo, ad quem superbâ fronte: heus tu, inquit, quisnam de me in aulâ sermo? Alter rubore suffusus: Nullus, inquit, Domine, neque qui ad laudem faciat, neque qui aduersus eam. Audijt hoc homo gloriæ appetentissimus, qui se per omnium ora volitare credebat, & adstantium oculis notari indignatus, mox hominem in fontem fustibus excipi; post plagas, quinquaginta aureis donari iussit, quibus ipse dictum insuper hoc adiecit: iam tibi materies & laudis est, & vituperij: vt ere, & adhibe in palatio. Hunc tu sui Dominum dixeris: mille heris seruit, quicunque gloriæ: Imò est omnium seruus, quisquis est gloriæ, Nam.

*Gloria seruare, mentis non nisi absconditissima est:*

*Gloria seruus nihil rectè inchoat, nil perficit.*

Rectè, ne finis suo principio non respondeat. Vnum igitur, inquit Chrysostomus, intueamur, solum ad id tota nostra dirigatur Intentio, quo scilicet pacto, Dei mereamur ore laudari. Non laudat te ille aut ille: nihil inde amittis: & si vituperet quispiam, nihil omnino te læsit: siue enim laus, siue vituperatio, ex Deo tantum emolumentum habet, aut detrimentum. Ceterum humana omnia sunt prorsus inania. <sup>d</sup> Verè, inanissima.

Hæc erat mens, hæc doctrina Seruatoris Christi Iesu, cuius eruditionem cum admirarentur Iudæi, dicerentque: Quomodo hic scit litteras, cum non didicerit? Ad istud verus Magister Humilitatis: Mea, inqueiebar, doctrina, non est mea, sed eius qui misit me. <sup>e</sup> Ita cum admiranda patraret, & homines valetudinis desperatissimæ curaret, plerumque ne cui dicerent: iunperabat. Nostræ hoc institutioni factum, vt si gloriari velimus, in Domino gloriemur, non enim qui seipsum commendat, ille probatus est: sed quem Deus commendat. <sup>f</sup>

Ergo, quod præclarissimè monuit Seneca, Conscientiæ satisfiat, nihil in famam laboremus. Et verò seipsum ad hoc adigens  
Annaeus:

<sup>a</sup> Chrysthom. 17. in ep. ad Rom. circa finem.

<sup>b</sup> Vetroch.

<sup>c</sup> Ego non homino, sed Florestia, qui de illo.

<sup>d</sup> Chrysthom. 2 in epist. ad Tit.

<sup>e</sup> Ioan. 8. 7. v. 16. <sup>f</sup> 2. Corinth. 10. v. 18.

Annæus: Nihil, inquit, opinionis causâ, omnia conscientiæ faci-  
ciam. *a* Bernardus hæc explicatius confirmans: Pura erit Inten-  
tio, inquit, si in omni actione nostrâ aut honorem Dei, aut utilita-  
tem proximi, aut bonam conscientiam queramus.

Deus olim sub pœnâ capitis sanxit, rein primo intuitu minutam,  
ne quis scilicet odores diuino cultui destinatos vsu profano incen-  
deret: *Talem compositionem non facies in vsus vestros, quia sanctum est*  
*Domino. Homo quicumque fecerit simile, et odore illius perfueratur, peribit de*  
*populis suis.* *b* Pretiosum thymiana est Gloria, sed Deo debetur, &  
soli: quisquis homo es, caue tangas hos odores, capitis res est: Soli  
Deo honor & gloria.

Vigilanti igitur curâ, inquit Gregorius, per cuncta opera, Inten-  
tio nobis nostra pensanda est, vt nihil temporale in his quæ agit, ap-  
petat: totam se in soliditate *Æternitatis* figat, ne si extra fundamen-  
tum, actionis nostræ fabrica ponitur, terrâ dehiscente soluatur. *c*  
Quisquis bonam Intentionem amat, gloriam inanem odisse debet,  
aut cælum non magni æstinat.

Fusiùs diximus de hac peste rectæ Intentionis. Sed vt capite  
sequenti, hac ipsâ de re plura differamus, exigit tam obstinati, &  
vbique vulgatissimi morbi malignitas.

*a* Sen. l. 3. de Irâ c. 41. & de vit. beat. c. 20. *b* Exod. c. 30. v. ult.

*c* Greg. l. 28. mor. c. 6. propius finem.

## CAP. V.

## QVID DE MV M SIT VANA GLORIA,

*Et quàm ea RECTAM INTENTIONEM*

*sedè iugulet, ni prænèiatur.*

**I**Nanis gloria, scopulus est immanis, ad quem vix vlli hominum,  
non naufragium, aut certè damnum patiuntur. Ecquis ille tam  
peritus nauta, qui satis caueat, ne nauim ad hunc scopulum illi-  
dat? Quàm autem ipsa in se varia est inanis gloria, tam diuersa  
fortitur nomina à priscis scriptoribus. Basilus: Fugiamus, in-  
quit, dulcem spiritualium operum exploratricem, iucundum ani-  
marum nostrarum hostem, tineam virtutum, blandissimam bo-  
norum operum deprædatricem, eandemque mellis illitu, vene-  
ni coloratricem. *a* Tituli digni quos expendamus: *Du. cis*, in-  
quit, *spiritualium operum expoliatrix*, similis deceptrice Dalila, quæ  
humanissimis blanditijs Samsonem viribus exuit, & obiecit hosti-  
bus.



bus. *Iucundus anima hostis*, grauius necat, quò plus delectat. & vt apud Cyprianus, dum extollit, emollit: & pungit, cum vngit. *Virtutum tinea*, Inanis gloria. Sicut autem è pretiosiore veste, robustior nascitur tinea, quæ suos parentes lacerat, & corrodit, sic è virtute nobiliore gloria nascitur vanior & perniciosior, mors suæ matris. *Blandissima bonorum depradatrix*, allicit & delectat, erigit & demulcet, vt iugulet, & animo bona sua rapiat omnia. *Venens coloratrix*. Ah! quis hominum tam religiosus & sanctus, vt omnes Vanæ gloriæ insidias deprehendat & caueat? Sanctus Ignatius Loiola hoc vno vir sanè magnus, quòd singulari Dei fauore consecutus dicitur, vt annis compluribus ante mortem, nullam inanis gloriæ nec cogitationem quidem habuerit. Imò tam sui & cognitor, & contemptor erat, vt nullum se vitium diceret minus extimescere, quàm turgidæ huius vanitatis. <sup>a</sup> Audite filij, & parentis sanctitatem, vel hoc vno æmulamini.

<sup>a</sup> Ribaden. l. 5. vitæ, c. 3.

§. I.

Quàm autem hoc vitium supra cetera sit audax, & noxiū, egregiè Chrysostomus: Nihil, inquit, ab hoc inimico securum, qui tanquam contagiosus morbus omnia corrumpit. Christus Dominus hortatus fuit, vt thesauros nostros in cælo recondereimus, quò fur non appropinquat, & vbi tinea non demolitur. Nihilominus inanis gloria eò pertingit, & sæpe quæ quis in cælo per bonorum operum fructum thesaurizauerat, vnius inanis gloria impetus perdit, consumit, & expugnat. <sup>a</sup> Eodem prorsus modo Basilus: Callida insidiatrix, inquit, Vana gloria, vel in ipsius cæli conuexis, insidiarū aduersus nos collocatrix. <sup>b</sup> Non minus eloquenter de hac peste Petrus Chrysologus: Subtile malum est, inquit, secretum virus, venenum latens, virtutum fucus, tinea sanctitatis. Aduersa omnia nituntur suis viribus, armis suis pugnant, impugnant palam; vnde & cauentur tam facile, quàm videntur: hæc tamen crudeli arte virtutes runcat mucrone virtutum, ieiunium ieiunio perimit, oratione orationem euacuat, misericordiam miseratione prostermit: hoc vitium de remedijs creat morbos, & de medicinâ conficit languorem. <sup>c</sup>

Eleazarus Hebræus, ille heroum gemina, vt vnus ipse totum vinceret exercitum, elephantem regium sibi sumpsit sternendum, nam *Esus est ei quod in eo esset rex*. <sup>d</sup> Itaque pugione armatus, generosissimo cursu subter bestiam ruit, ferroque ventrem medium,

<sup>a</sup> ChryChom. 22. in Matth.

<sup>b</sup> Basil. Mon. 20. Basil. Mon. 6. 14. <sup>c</sup> Chrysost. serm. 7. <sup>d</sup> 1. Machab. 6. v. 43.

quâ mollior est, rupit, sed sub ipso elephante quem occidit, & ipse occubuit, remansitque, ut Ambrosius loquitur, a suo triumpho sepultus. Facinus mirandum! In prælio & nos versamur, sed contra nos stant Vicia pugnantque diuerso impetu. Primus & maximus hic labor est, nostræ Carnis elephantum deicere. Sed heu miseros nos, quos ipsa sæpe victoria opprimit, & extinguit, dum sub hoste quem superamus, cadimus. Ieiunijs, vigilijs, aliisque rigoribus lasciuientem carnem vincimus, sed hoc ipso triumpho nostro vincimur, & sepelimur, non à carne, sed ab inani gloriâ cæsi. Namus sui suspectus, & insitum mortalitati vitium, se suæque mirandi & æstimandi, nos iam victores iugulat. Facinus miserandum! Epictetus hic nobile documentum suauiter ingerens: Sicut sol, inquit, preces aut blandimenta non expectat ut exoriatur, sed statim fulget, & ab omnibus salutatur: Sic tu nec plausus expecta, nec strepitus vel laudes, ut bene facias, sed sponte bene facias, & pariter ac sol charus eris. *b*

*a* Ambrosii. i. offic. c. 40. *b* Stobæus de Magistrat.

## §. II.

Struthio avis, nobile symbolum stultitiæ, mole corporis non inæqualis camelo, vnde & Struthiocamelus dicitur, sed capite, instar anatis, exiguo: pennas habet amplas ut accipiter, sed nunquam volat, velut quadrupes bestia. Mirâ fecunditate parit oua, eorum tamen plurima non fouet, sed in puluere viatoribus calcanda deserit. pullos ouis exclusos summè amat, hos ipsos tamen truculenter negligit. Qui laudes humanas ambit, stultitiâ Struthioni non cedit, pennas habet Herodij pennis simillimas. Hominum sanctorum alæ quibus in sublime feruntur, sunt orationes, eleemosynæ, ieiunia, vigiliæ, quæ Struthionibus illis non desunt, sed ijs in altum non tolluntur, terræ hærent, nec aliud cupiunt, quàm VIDERI, & licet fætus edant, piæ actiones, quas & ipsi amant æstimantque plurimum, & ab omnibus amari ac æstimari volunt, nihilominus charissima hæc pignora, locis non abditis minimeque securis commendant: publicum expetunt, & quæ faciunt, videnda exponunt. *Amant in synagogis & in angulis platearum stantes orare & videantur ab hominibus: exterminant facies suas, & pareant hominibus ieiunantes. a* Cainum per Inuidiam, Abiron per superbiam, Zambri per Luxuriam, Iscarioten per Auaritiam, Purpuratum epulonein per Gulam, Virgines fatuas per Socordiam, ad inferos ruere nil mirum: hoc mirum est, bis mirum, esse non paucos qui per preces, abstinen-



tiam, eleemosynas, per nobilissimos labores tendant ad Erebum. En stultissimos Struthiones! Ergo, *Non efficiamur inanis gloria cupidi.* a Chrysostomus: Si gloriam amas, inquit, magis eam ama quàm à Deo est. b Quàm stultus sit athleta vel pugil qui certaminis sui spectatores habet Regem, & omnem regium comitatum, in præmii verò propositum cernit coronam auream geminis distinctam, is tamen mendiculus cæcum interrogat, num placuerit, & ab eodem pugilatûs sui mercedem postulat, nitentem scarabæum, aut versicolore lapillum. In stadio & nos sumus, quotquot vivimus, spectaculum facti Mundo, & Angelis, & hominibus, c sed vani ac fatui, quàm præclare nos gesserimus ex ijs quærimus, qui abdita virtutis actus cernere nequaquam possunt; ab iisdem etiam in præmij locum laudatiunculas frigidissimas avidè acceptamus. Nunquid non insignissimæ stultitiæ hoc est, laboriosa agere, ut Gregorius loquitur, d & auræ laudis inhiare, forti opere præceptis cælestibus inferuire, & terrenæ retributionis præmium quærere. *Non ei placebit Secordia sua, & sicut tela aranearum fiducia eius.* e Aranea huc illuc excurrit, & mirè se fatigat, itque reditque sexcenties, è ventre stamina deducit, f & irretiendis tenuissimis animalculis venabulum conficit, atque in retis speciem diffundit. textrinam hoc opus araneæ, multi laboris & miræ subtilitatis est, sed huic penitus destruendo non opus malleis, non securibus, aut bombardis; aura paululum concitator omnem laborem auehit. Aspice obsecro actuosorum hominum sudores & discursus; ut nituntur, ut satagunt, ut moliantur, idque toto corpore, atque omnibus, ut dicitur, vngulis! varijs se laboribus frangunt, & exhauriunt, officinas ingredero, curias adi, scholas lustra, Aulas inspicere, & miraberis multorum miserandam sedulitatem. Tot mensium, tot & annorum labores sæpe puncto temporis intereant, nam ubi recta Intentio deficit, in ventum labor omnis evanescit; aura humani fauoris omnia tollit & sicut tela aranearum fiducia eius.

a Gal. c. 5. v. 26. b Chry. hom. 2. & 28. in Io. c 1. Cor. c. 4. v. 9.

d Greg. h. supra. cit. maxime l. 8. moral. c. 25. & c. 26. initio. & c. 30.

e Iob. c. 8. v. 14. f Scio alios aliter sentire.

### §. III.

Narrat qui oculis fidem habuit, a visum à se illustrissimum Comitum, qui grauitè admodum offensus à filio, cum non opportunitatem duceret in ipsum è vestigio filium vindicare, tale supplicij genus inuenit. Effigiem filij fortè conspiciatus, eam à pariete soluit,

a Hieron. Nuza. tom. 1. tract. 2. part. 2.

& in ox in frusta concerptis, æquissimum paternæ iræ argumentum præ se ferens. Hanc filio sapientiam præire voluit ut is denique fate-  
retur, sibi hanc pœnam fuisse persoluendam, quam sua effigies de-  
penderet. Aiunt & Persas cum supplicium de illustri viro sumpturi  
sunt, vestem & tiam ei detrahere, eaque suspensa verberare ut ho-  
minem ipsum. Non multum ab simili pœnâ Christus Dominus  
Vanæ gloriæ cupidos puniuit. Viderat Seruator in viâ ficum folijs  
abundantem, sed carentem fructibus. ideo seuerè in eam pronun-  
tians, & vitam ei omnem adiucens: Nunquam, ait, ex te nascatur  
fructus in sempiternum. Et arefacta est continuo ficulnea. <sup>a</sup> Hæc  
arbor, comis tam decora, pomis vacua, germana eorū effigies est,  
qui ad speciem valent, sed carent rectâ Intentione. Hos ut Christus  
terreret, dum eis parceret, effigiem illorum execrationibus lacera-  
uit, ut indignationem quam ipsi promeruerant, in suâ imagine cer-  
nerent.

Miramur primos omnium parentes ob malum vnicum ad mor-  
sum supplicio tam graui affectos. Quis enim Diocletianus aut Pha-  
laris, ob pauculas ficus, aut aliquot flosculos, aut vnicum pomum,  
mille homines in crucem rapuit? Cur igitur Deus non mille homi-  
nes, sed innumeros hominum milliones æternæ mortis damnauit,  
ob arbusculâ vnam, non solo excisam, sed pomu priuatam, & qui-  
dem vnico? Puerile præceptum, inquit Theodoretus, <sup>b</sup> & infantibus  
conueniens videri potuisset illud: De ligno hoc ne comedas.  
cur ergo tam diuturnâ seueritate punitur transgressio? Merito sanè,  
quod imperium hoc expeditissimum, & nec pueris difficile, detre-  
ctauerint tamen Protoplasti. Si grandia Deus & difficilia imperas-  
set, habuissent quo culpam purgassent. At verò cum illis amœnissi-  
ma libertas in omnes paradysi arbores esset, exceptâ vnicâ, faci-  
lus fuit intolerabile, & tanto supplicio dignum, nec ab hac quidem  
unicâ tam seriò vetitâ velle manus abstinere. Hinc iâ liquet, quàm  
Deus & illos detestetur, qui gloriam, quam sibi vnam vult debere,  
iniquissimè præceptum eunt: odit Deus omnes viciosos, sed super-  
bis & arrogantibus etiam resistit, <sup>c</sup> quos scilicet infecit vitium ido-  
latriæ cognatum. Pro teste stat Veritas, &: Quomodo, inquit,  
vos potestis credere, qui gloriam ab inuicem accipitis, & gloriam  
quæ à solo Deo est, non queritis? <sup>d</sup> O miseri, theatrum vobis in cæ-  
lo constitutum est, in terrâ tamen spectatores colligitis. <sup>e</sup>

## §. IV.

<sup>a</sup> Math. c. 21. v. 19. <sup>b</sup> Theod. ser. 10. de prouid. <sup>c</sup> Iac. c. 4. v. 6. <sup>d</sup> Ioan. c. 5. v. 44.  
<sup>e</sup> Chrysost. epist. ad Rom. hom. 17. ante fin. vbi plura huc faciendâ licet videre.



Augustinus veterum Philosophorum turbam, telo ab ipsis accepto, feriebat in hunc modum. a Picturam illi talem statuerant. Regina, nec veste, nec vultu eam dignitatē decente, sublimi tamen folio sedebat; Reginæ nomen VOLVPTAS. Adstabant nobilissimæ virgines, VIRTUTES, velut ancillæ ad omnem herilem nutū paratæ: Has varijs imperijs fatigabat proterua domina, & modò Prudentiæ, modò fortitudini, modò Temperantiæ dictitabat, quid in rem suam curatum vellet. Bene, inquit Augustinus, hac picturâ expresserant Philosophi, quod volebant, sed ad laudis appetitum, quo ipsi maxime laborabant, pulchrè conuincendum.

Ergo simillimam priori tabulam pingamus, sed pro voluptate, VANAM GLORIAM substituamus, cui pariter imperanti Virtutes sic ancillantur, vt nihil prouideat Prudentia, nihil distribuat Iustitia, nihil toleret Fortitudo, nihil Temperantia moderetur, nisi quòd à Vanâ gloriâ iubeatur, & aliorum oculis placiturum speretur. Et quid, oro, improbo hoc dominatu iniquius? Fædissimum illud monstrum, illa veræ gloriæ larualis vmbra, amplissimis reginis, Virtutibus sic illudat, & vel inuitas cogat sub imperium prorsus detestabile? Ita sanè fit, sic viuitur, sic seruitur: hæc mundi sunt spectacula, hæc illius miracula, operosa, fateor, & sæpe multi sudoris, sed laudis appetitui non difficilia: sub Vanæ gloriæ amabile imperium fluunt omnia; ipsæ Virtutes ad hanc suauissimam vim degenerant, & generosam suam contumaciam, hic expugnari non valde nolunt, transeuntque in arbitrium fucatæ Gloriæ. Sed, *Amen dico vobis, receperunt mercedem suam.* b Romani rerum domini, quàm præclare gesserunt multa, quanti armis togæque? quàm laudata eorum Iustitia, quàm exquisita Prudentia, quàm Clementia celebris, quàm inuicta Fortitudo, quàm Temperantia illustris, quàm casta & impenetrabilis Pudicitia, quàm admiranda Constantia? Sed *receperunt mercedem suam.* Locupletissimus testis Augustinus: Honor, inquit, & gloriâ quâ Deus Romanos fecit illustrissimos, merces fuit bonorum operum quæ egerant, nec est quòd de summi & veri Dei iustitiâ conquerantur. c Eximia illorum erant opera, sed præmium se dignum retulerunt. Gloriam ambierunt, & certè obtinuerunt. Fines imperij Romani, Orbis & Oceanus, ita vt quicquid opportunum fuit aut dignum vinci, vicerint. Itaque terminos sibi fecerunt Orientem & Occasum, exceptis locis

a Aug. l. 5. de Ciuit. c. 20. b Matth. c. 6. v. 2. 3. 16. c Aug. l. 5. de Ciuit. c. 15.

inaccessis aut inhabitatis vel ignobilioribus: *Receperunt mercedem suam*. Aequissimus Deus, nihil viſij, nihil & virtutis sine supplicio & præmio transmittit. Vnde actionibus illis melioribus, quibus tamen cælum debere non vult, congruam, & extra cælum remunerationem assignat: recipiunt mercedem suam, sed ita vt non recipiant æternam. Ah, quantum vbique laboratur, sed nihil ad cælum hi labores. Obsecro, vel Aulas tantum inspiciamus, quàm hîc varij generis seruitia sunt, quàm exactæ sedulitatis, quàm comptæ patientiæ, quàm pictæ fidelitatis, quàm operosæ solertiæ! totos dies & sæpe in adultam noctem stare, aut ad omnem lassitudinem huc illuc excurrere, plurimorum inuidiam tolerare, omnes heriles nutus obseruare, illic quotidiani vsus est. Et sunt qui hæc omnia religiosissimâ vrbinitate faciunt, sed præter pecuniâ & gratiam nil expetant: *Receperunt mercedem suam*, non enim quàm Deo, sed quàm Principi chari essent, laborarunt. Alij ad negotia & curarum subtilitatem in aulis admoti, vigilantissimos oculos in omnem partem emittunt, ne quid regijs gazis aut honoribus decedat, sed sæpe hi boni viri, dum attentissimâ sollicitudine curant omnia, animum suum inter curanda non nuñnerant; modò crumenam faciunt, inodò Principis gratiam non perdant, tantisper sui ac cæli negligentes esse, licitum credunt, & seipsos vix vnquam conueniunt; cum conscientia suâ rarissimè, & non nisi obiter loquuntur, suam in rebus agendis Intentionem non examinant: ceterum de rebus omnibus suauissimè confabulari norunt, de cælo per horam disserentem, audire ægerrimè sustinent: verbo dicam, non solent esse domi suæ, & secum loqui, omnibus alijs fideiores quàm sibi. Et hi quoque, *Receperunt mercedem suam*, humani fauoris auram, & aurum splendentis terræ particulam, heu mercedem post funera non duraturam! Ergo, *Videte vosmetipsos* (ô Aulici, ô quicumque alij) *ne perdatiſ quâ operati estis, sed ut plenam mercedem accipiatis*, a Seduli estis, & diligentes in officijs vestris? bene hoc quidem: Sed quòd diligentes videri vultis, hoc iam malè: imò hoc iam pessimè, quòd sæpe vobis curæ non est, quàm fideles & industrij sitis, sed quàm esse videamini. Videte ergo vosmetipsos, ne & vos olim audiatis: *Receperunt mercedem suam*.

2. Ioan. 6. v. 8.

§. V.

Occurrit olim Iephtæa Virgo parenti è bello reduci, laudes amantissimi patris decantatura, & vnâ victoriam ac triumphum gratulatura.



gratulatora. Audiſt Iephthe quantis patrem præconijs afficeret filia, ſed tamen hanc laudatricem, quamuis inuitus, pro laudum præmio iugulauit. *a* Facinus ingens, & nobis prorſus imitandum quâ licet. In bello ſumus & nos, nec vnquam non ſatis hoſtium eſt: omnis diabolorum impetus deſæuierit, ſola tamen Caro nunquã non refractaria, bellum mouet continuum. Poſtquam rem præclare geſſimus in hoc bello, noſtra nobis filia prodit obuiam, pulcherriſimis nos elogijs affectura. Hæc eſt, vt Origenes explicat, *b* Inanis gloria, quæ tunc maximè apparet laudibus inſtructa, cùm res ſtrenuè & feliciter geſta eſt: Cùm Xenodochium locupletati, cùm templum condidiſti, cùm prolixas preces iniſti, cùm pauperculam virginem dotaſti, cùm liberaliorem ſtipem dediſti, cùm ſtrictius ieiunium obſeruatiſti, tunc blanda illa filia ſeſe fert obuiam, ore pleno, quicquid factum dilaudans, & velut ſuaue carmen, hæc talia ingeminans: Quàm præclare; quàm piè hoc & laudabiliter; quàm iſtud religioſè & ſanctè; quàm hæc res boni exempli? factum nobile, quis negauerit? uiciſti teipſum, res loquitur: ſic decuit, & utinam multi te imitentur: inſigniter egiſti. His victori applaudit blandiſſima hæc filia. Quid hîc agendum? Tu, ſi vir es, & labores tuos non vis eſſe caſſos, hîc grandem affectum indue, & laudatricem hanc generoſâ manu iugula; quicquid à te factum, vnâ cum omni laudè integerrimè ad Deum remitte, & rectam Intentione in quam actionis initio tibi ſumpleras, ardentè reſume. Auguſtinus ad hoc addens animum: Huic cupiditati, ait, melius reſiſtitur ſine dubitatione, quàm ceditur. Non enim huius hoſtis vires ſentit, niſi qui ei bellum indixerit; quia etſi cuiquam facile eſt laudè carere dum denegatur, difficile eſt eâ non delectari cùm offertur. Tantò quiſque eſt Deo ſimilior, quantò ab hac immunditiâ mundior: *c*

Sed quis ille vir qui omnem Vanam gloriam latis cauerit? Iephthe quò minus filia prodiret in occurſum, impedire vix potuit, ſed efficere potuit, vt non caneret, aut priùs vitam quàm cantum abſolueret, vocem ei & animam ſimul auferendo: Sic homo quantumcunque religioſus & ſanctus, vetare vix poteſt, quin poſt plurimâ bene geſta, Vana gloria occurrat, quin canere, quin titillare incipiat, ſed prohibere poteſt, imò debet, cantum finire. Hunc igitur occurſum deteſtari, laudantis carmen auerſari, ipſam incantatricem hanc gloriam rectâ Intentione confodere nil cunctetur, ſi Deo  
potius,

*a* Iudic. c. 11. v. 39. *b* Orig. hom. 5. in Gen. ad f.

*c* Aug. l. 5. de Ciuit. c. 14. ipſo initio. & epiſt. 64. ad finem.

potius, quàm sibi placere malit. Omnem rectam Intentionem Vana gloria iugulat, ni præueniatur, & occurfu primo ipsa iuguletur.

Verè, Vana gloria, vt optimè Chrysostomus, sæua est bellua, horrendus dæmon, pestis Orbis terræ, venenata vipera, quomodo enim illa bestia vnguibus vterum matris discerpit, ita etiam hoc vitium parentem dilacerat. <sup>a</sup> Et quàm eximiè Thomas ille à Kempis: Verè, inquit, inanis gloria, mala pestis, vanitas maxima: quia à verâ trahit gloriâ, & cælesti spoliât gratiâ. Dum enim homo complacet sibi, displicet tibi: dum inhiat laudibus humanis, priuatur veris virtutibus. Quærant Iudæi gloriam quæ ab inuicem est: ego hanc requiram quæ à solo Deo est. Omnis quidem gloria humana, omnis honor temporalis, omnis altitudo mundana, æternæ gloriæ tuæ comparata, vanitas & stultitia est. <sup>b</sup> Atque si Climaco credimus, Inanis gloria est laborum dissipatio, sudorum perditio, thesaurorum insidiæ, perfidiæ alumna, superbix præcursor, in portu naufragium, in arêa fornicia, quæ etsi tenuis est, laboribus tamen omnibus & fructibus insidiatur. Expectat fornicia dum perficiatur triticum, Cenodoxia verò dum congregentur opes: gaudet illa vt furetur, hæc autem vt dissipet. <sup>c</sup> Operarius ebriosus, inquit Siracides, non locupletabitur, qui quod actione honestâ colligit, per ebrietatem vanæ gloriæ dissipat. <sup>d</sup>

Sed vereor, ne multi hæc monita non satis capiant. Hos mores hoc æuo amamus, vt cum vitium aliquod perstringitur, neminem facilè reperiatis, qui illo se laborare fateatur; nec mille testibus sinceram ei confessionem expresseris. Et quis est qui se arrogantem credat & doleat? Cum tamen Augustinus Antistes longè sanctissimus, huius se culpæ minimè immunem pronunciarit, nam seipsum disertè accusans: Hoc mihi ipse, inquit, canto quotidie, & tamen vehementer cum aduersario dimicans, sæpe ab eo vulnera capio, cum delectationem oblatae laudis mihi auferre non possum. Nos quidem Inanem gloriam dampnamus omnes, non omnes fugimus. nemo est, nemo qui hunc morbum non peritè dissimulare se credat: plurimi ab hoc morbo sanissimos se iurabunt, cum eo maximè sint infecti, ebrijs illis simillimi qui tunc sibi maximè sapere, & animo constare, ac bellè omnia facere videntur. cum & lingua titubat, & pedes: ita gloriolæ vanæ sitientes, tunc se primum velut religiosissimos homines circumspiciunt, cum ex hoc multo probe

<sup>a</sup> Chrys. hom. 12. in ep. 2. ad Cor. <sup>b</sup> Thom. de Kemp. l. 3. c. 40. n. 4. & 6.

<sup>c</sup> Clim. grad. 21. de Cenod. <sup>d</sup> Eccl. c. 19. v. 1. <sup>e</sup> Aug. ep. 54. ad Aurel. episc. sin.



probè sunt appoti. Idcirco Chrysostomus: Intolerabilis, inquit, quædam ebrietas est, Inanis gloriâ, quicquid facit, aliorum tantum gratiâ facit. « Eâ de causâ Christus illud suum ATTENDITE, tam fidei præmonitione ingeminat, vt Inanem gloriâ, velut furem vaserrimum, & furandi peritissimum omni studio caueamus. Ergo, ATTENDITE. Omne bonum quod per concupiscentiam laudis ostenditur, occulti aduersarij iuri mancipatur, inquit Gregorius. <sup>b</sup> Spoliari vult, quisquis ab hominibus vult videri.

<sup>a</sup> Chrys. hom. 2. in Ioân, <sup>b</sup> Greg. l. 8. mor. c. 30.

## CAP. VI.

### ALIQVOT QVÆSTIONES SVPER RECTA INTENTIONE.

**D**Eo seruire, non tantum omnibus legibus, & omni rationi congruum, sed & nobilissimum ac optimum obsequium est in Orbe, & res prorsus necessaria obtinendo cælo. Illa verò solatij dulcedo quam multi sentiunt, qui Deo seruiunt, mel est è cælo, & res sanè pretiosa. Nihilominus Deo seruire ad emerendam hanc animi dulcedinem, exiguæ laudis est, & à sanctioris iudicij viris habita semper est hæc Intentio vitiosa. Adeo delicata res est INTENTIO PVRA, & sui ipsius amor nunquam non inimica, quacumque demum ratione is sese insinuet. Est autem sui ipsius amor omnium delectationum amicus, earum etiam quæ minimè profanæ censentur. Et quia DEVS sibi non temperat, quin suis fidelioribus seruis aliquid eiusmodi mellis è cælo stillet, amor proprius mox illud excipit, & ob hanc ipsam gustationem, in ampliора seruitia se offert. At hoc non est Deum quærere, sed seipsum, nec in donatis sed doni gratiam laborare. Quod quidem à vitio non penitus immune censetur, neque enim aliud est, quàm si seruus aut ancilla operam suam locet cauponi, quod speret seu honorarios seu furtiuos caliculos, & crebriores dominicæ cenæ reliquias: aut si quis in seruitutem se tradat pharmacopæo, aut dulciario, aut cupediario ob mellita crustula sæpius lambenda. Hoc amor sui ipsius tam occultè agit, est enim subtilissimus artifex, vt aliquando seriùs, ab industrio etiam homine deprehendatur tam tecta impostura. Deprehendi tamen potest, & tunc maximè cum preces & labores, cum quicquid virtutis est, ideò in fastidio esse incipit, quia mel illud deficit. Atque si talem interroges, cur non oras, cur non laboras,

sicut

sicut nuper feceras? respondebit: non sapit, nauseo, inanimæna res est oratio, tædet laboris. Verùm qui Intentionis est sinceræ, his minimè mouetur: etsi eum laboris tædeat, laborare tamen sustinet, etsi orationem fastidiat, orare tamen non desinit: etsi molestiæ cumulentur, eas tamen tolerat, neque enim Deo seruit propter cælum, sed propter Deum. Et hoc puræ atque sinceræ Intentionis proprium est, quod enucleatius videtur exponendum, ideò nunc aliquot super hoc ipso quæstiunculas ponemus.

## I. QVÆSTIVNCVLA.

Quid minus aut facilius posset à nobis exigere Deus, quàm hoc ipsum, rectam Intentionem? Nimirum id à nobis postulat quod nullus hominum cuiuscunque statûs, ordinis, sexûs, quantumcunque æger & pauper sit, negare possit. Quid creditor minus exigat à suo debitore, quàm hoc ipsum, velle serio satisfacere? hoc ipsum poscit à nobis Deus: vis soluere quod debes? iam partem maximam soluisti, nam apud me etiam velle, est facere. Et cui non concessum est VELLE? hoc voluntatis ærarium ægerrimus ac pauperissimus, hoc afflictissimus quisque penes se habet. Iure olim Deus contra illos queritur, qui vel lenissimum imperium detrectabant: Mandatum hoc, inquit, quod ego præcipio tibi hodie, non supra te est, neque procul positum, nec in cælo situm, vt possis dicere: quis nostrum valet ad cælum ascendere, vt deferat illud ad nos, vt audiamus atque opere compleamur? Neque trans mare positum, vt causseris & dicas: quis è nobis poterit transfretare mare, & illud ad nos vsque deferre, vt possimus audire & facere, quod præceptum est: sed iuxta te est sermo valde, in ore tuo, & in corde tuo, vt facias illum. Idem prorsus de rectâ Intentione dici potest, *iuxta te est valde*. Intentio illa, *in ore tuo & in corde tuo*, quid autem tibi propinquius quàm os & cor tuum? Pauperem vestire nequis: da duos obolos; adde desiderium ingens & serium omnibus egenis propter Deum opitulandi; & en pauperem vestiisti. Orationes prolixas fundere, tuarum virium non est: fac quod potes, sed adde affectum validum, semper laudandi Deum: & en prolixissimè orasti. Huius rei testem locupletissimum tibi sisto Chrysostomum, qui disertè hoc confirmans: Non parantur, inquit, hæc sumptu, non labore, non sudore: sufficit velle, & confecta sunt omnia. <sup>b</sup>

ff

II. QVÆ



## II. QVÆSTIVNCVLA.

Num quis potest plures actiones bonas simul eodẽmque tempore exercere? Potest omnino, & leui operã, solã Intentione. Non omnibus quidem facile est, de vnã fidelĩa duos dealbare parietes: varium pulmentum eodem pultario simul coquere; diuersos colores ex eãdem conchã promere: At hoc bonæ Intentioni facillimum est, non duobus tantum parietibus, sed decem, opus albarium superinducere ex eodem vase. Vtilissimum prorsus est, ad operis initium plures sibi fines seu Intentiones præstitui. In exemplum sit hoc. Ad rem diuinam, & ad sacrum eo. 1. Ex obedientiã in Dominum meum, quem ex officio comitari debeo, vt Aulica Nobilitas suum principem. 2. Obsequium meum volo sincerum sit, non enim deducam tantum Dominum, vt aliquorum mos est, qui post primum ingressum templi, mox se subducunt, ad finem præsentis se sistunt Domino, tanquam si semper adfuissent: talem ego hypocritam non agam. 3. Ex obedientiã in Ecclesiam, cui hoc Dominicus & Festis diebus debeo. 4. E grato animo in Deum, vt illi gratias agam ob accepta tot beneficia. 5. Cum hodie cælum rigeat, & tempestas perfrigida sit, patientiam exercebo. 6. Cum non desint qui me pessimè oderint, pro his inimicis meis Numen seriò deprecabor. 7. Fidam Deo; haberem equidem abundè quod domi agerem, sed Deus hanc à domo absentiam occulto fenore pensabit. En tibi septenas Intentiones, seu, septem virtutis actus, duplicis Obedientiæ, Sinceritatis, Grati animi, Patientiæ, Charitatis, Fidei in Deum. Addi possent totidem alij: Hoc nimirum est, Virgula fumi ex aromatibus myrrhæ & thuris, & vniuersi pulueris pigmentarij. At dicas: Mihi difficile nimis est tot actus multiplicare, & vno quasi halitu tam multa intendere animo. Hoc ergo consilij tibi do, mi homo, vnã atque vnicam Dei voluntatem animo tuo amplectere, & quicquid agas, hoc semper præmittas: *Propter te Domine*, & hoc, & illud, & istud, & omnia faciam: propter te Domine, tuo honori, tuæ voluntati, tibi sit quicquid demum à me fit.

Qui tamen æmulari vult illos Deo familiares viros, ducem habet qui viam inonstret, ad sublimiorem hanc sapientiam. Sanctissimus rex Dauid, in suis actionibus & tam immensi populi gubernatione, plures indubiè sanctas Intentiones iungebat, nam quos suæ fidei & sceptro commissos suscepit, *parit eos in innocentia cordis sui, & in intellectibus manuum suarum deduxit eos.* b Quid hoc? nunquid & manibus

manibus est intellectus? Etiam plures, sed tales quos David suis manibus inferebat. Vtique sapientissimus, optimus rex in suis actibus, quos ille manus nominat, præstantissimos diuersi generis affectus in Deum copulabat. Quid sacra regis huius carmina sunt aliud, quàm nobilissimorum affectuum medulla, seu, thesaurus sanctissimarum Intentionum? quid frequentius suspirauerit rex David, quàm hoc ipsum: O si tibi placeam Domine: populum mihi commissum rectè gubernem: cultum tuum vndique terrarum augeam: Vtinam, mi Deus, te nunquam non laudem: Vtinam omnia membra mea linguæ fiant decantandis tuis laudibus. Exultabunt labia mea cùm cantauero tibi. *a* Misericordias Domini in æternum cantabo. *b* Etiam impios docere non recuso, vt redeant ad te, ô mi Deus. Vilissimus sim & abiectissimus, modò sim in tuâ domo, mi Domine. Malè sit, malè hostibus Dei, malè omnibus qui oderunt Deum: Bene seruis, bene amicis Dei, bene omnibus qui diligunt Deum. En præclarissimos piarum manuum intellectus! mille talia spirabat animus illius Hebræi monarchæ. Verè, *in intellectibus manuum suarum*, deduxit velut oues populum suum; innumeris bonis Intentionibus cælum fatigauit. Hæc illa pia vis est cælo cùm virtute inferenda. Cælum rapit, Deum expugnat, qui hoc modo, quoties ad cælum, ad Deum aspirat.

*a* Psal. 70. v. 23. *b* Psal. 88. v. 1.

### III. QVÆSTIUNCULA.

Quid rectam Intentionem plurimum vitiat? AMOR SVI. Verbo dicam: cùm quis omnia suauis meatu ad se deriuat, & hoc vnum animo agit: Mihi hoc placet, hoc mihi sapit, mihi hoc prodest, hoc meo bono, meo commodo, hoc ad meum sensum & habitum fit, hoc mihi iucundum & volupe, hoc demum me mihi reddit. Hic amor sui siluestris taurus est, fera pessima, quatuor cornibus arietat in rectam Intentionem. Cornu primum, honoris, titularum, laudis Auiditas, quæ hoc vnum magni æstimat, eminere, & præ alijs videri. Cornu alterum, Auiditas delectationis, quæ docet cibum potumque sumere, non tam necessitati quàm voluptati, neque mensam accumbere, vt sedetur fames, sed vt Gula propitiatur. idem in alijs corporis oblectationibus obseruat. Cornu tertium, Auiditas opum, quæ labores ingerit multos & graues, eo solum nomine, vt magis magisque intumescant inarsupia. Cornu quartum, Auiditas damni alieni, hæc multiplici fraude instructa, diest facie-



que quod alijs noceat, saltem quod molestiæ, quod offendiculo, quod nausæ sit: neque tamen semper apertâ molitione in aliorum perniciem laborat, nonnunquam enim tam commodè, tantòque circuitu peccat, vt nihil minus videatur velle, quàm eos quos odit, lædere. Asiduum & exitiabile Principibus malum, apud quo gratiosi, prætextu iuuandi aut monendi, satiant inuidiam, & interdum æmulos laudibus attollunt, vt maligna deinde inferentibus sit pronior fides. Ita *sui amor* cornuta bestia est, & omnem bonam Intentionem quadruplici hoc cornu ferit, ac deiicit, caueto. Pessimum veri affectus venenum est, sua cuique vtilitas.

Itaque *amor sui* hoc spectat, vt vbique in fagnâ sit; ipse se pascit, se curat, facitque quod ille olim, de quo Gellius memorat. Cùm quidam corpulentus ac nitidus equum haberet inacilentum ac strigofum, rogatus quid esset in causâ quod ipse longè curatior sit, quàm equus ipsius? respondit, mirum non debere videri, si equo suo esset habitior, quandoquidem ipse se curaret, equum Statius seruus. *a* Ita prorsus *Amor sui*, quicquid non suum putat, aut id alijs mandat, aut leuissimè curat: ad comoda sua sudare, hoc esse sui muneris putat. Certum: tantò miserius pessum it bona Intentio, quantò felicis *sui amor* inualescit.

*a* Gel. l. 4. Noct. Attic. c. 20. seu ult.

#### IV. QVÆSTIVNCVLA.

Cur in diuinis paginis tam multa æstimationis alioqui vilissimæ aded exaggerantur? vt incautior Arcæ tactus, ligna sabbato collecta, multitudo subditorum numerata, calix frigidæ porrectus, lasciuior feminæ aspectus, &c. Moses olim proclamans: Hæc autem sunt, inquit, quæ accipere debetis, aurum & argentum, & æs, hyacinthum, & purpuram, coccumque bis tinctum, & byssum, pilos caprarum, &c. *a* Inter munera censeretur aurum & argentum, nil miri. Sed quo pretio inter hæc sunt pili caprarum, donum prorsus ignobile? Etiamne Deo chara tam vilia & minuta? Quantilla res, pugillus farinæ & paullulum olei Eliæ obsequio impensum? *b* Quid duo illi numuli viduæ, num tantum postulabant elogium, quantum tulerunt? Sederat Christus & tanquam ad maximè serium spectaculum intentus, spectabat turbam quæ in sacrum gazophylacium ingentia munera iactabat. Inter tot opulentos vidua quædam paupercula plus non attulit quàm æra duo minuta, vnicum quadranteum, in hanc Dominus benignissimè pronuncians: *Verè dico vobis,*

*a* Exod. c. 25. v. 3. *b* 3. Reg. c. 17. v. 12.

inquit,

inquit, *quia vidua hæc pauper plus quàm omnes misit.* a Exiguum fuit quod illa muliercula in ærarium contulit, sed ampliùs non potuit: multòque gratus venit quod tam facili quàm quod plenâ manu dabatur. nam hæc munera non in rebus, sed in ipsâ benefaciendi voluntate consistunt. plurimum dat qui pauca etiam dat magnificè, & regum opes æquat animo, qui exiguum tribuit sed libenter: qui paupertatis suæ obliuiscitur, dum alienam respicit: qui accipere se putat beneficium cum largitur: qui dat tanquam non recepturus, qui occasionem quâ profit, & occupat & quærit, hic & ditissimus est, & liberalissimus, ob rectam Intentionem. Quid igitur, obsecro, adeò commendauit illos numulos, quid farinulam illam, quid caprarum pilos? vna atque vnica RECTA INTENTIO. hæc est quæ omnium penora, thesauros, æraria, quæ omnes Persicas gazas superet. Nil ditius Rectâ Intentione.

a Luc. c. 2, v. 3.

## V. QVÆSTIUNCULA.

Num quis dormire simul & precari potest? Equidem Seruator serio præcepto exigens: Quoniam, inquit, oportet semper orare & non deficere. a Ergone etiam dormientes orare possumus? Possumus, si velimus, idque hac ratione. Quietì præmittenda est oratio, & ipsa quies in Dei obsequium offerenda, eiusmodi ferè verbis: Cupio, mi Deus, vt, quoties hac nocte animam duxero, toties singulæ respirationes meæ te laudent, tanquam si semper illud pronunciem, Benedictus Deus in æternum, Benedictus Deus, Benedictus, &c. Aut: Cum tuo, mi bone Iesu, somno, quem tu in terrâ cepisti, iungo & meum, tibi quæ vnâ offero. Qui sic ad somnum se parat, semper orat.

Ludouicus Blossius huius rei mentionem faciens: Dominus, inquit, ad virginem Mechtildem dixit: Quando quis somnum capere vult, meditetur aliquid de me, aut mecum loquatur. Ita enim licet corpore dormiat, mente tamen vigilabit ad me. Etiam dormiturus quisque desideret, vt singulas respirationes, quas nocte illâ faciet, tanquam eximiam mei laudem suscipiam, & ego qui sanctis votis piæ amanti que animæ deesse non possum, in veritate desiderium eius implebo. b

Sanè non satis capere videmur quantum emolumenti adferat, sic omnia in diuinos honores reducere. Nullo non temporis momento lucrari possumus. Et quàm suaue hoc virtutis compendium

ff 3

est



est edendo etiam, bibendo ac dormiendo posse emereri cælum. Solâ profectò Intentione potest quis vno die plus promereri quàm alius quispiam toto anno. In vineam laboraturus serò venit, qui horâ diei penultimâ venit, non minùs tamen denarium accepit quàm qui à primo manè in serum vesperem sudarunt. Aliud est operam impendere prolixam, aliud intentam. Non tam spectat Deus, quamdiu quis laborarit, sed quàm bene.

Nec rarum est, vt facillimum quid factu & vilissimum, maioris sit pretij ob rectam Intentionem, quàm actio quæuis excellentissima, sed illâ Intentione destituta. Et cui non placeat ars, quæ ingeniosam discendi celeritatem doceat? Hæc est ars illa, *Recta Intentionis notitia*, hæc illa Midæ virgula est, quæ quicquid tangit, inaurat.

Hoc sanctum Ignatium Loiolam mouit, vt suis omnibus assiduam rectæ Intentionis studium altissimè voluerit impressum, hac ipsâ lege: *Omnes rectam habere Intentionem studeant: non solum circa Vita sua statum, Verum etiam circæ res omnes particulares; id semper in eis sincerè spectantes, Et seruiant Et placeant diuina bonitati propter Jesum, b*  
 a Matth. c. 20. v. 9. b Reg. 17. Summarij.

## VI. QUESTIVNCULA.

Quodnam opus Deo gratissimum? Si nos hac in re possimus æstimatores esse, censemus illud omnium præclarissimum, cui plurimum inest diuini amoris, seu, quod à feruentissimâ Intentione vni Deo placendi prouenit. Ludouicus Granata hac de re differens: illud opus, inquit, Deo gratissimum, quod solis eius oculis conspicuum, ei qui operatur nec vtilitati, nec honori, sed nec voluptati est, nisi hoc solo nomine, quòd Dei causa sit factum. Quantis sæpe desiderijs pectora sanctorum æstuant ampliandi diuini honoris, etsi decies, etsi centies impendenda sit vita. Hæc ipsa desideria tam ardentis in Deum affectus, inter maxima virtutû opera sunt recensenda.

Reperiuntur actores Comici, qui in gratiam vnici alicuius domini totam exhibent comœdiam; sed vnus ille liberalius lucar persoluit quàm aliorum spectatorum plurimi: Sic homo integerrimæ Intentionis quotidie diuinis obsequijs se offerens: Tuis, inquit, solis oculis, mi Domine, spectaculum edo, tibi spectatori actor sum, horis omnibus: aliorum spectantium oculos & aures penitus non curo: quicquid illi de me dixerint, senserint, susque deque habeo, modò tuis oculis, modò tuis me auribus probeam; omnes res posteriores pono, atque operam tibi do, tuum, mi Deus, honorem curo,

Priscis

Præcis celeberrimum erat: Alter alteri satis magnum est theatrum vir probus. Epicurus cum vni ex consortibus studiorum suorum scriberet: Hæc, inquit, ego non multis, sed tibi: satis enim magnum, alter alteri theatrum sumus. Homini probo nimis quam magnum theatrum est Deus: Deo quoque sat amplum theatrum est probæ Intentionis homo. qualia theatra fuerunt Deo vnicus Abraham, vnicus Paulus, qui sincerissimæ erant Intentionis.

a Senec. epist. 7. fine.

## VII. QUESTIVNCULA.

Quoties renouanda est recta Intentio: Sanctus Bernardus: Si quis diem, inquit, ita consumat, vt omnibus actionibus graue Dei odium misceat, peracto die quot gehennas promeruerint toties repetita flagitia? Contra verò si quis diem sic transigat, vt in cunctis actibus sincerum Dei amorem exerceat, quam altam in cælo sedem hic obtinuerit? est enim Deus pronior ad danda præmia, quam ad irroganda supplicia. Ita Bernardi consilium est, rectam Intentionem quam creberrimè de die instaurare, quod nos iam supra demonstrauimus.

Christus Matthæi ore: Qui recipit prophetam, inquit, in nomine prophetæ, mercedem prophetæ accipiet: & qui recipit iustum in nomine iusti, mercedem iusti accipiet. Non tantum hospitium concedi vult Christus, sed & certam Intentionem adiungi. Quid enim magni facis, si domum peregrino pandas, & obstruas cor? Ex quo colligere est, quam utile sit & necessariū cælestis lucrari auido, Intentionem bonam sæpius instaurare, nam tanti præmij non est hospitio prophetæ accepisse, quanti est optimâ Intentione id fecisse.

Quod si quis innouandæ Intentionis statim horam nosse cupiat, quinque præcipuè tempora de die obseruanda iudico. Primum est, post quietem, matutinum. Alterum, meridianum, ante mensam, & post illam. Tertium, ante preces, maxime verò sub re diuinâ. Quartum, ante labores & quæuis negotia. Quintum, ante somnum. Per hæc potissimum interualla diei, Animus suæ potestatis fiat, & ad seipsum sese recipiat, Conditorem suum velut respirans adoret, atque ita rectam Intentionem innouet. Nemo tam negotiosus est, quin id facillimè possit ac commodissimè: tribus solum vocalis hoc negotium omne perficitur. Faciles Deus habet aditus, nec vllum noctis aut diei momentum est, quo sui copiam neget. Itaque rectam Intentionem innouaturus, præsentem animo horum aliquid



dicat: Domine, propter te: Honori tuo Domine: In tuam gratiam: Ad tuam gloriam: Tuo nomine: Ob amorem in te: Tibi mi Deus, hoc feciam, hoc dicam, hoc perferam, tibi omnia. Incredibile dictu est, quàm hoc actiones nostras commendet, quàm & opulentet. Nullum enim merè naturale opus, vt Theologi loquuntur, meritorium est vitæ æternæ, qualia sunt, ieiunare solum valetudinis, laborare mercedis, deambulare sanitatis, edere, bibere vitæ duntaxat seruandæ causâ. Nisi hæc per Intentionem eant ad Deum, nihil sunt ad lucrandum cælum. Et hæc crebrius repetita Intentio, plurimis vitijs adiunctum intercludet, alioqui miserè in nos grassaturis. simul & vanitatem, quæ se rebus omnibus blandè insequat, fugabit vnico desiderio placendi Deo.

### VIII. QVÆSTIVNCVLA.

Quomodo è muscâ fiat elephas? Si peccata alioqui leuiora, Intentione fiant non remissè improbâ. Huius rei certissimus testis venator Esau, cui tantopere vitio vertitur, rufum pulmentum comedisse, tanquam si nescio quas Apicij delitias fuisset consecratus. Quid tandem mali est, lentis edulium ablutere, præsertim fame sic stimulante? At Esau velut venaticus canis tam auidè coctas lentas inuasit, vt gulâ dominante rationi locus non fuerit, vt propter puliculam ius primogeniti vendiderit, & quod turpius, vendidisse parui duxerit. Ita quorundam gula plus peccat in vilissimis cibis, quàm aliorum temperantia in exquisitissimis epulis: & quandoque plus superbix latet sub rudissimo panno, quàm sub auræ togâ. Animus & Intentio hîc spectatur, non ferculum aut tegumentum. Et quemadmodum maiori cum laude orat, qui breuius quidem sed tamen ardentius orat, quàm qui prolixissimas fundit preces, sed sine vllò igne: ita sæpe grauius peccat qui in rem cetera leuiorem, maiore tamen ardore impetûque fertur, quàm qui languidè, & velut aliud agens in culpæ societatem venit deteriore.

a Gen. c. 25, v. 34.

### IX. QVÆSTIVNCVLA.

Quotuplex emolumentum sit rectæ Intentionis? Sparsim, iam suprâ demonstratum, quàm Intentio recta sit cognoscentibus se iucunda, utilis, necessaria. Hoc loco breuiter & summatim septemplex emolumentum perconsendum venit.

Primum est: Deo hac ratione pro culpis satisfacimus. Poenas

&

& supplicia peccatis deberi non nescimus, & hæc vel olim certè dependenda; horum partem tollimus, quoties animum bonâ Intentione à rebus caducis quasi seducimus, & erigimus ad Deum.

Alterum: Magna virtutibus fit accessio, & ingens gratiæ incrementum, non tantum ab exercitijs pietatis, sed etiam à quotidiano vitæ tenore. Rectæ Intentionis homo nunquam frustra laborat, siue enim legat, scribat, audiat; siue vendat, emat, iter faciat, negotia tractet; siue comedat, bibat dormiat, quicquid denique rerum agat, modo Dei honorem, suum sibi finem in omnibus præstituat, quæstus semper facit honestissimos. Re verâ salutis initium, sincera Intentio.

Tertium; miram vim addit precibus recta Intentio. Hæc enim illa est suada conciliatrix, quæ Deum flectere scit, & in vota precantis deducere, Intentio recta non tantum orare nouit, sed & impetrare. Vique modò non petistis quidquam in nomine meo: Petite & accipietis. <sup>a</sup> Nerus orationis recta Intentio. Diligentiam suo iure virtutum omnium fecundissimam vocant; idem panè, aut amplius de rectâ Intentione meritò prædicauerim: Intentio recta virtutum omnium & fecundissima, & coram Deo facundissima.

Quartum, Intentio bona mirabili nexu hominem vnit cum Deo. Præclare de hoc Rusbrochius: Simplex Intentio ea est, inquit, quæ nihil spectat nisi Deum, & omnia in ordine ad Deum. Ipsa virtutum omnium finis, initium, decus, & ornamentum est. Ipsa fictionem, hypocrisin, & duplicitem omnem pellit: vires animæ dispersas in vnitatem spiritûs colligit & adiuuat, *ipsamque spiritum Deo adiungit*. Ipsa naturam pessum premit, atque proculcat, virtutesque omnes incolumes conseruat, & pacem, spem atque confidentiam in Deum, tam hîc quàm in die iudicij præstat. Quamobrem danda tibi opera est, vt in cunctis actionibus tuis illam retineas & colas. <sup>b</sup> Ingens thesaurus recta Intentio, & seriò volenti in exhaustus.

Quintum: Perpetuum gratiæ canalem à Deo deriuat ad hominem recta Intentio, idque tunc maxime apparet, cum toleranda sunt aduersa. Bonum aut malum corium in pluuijs potissimum se prodit; bonus aut malus homo in aduersis. quàm patiens & Dei obseruans est homo probus, tam impatiens, & Deo contumax est improbus. Eximiè hoc Augustinus declarans: Vnde, inquit, in



eâdem afflictione, mali Deum detestantur atque blasphemant: boni autem precantur & laudant. Tantum interest non qualia sed qualis quisque patiatur. Nam pari motu exagitatum & exhalat horribiliter cœnum, & suauiter fragrat vnguentum. \*

Sextum: Intentio recta in hostes pugnat stratagemate nunquam fallaci, semperque victoriam reportat. Dum in rupe Moses cælo extolleret manus, vicit Israël & Amalecitas fugauit memorabilissimâ victoriâ. Quamdiu Intentio ad Deum stat erecta, tamdiu nullis succumbit hostibus, inuincibilis, inexpugnabilis est: ubi lassata terram spectare incipit, mox vires amittit, & à suis hostibus triumphatur.

Non omiserim hîc, quod mirum videatur. Fit nonnunquam, ut duo litigent coram Iudice: quisquis suam agit causam, ille affirmat, negat iste, vterque suis certat legibus, vterque ius petit ab iudice: Si causam spectes, vterque vincere non potest: si Intentionem, vterque sæpius euadit victor, tunc scilicet cum neuter dolo malo controuersiam intendit, cum iustitiam damnantem neuter odisse vult, paratus litem perdere aut euincere, prout iustitiæ visum fuerit. Sic ambo vincunt, non causâ, sed Intentione, quæ in ambobus admodum laudabilis est.

Septimum: Intentio recta in rebus omnibus ingens solatium est, illâ præcipuè horâ quæ de annis omnibus fert sententiam. Equidem reor supremo vitæ tempore, nil moribundo fore iucundius, quàm omnia per vitam præteritam Intentione optimâ egisse. Securissimè profectò morietur, quisquis vixerit sincerissimè. Si enim bonus Deus tam liberalem munificentiam decreuit in singulas quantuncunque viles actiunculas, sibi tamen bonâ Intentione oblatas, quàm largis muneribus excipiet omnem vitam sibi semper sincerâ mente deuotam? \*

Sed quis horror & tremor occupabit miserum, cui conscientia omnem vitæ seriem pandet ex ordine, illudque flebili exaggeratione vociferabitur: Nec inter homines, nec cum Deo egisti sincerè: sæpe alios, teipsum semper turpissimè fefellisti: alius videri volebas, alius eras: honestatem verbis præferebas, non animo: quoties amicitiam gestu & ore mentiebaris, mentè capitalis hostis? quoties actionibus tuis pulcherrimam laruam induebas, ut eâ Intentionem improbam velares? mulsam & mera mella loquebaris, mens inuida nouaculam acuebat: variegatâ pauonis tunicâ te creberrimè ostentabas, animo miluum & vulturem fouebas, tam

pulchër foris, quàm turpis intus. Sed teipsum decepisti, non Deum cui patent omnia. Væ tibi, væ omnibus qui Intentione sæpius nullâ, frequenter non purâ, plerumque malâ, actiones suas non Deo, sed suo genio, sibi que offerunt, & perdunt.

Supremo die iudicij plurimis illud poterit opprobriari: Argentum tuum versum est in scoriam: Vinum tuum mistum est aquâ: *a* Equidem nitebant opera tua, velut purum putum argentum, sed quia tam frequentem malæ Intentionis misturam admisierunt, in argentum reprobum, imò in scoriam mutarunt. Quàm igitur assidue clamandum: Non nobis, Domine, non nobis, sed nomini tuo da gloriam. *b* Christi præceptum est: Sic luceat lux vestra coram hominibus, ut videant opera vestra bona & glorificent (non vos, sed) patrem vestrum qui in cælis est. *c* Ergo, *benedicite omnia opera Domini Domino, laudate & superexaltate eum in sæcula. d* Omnia omnino opera nostra, minima maxima benedicant Deo in æternum.

*a* Iſc. i. v. 22. *b* Psal. 113. v. 9. *c* Matth. c. 5. v. 17. *d* Dan. c. 3. v. 57.

## CAP. VII.

## E DICTIS CIRCA RECTAM INTEN-

TIONEM quæ consequantur: ubi uberius

zelus De-

## Temerario iudicio.

PLures sunt artium pulchræ quidem, & minimè plebeie, at quia nil faciunt ad farinam, aut lucrandum panem, idèd non magno ambitu frequentantur: quid prodest, aiunt, hæc scire, & esurire? Multa inter doctos, multa etiam in templis pro suggestu disputantur, de quibus illud verè pronuncies, *non est de pane lucrando*, imò, *non est de lucrando cælo*. Cui bono est, facundissimè temporum seriem percensere, quid iuuat stellarum numerum & ortus nosse, quid prodest orbium cælestium motiones scire, si nescias artem quæ te supra stellas euehat? Quàm multi poterint cælo, tametsi nunquam audierint dubitari, an consistat cælum, moueatur terra.

At verò ars hæc, quæ docet quâ ratione transianda sit omnium humanarum actionum AM VSSIS, ut maxime facit ad lucrandum panem, panem Angelorum, panem in regno Dei manducandum. *e*

De pecuniâ vetus est precativuncula, Et genus & formam regina

*e* Luc. c. 14. v. 15.

pecunia



pecunia donat. Vertamus, & rectiùs cantabimus. Et genus & formam regina Intentio donat. Intentio sincera rebus omnibus conciliat cæleste pretium; absque hac omnes etiam nobilissimæ actiones iacent inhonoræ & nullius pretij. Ad huius rectæ Intentionis ampliorem cognitionem necessarium prorsus est ostendere iam quid ei sit è dictis consequens. Itaque aliquot ordine consecutiones subiungam,

### I. CONSECVTIO.

Qui errat in Intentione, errat in omnibus. Res tota in aperto est, & mille testimonijs hoc vnū certius est: *Si autem oculus tuus fuerit nequam, totum corpus tuum tenebrosum erit,* a totum corpus, totum. Quid clariùs? Qui in itinere aberrat à viâ, quò plus progreditur, grauiùs errat: sic quò quid vehementiùs agitur, aut quò nobilior actio suscipitur, hoc peiùs fit, si bona Intentio desit. Omnibus actionibus nobilitatem impertitur Intentio: si hæc ignobilis sit, & carnem vel terrâ oleat, quî alijs dabit, quo ipsa caret? Qui tractat litteras tantum vt sciat, qui religionem ambit, ne panis desit: qui aulam sectatur, vt ditescat, vel extollatur, qui sacerdotium quærit, vt culinam inueniat: toto cælo aberrat: horum omnium quia nequam oculus est, totum corpus tenebrosum est. Rectè Gregorius: Lucerna itaque corporis est oculus, inquit, quia per radium bonæ Intentionis, merita illustrantur actionis. Et si oculus tuus simplex fuerit, totum corpus tuum lucidum erit. quia si rectè intendimus per simplicitatem cogitationis, bonum opus efficitur, etiam si minus bonum esse videatur. Et si oculus tuus nequam fuerit, totum corpus tuum tenebrosum erit: quia cum peruersâ Intentione quid vel rectum agitur, etsi splendere coram hominibus cernitur, apud examen tamen interni iudicis obscuratur. <sup>b</sup> Addit: Vide ergo, ne lumen quod in te est tenebræ sint. Si lumen quod in te est, tenebræ sunt, ipsæ tenebræ quantæ erunt? quia si hoc quod bene nos agere credimus, ex malâ Intentione fuscamus, quanta ipsa mala sunt, quæ mala esse, etiam cum agimus, non ignoramus. <sup>c</sup>

a Matth. c. 6. v. 23. b Greg. l. 28. mor. c. 6. (propiùs finem. c Ibid.

### II. CONSECVTIO.

Opus bonum bonâ Intentione omitti potest, sed malum fieri non potest. Thomas à Kempis: Pro nullâ, inquit, re mundi, & pro nullius hominis dilectione, aliquod malum est faciendum, sed pro utilitate tamen indigentis, opus bonum liberè aliquando intermittendum

mittendum est, aut etiam pro meliori mutandum. <sup>a</sup> Hic sæpe grauiter impingimus nec sentimus. Sunt quibusdam in dies singulos statæ precatiunculæ, sunt certæ, quas vocant deuotiones, his quandoque tam pertinaciter inhærent, vt fame sitique alios potius perire, quàm aliquid suæ consuetudinis intermittere velint. Hanc ego piæ malitiæ vocauerim, quâ sæpe ad infamiam laboramus: nullâ aliorum curâ tangimur, in nostram duntaxat rem sapimus: quicquid fiat alijs, nostra nobis semper potiora sunt: hic deuotiones, & precatiunculæ nostræ nemini cedunt. Sed quantò satius esset, charitati Christianæ, quàm pietati tam obstinatæ morem gerere, quantò maiore lucro hæc talia aut omitterentur, aut certè differrentur? Fuerunt plurimi inter priscos Ascetas obseruantissimi ieiuniorum, reperti tamen ex his, qui in gratiam hospitum sexies, aut septies possent prandere, & semper esurire. In rebus animi longè vilissimum est, vtilitates suas in tempore omittere; & sæpe maximum est commodum, nullam sui commodi rationem ducere. Optimè in rem Gregorius: Plerumque enim virtus, inquit, cum indiscretè tenetur, amittitur: cumque discretè intermittitur, plus tenetur. <sup>b</sup> Hinc aptè deducitur.

a Thom. de Kemp. l. i. c. 15. n. 1. b Greg. l. 23. mor. c. 6.

### III. CONSECVTIO.

Hoc purior est Intentio, quò quis minùs quærit seipsum, & hoc impurior quò quis magis rem suam sapit & agit. Abel primus & martyr, & virgo sacrificaturus Deo, optima quæque sacrificio destinavit, daturus meliora si potuisset. *Abel quoque obtulit de primogenitis gregis sui, & de adipibus eorum.* a Miram hic Abelis Deum in liberalitatem obseruans Chrysostomus: Non tantum, inquit, de ouibus, sed de primogenitis, de optimis & selectissimis obtulit, & ex his ipsis quod præstantissimum erat, selegit, *& de adipibus eorum* pinguisima quæque altari secreuit. Nil simile fecit Cainus, sed, *factum est autem post multos dies, et offerret Cain de fructibus terra munera Domino,* arborum fætus, & obuia quæque ad sacrificium rapuit. Itaque Abel quasi conuiuium instruxit Deo, Cain conuiuij epilogum poma, nuces, pira, agreste munus congescit. De hoc pulchrè Augustinus: Cain, inquit, non rectè diuisit, quia malè viuens, dedit Deo aliquid suum, sibi autem seipsum.

In Mose, Deuteronomium prædicat: Non caligauit oculus eius, nec dentes illius moti sunt. <sup>b</sup> Interpres vetus: Nube malitiæ, in-

a Gen. c. 4. v. 4. b Deut. c. 34. v. 7.

quit,



quit, intuitus piæ Intentionis à recto non deuiavit : Moſes enim Deum quæſiuit, non ſe. hinc Intentio illius tam pura & firma.

Bernardus illud de paſchatis agno præceptum explicans : Custodit Dominus, inquit, omnia oſſa eorum, « vnum ex his non conteretur, quia nunquam propositum cordis eorum, nunquam ſalubris Intentio conteritur, vt concuſpiſcentiæ titillanti detur aſſenſus. Intentionem igitur & propositum mentis eâ ſollicitudine custodiamus, fratres, quâ vitam animarum noſtrarum. Tantò igitur, ô Chriſtiane, ſincerior eſt tua Intentio, quantò minor tui ad teipſum affectio.

a Pſal. 33. v. 21.

#### IV. CONSECVTIO.

In rebus plurimis ſola Intentio, præmio aut ſupplicio afficitur. Nimirum cum deeſt facultas, mercedem accipit voluntas. In omni officio, magni æſtimatur dantis voluntas : promptè dedit, qui citò voluit ; plurimum contulit, qui plura non potuit. Sciebat Plato faſtidiri ſe à Dionyſio rege Siculo. Quapropter admitti petijt, & aures ſibi dari. Admiſſus, ſic ſari cœpit : Rex potentiſſime, num impunè ſineres abire, ſi quis Siciliam fuiſſet ingreſſus eo animo, vt grande tibi malum inferret, tametſi obiectis impedimentis mali nihil intuliſſet ? Ad hæc Dionyſius : Nequaquam, ô Plato, inquit, nam hoſtium non tantùm mala facinora, ſed & conſilia ac propoſita mala ſunt punienda. Hic Plato ſubiungens : Quodd ſi quis, inquit, veniſſet in Siciliam, Maieltatis tuæ honori, & bono, plurima facturum, impediretur autè non ſuâ culpâ, ſed occaſionis & fortunæ, num æquum foret, hunc talem ſine omni gratiâ, cum dedecore & ignominiâ dimittere ? Ecquis eſt iſte, ait Rex. Mox Plato : Æſchines, inquit, vir ſinceriſſimus, tam fidus Socratis amicus quàm vllus alius, & qui eos omnes, quibuſcum conſuevit, poſſit facere meliores. Hic plurimum maris enauigauit, commune acturus negotium, & alios quoque artis ſuæ facturum participes, hætenus tamen neglectus eſt. Brevis hæc peroratio ſic affectit Dionyſium regem, vt Platonem antea exoſum amare, Æſchinem lautè tractare cœperit. En etiam homines ſolam puniunt Intentionem, aut munerât, quantò magis Deus ? ſi voluntas prompta eſt, ſecundùm id quod habet, accepta eſt, non ſecundùm id quod non habet. b

Quantâ cum laude exaggerauit Deus illud Abrahami facinus illuſtriſ.

lustrissimum: Et non pepercisti vnigenito filio tuo propter me. <sup>a</sup> Tamen parentis gladius filium non attigit, non pilum ei læsit. Voluntate Abrahamus, filio non pepercit, animo illum iugulauit, Intentione iam sacrificauit. Hoc Deus in sacrificium perfectissimum acceptans, *Nunc*, inquit, *cognoui quod timeas Dominum.* <sup>b</sup> Tu non pepercisti ob meum iussu, ego autem peperci ei ob tuum obsequium: satis est mihi, Abrahame, te hoc voluisse, ideo non minus amplè remunerabo tuam Intentionem, quam remuneraturus fuisset tuum factum.

Noëmus vix Arcâ egressus mox aram struxit tumultuariam, & *collens de cunctis pecoribus & volucris mundis, obtulit holocausta super altare,* <sup>c</sup> certò sciens voluntatem bonam, animique Intentionem in his Deo plurimum probari. *Odoratusque est Dominus odorem suauitatis.* En etiam nidorem & fumum sacrificij gratissimum fecit Intentio. <sup>d</sup> Non æstimauit Deus aues aut quadrupedes, sed odorabatur in eis fragrantissimum quid, affectum Noëmi. Qualecunque, inquit Chrysostomus, nostrum sacrificium sit, siue oreinus, siue ieiunemus, siue eleemosynam deimus, hic illius sacrificij sit odor qui solus placet. Hoc sensu dixit Bernardus: Sola interdum bona voluntas sufficit, cetera non prosunt, si sola defuerit. Valet itaque Intentio ad meritum, actio ad exemplum. <sup>e</sup> Exemplo, quod dicimus, sic oculis subiiciamus. Videt quis mendicum miserrimum, ipse non diues, animo dolet huius vicem, suspicit cælum, agitque Deo gratias ob sibi concessa, & ô si, ait ipse secum, & huius mendici penuriam ex integro subleuare possem, quàm id facere hilariter! Hic talis, etiamsi nihil, aut exiguum quid det, mercedem tamen, ac si dedisset, recipiet.

Pari modo si æger, seriò & ardentè exoptet, & preces fundere, & inedia corpus affligere, aut alia pietatis opera exercere, ea tamen virium defectu præstare nequeat, non minus Deum sibi debitorem habebit, quàm si omnia illa quæ optarat facere, fecisset. modò animus cum Deo sic agat: Mi Deus, quàm ego in tuum honorem hoc libens facerem! sed tu scis Domine, id in meâ potestate non esse. hoc ergo desiderium & voluntatem meam in locum operis tibi submissimè offero.

Hinc Chrysostomus ingenti plurimorum solatio affirmans: Da, inquit, indigenti, si minus habueris, vel suspirium si profers, omne

<sup>a</sup> Gen. c. 22. v. 12. <sup>b</sup> Ibid. <sup>c</sup> Gen. c. 8. v. 20.

<sup>d</sup> Seu bonis affectus, quem cum Intentione subinde confundimus.

<sup>e</sup> Bern. l. de grat. & lib. arbitri.



omne tribuisti. nam in somnis ille oculus videt te dedisse quod habueras. <sup>a</sup> Hinc & Gregorius : Ante Dei oculos, inquit, nunquam est vacua manus à munere, si fuerit arca cordis repleta bonâ voluntate. <sup>b</sup> Ideò & à fortunis pauperrimi, & à morbis afflictissimi, tam opulenta & præclara possunt Deo ferre munera, quàm ditissimi atque sanissimi. Non hoc opum aut virium negotium est, voluntatis est, quæ si verè bona sit, & opes, & vires, & omnia exequat. Quo modo est disertus etiam qui tacet, fortis etiam qui compressis vel alligatis manibus : quo modo gubernator, etiam qui inficco est : ita & liberalis, & laboriosus, & obsequiosus est, qui vult tantum, nec habet huius voluntatis suæ vllum alium, quàm se testem. Regius psaltes : In me, inquit, sunt Deus vota tua quæ reddam laudationes tibi. <sup>c</sup> Et si, ô Deus, extra me non reperiam, quod aræ imponam, in ineipso tamen inuenio, quod tibi offeram : in memoriâ, in intelligentiâ, maximè verò in voluntate meâ reposita sunt, quæ tibi oblata, nunquam accepta non sunt.

Hæc omnia disertissimè confirmans Christus : Quicumque, inquit, potum dederit, vni ex minimis istis, calicem aquæ frigidæ, *tantum in nomine discipuli*, Amen dico vobis, *non perdet mercedem suam.* <sup>d</sup> Scio non esse omnium, hospitium præbere, & vitæ necessaria subministrare, ergo quod pauperrimis quibûsque in manu est, haustum frigidæ præbeat sitienti, *non perdet mercedem suam.* Ergo nemo per inopiam se excuset, quò minus ijs, qui Christi sunt, subueniat, cum ijs etiam beneficijs, quæ nullius sunt æstimationis, tam nobile sit promissum præmium, *non perdet mercedem suam.* Et ne quis sumptum lignorum in dandâ calidâ pro abluendis pedibus causari possit, det solum frigidam, nihilominus ob tam tenue & facile officium, ob rem etiam tantillam, *non perdet mercedem suam.* Non enim in hoc beneficij genere opulenta liberalitas, sed pia voluntas, & recta Intentio attenditur. Æstimat Deus opera magis è studio & conatu, quàm è rei magnitudine, magis ex affectu dantis, quàm è doni pretio. Hinc etiam minimum quid & vilissimum, in Christi honorem datum *non perdet mercedem suam.* In vilioribus istis frustra nos fatigari, pusillanimitatis nostræ cogitatio est, non intelligentium, quanti Deus faciat, beneficium etiam vilissimum, bonâ tamen Intentione collatum.

Hac de causâ Augustinus : Deus, inquit, coronat bonam voluntatem.

<sup>a</sup> Chryl. hom. 7. de poenit. ad finem. <sup>b</sup> Greg. hom. 5. in Euang.  
<sup>c</sup> Psal. 55. v. 12. <sup>d</sup> Matth. c. 10. v. 42. <sup>e</sup> Aug. in Ps. 105.

luntatem, quando non inuenit facultatem. <sup>a</sup> Eiusdem animi Bernardus dixit: Deus indubitanter tribuit bonæ voluntati, quod defuit facultati. Quid planius, quàm quod volumus, pro facto reputetur, ubi factum excludit necessitas. <sup>b</sup> Nec sine causâ Parthenius cætus beatissimæ Virginis Matris, menstruis schedis subscribi iubet, *Desiderium Martyrj*. Quisquis vult, fieri potest Intentione Martyr. Magni est utique, Deum animo sic affari: Quàm vellem, mi Deus, tibi è meo sanguine propinare purpureum poculum: paratus sum caput meum, & omnem vitam certæ morti obijcere, propter te. Profectò hic talis, cui non voluntas moriendi, sed facultas deest, *non perdet mercedem suam*, eamque amplissimam mercedem. Sæpius in magnis vel voluisse sat est.

At sunt homines ignaui quibus æterna hyems est in pectore, ex horum numero si qui aut leui tussiculâ tententur, aut caput sentiant grauati, aut si aura afflet strictior, voces tam pias usurpare solent: sacris hodie interesse non possumus, itaque manebimus domi, piè voluisse bonus Deus propriè fecisse munerabitur: cum deest facultas, sufficit voluntas. Eadem loquendi formulâ cum Auaritia, tum Pigritia multorum se solatur. Cum pauperes iuuantur: non possumus, aiunt, itaque voluisse inuare sat erit. Cum ieiunium tolerandum: valetudo impedit, non possumus ferre inediam: itaque dies esuriales, in nos nihil imperij sibi vendicent. Cum difficultas ardui operis, generosè perrumpenda: en, inquit, quis hoc possit? veniat ergo in locum operis Voluntas.

O ignauas pecudes non cælo natas! ô impiam hyemem expirantis animi! siccine vestram vobis inertiam purgare, & à re diuinâ pro libitu abesse, ceteraque ad arbitrium omittere licet? nihil hæc socordix vestræ patrocinantur. Aliud est, ô boni, difficulter & ægrè quid posse; aliud omnino non posse. Si ea omnia negemus nos posse, quæ difficulter possumus, quid tandem erit inter honesta & pulchra quæ nos posse fateamur? pleraque enim omnia difficilia, quæ pulchra. Istud igitur (*cum deest facultas, supplet voluntas*) causæ vestræ nil penitus fauet: possitis, modò velletis. Si, quicquid non facile fit, liberè omitti posset, quid demum honesti aut præclari vquam in opus exiret? habent hæc omnia suas quæque difficultates, quas qui fugit, præmium perdit. Pelecanus auis fluuiatilibus conchis se complet, easque stomachi calore concoctas remouit, eligitque ex his quæ sunt esculenta. Ita, ô torpidi Christiani, si quid



omne tribuisti. nam in somnis ille oculus videt te dedisse quod habueras. *a* Hinc & Gregorius: Ante Dei oculos, inquit, nunquam est vacua manus à munere, si fuerit arca cordis repleta bonâ voluntate. *b* Ideò & à fortunis pauperrimi, & à morbis afflictissimi, tam opulenta & præclara possunt Deo ferre munera, quàm ditissimi atque sanissimi. Non hoc opum aut virium negotium est, voluntatis est, quæ si verè bona sit, & opes, & vires, & omnia exequat. Quo modo est disertus etiam qui tacet, fortis etiam qui compressis vel alligatis manibus: quo modo gubernator, etiam qui inficco est: ita & liberalis, & laboriosus, & obsequiosus est, qui vult tantum, nec habet huius voluntatis suæ vllum alium, quàm se testem. Regius psalter: In me, inquit, sunt Deus vota tua quæ reddam laudationes tibi. *c* Et si, ô Deus, extra me non reperiam, quod aræ imponam, in meipso tamen inuenio, quod tibi offeram: in memoriâ, in intelligentiâ, maximè verò in voluntate meâ reposita sunt, quæ tibi oblata, nunquam accepta non sunt.

Hæc omnia disertissimè confirmans Christus: Quicumque, inquit, potum dederit, vni ex minimis istis, calicem aquæ frigidæ, *tantum in nomine discipuli*, Amen dico vobis, *non perdet mercedem suam.* *d* Scio non esse omnium, hospitium præbere, & vitæ necessaria subministrare, ergo quod pauperrimis quibûsque in manu est, haustum frigidæ præbeat sitienti, *non perdet mercedem suam.* Ergo nemo per inopiam se excuset, quò minùs ijs, qui Christi sunt, subueniat, cum ijs etiam beneficijs, quæ nullius sunt æstimationis, tam nobile sit promissum præmium, *non perdet mercedem suam.* Et ne quis sumptum lignorum in dandâ calidâ pro abluendis pedibus causari possit, det solum frigidam, nihilominus ob tam tenue & facile officium, ob rem etiam tantillam, *non perdet mercedem suam.* Non enim in hoc beneficij genere opulenta liberalitas, sed pia voluntas, & recta Intentio attenditur. Æstimat Deus opera magis è studio & conatu, quàm è rei magnitudine, magis ex affectu dantis, quàm è doni pretio. Hinc etiam minimum quid & vilissimum, in Christi honorem datum *non perdet mercedem suam.* In vilioribus istis frustra nos fatigari, pusillanimitatis nostræ cogitatio est, non intelligentium, quanti Deus faciat, beneficium etiam vilissimum, bonâ tamen Intentione collatum.

Hac de causâ Augustinus: Deus, inquit, coronat bonam voluntatem.

*a* Chryl. hom. 7. de poenit. ad finem.

*b* Greg. hom. 5. in Euang.

*c* Psal. 55. v. 12. *d* Matth. c. 10. v. 42.

*e* Aug. in Ps. 105.

luntatem, quando non inuenit facultatem. <sup>a</sup> Eiusdem animi Bernardus dixit: Deus indubitanter tribuit bonæ voluntati, quod defuit facultati. Quid planius, quàm quod volumus, pro facto reputetur, vbi factum excludit necessitas. <sup>b</sup> Nec sine causâ Parthenius cætus beatissimæ Virginis Matris, menstruis schedis subscribi iubet, *Desiderium Martyrij*. Quisquis vult, fieri potest Intentione Martyr. Magni est utique, Deum animo sic affari: Quàm vellein, mi Deus, tibi è meo sanguine propinare purpureum poculum: paratus sum caput meum, & omnem vitam certæ morti obijcere, propter te. Profectò hic talis, cui non voluntas moriendi, sed facultas deest, *non perdet mercedem suam*, eamque amplissimam mercedem. Sæpius in magnis vel voluisse sat est.

At sunt homines ignaui quibus æterna hyems est in pectore, ex horum numero si qui aut leui tussiculâ tententur, aut caput sentiant grauius, aut si aura afflet strictior, voces tam pias vsurpare solent: sacris hodie interesse non possumus, itaque manebimus domi, piè voluisse bonus Deus propriè fecisse munerabitur: cum deest facultas, sufficit voluntas. Eadem loquendi formulâ cum Auaritia, tum Pigrizia multorum se solatur. Cum pauperes iuuandi sunt: non possumus, aiunt, itaque voluisse inuare sat erit. Cum ieiunium tolerandum: valetudo impedit, non possumus ferre inedia: itaque dies esuriales, in nos nihil imperij sibi vendicent. Cum difficultas ardui operis, generosè perrumpenda: en, inquit, quis hoc possit? veniat ergo in locum operis Voluntas.

O ignauas pecudes non cælo natas! ô impiam hyemem expirantis animi! ficcine vestram vobis inertiam purgare, & à re diuinâ pro libitu abesse, ceteraque ad arbitrium omittere licet? nihil hæc locordix vestræ patrocinantur. Aliud est, ô boni, difficulter & ægrè quid posse; aliud omnino non posse. Si ea omnia negemus nos posse, quæ difficulter possumus, quid tandem erit inter honesta & pulchra quæ nos posse fateamur? pleraque enim omnia difficilia, quæ pulchra. Istud igitur (*cum deest facultas, supplet voluntas*) causæ vestræ nil penitus fauet: possetis, modò velletis. Si, quicquid non facile fit, liberè omitti posset, quid demum honesti aut præclari unquam in opus exiret? habent hæc omnia suas quæque difficultates, quas qui fugit, præmium perdit. Pelecanus auis fluuiatilibus conchis se complet, easque stomachi calore concoctas remouit, eligitque ex his quæ sunt esculenta. Ita, ô torpidi Christiani, si quid



difficultatis & laboris deuorare volueritis, etiam difficilia vos posse ab effectu comperietis. Qui nucleum esse vult, frangat nucem. Non detrectat pugnam, qui amat victoriam: non metuit plagas, nec certamen refugit, qui lauream appetit. Quod autem negatur posse, hoc saltem serio velle, sit promptum. Sed progrediendum.

## V. CONSECVTIO.

Summæ temeritatis est, vllum hominem iudicare, aut damnare sceleris, non aperti, cum Intentio quæ omnes vel absoluiatur, vel damnamur, soli Deo sit nota. Accersabatur olim Moses abbas, vt in fratrem qui deliquerat, sententiam diceret. Venit ergo, sed sacrum arenâ plenum humeris detulit. Rogatus quid illud spectaculi sibi vellet? Peccata, inquit, mea sunt, quæ nec nosse satis & vix ferre valeo: iam de alienis quomodo iudicauero?

Extremæ hoc prorsus audaciæ est, & vitium longè inuisissimum Deo, animi arcana rimari velle, & ipsas aliorum cogitationes ad tribunal rapere, ac sententiam in eas dicere. Tu quis es qui iudicas alienum seruum? Domino suo stat aut cadit. <sup>a</sup> Dominus illius, cor illius scrutatur: si Domino suo probeatur, quid tu hîc te ingeris? propter quod inexcusabilis es, ô homo, omnis qui iudicas, in quo enim iudicas alium, teipsum condemnas. Quot actiones ab omni æuo visæ sunt pessimæ, quæ tamen ob Intentionem, non tantum non malæ, sed & laude fuerunt dignissimæ. Ambrosius vir integerrimus lupanar ingressus est, sed vt sacros honores fugeret. Abraham eremita, vestem mutauit velut apostata, & solitudinem deseruit, sed vt rediret sanctior, sed vt neptem à flagitijs abstraheret: Pynuphius anachoreta ad Thaidem Alexandrinam diuertit, sed vt eam à Veneris cultu auerteret. Quotusquisque nostrum est, si illorum aliquem ad infames latebras contendente vidisset, qui non pessimè suspicatus, mox vt iudex profiluisset cum dicto: Videte hominem impurum, qui sub fornice lasciuas delicias quærit. Pronissimum nobis fuisset hoc iudicare, sed an non falsissimum fuisset hoc iudiciu? Ergo, Quicquid agant homines, Intentio iudicat omnes. Quod verè dixit Bernardus: Intentionis propositum culpas discernit, & merita. <sup>b</sup>

<sup>a</sup> ad Rom. c. 14. v. 4. <sup>b</sup> Bern. epist. 69. ad Guid. abb.

### §. I.

In diuinis paginis res hæc longè clarissima. Iacob Isaaci filius, ille Abrahamo dignissimus nepos, patrem maternis artificijs indu-

xit, fratrem spe amplissimâ fraudauit, & tamen faustissimam patris precationem impetrauit. Fuit utique Iacob Intentionis optimæ, qui & hoc quoque meruit elogium: *Iacob autem vir simplex. a*

Phinees duos homines vnâ confodit, nec tamen rotâ laceratus, aut in crucem actus est. facinus illius mirè Deo placuit: *Stetit Phinees, & placuit, & cessauit quassatio, & reputatum est ei ad iustitiam. b* Cain Abelem, David Goliathum & Vriam, Ioab Abnerum & Amasam, Herodes Magnus Ascalonita, Bethlehemiticos infantes, Herodes Antipas Ioannem Baptistam, Herodes Agrippa Iacobum, Petrus Ananiam & Sapphiram interfecerunt: mera homicidia & vel manu vel iussu facta, sed eorum Intentiones & causæ longè diuersissimæ. Eodem modo Apostolus vnus, & quatuor Reges illam dolentium vocem pronunciarunt, PECCA VI. Dixit hoc Pharaon, dixit & David, nec non & Saul hoc dixit, hoc idem prorsus & Manasses rex, & Iudas Iscariotes dixerunt, sed heu quàm non parî effectu! nam vtî dispares prorsus Intentiones erant, sic & effectus dissimillimi. Verissimum etiamnum illud: Quicquid agant homines, Intentio iudicat omnes.

Et quantæ actiones videri possent laudatissimæ nisi eas Intentio pessima vitaret. Illud Romani nominis insigne dedecus, Catilina, ab opere censi potuisset Apostolus, non ab Intentione. Æstus, frigoris, inedia, sitis patientissimus erat. Ista tolerabat, inquit Augustinus, vt immanissimas expleret cupiditates: Apostoli vt eas premerent, & dominantî rationi seruire cogerent. c. Stirps Herodiana huius rei specîmen præbuit luculentum. Herodes Ascalonita: *Vt & ego veniens, inquit, adorem eum.* venisset certè, sed pugionem cruentum retulisset. Herodes Antipas Baptistæ parricida, Christo, quem Pilatus transiniserat, viso lætatus est quidem, sed non vt Zachæus hanc ei lætitiâ curiositas creabat; prodigium expectabat. Herodes Agrippa interfecto Iacobi, concionatorem egit nam, *concionabatur ad eos. d* sed non vt populum erudiret, sed vt seipsum in ornatu regio spectandum proponeret, ideo in ipsâ cathedrâ ab Angelo interfectus est. Quicquid agant homines, Intentio iudicat omnes.

Cùm ergo Deus non tam opus attendat quàm operantis Intentionem, Intentio autem sciri nequeat nisi à solo Deo, nimium quàm audax & intolerabilis temeritas est, vilius hominis actiones, etsi pessimæ videantur, iudicare. Hoc enim facere, est perinde atque dicere: Ego cerno hominis istius cogitationes, ego Intentionem illius in-



tueor, ego Christus sum, ego renes & corda scrutor, ego sum Deus. Ex Orco hi tales iudices vociferantur: Nos insensati vitam illorum æstimabamus insaniam, & finem illorum sine honore: ecce quomodo computati sunt inter filios Dei, & inter sanctos sors illorum est. « Exteriora aspeximus, & ab his interiora iudicauimus, inde noster tam temerarius, tamque fatuus error. Iobus in grauissimis illis ærumnis mira prolocutus, nunc disputare cupiebat cum Deo, nunc peccata sua appendi, & examinari trutinâ, nunc scire se aiebat quod nihil impij gelsisset: eiusmodi verba malignâ interpretatione cognati exceperunt, nec aliter iudicarunt, quàm eum velut hominem flagitiosum iure merito puniri à Deo, qui tamen Deo fuerat charissimus. O iudices temerarij & improbi! Atque hi tales, vt probè noscantur, cùm in suis sint cæci, in alienis sunt oculatissimi; **monstro** similes. Domestica & è propinquo sua non vident; aliena, etiam remotissima, vsque ad ossium medullas scrutantur. Quin etiam vident in alio quæ nusquam sunt: solis suspicionibus in aliorum vitia defigunt oculos, in quorum laudibus carent oculis. Si quid tenebrarum est, vident, noctemque non rarè in alieno cælo inueniunt, in quo plena lux est, diem esse in densissimâ nocte suâ credunt. ita in nocte diem, noctem in die reperiunt, prodigioso vbi-que errore. minima in alijs vitia, apud illos maxima sunt; vitia sua, virtutes arbitrantur. quò fit vt in grauissimos errores labantur. nec mirum, oculos habent nequaquam simplices, sed in alienis inuidiâ ac odio, in suis amore sui grauidos. O non Areopagitarum, sed cæcum nimis iudicium!

*Cum in amicorum vitijs tam cernis acutum,*

*Cum tua peruideas oculis male lippus inuenis? b*

Errasti, & errabis hîc millies. Quicquid agant homines, Intentio iudicat omnes.

a Sap.c.5.v.4.& 5. b Horat.l.1.Sat.3.

## §. II.

At hæc iudicandi libido totum Orbem turpissimè infatuat: Verè dixit Chrysostomus: Non facîle reperies quemquam expertem huius erroris. Omnes homines vt thronum non conscendant, vt carnifices, vt fidiculas, ac compedes minime habeant, attamen & ipsi quoque eos quos peccare intelligunt, iudicant in colloquijs, in comunibus cœtibus, in conscientiæ calculo. « Et Augustinus: Maxima, inquit, pars generis humani, indiscreto iudicio ad reprehendendum

a Chryf. hom. 5. in c. 2. ad Roman. ante med.

hendendum prompta, & parata esse probatur. cùm tamen non ita velit ab alijs iudicari, quomodo vult alios iudicare.

Ita est prorsus: alteri alteros temerarijs iudicijs continuè flagellamus. Neque in ea tantùm, quæ mali speciem præ se ferunt, sententiam proferimus, sed in ea etiam quæ benignam interpretationem non tantùm admittunt, sed & exigunt, iniqui iudices sumus. Quantum Roma vetus in Fabio Maximo hallucinata est: tantum, nec minus in Minutio. In hoc temeritatem pro fortitudine, in illo prudentiam pro timiditate grauitè auersata est. vna tamen hora docuit, multitudinis esse proprium, nihil sapere, temerèque iudicare, vt vbi consilio est opus, euentum requirat. Sed omitto profana, quando sacris testibus abundamus.

Cùm Moses ex Æthiopiâ uxorem sibi accepisset, mox soror connubium hoc malè interpretata, fratrem mordaci iudicio perstrinxit. Neque sanctissimus rex Dauid suæ coniugis acerbissimum iudicium potuit euitare.

Si quis patrij moris ignarus aut libidinosus, vidisset Iacobum ad fontem Racheli ferentem osculum, de læsâ castitate haud dubiam hausisset suspensionem, aut Iacobum sibi similem, hoc est, libidinosum iudicasset. Quis Iuditham adeò comptâ in Assyrij ducis castra properantem intuitus, non simul pessiunè de illâ fuisset suspicatus?

Longè aliter Iosephus, ille beatissimæ Virginis castissimus sponsus. Vterum gestabat Domini mater, æterna Virgo, Iosephus quia coniugem suam Angelo similiorem norat quàm homini, in eam sententiam adduci non potuit, vt ab eâ quidquam contra coniugij fas actum crederet. ita rem omnem iudicio diuino commendabat. Et quamuis argumentum ab oculis validissimum mouendæ suspicioni vrgeret, huius tamen arcani iudex esse nequaquam sustinuit. Et verò Christus ipse, iam morti proximus, cùm immanissimum facinus illorum qui se crucifixerant, negare non posset, excusauit malitiam, & scelerum nefandam seriem, miti nomine appellauit ignorantiam.

Ita omnes verè Christiani, cùm factum non possunt, Intentionem excusant; cùm nec Intentio videtur excusabilis, sibi tamen iudicandi auctoritatem non sumunt, sed id omne, omnium iudici Christo transcribunt. Hi sanè norunt quàm verè dixerit religiosus ille scriptor: *b* In iudicando alios, homo frustra laborat, sapius errat, & leuiter peccat.



Narrat Anastasius Sinaita, fuisse hominem in cœnobio, veste quidem religiosum, moribus tamen minimè probatum, ut qui plurimum vitæ per otium & torporem exegit. Venit is ad extremamque vicinus morti, nihil tamen formidinis aut horroris ostendit. Sollicitus hoc habuit adstantes, qui malè metuebant homini, ne vitæ parum emendatæ clausulam apponeret non bonam. Itaque præsentium cordatior vnus: Mi frater, inquit, quantâ desidiâ hucusque vitam egeris non nescimus, & ideò miramur, vnde tibi hæc securitas tam periculosa: gemitus & lacrymas hoc sibi tempus poscit, non intempestiuam hanc lætitiā. Ad hæc moribundus: Ita est, Patres, nec ego nego, inquit, vitam traduxi turpi socordiâ, nec vllas iam virtutes numero. Verùm, hac ipsâ horâ, omnium noxarum mearum chirographum attulerunt ad me Angeli, & verò etiam interrogarunt, num meas esse agnoscerem? Quibus ego: Agnosco, inquam, & doleo. Vnicū tamen est, quod iudicem mihi promittat mitiorē. Ex quo monachum indui, nisi me fallat memoria, *Neminem unquam iudicauit, nec ullus iniuria meminisse soluit.* Obsecro igitur, mihi reo patrocinentur verba Domini dicentis: *Nolite iudicare, & non iudicabimini: dimitte & dimittetur tibi.* His auditis Angelis, peccatorum meorum chirographum lacerarunt. Hinc ego nunc hilaris & spei bonæ plenissimus, in Orbem aliū migrabo. Hæc ubi moribundus fractâ voce narrauit, extremum vitæ spiritum edidit placidissimè. Et ne meam hîc fidem appelles, Lector, en eam signatis tabulis exhibeo. « Tanti est, ô Christiani, tanti est vel vnicum hoc velle & posse, *NEMINEM IUDICARE.* Plurimum poterit apud iudicem Christum, quisquis poterit non iudicare apud se ipsum. Ergo, Nolite iudicare, & non iudicabimini. *Quisquis errare metuit, iudicare formidet.*

Sed quis est qui hos errores velit cauere? Precabatur olim Anna, & ardentes preces largissimis distinguebat lacrymis. Vidit hanc Heli sacerdos, & precantis os obseruans, atque temulentam ratus: Usquequo, ait, ebria eris; digere paullisper vinum quo mades. c Iniquissimo iudicio feriebat, suspiciosus hic senex, optimam feminam, quæ cum esset amaro animo, orauit ad Dominum flens largiter. Porro Anna loquebatur in corde suo, tantūque labia illius movebantur, & vox penitus non audiebatur. Hunc orantis habitum considerans sacerdos, iudicauit

a S. Anastasius in oratione de sacrâ synaxi. Baronius tom. 9. Ann. 599. n. 14.

b Luc. c. 6. v. 37. c 1. Reg. c. 1. v. 10. & seqq.

iudicauit illam probè appotam, vano labiorum motu demurmura-  
re verba. Tam falsum quàm temerarium iudicium; nec illo mi-  
nus tale quod sequitur.

Miserat Hebræus rex Dauid ad Ammonitarum Principem qui  
suo nomine dolerent obitum parentis nuper defuncti. Credidit il-  
le non officij causâ ad se missos, sed vt sua omnia explorarent. In  
hanc sententiam deductus, barbam ijs qui missi fuerant contra ius  
gentium abrasit, & vestes turpiter circumcidit. Temeritas ingens,  
& quæ non impunè illi celsit. Enimuerò legatis barbam ademit,  
sibi autem regnum. I, nunc, & optimæ mentis consilia pessimè  
interpretare. Pulchrè Gilbertus: Et praua Intentio, inquit, &  
peruersa interpretatio, vtraque malignatio est, vtraque fellea,  
vtraque falsa, nihil habens cum columbarum naturâ commune.  
Oculi columbarum sunt, qui nec falli volunt, nec fallere norunt.<sup>a</sup>

At Christus ipse, actionum nostrarum omnium multò excel-  
lentissimum exemplar, heu quàm crebra, quàm & iniqua subiit  
iudicia! Pharisei captatores acerrimi, censores impudentissimi,  
nequissimi iudices assidue in speculâ excubabant, si quid fortè in  
verbis factisque Domini deprehenderent, quod inuido dente lace-  
rarent. Seipsum subinde non vocatum ad cenas inuitabat Serua-  
tor: mox è suâ speculâ proclamabant Pharisei: Ecce vobis pro-  
phetam, vini amantem, comessatorem, mensarum assecclam. Cum  
Dominus nobilissimam illam de pastore & ouibus dissertationem  
institueret, multi auditorum non verebantur dicere: *Demonium*  
*habet, & insanit, quid eum auditis?* b Si cui Christus sabbato vale-  
tudinem restituisset: mox iterum è speculâ suâ prorumpebant  
Pharisei, &: En, clamabant, hic homo sabbatum audaciâ manife-  
stâ violat. Quicquid demum egisset aut dixisset Iesus, Pharisea  
gens quàm primum malignissimam interpretationem apponebat.  
Nec initiora iudicia in Domini discipulos ferebantur. cum fame  
adacti spicas vellerent, cum manus supersticiosè non lauarent, cum  
ieiunium non vt alij obseruarent, mox rigidâ censurâ notabantur:  
cum denique diuino spiritu afflati facundissimè simul & constantis-  
simè de Christo rediuuios perorarent, fuerunt qui nequissimâ crisi  
facundiam hanc cauillati dicerent: quid miramini? facundi calices  
hoc possunt: boni viri largius obbibentes immaduerunt inusto,  
hinc tam diserti.



Nemo est qui hæc temerariorum iudicum subsellia possit effugere. Si quis paullo lautiore vestitu incedat, mox eum ad iudicium raptamus, & more nostro quærimus: Vnde huic quæso tantum æris est, vt sic ad omnem pompam sese exornet: credibile, ipsum & dominum ipsius ex eodem viuere marsupio, & quod domino subtrahitur, in vestes expendi. Si quis tritior vestite contentus, curam omnem ad mores transferat; mox adsumus, & O hominem avarum, dicimus, nec sibi nec alijs bonum; vt numis parcat, vestitum obsoletum ac humilem probat. Si quis Confessionis & Communionis sacramenta plus alijs frequentet; mox eum censuræ & calumniæ sequuntur, nec desunt qui dicant: En simulatam sanctitatem, alijs non minus nequam est, sed alium fingit se esse quam sit. Si quis crebrius inediâ se maceret, mox sibi & notæ: En abstinentem Phariseum, vt laudetur esurit. Si quis fractis viribus & incommodâ valetudine ieiunium indictum non obseruet; mox iterum pessimæ voces, & nigrum theta: En hominem gulonem & ventri natum, qui ab vnius diei inediâ mortem metuit. Si quis solitudinis & silentij amantior, vitam cogitet religiosam, breui adest non vnus tantum, qui eum his vocibus lapidet: Otium sectatur iste, & bonos dies; labor ei sordere cœpit, aut desperatio illum ad hæc consilia protrusit. Si quis prauorum sodalium fugiens, moribus viuere sanctioribus conetur: hîc varij & inconditi clamores oriuntur; illi adulatorem, hypocritam isti, misanthropum alij nominant. Nemo tutus à volantibus his pugionibus, quibus multorum nomen turpiter configitur. Si quis cogitationibus suis immer sus transeat nec aperiat caput honoratori, illic proflit iudex, & En, exclamat, fastum hominis & grande supercilium! Si quis obuium amicum non salutet, aut duriusculum se faciat, in promptu est accusatio, & iudicium: En, vociferantur, quàm iste odium & hostilem animum non dissimulet, en quàm dedignetur nosse pauperes! Verè Augustinus: In homine, inquit, carnali tota regula intelligendi, est consuetudo cernendi. <sup>a</sup> Sanctus Cassius Narniensis Antistes, vultu fuit rubicundior, mox eum Totila sacerdotem potulentum iudicauit. Vt autem omnibus liqueret iudicij huius falsitas, Cassius in conspectu Totilæ famulum eiusdem à malo dæmone infessum, signo crucis liberauit. <sup>b</sup> Vitalium integerrimæ vitæ monachum lupanari egressum, colapho excepit homo temerarius.

<sup>a</sup> Aug. serm. 147. de temp. <sup>b</sup> Greg. l. 3. dial. c. 6.

merarius. at mox deformis æthiops colaphum illum liberaliter re-  
pendit, & ipse viri sancti percussor furijs agitantibus amens & spu-  
mans, tandem ad ipsum Vitalium perductus est. Vitalius omnem  
iniuriam sanctissimâ obliuione oblitterans, hominem ab impuro  
genio vindicauit. Interim alij curiosiores tugurium Vitalij lustran-  
tes, in chartâ reppererunt perscriptum: Viri Alexandrini, nolite  
ante tempus iudicare, quoadusque veniat Dominus. « O vocem  
in concionem omnium mortalium emittendam! Nolite iudicare,  
nolite, O viri Monacenses, viri Augustani, viri Ratisbonenses, &c.  
iudicare nolite.

Nihilominus, ah quoties, quàm temerè religiosorum homi-  
num cœtus & iudicantur & damnantur, tam superbix quàm aua-  
ritix, aliorumque vitiorum? Quò quis ore promptior & auda-  
cior, hoc seuerior in eos iudex decretoriam sententiam pronun-  
ciat inexorabilis; defensionem non admittit, rationes non audit,  
nemini nisi sibi aut sui similibus credit. Verè, Et nos in vitium  
credula turba sumus.

Hinc fulminatrices illæ iudicum voces: crux superbo huic Ie-  
suitæ; auarum illum Oeconomum ad leonem; ad scalas Gemo-  
nias improbum hunc monachum.

O mortales, quantum supplicij vobis imminet ab his iudicijs?  
Orbem pænæ totum ad interitum trahunt, & impudica Venus, &  
temeraria Crisis: illic incontinentiâ homines & libidine furunt,  
illic iudicij supercilio in alienos lapsus sæuiunt. Adeò vater est dia-  
bolus, vt quos velut sanctiores ad spurcam pecudum voluptatem  
pertrahere nequit, hos temerarij iudicij consuetudine facillimè  
irretit. Nemo ferè est qui alijs hac in re norit parcere. Quanti re-  
periuntur qui vbiuis locorum ceram miniatulam, tanquam omniû  
censores secum circumferant, & vbi demum quod displiceat vi-  
dent, audiuntque, mox miniatulâ illud insigniunt.

a Fusè. sed paullo aliter hoc narrat Leontius Neap. Cypror. episc.  
in vitâ S. Ioannis Eleemos. c. 35.

### §. V.

At dixeris: si quid narret fide dignissimus, si quid hisce meis  
oculis videam, si quid audiam his ipsis auribus meis, nihilomi-  
nus sententiam promere non audeam? Non audes, mi homo,  
nam & sic falli potes, & ante te falsi sunt hac ipsâ ratione innume-  
ri. Ad Pastorem presbyterum venit religiosorum quispiam, roga-  
uitque veniam sibi daret è cœnobio migrandi, nolle enim se cum



fratre illo qui tam malè audiret, diutius versari. Cui Pastor: Ne facile, inquit, malum credideris, quod audiuiſti. Ille contra è viri fidelissimi relatu id se accepisse, & ideo abitionem vrgere. Ad hæc optimè Pastor: Si, inquit, fidelis esset, nunquam id tibi dixisset. Sufurronum & detractorum nequitiam dextrè notauit. Sed licet quippiam ipse videris & audiueris, tu tamen (ni tui officij sit) iudex in visa & audita esse non poteris. Si ſapis, dices: Hoc esse factum, ſcio, quo id animo, quâ Intentione, quas ob cauſas, quibus impulsibus sit factum, nescio. Si tamen (quod fieri non potest) omnia tibi liquido forent percognita, tu nihilominus subſtringe iudicium, & Dorotheo <sup>a</sup> monente, dic apud teipsum: Heu mihi, quia ille hodie deliquit, ego forſan craſtinâ. ſtare mihi videor, cras forſitan caſurus & illum quidem forſ facti iam pœnituit, quod mihi de me polliceri ſanè non poſſum. Bernardus: Etiamſi, ait, perperam actû quid deprehendas, nec ſic iudices proximum, magis autem excuſa. Excusa Intentionem ſi opus non potes: puta ignorantiam, puta ſubreptionem, puta caſum. Quod ſi omnem omnino diſſimulationem rei certitudo recuſat, ſuade nihilominus ipſe tibi, & dicito apud remetiſſum: Vehemens fuit nimis tentatio. Quid de me illa feciſſet, ſi accepiffet in me ſimiliter poteſtatem? <sup>b</sup>

Lex Chriſtiana non tantûm imperat: noli furari, noli fornicari, ſed & noli iudicare. Qui manducat, non manducantem non ſpernat: & qui non manducat, manducantem non iudicet. <sup>c</sup> Mirum, ter mirum! nos miſelli ad abſtruſiſſimos angulos noſtri pectoris penetrare non poſſumus, & tamen parietes perfodere, atque aliena ſecreta ſcrutari tentamus; in noſtris marcente ac hebeti viſu ſumus, & vel cominus cæculant nobis oculi (nam *delicta quis intelligit?* <sup>d</sup>) Et tamen alieni pectoris penetralia eminus peruidere, & de ijs iudicium ferre aggredimur. Hîc ego cum Chryſoſtomo vociferor: Vitam tuam, ô homo, animaduerte, in tuam ipſius conſcientiam deſcende. Quid vides feſtucam in oculo fratris tui; & trabem in oculo tuo non vides? Aut quomodo dicis fratri tuo: ſine, eiſciam feſtucam de oculo tuo; & ecce trabs grandis, trabs ingens eſt in oculo tuo: Hypocrita eiſce primûm trabem de oculo tuo & tunc videbis eiſcere feſtucam de oculo fratris tui. <sup>e</sup> In quæ verba Chryſoſtomus: Qui tam acer, inquit, in alienis fuiſti, vt etiam exigua denotares, quemadmodum in tuis tam negligens extitiſti, vt etiam magna tranſcurreres. Velut ſi aliquis ſæuiſſimo hydrope, vel quo-

<sup>a</sup> Por. ſerm. 6. <sup>b</sup> Bern. ſerm. 40. in Cant. ſine.

<sup>c</sup> ad Rom. c. 14. v. 13. <sup>d</sup> Pſal. 18. v. 13. <sup>e</sup> Matth. c. 7. v. 3. & Luc. c. 6. v. 41.

libet in medicabili languore constrictus, hunc quidē etiam negligat, eum verò culpet, qui exiguum in aliquā corporis sui parte non curat tūmorem. Si verò in alium est propria peccata non cernere, duplex iam aut triplex malum est iudicare alios, & in suo oculo trabē absque dolore gestare. Verū ita nos solemus, hic mos noster est: dissimulare propria negligenter, & insultare impudenter alienis.

Quid agis, iudex temerarie? cū nec auribus tuis, sed neque tuis oculis tui dē possis credere; imō si vel Angelus ē cælo tibi narret quid alter fecerit, ne sic quidem semper sententiam in alterum dicere poteris, cū nec Angelus humani pectoris arcanum rimari queat. Solus Deus est, *Dominus scrutans corda & probans renes*. b huic vni omnium hominum Intentiones perspectæ sunt. Cū autem ab Intentione pendeat quā quisque nocens vel innocens sit, quæ hæc temeritas nostra est, suo Deum tribunali emouere, imō extrudere, & nosmet in eo reponere audaciā incredibili: quæ hæc, inquam ego, temeritas, & quā digna vlticibus flaminis, Dei partes usurpare, sententiam in quosuis liberrimē proferre? Hinc illa Iacobi Apostoli grauissima commonitio: Qui detrahit fratri, aut qui iudicat fratrem suum, detrahit legi, & iudicat legem. Tu autem quis es qui iudicas proximum? c

a Chrysostom. 5. orat. de prouid. & tom. 2. in c. 7. Matth. hom. 24. post init.

b Hier. c. 17. v. 10. c Iac. c. 4. v. 11. & 13.

### §. V I.

Tam autem fædum est hoc & graue quā commune ac vltimum flagitium. Totus Orbis laborat exitiali hac, sed suauipeste. Iucundum est & volupe plerisque omnibus, tam licente censurā quousvis notare. Ita vix vllum est vitium in hac vitā frequentius, nec in vllā vitæ parte densior existit humanæ mentis caligo, nusquam maior ignorantia. Nam incerta pro certis affirmamus, aut si certa sint, ad nos certē non pertinent; aut si pertineant, occulta pro manifestis iudicamus; aut si etiam manifesta sint, quo tamen animo ea facta sint, ignoramus, nihilominus tanquam perperam facta persequimur. Et ed sæpe audaciæ progredimur, vt ob vnicum proditorem Iudam omnes Apostolos, totum Christi collegium; ob aliquot malos Præsules, omnes Pontifices, & Episcopos; ob religiosos aliquot exleges, totos religiosorum cætus; ob aliquot improbæ vitæ sacerdotes, Clericos omnes & presbyteros; ob discordes aliquot coniuges, omnes matrimonio iunctos, ob infames aliquot virgines & viduas, omnem cælibem vitam; ob merca-



tores aliquot iniustos, omnia mercimonia; ob perditos aliquot ciues aut opifices, totam ciuitatem; ob paucos Senatores aut Consules non bonos, totum senatum; ob Principes aliquot, Reges, & Imperatores illaudatos, omnia magnatum fastigia, iniquissimâ temeritate damnemus. Heu nimium hîc audaces sumus, & plusquam dici potest, temerarij qui nostro iudicio æternum iudicem præuenire non formidamus. Veniet Christus, vt iudicetur Mundus: quisquis præuenit, non Christus, sed Antichristus est. Magistratus interpretes Dei sunt, neque illis, tanquam diuinis oraculis, de quoquam, nisi quod auctore Deo cognouerint, pronuntiare licet. Si aliter faciant, suisque affectibus seruiant, iudicium & ipsi seuerissimū subibunt. Hominibus vt hominibus iudicare vetitum.

Prohibuit Deus in priscâ lege, sacerdotem de leprâ iudicium ferre, ante diem septimum. Tantæ res moræ fuit in discernendo morbo, qui tamen oculis cernebatur: & quomodo permittet bonus hic Deus, vt alter alterius iudicet Intentionem, quæ nulli patet oculo nisi diuino.

Fæderis Arcam non violarunt Betsamitæ; sed paullò curiosius spectarunt. At suam hanc curiositatem, quæ leuissima poterat videri, aut etiam pia, supplicio tamen luerunt longè grauissimo. Nam è primoribus septuaginta, è plebe quinquaginta millia hominum vnâ strage perierunt. Quantò maius arcanum, obsecro, est Cor humanum, quàm arca illa lignea? Et tu tamen, quisquis es, temerariæ, hoc Dei archiuum non curioso tantum oculo, sed & improbo iudicio reuelare audes, & alijs etiam in spectaculum vel irrisum proponere?

Liberrimè hîc iuxta & verissimè Chrysostomus: Si nullum, inquit, peccatum à nobis aliud fuisset admissum, pro hoc solo gehennæ nos tradi, satis abundèque sufficeret. Quippe qui in aliorum delictis seueri & amarissimi iudices residemus, nostras autem trabes, oculis infixas proprijs non videmus: qui aliena, etiam minima sollicitè perscrutamur, & ad condemnandum ceteros, omne vitæ nostræ tempus absumimus: à quo vitio neque sæculi hominem, neque monachorum vllum facile inuenies liberum. Et quidem cum tanta sit in hoc posita comminatio, diuina enim sententia dicit: In quo iudicio iudicaueritis, etiam ipsi iudicabimini. Cum ergo mali huius pœna quidem tanta sit posita, libido verò aut voluptas, vt in ceteris solet peccatis, ex hoc nulla sumatur, omnes tamen festini ac præcipites huic sevitio subiugarunt, tanquam si stadium nobis

& certamen esset propositum, quis ad hoc malum prior omnium perueniret. \*

a Chrys. tom. 4. l. 1. de compunct. cordis. circa med.

## §. VII.

Ergo, quod præclarissimè Seneca monet, Tollenda ex animo suspicio & coniectura, fallacissima irritamenta: Ille me parum humane salutavit, ille inchoatum sermonem citò abruptit, ille ad cenam non vocavit, illius vultus averfior visus est. Nunquam deerit suspicioni argumentatio: simplicitate opus est, & benignâ rerum æstimatione. Nihil nisi quod in oculos incurret, manifestumque erit, credamus: & quoties suspicio nostra vana apparuerit, obiurgemus credulitatem, hæc enim castigatio consuetudinem efficiet non facile credendi. \* Addo nec temerè iudicandi. Porro ij qui de omnibus malè sentiunt, & quicquid egeris, vitio vertunt, non ab similes sunt cucurbitulæ medicæ, quæ edò tantùm facta est, ut impuriorem sanguinem eliciat: ita temerarij hi iudices, optima relinquunt intacta, si quid autem inter aliorum virtutes non laudandum, si quid in alijs pravi consilij latet, in lucem, ut putant, protrahunt; simul omnia vitiorum virtutumque nomina turpissimè confundunt: Demissi animi hominem, inertem aut simulatorem vocant; pie simplicem, fatuum; sobrium, nimis austerum; abstinentem, delirum; serium in delinquentes, crudelem: ingeniosæ quieti vacantem, ignavum appellant; providum, cunctatorem & timidum nominant; parcum avaritiæ notâ insigniunt; fortis & magnanimus illis contentiosus est; taciturnus pro illiterato habetur; modestus, inficeti nomine infamatur: Contra verò adulatorem pro amico venerantur, & adulationem, amicitiam interpretantur; temeritas ab ipso sub titulo fortitudinis laudatur; temulentia sub hilaritatis schemate commendatur; pro cauto timidus; prodigus pro liberali; sordidus & inhumanus pro parco & frugali accipitur; avarus industrij fert nomen; invidus & iracundus in magnanimorum societatem transeunt; ambitiosus & turgidus inter generosos censentur; fraudulentum prudentium, superbi constantium, garruli & lascivi affabilem titulos sortiuntur; cessatores otiosissimi, inter quietos, vel a Dij referuntur.

Susque deque omnia vertuntur his iudicijs tam temerarijs, qui magnam irrogamus Deo iniuriam, nam temerè nobis arrogamus quod ad solum Dei tribunal spectat. Et sicut in Reipublicæ da-



ninum inſigne cedat, ſi quiſque ſibi iudicis auctoritatem aſſignet  
 controuerſias inter ciues ortas ſuo calculo dirempturus; aut ſi pro  
 fani tribunalis iudex hominum ſacrorum cauſas vi ad ſe trahat  
 Sic temerarium prorſus eſt, Chriſti iudicis, ( cui ſoli perfectiſſi  
 mum, quo quæque animo ſiant ) officium ſibi minimè comiſſum  
 liberrimè uſurpare. *Vnus eſt Legislator & Iudex, qui poſſi perdere & ta  
 berare. Tu autem quis es, qui iudicas proximum? Tu domi tuæ cadaue  
 res, cui lacrimas tuas impendas & tamen domum alienam quæ  
 ris, ut in eâ mortuum deſleas. ô miſer,*

*I, nunc, & noctes diſce manere domi.*

Tuos prius deſle mortuos. Nox alta ignorantix te premit in cer  
 nendis rebus proprijs, & tu tibi diem polliceris in alienis?

Et quæ hæc audacia veſtra, ô Chriſtiani, *Nunquid faciem Dei*  
*quaſi laruam, accipitis, & pro Deo iudicare nitimini?* a Et quæ turpio  
 ſit temeritas, quàm abdiſſima illa, uti eſt Intentio, quæ nemin  
 vnquam præterquam ſuo Domino ſatis cognita eſſe poteſt, dijudi  
 care? *Quis enim hominum ſcit, quæ ſunt hominis, niſi ſpiritus hominis qui*  
*in ipſo eſt?* b Imò & ipſummet hominis ſpiritum multa prætereunt  
 quæ diuinus ſolùm ſpiritus nouit, cui omnia patent pectoris pene  
 tralia. *Homo & idet ea quæ parent, Dominus autem intuetur cor, c*

Rectiſſimè Franciſcus Aſſiſiâs Seraphicus, comitis ſui oculos in  
 alienam mentem audaciùs immiſſos ſic retraxit. Iter egit Franciſ  
 cus, & obuium habuit in viâ hominem vultu lurido, & ſeminu  
 dum. Ingemuit altum hoc aſpectu vir ſanctus, doluitque ſibi non  
 largiſſimam ſtipem ſuppeterere. At Franciſci comes: Quid, inquit  
 mœrore afficeris pater? egeat indumentis hic homo, at forſan con  
 cupiſcentijs abundat? Franciſcus ad hæc ſeriâ frontè: Itane frater  
 inquit, ſic tu de alijs iudicare? tuam illi veſtem quamprimùm da  
 ſed & abi, atque ad hominis genua ſupplicem te prouolue, ac di  
 ventram pete. Ita diſces in poſterum non tam temerè ferre iudici  
 um. Optimè factum: *Dominus intuetur cor, non homo.*

a Iob.c.13.v.8. b 1.Cor.c.2.v.11. c 1.Reg.c.16.v.7.

### §. VIII.

Cùm ergo humanus oculus ad hæc interiora minimè pertinga  
 is qui temerè iudicat, ultione non humanâ homines ſed diuinâ fla  
 gellat. Super quo queſtus Iob: *Quare, inquit, perſequimini me ſic*  
*Deus?* a Imò hæc ultio diuina non eſt, ſed eſt prorſus diabólica. Dia  
 bolus namque præcipiti iudicio Iobum incurſans: *Nunquid Iob, ut*  
*frustra timet Deum?* b En, re incognitâ ſuſpicio ac iudicium falſum

& iniquum. Quapropter Deus ipse ( quod Gregorius obseruat *a* ) quò nostram iudicandi promissimam temeritatem coërceret, in Sodomæas turpitudines & flagitia, non prius sententiam pronuntiare voluit, quàm vndequaque ad amulsum omnia explorasset. Ideò : *descendam*, inquit, *& videbo virum clamorem, qui venit ad me, opere compleuerunt : an non est ita, & sciam.* *b* Quà loquendi ratione declarauit Deus, se non relatu solo, aut leuibus coniecturis, sed rebus penitissimè perspectis in ius vocare.

At nos, non Dij, non Angeli, nec dum beati, sed homines vanissimi, tribunal hoc non modestè conscendimus, sed impudenter inuadimus & irruimus; si quis obftet, irrumpimus vi, & occupamus. Ita de occultis asseueranter, de incertis confidenter, de ambiguis indubitanter, de plurimis ad nos nihil spectantibus arroganter, de omnibus denique prauè & impiè iudicamus, cum mitissimi sumus, minimum suspicamur. At hæc ipsa suspicio, iudicium est, sed nonnihil dubium, & leuibus coniecturis nixum.

Hanc autem tam temerariam suspicandi ac iudicandi consuetudinem, ingentia sequuntur damna: Quisquis ita iudicas, persuasissimus sis, tibi grauius imminere iudicium, non ab hominibus tantum, sed à Deo. Vt enim peccata tua diligentius examinentur, ait Chrysostomus, legem prius ipse posuisti, seuerius de his quæ proximis peccauerat, iudicando. Fidelis hîc monitor etiam Bernardus: Ita clemens esto, inquit, in alienis delictis, sicut in tuis, nec quemquam districtius quàm te iudices: sic alios iudica, vt ipse iudicari cupis. Lex tua te constringit: iudicium quod alijs imponis, ipse portabis. *c* In quo iudicio iudicaueritis, iudicabimini. *d*

Pharisæus qui vnà cum Publicano templum subierat, & precando quasi certauerat, victus & damnatus est, non quò Deo pro beneficijs gratias egisset, sed quòd Publicanum temerè iudicasset, impium eum arbitratus quem pœnitentia iam expiauerat. Atquè vt præceps hoc iudicium ipsi Pharisæo plurimum, ita nihil Publicano nocuit. Sic sæpe, inquit Augustinus, *e* iudicandi temeritas nulli plus nocet quàm ipsi iudici. Pulchrè dixit abbas Pastor: Sunt qui linguam contineant & ore sileant, sed quia intus non tacent, & corde iudicant, ideò sine cessatione garriunt, sed neminem iuuant, & sibi plurimum obsunt. *f* Et fit frequenter vt in eadem incidamus ipsi, quæ prius damnaueramus in alijs, vt vel sic insania nostra discat erubescere.

*a* Greg. l. 19. mor. c. 14. *b* Gen. c. 18. v. 21. *c* Bern. de inter. domo. c. 45.

*d* Matth. c. 7. v. 1. *e* Aug. l. 2. de ser. Dom. in monte c. 6. *f* Pelag. lib. 10. n. 51.



erubescere. Ita senex ille Machetes (Cassiano memorante <sup>a</sup>) in seipsum questus: Reprehendi, aiebat, fratres meos in tribus, & in iisdem ipse grauiter deliqui.

Illud verò frequentissimum, vt, qui tam lyncetus iudex est in culpis alienis, in suis noctua sit & talpa. festuculam alieno inhaerentem oculo educit solertissimè, trabem è suo tantum abest vt eximat; vt nec quidem videat. Hic temerarij iudicij mos est, nemini parcere, obuium quemque censurâ perstringere, pessima quæque de alijs suspicari, omnium Intentiones rimari & examinare, seipsum penitus ignorare. Quod deplorans Gregorius: Stulti tantò intentius, inquit, de alijs iudicant, quantò sua profundius ignorant. <sup>b</sup> Siracides verissimè: Pes fatui facilis, inquit, in domum proximi. <sup>c</sup> quia suis neglectis, alienas ædes irruit & scrutatur.

Huc omnino spectat quod de comitijs Atheniensium, quispiam olim dixerat: Sapientes ac docti proponunt, indocti verò ac stulti iudicant & decernunt. Idem hîc fit: Homines modesti & prudentes plurima quidem obseruant, sed iudicium semper continent, & subtringunt; stolidi & temerarij pauca capiunt, & omnia continuo iudicant. Euidente hoc indicio, à fatuis facillimum est distinguere modestæ sapientiæ viros ac feminas. Et quemadmodum Apes cælo pluuiò, & sparsis per aërem nebulis, in aluearia conficiendo melli se recipiunt: ita homines bonæ mentis, & oris minimè venenati, in seipsos descendunt, secum ipsi habitant, & optimarum cogitationum mel faciunt, nec in apertum suo periculo euolant, cum in rebus humanis omnia plena nebularum cernant. Rectissimè prorsus: quid enim densioribus nebulis inuolutum quàm humani cordis Intentio: Sermones audimus, actiones cernimus. Intentiones latent, nec vllius Lyncis oculi ad illam vnquam penetraverint. Quicquid agant homines, Intentio iudicat omnes.

Ictericis, & ijs qui regio morbo laborant, omnia videntur esse cerei ac flauï coloris. huic sanando morbo chelidonium plantæ pedis supponitur. Noxa hæc iudiciariæ temeritatis, Icteros est animi quæ omnibus hoc morbo laborantibus, non suo, sed maligno colore omnia repræsentat. Qui sanari cupit, à pedibus suis, hoc est, à suis affectibus medendi ducat initium. Affectum in alios non morosum, non difficilem, non stomachosum, non odiosum, non inhumanum, non hostilem gerat: sed potiùs mitem, benignum, facilem, qui omnia molliore contegat interpretatione, qui vitium

oderit,

<sup>a</sup> Cass. l. 5. instit. c. 30. <sup>b</sup> Greg. l. 14. mor. c. 1. <sup>c</sup> Eccl. c. 21. v. 25.

oderit, non vitiosum, qui dicat: alia erit ipsius & melior Intentio quàm sit actio: sed errauerit, fors illum erroris iam poenituit? Nobilissimū hoc misericordiæ genus est, non tam dando multa, quàm nihil iudicando beneuolum se alteri præbere. Qui succum Ophiu-  
se Æthiopiciæ bibunt, serpentes à se & nescio quæ terrifica monstra putant videri? Qui superbix, ambitionis, inuidiæ aut odij succos hauserint, omnia quæ viderint & audiuerint, carpent & damnabunt, ipsos duntaxat mirabuntur & extollent, tam sibi ipsis pretiosi, vt dicere non vereantur: Non sum sicut ceteri hominum. Morbus hoc ipso pessimus, quod plerumque spernat remedia.

a Luc.c.18.v.19.

### §. IX.

Et hoc est quod diuinus Paulus grauissimè inculcat, hoc illud est quod acerrimè nos dehortatus: Itaque nolite, clamat, nolite ante tempus iudicare: quoadusque veniat Dominus, qui & illuminabit abscondita tenebrarū, & manifestabit consilia cordium. Quid iudicatis præproperi, lis etiamnum pendet, & rota est sub iudice. Adhuc dum secretissimā quæque consilia cordium in archiuo diuino latent, quod nulli hominum accessus; nondum dies dictus, necdum producti testes, aut peroratae causæ. Sed sit tempus dicendi iuris, non tamen hoc vestrum, sed Dei est, Deus *illuminabit abscondita tenebrarum*. Tantisper ergo, dum iudex omnium adsit, iudicia vestra continere.

Hoc idem Christus ipse, contentissimè vociferatur: Nolite iudicare, & non iudicabimini: nolite condemnare, & non condemnabimini: Dimittite & dimitemini. b Ergo, *Nolite iudicare*, nolite dicta factaue dubia sinistrè interpretari, vel delicta leuia exaggerare, vel crimina etsi certa diuulgare, vel calumnijs benefacta impetere, vel delinquentem desperatæ salutis proclamare, nam hoc temerè iudicandi vitium Phariseis est familiarissimum, qui sibimet omnia ignoscunt, nihil alijs: *Nolite iudicare*, nam quisquis in alios curiosus, seuerus, iniquus est censor, tales experietur censores & suæ vitæ, qualis ipse fuerit alienæ: *Nolite iudicare*, alioqui subeundum erit vobis apud Deum quoque iudicium exactum, seuerum, rigidum: *Nolite iudicare*, nam adeo benignus est Deus, vt vel hoc ipsum *Nolite iudicare* vestrum amplissimè remuneraturus sit: hoc vestrum erit præmium, *Non iudicabimini*: Vos orbis iudex non vt reos gehennæ damnandos, sed vt amicos cælo donandos humanissimè affabitur die omnium supremo.

h h

Ascetarum



Ascetarum aliquis, Iosephum abbatem interrogabat in hunc modum: Quid obsecro, mi Pater, faciam? stipein quam largiar, non habeo; tot molestias ægerrimè tolero, quid ergo mihi faciendum suades? Ad hæc Iosephus: Si horum, inquit, nihil possis facere, hoc age, & neminem iudica: multum fecit, quisquis hoc potuit. Sed quàm multi sunt, qui hoc, etsi facillimum, nolunt posse. In quos Chrysostomus merito excandescens, in illa Domini verba (Nolite iudicare) sic differit: Si ergo non per vnam, sed per omnes, ut ita dicam, vias, & per omnes aditus currimus, & festinamus occupare gehennæ ignes, & non solum pro his, quæ laboris aliquid & continentia videntur exigere, proni in ea ruimus, sed etiam pro ijs quæ leuia sunt, & neque necessitatis aliquid, neque illecebræ quidquam continent aut voluptatis, pari lineâ utrobique præuaricationis damnamur. Arguimur enim ex his facilibus & leuibus, quòd etiam in illis quæ videntur laboriosa esse, propriâ ignaviâ desidiaque delinquimus. Nam dic mihi, quid laboris habet, ut non iudices alium, neque peccata aliena discutias, neque condemnes proximum tuum? imò verò magis in discutiendo & perquirendo aliena commissa labor est, & iudicare de alterius mente, summa difficultas. Quis verò hoc audiens credere aliquando possit, quòd cum possimus sine labore seruare mandatum, laboramus, & nitimur, ut præuaricemur. Si per otium & negligentiam peccaremus, esset fortasse aliquid veniæ his qui laborare nequissent. Vbi verò laboratur ut peccetur, studiūque adhibetur & contentio, quatenus prætereat mandatum, quis est qui pro hoc malo veniam speret? Hoc enim est contendere aduersus eum qui præcepta dedit, & bellum legibus eius inferre. *b*

Ex hac Chrysostomi ratiocinatione liquet, illam iudicandi temeritatem eâ de causâ inter grauiora flagitia cenferi, quòd ea legem seruatu facillimam procaciter euertat. Quisquis à se illud vnicum, NOLO IUDICARE, impetrauit, iam obtemperauit legi. Quòd si te tanta iudicandi libido stimulat, audi obsecro eundem Chrysostomum optimè suadentem his verbis: Vis iudicare? tua iudica. Nemo te accusat, si teipsum condemnes: accusat autem si non iudices; accusat, si teipsum non arguas; accusat stuporis. Vides quempiam irasci, irritari, aut aliquid aliud facere graue & indignum? statim etiam tu quoque cogita, quæ sunt tua, & ita nec illum valde condemnabis, & à peccatorum onere te liberabis. Si

a Pelagius è Græco libell. 10. n. 57.

sic

b Chrysostom. 5. l. de compun& cordis circa med.

sic vitam nostram componamus, si eam sic exerceamus, si nos ipsos condemnemus, non multa fortè peccata admittemus, multa autem bona & præclara faciemus, si mites simus & modesti.

Hæc de iudicijs temerarijs necessario erant interferenda. Et præter certum, quò quis minus suam examinat Intentionem, tantò propius iudicat alienam, sed suo damno, quod plerunque tantò est gravius, quò minus sentitur.

a Chrys. hom. 21. sine in ep. ad Hebr.

## CAP. VIII.

*QVÆ SIT RECTÆ INTENTIO-  
nis Praxis.*

**M**athematicis figura rotunda omnium perfectissima est, cuius idem & principium, & finis est: Actiones hominis nobilissimæ sunt, quæ vno gaudent & principio, & fine, Deo, Deique honore. Qui tam puram & candidam mentis sinceritatem actionibus suis omnibus induit, nunquam non plurimum emeretur: & facillimum est huic tali, plus vno die promereri, quàm alius possit anno integro. Sanè oblata Deo, uti Saluianus loquitur, non pretio sed affectu placent. Hoc est quod egregiè Theologus ille dixit: Christianos non per verba, sed per aduerbia cælum adipisci cum non attendendum, ut actio bona sit, quàm ut bene fiat, neque enim ieiunare solum, aut orare, & eleemosynas dare, aut aliud præclari quippiam patrare, cælum obtinet, sed rectè ieiunare, bene orare, piè eleemosynas dare, omnia sanctè facere: duplici Eliæ spiritu; geminis bobus ad portandam Arcam; duobus pullis ad perficiendum sacrificium est opus, scilicet opere bono, & bonâ Intentione.

Ceterum restat exponere, id quod in rebus animi & salutis præcipuè spectandum, ut scilicet non tam laboremus, quàm ratione salubria monita capiamus, aut memoriæ tradamus, quàm quomodo audita in opus educamus, & sic ista discamus, ut quæ fuerunt verba, fiant opera, & ut institutionem probemus rebus.

Facere docet lex Christiana, non dicere. Ergo hoc iam agamus, & quomodo reipsâ actionibus diuersis, Intentio iungenda sit, exponamus.

hh 2

§. I.



## §. I.

*Ad auspiciū diei.*

Initium ergo sumamus à lucis exordio. Prima omnium cogitatio quouis die ad Deum eat. Præclare Laurentius Iustinianus: Prima vox, inquit, prima cogitatio, primus affectus diuinam resonet laudem, & illi se sincero corde committat. <sup>a</sup> Atque si de verbis agatur, hæc esse possunt.

*O mi amantissime Deus, totius diei huius actiones, ad gloriam & honorem tuum tibi offero, In nomine Patris, & Filij, & Spiritus sancti, Amen.*

Addi potest:

*O bone Iesu, per passionem tuam te rogo, ab omni prava Intentione, hac die me conserva.*

Nec aliud quàm hoc ipsum somni principium sit. Neque enim sine culpâ ignorare possumus, diabolum in hoc diei aut noctis confinio esse occupatissimum, quando hoc satagit veterator, vt hominem semisomnem pessimis cogitationibus suauiter præoccupet, & in eo vel inuidiæ, vel libidinis, vel impatientiæ semina spargat in totum diem plurimum valitura. Nouit Orciniana hæc vulpes, dimidium facti se habere, si tam industriè cœperit. Idcirco vigilandum tam ad diei principium, quàm ad finem, nam & noctem caco-dæmon ex voto habet, si noctis initium fecerit suum. His igitur temporibus potissimum, castissimis cogitationibus muniendum est pectus, ne illud hostis prius expugnasse sentiat, quàm obsedisse.

<sup>a</sup> Laur. Iust. l. de discipl. c. 10.

## §. II.

*Ad singulas horas.*

Vtilissimum prorsus exercitium est, & magni momenti, horis singulis se Deo Deique matri commendare, exitum vitæ cogitare, atque ita rectam Intentionem restaurare. Huic fini commodissimum, singulis horis Dominicam orationem, aut, Angeli salutationem recitare, illudque (Nunc, & in horâ mortis nostræ) affectu excitatiore pronunciare. Et quæ enim potest benignissimus Deus illi non optimum vitæ finem concedere, qui eum aliquot annis, omnibus horis petijt? Potest quidem Deus, neminis debitor, hoc ipsum æquissimè negare, si velit, tametsi quis mille annis nullâ non horâ id petijisset. Verùm, *Sentite de Domino in bonitate: a Pater Vester de celo dabit spiritum bonum petentibus se: b Omnia quæcunque petierimus in oratione credentes, accipiemus. c Ergo qui sibi quàm*

<sup>a</sup> Sap. c. 1. v. 1. <sup>b</sup> Luc. c. 11. v. 13. <sup>c</sup> Matth. c. 21. v. 22.

optimè

optimè consultum volet in nouissimâ vitæ horâ, id horis singulis à Deo Deique matre flagitet. Ad hanc vtilissimam pietatem promouendam Leo D. Pontifex Max. omnibus qui quot horis salutationem Angeli pronuntiarent, mille dierum indulgentias concessit. Paulus V. in eodem folio successor, Anno Christiano M. D C. XI. hoc ipsum confirmauit. « Rectissimè fecerit, qui ad priorem illam, tres precatiunculas istas adiunxerit »:

*Benedictus Deus in æternum.*

*Miserere mei Deus, secundum magnam misericordiam tuam.*

*O Dominus meus, & Deus meus, ego me tibi offero in omne tuum beneplacitum.*

Hæc ideò addenda, quia tunc maximè renouatur bonæ Intentionis studium, cum quis seipsum diuinæ voluntati quàm integerrimè committit. Ludouicus Blofius testatur, sanctam Gertrudem diuinitus eius rei admonitam, trecenties sexagies quinquies hæc verba pronuntiassè: *Non mea, sed tua voluntas fiat, ô amantissime Iesu.* b Hoc nemini non imitabile est, idque cum laude, vti præclare idem Blofius: Nulla, inquit, præstantior oratio est, quàm vt quis petat gratissimam Dei voluntatem, in se, & in omnibus alijs fieri. c

Cui tale nullum est exercitium, huic eunt horæ, & dies, huic hebdomades, & menses, & anni effluunt, quibus tamen rarissima Dei memoria est, vix vnquam & non nisi frigidè de Deo cogitatur, quod non tantum nõ Christianum, nec humanum, sed ferinum est.

Si quis autem omnes actiones suas, ad generalem Intentionem, velut ad regulam, cupiat dirigere, hanc ei formulam damus Intentionis optimæ.

*O mi amantissime Deus, ego me meaque omnia, ad sanctissimam voluntatem tuam in omnibus conformare vnicè desidero.*

Hæc vna, omnes bonas Intentiones complectitur, nec est quidquam homini ad veram tranquillitatem & felicitatem expeditius, quàm idem in omnibus velle quod Deus. Quisquis ad hunc apicem pertingit, supra omnes procellas est, & proximus cælo.

a Vide Trimegistum Christ. l. 2. c. 3. §. 2. b Blof. Monil. spirit. c. 11.

c In Instit. spirit. c. 3.

### §. III.

*Ante orationem, sacrum, examen conscientie, confessionem, communionem.*

ORÁTVRVS sic animo secum statuât. 1. Orabo vt Deum honorem, colam, & laudem. 2. Vt Deo placeam, & gratum ei sacrificium



ficium exhibeam, & sic in eius gratiâ me conseruem. 3. Vt Deo meo grtias agam, pro illius in me liberalitate, & beneficijs innumeris. 4. Vt satisficiam pro noxijs meis. 5. Vt animo & corpori necessaria impetrem; vires, valetudinem; animi lumen, mei ipsius notitiam. 6. Vt obtineam virtutis augmentum in hac vitâ, gloriæ in alterâ. 7. Vt voluntatem meam cum diuinâ magis magisque vniam. Perfunctoriè non orabit, qui ad orationem tam seriò se præparabit.

*Fuit sacerdos qui horarijs precibus has Intentiones  
sanè pias præfixerat.*

**Preces MATVTTINAS** dixit in honorem sanctissimæ Trinitatis, pro conuersione omnium in peccato letali existentium,

**LAVDES**, vt vocant, recitauit in honorem omnium sanctorum Angelorum, pro omnibus suis inimicis, & obrectatoribus.

**PRIMAM**, in honorem Christi Iesu ad columnam flagellati, pro suorum peccatorum veniâ, & virtute sibi maximè necessariâ impetrandâ.

**TERTIAM**, in honorem Christi Iesu spinis coronati, pro Regibus & Principibus Christianis omnibus.

**SEXTAM**, in honorem Christi Iesu eâ horâ crucifixi, pro omnibus eo die singulariter afflictis.

**NONAM**, in honorem Christi Iesu eâ horâ expirantis, pro omnibus eo die animam agentibus.

**VESPERAS**, in honorem beatissimæ Virginis Mariæ exanimem filium tunc complectentis, pro omnibus eo die defunctis.

**COMPLETORIUM**, in honorem omnium Sanctorum Cælitum, præcipuè tutelaris Angeli & Patroni, pro felici perseverantiâ in bene cœptis.

Nobilissimum hoc orationis condimentum est, si sint qui eo velint vtî seriâ imitatione, piâque consuetudine. Blossius sacerdoti hanc precatiunculam ante Canonicas preces dicendam suggerit:

*Domine IESV, ego pro tui honore humiliter obedire, & tibi fideliter seruire, teque purè laudare desidero, in vniõne illius perfectissimæ attentionis quâ tu patrem orasti & laudasti in terris: & quia sine te nihil possum, adiuna me gratiâ tuâ.*

**AUDITVRVS** sacrum, easdem quas Oraturus, Intentiones sibi proponere, sed & has addere poterit. 1. Sanctissimum hoc sacrificium, ô Deus, cum sacerdote tibi offero, vt tester te esse Deum, Dominum, Conditorem meum, cui omnia inæque totum debeo. 2. Vt particeps

particeps fiam tanti mysterij, in quo verum Christi corpus & sanguinem offerri firmissimè credo. 3. Vt pro viujs ac defunctis orem.

**EXAMINATURVS** conscientiam, hæc præmittat. 1. Rationes à conscientia meâ exigam, vt meipsum nosse discam. 2. Vt conscientia puritatem obtineam. 3. Vt tam crebros relapsus in pristinas noxas studiosius caueam. 4. Vt apud Deum in gratia maneam, & per hanc actiones meas illi commendem. 5. Vt confessioni faciendæ hac ratione me præparem. Qui diligit cordis munditiam, propter gratiam labiorum suorum habebit amicum regem.

**OBITVRVS** Confessionem, hæc sibi proponat. 1. Firmè statuo animum meum sacerdoti aperire integerrimè. 2. Meipsum accusando submissionem exercebo. 3. Cum Deo in gratiam redire cupio. 4. Turpi mole mearum sordium, & pœnis ob eas debitis liberari appeto. 5. Conscientia tranquillitatem, & ardentiorē spiritum in diuinis obsequijs obtinere desidero.

**PERCEPTVRVS** Eucharistiam, ad hæc animum intendat. 1. Diuinum epulum accedam, vt Dominicæ Passionis memoriam in meipso reuocem, iubente Domino: Hoc facite in meam commemorationem. 2. Vt Christo meo per amorem quàm arctissimè vniam. 3. Vt contra diaboli tentamenta, & insidias omnes meipsum muniam. 4. Vt Deo meo verè deuotissimus & subiectissimus fiam. 5. Vt omnigenam gratiam, omniumque virtutum, præsertim Humilitatis, Patientiæ, & Charitatis incrementum consequar.

a Prou. c. 22. v. 11. b Luc. c. 22. v. 19.

#### §. IV.

##### *Ante quaslibet virtutum actiones.*

**GRATIFICATURVS** gratiam alteri, præsertim non adeò bene merito, hæc apud animum suum voluat. 1. Huic homini, ô Deus, gratiam hanc præstabo pro singulari quo in te sum affectu, & vt te Dominum meum, qui in omnes etiam hostes benignissimus es, pro viribus imiter. 2. Vt ego maiorem apud te gratiam ineam, & post hanc vitam, ampliorem gloriam obtineam. 3. Vt tibi morem geram, qui mihi charitatem in alios, etiam inimicos, tantopere commendasti & præcepisti.

**DATURVS** stipem, hos sibi fines constituat. 1. Benignè faciam egenis, ad maiorem Dei gloriam, vt vniuersis illius beneficijs me gratum exhibeam. 2. Vt quod mihi fieri velim, id alijs faciam, & vt mendiculorum vilitati seruiam, eosque Christianâ charitate  
h h 4 complectar.



complectar. 3. Vt Orbis iudex æquissimus, mei quoque misereatur, quando ipsemet misericordibus promisit misericordiam. 4. Vt pro noxis meis satisfaciam. 5. Vt meritum ac præmium æternum, quantum in me, augeam.

Porro expedit summopere, vnam eandemque actionem pluribus ad Deum Intentionibus dirigere, hoc enim mirabile dat incrementum amoris diuino. Nam cum multiplicantur actus, augeatur habitus. At verò recta Intentio amoris actus est, igitur his actibus amoris multiplicatis, necesse est amor ipse mirifice augeatur. Vt autem rerum omnium quas Numinis honori agimus, plures Intentiones velut in parato habeamus, paradigma subiiciemus, ad quod omnes actiones alias licebit conformare. Hoc sit exemplo: Est qui extra legem & esuriales dies ieiunium velit seruare; vt autem istam à cibo abstinentioniam Deo reddat commendatiorem, hanc precatiunculam præmittet.

*O mi amantissime Deus, hoc ieiunium tibi offero. 1. Ad gloriam tuam, & ad Iesu Christi crucifixi honorem, in vntione omnium ieiuniorum, qua filius tuus Dominus noster, cum in deserto, tum alibi tolerauit. 2. Ita nunc resignare statui, ob amorem in te. 3. Et vt tibi grator fiam. 4. Dignorèsq; tibi gratias agam ob innumera tua in me beneficia. 5. Vt etiam maiorem gratiam & sublimiorem paradisi gloriam promerear. 6. Easque virtutes qua mihi in hac vita necessaria sunt, impetrem. 7. Vt pro peccatis meis penitentiam agam, panisque mihi perferendis me exonerem. 8. Vt immoderatam cibi & potus appetentiam refrenem. 9. Vt castitatem, statui meo conuenientem, illibatam conseruem. 10. Vt Christe Domini mei Gessigys insistam, qui, & mihi exemplo esset, ieiunauit.*

*O mi Deus, ego tibi hoc ieiunium, omnes afflictiones ac miseras meas, & quicquid animo & corpore passus aut passurus sum, simul etiam omnia omnino opera mea, tam cogitationes, quam dicta & facta tibi offero, ad tuum honorem, per merita Christi Iesu Domini mei, qui tecum viuus & regnat in secula seculorum, Amen*

Cum ab Ecclesiâ, confessario, aut alijs præceptum est ieiunium, decem superioribus illis, addi potest hæc vndecima Intentio,

*11. Vt obediám, & Ecclesiæ legibus satisfaciam.*

Sed & hæc duodecima.

*12. Vt hoc (illudue) beneficium, quod peto, à te impetrem.*

Eadem hæc oratiuncula, pauculis mutatis, præmitti potest quibuscunque alijs virtutum actionibus. Atque vt huius rei specimendamus: Est qui actum heroicum, quem vocant, actum generosum, difficilem, arduum velit exercere, & suam Deo castitatem afferere, hanc oratiunculam velut scutum obijciat;

a Matthæ. 5. v. 7.

O IESU

O IESU castissime, statuo cum tuâ gratiâ castitatem servare inuiolatam, omnibusque carnis inuitamentis pro virginitate repugnare. 1. Vt sanctissimo nomini supplus inde honoris accedat. 2. Vt ego tibi magis magisque placeam, & accuratius inseruiam. 3. Vt tot sanctissimarum virginum, tot aliorum castissimorum hominum, totque purissimorum Angelorum sanctissimâ societate gaudeam, & sic uberiori gratia me præparem. 4. Vt effrenes libidinis motus, & omnem carnis petulantiam retundam atque sic noxas priores eluam. 5. Vt præsum singulare, caeleste, æternum castius omnibus promissum obtineam.

Est porro, cui cum iracundis, peruicacibus, præfractis hominibus agendum sit, hic ergo vt Christianâ submissione & mansuetudine omnem verborum contumeliam possit concoquere, his sese intentionibus præmuniat, & precatiunculam opponat istam:

O IESU mitissime, ego iram & omnem verborum acerbisatem detestor, cupioque cum omnibus mansuetè & benignè agere. 1. Vt gloriam tuam amplificem. 2. Vt te magistrum meum miter, qui tuis discipulis omnibus hoc vnicè commendas: Discite à me quia mitis sum, & humilis corde. 3. Vt omnibus bono sim exemplo, neminem ledam, nec ullum ad iram aut impatientiam pronocem. 4. Vt in me ipso tranquillitatem animi, cum alijs amicitiam & pacem conseruem. 5. Vt extremâ vite horâ te indicem eo benigniorem experiar. 6. Vt te Dominum meum sponsorem ac debitorem habeam à quo mansuetis promissum: Beati mites, quoniam ipsi possidebunt terram, b beatam scilicet illam continentium. 7. Vt eò altius euchar in calo, libenter omnibus me submittam, cum sciam illud longè certissimum: Qui se humiliauerit, exaltabitur. c

Est qui tetricum, seuerum, rigidum habeat dominum, aut similem huic dominam, aut etiam plures non tam dominos quàm reges, siue humaniores tyrannos. Hic ergo vt generosâ obedientiâ hero superbo etiam & imperioso pareat: semetipsum adigit ad obsequelam, his intentionibus:

O mi Deus, voluntatem tibi meam offero, & constituo ijs omnibus quibus obligor, promptè, integrè, sincerè obsequi. 1. Vt dum homini obedienter seruiro, tuæ voluntati tuisque iussis obtemperem, nam noui à quo mihi dictum sit: Qui vos audit, me audit, & qui vos spernit, me spernit. d 2. Vt tot mala inimorigeris & rebellibus imminentia euitem, nam & illud, noui, quis dixerit: Omnis anima potestatibus sublimioribus subdita sit. non est enim potestas nisi à Deo. quæ autem sunt à Deo ordinata sunt. Itaque qui resistit potestati, Dei ordinationi resistit. qui autem resistunt,

h h 5 ipsi

a Matth. c. 11. v. 29. b Matth. c. 5. v. 4. c Matth. c. 23. v. 12,

d Luc. c. 10. v. 16.



ipſi ſibi damnationem acquirunt. *a* 3. Vt victoriâ mihi præſcriptâ meipſum triumphem, nam nec iſtam iuſſionem ignoro: Serui, ſubditi eſtote, in omni timore, dominis non tantum bonis & modestis, ſed etiam dyſcolis. hæc eſt enim gratia, ſi porpter Dei conſcientiam ſuſtinet quis triſtitias, patiens iniuſtè. *b* 4. Vt à veſtigijs Domini & Seruatoris mei non abeam, qui propter me, factus obediens uſque ad mortem, mortem autem crucis. *c* 5. Vt promiſſum ingens obedientiæ præmium adipiſcar, ſcio namque quanti Deus hanc vnam virtutem æſtimet, Melior eſt enim obedientia quàm victimæ. *d* Et: Vir obediens loquetur victoriam. *e* Tanti eſt Ludovico Bloſio, ſuam alterius voluntati ſubijcere, vt dixerit: Qui relictâ propriâ voluntate, facit humiliter ad honorem Dei, voluntatem alterius in re licitâ, magis Deo placet, quàm ſi multo tempore corpusculum ſuum pane & aquâ tantum ſuſtenteret, aſperſque flagellis cruciaret ex voluntate propriâ. Victoriâ loquetur vir obediens. Sed & illud addit Bloſius notatu digniſſimum, & quod rectæ Intentionis ſtudium mirificè commendat: Acceptius obſequium, inquit, homo præſtat Deo, quando à vano & non neceſſario viſu, auditu, olfactu, gultu vel tactu diſcretè abſtinet, voluntatem ſuam in huiusmodi rebus, putè propter Deum, mortificans, quàm ſi mortuos ad vitam temporariam reuocaret. *f*

Eſt qui carnem ſubinde ſentiat refractariam. vt ergo hanc beſtiam cicuret, & dicto faciat audientem, vario illam ſtratagemate adoritur: nunc cibo fraudat, nunc ſiti cruciat, nunc edulia præſtantiora vilibus emutat, nunc ad offertam ferculis inenſam eſurire docet; iam vigilijs torquet, iam flagris coërcet, iam laboribus vexat, iam moleſto itinere fatigat; modò ei veſtem ſetis horrentem iniicit, modò in rigidum cubile illam abiicit, modò alijs rigoribus exercet: vt hæc omnia & Deo grata, & animo ſint ſalutaria, harum Intentionum indiſtriâ ſeipſum extimulat:

Hanc pœnitentiæ myrrham è cruce tuâ collectam, mi bone Ieſu, tibi offero; hanc egomet mihi vim inferam. 1. Vt tuum honorem dilatem. 2. Vt meum in te amorem augeam. 3. Vt tuam in me beneuolentiam mihi magis deuinciam. 4. Vt tuis in me beneficijs maximis, continuis respondeam. 5. Vt improbam carnis rebellionem comprimam. 6. Vt ſclerum meorum pœnas, meipſo iudice & vindice, dependam. 7. Vt hac tam piâ vbeatorum ſedes expugnem.

*a* ad Rom. c. 13. v. 12. *b* 1. Pet. 2. v. 18. *c* ad Phil. c. 2. v. 9. *d* 1. Reg. c. 15. v. 22. *e* Prou. 21. v. 28. *f* Bloſ. in Tabellâ Spirit. mihi pag. 576. col. 2

mem. Ad hanc Seruatoris dictum me animat: Regnum cælorum in patitur, & violenti rapiunt illud. 4

a Matth. c. II. v. 12.

§. V.

*Ad labores aut etiam dolores rectè tolerandos.*

LABORATURVS, aut negotium suum quodcunque curaturus, nec animo verſet. 1. Hunc laborem meum, ô Deus, quem cum ura, impigrè, fideliter & accuratè obibo, tibi ad tuum honorem offero. 2. Vt vitam meam in obsequium tuum impendendam sustentem. 3. Vt ad obedientiam me exerceam ( si labor præscriptus sit aut imperatus. ) 4. Vt charitatem in alios demonstrem ( si labor alijs etiam profuturus sit. ) 5. Vt ad submissionem me excolum ( si opus sit abiectum, & ignobile. ) 6. Vt patientiam discam ( si labor molestus, difficilis, & incerti euentus sit. ) 7. Vt carnam otio & petulantia pronam, opere frangem & edomem.

Cùm aduersa ingruunt, cùm molestia, tædia, difficultates, afflictiones, anxietates fatigant, cùm quid obtingit graue & perperum, tunc maxime vigilet RECTA INTENTIO. Quando autem vix quisquam est qui non vel vnico die centenas habeat occasiones exercendæ patientiæ accuratissimè hoc agendum, vt eâ quæ par est Intentione cuncta perferantur. Plurimos reperias, qui & valetudinis, & facultatum, & famæ nominisque iacturam faciunt; ægri, inopes, contempti, sed quia nihil tranquillè, nihil patienter, nihil non repugnanter patiuntur, quia omnia non aliter ferunt, quam quod cogantur ferre, nunquam non impatientes & queruli, nec à nihil promerentur, nisi supplicia & pœnas, intolerantibus debitas. Nam quod illis Deus submittit in pharmacum, hoc illi mutant in venenum. Hic ergo negotium suum sedulò agat Intentio recta, vt quod ferendum est, cum lucro & quæstu nobili perferatur, statque è necessitate virtus.

Quotiescunque igitur res incommodæ & asperæ; graues, afflictæ, turbidæ sunt, qui lædi non vult, his Intentionibus se armet, 1. Hoc quicquid est, mi Deus, patienter tolerabo, vt ad tuam sanctissimam voluntatem, meam conformem, cùm certò sciam, hoc à te, meo bono, in me immissum esse. 2. Istud, mi Iesu, libenter perferam, cui amore, & vt tuis vestigijs, quæ mihi hanc viam signarunt, inhæream. 3. Aduersa omnia hilariter & excipiam, & patientiar.



tiar, vt priorem vitæ improbitatem luam, Dei fauorem, & gloriæ futuræ præmium augeam. Maximæ artis est, quælibet MALA BENEPATI posse. Sed & maximi lucri est erudita hæc patientia. Optimè Ludouicus Blosius: Etiam exigua molestia, inquit, propter Deum æquanimiter tolerata, incomparabiliter præstantior est, quàm sint multa & grandia bonorum operum exercitia. <sup>a</sup>

<sup>a</sup> Blos. in Instit. spirit. c. 8.

## §. VI.

*Ante statûs mutationem; ad sacerdotium, aut Religionis ingressum.*

Orta est quondam inter eruditos ac Religiosos viros quæstio, quis omnium Ordinum sit rigidissimus? Varij varia super eâ quæstione pronunciarunt: illi, S. Brunonis, hi, S. Francisci rigidos fratres, alij alios vitam maximè austera viueri censebant. Tandem vnus auditis omnium sententijs: Pace, inquit, vestrâ dixerim, viri: quâ de scientiâ non malè, quâ de experienciâ iudicastis pessimè: Non est in orbe Ordo magis adstrictorij rigoris, quàm sit matrimonium: Idque argumentis diuersis firmare ingressus est. Verissimè hic omnium videtur dixisse, si quidem non eâ quâ par est Intentione matrimonium ineatur. Qui aut Reginam pecuniam, aut Dominam Formam, aut Heram Nobilitatem tantum in coniugem adsciscit, miserijs sese implicat innumeris: Verè in ordinem hic sese redigit, sed rigidissimum: Vxorem ducit, Libertatem vendit. Ita solet Deus sæpissimè corruptam Intentionem punire (experientia loquitur) vt qui delicias, aut diuitias Intentione peruersâ quæsiit, rixas & dissensiones inueniat perpetuas. Heu quid æquè miserum est, quàm toties vel ab inuito confessionem hanc edi? Nec possum tecum viuere, nec sine te.

Hoc tale coniugium intestinis bellis afflictum, rectè dixeris viuum inferorum ectypon, *ubi nullus ordo, sed sempiternus horror inhabitat.* a Videte igitur qui coniugium cogitatis, vt illud Intentione quàm sanissimâ ordiamini. Non prosapiæ solum, neque solum formæ, aut pecuniæ nubendum est: optimi ac probissimi mores quærendi sunt. Imprimis illud curandum, ne impares iungantur. Hæc enim imparitas non potest non esse seminarium litigij. Ante omnia recta sit oportet vtriusque coniugis Intentio, ne Achab & Iezabel, sed vt Tobias & Sara, vt Ioachim & Susanna conueniant. *His namque qui coniugium ita suscipiunt, vt Deum à se & suâ mente excludant,*

*cludant, & sua libidini ita vacent, sicut equus & mulus, quibus non est intellectus, habet potestatem demonum super eos a* Ergo non antè in coniugium mutua eat consensio, quàm recta Intentio. Huius Intentionis formulam dat Tobias istam: Domine, tu scis quia non luxuriæ causâ accipio coniugem, sed solâ posteritatis dilectione, in quâ benedicatur nomen tuum in sæcula sæculorum. *b* Sed ad sacerdotes & homines religiosos me verto,

Hic gemitus velim & suspiria pro me loqui. Heu vereor, ne fortè sint qui in Sacerdotium veniant, non vt pium officium, sed vt largius alimentû inueniant, vt penum congerant, vt culinam instruant, vt cellam impleant. taceo peiora, quæ tamen obliquè suggerere solet Intentio praua, etiam tunc cùm ad honestissima tendimus. Verus sed æqua est querela de sacerdotibus. Dei loco clamat Malachias: *Quis est in vobis qui claudat ostia, & incendat altare meum gratis? non est mihi voluntas in vobis, dicit Dominus exercituum, & munus non suscipiam de manu vestra. c* Perinde si dixissem, quamuis ministrorum, meorum labores nolim esse sine stipendio quo se alant, nolo tamen eos officium suû, ob finem adeò vilem præcipuè facere. Obsequio meo cum primis studeant, commodum suum pro additamento habeant. Hinc liquet letalem esse noxam, diuinum officium, & huiusmodi munia, eâ præcipuè Intentione exequi, ne redditus annui censusque amittantur. Pari modo ad ingressum Religionis summe necessaria est sinceritas Intentionis. Ah, metuo ne forsân aliqui, etiam ad Religionem properent, non vt religiosè viuant, aut infra omnium vilitatem se abijciant, sed vt parentum aut cognatorum, auaritiæ non displiceant, vt dies quietos & suaues reperiant, vt tandem emergant, & inter ceteros emineant, vt in solium, eò alioqui nunquam peruenturi, conscendant: imò tam subdolæ nequitie est mala Intentio, vt nonnunquam per ipsam vitæ austeritatem delicias quærat, & illic indulgere velit genio, ubi omnes seruiunt Christo.

O Sacerdotes, ô Religiosi (vos appello quoscunque non sincera hic agit Intentio) hoc est toto cælo aberrare, & non in vno delinquere, sed in omnibus. Si vobis hac viâ libeat pergere, ad inferos rectà tenditis. Ergo aut semitam aliam insistite, aut Intentionem pessimam mutate. Hæc ire, & hoc animo, perire est.

Quisquis ergo sacerdotium aspirat, non suum, sed Dei honorem sincerâ Intentione quærat, non tondere oues aut deglubere velit, sed pascere, non meliorem victum, sed sanctiorem vitam cogitet.

Quisquis



Quisquis in religiosam familiam adscribi desiderat, in vnam atque vnicam Dei gloriam totus intendat, nec quidquam aliud precupiat, quàm Deo perfectiùs seruire, fortiter agendo, & sustinendo plurima. Cui non in voto est, quotidie multum perpeti pro Christo, ad Christi scholam ne veniat. Qui pati non vult, ineptus est discipulus in hoc lyceum. Abite, delicati, abite, abite: procul hinc impatientes & queruli; sed omnium primi hinc recedite superbi. Ex este religiosi, qui cathedras, qui clauēs, aut mitras quæritis. Omnia vitia odit Religio, sed ante omnia Superbiam, è quâ omnium vitiorum propago est. Angelos & diabolos cælum vnam non capiebat nec vnum cœnobium aut collegium Humiles & Superbos.

Nimia hæc morum discrepantia est; in veram societatem nunquam coalitura.

Igitur, ô Sacerdotes, ô Religiosi, videte, cauete; æternæ salutis negotium non cæco impetu aggrediendum est. Ad hæc sacra dux esse non potest nisi recta, sincera, puraque Intentio. Quisquis ad sacerdotiũ, quisquis ad religionem alio venit duce, vel comite, quàm bonâ Intentione, aut hinc ad pristina redibit, aut hinc certè interibit.

#### §. VII.

*Christi actionibus nostras esse iungendas.*

Incredibile dictum est quantum conferat in hoc bonæ Intentionis exercitio, suas Christi actionibus iungere, & sic eas diuino Patri offerre. Hortatus ad hoc Paulus: Omne, inquit; quodcunque facitis, in verbo aut in opere, omnia in nomine Domini nostri Iesu Christi. a Sanctissimè fecerit qui cum hoc auctario nobilissimo sua omnia diuinæ Maiestati obtulerit. In exemplum sint hæc paulula:

*O mi Deus, hunc ego laborem meum tibi offero, cum omnibus filiis tuis Domini mei laboribus.*

AVT.

*Illud quod ego patior, cum omnibus ijs, quæ in terrâ passus est filius tuus, tibi consacro.*

AVT.

*Hanc ego actionem, hanc orationem, hanc fatigationem meam ad filii tui actiones, orationes, & fatigationes sicut guttulam in mare deferens, appono, simulque tibi omnia immolo.*

AVT.

*Pater æternæ, hanc ego necessitatem, hanc miseriam, hoc grauamen, hoc impedimentum, hunc marorem, hos dolores, hanc tentationem, calamitatem*  
a ad Coloss. c. 3. v. 17.

*rem, tribulationem, unitam Passioni & arummi vnigeniti tui, tibi offero, ad eternam tuam gloriam.*

AVT.

*O mi amantissime Deus, ego me meaque omnia tibi offero, per vnicum filium tuum, ad omnium hominum salutem & laudem nominis tui eternam a*

Sic actiuncula nostræ etiam vilissimæ, sic miseriæ & calamitates nostræ vniuersæ, Christi actionibus, iniurijs, doloribus & cruciatibus coniunctæ summi pretij dignitatem induent, nec poterunt cælesti Patri non esse acceptæ. Hoc nil aliud est, quàm plumbi granulum in liquatum aurum immittere, & auream illi nobilitatem donare: aut aliquot aquæ guttulas in dolium generosissimo Palerno plenum spargere, & ad vini dignitatem attollere: sic & opera nostra ex se imperfecta, frigida, defectuum plena Christi operibus iuncta, pretium acquirunt maximum; ab vnione hac tam excellenti. hoc est enim vestibus Esau optimis induere Iacob. *b*

Hac de re præclarissimè Blossius: Consuescat, inquit, tam illa quæ agit, quàm ea quæ patitur, coniungere atque vnire operibus & doloribus Christi per orationem siue desiderium. Sic enim ipsa opera & grauamina, eius, quæ ex se vilia, obscura, atque imperfecta sunt, nobilissima, clarissima, Deoque gratissima erunt. Ineffabilem namque dignitatem ex meritis Christi, quibus vnientur, accipient. Et: Bona opera illius qui istud piè obseruat, excellunt incomparabiliter bona opera eius qui non obseruat. *c* Idem hoc ipsum in suo speculo confirmans: Si bona opera, inquit, & exercitia ma copulaueris vnierisque actibus & exercitijs Christi, atque ita obtuleris illa Deo in laudem æternam: erit sanè ista oblatio ipsi domino longè gratissima, & opera tua claritatem dignitatẽque ineffabilem recipient, ex actibus Christi quibus vnientur. Plumbum tuum (vt ita dicam) mutabitur in aurum optimum, & aqua tua in vinum excellentissimum. *d* Ita omnia Dominus familiarissimis amicis suis reuelare dignatus est, vt nos hac ratione opera nostra reddamus nobilissima: hac ratione nostram inopiam ex inexhausto meritorũ Christi thesauro subleuemus, & animas nostras eiusdem Christi meritis exornemus: hac denique ratione pro peccatis nostris facillimè satisfaciemus. *e*

Hoc sacrificij genus ita placet diuinis oculis, vt Christus voluerit sibi à beatâ Gertrude, omnes omnino actiones minutatim etiam

*a* Blof. Monil. spirit. c. 3. sine. & Instit. spirit. c. 9.

offerri,

*b* Gen. c. 27. v. 15.

*c* Blof. Instit. spirit. c. 9. initio.

*d* In spec. spirit. c. 3. sine.

*e* In Institut. spirit. c. 9. sine.



gratiam Lusitanæ regis id vellet, orare. Hic immane dictu, Elephas, clarè hæc duo verba ingeminat, *Hoo, Hoo*, quod Malabarum lingua est, *Volo, Volo*; ac sine morâ nauim traxit in mare. a Tanti erat elephanto, regis Lusitani gratiâ laborare. Quid nos ratione præditi, disciplinæ capaces homines? quoties præfractè resistimus, & imperata etiam leuia detrectamus, etsi millies inuitemur: *Eia quæso, in gratiam Christi Domini. Ad voluntatem regis caelestis, Ad gratiam Iesu crucifixi*. Ne sic quidem mohemur; ad nobilissima hæc inuitamenta obfurdesimus, vel bestiis contumaciore.

At quibus salua est semper sinceritas Intentionis puræ, cum quid faciendum, in supremi regis gratiam, promptissimè illud vel centies ingeminant: *Volo, Volo*. Propter te, mi Domine: Et quamuis ad hoc præstandum, me nulla vis adegerit, licet nullum præmium, nec supplicium vllum hoc mihi persuaferit, nihilominus tamen in Christi gratiam, hoc libenter præstabo: Propter te, mi Domine, hæc faciam, hæc omittam, hæc perferam, propter te Domine.

In omniutn potestate est, hæc dicere, hæc sentire & velle: nec Valentibus, nec agris hæc difficilia. Alioqui agendo multa, nihil agimus. Sine mercede labor est, quodocunque est sine rectâ Intentione. Qui perdere non vult operam, assiduam gerat rectæ Intentionis curam.

a Christoph. à Costa in hist. aromatum. operâ Caroli Clusij, editus Antuerp. An. 1582.

## CAP. IX.

*QVÆ SINT SIGNA RECTÆ  
INTENTIONIS.*

HEbrææ plebis homines magnam partem rudes & asperi, tamque obtuso captu erant, ut ægerrimè crederent, quod non oculis cernerent. Ut ergo suis ipsi oculis exploratissimum haberent, quid sit Intentio mala & præuaricatrix, voluit Deus ut manna quod ex præscripto in sabbatum collegissent, integrum, recens, incorruptum seruetur. quod verò contra legem aut vitiosè prouidi, aut repetendi laboris pertæsi, in alios etiam dies collegerunt, id omne mox corruptum, vermibus cæpit ebullire. Hic neque locus, neque vâs in quo caeleste hoc alimentum asseruabatur, neque ipsum manna in culpâ fuit, sed sola voluntas & Intentio praua, legi se subijcere dedignata.

Hoc Deus Hebræorum oculis sic obiecit, tanquam si è cælo  
II proclamasset i

proclamasset : Cernitis tandem imminorigeri, quid voluntas possit in homine, quid sit velle aut nolle obedire, quid bona malæque Intentio progignat : hi vermes rebellionis vestræ testes sunt. hos fructus producit contumax voluntas vestra, & peruersa Intentio. Spectate hæc oculis, atrectate manibus increduli.

Cum Christianis Deus post Filij tot conciones, aliâ ratione agit: bonæ malæque Intentionis signa ijs etiam proponit, sed magis recondita, & non tam oculis quam animo cernenda.

Si quis corporis oculos consideret, eos admodum esse garrulos, quamuis sine voce comperiet. Illi namque suâ garrulitate dominum suum sæpissimè produnt, cum ex oculis valetudinem & morbum, hilaritatem, & mœrorem, odium & amorem deprehendere sit facillimum : latentes hos affectus oculi euulgant. Porcus quâ interiora corporis, simillimus homini, morbum suum linguâ & oculis detegit aspicienti. Si ferendum sit iudicium quàm sana sit hominis actio, interrogandus est interior illius oculus, Intentio : Si oculus tuus simplex fuerit, totum corpus tuum lucidum erit. En tibi, ab oculo discitur, quod de toto corpore pronuntietur.

At sicuti nil artis est scire, morbum in oculis deprehendi, nisi & sciatur quibus signis & indicijs deprehendatur : ita non satis est nosse vitæ probitatem ab Intentione probâ colligi, nisi etiam nouerimus, quæ probæ Intentionis signa sint & indicia, de quibus nunc agendum est. Igitur ut fidem sibi quisque habeat, & rectâ ire viâ se credat, duodecim ordine signa numerabimus, è quibus suam cuius facile erit Intentionem æstimare.

## I. SIGNVM BONÆ INTENTIONIS.

Non faciliè turbari, non tumultuosè aut turbulenter rem aggredi. Indoles eorum non bona est, qui inconsultâ leuitate ad labores accedunt, qui cum impetu agunt omnia, & in res non veniunt, sed rapidè feruntur : æstuant, manus pedesque iactant, anxij trepidant, ac si suis curandis defuturum sit tempus ; inquietissimi discursant, tanquam primo aggressu omnia deproperaturi. Quid opus hac æstuatione & impetu ? Festina lentè, mi homo. Consilio est opus, non impetu, Quinto Curtio monente. Qui principio tam contentè currit, citò deficit : qui gradu clemente ac pressò incedit, etiam progreditur, & minùs fatigatur. *Qui festinus est, pedibus offendet.* à Temperanter sumendum est illud priscorum : Sis in consilijs co-



lea, in factis aquila. Itaque sub initium plerunque placidè incedendum, dum ab ipso incessu accrescat vigor. Nota nobis verba sunt à præceptis de Christi Imitatione: Quod homo non sit importunus in agendo. a Et: Sint actiones tuæ sub te &c.

Qui sinceræ Intentionis est, in negotijs etiam impeditissimis hoc versat animo: Deus mihi hæc negotia dedit curanda; utique dabit etiam tempus & gratiam ad ea conficienda: Deo laboro, & eius honori, faciòque quod in earum virium est: bonus Deus curabit cetera. Itaque quod etiam poetæ monent, Permitto Divis cetera. b

a Imit. Christi l. 3. c. 39. b Horat. l. 1. Carm. ad Tiliarch. Odâ 9.

## II. SIGNVM BONÆ INTENTIONIS.

In omni actione sic affectum esse, ut si quæreretur, quorsum hæc? Promptissimè responderet: Ad maiorem Dei gloriam. Quorsum illa? Ad hanc ipsam. Quorsum ista? ad eandem. Sicut viator interrogatus quâ viam teneat, sine morâ respondet, Ingolstadtium, aut Viennam, aut Pragam, aut Romam. Atque si vel leuiter itinere se decessisse intelligat, quàm primum in viam regiam redit. Qui solum animi causâ deambulaturus exit, sæpe nec panem, nec pecuniâ secum defert, nec enim tabernam ingredi in animo est. At qui peregrè ituri, aut nummos sumunt in viam, aut panes: uti ferè solent homines à pago, & cum venter iam mugire & magnè inane queri incipit, annonam suam è sacciperio extrahunt, & solantur oblatrantem stomachum. Ita prorsus homo rectæ Intentionis, qui se nunquam nō meminit peregrinum esse, cum in opere fatigatus vitæ molestias grauius incipit sentire, mox secum ipse Intentionem rectam renouans: Et cui hæc facio, inquit, cui laboro, cui lego & scribo, cui sto & curro? Nunquid Deo? an non propter Deum hæc omnia tolero? Abi ergo torpor, abi tedium; Abi otium & desidia, Abi procul impatientia; abite pessimæ pestes. Si cuncta hæc Deo fiant, prout par est illi soli hæc fieri, ergo & patienter, & promptè, & libenter faciam atque patiar hæc vniuersa. Ita pergo, propter te Domine; omnia mihi & facilia & iucunda, ô Domine, propter te. Secus faciunt illi, quibus vita velut deambulationcula transigitur, qui nec panem secum ferunt nec pecuniâ; & seriâ & sincerâ carent Intentione: homines vani, in omne genus illecebrarunt proni, quibus anima pro sale data est. horum viuere, est animi causâ deambulare, quò pedes ferunt, quò affectus præcurrunt. Non ita verè illi peregrini, quibus & panis est & pecunia, Intentio non tantum serua, sed & sincera.

## III. SIGNVM BONÆ INTENTIONIS.

Non angi, nec ob agenda distrahi in curas, quæ hominem à precibus, à conscientiae curâ, à Dei memoriâ auocent. Qui sinceræ Intentionis est, hoc agit ut facultati & viribus suis agat conuenienter. Obseruat Chrysostomus, eum ab hero Euangelico æquè laudari, qui duo accepit talenta, atque illum qui quinque. <sup>a</sup> Sed dicas: cur utrique par honor habitus? Quia in utroque par fuit diligentia, tametsi circa imparē pecuniā. Hoc creberrimè contingit, ut duo in eadem re operam suam ponant, sed effectu prorsus inæquali, illo ab hoc longissimè superato: fieri tamen potest, ut æquale præmiū promeritus sit uterque, certè apud Deum, qui non attendit quale opus, sed à quali conatu & industriâ prodierit. Sunt qui viribus aut ingenio, aut prudentiâ polleant, & quæ alijs difficillima, ipsi velut per iocum faciant. Sunt & alij quibus aut fractæ vires, aut infelix & pingue tardūque ingenium, hi quamuis sudent & conatum omnem exerant, omnēque industriam in opere consumant, tandem tamen vrceus exit, opus sine omni gratiâ & Venere. quoniam horum maiore digni præmio: sæpe illi, quorum opus velut nimis inelaboratum ab omnibus spernitur. Ab humanis longissimè distant iudicia diuina. Et hoc ijs qui aut ingenij celeritate præstant, aut ad omnia fauentes habent gratias, superbix alas meritò incidat; istos erigat, iisque animū addat, cum nullius momenti sit humanis oculis placuisse, maximi diuinis. Præclare Thomas ille: Si Deus, inquit, semper esset pura Intentio nostri desiderij, non tam facile turbaremur pro resistentiâ sensus nostri. <sup>b</sup>

<sup>a</sup> Chrysostom. 41. in Gen. <sup>b</sup> Thom. à Kemp. l. 1. c. 14. n. 1. Imitat. Christi.

## IV. SIGNVM.

Opere peracto non discursare, aut sollicitè aliorum iudicia expiscari. Sunt qui instar comitorum histrionum, dramate peracto quærunt: quid placuimus? nemōne plaudit? ita isti quærere solent: quid sentiunt Domini de me, meoque opere? num satisfeci, num placui? quid tacent? Intentionis corruptæ signum euident. Nam qui sinceræ Intentionis est, ita secum ipse loquitur: Scio, cui credidi, & certus sum quia potens est depositum meum seruare in illum diem. <sup>a</sup> Ego quidem feci quod potui, idque sincero animo in diuinum honorem: laus inde sequatur, an non, mihi perinde est; scio quàm feridè volenti facile sit, & seruire & placere Deo.

Fuit qui anulum gemmatum summi pretij inuenit, quem mox



ad proximum sutorem deferens : dic quæso, inquit, mi magister, quanti æstimas hunc anulum cum hoc lapillo? Cerdo, cui corium notius quàm aurum & geminæ: Insignis, inquit, splendor eum forsan euexerit ad trium florenorum pretium. Ecquis, obsecro, horum amborum stultior, an qui talem interrogauit, an qui talia respondit? Certè inuentor anuli videtur stultitiæ palmam præripuisse, quòd ad imperitissimum gemmarum iudicem, geminam æstimandam detulerit. Gemmæ sunt pretij prorsus inæstimabilis, opera bonâ Intentione edita: quid verò de his hominum aures oculosque interrogamus? minùs hæc æstimare norunt quàm sutor vniones, præsertim cùm Intentio, à quâ pretium actioni accedit, nemini vnquam satis possit esse cognita. Nux & cælum, guttula & Oceanus, lapillus & terrarum Orbis, mutuam inter se comparisonem ægrè admittunt: minùs tamen quod bonâ Intentione factum est, comparari se finit cum eo quod malâ. Et quomodo tandem hîc possint iudices esse oculi, cur apud hos de margaritarum nostrarum nobilitate vanissimè litigamus? Deus solus est qui hæc æstimet, huius iudicio permittenda sunt omnia, huius standum. Ab hominibus virtutes ac vitia plerunque non ex merito æstimantur, sed ex populari iudicio. Hinc longissima series errorum.

## V. SIGNVM.

Euentu rei aut laboris minus secundo non turbari aut concuti, cùm Deus, ad quem Intentione collineandum, non tam spectet quid effectum, quàm quomodo, quâ Intentione, quâ diligentia quippiam factum sit. Magnus ille Apostolus Iacobus, totâ Hispaniâ, vt narrant, non plures Christianis sacris imbuit quàm octo homines, ita velut ab irrito conatu reuersus Hierosolymam, Herodis gladio caput præbuit secandum. An Deus Iacobo non idem præmium daturus quod ceteris Apostolis, qui reges & regna integra ad disciplinam Christianam traduxerunt? Idein vtique, & forsan maius. Neque enim illi Deus quid efficeret, sed quid faceret imperauit: ab Apostolo semen spargendum erat, seminis incrementum penes Deum fuit.

Hoc probæ Intentionis homo altè combibit, suum esse laborare: Dei, labori aspirare. Itaque cùm ars decipit, cùm nihil procedit, cùm aliquid in perniciem ei vertit, cùm spes ad irritum cadit, vix quidquam turbatur, hoc enim, inquit, non in meâ est potestate, sed Dei. Feci quod licuit, quod debui, quod decuit. res aliter celsit:

humanarum hæc natura rerum est. Atque hoc admodum necessarium est scitu, neque enim infrequens est ut operam ludat etiam laboriosa diligentia, & sine effectū sit præclarus quique labor. Num quis ideò disrutietur animo? Nequaquā: Si bonæ Intentio vis est, tam secundos quàm aduersos euentus Deo committet, diuini consilij securus. Christus ipse postremis quatuor vitæ annis, quot obsecro sibi, diuinissimis suis concionibus adiunxit: non aded multos numerabis, longè plures Apostoli ad nostras religiones permouerunt.

Pari modo, qui nihil non sanctâ Intentione aggreditur, quamuis in seipso plurima desideret, tamen si prauitates & errata in se deprehendat, non tamen continuo abijcit animum, non consternatur, non exanimatur, sed quàm illum sua miseria deprimit, tam erigit. Dei misericordia, neque tam malè vnquam res vertunt, ut bonam Intentionem mutet. Inter aduersa & prospera idem ei animus, hoc est, ad Deum semper erectus. Cetera omnia velut nubes infra se calcat, firmat animum in fortuita, & in omnes casuum impetus: omnia æquo ac hilari aspicit oculo. Animus ei semper æqualis, & qui secundo cursu eat, placidoque statu maneat. Itaque eò peruenit, ut magnum illud Deoque vicinum obtinuerit, **NON CONCVIT, Non contristabit iustum, quicquid ei acciderit.**

*a. Prou. c. 12. v. 21.*

## VI. SIGNVM.

Re quapiam peractâ, Inanein gloriam, & omnein cogitationum vanitatem fugere. Quis est hic, & laudabimus eum, qui sibi ipse nunquam applaudit domi, cui suus labor apud se non sit in pretio, qui à seipso non audiat: bene, bellè, præclarè, ecquis melius? Hoc verò aliud non est quàm totis hebdomadibus corbes plectere, & operam tam longi temporis Vulcano consecrare. Euauerunt in cogitationibus suis & obscuratum est insipiens cor eorum.

Sunt qui sua duntaxat laudent, aliena aut damnent, aut silentio transeant; laudes suas etiam ab imperitis auidè excipiant, aliorum deiecto vultu, fronte, oculis hauriant, & cum improbare non possint, nunquam tamen probent. Hi non Deo, sed famæ suæ tantummodò nati, ingentes arrogantiz montes sub modestâ fronte tegunt. neque aliunde prouenit parca hæc alienarum virtutum laudatio, quàm ab animo laudis suæ auido, qui cum aliorum commendationibus detractum iri veretur suis, seriò cauet ne quid elabatur

*a. Rom. c. 1. v. 21.*

batur



batur in alio laudandum: odit pares in potiundâ gloriâ. Ad rem hîc submonens Annæus Seneca: Illud, inquit, adhuc tibi affige, quod paullo antè dicebam: nihil ad rem pertinet, quàm multi æquitatem tuam nouerint. Qui virtutem suam publicari vult, non virtuti laborat, sed gloriæ. Non vis esse iustus sine gloriâ? at mehercules sæpe iustus esse debebis cum infamiâ. Et tunc, si sapias, mala opinio bene parta delectat. <sup>a</sup>

Iacob Patriarcha moriturus: Fiat Dan, inquit, coluber in viâ, cerastes in semitâ, mordens vngulas equi, vt cadat ascensor eius retro. <sup>b</sup> Cerastes, serpens non spatiosi corporis, fabulo se abdit, equi illac transitori vngulam admorsurus, vt is dolore furens excutiat fessorem. Diabolus Cerastæ simillimus, dum nos arctiore viâ virtutis incedimus, ille humanæ laudis puluere se occultit, vt equi vngulam, hoc est, Intentionem rectam vitiet, & sic per falsæ gloriæ imaginem præcipitet. Qui bonæ Intentionis est, hunc Cerasten cautissimè declinat, & vbique locorum assiduè ingeminat: Non nobis, Domine, non nobis, sed nomini tuo da gloriam: <sup>c</sup> Soli Deo gloria: Dominus virtutum ipse est rex gloriæ.

<sup>a</sup> Sen. ep. 113. fine. <sup>b</sup> Gen. c. 49. v. 91. <sup>c</sup> Psal. 113. v. 1. Psal. 8. v. 10.

## VII. SIGNVM.

Nec inuidiolâ quidem tangi. Qui diuino tantum honori studet, parum curat, etiam si in artibus aut scientijs pares, vel etiam superiores habeat: nullam rem à se solo tantum vult confici, neque hoc vquam in votis habet, ab alio non superari: nunquam inuidet altius stanti; quod in alijs magnum, non deprimit, vt sua extollantur. Nobilissimum huius rei specimen præbuit Moses. Venerat ad illum, adolescens inuidiam in alios concitaturus, nam eos insoliti vaticinij accusauit. Diuina pagina rem sic narrat: Cucurrit puer & nuntiavit Mosi, dicens, Eldad & Medad prophetant in castris. Statim Iosue ait: Domine mi Moses, prohibe eos. At ille: quid, inquit, æmularis pro me? quis tribuat vt omnis populus prophetet, & det eis Dominus spiritum suum? <sup>a</sup> Fit in aulis Principum, vt legati, aut aliud aliquod munus obeundum sit, & forsan ad id deligitur qui minimè putabatur, negligitur qui se maximè deligendum suspicabatur: hîc rem magnam facit, qui potest non inuidere. Idem inter religiosos contingit: varia apud eos officia gubernandi, docendi, concionandi, hoc illudue curandi. hîc ille magnæ virtutis, & Intentionis optimæ censendus, qui tam æquis oculis altum gubernantem,

docentem, concionantem, hoc aut illud curantem aspiciquàm se. Sed quandoque alius sese affectus prodit. Quoties accidit, vt alicuius inopiam leuari velimus, sed à nobis ipsis; inscientiam doceri, sed à nobis ipsis; vitium corrigi, sed à nobis ipsis; confessio- nes excipi, sed à nobis ipsis; hos aut illos officiosè salutari, sed ab alio nemine quam à nobis ipsis, conciones ad populum haberi, sed non ab alijs, cùm nos ipsos æquè bene aut meliùs id præstituros non diffidamus. Quàm rari hodie Moses sunt qui seriò clament: quis tribuat vt omnis populus prophetet? Vt omnes sint legati, aut legatorum curatores: Vt omnes ad gubernandum, ad docendum, ad concionandum sint apti, quis tribuat?

Eodem modo cùm alijs ab industriâ, ab ingenio, à fidelitate, ab eruditione, ab alijs naturæ atque animi, scientiæque dotibus largiùs laudantur, si quis has laudes æquis auribus admittere, & inui- diolâ possit non tangi, & ipse quoque rem magnam fecerit. Quis- quis autem bonæ Intentionis est, ad hæc omnia ex animo dicet: Velit Deus, vt mille tales sint, & istis, & illis non inuideo: Velit Deus, vt dominus meus, huic laudatissimo famulo tot similes ha- beas alios quotquot optat; ego, quod in me erit, fidei operâ præ- stabo, ab hoc aut illo me vinci absque inuidiâ patiar. Hæ probæ notæ voces sunt, & longè meliores istis: Tam fidelis & diligens non est hic homo, atque esse creditur: Ille reuerà non summâ eru- ditionem habet: Ille non tantæ virtutis est, quantæ putatur. Hoc est inuido dente alienas laudes conuellere, & tunc demum se cir- cumspicere vt Magnum, cùm præ se omnes alios in paruo censu posuerit. Quæ omnia à bonâ Intentione longissimè abhorrent.

Sed ô Inuidia, ô malum pessimum! quot aulas, quot, pænè dixerim, religiosas domos aut euertis, aut inficis? O Inuidia alie- nis incrementis semper inimicissima! Hinc illud est tædium, & nusquam residentis animi volutatio, & concessi otij tristis atque ægra patientia. Inde inæror marcòrque, & alienorum processu- um auersatio, & mille fluctus mentis incertæ: inde ille affectus ori- um suum detestantium, querentiùmque nihil ipsos habere quod agant; alios se neglectis ad honorificas functiones produci. Hæc secum agitat animus sibi relictus, nec sibi sufficiens. Et quis est, qui si aliquid præclare fecerit, & facti honos ad alterum etiam re- dundet, non statim cum stomacho vociferetur: Hos ego, versicu- los feci, tulit alter honores: Per me victorem triumphant alijs, ego sub iugum mitto.



Verùm alienis delectari malis, voluptas non hominis, sed diaboli est; alienis bonis torqueri, æterna miseria est. Hi æmulationis & inuidiæ non riuli, sed flumina à prauæ Intentionis fonte exundant, ad RECTAM INTENTIONEM exarescunt.

## VIII. SIGNVM.

Iudicia hominum posse contemnere. Hæc vna maximarum, & maximè necessariarum artium est. Nunquam vir erit, quisquis hoc posse non exactè didicerit. Hoc nobis omnes sapientes ex omni domo conclamabunt, iudicia hominum non formidanda. Infra Christianam nobilitatem est, ab hominum iudicijs huc illuc agitari, & malum sanè ingens, ex alienâ opinione tanquam è filo pendere. Quæ enim est tam modesta felicitas, quæ maligniores censuras vitare possit? Priscorum monitum est: si vis beatus esse, cogita hoc primum, contemnere & contemni. Nondum es felix, si nondum te turba irrisit. Sed longè præclariùs Thomas à Kempis: lacta cor tuum, inquit, firmiter in Domino, & humanum ne metuas iudicium, ubi te conscientia pium reddit & innocuum. Bonum est & beatum taliter pati. « Non es sanctior si laudaris; nec vilior, si vituperaris. Quod es, hoc es; nec maior dici vales, quàm, Deo teste, sis. Si attendis quid apud te sis intus, non curabis quid de te loquantur homines, homo considerat actus, Deus verò pensat Intentiones. 4

Qui sinceræ Intentionis est, idèd hos iudices non veretur. 1. Quia exploratum habet quàm illi grauiter fallantur in plurimis, & hoc vel à seipso discit, toties in alijs iudicandis decepto. 2. Scit ab his iudicijs nihil sibi accedere, nihil deimi. Notum Seraphici Francisci dictum: Talis quisque est, qualis est in oculis Dei, & non amplius. Verè non amplius, quamuis illum nemo non oneret encomijs. 3. Quia conscientiam habet testem, quòd agat sincerâ Intentione. 4. Scit neminem vsquam placere posse omnibus, nec Petrum, nec Paulum, nec ipsum Christum. 5. Scit etiam eximie virtutis esse, hæc iudicia Christianâ nobilitate posse concoquere, quod certè potuit Tarsensis Paulus, qui etsi omnibus omnia factus, tamen liberè proclamabat: Mihi autem pro minimo est, vt à vobis iudicer aut ab humano die. 6. Quia Deus olim hæc iudicia ad certissimam amussim iudicabit exactissimè. Hæc cum probè sciat bonæ Intentionis homo, hominum iudicia velut minorum

canum latratus facile contemnit, nec unquam laborat qualis alijs videatur, sed qualis Deo & sibi.

### IX. SIGNVM.

In omnibus quæ carni blandiuntur, moderatum valde ac contententem esse, sin minus, certum pænè indicium est, aliquem sibi ipsi nimis esse pretiosum & charum. Amor sui ipsius tectissimus est, simul & callidissimus: amor sui, cum inualuerit, nec humana nec diuina pensi habet; ad æterna præmia, ad ignes æternos planè cæcus est: omnia benignâ interpretatione ad seipsum trahit; commodis suis vbique impensissimè studet, in omnibus sibimet ignoscens liberaliter indulget, præcipuè verò mollia amat & curiosa; hos duos bolos, velut soporata offulam, & corpori obijcit, & animo. Animum vt sibi conciliet, curiosissima quæque ingerit; corpus vt demulceat, ad omnem mollitiem inuitat, idque cauet vnicè, ne quid durî aut asperi offendat tam bonum amicum. Atqui verissima D. Gregorij, imò virorum SS. omnium vox est: Sicut carne quiescente spiritus deficit, ita eâ laborante conualescit: & quemadmodum carnem mollia nutriunt, ita animam dura ad alta sustollunt. illa namque delectationibus pascitur, hæc amaritudinibus vegetatur. <sup>a</sup> Spiritus deficit, vbi caro quiescit: vt enim caro mollibus, sic anima duris nutritur. Si quis ergo ad mollia & curiosa inclinet animum, signum de se præbet inpuræ Intentionis, quâ non Dei honorem, sed suum commodum attendit, vti ancilla quæ pistori suam operam locat ob panem simlagineum. Hic talis vt primum asperiora senserit, manum retrahit, & ad mollia flectit, deligitque in ignauâ potius commoditate fordescere, quàm per ardua viam ad meliora sternere: aut si quando ad difficilia dextram porrigat, non extendit conatum ad maiora, quàm quod eum honoris ac dignationis propriæ libido impellit. Bernardus eiusmodi hominem sub religiosâ veste latitantem depingens: Ad omnia sua strenuus, inquit, ad communia piger; vigilat in lecto, dormit in choro. Sic & Philautia ad sua omnia maxime strenua est, & quicquid sibi opportunum credit, blando ambitu ad se trahit. Hic seipsum bonæ Intentionis homo rigidissimè coërcet, illudque sibi assiduè occentat: Non teipsum, sed DEVM quære.

### X. SIGNVM.

<sup>a</sup> S. Greg. tom. 2. in 3. ps. pœnit. v. 16.



## X. SIGNVM.

Æquè libenter priuatim quid agere ac publicè, & æquè diligenter ab aliorum oculis remotum laborare, quàm si oculi omnium in ipsum conuolarent: neque etiam suos spectatores, auditores. laudatores numerare. Sunt qui lacrimas fundunt vt ostendant, & toties ficos habent oculos, quoties spectator defuit. Sunt qui laborent diligenter & impigrè, quamdiu aspiciuntur, deme illis testes spectatòresque, non placebit labor secretus. Seneca hominem nimis amantem publici, & spectari volentem præclarissimè instituens: Non est, inquit, quod te gloria publicandi ingenij producat in medium, vt recitare istis velis, aut disputare. Cui ergo, inquis, ista didici? Non est quod timeas ne operam perdideris, si tibi didicisti. Sed ne mihi soli hodie didicerim, communicabo tecum quæ occurrerunt mihi egregiè dicta circa eundem ferè sensum tria (Notate hæc obsecro, vos illi quibus summa votorum est, à multis videri vel audiri, notate hæc) Democritus ait: Vnus mihi pro populo est, & populus pro vno. Bene & ille, quisquis fuit, cum interrogaretur, quò tanta diligentia artis spectaret ad paucissimos peruenturæ? Satis sunt, inquit, mihi pauci, satis est vnus, satis est nullus. Egregiè hoc tertium. Epicurus cum vni ex consortibus studiorum suorum scriberet: Hæc, inquit, ego non multis, sed tibi: satis enim magnum alter alteri theatrum sumus. Ista, mi Lucili, condenda in animum sunt, vt contemnas voluptatem, ex plurium assensuone venientem. « Sic nostrum quilibet dicat: Vnus mihi Angelus, vnica conscientia, Deus vnus pro vrbe, pro regno, pro Orbe toto, pro omnium oculis & auribus est: Satis mihi est, si pauci, satis est si vnus, satis si nullus sciat, quæ ego hæcenus cum perfecero, tum pertulerim. Sic Christianorum quivis ad Christum: Alter alteri sat magnum theatrum sumus; Christe tu mihi longè amplissimum theatrum es Obedientiæ, Amoris, Patientiæ, & omnium virtutum: Ego tibi theatrum copiosissimæ miseriæ sum, & omnium ferè vitiorum. Hæc sincera est Intentio, quæ solis diuinis oculis laborat, & omnia iisdem tolerat; humanos oculos, absint, adsint, perinde æstimat.

a Senec. epist. 7. ad finem,

## XI. SIGNVM.

Vituperijs non deijci, nec innumeris aliorum respectibus detereri à bene cæptis.

Notum, quid responsi Bernardus in cacodæmonem aptissimè regesse.

regesserit. Laudarat illum diabolus largissimè, & quàm tu hoc præclare facis, quàm insigniter! cùm non moueretur, vertit stylum. veterator, &, quàm nihil est quod agis, quàm ineptè & insulsè agis omnia: cessa, muscis domicilia struis. His sanctus ille vir hoc vnum respondit: Propter te non cœpi, nec finiam propter te. *a* Hanc bona Intentio loquendi formulam habet: Non incœpi vt laudarer, nec definiam cùm vituperor. At dicas, si herus, aut hera, aut alius quis, in cuius gratiam laboratur, & cui meritò probetur placèatque labor, eum tamen tantopere sibi displicere non obscurè significet, quis id non ægrè ferat? Id sanè non ægrè feret puræ Intentionis homo, sed ita secum ipse ratiocinabitur: feci quod potui, idque optimâ mente, quòd verò huic aut illi non satisfecerim, iacturam non grandem interpretor, modò Deus & ego amici simus; hîc, nisi valdè me fallo, extra culpam sum. Vanissîma spes est omnibus se placiturum sperare. Num ideo ad restim properem, quòd laudatus non sum, quòd displicuerim? propter hæc crepundia non cœpi, non finiam propter hæc. Mihi Deus & laboris merces, & laus est, & omnia est. Ita bona Intentio philosophatur. Et verè, magnam habet cordis tranquillitatem, qui nec laudes curat nec vituperia. *b* Felix qui hoc elogij meretur: *Non est tibi cura de aliquo, non enim respicis personam hominum.* *c* Verbum vetus est & verum, Despectus, suspicio, & respectus euertunt Orbem. Non est simplicitatis, sic alios respicere, vt obliuiscaris tui: Estote simplices sicut columbæ. *d* Lothi vxor ad Sodomam & igneum imbrem reflexit oculos, & perijt: Stephanns à faxeâ grandine auertens oculos ad Christum suspexit, & sanctissimè finijt. Christi vox est: *Quid ad te? tu me sequere.* *e* Culpent te alij an laudent, quid ad te? ad Christum suscipe, hunc sequere, aliorum vituperia rectâ Intentione despice. Non est vitij vituperari, sed vituperanda facere.

*a* Res gesta S. Bern. Dicti huius vsum ostendit S. Ignatius, l. Exercit. de dignosc. scrup. *b* Imit. Christi l. 2. c. 6. n. 2, *c* Matth. c. 2. v. 16.

*d* Matth. c. 20. v. 16. *e* Ioan. c. 21. v. 22.

## XII. SIGNVM.

Ad vtrumque semper promptum paratum esse, Philippus III. Hispaniarum rex, hoc sibi familiare habuit symbolum, AD VTRVMQUE, quod leo expresserat qui dextro pede crucem & oleam, altero equestrem hastam præferbat. Bonæ mentis & Intentionis homo, sic AD VTRVMQUE paratus est, vt apud eum nullo ferè discrimine sint aduersa & prospera, opes & inopia, honor & contemptus, fauor & neglectus sui, valetudo & morbus, longa & brevis vita: huic



tali perinde est, in diuitijs aut paupertate, in morbo aut integris viribus, ridente aut stomachante fortunâ vitam exigere; circa hæc omnia indifferens est, prout ea Deus ex alto iminiserit: Deum querit iste, hac an illâ viâ ad Deum peruenire possit, illius non interest, modò perueniat. Qui aliquid tam paratè facit, non est dubium, quin libenter faciat.

Mathematicorum est de numeris, lineis, dimensionibus, & circinationibus agere, an verò figuras mathematicas chartæ, an ligno, plumbo, an argento, aut etiam arenæ imprimant, quod Archimedes fecit, id ipsis curæ non est, cum omnis eorum dissertatio circa quantitatem abstractam, quam vocant, sese occupet. Sic omnes, quotquot seriò virtuti student, Intentione totâ feruntur in Deum, Deique honorem: si iam ipsis tam expeditum sit per aduersa hanc metam contingere, quàm per prospera, per inuoluntatem quàm per sanitatem, per egestatem quàm per abundantiam, nil sanè altercantur, sorte suâ contenti, & parati AD VTRVMQVE. faciles in omnia; æquo certè ferunt animo cuncta quæ eueniunt: nemo horum est qui non vel vno die centies dicat: Paratum cor meum, Deus, paratum cor meum. Pronissimus in tuam ab eo voluntatem. Quod si omnis generis aduersa, si paupertas, ignominia, dolor, breuiorem illis tutioremque ad Deum tramitem monstrent, quàm prospera, quàm opes, honor, voluptas, hinc illis deliberatissimum est, præ opibus, honore, voluptatibus, paupertatem, ignominiam, dolorem obuijs vlnis amplecti, nec queri quicquam de difficultate viæ, cum ad tantam ducat amœnitatem vitæ, & quidem æternæ.

Quisquis hanc rerum notitiam adeptus est, persuasissimum sibi habet, omnia quæ in Mundo sunt, optimè à Deo administrari; scit, omnia hæc ad quæ gemimus, quæ expauescimus, esse tributa vitæ, quorum immunitas nec speranda sit, nec petenda, cum non accidant ista, sed decernantur. Et isto quidem modo tam rectæ Intentionis homo ad id fastigij ascendit, vt iam incipiat nil optare, aut sperare, nil appetere, timere nihil nisi Deum & peccatum, illum vt summum bonum, istud vt omnium malorum malum maximû.

Si horum omnium signorum summa sit ineunda, compendio hæc numerantur. 1. Nil turbulenter aggredi. 2. Continuo affectu ad bonam Intentionem duci. 3. Ob agenda non anxium esse. 4. Rebus peractis non sollicitè indagare quid alij sentiant. 5. Euentu laboris improspere non turbari. 6. Inanem gloriam omni modo

regefferit. Laudarat illum diabolus largissimè, & quàm tu hoc præclare facis, quàm insigniter! cùm non moueretur, vertit stylum, veterator, &, quàm nihil est quod agis, quàm ineptè & insulse agis omnia: cessa, muscis domicilia struis. His sanctus ille vir hoc vnum respondit: Propter te non cœpi, nec finiam propter te. *a* Hanc bona Intentio loquendi formulam habet: Non incœpi vt laudarer, nec desinam cùm vituperor. At dicas, si herus, aut hera, aut alius quis, in cuius gratiam laboratur, & cui meritò probetur placéatque labor, eum tamen tantopere sibi displicere non obscure significet, quis id non ægrè ferat? Id sanè non ægrè feret puræ Intentionis homo, sed ita secum ipse ratiocinabitur: feci quod potui, idque optimâ mente, quòd verò huic aut illi non satisfecerim, iacturam non grandem interpretor, modò Deus & ego amici simus; hîc, nisi valdè me fallo, extra culpam sum. Vanissima spes est omnibus se placiturum sperare. Num ideò ad restim properem, quòd laudatus non sim, quòd displicuerim? propter hæc crepundia non cœpi, non finiam propter hæc. Mihi Deus & laboris merces, & laus est, & omnia est. Ita bona Intentio philosophatur. Et verè, magnam habet cordis tranquillitatem, qui nec laudes curat nec vituperia. *b* Felix qui hoc elogij meretur: *Non est tibi cura de aliquo, non enim respicis personam hominum.* *c* Verbum vetus est & verum, Despectus, suspicio, & respectus euertunt Orbem. Non est simplicitatis, sic alios respicere, vt obliuiscaris tui: Estote simplices sicut columbæ. *d* Lothi vxor ad Sodomam & igneum imbrem reflexit oculos, & perijt: Stephanns à saxeâ grandine auertens oculos ad Christum suspexit, & sanctissimè finiit. Christi vox est: *Quid ad te? tu me sequere.* *e* Culpent te alij an laudent, quid ad te? ad Christum suscipe, hunc sequere, aliorum vituperia rectâ Intentione despice. Non est vitij vituperari, sed vituperanda facere.

*a* Res gesta S. Bern. Dicti huius vsum ostendit S. Ignatius, l. Exercit. de dignosc. scrup. *b* Imit. Christi l. 2. c. 6. n. 2. *c* Matth. c. 22. v. 16.

*d* Matth. c. 20. v. 16. *e* Ioan. c. 21. v. 22.

## XII. SIGNVM.

Ad vtrumque semper promptum paratum esse. Philippus III. Hispaniarum rex, hoc sibi familiare habuit symbolum, AD VTRVMQUE, quod leo expresserat qui dextro pede crucem & oleam, altero equestrem hastam præferebat. Bonæ mentis & Intentionis homo, sic AD VTRVMQUE paratus est, vt apud eum nullo ferè discrimine sint aduersa & prospera, opes & inopia, honor & contemptus, fauor & neglectus sui, valetudo & morbus, longa & brevis vita: huic



ali perinde est, in diuitijs aut paupertate, in morbo aut integris viribus, ridente aut stomachante fortunâ vitam exigere; circa hæc omnia indifferens est, prout ea Deus ex alto immiserit: Deum quærit iste, hac an illâ viâ ad Deum peruenire possit, illius non interest, modò perueniat. Qui aliquid tam paratè facit, non est dubium, quin libenter faciat.

Mathematicorum est de numeris, lineis, diuensionibus, & circinationibus agere, an verò figuras mathematicas chartæ, an ligno, plumbo, an argento, aut etiam arenæ imprimant, quod Archimedes fecit, id ipsis curæ non est, cùm omnis eorum dissertatio circa quantitatem abstractam, quam vocant, sese occupet. Sic omnes, quotquot seriò virtuti student, Intentione totâ feruntur in Deum, Deique honorem: si iam ipsis tam expeditum sit per aduersa hanc metam contingere, quàm per prospera, per inuoluntatem quàm per sanitatem, per egestatem quàm per abundantiam, nil sanè altercantur, sorte suâ contenti, & parati AD VTRVMQVE. faciles in omnia; æquo certè ferunt animo cuncta quæ eueniunt: nemo horum est qui non vel vno die centies dicat: Paratum cor meum, Deus, paratum cor meum. Pronissimus in tuam abeo voluntatem. Quod si omnis generis aduersa, si paupertas, ignominia, dolor, breuiorem illis tutioremque ad Deum tramitem monstrant, quàm prospera, quàm opes, honor, voluptas, hîc illis deliberatissimum est, præ opibus, honore, voluptatibus, paupertatem, ignominiam, dolorem obuijs vlnis amplecti, nec queri quicquam de difficultate viæ, cùm ad tantam ducat amœnitatem vitæ, & quidem æternæ.

Quisquis hanc rerum notitiam adeptus est, persuasissimum sibi habet, omnia quæ in Mundo sunt, optimè à Deo administrari; scit, omnia hæc ad quæ gemimus, quæ expauescimus, esse tributa vitæ, quorum imminuitas nec speranda sit, nec petenda, cùm non accidant ista, sed decernantur. Et isto quidem modo tam rectæ Intentionis homo ad id fastigij ascendit, vt iam incipiat nil optare, aut sperare, nil appetere, timere nihil nisi Deum & peccatum, illum vt summum bonum, istud vt omnium malorum malum maximû.

Si horum omnium signorum summa sit ineunda, compendio hæc numerantur. 1. Nil turbulenter aggredi. 2. Continuo affectu ad bonam Intentionem duci. 3. Ob agenda non anxium esse. 4. Rebus peractis non sollicitè indagare quid alij sentiant. 5. Euentu laboris improspere non turbari. 6. Inanem gloriam omni modo

do fugere. 7. Ab inuidiâ immunem se tueri. 8. Iudicia humana posse contemnere. 9. In omnibus quæ carni grata, temperatissimum esse. 10. Non publicum, non spectatores vel auditores ambire. 11. Opinionibus non seduci, vituperijs non deijci. 12. Circa omnem vitæ tenorem, ad vtrumque paratum & indifferentem esse. Quam bonus Israël Deus, his qui recto sunt corde! a qui vnum id vnice laborant, vt hæc salutis signa in seprehendant.

a Psal. 72. v. 1.

## C A P. X.

### ALIQVOT CONCLVSIONES

*De*

### RECTA INTENTIONE.

**O**Pinabantur veteres, præcipuam hominis pulchritudinem in oculis esse, cum in his primariam sibi sedem delegerit frontis elegantia. Nam, etsi totius vultûs symmetria & proportio requiratur ad formam, nulla tamen pars in facie est, per quam animus animique affectus ita traluceant, sicut per oculos. Certè per vitreos hos globulos cor perlucet. Hinc prisca poëtæ, Dearum formam laudaturi, ab oculis laudarunt. Homero Minerua γλαυκῶπις, Iuno βοῶπις, Musæ ἐλικώπιδες dicuntur.

Hæc veterum opinio, formosissimum in homine inesse oculis, longè certissima est, si de interiore hominis pulchritudine sit sermo. Si oculus tuus simplex fuerit, totum corpus tuum lucidum erit. a Hi oculi admirandam homini conciliant pulchritudinem, totum reddunt formosum. Per oculum, Intentionem hominis designari, iam supra demonstratum est. Nunc illud restat, vt omnes has de Bonâ & Malâ Intentione præceptiones in compendium conferamus. Idcirco conclusiones siue decreta, & placita theologorum super hac re, subiungemus.

a Luc. c. 11. v. 34.

#### *Prima Conclusio.*

Operis boni cuiuscunque quod mercede dignum sit, tres sunt conditiones. 1. Absit malitia. 2. Adsit gratia. 3. Non desit Intentio recta. Si vna harum defuerit, opus nec Deo gratum, nec homini vtile, ac sine merito est. Quod primam conditionem attinet, excludit hæc omnia opera ex se, seu ex obiecto (vt loquuntur) mala, vt est luxuria, inuidia, &c. nunquam bonum pannum dicemus,

cuius



cuius stamina & licia omnia sunt mala. Altera conditio boni operis est, ut illius auctor apud Deum sit in gratia, quæ omnium meritorum fundamentum est: quamdiu quis Dei hostis est, tamdiu non agit quod gratum sit Deo. Tertia, Intentio bona, nam uti quinque illæ dormitrices fatuæ, sine oleo admittendæ non erant à sponso, ita nec opera nostra probantur Deo sine rectâ Intentione. Inanibus votis pulsamus cælum, si nobis bonæ Intentionis desit oleum. Si oculus tuus fuerit nequam, totum corpus tuum tenebrosum erit. \*

\* Matth. c. 6. v. 23.

### *Altera Conclusio.*

Omnia indifferentia opera, Recta Intentio efficit æternæ vitæ meritoria. Indifferentia opera iam supra diximus ea esse, quæ ex se nec bona nec mala, uti sunt comedere, bibere, legere, scribere, ambulare, pingere, dormire, laborare, negotiari, nundinari, &c. hæc enim omnia ultra naturæ vium nihil habent: at si bona Intentio ijs iungatur, nouam induunt dignitatem, & promerentur æternum præmium, modò diuina gratia omnis meriti fons non absit. Ita prandendo, cenando, dormiendo, &c. promereri nos posse cælum benignissimus Deus voluit. Nam in hac tali actione tria illa, quæ dixi, coniunguntur. 1. Absit malitia; edere enim, bibere, dormire, &c. ex se nihil mali habent. 2. Adest gratia; hoc enim ponimus. 3. Non deest Intentio bona; & en cælum pro his vult debere Deus. sic vilissimæ quæque actiunculæ, quæ vix nomen laboris habent, ut fila facere, explicare, conuoluere, bacillos cuspidare, pecuniam numerare, mensæ adstare, imò & parietes custodire propter Christum (quod Magnus ille Macarius Palladium iussit facere \*) æternam beatitudinem emeretur. An non Deum iure meritisimo BONVM, an non æquissimo nomine PATREM appellemus, qui cælum venale fecit pretio tam tolerabili, tam vili? Quod si humanarum actionum infimas illas, ad tantam euehit dignitatem Dei gratia, & Intentio recta; meliori iure illas ex se commendabiles, ut orare, stipendare, obsequium præstare, cælesti præmio reddent dignissimas.

\* Pallad. c. 20. apud Rosveid.

### *Tertia Conclusio.*

Triplex est hæc conclusio. 1. Mala Intentio actionem quæcumque, licet excellentissimam ita vitiat, ut nullius omnino sit pretij. Quid generosius quis audeat, quam ut seipsum viuum flammis obijciat? At si gratia Dei, aut recta Intentio desit, nihil habet laudis, nihil

nihil virtutis hoc facinus. Clarissimè Paulus: *Si tradidero, inquit, corpus meum, ita ut ardeam, charitatem autem non habuero, nihil mihi prodest. Et si distribuero in cibos pauperum omnes facultates meas, nihil mihi prodest, a si charitatis actus, recta Intentio defuerit.*

2. Mala Intentio quodcunque opus indifferens mox malum efficit. Nam si bonas, imò optimas quasque actiones suâ contagione corrumpit Intentio mala, quanto magis nondum bonas? Lues contagiosissima est prava Intentio, quicquid afflat, iugulat. Hinc dicere aliquid aut facere ut æstimeris aut lauderis, nil boni habet, quia & fons malus, Intentio inanem gloriam olens. Ita emere, vendere, artes exercere solum ut ditescas; ita cibum & potum capere, somno indulgere, confabulationi, lusu, venationi vacare, tantum quia hoc suave & iucundum, nullius ponderis, & vitiosa sunt.

3. Mala Intentio, malæ actioni coniuncta, res longè pessima, & diaboli opimum spoliū est. Isidorus: Bonis, inquit, malè uti, malum, sic malis malè uti pessimum est. *b* Huius generis sunt, furari ut habeas quod in lulum, in gulam, in impuros amores effundas; nitere vestium luxu, ut alios ad lasciviam pellicias; carpere alterius famam, ut graue nocumentum inferas; obruere rationem vino, ut ad flagitium animosior sis; studere auaritiæ, ne quid desit superbiæ, &c. Hoc verè est utroque pede ad Orcum currere.

a 1. Cor. c. 13. v. 3. b Ibid. l. 3. sent. c. 63. fine.

#### Quarta Conclusio.

Indifferens Intentio, indifferenti operi iuncta, nil promeretur apud Deum, Theologorum notissimum effatum est: Nullum opus merè naturale, meritorium est vitæ æternæ. qualia sunt, artem mechanicam exercere, solius lucri gratiâ; cibo abstinere tantum sanitatis causâ; deambulationes instituere, temporis solum fallendo &c. Hæ actiones nunquam inter virtutum officia censerī poterunt. Et hoc è Theologiæ scholis sic pronuntiatur: Omne opus æternæ vitæ meritorium, necesse est ut habeat supernaturale aliquid, quod acquirit per rectam ad Deum Intentionem.

Salomonis sacrum ædificium diuina pagina sic laudat: Nihilque erat in templo, quod non auro tegetetur, sed & totum altare oraculi textit auro. *a* Cogitationes, sermones, actus nostri sic auro bonæ Intentionis vestiendi, ut nihil in animo, nihil in ore sit aut opere, quod non huius auri nobilitatem participet. Ecquid oro, dicite, quid corpus est sine animo? nec sensum, nec formam, nec

a 1. Reg. c. 6. v. 22.

motum



motum habet, inferrimus truncus est. quid arbor est sine radice? quid domus sine futurâ & substructione? Hoc est actio sine INTENTIONE RECTA.

*Quinta Conclusio.*

Vir in omnibus sinceræ Intentionis, vnus idemque, immutabilis, inconcussus permanet, & quod mireris, nunquam errat suo vel alieno damno. Salomon hoc asserit: Non contristabit iustum, quicquid ei acciderit, impij autem replebuntur malo. <sup>a</sup> Illas vitæ vices euitare non licet, quin iam læti, iam dolentes, iam alacres, iam fastidiosi simus, modò has modò illas mutationes sentiamus, sed (vt loquitur Thomas à Kempis) stat super hæc mutabilia sapiens, & bene doctus in spiritu, non attendens quid in se sentiat, vel quâ parte stet ventus instabilitatis: sed vt tota Intentio mentis eius, ad debitû & optimû proficiat finem. Nam sic poterit vnus & idem inconcussusque permanere, simplici Intentionis oculo, per tot varios euentus, ad ine imprætermisè directo. <sup>b</sup> Dementiæ & plebeijs per omnia ingenij est, fortuitis potius casibus, quàm ratione res metiri. Fit subinde vt inter se diuersi luctentur venti, sed si supremus sit Subsolanus aut Fauonius, apertum cælum & sereni dies perdurant. Sic in homine sinceræ Intentionis, nonnunquam diuersæ affectiones inter se certant, at ille *simplici Intentionis oculo ad Deum imprætermisè directo*, per euentus maxime dispares, saluus & incolumis transit, & quò purior ipse Intentio, hoc ipse constantior inter omnes procellas, nec se sibi patitur extorqueri, diuinis decretis vndeunque immissis nunquam non optimè contentus. Sic omnia præterquam animum mutationibus permittit, perinde si quis hodie galeâ, cras petaso caput tegat, perendie ligonem, paullo post calamum manu verset, & nunc stramini nunc plumis indormiat, itaque vestem mutet aut cubile, non frontis serenitatem, non animum. Talis est sinceræ Intentionis homo, hac vnâ ratione sibi semper simillimus, omnia ad maiorem Dei gloriam componit. <sup>c</sup> aduersa non dico, non sentit, sed vincit; illud marmoris, hoc hominis est. Si nihil aliud (inquit Thomas ille) quàm Dei beneplacitum & proximi vtilitatem intendis & quæris, internâ libertate perfrueris. Si rectum cor tuum esset, tunc omnis creatura speculum vitæ & liber sanctæ doctrinæ esset. <sup>d</sup>

Addidi: nunquam eum errare qui quidem rectæ Intentionis sit. Quoniam diligentibus Deum omnia cooperantur in bonum. <sup>e</sup> Et

<sup>a</sup> Prou. c. 12. v. 21.

k k

quomodo

<sup>b</sup> Imit. Christi l. 3. c. 33. n. 1.

<sup>c</sup> Imit. Christi l. 2. c. 4. n. 1.

<sup>d</sup> Rom. c. 8. v. 28.

quomodo is à Vero aut Bono aberret vnquam, qui in omnibus quæ agit, & Verum & Bonum, Deum ipsum, Intentione semper amantissimè complectitur. Scio sapientissimos quosque viros multa delinquere; scio, neminem tam circumspectum, cuius diligentia non aliquando sibi ipsi excidat; neminem tam maturum, cuius prudentiam non in aliquod seruidius factum casus impingat; neminem tam timidum offensarum, qui non in illas, dum vitat, incidat. « At hi errores (si vocemus) politici, ipsi erranti, sæpe alijs quoque bono sunt, cautioni & documento sunt. Tres illi ex Oriente dynastæ in errore fuerunt, cùm apud Herodem noui Regis capitalissimum hostem diuenterunt, quia tamen rectissima eorum erat Intentio, error hic tam illis ipsis quàm Christianis omnibus bono fuit. præstabat sic errare, vt multi suos errores dediscerent. Non aliter bonæ Intentionis homo, politicè, sic loquar, errabit sæpius, sed suo aliorumque bono. Diligentibus Deum omnia cooperantur in bonum.

a Sen. l. 3. de Irâ. c. 14.

### *Sexta Conclusio.*

Rectæ Intentionis hostis est maximus, humanæ laudis appetitus, & huius pater, Amor sui ipsius, nunquam sine improbitate ingeniosus. Nos in rem nostram callidi homines, felibus simili sumus. Felis quomodocunque ex alto ruat, in pedes decidit, & cadere desinit stando. Quacunque demum ratione nobiscum agat Deus, quicquid minetur, quicquid promittat, nos identidem ad nos ipsos relabimur, & stamus vitiosis pedibus, malignis affectibus. Blandimenta carnis, hæc nostra sunt fulcimenta, his basibus nitimur. Quod carni suaue, quod gratum, quod delectabile, hoc à nobis auidissimè ambitur. Verissimè dictum ab illo: In multis caligat oculus puræ Intentionis, respicitur enim citò in aliquod delectabile quod occurrit. Nam & raro totus liber quis inuenitur, à næuo propriæ exquisitionis. Sic Iudæi olim venerant in Bethaniam ad Martham & Mariam, non propter Iesum tantum, sed vt Lazarum viderent. Mundandus est ergo Intentionis oculus, vt sit simplex & rectus, atque vltra omnia media ad me dirigendus. « Quanti sunt, è quibus si quæras, cur hoc facis? responsum aliud non referas, quàm istud: quia ita mihi placet, quia hoc iuuat, & mel mihi est, quia hoc ad meum stomachum facit; hac re pascor, in hanc meus calor inhiat, hoc mihi volupe. Sic nos nobis ipsis

a Imit. Christi. l. 3. c. 33. n. 2.

semper



semper fauentissimi cenas apparamus, sic vestes dictamus, sic ædificamus, sic titulos affectamus, sic omnia facimus suauiter semper in nosmet indulgentiâ & miti affectu. Sed & illud felium feliciter imitatur; illæ vix vnquam à domo tam procul asportantur, quin norint redire domum: Sic nos tamen à nobis ipsis discessionem subinde faciamus per rectam Intentionem, breuiter tamen redimus ad nos, & eadem quâ prius industriâ commoda, delicias, lucra, & quicquid nostrum putamus, quærimus. Cum omnia fallunt, illud, *si mihi placet*, mordicus retinemus. & sic quandoque animi causa mali sumus. Virum autem fidelem quis inueniet? qui nunquam seipsum, Deum quærat in omnibus.

a Prou. c. 20. v. 6.

### *Septima Conclusio.*

Rectâ Intentione ad Deum se semper attollere, omnia facili animo tolerare, Dei voluntatem & honorem in omnibus spectare, cælum est extra cælum, & eternæ beatitudinis nobilissimum gustatorium, quo nobis propinatur summum bonum. Augustinus: Quicquid tibi Deus, inquit, aliud dederit, minus est quàm ipse; tibi non gratis, vt aliquid ab eo accipias: gratis cole, & ipsum accipies. quod enim dulcius à Deo præmium quàm Deus ipse? An non amantissimè nobiscum agit munificentissimus Deus qui ad suum nos seruitium sic inuitat: Quò plus præmij petis, hoc mihi charior es seruus; plus autem petere nequis, quàm meipsum, *summum bonum*; hoc ipsum non negabo, si tamen actiones tuas ad hoc disposueris.

Quàm illud cupiditatem nostram suauiter demulceret, si esset qui promitteret in horas singulas quinque aureos, modò singulis horis bis terue serio quis fateretur, se id quod facit, in gratiam aureorum facere. O Christiani, quin hoc tandem capimus? quauis horâ non quinque aureos, sed summum, sed omne, sed infinitum bonum promereri possumus, modò quot horis ad summi boni honorem, id quod agimus, referamus, vel vnica tali cogitationculâ: Mi Deus, hoc tuo honori facio: Domine propter te omnia. Dum hanc vitæ militiam sectamur, assiduè clamandum: Do-

MINO & GEDEONI; b DEO & DIVINAE GLORIAE; DEO & DIVINAE VOLUNTATI.

a Aug. l. 20. hom. b Indic. c. 7. v. 12.

kk 1

C A P.

## AD RELIGIOSOS, AD AVLICOS,

*Ad omnis Ordinis homines, RECTÆ INTENTIONI exercendæ.*

*Ad*

## RELIGIOSOS.

Cū RECTA INTENTIO Amvssis sit omnium prorsus humanarum actionum, nihil æquè magis curandum, quàm ne illa in obliquum detorqueatur. Fit enim plerumque ut quò nitidius quid est, eò citius inficiatur; quò tenerius, eò facilius lædatur; quò præstantius, eò gravius impugnetur. Intentio recta cū sui vigoris est, nitidissima prorsus, tenerrima, ac præstantissima est, hinc tam citò inficitur, tam faciliè læditur, tam graviter impugnetur.

Ipsa quidem Religio commissos sibi clientes docet omnia RECTA Intentione obire, sed heu quàm faciliè ac pronum est errare, nec ferè quidquam minus habet negotij quàm seipsum decipere. Nemo hinc vesti suæ credat, sed seipsum altiùs rimetur, & suæ Intentioni vigilantissimis curis attendat. Nil vſitatius stygio leoni quàm horrificas iubas sanctâ veste tegere. Tria sunt occulta, inquit Bernardus, illicita actio, dolosa Intentio, impudica affectio. Actionem illicitam & affectionem impudicam licet effugeris, dolosam tamen Intentionem non tam faciliè cauebis, quæ mille ostiolis novit in intimos animi recessus se penetrare.

Et videte obsecro, quàm lubricis illapsibus dolosa Intentio omnia pererret: Quid laudabilius in homine religioso, quàm semper esse in actione, & iam rudibus docendis, iam confessionibus excipendis, iam concionibus habendis, iam ægris instruendis occupari. Sed in has ipsas religiosissimas actiones quàm arcanâ malignitate obliqua sese insinuat Intentio! Nam, subinde nihil malumus quàm agere, sed non tam ut agamus, quàm ut tædium nostrum minuamus: prodire cupimus, non ut multis proſimus, sed quia latere non didicimus: labores varios ambimus, non ut otium fugiamus, sed ut in plurium notitiam veniamus. Non operosum tantum, sed & religiosum est concionari: at omnem concionis fructum non à conatu sed ab euentu æstimare, auditores paucos, aut pauperes, simplices aut paganos spernere, celebriores cathedras nò aperto quidem



ambitu inuadere, sed occultis meatibus aditū in illas sibi aperire, & ea pro suggestu differere, quæ admirationi sint potiùs quàm instructioni, quæ doctiores faciant auditores non sanctiores, corruptam prorsus arguit Intentionem. Eiusdem generis est, à viliorum hominum confessionibus audiendis abhorre, aut saltem tam promptum non esse, quàm cum primates viri feminæque confluunt.

Eodem spectat, in scholis non sine pompâ & ampullis docere, in scientijs præcellentem se ostendere, alios tanquam ex folio despicere, & omnem curam in hoc intendere, vt palmam laudè inque nemo, vel paucissimi præripiant: ceterum temerè, inconstanter, & inconsultè pleraque aggredi, nullam iniuriæ ferre imaginem, & pænè omnia ad plausum facere, nec suauiore in musicam vllam putare, quàm audire: hic ille Rhetorum facundissimus, hic magnus ille Concionator est, ille acutus Philosophus, hic ille profundæ scientiæ Theologus est. O Religiosi, ô serui Dei, hoc est nobilissimas merces pretio vilissimo vendere, imò in igne abijcere. Videte quorum mores Chrysostomus deploret his ipsis verbis: Ita etiam nunc vsu venit in Ecclesiâ: Ignis omnia deprehendit. Honores quærimus ab hominibus, & amore gloriæ accendimur. Honoris serui facti sumus, Deo dimisso. Non amplius possumus increpare eos qui à nobis reguntur, cum ipsi quoque eadem febre teneamur; & ipsi egemus medicinâ, quos Deus posuit, vt alijs mederemur. Quænam autem iam restat spes salutis, cum ij ipsi qui medentur, aliorum manu indigent? *a*

Moses bis rupem in fontem diluit, & largissimas aquas è petrà scaturire iussit, sui scipionis illisu, sed non vtroque facto Numini placuit. Et quæ causâ discriminis? vtroque enim ingens miraculum, vtroque ad iussus diuinos, saxum virgâ percussit, vtroque de solidi saxi vulnere patefecit flumina. Ratio diuersitatis hæc fuit. Primo illo prodigio, dum Moses virgâ scopulum tetigit, intentissimos oculos in Deum fixit. Deus enim pollicitus. *En ego, inquit, stabo ibi coram te, supra petram Horeb: percussis que petram, & exiit ex eâ aqua, ut bibat populus.* b Altero autem prodigio hic idem Moses, non in solo Deo defixos tenuit oculos, sed in Israël's populo. Nam: *Audite, inquit, rebelles & increduli, num de petrà vobis aquam poterimus eijcere?* Non placuit hic Moses, vt antè. Deus ipse in illum & Aaronem commotior: Quia non credidistis mihi, inquit, vt sanctificaretis me coram filiis Israël, non introducetis hos populos in

kk ;

terram

lum facile remedium inuenit, quia vix vllum non spernit. Neque solum Inuidiæ malum propè insanabile multos in aulis exercet; alia quoque non desunt, quæ melius tamen vinci nequeunt, quàm tolerando. Notissima vox est eius, qui in cultu regum conseruauerat. Cùm illum quidam interrogaret: Quomodo rarissimam rem in aulâ consecutus esset, senectutem? Iniurias, inquit, accipiendo, & gratias agendo. <sup>a</sup> Nam potentiorum iniuriæ hilari vultu, non patienter tantum ferendæ sunt. Sæpe adeò iniuriam vindicare non expedit, vt ne fateri quidem expediat. Ergo licet in aulas Fortuna bona, Fortuna aurea, cum maximis copijs iminigrasse videatur, nisi tamen sæpius in subsidium vocetur & Patientia, nulla felicitas in aulis diu salua erit. Etiam in amplissimis palatijs & regum turribus, patientiâ opus est & quidem crebrâ, & sæpe non vulgari aut plebeiâ. Si ars patiendi desit, innumeris omnia querelis miscebuntur: vix quisquam erit qui sibi ex integro satisfactum fateatur; nullus suo se pretio satis æstimatum credet; omnes aut maiora se sperasse, aut minora meritis impetrasse dicent. Nobilissimum in hæc omnia mala est antidotum RECTA INTENTIO. Sine hac vanitas vanitatum, & omnia vanitas, quæcunque regibus delata obsequia. Certè Deus conuenientissimo præmio eos remunerat, qui omnem suam industriam prauâ Intentione corrumpunt. Sunt qui solis principum oculis & auribus seruiant, modò illos impleant, has occupent, hoc summam votorum ducunt: de rectâ in Deum Intentione assidue dirigendâ parum laborant; Dei gratiam vti non sperant ita sanè nec ambiunt, sed nec aliter viuunt, quàm si apertè dicant: *Quis nobis pecuniam de cælo?* Regum aureæ manus nostra mar-supia saginant; aureos è cælo imbres expectet qui volet, nos ab aulis excipimus opulentas has pluuias. His regum fauor summa felicitas est, ac tum demum beatos se credunt, cùm principum oculos sibi maximè propitios & annuentes habent. Hos, inquam, Deus, prout de illo meriti sunt, tractare exsequitur. quandoque illis omnia alia quàm sperarant, eueniunt: illis ipsis oculis, quibus deuotissimi erant, displicere incipiunt, nec iam ampliùs, vt olim, tam patentes ac beneuolas aures obtinent. Hic illi cælum & terram querelis incessere, nil suis obsequijs dignè rependi, meliora se meritos; si humanum desit auxilium, Deum iniuriæ suæ fore vindicem. Et quid vos, ô boni, Deum in vestram nunc partem trahitis? Principis oculos obseruastis, non Numinis, omnium laborum vestrorum Intentio in aulam ibat, non in cælum. Vos iam sine fronte, subsi-



dium è cælo, quod nunquam quæsiſtis; opem à Deo, cui nunquam ſeruiſtis, ſperatis? Vbi ſunt Dij in quibus habebatis fiducia? de quorum victimis comedebatis adipēs, & bibebatis vinum libaminum: ſurgant, & opitulentur vobis, & in neceſſitate vos protegant. Hæc digniſſima illis merces eſt, qui rectam Intentionem quam vni Deo debebant, in homines obliquam detorſerunt. Deinum ab hominibus & Deo iuſtiſſimè deſerti, ſibi ipſis relinquuntur in exitium. Tanti eſt rectam Intentionem quam Deo vniuerſi debemus, improbo furto in ſeruitutem humanam traducere: tanti eſt diuinis oculis neglectis ad humanos omnem ſuæ indiſtriæ Intentionem auertere.

Vos ergo, quicumque Aulas ſectamini, per veſtram ſalutem obſecro, hoc ſaltem velitis, ſcilicet labores veſtros non perdere. nec enim vtilius quidquam eſt, quàm ſibi ſic vtilem fieri. Placeat vobis virtus, & ante omnia Intentio recta, non quia delectat, ſed ideò delectet, quia placet: miniſtra maximæquæ eſt conſilio rectæ Intentionis vobis gerenda ſunt. Sæpe Deo gratior eſt modus agendi, quàm actio ipſa, quamvis præſantiſſima. Sicut cibus exquiſitè conditus, ſuauior interdum eſt, quàm alius longè pretioſior, ſi malè condiatur. Quid humilius Dauidis ante Arcam ſaltatione? In eâ tamen affectus & præclara Intentio mirè placuit. Deo diſplicere nequit quod à rectâ Intentione prouenit.

Intentio recta multis Aularum malis ſuauius mederi poterit, ſi admittatur. Reperiuntur in Aulis, præter illos quos diximus, nec pauci, qui quamvis vultu rideant, animo tamen tristes & omnia deplorantes, quibus nulla non cauſa in querelas placet, perturbati & omnia gementes, quibus nec aureus imber ſatis ſit, vt queri deſinant. Infelix genus hominum, quibus nihil placet, niſi quod ipſi faciunt; quibus quicquid datur, ſemper minus eſt quàm cupierant, vel ſperarant. O ærumnoſi! ſed veſtrâ culpâ. quod de Aula conquerimini, hoc nuſpiam non inuenitur. Cogitate ergo ſæpius, nullam eſſe tam bonam felicitatem, de quâ nihil queri poſſimus. Quiſquis autem rectæ in omnibus Intentionis eſt, contentus eſt ſe teſte & ſua conſcientiâ, teſte Deo & cælo: omnium quæ meritis ſuis non reſpondent, Deum debitorem appellat. Sunt in Aulis alij, primis illis non multum abſimiles, quos non benefacere delectat, ſed videri benefeciſſe, qui gloriæ dediti rebus ſuis omnibus pompam induunt, qui principum oculis aut auribus oſtentatricem & inanem operam vendunt, omnium minimè ſolliciti de

**rectâ Intentione.** Ut quidam fructus ad videndi voluptatem sunt non ad gustum; & ut quædam obscuriores geminæ interdum ab artificio & circumposito auro lucem accipiunt optimis parem, sic illorum functiones splendent adscititijs radijs fucatæ solertiæ. Verè de his Gregorius: Cùm se ostendere alienis oculis appetunt, damnant, quod agunt. & Horum inanissimi sunt labores & planè nulli, quia rectâ Intentione destituti. Quòd si frustra fatigari nolint, discant Intentionem rectam actionibus omnibus miscere, & omnem muneri suo pompam detrahere; discant plurimum facere, & minimum de se loqui.

Sed sunt etiam in Aulis, qui, cùm eorum maxima sit cura, gratiam & fauorem ambire, vices periclitantis dignitatis, & voluptatum fugitivos ac mutabiles vultus assidue formidant. Hi vitam leporis agunt, inquieti semper & trepidi, atque ad omnem auræ sibilum pericula somniantes, alia illos ex aliâ fatigat cura, qui si rectâ Intentione animum firmarent, extra metum & tremores istos viverent, Deo nixi non humanis fauoribus.

Quid porrò de ijs sentiendum qui omnium minimè ferre possunt, quod ipsimet faciunt, hoc est, inuidere alijs & æmulari. Aliorum inuidiâ cùm petuntur, res ipsis intolerabilis videtur, verùm se alijs inuidere suauissimâ sui indulgentiâ dissimulant. In hos iam suprâ pronuntiauius: Rectæ Intentionis hostis est, quisquis inuidiæ tam familiaris est. Ecquid alteri alteris noxam inferre tam laboriosè contenditis? Imperitorum hoc est, qui dum hostem ferire statuunt, seipsos aduerso telo transfuerberant. Nemo alteri vel leuiter inuidet, quin sibi ipse plurimum noceat.

*Aude animo inuidiam contemnere: non nocet illi*

*Quem petit; auctori sed nocet illa suo.*

Coneris itaque, quisquis es, æmulos tuos tuâ patientiâ, & rectè factis macerare; sic vincis. Scis, quàm bene aut Phaëthon curru, aut Icarus pennis sit vsus: Si te altiùs supra alios efferre volueris, cades.

Neque verò desunt in aulis quos deliciarum consuetudo corpori blandiens, & pietatis quasi superfluæ obliuio eò deducunt, ut sibi ipsi tantùm in pretio sint, alios quasi è sublimi despiciant, & nihili præ se faciant; impotentiores premant, & omnem iniuriæ vel umbram horreant. Tam autem gratiosa virtus est, ut insitum sit etiam malis, probare meliora. Quis illorum est qui non beneficis videri velit? qui non inter scelera & iniurias opinionem bonitatis



affectet? qui non ijs quæ impotentissimè facit, speciem aliquam induat recti? velit etiam & ijs videri beneficium dedisse, quos læsit? Gratiæ itaque agi sibi ab his quos afflixere, patiuntur; bonosque se ac liberales fingunt, quia præstare nolunt. Sed & hos recta Intentio ( si tamen disciplinam admittant ) docebit, vitæ tractum prospicere, & alternantis fortunæ vicissitudinem contemplari: discent humanæ fragilitatis non obliuisci, nec nimiam sui fiduciâ extolli, aduersus minores humanitatem, aduersus maiores reuerentiam seruare, lentos eiusmodi odiososque mores exuere, omnia sine contumaciâ sic agere, vt nulla sit in audiendo difficultas, nulla in respondendo mora, & ipsi, cum opus, ad omnia quæ agenda sunt, quietâ cum industriâ adsint. Sed & illud docet recta Intentio: Si imbecillior est qui te læsit, parce illi: si potentior, tace, & fortunam tuam, quæcunque illa sit, reuerenter habe: Noris sapienter dictum: Dum excelsus steti, nunquam pauere destiti. <sup>a</sup> Nam

*Fortuna magna non caret formidine,  
Nec splendoreminens sacat periculo:  
Et quicquid altum est, haud tutum diu manet.  
Vt quod ruat vel inuidiâ, vel tempore. b*

Ne nimium tibi fide, imò nihil, quisquis es, propositique memor contrahe vela tui. <sup>c</sup> Frequenter eminentis vitæ exitus fuit, *cadere*. Qui casum metuit, omnium actionum sequatur ducem Rectam Intentionem: hac qui caret, nec sibi commodat, nec alijs. Non dat beneficium qui malo animo prodest. In præcipitium tendit, qui suas actiones non optimo fine insignit: incassum laborat, qui Deum laboris terminum non cogitat: omnium seruorum miserrimus est, cui recta Intentio deest. Nolite igitur, ô Palatini domini, ô quicunque Aulici, nolite serere in spinas. <sup>d</sup> Nolite meritis vestris tantam inferere contumeliâ, vt ea velitis cælesti præmio fraudari. Obsecro non ambitioni, non famæ, non oculis laborate, quicquid laboris vestra vobis munia exhibeant; & quicquid demum tolerandum veniat, non fauori & gratiæ, non numis & opibus, non ostentationi & gloriæ tolerate, sed Deo, cui se nemo vnquam aliter probauerit, quàm rectâ Intentione.

*Ad*

<sup>a</sup> Sen. Thyest. act. 3. <sup>b</sup> Apollod. <sup>c</sup> Ouid. l. 3. Trist.  
<sup>d</sup> Hierem. c. 4. v. 4.

Ad

## OMNIS ORDINIS HOMINES.

Optimè dixisse mihi visus est Diogenes, qui aiebat : Homines ea, quæ faciunt ad viuendum, summâ curâ perquirere, sed quæ ad bene viuendum conducant, nihili pendere & negligere. <sup>a</sup> Ita prorsus est, omnes hoc agimus, vt res nostras agamus, quàm bene, & quâ Intentione agamus, paucissimi sunt qui serium ad id animum applicent. O Christiani, non solùm quid faciamus, sed quo id animo faciamus, maximi momenti est. Hinc contra Sardensem Antistitem Apocalypticus ille Angelus Ioannes grauissimè conqueri iussus; *Sic, inquit, opera tua, quia nomen habes quod viuas, & mortuus es. Non enim inuenio opera tua plena coram Deo meo* <sup>b</sup> Episcopi huius opera hominibus quidem plena & præclara videbantur, sed non talia erant coram Deo, qui intimam hominis Intentionem inspicit, ideò illa vt vacua prorsus & inania accusantur, carebant enim rectâ finis Intentione. Ided etiam hic ipse Sardenfis Ecclesiæ præsul, mortuus pronuntiatur, tametsi ab alijs inter viuos censeretur.

O quantus talium mortuorum numerus in orbe viuere credendus est! qui nomen habent quòd viuant, & mortui sunt, quorum opera plena quidem videri possunt, sed quia Intentione rectâ destituuntur, inania sunt, & cassæ nuci similia. Fœda nox & meræ tenebræ omnia inuoluunt, vbicunque rectæ Intentionis splendor non effulget. Nullum corpus pulchrum sine hoc oculo, nullum cum hoc fœdum : *Lucerna corporis tui est oculus tuus. Si oculus tuus fuerit simplex, totum corpus tuum lucidum erit. Si autem oculus tuus fuerit nequam, totum corpus tuum tenebrosum erit.* <sup>c</sup> Diximus iam supra : rectè agere, vt inferos euadas, illiberalis serui est : vt cælum obtineas, quæstuosi mercenarij : vt Deo placeas, hoc demum charissimi est filij. Bonus homo de bono thesauro profert bona, & malus homo de malo thesauro profert mala. <sup>d</sup> Verè thesaurus cordis, Intentio est cogitationis. Intentio est, inquit Augustinus, quâ facimus, quicquid facimus, quæ si munda fuerit & recta, & illud aspiciens quod aspiciendum est, omnia opera nostra, quæ secundum eam operamur, necesse est bona sint. <sup>e</sup>

Itaque non tam quid demus, quid faciamus, vel quid toleremus refert, quàm quâ mète, quâ Intentione. Nam virtus non in eo quod datur, quod fit, aut quod toleratur, consistit, sed in ipso dantis,

aut

<sup>a</sup> Stob. serm. 2. <sup>b</sup> Apoc. c. 3. v. 2. <sup>c</sup> Matth. c. 6. v. 22. & 23.

<sup>d</sup> Matth. c. 12. v. 35. <sup>e</sup> Aug. l. 2. de serm. dom. c. 22



aut facientis, aut tolerantis animo & Intentione. Quâ in repensandum est, inquit Gregorius, ut omne bonum quod agitur, per Intentionem semper ad cœlestia leuetur. « Intentio est quæ parua extollit, sordida illustrat, magna verò & in pretio habita dehonestat, prout ipsa vel recta vel praua est. Illa quæ appetuntur, neutram naturam habent, nec boni nec mali: id refert quò ea Intentio impellat, hæc enim formam dat rebus. Omnes virtutes ruunt, sine rectâ Intentione, quæ vitæ virtutum est, & omnium meritorum scaturigo. Bernardus in illa Domini verba (Tu autem cum ieiunas, laua faciem tuam) Per hoc, inquit, quod iubet faciem lauare, præcipit nobis Intentionem puram seruare: quia sicut decor corporis in facie, ita decor totius operationis animæ consistit in Intentione. *b*

Cœlestis rex sponsam suam à proceritate commendans: Statua tua, inquit, assimilata est palmæ. « Hoc encomio bonæ Intentionis rectitudinem ac firmitatem appositissimè designat, quæ constans & recta perpetuò se ad Deum erigit, quod palmæ proprium, in altum scilicet ramos emittere, & inter arbores eminere. Sponsa sic laudata, ne ingrati animi sit: Omnia, inquit, poma noua & vetera, dilecte mi, seruauit tibi. *d* Me meaque omnia sanctissimæ voluntati tuæ trado, honori tuo me totam consecro, oculos meos rebus omnibus clausos, tibi vni aperio, illos in te solum intendo, sed & omnibus membris alijs in tuum duntaxat famulatum vtor. Quâ verò ratione membra omnia diuinis seruitijs impendenda sint, insigniter Chrysostomus: Oculum, inquit, tibi fecit; oculum illi vtendum exhibe, non diabolo. quomodo verò illi exhibebis? si creaturis eius visis, ipsum glorificaueris, visumque à mulierum conspectu abduxeris. Fecit tibi manus; illas ipsi possideto, non diabolo: non ad rapinam & auaritiâ, sed ad ipsius mandata & beneficia, & ad continuas preces, & ad succurrendum deficientibus eas porrigens & extendens. Fecit tibi aures; illas ipsi exhibitò, non lasciujs concentibus, obscœnis fabulis, sed omnis meditatio tua sit in lege excelsi. Os tibi fecit; illud nihil agat eorum quæ illi non probantur, sed psalmodias, hymnos, & spirituales odas concinito. Fecit tibi pedes; non ut ad malitiam curras, sed ad ea quæ bona sunt. Fecit tibi ventrem, non ut eum cibus rumpas, sed ut philosopheris. Dedit indumenta ut tegamur, non ad ostentationem, non ut illa quidem multum habeant auri, Christus verò nudus

*a* Greg. l. i. in Ezech. hom. 4. *b* Bernard. in sent. *c* Cant. c. 7. v. 7. *d* Ibid.

dus pereat. *Casam, pecunias, & fruges dedit, non ut solus habeas, sed ut & alij, præsertim egenis impertias.* Hæc omnia docet recta Intentio quæ omnes humanas actiones ad Deum eleuat, nec quidquam in se venale habet, sibi semper bene conscia, infatigabilis, omnibus exposita, nudo homine contenta, nunquam enim usque eò interclusa sunt omnia, ut optimæ Intentioni locus non sit. Nunquam recta Intentio vritur, nec sibi odio est, nec quidquam mutat, quia semper sequitur optimum, vnum Deum, summum bonum. Illuc ergo ascendit, vnde nullâ vi detrahitur: quò nec dolori, nec spei, nec timori sit aditus, nec ulli rei quæ summi boni complexum eripiat. Intentio recta quicquid aduersi euenit, perfert, non patiens tantum, sed etiam volens & hilaris, omnemque temporum difficultatem scit legem esse naturæ. Intentio recta optimum est, etiam pessimæ fortunæ condimentum. Et ut bonus miles vulnera non horret, cicatrices enuherat, & transuerberatus telis, moriens amat eum, pro quo cadit, Imperatorem: Sic recta Intentio vetus illud præceptum, *DEVM SEQUERE*, pro regulâ habet, Deumque semper totis sequitur viribus, nihil vnquam quod Dei causâ faciendum, recusat, asperriua quæuis pro Deo promptissimè amplectitur; Deo in omnibus parere maximam libertatem iudicat; pro Deo mori, felicitatis suæ iucundissimam clausulam arbitratur. Hac ratione recta Intentio nunquam sine lucro est, quacunque se vel leuiter moueat, maximos quæstus facit, nihil frustra tentat, è rerum euentu non pendet, omnia ei ex sententiâ cedunt, neque impediri ullâ ratione potest. Et quamuis nondum sit in regno, ad regnum tamen & quidem æternum se natam nouit. Oculatissima est recta Intentio, imò tota est oculus, sed qui continuè fixus hæreat in Deo. Quicunque igitur rectæ Intentionis esset, putate Deum vobis dicere: Quid est quod de me queri possitis vos, quibus recta placuerunt? Alij bona falsa rapiunt, & animos gerunt inanes, velut longo fallacique somnio lufos. Auro illi, argento, & veste pretiosâ ornantur; intus boni nihil est. Isti quos pro felibus aspicietis, si non quâ occurrunt, sed quâ latent, videritis, miseri sunt, sordidi, turpes, ad similitudinem parietum suorum extrinsecus culti. Non est ista solida & sincera felicitas: crusta est, & quidem tenuis. Itaque dum illis licet stare, & ad arbitrium suum ostendi, nitent & imponunt: cum aliquid incidit, quod disturber ac detegat, tunc apparet quantum altæ ac veræ fœditatis alienus splendor absconderit. Vobis dedi bona certa, mansura: quantò magis



ea verſaueritis & inſpexeritis, meliora erunt maiorâque. Permiſi vobis metuenda contemnere, cupienda ſatidire, non fulgetis extrinſecus: bona veſtra introſus obuerſa ſunt. non egere felicitate felicitas veſtra eſt. At inulta incidunt triſtia, horrenda, dura toleratur: quia vos bono veſtro his ſubducere nolui, animos veſtros aduerſus hæc omnia arinaui. Ferte fortiter, & aſidue in vobis Rectam Intentionem, velut ignem iugis ſacrificij reſtaurate.

Igitur, ô Chriſtiani, in vobis ac veſtrâ voluntate ſitum eſt, nunquam aut ſemper errare; rariùs an continuè mereri velitis. Rectæ Intentionis inopiam nemo patitur niſi qui vult, prima ſiquidem & maxima pars illius eſt VELLE. Quiſquis ſincerè omnia propter Deum vult, hic virtutibus omnibus per compendium ſtudet. Nam vt omnium aliarum virtutum, ita huius ad animum tota redit æſtimatio.

a Sen. l. de prouid. c. 6.

## CAP. XII.

De

### RECTA INTENTIONE

*dictorum Epilogus.*

ATTENDE TIBI, a Tobiz & Timotheo ſaluberrimè dictum, in virtutis tutelam. Oſtium pandit vitij omnibus *ſibi non attendere*, raro domi ſuz, ſibi ipſi præſentem non eſſe; animo, quâ lubet, euagari, rebus plurimis ſe miſcere, cupiditates longè mittere, nihil præcogitare, in ſuperuacuis aut alienis laborare, multa & nihil agere, omnia turbato animo, & in incertum emiſſis oculis aſpicere. Simplex oculus laudatiſſimus.

a Tob. c. 4. v. 13. & 1. Tim. c. 4. v. 16.

#### §. I.

Cyrus Perſarum rex potentiſſimus, vt Xenophon memorat, eſſi Tigranem Armeniorum regem bello exarmatum, vnâ cum coniuge captiuum in vinculis haberet, humanitatis tamen obliuiſci noluit, & ſe quoque hominem eſſe prudenter meminit. Cum itaque variam regum fortunam altiore cogitatione ſecum ipſe perpenderet, duos illos regios coniuges, non ad colloquium tantum, ſed & ad menſam ſuam adhibuit, ipſe velut conuiuator & cenæ Dominus, inter epulas variè facetus, nec ſine riſu hilaris. Detinuit conuiuarum animum exploraturus: Dic Tigranes obſecro, inquit, pro

pro tuâ coniuge quod mihi redemptionis pretium das? Cui Tigranes liberè: Equidem regnum darem in lytrum, si tua fortuna id mihi non inuidisset: nunc cum regno caream, caput meum in illius salutem promptè dependam. Mirificè delectatus Cyrus tam sincero amore, in commiserationis affectum libenter transijt, & vtrique libertatem vnâ cum regno restituit. Tigranes iam sibi & regno redditus coniugem interrogare institit, quid ei de Cyri prudentiâ & magnanimitate, quid de formâ videretur? Ad quæ prudens regina: O mi optime coniux, inquit, non ego in Cyrum oculos, sed in illum conieci, qui se capite suo libertatem meam redempturum pollicebatur, hunc ego vnum aspexi, dum inter Persas egimus. Prudentissimum dictum: Ei oculos iure deberi, cui nec vitam negare possis.

## §. II.

Quin ergo, mi Christiane, *Attendis tibi*, & oculos ei tuos non negas, cui & vitam tuam debes. Scis, te tuum non esse: nosti, quis pro te moriendo vitam tibi dederit: & quomodo non in vnum hunc assertorem tuum tuus ibit oculus, tua Intentio? Frustra viuis, nisi in huius vnus obtutu assiduo hæres. Hac enim vnâ ratione tibi præsens es, cum in tuum conditorem & reparatorem sic transis. Ah, quoties domi nostræ non sumus, & extra nos abimus? quanto cuique habere se contingit? Hominem iratum mihi obserua, & audies quàm ipse ultro fateatur, se non esse apud se præ iracundiâ, nihil enim minùs in potestate habet quàm seipsum, & iram suam. Aspice libidinosum; hic & oculos & animum perdidit in alieno vultu: non est apud se, nihil illi cum oculo simplici. Auarum cerne: suæ mentis nunquam est, pecunia eam ipsi rapuit. Et quis inuidum sui compotem esse dixerit? sibi nunquam attendit, sed alijs quos it perditum. Hominem gulonem intuere, exsensâ mente est, totus in patinis, aut poculis sepultus est. Omnia omnino vitia, errores omnes hoc sui principium habent, *non attendere*, vix vnquam sibi præsentem esse.

*Hoc se quisque modo fugit — a*

Sic & impatiens à se exit, totus extra se agit, & hinc in stultissimas quærelas effunditur. Qui aliquid sui & sanæ mentis retinet, ita secum ratiocinatur: Quid ago? rem meam ex malâ meliusculam non fecero furendo: si quod damnum passus sum, augebit illud ab hac rabie; si quod illaturus sum, incautum habeo ministrum  
furorem;



omnium malorum, quæ venientia longè antè videris, aduentum lenit. estque sapientis, quicquid homini accidere possit, id modicè ferendum esse si aduenerit, præmeditari. Christus suos in omne genus iniuriarum & cruciatuum armaturus: Hæc, inquit, locutus sum vobis, vt cum venerit hora, eorum reminiscamini. <sup>a</sup> Tanquam si dixerit suis: facilius omnia feretis, si præuideatis ferenda. Pro- uisio hæc animi ad vitam rectè instituendam summè necessaria est. Ideò vrget Siracides, &: Fili, inquit, accedens ad seruitutem Dei, sta in iustitiâ, & in timore, & præpara animam tuam ad tentationē. <sup>b</sup> Præpara te, siquidem hominis est præparare cor. <sup>c</sup> In aduersa omnia clypeus adamantinus est, seria eorum præmeditatio. Le- uisus lædit, quicquid antè præuidimus, Nam præuisa minùs tela fe- rire solent. Repentina omnia videntur grauiora, & facillimè nos subruunt, quæ subito impetu in nos feruntur.

Romanus Sapiens, præclarissimè hac de re philosophatus: tu- tissimum, inquit, fortunam rarò experiri, ceterum semper de illâ cogitare, & sibi nihil de fide eius promittere. Nauigabo, nisi si quid inciderit: & prætor fiam, nisi si quid obstiterit: & negotiatio mihi respondebit, nisi si quid interuenerit. Hoc est quare sapienti nihil contra opinionem dicamus accidere. non illum casibus hominum excepimus, sed erroribus: nec illi omnia vt voluit, cedunt, sed vt cogitauit. in primis autem cogitauit, aliquid posse propositis suis re- sistere. Necessè est autem leuius ad animum peruenire, destitutæ cupiditatis dolorem, cui successum non utique promiseris. <sup>d</sup>

Qui hîc sibi non attendit, si quid contra quàm destinauit, acci- dat, fremit & insanit, moderatè id toleraturus, si præuidisset. Ita Zeno Citienſis cum inaudisset omnia sibi sua mari submersa: Lau- do, inquit, tuum factum fortuna, quæ nos in palliolum & porticum redigis: iam expeditius philosophari me iubes. Præuidit utique hanc plagam, ideò placatè tulit. Inexpectata plus aggrauant: noui- tas adijcit calamitatibus pondus. Ideò nihil nobis improuisum esse debet. In omnia præmittendus est animus, cogitandumque, non quicquid solet, sed quicquid fieri potest. Nullum tempus exceptum est ab acerbo euentu: in ipsis voluptatibus causæ doloris oriuntur: bellum in mediâ pace confurgit, & auxilia securitatis in metum transeunt: ex amico inimicus, hostis ex socio fit. Sæpe sine hoste patimur hostilia: & cladis causas, si alia deficiunt, nimia sibi felici- tas inuenit. Inuadit temperatissimos morbus, validissimos phthisis,

innocentissimos pœna, secretissimos tumultus. « Ea verò plerumque plurimum dolent, quæ ut inopinata & insolita miramur, & quærimus: Vnde hoc? Quomodo? Quis putasset?

Ergo *Attende tibi*, nihil eorum quæ pateris, insolitum, nihil inexpectatum tibi sit. Offendi rebus istis tam ridiculum est, quam queri quodd spargaris in publico, aut inquineris in luto. Eadem vitæ conditio est quæ balnei, turbæ, itineris: quædam immittentur, quædam incident. Non est delicata res, viuere. Longam viam ingressus es; & labaris oportet, & lasseris, & cadas. Alio loco comitem relinques, alio efferes, alio timebis, *Attende tibi*. Pereiusmodi offensas emetiendum est confragolum hoc iter, præparetur ergo animus contra omnia. Sciat se venisse vbi patiatur fulmen, sciat se venisse, vbi

*Luctus: Et vltices pascere cubilia cura,*

*Pallente que habitans morbo, trullique senectus. b*

In hoc contubernio vita degenda est. Effugere ista non potes, præuidere potes, contemnere potes: contemnes autem, si sæpe cogitaueris, & futura præsumperis. Nemo non fortius ad id cui se diu composuerat, accessit, & duris quoque, si præmeditata erant, obstitit. At contra imparatus, etiam leuissima expauit. Id agendum est, ne quid nobis inopinatum sit: & quia omnia nouitate grauiora sunt, hæc cogitatio assidua præstabit, ut nulli malo, tirones simus. Nihil miremur eorum ad quæ nati sumus, quæ ideo nulli ferenda indigne, quia paria sunt omnibus. Quicquid dixeris, multis accidit, & accidet deinceps. Ita dico, paria sunt, nam etiam quod effugit aliquis, pati potuit. Equum autem ius est, non quo omnes vsi sunt, sed quo omnibus latum est. Imperetur æquitas animo, & sine querelâ mortalitatis tributa pendamus. Hiems frigora adducit, algendum est. Aestas calores refert, æstuandum est. Intemperies cæli valetudinem tentat; ægotandum est. Et fera nobis loco occurret, & homo perniciosior omnibus feris, *Attende tibi*. Aliud aqua, aliud ignis eripiet. Hanc rerum conditionem mutare non possumus: id possumus, magnum sumere animum, & homine Christiano dignum, quo fortiter fortuita patiamur. Optimum est pati quod emendare non possis: & Deum, quo auctore cuncta proueniunt, sine murmuratione comitari. malus miles est qui imperatorem suum gemens sequitur. Hic est magnus animus qui se Deo tradidit: at contra ille pusillus ac degener, qui obluctatur, & de ordine Mun-

di



Et male existimat; & emendare mauult omnia quam se. Deo nos tradamus & simplicem Intentionis oculum in Deo vno figamus. Sic viuamus, sic loquamur: paratos nos semper inueniat atque impigros sanctissima Dei voluntas.

## §. IV.

Hoc ipsum insignissimè confirmans Epictetus: Cuiusque rei, inquit, antecedentibus & consequentibus consideratis sic eam aggreditor. Alioqui cupidè quidem eam aggredieris: quippe qui nihil eorum quæ sequuntur consideraris. Postea verò cum aliqua molestia ac difficultates intercesserint, turpiter desistes. Cupis vincere Olympia? Considerato antecedentia & consequentia: & sic, si è re tuâ fuerit, rem aggreditor. Est tibi accurato ordine opus, bellarijs abstinendum, exercendum corpus vel inuito, idque horâ præfinitâ, in aestu, in frigore: non bibenda frigida: aliquando ne vinum quidem; denique lanistæ tanquam medico te tradas oportebit. Deinde in certamine lanari corpus contingit; manum lædi, distorqueri lumbos; multum pulueris deglutiri, flagris cædi, & cum his omnibus interdum vinci. His rebus consideratis, si placeat, certamen inuito. Sin minus, vide ut puerorum more acturus sis, qui nunc pugiles ludunt, nunc gladiatores, nunc tubâ canunt, nunc tragœdias agunt, cum illa viderint admirarique fuerint. Sic & tu nunc pugileris, nunc gladiator, mox philosophus, postea orator, toto autem animo nihil: sed ut finis, quicquid videris, imitaberis. Subinde aliud ex alio tibi placebit, vitata verò displicebunt. Neque enim consideratè quidquam aggressus es, neque rem totam explorasti, aut examinasti, sed temere & frigida cupiditate impulsus. Ergo in posterum *Attende tibi.*

Diogenes interrogatus quid in philosophiâ didicisset? Respondit: Præuidere aduersa, & cum aduenerint illa, patienter ferre. Nihil scit, quisquis ista non didicit. Quæ alijs diu patiendò leuia sunt, vir sapiens leuia facit, diu cogitando. In tantâ rerum, sursum ac deorsum euntium, versatione, si non quicquid fieri potest, pro futuro habes, das in te vires rebus aduersis, quas infregit, quisquis prior vidit. Basiliscus, ut aiunt, prius videndo necat hominem; sin ipse prius ab homine videatur, in fugam vertitur. Idem nobis euenit, si calamitas celerior sit nostris cogitationibus, & in securos irruat, facili negotio totos deiicit; sin animum in eam ob-

firmemus, & venientem oculo illo simplici aspiciamus, sine viribus est, & iam paratos leuiter stringet, idque cum profectu & emolumento nostro. Ergo, *Attende tibi*, & ad asperriam quamque sortem excipiendam te para.

Cum Anaxagoras apud Athenienses in vinculis esset, duo ad eum nuncij vno die allati sunt in carcerem. Prior mortem ei decretam esse significabat. Ad quem Anaxagoras constanti vultu: Iam pridem, inquit, sententiam tulit natura, tam in me, quam illos qui me damnant. Porro alter, duos ipsius filios interijisse nuntiabat. Et huic, saluo colore respondit: Sciebam me mortales genuisse. En, tela tamdiu praeuisa, quam non laeserint! Seuerus Imperator uti alia pleraque, sic & mortem praemeditari solitus, loculum ad lectum habuit, quem frequenter allocutus: Tu virum, aiebat, capies quem Orbis non potest. Vlysses viginti annis militiae vagatus, iam redux Penelopen coniugem flentem siccis salutauit oculis; sed catello ad Domini praesentiam insanè gestienti, & repente mortuo illacrimauit. <sup>a</sup> Nam vxoris lacrimas praecepit, atque animo secum antè peregit; in illum autem fletum subita res & inexpectata eum coniecerat. Sic aduersa omnia praecipienda sunt animo, & longè tranquillius perferentur. Quemadmodum enim is qui se turbæ immiscet, aliud non expectet quam impelli, trudi, comprimī: ita is qui peregrè iturus non speret nisi caelum caliginosum, immitte, ventosum, pluuium, spurcissimam tempestatem, hospitia incommodissima, non tamen modicos sumptus exactura: iam errores viae, lapsus equorum, euersionem currus, varios casus, tanquam solitas itinerum appendices consideret, ut cum hæc euenerint, dicere possit: *ista praeuidi*. Turpissimæ sunt voces illæ: Sperabam meliora: Non putaram sic mecum agendum: Tam grauiam non expectabam: Nesciebam fortunam mihi nouercam esse: Quis hoc futurum credidisset? Quis tam hostilem animum in hoc homine suspicatus fuisset? Quis hæc omnia praeuiderit? Ita magna pars hominum est, quæ nauigatura de tempestate non cogitat. At hoc sapientis non est. Si tibi sapere vis, *Attende tibi*, & prouidum animum in omnia praemitte, ut cum Anaxagorâ dicere liceat: Præuidebam hæc, sciebam ista, iam antè illa cogitabam. Pecuniam amisi? sciebam posse adimi. Gratiam perdidi? noueram quam instabile bonum possiderem. In paupertatem decidi? Pridem credidi hanc expeditam, hilarem, tutam esse, si pauper non sit vitiosus. Malè de me loquuntur homines? Faciunt, non quod mereor, sed quod so-

lent.



lent. quibusdam canibus innatum est vt non pro feritate sed pro consuetudine latent. Morbus me affligit? & morbis & morti obnoxium me scio. sed exhibetur etiam in lectulo virtus. Graues inimicos habeo? Iam olim in Chrysostomo legi: Neminem lædi nisi à seipso. Inuidia, tœdium, mœror me cruciant? neque hoc contra expectationem euenit. Luctus, dolor, metus, non tam supplicia quàm viuendi tributa sunt. Mors, liberos, parentes, cognatos, amicos abstulit? Quid istud aut nouum aut mirum? perire perituri: ego illis proximus. mortalium mortem non acerbè deplendam iam didici.

Hoc si quis in medullas admiserit, & omnia aliena mala, quorum ingens quotidie copia est, sic aspexerit, tanquam illis liberum, & ad se iter sit, multò ante se armabit quàm petatur. Ergo, *Attende tibi*, & istud quoque eodem animi robore præstabis, ne quid ex his quæ eueniunt, tibi subitum sit. Quicquid enim fieri potest, tanquam futurum prospiciendo, malorum omnium impetus molliet. Serò animus ad periculorum patientiam instituitur, *Attende tibi*.

## §. V.

Sed & in ceteris rebus omnibus idem tibi assiduè ingero: *Attende tibi*. Pedetentim ad præcipitia ducimur. à minimis scilicet initijs, ad latissima damna descenditur. Nihil rationis est, vbi semel affectus inductus est, iusque illi aliquod voluntate nostrâ datum est. faciet de cetero quantum volet, non quantum permiseris. In primis, inquam, finibus hostis arcendus est, nam cum intrauit, & portis se intulit, modum à captiuis non accipit. Affectus contumaciter parent. Nullum vitium est sine patrocínio: nulli non initium est verecundum & exorabile, sed ob hoc latius funditur. Non obtinebis vt desinat, si incipere permiseris. Ergo, *Attende tibi*, & principijs obsta. Incipientibus vitijs obstruendæ sunt viæ, per Rectam Intentionem; si malitia radices semel egerit & inueterauerit, sicut coalita ægritudo difficilis erit extinctu. Facilius est excludere perniciosam quàm regere; & non admittere, quàm admissa moderari. nam cum se in possessione posuerunt, potentiora rectore sunt, nec recidi se minuiue patiuntur. Deinde ratio ipsa, cui freni traduntur, tamdiu potens est, quamdiu diducta est ab affectibus: Si miscuit se illis, & inquinauit, non potest continere, quos submouere potuisset. Com-mota enim semel & concussa mens, ei seruit à quo impellitur.

Quarundam rerum initia in nostra potestate sunt: Vltiora nos sua vi rapiunt, & ægre relinquunt regressum. Vt in præceptis datis corporibus nullum sui arbitrium est, nec resistere morantibus delecta possunt, sed consilium omne & poenitentiam irreuocabilis præcipitatio abscindit, & non licet non eo peruenire, quod non ire licuisset: ita animus si in iram, libidinem, aliosque se proiecit affectus, impetum difficulter reprimet, rapiecitillum, & ad imum ager vitiorum natura procliuis. Ergo intransitibus vitijs resistamus: quia facilius, vt dixi, non recipiuntur, quam recepta exeunt. Curam nobis nostri natura mandauit: sed huic ubi nimium indulseris, vitium est. Sic ab initio non malo ad carnem transimus, & corporis commoda, & quicquid illis vicinum. Optime Isidorus: Diabolus, inquit, serpens est lubricus, cuius si capiti, hoc est, primæ suggestioni non resistitur, totus in intima cordis, dum non sentitur, illabitur. Ergo Attende ubi, & obsta principijs recta Intentione assiduo restituta, alioqui sæpius in præcipitia ruës vix emendanda.

Proximum ab his erit attendere, ne in superuacuis laboremur, aut alienis, id est, ne aut quæ non possumus consequi, concupiscamus: aut adepti, cupiditatum nostrarum vanitatem serò, & post multum pudorem intelligamus. ne etiam labor aut irritus sine effectu sit, aut effectus labore indignus. Perè enim ex his tristitia sequitur, si aut non successit, aut successus pudet. Circumcidenda est concursatio, inquit Seneca, qualis est magnæ parti hominum, domos, & theatra, & fora pererrantium. Alienis se negotiis offerunt, semper aliquid agentibus similes. Horum si aliquem exeuntem domo interrogaueris: quò tu? quid cogitas? respondebit tibi: *Non mehercule scio: sed aliquos videbo, aliquid agam.* Domum cum superuacua redeunt, lassitudine, iurant nescisse seipsos, quare exierint, ubi fuerint, postero die erraturi per eadem illa vestigia, sic sine proposito vagantur, quærentes negotia: nec quæ destinauerunt agunt, sed in quæ incurrerunt. Inconsultus illis vanusque cursus est, qualis formicis per arbusa repentibus: quæ in summum cacumen, deinde in inuium inanes aguntur. His plerique similem vitam agunt, quorum non immerito quis inquietam inertiam dixerit, qui negotia magis amant quàm agunt. Omnis itaque labor aliquò referatur, aliquò respiciat, nec vnquam sanè careat Intentione. Ex illo



malo dependet teterrimum hoc vitium, auscultatio, & publicorum secretorumque inquisitio, & multarum rerum scientia, quæ nec tuto narrantur, nec tuto audiuntur. *a*

Quoties aut alienis negotijs nos miscemus, neglectis nostris, aut non necessaria curamus, omisis vilibus & necessarijs, nec quidquam ferè sanctiore curâ componimus, quàm quod ad nos non pertinet. Quid vana, quid inutilia aut noxia discimus? Discamus continentiam augere, luxuriam coërcere, gulam temperare, iracundiam lenire, paupertatē æquis oculis aspicere, frugalitatem colere. Questus olim Isaias: Quare, inquit, appenditis argentum non in panibus? laborem vestrum non in saturitate? *b* Quid de homine illo sentias, qui iam extremâ fame laborat, pecuniolam tamen quam reliquam habet omnem, ad mercatorem defert, & plumas emit in pilei ornamentum? Non disparem ab hoc, insaniam plurimi committunt, quos strenua exercet inertia, qui omnia agunt præterquam ea quæ animi sunt & salutis, curis & laboribus variè se conficiunt, sed curas & labores aut nullâ, aut non rectâ Intentione insigniunt: pecuniam ambiunt aut gratiam, aut vtrumque; obtinendo cælo nunquam fatigantur: in omnibus alijs ad lassitudinem exerceri in lucrum trahunt. Apud hos diuinus Paulus merito vociferatur: Tanta pasci estis sine causâ? *c*

Sunt qui maria emetiantur, omnes regiones lustrant, circulantur orbem: sunt qui omnes pænè libros scrutentur, & quicquid viliam rerum nouarum est, in suas aures deriuent, de his verè dixeris: Hi tales neminem ex omnibus difficilius domi, quàm se, conueniunt; semper extra se sunt, ac per aliena vagantur, & quod hinc sequitur, nemini minùs noti quàm sibi ipsis. Miserum genus hominum, qui sub vitæ finem ipsi de se fatebuntur: Per totam noctem laborantes nihil cepimus. *d* Ergo, attende tibi, & res tuas age: sibi ipse animus hæreat, se colat, nihil alieni agat. Omnium virtutum tenera sunt principia, tempore ipsis duramentum & robur accedit. Itaque initio vis moderata erit animo faciendâ, ut vigil in hac attentione persistet, & ijs quæ agit, intendat, ne volaticâ instabilitate huc illuc per diuersa rapiatur; sed ubi vel paullulum respirare licebit, in unum adamatæ orationis (etiam minime prolixa) refugiat. Animus ita sibi præsens non tantum ad aliena non diffluit, sed & in proprijs cauet, ne quid ultra limites.

Denique observatio sui assidua, negotiis omnibus rectè præstet. hîc maximè *Attende tibi*, & nunquam sic accede ad negotia, vnde tibi ad Deum liber regressus non sit. Vtique animus ab omnibus externis ad seipsum sæpius revocandus est. Subinde saltem, vt in periculosâ navigatione portum pete, nec expectes donec res te dimittant, sed ab illis te ipse disiungas, & in te, quantum poteris, recedas. Assuesce in medijs etiam occupationibus cælum inambulare, & frequentibus ab imo pectore ductis suspirijs communem omnium parentem adire, vnâque rectam Intentionem restaurare. Memento properantis Æternitatis, & ad Deum, quoties per intervalla licuerit, ardentè euola. Deum tibi semper terminum fige, in quo oculi tui nunquam non desinant. Sic omnia tam diligenter facies tamque circumspectè, quàm homo fidelis, sanctusque solet tueri fidei commissâ: Sic non expallesces ad ardua, nec retrahes timidus pedem, sed incurrentibus celsior, nihil temerè, fortiter multa aggredieris: sic profutura iuxta obfuturâque prospicies. Nosti, prudentissimum haberi, qui à se non ab alio consilia mutuatur. Istud hîc non laudabile tantùm, sed necessarium. Omnium actionum tuarum animam & vitam, non ab alienis oculis aut auribus pete, sed à te tuâque Intentione. Hæc vera prudentia est, hæc tutissima sunt consilia, omnibus actionibus, minimis maximis, rectam semper Intentionem præmittere, & oculos à Deo nunquam deflectere.

Liceat hîc indignari, & æquissimè in ignaviam humanam excandescere. Plerique omnes sumus in minimis cauti, in maximis negligentes: Intentionem rectam non solum per plurimas vitæ partes negligimus, sed & pravam nimium frequenter actionibus nostris miscemus. Iacob olim filios obiurgans: Quare negligitis, inquit, descendite, & emite nobis necessaria. Idem ego hîc proclamem: Quare negligitis, ô mortales, quid vanissima studia sectamini, quid labores sumitis non profuturos, omisisse necessarijs? De plurimorum vanis & otiosis conatibus non inale ego dixerim, quod ille de suis suorûmque sociorum studijs ingenuè fassus: Omnia, inquit, discimus præterquam necessaria. Eodem prorsus modo reperias non paucos, qui omnia discant, omnia sciunt, præterquam ea quæ faciunt lucrando cælo. Qui solum scit *agere*, is sanè nihil scit, nisi sciat & *bene agere*, actionibusque suis omnibus Intentionem rectam adiungere. Heu quanta facimus, &



facta nostra Intentione prauâ corrumpimus, atque sic agros nostros ipsi vrimus, & propria cœdimus vineta. Oramus, sed vt orationis amantes habeamur: Stipem erogamus, sed vt auari nomen effugiamus, & benefici dicamur: Ieiunamus, sed quandoque ided tantum vt plus postea voremus: Laboramus, sed lucro tantum, sed oculis, sed laudi, sed necessitati, sed crumenæ solùm: Templâ frequentamus, sed vt videamur, aut certè videamus tunc non videntia: Rei diuinæ intersumus, sed ex merâ sæpe consuetudine, aut tempori fallendo: Conciones audimus; sed curiositate tracti, vt doctiores fiamus, non vt meliores: Confessionis mysterium obimus, sed ne minis alijs præstare censeamur: Epulum cæleste accedimus, sed neque hîc nos ipsos deserimus, & sæpe non nisi dulcedinem hîc quærimus: Peregrinationes instituimus, sed tantum vt animum relaxemus, & domesticum tædium vitemus: Inuitamus ad conuiuium, non pauperes, sed eos à quibus & nos inuitemur: Donamus, vt & nobis donetur: Obsequium impendimus, vt impendatur & nobis: Laudamus alios, vt & ipsi laudemur: Subinde mel & rosas loquimur, sed vt affabiles audiamus, vt humani æstimemur, vel vt eò suauius fallamus: Edimus, bibimus, non tantum quia esurimus & sitimus ( hoc enim & bos facit in prato ) sed quia esse, bibere, nobis admodum sapit, gulamque mirè demulcet: Opes congerimus, non vt egenos iuuemus, sed vt nos diuites simus: Garrimus, deambulamus, nugamur, dormimus, non vt fessum animum aut corpus reficiamus, sed vt genio nostro sacrificemus, & faciamus quod magis lubet, delectatque: Quoties in humilitatem etiam nos submittimus, sed vt emergamus, & ascendamus altius: Quoties minutula quædam grandi religione obseruamus, negligimus peccata grandia: Quoties acerbum frigus, arctas vestes, strictos calceos, & nescio quæ patimur, sed quia id nobis superbia persuasit: Reprehensiones etiam silenter ferimus, non à modestiâ, sed ab obstinatione sic instructi. Heu mille talia facimus! ita vitam nostram implemus innumeris erroribus, & quod miserrimum est, errare nos nescimus, aut sanè non animaduertimus. Ita thesauros colligimus, sed palearum, aut damnatæ monetæ.

Anno, à Virgineo partu, Millesimo decimo sexto, vti Dittmarus commemorat, & Italiæ littora Saraceni barbaro furore infestauerunt. Benedictus VIII. Summus Pontifex hosti in finibus occurrendum ratus, instructissimâ classe comparatâ tam feliciter rem-

geſſit, vt hoſtiles exercitus ad interneccionem delêrit, & regem Saracenum in fugam compulerit. Regina minùs aſſueta fugâ capta eſt, & capite truncata. Rex ſupplicio & morte coniugis ſuorumque clade mirum in modum efferatus, ingentes minas cœpit ſpargere, & ultionem parare. Atque vt prius Italiæ metum iniiceret, quàm pugnæ aleam tentaret, Summo Pontifici ſaccum miſit ingentem caſtaneis plenum, ſimulque nunciari iuſſit: Sciret, tot milites æſtate proximâ Italiam vaſtatu-<sup>a</sup>ros, quot in ſacco illo caſtaneas numeraret. Benedi-<sup>b</sup>ctus Pontifex, vt huic tam barbaræ denunciationi reſponſum attemperaret, regi maſupium amplum milio plenum re-<sup>c</sup>miſit, eidemque renunciarî præcepit: Veniret modò, tot illum in Italiâ loricatos inuenturum, quot milij grana maſupio illo continerentur. <sup>d</sup> Hic ſaccus, & hoc maſupium non croco, non pipere vel auro, ſed vili merce turgidum humanæ vitæ ludibria præclare repræſentat. Docuit nos Chriſtus, quâ ratione theſauros cælo recluderemus, <sup>e</sup> at nos turguriolis noſtris contenti, caſtaneas & milium pro theſauro accumulamus: actiones acervamus innumeras, ſed parum pretioſas, vtpote Intentione ſanctâ deſtitutas. ita milio & caſtaneis diuites ſumus. Tandem, vt Gregorius loquitur, <sup>e</sup> finis operis. probabit, quòd operationis Intentio proba non fuerit. Cùm ergo mors fores pulſauerit, cùm ſpiculum fatale torſerit, cùm ex hoc in alium Orbem migrare iuſſerit, quos inde theſauros aſportabimus? Maſupia milij, ſaccos caſtanearum reſertiffimos (actiones purâ Intentione caſſas) heu merces in cælo minimè venales! Ideoque, vt rectiſſimè monet Bernardus, maxime opus eſt puritate Intentionis, quâ ſoli mens noſtra Deo & placere appetat, & valeat inhaerere. <sup>d</sup> Quicquid agamus, actio recta non erit, niſi recta fuerit voluntas, ſeu Intentio, ab hac enim eſt actio. Optime ad rem Seneca: Nulli non virtus, inquit, & viuo & mortuo retulit gratiam, ſi modò illam *bonâ ſecutus eſt fide*, ſi ſe non exornauit & pinxit, ſed idem fuit. <sup>e</sup> Videte, obſecro, nec Seneca quidem ſatis eſſe cenſet virtutem ſequi, niſi quis eam ſequatur *bonâ fide*, quod quid aliud eſt, quàm bonâ Intentione? Hæc certè neminem ſinit à ſeipſo ſic exornari & pingi, vt actus illius non tam ſint, quàm eſſe videantur boni: has omnes offucias & pigmenta extreme odit Intentio bona: Virtutem vt ſequamur imperat, ſed vt *bonâ fide* ſequamur, non ſpe vanâ illecti, non metu adacti, ſed ipſius amore virtutis. Inſigniſſimè hoc explicans

<sup>a</sup> Baronius. idem narrat tom. II. Anno 1016. initio. <sup>b</sup> Matth. c. 6. v. 19.

<sup>c</sup> Greg. I. dial. c. 9. <sup>d</sup> Bern. ſerm. 7. in Cant. propius fin. <sup>e</sup> Sen. epiſt. 79. fin.



explicans Augustinus: Implebis, inquit, amore, quod timore non poteris. Qui enim timendo non facit malè, mallet facere, si liceret. Itaque etsi facultas non datur, voluntas tenetur. Non facio, inquis. Quare, Quia timeo. Nondum amas iustitiam (*nondum sobrietatem, nondum castitatem amas*) adhuc servus es: Esto filius. Sed ex bono servo fit bonus filius. Interim timendo noli facere, discas & amando non facere. Idem sanctissimus Antistes, obliquam nimis Intentionem auari sic perstringit: Auare quid inhias cælo & terræ? Melior est qui fecit cælum & terram. ipsum visurus, ipsum habiturus es. Quæris vt tua sit illa villa, & transiens per illam dicis: Beatus cuius est possessio ista. Hoc dicunt quàm multi qui transeunt per illam: & tamen cum dixerint & transferint per illam, possunt caput agitare, & suspirare; nunquid & possidere? Sonat cupiditas, sonat iniquitas: sed non concupiscas rem proximi tui. Beatus, cuius est villa illa, cuius est domus ista, cuius est ager iste. Compesce iniquitatem, audi veritatem. Beata gens cuius est. quid? iam nostis quid dicturus sim. Ergo desiderate vt habeatis, tunc deum beati eritis. Hac solâ beati eritis, re meliøre, quàm vos estis, meliores eritis. Deus est, inquam, melior te, qui fecit te. *b* Erige te ad illum, & quicquid oculorum habes, in hunc vnum conuerte.

Quod ergo Tigranis coniux fecit in Persiâ, hoc tibi faciendum in omni loco, assidue in omni vitâ: suos illa oculos in vnum illum defixit, qui caput pro illâ suum offerebat: idem à te iure meritisimo postulat, vt tuos in illo vno defigas oculos, qui & oculos, & caput, & totum se teque vnâ tibi donauit, qui vitam & sanguinem suum pro te redimendo, non solum offerre paratus fuit, sed obtulit. At parum est regiam Tigranis coniugem imitari: exemplis sanctioribus vrgemur. Quisquis bonam Intentionem cordi habes, regium Numinis psaltem æmulare, & provide Dominum in conspectu tuo semper. In hunc vnum tuus eat oculus, sed vide vt simplex eat & rectus. In hunc vnum tua feratur Intentio, sed vide vt pura feratur & sincera: nec aliorum quidquam aspiciendum est, nisi per hunc vnum, aut in hoc. Ergo, quod

ultimum moneo, ATTENDE

TIBI.

*a* August. tom. 8. in Psal. 32. conc. 1. med.

*b* Idem in conc. 2. eiusdem Psal. 32. post med. & Psalm. 15. v. 3.

THE  
OFFICE OF THE  
SHERIFF OF THE COUNTY OF  
SHERIFF'S OFFICE

OF THE  
COUNTY OF  
SHERIFF'S OFFICE

OF THE  
COUNTY OF  
SHERIFF'S OFFICE

OF THE  
COUNTY OF  
SHERIFF'S OFFICE

OF THE  
COUNTY OF  
SHERIFF'S OFFICE

OF THE  
COUNTY OF  
SHERIFF'S OFFICE

OF THE  
COUNTY OF  
SHERIFF'S OFFICE

OF THE  
COUNTY OF  
SHERIFF'S OFFICE



# HELIO TRO- PIV M

S E V .

CONFORMATIO  
HUMANÆ VOLVNTATIS  
CVM DIVINA.

Ser<sup>mis</sup> Principibus

MAXIMILIANO

S. R. I.

Archidapifero, Electori;

Et Ser<sup>ma</sup> Coningi

ELISABETHÆ

Comitibus Palatinis Rheni,

Boiorum Ducibus,

*Dominis meis Clementissimis.*

**M**IR E variant, Ser. Principes, humani affectus in virtutum studio. Sunt qui uni se dedant *Rationali*, virtuti ad omnia necessariz. Bene, & sapienter. Alij *Obedientiam* in solium euehunt, eique plurimum iuris esse dicunt, in omnem Virtutis comitatum. Non male & isti. Sunt qui sanctioris vitæ fundamentum vocent *Demissionem animi*. Et hi quoque bene. Multi principem Virtutem salutant *lustrum*. Eruditè. Alij Reginam in diuines virtutes faciunt *Charitatem*: Quippe ni optime? Iam verò quâ viâ virtutum illarum singula sint adeunda. sensus iterum diuerſi, & penè innumera præceptiones. Mihi Demetrius philosophus, vir illo æuo magnus, equam maximis comparatur, præclarissime dixisse videtur: *Plus prodesse, si pauca præcepta teneas, sed illa in promptu tibi. Et in seipſis sint, quam si multis quidem disceris, sed illa non habeas ad manum.* a Ita profus est: ecquid opus multis præceptionibus, ubi vna sufficit? si subſilire in exitum liceat ex angulo, quid opus tot gradibus?

Hac mihi causa fuit, Ser. Duces, quare iam aliquot annis, Serenitatum vestrarum attentissimis ad sacra hæc auribus, nihil æquè quàm vnum illud commendarim, *VELLE QVOD VULT DEVS*. Sciebam equidem à nemine hoc melius capi, quàm ab ijs qui iam pridem id fuissent experti.

Sed quia non eadem omnium auditorum mens est, nec æquè capax; videbatur è re fore, si dicta scriptis firmarentur. Hoc agit libellus iste, qui vel idè etiam ad Serenitates Vestras properat, vt quod auditores ceteri non potuerunt nisi solum nosse & intelligere e meis verbis, insuper discerent & facere, è tantorum Principum exemplis, atque ita quæ verba erant, fierent facta.

Hoc spectat humanæ voluntatis ad diuinam *Conformatio*, quæ suauiter docet, præstare se semper in vtrumque facilem; omnia & velle cum volente Deo, & cum nolente nolle. In hoc vno præcepto, diuini atque humani iuris peritia omnis consistit. Hæc regulâ, vitæ opera distribuenda sunt: ad hanc legem & agat cuncta, & exigit, qui non perfunctoriam pietatem amat. Vbi hæc sanctissima humanæ diuinæque Voluntatis mixtura est, illic indiuiduus ille comitatus est omnium virtutum. Plato non vno loco felicitatem definiri, *Dei assimilationem*. Verba ipsa

Platonis,



Platonis, auro digna, viliori hoc liquore scribantur: *Mortalem hanc naturam, & hunc inferum locum, Malum circumstat necessario Eudaret: Ideo conandum quam celerrime hinc illius fugere: Jura autem DEI ASSIMILATIO, quatenus potest.* a Quis autem Deo magis assimilatur, quam qui suam voluntatem in omnibus subijcit diuinæ, iamque nihil minus vult quam quod maximè se velle sentit, in id vnum intentissimus, ad diuinæ Voluntatis perpendiculum omnia facere. Quisquis hoc vnum didicit, scientiam vtilem ac necessariam omnem consummauit. Hæc scientia instruit, quemadmodum se quisque, & in dubijs, & in aduersis, & in latis sapienter gerat, vt dubia prudenter, aduersa fortiter, lata moderatè tractet. Cui cum Voluntate Dei bene conuenit, is fortuita omnia contemnit, supra omnem metum se attollit, animum virtuti consecrat: & quocumque vocat illa, planum purat; in solido ac sereno stat semper; quoties vult, celo interest; nec vnquam esse potest tam miser, quin suauissimè in sinu Dei respiret. Et quemadmodum artifices, si ex alicuius rei subtilioris intentione oculos defatigant, in publicum prodeunt, & festam aciem liberâ luce & aurâ delebant: sic animus in hoc tristi domicilio corporis clausus, quoties vult, apertum petit, & in diuinæ Voluntatis contemplatione requiescit, cum religiosissimâ voluptate. Hæc voluptas æqualis est, intrepida, nunquam sensura sui tedium. Hic solida securitas, inconcussa fiducia. Ad humani boni summam peruenit, qui totus in diuinam Voluntatem transijt.

Atque hoc vnicum sapientiæ præceptum traditur, his quinque libris, quos ad vestra, Ser. Principes, genua velut ad Clementiæ aram depono. b Commisi antehac serenissimis manibus, de **ÆTERNITATE** Considerationes. His addenda omnino fuit, Humanarum actionum Amussis, **RECTA INTENTIO**. Hanc ordine sequi debuit, Humanæ voluntatis cum diuinâ **CONFORMATIO**. Humanæ vitæ terminus, est *Æternitas*. Ad hunc terminum *Recta Intentio* ducit. At verò *Rectæ Intentionis* exactissimum exemplar est, *Velle quod Vult* DEVS, idque in rebus omnibus. Ita suo velut generi, suæ necedendæ erant species. Et has scripturunculas à verbis, fateor, rudes & impolitas, sed à re, quam velut digito monstrant, æstimandas, Vestris Serenitatibus omni iure & nomine, libens meritisimò consecro. Nam panè hoc vnum mihi superest, *Velle non ingratum mori*. Hoc volo, & totâ mente volo, beneficijs quotidianis prouocatus. Ceterum tantæ in omnem nostrum Ordinem beneficentiæ hic panegyrici orditi, finis epistolæ recusat. Res in aperto est, Nostrum tot locis vivere, beneficijs vestris deberi, ô Magni Principes, quibus nunquam est dandorum beneficiorum inopia, datorum prænitentia; qui hanc vnâ videmini potentiam sortiti, **PRODESSE**.

Inter cetera beneficia rectè numerauero, si Serenitates Vestræ dignentur & huic libello, serenissimi sui nominis radios non subtrahere. Serenitatibus Vestris Societatem nostram vniuersam, meque vnâ submississimè commendo. Monachij, Die Virginis Matris ab Angelo salutatz. Anno à Virginis partu **MDCXXVII**.

Serenitatum V V.

*Infimus cliens*

**Hieremias Drexelius è Societate Iesv.**

a Plato in *Phædo*, & alibi. b *Plin. l. 11. hist. c. 45. med.*

**E**N tibi, mi optime Lector, Virtutum (audacter dico) omnium fundamentum solidissimum. Heliotropium placuit appellare, n. mine huic re arbitror, convenientissimo, & maximè proprio. Heliotropium pharmacopolijs notissima herba, ad omnem solis motum tam strictâ religione caput suum circumfert. Et solem etiam nubibus obsecum nunquam non aspiciat; inde sponfam Solis nominarunt. Voluntas humana, si errare nolit, ad omne momentum, & ad uniuersos natus diuinae Voluntatis ita se libret, Sicut se ad suum solem Heliotropium. Et haec illa inexpugnabilis est sapientia; Hoc firmum, & in omnia aduersa impenetrabile scutum. **VELLE QVOD VULT DEVS.** Hanc doctrinam de hominis voluntate ad diuinam Conformandâ, epitomen omnium sacrorum Soluminum esse reor, & omnis sanctissimae compendium. Quisquis didicit diuinam Voluntatis suam subiungere, iam tota callet Biblia.

Sed hoc maturè monuerim: in re tam seriâ, Voculis non inherendum. Conformitas humanae voluntatis cum diuinâ: Resignatio suimet in diuinum beneplacitum: Unio voluntatum humanae ac diuinæ &c. re prorsus eadem, solo differunt nomine. Penam da, Lector, & quid non indignari Vocibus parum latinis: Animus est, cum multis hic loquis, & diuinæ Voluntatis arcanum erigere in lucem, non tegere Verborum involucri: hac in remedium animi, non in exercitationem ingenij scripta sunt. Plura quidem è meis in tuas manus peruenisse credam. Præcesserunt.

**ÆTERNITATIS Considerationes.**

**ZODIACVS** Christianus, seu, signa XII. Prædeterminationis.

**HOROLOGIVM** Tut-læ et Angelæ.

**NICETAS**, seu, Triumphus Incontinentiæ.

**TRISMAGISTVS**, de Conscientia, Calistum, Corporis cultu.

**RECTA INTENTIO**, omnium actionum Amplexus, sequitur iam

**HELIOTROPIVM**; seu, **CONFORMATIO** humanae Voluntatis ad diuinam.

Hoc Solumum, priorum omnium, sed & Virtutum vniuersarum Summam & Compendium putem. Hoc autem is optime capiet, qui & priora iam viderit. **RECTA INTENTIO** ducit ad Deum; humanae Voluntatis ad diuinam **CONFORMATIO** (liceat dicere) introducit in cor Dei. Et Vide, mi Lector, quam brevis ad beatam Æternitatem, & quam expedita te ducet Via! His vnijs Verbulis tota describitur: Velle quod vult Deus. Hoc totum iter est, è terrâ in caelum. Lubet hinc eò ascendere? hac Viâ peruenitur. Alijs Vix ire poteris, nunquam peruenire. Et que so te, ne tibi hac Videantur æquo prolixius dicta. Hic fundamentum iacitur ad omnem Virtutem: hic aditus obstruitur omnibus Vitijs. Examina qua legis: & caput sapientiæ in istis habebis.

Hoc iam vnum amice te monuerim, mi Lector, cum tibi agere est, nec multa lubet legere, id saltem à te impetres Velim; Libri primi caput primum, & libri quinti seu Solumi caput Solumum inspicere, dictorumque capitum Vel vnam solummodo partem die vno perlege, & morbo tuo (panè polliceri ausim) melius eris. Omnia quæ ceteris videntur mala, & manescent tibi, & in bonum abibunt, si didiceris super illa eminere, diuinæ Voluntatis amplexus. Ita, mi Lector, Deum audi, audiendus.



## LIBER PRIMVS.

De

Diuina Voluntatis

## COGNITIONE.

## CAPVT I.

*Hypotyposis omnium quinque librorum : duplex etiam fundamentum ponitur, & omnes omnino paruas à Dei Voluntate prouenire ostenditur.*

**R**Ex Macedo Alexander, cum Darium bello peteret, æstu & itineris feruore pertalefactus, Cydno amni corpus suum immerfit, sed hebetatis subito torpore artibus, expiranti similis in tabernaculum delatus est. Huc amicis pariter & medicis admissis, melius sibi fore Rex aiebat, mori strenuè, quàm tardè conualescere: proinde si quid opis aut artis esset, scirent se non tam mortis quàm belli remedium quærere. Itaque medici attentissimo consilio salutis remedia circumspiciebant, qui cum ad vnam potionem sententiam direxissent, Philippus medicus, Regi puero fidus admodum comes & custos salutis datus, non præceps sed strenuum remedium afferre, potionemque illam suis manibus temperaturum, & eâ vim morbi leuaturum esse promissit. Inter hæc à Parmenione fidissimo præparatorum, literæ superuenerunt, quibus rex monebatur, ne salutem suam Philippo committeret, mille talentis à Dario esse corruptum. Ingentem animi sollicitudinem literæ incusserant regi, & quicquid in vtramque partem, aut metus aut spes subiecerat, secretâ æstimatione pensabat. Bibere perseveraret: vitæ periculum terrebat. Damna-  
ret fidem medici: antea vitæ fidelitas dissuadebat. Diu animo in diuersa versato, nulli quid scriptum esset, enunciauit, epistolamque sigillo annali sui impressam, puluino, cui incumberebat, subiecit. Inter has cogitationes biduo consumpto, illuxit à medico destinatus dies. Et ille cum poculo, in quo medicamentum diluerat intrauit. Quo viso, Alexander, leuato corpore in cubitum, epistolam à Parmenione missam sinistrâ manu tenens, accepit dextrâ poculum, & hausit interritus: tum epistolam Philippum legere iubet, nec à vultu legentis mouit oculos, ratus aliquas conscientiae notas in ipso ore posseprehendere. Ille epistolâ perlectâ, plus indignationis  
in in quam

quàm pauoris ostendit, proiectisque amiculo & litteris ante lectum: Rex, inquit, semper quidem meus ex te spiritus pependit, sed nunc verò (arbitror) sacro & venerabili ore trahitur. Crimen quod mihi obiectum est, tua salus diluet. Laxa paullisper animum, quem sollicitudine intempestiuâ amici sanè fideles, sed moleste seduli turbant. Non securum inodò hæc vox, sed etiam lætum Regem ac plenum bonæ spei fecit. Itaque si tibi permissum esset Philippe, inquit, quo maximè modo animum velles experiri meum, alio profectò voluisses: sed certiorein quàm expertus es, ne optasses quidem. Hac epistolâ acceptâ, tamen quod dilueras bibi. Hæc locutus, dextram obtulit Philippo. Vt verò medicamentum se diffudit in venas, & sensim toto corpore salubritas percipi potuit, primò animus vigorem suum, deinde corpus quoque expectatione maturius recuperavit: quippe Rex post tertium diem, iam sospes in conspectum militum se dedit. \*

Hic mihi, Lector, quinque obseruabis sedulò.

Primum: Rex Alexander ante omnia nosse voluit quo pharmaci genere iuuari posset. Deinde Philippi medici in se fidem non indiligenter expendit, & quem is animū erga se gereret, è vultu didicit.

Alterum: Vbi Alexander perspexit Philippum medicum tam intemeratâ fide pro salute suâ sollicitum esse, omni suspitione posita, medicamentum Philippi manibus temperatum, sine vllâ cunctatione intrepidus hausit.

Tertium: Pro tam constanti erga Philippum medicum iudicio, dignissimam mercedem, integram valetudinem intra triduum recepit. Idèd Philippum seruatorem suum vnâ secum perduxit ad statiuam militum, vbi pro se quisque dextram medici amplexus, grates habebat velut præsentì Deo.

Quartum: Quo minus Rex reualesceret, ingens sese impedimentum obiecit, nec vnum duntaxat: Literæ fidissimi Parmenionis & suspicionem veneni pluribus indicijs ingerebant, & amicorum sedula quidem sed vitiosa sollicitudo plurimum turbabat.

Quintum: Hoc vnice Regem Alexandrum iuuat, quòd sui medici cum solertem ac eruditam prouidentiam, tum sanctam & incorruptam in se fidem agnoscere non recusarit, & inde maximam conceperit fiduciam valetudinis recuperandæ, quam etiam recuperavit felicissimè.

En,



EN, mi Lector, totius scriptionis & quinque librorum qui sequuntur, Hypotyposin ac summam. Nimirum hoc ordine progrediemur, quo Macedonum regem consanatum diximus. Itaque humanam voluntatem in diuinam constituendam esse, hac via & connexionione trademus.

Primum erit, ostendere, quâ ratione Voluntas diuina sit cognoscenda. Omnium vox & sensus est: Te mihi prius velim notum, quam me tibi credam amicum. Alexander ante audit, quid Philippus medicus velit ac iubeat, quam ipse medicamentum sumat. Primum ergo est, diuinam voluntatem nosse.

Proximum ab hoc, cum diuinam Voluntate suam conformare. Cur enim illam scrutari aut nosse volo, si amplecti, si sequi non volo? Non cunctatus est Alexander, quin idem, quod medicus, vellet, traheretque in se ore suo (quod Philippus dicebat) spiritum sui medici.

Tertium est, proponere, quantæ felicitatis sit, diuinam Voluntatem non solum habere notam, sed suam illi agglutinatam. Non oderat Alexander pharmacum, quia vitam & valetudinem amabat. Certè omnis amator pharmaci, spe valetudinis dulcescit. Amaritudinis subinde aliquid habere videtur Voluntas diuina, sed illud spe summi boni superandum est.

Quartum erit, impedimenta omnia quæ hanc humanæ voluntatis cum diuinâ consensionem turbant, amouere; voluntatem propriam iugulare, vt amplecti liceat diuinam. Rex Alexander amicissimis etiam non credidit, ne fidem negare cogeretur ei qui accusabatur vt inimicus.

Quinto denique loco, adiumenta illa explicabimus, quæ ad diuinæ humanæque voluntatis concordiam potissimum valent: Ea sunt, diuinæ Prouidentiae cognitio, & inde concepta in Deum Fides. Perisset Alexander, nisi medici doctam sinceramque prouidentiam agnoscere, ei que fidere voluisset.

Hæc sunt, & in hunc ordinem digesta, quæ his quinque libris sumpsimus exponenda, vt humanæ voluntatis cum diuinâ nexus & certior sit, & firmitior. Nunc ad rem.

### §. I.

Omnis doctrinæ, quam Christus tot diuinissimis concionibus tradidit, caput hoc fuit, diuinæ Voluntati seipsum integrè perferre, que in rebus omnibus ac singulis conformare. Hoc Seruator quâ verbis quâ factis amplissimè docuit, & nobis semetipsum formam

geſit, vt hoſtiles exercitus ad internecionem delêrit, & regem Saracenum in fugam compulerit. Regina minùs aſſueta fugæ capta eſt, & capite truncata. Rex ſupplicio & morte coniugis ſuorumque clade mirum in modum efferatus, ingentes minas cœpit ſpargere, & vltionem parare. Atque vt prius Italiæ metum iniiceret, quàm pugnæ aleam tentaret, Summo Pontifici ſaccum miſit ingentem caſtaneis plenum, ſimulque nunciari iuſſit: Sciret, tot milites æſtate proximâ Italiani vaſtatu-  
 ros, quot in ſacco illo caſtaneas numeraret. Benedictus Pontifex, vt huic tam barbaræ denunciationi reſponſum attemperaret, regi maſſupium amplum milio plenum remiſit, eidemque renunciari præcepit: Veniret modò, tot illum in Italiâ loricatos inuenturum, quot milij grana maſſupio illo continerentur. <sup>a</sup> Hic ſaccus, & hoc maſſupium non croco, non pipere vel auro, ſed vili merce turgidum humanæ vitæ ludibria præclare repræſentat. Docuit nos Chriſtus, quâ ratione theſauros cælo recluderemus, <sup>b</sup> at nos turguriolis noſtris contenti, caſtaneas & milium pro theſauro accumulamus: actiones acervamus innumeras, ſed parum pretioſas, vtpote Intentione ſanctâ deſtitutas. ita milio & caſtaneis diuites ſumus. Tandem, vt Gregorius loquitur, <sup>c</sup> finis operis probabit, quòd operationis Intentio proba non fuerit. Cum ergo mors fores pulſauerit, cum ſpiculum fatale torſerit, cum ex hoc in alium Orbem migrare iuſſerit, quos inde theſauros aſportabimus? Maſſupia milij, ſaccos caſtanearum refertiſſimos (actiones purâ Intentione caſſas) heu merces in cælo minimè venales! Ideoque, vt rectiſſimè monet Bernardus, maximè opus eſt puritate Intentionis, quâ ſoli mens noſtra Deo & placere appetat, & valeat inbærere. <sup>d</sup> Quicquid agamus, actio recta non erit, niſi recta fuerit voluntas, ſeu Intentio, ab hac enim eſt actio. Optimè ad rem Seneca: Nulli non virtus, inquit, & viuo & mortuo retulit gratiam, ſi modò illam *bonâ ſecutus eſt fide*, ſi ſe non exornauit & pinxit, ſed idem fuit. <sup>e</sup> Videte, obſecro, nec Seneca quidem ſatis eſſe cenſet virtutem ſequi, niſi quis eam ſequatur *bonâ fide*, quod quid aliud eſt, quàm bonâ Intentione? Hæc certè neminem ſinit à ſeipſo ſic exornari & pingi, vt actus illius non tam ſint, quàm eſſe videantur boni: has omnes offucias & pigmenta extremè odit Intentio bona: Virtutem vt ſequamur imperat, ſed vt *bonâ fide* ſequamur, non ſpe vanâ illecti, non metu adacti, ſed ipſius amore virtutis. Inſigniſſimè hoc explicans

<sup>a</sup> Baronius, idem narrat tom. i. v. Anno 1016. initio. <sup>b</sup> Matth. c. 6. v. 19.

<sup>c</sup> Greg. xi. dial. c. 9. <sup>d</sup> Bern. ſerm. 7. in Cant. propius fin. <sup>e</sup> Sen. epist. 72. fin.



explicans Augustinus: Implebis, inquit, amore, quod timore non poteris. Qui enim timendo non facit malè, mallet facere, si liceret. Itaque etsi facultas non datur, voluntas tenetur. Non facio, inquis. Quare, Quia timeo. Nondum amas iustitiam (*nondum sobrietatem, nondum castitatem amas*) adhuc servus es: Esto filius. Sed ex bono servo fit bonus filius. Interim timendo noli facere, discas & amando non facere. Idem sanctissimus Antistes, obliquam nimis Intentionem auari sic perstringit: Auare quid inhias cælo & terræ? Melior est qui fecit cælum & terram. ipsum visurus, ipsum habiturus es. Quæris ut tua sit illa villa, & transiens per illam dicis: Beatus cuius est possessio ista. Hoc dicunt quàm multi qui transeunt per illam: & tamen cum dixerint & transferint per illam, possunt caput agitare, & suspirare: nunquid & possidere? Sonat cupiditas, sonat iniquitas: sed non concupiscas rem proximi tui. Beatus, cuius est villa illa, cuius est domus ista, cuius est ager iste. Compesce iniquitatem, audi veritatem. Beata gens cuius est. quid? iam hostis quid distortus sim. Ergo desiderate ut habeatis, tunc deum beati eritis. Hac solâ beati eritis, re meliore, quàm vos estis, meliores eritis. Deus est, inquam, melior te, qui fecit te. *b* Erige te ad illum, & quicquid oculorum habes, in hunc vnum conuerte.

Quod ergo Tigranis coniux fecit in Persiâ, hoc tibi faciendum in omni loco, assidue in omni vitâ: suos illa oculos in vnum illum defixit, qui caput pro illâ suum offerebat: idem à te iure meritisimo postulatur, ut tuos in illo vno defigas oculos, qui & oculos, & caput, & totum se teque vnâ tibi donauit, qui vitam & sanguinem suum pro te redimendo, non solum offerre paratus fuit, sed obtulit. At parum est regiam Tigranis coniugem imitari: exemplis sanctioribus vrgemur. Quisquis bonam Intentionem cordi habes, regium Numinis psaltem æmulare, & provide Dominum in conspectu tuo semper. In hunc vnum tuus eat oculus, sed vide ut simplex eat & rectus: in hunc vnum tua feratur Intentio, sed vide ut pura feratur & sincera: nec aliorum quidquam aspiciendum est, nisi per hunc vnum, aut in hoc. Ergo, quod

vltimum inoneo, ATTENDE

TIBI.

*a* August. tom. 8. in Psal. 32. conc. 1. med.

*b* Idem in conc. 2. eiusdem Psal. 32. post med. & Psalm. 15. v. 3.

THE  
OFFICE OF THE  
SECRETARY OF THE  
NAVY

WASHINGTON  
D. C.

1890

OFFICE OF THE  
SECRETARY OF THE  
NAVY  
WASHINGTON  
D. C.



# HELIO TRO- PIV M

S E V .

CONFORMATIO  
HUMANÆ VOLVNTATIS  
CVM DIVINA.

Serwis Principibus

MAXIMILIANO

S. R. I.

Archidapifero, Electori;

Et Serenæ Coniugi

ELISABETHÆ

Comitibus Palatinis Rheni,

Boiorum Ducibus,

*Dominis meis Clementissimis.*

**M**IR E variant, Ser. Principes, humani affectus in virtutum studio. Sunt qui uni se dedant *Rationi*, virtuti ad omnia necessariz. Bene, & sapienter. Alij *Obedientiam* in solium euehunt, eique plurimum iuris esse dicunt, in omnem Virtutis comitatum. Non male & isti. Sunt qui sanctioris vitæ fundamentum vocent *Demissionem animi*. Et hi quoque bene. Multi principem Virtutem salutant *Iustitiam*. Erudite. Alij Regnam in omnes virtutes faciunt *Charitatem*: Quippe ni optime? Iam verò quæ viâ virtutum illarum singulæ sint adeunda. Sensus iterum diuersi. & penè innumera præceptiones. Mihi Demetrius philosophus, vir illo ævo magnus, etiam si maximis comparatur, præclarissime dixisse vilus est: *Plus prodesse, si pauca præcepta teneas, sed illa in promptu tibi. Et in his sunt, quam si multa quidem adiceris, sed illa non habeas ad manum.* a Ita profus est: ecquid opus multis præceptionibus, vbi vna sufficit? si subsistit in cæculum liceat ex angulo, quid opus tot gradibus?

Hæc mihi caussa fuit, Ser. Duces, quare iam aliquot annis, Serenitatum vestrarum attentissimis ad sacra hæc auribus, nihil æquè quàm vnum illud commendarim, *VELLE QVOD VULT DEVS*. Sciebam equidem à nemine hoc melius capî, quàm ab ijs qui iam pridem id fuissent experti.

Sed quia non eadem omnium auditorum mens est, nec æquè capax; videbatur è re fore, si dicta scriptis firmarentur. Hoc agit libellus iste, qui vel idèò etiam ad Serenitates Vestras properat, vt quod auditores ceteri non potuerunt nisi solum nosse & intelligere è meis verbis, insuper discerent & facere, è tantorum Principum exemplis, atque ita quæ verba erant, fierent facta.

Hoc spectat humanæ voluntatis ad diuinam *Conformatio*, quæ suauiter docet, præstare se semper in vtrumque facilem; omnia & velle cum volente Deo, & cum nolente nolle. In hoc vno præcepto, diuini atque humani iuris peritia omnis consistit. Hæc regulâ, vitæ opera distribuenda sunt: ad hanc legem & agat cuncta, & exigit, qui non perfunctoriam pietatem amat. Vbi hæc sanctissima humana diuinaque Voluntas mixtura est, illis indiuiduus ille comitatus est omnium virtutum. Plato non vno loco felicitatem definit, *Dei assimilationem*. Verba ipsa

Platonis,



Platonis, auro digna, viliorē hoc liquore scribantur: *Mortalem hanc naturam*  
*Et hunc inferum locum, Malam circumstat necessario* *Et adhuc*: Ideo co-  
*mandum quam celerrime hinc illuc fugere*: Jura autem DEI ASSIMI-  
 LATIO, quatenus potest. a Quis autem Deo magis assimilatur, quam qui suam  
 voluntatem in omnibus subijcit diuinā, iamque nihil minus vult quam quod  
 maximē se velle sentit, in id vnum intentissimus, ad diuinā Voluntatis perpendi-  
 culum omnia facere. Quisquis hoc vnum didicit, scientiam vtilem ac necessariam  
 omnem consummauit. Hæc scientia instruit, quemadmodum se quisque, & in  
 dubijs, & in aduersis, & in latis sapienter gerat, vt dubia prudenter, aduersa forti-  
 ter, lata moderatē tractet. Cui cum Voluntate Dei bene cōuenit, is fortuita  
 omnia contemnit, supra omnem metum se attollit, animum virtuti consecrat: &  
 quocunque vocat illa, planum putat; in solido ac sereno stat semper; quoties  
 vult, cælo interest; nec vnquam esse potest tam miser, quin suauissimē in sinu  
 Dei respiret. Et quemadmodum artifices, si ex alicuius rei subtilioris intentione  
 oculos defatigant, in publicum prodeunt: & fessam aciem liberā luce & aurā de-  
 lectant: sic animus in hoc tristī domicilio corporis clausus, quoties vult, apertum  
 petit, & in diuinā Voluntatis contemplatione requiescit, cum religiosissimā vo-  
 luptate. Hæc voluptas æqualis est, intrepida, nunquam sentura sui tadium. Hic  
 solida securitas, inconcussa fiducia. Ad humani boni summam peruenit, qui to-  
 tus in diuinam Voluntatem transijt.

Atque hoc vnicum sapientiæ præceptum traditur, his quinque libris, quos ad  
 vestra, Ser. Principes, genua velut ad Clementiæ aram depono. b Commisi an-  
 theac serenissimis manibus, de ÆTERNITATE Considerationis. His addenda  
 omnino fuit, Humanarum actionum Amussis, RECTA INTENTIO. Hanc or-  
 dine sequi debuit, Humanæ voluntatis cum diuinā CONFÓRMATIO. Huma-  
 næ vitæ terminus, est Æternitas. Ad hunc terminum Recta Intentio ducit. At  
 verò Rectæ Intentionis exactissimum exemplar est, Velle quod Suli DEVS, id-  
 que in rebus omnibus. Ita suo velut generi, suæ necessaria erant species. Et has  
 scriptiunculas à verbis, fateor, rudes & impolitas, sed à re, quam velut digito  
 monstrant, æstimandas. Vestris Serenitatibus omni iure & nomine, libens meri-  
 tissimò consecro. Nam panē hoc vnum mihi superest, Velle non ingratum mori.  
 Hoc volo, & totā mente volo; beneficijs quotidianis prouocatus. Ceterum tantæ  
 in omnem nostrum Ordinem beneficentiæ hic panegyriū orditi, finis epistola re-  
 cusat. Res in aperto est, Nostrum tot locis viuere, beneficijs vestris deberi, ô Ma-  
 gni Principes, quibus nunquam est dandorum beneficiorum inopia, datorum pœ-  
 nitentia; qui hanc vnam videmini potentiam sortiti, PRODESSE.

Inter cetera beneficia rectē numerauero, si Serenitates Vestræ dignentur &  
 huic libello, serenissimi sui nominis radios non subtrahere. Serenitatibus Vestris  
 Societatem nostram vniuersam, mēque vnā submississimē commendo. Monachij,  
 Die Virginis Matris ab Angelo salutata. Anno à Virginis partu MDCXXVII.

Serenitatum VV.

*Infimum cliens*

Hieremias Drexelius è Societate Iesv.

a Plato in Phædoto, & alibi. b Plin. l. 11. hist. c. 45. med.

**E**N tibi, mi optime Lector, Virtutum (audacter dico) omnium fundamentum solidissimum. Heliotropium placuit appellare, nomen hunc res arbitror, convenientissimum, & maximè proprio. Heliotropium pharmacopolijs notissima herba, ad omnem solis motum tam strictè religionè caput suum circumfert. Et solem etiam nubibus obsecum nunquam non aspectat; inde sponsam Solis nominarunt. Voluntas humana, si errare nolit, ad omne momentum, & ad uniuersos natus diuinae Voluntatis ita se libret, ut se ad suum solem Heliotropium. Et bacilla inexpugnabilis est sapientia; Hoc firmum, & in omnia aduersa impenetrabile scutum. VELLE QVOD VULT DEVS. Hanc doctrinam de hominis voluntate ad diuinam Conformandâ, epitomen omnium sacrorum Voluminum esse reor, & omnis sanctimonie comprehendens, Quisquis dedit diuinæ Voluntati suam subiungere, iam tota callet Biblia.

Sed hoc mature monuerim: in retam seriâ, Soculis non inharendum. Conformitas humanæ voluntatis cum diuinâ: Resignatio suimet in diuinum beneplacitum: Unio voluntatum humanæ ac diuinæ &c. re prorsus eadem, solo differunt nomine. Ventam da, Lector, & aude non indignari Socibus parum latinis: Animus est, cum multis hic loqui, & diuinæ Voluntatis arcanum eruiere in lucem, non regere Verborum inuolueris: hac in remedium animi, non in exercitationem ingenij scripta sunt. Plura quidem è meis in tuas manus peruenisse credam. Præcesserunt.

ÆTERNITATIS Considerationes.

ZODIACVS Christianus, seu, signa XII. Prædeterminationis.

HOROLOGIVM Tutelæ et Angelæ.

NICETAS, seu, Triumphata Incontinentiæ.

TRISMEGISTVS, de Consensu, Cæsum, Corporis cultus.

RECTA INTENTIO, omnium actionum Amicus, sequitur iam.

HELIOTROPIVM; seu, CONFORMATIO humanae Voluntatis ad diuinam.

Hoc vltimum, priorum omnium, sed & Virtutum vniuersarum Summam & Compendium putem. Hoc autem is optime capiet, qui & priora iam viderit. RECTA INTENTIO ducit ad Deum; humanae Voluntatis ad diuinam CONFORMATIO (liceat dicere) introducit in cor Dei. Et vide, mi Lector, quàm brevis ad beatam Æternitatem, & quàm expedita te ducit Via! His vnijs Verbulis tota describitur: Velle quod vult Deus. Hoc totum iter est, è terrâ in calum. Labet hinc eò ascendere? hac Viâ peruenitur. Alijs vix ire poteris, nunquam peruenire. Et queso te, ne tibi hac videantur equo prolixius dicta. Hic fundamentum iacitur ad omnem Virtutem: hic aditus obstruitur omnibus vitijs. Examina quæ legi: & caput sapientiæ in istis habebis.

Hoc iam vnum amice te monuerim, mi Lector, cum tibi agere est, nec multa lubet legere, id saltem à te impetres Velim; Libri primi caput primum, & libri quinti seu vltimi caput vltimum inspicere, dictorumque capitum vel vnam solummodo partem die vno perlege, & morbo tuo (penè polliceri ausim) melius eris. Omnia quæ ceteris videntur mala, & mansuescent tibi, & in bonum abibunt, si didiceris super illa eminere, diuinæ Voluntati amplexu. Ita, mi Lector, Deum audi, audiendus.



## LIBER PRIMVS.

De

Diuina Voluntatis

## COGNITIONE.

## CAPVT I.

*Hypotyposis omnium quinque librorum: duplex etiam fundamentum ponitur, & omnes omnino partes à Dei Voluntate provenire ostenditur.*

**R**Ex Macedo Alexander, cum Darium bello peteret, æstu & itineris feruore pertalefactus, Cydno amni corpus suum immerfit, sed hebetatis subito torpore artibus, expiranti similis in tabernaculum delatus est. Huc amicis pariter & medicis admissis, melius sibi fore Rex aiebat, mori strenuè, quàm tardè conualescere: proinde si quid opis aut artis esset, scirent se non tam mortis quàm belli remedium quærere. Itaque medici attentissimo consilio salutis remedia circumspiciebant, qui cum ad vnam potionem sententiam direxissent, Philippus medicus, Regi puero fidus admodum comes & custos salutis datus, non præceps sed strenuum remedium afferre, potionemque illam suis manibus temperaturum, & eâ vim morbi lenaturum esse promisit. Inter hæc à Parmenione fidissimo præparatorum, literæ superuenerunt, quibus rex monebatur, ne salutem suam Philippo committeret, mille talentis à Dario esse corruptum. Ingentem animi sollicitudinem literæ incusserant regi, & quicquid in vtramque partem, aut metus aut spes subiecerat, secretâ æstimatione pensabat. Bibere perseveraret? vitæ periculum terrebat. Damna- ret fidem medici? antea vitæ fidelitas dissuadebat. Diu animo in diuersa versato, nulli quid scriptum esset, enunciauit, epistolamque sigillo annali sui impressam, puluino, cui incumberebat, subiecit. Inter has cogitationes biduo consumpto, illuxit à medico destinatus dies. Et ille cum poculo, in quo medicamentum diluerat intrauit, Quo viso, Alexander, leuato corpore in cubitum, epistolam à Parmenione missam sinistrâ manu tenens, accepit dextrâ poculum, & hausit interritus: tum epistolam Philippum legere iubet, nec à vultu legentis mouit oculos, ratus aliquas conscientiæ notas in ipso ore posseprehendere. Ille epistolâ perlectâ, plus indignationis in in quam

quàm pauoris ostendit, proiectisq[ue] amiculo & litteris ante lectum: Rex, inquit, semper quidem meus ex te spiritus pependit, sed nunc verò (arbitror) sacro & venerabili ore trahitur. Crimen quod mihi obiectum est, tua salus diluet. Laxa paullisper animum, quem sollicitudine intempestiuâ amici sanè fideles, sed moleste seduli turbant. Non securum modò hæc vox, sed etiam lætum Regem ac plenum bonæ spei fecit. Itaque si tibi permissum esset Philippo, inquit, quo maximè modo animum velles experiri meum, alio profectò voluisses: sed certiore[m] quàm expertus es, ne optasses quidem. Hac epistolâ acceptâ, tamen quod dilueras bibi. Hæc locutus, dextram obtulit Philippo. Vt verò medicamentum se diffudit in venas, & sensim toto corpore salubritas percipi potuit, primò animus vigorem suum, deinde corpus quoque expectatione maturius recuperavit: quippe Rex post tertium diem, iam sospes in conspectum militum se dedit. <sup>a</sup>

Hic mihi, Lector, quinque observabis sedulò.

Primum: Rex Alexander ante omnia nosse voluit quo pharmaci genere iuari posset. Deinde Philippi medici in se fidem non indiligenter expendit, & que in is animû erga se gereret, è vultu didicit.

Alterum: Vbi Alexander perspexit Philippum medicum tam intemeratâ fide pro salute suâ sollicitum esse, omni suspitione positâ, medicamentum Philippi manibus temperatum, sine vllâ cunctatione intrepidus hausit.

Tertium: Pro tam constanti erga Philippum medicum iudicio, dignissimam mercedem, integram valetudinem intra triduum recepit. Ideò Philippum servatorem suum vnâ secum perduxit ad statua[m] militum, vbi pro se quisque dextram medici amplexus, grates habebat velut præsentî Deo.

Quartum: Quo minus Rex reualesceret, ingens sese impedimentum obiecit, nec vnum duntaxat: Literæ fidissimi Parmenionis b suspitionem veneni pluribus indicijs ingerebant, & amicorum sedula quidem sed vitiosa sollicitudo plurimum turbabat.

Quintum: Hoc vnice Regem Alexandrum iuuit, quòd sui medici cum solertem ac eruditam prouidentiam, tum sanctam & incorruptam in se fidem agnoscere non recusarit, & inde maximam conceperit fiduciam valetudinis recuperandæ, quam etiam recuperavit felicissimè.

En,

<sup>a</sup> Curtius lib. 3. c. 10. Arianus l. 2. Iustinus l. 11. Valerius l. 3. c. 8.

Seneca l. 2. de Ira c. 23. b Matris, ait Seneca.



EN, mi Lector, totius scriptionis & quinque librorum qui sequuntur, Hypotyposin ac summam. Nimirum hoc ordine progrediemur, quo Macedonum regem consanatum diximus. Itaque humanam voluntatem in diuinā constituendam esse, hac viā & connexionē trademus.

Primum erit, ostendere, quā ratione Voluntas diuina sit cognoscenda. Omnium vox & sensus est: Te mihi prius velim notum, quā me tibi credam amicum. Alexander antē audit, quid Philippus medicus velit ac iubeat, quā ipse medicamentum sumat. Primum ergo est, diuinam voluntatem nosse.

Proximum ab hoc, cum diuinā Voluntate suam conformare. Cur enim illam scrutari aut nosse volo, si amplecti, si sequi non volo? Non cunctatus est Alexander, quin idem, quod medicus, vellet, traherētque in se ore suo (quod Philippus dicebat) spiritum sui medici.

Tertium est, proponere, quantæ felicitatis sit, diuinam Voluntatem non solum habere notam, sed suam illi agglutinatam. Non oderat Alexander pharmacum, quia vitam & valetudinem amabat. Certē omnis amator pharmaci, spe valetudinis dulcescit. Amaritudinis subinde aliquid habere videtur Voluntas diuina, sed illud spe summi boni superandum est.

Quartum erit, impedimenta omnia quæ hanc humanæ voluntatis cum diuinā consensionem turbant, amouere; voluntatem propriam iugulare, vt amplecti liceat diuinam. Rex Alexander amicissimis etiam non credidit, ne fidem negare cogeretur ei qui accusabatur vt inimicus.

Quinto denique loco, adiumenta illa explicabimus, quæ ad diuinæ humanæque voluntatis concordiam potissimum valent: Ea sunt, diuinæ Providentiæ cognitio, & inde concepta in Deum Fides. Perisset Alexander, nisi medici doctam sinceramque providentiam agnoscere, ei que fidere voluisset.

Hæc sunt, & in hunc ordinem digesta, quæ his quinque libris sumpsimus exponenda, vt humanæ voluntatis cum diuinā nexus & certior sit, & firmitior. Nunc ad rem.

### §. I.

Omnis doctrinæ, quam Christus tot diuinissimis concionibus tradidit, caput hoc fuit, diuinæ Voluntati seipsum integrè perfectèque in rebus omnibus ac singulis conformare. Hoc Seruator quā verbis quā factis amplissimè docuit, & nobis semetipsum formam

dedit ad imitandum. *a* Ad hanc Domini doctrinam explicatiùs proponendam, duplex cum Theologis ponimus fundamentum.

Primum: Omnem omnino profectùs nostri rationem, in hac humanæ diuinæque Voluntatis Conformatione & concordia consistere, ita vt quod ista fuerit sincerior, hoc ille futurus sit vberior. Omnem Christiani hominis perfectionem in *Charitate* sitam esse iam liquet. Volumina diuina testimonijs in hanc rem plena sunt: Diliges Dominum Deum tuum ex toto corde tuo, &c. Hoc est maximum & primum mandatum. *b* Nunc autem manent fides, spes, charitas, maior autem bonum est charitas. *c* Super omnia autem hæc, charitatem habete, quod est vinculum perfectionis. Finis autem præcepti est charitas. *d* Charitatis autem actus longè nobilissimus, & assiduè instaurandus, est hæc ipsa cum Dei Voluntate conformitas in omnibus. Eadem velle, & eadem nolle, firma est amicitia; vox est beati Hieronymi, & omnium sapientum.

Alterum fundamentum: Nihil prorsus in Orbe fieri (peccato solum secluso) sine Dei Voluntate. Fortunæ seu ridentis seu sæuientis imperium nullum est. Hæc idololatrarum somnia sunt, qui humanæ vitæ vicissitudines à nescio quâ deâ dispensari fingebant. Augustinus irridens: Quomodo ergo, inquit, dea Fortuna aliquando bona est, aliquando mala? an fortè quando mala est, dea non est, sed in malignum dæmonem conuertitur, *e* Christiana sapientia fortunam omnem exhibeat. *Roma est mala, Vita est mors, paupertas est honestas à Deo sunt.* Sed hoc ipsum in diuinis paginis testatissimum, paullo apertius declarandum.

*a* 2. Thess. c. 3. v. 9. *b* Matth. c. 22. v. 37. *c* 1. Cor. c. 13. v. 13. & 14.

*d* 1. Tim. c. 1. v. 5. *e* Aug. l. 4. de Ciuit. c. 18.

## §. II.

Omnia Mundi mala (peccatum excipimus) à Deo esse, hac ratione docent Theologi. In omni peccato duo sunt: *Culpa* & *Pœna*. Deus est auctor pœnæ quæ in peccato est, sed neutiquam culpæ. Ideo si demamus culpam, nullum est malum pœnæ, quod non fiat à Deo, aut ipsi non placeat. Sicut autem mala peccati, seu, pœnæ, sic & mala naturæ oriuntur à diuinâ Voluntate. Naturæ mala vocamus, famem, sitim, morbos, dolores, &c. quæ sæpissime nihil habent cum peccato commercij. Itaque Deus reipsa, (& vt in scholis loquuntur, effectiuè positiuè) omnia pœnæ naturæque mala vult, *a* ob iustissimas causas, solum peccatum, seu, culpam permittit. Ideo hæc Dei voluntas Permittens, illa Ord-

*a* Intentione saltem secundariâ.



ans vocatur. Id igitur omne quod nos malum vocamus, à Dei voluntate est. Ita Theologi. Hoc fundamentum altissimè in animo iaciendum, maximi enim refert, probè istud capere, idque semper persuasissimum habere, pœnarum & malorum omnium causam primam esse Voluntatem diuinam, culpâ tamen, vt monuimus, semper seclusâ. Iacto hoc fundamento sic concludimus.

Quandoquidem Dei nutu imperioque sit, quicquid fit in Orbe, par est vt omnia de manu Dei acceptemus, sanctissimæ illius Voluntati nostram per omnia, & in omnibus ita conformantes, vt nihil incertis euentibus, nihil casui, nihil fortunæ adscribamus: hæc veterum monstra sunt, inter Christianos minimè toleranda. Neque fortunæ tantum aut casui nil assignandum, sed nec negligentiae aut industriæ humanæ, velut primariæ causæ. Vanæ sunt, & steriles hæc querelæ: Hoc illudue ideo mihi euenit, quia hic vel ille me odit, rem malè direxit, socordius egit; aliter certè euenturum fuisset, si mihi beneuolus extitisset, negotium hoc cordi habuisset, operæ non pepercisset. Vana & stulta est hæc Philosophia. Vera, sapiens, & sancta est illa: Dominus fecit hæc omnia, Nam, quod iam monuimus: Bona & mala à Deo sunt.

- Præcipuè Alexander Pefantius Rom. in part. 1. D. Thom. q. 19. art. 9. disput. 1. conclus. 3. Gabriel Vasquez tom. 1. in 1. 2. disput. 129. cap. 9. num. 32. mihi pag. 690. colum. 2. P. Adamus Tanner, quem honoris causâ nominalino Præceptorem obseruandum, hic aliquid rectè limitans: Malum solius pœnæ, inquit, seu naturæ, vult Deus non per se, sed per accidens, quatenus ei bonum aliquod coniungitur. tom. 2. Theolog. Scholast. disput. 2. quæst. 10. dub. 1. assert. 10.

### §. III.

Hic plurimi seipsos fallunt ignorantia miserabili. Hoc enim sibi persuadent, ea tantum mala quæ à causis naturalibus proueniunt, cuiusmodi sunt, Inundationes, terræ motus, agrorum sterilitas, terræ labes, annonæ caritas, iniuriæ cæli, morborum incommoda, mortes immittere à Deo, cum plerumque hæc nullum interueniat peccatum, at verò mala illa, quæ à vitijs & malitiâ humana trahunt originem, cuiusmodi sunt calumniæ, fraudes, furta, vexationes, insidiæ, iniuriæ, rapinæ, oppressiones, bella, cædes non esse à Deo, nec ab ipsius prouidentia proficisci, sed ab hominum nequitia, & perversâ voluntate illorum, qui hæc talia in alios moliantur. Hinc illæ vocès superioribus annis passim iactatæ: Hæc annonæ caritas non est à Deo; ab auarissimis hominibus est, à Deo non est. Insanæ ac impiæ vocès, homine Christiano prorsus indignæ, & sub Orcum relegandæ.

Sed veres sit dilucidissima, exemplo demonstratur id quod dicimus. Est qui alterum bonis omnibus euolutum cupiat: ut hoc nefarium consilium in opus prodeat, in ædes iniunici clam subrepat, ignem subijcit, actutum ex ædibus se proripit: domo iam inflammata cum ceteris accurrit, velut incendium cum alijs extincturus, sed longè alijs est illi animus. Nam si occasio faueat, non flammam compescit, sed prædam sibi facit, & in rem suam spolia subtrahit incendio. Omnes hæc cogitationes in se spectatæ, absque voluntatis peruersitate, omnes hæc actiones, in genere entis (ut scholæ loquuntur) consideratæ, auctorem habent Deum, Deus hæc facit, vti quæuis alia facit in rebus creatis rationis expertibus. Sicut enim istæ nec mouere se possunt, nec operari sine Deo, ita nec incendiarius ille aut domum ingredi, aut eadem egredi, aut ignes spargere sine Deo potest. Neque verò mali sunt ex se hi actus, nam & cum virtute fieri possunt, at mala est voluntas, pessimum est consilium quod improbus ille secutus est. Huius auctor & causa Deus non est, quamuis consilium hoc iniri permiserit. Potuisset enim hoc impedire si voluisset, quandoquidem ergo Deus iusto suo iudicio impium illud consilium non impedijt, permisit. Permissiois causas infra dabimus.

## §. IV.

Eadem prorsus ratio est in alijs quoque peccatis, quod etiam sub hac imagine magis elucescat. Est qui claudicet ex accepto vulnere: gressum hic quidem molitur, sed ægrius, nec tam decorè atque sanus incedit. Causa motûs in pede est vis impellens naturalis, claudicationis autem causa est vulnus, non motrix animæ virtus. Simili planè modo, actionis illius, quam quis peccando exercet, causa est Deus: erroris autem & peccati in hoc actu causa est liberum arbitrium. Actioni adiumentum subministrat Deus non aberrationi, non illi à lege & rectâ ratione secessioni.

Quamuis igitur Deus peccati auctor non sit, nec esse possit: Mundi sunt oculi illius, ne videat malum, & respicere ad iniquitatem non poterit. Diligit enim iustitiam & odit iniquitatem: Nihilominus exploratissimæ veritatis est, omne malum poenæ, à causis secundis seu rationalibus seu rationis expertibus profectum, quocumque id modo ac ratione accadat, totum prodire à manu Dei, eiusque suauissimâ dispositione ac prouidentia: Deus est, mi bone homo, Deus est qui dexteram te percutientis rexit.



Deus est qui linguam tibi detrahentis mouit: Deus est qui vires te impiè conculcanti dedit. Ipse Deus de se per Isaiam hoc fassus: Ego Dominus, inquit, & non est alter: formans lucē & creans tenebras, faciens pacem & creans malū: ego Dominus faciens hæc omnia. <sup>a</sup> Quam luculenter hoc ipsum confirmans vates Hæbræus Amos: si erit, inquit, malum in ciuitate, quod Dominus non fecerit: <sup>b</sup> Perinde si dixisset, nullum malum est quod non faciat Dominus, malum culpæ permittendo, pænæ malum efficiendo & ordinando.

Ita Deus adulterium & cædem Dauidis regis, per incesti Absalonis filij peccatum puniturus: Ecce ego, inquit, suscitabo super te malum de domo tuâ, & tollam vxores tuas in oculis tuis, & dabo proximo tuo &c. Tu enim fecisti absconditè: Ego autem faciam verbum istud in conspectu omnis Israël, & conspectu solis. <sup>c</sup> Præclarissimè dixit Augustinus: Sic Deus per malos erudit bonos. <sup>d</sup> Sic Iustitia diuina Regibus impijs, & malis Principibus velut instrumentis vtitur, tam ad exercendam proborum patientiam, quam ad flagellandam improborum petulantiam. Exempla hæc ab omni æuo obuia, vbi Deus per improbas aliorum cupidines bonam suam voluntatem exercet: per aliorum iniustitiam exserit iudicia sua iusta. Et velut pater virgas arripit & filium cædit, sed paullo post filio se conciliatum exhibet, virgis in ignem coniectis: ita Deus per Isaiam minatur, &: Væ Assur, inquit, virga furoris mei & baculus ipse est, in manu eorum indignatio mea. Ad gentem fallacem mittam eum, & contra populum furoris mei mandabo illi vt auferat spolia, & diripiat prædam, & ponat illum in conculcationem, quasi lutum platearum. Ipse autem non sic arbitrabitur, & cor eius non ita existimabit: sed ad conterendum erit cor eius, & ad interuersionem gentium non paucarum. <sup>e</sup> Quam clarè Deus tantorum malorum auctorem se fassus, In manu eorum, inquit, indignatio mea: Virga furoris mei est rex Assyrius, ad puniendâ ludæorum flagitia: Ego illum misi, vt auferret spolia, deiceretque nimium insolentes & inflatos illorum animos, qui proiectâ fide, idola gentium vesano ritu venerati sunt. Ipse autem rex Assyrius omnia alia cogitans, non sic arbitrabitur, nec ad castigandos veniet, sed ad mactandos & omni modo perdendos: Nihilominus Voluntati meæ deseruiet. At vbi ego gentem meam per Assyrios castigaro, væ huic Virgæ, væ Assyrijs, quos velut instrumentum furoris mei excutiam in ignes. Idem prorsus in alijs vltionibus diuinis est obseruare.

<sup>a</sup> Ilc. 45. v. 7    <sup>b</sup> Amos. c. 3. v. 6.

m m 4

Titus

<sup>c</sup> 2. Reg. c. 12. v. 11.    <sup>d</sup> Aug. in Psal. 73. v. 4.    <sup>e</sup> Ilc. 10. v. 5. vsque ad 8.

Titus Imperator Romanus cū Hierosolymorum urbem artissimā obsidione cinxisset, muros circuire, & ipse omnia lustrare oculis institit. Hic cū plenas cadaueribus valles vidisset, altamque sanie[m] tabefactis corporibus defluentem, altum ingemuit, & elatis in cælum oculis ac manibus Deum testabatur, factum illud suum non esse. <sup>a</sup>

<sup>a</sup> Ioseph. l. 6. de bello Iud. c. 14. post. med.

§. V.

Obijcias : Si res ita se habent, si malorum omnium origo est Voluntas Dei, quid ergo reluctamur, quid morbis pharmaca opponimus, quid hosti armatos cuneos obijciamus, cur portas non illicò pandimus, & intra mœnia recipimus nostrum exitium, cur non sanctissimum præfulem Lupum imitamur, & illius vocibus mala nostra omnia sicut ille Attilam, salutamus? *Salve flagellum Dei.* Decorum est, mi homo, non plus sapere quàm oportet, sed sapere ad sobrietatem. <sup>a</sup> Bellum & omnes clades à Deo sunt, res iam liquida. At hinc mala est ista consecutio : ergo hosti non resistendum, ergo morbis non occurrendum. Nam aliud est voluntas Signi ( cum Theologis loquor ) aliud voluntas Beneplaciti. Atque de illā voluntate Signi per leges nobis explicatā, vt plurimum satis constat. At verò de hac Beneplaciti non item. Neque continuo scire licet, quousque se ista extendat. De quā infra vberius. Nunc exemplo sit *Morbus*. Hic à quacunque causā ortus, diuinæ voluntatis est, neque hac in re quidquam ambigendum. Cū autem ægrotus nesciat, quamdiu se velit Deus in morbo cubare, licitè prorsus resistere potest, & recuperandæ sanitati, quicquid est legitimorum remediorum adhibere. Vbi verò tentarit omnia, & nihil profecerit, nec conualuerit, persuasissimum sibi habeat, diuinæ Voluntatis esse, se grauius ac diuturniore inualetudine vrgeri. Sic ergo ratiocinandum : Vult te Deus, mi æger, ægrotare; at quia nescis an etiam velit te nunquam sanari, eā de causā licitè vteris remedijs. Si autem velit morbum perpetuari, subtrahet pharmacis efficaciam ne saneris. Idem de hostibus dicendum. Sæpe voluit Deus Israël gentē impugnari, ne torpesceret; quamdiu autem non constabat velle Deum illam etiam expugnari, tamdiu erat resistendum hosti : secus, si monidisset Deus, vti per Hieremiam vatem monuit, dederent sese in seruos regi Nabuchodonosori. Pari ratione si ortum incendium quantiscūque laboribus restingui non possit, argumento id est, Deum voluisse non solum incendi domum, sed



& comburi, suis amicis vel experiendis, vel puniendis inimicis. Idem in alijs omnibus obseruandum.

Deinde, quemadmodum fit nonnunquam vt vnus aliquis pater det filio ligneum gladium, dicâtque: Age puer, defende te contra me; videamus quid apud lanistam profeceris, in athleticâ. Hic non filius patri, sed pugnator aduersario resistit: ita prorsus cum quis incendium, cum hostem, cum morbum cupit extinctum, non diuinæ voluntati pœnam approbanti, sed culpæ obfistit, quam odit Deus. Nam domus incensa est vel iniuriâ, vel inuidiâ, huic culpæ reniti, nemini non permissum: Sic qui morbum conatur depellere, non Voluntati diuinæ, sed humanæ noxæ se gerit aduersarium, vix enim vllus est morbus, cui non occasionem præbuerit aliqua victus intemperantiâ; quisquis iam in morbum pugnat, non Deo sed intemperantiæ, aut certè illius effectui repugnat: Sic qui armis resistit hosti, non diuinæ Voluntati aduersatur, sed illi qui bellum intulit iniustum. In his talibus se suâque defendere, minime vitium, nisi aliunde constet displicituram Deo defensionem.

a De his infra explicatiûs agendum.

### §. VI.

Sed quid miri est diuinam Prouidentiam Iustitiâque hominibus improbis velut instrumentis vti, quando & ipsi dæmones hoc munus obeunt? Fitque mirâ dispensatione pietatis, inquit Gregorius, vt vnde malignus hostis cor tentat vt interimat, inde misericors conditor hoc erudiat vt viuat. In fastis Regum hæc memorantur de Saule: Post diem autem alteram inuasit spiritus Dei malus Saul. Et quomodo malus is fuit spiritus, si Dei? quomodo verò Dei esse potuit, si malus fuit? Hoc ipsum eadem Regum historia sic explicans: Exagitabat eum, inquit, spiritus nequam à domino. Malus erat spiritus per desiderium peruersæ suæ voluntatis, at domini spiritus erat, quia missus à domino ad torquendum Saul. Hipponensis præsul Augustinus, hic lucis plurimum allucet, nec pigebit illius verba ex integro admetiri, hæc sunt: Quid est recti corde? non resistentes Deo. Intendat charitas vestra, & intelligite rectum cor. breuiter dico, sed tamen maximè commendandum. Inter rectum cor & prauum cor hoc interest. Quisquis homo quicquid patitur præter voluntatem, afflictiones, mœrores, labores, humiliationes, non tribuit nisi voluntati Dei iustæ (*beatus hoc nosetur*) non illi dans insipientiam, quod quasi nesciat quid agat,

in in 5

quia

quia talem flagellat, & talibus parcit : ipse est rectus corde. Peruersi autem corde sunt, & prauī, & distorti qui omnia quæ patiuntur mala; iniquè se pati dicunt, dantes illi iniquitatem, per cuius voluntatem patiuntur : aut quia non ei audent dare iniquitatem, auferunt ei gubernationem : Quia ipse (inquit talis) non potest facere iniquum; iniquum autem est ut ego patiar, & ille non patiarur : concedo enim ut sim peccator, certè sunt peiores qui lætantur, & ego tribulor : quia ergo hic iniquum est, ut etiam peiores me lætentur, & ego tribuler, qui aut iustus, aut minus peccator quàm illi sum : & certum est apud me, hoc esse iniustum, & certum est apud me, quia Deus non faciet iniustum. Deus non gubernat res humanas, nec cura est illi de nobis. Ergo prauī corde (inquit Augustinus) id est, distorti corde tres habent sententias : Aut non est Deus, dixit enim stultus in corde suo, non est Deus : Aut iniustus Deus est cui hæc placent, & qui hæc facit : Aut non gubernat Deus res humanas : nec cura est illi de omnibus. In istis tribus sententijs magna impietas. *Et pauculus interiectus* : Sic est ergo rectum cor, fratres. Cui-cunque aliquid accidit, dicat : Dominus dedit, dominus abstulit. Ecce rectum cor : Sicut domino placuit, ita factum est, sit nomen domini benedictum. Et non dixit, Dominus dedit, diabolus abstulit. Intendat ergo charitas vestra, ne fortè dicatis : hæc mihi diabolus fecit (*hoc mihi damnum nebulo ille insulsi*). Prorsus ad Deum tuum, refer flagellum tuum, quia nec diabolus tibi aliquid facit, nisi ille permittat, qui desuper habet potestatem, aut ad pœnam, aut ad disciplinam : ad pœnam impijs, ad disciplinam filijs. Flagellat autem omnem filium quem recipit. Ne te sine flagello speres futurum, nisi fortè cogites exhæredari. Flagellat omnem filium quem recipit. Itane omnem ? Vbi te volebas abscondere ? Omnem : & nullus exceptus, nullus sine flagello erit. Quid ? an omnem ? Vis audire quem omnem ? Etiam vnicus (Dei filius) sine peccato, non tamen sine flagello. <sup>a</sup> Institutio nobilissima & Augustino sanè digna. Quia verò Augustini sensu, nec diabolorum nec hominum vllus in alterum quidquam potest, nisi permittente Deo, ideo nunc breuiter dicendum quænam permittat Deus, quâ ratione, quâ de causâ permittat.

CAP.

<sup>a</sup> Augustin. Psal. 31. propius finem ; sed de hoc plura inferius.



*Quid, quomodo, quare hoc illūdue permittat*

*Dei Voluntas.*

**M**iseriſſimè hīc vulgus hominum hallucinari ſolet, cui Permiſſio diuina, vix aliud eſt quàm humana, quæ nihil agendo deſidet otioſa, & agere volentes non impedit, etſi poſſit. Ex hoc vno errore mala gignuntur innumera. Hinc alteri in alteros ruimus, & velut omnis infortunij fabros, omnis mali auctores inuicem noſmet & verbis, & manibus, & dentibus laceramus, tanquam ſi Deus interim altercationes noſtras otioſus ſpectet, & grauiffimas iniurias cū poſſit impedire, permittat. Seminarium hoc eſt omnium perturbationum. Huic evertendo tria capita ſtatuiſmus in omni Permiſſione diuinā conſideranda.

Primum eſt, Voluntas Permittendi: Alterum, cauſſa Permiſſionis: Tertium Voluntas cooperatrix in re permiſſā. Ad hæc melius perſpicienda, repetendum aſſumo, duo eſſe malorum genera: Primum eorum quæ moleſtiam, dolore, iacturam, infamiam inferunt, vti ſunt paupertas, vincula, morbi, exilium, mors, quæ non tam dicenda ſunt mala, quàm medicamenta amariora, diuinā manu adinota. Alterum genus malorum eſt, quæ vero nomine vocantur mala, vt ſunt peccata. Priora illa verè vult Deus, aut ad prænam impijs, vt loquitur Auguſtinus, aut ad diſciplinam filijs: poſteriora hæc non velle dicendus eſt Deus, ſed permittere. Cū enim omnia quæ verè exiſtunt, verè velit Deus, cuius voluntæ ſunt omnia, & ſine cuius Voluntate nihil eſt, peccatum (quod improprie dicitur exiſtere) velle non poteſt, ſed permittere. Vti autem futura omnia perfectiſſimè præuidet Deus, ita faciliſſimè quæcunque voluerit, impedire poteſt; cū autem innumera non impedit, dicendum eſt, Deum iuſtiſſimā ſuā Voluntate ab æterno voluiſſe ad eoque decreuiſſe illa permittere. Deus utique non nolens ſed volens ſinit vt aliquid fiat. Homines quidem plurima permittunt quæ aut impedire nequeunt, aut certè malent non fieri. Non ita ſupremus rerum arbiter. Eſt igitur in Deo, *Voluntas permittendi*, quam in Permiſſione primum caput ſtatueramus. Hīc iam quæritur cur voluerit Deus permittere peccata, ſive, quæ in Deo ſit cauſſa huius permiſſionis.

Nunquam certè Bonitas illa infinita tantam in Orbe malitiam permitteret, nisi maiora inde bona eliceret, & reperta ad perniciem, verteret ad salutem. Permisit Deus fraternam inuidiam in Iosephum innocentem scire, sed quanto id bono permisit, non solum parentum & fratrum, sed totius Ægypti? Permisit Deus infontem David ab impio Saule grauissimis iniurijs exagitari, sed Davidis totiusque regni Hebræi bono maximo. Permisit Deus Daniele iniquissimè accusatum in leonum voraginem præcipitari, sed grandi Danielis ipsius, & plurimorum bono. Sed quid hæc natro? Permisit Deus Filium à patricidis crucifigi, sed permisit hoc bono totius humanæ gentis inexplicabili. Ita prorsus ex omni permissione diuinâ, maxima diuinæ gloriæ incrementa, generi humano emolumenta proueniunt copiosissima. Hinc Bonitas Dei ac Misericordia, hinc Liberalitas atque Potentia, hinc Prouidentia, hinc Sapientia & Iustitia modo prorsus admirabili elucescunt: hinc virtus plurimorum crescit, certamina frequentantur, multiplicantur præmia, coronæ augentur.

Et quàm admirandam se præbet diuina Prouidentia in quotidianis his permissionibus! Quid enim magni est si è bono bonum: at maximum si è malo bonum feceris. Mari tranquillo, vt aiunt, quilibet gubernator est. Neque verò magnæ artis est vento secundo, naui firmâ, mari pacato, astris fauentibus, remigibus peritissimis portum in conspectu positum tenere: At luctantibus inter se ventis nauigio lacero, fremente cælo, insidiantibus piratis, remigibus imperitis, sideribus ereptis, optatum nihilominus portum occupare, hoc demum facinus est in gubernatore admirandum. Talis in suis permissionibus est Deus. Per ea quæ contraria videntur ad felicem deducit exitum, per tot hominum flagitia gloriam suam propagat, in tantis scelerum aceruis amicos suos reddit illustriores: Deo dirigente fraudes in decepti commodum vertunt: vexationes & iniuriæ vexato vires addunt: impietas tot perditorum, pietatem multorum stabilit, & ne pereant, conseruat: & vnde plurimi creduntur deprimendi, emergunt. Iosepho carcer & vincula ad tam sublime dignitatis solum viam aperuerunt: plus ei profuit fratrum inuidia, quàm Orbis totius beneuolentia. Saulis perfidia Davidi diadema contulit. Daniele fouea leonum altius euexit quàm ulli regum fauores possissent. E cruce Christus in Paradisum migravit, ex oliueto ad Patris confessum peruenit. Quod si Deus



peccata non permitteret, & permissa non ordinaret, & ordinando in bonum deriuaret, vindicem Dei iustitiam vix agnosceremus: At sic altius sapere docemur, & admirabilissimam causarum seriem ac connexionem fateri cogimur, per quam tandem è tantis malis tot emergant bona. Quà de re Seuerinus Boëthius eruditè: Ordo quidam, inquit, cuncta complectitur, vt quod ab assignatæ ordinis ratione discesserit, hoc idem licet in alium, tamen in ordinem relabatur, ne quid in regno Prouidentia liceat temeritati. Neque enim fas est homini cunctas diuini operis machinas vel ingenio comprehendere, vel explicare sermone. Hoc tantum prospexisse sufficiat, quod naturarum omnium proditor Deus, idem ad bonum dirigens cuncta disponat. Quo fit, vt quæ in terris abundare creduntur, si disponentem prouidentiam spectes, nihil vsquam mali esse perpendas. <sup>a</sup> Est ergo (quod alterum erat caput) diuinæ permissionis causa multiplex.

<sup>a</sup> Boëth. l. 4. cons. phil. prosa 6. fine.

## §. II.

Tertium est, Voluntas Dei cooperatrix in omni re quam permittit. Non tantum decreuit Deus ab æterno, quæ temporis successu erat permittiturus, neque tantum iustissimas suæ permissionis causas, sed voluntatem etiam habuit habetque in omnibus permissionibus cooperatricem. In Theologorum scholis res liquidissima est, omnium eorum quæ verè fiunt & existunt, Deum esse adiutorem. Nihil vspiam rerum sine primæ & summx causæ adiumento existit.

Cùm ergo Deus omnia quæ permittit, ab æterno decreuerit permittere, idque iustissimis de causis, seipsum insuper in suis permissionibus adiutorem præbeat, quid est quod Deum hominèsq; tot vanissimis querelis incessimus, quid prouidentiam & iustissimas Dei permissiones toties allatramus? quin omnes rerum euentus diuinis iudicijs adscribimus, certi iustissimas diuinæ permissionis grauissimasque causas subesse, & propositum maximi momenti finem, cui nos minimè conueniat refragari: Bonæ malæque voluntates Deo militant, & inter varios fines, veniunt tamen ad hunc, vt sic dicam, finium finem.

Certè sanctissimi quique viri, res omnes tanquam Deo agente sibi euenire exploratissimum semper habuerunt. siquidem mentis oculos ab alieni peccati cogitatione seuocantes, Dei permissiones quasi

quasi actiuas & effectrices assidue contemplabantur. Tam enim bonus est Deus, ut nullâ ratione permitteret mala, nisi nosset ex his elicere maiora bona. Ad rem aptissimè Augustinus: Melius, inquit, esse iudicauit Deus de malis benefacere, quàm mala nulla permittere. Neque enim Deus, cum summè bonus sit, vllò modo sineret mali esse aliquid in operibus suis, nisi vsque adeò esset omnipotens & bonus, ut beneficeret etiam de malo. <sup>a</sup> Optimè Theophilus Bernardinus, quem hîc sequimur: Subtilissimè, inquit, nostris erroribus & peccatis insinuat se Deus, non ut approbator & particeps, sed ut auersator & corrector, qui ex malis bona plura, quasi ignem ex aquâ educit. <sup>b</sup> Hîc cogitandum, ut idem monet, omnes eos qui nos lædunt (quacunque demum id ratione fiat) duplicem personam sustinere. Vnam quâ nobis pessimè cupiunt, & non simplex in nos malum eudunt: Alteram quâ illud omne quod cogitarunt, possunt, & diuinæ iustitiæ nos affligentis sunt instrumentum. Si priuam tantummodò personam maleuolorum agerent, nihil nobis nocerent, sed quia etiam alteram illam, quamuis ignari agunt, Deo nos iuste punienti subseruiunt. Sic Dei seruus Nabuchodonosor, sic Attila, sic Totila, sic Tamerlanes, flagella Dei, sic Vespasiani duo gloriæ quidem & propagandi imperij causâ Iudeos perdere conati sunt: sed errarunt. Reuerâ lictores & satellites fuerunt vltionis diuinæ in impiam gentem. Concoquere suam felicitatem Iudæi non potuerunt, nisi adiuti Neronianis his thermis. <sup>c</sup> Sed ut prescius hanc ipsam ratiocinationem prosequamur, libet pauca querere.

<sup>a</sup> Aug. tom. 3. Enchir. c. 27. & c. 11. <sup>b</sup> Theoph. Bern. l. 11. de Perseu. c. 4. §. 7.  
<sup>c</sup> Lips. l. 2. Constant. c. 7.

### §. III.

Exte, mi Christiane, quero, ex te potissimum, qui cælum terramque non rarò misces querelis. Dic, obsecro, in homine illo, qui te læsit, quid accusas? an voluntatem tantum lædendi, an tantum potestatem, an vtrumque? Vtrumque, dices. Sed ego te docebo neutrum accusare. Non voluntatem nocendi, hæc enim sine potestate vana est, nec tibi quidquam nocuit: non nocendi potestatem, quæ à Deo est, quæ iusta & æqua est. Nosti; omnis potestas à Deo est. <sup>a</sup> Quid ergo conquereris, illum in te posse, quod Deus illi permisit? Grandis mihi fit iniuria, dices. Quænam illa tandem iniuria? Peccata tua punit Deus, patientiam tuam exercet, præmia tua multiplicat, & tibi fit iniuria? Huic, ais, nequam homini, & voluntati

<sup>a</sup> Rom. c. 13. v. 14.



eius nequissimæ indignor. Ad hominem tu semper respicis, ego vero ad Deum te suspicere volo. Voluntas humana, quantumvis improba, quid potuit, quid fecit? Tu non adeò doles, quòd voluerit tibi nocere, sed quod nocuerit, aut nocere potuerit. At quæso te, quid & quomodo potuit, vnde potuit, cur potuit? nonne potestate & concessione diuinâ? si diuinâ, nunquid iustâ, laudabili, sanctâ? Ergo vel tace, vel querelas tuas ad diuinam hanc permissiōnem erige, & hoc animo tuo insculpe: Nunquam permissurum Deum, ut alterius mala voluntas, quidquam in te mali inoliatur nisi in tuum bonum, si tu tamen ipse tibi non obsis. Et quis est qui nobis noceat, si boni æmulatores fuerimus? Præclarissimè Augustinus: Noli timere inimicum, inquit, tantum facit quantum acceperit potestatem. Eum time, qui habet summam potestatem. Eum time, qui quantum vult, tantum facit. & qui iniuste nihil facit, & quicquid fecerit iustum est. Putamus iniustum esse nescio quid, & ex hoc quia fecit Deus, crede iustum esse. Ergo, inquis, si quis hominem occidat innocentem, iuste facit an inique? Inique sanè. Quare hoc permittit Deus? Disputare vis, antequam facias vnde dignus sis disputare, quare hoc permisit Deus? Consilium Dei tibi dicere, o homo, non possum. Illud tamen dico, quia & inique fecit homo qui occidit innocentem, & non fieret nisi permetteret Deus. Et quamvis ille inique fecerit, non tamen hoc inique permisit Deus.

Idem, de Christi Domini nece: Itaque fratres mei, inquit, Iudas malignus traditor Christi, & persecutores Christi, maligni omnes, impij omnes, iniqui omnes, damnandi omnes: & tamen Pater proprio filio suo non pepercit, sed pro nobis omnibus tradidit illum. Dispone, si potes, distingue si potes: redde Deo vota tua quæ distinxerunt labia tua. Vide quid tibi fecerit iniquus, quid iustus. Ille voluit, iste permisit. Ille iniuste voluit, iste iuste permisit. Voluntas iniusta damnetur, permissio iusta glorificetur. Noli ergo mirari, permittit Deus, & iudicio permittit: permittit & mensurâ: numero, pondere permittit. Apud illum non est iniquitas, tu tantum ad eum pertine.

Hæc consequendæ tranquillitati via proxima est, non hominem iniuriam inferentem, sed Deum iniuriam permittentem intueri. Hic Sanctorum mos erat, non quis quæue ratione læderet, sed quis lædentem non impediret, attendere. Hinc ipsas etiam iniurias beneficia interpretabantur: nam isti sunt, aiebant, qui nos beatos faciunt;

ciunt; at qui beatos prædicant, illi nos decipiunt. Ita oculis in Deum semper intentis, à diuinis nutibus in omni re pendebant, & Deo omnia expectabant.

Ex hoc verò capite nullius hominis peccatum plus veniæ meretur, quod maius inde bonum eliciat Deus, nam boni occasionem solùm præbet homo non causam, & occasionem quidem non ex se, sed ex diuinæ bonitatis abundantia. Si pauperculi hominis turgurium improbus quis incenderit, non idè minus deliquit, quia id pauperculus ille patienter tulit, aut Princeps aliquis decuplò meliorem domum substituit. Aliena virtus, & felix euentus, incendiarij culpam non diluunt: ita nec peccatum bonitatem vllam acquirit, quòd boni occasionem præbuit. Sed vt hæc omnia melius capiamus, quàm occulta sint Dei iudicia, nunc expendendum.

### C A P. III.

*Quomodo per arcanissima iudicia Dei, cognoscenda sit  
Voluntas diuina.*

**I**Lud Hebræi vatis hîc assiduè ingeminandum: Iudicia tua, Domine, abyssus multa: <sup>a</sup> multa, multa nimis. Iam olim hanc abyssum velut digito monstrarunt duo regij ministri, Pincerna & Pistor Pharaonis Ægyptij Monarchæ. Vterque eiusdem regis famulus, gratiâ excidit vterque, in carcerem & vincula vterque raptus est, nec leui de causâ, nam vtrique Rex Pharao iratus, vtriusque etiam inter epulas recordatus est, vtrique vitæ gratiam potuisset facere, iustitiâ non obloquente, aut vtrumque capite damnare. Et tamen hunc infami supplicio addixit, illum officio pristino restituit, Pistorem in crucein egit & coruis escam obiecit, Pincernam in gratiam recepit, ac denuò ad regis mensæ ministerium admisit. Talia sunt iudicia Dei, hos ex iustitiâ à conspectu reiicientis, illos autem in conspectum admittentis ex gratiâ. Iudicia Dei abyssus multa. Quis sufficit enarrare opera eius, quis enim inuestigabit magnalia eius? <sup>b</sup>

<sup>a</sup> Pl. 35. v. 7. <sup>b</sup> Eccl. c. 12. v. 2. & 3.

#### §. I.

Quàm occulta Dei iudicia circa Nabuchodonosorem, & Pharaonem illum alterum qui ignorabat Ioseph? <sup>a</sup> De quibus eximie Augustinus: Nabuchodonosor, inquit, post innumeras impietates flagellatus, pœnitentiam meruit fructuosam: contra verò flagellis ipsis durior est factus Pharao, & periit. Ambo homines, re-

<sup>a</sup> Exod. c. 1. v. 8.



Rex impij: ambo flagellis moniti. quid obsecro eorum exitus fecit tam dispares? Vnus Dei manum sentiens ingemuit & resipuit, alter Dei Voluntatem auersatus in peccatis permansit, & interijt. <sup>a</sup> Ita idem medicamentum, ab eadem manu confectum, agrotos duos simillimo morbo oppressos dissimillimè afficit, & hunc quidem ad Hospitalem, illum ad tumbam deducit. Ita duo latrones cum Christo in crucem sublati, & in pari culpâ, æquali supplicio, simillimâ morte, dissimillimam post mortem sortiuntur habitationem. Iudicia Dei abyssus multa.

Optimus ille rex Asa, qui, *Fecit quod bonum & placitum erat in conspectu Dei sui, & subiecit altaria peregrini cultus*, qui omnem aboleuit idololatriam, omnium priorum regum maculam, *Excelsa*, demoliri ausus. Et tamen iste regum optimus, priorem laudem in fine corripit: diu præclarissime se gessit, annis triginta optimorum regum exemplar haberi potuit, tandem regi Syriæ plus quàm Deo confusus, Prophetam Hanani eius facti reprehensorem in neruum compexit, & plebe plurimos interfecit, pedum dolore correptus, plus medicorum artiquàm diuinæ opi tribuit. <sup>b</sup> Ah, quàm non responderant extrema principijs! sanctissimus Rex quantum à seipso mutauit! Contra Manasses impijssimus, qui omnem vitam suam, sceleribus infamauit, tandem in se descenderis, principia pessima nobili fine coronauit. Abyssus multa, mi Deus, iudicia tua, abyssus nimis profunda!

<sup>a</sup> Aug. l. de prædest. & grad. c. 15. <sup>b</sup> 2. Par. c. 15. & 16.

## §. II.

Saul & Dauid quàm admirandi! Vterque initio laude dignus, vterque in grauia delicta lapsus cum offensâ totius regni, ob hoc vterque punitus, sed euentu diuersissimo. Saul obstinatæ impietatis homo, miserrimè finijt: Dauid pœnam in medicinam vertit, factus Deo familiarissimus. Hic nefas quærere, *Quare* aut *Cur* Hoc? E scholâ dæmonis prodijt *Cur* istud. Multos perdidit importunissimum istud *Cur*, & *Quare*. *Cur præcepit* vobis Deus, quærit olim fallacissimus coluber. Cui respondendum fuit: Præcepisse scimus, cur præceperit, nostrum non est quærere: hæc Domini Voluntas est; causæ voluntatis huius nobis minime scrutandæ. Quis enim cognouit sensum Domini, aut quis consiliarius eius fuit? aut quis prior dedit illi & retribuetur ei? quoniam ex ipso & per ipsum, & in ipso sunt omnia. <sup>a</sup> At dixerint forsaneliqui: Ta-

<sup>a</sup> Rom. c. 11, v. 34. & seq.

men rationem aliquam exigere licebit huius vel illius præcepti. A quo? num à Deo? cui vni licet quod libet; & nihil libet nisi quod licet. Si seruus à patrefamilias, subditus à Principe rationes exigat, ille contumeliam putet, hic rebellionem: tibi plus animi aduersus Deum est? Non aliter hæc ratio constat, quàm si nulla reddatur. <sup>a</sup>

Quàm admirandum & illud! Samaritani Dominicis verbis celerissime credunt, rogantque Dominum secum maneat: Geraseni increduli eundem rogant, à se abeat: Iudæi perfidi nec verbis, nec factis, sed nec vllis prodigijs aut miraculis induci possunt vt credant Veritati. Iudicia tua, ô Domine, abyssus multa.

Julianus Alexandrinus, sanctissimus martyr pedum vsu captus, ad tribunal in sellâ gestatus est à duobus famulis. Horum alter Fidem & Dominum abnegans, turpissimè defecit. alter Eunus nomine, Deo & hero fidelis, perseuerauit. Sic ambo camelis impositi, per urbem Alexandriam flagellati; tandem in roguem coniecti, sanctissimè finierunt. <sup>b</sup> Hos cum Befamiles spectaret, & hominum innocentium misertus, insolentiam petulantis plet eculæ cohibere niteretur, delatus ad iudicem, capite plexus est. Nimirum transfuga illius præmium occupauit. Iudicia tua, ô Deus, abyssus multa.

Narrat Athanasius Alexandrinus præsul, in rebus gestis Antonij Magni, duos fratres ad Antonium suscepisse iter, sed in viâ, ex aquæ penuriâ, alterum siti mortuum, alterum morti proximum iacuisse defectis viribus. Antonius aliquot inde milliaribus distans, & tum fortè in rupe confidens, duos è suis ad se subito euocans: Ite, inquit, festinato gressu, & aquæ lagenam deferre: vnus è duobus fratribus huc commeantibus in itinere iam obiit, alter adhucdum spirat sed ægrè, & nisi maturâ ope subueniatis, nec illum viuum reperietis. Hoc mihi oranti iam primùm significauit Deus. Sic ait, & illi vt iussi, mox iter celerarunt; repertum extincti cadauer terræ mandarunt, alterum fonte resectum sibi comitem iunxerunt. <sup>c</sup> Erat autem iter vnus diei. Hic opportunissimè Athanasius: Portasse, inquit, aliquis quærat: Cur non antequam alter moreretur, Antonius monuerit? Indigna prorsus Christianis quæstio, quia non Antonij sed Dei iudicium fuit, qui & in morientem, quam voluit sententiam tulit, & de sitiente reuelare dignatus est. <sup>c</sup>

Hæc arcanissima Dei arcana cum secum miraretur Antonius, iamque pænè inciperet descendere in hanc diuinorum iudiciorum profundum.

<sup>a</sup> Quod in summo imperio acutè dictū, & Tiberio ingessū à Sallust. Tac. l. i. Annul.  
<sup>b</sup> Eusebius. l. 6. c. 34. Nicephorus. l. 5. c. 30. <sup>c</sup> Rosveid. in Vit. P. P. l. i. in vit. S. Ant. c. 31.



profunditatem, apud Deum sic familiariter questus est: *Mi Domine, illos flagitijs opertos tamdiu finis viuere, istos ad plurimorum utilitatem natos abripis?* Hi non adeò improbi, tam seuerè à te puniuntur; alij viuunt impunè, & à viuendi prosperitate, peccandi sumunt audaciam. Prodit quasi ex adipe iniquitas eorum. *Hic vocem audijt: Antoni, ad teipsum intende: hæc iudicia Dei sunt, tibi non scrutanda.*

O quàm magnificatà sunt opera tua, Domine, nimis profundæ factæ sunt cogitationes tuæ: vir insipiens non cognosceret, & stultus non intelliget hæc. *b Verè tu es Deus absconditus!* Anno millesimo centesimo supra decimum septimum, cum Italia tota terræ motibus quateretur, ait Rogerius, aliquot Mediolanenses Patricij sub turri confederunt, erat enim eis de Republicâ negotium. Cum vox foris audita, quæ vnum nominatim euocabat. Ille cunctari, & dubitare quis vocaret, & quem: itaque hære, & repetitam vocem expectare: cum ecce ignotus aliquis ad fores adest, & hunc ipsum rogat vt exeat. Vix dum aliquot spatijs à loco abiit, cum turris corruit, & vnà omnes oppressit. Cur hîc vnus tantum, & ceterorum nemo ab interitu seruatus? Iudicia Dei, abyssus multa. Quis non videat prisca hîc prodigia reuocari? Sic Angelus Lothum cum familiâeductum, Sodomæis incendijs subduxit: sic mille alij inter pereuntium turbam ab exitio defensi sunt.

Anno millesimo quingentesimo supra nonagesimum septimum, in Siciliâ, in monte Regali, *a* obstinatæ libidinis homo à religioso viro aliquoties monitus, impuram vitam tandem defineret, & meretricium consortium eiuraret. Perstitit tamen miser, sed post extremam monitionem in sinu pellicis confossus est. Alius non disparis vitæ vir, & qui plurimis annis cum infami feminâ habitauit, ubi lamentabilem hunc exitum inaudijt, alieno malo sapere voluit, & omnem vitam ab annis sexaginta per confessionem relegit. Quid hîc aliud iterum vociferen, quàm hoc ipsum: Iudicia tua, Domine, abyssus multa nimis!

*a* Psal. 72. v. 7. *b* Psal. 91. v. 6. & 7. *c* Eccl. 45. v. 3. *d* Königsberg.

#### §. IV.

Et hoc est quod diuinum Paulum in tantam admirationem rapuit. Gemellis illis Iacob & Esau, cum nondum nati essent, aut aliquid boni egissent aut mali, &c. dictum est, Iacob dilexi, Esau autem odio habui. Quid ergo dicemus? nunquid iniquitas apud Deum? absit, &c. O homo tu quis es qui respon-

deas Deo? Nunquid dicit figmentum ei qui se finxit: quid me fecisti sic? An non habet potestatem figulus luti? <sup>a</sup> Aurifex argentum & aurum suum, figulus suum lutum pro libitu versat, quamuis inter figulum & lutum non remotissima sit cognatio, qualis inter Deum & hominem, vilissimum terræ vermiculum. Quis igitur Deo dicere potest: cur ita facis? <sup>b</sup>

Narrat Dorotheus, <sup>c</sup> nauigium appulisse ad vrbein venalibus mancipijs plenum. Erat in illâ ciuitate virgo sanctissimis moribus, suæque salutis studiosissima. Hæc mirè lætata occasionem offerri, addiscendæ inde ancillulæ, quam suo nutu ad omnem vitæ sanctitatem etiamnum docilem formaret. Et commodè nauarchus puellas duas habuit, è quibus alteram Virgo liberali pretio emit. Vix hæc abiit cum adest femina profligati pudoris, histrioniam faciens saltatrix, hæc alteram virgunculam licitata, cum pretio non grandi parabilem audiret, emptam abduxit. Heu misella, tam scelestam nacta dominam, quàm sanctam altera! Quis hîc iudicij diuini abyssum scrutetur? Vtraque ab annis innocens, vtraque venalis, vtraque suæ sortis ignara, vtraque velut testa recens, odorem seruatura quem primitus imbibisset. Et tamen illa virgineos mores edocta, non difficulter virtuti à teneris assuevit, Angelorum digna consortio: Hæc autem ab illâ furia ad omnem petulantiam & lasciuiam instituta, improbos dominæ mores feliciter imitata, nobile fuit spoliū diabolo; alia certè futura, si aliam habuisset magistram. Sed iudicia tua, ô Domine, abyssus multa.

Non multum absimile quid in cognato sanguine Gregorius Magnus expertus est. Tres habuit amitas vir iste sanctissimus, Æmilianam, Tarsillam, Gordianam: omnes se Christo & virginum sacrarum collegio deuouerunt: duæ illæ vti virginittatis sponsionem integerrimè seruauit, sic vitam sine optimo clauserunt. Tertia illa Gordiana nullis obtemperans monitis, illecebrarum appetens, tandem frenum rupit, cœnobio excessit, villicum suum vagâ libidine secuta. <sup>d</sup> Iudicia tua, Domine, abyssus multa; hæc nemo se immitat: Ecce Deus magnus vincens scientiam nostram, quis poterit scrutari vias eius: <sup>e</sup> Cautissimus hîc Iesæus rex: Vt iumentum, inquit, factus sum apud te. <sup>f</sup> Tuis, ô mi Deus, iudicijs, me non immisceo; tuum me iumentum gero; iumentum est, hero iubenti parere, non iussa discutere. Et quid miri hominem in scholis non educatum,

<sup>a</sup> Rom. c. 9. v. 11. & seqq. <sup>b</sup> Job. c. 9. v. 12. <sup>c</sup> Dorothe. ser. de occult. Dei iud. <sup>d</sup> Greg. hom. 31. in Euang. <sup>e</sup> Job. c. 36. v. 23. & 26. <sup>f</sup> Psal. 72. v. 22.



eatum, & qui iuventutis suæ rudimenta in pecorum custodiâ posuit, ita de se sentire: ipsi Seraphini, spiritus nobilissimi hoc faciunt. Nam cùm in cælo de abdicandis Iudæis ageretur, Seraphim geminis alis faciem pedesque velabant, professi ed altitudinis se pertingere non posse intelligentiâ, quò sese admiranda Dei opera extollerent: diuina iudicia omnem intelligendi vim excedere: se itaque contentos, scire ter sanctum esse Numen, sanctum in seipso, sanctum in iudicijs, sanctum in operibus. Si sic supremi Angeli arcana Dei iudicia venerantur, quantò magis vilissimos homunciones clamare conuenit: Iustus Dominus in omnibus vijs suis, & sanctus in omnibus operibus suis. *b* Hic neminem non plurimum soletur, quod excellentissimè dixit Augustinus: Potest Deus aliquos sine bonis meritis liberare, quia bonus est; non potest quemquam sine malis meritis damnare, quia iustus est.

a Isa. 6. v. 2. b Psal. 144. v. 17. c Aug. l. 3. contra Iul. c. 18.

## §. V.

Cernimus quidem mirabiles Mundi reuolutiones, continuas vicissitudines, euentus prorsus inopinatos, & est cur dicamus: Videamus obsecro, quem res exitum sortitura sit. Videamus tandem & miramur, frigidissimum illud nobiscum inuisitantes: *Non putassem.* At nescimus miseri, quæ secutura sint, sed nec eorum, ut ueniant ratio poscenda. Non enim cogitationes meæ, cogitationes vestræ: neque viæ vestræ, viæ meæ, dicit Dominus. Quia sicut exaltantur cæli à terrâ, sic exaltatæ sunt viæ meæ à vijs vestris, & cogitationes meæ à cogitationibus vestris. *a* Rationem de occulto Dei consilio quærere, inquit Gregorius, nil aliud est quàm contra consilium eius superbire. Nostrum est in omnibus cum beato Paulo dicere: O altitudo sapientiæ & scientiæ Dei, quàm incomprehensibilia sunt iudicia eius, & inuestigabiles viæ eius! In hac vitâ plurima nunquam satis indagabimus. Sufficiat nobis scire, Deum iniquum non esse, nec extremo iudicij die futurum vllum qui non cogatur dicere: Iustus es Domine, & rectum iudicium tuum. Conatus quidem rex David, hæc Dei arcana iudicia penitus rimari: Existimabâ, inquit, ut cognoscerem hoc. Tandem tamen non reperiens vllum exitum: Labor est, ait, ante me, donec intrem in sanctuarium Dei: differenda est hæc occultorum scientia in Orbem meliorem.

Submittamus ergo & nos curiosi ingenij alas. Reciprocus Oceanus fluxus & refluxus omnem philosophorum solertiam fatigauit.

& qui nos capiamus profundissimos diuinorum iudiciorum recessus? Quis indaget, cur hic in Turciâ natus, ille inter Christianos: cur in plurimas regiones Christi Euangelium tam serò emanarit, & interea temporis tot hominum millia perierint, idem tamen Euangelium in alias provincias tam maturè propagatum sit. Quid, quòd una regio, tota quanta est, hæresi sit infecta, alia ab omni hæresis labe immunis floreant? Cur diuina ultio hos prætereat, illos tangat? Cur immeriti aliquot populi euertantur, & culpæ maiorum in posteros ac nepotes transeant? Cur tot Principum, Regum & Imperatorum expeditiones ad recuperandam Palæstinam susceptæ, fuerint irritæ. Fugiamus quærere, cur Adamo Deus, non etiam Lucifero pœnitentiæ locum concesserit: Cur Christus Petri miseratus, non Iscariotæ: Cur hic in cunis, ille senex moriatur: Cur hic in flagitijs pereat, non diu flagitiosus, ille à flagitijs resipiscat, ijs diutissimè immersus: Cur hic diuitijs abundet, ille nec panem habeat nec pecuniam. Vaga mens quid per hanc curiosam curam tibi vis? Tangere cælestem illum diuini iudicij ignem? liquefces. Scandere in Prouidentię arcem? Cades. Vt papiliones & minuta quædam animalcula vesperè lucernæ lumen identidem circumuolant, donec amburantur: sic humana mens lasciuit circa arcanam illâ flammam. Vespertilionum oculi nobis sunt ad hunc solem. Homines sumus, secreta Dei non intelligimus. Mirabilia opera Altissimi solius, & absconsa, & inuisa opera illius. Nemo vnquam mortalium fuit qui librum intus & foris scriptum aperiret, nemo qui legeret. Liber iste diuinorum iudiciorum est, intus prædestinationis, foris prouidentię plenus. Aternus, sapientissimus Deus, omnia in menturâ, & numero, & pondere disposuit. Et virtuti brachij eius quis resistet? Quid nos audaculi, pondus ignis ponderare, aut flammam ventum mensurare, aut diem præteritum reuocare frustra nitimur? Modò iam istud sciamus, causam ante omnes causas esse, *Voluntatem Dei*, à quâ qui quærit aliam, vim & potentiam ignorat naturæ diuinæ. Nam causam omnem necesse est, genere quodam priorem & maiorem esse suo effectû: At Deo, & eius Voluntate nihil prius aut maius, non ergo vlla eius causa. Quid vltra hîc vis? Deus permisit, Deus voluit, Deus fecit. Summa iustitia est, vt rectè & piè Saluianus ait, Voluntas Dei: Summa prudentia est diuinæ Voluntatis ac prouidentię decretis placido animo acquiescere.

CAP.



## CAP. IV.

*Quomodo Dei Voluntas, in rebus omnibus  
agnosci possit.*

**D**I<sup>VERSI</sup> quidem regiminis est, hypocauftum plenum infantibus, gymnasium plenum discipulis, plenam domum famulis. cœnobium plenum religiosis, campum plenum militibus curare. eadem tamen in omnibus gubernandi ratio est per Obedientiam, quæ diuersas voluntates in vnam iubet coalescere. Malè dux imperabit nisi omnes suos milites aut ore gestare possit, aut manu, hoc est, aut voce aut nutu ad omne imperium impellere. Illic bene res geritur, & disciplina sibi constat, cum in domo paterfamilias, in scholâ magister, in cœnobio antistes, in castris dux suos omnes aut linguâ circumagit, aut dextra; verbo regit aut nutu, & quoquò vult perpellit.

Quenadmodum verò militem sui ducis linguam aut dextram insidere conuenit, ad huius vel illius imperata promptum: ita prorsus hominem Christianum decet, velut in linguâ Dei manûe sic hærere, vt quicquid Deus voluerit, dixerit, iusserit, quoquò nutum intenderit, mox ille idem velit, eò protinus eat, currat, volet. Omnium nostrum vox sit: In capite libri scriptum est de me, vt facerem voluntatem tuam: Deus meus volui, & legem tuam in medio cordis mei: <sup>a</sup> in medio memoriæ, intellectûs, voluntatis meæ: Voluntas tua, mi Deus, instar legum omnium mihi est.

Sauli à Christo in terram deiecti, prima omnium quæstio fuit: Domine quid me vis facere <sup>b</sup>? Hæc omnium proborum assidua sit percontatio: Domine quid me vis facere? quæ tua Voluntas, mi bone IESV? verbo, nutu significa: eo, pareo, facio, quicquid me facere volueris. Huic igitur quæstioni ante omnia nunc respondendum, quâ ratione nimirum Dei Voluntas in rebus omnibus sit agnoscenda. Aliquot hîc regulas dabimus, per quas diuina Voluntas facîle poterit explorari.

<sup>a</sup> Pl. 39, v. 9. <sup>b</sup> Act. c. 9. v. 6.

## I. Regula.

Diuinæ Voluntatis cognoscendæ:

Quicquid abducit à Deo, contra Dei Voluntatem est: quicquid ad Deum inuitat, ad diuinam Voluntatem est. Hæc est enim Voluntas Dei, sanctificatio vestra, vt abstineatis vos à fornicatione, &c. <sup>a</sup>

<sup>a</sup> Thess. c. 4. v. 3.

nn 4

Itaque

Itaque si quis tale quid in se deprehendat, ut fateri cogatur: hoc officium, hæc societas, hoc mercimonium, hoc viuendi genus me non reddit sanctiorem; abducor à Deo, sed sensim, & lentis gressibus. ergo nec officium istud, nec illa societas, nec mercimonium istud, nec ista viuendi forma diuinæ Voluntatis est.

## II. Regula.

Voluntas Dei per legem Dei & Ecclesiæ luculentissimè nobis declaratur. Idèd in omni ambiguitate non tantum quærendum, quid Dei aut Ecclesiæ leges velint, sed quid ipsæ magis aut minus conforme sit. Christus olim opulento iuueni sciscitanti, quâ proximâ viâ iretur ad cælum: hunc optimum diuinæ Voluntatis interpretem designans: Mandata, inquit, nosti. « Sanè, Nihil dulcius quàm respicere in mandatis Domini. » Hunc ipsum diuinæ voluntatis internuncium Abrahamus Epuloni commonstrans: Habent, ait, Moyseri & Prophetas: audiant illos. « Diuinus Paulus: Nolite, inquit, conformari huic sæculo, &c. ut probetis quæ sit Voluntas Dei bona, & beneplacens, & perfecta. *Bona Dei voluntas decalogo comprehenditur: Beneplacens consilijs Euangelicis: Perfecta*, desiderat à se imperata perfici in terrâ, sicut in cælo.

a Luc. 6. 18. v. 20. b Eccli. c. 22. v. 27. c Luc. c. 16. v. 29.

## III. Regula.

Hæc à beato Paulo præscribitur: In omnibus gratias agite, hæc est enim Voluntas Dei, in Christo IESU in omnibus vobis. « Primum hîc notatu dignissimum, In rebus omnibus gratias agendas, etiâ turbatissimis & maximè improspèris. Pulchrè Chrysostomus dixit: Passus es aliquid mali: si velis, malum non est: Age Deo gratias, & iam malum mutasti in bonum. Hoc animi est Philosophici. » Prisci Germani optimè liberos instruebant, ut si quando digitum igne læsissent, mox dicerent: Deo gratias. Breue, sed nobile præceptum. Quicquid demum, mi Christiane, te premeat vrætuæ, quicquid affligat, dic centies, dic millies: Deo gratias. Addit Paulus: *Spiritum nolite extinguere*. Suus sit diuinis instinctibus locus. Non rarè Deus voluntatem suam explicat occultis alloquijs, quibus ut verè diuinis tunc tutò creditur, cum solius Dei gloria sectanda proponitur. Sed & illud Paulus addidit: *Prophetias nolite sternere*: Diuini voluminis explanationes, sacras in templis conationes, præfagas fidorum hominum admonitiones negligi ab



eo minimè conuenit, qui diuinæ Voluntati approbare se cupit. Qui audire non vult, non vult Dei Voluntatem intelligere. Deum præcipit Paulus: *Ab omni specie malæ abstinete vos.* Quemadmodum boni numularij monetam adulterinam aut à tinnitu, aut à signo & inscriptione norunt, & reiiciunt: ita nos, quicquid vel tenuem umbram vitij præ se fert, abominemur, tanquam diuinæ voluntati contrarium.

#### IV. Regula.

Præter Dei & Ecclesiæ leges, alij quoque diuinæ Voluntatis interpretes sunt, maximè in rebus dubijs. Inter hos censendi magistratus tam politicus quàm sacer, iique omnes qui alijs legitime præsunt: his annumerandi Curiones, Confessarij, Maiores & præsides in sacris familijs. Cùm Saulus iam paratus diuinæ Voluntati parere, quæsiisset: Domine, quid me vis facerè? Non illum Dominus præceptis onerauit, neque illi subitò scientiam omnem infudit, sed vt discipulum ad Ananiam mittens: Surge, inquit, & ingredere ciuitatem, & dicetur tibi quid te oporteat facere. Ananias Paulo diuinæ Voluntatis paraphrastes fidelissimus fuit, sicut Cornelio Petrus. Ita vult Deus Voluntatem suam homini explicari ab homine. Hinc illæ tam crebræ admonitiones: Consilium semper à sapiente perquire: <sup>a</sup> Sine consilio nihil facias, & post factum non pœnitebis. <sup>c</sup> Anima viri sancti enuntiat aliquando vera (magis) quàm septem circumspectores sedentes in excelso. Et sic in his omnibus deprecare dominum vt dirigat in veritate viam tuam. Ergo cum viro sancto assiduus esto, quemcumque cognoueris obseruantem timorem Dei &c. Et cor boni consilij statue tecum, non est enim tibi aliud pluri illò. <sup>d</sup> In omnibus igitur dubijs circa Voluntatem diuinam, à nemine potius petendum consilium, quàm à Confessarijs & Maioribus nostris, quibus aut conscientiam aut omnem vitam commisimus. Quâ in re vniuersè dici potest: Omnis Dominorum aut Maiorum, aut Præsidum voluntas (peccatum excipio) Dei Voluntas est. Quod ergo cuiusque Dominus, quod maiores aut præsides iusserint, non aliter quàm certum diuinæ Voluntatis interpretamentum est accipiendum. Beatissimus Paulus exemplo hîc præit, & Galatis scribens: Deinde, inquit, post annos quatuordecim iterum ascendi Hierosolimam cum Barnabâ. Quæ causa itineris tam longi? *Tota cum illis Euangelium.* En, Orbis concionator per tot annos, tan-

<sup>a</sup> Act. c. 9. v. 7.

nn 5

quam

<sup>b</sup> Tob. c. 4. v. 19.

<sup>c</sup> Eccle. c. 32. v. 2.

<sup>d</sup> Eccle. c. 37. v. 15. 18. & 19.

post concupiscentias tuas non eas, & à voluntate tuâ auertere.  
(mohe't Siracides) vt ad Dei voluntatem conuertaris.

Quòd si quid planè indifferens & adiaphorum sit, vt si duo mendici occurrant æquè fortunæ inopes, eleemosyna tamen non suppetat in vtrumque partienda, da cui volueris, animo diuinam Voluntatem exequendi; non errabis. Quod si res adiaphora maioris sit momenti; consilijs opus & precibus. Si verò de vnâ aliquâ pluribusue actionibus suscipiendis penitus non liqueat, quid diuinæ Voluntatis sit, non faciliè vlla earum suscipiatur, dum vtcunque constet illas diuinæ Voluntati non fore contrarias. In omni tali deliberatione plurimum potest Ratio & Conscientia, non mali in incerto consiliarij, qui si paullo velint circumspectius agere, faciliè pronuntiabunt, quid melius sit factu. Fieri autem potest, vt verècundæ conscientia homo in talem deueniat labyrinthum in quo spiritus & caro sic inter se luctentur, vt miser trepidare incipiat, ne forsan diuinæ Voluntati se opposuerit. Hic solatio sit, quod nonnunquam est ecclesiastæ. Rem sic explicamus. Concionator pomeridianus videt plerosque omnes suorum dormientes. turbatur nonnihil tot sibi annuentibus, id tamen tolerabilius videtur quàm si totidem impudenter garriant. Itaque si duo tresue non dormitent, ait ipse secum, satis id mihi, & est cur pergam: vnus pro millibus est. Non aliter ratiocinetur quomodocunque turbatus: modò duo vigilant oculi *Ratio & Voluntas*, modò hi vigilēs Voluntatem Dei obseruent, susque deque vertantur alia, ego verò stabo inconcussus, & quamuis diuinos nutus non proximè assequar, assequi tamen conabor.

a. Ecclic. 18. v. 30.

## VI. Regula.

Ad explorandam diuinam Voluntatem plurimum valet, cum Paulo rogare: Domine, quid me vis facere? Hic mos Sanctorum, in rebus dubijs & perplexis confugere ad orationis præsidium, vt olim Moyses & Aaron ad fœderis tabernaculum. Et sicuti cum nubes adeò stipatæ coeunt, vt cælum tonare ac mugire incipiat, campanæ in turribus quatiuntur dissipandis nubibus: ita quotiescunque sol diuinæ Voluntatis oculis nostris subducitur, vt penè quid faciendum sit, ignoremus, proximum est, cælum pulsare precibus. Ita Saulus à subitâ tempestate inedijs campis deprehensus exclamat: Domine, quid me vis facere? Hanc precatiunculam,



sæpius iterandi opportunissimum tempus est, cum epulum cæleste aditur, & Dominicum corpus iam linguâ sustinetur, tunc ardentè ingeminandum: Domine, quid me vis facere? Imò sub re diuinâ quotidie, cum Eucharistiam sacerdos supra verticem attollit, hoc omnium ardentissimum votum sit: Domine quid me vis facere: A viris religiosi votorum formulam sub sacro quotidie recitari consultissimum. Iacobus Laines alter à sancto Ignatio Societatis IESU Præpositus generalis, quot diebus sub sacri finem post Centurionis verba (Domine non sum dignus) Christum manu tenens aiebat: Placet Domine quod promissi. <sup>a</sup> Ita quibuscunque alijs, dum cælestis panis in alto monstratur, precandum: Domine sicut vis, ita ego volo; quod rectè statui non reuoco. Hæc quotidiana sui in diuinam Voluntatem oblatio præclarissima est ad vltimum in morte luctamen dispositio.

Si quis autem multo tempore rogarit Deum quippiam, nec id tamen impetrarit, persuasum sibi habeat, nolle optimum patrem, id à se impetrari quod tamdiu petiuit filius, aut certè velle benignissimum parentem, petentis filij perseuerantiam, ad maius præmiū exerceri. Nihil hoc dubitationis habet, quin clementissimus Deus frequenter differat postulatam opem, vt constantiores preces, & diuturniorem patientiam copiosius remuneretur. Certè à plurimis hæc talia, velut ab auaris numi, non rarò extorquenda sunt. <sup>b</sup> Raras preces & rariorem patientiam à nobis impetraret D<sup>VS</sup>, nisi hoc tali modo desides vrgeret. Adeoque nobis sæpe vilissimum est, diuturnis precibus nihil impetrasse. Nam precum tam prolixarum plerumque maius est emolumentum quam fuisset impetrationis. Et hoc est quod nemini non magnam tranquillitatem adferat, preces quidem multas, non tamen ratas iniisse. Rex Hebræus Dauid vt ieiunauit, vt fleuit, vt orauit in terrâ prostratus, antequam nosset Dei Voluntatem de moribundo filiolo: at vbi mortuum audiit, agnouit hanc fuisse Dei decretoriam Voluntatem vt moreretur. Itaque iam lætior de terrâ surrexit, lotus & vinctus, ingressus est domum Domini, & adorauit. <sup>c</sup> Christus, post trinam deprecationem in horto ad cliuū oliuariū, de paternâ Voluntate iam certus: Dormite iam, inquit, & requiescite. <sup>e</sup> Ita obsecrationem etiam repudiatam quies & animi tranquillitas excipit, vel ob hanc etiam causam, quòd iam longè certius constet quid fieri velit optimus Deus. Heli sacerdos nar-

ranti

ranti Samueli quam Deus vindictam tam ab ipso patre quam à filijs esset expetiturus, aliud non respondit quam hoc, Dominus est: quod bonum est in oculis suis faciat. <sup>a</sup> Perinde si dixisset: Ingrata narraſti, Samuel, sed quia mihi iam liquet de diuinâ Voluntate, narrationem tuam quamuis ingratam beneuolus tamen excipio, & agnosco diuinos nutus: Ego, meique filij pœnas commeruimus: subibimus pœnas, quando ita visum est diuinæ Voluntati, cui nefas refragari. Faciat bonus Deus quicquid ipsius sanctissimæ Voluntati placuerit: nos seruuli, ipse Dominus est: nos variè delinquimus, dominici iuris est, punire delicta. Cùm Paulum Hierosolyma abiturum Cæsareenses lacrimis morari conarentur, Paulus illis animosissimè: Quid facitis, inquit, flentes & affligentes cor meum? Ego enim non solum alligati, sed & mori in Hierusalem paratus sum, propter nomen Domini Iesu. Et cùm ei suadere non possent, quieuerunt, dicentes, Domini voluntas fiat. <sup>b</sup> Hæc vera quies animi, post preces irritas, illud vnicum precari, Domini voluntas fiat. Et hinc sequitur ad diuinam Voluntatem explorandam regula vltima.

a 1. Reg. c. 3. v. 18. b Act. c. 21. v. 13. & 14.

## VII. Regula.

Nemo mortallum diuinam Voluntatem certius explorat, quam qui sincerius ad illam in omnibus se conformare desiderat. Hoc desiderium profectò filium est ad omnium labyrinthorum errores extricandos, omnis hinc ambiguitas circa diuinam Voluntatem tollitur, si quis ignoret quidem, quid velit Deus; aut vtrum maſt è duobus licitis, ita tamen animo comparatus sit, vt mente sincerissimâ possit dicere: Domine, si scirem, quid tu hac in re fieri à me velles, ego vtique id facerem. Hac sponsione factâ, liberè, quòd volet, faciat; & perturbare se desinat: diuinam Voluntatem non facile offendet. Hunc talem filium non deserit amantissimus pater, nec à suâ voluntate grauius aberrare perimittit. Si desit homo, per quem erudiat, Angelum mittit, vt i misit Iosepho, in re graui, quid factu foret optimum, deliberanti: ita tribus ex Oriente dynastis post diuinum infantulum in gramineis cunis adoratam, submissus Angelus, qui Herodianas fallacias cauere, & aliâ in patriam viâ redire doceret. Sic Abrahami ancillæ Agari: sic innumeris alijs contra errores præsidio missus est aut Angelus, aut vice Angeli fidus homo.

Anno trecentesimo vicesimo quarto, Constantinus Magnus, relictâ Româ apud Ilium cœpit urbem condere, sed quia diuinæ Voluntatis



Juniatas fuit, ut ceptum opus omitteret, & Byzantium in Thraciâ ædificaret, diversè Deus monuit, nam, ut Beda & Glicas memorant, omne instrumentum fabrilè secundum noctem in altero litore repertum est, occultâ vi transportatum. Ibidem Aquila, quod Zonaras refert, cæmentariorum amussim sustulit, & apud Byzantium ex vnguibus dimisit. <sup>a</sup> Ita Deus Voluntatis suæ notitiam non negat sincerè petentibus. *Benignus est spiritus sapientiæ* <sup>b</sup> huius altissimæ, & omnibus sese quàm liberalissimè impertitur. Adest Deus, *omnibus exquirentibus se in Veritate*, <sup>c</sup> & Voluntatem suam tam mirabili quàm suavi magisterio explicat ijs omnibus, qui verâ submissione se hîc discipulos gerunt. Voluntatem Dei optimè nosse discimus faciendo.

<sup>a</sup> Vide Cæs. Baron. tom. 3. Anno 324. <sup>b</sup> Sap. c. 1. v. 6. <sup>c</sup> Eccl. c. 22. v. 13.

### C A P. V.

*Quotuplex Dei Voluntas, & quibus potissimum in rebus, illa sibi conformari velit nostram.*

Cyprianus, vir & eloquentissimus & sanctissimus, Carthaginiensis præsul, constantissimus martyr, per synopsis complexus est, quid præcipuè à sui cultoribus exigat Voluntas diuina. Verba Cypriano digna, & auro prorsus exaranda sunt. Et utinam hæc omnium Christianorum templis & ædibus, utinam & pectoribus inscribantur, velut compendium vitæ ac perfectionis Christianæ. Placet ea in numeros digerere; hæc sunt:

Voluntas Dei quam Christus docuit & fecit, est

- |   |  |
|---|--|
| 1. Humilitas in conuersatione.                                      | 2. Stabilitas in fide.   |
| 3. Verecundia in verbis.  | 4. in factis iustitiis.  |
| 5. In operibus misericordia.  | 6. In moribus disciplina.  |
| 7. Iniuriam facere non posse.                                       | 8. Factum tolerare posse.  |
| 9. Cum fratribus pacem tenere.                                      | 10. Deum toto corde diligere.  |
| 11. Amare in illo quod pater est.                                   | 12. Timere quod Deus est.  |
| 13. Christo nihil præponere, quia nec nobis ille quidquâ præposuit. | 14. Charitati eius inseparabiliter adhærere.   |
| 15. Cruci eius fortiter ac fidenter assistere.                      | 16. Quando de eius nomine & honore certamen est, exhibere in sermone constantiam, quâ confitemur; in quæstione fiduciam quâ congregimur; in morte perseverantiam, quâ coronamur. |

mur. Hoc est coheredem Christi velle esse, hoc est præceptum Dei facere, hoc est voluntatem patris adimplere. <sup>a</sup>

<sup>a</sup> Cypri. tract. de oratione domin. habetur inter indubitata ipsius scripta.

## §. I.

Ex his singulariter septimum, octauum, nonum atque decimum documentum altiore mente reponendum: Iniuriam facere non posse: Factam tolerare posse: Cum fratribus pacem tenere: Deum toto corde diligere. Hic nos miseri sæpe grauiter hallucinamur: Voluntatem Dei munerantem & beneficijs cumulantem affectu pronissimo recipimus: At castigantem velut non Dei voluntatem auersamur, tanquam si homines in nostram salutem & nomen pessimè animati, nesciente Deo aut certè non iubente, consilium ceperint, quo nos penitus delerent, aut grauiter vexarent. Cæcitas & insania manifesta. Grata tantum & nobis comoda submitti cælitus putamus? imò tristitia etiam & incommoda: nec quidquam omnino in hac grandi machinâ geritur, turbatur, miscetur (dempto peccato) cuius non causâ & origo à primâ illâ causâ. Hieremias lacrimans: Quis est iste, inquit, qui dixit vt fieret Domino non iubente? Ex ore Altissimi non egredientur nec bona nec mala? Quid murmurauit homo viuens, vir pro peccatis suis? Quàm hoc stupidi atque impudentis hominis est, credere quidquam esse quod Deus aut non immittat, aut certè non permittat. Clarissimè Cassianus: Credere inconcusâ fide nos conuenit: nihil sine Deo prorsus in hoc mundo geri. Aut enim voluntate eius aut permissu agi vniuersa fatendum est. <sup>b</sup>

Vetustas gigantes fabulata est, qui diuos deturbare aggressi de suâ arce. Mittamus fabulas: Vos queruli, vos ij estis. Si enim mala omnia, quæ hîc premunt, non permissa solùm à Deo, sed immissa, Vos qui fremitis, qui repugnatis, quid aliud quàm sceptrum illi (quantum in vobis est) eripitis, & arbitrium regnandi? Creatura omnia parent non inuita, & obaudiunt supremæ illi legi; Nobilissimum rerum homo, solus in conditorem suum calces iacit, & resistit. Quid frustra indignamur? omnes clades à Deo sunt, omnes, omnes. Quod ibi labes terræ, oppida aliquot absorpsit, à Dei prouidentia est: quod alibi pestis, multa millia hominum demersit.

ab

<sup>a</sup> Hoc est, pro peccatorum supplicio. Thron. 4. 3. v. 37. & seqq.

<sup>b</sup> Cassian. coli. 3. c. 20.



ab istâ est: quòd cædes, bellum, tyrannis, & hîc & istie, ab eadem istâ est. Sed omîssis publicis: Quòd iste tuus aduersarius, mi homo, partem tibi bonorum rapiat, ille famam inficiat, hîc modis alijs te lædat, à Deo est hoc omne, non permittente solùm, sed etiam imminutante in te. Diuinitus, vt id probè noris, diuinitus hæc omnia imminutuntur.

Ergo Voluntas diuina, non hoc tantùm à nobis postulat, vt ab inferendâ alijs iniuriâ tam alieni simus, tanquam si non inferre vllam possimus, sed vult etiam illatas ab alijs iniurias ita toleremus, vt pacem cum omnibus seruemus, etsi non itidem illi nobiscum. Sed vt exactiùs capiamus diuinæ Voluntatis arcana, illud cuius supra meminimus, breuiter explicandum.

## §. II.

Voluntas Dei, Theologis duplex est, vna *signi*, quâ Deus præcipit, prohibet, permittit, suadet, operatur aliquid, & hanc suis legibus ac præceptis declarat; altera *Beneplaciti*, quâ destinatum quid vsquequaque vult fieri, vel cum conditione, vel sine illâ. Angelis & hominibus æternam felicitatem voluit impertiri, eâ tamen conditione & lege, si ipsi non obfisterent suo arbitrio. Alia vult Deus sine vllâ adiunctione, vt voluit cælum terramque condere, ita vult esse perpetuum ordinem Orbis totius & gubernationem, quâ cuncta disponit sapientissimè. Huic Dei voluntati nemo potest obfistere: nullas illâ leges patitur, nihil quicquam alieno facit Imperio, nulli paret. Ipse Deus per Isaïam id affirmans: Consilium, inquit, meum stabit, & omnis voluntas mea fiet. Sic erit verbum meum, quod egredietur de ore meo: non reuertetur ad me vacuum, sed faciet quæcunque volui. Nos autem viles seruuli, velimus, nolimus, quicquid ex alto in nos Deus decreuerit, non possumus non ferre. Omnes cum ærumnis plurimis copulati sumus: aliorum aurea catena est & laxa, aliorum arcta & sordida. Sed quid refert? eadem custodiâ vniuersos circumdedit: alligati- que sunt etiam qui alligauerunt. Omnis vita seruitium est, & supplicium est omnis vitâ. Assuescendum itaque huic conditioni, & quàm inuimè de illâ querendum. Hîc illud ingenti solatio est, scire, sic Deum velle, ita Deo placere, & neminem esse qui diuinæ possit resistere Voluntati. Regina Esther hoc ipsum proclamans: Domine, inquit, Domine rex omnipotens, in ditione tuâ cuncta sunt posita, & non est qui tuæ possit resistere voluntati. Hoc Au-

gustinus excellenter declarans: Hæc, inquit, sunt magna opera Domini, exquisita in omnes voluntates eius, & tam sapienter exquisita, vt cum angelica & humana creatura peccasset, id est, non quod ille, sed quod voluit ipsa fecisset, etiam per eandem creaturæ voluntatem, quâ factum est quod creator noluit, impleret ipse quod voluit, bene vtens & malis, tanquam summe bonus. *a* Quamuis igitur impij diuinæ obnitantur Voluntati, suam tamen Deus ex illismet perficit Voluntatem, & illorum voluntate pessimâ optime vtitur.

E dictis liquet, quomodo Deus omnibus velit salutem, eam tamen non omnes assequantur, quia conditioni latæ non obtemperant, præceptis diuinis rebelles. Quibus seuerè vaticinatus Seruator: Non omnis, inquit, qui dicit mihi, Domine, Domine, intrabit in regnum cælorum, sed qui facit voluntatem Patris mei qui in cælis est, ipse intrabit in regnum cælorum. *b* Qui sapit, in diuinatam Voluntatem totus inaturè transiit.

*a* Aug. tom. 3. Enchir. c. 100. ad Laurent. *b* Matth. c. 19. v. 17.

## §. III.

Quæ cum ita sint, nihil rectius aut præstabilius facere possumus, quàm si nostram diuinæ voluntati peritissimè submittamus & accomodemus, dicamúsque cum Heli sacerdote: Dominus est, quod bonum est in oculis suis faciat. *a* cum Ioabo duce: Dominus faciat, quod bonum est in conspectu suo. *b* cum Dauide rege: Si dixerit mihi Dominus, Non places: præsto sum, faciat quod bonum est coram se. *c* cum Iudâ Machabæo: Sicut voluntas fuerit in cælo, sic fiat. *d* cum Christo Seruatore: Pater mi, si non potest hic calix transire, nisi bibam illum, fiat voluntas tua. *e* Quod si filius fuit tam obsequens, vt patris exequeretur voluntatem plenissimè, Nam: Descendi de cælo, inquit, non vt faciam voluntatè meam sed voluntatem eius qui misit me: *f* Si hoc à filio exigebatur, quantò minùs seruos abnuere imperium fas est. Aequissimum prorsus censeamus, vt homini placeat, quicquid ab omni æuo placuit Deo. Miles in castris, audito viæ signo, vasa colligit; audito pugnæ, deponit, & arma sumit; animo, manu, oculis, paratus ad omnem nutum, & intentus. idem nobis sit, & in hac militiâ sequamur alacres & pleno gradu, quocunque vocantem Imperatorem nostrum.

oo

Quicquid

*a* 1. Reg. c. 3. v. 18. *b* 2. Reg. c. 10. v. 12. *c* 2. Reg. c. 13. v. 26.

*d* 1. Machab. c. 3. v. 60. *e* Matth. c. 26. v. 42. *f* 1. Reg. c. 6. v. 31.



Quicquid euenerit, feramus, non patientes tantum, sed etiam volentes, omnemque temporum difficultatem sciamus legem esse naturæ. Et ut bonus miles fert vulnera, enumerat cicatrices, & transuerberatus telis amat eum, pro quo cadit, Imperatorem: sic in animo habeamus illud vetus præceptum: *DEVM SEQVERE*. Quisquis autem queritur, & plorat, & gemit, imperata facere vi cogitur, & inuitus rapitur ad iussa nihilominus. Quæ autem demerita est, potius trahi quam sequi: quæ stultitia & ignorantia conditionis suæ, dolere, quod aliquid tibi incidit durius; aut mirari aut indignè ferre ea, quæ tam bonis accidunt quam malis. morbos, dico, funera, debilitates, & cetera ex transuerso in vitam humanam incurrentia. Quicquid ex vniuersi constitutione patiendum est, magno excipiat animo. Ad hoc sacramentum adacti sumus, ferre mortalia; nec perturbari his, quæ vitare nostræ potestatis non est. In regno, certè ad regnū nati sumus: Deo parere libertas est.

Diximus, quâ ratione in diuinæ Voluntatis notitiam veniendum. At illam nosse non satis est: suam illi arctissimè coniungere oportet. Quibus autem hæc coniunctio constet, libro sequenti exponemus.

a Seneca l. de vitâ beatâ c. 15.

## LIBER SECVNDVS.

De

*Humane Voluntatis ad Diuinam*

### CONFORMATIONE.

#### CAPVT I.

*Ingressus ad Conformationem humanae Voluntatis  
cum diuinâ.*

**F**Vit olim magni nominis Theologus qui octennium ipsum assiduus precibus Deum obsecrauit, hominem sibi monstraret, à quo viam doceretur ad cælum compendiosissimam. Eo igitur die quo huius hominis alloquendi desiderio maximo tenebatur, nec aliud mallet quam videre magistrum tam arcanæ veritatis, vocem cælitus allatam audire sibi visus, quæ sic moneret: Exi foras ad templi vestibulum, & qualem quæris, reperies hominem. Prodiit ergo in publicum, & ad ædis sacre limina mendicum inuenit

venit tibijs vlcerosus, & multo pure fluentibus; vestis mendici vix trium obolorum erat. Huic Theologus candidum precatus est & prosperum manè. Cui mendicus: Non memini, ait, me vnquam habuisse aduersum. Hic litteratus ille, primam salutationem velut correcturus: Eia, inquit, fortunatum re reddat Deus: At ego, inquit, mendicabulum, infortunatus nunquam fui. Obstupuit ad hanc vocem Theologus, sed ne forsan errasset audiendo, votum suum repetens, sed paullo alijs verbis: Ecquid ais, inquit, felicem esse te iubeo. Mox iterum mendicus: Nunquam, ait, infelix fui. Theologus arguari credens dicacem mendiculum, & vt hominis ingenium experiretur: Eueniant, inquit, volo tibi quæ optas, atque id fiat. Non est, ait iste, quod hic querat: Omnia sunt vt volo: quamuis fortunæ meæ consilia non applicem. At doctor ille denuò salutans an valedicens: Seruet te Deus, inquit, vir bone, si quidem fortunam oderis. Sed dic obsecro, tunc solus inter calamitosos mortales beatus? Iob ergo falsus qui asserit: Homo natus de muliere, breui viuens tempore, repletur multis miserijs. & quomodo tu solus euasisti omnes malos dies? non satis assequor animi tui sensa. Ad quæ mendicus: Sic est, mi Domine, vt dixi. Optanti manè prosperum, negavi me vnquam habuisse improsperrum. Sorte meâ, quam mihi Deus hic assignauit, contentissimus sum: Non egere felicitate, felicitas mea est. Monstra illa, Fortuna & infortunium neminem lædunt nisi volentem, aut certè timentem lædi: Nec ego vnquam fortunæ supplico; sed Patri cælesti, qui rerum omnium euentus gubernat. Ità me nunquam infelicem, fuisse aio, vt cui omnia ex voto cadunt. Quòd si fame vrgeat, Deum prouidissimum patrem ob id laudo. Si frigus me vrat, si nimbus in me ruat, si alijs cælum iniurijs me impetat, Deum æquè laudo; cùm alijs ludibrio sum, Deum non minus laudo. Nam certus sum, horum omnium auctorem esse Deum nec posse non esse optimum quod Deus facit. Idcirco quicquid Deus vel tribuit, vel euenire permittit, gratum sit an ingratum, dulce an amarum, iuxta habeo, nam hæc omnia velut de manu parentis optimi lætus accepto, & hoc vnum volo quod vult Deus; ita omnia sunt vt volo. Miser est qui fortunam aliquid in se posse credit, & is demum verè infelix est, qui nescio quam felicitatem in hoc Orbe somniat. Hæc vera est felicitas in hac vitâ, soli Voluntati diuinæ quàm tenacissimè inhærere. Dei Voluntas, optima, rectissima voluntas, quæ non rectior fieri, nec mala esse potest. hæc de omni-



bus iudicat, de hac nulla. Vt hanc sequar, meum ego studium, omne confero, in hanc vnam curam totâ mente incumbo, vt quicquid vult Deus, hoc & ego nunquam non velim. Eâ de causâ, nequaquam infelicem me cenſeo, quando meam omnem voluntatem sic integrè in diuinam transfudi, vt apud me non aliud *Velle* sit aut *Nolle*, quàm quod Deus vult aut non vult. Itâne verò, inquit Theologus, tu ista ex animi tui ſententiâ proferſ? Sed dic, obſecro, eadêmne tibi mens eſſet, ſi te Deus ad interos ſtatuiſſet præcipitare? Cui promptè mendicus: Me, inquit, ille ad inferos præcipitare: ad inferos ille? At ſcias duo mihi eſſe brachia miri roboris, his ego illum arctiſſimè ſtringerem complexu inſolubili. Vnum brachium eſt, ſubiectiſſima Humilitas per ſui oblationem, alterum Charitas ſinceriſſima per Dei dilectionem. His ego me brachijs Deo ſic inneciterem, vt quocunq; ablegarer, illuc cum vnâ mecum traherem. Et ſanè multò foret optatius, extra cælum eſſe cum Deo, quàm in cælo ſine illo. Theologus ad has voces attonitus, cum animo ſuo agitare cœpit, hanc illam eſſe compendioſiſſimam ſemitam ad Deum. Sed libuit vltèrius ſciſcitari, & ſapientiam in domo tam incommodâ habitantem elicere in apertum: Et vnde tu, inquit, huc adueniſti? A Deo veni, reſpondit mendicus. Cui Theologus iterum: Et vbi tam locorum, inquit, reperiſti Deum? Vbi res creatas omnes, ait iſte, deſerui. Theologus denuò: Vbi verò, ait, Deum reliquiſti? Subiecit pauper: In mentibus puris, ac bonæ voluntatis. Ecquid tandem hominis eſ? ait Theologus. Mox alter: Quiſquis ſum, inquit, ſorte meâ tam contentus ſum, vt eam cum omnium Regum opulentijſ non commutauerim. Rex eſt quiſquis ſibi met nouit imperare. Ergone te regem credam? inquit alter, vbi regnum tuum? Illic, ait mendicus, & ſimul digito cælum monſtrauit: Rex eſt, cui regnum illud in alto certis chirographis tranſcriptum eſt. Denique Theologus finem facturus quæſtionibus: Quis iſta, inquit, te docuit, quis hunc tibi animum iniecit? Reſpondit alter, Dicam Domine: totos ego dies ſileo, & iam vel precibus vel pijs cogitationibus vaco, & hoc vnice curo vt Deo ſemper ſim coniunctiſſimus. Coniunctio & familiaritas cum Deo diuinâque Voluntate docet hæc omnia. Plura quærere volebat Theologus, ſed in aliud tempus id differendum ratus, in præſenti valedixit. Dum abit, multa ſecum cogitans: En, aiebat ipſe ſibi, doctorem reperiſti rectiſſimæ ad Deum viæ, Quàm verè Augu.

ſtinus:

stinus: Surgunt indocti, & cælum rapiunt, & nos cum doctrinis nostris sine corde, ecce vbi volutamur in carne & sanguine? <sup>a</sup> Hoc est quod Christus gratias agens: Confiteor, inquit, tibi Pater, Domine cæli & terræ, quia abscondisti hæc à sapientibus & prudentibus, & reuelasti ea paruulis. <sup>b</sup> Verè sub sordido palliolo sæpe magna latet sapientia. Et quis tantum diuinæ eruditionis quærat in homine tam abiecto, quis credat tantum spiritûs recondi in tam illiteratâ simplicitate? En, illa duo brachia roboris inuicti, *Oblatio sui, & Dilectio Dei*, <sup>c</sup> Hæc Deum quocunque lubuerit trahunt. His brachijs Deus quàm arctissimè se stringi permittit, alios refugit attractus.

<sup>a</sup> Aug. l. 9. Confess. c. 8. initio. <sup>b</sup> Matth. c. 11. v. 25.

<sup>c</sup> Rei narrata fides sit penes auctorem; is est Ioan. Tauserus, è S. Dominici familiâ, in suis institut. mihi. pag. 109. Fuit hic concionator insignis & piissimus, vt de eo Bellarmin. in scriptor. Eccles. Vixit Anno 1350.

## CAP. II.

*Quæ voluntas hominis ad hanc cum Dei Voluntate conformationem sit maximè idonea.*

**V**T Assuero regi pararentur virgines, ex omnibus regni prouincijs lectissimæ adducebantur in Susan metropolim. His annus erat in vno corporis cultu transigendus. Et quæ non lotiones, frictiones, polituræ, vnctiones adhibebantur? Quantum cerussæ, purpurissi, stibij, aliorumque pigmentorum exhauriebatur concinnandæ formæ? Tanti erat regijs oculis placere. Et humana voluntas ab omni ornatu imparata, velut rusticana mulier ex agro, in summi regis amplexus ruere non vereatur? Vt ergo norit hominis voluntas, diuinis oculis tum demum se placituram, si non tantum minimos etiam næuulos conetur abstergere, sed ea sibi ornamenta comparare, quæ diuinam voluntatem inuitent ad hoc cum eâ connubium.

Igitur ordini seruando, & vitandæ obscuritatî, ita rem distinguimus, vt sua Voluntati nomina tanquam titulos assignemus, è quibus discat quâ præparatione sit opus ad hanc cum diuinâ Voluntate conformationem. Et quemadmodum herus nouum famulum in suas ædes admissurus multa paciscitur, &: Volo, inquit, vt non sit fabulator, non nugigerulus, non lusor, non rixosus, non ebriosus; cum primis verò sit diligens, sit fidelis, sit obsequens. Hoc ius heri est, eiusmodi leges sancire famulis. Et cur Deo humanam volun-



tatem in amicitiam admissuro, non idem iuris sit. Quocirca sciat voluntas hominis, iam alijs sibi legibus viuendum, præcipuè istis.

## §. I.

*I. Voluntas Insons sit.* Hoc cum primis exigitur. delicatus è cælo sponsus est; sordes & odit, & arcet. Voluntas illi copulanda oderit etiam necesse est, omne genus sordium: & ita quidem vt non tantum avaritiæ non studeat, luxuriæ non indulgeat, iracundiæ non obediat, sed etiam si quid propensionis & affectus sentiat ad hæc inquinamenta, id omne in se viriliter expugnet, nec tantum nolit obscœna cogitare, sed etiam velit castissima quæque meditari. Sed sermo nobis non est de ijs quæ nemini non clara sunt. Aliud est miræ subtilitatis, sed & maximæ celeritatis vitium, Inuidia. Hic Voluntas insons sit, & ab hac lue immunem se præstet. Voluntas ad diuinam conformanda sine omni liuore sit; non inuidiâ alienæ felicitatis tangatur, nec prematur suæ. Nam qui Deo verè coniunctus est, videt quidem alios gratiâ, & opibus florere, non tamen inuidet, sed ad Deum versus: O Domine, inquit, vis illum aut istum ad opulentiam, ad honores euehi, me contemptim neglecto? Non repugno, mi Deus, nec eius rei causam à te postulo. Mihi satis causarum, mihi rationum abundè satis est, tua vna atque vnica, Voluntas. Certissimus enim sum, nisi tu id permitteres, & quidem meo bono, non fieret, nec id vllus hominum impetraret, quod te annuente, nullo negotio, & fortè pauculis verbis confectum est. Sed & in ceteris, scio, tuo fit permissu, mi Domine, vt iste me sic allatret, ille me sic tractet, hic ita exagitet me, nunquam illos, quod sciam, læsi; verùm in tuâ Voluntate satis ad hoc responsi reperio: Tu hæc permisisti, tu iussisti: sint ergo illi Semei, sim ego David, si tibi sic visum est, mi Deus.

Sanctissimus ille Antiochenus antistes & martyr Ignatius: Frumentum Christi sum, inquit, dentibus bestiarum molar, vt panis mundus inueniar. Ita nimirum nos Deus mensæ suæ præparat dominicum panem. Quid ergo habemus contra homines queri? molares lapides sunt qui nos velut offusum triticum commolunt. Vt hoc altius in animum demittamus, consultissimum est, singulis horis aliquoties animum erigere ad Deum, repetitis precatiunculis: *Benedictus Deus in æternum: Domine quid me sis facere? Fiat Voluntas tua.* a Hæc prima voluntatis humanæ præparatio est, puram esse à naviis,

à næuis, præsertim ab omni similitudine ac inuidentiâ. Sed præterea requiritur.

## §. II.

**II. *Voluntas Tolerans.*** Cùm quis rebus aduersis agitur, omne præsidium, à patientiâ petat, dicatque sereno animo: Hoc omne à Deo est, quicquid patior; sed est à Deo per hanc occasionem, per istum hominem, per illam causam in me immissum. Et huius quidem rei tam certus sum, atque viuere me scio. Hic plurimis aqua hæret, qui non eâ fide in Deum pollent, vt sibi certò persuadeant, tam aduersa & omnes malignos euentus à Deo esse, quàm prospera & optatissimos successus. Si hoc certum haberemus, quod in se certissimum, non faciliè quidquam impatienti aut deiecto animo ferremus, nec toties illis vocibus vrgendi essemus: *Vos modice fidei.* At verò aduersa omnia à Deo, per quemcunque tandem, ad nos deriuari, Christus sic demonstrans: Nonne duo passeret, inquit, asse væneunt & vnus ex illis non cadet super terram sine patre vestro. Idem repetens: Nonne quinque passeret væneunt dipondio, inquit, & vnus ex illis non est in obliuione coram Deo? Sed & capilli capitis vestri omnes numerati sunt. Nolite ergo timere, multis passeribus meliores estis vos. *Itane Deus cum passerculo in terram cadit?* certè Voluntas Dei, quippeni Deus ipse, qui sicut in rebus creatis omnibus assidue operatur, ita cum pisce natat, ita cum aue volat, cum angue serpit, cum quadrupede incedit; non deserit Deus ea quæ condidit. Licet ergo toties tot alaudarum millia casibus simul irretiantur, harum tamen nulla & nec minima quidem alaudula sine Voluntate Dei capitur: *Sine ex illis non cadit super terram sine patre celesti.* Quod autem prouidentissimam Dei Voluntatem attinet, eadem & Aquilæ, & passerculi, & hominis est ratio. Si ergo auicularum nulla in aucupatoriam aream delabitur sine Dei Voluntate, & tu Homo ad Conditoris imaginem factus, Regni futurus hæres, te vllis aduersis exerceri, te iniuriâ, te damnis, te tristitiâ credis affici, Deo non singulariter volente? Vt autem exactius hoc ipsum caperemus, nec temerè vnquam diceremus, rerum animatarum duntaxat Deo hanc curam esse, addidit Seruator. Omnes capilli capitis vestri numerati sunt. Quis hominum vnquam capillorum suorum numerum inire potuit? Deus in numero habet tam omnium quàm vnius hominis, & nolente Deo nullus subtrahetur. Quotiescunque igitur in rebus aduersis patienti-



am abijcimus, male alijs imprecamur, modò huic, modò illi culpam impingimus, & velut è plauastro conuitia serimus, maximum Fidei defectum in nobis aperimus; nimirum illorum, quæ nos mala vocamus, Deum auctorem facere veremur fallaci pietate.

Fuit cum in mari solus Ioannes, ceteris discipulis id ignorantibus, agnosceret dominum diceretque: Dominus est. Plurimi sunt qui inter rerum turbatarum fluctus non agnoscant turbati maris auctorem Deum, sed in eos, quos hostes putant, acerrimè stomachantes: Ille semivivus homo, aiunt, ille nebulo, hic furcifer, iste tenebrio, illud flagitium hominis, hoc mihi malum fabricavit; ab illo bipedum nequissimo hæc in me cusa est faba. At longè aliter loqui assuevit *Voluntas Tolerans*. Hoc omne malum, inquit, à Deo est: Deus me castigat meritisimò: Dominus est, quod bonum est in oculis suis faciat. Sed progrediamur.

### §. III.

**III. *Voluntas Hilaris.*** Hæc hominem sic instruit ut tam victum quàm ceteris omnibus, quæ quotidie velut è manu Dei accipit, sit contentissimus. Hic talis homo: Mi Domine, inquit, satis est quicquid mihi das, etsi avaritiæ meæ id subinde parum videatur; nec istud quidem vlllo modo sum meritus; tu nimis in me liberalis es: ego equidem vel aëre quem haurio, indignum me sentio.

Nunquam queri solet diuinæ Voluntatis studiosus; nemo audierit ex illo talia: Vix ego victum mihi comparo; alij lautissimè vivunt, & nec dimidium mei laboris suscipiunt; parum serunt & amplissimas colligunt fegetes. Optimè olim Vénusinus vates quæsiit:

*Quis sit Mecenas, Et nemo quam sibi sortem*

*Sen ratio dederit, seu fors obiecerit, illa*

*Contentus vivat? laudes dñersa sequentes, a*

Hinc est, mi Poëta, hinc est, quòd diuinæ Voluntati tam ægrè acquiescamus. Cupiditas nostra in alia atque alia, & sæpe in longinqua fertur, nec est finis concupiscendi. Cum verò concupita non obtinemus, in querelas & murmura solvimur. Angustus animus est quem talis opere delectant terrena.

Heliotropium nobis assidue ante oculos versetur, de quo eleganter Plinius: Heliotropij miraculum, inquit, sæpius diximus, cum sole se circumagentis, etiam nubilo die: tantus fideris amor est. Notum verò velut eius desiderio contrahit cæruleum florem. <sup>b</sup> Nota, mi homo, heliotropium etiam nubilo die circumagere se cum sole,

amore

amore solis. Sol noster, Voluntas Dei est: hæc nobis non semper extra nubem illucet, serenis turbidi dies miscentur, quos pluuia, venti, grandines infestant. Nemo Christianorum est, qui non sæpius sentiat hanc cæli grauitatem & turbulentas tempestates. At nos instar heliotropij cum sole nostro, cum diuinâ Voluntate nosipfos circumagamus diebus etiam nubilis; tantus sit nostri fideris illius amor. Et sanè nulla nobis vnquam tranquillitas obtinget, innumera hîc illic displicebunt, à nullâ re sâtisfiat, nunquam forte nostrâ contenti erimus, omnia deesse videbuntur, etsi adsint omnia: nunquam extra metum, frequenter oppressi tædio, perturbati, pusillanimes, pleni querelarum & liuoris, nunquam non miseri erimus, quamdiu non ad hunc solem, diuinam Voluntatē nos circumegerimus, vt heliotropium. Fixissimis & inconniuis oculis sol iste nobis assiduè aspiciendus est quocunque se vertat, hoc vnicum in animo semper volutandum: Ita Deo placet, ita & mihi: vitæ mortisque regula mihi est vnica Dei Voluntas: Sicut domino placuit, ita factum est, ita fiet, sit nomen domini benedictum. Nunc quidem sol noster nube abditur, sed breuî lætum os exeret extra hanc nubem mœroris. Vide omnium sæculorum decursus, variisque rerum euentus non rarò nubilos post serena principia, sæpe serenos post initia nubila. Sic igitur nos comparemus, vt ante omnem euentum nihil magis velimus quàm sequi diuinam Voluntatem. Ex Hebræis olim litteratus quispiam, verbis certè promptissimus, Christo se traditurus: Magister, inquit, sequar te, quocunque ieris. « Ita nos quâ verbis quâ factis promptissimi ad omnem diuinæ Voluntatis nutum, sequamur quocunque ierit.

a Matth. c. 8. v. 12.

#### §. IV.

IV. *Voluntas Longanimis*. Pleraque omnia nostra corrumpimus longanimitatis defectu. Israël's populus Moysis in monte moras pertæsus ad idola se vertit, & vitulum aureum pro Deo sibi statuit, emanfionem nimis diuturnam caussatus. Ita duo illi viatores Emmauntē tendentes: Et nunc, aiunt, super hæc omnia tertia dies est hodie quòd hæc facta sunt. « Est, ô viri boni, dies tertia, sed nunquid hæc tertia dies iam abiit, an nihil temporis superest reuiscendi; siccine omnis vestra longanimitas consumpta est? O non longanimes! si dies hæc tertia transiisset, si quarta vel quinta iam aduenisset, videremini cum ratione despondere animum. At cum tertiam hanc diem necdum ad vesperem deduxeritis, quid



est quoddam de rediuiuo domino tam præproperè diffiditis? Ad vota nostra nimis quàm præproperi sumus, & nisi mox fiat quod cupimus, omnem spem nostram in impatientiam aut etiam desperationem præcipitamus. Longè aliter Deus; Miserator & misericors dominus, longanimis, & multum misericors. <sup>a</sup> Nec vult perire animam, sed *retractat*, cogitans ne penitus pereat qui abiectus est. <sup>b</sup> Auarus, sestetium bis tæruæ manu versat dum expendat, sic Deus ad pœnas tardus quasi *retractat* antequam decretoriâ sententiâ feriat, & in gehennam mittat ac supplicia.

Nos, & modicæ fidei, & curtæ spei, si quid à Deo bis tæruæ petierimus, nec impetremus, spem omnem abijcimus, & more mendicorum, qui si ante domum clamore aut pulsu stipem aliquoties rogarint, nec auditi fuerint, dicunt: Nemo est domi. Pulsate, ignaui, pulsate; pulsantibus panditur hoc ostium. Quàm in rebus alijs obstinatæ sæpe longanimitatis sumus! sunt qui officium aliquot annis ambiant, & non rarò frustra. Pinguior hæreditas quàm suavi patientiâ expectatur? & ne moras nimium sentiat hæres, temporis velocitate se solatur. Nos tamen ordinationi diuinæ metas figimus & tempus præscribimus; nimium nobis cunctatur in morbis opitulatrix Dei manus; vociferamur: Et quando tandem domine, cur moraris? quid differs opem? quamdiu supplicandum? tot iam annis clamor, nec exaudis. Nisi domine succurras hoc anno, precari desinam, & actum putabo. In hoc certè non abissimiles sumus Bethulæ ciuibus, qui: Contestamur, aiunt, hodie cælum & terram, &c: vt iam tradatis ciuitatem in manu militiæ Holofernis, vt sit finis noster brevis in ore gladij, qui longior efficitur in ariditate sitis. O minimè longanimes! itane rebus omnibus desperatis ciuitas tradenda hosti? an nullum è cælo auxilium sperandum? Hanc ciuium extinctam longanimitatem non modicè fouit Ozias sacerdos, qui lacrimis infusus: Æquo animo, estote fratres, inquit, & hos quinque dies expectemus misericordiam. Forsitan enim indignationem suam abscindet, & dabit gloriam nomini suo. Si autem transactis quinque diebus, non venerit adiutorium, faciemus hæc verba quæ locuti estis. <sup>c</sup> O mi Ozia, ô sacerdos, quàm hinc non altum sapis supra vulgus! Siccine vos tempus Deo admetiri, & ferendæ opis constituere diem? adeone omnis apud vos non extincta tantum sed & sepulta est longanimitas? Non tulit hoc generosissima Iudith, & accersitis presbyteris:

Quod

<sup>a</sup> Ps. 102. 1. <sup>b</sup> 2. Reg. c. 14. v. 14. <sup>c</sup> Iudith c. 7. v. 17. 23. & seqq.

Quod est hoc verbum, inquit, in quo consentit Ozias, vt tradat ciuitatem Assyrijs, si intra quinque dies non venerit vobis adiutorium? Et qui estis vos qui tentatis dominum? non est iste sermo qui misericordiam prouocet, sed potius qui iram excitet, & furem accendat. Posuistis vos tempus miserationis domini, & in arbitrium vestrum diem constituistis ei. Quid ergo faciendum suades. ô Iudith? Dicamus flentes domino, vt secundum voluntatem suam sic faciat nobiscum citò misericordiam suam. expectemus humiles consolationem eius. « Hac sanè ratione Longanimitas sic Deo coniungit hominem, vt quantumcunque afflictus, dicat tamen: Secundum voluntatem tuam, ô Deus, sic facias mecum misericordiam tuam: ô Domine, etsi decem annis, etsi viginti aut triginta, etsi annis quinquaginta ad te clamauero, clamare tamen non cessabo, nullos tibi terminos figo: & quamuis scirem me penitus à te non audiendum, id me tamen fides docet infallibilis, me vacuum à te non dimittendum; si neges petita, dabis meliora. Itaque si moram feceris, expectabo te, quia veniens venies, & non tardabis. b

a Iudith. c. 8. à v. 10. ad 20. b Abac. c. 2. v. 3. vide. plura de hoc infra l. 4. c. 54.

## §. V.

V. *Voluntas Ardens.* Hæc in eo consistit vt non tantum velit aut nolit, quod vult Deus aut non vult, sed propter hoc ipsum Dei *Nolle* aut *Velle*, illud respuat, istud admittat, ardenti studio, nec vllam aliam habeat causam hoc agendi, hoc omittendi quàm diuinum beneplacitum. Hominem hac voluntate præditum si quis interroget, cur istud nolit, hoc velit, non aliud se causæ habere respondet, quàm quòd Deum id nolle, & velle istud comperiat. Amo, inquit Bernardus, quia amo, amo vt amem, amor enim est qui amatur. « Augustini monitum est: Oportet nos in eundem affectum transire, vt sicut Deus omnia voluit esse propter seipsum, ita nos, quoque nec nosipsos nec aliud esse velimus, nisi propter Deum & ipsius voluntatem. Neque aliter Epictetus: Quid verò est, inquit, dedere se Deo? Vt quod ille voluerit, & ipse velit, & quod ille noluerit, nec ipse velit. Quis ergo, istud fiet? Quomodo fieret aliter, quàm si consideret quispiam voluntatem Dei & gubernationem.

Vigente lege prisca voluit Deus, vt omnis supellex Altari & Tabernaculo dicata hyacinthino velo inuolueretur, & sic inuoluta portaretur à Leuitis. Iubentis verba hæc erant: Omnia vasa quibus

mini.



ministratur in sanctuario, inuoluent hyacinthino pallio, & extendent desuper operimentum ianthinarum pellium, & inducent vestes. Hoc eâ de causâ factum quæ subiungitur: Alij nullâ curiositate videant, quæ sunt in sanctuario priusquam inuoluantur, alioquin morientur. <sup>a</sup> Ita baiuli sacræ suppellectilis nihil eorum videbant quæ ferebant, sed solum onus sentiebant, omnia enim cæruleum tegmen oculis subducebat. In hunc planè modum, quisquis se Deo plenè tradidit, suauissimè nescit, sed nec scire cupit cur hoc aut illud à Deo permittatur, aut iubeatur: onus ille quodlibet subit promptissimis humeris, sed onus cyaneo velo coopertum, hoc est, diuinâ voluntate vestitum, hanc illi videre satis est.

a Num. c. 4. v. 12. & 20.

## §. VI.

**VI. *Voluntas Omniparens.*** Omniparentem dicimus voluntatem, quæ instar fecundissimæ telluris, omne genus optimorum desideriorum effundit, eaque velut primogenios partus consecrat diuinæ Voluntati. Hic animus altus, cælique appetens exsurgit, hic gemitus amoris pleni, hic suspiria in altum efferuescentia: O mi Deus, quàm ego, cupio, non solum pati plurima, sed & mori pro te, vel acerbâ morte. Per cælestes hos impetus animi, Deus & homo sic conspirant in rebus prorsus omnibus, vt ex hac tam suaui conspiratione ac consensu, iucundissima inter Deum & hominem nascatur consiliorum communicatio, & intima familiaritas, ita vt demum homo, ad omnes rerum euentus dicat, Ita Pater, Ita Pater, quia sic fuit placitum ante te, Ita Pater. <sup>a</sup> Si bona suscepimus de manu Dei, mala quare non suscipiamus? <sup>b</sup> Sic omnia tam molesta quàm grata velut è manu Dei placidissimè accipit. Quâ in re mirum est quantum lucis alluxerit priscis Philosophis. Ex his diuinè monens Epictetus: Nunquam, ait, te quidquam perdidisse dicito, sed reddidisse. Filiolus obiit? redditus est. Prædium est creptum? An non id quoque est redditum? At improbus est qui eripuit. Quid tua id refert, per quem, is qui dederat, repetierit? Sed quamdiu concesserit, tanquam alienum id curato, vt cauponam viator. <sup>c</sup>

Ita prorsus qui Deo se quàm coniunctissimum cupit, non aliter philosophatur quicquid rerum auferatur, non attendit auferentem, sed Deum sua repetentem. Idcirco illud Christi assidue ingeminat: Ita Pater, quoniam sic fuit placitum ante te, ita, mi Pater, ita. Hic obserua, obsecro te, Lector, succinctam diuini huius sermonis

a Matthæ. 11. v. 26.

b Iob. c. 2. v. 10.

c Epictet. Enchir. c. 35.

explicationem. Cælestis Pater iam olim per Isaiam vatem allocutus filium: Et dedi te, inquit, in sædus populi, in lucem gentium. Perinde si dicat: parum mihi est vt reliquias Israël ad me adducas, barbaras etiam gentes à te doceri volo. Hic Patris sermo ostingentis annis virgineum partum præcessit. Hoc igitur Patris decretum tot antè annis promulgatum, pronissimâ voluntate amplexus filius, respondit idem se velle quod Pater. Idcirco Matthæus: In illo tempore, inquit, respondens Iesus dixit. Et cui respondit, neinine interrogante? Æterno Patri respondit, ante tot sæcula filium alloquenti. Et en quàm lætè filius, voluntatem Patris deoscuſus dicat: Ita Pater, quoniam sic fuit placitum ante te: factum à me habeto, Pater; quicquid imperaueris. Sicut autem cælestis Pater cum filio per Isaiam ante tot annos locutus, & filius Patri respondit: Sic cum quouis nostrum ab æterno sermocinatus est Deus; distinctissimè ac ordinatissimè disposuit quo tempore quilibet hominum nasciturus, quo moriturus; auxilium omne consequendæ beatitudini parauit; Præuidit quid quisque per omnem vitam cogitaturus, dicturus, acturus, & quâ ratione auxilia oblata sit accepturus. Cum igitur hac ratione nos Deus ab æterno benignissimè sit affatus, an non æquissimum, vt & nos suo quisque tempore cum Christo respondeamus, Ita Pater, Ita mi Pater, quoniam sic & sic, atque sic fuit placitum ante te, Ita Pater: idque horis singulis, instaurato aliquoties desiderio ingemineimus, Ita Pater, & hoc ad vltimum vique halitum, constantiâ inuiolabili perpetuemus. Sed plura de hoc infra.

a Nam Isaias peccatus est anno Mundi 3740.

### C. A. P. III.

#### *Quomodo voluntas hominis ad Dei Voluntatem su conformanda.*

**D**iximus quid præparationis sit præmittendum, huic voluntatum coniunctioni, & quæ hominis voluntas ad conformationem cum diuinâ censi possit maximè idonea: nunc porro dicendum, quomodo reipsâ voluntas hominis ad Dei voluntatem sit conformanda.

#### S. I.

Optimè Thomas Aquinas dixit, Omnes actiones cum virtute coniunctas, eâ ratione Deo probari, si eo fiant animo, vt diuinæ Voluntati obtemperetur. Nullius meriti est, vitam etiam & sanguinem



bus iudicat, de hac nulla. Vt hanc sequar, meum ego studium omne confero, in hanc vnâ curam totâ mente incumbo, vt quicquid vult Deus, hoc & ego nunquam non velim. Eâ de causâ, nequaquâam infelicem me censeo, quando meam omnem voluntatem sic integrè in diuinam transfudi, vt apud me non aliud *Velle* sit aut *Nolle*, quàm quod Deus vult aut non vult. Itane verò, inquit Theologus, tu ista ex animi tui sententiâ profers? Sed dic, obsecro, eadêmne tibi mens esset, si te Deus ad interos statuisset præcipitare? Cui promptè mendicus: Me, inquit, ille ad inferos præcipitare: ad inferos ille? At scias duo mihi esse brachia: miri roboris, his ego illum arduissimè stringerem complexu in solubili. Vnû brachium est, subiectissima Humilitas per sui oblationem; alterum Charitas sincerissima per Dei dilectionem. His ego me brachijs Deo sic inniterem, vt quocumque ablegarer, illuc cum vnâ mecum traherem. Et sanè multò foret optatius, extra cælum esse cum Deo, quàm in cælo sine illo. Theologus ad has voces attonitus, cum animo suo agitare cœpit, hanc illam esse compendiosissimam semitam ad Deum. Sed libuit vltèrius sciscitari, & sapientiam in domo tam incommodâ habitantem elicere in apertum: Et vnde tu, inquit, huc aduenisti? A Deo veni, respondit mendicus. Cui Theologus iterum: Et vbi nam locorum, inquit, reperisti Deum? Vbi res creatas omnes, ait iste, deserui. Theologus denuò: Vbi verò, ait, Deum reliquisti? Subiecit pauper: In mentibus puris, ac bonæ voluntatis. Ecquid tandem hominis es? ait Theologus. Mox alter: Quisquis sim, inquit, sorte meâ tam contentus sum, vt eam cum omnium Regum opulentijs non commutauerim. Rex est quisquis sibi met nouit imperare. Ergone te regem credam? inquit alter, vbi regnum tuum? Illic, ait mendicus, & simul digito cælum monstrauit: Rex est, cui regnum illud in alto certis chirographis transcriptum est. Denique Theologus finem facturum quæstionibus: Quis ista, inquit, te docuit, quis hunc tibi animum iniecit? Respondit alter, Dicam Domine: totos ego dies fileo, & iam vel precibus vel pijs cogitationibus vaco, & hoc vnice curo vt Deo semper sim coniunctissimus. Coniunctio & familiaritas cum Deo diuinâque Voluntate docet hæc omnia. Plura quærere volebat Theologus, sed in aliud tempus id differendum ratus, in præsentī valedixit. Dum abit, multa secum cogitans: En, aiebat ipse sibi, doctorem reperisti rectissimæ ad Deum viæ, Quàm verè Augu-

stinus:

stinus: Surgunt indocti, & cælum rapiunt, & nos cum doctrinis nostris sine corde, ecce vbi volutamur in carne & sanguine? *a* Hoc est quod Christus gratias agens: Confiteor, inquit, tibi Pater, Domine cæli & terræ, quia abscondisti hæc à sapientibus & prudentibus, & reuelasti ea paruulis. *b* Verè sub sordido palliolo sæpe magna latet sapientia. Et quis tantum diuinæ eruditionis quærat in homine tam abiecto, quis credat tantum spiritûs recondi in tam illiteratâ simplicitate? En, illa duo brachia roboris inuicti, *Oblatio sui, & Dilectio Dei, c* Hæc Deum quocunque lubuerit trahunt. His brachijs Deus quàm arctissimè se stringi permittit, alios refugit attractus.

*a* Aug. l. 9. Confess. c. 8. initio. *b* Matth. c. 11. v. 25.

*c* Rei narratæ fides sit penes auctorem; is est Ioan. Tauserus, è S. Dominici familiâ, in suis institut. mihi. pag. 109. Fuit hic concionator insignis & piissimus, vt de eo Bellarmin. in scriptor. Eccles. Vixit Anno 1350.

## CAP. II.

*Quæ voluntas hominis ad hanc cum Dei Voluntate conformationem sit maximè idonea.*

**V**T Affuero regi pararentur virgines, ex omnibus regni prouincijs lectissimæ adducebantur in Susam metropolim. His annus erat in vno corporis cultu transigendus. Et quæ non lotiones, frictiones, polituræ, vnctiones adhibebantur? Quantum cerussæ, purpuris, stibij, aliorumque pigmentorum exhauriebatur concinnandæ formæ? Tanti erat regijs oculis placere. Et humana voluntas ab omni ornatu imparata, velut rusticana mulier ex agro, in summi regis amplexus ruere non vereatur? Vt ergo norit hominis voluntas, diuinis oculis tum demum se placituram, si non tantum minimos etiam næuulos conetur abstergere, sed ea sibi ornamenta comparare, quæ diuinam voluntatem inuitent ad hoc cum eâ connubium.

Igitur ordini seruando, & vitandæ obscuritati, ita rem distinguimus, vt sua Voluntati nomina tanquam titulos assignemus, è quibus discat quâ præparatione sit opus ad hanc cum diuinâ Voluntate conformationem. Et quemadmodum herus nouum famulum in suas ædes admissurus multa paciscitur, &: Volo, inquit, vt non sit fabulator, non nugigerulus, non lusor, non rixosus, non ebriosus: cum primis verò sit diligens, sit fidelis, sit obsequens. Hoc ius heri est, eiusmodi leges sancire famulis. Et cur Deo humanam volun-



tatem in amicitiam admissuro, non idem iuris sit. Quocirca sciat voluntas hominis, iam alijs sibi legibus viuendum, præcipuè istis.

## §. I.

*I. Voluntas Insons sit.* Hoc cum primis exigitur. delicatus è cælo sponſus est; sordes & odit, & arcet. Voluntas illi copulanda oderit etiam necesse est omne genus sordium: & ita quidem vt non tantum avaritiæ non studeat, luxuriæ non indulgeat, iracundiæ non obediat, sed etiam si quid propensionis & affectûs sentiat ad hæc inquinamenta, id omne in se viriliter expugnet, nec tantum nolit obscœna cogitare, sed etiam velit castissima quæque meditari. Sed sermo nobis non est de ijs quæ nemini non clara sunt. Aliud est miræ subtilitatis, sed & maximæ celeritatis vitium, Inuidia. Hic Voluntas insons sit, & ab hac lue immunem se præstet. Voluntas ad diuinam conformanda sine omni liuore sit; non inuidiâ alienæ felicitatis tangatur, nec prematur suæ. Nam qui Deo verè coniunctus est, videt quidem alios gratiâ, & opibus florere, non tamen inuidet, sed ad Deum versus: O Domine, inquit, vis illum aut istum ad opulentiam, ad honores euehi, me contemptum neglecto? Non repugno, mi Deus, nec eius rei causſam à te postulo. Mihi satis causſarum, mihi rationum abundè satis est, tua vna atque vnica Voluntas. Certissimus enim sum, nisi tu id permitteres, & quidem meo bono, non fieret, nec id vllus hominum impetraret, quod te annuente, nullo negotio, & fortè pauculis verbis confectum est. Sed & in ceteris, scio, tuo fit permissu, mi Domine, vt iste me sic allattet, ille me sic tractet, hic ita exagitet me, nunquam illos, quod sciam, læsi; verum in tuâ Voluntate satis ad hoc responsi reperio: Tu hæc permisisti, tu iussisti: sint ergo illi Semei, sim ego David, si tibi sic visum est, mi Deus.

Sanctissimus ille Antiochenus antistes & martyr Ignatius: Frumentum Christi sum, inquit, dentibus bestiarum molar, vt panis mundus inueniar. Ita nimirum nos Deus mensæ suæ præparat dominicum panem. Quid ergo habemus contra homines queri? molares lapides sunt qui nos velut offusum triticum commolunt. Vt hoc alius in animum demittamus, consultissimum est, singulis horis aliquoties animum erigere ad Deum, repetitis precatiunculis: *Benedictus Deus in æternum: Domine quid me sis facere? Fiat Voluntas tua.* a Hæc prima voluntatis humanæ præparatio est, puram esse à nãuis,

à nœuis, præsertim ab omni simultate ac inuidentiâ. Sed præterea requiritur.

## §. II.

**II. *Voluntas Tolerans.*** Cùm quis rebus aduersis agitur, omne præsidium, à patientiâ petat, dicatque sereno animo: Hoc omne à Deo est, quicquid patior; sed est à Deo per hanc occasionem, per istum hominem, per illam causam in me immissum. Et huius quidem rei tam certus sum, atque viuere me scio. Hic plurimis aqua hæret, qui non eâ fide in Deum pollent, vt sibi certò persuadeant, tam aduersa & omnes malignos euentus à Deo esse, quàm prospera & optatissimos successus. Si hoc certum haberemus, quod in se certissimum, non facillè quidquam impatienti aut deiecto animo ferremus, nec toties illis vocibus vrgendi essemus: *Vos modice fidei.* At verò aduersa omnia à Deo, per quemcunque tandem, ad nos deriuari, Christus sic demonstrans: Nonne duo passeret, inquit, asse vaneunt & vnus ex illis non cadet super terram sine patre vestro. Idem repetens: Nonne quinque passeret vaneunt dipondio, inquit, & vnus ex illis non est in obliuione coram Deo? Sed & capilli capitis vestri omnes numerati sunt. Nolite ergo timere, multis passeribus meliores estis vos. *Itane Deus cum passerulo in terram cadit?* certè Voluntas Dei, quippeni Deus ipse: qui sicut in rebus creatis omnibus assidue operatur, ita cum pisce natat, ita cum aue volat, cum angue serpit, cum quadrupede incedit; non deserit Deus ea quæ condidit. Licet ergo toties tot alaudarum millia cassibus sinul irretiantur, harum tamen nulla & nec minima quidem alaudula sine Voluntate Dei capitur: *Ena ex illis non cadit super terram sine patre caelesti.* Quod autem prouidentissimam Dei Voluntatem attinet, eadem & Aquilæ, & passeruli, & hominis est ratio. Si ergo auicularum nulla in aucupatoriam aream delabitur sine Dei Voluntate, & tu Homo ad Conditoris imaginem factus, Regni futurus hæres, te vllis aduersis exerceri, te iniuriâ, te damnis, te tristitiâ credis affici, Deo non singulariter volente? Vt autem exactius hoc ipsum caperemus, nec temerè vnquam diceremus, rerum animatarum duntaxat Deo hanc curam esse, addidit Seruator. Omnes capilli capitis vestri numerati sunt. Quis hominum vnquam capillorum suorum numerum inire potuit? Deus in numero habet tam omnium quàm vnius hominis, & nolente Deo nullus subtrahetur. Quotiescunque igitur in rebus aduersis patienti-



am abiicimus, male alijs imprecamur, modò huic, modò illi culpam impingimus, & velut è plastro conuitia serimus, maximum Fidei defectum in nobis aperimus; nimirum illorum, quæ nos mala vocamus, Deum auctorem facere veremur fallaci pietate.

Fuit cum in mari solus Ioannes, ceteris discipulis id ignorantibus, agnosceret dominum diceretque: Dominus est. Plurimi sunt qui inter rerum turbatarum fluctus non agnoscant turbati maris auctorem Deum, sed in eos, quos hostes putant, acerrimè stomachantes: Ille semissis homo, aiunt, ille nebulo, hic furcifer, iste te-  
nebrio, illud flagitium hominis, hoc mihi malum fabricauit; ab illo bipedum nequissimo hæc in me cusa est faba. At longè aliter loqui assuevit *Voluntas Tolerans*. Hoc omne malum, inquit, à Deo est: Deus me castigat meritisimò: Dominus est, quod bonum est in oculis suis faciat. Sed progrediamur.

## §. III.

**III. *Voluntas Hilaris*.** Hæc hominem sic instruit vt tam victum quàm ceteris omnibus, quæ quotidie velut è manu Dei accipit, sit contentissimus. Hic talis homo: Mi Domine, inquit, satis est quicquid mihi das, etsi auaritiæ meæ id subinde parum videatur; nec istud quidem vllò modo sum meritus; tu nimis in me liberalis es: ego equidem vel aëre quem haurio, indignum me sentio.

Nunquam queri solet diuinæ Voluntatis studiosus; nemo audierit ex illo talia: Vix ego victum mihi comparo; alij lautissimè viuunt, & nec dimidium mei laboris suscipiunt; parum serunt & amplissimas colligunt fegetes. Optimè olim Venerinus vates quæsiit:

*Qui sit Mecenas, Et nemo quàm sibi sortem*

*Sen ratio dederit, sen fors obsecerit, illa*

*Contentus sinat? laudet diuersa sequentes, a*

Hinc est, mi Poëta, hinc est, quòd diuinæ Voluntati tam ægrè acquiescamus. Cupiditas nostra in alia atque alia, & sæpe in longinqua fertur, nec est finis concupiscendi. Cum verò concupita non obtinemus, in querelas & murmura soluimur. Angustus animus est quem tantòpere delectant terrena.

Heliotropium nobis assidue ante oculos versetur, de quo eleganter Plinius: Heliotropij miraculum, inquit, sapius diximus, cum sole se circumagentis, etiam nubilo die: tantus fideris amor est. Notu verò velut eius desiderio contrahit cæruleum florem. <sup>b</sup> Nota, mi homo, heliotropium etiam nubilo die circum agere se cum sole,

amore

amore solis. Sol noster, Voluntas Dei est: hæc nobis non semper extra nubem illucet, serenis turbidi dies miscentur, quos pluuia, venti, grandines infestant. Nemo Christianorum est, qui non sæpius sentiat hanc cæli grauitatem & turbulentas tempestates. At nos instar heliotropij cum sole nostro, cum diuinâ Voluntate nosippos circumagamus diebus etiam nubilis; tantus sit nostri fideris illius amor. Et sanè nulla nobis vnquam tranquillitas obtinget, innumera hinc illic displicebunt, à nullâ re satiesiet, nunquam forte nostrâ contenti erimus, omnia deesse videbuntur, etsi adsint omnia: nunquam extra metum, frequenter oppressi tædio, perturbati, pusillanimes, pleni querelarum & liuoris, nunquam non miseri erimus, quamdiu non ad hunc solem, diuinam Voluntatem nos circumegerimus, vt heliotropium. Fixissimis & incommuniis oculis sol iste nobis assiduè aspiciendus est quocunque se vertat, hoc vnicum in animo semper volutandum: Ita Deo placet, ita & mihi: vitæ mortisque regula mihi est vnica Dei Voluntas: Sicut domino placuit, ita factum est, ita fiet, sit nomen domini benedictum. Nunc quidem sol noster nube abditur, sed breuî lætum os exeret extra hanc nubem mœroris. Vide omnium sæculorum decursus, variisque rerum euentus non rarò nubilos post serena principia, sæpe serenos post initia nubila. Sic igitur nos comparemus, vt ante omnem euentum nihil magis velimus quàm sequi diuinam Voluntatem. Ex Hebræis olim litteratus quispiam, verbis certè promptissimus, Christo se traditurus: Magister, inquit, sequar te, quocunque ieris. « Ita nos quâ verbis quâ factis promptissimi ad omnem diuinæ Voluntatis nutum, sequamur quocunque ierit.

a Matth. c. 8. v. 19.

#### §. IV.

IV. *Voluntas Longanimis.* Pleraque omnia nostra corrumpimus longanimitatis defectu. Israël's populus Moysis in monte moras pertractus ad idola se vertit, & vitulum aureum pro Deo sibi statuit, emanfionem nimis diuturnam caussatus. Ita duo illi viatores Emmauntem tendentes: Et nunc, aiunt, super hæc omnia tertia dies est hodie quòd hæc facta sunt. « Est, ô viri boni, dies tertia, sed nunquid hæc tertia dies iam abiit, an nihil temporis superest reuiuiscendi; siccine omnis vestra longanimitas consumpta est? O non longanimes! si dies hæc tertia transiisset, si quarta vel quinta iam aduenisset, videremini cum ratione despondere animum. At cum tertiam hanc diem necdum ad vesperem deduxeritis, quid

a Luc. c. 24. v. 21.

005

elt



est quodd de rediuiuo domino tam præproperè diffiditis? Ad vota nostra nimis quàm præproperi sumus, & nisi mox fiat quod cupimus, omnem spem nostram in impatientiam aut etiam desperationem præcipitamus. Longè aliter Deus: Miserator & misericors dominus, longanimitis, & multum misericors. « Nec vult perire animam, sed *retractat*, cogitans ne penitus pereat qui abiectus est. & Auarus, sestetium bis terue manu versat dum expendat, sic Deus ad pœnas tardus quasi *retractat* antequam decretoriâ sententiâ feriat, & in gehennam mittat ac supplicia.

Nos, & modicæ fidei, & curtæ spei, si quid à Deo bis terue petierimus, nec impetremus, spem omnem abijcimus, & more mendicorum, qui si ante domum clamore aut pulsu stipem aliquoties rogarint, nec auditi fuerint, dicunt: Nemo est domi. Pulsate, ignaui, pulsate; pulsantibus panditur hoc ostium. Quàm in rebus alijs obstinata sæpe longanimitatis sumus! sunt qui officium aliquot annis ambiant, & non rarò frustra. Pinguior hæreditas quàm suau patientiâ expectatur? & ne moras nimium sentiat hæres, temporis velocitate se solatur. Nos tamen ordinationi diuinæ metas figimus & tempus præscribimus; nimium nobis cunctatur in morbis opitulatrix Dei manus; vociferamur: Et quando tandem domine, cur moraris? quid differs opem? quamdiu supplicandum? tot iam annis clamo, nec exaudis. Nisi domine succurras hoc anno, precari desinam, & actum putabo. In hoc certè non ab similes sumus Bethulæ ciuibus, qui: Contestamur, aiunt, hodie cælum & terram, &c: vt iam tradatis ciuitatem in manu militiæ Holofernis, vt sit finis noster brevis in ore gladij, qui longior efficitur in ariditate sitis. O minimè longanimes! itâne rebus omnibus desperatis ciuitas tradenda hosti? an nullum è cælo auxilium sperandum? Hanc ciuium extinctam longanimitatem non modicè fouit Ozias sacerdos, qui lacrimis infusus: Æquo animo estote fratres, inquit, & hos quinque dies expectemus misericordiam. Forsitan enim indignationem suam abscindet, & dabit gloriam nomini suo. Si autem transactis quinque diebus, non venerit adiutorium, faciemus hæc verba quæ locuti estis. « O mi Ozia, ô sacerdos, quàm hîc non altum sapis supra vulgus! Siccinè vos tempus Deo admetiri, & ferendæ opis constituere diem? ad eone omnis apud vos non extincta tantum sed & sepulta est longanimitas? Non tulit hoc generosissima Iudith, & accersitis presbyteris:

Quod

Quod est hoc verbum, inquit, in quo consentit Ozias, vt tradat ciuitatem Assyrijs, si intra quinque dies non venerit vobis adiutorium? Et qui estis vos qui tentatis dominum? non est iste sermo qui misericordiam prouocet, sed potius qui iram excitet, & furorem accendat. Poluistis vos tempus miserationis domini, & in arbitrium vestrum diem constituistis ei. Quid ergo faciendum suades. ô Iudith? Dicamus flentes domino, vt secundum voluntatem suam sic faciat nobiscum citò misericordiam suam. expectemus humiles consolationem eius. <sup>a</sup> Hac sanè ratione Longanimitis voluntas sic Deo coniungit hominem, vt quantumcunque affliclus, dicat tamen: Secundum voluntatem tuam, ô Deus, sic facias mecum misericordiam tuam: ô Domine, etsi decem annis, etsi viginti aut triginta, etsi annis quinquaginta ad te clamaui, clamare tamen non cessabo, nullos tibi terminos figo: & quamuis scirem me penitus à te non audiendum, id me tamen fides docet infallibilis, me vacuum à te non dimittendum; si neges petita, dabis meliora. Itaque si moram feceris, expectabo te, quia veniens venies, & non tardabis. <sup>b</sup>

<sup>a</sup> Iudith. c. 8. à v. 10. ad 20. <sup>b</sup> Abac. c. 2. v. 3. vide. plura de hoc infra l. 4. c. 5.

## §. V.

*V. Voluntas Ardens.* Hæc in eo consistit vt non tantum velit aut nolit, quod vult Deus aut non vult, sed propter hoc ipsum Dei *Nolle* aut *Velle*, illud respuat, istud admittat, ardenti studio, nec vllam aliam habeat causam hoc agendi, hoc omittendi quam diuinum beneplacitum. Hominem hac voluntate præditum si quis interroget, cur istud nolit, hoc velit, non aliud se causæ habere respondet, quam quòd Deum id nolle, & velle istud comperiat. Amo, inquit Bernardus, quia amo, amo vt amem, amor enim est qui amatur. <sup>a</sup> Augustini monitum est: Oportet nos in eundem affectum transire, vt sicut Deus omnia voluit esse propter seipsum, ita nos quoque nec nosipsos nec aliud esse velimus, nisi propter Deum & ipsius voluntatem. Neque aliter Epictetus: Quid vero est, inquit, dedere se Deo? Vt quod ille voluerit, & ipse velit, & quod ille noluerit, nec ipse velit. Quis ergo istud fiet? Quomodo fieret aliter, quam si consideret quispiam voluntatem Dei & gubernationem.

Vigente lege priscâ voluit Deus, vt omnis supplex Aheri & Tabernaculo dicata hyacinthino velo inuolueretur, & sic inuoluta portaretur à Leuitis. Iubentis verba hæc erant: Omnia vestra quibus



explicationem. Cælestis Pater iam olim per Isaiam vatem allocutus filium: Et dedi te, inquit, in sædus populi, in lucem gentium. Perinde si dicat: parum mihi est vt reliquias Israël ad me adducas, barbaras etiam gentes à te doceri volo. Hic Patris sermo octingentis annis virgineum partum præcessit. Hoc igitur Patris decretum tot antè annis promulgatum, pronissimâ voluntate amplexus filius, respondit idem se velle quod Pater. Idcirco Matthæus: In illo tempore, inquit, respondens Iesus dixit. Et cui respondit, nemine interrogante: Æterno Patri respondit, ante tot sæcula filium alloquenti. Et en quàm lætè filius, voluntatem Patris deosculatus dicat: Ita Pater, quoniam sic fuit placitum ante te: factum à me habeto, Pater; quicquid imperaueris. Sicut autem cælestis Pater cum filio per Isaiam ante tot annos locutus, & filius Patri respondit: Sic cum quouis nostrum ab æterno sermocinatus est Deus; distinctissimè ac ordinatissimè disposuit quo tempore quilibet hominum nasciturus, quo moriturus; auxilium omne consequendæ beatitudini parauit; Præuidit quid quisque per omnem vitam cogitaturus, dicturus, acturus, & quâ ratione auxilia oblata sit accepturus. Cum igitur hac ratione nos Deus ab æterno benignissimè sit affatus, an non æquisissimum, vt & nos suo quisque tempore cum Christo respondeamus, Ita Pater, Ita mi Pater, quoniam sic & sic, atque sic fuit placitum ante te, Ita Pater: idque horis singulis, instaurato aliquoties desiderio ingemineimus, Ita Pater, & hoc ad vltimum vsque halitum, constantiâ inuiolabili perpetuemus. Sed plura de hoc infra.

a Nam Isaias occisus est anno Mundi 3740.

### CAP. III.

#### *Quomodo voluntas hominis ad Dei Voluntatem sit conformanda.*

**D**iximus quid præparationis sit præmittendum, huic voluntatum coniunctioni, & quæ hominis voluntas ad conformationem cum diuinâ censeretur possit maximè idonea: nunc porro dicendum, quomodo reipsâ voluntas hominis ad Dei voluntatem sit conformanda.

#### S. I.

Optimè Thomas Aquinas dixit, Omnes actiones cum virtute coniunctas, eâ ratione Deo probari, si eo fiant animo, vt diuinæ Voluntati obtemperetur. Nullius meriti est, vitam etiam & san-

guinem

guinem prodigere, nisi ad diuinæ Voluntatis placitum. Hoc Pæmen vir sanctus assidue monens: Nunquam, inquit, tuam contra diuinam Voluntatem statuas; voluntas tua diuinæ semper sit coniunctissima. Hæc autem coniunctio si vera sit, est sincerissima in omnibus cum diuinâ Voluntate concordia, quæ hominem sic instruit, ut illius assidue sint hæ voces: Sicut Deus vult, sic & ego: quando Deo complacitum est, tunc & mihi.

Laudatissima Ruth socrum suam Noëmi affata: Quocumque, inquit, perrexeris pergam, & ubi morata fueris, & ego pariter morabor. populus tuus, populus meus, & Deus tuus, Deus meus. quæ te terra morientem suscepit, in eâ moriar. Hæc mihi faciat Deus, & hæc addat, si non sola mors me & te separauerit. Non aliter homo cum Deo concordans sentit, nec aliter loquitur. Elias olim Elisæo: Sede hîc, inquit, quia Dominus misit me usque in Bethel. Cui Elisæus: Viuit Dominus, & viuit anima tua, quia non derelinquam te. <sup>b</sup> Idque tertium repetijt, hero suo inseparabilis comes adhæsurus. Regi Ioramio suppetias poscenti, Rex Iosaphatus respondit: Ascendam; qui meus est, tuus est: populus meus, populus tuus: & equi mei, equi tui. Ita nos Deo intimis animis coniuncti sumus, uti Ruth cum Noëmi, Elisæus cum Eliâ, Ioramus cum Iosaphato: dicamus ingenti cum fiducia: Voluntas tua, mi Deus, voluntas mea; cor tuum, cor meum: totus sum sub tuo, mi Deus, arbitrio.

Et hanc suæ quisque cum diuinâ Voluntate coniunctionem sedulo curet in rebus omnibus, in negotijs, in officijs, in laboribus omnibus, in morbo, in morte, diuinis placitis semper contentissimus, nec aliud frequentius ore aut corde versans, quàm hoc ipsum: *Fiat voluntas tua.* Quemadmodum verò virtutes omnes in Christi tormentis effulserunt clariores, sic & orandi ardor. Christus in extremis angustijs: Pater, inquit, si vis, transfer calicem istum à me: Veruntamen non mea Voluntas fiat, sed tua. <sup>c</sup> Non est melior, nec ferè breuior; non est perfectior, non gratior Deo, nec homini utilior oratio præ hac vnâ: Non mea, sed tua voluntas fiat: Non sicut ego volo, sed sicut tu. Dei Voluntas fiat, etsi Orbis ruat. Beata Gertrudis solita est trecenties sexagies ter dicere: O mi amantissime Iesu, fiat voluntas tua. Sed hoc infra explicatiùs monebitur. Cassianus: Quid est, inquit, hoc aliud dicere, Fiat voluntas tua: sicut in cælo & in terrâ, quàm ut sint homines similes Angelis: & sicut



sicut Voluntas Dei ab illis impletur in cælo, ita etiam hi qui in terrâ sunt, non suam sed eius vniuersi faciant voluntatem. Hoc quoque nemo ex affectu dicere præualebit, nisi is solus qui Deum credit omnia quæ videntur, vel aduersa vel prospera, pro nostris vtilitibus dispensare, magisque eum pro suorum salute & commodis prouidum atque sollicitum esse, quàm nos ipsos pro nobis. *a* Ita Cassiani sensu, in cæli vestibulo iam habitat, qui suam diuinæ Voluntati sic accomodat. In cælo certè innumera millena millia beatorum, vnius sunt voluntatis. Hinc Arsenius Marco Abbati quærenti: ecurr, Pater, ad nos non reuisis? aptè respondit: Cum ijs qui supra nos degunt, melius mihi conuenit, cum omnes idem velint; inter homines tanta ferè voluntatis, quanta vultûs dissimilitudo est. Qui autem tam in aduersis quàm in prosperis ad diuinum arbitrium se fingit, is probè capit, quid Hebræus Psalter hoc sibi carmine voluerit: Ecce quàm bonum & quàm iucundum habitare fratres in vnum. *b* Et quinquam hi fratres? Christus & Vir iustus; neque enim supremus Rex erubescit in hunc fraternitatis affectum conspirare.

*a* Cassi. coll. 9. c. 20. *b* Psal. 133. v. 1.

## §. II.

Ecclesiastes olim, velut rem inagnam dicturus: Sapientis, oculi ait, in capite eius. *a* Nunquid ergo homines stulti oculos habent in pedibus aut alibi extra caput? Beati Gregorij interpretatio hæc est: Qui omnem obtutu in Deo Deique Voluntate figit, hic verè sapiens est, hic quotquot habet oculos, capiti gerit infixos.

Epictetus illud Philosophorum sidus æuo Neronis, Domitiani, & M. Antonini, omni fortunâ superior vixit. Vnica anus in ministerio ei fuit, vnica lucerna fictilis (hoc domesticum omne instrumentum) ad diuinas illas lucubrationes: quæ lucerna à morte eius mille drachmis, hoc est, centum philippeis vænijt, in memoriam, & honorem tanti viri. Lucianus ceterorum quidem philosophorum irrisor, hunc vnum tamen æstimauit. Hic, inquam, Epictetus præter dissertationes, etiam Enchiridion scripsit cedro & auro exarandum. Hic libellus tantum religiosi spiritûs habet, & arcana sapientiæ, vt eum à viro religiosissimo putes conscriptum: Hic libellus supremi iudicij die in ruborem dabit Christianorum plurimos, qui & spurcissima scripserunt, nec vixerunt sanctiùs. Sed ad lineam. Hic Epictetus ille qui omnem philosophiam in duas traduxit voculas *susfine* & *abssine*, hic, inquam, de diuinâ voluntate omni

*a* Eccles. c. 2. v. 14.

nisi

nisi sectandâ prorsus diuinè philosophatur. Libet illius verba hæc fidelissimè transferre. Appetitum meum, inquit, obedientem præbui Deo: vult ille me febricitare? volo & ipse. Vult me aliquâ re potiri? volo & ipse. Non vult? nolo. Mori me vult? Mori igitur volo. Quis adhuc me prohibere potest contra meam sententiam, aut cogere? Non frontem ducis, o Christiane, non erubescis, refractarie, ad has voces? Sed pergit Epictetus: Vir prudens ita rem considerat, hanc rationem secum init; si Deo se dediderit, se iter tutò confecturum. Quid est istud, Dedere se Deo? Vt quod ille voluerit, & ipse velit; & quod ille noluerit, & ipse nolit. Quî ergo istud fiet? Quomodo fieret aliter, nisi considerandâ Dei Voluntate & administratione. Quid mihi dedit meum & mei iuris: quid sibi ipse reseruauit? Liberam voluntatem mihi dedit: & quæ in meâ potestate sunt, ea nec impediri nec prohiberi posse voluit. Corpus autem luteum quomodo potuit tale efficere, vt à nemine prohiberetur? Subiecit igitur sub vniuersitatis circuitum possessiones, vasa, ædes, liberos, vxorem. Quid ergo Deo repugno? Quid volo ea quæ velle non debeo, vt ea quæ mihi data non sunt, quouis modo consequar? Vt data sunt, & quatenus fieri possunt. At is qui dedit, aufert iterum. Quid ergo repugno? Ita prorsus, mi optime Epictete, ita se res habet: ecquid miseri repugnamus diuinæ Voluntati? vndique conclusi sumus: si duci nolumus, trahemur, aut raptabimur. Seneca de absolutâ libertate differens; Quæris, inquit, quæ sit ista? Non homines timere, non Deos: nec turpia velle, nec nimia: in seipsum habere maximam potestatem. Inæstimabile bonum est, suum fieri. At verò suus fieri nemo potest, qui non prius sic Dei fiat, vt omnia cum Deo aut nolit, aut velit. Animus qui suus fieri cupit, utique ab omnibus externis in se reuocandus est: recedat, quantum potest, ab alienis, & se sibi applicet, damna non sentiat, etiam aduersa benignè interpretetur. Hic animus suus esse incipit; hæc animi libertas est. Nec aliter Augustinus: Bonus, inquit, etiamsi seruiat, liber est; malus, etiamsi regnet, seruus est, tot dominorum quot vitiorum. <sup>d</sup>

<sup>a</sup> Epictet. l. 3. dissert. c. 26. paullo ante finem. <sup>b</sup> Senec. epist. 75. fine.

<sup>c</sup> Senec. de tranquill. c. 14. <sup>d</sup> Aug. l. 4. de Ciuit. c. 3.

### §. III.

Fortissimus heros Iudas Machabæus, militibus in hostem inflammandis: Accingimini, inquit, & estote filij potentes, vt pugnetis aduersus nationes. Sicut autem fuerit voluntas in cælo sic fiat. <sup>a</sup>

<sup>a</sup> 1. Machab. c. 3. v. 58. & 60.



Hoc agamus, viri, & ad nutus divinos steinus paratissimi, seu nos  
vinci, cadere, mori; seu vincere nos velit Deus, & triumphare:  
sicut fuerit voluntas in cælo, sic fiat. Sic Ioab pugnam initurus  
periculosiorem, ad Abisai fratrem: Esto vir fortis, inquit, & pugne-  
mus pro populo nostro, & civitate Dei nostri: Dominus autem  
faciet quod bonum est in conspectu suo. \* Summi momenti est,  
in omnibus sic animum instruere, ut omnem rei euentum diuinæ  
adscribat providentiæ. Fit enim non raro, ut viri docti, prudentes,  
bellicosi, sancti, & fortiter agant & perire, exitu tamen minime se-  
cundo, qui tamen non minus in Dei providentiam referendus,  
quàm felicissimus quilibet successus. Eâ de causâ Ecclesiastes:  
Vidi sub sole, inquit, nec velocium esse cursum, nec fortium bellum,  
nec sapientium panem, nec doctorum divitias, nec artificum gra-  
tiam: sed tempus casumque in omnibus. *b* Casum vocat, quod no-  
bis videtur tale, non Deo. Nil profectò rari est intelligentem &  
industriam spe suâ fraudari; hoc nos malum casum censemus. At  
Thomas Aquinas è verbis Ecclesiastæ rectè colligi affirmat, Nihil  
esse à casu, aut præter voluntatem ac præscientiam causæ primæ.  
Casus enim inveniuntur in rebus tempori obnoxiiis, & humanæ  
scientiæ subiectis: diuina vis & providentia omnia ab omni æter-  
nitate præsciuit, omnia labente ævo moderatur, & in destinatos  
certosque fines dirigit, dum sua cuique tempora, suas humanis co-  
natibus varietates præstituit, ut vel sic diuinæ providentiæ imme-  
niores, ab inopinatis casibus adversisque euentibus discant, suis  
viribus non nimium tribuere, sibi que persuadeant à diuino nutu  
pendere omnia. Fortuna priscis tantoperè culta nunc quid est?  
versatilis sed inanis ex Orco larua. Numen illud quod cuncta  
pro arbitrio seu adversa seu prospera mortalibus partitur, ipsissi-  
ma Dei providentia est. Versat Deus sanctissimâ Voluntate suâ  
& Providentiâ res humanas instar volubilis rotæ; sortes cæcas &  
incertas ipse temperat, *Formans lucem & creans tenebras, faciens pa-  
cem & creans malum. Ipse Dominus faciens hæc omnia* c Priscis Fortu-  
na fuit Bicolor, quàm duplici fingeant vultu, albo anteriore &  
splendido, posteriore atro, ut penes quatuor boni ac mali sit arbi-  
trium. Hæc puerorum deliria sunt. Bona & mala, vita & mors,  
paupertas & honestas à Deo sunt. *d* Ad rem Seneca sibi met obij-  
ciens, & diluens obiecta: Sequitur pars, inquit, quæ solet non  
immeritò contristare, & in solitudinem deducere, vbi bonorum

pp

exitus

am abiicimus, male alijs imprecamur, inodò huic, modò illi culpam impingimus, & velut è plastro conuitia serimus, maximum Fidei defectum in nobis aperimus; nimirum illorum, quæ nos mala vocamus, Deum auctorem facere veremur fallaci pietate.

Fuit cum in mari solus Ioannes, ceteris discipulis id ignorantibus, agnosceret dominum diceretque: Dominus est. Plurimi sunt qui inter rerum turbatarum fluctus non agnoscant turbati maris auctorem Deum, sed in eos, quos hostes putant, acerrimè stomachantes: Ille semisus homo, aiunt, ille nebulo, hic furcifer, iste tenebrio, illud flagitium hominis, hoc mihi malum fabricauit; ab illo bipedum nequissimo hæc in me cusa est taba. At longè aliter loqui assuevit *Voluntas Tolerans*. Hoc omne malum, inquit, à Deo est: Deus me castigat meritissimo: Dominus est, quod bonum est in oculis suis faciat. Sed progrediamur.

### §. III.

**III. *Voluntas Hilaris.*** Hæc hominem sic instruit vt tam victum quàm ceteris omnibus, quæ quotidie velut è manu Dei accipit, sit contentissimus. Hic talis homo: Mi Domine, inquit, satis est quicquid mihi das, etsi auaritiæ meæ id subinde parum videatur; nec istud quidem villo modo sum meritis; tu nimis in me liberalis es: ego equidem vel aëre quem haurio, indignum me sentio.

Nunquam queri solet diuinæ Voluntatis studiosus; nemo audierit ex illo talia: Vix ego victum mihi comparo; alij lautissimè viuunt, & nec dimidium mei laboris suscipiunt; parum serunt & amplissimas colligunt segetes. Optimè olim Venusinus vates quæsiit:

*Quis sit Mecenas, Et nemo quam sibi sortem*

*Sen ratio dederit, sen fors obiecerit, illa*

*Contentos cinat? laudet diuersa sequentes. a*

Hinc est, mi Poëta, hinc est, quòd diuinæ Voluntati tam ægrè acquiescamus. Cupiditas nostrà in alia atque alia, & sæpe in longinqua fertur, nec est finis concupiscendi. Cum verò concupita non obtinemus, in querelas & murmura soluihur. Angustus animus est quem tantò opere delectant terrena.

Heliotropium nobis assidue ante oculos versetur, de quo eleganter Plinius: Heliotropij miraculum, inquit, sæpius diximus, cum sole se circumagentis, etiam nubilo die: tantus sideris amor est. Notu verò velut eius desiderio contrahit cæruleum florem. <sup>b</sup> Nota, mi homo, heliotropium etiam nubilo die circum agere se cum sole,

amore



amore solis. Sol noster, Voluntas Dei est: hæc nobis non semper extra nubem illucet, serenis turbidi dies miscentur, quos pluuia, venti, grandines infestant. Nemo Christianorum est, qui non sæpius sentiat hanc cæli grauitatem & turbulentas tempestates. At nos instar heliotropij cum sole nostro, cum diuinâ Voluntate nos ipsos circumagamus diebus etiam nubilis; tantus sit nostri fideris illius amor. Et sanè nulla nobis vnquam tranquillitas obtinget, innumera hinc illic displicebunt, à nullâ re saties fiet, nunquam forte nostrâ contenti erimus, omnia deesse videbuntur, etsi adsint omnia: nunquam extra metum, frequenter oppressi tædio, perturbati, pusillanimes, pleni querelarum & liuoris, nunquam non miseri erimus, quamdiu non ad hunc solem, diuinam Voluntatem nos circumegerimus, vt heliotropium. Fixissimis & inconniuis oculis sol iste nobis assidue aspiciendus est quocunque se vertat, hoc vnicum in animo semper volutandum: Ita Deo placet, ita & mihi: vitæ mortisque regula mihi est vnica Dei Voluntas: Sicut domino placuit, ita factum est, ita fiet, sit nomen domini benedictum. Nunc quidem sol noster nube abditur, sed breuî lætum os exeret extra hanc nubem mœroris. Vide omnium sæculorum decursus, variisque rerum euentus non rarò nubilos post serena principia, sæpe serenos post initia nubila. Sic igitur nos comparemus, vt ante omnem euentum nihil magis velimus quàm sequi diuinam Voluntatem. Ex Hebræis olim litteratus quispiam, verbis certè promptissimus, Christo se traditurus: Magister, inquit, sequar te, quocunque ieris. « Ita nos quâ verbis quâ factis promptissimi ad omnem diuinæ Voluntatis nutum, sequamur quocunque ierit.

a Matth. c. 8. v. 19.

#### §. IV.

*IV. Voluntas Longanimis.* Pleraque omnia nostra corrumpimus longanimitatis defectu. Israël's populus Moïsi in monte moras pertæsus ad idola se vertit, & vitulum aureum pro Deo sibi statuit, emanationem nimis diuturnam caussatus. Ita duo illi viatores Emmauntem tendentes: Et nunc, aiunt, super hæc omnia tertia dies est hodie quòd hæc facta sunt. « Est, ô viri boni, dies tertia, sed nunquid hæc tertia dies iam abiit, an nihil temporis superest reuiuiscendi; siccine omnis vestra longanimitas consumpta est? O non longanimes! si dies hæc tertia transisset, si quarta vel quinta iam aduenisset, videremini cum ratione despondere animum. At cum tertiam hanc diem necdum ad vesperem deduxeritis, quid

est quoddam de rediuiuo domino tam præproperè diffiditis? Ad vota nostra nimis quàm præproperi sumus, & nisi mox fiat quod cupimus, omnem spem nostram in impatientiam aut etiam desperationem præcipitamus. Longè aliter Deus: Miserator & misericors dominus, longanimis, & multum misericors. <sup>a</sup> Nec vult perire animam, sed *retractat*, cogitans ne penitus pereat qui abiectus est. <sup>b</sup> Auarus, sestetium bis terue manu versat dum expendat, sic Deus ad pœnas tardus quasi *retractat* antequam decretoriâ sententiâ feriat, & in gehennam mittat ac supplicia.

Nos, & modicæ fidei, & curtæ spei, si quid à Deo bis terue petierimus, nec impetremus, spem omnem abijciimus, & more mendicorum, qui si ante domum clamore aut pulsu stipem aliquoties rogarint, nec auditi fuerint, dicunt: Nemo est domi. Pulsate, ignaui, pulsate; pulsantibus panditur hoc ostium. Quàm in rebus alijs obstinatæ sæpe longanimitatis sumus! sunt qui officium aliquot annis ambiant, & non rarè frustra. Pinguior hæreditas quàm suauis patientiâ expectatur? & ne moras nimium sentiat hæres, temporis velocitate se solatur. Nos tamen ordinationi diuinæ metas figimus & tempus præscribimus; nimium nobis cunctatur in morbis opitulatrix Dei manus; vociferamur: Et quando tandem domine, cur moraris? quid differs opem? quamdiu supplicandum? tot iam annis clamo, nec exaudis. Nisi domine succurras hoc anno, precari desinam, & actum putabo. In hoc certè non ab similes sumus Bethulæ ciuibus, qui: Contestamur, aiunt, hodie cælum & terram, &c: vt iam tradatis ciuitatem in manu militiæ Holofernæ, vt sit finis noster brevis in ore gladij, qui longior efficitur in ariditate sitis. O minime longanimes! itane rebus omnibus desperatis ciuitas tradenda hosti? an nullum è cælo auxilium sperandum? Hanc ciuium extinctam longanimitatem non modicè fouit Ozias sacerdos, qui lacrimis infusus: Æquo animo, estote fratres, inquit, & hos quinque dies expectemus misericordiam. Forsitan enim indignationem suam abscindet, & dabit gloriam nomini suo. Si autem transactis quinque diebus, non venerit adiutorium, faciemus hæc verba quæ locuti estis. <sup>c</sup> O mi Ozia, ô sacerdos, quàm hinc non altum sapis supra vulgus! Siccine vos tempus Deo admetiri, & ferendæ opis constituere diem? adeone omnis apud vos non extincta tantum sed & sepulta est longanimitas? Non tulit hoc generosissima Iudith, & accersitis presbyteris:

Quod



Quod est hoc verbum, inquit, in quo consentit Ozias, vt tradat ciuitatem Assyrijs, si intra quinque dies non venerit vobis adiutorium? Et qui estis vos qui tentatis dominum? non est iste sermo qui misericordiam prouocet, sed potius qui iram excitet, & furorem accendat. Posuistis vos tempus miserationis domini, & in arbitrium vestrum diem constituistis ei. Quid ergo faciendum suades ô Iudith? Dicamus flentes domino, vt secundum voluntatem suam sic faciat nobiscum citò misericordiam suam. expectemus humiles consolationem eius. « Hac sanè ratione Longanimis voluntas sic Deo coniungit hominem, vt quantumcunque afflictus, dicat tamen: Secundum voluntatem tuam, ô Deus, sic facias mecum misericordiam tuam: ô Domine, etsi decem annis, etsi viginti aut triginta, etsi annis quinquaginta ad te clamauero, clamare tamen non cessabo, nullos tibi terminos figo: & quamuis scirem me penitus à te non audiendum, id me tamen fides docet infallibilis, me vacuum à te non dimittendum; si neges petita, dabis meliora. Itaque si moram feceris, expectabo te, quia veniens venies, & non tardabis. b

a Iudith. c. 8. à v. 10. ad 20. b Abac. c. 2. v. 3. vide. plura de hoc infra L. 4. c. 5.

## §. V.

V. *Voluntas Ardens.* Hæc in eo consistit vt non tantum velit aut nolit, quod vult Deus aut non vult, sed propter hoc ipsum Dei *Nolle* aut *Velle*, illud respuat, istud admittat, ardenti studio, nec ullam aliam habeat causam hoc agendi, hoc omittendi quam diuinum beneplacitum. Hominem hac voluntate præditum si quis interroget, cur istud nolit, hoc velit, non aliud se causæ habere respondet, quam quòd Deum id nolle, & velle istud comperiat. Amo, inquit Bernardus, quia amo, amo vt amem, amor enim est qui amatur. « Augustini monitum est: Oportet nos in eundem affectum transire, vt sicut Deus omnia voluit esse propter seipsum, ita nos quoque nec nosipsum nec aliud esse velimus, nisi propter Deum & ipsius voluntatem. Neque aliter Epictetus: Quid verò est, inquit, dedere se Deo? Vt quod ille voluerit, & ipse velit, & quod ille noluerit, nec ipse velit. Quis ergo istud fiet? Quomodo fieret aliter, quam si consideret quispiam voluntatem Dei & gubernationem.

Vigente lege prisca voluit Deus, vt omnis supellex Altari & Tabernaculo dicata hyacinthino velo inuolueretur, & sic inuoluta portaretur à Leuitis. lubentis verba hæc erant: Omnia vasa quibus mini-

ministratur in sanctuario, inuoluent hyacinthino pallio, & extendent desuper operimentum ianthinarum pellium, & inducent vestes. Hoc eâ de causâ factum quæ subiungitur: Alij nullâ curiositate videant, quæ sunt in sanctuario priusquam inuoluantur, alioquin morientur. <sup>a</sup> Ita baiuli sacræ supellectilis nihil eorum videbant quæ ferebant, sed solum onus sentiebant, omnia enim cæruleum tegmen oculis subducebat. In hunc planè modum, quisquis se Deo plenè tradidit, suauissimè nescit, sed nec scire cupit cur hoc aut illud à Deo permittatur, aut iubeatur: onus ille quodlibet subit promptissimis humeris, sed onus cyaneo velo coopertum, hoc est, diuinâ voluntate vestitum, hanc illi videre satis est.

a Num. c. 4. v. 12. & 20.

## §. VI.

**VI. *Voluntati Omniparentis.*** Omniparentem dicimus voluntatem, quæ instar fecundissimæ telluris, omne genus optimorum desideriorum effundit, eaque velut primogenios partus consecrat diuinæ Voluntati. Hic animus altus, cælique appetens exsurgit, hic gemitus amoris pleni, hic suspiria in altum efferuescentia: O mi Deus, quàm ego, cupio, non solum pati plurima, sed & mori pro te, vel acerbâ morte. Per cælestes hos impetus animi, Deus & homo sic conspirant in rebus prorsus omnibus, vt ex hac tam suavi conspiratione ac consensu, iucundissima inter Deum & hominem nascatur consiliorum communicatio, & intima familiaritas, ita vt demum homo, ad omnes rerum euentus dicat, Ita Pater, Ita Pater, quia sic fuit placitum ante te, Ita Pater. <sup>a</sup> Si bona suscepimus de manu Dei, mala quare non suscipiamus? <sup>b</sup> Sic omnia tam molesta quàm grata velut è manu Dei placidissimè accipit. Quàm in re mirum est quantum lucis alluxerit priscis Philosophis. Ex his diuinè monens Epictetus: Nunquam, ait, te quidquam perdidisse dicito, sed reddidisse. Filiolus obiit? redditus est. Prædium est creptum? An non id quoque est redditum? At improbus est qui eripuit. Quid tua id refert, per quem, is qui dederat, repetierit? Sed quamdiu concefferit, tanquam alienum id curato, vt caupo nam viator. <sup>c</sup>

Ita prorsus qui Deo se quàm coniunctissimum cupit, non aliter philosophatur quicquid rerum auferatur, non attendit auferentem, sed Deum suâ repetentem. Idcirco illud Christi assidue ingeminat: Ita Pater, quoniam sic fuit placitum ante te, ita, mi Pater, ita. Hic obserua, obsecro te, Lector, succinctam dinini huius sermonis

a Matth. c. 11. v. 26. b Iob. c. 2. v. 10. c Epictet. Enchir. c. 35.



explicationem. Cælestis Pater iam olim per Isaiam vatem allocutus filium: Et dedi te, inquit, in sædus populi, in lucem gentium. Perinde si dicat: parum mihi est vt reliquias Israël ad me adducas, barbaras etiam gentes à te doceri volo. Hic Patris sermo ostingentis annis virgineum partum præcessit. Hoc igitur Patris decretum tot antè annis promulgatum, pronissimâ voluntate amplexus filius, respondit idem se velle quod Pater. Idcirco Matthæus: In illo tempore, inquit, respondens Iesus dixit. Et cui respondit, nemine interrogante? Aeterno Patri respondit, ante tot sæcula filium alloquenti. Et en quàm lætè filius, voluntatem Patris deosculatus dicat: Ita Pater, quoniam sic fuit placitum ante te, factum à me habeto, Pater; quicquid imperaueris. Sicut autem cælestis Pater cum filio per Isaiam ante tot annos locutus, & filius Patri respondit: Sic cum quouis nostrum ab æterno sermocinatus est Deus; distinctissimè ac ordinatissimè disposuit quo tempore quilibet hominum nasciturus, quo moriturus; auxilium omne consequendæ beatitudini parauit; Præuidit quid quisque per omnem vitam cogitaturus, dicturus, acturus, & quâ ratione auxilia oblata sit accepturus. Cum igitur hac ratione nos Deus ab æterno benignissimè sit affatus, an non æquisissimum, vt & nos suo quisque tempore cum Christo respondeamus, Ita Pater, Ita mi Pater, quoniam sic & sic, atque sic fuit placitum ante te, Ita Pater: idque horis singulis, instaurato aliquoties desiderio ingemineamus, Ita Pater, & hoc ad vltimum vique halitum, constantiâ inuiolabili perpetuemus. Sed plura de hoc infra.

a Nam Isaias pccissus est anno Mundi 3740.

### CAP. III.

#### *Quomodo voluntas hominis ad Dei Voluntatem sit conformanda.*

**D**iximus quid præparationis sit præmittendum, huic voluntatum coniunctioni, & quæ hominis voluntas ad conformationem cum diuinâ censi possit maxime idonea: nunc porro dicendum, quomodo reipsâ voluntas hominis ad Dei voluntatem sit conformanda.

#### S. I.

Optimè Thomas Aquinas dixit, Omnes actiones cum virtute coniunctas, eâ ratione Deo probari, si eo fiant animo, vt diuinæ Voluntati obtemperetur. Nullius meriti est, vitam etiam & sanguinem

guinem prodigere, nisi ad diuinæ Voluntatis placitum. Hoc Pater men vir sanctus assidue monens: Nunquam, inquit, tuam contra diuinam Voluntatem statuas; voluntas tua diuinæ semper sit coniunctissima. Hæc autem coniunctio si vera sit, est sincerissima in omnibus cum diuinâ Voluntate concordia, quæ hominem sic instruit, ut illius assidue sint hæ voces: Sicut Deus vult, sic & ego: quando Deo complacitum est, tunc & mihi.

Laudatissima Ruth socrum suam Noëmi affata: Quocumque, inquit, perrexeris pergam, & ubi morata fueris, & ego pariter morabor. populus tuus, populus meus, & Deus tuus, Deus meus. quæ te terra inorientem susceperit, in eâ moriar. Hæc mihi faciat Deus, & hæc addat, si non sola mors, me & te separauerit. Non aliter homo cum Deo concordans sentit, nec aliter loquitur. Elias olim Elisæo: Sede hîc, inquit, quia Dominus misit me usque in Bethel. Cui Elisæus: Viuit Dominus, & viuit anima tua, quia non derelinquam te. <sup>b</sup> Idque tertium repetijt, hero suo inseparabilis comes adhæsurus. Regi Ioramio suppetias poscenti, Rex Iosaphatus respondit: Ascendam; qui meus est, tuus est: populus meus, populus tuus: & equi mei, equi tui. Ita nos Deo intimis animis coniuncti sumus, uti Ruth cum Noëmi, Elisæus cum Eliâ, Ioramus cum Iosaphato: dicamus ingenti cum fiducia: Voluntas tua, mi Deus, voluntas mea; cor tuum, cor meum: totus sum sub tuo, mi Deus, arbitrio.

Et hanc suæ quisque cum diuinâ Voluntate coniunctionem sedulo curet in rebus omnibus, in negotijs, in officijs, in laboribus omnibus, in morbo, in morte, diuinis placitis semper contentissimus, nec aliud frequentius ore aut corde versans, quàm hoc ipsum: *Fiat Voluntas tua.* Quemadmodum verò virtutes omnes in Christi tormentis effulserunt clariores, sic & orandi ardor. Christus in extremis angustijs: Pater, inquit, si vis, transfer calicem istum à me: Veruntamen non mea Voluntas fiat, sed tua. Non est melior, nec ferè breuior; non est perfectior, non gratior Deo, nec homini utilior oratio præ hac vnâ: Non mea, sed tua voluntas fiat; Non sicut ego volo, sed sicut tu. Dei Voluntas fiat, etsi Orbis ruat. Beata Gertrudis solita est trecenties sexagies ter dicere: O mi amantissime Iesu, fiat voluntas tua. Sed hoc infra explicatiùs monebimus. Cassianus: Quid est, inquit, hoc aliud dicere, *Fiat voluntas tua* sicut in cælo & in terrâ, quàm ut sint homines similes Angelis: & sicut



sicut Voluntas Dei ab illis impletur in cælo, ita etiam hi qui in terra sunt, non suam sed eius vniuersi faciant voluntatem. Hoc quoque nemo ex affectu dicere præualebit, nisi is solus qui Deum credit omnia quæ videntur, vel aduersa vel prospera, pro nostris vtilitibus dispensare, magisque eum pro suorum salute & commodis prouidum atque sollicitum esse, quam nos ipsos pro nobis. <sup>a</sup> Ita Cassiani sensu, in cæli vestibulo iam habitat, qui suam diuinæ Voluntati sic accomodat. In cælo certè innumera millena millia beatorum, vnius sunt voluntatis. Hinc Arsenius Marco Abbati quærenti: ecurr, Pater, ad nos non reuisis? aptè respondit: Cum ijs qui supra nos degunt, melius mihi conuenit, cum omnes idem velint; inter homines tanta ferè voluntatis, quanta vultus dissimilitudo est. Qui autem tam in aduersis quam in prosperis ad diuinum arbitrium se fingit, is probè capit, quid Hebræus Psalter hoc sibi carmine voluerit: Ecce quàm bonum & quàm iucundum habitare fratres in vnum. <sup>b</sup> Et quinam hi fratres? Christus & Vir iustus; neque enim supremus Rex erubescit in hunc fraternitatis affectum conspirare.

<sup>a</sup> Cassi. coll. 9. c. 20. <sup>b</sup> Psal. 132. v. 1.

## §. II.

Ecclesiastes olim, velut rem magnam dicturus: Sapientis, oculi ait, in capite eius. <sup>a</sup> Nunquid ergo homines stulti oculos habent in pedibus aut alibi extra caput? Beati Gregorij interpretatio hæc est: Qui omnem obtutum in Deo Deique Voluntate figit, hic verè sapiens est, hic quotquot habet oculos, capiti gerit infixos.

Epictetus illud Philosophorum sidus æuo Neronis, Domitiani, & M. Antonini, omni fortunâ superior vixit. Vnica anus in ministerio ei fuit, vnica lucerna fictilis (hoc domesticum omne instrumentum) ad diuinas illas lucubrationes: quæ lucerna à morte eius mille drachmis, hoc est, centum philippeis vænijt, in memoriam & honorem tanti viri. Lucianus ceterorum quidem philosophorum irrisor, hunc vnum tamen æstimauit. Hic, inquam, Epictetus præter dissertationes, etiam Enchiridion scripsit cedro & auro exarandum. Hic libellus tantum religiosi spiritus habet, & arcanae sapientiæ, vt eum à viro religiosissimo putes conscriptum: Hic libellus supremi iudicij die in ruborem dabit Christianorum plurimos, qui & spurcissima scripserunt, nec vixerunt sanctiùs. Sed ad lineam. Hic Epictetus ille qui omnem philosophiam in duas traduxit voculas *Susline* & *Abstine*, hic, inquam, de diuinâ voluntate omni

<sup>a</sup> Eccles. c. 2. v. 14.

nisi

tatem in amicitiam admissuro, non idem iuris sit? Quocirca sciat voluntas hominis, iam alijs sibi legibus viuendum, præcipuè istis.

### §. I.

*I. Voluntas infons sit.* Hoc cum primis exigitur. delicatus è cælo sponſus est, sordes & odit, & arcet. Voluntas illi copulanda oderit etiam necesse est omne genus sordium: & ita quidem vt non tantum auaritiæ non studeat, luxuriæ non indulgeat, iracundiæ non obediat, sed etiam si quid propensionis & affectûs sentiat ad hæc inquinamenta, id omne in se viriliter expugnet, nec tantum nolit obscœna cogitare, sed etiam velit castissima quæque meditari. Sed sermo nobis non est de ijs quæ nemini non clara sunt. Aliud est miræ subtilitatis, sed & maximæ celeritatis vitium, Inuidia. Hic Voluntas infons sit, & ab hac lue immunem se præstet. Voluntas ad diuinam conformanda sine omni liuore sit; non inuidiâ alienæ felicitatis tangatur, nec prematur suæ. Nam qui Deo verè coniunctus est, videt quidem alios gratiâ, & opibus florere, non tamen inuidet, sed ad Deum versus: O Domine, inquit, vis illum aut istum ad opulentiam, ad honores euehi, me contemptim neglecto? Non repugno, mi Deus, nec eius rei causam à te postulo. Mihi satis causarum, mihi rationum abundè satis est, tua vna atque vnica Voluntas. Certissimus enim sum, nisi tu id permitteres, & quidem meo bono, non fieret, nec id vllus hominum impetraret, quod te annuente, nullo negotio, & fortè pauculis verbis confectum est. Sed & in ceteris, scio, tuo sit permissu, mi Domine, vt iste me sic allatret, ille me sic tractet, hic ita exagitet me, nunquam illos, quod sciam, læsi; verum in tuâ Voluntate satis ad hoc responsi reperio: Tu hæc permisisti, tu iussisti: sint ergo illi Semei, sim ego David, si tibi sic visum est, mi Deus.

Sanctissimus ille Antiochenus antistes & martyr Ignatius: Frumentum Christi sum, inquit, dentibus bestiarum molar, vt panis mundus inueniar. Ita nimirum nos Deus mensæ suæ præparat dominicum panem. Quid ergo habemus contra homines queri? molares lapides sunt qui nos velut offusum triticum commolunt. Vt hoc alius in animum demittamus, consultissimum est, singulis horis aliquoties animum erigere ad Deum, repetitis precatiunculis: *Benedictus Deus in æternum: Domine quid me sis sacra? Fiat Voluntas tua.* a Hæc prima voluntatis humanæ preparatio est, puram esse à nœuis,

a Vide Horologium Angelî Tutelaris Horæ I & diei.



à næuis, præsertim ab omni similitudine ac inuidentiâ. Sed præterea requiritur.

## §. II.

II. *Voluntas Tolerans.* Cùm quis rebus aduersis agitatur, omne præsidium, à patientiâ petat, dicatque sereno animo: Hoc omne à Deo est, quicquid patior; sed est à Deo per hanc occasionem, per istum hominem, per illam causam in me immissum. Et huius quidam rei tam certus sum, atque viuere me scio. Hic plurimis aqua hæret, qui non eâ fide in Deum pollent, vt sibi certò persuadeant, tam aduersa & omnes malignos euentus à Deo esse, quàm prospera & optatissimos successus. Si hoc certum haberemus, quod in se certissimum, non faciliè quidquam impatienti aut deiecto animo ferremus, nec toties illis vocibus vrgendi essemus: *Vos modice fidei.* At verò aduersa omnia à Deo, per quemcunque tandem, ad nos deriuari, Christus sic demonstrans: Nonne duo passeret, inquit, asse vaneunt & vnus ex illis non cadet super terram sine patre vestro. Idem repetens: Nonne quinque passeret vaneunt dipondio, inquit, & vnus ex illis non est in obliuione coram Deo? Sed & capilli capitis vestri omnes numerati sunt. Nolite ergo timere, multis passeribus meliores estis vos. Itane Deus cum passerculo in terram cadit? certè Voluntas Dei, quippeni Deus ipse, qui sicut in rebus creatis omnibus assidue operatur, ita cum pisce natat, ita cum aue volat, cum angue serpit, cum quadrupede incedit; non deserit Deus ea quæ condidit. Licet ergo toties tot alaudarum millia casibus simul irretiantur, harum tamen nulla & nec minima quidem alaudula sine Voluntate Dei capitur: *Quæ ex illis non cadit super terram sine patre caelesti.* Quod autem prouidentissimam Dei Voluntatem attinet, eadem & Aquilæ, & passerculi, & hominis est ratio. Si ergo auicularum nulla in aucupatoriam aream delabatur sine Dei Voluntate, & tu Homo ad Conditoris imaginem factus, Regni futurus hæres, te vllis aduersis exerceri, te iniuriâ, te damnis, te tristitiâ credis affici, Deo non singulariter volente? Vt autem exactius hoc ipsum caperemus, nec temerè vnquam diceremus, rerum animatarum duntaxat Deo hanc curam esse, addidit Seruator: Omnes capilli capitis vestri numerati sunt. Quis hominum vnquam capillorum suorum numerum inire potuit? Deus in numero habet tam omnium quàm vnius hominis, & nolente Deo nullus subtrahetur. Quotiescunque igitur in rebus aduersis patienti-

am abiicimus, malè alijs imprecamur, modò huic, modò illi culpam impingimus, & velut è plauistro conuitia serimus, maximum Fidei defectum in nobis aperimus: nimirum illorum, quæ nos mala vocamus, Deum auctorem facere veremur fallaci pietate.

Fuit cum in mari solus Ioannes, ceteris discipulis id ignorantibus, agnosceret dominum diceretque: Dominus est. Plurimi sunt qui inter rerum turbatarum fluctus non agnoscant turbati maris auctorem Deum, sed in eos, quos hostes putant, acerrimè stomachantes: Ille semisus homo, aiunt, ille nebulo, hic furcifer, iste renebrio, illud flagitium hominis, hoc mihi malum fabricauit; ab illo bipedum nequissimo hæc in me cusa est faba. At longè aliter loqui assuevit *Voluntas Tolerans*. Hoc omne malum, inquit, à Deo est: Deus me castigat meritisimò: Dominus est, quod bonum est in oculis suis faciat. Sed progrediamur.

## §. III.

**III. *Voluntas Hilaris*.** Hæc hominem sic instruit vt tam victum quàm ceteris omnibus, quæ quotidie velut è manu Dei accipit, sit contentissimus. Hic talis homo: Mi Domine, inquit, satis est quicquid mihi das, etsi auaritiæ meæ id subinde parum videatur; nec istud quidem vllò modo sum meritus; tu nimis in me liberalis es: ego equidem vel aère quem haurio, indignum me sentio.

Nunquam queri solet diuinæ Voluntatis studiosus; nemo audierit ex illo talia: Vix ego victum mihi comparo; alij lautissimè viuunt, & nec dimidium mei laboris suscipiunt; parum serunt & amplissimas colligunt segetes. Optimè olim Venusinus vates quæsiit:

*Quis sit Mecenas, Et nemo quam sibi sortem*

*Seu ratio dederit, seu fors obiecerit, illa*

*Contentus viuat? laudet diuersa sequentes, a*

Hinc est, mi Poëta, hinc est, quòd diuinæ Voluntati tam ægrè acquiescamus. Cupiditas nostra in alia atque alia, & sæpe in longinqua fertur, nec est finis concupiscendi. Cum verò concupita non obtinemus, in querelas & murmura soluimur. Angustus animus est quem tantò opere delectant terrena.

Heliotropium nobis assidue ante oculos versetur, de quo eleganter Plinius: Heliotropij miraculum, inquit, sapius diximus, cum sole se circumagentis, etiam nubilo die: tantus fideris amor est. Notu verò velut eius desiderio contrahit cæruleum florem. <sup>b</sup> Nota, mi homo, heliotropium etiam nubilo die circum agere se cum sole,

amore



amore solis. Sol noster, Voluntas Dei est: hæc nobis non semper extra nubem illucet, serenis turbidi dies miscentur, quos pluuia, venti, grandines infestant. Nemo Christianorum est, qui non sæpius sentiat hanc cæli gravitatem & turbulentas tempestates. At nos instar heliotropij cum sole nostro, cum diuinâ Voluntate nosipos circumagamus diebus etiam nubilis: tantus sit nostri fideris illius amor. Et sanè nulla nobis vnquam tranquillitas obtinget, innumera hinc illic displicebunt, à nullâ re satisfiet, nunquam forte nostrâ contenti erimus, omnia deesse videbuntur, etsi adsint omnia: nunquam extra metum, frequenter oppressi tædio, perturbati, pusillanimes, pleni querelarum & liuoris, nunquam non miseri erimus, quamdiu non ad hunc solem, diuinam Voluntatem nos circumegerimus, vt heliotropium. Fixissimis & inconniuis oculis sol iste nobis assiduè aspiciendus est quocunque se vertat, hoc vnicum in animo semper volutandum: Ita Deo placet, ita & mihi: vitæ mortisque regula mihi est vnica Dei Voluntas: Sicut domino placuit, ita factum est, ita fiet, sit nomen domini benedictum. Nunc quidem sol noster nube abditur, sed breuî latum os exeret extra hanc nubem mœroris. Vide omnium sæculorum decursus, variisque rerum euentus non rarò nubilos post serena principia, sæpe serenos post initia nubila. Sic igitur nos comparemus, vt ante omnem euentum nihil magis velimus quàm sequi diuinam Voluntatem. Ex Hebræis olim litteratus quispiam, verbis certè promptissimus, Christo se traditurus: Magister, inquit, sequar te, quocunque ieris. « Ita nos quâ verbis quâ factis promptissimi ad omnem diuinæ Voluntatis nutum, sequamur quocunque ierit.

a Matth. c. 8. v. 19.

#### §. IV.

*IV. Voluntas Longanimis.* Pleraque omnia nostra corrumpimus longanimitatis defectu. Israël's populus Moïsi in monte moras pertractus ad idola se vertit, & vitulum aureum pro Deo sibi statuit, emanationem nimis diuturnam caussatus. Ita duo illi viatores Emmauntem tendentes: Et nunc, aiunt, super hæc omnia tertia dies est hodie quòd hæc facta sunt. « Est, ô viri boni, dies tertia, sed nunquid hæc tertia dies iam abiit, an nihil temporis superest reuiuiscendi; siccine omnis vestra longanimitas consumpta est? O non longanimes! si dies hæc tertia transisset, si quarta vel quinta iam aduenisset, videremini cum ratione despondere animum. At cum tertiam hanc diem necdum ad vesperem deduxeritis, quid

est quodd de rediuiuo domino tam præproperè diffiditis? Ad vota nostra nimis quàm præproperi sumus, & nisi mox fiat quod cupimus, omnem spem nostram in impatientiam aut etiam desperationem præcipitamus. Longè aliter Deus: Miserator & misericors dominus, longanimis, & multum misericors. *a* Nec vult perire animam, sed *retractat*, cogitans ne penitus pereat qui abiectus est. & Auarus, sestetium bis terue manu versat dum expendat, sic Deus ad pœnas tardus quasi *retractat* antequam decretoriâ sententiâ feriat, & in gehennam mittat ac supplicia.

Nos, & modicæ fidei, & curtæ spei, si quid à Deo bis terue petierimus, nec impetremus, spem omnem abijcimus, & more mendicorum, qui si ante domum clamore aut pulsu stipem aliquoties rogarint, nec auditi fuerint, dicunt: Nemo est domi. Pulsate, ignaui, pulsate; pulsantibus panditur hoc ostium. Quàm in rebus alijs obstinatæ sæpe longanimitatis sumus! sunt qui officium aliquot annis ambiant, & non rarò frustra. Pinguior hæreditas quàm suau patientiâ expectatur? & ne moras nimium sentiat hæres, temporis velocitate se solatur. Nos tamen ordinationi diuinæ metas figimus & tempus præscribimus; nimium nobis cunctatur in morbis opitulatrix Dei manus; vociferamur: Et quando tandem domine, cur moraris? quid differs opem? quamdiu supplicandum? tot iam annis clamo, nec exaudis. Nisi domine succurras hoc anno, precari desinam, & actum putabo. In hoc certè non ab similes sumus Bethulæ ciuibus, qui: Contestamur, aiunt, hodie cælum & terram, &c: vt iam tradatis ciuitatem in manu militiæ Holofernis, vt sit finis noster breuis in ore gladij, qui longior efficitur in ariditate sitis. O minimè longanimes! itane rebus omnibus desperatis ciuitas tradenda hosti? an nullum è cælo auxilium sperandum? Hanc ciuium extinctam longanimitatem non modicè fouit Ozias sacerdos, qui lacrimis infusus: *Æquo animo, estote* fratres, inquit, & hos quinque dies expectemus misericordiam. Forsitan enim indignationem suam abscindet, & dabit gloriam nomini suo. Si autem transactis quinque diebus, non venerit adiutorium, faciemus hæc verba quæ locuti estis. *c* O mi Ozia, ô sacerdos, quàm hîc non altum sapis supra vulgus! Siccinè vos tempus Deo admetiri, & ferendæ opis constituere diem? adeone omnis apud vos non extincta tantum sed & sepulta est longanimitas? Non tulit hoc generosissima Iudith, & accersitis presbyteris:

Quod



Quod est hoc verbum, inquit, in quo consentit Ozias, vt tradat ciuitatem Assyrijs, si intra quinque dies non venerit vobis adiutorium? Et qui estis vos qui tentatis dominum? non est iste sermo qui misericordiam prouocet, sed potius qui iram excitet, & furorem accendat. Posuistis vos tempus miserationis domini, & in arbitrium vestrum diem constituistis ei. Quid ergo faciendum suades ô Iudith? Dicamus flentes domino, vt secundum voluntatem suam sic faciat nobiscum citò misericordiam suam. expectemus humiles consolationem eius. \* Hac sanè ratione Longanimitis voluntas sic Deo coniungit hominem, vt quantumcunque afflictus, dicat tamen: Secundum voluntatem tuam, ô Deus, sic facias mecum misericordiam tuam: ô Domine, etsi decem annis, etsi viginti aut triginta, etsi annis quinquaginta ad te clamauero, clamare tamen non cessabo, nullos tibi terminos figo: & quamuis scirem me penitus à te non audiendum, id me tamen fides docet infallibilis, me vacuum à te non dimittendum; si neges petita, dabis meliora. Itaque si moram feceris, expectabo te, quia veniens venies, & non tardabis. *b*

*a* Iudith. c. 8. à v. 10. ad 20. *b* Abac. c. 2. v. 3. vide. plura de hoc infra l. 4. c. 5.

## §. V.

*V. Voluntas Ardens.* Hæc in eo consistit vt non tantum velit aut nolit, quod vult Deus aut non vult, sed propter hoc ipsum Dei *Nolle* aut *Velle*, illud respuat, istud admittat, ardenti studio, nec vllam aliam habeat causam hoc agendi, hoc omittendi quam diuinum beneplacitum. Hominem hac voluntate præditum si quis interroget, cur istud nolit, hoc velit, non aliud se causæ habere respondebit, quam quod Deum id nolle, & velle istud comperiat. Amo, inquit Bernardus, quia amo, amo vt amem, amor enim est qui amatur. \* Augustini monitum est: Oportet nos in eundem affectum transire, vt sicut Deus omnia voluit esse propter seipsum, ita nos quoque nec nos ipsos nec aliud esse velimus, nisi propter Deum & ipsius voluntatem. Neque aliter Epictetus: Quid verò est, inquit, dedere se Deo? Vt quod ille voluerit, & ipse velit, & quod ille noluerit, nec ipse velit. Quis ergo, istud fiet? Quomodo fieret aliter, quam si consideret quispiam voluntatem Dei & gubernationem.

Vigente lege priscâ voluit Deus, vt omnis supellex Altari & Tabernaculo dicata hyacinthino velo inuolueretur, & sic inuoluta portaretur à Leuitis. Iubentis verba hæc erant: Omnia vasa quibus mini.

explicationem. Cælestis Pater iam olim per Isaïam vatem allocutus filium: Et dedi te, inquit, in fœdus populi, in lucem gentium. Perinde si dicat: parum mihi est vt reliquias Israël ad me adducas, barbaras etiã gentes à te doceri volo. Hic Patris sermo octingentis annis virgineum partum præcessit. Hoc igitur Patris decretum tot antè annis promulgatum, pronissimã voluntate amplexus filius, respondit idem se velle quod Pater. Idcirco Matthæus: In illo tempore, inquit, respondens Iesus dixit. Et cui respondit, nemine interrogante? Æterno Patri respondit, ante tot sæcula filium alloquenti. Et en quã lætè filius, voluntatem Patris deoscuratus dicat: Ita Pater, quoniam sic fuit placitum ante te: factum à me habeto, Pater; quicquid imperaueris. Sicut autem cælestis Pater cum filio per Isaïam ante tot annos locutus, & filius Patri respondit: Sic cum quouis nostrum ab æterno sermocinatus est Deus; distinctissimè ac ordinatissimè disposuit quo tempore quilibet hominum nasciturus, quo moriturus; auxilium omne consequendæ beatitudini parauit; Præuidit quid quisque per omnem vitam cogitaturus, dicturus, acturus, & quã ratione auxilia oblata sit accepturus. Cùm igitur hac ratione nos Deus ab æterno benignissimè sit affatus, an non æquissimum, vt & nos suo quisque tempore cum Christo respondeamus, Ita Pater, Ita mi Pater, quoniam sic & sic, atque sic fuit placitum ante te, Ita Pater: idque horis singulis, instaurato aliquoties desiderio ingeminemus, Ita Pater, & hoc ad vltimum vsque halitum, constantiã inuiolabili perpetuemus. Sed plura de hoc infra.

a Nam Isaïas percussus est anno Mundi 3740.

### CAP. III.

#### *Quomodo voluntas hominis ad Dei Voluntatem sit conformanda.*

**D**iximus quid præparationis sit præmittendum, huic voluntatum coniunctioni, & quæ hominis voluntas ad conformationem cum diuinã censeri possit maximè idonea: nunc porro dicendum, quomodo reipsã voluntas hominis ad Dei voluntatem sit conformanda.

#### S. I.

Optimè Thomas Aquinas dixit, Omnes actiones cum virtute coniunctas, eã ratione Deo probari, si eo fiant animo, vt diuinæ Voluntati obtemperetur. Nullius meriti est, vitam etiã & san-



guinem prodigere, nisi ad diuinæ Voluntatis placitum. Hoc Pamen vir sanctus assidue monens: Nunquam, inquit, tuam contra diuinam Voluntatem statuas; voluntas tua diuinæ semper sit coniunctissima. Hæc autem coniunctio si vera sit, est sincerissima in omnibus cum diuinâ Voluntate concordia, quæ hominem sic instruit, vt illius assidue sint hæ voces: Sicut Deus vult, sic & ego: quando Deo complacitum est, tunc & mihi.

Laudatissima Ruth socrum suam Noëmi affata: Quocumque, inquit, perrexeris pergam, & vbi morata fueris, & ego pariter morabor. populus tuus, populus meus, & Deus tuus, Deus meus. quæ te terra inorientem suscepit, in eâ moriar. Hæc mihi faciat Deus, & hæc addat, si non sola mors me & te separauerit. Non aliter homo cum Deo concordans sentit, nec aliter loquitur. Elias olim Elisæo: Sede hîc, inquit, quia Dominus misit me vsque in Bethel. Cui Elisæus: Viuit Dominus, & viuit anima tua, quia non derelinquam te. <sup>b</sup> Idque tertium repetijt, hero suo inseparabilis comes adhæsurus. Regi Ioram suppeticas poscenti, Rex Iosaphatus respondit: Ascendam; qui meus est, tuus est: populus meus, populus tuus: & equi mei, equi tui. Ita nos Deo intimis animis coniuncti sumus, vt Ruth cum Noëmi, Elisæus cum Eliâ, Ioram cum Iosaphato: dicamus ingenti cum fiducia: Voluntas tua, mi Deus, voluntas mea; cor tuum, cor meum: totus sum sub tuo, mi Deus, arbitrio.

Et hanc suæ quisque cum diuinâ Voluntate coniunctionem sedulo curet in rebus omnibus, in negotijs, in officijs, in laboribus omnibus, in morbo, in morte, diuinis placitis semper contentissimus, nec aliud frequentius ore aut corde versans, quàm hoc ipsum: *Fiat Voluntas tua.* Quemadmodum verò virtutes omnes in Christi tormentis effulserunt clariores, sic & orandi ardor. Christus in extremis angustijs: Pater, inquit, si vis, transfer calicem istum à me: Veruntamen non mea Voluntas fiat, sed tua. <sup>c</sup> Non est melior, nec ferè breuior; non est perfectior, non gratior Deo, nec homini utilior oratio præ hac vnâ: Non mea, sed tua voluntas fiat; Non sicut ego volo, sed sicut tu. Dei Voluntas fiat, etsi Orbis ruat. Beata Gertrudis solita est trecenties sexagies ter dicere: O mi amantissime Iesu, fiat voluntas tua. Sed hoc infra explicatiùs monebitur. Cassianus: Quid est, inquit, hoc aliud dicere, *Fiat voluntas tua* sicut in cælo & in terrâ, quàm vt sint homines similes Angelis: & sicut

Sicut Voluntas Dei ab illis impletur in cælo, ita etiam hi qui in terrâ sunt, non suam sed eius vniuersi faciant voluntatem. Hoc quoque nemo ex affectu dicere præualebit, nisi is solus qui Deum credit omnia quæ videntur, vel aduersa vel prospera, pro nostris vtilitibus dispensare, magisque eum pro suorum salute & commodis prouidum atque sollicitum esse, quàm nos ipsos pro nobis. <sup>a</sup> Ita Cassiani sensu, in cæli vestibulo iam habitat, qui suam diuinæ Voluntati sic accomodat. In cælo certè innumera millena millia beatorum, vnius sunt voluntatis. Hinc Arsenius Marco Abbati quærenti: ecurr, Pater, ad nos non reuisis? aptè respondit: Cum ijs qui supra nos degunt, melius mihi conuenit, cum omnes idem velint; inter homines tanta ferè voluntatis, quanta vultûs dissimilitudo est. Qui autem tam in aduersis quàm in prosperis ad diuinum arbitrium se fingit, is probè capit, quid Hebræus Psalter hoc sibi carmine voluerit: Ecce quàm bonum & quàm iucundum habitare fratres in vnum. <sup>b</sup> Et quinam hi fratres? Christus & Vir iustus; neque enim supremus Rex erubescit in hunc fraternitatis affectum conspirare. <sup>a</sup> Cassi. coll. 9. c. 20. <sup>b</sup> Psal. 133. v. 1.

## §. II.

Ecclesiastes olim, velut rem magnam dicturus: Sapientis, oculi ait, in capite eius. <sup>a</sup> Nunquid ergo homines stulti oculos habent in pedibus aut alibi extra caput? Beati Gregorij interpretatio hæc est: Qui omnem obtutum in Deo Deique Voluntate figit, hic verè sapiens est, hic quotquot habet oculos, capiti gerit infixos.

Epictetus illud Philosophorum sidus æuo Neronis, Domitiani, & M. Antonini, omni fortunâ superior vixit. Vnica anus in ministerio ei fuit, vnica lucerna fictilis (hoc domesticum omne instrumentum) ad diuinas illas lucubrationes: quæ lucerna à morte eius mille drachmis, hoc est, centum philippeis vænijt, in memoriam, & honorem tanti viri. Lucianus ceterorum quidem philosophorum irrifor, hunc vnum tamen æstimauit. Hic, inquam, Epictetus præter dissertationes, etiam Enchiridion scripsit cedro & auro exarandum. Hic libellus tantum religiosi spiritûs habet, & arcanae sapientiæ, vt eum à viro religiosissimo putes conscriptum: Hic libellus supremi iudicij die in ruborem dabit Christianorum plurimos, qui & spurcissima scripserunt, nec vixerunt sanctiùs. Sed ad lineam. Hic Epictetus ille qui omnem philosophiam in duas traduxit voculas *Sustine* & *Abstine*, hic, inquam, de diuinâ voluntate omni

<sup>a</sup> Ecclesi. c. 2. v. 14.



nisi sectandâ prorsus diuinè philosophatur. Libet illius verba huc fidelissimè transferre. Appetitum meum, inquit, obedientem præbui Deo: vult ille me febricitare: volo & ipse. Vult me aliquâ re potiri: volo & ipse. Non vult: nolo. Mori me vult: Mori igitur volo. Quis adhuc me prohibere potest contra meam sententiam, aut cogere? Non frontem ducis, ô Christiane, non erubescis, refractarie, ad has voces? Sed pergit Epictetus: Vir prudens ita rem considerat, hanc rationem secum init: si Deo se dederit, se iter tutò confecturum. Quid est istud, Dedere se Deo? Vt quod ille voluerit, & ipse velit; & quod ille noluerit, & ipse nolit. Quî ergo istud fiet? Quomodo fieret aliter, nisi considerandâ Dei Voluntate & administratione. Quid mihi dedit meum & mei iuris: quid sibi ipse reservauit? Liberam voluntatem mihi dedit: & quæ in meâ potestate sunt, ea nec impediri nec prohiberi posse voluit. Corpus autem luteum quomodo potuit tale efficere, vt à nemine prohiberetur? Subiecit igitur sub vniuersitatis circuitum possessiones, vasa, ædes, liberos, vxorem. Quid ergo Deo repugno? Quid volo ea quæ velle non debeo, vt ea quæ mihi data non sunt, quouis modo consequar? Vt data sunt, & quatenus fieri possunt. At is qui dedit, aufert iterum. Quid ergo repugno? Ita prorsus, mi optime Epictete, ita se res habet: ecquid miseri repugnamus diuinæ Voluntati? vndique conclusi sumus: si duci nolumus, trahemur, aut raptabimur. Seneca de absolutâ libertate differens: Quæris, inquit, quæ sit ista? Non homines timere, non Deos: nec turpia velle, nec nimia: in seipsum habere maximam potestatem. Inæstimabile bonum est, suum fieri. <sup>b</sup> At verò suus fieri nemo potest, qui non prius sic Dei fiat, vt omnia cum Deo aut nolit, aut velit. Animus qui suus fieri cupit, vtiq; ab omnibus externis in se reuocandus est: recedat, quantum potest, ab alienis, & se sibi applicet, damna non sentiat, etiam aduersa benignè interpretetur. <sup>c</sup> Hic animus suus esse se incipit, hæc animi libertas est. Nec aliter Augustinus: Bonus, inquit, etiam si seruiat, liber est; malus, etiam si regnet, seruus est, tot dominorum quot vitiolorum. <sup>d</sup>

<sup>a</sup> Epictet. l. 3. dissert. c. 26. paullo ante finem. <sup>b</sup> Senec. epist. 75. fine.

<sup>c</sup> Senec. de tranquill. c. 14. <sup>d</sup> Aug. l. 4. de Ciui. c. 3.

### §. III.

Fortissimus heros Iudas Machabæus, militibus in hostem inflammandis: Accingimini, inquit, & estote filij potentes, vt pugnetis aduersus nationes. Sicut autem fuerit voluntas in cælo sic fiat. <sup>a</sup>

<sup>a</sup> 1. Machab. c. 3. v. 58, & 60.

Hoc agamus, viri, & ad nutus divinos stemus paratissimi, seu nos vinci, cadere, mori; seu vincere nos velit Deus, & triumphare: sicut fuerit voluntas in caelo, sic fiat. Sic Ioab pugnam initurus periculosiorem, ad Abisai fratrem: Esto vir fortis, inquit, & pugnemus pro populo nostro, & ciuitate Dei nostri: Dominus autem faciet quod bonum est in conspectu suo. <sup>a</sup> Summi momenti est, in omnibus sic animum instruere, vt omnem rei euentum diuinæ adscribat providentiæ. Fit enim non raro, vt viri docti, prudentes, bellicosi, sancti, & fortiter agant & peritè, exitu tamen iniuncte secundo, qui tamen non minus in Dei providentiâ referendus, quàm felicissimus quilibet successus. Ea de causâ Ecclesiastes: Vidi sub sole, inquit, nec velocius esse cursum, nec fortius bellum, nec sapientiam panem, nec doctorum diuitias, nec artificum gratiam: sed tempus casumque in omnibus. <sup>b</sup> Casum vocat, quod nobis videtur tale, non Deo. Nil profectò rari est intelligentem & industrium spe suâ fraudari: hoc nos malum casum censemus. At Thomas Aquinas è verbis Ecclesiastæ rectè colligi affirmat, Nihil esse à casu, aut præter voluntatem ac præscientiam causæ primæ. Casus enim inveniuntur in rebus tempori obnoxiijs, & humanæ scientiæ subiectis: diuina vis & providentia omnia ab omni æternitate præsciuit, omnia labente ævo moderatur, & in destinatos certosque fines dirigit, dum sua cuique tempora, suas humanis conatibus varietates præstituit, vt vel sic diuinæ providentiæ imminores, ab inopinatis casibus aduersisque euentibus discant, suis viribus non nimium tribuere, sibi que persuadeant à diuino nutu pendere omnia. Fortuna priscis tantoperè culta nunc quid est? versatilis sed inanis ex Orco larua. Numen illud quod cuncta pro arbitrio seu aduersa seu prospera mortalibus partitur, ipsissima Dei providentia est. Versat Deus sanctissimâ Voluntate suâ & Providentiâ res humanas instar volubilis rotæ; sortes cæcas & incertas ipse temperat, *Formans lucem & creans tenebras, faciens pacem & creans malum. Ipse Dominus faciens hæc omnia* c Priscis Fortuna fuit Bicolor, quàm duplici fingeant vultu, albo anteriore & splendido, posteriore atro, vt penes quatuor boni ac mali sit arbitrium. Hæc puerorum deliria sunt. Bona & mala, vita & mors, paupertas & honestas à Deo sunt. <sup>d</sup> Ad rem Seneca sibi met obijciens, & diluens obiecta: Sequitur pars, inquit, quæ solet non immeritò contristare, & in solitudinem deducere, vbi bonorum

pp

exitus

<sup>a</sup> 2 Reg. c. 10. v. 12.<sup>b</sup> Eccle. c. 9. v. 11.<sup>c</sup> Ille. 45. v. 7.<sup>d</sup> Eccle. c. 21. v. 14.



exitus mali sunt. Vt, Socrates cogitur in carcere mori, Rutilius in exilio viuere, Pompeius & Cicero clientibus suis præbere ceruicem &c : & quid sibi quisque nunc speret, cum videat pessima optimos pati? *Responsum audi.* Quid ergo est? Vide, quomodo quisque illorum tulerit : & si fortes fuerunt, ipsorum animos desidera; si muliebriter & ignauè perière, nihil periit. Aut digni sunt, quorum virtus tibi placeat : aut indigni quorum desideretur ignauia. *a* Hæc illa ipsissima sunt, quæ de improborum felicitate, proborum terumnis, quæ de Sanctorum iminaturâ & acerbâ morte Iob, Dauid, Hieremias, Abacuc, & passim alij Prophetæ queruntur. At hic Casus & Fortuna nil sui habent. Vniuersa hæc à prouidentissimo Deo in certos quosque fines sapientissimè disponuntur. Plura de his inferiùs.

*a* Sen. de Tranquill. c. 15.

#### §. IV.

Israëlitæ olim Beniamitas ob turpe facinus oppugnaturi, verum oraculum consuluerunt, quis futurus esset dux belli? Respondit Deus : Iudas sit dux vestet. *a* Læti hoc responso, & iam pænè certi de victoriâ, magno exercitu, ingenti animo in Beniamitas mouerunt. Et tamen turpissimè victi, viginti duo millia suorum desiderarunt, qui omnes vno prælio sunt cæsi. Sed rursus hanc certaminis aleam subituri, oraculum denudè consuluerunt, non sine prolixis & precibus & ieiunijs, *ita vt prius ascenderent & flecterent coram Domino, & sique ad noctem.* *b* Quibus oraculum iterum præcepit : Ascendite ad nos, & inite certamen. Fecerunt vt iussi : & quia iam secundum iubente Deo in aciem exhibant, optima quæque sibi polliciti, erectis in victoriam animis commiserunt pugnam, & tamen iterum à Beniamitis fugati & cæsi, vt prius, octodecim millibus Israëliitarum in acie prostratis. Et quid hoc tandem rei? Suos Deus bis iussit configere, neutro tamen prælio victoriam reportarunt, amissis quadraginta millibus selectorum militum. Quis hos Dei iussus capiat? Tertium denique omnes Israëlitæ in ædem sacram coeuntes, largis lacrimis, inusitatis ieiunijs, & copiosis victimis Deo supplices facti, super statu suo interrogarunt, & an iterum in aciem exeundum, & signa cum Beniamitis conferenda. Quibus Deus respondit tertium in hæc verba : Ascendite, cras enim tradam eos in manus vestras. *c* Pronum hîc fuit pusillanimitati cogitare : Bis iam pugnam suasit oraculum, euentu semper infelicissimo, quis ultra

*a* Iudic. c. 20. v. 18. *b* Ibid. v. 23. *c* Ibid. v. 28.

ultra in exitium ruat: pugnet qui velit; sedere domi tutissimum. Sed eicit Fiducia in Deum, quæ denuò iussit armis decernere, felici demum successu, cæsis Beniamitarum viginti quinque millibus. Hic duo notatu dignissima: Primum, Occultissima Dei iudicia nulli mortalium scrutanda: Alterum, Perseuerans in Deum Fiducia, de quâ nos suo loco plura monebimus. In his omnibus ad solam Dei Voluntatem incontinentibus & irretortis oculis respiciendum: Nemo turbetur, si bonam causam effectus sequatur malus, si optima principia finem fortiantur infaultum. Inuadit temperantissimos morbus; validissimos phthisis; innocentissimos poena; secretissimos tumultus. Hic in solâ Dei Voluntate acquiescendum. In alijs liceat dicere, *PLVS VLTRA*; in his talibus, *NON VLTRA*. Deus est enim qui operatur in nobis, & velle & perficere, pro bonâ voluntate. *b*

*a* Senec. epist. 97. *b* Philip. c. 2. v. 13.

## §. V.

Pelagius priscus scriptor commemorans: Pastorem abbatem, inquit, interrogauit Ioseph hoc modo: Dic Pater: quomodo fiat Monachus? Cui Pastor: Si vis, inquit, requiem inuenire in hoc & in altero sæculo, dic in omni causâ: Quis sum ego vt meam voluntatem aut iudicium diuino præferam? dein caue, quemquam iudices, nam Deus hîc habet sanctos suos in omni statu. Consilium saluberrimum. Certè Deus à nemine leges accipit, nec ulli rationem reddit de suis actionibus. hic omnis mortalium sapientia altum sileat, & diuinæ Voluntatis vestigia vbique longè adoret. Quia omne quod voluerit faciet, & sermo illius potestate plenus est: nec dicere ei quisquam potest: Quare ita facis? *a*

Sicut autem in vrbibus plerumque ad horologium primum unum diriguntur cetera omnia: Ita prorsus æquissimum est, vt nostra nos horologiola, voluntatem quisque suam, ad illud supremum, cæleste, magnitudinis infinitæ horologium, hoc est, ad diuinam Voluntatem attemperemus. Nota vox est fidelissimi serui ad Christum dominum: Nihil amatorem tuum & cognitorem beneficiorum ita latificare debet, sicut voluntas tua in eo, & beneplacitum æternæ dispositionis tuæ &c: Nam voluntas tua, & amor honoris tui, omnia excedere debet. *b* Sed vt oculis penè cernamus, quâ ratione quoue modo humana Voluntas cum diuinâ sit uiuenda, en nobilissimum huiusce rei specimen.



Franciscus Borgia, Dux Gandiæ, cum coniuge Leonorâ ipso s  
 duodeuiginti annos mirâ concordia exegit. Ægrotante illâ, quod  
 alterâ sui parte spoliari se videret, orare frequentius, piorum etiam  
 hominum precibus adhibitis, eleemosynis atque ieiunijs. Solus  
 aliquando conclaue, remotis arbitris ingressus, obnixè & fufis la-  
 criinis obtellabatur Deum, saluam coniugem superstitemque vel-  
 let: cùm ecce tibi vocem quandam interiorem clarè audire visus  
 est, vt post ipse retulit, quæ diceret: *Vxorim si diutius superesse vis,  
 arbitratu tuo fiat: sed tibi non expedit.* Quâ re turbatus, minimè du-  
 bitauit Dei vocem esse: tacitè enim redargui se quod ignoraret  
 quid peteret. Ita rursus in lacrimas solutus, has ex imo pectore  
 prorupit voces: *Domine Deus, Unde hoc mihi, Et arbitratu committas  
 meo, quod in tuâ solius est potestate? Mea permagni resert, tuam sequi  
 in omnibus Voluntatem. Quis enim rectius nouit quid è re meâ sit, quam  
 tu mi Deus? Tua itaque Voluntas fiat: nec de Sore solùm, sed de liberis  
 etiam, deque me statuas, rogo, quicquid tibi placuerit: fiat Voluntas tua.*  
 Obseruatum est eo tempore coniugis morbum, statum quem-  
 dam tunc tenuisse, vt dubitarent medici, deteriusne an meliuscu-  
 le haberet: post has verò preces ad desperationem laborare  
 cœpisse.

a Franc. Schortus in vitâ Borg. l. 1. c. 12.

## §. VI.

Sic in difficillimis quibusque rebus voluntas nostra conforman-  
 da est ad diuinam. Et en alterum huius conformationis specimen  
 multò præclarissimum. Iessæus Rex Dauid, adeò arcto consen-  
 sionis nexu voluntatem suam cum diuinâ copulauit, vt Deus sibi  
 de hoc viro quasi gratulatus dixerit: Inueni Dauid filium Iessæ, vi-  
 rum secundum cor meum, qui faciet omnes voluntates meas. a In-  
 ueni, inquit, tanquam si sollicitè quæsiisset, & diu, dum inueniret,  
 expectasset. Hoc à Deo elogium Hebronis regi concessum, omnes  
 honorum titulos excedit.

Christus in nullo non obsequentissimus Patri, suo ad id exem-  
 plo nos cohortatus: Quia descendi, inquit, de cælo, non vt faciam  
 voluntatem meam, sed voluntatem eius qui misit me. b Et: Meus  
 cibus est vt faciam voluntatem eius qui misit me, vt perficiam  
 opus eius. Ideò enim de cælo descendi. Et ne quis forsan quera-  
 tur, *Pater filio, non seruis*: En, adest filius, attendite quid ei Pater  
 imperaturus sit; nec postreimissimus quidem seruorum eiusce-  
 modi

modi iussa faceret. Cui vestrū, ô peruicaces, tantum laboris iniunxit, vt filio: quem vnquam tantis & irrisiōibus, & calumnijs, & cruciatibus obiecit atque filium, qui Patri obediens fuit vsque in Pilati prætorium, vsque ad columnam funestam, vsque in rupem Golgothanam, vsque ad crucem ignominiosissimam, & acerbissimam mortem, vsque in sepulchrum non suum, vsque in manium ergastulum: Ideo descendit, ait de cælo, vt huius Patris voluntati me perfectissimè subijcerem. Quid ergo faciant serui, si hæc filius? Idcirco Christus præcepta sua omnia in compendium conferens: Non omnis, inquit, qui dicit mihi Domine, Domine, intrabit in regnum cælorum: Sed qui facit voluntatem Patris mei qui in cælis est, ipse intrabit in regnum cælorum. Quisquis in eum sese ordinem redigit vt quantus quantus est, diuinæ se Voluntati penitissimè committat, is iam in tutissimi montis fastigio degere incipit, habetque infra se sub pedibus nimbos, grandines, fulgura, fulmina & omnem cæli iniquitatem, omnes mortalitatis vicissitudines, extra metum positus, nisi quod vnicum hoc timeat, ne non satis cum diuinâ Voluntate consentiat, eâ de causâ assidue clamat: Fiat voluntas tua, sicut in cælo & in terrâ. Sed de hoc pluscula capite sequenti,

a. Marth. c. 7. v. 22.

## CAP. IV.

*Quo animo precandum: Fiat voluntas tua sicut in cælo & in terrâ.*

CÆlestem magistrum discipuli rogantes: Domine, inquiunt, doce nos orare, sicut docuit & Ioannes discipulos suos. Annuït magister, &: Sic ergo, inquit, vos orabit: Pater noster qui es in cælis, sanctificetur nomen tuum. Adueniat regnum tuum. Fiat voluntas tua sicut in cælo, & in terrâ &c. Sed, ô Deus, quàm difficilis est hæc oratio! nimium dispares sumus, illi in cælo beatissimi spiritus, & nos exules in hac valle meri absynthij feracissima: Superis illis omnia ad votum fluunt, nec est quidquam quod ijs possit non placere; è contrario nobis etiamnum cælo extorribus vix quidquam est quod ex integro placeat: vbique fastidium, & nausea; vix paucula idque rarissimè, ex voto cadunt; innumera sunt quæ quotidie displiceant, & stomachum moueant. Iucundissimum illic, simul & facillimum diuinæ Voluntati se attemperare, vbi nil aduersi vellicat. Hic mille nos molestiæ vexant; opprimi-



vellicat. Hic mille nos. molestiæ vexant: opprimimur ærumnis, vix est tenue respirandi spatium: bellum ex bello feritur; catenata sunt mala nostra, & continua miseriarum series, liberè precari vix finit. Sicut ergo non æqualiter cantant saturi, & fame confecti, nec æqualiter saltant illi post lautas epulas, hic post longa ieiunia: ita nec nos æquali cum beatis promptitudine precari possumus: Fiat voluntas tua sicut in cælo & in terrâ. Nos & illi nimium dispares sumus. Nos illuc transfer, ô Domine, & paria cum illis vota & facta iungeamus. Venia dicto sit, ô Christiani, mendici sumus ignavissimi, & nec ore quidem sat prompti. Heu quàm facilè succumbimus, rebus sanè non difficillimis: lenis ventulus nos concutit: horremus quicquid non iucundum expeditu est. Nil docuit Christus facere, ô timidi, quod fieri non possit. Hoc agamus saltem, & toto nisu conemur sic in terrâ diuinam Voluntatem exequi, ut eam Angeli in cælo: si minus re possimus, vel certè votis liberales simus. Optimè Cyprianus: Christus, inquit, orare nos docuit. Fiat voluntas tua sicut in cælo & in terrâ, idque non ut Deus faciat quod vult, sed ut nos facere possimus quod Deus vult. Quicumque igitur Christum in preces voce præeuntem vult sequi, ne verba sub linguâ immurmuret, sed pronunciet impavidè, Fiat voluntas tua sicut in cælo & in terrâ: Attendat autem ad hæc potissimum, quæ subiungeamus, orètque diuinam voluntatem posse exequi.

a Cypri. de hab. vug. c. 23.

## §. I.

1. **INTENTIONE PURISSEMA:** Fiat voluntas tua, hanc enim sequi statui, non lucri causâ, non quia vallasti me bonis, & ut lobum calumniabatur Satan; sed nec pœnæ formidine, ne in gehennam ableger, sed oculo simplici tuam solius Voluntatem intueor: Volo, quia vis, mi Deus.

2. **AMANTER:** Fiat Voluntas tua, id ego hîc solùm specto, ut id tibi quod ago placeat, utque vel hoc modo, nominis tui maiestas per me servulum inutilissimum propagetur. Tua, ô Deus, placita tanti æstimò, ut arbitrer satis hoc esse præmij, *Tibi placuisse*. nec aliter Chrysostomum exaudio obijcientem: Verè nescis quid sit placere Deo, si aliam mercedem quæris.

3. **PROMPTE:** Fiat Voluntas tua. Tardè velle, nolentis est. Gravissima sunt obsequia, parata, facilè occurrentia, ubi nulla mora est. Proprium est libenter facientis, citò facere. Bonæ voluntati

tantum gratiæ demitur, quantum moræ adijcitur. Ergo paratum cor meum, Deus paratum cor meum. *a* ad faciendam omnem voluntatem tuam.

4. *HILARITER*: Quædam satis celeriter facinus, sed non satis libenter. Non ex tristitiâ, aut ex necessitate: hilarem enim datorem diligit Deus. *b* Qui Dei Voluntatem in finem sibi præstituit, si quid tædij aut mœroris intercurrit, non grauatur id deuorat, eas enim delicias inhiat vt dicat: Cibus meus est vt faciam voluntatem eius qui misit me, Fiat ergo voluntas tua sicut in cælo & in terrâ.

5. *INTEGRE*: Fiat voluntas tua, nec apice quidem, illius indice, omisso. Homo diuinæ Voluntatis verè studiosus nullas quærit exceptiunculas, nec illius sunt hæ voces: Volo, domine, sed nondum: Obtempero, domine, sed modò istud non imperes: Omnium pedes lauabo & osculabor etiam, modò non cogar hoc officij præstare hosti meo: Contemni me feram, modò publicè non pudeam: Paratus sum ad omnia, modò illud non exigas à me. Non ita Voluntatis diuinæ amans; nihil excipit, nullis se ictibus subducit. Contra potius: O mi domine, inquit, vis plura, vis acerbiora patiar: ecce me, promptus paratus sum: grauiora impera, seuerius castiga, modò fiat voluntas tua.

6. *PERSEVERANTER*: Fiat Voluntas tua, post primam, nec non post alteram, post tertiam etiam, post denique decimam annorum decadem fiat voluntas tua, & fiat in omne æuum: Inclinaui cor meum ad faciendas iustificationes tuas in æternum. *c* Vis, domine, vt hoc centum, hoc mille annis perferam? Si vis, volo. Et hoc est Dominicam orationem deuotâ voluntate recitare. Hæ illæ sunt Seraphinorum alæ, quibus ad diuinæ Voluntatis notitiam euehimur altissimè.

*a* Psal. 107. v. 1. *b* 2. Cor. 9. v. 7. *c* Psal. 118. v. 112.

## §. II.

Illud hîc singulariter obseruandum, beatos in cælo copiosius lætari, de executione Voluntatis diuinæ, quàm de magnitudine suæ gloriæ. Hinc omnes, & suo singulî præmio contentissimi sunt, nec ulli displicet se minus altero habere. Sic enim qui Deum vident, ad diuinam Voluntatem non tantùm conformati, sed ab illâ etiam absorpti, transformatique sunt in illam, vt iam solius Dei velle velint, & magis gaudeant hanc esse Dei Voluntatem vt sint beati, quàm se beatitudine hac frui. Hanc humanæ voluntatis cum diuinâ con-



forinitatem sequitur excellentissimus amoris effectus, qui non tam conformitas, quam humanæ voluntatis cum diuinâ vnitas vocari potest. & hæc beatos sic afficit, vt totis viribus, & quam ardentissimè velint Deum esse, qui est, tam sapientem ac potentem, tam misericordem ac iustum, quam est, tam dignum omni honoris & gloriæ amplitudine ac maiestate. Quemadmodum filius ad optimos mores formatus tam non inuidet suo parenti felicitatem, quam sibi, tamque cupit parentem suum honoribus affici quam se, aut etiam plus quam se: ita beati tam gaudent de beatitudine, quâ Deus fruitur, quam quâ ipsi. Hinc illi concentus in cælo festiuissimi: Alleluia, Laus & gloria, & virtus Deo nostro est, quia vera & iusta iudicia sunt eius &c: Alleluia, quoniam regnauit Dominus Deus noster omnipotens: Gaudeamus, & exultemus, & deimus gloriam ei. *a*

Hanc beatorum non tam conformitatem, vt dixi, quam vnitatem cum Voluntate diuinâ, & nos quoque in nostris precibus imitari possumus hac ratione: Intellectus quidem Dei Potentiam, Aternitatem, Sapientiam, Pulchritudinem & Beatitudinem infinitam, immensam, velut attentissimus spectator contempletur: Voluntas verò gaudeat, Deum esse bonum infinitum, omnium opulentiarum fontem, nullius indignum, omnia posse, in omnes liberalem, rebus omnibus præsentem. Hunc maximum ac perfectissimum diuini amoris esse actum censent theologi, sicut enim nullus amor potest esse maior quam quo Deus seipsum amat; sic & noster amor non potest esse melior, quam si amor diuino illi quotidie fiat conformior. Philosophorum scitum est, non esse aliud, *amare*, quam alicui bonum velle. quo constituto sequitur, vt quanto maius bonum cupiam volumus, illum tanto magis amemus. At qui Deo bonum immensius velle non possumus, quam quod ipse est, bonorum omnium bonum immensissimum, ergo nec etiam possumus Deum ardentius amare, quam sua illi bona omnia velle. Quocirca hoc etiam maximè modo Voluntas Dei, sicut in cælo & in terrâ fiet.

*a* Apoc. c. 19. v. 1. 6. 7.

### §. III.

Et hi tam coniunctæ cum Deo voluntatis homines, Fulgura illa sunt, de quibus Iobus: Nunquid mittes, inquit, fulgura, & ibunt; & reuerentia dicent tibi: Adsumus. *a* Fulgur & Fulmen ignes subtilissimi, naturâ petunt sublime, at quia Deus deorsum illa mittit, suæ

*a* Iob. c. 38. v. 35.

suæ naturæ oblita, incredibili celeritate ad ima ruunt, ferrum, rupes, & quicquid resistit, perruptura. Christi fulgura dixeris eos qui suam voluntatem pessundant, ut pareant diuinæ: alta quidem aspirarent, si suos impetus sequerentur, sed quia Deus vult aliud, ad infima sese non inuiri demittunt, idque alacritate summâ: difficultates omniâque impedimenta perrumpunt, nec itione tam crebrâ fatigantur, iussis peractis, instar fulgurum illorum reuertuntur, dominoque suo se sistant: Ecce Adsumus, quid iam? parati sumus, etiam occumbere; iube quod vis. Sicut autem fulgura (quod hic obserues) non ex aquâ vel terrâ, sed è nube densâ benèque clausâ prosiliunt: ita prompta hæc & ad omnem obedientiam ductilis voluntas, provenit ab Oratione & Meditatione, quæ nubium instar sublimes volât, sensibus corporis vnde quaque clausis. Si quis enim attentè consideret, quibus obsequijs in cælo tot millions Angelorum subseruiant Numini; quâ ratione ipse Dei filius Patri voluntatem in præsepi, in pannis ac paleis, in itineribus, in cruciatibus, in cruce sit amplexus, non se continebit, quin velut fulgur, promptissimam obedientiam polliceatur, suamque voluntatem cum diuinâ integerrimè coniungat. Et hic demum orationem Dominicam, & illud præcipuè (Fiat voluntas tua, sicut in cælo, & in terrâ) animo sincero pronuntiabit.

Aiunt Principem aliquem vni suorum nobilium dixisse: Oportet te eras mecum ad venationes proficisci, Aulicus festiuum se forte ratus: Non oportet, inquit, nam lubens faciam. Qui diuinæ Voluntati se intinè deuotuit, nihil inuitus aut coactus, sed omnia lubens facit & volens. Tam paruo emitur tanta libertas. Quàm hic Epictetus præclare: Melius, inquit, illud iudico quod Deus vult, quàm quod ego. Adhæreo illi ut minister & pedissequus: cum illo desidero, cum illo expeto: denique quod ille vult, idem & ipse volo. *Quid Christiani dicant sanctius?*

a. Epictet. l. 4. dissert. c. 7. circa medi.

## S. IV.

Beatus Iacoponus è sancti Francisci familiâ vir integerrimus, ut suam voluntatem diuinæ quàm arctissimè adstringeret, ex animi sui sententiâ cupiebat omnes labores, ærumnas, angores, molestias & dolores qui verbis exprimi aut animo cogitari possent, tolerare pro Christo, nec inferorum poenas perferre recusaturus, modò suam cum diuinâ Voluntate haberet coniunctam: Deum autem à se amari hoc indicij loco habebat, si Deus negasset, quod



ille ardentius petijffet. Hic idem dicere solebat, Rationem à Conscientiâ quæsiſſe, Cur se non amplius, vt olim affligeret, nec sibi iam vllum faceretur negotium, huic verò Conscientiam respondiſſe: Hoc ego eâ de causâ facio, quia te diuinæ Voluntati penitus submiſiſti, & in eo quod illa de te ſtatuit, absque omni expoſtulatione acquieſcis. Huc inſigniſſimè facit illud Auguſtini, qui præceptum Protoplaſtis datum de non tangendâ malo examinans, Adami perſonam indutus: Si bona eſt arbor, inquit, cur non tangog? ſi mala eſt, quid facit in paradifo? Huic Deus: idè eſt in paradifo, quia bona, ſed nolo eam tangas, quia obedientem te volo, non contradicentem ſeruum. Eccur hoc? quia tu ſeruus, & ego Dominus ſum. En tibi mille rationes ſub hac vnâ, quia Deus, noſter eſt Dominus, & Voluntatem ſuam nobis ſequendam propoſuit non iudicandam, nos autem ſerui ſumus, æquiſſimum ergo eſt, hæc nos ire quâ nos ducit Voluntas Domini.

Angelus Apoſtata callidiſſimè ac nequiſſimè quæſijt in paradifo: Cur præcepit vobis Deus? Quærendum fuiſſet: Cur huius arboris fructus non editis? Ad hanc enim quæſtionem aptiſſimè reſponſum fuiſſet: Quia Deus id præcepit. Ad vaſerrimus ſerpens reſponſionem præripuit, ex eâque fecit interrogationem, Cur præcepit Deus? Quotieſcunque igitur ſcitur Deum quid velle, non vlterius licet quærere: Cur hoc? Vrgentiſſima omnium cauſarum cauſa eſt: *Deus ita vult.* Abraham filium mactare iuſſus, quas non rationes potuiſſet excogitare & opponere? Tacuit tamen & paruiſatis illi fuit hoc vnicum, *Deus ita vult.*

a Gen. c. 3. v. 1a

### §. V.

Parentes explorando liberorum genio ſubinde quærunt: An non ſuberet die tam cominodâ in hortum concedere, aut rus ire? quid ſi hodie libris miſſionem demus, & chartulas pictas ſubſtituamus illorum vicem? Si reſpondeant liberi: Sicut Domino parenti placuerit; prout vult Dominus parens &c: argumentum edunt educationis optimæ, & maturæ prudentiæ. Quod ſi ambulatiuncularum & luſûs tam auidos ſe non diſſimulent, & parentibus nondum annuentibus, iam euolent in aprium, indolis non bonæ ſpecimen præ ſe ferunt, & tunc optime Pater: heuſ puer, inquit, reconde ſupelleſtilem luſoriam, ad ſcholas hodie itandum. Hic deiectus vultus, mæror in oculis, murmura, librorum non lectio, ſed otioſa volutatio, hæc ſæpe ſletus & querelæ contra parentum tyran-

tyrannidem. En stultos infantes, & ad parentum nutum parum tractabiles : Tales sumus sapissimè ; in omnes oblectatiunculas effusissimi & facilè obmurmurantes, cùm Deus, optimus pater, aut ludicrum nostrum turbat, aut ad opus amandat : Si sapimus, liberos æmulabimur optimè institutos, nec aliud vnquam dicemus, quàm illud : Prout Domino Patri placuerit : prompti parati sumus ire, non ire ; facere, non facere ; laborare, pati, quicquid voluerit pater.

Hoc ipsum Epictetus sapienter inculcans : Ignauissime homo, inquit, aliudne expetis quàm id quod melius est ? num verò aliud quippiam melius, quàm quod visum Deo fuerit ? a

Huc appositè Ioannes Taulerus (quem suprà nominavi) si cui Deus, inquit, optionem faciat dicatque : Vis vt te immunem præstem ab omnibus & corporis & animi miserijs, téque Paradiso restituam ? Non aliud respondendum quàm hoc ipsum : Domine prout vis : & adinere misérias potes, & relinquere ; hoc autem mihi erit gratissimum, quod Voluntati tuæ congruentissimum. Reuerà sic ampliorem gratiam obtinemus, quàm si ad arbitrium nostrum amplissima quæque munera capiamus. Deus certè virtutum non lenis exactor, sicut seueri Patres, durius solet educare suos. Itaque cùm videris homines probos Deoque acceptos laborare, sudare, per arduum ascendere, malos autem lasciuire & volupatibus fluere, cogita illos filiorum modestiâ delectari, istos licentiâ vernularum ; illos disciplinâ tristiore contineri, istorum ali audaciam. Deus hominem sibi charum in delicijs non habet ; experitur, indurat, sibi illum præparat. Melius in malis sapimus ; secunda rectum auferunt. b

Quare nos Deo, velut vacuas sportas offeramus, arbitrato diuino aut implendas, aut inanes destituendas. Hieronymus Iulianum submonens : Tu te putas, inquit, in virtutum culmine constitutum, si partem offeras ex toto. Te ipsum vult Dominus, hostiam viuentem ; te da Deo, non tuam.

a Epict. l. 2. dissert. c. 7. b Sen. epist. 74. med.

## CAP. V.

*Quæ sint indicia & signa humane voluntatis ad  
diuinam conformata.*

Nihil fecerunt militem Romani, qui non habuisset firma latera, & torosos lacertos ad quæuis gestanda onera ; insuper ar-

ma



ma terſa & nitentia, & maximam in ſuum Imperatorem fiduciam. Nemo ſe iacetet Chriſti militem, nemo ſe diuinæ Voluntatis ſtudioſum credat, niſi certa in ſe ſigna deprehendat, ſuam voluntatem in omnibus pendere à diuinâ. Quâ in re vt quis ſui ipſius poſſit experiementum capere, hæc ſigna ſue indicia obſeruabit.

### §. I.

I. Signum. Omnia cupere ad diuinæ Voluntatis nutum facere & ideo nihil ordiri rerum, ope diuinâ non prius imploratâ. Qui Dei Voluntatem ſequitur, nullum negotium aggreditur quin Deum ſibi antè poſtularit adiutorem. Quòd ſi quid maioris momenti videatur, aut factû difficilius, ſubſidium à Deo frequentius flagitat. Hoc legis inſtar ſit ijs qui ſeria tractant negotia, & ad clauum ſedent, nil vnquam temerè aggredi, Domino non conſulto. Nemo mortalium facile æſtimet quantum hinc damni ferat Orbis vniuerſus, quot familiæ malè regantur, quod regna & prouinciæ malè adminiſtrentur, quot iniuſta bella ſuſcipiantur, quot alijs ab alijs iniuriæ inferantur, hac lege neglectâ. Hæc creberrimorum malorum eſt origo, quòd patresfamilias, gubernatores, præſides, reges, ſæpe homines ſui ſenſûs & arbitrij ſunt, nec ratione agunt ſed impetu: neque os Domini interrogant, ſed ducem ſequuntur Temeritatem: ingenio ſuo fidunt, humeris ſuis credunt, ſibi ipſis magni Atlantes. hinc ſæpe negotiorum chaos & fœda confuſio, plurimorum damno.

Graviter impegerunt Iſraëlis Principes, quòd in fidem receperunt Gabaonitas, *Et os Domini non interrogauerunt.* a Nos ab errore illorum nihilo cautiores, ſæpe grandia molimur, *Et os Domini non interrogamus;* ſacerdotium ambimus, matrimonium contrahimus, terras & populos regimus, & tamen *os Domini non interrogamus.* Ali-ter longè generoſiſſimi ducēs Machabæi, qui nullum vnquam prælium inierunt quin os Domini interrogarint plus ſimplici vice. Etenim non ſolùm ante pugnam, ad preces militem ſuum cohortati, & vnâ cum milite precati ſunt, ſed & comprecationem hanc, dum pugnarent, continuarunt. Sic Iudas Machabæus hoſtilem apparatus conſiderans, extendit manus in cælum, & Dominum prodigia facientem inuocauit, qui non ſecundùm armorum potentiam ſed prout ipſi placet, dat dignis victoriam. b Nec ipſe ſolùm dux Machabæus ante congreſſum, *os Domini interrogauit* ardentiffimis precibus, ſed & copias ſuas ad idem faciendum exemplo ſuo accendit.

a Iſa. c. 46. v. 14. b 2. Mach. c. vii. v. 21.

accendit. Ita, qui cum eo erant, innocato Deo, per orationes congressi sunt. Neque tantum ad pugnae initium, verum etiam in ipso pugnae furore, Deum assidue appellabant: manu quidem pugnantes, sed Dominum cordibus orantes, prostrauerunt non minus triginta quinque millia, praesentia Dei magnifice delectati. <sup>a</sup> Hoc est, os Domini serio interrogare.

Cassiani consilium est, ante omnes actiones, illud Ecclesiae usurpandum: *Deus in adiutorium meum intende, Domine ad adiuuandum me festina.* Aut illud: *Actiones nostras quae sumus Domine aspirando praueus, & adiuuando prosequere, Et cuncta nostra oratio, & operatio, a te semper incipiat, & per te capta finiatur.* Pamboni certe hoc consuetudinis fuit, ut quoties consilium rogaretur, spatium ipse peteret tantisper rem Deo commendandi, nec enim responsi quidquam dare sustinuit, quin prius os Domini interrogasset. Et quidem mos iste huic viro tantum profuit, ut morti iam victus, non meminisse dixerit quippiam a se vnquam dictum cuius poenitisset. Nimirum Deus interrogantibus se continuo responder: *Præparationem cordis eorum audiuit auris tua.* <sup>b</sup> Deo non nititur, nec studiosè diuinam Voluntatem exquirat, qui non rerum omnium initium a Deo ducit. Os Domini in rebus planè omnibus interrogandum est.

<sup>a</sup> 2. Mach. c. vii. v. 27. <sup>b</sup> Psal. c. v. 38.

## §. II.

II. Signum verae deuotionis erga diuinam Voluntatem, est, ærumnas & calamitates non tantum non expauescere praesentes, sed eas vltro appetere cum absunt. & hoc eà de causa, quod Deus variè afflictis longè sit vicinior per gratiam, quam quibus omnia fluunt ad votum. Non sine delectatione cantans Iesseus vates: *Vniuersum, inquit, stratum eius versasti in infirmitate eius.* <sup>a</sup> Ambrosij & Chrysostomi sensu, Deus ægrotum aut aliter afflictum ijs consolationibus permulcet, ac si ei lectulum sterneret mollissimum: Sicut quandoque principes feminæ, ancillantur ægrotis non sine suauis miserationis affectu; Sic Mater Domini, sic Christus Dominus singulare patrociniū gerunt hominis aut morbo, aut aliā quavis calamitate pressi: modo sint qui se dignos praestent caelesti hoc patrociniū. Romanus Sapiens multò religiosissimè, pænè dixerim diuinè hac de re philosophatus: *Nolite, obsecro vos, inquit, expauescere ista, quæ Deus immortalis velut stimulos ad mouet animis. Calamitas virtutis occasio est. Illos meritò quis dixerit miseros,*  
qui



qui nimia felicitate torpescunt, quos velut in mari lento tranquillitas iners detinet. Hos itaque Deus, quos probat, quos amat, indurat, recognoscit, exercet: eos autem quibus indulgere videtur, quibus parcere, molles venturis malis seruat. Erratis enim si quem iudicatis exceptum; veniet ad illum diu felicem sua portio. Quisquis videtur dimissus esse, dilatus est. Quare Deus optimum quemque aut mala valetudine, aut alijs incommodis afficit? Quare in castris quoque periculosa fortissimis imperantur? Dux lectissimos mittit, qui nocturnis hostes aggrediantur insidijs, aut explorent iter, aut praesidium loco deiciant. Nemo eorum qui exeunt, dicit, male de me Imperator meruit: Sed, Bene iudicauit. Idem dicant quicunque iubentur pati timidis ignauisque flebilis: Digni visi sumus Deo, in quibus experiretur, quantum humana natura pati posset.

Et quam hoc congruè Sapientiae proclamanti! Quoniam Deus tentauit eos, & inuenit illos dignos se. <sup>a</sup> Ergo fugite Delicias; fugite enervatam felicitatem quam animi permadescunt, nisi aliquid interuenit, quod humanae sortis admoneat, velut perpetuam ebrietate sopiti. Hanc itaque rationem Deus sequitur in bonis viris, quam in discipulis suis praeceptor, qui plus laboris ab his exigit, in quibus certior spes est.

Nunquid tu inuisos esse Lacedaemonijs liberos suos credis, quorum experiuntur indolem publicè verberibus admotis? illos ipsi patres adhortantur, ut ictus flagellorum fortiter perferant, & laceros & semianimes rogant, perseuerent vulnera praebere vulneribus. Quid mirum, si durè generosos spiritus Deus tentat? nunquam virtutis molle documentum est. Verberat nos & lacerat fortuna: patiamur. non est saeuitia: certamen est. quod saepius hoc adierimus, fortiores erimus. Ad contemnendam malorum potentiam, animus patientiam peruenit. Ignis aurum probat, miseria fortes viros. Quid miraris bonos viros, ut confirmentur, concuti? non est arbor solida nec fortis, nisi in quam frequens ventus incurSAT: ipsa enim vexatione constringitur, & radices certius figit. fragiles sunt quae in apricâ valle creuerunt. <sup>b</sup>

En tibi, certissimum signum humanae voluntatis in diuinam velut transfusae, si illa hanc per ardua quoque & aspera non recuset sequi. Quisquis igitur totis amplexibus diuinam Voluntatem in se admiserit, animosius sanè quam Demetrius ille inter ærumnas proclamabit: Hoc vnum, mi Deus, de te queri possum, quod non

antè

antè voluntatem tuam mihi notam feceris. Prior enim ad ista venissem ad quæ nunc vocatus adsum. Vis opes à me aut famam auferre? hæc pridem offerre paratus eram. Vis liberos meos sumere? illos tibi sustuli. Vis aliquam partem corporis? Sume. non magnam rem promitto. breuè totum relinquam. Vis spiritum? Quid ni? nullam moram facio, quò minus recipias quod dedisti. à volente feres, quicquid petieris. Nihil cogor, nihil patior inuitus, nec tibi, ô mi Deus, seruiò, sed assentior. Hæc est vera geminæ voluntatis vnio.

## §. III.

III. Signum, Sui ipsius diffidentia quàm maxima. Hæc verè Christiana virtus est, vix nota priscis idololatriis. Qui sibi diffidit, felicissimos etiam successus, non suis viribus, nec industriæ suæ tribuit, sed eos ex toto diuinæ prouidentiae ac bonitati adscribit; errores & quicquid ab his est, sibi imputat, obseruatque fidelissimè Augustini monitum: Tota præsumptio tua Deus sit, ita vt agnoscas te absque Deo nil penitus posse, & in Deo omnia. Nihilominus hic talis qui rebus suis omnibus diffidit, ac desperat, facere quod in se est, non negligit, tantò certiore fiduciâ in Deo nixus, quantò magis nullâ in seipso: Scit se nihil posse, & posse omnia, sed cum Deo. Pro viribus, quidem laborat, sed euentum laboris omnem à Voluntate diuinâ expectat, æquo animo ferens omnia ea quæ non sunt inala, nisi malè sustinenti.

Quàm longè aliter, qui sibi, qui suis viribus, suæque arti, qui suæ prudentiæ ac consilijs fidunt, quàm ij sunt in rerum suarum encomijs facundi, quàm seipso liberali ore dilaudant, quàm interim in multis remisè agunt, sui fiduciâ nimij?

At verò qui totus ex Voluntate diuinâ pender, instar libræ, tantò magis alterâ lance in imum deurgit, quantò illa ascendit altius.

Dux militiæ qui castrum defendendum suscepit, dum abest hostis, infirmiora loci & immunita considerat, de comiteatu prouidet, tormenta bellica disponit, contra omnem irruptionem se parat, scit enim hosti fidendum non esse. Ita Christianus: morbis, inquit, & morti non fidam, sacramentis me præmuniam, precibus & ieiunijs, velut armis me instruiam; non fido, nec mihi, nec morti.

At temerarius & suæ virtuti confusus, satis se credit paratum in omnes hostium occursum, aut certè facillimâ sibi sperat fore præparationē, cum res postularit: fedit sibi, & Morti. Rectè de hoc utroque homine



homine Salomon: Sapiens, inquit, timet & declinat à malo: stultus autem transilit & confidit. <sup>a</sup> Sed infra fusiùs, de hac pessimâ sui fiducia.

a Prou.c.14.v.16.

#### §. IV.

IV. Signum, Fiducia in Deum maxima, è quâ nascitur, vt qui læsus aut offensus est, non continuè vindictam meditetur, sed sibi ipse dicat: Deus hoc vidit, audijt: Deus vlciscetur, idque suo tempore. Atque hoc vno hostibus omnibus euadit superior, quodd certum habeat, licet illi Acheronta moueant, sibi tamen non plus nocituros, quàm Deus permittat. Sed dicas: Sunt qui nullam alijs nocendi occasionem negligant; si damna nequeant inferre, emolumenta saltem aliorum impedire conantur. Sic est: verum qui Deo fidit, hoc agit, ne quid in se desideretur industriæ, cetera omnia diuinæ prouidentiae committit. Huic obstarè frustra nituntur improbi: Non est sapientia, non est prudentia, non est consilium contra dominum. <sup>a</sup> Quàm fraudulenter egit Laban cum suo genero Iacob! sponsam mercedem decies mutauit, vt res generi decurreret. frustra fuit, in generi commodum cesserunt omnia, *Non dimisit eum Deus, vt noceret illi.* <sup>b</sup> Hierosolymis minatus est extrema Sennacherib, sed nec ipse nec exercitus ipsius vindices Dei manus effugit. Exercitum Angelus, ipsum interfecerunt filij. *Saluauitque Dominus Ezechiam & habitatores Hierusalem de manu Sennacherib regis Assyriorum, & de manu omnium.* <sup>c</sup> Itaque mi Christiane, fide Deo, & omnem illi vindictam permitte, ille Dominus ultionum est. Et hoc vel idololatræ te doceant. Tissaphernes dux Persa, cum Agésilao foedus icit, sed linguâ, non animo. mox enim cum ingentibus copijs adfuit, & iussit Cræcos cedere Asiâ. Agésilas ad hanc legatorum denuntiationem intrepidè: Duci vestro, inquit, referte, me ipsi amplas agere gratias, quodd foedus ruperit, eaque re Diuos hominésque inimicos in se concitarit: ita copię meæ plurimum auescent ab hostis perfidiâ. Dictum prorsus Christianum: Sicut locutus est, salutem ex inimicis nostris, & de manu omnium qui oderunt nos. <sup>d</sup> Qui Deo fidit, omnes inimicos suos sibi vestigales habet, quia Deum habet fauentem. Quicquid autem homo Deo nixus, desiderat, id omnium primò à Deo petit. Quâ in re hanc sibi regulam statuit: Hoc quod peto, aut mihi expedit concedi, aut non expedit, quod quidem Deus omnium optimè nouit. Si expediat,

a Prou.c.21.v.30. b Gen.c.31.v.7. c 2.Paral.c.32.v.22. d Luc.c.1.v.71.

expediat, aut id confestim largietur Deus, aut tempore opportuniore, vt interim mea quoque patientia exerceatur: Si neget Deus postulata, certissimus sum, id mihi non expedire quod petij. Hæc omnino ratione, neque aliter vnquam supplices libellos Deo porrigit, qui diuinæ Voluntati se solum permisit. Qui hoc diuinæ Voluntatis arcanum ignorant, opem diuinam aut non implorant, aut segniter & remissè, & quàm hoc faciant, prius omnium aures fatigant, plurimorum gratiam ambiunt, atque si aliter nequeant, eam etiam muneribus in se deriuant, fauorem & dignitates velut in mundinis mercantur.

Vidit Ioannes, ille domini ocellus Christum septenas stellas dextrâ gestantem. Et quæ sunt hæc stellæ in hac manu? Ioannes ipse mysterium hoc euoluens: Septem stellæ, inquit, Angeli sunt septem Ecclesiarum, seu, septem Asiæ episcopi. En, episcopi & eorum mitræ infusæque in manu Christi sunt. At verè si vspiciam mitræ dominum desideret, plurimi sunt qui suum ei caput offerunt, sed non primo rectoque cursu ad manum Christi peruolant: Equidem curritur, sed sæpe prius ad Principum Regiunque, ad Præsulum & Aristitutum manus peruenitur, quàm ad Christi curratur. Idem fit in aliorum officiorum & dignitatum ambitu: humanus fauor quaeritur, diuinus à paucis ambitur, aut certè post humanum. Luculentus error: contrarium oportet agere: diuinus ante omnia fauor & Voluntas expetenda: sceptræ & tiaræ in manu Dei sunt: officia, dignitates, munia, magistratus Deus diuidit: ab illo primitus hæc petenda. Sicut diuisiones aquarum, ita cor regis in manu domini: quocunque voluerit inclinabit illud. Sicut olitor, horti sui riuulum sub potestate habet, nec ad proximam aut ad primariam semper arborem, sed sæpe ad debiliorem, aut quâ vult, aquam educit: ita cor regis, veluti riuus, omnis generis præfecturas & munera continet, Deus instar hortulani (saluo hominis arbitrio) aquas ex hoc riuo in eos deducit, quos ipse delegit. Ideo stultissimè agunt, qui tot preces ac dona in aliorum aures manusque iactant Deo interim vix eminus & obiter salutato. O deliria hominum! Purius ex ipso fonte petuntur aquæ.

a Apoc. c. i. v. 15. b Prou. xi. v. 1.

## §. V.

V. Signum, Omnia generoso silentio posse conoquere. Contem-  
plare mihi patientissimum IESUM, inter innumera & conuicta  
q q  
tor.



& tormenta generosissimè tacentem. Stabant Hebræi sacerdotes & constanter eum accusabant, Iesus autem tacebat: crimina illi diuersa obieciabant, Iesus autem tacebat: instabant illi validis clamoribus, & ad crucem hominem hunc postulabant, Iesus autem tacebat: iam in cruce pendentem irrisuibus acerbissimis flagellare non cessabant, Iesus autem tacebat. Nec aliter Mater Domini, in summis angustijs maximè taciturna. Obseruabat eam Ioseph ferre vterum, & idè discessionem ab eâ moliebatur. Non hîc aliud inater quàm filius fecit, vt verè dicatur: Maria autem tacebat, & hoc omne diuinæ Voluntati ac prouidentiae committebat. Audiebat illa hominem sibi charissimum, suum sanguinem mille calumnijs appeti, Maria autem tacebat: videbat illa filium innocentissimum sub crucis mole fatiscentem, in cruce gementem audiebat, cernebat in grauissimis tormentis morientem, Maria autem tacebat. Hunc filium & hanc matrem complures æmulati felicissimè, cum grauissimorum etiam scelerum accusarentur, ipsi autem tacebant. Norat mansuetissimus rex David miram vim huius silentij, ea propter vim sibi faciens: Obmutui, inquit, & humiliatus sum, & filui à bonis. Idem mox repetit: Obmutui & non aperui os meum, quoniam tu fecisti. <sup>a</sup> Silentij causam non adfert aliam, quàm hanc ipsam, *quoniam tu fecisti*. Idè fileo quia voluntatis tuæ hoc esse video: Tua, mi Deus, Voluntas hoc mihi silentiū indixit.

Seuerinus Boëthius, ille scriptis & vitâ illustrissimus vir, insigniter prorsus: Quis autem alius, inquit, vel seruator bonorum vel malorum depulsor, quàm rector ac moderator mentium Deus? qui cum ex altâ prouidentiae speculâ respicit, quid unicuique conueniat, agnoscit, & quod conuenire nouit, accommodat. Hic igitur quicquid citra speim videas geri, rebus quidem rectus ordo est: opinioni verò tuæ peruersa confusio. <sup>b</sup> Qui verò se totum diuinæ Voluntati mancipat, non suæ opinioni, sed rerum ordini credit, quem omnem tanquam optimum probat silendo.

Fit quandoque vt excitatoris ingenij herus, serui ædes ingressus, disijciat, turbet, misceat omnia, & mox abeat, ne auctor deprehendatur in facto. Seruus domum rediens, & omnem supellectilem disturbatam cernens, grauiter quidem excandescit, at cum à suo Domino id factum audit, silet & mitescit. Ita David de seipso: Obmutui & non aperui os meum. Cur ita? *quoniam tu fecisti*. Ita prorsus qui diuinæ Voluntati se totum obtulit, aduersa sentit quidem,

sed

sed diuinā se Providentiā solatur; vanis questibus nihil se profecturum non ignorans: Leuaui, inquit, oculos meos in montes, vnde veniet auxilium mihi: auxilium meum à Domino. *a*

Rege Assuero & Aman conuiuium celebrantibus, cuncti Iudæi flebant. *b* Sed quā cito cruenta hæc tragœdia mutauit, & in auctorem recidit, quicquid in alios mali pararat. Postquā afflixit ac probauit re Dominus, ad extremum misertus est tui. *c* Si Lunam accessionibus damnisque mutabilem mensura paupertas non incesset, nescissent philosophi eam lumen à sole mutuari: Sic & nos è quotidiano rerum defectu discimus, omne nobis bonum à Deo tribui. Ægrotat quis? iam primum æstimare nouit valetudinem, quā nunquā tanti fecisset, si nunquā perdidisset. Hæc quidem natura mortalium est, vt nihil magis placeat, quā quod amissum est. Calumnias aliquis patitur? iam capit quā graue sit crimen, alterius famam lædere, quod quāuis sæpius ipse fecerit, tamen leuē quid iudicauit. In egestatem quispiam deductus est? iam incipit meminisse, qualis olim in egenos fuerit. Itaque silet, & hoc ipsum contemplantatione expendens, diuinæ se Voluntati committit.

Sed ægrè fortassis files? Ergo loquere, sed corde, sed Deo. Lingua taceat, mens precetur. Meditare silentium Christi coram Præfide; Mariæ coram improbis ciuibus, Davidis coram aduersarijs. Dignior & maior tibi conuitiatur? tace; conuitiatur æqualis? tace; Villior & minor conuitiatur? Etiam tunc tace. difficilius hæc, sed generosius: illum sine, Deum adf: precari pro aduersario; sicut David, cuius est illud: Pro eo vt me diligerent, detrahebant mihi; ego autem orabam. *d* Aduersarium silentio, Deum precibus sibi conciliabat. Ergo sile, & diuinæ Voluntati te penitissimè permitte, illud assidue voluens animo; *quoniam tu fecisti.*

*a* Psal. 120. v. 1. & 2. *b* Esth. c. 9. v. 15. *c* Deut. c. 3. v. 17. *d* Psal. 103. v. 4.

## §. VI.

VI. Signum, Ardua & quæ vix fieri posse credantur, pro Dei honore aggredi. Quā magnanimus hac in re Paulus! Scio, inquit, humiliari, scio & abundare: vbique & in omnibus institutus sum, & satiari, & esurire, & abundare, & penuriam pati: Omnia possum in eo qui me confortat. *a* Æquè magno & excelso animo David: In Deo meo, inquit, transgrediar murum. *b* Redeat Pericles, & Pyræos muros struat quadraginta cubitis altos, tam verò latos, vt duo currus inter se iuncti amplius spatium non desiderent, ego ta-

*a* Philip. c. 4. v. 12. *b* Psal. 17. v. 80.



men, ait David hos muros transgrediar. Redeant Carthaginienſes, & triplicem educant murum omni æuo celebrem, ego tamen hunc ipſum transgrediar. Reuiuiſcat Anaſtaſius Imperator, & mœnia condant octo pedes lata, ego tamen hæc transgrediar. Redeant Babelis architecti, & turrim ædificent, *cuius culmen pertingat ad cælum*, ego tamen & hanc transgrediar in Deo meo, quoniam in illo eripiar à tentatione. Sed & maiora magiſque ardua promittens David: In te, inquit, cutram accinctus; in Deo meo tranſiliam murum. *6* Parum ei erat currere & ſudare, ſed armis etiam indutus, & cataphractus vult currere: parum ei erat, murum quantumcunque craſſum aut altum transgredi, iam etiam tranſilire vult vel cælo certantem molem. Celfior aut denſior murus vix vlli obijcitur, quàm ſua cuique Voluntas, hunc murum & transgredi neceſſe eſt, & tranſilire. Quis cogitet: Deus me patientem eſſe cupit, cupit eſſe caſtū, facilem dare veniam inimicis, bene de alijs ſentire, bene loqui me vult Deus. Eccur ego non idem velim? Profeſſo voluntas mea hætenus vt murus obſtitit: at iſte me murus non terreat; transgrediar, tranſiliam; Omnia poſſum in eo qui me confortat.

Qui res geſtas Diuorum euoluerit, illud regij pſaltis ſæpius pronuntiabit: Mirabilis Deus in ſanctis ſuis: Deus Iſraël ipſe dabit virtutem & fortitudinem plebi ſuæ: ipſe dedit virtutem & fortitudinem Sanctis ſuis. Et vt vetera taceamus, Franciſcus Xauerius, è Societate IESU, Iaponum Apoſtolus, quanta vir iſte pro Deo auſus, quanta potuit, quos muros non transgreſſus, quæ mœnia non tranſiit, volaſſe illum dixeris, ſi quò aliter adire non poſſet. Deo ille freſus diuinæque Voluntate velut accinctus cucurrit, terras tranſiit & maria. Queri ſolet nonnunquam ſiticuloſus, videri pagum in ſe combuſtum, adeò ſitum vrgere: videri potuiſſet Orbis in Xauerij pectore combuſtus, adeò ille omnium ſalutem ſitiebat. Et quod incendium Xauerius animo circumtulit, dum quibuſdam quaſi ſalibus ex Italiâ in Luſitaniâ, ex Luſitaniâ in Indias, ex Indijs in Iaponem, inde ad extremos Sinas ſeſe penetrauit, terram ex terrâ, mare ex mari mutans. Opponis huic terræ marique pericula? hæc, inquit, non timet qui Deo fidit: Siluarum tenebras? Satis lucet flamma in pectore: Inſanientem Oceanum? Aquæ multæ non poterunt extinguere charitatem: Latronum & piratarum inſidias? Nec domi ſuæ tutus eſt, quem diuina Voluntas non protegit. Ita Deo nixus, murum *annem* tranſiit, ita trecenta millia barba-

*a* Gen. c. 11. v. 4.

*b* 2. Reg. c. 22. v. 30.

Vide de hoc infra, l. 5. c. 11. vbi de diu. prouid.

rorum, ut Bozcius affirmat, Christo adiunxit. *a* Hoc nemo ignorat, arbitror, mille plerunque remoris retineri cogitantem meliora. Sed perumpendum est vi, & eluctandum ad ardua, etiam si Satan cum omnibus suis furijs, totoque apparatu aduersetur. Christus nos in hanc rem animans: Si habueritis fidem, inquit, sicut granum sinapis, dicetis monti huic, transi hinc illic: & transibit, & nihil impossibile erit vobis. *b* Quisquis se totum divinæ Voluntati tradidit, omnia se posse confidit.

*a* Thom. Bozcius de signis Ecclesiæ l. 6. c. 3. *b* Matth. c. 17. v. 20.

## §. VII.

Ut autem ea quæ diximus tam de cognitione divinæ Voluntatis quam de humanæ ad illam Conformatione, quantumcunque rudi, perspectissima fiant, in hanc epitomen dicta componimus.

Quicquid in Orbe fit (peccatum excipimus) à quocunque aut quomocunque fiat, divinâ id fieri Voluntate dicendum est. Omnia quæ fiunt, vult Deus fieri: quicquid autem Deus non vult, certissimo non fit. Hinc sapienter Epictetus: Semper, inquit, illud potius volo, quod fit. Atque ut hoc idem omnibus persuadeat: Ne postules, ait, ea quæ fiunt, arbitrato tuo fieri. sed si sapis, ita fieri quæque velis, ut fiunt. *a* Nam omnia quæ fiunt, sunt aliquo modo effectus divinæ Voluntatis. Quomodo posset aliquid permanere, nisi tu voluisses? clamat Sapientia. *b* Solum peccatum non vult, sed permittit Deus fieri, volens autem permittit, nam & peccatum impedire posset, id tamen ob causas sibi notas non impedit. Hoc è Theologiæ arcanis confirmamus: Theologi rem hanc definiunt his verbis: Deus vult omne bonum creatum actu existens, sed quicquid fit extra peccatum, est bonum creatum actu existens, ergo quicquid in Orbe fit, hoc Deus vult fieri, modò absit peccatum. Hinc ille ingenij acutissimi Theologus: Omnia, inquit, quæ fiunt aut sunt, quæ fuerunt aut facta sunt, quæ fient aut erunt, cognoscuntur à Deo in decreto suæ voluntatis. *c* Et nota, mi lector, liberas hominis actiones non eo impediri, quòd eas Deus ab æterno prævidit & voluerit, sed Deus illas idèò voluit, quia futuras prævidit. *d*

Sed ulterius progrediamur Deus non tantum vult fieri, quicquid in Orbe fit (dempto peccato) sed id omne reipsa semper exe-

qq 3

quitur

*a* Epictet. l. 4. dissert. c. 7. & Enchir. c. 13. *b* Sap. c. 11. v. 26.

*c* Tamen si fortè non solo. Scorus in 1. dist. 39. quæst. vnica. §. Viso de continentiâ. ita Richard. Caiet. Vsq.

*d* Hoc fusè & eruditè probat Theophilus Raynaudus in Theolog. Nat. distinct. 2. quæst. 3. art. 4. mihi pag. 947.



quitur quod melius est, imò quod optimum est, & hoc est, ut sic loquamur, ingenium Dei & innata eius propensio. <sup>a</sup> Istud dilucidè Basiliius Magnus adstruens: Vnum quidem hoc, inquit, habere in mentibus nostris præsumptum oportet, quòd nihil eorum quæ nobis accidunt, malum sit, aut tale, ut melius illo excogitare queamus. <sup>b</sup> In eandem omnino sententiam Damascenus concedens: Omnia, inquit, quæ Dei providentiâ sunt, pulcherrimè ac divinissimè fieri necesse est, atque ita denique ut meliori modo existere prorsus nequeant. <sup>c</sup> Præ omnibus audiendus hic Augustinus: Iustitiâ, inquit ille, veri & summi Dei factum est, ut non modò sint omnia, sed etiam sic sint, ut omnino melius esse non possint. <sup>d</sup>

Quid clariùs? rationem audi: Quicquid enim, inquit, verâ ratione tibi melius occurrerit, hoc scias fecisse Deum tanquam bonorum omnium conditorem. Neque enim tu potes aliquid melius in creaturâ cogitare, quod creaturæ artificem fugerit. <sup>e</sup>

<sup>a</sup> Iacob. Granadus in 1. partem D. Thomæ tom. 2. disp. 3. per 6. sectiones. mihî pag. 420. Et sermo est de rebus in quibus non abiit in infinitum.

<sup>b</sup> Basil. hom. 8. ex var. quòd Deus non est auctor malorum.

<sup>c</sup> Damasc. l. 2. de fide c. 29. <sup>d</sup> Aug. tom. 1. l. de quantitat. animæ, c. 33. med. ferè.

<sup>e</sup> Idem. tom. 1. l. 3. de libero arbitrio. c. 5. post init.

### §. VIII.

Quâ ratione autem Deus omnia quæ sunt, fieri velit, peccata, verò fieri permittat, exemplum ponimus huiusmodi. Iussit olim Summus Pontifex, Iulius II. ut Michaël Angelus inter pictores celeberrimus extremum Orbis iudicium pingeret. Pictor operi manus admouit, sed pro affectu quem in sacros procures non benignum gessit, præfules etiam & purpuratos Patres in inferorû flammis collocavit. Pictorem suum sæpius accessit Pontifex, neque nescijt artificiosam hominis temeritatem, & quamvis eam minimè probarit, certâ tamen ex causâ dissimulavit videre, illud secum cogitans: Modò finiat opus, mox in carcere penicilli sui errores sentiet, pane solo & fonte cenaturus. Hic certè Pontifex supremi iudicis tribunal pingi voluit, idque in emolumentum spectantium, non in contemptum cuiusquam aut iniuriam, eam tamen ob certos fines sciens volensque non impedijt: ita Deus æternitati nos vult pingere, & opera edere immortalia: at nos affectu & manu errantibus, iam hos iam illos in Orco statuimus, hoc est, variè iniuri sumus in eos quos nobis hostes arbitramur. Sed & alia plurima in opere faciendo delinquimus. Nihilominus pictura rerum in

Orbe

Orbe diuersissimarum elaboratur. Est enim mirabilis rerum omnium connexio, series atque concinnitas, vt singula, quæ seorsim deformia, aut certè minus pulchra viderentur, ceteris adiuncta sint longè pulchriora. Deus autem moræ patientissimus expectat, dum omnis pictura hæc finiatur, errores nostros plurimos, tanquam si non videat, dissimulat iustissimis de causis. Tandem supremo Mundi die patebit, quid quisque dignum æternitate pinxerit, quid in picturâ errarit. Sicut ergo Pontifex, aut Regum quispiam certum quid ac destinatum vult pingi, pictoris autem arbitrium non turbat, errores etiam permittit ob causas sibi notas: ita Deus omnia quæ fiunt, vult fieri, peccatum verò permittit, sed permittit sciens & volens, cum illud impedire possit. Ita rex Dauid Ioabo belli duce est usus: cuius flagitia minimè probauit, tametsi diu dissimulauit. Neque vllus hîc obiecerit; quare homo cogitur impedire peccatum quando potest, & Deus non cogitur, qui semper id potest. Nam præterquam quòd Deus sit Dominus & moderator omnium intentus bono communi, & nos mancipia & serui: illud etiam accedit, quòd Deus è peccato re omnium pessimâ boni quid eliciat, quod homo non potest. Augustinus hoc summi opificis artificium admiratus: Ex omnibus, ait, consistit vniuersitatis admirabilis pulchritudo, in quâ etiam illud quod malum dicitur, bene ordinatum, & loco suo positum, eminentius commendat bona, vt magis placeant & laudabiliora sint, dum comparantur malis. *b*

*a* Propter quod non est impedienda causa particularis quin suo modo agat.

*b* August. Enchir. c. 10. & 11.

### §. IX.

Sed obijcias primò: Bona sint omnia, sint omnia optima quæ Deus vult, sed certè non mihi sunt. Audacissime mortalium, quid hîc ais? *Æqualiter cura est Deo de omnibus.* *a* Ita te, ita me, ita singulos curat providentissimus Deus, sicut vniuersos, neque tantum quod melius, sed quod optimum est semper, & tibi, & mihi, & singulis, & omnibus vult, & quod vult exequitur efficacissimè. Gregorius pulcherrimè: Sic, inquit, intendit omnibus, vt adsit singulis; sic adest singulis, vt simul omnibus nunquam desit: sic summa regit, vt ima non deferat; sic imis præsens est, vt à superioribus non recedat. *b* *Cura est Deo de omnibus.* De filiis seu charissimis Dei amicis res certa & euident: sed nec circa damnandos alium se gerit: pa-



ter est, nutritor est, defensor est usque ad ultimum vitæ momentum. hîc demum iudex, punitor, hîc vindex est tam obstinatæ in se perfidiæ.

Obijcias secundo: Et quomodo tantam Dei providentiam ac curam tot sequuntur inconuenientia, & ut miti vocabulo utar, fiunt hîc illic absurdorum absurdissima quæque. Vti Deum dicere dormientem nolum, sic ad minuta quæuis vigilantem affirmare, num bene ausim? O te ouiculam, sed profectò malam! quamuis crediderim hîc te alienam gerere personam. Vtique Deus vigilat ad quælibet vel minutissima. Ioannes Damascenus tuo stupori aptissime respondens: Deus, ait, nonnunquam aliquid absurdi & præposterius fieri perimit, ut per eam actionem quæ absurditatis speciem habet, magnum aliquid & admirabile conficiatur, quemadmodum per crucem hominibus salutem comparauit. Num hæc negabis vera? Ergo Deus non quidem peccata vult, sed efficaciter permittit, seu, permittere vult & inde prouentus elicit utilissimos sibi que maxime gloriosos. Augustinus perspicue id asserens: Propterea, inquit, diuinæ Providentiæ etiam ista dispositio tribuenda est, non quia ipsa peccatores facit, sed quia ipsa ordinat cum peccauerint. Quare licet homini secundum se spectato melius esset non peccasse: si tamen tota series naturæ & gratiæ attendatur, multo fuit melius à Deo peccatum permitti. Notum Ecclesiæ testimonium: Felix culpa quæ talem ac tantum meruit habere Redemptorem. Hæc de diuinâ Voluntate tam cognoscendâ quàm amplectendâ. Utinam humana gens, vel hac vnâ in re cæcutire desinat, & diuinam voluntatem, quam facile potest agnoscere, velit etiam promptè amplecti.

<sup>a</sup> Damascen. l. 2. de Fide c. 29. <sup>b</sup> Aug. in Psal. 7. post med.

<sup>c</sup> Ecclesiæ auctoritas. Et hinc Theologorum contans assertio est hæc: Deus omnes effectus veros & reales quarumlibet causarum secundarum, adeoque omnes actiones nostras liberas, etiam malas quæ entia sunt, sicut & ipsam peccati cuiuslibet permissionem; atque etiam mala solius pœnæ, ab æterno, adeoque prius tempore quàm fiant, etiam in particulari aliquo modo prædefiniuit ac præordinauit. P. Adamus Tanner tom. 1. Theol. disp. 2. dub. 7. n. 7.

## LIBER TERTIVS

De

*Humana Voluntatis ad Diuinam conformata*

## EMOLVMENTIS.

## CAPVT I.

*Quantam animo tranquillitatem conciliet humana voluntatis  
ad diuinam conformatio.*

**D**iximus, quâ ratione diuinam Voluntatem nosse, quâ nostram illi iungere possimus. Nunc porro dicendum, quid emolumenti proveniat, si humana diuinæ semper sit coniunctissima.

## §. I.

Tam liberalis est Deus diuitiarum & donorum, vt non tantùm æternis nos delitijs beare statuerit, sed diem Æternitatis velut præoccupans, quo nos ad omnia paratiores promptioresque reddat, è mensâ suâ mittit cælestis conuiuij promissidem, iubetque libare saltem æternæ felicitatis gustulum. Ita nec in fatenti huius mortalitatis nosocomio deest Magna illius æternæque cenæ velut antecena. Etiam in hoc Orbe inferiore quies est aliqua, sunt etiam hîc solatia è cælo missa. Neque hîc impendijs magnis res agitur, solâ opus voluntate ad diuinam conformatâ.

In rupe Taboreiâ vix guttulam gustarat Petrus cælestis beatitudinis, & mox: Bonum est, exclamat, nos hîc esse. imò iam ebrius videri poterat ab hoc nectare, *non enim sciebat quid diceret.* a O Petre, præproperum est, hîc nectar & ambrosiam expectare: loco meliore dabuntur ista, sed nondum.

Angelus ille Apocalypticus Ioannes: Factum est, inquit, silentium in cælo, quasi mediâ horâ. b Quies aliqua designatur, beato Gregorio interprete, quam hîc assequuntur, qui diuinam Voluntatem exequi perinde, vt in cælo desiderant, eaque ratione velut in cæli vestibulo degunt. Eò anhelatis Dauid: Et volabo, inquit, & requiescam. c Quò volatus iste? Vtique ad diuinæ Voluntatis suauissimam contemplationem, eò quisquis pertigerit, iam demum respirare incipit & iucundissimè quiescere. Nihil enim ardentioribus votis expedit, quàm hoc vnum: Fiat Voluntas tua, sicut in cælo.



cælo, & in terrâ. Inter ea certè quæ maximam animo pacem & tranquillitatem conciliant, primarium hoc numeratur: Omnibus votis contendere atque adspirare ad constans diuinæ Voluntatis obsequium. Ita optimus ille scriptor præciens: Opta, inquit, semper & ora, vt Voluntas Dei integrè in te fiat. Ecce talis homo ingreditur fines pacis & quietis. \* Quisquis igitur cum sanctissimo rege illo volare cupit & quiescere, his profectò alis euehi in altum potest & patrare admiranda.

a Thom. à Kemp. l. 3. Imit. Christ. c. 23. plura l. 3. c. 18. n. 2.

## §. II.

Optimæ fidei scriptor \* commemorat de viro religioso, cuius vestes, vel solummodò tactæ valetudinem multis restituebant, hinc ille apud ægros venerationi, apud suos admirationi esse cœpit, cum tamen nulla in eo virtus singulariter splenderet, vitam enim agebat pro more ceterorum in cœnobio, nec vllis insolitis rigoribus sese macerabat: hoc vnum studiosissimè cauere solitus, ne quid aliud vnquam vellet quàm Deus. Cum itaque sine pharmanis mēderetur sæpius, rogatus à cœnobiarchâ eius rei causam: Mirari se ipsum, aiebat, & pudore ob id affici, cum ceteros ieiunijs & precibus vix æquet, nedum superet. Ita est, inquit cœnobiarcha, te hominem lætum esse, non nescimus, cetera non suspiciendum præ alijs. Simul in omnia prescius inquirere, & multa sciscitari cœpit antistes, ac animi arcanum referari cupere. Hic vir ille religiosus: Eam, inquit, mihi gratiam à Deo factam iure comemini, quod ad diuinam Voluntatem ita me conformarim, vt aduerso Deo nil vnquam mouere velim, Neque verò etiam metuo res vnquam fore tam turbidas, vt animo cadere, aut conqueri lubeat: sed nec vlli, puto, tam prosperi successus mihi sic blandientur, vt ob eos singulari me patiar gaudio compleri. Nam omnia sine discrimine de manu Dei accipio, neque postulo vt ea quæ fiunt, arbitrato meo fiant, sed ita fieri quæque volo vt fiunt. Ita nihil me voluptate, nihil mœrore afficit, nihil me turbat, sed nec beat quidquam, nisi sola, nisi vna atque vnica Dei Voluntas. Idèd in omnibus omnino precibus, hoc vnice flagito, vt diuina Voluntas in me semper, rebusque creatis omnibus quàm integerrimè perficiatur. Miratus hæc vehementer antistes: Et amabo te, inquit, expone sodes, quis tibi nuper sensus, an non vnà nobiscum acerbè ferebas, cum nefarius homo ignem subiecit nostris ædibus, cum stabulum & horreum, tam multum fru-

a Cæsarius Heisterbacensis. l. 10. mira c. 6. yixit ante CCCC. Annos.

frumenti & pecoris combustum, damno panē irreparabili? Ad  
 quæ cœnobita: Hoc, inquit, scias velim, Pater reuerende, nihil in-  
 de incœroris me contraxisse. Nam in more positum habeo, pro his  
 talibus Deo gratias agere, cū certissimus sim, quicquid rerum  
 sit, diuinā permittente Prouidentia fieri, idque omne in nostrum  
 emolumentum. Ideo curæ mihi non est, modicum an multum ha-  
 beamus sustentandæ vitæ: Deo fido, qui quemuis nostrum æquē  
 frustulo panis poterit nutrire, ac pane integro. Ita lætus dego &  
 alacer. Hic Cœnobiarcha multa contradicere, & varijs quæstio-  
 nibus hominem vrgere, vt sic suauiter exprimeret latentes animi  
 sensus. Post varia: Quin imò, ait ille, per quotidianam mei obla-  
 tionem diuinæ Voluntati, eò deueni, vt si præscirem ego, ad infe-  
 ros me deiiciendum decreto immutabili, Deo tamen refractarius  
 esse nollem, modò simul liceret scire, sic Deo visum esse, ita De-  
 um velle: imò etiam si oratione Dominicā vel semel pronuncia-  
 tā diuinum illud decretum rescindere potestas esset, sanè id aude-  
 re non vellem, sed potius geminas has Deo preces adinouerem,  
 Vt æquisssimam sanctissimamque Voluntatem suam in me perge-  
 ret exsequi, & Vt hanc vnā mihi gratiam faceret, quā veterer-  
 totā Æternitate, diuinæ Voluntati quidquam contrarium cogita-  
 re. Cohorruit ad has voces Cœnobiarcha, & panē in lapidem  
 stetit, oborto vtriusque silentio. Demum: Ito, inquit, ito, mi  
 Pater, & propositi huius tenacissimus maneto. Cælum extra cæl-  
 um reperisti, & hoc interpreteris gratiam paucissimis factam.  
 Raræ immunitatis est à nemine turbari, à nemine lædi posse. Ar-  
 cem quietissimam habitat, quisquis se totum ad diuinam Volunta-  
 tem conformat.

## §. III.

Ira cœnositam suam à se dimisit antistes, ipse alto stupore desi-  
 xus, hæc secum cœpit ratiocinari, &: Iam mihi liquet, ait, vnde huic  
 viro, quem hominem ridiculum censebant, illa medendi gratia. Hæc  
 tanta cum diuinā Voluntate coniunctio, ad hoc fastigij scōs  
 euehit. Et quī possit Deus hunc talem hominem æternis flammis  
 addicere? repugnat id infinitæ bonitati. Et sanè fateri cogor, nec  
 longum esse, nec difficile iter, ad hoc culmen solidissimæ Tran-  
 quillitatis: neque enim hīc opus inusitatæ vitæ seueritate, non cre-  
 bris ieiunijs, non prolixis vigilijs certandum, omne hoc negotium  
 peragit vnicū generosum Velle, sed hoc Velle quotidie  
 instaurare.



instaurandum, firméque statuendum, contra diuinam Voluntatem prudenter nil vnquam admittere. Ita enim, inquit Chrysostomus, *velle* efficit posse, *vti nolle* efficit non posse. Magna vis est voluntatis, quæ efficit nos posse quod volumus; & non posse illa quæ nolumus.

Quodd si quis manè ita se Deo committat: O Dominus meus & Deus meus, ego me tibi offero in omne beneplacitum tuum: hodie sciens prudensque contra tuam Voluntatem nil agam: is tamen eodem hoc die aut vetitam ganeam, aut infame prostibulum subeat, aut alijs ad vitia occasionibus temerè sese indulgeat, hic quidem homo cum Deo ludere, & alterâ panem, hac verò manu scorpionem porrigere censendus est. Ita prorsus diuinæ Voluntati subiectissimum se quidem polliceri, nihilominus aliorum opibus, aut famæ nominique insidias struere, inuidiam in se sponte admittere, ab irâ non præueniri, sed illam ultro accersere, hoc iocari est cum Deo, & vitiorum moram impellere, atque ostium aperire vix dum rogantibus admitti. Et quodnam hoc amoris symbolum amo te, sed hunc à me colaphum accipe. Aut: non patiar me separari à te, at cum occasio inuitat in rupis angusto calle, quem verbis antè adeò demulseram, iam manu deijcio in voragine. At solemus pigerrimis nos vocibus defendere: *Non potui aliter*. His Chrysostomus respondens: Nec enim quisquam, ait, poterit excusari, quasi voluerit, & non potuerit: cum constet eum idcirco non potuisse, quia noluit, vt nolens volentis exemplo damnetur: & volens, quia impleuit quæ voluit, muneretur. <sup>b</sup>

a Chryl. serm. de Zachario, sine tomi secundi. b Chryl. serm. de Zach.

#### §. IV.

Illud ergo colloquium inter duos religiosos viros, captu difficile non est: & fateri cogimur, viam nemini obstructam, ad illum Tranquillitatis apicem; ad hunc paradisum nemini occlusum ostium: quævis hoc vnum potest, *velle quod vult Deus*, iam ingressus est: nulli aut ordinis, aut sexûs, aut ætatis homines hinc arcentur. Verum quo præcipuè in narrato colloquio capita sunt institutionis tam exultantiæ, vt ea probè cepisse, sit hinc palmam obtinuisse.

Primum: Altissimè animo imbibere, quicquid fit, diuinâ fieri providentiâ, quæ ad suum finem atque ad beatitudinem disponit vnica, prout secretissimo Dei iudicio placuit ab omni æuo. *Verba* certâ, & in æternum dictâ lege decurrunt. Pulchrè de hoc Seneca:

**Seneca:** Causa pendet ex causâ, inquit, priuata ac publica longus ordo rerum trahit. Ideo fortiter omne ferendum est: quia non, ut putamus, incidunt cuncta, sed veniunt. Olim constitutum est, quid gaudeas, quid fleas: & quamuis magnâ videatur varietate singulorum vita distingui, summa in vnum venit. Accepimus periturâ, perituri. Quid ita indignamur, quid querimus? ad hoc parati sumus. Utatur, ut vult, suis natura corporibus: nos læti ad omnia & fortes cogitemus, nihil perire de nostro. "

Alterum: Facere quod in se est, cetera omnia diuinæ Prouidentiae liberalissimâ confidentiâ transcribere: sorte suâ contentum, viuere, de alienâ non inquirere, nec vlli beatiorem inuidere. Hæc sunt quæ perducunt in propugnaculum Tranquillitatis inexpugnabile: hæc illa virtutum omnium panoplia est. Hanc verò nunquam induunt illi, qui caduca hæc amant, velut sua & perpetua bona, & qui se propter illa suspici volunt, qui diuinæ Prouidentiae non satis fidunt: hi ad leuissimarum iniuriarum motus collabuntur; iacent & moerent, cum vanos & pueriles animos, omnis solidæ voluptatis ignaros, falsa & mobilia oblectamenta destituunt. At ille qui se lætis rebus non inflat, nec mutatis contrahit, diuinæ de se Prouidentiae plenissimè fidit; aduersus vtrumque statum inuictum animum tenet, exploratæ firmitatis: omnium virtutum panopliâ munitus est. verbo: Vult quod vult Deus.

a Sen. de prouid. c. 5.

## CAP. II.

*Fierine possit, ut quis nunquam tristetur, & an id arte illâ impetrandum, quâ nostram diuinæ Voluntatis conformamus.*

**S**alomon humanæ sapientiæ pelagus, & magnum portentum, liberrimè pronuntiavit: Non contristabit iustum quicquid ei acciderit. " Loquitur sapientissimus Rex de rebus fortuitis quæ bonæ menti contra quàm vult, obueniunt, perinde si dicat: Mala voluntaria, uti sunt peccata & noxæ, virum bonum utique sollicitum habent & dolore afficiunt: at illa fortunæ ludibria, facultatum amissio, honoris iactura, valetudinis dispendium, charorum funera virum iustum tam non affligant & angunt, ut hæc sæpissime beneficii loco numeret, nec mala putet, sed exercitium patientiæ credat, & pro ijs, ut par est, Deo gratias agat. Nam bonæ menti calamitas omnis, occasio est virtutis. Quapropter Hugo, illud ( quicquid ei acciderit )



acciderit) acutè expendens: Sicut accidens est, inquit, auctore philosopho, quod adest & abest præter subiecti corruptionem: ita præfens tribulatio, & ærumna adest, & abest præter iusti contristationem, & conturbationem.

Ceterum, quodd erecto ac hilari animo vir iustus exteriora quævis mala excipiat, Paulus locupletissimus testis: Repletus sum, inquit, consolatione, superabundo gaudio in omni tribulatione nostrâ. <sup>a</sup> Non in fame tantum aut siti, non in vinculis solum aut plagis, sed in omnibus ærumnis & angustijs, *in omni tribulatione nostrâ*: Neque leui tantum lætitiâ afficior, sed, *repletus sum consolatione, superabundo gaudio*, etiam cum virgis cædor, cum lapidibus insternor, etiam cum naufragijs iactor. Turcensis præsul Martinus à Seuero Sulpitio tot annis nunquam iratus, nunquam mœstus est visus, sed pacatus semper sibi que similis. Ita sanè non contristabit iustum, quicquid ei acciderit. Chrysostomus omni calculo sententiam hanc confirmans: Nihil enim aliud, inquit, graue atque acerbum est, quam in Dei offensionem incurrere. hoc sublato, non afflictio, non insidiæ, non aliud quidquam prudentem animam molestiâ afficere queat. Quin potius quemadmodum si exiguam scintillam in magnum pelagus iniicias, eam protinus extinxeris: eodem modo molestia omnis quamlibet ingens, si in animum sibi bene conscium inciderit, confestim perit & euanescit. <sup>b</sup> Hic idem oris aurei doctor, ut rem quasi oculis explicatiùs subijceret, mentem cælo conferens: Cælum, inquit, altius est imbribus ac pluuijs. Cælum quidem cum nubibus obducitur, pati putatur, sed nihil patitur. Sic & nos etiam si putamur pati, nihil patimur, id est, tristitiâ quasi nubilus obduci putamur, sed non tristamur. Sed demus humanæ imbecillitati doloris aliquid & mœstitiæ, sed quale hoc aut quantum? Ambrosius: Esto, inquit, in illis, hoc est, in laboribus, aliquid acerbitatis. Quem virtus animi non abscondit dolorem? Neque enim profundum mare negauerim, quia vadosa sunt littora; neque cælum lucidum, quia interdum obtegitur nubibus; neque terram fecundam, quia aliquibus locis ieiuna glarea est; aut lætas segetes, quia intermixtam solet habere sterilem auenam. Similiter putata beatæ messis conscientiæ interpellari aliquo acerbò dolore, tamen manipulis vitæ beatæ, si quid fortè accidit aduersi atque amaritudinis, tanquam sterilis auena absconditur, aut tanquam lolij amaritudo frumenti suauitate obducitur. Ergo, non contristabit

stabit iustum quicquid ei acciderit. Sentiet tristitiam, non consentiet, tegetur nubibus cælum, non subuertetur; lolium miscebit se tritico, sed non nocebit. Non sentire mala sua non est hominis; at non ferre, non est viri.

## §. I.

Neque solum Christiana sapientia hoc capit: priscis etiam hoc animi robur non ignotum. Verè cecinit Venusinus vates:

*Iustum & tenacem proposuit virum,  
Non ignis ardor prælia iubentium,  
Non cultus instantis tyranni  
Mente quatit solida: ———  
Si fractus illabatur Orbis.  
Impandum ferient ruinae.*

Susque deque ferantur omnia, cælum ruat, sub ruente hac mole cor Deo firmum non trepidabit. Amplissimæ promissiones sunt, quæ cor istud præmuniant. Deus proclamans: Nolite, inquit, tangere Christos meos, <sup>b</sup> quos ego gratiæ meæ oleo inunxi: Et verè: Iustorum animæ in manu Dei sunt, & non tanget illos tormentum malitiæ. <sup>c</sup> Zacharias: Qui tetigerit vos, tangit pupillam oculi mei. <sup>d</sup> Ioannes: Scimus, inquit, quia omnis qui natus est ex Deo, non peccat (violando charitatem letali noxâ <sup>e</sup>) sed generatio Dei conseruat eum, & malignus non tangit eum, <sup>f</sup> eâ scilicet vi quâ possit vincere.

Assyrius Rex Sennacherib omnes Iudææ ciuitates expugnauit, Hierosolymam non potuit, imò nec obsedit, imò nec quidem vidit. Disertè affirmat Ilaïas: Hæc dicit Dominus de Rege Assyriorum, non intrabit ciuitatem hanc, & non iaciet ibi sagittam: & non occupabit eam clypeus, & non mittet in circuitu eius aggerem: <sup>g</sup> Ita prorsus vir iustus, cuius lex Voluntas Dei, vndique inexpugnabilis est, non contristat eum quicquid ei accidat, licet omnia membra torqueat dolor, licet paupertas vrat, licet mille premant ærumnæ, ille tamen erecto celsoque animo Deum arctissimè stringit, & etiam tunc ad diuinam Voluntatem sese conformat ex toto. Et quippeni hoc possit? libera habet charitatis brachia, nullis vnquam, si nolit, catenis vincienda; æternis amplexibus, modò velit, inhæsurâ diuinæ Voluntati.

Memorant virum eruditione ac virtute magnum, vbi res in maximâ esset difficultate, solitum dicere: *Salue amaritudo amarissima,*

a Horat. l. 3. eorum. Ode 31. b Psal. 104. v. 15.

omnis

c Sæp. c. 3. v. 1. d Zach. c. 2. v. 8. e Vide Nicolaum Serarium in hunc locum.

f 1. Ioan. c. 5. v. 18. g Ilc. 37. v. 33.



*omnis gratia benedictionisque plena.* Quid hoc aliud quàm cum Socrate philosopho cicutam haurire ridendo? Melius dixero: quid hoc aliud quàm cum Apostolo Andrea crucem amplecti vel eminus salutando? Hac certè ratione propter hortum, ut aiunt, salutamus & sepeam; & propter fructus, amamus & arborem.

## §. II.

Obijcias: Hæc in scholis differimus, aliter domi vivimus. Famæ, infamia, bonorum iactura, morborum sæuitia neminem exhilarant, neque enim leniter ista feriunt: ferreus sit cuius hilaritatem non subruant hi arietes.

Da veniam, mi homo, videris ex familiâ esse amicorum Iobi, quibus ille in os: Consolutores, inquit, onerosi omnes vos estis. Verbosi amici mei, ad Deum stillat oculus meus. Stillat, non nego, & hoc non voluptatis est: sed stillat ad Deum, hoc solidi est gaudij. Deus non projiciet simplicem, nec porriget manum malignis. Donec impleatur risu os tuum, & labia tua iubilo. Ecquid vultus? Manus Domini tetigit me, a Ab hac manu feriri, beatius est, quàm à quavis aliâ mulceri. hæc Domini manus per sanat vel solo tactu: feriendo non morbum sed salutem, non mortem adfert, sed vitam. Hæc amicis suis Iobus, hæc & ego tibi. Simul etiam quero: Si quis ferreâ chirothecâ te cædat, & sanguinem eliciat, nunquid in ius ambulare coges chirothecam? manus fecit. nunquid manum ad tribunal rapies? homo te læsit: ita Deus manum quâ ferit, chirothecâ tegit iam scorteâ, iam lignâ, iam & ferreâ; modò fame punit, modò infamiâ, nunc illum in te hominem immittit, nunc alium; quandoque per cognatos, per domesticos, per fratres te castigat. Quid iam tibi vis? eadem Dei manus est, idem Deus qui ferit, sed aliter atque aliter, per alios atque alios te cædit. Quid tu iam blateras, homo? ille nebulo mihi hanc invidiam corflavit; trifurcifer iste in has angustias me coniecit: hic tenebrio & gratiam mihi & pecuniam subduxit. Quid quæso hîc als, insane? quid contra chirothecam litigas? manum attende, Deum aspice percutientem, Deus hæc omnia fecit. Non recordaris, cuius te supra monuerim? siluisse, imò & obmutuisse sanctissimum regem, hoc vnum cogitando: *quoniam tu fecisti.* Ecclesiastes de bonâ malâque die differens: Sicut enim hanc, inquit, sic & illam fecit Deus, ut non inueniat homo contra eum iustas querimonias. b. Cur igitur non Deo id saltem laudis tribuimus quod chirurgus, qui vbi

Scalpello dextrè vomicam rupit: Optimè (dicimus) mi magister, ab hoc vulnere quod fecisti, sanitatem ego spero. Medicum quoque laudamus, qui Theriacæ suæ viperam miscet saluberrimo effectui: in Deo cur improbemus, si suis pharmacis humanas noxas & iniurias admisceat? Hoc sciamus, constare illi facti sui rationem, etiam cum de eâ nihil nobis constet. At interim in Deum occultè queruli musitamus: O Domine quàm acerbè percutit manus tua, nimis valida tibi brachia sunt ad verberandum. O Christiane, ne Deum accusa, nimis eum esse validum ad verberandum tu nimis delicatus es ad tolerandum: si te libet tantum aura tristior, si quis tibi saniem extracturus adsit, occidendum te putas. Iustus quasi fundamentum sempiternum: Iustus in æternum non commovebitur. Tandem ibi consistit, ubi nil eum pellat, ubi nil terreat. Non contristabit iustum quicquid ei acciderit.

a Prou. c. 10. v. 25. & 30.

### §. III.

Seneca suo Lucilio: Nolo, inquit, tibi vnquam deesse lætitiā: volo illam tibi domi nasci: nascetur, si inodò intra teipsum sit. Ceteræ hilaritates non implent pectus, sed frontem remittunt: leues sunt, nisi tu fortè iudicas illum gaudere, qui ridet. Animus debet esse alacer & fidens, & super omniā erectus. Ita prorsus est: Animus sit super omnia erectus ad Deum, à nutu & Voluntate diuinā sic pendens, vt illum nec extollant fortuita, nec frangant: & cui vera voluptas sit, voluptatum contemptio. Hunc animum ita liberum, ita interritum ac stabilem, extra turpem metum, extra cæcam libidinem, & fœdas cupiditates positum, cui vnum bonum sit Deus & Voluntas diuinā, vnum malum auersio à Deo & diuinā Voluntate: hunc, inquam, animum non contristabit quicquid ei acciderit; hunc ita fundatum, necesse est, velit nolit, sequatur hilaritas continua, & lætitiā alta atque ex alto veniens. Reliqua gaudia aut turpia sunt aut infirma & extra hominem. Atque hæc quibus delectatur vulgus, tenuem habent ac perusoriam voluptatem: & quodcunque inuecticiū gaudium est, fundamento caret. Aliter planè in viri iusti gaudio est. Nam, Senecā teste, illud ex se ortum, fidele firmumque est, & crescit, & ad extremum usque persequitur. Obserua (ad extremum usque persequitur) quod vel ipsi Rationi clarum, sola enim virtus præstat gaudium PERFECTUM, securum: etiamsi quid obstat, nubium modo interuenit,



quæ infra feruntur, nec vnquam diem vincunt. <sup>a</sup> Nam reuera talis est animus diuinæ Voluntati affixus, qualis Mundi status super Lunam :

*Perpetuum nullâ temeratus nube serenum.* <sup>b</sup>

Siquidem illa pars Mundi superior & ordinatio, nec in nubem cogitur, nec in tempestatem impellitur, nec versatur in turbinem, omni tumultu caret. Eodem modo animus diuinæ Voluntati constanter inhærens, quietus, & in statione tranquillâ collocatus, modestus & compositus est: non contristabit illum, quicquid acciderit. Neque verò Hilaria & Saturnalia semper agitabit, aut Bacchanalia viuet vir ille iustus: placidum & occultum illud gaudium est, & cum gravitate, in d seueritate coniunctum. Neque enim aliud est, quàm interior quies, & pax & concordia animi, & magnitudo cum mansuetudine. Quæ malis aut stultis absunt: vbi cupiditates ipsæ sibi obstrepunt aut pugnant, & semper in eorum animis velut legiones & castra fœdarum, aut acerbarum cogitationum. Mens bona & diuinæ Voluntati in omnibus obsecundans, nunquam malis suis ingemiscit, fortuita hæc despicit, quicquid acciderit, boni consulit, in bonum vertit, nunquam de Deo queritur. Hæc illa est quies mentis in tuto collocatæ & sublimitas; hoc illud ex notitiâ diuinæ Voluntatis & obsequentiâ gaudium tam grande & immotum, vt non contristet iustum, quicquid ei acciderit. Nam quod Sapientia in Sacris loquitur, idem Voluntas diuina pollicetur: Qui me audierit, habitabit cum fiduciâ, & requiescet absque timore, ab omni malo. <sup>c</sup> Christianus doctor hæc consignet Ambrosius: Non frangitur sapiens doloribus corporis, nec vexatur incommodis: sed etiam in *ÆRVMNIS BEATVS* manet. Quia non in delectatione corporis, vitæ beatitudo, sed in conscientia purâ ab omni labe. <sup>d</sup>

<sup>a</sup> Sen epist. 28. & 98. <sup>b</sup> Lucan. <sup>c</sup> Prou. c. 1. v. ult. Interpret. septuag.

<sup>d</sup> Ambr. l. 1. de Iacob. c. 8.

#### §. IV.

Itaque sentit ærumnâs vir iustus, sensum enim hominis nullâ exiit virtus: sed non timet, & inuictus dolores suos ex alto spectat. Clarissimè Romanus Sapiens: Nihil, inquit, accidere bono viro, mali potest. <sup>a</sup> Quasi respondeat, Aduersi aliquid, fateor: nihil mali. & in eo tu erras. Quemadmodum tot flumina non mutant saporem maris, nec remittunt quidem: ita aduersarum impetus rerum, viri fortis non vertit animum. Manet in statu, & quicquid

<sup>a</sup> Senec. l. de prouid. c. 2.

euenit,

evenit, in suum colorem trahit. Est enim omnibus externis potentior: nec hoc dico, non sentit illa: sed vincit, & alioquin quietus placidusque contra incurrentia attollitur. Omnia aduersa exercitationes putat. Talis profectò Iobus, talis rex Dauid. Nam etsi ambulauero, inquit, in medio vmbrae mortis, non timebo mala, quoniam tu mecum es. *a* Si Deus pro nobis, quis contra nos? *b* Si Deus pro me, aiebat Paulinus, tunc etiam araneorum telae instar triplicis muri mihi erant: si contra me Deus, tunc ipsum hoc subtilissimum textum plus impedire poterit quam ullus murus. Ita Felix Nolanus presbyter, cum idololatrie impia sacra obiectasset, facto in se impetu, in duorum parietum angustias se abdidit. qui adituras cum præparatis repente araneorum telis obductus videretur, nemini recentis latebrae suspicionem reliquit.

Verè, Clamauerunt iusti & Dominus exaudiuit eos, & ex omnibus tribulationibus eorum liberauit eos. *c* Orbi hoc factus Dauid: Exquisiui dominum, inquit, & exaudiuit me, & ex omnibus tribulationibus meis eripuit me. Ergo, Benedictus Deus qui consolatur nos in omni tribulatione nostrâ, ut possimus & ipsi consolari eos qui in omni pressurâ sunt. *d* Non contristabit iustum, quicquid deum accadat. Nam ut pupillam Christi tangere nemo poterat, nisi is à quo Christus eam voluisset tangi, ita homini probo certissimum, nec pilum sibi posse subtrahi, ni Deus id velit. Quoddam Deo placere quid scierit, mox adest & exclamat: Fiat voluntas tua, sicut in cælo & in terrâ: non contristabit me, quicquid à diuinâ Voluntate obtigerit. Ideò Isaias vates velut nuntios emittit ad omnes probæ mentis homines, & dici eis inperans: Dicite iusto, inquit, *QUONIAM BENE.* *e*

Verum, ô mi Isaiâ, viro huic charissima vxor mortua est. Nihilominus, inquit, dicite illi, *quoniam bene.* At domus illi combusta est: Idem hoc illi dicite, *quoniam bene.* At officio & omni gratiâ priuatus est: *quoniam bene.* Sed magnam fecit facturam honoris. *Necdum malè.* At iam omnium liberorum funera spectauit: Dicite illi non minus, *quoniam bene.* At maximam pecuniæ summam perdidit: *quoniam bene.* nam ipse periisset, ni prius ipsius pecunia.

Iacob sub dio dormijt, terra ei in cubile, saxum in cervical fuit: rigidus somnus, fateor, sed vidit huc illuc euntes & redeuntes Angelos, & Deum scalarum capiti acclinè. *f* Multis omnia videntur san-



æa, sciunt tamen circa se vigilare insomnes Angelos, & Deum ærurnarum suarum assiduum spectatorem respiciunt, ideò non contristat illos quicquid eis accidit. Iustus quasi leo confidens, absque terrore erit. <sup>a</sup>

Alphonfus, ille Neapolis & Aragoniæ Magnus Rex, qui iam senex Liuium & Cæsarem quotidie legit, epistolæ Senecæ in Hispanicum idioma transtulit. & ne putes, Lector, in profanis solum scriptoribus eum studiosè volutatum, hic vir hic est, qui tota biblia, vetus & nouum Testamentum vnà cum commentarijs decies quater, non obiter sed presso vestigio euoluit: hic, inquam, Rex virtute & eruditione tantus, inter tot alia, diuinum hoc documentum posteris reliquit. Siquidem interrogatus quemnam in hoc Orbe iudicaret beatum, respondit: Hunc ego prorsus beatum iudico in hac vitâ, qui se ipsum Domino Deo summâ pietate & affectu committit, & omnia quæ illi eueniunt, non aliter quàm rem à Deo factam laudat, & acceptat. <sup>b</sup> Non hoc oraculum dicamus, & vocem cælo lapsam: non veriùs, non sanctiùs dixerit è cælo Angelus.

<sup>a</sup> Prou. c. 28, v. 1. <sup>b</sup> Panormitan. in vitâ Alph.

### §. V.

Heraclides Alexandrinus memorat venisse se ad Dorotheum, sexaginta annis in cauatâ rupe sanctissimè agentem. Ab hoc ad fontem missus hauriendæ aquæ, serpentem vidit innatantem puteo, & mox pedem retulit cum vacuâ hydriâ. Subridens Dorotheus, & hominem diutule intuitus, capite leniter concusso: Si Deus, inquit, diabolo permittat in omnes puteos deijcere viperas, tunc omni potu abstineas? Mox è specu progressus ad fontem, hausit aquam, cruce signauit, & propinans Heraclidi: Vbi crux, inquit, ibi artes Satanæ iacent. Iustus quasi leo confidens, absque terrore erit: Nec contristabit iustum quicquid ei acciderit. <sup>a</sup>

Sed vt quæ hic verba sunt, fiant opera, duplex hoc loco consilium suppeditat Chrysostomus. <sup>b</sup> Primum: Cum in corpore dolor diuersus vrget, plerunque fit vt alter præ altero non sentiat, vt qui læsum & suppurantem habet digitum, simul tamen è stomacho aut capite grauitè laborat, de digito tacet, stomachi aut capitis dolorem queritur: Ita, inquit Chrysostomus, si te iactura pecuniæ, aut honoris & famæ, aut alia quæuis calamitas dolere iubeat, tu dolorem de peccatis excita & ingemisce: cogita Christi ad columnam cæsi, per vias tracti, in crucem appensi contumelias & cruciatus

ciatus

<sup>a</sup> Heraclidis paradisus c. 1. <sup>b</sup> Chrysostom. s. ad pop.

ciatus infandos, simul etiam noxis tuis supplicium deberi agnosce. Hic dolor alterum sentiri prohibebit, mitigabit certè si sentiatur. Ideò Christus: Nolite, inquit, timere eos qui occidunt corpus, animam autem non possunt occidere: sed potiùs timete eum qui potest & animam & corpus perdere in gehennam, <sup>a</sup> Vult Dominus timorem vinci timore, & illum ab isto consumi, vt non contristet iustum quicquid ei acciderit.

Alterum: Emplastrum parti læsæ applicandum non sanæ, nec ei cui non congruit: Collyrium oculis ineditur non brachijs, catapotium stomacho recipiendum, non eo pes obligandus, malagma vlceri, non vicinæ parti imponendum: ita prorsus Tristitia nec damno pecuniario, nec honoris dispendio, nec morbo aut horum malorum ulli ineditur. Mœrore te confice, omnia lacrimis imple, & nec hilum proficies: non pecuniam, non honorem, nec valetudinem luctu reuocabis, sed damnum augebis & dolorem. Huius rei causa hæc: Tristitia proprium remedium est peccati, hæc lues hoc antidoto curatur: hoc malagma huic vlceri applica: peccasse tristere, non numos perdidisse. Chrysostomus solertissimè nos huius commonefaciens: Multatus, inquit, est quispiam pecuniâ: tristatus est, multam non emendauit. Filium quis amisit, doluit, mortuum non resuscitauit. Flagellatus est quis: doluit, contumeliam non reuocauit. In morbum quis incidit grauissimum: doluit, morbum non sustulit, sed difficiliorem reddidit. Vides horum nulli prodesse tristitiam? Peccauit quis: tristatus est, peccatum deleuit, dissoluit debitum. <sup>b</sup> Clarissimè Paulus: Contristati estis, inquit, secundum Deum, vt in nullo detrimentum patiamini ex nobis. Quæ enim secundum Deum tristitia est, pœnitentiam in salutem stabilem operatur: sæculi autem tristitia mortem operatur. <sup>c</sup> Ergo Tristitia, & pharmacum, & venenum est: refert, quâ ratione vtaris illâ. Ergo repeto millies: Non contristabit iustum quicquid ei acciderit.

<sup>a</sup> Matth. c. 10. v. 28. <sup>b</sup> Chrysostom. 5. ad pop. <sup>c</sup> 2. Cor. c. 7. v. 10.

## CAP. III.

*Humana voluntatis cum diuinâ Conformitatem, Deo gratissimum esse sacrificium.*

POST Agnum cælestem quotidie offerri solitum, voluntatis propriæ oblationem gratissimum Deo sacrificium esse asserimus. Hieronymus ad Lucinium, optimè distinguens: Aurum depo-



here, inquit, incipientium est non perfectorum: fecit hoc Crates Thebanus, fecit Anthistenes: seipsum offerre Deo, propriè Christianorum est. <sup>a</sup> Totum Deo dedit qui seipsum obtulit. Et hoc unum unicè Deus ambiens: Præbe, inquit, fili mi cor tuum mihi. <sup>b</sup> Omnia dedisse censeberis, ubi hoc dederis.

<sup>a</sup> Hier. epist. 28. ad Lucin. & epist. 103. ad Paulin. <sup>b</sup> Prou. c. 23. v. 26.

### §. I.

Vt autem hæc cordis seu voluntatis oblatio Deo grata sit, in gratiâ necesse est sit ille qui hæc offert. Basilii in illud sacri carminis: Afferte Domini filij Dei, afferte filios arietum: Prius, inquit, sis filius Dei, quàm ea offeras quæ grata sint Deo. <sup>a</sup> Saltem dolere debes excidisse te gratiâ, & conari redire: Cor contritum & humiliatum Deus non despiciet. Præclarissimè Augustinus: Velle inquit, ut nihil aliud agerem quàm reddere me, cui me maxime debeo, atque ita Deo fieri, quod ait Poëta, & amicium inancipium Domino. <sup>b</sup> Ad hoc omnes alios exhortatus: Constanter, inquit, Deo crede, eique te totum committe, quantum potes. Noli esse velle quasi proprius, & in tuâ potestate, sed eius clementissimi & utilissimi Domini te seruum esse profiteri. Ita enim te ad se subleuare non desinet, nihilque tibi euenire permittet, nisi quod tibi prosit, etiamsi nescias. <sup>c</sup> Idem alibi luculentè hoc confirmans: Nihil, inquit, gratius ei possumus offerre, quàm ut dicamus, quod dicitur in Isaiâ, POSSIDE NOS, <sup>d</sup> Sunt qui ceram voueant aut oleum ad concinnandas in templis lampades. Aliquot sesterriorum sunt hæc vota, ideo non optima nec perfecta. Alius abstinentiam vouet à vino, aut liberalius largiri stipem constituit: pretiosum votum, non tamen omnium optimum. quid enim hic pauperes faciant? ergo melius restat. Non eligit Deus oleum tuum aut ceram tuam, sed hoc quod redemit, animam tuam, hanc illi offer. Et si me interroges, quomodo animam meam, quam ipse habet in suâ potestate, illi offeram? Respondebo: moribus sanctis, cogitationibus castis, operibus fructuosis. Sic Anna suum Samuelem obtulit, sic Iesum beatissima Virgo: sic Ioannes Baptista infans oblatus est: Ita Gregorius Nazianzenus, ita Dominicus, Bonaventura, Bernardinus, Bernardus, à parentibus oblato Deo, in viros sanctissimos euaserunt. Quod si tantopere prosit offerri ab alijs, quantum proderit offerri à seipso: quod

<sup>a</sup> Basil. in Psal. 28. <sup>b</sup> Horat. l. 2. sat. 7.

integer-

<sup>c</sup> Aug. tom. 1. l. de quantitate animæ c. 20. <sup>d</sup> Idem tom. 1. l. 2. soliloq. c. 15.

<sup>e</sup> Idem in Psal. 131. initio & sequ. 1. de Natiuitate Domini.

integerrimè rex Dauid executus : Voluntariè, inquit, sacrificabo tibi. <sup>a</sup>

Hoc ipsum mirificè placet cuique nostrum, si quis se nobis oblatione tam liberali deuoueat. Socrati olim cum multa multi pro suis quisque facultatibus offerrent : Æschines pauper auditor, Nihil, inquit, dignum te quod dare tibi possum inuenio : & hoc vno modo pauperem me esse sentio. Itaque dono tibi quod vnum habeo, Me ipsum. Hoc munus rogo, qualecunque est, boni consulas, cogitesque alios cum multum tibi darent, plus sibi retinuisse. Cui Socrates : Quid ni tu, inquit, mihi magnum munus dederis, nisi fortè paruo te aestimas ? Habebo itaque curam ut te meliorem tibi reddam quam accepi. Vicit Æschines hoc munere Alcibiadis patrem diuitijs animum, & omnem iuuenum opulentorum munificentiam. <sup>b</sup> Vides quomodo animus inueniat liberalitatis materiam, etiam inter angustias ? Non quanti quæque sint, sed quali dentur animo, quam pronam voluntate perspiciendum. Multum dat Deo, imò dat omnia qui quotidie se suamque voluntatem diuinæ penitissimè transcribit. Et hoc diebus singulis non semel duntaxat iterumque faciendum, sed sæpius, sed centies, & millies, tunc praesertim cum quis mutari se sentit aut impugnari, cum quippiam successu carere, aut feliciter succedere animaduertit, tunc clamandum : O Dominus meus, & Deus meus, ego me tibi offero in omne beneplacitum tuum : fiat Voluntas tua. Hoc aduersis rebus patientiam, prosperis sobrietatem & moderationem conciliat. Hoc, etsi omnia teterrimè cadant, hominem afflictum retinet, ne in voces impias & impatientiam prolabatur, hoc meritum auget, hoc homini Deum mirificè propitiat, hoc scutum est aduersus omnem calamitatem. <sup>a</sup> Psal. 53. v. 8. <sup>b</sup> Seneca l. 1. de benefic. 2.

## §. II.

Bernardus hoc omnibus persuasurus : Non habeo, inquit, nisi minuta duo, imò minutissima, corpus & animam, vel potius vnum minutum, voluntatem meam : & non dabo illam ad voluntatem illius, qui tantus tantillum tantis beneficijs præuenit, qui toto se totum me comparauit. Alioquin si illam retinero, quam fronte, quibus oculis, quam mente, quam conscientiam vado ad viscera misericordiae Dei nostri. Chrysostomus de beato Paulo quotidie seipsum offerente : Abel, inquit, obtulit sacrificium, & inde laudatur : sed si



Pauli hostiam adducamus in medium, quàm cælum à terrâ superi-  
or erit. Non enim oues offerebat aut boues, sed semetipsum per  
singulos dies dupliciter immolabat &c. Neque verò his tantùm sa-  
crificijs contentus fuit, sed quia seipsum consecrauerat Deo, etiã  
Orbem vniuersum studuit offerre. Hinc igneus iste vir, à sui ipsius  
oblatione tam aacer nullum fugiebat laborem, nulla horrebat pe-  
ricula, ad omnia pro Deo sustinendâ paratissimus.

Auo Diocletiani, Epictetus presbyter & Altion, religiosissi-  
mam vitam agentes in Oriente, à Latroniano Almiridensium du-  
ce comprehensi, in carcerem ducti sunt. Hic Epictetus: Si crasti-  
no, inquit, nos iudex in quæstionem rapuerit, mi optime Altion,  
& de nomine, parentibus, patriâ interrogarit, hoc vnum ei respon-  
deamus: Christiani sumus, hoc nomen nobis, hoc genus, hoc pa-  
tria. Quod si tormentis lacerari nos Deus voluerit, nil aliud in tor-  
mentis, nisi hoc vnum dicamus: domine Iesu, tua Voluntas sem-  
per in nobis fiat. Postero die ad tribunal medio foro apparatus  
euocatur è carcere. Latronianus pro tribunali sedens, vniuerso  
populo inspectante, quærere instituit, vade domo, gente, patriâ  
essent. Ad quæ Epictetus: Christiani sumus, inquit, & parenti-  
bus editi Christianis. Non hoc quæro, ait Latronianus, nomina  
vestra edite: sectæ vestræ perfidiam iam antè noui. Hic iterum san-  
cti martyres: Christiani sumus, Christum Iesum adoramus: dete-  
stamur idola. His auditis, excandescens iudex imperat deuestitos  
immaniter credi. Illi elatis in cælum oculis inter cruentas plagas  
exclamant: domine Iesu, tua Voluntas fiat in nobis. Hic Latronia-  
nus acerbè insultans: Vbi est, inquit, defensor ille vester, cuius  
auxilium imploratis? veniat, & vos meis manibus subducatur. Post  
quæ denuò sancti martyres exclamant: Christiani sumus; fiat Vo-  
luntas Dei nostri in nobis. His vocibus in rabiem efferatus iudex,  
in equuleum iubet attolli martyres, & vngulis ferreis atrociter lani-  
ari. Sed neque hîc aliæ voces extorqueri poterant, quàm hæ ipsæ:  
Christiani sumus, ô tyranne Latroniane, fiat Voluntas Dei nostri  
in nobis. Iudex, sic vinci, turpe sibi ratus, arduas faces suspen-  
sis adiuucri præcipit. Neque tamen iam aliæ voces auditæ quàm  
antè: Christiani sumus; fiat Voluntas Dei in nobis. His perfuncti  
cruciatibus reducti sunt in vincula. Spectatâ hac tragoediâ Vigi-  
lantius, affessor iudicis, postquam tones ingeminari audijisset illud:  
Christiani sumus, fiat voluntas Dei in nobis; in eam semet persua-  
sionem

fionem adduxit, miræ virtutis incantamentum hoc esse, quod  
 omnem doloris vim enervaret, & in ipsis supplicijs supplicia sentiri  
 prohiberet. Hæc ipsa igitur verba, tanquam potentissimum car-  
 men in omnem noxam, assidue repetere, nec aliud stans, sedens,  
 ambulans, domi, foris, cubitum secedens, aut toro surgens pronun-  
 tiare quàm hoc ipsum: Christiani sumus, fiat voluntas Dei in no-  
 bis. Triduum sic exegit, Deo ipsius velut infantis non mali mise-  
 rescende. Quartâ demum die, arcanâ vi motus in publicum prosi-  
 lit, & palam vociferari cœpit: Christianus ego sum, ô tyranne  
 Latroniane, fiat voluntas Dei nostri in nobis. Admissus in carce-  
 rem ad martyres, Christianis sacris imbutus est cum omni familiâ:  
 qui ut suis doctõribus gratus esset, eos postmodum capite plexos  
 sepelijt. Proximâ ab hac die Latronianus Epictetum presbyterum  
 & Altionem in conspectum iubet produci, & iam vulpem induens:  
 Num Dijs, inquit, facitis? an etiamnum insaniam vestram perse-  
 queratis: Cui Epictetus: Frustra es, Latroniane, Erebi monstra  
 non colimus: vitam nobis potius extorseris quàm mentem hanc.  
 Diximus, & vsque millies ac millies dicemus: Christiani sumus:  
 Fiat voluntas Dei in nobis. Hic deinum Latronianus velut leo ir-  
 rugire, & ad ferales ministros: mox, inquit, huc acetum & sale-  
 saxo, sentiant improbi se vulneratos esse. Et vos ne parcite; la-  
 ceros artus aceto & sale confricate. Verùm nec v oculam à priori-  
 bus mutarunt martyres: eadem vtriusque constantissima professio:  
 Christiani sumus; fiat voluntas Dei in nobis. Sed ab his cruciati-  
 bus illæsi, denuò in carcerem contrusi sunt, è quo post triginta  
 demum dies educti, & ora saxo contusi, atque fraxineis virgis cru-  
 delissimè cæsi sunt. Verùm idem etiamnum clamabant ambo:  
 Domine Deus noster, tua voluntas fiat in nobis. Tandem in eos  
 suprema sententia dicta, ut extra urbem capite pœnas expende-  
 rent. Dum ducerentur, his sese mutuis vocibus animarunt: Lau-  
 date nomen domini quia facta est voluntas Dei nostri in nobis per  
 omnia. Cùm ad supplicij locum peruenissent, suum illud ingenti  
 voce proclamarunt: Benedictus es domine Deus patrum nostro-  
 rum, & laudabilis, & superexaltatus, eò quòd non humana, sed  
 tua Voluntas per omnia facta est in nobis. Iam iamque securi erant  
 ferendi, cùm inter generosissimos athletas nobile certamen or-  
 tum, vter gladium prior exciperet, altero alteri primas deferente,  
 honoris causâ. Hic Epictetus vir sexaginta annorum, & iam canis  
 inspersus, ætatis auctoritate vsus, cupere se dixit præmitti Altio-  
 nem.



nem. neque diu refragatus Altion: O mi Pater, inquit, & o sacerdos Dei venerande, fiat voluntas Dei, & tua. Dixit, & animâ Conditori commendatâ, caput amputandum præbuit. Epictetus pronum se abiiciens in Altionis cadaver, illudque arctè completus, caput & ipse dedit auferendum. Ita vterque sanctissimè finijt.

a Vide Rosveid. de vitis Patrum l. 1. c. 12. & seqq. vsque ad 20.

### §. III.

En specula duo tersissima, in quibus mirificè relucet deuotissima voluntas ergo diuinam Voluntatem. Ita prorsus te quisque comparet, vt quantumcunque dura experiatur, assiduè tamen hoc ipsum ingeminet: Christianus sum, fiat in me Voluntas Dei: Equidem ista mihi difficillima, & toleratu grauissima videntur, sed fiat Voluntas Dei: Equidem tam tristia non expectabam, sed fiat voluntas Dei: Equidem hic homo mecum iniquissimè agit, sed fiat in me voluntas Dei.

Dux militiæ fortissimus Iehu scripsit litteras, & misit in Samariam ad optimates ciuitatis. At illi non diu morati, sed quàm primum ad Iehu legatos destinarunt qui suo loco dicerent: Serui tui sumus, quæcunque iusseris faciemus, quæcunque tibi placent fac. Et quoties ad nos optimus Deus mittit litteras, monetque variè, suamque nobis Voluntatem proponit sectandam? Quid iam singuli nostrum aliud renuntiari iubeant quàm hoc ipsum: Serui tui sumus, quæcunque iusseris faciemus, quæcunque tibi placent, fac. Ideò beatus Antonius suis identidem ingerens: Si semper, aiebat, Dei manibus omnia commiserimus, nullus dæmonum ad expugnandum valebit accedere.

Elias Thesbites cum Baalis sacerdotibus contendebat, vtra pars verum Deum coleret: Ad eam demum pactionem res venit, vt pars illa vinceret, cuius hostiæ igne cælitus libarentur. Cùmque sacrificuli diu multumque clamaissent, neque tamen vllum vel indicium igniculi à Baale subinissi se proderet. Elias, omnes suæ victimæ partes perfundi præcepit aquâ, & mox ignis cælo delapsus, omnem victimam consumpsit. Quantum, obsecro, vbique laboris & fagationis, quantû clamoris & perturbationis est apud plurimos Christianorum? Iudatur & algetur, curritur & certatur, nulli parcitur industriæ, at enim plerunque deest ignis, vera in diuinam Voluntatem deuotio. Rarò & frigide precamur, Fiat voluntas tua domine, fiat. Ita sæpius & clamamus, & sacrificamus, sed frustra, quia sacrificium nobilissimum, propriæ voluntatis oblatione non curamus.

Macarium olim duo quidam rogarunt, doceret se orare. Quibus ille: Non hinc opus, inquit, multâ verborum copiâ. manus ad Deum crebrius pandendæ, clamandumque: Domine Deus, quomodo vis, & sicut tibi placet, ita fiat. Siquidem ipse nouit quæ nobis expediant. Optimus orandi modus. Nam & Pachomius assidue precabatur, ut domini Voluntas in omnibus impleretur.

Narrat Alphonsus Salmero, fuisse hominem qui orationis loco, totum ordine alphabetum recitarit (utique perplexâ necessitate pressus), & hanc apposuerit clausulam: Domine, iunge Tu litteras, & quod tibi magis placet, mihi que magis expedit, largire. <sup>b</sup>

Est ergo hæc humanæ voluntatis cum diuinâ concordia, ex ijs omnibus quæ quis Deo potest offerre, maximum, Deoque acceptissimum sacrificium ac holocaustum. In alijs enim omnibus tux duntaxat, in hoc offert homo seipsum: in alijs ex parte solum seu temperantiâ, seu liberalitate, seu patientiâ se domat, in hoc autem planè totum se dat, ut de se rebusque suis diuinum arbitrium disponat, quo modo, & quando voluerit, nullâ re sibi nec minimâ reseruâtâ vel exceptâ. Ac proinde quantum pars differt à toto, tantum differt & hoc sacrificium à ceteris omnibus.

Hic duo monuerim: Site, mi homo, sic totum diuinæ Voluntati deuoueras, & velut teipsum tuamque voluntatem iugules, non te facti, pœniteat, obsecro, seu bene sit tibi, seu male; ne reuoca quod statuisti. Infantum indolem nosti; cum læduntur, iam nolunt ampliùs illius esse qui læsit, sed sui. Antea si quæsisisses, *CRIME* *est* Tuus, dixissent. At paululum offensi, renunciant huic amori & foederi. Ne, quæso te, cum Deo sic agas, mi Christiane: Etiam si Deus te virgis cædat, etiam si fuste percutiat, etsi te vinciat & vrat, etsi varijs rerum angustijs te premat, tu tamen nihilominus assidue clama: Tuus sum, ô mi Deus, tuus, sum; fiat Voluntas tua.

Deinde, si in flagranti quopiam delicto seu Temulentia seu Detractionis, siue Luxuriæ, interrogeris, cuiusnam sunt hæc membra quibus vteris? an non hæc Deo centies, an non millies oblata? & iam in contumeliam, despiciatam, & grauissimam iniuriam Dei à te vsurpantur, Ebrietatis, Maledicentiæ, Libidinis instrumenta? Vide quid agas, ô homo. Hoc non est seruare fidem. En linguam, oculos, manus, corpus totum toties oblatum Deo, iam vendis cæcodæmoni? Vide quid agas; Deus non irridetur. Si deseris nolis à Deo, denuò te sanctissimæ illius Voluntati sub-

mitte,

a Rufinus Aquil. n. 208. Pelagius libel. 12. n. 10.

b Salu. rom. 10. tract. 1. mihi pag. 103. c Gal. c. 6. v. 7.



mitte, exequendo quicquid aut leges aut instinctus diuini mandant. Tota Israël felicitas in eo erat, Deum sequi ductorem in terras illas fertiles, Nube & Igne præeuntibus: Ita salus nostra in eo vertitur, vt & præeuntem igneam legem Amoris, & opacam diuini regiminis nubem sequamur constanti gressu, dum penetremus in terras illas mellis & lactis verè vberrimas. Ita sequamur, quocunque duxerit Voluntas diuina.

## CAP. IV.

*Omne hominis perfectionem consistere, in Conformatione humane voluntatis ad diuinam.*

OMnes humanæ actiones pretium sui habent à fine quem spectant: hinc illæ tam bonæ vel malæ, quàm illarum finis est. At verò finem actionum nostrarum nec meliorem, nec sublimiorem reperiemus vllum Voluntate diuinâ, hoc est, ipso Deo: Ergo nec meliores nec sublimiores actiones ullæ sunt, quàm quæ proximæ huic fini. Hinc illud Basilij Magni effatum, totam sanctitatis summam in homine Christiano esse, vt is rerum omnium quæ grandium quæ exilium causas ad vnum solūque Deum referat, & sese in omnibus diuinæ Voluntati promptissimè subijciat. Hæc illa est sanctis Patribus, & sanctioris vitæ magistris toties ac tantopere commendata *Resignatio*, quam vocant, principium omnis tranquillitatis, vt quæ hominem in Dei longè tutissimâ manu collocat, ita quidem vt homo iam nolit esse suus, sed Dei, nec sibi vivere, sed Deo, & nihil non facere propter Deum, tam aduersis contentus quàm prosperis. Hoc Deus adeò in amoribus & delitijs habet, vt Hebræum regem David, augustissimo titulo donans, appellarit Virum secundum cor suum, qui faciat omnes voluntates suas. « Adeò enim rex ille affixum habebat cor, diuino cordi, vt ad omnes Dei nutus se promptum paratum sisteret. Hac omnino ratione plurimum quotidie promereri quis potest, si actiones illas omnes ex se nec vituperio, nec laude dignas, vti sunt esse, bibere, deambulare, dormire &c. ad diuinam referat voluntatem, neque ideò edat aut bibat quòd esuriat aut sitiat, sed quòd Deo id fieri placeat. Bos aut vacca dixerint: Edo quia esurio, bibo quia sitio, iaceo quia dormiturio: longè aliter loquendum homini, qui edere, bibere, stare, sedere, dormire velle potest, non quia hoc sibi graue sit, sed quia Deo probetur.

## §. I.

**Heliotropium**, ut diximus, soli deuotissimus flos abeuntem solem intueri semper, omnibusque horis cum eo verti solet & circumgi etiam nubilo die. Huius floris genium humana voluntas æmuletur, & diuinam voluntatem velut suum solem intueatur assidue, diebus etiam nubilis, rebus etiā turbulentis. In hoc sanè omnis vitæ sanctitas consistit, ut optime dixerit ille Theologus: *b* Summa vitæ Christianæ & virtutum omnium compendium est: Dei Voluntati in omnibus conformare, idem velle & idem nolle. Ita prorsus, ut quotiescunque Deus quid iubet, promptissimè pro se quisque dicat: Ita Domine, hoc faciam. Quotiescunque vetat aliquid: Ita Domine, hoc omittam. Bernardus: summa humilitatis, inquit, in eo videtur consistere, si voluntas nostra diuinæ, ut dignū, subiecta sit Voluntati, sicut ait Propheta: Nonne Deo subiecta erit anima mea? *c* Omnia quidem Deo ut creatori subiecta, quoniam omnia seruiunt illi, sed ab homine rationis compote voluntariā exigit subiectionem.

Rem mirissimam narrant publicā monumentā de Iosepho Anchietā. Fuit hoc æuo vir iste nouus in Brasiliā Thaumaturgus. Anno millesimo quingentesimo octogesimo quarto Iosephus ad sinum Ianuariensem redijt. In reditu Canoam (nauis genus est) conscendit, vnā cum comite. Erat tunc æstus ingens & molestus, malacia summa, nec auræ quidquam afflabat. Ægrè hanc cæli grauitatem ferebat comes. Fortè fortunā tunc arborem infederant tres quatuorue grandiores aues, quas incolæ Quaracies nominant, sunt eæ gallinarum magnitudine, colore purpureo in flauum vergente, aspectū pulcherrimæ. Has Iosephus idiomate Brasílico allocutus: Ite, inquit, & cognatas vestras huc accersite, nostrumque iter volatu vestro inumbrate. Illæ collo extenso vocem, velut accepti imperij signum misere, indeque auolantes paullo post magno agmine redierunt, densatæque in nubem tamdiu Canoam superuolantes umbrā fecere, donec vnus miliaris decurso spatio, lenis afflare cœpit aura Fauonij. Hic Iosephus missionem dedit tam fido comitatui, iussitque alio secedere. Illæ quasi imperio perfunctæ, officiosā crocitarione, & multis lætitiæ signis auolarunt. Hoc comes, post obitum Iosephi, multis grauib. viris præsentibus iureiurando interposito publicè affirmavit. Neque mirum ad hominis voluntatem cum Dei Voluntate coniunctissimi naturas omnes se attemperare. *d*

Huic

*a* Supra l. 2. c. 2. *b* Arias part. 1. de orat. ment. c. 5. *c* Psal. 118. v. 91.

*d* Sebast. Beretarius in vitā Iosephi Anchietæ l. 4. pag. 358.



Huic prodigio firmando, adnectam & alterum. Piscatio fiebat ad Maricanam insulam, aderátque vñ Iosephus. Incredibilis piscium copía omnes in admirationem rapuit. Sed cum ad salem legerentur, ingens inarinarum coruorum aliarumque aquatilium avium numerus ad expositam escam aduolauit, magnum operis impedimentum. Cumque non satis ab vilo possent abigi, Iosephus sermone Brasilico eas iubens facessere: Vos, inquit, hinc secedite, dum hi sunt in opere; ubi nos abierimus, tunc redibitis ad capessendum vestrum diarium. Quasi verba vim habuerint humanos sensus aures imprimendi, seorsim quieto finem operis expectarunt. Profectis inde cum Iosepho piscatoribus, gregatim ad deuorandas reliquias irruerunt. Inde vsu quotidianum erat, piscatoribus indicare quàm copiosam piscationem facerent.

Fuit vt duræ Pantheræ eminus se conspiciendas darent. Hic comes Iosephi, optare se aiebat illas è propinquo spectare. Respondit Iosephus, opere absoluto eius rei potestatem fore. Dein belluis his magnâ voce inclamat, paullo post vt redeant, esse qui illas cominus velint adspicere. Finito labore, nauim conscendit Iosephus, & traiecto sinu litus appellit. hic iterum Pantheræ placidè se spectandas præbebant vt eas per ortiũ adspicere omnes ad satietatem potuerint.

§. II.

Æquè obstupescendum & illud fuit. Aduertit quadam die Iosephus inter vicarios suos mœstitiam, & ex eâ silentium insolitum. Percunctanti causam responderunt, cibaria sibi deesse. Ille omnes secum ire iubet ad mare, cibatum haud dubiè reperturos. Negant illi ad piscandum idoneam esse tempestatem, quod tum cælum, tum mare ipsum aduersetur. Instat nihiloscius Iosephus, & omnes gradum addere hortatur, neminem frustratum voto rediturum. Tuere omnes; at mare sauium altius atque altius intumescibat. Hic vicari ab oculorum fide argumentum petentes: Vidēsne, aiunt, ipse præsens tuis oculis, mare esse intractabile? Iosephus nihilominus ex ijs quærens, quos optarent pisces: Responderunt contemptim, Xareos minutos. Est hoc genus pisciculorum palmi vnus fere magnitudine, quorum illo anni tempore nulli solent apparere. Tum Iosephus locum ijs circa litus, minus in ille inde passibus indicat, ibi eorum piscium copiam fore quantam velint. Eò igitur se conferunt, & paruis reticulis iniectis, atque ad eò manibus, quantum quisque voluit, ad satietatem exceperunt.

Ne mirare, Lector, sexcenta talia in rebus gestis Divorum reperiri. Nota sunt prisca illa, Mosis baculus, Eliæ pallium, scipio Eliæ, semicinctia Pauli, umbra Petri. Certè hi tales viri sceptrum à Deo obtinent in res creatas, pro quo illi quod optimum habent, voluntatem dant. Hac mutationis lege homo sic agit cum Deo tanquam si diceret: Domine, omnem ego voluntatem meam tibi trado: Deus; & ego tibi sceptrum meum, ut imperes bestiis, ut dominaberis in mare, ut sis denique Deus aliquis in terrâ. Neque enim liberalitate superari vult benignissimus creator: quisquis ipsi dat quod habet charissimum, nec ipse huic negat quod habet excellentissimum, hoc est, in omnia dominari. Et uti olim Alexander rex, de sibi charissimo Ephestione dixit: Non errasti, nam & hic Alexander est: ita de homine qui divinæ Voluntati deuotissimus est, dici potest: Nam & hic Deus est, certè per intimam voluntatis unionem.

Priscorum Parrum res gestæ, agricolam fuisse memorant, cuius ager fertiliores plerunque segetes tulerit quàm vicinorum. Quî id feret, rogatus à vicinis. Non esse quod mirentur, respondit sibi optinè conuenire cum cælo, nec aliam vnquam tempestatem esse quàm qualem optaret. Irrident illi, & negant id posse fieri. Imò verò, ait iste, ad votum meum respondet cæli gratia. Num ego nunquam alias tempestatibus commutationes volo, quàm quas vult Deus. Cum igitur diuinum velle, sit & meum, vberiores mihi fruges prouenire voluit Deus quàm vobis, quibus plerunque cum cælo & Dei Voluntate malè conuenit. Nimirum Deus, uti olim, vniuscuiusque voluntati suorum deseruit.<sup>6</sup>

a Curtius l. 3. c. 24. b Sap. c. 16. v. 21.

### §. III.

Pharaoni regi populus Israël supplicem libellum per Moysen porrexit olim his verbis: Deus Hebræorum vocauit nos, ut eamus viam trium dierum in solitudinem, & sacrificemus domino Deo nostro. « Viam ad cælum plerique aiunt esse viam trium milliari-um. Primo quidem milliari via dicitur PURGANS, altero ILLUMINANS, tertio VNIENS, hac quidem viâ proximè Deum venit, cum divinæ Voluntati arctissimè adstringitur humana. Christus per Lucam: Nemo bonus, inquit, nisi solus Deus.<sup>6</sup> Ex hoc fonte sanctorum Patrum & Theologorum effatum est istud: Sicut intellectus diuinus regula est totius VERI, nec falli potest: ita Voluntas diuina regula est totius BONI, nec distorqueri potest. Atque

a Exod. c. 5. v. 3. b Luc. c. 18. v. 19.



vti fieri non potest, vt sit aliquid conforme Intellectui diuino, & non VERVM: ita nihil esse potest diuinæ Voluntati conforme, quod non sit BONVM. Optimè Chrysostomus: Quod sit iuxta Dei Voluntatem, inquit, quamuis videatur improbum esse, tamen omnino Deo gratum est & acceptum. Contra quod sit præter Dei Voluntatem, ac fecus quàm ille vult fieri, quamquam existimatur acceptum Deo, tamen est omnium pessimum & iniquissimum.

Huius rei specimen suggerunt Regum fasti. Propheta regem Achabum diuino iussu reprehensurus, quòd Syriæ regi, quem bello ceperat, contra Dei voluntatem pepercisset, ne tamen primâ fronte agnosceretur reprehensor, accedens socium: *In sermone Domini*, inquit, *percutite me*. Noluît ille; religioni enim sibi duxerat Prophetam vulnerare. Sed mox decretum audiit formidabilè: *Recedes à me*, inquit vates, *& percutiet te leo*. Factum, vt prædixit. Ergo alium adiens Propheta: *Percutite me*, inquit. b Percussit ille Prophetam, & vulnerauit. quod non tantum impune fecit, sed ob id laudem meruit. Quid hoc absurdius, inquit Chrysostomus, fieri possit? Qui percussit Prophetam, euasit incolumis; qui pepercit, dedit pœnas. Tanti est diuinæ Voluntatis regulam seclari, vel aspernari. Cuicunque Voluntas diuina innotescit, nefas ei iam vterius quarere, Cur hoc ita? Omnium caussarum loco est, Deū ita velle.

Ergo tutissimum Christianæ perfectionis fastigium est, diuinæ Voluntati se quàm integerrimè addicere, & desinere suum esse, vt possit fieri Dei.

a Chrys. tom. 5. orat. 1. contra Iud. post init. b 3. Reg. c. 20. v. 36.

## C A P. V.

*Conformationem humana voluntatis cum diuinâ, summum esse bonum esse.*

PRodigi adolescentis frater, acerbè admodum tulit decoctorem patrimonij, epulo tam lauto excipi. Idcirco iniuriam sui hoc interpretatus, paternas ædes ingredi recusauit. Pater plenissimus humanitatis, homini pacando egressus coepit rogare, ne diei hilaritatem dissensione temeraret. At ille in os patri objiciens: En, inquit, contra voluntatem tuam nil vnquam egi, seruo me vteris; dum vivo, & tamen nec semel quidem vel olidum hircum mihi dedisses, vt cum amicis hilariùs cenarem, adeò tibi sordent mea obsequia. Sed postquam obediens tuus filius, ille lurco, ille gurges patrimonij & vorago, qui omnia cum mulierculis abliguriuit, domum redijt,

redijt, mox omnia pretiosa domus eruuntur, velut in gratulationem rei tam bene gestæ. Quis non indignetur? At verò pater optimus, ut tranquillaret stomachantem: Fili, ait, tu semper mecum es, & omnia mea tua sunt. <sup>a</sup> An nescis quòd æquè sis Dominus in domo, atque ego? vno inarsupio utimur: meæ facultates tuæ sunt. His demum mitigatus ingredi domum sustinuit.

Benignissimus Deus hominem suæ Voluntati deuotum sic conseruat, his excitat: Tu semper mecum es, tu es in Intellectu meo, in Memoriam, tu es in Voluntate meâ: te semper aspicio, singulari te gratiâ complector: Omnia mea tua sunt; mecum cælum, Angeli mei, imò vnigena meus filius tuus est, quoniam inò ego ipse tuus sum, eroque tuus, Ego ero merces tua magna nimis, <sup>b</sup> per omnem æternitatem.

Neque hoc satis amantissimo Patri, sed ut norit diuinæ Voluntati deuotus homo, quantâ gratiâ polleat apud Deum, dat insuper eam potestatem multis, ut ea faciant quæ diuinis solùm viribus fieri possunt. Opera quæ ego facio, inquit Christus, & ipse faciet, & maiora horum faciet. <sup>c</sup> Certè tales eam obtinènt gratiam, quâ norint regere seipsos, & in appetitiones suas maximam habere potestatem. Hoc illud Dei sceptrum est, uti diximus, <sup>d</sup> hæc amantissima promissio, hic continuus cum fauore aspectus. Cum homine Deus diuifum velut imperium habet, cum omnia quæ Dei sunt, & hominis sint, etiam Deus ipse. Paulus affirmatissimè: Omnia, inquit, vestra sunt, &c: siue Mundus, siue vita, siue mors, siue præsentia, siue futura, omnia enim vestra sunt: vos autem Christi, Christus autem Dei. <sup>e</sup> VESTRA sunt, nondum quidem possessione, sed usu & sine, omnia enim eò condita, ut salutem vestram subseruiant. Mundus est vester cum rebus creatis omnibus, hæc enim omnia corpori animoque ancillantur: Vestra est vita, ut eam vnica Dei Voluntati impendatis: Vestra est mors, ut per eam velut ianuam transeat in paradysum: Vestra sunt præsentia, tam prospera quàm aduersa, quia his utimini ad virtutem: Futura quoque vestra sunt, quia his fruimini ad voluptatem: Vobis omnia cooperantur in bonum. <sup>f</sup> Desiderium cordis vestri tribuit vobis Dominus. <sup>g</sup>

<sup>a</sup> Luc. c. 15. v. 31. <sup>b</sup> Gen. c. 15. v. 1. <sup>c</sup> Iban. c. 14. v. 12. <sup>d</sup> Cap. præcedentis. <sup>e</sup> 1. Cor. c. 3. v. 22 & 23. <sup>f</sup> Rom. c. 8. v. 28. <sup>g</sup> Gal. c. 5. v. 14.

## §. I.

Gloriabatur olim Themistoclis filius, omnem Atheniensium Reipublicam à se gubernari, hoc enim omnes ciues velle quod



ipse velit. Mirantibus audacissimum iuuenis dictum, subiicit: Quod ego volo, illud & mater mea vult (filium enim illa tenerissime amabat) quod autem mater mea vult, hoc idem vult & pater meus Themistocles, quicquid verò placuerit patri meo, id continuò placere Athenis iam compertum est. Hinc, inquit, Atheniensis Respublica ad meum imperium componitur: Ita prorsus & meliori iure rectissimæ voluntatis homo dixerit: Quod ego volo, hoc vult omnis cælestis exercitus. Nam quod ego volo, id vult Deus (ego enim nihil vnquam volo, nisi quod Deus) quod autem Deus vult, hoc omnes Beatorum, hoc vniuersi Angelorum ordines volunt. Huic pater suauissimum illud ingerit: Omnia mea tua sunt. Solùm improbi etiamnum rebelles sunt. Sed erit cùm & ipsi subdentur iustis: Et dominabuntur eorum iusti in matutino. Dum huius vitæ nox est, ingentia patrantur scelera, & latent; diuinæ Voluntati certatim contradicuntur, & tacet Deus. At *in matutino* Orbis supremo die, quo cuncti reuiuifcent, Tunc *dominabuntur eorum iusti*; & *auxilium* *Gerascet in inferno à gloriâ eorum*: a omnis improborum potentia velut defloccata vestis consumetur. Tunc ex integro dicetur: omnia mea tua sunt. Verissimè Paulus: Qui autem adheret Domino, inquit, vnus spiritus est, *b* per hanc voluntatis consensionem, è quâ homo tranquillitatem conscientiæ & omnem vitæ sanctitatem haurit, vt semper vigeat vireatque.

Rem miram narrat Brocardus *c* de locis Palestinæ, grauiter asserens, nihil à se commemorari, quod non ipse oculis viderit. Ergo, ante portam Hierosolymorum, inquit, locus est ad teli iactum ab vrbe distans, vbi Christus perorauit ad plebem: eodem hoc loco lapis monstratur, in quo, velut in cathedrâ stetit illa mulier quæ sub mediâ Domini concione exclamauit: Beatus venter qui te portauit, & vbera quæ suxisti. *d* Cluius hic arenis nunquam integitur, licet illic arenæ velut niues vento agitatae omnia inuoluant. Accedit & hoc: Æstate & hyeme præsignem virorem retinet campestris hic locus, prærogatiua singulari. Huic colli semper virenti simillimum eum dixerim, qui diuinam Voluntatem in cordis penetralia sic recipit, perinde si dicat: Tu mihi, mi Domine, hîc concioneris velim; te audiam. Tam bona mens arenarijs ærurnarum fluctibus nunquam sepelitur, nec potest tam bonæ mentis homini vnquam esse tam malè, quin dicat: Domine delicatè me tractas, & nimium mihi parcis; grauiora meritis sum. Sentio quidem hæc

*a* Psal. 48. v. 15.

quantum-

*b* 1. Cor. c. 6. v. 17. *c* Brocard. in suâ Palestinâ mihi pag. 301. *d* Luc. c. 11. v. 27.

quantumcunque leuia, non tamen quid ego sentiam, sed quid tu velis attendo: & quia hæc ita fieri permittis, ego nec quidem hincere contra habeo: placet mihi, quicquid tibi placere video: decretis tuis omnibus contentissimus, ad omnes ritus tuos paratissimus sum: Iube, impera, decerne, iuta, prout vis. Nimis ego inscitus sum & impius, si tibi moderari postulem, aut rerum gerendarum modum constituere. Hunc talem hominem omnis infortunij comitatus nunquam expugnauerit; nullius rei iactura illum à Deo auulserit; hac parte insuperabilis est; ætate & hieme, tam rebus aduersis quam prosperis virêt.

## §. II.

Dux belli Iehu occurrentem sibi Ionadabum familiariter affatus: Numquid est cor tuum rectum, inquit, sicut cor meum cum corde tuo? Et ait Ionadab: Est. Si est, inquit, da manum tuam. Qui dedit ei manum suam. At ille leuauit eum ad se in currum, dixitque ad eum: Veni mecum. Quod Iehu, hoc & Christus Rex Orbis vniuersi fecit: venit is Samariam, quæ vel ipso nomine Mundum spinis horrentem designat: huc autem ideò venit, vt omnem impij Achabi stirpem & Baalis sacrificulos deleret, hoc est, Superbiam, Luxuriam, Idololatriam & omne genus peccati eliminaret. Hic Ionadabum Christus repperit, bonæ voluntatis hominem, quem interrogans: Numquid est cor tuum rectum, ait, sicut cor meum cum corde tuo? Si est, da manum tuam & ascende in currum meum, & veni mecum. Huic Deus dextram gratiæ suæ porrigit hunc, in altum Voluntatis suæ currum attollit, cum hoc vehitur. Nam: Veni mecum, inquit, ducam te per viam Crucis: hæc est ipsissima via ad vitam eamque æternam. Ne formida, iuxta me sedes, prolabite non finam, sed hoc calle perducam ad cælum, vehi mecum, vt semper sis mecum, & iuxta me. Hic ille tutissimus in Orbe locus, quem supra modum ambiens Iobus: Pone me, inquit, iuxta te, & cuiusuis manus pugnet contra me. b Durabo & mille ictus exibo, à tuâ manu securissimus. Vbi in hunc diuinæ Voluntatis currum peruenit homo, facile illi est in intimam cum Christo familiaritatem sese insinuare, imò & Christi cognatum fieri, & propinquitatem primâ coniunctum, Christo asseuerante: Quicumque fecerit Voluntatem Patris mei qui in cælis est, ipse meus frater, & soror, & mater est. Exclamat hinc non immeritò Euthymius: O admirandam virtutem,



tutem, quæ ad se accedentes ad tantum extollit honorem, vt ipsos Christi faciat esse cognatos: <sup>a</sup> Reuerâ summum vitæ bonum est, humanæ voluntatis cum diuinâ coniunctio.

Vir sanctus dicere solebat: QVICQVID VIS, HOC ES. Quippe tantarum virium est voluntas nostra diuinæ coniuncta, vt quicquid ferio totâque intentione volumus esse, hoc sumus. Nemo ardentius vult esse submissus, patiens, verecundus, aut etiam liberalis, qui non is ipse sit quem se esse cupit. *Quicquid vis, hoc es.* Addit idem ille: Si magna facere, aut largiri non possis, magnam saltem habeto voluntatem, eamque extende ad immensa. Pauper es? eius tamen animi esse potes, vt si opes suppeterent, eas liberalissimè in egenos esses partiturus. Exiguarum virium es? ita tamen offerre te potes, vt si tibi mille sint animæ, capita mille, mille tamen animas, capita & vitas mille pro Christo prodigere detrectaturus non sis. Afflictus es, & miser tibi videris? iunge voluntatem tuam diuinæ, & felicissimus eris. Ille verè miser est, qui seipsum nequit regere, de quo vitia, velut de Homero ciuitates litigant, cuiusnam sit; qui turpissimâ vicissitudine modò Ambitioni, modò Auaritiæ; iam Iræ aut Inuidiæ, iam Ebrietati aut Luxuriæ seruit; vix vnquam suus est, multò minus Dei, quia nunquam Rex in seipsum. De Hercule canit Poëta:

*Omnia cum domuit; Veneri seruiuit & ira.*

Idem præne de tali affirmes: Omnia licet habeat, 'seipso caret': Non suus est, sed pecuniæ, sed Libidinis, sed plurimorum vitiarum seruus est. O quantò melior est patiens viro forti, & qui dominatur animo suo, expugnatore vrbiu! <sup>b</sup> Si vis omnia tibi subijcere, subijce te diuinæ Voluntati: multos reges, si te regat Voluntas diuina.

<sup>a</sup> Euthym. in hunc locum. <sup>b</sup> Prou. c. 16. v. 32.

### §. III.

Deus omni æuo habuit inter homines, quos sibi delegit in amicos & familiares, quibus intimè vteretur, quibus plurima suorum arcanorum panderet, in quorum se consuetudinem quotidianis fauoribus immergeret. Inter quos aliqui velut primæ admissiōis sunt, alij secundæ, tertiæ isti, hoc est, alij alijs Deo coniunctiores: nos eiusmodi homines, *sanctos* vocamus. Seneca: Inter bonos viros ac Deum, inquit, amicitia est, conciliante virtute. Amicitiam dico: imò etiam necessitudo & similitudo; quoniam quidem bonus ipse tempore tantum à Deo differt, discipulus eius æmulatorque & vera progenies. <sup>a</sup> Aut sumus certè, aut esse possumus.

<sup>a</sup> Sen. l. de prou. c. 1.

sumus. Nostram hac in parte ignauiam meritò castigans Epictetus: Si Cæsar, inquit, te adoptasset, quis supercilium tuum ferret? Nunc cum Dei filius sis, non te æstimas & attollis? Certè, mi senex, sumus, sed adoptione, quam si perdere nolumus, sanctimoniâ vitæ seruamus. Porro ad hanc vitæ sanctimoniam proximus gradus est, se totum in omnibus diuinæ Voluntati addicere; is autem maiorem vitæ sanctitatem acquirit, qui altius in diuinam Voluntatem descendit. Ea propter beatissimus Paulus hoc vnice in suis desiderans: Non cessamus, inquit, pro vobis orantes, & postulantes, vt impleamini agnitione Voluntatis eius. « Non satis ei est, Voluntatem diuinam à suis agnosci, sed impleri eos cupit hac agnitione: vult illos in diuinam Voluntatem quàm profundissimè descendere. Norat vtique Paulus, vbi hoc ipse ab eis impetrasset, in omnigenarum virtutum studio eos quàm plurimum, idque sine difficultate profecturos.

Quàm autem æquum est, vt homini placeat, quod Deo placuit ab æterno? Harpalus cum filium suum epulatus fuisset, & Astyages Rex, qui illas epulas instruxerat, reliqua filij membra, caput, brachia, pedesque proferri iussisset, interrogassetque: *Et quomodo tibi hæc placent?* Respondit: *Quicquid facit rex, illud mihi placet.* Ah miser! tanti est hominem exuere, vt pecudi placeas?

Quin potius nos, Christiani ad omnia, hoc vnum pronunciamus? *Quicquid facit Deus, illud mihi placet.*

Romana olim adulatio libellis supplicibus, qui Cæsari tradebantur, subscribere solebat: *Numini Maiestatique tue deuotissimus.* Libellos supplices tradunt Christiani cum orant. Quin ergo suis quisque cum orationibus, tum etiam operibus, hanc clausulam adiungit semper: *Tuo, mi Deus, Numini Voluntatique deuotissimus.* Voluntatem suam omnem diuinæ deuouere, & obligare, quàm arctissimè, summum vitæ bonum, & verè cælum extra cælum est, vt iam demonstrabimus.

a Colos. c. i. v. 9.

## CAP. VI.

*Conformationem humanæ voluntatis cum diuinâ cælum esse extra cælum, & veram, scilicet beatitudinem.*

**B**Eatus es, & bene tibi erit, « quisquis hanc propriæ voluntatis cum diuinâ conformationem perfectè attigeris, omnia in te velut de manu Dei cupide amplexatus fueris: hæc tua in hoc O be



inferiore beatitudo erit; fruëris perenni quodam gaudio, & lætitiâ non multis notâ, hac enim felicitate fruuntur homines intimâ familiaritate Deo coniuncti: Beatus es, & bene tibi erit. Certum si quidem Paulinum illud: Non est regnum Dei esca & potus, sed iustitia, & pax, & gaudium in Spiritu sancto. qui enim in hoc seruit Christo, placet Deo, & probatus est hominibus. «

Vti autem in cælo nulla est vicissitudo, nullum (sic loquar.) Heri aut Hodie, sed continuus quidam sibi que semper simillimus æternæ voluptatis affluxus, isque inuariabilis, & nunquam non simul totus: Quoniam mille anni ante oculos tuos tanquam dies hesternæ quæ præterijt: *b* Ita & ij, qui hanc suæ & diuinæ Voluntatis vnionem adepti sunt, iam penè immutabiles, quicquid ærumnosæ vicissitudinis intercurrit, rationis imperio premunt: Omnis eorum gustus & oblectatio est Dei beneplacitum; exulat hinc inquietudo atque turbatio, quarum alioquin aliæ atque aliæ sine numero quotidie nascuntur. Voluntas illorum à Dei Voluntate sic suauiter sopita est, vt, cum videant à Deo proficisci vniuersa, sanctissimamque eius Voluntatem in omnibus impleri, molestiæ ipsæ ærumnæque, particulam gaudij secum afferant, quia in his ipsis molestijs ærumnisque diuinam Voluntatem reperiunt, & certius quàm in rebus secundissimis. Ita quietem illorum altissimam si fortè quid incurrat, nihil est, certè quod euertat. Qui confidunt in Domino, sicut inqns Sion non commouebitur in æternum.

a Rom. c. 14. v. 17. & 18. b Psal. 89. v. 4.

### §. I.

Hæc illa est causa serenissimæ pacis quâ prisci Patres pascabantur, ac veluti beabantur. Non deerant illis variarum ærumnarum acerui: morbi sæpissimè diuexabant corpus, animum ægrotudines incurfabant. Nam quò quis sanctior, hoc plerunque afflictior: Vnde illis ergo tam æquabilis serenitas animi, tanta etiam in fronte oculisque constantia & hilaritas? tam perenne Pascha & quasi sabbatum ex sabbato? Non ab alio sanè quàm à perfectissimâ sui ipsius in diuinam voluntatem oblatione. Vano & retuso ruit impetu in eum omnis calamitas, quem sic premuniijt diuina Voluntas. Non contristabit iustum, quicquid ei acciderit. « Iam tunc igitur sanctissimi illi viri felices erant ac beati, nam in rebus omnibus Dei Voluntatem & agnoscebant, & venerabantur, ideoque in hac vnâ con- quiescebant, lætabantur, epulabantur.

Nec prisca Philosophi hoc ignorarunt, à quibus sic definitum: Esse hoc ipsum Beati hominis Virtutem, cum omnia fiunt conformiter consentienterque Dæmoni siue Genio, qui singulis adest, atque id ex arbitrio & voluntate supremi Gubernatoris. <sup>a</sup> Epictetus insignissimè: Ostendite mihi aliquem, inquit, qui & ægrotet & beatus sit: qui & in periculo sit, & beatus: qui & moriatur, & sit beatus: qui in ignominia sit beatus? Animum ostendat aliquis vestrum hominis, qui idem cum Deo sentire velit, post hac nec Deum nec homines culpaturus, qui nullâ re frustretur, qui nullo casu lædatur, qui non irascatur, qui inuideat nemini, qui non æmuletur: qui (quid enim ambagibus est opus?) ex homine Deus fieri desideret. <sup>b</sup>

Quid nos in hac reverius altiusque dicemus? Et unde quæso hæc ad profanos illos delata aut illapsa?

Fuit ut duo quidam hac ipsâ de re colloquerentur, quorum alter: Si res ita se habent, inquit, ut omnia quæ fiunt à diuinâ Voluntate proficiantur, ita ut nec vnicus quidem passerculus, Christo teste, c in casses decidat, quin id Deus præuiderit ab æterno, & voluerit, felices nos erimus, nec infelices esse vnquam poterimus, si hæc capiamus. Felicissimi, ait iste, & iam pænè in cælo degemus: Sed pauci hoc explicatè capiunt, non quia id vlli captu difficile, sed quia animum non applicant. Quamuis & illud in causâ sit, quod hoc rariùs aut minus luculentè inculcetur in concionibus: erudita sæpe aut iucunda auditu narrantur, sed parum utilia, & quæ sciuisse vix quidquam faciat ad cælum. Hoc docendum & vrgendum, hoc assiduè inculcandum, quâ quisque ratione se suâque omnia diuinæ deleget Voluntati, & cælo potiatur extra cælum.

Catharina, illa à Senis, virgo sanctissima dicere solebat: Bonæ mentis homines esse quàm simillimos Seruatori nostro, qui uti beatitudinem animæ in ipsis etiam tormentis nunquam amisit, ita nec illos eam perdere, cum hæc consistat in conformatione propriæ voluntatis cum diuinâ. Neque hanc beatitudinem impedit, Multa pati, cum eam sæpe augeat. Non minus enim Deo coniunctus erat Iob cum acerbissima quæque pateretur, quàm cum delitijs afflueret: imò verò ausum dicere, Iobum Deo longè coniunctiorem fuisse egenum & vlcerosum in fimo, quàm magnificum & gloriosum in folio. Serenitas mentis cum Voluntate diuinâ copulatæ nullis ærumnarum nubilis auferri potest.

ff 4

Heliotro-

<sup>a</sup> Laërt. in Xenone. <sup>b</sup> Epict. l. 2. dissert. c. 19. post med. <sup>c</sup> Matth. c. 10. v. 29.



Heliotropio, inquit Plinius, <sup>a</sup> sunt æterna folia: idem de hoc tali homine dixeris, Folium eius non defluet: <sup>b</sup> æternum virebit.

<sup>a</sup> Plin. l. 21. c. 17. <sup>b</sup> Psal. 119. 3.

## §. II.

Petſarum quispſiam olim de ſuorum multitudine gloriatus contra Græcos: Cras, inquit, ſolum obſcurabimus ſagittis. Cui feſtiuè Græcus: Gaudeo, inquit, ſic enim in vmbra melius præliabimur. <sup>a</sup> Ita qui diuinæ Voluntati verè deuotus eſt: Ruat, inquit, in me omnis Acherontica viſ; adſint hoſtes, & ſolem ipſum obumbrent iaculis, non timebit cor meum, <sup>b</sup> ſub hac vmbra commo-diùs pugnauiſero: Sicut fuerit Voluntas Dei in cælo, ſic fiat. <sup>c</sup>

Narrat Caſſianus, hominem Alexandrinum iam grandævum ab idololatriſ velut agnum à lupis cinctum. Omnium vna mens erat, virum hunc vellicare, protrudere, exagitare, mille maledictis, mille iniurijs laceſſere, & velut pilam habere quâ datatim luditur, demum vnus per ludibrium quærere, ecquænam miracula ipſius Chriſtus quem tantopere iactaret, designaſſet. Cui ſedatè ſenex: Hoc inquit, miraculi patrauit, quòd ego iniurias, quibus me oneratis, tolerem, nec animi quietem perdam, grauioreſ etiam ipſius amore toleraturus, ſi voſ inferre pergatiſ. <sup>d</sup> Magnum ſanè miraculum, & etiam nunc quotidie patrari ſolitum ab ijs qui ſe totos diuinæ Voluntati emancipant. Norunt hi quâ ratione medijs in turbinibus ac tempeſtatibus impauidi, inter ruinaſ erecti ac ſtantes perſiſtant, & humana omnia infra ſe ducant. Nimirum priſca redeunt miracula: Rubus, quem Moſeſ vidit, ardebat, nec tamen deſagrabat: treſ Hebræi iuveneſ in flammis Babyloniciſ iacebant, illæſi tamen intactique permanebant. Ita prorſus, multa viriſ boniſ triſtia eueniunt: nec hoc dico, ſenſu carent, ſed impatienciâ. Omnia aduerſa, ſui experimentum interpretantur, & ad diuinam Voluntatem omnia reducunt. Ided dura ac difficilia non reformidant, nec de Deo aut diuinis permiſſionibus quidquam queruntur. Quicquid accidit boni conſulunt, in bonum vertunt, & nihil non attribuunt diuinæ Voluntati ac Prouidentia.

Alunt Macedoniæ montem Olympum altitudiniſ eſſe tam admirandæ, vt ad eiſ cacumen nec venti, nec pluuiæ, nec niueſ vquam pertingant.

———— Nubeſ excedit Olympus. <sup>c</sup>

Purum

<sup>a</sup> Valeſ. Max. l. 3. c. 7. ſine Plin. l. 16. c. 36. <sup>b</sup> Psal. 26. v. 3. <sup>c</sup> 1. Mach. c. 3. v. 40. <sup>d</sup> Caſſian. coll. 12. c. 13. ſine. <sup>e</sup> Lucan. l. 2. Phariſal.

Purum illic sincerumque cælum est extra omnes tempestatum furias. Sed nec aues aut alias animantes admittit hic locus, nimia subtilitate aeris. respirationi obstante. In huius rei notitiam ventum est hoc modo. Fuerunt qui quotannis eo eluctati, secum deferrent humentes spongas naribus applicatas, quæ aërem stiparent, sicque promouerent respirationem. Hi iugo montis conscenso, certos characteres inscripserunt pulueri, quos anno elapso tam non turbatos repererunt, ac si eos recens impressissent, quod certo argumento erat, illuc nec pluuijs, nec ventis accessum dari. Atque hic status est hominis qui ad eminentissimam hanc cum diuinâ Voluntate concordiam peruenit. Mons est, Olympus est, altior nubibus, superior tempestatibus, feris inaccessus, impertius ventis; hic in æoris nubes infra feruntur, hic alta & in solâ Dei Voluntate iucundissima tranquillitas. Augustinus: In pace, inquit, perfectio est, ubi nihil repugnat: & ideo filij Dei pacifici, quoniam nihil in istis resistit Deo, & utique filij similitudinem patris habere debent &c. Et hæc est pax quæ datur in terrâ hominibus bonæ voluntatis, hæc vita consummati perfectique sapientis. Optimè dixit Dorotheus: Eum qui diuinam Voluntatem in omnibus sequi conatur, in curru vehi cum omnibus crucibus ipsi alioqui ferendis; alios qui hanc itineris agendi rationem & compendium ignorant, ponè sequi pedites, & onerosas cruces aut morosè trahere, aut laboriosè ferre. *b*

a. Aug. tom. 4. l. 1. de serm. Dom. in monte. c. 2. post. init.

b. Dorothe. serm. de Obed.

### §. III.

Hanc ipsam cum diuinâ Voluntate perfectam conspiracyonem, supremam esse extra cælum felicitatem asserens Philo: Dum, inquit, de offerendis Deo muneribus agitur, offerentium vtilitati prospicitur. Dum enim assuescunt aliquam alimenti partem Deo decidere, nunquam in eius obliuionem veniunt. Quâ re nihil in vitâ potest contingere felicius homini. Huic sententiæ accedens nostri æui Theologus & concionator: Consideraui ego aliquando, inquit, possintne aliqua excogitari ars, quâ extra cælestem beatorum statum, plenè felix possit esse homo: vnâque hanc esse mihi persuadeo, si totum se, nullâ sui parte reſeruâtâ, suo dedat Creatori, eiusque sanctissimæ Voluntati. *b*

ff 5

Huic

a. Philo. l. d. sacerdot. muneribus.

b. Barthol. de Scobar. serm. de Samuele post. init.



Huic declarando mirificè facit genius Cynocephali, quæ quidem bestia, manibus pedibûsque, sed & cetero corpore non absimilis est homini. Illud propriissimum huic animanti, occultis viribus à Lunâ gubernari, per huius sideris miranda defluvia. Nam cum senescit Luna, lumina Cynocephali ita deficiunt, ut cum si-  
 dus ad extremam peruenit egestatem, oculi belluæ hient lumine vacui, & pari modo deficiat omne illius corpus. Cum verò adolescit Luna & suum reconcinnat aureum orbem, animantis pariter lumina coalescunt, totumque corpus resumit vires. ita recreatum hoc animal sibi que restitutum, in posteriores sese pedes attollit, & mirabili corporis flexu, ac venerabundis manibus ad lunarem circulum elatis, supplici gestu adorat lunam: quâ quidem veneratione velut proteſtatur & proclamat, omnem felicitatem Lunæ in acceptis referre, cum sua omnia tam pulchri sideris liberalitati debeat. Inde fit etiam, ut cum Luna omnem rotunditatem suam obtinuit, in capite Cynocephali, circulus velut diadema effulgeat. Admirabilis prorsus consensus inter astrum & brutum animal, quod altrici suæ tantis obsequijs, tam submisso culto nouit agere gratias, & semet in mancipium offerre. Quid agimus, ô Christiani, si minus aut sapiamus, aut facimus quàm pecus rationis experts? Deus lux est plenissima, nobis tamen aut crescit aut decreſcit lux ista, prout nos illi attemperamus. Languente in nobis hac luce, languent oculi nostri, nos tabescimus, iacemus, deficimus, perimus: crescente illâ illuminamur, crescimus, valemus & vigemus. Quin ergo huic domino eiusque sanctissimæ Voluntati nos perfectissimè auctoramus, paratos ad omnem nutum. Hoc nobis coronam conciliat, non illam solum æternæ gloriæ, sed & illustrem caducæ vitæ; mutamur in Deum, nostrâ voluntate in diuinam mutatâ.

Hoc igitur vitæ sanctioris princeps fundamentum est, omnia à manu Dei æquo animo acceptare, diuinòque arbitrio se totum permittere. Quisquis es, beatus es, & bene tibi erit. Quicumque diuinæ Voluntati seriò deuotus est, in paradiso est, factusque est in pace locus eius & habitatio eius in Sion. 4

Heliotropium, teste Plinio, fornicas necat: Humanæ voluntatis cum diuinâ consensus, verissimum Heliotropium, tota curarum & sollicitudinum agmina præfocat.

Hoc omne scriptor à sancti Francisci familiâ consignauit in hæc verba: Quisquis, inquit, verum animi gaudium ac tranquillam in Deo

Deo vitam desiderat, oportet illud immobili huic fundamento velut lapidi angulari *Voluntatis Dei* perpetuò inniri: ei semper incumbendo, idque per modum *Resignationis*. Potest autem (quod notatu dignissimum, præsertim mœsti ac delecti animi hominibus) potest autem, inquit, resignatus quis esse etiam dum adest contradictio, ariditas animi, aut subtractio deuotionis, & licet obmurmuretur sensus: quin imò si desit animus sic omnia pro *Voluntate Dei* acceptandi, seseque resignandi, altius est exurgendum, & ipsa irresignatio pro *Voluntate Dei* acceptanda. Quod si adhuc tenebræ adeò densæ sint, vt nec istud agere queat, oportet eas ipsas tenebras resignare. Si denique ratione tepiditatis, nihil horum omnium perficere lubeat, hanc etiam tepiditatem ac defectum voluntatis debet Deo offerre, atque è manibus illius tanquam eius *Voluntatem* sumere. Hoc modo quæcunque obuiare possunt impedimenta *Resignationis* reducenda sunt, vt *Voluntas Dei* possit semper & absque intermissione res omnes velut ignis sorbere & consumere. Atque hoc genus irresignationem ipsam resignandi, illud quod secundum sensum est, fructu & merito superat, directiusque ad veram vnionem, sui ipsius mortificationem, & rerum omnium transcendentiam deducit. « Hæc ille.

Vtinam, ô Christiani, vtinam dies noctesque nihil aliud magis agatis, nihil æquè curetis, quàm vt voluntas vestra, fiat Dei in omnibus, & diuina in vestram transeat: dignissima res est, vbi nervos omnes intendatis, vt vobis non aliud velle, nec nolle sit aliud, quàm quod vult aut non vult Deus. Mihi credite, bonum est nobis sic adhærere Deo, ad diuinam *Voluntatem* sic agglutinari bonum est, & ponere in domino Deo spem nostram. <sup>b</sup> Hæc vera beatitudo, hoc cælum est extra cælum.

<sup>a</sup> Benedictus Anglus in Reg. perfect. sine libri, mihi pag. 278.

<sup>b</sup> Psal. 72. v. 28.



## LIBER QVARTVS

De

*Humane Voluntatis ad Diuinam conformandæ*

## IMPE D I M E N T I S .

## CAPVT I.

*Conformationem humanæ voluntatis cum diuinâ, quæ  
maximè impediunt.*

**S**I cui domûs aut vrbs claues committantur, potestas etiam vnâ  
 committitur domûs aut vrbs ingrediendæ ad lubitum. Claues  
 ad cordis penetralia quandoque diu ambit Christus Dominus,  
 dum eas impetret, liberumque ad cor accessum obtineat. Adeo pa-  
 rum aulicæ humanitatis exhibemus hospiti omnium liberalissimo.  
 Rem scitu dignissimam narrat Ludouicus Blosius, <sup>a</sup> de beatâ Ger-  
 trude virgine. Huic aspectabilem se præbens Christus: Hac qui-  
 dem manu, aiebat, sanitatem fero, hac morbum: elige, filia, vtrum  
 placet? Quid hîc faciat Gertrudis? Sanitatem eligat? impudentiæ  
 videbitur: Morbum sanitati præferat? nimix modestiæ adscribe-  
 tur. Certè humani moris est, cum amicus huiuscemodi optionem  
 facit amico, vt iste vilius eligat, ad testandam modestiam; ita mor-  
 bum debuisset elegisse Gertrudis, ad effugiendos alterius Orbis  
 cruciatus. Non elegisset inscitè, imitata Catharinam Senensem,  
 quæ longè prætulit spineum sertum aureæ coronæ. Prudentius ta-  
 men Gertrudis & melius elegit neutrum, sed plicatis in crucem  
 manibus ad præcordia, & in genua procumbens: O mi Domine,  
 inquit, id ego votis omnibus à te contendo, vt non meam, sed tuam  
 attendas voluntatem: ideo ego ad vtrumque parata, neutrum eli-  
 go: tuum est, mi Domine, dignoscere, vtrum hoc an illud mihi re-  
 linquas. Cui Christus: Quicumque cupit à me sæpius adiri, inquit,  
 suæ voluntatis clauem mihi offerat, nec eam à me vnquam repetat.  
 His Gertrudis edocta, precationunculam fecit conceptissimis his ver-  
 bis: *Non mea sed tua voluntas fiat, mi amantissime Iesu.* Et hoc ipsum  
 trecenties sexagies quinquies institit ex more repetere: Non mea,  
 sed tua Voluntas fiat, mi amantissime Iesu. <sup>b</sup> Quæ quidem oratiun-  
 cula mille orationibus alijs videtur antèferenda. Optimè fecerit  
 qui hanc diu noctuque assiduè ingeminarit, & tunc quidem arden-  
 tius,

<sup>a</sup> Blos. mor. l. spirit. c. 11. <sup>b</sup> Blos. l. 4. diuinar. insinuat. c. 23.

tius, cum res aduersæ vehementius infestant. Nemo sit tam occupatus negotijs, aut oneratus ærumnis quin decies, quin vicies aut tricies, quin centies conceptissima hæc verba vel singulis horis pronuntiet: *Non mea, sed tua Voluntas fiat, mi amantissime Iesu.*

Verum, non leue cuius negotium videtur hoc VELLE à seipso semper impetrare: Obluctatur quandoque arbitrium, & abnuit impelli ad tam vilia tamque aspera perpassu. Ideò necesse est, vt qui suam diuinæ Voluntati quàm coniunctissimam cupit, ad illam præcipuè paratum se promptumque offerat, à quibus natura deprauatior magis abhorret. Idcirco contumax voluntas ad id potissimum adigenda, quod plurimum auersatur.

## §. I.

Et primò quidem, *Ad omnem penuriam* sese offerat, diuinæ voluntati deuotus homo, dicatque: Mi domine, tam ad egestatem quàm ad diuitias expeditum me tibi offero (durum hoc, sed salubre) neque illam etiam animi paupertatem detrecto ferre, quæ me solatijs priuet, & destituat omni suauiore sensu. Si ita tibi placeat, mi Deus, fiat cor meum instar aridissimæ terræ. Tu mihi, domine, propinasti vinum non Apianum, non Palernum, non Aromatiten, sed asperum, Absynthiten, & Myrrhatum; in tuam igitur gratiam ex hoc ipso amariore calice respondebo. Scio, domine, cellam tuam abundare Cretico & condito generosissimo, sed tu ad experiendos seruos tuos, vappam illis & acescens vinum propinare soles: perhauriam ergo, ô bone Iesu, quicquid tu mihi calicis amarioris ingesseris.

Exhibuerat se Deus vni suorum amicorum familiaris, & varijs animum illius consolationibus permulserat. Visus est sibi homo in rupe Taboreiâ ad Christi radiantem vultum semper consistere. Et quid hoc, aiebat ipse secum, an non in loco mœroris & luctûs degimus, nunquid hoc tempus has sibi suauitates poscit? Itaque deprecatus est tantam animi dulcedinem. Annuit Deus, & quinquennium plurimis eum ærumnis & angustijs exercuit: submisit demum Angelum, qui hominis luctum solatio leuaret: At ille sibi similis & cœpti perseverans: Non aliud vllum solatium, inquit, expeto nisi vnicum istud, vt sciam placere Deo, me esse in ægritudine; maximam mihi est omnium dolorum fomentum, Voluntas diuina: modò placeam Deo, non refert quàm sanus aut æger sum, modò Deo placeam. \*



Iosephi, Beatissimæ Virginis sponsi sublimissimam hæc in re virtutem meritò sic extollit Chrysostomus: Quæ cum audisset Ioseph (solum patrium exilio mutandum) nequaquam passus est scandalum, neque dixit; Incerta ista res est ac prorsus ambigua: tu paulò antè dicebas, quia saluabit populum suum, & nunc seipsum quidem non potest de periculis liberare. Sed fuga nobis necessaria, & peregrinatio ac transinigratio longinqua: contraria omnino sunt facta promissis. Sed horum nihil prorsus opponit. Vir enim erat fidelis, neque curiosè reuerfionis tempus inquit, quòd utique ab Angelo non signatè fuerat expressum. Verùm ille nec per ista quidem factus est segnior, sed obediuit libenter, & credidit, omnes prorsus tribulationes cum gaudio sustinendo. *a* Paratissimus erat Iosephus ad fugam adornandam, ad patriam deferendam, ad omnem penuriam tolerandam. Miseriarum omnium leuamentum est Voluntas diuina. Factâ sui oblatione ad paupertatem, vltèriùs eundum.

*a* Chryl.hom.8.in c.2.Matth. ante med.

### §. II.

Primæ igitur succedat altera sui oblatio, *Ad Contemptum & Ignominiam*. Ita Paulus præcipiens: In omnibus, inquit, exhibeamus nosmetipsos sicut Dei ministros &c. per gloriam & ignobilitatem, per infamiam & bonam famam, vt seductores & veraces. *a* Dicat diuinæ Voluntati deditus: Domine, ego me tibi offero, ad ignominiam & contemptum quemcunque, eum maximè cuius ego causa non sim: Propter te negligi, contemni, abijci, etiam calcari neutiquam recuso. Durtus, & crassus hic bolus est, sed tamen glutendus est, siquidem è pharmacopolio Christi est. Christus ipse non solum ad omne genus iniuriarum sese obtulit, sed illas etiam pertulit, tanquam hominum abiectissimus, factus pro nobis maledictum, quia scriptum est: Maledictus omnis qui pendet in ligno. *b*

Quanti è Sanctorum numero, bipedum nequissimi olim censebantur, neque illi hoc ignorarunt, sed tolerarunt, etsi semelint. Aliud est improbum haberi, aliud esse. & hoc quidem omnes in cunis didicimus sine magistro, illud autem pauci norunt, & ij solum exactiùs, qui omnem contemptum perinde vt magnos honores è manu Dei, à diuinâ Voluntate acceptant.

Videte mihi matrem domini, Beatissimam Virginem Mariam, diuinæ Voluntati toto pectore affixam, cum Iosephus sponsus ob vicinum partum trepidans circumspiceret abitum: an non Virgo

siluit,

filuit, nonne diuinis nutibus quacunque de se opinionem commisit? Hoc tam grandi exemplo perimoti plurimi sanctorum, qui tamen si grauissimorum scelerum insimularentur, tacuerunt tamen, ignominiam tulerunt, seque totos cum omni infamia permiserunt Deo.

Sanctus Emmeramus Ratisponensis Præsul, non tantum de turpissimo facinore falso delatus, sed & immanissimè excruciatu est. Nam iussu Lambert, qui Theodonis principis filius, ad scalas gestatorias alligatus est Emmeramus. Ad tormenta sic parato digiti manuum pedumque articulatim præcisi, aures, nares, brachia pedesque truncati, lingua demum euulsa quam non multò post secuta est anima. Ah, potuit hic Antistes integerrimus, totque alij innocentissimi hominum extremam subire ignominiam æquo animo, quid est quod nos mille delictorum rei, leuem despicatum & iniuriolam minimam tam intolleranter & indignè feramus? Si Dei Voluntas, à quâ hæc omnia emanant, cordi nobis sit, non turbabimur facile quantuncunque graui contemptu; imò sui ipsius quisque maximus contemptor erit.

Christus rediuitus Magdalene reuerentissimos pedum amplexus paranti: Noli me tangere, inquit, nondum enim ascendi ad Patrem meum. b Perinde si diceret: sæpius me videbis, Magdalena, nec copia negabitur & tangendi & osculandi, quod certè permisum plurimis ab Hierosolymâ matronis simul id ausis. c Equidem potuisset Christus iam tormentis omnibus tam morte perfunctus, sui tactum iure meritò vetare, quia tamen nondum conscenderat cælum, immortalitatis domum, non solum à charissimis discipulis, sed etiam à feminis se tangi permisit. At nos, homunciones vilissimi, qui non tantum in beatorum domicilia nunquam ascendimus, sed necdum in sepulchra vnquam descendimus, mortales etiamnum & miserijs omnibus obnoxij, nihilominus toties vociferamur: Noli me tangere, Noli me tangere &c. Quid? tu mihi insultes improbe? ego à te tam contemptum appeller? tu meam auctoritatem sic violare, sic conuellere? &c. Mille talia cum stomacho frequenter effutimus. O Christiani, quanta nos tenet diuinæ Voluntatis ignorantia, quæ nos vsque adeo reddit delicatos, vt nec verbulo

a Anno 750. Vide Bauariam sanctam, P. Matth. Raderi par. 1. Et par. 1. Annal. Boicorum P. Andreæ Brünner pag. 602.

b Ioan. c. 20. v. 17. c Matth. c. 28. v. 9.



verbulo quidem minus honorifico tangi sustineamus. Qui diuinæ voluntatis mysterium nouit, ipse se ad quosuis contemptus offert, & : Mi Domine, inquit, dignissimus sum ab omnibus contemni, & abijci : vbi ergo id me fieri videro, quod pridem meritus sum, non indignabor : scio, Domine, nemo me vnquam despiciatui habebit, quin prius id faciendi à te potestatem acceperit. Nihil ergo con-  
querar, & vilior siâ quàm factus sum, & ero humilis in oculis meis.

a 2. Reg. c. 6. v. 22.

### §. III.

Animo ad Inopiam & Contemptum iam parato, sequitur tertia sui oblatio *Ad morbum quemcunque*. Lampades fiunt ex argento aut alijs metallis iam artificiosè pendulæ, eâ compage articulorum & vertebrarum instructæ, vt quocunque & quomodocunque ferantur, nunquam tamen inuertantur; seruant illæ suum lumen, semperque cælum respiciunt. Huic tali lampadi non absimilis est quilquis diuinæ voluntati verè deuotus est, quantumcunque enim acerbè tractetur & improbè, Deum tamen respicit diuinamque Voluntatem, nunquam non erectus ad suum conditorem, cui se frequentius sic offert: Domine, si me vis effato & debili esse corpore, aut si vis me viuum esse cadauer viribus exhaustum, morbis intabescens, doloribus oppressum, annis pluribus lectulo affixum, ecce me promptum paratum, si tibi sic placeat, iniquissima etiam valetudo gratior mihi erit, quàm quantumcunque diuturna sanitas; mihi perinde erit ad tuum nutum, & valere, & in morbo esse, ac pro eo gratias agere. Obseruatu dignissimum est quod magnus ille virtutis magister Ioannes Auila docuit his omnino verbis: Plus valet, aiebat, tempore tribulationis vnum Deo gratias, quàm sex millia in prosperitate. Nam Deo gratias agere, cum bene est, plerique omnes norunt inter aduersa paucissimi.

Refert Ludouicus Blosius eximie sanctitatis virginem interrogatam, quibus exercitationibus peruenisset ad eam vitæ perfectionem, respondisse: Nunquam ita doloribus oppressa fui, quin Dei amore grauiores perferre expeterem, indignam me donis tam singularibus arbitrata. Hac non inferior alia, integerrima itidem virgo, ipsos inferorum cruciatus sentire sibi videbatur, sed neque sperari poterat tam citò desituros. Quare ad Deum toto se animo conuertens: *Mi amantissime Deus*, aiebat, *memor esto te Dominum ac creatorem esse meum. En ego me in acquisitum iudicium offero, & gratissima Voluntati tue integrè resigno, parata hunc infernalem cruciatum*

a Auila tom. 2. epist. pag. 20.

*sustinere.*

*sustinere, quamdiu tibi placuerit: Stere me sicut vis in tempore atque eternitate.* <sup>a</sup> Ita se Voluntati supremæ impendens, mirabiles fecit in amicitia diuinâ progressus.

Ergo etiam huc voluntas impellenda, ut circa valetudinem commodam & incommodam discat esse indifferens, & ad vtrumque parata. Sed progrediendum vterius.

<sup>a</sup> Blof. Monil. Spirit. c. 10. propius finem.

## §. IV.

Quarto, *Ad mortem* etiam quamcunque illam ultro se offerat voluntas hominis, & nec celerem obitum, nec diuturnam vitam aliter expetat, quam quemadmodum Deo placuerit. Dicat ergo Voluntatis diuinæ amator: Nec diu viuere, nec citò mori cupio, sed tibi, ô bone Iesu, aut illud aut istud obsequi. Sed neque præscribo, quo mortis genere cupiam obire; quocunque me volueris ad te vocare, eo sequi paratus sum. Solum, mi Deus, mortem repentinam deprecari cupereim. sed neque hic refractarius esse volo tuæ Voluntati, si subitâ morte defungi me velis, sic fiat, ut vis, per tuam gratiam in tuâ semper gratiâ viuere conabor. Scio, iustus si morte præoccupatus fuerit, in refrigerio erit. <sup>a</sup> Itaque nec immaturam mortem auersor, nec maturam postulo; sed nec miseram aut quam oculi reformident, adeò perhorresco. Credibile est multos placidissimè in mortem sopiri, & ad inferos rapi, plurimos horribili acerbâque morte decedere, & cælo recipi. Arcanum est hoc iudicium quam ut oculis patere possit. Ideò & mite moriendi genus, & imminite promptus excipiam, prout Domino visum fuerit. Nam, siue viuimus, siue morimur, Domini sumus. Nemo enim nostrum sibi viuit, & nemo sibi moritur. <sup>b</sup>

Turonensis præsul Martinus iam animam acturus: Domine, inquit, si adhuc populo tuo sum necessarius, non recuso laborem, fiat Voluntas tua. Hinc Ecclesia viri virtutem suspiciens: O virum ineffabilem, inquit, nec labore victum, nec morte vincendum, qui nec mori timuit, nec viuere recusauit! Sic decet: in vtrumque moriendi sumus ac firmandi; & ne nimis amemus vitam, & ne nimis oderimus.

Q. Curtius: Fortium virorum est, inquit, magis mortem contemnere, quam odisse vitam. Sæpe studio laboris, ad vilitatem sui compelluntur ignaui. Ad virtus nihil inexpertum omittit. Vltimum omnium mors est, ad quam non pigrè ire, satis est. <sup>c</sup>

tt

Vtrumque



Vtrumque hoc, & VIVERE & MORI, ex præscripto diuinæ Voluntatis amplectendum. Viuere nos vult Deus? viuamus, seu beatè, seu miserè, modò ad beatitudinem tendamus. Vult nos mori? moriamur animo promptissimo, &, vt priscus scriptor monet, saltem non pigrè eamus ad mortem, vt quæ nos euocet ad immortalē vitam.

Sed heu quàm multi moriuntur non sine querela? quis non recusans, quis non gemens exit? Atqui hoc non est diuinæ Voluntati ex toto se permittere, non esse contentum concessō tempore. Nos oportet in promptu habere quæ in incertum diem data sunt, & appellatos sine querelâ reddere. Pessimi est debitoris creditori facere conuitium. Semper pauci dies erunt, si illos numeraueris. Cogita non esse summum bonum in tempore: quantumcunque est, boni consule. Vt prorogetur tibi dies mortis, nihil proficit ad felicitatem: quoniam morâ non fit beator vita, sed longior. Quantò satius est, non aliorum annos computare, sed suos benignè æstimare, & in lucro ponere. Oportet te non de eo quod detractum est queri, sed de eo gratias agere quod donatum est. Quia ergo diuinæ Voluntati placet iam me mori, iam moriar, iam & lubens moriar.

a Seneca l. 5. de benef. c. 17.

### §. V.

Quintò demum, *Ad omnia omnino*, quæcunque vel in tempore, vel in æternitate possunt euenire, idque sine omni exceptiunculâ paratissimum se Deo contribuat diuinæ Voluntati deuotus homo. Aquilæ pullus si probæ sit indolis, fixissimis oculis obtuetur solem: voluntas humana, si bona sit, diuinam sic ardet, vt ultro se offerat ad omnia, nec excipiat quidquam. Quis hac in re generosior Paulo, qui diuinam Voluntatem sectabatur per strictos gladios, per micantes hastas, per volantia saxa, per Oceani fluctus, per varios turbines, per sæuissimas tempestates, per inuia deuiæque; ad exequendam diuinam Voluntatem nihil huic viro viam obstruere poterat, non carcerum horror, non virgarum ter iteratum supplicium, non lapidum nimbus, non naufragiorum metus, non periculorum multitudo, non quotidiana moriendi necessitas: Paulus diuino spiritu ardens, in ignes iusseris, ibit. Siquidem: Optabam ego ipse, inquit, anathema esse à Christo pro fratribus meis. Quid ais, Paule, inquit Chrysostomus, nōne iam dixisti: Quis nos separabit à charitate Christi? Imò Chrysostome, quia Paulus vnice amabat Christum, auelli cupiebat à Christo, & à suauissimo Christi consortio, eâ ta-

men

nen lege, vt plures amarent Christum. Itaque optabat Paulus velut ex imperio cæci amoris, separari non quidem à charitate Christi, sed à beatitudine & gloriâ cum Christo. En quàm immotos oculos hæc Aquila in diuinæ Voluntatis sole fixerit. Tanti est autem hæc tam fortis ad diuinam Voluntatem Conformatio, vt præ illâ parum sit vel mille Mundos ridere. Plerisque sanctorum martyrum non adeò difficile fuit suum sanguinem vt rem vilissimam tyrannis propinare; inter tormenta solatijs diuinis affluebant, hinc supplicia ipsamque mortem de facili spernebant. Craticulæ candenti, velut fessus viator scamno, incumbit Laurentius; funestam crucem velut thalamum regium salutat Andreas; lapidum imbrem, velut torris guttulas admittit Stephanus. At verò qui sub onere tot ærumnarum quotidie fatiscit, & lentissimè mori se sentit, nihilominus tamen in ius diuinæ Voluntatis concedit, & ad omnia se paratissimum offert, hic sanè rem magnam præstat: Si tamen, vt dixi, **NON OMNIA** æquè secundum Dei arbitrium promptus sit. Et ita fieri oportet. nam omnia & corporis, & animi, & quæ vocamus fortunæ bona à Deo accipimus, quid in his reddendis excipere possuimus? In scholis quidem tritissimum illud (Nulla regula sine exceptione) hic penitus explodendum: Diuinæ Voluntatis regula sine omni exceptione est. Quisquis secundum hanc cupit viuere, discat & se, & sua omnino omnia diuinæ Voluntati subijcere. Huius rei illustrissimum nobis exemplum proponens Bernardus: Audi denique hominem, inquit, quem secundum cor suum inuenerat Deus. Paratum, inquit, cor meum, Deus, paratum cor meum. Paratum ad aduersa, paratum ad prospera, paratum ad humilia, paratum ad sublimia; paratum ad vniuersa quæ præceperis. Vis pastorem ouium facere? Vis constituere regem populorum? Paratum cor meum, Deus, paratum cor meum. *Si autem dixeris mihi, non places; præsto sum, faciat quod bonum est coram se.* a Digna religiosissimo Principe demissio animi, & propriæ voluntatis abdication. Quid est enim? *Non places.* Si dixerit Deus: Nolo te regem esse, nolo te viuere: *Præsto sum*, inquit Dauid. Si iusserit Deus: Volo te iterum exulem, iterum esse fugitiuum, & loco mali soceri, pessimum habere filium, qui patris diadema & iugulum petat. Et tamen, *Præsto sum*, ait Dauid. Quòd si Deus imperet: Volo te rursus subire speluncas, & ferarum latibula; iterum viuere mendicato, & quotidie mortis adire discrimina. Nihilominus, *Præsto sum*, ait Dauid. At si dicat Deus: Volo te solatij loco, in calamitate tuâ, pro-



scindi conuitijs, etiam à tuis subditis, lapidibus insuper appeti, & diris omnibus deuoueri. Nec istud quidem respuo, ait Dauid, *Dominus faciat quod bonum est coram se.* O sanctissimi Principis heroicam virtutem quâ vel solâ fieri potuit acceptissimus Deo, præfertim cum hæc lacrimans diceret, & veste lugubri indutus. Tanti faciebat, *placere Deo*, vir secundum cor Dei, ut eam gratiam libertate & liberis, & omnibus diuitijs, vel ipso regno, vitâ etiam ipsâ libentissimè redempturus esset. Modò Dauid diuinæ Voluntati possit obsecundare, ad illa omnia paratissimus dicebat: Paratum cor meum, Deus, paratum cor meum. <sup>a</sup>

<sup>a</sup> Psal. 107. v. 2.

## C A P. II.

*In quod exitium pertrahat voluntas propria, si non  
patiat se frangi.*

**M**ellissus doctor Bernardus: Propria voluntas, inquit, quantum in ipsâ est, Deum perimit, omnino enim vellet Deum peccata sua aut vindicare non posse, aut nolle, aut ea nescire. Vult enim eum non esse Deum, quæ vult eum aut impotentem aut iniustum. <sup>a</sup> Deinde ad quæstionem quæ infantiam sapiat, aut stultitiam, respondet. Cui rei explicandæ subseruiat hic apologus.

<sup>a</sup> Bern. serm. 3. de Resurr. Dom.

### §. I.

Quondam sæx hominum, & furum, lauernionum, effractionum ampla societas libellos supplices porrexerunt iudicibus, rogâruntque patibula & furcas auferrent, rem fœdâ ante vrbes, parcendum oculis & naribus viatorum transeuntium. His à iudicibus responsum est, si quidem antiquatum cupiant morem patibulandi, prius ipsi consuetudinem abrogent furandi, iudices in morâ non futuros, quin protinus cruces tollant & patibula, modò ipsi prius cessare iubeant fûrta. Hic è furum albo audacior vnus: Venerabiles Domini, ait, nos furtorum auctores non sumus: quod ergo nos non inuenimus, nec etiam abrogabimus. Quibus iudices responderunt: Neque nos, ô viri, patibula excogitauimus, ergo nec etiam abolebimus.

Humanæ gentis primi parentes in furto deprehensi sunt: hæc scelerum origo, hæc inhærentis peccati contagio, & hinc interorum supplicia. Nos iam seri nepotès ex hac furum familiâ queri-

mur gehennam constitutam, & ideo sæpe libellos supplices Deo porrigimus, & rogamus: O Domine, tantum non deturbes nos ad Erebum, ô Domine si rogos Auernales tolleres, continuo nos metu liberares. Iure optimo respondet Deus: Auferte vos culpam, & ego extinguiam gehennam; cessent noxæ, & sopientur flammæ. Sed nos iterum obducimus: O Domine, nos primi scelerum inuentores non sumus, cur alienam & natiuam labem luimus: hæc noxa est primigenia. At nobis Deus iterum: Nec ego, inquit, causa sum inferorū, sed Superbia, sed Inobedientia: Neque istud Orci principium fuit, torquere homines, sed diabolos: inferorum ignis paratus est diabolo & angelis eius. a Ne ergo conqueri possitis, vos alienis malis inuolui, mitissimum ego decretum per seruos meos pronuntiari curabo, cui nemo poterit obtretere. Quod hoc obsecro decretum, quis pronuntiauit? Bernardus è fidissimis Dei seruis non infimus, tam paucis quàm claris verbis iam pridem proclamatur, quâ ratione gehenna facillimè possit extingui. hæc proclamantis verba sunt: *Cesset voluntas propria, & infernus non erit.* b Et huius rei luculentam rationem sic reddit: Quid enim odit aut punit Deus præter propriam voluntatem? In quem ignis ille desæuiet, nisi in propriam voluntatem? Etiam nunc cum frigus aut fames, aut aliquid tale patimur, quid læditur nisi propria voluntas? Quod si voluntariè sustinemus, ipsa iam voluntas communis est (tam scilicet Dei hæc immittentis, quàm hominis hæc sustinentis) Porro voluntas propria quo furore Dominum maiestatis impugnet, audiant & timeant serui propriæ voluntatis. Primò namque seipsam subtrahit, & subducit eius dominatui, cui tamquam auctori seruire iure debuerat, dum efficitur sua. Sed nunquid contenta erit hac iniuriâ? Addit adhuc, & quod in se est, omnia quoque quæ Dei sunt, tollit & diripit. Quem enim modum sibi ponit humana cupiditas? Nonne qui per vsuram acquirit pecuniam modicam, similiter mundum lucrari conaretur vniuersum, si non deesset possibilitas, si suppeteret voluntati facultas? Dico fiducialiter, nemini qui sit in propriâ voluntate, posset vniuersus mundus sufficere. Sed vtinam vel rebus istis esset contenta, nec in ipsum (horribile dictu) desæuiet auctorem. Hæc est crudelis bestia, fera pessima, rapacissima lupa, & læna sæuissima. Hæc est immundissima lepra animi, propter quam in Iordane mergi oporteat, & imitari eum qui non venit facere voluntatem suam. Vnde & in passione: Non mea, inquit, vo-

tt 3 voluntas



untas, sed tua fiat. *Cesset Voluntas propria, & infernus non erit.* Non ergo puerilis, nec vana est quæstio; An, & quomodo extingui possit gehenna? potest omnino. Non absurdæ sunt preces, rogare Deum, ut destruat Orcum. Paratus est Deus id facere; vnicuique istud in sui operis mercedem postulat: *Cesset Voluntas propria, & infernus non erit.* Sed quis omnes omnino homines eò adigat, ut suam quisque voluntatem abdicet, eamque impendat diuinæ? Tu, mi homo, si rem seriò agas, tu tuam in te voluntatem expugna, & iam sustulisti sedem illam cui alligandus, & in quâ cruciandus fuisses apud inferos, perinde ac si Erebus destructus, & Erebi flammæ forent extinctæ, *Cesset Voluntas propria, cesset; & infernus non erit.* Hoc idem & alij cum Bernardo clamant: Oculus, ait ille, ianua cordis est & nuncius, claude oculum & voluntas habendi non erit, cesset voluntas, & ecce infernus clauditur. a

a. Augustin vel quilibet est auctor, hom. 33. ad frat. in eremo.

### §. II.

Ah, quanti patiuntur multa grauiæque, sed inuiti, sed repugnantes, neque enim suam diuinæ Voluntati addicunt. Deus vult illos pati, hancque Voluntatem suam aperitissimè exponit, cum ea, quæ patiuntur, inmitteit, non aliter certè quàm si vox cælo laberetur: Volo vos pati. Abnolient illi, & modò possent, onus quod ferunt, excussissent iam pridem. En voluntatem propriam cum diuinâ minimè consentientem.

Norunt parentes, quanti laboris sit educare liberos illos, quorum contumacia prima non est fracta. quoties in die clamandum: fíle, quiesce; hoc age, relinque hoc, omitte istud. Quandoque tam irrequieti eas domi turbas excitant, ut etiam mitissima mater grauiter excandescens, virgas, aut baculum, aut quicquid ministrat ira, corripiat, & in hunc, illum, ac proximum quemque filium fuste sæuiat; quandoque solis vocibus tonans exclamet: Non estis mei liberi, non agnosco vos, nihil mei cerno in vobis, nec patris nec matris ingenium refertis; abite ad carnificem degeneres: Ita Deus agit nobiscû, veluti parentes cum inquietis ac contumacibus liberis. Quoties ebrioso aut luxurioso minatur? quoties illi suam crapulam, huic luxuriam suam arcanis obiurgationibus ob oculos ponit? quoties dehortatur & monet: En, corpori noceas & animo; arcam & valetudinem exhauris, gratiam meam & cælum amittis: scis equidem isthæc à me vetita; nosti Voluntatem meam a hac omni turpitudine quàm plurimum abhorrere; nec ignoras quàm extre-

extremè abominer & detester voluntatem, meam tam refractariam. Tandem mitissimus pater virgas rapit aut baculum, & improbitatem filij sic punit, vt puniri se sentiat. Vbi hoc sæpius factum, nec ad frugem se corrigit filius, aut è vitijs emergit, demum iratus pater: Super quo, inquit, percutiam vos vltra? Frustra percussi filios, disciplinam non receperunt. <sup>a</sup> Spuria vitulamina non dabunt radices altas. <sup>b</sup> Abite improbi, dimittam vos secundum desideria cordis vestri, ibitis in adinventionibus vestris. <sup>c</sup> Grauiissima hæc patris ira est formidabilior omni supplicio.

Ita etiam cum homine superbo & arrogante agit Deus, eumque increpat: Nec mihi places, nec hominibus, quibus me spreto, plurimum placere cupis: ab ijs quos arrogantia tua applausuros speraueras, rideris: de meâ tibi Voluntate pridem constabat: scis quod superbiorum neminem tolerare possim, nec Angelum quidem, ne dum hominem; superbis me singulariter resistere quis nescit? superbiam tuam nihilominus perseueras. Sic Auarum Deus, sic & Iracundum: sic Inuidum & Obtrectatorem secretis impulsibus trahit ad meliora, suamque ijs voluntatem variè ingerit sectandam. Vnumquemque ducit Deus per viam ipsi conuenientiore. Regi Hebræo Sauli in os obiectum: Nonne cum paruulus esses in oculis tuis, caput in tribubus Israël factus es? Quare ergo non audisti vocem domini, sed versus ad prædam es, & fecisti malum in oculis domini? &c: Pro eo ergo quod abiiecisti sermonem domini, abiicit te dominus ne sis Rex, quoniam quasi peccatum ariolandi est, repugnare, & quasi scelus idololatriæ, nolle acquiescere. <sup>d</sup> Quisquis igitur diuinæ Voluntati etiamnum repugnas, veni, obsecro, veni, non ad Aquilarum, sed ad coruorum gymnasium te ducam, hinc disce.

<sup>a</sup> Ilc. i. v. 5. & Hier. c. 2. v. 30. <sup>b</sup> Sap. c. 4. v. 3. <sup>c</sup> Pl. 80. v. 13.

<sup>d</sup> 1. Reg. c. 15. v. 17. 19. & 23.

### §. III.

Cur quæso, Deus Eliam Thesbiten à coruis velut à dapiferis cibus voluit accipere? Quid hoc rei? auxilium furacissimæ prandium & cenam perferunt ad eremicolam obsequijs fidelissimis. Hoc ideo voluit Deus, vt te, mi homo, doceret, quàm etiam brutæ animantes, vel inuitâ naturâ, Voluntati suæ obsequerentur. Quid mirius, quàm à coruo carniū appetentissimo, simul & rapacissimo deferri carnes, quas in viâ centies ipse deuorasset, ni Dei Voluntas aliud fieri mandasset. Sed est qui hinc obijciat: Facillimum est



Deo, quascunque teras ad imperium faciendum cogere: non ideo parent, quia volunt, sed quia debent. Ita est, ut dicis, & vel ideo etiam par esset te Voluntati diuinæ obsequentissimum esse, quia te Deus imperijs non coactis sed voluntarijs vrget, liberam te seruitutem vult seruire, & sic quam plurimum promereri. Sed quæso te, à scholâ coruorum, in antrum Æoli digrediamur, vbi etiam ventorum furor dicto audiens est: Imperauit ventis & mari, & facta est tranquillitas magna. Hinc populi admiratio: Qualis est hic, quia venti & mare obediunt ei? An non & rupes ad luctuosissimum expirantis domini spectaculum ingemuerunt, inusitatis fuscis testatæ luctum? Solus homo in rupem obrigescit, & eam sæpe quam cœpit contumaciam pertendit. Prauum est cor hominis & inscrutabile, & verè INSCRUTABILE. Incipe, amabo, scrutari hanc voraginem, & abditissimas illic inuenies cogitationes, quæ Deo reluctentur tacitis his susurris: Vis domine, ut inimicos diligam? ut omnibus me submittam? ut voluptates meas eiurem? durum imperium, & in omnia alia voluntas mea fertur. Quid igitur faciam? dissimulabo rem, & voluntati non nimium renitar, tuæ non nimium obsequar. O inscrutabile, & ô prauum cor hominis!

Narrat Trebellius Pollio, Marium Romæ tyrannum septimum fuisse. hic vno die factus est Imperator: altero imperauit: tertio interfectus est à gregario milite, qui dum sicam in pectus Marij adigeret, acerbissimum hoc addidit: Hic est gladius, quem ipse fecisti. Nam è cultrarij officinâ peruenit ad diadema. Ei, qui diuinæ Voluntati refractarium se gerit, iure sic insultatur: Hic est gladius quem ipse fecisti: tuo te gladio ipse iugulas, hoc est, PROPRIA VOLUNTATE. Quod verò voluntas tam prona est ad peccandum, inquit Cæsarius, causâ subest: habet enim diabolus duos satellites seipso nequiores, quibus illa impellitur, Carnem & Mundum: Caro concupiscit, diabolus concupita incendit, Mundus incensa ne extinguantur, se obijcit. A Carne multa oriuntur vitia, Mundus pluriina offert oblectamenta, diabolus innumerabilia adhibet vasa mentis. Ita res in expedito est, vti olim Hieremiæ vati monstratum: Nonne vides quid isti faciunt in ciuitatibus Iuda, & in plateis Hierusalem? Filij colligunt ligna, & patres succendunt ignem, & mulieres conspergunt adipem, ut faciant placentas reginæ cæli, & libent dijs alienis & me ad iracundiam prouocent.

cent. Hic nauiter sanè res agitur, cum vterque parens & liberi mutuam sibi operam locant. Et cui hæ placentæ pinsuntur? reginæ cæli, siue, Lunæ; sol enim rex cæli. Voluntas humana Lunæ simillima, continuis gaudet mutationibus: huic reginæ lagana singuntur & collyræ. Caro tanquam chara filia, schidia subministrat, concupiscentias: Superbiæ pater diabolus, focum excitat: Vanitas, velut mater, massam porrigit variè subactam; illecebras, sermones, inuitatiunculas, voluptates suggerit. hinc dulce fit popanum, hinc sacrificium nobile instruitur, non Deo, sed propriæ voluntati.

## §. IV.

Hanc humanæ voluntatis contumaciam Augustinus Psalmum centesimum exponens, elegantissimè proponit hunc in modum: Rectum dicitur cor hominis illius, qui omnia quæ vult Deus, & ipse vult. Intendite. Orat aliquis vt nescio quid non eueniat; orat, & non prohibetur. Peti quantum potest, sed contra voluntatem ipsius euenit aliquid. Subiungat se Voluntati Dei, non resistat voluntati Magnæ, quia & ipse dominus sic illud exponit. Ostendens infirmitatem nostram in se, quando passurus erat, ait: Tristis est anima mea vsque ad mortem, &c. Quid erat illa vox nisi sonus infirmitatis nostræ? Multi adhuc infirmi contristantur futurâ morte. Sed habeant rectum cor, vitent mortem quantum possunt: sed si non possunt, dicant quod ipse Dominus, non propter se, sed propter nos dixit. Quid enim dixit? Pater, si fieri potest, transeat à me calix iste. Ecce habes voluntatem humanam expressam: vide iam rectum cor: Verùm non quod ego volo, sed quod tu vis Pater. Si ergo cor rectum sequitur Deum, prauum cor resistit Deo. Aliquid illi contingat aduersum, clamat: Deus, quid tibi feci? quid commisi? quid peccaui? Se iustum vult videri, Deum iniustum. Quid tam prauum? Prauum est, quia tortum est, & tortam regulam putat. Corrige te, & inuenies rectum, à quo te deprauasti. Ille iustè, tu iniustè: & idèd peruersus es, quia hominem iustum dicis, & Deum iniustum. Quem hominem iustum dicis? Te ipsum. Quando enim dicis, quid tibi feci? iustum te putas. Sed respondeat tibi Deus: Verum dicis, mihi nihil fecisti, omnia enim tibi fecisti. Si enim mihi aliquid fecisses, bonum fecisses. Quidquid enim bene fit, mihi fit, quia ex præcepto meo fit. Quicquid autem mali fit, tibi fit, non mihi fit, quia non facit malus ali-



quid nisi sibi, quia hoc non ego iubeo. *a* Idem sanctissimus præful-  
de eâdem voluntatis contumaciâ eruditissimè differit in hæc verba:  
Ergo bonus Deus Israël. Sed quibus? Rectis corde. Qui sunt recti  
corde? Qui voluntatem suam ad voluntatem Dei dirigunt, non  
Voluntatem Dei ad voluntatem suam curuare conantur. Breu-  
præceptum est, vt homo dirigat cor suum. Vis habere rectum cor:  
Tu fac quod vult Deus: noli Deum velle facere quod vis tu, &c.  
Hoc cogitant qui recto sunt corde, qui voluntatem Dei sequuntur,  
non voluntatem suam: sed qui sequi Deum volunt, faciunt illum  
præcedentem & se sequentes: non autem se præcedentes, & illum  
sequentem. Et in omnibus eum bonum inueniunt, siue emendan-  
tem, siue consolantem, siue exercentem; siue coronantem, siue  
purgantem, siue illuminantem, sicut Apostolus ait: Scimus, quo-  
niam diligentibus Deum, omnia cooperantur in bonum. *b*

En hi germanissimi Aquilæ pulli sunt, qui fixis oculis intuentur  
solem, qui animum ad diuinam voluntatem seriò applicant. Secus  
illi qui tacitè nunquam non altercantur cum Deo: Nunc eis cæli  
rigor, nunc pluuia tempestas displicet, nunc nimium frigus, nunc  
nimios calores queruntur; modò Deus non satis tribuit neces-  
sitati, modò istum aut illum improbum finit emergere, modò ini-  
micos non punit, prout illis videbantur puniendi: semper caussan-  
tur, assidue obloquuntur; nihil facit Deus quod illi ex toto ap-  
probent. Hoc illud cor prauum, hæc propria Voluntas, de quâ  
etiam audiendus post Augustinum Bernardus.

*a* Aug. in Psal. 100. in v. 4. med. ferè.

*b* Aug. in Psal. 124. propiùs finem.

### §. V.

Grande malum, inquit Bernardus, propria Voluntas, quâ fit vt  
bona tua tibi bona non sint. quia nihil omnino quod propriâ in-  
natum sit voluntate, gustabit is qui pascitur inter lilia. *a* Hæc autem  
omnia, similiâque ac dissimilia mala, ex vnâ radice pullulant pro-  
priæ voluntatis: huius enim sanguisugæ duæ sunt, insatiabiles filiæ,  
clamantes, affer, affer. Siquidem nec animus vanitate, nec volupta-  
te corpus aliquando satiatur, vt scriptum est, non satiatur oculus vi-  
su, nec auris impletur auditu. Fuge sanguisugam hanc, & omnia re-  
liquisti. hæc enim omnia trahit ad se. Pone hanc, & iugum quàm  
multiplex abiecisti. Voluntas propria, subuertens corda hominum,  
& rationis oculos claudens, inquietum malum, quod spiritui sem-  
per incubans, inexcogitabilia meditatur. *b* Et, Vnde sunt scandala,

*a* Bern. serm. 71. in Cant. fine.

vnde

*b* Scdm. in verba: Ecce nos reliquimus omnia &c. & serm. 2. de Resurr. Dom.

unde turbatio, nisi quod propriam sequimur voluntatem, & temerè quod volumus in corde nostro definientes, si quo modo id prohiberi contingat aut impediri, continuè etiam in impatientiam, in murinationem, in scandalum proni sumus, non attendentes quoniam omnia cooperantur in bonum his qui secundum propositum vocati sunt sancti, & qui nobis casus videtur, sermo quidam Dei est, suam nobis indicans Voluntatem. <sup>a</sup> Caueamus igitur à propriâ voluntate, tanquam à viperâ pessimâ & nequissimâ, & quæ sola deinceps damnare possit animas nostras. <sup>b</sup>

Ioannes abbas iam iam moriturus, teste Cassiano, rogatus est ab ijs qui morientis lectulum circumsteterant, breue monitum daret in hæreditatis vicem. Ille ingemiscens: Nunquam feci meam voluntatem meam, inquit, neque quemquam docui, quod prius non ipse fecerim. <sup>c</sup> Patci iam tales, & è centenis millibus vix vnus. Innumeri sunt qui verius dicerent morituri: Quicquid potui, ad meum sensum feci, meæ me voluntati totum tradidi; multa docui, plurima præcepi, quæ ipse non feci. Optimus ille senex Pimenius querenti, quâ ratione nos dæmones impugnant, respondit: Dæmones nobiscum non multum pugnant, quia voluntates eorum facimus: sed nostræ nobis voluntates, dæmones facti sunt, & tribulant nos. Quod Achilles vir religiosissimus hoc apologo declarans: Arborea, inquit, in monte Libano collocatæ dixerunt: Quam grandes sumus & proceræ, & tamen ferro non magno incidimur, & quod peius est, à nobis sumuntur arma quibus impugnemur: ferrum vt vulneret nos, manubrium à nobis accipit. Talis arbor est homo, instinctus diaboli ferrum, voluntas hominis manubrium. <sup>d</sup>

O quanto melior Iobus concionator in fimo, quàm Adamus in paradiso? Ille: Sicut Domino placuit, ita factum est. Ille: Vocein tuam audiui, & abscondi me. Eleganter de Iobo Tertullianus: Immundam, inquit, vlceris sui redundantiam magnâ æquanimitate distringebat & erumpentes inde bestiolas, in eisdem specus & pastus foraminosa carnis ludendo reuocabat. <sup>e</sup> Agnouit vir sanctissimus, hanc Dei esse voluntatem, se taliter exerceri, ideò si quis fortè vermiculus fugam meditaretur, eum in corrosam carnem denuò cogebar, perinde si diceret: quid fugis? ad lacerandum me destinatus es: fac officium, & corpore meo pro macello vttere. Nam ille idem omnino Dominus, qui mihi tot millia ouium, bouum, came-

a. Serm. quomodo voluntas nostra diuinæ &c.

lorum

b. Serm. de dupl. bapt. c. Cass. l. 5. instit. c. 28.

c. Pelagius libell. 10. n. 62. & Paschasius. 3. de impugn. dæm. & n. 4.

d. Tertull. l. de patientiâ, c. 14.



lorum liberalissimè dedit, hic etiam morsicantes hos vermiculos benignissimè in me inmisit: Vtrumque ex eadem omninò manu est, ideò tam hoc quàm illud æquo animo acceptandum.

Non aliter Simeon Stylites ebullientibus è corpore suo vermibus dixit: Manducate quod vobis Dominus dedit. Longè aliter vermiculosus aliquis & impatiens Herodes dixerit: Ite in malam maximam crucem execrandæ bestiolæ; pendulam patibuli turbam inuadite; vestri iuris sunt cadauera, quid viuos vellicatis, quid me etiamnum spirantem obsidetis? Hi propriæ voluntatis improbi latratus sunt, contra diuinam voluntatem. Verissimè Chrysostomus: Vnde, inquit, in confesso fuerit, quòd voluntas nostra malorum omnium causa est. Nullus igitur accuset pulchritudinem, nullus inutilia verba hæc dicat: Hanc perdidit forma, huic pulchritudo causa fuit interitûs: peruersa voluntas malorum omnium causa est. Iam olim minatur Deus: Numerabo vos in gladio, & omnes in cæde corruetis: pro eo quòd vocaui, & non respondistis; & faciebatis malum in oculis meis; *Quæ nolui elegistis.* b Hæc illa malorum Lerna est, voluntas propria, *quæ nolui, elegistis.*

a Chryl. in c. 7. Gen. hom. 24. post med. & hom. 32. circa med. b Isc. 65. v. 12.

### CAP. III.

*Voluntas propria quâ ratione subiungenda sit diuina, in rebus aduersis omnibus.*

**N**Ec vllius Angeli, nec hominis voluntas esse potest bona, nisi consentiat cum diuinâ: quantò autem magis illa cum hac consenserit, tantò melior & perfectior erit; quò minus, hoc inferior & peior. Vnica Dei Voluntas Amussis est, & regula, omnium omnino voluntatum cælo terræque, nec vlla vnquam voluntas dici poterit recta, nisi ad hanc regulam directâ sit.

### S. I.

Cùm Iessæus psaltes frequentissimè commendat **RECTOS CORDE**, a Augustinus disertissimè & ad rem nostram appositissimè hanc **CORDIS RECTITVDINEM** exponens: Videtis, inquit, quanti disputent contra Deum, quàm multis displiceant opera eius. Cùm enim facere voluerit contra voluntatem hominum, quia Dominus est, & nouit quid faciat, nec tam attendit nostram voluntatem quàm vtilitatem: illi qui malunt suam porius voluntatem impleri quàm Dei, volunt ad suam voluntatem flectere Deum,

a In Psal. 12. & 35. & 102. de quo prior capite.

non

non suam corrigere ad Deum. *Rectos decet laudatio.* Qui sunt recti? Qui dirigunt eor secundum voluntatem Dei: & si eos perturbat humana fragilitas, diuina consolatur æquitas. Quamuis autem corde mortali priuatim aliquid velint, quod suæ interim causæ vel negotio, vel præsentī necessitati conueniat, ubi intellexerint & cognouerint, aliud Deum velle, præponunt voluntatem melioris voluntati suæ, & voluntatem omnipotentis voluntati infirmi, & voluntatem Dei voluntati hominis. Quantum enim Deus distat ab homine, tantum Dei Voluntas à voluntate hominis. Aliquid proprium velle, difficile est vt non tibi contingat: sed statim cogita, qui sit supra te: illum supra, te infra illum: illum creatorem, te creaturam: illum Dominum, te seruum: illum omnipotentem, te infirmum & corrigens te subiungensque voluntati eius ac dicens: Verum non quod ego volo, sed quod tu vis Pater. Quomodo disiunctus es à Deo, qui iam hoc vis quod Deus? Eris ergo rectus, & te decet laudatio, quoniam rectos decet laudatio. Si autem curuus fueris, laudas Deum quando tibi bene est, blasphemias quando tibi malè est &c. Et eris infusus puer in domo patris, amans patrem si tibi blanditur, & odio habens quando te flagellat: quasi non & blandiens & flagellans hæreditatem paret. Vide autem quemadmodum deceat rectos laudatio. Audi vocem recti laudantis ex alio psalmo: Benedicam Dominum in omni tempore, semper laus eius in ore meo. Omni tempore & semper, siue in prosperis siue in aduersis. Nam si in prosperis & non in aduersis, quomodo omni tempore? Quomodo semper? Et audiuius multas multorum tales voces, quando illis prouenit aliqua felicitas, exultant, gaudent, cantant Deo, laudant Deum: non sunt improbandi. Sed isti qui iam Deum laudare ex prosperitatis parte cœperunt, docendi sunt patrem agnoscere & flagellantem, nec murmurare aduersus corrigentis manum, ne semper prauī remanentes exhæredari mereantur. *Rectos decet laudatio.* Quid est, recti? vt nihil illis displiceat quod fecerit Deus, possint & in aduersis Deum laudare & dicere: Dominus dedit, Dominus abstulit, sicut Domino placuit, ita factum est; sit nomen Domini benedictum. Tales rectos decet laudatio, non primò laudaturos, postea vituperaturos. Discite gratias agere Deo, & in prosperitatibus & in tribulationibus: Discite habere in corde, quod habet omnis homo in linguâ, *Quod vult Deus.* Ipsa lingua popularis, plerunque est doctrina salutaris. Quis non quotidie dicit: *Quod vult Deus hoc agat.*



Hæc Augustini luculenta dissertatio, inirifacè cum dilucidat, tum confirmat hanc omnem de diuinâ Voluntate doctrinam, quæ vel ided commendatissima sit omnibus, quod eam sanctissimi ac eruditissimi viri cupiuerint à nemine non quàm optinè capi, præsertim cum in hoc omnis Christianæ vitæ versetur cardo. Sed hic nondum abire placet ab Augustino, illuminatissimo scriptore, cuius verba prorsus dignissima sunt quæ ad testimonium citentur fidei calamo. Hic idem Hipponensis sanctissimus præsul, quâ ratione in aduersis etiam à diuinâ voluntate nec latum quidem unguem sit recedendum, in hæc omnino verba consignat: Quod sæpe diximus, illi sunt RECTICORDES, qui sequuntur in hac vitâ Voluntatem Dei. Voluntas Dei est aliquando vt sanus sis: aliquando vt ægrotes. Si, quando sanus es, dulcis est Voluntas Dei; & quando ægrotas, amara est Voluntas Dei: non recto corde es. Quare? Quia non vis voluntatem tuam dirigere ad Voluntatem Dei, sed Dei vis curuare ad tuam. Illa recta est, sed tu es curuus: Voluntas tua corrigenda est ad illam, non illa curuanda est ad tuam: & rectum habebis cor. Bene est in hoc sæculo? benedicatur Deus qui consolatur: laboratur in hoc sæculo? benedicatur Deus qui emendat & probat: & eris recto corde dicens, Benedicam Dominum in omni tempore, semper laus eius in ore meo. <sup>a</sup> Et hoc non tantum Augustinus Hippônis Episcopus, sed etiam David Israël's Rex quâ verbis quâ exemplis insignissimè docuit: Cum enim Absalonem filium rebellem fugeret, & sacerdotes Arcam foederis eidem fugæ velut præsidium assumpsissent, Rex Arcam referri præcipiens: Si inuenero, inquit, gratiam in oculis Domini, reducet me, & ostendet mihi eam, & tabernaculum suum. Si autem dixerit mihi, Non places: præsto sum, faciat mihi quod bonum est coram se. <sup>b</sup> En, quàm rex iste potentissimus, in miserabili fugâ, in extremis angustiis, sibi tamen præsens fuerit, & compos sui: quàm ad Dei Voluntatem attentis oculis respexerit: Redibimus, inquit, si Deo placuerit: sin aliter illi visum fuerit, *Quod velit Deus hoc agat.*

O Christiani, si hoc intelligentiâ & ratione, prout par est, comprehendere tam velleinus, quàm facile possemus, vix amplius vlla difficultas foret in tolerandis aduersis, nec nos vllum tam grande malum premeret, quin illud tranquille & perlibenter sustineremus. Christus ante mortem in Oliuario horto ea de Patris & suâ voluntate locutus est, quæ argumento sint, ad calamitates quascunque

perferendas, nihil esse quod magis animet, quàm vnionem humanæ voluntatis cum diuinâ. Et quàm hoc in Christo ipso luculentum? ante preces pauidus, tristis, pallidus, tremit ac horret futuræ mortis imaginem: post preces, post tantam paternæ voluntati delatam reuerentiam, velut resumptis viribus: Surgite, inquit, eamus, occursum voluntario salutaturi hostes, & initium facturi cruentæ tragicædiæ. De hoc etiam præclare Augustinus: Vnde, inquit, gerens hominem Christus, & regulam nobis proponens, docens nos viuere, & præstans nobis viuere, ostendit hominis quandam priuatam voluntatem, in quâ suam figurauit & nostram, quia caput nostrum est, & ad eum sicut nostis, tanquam membra vtiq; pertinemus: *Pater, inquit, si fieri potest, transeat à me calix iste.* Hæc humana voluntas erat, proprium aliquid & tanquam priuatum volens. Sed quia recto corde voluit esse hominem, vt quicquid in illo aliquantum curuum esset, ad illum dirigeret qui semper est rectus: *Verum non quod ego solo, ait, sed quod tu Pater &c.* Hic ostendit quandam hominis propriam voluntatem, ostendit & correxit te. Ecce vide, inquit, te in me, quia potes aliquid proprium velle, vt aliud Deus velit. <sup>a</sup>

<sup>a</sup> Aug. in Psal. 32. conc. 1. de 1. parte eius Psalms.

## §. III.

Catharina Senensis de seipsâ: Docuit me Christus, inquit, vt mihi intra meipsam secretum conclaue struerem. Et quodnam conclaue istud? Humanæ voluntatis cum diuinâ Vnio. Domicilium istud primo ingressu videtur angustum, sed qui voluerit illi affuescere, demum comperiet id cælo esse amplius, & castris omnibus vel munitissimis securius huc rebus turbidis irruere vetitum; foris stabulantur; hoc enim tutissimum asyllum ab omni calamitate: nec superi, nec inferi nocere illi queunt, qui voluntatem suam in omnibus cum diuinâ congruentem retinet: huic vnica lex est, *Quod Vult Deus hoc agat.* Eleganter Augustinus: Venit dolor meus, inquit, veniet & requies mea. Venit tribulatio mea, veniet & purgatio mea. Nunquid lucet aurum in fornace aurificis? In igni non lucebit, in ornamento lucebit: patiaturn tamen fornacem, vt purgatum à sordibus veniat ad lucem. Fornax ista, ibi palea, ibi aurum, ibi ignis, ad hanc stat aurifex. In fornace ardet palea, & purgatur aurum. Illa in cineres vertitur, à sordibus illud exiit. Fornax Mundus, palea iniqui, aurum iusti, ignis tribulatio, aurifex Deus. Quod vult ergo aurifex, facio; vbi me ponit aurifex, tolero, Iubeor



Iubeor ego tolerare; nouit ille purgare. Ardeat licet palea ad incendendum me, & quasi consumendum me; illa in cinerem vertitur, ego sordibus careo. Quare? Quia Deo subijcietur anima mea. <sup>a</sup>

En, vera subiectio humanæ voluntatis erga diuinam, omnis boni origo est. Rectissime dixit pius ille scriptor: Non est sacrificium maius aut Deo gratius, quàm in omni tribulatione sese conformem facere diuinæ Voluntatis beneplacito. <sup>b</sup>

Magnus ille Abrahamus hac in re summè laudandus. Nam ut Orbi testatum fieret, Abrahamum omnia ex præscripto diuinæ Voluntatis facere, Deus Voluntatem suam aliquoties quasi mutans, alijs atque alijs & in speciem contrarijs ac planè rigidis imperijs hominem fatigauit. At verò Abrahamus ad omnem diuini arbitrij nutum obsequentissimus semper, hoc omni conatu ac studio, hoc omnibus viribus egit, ut se totum suæque omnia vni atque vnice Dei Voluntati quàm liberalissimè impenderet. Notant Hebræi Abrahamum decies rigidè tentatum, an id perpetuò vellet quod voluit Deus. Numeremus experimenta.

I. Iubetur solum vertere, & patriam ac cognatos, exilio mutare. II. Ab annonæ difficultate iterum expellitur peregrinator in Ægyptum. III. In Ægypto apud Pharaonem regem, periculum vitæ, vxor pudicitiz subit, & à marito abstrahitur. IV. Ob continuas famulorum rixas à charissimo Lotho, quem ut filium habuit, diuellitur. V. Ut Lothum bello captum in libertatem asserat, contra quatuor reges domesticum vernarum exercitum educit. VI. Agarem fidam famulam, & iam vxorem, impulsu Saræ domino cogitur exigere. VII. Iam seni & grandæuo Circumcisio imperatur. VIII. Abimelech rex Geraræ rursum ei vxorem adimit. IX. Agarem cum filio Isinaele rursum ædibus pellere iubetur. X. Filium vnigenam, amantissimum Isaacum, miraculo natum, in summam posteritatis spem educatum, suâ manu trucidare imperatur. En aceruum calamitatis! præter tot alia non minus acerba, sed minus nota. Abraham tamen permansit Abraham, hoc est, sibi similis & constantissimus diuinæ voluntatis cultor. Hic vir, hic est qui optimè intellexit diuinam Voluntatem omnium miseriarum suarum maximum esse leuamentum.

Hic obseruandum, montem Moria in quo Isaacus victima Deo caderè debuisset, in prouerbiū abiisse: *Vnde & que hodie di stur, in monte*

*monte Dominus Sidebit.* a Hic mons, *Dominus Sidebit*, afflictis omnibus conscendendus: Statuant secum omnes æruinofi, & quibuscunque malè est, Deum hæc omnia quæ ipsis eueniunt, præuidisse ab æterno, & vnà decreuisse, vt sic fierent in tempore quæ fiunt: atque hanc eandem Numinis prouidentiam sibi suisque rebus omnibus adfuturam,

a Gen. c. 22. v. 14.

## §. IV.

Clades autem & calamitates vniuersas à Deo immitti, hoc nobis exemplum monstret. Quemadmodum Deus illi provincie bellum, huic pestem; ita illi homini podagram, huic nephritidem, isti febrim immittit: hoc verò bellum, & illa pestis, & hæc podagra aut nephritis, aut febris ista, sunt à Deo diuinæque Voluntate immissa. Certissima est ista, & infallibilis notitia. At quomodo sese provincia illa, & ista, aduersus bellum & pestilitatem, & qui homines isti aduersus morbos se gerant? An possunt nolle, quod vult Deus? non possunt. An ergo nullus defensionis locus? est, si tamen illam admittat Deus. Ecquâ ratione se gessit Abraham in monte Moria sacrificaturus Isaacum? Circūspexit, & vidit hærentem in vepribus hircum, hic succedanea subditus est hostia Isaac: Ita prorsus regnum bello afflictum, provincia pestilentia infecta, homo podagrâ vexatus circūspiciat quid liciti remedij sit; eoque vtatur auerterido bello, tollendæ pesti, mitigandæ podagræ: Si hoc idem velit Deus, & illud auerti, & istam tolli, & hanc mitigari, submitter hircum, suppeditabit remedium ad illa omnia aut lenienda, aut in integrum restituenda: si nihil sit remedij, aut successum non habeat, clarissimum est velle Deum, vt sacrificetur Isaacus, vt regnum illud bellis atteratur, provincia illa exhauriatur peste, hic homo podagrâ torqueatur. Eadem prorsus est ratio & paupertatis, & ignominie, omniumque aliarum calamitatum & miserrarum. Ergo, vbi Deus subsidium monstrat, liberatur Isaac; sin, mactandus est. Ergo in his omnibus æqualissimè semper voluntas humana se subdat diuinæ. Hoc est armis aureis pugnare in omnem Casum & Fortunam, Deum cogitare, Deo subijci, & in omni euentu, mentem hanc flectere ad Magham illam Mundi mentem.

Sanctus Reinigius Rheimensis præsul, præuidit maximam annonæ caritatem in proximum annum; eam ob rem, magnam frumenti copiam collegit alendæ plebi. At ex his ipsis, quorum bono



id facere instituit vir sanctus, homines potulenti & proiectæ audaciæ fuerunt, qui inter pocula dicerent: Quid senex noster Iubilæus (erat iam ultra quinquaginta annos sacerdos) ecquid in animo habet, an nouam urbem condere: quid sibi volunt tot acerui tritici? Annonam videtur velle comprimere. Venite, fingamus fabricam aliquam ad hunc senem, struamus sycophantiam. Facile erat inaleuolis & iam ante currentibus calcar addere. Itaque ædibus cum impetu prouolant insani, & mox ad frumenti metas. hîc ardentem tædam subijciens vnus: Videamus, inquit, quàm auidè famelicus Vulcanus Cererem sit deuoraturus. Audacissimum hoc facinus mox celeri nuntio ad Remigium Antistitem defertur: ille continuò equum ascendit, & omni festinatione properat ad incensos tritici manipulos. At vbi aduenit, iam flammæ per omne frumentum præcipitarant, nullâ vi amplius sopiendæ. Quid hîc faceret afflictissimus Præsul? num se mœrore conficeret, & aut insanè lamentaretur, aut diras omnes deprecaretur in auctores? Hoc fecit: equo descendit, & quia hiems erat, incendium quâ proximè licuit, tanquam se calefacturus accessit, dixitque: Semper bonus est focus, præsertim seni. En integerrimi viri animum diuinæ Voluntati deditissimum, eâque de causâ in omni sorte tranquillissimum: voluisset quidem, quantum in ipso, ortum incendium reprimere, sed quia nec ratio nec modus erat coercendæ iam grassantis flammæ, totû hoc diuinæ Voluntati permisit, & illud Iobi serenâ fronte repetijt: Dominus dedit, dominus abstulit; sit nomē Domini benedictû.

Ita prorsus, ita in alijs omnibus agendum: cùm malum imminens quodcunque vel etiam præsens legitimis remedijs inhibere non possumus, dicamus toto animo: FIAT VOLUNTAS DEI: sacrificetur Isaac, si non submittatur hircus: immoletur filius, si sic imperet Deus. Pereat domus, pereant bona, omnia pereant, modò fiat Voluntas Dei.

### §. V.

Citharædus tamdiu trahit, intendit, aut remittit fides citharæ, dum assonent: ita qui totum se dedere cupit in arbitratum Dei, tamdiu necesse est voluntatem suâ exerceat, subigat, astringat, dum obsequatur: doceat etiam quàm ipsi expediat ad omnem beatitudinem, si ad diuinam Voluntatem in omnibus sese conformet, vti beatissimus Dauid: Nonne Deo, inquit, subiecta erit anima mea? ab ipso enim salutare meû. «Dicti huius litteratura Hebræa hæc est: Attamen ad Deû silebit anima mea, quia ab ipso salus mea. Aptis-

finè

finē nostro instituto, hac enim mente fuit rex Dauid: Quicquid mihi demum eueniat, feliciter an secus, diuinæ tamen Voluntati non contradico: Dei sancita non turbo: & etsi omnia teterrimè cadant, ego non obmurmuro; ad omnem Dei permissionem fileo, diuinā dispositione semper contentissimus: aspera omnia leniri possunt placidè ferendo.

Quisquis sapientissimum hunc regem imitatus fuerit (quod cuius facillimum, modò velit) hic sanè aduersa omnia, & quascunque calamitates tranquillo & imperturbato animo sustinebit; nunquam ei vel vocula excidet, quā crebras nimium, aut nimium graues ærumnas queratur: Voluntas diuina omnium illi ærumnarum alleuamentum erit: nec vnquam esse poterit tam coopertus miseris, quin cum religiosissimo illo viro exclamet: Pater sancte, tu sic ordinasti, & sic voluisti: & hoc factum est, quod ipse præcepisti. Sine consilio & prouidentia tuā, & sine causā nihil fit in terrā. Ecce Pater dilecte, in manibus tuis sum ego, sub virgā correctionis tuæ me inclino; percutere dorsum meum, & collum meum, vt incuruem *AD VOLUNTATEM TVAM* tortuositatem meam, vt ambulem ad omnem natum tuum, atque super omnia Voluntatem beneplaciti tui semper inquiram. \*

Qui hanc institutionem non capiunt, perpetuò erunt miseri, semper discentes, & nunquam ad scientiam veritatis peruenientes. Qui verò studium omne in Dei Voluntate cognoscendā, & sequendā posuerint, non patienter tantum, sed hilariter, & cum gratiarum actione aduersa omnia tolerabunt. Optimè dixit insignis ille concionator: Omnem diem amissum credere, quo Dei amore propriam non fregistis voluntatem.

a Thomas de Kemp. l. 3. c. 50. b 2. Tim. c. 3. v. 7.

c Ioan. Taulerus epist. 8. mihi pag. 85. vixit anno 1350.

## CAP. IV.

*Exemplum illustrissimum, hominia recusantis diuinæ  
Voluntati suam subiungere.*

**V**ates Hebræus Ionas, nobile fuit paradigma hominis, qui multā tergiversatione cunctatur in ditionem diuinæ Voluntatis concedere, eāque de causā tamdiu tamque variè affligitur dum suam voluntatem omnem subijciat dignæ.



## §. I.

Audiamus quid Voluntas diuina præceperit Ionæ: *Surge, & eade in Ninuen.* a Hæc prima pars præcepti. Altera: *Et prædica in ea.* Surrexit quidem Ionas, & loco se inouit, sed Ninuien non iuit. *Surrexit Ionas ut sugeret in Tharsis a facie Domini* b Duplex hîc inobedientia: in ciuitate, quâ iuebatur, non tantum non concionari, sed nec in eam ingredi. Sed mox adfuit ultor à tergo Deus: & ventis, & mari, & omnibus cæli iniurijs pugnavit in obstinatham Ionæ voluntatem. *Dominus autem misit ventum magnum in mare: & facta est tempestas magna in mari, & navis periclitabatur conteri.* Nec tum tamen animaduertit fugitiuus iste, in se has procellas ruere: *& Ionas descendit ad interiora navis, & dormiebat sopore graui.* Nihil perius, nihil periculosius malâ securitate. Iamque magis ac inagis inhorruit iratum mare, & nubes vndique adductæ obruerunt tenebris diem. Discurrebant nautæ ad officia trepidantes, vela tempestati subducebant, & quicquid nauigio videbatur onerosum, iactabant in mare. Sed tempestate mandata fatorum peragente, consilium initium est explorandæ fortis, *Et cecidit sors super Ionam.* Hîc variâ interrogatus Ionas, respondit: *Hebraeus ego sum, & Dominum Deum cæli ego timeo.* Itane vero, mi Iona, Deum times: at cur Dei Voluntati non pares? Plures ita loquuntur: Deum, aiunt, timeinus: at interim Dei Voluntatem negligunt. Hoc, o boni, Deum timere non est, Voluntati eius obitreperere. Nec mare his Ionæ vocibus tranquillari se sinebat, iamque magis exæstuans feruebat, & ingentes aquarum montes voluebat. Ita demum enauis Ionas in pelagus excutitur. Prius autem ipsemet culpam falsus: *Scio enim ego,* inquit, *quoniam propter me tempestas hæc grandis venit super nos.* Ita te veritas ainet, mi Iona, quàm hoc candidè & verè dixisti! Omnem hanc cæli intemperiem, hunc ventorum conflictum, has pelagi furentis insolentias propria voluntas tua concitauit, vnica omnium illorum causâ: Ninuen ire iussus es, non Tharsis. Sed expectate te præceptor marinus, qui doceat idem *Velle aut Nolle cum Deo.* *Et tulerunt Ionam, & miserunt in mare. Et præparauit Dominus piscem gaudem, ut deglutiret Ionam.* c Hæc præmia sunt propriæ voluntatis: sic docendi sumus, molle iugum diuinæ Voluntatis accipere. Audi quàm sapere didicerit ietus piscator, & quàm facilem se præbuerit diuinis nutibus! Iam viuo ceti carcere conclusus Ionas, iam pænè ad inferos demersus, iam inter mortuos & viuos ambiguus hærens:

*Deus: Cum angustiaretur, inquit, in me anima mea, Domini recordatus sum. Tandem tandem resipiscimus, & incipimus VELLE, quod diu malè nolimus. Iam ergo, Iona, vis ire Niniuen? Volo ire, Niniuitis concionari? concionabor. Num etiam quæ in hoc belluæ cauo vouisti, vis reddere: Reddam. Et dixit Dominus pisci, & euomuit Ionam in aridem. Priora igitur iussa diuinæ Voluntatis redeunt: Surge, & vade in Ninsuen ciuitatem magnam, & prædi a in eâ prædicationem, quam ego loquor ad te. Et surrexit Ionas, & abiit in Niniven, iuxta Verbum Domini. a Iam Ionas propriam voluntatem excussit, iam ideim omnino vult quod Deus, iam inanibus pedibusque festinat, quò pridem iussus est proficisci, iam clamat & hortatur ad pœnitentiam, iam obtemperat, & morigeratur diuinis iussibus. Utinam constanter id faciat, & ad propriam non recurrat voluntatem.*

a Ion. c. 3. v. 2. & 3.

### §. II.

Sed heu mobilitatem & inconstantiam voluntatis humanæ! quæ modo Dei fuit, iterum incipit esse sua. *Et afflictus est Ionas afflictione magnâ, & iratus est. a* Indicia hæc sunt pessima propriæ voluntatis, iam iterum luctantis cum diuinâ. Qui suam voluntatem ad diuinam accommodat, nunquam tantoperè turbatur, nec vniquam ærumnis sic deformatur, vt in iram prorumpat, & indigne- tur Deo. Quid, obsecro, mi Iona, quid est quod voluntatem tuam diuinæ iam coniunctissimam, denuò in hanc discordiam agit? Nô- ui dissidij causam audite: *Nunquid non hoc est, inquit, Verbum m. um, cum adhuc essem in terrâ meâ? &c. scio enim quia tu Deus clement, & misericors es, patiens & multa miserationis, & ignoscens super malitiâ. Hæc illa in Deo & Ionâ voluntatum dissensio est: Voluit Deus par- cere Niniuitis; Voluisset Ionas puniri Niniuitas, & hoc ait præsa- gisse sibi suum animum, se frustra minas sparsurum, non successu- ra minis supplicia, Deum citò nimis placandum. Nihil ergo am- pliùs videtur superesse, quàm Deum rogare: Domine, tolle, quæso animam meam a me, quia melior est mihi mors quàm vita. Melior tibi est, Iona, sed forsan Deo, non gratior. id autem propria voluntas non curat, hoc solum attendit quid sibi gratum & volupe sit: Deo id placeat, an non, iuxta habet. Et egressus est Ionas de ciuitate, & se- dit contra Orientem ciuitatis: & fecit sibi met umbraculum ibi, & sedebat subter illud in umbrâ, & sideret quid accideret ciuitati. Necdum quiescit propria voluntas; urbem deserit, vt commodiùs spectet excidi- um vrbs. Cur autem egreditur Ionas, cur ciuium animos non*

a Ionæ c. 4. v. 1.

uu 3

hortari



hortari pergat, ad constantem poenitentiam: quid opus est è textili hederâ nouum sibi domicilium struere? mille domus vrbicæ recepissent non ingratum Poenitentiae præconem. Sed aliter placuit propriæ voluntati, cui quandoque non tantum amplissimæ vrbes, sed terrarum Orbis nimis angustus est. Putauit Ionas ad suum ex vrbe egressum mox igneas cælo ruituras pluuias, mox vrbein funditus euertendam. Ita enim Deus prophetam iusserat minari: Adhuc quadraginta dies, & Ninive subuertetur. Hanc ob causam irritato Ionas se collocat, hic confidet vt videat, an Deus nullam suis sit additurus viam minis: an omnem iniuriam tam facile obliteraturus, & parsurus sceleratissimæ ciuitati. Spectaculū è cælo diu expectabat: sed cum cælum omne ferias agere, cum nulli volare ignes, nec vlla erumpere saxa, cum Vindicta omnis dormire videretur; cum hederacea etiam voluptas exarescere, cum sol desuper caput ferire, cum æstus ingens grauiter vexare inciperet, hinc deum Ionas tantam Dei patientiam impatientissimè ferens, & seridè excandescens, *petiuit animæ suæ ut moreretur. Et dixit, Melius est mihi mori, quam vivere.* Cumque super hac suâ excandescentiâ interrogaretur, num eam censeret æquam? respondit audacter: *Bene irascor ego, & que ad mortem.* Videte, obsecro, tam impotentis iræ causam. Ideò Ionas tam multum fellis effundit, ideò pænè in languorem incidit præ tristitiâ, *Quia non scitum est ei sicut cogitabat.* a O Iona, quam credula est propria voluntas, maximè sibi suisque versuasionibus! Ecce tam indignè fers miserationē & patientiam diuinam: an nescis, Dei proprium esse, misereri & parcere? nunquid Deo induere vis impatientiam humanam? vt quàm primùm læsus, mox feriat, iniurijs affectus mox sua fulmina mittat? Hoc humanam sapit indolem, non diuinam: nos tales fuimus: vix tacti, pugnis & calcibus tangentem petimus; vix læsi, feruidissimis ictibus ferimus, ad rem nullam profectò promptiores quàm ad vindictam: hinc currimus, hinc volamus cum vliscendum est. Non talis est Deus, Misericors & misericors Dominus: patiens & multum misericors: Suavis dominus vniuersis, & miserationes eius super omnia opera eius. b Nec vult Deus perire animam, sed retractat, cogitans ne penitus pereat qui abiectus est: c Quid autem, mi Iona, tantoperè luges hederaceum palatium tuum à verime destructum? neque tu vermem rodere, nec hederam crescere docuisti. Hanc tibi dominus dedit, hanc & abstulit dominus, cur domino indignaris?

Quod

Quod si tanti doloris causa est, umbraculi hederacei demolitio. & urbis quæ regnum æquet, euersio non sit dolori? Iam ergo, mi optime Iona, voluntatem tuam ad diuinam omni ex parte conforma. Hedera perijt: velis perijisse: Niniue seruata est: seruata. & tu velis. Nec est quod quidquam ultra doleas, nisi ob propriam voluntatem non protinus diuinæ subiectam.

## §. III.

Videte, Christiani, quid sit sui iudicii suæque voluntatis esse, & in quantos errores hæc vna res sanctissimos etiam viros pertrahat. Nihil agimus, quamdiu voluntatem propriam non penitus expugnauimus. Hac stante, & aduersante diuinæ, nec dona Deo vlla, nec vota, nec preces, nec sacrificia grata sunt. Gratum Deo ieiunium est, grata eleemosyna, gratum orandi studium, sed illud solum, quod diuinæ Voluntati accommodatum. Nouit quidem & propria voluntas stipem spargere, ieiunia instituere, preces inire, sed hæc omnia nimis quàm exosa sunt Deo, si diuinæ Voluntati conformia non sint. Ideò Deus (mirissimum dictu) & ieiunia, & sacrificia ceteroqui gratissima prohibens: Nolite, inquit, ieiunare sicut vsque ad hanc diem. <sup>a</sup> Quid ergo vitij habuit ieiunium istud Hebrææ plebis? Propriam voluntatem nimum olebat: Ecce in die ieiunij vestri inuenitur voluntas vestra: Ieiunium amo, sed propriam voluntatem odi, quæ corrumpit ieiunium. Si quis homini capas auersanti, ferculum cetera pretiosissimum proponat, capis tamen infectum, nihil inibit gratiæ, nec lassum stomachum peruellet: nauseam mouebit, non appetentiam ciborum: Ita ieiunium velut generosi saporis edulium est, ab Angelo etiam laudatum (Bona est oratio cum ieiunio <sup>b</sup>) at si huic edulio cæpe & allium propriæ voluntatis misceantur, apage hoc fastidium à cælesti mensâ. Chrysostomus: Qui peccat & ieiunat, inquit, non ad gloriam Dei ieiunat, nec se humiliat, sed suæ substantiæ parcit. <sup>c</sup> Omnia fœdat & perdit Voluntas propria.

Et hæc illa deiectionum ad inferos extrema miseria est, tantâ eos furere contumaciâ voluntatis, vt hæc in omnem æternitatem, diuinæ Voluntati nunquam sit consensura: Nunquam volent damnati quod Deus, nec velle poterunt. Clare Augustinus: Voluntas enim eorum, inquit, talis erit, vt habeant in se semper malignitatis suæ

uu 4

suppli.

<sup>a</sup> 1Cc. 54.v.3. & v.4. <sup>b</sup> Tobie. 12.v.8. <sup>c</sup> Chryl. in Matth.



supplicium, nunquam tamen percipere possint bonitatis affectum. quia sicut illi, qui cum Christo regnabunt, nullas in se. malæ voluntatis reliquias habebunt: ita illi qui erunt in supplicio ignis æterni, cum diabolo & angelis eius deputati, sicut nullam habebunt ulterius requiem, sic & nullatenus bonam poterunt habere voluntatem. Ah, quid vspiam esse potest formidabilius gehennâ, si in illâ vel vnicui hoc supplicium sit, à sanctissimâ Dei Voluntate in omnem æternitatem esse auersissimum, nec cum eâ vnquam conciliari posse? Ergo, mi Deus, vt deseram ego voluntatem meam, doce me facere voluntatem tuam. b

a Aug. l. de fide ad Petr. b Pl. 142. v. 10.

### C A P. V.

*Qua voluntatis propria contumaciam maximè confirmet.*

**I**Nter grauissima quæ Dominus Hierosolymorum vrbì exprobrat, illud est: Hierusalem, Hierusalem quæ occidis prophetas, & lapidas eos qui ad te missi sunt, quoties volui congregare filios tuos, quemadmodum gallina congregat pullos suos sub alas **ET NO LVISTI.** Propriæ voluntatis obstinatio, scelerum omnium origo: **Ego VOLVI**, inquit Deus, **tu NO LVISTI.**

Abbas Pastor dicere solebat: Perreus murus est, propria voluntas, à Deo nos seiungens & separans: **ET NO LVISTI**, hinc illæ lacrimæ. b Nec aliter Augustinus: Suspirabam, inquit, ligatus non ferro alieno, sed meâ ferreâ voluntate. VELLE meum tenebat inimicus, & inde mihi catenam fecerat, & constrinxerat me. c Voluntatem autem propriam mirè roborant hæc tria,

a Matth. c. 23. v. 37. b Dorothe. serm. 5. c August. l. 8. confess. c. 5.

### §. I.

**Primum, Consuetudo praua.** Augustinus hoc explicans: Quippe; ait, ex voluntate peruersâ, facta est libido: & dum seruitur libidini, facta est consuetudo: & dum consuetudini non resistitur, facta est necessitas. Quibus quasi ansulis quibusdam sibi met. innoxis (vnde catenam appellauì) tenebat me obstrictum dura seruitus. Voluntas autem noua quæ mihi esse coeperat, vt te gratis colerem, fruique te vellem, Deus nondum erat idonea ad superandam priorem vetustate roborata. Ita duæ voluntates meæ, vna vetus, alia noua, illa carnalis, ista spiritualis conflegebant inter se, atque discordando dissipabant animam meam: plûsque in me valebat deterius inolitum, quam melius insolitum. a

a Aug. eod. c. 5. & 11.

Ita cum vitia abeunt in mores, non relinquitur amplius remedijs locus. Nam hic omnium vitiorum genius est, ut nisi quanto-cyus domo eijciantur, difficulter & raro, cum irroborarint, expelli possint. Verè Gregorius: Cum culpa, inquit, in usum venerit, ei iam animus, etiamsi cupiat, debilius resistit: quia quot vicibus prauæ frequentationis adstringitur, quasi tot vinculis ad mensum ligatur. <sup>a</sup> Facile est teneros adhuc annos componere; inueteratos difficile. Væ ollæ cuius rubigo in eâ est, & rubigo eius non exiuit ab eâ. <sup>b</sup> Nimirum asperam & insuauem virtutum viam facit vitiorum consuetudo. <sup>c</sup> Verissimè Chrysostomus: Nihil, inquit, tam firnum est in rebus humanis quàm veteris consuetudinis tyrannis. <sup>d</sup> Ideò Augustinus admonens: Peccator, inquit, de proximo reuiuiscat: non eat in profundum sepulturæ; non accipiat de super consuetudinis molem. <sup>e</sup>

Plato iuuenem aleâ ludentem acerbius reprehenderat. Iuuenis huic monitori asper: Quàm parua, inquit, redarguis? Mox Plato: At non est paruum quid, ait, consuetudo. Certè Creteneses cum acerbissimâ execratione aduersus eos, quos vehementer oderunt, uti volunt, ut malâ consuetudine delectentur, optant. modo quoque voti genere, efficacissimum vitioris euentum reperiunt. Inutiliter enim aliquid concupiscere, & in eo perseueranter morari, exitio ea dulcedo vicina est. <sup>f</sup>

<sup>a</sup> Greg. l. 4. mor. c. 25. post med.

<sup>b</sup> Ezech. c. 24. v. 6.

<sup>c</sup> Hieron. ep. 14. ad Celant.

<sup>d</sup> Chrylhom. 7. in 1. ad Cor.

<sup>e</sup> Aug. serm. 14. de verb. Dom.

<sup>f</sup> Valer. Max. l. 7. c. 2. fine.

## §. II.

Alterum, quòd propriam voluntatem adeò corroborat, est. *Longanimitatis defectus.* Hæc nostra est in rebus pluriinis præcipientia, cum id quod valdè volumus, ad destinatum tempus non impetramus, mox in impatientiam agimur, & quandoque in rabiem. Tales sumus; moræ impatientissimi. Quoties audias hominem longanimitatis expertem dicere: Iam volo, statim volo; non expecto, nolo differri, nisi breuî hoc fiat, despondi animum. Itaque rex Hebræus Saul non potuit vnâ quæ restabat alteramue horulam expectare Samuelem: ideò illi in os apertè obiectum, quòd stultè egisset. <sup>a</sup> Ita plerunque & nos cum Deo agimus, si non mox obtineamus quod impetratum volumus, cadimus animo, & in tristitiam ac querelas soluihur. Nostræ preces plerunque sunt qua-

<sup>a</sup> 1. Reg. c. 13. v. 13.



les erant saltatricis puellæ: *Volo & protinus des mibi.* a Ita sæpe spem omnem & patientiam consumimus, vt impatientiam & desperationem prouinimus. Animæquiores estote filij, & proclamate ad Dominum. b Rex loachim triginta septem annis attinebatur carcere: post tantam temporis interapedinem, sibi & regno restitutus, docuit quàm longanimi patientiâ diuinum auxilium sit expectandum. Magnæ virtutis est, id quod velis, non velle statim fieri: Maximum virium est longanimis patientia, quæ aridissimum etiam baculum triennio rigatum, in frondes & flores potest educere. c Hinc illa Siracidæ monita: Sustine sustentationes Dei, coniungere Deo, & sustine. Omne quod tibi applicitum fuerit, accipe: & in dolore sustine, & in humilitate tuâ patientiam habe. Respiciite filij, nationes hominum, & scitote quia nullus sperauit in Domino, & confusus est. Væ his qui perdiderunt sustinentiam. Qui timent Dominum, custodiunt mandata illius, & patientiam habebunt vsque ad inspectionem illius. d At propria voluntas in contrarium semper nititur, & quod appetit, imperiosissimè sic exigit: Protinus da, continuo fiat, mox annue, confestim exhibe, ne mora sit, cunctatione omni abiectâ. Idèd monendi sumus assiduè: Expecta fili, donec videamus, quem res exitum habeat. e Si moram fecerit, expecta illum, quia veniens veniet, & non tardabit. f

Christum in cruce variè vrgebant hostes, ne vellet videre finem suorum cruciatuum: si filius Dei es, aiunt, descende de cruce. g Pulchrè his respondet Chrysostomus: Idèd de cruce non descenderat, quia filius Dei erat. Expectabat Christi longanimitas, dum dicere liceret, **CONSUMMATUM EST.** Quod autem in capite cerninus factum, hoc & membris iuitandum: Voluntas patris ad supremum vsque halitum exsequenda. Quâ de re præclarissimè Ludouicus Blosius, quem sic placet recitare, vt verbum è verbo exprimamus: Felix igitur ille est, inquit, qui angustijs & pœnis afflictus, non aliquid inquit quo illas euadat, sed ad finem & vltimum vsque punctum eas sustinet: nolens de cruce descendere, nisi Deus illum soluat ac deponat. Felix planè qui se in abyssum diuini beneplaciti ita demergit, & terribilibus occultisque Dei iudicijs ita se resignat, vt in huiusmodi doloribus ac pressuris, non tantum vnâ hebdomadâ, aut vno mense, sed vsque ad extremi iudicij diem, vel etiam perenniter consistere paratus sit, non recusans ipsius quoque inferni

a Marc. c. 6. v. 25. b Baruch. c. 4. v. 21. &amp; 27.

c Vide in vitis PP. Rosveid. l. 4. mibi pag. 542.

d Eccl. c. 2. v. 3. &amp; seqq.

e Ruth. c. 2. v. 18.

f Abac. c. 2. v. 3.

g Matth. c. 27. v. 40.

tormenta ( si Deus ita vellet ) subire. Quæ quidem resignatio omnem aliam resignationem longè vincit. Vel mille mundos relinquere, in huius resignationis comparatione nihil est. <sup>a</sup>

Quàm vorò hic propria voluntas obluetur, sic explicat: Irresignatus quisque, dum in hunc modum duris scopis à Domino atteritur, omnia se perdidisse arbitratur: vnde & in grauem tristitiam, horribilemque desperationem prolapsus dicit: Iam de me actum est, perij. Ceterùm qui solidâ tranquillitate intra se frui cupit, ad hoc eniti debet, vt resignatò liberòque animo, & Deo, & seipso, & creaturis omnibus carere possit, veram pacem intus interim retinens. Vndecunque accidant pressuræ, de manu Domini suscipiendæ sunt, cuius permissu eteniunt. <sup>b</sup> Ergo, vt propriam domes voluntatem, esto longanimis, & expecta Dominum, etiamsi moram fecerit, quia veniens veniet & non tardabit.

a Blosin Appendice c. r. medio. b Blosibid.

### §. III.

Tertium denique quo propria voluntas supra modum inualefcit, est, *Instabilitas perpetua*. Parum est cum Lunâ circumagi, & aliam atque aliam formam induere: in dies, in horas mutamur, inanè aliud, & aliud placet vesperi, hodie volumus, cras nolumus: nunquam iidem, nec similes quidem nobis, adeò in diuersum aberramus; quotidie consilium permutamus & votum: vt nubes à quouis vento huc illuc impellimur. Et hoc voluntati propriæ sollemnissimum est, vt cum firmissimè illi columnæ Voluntati diuinæ nolit alligari, seipsam rebus caducis ac vanis indulgeat, quibuscum non possit non creberrimè mutari. Hac tantâ propriæ voluntatis instabilitate, cupimus quidem quotidianis tædijs occurrere, verùm hac ipsâ ratione sæpe nobis tædium è tædio creamus, dum illud tam sollicitè studemus vitare. ita Sityphi saxum volumus, & deliù Danaidum implemus, dum idein & volumus & nolumus, eadem sæpe horâ. Voluntas nostra, & quod inde pendet, omnis sanctitas nostra, non est turris inexpugnabilis in montis iugo, aut editâ rupe collocata, sed domus lutea, quæ ad omnem incursum cedit & collabitur. Probus es; sit ita. hoc illud præclare incipis, hinc aut illic rem optimè agis; neque hoc negem, sed hoc quamdiu & quam constanter. Ah, quàm facile ad omnē auræ sibiham muramur, & sæpe turpiter deiiciimur! vt folium arboris, à vento non inagno rapimur, & ventilamus nos in omnem ventum, & imus in omnem viam. <sup>a</sup>



Multiformes planè sumus, & nobis ipsi dispares, nec vnum agimus hominem, sed plures. Quod in Sacris de Iobo scribitur *For* *Vir vnu*: id ita Hieronymus interpretatur: Non per diuersa mobilis, & instabilis ferebatur, sed firmus atque inconcussus persistens erat vir vnus. Nos plerumque non vnum virum agimus, & sæpe nec quidem viri sumus, tam debiles in virtutis actibus, quam inconstantes. Hæc propriæ voluntatis illustria sunt facinora. Sed de hoc humanæ voluntatis Euripo explicatiùs alibi.

Itaque libera voluntas nos facit nostros, mala diaboli, bona Dei. Qui enim, inquit Bernardus, voluerunt esse sui, vtique sicut Dei scientes bonum & malum, facti sunt non tantum iam sui, sed & diaboli. Sanè diabolo nos nostra mancipat voluntas, non ipsius potestas. Nostra autem voluntas perfecta non erit, quousque suo creatori perfectè subiecta sit. Profectò expedit nobis magis omnino non esse, inquit, quàm nostros permanere. *b* Augustinus de Aquilis: Dicuntur pulli Aquilarum, inquit, sic probari, patris scilicet vngue suspendi, & radijs solis opponi. qui firmè solem contemplatus fuerit, filius agnoscitur, si acie palpitauerit, ab vngue dimittitur. Nos viles homunculi magis sub arbitrio Dei sumus, quàm sub patris vngue Aquilæ pullus: à Deo magis pendemus quàm radius à sole, calor ab igne; plus Deo in nos potestatis est, quàm in lutum figulo, & tamen hunc solem nostrum, diuinam Voluntatem liberè rimè auersamur. Iubemur inimico ignoscere? Nolumus. Effrenem libidinem coërcere? æquè nolumus. Impotentem iram domare? Nec hoc volumus. Illo aut isto familiari vitio abstinere? pigerrimè volumus, hoc est, modeste nolumus. O pullos non Aquilarum, sed noctuarum, qui non solem diuinæ Voluntatis, sed tenebras propriæ sectantur. Hinc autem omne malum, & omnis pæna. Narrante Ludouico Bloisio, Christus sanctæ cuidam virginis familiarem se præbens: Volo te nosse, inquit, quòd omnes pænæ quibus homines in mundo affliguntur, in voluntate consistunt: quia si voluntas esset ordinata, & concors cum voluntate meâ, careret quodammodo pœnâ. Quamuis enim is qui hac sanctâ ordinatâque voluntate præditus est, sentiat laborem ac dolorem, quicquid tamen amore mei sponte patitur, quasi sine pœnâ portat. Libentissimè enim illud sustinet, considerans & sciens meam esse voluntatem, atque permissionem, vt patiatur. Mens eius in quouis dolore corporali libera est, cùm voluntas ipsius in omnibus sit conformis,

*a* In Trismeg. l. i. c. 3. de humanæ volunt. inconstantia. *b* Bern. de grat. & lib. arb.

ormis, & vnita Voluntati meæ. Igitur ablatâ voluntate propriâ,  
piritus hominis tranquillus est, & pace gaudet. <sup>a</sup>

<sup>a</sup> Blof. Monil. spirit. c. 10. fine.

## CAP. VI.

*Nihil voluntatis propriæ retinendum esse, tam in omnibus re-  
bus arduis ac difficilibus, quàm in ipsâ morte.*

**H**ic Rhodus, hic saltus. In rebus subinde minutulis non ita dif-  
ficulter voluntatem nostram diuinæ attemperamus, at in ijs  
quæ momenti sunt grauioris, in iacturâ opum, honoris vitæ hîc ter-  
guerlationes, & excusationes, hîc moræ & tricæ, hîc multa refra-  
ctariæ voluntatis contumaciâ, hîc nostrum nobis & VELLE &  
NOLLE stat contra Dei & VELLE & NOLLE. Sed quid miseri lu-  
damur frustra, stat Voluntas diuina, stabitque æternum velut im-  
mobilis rupes; non illam ad nos traheimus, sed ad se nos illa. Ri-  
deamus, si is qui cimbam ad rupem alligauit, funem identidem  
trahat, & rupem ad se accedere censeat, cum ipse ad illam propius  
ac propius accedat: Et non maior nostra stultitia est, qui ad ru-  
pem illam diuinæ Voluntatis nexi, trahendo & reluctando volu-  
mus eam nobis obsequi, non nos ipsi?

## §. I.

Sunt qui & se & alios diuinam legem doceant & hi quidein intel-  
ligentiam suam Deo consecrant; at vbi est voluntas rerum omniũ  
pretiosissima? Hanc sibi seruant, partione factâ cum Deo haud  
æquâ. Optimè olim alteri alteris sic precabantur: Benefaciat vo-  
bis Deus, &, det vobis cor omnibus, vt colatis eum, & facia-  
tis eius voluntatem corde magno, & animo volenti. <sup>a</sup> Hi corde  
prorsus exiguo, & animo minimè volente Deum colunt, qui in re  
quapiam facili voluntate suâ cedunt; at vbi vel bonorum alea iaci-  
tur, vel honoris punctum, aut vitæ cardo vertitur, hîc ius propriæ  
voluntatis tenacissimè retinent, hic sui sunt. O non Volones, quales  
olim sponte suâ militiæ nomen dederunt, pro Dominis pugnatu-  
ros se polliciri: Eâ de causâ in ciuitatem recepti, & liberi esse iussi  
sunt. <sup>b</sup> Quod si contumaces illi & diuinæ Voluntati tam refractarij  
vltro se dederent, suamque voluntatem sponte submitterent supre-  
mæ illi, certe ius cæli obtinerent, futuri liberi in omnem æternita-  
tatem. Inter Volones istos præsignis planè, Hebræus rex Dauid:  
In me, inquit, sunt Deus vota tua, quæ reddam, laudationes tibi. <sup>c</sup>

Sub



Sub cælo nihil tam liberum atque hominis voluntas: omnia alia admirabili subiectione conditori obtemperant. In solo homine ea est libertas, quâ vult quodcunque lubet, etiam si hoc cælo, inferis, Deo repugnet. Nihil tam in nostrâ est potestate quàm voluntas. Integrum est homini, quotiescunque libuerit, dicere *NŌN*, & abnuere, vel ipso etiam Deo annuente. Et hæc scelerum omnium Lerna est, Deo dicente: Volo hoc fieri, hominem tamen obloqui audere: Nolo hoc facere. aut dicente Deo: Hoc fieri nolo. hominem tamen dicere: hoc volo facere. Et quoties Deus: Hæc est, inquit, mea Voluntas. nihilominus homo; At hæc, inquit, mea non est. Ob hoc Deus grauissimè questus: A sæculo, inquit, confregisti iugum meum; rupisti vincula mea, & dixisti: Non seruiam. Hæc ipsissima est radix omnium delictorum: non sit hoc impium *VOLO*, non erit vtique delictum. Enimuerò medicina ea optima est, quæ sic morbum curat, vt & morbi radicem euellat. Proprium peccati pharmacum. Pœnitentia, quæ tunc demum vera est, si rebellionem hanc comprimat, & humanam voluntatem diuinæ penitus subijciat. Primus autem Voluntatis actus est *AMARE*, vt est aurium audire, cernere oculorum: qui verò quippiam amat serio, et cor suum voluntatēque cum voluptate impendit; non eum labor, non dolor, non terrifici quidquam inde auocat. Ita voluntas quæ se Deo verè transcribit, omnia præ Deo nihili facit, tam aspera quàm iucunda, & suauia promptè amplectitur, prout scierit supremæ id voluntati probari. Huius tibi mentis conscius rex Dauid: In me, inquit, sunt Deus vota tua. Non reperio quas tibi gratias agam, mi Domine, quòd hanc in me felicitatem ac promptitudinem, erga tuam Voluntatem experiar; promissiones tibi à me factæ, in intimis apud me præcordijs asseruantur, ne excidant. Tale sit voluntas Christiani hominis promptuarium, vnde facilè depromi possit, quicquid est ad Domini gustum. Penarium verè opulentum, omni genere quâ esculentorum quâ poculentorum instruitur: Si Dominus velit oleum, aut mel, aut aromata, vel vinum siue Chium, seu Thasium, siue Creticum: adferuntur & oleum, & mel, & aromata, & vinum non cibarium & ignobile, sed quale iussit adferri: Si Dominus cupiat perticem, aut altilem gallinam, illicò perdix aut gallina promitur: si panem niueum petat & primum, mox adest hic panis: si aliud quid postulet, confestim aduolat postulatam. Talis sit voluntas nostra, & olearia, & mellaria, & vinaria, & omnigeni penoris cella, vt quicquid dominico palato placuerit, inde proma-

ur: ita quidem, ut si Deus animum cupiat ad paupertatem, ad morbum, ad ignominiam, ad mortem paratum, hunc ipsum inueniat paratissimum, de quo Deus ipse dixerit: In te, ô homo, sunt vota mea. Talis certe rex Dauid, vir secundum cor Dei: <sup>a</sup> Non in rebus solum minutoribus, sed in maximis æquè ac minimis, cum iactaretur, cum per ardua sursum & deorsum iret, à diuino semper nutu pendebat.

<sup>a</sup> Act. c. 13 v. 22.

## §. II.

Anno quingentesimo vicesimo tertio, in Consilio Vzecensi episcopus fuit, cuius nomen, Quod vult Deus. <sup>a</sup> Fuit & alius eiusdem nominis Carthaginensis Pontifex, vir sanctissimus, qui vnà cum Clero à Genferico rege Ariano, fractis nauibus absque remigijs & velis, præter omnem spem Neapolim appulit, ibique exul sanctè finijt. Omnium hoc Christianorum & nomen sit, & studium vniuersum, Quod vult Deus. At inaligni hominis est, tunc solum dicere: Quod vult Deus, cum nec operosa, nec ardua iubentur: Ille fert omne punctum, qui, cum paupertas vrget, cum morbus exercet, cum ignominia premit, cum mors vocat, nihilominus mente liberrimè pronuntiat: Quod vult Deus; si opes, si valetudinem, si famam, si & vitam velit eripi, Quod vult Deus, hoc fiat. Nec disputat, cur iam, cur hoc loco, cur hoc morbi genere sibi moriendum sit, sed paratissimus ad omnia, hoc vnum assiduè ingeminat, Quod vult Deus. Præclarissimè dixit Seneca: Quid tibi opus est ut sis bonus? VELLE. <sup>b</sup> Quid autem melius potes velle, quàm quod vult Deus? Hic ego te, qui aliter sentis, & diuinæ Voluntati obniteris, compello Annæi verbis: Tamen tu indignaris aliquid, aut queraris: & non intelligis, nihil esse in istis mali, nisi hoc vnum quod indignaris, & queraris: Non feram me, quo die aliquid ferre non poterò. Malè valeo? familia decubuit? fenus offendit? domus crepuit? damna, vulnera, labores, metus incurrerunt? Solet fieri, hoc parum est: debuit fieri. Decernuntur ista, non accidunt. Si quid credis mihi, intimos affectus tibi cum maxime detego: in omnibus quæ aduersa videntur & dura, sic formatus sum. Non pareo Deo led assentior: ex animo illum, non quia necesse est, sequor (*erubescere, Christiane, ab erubescere*) Nihil vnquam mihi incider, quod tristis excipiam, quod malo vultu: nullum tributum inuitus conferam. Omnia autem ad quæ gemimus, quæ expauescimus, tributa vitæ sunt.

<sup>a</sup> De quo Baron. tom. 7. An. 523. h. 15. Martyrol. Baronij die 26. Octobris.

<sup>c</sup> Sen. epist. 80. init.



sunt. Horum nec speraueris immunitatem, nec petieris. Ad hanc legem animus noster aptandus est, hanc sequatur, huic pareat: & quaecunque fiunt, debuisse fieri putet: nec velit obiurgare naturam. Optimum est pati, quod emendare non possis: & Deum, quo auctore cuncta proueniunt, sine murmuratione comitari. Malus miles est, qui Imperatorem gemens sequitur. Quare impigri atque alacres excipiamus imperia, nec deseramus hunc operis pulcherrimi cursum, cui quicquid patimur, intextum est. Sic uiuamus, sic loquamur. paratos nos inueniat atque impigros Fatum, seu, Voluntas Dei. Hic est magnus animus qui se Deo tradidit: at contra ille pusillus ac degener, qui oblectatur, & de ordine Mundi malè existimat, & emendare mauult Deum quàm se. Carpit diuina & prouidentiam, alia illa esse vellet magis quàm se alium. Ingrati saepe diuinorum interpretes sumus. Inde est quòd nec viuere volumus, nec mori: vitæ nos odium tenet, timor mortis. Nullum omne consilium nostrum, nec implere nos vlla felicitas potest.

a Sen. epist. 96.

### §. III.

Quanti verò momenti sit in morbo lethali, nostræ voluntatis ad diuinam conformatio, insignissimè docet Ludouicus Blofius, hunc in modum: Moriturus quisque meritis Saluatoris nostri Iesu Christi, magis quàm suis inniterur. In illius bonitate & in precibus beatæ Mariæ Virginis ac Sanctorum electorumque Dei fatis confidet. Christi amarissimam passionem mortemque sibi proponet, & ineffabilem illam charitatem, quæ eum tam indigna sustinere coegit, in memoriâ repetet, atque in patientia vulnera, & in profundissimum pelagus immentæ misericordiæ eius, sese cum vniuersis peccatis atque negligentijs suis demittet, immergetque. Ad summam Dei gloriam seipsum, velut hostiam viuam offeret ipsi Domino, ad perferendum pro acceptissimâ eius voluntate patienter, ex vero amore omnem languoris acerbitatem, ipsam etiam mortem, & quicquid sibi Dominus in tempore, & in æternitate immittere voluerit. Hoc si reuerà facere potuerit: Si, inquam, sese ex purâ dilectione cum perfectâ sui resignatione, ad omnem penam pro honore diuinæ iustitiæ tolerandam animo spontaneo obtulerit, ipse neque infernum, neque purgatorium subibit, etiam si solus omnia totius Mundi peccata commisisset. Nullum igitur exercitium in extremis vtilius esse potest, quàm vti quis seipsum ex  
integrali

a Optimum in morte exercitium Resignatio sui.

integro diuinæ Voluntati resignet: humiliter, amorosè, plenèque  
 confidens in immensâ Dei misericordiâ ac bonitate. Fieri enim ne-  
 quit, quin is qui in huiusmodi verâ perfectâque resignatione cum  
 sanctâ erga Deum fiduciâ ex hac luce exit, confectum ad regna cæ-  
 lestia euolet. Nam sicut nihil omnino pœnæ, nihil ignis purgatorij  
 in Deum cadere potest, ita nec in hominem, qui eo modo per vo-  
 luntatis conformitatem, amorè inque Deo vnitus est. Hoc animo  
 iustus ille Latro moriebatur in cruce, qui non salutem corporis à  
 Domino postulauit, nec orauit vt à pœnis purgatorijs seruaretur,  
 sed libenter pro peccatis suis, pròque Dei gloriâ moriens, se totum  
 in diuinam resignauit voluntatem, se totum Christo obtulit, vt ille  
 secum ageret quicquid veller. Nihil nisi misericordiam & gratiam  
 petijt dicens: Memento mei Domine, cum veneris in regnum tuū.  
 Quod si morte imminente infirmitas naturæ mœret, aut trepidat  
 huiusmodi inuestitia & formido in Deum per resignationem proij-  
 cienda, ac certa spes erga eum concipienda est. Mors Christi mor-  
 tem tuâ soletur. Ille præcessit, præcesserunt & innumeri electi eius:  
 non igitur pigeat te sequi. Corpus quod modò deponis, vile quod-  
 dam vestimentum est. Quid ad te si computrescat, & ad tempus in  
 terrâ occultetur? Postea ipsum idem corpus tuum resurget, iamque  
 immortale, incorruptibile; gloriosum ac fulgidum erit. Pensandum  
 quoque est, quàm resignati ac voluntarij fuerint ad moriendum an-  
 tiqui iusti Abraham, Isaac, Iacob, Moses, David, & ceteri consimiles,  
 cum nondum ianua regni cælestis esset aperra. Vnde in fine Deute-  
 ronômij legimus, Dominum dixisse ad Moysen: Ascende in montē  
 istum &c: & vide terrâ Chanaan quam ego tradam filijs Israël obti-  
 nendâ, & morere in monte. Ecce quàm resignato animo iuxta Dei  
 beneplacitum, mortē excepit Moyses amicus Altissimi. Nō transiuit  
 quidem ad terram illam visibilē, sed in inuisibilem & meliorem re-  
 ceptus est, videlicet in secretum sinū pacis, & limbum in quo iusto-  
 rum animæ tunc magnâ tranquillitate quiescebant. Iam verò iu-  
 stis aditus patriæ cælestis, per Christum Dominum reueratus est.

Ergo, mi optime Christiane, cum vicinam sentis mortem, imò  
 etiam antequam sentias, voluntatem tuam quàm perfectissimè iun-  
 ge cum diuinâ, illique te totum committe: nec aliud cogites vel  
 loquaris, quàm hoc ipsum, *Quando Domino Gasum.*

a Blof. Consol. pusillan. mihi pag. 328. & seqq.

#### S. IV.

Sed istud QVANDO plerosque omnes homines ægrè habet.

& &

Moriendum



Moriendum sibi sciunt, & mori volunt, sed nondum : cupiunt naturæ soluere quod debent, sed nondum : desiderant cælo recipi, sed nondum : Adeo miselli insanimus, ut cupiamus desinere esse miseri, sed nondum : ut felices & beati esse velimus, sed nondum. Quid, homuncule, tam altum tibi patibulum ædificas, ut multos gradus habeas, per quos ad mortem te ire diutius scias? quid vitæ tuæ tot optas annos, quibus funus tuum prospicias, cogitationum lento tormento? Eundum est, seu hodiernâ, seu crastinâ. At scio, quid multos decipiat: cum mors pulsat, ante tempus adesse putant importunum exactorem. Stulti; tunc tempus est, QUANDO Domino Mortis visum est, Quid tergiuersaris, quid immaturam ætatem obijcis, quid moram poscis? ad mortem maturus pridem fuisti. Sed nec concessa mora paratiorem te faciet, aut promptiorem. Nam & post hanc morari voles, minus forsan paratus, quò plus moratus. Induciæ non paucos deteriores fecerunt. Mala ad mortem præparatio est, mori nolle. Facti dimidium habet, qui tunc vult, quando vult ille, qui nihil mali potest velle. Ergo tergiuersationem tolle, & dic animo: QUANDO & QUOMODO Domino visum, sic fiat. <sup>a</sup>

Ad hoc ipsum luculentissimam faciem præluce Romanus Sapiens, & : Siue alios, inquit, obseruare volueris, siue teipsum, fauore seposito; & senties hoc, & confiteberis, nil ex his optabilibus & charis utile esse, nisi te contra leuitatem casus, rerumque casum sequentium instruxeris: nisi illud frequenter, & sine querelâ, inter singula damna dixeris: *Deo aliter Sisum est.* <sup>b</sup> Ita dices: Antehac quidem diutius me victurum arbitrabar, At, *Deo aliter Sisum est.* & bene sic visum est. Ita propriâ voluntate in diuinam transinutata, omnia tibi reddentur facilia. Nam uti malus omnia in malum vertit, etiam quæ specie optimi veniunt: ita rectus atque integer corrigit praua vitæ, & dura atque aspera, ferendi scientiâ mollit: idemque & secunda gratè excipit modestèque, & aduersa constanter atque fortiter. Hic idem Voluntati diuinæ tam addictus, nunquam malis euentibus maledicit, nunquam accidentia tristis excipit, ciuem esse se vniversi & militem credens, labores velut imperatos subit. Quicquid incidit, non tanquam malum aspernatur, & in se casu delatum, sed quasi delegatum sibi. Hoc qualecunque est, inquit, meum est asperum est, durum est: in ipso nauemus operam, nec de Dei providentiâ queramur. Si Dijs, inquit Epictetus, ita visum fuerit, ita fiat. <sup>c</sup>

§. V.

<sup>a</sup> Vide Horolog. Angeli Tutelaris. horâ Die IX.

<sup>b</sup> Sen. epist. 98. <sup>c</sup> Epist. enchir. c. 79. seu vi.

## §. V.

Et hæc sciuerint idololatræ. Christiani aut nesciant, atit quæ sciunt non faciant; videant meliora probentque, sequantur deteriora? Nihil tam acerbum est, in quo æquus animus solatium non intueniat. At verò solatium nec vberius nec certius erit quàm Dei voluntas; ad hanc in omnibus aduersis æsidue suspiciendum.

Iobus in perferendis ærumnis dexterrimus, plus Deo placuit, Chrysostomo teste, plûsque sibi protheruit pauculis solum verbis, quàm omnibus suis etiam largissimis eleemosynis. Cùm enim Iobus vndique afflictus diceret: Sicut domino placuit, ita factum est: Sicut nomen domini benedictum: diuinæ Voluntati magis se probauit, quàm cùm stipem liberalissimam erogauit. Nam, quod à sancto Bonauenturâ discimus, Perfectius est aduersa tolerare patienter, quàm bonis operibus insudare. Quoniam Deus bonorum nostrorum non eget. *b*

Quisquis igitur diuinam Voluntatem sincerè quærit, sanusne sit an æger, perinde habet, quandoquidem Dei Voluntas, omne nostrum bonum est. In morbo autem sic Medico & medicinis fidendum, vt interim fiducia omnis in Dei prouidentia & Voluntate collocetur. Quod cùm rex Asa non fecerit, meritò reprehensus est: Nec enim in infirmitate suâ quæsiuit dominum, sed magis in medicorum arte confusus est. Melius Ezechias qui morbi sui curationem non sicubus, nec eas imponenti, sed Deo adscripsit. Quod si pharmaca nil proficiant, aut Medicus vim morbi non perspiciat, aut aliunde committatur error, nec emendetur valetudo, non continuo huic illius culpa impingenda, sed omnia diuinæ prouidentiae ac voluntati attribuenda, nec aliud cogitandum, quàm, Deus non vult vt saner, aut vult vt saner tardius.

Lydwina, Virgo sanctissima, omnigenis doloribus exercitata, miserabile spectaculum, & velut conductâ domus omnium fere morborum, adeo tamen defixit in Domino voluntatem suam, vt nihil neque cogitare, neque dicere, neque facere præmeditaretur, quod putaret displicere Deo. Fertur cum patientissimo Iesbo sæpius dixisse: Hoc mihi domine acceptissimum erit, vt affligens me dolore non parcas, cùm tuæ Voluntatis executio, sit mihi summa consolatio. *d* Difficultatibus & calamitatibus omnibus efficacissimum remediū fecit, qui semper diuinæ se Voluntati submisit.

xx 2

LIBER

a Bonau. de grad. virt. c. 24. b Psal. 115. v. 2.

c Iob. c. 6. v. 10. d Sur. t. 7. p. ult. vir. c. 1. mihî pag. 231.



## LIBER QUINTVS

De

*Humanae Voluntatis ad Diuinam conformandæ*

## ADIVMENTIS.

## CAPVT I.

*Conformationem humanæ voluntatis ad diuinam consistere  
non posse sine magnâ in Deum Fiduciâ.*

**O**blatio sui in diuinum arbitrium nunquam erit integra, nisi Deo in omnibus plurimum fidamus. Quomodo enim alteri de rebus omnibus assentiar, cui non fido? & quomodo fidam illi, quem non credo res meas fideliter aut sollicitè curaturum? Ideo de fiduciâ in Deo collocandâ nunc agendum.

## §. I.

Porro cupienti scire quid diuinæ paginæ de hac virtute sentiant, nostri æui scriptor respondet: In scripturis sanctis vix vllum inuenitur caput, in quo Deus opem, gratiam & providentiam omnibus illis non promittat, qui in illo confidunt. *a* Beatissimus rex David, huius Fiduciæ magister excellentissimus, hanc vnâ pleno ore ingerit, in psalmis pænè omnibus. Et quàm illa confidentis animi sunt? Quoniam tu Domine singulariter in spe constituisti me. *b* Dominus firmitamentum meum, & refugium meum, & liberator meus: Deus meus, adiutor meus: & sperabo in eum: Protector meus, & cornu salutis meæ, & susceptor meus. Dominus illuminatio meâ, & salus meâ, quem timebo? Dominus protector vitæ meæ, à quo trepidabo? Si consistent aduersum me castra, non timebit cor meum, si exurgat aduersum me prælium, in hoc ego sperabo. *c* Qui habitat in adiutorio Dei altissimi, in protectione Dei cæli commorabitur. *d* Qui confidunt in Domino &c. non commouebitur in æternum: *e* In te, Domine, speravi, non confundar in æternum. *f* Erat huic regi cor amplissimum, & plenissimum ingenti Dei Fiduciâ. Nimirum hos ructarat, quos biberat diuinos fontes.

Eandem in Deum Fiduciam sapientissimi ac sanctissimi viri plurimum semper commendarunt. Illud sapientiæ miraculum Salo-

*a* Ludou. Granat. l. 7. Memorial. c. 9.

*b* Psal. 4. v. 10. *c* Psal. 17. v. 3. Psal. 26. v. 1. 2. 3. *d* Psal. 90. v. 1.

*e* Psal. 124. v. 1. *f* Psal. 30. v. 1.

**mon:** Habe, inquit, fiduciam in Domino, ex toto corde tuo. *a* Non qualemcunque fiduciam exigit, sed quæ prodeat *ex toto corde*. Nam & Apostolorum Princeps: Omnem, inquit, sollicitudinem vestram projicientes in eum, quoniam ipsi est cura de vobis. *b* Et psaltes: Iacta, inquit, super Dominum curam tuam, & ipse te enutriet. *c* Sed & Salomon iterum monens: In omnibus vijs tuis, inquit, cogita illud, & ipse diriget gressus tuos. *d* Bonum est confidere in Domino, quàm confidere in homine. *e* Benedictus vir, qui confidit in Domino, & erit Dominus fiducia eius. Et erit quasi lignum quod transplantatur super aquas, quod ad humorem mittit radices suas, & non timebit cum venerit æstus. & erit folium eius viride, & in tempore siccitatis non erit sollicitum, nec aliquando desinet facere fructum. *f* Cogitate per generationem & generationem, quia omnes qui sperant in eo, non infirmantur. *g* Beati omnes qui confidunt in eo. *h* Hæc enim fiducia Deum obligat, ut tibi in se confidenti benefaciat. Ergo, Confide in Deo, & mane in loco tuo; & sorte tuâ contentus, statûs tui mediocritatem amplectere, neque ultra mensuram regulæ, quâ mensus est tibi Deus, te ipsum extende: Memento, non in solo pane vivere hominem, posse Deum etiâ è lapidibus suscitare filios Abraham, nec esse difficile Domino saluare vel in multis, vel in paucis. *k*

*a* Prou. c. 3. v. 5. *b* 1. Petri c. 5. v. 7. *c* Psal. 54. v. 23. *d* Prouerb. c. 3. v. 6. *e* Psal. 117. v. 8. *f* Hier. c. 17. v. 7. & 8. *g* 1. Mach. c. 2. v. 61. *h* Psal. 21. v. 13. *i* Eccl. c. 11. v. 22. *k* 2. Cor. c. 10. v. 13. 1. Reg. c. 14. v. 6.

## §. II.

Hebræus Rex Amasias militem scripserat centum talentis argenti, & quibus centum millia hominum ad signa euocauit. Quo facto, venit homo Dei ad illum (ita Regum facti narrant *b*) dixitque: O Rex, ne egrediatur tecum exercitus Israël, non est Dominus cum Israël, & cunctis filijs Ephraim. Quod si putas in robore exercitus bella consistere, superari te faciet Deus ab hostibus: Dei quippe est & adiuuare, & in fugam conuertere. Dixitq; Amasias ad hominem Dei: Quid ergo fiet de centum talentis, quæ dedi militibus Israël? Et respondit ei homo Dei: Habet Dominus unde tibi dare possit multo his plura. Paruit Amasias Deo nixus, & viginti millia hostium occidit. Tanti est, Deo fidere, & non humanis viribus.

Thomas Morus notæ sanctitatis ac eruditionis vir, ad filiaæ Margaretæ obiectiones hisce omnino verbis in carcere respondens: Nihil, inquit, contingere potest, quod Deus non velit. Quicquid



autem ille vult, utcumque nobis malum videatur, est tamen re verè optimum. De Dei bonitate diffidere, mea Margareta, nolo, utcumque me debilem ac fragilem præsentiam. Imò si in eo me terrore & consternatione cernerem, ut iam iam lapsurus viderer, meminerò tamen diuum Petrum vnico venti flatu ex modicâ fide submergi cœpisse, faciâque quod ille fecit, Christum compellabo: Domine saluum me fac. Spero enim quòd extendens inanum suam apprehendet me, nec submergi patietur. Quòd si verò Petri partes adhuc vltius me agere, planèque præcipitem cadere, iurare & abiurare permitteret, spero nihilominus fore, ut oculo misericordiæ pleno me respiciat, & erigat, ut de nouo veritatem confitear, conscientiam exponerem, poenam & pudorem prioris abnegationis fortiter perferam. Denique illud compertissimum habeo, quòd absque meâ culpâ Deus me non deseret. « Christianè & sapienter. Interest enim rebus omnibus diuina Prouidentia, & scimus ab eâ innumeros ne laberentur detentos, nullos ut laberentur impulsos. Imò, si hic talis ceciderit, non collidetur, quia dominus supponit manum suam. & Quomodo autem is lædatur, qui in puluinar cadit tam molle? Ante omnia fidendum Deo.

a Thom. Staplet de tribus Thomis, mihi pag. 297. & seq. b Pl. 36, v. 24.

### §. III.

Ecquid denique Christus tam variè inculcat & vrget, atque hanc vnâ in Deum fiduciam? Quàm variè diuinus hic Magister argumentatur ab auiculis, à flosculis, à capillis, ab ipsis etiâ idololâtris, persuadendâ huic fiduciæ: ita coruos, lilia, passerculos oculis subiiciens: Considerate, inquit, coruos, quia non seminant, neque metunt, quibus non est cellarium neque horreum, & Deus pascit illos. Quandò magis vos plaris estis illis? Quis autem vestriam cogitando potest adijcere ad staturam suam cubitum vnum? Si ergo neque quod minimum est potestis, quid de ceteris solliciti estis? Considerate lilia, quomodo crescunt: non laborant, neque nent, dico autem vobis, nec Salomon in omni gloriâ suâ vestiebatur sicut vnâ ex istis. Si autem frænum quod hodie est in agro, & cras in clibanum mittitur, Deus sic vestit: quandò magis vos pusillæ fidei! Pater vester scit, quia his indigetis. « Et quot experimentis discipulos suos inspexit, ut eos doceret Deo ex toto fidere? Ita quinque millia hominum epulo excepturus in vastâ solitudine, Philippum interrogat, vnde panes emendi sint, *Hoc autem dicebat*

a Luc. 9, 12, v. 14. & seq.

1571212

*tentans eum*, a Sic & quatuor millia hominum cibo refecturus, discipulos in eam rem consultores adhibens: Quot, inquit, panes habetis? At illi non magnæ fiduciæ: Vnde istos quis poterit, aiunt, hic saturare Panibus in solitudine? b O viri, Deus poterit, qui nos sibi in rebus omnibus vult fidere quàm integerrimè. Prouidentia diuina falli non potest; fallere non vult: stabit Deus promissionibus suis. Docemur hoc omnium ætatum exemplis. Erigat proinde se homo in spem magnam, & audeat se suæque omnia in Deo si-  
num profundere fiduciâ quàm erectissimâ.

a Ioan. c. 6. v. 6. b Marci c. 8. v. 4.

## §. IV.

Tostatus, præsul Abulensis, illud eruditionis miraculum, super Regum fastis differens: Ita est, inquit, lex Adam, quam debet homo tenere cum Deo, scilicet quòd homo humiliet se coram Deo, & colat Deum quantum potuerit, & Deus erit sollicitus pro eo. a Etenim ad quem clamamus? Pater noster qui es in cælo. Vtique opulentus hic Pater omnibus abunde prouidebit. Quòd si parua animalia, inquit Hieronymus, absque Deo auctore non decedunt, & in omnibus est prouidentia, & quæ in his peritura sunt, sine voluntate Dei non pereunt: vos qui æterni estis, non debetis timere, quòd absque Dei viuatis prouidentia. b Cur ergo illi non quàm integerrimè fidamus, & animos induamus tanto patre dignos? Nec in medijs quidem flammis desperandû. Res angustæ domi sunt? Dominum habemus diuitem, qui nunquam passus est suos extingui fame. Inimica insurgunt agmina, siue terris nata, siue inferis excitata? Ducein habemus potentiorẽ, qui vno statu, regnorum disperdet exercitus. Maledicæ premunt linguæ, & falsis onerant criminationibus? Deum intueamur iudicẽ vindicẽque, & humana non metuemus. Neque enim se vinci ab homine patietur Deus, aut munificentiam suam ab humanâ fiduciâ superari. Audet quis fidere? maiora donare audebit Deus. Audet sperare magna? vincet humanam spem Deus, & è locuplete cælorum thesauro longè maioribus beabit, ita vt ad pellendam egestatem humanam, satis sit spem suam posuisse in Deo, ac de illius liberalitate magna sperasse. Quòd enim spes maior est, maiora sunt dona cælestia, vt non tantum æquari, sed innumeris modis vinci à diuinâ benignitate, humanam spem fiduciãque videamus. Nobilissima est hæc concertatio, ingens hominis in Deum fiducia,

a Tostat. in l. 2. Reg. c. 7. v. 19. quæst. 11.

b Hieron. apud S. Thom. in catenâ in c. 10. Math.



cum immensâ Dei liberalitate composita; quasi æmulâ vtriusque  
fiduciæ & munificentiae largitione, tanquam si vinci nollet homo,  
cum tamen vinci non possit Deus. <sup>a</sup>

<sup>a</sup> Scribanij Superiori l. 1. c. 27.

§. V.

Hic Hipponensem Antistitem Augustinum luculentissimè ra-  
tiocinantem audite: Fecit Deus, inquit, cælum & terram, & ma-  
re, & omnia quæ in eis sunt. Si ergo omnia quæ in eis sunt, & te-  
parum dico, te: passerem, locustam, vermiculum, nihil horum  
non ille fecit, & cura est illi de omnibus. Nolite ergo dicere: Non  
pertineo ad Deum. Pertinet ad Deum anima tua, pertinet ad  
Deum corpus tuum; quia Deus fecit & animam tuam, & corpus  
tuum. Dicis fortè: non numerat me Deus in magnâ multitudine.  
Te non numeret, qui etiam capillos tui capitis omnes habet  
numeratos? Sed, ais, subinde ijs miserijs inuoluimur, adeò solatijs  
omnibus & auxilijs destituimur, vt mirum non sit, quandoque fi-  
duciam nonnihil vacillare. Hic etiam Augustinus pro me respon-  
debit. Et obsecro vos omnes qui hæc legitis, aut legi auditis, san-  
ctissimi viri responsum altissimo pectore reponite: Quicquid ergo,  
inquit Augustinus, hic accidit contra voluntatem nostram, noue-  
ris non accidere q̃si de voluntate Dei, de prouidentia ipsius, de  
ordine ipsius, de nutu ipsius, de legibus ipsius: & si nos non intel-  
ligimus quid quare fiat, demus hoc ipsius prouidentiae, quia non  
fit sine causâ. <sup>b</sup> Hoc ipsum, idem beatissimus Pater, diuinus scri-  
ptor confirmans: Nbs, inquit, diuina prouidentia admonet, non  
res insipienter contempnere, sed utilitatem rerum diligenter inquire-  
re, & vbi nostrum ingenium vel infirmitas deficit, ita credere oc-  
cultam, sicut erant quædam quæ vix potuimus inuenire, quia &  
ipsa utilitatis occultatio, aut humilitatis exercitatio est, aut elatio-  
nis attritio. <sup>c</sup> Et vt res pateat ab exemplis: Quis, inquit, disposuit  
membra pulicis & culicis, vt habeant ordinem suum, habeant vi-  
tam suam, habeant motum suum? Vnam bestiolam breuem, mi-  
nutissimam considera quam volueris. Si consideres ordinem  
membrorum ipsius, & animationem vitæ quâ mouetur, pro se fu-  
git mortem, amat vitam, appetit voluptates, deuorat molestias,  
exerit sensus diuersos, viget in motu congruo sibi. Quis dedit acu-  
leum culici quo sanguinem sugat? quàm tenuis fistula est quâ sor-  
bet?

<sup>a</sup> Aug. tom. 8. in Pl. 145. medio ferè. <sup>b</sup> Aug. in Pl. 148. post med.

<sup>c</sup> Aug. l. 1. de ciu. Dei c. 22. post init.

bet: quis disposuit ista, quis fecit ista? Expauescis in minimis, lauda Magnum. Ita iudicem Deum time, muneratorem spera, nec alium: ita humanis omnibus celsior in solo Deo fiduciam pone, certus nec fallere ipsum posse, nec velle. Nullus sperauit in Domino, & confusus est. *b* Beati omnes qui confidunt in eo. *c*

*a* Aug. in Ps. 148. post med. *b* Eccles. 2. v. 11. *c* Ps. 2. v. 13.

## CAP. II.

*In qua Fiducia in Deum consistat.*

**M**eritos, quàm tenuem de Deo notitiam habemus! vix per rimulam aliquid diuini luminis haurimus. Hoc sciimus, Deum esse Summum Bonum, & quidem tam immense summum, vt nil penitus vel petere liceat, vel optare, quod ab hoc tanto Bono non possimus impetrare, certè suo tempore consecuturi omnia, modo tantisper non cadamus animo, sed maximà in Deum fiducià erecti, sciamus præstolari cum silentio salutare Dei. *a* Gemma gratissima, expectatio præstolantis, quocunque se vertit, prudenter intelligit. *b* Bonus est dominus sperantibus in eum, animæ quærenti illum. In quo autem hæc fiducia in Deum præcipue consistat, nunc porro videbimus.

*a* Thren. c. 3. v. 25. & 26. *b* Prou. c. 17. v. 3.

## §. I.

Spem quidem hoc superat Fiducia, quòd Fiducia non qualiscunque spes fit, sed robustissima & perfecta. Clarè id discriminis notans Seneca: De te, inquit, spem habeo, nondum fiduciam. *a* Hæc in Deum fiducia omnes hominis actiones complectatur necesse est, nam in omnibus omnino rebus, maximis minimis, & omnibus vitæ momentis, Deo quàm sincerissimè fidendum est, eum suis nunquam defuturum.

Rex David gymnasium instituit palestricum, & præcepit vt docerent filios Iuda arcum, sicut scriptum est in libro iustorum. *b* Hanc institutionem Ionathas regius iuuenis præuertit docilitate, tam enim certus erat dirigendo arcu, vt hoc laudis ferret ab amantissimo sui Dauide: *Sagitta Ionathæ nunquam rediit retrorsum*, neque enim leniter ferire, aut superficiem radere, sed ipsa penetrare arma hostium solebant tela Ionathæ. Fiducia in Deum talis est arcus, cor Dei & tangit, & penetrat iaculis suis nunquam aberrantibus. Ex omnibus autem Israël & Iudæ regibus (erant triginta

XX 5

nouem

*a* Sen. epist. 16. *b* 2. Reg. c. 1. v. 8. & 42.



Novem uniuersè) quòtnam illorum hoc arcu poterant uti? Tres aut quatuor è toto numero; Dauid, Ezechias, & Iosias, quibus & Iosaphat accenseri posset, modò impia sacrificia in montibus aboleuisset. Horum certè regum cor cum Deo perfectum erat, & maximà in Deum Fiducià semper plenissimam.

Cùm ingens Moabitarum & Ammonitarum exercitus regi Iosaphato immineret, & ille viribus nequaquam par esset hosti, ingenti fiducià *totum se contulit ad rogandum Dominum*. a Iamque prolixius precatus, præclarissimam hanc clausulam adiecit: Cùm ignoremus quid agere debeamus, hoc solùm habemus residui, ut oculos nostros dirigamus ad te. Hic Iahaziel diuino afflatu æstuans, proclamatur turbâ: Attendite omnis Iuda, & qui habitatis Hierusalem, & tu rex Iosaphat: Hæc dicit Dominus vobis, Nolite timere, nec pueatis hanc multitudinem, non enim est vestra pugna, sed Dei. Non eritis vos qui dimicabitis, sed tantùm modò *confidenter* state, & videbitis auxiliũ Domini super vos. His vocibus mirè animatus rex Iosaphat, exercitum duxit in hostem, ne verò suus miles ad tantæ multitudinis occursum trepidaret, instar strenuissimi ducis omnium animos oratione præmunens: Audite me viri Iuda, inquit; credite in Domino Deo vestro, & securi eritis. Et mox, contra quàm fieri solet in prælio, statuit cantores Domini, ut laudarent eum in turmis suis, & antecederent, ac voce consonâ dicerent, Confitemini Domino, quoniam in æternum misericordia eius. En regem cum milite in aciem, velut Episcopum cum suis sacerdotibus ad templum produntem. Res planè insolens, & ridicula in bellis, imbellem cantantium turmam in fronte agminis collocare. Sed adfuit Deus Iosaphato, tantâ Dei fiducià pugnaturus. Cùmque cœpissent non milites tela jacere, sed cantores sacra carmina canere, hostes in seipsos versi, mutuis sese vulneribus conciderunt. Porro Iosaphati exercitus cùm progredere, omnem campum cadaueribus stratum reperit, nec supererat cui necem liceret effugere. In tantâ verò cadauerum strage, spolia inuenta sunt tam opima & copiosa, ut asportandis ijs nec triduum quidem suffecerit. En, quid possit sincera in Deum Fiducia, rerum omnium potens, inexpugnabilis.

a 2. Par. c. 20. v. 3. 12. & 20.

## §. II.

Et quauis in actionibus planè omnibus, ut dixi, Fiducia in Deum sit necessaria, maximè tamen cùm aut preces fundendæ, aut res aduersæ sunt perferendæ. Istud sequenti capite, illud nunc examinabimus.

Et

Et de precibus quidem differens Bernardus, ait multorum orationem aut esse timidam, aut tepidam, aut temerariam. Timida quidem oratio, inquit, cælum non penetrat, quia restringit animum timor immoderatus, ut oratio, non dicam, non ascendere, sed nec procedere queat. Tepida verò in ascensu languescit & deficit, eò quòd non habeat vigorem. Nam temeraria ascendit, sed refilit: resilitur enim ei; nec tantum non obtinet gratiam, sed & meretur offensam. Quæ verò fidelis & humilis, & feruens oratio fuerit, cælum sine dubio penetrabit: unde certum est quòd vacua redire non poterit. <sup>a</sup> Ante omnia oratio necesse est, fidelis sit. Quàm multi antequam incipiant orare, incipiunt desperare: *non me audiet Deus, non impetrabo quod petam, frustra clamabo.* O Legatum miserum! vix domino prodit, & corrui, fiduciæ defectu. Quomodo autem fiducia in precibus erga Deum sit erigenda, Christus nos instruens: Iudex erat in ciuitate, inquit, qui Deum non timebat & hominem non reuerbatur. <sup>b</sup> Sed & vidua erat in eadem ciuitate, quæ assiduis precibus vindicari cupiebat ab aduersario. At iudex longissimam moram interponebat, improbus cunctator. Deinum importunitate viduæ tam constante victus, controuersiam dijudicauit. En robustam prorsus & contumacem spem, quæ viduæ illi assiduè hoc instillabat: *hodie tibi ius dicitur*; ubi spes hodierna decollasset, crastina monebat: *cras hoc fiet, aut perendie*: *hac hebdomade, hoc mense, hoc certe anno sententia dicitur.* Vicit demum perseuerans fiducia, quam Christus in argumentum trahit hoc modo: Si tantarum est virium oratio apud improbissimum, quemque, quantarum erit apud ipsam Misericordiam? Mens nostra velut vidua, aduersarios numerat quàm plurimos. Quid ergo moratur, quin æquissimum iudicem appellet, & omnem illi causam suam integerrimam fiduciâ deleget? Deus non faciet vindictam electorum suorum clamantium ad se die ac nocte, & patientiam habebit in illis? <sup>c</sup> Sanctissimus Rex David hoc vnicè commendans: Reuela, inquit, Domino viam tuam, & spera in eo, & ipse faciet. <sup>d</sup> Quid trepidas? quid diffidis, pauidissimè mortaliū? Aliquis te maledictis figit, aut iniurijs afficit? Deo id querere, *& ipse faciet.* Tua tibi caro iniqua est? Deo supplica, *& ipse faciet.* Varios tibi arietes cacodæmon admouet? Deum in auxilium invoca, *& ipse faciet.* Quicquid agas, *spera in Deo, & ipse faciet.*

## §. III.

<sup>a</sup> Bern. in quadrag. serm. 4. de orat. & ieiunio, fine.  
<sup>b</sup> Luc. c. 13. v. 2. <sup>c</sup> Ibid. v. 7. <sup>d</sup> Psal. 36. v. 5.



## §. III.

Et ô exiguae fidei homo, nunquid oblitus es, quid in hanc rem Christus commemoret : Si quis amicorum ad amicum venerit in tempeste noctis medio, & hospiti suo tres panes petierit : At ille iam somno sepultus variè cœperit tergiuersari, & demum aperte negare postulata, non possum surgere, & dare tibi. Si verò alter, & fores pulsando, & panes postulando perseverarit, iste demum non familiaritate, sed importunitate compulsus, dabit illi quotquot petiuerit panes. Et ego dico vobis, inquit Christus, Petite & dabitur vobis : quærite & inuenietis : pulsate & aperietur vobis. Omnis enim qui petit, accipit : & qui quærit, inuenit : & pulsanti aperietur. Nil gratius Deo, quam ut se tantâ fiduciâ, quanta amicus amicum, appellemus. Neque verò ullus hominum intempestivè vnquam Deum appellabit. Videte mendicum pro numulo simplo, aut panis frustillo, patientissimè vel ante ædes expectantem, aut post transvolantes quadrigas currentem.

*Blandique deum se iactantem basia rhede. b.*

Quid par est nos facere, cum liberalitatem ditissimi regis obsecramus, an non patientissimâ fiduciâ hîc opus ? Ille Apostolorum charissimus, Ioannes : Et hæc est, inquit, fiducia quam habemus ad Deum ; quia quodcunque petierimus secundum voluntatem eius, audit nos. Et scimus quia audit nos, quicquid petierimus. Quis parens filiolo pro pane silicem, pro pisce serpentem, pro ouo porrigit scorpionem ? Si ergo vós, inquit Christus, cum sitis mali, noſtis bona data dare filiis vestris : quanto magis Pater vester de cælo, dabit spiritum bonum petentibus se. Hoc tamen sæpissimo fit, ut nos ipsi nobis non panem sed lapideum, non piscem sed anguem imperitisimè rogemus. Nam quid oremus sicut oportet, nescimus : & cum Deus nostram nobis negat perniciem, indignamur optimo parenti, & nostras preces non admitti murmuramus frementes. O fatui ! An non parentes sæpius pomum aut pirum negant filiolo, cui aliquot millium florenorum hæreditas minimè negabitur ? Tarsensis Paulus carnis stimulum deprecatus, rem se petere putabat æquisſimam ; at precibus Deus non annuit. Hoc quotiescunque fit, liquere nobis debet, aut è re nostrâ non esse, petita concedi, aut ea rectè differri, tempore longè opportuniorè concedenda, & ut interim Deum fiduciâ constantiorè propitiemus. Creberrimè

non

a. Luc. c. 11. v. 5. & sequent. b. Iunenal. sat. 4. v. 118. c. 1. Rom. c. 5. v. 14. d. Luc. c. 11. v. 13. e. Rom. c. 8. v. 26.

non exaudit Deus ad voluntatem, sed exaudit ad salutem, inquit Iſidorus. <sup>a</sup> Nescire non potest æterna Prouidentia, quid nobis potissimum conducatur, nec potest æterna benignitas non velle concedere, quod nobis cognouerit expedire. Ipsa autem optimè nouit tempus quo cuique debeat succurrere. Ideò nil vnquam à Deo petendum, sine maximâ voluntatis subiectione, seu, resignatione. *Quia quodcumque petierimus secundum voluntatem eius, audit nos.* Idcirco in omnibus omnino precibus, illud Domini pro clausulâ vsurpandû: Veruntamen non mea, ô Deus, sed tua voluntas fiat. Quod si obstinate quippiam à Deo extorquere contendamus, verendû, ne quod vt optimus pater negauit, vt rigidus iudex permittat in nostrum malum. & oratio fiat in peccatum. <sup>b</sup> Hoc nobis longè sit certissimum, nullas preces cum debitâ voluntatis resignatione oblatas, esse irritas, nullas omnino, nullas: aut enim quod petitur, aut melius quid impetrabitur. Et hoc est quod precantis fiduciam mirificè accendat, *Quia quodcumque petierimus, secundum voluntatem eius, audit nos.*

<sup>a</sup> Ibid. in sentent. <sup>b</sup> Psal. 108. v. 7.

## CAP. III.

*Quâ ratione in aduersis firmanda, & erigenda sit ad Deum fiducia.*

**G**ubernatorem in tempestate, in acie iniletem, in arenâ pugilem intelligas. Nemo sciet quid possis, ne tu quidem ipse, nisi varijs ærumnis exercearis. Opus est ad notitiam sui experimento. Quid quisque posset, nisi tentando non didicisset. Itaque quidam vltro se cessantibus malis obtulerunt, & virtuti in obscurum intra occasionem, per quam eniterent, quæsierunt. Gaudent, inquam, magni viri aliquando rebus aduersis, non aliter quàm fortes milites bellis. Auida est periculi virtus, & quò tendat, non quid passura sit cogitat: quoniam & quod passura est, gloriæ pars est. His Deus consulit, quos esse quàm honestissimos cupit, quoties illis materiam præbet aliquid animosè fortiterque faciendi: ad quam rem opus est aliquâ rerum difficultate. <sup>a</sup> Vnde possum scire quantum in Fiduciâ erga Deum profeceris, si cuncta succedant ad votum? Vnde possum scire, quantum aduersus pauperatatem tibi animi sit, si diuitijs diffusis? Vnde possum scire, quantum aduersus ignominiam & infamiam odiûmque populare constantiæ habeas, si inter plausus senescis, si vitam sine aduersario transis? Sanè ad notitiam sui opus est experimento. Non est ar-



vis inter prospera dicere : Dominus firmiter meum, &c. Si tunc primum dicat mendiculus : *Iam bene spero, hac hebdomade non moriar fame*, cum turgentem habet panibus saccum, nullius spei hominem se prodit. Spes quæ videtur, non est spes, nam quod videt quis, quid sperat? Si autem quod non videmus, speramus : per patientiam expectamus. « Ergo tunc maxime Fiducia nostra enitescit, cum fluens sanguis vulnera ostendit, cum fluctus nauiculam insiliunt, cum aduersis cingimur, hic locus, hic tempus Fiduciae. Quæ verò ratione inter aduersa potissimum sit exercenda Fiducia, iam dicemus.

a Rom.c.8.v.26.

### §. I.

Duo hic in fundamentum ponenda. Primum : Hoc probè sciamus, miseriarum & calamitatum ubique & in omni vitæ genere plurimum esse, neque verò aliter hanc vitam constare. Christus prædixit : In mundo pressuram habebitis, sed confidite, ego vici Mundum. « Omnes qui pie volunt vivere in Christo, persecutionem patientur. b

Alterum : Sciamus & hoc, quod Paulus asseuerat : Fidelis Deus est, qui non patietur vos tentari supra id quod potestis, sed faciet etiam cum tentatione prouentum, ut possitis sustinere.

Iacto duplici hoc fundamento, primus venit Cyprianus, qui fiduciam doceat in aduersis hoc modo : Deliquit in te famulus tuus, colaphos aut fustes meritis. Tu hominem leni brachio vix tangis, cum ille mox furere, seruitium renuntiare, ab ædibus excurrere, & aduersario tuo nescio quantas iniurias queri : Si ego huic tali homini patrocinarì velim, an molles apud te aditus reperiam? Sanè hic famulus non vnâ re grauissimè offendit : castigari meruit, & quidem seuerius, at ille correctori contumax profugit domo, quod capitalis noxa : quod si amicos quæsiisset deprecatores, videri potuisset furere cum ratione : at verò profugere ad hostes, & apud illos innumeras in Dominum querelas euomere, hoc demum facinus est nimis capitale.

Agnosce, mi Christiane, sub hoc serui schemate teipsum. Si tu à Deo puniaris, & quidem longè remissiùs (quod Dei proprium est) quàm sis meritis, cur detrectas poenam persolvere, cur improbas has voces spargis? Ergo audebo aliquid Gyaris & carcere dignum, ergo me vino obruam, ut ærurnas obliuione sepeliám?

cur

cur meus ipse sum carnifex? cur non subinde genio indulgeam, tot malis à Deo pressus? Hoc est, mi homo, ad hostes profugere. quin tu potius Dei amicos adis, & ab illorum patrocinio veniam speras? Fide Deo, & de integro incipe bonum te famulum præbere. Vbi Fiducia in Deum, ibi voluntas coniuncta Deo. Turpissimum est, cum Dominus tam bonus punire vult seruum tam malum, hic tamen dicere audet: Nolo puniri; poenam non merui, aut certè non merui tam grauem. Apage has voces, Confide in Deo, & mane in loco tuo. Hieronymus ad hanc fiduciam extimulans: Multæ sunt, inquit, præstigiæ & innumerabiles laquei: at nos dicamus, Si ambulauero in medio umbræ mortis, non timebo, quia tu mecum es: si consistant aduersum me castra (omnium ex Orco diabolorum) non timebit cor meum, si exurgat aduersum me prælium (omnium in Orbe impiorum hominum) in hoc ego sperabo. Quod si dæmonum multitudo te turbauerit, & ad singula vitiorum coeperis æstuarè, & dixerit tibi cogitatio tua, quid faciemus? respondet tibi Elisæus: Noli timere, quia plures nobiscum sunt. Præclare Ambrosius: Ibi plus est, inquit, auxilij, vbi plus est periculi, quia Deus adiutor est in opportunitatibus, in tribulatione. Deus est qui petram mutauit in cellam, & mellariam, & oleariam, vt Israël's populus sugeret mel de petrâ, oleumque de saxo durissimo; tot centena millia hominum fonte limpidissimo illic refecit, vbi nec passerulus reperisset, quod ipsius siti fuisset satis. Deus alatos habet famulos tamque celeres, vt etiam ventos præuertant, has suis mittit suppetias. Quin ergo fiduciam habemus in Domino, ex toto corde nostro, Dominus nobiscum est. At nobis nihilominus sæpe animus esset quærere, quod ex Angelo quæsiuit Gedeon: Obsecro, mi Domine, si Dominus nobiscum est, cur apprehenderunt nos hæc omnia? vbi sunt mirabilia eius? De Dei in nos Prouidentia mira narrantur; iubemur Deo rebus in omnibus fidere: interim varijs calamitatum fluctibus huc illuc miserè raptamur: si Dominus nobiscum est, quomodo tot conflictamur incommodis, tot oneratur malis? Ad quæstionem hanc aptè responderit Bernardus.

a Hieron. ad Fabiolam de 42. mans. b Ambr. l. de Ioseph. c. 5.

c Deut. 32. v. 13.

## §. II.

Bernardus, inquam, abbatem sancti Nicasii ob Drogonis è conobio discessum solaturus: Non ergo, ait, hæc te tam horrenda demergat tempestas aquæ, &c: sollicitè studeat humilis prudentia



tua non vinci à malo, sed vincere in bono malum. Vinces autem, spem tuam in Deo fortiter figendo, & rei finem longanimitè expectando. Bonum est tibi humiliari sub potenti manu Dei, & nequaquam velle resistere supernæ dispositioni. <sup>a</sup> Diabolus sanè fremat licet & sæuiat, nemini nocet iniussu diuino, nam nec porcos quidem audet tangere, nisi annuente Christo. <sup>b</sup> Quomodo igitur inuadet te, tanget te, exagitabit te, si Christus non annuat? Quid ergo timeamus Cerberum catenâ vinctum, nec ulli periculosum, nisi propius accedenti? Latrare potest, ait Augustinus, sollicitare potest, mordere non potest, nisi volentem. <sup>c</sup>

Sed audio non neminem dicentem: Nonnunquam mihi ad inferos deiectus videor, ita variè crucior. Sed num ideo, mi Christiane, fiduciâ excidas? Ne crede te solum talia sentire: Ad hos inferos deueniunt plures, sed inde salui remeant. Vir integerrimæ vitæ Tobias, his etiam inferis mersus: Quoniam, inquit, tu flagellas, & saluas: deducis ad inferos, & reducis: & non est qui effugiat manum tuam. <sup>d</sup>

Vt Apostoli de seipfis suâque fiduciâ experimentum caperent, in nauim eos secum deduxit Christus, deditque licentiam ventis concitandi mare turbidum. Inter has procellas discipuli, iam panè medio mari natate se rati, & quod deterrimum videbatur: <sup>e</sup> ipse vero dormiebat <sup>f</sup> & exclamant igitur: Domine, salua nos, perimus. Hic Christus: Quid timidi estis modicæ fidei? Quid tanto percellimini timore? Vbi vestra in me fiducia? Quid refert, si dormiat homo, modò pro vobis vigilet Deus, qui nunquam dormitat.

Hinc certè liquet, Fiduciam in Deum nusquam enitescere magis, quàm in medijs periculis, aut cùm omnia sunt turbatissima. Inter quos turbines Iobus, & inter quas ruinas, ipse tamen erectissimus stabat? Hostes omne pecus abegerunt, quicquid supererat hosti, absumpsit ignis cælo delapsus; omnes liberos vnica ruina sepeliuit: ipse Iobus non vlcerosus, sed iam vnum panè vlcus, cognatorum & coniugis etiam linguâ misère laceratus, omnia perdidit, præterquam generosissimam in Deum Fiduciam. Siquidem iam ad finetum ablegatus, inter ebullientes vndique vermiculos, defluentem saniem non linteolo, sed testulâ excipiens, nihilominus velut triumphans athleta vociferatur: Etiam si occiderit me, in ipso sperabo: Et ipse erit saluator meus. <sup>g</sup> Luctuosissimam hanc tempestatem grande serenū, & tranquillitas excepit lætissima. O quoties

*Flebit*

<sup>a</sup> Bern.ep.32. <sup>b</sup> Luc.c.2.v.35. <sup>c</sup> Aug.serm.197.de Temp.

<sup>d</sup> Tob.c.13.v.2. <sup>e</sup> Matth.c.8.v.24. <sup>f</sup> Iob.c.13.v.15.

*Flebile principium melior fortuna secuta est! a*

Si quem igitur calamitas feriat, fiduciam ille in Deum augeat. Quid enim, obsecro, mi homo, agis cum te subitus imber opprimat? in vrbe tectum, credo, subis; deprehensus in campo, patulam circumspicis arborem, quâ nimbum defendas. En tibi tectum, en arborem, en asylum securissimum, Fiduciam in Deum: nec vnquam tam opportunum esse potest in solitudine hospitium, in umbra tectum, in frigore ignis aut balneum, atque tibi erit in omnibus aduersis, Fiducia in vniuersi Dominum, quæcunque demum in te ruant procellæ, tutissimus stabis sub hoc ambricato tecto. Fide Deo, & vt nautæ omnia ad nauigandum comparant, ventum à Deo præstolantur, ita tu officio tuo non desis, cetera curabit Deus: tu propositiones pone, conclusionem Deo relinque; fac antecedens, consequentiam faciet Deus. Si videris quod corrigi non potest, tolera, & cum patrefamilias inessem expecta; Fide Deo.

*a Ouid. l. 7. metamorph.*

### §. III.

At dicās: Grandius hoc malum est quàm putetur: non à malis solum, sed & ab ijs qui probi censentur, exagitari; hoc vrit & vexat. Nil noui hoc est, mi homo, iam Apostolorum æuo commune hoc & pernagatum vitium erat, fictum pictumque ius producere, Fraudi mantelum Iustitiæ aptare; nec inusitatum quid, ab amicis, à cognatis, ab ijs iniurias accipere quibus plurimum benefeceris;

—— non hospes ab hospite iustus,

*Non socer à genero. fratrum quoque grãtia rara est:*

*Immines existio vir coniugis, ille mariti a*

Hoc iam amplius est: beneficia in scelus vertuntur; & sanguini eorum non parcitur, pro quibus sanguis fundendus est. Dauidem regem non tantum Achitophel, qui ei à consilijs fuit, neque tantum Saul socer, sed & Absalon filius extremè persecutus est Et Christus à quibus occisus est? non tantum ab impijs idololâtris, sed & à charissimo populo. His plagatus sum in domo eorum qui diligebant me. b Imò verò quid à suismet discipulis iniuriarum non accepit Christus? Iscariotes, cui paucis antè horis, & pedes lauit, & corpus suum in edulium dedit, hunc suum Dominum ingratisissimus quæstor vendidit, amantissimus Petrus hunc ipsum negauit, deseruerunt ceteri. quid miramur? Inimici hominis domestici eius. c Sed qui

*a Ouid. l. 7. metamorph. initio.*

yy

Deo

*b Zach. c. 13. v. 6. c Mich. c. 7. v. 6. (& Matth. c. 10. v. 36.)*



Deo fidit, hæc omnia facili negotio vincit. Sed quæras, quomodo hæc Fiducia ad Deum in aduersis erigenda? En tibi sex documenta compendio.

Primum. Cum tibi malè est, quàm primum & eo statim momento ad Deum te verte, & illi querere quicquid dolet. Hic plerique omnes grauitè erramus, cum nos vrget aduersa, complurium aures querelis innumeris opplemus, omnium postremus Deus, cuius opem imploramus, ordine prorsus præpostero. Longè aliter rex Dauid: Leuaui, inquit, oculos meos in montes, vnde veniet auxilium mihi: auxilium meum à domino. <sup>a</sup> Qui hoc non facit principio cuiusque mali, ab irâ, dolore, iniuriâ sic occupatur, vt sui fiat impos. Quamprimum ergo commotum te sentis, dic: Domine, quid me vis facere? & respondebit tibi diuinæ Voluntatis interpret: Expecta dominum, viriliter age, & confortetur cor tuum, & sustine dominum. <sup>b</sup> Malignas cogitationes, quantum potes, coërce, & hoc assiduè cogita: Domine quid me vis facere?

Alterum. Tace, & saltem os ac linguam contine, si minus potes animum. A rege sapientissimo hoc consilium accipe: Dixi, ait, custodiam vias meas vt non delinquam in linguâ meâ. Posui ori meo custodiam, cum consisteret peccator aduersum me: Obmutui & humiliatus sum, & silui à bonis. <sup>c</sup> Ergo tace, nam si inter ærumnas aut iniurias frenum permiseris linguæ, certo scias in præceps te trahendum; vix incipies loqui, & offendes. Ergo tace præsertim de tuis aduersarijs. Non potes de ijs loqui bene? saltem ne loquaris malè. Tua te conscientia soletur & æquissimus iudex Deus, cuius oculos nec aduersarij tui, nec eorum machinationes exire possunt. Deo fide & file.

Tertium. Vbi ad Deum te verteris, & tacere cœperis, tunc totus in diuinæ Voluntatis ius concede: diuinæ Voluntati te totum quàm arctissimè adstringe & deuoue. Sed & gratias Deo age, quòd dignum te iudicet, qui patiaris innocens, aut si nocens, patientiâ tamen repares innocentiam. In hoc diuinæ Voluntatis amplexu, homo Deum velut brachijs stringat, dicatque quod Iacob cum Angelo luctatus: Non dimittam te, nisi benedixeris mihi. <sup>d</sup>

Si naui periclitante in aquis, duo aliqui terrore vicini periculi ita sese complectantur, vt alter alterum brachijs implicet, necessarium prorsus est vt vnâ pereant, si pereat naus. quò enim periculum est maius, eò arctior inter hos duos fit nexus: Sic omnino Voluntas diuina

<sup>a</sup> Psal. 120. v. 1. & 2. <sup>b</sup> Ps. 26. v. 14. <sup>c</sup> Ps. 38. v. 1, 2, 3. <sup>d</sup> Gen. c. 32. v. 26.

diuina & vnâ Deus amplexandus est, vt insolubili nexu Deo inhæ-  
reât homo, dicatque: Non dimittam te, ô mi Deus, sub ipsas me-  
cum aquas te traham, vnâ mergendi sumus, in ipsis te fluctibus cir-  
cumplectar, tanto plus confusus tibi, quanto minus mihi.

## §. IV.

Quartum. Vbi tempestas non nihil mitigarit, ad preces te com-  
pone. Matrem domini, sanctosque Angelos ad causæ tuæ patroci-  
nium inuita, ijsque omne negotium tuum commenda. nec id semel  
iterumque fecisse satis est: compluribus diebus, annis & lustris, si  
res illud exigat, idem facita, nec cessa dum primum, quem tibi  
Deus, velut vir robustissimus compressis digitis clausum ostendit,  
fiduciâ grandi & obsecratione constanti explices. Rex Ezechias,  
cum impias Sennacheribi litteras accepisset, *Ascendit in domum Do-*  
*mini, & expandit eas coram Domino, & orauit.* a Illud autem pectore  
& ore assidue versabat Ezechias: *In Domino Deo nostro habemus fidu-*  
*ciam.* b Expande & tu, quisquis affligeris, tuas etiam litteras coram  
Deo, & quicquid querelarum habes, apud hunc æquissimum iu-  
dicem, & benignissimum patrem depone. Si verò quod petis, non  
impetres, arcanissima Dei iudicia & certissimam ab æterno proui-  
dentiam suspice, ei que te totum permitte. Fecisti quod in te erat,  
cetera curabit bonus Deus.

Quintum. Vtere consilio prudentis ac probi viri. Siracides mo-  
nens: Fili, ait, sine consilio nihil facias, & post factum non præni-  
tebis. c Suminoperè etiam caue ne tuos affectus tuumque impe-  
tum sequaris. Perdidisti mansuetudinem, perdidisti patientiam om-  
nem, si consiliarios admittis affectum & Imperium, consiliarios fa-  
cte pessimos. Deus hanc telam, quam miraris, orsus est, & ipse  
omnium optimè nouit, quâ ratione illa sit pertexenda. Quod si tu  
importunè interuenias, illudque ingemines:

*Hoc volo, sic iubeo, sit pro ratione voluntas.* d

Suauiissimam Dei dispositionem, quantum in te, turbabis, &  
ided euentus malos nemini, præterquam tibi adscribes. Omne no-  
bis malum ex eo est, quod Baruch ingemiscens: Non credidimus,  
inquit, diffidentes in eum & non fuimus subiectibiles illi, & non au-  
diuimus vocem domini Dei nostri, vt ambulemus in mandatis  
eius. e Idcirco habe fiduciam in Deo, tantò enim eris ab omni ho-  
ste securior, quantò fiducia tua in Deum fuerit robustior.

yy 2

Sextum.

a 4.Reg.c.19.v.14. b 4.Reg.c.18.v.22. c Eccli.c.32.v.21

d Iuuenal.Sat.6.v.22. e Bar.c.1.v.17 & 18.



Sextum. Quod si adhibitâ omni diligentia, nihil succedat è voto, ne indignationem in Deum, nec in ullam rem creatam conuertas; hoc potius cogitato, scire Deum ad vnguem omnia, quæ passus aut passurus es, eumque velle, hæc esse constantiæ tuæ experimenta. Eâ de causâ, quicquid Deo, hoc omne & tibi quoque placeat. Nam verè, Beati sumus Israël, quia quæ Deo placent, manifesta sunt nobis.

Nemo dicat: Vt video, frustra laboro; Petiui quippiam à Deo, magnâ in Deum fiduciâ, magnâ in diuinam voluntatem resignatione, sed nihil impetro. Quid enim nouit Deus, & quasi per caliginem iudicat, nubes latibulum eius, nec nostra considerat, & circa cardines cæli perambulat. <sup>b</sup> Impiorum hæc cantilena est: Nullo modo frustra fit, quicquid bene fit. Num Deus vnâ solummodo arcam ærariam habet, ita vt qui ex eâ nil doni accipit, nil speret ex aliâ? Fatui ingenij seruus est, qui cum Dominum suum habet debitorem, monetâ aliam quàm sesterrios recusat admittere. Quid si Dominus monetâ aureâ, quid si frumento selectissimo nomen velit expedire, num seruus obstinatè clamet, sesterrios volo, sesterrios? Ita qui non impetrat à Deo quod rogat, certissimus sciat, non frustra se rogasse, impetraturum certò alia, & ineliora.

Quod si Deus ferire non cesset filios, eosque alijs atque alijs calamitatibus exerceat, facit is quod optimus quisque pater matèrue faciunt. Parentes cum liberos virgis castigant, subinde post vnâ alterâque plagulam quærere solent: Vis culpam non repetere? si cæsus taceat, pergit pater cedere: si contumax puer nec dum respondeat, verberare pater perseverat, identidem quærens: Eho, vis culpam non repetere? Idque vrget tam diu, dum dicat filius: Volo culpam non repetere. Tum deum parens: Abi iam, inquit, & caue culpam hanc repetas. Ita & Deus punire nos solet & quærere: Vis meæ voluntati te plenè subijcere, in omnibus mihi fidere? Quia verò aut peruicaciter tacemus, aut non seriò respondemus diuinæ voluntati obsecuturos, ideò Deus sæpe verbera continuat, nec aliud expectat, quàm vt animo dicamus: Volo, mi pater, volo voluntati tuæ parere per omnia, quid me vis facere?

Eleganter Bernardus in hæc verba: *Domine quid me vis facere?* O verbum breue, sed plenum, sed viuum, sed efficax, sed dignum omni acceptione. Quàm pauci inueniuntur in hac perfectæ obediendiæ formâ, qui suam ita abiecerint voluntatem, vt ne ipsum quidem cor proprium habeant, vt non quid ipsi, sed quid Do-

minus velit, omni horâ requirant, dicentes sine intermissione, *Domine quid me sis facere?* Heu plures habemus Euangelici illius cæci, quàm noui Apostoli imitatores. Quid vis (ait Dominus ad cæcum illum) vt faciam tibi? Quanta misratio tua, Domine, quanta dignatio tua? Siccine Dominus quærit, vt serui faciat voluntatem? Verè cæcus ille quia non considerauit, non expauit, non exclamauit: Absit hoc Domine, tu magis dic, quid me facere velis. Sic enim decet, sic omninò dignum est, non ineam à te, sed à me tuam quæri & fieri voluntatem. Sic profectò, sic multorum vsque hodie pusillanimitas & peruersitas exigit, vt ab eis quæri oporteat: Quid vis vt faciam tibi? non ipsi quærunt: Domine quid me vis facere. *a*

Hæc porrò, de quâ loquimur, Fiducia in Deum, diu non stabit, nisi eam Patientia firmet ac Perseuerantia. In templo Salomonis duæ erant columnæ, quarum illa Iachim, hæc Booz dicta. His columnis duabus Patientia & Perseuerantia optimè conferuntur; his pilis fulcienda est Fiducia. Nimiam tristitiam reprimat Patientia: Perseuerantiæ non nimis longum est, quicquid tempore clauditur. His basibus attollens sese in Deum Fiducia, sicut mons Sion non commouebitur in æternum. *b*

*a* Bern. serm. 1. de conuers. S. Pauli post med. *b* Psal. 124. v. 1.

## CAP. IV.

*Quantâ in Deum Fiduciâ omnes Sancti fuerint.*

**C**hristiani sanguinis vera nobilitas est, Deo in rebus arduis fide-  
re, & illo solo niti. Hic animus nobilis & generosus, hic magnus & excelsus est, qui Deo tunc maximè fidit, cùm maximam capit calamitatem. E stirpe hac nobilissimâ complures sanctissimi viri prodierunt.

## §. I.

Tacebo Abrahamum, qui Deo fretus, *contra spem in spem credit, qui in repromissione Dei non hesitant diffidentia, sed confortatus est fide, dans gloriam Deo; plenissimè sciens, quia quacunque promissit, potens est & facere*: *a* qui filium vnigenam diuinæ Voluntati mactare non recusauit, qui cum trecentis octodecim vernis quatuor reges aggressus vicit, summâ in Deum Fiduciâ. Tacebo & Iosephum Ægypti proregem, qui toties ad extremas deuolutus angustias, animo tamen non cecidit, erat enim cor eius fiduciam habens in Domino. Moses Deo nixus quæ prodigia non patrauit? vniuersos Ægypti



exercitus vno maris sepulchro clausit. In Amalecitano bello pro omni curili tormento virgam habuit, sic enim Imperatorem affatus: Elige viros, inquit, & pugna contra Amalec: cras ego stabo in vertice collis, habens virgam Dei in manu meâ. <sup>a</sup> Obstupesce dum! Moses stans velut spectator otiosus, totos prosternit exercitus. Mosi Panoplia fuit Dei virga, & in Deum fiducia. At verò Iosue dux belli incredibili prorsus fiduciâ pollens ausus est imperare soli, ac dicere: Sol contra Gabaon ne mouearis. Stetit itaque sol in medio cæli, & non festinauit occumbere spatio vnus diei. Non fuit antea & postea tam longa dies, obediēte Domino voci hominis, & pugnante pro Israël. <sup>b</sup> Ita breuē totius Palestine reges expugnati. Quid hoc aliud, quàm eos omnes, qui in alios habent imperium, monere, vt fiduciam locent in solo Deo, qui animos hominum versat, iubetque summa, imo, medio cursu sistere. Quid de Calebo memorem, qui tantæ fuit in Deum fiduciæ, vt tot centenis hominum millibus variè tumultuantibus, vnus ille animosè obstitens proclamaret: Nolite rebelles esse contra Dominum; neque timeatis populum terræ huius, quia sicut panem, ita eos possumus deuorare, recessit ab eis omne præsidium: Dominus nobiscum, est, nolite metueret. <sup>c</sup> Et quantæ in Deum fiduciæ fuit Gedeon, ad trituram potius quàm ad militiam educatus, qui cum trecentis viris tot hostium millia & inuadere est ausus, & vincere. <sup>d</sup>

Porro rex Ezechias ingenti plenus fiduciâ non tantum quinde cim annos vitæ suæ auctarium impetrauit, sed & in huius rei testimonium, Solis umbram per decem lineas reuocauit. Sicut autem Iosue Solem stitit, sic Ezechias solem retroegit itinere prorsus immenso. Nimirum animus Deo fidens, Deum impellit, vt Orbem turbet, & naturas mutet. Sed num hoc tam grande prodigium est decem lineis reduci solem? rem paucis aperiam. Si Ptolomæo credimus, sol in æquinoctio vnâ horâ percurrit 365223. hoc est, trecenta sexaginta quinque millia, ducenta viginti tria miliaria Belgica, siue leucas, quarum singulæ horam vnâ exigunt. Sol ergo cum decem lineis, seu, quod idem decem horis recessit, tres milliones, siue, tricies sexies centena millia, quingenta duo millia, ducenta triginta miliaria confecit currendo. Miraculum inauditum! idem tamen tam facile fuit, ac si sol retraheretur funiculo. Et hoc Ezechiae potuit fiducia, quæ Sennacheribo Hierosolymis imminente, prius cilicium quàm loricaui suavit induendum, quo ar-

<sup>a</sup> Exod. 17. v. 9.

<sup>b</sup> Ios. 10. v. 12. 13. 14. <sup>c</sup> Num. 14. v. 9. <sup>d</sup> Iud. 6. 7. v. 20.

matus Ezechias primus ipse templum adiit, & populum ad preces & fiduciam concipiendam hortatus: Viriliter agite, inquit, & confortamini: nolite timere, ne paueatis regem Assyriorum, & vniuersam multitudinem &c. Cum illò enim est brachium carneum: nobiscum Dominus Deus noster, qui auxiliator est noster, pugnatque pro nobis. En plenissimam fiduciæ adhortationem! Qui verò factum quod miser Sedecias nil simile patrarit, cum tamen ei copiosior quàm Ezechia miles fuerit? Hoc ipsum hunc regem perdidit: suis viribus plus æquo tribuit & periit, confidens super baculum arundineum contractum, cui si innixus fuerit homo, intrabit in manum eius, & perforabit eam. *b*

a 1. Par. c. 32. v. 7. & 8. b 1. C. 36. v. 6.

## §. II.

En hoc etiam est quod optimum illum regem Asam perdidit. Triginta sex annis præclarissimè se gessit Rex Asa, ob id Deo charissimus, demum collectam gratiam effudit omnem, ob vnā hanc noxam, quòd humanis viribus fuisset confisus. Quamuis hoc Asæ factum, si ad humanæ rationis amussim examinetur, videri possit minimè damnandum, quid enim hoc mali? Regi Syriæ Benadado submisit aurum, & eius rei rationem addens: Fœdus inter me & te est, aiebat, pater quoque meus & pater tuus habuere concordiam: quamobrem misi tibi argentum & aurum, vt rupto fœdere quod habes cum Baasa rege Israël, facias eam à me recedere. Quid hîc obsecro inquit? Nihilominus Hanani propheta liberè obiurgans Asam: Quia habuisti, ait, fiduciam in rege Syriæ, & non in Domino Deo tuo, idcirco euasit Syriæ regis exercitus de manu tuâ. Oculi enim Domini contemplantur vniuersam terram, & præbent fortitudinem his qui corde perfecto credunt in eum. Stultè igitur egisti, & propter hoc ex præsentī tempore, aduersum te bella confluent. *b*

Idcirco Iobus: si vidi Solem, inquit, cum fulgeret, & Lunam incedentem clarè, & lætatum est cor meum in abscondito, & oculatus sum manum meam ore meo. *c* Bona, inquit Gregorius, quæ fecit sic narrat, vt ea Deo adscribat. Non solebat Iobus industriæ suæ gratulari, nec manus suas dissuauari, neque enim in se suæque dominatione, sed in Deo fiduciam omnem collocabat. Ita Carolus V. Imperator Augustus verè Pius, verè Felix dicere solebat: Veni, vidi, sed Vicit Deus.

Y. Y. 4.

Regem

a 2. Par. c. 15. v. 3. b Ibid. v. 9. c Iob. c. 31. v. 26. & 27.



Regem Hebronis David ad tantum sanctitatis fastigium euexit, summa in Deum fiducia. hac ille virtutis pollebat, si ullus mortaliū. Inspice psalmos, & mecum senies. Quam ille assidue, & ore & pectore versabat hæc talia: Dominus illuminatio mea & salus mea, quem timebo? Quoniam in te eripiar à tentatione.

Ionas in ceteri cauo delitescens, iamque ultimæ lineæ admotus, nihilominus tamen velut in tutissimâ naui preces concipere, nec unquam aut usquâ melius fiduciæ virtutem exercere potuit: *Et oratus Ionas ad Dominum Deum suum.* Precibus & votis ubique locus est. Quid ergo precatus? *Circumdederunt me aquæ & squæ ad animam, inquit, abyssus vallauit me, pelagus operuit caput meum: Veruntamen rursus Siedebo templum sanctum tuum.* b En fiduciam ingentem! Ita Daniel inter impastos leones, ita tres Hebræi iuuenes in Babylonijis flammis plenas fiduciæ preces Deo allegarunt.

Tobias in hoc genere admirandus. facultates, & patriam, & oculorum vsum perdidit, egenus, & exul, & cæcus, fiduciam tamen retinuit tenacissimè. Et licet tam cognati, quàm vxor, & parentes ipsam irriderent, dicerentque: Vbi est spes tua pro quâ elemosynas & sepulturas faciebas? manifestè vana facta est spes tua. Ipse tamen eos increpans: Nolite ita loqui, aiebat, quoniam filij Sanctorum sumus, & vitam illam expectamus, quam Deus daturus est his, qui fidem suam nunquam mutant ab eo. c Hæc ei fiducia, & facultates, & patriam, & oculorum vsum restituit, & præmiū insuper contulit æternū.

Et quantus hac virtute Tarfensis Paulus, qui sapius seipsum, quasi funerans, nihilominus: Scio, inquit, cui credidi, & certus sum quia potens est depositum meum seruare in illum diem. d Hæc armatus fiduciâ nullum aut laborem, aut periculum horrebat. per saxa, per gladios, per tela, per ignes ruebat, ope diuinâ nixus & in Deo suo sapius ferreos etiam muros transgrediebatur.

a Præsertim psalm. 17. & 26. b Ionæ. c. 2. v. 1. & v. 6. c Tob. c. 2. v. 18. d 2. Tim. c. 1. v. 12.

### §. III.

Inter feminas hac virtute admirabiliter excelluit Iuditha, facinus ausa inauditum. Cum enim consilium cepisset trucidandi Holofernis, precibus ardentissimis suam in Deum fiduciam accendens: Subueni, aiebat, quæso te Domine Deus meus mihi viduæ. Tu enim fecisti priora, & illa post illa cogitasti, & hoc factum est quod

a Non quòd in Dei cogitatione quam vnicum Æternitatis N V N C metitur, sit prius & posterius, sed quod res alijs aliæ sint posteriores.

quod ipse voluisti. Omnes enim viæ tuæ paratæ sunt, & tua iudiciâ in tuâ prouidentia posuisti. Non in multitudine est virtus tua, Domine, neque in equorum viribus voluntas tua est, nec superbi ab initio placuerunt tibi, sed humilium & mansuetorum semper tibi placuit deprecatio. Deus cælorum &c. exaudi me miseram deprecantem, & de tuâ misericordiâ præsumentem. Ex eâdem obstupescendâ fiducia illud Holoferni respondit: Viuit anima tua, domine meus, quoniam non expendet omnia hæc ancilla tua, donec faciat Deus in manu meâ, hæc quæ cogitaui. Cùmque iam ante lectum temulenti Holofernis staret, lacrimas precésque silentio fundens: Confirma me, inquit, Domine Deus, vt hoc quod credens per te posse fieri cogitaui, perficiam. Perfecit felicissimè. Iamque Bethulæ portis recepta, in primas has voces erumpens: Laudate Dominum Deum nostrum, qui non deseruit sperantes in se. \*

Huic iure accensetur Susanna, nobilissimum & Pudicitia, & Fiducia specimen. Hæc cùm ad capitis supplicium, & saxatiles nimbos iam duceretur, flens suspexit ad cælum, *erat enim cor eius fiduciam habens in Domino.* b Nec frustra: omnium calculo, Daniele iudice, omni crimine liberata est.

Hæc non inferior Esther, reï magnam aggressa, per hanc itidem in Deum Fiduciam. Lex erat in Assueri aulâ, vt si quis ad regem ingrederetur non vocatus, morte id lucret, nisi rex virgam auream protendisset, in signum clementiæ. Cùm verò Estherem hinc Mardochæus assiduus precibus vrgeret, vt regem adiret, illinc obstaret lex & terreret, hoc demum iniit consilij: Iudæi omnes iussi sunt triduum totum inter preces & ieiunia exigere: quod idem & Esther fecit cum suis virginibus. Triduo sic exacto, Regina fiduciam in Deum amplissimam concipiens, ingressa est ad regem pro suâ gente deprecatura. Ex voto cesserunt omnia.

Si nouæ legis sanctissimos quosque viros feminasque confiderem, mirâ in Deum fiduciâ clariuisse omnes reperio. Ex tot millibus vnicum produxisse testem satis fuerit. Anno Christiano millesimo sexagesimo tertio, testibus Bertholdo abbate Vrspergenfi, & Desiderio abbate Cassiniensi, litteris item ciuium Florentinorum ad Alexandrum Pontificem datis, Florentiæ graue ortum est dissidium inter populum, & vrbis Antistitem Simonia accusatum. Plebs omnia sui Præfulis sacra execrabatur. hinc sine sacramentis

yy 5

obibant

a Iudith. c. 9. diuersis vers. c. 12. v. 4. & c. 13. v. 7. & 17. b Dan. c. 13. v. 35.



obibant plurimi. Petrus Damianus dissidentes partes componere nitebatur, sed frustra. Deinum pro illius æui more iudicium commissum est igni, hoc modo. Petrus monachus Ioannis Gualberti discipulus vir modestissimus, & miræ in Deum fiduciæ, ipsis Cincalibus peractâ re diuinâ, lineam sacerdotis vestem indutus, manu crucem præferens, nudis pedibus luculentum ignem per certa spatia extensum ingressurus, sic cœpit precari: Domine Iesu, misericordiam tuam imploro, vt si Petrus Florentinus episcopus pecuniâ sedem occupauit: Tu mea salus in hoc tremendo iudicio, ad me adiuuandum festines, meque illæsum vestigijs non adustis conserues, sicut olim tres iuuenes in fornace Babylonicâ serualti. Dixit, & ignem illæsus transijt; itaque egressurus, strophium transeunti sibi excidisse aduertens, animosè redijt, & illud sustulit. Hinc PETRUS IGNEVS est dictus. Hic vir quamuis è nobilissimâ stirpe Aldobrandinorum oriundus, tam submissi tamen & Deo fidentis animi fuit, vt præfidis sui Gualberti iussu pecoris custodem agere non recusarit. Sed quia virtus ab infimis solet eminere, à pecore Petrus, & à pedo ad tiaram euocatus, Præpositum egit, post Abbatem: inde Episcopus, ab hoc Cardinalis lectus est.

a Baronius tom. 11. An. 1063.

#### §. IV.

Vniuersè de viris feminisque omnibus vitæ sanctimoniâ præcellentibus affirmari potest: *Cor eorum erat fiduciam habens in Domino.* Singulare id fuit Catharinæ Senensi. Hæc licet verborum ceteroqui parcissima, cum autem de fiduciâ in Deum sermonem miscere cœpit, nullum pænè dicendi finem reperire, aut si alios de hac virtute differentes audisset, nunquam satiari potuit audiendo, perdius & perniox stetisset ad hos tales de fiduciâ sermones attentissima. Iure merito: nullus sperauit in domino & confusus est.

Bernardus cum graui morbo afflictus, extremum iam pænè spiritum traheret, visus est sibi ad Dei tribunal stare. Adfuit autem & Satan ex aduerso, & virum improbis accusationibus incurſauit. Vbi sua omnia executus fuit accusator, & iam Bernardo pro se dicendum esset, sic cœpit perorare fiduciâ ingenti: Fateor, nec mihi nec meis actionibus deberi cælum; tanto præmio indignissimus sum. At verò duplici iure Dominus meus id obtinuit, & Patris hæreditate, & Crucis perpeſsione; altero ipse contentus, alterum mihi donat. Ab hoc dono me quoque, illius regni hæredem fore

confido.

confido. Pudefacto ad hanc vocem aduersario, & conuentu soluto, Bernardus ad se redijt. <sup>a</sup>

Hugo, Lincolniensis Præsul, vir integerrimus, nocte quadam grauib. curis infestatus, cum eas excutere non posset, turbari animo cœpit. At primo manē ad se rediens, & altum ingemiscens: *Hanc*, inquebat, *grauiter deliqui, quod non sit hominem Christianum decet, omnium curam super Dominum, iuxta propheta monita, iactauerim.* <sup>b</sup>

Nec illud silentio inuoluendum. Dux Saxonie Fridericus II. cognomento Placidus, Anno Christiano millesimo quadringentesimo sexagesimo quarto obiit: Hic princeps aliquot ante obitum annis, Friderico de Comitum stirpe Antistiti Magdeburgico litem, & ab eâ bellum cœpit mouere. Quod vt prudentius gereret, & cuncta cederent felicius, exploratorem misit, qui de apparatu bellico & consilijs aduersæ partis cognosceret. Factum: exploratis omnibus renuntiatum est, nil opportunum bello parari, sed nec militem scribi: Antistitem præterea dixisse, causam se commissurum Deo, qui pro seruo suo arma sumeret. Hoc vt Elector audiuit: Alius, inquit, insaniat, & bellum inferat ei, qui confidit causâ superiorem se futurum Deo defensore. Laudandus Præsul, qui Dei patrociniis sisus est: laudandus Princeps qui positis armis Deum veritus est aduersarium. <sup>c</sup>

<sup>a</sup> Auctor vitæ Bern. l. i. c. 13. <sup>b</sup> Sur. in vitâ S. Hugonis.

<sup>c</sup> G. Fabr. hist. de Electoribus Saxonie.

## §. V.

Elcearius Comes, notæ sanctitatis vir, eâ in Deum fiduciâ pollebat, vt periculis omnibus iret excelsior, quod vel inde potest li-  
quere. Mari se commiserat Elcearius, Neapoli cū familiâ totâ Pro-  
uinciam repetiturus. Dum vela facit, infremit mare, ventis com-  
motum. Franguntur arbores, rumpuntur funes, excutuntur gu-  
bernacula, deferuntur remi, clamoribus incompotis atque vlu-  
latibus omnia complentur; oculis mors præsentissima obuersaba-  
tur: qui in naui erant, spirare tantum, sperare nihil ampliùs: certè  
vultu omnes iam vimbæ ac inanes erant, nec iam aliud deesse vide-  
batur, quàm nauim sepeliri aquis. Solus Elcearius positâ formi-  
dine constabat sibi: eadem illi serenitas, idem oris color, eadem men-  
tis malacia. Nam dum alij cum iratis fluctibus luctabantur, ille sua-  
uiter cum Deo agebat, & cælum fatigabat precibus. Interim ven-  
ti posuere, maris ira detrahit, paullatim vox & sensus metu ex-  
animatis redijt. Tandem subductâ in portum naui, nonnullos de  
suis



fuis grauitèr inculcauit. Elcearius, quòd clamoribus & lacrimis satis ostendissent, perexiguâ sese fiduciâ in Deo niti, nimiumque à morte abhorrere. Seorsum autem Dalphina coniux interrogabat Elcearium, an ipse solus in tam præsentì periculo desisset esse homo, & mortem tam vicinam non timuisset? Cui ille: Totum me, inquit, diuinæ Voluntati tradidi, paratus, si saluis omnibus, solus haurirer fluctibus. Hoc est, quod Hebræus Sapiens monuit: Habe fiduciam in domino, ex toto corde tuo. « Porro qui hac fiducia sunt vacui, humana tantum circumspectant, omniâque humanis viribus metiuntur. Et ferè contingit vt hos in manu consilij sui destituat Deus, hinc illi frustra irritoque conatu Magna expectant, & in miserâ spe languentem trahunt animam, & plerunque infelici euentu humanas has cogitationes claudunt. Contra verò nostra in Deum fiducia, diuinæ beneficentiæ potentissima est conciliatrix. Gaudet Deus beneficijs dandis, & munificentia suæ dona spargit in eos præcipuè qui in magnam exurgunt fiduciam. Quòd si Deus munificam suam manum contrahat contineatque, nec liberalitatis suæ nubem explicet, aut non nisi per lentissima stillicidia depluat, tacitus secum cogitet homo, quis cælestem illam nubem, pendulam semper pronamque paratamque in imbres, siccauerit stiteritque; se, inquam, cogitet, delicta sua, teporem, languoremque suum, maximè verò suam in Deum diffidentiam accuset, in nouam exurgat fiduciam, & pro stillicidijs nimbos speret. Impedimentis enim sublatis nunquam non pluent illæ nubes: nec iam speratos imbres, sed toto cælo flumina mariaque iaculabuntur, vt anhelum validumque fiduciâ pectus munificentia suæ sepeliant aquis. Non enim sponsonibus quàm factis locupletior est Deus. Etiam montes promisit transferendos, mortuos ad vitam reuocandos. Audeat proinde sperare homo, maiora qui potest largietur Deus: <sup>b</sup>

Benedictus vir qui confidit in Domino, & erit Dominus fiducia eius: <sup>c</sup> Nullus sperauit in Domino, & confusus est.

a Prou.c.3.v.51. b Scribanus in Super.Relig.l.1.c.27. c Hierem.c.17.v.7.

#### C A P. V.

*Quantis premijs Deus humanam in se fiduciam remuneretur.*

**M**ultis equidem opitulatur galea in capite, lorica in pectore, anchora in æquore; multi nihilominus galeâ operiti perimuntur,

tur, lorica tecti traijciuntur, anchora instructi merguntur: At vero qui confidunt in Domino, sicut mons Sion non commouebitur in æternum. <sup>a</sup> Nam uti Sionis rupem nulli turbinum incurfus, nulli fluctuum assultus loco inouerint, non tantum quia mons est, sed quia mons Deo sacer est, ita hominem illum nullus ærumnarum impetus subuerterit, qui verè confidit in domino, cupitque diuinæ Voluntati in omnibus parere.

Hæc in Deum fiducia, est galea nullis rumpenda vulneribus, est lorica nulli penetrabilis telo, est anchora nulli obnoxia naufragio. Hanc, Sicut anchoram habemus animæ tutam ac firmam. <sup>b</sup>

<sup>a</sup> Pl. 124. v. 11. <sup>b</sup> Heb. c. 6. v. 19

## §. I.

Observauit Orbis Ecclesiastes Paulus, quorundam è suis fiduciam vacillare, tanquam si spe vanâ lactarentur; hos nimium pusillanimes instruendos ratus: Teneamus, inquit, spei nostræ indeclinabilem confessionem. Nolite itaque amittere confidentiâ, quæ magnam habet remunerationem. Patientia enim vobis necessaria est, ut Voluntatem Dei facientes, reportetis promissionem. Adhuc enim modicum aliquantulumque, qui venturus est, veniet & non tardabit. Ergo, nolite amittere confidentiam, quæ magnam habet remunerationem. <sup>c</sup>

Et prima quidem huius remuneratio ista est: Fiducia hæc neminem fallit aut pudore afficit. Spes non confundit. <sup>d</sup> Fallax illarum humanarum fiducia millies decipit, nec tamen cautiore efficit deceptos. Pulchrè Plato: Spes mortalium, inquit, somnia vigilantium, aut potius desiderantium. Anno Christiano millesimo octogesimo quarto, Odo antistes, Guilielmi Angliæ regis frater, sortilegorum vaticinijs inductus, proximum à Gregorio VII. Pontificem se futurum credidit, & ut viam sibi muniret ad hoc solium per argenteos gradus, pecuniam per nefas vndecunque contraxit, iamque Romanis arcibus spe imminens, à fratre Guilielmo in carcerem coniectus est, ubi totum exegit triennium; hoc scilicet solium huic spei debebatur. Nec vnquam Odo Romanam tiaram suo capite recepit. Ita multis alijs spes sua dedecori est & damno. Spes impij tanquam lanugo est, quæ à vento tollitur: & tanquam spuma gracilis, quæ à procellâ dispergitur: & tanquam fumus, qui à vento diffusus est: & tanquam memoria hospitis vnus diei prætereuntis. <sup>e</sup> Spes ac fiducia in Deum, nulli mortalium probro est:

Spes



Spes non confundit. Scitote, quia nullus sperauit in Domino, & confusus est. quis enim permansit in mandatis eius, & derelictus est? aut quis inuocauit eum, & despexit illum? *a* In hanc fiduciam regius Pſaltes sese attollens: In te, Domine speraui, ait, non confundar in æternum. *b* Scitè Augustinus: Quis est, inquit, qui confunditur? qui dicit, ego quod sperabam non inueni. non immerito Sperabas enim de te, aut sperabas de homine amico, maledictus autem qui spem suam ponit in hominem. Confunderis quia fefellit te spes posita in mendacio, omnis enim homo mendax. Si autem ponas spem tuam in Deo tuo, non confunderis, quia ille in quo spem posuisti, falli non potest. *c* Spes non confundit.

Hic tu mihi obsecro, fiduciam Moſis, quàm ea pudefacta non sit expende. Cùm Hebræi ex Ægypto digressi, in arctum omnes conclusi essent, iam enim à tergo hærebat hostis Phàrao, in oculis montes & mare fugam omnem negabant, Moſes in has preces effusus dicitur: Domine, tuum est hoc mare, tuus & mons qui nos claudit: & hic potest te iubente aperiri, aut in planitiem solui, potest & mare in terram verti, possumus & nos per aërem sublimes effugere, si nos ita seruari, tibi placeat. *d* Hæc precatus, mare virgâ percussit, quo ictu repente scissum transituris expeditissimum iter monstrauit. Spes non confundit. Primum igitur fiduciæ munus est, *Non fallere.*

*a* Eccli. c. 1. v. 11. & 12. *b* Pl. 30. v. 1. *c* Aug. tom. 8. in Pl. 36. conc. 2. ante med. *d* Iosephus 1. 2. Antiq. Iud. c. 7.

## §. II.

Altera eiusdem Fiduciæ remuneratio est, Maxiima vitæ tranquillitas. Qui Deo seriò fidet, officia sua quamuis latissimè præcant, sine tumultu obit, etiã inter aduersa lætus. Lætentur omnes qui sperant in te, Domine. *a* Spe enim salui facti sumus. *b* Beati omnes qui confidunt in eo. *c* Augustinus pro morte suo pulcherrimè, in verba Pſalmi: Labores manuum tuarum quia manducabis, beatus es, & bene tibi erit. Quasi peruersè, inquit, videtur dicere non intelligentibus, debuit enim dicere fructum laborum tuorum manducabis. Multi enim manducant fructum laborum suorum: laborant in vineâ, ipsum laborem non manducant, sed quod de labore ipsorum nascitur, &c. Quid sibi vult labores fructuum tuorum manducabis? Modò labores habemus; fructus postea erit. Sed quia & ipsi labores non sunt sine gaudio propter spem, de quâ paulò antè diximus: Spe gaudentes, in tribulatione patientes: modò

*a* Pſal. 94. 12. *b* Rom. c. 8. v. 24. *c* Pſal. 127. v. 2.

nos

nos ipsi labores nostri iucundant, & lætos nos faciunt de spe. Si ergo labor noster potuit manducari: & potuit iucundare, manducatus fructus laboris ipsius qualis erit? <sup>a</sup>

Germanorum vetus verbum est, parietibus etiam inscribi solitum: Quisquis omnia Deo commiserit, & hinc tranquillus, & illic beatus erit. <sup>b</sup> Verè sic est: Deo semper omnia committere, in hac vitâ tranquillitatem, in alterâ beatitudinem obtinet. Sed Deo sic committenda sunt omnia; è manu Dei æquè omnia sic accipienda sunt, vt hæc regula exceptionem non admittat. Clarissimè pius ille scriptor: Et nota, inquit, hanc regulam, Omnia è manu Dei acceptandi, tam esse vniuersalem, vt ab eâ nulla prorsus admittenda sit exceptio: adeò vt non tantùm cruces, afflictionèsque extrinsecæ Mundi & Proximi, à Deo acceptari debeant, verùm etiam intrinsecæ quæ ex imperfectionibus nostris enascuntur, nam omnia cooperantur in bonum diligentibus Deum. <sup>c</sup>

<sup>a</sup> Aug. rom. 8. in Psal. 127. circa med.

<sup>b</sup> Gott alle ding ergeben / Gibi hie die geistlich Ruhe /  
Und dort das ewig Leben.

<sup>c</sup> Benedictus Anglus, in Reg. perfect. fine libri, mihi pag. 273.

### §. III.

Tertia Remuneratio, Robur in aduersis, & animus calamitate insuperabilis. Iustus quasi fundamentum sempiternum, iustus in æternum non commouebitur. <sup>a</sup> Animosissimus rex Dauid: In Domino sperans, inquit, non infirmabor. <sup>b</sup> Optimè Theodoretus: Gubernatorem, inquit, habeas Deum & aurigam, & res tuæ ab illâ providentiâ pendeant, nam hoc modo inconcussus manebis & immutabilis. Tales se gesserunt tot centena millia sanctissimorum Martyrum. Res noua & rara, pendere in equuleo, & aduri latera, ridere tamen & iocari. Multitudinis concursum fieri, cum missilia sparguntur, cum donatiua aut congiaria, cum viscerationes dantur, nil noui est; at verò cum capita decutiuntur, cum sartagines, cum rotæ & cruces proferuntur, cum omnis generis supplicia inferuntur, esse tamen qui accurrant & certent quis prior moriatur, hoc nouum, hoc inauditum, hoc tamen, inquit Eusebius, meis oculis vidi: innumeros in Ægypto non ligatos duci extra moenia in campum: hinc alter alterum præuenire contendens porrigebat ceruices. Carnifices defecerunt & gladij: fessi sedebant, alij succedebant, mutabantur gladij, dies non sufficiebat: nullus

ex



ex eis nec paruulus morte terrebarur. En heroas ac heroidas inuincibiles: non commouebantur, sicut mons Sion. Huc appositè Chrysostomus: Montem dixit, spem in Deum immutabilem, inquit, firmam & constantem, inuincibilem & inexpugnabile. Quemadmodum enim si quis innumerabiles adhibeat machinas, montem nec conuellere nec labefactare poterit: ita etiam qui eum aggreditur, qui spem in Deum collocauit, reuertetur domum vacuis manibus. Sed cur non dixit absolute, *sicut mons*, sed montis Sion meminit? Docens, nos non debere animum deicere in calamitatibus, nec ab eis pessundari, sed à spe in Deum pendentes, omnia ferre fortiter, & bella, & pugnas, & tumultus. Quemadmodum enim hic mons, qui fuerat quandoque desertus & nudatus habitatoribus, ad priorem redierat prosperitatem, veteri statu recepto, cum incolæ rediissent, & miracula rursus ostenderentur, ita etiam vir fortis & generosus, licet ab innumerabilibus inuadatur calamitatibus, minimè eueritur. \*

Qui sperant in Domino, inutabunt fortitudinem (humanam in diuinam) assument pennas sicut Aquilæ, current & non laborabunt, ambulabunt & non deficient. <sup>b</sup> Beati omnes qui confidunt in eo. Ergo viriliter agite, & confortetur cor vestrum, omnes qui speratis in Domino. \*

a Chrys. in Psal. 124. initio, & paullo post init. b Ilc. 40. v. 31.

c Psal. 3. v. 25.

#### §. IV.

Quarta remuneratio, Immunitas à plurimis vitijs. Et non delinquent omnes qui sperant in eo. \* Bernardo teste, Perfecta conuersio est ad bonum, vt nil libeat nisi quod deceat vel liceat. Et tunc demum perfecta erit voluntas, cum plenè fuerit bona, & bene plena. <sup>b</sup> Hanc autem bene plenam, & plenè bonam voluntatem habere censendus est is, qui non suam ampliùs, sed iam pro suâ diuinam amplectitur Voluntatem, eique se totum deuotissimâ subiectione transcribit. Et hic est qui Deo in omnibus fidei. Quisquis autem felicissimam hanc artem callet, ac reipsâ tam Prouidentia diuinæ, quàm Voluntati perfectè se tradit, graues vitiorum insultus non metuit. Vera in Deum Fiducia, non tantùm inquieti pectoris agitationem, sed & huic contrarium torporem mentis ac senium tollit. Disertè hoc ipsum confirmans Bernardus: Ita, inquit, animus si non præsumat de se, sed si confortetur à Deo, poterit vique dominari sui, vt non dominetur ei omnis iniustitia. Ita, inquam,

a Psal. 33. v. 23. b Bern. tract. de grat. & lib. arb. ante med.

Deo

Deo innixum nulla vis, nulla fraus, nulla iam illecebra poterit vel stantem deicere, vel subicere dominantem. Alioquin frustra nititur, si non innitur. Disce ergo Deo fidere, etiam si omnia tibi aduersa sint; disce contra spem in spem credere, & voluntas domini in manu tuâ dirigetur. <sup>a</sup> Ilc. 33. v. 10.

## §. V.

Quinta reſtitutio, per veram in Deum Fiduciam velut Omnipotentes efficiuntur. Liberè proclamat Paulus: Omnia possum in eo qui me confortat. <sup>a</sup> Et quamuis cuique nostrum hîc obijci possit: Tu longè sequere, & Pauli vestigia adora. Nihilominus tamen quis illorum qui Deo fidunt, non animosè dicat? Pone me iuxta te, & cuiusvis manus pugnet contra me. Si Deus pro nobis, quis contra nos? <sup>b</sup> Sed quid opus testimonijs? Christus disertissimè: Si potes credere, inquit, omnia possibilia sunt credenti. <sup>c</sup> In quæ Domini verba egregiè Bernardus: Quidni, inquit, omnia possibilia sint innitenti super eum, qui omnia potest? Nil omnipotentiam Dei clariorem reddit, quàm quòd omnipotentes facit omnes, qui in se sperant. An non omnipotens cui omnia possibilia sunt. <sup>d</sup>

Quâ in re nescio an vnquam præclarius quid dictum scriptumue sit, quàm quòd idem Bernardus præclarissimè dixit scripsitque in hæc verba: Dulcissima liberalitas, inquit, in se sperantibus non deest. Hoc enim totum hominis meritum, si totam spem suam ponat in eo, qui totum hominem saluum fecit. In te sperauerunt Patres nostri, sperauerunt & liberaſti eos: ad te clamauerunt, & salui facti sunt: in te sperauerunt, & non sunt confusi. Sperate in eo omnis congregatio populi: quemcunque enim locum calcauerit pes vester, vester erit. Pes vester, utique spes vestra est, & quatumcunque illa processerit, obtinebit, si tamen in Deum tota figatur, ut firma sit, & non titubet. <sup>e</sup>

Cum Apostoli secreto Dominum interrogassent, cur non & ipsi lunaticum adolescentem illum malo genio infessum potuerint liberare? Christus causam omnem diffidentiae adscribens: Propter incredulitatem, inquit, vestram: Amen quippe dico vobis si habueritis fidem sicut granum sinapis, dicetis monti huic, transi hinc illuc: & transibit, & nihil impossibile erit vobis. <sup>f</sup> Hic non Christiana solummodò fides commendatur, sed & illa fiducia quæ diuinâ se Omnipotentia sic induit, ut ardua quævis aggrediatur, & ad

<sup>a</sup> Phil. c. 4. v. 13.

22

miranda

<sup>b</sup> Iob. c. 17. v. 3. <sup>c</sup> Rom. c. 8. v. 31. <sup>d</sup> Marc. 9. v. 23. <sup>e</sup> Bern. ferm. 35. in Cantu<sup>f</sup> Bern. in Ps. Qui habitat, ferm. 15. post med. <sup>g</sup> Matth. c. 17. v. 26.



miranda patret. Quamuis Christus non dixerit: *Edite miracula*, sed, *Habete fidem Dei*: querelas contra Dei dispositionem omittite, pusillanimitatem ad ardua trepidantem vincite, omnem à vobis diffidentiam expellite: si non possitis calcare basiliscos & dracones, superbiam calcate; si non voce incendia domare, libidinum vestrarum flammam extinguite; si non leones frenare, pardos & tigrides cicurare, iras reprimite; si non mortuos ad vitam reuocare, Inuidiam vestro malo viuacissimam iugulate; si non aridas arbores ad virorem reducere, vacuam liberalitate manum, fecundiore stipe instruite. Hoc est quod exigit Christus: Habete fidem Dei. Qui hanc habet, ex omnibus malis aliquid boni elicit, ex omni plunibo argenti quippiam & auri colligit, quod artificij diuini est, Nam ut Boëthius, sola est diuina vis cui mala quoque bona sunt, cum eis competenter vtendo, alicuius boni elicit effectum. <sup>a</sup> Sed de hoc alibi vberius. <sup>a</sup> Boëth. l. 4. de consol. phil. prof. 6. fine.

## CAP. VI.

*Fiduciam in Deum sine cognitione diuine Prouidentia vacillare.*

**I**N mœstissimâ illâ professione Abrahami in montem Moria, vbi iugulandus erat filius, cum tertiâ iam die dilucesceret, & mons in oculis esset, Isaacus qui ligna humeris subuehebat, patrem gladio armatum interrogans: Pater mi, inquit, ecce ignis & ligna, vbi est victima holocausti? Dixit autem Abraham: Deus providebit sibi victimam holocausti, fili mi. Pergebant ergo pariter. <sup>a</sup> Vtinam & nos, tunc maximè, cum aqua nobis hæret, cum exitum nullum reperimus, hoc vnum assidue volueremus animo: *Deus providebit, fili mi, Deus providebit*. Exemplo demonstratur id quod dicimus: Multorum liberorum parens animam agit, hoc vnum anxie sollicitus, quid suis liberis sit futurum: frustra vir bonus se cruciat: Deus providebit. Alius corpore quidem sanus, sed æger animo secum disquirat ipse: *Ut sese res meæ habebunt, cum hoc auxilium, aut auxiliator iste deerit?* vana plerunque sollicitudo: Deus providebit. Alius auri diues & auorum, non item virtutum: *Quid si, ait ipse sibi, præter sententiam & spem hoc mihi eueniat?* Homo pusilli animi! Deus providebit. Qui confidunt in illo, intelligent veritatem. <sup>b</sup> Ita quondam Romanorum Imperator Maximilianus II. Sicubi res aduersæ animum eius sollicitarent, conceptum à se symbolum proferebat: *Dominus providebit*. <sup>c</sup> Ita prorsus, ita ad Deum mentis acies

<sup>a</sup> Gen. c. 22. v. 7. & 8. <sup>b</sup> Sap. c. 3. v. 9.

<sup>c</sup> German. *Alles gut / in Gottes Hand*.

conuertenda, qui non patietur in fraudem impelli fidentem in se.

Abrahamus, quem dixi, illud Dei mandatum diuinis promissis, ut videbatur, rectè contrarium, quàm inexplicabili fiducià exequi est aggressus? Dicit non potest, quot fiduciæ actus exercuerit illo triduo, quo in montem à Deo nominatum profectus est, illud secum assidue repetendo: Deus prouidebit. Verè prouidit, modo prorsus admirando. Nam pater, inquit Chrysostomus, sacrificauit, filius seipsum obtulit, Deus utrumque acceptauit, & vita tamen mansit victimæ. Sic Abraham confusus Deo, peruenit vsque ad montem, vsque ad aram, ad ipsum vsque gladium, ad ipsum vsque filij iugulum, quod iam iam erat secandum. Nimirum altissimè combibit animo vir sanctus, illud vsquequaque certissimum: **DEVS PROUIDEBIT.** Diuinum hoc pronuntiatum quisquis vult capere, quotidiano id vsu discet optimè, tamque in se quàm in alijs mira deprehendet diuinæ prouidentiae vestigia. Et quæso, vitam nostram priorem compendio relegamus: per quot ambages & anfractus diuinà nos duxit prouidentia, quot quantisque periculis nos suauiter subtraxit? Quis nostrum iure dixerit: Misit de cælo & assumpsit me, & extraxit me de aquis multis. Præuenit me in die afflictionis meæ, & factus est Dominus firmamentum meum: liberauit me, quia complacuit ei. Et quanta vitæ, quanta corporis animique discrimina non adiit? sed euasi: Deus prouidit, Deus prouidebit, Fidamus Deo. Hanc autem confidentiam in Deum non assequetur, nisi qui & Prouidentiam Dei probè cognouerit. An sit Prouidentia, fugimus quætere, nam rectè Clemens Alexandrinus: Sunt, inquit, quæstiones quædam dignæ quæ puniantur: cuiusmodi est quætere probationes, An sit Prouidentia, cum sit manifesta diuina Prouidentia ex aspectu omnium quæ videntur effectorum, quæ arte & sapientiâ constant. **Est ergo Prouidentia.**

a 2. Reg. c. 22. v. 17. & 19. b Clem. Alex. l. 3. Strom. sub. init.

c Hanc illustrissimis argumentis & testimonijs demonstrat in Theol. Natur.

Theophilus Raynaudus distinct. 3. quæst. 3. mihi pag. 293.

### §. I.

Sed quid est prouidentia? Est ipsa, inquit Boëthius, diuina ratio in summo Principe constituta, quæ cuncta disponit. Optimè de hac re Damascenus: Prouidentia, inquit, est Voluntas Dei, per quam res omnes aptè congruèq; gubernantur. Rem sic capiemus:

22 x

Vidit

a Boëth. l. 4. de consol. phil. prosa. 6. paulò à princ.

b Damasc. l. 2. de Fide Orthodoxa cap. 29. Quamuis autem Prouidentia Dei constet in actu intellectus diuini, illum tamen comitatur actus voluntatis.



Vidit Deus ab æterno quâ ratione quæuis res creata suum finem posset assequi; simul etiam omnia impedimenta vidit, quæ in assequendo fine occurrere essent. Deinde hic idem optimus Deus, sanctissimâ suâ Voluntate, ea delegit subministranda auxilia, per quæ omnes homines ad suum finem quàm optimè ducerentur. Hæc verò statim ab Orbis ortu proposuit, & in opus deduxit per immensam suam potentiam. Ita diuina Prouidentia, vt Dorotheus loquitur, fons est bonorum omnium. Hanc omnes Philosophorum turbæ agnouerunt. hinc illa: Deum sequere; Cum dijs pugnare noli; Id superis curæ; Viderit Iupiter; Hoc in genibus Iouis situm, aliâque talia priscis vsitata. Et hanc suam prouidentiam Deus mox ab initio, ipsis etiam oculis ingessit per Orbis diluuium, per Sodomæum incendium, per Calamitates Ægyptias, per Alimoniâ è nubibus submissam tot centenis millibus Hebræorum: quibus insuper inspectantibus leges condidit, præsentiam suam monstrauit, viæ ducem statuit columnam lucidam & igneam, emisit effusissimos volucrum nimbos, victorias dedit admirandas. Habet Deus prouidentiam omnium omnino rerum creatarum. Res certissima est. Clamat Sapientia: Pusillum & magnum ipse fecit, & æqualiter cura est illi de omnibus. <sup>a</sup>

Vt autem nos Prouidentia diuinæ notitiam altissimâ mente designamus, hoc in fundamentum ponimus: Nihil vsquam Orbe toto fieri fortuito, & casu. Si res ad nostram duntaxat seu prouidentiam, seu scientiam examinemus, plurima casu quodam & fortè fortunâ fieri putabimus, si ad diuinam intelligentiam, nihil sit casu. Diuina namque intelligentia infinita est, extenditque se sine vlllo labore ad omne quod intelligi potest. Deus puncto temporis, vno eodémque, sic dicam, ictu oculi sinus omnes & abyssos cæli, terræ, maris, inferorum penetrat ac peruidet. Rectissimè Iobus: Nihil, inquit, in terrâ sine causâ fit. <sup>b</sup> Omnia in mensurâ, & numero, & pondere disposuit Deus ab æterno. Ita in rebus omnibus diuinæ gubernationis admirabilissima elucet prouidentia, quæ non præest solum rebus omnibus, sed interest, imò inest. Nos cæculi plurima putamus casu fieri, quæ tamen omnia ab æterno Dei consilio & prouidentia proueniunt. <sup>c</sup>

## §. II.

## §. II.

Sapientissimè Augustinus: Et sic omnia, inquit, ad diuinæ providentiæ regimen referantur, quæ stulti quasi casu, & temerè, & nullâ diuinâ administratione fieri putant. *a* Exemplo res patefiet: Herus è domesticis duos, herilis consilij ignaros, diuersis vijs mittit ad eundem omnino locum. Hic alterum alteri occurrere casus est non Domino, sed seruis: Ita thesaurum reperiri à paupere fossore, casus est quidem illi pauperculo, sed non Deo, qui opes illic ideò recondi voluit, vt eas hic ipse mercenarius eò loci fossurus reperiret & ditesceret, non casu sed paternâ Dei providentiâ. Deo nil penitus fortuitum est. Idcirco:

———— *Nemo temeraria credat.*

*Fortuitiõe geri mundana negotia casu.*

*Omnia lege meant, quam verum conditor illis*

*Sanxit ab aeterno.* ———

Canem pinxerat Apelles, cūque in reliquâ omni parte sibi ipse satisfecisset, exprimere in eo spumam anhelantis se posse non iudicabat. displicebat autem ars ipsa, nec alia inueniri poterat, & videbatur spuma illa pingi, non ex ore nasci, sicque longius à veritate discedere: Absteraserat sæpius, mutaueratque penicillum anxio animi cruciatu, & nullo modo sibi approbans, cū in picturâ verum esse non verisimile vellet. Postremò iratus arti, spongiam eam impexit inuiso loco tabulæ, & illa reposuit ablatos colores qualiter cura optauerat. Hoc exemplo similis & Nealcem successus in spumâ equi similiter impactâ spongiâ secutus dicitur. *b* Nos hæc talia merissimos casus interpretamur, & totum fortunæ tribuimus, quæ in picturâ fecerit naturam. Erramus splendide; nam quod fortunam dicimus, altissima Dei sapientia & providentia est. Qui fortunæ aliquid tribuunt, Dei providentiam sepeliunt. Non casu fiebat, quòd maximè casu factum videbatur, vt cadauer, metu latronum abijceretur in sepulchrum Elisæi, cuius ossa cū attingisset homo ille sepeliendus reuixit. *c* Non casu Moses in viminè fiscellâ expositus, à filia Pharaonis inuentus, & adoptatus est. *d* Nec casu rex Achab inter ceruicem & scapulas læsus est: Accidit autem vt vnus è populo sagittam in incertum iaceret. *e* Certissima Dei manu ferebatur hoc telum, sicut & illud in Iulianum Apostatam: solùm iacenti res erat incerta. Non casu aut fortuitò hiru-

ZZ 3

dines

*a* Aug. in Psal. 9. post med. *b* Plin. l. 35. c. 10. post med. *c* 4. Reg. c. 13. v. 21.

*d* Exod. c. 2. v. 3. & 9. *e* 2. Par. c. 18. v. 33.



dines Tobiae domum inuolabant, & virum optimum visu priuabant. Hanc tentationem ideo permisit Dominus euenire illi, vt posteris daretur exemplum patientiae. Diserte Angelus: Quia acceptus eras Deo, inquit, necesse fuit vt tentatio probaret te. <sup>a</sup> Nihil sit casu. Ita minime casu factum, quod Christo nascituro vniuersus Orbis ab Augusto describeretur. <sup>b</sup> Ad fontem Sichar non casu confedit Christus cum Samaritide collocuturus. <sup>c</sup> Haec omnia in tabulis diuinæ Prouidentiae annotata sunt, ab omni æuo.

a. Tob. c. 2. v. 12. & c. 12. v. 13. b. Luc. c. 2. v. 1. c. Ioan. c. 4. v. 5.

### §. III.

Cum Cyprianus & Iustina velut capitis rei ducerentur, Theodorus equo vehens, hoc solum dixit: Cum his hominibus inique agitur: mox à Felicio assessore iussus est equo deijci, & cum iisdem duci ad supplicium. Iudicia tua, Domine, abyssus multa! subitus hic casus videri potuit: Dei prouidentia fuit.

Cum sanctus Ignatius Loiola è pedis vulnere iaceret æger, fallendo tempori librum petijt, qui equestria, & hoc genus profana ludicra commentis fucaret. At casu factum (ita nos loquimur) vt ea fabularum mendacia domi nusquam essent, sed eorum vicem duo longè melioris argumenti codices ægro ferrentur. Altero Vita resque à Christo Domino gestæ, Altero ab Cælitibus reliquis facta facinora perscribebantur. Hi libri salutis principium fuerunt Ignatio, aliisque post Ignatium innumeris. At hos libros non Casus aut Fortuna, sed æterna Dei Prouidentia benignissime, huic loco, huic & lectori destinauit.

Paphnutius interrogatus, quid causæ foret, quod illi proficerent, deficerent isti, sub eodem magisterio, hi caderent, illi starent? Respondit: Quæcunque fiunt, aut ad Dei beneplacitum, aut ex permissione Dei fieri: & omnia quidem quæ cum virtute coniuncta essent, secundum Dei beneplacitum; cetera verò quæ cum vitijs haberent affinitatem, damna & iniurias in Orbem inueherent, Dei permissu fieri. Cur autem Deus tanta tamque frequentia mala permittit? Hic iubet Plato quiescere: Iudicia Dei abyssus multa. Hoc optime cepit, qui dixit: Sine consilio & prouidentia tuâ, & sine causâ nihil fit in terrâ. Didici etiam ex hoc inscrutabile iudicium tuum expauescere, qui affligis iustum cum impio, sed non sine æquitate & iustitiâ. Præclarissime Augustinus: Surgunt procellæ stagni huius, inquit, vides malos florere, bonos laborare; tentatio

est, fluctus est, & dicit anima tua : O Deus, Deus, hæccine est iustitia tua, ut mali floreant, & boni laborent? & Deus tibi respondet: Hæccine est fides tua? Hæccine tibi promisi, aut ad hoc Christianus factus es, ut in sæculo floreres? <sup>a</sup>

Componamus ergo animos, & in Prouidentia Dei acquiescamus, quamuis impios dominari, pios opprimi, religionem euertere, iustitiam extingui videamus: nihil enim horum fieret, nisi Deus id singulariter permetteret, non permetteret autem, nisi iustissimæ rationes ei suppeterent, atque adeo nisi melius esset, sic permittere quàm impedire. At inde grauius incommoda, & ingens animorum iactura sequitur? Dolendum hoc quidem, sed moderatè, quia iustissimis de causis sic placuit Deo, qui è magnis malis bona maiora, velut gladium è vaginâ nouit educere. Nec refert hoc arcanum Dei regimen non ita iam apparere: supremo dierum tanquam in speculo cornetur totus humani generis decursus, & omnis prouidentia diuinæ ratio, quâ Deus & in singulis regnis, oppidis, familijs, & cum singulis hominibus est usus, ut pateat quàm benignus fuerit Deus in delinquentes, & quàm quisque illorum plus minusue sit inexcusabilis, quàm denique hæc gubernandi forma, quâ usus est Deus, fuerit & naturis rerum, & patefaciendæ ipsius gloriæ accommodata. Hoc iam sciamus, è malis omnibus Deum boni aliquid elicere. Quid tristius gentis humanæ lapsu? eam tamen Deus sic iterum erexit, ut præstare videatur sic lapsum esse, quàm semper stetisse. Mors Christi, summum in Orbe flagitium, eadem tamen fuit, & Orbis salus.

a Aug. in Pl. 25.

#### §. IV.

Pachomium quondam adiit Theodorus vehementi capitis dolore vexatus, petiitque hanc à suo capite intemperiem precibus auerteret. Cui Pachomius: Putasne, inquit, hunc capitis cruciatum, aut simile quid, sine Dei permissione & voluntate contingere? Sustine, & cum voluerit Deus, medebitur: bona est à cibis abstinencia, bona in egenos beneficentia, plus tamen lucratur æger, cum patiens & longanimis nutum diuinum attendit. Hinc intelligere licet quàm is minimè tranquillo futurus sit animo, qui in diuinâ Prouidentia non quàm optimè fuerit fundatus. Sed nec ille diu miser esse poterit, qui hoc diuinæ Prouidentia arcanum fide viuâ penetrarit. Multæ quidem tribulationes iustorum, at



de omnibus his liberabit eos Dominus. <sup>a</sup> Custodit Dominus omnia ossa eorum, unum ex his non conteretur. Tot in humano corpore ossicula sunt & ossa, ut hominem dixeris Ossuariam. Ossium quædam clauorum vice sunt, ut dentes; alia sunt ut pyxides, ubi medulla, præsertim in coxis & tibijs; aliqua quasi confuta sunt ut cranium, alia alijs infixæ sunt sicut ianux vncus cardini. Galenus medicorum Princeps in humano corpore ossa ducenta numerat. <sup>b</sup> Viringus inter medicos celebris, ducenta viginti quatuor assignat. Horum quodlibet, ut Galenus docet, quadraginta fines seu scopos, in usum corporis habet, ad id artificiosè inter se omnia collocata sunt. Ergo ut ossa solùm humani corporis in ordinem reponantur, plusquam octies mille scoporum seu finium obseruandi. Vnicum ex his non conteretur, Deo non annuente; Custodit Dominus omnia ossa eorum. Neque verò Deus ut architectus est, qui cum struxit domum, deserit; Deus operi suo momentis omnibus non adest tantùm, sed assiduè in eo habitat.

Seraphinus Firmanus vir eruditus & sanctus, secretum notatū dignissimum exponens: Sanctorum vitam, inquit, per singula rerum ac temporum momenta à Deo sic temperatur ac regitur, ut omnia in eorum cedant bonum. Quid in omnia? Nam, Scimus, quoniam diligentibus Deum omnia cooperantur in bonum. <sup>c</sup> Ita Deus suos singularissimè metur providentiâ; adiecit illis oculum, qui non sopietur. Hinc amabilissimum illud inter Deum sanctosque homines certamen: Illis nil suauius, quàm id semper velle facere, quod Deo placeat; Nec cedit his Deus, facitque semper, quod suos scit velle. Ludemicus Carbo vir æuo nostro inter Venetos magnus, rationibus docet, virum iustum tam esse gratiosum, apud cæli Regem, ut quicquid rogat, impetret. Ioannes Apostolus hoc ipsum planissimè affirmans: Fiduciam, inquit, habemus ad Deum, & quicquid petierimus, accipiemus ab eo: quoniam mandata eius custodimus, & ea quæ sunt placita coram eo, facimus. <sup>d</sup> Et eadem ista tertium repetit ne ullus sit locus diffidentiae.

Dictauerat Deus Ezechieli vati panem imundum ex hordeo, fabâ, lente, milio piosendum, & humano fimeto contegendum. Horrorem ostendit Vates, mox sententiam mutauit Deus. <sup>e</sup> Iacob luctator: Non dimittam te, inquit, nisi benedixeris mihi. <sup>f</sup> Factum. Thomas Aquinas in morbo peregrinos pisces esurijs, mox

cos,

<sup>a</sup> Psal. 33. v. 20. & 21. <sup>b</sup> Galen. l. de format. fœtus. <sup>c</sup> Rom. c. 8. v. 28.

<sup>d</sup> I. Ioan. c. 3. v. 22. <sup>e</sup> Ezech. c. 4. <sup>f</sup> Gen. c. 32. v. 26.

eos miracula accepit. Res liquet; Deus voluntatem timentium se faciet, & deprecationem eorum exaudiet, & saluos faciet eos. <sup>a</sup> Sed & arcanissima quæque suis detegens Deus: Num, inquit, celare poterò Abraham quod gesturus sum? <sup>b</sup> Nec aliter Christus? Vos autem dixi amicos, inquit, quia omnia quæcunque audiui à patre meo, nota feci vobis. <sup>c</sup>

<sup>a</sup> Psal. 144. v. 12. <sup>b</sup> Gen. c. 12. v. 17. <sup>c</sup> Ioan. c. 15. v. 15.

## §. V.

Ludimagister qui puerulos litteras formare docet, quandoque manum vnus ducit, alterius nullam habet curam. Quid causæ est? Ille puerulus bonæ indolis est, ingenuus, docilis, morigerus; iste importunus, inobsequens, intractabilis, asinus ad lyram. Ita Deus voluntatem timentium se facit, sicque illos custodit ac regit, per singula rerum ac temporum momenta, vt omnia in eorum bonum cedant: immorigeris istis & rebellibus dicitur: Cùm multiplicaueritis orationem, non exaudiam. <sup>a</sup> Quid ita, aiunt, cur nos non æquè custodit ac regit Dominus, sicut illos, & illos, & istos? Vos ipsi in culpâ estis: Oculi Domini super iustos, & aures eius in preces eorum. Vultus autem Domini (vultus indignatione plenus) super malos, vt perdat de terrâ memoriam eorum. <sup>b</sup> Morigeris illis à Deo promissum: Cùm transieris per aquas, tecum ero, & flumina non operient te, cùm ambulaueris in igne, non comburêris; clamabis, & dices: Ecce adsum. <sup>c</sup> Et ego ero ei, ait Dominus, murus ignis in circuitu, & in gloriâ ero in medio eius. <sup>d</sup> Hominis ad Dei voluntatem se formantis animum, Deus velut solium suum occupat, in eoque tanquam rex residet. Adsint iam qui hunc hominem velint lædere, Deo licentiam non concedente. Insignissimè dixit Ambrosius: Dominus dormit tepidis, vigilat perfectis. Non quòd illorum obliuiscatur quos monet, reprehendit, excitat, castigat; sed quòd suam in suos prouidentiam singularem modis & argumentis plurimis demonstrat. Iacob interrogatus à fratre de comitatu: Paruuli sunt, respondit, quos donauit mihi Deus seruo tuo, <sup>e</sup> Ita placidè illum docuit (ait Chrysostomus) quanta erga se Dei fuerit prouidentia. A Deo probi curantur, vt amici, vt filij, improbi vt mancipia & serui. Et quamuis Deus pænè inuitus naturæ turbet ordinem, eum tamen milles iterumque millies in amicorum suorum gratiam inuertit.

22 5

Hinc

<sup>a</sup> Iſc. l. v. 15. <sup>b</sup> Psal. 33. v. 16. & 17. <sup>c</sup> Iſc. 43. v. 2. & c. 58. v. 9. <sup>d</sup> Zach. c. 2. v. 5. <sup>e</sup> Gen. c. 23. v. 5.



Hinc res gestæ Diuorum tot prodigijs & miraculis admirandæ.

Hæc admirabilis Dei Prouidentia instar scalæ est, quam Iacob sub dio pernoctans vidit à terrâ in cælum vsque pertingentem. Omnia cæli terræque negotia prouidentissimus Deus iam ab æterno habuit in expedito. Attingit enim à fine vsque ad finem fortiter, & disponit omnia suauiter. Nam, Tua, Pater, Prouidentia ab initio cuncta gubernat. <sup>a</sup> Non enim est alius Deus quàm tu cui cura est de omnibus, vt ostendas quoniam non iniuste iudicas iudicium. Ea huius prouidentia vis est, vt re nullâ impediri, falli, tardari aut flecti possit: ea verò suauitas, vt nil agat contra cuiuscunque naturam, fortissimè ac suauissimè omnia & præiudendo & disponendo.

Simile quid somniarunt veteres, catenam auream fabulati quæ cælo demitteretur in terram, & vbi omnia comprehendisset, in cælum denuò attraheretur. <sup>b</sup>

Est igitur in Deo, fuit, eritque peruigil illa & perpes cura, quæ res omnes inspicit, adit, cognoscit: & cognitas immotâ quadam & ignotâ nobis serie dirigit ac gubernat. <sup>c</sup> Id autem est quod Prouidentiam hîc vocamus, de quâ sæpe non dubitamus, sed querimur, vt pueri seueriorem patris disciplinam exosi. Mittamus ali quando has querelas, &, si sapiamus, sequamur ab alto attrahentem illam vim, & æquum censeamus, vt homini placeat, quicquid placuit Deo.

Quare ad infinitam Dei prouidentiam quotidie confugiamus. Cùm enim Orbem tot ac tantis sceleribus oppletum aspexerimus, illud vnâ veniet cogitandum: Quoniam prospicit quod veniet dies eius. <sup>d</sup> Si ex Orbe reducamus oculos domum, & nos ipsos intueamur, Prouidentiam circa nos tam peruigilem, tam plenam amoris obseruabimus, vt nec vnicus quidem capillus capite defluat, id ignorante aut vetante diuinâ Prouidentia. Hinc Augustinus excello animo: Quid mihi deerit, inquit, si membra mea dilaceret inimicus, quando capillos meos dinumerat Deus? <sup>e</sup>

<sup>a</sup> Sap. c. 8. v. 1. & c. 14. v. 3. <sup>b</sup> Homer. Iliad. 9. <sup>c</sup> I. Lipsil. 1. Constant. c. 13. <sup>d</sup> Psal. 36. v. 13. <sup>e</sup> Aug. serm. 4. de mart.

## C A P. VII.

*Quanta Dei Prouidentia sit circa vita necessaria.*

**O**Mnia quidem in manu Dei sunt, non malè tamen quispiam dixit, tres clauas Deum penes se habere, quas nemini committat:

mittat: vnā quidem clauem ad promendas pluuias, ventos, nives, & alios eiusmodi partus aëris; clauem alteram ad referenda se- pulchra, & reuocandos in vitam mortuos, tertiam ad penu & omne genus alimonie. Quod si Deus has promptuarias cellas occludat, quis aperiet? Ergo Deus rerum omnium promus condus: ab ipso impetrandum, quicquid ducendæ vitæ necessarium est.

## §. I.

Marcus anachoreta dicere solebat: Qui Deo non fidit in his caducis, quanto minus fidet in alijs æternitatem spectantibus. Et primum argumentum quo Christus in nostram diffidentiam vsus, hoc est: Nonne anima plus est, quàm esca, & corpus plus quàm vestimentum? Hic validissimis argumentis eximit animo sollicitudinem illam pessimam circa vestitum & victum, docetque in almâ Dei Providentiâ vnicè confidendum. Si enim Deus tam providens & liberalis est in ijs, quæ videntur operosiora, cur Deum obliuionis arguimus aut incuriæ in ceteris minus operosis? Si corpus dedit, cur vestem neget? qui donat equum, cur subtrahat frenum? Nonne vita pretiosior est quàm id quo alitur vita, & corpus præstantius quàm id quo tegitur corpus? utique. Qui ergo nihil sollicitis, imò nec quidem existentibus nobis in rerum naturâ, vitam corpusque dedit, dabit procul dubio & ea quibus vita & corpus sunt sustentanda, præsertim cum ipse voluerit vitam corpusque his indigere. Si ergo maiora dedit ultro, declarauit se minora etiam, & posse, & velle dare. Dabit autem non quidem otiosis nobis, quos non ad otium creauit, sed vacuis sollicitudine, hanc enim Deus in se vult reijci. Pulchrè Iobus de coruorum ecco interrogans: Quis, inquit, præparat coruo escam suam, quando pulli eius clamant vagantes, eò quod non habeant cibos. Hoc ipsum ab auibus sumptum argumentum ingerens & Christus: Respicite, inquit, volatilia cæli, quoniam non serunt, neque metunt, neque congregant in horrea, & pater vester cælestis pascit illa: Nonne vos magis pluris estis illis? Hoc ipsum sæpius inculcans hic è cælo magister: Nonne, inquit, duo passeress assè vaneunt, & vnus ex illis non cadet super terram sine patre vestro. Vestri autem & capilli capitis omnes numerati sunt. Nolite ergo timere; multis passeribus meliores estis vos.

Alterum argumentum sumit à brutis animantibus, quæ citra omnem sollicitudinem pascuntur, vt vel in illis discamus amplitudinem



dinem diuinæ providentiæ, in quam recumbamus. Hanc enim v. apertissimam faciat, non adducit pastum in deserto Israël annis quadraginta: non laudat Eliam à coruis nutritum, sed brutas animantes obijcit, idque non leones, vrsos, elephantes, aut alia id genus grandia animalia, quæ & ipsa diuinitus pascuntur, sed animalium minima, auiculas, quæ cum cantui ferè vacent, & veluti obiter sumant cibum, maxime à sollicitudine liberæ videntur. Et homo qui pluris est innumeris auiculis, Deumque non Dominum tantum, sed & Patrem agnoscit, sic angatur animo?

Post demonstratam Dei Providentiam in auiculas & capillos, quam circa flosculos gerat ostendens: Considerate, inquit, lilia agri, quomodo crescunt: non laborant, neque nent, Dico autem vobis, quoniam nec Salomon in omni gloriâ suâ coopertus est, sicut vnum ex istis. Si autem fœnum agri quod hodie est, & cras in clibanum mittitur, Deus sic vestit, quanto magis vos minimæ fidei? Videte igitur quàm non solliciti sint agrestes flosculi, de suo, quo triumphant vestitu, nam omnem decorum suum vni Deo referunt acceptum, aperte professi se nihil debere humanæ curæ. Rerum naturam, quæ à Dei Providentiâ est, hominum industriæ & cura imitari potest, assequi non potest. Adeò vt magnificentissimi Regis Salomonis exquisitus, atque ad miraculum vsque ornatus ac pretiosus cultus, floris contemptissimi elegantiam neuiquam exæquet. Vos iam ipsi iudicate, si Deus vilissimas herbas breuî demetendas & in furnum rapiendas tam pulchrè amicit, quanto magis vos, immortalitati à se conditos vestiet, curabitque necessaria, non tegendo tantum corpori, sed si opus sit, etiam ornando. His & tertium quoque arguementum adnectit Christus, & : Quis autem vestrum cogitans, inquit, potest adijcere ad staturam suam cubitum vnum? Imò minuet potius sollicitudine: nihil hic vilius industria profecerit. Si ergo, inquit Lucas, b neque quod minimum est potestis, quid de ceteris solliciti estis? si rem tantillam vel maxima sollicitudo non promouet, vt scilicet corporis statura nonnihil augeat, quomodo corpus in vitâ seruare poterit quantauius annonæ opumque congesta copia, nisi adspiret Dei Providentiâ? Inanis & irritus est omnis labor vester, nisi Deus illum prosperet. Huic ergo alendi corporis curam permittite, cura & augendi, quia hoc quàm decentissimè ac suauissimè, vestris curis nil opitulantibus faciet. Aperit ille manum suam & implet omne animal benedictione. c

§. II.

## §. II.

Cum ergo Deus, quæ ad vitam necessaria, provideat omnibus, Nam, æqualiter cura est illi de omnibus, & quæ sit tantam vbique multitudinem esse hominum egentissimorum; videtur Deus res humanas suo fluxui permittere. Mira, mi homo, circa paupertatem hominum, Dei Prouidentia est. Verè Chrysostomus: Non tantum pauperes diuitibus, inquit, sed hi illis indigent, & magis. <sup>b</sup> Et fingamus duas vrbes, quarum illam soli diuites, hanc pauperes & soli habitent, nullum poterit inter has esse commercium: in illâ nulli erunt opifices, non operæ mercenariæ, nullus illic sartor, pistor, sutor, nullus faber, institor, agricola, has artes opulenti non faciunt, nulli hinc serui, ancillæ nullæ. qualis igitur hæc vrbs, si alienâ ope destituatur? In alterâ sat erunt eorum qui calceos suant, qui vestes conficiant, qui agros colant, qui sibi denique re modicâ sufficiant. Si omnibus itaque abundè suppetere ea quæ vitæ sustentandæ sunt, quid demum sequeretur? Interitus omnium opificiorum, operarum fabrilium, artificiorum. Substructiones, nauigationes, aucupia, piscationes, mercaturæ pessum irent: & qui Domini forent, si nulli essent qui seruos se profiterentur? Ita Paupertas conseruat humanam gentem & ornat: Paupertas industrios facit & laboriosos: Paupertas suscitât artes. Exulet Paupertas penitus ab Orbe, simul boni mores, & Virtutes penè omnes exulabunt. Edere, bibere, ludere, helluari, græcari & pergræcari, primum erit negotium: Luxum comitabitur luxuria, Diuitias vitia. Vbi rerum omnium abundantia est, ibi plerumque etiam vitiorum. Testantur hoc vberes anni, quibus plenæ potatorum cauponæ, in omne genus turpitudinis & insanitiæ despumant. Testatur hoc Diluuium cuius principia fuerunt luxus & otium, hinc præmortui pudoris & plena libidinibus vita omnium. En, quanta Dei prouidentia, quæ à lascitiâ ad laborem trahit homines paupertate: labor optimos citat. Quicquid vspiam pulchri cernimus, ab ijs elaboratum est, qui pecuniâ non abundarunt, ideo labores suos vendere coacti sunt.

In ipsâ porro paupertate quantâ Deus prouidentiâ succurrit! Non affliget Dominus animam iusti. <sup>d</sup> Beatus Franciscus coram Absifinate Præsule vili duntaxat linteo tectus: Nunc, inquit, liber-

rimè

<sup>a</sup> Sap. c. 6. v. 8. <sup>b</sup> Chrys. tom. 3. orat. de diuit. & paup.

<sup>c</sup> Pauperes vocamus, qui victum manu aut laboriosâ industriâ parant.

<sup>d</sup> Prou. c. 10. v. 3.



rimè dixerò: Pater noster qui es in cælis: Idem suis in viaticum dare solitus est illud psaltæ: Iacta super Dominum curam tuam, & ipse te enutriet. *a* Romano autem Pontifici de alimentis sciscitanti respondit: Matrem quidem habemus pauperem, Religionem, sed patrem ditissimum. Ita prorsus est: hic pater tantâ suorum curâ & prouidentia complectitur, ut cum humana defuerint auxilia, subministret diuina. Ut annonam præstaret Eliæ, suam nobis prouidentiam ingessit. Primo quidem, prophetæ dapiferos iussit esse coruos. *Corui quoque deserebant ei panem & carnes manè, similiter panem & carnes & esseri.* *b* En aues rapacissimæ quæ aliqui commissum sibi commeatum consumpsissent in viâ, nisi obtitisset diuina Prouidentia, iam etiam à dapibus sunt, & ad cyathos stant. Deinde hunc ipsum Eliam Deus per pauperulam viduam pavit, cuius omnes facultates erant pugillus farinæ, & parum olei quo vngeretur, non quo vesceretur, & tamen quot farinæ modij, quot libræ olei in paupertino hoc penore latebant? Tertiò cum Elias egestatem suam securo somno solaretur, adfuit alius è cælo dapifer, Angelus, panem & fontem adferens, uti Habacuc Danieli messorum tulit delicias. Eandem hanc singularem benevolentiam Deus sexcentis alijs suorum amicorum exhibuit, farinam, panes, oleum, vinum, occultâ vi augendo, aut cum hæc penitus deessent, insperatâ gratiâ submittendo. Et quamvis hæc talia nos ipsi nonnunquam experiamur, nihilominus ingens ubique diffidentia est trepidantium, ne desint vitæ necessaria: cum Iudæis etiamnum vociferamur: Numquid poterit Deus parare mensam in deserto? Numquid & panem poterit dare? Adhuc Philippi vox auditur: Sed quid hæc sunt inter tantos? tot hominum fami non sufficient ista. O verè minimæ fidei homines! Sci pater vester quia his omnibus indigetis. *d* Numquid Dei liberalitas nunc quàm olim contractior?

*a* Psal. 54. v. 23. *b* 3. Reg. c. 17. v. 6. *c* Psal. 77. v. 19. & 20. Io. c. 6. v. 9. *d* Matth. c. 6. v. 22.

### §. III.

Paulo inter anachoretas primo, annis sexaginta dimidium panem detulit coruus, integrum præsentente Antonio. Ioannes eremcola quatuordecim annis à nullo mortalium visus, ceruæ lacte pascus est. Beatus Rochus aliquanto tempore, panem quotidie accepit à cane, quemadmodum Elias à coruo. Non vnus erem-

colarum

colarum illorum è panis & cibum & vestem impetrauit; vna illis arbor & sartor fuit & pistor. Anno Christiano sexcentesimo quinquagesimo tertio Iudocus Britonum Regis Rethaëli filius, spreto solio in sacerdotium venit, solitarium vitæ genus amplexus, in Brahic loco riuis cincto cœnobium & templum condidit. Hic in egenos tam piè effusus fuit, vt quodam die non nisi panis vnicus familiæ superesset, hunc ipsum tam in quatuor partes secari, & quadram dari mendico iussit. At ille idem mendiculus inuatâ veste quartum redijt, & omne penu mendicando abstulit. Hic Vlmarius socius mustare & obloqui, atque liberalitati nimis indignerari. Iudocus hominem solatus, è cœlesti penore subsidium petere docuit. Paullo post quatuor nauiculæ commeatu onustæ illic appulerunt & omnem religiosæ familiæ indigentiam subleuarunt. Optimè dixit Augustinus: An putas qui Christum pascit, à Christo non pascitur? <sup>b</sup>

Beatus Dominicus sub initium sui Ordinis duos è suis misit qui alibi locorum concionarentur. Illi sub vesperem & fessi & famelici, sed & tristes gemebant se ignotos ad pauperrimas casas deuenisse, vbi auxiliij nihil sperandum. Hic vnus aliquis occurrens & mœroris causas eliciens: Omnia, inquit, Dei causâ deseruistis, magnâ vtique in Deum fiduciâ, & nunc trepidatis velut omni spe destituti: pecudes Deus pascit, & filios sinet perire fame? Cum dicto se subduxit. Illi oppidum ingressi, post preces in templo suas, à Curione inuitati sunt ad cenam. Sed & alius quispiam interuenit, qui hos ipsos hospitio recipere contendit: hic amica lis inter duos, à tertio deum dirempta est, primæ illic auctoritatis viro, qui & parochum, & alterum hospitij ius offerentem in suas ipse ædes pertraxit & omnes lautè habuit. Ita Christus suis post toleratos nocte totâ labores: Venite, inquit, prandete. Et tamen hæc omnia quandoque nostram nobis diffidentiam non eripiunt. quicquid rerum suppeditet Deus, egestatē metuinus, inter aquas aquarum penuriam formidamus, & nisi magna nos rerum abundantia circumfluat, multa nobis defieri credimus. Improbam identidem cogitatio vellicat: Vbi est quod speras? Cui optimè respondens Augustinus: Spes, inquit, nondum peruenit ad rem; & ouum est aliquid, sed nondum est pullus.

## §. IV.

<sup>a</sup> Zachar Lippelo. 13. Decembris.

<sup>b</sup> Aug. l. de elem. c. 10. c. 21. v. 12.



Mendicum autem fuisse, qui ubi manticam iam oppletam, & unde quaque fartam panibus vidisset, dicere solebat: *iam spero*. Huic nos mendico simillimi sumus, tum scilicet speramus cum in annos plurimos laute prospectum nobis credimus. Nimirum tantum spe concipimus, quantum rei presentis cernimus. Longè aliter Ioannes Alexandrinus Patriarcha, qui per veram fiduciam totus à diuinâ providentiâ pendeat, quâ unâ re maximis calamitatibus facilem mediam adhibuit. Fuit ut tredecim frumentariæ naues, quarum singulæ decem millia modiorum capiebant, mergerentur mari. Media ferè pars civium Alexandrinorum ingenti hoc damno affecta est: idèd nautæ aliique in Asylum Alexandriae confugerunt. Ad quos mox schedulam misit Ioannes, in quâ hoc solum perscripsit: Dominus dedit, Dominus, ut voluit, abstulit. Sicut Domino placuit, ita factum est: Sit nomen Domini benedictum. Exite filij, nihil ob hoc veriti: Dominus sollicitus erit de castino. Postero ab hoc die adfuerunt qui optimum Præsulem ob acceptam cladem solarentur, at ille modestè præoccupans, & culpam omnem in se deriuans: Ego, inquit, liberalem me credebam in dandâ sipe, & forsan ob id elatioris animi fui, iuste igitur amantissimus pater, filium vanè intumescentem corripuit hac clade. Admonet Deus & reuocat clementer, plagas aliquot infligens, ut ijs admoniti ad nos redeamus, imò ad ipsum. Sed est prorsus idem ipse ille Deus qui Iobi ævò fuit, æquè potens, æquè misericors, qui non deseret nos. Ita ipsos consolatores suos integerrimus Antistes solatus est. Nec diu fuit, ait Leontius, cum grande illud damnum duplicato lucro pensatum est, & Ioannes pristinam in egentes liberalitatem repetijt. Diffidentiam certè ac pusillanimitatem in his talibus exhibere, idem pænè est, ac dicere: Aut avarus est Deus, aut obliuiosus. Sed apage impias has voces.

Sanctus Amatus nobile fuit speculum omnibus ijs sedulo inspicendum, qui diuinam providentiam aut agrè capiunt, aut tacitè accusant. Hic post annos triginta in monasterio Agaunensi exactos, in rupe solitariâ vitam egit continentissimam. Nam è cœnobio assignatus ei foicus Berinus, solum tertio quovis die, panem attulit hordeaceum & hydriam. Hæc tota erat & comineatûs, & obsequij ratio. Agrè tulit hanc abstinentiam cacodæmon. Itaque captatâ occasione, cum vir sanctus in preces effusus genibus nite-

retur,

retur, aduolans coruus hydriam euertit pedibus, & panem rostro asportauit. ita omnis in triduum comineatus perijt. Quid ad hæc Amatus? fortassis indignari coruo, & rapacissimam aurem diris omnibus deuouere, atroces voces in Dei prouidentiam iactare, hæc diaboli machinamenta execrari? Nil horum Amatus: nostræ sunt hæc cantilenæ. Ille manus mentemque cælo attollens: Gratias tibi ago, inquit, Domine Iesu, quod sanctissimæ Voluntati tuæ placeat, exerceri me longiore ieiunio. Scio hoc mihi utile futurum, quandoquidem nihil in hoc Mundo geritur absque tuâ prouidentia. \*

Audite queruli & increduli: Nihil in hoc Mundo geritur absque prouidentia diuinâ, sine quâ nec foliolum quidem arbore labitur: Et vos, domos incendi, naues mergi, fortunas eripi, famam violari, Iopitâ & dormitante hac prouidentia putatis? rectius senserunt vel ipsi idololatræ: nam quibuscunque illorum sapiendæ aliquid aut sanitatis fuit, res humanas nequaquam temerario aut cæco impetu ferri miscerique censuerunt. Ided, inquit Seneca, fortiter omne ferendum, quia non, ut putamus, incidunt cuncta, sed veniunt. <sup>b</sup> Et quidem à Deo veniunt: quid ergo indignamur, & querimur?

a Zach. Lippeloo. 13. Sept. b Sen. l. de prouid. c. 5.

### §. V.

Ad eandem hanc Prouidentiam assiduâ mente cogitandam, quotidianis panê documentis ducimur. Non ita pridem vir religiosus Valentiaë nouem milliariū iter ingressus, sed viâ nondum omni decursâ, æstu, fame, sitique ad omnem lassitudinem confectus, abiecit se sub pirum, & precari cœpit. dum preces iterat, in summâ arbore pirum grandiusculum videt: eodem tempore transiens illic viator hominem sub arbore fatiscentem allocutus, ubi audiijt quæ causâ progressum moraretur, panem album & bene magnum protrahens partem præsecuit, & dedit instaurandis viribus. Hæc utique credimus, sexcenta talia contingere non nescimus, similia & ipsi experti sumus, nihilominus tam exigua est sæpe nostra in diuinam prouidentiam fiducia, ut nisi marsupia, cistæ, penora, cellæ, horrea, rerum omnium referta sint, animus quoque spe vacuus iaceat, cum verò crumenam cernimus numis differtam, hic demum speramus. O malè oculati! *Spes quæ videtur, non est spes: Nam quod videt quis, quod sperat? Si autem quod non videt*



*mus, speramus, per patientiam expectamus.* a Ea demum vera est in Deum Fiducia, quando spes in angusto est, & cum rebus arctissimis colluctatur. Videmus mala nostra quæ patimur, nondum videmus gloriam, propter quam patimur: quanto plus tormenti, tanto plus erit gloriæ.

Narrat Theodoretus beato Mæsimæ duo fuisse dolia, alterum tritici, alterum olei: ex his liberalissimè pauperibus erogabat, neque tamen dolia vacuabat. Et Deus quoque duo habet dolia, illud frumento & omnibus ad vitam necessarijs, illud misericordiâ, liberalitate, providentiâ plenissimum & exundans; neutrum exhauriri potest. Ad hæc duo gazophylacia recurrendum est, cum reculæ nostræ in fundo suspirant. Modò vnicum hoc probè discamus, DEO FIDERE, & sanctissimæ ipsius Voluntati ex integro nos committere.

Vetus Germanorum verbum est: Si faceremus quæ deberemus: Deus faceret quæ vellemus. b Hieronymus id confirmans: Sit homo, inquit, qui esse debet, & mox addentur ei ab eo omnia, per quem facta sunt omnia. c

b Wann wir thäten/ was wir solten/ So thät Gott was wir wolten.  
c Hier. in c. 6. March.

## CAP. VIII.

### Quanta Dei providentia sit in Amicos.

**M**agnificum Dei promissum: Qui tetigerit vos, tangit pupillam oculi mei. Et quantâ Deus curâ iuvenem illum citharædum (cum Laurentio Iustiniano loquor) est prosecutus, quantis in periculis, quàm multiplici providentiâ servavit, perinde si vnicum hunc hominem suscepisset curandum. Ipse rex David testatus: Domine, inquit, tu cognovisti omnia, novissima & antiqua: tu formasti me & posuisti super me manum tuam: tu cognovisti sessionem meam & resurrectionem meam: intellexisti cogitationes meas de longè: semitam meam & funiculum meum investigasti, & omnes vias meas prævidisti. b Mea omnia, Domine, à te iam ab æterno ad minutissimum punctulum expensa sunt.

a Zachar. c. 2. v. 8. b Psal. 138. v. 2. & seqq.

## §. I.

Sanguinem & vitam Davidis rex Saul perpetuis insidijs petijt. Frustra: Deus protexit. Cùm verò David in Maonis solitudine lateret,

lateret, mox adfuit Saul, & copioso milite Dauidem *in modum*  
*coronæ* a sic vallauit, vt nullus esset nec effugij, sed nec spei locus.  
 Putabatur fera indagine & catibus cincta. Hic res Dauidis despe-  
 ratissimæ videbantur; Saul pæne iam victor, illius capiti proximè  
 imminabat; leo iam faucibus tenere prædam sibi videbatur. Sed  
 frustra & hoc: Deus protexit. Nam subito allatus est Sauli tristis  
 nuncijs, irruptionem fecisse alicunde Philistæos; quare propera-  
 ret, & hostem arceret finibus. Ita Dauid post omnem desperatio-  
 nem, iam vnguibus hærens ferocissimæ tigridis, repente dimissus  
 est liber: Deus protexit. Ita omnes impij regis insidias diuina Pro-  
 uidentia elusit suauissimè. Non autem mirum, Dauidem, velut  
 oculi pupillam, à Deo sic protectum; norat exactissimè Dauid di-  
 uinæ se Prouidentiæ attemperare. Et en specimen nobilissimum:  
 Cum Iessæus Rex Dauid rebellem filium Absalonem fugeret, oc-  
 currens in viâ Semci, & atrocissimis maledictis regem lacerans:  
 Egredere, egredere, aiebat, vir sanguinum & vir Belial. Reddidit  
 tibi Dominus vniuersum sanguinem domus Saul, quoniam inuasi-  
 sti regnum pro eo, & ecce premunt te mala tua, quoniam vir san-  
 guinum es. <sup>b</sup> En prodigiosam hominis improbitatem! Neo diui-  
 nam legem, nec Principem populi, nec suum regem quidquam re-  
 ueritus, etiam contumeliosissimè & in os appellat homicidam, fici-  
 rium, tyrannum, inuasorem regni. Indignissimum facinus! Ne-  
 que hoc satis, Principi omnium hominum mitissimo, ac suorum  
 subditorum amantissimo, extremâ insuper calamitate afflicto, ac  
 pæne prostrato, tot probris insultare. Majora facinorosus Semci  
 est ausus. Rex Dauid iam è beato miser, quâ vnâ re nihil est misera-  
 bilius, nudis pedibus, vultu lacrimis confuso incedebat, eum ta-  
 men Semci lapidibus velut furiosum canem appetijt, & pro fiori-  
 bus cæcum in eum coniecit. <sup>c</sup> vere vnguis in vlcere fodiando.  
 Hic iam singularem & omnibus seculis admirandam Dauidis tole-  
 rantiam vide, quâ ille diuinæ Prouidentiæ subiectissimum se gessit,  
 & grauissimam iniuriam quasi diuinitus imperatam agnouit. Di-  
 xerat Abisai, Principis Iobi frater: *Quare maledixit tibi hic mor-  
 tuus Domino meo regi? Et statim es impudens caput eius.* Hic Princeps  
 religiosissimus, iam tertium in regem electus, ab impurissimo  
 capite, à suomet subdito, quem nec verbo nec facto violarat,  
 tam grauiter offensus, non tantum non irasci & fremere, non  
 vlcisci & saxa reuoluere, sed sui calumniatoris patronum agere,

a 22 2.

militum.

a 1. Reg. c. 29. v. 26. b 2. Reg. c. 16. v. 7. &amp; 8. c Vtriusq. Theodoret. q. 32.



inilitum suorum vim ab eo defendere, culpam in se admissam extenuare, violatæ maiestatis reum, diuinæ Prouidentiae instrumentum agnoscere, Deum denique horum omnium auctorem fateri, sic demum præcipere: *Dimittite eum et maledicat: Dominus enim præcepit ei, et malediceret David: Et quis est qui audeat dicere quare sic fecerit.* a Diuinum quid in hac petulantissimi hominis nequitia obseruans David: Dominus, inquit, præcepit ei ut malediceret. Quamuis autem grauissimè Seimei deliquerit maledicendo, tamen idèd præceptum id ei dicitur, ut malediceret, quandoquidem Deus pessimâ Seimei voluntate, quam non fecerat, optimè vsus est ad corripiendum Dauidem. b

Eadem prorsus est ratio, in omnibus aliorum hominum vexationibus & iniurijs, in quibus optimus Deus, pessimorum hominum arbitrio vel ad infantes exercendos, vel ad puniendos fontes vititur. Hæc flagelli loco sunt cum peccauimus, freni loco, ne peccemus. Ideo quisquis iniquè vexatur ab alijs, cum Dauide rectè dixerit: *Propitius sit mihi Dominus, ne extendam manum meam in hunc hominem, ego me non vleiscar.* Viuit Dominus, quia nisi Dominus percussisset eum, aut dies eius venerit ut inoriatur. Ita in diuinam Prouidentiam animo semper excelsissimo feramur. Et quamuis nostri contra nos inimici prudentissimis sese consilijs muniant, non est tamen quod eos formideamus: Domini nutu dissipatum est consilium Achitophel vtile, ut induceret Dominus super Absalon malum. c Eo loco apud Deum sunt probi homines, ut de illis iam olim Deus pronuntiaret: *Qui tetigerit vos, tangit pupillam oculi mei.* d

a 2. Reg. c. 16. v. 10. b De quâ re August. de grat. & lib. arb. c. 20. & seq.

c 1. Reg. c. 26. v. 10. d 2. Reg. c. 17. v. 14.

Considerate mihi obsecro Iosephum Ægypti præregem, per quos anfractus, per quas ductus est ambages, dum ad illud honoris culmen peruenerit: Tantæ gloriæ principium, fraternum fuit odium. Neque hîc stitit malorum impetus: Domesticam inuidiam ingens excepit malum: Ismahelitis velut mancipium venditus est, & in Ægyptum ductus. Nec blandior illum fors in Ægypto salutauit. Hic fauor dominæ tam exitiosus fuit optimo iuueni, quam antea fratrum odium. Cum enim iuuenis castissimus, quotidianas heræ pellecebras surdis auribus transmitteret, apud herum falsò delatus, ad carcerein raptatus, triennio illic innocens deten-

tus est. Sanè non statim atque in Ægyptum peruenit, curru triumphali est impositus:

*Per quos casus, per tot discrimina rerum.*

Ad hoc solij demum euectus est. Ex hæc omnia diuinæ Prouidentiae iussu sunt facta. Locupletissimus testis ipsemet Iosephus, cum apud fratres de diuinâ hæc Prouidentia differeret: Non vestro consilio, inquit, sed Dei Voluntate huc missus sum. « Nolite timere, num Dei possumus resistere Voluntati? Vos cogitastis de me malum, sed Deus, vertit illud in bonum. Hæc non solum audiamus nos, inquit Chrysostomus, sed & imitemur, & ita solemur eos qui nos affligere, non imputantes eis, quæ in nos admiserunt, sed omnia magnâ ferentes beneuolentiâ. Siquidem ita solet prouidentissimus Deus deterrimos etiam amicorum suorum euentus lætissimis successibus commutare. Sæpe beneficijs locum fecit iniuriæ: multi ceciderunt, vt alijs surgerent & in maius. Diuina Prouidentia non modo rectè factis, sed etiam peccatis, ad ea quæ destinauit, vt solet. Vidisti Ioseph? tolle malitiam fratrum eius, tolle inuidiam, tolle patricidij commentum, quo in fratrem sæuierunt, simul abstuleris omnia illa quibus Ægypti stetit incolumitas. Nulla fuisset regij somnij interpretatio, nulla in septennium frumentatio, fame perijsset Ægyptus, perijsset & finitimæ regiones. Vis clariora? tolle Iscariotæ auaritiâ, & Iudæorum inuidiam simul abstuleris gentis humanæ litrum, Christi sanguinem, & mortem. Tolle diabolos: certamina, victoriæ, præmia, magnâ ex parte cessabunt. Tolle tyrannos: vbi martyres erunt? Hic diuinæ Prouidentiae mos est, non solum bonis, sed etiam malis ad bonum vti. Iosephi certè venditio, si actionis huius naturam spectes, efficienter fuit à Deo, at verò ea quæ hac actione tegebatur nequitia, à pessimâ fratrum voluntate. Prouidit autem Deus plurima, quibus hanc omnem iniuriâ emendaret. Pulchrè hîc Gregorius, « Ecce, inquit, quomodo sapientes, in ipsâ suâ sapientia vis diuina comprehendat! Ideo venditus fuit Ioseph, ne adoraretur, & idè est adoratus quia venditus. Idem Mosi contigit. Quem enim Pharaon rex morti destinarat, hunc Pharaonis filia, Deo instigante, sibi educandum commendabat. In aula tuâ, Pharaon, nutrire coges eum, qui vindicaturus est illos, quos tu extremè persequeris. Nouum miraculum, inquit Augustinus, fi-

2 a a 3

lia

a Gen. c. 45. v. 8. & c. 50. v. 19. & c. 20. b Chrys. tom. 1. in c. 45. Gen.

c Greg. l. 6. mor. c. 14.



li a parricida, fecit opus maximum misericordiae. Non est sapien-  
tia, non est prudentia, non est consilium contra Dominum. ◀

до этого собрания. Прот. с. 21. V. 30.

### §. III.

Chariton, cum Hierosolymina tenderet, latronum insidijs in-  
ceptus, in spelæum illorum tractus, & catenis alligatus est. Latro-  
nibus aliò ad prædâ dilapsis, Chariton hoc vnum agere, Deum  
diuinamque Providentiam maximis laudibus extollere, inopina-  
tam illam permissionem secum expendere, ob eamque patri aman-  
tissimo gratias agere, eidemque se impensissimè commendare, nec  
aliud velle quàm diuinam in se Voluntatem perficere. Dum hæc  
animo voluit, serpens è latebrâ prorepit ad camellam lactis ple-  
nam; bibit hinc largius non vocatus hospes, sed pro symbolâ, quod  
ingrati solent, venenum refundit. Vbi latrones in notum cubile re-  
dierunt, primum erat contractam sicut lacteâ promulsâ propitia-  
re: biberunt liberalius quàm serpens, sed ita vt nil biberent ampliùs,  
nam paulò post concepto intra venas veneno, extincti sunt omnes.  
Ergo iam Chariton latronum ex assè hæres, & solus infamis latibu-  
li dominus, diuinæ se Providentiæ ardentius quàm vnquam com-  
mendavit: nec frustra: vinculis ope diuinâ laxatis, pro miserabili  
ergastulo habitaculum reperit opulentum, & pecuniam quidem  
illic inuentam, partim subleuandis egenis, partim monasteriolo  
condendo adhibuit. Ipsa latrocinantium specus in templum mu-  
tauit, vbi tam Iudæi quàm Idololatæ Christianis sacris inbani-  
sunt. 4. O admiranda diuinæ Providentiæ strategemata! Optime  
Tobias: Si me ipsum, inquit, tradam tibi seruum, non ero condigi-  
nus providentiæ tuæ.

Sancta Monegundis ad illam vitæ sanctimoniam nunquam per-  
uenisset, nisi eam diuinam Prouidentia, per varias ambages ille-  
duxisset. Duas habuit filias Monegundis excellentis formæ virgi-  
nes, quibus omnem curam & amorem impendit mater, tunc tem-  
poris parum pia. Hanc peccandi illecebram amoliri placuit diuinæ  
Prouidentia. Ita ambæ filiæ præmaturâ morte sublatae sunt. Ma-  
ter suo ipsa funeri velut superstes, omnem odisse vitam, capillos  
vellere, lacerare genas, omne doloris solatium spernere, nec aliud  
velle quàm filias celerius sequi moriendo. Postquam lacrimis  
non nil egessus dolor, luctu iam remittente, compos sui facta  
Monegundis: An non, inquit, insigniter fatua sum quæ diuinæ  
Pro.

Prouidentia tam contumaciter reclamo? quid ago? an nesciebam me genuisse filias mortales? an ad hoc natae sunt; ut mori non possent? Dei mater, Dei filius, homines Deo charissimi moriuntur, & ego indigner filias meas desisse viuere? quæ forsan ideò morte occubuerunt, ne succuberent vitijs. Quid igitur meis querelis Deum incesso, qui nihil potest mali velle; quin stultam hanc lamentationem finio, & in diuinæ Voluntatis ac Prouidentia sinu me totam compono? Ita dixit, ita & fecit; Mundum res suas habere iussit, ipsa in domunculam cum ancillula se conclusit, Deo deinceps omni conatu seruitura. Hanc vitæ mutationem superis placuisse, miracula manifestum fecerunt. Monegundis namque plurimos ægrotant, sine pharmacis conserauit, Gregorio Turonensi teste. Tanti est ex integro diuinæ Prouidentia se permittere. Verissime dixit Augustinus: Qui habuit curam tui antequam esses, quomodo non habebit curam tui, cum iam hoc es, quod voluit ut esses?   
a. Greg. Tur. de Glor. Confess. c. 24. b. Aug. tom. 8. in Ps. 39.

## §. IV.

Robertus, primus Molismensis abbas, diuinæ Prouidentia studiosissimus cultor, quicquid potuit in pauperes erogauit. Fuit ut duobus mendicis ante fores expectantibus duos panes iuberet dari: at œconomus se opponere, & nec in prandium quidem suffecturam annonam dicere. Quid ergo, inquit Robertus, prandebimus? Nescio, ait œconomus. Suboluit hic viro sancto, aliquid tenacitate malè provida recondi. Igitur re diuinā peractā cum signum daretur ad mensam, sciscitatus est abbas, unde panes allati essent? paucos, inquit obsonator, pro nobis reſeruauit. Robertus religioſe ex-candescens, panes omnes in canistrū iussit colligi, & mox ad mendicos foras efferri, & ad suos versus: Ne, inquit, parendi contumacia, & diffidentia domi nostræ latius grassentur, ieiunium & fames docebunt nos Deo fidere. Volebat Robertus, ut sui omnes à liberalissimā Dei Prouidentia toti penderent, velut infans à matris uerbis. Optimum pharmacum malæ parsimonie inedia.

Narrat Dorotheus, senem religiosissimum è stomachi languore cibos nausse diebus aliquot. Iuuenis qui seni seruebat, appetentiam cibi reuocaturus, edulia mellita censuit coquenda. Itaque è duabus ampullis illam arripit inconsideratus, quā foetidissimum oleum è lino seruabatur. errorem textit vasorum similitudo. Ergo ut seni faceret bene, largius affudit non mel, sed ipsam



panē mortem, coxitque puliculam, nec cani quidem apponen-  
dam. Senex, agrotus vix gustauit satuum cibum, & sui cori ma-  
num errasse deprehendit, siluit tamen, & ultra vires comēdit. tan-  
dem reluctante stomacho posuit cochlear, nec verbulo quidem ob-  
corruptissimum ferculum conquestus. Hic socius hortari, & ur-  
gere, liberalius ederet dulciculum opsonium, se omnem in eo ar-  
tem consumpsisse, valetudini hoc mirē facturum, & verō etiam  
se prære velle, nobilem hanc dapem sumendo. At optimus senex  
adeo bilem in statione continuit, vt non tantum non asperiore  
voce vllā, sed nec cogitatione quidem acerbā in socium comino-  
tus, hoc vnum excusarit, succumbere se his ciborum cupedijs.  
Socius ergo mellitas has pulres vix primoribus labris gustauit, &  
mox ad genua senis aduolutus: Occidi te pater, ait, & cur obse-  
cro, temerariam meam incogitantiam silentio tuo confirmasti?  
Cui senex: Ne, inquit, angaris animo, fili: Si enim voluisset Deus  
vt mel ederem, mel vtrique cibo affudisses. Optimē, inquit Doro-  
theus, locutus est senex, certō enim sciebat, quod si voluisset Deus  
mel à se comedi, socium suum errare non permisisset, aut, quod  
æquē facile Deo, foetidissimum illud oleum in liquorem melleum  
vertisset.

Ita se gerit, qui diuinam in omnibus Providentiam agnoscit:  
non vertit omnia in peius nec quærit cui casum suum imputet, sed  
peccata hominum, ad Dei Providentiam potius refert. Quicquid  
accidit, benignē interpretando leuat.

*a* Doroth. senm. de omnibus contingentibus ad Deum referendis.

## §. V.

Hic velim, Lector, vnum aliquid enucleatissimē à te capi. Hie-  
ronymi dictum est: Omnia providentiā Dei gubernantur, & saepe  
quæ putatur pœna, medicina est. Vbi mirabile illud obseruan-  
dum: Diuinam Providentiam sinere suis quæque moribus ferri,  
vsque in certum tempus. Hic enim diuinæ Providentiæ mos est, vt  
paullatim & per incrementa temporum, ad destinatos quæque fi-  
nes perducatur, nam minima æquē ac maxima ordinat. Eam ob-  
causam philosophorum sol Epictetus excellentissimē dixit: Ne  
postules ea quæ fiunt, arbitrato tuo fieri, sed si sapias, ita fieri quæ-  
que velis, vt fiunt. Christianum, diuinum documentum: Ita fiet  
et quæque & tu, & si fuerit. Simillimē locutus Basiliius: Quoniam, in-  
quit, res non ita eueniunt vt volumus, quemadmodum eueniunt,

*a* Epict. Enchir. 13. & c. 71. 79.

sic

sic velimus. <sup>a</sup> Eodem prorsus modo Nilus abbas: Non ora, inquit, ut fiant quæ fieri velis, sed potius ora, sicut orare didicisti, ut fiat Voluntas Dei in te. <sup>b</sup> Non aliter piissimus ille scriptor Thomas à Kempis: Homo internus, inquit, citò sese colligit, & sicut res eueniunt, sic se illis accommodat. <sup>c</sup> Ita fieri quæque velis, & fiunt. Huius rei veluti causam reddens Epictetus: Necessitati, ait, qui probè se accommodat, sapit, èstque rerum diuinarum conscius. Sed & tertium illud addit: O Crito, si Dijs ita visum, ita fiat. Me autem Anytus & Melitus occidere sanè possunt, lædere verò non possunt. Quid magis Christianè dici potuisset: & quàm perspicaces oculos in diuinam Providentiam fixisse censendus est Epictetus, cuius illud vel vno die millies repetendum: Ita fieri quæque velis, & fiunt, si Deo ita visum, ita fiat. Ergo nullos euentus certos expectemus, nil certi vnquam designemus, nisi hoc vnum vnicum, ut Dei fiat Voluntas. Ecquid aliud beatus Chrysostomus, quid aliud sanctorum Patrum senatus vniuersus clamat, quàm hoc ipsum: Nemo læditur nisi à seipso. Morbus est corporis impedimentum, inquit Epictetus, instituti non item, nisi ipse velis. Claudicatio pedis est impedimentum, instituti non item. Quòd si singulis in rebus quæ incidunt, consideraris, inuenies eas alterius cuiuspiam rei, non tui esse impedimentum. <sup>d</sup>

Hinc tam animosè Iacobus anachoreta, dæmoni plagas minitanti respondens: Si tibi, inquit, permissum est à Deo, percutere, quid moraris, percutere, & plagas libenter accipiam, ut qui ab illo feriar, qui feriri me permisit. Si autem id tibi permissum non sit, non percuties me, etsi millies infanias. <sup>e</sup> Hinc etiam Irene Imperatrix à suo seruo deiecta imperio: Ego, aiebat, Deo acceptum refero, quòd me orphanam & indignam euekerit ad imperium. Quòd verò iam me deiici permittat, meis id peccatis adscribo. In omnibus autem bonis & malis sit nomen Domini benedictum. <sup>f</sup> Certissimum: Nemo læditur nisi à seipso. Ideò Augustinus: Constantè Deo crede, inquit, ei que te totum committe quantum potes: ita enim ipse te ad se subleuare non desinet, nihilque tibi euenire permittet, nisi quod tibi proffit, etiam si nescias. <sup>g</sup>

Vt autem hoc quisque sibi persuasissimum habeat, expedit ut fundamentum illud assidue menti obuersetur: Nihil vlli vspiam aduersi sine nutu Voluntatèque Dei posse accidere. Nec enim

<sup>a</sup> Basil. ad Eustach.

222 5

diabolus

<sup>b</sup> Nil. c. 29. de orat. <sup>c</sup> Thom. à Kemp. l. 2. c. 1. <sup>d</sup> Epict. Enchir. c. 23.

<sup>e</sup> Theodoret. in vitis SS. l. 1. c. 21. <sup>f</sup> Paulus Diac. l. 23. <sup>g</sup> Aug. in soliloq. c. 15.



diabolus nec mortalium ullus obesse nobis poterit, si Deus id non permiserit. Quisque nostrum cum Iacobo eremita in omnes inimicos suos liberrime proclamet: Tu non percuties me, nec tu, nec iste, nec ille, nec vos omnes me vnquam percutietis, etsi milles insanietis & ringamini, si à Deo id vobis non sit permissum. Neque tantum à Deo omnia, grauissimas etiam ærumnas, tanquam à supremo Rege prouenire credendum, sed eadem sic etiam prouenire tanquam ab amantissimo patre in nostrum commodum & vtilitatem immissa, atque adeò neminem omnino lædi nisi à se ipso prout castissima Iuditha nos instruens: Nos ergo, inquit, non vlciscamur nos, pro his quæ patimur: sed reputantes peccatis nostris hæc ipsa supplicia, minora esse flagella Domini, quibus quasi serui corripimur, *ad emendationem; Et non ad perditionem nostram euenisse credamus.* Tam rectæ Deus voluntatis est, vt non velit, nec velle possit, nisi quod nobis bonum sit, & quidem maiori bono. Quid ni hoc velit Deus? Optimus est. quid ni possit? Maximus est: adeoque vires nullæ sunt supra ipsum, vt nullæ nisi ab ipso. Vnde quaque & ex omni parte, bonæ Dei Voluntate ita circummuniti sumus, vt ad nos nihil nisi per Prouidentiam diuinam, per ipsum Deum possit perungere. Verè Domine, vt scuto bonæ voluntatis tuæ coronasti nos: Nemo igitur indignetur sibi hoc illudue triste accidere; sciat illa ipsa quibus lædi videtur, ad conseruationem vniuersi pertinere, & ex his esse quæ cursum Mundi officiumque consummant.

Antonium Magnum subinde ingens diuersarum belluarum exercitus ab Orco circumdedit, qui extrema omnia minabatur. Irascedens hunc omnem bestiarum cuneum Antonius: O miseri, ait, vt me terreretis, belluas induistis, vel multitudine victuri: si quid vobis esset virium, me vna e vobis vincepet, sed quia reclusis viribus inualidum nos pugnat, exercitum obijcitis. Si quam vobis in me licentiam permisit Deus, inuadite, lacerate, sorbete me: si iuris nihil dedit, laborem frustra sumitis.

Eidamus ergo Prouidentie diuinæ: Dominus regit nos, & nihil nobis deerit.

<sup>a</sup> Iudith. c. 8. v. 26. & 27.

<sup>b</sup> Psal. 5. v. 13.

## CAP. IX.

*Quanta Dei Providentia sit tam in amicos quam*

*inimicos.*

**V**etus est apologus qui Providentiam divinam hunc in modum proponit. Ad ritulum lustrabat inter flores puerulus. Tandem puerili discursatione fatigatus, iuxta aquas loco periculoso confedit, & obdormiit. Mox adfuit Fortuna, & dormitantem puellum increpitans: En, inquit, miselle, quam pronum est hinc in aquam delabi: Surge, & vicino periculo te subtrahe, ne si quid tibi inani eueniat, omnes in me culpam deriuent. dicantque non te, sed me dormiisse, quæ te dormientem neglexerim. Pulchrè hoc Providentiæ Dei asserendæ excogitatum. Inter omnes Christianos constat, de quo illud pronuntiarit psaltes: Ecce non dormitabit, neque dormiet qui custodit Israel.

Platonis Deus tam acres habet oculos, ut eos nihil effugiat; aures habet tam acutas, ut eas nil prætereant, nil fallat, ut qui ipsas etiam audiat cogitationes; porro brachia manusque habet tam longas, ut is nemo elabatur. <sup>b</sup> Hoc philosophos ratio docuit, quod nos non solum ratione, sed etiam sacris paginis discimus.

<sup>a</sup> Psal. 120, v. 4.

<sup>b</sup> Plato de Rep.

## §. I.

Siracides de diuinâ Providentiâ dilucidè: A sæculo, inquit, usque in sæculum respicit: & nihil est mirabile in conspectu eius. Opera omnis carnis coram illo, & non est quidquam absconditum ab oculis eius. Non est dicere, quid est hoc, aut quid est istud? omnia enim in tempore suo quaerentur. <sup>a</sup> Præterita, præsentia, futura distinctissimè vnòque intuitu peruidet Deus: Omnes ipsius oculis præsentibus sumus, Adam & Antichristus, omne humanum genus, creata omnia. Tam autem diuina Providentia falli non potest, ut rectè dixerit idem Siracides: Omnia opera Domini bona, & omne opus horâ suâ subministrabit. Non est dicere, Hoc illo nequius est: Omnia enim in tempore suo comprobabuntur. <sup>b</sup> Hinc merito dixit Augustinus: Confiteri, Deum esse, & negare præscium esse futurorum, apertissima insania est. <sup>c</sup> Verè Providentiæ Dei attingit à fine usque ad finem fortiter, & disponit omnia suauiter. <sup>d</sup> A supremis Angelorum Seraphinis, ad minimos in terrâ vermiculos,

<sup>a</sup> Eccli. c. 39, v. 24, 25. & 26. <sup>b</sup> Eccli. c. 39, v. 39. & 40.

Aug. l. 5. de Ciui. c. 9. <sup>d</sup> Sap. c. 8, v. 1.



miculos, infomnes Dei curæ descendunt, imò nunquam absunt. Moses olim & Aaron proclamant: Vespere scietis quòd Dominus eduxerit vos de terrâ Egypti, & manè videbitis gloriam Domini. « Sanè in mortis vespere cognoscemus nos omnes, obstupescendam Dei in nos Prouidentiam. Nam à Domino diriguntur gressus viri, quis autem hominum intelligere potest viam suam. Longè prouidentissimè ducit nos Deus, sed sæpe per flexos aditus, & labyrinthos pænè inextricabiles, sed ille nouit quâ nos viâ educat in cæli viridaria. Quid ergo querimus contra circumspexitissimum hunc ductorem? Si quis eum tabellario viarum peritissimo iter ingrediatur, & vbi salebrosæ, difficiles, ac flexuosæ se viæ obtulerint, incipiat queri, dicatque: per quæ me auia ducis, vir bone? nisi me valdè fallo, iam dudum itinere decessimus. Huic viæ auctor promptè respondebit: Ne sollicitus sis, mi Domine, & hanc mihi curam relinque: per aliquas, fateor, ambages te duxi, quòd si limite recto iuissimus, in paludes illas ineluctabiles incidissemus: fide mihi: sic ducam, vt te huius comitis non poeniteat. Semita trita & tuta, nemini nimium longa sit aut aspera. Ita nos diuina ducit Prouidentia: per crebros quidem anfractus, pèrque varios viæ flexus incedendum est: sed quid indignamur optimo duci? modò via sit secura, quid refert, si sit salebrosa.

a Exod. c. 16. v. 6.

b Prou. c. 20. v. 24.

## S. II.

Videte mihi regem Saul, regum optimum, si tam bene finisset, quàm cœpit. Non erat vir de filiis Israël melior illo. « Hic ipse dum patris sui asinas quæsiuit, regnum inuenit. Sed diuinam in hunc virum Prouidentiam paullo altius consideremus. Dixerat Deus Samueli: Hac ipsâ horâ, quæ nunc est, cras mittam virum ad te de terrâ Benjamin, & vnges eum ducem super populum meum Israël. « Mittendi modus hic fuit. Pater Saulis asinas amisit, has quæsitum amandauit filium. Saul patris dicto audiens, adscito in viam comite, omni conatu iumenta quæsiit: Ephraim montem transcendit, terram Salisa percurrit, asinas non reperit: tractum Iemini, & oram Salim lustrauit, sed nullam vsquam asinarum vestigium. Demum Saul ad comitem: Domum, inquit, redeamus, ne patri meo grauiorem nos sollicitudinem iniiciamus quàm asinæ, cogaturque quærere quærentes. Hic comes consilium fugerere & dicere, non procul inde virum Dei habitare, videri pro-

sus optimum factum, si hunc adeant, & super amissis iuuentis inter-  
 rogent. Saul occasionem non spernendam ratus, instituit & istud viae  
 deuorare: Sic sane post longa diuerticula delatus est ad Samuelem,  
 futurorum plane ignarus. Vix autem in mutuum aspectum & col-  
 loquium ventum est, cum Deus Samueli dixit, hunc ipsum esse,  
 quem Hebræo imperio destinasset, hunc in regem vngendum.  
 Omnia ordine facta. Ita Saul & asinas inuenit quas quaesuit,  
 & regnum reperit quod nunquam somniauit. O quanta diuinæ  
 Providentiæ abyssus, arcanum quantum! & quàm diuina ab hu-  
 manis iudicijs diuertunt! Nihil minus Saul cogitabat quàm scep-  
 trum & diadema, cum in solium diuino calculo attollitur. Ita  
 non casu perditæ sunt asinæ: Non casu missus est Saul qui eas inda-  
 garet: nec casu factum ut illas non statim inueniret, sed nec casu  
 consilium adeundi Samuelis à famulo suggestum: singulari Dei  
 providentiâ, eoque fine facta sunt hæc omnia, ut Sauli deferretur  
 sceptrum in Israël. Sed quæras forsan, cur Deus Saulem in  
 regem vngi voluerit, quem præsciuit multa impiè facturum, &  
 pessimè finitum? Idem quæram & ego: Cur Deus Angelos  
 creauit in gratiâ, quos sciuit æternum torquendos in gehennâ?  
 Cur Adamum in amoenissimo horto collocauit, & quo eum breui  
 sciuerat exturbandum? Cur Christus Iudam Iscarioten in Apsto-  
 lum elegit, quem præsciuit fore proditorem? Cur Apostolos suos  
 in ciuitatem Samaritanorum misit, quos præuidit non recipien-  
 dos? Quid hoc lusus est? Et tamen eius generis infinita sunt. Hie-  
 ronymus ad rem respondens: Vis, inquit, scire rationem? Deus  
 præsentia iudicat non futura, nec condemnat ex præscientiâ, quem  
 nouerit talem fore, qui sibi postea displiceat: sed tantæ bonitatis  
 est, & ineffabilis clementiæ, ut eligat eum, quem interim bonum  
 cernit, & scit malum futurum, dâns ei potestatem conuersionis &  
 poenitentiae. Neque ideo peccauit Adam quia Deus peccatorum  
 præsciuerat, sed ideo præsciuit Deus, quia ille propriâ voluntate  
 erat peccaturus: Nec in eo, inquit Ambrosius, læsus est vel Adam,  
 quia mandatum accepit, vel Iudas quia electus est: non enim  
 necessitatem Deus vel illi præuaricationis, vel huic proditiõis  
 imposuit, quia vterque si quod acceperat, custodisset, à peccato  
 abstinere potuisset. Quos scit Deus in bono mansuros, frequen-  
 ter antè sunt mali; & quos scit malos permanuros, aliquoties prius  
 sunt boni. <sup>b</sup> Stas modo: vide ne cadas. Apostolus, Ecclesiæ prin-  
 ceps



ceps lapsus est: Tu vigila: Iudas cecidit, ut tu stares. Hinc magnum didicimus documentum, inquit Euthymius, quod neque humana promptitudo quidquam efficiat absque diuino auxilio, neque diuinum auxilium prosit absque promptitudine humana. Viri utque rei exempla sunt Petrus & Iudas. Oportet ergo neque obdormire, omni negotio in Deum reiecto, neque rursus patiare se ipsos omne opus efficere. Siquidem nec totum operatur Deus, ne otiosi permaneamus; nec totum nobis permittit, ne gloriamur: sed ab vnoquoque quod nocuum est auferens, quod vtile est nobis relinquens. <sup>a Euthym. c. 54. in Matth.</sup>

## §. III.

Sed Saul etiam mihi in animo est. Admirabilis fuit in omnibus circa hunc regem Providentia Dei. Nam qui toties Philistæorum mucrone Dauidem perdere inuitiose studuit, ipse ingenti Philistæorum exercitu vallatus à Deo desertus, Pythonem per summum scelus consulto Samuelem habuit nuncium imminenti ruinæ, quàm nec ferre miser potuit, nec vitare. Heu, quàm vigilans est Vindicta diuina! Qui seipsum neci dederat, ut hostiles illusiones effugeret, ille idem præ omnibus Israelitarum regibus, illusus & contumelijs affectus est. Nam caput eius tota Palestina ludibrio circumlatum, cadaver volucribus in escam abiectum est. Et o Deus, quàm nihil Providentiam tuam præterit! Hic idem Saul qui Amalecitas, Deo iubente, penitus delere noluit, eo miseriarum reductus est, ut beneficii loco duceret ab Amalecitis interitum. Pondus & statera iudicia Domini sunt.

Solet autem diuina Providentia, nec statim omnia scelera punire, nec omnia relinquere impunita. Si nunc ja puniret, nullam esse Providentiam multi dicent, si verò in omnia mox animaduerteret, nihil post hanc vitam vel præmij, vel supplicij superesse crederent. Ita Deus dum quædam punit, providentiam suam ostendit, dum quædam relinquit impunita, ad futuræ vitæ reservat supplicia. Eodem consilio quosdam suorum periculis subducit, alios impiorum furori vexandos obijcit: providentissimè omnia. Sic tres Hebræos iuvenes Babylonis flammis eripuit, septem Machabæos fratres ab Antiocho excarnificari sustinuit: tam illud quàm istud, & iuste & providè.

Illustrissimum & hoc diuinæ Providentiæ argumentum fuit

quod plures commemorant. Cyrus Panopolites, poeta nobilissimus, princeps architectorum, pace & bello insignis, quam enim sapiens, tam etiam fuit industrius, sed, quod vnum illi deerat, nondum Christianus. Hic in Eudocia Imperatricis Augusta familiaritatem se insinuans, tantam sibi gratiam suâ poësi conciliauit, ut ab Imperatore Theodosio iuniore proximus, Urbi & Praetorio præfectus, Patricius, Consularis, summis denique dignitatibus fulgeret. Simul tamen varijs & acerbis casibus vir iste iactatus est, & deinum perijisset, nisi naufragium fecisset, quo alij solent perire. Nam magnâ Dei Providentiâ, è summis, acâ vertente, ad ima deiectus est. Siquidem eâ re, quâ apud ciues magnam gratiam collegit, apud Imperatorem non mediocriter offendit. Verum saluti fuit, quod esse credebatur exitio. Cum enim Cyrus, Constantinopolis veteres muros demolitus, duobus intervallis additis, alios intra sexagesimum diem extruxisset, populus inauditi operis festinatam pulchritudinem obstupefiscens, in Circo, præfente Imperatore exclamavit: *Constantinus condidit, Cyrus instauravit.* Vulneratus his vocibus Imperator, Cyrum sub eo prætexit, quod Græcæ superstitionis cultor esset, Præfecti dignitatem priuari, & bona illius publicari iussit. Accesserunt & aliæ quodque calamitates. Vxorem Cyri filiamque cacodaemon, inuisus hospes infedit. Hæc quidem Cyro, invidiâ Principis (ut videbatur) benignissimâ tamen Providentiâ Dei sic eueniunt, ut vim medicamenti obtinuerit tam multiplex calamitas. Qui enim in tot signa atque prodigia, etiamnum Deorum cultor perseuerabat, violento remedio curandus erat, & reddendas sanæ menti. Itaque Cyrus tot ærumnis pressus, ad Christianorum Deum confugere instituit, sacris Christianis imbutus, & in Clericum attonus, quoad vixit Smyrnæ Pontificem egit. Gratiâ agat Cyrus diuinæ Providentiæ maximas: Sane perierat, nisi sic perijisset.

Cedrenus, Euagrius, Nicephorus, sub annum Christianum 440.

#### §. IV.

In hunc modum res aduersas omnes quæ in hac vitâ eueniunt, diuina Providentiâ suâ gubernatione tam amanter complectitur, ut vniuersas vitæ misérias disponat, & ordinet in nostrum bonum, & ipsa etiam peccata permittat, ob altos & secretos sui regiminis fines. Eiusdem enim diuinæ Providentiæ est, & facere bona,



bona, & permittere mala. Certè Deus nil vnquam mali permitteret, nisi adeò potens & bonus esset, vt è quouis etiam malo bonum eliceret. Dic, obsecro, quæ vnquam maiora in Orbe mala fuerunt quàm facinus Adam, & occisio Christi? Et tamen noxa primigenia, Deum in humana membra è cælo detraxit: Mors Christi cælum nobis, & bona omnia restituit. Is artifex est Deus, vt è malis omnibus, velut è numis plumbeis eliquare possit probatissimum aurum: Diligentibus Deum omnia cooperantur in bonum. Magdalene vitiositas multos correxit, Lapsus Petri quàm plurimos erexit, dubitatio Thomæ innumeros confirmauit. Deo illud laudi est: *Mors, & bi non seminasti.* Cum enim peccata non seminet, ex eis tamen colligit messem complurium bonorum. Verè Deus mel de petrâ, oleumque de saxo durissimo b fugit, cum è grandibus malis, bona non minora elicit.

Ita verò diuina Providentia circa nos nostraque omnia vigilat, vt omnes & corporis molestias minutissimè iam decretas habeat. Ea propter quouis hominum, ad cuiusvis morbi principium, secum ipse ratiocinetur in hunc modum: Hic morbus è quacunque causâ, siue meâ intemperantiâ, siue alterius maleuolentiâ, vel aliunde contractus, à diuinâ prorsus Providentiâ est, quæ illum viribus meis sic accommodauit, vt illius initium, grauitas, incrementum, inclinatio, remissio ab eadem omnino pendeant, ita vt humor (verbi gratia) qui iam caput afficit, non possit in aliam partem defluere, nec crescere, aut plures horas durare quàm decreuerit Deus. Eadem pariter Providentia diuina remedium, & curationis euentus sic disponit, vt medicus quid faciendum aut intelligat, aut morbi vim non assequatur, & erret, & vt pharmaca vel apta malo, vel inepta, opportunè vel importunè præbeantur, atque vt cetera medicamenta vel leuent morbum, & ad sanitatem proficiant, vel malè respondeant, & à morbo vincantur, ita vt nil penitus horum casu accadat. Omnia morbi momenta, & minimè quæuis motiunculæ, Deo moderante, eò diriguntur, vt quod diuina Voluntas constituit, assequatur. Certè sanitas & ægritudo, vita & mors à Deo sunt, à Deo est omnis medela. c

Eodem prorsus modo in omnibus aduersis, quæ vel corpus, vel animum afficiunt, de diuinâ Providentiâ ratiocinandum est: Inimicus tibi maledicit? Vide, mi homo, omnes illius calumnias,

omnia

omnia verba, syllabas omnes, quas in te ore tragico euomit, à diuina Providentiæ statera iam ab aeterno appensa sunt; quantum illi permissum est, hoc in te dicet, & nec vnicâ quidem syllabulâ amplius. Quid igitur pugnas, & incassum ringeris? Eandem rationationem hanc adhibe miserijs tuis omnibus, quarum ordo, numerus, intensio, tempus, conditio, ad vnguem constituta sunt à diuinâ Providentiâ. Huic te submitte & dic: Obinurui & non aperui os meum, quoniam tu fecisti. Tu mi Deus, tu hæc fecisti, tua Providentiâ, Voluntas, Permissio hæc in me immisit: quia ergo tu hæc omnia fecisti, impius ego sum, qui contra te querar. Ergo Voluntati tuæ pareo, & quicquid ab eâ est, tolero.

Quæ hætenus dicta, Clemens Alexandrinus consignans: Hic ergo, inquit, tali cognitione præditus, quique est fidelis & cui est persuasum, quæ sunt in Mundo optimè administrari æquo certè fert animo omnia quæ eueniunt. Nota: *Cui persuasum est, quæ in Mundo sunt, optimè administrari.* Sed profecto non ratione hominum, qui toties grauissimè errant, sed Dei ratione, optimè omnia administrantur, Deus enim per instrumenta etiam pessima, suam tamen Voluntatem perficit. Consilium eius stabit, & omnis Voluntas eius fiet. *a Pl. 117. v. 101. b Ilc. 46. v. 12.*

## §. V.

Hæc diuinæ Providentiæ quotidiana consideratio altissimam animo pacem conciliat, & omnem hominis voluntatem subijcit diuinæ, idque suavi negotio. Quisquis igitur diuinæ Providentiæ totum se regendum committit, istam liber ab innumeris molestijs, sedet *in pacis tranquillitate, in tabernaculo fidei, & in requie opulentia.* a Hinc Alois abbas dicere solebat: Non habebit homo requiem, nisi dixerit in corde suo: Ego & Deus soli sumus in hoc Mundo. b Hoc ipsum Augustinus confirmans: Sic curas, ô Deus, vnumquemque nostrum, inquit, tanquam si solum cures, & sic omnes tanquam singulos. c Ipsissimum hoc & Gregorius asserens: Sic Deus intendit singulis, inquit, ac si vacet à cunctis, & sic omnibus simul intendit, ac si vacet à singulis. d Ita, mi homo, te curat, ita tibi prouidet Deus, ac si aliud, quod curet, prorsus non habeat. Hominum multitudo diuinam Providentiam non turbat, idem illi vnus, & mille homines: quemadmodum Noë multum cum alijs septem hominibus arcam conclusum, aut vnicum in Elysijs campis Adamum curæ habuit, sic omnes nunc habet. Huic prouidentis-

a Ilc. 32. v. 18.

b b b

fimo

c Doroth. Doct. 7. d Aug. 43. confessorii. d Greg. 125. mor. c. 19.



sumo curatori suo, proborum quicquid dixerit? Dilectus meus mihi & ego illi: Ego Deum & diuinos nutus sic obseruo, perinde si aliud in Orbe non sit quod obseruem aut astinem: mea vicissim salus sic Deo curæ est, tanquam si aliud in Orbe non sit quod curaret aut cogitet, ille mihi, & ego illi; ille Dominus gubernans me, ego seruulus ad dominicos iussus paratus. nam ita ille pactus est mecum: Cogita tu de me, & ego continenter cogitabo de te: obliuiscere tu tui, & memineris mei, sic ego memor promissi mei, vicissim iugem tui curam habebo.

Hic illud solatij plenum est: Deus non sic gubernat nos, ut Princeps prouinciam, Rex regnum, summus Pontifex Christianum Orbem, quibus opus est tot aliorum operâ. Pontificis curas tot Archiepiscopi, tot Episcopi, tot alij magistratus sacri subleuant: Regibus proreges, principes, dynastæ, consiliarij, senatores sunt, in quos illi suæ gubernationis curas partiuntur: Non ita Deus eâ prouidentia gubernat vniuersos quâ singulos, ita vnumquemque hominum peculiari, sicut omnes generali curâ complectitur. In omni loco oculi Domini contemplantur bonos & malos: Respicit Dominus vias hominis, & omnes gressus eius considerat. b

Vtinam in singularissimæ huius planæque paternæ Prouidentia abyssum liberrimo nos iactu præcipitemus. Quisque sibi securissimè polliceatur: Dominus sollicitus est mei, Dominus regit me & nihil mihi deerit. Si quidem animi tranquillitatem amamus, si Deo fidere, si diuinæ Voluntati in omnibus parere desideramus diuinam hanc Prouidentiam assidue in oculis habeamus, tanto futuri deuotiores diuinæ Voluntati, quanto fuerimus Prouidentia diuinæ fidentiores.

a lfc. 48. v. 17. b Prou. c. 15. v. 31. & c. 5. v. 21.

## C A P. X.

*Quanta nihilominus plurimorum hominum de Deo sit diffidentia.*

**N**IL crebrius Christus, nil & acerbius in suis discipulis castigauit quàm diffidentiam. Hinc illos modicæ fidei, tardos corde, generationem incredulam, peruersam appellauit sæpius: varia tentauit optimus magister, ut sui dediscerent diffidentiam. Quod enim ille Domini sopor in nauigio, illa panum penuria, quod examen super comineatu in solitudine peruehendo, quod illa Petri in aquis fluctuatio spectabat? diffidentia proponebatur dediscenda; & hoc sibi

sibi voluit voces illæ: Modicæ fidei, quare dubitasti? perinde si dixisset sapientissimus doctor: Ergone vos tam indociles, ut primam hanc summe necessariam institutionem non possitis capere?

In varias sese formas diffundit diffidentia. Sunt qui ideò diffident Deo, quod putent illum suis hostibus nimium indulgere, & laxare omnes habenas: Alij diffidunt se impetraturos à Deo quod rogant, præsertim si ob admissa olim peccata, conscientiae angoribus vrgeantur, metuantque ne Deus veniam negarit etiam petentibus: Alij Deo diffidunt, ne forte subtrahat victui necessaria. Triplex hoc diffidentiae genus plurimos hominum rectissimâ fraude à Deo abducit, & præcipitat. Hoc autem diffidentiae vitium tanto magis noxium, quanto minus notum est. Quod si originem huius vitij libeat indagare, reperiemus, ex eo etiam nasci diffidentiam, quod quis ipse sibi nimium fidat. Quam hoc & frequens & periculosum sit, sibi ipsi fidere, antequam ad alia progrediamur, hic exponendum.

## §. I.

Salomon hanc sui fiduciam grauer perstringens: Qui confidit in corde suo, inquit, stultus est. Ideo toties monet: Ne innitaris prudentiae tuae: Ne sis sapiens apud te metipsum. Nimirum prima stultitiae rudimenta sunt, se sapientem credere. Quis autem illi Phœnix est, qui res suas non aestimet, qui parui pendat, qui non aut vires, aut formam, aut opes, aut eruditionem, aut prudentiam suam subinde blandis oculis circumspiciat: sed suo damno, Nam, qui confidit in cogitationibus suis, impiè agit. Deus, ut hanc nobis impietatem extorqueat, sæpe nos grauer castigat, aut indociles disciplinâ suâ penitus excludit.

Videte mihi Goliathum tantopere sibi præfidentem, quasi vno spiritu difflaturus sit totos exercitus. Cumque vidisset contra se progredientem pastoritium iuuenem Dauid, acerbo scominate tantillum aduersarium contemnens: Veni, aiebat, ut discerpam te, in pabulum bestiis obijciendum. Sed quàm hæc sui fidentia compressa est! quis enim ita lapidem rexit, ut rectissimâ Goliathi frontem peteret, nisi Dei certissima manus? quæ fastuosam illam turrim, non ballistis aut catapultis immanibus, sed lapillo vnico deiecit.

Holofernes æquè præfidens sibi, tanti non erat Deo, ut virili dex-



trâ caderet; omnem illius arrogantiam femina triumphauit. Chaldaus monarcha Nabuchodonosor in palatio suo obambulans: Nonne hæc est, aiebat, Babylon magna, quam ædificauit in domum regni, in robore fortitudinis meæ, & in gloriâ decoris mei? An non vrbs inclita est? ego illius conditor sum. O mi Nabuchodonosor, antehac centena tibi fercula in regum prandium cenamque apponi solebant, deinceps apponetur vnicum & valde insuetum, dum discas rectius & cogitare & loqui. Vt verò ubi sapiet ientaculum bouin? fœnum tamdiu comedes, dum sapere discas, & stylum vertas. Balneum tuum gelidus ros erit, Attalica vestis capilli tui, pro anulis vngues auium habebis. Cūque sermo adhuc esset in ore regis, vox de cælo ruit: Tibi dicitur Nabuchodonosor rex, regnum transibit à te, & ab hominibus eijcient te, & cum bestiis feris erit habitatio tua: fœnum quasi bos comedes, & septem tempora mutabuntur super te, donec scias quòd dominetur Excelsus in regno hominum, & cuicunque voluerit det illud. Ita nimia sui fidentia hominem in feram mutauit: Sed audi vt è ferâ in hominem remigrarit, & Deo non sibi fidere didicerit. Igitur post finem dierum, ego Nabuchodonosor oculos meos ad cælum leuaui, & sensus meus redditus est mihi, & Altissimo benedixi, & viuentem in sempiternum laudaui, & glorificaui: quia potestas eius, potestas sempiterna, & regnum eius in generatione & generatione. Et omnes habitatores terræ apud eum in nihilum reputati sunt: iuxta Voluntatem enim suam facit tam in virtutibus cæli, quàm in habitatoribus terræ: & non est qui resistat manui eius, & dicat ei, Quare fecisti?

Grande malum fuit confidentiæ, quæ & Apostolorum principem in præceptis egit. O Petre cur fles canente gallo? antea fletu decuisset, cum Dominus singulis valediceret, cum moestissimam mortis mentionem super cenâ inijceret, hinc sanè decoræ fuissent lacrimæ. At sui confidentia tunc omnes extinxit lacrimas, pro lacrimis ingens audita pollicitatio: Etiam si omnes scandalizati fuerint in te, ego nunquam scandalizabor. Itane, Nunquam? pauculæ horæ ibunt, & omne hoc promissum à solâ sui confidentiâ extortum corruet. Censet omnino Basilius neminem superari ab illâ tentatione, nisi sibi plus æquo fidentem. Qui autem sibi seriò diffidit, nihil vnquam agere instituit, quin prius diuinum subsidium imploret.

Ambrosius

a Dan.c.4.v.27. b Dan.c.4.v.28.&29. c Ibid.v.31.&32. d Matth.c.26.v.33.

Ambrosius olim Augustini matri Monicæ contra filium Augustinum hoc potissimum queritur, fidere illum ingenio suo. Nec prius Augustinus sapuit quàm hanc sui confidentiam correxit. Hoc & ipse de se fassus: Credebam, inquit, me sufficere per me, nec perspiciebam quoniam tu regebas me. donec aliquantulum elongasti à me, & cecidi statim in me. & vidi & cognoui.

Sicut autem ingenio aut prudentiæ, vel arti suæ, sic & viribus suis fidere vitiosum est. Maximinus Imp. tantæ molis & roboris fuit (Capitolinus refert) vt vxoris armillâ pro anulo sit usus. huic vnus aliquis in theatro græcos hos versiculos occinuit:

*Elephas grandis est, & occiditur.*

*Leo fortis est, & occiditur.*

*Tigris horribilis est, & occiditur;*

*Cave multos, si singulos non times.*

Nemo robori suo, nemo arti, nemo stemmati & diuitijs, nemo eruditioni & sapientiæ suæ fidat, est cum hæc omnia leui statu corruunt. Non gloriatur sapiens in sapientiâ suâ, & non gloriatur fortis in fortitudine suâ; & non gloriatur diues in diuitijs suis. 6

a Aug. soliloq. c. 15.

b Hierem. c. 9. v. 23.

## §. II.

Sed non tantum non in seipso vllus, sed nec in vlllo altero spem & fiduciam figat. Hieremias vates vociferatur: Maledictus homo qui confidit in homine, & ponit carnem brachium suum, & à Domino recedit cor eius. Hic acutè Origenes, explicans illud: *Maledictus homo qui pendet in ligno.* Existimo, inquit, hanc eandem esse sententiam cum illâ: *Maledictus homo qui confidit in homine.* E ligno namque pendere, idem est quod spem suam ex homine, velut fragili trunco, suspensam habere.

Conserunt venatores, vt elephantem capiant, tales instruere insidias. Arborem cui elephas inniti solet capiendo somno, dissecant in imo, sed erectam nihilominus, velut sanam & integram relinquunt. Elephas cum ex more venit accubitum, succisæ innititur. sic vnâ & arbor & bestia magno impetu corruunt. Sunt innumeri qui arbores sibi seligant, quibus innitantur: hic Principi laboriosissimè studet placere, iste opulenti Præsulis gratiam exambit, ille in magnatis amicitiam se insinuat; sunt qui aliorum beneuolentiam largitione consecantur, alij alijs modis captant fauorem. O miseri! vos ipsos fallitis, & in vestrum hæc exitium paratis. Arbores, quibus innixuros cogitatis, iam pridem occulto vulnere succisæ sunt,



cum raiminè putaueritis, subito ruituræ, & cum ijs omnes confidentiæ vestræ. Augustinus fallaciâ hanc monstrans: Multi, ait, de amicis potentioribus præsumpserunt: ceciderunt illi de quibus præsumpserunt, & inuoluerunt eos, qui de se præsumpserant.

Ionas Propheta fecit sibi in uer vinebraculum, & sedebat subter illud in vinebrâ: Et lætatus est Ionas super hederâ, lætitiâ magnâ. & O lætitiâ, & breuem, & inanem! Nam hederacea hæc diæta duplicem hostem habuit, & Solem, & vermem. ita vno die omnis hæc vinebratilis voluptas euauit. Orbem mihi considera, & plenè reperies his talibus vinebraculis: florent hæc aliquanto tempore, sed proximum semper exitium huic hederæ imminet à diuersis verinibus. Humanis fauoribus niti, heu quàm commune & peruegatum est vitium! Vtinam non etiam viri religiosi suæ huius dignitatis obliuisci vellent, & aliorum sibi gratiam & fauorem tectis studijs colligere. Vinebratica hæc tuguriola sunt, quæ varij vermes inuidiæ, obreclationis, calumniæ, inortis denique arroduct, dissipant, exedunt. Est famulus cui in suo domino plurimum fiducia: breuè mors dominum rapit, & iam totum famuli vinebraculum vbi est? Alius patrono nititur opulento ac potente: patronus moritur, aut ipsius opes ac potentia imminubatur, ita iam huius etiam hederæ exaruit. Filij subinde parentum auctoritate, officijs, dignitate præclare se defensores credunt: subito Deus aufert hoc vinebraculum, iamque miseri contra quàm sperarant, vruntur à sole: quia perijt domus hederacea. Sic ille Assueri oculus Aman, cognatis & vxori iri à gratulatione narrauit, non videri sibi quidquam ad omnem felicitatem deesse: apud regem præter se neminem æquè gratiosum esse, masculâ insuper prole decem filiorum, & opum abundantia se mirificè beari. Opulchrum vinebraculum, sed breuè à sole & verinibus fœdè consumendum! Et Aman & omnes Amanis filij in altam crucem sunt acti. Hoc Mausolæum habuit tam præfidens sibi felicitas.

a Aug. in Ps. 131. circa med. b Ion. c. 4. v. 5. & 6.

## S.

III. O homines, Dei opulentia, fauore, ac potentia innitendum est, non hominum. Contentè vociferatur David: *Nolite confidere in principibus.* a Cur obsecro, mi optime David, ijs non confidamus, qui plurimum inter nos valent potentia? Causam mox addit Psaltes: *in filijs hominum, in quibus non est salus.* Hoc ipso in nullo nec potentissimorum regum, nec inuictissimorum Cæsarium fiducia

reponenda, quia & ipsi homines sunt. Quid enim, ô homo, confidis homini in quo non est salus? Exhibet spiritus eius & reuerteretur in terram suam: in illâ die peribunt omnes cogitationes eorum. Beatus cuius Deus Jacob adiutor eius, spes eius in Domino Deo ipseus. Spem in homine, umbram esse ait sacra pagina: Habentes fiduciam in umbrâ Egypti. <sup>a</sup> Quid fugacius, quid inconstantius & fallacius umbrâ talis est fiducia in homine collocata. Multi requirunt faciem principis, & iudicium à Domino. egreditur singulorum.

Jacob è Mesopotamiâ redux in Chanaan, cùm obuium haberet fratrem germanum Esau, quadringentis viris stipatum, timuit sibi velut ab hostili exercitu, & diuinam opem sedulo implorauit. Adfuit vocanti Deus, & amplissimum auxilium est pollicitus, eum tamen claudicantem à se dimisit. Et quod istud, inquis, subsidij aut prouidentie genus? Auxilium implorat Jacob, & corâ debilis dimittitur. Hoccine est manum commodare, claudum efficere? Ita prorsus, hoc erat iuuare. Nam est cùm & vulnera sanant, & iactura in tempore lucrum est, & pleraque sunt in quibus bono nostro vincimur. Et ideo Deus Iacobum à se sic fractum remisit, vt & ille & per illum nos omnes disceremus, non nobis aut postris, nec etiam alienis viribus fidere, sed Dei solius potentiâ & bonitate niti. Sed quia sanus valetudini, firmus robori, litteratus eruditioni, potens auro, sapiens ingenio fidit, quia tenuis diuite, imbecillis multipotente fulciri sperat, ideo frequenter Deus hæc talia sapientissimè aufert, vt cùm fulcra, quibus nitebamur, desunt, niti discamus vno soloque Deo.

Gedeon, dux belli, viginti duobus millibus virorum missionem dedit, trecentis solum retentis, sic enim Deus iusserat: Ne gloriatur contra me Israël, & dicat, Meis viribus liberatus sum. <sup>c</sup> Benadad Rex Syrus Achabo regi Israël imbecillitatem opprobians, minabatur interitum, sed hæc minæ fuerunt expelui. Nam etsi Benadad triginta duos reges belli socios secum traxerit, equitum etiam & falcatorum curuum incredibilem numerum, primo tamen prælio fulus fugatusque est: conflictu altero centum millia Syrorum die vnica ceciderunt: aliorum è prælio diffugientium septem millia, ruente muro in Aphec obtriti sunt. <sup>d</sup> Hæc habet Benadad: eat nunc & sibi suisque fidat viribus. Iniuriam non leuem irrogat Deo, qui ad humanam potius opem quàm ad diuinam oculos circumfert, pliusque ab exili riupulo quàm ab immenso sperat oceano.

b b b

Opti-



Optimus rex Asa (cuius nunquam sine miseratione meminimus) fiducia in Deum magna fuit, si modo etiam fuisset constante. Illam certe Deus sic remuneratus est, ut decies centena millia militum, quos Æthiopiæ rex sub signis habuerat, illustrissimâ victoriâ profligarit. Sed heu post tot annos præclare actos, optimum hunc regem hæc vna in humanas vires fiducia perdidit. Sic aperte propheta: Quia habuisti, ait, fiduciam in rege Syriæ, & non in Domino Deo tuo, idcirco euasit Syriæ regis exercitus de manu tua. Longa inde malorum series secuta est.

Eximie Augustinus: Oculi, ait, obseruantes vanitates superuacue. Ego qui non obseruo vanitatem, in Domino speravi. Speras in pecuniâ, obseruas vanitatem: speras in honore & sublimitate, aliquâ potestatis humanæ, obseruas vanitatem: in his omnibus cum speras, aut tu expiras, & ea hic dimittis; aut cum viuis, omnia pereunt, & in spe tua deficis. Ingens omnino languor diffidentiam comitatur, ac omnium præne rerum nausea & neglectus: ubi diffidentia, ibi æternus naufragij metus, æternæ tempestates ac iactationes. Nimirum qui sibi aut hominum alteri confidit, in arenâ ædificium struit: in rupe fabricatur, qui Deo fundatur.

a Aug. in Psal. 30.

#### S. IV.

Sed dixeris, vlti nos quotidiano doceri, sic sua cuique negotia succedere, prout is diues, industrius, potens, exercitatus, ac vaser fuerit. Argumento sit, res ante annos non multos gesta. Vir magni nominis, & Catholicæ institutionis captius tenebatur à principe nouitiæ religionis, apud quem ille de diuinâ providentiâ cœpit diffundere. Non diu hoc tulit morosus auditor; innox enim amarum, subridens, & manuum capulo admouens: Hac, inquit, providentiâ nitendum est. Hic suum illud rex Alphonsus merito exclamarit: Vox bouis & non hominis. Nam eundem in modum locutos meminimus quosdam e Deorum cultoribus. Antoninus imperator (vbi Dion Nicæus memorat) cum pecuniam multam partim à plebe, partim etiam à senatoribus vi atque minis extortam profudisset, obiurgatus à matre, quæ aliquam pecuniæ partem aliò conferri voluisset: Desine, inquit, de numis esse sollicita, mater; & simul strictum gladium ostendens: Quamdiu, ait, habebimus hoc ferrum, tamdiu nobis non deerit argentum. Verè, vox bouis, non hominis, aut profectò non bene sani. Aliter nos docuit Christus: Deo fidendum, non ferro, non viribus, sed nec formæ aut doctri-

re, aut ulli bono tam fragili. Nec est ferè quòd tantoperè displiceat Deo, quàm tanta mortalium diffidentia, quam Deus etiam in amicissimis sibi, grauitèr puniuit.

Moses, vir Deo longè charissimus, quia tamen diffidentia his deliquit, mortè hanc noxam luit, nec fertilissimas illas terras nisi etninus videre permissus est. Prima Moïsis diffidentia fuit, cum ille velut sollicitus paterfamilias macelli rationes poneret, diceretque: Sexcenta millia peditum huius populi sunt, & tu dicis, Dabo eis esum carniū mense integro. Nunquid ouium & bouum multitudo cadetur, vt possit sufficere ad cibum? vel omnes pisces maris in vnum congregabuntur, vt eos satient? O Moïses, hoc est cum frà diffidentia rationes ponere, non cum Providentià diuinà: Nunquid manus Domini inualida est? Cautiorem hoc reddere debuisset Moïsen, sed rediit non multum ab similibus priori diffidentia. Nam populo ad rupem congregato exclamauit Moïses: Num de petrâ hac vobis aquam poterimus eijcere? Quamprimum vox cælo ruit, diffidentia pœnam denuntians: Quia non credidistis mihi, vt sanctificaretis me coram filiis Israël, non introducetis hos populos in terram quam dabo eis. <sup>6</sup> Quocirca Deus Moïsi iam iam morituro fertilissimam regionem illam eminus è montis vertice ostendit; sed mox quasi insultans: Vidisti eam, inquit, oculis tuis, & non transibis ad illam. <sup>7</sup> Tanti refert hanc diffidentia pœnam ex animo penitus eliminasse, in quam Deus (vt pote honori suo maxime aduersariam) tam seuerè solet animaduertere.

At verò ipse Israël's populus longè grauissimè peccauit, & quidem sæpius repetitâ diffidentia. Nec eam vlla prodigia aut miracula satis corrigere potuerunt: si quid non statim oculis cernere, aut manibus palpare licuit, mox Iudæi in pristinam relapsi diffidentiam, id fieri posse negarunt: eò etiam diffidentia illorum progressa est, vt Deum continuis querelis, aut obliuionis arguerent aut incuriæ. Et quàm improbi erant clamores illi? Vtinam moritui essemus in Ægypto, & non in hac vastâ solitudine! Vtinam pereamus, & non inducat nos Dominus in terram istam, ne cadamus gladio, & vxores ac liberi nostri ducantur captiui. Nónne melius est reuerti in Ægyptum? Dixeruntque alter ad alterum, Constituamus nobis ducem, & reuertamur in Ægyptum. Ita, ô improbi, quasi non vbique pereandi sit locus.

Sint forsàn qui mirentur, eccur Deus populo suo non tantum

bbb. 5

non



quidem è suis desiderato, sed alia insuper opimissima spolia, velut foenus, recuperatæ prædæ adiunxit. En, quâ ratione spes superanda, & in rebus etiam desperatissimis, Deo tamen minime diffidendum.

Prædixerat olim Elifæus, in summâ annonæ caritate, breuî maximam fore frumenti vilitatem. Excepit vocem dux quipiam regis Samariæ, & per diffidentiam irridens: *Etsi mihi, ait, Damasci cecideris: Cataractas in celo* ( & pluarit frumento ) *Nunquid poterit fieri quod loquens?* Cui Elifæus: *Vid. his, inquit, oculis tuis, & inde non corrumpetur.* Euenit omnino quod vates prædixerat. Nam ille dux regis, ad vrbis portam à turbâ compressus, & conculcatus est. Nimirum hoc præmium debebatur diffidentiae. Verè, cogitationes mortalium tinnidæ & incertæ prouidentiae nostræ. à Deo autem æquè certò scit omnia, tam futura, quàm præsentia, & præterita. Nota est enim illi operis sui series: omnium ei rerum per manus suas iturarum scientia in aperto semper est: nobis ex abdito subit, & quæ repentina putamus, illi ab æterno adsunt prouisa. Hinc Ecclesiæ preces illæ: Deus, cuius prouidentia in suis dispositione non fallitur. Quia verò hæc prouidentiae abyssus longè abditissima, multi cum vident tot flagitia impune abire, & à Deo diffimulari, optimum quemque tot ærumnis acriter flagellari, in diffidentiae voragine se præcipitant, perinde ac si Deus humanis se rebus non misceat, cum inter probos improbosque sepe nullum pateat discrimen. Ecclesiastes: Vniuersa, inquit, æquè eueniunt iusto & impio, bono & malo; mundo & immundo; immolanti victimas & sacrificia despicienti. Hæc nobis temerè & casu fieri videntur. In quo idem nobis euenit quod ei qui horologium in turri considerat: hic gnomonem quidem, seu, indicem horologij videt, ipsum horologium, & artificiosam rotularum constructionem non videt. Paganus infans sit, aut fatuus, qui credat gnomonem seipso moueri, idque non consultò sed casu. Homines ciuici probè norunt, indicem illum à seipso non circumduci, sed ponè parietem latere horologium. Ita prorsus gubernatio Dei occulta, sed ordinatissima; indicem illius in rebus omnibus videmus, sed admirabile diuinæ prouidentiae artificium nequaquam cernimus. Hinc fatuæ plurimorum cogitationes, quibus pleraque omnia casu videntur euenire. Aliter sentiunt qui altius sapiunt: nullam in rebus fortunam agnoscunt,

agnoscunt, cum sciant omnia Dei manu providentissimè gubernari. Ita Gregorius Nazianzenus: Ego quidem, inquit, exploratum habeo, apud summam rationem, nihil rerum nostrarum expertum rationis esse.

Hoc diuinæ Providentiæ horologium, cuius hominum suarum omnes horas ad minima quævis punctula descriptas in se continet. Rex Babylonis Balthasar, in opulentissimâ cenâ iam temulentus, manum vidit in aduerso pariete ignotos characteres formantem. Expalluit ad hanc scripturam, & contremuit. Quid vides, ô Rex? quid turbaris? cuius est hæc manus? Si nota est, quomodo ignotus scribe? Si nondum aut illam aut istum noris, cur adeò fornicidas? Consultit infelix omnes vrbs sapientes, super hoc litterarum mysterio, sed id nullus intelligit; indicem omnes vident, horologium nullus. Sed quis dubitet esse gnomonem ab horologio diuinæ Providentiæ rotatum. Venit ergo Daniel, & quæ hora regi designaretur, sic pronunciauit: Numerauit Deus regnum tuum, & compleuit illud. Hora vitæ tuæ, ô Rex, iam instat vltima, eaque iam laborat in fine: quare propera viuere, propera, iam vltimum clesydra defluit; propera, horæ finis imminet. Et quomodo Daniel hæc sciuit? In diuinæ Providentiæ horologio vidit.

a Greg. Naz. epist. 55. b Alij, Balthassar. c Daniel c. 5. v. 26.

## §. VI.

Hinc liquet, omnes hominum euentus tam aduersos quàm prosperos, in diuinæ Providentiæ horologio ad amussim, & ad numerum exactissimè descriptos esse, & nec vno quidem apice aut punctulo falli posse hoc horologium, quin omnia habeat directæ ad id, quod magis expedit. Iota vnum aut vnus apex non præteribit; Nec dimittam nisi compleuero vniuersa quæ dixi. Quod si horologio cui peritissimus est curator, non inuiti credimus, quid hoc stultiæ aut insanix est, erroris quandoque arguere magnum illud Orbis totius horologium, quod non potest errare, in quo omnes omnium euentus longè optimè dispositi sunt: Tua autem, Pater, providentia ab initio cuncta gubernat: quoniam dedisti & in mari viam, & inter fluctus semitam firmissimam, ostendens, quoniam potens es ex omnibus seruare, etiamsi sine rate aliquis adeat mare. Vti reuerâ, non vni tantum sanctorum pro nauigio fuit palium, pro nauigij malo baculus, adeò nusquam diuinæ Providentiæ diffidendum. Nihilominus cum optimi quique homi-

num



num cernuntur premi, affligi, opprimi: improbi autem florere, & cuncta molimina sua ad lætos exitus deducere, diuina Prouidentia aut dormire, aut conuiuere nimium videtur. Et hæc cogitatio sanctissimos etiam viros nonnihil turbauit: at illorum turbatio, nostra fuit instructio, & confirmatio: Rex David de seipso: Mei autem pænè inoti sunt pedes, inquit, pænè effusi sunt gressus mei, quia zelauit super iniquos pacem peccatorum videns. Ecce ipsi peccatores & abundantes in sæculo obtinuerunt diuitias. Et dixi, ergo sine causâ iustificauit cor meum, & laui inter innocentes manus meas. <sup>a</sup> Putabat planè Rex David se huius rei causas indagaturum, Nam, existimabam, inquit, vt cognoscere in hoc: labor est ante me, donec intrem in sanctuarium Dei. Hæc olim in cælo videbimus, nunc minimè penetranda. Sic etiam Hieremias vates, ob hoc ipsum nonnihil turbior: Iustus quidem tu es Domine, inquit, si disputem tecum: veruntamen iusta loquar ad te: Quare via impiorum prosperatur? bene est omnibus qui præuaricantur, & iniquè agunt. Plantasti eos & radicem miserunt: proficiunt, & faciunt fructum: propè es tu ori eorum, & longè à renibus eorum. <sup>b</sup> Idem questus & Habacuc: Quare, inquit, non respicis super iniqua agentes, & taces deuorante impio iustiorē se? Et facies homines quasi pisces maris, & quasi reptile non habens principem. <sup>c</sup> Hæ tales querelæ inde sunt, quia vnam tantum diuinæ Prouidentiae partem videmus, altera nostris oculis neutiquam patet, & cum expectandus foret rei exitus in supremo iudicio manifestandus, nos ante iudicium illud temerè iudicamus: Ideo Paulus: Nolite, inquit, ante tempus iudicare: quoadusque veniat Dominus qui & illuminabit abscondita tenebrarum, & manifestabit consilia cordium. <sup>d</sup> Augustinus similitudine diuersâ hoc explicat: si quis in opere musuo, aut emblemate vermiculato lineam obliquam videat, velatis partibus ceteris: aut si quis in picturâ monstrum, vel imperfectum quid aspiciat, reliquis non ostensis, vix se continebit quin dicat: num hic pictor, num arcularius hic faber non plus artis habent? quod si opus monstretur totum ac perfectum, mirantur atque dilaudant, & ordinem partium, & artem. Eodem modo si quis audiat pronuntiari versum non integrum, & minimè fluentem, mox dicet: non est bonum hoc carmen. Expecta sis, finiam prius, & tunc cense, num suis constet pedibus. Ita nos prorsus diuinæ Prouidentiae particulam videmus, totum illius ordi-

<sup>a</sup> Ps. 72. v. 2. 3. 12. 13. 16. & 17.

<sup>b</sup> Hier. c. 12. v. 1. & 2. <sup>c</sup> Habac. c. 1. v. 13. & 14. <sup>d</sup> 1. Cor. c. 4. v. 5.

nem, nexum ac progressum non videmus: quid annis prioribus  
 euenerit, fortasse scimus, nec tamen integrè; quid euenturum sit  
 posterioribus, planè ignoramus, hinc Dei Providentiàm temerè ac  
 falso accusamus. Hoc, inquit Augustinus, perturbat te hominem  
 Christianum, quia vides malè viuentes felices, rerum istarum co-  
 pià circumfluere, sanos esse, superbis dignitatibus eminere, in-  
 colamem habere domum, gaudia suorum, obsequia clientium,  
 excellentissimas potentias, nihil triste interpellare vitam ipsorum.  
 Mores nequissimos vides, facultates copiosissimas respicis, & dicit  
 cor tuum, nullum esse diuinum iudiciũ, omnia casibus fieri, &  
 fortuitis motibus ventilari. Nam si Deus, inquis, res humanas  
 respiceret, non floreret illius iniquitas, & mea innocentia labora-  
 ret. Quid ergo tu? Spera in Dominum, illi enim sperant non in  
 Dominum: spes illorum mortalis, spes illorum caduca, fragilis,  
 volatica, transitoria, inanis erit. Ergo Nolite ante tempus lu-  
 dicare. Nemini hæc scire licet, donec intret in sanctuarium Dei.  
 Olim cum non indicem tantum magni illius horologii, sed & ip-  
 sum diuinæ Providentiæ horologium, idque totum inspicere lice-  
 bit, tunc omnium sæculorum decursus, tunc suæ quisque vitæ pe-  
 riodos omnes clarissimè intuebitur: tunc luculentissimè appare-  
 bit, quantà providentiã omnes & singulos homines gubernarit  
 Deus, quam paternã prorsus curã singula vitæ momenta cuiusvis  
 hominis disposuerit, in ipsius bonum & salutem, nec vlli quidquam  
 vnquam euenire permiserit, quod non ita expediret. Tunc pate-  
 bit cur permiserit Deus Angelos ruere, Protoplastos labi: Cur lu-  
 das ferreæ ceruicis homines in suum populum elegerit, abiecerit  
 ceteros: Cur hos voluerit nasci Christianos, illos progigni permi-  
 serit inter idololatrias: Cur hunc ærumnis omnibus maturè libera-  
 rit, illum inter calamitates senescere, & expirare siuerit. Tunc in  
 pretio erit quicquid iam Christi causã patienter toleratum fuerit.  
 Quisquis hæc seriò cogitat, sceptrum Assueri, hoc est, omnem ca-  
 sigationem Dei reuerenti osculo salutat.

a Aug. in ps. 136. primâ parte psalmi:

## S. VII.

Hic forsã afflictus quispiam & æger animo dixerit: Ah, idem  
 pænè mihi contingit quod Sauli, *Qui consuluit Dominum, Et non re-  
 spondit ei, neque per somnia, neque per sacerdotes, neque per prophetas.*  
 Ego hoc, & hoc perdididi, in morbum hunc incidi; quò ibo nisi ad  
 magos? Id verò te Deus prohibuerit. Sustine sustentationes Dei

a 1. Reg. c. 23. v. 6.

coniungere



coniungere Deo, & sustine, vt crescat in nouissimo vita tua: Omne quod tibi applicitum fuerit, accipe, & in dolore sustine, & in humilitate tuâ patientiam habe: quoniam in igne probatur aurum & argentum, homines verò acceptabiles in camino humiliationis. Crede Deo, & recuperabit te; & dirige viam tuam, & spera in illum.

*Grata superveniet qua non sperabitur hora.*

Cogita non esse inagnum quid, se rebus prosperis fortem gerere, vbi secundo cursu vita procedit: nec gubernatoris quidem artem, tranquillum mare & obsequens ventus ostendit: aduersi aliquid incurrat oportet quod animum probet. Plena & infesta varijs casibus vita est, à quibus nulli longa pax, vix induciat sunt. Si male fers, magna onera; si bene, magna solatia. Nullam tam miseram nominabis domum, quæ non inueniat in inferiore solatium. Tu, si voles, & quantum voles, plora. bibes nihilominus illud poculum anæroris, quod non temerè tam plenum tibi cælestis medicus propinat. Si bonus es, ærumnis exerceri te sentias; si lapsus, alleuari; si improbus, puniri. Ne dixeris quod Saul ad Samuelem: Coarctor nimis, siquidem Philistij pugnant aduersum me, & Deus recessit à me. Nō recessisset à te, ô rex, nisi tu prius ab illo. Hoc & tu mi Christiane, cogites: neminem deserit Deus nisi desertus. Si sapuisset Saul, id quod Mauritius Imperator, dixisset: Domine hîc potius me punias quàm ibi. Sic, ô Christiane, ne in angustijs, ad magos, Dei inimicos curre, ne animum desponde, ne Deo diffide: tu potius ad Dei amicos, ad cælites Angelos, ad matrem Dei, ad crucifixi pedes confuge, hîc tuum est asylum, hîc salus tua, hîc illud Davidis & Iobi vociferare: Ego autem semper sperabo, & adijciam super omnem laudem tuam: Etiam si occiderit me, in ipso sperabo. *b*

Ille plurimorum intolerabilis & error & abusus est, vt prius ad humana sese auxilia conuertant, quàm ad diuina, neque hæc, nisi illis omnibus frustra tentatis, rebûsque iam planè depositis censeant aduocanda. Quo sanè fit, vt humana remedia ordine plerunque præpostero adhibita, vindicante Deo, incassum nobis eant.

Sed quæras fortè, qui Deus permittat tot homines maleficis artibus deuinciri, & necari? Ne mirare: summa in Deum diffidentia, etiam hoc supplicij genus meretur. multis vix alius medicus, quàm magus, nec alius pharmacopæus quàm diabolus quæritur. Iure Deus per hos punit, per quos tam variè offenditur. Paulinus memorat, Ambrosio episcopo nullum vnquam magum nocere potuisse,

trasse, ob illius firmissimam in Deum fiduciam. Mortuâ namque Iustinâ Imperatrice Arianâ, cûm Innocentius magus in quæstionem raperetur, inter tormenta fassus est, Angelum Ambrosij custodem, suum esse tortorem. Nam viuâ Imperatrice se nocte in tempestâ sub templi tectum ascendisse, & sacrificasse, eo fine ut Ambrosium infamem inuisumque faceret plebi, nihilominus amorem in hunc virum & fidem Catholicam magis ac magis effloruisse: missos etiam à se Dæmones qui Ambrosium necarent, sed ijs ultra ædium fores progredi non licuisse. En, quibus excubijs Deus illos defendat, qui omnem in se solo collocant fiduciam. Et plerunque qualis est hominis in Deum confidentia, talis est Dei in hominem liberalitas. Sed heu quàm in Orbe rari sunt, qui Deo fidant toto animo! mores hominum considera, & plurimum ubique reperies diffidentiae, quæ quotatnis pænè eadem redit ac reuulsio, & inde tam vani timores. Iam fruges metuunt niuib. suffocandas, aut in herbâ necandas à siccitate, iam pluuijs mergendas, aut grandine sternendas, vel fulmine exurendas: Iam aliunde vexandam annonam timent: Iam verò ne valetudini, aut incertis casibus desint necessaria, formidant: Iam ad rumores bellicos consternantur, & spem omnem abijciunt: Iam ad funerum, aut aliarum cladum nuntios penitus exanimantur; in quocunque demum laboris aliquid ac difficultatis sentiunt, de eo mox diffidunt, & cûm animum gerant cæcûm, manus semper oculos habent, id credunt quod vident. Et hoc inde, quia de Dei bonitate ac potentia parum rectè parumue liberaliter sentiunt, hinc illa animi de rerum temporariorum prospectu nunquam secûra, semper diffidens cura. Vera in Deum confidentia clavis est ad ærarium, è quo Deus cælestes diuitias solet egentibus ad votum impertiri. Deo diffidere, aut principium est plurimorum scelerum, aut finis.

## CAP. XI.

*Ex cognitione diuine Prouidentie, magnam in Deum fiduciam, & fiduciâ, Seram cum Deo diuinâque Voluntate concordiam nasci.*

Sicut in aureâ torquæ anulus ex anulo pendet, sic è notitiâ diuinæ Prouidentiae nascitur fidentia, ex hac facillimè sequitur humanæ voluntatis cum diuinâ conformatio. Da mihi hominem qui Dei Prouidentiam in omnibus agnoscat, ei que fidat, mox dabo qui se diuinæ Voluntati exactissime subijciat. Ita nos instituit Deus,



Ut notum faceret nobis sacramentum Voluntatis suæ, secundum beneplacitum eius, quod proposuit in eo. Et, Ut impleamur cognitione Voluntatis eius, in omni sapientiâ & intellectu spirituali. In Noëmo id totum liquidissime videre est.

## §. I.

Principio Noëmus de infinitâ Dei Prouidentia instruendus erat. Ideo Deus fidelissimâ narratione huic viro aperuit, in quem usum Arca, quàm etiam longa & lata, quàmque alta esset fabricanda; quâ ratione omnis generis animantes in eam cogendæ, quomodo suum singulis pabulum comportandum, quo denique modo, in perfectam à se arcam cum septem coniunctissimis sibi hominibus ingrediendum foret, decretum enim esse vniuersum hominum genus in aquis extinguere. Ex his Noëmus mirissimam Dei Prouidentiam addidit; in hac porro tam exactè cognitâ summan reposuit fiduciam, quâ certissimo sibi persuasit, se cum suis inter Orbis funera seruandum. Hac conceptâ fiduciâ, facillimum ei fuit, suam in diuinâ Voluntate constituere, omniâque ad perpendicularium diuinæ Voluntatis facere. Hinc illud amplissimum Noëmi encomium, *Fecit Noë omnia quæ præceperat ei Deus* a Hic obseruatum dignissimum, quod Noëmo cum suis Arcam ingresso, Deus Arcæ ostium foris clausit, quâ ratione clauem ad Arcam referendam, secum abstulisse dicendus est. Sed percontari libet, an non consultus fuisset, clauem illam Noëmo tradere, vt eluuioue subsidente Arcam ipsemet Noëmus referaret egressui. Verum ideo Deus hanc clauem nulli committere, sed sibi voluit reseruare, vt Arcâ inclusi eadem manu educerentur, quâ fuerant introducti, utque non in alio vllò quàm in suæ libertatis ac salutis auctore fiduciam collocarent.

Hac ipsâ ratione Ioseph Aegypti Prorex, vt diuinam Prouidentiam nosceret, tam admirandis casibus docendus erat: vbi Prouidentiam Dei in suos semper vigilantissimam nosse didicit, etiam fiduciâ fuit imbuendus, ideo enim permisit Deus, vt Pharaonis pincerna tam officiosè rogatus, interpretis sui meminisse vellet, biennio tamen toto obliuisceretur, vt sic Ioseph disceret non hominum fauore niti, sed Dei solius, cui libertatem suam omnem acceptum referre deberet. Chrysostomus egregiè super hac re philosophatus: Considera, inquit, quomodo post restitutionem pincernæ duo anni præterierint. Oportebat enim expectari tempus

opportunitum, vt maiori cum gloriâ inde educeretur. Si enim præfectus pincernarum ante somnia Pharaonis recordatus, auctoritate suâ eum liberasset, fortassis non tam perspicua fuisset alijs eius virtus. Nunc autem omnipotens & sapiens Deus, sciens sicut optimus artifex, quanto tempore debeat in igne aurum teneri, & iterum inde reduci: permittit ad tempus biennij præfectum pincernarum illius obliuisci, vt & tempus somniorum Pharaonis veniat, & compellente necessitate ipsâ, iustus ille in toto regno Pharaonis notus fiat. <sup>a</sup> Hinc illa Iosephi in diuinam Voluntatem tanta deuotio, vt omnia quæ sibi contigerunt mala, in hanc vnam referret: hinc illa nobilissima ad fratres oratio, quâ diuinæ Voluntatis arcanum explicans: Non vestro consilio, inquit, sed Dei Voluntate huc missus sum: hinc illa tam benigna parricidis fratribus data venia: Nolite timere: num Dei possumus resistere Voluntati: vos cogitastis de me malum, sed Deus vertit illud in bonum. <sup>b</sup> Nisi Ioseph diuinæ Voluntatis secretum tam probè cognitum habuisset, in crucem fratres rapi iussisset, non tot beneficijs præuenisset. Quod in Noëmo & Iosepho fuit diuinæ Voluntatis studium, hoc in sanctissimis quibusque viris est videre; de quouis illorum affirmari potest: Semetipsos dederunt primùm Domino, deinde nobis per voluntatem Dei. <sup>c</sup>

<sup>a</sup> Chrylhom. 63. in Gen. circa med.

<sup>b</sup> Gen. c. 50. v. 20. <sup>c</sup> 2. Cor. c. 8. v. 5.

## §. II.

Polycarpus Smyrnenfis Pontifex non semel quæsitus ad necem, diuinam circa se Prouidentiam expertus est variè, nam locum è loco feliciter mutauit sæpius. tandem, cum effugio etiamnum pateret locus, velut æstu quodam in diuinam Voluntatem abreptus, paratæ neci se offerens dixit: Fiat Voluntas Domini. <sup>a</sup> Vicit hic quidem; vicerunt & alij, sed sæuientem Mundum. At vincere blandientem difficile videtur. Sed facillimum erit Augustini consilio sic suadentis: Non nos teneat Voluntas propria, non nos terreat crudelitas aliena, & victus est Mundus, <sup>b</sup> seu sæuiens seu blandiens. Quisquis diuinam circa omnia Prouidentiam, & oculum illum nunquam dormitantem considerat, contumelias, verba probrosa, ignominias, & cetera dehonestamenta, velut clamorem hostium fert, & longinqua tela, saxaque sine vulnere circa galeas crepitantia. <sup>c</sup>

Anno Christiano millesimo nonagesimo quinto, cum Urbanus II. Pontifex Maximus, in Gallijs, in Concilio Claromontano,

<sup>a</sup> Euseb. l. 4. Eccles. hist. c. 15.

<sup>b</sup> Aug. serm. 1. de S. Vincent. <sup>c</sup> Sen. de Consuet. c. 16.

publi.



publicè de Palæstinâ recuperandâ perorasset, omnium animis ad sacrum hoc bellum inflammatis, acclamatum est ab omnibus, *DEVS VULT, DEVS VULT.* <sup>a</sup> Hæ voces deinde ab vniuerso exercitu illo, plusquam trecentis millibus hominum, pro militari tessera sunt vsurpatæ. Maximè verò cùm res conflictum iam spectaret & acies vtrinque concurrerent, Christianus miles generosè succola-  
mauit, *Deus Vult, Deus Vult.* <sup>b</sup>

In terram verè sanctam, in terram viuorum tendimus nos omnes, quotquot Christiano nomine censemur: quin ergo animos erigimus, & tum præcipuè cùm pericula premunt, cùm occulti hostes laceffunt, læti vociferamur, *Deus Vult; fortiter agamus, laboremus, pugnemus, vincamus, ita Deus Vult.*

Aldegundis sanctissima Virgo cùm miròs in virtute progressus fecisset, cælestibus ostentis sapius recreabatur. Inter hæc puella ignota velut peregrè ad illam reuisens, iubebat à Dei matre quod vellet postulare, faciliè impetraturam quod petiisset. Huic Aldegundis alacriter respondens: Hæc vnum, inquit, postulo, vt fiat, quod vult Deus: mea vnica voluptas, Domini Voluntas. <sup>c</sup>

Eudoxia Augusta Theophili Imperatoris coniux, cetera non laudabilis, hoc vno tamen plurimum commendanda, quòd cùm eius filius graui morbo decumberet, Epiphanius Salaminis in Cypri Episcopus fuerit accersitus, vt suis precibus valetudinem filio restitueret. In eam rem Antistes operam suam spondit, si tamen Dioscorus hæreticus exigeretur vrbe. Ad quæ Eudoxia: Si Deo, inquit, visum fuerit, viuet filius meus: sin eum ille qui dedit, auferre constituerit, fiat voluntas eius. Aprè hîc Bernardus: Vita enim, inquit, in Voluntate eius, vt hoc nobis in omnibus vtilius atque omnino commodius non dubitemus, quod eius congruit Voluntati. Et propterea quàm sollicitè conseruare volumus vitam animæ nostræ, tam solliciti simus quod possumus ab eâ non deuiare. <sup>d</sup> Nam, vt idem optinè, Totius humilitatis summa in eo videtur consistere, si voluntas nostra diuinæ (vt dignum est) subiecta sit Voluntati. <sup>e</sup> Hæc autem subiectio vix erit diuturna & firma, nisi diuinæ Prouidentia notitiâ fuerit fulta.

ccc 2

§. III.

<sup>a</sup> Gott will es/ Gott will es. <sup>b</sup> Gulielmùs Tyrius de bello sacro, & Rupertus Abbas Bergensis, ad Annum 1095.

<sup>c</sup> Sur. tom vlt. die 11. Nouemb. <sup>d</sup> Bern. serm. de verbis Abac. proph.

<sup>e</sup> Sermon. Quomodo voluntas nostra diuinæ, &c.

## §. III.

Sanctus Franciscus Xauerus, qui primus è Societate IESU in Indiam & Iaponiam Christi Euangelium inuexit, ita altè imbiberat animo diuinam Prouidentiam, vt plurima incredibilis in eam fiduciæ specimina ediderit; ex hac porrò fiduciâ tantum diuinæ se Voluntati conformandi studium nascebatur, vt Xauerus ad Ignatium ex Indiâ litteras scripserit in hæc omnino verba. Gratia & Charitas Christi Domini nostri.

Mi Pater in Christi visceribus vnice. Te ego pater animæ meæ, summeque mihi venerande, positis humi genibus suppliciter oro, vt mihi à Deo impetres, vt dum viuam, sanctissimæ Voluntatis suæ mihi det, & planè cognoscendæ, & omnino exequendæ facultatem. Vale.

Hanc illi tantam cum diuinâ Voluntate consensione persuasit summa in diuinam Prouidentiam fiducia. hac armatus alta spectabat, ingentiâque conabatur. Vbicunque enim diuinus honor ageretur, nulli cedebat difficultati, periculorū. ita nihil moliebatur quod non efficeret, nihil inchoabat quod non absolueret, Deo nixus. In vltimam Orientis regionem Iaponiam, lembo vinctus piratico ire sustinuit, securus periculorum, quæ ab amicissimis peritissimisque hominibus & plurima denuntiabantur, & maxima. Hos ille miratus quod tam exiguam haberent fiduciam Dei, in cuius illa omnia essent potestate: Equidem, aiebat, cum Dei nutu atque imperio omnia gubernari certò sciam, nihil omnino metuo præter ipsum Deum, cum res ceteræ quamuis noxiæ, non nisi quatenus ille finit, nocere hominibus queant. Itaque Dei vnus præsidio per tot maris terræque discrimina, per tot gentes sermone moribusque dissonas, Indiæ vastitate non contentus, Malacam, Molucas insulas, Mauricam, Iaponiam, Sinas, omnem denique Orientem animo atque industriâ complexus, ad vltima Orientis penetrauit, oceanoque toties remenso Christianis mysterijs feras barbarasque gentes instituit, ac mitigauit. Nec verò vnquam illum Dei fiducia fefellit. Illæsus venena bibit, sagittas transijt, ter naufragium fecit: ac semel tabulæ incubans, biduum triduumque fluctibus impune iactatus euasit, aliâque innumera pericula effugit: Illud autem assidue animo versauit: Si Deus pro nobis quis contra nos? turpissimum ratus, & omnium periculorum maximum, diuinæ Prouidentiae atque potestatis spem fiduciamque abijcere. Ita vnicui in Orbe hostem timuit diffidentiam. Præsertim (sic ipse loquebatur)

cùm



cùm neque dæmones ipsi, neque eorum satellites ac ministri, quicquam nos lædere queant, nisi Dei permissu ac Voluntate.

Quid multis? Hoc omnium Sanctorum potissimum fuit studium, diuinam Prouidentiam cognoscere, è cognita in fiduciam asurgere, è fiducia in suauissimam cum diuinâ Voluntate vnionem transire, in hac quotidie crescere, hoc demum agere vt propria voluntas suaue sibi ducat in diuinam colliquescere. Et certè qui Dei Voluntatem semper fieri optat, is in omnibus gratificatur suæ. quid enim ei resistat, qui pro suâ voluntate agnoscit diuinam? Et hinc etiam priscorum Patrum laudatissima consuetudo, quâ omnia, quocunque modo & ratione euenissent, in vnus Dei Prouidentiam Voluntatēque reiecerunt. Res prorsus memorabilis. Iosephi fratres cetera rudes & etiam improbi, eo tamen plurimum laudandi, quòd cum pecuniam emendo tritico allatam, in singulis saccis repositam reperissent, obstupefacti, *mutuò dixerunt: Quid nam est hoc quod fecit nobis Deus?* a Verba dignissima obseruatu, *quod fecit nobis Deus.* Quis nostrum non dixisset: Hæc quidem manifesta fraus est; occasionem quærunt Ægyptij ad perdendos nos: hoc factum est struendæ in nos calumniæ. Nisi forsan œconomus ex incuriâ numorum oblitus, eos nescio quo casu in saccos frumentarios raptim abdiderit: Quid si fortassis eleemosynæ loco, reddere nobis voluerit monetam nostram? Quid si plures hac ratione emptores allicere cogitarit? Illi nihil horum, sed sapienter omnino: *Quidnam est hoc*, aiunt, *quod fecit nobis Deus?* Quicquid erroris interuenerit aut fraudis, hoc Deus fecit, & nobis id fecit, horum omnium causa est Voluntas Dei, sine cuius nutu nec arenula quidem è monte, nec capillus è capite, nec foliolum ex arbore, nec passerculus ex aëre decedit.

Nos frequentissimè, more canum, percussi fustem aut lapidem mordemus, aut ob scripturam malam calamo indignamur, aut in picturâ errorem penicillo assignamus, & manum iacentis, scribentis, pingentis non consideramus; Dei manus facit hæc omnia. Ita sanè loquendum, ita & sapiendum in omnibus: Deus disponit, Deus regit, Deus facit hæc omnia. Et vt optimè capiamus hunc & loquendi & sapiendi modum, paradigmata dabimus compluscula, è Christi & Diuorum ore petita,

Christus Dominus in æternam Patris Providentiam velut suavissimo æstu abreptus: Ita Pater, inquit, quoniam sic fuit placitum ante te. *a* Ita mi Pater, rectè omnia fecisti nec mortalium ullus in tuâ dispositione, aut in iudicijs tuis quidquam damnet, quoniam sic placuit TIBI. En, quàm suaviter doceamur diuinæ potestati modum definire, Dei iudicia non scrutari, decreta non examinare, sed hoc vno acquiescere, quia Deo sic placet. Patri sic placuisse Servator asserit, quare sic placuerit, non exponit. Siquidem diuinæ Voluntatis causa nec assignanda est, nec quærenda. Mille causarum loco est, Deum sic voluisse. Diuinæ Providentiæ Voluntas, est summa iustitiæ norma; nec aliter eius rationes constant, quàm si nulli hominum reddantur. Idcirco in omnibus omnino rebus faciendis aut omittendis, fugiendis aut perferendis, exemplo Christi, ô Christiane, dic semper: *Ita Pater, Ita Pater, Ita mi Pater.* etsi hoc vno die millies, etsi ter millies ingeminandum: *Ita Pater.* Et tunc magis id dicendum, & assidue repetendum, cum magis preterunt aduersa, in omnibus tuam sanctissimæ ipsius Voluntati subiiciendo: *Ita Pater.* Hæc vigilans & dormiens, hæc sanus, & æger, & moriens identidem pronuntia, velut si dicas: Domine, nil possum tibi negare, tu scis. Sicut ergo vis, sicut disponis, ordinas, permittis omnia fieri, ita fiant, ita Pater, ita & in me fiant, & nihil fiat in me, quod Voluntati tuæ rectissimæ, Optimæ vel minimum aduersetur. *Ita Pater,* ita fiat & nunc, & semper, & in omnem æternitatem.

Hoc pacto è priscis Patribus quidam precari solitus est: Fili Dei, Fili Dei, sicut scis & sicut vis, miserere mei, Fili Dei. In hunc ferè modum ille diuinæ Voluntati deuotissimus scriptor: Domine, inquit, dummodo voluntas mea recta & firma ad te permaneat, fac de me quicquid tibi placuerit. Non enim potest esse nisi bonum, quicquid de me feceris. Si me vis esse in tenebris, sis benedictus: & si me vis esse in luce, sis iterum benedictus: Si me dignaris consolari, sis benedictus: & si me vis tribulari, sis æquè semper benedictus. Domine libenter patiar pro te, quicquid volueris venire super me. Indifferenter volo de manu tuâ, bonum & malum, dulce & amarum, lætum & triste suscipere: & pro omnibus mihi contingentibus gratias agere. *b* Hoc est, ô Christiani, verò nomine Deo precari, deuotè agere.

A prioribus nec ista differt oratio: O bone Iesu, sic me amasti,



vt totum te dares carnificum furori figendum in cruce: quid iam magni sit, si totum me tradam tibi in tuas manus, non crudeles illas, sed verè paternas. Certus ego sum, omnia tendere ad meum profectum. Fac ergo Domine mecum quod bonum est in oculis tuis, tua enim sunt omnia, nec est qui tuæ possit resistere Voluntati. Quia tu Domine sicut voluisti, fecisti. Nec est in hominis potestate consilium tuum. <sup>a</sup> Tales omnino in veteri lege Sanctorum preces fuerunt: Sic precatus Tobias: Nunc, inquit, Domine, secundum Voluntatem tuam fac mecum, & præcipe in pace recipi spiritum meum. <sup>b</sup> Sic Iudith precata: Dicamus, inquit, fletentes Domino, vt secundum Voluntatem suam sic faciat nobiscum misericordiam suam. <sup>c</sup>

<sup>a</sup> Ion. c. 1. v. 14. <sup>b</sup> Tob. c. 3. v. 6. <sup>c</sup> Iudith. c. 2. v. 17. & c. 9. v. 4. & 5.

## §. V.

Mirum dictu est, quoties liber de imitando Christo Domino inculcet hanc ipsam de quâ agimus, diuinæ Prouidentiae agnitionem, & sanctissimum quod inde nascitur, diuinæ humanæque voluntatis connubium. Nam post varia præcepta, velut præstantissimum, imò compendium omnium traditurus: Nihil ergo, inquit, amatorem tuum, & cognitorem beneficiorum tuorum, ita lætificare debet, sicut Voluntas tua in eo, & beneplacitum æternæ dispositionis tuæ: de quâ tantum contentari debet & consolari, vt ita libenter velit esse minimus, sicut aliquis optaret esse maximus: & ita pacificus & contentus in nouissimo, sicut in loco primo: atque ita libenter despiciabilis & abiectus, nullius quoque nominis & famæ, sicut ceteris honorabilior, & maior in Mundo. Nam Voluntas tua, & amor honoris tui omnia excedere debet. <sup>a</sup> Hoc ipsum inculcat alibi hac occasione: Quæstio est sæpius agitata, in quo deum verus in virtute profectus consistat. Quæstioni sic responderetur: In offerendo te ex toto corde tuo, Voluntati diuinæ, non querendo quæ tua sunt, nec in paruo nec in magno, nec in tempore nec in Eternitate, ita vt vna æquali facie, in gratiarum actione permanes, inter prospera & contraria, omnia æquâ lance pensando. <sup>b</sup> Qui adhæret Deo, vnus spiritus est, <sup>c</sup> cum Deo, non naturæ puritate, sed voluntatis conformitate.

Obijcias hinc forsan: Si velit Deus parentes meos mori, quâ ratione possim ego parentum meorum obitum velle? Quod si Deus me aut illos damnari velit, an hoc ipsum velim & ego? Mi bone homo, patrem tuum matremque vult Deus mori, non eo solum quo

ccc 4

illis

<sup>a</sup> Thom. à Kemp. l. 3. c. 22. fine. <sup>b</sup> Idem. auctor l. 3. c. 25. <sup>c</sup> 1. Cor. c. 6. v. 17.

illis eripiatursura vitæ, sed ut satisfiat debito iustitiæ, vel ut seruetur ordo naturæ, quod & te velle conuenientissimum est. Ita prorsus si damnari te velit Deus, non hoc ideo vult, ut tibi malum inferat, sed ut malum puniat, & iustitiam defendat, quæ ratione par est & te velle, puniri noxas, etiam in teipso. Sed opportunè hoc loco illud tibi ingero, quod disertissimus ecclesiastes ante centenos & plures annos memoriæ consignauit in hunc modum: Si te, inquit, quotidie ex integro diuinæ Voluntati ad omnes illius nutus promptum paratūque offeras, veniam noxis obtines, tantūque gratiæ mereris, ut possis non tantū iuferorum rogos, sed & piaculares flammæ non timere. Sincera hæc tui oblatio ad omnem Dei Voluntatem exequendam, pœnitentiarum, & indulgentiarum, & eleemosynarum loco est. <sup>a</sup>

Quid ergo tergiuerfamur? creatæ res omnes, diuinæ parent Voluntati, & hoc (indignum prorsus) detrectet solus homo? Deus propositum sibi finem in rebus omnibus spectat, & consequitur: consequemur & nos nostrum, si cognitâ eius prouidentiâ, nostram ipsius Voluntati semper subiunxerimus. Sed heu, nimis subinde molles sumus, & ad omnes molestias grauiter ingemiscimus. Verissimè Seneca: Quomodo hic potest Deo parere, inquit, & quicquid euenit bono animo excipere, nec de fato queri, casuum suorum benignus interpres, si ad voluptatum dolorūque punctiunculas concutitur? <sup>b</sup> Si quid Deus immiserit, quod grauiorem ingerat molestiam, quodque inferiores animæ vires horreant, tunc maximam imitandi Christi occasionem cogitemus, dicamūque cum Christo. Non mea sed tua Voluntas fiat. Hoc est diuinæ Prouidentiae ac Voluntati se integrè committere, ut ipse de nobis statuatur, quod, quantum, & quomodo voluerit, nos verò nihil excipiamus, nunquam contradicamus.

Ludouicus Blosius hæc omnia suis verbis consignet: Propriam, inquit ille, voluntatem vbique deferat: eam Deo resignet, eam integrè in Deum transfundat, eiusque Voluntati perfectè vniat. Nunquam ore, nunquam corde dicat (spectando seipsum & proprium commodum) verba ista: *Volo hoc, Nolo illud, Eligo hoc, Respicio illud*. Neque in tempore, neque in æternitate aliquid suum quærat: sed omni proprietate reiectâ, se prorsus seipso spoliaret priuèque, & sibi rebusque omnibus sic moriatur, ac si nunquam creatus esset. Quæ-

rat

<sup>a</sup> Ioan. Gailer à Kaisersperg. de spirit. peregrino, proprietate 7. mihi pag. 87.

<sup>b</sup> Sen. de vitâ beatâ c. 15.



rat autem ubique Deum, eiusque honorem ac Voluntatem, ita ut  
 ipsis quoque orationibus piisque desideriis suis, humilem sui abne-  
 gationem, resignationemque coniungat, petens, non suam sed Dei  
 Voluntatem fieri. Omnia quæ sibi eueniunt, referat ad ipsam Vo-  
 luntatem diuinam, & ea nudè de manu Domini suscipiat, sine cuius  
 Prouidentia nec vnum quidem folium arboris decidit in terram.  
 Permissionem ordinationemque illius sicut in prosperis, ita & in  
 aduersis; in damnis rerum, in iniurijs, calumnijs, opprobrijs, ludi-  
 brijs atque sui contemptu; in doloribus corporis, in angustijs pre-  
 furisque cordis; in mœroribus, in derelictione calamitatēque inter-  
 nâ, & in quibuslibet afflictionibus patienti ac tranquillo animo fe-  
 rat, eumque laudet: credens, illum & velle, & posse salutem suam  
 in omnibus promouere. *a*

*a* Blof. Instit. Spirit. c. 2. initio, mihi pag. 355.

## CAP. XII.

## Epilogus

seu

*Omnium in his quinque libris dictorum Compendium.*

Compendiariam hîc docere, beneuole Lector, cogitamus, &  
 Chuius institutionis de conformandâ voluntate nostrâ cum di-  
 uinâ, summam & epitomen dare, ut semper sit in oculis, quod cu-  
 pinus semper esse in animo.

Haftenus dicta digessimus in hunc ordinem.

Et primo quidem libro egimus de *Diuinae Voluntatis Cognitione*.  
 Altero, de *Humanae Voluntatis ad diuinam Conformatione*. Tertio de  
 huius *Conformationis Emolumentis*. Quarto autem, de *Conformationis*  
*istius impedimentis*. Quinto denique, de *eiusdem Conformationis Ad-*  
*iuuentis*. Hæc iam summam & compendio, sic tradimus, ut ea  
 quidem quæ dicta sunt non temerè repetamus, sed dictis confirma-  
 tionem addamus.

## §. I.

*Diuinae Voluntatis*

## C O G N I T I O.

De hac eruditè Bernardus: Formidolosa est, inquit, scrutatio  
 Maiestatis, at Voluntatis tam tuta quàm pia. Quid ni totâ diligen-  
 tiâ scrutando instem sacramento Voluntatis Dei, cui mihi paren-  
 dum

dum per omnia scio? <sup>a</sup> Quis autem ille tam infelix, qui id nolle audeat, quod certus est Deum velle, aut quod certus est eum nolle, id velle præsumat? Quis ille tam proteruæ frontis, tam exhausti ruboris homo, qui dicere non vereatur: Volo potius meam, ô Deus, quam tuam fieri Voluntatem, quia meam vtiliorem tuâ iudico. Ego ipse mihi providebo: æternæ providentiæ tuæ me totum committere, nec securum nec tutum est. Hæc forsân dicere pudori ducimus, non item facere. O multos, nimis modicè verecundos, qui voces has quidem detestantur, sed voce solùm, non re & factis. Hîc profectò grande periculum est, dum infeliciter nobis blandimur, & palpando nosmetipsos seducimus. Nam dissimulamus Dei voluntatem nosse, dum nostram facere, & aliquam de ignorantia habere volumus excusationem. Præclarissimè hîc instruens Bernardus: Propterea rogo vos, inquit, diligenter attendite, quia nihil mihi occurrit quod vtilius possitis audire. Vbi certa est Dei Voluntas, omnino nostra sequatur, in his videlicet in quibus certum aliquid in scripturis inuenimus, aut ipse spiritus manifestè clamat in cordibus nostris, quid sentiendum sit, ut est Charitas, Humilitas, Castitas, Obedientia: hæc approbemus indubitanter & appetamus, quæ placere Deo scimus indubitanter. Sed & ea omnimodis odisse debemus, de quibus certum est quod oderit ea Deus, ut est fornicatio, impatientia. In his verò rebus, in quibus nil certi possumus inuenire, nihil certum voluntas nostra definiat: pendeat inter vtrumque, aut saltem neutri parti, nimis inhæreat, cogitans semper ne fortè altera pars Deo magis placeat: & parati simus Voluntatem eius sequi in quamcunque partem, eam cognouerimus inclinari. Nemo super his quæ certa sunt hæsitet, nemo dubia pro certis admittat, nemo sibi in dubijs iudicium vendicet, præcipitue sententiam, & experiemur quod scriptum est: Pax multa diligentibus legem tuam Domine, & non est illis scandalum. Ergo quod certum est Deum velle, id nos velimus omnino: & quod certum est eum nolle, similiter excremur & nos: quod autem incertum est vtrum velit aut nolit, neque velimus ex toto, neque penitus non velimus. <sup>b</sup>

Hæc longè vtilissima Bernardi instructio, dubijs omnibus occurrit, defectibus actionum nostrarum omnibus medetur. Exemplo demonstratur id quod dicimus. Egenis stipem largior: Hîc sanè nescio,

<sup>a</sup> Bern. serm. 62. in Cant. <sup>b</sup> Bern. serm. Quomodo voluntas nostra diuinæ subijci debeat. mihi pag. 402.



nescio, velintne Deus à me fortasse plus erogari. Ergo ad diuinam Voluntatem confugio: Mi Deus, si scirem te velle in elemosynis dandis me largiorem esse; vtique mox essem largior. Pari modo: Per horæ partem preces in eo; Mi Deus, si nossem te velle prolixius me precari, abiectâ omni cunctatione id facerem. Eodem modo: Ieiunia in eo; Mi Deus si exploratum mihi esset te velle, strictiorem aut crebriorem in eam me tolerare, promptissimus id exequerer. Idem in omnibus alijs actionibus facitandum, cum Deo sic semper paciscendo: Mi Deus, ita hoc, ita omnia alia facere vellem, prout tu à me id fieri velles: quod si ego minus assequor voluntatem tuam, tu meam instrue, impelle, coge prout vis; posside me. mea voluntas non sit mea amplius sed tua, proinde tu illâ vt tuâ vtere. Hinc iuuerit illam Ecclesiæ precatiunculam crebrius iterare: *Oblationibus nostris quesumus, Domine, placare susceptis, & ad te nostras etiam rebelles compelle propitius voluntates.* a Sed & breuissimum illud vel vno die centies repetijse proderit: *Ms Deus, doce me facere Voluntatem tuam* b Aut: *Domine quid me vis facere?*

Hinc etiam ad callidissimas illas diaboli quaestiunculas in promptu responsio est. Solet interdum dæmon interrogatiunculis vrgeri hominem: Si quis tibi hoc illudue obijceret, quid responderes? in hoc illouere rerum euentu quid consilij caperes? Si spes tua te falleret, si quod ambis negaretur, quid oro faceres? Mille talia versutissimus argutor ingerit, & vt cautiùs irretiat, vera falsaue miscet. Frequenter rem eo modo proponit, vt vtram in partem aliquis se flectat, muscipulam inueniat, perplexus fiat, & noxiâ non careat. Tutissimum hinc non respondere: vitus es si cum vasserino Sophistâ hoc coeperis disputare. Ergo disputationem cum aduersario tam subtili ne ingredi, sed velut compressis oculis hoc vnum oppone: Si velit hoc Deus, & ego volo: si nolit, & ego nolo: diuinæ Prouidentiae ac Voluntati me totum do, dico, addico; in Dei arbitratum quantus quantus sum, transij; sicut Deo placuerit, sic fiat. Hoc vno diuinæ Voluntatis clypeo, diaboli tela omnia eluduntur: sic vincitur disputator ex Orco, sic sua homini tranquillitas conseruatur. Ad vberiorem autem diuinæ Voluntatis notitiam, plurimum conducet arbitror, sequens præceptio.

Memorant virum tam eruditum quàm pium, morti iam vicini

num ab amicis & cognatis rogatum hoc modo: Quandoquidem ad Æternitatis ostium iam staret, & ad illas oras, vbi placidissima quies, pararet abitum, hoc vnum se rogare, sui aliquod monimentum relinqueret. Non abnuo, inquit æger, hanc rem vobis gratificari paratus sum. Multa de Deo deque virtutibus me dissenuissimè meminì, nunc dissertationum mearum omnium epilogum, imò virtutum omnium Summam, omnis doctrinæ breuiarium dabo. At scitote, sæpe nobis exiguum videri, quod ad diuinam æstimationem maximum est. Virtutum ergo summarium hoc est: Omnia quæ nobis Deus euenire permittit, æqualiter ab illius manu accipere, nec aliud vnquam velle, quàm omnia ad diuinæ voluntatis perpendiculum facere. En, cognati optimi, hæc omnium virtutum epitome, hoc summarium est omnis probitatis. Sed quæretis forsitan, quis modus sit diuinæ Voluntatis in rebus omnibus cognoscendæ? Modum ergo hunc habetote: Si quis in omnibus ita se affectum sentiat, vt si Dei Voluntatem perspectam haberet, eam sine morâ sequeretur promptissimè, hic à Dei Voluntate non facile aberrabit; implebitur agnitione Voluntatis Dei, & Voluntas Dei in manu eius dirigetur. Et quò talis à ratione & conscientia sæpe se impelli ac trahi persenserit, eò vocantem Deum securè sequetur, modò impulsus isti nil à sacris paginis, aut Ecclesiæ legibus alieni suadeant.

Sed hîc illud obieceris, quod plurimos pessimè angit: Et vnde, aiunt, scio Deum & hoc, & istud, & illud velle? Tunc sanè scis, mi Christiane, & hoc, & istud, & illud, Deum velle, cùm cernis permittere: si nollit, non permetteret: An Deus nolit, quod ab æterno permittere decreuit? Locupletissimum produco testem Augustinum, qui dilucidissimè: Deus, inquit, quasdam voluntates suas vtique bonas, ita implet per malorum hominum voluntates malas, sicut per Iudæos maleuolos bonâ voluntate Patris Christus pro nobis occisus est. Propterea magna opera Domini, exquisita in omnes voluntates eius, vt miro & ineffabili modo non fiat præter eius voluntatem, quod etiam contra eius sit Voluntatem, quia non fieret si non sineret; nec vtique nolens finit, sed volens. Nec sineret bono fieri malè, nisi omnipotens etiam de malo facere posset bene. Obserua hoc, mi Christiane: Non fieret, si non sineret, nec finit, si nolens finit, sed volens. Quod ergo vides vel audis Deum permittere,

a Coloss.c.3.v.2.

b Iſc.53.v.10.

c Ioan. Taulerus sine sermonum de Sanctis, mihi pag. 443.

d Aug.tom.3.in Enchirid.c.100. ad Laurent.Romæ Primicerium.



tere, scias velle. At dices: Etiam peccatum permittit Deus. Ita est; sed non ignoras in omni peccato & culpam & pœnam, velut duos vermiculos in putrido dente, aut cariosâ trabe delirescere; culpam non vult Deus, sed certè pœnam, & ita quidem, vt omnem omnino pœnam, non tantum in nos statuât, sed eâ nos ipse afficiat. hinc sapiissime peccatū punitur peccato, ita per facinus Absolonis incesti punitum est crimen Davidis adulteri. Eadem est ratio ceterorum.

Hanc eandem diuinæ Voluntatis cognitionem promouet illud Siracidæ præceptum: Omne quod tibi applicitum fuerit, accipe. Quid enim tibi poterit manus tui amans, & sapiens imponere, quod tibi non conueniat? Rex cæli pater tuus est, sapiens est, bonus est, omnia potest. Cur in te permittat, nisi quod è re tuâ sit? Hoc ergo quod tibi fuerit applicitum, qualecunque demum & à quibuscunque applicetur, id diuinæ Voluntatis esse scito, & ideo quam agnoscis, hanc & sequere Voluntatem. Memento, ne ea quæ fiunt, velis arbitrato tuo, sed ita fieri, prout fiunt. Peccatum de rebus contingentibus, & in omnibus, Prouidentiam ac Voluntatem diuinam faciliè agnoscas. Optimè Augustinus: Acquiris, inquit, pecuniam, perdis innocentiam: Perde potius pecuniam, custodi innocentiam, & vide directionem quâ dirigit te Deus, vt omnia quæcunque vult, velis & tu: ipsa enim est directio. *b* Quod circa prudentiæ aut prouidentiæ suæ nemo fidat: Medicus quidem, ait Tullius, ingrauescentem morbum ratione prouidet, insidias Imperator, tempestates gubernator, & tamen ipsi sæpe falluntur, qui nihil sine certâ ratione opinantur. Incertæ sunt Prouidentiæ nostræ, & insertissimæ: Neminem fallit, nunquam fallitur diuina Prouidentia.

*a* Eccli. c. 2. v. 4. *b* Aug. in psal. 36. sine primæ concionis. *c* Sap. c. 9. v. 14.

## §. II.

### *Humana voluntatis ad Diuinam*

## CONFORMATIO.

Voluntatem diuinam nosse non satis est, oportet & facere. Seruus qui cognouit voluntatem domini sui, & non præparauit, & non fecit secundum voluntatem eius, vapulabit multis. Rectè sequitur diuinæ Voluntatis notitiam, humanæ cum illâ Conformatio. Sanctissimam Dei Voluntatem agnoscis? ergo & amplectere, & tuam illi subiunge. An forsan hoc expectas, vt illa se tuæ subijciat

*a* Luc. c. 12. v. 47.

&c

& conformet? Frustra es. Deus operatur omnia secundum consilium Voluntatis suæ, <sup>a</sup> Et fac velle hoc Deum, quod tu vis, tuo id damno vellet. Non potest esse bona voluntas, quæ non conuenit cum omnium bonarum voluntatum normâ & regulâ. Fundamentum est immobile: Pax hominibus bonæ voluntatis: at non potest esse non bona, quæ conuenit cum optimâ Voluntate.

Fit quandoque vt materfamilias hypocauftum reperiât plus æquo calefactum, putetque balneum se ingressam, non cænaculum. Hinc bona mulier tota in fermento esse, & in ancillam bilem omnem effundere; stomachosis etiam vocibus sic illam obiurgare: Ecceur, improba, hypocauftum sic calefecisti? ad cenandum huc conuenimus an ad lauandum? quid opus frustra consumere lignorum tam grande pretium? vtrimque nocet, & nobis, & lignis: At ancilla: Ne indigneris, inquit, ô domina, ita imperauit herus. Illa, mox, vbi herum ita fieri voluisse audit, restringit bilem, & mitius loquitur, caloremque ingratum aliàs, discit non sentire. Atque hic finis est pugnæ in verbosissimam litem alioqui protrahendæ. Tanti est illud vnicum respondisse: *Herus ita soluit.* Idem nobis, in aduersis omnibus mansuetum silentium persuaदेat, hoc vnicum cogitasse: *Deus ita soluit.*

Eleganter & verè diuus Prosper: Nec aliud in nobis, inquit, libera voluntas melius agere potest, quàm vt illi se commendet, qui malè agere non potest. <sup>b</sup> Quæ cum ita sint, nihil rectius aut melius facere possumus, quàm inuictæ Dei Voluntati nostram penitus submittere, nec aliud vnquam in animum admittere quàm quod Heli sacerdos dixit: Dominus est, quod bonum est, in oculis suis faciat. <sup>c</sup> Plenissima philosophiæ verba vocat hoc effatum Chrysostomus, <sup>d</sup> quo seipsum Heli ad omnem æquanimiuitatem, etiam in aduersis animauit. Bene hoc quidem Heli, sed optimè Christus: Pater, si vis, transfer calicem istum à me, veruntamen non mea, sed tua voluntas fiat. <sup>e</sup> Prima petitio infirmitatis fuit, altera virtutis: illud, inquit Leo, optauit ex nostro, istud elegit ex suo; vt superiori voluntati cedat inferior, Fiat Voluntas tua. Hæc vox Christianos instruit, hæc martyres accendit, virgines confirmat, certantes animat, pusillanimes roborat, iacentes erigit, mœstos recreat, afflictos sanat. Tandem à Christi voce illorum omnium vox vna est: Pater mi, si non potest hic calix transire, nisi bibam illum, fiat Voluntas

tua

<sup>a</sup> Ephes. c. 1. v. 12.

<sup>b</sup> Prosp. in sent. ex Augustino, num. 318. <sup>c</sup> 1. Reg. c. 3. v. 18.

<sup>d</sup> Chryl. l. 3. contra vitup. vitæ monach: <sup>e</sup> Luc. c. 22. v. 42.



tua. <sup>a</sup> Hic præstantissimus Dei cultus est, cum diuinæ Voluntati nostram penitus accominodamus, & in eâ conquiescimus immobili & imperturbatâ tranquillitate, siue prosperis nos Deus excitet, seu aduersis emendet. Hoc enim est quod assidue petimus: Fiat Voluntas tua, sicut in cælo & in terrâ. Neque enim solùm precamur, vt Dei voluntas fiat à nobis, exequendo quod iusserit, sed etiam de nobis, & in nobis, sustinendo quicquid immiserit. Et hoc præci Patres exercitium Magnum vocabant, à Dei manu omnia accipere, quod Iobus & David exactissimè præstiterunt. Ille: Dominus, inquit, dedit, Dominus abstulit; Sicut Domino placuit, ita factum est; Sit nomen Domini benedictum. <sup>b</sup> Perinde si dicat: Dominus ista cominodauit nec à se abdicauit dominium; quod ergo suum est repetere potest, sit illa benedictus, illi agantur gratiæ. Nec aliter rex David: Benedicam, inquit, Dominum in omni tempore, <sup>c</sup> & aduerso, & prospero, vtcunque ille mecum egerit. Hæc suæ voluntatis in diuinam resignatio, supremæ perfectionis, & sinceri amoris opus est, summus enim amicitiae gradus est, idem VELLE & NOLLE. Sic homo sub iugum mittit affectus omnes, & ad diuinam Voluntatem se totum componit, lætusque canit cum beato Bernardo: Vita mea in voluntate tuâ, Domine. <sup>d</sup> Egregiè Hieronymus de hoc differens: Bonus est Deus, inquit, & omnia quæ bonus facit, bona sint, necesse est. Mariti orbitas irrogatur? plango quod accidit: sed quia sic placet Domino, æquo animo sustinebo. Vnicus raptus est filius? durum quidem, sed tolerabile; quia sustulit ille qui dederat. Si cæcus fuero, amici lectio me consolabitur. Si auditum quoque surdæ aures negauerint, vacabo à vitijs: nihil aliud nisi Dominum cogitabo. Imminet super hæc & dura pauperies, frigus, languor, & nuditas? extremam expectabo horam, & breue putabo malum, quod finis melior subsequatur. Sanus sum? gratias refero creatori. Languedo? & in hoc laudo Domini Voluntatem. virtus spiritûs in carnis infirmitate perficitur. <sup>e</sup> Cedendum est, ait Iustinus Martyr, Voluntati Dei, sicut lutum obsequitur suo figulo. <sup>f</sup>

Hæc omnia Ludouicus Blosius in compendium conferens auro scribendum: Qui veræ perfectionis amans est, inquit, non à Deo solatium internum, non hoc aut illud præcipuè postulare, sed eius gratissimam Voluntatem votis omnibus expetere debet. Licet

enim

<sup>a</sup> Matth. c. 20. v. 42.

<sup>b</sup> Iob. c. 1. v. 21. <sup>c</sup> Psal. 33. v. 1. <sup>d</sup> S. Bern. senn. 14. in Can. serm. med.

<sup>e</sup> Hieron. ad Paulam de obitu Blehillæ. <sup>f</sup> Iust. l. de rectâ confess.

enim illa alia peti possint in gratiâ, immoderatiùs tamen ea appetere, imperfectio est. Planè super omnia Deus à nobis exigit, vt nostram voluntatem illi penitus offerentes, permittamus ipsum facere quicquid volet. Et per hoc verâ pace in omnibus gaudemus. Multò acceptius Deo est, vt cum Apostolo ex animo dicamus: Domine quid me vis facere? quàm si mira quædam ex voluntate propriâ, pro illius amore nos libenter facere velle dicamus. Super omnia namque quæ vel dicere vel facere possemus, hoc à nobis maximè exposcit Deus, vt intus in corde dicamus: Domine fiat gratissima Voluntas tua. Inter omnes preces quas Christus in hoc Mundo fudit, illa summa & excellentissima fuit; Pater, non mea sed tua Voluntas fiat. Iucundum quidem est, dum pro gratiâ & virtutibus oramus, obtinere à Deo quod petimus: multò tamen delectabilius atque vtilius est, potissimo Dei beneplacito & resignare. Vbi quis ad hoc peruenerit, vt seipsum ex toto resignans, & offerens Deo, omnia propter ipsum intus ac foris pati aut subire paratus sit: tunc reuera cum ipso bene agitur & non antè. Bona voluntas virtutum omnium fundus siue fundamentum est. Vnius autem esse cum Deo voluntatis, id virtutes omnes excellit, & in hoc perfectio est. Quisquis enim ita bonâ præditus est voluntate, vt sese abneget ac propriæ renuntiet voluntati, seque liberrimè resignet ac dedat voluntati Dei, eius bona voluntas est perfecta, idèmq; absque formidine & anxîâ sui curâ vitam transigit, & de vitâ æternâ obtinendâ quandam se sentit habere certitudinem. Eiusdem enim in omnibus cum Deo voluntatis est, & pacem habet cum Deo, & in Deo imperturbabilem. Moderatè, suauiter, ac tranquillè ferre nouit & verba aspera, & truces gestus, sæua opera, & quicquid demum iniuriæ, siue in ipsum, siue in amicos eius conferri possit. Sedatè, inquam, & æquanimiter tolerat omnia, quæ ipsi vndecunque, siue à Deo, siue à creaturis quibuscunque accidere queant. Eum perturbare nihil potest, neque iactura terrenarum rerum, vel amicorum & cognatorum, neque corporis aduersa valetudo, neque ignominia, neque mors, neque vita, neque purgatorium, neque dæmon, neque infernus. Quia enim ex vero amore diuinæ se permisit atque resignauit Voluntati, & nullius mortiferi peccati conscientiam tenetur, facile illi toleratu est, quicquid de eo fieri mandat Deus in tempore atque æternitate. Itaque cum aliquid patitur, & in omni rerum euentu, ita cogitat ac dicit: Domine, sicut ipse ab æternitate, antequam ego essem, voluisti, ita fiat, & non vt ego volo. Non



meum commodum, non meam delectationem quærere debeo, sed tuum honorem & tuam laudem. Gravior mihi est tua sancta Voluntas, quàm oprandi libertas. En igitur meipsum dedo, resigno, & permitto tibi Deus meus, non in tempore modò, sed etiam in ævum sempiternum.

Plurimi sunt qui hunc aut illum vivendi modum, hæc aut illa bona appetant, sed plerunque totum quod agunt ex propriâ voluntate procedit. Itaque nihil equidem dicere dubitem, vel vnicam salutationem angelicam cum sui ipsius abnegatione ad gloriam Dei prolatam, meliorem vtilioremque esse multis Psalterijs ex propriâ voluntate perlectis. *a* Ita Blossius.

Millies ergo ingeminandum, quod pijsissimus hic scriptor toties inculcans: Verissima deuotio, inquit, in humillimâ sui resignatione sita est: quando videlicet homo non solum in abundantia, sed etiam in penuriâ & in ære, & alijs quibuscunque casibus ac eventibus in sanctissimâ Dei Voluntate plenissimè acquiescit. *b* Nam, ut optimè Chrysostomus & Bernardus: Humilitatis summa in eo consistit, si voluntas nostra per omnia diuinæ Voluntati subiecta fuerit. *c*

Epictetus haud aliter: audi dignissima quæ geminis scribantur: Mihi quidem, inquit, optabile est à morte me inuadi, nullâ aliâ re, nisi voluntate meâ curandâ occupatum, ut perturbatione vacuus & liber, dicere possim Deo: Nunquid præcepta tua violavi? nunquid ad alia sum abusus facultatibus quas mihi dedisti: num sensibus? num te vnquam incusavi? num gubernationem tuam reprehendi? Ægrotavi, quia voluisti. Ægrotarunt & cæteri, sed & ego volens. Pauper fui te volente, sed lætus. Non imperavi, quia tu voluisti. Nunquam appetui imperium. Nunquid me vnquam hac de causâ tristiores vidisti? Nunquid vnquam vultu minus hilari te accessi? Paratus si quid mandes, si quid imperes: Vis me nunc ludorum celebritate abire? Abeo. Gratiâ quàm possum maximam habeo, quòd me dignatus es ad ludos tuos admittere, & ad spectanda opera tua, & administrationem tuam intelligendam. Hæc me cogitantem, hæc scribentem, hæc legentem occupet mors. *d* Quàm hæc omnia Christianè ac sapienter!

Quæstio inter duos nascebatur super dicto Gersonis, cum alter interrogauit: Rectène Gerson assereret, Iobum plus meruisse

*a* Blof. Farrag. Institut. mihi pag. 542. & seq.

ddd

quòd

*b* Idem in dictis Patrum c. 11. mihi pag. 611.

*c* Chryl. hom. 3. in Matth. Bern. l. supra cit. *d* Epiæt. l. 3. dissert. c. 5.

Quòd illatam à Satanâ ceterisque suis hostibus iniuriam patienter tulerit, quàm si suo libitu opes suas omnes pauperibus erogasset? Rectissimè, inquit iste, nam præmio digni sumus maiori, si ærumnas vndecunque ortas, sine querelâ & expostulatione, sine diuinorum iudiciorum reprehensione, sine inimicorum accusatione & odio sufferamus, quàm si crebris ieiunijs, flagris, cilicijs carnem mace-remus. Tanti est propriæ Voluntatis resignatio. Contra verò im-  
pium est, tolerare nolle, quæ Deus per quoscunque demum, im-  
mittit toleranda.

Humana igitur voluntas nunquam bona est, nisi quæ diuinæ con-  
formis est; tantò autem seipsâ melior est, quantò diuinæ confor-  
mior; illa demum voluntas censenda est perfectissima, quæ subiectis-  
sima diuinæ. Hinc tantum quisque proficit in virtute, quantum  
in suæ voluntatis ad diuinam conformationem. Et hoc libro secun-  
do pertractatum.

### §. III.

#### *Humana voluntatis ad diuinam conformata*

#### E M O L V M E N T A.

Verbo dixero: Humana voluntas cum diuinâ in omnibus con-  
sentiens, Panoplia est virtutum omnium. Nimirum ex hoc arma-  
mentario arma suppeditantur in omne genus calamitatum. Is certè  
qui suam voluntatem agglutinavit ad diuinam, quicquid in rerum  
naturâ triste aut formidabile occurrerit, serenâ mente despiciens,  
hoc vnum ingeminabit: Fiat Voluntas Domini. Eripiantur ei  
opes, conflagent ædes, dicet: Fiat Voluntas Domini. Infestetur  
morbis, exagitetur doloribus, laceretur tormentis, etiamnum cla-  
mabit: Fiat Voluntas Domini. Spolietur honore omni, contume-  
lijs innumeris exagitetur, necdum suum illud desinet: Fiat Volun-  
tas Domini. Omnes illum homines diuexent, omnes illi dæmo-  
nes insultent; ruat cælum, pereat Orbis, pandantur inferi, vocifera-  
bitur adhuc: Fiat Voluntas Domini. In summis calamitatibus, sum-  
mum illius solatium, posse dicere: Sic Domino placuit; hoc vult  
Deus.

Bion interrogatus, quis in vitâ maximè videretur anxius? Illum  
arbitror, respondit, qui in maximis rebus cupit esse fortunatus. mil-  
le curis angitur vt assequatur quod optat, assecutus torquetur ne  
amittat. Nimirum habere satagimus, non adepti dolemus, adepti  
timeamus;



timemus; mouent erepta, sollicitant eripienda. Quisquis autem integrè diuinæ se Voluntati perimit, hinc & hinc liber est, nec enim angitur quid acquirat aut perdat, sed quid Deus perdere se velit vel acquirere. At quomodo scit Deum hoc vel illud velle? Iam dixi: quia cognoscit permittere. In hanc Dei permittentis Voluntatem sic proutem transfudit suam, vt si omnia Orbis mala in se vnū coniuurent, hanc tamen illi ereptura non sint liberrimam vocem: Fiat Voluntas Domini. Admirandum hoc animi robur, & quæ inde sequitur, tranquillitas inæstimabilis. Sed ordine videamus huius in diuinam Voluntatem deuotionis commodum.

Primum. *Pax & gaudium ingens.* Quis restitit ei & pacem habuit? Rectè Augustinus: Fecisti nos Domine ad te, inquit, & inquietum est cor nostrum donec requiescat in te. <sup>b</sup> Proinde saluberrimum Iobi consilium est: Acquiesce ei (conformando tuam ad illius voluntatem) & habeto pacem, & per hæc habebis fructus optimos. <sup>c</sup> Cui conuenit pium illud monitum: Dixi tibi sæpissimè, & nunc iterum dico: Relinque te, resigna te, & fruëris magnâ internâ pace. <sup>d</sup> Nihil profectò tam acerbum est, in quo æquus animus solatium non inueniat. Quod autem in hoc Orbe maius vspiciam possit esse solatium, quàm sanctissimam Dei voluntatem in rebus omnibus amantissimè complecti? Adhibeamus modò rationem difficultatibus, & nostram diuinæ Voluntati per omnia subdamus, hæc vnâ ratione facillimè possunt & dura moliri, & angusta laxari, & graua scitè ferentes minus premere. Omnia nobis & facilia erunt & iucunda, modò nos in omnem Dei arbitratū dedamus.

Secundum. *Singulares Dei ductus in rebus omnibus.* Nam qui adeo liberaliter diuinæ Voluntati se totum perimit, vt nil ardentius cupiat, quàm illam in rebus omnibus & nosse & sequi, huius certè vita momentis singulis sic à Deo temperatur & regitur, vt pænè in omnibus videat quid velit Deus, & vt omnia in suum cedant bonum. De Iosepho Ægypti prorege hoc asseritur: Fuitque Dominus cum eo, & erat vir in cunctis prospere agens: habitauitque in domo Domini sui, qui optimè nouerat Dominum esse cum eo, & omnia quæ gererentur ab eo, dirigi in manu illius. <sup>e</sup> Ita fit prorsus: homo diuinæ Voluntati deditus, ac deuotus, in cunctis actionibus singulariter manu diuinâ ducitur, & dirigitur, ad intelligendam & exequendam Dei Voluntatem.

ddd 2

Tertium:

<sup>a</sup> Ioh. c. 9. v. 4. <sup>b</sup> Aug. l. 1. confess. c. 1. <sup>c</sup> Iob. c. 22. v. 21.

<sup>d</sup> Thom. de Kemp. l. 3. c. 27. <sup>e</sup> Gen. c. 39. v. 2. & 3.

**Tertium.** *Singularis animi demissio & constantia.* Cùm enim hic talis, non mutabilibus rebus suam voluntatem applicet, sed immutabili Deo affigat, ac cum eo sic vnus efficiatur spiritus, vt velit quod Deus vult, nolit quod ille non vult, quamuis caduca hæc & mortalia labantur, & fluant, & mutantur, & pereant, ipse tamen stat semper idem, sicut idem est cui perpetuò inhæret. Mundus transit & concupiscentia eius (inquit Ioannes) qui autem facit Voluntatem Dei, manet in æternum. *a* Venuste Bernardus: Eris, inquit, inter aduersa & prospera mutabilium temporum, tenens quandam Æternitatis imaginem, vtique hanc inuiolabilem, & inconcussam constantis animi æqualitatem, benedicens Dominum in omni tempore, proindèque vendicans tibi, etiam in huius mutabundi sæculi dubijs euentibus, ceterisque defectibus, perennis quodam modo incommutabilitatis statum, dum te cœperis renouare & reformare, in insigne illud antiquum similitudinis æterni Dei, apud quem non est transmutatio, nec vicissitudinis obumbratio, quippe sicut ipse est, ita & tu eris in hoc Mundo, nec in aduersis timidus, nec in prosperis dissolutus. *b* Constantiam repræsentaturi, rupein pingunt marinis fluctibus cinctam, cum inscriptione: EADEM SVM SEMPER. Homo diuinæ voluntati deuotus, hoc idem dixerit in omni sorte. Deprimunt aduersa? *Idem sum.* Extollunt prospera? *Idem sum.* Flagellat Deus? *Idem sum.* Solatur? *Idem sum semper.* Qui facit Voluntatem Dei, manet in æternum.

**Quartum.** *Felix & sue, & alienæ salutis procuratio.* Qui sui sensûs ac propositi tenax est, cùm se non facile aliò sinat inflecti, multas necesse est sibi vias obstruat, & opportunitates rectè agendi intercipiat. Neque tantùm seipsum, sed & alios impedit, quò minus ad optatum finem pertingant. Nihil deterius quàm sic esse suum. Væ filij desertores, clamat Isaias, vt faceretis consilium & non ex me, & ordiremini telam, & non per spiritum meum. *c* Vultis esse vestri: sinam esse sed in supplicium. nam breuî nec vestri eritis. nec mei. Homo crebrosus, & sui arbitrij, non rarò alijs, sibi sæpissime & molestus, & noxius est. At verò qui non suo semper iudicio stare, nec suo viuere ingenio cupit, sed se ad omne vnus diuinæ Voluntatis momentum librare nouit, hic & sibi met ipsi semper, & alijs prodest sæpissime. Nam in omni euentu, etiam pessimo ac turbatissimo, exempla is suppeditat optima omnigenæ virtutis, neque enim aliud ferè audietur dicere quàm hoc vnum: Sicut Do-

mino

*a* 1. Ioan. c. 2. v. 17. *b* Bern. serm. 21. in. Cant. circa med. *c* If. c. 10. v. 1



mino placuit, ita factum est, fiat Voluntas Domini. Ita quò cum Deus vocat, aduolat, & quò auocat, reuolat, nec aliter quàm rex Dauid loquitur: Si autem dixerit mihi: non places, præstò sum, faciat quod bonum est coram se. *a*

Quintum. *Fassigium & culmen est Christiana perfectionis*, hæc humanæ voluntatis cum diuinâ Conformatio. Fructus enim lucis est in omni bonitate, & iustitiâ, & veritate: probantes quid sit beneplacitum Deo. *b* Nimirum, hoc primarium hominis Christiani studium est, exquirere quid velit Deus, quâue ratione sanctissima Dei Voluntas colenda sit, & exequenda, vt in re qualibet, & quouis momento, cum Paulo dicat: Domine quid me vis facere? & cum Christo, Fiat Voluntas tua de me, in me, circa me, per me, tam in vitâ quàm in morte, tam in tempore quàm in æternitate. De hoc tali homine Chrysostomus: Melior est, inquit, vnus faciens Voluntatem Domini, quàm innumeri peccatores. *c* De hac tali mente Isaias: Vocaberis, inquit, *Voluntas mea* in eâ, quia complacuit Domino in te. *d* Qui virtutibus omnibus studere vult compendio, hoc agat: suam voluntatem affigat diuinæ, & iam virtutes omnes perdidicit. Multum facit qui rem bene facit, optimè facit qui promptiùs diuinæ quàm suæ se voluntati subijcit. Hoc est quod Orbis Ecclesiastes Paulus tantâ sollicitudine vrget, quod tantâ diligentiam commendat, quod suorum auribus toties inculcat, & Ideò, inquit, & nos ex quâ die audiuius, non cessamus pro vobis orantes & postulantes, *et impleamini agnitione Voluntatis eius*, in omni sapientiâ, & intellectu spirituali, vt ambuletis dignè, Deo per omnia placentes, facientes Voluntatem Dei ex animo. Vt stetis perfecti, & pleni in omni Voluntate Dei. *e* Idem hortatur Augustinus: Stantem te, inquit, inueniat omnis casus. *f* Verè stat, & omnem calamitatis impetum impavidus excipit, qui suam diuinæ Voluntati iam transcripsit: Stantem hunc inueniunt omnes casus. Mentem diuinæ Voluntati adstrictam nullæ hostium vires auellunt. Fare age Susanna, quid pateris, quibus in periculis luctaris? Angustia mihi sunt vndique: *g* omnibus rebus vrgeor; me plurima depressum eunt, timor, sollicitudo, horror; angustia vndeque affluunt. Sed quid dicis, aut quid agis sic anxia animi, atque incerta? *Melius est mihi absque opere incidere in manus Vestrarum, quàm peccare in conspectu Domini.* *h* O vocem plusquàm virilem, ô constantiam in-

*a* 2. Reg. c. 15. v. 26.

ddd 3

uinci.

*b* Ephes. c. 5. v. 9. & 10. *c* Chrys. tom. 3. hom. 8. in Act. Apost. *d* Il. c. 62. v. 4.

*e* Coloss. c. 1. v. 9. & c. 4. v. 12. *f* Aug. in Ps. 86. *g* Dan. c. 13. v. 23 *h* Ibid.

vincibilem ! Susanna iudicat suavius esse mori, quàm diuinæ Voluntati non obsequi : In quascunque, ait, angustias adducar, quibuscunque calumnijs infamer, quocunque mortis genere afficiar, nihil quidem ego, præter tuam, mi Deus, Voluntatem ante oculos statuo; satius est millies perire, quàm Voluntatem tuam vel semel deferere. En, ô Christiane, Virtutum Panopliam in feminâ ! Stantem inuenerunt Susannam mœstissimi casus. Animus diuinæ Voluntati deuotus, supra omne omnium malorum imperium est : fastigium & culmen attingit, vbi semet in diuinæ Voluntatis sinum suauissimè infudit.

Præclarè Abbas Latiensis Bloisius : Quando nobis Deus, inquit, præsentis suæ consolationem subtrahit, adeoque se à nobis elongat, ac si inter ipsum & nos densissimus murus interpositus sit, quando item nos in angustijs, afflictionibus ac miserijs nostris veluti relinquit (sicut Christus à Patre suo relictus fuit) & perinde nos quasi confugientes ad se, neque videre neque audire veller, solos certare sinit: tum in ipsâ nostrâ desolatione immobiles permanere, & in nullâ mortali creaturâ vel negotio solatium quærere debemus, nisi in illo duntaxat verbo, quod & Christus ipse dixit : *Fiat Voluntas tua.* Hoc verbum & iucundissimum, & Deo gratissimum est. Beatus qui illud ex animo tunc dicere potest. Et hæc humanam voluntatem cum diuinâ conformatam emolumenta comitantur. Sed quia non desunt quæ impediant, idèd tertio, quartus liber adnectendus fuit.

a. Blof. Farrag. Institut. mihi pag. 542.

#### §. IV.

*Humana voluntatis ad diuinam conformanda.*

### IMPEDIMENTA.

Voluntas humana tetriorem in Orbe pestem nullam inuenit se ipsâ. Hæc illa remora est, & omnium grauissimum impedimentum, quò minus diuinæ Voluntati se subdat mens humana. Summum hominis malum, voluntas propria, non consentiens cum diuinâ. Cum Intellectum & Voluntatem arctissimum amicitis vinculum copularit, in procliu est, si Voluntas cuiuspiam rei cupiditate flagret, Intellectum non solùm ad consentiendum, sed etiam ad comprobandum, quod cupit, induci. Est enim intellectus tanquam Iureconsultus. qui blanditijs & munis corruptus, leges explicat



plicat non ad mentem legislatoris, sed ad votum largientis: ita Voluntati difficile non est, Intellectum in suos errores quadam familiaritatis suauitate deducere. De propriâ & malâ voluntate scitè Anselmus: Solus Deus, ait, quicquid vult, debet velle propriâ voluntate: ita vt aliam quam sequatur, non habeat supra se. Cùm igitur homo vult aliquid per propriam voluntatem, Deo aufert quasi suam coronam: sicut enim corona soli regi competit, sic propria voluntas soli Deo: & quemadmodum regem grauissimè læderet, qui coronam ei auferret, sic homo Deum plurimum offendit, qui sibi rapit quod Deo conuenit. Sed sicut propria voluntas Dei, fons est & origo totius boni, ita propria voluntas hominis, totius est exordium mali. « Ita est prorsus; nihil impedimentorum deest, vbi propria voluntas adest; mille sunt obstacula, cùm vnica voluntas claudicat.

Ah, quid resistimus miseri, quò minus nos vltro dedamus Deo, & constituamus nostram in diuinâ Voluntate? Omni iure diuinæ Voluntati obligatissimi sumus. Quidquid enim sumus, non vno sed plurimis nominibus Dei sumus, velimus nolimus. Ille nos condidit, ille reparauit, ille adhuc conseruauit. Illi debemur nos omnes vt conditori, vt Liberatori, vt Conseruatori. Serui sumus & naturâ, & emptione. Et nos scilicet præscribemus Deo, quid de nobis statuere debeat: suâ re non vtetur Deus arbitratu suo, sed libidine nostrâ? Quid præposterum magis? Quapropter si esse volumus, qui esse debemus, ministri Dei, nutu & arbitrio illius omnem vitam, & singulas vitæ actiones instituere nos decet, ita quidem, vt Dei Voluntate non probante nec pedem, neque digitum moueamus, sed hoc vnum summo studio agamus, vt ad amussim & perpendiculum diuinæ Voluntatis, omnia perficiamus, idque quantâ possumus animi alacritate. Ecce, sicut oculi seruorum in manibus dominorum suorum, b ita oculi nostri vigilant, vt vniuersos nutus & indicia diuinæ Voluntatis obseruent. Ite degeneres, ite spuria vitulamina, si vestris vos placitis & arbitrio delectetuiuere; nimis grande hoc serui supercilium est, & intolerabilis arrogancia, si ea tantum mandata velit persequi, quæ sibi probantur, & allubescunt. Et quid indignius, quàm vt homo Christiani sanguinis, qui quotidie rogat, vt Dei voluntas à se & in se perficiatur, suam tamen audeat diuinæ Voluntati antepondere, velitque certo iudicio, quæ patienda sunt, sibi deligere, illis

ddd 4

aut

aut illis miserijs inuolui se sinat, non alijs; illac tenus calamitosus fieri sustineat, non vltra. O nimis emunctæ naris, & perfrictæ frontis homines! Si molestiæ ac cruces essent, quales nos esse vellemus, cruces non essent. Si Deo velis seriò placere, hoc tibi ab ipso petendum, vt te ducat quò ipse iudicat & vult, non quò tu putas & vis. Periculosum impatientiæ genus est, cùm nobis ipsi eligimus, quæ toleranda censemus, perinde si dicamus, vti quandoque etiam dicimus: *Hoc patiar, hoc non; istud tolerabo, illud minimè*. Non hoc seruorum est, sed Domini. Rectè Augustinus: Optimus, inquit, minister tuus est qui non magis nititur hoc à te audire, quod ipse voluerit, sed potius hoc velle, quod à te audierit. <sup>a</sup>

Damnat non immeritò Plato illam vulgi precationem: Deus det tibi quicquid velis: Imò nunquam det, inquit, sed faciat vt velis quod ipse vult. Hæc enim est pura religio; sic te religes Deo. <sup>b</sup>

Hoc ergo summâ voluntate conemur, vt ad Dei arbitrium nos totos fingamus; instar mille legum sit, vnicui Dei VELLE. Suauia sint an acerba, cùm à Deo sint, sine recusatione omnia, & sine exceptione perferenda sunt. Quidam diuinæ Voluntati se dedunt sed cum exceptione, pænè vt priores illi. De his optimè religiosissimus scriptor: Quidam se resignant, inquit, sed cùm aliquâ exceptione: non enim plenè Deo confidunt, ideò sibi providere satagunt. Quidam etiam primò totum offerunt, sed postea tentatione pulsati, ad propria redeunt, ideò minimè in virtute proficiunt. Domine, quoties me resignabo, & in quibus me relinquam? Semper & omni horâ: sicut in paruo, sic & in magno; nihil excipio. Alioquin quomodo poteris esse meus, & ego tuus, nisi fueris ab omni propria voluntate, intus & foris spoliatus? Quanto celerius hoc agis, tantò meliùs habebis: & quantò plenius & sincerius, tantò mihi plus placebis, & ampliùs lucraberis. <sup>c</sup> Si enim voluntas prompta est, secundum id quod habet accepta est, non secundum id quod non habet; <sup>d</sup> dixit beatus Paulus hoc sensu: Vis & meritum virtutis in prompto voluntatis studio consistit, non in magnitudine factorum aut numero. Hinc eleganter beatus Leo: subinde, inquit, æquatur merito, qui distat impendio; quia potest par esse animus, vbi dispar est census. <sup>e</sup> & Anselmus: Hic omnes, ait, tam pauperes quàm diuites æqualiter dant, si quisque ex tanto det quantum habet. Vt ergo seria sit & efficax voluntas, in actum sese ita exerat,

(e.)

<sup>a</sup> Aug. l. 10. confess. c. 26. <sup>b</sup> Plato in Critone. <sup>c</sup> Thom. de Kemp. l. 3. c. 27. <sup>d</sup> 2. Cor. c. 8. v. 12. <sup>e</sup> Leo serm. 4. de ieiunio 10. mensis.



*secundum id quod habet, ut pro viribus aut opibus det, aut faciat quod potest, alioqui tantum velle, non robusta censebitur voluntas. Volumus subinde sed languidissimè, & sine omni nervo. Sic olim Deus per Isaiam queritur: Scire vias meas volunt, quasi gens quæ iustitiam fecerit, & iudicium Dei sui non dereliquerit: rogant me iudicia iustitiæ: appropinquare Deo volunt.* <sup>a</sup> En egregiam propriæ & flaccidæ voluntatis adumbrationem. *Scire vias meas volunt?* In consilia & decreta diuina, eorumque rationes inquirunt, quare permittat Deus populum in Babylone detineri, & indigna pati; mirantur ieiunijs se atteri, & à Deo non audiri: quin etiam *appropinquare Deo volunt*, non vitæ sanctimoniam, sed ut cum eo disputent, eiusque iudicia examinent, & in ius vocent. Horum hominum hodièque affatim est, qui semper queruntur malè secum agi, cum enim caduca bona inhient, iniquè ferunt, ea sibi non largissimè à Deo suppeditari; inter diuinæ Voluntatis cultores censerì volunt, sed volunt frigidissimè; neque enim ad Dei Voluntatem, quam iactant, suam applicant. Proximus est nolenti, qui vult tam frigidè.

Ioannes à Kempis, Thomæ frater, natu maior, vir religiosissimus dicere solebat: Volumus esse humiles, sed sine despectione; patientes, sed sine tribulatione; obediētes, sed sine coarctatione; pauperes, sed sine defectu; virtuosos, sed sine labore; prænites, sed sine dolore; volumus laudari, sed sine virtute; amari, sed sine bonitate; honorari, sed sine sanctitate. <sup>b</sup> Sic velle non multò dignius est quàm nolle. Sic quandoque viuere nolumus, nec tamen volumus mori, ut iure nobis obijciat Angelus, quod illi mortem deprecanti: Pati timeatis, exire non vultis, quid faciam vobis? Quid hinc respondere par sit, Bernardus docet, & voce præit: Viuere erubescō, quia parum proficio, & mori timeo, quia non sum paratus. Paratissimus eris, mi homo, si tuam diuinæ Voluntati delegaueris. Proinde sibi quisque persuadeat: Hæc mihi iusto Dei iudicio, aut in delictorum poenam; aut in virtutis exercitationem, aut præmij augmentum eueniunt. Sanè qui certò in animum suum induxerit, à Deo optimo parente siue immittente, siue permittente, hæc omnia prouenire, gaudebit aduersis, nec homini aut hosti ea imputabit, sed diuino fauori.

Ecquid obsecro luctamur, quin nos voluntati Dei quàm integerrimè impendamus? Væ qui contradicit fictori suo, testa de Samijs

ddd 5

mijs terræ. nunquid dicet lutum figulo suo quid facis? *a* Ecce sicut lutum in manu figuli, ita & vos in manu meâ. *b* Nunquid dicit figmentum ei qui se finxit: Quid me fecisti sic? An non habet potestatem figulus luti, ex eâdem massâ facere aliud quidem vas in honorem, aliud verò in contumeliam? *c* Quid igitur, ô lutum, ô testam. Samia, figulo tuo resistis, cur non diuinæ Voluntati te formandum plenissimè committis? Cedamus seu volenti, seu nolenti Deo, moniti sequamur meliora. Tam præclarè quàm verè dixit ille apud Moguntinos in æde summâ ecclesiastes: nisi cor nostrum se immergat in diuinam voluntatem ac beneplacitum, nunquam potest amaritudinem suam expellere. Animum nostrum modò hæc, modò alia torquet amaritudo. Huic malo, frustra medemur, frustra prorsus, nisi penitus, prout instruimur, in diuinam voluntatem immergamur. *d* Qui benignam & amantem Dei voluntatem spreuerit, iustam sentiet.

*a* Ilc. 45. v. 9. *b* Hierem. c. 18. v. 6. *c* Rom. c. 9. v. 20. 21.

*d* Ioan. Ferus in Ecclesiastâ c. 9. v. 7.

### §. V.

#### *Humana Voluntatis cum diuinâ conformanda.*

### A D I V M E N T A.

Principem hîc locum tenent, *diuina prouidentia Cognitio*, & quæ ex hac oritur, *constans in Deum Fiducia*. Seria cogitatio de Dei Prouidentia, vnicum est remedium aduersus innumeras easque stultissimas hominum sollicitudines. Quid enim verò stultius quàm à Deo optimo Maximo minima non sperare, qui maxima vltro largiatur? Millies & repetendum, & inculcandum illud Iobi: Nihil in terrâ sine causâ fit, *a* nihil, nihil; nec etiam quidquam rerum minutissimarum. Æternæ Prouidentia manus hæc omnia versat sapientissimè. Non casu nobis mala eueniunt, neque è terrâ germinant vt herbæ. Ab alto sunt omnia. Eam quam aliqui fortunam fingunt, nos altissimam Dei Prouidentiam agnoscimus. Diuinæ Prouidentia consilia sunt abscondita quidem, sed iustissima; sunt à diuinâ Prouidentia rerum progressus occulti, sed certissimi. Sortes mittuntur in sinum, sed à Domino temperantur. *b* Dum hîc viuimus, sortes nostræ velut in sinu, vel urnâ videntur esse incertæ, dum eas mors extrahat: sed tamen quod alij præ alijs ad opes, ad honores capeffendos euocentur, non fortunæ est, sed Prouidentia Dei, qui cuncta & vel minima quæque sic temperat,

*a* Iob. c. 3. v. 6. *b* Prou. c. 16. v. 33.



ut illis fors felicitatis obtingat, hi eâ excidant, non casu, sed Dei certissimâ ordinatione. Augustinus hoc astruens: Non sit aliquid, ait, nisi omnipotens fieri velit, vel sinendo ut fiat, vel ipse faciendo. Ideò rex David tantâ fiduciâ: Ego autem, inquit, in te speravi Domine, dixi, Deus meus es tu, in manibus tuis sortes meæ: Omnes vitæ mortisque vices à tuâ pendent Prouidentia & Voluntate; non viuam nisi quamdiu tu volueris, non moriar nisi quando tu quoque volueris; viuendi ac moriendi fors omnis in tuâ manu versatur.

Sigisimundo Imperatori annis compluribus famulus fuit, qui sæpiusculè sorti suæ grauitèr indignabatur, & verò rem indignam esse, seruos optimè meritos, tam parum liberaliter haberi; in eos tantum spargi munera, qui iam antea opibus affluerent, ceteros tot annorum seruitio exhaustos, vix vllis vnquam munusculis hilarari; præposteram hanc esse liberalitatem quæ in vasa iam plena effunderet. Inaudijt Cæsar se ab aliquo suorum perstringi: Ut ergo dicacitatem hominis mitissimâ obiurgatione corrigeret, & os satis importunum obstrueret, hoc ingeniosè commentus: Pyxides duas parari iussit, æqualis omnino formæ ac magnitudinis, & illam quidem auro, hanc plumbo impleri, pari tamen pondere præcepit. Iamque accersitum hominem humaniùs affatus: Ut scias, inquit, non mihi benefaciendi animum, sed tibi gratiam accipiendi beneficia defuisse: En tibi duas has pyxides, vtramque plenam, vnam auro, plumbo alteram, tu iam liberrimè quam velis, elige; alterutra tua est. ea enim quam abdicaueris, proximo cuique dabitur. Ergo age, res tui arbitrij est. Hic miser æstare, modò hanc modò illam pyxidem curiosissimè contemplari, iamque istius, iam & alterius pondus manu explorare, sed æqualissimum deprehendere, nec vllum auri aut plumbi vestigium reperire, sic incertus & anxius diu deliberare, & nihil magis quàm plumbeam paupertatem perhorrescere. Arrecto demum animo, velut si auream fortunam iam manu teneret: Augustissime Imperator, inquit, hanc retinebo. Retinebis, ait Cæsar, hanc ipsam & tibi gratias ages, si potuisti non errare. Protinus aperta est pyxis illa post longum examen delecta, quæ cum plumbum exhiberet, Imperator occasionem nactus: Vides, inquit, tuæ paupertatis causam, mi homo, non mihi, sed diuinæ Prouidentiae adscribendam? hic tibi non Cæsaris, sed Dei Voluntas do. fuit: Si Deus annuisset, hunc errorem tua manus non commisisset.

Optimè

Optimè igitur Rex David : Dixi , ait, Deus meus es tu , in manibus tuis sortes meæ; omnes vitæ meæ periodi , quin imò singula momenta sic à Deo reguntur , & ordinantur , vt omnia , si quidem ego ipse velim , in meum cessura sint bonum. Eadem in hoc omnium hominum est ratio. Augustinus verissimè : Nihil fit , aiebat in istâ totius creaturæ amplissimâ quadam immensâque Republicâ , quod non de summi Imperatoris aulâ aut iubeatur , aut permittatur , secundum ineffabilem iustitiam præmiorum atque poenarum. <sup>a</sup> At nos incautissimi oris , & nullius ferè prouidentiae homines , modò culpam diabolo impingimus , modò hominis illius negligentiam , modò imprudentiam istius , modò quorundam malevolentiam accusamus : iam æmulatorum inuidia ( vt putamus ) nobis obstruit , iam cognatorum fraus impedit , iam cessant amicorum subsidia , iam miseriae nostræ caussa est domesticorum nequitia : Nunquam desunt in quos causam & culpam transferamus ; & cæci , diuinam Prouidentiam , rebus omnibus maximis minimis moderantem , non suspicimus. Quid homines accusamus , ô homines ? Homo , inquit Augustinus , nil potest in hominem , nisi Deus illi det potestatem. <sup>b</sup> Aequè parum in nos possunt diaboli , ceteroqui ad hæc inferiora miscenda , turbanda , euertenda potentissimi. Sed illos Deus velut rabidos canes sic constrictos tenet , vt sine permissu diuino , ipsi nihil sint , nihil possint , nec porcos quidem insidere , nisi annuente Domino. Hanc Dei Prouidentiam Iobus accuratissimè agnorat , idèd tantis gratiarum actionibus ærumnas suas salutarat. Iobo certè diaboli , & omnes hostium cunei , non tantum non ouium greges , sed nec vnus ouiculæ flocculum rapere potuissent , nisi Deus singularem eius rei licentiam dedisset.

Quid quod eadem hac Dei Prouidentia decernente , omnia etiam rationis expertia tantâ ratione in suos quæque fines tendant , vt ab omnibus diuinæ Voluntati obtemperetur exactissimè. Sine diuinæ Prouidentiae legibus nihil omnino nascitur , nihil denascitur aut perit ; nihil mouetur , nihil quiescit. Illa suis omnia finibus destinat , & singulis præsidens intinèque insidens , propriam cuiusque indolem format , perquam vniuersa , in congruas sibi functiones se dirigi sinunt. Et solus homo rationis compos , gubernationi & legibus Prouidentiae diuinæ se subtrahere aut illam ad suos calculos reuocare conetur ? Rem mihi dixisse visus est , qui temeritati hu-

<sup>a</sup> Aug. in sent. apud Prosp.    <sup>b</sup> Aug. in psal. 32.



humanæ ingemiscens : Non est, aiebat, vilius artis aut scientiæ discipulus tam rudis & miser, qui tot magistros, doctores, criticos, censores patiatur, quot æterna Dei Prouidentia ac sapientia, quæ iustificatur à filiis suis. <sup>a</sup> Verùm, vti Gregorius loquitur, sapientes in suâ sapientiâ, & astutiâ Dominus comprehendit, quando eius consilijs humana facta etiam tunc congruè seruiunt, cum resistunt. <sup>b</sup> Multæ cogitationes in corde viri, Voluntas autem Domini permanebit. <sup>c</sup> Sic diuinum consilium, dum deuatur, impletur: sic humana sapientia, dum reluctatur, comprehenditur. <sup>d</sup> Et quatinus homo dum peccat, diuinæ Prouidentiae legibus non pareat, hoc ipsum tamen non perpetrat sine lege Prouidentiae, à quâ vires accipit, quibus in suam perniciem abutitur, & ea finitur agere, quæ absque permisso agere non posset: ita certis circumscribitur limitibus, ne aliter aut amplius malè agat, quàm Deo visum fuerit permittere. Pulcherrimè Augustinus: Non sic, ait, constituta sunt opera Domini, vt creatura in arbitrio libero constituta, creatoris superet Voluntatem, etiam si contra eius faciat Voluntatem. Non vult Deus, vt pecces, nam prohibet: tamen si peccaueris, non putes hominem fecisse quod voluit, & Deo accidisse quod noluit. Sicut enim vult vt homo non peccet, ita vult peccanti parcere, vt reuertatur & viuatur, ita vult postremo in peccato perseverantem punire, vt iustitiæ potentiam contumax non euadat. Ita quicquid elegeris. Omni potenti non deerit, vnde suam de te compleat Voluntatem. <sup>e</sup> Sic omnia prorsus intra Prouidentiae diuinæ ambitum conclusa sunt, vt eam nihil vspiam, nec latentissima quidem, ac subtilissima cogitauincula possit effugere.

Hanc Dei Prouidentiam agnouisse, est in maximum gradum ad Fiduciam in Deum fecisse. Cum enim diuina Prouidentia sic pascat auiculas, vt sua illis alimenta, cubilia, tegumenta dispertiat: sic vestiatur flosculos, vt suos illis odores, elegantias, colores distribuat, quomodo filiorum obliuisci possit, quibus ius regni dedit? Cum ergo Deus maximam suorum, & peruigilem curam gerat, & nihil sine ipsius nutu & Prouidentiae consilio fiat, nō est quod quidquam timeamus vel hominum potentiam, vel dæmonum terribilitatem, vel bestiarum sæuitiam, vel quicquid vterque orbis terribilium minatur. Si Deus pro nobis quis contra nos? Nec vnus est nostris pilus lædetur, Deo non volente. Neque ille nobis quidquam ab  
vilo

<sup>a</sup> Matth. c. 11. v. 19. <sup>b</sup> Greg. l. 6. mor. c. 12. fusè & eleganter.

<sup>c</sup> Prov. c. 19. v. 11. <sup>d</sup> Greg. ibid. <sup>e</sup> Aug. in psal. 110.

ullo irrogari finet, quod non cedat in grande bonum, modò ipsi nobis non desintus, & quascunque deum illatas iniurias quo par est animo excipiamus. Hac in Deum Fiduciâ imbutus Dauid: *In te, inquit, curram accinctus, & in Deo meo transiliam murum.* <sup>a</sup> Est aliquid tam potentem & ætate iam fractum regem currere, longè plus est, indutum armis currere; vix credi potest eundem regem tanti esse animi, vt armis indutus velit etiam murum transilire. <sup>b</sup> Nimirum has vires suggerit Fiducia. Ita sanctus Ignatius verissimè: *Nescitis, inquit, quantas vires habeat magna in Deum Fiducia.* Adeoque in hoc præcipuè nostra elaborare debet meditatio vt huius in Deum fiduciæ quàm altissimas radices agamus. Estque nobis eò vsque enitendum, vt pro-re quacunque natâ, mox ad istud diuinæ prouidentiae asyllum, ceu munitissimam arcem, confugiamus ingenti cum fiduciâ. Eâ de causâ Bernardus omnibus viribus ad hanc fiduciam vnumquemque nostrum excitans: *Crede ergo te Deo, inquit, committe te ei, iacta in eum cogitatum tuum, & ipse te enutriet, vt fiducialiter & fideliter dicas: Dominus sollicitus est mei.* Neque enim hoc sapiunt homines amantes seipsos, curam carnis perficientes desiderijs, surdi ad vocem dicentis: *Omnem sollicitudinem vestram projicientes in eum, ipsi enim cura est de vobis.* Nam sibi quidem ipsi fidere, non fidei sed perfidiæ est. <sup>c</sup> Deo in omnibus fidere hoc virtutis est, & ita quidem fidere, vt nec scire quidem cupiamus, quid de nobis statuerit Deus. Quemadmodum opulentus Dominus ita domum suam fideli œconomo committit, vt ipse quid supellectilis domi habeat, iucundè ignoret, illud secum reputans, pauperis esse numerare pecus. Hoc in Ægypto Iosephus de hero suo: *Ecce Dominus meus, inquit, omnibus mihi traditis, ignorat quid habeat in domo suâ.* <sup>d</sup> Hoc singularis in Iosephum fidentiae argumentum erat. Ita prorsus, magnam is in Deum gerit fiduciam, qui piè simul & eruditè nescire cupit, quid circa vitæ mortisque suæ periodos decreuerit Deus, illud assiduè versans animo, Deum & sapientissimum gubernatorem, & potentissimum regem, & optimum patrem esse, qui & prouidentissimè norit, & efficacissimè possit, & amantissimè velit, cum vera bona suppeditare, tum vera mala auertere. Proinde huic vni & sapientissimo gubernatori, & potentissimo regi, & optimo patri in omnibus sine omni trepidatione

plenissimè

<sup>a</sup> 2. Reg. c. 22 v. 30. <sup>b</sup> Vide supra l. 2. c. 5. §. ult.

<sup>c</sup> Bern. serm. 3. in vig. Natiu. Dom. <sup>d</sup> Gen. c. 39. y. 9.



plenissimè fidendum esse. Ruat iam Orbis, & ridebit homo sic fidens Deo.

Hæc illa sunt adiumenta, quibus in ipsa diuinæ Voluntatis penetralia suauiter deducimur. Quisquis diuinam Prouidentiam nosse didicerit, eidem se committere nil dubitabit; qui autem hoc modo se Deo permiserit, huic facillimum erit in diuinæ Voluntatis ius atque ditionem penitissimè concedere, animo sic composito, vt ad vnam atque vnicam Dei Voluntatem in rebus omnibus collineet, nec tantum non aliud iam velit, nolitue, quam quod Deus vult, aut non vult, sed etiamsi liceret sibi à Dei voluntate dissentire, nihilo minus non aliud velle vnquam aut nolle cuperet, quam quod Voluntati diuinæ placere sciret.

Hoc est quod Catharina Senensis rectissimè inonet, vt qui seriò student virtuti, secretum D. VINAE VOLVNTATIS conclaue in suo met sibi pectore struant, hîc sese concludant, in eo perpetuò habitent, nec inde vnquam vel curiosiorem oculum, vel liberio-rem manum, vel pedem petulantiorem proferant, sed sicut apis in alueari suo, aut in suo monili adhærescit gemma, sic illi in diuinâ Voluntate persistant constantissimè. Virtutum omnium completum breuî obtinet, qui ex animo totum se Voluntati diuinæ deuouet.

Ad Antiochum regem missus est à senatu Romano Caius Popilius legatus cum his mandatis, « vt rex Antiochus se bello, quo Ptolemæum laceſſebat, abſtineret. Rex mirâ humanitate virum complexus, amicissimo vultu dextram ei porexit; at suam inuicem porrigere noluit Popilius, & fronte ad maiestatem compositâ: Seponamus, inquit, priuatam amicitiam; publica iam curanda sunt, & vnâ senatusconsultum protulit, quo iubebatur rex aut Ægyptum non incesſere, aut bellum habere cum populo Romano. Tabellas ab senatu missas vt legit Antiochus, dixit se cum amicis collocaturum. Cui Popilius: Moram, inquit, negotium non fert; tollenda est omnis cunctatio. Atque simul virgâ, quam manu gerebat, pauimentum denotauit, & in eo circulum describens: Prius, inquit, quam hoc circulo excedas, da responsum quod senatui referam. Non legatum locutum, sed ipsam curiam ante oculos positam crederes. Continuò enim rex affirmavit fore, ne amplius de se Ptolemæus quereretur. Ac tum demum Popilius manum tantquam socij apprehendit: sic eodem momento Syria regem ter-  
ruit,

ruit, Ægypti protexit. Idem pænè nobis quod Antiocho contingit, cum Deo amici esse volumus, sed in Dei Voluntatem transire non lubet. Ergo filius in Orbem legatus à Patre missus, diuinæ Voluntatis circulum circa nos designans: Non omnis, inquit, qui dicit mihi, Domine, Domine, intrabit in regnum cælorum, sed qui facit Voluntatem Patris. « En, mi homo, in hoc circulo conclusus es, nec prius egredieris quàm dixeris, num in arbitratum Dei dedere te velis, an tuis placitis viuere. Si tibi pax cordi sit, si nolis esse hostis Numinis, si impium cum Deo bellum oderis, illicò responsum dabis. Ah, mi bone Christiane, quid tergiuersaris, quid deliberas, quid cunctaris? moram odit hoc negotium. Si sapias, regem illum imitaris, & paratissimè respondes: Mi Deus, sanctissimæ Voluntati tuæ me totum perfectissimè trado, & adstringo, paratus omnia & agere, & pati, viuere, mori, prout tu volueris. In quibuscunque vel grauissimis etiam ærumnis summo mihi solatio erit rectissima Voluntas tua. Hanc ego mihi nunc vnam vnicam & viuendi & moriendi regulam statuo: Fiat Voluntas Domini, fiat, fiat. Varijs omnia procellis disturbenter, furant arma mutuis concursibus, classes classibus frangantur, fora litibus dies perpetuos strepant, omnia negotiosis conatibus tumultuentur, hoc ego mihi negotij sumo, vt ad vnam atque vnicam Dei Voluntatem me totum componam. Iamque illud intimo pectore ample-

ctor sanctissimum oraculum: Mundus transit & concu-

piscencia eius: qui autem facit Volun-

tatem Dei, manet in Æ-

TERNVM. *b*

*a* Matth. c. 7. v. 21. *b* 1. Ioan. c. 2. v. 17.

F I N I S.

*Laus Deo, B<sup>m</sup>æ virgini Maria, & omni-  
bus SS. Angelis.*



# I N D E X R E R V M N O T A T V Digniorum

E

*Septem libris confectus, quorum hæc sunt nomina;  
& his inter illos ordo.*

ÆTERNITAS  
ZODIACVS  
HOROLOGIVM  
NICETAS  
TRISMEGISTVS  
AMYSSIS  
HELIOTROPIVM

In

HOC RERV M INDICE NVMERVS  
paginam designat.

A

*Aaronis* summi sacerdotis vestis, quàm & cur tam pulchra. 883.  
*Absalonis* Humanitas mala ob Intentionem deprauatam. 710.  
*Abstinentie* exempla. 394. 339. & seq.  
*Actiones* bonæ ex animo faciendæ sunt, vt diuinæ voluntati obtemperetur. 933. Actiones omnes quomodo incipiendæ. 831.  
*Admonitiones* & Inspirationes diuinæ. 1003. Admonitio ad Aulicos. 861. Admonitiones pro Religiosis ad bonam Intentionem. 860. Admonitio ad omnis ordinis homines. 867.  
*Adulteris* oculi eruendi. 308.  
*Aduersa* nostra ad tempus. 27. Quâ fronte excipienda. 1018. 1063. Non solum ab Inimicis, sed etiam Amicis expectanda. 1049.  
*Ærumna* non fugere, sed petere,

signum est magnæ in diuinam voluntatem deuotionis. 949.  
*Æternitas* quid. 6. Est timenda. 77. Eam describit Boethius. 1. D. Augustinus aliter. 1. Æternitatis symbolum Ægyptijs annulus. 1. Præcis sphaera, sella. 2. Sol & Luna. 2. Basiliscus. 3. Asbestos lapis, & linum Asbestinum. 8. Salamandra. 9. Æternitas in Mopetâ Faustinae Imperatricis. 2. Æternitas declaratur dicto Tibertij. 13. Eius per imaginem descriptio. 4. Quanti eam fecerit Thomas Morus. 61. Eius causa quid perferendum. 93. 171. Eius cura inter homines exigua. 73. 76. 471. Eam cogitare quid conferat. 35. 79. 171. Illius perpetuò memor lo. Godefridus Episcopus. 428. Æterna vita qualis. 89. Quomodo emendanda. 90. Æternitas Inferni, quæ & versu  
ccc describitur

describitur. 423. Illa nec mors  
nec vita dicenda, quia utrâque  
peior. 428.

*Ætas* hominū quid & quanta. 33.

*Affectus* malos tollendos demon-  
stratur similitudine. 166. 168. li-  
dē similitudine alia declarantur.

165. 169. Affectus inordinatus  
in rem parvam damnatus. 763.

*Affe* aues sumus. 598.

*Alexander* Macedo, quomodo me-  
dicum cum paratā portione ve-  
nientem exceperit. 111.

*AMA*: omnis lex. 281. Amici pri-  
mæ admiſſionis; ſecundæ ac  
tertiæ apud priſcos; ita etiam  
apud Deum. 481. Amoris in  
Deum actus XIII. 106. 107. A-  
mor filialis & ſeruilis mulieris  
ignem & aquā ferentis reſponſo  
explicatur. 733. Amor ſui quo-  
modo ſe curet. 796. Quomodo  
in operibus noſtris cognoſca-  
tur. 792. Amor ſui recte Inten-  
tionis inimicus 626. Quomodo  
Intentionem vitiet. 795. 838.

*Amphitheatri* Romani capacitas.  
17.

*Angeli* cur præ ceteris beatorum  
ordinibus ſummè venerandi,  
nouem cauſæ. 221. Angelorum  
chori, quales & quomodo ad il-  
los perueniendum 225. Eorum  
amor & iuſta ira in nos, è ſacris  
paginis. 226. 227. 228. 229. 230.  
231. Amoris exempla. 268. Eo-  
rum numerus nouum mundū  
conſtitueret. 232. Indiuiduorū  
omnium numerū excedit. 233.  
Exercitus conſtituunt Angeli.  
233. Legiones XII. Angelorum  
quis numerus. ibid. Angeli nos  
vt fratres habent. 251. Eorum  
cura quando maximè neceſſa-

ria. 254. Eorum officia proban-  
tur ex libro & hiſtoria Tobie.  
249. & ſeq. Eorum veſtes, habi-  
tus, forma, aſſumptum ſchema.  
235. Cur excalceati, 241. Illis  
non licere niſi candidā veſte vt  
putauit Seuerus Antiochenus.  
240. Eorum Laudes & Auxilia.  
332. Inſeruiunt Philippo Nerio.  
570. Angelis ſimiles facit noſtra  
voluntatis cum diuinā confor-  
matio. 935. Angeli magis gau-  
dent diuinam voluntatē adim-  
pleri, quàm de ſuā gloriā. 943.  
Angeli quos ad Lateranū Con-  
ſtantine magnus ſtatuit. 241.  
Angelus cur dici poſſit perfe-  
ctus homo, & homo perfectus  
Angelus. 231. Angelus cuſtos  
Iuliani Apoſtate diſcedere viſus  
eſt. 270. Angelica radix, Caſti-  
tatis ſymbolum. 243.

*Animus* horizon eſt Æternitatis &  
temporis. 1. Animi commenda-  
tio. 205. Animus quid antiquis  
philophis. 574. Animus bene-  
cultus ſolum hominis bonum  
proprium. 575. Animus noſter  
ad diuina vt ſtatue argillaceæ  
Promethei. 576. Inter animum,  
Corpus, & peluim Amariſis com-  
paratio. 573. Animi iniqua ſer-  
uitus erga corpus docetur Apo-  
logo duorum fratrum. 586. A-  
nimus remiſſus ſeu tepidus. 809.  
867.

*Annus* Platonius. 79.

*Apologus* de lupo & Opilione docet  
vitia eſſe omnino necanda. 499.  
Apologus de Lunâ & eius Ma-  
tre declarat hominum mutabi-  
litatem. 662. Vide Fabula.

*Appetitus* gloriæ cur homini à Deo  
ſit inditus. 778.



*Aqua* offertur in munus Artaxerxi. 667.  
*Aquila* pullos exploranti Intentio comparatur. 670.  
*Aram* collapsam Angelis quis extruat. 277. Ara diaboli qualis. 306.  
*Ardua* p[ro]p[ter] Dei honore aggredi; est signum conformatae cum Deo voluntatis. 953.  
*Ars* virtutem dat, non natura. 446. qualis illa ars. 453.  
*Asbestos* lapis mirandae virtutis. 8.  
*Asinarum* lac ad candorem & tenetudinem faciei. 613.  
*Astra* fumus, sed errantia. 505.  
*Athenienses* fumus, optimè decerimus; pessimè exequimur. 156. 660.  
*Attendere* sibi. 872.  
*Anaristie* & lucri causa vāni mortaliū labores. 627.  
*Andacia* cursoris veredarij. 413.  
*Andior* concionum Herodes qualis. 131.  
*AVE MARIA* &c. Vnicum quid profecerit. 566.  
*Aversis* à Deo per peccatum quid sit. 696.  
*Aves* concolores simul volāt. 325.  
*Anlam* fugit canis, & ictus semel p[er]nè plus suo domino sapit. 660. Aulicorum in comparanda Principum gratiā vanum studium. 629. Eorundem vitia & miseriae. 862.  
*Aurum* sensus cum alijs custodiendus. 391.  
*Auspiciū* dici à rectā Intentione lumendum. 828.  
*Austeritas* vitae sanctorum. 360. vide Rigor & ieiunium.

## B.

*Balneum* Hetrusci pretiosissimum. 17. Balneum Poppæae è lacte soc. asinarum. 613.  
*Basiliscus* qualis bestia. 3.  
*Beatitudines* octo per obsequia Angelorum in Christum ostenduntur 255. & seqq. Beatos putabat Plinius secundus, eos qui aut facerent scribenda, aut scriberent legenda, beatissimos qui vtrumque. 15. Beatitudo in terzis est Conformitas humanæ voluntatis cum diuinā. 989. Beatis quantum sit gaudium, si videant à nobis diuinam voluntatem impleri. 943.  
*Bellandum* olim Atheniensibus cum fuisset strenuè, illi tures & mœnia dealbarunt. 612. Bellum non terret Archimedem. 62.  
*S. Benedicti* Victoria contra Cupidinem in spinis. 338. & seqq.  
*Bona Voluntas* nato Christo ab Angelis dilaudata. 748. 749. Est gaudium Angelorum. ibid. Est vera quies & vera pax. 752. Quomodo illam Deus ad se trahat. 999. Omnem dolorem mitigat. 1028. Bonæ voluntatis homines Christo similes dicti 991.  
*Bonis hominum* propositis quam insidietur diabolus. 760.

## C.

*Cadavera* Regum Indorum sic tabantur igne & ornabantur. 611.  
*Caca* & faeca Senecæ famula Harpate. symbolum eorum qui nauos suos ignorant, in alijs vident. 479. Item oculi Lamiarum. 494. Foris argus domi talpa.

*Calibatus* longævus facit. 327. *Œ*  
*ſeqq.*

*Calicem* aureum quis offerat Angelis. 277.

*Calceorum* varietas & luxus ſtupendus. 591. *Œ ſeqq.* Exemplū Heliogabali. 662. Vide Prodigalitas.

*Caligarum* variæ formæ. 598.

*Cantus* cæleſtis 244.

*Capillum* fucanti nihil credendum probat Philippus Macedo. 634. Vide, Crinis.

*Capite teſto* Mugil, Lampreta, Perdix ſe non videri putant. 403.

*Carcer* Meſſeniorum *Theſaurus*. 83. Carcer Actiolini Parauinorum Tyranni. *ibid* Carcer Perſarum *Lethe* ſeu *Obluſio*. 84. *Cari* Imp. factum nobile. 616.

*Caro* per Iſahelis ſæuitiam ſignificatur. 34. Quomodo ea mulſtanda ſit, Agaſo Athenienſis docet. 355. Idem docent Remiges. 356. Idem & exemplum Dominici Loricari. 357. Carnis pœnæ apud inferos delictis reſpondentes per partium enumerationem. 422. Carnis blanditijs captum hominem ſignificat Europa cum ſuo tauro. 381. Vide Corpus.

*Caſtitas* quanta Virtus. 439. Caſtitaratem vouendi modus. 833. Comparatur vitro Veneto. 373. Eius iacturâ quanta. 200. Caſtitas Xenocratis, Scipionis, Alexandri Macedonis, Spurinæ, Democlis. 294. 310. Periclis *ib.* Caſtitas inter Leones tuta. 227. 383. Etiam in Lupanari. 275. Amica Angelis. 231. Quanto ſter labore, patet ex hiftoriâ Io Goddefridi Epifcopi. 361. Caſtitas Angelorum. 267. Caſtitaris in

adolefcente Ingolſtadiano mirabile exemplum. 306.

*Cenodoxia* ingenioſè triumphat. 778. Eius ſtudioſi contemnūt.

771. Quam vana, periculofa &

769. Quomodo ſe inſinuet. 771.

*Ceram* qui offerant Angelis. 276.

*Ceruus* in alieno ſtabulo ſe prodit. 411. Ceruus ſagitrâ confixus quomodo ſe ſanet. 65.

*Cernical* Equitis Rom. qui ducet HS. debebat, emit Imp. Auguſtus, quod illi tantus debitor ſecurè indormire potuerit. 493.

*Charitatis* lex. 207. Charitatis actus nobiliſſimus noſtræ Voluntatis cum diuinâ conformatio. 892.

*Chorea* quid ſint; quid efficiantur. 382.

*Chori* Angelorum quales; & quomodo ad illos perueniendum. 224.

*Chriſtiani* nomen quantæ efficaçiæ. 976. Chriſtiani quidam manè pſalterium, meridie conuiuium, vespere conuiçiū. 505.

*Cibus* Angelorum, cibus hominum. 262.

*Cilicy* origo & antiquitas. 359. Eius uſus in priſcâ & nouâ legē ab exemplis probatur. 358. In cilicio munditiem quærere, ſuperuacaneum B. Hilarioni videtur. 630.

*Cingulum* Caſtitaris quanti B. Hieronymo. 243, 283.

*Cogitatio* Morofa inferos meretur. 331.

*Collari* lauando & plicando expenſi quinquaginta Philippei. 597.

*Colorem* ſibi ſuiſque veſtibus ſingentes Deum negligentia arguunt. 598. 604.

*Columba*



*Columba* mutuae fidelitatis symbolum fuit. 685.

*Communio* sacrae opportunissimum consilium. 547.

*Comparatio* inter poenam nostram quam adeo horremus, & aeternam quam non timemus. 25. 75. 78. Comparatio nulla inter guttas maris, & aeternas lacrimas. 35. 77. 78.

*Conciones* cur sine fructu plerumque audiatur. 625. Concionator aulicus Ioannes Baptista. 132. Eius auditor rex Herodes. ibid.

*Concordia* humanae Voluntatis cum diuinâ vnde oriatur. 1112.

*Conditiones* requisitae ad vniendam suam voluntatem cum diuinâ. 925. Conditiones vt Deo illa vnio & conspiratio grata sit. 974. Conditiones ad opus meritum requisitae. 852.

*Confessio* peccatorum sine emendatione quid. 187. Confessio rara vix erit integra. 371. Eius usus rarissimus & frigidissimus superiori saeculo. 375. Confessionis frequentis causae nouae. 372. & seq. Suaderetur similitudine. 376. Confidentium exempla insignia. 374. Confessio indicitur a lo. Chrysostomo ob sequentem Leonis. 376.

*Conformitas* cum diuinâ Voluntate demonstratur exemplo. 162. Illius aestimatio apud Deum. 161. Miraculis approbata. 962. Conformitas nostrae Voluntatis cum diuinâ quae sit, & quae eius felicitas. 924. 961. Tristes solatur. 997. Quae illam impediunt & quae ad illam maximè faciant. ibid.

*Consensu* bona quid sit: quid sit

mala. 513. 516. Conscientia comparatur Testudini. 481. Domui & sentinae. 465. Arbori ac viti. 465. Conscientiam suam non decipit, qui fallit alienam. 492. Conscientia damnatorum quae dixerit. 419.

*Consilia* bona tunc bona sunt, cum fiunt. 549 Consilio prudentum vtendum. 1051. Consiliarii boni qui sint declarat rex Alphonsus. 354.

*Constantia* figura boues trahentes astra Dei. 507. Eius merces notatur per poma in ora vestimenti Aaronis. 510. Constantiae exempla. 502. Constantia Platonis & Aristippi. ibid. Constantia virilis in Matre Symphoriani. 98. de Constantia. 508. Constantia hominis Iusti. 96.

*Conuersio* mala. 1024. 1025.

*Contemptus* & Ignominia generose perferenda. 998. Contemptus potius querendus, quam Laus. 777.

*Continentia* quantum profit corpori. 326. Vitam plurimis longissimam producit. 328. Vide, Celibatus. Castitas.

*Contritio* vera quid. 186. Quales actus contineat. seq.

*Contumacia*. 1024.

*Conuersio* Davidis ad Deum. 30. Guerrici. 41. Conuersi è sacris sententijs. 550. & seqq. Exempla memoranda. 551. 553. 554.

*Communiorum* circulus inter filios Iob. 45.

*Cor rectum* quale sit. 898. 1007. 1009. 1012. 1013. pag. seq. Cor hominis prauum & inscrutabile. 1008.

*Corpus* humanum quid. 341. Cor.

pus ornatum simile feretro. 647. Domus ruinam minitanti. 651. Inter Corpus, Animam, & peluim Amasis comparatio. 573. Corpus humanum est sepulchrum. 577. Est Tartarum. ibid. Est crocodilus. 579. Corpus colit, qui affligit. 582. Corporis in animum iniustum dominium docet apologus de duobus fratribus. 538. Corporis membra quomodo tractanda, docet Pachomius. 588. Corporis humani imago pomum Gomorthæum. 611. Idolum Capitolij. 612.

*Crania*, Caluæ, mortuorum ossa. Godefridum Episcopum æternitatis admonent. 428. Vide, Serpens.

*Cras* dilatio vanissima. 61. 75. 194.

*Creata* omnia Deo obediunt præter hominem. 1007. Creatis rebus non fidendum, sed Deo. 1012.

*Crimes* Crinici vitiosè. 600. 654.

*Crucis* frustra tolerantur defectu bonæ Intentionis. 745. Crux quare in ferro Angelorum. 241.

*Cultum* corporis, neglectum animi pulchrè explicat Apologus Heri & famuli. 584. Cultus corporis Augusto Cæsari superbiæ vexillum, Luxuriæ nidus. 590. Eius effectus. 634. & seqq. Non cultu corporis, sed virtute constat maiestas imperatoria. 616. Vide, Corpus. Vestis. Prodigaliras.

*Cupidinem* fugere, est vincere. 342. Cupidinem apicula pupugit. 341.

*Cura* Angelorum quando maxime necessaria. 254. Cura cor-

poris quanta ubique. 385. & seqq.

*Custodes* corporis sint oculi, non proditores. 309. Custodia corporis Regum Lacedæmonum, & Regum Macedonum. 232.

*Cygnus* in vitâ gemens, in morte cantans nobis documento est. 107.

## D.

*Dæmonibus* quomodo Deus utatur ad puniendos seu vexandos homines. 897. Illorum tentationes in articulo mortis superatæ. 817. Dæmones non sunt timendi. 1040. Dæmonis in pendendis hominibus studium. 761. Quàm curet Dæmon ut bona faciamus malâ. Intentione 714.

*Damnati* in Inferno ut haleces in dolio, ut lateres in fornace calcariâ, ut maciata oues in macello. 114. Eorû sermones qui. 104. 429. Eorum æstimatio de mundo. 178. Damnantur quot horis plurimi. 202. Damnantur centum, è quibus nonaginta nouem damnat libido. 331.

*Dammum* fluxæ rei quanti fiat præ damno vitæ æternæ. 471. Damnum temporis cum damno æternitatis collatum, lucrum est. 51.

*Darius* acinacem habuit, cuius vagina ex gemmâ fuit. 669.

*Defectus* nostri gradus. 169.

*Delitæ* nostræ, heu quàm breues & fluxæ. 27.

*Deliberatio* Iosaphati de coniugio. 364.

*Deprehensum te memento*, horum verborum vis explicatur. 400.

*Desperatio* apud inferos. 421.

*Deus*



*Deum* quid sit, nescit respondere Simonides, Hieroni Regi Siculo.  
*1.* Deus quid sit nescit Plato; scit quid non sit. *1.* Deus quid fuerit Mercurio Trismegisto, quid Persis, quid Turcis. *1.* Deo gratias Cypriani martyris. 108.  
 Deus meus & omnia dictum S. Francisci. 119. 201. Dei præsentia. 228. 278. Deum qui doceant quærere, qui adorare, quis inuenire. 247. Deo tribuenda quæ nobis aduersa accidunt, non alijs. 968. Ille etiam damnatorum curam habet. 959.  
*Diana* cur Virgo pingatur. 387.  
*Diem hunc perdidisti Amici*; dictum Titi Imp. 490. Diem auspicabantur ad solis occasum Ægyptij. 571.  
*Differendū nihil* Alexander Magnus victor fuit. 282.  
*Diffidentia* sui. 951. Diffidentia circa diuinam prouidentiam reprehensio. 1080. 1098. Diffidentia Moysis quomodo punita. 1106.  
*Dignitatem* operum nostrorum Deus sibi vult reseruari, utilitatem verò, nobis. 768.  
*Dilectio* inimicorum in Stephano, Paulo, Dauide quid mereatur ab exemplo Christi. 144. pluribus argumentis suadetur. 145. vsque ad 155.  
*Diogenis* Cynici studium ad placendum hominibus. 717.  
*Disciplina* Regum Pipinus. 373.  
*Discipulus* Alcibiades Ludimagistro Homerum non habenti colaphum rependit. 354.  
*Dives* non diues. 121. Diuitias decies centenorum millium philippeorum ornatu mediocri gestabat Lollia. 613.

*Doctrina* Christiana (vt vocant) concio, quanti sit. 131.  
*Dolor* noster ad Deum Pædagogus est. 185. Ille doleret verè qui sine teste doleret. 486. 228. Noster dolor cum Inferorum doloribus comparatus ludus & iocus est. 418.

*Dormire* potuisse equitem Rom. qui ducentes HS. æris alieni consumpsit, mirabatur Augustus, sed multò magis mirandū eum, qui peccato lethali obstrictus est, dormire posse. 492.

*Duo mala* robustiora sunt vno bono. 685.

*Duplicem* personam sustinent qui nos lædunt: vnā quā nobis malè volunt; alterā quā diuinæ Iustitiæ nos punientis Instrumentum sunt. 902.

## E.

*Effigies* sepulti per aliquot dies cadaveris. 656.

*Electio* diuina circa varios homines, cur iam mirabilis. 1093.

*Eleemosyna* Magdalene non grandis, æternam memoriam meretur. 22. Eleemosynæ largitio qualis ars. 134. Quid conferat extremo die. 136. Quid timere soleant eleemosynam parcius dantes. 135. ad dandam eleemosynam admonitio. 138.

*Emendatio* vicæ. 228.

*Epilogus* de rectâ Intentione. 871. Epilogus Heliotropij. 1121.

*Epulonem* Euangelicum damnant vestes. 605. Eius Epitaphiū. 84.

*Eremicolarum* veterum quorundam vitæ. 1079. Eremitarum duorum illustre exemplum de amando Deo amore filiali. 707.

*Error cum rectâ Intentione non potest consistere.* 869.

*Eucharistia* SS Effectus. 115. Crebra Iteratio. 116. Eius neglectus variè suadetur à diabolo. 113. Excusatio plurium frigida. ibid.

*Euentus* in pio conatu admirabilis. 486.

*Europa* cū suo tauro notat hominē carnis blanditijs captū. 381.

*Examen Conscientiæ.* 120. suadetur ab exemplo 466. Indorum Gymnosophistarum mos circa illud. 454. S. Bernardi modus. 472. Eius auctor primus Phocylides. 455. Examen Pythagoræ: & aliorum. 455. seqq. Senecæ. 456. Eius commoda & utilitates sex. 458. Illud frequentant Monachi apud Climacum, qui etiam cogitationes libellis à cingulo pendulis notârunt. 462. Singulis horis se examinavit S. Ignatius Loiola: Franciscus Borgia: de die sapius S. Franciscus Xaverius. 463. Examen Conscientiæ nisi moueat, frustra erunt Ecclesiastes, Confessarius, Præceptor. 464. Quem illa ligat, etsi index soluat, ligatus est. 465. Quid David de illo senserit. 467. Fuit etiam in Cēnâ Domini examen conscientiæ. 468. Eiusdem faciendū aliquot modi. 470. Integrè hoc faciendum. 470. Accuratè. ibid. Dolenter 471. Constantè. 473. Accommodatè Medelâ. 474. Quo emendationis proposito, faciendum, exemplis etiam docetur. 485. Eius modum docet Nathan. 477. Quomodo repidè fiat. 512. Cur crebrò faciendum. 517. Monstratur exemplo Ruth, & Ephraëtorum. 517. & 518.

*Excusationes* ob examen conscientie: Defectus temporis. 487. Somnus. 489. Vellem modò possem: diluuntur ordine. 491.

*Exempla* eorum qui gratiâ Dei exciderunt, & qui eam assecuti sunt, & de modo assequendi. 152. Exempla conformata voluntatis cū diuinâ. 1116, 1118.

*Existimatio* de Æternitate Myrogenis, Tullij, S. Francisci Assisiatis. 28.

F.

*Fabula* Cereris & Triptolemi, applicatur curæ animi non corporis. 572. 575. Fabula, Pietas & Thetis conferuntur. ibid. Vide Apologus.

*Facere* quod in se est, reliqua diuinæ Prouidentię committere, summa est securitas. 965.

*Faciem* quædam feminae vnixerunt excrementis Crocodili. 612.

*Fames* Inferorum. 415.

*Familiaritas* cum Deo. 219.

*Festinandum* est, sed lentè. 840.

*Ficus* arefacta Auditoris verbi Dei symbolum. 128.

*Fidere* sibi quantum malum. 1099. & seqq. Fidelis seruus. 720.

*Fidens* Deo, à Deo non deseritur, nisi Deum prior ipse deserat. 1037. Fiducia in Deum quanti momenti sit. 198. 951. 1036. 1037. Nititur cognitione diuinæ prouidentię. 1066. & 1082. Est fortior omni milite. 1037. 1054. 1057. 1059. Fiducia in Deum, erigendæ causæ aliquot. 1039. Illa maximè in oratione necessaria. 1043. Fiducia perseverans. ibid. In quo consistat. 1077. Fiducia vera annexam sibi habet resignationem Volunta-



Voluntatis, 1044. In aduersis elucet, 1046. 1056. 1059. Eius exemplum in Abrahamo, 1053. In Ezechia fiducia prodigiosa, 1055. Non fallit, 1061. Vitæ tranquillitatem affert, 1062. Im-municatem à vitijs, 1064. Est in aduersis robur, 1063. Fiducia in Deum cum perseverantiâ, 939. 957. Fiducia in homine posita, quomodo punita sit, 1055.

*Fieri* in omnibus Dei voluntatem, quàm assiduè petendum, 996.

*Filius* cæli Angelus; filius iræ ho-mo, 237. Filios suos quomodo Deus flagellat, & flagellum in ignem coniiciat, 895. Filios de-gençres quomodo punit, 1007.

*Finis* bonus requirit bonum me-dium, 701.

*Flammæ* fornacis Babylonie quid significant, 5. Quid sint Inno-centibus, 226.

*Fletus* & Stridor dentium quis sit apud inferos, explicatur, 414.

*Flosculum* quantumvis exiguum non decerpere ex bonâ Inten-tione, quanti sit apud Deum, 767.

*Fætor* inferni, 416.

*Fons* Idumææ ter in anno colorem mutat, 660.

*Forma* Angeli; forma hominis, 260. Forma virginea gladiolus aureus est, effodiendis oculis, 308. Forma etiam muta elo-quentissima est oratio, patet id ex historiâ Iosaphati, 366, & seqq.

*Fortitudo* Angeli; fortitudo homi-nis, 261. Fortitudo S. Benedicti comparata cum fortitudine Ro-manorum, 340.

*Fortunatus* Tudertini Pontificis ma-

nibus pulsus dæmon peregrini speciem assumit, 714.

*Fortuna* nihil, omnia Dei nutu & voluntate, excluso peccato, con-tingunt, 892. 937. 1069. & seqq. 1091.

*Fratres* suos nos habent Angeli, 251.

*Fragilitas* Victus & Vestitus Cari Imp. 616.

*Fugere* Cupidinē, est vincere, 342.

*Fures* vestium splendorum non puniuntur etiam sæuissimo Ty-ranno, 619.

G.

*Gabriel* & Asmodæus non bene conueniunt in vno cubiculo, ne dum in vno pectore, 264.

*Gaudium* viatoris exulis vanum, 70. Gaudium verum vbi sit, 969, & toto cap.

*Gazophylacium* Dei, 1082.

*Gedeonis* eiusque militum exem-plo solius Dei gloria in Inten-tionibus quærenda, 719.

*Generosum* Stilponis dictum, 119.

*S. Gertrudis* singulare studium, Ma-ior Dei gloria, 695.

*Gloriam* ab homine captare absur-dum, 786. Qui illam maximè fugiunt, maximè assequuntur.

772. Gloriarî in re malâ quan-tum sit malum, 773. Gloriarî alieno est, de proprijs gloriari.

772. Gloriarî solo Deo oportet.

774. Gloria vana, & omnia huc spectantia, 767. vsque ad 792.

*Gradus* nostri defectus Antiochi Epiphaniis exemplo, 159.

*Gratias* Deo agere de re etiâ parvâ, quàm magnâ sit, 779. Hoc age-re, est regula cognoscendæ diui-næ voluntatis, 912. Gratias Deo

# I N D E X

etiam pro calamitatibus & malo agenda. 1030.

*Gratitudo* in Angelos. 274. & seqq.

Gratiæ Deo agenda. 477 & seqq.

*Gula* quantum vitium, eiusque effectus. 297. & seqq. *Gula* quid Ambrosio. 380.

*Gustatus* sensus. 394.

## H.

*Heresis* Origenis, & Anitorum circa Æternitatem. 65.

*Heliotropij* natura. 929. 992. 995.

*Hieronymus* tanquam Ciceronianus vapulat: quid Amadisianis fiet? 303.

*Hirundo* quomodo medeatur cæcis pullis. 632.

*Homo* qualis. 264. *Homo* statuæ similissimus sententiâ Stilponis. 576. *Homo* cur dici possit imperfectus Angelus; Angelus imperfectus homo. 231.

*Homo* seu humanum corpus quot ossa, & ossicula habeat. 1072. *Hominum* laudes & contemptus negligendi. 718. *Homini*bus solum placere velle quàm malum sit. 686.

*Honestum* ei vile est, cui Corpus nimis carum est. 381. *Honor* quotidianis obsequijs exhibendus Angelis. 280.

*Has* has poteras non perdere, dicebat Plinius Maior Nepoti. 390. *Horarum* omnium Leno, obscærus scriptor. 301. *Horis* singulis benedicendus Deus, & renouanda Intentio. 828.

*Horologij* quomoni comparata Dei

providentia. 1108. *Horologium* sicut furem prodidit, ita nos Conscientia. 412.

*Hortum* colens & mores negligens discipulus Socratis à Magistro suo audit: Ne hortum haberas cultiorem quàm animum. 574.

*Hospitium* qui Deo negat, hospitem se exhibet diabolo. 226.

*Humani* respectus hostes rectæ Intentionis maximi. 627. *Humanos* oculos non curare signum bonæ Intentionis. 849. *Humana* auxilia non ante diuina querenda. 1111.

*Humilitas* quantum vbique proficit, & quàm turba sit. 778. *Humilitas* cuius genij & quid hominem doceat. 205. *Quantum* meritò facienda. 224.

## I.

*Ieiunium* suis coloribus & effectibus probè describitur. 378. 383. & sequentib. Gignit sapientiam Ieiunium: ibid. *Ieiunij* hominis spiritum fugat serpentes. 379. *Ieiunij* memorabile exemplum Elisabetha Lusitanæ Regina. 531. Vide, Abstinencia. Prohibet Libidinem Ieiunium: exemplo demonstratur. 385.

*Ignis* inextinguibilis. 417. *Quinam* eò mittendi, ibid.

*Ignominia* ingentes pro Amore Christi & alienæ salutis desiderio tolerata. 999.

*Imago* Christi crucifixi in Curia Venerat, & B. Virg. in aulâ scholarum



*Imaginem* Monachij. 304. Imago Pauli vbertum lacrimata est ob impendens exitum Andronico Imperatori. 44.

*Immortales* Darij milites. 22.

*Immunitas* à vitijs quomodo acquirenda. 064.

*Impatiencia* quid mereatur. 185.

*Hyperium* nostrorum affectuum & vitiolorum ostenditur dicto Matris Neronis: Occidat, dum inueneret. 356.

*Inconstancia* humanæ voluntatis. 24. Ostenditur exemplo studiosorum. 495. Aliorum 504. 508. 565. 567.

*Incontinentia* descriptio. 754. Eius inuitamenta explicantur. 294. & seqq.

*Incuria* Archimedis. 62. Incuria humana monstratur exemplo milui. 159.

*Indifferentia* Diuinæ voluntati conformis cur assumenda. 997. 1002. 1003. Indifferentia ad Paupertatem. 997. Ad contemptum & ignominiam. 998. Ad morbum. 1000. Ad mortem. 1001.

*Indolens* homo quale sit Animal, exemplo traditur. 639.

*Indorum* Gymnosophistarum mos circa Examen conscientie. 454.

*Infernalis* loci ac Societatis conditio. 420. Infernum euitat, qui sepe cogitat. 416.

*Ingratitudo* in omissione S. Communionis. 113.

*Inimici* ignoscere quanta virtus. 145. & 146. Illos tolerare, &

amare debemus. 146. & sequent.

*Iniuriam* Christo fieri in inuocatione sanctorum refutatur. 526. Iniuriarum obliuio illustribus exemplis declaratur. 148. Iniuriæ quomodo ferendæ. 920. 992. 1000. 1083.

*Innocentia* docetur sententiâ è sacris litteris. 502.

*Infantia* varia circa vestitum. 596. 597. & seqq.

*Intellectus* Angeli qualis, qualis hominum. 258.

*Intentio* bona quid sit. 670. Cur oculus Christus vocet. ibid. Laborem reddit facilem. 672. Solum Deum attendit, reliqua negligit. 675. 840. Intentio rectissima quæ sit. 673. Eius necessitas. 678. Si absit, actiones humanæ communes cum brutis fiunt. 688. Opus Intentione carens, est bestia sine corde. 689. Intentio recta in quo potissimum consistat. 690. Alia actualis, alia virtualis. 691. Palladio Helenopoleos Episcopo cogitationes prauas adimit. 696. Eius praxis. 705. An rem malam possit bonam facere? 696. Eius gradus qui sint. 702. Intentio bona est Midæ virgula. 705. Eius indicia. 719. Iudicat actus. 712. Facit opera indifferentia æternæ gloriæ meritoria. 853. Quanta eius vis. 735. 765. Intentio sincera D. Iosephi, Mariti D. Virg. in Christi obsequio. 749. Intentionis bonæ signum est vera indifferentia. 850. Est gemma pretiosissima. 753. Quam inimica demonibus. 759

Res facilis est Intentionem bonam in omnibus habere. 793. Intentionem optimam quis in omnibus & quàm multiplicem habuerit. 765. Illa non solum opera, sed etiam omissiones operum bonas reddit. 767. Eà multiplicatà, multiplicantur etiam opera. 794. Rem parvam facit maximam. 796. 800. 757. Facit ut dormire simul & precari possimus. 797. Quomodo & quoties in die multiplicanda 799. Eius septem præcipuè emolumenta. 800. In illà qui errat, errat in omnibus. 804. Intentio hòc purior est, quò minus aliquis seipsum quærit. 807. Intentio indifferens quæ sit & quæ nulla. 739. Intentio mala etiam excellentissima opera ita vitiat, ut nullius sint meriti. 831. Intentio mala quàm multiplex. 624. Illam prodit operis publicatio. 715. Quid sit Intentio mala. 708. Intentionis prauæ in actionibus partim bonis, partim adiaphoris exempla illustria. 710. & seq.

*Inuestiua* in mortalium circa Intentiones ignauiam. 880.

*Inuidia* quale venenum. 263. Est signum prauæ Intentionis. 845.

*Iouis* Simulacrum trinoculū quid significet. 408.

*Ira* & amor impotentissimi affectus. 166. 262. & seq. Iracundia grande malum. 166.

*Iudei* abant olim Arcopagitæ in tenebris. 491.

*Iudicia* temeraria quare non ferenda. 811. Quàm sint frequentia. 812. Facile est decipi tali iudicio: & quale quàmque grande

sit hoc vitium. 810. Iudicat qui libet prout affectus est. 813. Iudicia temeraria vitare quàm Deo placeat. 814. 817. Quot talia Iudicia contra Christum, & Sanctos prolata sint. 815. Tali iudicio omnes subiecti sunt. 816. Vnde oriuntur. 817. Eorum remedia. 818. seq. fusiùs de temerario Iudicio, eiusque nequitia. Iudicia hæc non curare signum est rectæ Intentionis. 842. 847. Iudicia Dei quàm mirabilia. 904. 905. 906. 907. & seqq. Iudicia Dei non indaganda. 910. 939.

*Iustitia* lex. 201. Iustum deduxit Dominus &c. quomodo intelligendum. 677. Iusti hominis Constantia. 96.

## L.

*Labore* pellitur solitudinis molestia. 387. Laborans ab vno diabolo exercetur, deses ab innumeris. 388. Labor ardet Libidinem. 390. Labores multiplices defectu rectæ Intentionis sine fructu sunt. 630. Iumentorum laboribus ij labores similes sunt qui sine rectà Intentione. 747. Laborum nostrorum præmium. 758. Labores sine Intentione bonâ araneorum textili architecturæ similes. 786. Quâ Intentione tolerandi sint. 835. Laborum humanorum vanitas, de quâ verè possit dici: per totam noctem laborantes nihil cepimus. 878. 881. Labores pro salute aliorum non fugiendi. 1001.

*Lacrimæ* æternitati sacræ. 423.

*Lacus* apud Troglodytas miræ varietatis. 660.



*Lampadem* argenteam balsamo ardentem quis suspendat Angelis. 277.

*Lamprea* merso capite putat se non videri. 403.

*Lapsides* D. Stephani nulli nisi Christo venales. 753. Lapillum ore versauit triennio Agathon. 483.

*Latrones* miro & subito leti genere moriuntur. 1086.

*Laudes* B. Virg. celeberrimæ. 530. & seqq. Vide, cultus B. Virginis. Laudandus Deus tam agritudinis quàm sanitatis tempore. 1000. 1013. Laus & contemptus in hoc Mundo perinde haberi debent. 775.

*Leena* Arcesilai mamorea, hominis tentati symbolum. 339.

*Legere* pie quid sit 348. Lectio spiritualis, ibidem. Lectio S. Bernardi assidua. 348. Lectionis sacre effectus, multorum ad Deum conuersio. ibid. & seqq. Lectio properata non conducit. 352. Eiusdem varietas obest. 352. Lectio ad actum deducenda. 393.

*Lex* tota est A.M.A. 281. Leges ad æternam felicitatem consequendam. 18. Leges in libris Moïsi quot. 281. Lex Zaleuci in adulteros lata. 308. Leges in familiam Elcearj Comitris. 319. Quæ lex iubeat sanctos inuocari. 328. Lex Oppia prohibet luxum vestium feminis. 614. Item Syracusana. 636. Lex Laconum circa vestes. ibid. Francorum veterum 637.

*Liber* fit ex vnico versu in laudem Matris Domini; vbi numerus stellarum indicatur. 420.

*Libertas* Laconis pueri admiranda. 294.

*Libido* conuincitur. 198. Angelis inimica. 264. 303. Pestis corporis. 326. Latro. 331. Pantomimus. 438. Turpitude. 437. Comparatur rectè Phalangio tactu pestilentissimo. 435. Mantichoræ omnis feritatis compediò. 437. Libidinem inter & canem comparatio aptissima. 430. Et Libidinis cum ratenâ comparatio. 430. Cum vino dulci. 434. Libido damnat nonaginta nouem e centenis. 331. Ad omnia alia vitia inducit libido. 332. & seqq. Libido est vitium insatiabile. 430. Immedicabile. 431. Communissimum. 432. Inuisissimū Angelis. 433. Fugacissimum. 434. Damnosissimum. ibid. Fallacissimum. 435. Compendium omnium vitiorum. 438. Turpissimum. 436.

*Libri* spirituales qui legendi. 351. 332. Libri vetiti quantum malum; & quid de ijs sancti Patres senserint. 300. & seqq. Similes ranis Aegyptijs. 301. 302. Illorum Lectores electores Barabæ. ibid.

*Lingua* maledica. 584. Lingua fortuna, lingua daemon, clamabant Aegyptij in Harpocratis sacris. 315. Linguae lasciuæ vsus vetitus. ibid. Linguam inter & Turdum comparatio congrua. 317.

*Listera* S. Xauerij ad S. Ignatium. 1116.

*Longanimitas*. 929. 1025.

*Loquenti* secum iuueni Diogenes dixit: vide ne cum malo homine loquaris. 491.

*Locus* Angeli & locus hominis valde dispares. 259.

# I N D E X

*Lucerna* Epicteti post eius mortem  
vanijit mille drachmis. 534.

*Ludi* Augusti maximij sumptus.  
16.

*Lumen* ante venerabile sacramen-  
tum quid sibi velit. 31.

*Lumen* cum accenditur quis mos  
Germanis. 31.

*Lumen* rationis fidesque quid o-  
stendat. 102.

*Lupi* & Opilionis Apologus docet  
vitium non tam puniendum es-  
se, quam necandum. 499.

*Luxuria* currus instructus. 387.

## M.

*Magorum* ad Christum aduentus.  
719.

*Magi* cur consulantur, cur magicæ  
artes Ambrosio nocere non po-  
tuerint. 1111.

*Magistratus* quadraginta quinque  
gessit Phocion vilissimi vesti-  
tus. 618.

*Magnanimitas* necessaria. 1110.

*Malum* omne excepto peccato à  
Deo prouenit. 892. 894. fusè.

*Malum* pœnæ & Malum culpæ  
necessariò semper distinguen-  
dum. 917.

*Mali* alia distinctio. 899.

*Mala* omnia licet à Deo sint,  
resistere tamen ijs possumus.  
896.

*Malorum* seminarium est, non cre-  
dere, mala omnia à Deo proue-  
nire. 899.

*Malum* Deus permittit, vt eliciat  
inde bonum. 900. 959. 1095.

*Malum* volens inferre voluntate,  
an potestate noceat, an neutro  
modo. 902.

*Malum* sustinentis patientia, In-  
feren em non excusat. 904.

*Malum* quomodo Deus permit-  
tat, exemplis ostenditur. 958.

*Malitiam* multam docet otiositas.  
297.

*Malorum* vita cur quandoque fe-  
lix & prospera. 1109.

*Manfuetudo* commendatur ex scri-  
turâ. 204. Quinam Manfueti  
dicantur. ibid.

*Mare* mortuum & falsum quid si-  
gnificet. 3.

*Maris* profunditatem quomodo  
nautæ explorent. 58.

*Memoranda* sapius sex documen-  
ta ad ieruandam veram in Deo  
fiduciam. 1050.

*Medicamen* contra venenum. 328.

*Medulla* bonorum operum quæ  
sit. 681.

*Medullatum* Deo holocaustum of-  
ferre, est, Deum interiùs, non  
in superficie colere & diligere.  
ibid.

*Membra* hominis ad quem finem  
sint creata, ostenditur per par-  
tium enumerationem. 888. Eo-  
rum vsum docet recta Intentio.  
ibid.

*Memnonis* vocalis statua. 509. Eius  
manus ambæ, sedi sic innire-  
bantur, vt hominis surgere vo-  
lentis similitudinem exprime-  
rent. ibid. Huic Memnonis si-  
mulacro quidâ homines pror-  
sus simillimi sunt. 510.

*Mendacium* & veritas. 206.

*Mensa* quomodo accedenda. 394.  
Ad mensam non voluptas quæ-  
renda, sed necessitati succurren-  
dum est. ibid.

*Mensarum* delicatum apparatus  
quinam contempserint & odes-  
sint. 394. 395.

*Menstrua* sanctorum sortitio quâ  
habeat



habeat originem; & de hac re  
plura. 544. & seqq.  
*Menstruus* sanctis adscripta virtus  
cuius rei moneat. 558.  
*Mercedis* signum ob constantiam,  
poma in orâ vestis Aaronis. 510.  
*Mereri* æternitatem facile est. 21.  
82.  
*Merita* Pauli Eremitæ cum eius tu-  
nicâ præferuntur regnis regum-  
que purpuræ. 22. 626.  
*Miles* qualis probeatur Catoni :  
qualis non probeatur. 504.  
*Milui* magnanimo comparatur re-  
cta Intentio. 869.  
*Minimum* de se tenuisse tam ma-  
gnum est, quàm res maximas  
fecisse. 141.  
*Misericordiam* Dei non consequi-  
tur qui vltionem appetit. 152.  
& 153.  
*Misericordie* excellentia. 203.  
*Modestia* seu submissio Philopæ-  
menis mira. 617. & 618. Cari  
Imperatoris. 616. Rudolphi I.  
Austrij Imperatoris. 610.  
*Modi* examinandæ conscientiæ.  
470. & seqq. 481.  
*Moror* est noster ad Deum pæda-  
gogus. 185.  
*Monasterium* Accemetarum, seu  
vigilantium. 23.  
*Monasterij* S. Altonis quis mos  
cum virgo sacrum velamen in  
templo accipit. 32. Similis ra-  
tio in Monasterio Isidori apud  
Thebaidem. 32.  
*Mons* maximus meris arenulis  
constans Æternitatis typus.  
33.  
*Morbi* quomodo tolerandi. 1000.  
1035. Morbo afflicti confor-  
ment se lampadi artificiosè  
pendulæ. 1001. Virgo exi-

miæ sanctitatis nunquam vl-  
lius morbi doloribus ita op-  
pressa fuit, quin Dei amo-  
re grauiore perferre expeteret.  
ibid. Circa morbum & sanita-  
tatem humana voluntas sit in-  
differens. 1001.  
*Mors* quid, & quomodo nobis-  
cum agat, melius docet. 159.  
Quomodo subeunda. 1001.  
1034.  
*Mors* liberorum quomodo à pa-  
rentibus toleranda. 1087.  
*Mors* incertissima quo loco expe-  
ctanda. 189. Et quomodo. 204.  
219. Inexpectata. 63. Eius viæ  
atque aditus mille. 65. 207.  
283. Semper timenda. 185.  
Præparatio ad mortem. 283.  
*Mortis* memoria in Philippo Ma-  
cedone. 30.  
*Mors* Iusti Liqij. 37.  
*Mortis* temporariæ timor maxi-  
mus; æternæ panè nullus.  
83.  
*Mors* cum Religiosis non nemo  
vult, cum ceteris viuere. 92.  
Velut Balaam. 485. Et ille qui  
in vitâ Cræsus, in morte Socræ-  
tes esse volebat. ibid.  
*Mors* cur appeteramus. 108.  
*Mortui* iam, non morituri su-  
mus. 201. 265.  
*Moriuntur* quot horis plurimi,  
damnantur plurimi. 202.  
*Mortem* felicem impetrant aspira-  
tiones ad Christum. 206.  
*Morbundus* quinque sensibus gra-  
tias egit. 398. In morte non  
sufficiet fuisse, sed esse bonum.  
507.  
*Moriebantur* sedentes, & hoc situ  
etiam sepeliebantur Nalamo-  
nes. 2.

*Mortificationes* Deo offerendi modus. 834.

*Mos* Indorum circa examen. 454.

*Mugil* merſo capite ſe non videri putat. 403.

*Mulier* compta domus omnium infernalium dæmonum S. Ambroſio. 631. *Mulier* & nauis nunquam ſatis ornantur, ait Cato. 601.

*Muſæ* ſunt Virgines. 331.

*Mutationis* impatiens Ageliſaus eleganti ſententiâ declaratur. 502. Mutabilitas ſeu Inconſtantia. 1026.

## N.

*Natiuitas* Chriſti deſcribitur. 745. & ſeqq.

*Natura* non dat virtutem, ſed ars. 446. qualis. 453.

*Neglectus* Verbi Dei. 128. quantum malum. 136.

*Negotiatur* qui propter Chriſtum ſua deſerit. 118.

*Nidus* eſt præſens vita. 108.

*Nomen* ſycophantę apud Plautum tam longum, vt indigeat face & viarico. 590.

*Non* lubet bonum eſſe. 314. Non vacat pietati vacare. ibid. Nō petit Deus à nobis noſtra, ſed nōs 974. Non facilè turbari ſignum eſt rectę Intentionis. 840. 841. 842. 849. Non putāram, turpē eſt dicere. 93.

*Nulla* regula ſine exceptione: Vbi locum habeat hoc dictum, vbi non. 1063.

*Numerus* noſter reſpectu æternitatis euaneſcit omnis. 33. 35. 56.

## O.

*Obedientia* in arduis. 226. Quām

vtulis orationi & ſacro certamini. 188. 189. Obedientia Angelorum. 268. Obedientia Chriſti erga Patrem æternum. 765. Obedientiā cum fructu exercendi modus. 832.

*Oblivio* iniuriarum; non ſolum condonatio requiritur. 151. Exempli eius rei egregia. 148. Oblivio rerum tāducarum primus ad veram Inrentionem gradus. 704. Oblivio ſui ipſius ſecundus ad illam gradus. ibid.

*Ocaſio* bene faciendi non tam acceptanda quām rapienda. 230.

*Oculus* Dei vbique omnia videt. 366. 399. Oculi adulteris eruen- di. 308. Oculi ſint cuſtodes corporis, non proditores. 309. Eorum officia & ſitus. ibid. Vltimò vitam accipiunt, amittunt primi. 310. Eorum ſimilitudo cum parulâ domo. 311. Eorum continentię exempla rara. 310. Oculus Dei quæ olim occulta ſit oſtenuſus. 414. Oculum Dei & hominū priſci apoloĝo declararunt. 411. Oculus Tyri Imperatoris magnanimos fecit milites. 408. Oculi lenones, raptōres &c. ſunt. 191. Oculo comparatur Intentio. 669. 832. Quantum ille oculus ſibi amorē conciliet 683. Oculis columbarum pię mentis oculi comparati. 685. Oculos in ſolum Deum dirigendos oſtendit exemplo ſuo coniux Tigranis Armenię Regis. 881.

*Odoratus*. 393. Odoris factitij impatiens Flavius Veſpaſianus. 393. 601. Odore proditur. Muleaſſes Tūetorum Rex. 394.

*Offerre* ſe totum Deo quanti res momenti



momenti sit. 974. Quam hoc gratum sit Deo. 975.

*Officia Angelorum.* 245. & seqq. Probatum hæc è libro & historia Tobia. 249. & seqq. Probatum exemplis. 252. *Officium paruum Angeli Custodis.* 193.

*Olea* sterile scit si tondeatur lingua Capræ. 317.

*Olentes* optime viuunt, fatentur grauissimè mortui. 394.

*Oleum* qui offerant Angelis. 276.

*Omnia* ad maiorem Dei gloriam faciendâ & omittendâ. 691. 842. 659. 868. 870. 691.

*Omnipotentem* quasi reddit hominem verâ in Deum fiduciam. 1102.

*Opera* & officia inertium & otiosorum. 386. Opera nihil sunt sine intentione bonâ. 670. 683. Opus hominis iusti æternam gloriam promeretur, si à charitate impetretur. 695. Opus bonum sine intentione bonâ varijs similitudinibus improbatum. 732. Opera nostra non sunt ponderanda ad vulgi opinionem. 682. Quo pacto possint fieri coram hominibus. 721. Humilitate regenda esse. 775. Deo tantò sunt gratiora quanto melior est intentio. 798. Ita à nobis illa faciendâ sunt quasi in theatro corâ Deo solo constitutis. 798. Opus bonum bonâ intentione omitti potest, malum fieri non potest. 804.

Opera nostra quomodo meritis Christi viuenda sint. 839.

*Oratio* vera quid sit. 223. In aduersis utilis. 1131. Orationes tres ad SS. Angelos. 201. 202. Ad eodem in necessitate mortis. 108. Oratio (Anima Christi) quid in se contineat, 222. & seqq. Ora-

tio quæ continet omnia spectantia ad Contritionem. 186. Orandus Deus ante periculum, non solum in periculo, præsertim animi. 366. Orandi modus. 481. Orandum singulis horis. 338.

*Ornatus* corporis quomodo eludatur. 654. 657. Ornatorum plus æquo infamia. 648. Ornatus animi comparatur arce testamenti. ibid. Ornatum Græci Imperatoris quomodo spreuerint Germani. 621. Ornatum suo medio cre gestabat Lolliæ pretium quadringentes HS. seu decies centena millia philippeorum. 613. Ornatus nunquam satis nauis & femina. 397.

*Otiū* nugarum mater, virtutum nouerca, 297. Luxuriæ fomentum: & quantum malum. 295. & seqq. Otij fuga docetur à S. Paulo. 389. Otium fugientes. 388. & seqq.

## P.

*Pacta* demonis cum hominibus qualia. 690.

*Pallum* scissum Antisthenis Socrati argute vanitatem eius ostendit per foramina. 630. Pallij varia forma. 397.

*Parthorum* Reges ad euitandum otium tela acutunt. 390.

*Parturientes* nunquam parientes qui sint. 497. Exemplum est Pharaõ. 498.

*Passionis* suæ Christus hominem admonet. 117. Pati propter Deum, est esse Dei amicum. 124. & seqq.

*Patientia.* 183. 359. Eius exemplum. 90. 1080. Vide, Ieiunium. Patientia vera est ubi Voluntas Dei consideratur. 1012.

*Patrimonia* integra dependent ex auribus. 613.

*Patroni* certi certorum hominum. 529.

**PAUCI**: Vox brevis<sup>9</sup> sed alti sensus, & quis effectus huius vocule. 161. & seq. Paucorum seruandorum figuræ & exempla. 172. & seq. 175. & seq. Pauci cur sint, qui intrent per angustam viam. 174. Paucitas illa ostēditur. 179. Paucos esse saluandos prædicūt Prophetæ. 175. Christus. 494.

*Paulus* Apostolus quali, & quantâ Intentione perpeſsus sit omnia. 677.

*Pauper* superbus quale monstrum. 264. Pauperulam matrē quomodo exceperit summus Pont. Benedictus XI. 619. Paupertas quomodo ferenda. 997. Eius utilitas. 1077. Pauperes cur tor reperiantur, cū tamen diuina prouidentia omnibus prouiderit. 1077.

*Pax* & bellum in sinu Q. Fabij Carthaginensibus defertur. 240. Pax summa conformitas humanæ voluntatis cum diuinâ. 990. & seqq. 1098. 1131.

*Peccatores* Deus alloquitur. 1007.

Peccatum letale cogitatione vnicâ patratum meretur infernum. 12. 187. Huius peccati poena ab exemplo. 13. Eius grauitas. 498. Peccare bis non licet in bello; quid inde concludatur. 93. Quid debeat peccatum.

198. Peccata seu defectus quomodo quidam in seipsis punierint. 482. Duo studiosi adulescentes. 486. Miles iuramentis assuetus. ibid. Modus quo in se quisque peccata puniat. 487. Peccatum in conscientia, ignis

in sinu. 459. In peccato quid dormit, ad inferorum fauces dormit. 461. Satius esset applicare viperam ad latus. 492. Vitiosus, seu peccator suis coloribus pulchre depingitur. 188. 469. 473. 519. Peccatorum magna pars tollitur, si peccatoris testis assistat. 278. Peccatum Angelorum quantum. 224.

*Perdix* recto capite non putat se videri. 403.

*Perfectio* hominis Christiani quæ. 1133. Perfectionis summa est, Vnio voluntatis humanæ cum diuinâ 892. 980.

*Perpetuas* rei etiam vilissimæ, maximi momenti. 66.

*Perseuerantia*, 1026. 1027. & seq.

*Pes ligneus* in aureâ crepidâ. 659.

Pedum ornatus planè prodigus. 591.

*Phengites* lapis quo vsus est Domitianus Imp. ostendit quæ fiant à tergo. 807. Hoc lapide quomodo sit vsus Maximilianus I. Imp. historia mirabilis & elegans. ibid.

*Pietas* obstinata quæ sit. 805.

*Philautia* seu amor sui rectæ Intentioni contrarius. 848.

*Pictores* obsceni quid mereantur.

305. Eorum supplicium. 306.

Pictores antiqui turpes. 307.

picturæ foedæ quale venenum.

305. Aristotelis de illis sententia. ibid. Earum imaginum cōemptio miranda. 306. Pictor

tiro cū imagini Helenæ plus iusto auri adderet, audiit ab Apelle:

cū non posses pingere pulchram, pinxisti diuitem. 639.

Pictus Germanus cū vario pan-

ni genere sine vestibus. 595.



*Pigmenta* faciei. 601. & seqq.

*Piger* vult & non vult, fusius explicatur. 494.

*Piles* varia forma. 597. *Pileus* Canonici Moguntini à Carolo I V. Imp festiue reprehensus. 629.

*Penitentia* non differenda. 156. Quamdiu hæc vt proba montata valeat. 429. Non verbis agenda, sed factis. 28. 155. 157. & seqq.

*Pons* Caligulæ miraculum. 16.

*Præcepta* diuina in quinque libris Moſis, quæ præcipiunt, tot, quot partes humani corporis assignantur à medicis, scilicet ducenta quadraginta octo. Quæ prohibent tot, quot in anno dies, trecenti sexaginta quinque. vniuersæ sexcentæ tredecim leges. 281. Præceptorum obseruatio, Amoris diuini certum indicium. 198.

*Preces* nostræ quales esse debeant. 535. Preces in periculis esse fundendas docetur similitudine obſidionis. 365. Preces languidæ non mouent hominem, ne dicam Deum. 364. Preces armatæ quid sint, earumque vis. 484. Precibus dediti. 536. 532. Precatiunculæ crebrius vsurpandæ. 190. Quid in se contineant. ibid. & seqq.

*Præda* Aristidis. 302.

*Præſentia* Dei assidue obuersante, quæ vitia præcaueantur, quæ illius neglectu incurrantur. 412. Præſentia Dei & Angelorum. 228. 278. 279. 399. & seqq.

*Pretium* olim inter expensas Cæsareas repertum sex cruciferorum pro reficiendo Cæsaris thorace,

622. Pretium rerū æquale apud homines; apud Deum inæqualissimum. 74.

*Prodigalitas* Neronis in theatra, milites, Teridatem Regem. 16. Prodigalitas Domitiani. ibid. Claudij Imperatoris in aquæ ductus. 17. Prodigalitas femine in collare lanandum. 596. Prodigalitas turpissima. 328. Vide. Vestes.

*Proposita* hominum, vana, instabilia, volatica. 158. Exempla sunt Pharao. 501. Leuites iter factururus. 508. Propositi boni exempla & similitudines. 157. 498. Propositi in effectum nunquā producti similitudo pulchra. 509.

*Providentia* Dei in animalia. 116. Hac providentiā omnia euenire certò statuendū. 965. Providentiam Dei dari ostenditur. 1068. 1069. 1070. 1073. Quid illa sit. 1068. 1118. Quantū illi tribuerit Abraham. 1066. Quomodo eā Iacob agnouerit. 1074. Quanta Dei providētia sit circa hominis necessaria. 1075. Circa omnia animalia. 1076. Circa omnes res creatas. 1078. Eadem varijs historijs comprobatur. 1079. Quanta rursus ea sit circa futura, præſentia, præterita. 1091. Providentia diuina in amicos. 1082. 1086. In inimicos. ibid. & seq. Eadem in aduersis. 1114. A malis agnita. 1117. Quomodo suos eligat. 1038.

*Prudentia* in omni actione necessaria. 701. Prudentiæ actus est præuidere futura. 873.

*Puellanimitatis* descriptio. 734.

# I N D E X

Q.

*Quâ* mente quæque faciamus, & non quantum faciamus, Deus perpendit. 766.

*Quæstiones* vtilissimæ, sed rarissimæ de æternitate soluuntur. 47. Aliæ de Angelis. 224. & seqq. Quæstiones conglobatæ soluuntur. 412.

*Quem* me dicunt esse homines? morali explicatione ad examen conscientia deriuatur. 319.

*Quid* ago? Quanti momenti consideratio sit contra peccatū. 440.

*Quid* feci, *Quid* dixi, *Quid* cogitavi, imò *Quid* non feci: quid in se hæc contineant. 480. Quid faciendum propter æternitatem. 36. 95. passim. Quid potissimum Deus in suis cultoribus exigat. 918.

*Quies* Sanctorum nostrâ inuocatione non turbatur. 525.

R.

*Radix* arboris imago spei. 68.

*Rapa* offertur in munus Ludouico XI. Galliarum Regi. 667.

*Ratio* reddenda in iudicio. 206.

*Re* quapiam peractâ omnem superbiam reijcere, signum rectæ Intentionis est. 844.

*Receperunt* mercedem suam: quot hominum generibus tribuatur hæc sententia. 789.

*Reges* Parthorum tela acunt, vt otium fugiant. 390. Regibus Artaxerxi aqua; Ludouico XI. rapa offertur. 667. Regum disciplina Pipinus. 373. Regina vnius diei Semiramis plurimum nocuit. 580. Regnorum mutatio. 19.

*Regule* aliquot ad diuinam volun-

tatem cognoscendam. 911.

*Religiosus* status quâ Intentione assumendus sit. 836. Religiosorum vita desiderabilior quàm Aulicorum. 712.

*Remuneratio* bonorum operum quanta olim futura sit. 757.

*Resignatio* sui quàm prompta esse debeat. 1143. Resignatio humanæ Voluntatis in diuinam, exemplis docetur. 916. 917. 934. 935. 1129.

*Reuerentia* Christi in patrem. 765.

*Rigor* & austera vita sanctorum virorum. 360.

*Risum* plagis in se punitur S. Ignatius Loiola. 483.

*Rosarium* B. Virgini sexaginta & amplius annis recitauit Martinus Nauarrus. 537.

S.

*Salamandra* vana gloria similis. 624.

*Salue* flagellum Dei, dicebat Attilla S. Lupus. 896.

*Salutationes* 1. 2. ad B. Virginem Domini matrem. 204.

*Sancti* menstrui quomodo accipiendi. 546. quomodo honorandi, quid ab eis petendum. 547. Eius rei exemplum. 558. Mos & origo sortiendi menstruos sanctos vnde. 544. & seqq.

*Sanguis* Christi effusus non iuuat damnatos. 11.

*Sanis* ira viuendum est, vt perpetuò curentur. 476. Sanitas an ægritudo eligenda, si liberum sit eligere. 996.

*Sapientia* quomodo pingatur Hebræo sapienti. 21.

*Scriptor* obscænus plurimorum latro. 302. Scriptores qui se & suam



emendarūt. 303. Scriptura num  
velit à nobis inuocari Sanctos.  
328. Scripturam sacram curio-  
sè tractantes puniri. 302.  
*Sculptores* spurci antiqui. 307. Quid  
mereantur. 305. Scriptorum ta-  
lium supplicium. 307.  
*Securitas* noxia. 176. Securitas ho-  
minis iusti. 972.  
*Semiramis* vnus diei Regina no-  
centissima. 580.  
*Sensibus* quinque actæ sunt gratiæ  
à moribundo. 398. Illorum fal-  
lacia describitur à Iacopo per  
elegantem parabolam. 275. Eo-  
rum clauēs aut necessitati aut  
vtilitati committendæ. 392.  
*Sententia* sacræ quot homines ad  
frugem correxerint. 550. & seq.  
Exemplum eius rei memorabi-  
le. 551. 553. 555.  
*Serpens* nascitur è spinâ dorſi hu-  
mani. 655. Serpens circa caput  
Cleomenis. 656. Serpentibus  
quinam terrori fuerint. 336. Ser-  
pentem fugat sputum ieiuni  
hominis. 379.  
*Seruire* Deo spe præmij melius est  
quàm pœnæ timore. 705. Serui-  
re Deo ideo, quòd placeat Deus  
seruienti, tertius ad rectam in-  
tentionem gradus est. 704. Ser-  
uiendum Deo propter Deum.  
674. 690. Non ob consolatio-  
nis dulcedinem. 718. Seruitutis  
Iacob cū nostrâ comparatio. 54.  
*Signa* prædestinationis breui com-  
pendio traduntur. 177. Signa  
voluntatis humanæ cum diuinâ  
conformata. 947. Signum cru-  
cis cur olim ad operis initium  
factum sit. 690.  
*Silentium* non seruatum vindicat  
in se Agatho versando lapillum

ore per triennium. 483. Quo-  
modo prisci Monachi illud ser-  
uarint, aut non seruatum puni-  
uerint. ibid.

*Similitudo* inter furem ducendū,  
& homines quotidie morientes.  
265. Alia ad eos qui rebus ca-  
ducis & inanibus inhærent. 242.  
Alia affectuum in homine. 169.  
Alia milui docet hominum in-  
curiam. 159. Alia inter Eleemo-  
synam & Oliuam. 136.

*Simonis* dictum de Deo. 1.

*Situs* Inferni. 417.

*Societas* cum Deo quomodo seruan-  
da 768. Societatis malæ vitandæ  
præcepta & monita. 321. Eius  
vulnus vix notabile. 322. 500.  
Eius fuga suadetur. 322. Eius ef-  
fectus docetur. 323. Eam descri-  
bit Augustinus. 325. Talis quis-  
que est, quales sunt illius socij.  
324. Socios bonos esse, malos  
vitare petijt à Dijs Apollonius  
Thyanæus. 326. Societas malo-  
rum nocentissimū venenū. 227.

*Sol* quot milliaria conficiat horâ  
vnicâ. 261. Sol non occidat su-  
per iracundiam vestram, quâ ra-  
tione explicandum. 64.

*Somnus* austerè habitus. 59. Somni,  
cū Christus in cruce dormiret,  
qualis apparatus. ibid.

*Spargere*, nouus colligendi modus.  
135.

*Speculum* quando & quomodo in-  
spiciendum. 600.

*Spes* vera. 1064. Spes etiam in re  
desperatâ habenda. 1106. Spes  
vana. 1061.

*Sputum* in viri nobilis barbam cie-  
cit Aristippus. 646. Sputū ieiuni  
hominis fugat serpentes. 379.

*Statuam* quis itatuat Angelis. 277.

# I N D E X

**Statuarum** multitudo & magnificentia Romæ. 17. Statuæ simillimus homo. 576.

**S. Stephani** laudes. 753.

**Submissio** Angelorum exemplo sui Domini. 269.

**Superbia** qualis sit, & quàm Deus eam oderit. 139. Quousque serpat. ibid. Quantum eius causâ toleretur. 628. Eius effectus. 264. Quomodo superbi soleant superbire. 140. Superbiæ ruina. 264. Superbiæ argutè respondetur à Solone, & Socrate. 640. Superbientē feminā quomodo compellet Theophilactus. 643.

**Suspicio** praua viranda. 820.

**Syrma** togæ muliebris constabat his mille quingentis aureis: opificis manupretium fuerunt aurei. centum quinquaginta. 642.

## T.

**Tacere** cū patientiâ ad obiecta crimina signū est conformata voluntatis nostræ cum diuinâ. 951.

**Tactus** sensus describitur. 396.

**Tapeta** quis offerat Angelis. 277.

**Taxis** Rex Vngarorum Italiam inuadit. 700.

**Temperantia** docet viuere. 193.

Temperantia insignis Hæri Assyrii. 299.

**Templa** cur veteres rotunda extruxerint. 1. Templa Veneris & Libitinæ coniuncta Romæ fuerunt: causâ moralis. 435. Templa Ægyptiæ qualia. 639.

**Tempus** quid, & quale. 54. Quomodo impendendum. 86. Eius iactura summa, irreparabilis. 203. 637. Quanti hoc æstimârit Thomas Morus. 997. Temporaria quomodo euasceant. 96.

**Tenebra** Inferni interiores quid sint. 416.

**Tentationes** diaboli abigendæ confessione & Communione. 377.

Quo alio modo. 405. Tentatio non semper infelix. 230. Illi nō credendū. 997. Tentatio Abrahami quàm multiplex. 1016.

**Terror** mortis brevis. 159.

**Tessera** militaris S. Ludouici Regis. 1115.

**Therma** reperiuntur quæ æternitatis admonent. 14. Thermæ Antonini sumptuosissimæ. ibid.

**Thesaurus** carcer Messeniorum. 831.

**Thomæ** Mori de mulieris superbiâ iudicium. 628.

**Thorax** & varia eius forma. 597.

**Thracius** rusticus videns alium vineas putantem, suas à stirpe incidit. 701.

**Tiara** quibus & quomodo olim ferenda. 666.

**Timor** mortis quomodo pellendus. 1001. 1009.

**Toga** Christi vaticinijs illustris. 624.

Tunica interior Saladini, tota pompa funebris. 611. Toga ex pelliculis capitellorum Acanthidum suffulta. 625.

**Tolerantia** Angelorum. 270.

**Tranquillitas** animi vritur amico ad gratiam, inimico ad patientiam, cunctis ad beneuolentiâ. & quibus potest ad beneficentiam. 488. Tranquillitas mentis ex rectâ Intentione oritur. 857. Tranquillitas ex verâ in Deum fiduciâ. 1061.

**Tribulatio** quid homini iusto. 125. Exemplis id ostenditur. 126. Eius patienter toleratæ merces. 1015. Viæ ad cælum sunt aduersa. 1085.

*Triflandum*



*Triflandum* iusto non est, tamen si plurimis conficeretur incommodis. 972. & seq.

*Tristitia* vana, quæ. ibid.

*Tuba* clangores præsentis & æternæ vitæ admonent. 37.

*Turpitude* dicitur Libido. 437.

*Tyrannus* caligulæ in seruum, & Galbæ in numulariū. 305. 483.

## V.

*Vana* gloria depingitur, quàm & auerferur eam Deus. 788. Eius damna. 686. 717. Eius merces. 720. Eius remedia. 622. 781. Struthioni comparatur. 785. Vana gloria supra omnia vitia noxium & periculosum. 784. Vana gloria reliquas virtutes seruitute miserè premit. 788. Similis filiæ Iepthæ laudes parentis decantaturæ. 790. Viperæ similis. ibid. Illa, causa fuit quòd Herodes à vermibus consumptus sit. 768. Quàm grauitè olim punita sit. 770. Illà nihil truculentius. 772. Suos pueriliter delectat. 773. Quantum illa passim ametur. ibid. Quàm ea fideliter sua quærat. ibid. & 782.

*Ventres* pauperum horrea Christi. 135.

*Verbi* Dei neglectus. 129. 610.

*Verba* turpia, sputa diaboli. 316. Eorum effectus. ibid. Eorum supplicium. 319. Verba turpia signum talis animi. 319. Qui ea loquitur pessimis hæreticis peior, qui sacra vasa temerant. 317.

*Veritas* & eius lex. 206.

*Vermis* conscientiæ, cuius signum Tytius Virgilianus. 10. Vermes & tineæ sepulchri homini im-

pio salutis sunt initium. 351. *Vestes* quo loco habendæ. 648. Vestes à Dionysio Siculo oblatæ filiabus Archidami dicto aeri reijciuntur. 664. Vestis cuiusdam principis prodigium, cui 6000. vlnæ Viennenses funiculorum aureorum assuræ. 644. Vestem bis nunquam induit Nero. 642. Vesti eleganti agitur gratiæ ob honorem & prandium exhibitum. 640. Vestis vilis ob aliorū contemptum pedibus calcatur. 641. Vestis vix vno anno confecta, & pretiosissima offertur templo. 635. Vestis natura non dedit, sed docuit vestitum adhibere. 624. Vestis structuram disturbanti ob viæ angustias Demostheni Hortensius collega diem dixit. 614. Vestium splendorum moderatio & contemptus. 617. & seqq. In Alexandro Magno & alijs id elucet. ibid. In Antuerpiensibus. 637. Vestium superbiam pulchrè eludit Demonax. 611. Vestes byssinæ & purpureæ Epulonem diuitè ad damnationem promouet. 605. Vestium incredibilis varietas. 590. 657. & seqq. Vestis purpurea ad choreas adhibenda mandatur à Dionysio Siculo. 502. Vestimur, sed non vsque ad verustatem; citò laceratur vestis Innocentiæ. ibid. Vestem auream quis donet Angelis. 277. Vestium mollities non commendatur superis. 396.

*Via* Appia grande mirum. 17. Via ad cælum certissima. 67. 142. Quænam sit illa. 170. 336. Via ad inferos qualis. 77. Via purgans, Illuminans, Vniens. 983.

- Victima* duæ extordes repertæ. 689. *Victimæ* sanguinem cur Deus edi vertuerit, 683.
- Victoria* contra diabolum obtentæ quid singularis præmij mereatur. 225. *Victoria* Pragensis. 236. *Victoria* Durlacensis quibus adscribatur. 238. *Victor* fuit Alexander Macedo nihil differendo. 282. *Victoria* S. Benedicti illustris. 338. *Victoria* sui quæta. 341. *Victoria* sui omnium nobilissima, præsertim cum & vana gloria vincitur. 341. Vincere Cupidinem est fugere. 342. *Victoria* S. Thomæ Aquinatis. 294. *Vincem* coronat quod pugnantem fatigat. 165.
- Vigilare* quàm necessariū sit, 378.
- Vindictæ* quale cervical. 152.
- Vinum* quis offerat Angelis. 178.
- Virga* Moſis Intentiones nostræ comparantur. 669.
- Virgo* cur pingatur Diana. 386. *Virgines* sunt Musæ. 331. *Venus* præfecta amentię. 451. *B. Virginis Mariæ* Laudes celeberrimæ. 530. & seqq.
- Virtus* aduersis exercetur & crescit. 1045. *Virtutem* non dat Natura sed ars. 446. *Qualis*. 453. *Virtutes* omnes ad vnā commigrant. *Accusationem* sui. 452. *Virtute* Constat Maiestas Imperatoria non cultu corporis. 616. *Virtus* in sancto menstruo subscripta sæpe negligitur. 559. & seqq.
- Vitæ* vnus hominis quanta sæpe fuerit. 556. & seqq.
- Vita* inter damnatos qualis. 84. *Vitæ* præsentis cū futurā comparatio. 82. *Vitæ* rigor sanctorum. 360. *Vitam* longissimam vixerunt ob continentiam multi. 328. *Vita* humana calamitibus plena. 1046.
- Vitium* quomodo tollendum, docetur apologo. 499. In aliorum vitijs cernendis lynces sumus, in nostris talpæ. 478.
- Voluntas* diuina, armatura est impenetrabilis, si ei se humana conformet. 1090. *Voluntati* diuinæ se resignare in morbo & morte quanti intersit. 1011. *Eius* cognitio. 1121. *Voluntas* propria facit vt bona opera non sint bona. 1023. *Voluntas* propria Diuinæ se conformare docta. 1020. 1071. *Voluntatis* humanæ cum diuinā vnio, diuinū domicilium est. 1015. *Voluntas* in homine duplex, ibid. *Voluntatem* propriam cū diuinā conformandi modus. 1017. 1018. *Voluntate* propriā cessante Infernus cessat. 1065. *Quantum* illa malum. 1004. 1007. & seqq. vsque ad 1012. 1029. 1030. *Voluntati* diuinæ quomodo nos conformare deberemus si damari nos vellent Deus. 1120. *Voluntati* diuinæ conformis ad omnia promptus est. 1002. 1003. *Voluntatis* nostræ cū diuinā vinculum firmum. 1003. *Voluntas* Dei cælo præferenda. 1001. *Voluntati* diuinæ conformis in omnibus Deum considerat. 1000. *Voluntas* Dei in dubijs querenda. 996. *Voluntas* diuinæ conformis Beata, pacifica, monti Olympo similis. 990. & seqq. *Voluntas* diuinæ conformis nullis ærumnis mergitur. 986. *Omnis* regit, ibid. *Homo* diuinæ voluntati deuotus Dei amicus est. 988. *Etiā* diuinam sibi conformem



mem experitur. 982. 1073. Voluntatem diuinam assequenti omnia Deus tribuit. 985. Voluntatem diuinam facere quanti interfit. 984. 1130. Volunrati diuinæ deuotus maximo debet auersari peccatum. 979. Voluntatem diuinam in omnibus fieri quomodo precandū. 1087. Voluntatis ad diuinā conformatæ signum est. vbiq̃ cupere diuinam voluntatem impleri, & ad omnis actionis initiū opem cælestē implorare. Voluntatis humanæ cum diuinā conformitas gratissimum Deo sacrificiū. 973. Voluntatis nostræ cum diuinā conformitas hoc efficit, vt homo nunquā sit seriō turbatus & tristis 965. Volunratis humanæ vis. 963. Voluntatis diuinæ, Intentione purā, promptē, hilariter, integrē, perseveranter parendum. 942. & seq. Voluntatis humanæ cum diuinā singularis conformitas. 917. 935. 937. & seq. 945. 1031. 1024. 1126. Voluntas hominis Insons, Hilaris, Tolerans, Longanimis, Ardens, Omniparens esse debet, vt diuinæ sit conformis. 926. & seqq. Voluntatē Dei in omnibus sequi, gratissimum Deo obsequiū. 910. Voluntatis conformandæ adiumenta. 1137. Impedimenta. 1134. Voluntatem diuinam exploraturus debet esse indifferēs & paratus illam sequi. 1017. Voluntatem diuinam exploraturus sedulo ingeminet: Domine quid me vis facere? 915. Explorare autem diuinam possunt Voluntas hominis & recta ratio. 915. Voluntatis diuinæ qui

sint interpretes. 913. Voluntas Dei per legem Dei, & Ecclesiæ nobis explicatur. 912. Voluntas Dei in omni re attendenda. 911. 934. 947. 989. 1031. 1017. Voluntas Dei cooperatrix in omni re quam permittit. 901. Quæ sit permittēs Dei Voluntas & quomodo permittat. 899. 957. 958. Voluntas Dei alia ordinans, alia permittens. 892. Alia signi, alia beneplaciti. 896. 920. 1010. Voluntas pro facto quomodo, & quando accipiat. 806. 988. Voluntatem diuinam sequi Intentionis bonæ scopus. 671. Voluntas comparatur siculæ. 506. Voluntas Angeli, & voluntas hominis quam diuersæ. 259. Voluntatis nostræ humanæ ad diuinam conformatæ specimina. 162. 202. 254. Quantum hæc vna res conseruat. 203. Voluntas propria lata porta est ad Inferos. 178. Voluntas humana quā mutabilis. 498. 501. Volunratis diuinæ executio, signū prædestinationis. 162.

*Voluptas* maxima est vicisse voluptates. 433. Voluptas loquitur apud D. Ambrosium & Augustinum. 330.

*Vpupa* ob pennas versicolores in nuptijs Aquilæ præfertur alijs. 641.

*Vulnus* ægrè notabile sed tamen letale mala societas. 322.

*Vult* & non vult piger: pulchra ratiocinatio. 494.

Z.

*Zalenci* lex de cruendis adulterorum oculis. 308.

*Zenxisdis* dictum probat nos æternitati laborare. 91.

# I N D E X T H E M A T V M M O R A L I V M

Q V Æ

EXPLICANDIS EVANGELIIS  
in omnes totius anni Dominicos &  
festos dies, vsui esse potuerunt  
concionatoribus.

A D

OMNES TAMEN CONCIONATO-  
res, imo ad omnes Religiosos, & sacri, sed & politici status  
homines, prefatiunculam seu monitum  
præmittimus:

**P**ERITI spiritus magistri norunt, quædam nunquam satis dici, nunquam in-  
culcari satis posse; qualia sunt: *Intentio Recta*, quæ omnium actionum no-  
strarum vita est; *Humana Voluntatis ad diuinam Conformatio*, quæ omnium  
virtutum & totius sanctimonie fundamentum est; *Continentia* & pudicitia cui-  
us statui necessaria, quam in Orbe passim negligi docet NICETAS; *Arcta* &  
angusta via ad cælum, quam *signa Predestinationis* monstrant; Vltimus finis  
noster, ad quem beata ducit *ÆTERNITAS* &c: Hæc, inquam, talia nunquam  
nec dici, nec inculcari satis possunt, idè ea simul vel per sacros Aduentus, vel  
per maioris ieiunij dies, aut certè crebrius per annum inculcanda erunt. In hunc  
vsum Æternitatis, Zodiaci, Nicetæ, Amussis, Heliotropij &c: scriptio suscepta  
est: Ex eâ hic Index cum curâ factus, eoque modo, vt omnibus statim concioni-  
bus, non tantum thema, sed & vberius illustrandi thematis materia subijceretur.  
Atque hoc in rem Concionatorum maximè facturum putauimus.

Sed & Religiosis alijs, & cuiuscunque ordinis hominibus, quibus paulò fami-  
liarius est meditandi exercitium, occasionem damus, atque materiam submini-  
stramus meditationis super Dominicis & Festis Euangelij instituendæ. Quâ qui-  
dem ratione & hi concionatores sunt, nam is sibi ipse concionatur, quisquis rectè  
meditatur.

Methodus Indicis istius hic est. Primò, Euangelij verba ponuntur pro thema-  
te. Additur materia quæ themati illustrando faciat. Tertiò pars huius voluminis  
aliqua nominatur, verbi gratia, Æternitas, Zodiacus, Horologium, Heliotro-  
pium &c: signato libro, capite, & cum opus, etiam paragrapho.

Si hæc, mi optime Lector, tuo instituto profint, fructu: & scito prodesse nos  
voluisse.



I N D E X  
I N  
OMNES DOMINICOS  
D I E S.

DOMINICA I. ADVENTVS.

*Scitote, quia propè est regnum Dei. Luc. 21.* Quæstio hîc proponi potest. Quid sit Æternitas? Ad hanc quæstionem responderetur per varia symbola. ÆTERNITAS. Consideratione. 1. initio, & §. 1. & Confid. 2. initio.

Notandum; posse toto Aduentu agi vtilissimè de cultu & examine Conscientiæ; explicatis simul Confessionis legibus. De conscientia TRISMEGISTVS lib. 1. toto. Si cui aliud placeat, materiam in diuersos dies distribuam inueniet suis locis.

*Calum & terra transibunt. Luc. ibid.* Posset his quatuor Dominicis diebus cum fructu proponi, Humanæ voluntatis inconstantia, de qua TRISMEGISTVS fusè lib. 1. cap. 8. Addi possent quæ proponuntur in HELIOTROPIO lib. 5. cap. 12. seu. ult.

---

DOM. II. ADVENTVS.

*Quid existis in desertum videre arundinem? Matth. 3.* De Inconstantiâ humanâ nobilissimum exemplum habet TRISMEGISTVS lib. 2. cap. 10.

*Quid existis videre hominem molibus vestitum? Matth. ibid.* De nimio corporis cultu & vestium pompâ fusissimè TRISMEGISTVS lib. 3. cap. 5. sufficiet pluribus concionibus. Huc etiam faciunt sequentia huius libri capita, maximè 11. seu vltimum.

---

DOM. III. ADVENTVS.

*Dirigite viam Domini. Ioan. 1.* Hic opportunè dici potest de voluntariâ corporis afflictatione, quæ viam Domino ad nos venturo parat, de quo NICETAS lib. 2. cap. 4.

*Dirigite viam Domini. Ioan. ibid.* Recta Intentio in omnibus actionibus, hanc viam quàm optimè dirigit. AMVSSIS lib. 2. cap. 10. conclusiones septem habet. Arque hoc etiam in sequentem Dominicam susceperit.

IN DOMINICAS.  
DOM. IV. ADVENTVS.

*Predicans baptismum penitentia in remissionē peccatorum. Luc. 3.* Apud inferos penitentia est, sed furiosa & nimis sera, ideò falsa & irrita; ideò que nulla illic remissio peccatorum, Iubilæum nullum, nec spes vlla veniæ. Hic repeti potest quæstio de Æternitate, ÆTERNITAS Confid. 1. §. 2. vbi de mari mortuo, & Iubilæo desperato plura.

*Parate Viam Domini. Luc. ibid.* De rectâ Intentione aliquid, vt in priorē Dominicâ notatum est. Item dicendi hic locus de humanæ voluntatis ad diuinam conformandæ impedimentis, de quibus HELIOTROPIVM lib. 5. cap. 12. §. 4.

---

NATIVITAS DOMINI IESV.

*Et in terrâ pax hominibus bonæ Voluntatis Luc. 2.* Quæ autem hæc bona voluntas sit tantoperè ab Angelis laudata; quomodo eam Iosephus castissimus Virginis sponsus; quomodo illam B. Virgo Maria, Domini mater; & ipse diuinissimus infans in præsepio exercuerit, docet AMVSSIS lib. 2. cap. 1. quod huc propriè spectat, nam hæc doctrina coram Ser. Electore Maximiliano Boiariæ Duce, hoc ipso die publicè tradita est, post sacri Aduentûs dies in tradendâ Intentione rectâ exactos.

*Videamus hoc Verbum quod factum est, quod Dominus ostendit nobis. Luc. ibid.* Cognitio diuini huius Verbi consistit in cognitione diuinæ Voluntatis. Transeamus ergo cum pijs pastoribus, & proptemus hanc vnâ quàm exactissimè cognoscere. HELIOTROPIVM lib. 5. c. 12. §. 1.

---

S. STEPHANVS.

*Et noluisti. Matth. 23.* Humanæ Voluntatis inconstantia pluribus concionibus tractanda, de quâ fusè TRISMEGISTVS lib. 1. cap. 8.

*Et noluisti. Matth. ibid.* Humanæ voluntatis contumacia quàm exitiosa sit homini, docet HELIOTROPIVM lib. 4. c. 4.

*Lapidabant Stephanum. Actor. 7.* Quibus Stephanus suos lapides vendere noluerit, & cui demum eos vendiderit, appositè huc docet AMVSSIS lib. 2. cap. 2.

---

S. IOANNES.

*Hic est discipulus ille, qui testimonium perhibet de huius. Ioan. 21.* Quomodo Ioannes parturientem feminam, & insidiantem illi draconem viderit, & quantum recta Intentio à diabolo impugnetur. AMVSSIS lib. 2. cap. 3. quod huc propriè spectat.

*Quid ad te, tu me sequere. Ioan. ibid.* Ille Deum verè sequitur, qui in rebus omnibus suâ semper voluntate diuinam comitatur, nec vnquam aliud vult aut non vult, quàm quod Deum velle aut nolle cognoscit. HELIOTROPIVM lib. 5. cap. 12. §. 2.



## SS. INNOCENTES MART.

*Occidit omnes pueros qui erant in Betlehem. Matth. 2.* Ah, cur Deus inauditam hanc tyrannidem non vetuit? tot innocentes Angelos iugulari tur permisit? Vide quid dicat HELIOTROPIVM de diuinis permissionibus lib. 1. cap. 2. nisi hoc Dömnicâ post Epiphaniam potius dicendum videatur.

## DOM. INTRÂ OCTAVAM.

*Ieiunijs & obsecrationibus seruienti nocte ac die Luc. 11.* Sancti Dei oratione & mortificatione optimè coluntur, quod docet TRISMEGISTVS lib. 2. cap. 4.

## CIRCVMCISIO DOMINI IESV.

*Sit nomen Domini benedictum, ex hoc nunc, & usque in seculum. Psal. 112.* Benedicendus Deus tam inter lata & prospera, quàm inter aduersa & tristia, planè prout ille mendicorum optimus fecit, cuius duo robustissima brachia, ipsum Deum ligantia in xenium auditoribus dari poterunt. HELIOTROPIVM lib. 2. cap. 1.

*Hac loquere & exhortare in Christo IESV Domino nostro, ad Tit. 2.* Nihil ad annum optimè inchoandum auspicius esse potest, quàm suam omnem in diuinam voluntatem penitus transfundere. Hæc concionatores loquantur & exhortentur in Christo IESV; cuiusque rei quinque illustrissima emolumenta proponant, de quibus HELIOTROPIVM lib. 5. cap. 12. §. 3.

## -EPIPHANIA DOMINI IESV.

*Audient autem Herodes Rex turbatus est. Matth. 2.* Malæ Intentionis nobilissimum exemplar est Herodes Magnus, Ascalonita, qui quatuordecim millia infantum occidit, de quo fufius AMVSSIS lib. 1. cap. 11.

*Responsa accepto in somnia, ne redirent ad Herodem. Matth. ibid.* Mirabilis est Dei providentia præsertim in amicos, quos per singula vitæ momenta ita ducit regitque, ut illis omnia in bonum cedant, etiamsi hoc illi ignorent. Non permisit Deus hos optimæ Intentionis dynastas ab Herode rege grauius decipi. Explicatu ergo dignissimum est, quanta Dei providentia sit in amicos, de quo HELIOTROPIVM lib. 5. cap. 8. nisi hoc dicendum seruetur in diem Natiuitatis B. Virginis.

## DOMIN. I. POST EPIPHANIAM.

*Et erat subditus illis. Luc. 2.* Inobedientis & libidinosi iuuenis tragicissimum exemplum habet NICETAS l. 2. cap. 12. propius finem. Monitum obedientiæ habet HOROLOGIVM Horâ 2. Diei.

*Nescire.*

## I N D E X

*Nesciebatis quia in his quæ Patris mei sunt, oportet me esse? Luc. ibid. Ibi nos esse oportet, & illud agere quod Deus vult. De duplici autem voluntate Dei, HELIOTROPIVM lib. 1. cap. 5.*

### DOM. II. POST EPIPHAN.

*Et cum inebriati fuerant. Ioan. 2. De Temperantiâ aliquid HOROLOGIVM Horâ 3. Diei.*

*Nuptiæ factæ sunt in Canâ Galilee. Ioan. ibid. Vbi nuptiæ, ibi plerunque pompæ, & cultus corporis nimitus: quæ autem mala ex hoc corporis cultu oriantur, docet TRISMEGISTVS lib. 3. cap. 10.*

*Nuptiæ factæ sunt. Ioan. ibid. Nullus status suscipiendus sine rectâ Intentione, AMVSSIS lib. 2. cap. 8. §. 6. Coniugalîs amoris nobilissimum exemplum habet AMVSSIS lib. 2. cap. 12. §. 1. de Tigiane & eius coniuge.*

### DOM. III. POST EPIPHAN.

*Si vis, potes me mundare. Matth. 8. En quanta suimet resignatio, in petendâ sanitate! Ita in rebus aduersis omnibus resignatissimum semper esse oportet erga diuinam Voluntatem, vt nunquam non dicamus! Domine, si vis potes me liberare hac miserîâ, si tamen vis. ô mi Deus, si vis. De hoc HELIOTROPIVM plenè lib. 4. cap. 3.*

*Et ego homo sum sub potestate constitutus, habens sub me milites. Matt. ibid. Nouem capita omnibus qui alios gubernant, singulariter obseruanda proponit ÆTERNITAS Confid. 3. ante §. 1.*

### DOM. IV. POST EPIPHAN.

*Ecce motus magnus factus est in mari. Matth. 8. Cur hunc motum Christus, rex cæli, terræ, maris, permisit, quem vique impedire potuisset? Eadem & maior quæstio est, cur tot quotidie flagitia, tot iniurias permittat? Vide HELIOTROPIVM lib. 1. cap. 2. fusè de hoc.*

*Domine, salua nos, perimus. Matth. ibid. Videbantur sibi Apostoli iam panem in mari natare. Incredibilis est plurimorum hominum de Deo diffidentia, idèo hæc sæpius exagitanda, de quâ HELIOTROPIVM lib. 5. cap. 10. §. 1. 2. 3. & 4.*

*Quid timidi estis modica fides? Matth. ibid. Quâ ratione in aduersis potissimum firmanda & erigenda sit ad Deum fiducia, docet HELIOTROPIVM lib. 5. cap. 3.*

### DOM. V. POST EPIPHAN.

*Dum dormirent homines Genis inimicus homo, & superfeminauit Zizania. Matth. 13. Dicendum hoc loco, quàm periculosum sit ire cubicum*



## IN DOMINICAS

& non prius cum Deo redire in gratiam per examen conscientiae: quid autem contra hoc obijci solear, docet TRISMEGISTVS lib. 1. cap. 7.

*Vis unus, & colligimus ea?* Matth. *ibid.* Quomodo Voluntas Dei in rebus omnibus agnosci possit, septem regulæ traduntur in HELIOTROP. 10 lib. 1. cap. 4.

---

### DOM. VI. POST EPIPHAN.

*Simile est regnum celorum fermento.* Matth. 13. Vnica subinde sententia bona, totum hominem, velut fermentum farinaceam massam, immutat & meliorem reddit, Regnum celorum hic Ecclesia, seu, cætus fidelium est. Vide TRISMEGISTVM lib. 2. cap. 7.

*Abcondit in farnia satis tribus, donec fermentatum est totum.* Matth. *ibid.* Tribus his satis conferri possunt Contempus sui, charitatis donum, operum Christi gustus, de quibus ÆTERNITAS Confid. 6. §. 1.

---

### SEPTVAGESIMA.

*Multi sunt Vocati, pauci vero electi.* Matth. 20. De Prædestinatorum exili numero si cum reproborum multitudine conferatur, agit ZODIACVS, qui post 12. symbola Prædestinationis, habet Coronidem de hac ipsâ saluandorum paucitate: quod in plures conciones sufficit.

*Quid hic statis totâ die otiosi?* Matth. *ibid.* Contra otium, malorum omnium largissimum fontem hic differendum. NICETAS lib. 1. cap. 3. & lib. 2. cap. 8.

---

### SEXAGESIMA.

*Semen est Verbum Dei.* Luc. 8. Hodie propriissimè dicitur de auditione Verbi diuini, de quâ ZODIACVS symb. 6 §. 1. 2. & 3.

*Aliud cecidit secus Siam, & conculcatum est.* *Ibid.* Luc. Plurimorum concionem audientium Malam, aut certè non Bonam vel Nullam esse Intentionem ostendit AMVSSIS lib. 1. cap. 10. §. 2.

---

### QVINQVAGESIMA.

*Ecce ascendimus Ierosolymam.* Luc. 18. Christus Dominus suæ ipse morti obuiam iuit. Christianum, imitatione Christi Domini, decet promptitudo ad mortem. ZODIACVS symb. 2. §. 1. 2. & 3.

*Et conspuitur.* Luc. *ibid.* Etiamnum conspuitur Christus à multis, qui Animum, Dei imaginem, modis indignis tractant, corpus nimio luxu exornant, de horum stultitiâ vide quid dicat TRISMEGISTVS lib. 3. cap. 11. seu ult. vbi fusè humana fatuitas demonstratur.

DOMI-

## DOMINICA I. QVADRAGESIMÆ.

*Ostendit ei omnia regna Mundi, & gloriam eorum, & dixit ei: Hac omnia tibi dabo. Matth. 4.* Mentiris Orciniane veterator, non tua sunt regna Mundi; currem alienam superbissimè spondes in præmium? Sed sint tua, quàm sunt caduca & fluxa! Transiit momento Mundi gloria. Igitur annos æternos in mente habeamus, & omnes ex Orco larvas facile spernemus. **ÆTERNITAS** Confid. 4. ante §. 1.

*Et cum ieiunasset 40. diebus & noctibus, postea esurit. Matth. ibid.* De abstinentiæ & Ieiunij utilitate, **NICETAS** lib. 2. cap. 7.

## DOM. II. QVADRAGESIMÆ.

*Domine, bonum est nos hic esse. Matth. 7.* Transfiguratio Domini IESV. gustulus solum fuit æterni conuiuij, quid ipsum erit conuiuium æternum? Hic de æternæ vitæ præmio agi potest. **ÆTERNITAS** Confid. 9. §. 2.

*Bonum est, nos hic esse. Matth. ibid.* In nullo statu bonum est esse, nisi bona simul sit Intencio, **AM VSSIS** lib. 2. cap. 8. §. 6.

## DOM. III. QVADRAGESIMÆ.

*Reuertar in domum meam, & de exiis. Luc. 11.* Hic explicanda detestatio prætorum peccatorum, de quâ **ZODIACVS** symb. 10 §. 1. 2. & 3.

*Et sunt nouissima hominis illius peiora prioribus. Luc. ibid.* Ergo, **ATTENDE TIBI IN OMNIBVS**, & præuide futura, ne in eandem sordes relapsus grauius mergaris. Præuide, quæso, quid secuturum, præuide & attende tibi, de hoc **AM VSSIS** lib. 2. cap. 12. §. 4. 5. & 6.

## DOM. IV. QVADRAGESIMÆ.

seu, LAETARE.

*Est puer cæcus hic qui habet quinque panes hordeaceos. Ioan. 4.* Christus opulentissimus conuiuator, suis conuiuiis vnicum apponit ferculum; pisces cum pane; de viño nulla penitus mentio. Contra gulam hic dicendum, & mensæ lauititia iure castiganda, **NICETAS** lib. 1. cap. 4.

*Sed hæc quid sunt inter tantos? Ioan. ibid.* Hic sermo exiguae in Deum fiduciæ fuit. Quid fiducia in Deum sit, & in quo ea consistat, docet **HELIO TROPIVM** lib. 5. cap. 1. & 2.

## DOM. V. QVADRAGESIMÆ.

seu, PASSIONIS.

*Ego non quero gloriam meam. Ioan. 8.* De vanâ gloriâ multa tradit **AM VSSIS** lib. 1. cap. 4. & lib. 2. cap. 4. 5. & cap. 9. signo. 6.

Abraham



## IN DOMINICAS.

*Abraham Pater Gessier exultavit Et videret diem meum; Gessit Et gaudet  
est. Ioan. ibid. Omnes nostræ, Christi actionibus iungendæ sunt; sic Abra-  
ham filij, sic Christi fratres erimus. AM VSSIS lib. 2. cap. 7. §. 7.*

### DOM. VI. QVADRAGESIMÆ, seu, PALMARVM.

*Soluite Et adducite mihi. Matth. 21. Si videre, audire, loqui &c. si sen-  
sibus exterioribus uti volumus, eos quidem ligatos solvere possumus,  
sed ad Christum adducere debemus, ideo sensuum exteriorum sollicita  
sic custodia, de quâ NICETAS lib. 2. cap. 9. fuit: thema sapius tractandū.*

*Plurima turba strauerunt Gessimenta suam Et Matth. ibid. Vestium  
pompâ maximi quique viri calcarunt, nam eorū summa semper fuerat in  
cultu corporis modestia, quod prosequitur TRISMEGISTVS lib. 3. c. 8.*

### RESVRRECTIO DOMINI IESV.

*IESVM quartus Nazarenus, CRUCIFIXVM. Marc. 16. Mirabile, læ-  
tissimo Paschatis die, etiamnum crucis & crucifixi mentionem fieri Imo  
verè rectè hoc nam ubi Nazarenus, hoc est, floridus, ibi est & crucifixus.  
Dicendum qui Christus per crucem, & maximas ærumnas peruenit  
ad triumphum gloriæ. ZODIACVS symb. 5. §. 1. & 2. Quæ tum Christo,  
tum nobis applicanda.*

*Ibi eum sedebitis. Marc. ibid. Christo IESV crucifixo & rediituo no-  
stros oculos, nostraque omnia debemus, cuius rei nobilissimum ex-  
emplum est in AM VSSI lib. 2. cap. 10. §. 1. & 2.*

### FERIA II. PASCHATIS.

*Nonne hac oportuit pati Christum, Et ita intrare in gloriam suam? Luc.  
24. Certissima via est ad cælum, regia via Crucis. ZODIACVS symb. 5.  
§. 3. & 4.*

*Qui sunt hi sermones, quos conferis ad iohannem? Luc. ibid. Contra tur-  
pia & impura colloquia acriter, prout digna sunt, differendum. NICETAS  
lib. 1. cap. 8.*

### FERIA III. PASCHATIS.

*Obtulerunt ei partem piscis assi, Et salum mellis. Ioan. 21. Quid melius  
aut suavius? piscem, in quo fel compressum est, comedere; an triduo maxi-  
mos dolores sustinere? Stulta videtur quæstio: ad eam responderet A-  
TERNITAS Confid. 6. §. 1. Vbi quinque priscorum Patrum dicta huc  
applicari possunt.*

*Ego sum; nolite timere. Ioan. ibid. Illi profectò timent & trepidant se-  
pissime,*

piissime, qui Deum, Deiq; prouidentiam non agnoscunt. Hic igitur differendum, quanta Dei prouidentia sit, tam in amicos, quam etiam inimicos. de hoc HELIOTROPIVM lib. 5. cap. 9.

**DOMINICA I. POST PASCHA.**

*Pax vobis. Ioan. 20.* Vbi moderatio affectuū, seu victoria tentationū, ibi pax ista. De moderandis affectibus ZODIACVS symb. 12. §. 1. 2. & 3.

*Pax vobis. Ioan. ibid.* Pacem maximam homini conciliant, Inuidiā non vri. Hominum iudicia spernere, seipsum in omnibus non querere, ad omnia promptum & volentem esse &c. quæ omnia optimæ Intentionis signa sunt, de quibus AMVSSIS lib. 2. cap. 10. signo 6 7. 8. 9. 10. 11. & 12.

*Pax vobis. Ioan. ibid.* In huius Euangelij lectione ter Dominus suis pacem precatur. Hanc autem nihil æquē confirmat, quā perfecta humanæ voluntatis ad diuinam conformatio, vbi hæc est, ibi summa, ibi tranquillissima pax est. HELIOTROPIVM lib. 3. cap. 1.

**DOM. II. POST PASCHA.**

*Ego sum pastor bonus. Ioan. 10.* Hoc verē de se quoque dixerit cuiusvis Angelus custos, qui ipsos etiā passus ouiculæ suæ numerat, vt luculenta docet historia in HOROLOGIO HORÆ 11. Noctis, vbi etiam traditur quā ratione optimi pastoris huius virtutes imitemur.

*Mercenarius autem fugit; quia mercenarius est Ioan. ibid.* Qui bonā habet Intentionem & Deo seruit, non vt mercenarius, is maximā industriā custodit oues suas, vnde plurima emolumenta nascuntur. Vide AMVSSIS lib. 2. cap. 7. Vbi septem Consecutiones Intentionis bonæ recensentur.

**DOM. III. POST PASCHA.**

*Modicum, & non videbitis me. Ioan. 16.* Omnia prorsus Modicum sunt, præter Æternitatem. ÆTERNITAS Confid. 6. §. 3.

*Vos autem contristabimini; sed tristitia vestra vertetur in gaudium Ioan. ibid.* Quæstio est, Num fieri possit, vt quis nunquam tristetur & an id arte illā impetrandum, quā nostram diuinæ voluntati conformamus? Ad hanc respondet HELIOTROPIVM lib. 3. cap. 2.

**DOM. IV. POST PASCHA.**

*Quò vadis? Ioan. 16.* Quò vidis, ô homo, ad inferos, an ad superos? circumspice, oro, & delibera: exemplum habes illustrissimum in Theodoro hac de re deliberante. ÆTERNITAS Confid. 8. §. 3.

*Quò vadis?* Intentio recta omnium actionum nostrarum anima est & vita, de hac AMVSSIS lib. 1. cap. 1. & 2.

**DOM. V. POST PASCHA.**

*Petite & accipietis. Ioan. 16.* De precibus & orandi studio NICETAS lib. 2. cap. 5.



## IN DOMINICAS.

*Petite & accipietis.* Vnius hominis preces quàm validæ saepe fuerint, docet TRISMEGISTVS lib. 2. cap. 8.

*In nomine meo.* Ioan. ibid. Nec dies auspicandus, nec villæ preces incipiendæ sine Deo, Deique nomine, hoc est, sine praxi bonæ Intentionis. AM VSSIS lib. 2. cap. 8. §. 1. 2. & 3.

## ASCENSIO DOMINI IESV.

*Ecce duo viri adstiterunt iuxta illos in vestibus albis.* Actor. 1. De SS. Angelorum in Christum obsequijs HOROLOGIVM Horæ 8. Nodis.

*Exprobrant incredulitatem eorum & duritiam cordis.* Marci 16. Non est damnosior cordis duritia, quàm suam voluntatem cum diuinâ nolle coniungere. Quod plerumque inde nascitur, quod Deo non fidamus: Deo autem hinc non fidemus, quia providentiam eius non agnoscimus. Qui ergo elevari vult cum Christo in cælum, & assumi, ante omnia diuinam providentiâ agnoscat; ex hac cognitione fiducia nascetur; fiduciam humanæ & diuinæ voluntatis coniunctio sequetur, de quo HELIOTROPIVM lib. 3. cap. 14.

## DOM. VI. POST PASCHA.

*Veni hora, & omnis qui interficit vos, arbitretur obsequium se prestare Deo.* Ioan. 16. Hic proprio & suo locotraçtanda quæstio est, Vtrum bona Intentio possit opus malum, facere bonum. De hoc AM VSSIS distinctè lib. 1. cap. 6. Ergo innocentes occidere bonâ intentione, bonum non est.

*Hæc locutus sum vobis, & cum venerit hora, corum reminiscimini.* Ioan. ibid. Vult Christus vt sui aduersos casus omnes prævideant & præmeditentur, quod ijs sustinendis fortiores sint. Sibi ipsi non attendere; omnium viciorum origo est. AM VSSIS lib. 2. cap. 12. §. 1. & 2.

## PENTECOSTE.

*Ad eum veniemus & mansionem apud eum faciemus.* Ioan. 14. Deus ubique est, non per gratiam ubique, sed per præsentiam, de quâ hoc triduo Pentecostes vtiliter ageretur. Dei præsentiam in omni loco explicat NICETAS lib. 2. cap. 10. quod caput velut aliquâtuâ locus est materię sacro Adventu toto tractatæ de Dei præsentia.

*Sicut mandatum dedit mihi Pater, sic facio.* Ioan. ibid. Ille verè timet, verè honorat, verè diligit Deum, qui Dei voluntatem facit. Quam autem voluntatem Deus in hominè requirat, docet HELIOTROPIVM lib. 2. cap. 2. Quod pluribus concionibus suffecerit.

## FERIA II. PENTECOSTES.

*Omnes qui male agunt, odit Incem.* Ioan. 3. Qui peccant, Deumque gra-

## I N D E X

uius offendunt, euperent se à Deo non videri, ne punirentur. Igitur iterum de Dei præsentia in omni loco dicendum, de quâ NICETAS dicto lib. 2. cap. 10.

*Dilexerunt homines magis tenebras quàm lucem. Ioan. ibid.* Vbi nulla hominis Intentio in agendo, ibi nox & tenebræ, & innumeri errores, de quâ re copiosè AMYSSIS lib. 1. cap. 12.

### FERIA IIL PENTECOSTES.

*Per me si quis introierit, saluabitur. Ioan. 10.* Tertium (si sic videatur) de Dei præsentia in omni loco, dici poterit. res enim omnibus probè inculcanda est. Non facillè grauius peccat, qui se semper in Dei oculis stare cogitat, de quo NICETAS dicto loco.

*Fur non venit nisi ut furetur, mactet, & perdat. Ioan. ibid.* Mala Intentio pessundat & corrumpit omnia quæ tangit, de hac AMYSSIS lib. 1. cap. 8.

### DOMINICA SS. TRINITATIS, SEV

#### PRIMA POST PENTECOSTEN.

*Docentes eos seruire omnia, quaecunq; mandauit vobis. Matth. 28.* Vt non iudicemur, & vt non damnemur à Deo, Christus vnice requirit, *Nolite iudicare, & non iudicabimini; Nolite condemnare, & non condemnabimini.* vt in huius Dominicæ Euangelio docetur. Est ergo Temerarium iudicium omnibus modis, & ante omnia cauendum, de quo AMYSSIS lib. 2. cap. 7. Vbi copiosè traditur, quod pluribus cõcionibus vrgendū est.

*Quaecunq; mandauit vobis.* Quænam illa omnia sunt? Vnicui est: facere Voluntatem Dei, seu quod idem, suam diuinæ Voluntati coniungere. de quo HELIOTROPIVM lib. 5. cap. 12. § 5.

### DIES CORPORIS CHRISTI.

*Hic est panis de calo descendens, & si quis ex ipso manducauerit non moriatur. Ioan. 6.* De frequenti sacramentorum Confessionis & Communionis vsu ZODIACVS symb. 3. §. 1. 2. & 3.

### DOM. II. POST PENTECOST.

*Nemo virorum illorum, qui vocati sunt, gustabit cenam meam. Luc. 14.* In omnibus negotiationibus certi esse volumus, atque etiam ius trium obolorum persequimur, Cenam illam magnam & delitias æternas ignauissimè negligimus. ÆTERNITAS Confid. 8. ante §. 1.

*Misit seruum suum hora cena dicere inuitatis, & venirent. Luc. ibid.* Crebrius communicandum esse è mensâ Domini, præsertim festis Sanctorum diebus, docet TRISMEGISTVS lib. 2. cap. 6.

### DOM. IIL POST PENT.

*Ita dico vobis, gaudium erit coram Angelis Dei, super vno peccatore penitentiam*



## IN DOMINICAS.

*gentiam agente. Luc. 15.* Quàm multæ drachmæ perditæ in tenebris vitiorum latent: at vbi lux Æternitatis accenditur, drachma perditâ inuenitur. ÆTERNITAS Confid. 5. ante §. 1.

Hac Dominicâ pluribus locis festus dies S. Angeli Custodis agitur, de quo infrâ Dominicâ penultimâ.

---

### DOM. IV. POST PENT.

*Per totam noctem laborantes, nihil cepimus. Luc. 5.* Frustra laboramus, & in altâ nocte degimus, si nostri notitiâ non habemus, de quâ TRISTEMEGISTVS lib. 1. cap. 4.

*In nomine tuo laxabo rete. Luc. ibid.* Incassum prorsus laboratur, & nihil capitur, vbi Intentione mala laboratur, de hoc AMVSSIS lib. 1. cap. 4. Nisi feriâ 3. Pentecostes hoc tractatum sit.

---

### DOM. V. POST PENT.

*Vade prius reconciliari fratri tuo. Matth. 5.* De reconciliatione & amore inimicorum hic agendum, cum huc propriè spectet de hoc ZODIACVS symb. 9. per septem paragraphos, Copiosissima dicendi materia, etiam alibi tractanda, & seuerè inculcanda: res magni momenti est, cor pium habere ab omni odio. De misericordiâ præsertim in inimicos, aliquid etiam HOROLOGIVM, Horâ 6. Diei.

*Omnis qui irascitur fratri suo, reus erit iudicio. Matth. ibid.* Iusta sunt Dei iudicia, sed arcana, De his copiosam dissertationem vide in HELIOTROPIO lib. 1. cap. 3.

---

### DOM. VI. POST PENT.

*Ecce iam triduo sustinent me, nec habent quod manducent. Marci 6.* Propter Christum relinquenda sunt omnia, & amplectenda etiam paupertas, hoc est enim discumbere super terram, quod hic etiam Dominus præcepit turba, discumbere super terrâ. Vide ZODIACVM symb. 4. §. 1. & 2.

*Vnde istos quis poterit hic saturare panibus in solitudine? Marc. ibid.* Sic plerunque argumentamur miseri, omnia ad modulum humanæ rationis metientes, Cur non potius fidimus Deo, illudque Abrahami vsurpamus, DEVS PROVIDEBIT. Quantum autem vacillantem fiduciam diuinæ Providentiæ cognitio erigat, exponit HELIOTROPIVM lib. 5. c. 6.

---

### DOM. VII. POST PENT.

*Omnis arbor quæ non facit fructum bonum, excidetur, & in ignem mittetur. Matth. 7.* Ignis semper duraturi, & mortis æternæ supplicium apud inferos est. ÆTERNITAS Confid. 9. §. 1. post præcedentes 7. conclus.

*Non potest arbor bona malos fructus facere, neque arbor mala bonos fru-*

*Et facere. Matth. ibid.* Arboris laus aut vituperium à radice est: actio-  
num nostrarum, bonitas vel malitia, ab Intentione bonâ vel mala pro-  
venit. Quæ omnium optima sit Intentio, docet *AMVSsus* lib. 1. cap. 5.

*Qui facit voluntatem patris mei qui in celis est, ipse intrabit in regnum  
celorum. Matth. ibid.* Hic humanæ voluntatis, ad divinam Conformatio,  
expressissimè docetur. Atque hoc vnum pænè assidue, & omnibus con-  
cionibus inculcandum. Vide *HELIO TROPYVM* lib. 2. cap. 3.

### DOM. VIII. POST PENT.

*Filij huius sæculi prudentiores filijs lucis in generatione sua sunt. Luc. 16.*  
Quàm vanis studijs *Æternitatem* quæsierunt Romani, & idèò eam in-  
venire non potuerunt! O verè vanitas, vanitatum, & omnia Vanitas!  
*ÆTERNITAS* Confid. 3. ante §. 1.

*Redde rationem & illationis tue. Luc. ibid.* De examine conscientie, &  
ratione quotidie reddendâ, *TRISMEGISTVS* lib. 1. cap. 1. 2. & 3.

*Facite vobis amicos de Mammonâ iniquitatis. Luc. ibid.* De dandâ Ec-  
mosynâ fufius agit *ZODIACVS* symb. 7. §. 1. 2. & 3.

### DOM. IX. POST PENT.

*Quia si cognovisses & tu. Luc. 19.* Stupenda & incredibilis hominum  
cæcitas est in agnoscendis rebus cælestibus & divinis. *ÆTERNITAS* Con-  
fid. 9. ante §. 1. vbi per sex conclusiones intelligentia humana eruditur.

*Si cognovisses & tu.* Notitia sui cuius summe necessaria, de quâ *TRIS-  
MEGISTVS* lib. 1. cap. 5. Vbi de modo examinandæ conscientie agitur.  
Vide *HOROLOGIVM* Horâ 12. Diei, vbi practicus examinandæ consci-  
entie modus docetur.

### DOM. X. POST PENT.

*Omnis qui se exultat humiliabitur, & qui se humiliat, exaltabitur. Luc.  
14.* Hic vilis sui æstimatio explicanda, de quâ *ZODIACVS* symb. 2. §. 1.  
& 2. De iustitiâ quam sibi arrogabat Phariseus, *HOROLOGIVM* pau-  
cula Horâ 5. Diei. Idem de Humilitate Horâ 10. Diei.

*Non sum sicut ceteri hominum. Luc. ibid.* De Vanâ gloriâ quâ hic Phari-  
seus maximâ laborabat, *AMVSsus* lib. 1. cap. 4. strictim, sed copiosissi-  
mè lib. 2. cap. 4. 5. & cap. 9. signo 6. Plures inde conceiones poterunt para-  
ri. Res necessariò sæpius instillanda. Hoc enim morbo, non tantum æ-  
groti, sed & sani, mirabile, aut quæ esse videntur, sapi, laborant.

### DOM. XI. POST PENT.

*Et statim aperta sunt aures eius. Matth. 7.* In sanabili pænè surditate la-  
borat, qui formidabilissimum illud tonitru, *Æternum Æternum Æter-*



## IN DOMINICAS.

~~num~~ non audit. Quo effectu & quinam suo bono id audierint, **ÆTERNITAS** Confid. 4. §. 3.

*Bene omnia fecit. Marc. ibid.* Quomodo Dei Voluntas in rebus omnibus, excepto peccato, inueniatur, ostendit **HELIOTROPIVM** lib. 2. cap. 5. §. 7. seu ult.

---

### DOM. XII. POST PENT.

*Diliges Dominum Deum tuum, ex toto corde tuo. Luc. 10.* De diuini amoris actibus **HOROLOGIVM** Horâ 8. Diei. Idem, de Charitate **HORâ 11. Diei**

*Hoc fac & viues. Luc. ibid.* **FACERE** non **DICERE** ad cælum euehit. Voluntas efficax, & in omnibus cum diuinâ consentiens, quæ etiam pro facto reputatur, ea est quæ vitam homini confert. Quæ autem signa sint efficacis huius voluntatis, tradit **HELIOTROPIVM** lib. 2. cap. 5. per sex paragraphos.

---

### DOM. XIII. POST PENT.

*Occurrerunt ei decem Syri leprosi. Enc. 17.* Mali socij quicumque, verè leprosi sunt, qui lepram suam alijs tacitè affricant, de his **NICETAS** lib. 1. cap. 9.

*Ite, ostendite vos sacerdotibus. Luc. ibid.* De crebrâ peccatorum confessione, **NICETAS** lib. 2. cap. 6.

---

### DOM. XIV. POST PENT.

*Querite primum regnum Dei, & hæc omnia adiicientur vobis. Matth. 6.* Figamus oculum in **Æternitate** beatorum, & omnia salua erunt nobis. **ÆTERNITAS** Confid. 6. §. 2.

*Nonne anima plus est quam esca? Matth. ibid.* Omnes pænè sollicitudines nostræ ad corpus eunt, & corporis cultum: At verò animus magis colendus est. **TRISMEGISTVS** lib. 3. cap. 1.

*De Vestimento quid solliciti esset? Matth. ibid.* De superfluo corporis cultu quid sancti Patres & Scriptura senserint, docet **TRISMEGISTVS** lib. 3. cap. 6.

*Scit enim pater Vester, quia his omnibus indigetis. Matth. ibid.* Quanta Dei providentia sit circa vitæ necessaria, copiosè tradit **HELIOTROPIVM** lib. 5. cap. 7.

---

### DOM. XV. POST PENT.

*Ecce defunctus efferebatur. Luc. 7.* Vide **HOROLOGIVM** Angeli Tutorials. vbi initio tam diurnarum quàm Nocturnarum horarum semper de Morre monitum reperies, *Disce mori.* Hæc 24. monita, sint veluti 24 faces, quæ in defuncti funere, iuxta feretrum feruntur. Atque ex his vti-  
is concio poterit concinnari.

*Et refedit qui erat mortuus. Luc. ibid.* Optimè se parat ad mortem, qui sibi comparat Cingulum, Facem, & Tintinnabulum, de quo Horologium in Epilogo post Horas Noctis. De Morre, mi Lector, vide Prodrumum meum qui tamen hoc volumine non continetur.

## DOM. XVI. POST PENT.

*Et ecce homo quidam hydropicus erat ante illum. Luc. 14.* Deus hic punnit, hic morbos immittit, & omnis generis afflictiones, vt parcat in æternum. *ÆTERNITAS* Confid. 1. §. 3.

*Vade, recumbe in novissimo loco. Luc. ibid.* Phariseorum proprium erat rebus omnibus pompam induere, in omnibus videri velle, quod certum signum est Intencionis non bonæ, de quâ *AMVSSIS* lib. 1. cap. 9.

*Et ipsi observabant eum. Luc. ibid.* Assidua sui ipsius observatio necessaria est ad vitam rectè instituendam. *AMVSSIS* lib. 2. cap. 12. §. 7.

## DOM. XVII. POST PENT.

*Nec ausus fuit quisquam ex illâ die eum amplius interrogare. Matth. 12.* Hic quæri potest, Quæ in Mundo sit omnium optima questio? de hac *ÆTERNITAS* Confid. 1. §. 2.

*Diliges Dominum Deum tuum ex toto corde tuo. Matth. ibid.* Nullus unquam labor suscipiendus, nullus dolor perferendus, nulla virtus aggredienda, sine rectâ Intentione, quæ primarius charitatis actus est: cum scilicet omnia ad maiore Dei gloriâ referuntur. *AMVSSIS* l. 2. c. 8. §. 4. & 5.

## DOM. XVIII. POST PENT.

*Ecce offerebant ei paralyticum iacentem in lecta. Matth. 9.* Verè paralyticus est, & in morbo cubat, quem Ira & Invidia, quem Superbia & Luxuria deiecerunt, de his virijs, & quantum Angelica oderint in homine, docet *HOROLOG. VM* Horâ 10. Noctis.

*Vt quid cogitatis mala in cordibus vestris? Matth. ibid.* Nil peius in homine quàm Mala voluntas, quæ certè tunc mala est, cum est propria, & diuinæ non consentiens, quæ quidem omnium nozarum fons & scaturigo, malorum omnium Lerna est. Voluntas quæ se frangi non patitur, semper exitiosissima, de hac *HELLOTROP. VM* lib. 4. cap. 2. fuse.

## DOM. XIX. POST PENT.

*Mittite eum in tenebras exteriores, ibi erit fletus & stridor dentium. Matth. 22.* Explicari potest hoc loco, Cur gehenna sit æterna. *ÆTERNITAS* Confid. 2. §. 2, & §. 3. Quomodo Natura ipsa moneat Æternitatis,

*In tenebras exteriores* De nonëplici Æternitatis tormento apud inferos. *NICETAS* lib. 2. c. 11. Copiosa materia, & quæ alibi etiâ tractari poterit.

*Et nolabant sentire. Matth. ibid.* Hominis suam voluntatem cum diuinâ conformare recusantis nobilissimum paradigma proponit *HELLOTROP. VM* lib. 4. cap. 4.



IN DOMINICAS.  
DOM. XX. POST PENT.

*Incipiebat enim mori. Ioan. 4.* Quàm primum incipimus viuere, & mori simul incipimus. Verùm mors illa formidanda non est, post quam vita sequitur: Mors illa nimium horrenda est, quæ est æterna; hæc incipit, & nunquam finit. **ÆTERNITAS** Confid. 4. §. 1.

*Nisi signa & prodigia videritis, non creditis. Ioan. ibid.* Hic differendum qui sint gradus rectæ Intentionis, & quomodo Deo seruiendum propter Deum, non metu supplicij, non spe præmij, sed ob amorem Dei. **AMVSSIS** lib. 1. cap. 7.

---

DOM. XXI. POST PENT.

*Simile est regnum calorum homini regi qui soluit rationem ponere cum seruis suis. Matth. 18.* Examen & ratio conscientia quotidie reddenda commendatur omnibus statibus, in **TRISMEGISTO** lib. 1. cap. 9.

*Oblatus est ei census qui debebat ei decem millia talenta. Matth. ibid.* Omnia possunt numerari; at verò nec dies, nec anni Æternitatis numerabiles sunt: Æternitas omnes omnino numeros transilit. **ÆTERNITAS** Confid. 4. §. 2.

---

DOM. XXII. POST PENT.

*Viam Dei in Veritate doces. Matth. 23.* De amore Veritatis aliquid. **HOROLOGIVM** Horâ 8. Dici.

*Cuius est imago hac & superscriptio? Matth. ibid.* Contra impuros libros & impudicas imagines ac picturas acerbè differendum. **NICETAS** lib. 1. cap. 5. & 6.

*Reddite ergo quæ sunt Cæsaris, Cæsari; & quæ sunt Dei, Deo. Matth. ibid.* Quid magis Deo debemus quàm amorem & fiduciam? Tanta nihilo minus plurimorum de Deo diffidentia est, vt ijs Deus meritò dixerit: *Quid me tentatis hypocrite?* Diffidentiam istam explicat **HELIOTROPIVM** lib. 3. cap. 10. §. 5. 6. & 7.

---

DOM. XXIII. POST PENT.

*Filia mea modo defuncta est. Matth. 9.* Omnis afflictio, omnis calamitates & pœna, omnia Mundi mala, morbi & mors, à Deo & diuinâ Voluntate sunt. **HELIOTROPIVM** lib. 1. cap. 1.

*Et ecce mulier quæ sanguinis fluxum patiebatur annis duodecim. Matth. ibid.* Luxuria, seu, Incontinentia ingens Orbis malum, & verè sanguinis fluxus, tam corporis, quàm fortunæ, atque animi bona omnia corrumpit & perdit, de quo **NICETAS** lib. 1. cap. 10.

# I N D E X

## DOM. XXIV. POST PENT.

*Qui legit, intelligat. Matth. 24.* Lectio sacra piorum librorum hoc loco valde commendanda est, de quâ NICETAS lib. 2. c. 3.

*Abominatio desolationis. Matth. ibid.* Verè desolatio, verè abominatio coram Deo Luxuria & libido, cuius nouem ingentia damna recenset NICETAS lib. 2. c. 12. de quibus etiam dici potest, die B. Magdalenz. aut alijs diebus.

## DOMINICA S. ANGELI CVSTODIS.

*Angeli eorum vident faciem Patris mei qui in calis est. Matth. 18.* Cur sancti Angeli præ ceteris celestibus summè venerandi sint, nouem causas assignat HOROLOGIVM, initio ad Horas Noctis. In eodem, Horâ 2. Noctis Tres curiosæ quæstiones de Sanctis Angelis ponuntur. Et Horâ 3. Noctis Viginri septem meditatiunculæ de SS. Angelis proponuntur, in quibus pleraque eorum in nos beneficia comprehenduntur.

*Nonne omnes sunt administratorij spiritus? Hebraeor. 1.* De SS. Angelorum fidiſſimis in nos obsequijs & officijs HOROLOGIVM Horâ 7. Noctis. SS. Angelis totum Horologium consecratum est.

## DOMINICA DEDICATIONIS TEMPLI.

*Querebat videre Iesum quis esset. Luc. 19.* Intentio recta in omnibus, hoc vnum assidue querit, Iesum videre. Hic proponi possunt nouem quæstionculæ illæ super bonâ Intentione positæ, de quibus AMVSALIS lib. 2. cap. 6.

*Ecce dimidium honorum meorum de pauperibus Luc. ibid.* Non metuebat Zachæus, ne si tam largam stipendia erogaret, ipse demum egere inciperet: fidebat Deo. Quantâ autem in Deum fiducia omnes Sancti fuerint, explicat HELIOTROPIVM lib. 3. c. 4.

# I N D E X

## IN FESTOS DIES SANCTORVM.

### S. ANDREAS.

*Etiam vos fieri piscatores hominum. Matth. 4.* Ingens fuit Apostolorum in Christum fiducia, cum omnibus, & quæ habebant, & quæ habituros se sperabant, relictis, statim sequerentur Dominum. Mox unâ præmium aliquod secutum, nam qui antea pisces tantum, postea homines ipsos piscabantur. Ita solet Deus maximis præmijs humanam in se fiduciam remunerari, de quâ re HELIOTROPIVM l. 3. c. 5.



## IN FESTOS DIES.

*Illi autem statim reliſſis retibus & patre, ſecuti ſunt eum. Matth. ibid.*  
Quid omnis vita noſtra agit, niſi quod texat retia? ſed planè retia araneorum. Relinquamus & nos tandem cum Apoſtoliſ hæc retia & nugaciſſimam hanc texturam. *ÆTERNITAS* Conſid. 5. §. 1.

### S. NICOLAUS.

*Ecce alia quinque ſuper lucratus ſum. Matth. 25.* Sæpe vaniſſima quæque diſcimus & docemus: ecquis tam auidè diſcit lucrari cælum, quàm numum? *ÆTERNITAS* Conſid. 8. §. 1.

*Te autem faciente elemoſynam, neſciat ſiniſtra tua, quid faciat dextra tua: & ſi ſit elemoſyna tua in abſcondito. Matth. 6.* S. Nicolaus non tantum elemoſynam dedit, ſed & vanam gloriam fugit, quæ humanæ genti in omnibus actionibus inſidiatur. de quo *AMVSſIS* lib. 2. cap. 4. & 5. & etiam lib. 1. cap. 9. Vbi illud explicatur: Attendite ne iuſtitiam veſtram faciatis coram hominibus, ut videamini ab eis. Additurque explicatio de dextrâ dante, & ſiniſtrâ ignorante quid dextra det.

### S. THOMAS.

*Dominus meus, & Deus meus, Ioan. 20.* Hic explicanda eſt propenſio voluntatis in bonum, ſeu, Conformitas humanæ voluntatis cum diuinâ, *ZODIACVS* ſymb. 11. §. 1. 2. & 3.

*Dominus meus, & Deus meus.* Hic etiam explicari poſſunt preces iaculatoriæ. *Benedictus Deus in æternum &c: HOROLOGIVM* Horâ 2. Diei. Et Horâ 9. Diei illud: *Deus meus & omnia*; dictum B. Franciſci.

### PURIFICATIO BEATISSIMÆ VIRGINIS MARIAE.

*Lumen ad reuelationem gentium. Luc. 2.* De lumine hominis interno *ZODIACVS* ſymb. 1. §. 1. 2. & 3.

*Ut darent hoſtiam, ſecundum quod ſcriptum eſt in lege Domini. Luc. ibid.* Non eſt melior oblatio, non eſt dignius Deo ſacrificium, quàm humanæ voluntatis cum diuinâ conſenſus & conformitas. *HELIOTROP.* l. 3. c. 3.

### S. MATTHIAS.

*Venite ad me omnes. Matth. 11.* De Chriſto inuitante, & Adamo lamentante, *ÆTERNITAS* Conſid. 7. §. 1. & 2.

*Et reuelata eſt paruulis. Matth. ibid.* Huc ſeceſſit Exhortatio ad Religioſos & ad Amicos ſuper rectâ intentione, *AMVSſIS* lib. 2. cap. 11.

### ANNUNTIATIO BEATISSIMÆ VIR- GINIS MARIAE.

*Et regnum vſque non erit finis. Luc. 1.* Explicantur hæc in *Æternitate* Conſid. 3. §. 1.

*Missus*

*Missus est Angelus ad Virginem desponsatam Siro. Luc. ibid.* B. Virginem, Domini Matrem, & sanctos Angelos præ ceteris sanctis venerandos esse docet TRISMEGISTVS lib. 2. cap. 3. singulis horis vnum *Aue Maria* dicendum esse, vt exercitium pietatis vtilissimum, suadet idem TRISMEGISTVS lib. 2. cap. 4. §. 2.

S. GEORGIUS.

*Si quis in me non manserit, mittetur foras sicut palmes, & arefcet, & colligent eum, & in ignem mittent, ET ARDET, Ioan. 15.* Illud, ET ARDET, singulariter notandum. Quæ autem apud inferos sint æterna, tradit ÆTERNITAS Confid. 2. §. 1. & Confid. 9. conclusione 1.

*Si quis in me non manserit.* Constantiæ & Inconstantæ exempla habet TRISMEGISTVS lib. 2. cap. 10.

SS. PHILIPPVS & IACOBVS.

*In domo Patris mei mansiones multe sunt, Ioan. 14.* De mansione Troi-  
li, auari præfulis malè venditâ, illustre documentum habet ÆTERNITAS Confid. 1. §. 3.

*Non turbetur cur Vestrum. Ioan. ibid.* Quàm nos stabiles faciat, & contra turbationes muniat Recta Intentio, docet AMYSSIS lib. 2. cap. 9. signo 1. 2. 3. 4. & 5.

S. IOANNES BAPTISTA.

*Ecce ego mitto Angelum meum, & preparabit viam ante faciem meam, Malach. 3.* Ioannes Baptista verè Angelus fuit, neque manducans, neque bibens (vt Christus loquitur) & panè neque vestiens se. De discrimine inter hominem & Angelum, HOROLOGIVM Horâ 9. Noctis.

*Ioannes habebat Vestimentum de pilis camelorum. Matth. 3.* Cultum corporis sanctissimi homines quàm & oderint, & fugerint, TRISMEGISTVS lib. 3. cap. 9.

SS. PETRVS & PAVLVS.

*Per autem quem me esse dicitis? Matth. 8.* Quisque suam interroget conscientiam, & illa dicet, quis sit. Examen conscientie quot partes habeat, docet TRISMEGISTVS lib. 1. cap. 6.

*Caro & sanguis non reuelauit tibi. Matth. ibid.* Caro nostra, summus hostis noster est. TRISMEGISTVS fusè lib. 3. cap. 2. & 3.

S. MARIA MAGDALENA.

*Ecce mulier quæ erat in ciuitate peccatrix. Luc. 7.* Peccatum luxuriæ quan-



## IN FESTO V D I E S.

Quantum noceat, & quòd etiam famam inquinet. NICETAS lib. 1. cap. 11. & 12.

*Lacrimis capis rigare pedes eius, & capillis capitis sui tergebat. Luc. ibid.* Ad beatam Æternitatem alia via non est, nisi via veræ Pœnitentiæ & Patientiæ. de utraque hac ÆTERNITAS Confid. 3. §. 3. De Patientiâ HOROLOGIVM Horâ 1. Diei. Vbi etiam de actu Contritionis & Accusatione sui ipsius explicatè plura.

*Fidelitate salutem fecit: Eadem pace. Luc. ibid.* Is sanè in pace vadit, qui peractâ pœnitentiâ, nihil voluntatis propriæ, tam in omnibus rebus arduis ac difficilibus, quàm in ipsâ morte retinet: hic homo fines pacis ingreditur. HELIOTROPIVM lib. 4. cap. 6.

### S. IACOBVS.

*Quid sis? Matth. 20.* Quàm multa, quàm & diuersa atque inter se pugnantia, vel vno solum die, vel vnâ solum horâ volumus? Interim omnis perfectio hominis consistit in Conformatione humanæ voluntatis ad diuinam. HELIOTROPIVM lib. 3. cap. 4.

*Potesis bibere calicem, quem ego bibiturus sum? Dicunt ei, Possumus. Matth. ibid.* Oportet hominem paratum & resignatum esse, ad omnem penuriam, ad contemptum & ignominiam, ad quemcunque morbum, ad quamcunque mortem, ad omnia omnino vel in tempore, vel in Æternitate perpetiendâ; hoc est enim calicem Domini bibere, de quo HELIOTROPIVM lib. 4. cap. 1.

### S. LAURENTIVS.

*Qui amat animam suam, perdet eam. Ioan. 12.* Vbique Christus animæ odium, viam arctam, & portam angustam ad cælum in diuinissimis suis concionibus ingerit. ÆTERNITAS Confid. 9. Conclus. 7. Conferatur S. Laurentius in prunis cum S. Benedicto in spinis, de cuius illustrissimo facinore NICETAS l. 2. cap. 1. & 3. Cum his etiam conferri potest ipse Nicetas in lecto pugnant cruentâ linguâ, de quo lib. 1. cap. 1.

*Si quis mihi ministrauerit, honorificabit eum pater meus. Ioan. ibid.* Nemo fidelius ministrat Christo Deo quàm qui in rebus omnibus Dei voluntatem quàm perfectissimè cupit facere. Et hæc humanæ voluntatis ad diuinam conformatio, summum vitæ bonum est. HELIOTROPIVM lib. 3. c. 5.

## ASSUMPTIO BEATISSIMÆ VIRGINIS MARIAE

*Porro unum est necessarium: Maria optimam partem elegit, quæ non auferretur ab eâ. Luc. 10.* Hoc vnum vnice necessarium est, in omnibus beatam Æternitatem quærere, omnia Æternitati facere; hæc illa pars optima. ÆTERNITAS Confid. 9. §. 3. omnium ult.

*Optimam*

*Optimam partem elegit. Pessimam partem eligunt qui magis corpus quàm animum colunt, TRISMISTVS lib. 3. cap. 4.*

S. BARTHOLOMÆVS.

*Pellem pro pelle, & cuncta quæ habet homo dabit pro animâ suâ. Job. 2.<sup>o</sup>* Hodie explicandum illustrissimum inauditum facimus Nicetæ, de quo NICETAS lib. 1. cap. 1. & c. 2. Ostendendum hic quomodo culter S. Bartholomæi contra luxuriam adhibendus.

*Eterat pernoctans in oratione Dei Luc. 6.* Non est melior oratio quàm illa quam nos Dominus IESVS verbo exemplo docuit, Fiat voluntas tua, HELIOTROPIVM lib. 2. cap. 4.

NATIVITAS BEATISSIMÆ VIR-  
GINIS MARIAE.

*Ex quâ natus est IESVS qui vocatur Christus. Matth. 1.* Duodecim salutationes ad B. Virginem, Domini Matrem habet HOROLOGIVM Horâ 7. Dicit. Sed hæc salutationes erunt paullò fusiùs explicandæ.

*Iacob autem genuit Ioseph, virum Mariæ. Matth. ibid.* Considera mihi hanc regię stirpis admirandam seriem, quantâ Deus prouidentiâ ab vsque Dauid, ab vsque Abraham, per tot velut canales, per homines sanctissimos vnâ & scelestissimos regium sanguinem ad Ioseph & Mariam, Virginisque filium deduxerit. Amplius hic dicendi campus, quantâ Deus prouidentiâ vtatur in suos amicos, de quo HELIOTROPIVM l. 5. cap. 8.

S. MATTHÆVS.

*Sequere me. & surgens secutus est eum. Luc. 5.* Nihil æquè periculosum & noxium est atque pœnitentiam differre. De Coruo erocitante malæ dilationis symbolo. ÆTERNITAS Confid. 7. 9. 3.

*Relictis omnibus. Luc. ibid.* Dilatio humanæ vitæ damnosissima. HOROLOGIVM in Epilogo post Horas Noctis.

*Quare cum publicanis & peccatoribus manducat magister Vester? Matth. 11.* Iudicium hoc planè temerarium erat, quod Christus repressit. De Iudicio temerario fusè AMVSIS lib. 2. cap. 7.

S. MICHAEL.

*Millia millium ministrabant ei, & decus, centena millia assistebat ei. Dan. 7.* De SS. Angelorum naturâ & numero HOROLOGIVM Horâ 4. Noctis. Quæ verò ratione pingantur SS. Angeli, Horâ 5. Noctis fusiùs explicatur.

*Factum est silentium in calo. Apo. 8.* De cantu & officiis SS. Angelorum, HOROLOGIVM Horâ 6. Noctis.



## IN FESTOS DIES.

*Angeli eorum semper vident faciem Patris mei qui in celis est. Matth. 18.*  
De cultu & veneratione SS. Angelorum, idem HOROLOGIVM Horæ  
12. Noctis.

---

## SS. SIMON & IVDAS.

*Nunc autem excusationem non habet de peccato suo Ioan. 15.* Mala Intentio nequitiarum omnium mater, omnibus sese actionibus nouit insinuare, & hæc hominis conscientiam facit inexcusabilem. Vide AMVS-SIM lib. 11. cap. 11. vbi fusè malæ Intentionis varietas ostenditur. Et lib. 2. cap. 11. exhortationis pars illa, ad omnis ordinis homines huc faciet stabiliendæ Intentioni rectæ, quæ nunquam satis poterit inculcari.

*Nunc autem E& viderunt E& oderunt. E& me, E& Patrem meum. Ioan. ibid.* Tria sunt quæ illam humanæ voluntatis contumaciam alunt, Nimirum prana Consuetudo, Longanimitatis defectus, & Mutabilitas perpetua, de his HELIOTROPIVM lib. 4. cap. 5.

---

## OMNES SANCTI & SANCTÆ DEI.

*Beati pauperes, beati mites, beati qui lugent. Matth. 5.* Paupertate, Mansuetudine, Fletu obtinetur beatorum Æternitas. ÆTERNITAS Confid. 3. §. 2.

*Mercēs castitatis copiosa est in celis. Matth. ibid.* Cultus & veneratio Sanctorum asseritur in TRISMEGISTO lib. 2. cap. 22.

---

## S. MARTINVS.

*Sic oculus tuus fuerit simplex, totum corpus tuum lucitum erit. Luc. 11.* Dicendum contra oculos vagos, curiosos, emissicios, impudicos. NICETAS lib. 1. cap. 7.

*Sic oculus tuus fuerit simplex.* Recta Intentio hic simplex oculus esse dicitur à Sanctis Patribus, qui diuinas litteras interpretantur. Atque hic oculus ad omnes actiones nostras illustrandas summè necessarius est. AMVSSIS lib. 1. cap. 3. & 4.

---

## S. CATHARINA.

*Exierunt obuiam sponso E& sponsa. Matth. 25.* De conformatione humanæ voluntatis ad diuinam breuiter quid tradit HOROLOGIVM Horæ 9. Diei, vbi etiam aliquid de Castitate. Vberior laus Castitatis in NICETÀ lib. 2 cap. 12. §. seu C. 9. & vltimo.

*Et quæ parata erant, intraverunt cum eo ad nuptias.* Nihil in Orbe inclines, quam ad omnem nutum diuini arbitrii semper paratum esse. Hæc enim Conformatio humanæ voluntatis ad diuinam, cælum est extra cælum, & vera vitæ beatitudo. HELIOTROPIVM lib. 3. cap. 6.

I N D E X  
HISTORIARVM  
APOLOGORVM  
ET ILLVSTRIVM  
exemplorum.

*A.*

- Accipiter auceps mirabilis; apolo-  
gus. AMVSSIS l. 2. c. 4. §. 6.
- Adam lamentans. ÆTERNIT.  
Confid. 7. §. 2.
- Agricola tempestatem semper  
prout voluit, habuit. HELIO-  
TROP. l. 3. c. 4. §. 2.
- Albatus eques Durlacensem con-  
flictum restituit ibidem.
- Aldegundis virgo hoc vnum vult,  
quod vult Deus. HELIOTROP.  
l. 5. c. 11. §. 2.
- Alexander Magnus suspectum  
pharmacum intrepidus haurit  
ZODIACVS symbolum. §. 3.
- Alexander Magnus ope medici  
conualescit. HELIOTROP. l. 1.  
c. 1. ante §. 1.
- Alexander Magnus oculos imitan-  
do exemplo coercet. NICETAS  
l. 1. c. 7. §. 3.
- Alexandrinus quidam vir sanctus  
patienter fert iniurias. HELIO-  
TROP. l. 3. c. 6. §. 2.
- Alexij Angeli luxus in vestitu, & in  
alijs. TRISMEG. l. 3. c. 8. §. 6.
- Alipius curiositate victus aperit o-  
culos in theatro. NICETAS l. 1.  
c. 7. §. 4.
- Alphonfus Aragonum Rex quem-  
nam beatum dixerit. HELIO-  
TROP. l. 3. c. 2. §. 4.
- Amasis Regis pelluium in Deum  
formatur. TRISMEGISTVS  
lib. 3. cap. 1. §. 1.
- Amor proprius eremitarum erga vas  
fictile. AMVSSIS l. 2. c. 3. §. 1.
- Amor regiorum coniugum sin-  
gularis. AMVSSIS l. 2. c. 12. §. 1.
- Andronici Imperatoris inaudicum  
supplicium, & poenitentia. Æ-  
TERNITAS Confid. 5. §. 2.
- Angelorum in praelio Pragensi sub-  
sidium multiplex. HOROLOGI-  
VM Horâ 5. Noctis. cap. 2.
- Angelus ruenti præsto est HORO-  
LOG. Horâ 7. Noctis c. 7.
- Angelus cum anachoretâ iter faci-  
ens, nares obstruat. HOROLOG.  
Horâ. 10. Noctis. c. 3.
- Angelus anachoretæ ad fontem  
euntis passus numerat. HORO-  
LOG. Horâ 11. Noctis, Virtute 5.
- Angelus Custos deserit Iulianum  
Apostatam. HOROLOG. Horâ  
11. Noctis, Virtute 5.
- Antiochus Rex à legato Romano-  
rum, circulo includitur, ad vr-  
gendum responsum. HELIO-  
TROP. l. 5. c. 12. §. 5.
- Antonino Cæsari, & Christiano  
principi in ferro fiducia est. HE-  
LIOTROP. l. 5. c. 10. §. 4.
- Archimedes dum Syracusæ capi-  
untur, in suo puluere occupa-  
tur ÆTERNITAS Confid. 7. §. 1.
- Arialdus in tormentis fortissimus.  
ÆTERNIT. Cōsid. 9. Conclus. 2.
- Astion martyr cum Epicteto socio,  
quid assidue proclamavit in tor-  
mentis. HELIOTROPIVM l. 3.  
c. 3. §. 2.



S. Athanasius exul suas miseras  
nebulae confert. ZODIACVS  
symb. 5. §. 2.

Auliculae cantus Aeternitatis mo-  
net. AETERNITAS, Considera-  
tione 5. initio.

Aulicus hominem obuium fustua-  
rio prius exceptum, dein auro  
donat. AMVS 12. l. 2. c. 4. §. 7.

B.

S. Benedicti pro Castitate pugna in  
Ipinis. NICET. l. 2. c. 1. §. 1. 2.  
3. 4 & 5.

Benedicti VIII. Pontificis legatio,  
& marsupium milio plenum, ad  
Saracenum Regem missum, A-  
MVSSIS l. 2. c. 12. §. 7.

Benedictus XI. Pontifex, matrem  
suam supra conditionem ab alijs  
ornatam nosse negat. TRIS-  
MEGISTVS l. 3. c. 8. §. 4.

S. Bernardi soror, vestium luxum  
Ipernit, & deponit. TRISME-  
GIST. l. 3. c. 11. §. 7.

S. Bernardus agrotans quid vide-  
rit. HELIOTROP. l. 5. c. 4. §. 4.

S. Bernardus curiosorum oculo-  
rum in seipso acerrimus vindex.  
NICETAS l. 1. c. 7. §. 7.

Bertholdo conciliante, de alteri-  
us vitae statu horrenda patefiunt;  
AETERNIT. Confid. 9. conclus. 7.

C.

Caligula Imp. seruo abscissas ma-  
nus ante pectus appendi iubet:  
simile quid fecit Galba. NICET.  
l. 1. c. 6. §. 1.

Canis aulicus Wirtenbergicus plus  
sapit suo domino. TRISMEG.  
l. 3. c. 11. §. 7.

Cari Imperatoris vestitus, victus,  
responsio virilis. TRISMEG. l. 3.  
c. 11. §. 1.

S. Carolus Borromaeus oculos ha-  
bet continentissimos. NICETAS  
l. 1. c. 7. §. 6.

Castitas S. Benedicti seuera. NICETAS  
l. 2. c. 1. §. 1. 2. 3. 4. & 5.

Castitas Ioan Godefridi Bamber-  
gensis episcopi mira. NICETAS  
l. 2. c. 1. §. 4.

Castitas Iosaphat regis difficulte  
sed tandem inuicta. NICETAS  
l. 2. c. 5. §. 4. 5. & 6.

Castitas S. Thomae Aquinatis ar-  
dua. NICET. l. 2. c. 5. §. 3.

S. Catharinae Senensis conclaue sa-  
crum. HELIOTROP. l. 4. c. 3. §. 3.

Cervus in stabulo alieno suis se-  
cornibus prodit, apologus. NI-  
CETAS l. 2. c. 10. §. 7.

S. Chariton a serpente liberatus, sit  
ex asse latronum haeres. HELIO-  
TROPIVM l. 5. c. 8. §. 3.

Crocodilus nutrice suae infidelis.  
TRISMEG. l. 3. c. 3. initio.

S. Cypriani prompta mors. ZOD.  
symb. 2. §. 1.

Cyri liberalitas in regijs captivis  
dimitrendis. AMVS. l. 2. c. 12. §. 1.

Cyrus Panopolites perierat nisi pe-  
riisset. HELIOTROP. l. 3. c. 9. §. 3.

D.

Diabolus hospitio detractoris re-  
ceptus lacerat hospitis sui fili-  
um. AMVS. l. 1. c. 8. §. 5.

Dionysius Siculus Apollini aure-  
am chlamydem aufert. AETERNIT.  
Confid. 7. §. 3.

Dolor & Voluptas quate perpetuo  
nexu coniuncti. NICETAS l. 1.  
c. 10. §. 2.

Dositheus Vanus iuuenis praesen-  
tiam Dei in omni loco docetur.  
NICETAS l. 2. c. 10. §. 4.

**E**

- Edildrida regina in collo punita ob gestata monilia. **TRISMEG.** l. 3. c. 11. §. 2.
- Edirha reginae corpus à tabe pænè totū illa sum. **NIC.** l. 2. c. 9 §. 4.
- Elcearius Comes in aquarum periculis intrepidus. **HELIO TROP.** l. 5. c. 4 §. 5.
- Elephas in gratiam regis Lusitani nauim in mare deducit. **AM VSS.** l. 2. c. 8. §. ult.
- Elisabetha regina Christum in cruce spinis coronatum videt maximo animi sensu. **TRISMEG.** l. 3. c. 9. §. 5.
- S. Emmerami præsulis & martyris horribiles cruciatus. **HELIO TROP.** l. 4. c. 1. §. 2.
- Ephrem à procaci mulierculâ oculorum continentiam discit. **NICET.** l. 1. c. 7. §. 2.
- Epistetus martyr in tormentis cū socio identidem voluntatis diuinæ obsequium ingeminat. **HELIO TROP.** l. 3. c. 3. §. 2.
- Equitis Romani equus macilentus, domini oculo non curatus. **AM VSS.** l. 2. c. 6. §. 3.
- Eremita Deo gratis seruit, & ob id Deo charissimus: pulchra narratio. **AM VSS.** l. 1. c. 7. §. 6.
- Europa Agenoris filia à tauro aueta: apologus. **TRISMEGIST.** l. 3. c. 9. §. 2.
- Examen conscientiae quomodo duo iuvenes instituerint. **TRISMEG.** l. 1. c. 6. §. 3.

**F**

Fiducia in Deum Abrahami, Iosephi, Moysis, Iosue, Calebi, Ezechiae, Davidis, Tobiae, Pauli, Iudithae, Susannae, aliorum. **HELIO TROP.** l. 5. c. 4. §. 1. 2. 3. 4. & 5.

- Fiducia in Deum beati Ambrosii. **HELIO TROP.** l. 5. c. 10. §. 7.
- Fiducia in Deum Friderici Antistitis Magdeburgensis. **HELIO TROP.** l. 5. c. 4. §. 4.
- Fiducia in Deum Ioannis Alexandrini Patriarchae. **HELIO TROP.** l. 5. c. 7. §. 4.
- Franciscus Borgia suam voluntatem diuinæ integrè conformat. **HELIO TROP.** l. 2. c. 3. §. 3.
- Franciscus Rerzarus vir octogenarius B. Virginis eximius cultor. **TRISMEG.** l. 2. c. 10. §. 3.
- Fratres duo, fatuus & sapiens vna iter faciunt infelici exitu. **TRISMEG.** l. 3. c. 7. §. 2.
- Fratres duo religiosi iter faciunt ad S. Antonium, quorum alter in viâ moritur. **HELIO TROP.** l. 1. c. 3. §. 2.
- Fulco per leuē in somniam quomodo ad Religionem vocatus. **ÆTERNIT.** Confid. 5. ante §. 1.
- Furum & latronum supplices libelli ad magistratū de abolendis patibulis: apologus. **HELIO TROP.** l. 4. c. 2. §. 1.

**G**

- Gedeonis & reus Asæ qualis fiducia in Deum. **HELIO TROP.** l. 5. c. 10 §. 1.
- S. Gertrudis cordis sui clauera Christo tradit. **HELIO TROP.** l. 4. c. 1. ante §. 1.
- S. Gregorius Magnus tres habuit amitas quarum vna duabus dissimillima. **HELIO TROP.** l. 1. c. 3. §. 4.
- Guericus sanctiorem vitam orditur, ob memoriam mortis. **ÆTERNIT.** Confid. 5. §. 1.
- Gula insigniter illusa & victa à



Wolstano episcopo. NICETAS  
L. 2. c. 9. §. 3.

Gulam vincendam esse docet apo-  
logus Accipitris & Trochili, A-  
M VSS. l. 2. c. 4. §. 6.

H.

Henricus ab Heinden, cultor B.  
Virginis. TRISMEG. l. 2. c. 6. §. 3.

S. Hilarion in morte trepidat. ZO-  
DIACVS in Coronide post me-  
dium.

S. Hilarionem diabolus terrere co-  
natur. ÆTERNIT. Confid. 9.  
§. 3. fine.

Hippoclide saluando futurā con-  
iugē amittit. AM VSS. l. 2. c. 4. §. 6.

Horologium artificiosū Ferdinan-  
do I. Imperatori subtrahitur, sed  
furtum astu deprehenditur. NI-  
CET. l. 2. c. 10. §. 8.

Hospitalitas diabolo exhibita. A-  
M VSS. l. 1. c. 8. §. 5.

Hugo Lincolnienſis episcopus re-  
prehendit seipsum ob diffiden-  
tiam in Deum. HELIOTROP. l. 3. c. 4. §. 4.

I.

Iacob Patriarcha cur claudus? HE-  
LIOTROP. l. 3. c. 10. §. 3.

Iacob pro Rachæ seruienti, ad a-  
morem cæli eximulet, ÆTER-  
NIT. Confid. 6. §. 3.

Inconstantia mirandum exem-  
plum in iuvene monacho & a-  
nachoretâ. TRISMEG. l. 2. c. 10.

Iniurias patienter ferre, magnum  
est miraculum Christiani homi-  
nis. HELIOTROP. l. 3. c. 6. §. 2.

Ioannes Thebæus tolerantia fit  
Angelus. HOROLOG. Horâ 11.  
Noctis Virtute 5.

Ioannis Careræ cum Angelo fami-  
liaritas. HOROLOG. Horâ 12.  
Noctis c. 4.

Ionas propheta diuinæ voluntati  
refractorius, eandem mirabili  
modo docetur. HELIOTROP. l.  
4. c. 4. §. 1. & 2.

Iosaphatus rex post anxiam deli-  
berationem illustri documento  
vincit. NICET. l. 2. c. 5. §. 4, 5 & 6.

Iosephi, Anchietæ in animantes  
imperium. HELIOTROP. VM  
l. 2. c. 4. §. 1.

Iosephi Ægyptij proregis varij ca-  
sus. HELIOTROP. l. 3. c. 8. §. 2.

Ira Nicetæ patricij quâ ratione so-  
pita. ÆTERNIT. Confid. 7. §. 3.

Iudicare neminem securissimam  
præstat mortem; exemplum no-  
bile. AM VSS. l. 2. c. 7. §. 1.

Iudicia Dei arcanissima in Iacob &  
Esau; in duobus Pharaonis fa-  
mulis; in Saule, Dauide, Nabu-  
chodonosore, Asâ regibus; in  
Iuliano Alexandrino martyre,  
& Besâ milite; in aliquot Me-  
diolanensibus patricijs; in duo-  
bus luxuriosis viris; in duabus  
puellis venditis &c: mira bis mi-  
ra. HELIOTROP. l. 1. c. 3.  
§. 1. 2. 3. 4 & 5.

Iudicij extremi præcones hono-  
rantur à rege Indorum. TRIS-  
MEG. l. 3. c. 8. §. 7.

Iudicium temerarium punitur à S.  
Francisco. AM VSS. l. 2. c. 7. §. 7.

Iulius II. Pontifex sacros proceres  
in inferorū flammis pingi dissi-  
mulat. HELIOTROP. l. 2. c. 3. §. 8.

Iuoni mulier in itinere occurrit  
cum prunis & hydriâ, Paradi-  
sū combustura, & Tartarum ex-  
tinctura. AM VSS. l. 1. c. 11. initio.

Iuuenis comprus & bene olens  
præfecturâ orbatur à Vespasia-  
no. TRISMEG. l. 3. c. 5. §. 6.

h h h 2

L.

**L**

- Latro** *Aue Maria* quotidie recitat magno suo emolumento. **TRISMEG.** l. 2. c. 10. §. 2.
- Legatorum** à Pontifice Romano & Rege Saraceno inusitata munera. **AMVSS.** l. 2. c. 12. §. 7.
- Libani** ligna colloquuntur : apocryphus. **HELIO TROP.** l. 4. c. 2. §. 5.
- Liberalitas** atque effusio Augusti & Neronis Imp. **ÆTERNIT.** Confid. 3. ante §. 1.
- Liberalitas** religiosa & fiducia plena in beato Roberto. **HELIO TROP.** l. 3. c. 8. §. 4.
- Liberalitas** æquè Deo fidens beati Iudoci, mirè compensatur. **HELIO TROP.** l. 5. c. 7. §. 3.
- Libido** ab anachoretâ insigniter triumphatur. **TRISMEGISTVS.** l. 3. c. 3. §. 1.
- I. Lipsij** mors imitanda. **ÆTERNIT.** Confid. 4. §. 3.
- S. Lucia** oculos sibi ipsa eruit. **NICET.** l. 1. c. 7. §. 3.
- Lupus** deprehensus spe emendationis dimittitur, sed breuè ad ingentiù redit : apologus. **TRISMEG.** l. 1. c. 8. §. 5.
- Luxuriosi** adolescentis Lubecensis miserabilis ac tragicus interitus. **NICET.** l. 2. c. 12. propius finem.
- Luxuriosi** adolescentes duo, unico dicto corriguntur, mirabili mutatione. **TRISMEGISTVS.** l. 2. c. 7. §. 1. & 3.

**M.**

- M. Marime** duo solia. **HELIO TROP.** l. 1. c. 7. §. 1.
- Marci** Arctusij tormenta. **NICET.** l. 2. c. 1. suppl. in inf. torum 7.
- Maria** Ludouici Pij filia vestibus

post mortem miserè spoliatur.

- TRISMEG.** l. 3. c. 11 §. 8.
- Mariæ** Magdalenaë vestem donat nobilissima mariona. **TRISMEG.** l. 3. c. 10 §. 1.
- Mariæ** Magdalenaë factum prædicatur per Orbem. **ÆTERNIT.** Confid. 3. §. 1.
- Marrimonium** rigidissimus ordo non sine argumentis adstruitur. **AMVSS.** l. 2. c. 8. §. 6.
- Maximiliani** I. Imp. miræ virtutis lapis phengites cum historiâ illustri. **NICET.** l. 2. c. 10. §. 5.
- Maximinus** Imperator, robustissimus, monetur in theatro ne viribus fidat. **HELIO TROP.** l. 3. c. 10 §. 1.
- Mendicus** docet Theologum humanæ voluntatis cum diuinâ conformationem. **HELIO TROP.** l. 1. c. 1.
- Messodami** crastinus dies. **ÆTERNIT.** Confid. 7. §. 3.
- Miles** iurandi consuetudinem à se ipso dediscit præclaro inuentor. **TRISMEG.** l. 1. c. 6. §. 5.
- S. Monegundis** post mortem filiarum quomodo vitæ statum mutarit. **HELIO TROP.** l. 1. c. 8 §. 4.
- Mortis** effigies iuuenis formosissimus post aliquot sepulturæ dies depictus. **TRISMEGISTVS.** l. 3. c. 11. §. 6.
- Myrogenes** à gehennâ petiti liberari precibus Eustachij præsulis. **ÆTERNITAS** Confid. 3. §. 3.

**N.**

- Noëmus** quâ fiduciâ Arcam ingressus sit. **HELIO TROP.** l. 5. c. 11. §. 1.
- Nonnus** lacrimis Pelagiam prosequitur, & ad frugem corrigit. **TRISMEG.** l. 3. c. 10. §. 1.



Nutu suo Athenas regi gloriatur  
Themistoclis filius. HELIOTRO-  
P. l. 3. c. 5. §. 1.

O.

Oculos quomodo custodierint di-  
uersi; illustria exempla NICET.  
l. 1. c. 7. §. 3. 4. 5. 6. & 7.

Oculos 60. annis Sara antistita im-  
perio incredibili coërcet. NICET-  
AS l. 1. c. 7. §. 6.

Odo antistes inani spe suâ fallitur.  
HELIOTROP. l. 5. c. 5. §. 1.

Olympij senis patientia singularis.  
ÆTERNIT. Confid. 9. §. 2.

P.

Pachemij nouus dormiendi, seu  
potius vigilandi modus. ÆTER-  
NIT. Confid. 6. §. 2.

Pambus mulierem sumptuosius  
cultam duplici de causâ deflet.  
TRISMEG. l. 3. c. 10. §. 3.

Parens filii imaginem è pariete de-  
tractam pro filio castigat. A-  
M VSS. l. 2. c. 5. §. 3.

Parietes custodire propter Christum,  
magni quid est. AM VSS. l. 2. c. 10  
conclut. 2.

Pastri à fetis complures eternitæ.  
HELIOTROP. l. 5. c. 7. §. 2.

Patientia illustris religiosi senis in  
pulte pessimâ comedendâ & Dei  
prouidentia commedendâ HE-  
LIOTROP. l. 5. c. 8. §. 4.

Patientiam petit à Deo in morbo  
S. Fulgentius. ÆTERNIT. Con-  
fid. 4. §. 3.

Paucitatem saluandorum restatur  
Lugdunensis Archidiaconus  
iam mortuus. ZODIAC. in Co-  
ronide ad finem.

S. Pauli imago sudans interitum  
Andronico Imperatori porten-  
dit. ÆTERNIT. Confid. 5. §. 3.

Paulus Hossæus B. Virginis cultor

insignis. TRISMEG. l. 2. c. 10.  
§. 3. & 4.

Pericles oculorum continentiam  
docet. NICET. l. 1. c. 7. §. 3.

Perse vestem viri illustris flagel-  
lant pro reo ipso. ibidem.

S. Petrus ancillæ voce miserabili-  
ter quassatur. NIC. l. 1. c. 9. §. 2.

Petrus Igneus, quis & quam ob  
causam sic dictus. HELIOTRO-  
P. l. 5. c. 4. §. 3.

Philopamen ligna findens in seip-  
sum iocatur. TRISMEGISTVS  
l. 3. c. 8. §. 2.

Pileus Cunonis Canonici nimis  
pretiosus à Carolo I V. Imp. fa-  
cetè rideretur. TRISMEG. l. 3.  
c. 9. §. 3.

Prætextata Eustochium virginem  
ornans grauius punitur. TRIS-  
MEG. l. 3. c. 10. ante §. 1.

Preces impuri adolescentis repre-  
henduntur. TRISMEG. l. 2.  
c. 4. §. 1.

Prouidentiam diuinam docentur  
duo Patres è S. Dominici catu.  
HELIOTROP. l. 5. c. 7. §. 3.

Prouidentiam Dei beatus Amatus  
cum gratiarum actione agno-  
scit. HELIOTROP. l. 5. c. 7. §. 4.

Prouidentiam Dei prædicat capti-  
uus. HELIOTROP. l. 5. c. 10. §. 6.

Puluinar Equitis Romani pæne a-  
nimam debentis emit Augustus  
Imp. TRISMEG. l. 1. c. 7. §. 4.

R.

S. Remigius incenso horreo, ait,  
semper gratus est focus seni. HE-  
LIOTROP. l. 4. c. 3. §. 4.

Rudolphi I. Imperatoris vestitus  
plebeius cum historiâ. TRIS-  
MEG. l. 3. c. 8. §. 5.

bbb 3

S. 52

25

S.

- Saladini indusium mortis admonet. *TRISMEG.* l. 3. c. 7. ante §. 1.
- Saul Agago male parit. *ZODIAC.* Symb. 12. §. 3.
- Semiramidis ancillæ malignum imperiū. *TRISMEG.* l. 3. c. 3. §. 1.
- Sigismundi Imperatoris famulus infelicitèr eligit pyxidē non quæ auro, sed quæ plumbo plena fuerat. *HELIOTR.* l. 5. c. 12. §. 5.
- Sisoius iuuenem docet, vindictam nō appetere. *ZOD.* Symb. 9. §. 4.
- Spuma in ore canis & equi fortuitō bene picta. *HELIOTROP.* l. 5. c. 6. §. 2.
- Statua Memnonis ad primos solis radios sonum edit. *TRISMEG.* l. 1. c. 8. §. 12.
- Stilpo, omnia sua secum fert. *ZODIAC.* Symb. 4. §. 1.
- Symphorianus adolescens in tormentis ad æternam vitam iubetur à matre respicere. *ÆTERNIT.* Confid. 9. §. 3.

T.

- Thais ad virtutem se recipit à viitijs. *NICET.* l. 2. c. 10. §. 6.
- Theodorus adolescens deliberat apud se de meliori vitæ genere. *ÆTERNIT.* Confid. 85 §. 3.
- Theodorus dolore capitis cupit liberari à Pachomio, & quid ei responsum. *HELIOT.* l. 5. c. 6. §. 4.
- Theophila virgo ab Angelo in lupanari defenditur. *HOROLOG.* Horā 12. Noctis. c. 3.
- Thomas Morus 20000. annos, modicum æstimat ad Æternitatem. *ÆTERNIT.* Confid. 7. §. 2.
- Tiberij Imperatoris dictum: Nondum tecum in gratiam redij. *ÆTERNIT.* Confid. 1. §. 2.

- Tigranis regis coniux neminem nisi suum coniugem aspicit. *AMVSS.* l. 2. c. 12. §. 1.
- Triptolemus ad immortalitatem educatur apologus. *TRISMEG.* l. 3. c. 1. ante §. 1.
- Troili mansio æterna vili pecuniā vēdita. *ÆTERNIT.* Confid. 1. §. 3.
- Tuba supremi supplicij signum. *TRISMEG.* l. 3. c. 8. §. 7.

V.

- Vana gloria ob duas stercas grauiter punitur. *AMVSS.* l. 2. c. 4. §. 2.
- Vanam gloriā insigniter vincit Sara antistita. *AMVSS.* l. 2. c. 4. §. 5.
- Vesti suæ gratias agit ciuis Londinensis. *TRISMEG.* l. 3. c. 10. §. 4.
- Vesti sumptuosissimæ faciendæ senatus factorū conuenit. *TRISMEG.* l. 3. c. 10. §. 5.
- Vestitu insolenti femina pertinaciter vsa sine sacramentis moritur. *TRISMEG.* l. 3. c. 11. §. 9.
- Viator fessus mirā Dei prouidentiam experitur. *HELIOTROP.* l. 5. c. 7. §. 3.

- Visū feminae de Paucitate saluandorum. *ÆTERNIT.* Confid. 9. conclus. 7.
- Plura eiusmodi visa habet *ZODIACVS* in Coronide ad finem.
- Vnicus homo quantum subinde possit efficere, diuersæ historiolar. *TRISMEG.* l. 2. c. 3. §. 1.

W.

- S. Wallericus per turpiloquiū hospitio expellitur. *NICET.* l. 1. c. 8. §. 3.

X.

- Xerxes deslet suum exercitum. *ÆTERNIT.* Confid. 3. §. 2.

Z.

- Zeuxis accuratissimæ pingit Æternitati. *ÆTER.* Confid. 9. §. 3.



ERRATA.

*Pagina 46. Versu penult. Abber-*  
*raturum, lege, Aberraturum. Pag. 47.*  
*¶. 5. à fine, letumque, lætumque.*  
*P. 59. ¶. 5. extra omnem luctum,*  
*lege lectum. P. 82. medio, gaudere*  
*in sæcula, lege, sæculo. P. 108. ¶. 2,*  
*à fine, ex eo, lege, extrà. P. 111. ¶.*  
*18. inquietem, lege, in quietem.*  
*P. 117. ¶. 3. boni, lege, boui. P. 134.*  
*¶. 9. à fine, degit, lege, dedit. P. 138.*  
*¶. 2. vt mercatis, lege, mercaris.*  
*P. 141. ¶. 10. miserimos, lege mise-*  
*ri nos. P. 157. medio, ire, lege, iræ.*  
*P. 160. ¶. 4. prædestinati, adde, pec-*  
*cata. P. 175. ¶. 7. mundauerunt, le-*  
*ge, inundauerunt. P. 176. ¶. 6. à fi-*  
*ne, quâ imminens, lege, quàm.*  
*P. 179. ¶. 23. quos dæmon, lege,*  
*quas. P. 179. ¶. 12. à fine, si quid,*  
*lege, sic quî. Pag. 188. ¶. 12. Hic ego,*  
*lege, Hic ergo. P. 203. ¶. 1. opulen-*  
*tia conuiuia, lege, opulenta. P. 206.*  
*circa finem, diuinæ, lege, diuini.*  
*P. 207. circa med. solent, lege, so-*  
*lent. Pag. ead. paullo post, iniuriâ, le-*  
*ge, iniurias. Pag. 211. in estate, lege,*  
*Iacob, lege, Iob. P. 227. circa med.*  
*vestimentum tuam, lege, tuum.*  
*P. 232. fine, b Psalm. 67. lege, Da-*  
*niel. c. 7. v. 10. P. 236. ¶. 2. Mach.*  
*I. 2. c. 19. lege, c. 10. v. 29. P. 251. ¶. 4.*  
*in Ægypti, redundat in. P. 260.*  
*med. ad spectaculum, lege, specu-*  
*lum. P. 266. ¶. 7. habete, lege, habe-*  
*to. P. 314. ¶. 1. Contioentia, lege,*  
*Continentia. P. 323. ¶. 13. ipse, le-*  
*ge, ipsæ. P. 343. ¶. 28. trophæa, le-*  
*ge, trophæa. Pag. eadem. ¶. ead. so-*  
*lammæ, lege, solamne. P. 353. ¶.*  
*24. faciendâ, lege, faciendâ. Pag.*  
*357. ¶. 11. à fine, ad hos ver-*  
*berationis, lege, ad hoc. Pag. 358.*  
*¶. 2. funuculos, lege, funiculos.*

P. 363. & penult. preces, lege, ad preces. P. 375. & 2. ab hæreticis Catholicos, lege, Catholicis. P. 382. & 18. exultate lufibus, lege, exultate. P. 400. & 14. a fine, qui Deus, lege, qui Deum. P. 431. & 4. a fine, morbem, lege, morbum. P. 456. & 5. lumina, lege, lumina. P. 458. & 12. in tetrīs, lege, tetrīs. P. 470. & 6. a fine, suffolis, lege, suffolis. P. 4712 medio, Tertium, lege, Tertium. P. 474. & 3. a fine, quo læuo, lege, quod læuo. P. 477. & 14. si dicam, lege, sic dicam. P. 483. & 27. ante somniū. lege, Ante somnum. P. 490. & 23. Et non, lege, Et non nisi. P. 491. & 18. Nomo, lege, Nemo. P. 493. medio, rectius dixisses, Volo, lege, dixisses, Nolo. P. 499. & 6. valetudinem, lege, ad valetudinem. P. 506. & 22. mihi considera, lege, mihi considera. P. 522. & 5. Æternitact, lege, Æternitate. P. 537. & 8. In vitā, lege, ni viā. P. 562. & 7. secedenti, lege, secedendi. P. 571. medio, hoc nostra, lege, hoc postera. P. 600. & 10. a fine, spectaculo, lege, speculo. P. 609. & 2. nisi inexting, lege, nisi ignem exingubilem. P. 611. & 8. sunt cetera, lege, sunt certa. P. 651. & 8. brue, lege, breui. P. 706. & 19. deculpo, lege, decuplo. P. 757. in medio, predet, lege, perdet. P. 782. circa finem, exploratricem, lege, expoliatricem. P. 784. circa finem, runcat, lege, truncat. P. 801. & 14. vilissimum, lege, vtilissimū. P. 834. & 6. & 1. vbeatorum, lege, vi beatorum. P. 848. in medio, habeas, lege, habeat. P. 869. & 6. & 1. magi, lege, magis. P. 923. & 5. re, lege, re. P. 937. & 18. terram, lege, terram. P. 933. & 1. deoscfusaus, lege, de-

# ERRATA

osculatus. P. 946. *med.* ad vaserri-  
mus, *lege*, at vaserimus. P. 973.  
& 24. amisit, *lege*, amisit. P. 983.  
*med.* Num. *lege*, Nam. P. 987. *med.*  
prolabite, *lege*, prolabi te. P. 1001.  
& penult. ad virtus, *lege*, at virtus.  
P. 1011. & 12. omite, semel meam,  
nam superfluum est. P. 1020. &  
17. Initium, *lege*, initum. P. 1022.  
& 23. Versuasionibus, *lege*, Persua-  
sionibus. P. 1031. & 3. fueri, *lege*,  
fieri. P. 1055. & 2. fidudiam, *lege*,  
fiduciam. P. 1072. *med.* quid in, *le-*  
*ge*, quid ni. P. 1079. & 7. tam, *lege*,

rum. P. 1086. & 10. a fine, diuinam.  
*lege*, diuina. P. 1096. & 6. a fine, mi-  
nime, *lege*, minima. P. 1102. & 9.  
plenu, *lege*, plenum. P. 1103. & 7.  
a fine, curuum, *lege*, curuum.

## Errata in Indice.

A

Athenienses, optimè determus,  
*lege*, decernimus.

O

Officia Angelorum probantis, *le-*  
*ge*, probantur.



# FINIS.









11

